


ପାରମ୍ପରାଗ୍ରହଣ
ଜୀନିତ୍ ବାଚାନ୍



The New Testament in the Munda language of India:

ପାରମ୍ପରାଗ୍ରହଣ ଜୀନିତ୍ ବାଚାନ୍

ପାରମେଶ୍ଵରୀୟାଃ ଜୀନିଦ୍ ବାଚାନ୍

The New Testament in the Munda language of India: ପାରମେଶ୍ଵରୀୟାଃ ଜୀନିଦ୍ ବାଚାନ୍
copyright © 2020 The Word for the World International

Language: ମୁଞ୍ଜା (Munḍa) (Munda)

Contributor: The Word for the World International

ପାରମେଶ୍ଵରୀୟାଃ ଜୀନିଦ୍ ବାଚାନ୍
ନାଞ୍ଜା ନିୟାମ୍ , 2020

The New Testament in Munda Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-13

PDF generated using Haiola and XeLaTeX on 22 Feb 2024 from source files dated 14 Apr 2023
903abb6b-97c3-582d-9df8-a6a8f2fce6d6

Contents

ମାଥୁରା	1
ମାର୍କ	56
ଲୁକା	91
ଯୋହାନ୍	147
ପ୍ରେରିତ	188
ରୋମୀ	241
୧ କରିନ୍ଥୀୟ	264
୨ କରିନ୍ଥୀୟ	286
ଗାଲାତିୟ	301
ଏଫିସୀୟ	310
ଫିଲିପୀୟ	318
କଲସୀୟ	324
୧ଥେସଲନିକା	330
୨ଥେସଲନିକା	335
୧ ତିମଥୀ	338
୨ ତିମଥୀ	344
ତିତସ୍	349
ଫିଲମନ୍	352
ଏବ୍ରୀ	354
ଯାକୂବ	372
୧ପାତ୍ରରାସ୍	378
୨ ପାତ୍ରରାସ୍	385
୧ ଯୋହାନ୍	389
୨ଯୋହାନ୍	395
୩ ଯୋହାନ୍	397
ଯିହୁଦା	399
ଉନ୍ନୁଦୁର୍	401

ମାଧୁର ଲିଖିତ ଯୀଶୁ ଖ୍ରୀଷ୍ଟଙ୍କ ସୁସମାଚାର ମାଧୁର ଅଲ୍ଲାକାଦ୍ ଯୀଶୁ ଖ୍ରୀଷ୍ଟଆଃ ସୁକୁକାଜି ପାରିଚାଏ

ଯୀଶୁ ଖ୍ରୀଷ୍ଟଆଃ ଜୀବନ୍ତକେ ଉଦ୍‌ବେତାନ ନାଞ୍ଜା ନିୟାମ୍‌ରାଃ ଉପୁନିୟା* ପୁଅକ୍‌ଏତେ ମାଧୁର ଅଲ୍ଲାକାଦ୍ ସୁକୁକାଜି ହବାଅଃତାନା ମିଆଁଦ୍ । ଏନ୍ ସବେନ୍ ପୁଅକ୍‌କେ ଯୀଶୁ ଖ୍ରୀଷ୍ଟଆଃ “ସୁକୁକାଜି” କାଜିୟଃତାନା । ଯୀଶୁଆଃ ଗନଏଃ ତାୟମ୍‌ତେ ଏନ୍ ସୁକୁକାଜିକେ ମାଧୁର, ମାର୍କ, ଲୁକ, ଆତଃ ଯୋହାନ୍ ତିକୁ ଅଲ୍ଲାକାଦାଃକ । ମାଧୁର ଅଲ୍ଲାକାଦ୍ ସୁକୁକାଜିରାଃ ଅନଲ୍ ଦିପିଲି କା ସାରିୟଃରେୟ, ବାଇବାଲ୍ ପାଣ୍ଡିତ୍‌କ କାଜିୟଃକ ଯେ, ନେଆଁ ଖ୍ରୀଷ୍ଟଆଃ ଜାନାମ୍ ତାୟମ୍ ୬୦ କରେ ଅଲ୍ଲାକାନ୍ ତାଇକେନା । ନେଆଁରାଃ ଅନଲ୍ ଠାୟାଦ୍ କା ସାରିୟଃତାନ୍‌ରେୟ, ଚିମିନ୍‌କ ପାଲେଷ୍ଟାଇନ୍ ଦିଶ୍ଟ୍ରାୟଃ ଯୀରୁଶାଲେମ୍ ନାଗାର୍‌ରେ ଅଲ୍ଲାକାନା ମେନ୍ତେକ ବିଶ୍ୱାସା ।

ନେ ପୁଅରାଃ ଅନଲ୍‌ନିଃ ମାଧୁର ତାନିଃ, ଯୀଶୁ ଇନିଃକେ ଆୟାଃ ତେଲା ବାଇୟଃ ନାଞ୍ଜ କେଡ଼ା ସିଦାରେ ଇନିଃ ମାଲ୍‌ହାମ୍‌ ତାଇକେନାଏ । ଇନିଃ ଲେବୀ ମେନ୍ତେୟ ସାରିୟଃ ତାଇକେନାଏ । ମାଧୁର ଗେଲ୍‌ବାର୍‌ ପ୍ରେରିତ୍‌କଏତେ ମିହୁଡ୍‌ ତାଇକେନାଏ ଆତଃ ଇନିଃ ବିଶେଷକେଦ୍‌ତେ ଯିହୁଦୀ ହଡ୍‌କଆଃ ନାଗେନ୍ତେ ନେ ସୁକୁକାଜି ଅଲ୍ଲାକାଦାଏ । ଅକ୍‌ନାଃଟି ଆୟାଃ ଅନଲ୍‌ରେ ମାରି ନିୟାମ୍ ଧାରାମ୍‌ପୁଅରାଃ ଆପିହିସିଠୁ ବାତାନ୍, ନେ ମାଧୁର ପୁଅରେ ଉଦ୍‌ବଃତାନା । ଯୀଶୁ ଖ୍ରୀଷ୍ଟ ଚାଏ ମାସି ପାର୍‌ମେଶ୍ୱାର୍‌ଆଃ ସାଲ୍ଲାକାନ୍ ବାଞ୍ଛାଅନିଃ ଆତଃ ରାଜା ତାନିଃ । ଅକ୍‌ଏୟାଃ ହିନିଜୁଃ ବିଷାଏରେ ମାରି ନିୟାମ୍‌ରାଃ ଧାରାମ୍‌ପୁଅରେ ଆୟାର୍‌କାଜିଃ କାଜିକାନ୍ ତାଇକେନା, ଏନା ମାଧୁର ପୁରାଃତେ ଉଦ୍‌ବ୍ ନାଞ୍ଜ ସାନାଞ୍ଜ ତାଇକେନାଏ । ଯିହୁଦୀକ ମାସିକେ ଆକଆଃ ରାଇଜ୍‌ରାଃ ରାଜା ହବାଅଃଆଏ ମେନ୍ତେ ଆସ୍ତ୍ରାକାଦ୍ ତାଇକେନାକ । ମାଧୁର, ପାର୍‌ମେଶ୍ୱାର୍‌ଆଃ ରାଇଜ୍‌କେ, ଆମ୍‌କ୍‌ରେୟାଃ ରାଇଜ୍‌ ତାନାଃ, ଅତେଦିଶ୍ଟ୍ରାୟଃ ରାଇଜ୍‌ ନାହାଁଲାଃ ମେନ୍ତେ କାଜିକାଦା । ମାଧୁର ଆୟାଃ ଅନଲ୍‌ରେ ପାର୍‌ମେଶ୍ୱାର୍‌ଆଃ ରାଇଜ୍‌ ବିଷାଏରେ ପୁରାଃତେ ଉଦ୍‌ବ୍ ନାଞ୍ଜ ସାନାଞ୍ଜକାଦାଏ ।

ମାଧୁର ଅଲ୍ଲାକାଦ୍ ସୁକୁକାଜି ନାଞ୍ଜା ନିୟାମ୍‌ରାଃ ପାହିଲା ପୁଅ ନାଗେନ୍ତେ ପୁରାଃ ବୁଗିନ୍ ତାନାଃ, ଚିୟାଃଟି ମାରି ନିୟାମ୍‌ରାଃ ବାତାନ୍‌କ ପୁରାଃତେ ଉଦ୍‌ବାକାନା । ନେ ପୁଅ, ମାରି ଆତଃ ନାଞ୍ଜା ନିୟାମ୍ ବାରାନାଃକେ ମେସାଃଏ । ବାଇବାଲ୍ ପାଣ୍ଡିତ୍‌କହ୍ କାଜିୟାଃକ, ମାଧୁର ଆୟାଃ ଅନଲ୍‌ରେ ମୁଶା ନାବୀରାଃ ଆନ୍‌ତୁ ଲେକା ସେସେନ୍ ନାଞ୍ଜ ସାନାଞ୍ଜକାଦାଏ, ଅକ୍‌ନାଃଟି ମାରି ନିୟାମ୍‌ରାଃ ପାହିଲା ମଣେୟାଁସି ପୁଅ ତାନାଃ । ଯୀଶୁଆଃ ବୁରୁ ଚେତାନ୍‌ରେୟାଃ ଇନିତୁ ୫-୭ ଆଧ୍ୟାୟକେ ପାର୍‌ମେଶ୍ୱାର୍, ମୁଶା ନାବୀକେ ଏମାକାଇ ଆନ୍‌ତୁଲଃ ହଗି ଜକାଃଏ ୨ କିଲିକଆଃ ୧୯:୩-୨୩:୨୧ ।

ପୁଅ ଭିତରରେ ତାଇକାନ୍ କାଜି

- ୧. ଯୀଶୁ ଖ୍ରୀଷ୍ଟଆଃ ଜାନାମ୍ ଆତଃ ସେଞ୍ଜାକାମିରାଃ ଏନେଚେଦ୍ । ୧-୪
- ୨. ଯୀଶୁ ଖ୍ରୀଷ୍ଟଆଃ ସେଞ୍ଜାକାମି ଆତଃ ଇନିତୁ । ୫-୨୫
- ୩. ଯୀଶୁ ଖ୍ରୀଷ୍ଟଆଃ ଗନଏଃ ଆତଃ ଜୀଉବିନିରିଦ୍ । ୨୬-୨୮

ଯୀଶୁ ଖ୍ରୀଷ୍ଟଆଃ କିଲି
(ଲୁକ ୩:୨୩-୩୮)

୧ ନେଆଁ ହବାଅଃତାନା ଯୀଶୁ ଖ୍ରୀଷ୍ଟଆଃ ପୁରାଃ ଆପୁକ୍‌ଆଃ ନୁତୁମ୍‌କ ଅଲ୍ଲାକାନ୍ ପୁଅ, ଯୀଶୁ ଖ୍ରୀଷ୍ଟ, ଦାଉଦ୍‌ଆଃ କିଲିରେନ୍ ଆତଃ ଦାଉଦ୍, ଆବ୍ରାହାମ୍‌ଆଃ କିଲିରେନ୍ ତାଇକେନାଏ ।

୨ ଆବ୍ରାହାମ୍‌ଆଃ ହନ୍ ଇସାକ୍, ଇସାକ୍‌ଆଃ ହନ୍ ଯାକୂବ୍, ଯାକୂବ୍‌ଆଃ ହନ୍ ଯିହୁଦୀ ଆତଃ ଆୟାଃ ହାଗାକ ତାଇକେନା, ୩ ଯିହୁଦୀରାଃ ହନ୍ ପେରସ୍ ଆତଃ ସେରହ୍, ଇନ୍‌କିନାଃ ଏଙ୍ଗାତେ ତାମର୍ ତାଇକେନାଏ, ପେରସ୍‌ରାଃ ହନ୍ ହେସ୍ରୋନ୍, ହେସ୍ରୋନ୍‌ରାଃ ହନ୍ ଅରାମ୍, ୪ ଅରାମ୍‌ରାଃ ହନ୍ ଅମ୍ମାନାଦବ୍, ଅମ୍ମାନାଦବ୍‌ରାଃ ହନ୍ ନହଶୋନ୍, ନହଶୋନ୍‌ରାଃ ହନ୍ ସାଲ୍‌ମନ୍, ୫ ସାଲ୍‌ମନ୍‌ରାଃ ହନ୍ ବୋୟାଜ୍, ବୋୟାଜ୍‌ରାଃ ଏଙ୍ଗାତେୟାଃ ନୁତୁମ୍ ରାହାବ୍, ବୋୟାଜ୍‌ରାଃ ହନ୍ ଓବେଦ୍, ଓବେଦ୍‌ରାଃ ଏଙ୍ଗାତେ ରୁଡ୍, ଓବେଦ୍‌ରାଃ ହନ୍ ଯିଶି, ୬ ଯିଶିରାଃ ହନ୍ ରାଜା ଦାଉଦ୍, ରାଜା ଦାଉଦାଃ ହନ୍ ସୁଲିମାନ୍, ସୁଲିମାନ୍‌ରାଃ ଏଙ୍ଗାତେ ସିଦାହେତେ ଉରିୟାଃ କୁଡି ତାଇକେନା,

* : ୧:୦ ଗଇର୍ † : ୧:୦ ବାରାଞ୍ଜାନ୍ ‡ : ୧:୦ ସିଦାରେ ହବାଅଃତେୟାଃ § : ୧:୦ ପାଞ୍ଚୁ

୭ ସୁଲିମାନରାଃ ହନ୍ ରିହବିୟାମ୍, ରିହବିୟାମ୍‌ରାଃ ହନ୍ ଅବିୟ, ଅବିୟରାଃ ହନ୍ ଆସା, ଠ ଆସାରାଃ ହନ୍ ଯିହୋଶାଫତ୍, ଯିହୋଶାଫତ୍‌ରାଃ ହନ୍ ଯୋରାମ୍, ଯୋରାମ୍‌ରାଃ ହନ୍ ଉଢ୍ଢିୟ, ୯ ଉଢ୍ଢିୟରାଃ ହନ୍ ଯୋଥାମ୍, ଯୋଥାମ୍‌ରାଃ ହନ୍ ଆହାସ୍, ଆହାସ୍‌ରାଃ ହନ୍ ହିଜକିୟ, ୧୦ ହିଜକିୟରାଃ ହନ୍ ମନଶି, ମନଶିରାଃ ହନ୍ ଆମୋନ୍, ଆମୋନ୍‌ରାଃ ହନ୍ ଯୋଶିୟ, ୧୧ ଯୋଶିୟରାଃ ହନ୍ ଯିକନିୟ ଆତଃ ଆୟାଃ ହାଗାକ ତାଇକେନା, ନେଆଁ ଇସ୍ରାଏଲ୍ ହତକକେ କିରିଙ୍ଗ୍ ଦାସିକେଦ୍‌ତେ ବାବିଲୋନ୍‌ତେ ଇଦିକୁତାଇକେନ୍ ଦିପିଲିରାଃ କାଜିତାନାଃ ।

୧୨ ବାବିଲୋନ୍‌ତେ ତଲ୍‌ଇଦି ତାୟମ୍‌ତେ ଯିକନିୟ ଶଲ୍‌ଟିୟେଲ୍‌କେ ଜାନାମ୍‌କିୟା, ଶଲ୍‌ଟିୟେଲ୍‌ରାଃ ହନ୍ ଜିରୁବାବେଲ୍, ୧୩ ଜିରୁବାବେଲ୍‌ରାଃ ହନ୍ ଅବିହୁଦ୍, ଅବିହୁଦ୍‌ରାଃ ହନ୍ ଏଲିୟାକିମ୍, ଏଲିୟାକିମ୍‌ରାଃ ହନ୍ ଆଜୋର୍, ୧୪ ଆଜୋର୍‌ରାଃ ହନ୍ ସାଦୋକ୍, ସାଦୋକ୍‌ରାଃ ହନ୍ ଆଖୁମ୍, ଆଖୁମ୍‌ରାଃ ହନ୍ ଏଲିହୁଦ୍, ୧୫ ଏଲିହୁଦ୍‌ରାଃ ହନ୍ ଏଲିୟାଜାର୍, ଏଲିୟାଜାର୍‌ରାଃ ହନ୍ ମାଭାନ୍, ମାଭାନ୍‌ରାଃ ହନ୍ ଯାକୁବ୍, ୧୬ ଯାକୁବ୍‌ରାଃ ହନ୍ ଯୋଷେଫ୍, ଇନିଃ ମାରିୟାମ୍‌ରାଃ କଡ଼ାତେ ତାଇକେନା, ଏନ୍ ମାରିୟାମ୍ ଯୀଶୁକେ ଜାନାମ୍‌କିୟା, ଇନିଃକେ ମାସି ମେନ୍ତେ କାଜିୟାଃକ ।

୧୭ ନେ ଲେକାତେ ଆବ୍ରାହାମ୍‌ଏତେ ଦାଉଦ୍ ଜାକେଦ୍ ଗେଲ୍‌ଉପୁନ୍* ପିଢି, ଆତଃ ଦାଉଦ୍‌ଏତେ ବାବିଲୋନ୍‌ତେ ତଲ୍‌ଇଦିକାଦକ୍ ଜାକେଦ୍ ଗେଲ୍‌ଉପୁନ୍ ପିଢି, ଆତଃ ବାବିଲୋନ୍‌ତେ ଇଦିକାଦକ୍ ଦିପିଲିଏତେ ମାସି ଜାକେଦ୍ ଗେଲ୍‌ଉପୁନ୍ ପିଢିକ ତାଇକେନା ।

ୟୀଶୁ ଖ୍ରୀଷ୍ଟଆଃ ଜାନାମ୍

(ଲୁକ ୨:୧-୭)

୧୮ ✠ୟୀଶୁ ଖ୍ରୀଷ୍ଟ ନେ ଲେକାଏ ଜାନାମ୍‌ଲେନା । ଇନିୟାଃ ଏଙ୍ଗାତେ ମାରିୟାମ୍‌କେ ଯୋଷେଫ୍ ନାଙ୍ଗ୍ ଆସିଆକାନ୍ ତାଇକେନା । ମେନ୍‌ଦ ଇନିଃଲଃ ଆଣ୍ଡିୟାନ୍ ସିଦାରେ ଇନିଃ ପାବିତାର୍ ଆମ୍‌ତେ ଆବ୍ରାହାମ୍‌ଆୟା ଆତଃ ହାମ୍‌ଲାରୋଝା କାନାଏ ମେନ୍ତେ ଆଟ୍‌କାର୍‌ୟାନା । ୧୯ ଇନିୟାଃ କଡ଼ା ଯୋଷେଫ୍ ମିଆଁଦ୍ ଧାର୍‌ମାନ୍ ହତ୍ ତାଇକେନାଏ, ଏନାତେ ମାରିୟାମ୍ ବାଦ୍‌ନାମଃକାଏ ମେନ୍ତେ ଇନିଃ କାଏ ସାନାଙ୍ଗ୍‌କେଦା, ଏନାମେନ୍ତେ ଇନିଃକେ କା ଆଣ୍ଡିୟାଃ ନାଙ୍ଗ୍ ଉଡ଼ୁକେଦାଏ । ୨୦ ମେନ୍‌ଦ ଇନିଃ ନେଆଁ ଉଡ଼ୁତାନ୍ ତାଇକେନ୍‌ରେ ପ୍ରାଭୁଆଃ ମିଆଁଦ୍ ଦୁଁଡ୍ କୁମ୍‌ରେ ଉଦୁବେନ୍‌ୟାନା ଆତଃ କାଜିକିୟାଏ, “ହେ ଦାଉଦ୍‌ଆଃ ହନ୍ ଯୋଷେଫ୍, ଆମାଃ କୁଡ଼ି ଲେକା ମାରିୟାମ୍‌କେ ଅଡ଼ାତେ ଇଦିନାଙ୍ଗ୍ ଆଲମ୍ ବରଏୟା, ଚିୟାଃଟି ଇନିୟାଃ ହାମ୍‌ଲାରୋଝା ପାବିତାର୍ ଆମ୍‌ତେ ହବାକାନା । ୨୧ ✠ଇନିଃ ମିଆଁଦ୍ କଡ଼ାହନ୍ ଜାନାମ୍‌ୟାଏ, ଆତଃ ଆମ୍ ଇନିଃକେ ଯୀଶୁ ମେନ୍ତେମ୍ ନୁତୁମ୍‌ୟା, ଚିୟାଃଟି ଇନିଃଦ ଆୟାଃ ହତକକେ ଆକଆଃ ପାପ୍‌ହେତେ ବାଞ୍ଛାଅକଆ ।”

୨୨ ନାବାକଆଃ ହରାତେ ପ୍ରାଭୁ କାଜିକାଦ୍ ନେ କାଜି ପୁରାଆଃ ନାଗେନ୍ତେ ନେ ସବେନାଃ ହବାକାନା, ୨୩ “ମିଆଁଦ୍ ତିଶ୍ରାକୁଡ଼ି ହାମ୍‌ଲାରୋଝା ହବାଅଃଆଏ ଆତଃ କଡ଼ାହନ୍ ଜାନାମ୍‌ୟାଏ, ଆତଃ ହତକ ଇନିଃକେ ଇମ୍ମାନୁୟେଲ୍” ମେନ୍ତେକ ନୁତୁମ୍‌ୟା, ଏନାରେୟାଃ ମୁଣ୍ଡିଦ୍, “ପାର୍‌ମେଶ୍‌ୱାର୍ ଆବୁଲ୍‌ୟାରିୟା ।”

୨୪ ଏନ୍ତେ ଯୋଷେଫ୍ ଦୁଡ଼ୁଏତେ ବିରିଦ୍‌କେଦ୍‌ତେ, ପ୍ରାଭୁଆଃ ଦୁଁଡ୍ ଆରୁକାଇ ଲେକା ଆୟାଃ କୁଡ଼ି ମାରିୟାମ୍‌କେ ଅଡ଼ାତେ ଇଦିକିୟା । ୨୫ ✠ମେନ୍‌ଦ ଇନିଃ ମୁଡ଼ୁକୁଲ୍ କଡ଼ାହନ୍ ଆଉରି ଜାନାମ୍‌ ଜାକେଦ୍ ଯୋଷେଫ୍ ଇନିଃକେ କାଏ ଜୁଡିଦ୍‌କିୟା । ଆତଃ ଯୋଷେଫ୍ ଏନ୍ ହନ୍‌କେ ଯୀଶୁ ମେନ୍ତେ ନୁତୁମ୍‌କିଆ ।

୨

ସିଙ୍ଗିତୁରଃସାଃରେନ୍ ପାଣ୍ଡିତକ୍ ଯୀଶୁକେ ନେନେଲ୍‌ନାଙ୍ଗ୍‌କ ହିଜୁଃତାନା

୧ ହେରୋଦ୍ ରାଜାରାଃ ଦିପିଲିରେ ଯିହୁଦା ଦିଶ୍‌ମ୍‌ରେୟାଃ ବେଥ୍‌ଲେହେମ୍ ସାହାରରେ ଯୀଶୁ ଜାନାମ୍‌ୟାନ୍ ତାୟମ୍‌ତେ, ସିଙ୍ଗିତୁରଃସାଃରେନ୍ ଚିମିନ୍ ପାଣ୍ଡିତକ୍* ଯୀରୁଶାଲେମ୍‌ତେକ ହିଜୁଃୟାନା, ୨ ଆତଃ କୁଲିକେଦାଃକ, “ଯିହୁଦୀକଆଃ ରାଜା ହବାଅଃନିଃ ଜାନାମାକାନ୍ ହନ୍ ଅକ୍‌ତାଃରିୟା ? ଆଲେଦ୍ ସିଙ୍ଗିତୁରଃସାଃରେ ଇନିୟାଃ ଇପିଲ୍‌କେ ନେଲ୍‌କେଦ୍‌ତେ ଇନିଃକେ ଜହାରି ନାଗେନ୍ତେଲେ ହିଜୁଃକାନା ।”

୩ ନେଆଁ ଆୟୁମ୍‌କେଦ୍‌ତେ ହେରୋଦ୍ ରାଜା ଆତଃ ଇନିଃଲଃ ଗଟା ଯୀରୁଶାଲେମ୍‌ରେନ୍‌କ ଆକ୍‌ବାକାଅୟାନା । ୪ ଆତଃ ଇନିଃ ହତକଆଃ ସବେନ୍ ମୁଲ୍ ଯାଜାକ୍‌କ ଆତଃ ଆଇନ୍ ଇତୁକକେ ହାକାଅ ହୁଣ୍ଡିକେଦ୍‌ତେ “ମାସି ଚାଏ ଖ୍ରୀଷ୍ଟ୍, ଅକ୍‌ତାଃରେ ଜାନାମାଃଆ ?” ମେନ୍ତେ କୁଲିକେଦ୍‌କଆ ।

୫ ଇନ୍‌କୁ ଇନିଃକେ କାଜିରୁହାଡ଼କିୟାକ, “ଯିହୁଦା ଦିଶ୍‌ମ୍‌ରେୟାଃ ବେଥ୍‌ଲେହେମ୍ ସାହାରରେ,” ଚିୟାଃଟି ନେଆଁକେଦ୍ ନାବୀ ନେ'ଲେକାଏ ଅଲ୍‌କାଦା,

* ୧:୧୭ ୧:୧୭ ରାଉଦା ✠ ୧:୧୮ ୧:୧୮ ଲୁକ ୧:୨୭. ✠ ୧:୨୧ ୧:୨୧ ଲୁକ ୧:୩୧. † ୧:୨୧ ୧:୨୧ ଲୁକ ୧:୩୧ ✠ ୧:୨୫ ୧:୨୫ ଲୁକ ୨:୨୧. * ୨:୧ ୨:୧ ନିକ୍‌ଦ୍ ସିମ୍‌ରେନ୍ ଇପିଲ୍‌କକେ ପାଢ଼ାଅକେଦ୍‌ତେ ସାରିଉରୁମ୍‌କ ତାଇକେନା

୭ “ରେ ଯିହୁଦା ଦିଶୁମରେୟାଃ ବେଅଲେହେମ୍,
 ଆମ୍ ଯିହୁଦାରେୟାଃ ମାରାଙ୍ ନାଗାରକଏତେ ଜେତାଲେକାତେ କାମ୍ ହୁଡିଙ୍ଗ୍ୟା,
 ଚିୟାଃଚି ଆମେତେଦ ମିଆଁଦ୍ ଆଗୁଆଇ ଅଡଙ୍ଅଃଆଏ,
 ଇନିଃ ଆଇଁୟାଃ ଇସ୍ରାଏଲ୍ ହଡକକେ ହରକଆ ।”

୭ ଏନ୍ତେ ହେରୋଦ୍, ଏନ୍ ସିଙ୍ଗିତୁରସାଃରେନ୍ ପାଣ୍ଡିତକକେ ଦାନାଙ୍ତେ ହାକାଅକେଦକଆ, ଆଡଃ ଏନ୍ ଇପିଲ୍ ଚିମ୍ତାଏ ନେଲୟାନା, ଏନା ଇନ୍କୁତାଃଏତେ ବୁଗିଲେକାଏ ସାରିନାମକେଦା । ୮ ଏନ୍ତେ ଇନିଃ ଇନ୍କୁକେ ବେଅଲେହେମ୍ତେ କୁଲକେଦ୍ତେ ମେତାଦକଆ, “ସେନସପେ ଆଡଃ ବୁଗିଲେକାତେ ଏନ୍ ବାଲେଃହନ୍ଦକେ ଦାଣ୍ଡିକପେ ଆଡଃ ଇନିଃକେ ନାମ୍ନିଃରେ ଉଦୁବାଇଙ୍ଗ୍ପେ, ଏନ୍ତେ ଆଇଙ୍ଗ୍ ହେନ୍ଦକେଦ୍ତେ ଇନିଃକେ ଜହାରିୟାଇଙ୍ଗ୍ ।”

୯ ଇନ୍କୁ ରାଜାରାଃ କାଜି ଆୟୁମ୍କେଦ୍ତେ ଆକଆଃ ହରାରେ ସେନୟାନାକ ଆଡଃ ନେଲେପେ, ଇନ୍କୁ ସିଙ୍ଗିତୁରସାଃରେ ନେଲାଇ ଏନ୍ ଇପିଲ୍କେଗି ନେଲ୍କିଃତେ ପୁରାଃ ରାସକାୟାନାକ । ଏନ୍ ଇପିଲ୍, ଏନ୍ ହନ୍ ତାଇକେନ୍ ଠାୟାଦ୍ତେ ଆଉରି ସେଟେର୍ ଜାକେଦ୍ ଇନ୍କୁକେ ଆୟାର ଇଦିକତାନ୍ ତାଇକେନା, ଏନ୍ତେ ଏନ୍ ଠାୟାଦ୍ତେ ସେଟେର୍ଯ୍ୟାନ୍ତି, ଏନ୍ ଇପିଲ୍ ଏନ୍ତାଃରେ ଆଟ୍ଟକାୟାନା । ୧୦ ଇନ୍କୁ ଏନ୍ ଇପିଲ୍କେ ନେଲ୍କିଃତେ ପୁରାଃଗିକ ରାସକାୟାନା । ୧୧ ଆଡଃ ଇନ୍କୁ ଅଡଃତେ ବଲୟାନ୍ତି ହନ୍ଦକେ ଆୟାଃ ଏଙ୍ଗାତେ ମାରିୟାମ୍ଲଃ ନେଲ୍କିୟାକ ଆଡଃ ଇନ୍କୁ ଇକ୍ତମ୍ନୁକେଦ୍ତେ ଇନିଃକେକ ଜହାରିକିୟା ଏନ୍ତେ ଆକଆଃ ପଟମ୍କେ ରାଡ଼ାକେଦ୍ତେ ସୋନା, କୁନ୍ଦୁରୁ ଆଡଃ ବୁଗିନ୍ ସହାନ୍ସୁନ୍ଦମ୍ ଦାନକ ଏମ୍କିୟା ।

୧୨ ଏନ୍ତେ ହେରୋଦ୍ତାଃତେ ଆଲ୍ପେ ସେନ୍ଦୁହାଡ଼ାଃ ମେନ୍ତେ ପାର୍ମେଶ୍ୱାର୍ଆଃ ଆନାରୁ କୁମ୍ପୁରେ ନାମ୍ନାନ୍ତି, ଇନ୍କୁ ଏଟାଃ ହରାତେ ଆକଆଃ ଦିଶୁମ୍ତେକ ସେନସରୁହାଡ଼ୟାନା ।

ଯୋଷେଫ୍ ଆଡଃ ମାରିୟାମ୍ ହନ୍ଦକେ ମିସାର୍ତେକିନ୍ ଇଦିତାନା

୧୩ ଇନ୍କୁ ସେନୟାନ୍ ତାୟମ୍ତେ, ପ୍ରାଭୁଆଃ ମିଆଁଦ୍ ଦୁଁଡ୍ ଯୋଷେଫ୍ତାଃତେ କୁମ୍ପୁରେ ହିନ୍ଦୁଃୟାନା ଆଡଃ କାଜିକିୟାଏ, “ହେରୋଦ୍, ହନ୍ତାମାଃକେ ଗଏଃନାଙ୍ ଦାଣ୍ଡିତାନାଏ, ଏନାତେ ମାର୍ ବିରିଦ୍ମେ, ହନ୍ ଆଡଃ ଆୟାଃ ଏଙ୍ଗାତେକେ ମିସାର୍ ଦିଶୁମ୍ତେ ଇଦିକିନ୍ମେ ଆଡଃ ଆଉରିଙ୍ ଉଦୁବାମେ ଜାକେଦ୍ ଏନ୍ତାଃରେ ତାଇନ୍ମେ ।”

୧୪ ଯୋଷେଫ୍ ବିରିଦ୍କେଦ୍ତେ ଏନ୍ ନିଦାରେଗି ହନ୍ ଆଡଃ ଇନିୟାଃ ଏଙ୍ଗାତେକେ ମିସାର୍ ଦିଶୁମ୍ତେ ଇଦିକେଦ୍କିନା । ୧୫ ହେରୋଦ୍ ଆଉରି ଗଜଃ ଜାକେଦ୍ ଏନ୍ତାଃରେଗି ତାଇନ୍ୟାନା । “ଆଇଙ୍ଗ୍ ମିସାର୍ ଦିଶୁମ୍ତେହେତେ ହନିଙ୍ଗ୍କଡ଼ାକେଇଙ୍ଗ୍ କେଡ଼ାଆଉକିୟା” ମେନ୍ତେ ନାବୀତେ କାଜିକାଦ୍ ପ୍ରାଭୁଆଃ କାଜି ନେଲେକାତେ ପୁରାୟାନା ।

ସିଚିଆ ହନ୍ଦକକେ ଗଗଏଃ

୧୬ ହେରୋଦ୍ ରାଜା, ସିଙ୍ଗିତୁରସାଃରେନ୍ ପାଣ୍ଡିତ ହଡକ ବେଦାକେଦିୟା ମେନ୍ତେ ଆଟ୍ଟକାରକେଦ୍ତି, ପୁରାଃଗି ଖ୍ସୟାନା ଆଡଃ ପାଣ୍ଡିତକକେ କୁଲିକେଦ୍ତେ ଅକ୍ନାଃ ସାରିକାଦ୍ ତାଇକେନାଏ, ଏନ୍ ଲେକାଗି ବେଅଲେହେମ୍ରେନ୍ ଆଡଃ ଏନାରେୟାଃ ହପରଜାପାଃରେନ୍ ହନ୍କ, ଅକନ୍କଚି ବାବାର୍ ସିର୍ମାରେନ୍ ଆଡଃ ଏନାଏତେ ହୁପ୍ଡିଙ୍ଗ୍ ସବେନ୍ କଡ଼ାହନ୍ଦକକେ ଗଏଃନାଙ୍ ଆରୁକେଦ୍କଆଏ ।

୧୭ ନେ ଲେକାତେ ଯିରିମିୟ ନାବୀ କାଜିଲେଦ୍ କାଜି ପୁରାୟାନା,

୧୮ “ରମା ସାହାରରେ ହାୟ ହାୟରେୟାଃ ରାଆଃ
 ଆଡଃ ପୁରାଃ କୁସୁଦ୍ କୁସୁଦ୍ ରାଆଃ ଆୟୁମ୍ୟାନା,
 ରାହେଲ୍ ଆୟାଃ ହନ୍ଦକ ନାଗେନ୍ତେ କୁସୁଦ୍ କୁସୁଦ୍ ରାଆଃ କେଦାଏ;
 ଇନିଃ ଜୀଉରାଡ଼େଜେନ୍ କାଏ ସାନାଙ୍ତାନ୍ ତାଇକେନା,
 ଚିୟାଃଚି ଆୟାଃ ସବେନ୍ ହନ୍ଦକ ଗଏଃୟାନାକ ।”

ଯୋଷେଫ୍ ଆଡଃ ମାରିୟାମ୍ ମିସାର୍ତେହେତେ ରୁହାଡ଼ୟାନାକିନ୍

୧୯ ହେରୋଦ୍ ଗଏଃୟାନ୍ ତାୟମ୍ତେ, ପ୍ରାଭୁଆଃ ମିଆଁଦ୍ ଦୁଁଡ୍ ମିସାର୍ ଦିଶୁମ୍ତେ ଯୋଷେଫ୍ତାଃତେ କୁମ୍ପୁରେ ଉଦୁବେନ୍ୟାନ୍ଲଃ କାଜିକିୟାଏ, ୨୦ “ବିରିଦ୍ମେ, ହନ୍ ଆଡଃ ଇନିୟାଃ ଏଙ୍ଗାତେକେ ଇସ୍ରାଏଲ୍ ଦିଶୁମ୍ତେ ସୁତୁଃଇଦିକିନ୍ମେ, ଚିୟାଃଚି ହନ୍ରାଃ ଜୀଉ ଇଦି ନାଙ୍ ସାନାଙ୍ ତାଇକେନ୍ ହଡକଦ ଗଏଃୟାନାକ ।” ୨୧ ଏନ୍ତେ ଯୋଷେଫ୍ ବିରିଦ୍କେଦ୍ତେ ହନ୍ ଆଡଃ ଇନିୟାଃ ଏଙ୍ଗାତେକେ ଇସ୍ରାଏଲ୍ ଦିଶୁମ୍ତେ ସୁତୁଃରୁହାଡ଼କେଦ୍କିନାଏ ।

୨୨ ମେନ୍ଦ ଆଖି ଲିୟ୍ ଆୟା ଆପୁତେ ହେରୋଦଆଃ ଠାୟାଦରେ ଯିହୁଦା ଦିଶୁମ୍ରେ ରାଜାକାନା ମେନ୍ତେ ଆୟୁମକେଦ୍ତେ, ଇନିଃ ଗାଲିଲ୍ତେ ସେନ୍ନାଙ୍ଗ ବରକେଦାଏ । ୨୩ *ଆତଃ କୁମ୍ରେ ପାର୍ମେଶ୍ୱାର୍ ଆତୁକାଦ୍ ଲେକା ଗାଲିଲ୍ ଦିଶୁମ୍ରେ ନାଜ୍ରେତ୍ ସାହାର୍ତେ ସେନଃୟାନା । ଆତଃ “ଇନିଃ ନାଜ୍ରେତ୍ରେନ୍ ମେନ୍ତେ ନୁତୁମଃଆ ।” ମେନ୍ତେ କାଜିକାନ୍ ନାବୀକଆଃ କାଜି ନେ ଲେକାତେ ପୁରାୟାନା ।

୩

ବାପ୍ତିସ୍ମା ଏମଃନିଃ ଯୋହାନ୍ରାଃ ଇନିତୁ

(ମାର୍କ ୧:୧-୮; ଲୁକ ୩:୧-୯, ୧୫-୧୭; ଯୋହାନ୍ ୧:୧୯-୨୮)

୧ ଏନ୍ ଦିପିଲିରେ ବାପ୍ତିସ୍ମା ଏମଃନିଃ ଯୋହାନ୍ ହିଜୁଃୟାନାଏ, ଆତଃ ଯିହୁଦାରେୟାଃ ବିରରେ ଇନିତୁ କାଜି ଏଟେଦ୍କେଦା, ୨ *“ଆପେୟାଃ ପାପ୍ତହେତେ ମନ୍ରୁହାଡ୍ତେପେ ଚିୟାଃତି ସିର୍ମା ରାଇଜ୍ଦ୍ ନାଡ୍ତେଃରେଗିୟାଃ ।” ୩ ଅକନ୍ ହଡ୍ତଆଃ ବିଷାଏରେ ଯିଶାୟ ନାବୀ କାଜିକାଦ୍ନିଃ ଯୋହାନ୍ଚି ତାନିଃ : ଇନିଃ କାଜିକେଦାଏ,

“ଜେତାଏ ବିରରେ କାଉରିତାନ୍ନିୟାଃ ସାଡ୍ଡି ଆୟୁମଃତାନା,
‘ପ୍ରାଭୁଆଃ ହରା ବାଇୟେପେ;
ଇନିୟାଃ ନାଙ୍ଗ୍ ହରା ସିଧାଏପେ ।”

୪ ଯୋହାନ୍ ଉର୍ତ୍ତରାଃ ଉବ୍ତେ ବାଇୟାକାନ୍ ଲିଜାଃ ତୁସିଙ୍ଗ୍ଅଃତାନ୍ ତାଇକେନାଏ, ଆୟାଃ ମାୟାଙ୍ଗ୍ରେ ଉହ୍ତୁରାଃ କାସ୍ନା ତଲଃ ତାଇକେନାଏ ଆତଃ ଇନିଃ ସନ୍ସରେଦ୍ ଆତଃ ହୁରୁମ୍ସୁକୁ ଜମକତାନ୍ ତାଇକେନାଏ । ୫ ଯୀରୁଶାଲେମ୍ରେନ୍କ, ଗଟା ଯିହୁଦାରେନ୍କ ଆତଃ ଯାର୍ଦାନ୍ ନାହିଁରାଃ ସବେନ୍ ହପର୍ଜାପାଃରେନ୍ ହଡ୍କ ଇନିଃତାଃତେକ ହିଜୁଃୟାନା । ୬ ଆତଃ ଇନ୍କୁ ଆକଆଃ ପାପ୍କ ପାଡିୟାଡ୍କେଦା, ଏନ୍ତେ ଇନିଃ ଯାର୍ଦାନ୍ ନାହିଁରେ ଇନ୍କୁକେ ବାପ୍ତିସ୍ମାକେଦ୍କଆ ।

୭ *ମେନ୍ଦ ଯୋହାନ୍ ପୁରାଃ ଫାରୁଶୀକ ଆତଃ ସାଦୁକିକ ଆୟାଃତାଃତେ ବାପ୍ତିସ୍ମା ନାମେ ନାଗେନ୍ତେ ହିଜୁଃତାନାଏ ନେଲ୍କେଦ୍କଚି ଇନ୍କୁକେ ମେତାଦ୍କଆ, “ଏ ବିଙ୍ଗ୍କଆଃ ହନ୍କ !” ହିଜୁଃତାନ୍ ମାରାଙ୍ଗ୍ ଏନେସେଦ୍ଏତେ* ନିର୍ ନାଗେନ୍ତେ ଅକଏ ଆପେକେ ଚେତାଞ୍ଜାଦ୍ପେୟାଏ ? ୮ ଆପେ ସାର୍ଡିଗି ପାପ୍ଏତେ ହେୟାଡିଙ୍ଗ୍କାଦ୍ରେଦ୍ ଆପେୟାଃ ବୁଗିନ୍ କାମିତେ ଉଦୁବେନ୍ପେ । ୯ *ଆତଃ ଆବ୍ରାହାମ୍ ଆଲେୟାଃ ଆପୁ ତାନିଃ ମେନ୍ତେ ଆପେ ତିଡିକେଦ୍ତେ କାଜିତାନ୍ଲଃ ନେ ସାଜାକ୍ଏତେ ବାଆଞ୍ଜାଃଲେ ମେନ୍ତେ ଆଲ୍ପେ ଉଡ୍ଡୁୟା । ଚିୟାଃତି ଆଇଙ୍ଗ୍ ଆପେକେ କାଜିୟାପେ ତାନାଇଙ୍ଗ୍, ପାର୍ମେଶ୍ୱାର୍ଦ୍ ନେ ଦିରିକ୍ଏତେ ଆବ୍ରାହାମ୍ ନାଗେନ୍ତେ ହନ୍କଏ ବାଇଦାଡିୟା ! ୧୦ *ଆତଃ ନାହିଁଃ ଦାରୁରେୟାଃ ବୁଟାରେ ହାକେ ମାଣ୍ଡାଞ୍ଜା କାନା; ଅକନ୍ ଦାରୁ ବୁଗିନ୍ ଜ କା ଜଅଃଆ ଏନାକେ ମାଗଃଆ ଆତଃ ସେଙ୍ଗେଲ୍ରେ ହୁରାଙ୍ଗ୍ଅଃଆ ।

୧୧ “ଆଇଙ୍ଗ୍ଦ୍ ଆପେୟାଃ ହେୟାଡିଙ୍ଗ୍ ନାଗେନ୍ତେ ଦାଆଃତେ ବାପ୍ତିସ୍ମାପେ ତାନାଇଙ୍ଗ୍ ମେନ୍ଦ୍ ଆଇଁୟାଃ ତାୟମ୍ତେ ଆଇଙ୍ଗ୍ଏତେ ପେଡ୍ଡେୟାନ୍ନିଃ ହିଜୁଃତାନାଏ; ଇନିୟାଃ ଖାର୍ପା ଗଅଃକଦି ଲେକାନିଃହ ଆଇଙ୍ଗ୍ ନାହିଁଲିଙ୍ଗ୍ । ଇନିଃ ଆପେକେ ପାବିତାର୍ ଆମ୍ ଆତଃ ସେଙ୍ଗେଲ୍ତେ ବାପ୍ତିସ୍ମାପେୟା । ୧୨ ଆୟାଃ ତିଃଇରେ ହାଟାଆଃ ମେନାଃ, ଏନାତେ କଲମ୍ରେୟାଃ ଗହମ୍ ଆତଃ ବାବା ଗୁମ୍ ସାଫାକେଦ୍ତେ ଆୟାଃ ଭାଣ୍ଡାର୍ ଅଡାଃରେ ମାଣ୍ଡାୟା ଆତଃ ପେଟେଃକେ କା ଇଣ୍ଡିଃ ସେଙ୍ଗେଲ୍ରେ ଅଣ୍ଡୁରଏଣ୍ଡାଗେୟା ।”

ୟୀଶୁ ବାପ୍ତିସ୍ମାୟାନାଏ

(ମାର୍କ ୧:୯-୧୧; ଲୁକ ୩:୨୧-୨୨)

୧୩ ଏନ୍ ଦିପିଲିରେ ଯୀଶୁ ଯୋହାନ୍ତେ ବାପ୍ତିସ୍ମା ଇଦି ନାଗେନ୍ତେ ଗାଲିଲ୍ଏତେ ଯାର୍ଦାନ୍ ନାହିଁତେ ହିଜୁଃୟାନାଏ । ୧୪ ମେନ୍ଦ୍ ଯୋହାନ୍ ଇନିଃକେ ମାନାତାନ୍ଲଃ କାଜିକିୟାଏ, “ଆଇଙ୍ଗ୍କେ ଆମାଃଏତେ ବାପ୍ତିସ୍ମା ଇଦି ଲାଗାଡିଙ୍ଗ୍ୟାଃ, ଏନ୍ରେହଗି ଆମ୍ ଆଇଙ୍ଗ୍ତାଃତେମ୍ ହିଜୁଆକାନା !”

୧୫ ମେନ୍ଦ୍ ଯୀଶୁ ଇନିଃକେ କାଜିରୁହାଡ୍କିୟାଏ, “ନାହିଁଃ ନେଆଁରେ ମାନାଡିଙ୍ଗ୍ୟାଃମେ, ଚିୟାଃତି ନେ ଲେକାତେ ଆରୁ ପାର୍ମେଶ୍ୱାର୍ଆଃ ସବେନ୍ ଧାର୍ମାନ୍ କାଜି ପୁରାନାଙ୍ଗ୍ ଆବୁକେ ରିକା ଲାଗାଡିଙ୍ଗ୍ୟାଃ ।” ଏନ୍ତେ ଯୋହାନ୍ ଇନିୟାଃ କାଜିକେ ମାନାଡିଙ୍ଗ୍କେଦାଏ ।

୧୬ ଯୀଶୁ ବାପ୍ତିସ୍ମାୟାନ୍ ତର୍ସା ଦାଆଃଏତେ ଅଡ୍ଡେୟାନା । ଏନ୍ତେ ଇନିଃ ନାଗେନ୍ତେ ସିର୍ମା ନିଜ୍ୟାନା ଆତଃ ଇନିଃରେ ପାର୍ମେଶ୍ୱାର୍ଆଃ ଆମ୍ ଦୁଦୁମୁଲ୍ ଲେକା ଆଡ୍ଗୁଃତାନ୍ତେୟାଃ ଯୋହାନ୍ ନେଲ୍କିୟାଏ । ୧୭ *ଆତଃ ସିର୍ମାଏତେ ନେ'ଲେକା କାଜି ଆୟୁମ୍ୟାନା, “ନିଃଗି ଆଇଁୟାଃ ଦୁଲାଡ୍ ହନ୍ ତାନିଃ, ନିଃତାଃରେ

* ୨:୨୩ ୨:୨୩ ମାର୍କ ୧:୨୪; ଲୁକ ୨:୩୯; ଯୋହାନ୍ ୧:୪୫. * ୩:୨ ୩:୨ ମାଧୁର ୪:୧୭; ମାର୍କ ୧:୧୫. * ୩:୭ ୩:୭ ମାଧୁର ୧୨:୩୪; ୨୩:୩୩. * ୩:୭ ୩:୭ ଏନେସେଦ୍ଏତେଡ୍ଡୁସ୍ଏତେ * ୩:୯ ୩:୯ ଯୋହାନ୍ ୮:୩୩. * ୩:୧୦ ୩:୧୦ ମାଧୁର ୭:୧୯. * ୩:୧୭ ୩:୧୭ ମାଧୁର ୧୨:୧୮; ୧୭:୫; ମାର୍କ ୧:୧୧; ଲୁକ ୯:୩୫.

ଆଇଁୟାଃ ପୁରାଃଗି ସୁକୁ ।”

୪

ୟୀଶୁଆଃ ବିନିତାଅ

(ମାର୍କ ୧:୧୨-୧୩; ଲୁକ ୪:୧-୧୩)

୧ ଏନ୍ତେ ପାବିତାର୍ ଆମ୍ବା ଯୀଶୁକେ ବିରତେ ଇଦିକିୟା, ଏନ୍ତାଃରେ ସାଏତାନ୍ ଇନିଃକେ ବିତାଅକିୟା । ୨ ବାହ୍‌ହିସି ନିଦାସିଙ୍ଗି ରେଙ୍ଗେଃ କାଟାବ୍‌କେଦ୍ ତାୟମ୍‌ତେ ଯୀଶୁକେ ରେଙ୍ଗେଜ୍‌କିୟାଃ । ୩ ଏନ୍ତେ ସାଏତାନ୍ ଇନିଃତାଃତେ ହିଜୁଃୟାନା ଆତଃ କାଜିକିୟାଏ, “ଆମ୍ ପାର୍‌ମେଶ୍‌ବାର୍‌ଆଃ ହନ୍ ତାନ୍‌ମେରେଦ୍, ନେ ଦିରିକକେ ହଲଙ୍ ବାଇୟଃକା ମେନ୍ତେ ଆରୁତାମ୍ ।”

୪ ମେନ୍‌ଦ୍ ଯୀଶୁ ଇନିଃକେ କାଜିରୁହାଡ଼କିୟା, “ଧାରାମ୍‌ପୁଅରେ ଅଲ୍‌କାନା, ‘ହଡ଼ ହଲଙ୍‌ତେ ଏସ୍‌କାର୍ କା ମେନ୍‌ଦ୍ ପାର୍‌ମେଶ୍‌ବାର୍‌ଆଃ ମଟାଏତେ ଅଡ଼ଙ୍‌ଅଃତାନ୍ ସବେନ୍ କାଜିତେ ଜାହିଦଃଆ ।’”

୫ ଏନ୍ତେ ସାଏତାନ୍ ଯୀଶୁକେ ଯୀରୁଶାଲେମ୍ ଏନ୍ ପାବିତାର୍ ନାଗାର୍‌ତେ ଇଦିକିଃତେ ମାନ୍‌ଦିର୍ ଅଡ଼ାଃରେୟାଃ ରୁଟିରେ ତିଙ୍ଗୁକିୟା, ୬ ଆତଃ କାଜିକିୟାଏ, “ଆମ୍ ପାର୍‌ମେଶ୍‌ବାର୍‌ଆଃ ହନ୍ ତାନ୍‌ମେରେଦ୍ ନେତାଃଏତେ ଲାତାର୍‌ତେ ତେଗାଅତାମେ, ଚିୟାଃଚି ଧାରାମ୍‌ପୁଅରେ ଅଲ୍‌କାନା,

“ପାର୍‌ମେଶ୍‌ବାର୍‌ ଆୟାଃ ଦୁଁଡ଼କକେ ଆରୁକଆ;

ଆତଃ ଆମାଃ କାଟା ଦିରିରେ ଆଲକା ଠଗଃକା ମେନ୍ତେ ଇନ୍‌କୁ ଆକଆଃ ତିଃଇତେକ ତେଲ୍‌ମେୟା ।”

୭ ଯୀଶୁ ଇନିଃକେ କାଜିରୁହାଡ଼କିୟାଏ, “ଧାରାମ୍‌ପୁଅରେ ନେଆଁହିଗି ଅଲ୍‌କାନା, ‘ପ୍ରାଭୁ ଆମାଃ ପାର୍‌ମେଶ୍‌ବାର୍‌କେ ଆଲମ୍ ବିତାଅଇୟା ।’”

୮ ଏନ୍ତେ ସାଏତାନ୍ ଯୀଶୁକେ ମିଆଁଦ୍ ସାଲ୍‌କା ବୁରୁତେ ଇଦିକିଃତେ ଅତେଦିଶ୍‌ମ୍‌ରେୟାଃ ସବେନ୍ ରାଇଜ୍ ଆତଃ ଏନାରେୟାଃ ସୁଗାଡ଼ାନ୍‌ତେୟାଃକ ଉଦ୍‌ବ୍‌କିୟାଏ । ୯ ଆତଃ ସାଏତାନ୍ ଯୀଶୁକେ କାଜିକିୟାଏ, “ଆମ୍ ଆଇଙ୍‌କେ ଇକ୍‌ଡ଼ମ୍‌କେଦ୍‌ତେ ଜହାରିଙ୍‌ରେଦ୍‌ମ୍ ନେ ସବେନାଃଇଙ୍‌ ଏମାମେୟା ।”

୧୦ ଏନ୍ତେ ଯୀଶୁ ଇନିଃକେ କାଜିକିୟାଏ, “ଆତମେନ୍‌ମେ ସାଏତାନ୍, ଚିୟାଃଚି ନେଆଁ ଧାରାମ୍‌ପୁଅରେ ଅଲ୍‌କାନା, ‘ପ୍ରାଭୁ ଆମାଃ ପାର୍‌ମେଶ୍‌ବାର୍‌କେ ଜହାରିମେ ଆତଃ ଇନିଃକେ ଏସ୍‌କାର୍ ସୁସାରିମେ ।’”

୧୧ ଏନ୍ତେ ସାଏତାନ୍ ଯୀଶୁକେ ବାଗିକେଦ୍‌ତେ ନିର୍‌ୟାନା ଆତଃ ଦୁଁଡ଼କ ହିଜୁଃକେଦ୍‌ତେ ଇନିଃକେ ସୁସାର୍ ଏଟେଦ୍‌କିୟାକ ।

ଗାଲିଲ୍‌ରେ ଯୀଶୁଆଃ କାଜିକାମି ଏନେଟେଦ୍

(ମାର୍କ ୧:୧୪-୧୫; ଲୁକ ୪:୧୪-୧୫)

୧୨ *ଯୋହାନ୍ ଜେହେଲ୍‌ୟାନାଏ ମେନ୍ତେ ଯୀଶୁ ଆୟମ୍‌କେଦ୍‌ତେ ଗାଲିଲ୍ ସାହାର୍‌ତେ ସେନଃୟାନା । ୧୩ *ନାଜରେଡ୍ ବାଗିକେଦ୍‌ତେ ସବ୍‌ଲୁନ୍ ଆତଃ ନପ୍ରାଲି ସିମ୍‌ନାରାଃ ଗାଲିଲ୍ ଦରେୟା ହେପାଦ୍‌ରାଃ କପରନାହୁମ୍ ସାହାର୍‌ତେ ସେନ୍‌କେଦ୍‌ତେ ତାଇନ୍‌ୟାନାଏ । ୧୪ ନେଆଁତେ ଯିଶାୟ ନାବୀ କାଜିକାଦ୍ କାଜି ପୁରାୟାନା,

୧୫ “ସବ୍‌ଲୁନ୍ ଦିଶ୍‌ମ୍ ଆତଃ ନପ୍ରାଲି ଦିଶ୍‌ମ୍, ଦରେୟା ହେପାଦ୍‌ରାଃ ଯାଦ୍‌ନ୍ ଗାଡ଼ା ହାନ୍ ପାରମ୍‌ରେ ସାଅଁସାର୍‌କଆଃ ଗାଲିଲ୍ ଦିଶ୍‌ମ୍,

୧୬ ନୁବାଃରେ ତାଇନ୍‌କାନ୍ ହଡ଼କ ମାରାଙ୍ଗ ମାର୍‌ସାଲ୍‌କ ନେଲେୟା ଆତଃ ଗନ-ଏଃରେୟାଃ ଉମ୍‌ଲ୍‌ରେ ତାଇନ୍‌କାନ୍ ହଡ଼କ ନାଙ୍ଗ ମାର୍‌ସାଲ୍ ତୁରଃଆ ।”

୧୭ ଏନ୍ ଦିପିଲିଏତେ ଯୀଶୁ ଇତୁ ଏଟେଦ୍‌କେଦ୍‌ତେ କାଜିକେଦା, “ଆପେୟାଃ ପାପ୍‌ହେତେ ମନ୍‌ରୁହାଡ଼େପେ ଚିୟାଃଚି ସିମ୍‌ନା ରାଇଜ୍‌ଦ୍ ନାଡ଼େଃରେଗିୟାଃ ।”

ୟୀଶୁ ଉପୁନିୟା* କେଉଁକକେ କେଡ଼ାକତାନା

(ମାର୍କ ୧:୧୬-୨୦; ଲୁକ ୫:୧-୧୧)

୧୮ ଯୀଶୁ ଗାଲିଲ୍ ଦରେୟା ଗେନାଗେନାତେ ସେନଃତାନ୍ ଇମ୍‌ତା, ପାଡ଼ରାସ୍ ନୁତୁମଃତାନ୍ ଶିମୋନ୍ ଆତଃ ଆୟାଃ ହାଗାତେ ଆହିୟ, ଏନ୍ ବାରାନ୍ ହାଗିୟାକିନ୍‌କେ ଦରେୟାରେ ଜାଲୋମ୍ ହୁଦ୍‌ମାକେଦ୍‌ତେ

☆ ୪:୧ ୪:୧ ଏବ୍ରୀ ୨:୧୮; ୪:୧୫. ☆ ୪:୧୨ ୪:୧୨ ମାଧୁର ୧୪:୩; ମାର୍କ ୬:୧୭; ଲୁକ ୩:୧୯,୨୦. ☆ ୪:୧୩ ୪:୧୩ ଯୋହାନ୍ ୨:୧୨. ☆ ୪:୧୭ ୪:୧୭ ମାଧୁର ୩:୨. * ୪:୧୭ ୪:୧୮ ଚାଇର୍ ଝାନ୍

ହାକୁ ସାବତାନ ନେଲକେଦକିନାଏ, ଚିୟାଃତି ଇନକିନ୍ଦ କେଉଁକିନ୍ ତାଇକେନା । ୧୯ ଯୀଶୁ ଇନକିନ୍ଦକେ କାଜିୟାଦକିନା, “ଦେଲା ଆଇଙ୍ଗକେ ଅତଙ୍ଗଇଙ୍ଗବେନ୍, ଆଇଙ୍ଗ ଆବେନ୍କେ ହଡକକେ ପାର୍ମେଶ୍ଵାରତାଃତେ ଆଉତେୟାଃ ଇତୁବେନାଇଙ୍ଗ ।” ୨୦ ଏନ୍ତେ ଇନକିନ୍ ଇମ୍ତାଙ୍ଗି ଜାଲୋମ୍ ବାଗିକେଦତେ ଯୀଶୁକେ ଅତଙ୍ଗକିୟାକିନ୍ ।

୨୧ ଯୀଶୁ ଏନ୍ତାଃଏତେ କାଟିଃସାଙ୍ଗିନ୍ ଆୟୁରତେ ସେନ୍କେଦତେ ଏଟାଃ ବାରହଡ୍ ହାଗିୟାକିନ୍, ଜେବଦୀୟାଃ ହନ୍ ଯାକୁବ୍ ଆତଃ ଆୟାଃ ହାଗାତେ ଯୋହାନକେ ଆକିନାଃ ଆପୁତେ ଜେବଦୀୟାଃ ଲାଉକାରେ ଜାଲୋମ୍ ଚାପିତାନ ନେଲକେଦତେ ଇନକିନ୍ଦକେ କେଡାକେଦକିନା । ୨୨ ଏନ୍ତେ ଇନକିନ୍ ଇମ୍ତାଙ୍ଗି ଲାଉକା ଆତଃ ଆକିନାଃ ଆପୁତେକେ ବାଗିକେଦତେ ଯୀଶୁକେ ଅତଙ୍ଗକିୟାକିନ୍ ।

ଯୀଶୁଆଃ ଇନିତୁ, ପ୍ରାଚାର୍, ଆତଃ ପେଡେୟାନ୍ କାମି
(ଲୁକ ୬:୧୭-୧୯)

୨୩ ✧ ଯୀଶୁ ଗଟା ଗାଲିଲ୍ ସେନ୍କେଦତେ ଇନକୁଆଃ ସାମାଜ୍ ଅଡ଼ାଃକରେ ଇତୁତାନ୍ଲଃ ରାଇଙ୍ଗରେୟାଃ ସୁକୁକାଜି ଉଦୁବକେଦାଏ ଆତଃ ହଡକଆଃ ସବେନ୍ ଦୁକୁ ଆତଃ ସବେନ୍ ହାସୁକଏତେ ବୁଗିକତାନ୍ ତାଇକେନାଏ । ୨୪ ଆତଃ ଇନିୟାଃ ନୁତୁମ୍ ଗଟା ସିରିୟା ଦିଶୁମ୍ ଜାକେଦ୍ ସେଟେରୟାନ୍ ଆତଃ ହଡକ ସବେନ୍ ଲେକାନ୍ ଦୁକୁତାନ୍, ହାସୁତାନ୍କକେ ଆତଃ ବଙ୍ଗା ଏସେରକାନ୍କକେ, ମିକ୍ ବେମାରକକେ, ଆତଃ ବାଡ଼ତାକାନ୍କକେ ଇନିଃତାଃତେକ ଆଉକେଦକଆ ଆତଃ ଇନିଃ ଇନକୁକେ ବୁଗିକେଦକଆ । ୨୫ ଆତଃ ଗାଲିଲ୍, ଦେକାପଲ୍ଲା†, ଯାରୁଶାଲେମ୍, ଯିହୁଦା ଆତଃ ଯାର୍ଦାନ୍ ହାନ୍ ପାରମ୍ଏତେ ଗାଦେଲ୍ ହଡକ ଇନିଃକେକ ଅତଙ୍ଗକିୟା ।



ଯୀଶୁ ବୁରୁ ଚେତାନରେ ଗାଦେଲ୍ ହଡକକେ ଇତୁକତାନା

୧ ଯୀଶୁ ଗାଦେଲ୍ ହଡକକେ ନେଲକେଦତେ ବୁରୁତେ ରାକାବୟାନ୍ ଆତଃ ଇନିଃ ଦୁବାକାନ୍ତାଃ ଆୟାଃ ତେଲକ ହୁଣ୍ଡିବିୟୁରକିୟାକ, ୨ ଆତଃ ଇନିଃ ହଡକକେ ଇତୁ ଏଟେଦକେଦତେ ମେତାଦକଆ,

ସାର୍ତି ରାସକା
(ଲୁକ ୬:୨୦-୨୩)

- ୩ “ଆମ୍ରେ ରେଙ୍ଗେଃତାନ୍କ ସୁକୁତାନ୍ଗିୟାଃ;
ଚିୟାଃତି ସିର୍ମା ରାଇଙ୍ଗ ଇନକୁଆଃଗି ତାନାଃ !
- ୪ ଏୟମେତାନ୍କ ସୁକୁତାନ୍ଗିୟାଃ;
ଚିୟାଃତି ପାର୍ମେଶ୍ଵାରଦ ଇନକୁକେ ଜୀଉରାଡ଼ଃକଆ !
- ୫ ଲେବେଃଜୀଉକ ସୁକୁତାନ୍ଗିୟାଃ;
ଚିୟାଃତି ପାର୍ମେଶ୍ଵାର ବାନାର୍ଯା* ଏମାକାଦ୍ତେୟାଃକ ଅତେରେକ ଆକ୍ତେୟାର୍ରେୟା ।
- ୬ ଆପେ ଧାର୍ମାନ୍ ନାଗେନ୍ତେ ରେଙ୍ଗେଃତାନ୍କ, ସୁକୁତାନ୍ ଗିୟାଃପେ;
ଚିୟାଃତି ପାର୍ମେଶ୍ଵାର୍ ଆପେକେ ବିୟାଃଗି ଏମାପେୟା !
- ୭ ଦାୟାତାନ୍କ ସୁକୁତାନ୍ଗିୟାଃ;
ଚିୟାଃତି ପାର୍ମେଶ୍ଵାର୍ ଇନକୁକେ ଦାୟାକଆ !
- ୮ ମନ୍ରେ ଫାର୍ତିଆକାନ୍କ ସୁକୁତାନ୍ଗିୟାଃ;
ଚିୟାଃତି ଇନକୁଦ ପାର୍ମେଶ୍ଵାରକେକ ନେଲିୟା !
- ୯ ବାପାଈଚିକ ସୁକୁତାନ୍ଗିୟାଃ;
ଚିୟାଃତି ଇନକୁଦ ପାର୍ମେଶ୍ଵାର୍ଆଃ ହନ୍କ ନୁତୁମଃଆ !
- ୧୦ ✧ ଧାର୍ମାନ୍ ନାଗେନ୍ତେ ସାସାତି ନାମ୍ତାନ୍କ ସୁକୁତାନ୍ଗିୟାଃ;
ଚିୟାଃତି ସିର୍ମା ରାଇଙ୍ଗଦ ଇନକୁଆଃଗି ତାନାଃ !
- ୧୧ ✧ “ଆଇଙ୍ଗ ନାଗେନ୍ତେ ହଡକ ଆପେକେ ନିନ୍ଦାପେୟାକ, ସିଗିଦ୍ପେୟାକ, ଆତଃ ହସଡ୍ କାଜିତେ ଆପେୟାଃ ବିରୁଧ୍ରେ ଏଡକାନ୍ କାଜିକ କାଜିୟାପେରେଦ, ଆପେ ସୁକୁତାନ୍ଗିୟାଃ । ୧୨ ✧ ଆପେ ପୁରାଃଗି ରାସକାଅଃପେ, ଚିୟାଃତି ସିର୍ମା ଦିଶୁମ୍ରେଦ ଆପେୟାଃ ନାଲା ପୁରାଃଗିୟା, ଏନ୍ ଲେକାଗିଦ ଇନକୁ ଆପେୟାଃ ସିଦାରେନ୍ ନାବୀକକେ ସିଗିଦ୍କେଦକଆକ ।

✧ ୪:୨୩ ୪:୨୩ ମାଧୁର ୯:୩୫; ମାର୍କ ୧:୩୯. † ୪:୨୫ ୪:୨୫ ଦାଶୁ ସାହାରାଃ ସିମ୍ନା * ୫:୫ ୫:୫ ବାନାର୍ଯା କାଜି ଏମ୍କାନା
✧ ୫:୧୦ ୫:୧୦ ୧ ପାଡ଼ରାସ୍ ୩:୧୪. ✧ ୫:୧୧ ୫:୧୧ ୧ ପାଡ଼ରାସ୍ ୪:୧୪. ✧ ୫:୧୨ ୫:୧୨ ପ୍ରେରିଡ୍ ୭:୫୨.

ବୁଲୁଙ୍ଗ ଆତଃ ମାର୍ସାଲ୍
(ମାର୍କ ୯:୫୦; ଲୁକ ୧୪:୩୪-୩୫)

୧୩ * “ଆପେ ସବେନ୍ଦକ ଅତେଦିଶ୍ୱମ୍ରେନ୍ ହଡକ ନାଗେନ୍ତେ ବୁଲୁଙ୍ଗ ଲେକାଗି ତାନ୍ଦେ, ମେନ୍ଦ ବୁଲୁଙ୍ଗ ସାବାଗଃରେଦ ଏନା ଚିଲ୍କାତେ ଆତଃମିସା ସିବିଲ୍ଲୁହାଡ଼ଃଆ ? ଏନା ଆତଃ ଜେତାନ୍ କାମିରେ କା ଲାଗାତିଙ୍ଗ ଦାଡ଼ିୟଃଆ ଆତଃ ବାହାରିରେ ହୁରାଙ୍ଗ ଏଣ୍ଡାଗଃଆ । ହଡକ ଏନାକେ ତିକାକେଦତେ ସେନଃଆକ ।

୧୪ * “ଆପେ ଅତେଦିଶ୍ୱମ୍ରେୟଃ ମାର୍ସାଲ୍ ଲେକାଗି ତାନ୍ଦେ । ବୁରୁରେ ବାଇକାନ୍ ନାଗାର୍ କା ଉକ୍ତଦାଡ଼ିୟଃଆ । ୧୫ * ଆତଃ ହଡକ ଦିମି ଜୁଲ୍ଲକେଦତେ ତାଝାଲାତାର୍ରେ କାକ ହାରୁବେୟା ମେନ୍ଦ ଦିକାରେକ ଦହୟା, ଆତଃ ଅତଃରେନ୍ ସବେନ୍ଦକେ ଏନା ମାର୍ସାଲ୍ ଏମାକଆଏ । ୧୬ * ଏନ୍ ଲେକାଗି ଆପେୟଃ ମାର୍ସାଲ୍ ହଡକଆଃ ଆୟାରରେ ମାୟାଲଃକା, ଏନାତେ ଇନ୍ଦକୁ ଆପେୟଃ ବୁଗିନ୍ କାମି ନେଲ୍ଲକେଦତେ ସିମା ଦିଶ୍ୱମ୍ରେନ୍ ଆପୁକେକ ମାରାଙ୍ଗକା ।

ଆଇନ୍ ବିଷାଏରେ ଇନିତୁ

୧୭ “ଆଇଙ୍ଗ ମୁଣା ନାବୀ ଏମାକାଦ୍ ଆନ୍ତୁ ଆତଃ ନାବୀକଆଃ ଇନିତୁ ଇଣ୍ଡ଼ ନାଗେନ୍ତେ ହିଜୁଆକାନାଇଙ୍ଗ ମେନ୍ତେ ଆଲ୍ପେ ଆର୍କାରେୟା, ମେନ୍ଦ ଏନା ପୁରାଅଃ ନାଗେନ୍ତେ ହିଜୁଆକାନାଇଙ୍ଗ । ୧୮ * ଆଇଙ୍ଗ ସାର୍ତିଗି କାଜିତାନାଇଙ୍ଗ, ସିମା ଦିଶ୍ୱମ୍ ଆତଃ ଅତେ ଆଉରି ଜିୟନଃ ଜାକେଦ୍ ଆତଃ ସବେନାଃ ଆଉରି ଚାବାଃଆ ଜାକେଦ୍, ମୁଣା ନାବୀଆଃ ଆନ୍ତୁରେୟଃ ହୁଡିଙ୍ଗ ଅନଲ୍ ଚାଏ ହୁଡିଙ୍ଗ ବିନ୍ଦୁହ ଜେତାଲେକାତେ କା ଜିୟନଃଆ । ୧୯ ଏନା ନାଗେନ୍ତେ ଜେତାଏ ନେ ହୁପ୍ଡିଙ୍ଗ ଆନ୍ତୁଏତେ ଜେତା ମିଆଁଦ୍ ଆନ୍ତୁ କାଏ ମାନାତିୟାଃ ଆତଃ ଏନ୍ ଲେକାଗି ହଡକକେ ଇତୁକଆ, ଇନିଃ ସିମା ରାଇଜ୍ରେ ସବେନ୍ଦକଏତେ ହୁଡିଙ୍ଗ ମେନ୍ତେ ଲେକାଅଃଆଏ ମେନ୍ଦ ଜେତାଏ ଏନ୍ ସବେନାଃକେ ମାନାତିୟାଃ ଆତଃ ଇତୁଆଏ, ଇନିଃ ସିମା ରାଇଜ୍ରେ ମାରାଙ୍ଗ ମେନ୍ତେ ଲେକାଅଃଆ । ୨୦ ଆଇଙ୍ଗ ଆପେକେ କାଜିପେତାନାଇଙ୍ଗ, ଆପେୟଃ କାମି ପାର୍ମେଶ୍ୱାର୍ଆଃ ମନେ ଲେକା, ଆଇନ୍ ଇତୁକ ଆତଃ ଫାରୁଶୀକଆଏତେ ଆଦକା ପାତିୟାର୍ କା ହବାଅଃ ଜାକେଦ୍ ଆପେ ଜେତାଲେକାତେ ସିମା ରାଇଜ୍ରେ କାପେ ବଲ ଦାଡ଼ିୟଃ ।

ଶ୍ୱସ୍ ବିଷାଏରେ ଇନିତୁ
(ଲୁକ ୧୨:୫୭-୫୯)

୨୧ “ସିଦା ଦିପିଲିରେନ୍ ହଡକକେ କାଜିୟାକାନ୍ ତାଇକେନା, ‘ଆଲମ୍ ଗଗଏଃ ଆତଃ ଜେତାଏ ଗଗଏଃରେଦ, ଇନିଃ ବିଚାରରେ ସାଜାଇ ନାମେୟାଏ’ ମେନ୍ତେ ଆପେ ଆୟୁମ୍କାଦାପେ । ୨୨ ମେନ୍ଦ ଆଇଙ୍ଗ ଆପେକେଇଙ୍ଗ କାଜିୟାପେତାନା, ଜେତାଏ ଆୟାଃ ହାଗାକେ ଶ୍ୱସ୍ଆଃଆଏ, ଇନିଃ ବିଚାରରେ ସାଜାଇ ନାମେୟାଏ । ଆତଃ ଜେତାଏ ଆୟାଃ ହାଗାତେକେ ଡଣ୍ଡୁ ମେନ୍ତେ କାଜିନିଃ ମାରାଙ୍ଗ ପାଞ୍ଚେଟ୍ରେ ସାଜାଇ ନାମେୟାଏ, ଆତଃ ଜେତାଏ କକଲେ ମେନ୍ତେ କାଜିନିଃ ସେଜେଲ୍ ନାରାକ୍ରେ ସାଜାଇ ନାମେୟାଏ । ୨୩ ଏନାମେନ୍ତେ ଆମ୍ ଆମାଃ ଦାନ୍ ପାର୍ମେଶ୍ୱାର୍ଆଃ ନାଗେନ୍ତେ ବେଦିତେମ୍ ଆଉଝେ ଇମ୍ତା ଆମାଃ ବିରୁଧ୍ରେ ଆମାଃ ହାଗାମାଃ ଜେତା କାଜି ମେନାଃ ମେନ୍ତେମ୍ ପାହାମ୍ତାରେ, ୨୪ ଏନ୍ ବେଦିତାଃରେ ଆମାଃ ଦାନ୍କେ ବାଗିକେଦତେ ସେନଃମେ ଆତଃ ସିଦାତେ ଆମାଃ ହାଗାମ୍ଲଃ ବାପାଇୟେନ୍ମେ, ଏନ୍ତେ ହିଜୁକେଦତେ ଆମାଃ ଦାନ୍କେ ପାର୍ମେଶ୍ୱାର୍ତାଃରେ ରାକାବେମେ ।

୨୫ “ଆମାଃ ବାଇରିଲଃ ହରାରେ ସେନ୍ତାନ୍ ଇମ୍ତା ବାପାଇଦାବେନ୍ମେ, କାରେଦ ବାଇରି ଆମ୍କେ ବିଚାର୍ନିୟାଃ ତିଃଇରେ ଏମ୍ମେୟା, ଆତଃ ବିଚାର୍ନିଃ ସିପାଇକଆଃ ତିଃଇରେ ଜିମାମେୟା, ଏନ୍ତେ ଆମ୍ ଜେହେଲଃଆମ୍ । ୨୬ ଆଇଙ୍ଗ ଆମ୍କେ ସାର୍ତିଗି କାଜିତାନା, ଆମ୍ କାଉଡ଼ି କାଉଡ଼ି ଆଉରି ହାଲ୍ଚାବାଏ ଜାକେଦ୍ ଏନ୍ତାଏତେ କାମ୍ ଅତଙ୍ଗ ଦାଡ଼ିୟା ।

ଆପାଙ୍ଗିର୍ ବିଷାଏରେ ଇନିତୁ

୨୭ “ଆଲ୍ପେ ଆପାଙ୍ଗିରାଃ, ମେନ୍ତେ ‘କାଜିୟାକାନ୍ କାଜିପେ ଆୟୁମାକାଦାଃ ।’ ୨୮ ମେନ୍ଦ ଆଇଙ୍ଗ ଆପେକେଇଙ୍ଗ କାଜିପେତାନା, ଜେତାଏ ଜେତା କୁଡିକେ ଏଡକାନ୍ ସାନାଙ୍ଗ୍ରେ ନେଲିରେଦ ଇନିଃ ଆୟାଃ ମନ୍ରେ ଇନିଃଲଃ ଆପାଙ୍ଗିର୍ୟାନାଏ । ୨୯ * ଆତଃ ଆମାଃ ଜମ୍ତିସାଃରାଃ ମେଦ୍ ପାପ୍ଲିମେରେଦ, ଏନାକେ ଅତଙ୍ଗକେଦତେ ହୁଦ୍ମାଏଣ୍ଡାଏମେ, ଚିୟାଃତି ଆମାଃ ଗଟା ହଡ୍ମ ନାରାକ୍ରେ ହୁଦ୍ମାଆଏତେ

* ୫:୧୩ ୫:୧୩ ମାର୍କ ୯:୫୦; ଲୁକ ୧୪:୩୪,୩୫. * ୫:୧୪ ୫:୧୪ ଯୋହାନ୍ ୮:୧୨; ୯:୫. * ୫:୧୫ ୫:୧୫ ମାର୍କ ୪:୨୧; ଲୁକ ୮:୧୨; ୧୧:୩୩. * ୫:୧୬ ୫:୧୬ ୧ ପାଡ଼ରାସ୍ ୨:୧୨. * ୫:୧୮ ୫:୧୮ ଲୁକ ୧୭:୧୭. † ୫:୧୮ ୫:୧୮ ଏନ୍ ସବେନାଃରାଃ ଇନିତୁ ପୁରା ହବାଃଆ ଜାକେଦ୍ ‡ ୫:୨୨ ୫:୨୨ ଚିନିନ୍ ମାରି ଅନଲ୍ରେ ଅଲ୍ଲାନା, ହାଗାତେକେ ସାମା ସାମାରେ ଶ୍ୱସ୍ଆଃଆଏ * ୫:୨୯ ୫:୨୯ ମାଧୁର ୧୮:୯; ମାର୍କ ୯:୪୭.

ମିଆଁଦ୍ ହାଟିଙ୍ଗ୍ ଜିୟନସରେ ଆମାଃ ନାଗେନ୍ତେ ବୁଗିଅଃତେୟାଃ । ୩୦ ✨ଆତଃ ଆମାଃ ଜମ୍ତିସାଃରାଃ ତିଃଇ ପାପ୍‌ଇଟିମେରେଦ୍, ଏନାକେ ଛପାଏଣ୍ଡାଃଏମେ, ଚିୟାଃତି ଆମାଃ ଗଟା ହଡ଼୍ମ ନାରାକ୍ରେ ହୁଦ୍‌ମାଅଃଏତେ, ମିଦ୍ ହାଟିଙ୍ଗ୍ ଜିୟନସରେ ଆମାଃ ନାଗେନ୍ତେ ବୁଗିଅଃତେୟାଃ ।

କଡ଼ାକୁଡ଼ିବାଗି ବିଷାଏରେ ଇନିତୁ
(ମାଥିଉ ୧୯:୯; ମାର୍କ ୧୦:୧୧-୧୨; ଲୁକ ୧୭:୧୮)

୩୧ ✨“ନେଆଁହଗି କାଜିକାନା, ‘ଜେତାଏ ଆୟାଃ କୁଡ଼ିକେ ବାଗିରେଦ୍, ଇନିଃ ଏନ୍ କୁଡ଼ିକେ ବାଗିରେଆଃ ଅନଲ୍‌ଟିଠା ଏମ୍ ଲାଗାତିଙ୍ଗ୍‌ୟାଃ ।’ ୩୨ ✨ମେନ୍‌ଦ୍ ଆଇଙ୍ଗ୍ ଆପେକେ କାଜିପେତାନାଇଙ୍ଗ୍, ଜେତାଏ ଆୟାଃ କୁଡ଼ିତେକେ ଆପାଙ୍ଗିର୍ କାମି ବାଗିକେଦ୍‌ତେ ଏଟାଃ କାମି ନାଗେନ୍ତେ ବାଗିରେଦ୍, ଇନିଃ ଆୟାଃ କୁଡ଼ିତେକେ ଆପାଙ୍ଗିର୍ ରିକାଇରେୟାଃ ଗୁଣ୍ଟାରେ ଚିଟାଃଝା ଆତଃ ଜେତାଏ ବାଗିୟାକାନ୍ କୁଡ଼ିକେ ଆଣ୍‌ଦିନ୍‌ରେଦ୍, ଇନିଃ ଆପାଙ୍ଗିର୍ କାମି ରିକାଃଏ ।

କିରିୟା ବିଷାଏରେ ଇନିତୁ

୩୩ “ଆପେ ଆତଃଗିପେ ଆୟୁମ୍‌କାଦା, ନେଆଁ ସିଦା ଦିପିଲିରେନ୍ ହଡ଼କକେ କାଜିୟାକାନା, ‘ଆପେ ହସଡ଼ କିରିୟା ଆଲ୍‌ପେୟାଃ, ମେନ୍‌ଦ୍ ଆପେୟାଃ କିରିୟାକ ପ୍ରାଭୁଆଃ ଆୟାଃରେ ପୁରାଏପେ ।’ ୩୪ ✨ମେନ୍‌ଦ୍ ଆଇଙ୍ଗ୍ ଆପେକେଇଙ୍ଗ୍ କାଜିୟାପେତାନା, କିରିୟାଏ ଇମ୍‌ତା ଜେତାନ୍ ବିଷାଏରେ କିରିୟା ଆଲ୍‌ପେ ରିକାଏ, ସିର୍ମା ଦିଶୁମ୍‌ରେୟାଃ ଆଲ୍‌ପେୟାଃ, ଚିୟାଃତି ଏନାଦ୍ ପାର୍‌ମେଶ୍ୱାର୍‌ଆଃ ରାଜ୍‌ଗାଦି ତାନାଃ, ୩୫ ଚାଏ ଅତେରେୟାଃ ଆଲ୍‌ପେୟାଃ, ଚିୟାଃତି ଏନାଦ୍ ଇନିୟାଃ କାଟାରେୟାଃ ଗାଣ୍ଡୁ ତାନାଃ, ଆତଃ ଯୀରୁଶାଲେମ୍‌ରେଆଃ ଆଲ୍‌ପେୟାଃ, ଚିୟାଃତି ଏନାଦ୍ ମାରାଙ୍ଗ୍ ରାଜାକଆଃ ନାଗାର୍ ତାନାଃ । ୩୬ ଆତଃ ଆପେୟାଃ ବହଃରେୟାଃ କିରିୟା ଆଲ୍‌ପେୟାଃ, ଚିୟାଃତି ଏନାରାଃ ମିଆଁଦ୍ ଉଦ୍‌କେ ପୁଣ୍ଡି ଚାଏ ହେନ୍‌ଦେ ରିକାନାଙ୍ଗ୍ ଆପେ କାପେ ଦାଡ଼ିୟା । ୩୭ ଏନାତେ ଆପେୟାଃ କାଜି ‘ହଁ ରେଦ୍ ହଁ’ ଚାଏ ‘କା ରେଦ୍ କା’ ମେନ୍ତେ କାଜିପେ, ନେଆଁଏତେ ଆଦ୍‌କା କାଜିତେୟାଃ ଏଡ଼କାନ୍‌ଏତେ ହିଜୁଃଆ ।

ବାଦ୍‌ଲା ଇଦି ବିଷାଏରେ ଇନିତୁ
(ଲୁକ ୬:୨୯-୩୦)

୩୮ “ଆପେ ମେଦ୍‌ରେଆଃ ବାଦ୍‌ଲା ମେଦ୍, ଆତଃ ତାଟାରେୟାଃ ବାଦ୍‌ଲା ତାଟା ମେନ୍ତେପେ ଆୟୁମାକାଦାଃ ।’ ୩୯ ମେନ୍‌ଦ୍ ଆଇଙ୍ଗ୍ ଆପେକେଇଙ୍ଗ୍ କାଜିୟାପେତାନା, ଜେତାଏ ଆପେୟାଃ ଏଡ଼କାନ୍ ରିକାଏରେଦ୍, ଇନିୟାଃ ବାଦ୍‌ଲା ଆଲ୍‌ପେ ଇଦିୟା, ମେନ୍‌ଦ୍ ଜେତାଏ ଆପେୟାଃ ଜମ୍‌ସାଃରାଃ ଜଝାରେ ଚାଟ୍‌କାନ୍‌ପେରେଦ୍, ଇନିଃକେ ଏଟାଃ ଜଝାହଗି ବିୟୁରାଇପେ । ୪୦ ଆତଃ ଜେତାଏ ଆପେଲଃ ବିଚାର୍ ଠାୟାଦ୍‌ରେ ଏପ୍‌ରାଙ୍ଗ୍‌କେଦ୍‌ତେ ଆପେୟାଃ ତୁସିଙ୍ଗ୍ ଲିଜାଃ ଇଦିନାଙ୍ଗ୍ ସାନାଙ୍ଗ୍‌ରେଦ୍, ଇନିଃକେ ଚାଦାର୍ ଲିଜାଃ ହଗି ଏମାଇପେ । ୪୧ ଜେତାଏ ପାଲ୍‌ଟାନ୍ ଆୟାଃ ବୋଝା ଗଅଃକେଦ୍‌ତେ ଆପେକେ ମିଦ୍ କିଲୋମିଟର୍ ହରା ସେନ୍ ରିକାପେରେଦ୍, ଇନିଃଲଃ ବାର୍ କିଲୋମିଟର୍ ସେନଃପେ । ୪୨ ଜେତାଏ ଆପେକେ ଆସିପେରେଦ୍ ଇନିଃକେ ଏମାଇପେ, ଆତଃ ଜେତାଏ ଆପେତାଃଏତେ ରିଶୀ ଇଦି ସାନାଙ୍ଗ୍‌ରେଦ୍ ଇନିଃକେ ଏମାଇପେ ।

ବାଇରିକକେ ଦୁଲ୍‌ାଡ଼କପେ
(ଲୁକ ୬:୨୭-୨୮, ୩୨-୩୬)

୪୩ “ଆପେୟାଃ ଗାତିକକେ ଦୁଲ୍‌ାଡ଼କପେ ଆତଃ ବାଇରିକକେ ହିଲାଙ୍ଗ୍‌କପେ ମେନ୍ତେ ଆପେ ଆୟୁମାକାଦାଃ ।’ ୪୪ ମେନ୍‌ଦ୍ ଆଇଙ୍ଗ୍ ଆପେକେଇଙ୍ଗ୍ କାଜିୟାପେତାନା, ଆପେ ଆପେୟାଃ ବାଇରିକକେ ଦୁଲ୍‌ାଡ଼କପେ ଆତଃ ଆପେକେ ସିଗିଦ୍‌ପେତାନ୍‌କଆଃ ନାଗେନ୍ତେ ବିକ୍ତିପେ । ୪୫ ଏନାତେ ଆପେ ଆପେୟାଃ ସିର୍ମା ଦିଶୁମ୍‌ରେନ୍ ଆପୁଆଃ ହନ୍‌କପେ ବାଇୟାଃଆ, ଇନିଃ ଏଡ଼କାନ୍ ଆତଃ ବୁଗିନ୍ ହଡ଼କ ନାଗେନ୍ତେ ସିଙ୍ଗି ତୁରାଃଏ, ଧାର୍‌ମାନ୍ ହଡ଼ ଆତଃ ଏଡ଼କାନ୍ ହଡ଼କ ନାଗେନ୍ତେ ଦାଆଃ ଗାମାଃଏ । ୪୬ ଆପେକେ ଅକନ୍‌କ ଦୁଲ୍‌ାଡ଼କପେତାନାକ ଇନ୍‌କୁକେ ଏସ୍‌କାର୍ ଦୁଲ୍‌ାଡ଼କରେକରେଦ୍ ଆପେୟାଃ ଚିକାନ୍ ନାଲା ନାମାଃଆ ? ଚିୟାଃ ମାଲ୍‌ହାରମ୍‌କହଁ ନେଲେକା କାକ ରିକାଃତି ? ୪୭ ଆତଃ ଆପେ ଆପେୟାଃ ହାଗାକକେ ଏସ୍‌କାର୍‌ପେ ଜହାର୍‌କ ରେଦ୍, ଆଦ୍‌କା ଚିନାଃପେ ଚିକାକାଦା ? ଚିୟାଃ ସାଅଁସାର୍‌କହଁ ଏନ୍‌ଲେକା କାକ କାମିୟାଃ ? ୪୮ ଏନାମେନ୍ତେ ଆପେୟାଃ ସିର୍ମାରେନ୍ ଆପୁ ଲେକା ଆପେୟ ପାବିତାର୍ ତାୟାଃପେ ।

✨ ୫:୩୦ ୫:୩୦ ମାଥିଉ ୧୮:୮; ମାର୍କ ୯:୪୩. ✨ ୫:୩୧ ୫:୩୧ ମାଥିଉ ୧୯:୭; ମାର୍କ ୧୦:୪. ✨ ୫:୩୨ ୫:୩୨ ମାଥିଉ ୧୯:୯; ମାର୍କ ୧୦:୧୧, ୧୨; ଲୁକ ୧୭:୧୮; ୧ କରିନ୍ଥ୍‌ୟ ୭:୧୦, ୧୧. ✨ ୫:୩୪ ୫:୩୪ ଯାକୂବ ୫:୧୨; ମାଥିଉ ୨୩:୨୨.



ଏମଃରେୟାଃ ଇନିତୁ

୧୫*“ହୃଦକ ନେଲେକା ମେନ୍ତେ ଆପେୟାଃ ଧାର୍ମାନ କାମି ଇନ୍‌କୁଆଃ ଆୟାରରେ ଆଲ୍‌ପେ ରିକାୟା, ଏନାମେନ୍ତେ ଆପେ ଚିର୍ଗାଲାନାନ୍ ତାଇନ୍‌ପେ, କା'ରେଦ ଆପେୟାଃ ସିର୍ମା ଦିଶୁମ୍‌ରେନ୍ ଆପୁତାଃଏତେ ଆପେ ଜେତାନ୍ ନାଲା କାପେ ନାମେୟା ।

୧୬ “ଏନା ନାଗେନ୍ତେ ଆପେ ରେଙ୍ଗେଃକକେ ଜେଡ୍‌ନାଃ ଏମ୍ ଇମ୍‌ତା ବେଦାହୃଦକଆଃ ଲେକା ବିଜ୍ଞୁଲ୍ ବାଜା ଆଲ୍‌ପେ ସାଡିଆ, ଇନ୍‌କୁ ହୃଦକତାଃଏତେ ଜହାର୍ ନାମେ ନାଗେନ୍ତେ ସାମାଜ୍ ଅଡ଼ାଃକରେ ଆତଃ ହରାକରେ ଏନ୍‌ଲେକା ରିକାଃକ । ଆଇଙ୍ଗ୍ ଆପେକେ ସାର୍‌ତିଗି କାଜିପେତାନାଇଙ୍ଗ୍, ଇନ୍‌କୁ ଆକଆଃ ନାଲା ନାମ୍ ଚାବାକାଦାକ । ୧୭ ମେନ୍‌ଦ ଆପେ ଦାନ୍ ଏମ୍ ଇମ୍‌ତା ଆପେୟାଃ ଜମ୍‌ତିଃଇ କାମିତାନ୍‌ତେୟାଃ ଲେଙ୍ଗାତିଃଇ ଆଲକାଏ ସାରିକା, ୧୮ ନେ ଲେକାଗି ଆପେୟାଃ ଏମଃତେୟାଃ ଦାନାଙ୍ଗି ତାଇନାଃ, ଆତଃ ଆପେୟାଃ ଆପୁ ଦାନାଙ୍ଗ୍‌ରେ କାମିତେୟାଃ ନେଲାଃଏ, ଇନିଃ ଆପେକେ ନାଲାଏ ଏମାପେୟା ।

ବିନ୍ତିରେଆଃ ଇନିତୁ
(ଲୁକ ୧୧:୨-୪)

୧୯*“ଆପେ ବିନ୍ତି ଇମ୍‌ତା ବେଦାହୃଦକ ଲେକା ଆଲ୍‌ପେ ରିକାନାଃ, ଚିୟାଃତି ଇନ୍‌କୁ ହୃଦକଆଃ ନେପେଲ୍‌ରେ ସାମାଜ୍ ଅଡ଼ାଃକରେ ଆତଃ ହରା କତାକରେ ତିଙ୍ଗୁକେଦ୍‌ତେ ବିନ୍ତି ନାଗେନ୍ତେ ସୁକୁଆଃକ, ଆଇଙ୍ଗ୍ ଆପେକେ ସାର୍‌ତିଗି କାଜିପେତାନାଇଙ୍ଗ୍, ଇନ୍‌କୁ ଆକଆଃ ନାଲା ନାମ୍ ଚାବାକାଦାକ । ୨୦ ମେନ୍‌ଦ ଆପେ ବିନ୍ତି ଇମ୍‌ତା ଆପେୟାଃ ଭିତାର୍ ବାଖରାରେ ବଲପେ ଆତଃ ଦୁଆର୍ ହାଣ୍ଡେଦ୍‌କେଦ୍‌ତେ ଆପେୟାଃ କାଏ ନେଲଃତାନ୍ ସିର୍ମାରେନ୍ ଆପୁତାଃରେ ବିନ୍ତିପେ ଏନ୍ତେ ଦାନାଙ୍ଗ୍‌ରେ ନେଲ୍‌ତାନ୍ ଆପୁ ନାଲାଏ ଏମାପେୟା ।

୨୧ “ବିନ୍ତି ଇମ୍‌ତା ସାଅଁସାରକ ଲେକା ଏନାଏନାକେଗି ଆଲ୍‌ପେ କାଜିୟା, ଚିୟାଃତି ଇନ୍‌କୁ ପୁରାଃ କାଜି କାଜିଲେରେ ଆକଆଃ ବିନ୍ତି ଆୟୁମଃଆ ମେନ୍ତେକ ଉଡ଼ଃୟା । ୨୨ ଏନା ନାଗେନ୍ତେ ଆପେ ଇନ୍‌କୁ ଲେକା ଆଲ୍‌ପେୟାଃ, ଚିୟାଃତି ଆପେୟାଃ ସିର୍ମାରେନ୍ ଆପୁଦ ଆପେ ଆସି ସିଦାରେ ଆପେୟାଃ ଲାଗାତିଙ୍ଗ୍‌ତେୟାଃ ସାରିୟାଏ । ୨୩ ଏନାତେ ଆପେ ନେ ଲେକା ବିନ୍ତିପେ,

- “ ହେ ଆଲେୟାଃ ସିର୍ମାରେନ୍ ଆବା;
- ଆମାଃ ନୁଡୁମ୍ ପାବିତାରଃକା;
- ୨୪ ଆମାଃ ରାଇଜ୍ ହିଜୁଃକା;
- ଆମାଃ ମନେ ସିର୍ମାରେ ଲେକା ଅତେଦିଶୁମ୍‌ରେୟ ପୁରାଅଃକା ।
- ୨୫ ଆଲେୟାଃ ତିସିଙ୍ଗ୍‌ରେୟାଃ ଜମେୟାଃ ଏମାଲେମେ ।*
- ୨୬ ଆଲେ ଆଲେୟାଃ ଏଡ୍‌କାନ୍‌କକେ ଛାମାକେଦ୍‌କ ଲେକା,
- ଆଲେୟାଃ ପାପ୍‌କ ଛାମାଏମେ ।
- ୨୭ ଆତଃ ବିଡ଼ାଅରେ ଆଲମ୍ ଆଉଲେୟା,
- ମେନ୍‌ଦ ଏଡ୍‌କାନ୍‌ନିଃଏତେ ବାଞ୍ଛାଅଲେମ୍ ।
- ଚିୟାଃତି ରାଇଜ୍, ପେଡ଼େଃ ଆତଃ ମାନାରାଙ୍ଗ୍ ଜାଉ ଜରଙ୍ଗ୍ ଆମାଃଗି ହବାଅଃକା, ଆମେନ୍ ।†

୨୮*“ଆପେ ହୃଦକଆଃ ଗୁହ୍ନାକପେ ଛାମାଏରେଦ, ଆପେୟାଃ ସିର୍ମାରେନ୍ ଆପୁ ଆପେକେୟାଗି ଛାମାପେୟା । ୨୯ ମେନ୍‌ଦ ଆପେ ହୃଦକଆଃ ଗୁହ୍ନାକେ କାପେ ଛାମାଏରେଦ, ଆପେୟାଃ ସିର୍ମାରେନ୍ ଆପୁହ୍ ଆପେକେ କାଏ ଛାମାପେୟା ।

କାଟାବ୍ ବିଷାଏରେ ଇନିତୁ

୩୦ “ଆପେ କାଟାବ୍ ଇମ୍‌ତା ବେଦାହୃଦକ ଲେକା ଆଲ୍‌ପେ ଗସ ମେଦ୍‌ମୁହ୍‌ଡ଼େନା, ଚିୟାଃତି ଇନ୍‌କୁଦ କାଟାବ୍‌ତାନାଲେ ମେନ୍ତେ ହୃଦକଆଃ ଆୟାରରେ ନେଲଃକାଲେ ମେନ୍ତେ ଆକ ଗସ ମେଦ୍‌ମୁହ୍‌ଡ଼ିଗିକ ତାଇନାଃ । ଆଇଙ୍ଗ୍ ଆପେକେ ସାର୍‌ତିଗି କାଜିପେତାନା, ଇନ୍‌କୁ ଆକଆଃ ନାଲା ନାମ୍ ଚାବାକାଦାକ । ୩୧ ମେନ୍‌ଦ ଆପେ କାଟାବ୍ ଇମ୍‌ତା ଆପେୟାଃ ମେଦ୍‌ମୁହ୍‌ଡ଼୍ ଆବୁଙ୍ଗ୍‌ୟେନ୍‌ପେ ଆତଃ ବହଃରେ ସୁନୁମ୍ ଗସଗେନ୍‌ପେ । ୩୨ ନେ ଲେକାତେ ଆପେ ହୃଦକଆଃ ଆୟାରରେ କାଟାବ୍‌ତାନାକ ମେନ୍ତେଦ୍ କା ମେନ୍‌ଦ କା ନେଲଃତାନ୍ ଆପୁତାଃରେ କାଟାବ୍‌ତାନାକ ମେନ୍ତେପେ ଉଦୁବଃଆ, ଆତଃ ଦାନାଙ୍ଗ୍‌ରେ ନେଲ୍‌ତାନ୍ ଆପେୟାଃ ଆପୁ ନାଲାଏ ଏମାପେୟା ।

* ୭:୧ ୭:୧ ମାଥୁର ୨୩:୫. * ୭:୫ ୭:୫ ଲୁକ ୧୮:୧୦-୧୪. * ୭:୧୧ ୭:୧୧ ଆଲେୟାଃ ଲାଗାତିଙ୍ଗ୍‌ତେୟାଃ ତିସିଙ୍ଗ୍ ଆତଃ ଗାପା ନାଗେନ୍ତେ † ୭:୧୩ ୭:୧୩ ନେ ବାତାନ୍ ଚିମିନ୍ ମାରି ଅନଲ୍‌ରେ ବାନଆଃ * ୭:୧୪ ୭:୧୪ ମାର୍କ ୧୧:୨୫,୨୬.

ସିର୍ମାରେ ଖୁଜି
(ଲୁକ ୧୨:୩୩-୩୪)

୧୯ “ନେ ଅତେରେ ଆପେୟାଃ ନାଗେନ୍ତେ ଖୁଜି ଆଲ୍‌ପେ ହୁଣ୍ଡିଆଃ, ନେତାଃରେ ନିଦିରକ ଆତଃ ମୁର୍ତ୍ତାଜମ୍‌କେଦ୍‌ତେ ଜିୟନଃଆ ଆତଃ କୁମ୍‌ତୁକୁ ସିନ୍ଧି ତଡ଼ାଅକେଦ୍‌ତେ କୁମ୍‌ତୁଆଃକ । ୨୦ ମେନ୍‌ଦ ଆପେ ନାଗେନ୍ତେ ସିର୍ମାରେ ଖୁଜି ହୁଣ୍ଡିପେ, ଏନ୍ତାଃରେ ତିଜୁ ଆତଃ ନିଦିର କାକ ଜିୟନେଆ ଆତଃ କୁମ୍‌ତୁକୁ ସିନ୍ଧି ତଡ଼ାଅକେଦ୍‌ତେ କାକ କୁମ୍‌ତୁଆଃ । ୨୧ ଚିୟାଃତି ଆପେୟାଃ ଖୁଜି ତାଇନଃତାଃରେଗି ଆପେୟାଃ ମନ୍‌ ତାଇନାଃ ।

ହଡ଼ମରେୟାଃ ମାର୍ସାଲ୍
(ଲୁକ ୧୧:୩୪-୩୬)

୨୨ “ମେନ୍‌ଦ ହଡ଼ମରେୟାଃ ଦିମି ତାନାଃ, ଆପେୟାଃ ମେନ୍‌ ନିରାଲ୍ ମେନାଃରେଦ ଗଟା ହଡ଼ମତାପେୟାଃ ମାର୍ସାଲ୍‌ଆ । ୨୩ ମେନ୍‌ଦ ଆପେୟାଃ ମେନ୍‌ ଏଡ଼କାନ୍ ମେନାଃରେଦ, ଆପେୟାଃ ଗଟା ହଡ଼ମ ନୁବାଗଃଆ । ଏନା ନାଗେନ୍ତେ ଆପେରେ ତାଇନଃତାନ୍ ମାର୍ସାଲ୍ ନୁବାଗଃରେଦ, ଚିମିନ୍ ମାରାଙ୍ଗ୍ ବରଝାନ୍ ନୁବାଃ ହବାଅଆଃ ।

ପାର୍‌ମେଶ୍‌ବାର୍ ଆତଃ ଖୁଜି
(ଲୁକ ୧୬:୧୩; ୧୭:୨୨-୩୧)

୨୪ “ଜେତାଏ ବାରିଆ ଗମ୍‌କେକିନାଃ ଦାସି କାଏ ହବାଦାଡ଼ିୟାଆ । ଚିୟାଃତି ଇନିଃ ମିହୁଡ଼କେ ହିଲାଙ୍ଗ୍‌ଇୟାଏ ଆତଃ ଏଟାଃ ମିହୁଡ଼କେ ଦୁଲାଡ଼ିୟାଏ, ଚାଏ ମିଆଁଦ୍‌ନିଃଲଃ ମେସାନାଏ ଆତଃ ଏଟାଃନିଃଲଃ କାଏ ମେସାନା । ଆପେ ପାର୍‌ମେଶ୍‌ବାର୍ ଆତଃ ଖୁଜି ବାରାନାଃରେ କାପେ ଦାସିଦାଡ଼ିନା ।”

୨୫ “ଏନାମେନ୍ତେ ଆଇଙ୍ଗ୍ ଆପେକେ କାଜିପେତାନାଇଙ୍ଗ୍, ଜାନିଦ୍ ତାଇନଃ ନାଗେନ୍ତେ ଚିକ୍‌ନାଃରୁ ଜମାଃ ଆତଃ ଚିକ୍‌ନାଃରୁ ନୁଁଏୟା, ଚାଏ ହଡ଼ମରେ ଚିକ୍‌ନାଃରୁ ତୁସିଙ୍ଗ୍‌ୟେନ୍‌ନା ମେନ୍ତେ ଆପେୟାଃ ଜୀତରେ ଆଲ୍‌ପେ ଉଡ଼ଝୁୟା । ଜମେୟାଃଏତେ ଜୀତ ଆତଃ ଲିଜାଃଏତେ ହଡ଼ମ କା'ଚି ମାରାଙ୍ଗ୍‌ଆ ? ୨୬ ଚେଣ୍‌କେକେ ନେଲ୍‌କପେ, ଇନ୍‌କୁ କାକ ହେରେୟା ଚାଏ କାକ ଇରେୟା, ଆତଃ ଇନ୍‌କୁଆଃ ଭାଣ୍ଡାର୍ ଅଡ଼ାଃରେ କାକ ହୁଣ୍ଡିଆଃ, ହଲେହିଁ ଆପେୟାଃ ସିର୍ମାରେନ୍ ଆପୁ ଇନ୍‌କୁକେ ଆସୁଲ୍‌କତାନାଏ । ଆପେ ଚିନାଃ ଇନ୍‌କୁତାଃଏତେ କାପେ ମାରାଙ୍ଗ୍‌ଆ ? ୨୭ ଆପେକଏତେ ଅକଏ ଉଡ଼ଝକେଦ୍‌ତେ ଆୟାଃ ଜୀତକେ ମିଦ୍ ପାଡ଼ି ପସାଦାଡ଼ିୟାଏ ?

୨୮ “ଆତଃ ଆପେ ଲିଜାଃ ନାଗେନ୍ତେ ଚିନାଃ ମେନ୍ତେପେ ଉଡ଼ଝୁତାନା ? ଅତେରେୟାଃ ବାହାକକେ ନେଲେପେ, ଏନାକ ଚିଲ୍‌କା ହାରାତାନା, ଏନାକ କାକ କାମିତାନା, ଚାଏ କାକ ତୁକୁଇତାନା, ୨୯ ହଲେହିଁ ଆଇଙ୍ଗ୍ ଆପେକେ କାଜିୟାପେ ତାନାଇଙ୍ଗ୍, ସୁଲିମାନ୍‌ହିଁ ଆୟାଃ ସବେନ୍ ସୁଗାଡ଼ାନ୍‌ତେୟାଃଏତେ ଏନ୍ ବାହାକ ଲେକା କାଏ ସିଙ୍ଗାରାକାନ୍ ତାଇକେନା । ୩୦ ତିସିଙ୍ଗ୍ ମେନାଃ ଆତଃ ଗାପା ତୁଲ୍‌ରେ ହାଁଣାବଃତାନ୍ ଅତେରାଃ ତାସାଦ୍‌କେ ପାର୍‌ମେଶ୍‌ବାର୍ ନେ ଲେକାଏ ସିଙ୍ଗାରରେ ରେଦ, ଏ ହୁଡ଼ିଙ୍ଗ୍ ବିଶ୍ୱାସ୍‌ତାନ୍‌କ, ଚିୟାଃ ଇନିଃ ନେଆଁଏତେ ଆଦକା ଆପେକେ କାଏ ତୁସିଙ୍ଗ୍‌ପେୟା ?

୩୧ “ଏନା ନାଗେନ୍ତେ ‘ଚିକ୍‌ନାଃରୁ ଜମେୟା ? ଚାଏ ଚିକ୍‌ନାଃରୁ ନୁଁଏୟା ? ଚାଏ ଚିକ୍‌ନାଃରୁ ତୁସିଙ୍ଗ୍‌ୟେନ୍‌ନା ?’ ମେନ୍ତେ ଆଲ୍‌ପେ ଉଡ଼ଝୁୟା । ୩୨ ଚିୟାଃତି ସାଅଁବାର୍ ହଡ଼କ ନେ ସବେନାଃ ଦାଣ୍ଡାବାଡ଼ାକ, ଆତଃ ନେ ସବେନାଃ ଆପେୟାଃ ଲାଗାଡ଼ିୟାଃ, ଏନା ଆପେୟାଃ ସିର୍ମାରେନ୍ ଆପୁ ସାରିୟାଏ । ୩୩ ମେନ୍‌ଦ ଆପେ ସିଦାତେ ପାର୍‌ମେଶ୍‌ବାର୍‌ଆଃ ରାଇଜ୍ ଆତଃ ଇନିୟାଃ ଧାର୍‌ମାନ୍ କାଜି ଦାଣ୍ଡାଏପେ, ଆତଃ ନେ ସବେନାଃହ ଆପେକେ ଏମଃଆ । ୩୪ ଏନା ନାଗେନ୍ତେ ଗାପାନାଙ୍ଗ୍ ଆଲ୍‌ପେ ଉଡ଼ଝୁୟା, ଚିୟାଃତି ଗାପାଦ୍ ଆୟାଃ ନାଙ୍ଗ୍ ଆଇଃକ୍‌ଗି ଉଡ଼ଝୁୟା । ମୁସିଙ୍ଗ୍‌ରେୟାଃ ଦୁକୁ ମୁସିଙ୍ଗ୍ ନାଗେନ୍ତେ ଥ୍‌ମ୍‌ଗିଆ ।



ଏଟାଃକକେ ବିଚାର୍‌ଏମଃ
(ଲୁକ ୬:୩୭-୩୮, ୪୧-୪୨)

୧ “ଏଟାଃକକେ ଆଲ୍‌ପେ ବିଚାର୍‌କଆ, ଏନାରେ ପାର୍‌ମେଶ୍‌ବାର୍ ଆପେକେ କାଏ ବିଚାର୍‌ପେୟା । ୨ ଚିୟାଃତି ଆପେ ଏଟାଃକକେ ବିଚାର୍‌କ ଲେକାଗି ପାର୍‌ମେଶ୍‌ବାର୍ ଆପେକେ ବିଚାର୍‌ପେୟାଏ, ଆତଃ ଆପେ ସଙ୍ଗେ ତାମ୍‌ପିରେଗି ଆପେ ନାଗେନ୍ତେ ସୋଙ୍ଗଃଆ । ୩ ଆମ୍ ଆମାଃ ମେନ୍‌ରେଆଃ ତୁବାଃ କା ନେଲ୍‌କେଦ୍‌ତେ ହାଗାମାଃ ମେନ୍‌ରେଆଃ ହୁଡ଼ିଙ୍ଗ୍ ତୁବାଃ ଚିକା ନାଗେନ୍ତେମ୍ ନେଲେତାନା ? ୪ ଆମାଃ ମେନ୍‌ରେ ତୁବାଃ ତାଇନ୍‌କେଦ୍‌ତେ, ‘ହାଗାମାଃ ମେନ୍‌ରେଆଃ ତୁବାଃକେ ଅଡ଼ଙ୍ଗ୍‌ତାମାଇଙ୍ଗ୍’ ମେନ୍ତେ

☆ ୭:୧୯ ୭:୧୯ ଯାକୁବ ୫:୨,୩. ☆ ୭:୨ ୭:୨ ମାର୍କ ୪:୨୪.

ଚିଲିକାତେ କାଜି ଦାଡ଼ିୟାମ୍ ? ୫ ଏ ବେଦାହତ, ସିଦାତେ ଆମାଃ ମେଦରେଆଃ ରୁଦାଃ ଅଡ଼ଙ୍ଗ୍‌ୟେମେ, ଏନ୍ତେ ହାଗାମାଃ ମେଦରାଃ ରୁଦାଃ ଅଡ଼ଙ୍ଗ୍ ନାଗେନ୍ତେ ବୁଗିଲେକାମ୍ ନେଲ୍‌ଦାଡ଼ିୟା ।

୬ “ପାବିତାରତେୟାଃ ସେତାକକେ ଆଲ୍‌ପେ ଏମାକଆ ଚାଏ ଆପେୟାଃ ମୋତି ସୁକୁରିକଆଃ ଆୟାରରେ ଆଲ୍‌ପେ ଏଣ୍ଡାଃଏୟା, କା'ରେଦ ଇନ୍‌କୁ ଏନାକକେ ଆକଆଃ କାଟାତେକ ତିକାଏୟା ଆତଃ ରୁହାଡ଼କେଦ୍‌ତେ ଆପେକେ ଅଡ଼େଃପେୟାକ ।

ଆସି, ଦାଣ୍ଠି ଆତଃ ଦୁଆର୍‌ରେ ଠକ୍ ଠକାଏପେ
(ଲୁକ ୧୧:୯-୧୩)

୭ “ଆସିପେ ଏନାରେଦ ଆପେକେ ଏମଃଆ, ଦାଣ୍ଠିଏପେ ଏନ୍‌ରେଦପେ ନାମେୟା, ଦୁଆର୍ ଠକ୍ ଠକାଏପେ ଏନ୍‌ରେଦ ଆପେ ନାଗେନ୍ତେ ନିଜଆଃ । ୮ ଚିୟାଃତି ଜେତାଏ ଆସିତାନ୍‌ନିଃଦ ତେଲାଇମାଃ, ଆତଃ ଦାଣ୍ଠିଏନିଃଦ ନାମେୟାଏ, ଆତଃ ଠକ୍ ଠକାଏନିଃ ନାଗେନ୍ତେ ନିଜଆଃ । ୯ ଆପେକଏତେ ଅକନ୍ ହଡ଼ ନେ'ଲେକା ମେନାଇୟା, ଆୟାଃ ହନ୍ ହଲଙ୍ଗ୍ ଆସିରେଦ, ଚିନାଃ ଇନିଃକେ ଦିରି ଏମାଇୟାଏ, ୧୦ ଚାଏ ହାକୁ ଆସିରେଦ ଚିୟାଃ ଇନିଃକେ ବିଙ୍ଗ୍ ଏମାଇୟାଏ ? ୧୧ ଏନ୍ତେ ଆପେ ଏଡ଼କାନ୍‌କ ତାଇନ୍‌ରେୟ, ଆପେୟାଃ ହନ୍‌କକେ ବୁଗିନାଃ ଏମଃପେ ସାରିୟା, ତାବ୍‌ଦ ଆପେୟାଃ ସିର୍ମାରେନ୍ ଆପୁ, ଅକନ୍‌କତି ଆଇଃକ୍‌କେ ଆସି ତାନାକ, ଇନ୍‌କୁକେ ଏନାଏତେ ଆଦକା ବୁଗିନ୍‌ତେୟାଃ କାଏତି ଏମାକଆ !

୧୨ *ଏନାମେନ୍ତେ ହଡ଼କ ଆଲେନାଙ୍ଗ୍ ରିକାଏକାକ ମେନ୍ତେପେ ସାନାଙ୍ଗ୍‌ତାନ୍ ଲେକା ଆପେୟାଃ ଇନ୍‌କୁ ନାଗେନ୍ତେ ଏନ୍‌ଲେକା ରିକାଏପେ, ଚିୟାଃତି ନେଆଁଗି ମୁଣାରାଃ ଆନ୍‌ରୁ ଆତଃ ନାବୀକଆଃ ଇନିତୁରାଃ ମୁଣ୍ଡିତାନାଃ ।

ରେସେଦ୍ ଦୁଆର୍
(ଲୁକ ୧୩:୨୪)

୧୩ “ରେସେଦ୍ ଦୁଆର୍‌ତେ ବଲପେ, ଚିୟାଃତି ଜିୟନଃତେ ଇଦି ନାରାକ୍ ଦୁଆର୍‌ଦ ଚାକାର୍‌ଗିୟା ଆତଃ ଏନ୍ ହରାତେ ସେନ୍ ନାଙ୍ଗ୍ ପୁରାଃଗି ସାହାଜ୍‌ଗିଆ, ଏନାରେ ବଲନାଙ୍ଗ୍ ପୁରାଃ ହଡ଼କ ମେନାକଆ । ୧୪ ମେନ୍‌ଦ କା ବୁଣ୍ଡୁ ଜୀଦାନ୍‌ତେ ସେଟେରୁ ଦୁଆର୍ ରେସେଦ୍‌ଗିଆ ଆତଃ ଏନ୍ ହରାତେ ସେନ୍ ନାଙ୍ଗ୍ ପୁରାଃଗି କେଟେଦ୍‌ଗିୟା, ଏନାକେ ନାମେ ହଡ଼କ ହୁଡ଼ିଙ୍ଗ୍‌ଗି ମେନାକଆ ।

ଦାରୁ ଆତଃ ଏନାରେୟାଃ ଜ
(ଲୁକ ୬:୪୩-୪୪)

୧୫ “ହସଡ଼ ନାବୀକତାଃଏତେ ଚିର୍ଗାଲ୍‌କାନ୍‌ପେ, ଇନ୍‌କୁ ବାହାରି ନେପେଲ୍‌ରେ ମିଣ୍ଡିକ ଲେକା ଆପେୟାଃ ହେପାଦ୍‌ତେକ ହିଜୁଃଆ, ମେନ୍‌ଦ ଇନ୍‌କୁ ଭିତାର ନେପେଲ୍‌ରେ ହୁଣ୍ଡା଼କ ଲେକାନ୍‌କ ତାନ୍‌କ । ୧୬ ଆପେ ଇନ୍‌କୁଆଃ କାମିତେ ଇନ୍‌କୁକେପେ ନେଲ୍‌ଉରୁମ୍‌କଆ । ଚିୟାଃ ହଡ଼କ ଜାନୁମ୍ ଦାରୁଏତେ ଦାଖ୍ ଜ ଚାଏ ଦଧାଡ଼ି ଦାରୁଏତେ ଲଆ ଜ ଗଦେୟାକ ? ୧୭ ଏନ୍ ଲେକାତେ ସବେନ୍ ବୁଗିନ୍ ଦାରୁ ବୁଗିନ୍ ଜ ଜଅଃ'ତାନା ମେନ୍‌ଦ ଏଡ଼କାନ୍ ଦାରୁ ଏଡ଼କାନ୍ ଜ ଜଅଃ'ଆ । ୧୮ ବୁଗିନ୍ ଦାରୁଏତେ ଏଡ଼କାନ୍ ଜ କା ଜ ଦାଡ଼ିୟାଆ, ଚାଏ ଏଡ଼କାନ୍ ଦାରୁଏତେ ବୁଗିନ୍ ଜ କା ଜଅଃ'ଆ । ୧୯ *ଜେତା ଦାରୁଏତେ ବୁଗିନ୍ ଜ କା ଜ'ରେଦ, ଏନା ମାଗଃଆ ଆତଃ ସେଙ୍ଗେଲ୍‌ରେ ଏଣ୍ଡାଗଃଆ । ୨୦ *ଏନାମେନ୍ତେ ଆପେ ହସଡ଼ ନାବୀକଆଃ କାମିତେ ଇନ୍‌କୁକେପେ ନେଲ୍‌ଉରୁମ୍‌କଆ ।

ଆଇଙ୍ଗ୍ ଆପେକେ କାଇଙ୍ଗ୍ ସାରିୟା
(ଲୁକ ୧୩:୨୫-୨୭)

୨୧ “ଆଇଙ୍ଗ୍‌କେ ‘ହେ ପ୍ରାଭୁ, ହେ ପ୍ରାଭୁ’ ମେତାଇଙ୍ଗ୍‌ତାନ୍ ଏନ୍ ହଡ଼କଏତେ ସବେନ୍ ହଡ଼କ ସିର୍ମା ରାଇଜ୍‌ରେ କାକ ବଲଆ, ମେନ୍‌ଦ ଜେତାଏ ଆଇଁୟାଃ ସିର୍ମାରେନ୍ ଆପୁଆଃ ମନେଲେକା ସେସେନ୍‌ନିଃ ବଲଆଏ । ୨୨ ପାର୍‌ମେଶ୍ୱାର୍‌ଆଃ ସାଜାଇ ହୁଲାଇ ହିଜୁଃରେ, ପୁରାଃ ହଡ଼କ ଆଇଙ୍ଗ୍‌କେ ‘ହେ ପ୍ରାଭୁ, ହେ ପ୍ରାଭୁ, ଚିୟାଃ ଆଲେ ଆମାଃ ନୁତୁମ୍‌ତେ ପାର୍‌ମେଶ୍ୱାର୍‌ଆଃ କାନାଜି କାଲେଟି କାଜି ? ଆମାଃ ନୁତୁମ୍‌ତେ ବଙ୍ଗାକକେ କାଲେଟି ହାର୍‌ଅଡ଼ଙ୍ଗ୍ ? ଆତଃ ଆକ୍‌ଦାୟା କାମି କାଲେଟି କାମି ?’ ୨୩ ଏନ୍ତେ ଆଇଙ୍ଗ୍ ଇନ୍‌କୁକେ ମେତାକଆଇଙ୍ଗ୍, ‘ଆଇଙ୍ଗ୍ ଆପେକେ କାଇଙ୍ଗ୍ ସାରିୟା, ଏ ଏଡ଼କାନ୍‌କ, ଆଇଙ୍ଗ୍‌ତାଃଏତେ ଆତମେନ୍‌ପେ ।’

ବାର୍‌ହଡ଼ ଅଡ଼ାଃ ବାବାଇକିନ୍
(ଲୁକ ୬:୪୭-୪୯)

* ୭:୧୨ ୭:୧୨ ଲୁକ ୬:୩୧. * ୭:୧୯ ୭:୧୯ ମାଧୁର ୩:୧୦; ଲୁକ ୩:୯. * ୭:୨୦ ୭:୨୦ ମାଧୁର ୧୨:୩୩.

୨୪ “ଏନା ନାଗେନ୍ତେ ଜେତାଏ ଆଇଁୟାଃ ନେ ସବେନ୍ କାଜି ଆୟୁମ୍‌କେଦ୍‌ତେ ମାନାତିଙ୍ଗନିଃ, ଚାଟେନ୍ ଦିରିରେ ଆୟାଃ ଅଡ଼ାଃ ବାଇକେଦ୍ ସେଣ୍‌ନ୍ ହଡ଼ ଲେକାଃଏ । ୨୪ ଦାଆଃ ଗାମାକେଦାଏ, ଚୁଡ଼ାୟାନା, ଆନ୍ଦିହୟ ହୟକେଦାଏ ଆଡ଼ଃ ଅଡ଼ାଃରେ ଟଅଃୟାନା, ମେନ୍‌ଦ ଏନା କା ହାଦୁଡ଼ୟାନା, ଚିୟାଃଟି ଏନାଦ ଚାଟେନ୍ ଦିରି ଚେତାନ୍‌ରେ ବାଇୟାକାନ୍ ତାଇକେନା ।

୨୬ “ମେନ୍‌ଦ ଜେତାଏ ଆଇଁୟାଃ ନେ ସବେନ୍ କାଜି ଆୟୁମ୍‌କେଦ୍‌ତେ କା ମାନାତିଙ୍ଗନିଃ, ଗିତିଲ୍‌ରେ ଆୟାଃ ଅଡ଼ାଃ ବାଇକେଦ୍ ତଣ୍ଡ ହଡ଼ ଲେକାଃଏ । ୨୬ ଦାଆଃ ଗାମାକେଦାଏ, ଚୁଡ଼ାୟାନା, ଆନ୍ଦିହୟ ହୟକେଦାଏ ଆଡ଼ଃ ଅଡ଼ାଃରେ ଟଅଃୟାନା, ଏନ୍ତେ ଏନା ହାଦୁଡ଼ୟାନା, ଆଡ଼ଃ ଏନାରାଃ ଜିୟନଃ ପୁରାଃ ବରଝାନ୍‌ଗି ହବାୟାନା ।”

ୟାଶୁଆଃ ଆକ୍‌ତେୟାର୍

୨୮ ✠ୟାଶୁ ନେ କାଜିକ କାଜିଚୁଣ୍ଡୁକଦ୍‌ତି, ଗାଦେଲ୍ ହଡ଼କ ଇନିୟାଃ ଇନିତୁରେ ଆକ୍‌ଦାନ୍‌ଆୟାନାକ, ୨୯ ଚିୟାଃଟି ଇନିଃଦ ଇନ୍‌କୁଆଃ ଆଇନ୍ ଇତୁକ ଲେକାଦ କାହା, ମେନ୍‌ଦ ମିଆଁଦ୍ ଆକ୍‌ତେୟାର୍ ନାମାକାଦ୍‌ନିଃଲେକା ଇତୁକ ତାଇକେନା ।



ୟାଶୁ ମିଆଁଦ୍ ନାଗେଦାଅନିଃକେ ବୁଗି ତାନା

(ମାର୍କ ୧:୪୦-୪୫; ଲୁକ ୫:୧୭-୧୭)

୧ ଯାଶୁ ବୁରୁଏତେ ଆଡ଼ଗୁୟାନ୍‌ତି, ଗାଦେଲ୍ ହଡ଼କ ଇନିଃକେକ ଅତଙ୍ଗକିୟା । ୨ ଏନ୍ତେ ମିଆଁଦ୍ ନାଗେଦାଅନିଃ ଇନିଃତାଃ ହିଜୁଃକେଦ୍‌ତେ, ଇକ୍‌ଡ଼ମ୍‌କେଦ୍‌ତେ ବିକ୍ରିତାନ୍‌ଲଃ କାଜିକିୟାଏ, “ହେ ପ୍ରାଭୁ, ଆମ୍‌ ସାନାଙ୍ଗ୍‌ରେଦ ଆଇଙ୍ଗ୍‌କେ ବୁଗିନିୟାର୍ ଦାଡ଼ିୟାମ୍ ।”

୩ ଏନ୍ତେ ଯାଶୁ ଆୟାଃ ତିଃଇ ଜିଲିଙ୍ଗ୍‌କେଦ୍‌ତେ ଜୁଟିଦ୍‌କିୟାଏ ଆଡ଼ଃ କାଜିକିୟାଏ, “ଆଇଙ୍ଗ୍ ସାନାଙ୍ଗ୍‌ତାନିଙ୍ଗ୍ ଆମ୍ ବୁଗିନିୟାରଃମେ ।” ଆଡ଼ଃ କାଜିତାନ୍ ତର୍‌ସାଗି ଇନିୟାଃ ନାଗେଦାଅ ଫାର୍‌ଚିୟାନା । ୪ ଏନ୍ତେ ଯାଶୁ ଇନିଃକେ କାଜିକିୟାଏ, “ନେଲେମେ, ଜେତାଏକେ ନେ କାଜି ଆଲମ୍ ଉଦୁବ୍‌କଆଃ, ମେନ୍‌ଦ, ଜୁ, ଯାଜାକତାଃରେ ଉଦୁବେନ୍‌ମେ ଆଡ଼ଃ ଆମ୍ ବୁଗିୟାକାନାମ୍ ମେନ୍ତେ ଇନ୍‌କୁଆଃ ଗାଝା ନାଗେନ୍ତେ ମୁଖା ନାବୀ ଆତୁକାଦ୍ ଦାଣ୍ଠୋରାଃ ଦାନ୍ ରାକାବେମେ ।”

ୟାଶୁ ମିଦ୍ ସାଅ ସିପାଇକଆଃ ଗମ୍‌କେୟାଃ ଦାସିକେ ବୁଗି ତାନା

(ଲୁକ ୭:୧-୧୦; ଯୋହାନ୍ ୪:୪୩-୫୪)

୫ ଯାଶୁ କପର୍‌ନାହୁମ୍ ସାହାର୍‌ତେ ବଲୟାନ୍ ଇମ୍‌ତା ମିଦ୍‌ଶାଅ ସିପାଇକଆଃ ମିଆଁଦ୍ ରୋମି ଗମ୍‌କେ ଇନିଃତାଃରେ ହିଜୁଃୟାନା ଆଡ଼ଃ ଦେଙ୍ଗାମାଙ୍ଗ୍ ବିକ୍ରିକିୟାଏ, ୬ “ହେ ଗମ୍‌କେ, ଦାସିତାଇଙ୍ଗ୍ ବାଡ଼କାନ୍‌ତେ ଅଡ଼ାଃରେ ବିରିଦ୍‌ବାଡ଼ା କାଏ ଦାଡ଼ିତାନ୍ ଆଡ଼ଃ ବରଝାନ୍‌ଗି ଦୁକୁତାନାଏ ।”

୭ ଯାଶୁ ଇନିଃକେ କାଜିକିୟା, “ଆଇଙ୍ଗ୍ ସେନ୍‌କେଦ୍‌ତେ ଇନିଃକେ ବୁଗିଆଇଙ୍ଗ୍ ।”

୮ ମେନ୍‌ଦ ମିଦ୍‌ଶାଅ ସିପାଇକଆଃ ଗମ୍‌କେ କାଜିରୁହାଡ଼କିୟା, “ହେ ଗମ୍‌କେ, ଆମ୍ ଆଇଁୟାଃ ଅଡ଼ାଃରେମ୍ ବଲଆ ଏନ୍ ଲେକାନ୍‌ନିଃଦ ନାହାଁଲିଙ୍ଗ୍, ମେନ୍‌ଦ ମିସାଗି କାଜିତାମ୍ ଏନ୍‌ରେଦ ଦାସି ତାଇୟାଃ ବୁଗିକଆଃଏ । ୯ ଚିୟାଃଟି ଆଇଙ୍ଗ୍‌ହିଁ ଏଟାଃକଆଃ ଆକ୍‌ତେୟାର୍‌ରେ ମେନାଲୟାଃ, ସିପାଇକ ଆଇଁୟାଃ ଆକ୍‌ତେୟାର୍‌ରେ ମେନାକଆଃ । ଆଇଙ୍ଗ୍ ମିହୁଡ଼କେ ସେନଃମେ ମେତାଇରେଦ ଇନିଃ ସେନଃଆଏ ଆଡ଼ଃ ଏଟାଃନିଃକେ ହିଜୁଃମେ ମେତାଇରେ ଇନିଃ ହିଜୁଃଆଏ । ଆଇଁୟାଃ ଦାସିକେ ନେୟାଁ କାମିମେ ମେତାଇରେ ଇନିଃ କାମିୟାଏ ।”

୧୦ ଯାଶୁ ନେଆଁ ଆୟୁମ୍‌କେଦ୍‌ତେ ଆକ୍‌ଦାନ୍‌ଆୟାନା ଆଡ଼ଃ ଆଇଃକ୍‌କେ ଅତଙ୍ଗ୍‌ଇଁତାନ୍ ହଡ଼କକେ ମେତାଦ୍‌କଆ, “ଆଇଙ୍ଗ୍ ଆପେକେ ସାର୍‌ତିଗି କାଜିପେତାନାଲିଙ୍ଗ୍, ଇସ୍‌ସାଏଲ୍‌ରେହ ନେ ଲେକାନ୍ ମାରାଙ୍ଗ୍ ବିଶ୍ୱାସ୍ କାଲିଙ୍ଗ୍ ନାମ୍‌କାଦା । ୧୧ ✠ଆଇଙ୍ଗ୍ ଆପେକେ କାଜିପେତାନାଲିଙ୍ଗ୍, ପୁରାଃ ହଡ଼କ ପୁରାଦ୍ ଆଡ଼ଃ ପାଶ୍ଟିମ୍‌ଏତେକ ହିଜୁଃଆ, ଏନ୍ତେ ଆବ୍ରାହାମ୍, ଇସାକ୍, ଆଡ଼ଃ ଯାକୁବ୍‌ତେକଲଃ ସିମ୍‌ ରାଇଜ୍‌ରେ ଜଜମ୍ ନାଙ୍ଗ୍‌କ ଦୁବାଃ, ୧୨ ✠ମେନ୍‌ଦ ଏନ୍ ରାଇଜ୍‌ରେନ୍ ହନ୍‌କ ନୁବାଃଉତାର୍‌ରେକ ହୁରାଙ୍ଗ୍ ଏଣ୍ଡାଗଆଃ । ଏନ୍ତାଃରେ ଆକଆଃ ରାନାଆଃ ଆଡ଼ଃ ତାଟା ହାବ୍ ରିଡିଦଃଆ ।” ୧୩ ଏନ୍ତେ ଯାଶୁ ମିଦ୍ ସାଅ ସିପାଇକଆଃ ଗମ୍‌କେ କେ କାଜିକିୟା, “ଜୁ ଅଡ଼ାଃରେ ସେନଃମେ, ଆଡ଼ଃ ଆମ୍ ବିଶ୍ୱାସ୍‌କାଦ୍ ଲେକା ଆମାଃ ନାଗେନ୍ତେ ହବାଅଃକା ।”

ଆଡ଼ଃ ମିଦ୍ ସାଅ ସିପାଇକଆଃ ଗମ୍‌କେୟାଃ ଦାସି ଏନ୍ ଦିପିଲିରେଗି ବୁଗିୟାନା ।

✠ ୭:୨୮ ୭:୨୮ ମାର୍କ ୧:୨୨; ଲୁକ ୪:୩୨. ✠ ୮:୧୧ ୮:୧୧ ଲୁକ ୧୩:୨୯. ✠ ୮:୧୨ ୮:୧୨ ମାଧୁର ୨୨:୧୩; ୨୫:୩୦; ଲୁକ ୧୩:୨୮.

**ୟୀଶୁ ପୁରାଣ ଦୁକୁଡାନ୍ ହତକକେ ବୁଗିକେଦକଆ
(ମାର୍କ ୧:୨୯-୩୪; ଲୁକ ୪:୩୮-୪୧)**

୧୪ ଯୀଶୁ ପାଡ଼ରାସଆଃ ଅଡ଼ାଃତେ ହିଜୁଃୟାନ୍ତି, ଇନିଃ ପାଡ଼ରାସଆଃ ହାନାର୍ତ୍ତେକେ ଉରିୟୁତେ ପାରକମ୍ରେ ବାଟିୟାକାନ୍ ନେଲ୍‌କିୟାଏ । ୧୫ ଏନ୍ତେ ଯୀଶୁ ଇନିୟାଃ ତିଃଇ ଜୁଟିଦକେଦାଏ ଆଡ଼ଃ ଇନିଃ ଉରିୟୁଏତେ ବୁଗିୟାନା, ଏନ୍ତେ ଇନିଃ ବିରିଦକେଦତେ ଇନିୟାଃ ସୁସାର୍ ଏଟେଦକେଦାଏ ।

୧୬ ସିଙ୍ଗିହାସୁରଃ ତାନ୍ରେ ହତକ ପୁରାଃ ବଙ୍ଗା ଏସେରକାନ୍ ହତକକେ ଯୀଶୁତାଃତେକ ଆଉକେଦକଆ । ଇନିଃ ବଙ୍ଗାକକେ କାଜିତେଗି ହାର୍ ଅତଙ୍ଗକେଦକଆ ଆଡ଼ଃ ସବେନ୍ ଦୁକୁହାସୁତାନ୍‌କକେ ବୁଗିକେଦକଆ । ୧୭ ଯିଶାୟ ନାବୀ କାଜିକାଦତେୟାଃ ପୁରାଅଃକା ମେନ୍ତେ ଇନିଃ ନେ ଲେକାଏ କାମିକେଦା, “ଇନିଃ ଆଇଃକ୍‌ଗି ଆରୁଆଃ ଦୁକୁହାସୁକଏ ଗଅଃଇଦିକେଦା ।”

**ୟୀଶୁକେ ଅତଙ୍ଗଇଁରାଃ ଗନଙ୍ଗ
(ଲୁକ ୯:୫୭-୬୨)**

୧୮ ଯୀଶୁ ଆୟାଃ ଉପୁନ୍‌ସାଃରେ ପୁରାଃ ହତକକେ ନେଲ୍‌କେଦତେ ଦରେୟା ହାନ୍ ପାରମ୍‌ତେବୁ ସେନା ମେନ୍ତେ ଚେଲ୍‌କକେ ଆରୁକେଦକଆ । ୧୯ ଏନ୍ତେ ମିଆଁଦ୍ ଆଇନ୍ ଇତୁନିଃ ହିଜୁଃକେଦତେ କାଜିକିୟା, “ହେ ଗୁରୁ, ଆମ୍ କତେମ୍ ସେନା ଏନ୍ତେଇଙ୍ଗ୍ ଅତଙ୍ଗମେୟାଁ ।”

୨୦ ଯୀଶୁ ଇନିଃକେ କାଜିରୁହାଡ଼କିୟା, “ତୁୟୁକଆଃଦ ଲାତା ମେନାଃ ଆଡ଼ଃ ସିମାଁ ଲାତାର୍ରେନ୍ ଚେଣ୍‌କିଆଃ ଅକା ମେନାଃ ମେନ୍‌ଦ ମାନଃହାନ୍‌ଆଃ ବହଃ ଦହନାଙ୍ଗ୍ ଠାୟାଦ୍ ବାନଆଃ ।”

୨୧ ଆୟାଃ ଚେଲ୍‌କଏତେ ଏଟାଃନିଃ କାଜିକିୟାଏ, “ହେ ପ୍ରାଭୁ, ସିଦାତେ ଆପୁଇଙ୍ଗ୍‌କେ ତପାଇ ନାଗେନ୍ତେ ସେନ୍‌ଇଟିଙ୍ଗ୍‌ମେ ।”

୨୨ ମେନ୍‌ଦ ଯୀଶୁ କାଜିରୁହାଡ଼କିୟାଏ, “ଅତଙ୍ଗଇଙ୍ଗ୍‌ମେ, ଆଡ଼ଃ ଗଏଃକାନ୍‌କ ଆକଆଃ ଗଏଃକାନ୍‌କକେ ତପାକକାକ ।”

**ୟୀଶୁ ମାରାଙ୍ଗ୍ ହୟକେ ହାପାଉତାର୍‌କେଦା
(ମାର୍କ ୪:୩୫-୪୧; ଲୁକ ୮:୨୨-୨୫)**

୨୩ ଯୀଶୁ ଲାଉକାରେ ଦେଏଃୟାନା ଆଡ଼ଃ ଇନିୟାଃ ଚେଲ୍‌କ ଇନିଃକେକ ଅତଙ୍ଗକିୟା । ୨୪ ଏନ୍ତେ ନେଲେପେ, ଦରେୟାରେ ଇମ୍‌ତାଙ୍ଗି ଦୁଦୁଗାର୍‌ହୟ ବିରିଦୟାନା ଆଡ଼ଃ ଲାଉକାରେ ଆଲ୍‌ପୁଙ୍ଗ୍‌କ ରାକାବ୍‌ୟାନା, ଆଡ଼ଃ ଲାଉକା ତୁବିଃଗ୍‌ୟାନ୍ ଲେକା ହବାୟାନା । ମେନ୍‌ଦ ଯୀଶୁ ଦୁଡ଼ମ୍ ତାଇକେନାଏ । ୨୫ ଚେଲ୍‌କ ଇନିଃତାଃତେ ସେନ୍‌କେଦତେ ବିରିଦିତାନ୍‌ଲଃ କାଜିକିୟାକ, “ହେ ପ୍ରାଭୁ, ବାଞ୍ଛାଅଲେମେ, ଆଲେ ତୁବିଃଗ୍ ଗଜଃତାନାଲେ !”

୨୬ ଯୀଶୁ ଇନିଃକେ କାଜିରୁହାଡ଼କେଦକଆ, “ଏ ହୁଡିଙ୍ଗ୍ ବିଶ୍ୱାସ୍‌ତାନ୍‌କ, ତିନାଃ ମେନ୍ତେପେ ବରତାନା ।” ଏନ୍ତେ ଇନିଃ ବିରିଦକେଦତେ ହୟ ଆଡ଼ଃ ଦରେୟାରାଃ ଆଲ୍‌ପୁଙ୍ଗ୍‌କେ ମାରାଙ୍ଗ୍‌ମଟାକେଦା, ଏନ୍ତେ ସବେନାଃ ପୁରା ସିଃସଏଃୟାନା ।

୨୭ ହତକ ଆକଦାନ୍‌ଆୟାନାକ, ଆଡ଼ଃ ମେନ୍‌କେଦାକ, “ନିଃ ଚିଲ୍‌କାନ୍ ହଡ଼ ତାନିଃ ? ହୟ ଆଡ଼ଃ ଦରେୟାରାଃ ଆଲ୍‌ପୁଙ୍ଗ୍‌କ ନିଃକେ ମାନାଡିଙ୍ଗ୍‌ତାନାକ !”

**ୟୀଶୁ ବଙ୍ଗା ଏସେରକାନ୍ ବାର୍‌ହଡ଼କିନ୍‌କେ ବୁଗିକେଦକିନା
(ମାର୍କ ୫:୧-୨୦; ଲୁକ ୮:୨୬-୩୯)**

୨୮ ଯୀଶୁ ଦରେୟା ହାନ୍ ପାରମ୍ ଗେରାସିମିକିଆଃ ପାର୍‌ଗାନ୍‌ତେ ସେଟେରୟାନ୍ତି, ବାର୍‌ହଡ଼ ବଙ୍ଗା ଏସେରକାନ୍‌କିନ୍ ତପାଠାୟାଦ୍‌ଏତେ ଅତଙ୍ଗକେଦତେ ଯୀଶୁକେ ସେନ୍‌ଦାରମକିୟାକିନ୍ । ଇନିକିନାଃ ପୁରାଃ ପେଡ଼େଃ ଆଡ଼ଃ ବରଞ୍ଜାନ୍ତି ତାଇକେନାକିନ୍, ଏନାତେ ଏନ୍ ହରାରେ ଜେତାଏ କାକ ସେନ୍‌ପାରମ୍ ଦାଡ଼ିତାଇକେନା । ୨୯ ଆଡ଼ଃ ଇମ୍‌ତାଗି ଇନିକିନ୍ କାଉରିତାନ୍‌ଲଃ କାଜିକେଦାକିନ୍, “ହେ ପାର୍‌ମେଶ୍ୱାର୍‌ଆଃ ହନ୍, ଆଲିଙ୍ଗ୍‌ଲଃ ଆମାଃ ଚିକାନ୍ କାମି ? ଚିୟାଃ ଆମ୍ ନେତା ଆଉରି ସେଟେର୍ ସିଦାରେ ଆଲିଙ୍ଗ୍‌କେ ସାଜାଇ ଏମ୍ ନାଗେନ୍ତେ ନେତାଃତେମ୍ ହିଜୁଆକାନା ?”

୩୦ ଆଡ଼ଃ ଇନିକ୍‌ଏତେ କାଟିଃ ସାଙ୍ଗିନ୍‌ରେ ସୁକୁରିକିଆଃ ମାରାଙ୍ଗ୍ ଗୋଟ୍ ଆଡିଙ୍ଗ୍‌ତାନ୍‌କ ତାଇକେନା । ୩୧ ଏନ୍ତେ ଏନ୍ ହଡ଼ଆଃ ଉତାର୍‌ଏତେ ବଙ୍ଗାକ ଯୀଶୁକେ ବିନ୍ତିକେଦତେ କାଜିକିୟାକ, “ଆମ୍ ଆଲେକେ ଅତଙ୍ଗଲେରେଦମ୍ ଏନ୍ ସୁକୁରିକିଆଃ ଗୋଟ୍‌ରେ କୁଲ୍‌ତାଲେମେ ।”

୩୨ ଯୀଶୁ ଇନିକ୍‌କେ ମେତାଦକଆ, “ସେନଃପେ ।” ଏନ୍ତେ ଇନିକ୍ ଅତଙ୍ଗକେଦତେ ସୁକୁରିକରେକ ବଲୟାନା, ଆଡ଼ଃ ସୁକୁରିକିଆଃ ଗୋଟ୍, ଦରେୟାରେ ନିର୍ ଛୁଷ୍‌ମାୟାନାକ ଆଡ଼ଃ ଦାଆଃରେ ତୁବିଃଗ୍ ଗଏଃୟାନାକ ।

୩୩ ସୁକୁରି ଗୁପିତାନକ ନିରୟାନା ଆଡ଼ଃ ସାହାରତେ ତେବାଃୟାନତି, ହବାକାନ ସବେନାଃ ଆଡ଼ଃ ଏନ୍ ବଜା ଏସେରକାନକିନକେ ହବାକାନତେୟାଃ ସବେନାଃ ଉଦୁବାଦକଆକ । ୩୪ ଏନ୍ତେ ସାହାରରେନ୍ ସବେନ୍ ହଡକ ଯାଶୁକେ ନେଲ୍ ନାଗେନ୍ତେକ ଅତଙ୍ଘୟାନା ଆଡ଼ଃ ଇନିଃକେ ନେଲ୍କିଃତେ, ଆଲେୟାଃ ସାହାରରାଃ ସିମ୍ନାଏତେ ଅତଙ୍ଘଅଃମେ ମେନ୍ତେକ ବିକ୍ରିକିୟା ।



ୟାଶୁ ମିଆଁଦ୍ ବାଡକାନ ହଡକେ ବୁଗି ତାନା
(ମାର୍କ ୨:୧-୧୨; ଲୁକ ୫:୧୭-୨୬)

୧ ଯାଶୁ ଲାଉକାରେ ଦେଏଃୟାନ୍ତେ ଦରେୟା ପାରମ୍ଭକେଦ୍ତେ ଆୟାଃ ସାହାରତେ* ହିଜୁଃରୁହାଡ଼ୟାନାଏ । ୨ ନେଲେପେ, ମିଆଁଦ୍ ବାଡକାନ ହଡକେ ପାରକମ୍ଭରେ ବାଟିୟାକାନଗି ଯାଶୁତାଃ ଗଅଃ ଆଉକିୟାକ । ଯାଶୁ ଇନ୍କୁଆଃ ବିଶ୍ୱାସ୍ ନେଲ୍କେଦ୍ତେ ଏନ୍ ବାଡକାନିଃକେ କାଜିକିୟା, “ଏ ହନ୍ ଆଲମ୍ ବରଏୟା ! ଆମାଃ ପାପକ ଛାମାୟାନା ।”

୩ ଏନ୍ତେ ଆଇନ୍ ଇତୁକଏତେ ଚିମିନ୍କ ଆକ ଆକରେକ କାଜିକେଦା, “ନେ ହଡ ପାରମେଶ୍ୱାରକେ ନିନ୍ଦାଈତାନା ।”

୪ ଯାଶୁ ଇନ୍କୁଆଃ ମନ୍ରେୟାଃ ଉଡ଼ୁ ଆଟକାରକେଦ୍ତେ ମେତାଦକଆ, “ଆପେ ଚିକାନାଙ୍ଘ ଆପେୟାଃ ମନ୍ରେ ଏଡକାନାଃପେ ଉଡ଼ୁତାନା ? ୫ ଅକ୍ନାଃ ରାଝାଲାଃ ? ‘ପାପ୍ ତାମାଃକ ଛାମାୟାନା’ ମେନ୍ତେ କାଜିତେୟାଃ ରାଝାଲାଃ ତି ‘ବିରିଦ୍ମେ ଆଡ଼ଃ ସେନେମେ’ ମେନ୍ତେ କାଜିତେୟାଃ ? ୬ ମେନ୍ଦ୍ ନେ ଅତେରେ ପାପ୍ ଛାମାରେୟାଃ ଆକ୍ତେୟାର୍ ମାନଝାହନ୍ଆଃ ମେନାଃ,” ଏନା ଆପେ ସାରିଦାଡ଼ିପେ ମେନ୍ତେ ଇନିଃ ଏନ୍ ବାଡକାନିଃକେ କାଜିକିୟା, “ମାର୍ ବିରିଦ୍ମେ ଆଡ଼ଃ ପାରକମ୍ଭତାମାଃ ଗଅଃକେଦ୍ତେ ଆମାଃ ଅଡ଼ାଃତେ ସେନିଃମେ ।”

୭ ଇନିଃ ବିରିଦ୍ମାନ୍ତେ ଅଡ଼ାଃତେ ସେନିଃୟାନା । ୮ ନେଆଁ ନେଲ୍କେଦ୍ତେ ପୁରାଃ ହଡକ ବରକେଦାକ ଆଡ଼ଃ ପାରମେଶ୍ୱାର୍, ହଡକକେ ନେ ଲେକାନ ଆକ୍ତେୟାର୍ ଏମାକାଦକ ନାଗେନ୍ତେ ପାରମେଶ୍ୱାରକେ ମାରାଙ୍ଘକିୟାକ ।

ୟାଶୁ ମାଧୁରକେ କେଡ଼ାଇତାନା
(ମାର୍କ ୨:୧୩-୧୭; ଲୁକ ୫:୨୭-୩୨)

୯ ଯାଶୁ ଏନ୍ତାଃ ବାଗିକେଦ୍ତେ ସେନିଃତାନ୍ ଇମ୍ତା ମାଧୁର ନୁଡୁମ୍ ମିଆଁଦ୍ ହଡକେ ମାଲ୍ହାରମ୍ ଠାୟାଦ୍ରେ ଦୁବାକାନ ନେଲ୍କେଦ୍ତେ ଇନିଃକେ କାଜିକିୟା, “ଦେଲା ଅତଙ୍ଘଇଙ୍ଘମେ ।”

ଏନ୍ତେ ମାଧୁର ବିରିଦ୍କେଦ୍ତେ ଇନିଃକେ ଅତଙ୍ଘକିୟା ।

୧୦ *ୟାଶୁ, ମାଧୁରଆଃ ଅଡ଼ାଃରେ† ଜମ୍ ଦୁବାକାନ ତାଇକେନ୍ ଇମ୍ତା, ପୁରାଃ ମାଲ୍ହାରମ୍ ଆଡ଼ଃ ପାପିକ ହିଜୁଃକେଦ୍ତେ, ଯାଶୁଲାଃ ଆଡ଼ଃ ଆୟାଃ ଚେଲକଲଃକ ଦୁବ୍ ମେସାୟାନା । ୧୧ ଫାରୁଶୀକ ନେଆଁ ନେଲ୍କେଦ୍ତେ ଇନିଃୟାଃ ଚେଲକକେ କୁଲିକେଦକଆକ, “ଆପେୟାଃ ଗୁରୁ ଚିକାନାଙ୍ଘ ମାଲ୍ହାରମ୍ କଲଃ ଆଡ଼ଃ ପାପିକଲଃ ଜମ୍ତାନାଏ ?”

୧୨ ଯାଶୁ ନେଆଁ ଆୟାଦ୍କେଦ୍ତେ କାଜିରୁହାଡ଼କେଦକଆ, “ବୁଗିନ୍ ହଡକ ନାଗେନ୍ତେ ମେନ୍ତେଦ କାହା ମେନ୍ଦ୍ ହାସୁତାନକ ନାଗେନ୍ତେ ବାଇଦ୍ ଲାଗାଡ଼ିୟାଃ । ୧୩ *ମେନ୍ଦ୍ ଆପେ ସେନିଃପେ ଆଡ଼ଃ ‘ଆଇଙ୍ଘ ଦାଣ୍ଠିରାକାଦ୍ କାହାଗି ମେନ୍ଦ୍ ଲିବୁଇଙ୍ଘ୍ ସୁକୁତାନା’ ନେ କାଜିରେୟାଃ ମୁଣ୍ଡି ଇଡୁନ୍ପେ, ଚିୟାଃତି ଆଇଙ୍ଘ ଧାର୍ମାନ୍ ହଡକକେ କେଡ଼ା ନାଗେନ୍ତେଦ କା ମେନ୍ଦ୍ ପାପିକକେ କେଡ଼ା ନାଗେନ୍ତେଇଙ୍ଘ୍ ହିଜୁଆକାନା ।”

କାଟାବ୍ରେୟାଃ କୁନୁଲି‡
(ମାର୍କ ୨:୧୮-୨୨; ଲୁକ ୫:୩୩-୩୯)

୧୪ ଏନ୍ତେ ବାପ୍ତିସ୍ମା ଏମାଃନିଃ ଯୋହାନ୍ଆଃ ଚେଲକ ଯାଶୁତାଃତେ ହିଜୁଃକେଦ୍ତେ କୁଲିକିୟାକ, “ଆଲେ ଆଡ଼ଃ ଫାରୁଶୀକ କାଟାବ୍ ରିକାଃଲେ, ମେନ୍ଦ୍ ଆମାଃ ଚେଲକ ଚିନାଃମେନ୍ତେ କାକ କାଟାବାଃ ?”

୧୫ ଯାଶୁ ଇନ୍କୁକେ ମେତାଦକଆ, “ଆଣ୍ଡିଅଡ଼ାଃରେ ବାଲକଲଃ ଦୁଲ୍ଲକଡ଼ା ତାଇନିଃ ଜାକେଦ୍ ଚିୟାଃ ଇନ୍କୁ ରେଙ୍ଘେଃ କାଟାବ୍ ଚାଇନାଃକ ? କାହାଗି, ଏନ୍କାଦ କା ହବାଅଆଃ । ମେନ୍ଦ୍ ନେତା ତେବାଗାଃ, ଦୁଲ୍ଲକଡ଼ାକେ ଇନ୍କୁତାଃଏତେ ଇଦିୟାଆ, ଏନ୍ ଦିପିଲିରେ ଇନ୍କୁ କାଟାବେୟାକ ।

୧୬ “ଜେତାଏ ନାଝା ଲିଜାଃରାଃ କେଚାଃ ମାରି ଲିଜାଃରେ ଜଡ଼ାଇକେଦ୍ତେ କାକ ତୁନାୟା, ଚିୟାଃତି ନାଝା ଲିଜାଃରାଃ କେଚାଃ ମାରି ଲିଜାଃଏତେ ଆଡ଼ଃଗି ଚେଚାଃ ଇଦିୟାଏ, ଆଡ଼ଃ ଏନ୍ ଚେଚାଃ ସିଦାଏତେ ଆଡ଼ଃଗି ମାରାଙ୍ଘ ଇଦିୟାଆ । ୧୭ ଆଡ଼ଃ ହଡକ ନାଝା ଦାଖ୍ରେସିକେ ମାରି ଉଡୁରୁଡୁମ୍ପାରେ ଜେତାଏ କାକ

* ୯:୧ ୯:୧ କପରନାହୁମ୍ * ୯:୧୦ ୯:୧୦ ଲୁକ ୧୫:୧,୨. † ୯:୧୦ ୯:୧୦ ଯାଶୁଆଃ ଅଡ଼ାଃରେ * ୯:୧୩ ୯:୧୩ ମାଧୁର ୧୨:୭.
‡ ୯:୧୩ ୯:୧୪ କୁଲିକେୟାଃ

ଦୁଲ୍ଲପେରେଜେୟା, ଚିୟାଠି ଦାଖରାସି ଉହୁରୁଦ୍ଦମ୍ବାକେ ଅଡ଼େଠାଠାଏ ଆଡ଼େ ଦାଖରାସି ଲିଙ୍ଗି ଏଣୁଗଠାଆ, ଏନାମେନ୍ତେ ହଡ଼କ ନାଖା ଦାଖରାସିକେଦ ନାଖା ଉହୁରୁଦ୍ଦମ୍ବାରେ ପେରେଜାଠକ, ଆଡ଼େ ବାରାନାଠ ଦହ ଜାତାନଠଆ ।”

ଯାଇରସରାଠ ହନକୁଡ଼ି ଆଡ଼େ ଦୁକୁତାନ କୁଡ଼ି

(ମାର୍କ ୫:୨୧-୪୩; ଲୁକ ୮:୪୦-୫୬)

୧୮ ଯୀଶୁ ଇନକୁକେ ନେଆଁ କାଜିୟାକ ତାଇକେନ୍ ଇମ୍ତା, ଯିହୁଦୀକଆଠ ମିଆଁଦ୍ ଆଗୁଆଇ ଇନିଠତାଠ ହିଜୁଠକେଦ୍ତେ ଆୟାଠ ଆୟାରରେ ଇକ୍ତୁୟାୟା ଆଡ଼େ କାଜିକିୟାଏ, “ହନିଙ୍ଗକୁଡ଼ି ନାହାଠି ଚୁଣ୍ଡୁକେଦା । ଇନିଠ ଚିଲ୍ଲକା ବାଞ୍ଛାଅଠଆଏ, ଏନାମେନ୍ତେ ହିଜୁଠମେ, ଆଡ଼େ ଇନିୟାଠ ଚେତାନରେ ତିଠଇ ଦହେମେ ।”

୧୯ ଏନ୍ତେ ଯୀଶୁ ବିରିଦ୍ କେଦ୍ତେ ଆୟାଠ ଚେଲାକଲଠ ଏନ୍ ହାକିମ୍ କେ ଅତଙ୍ଗକିୟାକ ।

୨୦ ଆଡ଼େ ବାରା ବାରାସଏତେ ମାୟୋମ୍ ଲିଙ୍ଗି ଦୁକୁରେ ଦୁକୁତାନ ମିଆଁଦ୍ କୁଡ଼ି ଦୟାହରା ହିଜୁଠକେଦ୍ତେ ଯୀଶୁଆଠ ଲିଜାଠରାଠ ଆଡ଼େ ଜୁଟିଦ୍ କେଦାଏ । ୨୧ ଚିୟାଠି ଇନିଠ ଆୟାଠ ମନ୍ରେ “ଇନିୟାଠ ଲିଜାଠ ଏସକାର୍ ଜୁଟିଦ୍ ତାରେଦ ଆଇଙ୍ଗ୍ ବୁଗିକଆଇଙ୍ଗ୍” ମେନ୍ତେ ଉଡ଼ୁତାନ ତାଇକେନାଏ ।

୨୨ ମେନ୍ଦ୍ ଯୀଶୁ ହେତାରୁହାଡ଼କେଦ୍ତେ ଇନିଠକେ ନେଲ୍ କିଠତେ କାଜିକିୟା, “ଏ ମାଇ, ଆଲମ୍ ବରଏୟା, ବିଶ୍ୱାସ୍ ତାମାଠ ବୁଗିୟାକାଦ୍ ମେୟାଏ ।” ଏନ୍ ନେତାରେଗି ଏନ୍ କୁଡ଼ି ବୁଗିୟାନା ।

୨୩ ଏନ୍ତେ ଯୀଶୁ ଏନ୍ ଆଗୁଆଇରାଠ ଅଡ଼ାଠତେ ହିଜୁଠକେଦ୍ତେ ଗନଏଠରାଠ ମୂର୍ଲିସାଡ଼ି ହଡ଼କକେ ଆଡ଼େ ହାଲାଗୁଲାତାନ ହଡ଼କକେ ନେଲ୍ କେଦ୍ତେ, ୨୪ ଇନିଠ ମେତାଦ୍ କଆଏ, “ବାହାରି ଅଡ଼ଙ୍ଗ୍ ଅଠପେ କୁଡ଼ିହନ୍ଦ୍ କାଏ ଗଏଠକାନା, ମେନ୍ଦ୍ ଦୁଡ଼ୁତାନାଏ ।” ଏନ୍ତେ ଇନକୁ ଇନିଠକେ ଲାୟାକିୟାକ । ୨୫ ମେନ୍ଦ୍ ପୁରାଠ ହଡ଼କକେ ଅଡ଼ଙ୍ଗ୍ କେଦ୍ତେ, ଇନିଠ ଭିତାର୍ତେ ବଲୟାନା ଏନ୍ତେ କୁଡ଼ି ହନ୍ରାଠ ତିଠଇ ସାବ୍ କେଦାଏ, ଆଡ଼େ କୁଡ଼ି ହନ୍ ବିରିଦ୍ ଯାନାଏ । ୨୬ ଆଡ଼େ ନେ କାଜି ଏନ୍ ଗଟା ଦିଶୁମ୍ ଆୟୁମ୍ ଯାନା ।

ଯୀଶୁ ବାରହଡ଼୍ କା ନେଲ୍ ଦାଡ଼ିକିନ୍ କେ ବୁଗିକେଦ୍ କିନା

୨୭ ଯୀଶୁ ଏନ୍ତାଠଏତେ ସେନଠତାନ ତାଇକେନ୍ ଇମ୍ତା ବାରହଡ଼୍ କା ନେଲ୍ ଦାଡ଼ିକିନ୍ ଇନିୟାଠ ଦୟାଦୟାତେ ଅଡ଼ଙ୍ଗ୍ କିଠତେ କାଉରିକେଦାକିନ୍, “ହେ ଦାଉଦ୍ ଆଠ ହନ୍, ଆଲିଙ୍ଗ୍ କେ ଦାୟାଲିଙ୍ଗ୍ ମେ ।”

୨୮ ଯୀଶୁ ଅଡ଼ାଠତେ ବଲୟାନ୍, ଏନ୍ କା ନେଲ୍ ଦାଡ଼ିକିନ୍ ଇନିଠତାଠତେ ହିଜୁଠୟାନାକିନ୍ ଆଡ଼େ ଯୀଶୁ ଇନକିନ୍ କେ କୁଲିକେଦ୍ କିନା, “ଆଇଙ୍ଗ୍ ଆବେନ୍ କେ ବୁଗି ଦାଡ଼ିୟାଇଙ୍ଗ୍ ମେନ୍ତେ ଚିନାଠ ଆବେନ୍ ବିଶ୍ୱାସ୍ ତାନାବେନ୍ ?”

ଇନକିନ୍ କାଜିରୁହାଡ଼କିୟା, “ହେଗି, ପ୍ରାଭୁ ।”

୨୯ ଏନ୍ତେ ଯୀଶୁ ଇନକିନାଠ ମେଦ୍ କେ ଜୁଟିଦ୍ କେଦ୍ତେ ମେତାଦ୍ କିନା, “ଆବେନାଠ ବିଶ୍ୱାସ୍ ଲେକା ହବାଅଠକା ।” ୩୦ ଆଡ଼େ ଇନକିନ୍ ନେଲ୍ ଦାଡ଼ିକେଦାକିନ୍ । ଏନ୍ତେ ଯୀଶୁ ଚେତାଞ୍ଜାନି ଇନକିନ୍ କେ ମେତାଦ୍ କିନା, “ନେଲେବେନ୍, ନେଆଁ ଜେତାଏକକେ ଆଲ୍ ବେନ୍ କାଜିକ ।”

୩୧ ମେନ୍ଦ୍ ଇନକିନ୍ ଅଡ଼ଙ୍ଗ୍ କେଦ୍ତେ, ଯୀଶୁଆଠ ବିଷାଏରେ ଏନ୍ ଦିଶୁମ୍ ରାଠ ସବେନ୍ ତାଠକିନ୍ ଉଦୁବ୍ କେଦା ।

ଯୀଶୁ ମିଆଁଦ୍ କା ବାଖାଣ୍ ଦାଡ଼ିତାନ ହଡ଼କେ ବୁଗିକିୟା

୩୨ ହଡ଼କ ଅଡ଼ଙ୍ଗ୍ ଅଠତାନ ତାଇକେନ୍ ଇମ୍ତା, ଚିମିନ୍ ହଡ଼କ ମିଆଁଦ୍ କା ବାଖାଣ୍ ଦାଡ଼ିତାନ ହଡ଼କେ ଯୀଶୁତାଠତେକ ଆଉକିୟା । ଇନିଠ ବଙ୍ଗା ଏସେରକାନ ତାଇକେନାଏ । ୩୩ ଆଡ଼େ ବଙ୍ଗା ଅଡ଼ଙ୍ଗ୍ ଯାନ ଇମ୍ତାଗି ଇନିଠ ଜାଗାର୍ ଏଚେଦ୍ କେଦାଏ । ସବେନ୍ ହଡ଼କ ଆକ୍ ଦାୟାୟାନାକ ଆଡ଼େ କାଜିକେଦାଠକ, “ଆଲେ ନେ ଲେକାନ କାମି ଚିଉଲ୍ ହ ଇସ୍ତାଏଲ୍ରେ କାଲେ ନେଲ୍ କାଦା ।”

୩୪ ମେନ୍ଦ୍ ଫାରୁଶୀକ ମେନ୍ କେଦା, “ବଙ୍ଗାକଆଠ ଗମ୍ କେରାଠ ଦେଙ୍ଗାତେ ଯୀଶୁ ବଙ୍ଗାକକେ ହାର୍ ଅଡ଼ଙ୍ଗ୍ କିତାନା ।”

ଯୀଶୁ ହଡ଼କକେ ଲିବୁଇକେଦ୍ କଆ

୩୫ ଯୀଶୁ ସବେନ୍ ସାହାର୍ ଆଡ଼େ ହାତୁ ହାତୁ ହନରତାନ ତାଇକେନାଏ । ଇନିଠ ଇନକୁଆଠ ସାମାଜ୍ ଅଡ଼ାଠକରେ ଇଡ଼ୁକତାନଲଠ ରାଇଜ୍ରେୟାଠ ସୁକୁକାଜି ଉଦୁବ୍ କେଦାଏ ଆଡ଼େ ହଡ଼କଆଠ ସବେନ୍ ଦୁକୁ ଆଡ଼େ ସବେନ୍ ହାସୁକଏତେ ବୁଗିକତାନ ତାଇକେନାଏ । ୩୬ ଇନିଠ ଗାଦେଲ୍ ହଡ଼କକେ ନେଲ୍ କେଦ୍ତେ ଆୟାଠ ମନ୍ରେ ବିଲ୍ କାୟାୟାନାଏ, ଚିୟାଠି ଇନକୁଦ୍ ଗୁପିନିଠ ବାଙ୍ଗାଲ୍ ମିଣ୍ଡିକ ଲେକା ଜୀଉ ଦୁକୁଆକାନ ଆଡ଼େ ଛିତିବିତିକାନାକ । ୩୭ ଏନ୍ତେ ଇନିଠ ଆୟାଠ ଚେଲାକକେ କାଜିକେଦ୍ କଆ, “ଇରୋଠ ପୁରାଠିୟାଠ

☆ ୯:୩୪ ୯:୩୫ ମାଧୁର୍ୟ୍ୟ ୧୦:୨୫; ୧୨:୨୫; ମାର୍କ ୩:୨୨; ଲୁକ ୧୧:୧୫. ☆ ୯:୩୫ ୯:୩୫ ମାଧୁର୍ୟ୍ୟ ୪:୨୩; ମାର୍କ ୧:୩୯; ଲୁକ ୪:୪୪. ☆ ୯:୩୬ ୯:୩୬ ମାର୍କ ୬:୩୪. ☆ ୯:୩୭ ୯:୩୭ ଲୁକ ୧୦:୨.

ମେନ୍ଦ ଦ କାମିନୀଲୀଳା କୁଡ଼ିଙ୍ଗୁଆଁକ । ୩୮ ଆମ୍ ଆମାଃ ଇରୋଃତେ କାମି ନାଲୀଳା କୁଲ୍ଲକମ୍ ମେନ୍ତେ ଇରୋଃ ଗମ୍‌କେତାଃରେ ବିନ୍ତ୍ରମେ ।”

୧୦

ୟାଶୁଆଃ କୁଲ୍ଲକାନ୍ ଗେଲ୍‌ବାର୍ ତେଲ୍‌କ

(ମାର୍କ ୩:୧୩-୧୯; ୬:୭-୧୩; ଲୁକ ୬:୧୨-୧୬; ୯:୧-୬)

୧ ୟାଶୁ ଆୟାଃ ଗେଲ୍‌ବାର୍ ତେଲ୍‌କକେ ଆୟାଃତାଃତେ ହାକାଅକେଦ୍‌ତେ ସତ୍‌ରା ଆମ୍‌କକେ ହାର୍‌ଅତଙ୍ଗ୍‌ରେୟାଃ ଆକ୍‌ତେୟାର୍ ଆତଃ ସବେନ୍ ଲେକାନ୍ କିଲ୍‌ମିଲି ଦୁକୁ ହାସୁଏତେ ବୁଗିକ ନାଗେନ୍ତେ ଆକ୍‌ତେୟାର୍ ଏମାଦ୍‌କଆଏ । ୨ ଏନ୍ ବାରା ପ୍ରେରିତ୍‌କଆଃ ନୁତୁମ୍ ନେ ଲେକା ମେନାଃ, ପାହିଲ୍‌ନିୟାଃ ନୁତୁମ୍ ଶିମୋନ୍, ଇନିଃଦ ପାଦ୍‌ରାସ୍ ମେନ୍ତେ କାଜିୟାତାନା ଆତଃ ଆୟାଃ ହାଗାତେ ଆହିୟାସ୍, ଜେବଦାୟାଃ ବାରିଆ ହନ୍‌କଡାକିନ୍ ଯାକୁବ୍ ଆତଃ ଯୋହାନ୍, ୩ ଫିଲିପ୍ ଆତଃ ବାର୍ଥୋଲମି, ଥୋମା ଆତଃ ମାଲ୍‌ହାରମନିଃ ମାଧୁର୍ୟ୍ୟ, ଆଲ୍‌ଫିୟନାଃ ହନ୍ ଯାକୁବ୍, ଆତଃ ଅଭିୟ, ୪ ଶିମୋନ୍ ଅକଏତି ଇସ୍ରାଏଲ୍ ହଡକଆଃ ତନଲ୍‌ହେତେ ରାଡା ନାଗେନ୍ତେ ସାନାଙ୍ଗ୍ ତାଇକେନାଏ, ଆତଃ ଇଷ୍ଟାରିୟତ୍ ଯିହୁଦା ଅକଏତି ତାୟମ୍‌ତେ ୟାଶୁକେ ବାଇରିକଆଃ ତିଃଇରେ ଏମ୍ ଏଶ୍ରାଃକିୟାଏ ।

ବାରାଝାନ୍ ପ୍ରେରିତ୍‌କକେ ଏମାକାନ୍ ସେଞ୍ଜାକାମିରାଃ ବାହାରମ୍

(ମାର୍କ ୬:୭-୧୩; ଲୁକ ୯:୧-୬)

୫ ୟାଶୁ ନେ ଗେଲ୍‌ବାର୍ ତେଲ୍‌କକେ କୁଲ୍‌କେଦ୍‌ତେ ଇନ୍‌କୁକେ ଆତୁକତାନ୍‌ଲଃ ମେତାଦ୍‌କଆଏ, “ସାଅଁସାର୍ ହଡକତାଃତେ ଆଲ୍‌ପେ ସେନା ଚାଏ ଶମିରୋନିକଆଃ ଜେତା ସାହାର୍‌ତେ ଆଲ୍‌ପେ ବଲଆ । ୬ ମେନ୍‌ଦ ଇସ୍ରାଏଲ୍‌ରେନ୍ ହଡକ, ମିଶ୍ଟିକଲେକା ଆଦାକାନ୍ ହଡକତାଃତେ ସେନଃପେ । ୭ ଆତଃ ସେନ୍‌ତାନ୍ ସେନ୍‌ତାନ୍‌ଲଃ ‘ସିମ୍‌ନା ରାଇଜ୍ ନାଡ଼େଃକାନା’ ମେନ୍ତେ ଉଦୁବେପେ । ୮ ହାସୁତାନ୍‌କକେ ବୁଗିକପେ, ଗଏଃକାନକକେ ଜୀଉବିରିଦ୍‌କପେ, ନାଗେଦାଅକାନ୍‌କକେ ଫାର୍‌ଟିକପେ ଆତଃ ବଙ୍ଗାକକେ ହାର୍ ଅତଙ୍ଗ୍‌କପେ । ଆପେ ବେଗାର୍ ଗନଙ୍ଗ୍‌ତେ ନାମ୍‌କାଦ୍‌ତେୟାଃ ବେଗାର୍ ଗନଙ୍ଗ୍‌ତେ ଏମାକପେ । ୯ ଆପେୟାଃ ଆଇଲ୍‌ରେ ସୋନା, ରୁପା ଚାଏ ତାମ୍‌ବାରେୟାଃ ଚାକା ଆଲ୍‌ପେ ଇଦିୟା । ୧୦ *ଆତଃ ହରା ସେନ୍ ନାଗେନ୍ତେ ଆଇଲ୍‌ ଚାଏ ବାରିଆ ଦୁସିଙ୍ଗ୍ ଲିଜାଃ ଚାଏ ଖାର୍‌ପା ଚାଏ ସଟା ଆଲ୍‌ପେ ଇଦିୟା, ତିୟାଃତି କାମିନିଃଦ ଆୟାଃ ନାଲ୍ ନାମେ ଲେକାଃଏ ।

୧୧ “ଆତଃ ଆପେ ଜେତା ସାହାର୍‌ରେ ଚାଏ ହାତୁରେପେ ବଲରେଦ୍, ଏନ୍ତାଃରେ ଆପେକେ ସୁକୁଆପେତାନ୍‌ଲଃ ଦାରମ୍‌ପେନିଃକେ ଦାଣ୍ଡାଁଇପେ, ଆତଃ ଏନ୍ତାଃଏତେ ଆଉରି ସେନଃ ଜାକେଦ୍ ଏନ୍ତାଃରେଗି ତାଇନ୍‌ପେ । ୧୨ ଆତଃ ଆପେ ଏନ୍ ଅଡ଼ାଃରେ ବଲ ଇମ୍‌ତା, ‘ଆପେରେ ଜୀଉସୁକୁ ହବାଅଃକା’ ମେତାକପେ । ୧୩ ଆପେକେ ଏନ୍ ଅଡ଼ାଃରେନ୍ ହଡକ ଦାରମ୍‌ପେରେଦ୍, ଆପେୟାଃ ଜୀଉସୁକୁ ଇନ୍‌କୁରେ ତାଇନ୍‌କା, ମେନ୍‌ଦ ଇନ୍‌କୁ କାକ ଦାରମ୍‌ପେରେଦ୍ ଆପେୟାଃ ସୁକୁ ଆପେତାଃତେ ରୁହାଡକା । ୧୪ *ଆତଃ ଜେତାଏ କାକ ଦାରମ୍‌ପେରେଦ୍ ଚାଏ ଆପେୟାଃ କାଜି କାକ ଆୟୁମ୍‌ରେଦ୍, ଏନ୍ ଅଡ଼ାଃଏତେ ଚାଏ ଏନ୍ ସାହାର୍‌ଏତେ ଅତଙ୍ଗ୍ ଇମ୍‌ତା ଇନ୍‌କୁକେ ବାଗିକେଦ୍‌କଆପେ ମେନ୍ତେ ମିଆଁଦ୍ ତିଙ୍ଗାଁ ଲେକା ଆପେୟାଃ କାଟା ତାଲ୍‌କାରେୟାଃ ଧୁଡ଼ି କଟା ବାଗିତାପେ । ୧୫ *ଆଇଙ୍ଗ୍ ଆପେକେ ସାର୍‌ତିଗି କାଜିପେତାନାଇଙ୍ଗ୍, ବିଚାର୍ ହୁଲ୍‌ଙ୍ଗ୍‌ରେ ଏନ୍ ସାହାର୍‌ରେନ୍ ହଡକତାଃଏତେ ସୋଦମ୍ ଆତଃ ଗମ୍‌ରା ଦିଶୁମ୍‌ରେନ୍ ହଡକଆଃ ନାଗେନ୍ତେ ପାର୍‌ମେଶ୍‌ବାର୍ ପୁରାଃ ଲିବୁଇୟାକଆଏ ।

ହିଜୁଃତାନ୍ ସାସାତି

(ମାର୍କ ୧୩:୯-୧୩; ଲୁକ ୨୧:୧୨-୧୬)

୧୬ *ନେଲେପେ, ଆଇଙ୍ଗ୍ ଆପେକେ ମିଶ୍ଟିକ ଲେକା ହୁଶ୍ଟାର୍‌କ ଆଲାରେଇଙ୍ଗ୍ କୁଲ୍‌ପେତାନା, ଏନା ନାଗେନ୍ତେ ବିଙ୍ଗକ ଲେକା ସେଣ୍‌ନଃପେ ଆତଃ ଦୁଦୁମ୍‌ଲ୍‌କ ଲେକା ଲେବେୟାଃପେ । ୧୭ *ମେନ୍‌ଦ ହଡକତାଃଏତେ ଚିର୍ଗାଲ୍‌କାନ୍ ତାଇନ୍‌ପେ, ତିୟାଃତି ଇନ୍‌କୁ ଆପେକେ ପାଞ୍ଚେଟ୍‌କରେକ ଜିମାପେୟା ଆତଃ ସାମାଜ୍ ଅଡ଼ାଃକରେକ ହାଁଶ୍‌ସାପେୟା । ୧୮ ଆତଃ ଆଇୟାଃ ନାଗେନ୍ତେ ଆପେକେ ଇନ୍‌କୁତାଃ ଆତଃ ସାଅଁସାର୍‌କତାଃ ଗାଞ୍ଜା ଏମ୍ ନାଗେନ୍ତେ ହାକିମ୍ ଆତଃ ରାଜାକଆଃ ସାମ୍‌ନାଙ୍ଗ୍‌ତେକ ଆଉପେୟା । ହାକିମ୍ ଆତଃ ରାଜାକଆଃ ସାମ୍‌ନାଙ୍ଗ୍‌ତେକ ଆଉପେୟା । ୧୯ ମେନ୍‌ଦ ଚିମ୍‌ତାଙ୍ଗ୍ ଇନ୍‌କୁ ଆପେକେ ଜିମାପେୟାକ ଇମ୍‌ତା ଚିନାଃରୁ କାଜିୟା ଚିଲ୍‌କାରୁ କାଜିୟା ମେନ୍ତେ ସିଦାରେ ଆଲ୍‌ପେ ଉଡ଼ୁୟା, ତିୟାଃତି ଏନ୍ ଦିପିଲି

* ୧୦:୧୦ ୧୦:୧୦ ୧ କରିନ୍ଥିୟ ୯:୧୪; ୧ ତିମଥ୍ ୫:୧୮. * ୧୦:୧୪ ୧୦:୧୪ ପ୍ରେରିତ୍ ୧୩:୫୧. * ୧୦:୧୫ ୧୦:୧୫ ମାଧୁର୍ୟ୍ୟ ୧୧:୨୪. * ୧୦:୧୫ ୧୦:୧୫ ଲୁକ ୧୦:୪-୧୨. * ୧୦:୧୬ ୧୦:୧୬ ଲୁକ ୧୦:୩. * ୧୦:୧୭ ୧୦:୧୭ ମାର୍କ ୧୩:୯-୧୧; ଲୁକ ୧୨:୧୧, ୧୨; ୨୧:୧୨-୧୫.

ହିଜୁଆ ଇମତା ଆପେକେ ଅକଆଃ କାଜି ନାଗେନ୍ତେ ଏମଃଆ ଏନାପେ କାଜିୟା । ୨୦ ଚିୟାଃତି ଆପେ ଅକ କାଜିପେ କାଜିୟା ଏନାଦ ଆପେତେଗି କା, ମେନ୍ଦ ଆପେୟାଃ ଆପୁଆଃ ପାବିତାର୍ ଆମ୍ବାରାଃ ହରାତେପେ କାଜିୟା ।

୨୧ ✧ “ହାଗା ଆୟାଃ ହାଗାତେକେ ଆଡଃ ଆପୁ ଆୟାଃ ହନ୍ଦେ ଗଜି ନାଗେନ୍ତେ ଜିମାୟାଏ, ଆଡଃ ହନ୍ଦ ଆକଆଃ ଏକ୍ମା ଆପୁକଆଃ ବିରୁଧ୍ରେକ ବିରିଦାଃ ଆଡଃ ଇନ୍ଦକୁକେ ଗଏଃ ଇତିକଆକ । ୨୨ ✧ ଆଇଁୟାଃ ନାଗେନ୍ତେ ସବେନ୍ ହଡ଼କ ଆପେକେ ହିଲାଙ୍ଗ୍‌ପେୟାକ, ମେନ୍ଦ ଜେତାଏ ଚୁଣ୍ଟୁ ଜାକେଦ୍ ତିଙ୍ଗୁ କେଟେୟାକାନ୍ ତାଇନ୍ନିଃ ବାସ୍ତାଅଃଆଏ । ୨୩ ଚିମ୍ତାଙ୍ଗ୍ ଇନ୍ଦକୁ ଆପେକେ ମିଆଁଦ୍ ସାହାର୍ରେକ ସାସାତିପେରେ, ଇମ୍ତାଙ୍ଗ୍ ଏଗାଃ ସାହାର୍ରେ ନିର୍ପେ, ଚିୟାଃତି ଆଇଙ୍ଗ୍ ଆପେକେ ସାର୍ତ୍ତିଗି କାଜିପେତାନା, ଆପେ ଇସ୍ରାଏଲ୍‌ରାଃ ସବେନ୍ ସାହାର୍ରେ କାମି ଆଉରି ଚାବାଏ ସିଦାରେ ମାନଝାହନ୍ ହିଜୁଆଏ ।

୨୪ ✧ “ଗୁରୁଏତେ ଚେଲା କାଏ ମାରାଙ୍ଗ୍‌ଆଃ ଚାଏ ଆୟାଃ ଗମ୍‌କେଏତେ ଦାସି କାଏ ମାରାଙ୍ଗ୍‌ଆଁ । ୨୫ ✧ ଚେଲା ଆୟାଃ ଗୁରୁ ଲେକା ଆଡଃ ଦାସି ଆୟାଃ ଗମ୍‌କେ ଲେକା ହବାଅଃରେଦ, ଇନ୍ଦକୁକେ ଇମ୍‌ନାଙ୍ଗ୍‌ରେଗି ସୁକୁ ହବାଅଃ ଲାଗାତିଙ୍ଗ୍‌ୟାଃ । ଇନ୍ଦକୁ ଅଡ଼ାଃରେନ୍ ଗମ୍‌କେ କେ ବାଲ୍‌ଜେବୁଲ୍ ମେନ୍ତେକ ମେତାଇତାନ୍‌ରେଦ, ଇନିୟାଃ ଅଡ଼ାଃରେନ୍‌କକେ ଏନାଏତେ ଆଦକା ଏଡ଼କାନ୍‌କ ନୁଡୁମ୍‌କଆ ।

**ଅକଏକେ ବର ଲାଗାତିଙ୍ଗ୍‌ୟାଃ
(ଲୁକ ୧୨:୨-୭)**

୨୬ ✧ “ଏନା ନାଗେନ୍ତେ ହଡ଼କକେ ଆଲ୍‌ପେ ବରଆକଆ, ଚିୟାଃତି ଅକ୍‌ନାଃ ଉକୁଆକାନ୍‌ତେୟାଃ ଉଦୁବଃଆ ଆଡଃ ଅକ୍‌ନାଃ ଦାନାଙ୍ଗ୍‌ଆଁକାନ୍‌ତେୟାଃ ସାରିୟାଃଆ । ୨୭ ଆଇଙ୍ଗ୍ ଆପେକେ ଅକ୍‌ନାଃ ନୁବାଃରେଇଙ୍ଗ୍ କାଜିକାଦ୍‌ତେୟାଃ ମାର୍‌ସାଲ୍‌ରେ ଉଦୁବେପେ ଆଡଃ ଅକ୍‌ନାଃ ଉକୁକେଦ୍‌ତେ ଆୟୁମେତେୟାଃ ସାଡ଼୍‌ମି ଚେତାନ୍‌ଏତେ ଉଦୁବେପେ । ୨୮ ଆପେୟାଃ ହଡ଼ମ୍ ଗଗଏଃକକେ, ମେନ୍ଦ ଆମ୍‌କେ କା ଗଏଃ ଦାଡ଼ିକକେ ଆଲ୍‌ପେ ବରଆକଆ, ମେନ୍ଦ ପାର୍‌ମେଶ୍‌ୟାର୍ ଆପେୟାଃ ହଡ଼ମ୍ ଆଡଃ ଆମ୍‌ ବାରାନାଃକେ ନାରାକ୍‌ରେ ଜିୟନ୍ ଦାଡ଼ିୟାଏ, ଇନିଃକେ ବରଆଇପେ । ୨୯ ଚିୟାଃ ବାରିଆ ଗେରୁଝାକିନ୍ ମିଦ୍ ସିକାତେ କାକିନ୍ ଆଖ୍‌ରିଙ୍ଗ୍‌ୟାଃ ? ହଲେହ୍ ଆପେୟାଃ ଆପୁଆଃ ବେଗାର୍ ଆଡୁତେ ଇନ୍‌କିନ୍‌ଏତେ ମିଆଁଦ୍‌ହ୍ ଅତେ ଲାଡ଼ାର୍ରେ କାଏ ଉୟୁଗଃଆ । ୩୦ ମେନ୍ଦ ଆପେୟାଃ ବହଃରାଃ ସବେନ୍ ଉଦ୍‌ହ ଲେକାକାନା । ୩୧ ଏନା ନାଗେନ୍ତେ ଆଲ୍‌ପେ ବରଏୟା, ଆପେ ପୁରାଃ ଗେରୁଝାକଏତେ ପୁରାଃଗି ଗନଙ୍ଗ୍‌ଆଃପେ ।

୩୨ “ଜେତାଏ ନେପେଲ୍‌ରେ ଆପାନ୍‌କେ ଆଇଁୟାଃ ମେନ୍ତେ ଆଡଃ ଆଇଙ୍ଗ୍‌କେ ସାରିୟାଃକ ମେନ୍ତେ ହଡ଼କଆଃ ଆୟାର୍ରେ ଆଇଙ୍ଗ୍‌କେ ସାରିୟାଃଇଙ୍ଗ୍ ମେନ୍ତେ କାଜିରେଦ, ଆଇଙ୍ଗ୍‌ହ୍ ଆଇଁୟାଃ ସିର୍ମାରେନ୍ ଆପୁଆଃ ଆୟାର୍ରେ ଇନିଃକେ ସାରିୟାଃଇଙ୍ଗ୍ ମେନ୍ତେ କାଜିୟାଇଙ୍ଗ୍ । ୩୩ ✧ ମେନ୍ଦ ଜେତାଏ ହଡ଼କଆଃ ଆୟାର୍ରେ ଆଇଙ୍ଗ୍‌କେ କାଇଙ୍ଗ୍ ସାରିୟାଃ ମେନ୍ତେ କାଜିନିଃକେ, ଆଇଙ୍ଗ୍‌ହ୍ ଆଇଁୟାଃ ସିର୍ମାରେନ୍ ଆପୁଆଃ ଆୟାର୍ରେ ଇନିଃକେ କାଇଙ୍ଗ୍ ସାରିୟାଃ ମେନ୍ତେ କାଜିୟାଇଙ୍ଗ୍ ।

**ଜାଉସୁକୁ କା ମେନ୍ଦ ତାରାଉଡ଼ି*
(ଲୁକ ୧୨:୫୧-୫୩; ୧୪:୨୬-୨୭)**

୩୪ “ଆଇଙ୍ଗ୍ ଅତେଦିଶ୍‌ମ୍‌ରେ ଜାଉସୁକୁ ଏମ୍‌ତେ ହିଜୁଆକାନାଇଙ୍ଗ୍ ମେନ୍ତେ ଆଲ୍‌ପେ ଆବ୍‌କାରେୟା । ବାନଃଗି, ଜାଉସୁକୁ ଏମ୍ ନାଗେନ୍ତେଦ କା ମେନ୍ଦ ତାରାଉଡ଼ି ଏମ୍ ନାଗେନ୍ତେ ହିଜୁଆକାନାଇଙ୍ଗ୍ । ୩୫ ଚିୟାଃତି ଆଇଙ୍ଗ୍ ହନ୍ଦକଡ଼ା ବିରୁଧ୍ରେ ଆପୁ, ଆଡଃ ହନ୍ଦକୁଡ଼ି ବିରୁଧ୍ରେ ଏକ୍ମା, କିମିନ୍ ବିରୁଧ୍ରେ ହାନାର୍ରେକେ ବିନ୍‌ଗାଅ ନାଙ୍ଗ୍ ହିଜୁଆକାନାଇଙ୍ଗ୍ । ୩୬ ଆଡଃ ଅଡ଼ାଃରେନ୍‌କଗି ଅଡ଼ାଃରେନ୍‌କଆଃ ବାଇରିକ ବାୟାଃ ।

୩୭ “ଜେତାଏ ଆୟାଃ ଏକ୍ମା ଚାଏ ଆପୁତେକେ ଆଇଙ୍ଗ୍‌ଏତେ ଆଦକା ଦୁଲାଡ଼ରେଦ, ଇନିଃ ଆଇଁୟାଃ ଚେଲା ବାଇୟଃ ଲେକାନ୍‌ନିଃ ନାହାଁଲିଃ, ଆଡଃ ଜେତାଏ ଲେକା ଆୟାଃ ହନ୍ତେକଡ଼ା ଚାଏ ହନ୍ତେକୁଡ଼ିକେ ଆଇଙ୍ଗ୍‌ଏତେ ଆଦକା ଦୁଲାଡ଼ରେଦ, ଇନିଃ ଆଇଁୟାଃ ଚେଲା ବାଇୟଃ ଲେକାନ୍‌ନିଃ ନାହାଁଲିଃ । ୩୮ ✧ ଜେତାଏ ଆୟାଃ କୁଗ୍ ଗଅଃକେଦ୍‌ତେ ଆଇଙ୍ଗ୍‌କେ କାଏ ଅତଙ୍ଗ୍‌ଇଙ୍ଗ୍‌ରେଦ, ଇନିଃ ଆଇଁୟାଃ ଚେଲା

✧ ୧୦:୨୧ ୧୦:୨୧ ମାର୍କ ୧୩:୧୨; ଲୁକ ୨୧:୧୬. ✧ ୧୦:୨୨ ୧୦:୨୨ ମାଥୁର ୨୪:୯; ମାର୍କ ୧୩:୧୩; ଲୁକ ୨୧:୧୭ମାଥୁର ୨୪:୧୩; ମାର୍କ ୧୩:୧୩. ✧ ୧୦:୨୪ ୧୦:୨୪ ଲୁକ ୬:୪୦ଯୋହାନ୍ ୧୩:୧୬; ୧୫:୨୦. ✧ ୧୦:୨୫ ୧୦:୨୫ ମାଥୁର ୯:୩୪; ୧୨:୨୪; ମାର୍କ ୩:୨୨; ଲୁକ ୧୧:୧୫. ✧ ୧୦:୨୬ ୧୦:୨୬ ମାର୍କ ୪:୨୨; ଲୁକ ୮:୧୭. ✧ ୧୦:୩୩ ୧୦:୩୩ ୨ ତିମଥୁ ୨:୧୨. * ୧୦:୩୩ ୧୦:୩୪ ଖାଣ୍ଡା ✧ ୧୦:୩୮ ୧୦:୩୮ ମାଥୁର ୧୬:୨୪; ମାର୍କ ୮:୩୪; ଲୁକ ୯:୨୩.

ବାଇୟା ଲେକାନିନିଃ ନାହାଁଲିଃ । ୩୯ ✨ଜେତାଏ ଆୟାଃ ଜୀଉ ନାମେନିଃ, ଏନାଏ ଆଦେୟା ଆଡ଼ଃ ଜେତାଏ ଆଇୟାଃ ନାଗେନ୍ତେ ଆୟାଃ ଜୀଉ ଆଦେନିଃ, ଏନାଏ ନାମେୟା ।

**ନାଲା ନାମେନିଃ
(ମାର୍କ ୯:୪୧)**

୪୦ ✨“ଜେତାଏ ଆପେକେ ସୁକୁଆପେନିଃ, ଆଇଙ୍ଗକେ ସୁକୁଆୟାଏ, ଆଡ଼ଃ ଆଇଙ୍ଗକେ ସୁକୁଆଇଙ୍ଗନିଃ, ଆଇଙ୍ଗକେ କୁଲ୍‌ନିଃକେ ସୁକୁଆଇୟାଏ । ୪୧ ଜେତାଏ, ନାବୀ ତାନିଃ ମେନ୍ତେ ପାର୍‌ମେଶ୍ୱାର୍‌ଆଃ କୁନୁଲ୍‌ନିଃ ଲେକା ଦାର୍‌ମିନିଃ ନାବୀଆଃ ନାଲାଏ ନାମେୟା ଆଡ଼ଃ ଜେତାଏ, ଇନିଃ ଧାର୍‌ମାନ୍ ହଡ଼ ତାନିଃ ମେନ୍ତେ ଧାର୍‌ମାନ୍ ହଡ଼ ଲେକାଏ ସୁକୁଆଇନିଃ ଧାର୍‌ମାନ୍ ହଡ଼ଆଃ ନାଲାଏ ନାମେୟା । ୪୨ ଆଡ଼ଃ ଜେତାଏ, ନେ ହୁପ୍‌ଡ଼ିଙ୍ଗକଏତେ ମିହୁଡ଼କେ ଇନିଃ ଆଇୟାଃ ତେଲା ତାନିଃ ମେନ୍ତେ ମିଦ୍ ଗିଲାୟ୍ ରେହାଡ଼୍ ଦାଆଃ ନୁଏ ନାଗେନ୍ତେ ଏମାଲରେଦ୍, ଆଇଙ୍ଗ ଆପେକେ ସାର୍‌ତିଗି କାଜିପେତାନାଇଙ୍ଗ, ଇନିଃ ଆଇୟାଃ ତେଲାତାନିଃ ମେନ୍ତେ ଆୟାଃ ନାଲା ନାମେଗିୟାଏ ।”

୧୧

**ୟାଶୁ ଆଡ଼ଃ ବାପ୍ତିସ୍ତା ଏମାଃନିଃ ଯୋହାନ୍
(ଲୁକ ୭:୧୮-୩୫)**

୧ ଯାଶୁ ଆୟାଃ ଗେଲ୍‌ବାର୍ ତେଲାକକେ ଆତୁ ଚାବାକେଦକତି, ଇନିଃ ଏନ୍ତାଃ ବାଗିକେଦ୍‌ତେ ହେପାଦରାଃ ସାହାର୍‌ତେ ହଡ଼କକେ ଇତୁକ ନାଙ୍ଗ୍ ଆଡ଼ଃ ପ୍ରାଚାର୍ ନାଗେନ୍ତେ ସେନଃୟାନାଏ ।

୨ ଏନ୍ତେ ବାପ୍ତିସ୍ତା ଏମାଃନିଃ ଯୋହାନ୍ ଜେହେଲ୍‌ରେ ତାଇକେନ୍ ଇମତା ଖୀଷ୍ଟୁଆଃ କାମିକ ଆୟୁମକେଦ୍‌ତେ, ଆୟାଃ ବାର୍‌ହଡ଼୍ ତେଲାକିନ୍‌କେ ଇନିଃତାଃ କୁଲି ନାଗେନ୍ତେ କୁଲ୍‌କେଦକିନାଏ । ୩ ଇନିକିନ୍ ଯାଶୁକେ କୁଲିକିୟାକିନ୍, “ଅକନ୍ ହଡ଼ ହିଜୁଃଆଏ ମେନ୍ତେ ଯୋହାନ୍ କାଜିକାଦ୍ ତାଇକେନାଏ, ଇନିଃ ଆମଗି ତାନମେ ଚି ଏଗାଃନିଃଲେ ନେଲ୍‌ହରାଇୟା ?”

୪ ଯାଶୁ ଇନିକିନ୍‌କେ ମେତାଦକିନା, “ଆବେନ୍ ରୁହାଡ଼୍‌କେଦ୍‌ତେ ଅକ୍‌ନାଃବେନ୍ ନେଲାକାଦା ଆଡ଼ଃ ଆୟୁମାକାଦା ଏନାକ ଯୋହାନ୍‌କେ ଉଦୁବାଇବେନ୍ । ୫ କା ନେଲ୍‌ଦାଡ଼ିତାନକ ନେଲେତାନା, କାଟା ଲେଙ୍ଗ୍‌ଡ଼ାକାନ୍‌କ ସେସେନ୍‌ତାନା, ନାଗେଦାଅକାନ୍‌କ ବୁଗି ନିଆଁରଃତାନା, ଭାଏଁରାକାନ୍‌କ ଆୟୁମେତାନା, ଗଜାକାନ୍‌କ ଜୀଉବିରିଦ୍ ରୁହାଡ଼ଃତାନା, ଆଡ଼ଃ ରେଙ୍ଗେଃ ହଡ଼କତାଃରେ ସୁକୁକାଜି ଉଦୁବଃତାନା । ୬ ଆଡ଼ଃ ଆଇୟାଃ ବିଷାଏରେ ଅକନ୍‌କଆଃ ଜେତାନ୍ ଆଡ଼ଃଉଡ଼ୁ ବାନଃଆ, ଇନକୁ ସୁକୁତାନ୍‌ଗିୟା ।”

୭ ଯୋହାନ୍‌ଆଃ ତେଲାକ ସେନଃ ତାଇକେନ୍ ଇମତା ଯାଶୁ ଯୋହାନ୍‌ଆଃ ବିଷାଏରେ ପୁରାଃ ହଡ଼କକେ କାଜି ଏଟେଦକେଦ୍‌ଆଏ, “ଆପେ ଯୋହାନ୍‌କେ ନେଲ୍ ନାଗେନ୍ତେ ସେନ୍‌କେନାପେ ଇମତା, ଚିକ୍‌ନାଃ ନେଲ୍ ନାଗେନ୍ତେ ସେନ୍‌କେନାପେ ? ଚିନାଃ ହୟତେ ଏକ୍‌ଲାଅଃତାନ୍ ବିର୍‌ନି ତାସାଦକେ ?

୮ ଏନା କାହାରେଦ୍ ଚିକ୍‌ନାଃ ନେନେଲ୍‌ତେପେ ଅଡ଼ଙ୍ଗକାନ୍ ତାଇକେନା । ଚିନାଃ ଗନଙ୍ଗ୍‌ଆଁନ୍ ଲିଜାଃ ତୁସିଙ୍ଗ୍‌ଆଁକାନ୍ ହଡ଼କେ ? ଗନଙ୍ଗ୍‌ଆଁନ୍ ଲିଜାଃ ତୁସିଙ୍ଗ୍‌ଆଁକାନ୍ ହଡ଼କ ରାଜାକଆଃ ଅଡ଼ଃକରେକ ତାଇନାଃ । ୯ କାଜିଙ୍ଗ୍‌ପେ, ଏନା କାହାରେଦ୍, ଚିକ୍‌ନାଃ ନେନେଲ୍‌ତେପେ ଅଡ଼ଙ୍ଗ୍‌ଲେନା ? ଚିନାଃ ମିଆଁଦ୍ ନାବୀକେ ? ଆଇଙ୍ଗ ଆପେକେ ସାର୍‌ତିଗି ମେତାପେ ତାନାଇଙ୍ଗ, ନାବୀଏତେ ମାରାଙ୍ଗ୍‌ନିଃକେପେ ନେଲିୟା ।

୧୦ ଚିୟାଃଚି ଯୋହାନ୍‌ଆଃ ନାଗେନ୍ତେ ଧାର୍‌ମାପ୍‌ପୁଥୁରେ ନେଆଁ ଅଲାକାନା, ‘ପାର୍‌ମେଶ୍ୱାର୍ କାଜିକେଦାଏ, ଆଲେ ଆମାଃଏତେ ସିଦାରେ ଆଲେୟାଃ ହୁଡ଼କେଲେ କୁଲିତାନା ଇନିଃ ଆମାଃ ନାଗେନ୍ତେ ପାହିଲାରେ ହରା ବାଇୟାଏ ।’ ୧୧ ଆଇଙ୍ଗ ଆପେକେ ସାର୍‌ତିଗିଙ୍ଗ୍ କାଜିୟାପେତାନା, କୁଡ଼ିକଏତେ ଜାନାମାକାନ୍ ସବେନ୍‌କଆଃ ଭିତାର୍‌ରେ ବାପ୍ତିସ୍ତା ଏମାଃନିଃ ଯୋହାନ୍‌ଏତେ ମାରାଙ୍ଗ୍ ଜେତାଏ ବାଙ୍ଗାଲୟା, ହଲେହୁଁ ସିର୍‌ମା ରାଇଜ୍‌ରେନ୍ ହୁଡ଼ିଙ୍ଗ୍‌ନିଃ ଯୋହାନ୍‌ଏତେ ମାରାଙ୍ଗ୍‌ଆଏ । ୧୨ ✨ଆଡ଼ଃ ବାପ୍ତିସ୍ତା ଏମାଃନିଃ ଯୋହାନ୍ ଆୟାଃ କାଜି ପ୍ରାଚାର୍‌କେଦ୍ ଦିପିଲିଏତେ ତିସିଙ୍ଗ୍ ଜାକେଦ୍ ସିର୍‌ମା ରାଇଜ୍‌ରେ ପୁରାଃଗି ପେଡ଼େୟାନ୍‌ତେ ଏଡ଼କାନ୍ ହଡ଼କ ଏନାକେ ଆକ୍‌ତେୟାର୍‌ରେ ନାଗେନ୍ତେ ସାନାଙ୍ଗ୍ ତାନାକ । ୧୩ ଯୋହାନ୍‌ଆଃ ଦିପିଲି ଜାକେଦ୍ ସବେନ୍ ନାବୀକ ଆଡ଼ଃ ମୁଶାରାଃ ଆନ୍‌ତୁ ସିର୍‌ମା ରାଇଜ୍ ବିଷାଏରେ ଆୟାର୍‌କାଜିକ କାଜିକାଦା । ୧୪ ✨ଆଡ଼ଃ ଆପେ ଆପେୟାଃ ମନେଲେକା ଇନ୍‌କୁଆଃ କାଜିପେ ବିଶ୍ୱାସେରେଦ୍, ଏନ୍ ହିଜୁଃତାଇକେନ୍ ଏଲିୟ ନିଃଗି ତାନିଃ । ୧୫ ଆୟୁମ୍ ନାଗେନ୍ତେ ଲୁଡୁର୍ ମେନାଃନିଃ ଆୟୁମେକାଏ ।

୧୬ “ଆଇଙ୍ଗ ନେ ଦିପିଲିରେନ୍ ହଡ଼କକେ ଅକ୍‌ଏଲଃ ଜକାକଆଇଙ୍ଗ ? ଇନ୍‌କୁଦ୍ ପିଟ୍‌ରେ ଦୁବାକାନ୍ ଆଡ଼ଃ ଆକ ଆକରେ କେଡ଼ାଅଃତାନ୍ ହନ୍‌କ ଲେକାଃକ, ୧୭ ‘ଆଲେ ଆପେ ନାଗେନ୍ତେ ମୁରଲିଲେ

✨ ୧୦:୩୯ ୧୦:୩୯ ମାଥିଉ ୧୭:୨୫; ମାର୍କ ୮:୩୫; ଲୁକ ୯:୨୪; ୧୭:୩୩; ଯୋହାନ୍ ୧୨:୨୫. ✨ ୧୦:୪୦ ୧୦:୪୦ ଲୁକ ୧୦:୧୭; ଯୋହାନ୍ ୧୩:୨୦ମାର୍କ ୯:୩୭; ଲୁକ ୯:୪୮. ✨ ୧୧:୧୨ ୧୧:୧୨ ଲୁକ ୧୭:୧୭. ✨ ୧୧:୧୪ ୧୧:୧୪ ମାଥିଉ ୧୭:୧୦-୧୩; ମାର୍କ ୯:୧୧-୧୩.

ସାଜିକେଦା, ମେନ୍ଦ ଆପେ କାପେ ସୁସୁନ୍‌କେଦାଃ, ଆଲେ ଦୁକୁତାନ୍ ଦୁରାଙ୍ଗଲେ ଦୁରାଙ୍ଗକେଦାଃ ମେନ୍ଦ ଆପେ କାପେ ରାଆଃ କେଦାଃ ।^{୧୮} ନେ ଦିପିଲିରେନ୍ ହଡକ ଏନ୍ ଲେକାନ୍‌କ ତାନ୍‌କ ।^{୧୮} ବାପ୍ତିସ୍ତା ଏମଃନିଃ ଯୋହାନ୍ କାଟାବ୍‌କେଦାଏ ଆଡଃ ଦାଖରାସି କାଏ ନୁଁ କେଦାଃ, ଆଡଃ ହଡକ ‘ଇନିଃକେ ବଙ୍ଗା ଏସେରକିୟାଏ’ ମେନ୍ତେକ କାଜିକେଦା ।^{୧୯} ଚିମ୍ତା ମାନଝାହନ୍ ହିଜୁଃକେଦ୍‌ତେ ଜମ୍ ନୁଁ କେଦାଏ, ଇମ୍ତା ହଡକ ଇନିଃକେ ‘ପେଟୁ ଆଡଃ ଦାଖରାସି ନୁଁ ହଡ, ମାଲ୍‌ହାରମ୍‌କଆଃ ଆଡଃ ପାପିକଆଃ ଗାତି ତାନିଃ’ କାଜିକିୟାକ । ମେନ୍ଦ ପାର୍‌ମେଶ୍‌ବରଆଃ ସେଣାଁ ଆୟାଃ କାମିତେ ଏନା ସାର୍‌ତି ମେନ୍ତେ ଉଦୁବାକାନା ।”

କା ବିଶ୍ୱାସତାନ୍ ସାହାରକ
(ଲୁକ ୧୦:୧୩-୧୫)

^{୨୦} ଯୀଶୁ ଅକନ୍ ସାହାରରେନ୍ ହଡକତାଃରେ ଆୟାଃ ପୁରାଃ ଆକ୍‌ଦାନ୍‌ଆ କାମିକ ରିକାକାଦ୍ ତାଇକେନାଏ, ଏନ୍ ସାହାରରେନ୍ ହଡକକେ ଇନିଃ ହିଲାଇକ୍‌କେଦ୍‌କଆଏ, ଚିୟାଃତି ଇନ୍‌କୁ କାକ ହେୟାତିକ୍‌କେଦା ।^{୨୧} “ଏ କରାଜିନ୍, ଆମାଃ ଚିମିନ୍ ପୁରାଃ ବରଝାନ୍‌ଗି ହବାଅଃଆ, ଏ ବେଥ୍‌ସାଇଦା, ଚିମିନ୍ ପୁରାଃ ବରଝାନ୍‌ଗି ହବାଅଃଆ, ଆବେନ୍‌ରେ ହବାୟାନ୍ ଆକ୍‌ଦାନ୍‌ଆ କାମିକ ସୋର୍ ଆଡଃ ସିଦୋନ୍‌ରେ ହବାକାନ୍‌ରେଦ, ଇଦୁ ଇନ୍‌କୁ ଚିଲଲାରେ ବସ୍ତା ତୁସିକ୍‌କେଦ୍‌ତେ ଆଡଃ ତରେକ୍ ଚେତାନ୍‌ରେ ଦୁବ୍‌କେଦ୍‌ତେ ମନ୍‌ରୁହାଡ୍ କେଦ୍‌ତେୟାଃକ ।^{୨୨} ଆଇଙ୍ଗ୍ ସାର୍‌ତିଗିଙ୍ଗ୍ କାଜିୟାପେତାନା, ବିଚାର୍ ହୁଲାଇଙ୍ଗ୍‌ରେ ପାର୍‌ମେଶ୍‌ବର ଆପେତାଃଏତେ ସୋର୍ ଆଡଃ ସିଦୋନ୍‌ରେନ୍ ହଡକକେ ପୁରାଃ ଲିବୁଇୟାକଆଏ ।^{୨୩} ଆଡଃ ଏ କପର୍‌ନାହୁମ୍, ଚିୟାଃ ଆମ୍ ସିମାଁ ଜାକେଦେମ୍ ରାକାବଆଃ ? ବାନଃଗି ଆମ୍ ପାତାଲ୍ ଜାକେଦେମ୍ ଏଣ୍ଟାଗଆଃ । ଚିୟାଃତି ଆମ୍‌ରେ ଅକନ୍ ଆକ୍‌ଦାନ୍‌ଆ କାମିକ ରିକାୟାନା, ଏନା ସଦୋମ୍‌ରେ କାମିୟାକାନ୍‌ତେୟାଃ ହଲେ ସୋଦମ୍ ତିସିଙ୍ଗ୍ ଜାକେଦ୍ ତାଇକାନ୍‌ତେୟାଃ ।^{୨୪} *ମେନ୍ଦ ଆଇଙ୍ଗ୍ ଆପେକେ ସାର୍‌ତିଗିଙ୍ଗ୍ କାଜିପେତାନା, ବିଚାର୍ ହୁଲାଇଙ୍ଗ୍‌ରେ ପାର୍‌ମେଶ୍‌ବର ଆପେତାଃଏତେ ସୋଦମ୍ ଦିଶ୍‌ମ୍‌ରେନ୍ ହଡକକେ ପୁରାଃ ଲିବୁଇୟାକଆଏ ।”

ଲାଗାକାନ୍‌କ ଯୀଶୁତାଃ ହିଜୁଃପେ ରୁଡ୍‌ନୁପେ ନାମେୟା
(ଲୁକ ୧୦:୨୧-୨୨)

^{୨୫} ଏନ୍ ଦିପିଲିରେ ଯୀଶୁ ବିକ୍ତିକେଦ୍‌ତେ କାଜିକେଦାଏ, “ହେ ଆବା, ସିମାଁ ଆଡଃ ଅତେରେନ୍ ପ୍ରାଭୁ, ଆମ୍ ନେ କାଜିକ ସେଣାଁନ୍‌କ ଆଡଃ ଇଡୁଆନ୍‌କତାଃଏତେମ୍ ଦାନାଙ୍ଗ୍‌ଆଁ କାଦାଃ, ଆଡଃ କା ଇଡୁଆକାନ୍‌କତାଃରେମ୍ ଉଦୁବାକାଦାଃ ମେନ୍ତେଇଙ୍ଗ୍ ଧାନ୍‌ଧାବାଦ୍ ଏମାମ୍‌ତାନାଇଙ୍ଗ୍ ।^{୨୬} ହେଗି, ହେ ଆବା, ନେୟାଁଗିଦ୍ ଆମାଃ ବୁଗିନ୍ ସାନାଙ୍ଗ୍ ।

^{୨୭} *“ଆପୁଇଙ୍ଗ୍ ସବେନାଃ ଏମାକାଦିୟାଏ, ଆପୁକେ ବାଗିକେଦ୍‌ତେ ହନ୍ ଅକଏ ତାନିଃ ନେୟାଁ ଜେତାଏ କାକ ସାରିୟାଃ, ଆଡଃ ହନ୍‌କେ ବାଗିକେଦ୍‌ତେ ଆପୁ ଅକଏ ତାନିଃ ନେୟାଁ ଜେତାଏ କାକ ସାରିୟାଃ । ମେନ୍ଦ ଅକନ୍‌କେ ଏନା ସାରି ନାଗେନ୍ତେ ହନ୍ ଆଇଃକ୍‌ଗି ସାଲାକୁଆଏ, ଇନ୍‌କୁ ଏସ୍‌କାର୍ ପାର୍‌ମେଶ୍‌ବରଆଃ ବିଷାଏରେ ସାରିୟାଃକ ।

^{୨୮} “ଏ ଲାଗାକାନ୍ ଆଡଃ ବାହାରମ୍‌ତେ ତେନାକାନ୍ ହଡକ ଆଇଙ୍ଗ୍‌ତାଃତେ ହିଜୁଃପେ, ଆଇଙ୍ଗ୍ ଆପେକେ ରୁଡ୍‌ନୁଇଙ୍ଗ୍ ଏମାପେୟା ।^{୨୯} ଆଇଁୟାଃ ଆଡ୍‌ନା ଗଅଃଏପେ ଆଡଃ ଆଇଙ୍ଗ୍‌ଏତେ ଇଡୁନ୍‌ପେ, ଚିୟାଃତି ଆଇଙ୍ଗ୍‌ଦ ମନ୍‌ରେ ଲେବେଃ ଆଡଃ ନାରାମ୍‌ଗିୟାଈଙ୍ଗ୍, ଆଡଃ ଆପେ ରୁଡ୍‌ନୁପେ ନାମେୟା ।^{୩୦} ଆଇଁୟାଃ ଆଡ୍‌ନାଦ୍ କେଚେଦ୍ ବାନଆଃ ଆଡଃ ବାହାରମ୍ ତାଇୟାଃ କା ହାମ୍‌ଲାଃ ।”



ରୁଡ୍‌ନୁ ହୁଲାଇଙ୍ଗ୍ ବିଷାଏରେ କୁନୁଲି
(ମାର୍କ ୨:୨୩-୨୮; ଲୁକ ୬:୧-୫)

^୧ ଏନ୍ ଦିପିଲିରେ ଯୀଶୁ ରୁଡ୍‌ନୁ ହୁଲାଇଙ୍ଗ୍‌ରେ ହେରାକାନ୍ ପିଡ୍ଡି ଆଲାଆଲାତେ ସେନଃତାନ୍ ତାଇକେନାଏ, ଆଡଃ ଆୟାଃ ଚେଲାଇ ରେଙ୍ଗେଃତେ ଗେଲେ ଜ୍‌କେ ହଡ୍‌କେଦ୍‌ତେ ଜମ୍‌କେଦାକ ।^୨ ମେନ୍ଦ ଫାରୁଶୀକ ଏନା ନେଲ୍‌କେଦ୍‌ତେ, ଯୀଶୁକେ କାଜିକିୟାକ, “ନେଲେମେ, ରୁଡ୍‌ନୁ ହୁଲାଇଙ୍ଗ୍‌ରେ କା ଲାଗାତିକ୍ କାମି ଆମାଃ ଚେଲାଇ କାମିତାନା ।”

^୩ ଯୀଶୁ ଇନ୍‌କୁକେ କାଜିରୁହାଡ୍‌ଦାକଆଏ, “ଦାଉଦ୍ ଆଡଃ ଆୟାଃ ଗାତିକ ରେଙ୍ଗେଃୟାନ୍ ଇମ୍‌ତା ଚିନାଃଏ କାମିକେଦାଃ ଏନା କାପେତି ପାଢାଝା କାଦାଃ ?^୪ ଇନିଃ ପାର୍‌ମେଶ୍‌ବରଆଃ ଅଡଃତେ ବଲୟାନା, ଆଡଃ ପାର୍‌ମେଶ୍‌ବରଆଃ ନୁଡୁମ୍‌ରେ ଏମାକାନ୍ ହଲଙ୍ଗ୍, ଅକ୍‌ନାଃକେଚି ଆଇନ୍ ଲେକାତେ

* ୧୧:୨୪ ୧୧:୨୪ ମାଧୁର ୧୦:୧୫; ଲୁକ ୧୦:୧୨. * ୧୧:୨୭ ୧୧:୨୭ ଯୋହାନ୍ ୩:୩୫; ଯୋହାନ୍ ୧:୧୮; ୧୦:୧୫.

ଯାଜାଙ୍କ ଏସକାର ଜମ୍ ଦାଡ଼ିଯାଏ ମେନଃତାନା, ଏନାକେ ଆଉକେଦ୍‌ତେ ଜମ୍‌କେଦାଏ ଆଡ଼ଃ ଆୟାଃଲଃ ତାଇକାନକକେୟ ଜମ୍‌ନାଙ୍କ ଏମାଦକଆଏ । * ଚାଏ ରୁଡ଼ନ୍ ହୁଲାଙ୍‌ରେ ଯାଜାଙ୍କ ମାହିର୍ ଅଡ଼ଃରେ ରୁଡ଼ନ୍ ହୁଲାଙ୍‌କେ ସଡ଼ରାଏ ରେୟ କାକ ଚିଟାଅଥା, ନେଆଁ ଚିନାଃ ମୁଣାରାଃ ଆନରୁରେ ଆପେ କାପେ ପାଡ଼ାଅକାଦା ? ୬ ଆଇଙ୍‌ ଆପେକେ ମେତାପେ ତାନାଇଙ୍‌, ମାହିର୍ ଅଡ଼ଃଏତେ ମାରାଙ୍‌ ନେତାଃରେ ମେନାଇୟା । ୭ *ଧାରାମ୍‌ପୁଥୁରେ ଅଲ୍‌କାନା, “ଆଇଙ୍‌ ଦାଣ୍‌ରାକାବ୍ କାହାଗି ମେନ୍‌ଦ ଲିବୁଇଙ୍‌ ସୁକୁତାନା,” ନେଆଁରାଃ ମୁଣ୍ଡିପେ ଆଟ୍‌କାର୍‌ଉରୁମ୍‌କାରେଦ, ନେ ବେଗାର୍ ଗୁଣ୍ଡାନ୍‌କକେ କାପେ ଚିଟାକାକତେୟା । ୮ ଚିୟାଃଚି ମାନ'ଖାହନ୍ ରୁଡ଼ନ୍ ହୁଲାଙ୍‌ରେନ୍ ଗମ୍‌କେ ତାନିଃ ।”

ୟୀଶୁ ରହଡ଼ିଃଇ ହଡ଼କେ ବୁଗି ତାନାଏ
(ମାର୍କ ୩:୧-୬; ଲୁକ ୬:୬-୧୧)

୯ ଯୀଶୁ ଏନ୍ ଠାୟାଦ୍ ବାଗିକେଦ୍‌ତେ ସାମାଜ୍ ଅଡ଼ଃତେ ବଲୟାନା । ୧୦ ଆଡ଼ଃ ଏଡ଼ଃରେ ତିଃଇ ରହଡ଼ାକାନ୍ ମିଆଁଦ୍ ହଡ଼ ତାଇକେନାଏ । ଏଡ଼େ ଚିମିନ୍ ହଡ଼କ ଯୀଶୁକେ ଚିଟାଇ ନାଗେଡ଼େ କୁଲିକିୟାକ, “ରୁଡ଼ନ୍ ହୁଲାଙ୍‌ରେ ବୁଗିତେୟାଃ ଆଇନ୍ ଲେକାତେ ଠାଉକାନ୍‌ଗିୟାଚି ?”

୧୧ *ୟୀଶୁ ଇନ୍‌କୁକେ କାଜିରୁହାଡ଼ାଦକଆ, “ଆପେକଏତେ ଜେତାଏୟାଃ ମିଣ୍ଡି, ରୁଡ଼ନ୍ ହୁଲାଙ୍‌ ଗାଡ଼ାରେ ଉୟୁଃକେନଃରେ, ଚିୟାଃ ଆପେ ଇନିଃକେ ସାବ୍‌କିତେ କାପେ ଅଡ଼ଙ୍‌କୟା ? ୧୨ ଆଡ଼ଃ ମିଣ୍ଡିଏତେ ହଡ଼ ପୁରାଃଗି ଗନଙ୍‌ଆଁଏ । ଏନା ନାଗେଡ଼େ ରୁଡ଼ନ୍ ହୁଲାଙ୍‌ରେ ବୁଗିନାଃ କାମିତେୟାଃ ଆଇନ୍‌ଲେକାତେ ଏଟାଃନିଃକେ ଦେଙ୍‌ଗାତେୟାଃ ଠାଉକାନ୍‌ଗିୟା ।”

୧୩ ଏଡ଼େ ଇନିଃ ଏନ୍ ହଡ଼କେ କାଜିକିୟାଏ, “ତିଃଇତାମାଃ ଜିଲିଙ୍‌କେୟେମେ ।” ଏଡ଼େ ଇନିଃ ତିଃଇତାୟାଃ ଜିଲିଙ୍‌କେଦାଏ, ଆଡ଼ଃ ଏଟାଃ ତିଃଇ ଲେକା ବୁଗିରୁହାଡ଼ୟାନା । ୧୪ ମେନ୍‌ଦ ଫାରୁଶୀକ ଅଡ଼ଙ୍‌କେଦ୍‌ତେ ଯୀଶୁକେ ଚିଲ୍‌କାତେବୁ ଗଜିୟା ମେଡ଼େକ ରଜୋଟକେଦା ।

ପ୍ରାଭୁଆଃ ସାଲାକାନ୍ ଦାସି

୧୫ ଚିମ୍‌ତା ଯୀଶୁ ଆୟାଃ ବିରୁଧ୍‌ରେ ରଜୋଟତାନାକ ମେଡ଼େ ଆୟୁମ୍‌କେଦା ଇମ୍‌ତା ଇନିଃ ଏଡ଼ଃଏତେ ଅଡ଼ଙ୍‌କୟାନା ଆଡ଼ଃ ଗାଦେଲ୍ ହଡ଼କ ଇନିଃକେ ଅଡ଼ଙ୍‌କିୟାକ ଏଡ଼େ ସବେନ୍ ଦୁକୁତାନ୍‌କକେ ବୁଗିକେଦକଆଏ । ୧୬ ଆଡ଼ଃ ଆଇଁୟାଃ ବିଷାଏରେ ଏଟାଃକକେ ଆଲ୍‌ପେ କାଜିକଆ ମେଡ଼େ ଇନିଃ ଇନ୍‌କୁକେ ମାରାଙ୍‌ମଟା କେଦକଆଏ । ୧୭ ପାର୍‌ମେଶ୍‌ୟା ଯିଶାୟ ନାବୀଆଃ ହରାତେ କାଜିକାଦ୍‌ତେୟାଃ ପୁରାଆଃ, ନାଗେଡ଼େ ଇନିଃ ନେଆଁ କାମିକେଦାଏ,

୧୮ “ଆଇଁୟାଃ ଦାସି ନେତାଃରିୟା, ଅକଏକେଚି ଆଇଙ୍‌ ସାଲାକାଜାଇଙ୍‌,
ଇନିଃକେ ଆଇଙ୍‌ ପୁରାଃଗିଇଙ୍‌ ଦୁଲାଡ଼ ତାନା, ଇନିଃତାଃରେ ଆଇଁୟାଃ ପୁରାଃଗି ସୁକୁ,
ଆଇଙ୍‌ ଇନିଃରେ ଆଇଁୟାଃ ଆମ୍‌କେ କୁଲିୟାଇଙ୍‌,
ଆଡ଼ଃ ଇନିଃ ସବେନ୍ ସାଅଁସାର୍ ହଡ଼କତାଃରେ ଆଇଁୟାଃ ବିଚାର୍ ଉଦୁବେୟାଏ ।

୧୯ ଇନିଃ କାଏ ଏପେରାଙ୍‌ଆଃ ଚାଏ କାଏ କିର୍‌ଲାଅୟା,
ଚାଏ ଥାଲା ହରାରେ କାଏ ତିଙ୍‌ନା ଆଡ଼ଃ ପୁରାଃତେ କାଏ କିର୍‌ଲାଅୟା ।

୨୦ ଇନିଃ କା ପେଡ଼େୟାନ୍‌କକେ ଲେବେଃ ମନ୍‌ତେ ନେଲ୍‌କଆ,
ଆଡ଼ଃ ନାରାଦୁରାକକେ ଲିବୁଇୟାକଆ ।
ଇନ୍‌କୁ ବିଚାର୍ ଆଉରି ନାମେ ଜାକେଦ୍ ଏନ୍ କାମି ନାଗେଡ଼େ କାଏ ଅହରାଅଆଃ,

୨୧ ଆଡ଼ଃ ଇନିୟାଃ ନୁଡୁମ୍‌ରେ ଦିଶୁମ୍‌ରେନ୍ ସବେନ୍ ହଡ଼କ ଆସ୍ରାଏୟା ।”

ୟୀଶୁ ଆଡ଼ଃ ବାଲ୍‌ଜେବୁଲ୍
(ମାର୍କ ୩:୨୦-୩୦; ଲୁକ ୧୧:୧୪-୨୩)

୨୨ ଏଡ଼େ ଚିମିନ୍ ହଡ଼କ ବଙ୍‌ଗା ଏସେରକାନ୍ ମିଆଁଦ୍ କା ନେଲ୍ ଦାଡ଼ିତାନ୍ ଆଡ଼ଃ କା ବାଗାଁଣ୍ ଦାଡ଼ିତାନ୍ ହଡ଼କେ ଯୀଶୁତାଃତେକ ଆଉକିୟା, ଆଡ଼ଃ ଇନିଃ ଏନ୍ ହଡ଼କେ ବୁଗିକିୟାଏ, ଏଡ଼େ ଇନିଃ ବାଗାଁଣ୍ ଆଡ଼ଃ ନେଲ୍ ଦାଡ଼ିକେଦାଏ । ୨୩ ନେଆଁ ନେଲ୍‌କେଦ୍‌ତେ ଗାଦେଲ୍ ହଡ଼କ ଆକ୍‌ଦାୟାୟାନାକ ଆଡ଼ଃ ମେନ୍‌କେଦା, “ଚିୟାଃ ନିଃ ଦାଉଦ୍‌ଆଃ ହନ୍ କା'ଚି ତାନିଃ ?”

୨୪ *ମେନ୍‌ଦ ଫାରୁଶୀକ ନେଆଁ ଆୟୁମ୍‌କେଦ୍‌ତେ କାଜିକେଦାକ, “ବଙ୍‌ଗାକଆଃ ଗମ୍‌କେ ବାଲ୍‌ଜେବୁଲ୍‌ଗି ନିଃକେ ବଙ୍‌ଗାକକେ ହାର୍‌ଅଡ଼ଙ୍‌ ନାଙ୍‌ ପେଡ଼େଃ ଏମାଇତାନାଏ ।”

୨୫ ଯୀଶୁ ଇନ୍‌କୁଆଃ ମନ୍‌ରେୟାଃ ଉଡ଼ୁ ଆଟ୍‌କାର୍‌କେଦ୍‌ତେ ଇନ୍‌କୁକେ ମେତାଦକଆ, “ଜେତା ରାଇଜ୍ ଆଇଃକ୍‌ତେଗି ବିନ୍‌ଗାଅକେଦ୍‌ତେ ଆକ ଆକଥାଲାରେ ଲାପ୍‌ଡ଼ାଇରେଦ୍ ଏନ୍ ରାଇଜ୍ କା ତିଙ୍‌ନାଃ । ଜେତା

☆ ୧୨:୬ ୧୨:୬ ମାଥିଉ ୯:୧୩. ☆ ୧୨:୧୧ ୧୨:୧୧ ଲୁକ ୧୪:୫. ☆ ୧୨:୨୪ ୧୨:୨୪ ମାଥିଉ ୯:୩୪; ୧୦:୨୫.

ସାହାର ଚାଏ ଅଡ଼ାଃରେ ବିନ୍‌ଗାଅ ହବାକେଦ୍‌ତେ ଆକ ଆକରେ ଲାଠ୍‌ଡ଼ାଇରେଦ, ଇନ୍‌କୁ କାକ ତାଇନ୍ ଦାଡ଼ିୟା । ୨୬ ଏନ୍‌ଲେକାଗି ସାଏତାନ୍, ସାଏତାନ୍‌ଆଃ ରାଇଜ୍ ହିଗାଡ଼କେଦ୍‌ତେ ବିନ୍‌ଗାଅରେଦ ଏନା କା ତିଜ୍ଜୁନାଃ, ମେନ୍‌ଦ ଛିତିବିତିକେଦ୍‌ତେ ଚୁଣ୍ଡୁଡ଼ାଋଆ । ଏନ୍‌ରେଦ ତିଲ୍‌କାତେ ଆୟାଃ ରାଇଜ୍ ତାଇନ୍ ଦାଡ଼ିୟାଆ ? ୨୭ ଆଡ଼ଃ ଆଇଜ୍ ବାଲ୍‌ଜେବୁଲ୍‌ଆଃ ପେଡ଼େଃତେ ବଜ୍ଜାକଇଜ୍ ହାଡ଼ଅଡ଼ଜ୍‌କ ତାନ୍‌ରେଦ, ଆପେୟାଃ ହଡ଼କ ଅକଏୟାଃ ହରାତେକ ହାଡ଼ ଅଡ଼ଜ୍‌କତାନା ? ଏନା ନାଗେନ୍ତେ ଇନ୍‌କୁଗି ଆପେୟାଃ ବିଚାର୍‌ନିଃକ ହବାଅଆଃ । ୨୮ ମେନ୍‌ଦ ଆଇଜ୍ ପାର୍‌ମେଶ୍‌ବାର୍‌ଆଃ ଆମ୍ବାତେ ବଜ୍ଜାକଇଜ୍ ହାଡ଼ଅଡ଼ଜ୍‌କ ତାନ୍‌ରେଦ ଏନାତେ ଆଟ୍‌କାରଃତାନା ପାର୍‌ମେଶ୍‌ବାର୍‌ଆଃ ରାଇଜ୍ ଆପେତାଃତେ ତେବାଃକାନା ।

୨୯ “ପେଡ଼େୟାନ୍‌ନିଃକେ ଆଉରି ତଲ୍ ଜାକେଦ୍ ଜେତାଏ ଇନ୍‌ୟାଃ ଅଡ଼ାଃରେ ବଲ୍‌କେଦ୍‌ତେ ଆୟାଃ ମେନାଃତେୟାଃ କାଏ ରେଃକ୍‌ଦାଡ଼ିୟା, ମେନ୍‌ଦ ସିଦାତେ ଇନ୍‌ନିଃକେ ତଲ୍‌କେଦ୍‌ତେ ଆୟାଃ ମେନାଃତେୟାଃ ରେଃକ୍‌ଦାଡ଼ିୟାଏ ।

୩୦ ✨“ଜେତାଏ ଆଇୟାଃଲଃ ବାଜ୍‌ଇନିଃ, ଆଇୟାଃ ବିରୁଧ୍‌ରେ ମେନାଇୟା ଆଡ଼ଃ ଜେତାଏ ଆଇୟାଃଲଃ କାଏ ହୁଣ୍ଡିନିଃ ଛିତିବିତିୟାଆଏ । ୩୧ ଏନା ନାଗେନ୍ତେ, ଆଇଜ୍ ଆପେକେ କାଜିପେତାନାଇଜ୍, ହଡ଼କଆଃ ସବେନ୍ ପାପ୍ ଆଡ଼ଃ ଏଡ଼କାନ୍ କାଜିକ ଛାମାଝାଃ, ମେନ୍‌ଦ ପାବିତାର୍ ଆମ୍ବାରାଃ ବିରୁଧ୍‌ରେ ନିନ୍ଦା କାଜିକ କା ଛାମାଝାଃ । ୩୨ ✨ଜେତାଏ ମାନଝାହନ୍‌ଆଃ ବିରୁଧ୍‌ରେ କାଜିନିଃ ଛାମାଝାଃ, ମେନ୍‌ଦ ଜେତାଏ ପାବିତାର୍ ଆମ୍ବାରାଃ ବିରୁଧ୍‌ରେ କାଜିନିଃକେ ନେ ପାରିୟା* ଚାଏ ହିଜୁଃତାନ୍ ପାରିୟାରେୟ କା ଛାମାଝାଃ ।

**ଦାରୁ ଆଡ଼ଃ ଏନାରେୟାଃ ଜ
(ଲୁକ ୬:୪୩-୪୫)**

୩୩ ✨“ଆପେ ଦାରୁ ବୁଗିନାଃପେ ମେନେରେଦ ଜ ବୁଗିନାଃପେ ମେନେୟା ଚାଏ ଦାରୁ ଏଡ଼କାନାଃପେ ମେନେରେଦ ଜ ଏଡ଼କାନାଃପେ ମେନେୟା, ତିୟାଃତି ଦାରୁଦ ଆୟାଃ ଜ'ତେ ଆଟ୍‌କାର୍‌ଉରୁମଃଆ । ୩୪ ✨ବିଜ୍‌କ ଲେକା ଏଡ଼କାନ୍ ହଡ଼କ ତାନ୍‌ପେରେଦ ତିଲ୍‌କାତେ ବୁଗିନ୍‌ତେୟାଃପେ କାଜିଦାଡ଼ିୟା ? ତିୟାଃତି ମନ୍‌ରେ ଅକ୍‌ନାଃ ପେରେଜାକାନ୍‌ତେୟାଃ ମଚାଏ କାଜିୟା । ୩୫ ବୁଗିନ୍ ହଡ଼ ଆୟାଃ ବୁଗିନ୍ ଭାଣ୍ଡାଡ଼ଅଡ଼ାଏତେ ବୁଗିନ୍‌ତେୟାଃ ଅଡ଼ଜ୍‌କେୟାଏ, ଏଡ଼କାନ୍ ହଡ଼ ଆୟାଃ ଏଡ଼କାନ୍ ଭାଣ୍ଡାଡ଼ଅଡ଼ାଏତେ ଏଡ଼କାନ୍‌ତେୟାଃ ଅଡ଼ଜ୍‌କେୟାଏ ।

୩୬ “ମେନ୍‌ଦ ଆଇଜ୍ ଆପେକେ କାଜିପେତାନାଇଜ୍, ହଡ଼କ ଆକଆଃ ମିମିଆଦ୍ ସାମାକାଜିରେୟାଃ ହିସାଦ୍ ବିଚାର୍ ହୁଲାଇଜ୍‌ରେକ ଏମେୟା । ୩୭ ଆପେ ଆପେୟାଃ ଜାଗାର୍‌ତେଗି ବିଚାର୍‌ୟାନ୍‌ଲଃ ଗୁଞ୍ଜାକାଦାପେ ତି କାପେ ଗୁଞ୍ଜାକାଦା, ଏନା ଉଦ୍‌ବଃଆପେ ।”

**ଆଇନ୍ ଇଡ଼ୁକ ଆଡ଼ଃ ଫାରୁଶୀକ ଯୀଶୁକେ ଚିହ୍ନାକ ଆସିତାନା
(ମାର୍କ ୮:୧୧-୧୨; ଲୁକ ୧୧:୨୯-୩୨)**

୩୮ ✨ଏନ୍ତେ ଆଇନ୍ ଇଡ଼ୁକ ଆଡ଼ଃ ଫାରୁଶୀକଏତେ ଚିମିନ୍ ହଡ଼କ କାଜିକିୟାକ, “ହେ ଗୁରୁ, ଆଲେ ଆମାଃତାଃଏତେ ମିଆଁଦ୍ ଚିହ୍ନା ନେନେଲ୍ ସାନାଇତାନାଲେ ।”

୩୯ ✨ମେନ୍‌ଦ ଯୀଶୁ ଇନ୍‌କୁକେ କାଜିରୁହାଡ଼କେଦ୍‌କଆଏ, “ଆପେ ନେ ପାରିୟାରେନ୍ ହଡ଼କ, ଚିମିନ୍ ଏଡ଼କାନ୍ ଆଡ଼ଃ ପାର୍‌ମେଶ୍‌ବାର୍‌କେ କା ବିଶ୍ୱାସ୍‌ତାନ୍‌କ ତାନ୍‌ପେ । ଆପେ ଆଇଜ୍‌କେ ମିଆଁଦ୍ ଚିହ୍ନାପେ ଆସିତାନା, ମେନ୍‌ଦ ଯୁନ୍‌ସ୍ ନାବୀଆଃ ଚିହ୍ନା ବାଗିକେଦ୍‌ତେ ଆଡ଼ଃ ଏଚାଃ ଚିହ୍ନା ଆପେକେ କା ଉଦ୍‌ବଃଆ । ୪୦ ଯୁନ୍‌ସ୍ ନାବୀ ଆପି ମାହାଁ ନିଦାସିଜ୍ ମାରାଜ୍ ହାକୁଆଃ ଲାହିଦ୍‌ରେ ତାଇକେନାଏ, ଏନ୍‌ଲେକାଗି ମାନଝାହନ୍ ଆପି ମାହାଁ ନିଦାସିଜ୍ ଅତେ ଭିତାର୍‌ରେ ତାଇନାଏ । ୪୧ ନିନିବିରେ ଯୁନ୍‌ସ୍ ନାବୀ ପ୍ରାଚାର୍‌କେଦ୍ ଇମ୍‌ତା ପାଡ଼ିୟାଡ଼କେଦ୍ ହଡ଼କ ତିଜ୍ଜୁକେଦ୍‌ତେ ନେ ଦିପିଲିରେନ୍ ହଡ଼କଲଃ ପାର୍‌ମେଶ୍‌ବାର୍ ବିଚାର୍ ହୁଲାଇଜ୍‌ରେ ଇନ୍‌କୁକେକ ଚିଟାକଆ, ତିୟାଃତି ଇନ୍‌କୁ ଯୁନ୍‌ସ୍ ପାର୍‌ଚାର୍‌କେଦ୍ ଇମ୍‌ତା ମନ୍‌ରୁହାଡ଼କେଦାକ, ଆଡ଼ଃ ନାହାଁଃ ଆଇଜ୍ କାଜିପେତାନାଇଜ୍, ଯୁନ୍‌ସ୍‌ଏତେ ମାରାଜ୍‌ନିଃ ନେତାଃରେ ମେନାଇୟା । ୪୨ ବିଚାର୍ ହୁଲାଇଜ୍‌ରେ ଦାକ୍ଷିଣ୍ ଦିଶ୍‌ମ୍‌ରେନ୍ ରାନୀ ନେ ଦିପିଲିରେନ୍ ହଡ଼କଲଃ ତିଜ୍ଜୁନାଃ ଆଡ଼ଃ ଇନ୍‌କୁକେ ଚିଟାକଆ, ତିୟାଃତି ଇନିଃ ସୁଲିମାନ୍‌ଆଃ ସେଣାଁନ୍ କାଜି ଆୟାଃ ନାଗେନ୍ତେ ଆୟାଃ ଅଡ଼େଦିଶ୍‌ମ୍‌ରେୟାଃ ଚୁଣ୍ଡୁଧ୍‌ତେ ହିଜୁଃକାନ୍ ତାଇକେନା, ଆଡ଼ଃ ନେଲେପେ, ସୁଲିମାନ୍‌ଏତେ ମାରାଜ୍‌ନିଃ ନେତାଃରେ ମେନାଇୟା ।

✨ ୧୨:୩୦ ୧୨:୩୦ ମାର୍କ ୯:୪୦. ✨ ୧୨:୩୨ ୧୨:୩୨ ଲୁକ ୧୨:୧୦. * ୧୨:୩୨ ୧୨:୩୨ ଯୁଗ୍ ✨ ୧୨:୩୩ ୧୨:୩୩ ମାଥୁରା ୭:୨୦; ଲୁକ ୬:୪୪. ✨ ୧୨:୩୪ ୧୨:୩୪ ମାଥୁରା ୩:୭; ୨୩:୩୩; ଲୁକ ୩:୭ମାଥୁରା ୧୫:୧୮; ଲୁକ ୬:୪୫. ✨ ୧୨:୩୮ ୧୨:୩୮ ମାଥୁରା ୧୭:୧; ମାର୍କ ୮:୧୧; ଲୁକ ୧୧:୧୭. ✨ ୧୨:୩୯ ୧୨:୩୯ ମାଥୁରା ୧୭:୪; ମାର୍କ ୮:୧୨.

ଏଡକାନ ଆମ୍ବାରାଃ ହିଜୁଃରୁହାଡ୍,
(ଲୁକ ୧୧:୨୪-୨୬)

୪୩ “ସଡରା ଆମ୍ବା ମିହୁଡ୍ତାଃଏତେ ଅଡ଼ଞ୍ଚୟାନ୍ରେ, ରହଡ୍ଠାୟାଦକରେ ହନରବାଡାକେଦ୍ତେ ରୁଡ୍ନୁ ନାଗେନ୍ତେ ଦାଣ୍ଠାୟାଏ ଆଡଃ କାଏ ନାମ୍ତାରେ, ୪୪ ଇନିଃ କାଜିୟାଏ, ‘ଆଇଞ୍ ଅକନ୍ ଅଡଃଏତେ ଅଡ଼ଞ୍ଚକାନ୍ ତାଇକେନାଇଞ୍, ଏନ୍ ଅଡଃଏତେଗି ସେନ୍ରୁହାଡାଞ୍,’ ଆଡଃ ଇନିଃ ଏନ୍ ଅଡଃଏକେ ସାମାଅଡଃ, ସାଫାକାନ୍ ଆଡଃ ସୁଗାଡାନ୍ଗି ନେଲେୟା । ୪୫ ଏନ୍ତେ ଇନିଃ ସେନ୍କେଦ୍ତେ ଆୟାଃତାଃଏତେ ଆଦକା ଏଡକାନ୍ ସାଡ୍ଠୁ ଆମ୍ବାକକେ ମିଦ୍ତେ ଆଡକଆ, ଆଡଃ ଇନ୍କୁ ଏନାରେକ ବଲଆ ଆଡଃକ ତାଇନଃଆ । ଆଡଃ ଏନ୍ ହଡରାଃ ଦାସା ପାହିଲ୍ଲାଏତେ ଚୁଣ୍ଟୁ ଦାସା ପୁରାଃଗି ଏଡକାନ୍ ହବାଅଆଃ । ନେ ଦିପିଲିରେନ୍ ଏଡକାନ୍ ହଡକଆଃଲଃ ନେ ଲେକା ହବାଅଆଃ ।”

ୟୀଶୁଆଃ ଏଙ୍ଗା ଆଡଃ ହାଗାକ
(ମାର୍କ ୩:୩୧-୩୫; ଲୁକ ୮:୧୯-୨୧)

୪୬ ୟୀଶୁ ଗାଦେଲ୍ ହଡକକେ କାଜିକତାନ୍ ତାଇକେନ୍ରେ, ଇନିୟାଃ ଏଙ୍ଗା ଆଡଃ ହାଗାକ ଏନ୍ତାଃ ସେଟେରକେଦ୍ତେ ବାହାରିରେ ତିଞ୍ଚୁୟାନାକ ଆଡଃ ଆୟାଃଲଃ ଜାଗାର୍ ନାଗେନ୍ତେ ମିହୁଡ୍ତାଃରେ କାଜିକୁଲ୍କେଦାକ । ୪୭ ଏନ୍ତେ ମିହୁଡ୍ ଇନିଃକେ କାଜିକିୟାଏ, “ଆମାଃ ଏଙ୍ଗାମ୍, ଆଡଃ ହାଗାମ୍ତେକ ବାହାରିରେ ତିଞ୍ଚୁକେଦ୍ତେ ଆମାଃଲଃ ଜାଗାର୍ ନାଗେନ୍ତେକ ସାନାଞ୍ତାନା ।”†

୪୮ ମେନ୍ଦ୍ ୟୀଶୁ ଇନ୍କୁ କାଜିରୁହାଡକେଦକଆଏ, “ଅକଏ ଆଇଁୟାଃ ଏଙ୍ଗାଞ୍ ଅକନ୍କ ଆଇଁୟାଃ ହାଗାଞ୍ଚକ ତାନ୍କ ?” ୪୯ ଏନ୍ତେ ଇନିଃ ଆୟାଃ ତେଲାକକେ ଚୁଣ୍ଟୁକେଦ୍ତେ ମେତାଦକଆ, “ନେଲ୍କପେ, ନିକୁଦ୍, ଆଇଁୟାଃ ଏଙ୍ଗା ଆଡଃ ହାଗାକତାନ୍କ । ୫୦ ଆଇଁୟାଃ ସିମ୍ବୀରେନ୍ ଆପୁଆଃ ମନେଲେକା କାମିନିଃଗି ଆଇଁୟାଃ ହାଗା, ମିଗି ଆଡଃ ଏଙ୍ଗା ତାନ୍କ ।”

୧୩

ହିତାହେରନିଆଃ ଜନ୍କା କାଜି
(ମାର୍କ ୪:୧-୯; ଲୁକ ୮:୪-୮)

୧ ଏନ୍ ହୁଲାଞ୍ଗି ୟୀଶୁ ଅଡଃଏତେ ଅଡ଼ଞ୍ଚକେଦ୍ତେ ଦରେୟା ଗେନାରେ ଦୁବ୍ୟାନାଏ, ଆଡଃ ଇଡୁ ଏଟେଦକେଦାଏ । ୨ *ଆଡଃ ଗାଦେଲ୍ ହଡକ ଇନିୟାଃ ହେପାଦ୍ରେକ ଜୁରୁହୁଣ୍ଟିୟାନ୍ତେ ଇନିଃ ମିଆଁଦ୍ ଲାଡକାରେ ଦୁବ୍ୟାନାଏ ଆଡଃ ଗାଦେଲ୍ ହଡକ ଦରେୟା ଗେନାରେ ତିଞ୍ଚୁୟାନା । ୩ ଇନିଃ ଇନ୍କୁକେ ଜନ୍କା କାଜିତେ ପୁରାଃ କାଜି ଉଦୁବକେଦକଆ ।

“ମୁସିଞ୍ହୁଲାଞ୍ ମିଆଁଦ୍ ହିତାହେରନିଃ ହିତା ହେର୍ ନାଗେନ୍ତେ ଅଡ଼ଞ୍ଚୟାନା । ୪ ଇନିଃ ହିତା ହେର୍ତାନ୍ ଇମ୍ତା, ଚିମିନ୍ ହିତା ହରା ଗେନାରେ ଉୟୁଃୟାନା ଆଡଃ ଚେଣ୍ଟିକ ଆଡ୍ଠୁକେଦ୍ତେ ଏନାକ ହାଲାଞ୍ ଜମ୍କେଦା । ୫ ଚିମିନ୍ ହିତାଦ୍ ହାସା ପୁରାଃ ବାନଃ ଦିରି ଅତେରେ ଉୟୁଃୟାନା, ହାସା ଏତାଞ୍ଗି ତାଇକାନ୍ ହରାତେ ଅମନ୍ ଧାବ୍ୟାନା । ୬ ମେନ୍ଦ୍ ସିଞ୍ଚିରାଃ ରାଁପ୍ତେ ଏନ୍ ଅମନ୍ତେୟାଃକ ସବେନ୍ ରହଡ୍ଗସୟାନା, ଚିୟାଃତି ଏନାଏତେ ଭିତାଡ୍ତେ ପୁରାଃ କା ରେହେଦାକାନ୍ ତାଇକେନା । ୭ ଚିମିନ୍ ହିତା ଜାନୁମ୍ ଚୁପାଦକ ଆଲାରେ ଉୟୁଃୟାନା, ଏନାକକେ ଜାନୁମ୍ ହାରାତପାକେଦାଏ, ଆଡଃ ଏନାକ କା ଜୟାନା । ୮ ମେନ୍ଦ୍ ଚିମିନ୍ ହିତା ବୁଗିନ୍ ଅତେରେ ଉୟୁଃୟାନା, ଆଡଃ ଏନା ଅମନ୍ ହାରାୟାନ୍ତେ ଆଦକା ଜୟାନା, ଚିମିନ୍ ମିଦ୍ଶାଅଗୁନା, ଚିମିନ୍ ଷାଠେ, ଆଡଃ ଚିମିନ୍ ତିରିଶ୍ଟୁନା, ଜୟାନା ।”

୯ ଆଡଃ ୟୀଶୁ ମେନ୍କେଦାଏ, “ଆୟୁମ୍ ନାଗେନ୍ତେ ଲୁଡ୍ଠର୍ ମେନାଃନିଃ ଆୟୁମେକାଏ ।”

ୟୀଶୁ ଚିକାନାଞ୍ ଜନ୍କା କାଜି କାଜିକେଦାଏ
(ମାର୍କ ୪:୧୦-୧୨; ଲୁକ ୮:୯-୧୦)

୧୦ ଏନ୍ତେ ତେଲାକ ୟୀଶୁତାଃ ହିଜୁଃକେଦ୍ତେ କୁଲିକିୟାକ, “ଚିକାନାଞ୍ ହଡକକେ ଜନ୍କା କାଜିତେମ୍ ଇଡୁକତାନା ?”

୧୧ ୟୀଶୁ ଇନ୍କୁକେ କାଜିରୁହାଡାଦକଆ, “ଆପେଦ୍ ସିମ୍ବା ରାଇଜ୍ରେୟାଃ ଉକୁଆକାନ୍ କାଜିରାଃ ମୁଣ୍ଟି ସାରି ନାଗେନ୍ତେ ସେଣ୍ଠା ଏମାକାନା, ମେନ୍ଦ୍ ବାହାରିରେନ୍ ଏଟାଃକକେ କାଜିରାଃ ମୁଣ୍ଟି ସାରି ନାଗେନ୍ତେ ସେଣ୍ଠା କା ଏମାକାନା । ୧୨ *ଜେତାଏତାଃରେ ମେନାଃନିଃକେ ଏମାଃଆ, ଆଡଃ ଇନିୟାଃ ପୁରାଃଗି ହବାଅଆଃ, ମେନ୍ଦ୍ ଜେତାଏତାଃରେ ବାନଃଆ, ଇନିଃତାଃଏତେ ଅକ୍ନାଃ ମେନାଃ ଏନାହଗି ଇଦିୟଃଆ । ୧୩ ଇନ୍କୁକେ ଆଇଞ୍ ଜନ୍କା କାଜିତେ ଇଡୁକ ତାନାଞ୍ଚ, ଚିୟାଃତି ଇନ୍କୁ ନେଲ୍ଦକ ନେଲେୟା ମେନ୍ଦ୍

† ୧୨:୪୭ 12:47 ନେ ବାଚାନ୍ ଚିମିନ୍ ମାରି ଅନଲ୍ରେ ବାନଆଃ * ୧୩:୨ ୧୩:୨ ଲୁକ ୫:୧-୩. * ୧୩:୧୨ ୧୩:୧୨ ମାଥିର ୨୫:୨୯; ମାର୍କ ୪:୨୫; ଲୁକ ୮:୧୮; ୧୯:୨୭.

କାକ ନେଲେୟା, ଆୟୁମଦକ ଆୟୁମେୟା ମେନ୍ଦ କାକ ଆବ୍‌କାରୁରୁମେୟା । ୧୪ ଇନ୍‌କୁରେ ଯିଶାୟ ନାବାଆଃ ଆୟାରକାଜି ପୁରାଅଃତାନା,

“ନେ ହଡକ ଆୟୁମଦକ ଆୟୁମେୟା ମେନ୍ଦ କାକ ଆବ୍‌କାରୁରୁମେୟା;

ଆତଃ ନେଲ୍‌ଦକ ନେଲେୟା ମେନ୍ଦ କାକ ନେଲ୍‌ଉରୁମେୟା,

୧୫ ଚିୟାଃଚି ନେ ହଡକଆଃ ମନ୍ କେଟେଦତାରୁୟାନା,
ଇନ୍‌କୁଆଃ ଲୁଡୁର୍ ମେନାଃରେୟ କାକ ଆୟୁମେୟା
ଆତଃ ଇନ୍‌କୁଆଃ ମେଦ୍ ମେନାଃରେୟ କାକ ନେଲେୟା ।

କା'ରେଦ, ଇନ୍‌କୁ ଆକଆଃ ମେଦ୍‌ତେକ ନେଲେତେୟାଃ,
ଆତଃ ଆକଆଃ ଲୁଡୁର୍‌ତେକ ଆୟୁମେତେୟାଃ,
ଆତଃ ଆକଆଃ ମନ୍‌ତେକ ଆବ୍‌କାରୁରୁମେତେୟାଃ,

ଆତଃ ଇନ୍‌କୁ ଆଇୟାଃତାଃତେ ରୁହାଡତେୟାଃକ,
ଏନ୍ତେ ଆଇଙ୍ ଇନ୍‌କୁକେଇଙ୍ ବୁଗିକତେୟାଃ ।”

୧୬ *“ମେନ୍ଦ ଆପେ ଚିମିନ୍ ସୁକୁତାନ୍‌ଗିୟାଃପେ, ଚିୟାଃଚି ଆପେ ନେଲ୍ ଦାଡିତାନାପେ, ଆତଃ ଆୟୁମ୍ ଦାଡିତାନାପେ । ୧୬ ଆଇଙ୍‌ଦ୍ ସାର୍‌ତିଗିଙ୍ କାଜିୟାପେତାନା, ଆପେ ନେଲ୍‌ତାନ୍‌ତେୟାଃ ପୁରାଃ ନାବୀକ ଆତଃ ଧାରମାନ୍ ହଡକ ନେନେଲ୍ ସାନାଙ୍‌କେଦକଆ ମେନ୍ଦ କାକ ନେଲ୍‌କେଦା ଆତଃ ଆପେ ଆୟୁମ୍‌କେଦ୍‌ତେୟାଃ ଇନ୍‌କୁକେ ଆୟୁମ୍ ସାନାଙ୍‌କେଦକଆ ମେନ୍ଦ କାକ ଆୟୁମ୍‌କେଦା ।

ୟାଶୁ ହିତାହେରନିଆଃ ଜନ୍‌କାରାଃ ମୁଣ୍ଡି ଉଦୁବକେଦା
(ମାର୍କ ୪:୧୩-୨୦; ଲୁକ ୮:୧୧-୧୫)

୧୮ “ଆପେ ନାହାଁଃ ହିତାହେରନିଆଃ ଜନ୍‌କା କାଜିରେୟାଃ ମୁଣ୍ଡି ଆୟୁମେପେ । ୧୯ ଜେତାଏ ହଡ ସିମା ରାଇଜ୍‌ରେୟାଃ କାଜି ଆୟୁମ୍‌କେଦ୍‌ତେ ଏନା କାଏ ଆବ୍‌କାରୁରୁମେରେ, ଏନ୍ ଏଡକାନ୍‌ନିଃ ହିଜୁଃଆଏ ଆତଃ ଇନିୟାଃ ମନ୍‌ସୁରୁଦ୍‌ରେ ହେରାକାନ୍‌ତେୟାଃ ରେଃକ୍ ଇଦିୟାଏ, ଇନିଃ ହରା ଗେନାରେ ହେରାକାନ୍ ହିତା ଲେକାନ୍‌ନିଃ ତାନିଃ । ହରା ଗେନାରେ ଉୟୁଗାକାନ୍ ହିତାରାଃ ମୁଣ୍ଡି ନେଆଁ ତାନାଃ । ୨୦ ଜେତାଏ କାଜି ଆୟୁମାଃଏ ଆତଃ ରାସ୍‌କାତେ ତେଲାଦାବେଆ, ଇନିଃ ଦିରି ଅତେରେ ଉୟୁଗାକାନ୍ ହିତା ଲେକାନ୍‌ନିଃ ତାନିଃ । ୨୧ ମେନ୍ଦ ଇନିୟାଃ ମନ୍‌ରେ କାଏ ରେହେଦ୍‌ୟାନ୍‌ତେ ହୁଡିଙ୍ ଦିପିଲିଗି ତାଇନାଏ ଆତଃ କାଜି ନାଗେନ୍ତେ ସାସାଡି ଚାଏ ସିଗିଦ୍ ହିଜୁଃୟାନ୍‌ରେ ଇନିଃ ତହଦ୍‌ଦାବଃଆଏ । ୨୨ ଜେତାଏ କାଜି ଆୟୁମାଃଏ ମେନ୍ଦ ସାଂସାର୍‌ରେୟାଃ ଉଡୁ ଆତଃ ପୁରାଃ ମେନାଃତେୟାଃରାଃ ହାୟା, କାନାଜିକେ ହାରାତପାଏୟା ଆତଃ ଇନିଃ କାଏ ଜଅଃଆ, ଇନିଃ ଜାନୁମ୍ ଆଲାରେ ଉୟୁଗାକାନ୍ ହିତା ଲେକାନ୍‌ନିଃ ତାନିଃ, ଇନିଃ ଜେତାନ୍ ଜ କାଏ ଜଅଃଆ । ୨୩ ଆତଃ ଜେତାଏ କାଜି ଆୟୁମ୍‌କେଦ୍‌ତେ ଆବ୍‌କାରୁରୁମ୍‌ନିଃ ବୁଗିନ୍ ଅତେରେ ଉୟୁଗାକାନ୍ ହିତା ଲେକାନ୍‌ନିଃ ତାନିଃ, ଇନିଃ ବୁଗିନ୍ ସାର୍‌ତିଗି ଜଅଃଆ ଆତଃ ମିଦ୍‌ଶାଅ ଗୁଣ୍ ଆଦକା, ଷାଠେ ଗୁଣ୍ ଆତଃ ତିରିଶ୍ ଗୁଣ୍ ଜଅଃଆ ।”

ଚୁଲିତାସାଦ୍ ରେୟାଃ ଜନ୍‌କା କାଜି

୨୪ ଆତଃ ଇନିଃ ଏଗାଃ ଜନ୍‌କା କାଜି କାଜିୟାଦକଆଏ, “ସିମା ରାଇଜ୍ ମିଆଁଦ୍ ହଡ ଲେକା ତାନାଃ, ଇନିଃ ଆୟାଃ ଅତେରେ ବୁଗିନ୍ ହିତାଏ ହେର୍‌କେଦା । ୨୫ ମେନ୍ଦ ହଡକ ଦୁଡୁୟାକାନ୍ ତାଇକେନ୍ ଇମ୍‌ତା ଇନିୟାଃ ବାଇରି ହିଜୁଃକେଦ୍‌ତେ ଗହମ୍ ହେରାକାନ୍ ଅତେରେ ଚୁଲିତାସାଦ୍ ଜାଙ୍ ହେର୍‌କେଦ୍‌ତେ ସେନଃୟାନା । ୨୬ ଗହମ୍ ଅମନ୍‌ୟାନା ଆତଃ ଗେଲେୟାନ୍‌ରେ ଚୁଲିତାସାଦ୍ ନେଲ୍‌ୟାନା । ୨୭ ଅଡ଼ାଃରେନ୍ ଗୁସିୟାଁ ଦାସିକ ହିଜୁଃଲେନ୍ତେ କାଜିକିୟାକ, ‘ହେ ଗମ୍‌କେ, ଚିୟାଃ ଆମ୍ ଆମାଃ ଅତେରେ ବୁଗିନ୍ ହିତା କାମ୍ ହେର୍‌ଲେଦା, ଏନ୍ ଚୁଲିତାସାଦ୍ ଅକ୍‌ତାଃଏତେ ହିଜୁଆକାନା ?’ ୨୮ ଇନିଃ ଇନ୍‌କୁକେ ମେତାଦକଆ, ‘ମିଆଁଦ୍ ବାଇରି ନେଆଁ ରିକାକାଦାଏ ।’ ଏନ୍ତେ ଦାସିକ କୁଲିକିୟାକ, ‘ଆଲେ ସେନ୍‌କେଦ୍‌ତେ ଏନାକେଲେ ହେଡେଦ୍ ହୁରାଙ୍‌ୟେଆ ମେନ୍ତେମ୍ ସାନାଙ୍‌ତାନାଚି ?’ ୨୯ ଇନିଃ ‘ବାନଃଗି’ ମେତାଦକଆଏ, ‘ଚିୟାଃଚି ଚୁଲିତାସାଦ୍ ହେଡେଦ୍‌ତାନ୍ ଇମ୍‌ତା ଗହମ୍‌ହ୍ ଏନାଲଃ ହେଡେଦ୍‌ମେସାଅଃଆ । ୩୦ ଇରୋଃ ଦିପିଲି ଜାକେଦ୍ ଗହମ୍ ଆତଃ ଚୁଲିତାସାଦ୍ ବାର୍‌ନାଃକେ ମିଦ୍‌ତେ ହାରାଇଚିପେ ଏନ୍ତେ ଆଇଙ୍ ଇରୋଃ ଦିପିଲିରେ ଇରୋଃକକେ କାଜିକଆଇଙ୍, ସିଦାତେ ଚୁଲିତାସାଦ୍ ହୁଣ୍ଡିପେ ଆତଃ ଉରୁବେ ନାଗେନ୍ତେ ବିଡ଼ା ତଲେପେ ଏନ୍ତେ ଗହମ୍‌କେ ଆଇୟାଃ ଭାଣ୍ଡାର୍ ଅଡ଼ାଃରେ ଦହଏପେ ।”

ମାନିଜାଙ୍‌ରେଆଃ ଜନ୍‌କା କାଜି
(ମାର୍କ ୪:୩୦-୩୪; ଲୁକ ୧୩:୧୮-୨୧)

* ୧୩:୧୬ ୧୩:୧୬ ଲୁକ ୧୦:୨୩,୨୪.

୩୯ ଯୀଶୁ ଆଡ଼ମିଆଁଦ୍ ଜନ୍ମକା କାଜି ଇନ୍କୁକେ କାଜିୟାଦକଆ, “ସିର୍ମା ରାଇଜ୍ ମିଆଁଦ୍ ମାନିଜାଙ୍ଗ୍ ଲେକା ଏନା ଜେତା ହଡ଼ ଇଦିକେଦ୍ତେ ଆୟାଃ ଅତେରେ ହେରକେଦା । ୩୯ ଏନାଦ ସବେନ୍ ହିତାଏତେ ହୁଡ଼ିଙ୍ଗ୍ ଆଁ ମେନ୍ଦ ଏନା ହାରାୟାନ୍ତି ସବେନ୍ ଆଡ଼ାଃଏତେ ମାରାଙ୍ଗ୍ ଅଃଆ ଏନ୍ତେ ଦାରୁ ହବାଅଆଃ, ଆଡ଼ା ଏନାରେୟାଃ କତରେ ସିର୍ମାରେନ୍ ଚେଣ୍ଟେକ ଅକାୟା ।”

୩୩ ଯୀଶୁ ଆଡ଼ମିଆଁଦ୍ ଜନ୍ମକା କାଜି ଇନ୍କୁକେ କାଜିୟାଦକଆ, “ସିର୍ମା ରାଇଜ୍ ମିଆଁଦ୍ ରାନୁ ଲେକାଃ, ଏନାକେ ଜେତାଏ କୁଡ଼ି ଆଉକେଦ୍ତେ ଆପି କେଜି ମାଇଦାରେ ଏନା ଆଉରି ରାନୁଚାବାଅଃ ଜାକେଦ୍ ସିପୁଦ୍ କେଦାଏ ।”

୩୪ ନେ ସବେନାଃ, ଯୀଶୁ ଜନ୍ମକା କାଜିତେ ଗାଦେଲ୍ ହଡ଼କକେ କାଜିୟାଦକଆ ଆଡ଼ା ବେଗାର୍ ଜନ୍ମକା କାଜିତେ ଇନିଃ ଇନ୍କୁକେ ଜେଡ଼ନାଃ କାଏ କାଜିୟାଦକଆ । ୩୫ ନାବାଆଃ ନେ କାଜି ନେ ଲେକାତେ ପୁରାୟାନା,

“ଇନ୍କୁଲଃ ଜାଗାର୍ ଇମ୍ତା ଆଇଙ୍ଗ୍ ଇନ୍କୁକେ ଜନ୍ମକା କାଜିତେ କାଜିକଆଇଙ୍ଗ୍;
ଅତେଦିଶୁମ୍ରେୟାଃ ମୁନୁରାଃ ସିଦାଏତେ ଉକୁଆକାନ୍ କାଜିକଇଙ୍ଗ୍ ଉଦୁବେୟା ।”

ୟୀଶୁ ଚୁଲିତାସାଦ୍ରେୟାଃ ଜନ୍ମକା କାଜିରେୟାଃ ମୁଣ୍ଡି

୩୬ ଏନ୍ତେ ଯୀଶୁ ଗାଦେଲ୍ ହଡ଼କକେ ବାରିକେଦ୍ତେ ଅଡ଼ାଃତେ ସେନଃୟାନା ଆଡ଼ା ଇନିୟାଃ ଚେଲକ ଇନିଃତାଃତେ ହିଜୁଃକେଦ୍ତେ କାଜିକିୟାକ, “ଆମ୍ ଅତେରେୟାଃ ଚୁଲିତାସାଦ୍ରେୟାଃ ଜନ୍ମକା କାଜିରେୟାଃ ମୁଣ୍ଡି ଉଦୁବାଲେମେ ।”

୩୭ ଯୀଶୁ କାଜିରୁହାଡ଼ାଦକଆଏ, “ବୁଗିନ୍ ହିତା ହେରନିଃ ମାନଝାହନ୍ ତାନିଃ । ୩୮ ନେ ପିଡ଼ି, ଅତେଦିଶୁମ୍ ତାନାଃ ଆଡ଼ା ବୁଗିନ୍ ହିତା, ସିର୍ମା ରାଇଜ୍ରେନ୍ ହଡ଼କ ତାନ୍କ ଆଡ଼ା ଚୁଲିତାସାଦ୍ ଜାଙ୍ଗ୍, ଏଡ଼କାନ୍ ଆମ୍ବାରାଃ ହଡ଼କ ତାନ୍କ । ୩୯ ଆଡ଼ା ଏନା ହେରକେଦ୍ ବାଇରି, ସାଏତାନ୍ ତାନିଃ, ଆଡ଼ା ଇରୋଃ ଦିପିଲି ଅତେଦିଶୁମ୍ରେୟାଃ ଚୁଣ୍ଡୁତାନାଃ ଆଡ଼ା ଇରୋଃକ ସିର୍ମାରେନ୍ ଦୁଡ଼କ ତାନ୍କ । ୪୦ ଅତେଦିଶୁମ୍ରେୟାଃ ଚୁଣ୍ଡୁରେ ଏନ୍ ଚୁଲିତାସାଦ୍ ହୁଣ୍ଡିକେଦ୍ତେ ସେଙ୍ଗେଲ୍ରେ ଉରୁବଃ ଲେକାଅଃଆ । ୪୧ ମାନଝାହନ୍ ଆୟାଃ ସିର୍ମାରେନ୍ ଦୁଡ଼କକେ କୁଲକଆଏ ଆଡ଼ା ଇନ୍କୁ ଇନିୟାଃ ରାଇଜ୍ରେ ସବେନ୍ ତହଦଃ ଲେକାନାଃ ତାଇନ୍ତେୟାଃ ଆଡ଼ା ଏଡ଼କାନାଃ କାମିତାନ୍କକେ ହୁଣ୍ଡିକଆ । ୪୨ ଇନ୍କୁ ସେଙ୍ଗେଲ୍ ହୁଝାଙ୍ଗ୍ରେକ ହାଁଣବଆଃ, ଏନ୍ତାଃରେ ରାନାଆଃ ଆଡ଼ା ତାଗା ହାଦ୍ ରିଡ଼ିଦଃଆ । ୪୩ ଏନ୍ତେ ଧାର୍ମାନ୍ ହଡ଼କ ଆକଆଃ ସିର୍ମାରେନ୍ ଆପୁଆଃ ରାଇଜ୍ରେ ସିଙ୍ଗିଲେକାକ ନେଲଆଃ । ଲୁଡୁର୍ ମେନାଃନିଃ ବୁଗିଲେକା ଆୟୁମେକାଏ ।

ଉକୁଆକାନ୍ ଖୁଜ୍ ରାଃ ଜନ୍ମକା କାଜି

୪୪ “ସିର୍ମା ରାଇଜ୍ ଅତେରେ ତପାକାନ୍ ଖୁଜ୍ ଲେକାନାଃ ତାନାଃ, ମିଆଁଦ୍ ହଡ଼ ନାମ୍କେଦ୍ତେ ଆଡ଼ମିଆଁଦ୍ ଅତେରେ ଉକୁକେଦାଏ ଏନ୍ତେ ସୁକୁଜାତେ ସେନଃୟାନା ଆଡ଼ା ଆୟାଃ ସବେନାଃ ଆଖ୍ରିଙ୍ଗ୍କେଦ୍ତେ ଏନ୍ ଅତେକେ କିରିଙ୍ଗ୍କେଦା ।

୪୫ “ଆଡ଼ାଗି ସିର୍ମା ରାଇଜ୍ ବୁଗିନ୍ ବୁଗିନ୍ ମୋତି ଦାଣ୍ଡାତାନ୍ ମିଆଁଦ୍ କିରିଙ୍ଗ୍ ଆଖ୍ରିଙ୍ଗ୍ତାନ୍ ହଡ଼ଲେକାଃ । ୪୬ ଆଡ଼ା ଇନିଃ ମିଆଁଦ୍ ପୁରାଃ ଗନଙ୍ଗ୍ ଆଁନ୍ ମୋତି ନାମ୍କେଦ୍ତେ ସେନଃୟାନାଏ ଆଡ଼ା ଆୟାଃ ସବେନାଃ ଆଖ୍ରିଙ୍ଗ୍କେଦ୍ତେ ଏନାକେ କିରିଙ୍ଗ୍କେଦା ।

ଜାଲୋମ୍ରେୟାଃ ଜନ୍ମକା କାଜି

୪୭ “ଆଡ଼ାଗି ସିର୍ମା ରାଇଜ୍ ମିଆଁଦ୍ ଜାଲୋମ୍ ଲେକାଃ, ଚିମିନ୍ ହାକୁସାଦ୍ ଆକଆଃ ଜାଲୋମ୍ କେ ଦରେୟାରେ ହୁରାଙ୍ଗ୍କେଦାକ ଆଡ଼ା ଏନାରେ ସବେନ୍ ଲେକାନ୍ ହାକୁକ ଜାଲୋମ୍ୟାନା । ୪୮ ଏନା ପେରେୟାନ୍ତି ହଡ଼କ ଗେନାତେକ ଆଇଜ୍ ଅଡ଼ଙ୍ଗ୍କେଦା ଆଡ଼ା ଦୁର୍ୟାନ୍ତେ ବୁଗିନ୍ ହାକୁକକେ ଚୁଲିରେକ ସାଲାକେଦ୍ତେ ମେନ୍ଦ ଏଡ଼କାନ୍କକେ ଏଣ୍ଡାଃକେଦ୍ତେକଆ । ୪୯ ଅତେଦିଶୁମ୍ରେୟାଃ ଚୁଣ୍ଡୁରେୟାଗି ନେକାଅଃଆ । ସିର୍ମାରେନ୍ ଦୁଡ଼କ ଅଡ଼ଙ୍ଗ୍ ଅଃଆ ଆଡ଼ା ଧାର୍ମାନ୍କଆଃ ଆଲାଏତେ ଏଡ଼କାନ୍କକେ ଆଡ଼ମ୍କଆ । ୫୦ ଆଡ଼ା ଇନ୍କୁକେ ସେଙ୍ଗେଲ୍ ହୁଝାଙ୍ଗ୍ରେକ ହାଁଣବକଆ, ଏନ୍ତାଃରେ ରାନାଆଃ ଆଡ଼ା ତାଗା ରିଡ଼ିଦଃଆ ।

ନାଝା ଆଡ଼ା ମାରି ସାନାରୁଡ଼ି

୫୧ “ୟୀଶୁ ଇନ୍କୁକେ କୁଲିକେଦ୍ତେକଆ, ଚିୟାଃ ଆପେ ନେ ସବେନାଃପେ ଆବ୍ କାରୁଉରୁମ୍ କେଦା ?” ଇନ୍କୁ କାଜିରୁହାଡ଼କିୟାକ,
“ହେଗି, ଆବ୍ କାରୁଉରୁମ୍ କେଦାଲେ ।”

୫୭ ଯୀଶୁ କାଜିରୁହାଡ଼ାଦକଥାଏ, “ଏନା ନାଗେନ୍ତେ ସିମା ରାଇଜରେୟାଃ ତେଲକାନ ମିଆଁଦ୍ ଆଇନ୍ ଇତୁନିଃ, ମିଆଁଦ୍ ଅଡ଼ାଃ ଗମ୍ବେ ଲେକାନନିଃ ତାନିଃ । ଇନିଃ ଆୟାଃ ଭାଣ୍ଡାଅଡ଼ାଃଏତେ ନାଝା ଆଡ଼ାଃ ମାରିତେୟାଃ ଅତଙ୍ଗୟେଆଏ ।”

ୟୀଶୁକେ ନାଜରେଡ଼ରେନକ ହିଲାଙ୍ଗକିୟା

(ମାର୍କ ୭:୧-୨; ଲୁକ ୪:୧୭-୩୦)

୫୩ ଯୀଶୁ ନେ ଜନ୍ମକା କାଜି ଚାବାକେଦ୍ ଶିଷ୍ୟାଏତେ ସେନଃୟାନା । ୫୪ ଆଡ଼ାଃ ଆୟାଃ ଆପୁତେୟାଃ ସାହାରତେ ତେବାଃୟାନତି ଇନ୍କୁଆଃ ସାମାଜ ଅଡ଼ାଃରେ ଇନ୍କୁକେ ଇତୁକେଦକଥା ଆଡ଼ାଃ ଇନ୍କୁ ଆକଦାନ୍ଦାଅୟାନ୍ତେ, “ଇନିଃ ଅକଡ଼ାଃଏତେ ନେ ସେଣାଁ ଆଡ଼ାଃ ପେଡ଼େୟାନ୍ କାମିକରେୟାଃ ପେଡ଼େଃ ନାମାକାଦାଏ ?” ମେନ୍ତେକ କାଜିକେଦା । ୫୫ “ତିୟାଃ ନିଃ ଏନ୍ ବାଡ଼ାଇଆଃ ହନ୍ କା'ଚି ତାନିଃ ? ତିୟାଃ ଇନିୟାଃ ଏଙ୍ଗାଋଃ ନୁଡୁମ୍ ମାରିୟାମ୍ କା'ଚି ତାନାଃ ? ଯାକୁଦ୍, ଯୋଷେଦ୍, ଶିମୋନ୍ ଆଡ଼ାଃ ଯିହୁଦା ନେ ସବେନକ ଆୟାଃ ହାଗାକ କା'ଚି ତାନକ ? ୫୬ ଆଡ଼ାଃ ଇନିୟାଃ ମିଶିକ ଆବୁଲଃଚି ବାଙ୍ଗକଥା ? ନିଃ ଏନ୍ ସେଣାଁ ଆଡ଼ାଃ ପେଡ଼େଃ ଅକଡ଼ାଃଏତେ ନାମାକାଦା ?” ମେନ୍ତେକ କାଜିକେଦା । ୫୭ ଏନାତେ ଇନ୍କୁ ଇନିଃକେ ହିଲାଙ୍ଗକିୟାକ ।

ୟୀଶୁ ଇନ୍କୁକେ ମେତାଦକଥା, “ନାବୀ ଆୟାଃ ଦିଶ୍ଟମ୍ ଆଡ଼ାଃ ଆୟାଃ ଅଡ଼ାଃ ବାଗିକେଦ୍ ଏଟାଃ ସବେନଡ଼ାଃରେ ମାଇନାଏ ନାମେୟା ।” ୫୮ ତିୟାଃଚି ଇନ୍କୁ ଇନିଃକେ କାକ ବିଶ୍ୱାସକିଃ ନାଗେନ୍ତେ ଇନିଃ ଏଡ଼ାଃରେ ପୁରାଃ ଆକଦାନ୍ଦାଅ କାମିକ କାଏ କାମିକେଦା ।

୧୪

ବାପ୍ତିସ୍ମା ଏମଃନିଃ ଯୋହାନ୍‌ଆଃ ଗନଏଃ

(ମାର୍କ ୬:୧୪-୨୯; ଲୁକ ୬:୭-୯)

୧ ଏନ୍ ଦିପିଲିରେ ହେରୋଦ୍ ଗାଲିଲ୍‌ରେନ୍ ଲାଟ୍‌ସାହେଦ୍ ତାଇକେନାଏ ଆଡ଼ାଃ ଯୀଶୁଆଃ ବିଷାଏରେ ଆୟୁମକେଦା । ୨ ଆଡ଼ାଃ ଇନିଃ ଆୟାଃ କାମିତାନ୍‌କକେ ମେତାଦକଥା, “ବାପ୍ତିସ୍ମା ଏମଃନିଃ ଯୋହାନ୍ ଗଜାକାନ୍‌ଏତେ ଜୀଉବିରିଦାକାନାଏ, ଏନା ମେନ୍ତେଗି ଆକଦାନ୍ଦାଅ କାମିକ ଇନିୟାଃ ହରାତେ ହବାଅଃତାନା ।”

୩ ଏହେରୋଦ୍ ଆୟାଃ ହାଗାତେ ଫିଲିପ୍‌ଆଃ କୁଡ଼ି ହେରୋଦିୟା ନାଗେନ୍ତେ ଯୋହାନ୍‌କେ ସାବ୍‌କିତେ ତଲ୍‌କିୟାଏ ଆଡ଼ାଃ ଜେହେଲ୍‌କାଇ ତାଇକେନାଏ । ୪ ତିୟାଃଚି ଯୋହାନ୍ ହେରୋଦ୍‌କେ କାଜିକାଇ ତାଇକେନା, “ଆମ୍ ହେରୋଦିୟାକେ କୁଡ଼ି ଲେକା ଦହକାଇ ତାଇକେନାମ୍ ଏନା ଆଇନ୍ ଲେକାତେ କା ଠାଉକାନ୍‌ତେୟାଃ ତାନାଃ ।” ୫ ଏନାତେ ଇନିଃ ଯୋହାନ୍‌କେ ଗଗଏଃ ସାନାଙ୍ଗ୍ ତାଇକେନାଏ, ମେନ୍‌ଦ ଇନିଃ ଯିହୁଦୀ ହଡ଼କକେ ବରକେଦକଥା, ତିୟାଃଚି ଇନ୍କୁଦ ଯୋହାନ୍‌କେ ମିଆଁଦ୍ ନାବୀ ତାନିଃ ମେନ୍ତେକ ଆଟ୍‌କାରି ତାଇକେନା ।

୬ ହେରୋଦ୍‌ଆଃ ଜାନାମ୍ ହୁଲାଙ୍ଗ୍ ସେଟେରୟାନ୍‌ରେ, ହେରୋଦିୟାଃ ହନ୍ତେକୁଡ଼ି କେଡ଼ାକାନ୍ ହଡ଼କଥାଃ ଆଲାରେ ସୁସୁନ୍‌କେଦାଏ ଆଡ଼ାଃ ହେରୋଦ୍ ପୁରାଃଗି ସୁକୁୟାନାଏ । ୭ ଆଡ଼ାଃ ହେରୋଦ୍ ଇନିଃକେ କିରିୟାତାନ୍‌ଲଃ କାଜିକିୟାଏ, “ଆମ୍ ଆସିଙ୍ଗ୍‌ତେୟାଃ ସବେନାଃଇଙ୍ଗ୍ ଏମାମେୟାଁ ।”

୮ ଆଡ଼ାଃ ଇନିଃ, ଆୟାଃ ଏଙ୍ଗାତେ ଆବୁକାଇ ଲେକା ଆସିକିୟା, “ବାପ୍ତିସ୍ମା ଏମଃନିଃ ଯୋହାନ୍‌ଆଃ ବହଃ ନେ ଆଡ଼ିରେ ଏମାଇଙ୍ଗମେ ।”

୯ ଏନ୍ତେ ରାଜା ହୁଡ଼ିଙ୍ଗ୍‌ଜୀଉୟାନାଏ ମେନ୍‌ଦ ଇନିଃ ନେଅଁତାକାନ୍‌କଥାଃ ସାମ୍‌ନାଙ୍ଗ୍‌ରେ କିରିୟାକାଦ୍ ହରାତେ ଏମାଇପେ ମେନ୍ତେ ଆବୁକେଦକଥା । ୧୦ ଆଡ଼ାଃ ଇନିଃ ଜେହେଲ୍‌କାନ୍ ଯୋହାନ୍‌ଆଃ ବହଃ ମାଆଃ ଆଉ ନାଙ୍ଗ୍ ହଡ଼କକେ କୁଲ୍‌କେଦକଥା । ୧୧ ଆଡ଼ାଃ ଇନିୟାଃ ବହଃ ମିଆଁଦ୍ ଆଡ଼ିରେକ ଆଉକେଦା ଆଡ଼ାଃ ହନ୍ତେକୁଡ଼ିକେକ ଏମ୍‌କିୟା ଏନ୍ତେ ଇନିଃ ଆୟାଃ ଏଙ୍ଗାତେତାଃତେ ଇଦିକେଦା । ୧୨ ଯୋହାନ୍‌ଆଃ ତେଲକ ହିକ୍ତୁଃକେଦ୍‌ତେ ଆୟାଃ ହଡ଼ମକେ ଇଦିକେଦ୍‌ତେ ତପାକେଦାକ ଆଡ଼ାଃ ସେନଃୟାନ୍ତେ ଯୀଶୁକେକ ଉଦୁଦକିୟା ।

ୟୀଶୁ ଗାଦେଲ୍ ହଡ଼କକେ ଜମେୟାଃ ଏମାଦକଥାଏ

(ମାର୍କ ୬:୩୦-୪୪; ଲୁକ ୯:୧୦-୧୭; ଯୋହାନ୍ ୬:୧-୧୪)

୧୩ ଯୀଶୁ ଯୋହାନ୍‌ଆଃ ବିଷାଏ ଆୟୁମକେଦ୍‌ତେ ଏଡ଼ାଃ ବାଗିକେଦ୍‌ତେ ଲାଉକାରେ ସିଃସଏଃ ଠାୟାଦ୍‌ତେ ଏସ୍‌କାଡ଼ି ସେନଃୟାନା । ଗାଦେଲ୍ ହଡ଼କ ନେଅଁ ଆୟୁମକେଦ୍‌ତେ ଆକଥାଃ ସାହାରକଏତେ ସେସେନ୍‌ତେଗି ଇନିଃକେ ଅତଙ୍ଗକିୟାକ । ୧୪ ଇନିଃ ଲାଉକାଏତେ ଅତଙ୍ଗୟାନ୍‌ଲଃ

☆ ୧୩:୫୭ ୧୩:୫୭ ଯୋହାନ୍ ୪:୪୪. ☆ ୧୪:୩ ୧୪:୩ ଲୁକ ୩:୧୯,୨୦.

ପୁରାଃ ଗାଦେଲ୍ ହଡ଼କକେ ନେଲ୍‌କେଦକଆ ଆଡ଼ଃ ଆୟାଃ ମନ୍‌ସୁରୁଦ୍ ଲିରୁଇତେ ବିଲ୍‌କାଅୟାନା ।
ଇନିଃ ପୁରାଃ ହାସୁତାନ୍‌କକେ ବୁଗିକେଦକଆଏ ।

୧୫ ଆଡ଼ଃ ସିଙ୍ଗି ହାସୁରଃତାନ୍‌ରେ, ଯୀଶୁଆଃ ଚେଲ୍‌କ ଆୟାଃତାଃ ହିଜୁଃକେଦତେ କାଜିକିୟାକ, “ନେ
ଠାୟାଦ୍‌ଦ ସିଃସଏଃଗିୟା ଆଡ଼ଃ ସିଙ୍ଗି ହାସୁରଃତାନା, ଏନାତେ ମାର୍ ଗାଦେଲ୍ ହଡ଼କକେ କୁଲ୍‌ତାକମେ,
ଆଡ଼ଃ ଇନ୍‌କୁ ହାଡୁ ସେନ୍‌କେଦତେ ଆକଆଃ ନାଙ୍ ଉମେୟାଃକ କିରିଙ୍‌କେୟାକ ।”

୧୬ ଯୀଶୁ ମେତାଦକଆଏ, “ଇନ୍‌କୁ ଚିନାଃମେନ୍‌ଡେକ ସେନଆଃ ? ଆପେଗି ଇନ୍‌କୁକେ ଉମେୟାଃ
ଏମାକପେ ।”

୧୭ ଇନ୍‌କୁ ଇନିଃକେ କାଜିରୁହାଡ଼କିୟାକ, “ମଣେୟା ହଲ୍‌ଙ୍ ଆଡ଼ଃ ବାରିଆ ହାକୁ ଏସକାର୍
ଆଲେତାଃରେ ମେନାକଆ ।”

୧୮ ଯୀଶୁ ମେତାଦକଆଏ, “ଏନ୍ ସବେନାଃକେ ଆଇଙ୍‌ତାଃତେ ଆଡ଼ଃପେ ।” ୧୯ ଇନିଃ ଗାଦେଲ୍
ହଡ଼କକେ ତାସାଦ୍ ଚେତାନ୍‌ରେ ଦୁଦକପେ ମେନ୍‌ଡେ ଆରୁକେଦକଆ, ଆଡ଼ଃ ଏନ୍ ମଣେୟା ହଲ୍‌ଙ୍
ଆଡ଼ଃ ବାରିଆ ହାକୁ ସାବକେଦତେ ସିମାସାଃ ସାଜିଲ୍‌ରାକାଦ୍‌ତାନ୍‌ଲଃ ଆଗିଷ୍‌କେଦାଏ ଆଡ଼ଃ ହଲ୍‌ଙ୍
କେତାଃକେଦତେ ଚେଲ୍‌କକେ ଏମାଦକଆଏ, ଆଡ଼ଃ ଚେଲ୍‌କ ଗାଦେଲ୍ ହଡ଼କକେ ହାଟିଙ୍‌ଆଦ୍‌କଆକ ।
୨୦ ସବେନ୍‌କ ଉମେୟାକେଦତେ ବି'ୟାନାକ ଆଡ଼ଃ ଚେଲ୍‌କ ସାରେୟାକାନ୍‌ତେୟାଃ ବାରା ଚୁକ୍‌କି ହୁଣ୍ଡିକେଦା
। ୨୧ ଉମେୟାକେଦ୍ ହଡ଼କ, କୁଡ଼ିକ ଆଡ଼ଃ ହନ୍‌କକେ ବାଗିକେଦତେ ପାଞ୍ଚ ହାଜାର୍ କଡ଼ାକ ଏସକାର୍
ତାଇକେନାକ ।

ୟୀଶୁ ଦାଆଃ ଚେତାନ୍‌ରେ ସେସେନ୍‌କେନାଏ

(ମାର୍କ ୭:୪୫-୫୨; ଯୋହାନ୍ ୭:୧୫-୨୧)

୨୨ ଇମ୍‌ତାଗି ଯୀଶୁ ଚେଲ୍‌କକେ ଆରୁକେଦକଆ, ଲାଉକାରେ ଦେଏଃପେ ଆଡ଼ଃ ହାନ୍ ପାରମ୍‌ତେ
ସେନ୍ ଆୟାରଃପେ, ଇମ୍‌ତାଲଃ ଇନିଃ ଗାଦେଲ୍ ହଡ଼କକେ ବିଦାକେଦକଆ । ୨୩ ଏନ୍ତେ ଇନିଃ ଗାଦେଲ୍
ହଡ଼କକେ ବିଦାକେଦତେ, ଆଇଃକ୍‌ଗି ବିନ୍ତି ନାଗେନ୍ତେ ବୁରୁତେ ରାକାବ୍‌ୟାନା ଆଡ଼ଃ ସିଙ୍ଗିହାସୁରଃତାନ୍‌ରେ
ଇନିଃ ଏସକାର୍‌ଗି ଏନ୍ତାଃରେ ତାଇନ୍‌ୟାନାଏ । ୨୪ ଆଡ଼ଃ ଏନ୍ ଦିପିଲିରେ ଲାଉକା ଦରେୟା ଖାଙ୍‌ଣ୍‌ଏତେ
ପୁରାଃ ସାଜିନ୍‌ରେ ଆଲ୍‌ପୁଙ୍‌ତେ ଏକ୍‌ଲାଅଃତାନ୍ ତାଇକେନା, ଚିୟାଃଟି ଲାଉକା ସେନଃତାନ୍‌ସାଃଏତେ
ହୟ ହିଜୁଃତାନ୍ ତାଇକେନା ।

୨୫ ସେତାଃ ନିଦାରେୟାଃ ଉପୁନ୍ ଘାଡ଼ି ଇମ୍‌ତାକରେ ଯୀଶୁ ଦରେୟାରେ ସେସେନ୍‌କେଦତେ
ଇନ୍‌କୁତାଃତେ ହିଜୁଃତାଇକେନା । ୨୬ ଚେଲ୍‌କ ଇନିଃକେ ଦରେୟାରେ ସେସେନ୍‌ତାନ୍ ନେଲ୍‌କିଃତେକ
ବରକେଦା ଆଡ଼ଃ “ବଙ୍ଗା ତାନିଃ” ମେନ୍ତେ ବରତେକ କାଉରିକେଦାଃ ।

୨୭ ମେନ୍‌ଦ ଯୀଶୁ ଇମ୍‌ତାଗି ଇନ୍‌କୁକେ ଜାଗାର୍‌ତାନ୍‌ଲଃ ମେତାଦକଆ, “ଜୀଉରେ କେଟେଜେପେ,
ଆଇଙ୍ଗ୍ ତାନିଙ୍ଗ୍ ଆଲ୍‌ପେ ବରଏୟା ।”

୨୮ ଏନ୍ତେ ପାଡ଼ରାସ୍ କାଜିକିୟାଏ, “ହେ ପ୍ରାଭୁ, ଆମ୍‌ଗି ତାନ୍‌ମେରେଦ ଦାଆଃରେ ଆଇଁୟାଃତାଃତେ
ହିଜୁଃମେ ମେନ୍ତେ ଆରୁଇଙ୍‌ମେ ।”

୨୯ ଯୀଶୁ କାଜିରୁହାଡ଼କିୟାଏ, “ହିଜୁଃମେ ।” ଏନ୍ତେ ପାଡ଼ରାସ୍ ଲାଉକାଏତେ ଆଡ଼଼ଗୁୟାନ୍‌ଚି ଦାଆଃରେ
ସେସେନ୍‌କେଦତେ ଯୀଶୁତାଃତେ ସେନଃ ତାଇକେନା । ୩୦ ମେନ୍‌ଦ ଇନିଃ ହୟ ନେଲ୍‌କେଦତେ
ବରକେଦାଏ ଆଡ଼ଃ ଇନିଃ ଦାଆଃରେ ହୁବିଃଗ୍ ଏଟେଦଃତାନ୍ ନେଲ୍‌କେଦତେ କାଉରିକେଦାଏ, “ହେ
ପ୍ରାଭୁ, ବାଞ୍ଚାଅଇଙ୍‌ମେ ।”

୩୧ ଯୀଶୁ ଇମ୍‌ତାଗି ତିଃଇତାୟାଃ ଜିଲିଙ୍‌କେଦତେ ଇନିଃକେ ସାବକିୟାଏ ଆଡ଼ଃ କାଜିକିୟାଏ, “ଏ
ହୁଡିଙ୍ଗ୍ ବିଶ୍ୱାସତାନ୍‌ନିଃ ଚିନାଃମେନ୍‌ଡେମ୍ ଆଡ଼ଃତାଃତୁଃକେଦା ?”

୩୨ ଆଡ଼ଃ ଇନ୍‌କିନ୍ ଲାଉକାରେ ଦେଏଃୟାନ୍‌ଚି ହୟ ସାଲ୍‌ସାନ୍ତୁୟାନା । ୩୩ ଏନ୍ତେ ଲାଉକାରେ ତାଇକେନ୍
ଚେଲ୍‌କ ଯୀଶୁକେ ଜହାର୍‌କିଃତେ କାଜିକିୟାକ, “ଆମ୍ ସାର୍‌ତିଗି ପାର୍‌ମେଶ୍ୱାର୍‌ଆଃ ହନ୍ ତାନ୍‌ମେ ।”

ୟୀଶୁ ଗିନେସରେଡ଼ରେ ଦୁକୁହାସୁତାନ୍‌କକେ ବୁଗିକେଦକଆ

(ମାର୍କ ୭:୫୩-୫୬)

୩୪ ଯୀଶୁ ଆଡ଼ଃ ଆୟାଃ ଚେଲ୍‌କ ଦରେୟା ପାରମ୍‌କେଦ୍‌ଚି ଗିନେସରେଡ଼ ନୁଡୁମ୍ ପାର୍‌ଗାନ୍‌ତେକ
ସେଟେର୍‌ୟାନା । ୩୫ ଏନ୍ତାଃରେନ୍ ହଡ଼କ ଯୀଶୁକେ ନେଲ୍‌ଉରୁମ୍‌କିୟାକ । ଆଡ଼ଃ ଇନିଃ ନେତାଃରିୟା
ମେନ୍ତେ ସବେନ୍‌ସାଃତେ କାଜିକୁଲ୍‌କେଦାକ ଆଡ଼ଃ ହଡ଼କ ସବେନ୍ ଦୁକୁହାସୁତାନ୍‌କକେ ଇନିଃତାଃତେ
ଆଉକେଦକଆକ । ୩୬ ଆଡ଼ଃ ଇନ୍‌କୁ ବିନ୍ତିକିୟାକ, ଦୁକୁହାସୁତାନ୍‌କ ଆମାଃ ଲିଜାଃରେୟାଃ ଆର୍‌ରାକେ
ଏସକାର୍ ଜୁଟିଦ୍ ଇଚି ନାଗେନ୍ତେ ଆରୁକମ୍ ଆଡ଼ଃ ଜୁଟିଦ୍‌କେଦ୍ ସବେନ୍‌କ ବୁଗିୟାନା ।

୧୫

ହାଡ଼ାମୁହାଡ଼କଥାଃ ଇନିତୁ

(ମାର୍କ ୭:୧-୧୩)

^୧ ଏନ୍ତେ ଚିମିନ୍ ଫାରୁଶୀକ ଆତଃ ଯାରୁଶାଲେମ୍‌ହେତେ ସେଚେରାକାନ୍ ଚିମିନ୍ ଆଇନ୍ ଇତୁକ ଯୀଶୁତାଃତେକ ହିନ୍ଦୁଃୟାନା ଆତଃ କୁଲିକିୟାକ, ^୨ “ଚିନାଃମେନ୍ତେ ଆମାଃ ଚେଲାକ ଆରୁଆଃ ପ୍ରାଚିନ୍‌କଥାଃ ରିତିରିଖାଜ୍‌କ କାକ ମାନାତିଙ୍ଗ୍‌ତାନା ? ଇନ୍‌କୁ ଆରୁଆଃ ରିତିରିଖାଜ୍ ଲେକାତେ ବୁଗିଲେକା ଡିଃଇ କା ଆରୁଙ୍ଗ୍ ସିଦାରେକ ଜଜମାଃ !”

^୩ ଯୀଶୁ କାଜିରୁହାଡ଼ାଦକଥାଏ, “ଆପେ ପାର୍‌ମେଶ୍ୱାର୍ ଏମାକାଦ୍ ଆନ୍‌ରୁକେ କା ମାନାତିଙ୍ଗ୍‌କେଦ୍‌ତେ ଚିକାନାଙ୍ଗ୍ ଆପେୟାଃ ରିତିରିଖାଜ୍‌କେ ମାନାତିଙ୍ଗ୍ ତାନାପେ ? ^୪ ପାର୍‌ମେଶ୍ୱାର୍ କାଜିୟାକାଦାଏ, ‘ଏଙ୍ଗାମ୍ ଆପୁମକିନ୍‌କେ ମାନାତିଙ୍ଗ୍‌କିନ୍‌ମେ,’ ଆତଃ ‘ଜେତାଏ ଏଙ୍ଗାତେକେ ଚାଏ ଆପୁତେକେ ସାର୍‌ପାଅକିନ୍‌ରେଦ ଇନିଃ ଗଜଃକାଏ ।’ ^୫ ମେନ୍‌ଦ ଆପେ ସବେନ୍‌କ କାଜିତାନାପେ, ଜେତା ହଡ଼ ଆୟାଃ ଏଙ୍ଗା ଆପୁକିନ୍‌କେ, ଆଇଙ୍ଗ୍‌ତାଃଏତେ ଅକ୍‌ନାଃ ଦେଙ୍ଗାବେନ୍ ନାମାକାତେତେୟାଃ, ଏନା ‘ପାର୍‌ମେଶ୍ୱାର୍‌କେ ଦାନ୍ ଏମାକାନା’ ମେନ୍ତେ କାଜିତାନ୍‌ଲଃ, ^୬ ଇନିଃ ଆୟାଃ ଏଙ୍ଗା ଆପୁକିନ୍‌କେ କାଏ ମାନାତିଙ୍ଗ୍‌ରେୟ ହବାଅଥା, ମେନ୍ତେପେ କାଜିତାନା । ଆତଃ ପାର୍‌ମେଶ୍ୱାର୍‌ଆଃ ଆନ୍‌ରୁକେ କା ମାନାତିଙ୍ଗ୍‌କେଦ୍‌ତେ ଆପେ ଆପ୍‌ନାଃ ରିତିରିଖାଜ୍‌ରାଃ ଇନିତୁ ଲେକାପେ ସେସେନ୍‌ତାନା । ^୭ ଆପେ ବେଦାହଡ଼କ ତାନ୍‌ପେ, ଯିଶାୟ ଆପେୟାଃ ବିଷାଏରେ ସାର୍‌ତିଗି ଆୟାର୍‌କାଜି କାଜିକାଦା,

୮ “ନେ ହଡ଼କ ମଚାତେକ ମାଇନିଙ୍ଗ୍‌ତାନା,

ମେନ୍‌ଦ ଆକଥାଃ ମନ୍ ଆଇଙ୍ଗ୍‌ତାଃଏତେ ସାଙ୍ଗିନ୍‌ରେଆ ।

^୯ ଇନ୍‌କୁ ସାମାଗିକ ସେଞ୍ଜାଇଙ୍ଗ୍‌ତାନା,

ଚିୟାଃଚି ହଡ଼କଥାଃ ରିତିରିଖାଜ୍‌ରାଃ ଇନିତୁକେ ପାର୍‌ମେଶ୍ୱାର୍‌ଆଃ ଇନିତୁ ତାନାଃ ମେନ୍ତେକ ଇତୁକତାନା !”

ହଡ଼କେ ସଡ଼ରାଇରାଃ ବିଷାଏ

(ମାର୍କ ୭:୧୪-୨୩)

^{୧୦} ଯୀଶୁ ଗାଦେଲ୍ ହଡ଼କକେ କେଡ଼ାକେଦ୍‌କଥାଏ ଆତଃ ମେତାଦ୍‌କଥାଏ, “ଆୟୁମେପେ ଆତଃ ଆଟ୍‌କାର୍ ଉରୁମେପେ । ^{୧୧} ଅକ୍‌ନାଃ ହଡ଼ ହନ୍‌ରାଃ ମଚା ଭିତାର୍‌ତେ ବଲଃଆ ଏନା ଇନିଃକେ କାଏ ସଡ଼ରା ଦାଡ଼ିୟାଇଆ, ମେନ୍‌ଦ ଆୟାଃ ମଚାଏତେ ଅକ୍‌ନାଃ ଅତଙ୍ଗ୍‌ଅଥା ଏନା ଆଇଃକ୍‌କେ ସଡ଼ରାଇଆ ।”

^{୧୨} ଏନ୍ତେ ଯୀଶୁଆଃ ଚେଲାକ ଇନିଃତାଃ ହିନ୍ଦୁଃକେଦ୍‌ତେ କାଜିକିୟାକ, “ନେ କାଜି ଆୟୁମ୍‌କେଦ୍‌ତେ ଫାରୁଶୀକ ଖ୍ୱୟ୍‌ନାକ, ଚିୟାଃ ନେଆଁମ୍ ସାରିତାନା ?”

^{୧୩} ମେନ୍‌ଦ ଯୀଶୁ କାଜିରୁହାଡ଼ାଦକଥାଏ, “ଆଇଁୟାଃ ସିର୍ମାରେନ୍ ଆପୁ କାଏ ରୟାକାଦ୍ ଦାରୁ ତୁଦ୍ ଏଣ୍ଡାଗଥାଃ । ^{୧୪} ଇନ୍‌କୁକେ ବାଗିତାକୁପେ, ଇନ୍‌କୁଦ ମେଦ୍ କା ନେଲ୍ ଦାଡ଼ିତାନ୍‌ନିୟାଃ ମେଦ୍ କା ନେଲ୍ ଦାଡ଼ିତାନ୍ ଆଗୁଆଇକ ତାନ୍‌କ, ମେଦ୍ କା ନେଲ୍ ଦାଡ଼ିନିଃ, ମେଦ୍ କା ନେଲ୍‌ଦାଡ଼ିନିଃକେ ଆୟାର୍‌ଇଦିରେଦ ବାରାନ୍‌କିନ୍ ଗାଡ଼ାରେକିନ୍ ଉୟୁଗଥା ।”

^{୧୫} ପାଡ଼ରାସ୍ କାଜିକିୟାଏ, “ନେ ଜନ୍‌କା କାଜିରାଃ ମୁଣ୍ଡି ଚିନାଃ ତାନାଃ ଉଦୁବାଲେମ୍ ?”

^{୧୬} ଯୀଶୁ କାଜିରୁହାଡ଼ାଦକଥାଏ, “ଆପେୟାଚି ନାହାଃ ଜାକେଦ୍ ଡଣ୍ଡିଗିୟାପେ । ^{୧୭} ଅକ୍‌ନାଃ ମଚା ହରାତେ ଲାହିଦ୍‌ତେ ବଲଃଆ ଆତଃ ହଡ଼ମ୍‌ଏତେ ଅତଙ୍ଗ୍‌ଅଥା ନେୟାଁ ଚିୟାଃ କାପେ ଆଟ୍‌କାରେତାନା ? ^{୧୮} ଜେତାଏ ହଡ଼ଥାଃ ମଚାହରା ଅକ୍‌ନାଃ ଅତଙ୍ଗ୍‌ଅଥା ଏନା ଆୟାଃ ମନ୍‌ରାଃ ବିଚାର୍‌ଏତେ ଅତଙ୍ଗ୍‌ଅଥା, ଏନା ଇନିଃକେ ସଡ଼ରାଇଆ । ^{୧୯} ମନ୍ ଭିତାର୍‌ଏତେଗି ଏଡ଼କାନ୍ ଉଡ଼୍ଟୁ ହଡ଼ଗଏଃ, ଆପାଙ୍ଗିର୍ କାମି, ଆଣ୍ଡି ଆପାଙ୍ଗିର୍, କୁମ୍‌ତୁ ହସଡ଼ ଗାଞ୍ଜା, ପାର୍‌ମେଶ୍ୱାର୍‌କେ ନିନ୍ଦାଆକ । ^{୨୦} ନେ ସବେନାଃତେଗି ହଡ଼କେ ସଡ଼ରାଇଆଏ, ମେନ୍‌ଦ ରିତିରିଖାଜ୍ ଲେକାତେ ଡିଃଇ ବେଗାର୍ ଆରୁଙ୍ଗ୍‌କେଦ୍‌ତେ ଜମେତେୟାଃତେ ହଡ଼କେ କାଏ ସଡ଼ରାଇଆ ।”

ମିଆଁଦ୍ ସାଅଁସାର୍ କୁଡ଼ିଆଃ ବିଶ୍ୱାସ୍

(ମାର୍କ ୭:୨୪-୩୦)

^{୨୧} ଯୀଶୁ ଏନ୍ ଠାୟାଦ୍ ବାଗିକେଦ୍‌ତେ ସୋର୍ ଆତଃ ସିଦୋନ୍ ପାର୍‌ଗାନ୍‌ରେୟାଃ ସାହାର୍‌ତେ ସେନଃୟାନା । ^{୨୨} ଆତଃ ନେଲେପେ କିନାନ୍‌ରେନ୍ ମିଆଁଦ୍ ସାଅଁସାର୍ କୁଡ଼ି ଏନ୍ ଦିଶ୍ୱାମ୍‌ଏତେ ଅତଙ୍ଗ୍‌ୟାନ୍‌ତେ ହାକାଅକିୟାଏ, “ହେ ଗମ୍‌କେ, ଦାଉଦ୍‌ଆଃ ହନ୍ ଲିବୁଆଇଙ୍ଗ୍‌ମେ, ହନିଙ୍ଗ୍‌କୁଡ଼ି, ବଙ୍ଗା ଏସେରକାନ୍ ହରାତେ ପୁରାଃଗି ହାସୁତାନା ।”

☆ ୧୫:୧୪ ୧୫:୧୪ ଲୁକ ୭:୩୯. ☆ ୧୫:୧୮ ୧୫:୧୮ ମାଥିଉ ୧୨:୩୪.

୨୩ ମେନ୍ଦ ଇନିଃ ଜେଡ୍‌ନାଃ କାଏ କାଜିରୁହାଡ଼କିୟା ଆଡ଼ଃ ଇନିୟାଃ ଚେଲାକ ବିକ୍ରିକିଃତେ କାଜିକିୟାକ, “ଇନିଃକେ କୁଲ୍‌ତାଲମେ, ଚିୟାଃତି ଇନିଃଦ ପୁରାଃ ରାଆଃତାନଲଃ ଆବୁକେ ଅତଙ୍ଗ୍‌ବୁତାନା ।”

୨୪ ମେନ୍ଦ ଇନିଃ କାଜିରୁହାଡ଼ାଦକଆଏ, “ଆଇଙ୍ଗ୍ ଇସ୍ରାଏଲ୍‌ରେନ୍ ଆଦାକାନ୍ ମିଶ୍ରିକତାଃତେ ଏସକାର୍ କୁଲାକାନାଲଙ୍ଗ୍, ଏଟାଃକତାଃତେଦ କାହାଗି ।”

୨୫ ମେନ୍ଦ ଏନ୍‌କୁଡ଼ି ନାଡ଼େଃୟାନ୍‌ତି ଇନିୟାଃ ଆୟାରରେ ଇକ୍‌ଡ଼ୁକେଦ୍‌ତେ କାଜିକିୟାଏ, “ହେ ଗମ୍‌କେ, ଦେଙ୍ଗାଲଙ୍ଗ୍‌ମେ ।”

୨୬ ଏନ୍ତେ ଯୀଶୁ କାଜିରୁହାଡ଼କିୟାଏ, “ହନ୍‌କଆଃ ଜମେୟାଃ ରେଃକ୍‌କେଦ୍‌ତେ ସେତାକଆଃ ଆୟାରରେ ହୁଦ୍‌ମାଡେୟାଃ କା ବୁଗିନାଃ ।”

୨୭ ସାଅଁସାର୍ କୁଡ଼ି କାଜିରୁହାଡ଼କିୟାଏ, “ହେଗି ପ୍ରାଭୁ, ନେଆଁ ସାର୍‌ତି କାଜିତାନାଃ, ମେନ୍ଦ ସେତାକହଗି ଆକଆଃ ଗମ୍‌କେଆଃ ମେଜ୍‌ଏତେ ଉୟୁଗାକାନ୍ ହଲଙ୍ଗ୍‌କେଚାଃକ ଜଜମାଃ ।”

୨୮ ଏନ୍ତେ ଯୀଶୁ କାଜିକିୟାଏ, “ଏ କୁଡ଼ି, ଆମାଃ ବିଶ୍ୱାସ୍ ପୁରାଃ ମାରାଙ୍ଗ୍‌ଆଃ ! ଆମାଃ ମନେଲେକା ହବାଅଃକା ।” ଆଡ଼ଃ ଇନିୟାଃ ହନ୍ତେକୁଡ଼ି ଏନ୍ ଦିପିଲିରେଗି ବୁଗିୟାନା ।

ୟୀଶୁ ପୁରାଃ ହଡ଼କକେ ବୁଗିକେଦ୍‌କଆଏ

୨୯ ଯୀଶୁ ଏନ୍ତାଃଏତେ ଅତଙ୍ଗ୍‌ୟାନ୍‌ତେ ଗାଲିଲ୍ ଦରେୟାସାଃତେ ସେଟେର୍‌ୟାନା, ଆଡ଼ଃ ବୁରୁତେ ରାକାବ୍‌କେଦ୍‌ତେ ଏନ୍ତାଃରେ ଦୁବ୍‌ୟାନାଏ । ୩୦ ପୁରାଃ ଗାଦେଲ୍ ହଡ଼କ ଛୁଟା, କାଣାଁ, କେପା, କା ବାଣାଁଣ୍ ଦାଡ଼ିତାନ୍, ଆଡ଼ଃ ଏଟାଃ ହଡ଼କକେ ଆକଆଃଲଃ ଆଡ଼କେଦ୍‌ତେ ଇନିଃତାଃତେକ ହିଜୁଃୟାନା ଆଡ଼ଃ ଇନ୍‌କୁକେ ଆୟାଃ କାଟା ସୁବାରେ ଦହକେଦ୍‌କଆକ ଆଡ଼ଃ ଇନିଃ ଇନ୍‌କୁକେ ବୁଗିକେଦ୍‌କଆଏ । ୩୧ ଏନ୍‌ଲେକାଗି କା ବାଣାଁଣ୍ ଦାଡ଼ିତାନ୍‌କ ବାଣାଁଣ୍ ଦାଡ଼ିୟାନା, କାଣାଁକାନ୍‌କ ନେଲ୍ ଦାଡ଼ିୟାନା, କେପାକାନ୍‌କ ବୁଗିୟାନା, ଛୁଟାକାନ୍‌କ ସେସେନ୍‌କେଦା, ନେଆଁ ନେଲ୍‌କେଦ୍‌ତେ ଗାଦେଲ୍ ହଡ଼କ ଆକଦାନ୍‌ଆୟାନା ଆଡ଼ଃ ଇନ୍‌କୁ ଇସ୍ରାଏଲ୍‌ରେନ୍ ପାର୍‌ମେଶ୍ୱାର୍‌କେକ ମାରାଙ୍ଗ୍‌କିୟା ।

ୟୀଶୁ ଏଟାଃ ଗାଦେଲ୍ ହଡ଼କକେ ଜମେୟାଃତେ ବି'କେଦ୍‌କଆ

(ମାର୍କ ୮:୧-୧୦)

୩୨ ଏନ୍ତେ ଯୀଶୁ ଚେଲାକକେ ଆୟାଃତାଃତେ ହାକାଅକେଦ୍‌ତେ କାଜିୟାଦ୍‌କଆଏ, “ନେ ଗାଦେଲ୍ ହଡ଼କ ନାଗେନ୍ତେ ଆଇଁୟାଃ ଜୀଉ ବିଲ୍‌କାଅଃତାନା, ଚିୟାଃତି ଆପି ମାହାଁଏତେ ଆଇଁୟାଃଲଃ ମେନାକଆ, ଆଡ଼ଃ ନାହାଁଃ ଇନ୍‌କୁତାଃରେ ଜମେୟାଃ ଜେଡ୍‌ନାଃ ବାନଃଆ, ଇନ୍‌କୁ ହରାକରେ ଭୁକ୍‌ସୁଲ୍‌କଆଃକ, ଏନାତେ ଆଇଙ୍ଗ୍ ଇନ୍‌କୁକେ ବେଗାର୍ ଜମ୍‌କେଦ୍‌ତେ କୁଲ୍ କାଲଙ୍ଗ୍ ସାନାଙ୍ଗ୍‌ତାନା ।”

୩୩ ଇନିୟାଃ ଚେଲାକ କାଜିରୁହାଡ଼କିୟା, “କତାଃଏତେ ନେ ସିଃସଏଃ ଠାୟାଦ୍‌ରେ ନିମିନାଙ୍ଗ୍ ଗାଦେଲ୍ ହଡ଼କ ନାଗେନ୍ତେ ବିୟଃଗି ଜମେୟାଃଲେ ନାମେୟା ?”

୩୪ ଯୀଶୁ କୁଲିକେଦ୍‌କଆଏ, “ଆପେତାଃରେ ଚିମିନାଙ୍ଗ୍ ହଲଙ୍ଗ୍ ମେନା ?” ଇନ୍‌କୁ କାଜିରୁହାଡ଼କିୟା, “ସାଡ଼ୁ ହଲଙ୍ଗ୍ ଆଡ଼ଃ ଚିମିନ୍ ହୁପ୍‌ଡ଼ିଙ୍ଗ୍ ହାକୁ ।”

୩୫ ଯୀଶୁ, ଗାଦେଲ୍ ହଡ଼କକେ ଅତେରେ ଦୁବ୍‌ପେ ମେନ୍ତେ ଆବୁକେଦ୍‌କଆ । ୩୬ ଏନ୍ତେ ଇନିଃ ଏନ୍ ସାଡ଼ୁ ହଲଙ୍ଗ୍ ଆଡ଼ଃ ହାକୁ ଇଦିକେଦ୍‌ତେ ପାର୍‌ମେଶ୍ୱାର୍‌କେ ଧାନ୍ୟାବାଦ୍ ଏମ୍‌କିୟାଏ ଆଡ଼ଃ ଏନା କେଚାଃକେଦ୍‌ତେ ଆୟାଃ ଚେଲାକକେ ଏମାଦ୍‌କଆଏ ଆଡ଼ଃ ଚେଲାକ ହଡ଼କକେ ହାଟିଙ୍ଗ୍‌ଆଁଦ୍‌କଆକ । ୩୭ ଏନା ଜମ୍‌କେଦ୍‌ତେ ସବେନ୍‌କ ବି'ୟାନାକ ଆଡ଼ଃ ହଲଙ୍ଗ୍ କେଚାଃ ସାଡ଼ୁ ଟୁଲ୍ ସାରେଃୟାନା । ୩୮ କୁଡ଼ିକ ଆଡ଼ଃ ହନ୍‌କ ବାଗିକେଦ୍‌ତେ ଉପୁନ୍ ହାଜାର୍ କଡ଼ାକ ଜମ୍‌କେଦା ।

୩୯ ଏନ୍ତେ ଯୀଶୁ ଗାଦେଲ୍ ହଡ଼କକେ କୁଲ୍‌କେଦ୍‌କତି ଲାଉକାରେ ଦେଏଃୟାନାଏ ଆଡ଼ଃ ମାଗ୍‌ଦଲା ପାର୍‌ଗାନ୍‌ତେ ସେନଃୟାନାଏ ।



ପେଡ଼େୟାନ୍ କାମିରେୟାଃ ହାଟି

(ମାର୍କ ୮:୧୧-୧୩; ଲୁକ ୧୨:୫୪-୫୬)

୧* ଫାରୁଶୀକ ଆଡ଼ଃ ସାଦୁକିକ ଯୀଶୁତାଃ ହିଜୁଃକେଦ୍‌ତେ, ଇନିଃକେ ଚିଟାଲ ନାଗେନ୍ତେ ବିଡ଼ାଅତାନ୍‌ଲଃ ସିମାଏତେ ମିଆଁଦ୍ ଚିହ୍ନାଁ ଉଦୁବାଲେମେ ମେନ୍ତେକ କାଜିକିୟା ।

୨ ଯୀଶୁ କାଜିରୁହାଡ଼ାଦକଆଏ, “ଆପେ ଆୟୁବ୍‌ତାନ୍‌ରେ ସିମା ଆରାଃଗିପେ ନେଲେରେଦ, କାଜିୟାଃପେ ତିସିଙ୍ଗ୍ ଫାର୍‌ଚିଗିୟା । ୩ ଆଡ଼ଃ ସେତାଃ ଇଦାନ୍‌ରେ ସିମା ଆରାଃଗି ଆଡ଼ଃ ରିମିଲାକାଦ୍‌ଗିପେ ନେଲେରେଦ, କାଜିୟାଃପେ, ତିସିଙ୍ଗ୍ ଦୁଦୁଗାର୍ ହୟ ହିଜୁଃଆ । ଆପେଦ ସିମାରେୟାଃ ଚିହ୍ନାଁପେ

☆ ୧୬:୧ ୧୬:୧ ମାଧୁର ୧୨:୩୮; ଲୁକ ୧୧:୧୭.

ନେଲୁରୁମେତାନା ମେନ୍ଦ ଦିପିଲିରାଃ ଚିହ୍ନିକ କାପେ ନେଲୁରୁମ୍ ଦାଡ଼ିତାନ୍ । ୪ ✨ଏଡ଼କାନ୍ ଆଡ଼ ପାରମେଶ୍ୱାରକେ କା ବିଶ୍ୱାସତାନ୍ ହଡ଼କ ଚିହ୍ନିକ ଦାଣାଁ, ମେନ୍ଦ ଯୁନୁସ୍ ନାବୀଆଃ ଚିହ୍ନି ବାଗିକେଦ୍ତେ ଇନ୍କୁନାଙ୍ଗ୍ ଏଟାଃ ଚିହ୍ନି କା ଏମଃଆ ।”

ଆଡ଼ଃ ଇନ୍କୁକେ ବାଗିକେଦ୍ତେ ଇନିଃ ସେନଃୟାନାଏ ।

ଫାରୁଶୀ ଆଡ଼ଃ ସାଦୁକିକଆଃ ଇନିତୁ

(ମାର୍କ ୮:୧୪-୨୧)

୫ ଚେଲକ ଦରେୟା ହାନ୍ ପାରମତେ ସେଟେରୟାନ୍ତି ହଲଙ୍ଗ୍ ଇଦି ନାଙ୍ଗ୍ ଚିଡ଼ିଙ୍ଗକେଦା । ୬ ✨ୟୀଶୁ ଇନ୍କୁକେ କାଜିୟାଦ୍‌କଆଏ, “ଫାରୁଶୀକଆଃ ଆଡ଼ଃ ସାଦୁକିକଆଃ ରାନ୍‌ଏତେ ଚିର୍ଗାଲକାନ୍ ତାଇନ୍‌ପେ ।”

୭ ଇନ୍କୁ ଆକ ଆକରେକ ମେନ୍‌କେଦା, “ଆରୁ ହଲଙ୍ଗ୍ କାରୁ ଆଡ଼କାଦା ଏନାମେନ୍ତେ ଇନିଃ ଆବୁକେ କାଜିୟାବୁତାନାଏ ।”

୮ ଯୀଶୁ, ଇନ୍କୁ କାଜିତାନ୍‌ତେୟାଃ ଆଟ୍‌କାରକେଦ୍‌ତେ କାଜିକେଦ୍‌କଆଏ, “ଏ ହୁଡ଼ିଙ୍ଗ୍ ବିଶ୍ୱାସତାନ୍‌କ, ଆପେତାଃରେ ହଲଙ୍ଗ୍ ବାନଃ ମେନ୍ତେ ଚିକାନାଙ୍ଗ୍ ଆପେଗି ଉଡ଼ୁତାନା ? ନାହିଁଃ ଜାକେଦ୍ କାପେଚି ସାରିକାଦା ଆଡ଼ଃ ଆଟ୍‌କାରୁରୁମାକାଦା ? ୯ ✨ଏନ୍ ପାଞ୍ଚ ହାଜାର୍ ହଡ଼କ, ମଣେୟାଁ ହଲଙ୍ଗ୍ ଜମ୍‌କେଦ୍‌ତେ, ଚିମିନ୍ ଟୁକ୍‌କି ସାରେୟାନା ଏନା କାପେଚି ପାହାମେତାନା ? ୧୦ ✨ଆଡ଼ଃ ଏନ୍ ଉପୁନ୍ ହାଜାର୍ ହଡ଼କ, ସାଡ଼ୁ ହଲଙ୍ଗ୍ ଜମ୍‌କେଦ୍‌ତେୟାଃ କାପେଚି ପାହାମେତାନା ? ଚିମିନ୍ ଟୁକ୍‌କି ସାରେୟାନା ? ୧୧ ହଲଙ୍ଗ୍ ନାଗେନ୍ତେ କାଜିୟାଦ୍‌କେଦା, ଚିଲ୍‌କାତେ ନେଆଁ କାପେ ଆଟ୍‌କାରୁରୁମେତାନା ? ମେନ୍ଦ ଫାରୁଶୀକଆଃ ଆଡ଼ଃ ସାଦୁକିକଆଃ ରାନ୍‌ଏତେ ଚିର୍ଗାଲକାନ୍ ତାଇନ୍‌ପେ ।”

୧୨ ଏନ୍ତେ ଇନ୍କୁ ହଲଙ୍ଗ୍‌ରାଃ ରାନ୍‌ଏତେଦ କା ମେନ୍ଦ ଫାରୁଶୀକଆଃ ଆଡ଼ଃ ସାଦୁକିକଆଃ ଇନିତୁଏତେ ଚିର୍ଗାଲକାନ୍‌ପେ ମେନ୍ତେ ଇନିଃ କାଜିୟାଦ୍‌ବୁଆଏ ମେନ୍ତେକ ଆଟ୍‌କାରୁରୁମ୍‌କେଦା ।

ୟୀଶୁ ଖ୍ରୀଷ୍ଟ୍ ମାସି ତାନିଃ

(ମାର୍କ ୮:୨୭-୩୦; ଲୁକ ୯:୧୮-୨୧)

୧୩ କାଇସରିୟା ଫିଲିପି ପାରଗାନ୍‌*ରାଃ ସାହାରତେ ସେଟେରୟାନ୍ତି ଯୀଶୁ ଆୟାଃ ଚେଲକକେ କୁଲିକେଦ୍‌କଆ, “ମାନଝାହନ୍ ଅକଏ ତାନିଃ ମେନ୍ତେ ହଡ଼କ କାଜିତାନା ?”

୧୪ ✨ଇନ୍କୁ କାଜିରୁହାଡ଼କିୟାକ, “ଚିମିନ୍‌କ ବାପ୍ତିସ୍ମା ଏମଃନିଃ ଯୋହାନ୍, ଚିମିନ୍‌କ ଏଲିୟ, ଚିମିନ୍‌କ ଯିରିମିୟ ଚାଏ ନାବୀକଏତେ ମିଆଁଦ୍‌ନିଃ ତାନିଃ ମେନ୍ତେକ କାଜିତାନା ।”

୧୫ ଯୀଶୁ ଇନ୍କୁକେ କୁଲିକେଦ୍‌କଆ, “ମେନ୍ଦ ଆପେ ଚିନାଃ ମେନେତାନାପେ ? ଆଇଙ୍ଗ୍ ଅକଏ ତାନିଙ୍ଗ୍ ମେନ୍ତେପେ କାଜିତାନା ?”

୧୬ ✨ଶିମୋନ୍ ପାଡ଼ରାସ୍ କାଜିରୁହାଡ଼କିୟାଏ, “ଆମ୍‌ଗି ଖ୍ରୀଷ୍ଟ୍, ଜୀନିଦ୍ ପାରମେଶ୍ୱାରଆଃ ହନ୍ ତାନ୍‌ମେ ।”

୧୭ ଯୀଶୁ କାଜିରୁହାଡ଼କିୟାଏ, “ହେ ଯୁନୁସ୍‌ରାଃ ହନ୍ ଶିମୋନ୍, ଆମ୍ ସୁକୁତାନ୍‌ଗିୟାମ୍, ନେଆଁଦ୍ ହଡ଼ହନ୍ ଆମାଃତାଃ କାଏ ଉଦୁର୍, ମେନ୍ଦ ସିମାରେନ୍ ଆପୁ ଉଦୁବାଦ୍‌ମେୟାଏ । ୧୮ ଆଡ଼ଃ ଆଇଙ୍ଗ୍‌ହ୍ ଆମକେ କାଜିୟାମେ ତାନାଇଙ୍ଗ୍, ଆମ୍ ପାଡ଼ରାସ୍ ତାନ୍‌ମେ ଏନାରାଃ ମୁଣ୍ଡି ଚାଟେନ୍ ତାନାଃ ମେନ୍ଦ ଆଇଙ୍ଗ୍ ନେ ଚାଟେନ୍‌ରେ ଆଇଁୟାଃ କାଲିସିୟା ବାଇୟାଇଙ୍ଗ୍ ଆଡ଼ଃ ନାରାକ୍‌ରାଃ ପେଡ଼େଃ ଏନାକେ କାଏ ହାଦୁଡ଼ ଦାଡ଼ିୟା । ୧୯ ✨ଆଇଙ୍ଗ୍ ସିମାଁ ରାଇଜ୍‌ରେୟାଃ ଚାଡ଼ି ଏମାମେୟାଁ, ଆମ୍ ଅତେରେ ଅକ୍‌ନାଃମ୍ ତଲେତେୟାଃ, ସିମାରେ ଏନା ତଲଃଆ, ଆଡ଼ଃ ଆମ୍ ଅତେରେ ଅକ୍‌ନାଃମ୍ ରାଡ଼ାଏତେୟାଃ, ସିମାରେ ଏନା ରାଡ଼ାଅଃଆ ।”

୨୦ ଏନ୍ତେ ଆଇଙ୍ଗ୍ ମାସି ତାନିଙ୍ଗ୍, ନେଆଁ ଜେତାଏତାଃ ଆଲ୍‌ପେ ଉଦୁବିୟାଁ ମେନ୍ତେ ଯୀଶୁ ଆୟାଃ ଚେଲକକେ ଆରୁକେଦ୍‌କଆ ।

ୟୀଶୁ ଆୟାଃ ଗନଏଃ ଆଡ଼ଃ ଜୀଉବିନିରିଦ୍‌ରେୟାଃ ଆୟାରକାଜି କାଜିୟାଦ୍‌କଆ

(ମାର୍କ ୮:୩୧-୯:୧; ଲୁକ ୯:୨୨-୨୭)

୨୧ ଏନ୍ ଦିପିଲିଏତେ ଯୀଶୁ ଆୟାଃ ଚେଲକକେ ଫାର୍‌ଚିତେ କାଜିକେଦ୍‌କଆଏ, “ଆଇଙ୍ଗ୍‌କେ ଯୀରୁଶାଲେମ୍‌ତେ ସେନ୍ ଲାଗାଡ଼ିଙ୍ଗ୍‌ୟାଃ, ଏନ୍ତାଃରେ ପ୍ରାଚିନ୍‌କ, ମୁଲ୍ ଯାଜାକ୍‌କ ଆଡ଼ଃ ଆଇନ୍ ଇଡୁକଆଃ

✨ ୧୭:୪ ୧୭:୪ ମାଥିଉ ୧୭:୩୯; ଲୁକ ୧୧:୨୯. ✨ ୧୭:୬ ୧୭:୬ ଲୁକ ୧୨:୧. ✨ ୧୭:୯ ୧୭:୯ ମାଥିଉ ୧୪:୧୭-୨୧. ✨ ୧୭:୧୦ ୧୭:୧୦ ମାଥିଉ ୧୫:୩୪-୩୮. * ୧୭:୧୩ ୧୭:୧୩ ଅଞ୍ଚଳ ✨ ୧୭:୧୪ ୧୭:୧୪ ମାଥିଉ ୧୪:୧,୨; ମାର୍କ ୬:୧୪,୧୫; ଲୁକ ୯:୭,୮. ✨ ୧୭:୧୭ ୧୭:୧୭ ଯୋହାନ୍ ୬:୬୮,୬୯. ✨ ୧୭:୧୯ ୧୭:୧୯ ମାଥିଉ ୧୮:୧୮; ଯୋହାନ୍ ୨୦:୨୩.

ତିଷ୍ଠରେ ସାବ୍‌କରିକେଦତେ ପୁରାଃ ଦୁକୁ ସାହାତିକ୍ ଆତଃ ଗଜଃ ଲାଗାତିକ୍‌ୟାଃ ଏନ୍ତେ ଆପି ମାହାଁ ତାୟମ୍‌ତେ ଜୀଉବିନିରିଦ୍ ହବାଅଥାଃ ।”

୨୨ ପାଡ଼ରାସ୍ ଯୀଶୁକେ ଗେନାତେ ଇଦିକିଃତେ ଏଗେରଏଟେଦକିୟାଏ । “ହେ ପ୍ରାଭୁ, ପାର୍‌ମେଶ୍ୱାର୍ ଆମ୍‌କେ ଲିବୁଇମେକାଏ, ନେଆଁ ଆମାଃରେ ଚିଉଲାଅ ଆଲକା ହବାଅଃକା ।”

୨୩ ଯୀଶୁ ହେତାରୁହାଡ଼କେଦତେ ପାଡ଼ରାସ୍‌କେ କାଜିରୁହାଡ଼କିୟାଏ, “ଏ ସାଏତାନ୍ ଆଇଁୟାଃତାଃଏତେ ଆତମେନମେ, ଆମ୍ ଆଇଙ୍‌କେ ତହଦ୍‌ଇତିକ୍‌ତାନାମ୍, ଚିୟାଃତି ଆମ୍‌ଦ ପାର୍‌ମେଶ୍ୱାର୍‌ଆଃ କା ମେନ୍‌ଦ ହଡ଼କଆଃ ଲେକାମ୍ ଉଡ଼ୁତାନା ।”

୨୪ ☆ଏନ୍ତେ ଯୀଶୁ ଆୟାଃ ଚେଲକକେ କାଜିୟାଦ୍‌କଆଏ, “ଜେତାଏ ହଡ଼ ଆଇଙ୍‌କେ ଅତଙ୍‌ ସାନାଙ୍‌ରେଦ ଇନିଃ ଆୟାଃ ମନେ ବାଗିତାକାଏ ଆତଃ ଆୟାଃ କୁଶ୍ ଗଅଃକେଦତେ ଅତଙ୍‌ଇଙ୍‌କାଏ । ୨୫ ☆ଚିୟାଃତି ଜେତାଏ ଆୟାଃ ଜୀଉକେ ବାଞ୍ଚାଅ ସାନାଙ୍‌ନିଃଦ ଏନାଏ ଆଦେୟା ମେନ୍‌ଦ ଜେତାଏ ଆୟାଃ ଜୀଉକେ ଆଇଙ୍‌ ନାଙ୍‌ ଆଦେନିଃ ଏନାଏ ବାଞ୍ଚାଅୟା । ୨୬ ଜେତାଏ ହଡ଼ ଗଟା ଅତେଦିଶୁମ୍ ନାମ୍‌କେଦରେୟ ଆୟାଃ ଜୀଉକେ ଆଦେରେଦ ଇନିୟାଃ ଚିକାନ୍ ଫାଏଦା ହବାଅଥାଃ ? ଚାଏ ଜେତାଏ ହଡ଼ ଆୟାଃ ଜୀଉ ନାମ୍‌ରୁହାଡ଼େ ନାଗେନ୍ତେ ଚିନାଃଏ ଏମ୍ ଦାଡ଼ିୟା ? ୨୭ ☆ମାନଞ୍ଜାହନ୍‌ଦ ଆୟାଃ ସିର୍ମାରେନ୍ ଦୁଡ଼କଲଃ ଆୟାଃ ଆପୁଆଃ ମାନାରାଙ୍‌ରେ ହିଜୁଃ ଇମ୍‌ତା ଇନିଃ ମିଆଁଦ୍ ହଡ଼କେ ଆୟାଃ କାମିଲେକାଏ ଏମାଲୟା । ୨୮ ଆଇଙ୍‌ ସାର୍‌ତିଗିକ୍ କାଜିୟାପେତାନା, ନେତାଃରେ ମେନାକାଏତେ ଚିମିନ୍ ହଡ଼କ ମାନଞ୍ଜାହନ୍ ଆୟାଃ ରାଇଜ୍‌ରେ ହିଜୁଃତାନ୍ ଆଉରିକ ନେଲେ ଜାକେଦ୍ କାକ ଗଜଃଆ ।”



ୟୀଶୁଆଃ ରୁପ୍ ବାଦ୍‌ଲିଅଃ

(ମାର୍କ ୯:୨-୧୩; ଲୁକ ୯:୨୮-୩୬)

୧ ତୁରିୟା ମାହାଁ ତାୟମ୍‌ତେ ଯୀଶୁ, ପାଡ଼ରାସ୍, ଯାକୁବ୍ ଆତଃ ହାଗାତେ ଯୋହାନ୍‌ତେକୁକେ ଆୟାଃଲଃ ମିଆଁଦ୍ ସାଲାଙ୍ଗି ବୁରୁତେ ଇଦିକେଦ୍‌କଆଏ । ଏନ୍ତାଃରେ ଇନ୍‌କୁ ଏସ୍‌କାର୍‌ଗିକ ତାଇକେନା । ୨ ଇନିୟାଃ ମେଦ୍‌ମୁହାଁଡ୍ ଇନ୍‌କୁଆଃ ସାମ୍‌ନାଙ୍‌ରେ ବାଦ୍‌ଲାୟାନା ଆତଃ ଇନିୟାଃ ମେଦ୍‌ମୁହାଁଡ୍ ସିଙ୍‌ଲେକା ଜୁଲ୍‌ୟାନା ଆତଃ ଇନିୟାଃ ଲିଜାଃ ଝାକ୍ ମାକ୍ ପୁଣ୍ଡିୟାନା । ୩ ଏନ୍ତେ ମୁଶା ଆତଃ ଏଲିୟ ଯୀଶୁଲଃ ଜାଗାର୍‌ତାନକ୍ ନେଲ୍‌କେଦ୍‌କଆ । ୪ ପାଡ଼ରାସ୍ ଯୀଶୁକେ କାଜିକିୟାଏ, “ହେ ପ୍ରାଭୁ, ଆବୁଆଃ ନେତାଃରେ ତାଇନଃ ପୁରାଃ ବୁଗିନାଃ, ଆତଃ ଆମ୍ ସୁକୁରେଦ, ଆଇଙ୍‌ ନେତାଃରେ ଆପିୟା କୁମ୍‌ପାଲଙ୍‌ ବାଇୟା, ଆମାଃ ନାଗେନ୍ତେ ମିଆଁଦ୍, ମୁଶା ନାଗେନ୍ତେ ମିଆଁଦ୍ ଆତଃ ଏଲିୟ ନାଗେନ୍ତେ ମିଆଁଦ୍ ।”

୫ ☆ୟୀଶୁ ଜାଗାର୍‌ତାନ୍ ଇମ୍‌ତାଗି ମିଆଁଦ୍ ମାର୍ସାଲ୍ ରିମିଲ୍ ଇନ୍‌କୁକେ ଉମ୍‌ଲୁକେଦ୍‌କଆ ଆତଃ ନେଲେପେ, ଏନ୍ ରିମିଲ୍‌ଏତେ ଲାବ୍‌ଜା ଆୟୁମ୍‌ୟାନା, “ନିଃଗି ଆଇଁୟାଃ ଦୁଲାଡ଼୍ ହନ୍ ତାନିଃ, ନିଃତାଃରେ ଆଇଁୟାଃ ପୁରାଃଗି ସୁକୁ, ନିୟାଃ କାଜି ଆୟୁମେପେ ।”

୬ ଚେଲକ ନେଆଁ ଆୟୁମ୍‌କେଦ୍‌ଚି, ବରତେ ତାବେରକେଦ୍‌ତେ ଅତେରେକ ଉୟୁଃୟାନା । ୭ ଯୀଶୁ ଇନ୍‌କୁତାଃ ନାଡ଼େଃୟାନତି ଜୁଟିଦ୍‌କେଦ୍‌ତେ କାଜିକେଦ୍‌କଆଏ, “ବିରିଦ୍‌ପେ, ଆଲ୍‌ପେ ବରଏୟା ।” ୮ ଇନ୍‌କୁ ଆରିଦ୍‌ରାକାଦ୍‌କେଦ୍‌ତେ ଯୀଶୁକେ ବାଗିକେଦ୍‌ତେ ଏନ୍ତାଃରେ ଜେତାଏକେ କାକ ନେଲ୍‌କେଦ୍‌କଆ ।

୯ ଇନ୍‌କୁ ବୁରୁଏତେ ଆଡ଼ଗୁତାନ୍ ଇମ୍‌ତା ଯୀଶୁ ଇନ୍‌କୁକେ ଆରୁକେଦ୍‌କଆ, “ମାନଞ୍ଜାହନ୍ ଗଜାକାନକ୍‌ଏତେ ଆଉରି ଜୀଉବିରିଦ୍ ଜାକେଦ୍ ଆପେ ନେଲ୍‌କାଦ୍‌ତେୟାଃ ଜେତାଏକକେ ଆଲ୍‌ପେ ଉଦୁବାକଆ ।”

୧୦ ଚେଲାତାୟାଃକ ଇନିଃକେ କୁଲିକିୟାକ, “ଆଇନ୍ ଇଡୁକଆଃ ଆଇନ୍ ଚିନାଃ ମେନ୍ତେ ଏଲିୟକେ ପାହିଲା ହିଜୁଃ ଲାଗାତିକ୍‌ୟାଃ ମେନେତାନାଏ ?”

୧୧ ଯୀଶୁ କାଜିରୁହାଡ଼ାଦ୍‌କଆଏ, “ଏଲିୟ ହିଜୁଃକେଦ୍‌ତେ ସବେନାଃ ଆତଃମିସା ବାଇରୁହାଡ଼େୟାଏ, ଏନା ସାର୍‌ତିଗି ତାନାଃ । ୧୨ ☆ମେନ୍‌ଦ ଆଇଙ୍‌ କାଜିୟାପେ ତାନାଲଙ୍‌, ଏଲିୟ ହିଜୁଃୟାନାଏ ଆତଃ ଇନ୍‌କୁ ଇନିଃକେ କାକ ନେଲ୍‌ଉରୁମ୍‌କିୟା ଆତଃ ଆକଆଃ ମନେଲେକା ଇନିଃକେ ସିଗିଦ୍‌କିୟାକ । ଏନ୍ ଲେକାଗି ମାନଞ୍ଜାହନ୍‌କେକ ସିଗିଦିଆ ।”

୧୩ ଏନ୍ତେ ଚେଲକ, ଇନିଃ ବାପ୍ତିସ୍ମା ଏମାଃନିଃ ଯୋହାନ୍‌ଆଃ ବିଷାଏ କାଜିକତାନାଏ ମେନ୍ତେ ଆବ୍‌କାର୍‌କେଦାକ ।

☆ ୧୭:୨୪ ୧୭:୨୪ ମାଥୁର ୧୦:୩୮; ଲୁକ ୧୪:୨୭. ☆ ୧୭:୨୫ ୧୭:୨୫ ମାଥୁର ୧୦:୩୯; ଲୁକ ୧୭:୩୩; ଯୋହାନ୍ ୧୨:୨୫. ☆ ୧୭:୨୬ ୧୭:୨୬ ମାଥୁର ୨୫:୩୧ରୋମି ୨:୬. ☆ ୧୭:୫ ୧୭:୫ ମାଥୁର ୩:୧୭; ୧୨:୧୮; ମାର୍କ ୧:୧୧; ଲୁକ ୩:୨୨. ☆ ୧୭:୫ ୧୭:୫ ୨ ପାଡ଼ରାସ୍ ୧:୧୭,୧୮. ☆ ୧୭:୧୨ ୧୭:୧୨ ମାଥୁର ୧୧:୧୪.

ୟୀଶୁ ମିଆଁଦ୍ ବଙ୍ଗା ଏସେରାକାନ୍ ହନ୍‌କେ ବୁଗିକିୟାଏ

(ମାର୍କ ୯:୧୪-୨୯; ଲୁକ ୯:୩୭-୪୩)

୧୪ ୟୀଶୁ ଆତଃ ଆୟାଃ ଚେଲକ ଗାଦେଲ୍ ହଡକତାଃତେ ରୁହାଡ଼ୟାନ୍ତି ମିଆଁଦ୍ ହଡ ୟୀଶୁତାଃତେ ହିଜୁଃୟାନା ଆତଃ ଇକ୍ତମ୍ନୁକେଦ୍‌ତେ, ୧୫ କାଜିକିୟାଏ, “ହେ ପ୍ରାଭୁ, ହନିଙ୍ଗକଡାକେ ଲିବୁଆଇମେ, ଇନିଃଦ ମିକ୍ ବେମାର୍‌ତେ ପୁରାଃଗି ବୁକୁତାନାଏ ଆତଃ ଇନିଃ ମଣେସା ସେଙ୍ଗେଲ୍‌ରେ ଆତଃ ଦାଆଃରେ ଉୟୁଗଃତାନାଏ । ୧୬ ଆଇଙ୍ଗ୍ ଆମାଃ ଚେଲକତାଃ ଇଦିକିୟାଇଙ୍ଗ୍ ମେନ୍‌ଦ ଇନ୍‌କୁ କାକ ବୁଗିଦାଡ଼ିକିୟା ।”

୧୭ ୟୀଶୁ କାଜିରୁହାଡ଼ାଦକଆଏ, “ଏ କା ବିଶ୍ୱାସ୍‌ତାନ୍ ଆତଃ କେଟେଦ୍ ମନ୍ ହଡକ, ତିମିନ୍ ମାହାଁ ଜାକେଦ୍ ଆପେଲଃ ତାଇନାଇଙ୍ଗ୍ ? ତିମିନ୍ ଜାକେଦ୍ ଆପେକେ ସାହାତିଙ୍ଗ୍‌ପେଆଇଙ୍ଗ୍, ଇନିଃକେ ଆଇଙ୍ଗ୍‌ତାଃତେ ଆଉଡ଼ିପେ ।” ୧୮ ୟୀଶୁ କଡ଼ାହନ୍‌ରେ ତାଇକାନ୍ ବଙ୍ଗାକେ ମାରାଙ୍ଗ୍‌ମଚାକିୟା ଆତଃ ଇନିଃତାଃଏତେ ବଙ୍ଗା ଅଡଙ୍ଗ୍‌ୟାନା ଆତଃ ଏନ୍ କଡ଼ାହନ୍ ଏନ୍ ଦିପିଲିଏତେ ବୁଗିୟାନାଏ ।

୧୯ ଏନ୍ତେ ଚେଲକ ୟୀଶୁତାଃତେ ଏସ୍‌କାର୍‌ରେ ହିଜୁଃକେଦ୍‌ତେ କୁଲିକିୟାକ, “ଆଲେଦ ତିନାଃମେନ୍ତେ ଏନ୍ ବଙ୍ଗାକେ କାଲେ ଅଡଙ୍ଗ୍ ଦାଡ଼ିକେନା ?”

୨୦ ୟୀଶୁ ମେତାଦକଆଏ, “ଆପେୟାଃ ହୁଡିଙ୍ଗ୍ ବିଶ୍ୱାସ୍ ମେନ୍ତେ କାପେ ଦାଡ଼ିକେନା । ଆଇଙ୍ଗ୍ ସାର୍‌ତିଗିଙ୍ଗ୍ କାଜିୟାପେତାନା, ଆପେୟାଃ ବିଶ୍ୱାସ୍ ମିଆଁଦ୍ ମାନିଜାଙ୍ଗ୍‌ଲେକା ମେନାଃରେଦ୍, ମିଆଁଦ୍ ବୁରୁକେ ନେତାଃଏତେ ହାନ୍ତାଃତେ ସେନଃମେ ମେନ୍ତେ କାଜିରେଦ୍ ଏନା ସେନଃଆ ଆତଃ ବିଶ୍ୱାସ୍‌ରାଃ ପେଡେଃତେ କା ଦାଡ଼ିୟଃଲେକା ଜେଡ୍‌ନାଃ ବାନଆଃ । ୨୧ ନେ ଲେକାନ୍ ବଙ୍ଗାକ ବିନ୍ତି ଆତଃ କାଟାବ୍‌କେଦ୍‌ତେ ଏସ୍‌କାର୍‌କ ଅଡଙ୍ଗ୍‌ଅଃଆ ଆତଃ ଏଟାଃ ଲେକାତେଦ୍ କାହାଗି ।”*

ୟୀଶୁ ଆୟାଃ ଗନଏଃ ବିଷାଏରେ ଆତଃମିସା କାଜିକେଦାଏ

(ମାର୍କ ୯:୩୦-୩୨; ଲୁକ ୯:୪୩-୪୫)

୨୨ ସବେନ୍ ଚେଲକ ଗାଲିଲରେ ହୁଣ୍ଡିୟାନ୍ତି ୟୀଶୁ ଇନ୍‌କୁକେ କାଜିୟାଦକଆଏ, “ଆଇଙ୍ଗ୍ ମାନଝାହନ୍ ତାନିଙ୍ଗ୍, ଆତଃ ହଡକଆଃ ତିଃଇରେ ଏମ୍‌ଏଣ୍ଡାଗଃଆଇଙ୍ଗ୍ । ୨୩ ଇନ୍‌କୁ ଇନିଃକେକ ଗଜିୟା ଆତଃ ଆପି ମାହାଁରେ ଜୀଉବିରିଦ୍ ରୁହାଡ଼ାଏ ।”

ଆତଃ ଚେଲକ ପୁରାଃଗିକ ହୁଡିଙ୍ଗ୍‌ଜୀଉୟାନା ।

ୟୀଶୁ ମାହିର୍ ଅଡ଼ାଃରାଃ କାର୍ ପାଏସା ଏମ୍‌ତାନାଏ

୨୪ ୟୀଶୁ ଆତଃ ଆୟାଃ ଚେଲକ କପର୍‌ନାହୁମ୍‌ତେକ ସେଟେର୍‌ୟାନ୍ତି, ମାହିର୍ ଅଡ଼ାଃରେନ୍ ମାଲହାରମ୍‌କ ପାଡ଼ରାସ୍‌ତାଃତେ ହିଜୁଃୟାନାକ ଆତଃ କୁଲିକିୟାକ, “ତିୟାଃ ଆପେୟାଃ ଗୁରୁ ମାହିର୍ ଅଡ଼ାଃରାଃ କାର୍ ପାଏସା କାଏ ଏମାଃ ?”

୨୫ ପାଡ଼ରାସ୍ କାଜିକେଦକଆଏ, “ହେଗି, ଏମାଃଏ ।”

ଏନ୍ତେ ପାଡ଼ରାସ୍ ଅଡ଼ାଃତେ ବଲୟାନ୍ତି, ୟୀଶୁ ପାଡ଼ରାସ୍‌କେ ପାହିଲା କାଜିକିୟାଏ, “ଗିମୋନ୍ ତିନାଃମ୍ ମେନେତାନା ? ନେ ଅଡେରେନ୍ ରାଜାକ ଅକଏତାଃଏତେ କାର୍ ହାରମାଃକ ? ଇନ୍‌କୁ ଆକଆଃ ପାର୍‌ଜାକତାଃଏତେ ତି ପାର୍‌ଦେଶିକତାଃଏତେ ?”

୨୬ ପାଡ଼ରାସ୍, “ପାର୍‌ଦେଶିକତାଃଏତେ” ମେନ୍‌ରୁହାଡ଼କେଦ୍‌ତି,

ୟୀଶୁ କାଜିକିୟାଏ, “ଏନ୍‌ରେଦ୍ ପାର୍‌ଜାକ ପାଏସା କାକ ଏମ୍‌ରାଃକାଜି । ୨୭ ମେନ୍‌ଦ ନାହାଁଃ ଆବୁ ଇନ୍‌କୁକେ ତହ୍‌ଦ୍‌ରିକା ନାଙ୍ଗ୍ କାରୁ ସାନାଙ୍ଗ୍ ତାନା, ଏନା ମେନ୍ତେ ଆମ୍ ଦରେୟାତେ ସେନ୍‌କେଦ୍‌ତେ ବାନ୍‌ଗି ହୁରାଙ୍ଗ୍‌ୟେମେ ଆତଃ ସିଦା ବାନ୍‌ଗିଅଃ ହାକୁକେ ସାବିମେ ଏନ୍ତେ ଇନିୟାଃ ମଚାଏତେ ମିଆଁଦ୍ ରୁପାରାଃ ସିକାମ୍ ନାମେୟା, ଏନାକେ ଇଦିକେଦ୍‌ତେ ଆଇୟାଃ ଆତଃ ଆମାଃ ନାଗେନ୍ତେ ଏମାକମେ ।”

୧୮

ସିର୍ମା ରାଇଙ୍ଗ୍‌ରେ ଅକଏ ମାରାଙ୍ଗ୍‌ଆଁଏ

(ମାର୍କ ୯:୩୩-୩୭; ଲୁକ ୯:୪୬-୪୮)

୧ ଏନ୍ ଦିପିଲିରେ ଚେଲକ ୟୀଶୁତାଃତେ ହିଜୁଃକେଦ୍‌ତେ କୁଲିକିୟାକ, “ସିର୍ମା ରାଇଙ୍ଗ୍‌ରେ ଅକଏ ମାରାଙ୍ଗ୍‌ଆଁଏ ?”

୨ ୟୀଶୁ ମିଆଁଦ୍ ହୁଡିଙ୍ଗ୍ ହନ୍‌କେ ଆୟାଃତାଃତେ ଆଉକେଦ୍‌ତେ ଇନ୍‌କୁଆଃ ଆଲାରେ ତିଙ୍ଗୁକିୟାଏ, ୩ ଆତଃ ମେତାଦକଆଏ, “ଆଇଙ୍ଗ୍ ସାର୍‌ତିଗିଙ୍ଗ୍ କାଜିୟାପେତାନା, ଆପେ ହେୟାଡ଼ିଙ୍ଗ୍‌କେଦ୍‌ତେ

☆ ୧୭:୨୦ ୧୭:୨୦ ମାଧୁର ୨୧:୨୧; ମାର୍କ ୧୧:୨୩; ୧ କରିନ୍ଥିୟ ୧୩:୨. * ୧୭:୨୧ ୧୭:୨୧ ନେ ବାଚାନ୍ ତିମିନ୍ ମାରି ଅନଲ୍‌ରେ ବାନଆଃ
☆ ୧୮:୧ ୧୮:୧ ଲୁକ ୨୨:୨୪. ☆ ୧୮:୩ ୧୮:୩ ମାର୍କ ୧୦:୧୫; ଲୁକ ୧୮:୧୭.

ହୁଡ଼ିଙ୍ଗ୍ ହନ୍ ଲେକା କାପେ ବାଇୟେନ୍ରେ, ଜେତାଏ ସିର୍ମା ରାଇଜ୍ରେ କାପେ ବଲଆ । ୪ ଏନାମେନ୍ତେ ଜେତାଏ ଆପାନ୍କେ ଲେବେୟେନ୍ନିଃ ଆତଃ ନେ ହନ୍ ଲେକା ବାଇୟେନ୍ନିଃ ସିର୍ମା ରାଇଜ୍ରେ ମାରାଙ୍ଗ୍ଆଏ । ୫ ଆତଃ ଜେତାଏ ନେ ଲେକାନ୍ ହୁଡ଼ିଙ୍ଗ୍ ହନ୍କେ ଆଇଁୟାଃ ନୁତୁମ୍ତେ ସୁକୁଆଇନିଃ ଆଇଙ୍ଗ୍କେ ସୁକୁଆଃଏ ।

ବିଶ୍ୱାସରେ ଆଲ୍ପେ ତହଦଃଆ ମେନ୍ତେ ଯାଶୁ ଇତୁକତାନାଏ

(ମାର୍କ ୯:୪୨-୪୮; ଲୁକ ୧୭:୧-୨)

୬ “ଜେତାଏ ଆଇଁୟାଃରେ ବିଶ୍ୱାସତାନ୍ ନେ ହୁପ୍ତିଙ୍ଗ୍କଏତେ ମିଆଁନ୍ନିଃକେ ଆୟାଃ ବିଶ୍ୱାସରେ ତହଦ୍ରିକାଇରେଦ ଇନିୟାଃ ହଟଃରେ ଜାନ୍ତାଦିରି ହାକାକେଦ୍ତେ ଇନିଃକେ ଇକିର୍ ଦରେୟାରେ ହୁଦ୍ମାତେୟାଃ ଇନିଃ ନାଗେନ୍ତେ ବୁଗିଅଃତେଆଃ । ୭ ହାୟ, ଚିମିନ୍ ବରଝାନ୍ଗି ନେ ଅତେଦିଶୁମ୍ ଚିୟାଃଚି ହଡ଼କଆଃ ବିଶ୍ୱାସରେ ତହଦ୍ରିକା ନାଗେନ୍ତେ ପୁରାଃତେୟାଃ ମେନାଃ । ନେ ଲେକାନ୍ ତହଦଃତେୟାଃଦ ହିଜୁଃଗି ଲାଗାତିଙ୍ଗ୍ୟାଃ ମେନ୍ଦ୍ ଜେତାଏ ତହଦ୍ରିକାନିଆଃ ହାୟ, ଇନିୟାଃ ଦାସା ଚିମିନ୍ ବରଝାନ୍ଗି ହବାଅଆଃ ।

୮ ✨“ଆମାଃ ତିଃଇ ଚାଏ ଆମାଃ କାଟା ଆମାଃ ବିଶ୍ୱାସରେ ତହଦ୍ ରିକାମ୍ତାନ୍ରେଦ ଏନାକେ ଛପା ଏଣ୍ଡାଗେମେ । ବାରିଆ ତିଃଇ ଆତଃ ବାରିଆ କାଟା ତାଇକେଦ୍ତେ ନାରାକ୍ରେ ଜାନାଅ କା ଇଣ୍ଡିଜଃ ସେଙ୍ଗେଲ୍ତେ ସେନଃଏତେଦ ଚୁଣ୍ଡାୟାନ୍ତେ ଜାଦାନ୍ରେ ବଲଃ ଆମାଃ ନାଗେନ୍ତେ ବୁଗିନାଃ । ୯ ✨ଆମାଃ ମିଆଁଦ୍ ମେଦ୍ ପାପ୍ଇଚିମେରେଦ, ଏନାକେ ଅତଙ୍ଗ୍କେଦ୍ତେ ହୁଦ୍ମାଏଣ୍ଡାଏମେ । ବାରିଆ ମେଦ୍ ତାଇକେଦ୍ତେ ନାରାକ୍ ସେଙ୍ଗେଲ୍ରେ ହୁଦ୍ମାଅଃହେତେ ମିଆଁଦ୍ ମେଦ୍ତେ ଜାଦାନ୍ରେ ବଲ୍ତେୟାଃ ବୁଗିନାଃ ।

ମିଆଁଦ୍ ଆଦାକାନ୍ ମିଣ୍ଡିଆଃ ଜନ୍କା କାଜି (ଲୁକ ୧୫:୩-୭)

୧୦ ✨“ନେ ହୁପ୍ତିଙ୍ଗ୍ ହନ୍କଏତେ ମିଆଁନ୍ନିଃକେହ୍ ଆଲ୍ପେ ହିଲାଇଙ୍ଗ୍ ଆଚିୟାଃଚି ଆଇଙ୍ଗ୍ ଆପେକେ କାଜିପେତାନାଇଙ୍ଗ୍, ଇନ୍କୁକେ ଜାତ୍ନାଅକତାନ୍ ସିର୍ମାରେନ୍ ଦୁଁଡ଼କ ଜାନାଅଗି ଆଇଁୟାଃ ଆପୁ ପାର୍ମେଶ୍ୱାର୍ତାଃରେ ମେନାକଆ । ୧୧ ଚିୟାଃଚି ମାନଝାହନ୍ଦ୍ ଆଦାକାନ୍କକେ ବାଞ୍ଛାଅ ନାଗେନ୍ତେ ହିଜୁଆକାନା ।*

୧୨ “ଚିକ୍ନାଃପେ ଉଡ଼ୁ ତାନା ? ଜେତାଏ ହଡ଼ଆଃ ମଣ୍ଡେହିସି ମିଣ୍ଡିକ ମେନାକଆ, ଆତଃ ଇନ୍କୁଏତେ ମିଆଁନ୍ନିଃ ଆଦକରେ ଚିୟାଃ ଏନ୍ ଉପୁନ୍ହିସି† ଗେଲ୍ଅରେୟା‡ ମିଣ୍ଡିକକେ ବୁରୁରେ ଗୋଟ୍କେଦ୍ତେ ବାଗିତାକଆଏ ଆତଃ ଆଦାକାନ୍ ମିଣ୍ଡିକେ କାଏ ଚି ଦାଣ୍ଡାୟା ? ୧୩ ଆତଃ ଇନିଃକେ ନାମ୍ତାଇରେ, ସାର୍ତ୍ତିଗ୍ କାଜିୟାପେତାନା, ଇନିଃ ଏନ୍ ଉପୁନ୍ହିସି ଗେଲ୍ଅରେୟା କା ଆଦାକାନ୍ ମିଣ୍ଡିକଏତେ ମିଆଁଦ୍ ନାମାକାଇ ମିଣ୍ଡି ନାଗେନ୍ତେ ପୁରାଃଗି ରାସ୍କାଅଃଆ । ୧୪ ଏନ୍ଲେକାଗି ନେ ହୁପ୍ତିଙ୍ଗ୍କଏତେ ମିଆଁନ୍ନିଃକେହ୍ ଜିୟନଃକାଏ ମେନ୍ତେ ଆପେୟାଃସି ସିର୍ମାରେନ୍ ଆପୁ କାଏ ସାନାଙ୍ଗ୍ତାନା ।

ପାପ୍ତାନ୍ ହାଗା ଚାଏ ମିଶିକ (ଲୁକ ୧୭:୩)

୧୫ ✨“ହାଗାମ୍ତାମାଃ ଆମାଃ ବିରୁଧ୍ରେ ପାପ୍ ରିକାଏରେଦ, ଆୟାଃତାଃ ସେନ୍ମେ ଆତଃ ଆବେନ୍ ବାରାନ୍କିନାଃ ଆଲାରେ ଆୟାଃ ଚିଟାତେୟାଃ ଉଦୁବାଇମେ । ଇନିଃ ଆୟୁମ୍ରେଦ୍ ହାଗାମ୍ତାମାଃକେ ନାମ୍ତୁହାଡ଼କିୟାମ୍ । ୧୬ ମେନ୍ଦ୍ ଇନିଃ କାଏ ଆୟୁମ୍ରେଦ୍ ମିହୁଡ଼୍ ଚାଏ ବାର୍ହଡ଼୍ ଏଟାଃକକେ ଆମାଃଲଃ ଇଦିକୁମେ । ଧାରାମ୍ପୁଅ୍ରେୟାଃ କାଜିଲେକା, ‘ବାର୍ହଡ଼୍ ଚାଏ ଆପିହଡ଼୍ଆଃ ଗାଞ୍ଜାତେ ସବେନ୍ କାଜି ମାନାତିଙ୍ଗ୍ ହବାଅଃଆ ।’ ୧୭ ଆତଃ ଇନିଃ ଇନ୍କୁଆଃ କାଜିକ କାଏ ଆୟୁମ୍ରେଦ୍ କାଲିସିୟାକେ ଉଦ୍ବିମେ, ଆତଃ ଇନିଃ କାଲିସିୟାରାଃ କାଜିୟ କାଏ ଆୟୁମ୍ରେଦ୍, ଇନିଃକେ ସାଅ୍ସାର୍ ହଡ଼ ଆତଃ ମାଲ୍ହାରମ୍ନିଃ ଲେକା ରିକାଇମେ, ଆତଃ ଇନିଃଲଃ ଆଲମ୍ ମେସାଅଃଆ ।

୧୮ ✨“ଆଇଙ୍ଗ୍ ସାର୍ତ୍ତିଗ୍ କାଜିୟାପେତାନା, ଆମ୍ ଅତେରେ ଅକ୍ନାଃମ୍ ତଲେତେୟାଃ, ସିର୍ମାରେ ଏନା ତଲଃଆ, ଆତଃ ଆମ୍ ଅତେରେ ଅକ୍ନାଃମ୍ ରାଡ଼ାଏତେୟାଃ, ସିର୍ମାରେ ଏନା ରାଡ଼ାଅଃଆ ।

✨ ୧୮:୮ ୧୮:୮ ମାଥିଉ ୫:୩୦. ✨ ୧୮:୯ ୧୮:୯ ମାଥିଉ ୫:୨୯. ✨ ୧୮:୧୦ ୧୮:୧୦ ଲୁକ ୧୯:୧୦. * ୧୮:୧୧ ୧୮:୧୧ ନେ ବାଗାନ୍ ଚିମିନ୍ ମାରି ଅନଲ୍ରେ ବାନଆଃ † ୧୮:୧୨ ୧୮:୧୨ ଅସି ‡ ୧୮:୧୨ ୧୮:୧୨ ଅଣେଇଗ୍ § ୧୮:୧୪ 18:14 ଚିମିନ୍ ମାରି ଅନଲ୍ରେ ଆଇଁୟାଃ ଅଲକାନା ✨ ୧୮:୧୫ ୧୮:୧୫ ଲୁକ ୧୭:୩. ✨ ୧୮:୧୮ ୧୮:୧୮ ମାଥିଉ ୧୭:୧୯; ଯୋହାନ୍ ୨୦:୨୩.

୧୯ “ଆତ୍ମ ସାର୍ତ୍ତିଗିଈ କାଜିପେତାନା, ଆପେକଏତେ ବାଋହଡ଼୍ ନେ ଅତେରେ ଜେଡ଼ନାଃ ମିଦ୍ ମନ୍ତେକିନ୍ ଆସିରେଦ, ଏନା ସିର୍ମାରେନ୍ ଆପୁଇଈ ସାଃଏତେକିନ୍ ନାମେଗିୟା । ୨୦ ତିୟାଃଟି ବାଋହଡ଼୍ ଚାଏ ଆପିହଡ଼୍ ଆଇଁୟାଃ ନୁଡୁମ୍ତେ ହୁଣ୍ଡିୟାଃତାଃରେ ଆଇଈ ଇନ୍କୁଆଃ ଆଲାରିୟାଃ ।”

ଛାମା କା ଏମ୍ତାନ୍ ଦାସିଆଃ ଜନ୍କା କାଜି

୨୧ *ଏନ୍ତେ ପାଡ଼ରାସ୍ ଯାଶୁତାଃତେ ହିଜୁଃଲେନ୍ତେ କୁଲିକିୟାଏ, “ହେ ପ୍ରାଭୁ, ହାଗାଇଈ ତାଇୟାଃ ଆଇଁୟାଃ ବିରୁଧ୍ରେ ସବେନ୍ ଇମ୍ତା ପାପ୍ରେଦ ଚିମିନ୍ସା ଜାକେଦ୍ ଛାମାଲୟାଇଈ ? ତିୟାଃ ସାଡ଼୍ ଧାଅଁ ଜାକେଦ୍ ?”

୨୨ ଯାଶୁ କାଜିରୁହାଡ଼କିୟାଏ, “ସାଡ଼୍ ଧାଅଁ ଜାକେଦ୍ ମେନ୍ତେ କାହାଗି, ମେନ୍ଦ୍ ସତସ୍ତୋର୍ ଧାଅଁ ଜାକେଦ୍ ? ୨୩ ତିୟାଃଟି ସିର୍ମା ରାଇଜ୍ଦ୍ ମିଆଁଦ୍ ରାଜାଲେକା, ଇନିଃ ଆୟାଃ ଦାସିକଆଃ ହିସାବ୍ ଆସି ନାଈ ଉହାଟ୍ଟକେଦାଏ । ୨୪ ଆତ୍ମ ରାଜା ହିସାବ୍ ଏଟେଦ୍ତାଇକେନ୍ ଇମ୍ତା ମିଆଁଦ୍ ଦାସିକେ ଇନିଃତାଃକ ଆଉକିୟା, ଇନିଃଦ୍ ଗେଲ୍ ହାଜାର୍ ଦିନାରି ରିଶୀ ଇଦିକାଦ୍ ତାଇକେନା । ୨୫ ଇନିଃତାଃରେ ହାଲ୍‌ରୁହାଡ଼୍ ନାଗେନ୍ତେ ଜେଡ଼ନାଃ କା ତାଇକେନା । ଏନାମେନ୍ତେ ରାଜା ଇନିଃକେ ଆତ୍ମ ଆୟାଃ କୁଡ଼ି, ହନ୍‌ଗାଁଶା, ଆତ୍ମ ଆୟାଃ ମେନାଃତେୟାଃ ସବେନାଃ ଆଖ୍‌ରିଈକେଦ୍ତେ ରିଶୀ ପେରେଃ ନାଗେନ୍ତେ ଆତୁକେଦ୍‌କଆ । ୨୬ ଏନ୍ତେ ଏନ୍ ଦାସି ରାଜାରାଃ ଆୟାଋରେ ଇକ୍ତ୍‌ମୁକେଦ୍ତେ ଉୟାୟାନ୍‌ଏ, ଆତ୍ମ କାଜିକିୟାଏ, ‘ହେ ଗମକେ, ଆତ୍ମ ଚିମିନ୍ ମାହାଁଲେକା ତାଈତାମେ, ଏନ୍ତେ ଆଇଈ ସବେନାଃଇଈ ହାଲ୍‌ରୁହାଡ଼ାମେଆ ।’ ୨୭ ଏନ୍ତେ ଏନ୍ ଦାସିରାଃ ରାଜା ଇନିଃରେ ବିଲ୍‌କାଅକେଦ୍ତେ, ଇନିଃକେ ଆତ୍ମାଃକିୟା, ଆତ୍ମ ଆୟାଃ ରିଶୀକ ବାଗିକେଦାଏ ।

୨୮ “ମେନ୍ଦ୍ ଏନ୍ ଦାସି ଅତ୍ତୟାନ୍ତେ, ଆୟାଃତାଃଏତେ ମିଦ୍ ସାଅ ମୁସିଈରାଃ ନାଲା ସିକା ରିଶୀ ଇଦିକାଦ୍ ମିଆଁଦ୍ ଗାତିଦାସିକେ ନାମ୍‌କିୟାଏ, ଏନ୍ତେ ଇନିଃକେ ସାବ୍‌କିତେ ହଟ୍‌ରେ ଲିମ୍‌ଦୁ ଏଟେଦ୍‌କିୟା ଆତ୍ମ କାଜିକିୟାଏ, ‘ଆଇଁୟାଃତାଃଏତେ ରିଶୀକାଦ୍‌ତେୟାଃ ସବେନାଃ ପେରେଜାଇଈମେ ।’ ୨୯ ଏନ୍ ଗାତିଦାସି ଇକ୍ତ୍‌ମୁକେଦ୍ତେ ବିକ୍ତିକିୟାଏ, ଆତ୍ମ କାଜିକିୟାଏ, ‘ଆତ୍ମ ଚିମିନ୍ ମାହାଁଲେକା ତାଈତାମେ, ଏନ୍ତେ ଆଇଈ ସବେନାଃଇଈ ହାଲ୍‌ରୁହାଡ଼ାମେଆ ।’ ୩୦ ମେନ୍ଦ୍ ଇନିୟାଃ ବିକ୍ତି କାଏ ଆୟୁମ୍‌କେଦା, ଆତ୍ମ ଇନିଃ ରିଶୀ ଆଉରି ହାଲ୍‌ରୁହାଡ଼େ ଜାକେଦ୍ ଜେହେଲ୍‌କିୟାଏ । ୩୧ ଇନିୟାଃ ଗାତିଦାସିକେ ନେଆଁ ନେଲ୍‌କେଦ୍ତେ ପୁରାଃଟିକ ହୁଡ଼ିଜାତୟାନ୍‌ଆତ୍ମ ସେନଃୟାନ୍ତେ ସବେନାଃ ଆକଆଃ ରାଜାକେକ ଉଦୁବ୍‌କିୟାକ । ୩୨ ଏନ୍ତେ ଇନିୟାଃ ରାଜା ଇନିଃକେ ହାକାଅକିୟାଏ, ଆତ୍ମ କାଜିକିୟାଏ, ‘ଏ ଏଡ଼କାନ୍ ଦାସି, ଆମ୍ ଆଇଈକେ ବିକ୍ତିକେଦିଈଈରେ ଆମାଃ ସବେନ୍ ରିଶୀ ବାଗିତାଦ୍‌ମେୟାଈଈ । ୩୩ ଆଇଈ ଆମ୍‌କେ ବିଲ୍‌କାଅକେଦ୍‌ମେଲେକା, ଆମ୍‌ହ ଆମାଃ ଗାତିଦାସିକେ ବିଲ୍‌କାଅ* ଲାଗାତିଈ ତାଇକେନା ।’ ୩୪ ରାଜା ପୁରାଃଟି ଏସେଦ୍‌ୟାନ୍‌ଏ ଆତ୍ମ ଇନିଃ ଏନ୍ ଦାସିକେ ସବେନ୍ ରିଶୀ ଆଉରି ହାଲ୍‌ରୁହାଡ଼େ ଜାକେଦ୍ ସାଜାଇ ନାମେ ନାଗେନ୍ତେ ଜେହେଲ୍‌ତେ କୁଲିକିୟାଏ ।”

୩୫ ଯାଶୁ ଜନ୍କା କାଜି କାଜିତାବାକେଦ୍‌ତି କାଜିକେଦାଏ, “ଆପେକଏତେ ମିଆଁଦ୍ ହଡ଼୍ ଆପେୟାଃ ହାଗାକଆଃ ଗୁଣ୍ଡାଁ ଆପେୟାଃ ମନ୍‌ସୁରୁଦ୍‌ତେ କାପେ ଛାମାକରେଦ, ଆଇଁୟାଃ ସିର୍ମାରେନ୍ ଆପୁହ୍ ଏନ୍‌ଲେକାଗି କାଏ ଛାମାପେୟା ।”

୧୯

**କଡ଼ାକୁଡ଼ିବାଗିରେୟାଃ ଇନିଡୁ
(ମାର୍କ ୧୦:୧-୧୨)**

୧ ଯାଶୁ ନେଆଁ କାଜି ଚାବାକେଦ୍‌ତି ଗାଲିଲ୍ ବାଗିକେଦ୍‌ତେ ଯାଦାନ୍‌ନାହିଁ ହାନ୍‌ପାରମ୍ ଯିହୁଦା ପାର୍‌ଗାନ୍‌ତେ ସେନଃୟାନ୍‌ଆ । ୨ ପୁରାଃ ଗାଦେଲ୍ ହଡ଼କ ଇନିଃକେକ ଅତ୍ତକିୟା ଆତ୍ମ ଇନିଃ ଏନ୍ତାଃରେ ଦୁକୁହାସୁତାନ୍‌କକେ ବୁଗିକେଦ୍‌କଆଏ ।

୩ ଚିମିନ୍ ଫାରୁଶୀକ ଆୟାଃତାଃତେ ବିଡ଼ାଅ ନାଗେନ୍ତେକ ହିଜୁଃୟାନ୍‌ଆତ୍ମ କୁଲିକିୟାକ, “ମୁଶାଗାଃ ଆଇନ୍ ଲେକାତେ, ତିୟାଃ କଡ଼ା ଆୟାଃ କୁଡ଼ିକେ ଜେତାନ୍ କାଜି ନାଗେନ୍ତେ ବାଗିଦାଡ଼ିୟାଏ ତି କାହା ?”

୪ ଇନିଃ କାଜିରୁହାଡ଼ାଦ୍‌କଆଏ, “ଧାରାମ୍‌ପୁଥ୍ରେ କାପେଟି ପାଡ଼ାଅକାଦା, ବାବାଇନିଃ ମୁନୁରେ ଏନ୍ ବାରାନ୍‌କିନ୍‌କେ, କଡ଼ା ଆତ୍ମ କୁଡ଼ି ବାଇକେଦ୍‌କିନାଏ ? * ଆତ୍ମ ପାର୍‌ମେଶ୍ୱାର୍ କାଜିକେଦାଏ, ‘ଏନା ନାଗେନ୍ତେ ହଡ଼୍ ଆୟାଃ ଏକ୍ମା ଆପୁକିନ୍‌କେ ବାଗିକେଦ୍‌ତେ ଆୟାଃ କୁଡ଼ିଲଃ ମିଦ୍‌ଆଏ, ଆତ୍ମ ଇନ୍‌କିନ୍ ବାରାନ୍‌କିନ୍ ମିଦ୍‌ଆକିନ୍ ।’ ୬ ଏନାମେନ୍ତେ ଇନ୍‌କିନ୍ ବାରିଆ ହଡ଼୍‌ମ ନାହାଁଲାଃକିନ୍, ମେନ୍ଦ୍ ମିଆଁଦ୍

* ୧୮:୨୧ ୧୮:୨୧ ଲୁକ ୧୭:୩,୪. * ୧୮:୩୩ ୧୮:୩୩ ଦାୟା

ହତଫତାନ୍‌କିନ୍, ଏନା ନାଗେନ୍ତେ ପାର୍‌ମେଶ୍ୱାର୍ ମିଦ୍‌ରେ ତଲ୍‌କାଦ୍‌ତେୟାଃ ହତ୍ ଆଲକାଏ ବିନ୍‌ଗାଏକା ।”

୭ ଧୀରୁଶାକ ଯୀଶୁକେ କୁଲିକିୟାକ, “ତାବ୍‌ଦ ମୁଶା ଚିନାଃମେନ୍ତେ କୁଡ଼ିକେ ବାଗିରେଆଃ ଅନଲ୍‌ତିଠା ଏମ୍‌କେଦ୍‌ତେ ବାଗିକପେ ମେନ୍ତେ ଆଇନ୍‌ରେ ଆରୁକାଦା ?”

୮ ଯୀଶୁ କାଜିରୁହାଡ଼ାଦ୍‌କଆଏ, “ମୁଶାଦ ଆପେୟାଃ କେଟେଦ୍‌ମନ୍ ନାଗେନ୍ତେ ଆପେୟାଃ କୁଡ଼ିକକେ ବାଗି ଚିକାଦ୍‌ପେୟାଏ, ମେନ୍‌ଦ ଅତେଦିଶୁମ୍‌ରେୟାଃ ମୁନୁରାଃ ସିଦାରେ ଏନ୍‌ଲେକା କା ତାଇକେନା ।

୯ ଆଇଙ୍ଗ୍ ଆପେକେ କାଜିୟାପେ ତାନାଇଙ୍ଗ୍, ଜେତାଏ ହତ୍ ଆପାଙ୍ଗିର୍ କାମି ବେଗାର୍ ଏଟାଃ କାଜି ନାଗେନ୍ତେ ଆୟାଃ କୁଡ଼ିକେ ବାଗିକେଦ୍‌ତେ ଏଟାଃ କୁଡ଼ିକେ ଆଶ୍‌ଦିୟାରେ ଆପାଙ୍ଗିର୍ କାମି କାମିୟାଏ ଆତଃ ଇନିଃ ଆଇଃକ୍‌ଗି ଆପାଙ୍ଗିର୍‌ନିଃ ହବାଅଥାଏ ।”

୧୦ ଚେଲକ ଯୀଶୁକେ କାଜିକିୟାକ, “କଡ଼ା ଆତଃ ଆୟାଃ କୁଡ଼ିଆଃ ଆଲାରେ ନେ ଲେକା ହବାଅଥାନ୍‌ରେଦ ଆଶ୍‌ଦି କା ବୁଗିନାଃ ।”

୧୧ ଯୀଶୁ ଇନ୍‌କୁକେ କାଜିରୁହାଡ଼ାଦ୍‌କେଦ୍‌କଆଏ, “ସବେନ୍ ହତ୍‌କ ନେ ଇନିତୁ କାକ ମାନାତିଙ୍ଗ୍ ଦାଡ଼ିୟା, ମେନ୍‌ଦ ପାର୍‌ମେଶ୍ୱାର୍ ଏନା ଅକନ୍‌କକେ ଏମାକାଦ୍‌କଆଏ, ଇନ୍‌କୁ ଏସ୍‌କାର୍‌ଗି ଦାଡ଼ିୟାକ ।

୧୨ ଚିୟାଠି ଚିମିନ୍ ଚାକୁରା*କ ମେନାକଆ, ଇନ୍‌କୁ ଏନ୍‌ଲେକାଗିକ ଜାନାମାକାନା, ଆତଃ ଏଟାଃ ଚିମିନ୍‌କ ହତ୍‌କଆଃତେ ଚାକୁରାକ ବାଇୟାକାନା, ଆତଃ ଏଟାଃକ ସିମା ରାଇଜ୍‌ରାଃ କାମି ନାଗେନ୍ତେ କାକ ଆଶ୍‌ଦିନ୍‌ତାନା । ନେୟାଁ ମାନାତିଙ୍ଗ୍ ଦାଡ଼ିନିଃ ମାନାତିଙ୍ଗ୍‌ୟେକାଏ ।”

ୟୀଶୁ ହୁଡ଼ିଙ୍ଗ୍ ହନ୍‌କକେ ଆଶିଷ୍‌କେଦ୍‌କଆଏ

(ମାର୍କ ୧୦:୧୩-୧୬; ଲୁକ ୧୮:୧୫-୧୭)

୧୩ ଏନ୍ତେ ଯୀଶୁ ହନ୍‌କଆଃ ଚେତାନ୍‌ରେ ତିଃଇ ଦହକେଦ୍‌ତେ ବିଡ଼ିକାଏ ମେନ୍ତେ ହତ୍‌କ ହୁଡ଼ିଙ୍ଗ୍ ହନ୍‌କକେ ଯୀଶୁତାଃତେକ ଆଉକେଦ୍‌କଆ ମେନ୍‌ଦ ଚେଲକ ଇନ୍‌କୁକେକ ମାରାଙ୍ଗ୍‌ମଟାକେଦ୍‌କଆ ।

୧୪ ଯୀଶୁ ମେତାଦ୍‌କଆଏ, “ହୁଡ଼ିଙ୍ଗ୍ ହନ୍‌କକେ ଆଇଙ୍ଗ୍‌ତାଃତେ ହିଜ୍‌ଜୁଃଇଚିକପେ ଆତଃ ଇନ୍‌କୁକେ ଆଲ୍‌ପେ ମାନାକଆ, ଚିୟାଠି ସିମା ରାଇଜ୍‌ଦ ନେ ହନ୍‌କ ଲେକାନ୍‌କଆଃ ତାନାଃ ।”

୧୫ ଏନ୍ତେ ଇନ୍‌କୁ ଚେତାନ୍‌ରେ ତିଃଇ ଦହକେଦ୍‌ତେ ଆଶିଷ୍‌କେଦ୍‌କଆଏ ଆତଃ ଇନିଃ ଏନ୍ତାଃଏତେ ସେନଃୟାନା ।

କିସାଁଣ୍ ଧାଙ୍ଗଡ଼ା

(ମାର୍କ ୧୦:୧୭-୩୧; ଲୁକ ୧୮:୧୮-୩୦)

୧୬ ମିଆଁଦ୍ ଧାଙ୍ଗଡ଼ା ଯୀଶୁତାଃତେ ହିଜ୍‌ଜୁଃୟାନା ଆତଃ କୁଲିକିୟାଏ, “ହେ ଗୁରୁ, ଜାନାଅ ଜୀଦାନ୍ ନାମେ ନାଗେନ୍ତେ ଆଇଙ୍ଗ୍‌କେ ଚିକାନ୍ ବୁଗିନ୍ କାମି ରିକା ଲାଗାତିଙ୍ଗ୍‌ୟାଃ ?”

୧୭ ଯୀଶୁ କାଜିରୁହାଡ଼ାକିୟାଏ, “ଚିକାନାଙ୍ଗ୍ ଆଇଙ୍ଗ୍‌କେ ଅକ୍‌ନାଃ ବୁଗିନ୍ ବିଷାଏ ତାନାଃ ମେନ୍ତେମ୍ କୁଲିଙ୍ଗ୍‌ତାନା ? ପାର୍‌ମେଶ୍ୱାର୍ ଏସ୍‌କାର୍ ବୁଗିନ୍‌ନିଃ ତାନିଃ । ମେନ୍‌ଦ ଆମ୍ ଜୀଦାନ୍‌ରେ ବଲ ନାଗେନ୍ତେ ସାନାଙ୍ଗ୍‌ତାନ୍‌ରେଦ, ପାର୍‌ମେଶ୍ୱାର୍‌ଆଃ ଆନ୍‌ରୁକ ମାନାତିଙ୍ଗ୍‌ମେ ।”

୧୮ ଇନିଃ ଯୀଶୁକେ କୁଲିକିୟାଏ, “ଅକନ୍ ଆନ୍‌ରୁକ ?”

ୟୀଶୁ କାଜିରୁହାଡ଼ାକିୟାଏ, “ହତ୍ ଆଲମ୍ ଗଜିୟା, ଆଲମ୍ ଆପାଙ୍ଗିରାଃ, ଆଲମ୍ କୁମ୍‌ତୁଆଃ, ହସଡ଼ଗାଝା ଆଲମାଃ, ୧୯ ଏଙ୍ଗା ଆପୁକିନ୍‌କେ ମାନାତିଙ୍ଗ୍‌କିନ୍‌ମେ, ଆତଃ ଆମାଃ ହପର୍‌ଜାପାଃରେନ୍‌କକେ ଆମ୍‌ଲେକା ଦୁଲାଡ଼କମେ ।”

୨୦ ଏନ୍ ଧାଙ୍ଗଡ଼ା କାଜିରୁହାଡ଼ାକିୟାଏ, “ଏନ୍ ସବେନ୍ ଆନ୍‌ରୁକଇଙ୍ଗ୍ ମାନାତିଙ୍ଗ୍‌କାଦା ଆତଃ ଚିକ୍‌ନାଃ ଆଇଙ୍ଗ୍‌କେ ରିକା ଲାଗାତିଙ୍ଗ୍‌ୟାଃ ?”

୨୧ ଯୀଶୁ କାଜିରୁହାଡ଼ାକିୟାଏ, “ପକ୍‌ତାମ୍ ସାନାଙ୍ଗ୍‌ତାନ୍‌ରେଦ, ମିଆଁଦ୍ କାଜି ଆମ୍‌କେ ରିକା ଲାଗାତିଙ୍ଗ୍‌ୟାଃ, ଜୁ, ଆମାଃ ସବେନାଃ ଆଖ୍‌ରିଙ୍ଗ୍‌କେଦ୍‌ତେ ରେଙ୍ଗେଃକକେ ହାଟିଙ୍ଗ୍‌ଆଁକମ୍, ଆତଃ ଆମ୍ ସିମାରେ ଖୁଜ୍‌ମ୍ ନାମେୟା । ଏନ୍ତେ ରୁହାଡ଼ାକେଦ୍‌ତେ ଅତଙ୍ଗ୍‌ଇଙ୍ଗ୍‌ମେ ।”

୨୨ ଏନ୍ ଧାଙ୍ଗଡ଼ା ନେ'କାଜି ଆୟୁମ୍‌କେଦ୍‌ତେ ହୁଡ଼ିଙ୍ଗ୍‌ଜୀଉୟାନ୍ତେ ସେନଃୟାନା ଚିୟାଠି ଇନିଃ ପୁରାଃଗି କିସାଁଣ୍ ତାଇକେନାଏ ।

୨୩ ଯୀଶୁ ଆୟାଃ ଚେଲକକେ କାଜିୟାଦ୍‌କଆଏ, “ସାର୍‌ତିଗିଙ୍ଗ୍ କାଜିୟାପେତାନା, କିସାଁଣ୍ ହତ୍‌କନାଙ୍ଗ୍ ସିମା ରାଇଜ୍‌ରେ ବଲଃ ପୁରାଃଗି ହାମ୍‌ଲାଃ । ୨୪ ଆତଃଗିଇଙ୍ଗ୍ କାଜିପେତାନା, ପାର୍‌ମେଶ୍ୱାର୍‌ଆଃ ରାଇଜ୍‌ରେ କିସାଁଣ୍ ହତ୍ ବଲ ଦାଡ଼ିଏତେ, ସୁଇ ଉଣ୍ଡୁରେ ଉର୍ ପାରମାଃତେୟାଃ ରାଝାଲାଃ ।”

* ୧୯:୭ ୧୯:୭ ମାଧୁର ୫:୩୧. * ୧୯:୯ ୧୯:୯ ମାଧୁର ୫:୩୨; ୧ କରିନ୍ଥିୟ ୭:୧୦,୧୧. * ୧୯:୧୨ ୧୯:୧୨ ଚାକୁରା, ନପୁଂସକ

୨୫ ଚେଲାକ ନେଆଁ ଆୟୁମ୍ବକେଦ୍‌ତେ ପୁରାଃଗିକ ଆକ୍‌ଦାନ୍‌ଆୟାନା, ଆତଃ ଆକ ଆକରେକ କୁପ୍‌ଲିୟାନା, “ତାବ୍‌ଦ ଅକଏ ଜୀଉ ବାଞ୍ଚାଅ ନାମ୍ ଦାଡ଼ିୟାଏ ?”

୨୬ ଯୀଶୁ ଇନ୍‌କୁକେ ଆରିଦ୍‌କେଦ୍‌ତେ କାଜିକେଦ୍‌କଆଏ, “ହଡ଼କ ନାଗେନ୍ତେ ନେଆଁ କା ଦାଡ଼ିୟଃ କାମିତାନା ମେନ୍‌ଦ ପାର୍‌ମେଶ୍‌ବରତେ ହବାଦାଡ଼ିୟାଆ ।”

୨୭ ଏନ୍ତେ ପାଡ଼ରାସ୍ କାଜିକିୟାଏ, “ନେଲେମେ, ଆଲେଦ ସବେନାଃ ବାଗିକେଦ୍‌ତେ ଆମ୍‌କେଲେ ଅତଙ୍ଗକେଦ୍‌ମେୟା । ଆଲେ ଚିକ୍‌ନାଃଲେ ନାମେୟା ?”

୨୮ ଯୀଶୁ ଇନ୍‌କୁକେ ମେତାଦ୍‌କଆ, “ସାର୍‌ଡ଼ିଗିଙ୍ଗ୍ କାଜିୟାପେ ତାନାଇଙ୍ଗ୍, ସବେନାଃରାଃ ନାଞ୍ଜାଗି ବାଇରୁହାଡ଼କେଦ୍‌ତେ, ମାନଞ୍ଜାହନ୍ ଆୟାଃ ମାନାରାଙ୍ଗ୍‌ରେୟାଃ ରାଜ୍‌ଗାଦିରେ ଦୁବାଃଏ ଇମ୍‌ତା ଆପେ ଆଇଙ୍ଗ୍‌କେ ଅତଙ୍ଗକାଦିଙ୍ଗ୍‌କଗି ଗେଲ୍‌ବାର୍ ରାଜ୍‌ଗାଦିରେ ଦୁବ୍‌କେଦ୍‌ତେ ଇସ୍‌ସାଏଲ୍‌ରେନ୍ ଗେଲ୍‌ବାର୍ କିଲିକଆଃ ଚେତାନ୍‌ରେ ରାଇଜେୟାପେ । ୨୯ ଆତଃ ଜେତାଏ ହଡ଼ ଆଇଙ୍ଗ୍ ମେନ୍ତେ ଅଡ଼ାଃ ଚାଏ ହାଗା ଚାଏ ମିଶି ଚାଏ ଆପୁ ଚାଏ ଏଙ୍ଗା ଚାଏ ହନ୍‌ଗାଁଣା ଚାଏ ଅତେହାସା ବାଗିତାରେଦ୍, ଇନିଃ ଏନା ସାଅଗୁନା ଆଦ୍‌କାଏ ନାମେୟା ଆତଃ ଜାନାଅ ଜାନାଅରେୟାଃ ଜୀଦାନ୍ ନାମେୟାଏ । ୩୦ ଯେନ୍‌ଦ ପୁରାଃ ଆୟାର୍‌ରେନ୍‌କ ତାୟମାଃଆ ଆତଃ ତାୟମ୍‌ରେନ୍‌କ ଆୟୁରାଃଆ ।

୨୦

ଦାଖ୍‌ବାକ୍‌ଡ଼ିରେ କାମିତାନ୍ ହଡ଼କଆଃ ଜନ୍‌କା କାଜି

୧ “ସିମ୍‌ା ରାଇଜ୍‌ଦ ମିଆଁଦ୍ ଚାଷି ହଡ଼ଲେକାଃ, ଇନିଃ ଇଦାନ୍‌ତେ ଆୟାଃ ଦାଖ୍‌ବାକ୍‌ଡ଼ିରେ କାମିନାଙ୍ଗ୍ ହଡ଼କକେ ଦାଣାଁ ନାଗେନ୍ତେ ଅତଙ୍ଗ୍‌ୟାନା । ୨ ଇନିଃ ସିଙ୍ଗିସାରୁବ୍‌ରେ ମୁସିଙ୍ଗ୍‌ରାଃ ନାଲା ସିକାପେ ନାମେୟା ମେନ୍ତେ ଇନ୍‌କୁକେ କାଜିକେଦ୍‌କଆ, ଆତଃ ଆୟାଃ ଦାଖ୍‌ବାକ୍‌ଡ଼ିରେ କାମିନାଙ୍ଗ୍ କୁଲ୍‌କେଦ୍‌କଆଏ । ୩ ଇନିଃ ସେତାଃ ନାଅ ଘାଡ଼ିକ ହବାଅଃତାଇକେନ୍‌ରେ ପିଟ୍ ପିଡ଼ିରେ ଏଟାଃ ହଡ଼କ ସାମାଗି ତିଙ୍ଗୁଆକାନ୍ ନେଲ୍‌କେଦ୍‌କଆଏ । ୪ ଇନିଃ ଇନ୍‌କୁକେ କାଜିୟାଦ୍‌କଆଏ, ‘ଆପେୟ ଦାଖ୍‌ବାକ୍‌ଡ଼ିରେ ସେନଃପେ ଆତଃ କାମିପେ, ଆଇଙ୍ଗ୍ ଆପେକେ ଠାଉକାନ୍ ଲେକାଗି ନାଲାଇଙ୍ଗ୍ ଏମାପେୟା ।’ ୫ ଆତଃ ଇନ୍‌କୁ କାମିତେକ ସେନଃୟାନା, ଏନ୍ତେ ଇନିଃ ଆତଃଗି ତିକିନ୍‌ରାଃ ବାରାବାଜେ ଆତଃ ତାର୍‌ସିଙ୍ଗ୍ ତିନ୍‌ବାଜେ ଅତଙ୍ଗ୍‌ୟାନା ଆତଃ ଚିମିନ୍ ନାଲାକାମି ହଡ଼କକେ ଆଉକେଦ୍‌ତେ କାମି ଏମାଦ୍‌କଆଏ । ୬ ସିଙ୍ଗି ହାସୁରଃତାନ୍‌ରାଃ ପାଞ୍ଚବାଜେକ ଇନିଃ ଆତଃମିସା ଅତଙ୍ଗ୍‌ୟାନା, ଏନ୍ତେ ପିଟ୍ ପିଡ଼ିରେ ଚିମିନ୍ ନାଲାକାମିକ ସାମାଗି ତିଙ୍ଗୁଆକାନ୍ ନେଲ୍‌କେଦ୍‌କଆଏ, ଆତଃ ମେତାଦ୍‌କଆଏ, ‘ଚିନାଃ ମେନ୍ତେ ଆପେ ନେତାଃରେ ସିଙ୍ଗିସାରୁବ୍ ଜାକେଦ୍ ସାମାଗିପେ ତିଙ୍ଗୁଆକାନା ?’ ୭ ଇନ୍‌କୁ କାଜିରୁହାଡ଼କିୟାକ, ‘ଜେତାଏ ଆଲେକେ କାମିନାଙ୍ଗ୍ କାକ ଆଚୁକାଦ୍‌ଲେୟା ।’ ଇନିଃ ମେତାଦ୍‌କଆଏ, ‘ଠିକ୍‌ମେନାଃ, ଜୁ, ଆପେୟ ଦାଖ୍‌ବାକ୍‌ଡ଼ିରେ ସେନଃପେ ଆତଃ କାମିପେ ।’

୮ “ଆୟୁବ୍‌ୟାନ୍‌ତି ଦାଖ୍‌ବାକ୍‌ଡ଼ିରେନ୍ ଗମ୍‌କେ, ଆୟାଃ ଭାଣ୍ଡାରିକେ କାଜିକିୟାଏ, ‘ସବେନ୍ ନାଲାତାଇକେନ୍‌କକେ ହାକାଅକେଦ୍‌ତେ ଆକଆଃ ନାଲା ଏମାକମେ ।’ ତାୟମ୍‌ତେ କାମି ହିଜୁଆକାନ୍‌କକେ ପାହିଲା ଆତଃ ମୁଲ୍‌ଏତେ କାମିକେନ୍‌କକେ ଟୁଣ୍ଡୁରେ ନାଲା ଏମାକମେ । ୯ ସିଙ୍ଗିହାସୁରଃତାନ୍‌ରାଃ ପାଞ୍ଚବାଜେ କାମିକେଦ୍ ସବେନ୍ ହଡ଼କ ମିପିହୁଡ଼ରେ ମୁସିଙ୍ଗ୍‌ରାଃ ନାଲା ସିକାକ ନାମ୍‌କେଦା । ୧୦ ମୁଲ୍‌ଏତେ କାମିକେନ୍‌କ ଆଦ୍‌କା ନାଲାଲେ ନାମେୟା ମେନ୍ତେକ ଉଡ଼ୁକେଦା, ମେନ୍‌ଦ ଇନ୍‌କୁହଗି ମିପିହୁଡ଼ରେ ମୁସିଙ୍ଗ୍‌ରାଃ ନାଲା ସିକାକ ନାମ୍‌କେଦା । ୧୧ ଇନ୍‌କୁ ନାଲା ତେଲାକେଦ୍‌ଡ଼ି, ଅଡ଼ାଃ ଗମ୍‌କେୟାଃ ବିରୁଧ୍‌ରେ କୁରୁମ୍‌ଡୁରୁମ୍‌ୟାନ୍‌ଲଃ କାଜିକେଦାକ, ୧୨ ‘ତାୟମ୍‌ତେ ହିଜୁଆକାନ୍ ହଡ଼କ ମିଦ୍ ଘାଡ଼ିଗି କାମିକେଦାକ ଆତଃ ଆଲେ ସିଙ୍ଗିସାରୁବ୍ ନିମିନ୍‌ରାଃ ସିଡୁଙ୍ଗ୍ ସାହାଡ଼ିଙ୍ଗ୍‌କେଦ୍‌ତେ କାମିକେଦ୍‌ରେୟ ଆମ୍ ଆଲେକେ ଇନ୍‌କୁଲଃ ମିଦ୍‌ଗିମ୍ ଜକାକେଦ୍‌ଲେୟା ।’

୧୩ “ମେନ୍‌ଦ ଇନିଃ ଇନ୍‌କୁଏତେ ମିହୁଡ଼କେ କାଜିରୁହାଡ଼କିୟାଏ, ‘ଏ ଗାତି, ଆଇଙ୍ଗ୍ ଆମ୍‌କେ କାଇଙ୍ଗ୍ ବେଦାମେତାନା, ଆମ୍ ଆତଃ ଆଇଙ୍ଗ୍ ଚିନାଃ ମୁସିଙ୍ଗ୍‌ରାଃ ନାଲା ସିକା ଏମାଃଆ ମେନ୍ତେ କାଲାଙ୍ଗ୍ ବାଗାଁଣ୍ କାଦ୍‌ତାଇକେନା ? ୧୪ ନେ ଆମାଃ ନାଲା ଇଦିମେ ଆତଃ ସେନଃମେ । ଆଇଙ୍ଗ୍ ତାୟମ୍‌ତେ ହିଜୁଃକାନ୍ କାମିନିଃକେ ଆମ୍‌କେ ଏମାକାଦ୍‌ମେ ଲେକା ଏମନାଙ୍ଗ୍ ସାନାଙ୍ଗ୍‌ତାନାଇଙ୍ଗ୍ । ୧୫ ଚିୟାଃ ଆଇଁୟାଃ ମେନାଃତେୟାଃକେ ଆଇଁୟାଃ ମନେଲେକା ଏମ୍ କାଇଙ୍ଗ୍ ଦାଡ଼ିୟା ? ଚି ଆଇଙ୍ଗ୍ ବୁଗିନ୍ ଏମାଃନିଃ ତାନିଙ୍ଗ୍ ମେନ୍ତେମ୍ ହିସ୍‌ଜାଈଙ୍ଗ୍‌ତାନା ?”

୧୬ ଯୀଶୁ ନେ ଲେକାତେ କାଜିଚାବାକେଦା, “ତାୟମ୍‌ରେନ୍‌କ ସିଦାଅଆ, ଆତଃ ଆୟାର୍‌ରେନ୍‌କ ତାୟମାଃଆ ।”

☆ ୧୯:୨୮ ୧୯:୨୮ ମାଧୁର ୨୫:୩୧; ଲୁକ ୨୨:୩୦. ☆ ୧୯:୩୦ ୧୯:୩୦ ମାଧୁର ୨୦:୧୭; ଲୁକ ୧୩:୩୦. ☆ ୨୦:୧୭ ୨୦:୧୭ ମାଧୁର ୧୯:୩୦; ମାର୍କ ୧୦:୩୧; ଲୁକ ୧୩:୩୦.

ୟୀଶୁ ଆୟାଃ ଗନଏଃ କାଜି ଆପିସାତେ କାଜିୟାଦକଆଏ
(ମାର୍କ ୧୦:୩୨-୩୪; ଲୁକ ୧୮:୩୧-୩୪)

୧୭ ୟୀଶୁ ଯୀରୁଶାଲେମ୍ ସେନଃ ଇମ୍ତା ଗେଲ୍‌ବାର୍ ଚେଲ୍‌କକେ ଗେନାତେ ଇଦିକେଦ୍‌ତେ କାଜିକେଦକଆଏ, ୧୮ “ନେଲେପେ, ଆବୁ ଯୀରୁଶାଲେମ୍‌ତେରୁ ସେନଃତାନା ଆତଃ ମାନଝାହନ୍‌କେ ମୁଲ୍ ଯାଜାକକଆଃ ଆତଃ ଆଇନ୍ ଇତୁକଆଃ ତିଃଇରେକ ଜିମାଲୟା ଆତଃ ଇନ୍‌କୁ ଇନିଃକେ ଗନଏଃ ସାଜାଇ ନାଗେନ୍ତେକ ବିଚାରେୟା । ୧୯ ଆତଃ ଇନ୍‌କୁ ଇନିଃକେକ ଲାନ୍ଦାଇୟା, ହାଁଣ୍‌ସାଇୟା ଆତଃ କୁଶ୍‌ରେ କିଲ୍ଲା ନାଗେନ୍ତେ ସାଆଁସାରକଆଃ ତିଃଇରେକ ଏମିୟା, ମେନ୍‌ଦ ଆପି ମାହାଁ ତାୟମ୍‌ତେ ଇନିଃ ଜୀଉବିରିଦାଏ ।”

ମିଆଁଦ୍ ଏଙ୍ଗାରାଃ ବିନ୍ତି
(ମାର୍କ ୧୦:୩୫-୪୫)

୨୦ ଏନ୍ତେ ଜେବଦୀୟାଃ କୁଡିତେ ଆୟାଃ ବାରିଆ ହନ୍‌କିନ୍‌ଲଃ ୟୀଶୁତାଃତେ ହିଜୁଃୟାନା ଆତଃ ଇକ୍‌ଡମୁକେଦ୍‌ତେ ଦେଙ୍ଗା ଆସିକିୟାଏ ।

୨୧ ଏନ୍ତେ ୟୀଶୁ କୁଲିକିୟାଏ, “ଆମ୍ ତିନାଃ ସାନାଙ୍ଗ୍ ତାନାମ୍ ?” ଇନିଃ କାଜିରୁହାଡ୍‌କିୟାଏ, “ଆଇଁୟାଃ ନେ ହନ୍‌କିନ୍ ଆମାଃ ରାଇଜ୍‌ରେ ମିଆଁଦ୍‌ନିଃକେ ଜମ୍‌ତିସାଃରେ ଆତଃମିଆଁଦ୍‌ନିଃକେ ଲେଙ୍ଗାତିସାଃରେ ଦୁବକାକିନ୍ ମେନ୍ତେ ଆରୁକିନ୍‌ମେ ।”

୨୨ ୟୀଶୁ ଜେବଦୀୟାଃ ବାରିଆ ହନ୍‌କିନ୍‌କେ କାଜିରୁହାଡ୍‌କେଦକିନାଏ, “ତିନାଃବେନ୍ ଆସିତାନା ଏନା କାବେନ୍ ସାରିତାନା । ତିନାଃ ଆଇଁୟାଃ ଦୁକୁରେୟାଃ ନୁଏ କାଟୋରାରେ ନୁଁବେନ୍ ଦାଡିୟା ?”

ଇନ୍‌କିନ୍ କାଜିରୁହାଡ୍‌କେଦା, “ଦାଡିୟାଲିଙ୍ଗ୍ ।”

୨୩ ୟୀଶୁ ମେତାଦକିନାଏ, “ଆଇଁୟାଃ କାଟୋରାତେ ନୁଁଦବେନ୍ ନୁଁଇୟା ମେନ୍‌ଦ ଆଇଁୟାଃ ଜମ୍‌ତିସାଃରେ ଆତଃ ଲେଙ୍ଗାତିସାଃରେ ଦୁବ୍‌ରିକାତେୟାଃ ଆଇଁୟାଃ ତିଃଇରେ ବାନଆଃ ମେନ୍‌ଦ ନେ ଠାୟାଦ୍ ଆପୁଇଙ୍ଗ୍ ଅକନ୍‌କ ନାଗେନ୍ତେ ବାଇୟାକାଦାଏ ଇନ୍‌କୁ ନାଙ୍ଗ୍ ଏସ୍‌କାର୍ ତାନାଃ ।”

୨୪ ଏଟାଃ ଗେଲ୍ ଚେଲ୍‌କ ନେଆଁ ଆୟୁମ୍‌କେଦ୍‌ତେ ଏନ୍ ବାରାନ୍ ହାଗିୟାକିନ୍‌କେ ଖୁସ୍‌ୟାନାକ । ୨୫ ☆ମେନ୍‌ଦ ୟୀଶୁ ଇନ୍‌କୁକେ କେଡାକେଦ୍‌ତେ କାଜିୟାଦକଆଏ, “ନେ ଅତେଦିଶୁମ୍‌ରେନ୍ ହଡକଆଃ ହାକିମ୍‌କ ଇନ୍‌କୁରେକ ରାଇଜ୍‌ତାନା ଆତଃ ଆକ୍‌ତେୟାର୍ ନାମାକାଦକ ଇନ୍‌କୁଆଃ ତେତାନ୍‌ରେ ପୁରାଃଗି ଆକ୍‌ତେୟାର୍‌ରେ ତାନାକ, ଏନା ଆପେ ସାରିୟାକାଦାଃପେ । ୨୬ ☆ଆପେୟାଃ ଆଲାରେ ଆଲକା ଏନ୍‌କାଅଃକା, ମେନ୍‌ଦ ଆପେ ଆଲାରେ ଜେତାଏ ମାରାଙ୍ଗ୍ ସାନାଙ୍ଗ୍‌ରେଦ ଇନିଃ ଏଟାଃକଆଃ ସୁସାର୍‌ନିଃ ହବାଅଃକାଏ, ୨୭ ଆତଃ ଆପେୟାଃ ଆଲାରେ ଜେତାଏ ସିଦାଉତାରଃ ସାନାଙ୍ଗ୍‌ତାନ୍‌ନିଃ, ଏଟାଃକଆଃ ଦାସିଲେକା ଏଟାଃକକେ ସୁସାର୍‌କକାଏ । ୨୮ ନେ ଲେକାତେ ମାନଝାହନ୍ ସୁସାର୍ ନାମେ ନାଗେନ୍ତେଦ କା ମେନ୍‌ଦ ସୁସାର୍ ନାଗେନ୍ତେ ଆତଃ ଆୟାଃ ଜୀଉ ପୁରାଃ ହଡକନାଙ୍ଗ୍ ଦାଣ୍ଡେଁ ଗନଙ୍ଗ୍ ଏମ୍ ନାଗେନ୍ତେ ହିଜୁଆକାନାଏ ।”

ୟୀଶୁ ବାରହଡ୍ କାଣ୍ଟାକିନ୍‌କେ ବୁଗିକେଦକିନାଏ
(ମାର୍କ ୧୦:୪୬-୫୨; ଲୁକ ୧୮:୩୫-୪୩)

୨୯ ଯିରିହୋ ସାହାର୍‌ଏତେ ଅତଙ୍ଗ୍ ତାଇକେନ୍‌ରେ ପୁରାଃ ଗାଦେଲ୍ ହଡକ ଇନିଃକେକ ଅତଙ୍ଗ୍‌କିୟା । ୩୦ ଆତଃ ବାରହଡ୍ କାଣ୍ଟାକିନ୍ ହରାଗେନାରେ ଦୁବାକାନ୍ ତାଇକେନ୍ ଇମ୍ତା ୟୀଶୁ ପାରମଃତାନାଏ ମେନ୍ତେକିନ୍ ଆୟୁମ୍‌କେଦ୍‌ତି କାଉରିକେଦାକିନ୍, “ହେ ଗମ୍‌କେ, ହେ ଦାଉଦ୍‌ଆଃ ହନ୍, ଦାୟାଲିଙ୍ଗ୍‌ମେ ।”

୩୧ ଗାଦେଲ୍ ହଡକ ହାପାଃଅବେନ୍ ମେନ୍ତେକ ମାରାଙ୍ଗ୍‌ମଟାକେଦକିନା ମେନ୍‌ଦ ଇନ୍‌କିନ୍ ଆତଃ ପୁରାଃତେ କାଉରିକେଦାକିନ୍, “ହେ ପ୍ରାଭୁ, ଦାଉଦ୍‌ଆଃ ହନ୍ ଦାୟାଲିଙ୍ଗ୍‌ମେ !”

୩୨ ୟୀଶୁ ତିଙ୍ଗ୍‌ୟାନ୍ତେ ହାକାଅକେଦକିନାଏ ଆତଃ ମେତାଦକିନାଏ, “ଆଇଙ୍ଗ୍ ଆବେନାଃ ନାଗେନ୍ତେ ତିନାଃଇଙ୍ଗ୍ ଚିକାୟା ମେନ୍ତେବେନ୍ ସାନାଙ୍ଗ୍‌ତାନା ?”

୩୩ ଇନ୍‌କିନ୍ ୟୀଶୁକେ କାଜିରୁହାଡ୍‌କିୟାକିନ୍, “ହେ ପ୍ରାଭୁ, ମେଦ୍‌ଲିଙ୍ଗ୍ ନେଲ୍ ଦାଡିକା ମେନ୍ତେଲିଙ୍ଗ୍ ସାନାଙ୍ଗ୍‌ତାନା ।”

୩୪ ୟୀଶୁ ଇନ୍‌କିନ୍‌କେ ଲିବୁଇୟାଦକିନାଏ ଆତଃ ଇନ୍‌କିନାଃ ମେଦ୍ ଜୁଡିଦକେଦାଏ, ଏନ୍ତେ ଇମ୍‌ତାଗି ନେଲ୍ ଦାଡିକେଦାକିନ୍ ଆତଃ ଇନ୍‌କିନ୍ ୟୀଶୁକେ ଅତଙ୍ଗ୍‌କିୟାକିନ୍ ।

☆ ୨୦:୨୫ ୨୦:୨୫ ଲୁକ ୨୨:୨୫,୨୬. ☆ ୨୦:୨୬ ୨୦:୨୬ ମାଥିଉ ୨୩:୧୧; ମାର୍କ ୯:୩୫; ଲୁକ ୨୨:୨୬.

୨୧

ୟୀଶୁ ମାନାରାଜ୍‌ରେ ଯୀରୁଶାଲେମ୍‌ରେ ବଲତାନା

(ମାର୍କ ୧୧:୧-୧୧; ଲୁକ ୧୯:୨୮-୩୮; ଯୋହାନ୍ ୧୨:୧୨-୧୯)

୧ ୟୀଶୁ ଆତଃ ଆୟାଃ ଚେଲକ ଯୀରୁଶାଲେମ୍ ନାଡ଼େଃରାଃ ଜାଇତୁନ୍ ବୁରୁ ଜାପାଃ ବେଡ଼ଫାଗି ହାତୁଡେ ସେଟେରୟାନାକ, ଇମ୍ତା ୟୀଶୁ ବାରିଆ ଚେଲକିନ୍‌କେ କୁଲକେଦ୍‌ଡେ, ମେଡାଦକିନାଏ ୨ “ଆବେନ୍ ଆବେନାଃ ସାମ୍‌ନାଜ୍‌ରେଆଃ ହାତୁଡେ ସେନଃବେନ୍ ଆତଃ ଏନ୍ତାଃତେ ଡେବାଃ ଇମ୍ତାଗି ମିଆଁଦ୍ ଗାଧା ଆତଃ ଗାଧାହନ୍‌କେ ତଲକାନ୍‌ବେନ୍ ନାମିୟା, ଇନ୍‌କିନ୍‌କେ ରାଡାକେଦ୍‌ଡେ ଆଇଜ୍‌ଡାଃତେ ଆଉକିନ୍‌ବେନ୍ । ୩ ଆତଃ ଜେତାଏ ଜେଡନାଃ କାଜିବେନ୍‌ରେଦ୍, ‘ନିକିନ୍‌ଡାଃରେ ପ୍ରାଭୁଆଃ କାମିମେନାଃ’ ମେଡାଇବେନ୍ ଆତଃ ଇନିଃ ଇମ୍ତାଗି କୁଲବାଗିକିନାଏ ।”

୪ ନେଆଁ ନାବୀକଆଃ କାଜି ପୁରାଅଃ ନାଗେନ୍ତେ ନେ ଲେକା ହବାୟାନା ।

୫ “ସିୟୋନ୍‌ରେନ୍ ହନ୍‌କୁଡିକେ କାଜିପେ, ‘ନେଲେମେ, ଆମାଃ ରାଜା ଆମାଃତାଃତେ ହିଜୁଃତାନା ! ଲେବେୟାନ୍‌ଗି ଇନିଃ, ଗାଧା

ଆତଃ ଗାଧାହନ୍ ଚେତାନ୍‌ରେ ଦୁବ୍‌କେଦ୍‌ଡେ ଆମାଃତାଃତେ ହିଜୁଃତାନା ।”

୬ ଏନ୍ ଚେଲକିନ୍ ସେନଃୟାନ୍ତେ ୟୀଶୁ ଆତୁକାଦକିନ୍ ଲେକା କାମିକେଦାକିନ୍ । ୭ ଚେଲକିନ୍ ଗାଧା ଆତଃ ଗାଧାହନ୍‌କେ ଆଉକେଦ୍‌ଡେ, ଗାଧାକିନାଃ ଚେତାନ୍‌ରେ ଲିଜାଃ ଆଟେଦ୍ କେଦାକିନ୍ ଆତଃ ୟୀଶୁ ଏନ୍ ଚେତାନ୍‌ରେ ଦୁବ୍‌ୟାନାଏ । ୮ ଗାଦେଲ୍‌ହଡକଏତେ ଚିମିନ୍‌କ ଆକଆଃ ଲିଜାଃ ହରାରେକ ଆଟେଦ୍‌କେଦା, ଆତଃ ଏଟାଃକ ଦାରୁଏତେ କଡକ ମାଆଃକେଦ୍‌ଡେ ହରାରେକ ଆଟେଦ୍‌କେଦା । ୯ ଆତଃ ଆୟୁର୍ ତାୟମ୍‌ତେ ସେନ୍‌ତାନ୍ ଗାଦେଲ୍‌ହଡକ କାଉରିକେଦା, “ଦାଉଦ୍‌ଆଃ ହନ୍ ହୋଶାନ୍ନା, ପ୍ରାଭୁଆଃ ନୁଡୁମ୍‌ତେ ହିଜୁଃତାନ୍‌ନିୟାଃ ଧାଇନ୍ ହବାଅଃକା, ସାଲାଇଡତାର୍ ଠାୟାଦ୍‌ରେ ପାର୍‌ମେଶ୍‌ବାର୍‌ଆଃ ମାନାରାଜ୍ ହବାଅଃକା ।”

୧୦ ୟୀଶୁ ଯୀରୁଶାଲେମ୍‌ରେ ବଲୟାନ୍ ଇମ୍ତା ଗଟା ନାଗାର୍‌ରେନ୍ ହଡକ ଆକ୍‌ଦାନ୍‌ଆୟାନା ଆତଃ “ନିଃ ଅକଏ ତାନିଃ ?” ମେନ୍ତେକ କୁଲିବାଡାକେଦା ।

୧୧ ଗାଦେଲ୍ ହଡକ କାଜିରୁହାଡକେଦା, “ନିଃ ଗାଲିଲ୍‌ରେୟାଃ ନାଜ୍‌ରେଡ଼ରେନ୍ ନାବୀ ୟୀଶୁ ତାନିଃ” ମେନ୍ତେକ କାଜିକେଦା ।

ୟୀଶୁ ମାହିର୍ ଅଡ଼ାଃତେ ସେନ୍‌ତାନାଏ

(ମାର୍କ ୧୧:୧୫-୧୯; ଲୁକ ୧୯:୪୫-୪୮; ଯୋହାନ୍ ୨:୧୩-୨୨)

୧୨ ୟୀଶୁ ମାହିର୍ ଅଡ଼ାଃରେ ବଲୟାନାଏ ଆତଃ ମାହିର୍ ଅଡ଼ାଃରେ ସବେନ୍ କିରିଜ୍ ଆଖ୍‌ରିଜ୍ ତାନ୍‌କକେ ହାର୍ ଅଡ଼କ୍‌କେଦକଆ ଆତଃ ପାଏସା ଭାଞ୍ଜାଅତାନ୍‌କଆଃ ଟେରୁଲ୍‌କ, ଦୁଦୁମ୍‌ଲ୍‌କ ଆଖ୍‌ରିଜ୍‌ତାନ୍‌କଆଃ ଦୁବ୍‌ତେୟାଃ ଉଦୁର୍‌ବାଗିକେଦାଏ, ୧୩ ଆତଃ ଇନିଃ ଇନ୍‌କୁକେ କାଜିୟାଦକଆଏ, “ଧାରାମ୍‌ପୁଥ୍‌ରେ ନେଆଁ ଅଲକାନା, ‘ଆଇୟାଃ ଅଡ଼ାଃ ବିକ୍ତିଅଡ଼ାଃ ମେନ୍ତେ ନୁଡୁମ୍‌ଆ’ ମେନ୍‌ଦ୍ ଆପେ ନେଆଁକେ କୁମ୍‌ବୁକୁଆଃ ତାଇନଃ ଠାୟାଦ୍‌ପେ ବାଇୟାକାଦା ।”

୧୪ ମେଦ୍ କା ନେଲ୍ ଦାଡିତାନ୍‌କ ଆତଃ କାଟା ଚୁଶ୍‌କାନ୍‌କ ମାହିର୍ ଅଡ଼ାଃରେ ଇନିଃତାଃତେକ ହିଜୁଃୟାନା ଆତଃ ଇନିଃ ଇନ୍‌କୁକେ ବୁଗିକେଦକଆଏ । ୧୫ ମେନ୍‌ଦ୍ ମୁଲ୍ ଯାଜାକକ ଆତଃ ଆଇନ୍ ଇଡୁକ ଇନିୟାଃ ଆକ୍‌ଦାନ୍‌ଆକାମିକ ଆତଃ ମାହିର୍ ଅଡ଼ାଃରେ “ଦାଉଦ୍‌ଆଃ ହନ୍ ହୋଶାନ୍ନା” ମେନ୍ତେ ହନ୍‌କ କାଉରିତାନ୍‌ତେୟାଃ ନେଲ୍‌କେଦ୍‌ଡେ ଖ୍‌ସ୍‌ୟାନାକ, ୧୬ ଆତଃ କୁଲିକିୟାକ, “ଚିୟାଃ ଆମ୍ ଇନ୍‌କୁ କାଜିତାନ୍‌ତେୟାଃ ଆୟୁମେତାନାମ୍‌ଚି ?”

ଏନ୍ତେ ୟୀଶୁ ଇନ୍‌କୁକେ କାଜିରୁହାଡାଦକଆ, “ହେଗି ଆୟୁମ୍‌ତାନାଇଜ୍ । ଆପେ ଧାରାମ୍‌ପୁଥ୍‌ରେ ଅଲକାନ୍‌ତେୟାଃ ଚିତଲାହ କାପେ ପାଡାଅଚି ? ‘ଆପେ ହନ୍‌କକେ ଆତଃ ହୁଡିଜ୍ ହନ୍‌କକେ ବୁଗିନ୍ ଜହାର୍ ନାଗେନ୍ତେ ଇଡୁକାଦକଆପେ ।”

୧୭ ୟୀଶୁ ଇନ୍‌କୁକେ ଯୀରୁଶାଲେମ୍ ବାଗିକେଦ୍‌ଡେ ବେଥ୍‌ନିଆ ନାଗାର୍‌ତେ ସେନଃୟାନା ଆତଃ ଏନ୍ତାଃରେ ମିଦ୍‌ବୁବାଃ ତାଇନ୍‌ୟାନାଏ ।

ୟୀଶୁ ଲଥା ଦାରୁକେ ସାର୍‌ପାଅକେଦା

(ମାର୍କ ୧୧:୧୨-୧୪, ୨୦-୨୪)

୧୮ ସେତାଃ ଇଦାନ୍‌ରେ ଯୀରୁଶାଲେମ୍ ନାଗାର୍‌ତେ ସେନଃରୁହାଡତାନ୍ ତାଇକେନ୍ ଇମ୍ତା ୟୀଶୁକେ ରେଙ୍ଗେଃକିୟା । ୧୯ ହରାଗେନାରେ ମିଆଁଦ୍ ଲଥାଦାରୁକେ ନେଲ୍‌କେଦ୍‌ଡେ ଏନ୍ତାଃତେ ସେନ୍ ନାଡ଼େଃୟାନା,

ମେନ୍ଦ ସାକାମ୍ ବାରିକେଦତେ ଏନାରେ ଜେଡନାଃ କାଏ ନାମ୍‌କେଦା ଆଡ଼ଃ କାଜିକେଦାଏ, “ଆମାଃତାଃରେ ଚିତ୍‌ଲୀଅ ଆଲକା ଜଅଃ'କା” ଆଡ଼ଃ ଲଆଦାରୁ ଇମ୍‌ତାଗି ରହଡ଼ୟାନା ।

୨୦ ଚେଲକ ନେଆଁ ନେଲ୍‌କେଦତେ ଆକ୍‌ଦାନ୍‌ଆୟାନାକ ଆଡ଼ଃ କୁଲିକିୟାକ, “ଲଆଦାରୁ ଚିଲ୍‌କାତେ କାଜି ତରସାଗି ରହଡ଼ୟାନା ?”

୨୧ ✱ୟୀଶୁ ଇନ୍‌କୁକେ କାଜିରୁହାଡ଼ାଦକଆଏ, “ସାର୍‌ତିଗି କାଜିୟାପେ ତାନାଲ୍‌କ୍, ଆପେ ମନ୍‌ରେ କା ଆଡ଼ଃଉଡ଼ଃକେଦତେ ପୁରାଃ ବିଶ୍ୱାସ୍‌ତାନଲ୍‌କ୍ ନେ ଲଆଦାରୁକେ ଆଇଲ୍‌କ୍ ରିକାକାଦୁଲେକା, ଆପେୟ ଏନ୍‌ଲେକା ରିକାଦାଡ଼ିୟାପେ । ଆଡ଼ଃ ନେଆଁକେ ଏସ୍‌କାର୍ କା ମେନ୍‌ଦ ବୁରୁକେହ୍ ‘ମାର୍ ବିରିଦ୍‌ମେ ଆଡ଼ଃ ଦରେୟାରେ ଉୟୁଗଃମେ’ ମେନ୍‌କେପେ କାଜିରେ ଏନା ଏନ୍‌ଲେକା ହବାଅଆଃ । ୨୨ ଆଡ଼ଃ ଆପେ ବିଶ୍ୱାସ୍‌ସେରେଦ, ବିକ୍ରିତେ ଆସିତେୟାଃ ସବେନାଃପେ ନାମେୟା ।”

ୟୀଶୁଆଃ ଆକ୍‌ତେୟାର୍ ବିଷାଏରେ କୁନୁଲି

(ମାର୍କ ୧୧:୨୭-୩୩; ଲୁକ ୨୦:୧-୮)

୨୩ ୟୀଶୁ ମାନ୍‌ିର୍ ଅଡ଼ଃରେ ବଲକେଦତେ ଇଡୁତାନ୍ ତାଇକେନ୍ ଇମ୍‌ତାଗି ମୁଲ୍ ଯାଜାକ୍‌କ ଆଡ଼ଃ ହଡ଼କଆଃ ପ୍ରାତିନ୍‌କ ଇନିଃତାଃତେକ ହିଜୁଃୟାନା ଆଡ଼ଃ କୁଲିକିୟାକ, “ଆମ୍ ଅକ ଆକ୍‌ତେୟାର୍‌ତେ ନେଆଁକମ୍ କାମିତାନା ? ଆଡ଼ଃ ଅକଏ ନେ ଆକ୍‌ତେୟାର୍ ଏମାକାଦ୍‌ମେୟାଏ ?”

୨୪ ୟୀଶୁ ଇନ୍‌କୁକେ କାଜିରୁହାଡ଼ାଦକଆଏ, “ଆଇଲ୍‌କ୍‌ହ୍ ମିଆଁଦ୍ କାଜିଇଲ୍ କୁଲିପେୟା, ଏନାପେ ଉଦୁବାଇଲ୍‌ରେଦ ଆଇଲ୍‌ ଅକ ଆକ୍‌ତେୟାର୍ କାମିତାନାଲ୍‌କ୍ ଏନାଲ୍‌କ୍ ଉଦୁବାପେୟା । ୨୫ ଯୋହାନ୍, ବାପ୍ତିସ୍ମା ଏମ୍ ନାଗେନ୍ତେ ଅକ୍‌ତାଃଏତେ ଆକ୍‌ତେୟାର୍ ନାମାକାଦ୍ ତାଇକେନା ? ସିର୍ମାରେନ୍ ପାର୍‌ମେଶ୍ୱାର୍‌ତାଃଏତେ ଚି ହଡ଼କତାଃଏତେ ?”

ଆଡ଼ଃ ଇନ୍‌କୁ ଆକ ଆକରେକ ଉଡ଼ଃକେଦା, “ଆରୁ, ସିର୍ମାରେନ୍ ପାର୍‌ମେଶ୍ୱାର୍‌ତାଃଏତେ’ ମେନେରେଦ ଇନିଃ ‘ଚିକାନାଲ୍ ଯୋହାନ୍‌ରେ କାପେ ବିଶ୍ୱାସ୍‌କେଦା’ ମେତାରୁଆଏ ? ୨୬ ମେନ୍‌ଦ ଆରୁ, ‘ହଡ଼କତାଃଏତେ’ ମେନେରେଦ, ଗାଦେଲ୍ ହଡ଼କତାଃଏତେ ବରମେନାଃ, ଚିୟାଃତି ଯୋହାନ୍‌କେ ସବେନ୍ ହଡ଼କ ନାବୀ ତାନିଃ ମେନ୍‌କେ ବିଶ୍ୱାସୀ ତାଇକେନା ।” ୨୭ ଏନାତେ ଇନ୍‌କୁ “ଆଲେ କାଲେ ସାରିୟା” ମେନ୍‌କେ ୟୀଶୁକେକ କାଜିରୁହାଡ଼କିୟା ।

ଏନ୍ତେ ଇନିଃ ଇନ୍‌କୁକେ ମେତାଦକଆ, “ଆଇଲ୍‌କ୍‌ହ୍ ଅକ ପେଡ଼େଃତେ ଏନାକଇଲ୍ ରିକାତାନା, କାଲ୍‌କ୍ ଉଦୁବାପେୟା ।

ବାରିଆ ହନ୍‌କିନାଃ ଜନ୍‌କା କାଜି

୨୮ “ନେ ବିଷାଏରେ ଆପେ ଚିନାଃପେ ଉଡ଼ଃତାନା ? ଜେତାଏ ହଡ଼ରାଃ ବାରିଆ ହନ୍‌କିନ୍ ତାଇକେନା, ଆଡ଼ଃ ମାରାଲ୍‌ନିଃତାଃତେ ସେନ୍‌କେଦତେ କାଜିକିୟାଏ, ‘ଏ ହନ୍, ଜୁ ତିସିଲ୍ ଆଇୟାଃ ଦାଖବାକ୍‌ଡ଼ିରେ କାମିମେ ।’ ୨୯ ଇନିଃ କାଜିକିୟାଏ, ‘ଆଇଲ୍‌କ୍‌କେ କାମି କା ସାନାଲ୍ ତାନାଃ,’ ମେନ୍‌ଦ ତାୟମ୍‌ତେ ହେୟାଡ଼ିକ୍‌କେଦତେ ସେନଃୟାନାଏ । ୩୦ ଏନ୍ତେ ଆପୁତେ ହୁଡ଼ିଲ୍ ହନ୍‌କତାଃତାଃତେ ସେନ୍‌କେଦତେ ଏନ୍‌ଲେକାଗି କାଜିକିୟାଏ, ଆଡ଼ଃ ଇନିଃ ‘ହେଗି, ଆଇଲ୍‌କ୍ ସେନାଲ୍‌କ୍’ ମେନ୍‌କେ କାଜିରୁହାଡ଼କିୟାଏ, ମେନ୍‌ଦ ଇନିଃ କାଏ ସେନ୍‌ୟାନା । ୩୧ ଏନ୍ ବାରାନ୍‌କିନ୍‌ଏତେ ଅକଏ ଆପୁତେୟାଃ ମନେଲେକା କାମିକେଦାଏ ?”

ଇନ୍‌କୁ “ମାରାଲ୍‌ନିଃ,” ମେନ୍‌କେ କାଜିରୁହାଡ଼କିୟା ।

ୟୀଶୁ ଇନ୍‌କୁକେ କାଜିୟାଦକଆ, “ସାର୍‌ତିଗିଲ୍ କାଜିୟାପେତାନା, ମାଲ୍‌ହାରମ୍‌କ ଆଡ଼ଃ ବେଶ୍ୟାକ ଆପେଏତେ ସିଦାରେ ପାର୍‌ମେଶ୍ୱାର୍‌ଆଃ ରାଇଲ୍‌ରେକ ବଲତାନା । ୩୨ ✱ବାପ୍ତିସ୍ମା ଏମାଃନିଃ ଯୋହାନ୍‌ଦ ଆପେତାଃ ଧାର୍‌ମାନ୍ ହରା ଉଦୁବ୍ ନାଗେନ୍ତେ ହିଜୁଃୟାନା ଆଡ଼ଃ ଆପେ ଇନିଃରେ କାପେ ବିଶ୍ୱାସ୍‌କେଦା, ମେନ୍‌ଦ ମାଲ୍‌ହାରମ୍‌କ ଆଡ଼ଃ ଆଣ୍‌ଦିଆପାଲ୍‌ିର୍‌କ ଇନିଃରେକ ବିଶ୍ୱାସ୍‌କେଦା । ଆଡ଼ଃ ଆପେ ନେଆଁ ନେଲ୍‌କେଦରେହ୍, କାପେ ହେୟାଡ଼ିକ୍‌କେଦା ଆଡ଼ଃ ଇନିଃରେ କାପେ ବିଶ୍ୱାସ୍‌କେଦା ।

ଦାଖବାକ୍‌ଡ଼ିରାଃ କାର୍‌କାମି ହଡ଼କଆଃ ଜନ୍‌କା କାଜି

(ମାର୍କ ୧୨:୧-୧୨; ଲୁକ ୨୦:୯-୧୯)

୩୩ “ୟୀଶୁ କାଜିକେଦାଏ, ଏଗାଃ ଆଡ଼ଃମିଆଁଦ୍ ଜନ୍‌କା କାଜି ଆୟୁମେପେ । ମିଆଁଦ୍ ଲୟଲ୍ ଗମକେ ଦାଖବାକ୍‌ଡ଼ି ବାଇକେଦାଏ ଆଡ଼ଃ ଏନା କେସେଦ୍‌ବିୟୁର୍‌କେଦାଏ, ଘାନା ନାଗେନ୍ତେ ଗାଡ଼ା ଉର୍‌କେଦାଏ, ଆଡ଼ଃ ହରମେନ୍ତେ ମାଚେନ୍ ଅଡ଼ଃ ବାଇକେଦାଏ, ଏନ୍ତେ ଇନିଃ ଦାଖବାକ୍‌ଡ଼ି କାର୍ କାମିତାନ୍‌କକେ ଏମ୍‌କେଦତେ ସାଜିନ୍ ଦିଶୁମ୍‌ତେ ସେନଃୟାନାଏ । ୩୪ ଜ ଗଦଃ ସାହା ତେବାଃୟାନ୍‌ତି,

✱ ୨୧:୨୧ ୨୧:୨୧ ମାଥିଉ ୧୭:୨୦; ୧ କରିନ୍ଥ୍‌ୟ ୧୩:୨. ✱ ୨୧:୩୨ ୨୧:୩୨ ଲୁକ ୩:୧୨; ୭:୨୯,୩୦.

ଦାଖିବାକ୍ତିରେୟାଃ ଜ ନାମେ ନାଗେନ୍ତେ ଇନିଃ ଦାସିକକେ ଏନ୍ କାର୍ କାମିକତାଃତେ କୁଲ୍ଲକେଦକଆଏ । ୩୫ କାର୍କାମି ହଡକଦ ଏନ୍ ଦାସିକକେ ସାବ୍କେଦ୍ତେ ମିହୁଡକେ ଦାଲ୍ଲକିୟାକ, ଆତଃମିହୁଡକେ ଗଏଃକିୟାକ, ଆତଃ ଏଟାଃ ମିହୁଡକେ ଦିରି ଚିଦ୍ରିକିୟାକ । ୩୬ ଏନ୍ତେ ଇନିଃ ସିଦାଏତେ ଆତଃଗି ଆଦ୍କା ଦାସିକକେ କୁଲ୍ଲକେଦକଆଏ, ଆତଃ କାର୍କାମି ହଡକ ଇନ୍କୁକେହ ଏନ୍ଲେକାଗି ରିକାକେଦକଆକ । ୩୭ ଚୁଣ୍ଡୁର, ଇନିଃ, ଆୟାଃ ହନ୍ତେକଡାକେ କାର୍ କାମିହଡକତାଃତେ କୁଲ୍ଲକିୟାଏ, ଆତଃ କାଜିକେଦାଏ, ‘ଇନ୍କୁ ହନିଙ୍ଗକଡାକେ ମାଇନିୟାକ ।’ ୩୮ ମେନ୍ଦ କାର୍କାମି ହଡକ ଏନ୍ ହନ୍କେ ନେଲ୍ଲକେଦ୍ତେ, ମେପେନ୍ୟାନାକ, ‘ନିଃଗି ଏନ୍ ଗମ୍ବକେୟାଃ ହନ୍ ତାନିଃ, ଦଲ୍ଲାବୁ ଗଜିୟା ଆତଃ ଇନିୟାଃ ହାନାଗିଙ୍ଗବୁ ଇଦିୟା ।’ ୩୯ ଏନ୍ତେ ଇନ୍କୁ ଇନିଃକେ ଦାଖିବାକ୍ତିଏତେ ସାବ୍ଅଡକ୍ତିକିଃତେ ଗଏଃକିୟାକ ।

୪୦ “ନାହାଁଃଦ ଦାଖିବାକ୍ତିରେନ୍ ଗମ୍ବକେ ହିଜୁଃରେ ଏନ୍ କାର୍କାମି ହଡକକେ ଚିନାଃଏ ଚିକାକଆ ?” ମେନ୍ତେ ଯାଶୁ କୁଲିକେଦକଆଏ ।

୪୧ ଇନ୍କୁ କାଜିରୁହାଡକିୟା, “ଇନିଃ ଏନ୍ ଏଡକାନ୍କକେ ପୁରାଃ ସାସାତିତେ ଗଏଃକଆ ଆତଃ ଦାଖିବାକ୍ତି ଏଟାଃ କାର୍କାମି ହଡକକେ ଏମାକଆ, ଅକନ୍କଚି ଠିକ୍ ନେତାରେ ଇନିଃକେ ଆୟାଃ ହିସାକ ଏମାକିୟା ।”

୪୨ ଯାଶୁ ଇନ୍କୁକେ ମେତାଦକଆ, “ନେଆଁ ଧାରାମ୍ପୁଥୁରେ କାପେଚି ପାଢାଅକାଦା ?

“ ଅଡ଼ାଃ ବାଇତାନ୍କ ଆତମ୍ ଏଣ୍ଡାଗାକାନ୍ ଦିରିକେ କଚାରାଃ ଦିରିକ ବାଇକେଦା ।

ପ୍ରାଡୁ ଆଇଃକ୍ତି ନେଆଁକେ ବାଇୟାକାଦା ଆତଃ ଆବୁଆଃ ନେପେଲ୍ରେ ଆକ୍ଦାନ୍ଦାଅଗିୟା !”

୪୩ “ଏନା ନାଗେନ୍ତେ ପାର୍ମେଶ୍ୱାର୍ଆଃ ରାଇଜ୍ ଆପେଏତେ ରେଜଃଆ ଆତଃ ଅକନ୍ ହଡକ ପାର୍ମେଶ୍ୱାର୍ଆଃ ମନେ ଲେକା କାମିୟାଃକ ଇନ୍କୁକେ ଏମଃଆ ।

୪୪ “ଏନ୍ ଦିରିରେ ଉୟୁଗଃନିଃ ଗୁଣ୍ଡାଅଆଏ ଆତଃ ଏନା ଜେତାଏରେ ଉୟୁଗଃରେଦ ଇନିଃକେ ରିଦିୟାଏ ।”*

୪୫ ମୁଲ୍ ଯାଜାକ୍ ଆତଃ ଫାରୁଣୀକ ଯାଶୁଆଃ ଜନ୍କା କାଜି ଆୟୁମ୍ବକେଦ୍ତେ, ଇନିଃ ଆବୁକେ କାଜିୟାବୁତାନାଏ ମେନ୍ତେ ଆବ୍କାର୍କେଦା । ୪୬ ଏନାତେ ଇନ୍କୁ ଇନିଃକେ ସାସାଦ୍ ସାନାଙ୍ଗକେଦାକ, ମେନ୍ଦ ଇନ୍କୁ ଗାଦେଲ୍ ହଡକକେ ବରକେଦକଆକ, ଚିୟାଃଚି ହଡକ ଇନିଃକେ ନାବୀ ମେନ୍ତେ ଆବ୍କାରି ତାଇକେନା ।

୨୨

ଆଣ୍ଡି ଭୋଜିରେଆଃ ଜନ୍କା କାଜି (ଲୁକ ୧୪:୧୫-୨୪)

୧ ଯାଶୁ ଆତଃଗି ଜନ୍କା କାଜିତେ ହଡକକେ କାଜିକେଦକଆ । ୨ “ସିର୍ମା ରାଇଜ୍ ମିଆଁଦ୍ ନେ ଲେକାନାଃ ତାନାଃ । ମିଆଁଦ୍ ରାଜା ହନ୍ତେକଡାଃଆ ଆଣ୍ଡିରେ ମାରାଙ୍ଗ୍ଜମେୟାଃ ବାଇକେଦାଏ । ୩ ଇନିଃ କେଡାକାନ୍କକେ ଆଣ୍ଡି ଭୋଜି ଜଜମ୍ ନାଗେନ୍ତେ ହାକାଅ ନାଙ୍ଗ୍ ଆୟାଃ ଦାସିକକେ କୁଲ୍ଲକେଦକଆଏ ମେନ୍ଦ ଇନ୍କୁ ହିଜୁଃ କାକ ସାନାଙ୍ଗ୍କେଦା । ୪ ଇନିଃ ଏଟାଃ ଦାସିକକେ ନେଆଁ କାଜିକେଦ୍ତେ ଆତଃମିସା କୁଲ୍ଲକେଦକଆଏ, ‘ଆଇଙ୍ଗ୍ ମାରାଙ୍ଗ୍ଜମେୟାଃ ବାଇୟାକାଦାଇଙ୍ଗ୍, ଆଇଁୟାଃ ମାପୁରାଙ୍ଗ୍ କିରିକାନ୍ ଜାତୁକ ମାଆଃକେଦ୍ତେ ସବେନାଃ ବାଇସେକାଡାକାନା, ଆଣ୍ଡି ଭୋଜି ଜଜମ୍ତେ ହିଜୁଃପେ ।’ ୫ ମେନ୍ଦ କେଡାକାନ୍କ ଜେତାଏ କାକ ଉଡୁଃକେଦ୍ତେ ଆକଆଃ କାଜିକାମିରେ ତାଇନ୍ୟାନାକ, ଚିମିନ୍କ ଆକଆଃ ଲୟଙ୍ଗ୍ତେ, ଆତଃ ଚିମିନ୍କ କିରିଙ୍ଗ୍ ଆଖ୍ରିଙ୍ଗ୍ତେକ ସେନଃୟାନା । ୬ ଏଟାଃକ ରାଜାରାଃ ଦାସିକକେ ସାବ୍କେଦ୍ତେ ଇନ୍କୁକେ ସାସାତିକେଦକଆକ ଆତଃ ଗଏଃକେଦକଆକ । ୭ ରାଜା ନେଆଁ ଆୟୁମ୍ବକେଦ୍ତେ ଖୁସ୍ୟାନାଏ ଆତଃ ଆୟାଃ ସିପାଇକକେ କୁଲ୍ଲକେଦ୍ତେ ଏନ୍ ଗଗଏଃକକେ ଜିୟନ୍କେଦକଆଏ ଆତଃ ଇନ୍କୁଆଃ ନାଗାର୍କେ ଅଣ୍ଡୁରକେଦା । ୮ ଏନ୍ତେ ଏନ୍ ଆଣ୍ଡି ଗମ୍ବକେ ଦାସିକକେ କାଜିୟାଦକଆଏ, ‘ଆଣ୍ଡି ଜମେୟାଃ ବାଇୟାକାନା ମେନ୍ଦ କେଡାକାନ୍କ ଏନା ନାମେଲେକା କାକ ତାଇକେନା । ୯ ଏନା ନାଗେନ୍ତେ ବାରିଆ ହରା ମେସାଅଃତାନ୍ତାଃ ସେନଃପେ ଆତଃ ଆପେ ନାମ୍ତାନ୍ ସବେନ୍କକେ ଆଣ୍ଡି ଜମେୟାଃ ନାଗେନ୍ତେ ହାକାଅକପେ ।’ ୧୦ ଏନ୍ ଦାସିକ ହରାକରେ ସେନ୍କେଦ୍ତେ ଇନ୍କୁ ନାମ୍ବକେଦ୍ ସବେନ୍ ଏଡକାନ୍ ଆତଃ ବୁଗିନ୍ ହଡକକେ ହୁଣ୍ଡିକେଦକଆକ ଆତଃ ଆଣ୍ଡି ଅଡ଼ାଃ ହଡକେ ପେରେୟାନା ।

* ୨୧:୪୪ ୨୧:୪୪ ନେ ବାଗାନ୍ ଚିମିନ୍ ମାରି ଅନଲ୍ରେ ବାନଆଃ

୧୧ “ରାଜା ଜଜମକକେ ନେନେଲତେ ବଲୟାନ୍ ଇମ୍ତା, ଆଣଦି ଲିଜାଃ କା ତୁସିଙ୍ଗକାନ୍ ମିଆଁଦ୍ ହଡକେ ନେଲକିୟାଏ । ୧୨ ଆତଃ ଇନିଃ କୁଲିକିୟାଏ, ‘ଏ ଗାତି, ଆମ୍ ଆଣଦି ଲିଜାଃ କା ତୁସିଙ୍ଗକେଦ୍ତେ ଚିଲକାତେମ୍ ବଲଆକାନା ?’ ମେନ୍ଦ ଏନ୍ ହଡ ହାପାୟାନାଏ । ୧୩ ଏନ୍ତେ ରାଜା ଦାସିକକେ କାଜିକେଦକଆଏ, ‘ଆୟାଃ ତିଃଇ କାଟା ତଲକେଦ୍ତେ ନୁବାଃରେ ହୁରାଙ୍ଗତାଇପେ, ଏନ୍ତାଃରେ ଇନିଃ ରାଆଃୟାଏ ଆତଃ ତାଟା ରିଦେୟାଏ ।’”

୧୪ ଆତଃ ଯୀଶୁ କାଜିଚୁଣ୍ଡକଦାଏ, “ପୁରାଃକଦ ହାକାଅକାନା ମେନ୍ଦ ହୁଡିଙ୍ଗଲେକାକ ସାଲାକାନା ।”

କାର୍ ପାଏସା ଏମ୍ରେୟାଃ ବିଷାଏରେ କୁନୁଲି
(ମାର୍କ ୧୨:୧୩-୧୭; ଲୁକ ୨୦:୨୦-୨୬)

୧୫ ଏନ୍ତେ ଫାରୁଶୀକ ସେନଃକେଦ୍ତେ, ଆବୁ ଚିଲକାତେ ଯୀଶୁକେ ଆୟାଃ କାଜିତେବୁ ସାବିଆ, ମେନ୍ତେକ ରଜୋଟକେଦା । ୧୬ ଇନ୍କୁ ହେରୋଦ୍ଆଃ ହଡକଲଃ, ଆକିଆଃ ଚେଲାକକେ ଯୀଶୁତାଃତେକ କୁଲକେଦକଆ ଆତଃ ଇନ୍କୁ ଯୀଶୁକେ କାଜିକିୟାକ, “ହେ ଗୁରୁ, ଆଲେ ସାରିତାନାଲେ, ଆମ୍ ସାର୍ତିଙ୍ଗ ହଡ ତାନମେ ଆତଃ ପାର୍ମେଶ୍ୱାର୍ଆଃ ସାର୍ତି ହରା ଇତୁଆଃମେ ଆତଃ ଜେତାଏକେ କାମ୍ ବରଞ୍ଜା, ଚିୟାଃଟି ଆମ୍ ହଡକଆଃ ମେଦ୍ମୁହାଁଡ୍ କାମ୍ ନେଲାଃ । ୧୭ ଆମ୍ ଆଲେକେ କାଜିୟାଲେମ୍, ଆମ୍ ଚିକନାଃମ୍ ଉଡ଼ୁତାନା ? କାଇସାର୍କେ ଆଇନ୍ ଲେକାତେ କାର୍ ପାଏସା ଏମ୍ରେୟାଃ ଲାଗାଡିଙ୍ଗୟାଃ ଚି କାହା ?”

୧୮ ମେନ୍ଦ ଯୀଶୁ ଇନ୍କୁଆଃ ଏଡକାନାଃ ଆଟ୍କାର୍କେଦ୍ତେ କାଜିୟାଦକଆଏ, “ହେ ବେଦାହଡକ ଚିନାଃ ମେନ୍ତେ ଆଇଙ୍ଗକେ ଚିଟାଇଙ୍ଗ ନାଗେନ୍ତେ ବିଡାଅତାନାପେ ? ୧୯ କାର୍ ପାଏସା ଏମ୍ରେୟାଃ ସିକା ମିଆଁଦ୍ ଏମାଇଙ୍ଗପେ ।”

ଏନ୍ତେ ଇନ୍କୁ ମୁସିଙ୍ଗରାଃ ନାଲା ସିକା ଇନିଃତାଃତେକ ଆଉକେଦା । ୨୦ ଆତଃ ଇନିଃ ଇନ୍କୁକେ କୁଲିକେଦକଆଏ, “ନେ ସିକାରେ ଅକଏୟାଃ ମୁରୁଡ୍ ଆତଃ ନୁଡୁମ୍ ମେନାଃ ?”

୨୧ ଇନ୍କୁ କାଜିକିୟାକ, “କାଇସାର୍ଆଃ,”

ଏନ୍ତେ ଇନିଃ ଇନ୍କୁକେ ମେତାଦକଆ, “ଅକନାଃ କାଇସାର୍ଆଃ ଏନା କାଇସାର୍କେ ଏମାଇପେ, ଅକନାଃ ପାର୍ମେଶ୍ୱାର୍ଆଃ ଏନା ପାର୍ମେଶ୍ୱାର୍କେ ଏମାଇପେ ।”

୨୨ ଆତଃ ଇନ୍କୁ ନେଆଁ ଆୟୁମ୍କେଦ୍ତେ ହାଏକାର୍ଯ୍ୟାନାକ ଆତଃ ଇନିଃକେ ବାଗିକେଦ୍ତେ ସେନଃୟାନାକ ।

ହଡକଆଃ ଜୀଉବିନିରିଦ୍ ବିଷାଏରେ କୁନୁଲି
(ମାର୍କ ୧୨:୧୮-୨୭; ଲୁକ ୨୦:୨୭-୪୦)

୨୩ ଏନ୍ ହୁଲାଙ୍ଗି ଚିମିନ୍ ସାଦୁକିକ ଯୀଶୁତାଃତେକ ହିଜୁଃୟାନା ଆତଃ ଇନ୍କୁ ଜୀଉବିନିରିଦ୍ ବାନଆଃ ମେନ୍ତେକ କାଜିତାଇକେନା । ୨୪ ଇନ୍କୁ କାଜିକିୟାକ, “ହେ ଗୁରୁ, ଜେତାଏ ହଡ ବେଗାର୍ ହନ୍ଗାଁଣାତେ ଗଜଃରେଦ, ହାଗାତେ ଇନିୟାଃ କୁଡିକେ ଆଣଦିୟଃ ଲାଗାଡିଙ୍ଗୟାଃ ଆତଃ ଗଜାକାନ୍ ହାଗାତେୟାଃ ନାଙ୍ଗ୍ ହନ୍ଗାଁଣା ହାରାକକାଏ ମେନ୍ତେ ମୁଣା ନାବୀ କାଜିକାଦା । ୨୫ ନେଲେମେ, ଆଲେତାଃରେ ସାଡ୍ ହାଗିୟା ତାଇକେନାକ ମାରାଙ୍ଗିନିଃ ଆଣଦିକେଦ୍ତେ ବେଗାର୍ ହନ୍ଗାଁଣାତେ ଗଏଃୟାନାଏ, ଆତଃ ଏନ୍ ରାଣ୍ଡିକୁଡିକେ ହାଗାତେ ଆଣଦିୟାନାଏ । ୨୬ ଏନ୍ଲେକାଗି ଏଟାଃ ହାଗାତେଲଃ ଆତଃ ଆପିୟାନିଃଲଃ ହବାୟାନା, ଚୁଣ୍ଡୁରେ ସାଡ୍ ହାଗିୟାକ ଇନିଃକେ ଆଣଦିୟାନାକ । ୨୭ ଆତଃ ସବେନ୍କଆଃ ତାୟମ୍ତେ ଏନ୍ ରାଣ୍ଡି କୁଡିୟଗି ଗଏଃୟାନାଏ । ୨୮ ଏନ୍ତେ ଜୀଉବିନିରିଦ୍ ଇମ୍ତା ଏନ୍ କୁଡି ଅକଏୟାଃ କୁଡିତେ ହବାଅଆଏ ? ସବେନ୍କଦ ଇନିଃକେ ଆଣଦିୟାନାକ ।”

୨୯ ଯୀଶୁ ଇନ୍କୁକେ ମେତାଦକଆ, “ଆପେ ଧାରାମ୍ପୁଅ୍ ଆତଃ ପାର୍ମେଶ୍ୱାର୍ଆଃ ପେଡ଼ଃ କାପେ ସାରିୟା ଏନା ନାଗେନ୍ତେପେ ଆଦାକାନା । ୩୦ ଜୀଉବିନିରିଦ୍କେଦ୍ତେ ଜେତାଏ କାକ ଆଣଦିନାଃ, ଚାଏ ଆଣଦି କାକ ଏମଆ, ମେନ୍ଦ ଇନ୍କୁ ସିର୍ମାରେନ୍ ଦୁଁଡ୍ଲେକାକ ତାଇନାଃ । ୩୧ ଆତଃ ଗଜାକାନ୍କଆଃ ଜୀଉବିନିରିଦ୍ ବିଷାଏରେ ପାର୍ମେଶ୍ୱାର୍ କାଜିୟାକାଦ୍ କାଜିକେ କାପେଚି ପାଢାଅକାଦା ? ୩୨ ‘ଆଇଙ୍ଗ୍ ଆବ୍ରାହାମ୍ଆଃ ପାର୍ମେଶ୍ୱାର୍, ଇସାକ୍ଆଃ ପାର୍ମେଶ୍ୱାର୍ ଆତଃ ଯାକୁବ୍ଆଃ ପାର୍ମେଶ୍ୱାର୍ ତାନିଙ୍ଗ୍ ।’ ଇନିଃ ଗଏଃକାନ୍କଆଃ ପାର୍ମେଶ୍ୱାର୍ ନାହାଁଲିଃ ମେନ୍ଦ ଜାନିଦ୍କଆଃ ପାର୍ମେଶ୍ୱାର୍ ତାନିଃ ।”

୩୩ ଆତଃ ଗାଦେଲ୍ ହଡକ ନେଆଁ ଆୟୁମ୍କେଦ୍ତେ ଇନିୟାଃ ଇନିତୁତେ ହାଏକାର୍ଯ୍ୟାନାକ ।

ମାରାଙ୍ଗ୍ ଆନ୍ତୁ
(ମାର୍କ ୧୨:୨୮-୩୪; ଲୁକ ୧୦:୨୫-୨୮)

☆ ୨୨:୧୩ ୨୨:୧୩ ମାଧୁର ୮:୧୨; ୨୫:୩୦; ଲୁକ ୧୩:୨୮. ☆ ୨୨:୨୩ ୨୨:୨୩ ପ୍ରେରିଡ୍ ୨୩:୮.

୩୪ ଯୀଶୁ ସାଦୃଶ୍ୟରେ ହାପାକେଦକଆଏ ମେନ୍ତେ ଫାରୁଶୀକ ଆୟୁମକେଦକି ହୁଣ୍ଡିୟାନାକ । ୩୫ ଆତଃ
ଇନ୍ଦୁଏତେ ମିଆଁଦ୍ ଆଇନ୍ ଇନ୍ଦୁନିଃ ଯୀଶୁକେ ଚିଟାଇ ନାଗେନ୍ତେ ବିଡ଼ାଅକିୟାଏ ଆତଃ କୁଲିକିୟାଏ,
୩୬ “ହେ ଗୁରୁ, ମୁଣାରାଃ ଆଇନ୍ରେୟାଃ ମାରାଙ୍ଗ୍ ଆନ୍ତୁ ଅକ୍ନାଃ ତାନାଃ ?”

୩୭ ଯୀଶୁ ଇନିଃକେ କାଜିରୁହାଡ଼କିୟାଏ, “ଆମାଃ ସବେନ୍ ମନ୍ତେ, ଆମାଃ ସବେନ୍ ଜୀଉତେ ଆତଃ
ଆମାଃ ସବେନ୍ ମନ୍ତେ ପ୍ରାଭୁ ଆମାଃ ପାରମେଶ୍ୱାରକେ ଦୁଲାଡ଼ିମେ ।” ୩୮ ନେଆଁଗି ମାରାଙ୍ଗ୍ ଆତଃ ପାହିଲା
ଆନ୍ତୁ ତାନାଃ । ୩୯ ଆତଃମିଆଁଦ୍ ମାରାଙ୍ଗ୍ ଆନ୍ତୁ ଏନ୍ଲେକାଗିୟା, ‘ଆମାଃ ହପରଜାପାଃରେନିଃକେ
ଆମାଃ ଲେକା ଦୁଲାଡ଼ିମେ ।’ ୪୦ ଧନେ ବାରିୟା ଆନ୍ତୁରେ ମୁଣାରାଃ ଆଇନ୍ ଆତଃ ନାବୀକଆଃ ଇନିତୁରେ
ଆସ୍ତାଏତାନା ।”

ଶ୍ରୀଷ୍ଟ ମାସି ତାନିଃ

(ମାର୍କ ୧୨:୩୫-୩୭; ଲୁକ ୨୦:୪୧-୪୪)

୪୧ ଫାରୁଶୀକ ହୁଣ୍ଡିୟାନ୍ ଇମତା ଯୀଶୁ ଇନ୍ଦୁକେ କୁଲିକେଦକଆଏ ? ୪୨ “ଆପେ ଶ୍ରୀଷ୍ଟଆଃ ବିଷାଏରେ
ଚିନାଃପେ ଉଡ଼ୁତାନା ? ଇନିଃ ଅକଏୟାଃ ହନ୍ ତାନିଃ ?”

ଇନ୍ଦୁ କାଜିରୁହାଡ଼କିୟାକ, “ଦାଉଦ୍ ଆଃ ।”

୪୩ ଯୀଶୁ ଇନ୍ଦୁକେ କାଜିୟାଦକଆଏ, “ଦାଉଦ୍, ମାସିକେ ‘ଆଇଁୟାଃ ପ୍ରାଭୁ’ ମେନ୍ତେ ଚିନାଃମେନ୍ତେ ତାମ୍
କାଜିକିୟାଏ ? ଚିୟାଃଚି ପାବିତାର୍ ଆମାତେ ଇନିଃ ଅଲକାଦାଏ,

୪୪ “ପ୍ରାଭୁ ଆଇଁୟାଃ ପ୍ରାଭୁକେ କାଜିକିୟା,

ଆଇଙ୍ଗ୍ ଆମାଃ ବାଇରିକକେ ଆମାଃ କାଟା ଲାତାର୍ରେ ଆଉରି ଦହକ ଜାକେଦ୍

ଆମ୍ ଆଇଁୟାଃ ଜମ୍ତିସାଃରେ ଦୁବାକାନ୍ମେ ।”

୪୫ “ଦାଉଦ୍ ଶ୍ରୀଷ୍ଟକେ ‘ଆଇଁୟାଃ ପ୍ରାଭୁ’ ମେତାଇତାନ୍ରେଦ, ଇନିଃ ଚିଲ୍କାତେ ଇନିୟାଃ ହନ୍ ତାନିଃ ?”

୪୬ ଆତଃ ଜେତାଏ ମିଆଁଦ୍ କାଜିୟା ଯୀଶୁକେ କାକ କାଜିରୁହାଡ଼ ଦାଡ଼ିକେଦା, ଏନ୍ ହୁଲାଇଁତାଃଏତେ
ଜେତାଏ ଇନିଃକେ ଜେତନାଃ କୁଲିନାଙ୍ଗ୍ କାକ ସାହାଁସକେଦା ।

୨୩

ଆଇନ୍ ଇତୁକଆଃ ଆତଃ ଫାରୁଶୀକଆଃ ବିରୁଧ୍ରେ ଯୀଶୁଆଃ ଚେତାଅ

(ମାର୍କ ୧୨:୩୮-୪୦; ଲୁକ ୧୧:୩୭-୪୨; ୨୦:୪୫-୪୭)

୧ ଏନ୍ତେ ଯୀଶୁ ଏନ୍ ଗାଦେଲ୍ ହଡ଼କକେ ଆତଃ ଆୟାଃ ଚେଲକକେ କାଜିୟାଦକଆଏ, ୨ “ଆଇନ୍
ଇତୁକ ଆତଃ ଫାରୁଶୀକ ମୁଣାରାଃ ଆଇନ୍ ଇତୁରାଃ ଆକ୍ତେୟାର୍ ନାମାକାଦ୍ ଇନିତୁକ ତାନ୍କ ।
୩ ଏନା ନାଗେନ୍ତେ, ଆପେ ନେଆଁ ମାନାଡ଼ିଙ୍ଗ୍ପେ ମେନ୍ତେକ କାଜିରେଦ ଏନ୍ ସବେନାଃ ମାନାଡ଼ିଙ୍ଗ୍ପେ,
ମେନ୍ଦ୍ ଇନ୍ଦୁଆଃ କାମିଲେକା ଆଲ୍ପେ କାମିୟା, ଇନ୍ଦୁ କାଜିଦକ କାଜିୟା ମେନ୍ଦ୍ କାକ କାମିୟାଃ
। ୪ ଇନ୍ଦୁ ଆକଆଃ ଇନିତୁକେ ହଡ଼କଆଃ ତାରାନ୍ ଚେତାନ୍ରେ ହାମ୍ପାଲ୍ତେୟାଃକ ଲାଦିତାନା, ମେନ୍ଦ୍
ଇନ୍ଦୁ ଏନାକେ ଆକଆଃ ମିଆଁଦ୍ ସାର୍ସାର୍ତେହ ଉଠାଅକେଦ୍ତେ ଗଅଃଇଦି ନାଙ୍ଗ୍ କାକ ଦେଙ୍ଗାଃ
। ୫ ହଡ଼କ ଆଲେକେ ନେଲ୍ଲେକାକ ମେନ୍ତେ ଇନ୍ଦୁ ଆକଆଃ ସବେନ୍ କାମିକ କାମିୟାଃ ।
ନେଲ୍ଲକପେ, ଇନ୍ଦୁଦ୍ ଧାରାମ୍ପୁଥ୍ରେ ଅଲକାନ୍ତେୟାଃ ଆକଆଃ ମଲ୍ଲକରେକ ତଲେୟା ଆତଃ
ଆକଆଃ ତୁସିଙ୍ଗ୍ ଲିଜାଃରେୟାଃ ଝାଲେରକେକ ଜିଲିଙ୍ଗ୍ଆଃ । ୬ ଆତଃ ଇନ୍ଦୁ ମାରାଙ୍ଗ୍ଜମେୟାଃତାଃରେ
ଚେତାନ୍ ଠାୟାଦ୍ରେ ଆତଃ ସାମାଜ୍ ଅଡ଼ାଃକରେ ଆୟାର୍ରେ ଦୁବ୍ନାଙ୍ଗ୍ ସୁକ୍କଆ । ୭ ଆତଃ ଇନ୍ଦୁ
ହଡ଼କତାଃଏତେ ପିର୍ ପିଡ଼ିକରେ ଜହାର୍ତେଲା ଆତଃ ‘ହେ ଗୁରୁ’ ମେନ୍ତେ କାଜିୟାଲେକାକ ନେଆଁ
ସୁକ୍କଆଃକ । ୮ ମେନ୍ଦ୍ ଆପେ ‘ହେ ଗୁରୁ’ ମେନ୍ତେ ଆଲ୍ପେ ନୁତୁମଃଆ, ଚିୟାଃଚି ଆପେୟାଃ ଇତୁନିଃଦ୍
ମିଆଁଦ୍ଗିଆଏ, ଆତଃ ଆପେ ସବେନ୍କ ହାଗା ତାନ୍ପେ । ୯ ଆତଃ ଅତେରେ ଜେତାଏକେ ‘ଆବା’ ମେନ୍ତେ
ଆଲ୍ପେ କାଜିୟା, ଆପେୟାଃ ଆପୁଦ୍ ମିଆଁଦ୍ଗିଆଏ ଆତଃ ଇନିଃ ସିମାରେ ମେନାଇୟା । ୧୦ ଆତଃ
ଆପେ ହଡ଼କଆଃ ‘ଗମକେ’ ମେନ୍ତେ ଆଲ୍ପେ ନୁତୁମଃଆ, ଚିୟାଃଚି ଆପେୟାଃ ଗମକେଦ୍ ମିଆଁଦ୍ଗିଆଏ,
ଇନିଃ ମାସି ତାନିଃ । ୧୧ ଆତଃ ଆପେୟାଃ ଆଲ୍ପାରେ ସବେନ୍କଏତେ ମାରାଙ୍ଗ୍ନିଃ ଆପେୟାଃ ସୁସାର୍ନିଃ
ହବାଅଃକାଏ । ୧୨ ଆତଃ ଜେତାଏ ଆପାନ୍କେ ମାରାଙ୍ଗ୍ୟେନ୍ ସାନାଙ୍ଗ୍ରେଦ୍ ଇନିଃ ହୁଡ଼ିଙ୍ଗ୍ୟେନ୍କାଏ,
ଆତଃ ଜେତାଏ ଆପାନ୍କେ ହୁଡ଼ିଙ୍ଗ୍ୟେନ୍ନିଃ, ମାରାଙ୍ଗ୍ୟେନ୍କାଏ ।

ଯୀଶୁ ହସଡ଼ହଡ଼କକେ ସାଜାଇକେଦକଆଏ

(ମାର୍କ ୧୨:୪୦; ଲୁକ ୧୧:୩୯-୪୨, ୪୪, ୪୬; ୨୦:୪୭)

୧ ୨୨:୪୦ ୨୨:୪୦ ଲୁକ ୧୦:୨୫-୨୮. ୨ ୨୩:୫ ୨୩:୫ ମାଥିର ୬:୧. ୩ ୨୩:୧୧ ୨୩:୧୧ ମାଥିର ୨୦:୨୭, ୨୭; ମାର୍କ ୯:୩୫; ୧୦:୪୩, ୪୪; ଲୁକ ୨୨:୨୭. ୪ ୨୩:୧୨ ୨୩:୧୨ ଲୁକ ୧୪:୧୧; ୧୮:୧୪.

୧୩ “ଏ ହସତ୍ ଆଇନ୍ ଇତୁକ ଆତଃ ଫାରୁଶୀକ ଆପେୟାଃ ସାଜାଇ ପୁରାଃ ବରଞ୍ଜନ୍ତୀ ହବାଅଆଃ, ଆପେଦ ହତକଆଃ ସାମ୍ନାଙ୍ଗରେ ସିର୍ମା ରାଇଜ୍ରେୟାଃ ଦୁଆର୍ପେ ହାଣ୍ଡେଦ୍ ତାନାଃ, ଆପେଦ ଆପେଗି ଏନାରେ କାପେ ବଲତାନା ଆତଃ ବଲ ସାନାଙ୍ଗତାନକକେ କାପେ ବଲ ଇଟିକୁତାନା । ୧୪ ଏ ହସତ୍ ଆଇନ୍ ଇତୁକ ଆତଃ ଫାରୁଶୀକ ଆପେୟାଃ ସାଜାଇ ପୁରାଃ ବରଞ୍ଜନ୍ତୀ ହବାଅଆଃ, ଚିୟାଃଟି ଆପେ ବେଦାତେ ଜିଲିଙ୍ଗ ଜିଲିଙ୍ଗି ବିକ୍ରିୟାପେ ଆତଃ ରାଣ୍ଡିକୁଡ଼ିକଆଃ ଅଡ଼ାଃକ ଉଦେତାନାପେ, ଏନାମେନ୍ତେ ଆପେ ଆଦକା ସାଜାଇପେ ନାମେୟା ।* ”

୧୪ “ଏ ହସତ୍ ଆଇନ୍ ଇତୁକ ଆତଃ ଫାରୁଶୀକ ଆପେୟାଃ ସାଜାଇ ପୁରାଃ ବରଞ୍ଜନ୍ତୀ ହବାଅଆଃ, ଆପେଦ ମିଆଁଦ୍ ହତକେ ଯିହୁଦୀ ଧାରାମ୍ରେ ମେସାଇ ନାଗେନ୍ତେ ଦରେୟା ଆତଃ ଗଟା ଅତେଦିଶୁମ୍ପେ ହନରତାନା, ଆତଃ ଚିମ୍ପାଙ୍ଗ ଇନିଃ ଯିହୁଦୀ ଧାରାମ୍ରେ ମେସାୟାନ୍ରେ, ଆପେଏତେ ବାର୍ଗୁନା ଇମ୍ନାଙ୍ଗ ନାରାକ୍ରେ ସାଜାଇ ନାମେ ନାଗେନ୍ତେପେ ଦେଙ୍ଗାଇତାନା ।

୧୬ “ଆନ୍ଧା ହରା ଆୟାର୍ଦ୍ଦିକ ଆପେୟାଃ ସାଜାଇ ପୁରାଃ ବରଞ୍ଜନ୍ତୀ ହବାଅଆଃ, ‘ଜେତାଏ ମାନ୍ଦିର୍ ଅଡ଼ାଃରେୟାଃ କିରିୟାଏରେଦ ଇନିଃ ମାନାତିଙ୍ଗ ନାଗେନ୍ତେ କାଏ ତଲଃଆ ମେନ୍ଦ୍ ଜେତାଏ ମାନ୍ଦିର୍ ଅଡ଼ାଃରେୟାଃ ସୋନାରାଃ କିରିୟା ଜମେରେଦ ଇନିଃକେ ଏନା ମାନାତିଙ୍ଗ ଲାଗାତିଙ୍ଗୟାଃ ।’ ୧୭ ଏ କା ନେଲ୍ ଦାଡ଼ିତାନ୍ ତଣ୍ଡକ, ସୋନା ମାରାଙ୍ଗ୍ ଚି ସୋନାକେ ପାବିତାର୍ କାଦ୍ ମାନ୍ଦିର୍ ଅଡ଼ାଃ ମାରାଙ୍ଗ୍ ତାନାଃ ? ୧୮ ଆତଃଟି ଇତୁଆପେ, ‘ଜେତାଏ ବେଦିରାଃ କିରିୟାଏରେଦ ଇନିଃକେ ଏନା ମାନାତିଙ୍ଗ ନାଗେନ୍ତେ କା ଲାଗାତିଙ୍ଗୟାଃ, ମେନ୍ଦ୍ ଜେତାଏ ଏନାରେ ରାକାବାକାନ୍ ଦାନ୍ରାଃ କିରିୟାଏରେଦ ଇନିଃକେ ଏନା ମାନାତିଙ୍ଗ ଲାଗାତିଙ୍ଗୟାଃ ।’ ୧୯ ଏ ମେଦ୍ କା ନେଲ୍ ଦାଡ଼ିତାନ୍ ହତକ ଆପେୟାଃ ସାଜାଇ ପୁରାଃ ବରଞ୍ଜନ୍ତୀ ହବାଅଆଃ, ଏନ୍ ଦାନ୍ ମାରାଙ୍ଗ୍ଆଁତି ଦାନ୍କେ ପାବିତାର୍ ଚିକାଏତାନ୍ ଏନ୍ ବେଦି ମାରାଙ୍ଗ୍ଆଁ, ନେ ବାରାନାଃରେ ଅକ୍ନାଃ ମାରାଙ୍ଗ୍ଆଁ ? ୨୦ ନେଆଁମେନ୍ତେ ଜେତାଏ ବେଦିରେୟାଃ କିରିୟାଏରେଦ, ଇନିଃ ଏନାରେୟାଃ ଆତଃ ଏନାରେ ରାକାବାକାନ୍ତେୟାଃ ସବେନାଃରେ କିରିୟାଏତାନା । ୨୧ ଜେତାଏ ମାନ୍ଦିର୍ ଅଡ଼ାଃରେୟାଃ କିରିୟାଏରେଦ ଇନିଃ ଏନାରେୟାଃ ଆତଃ ଏନାରେ ତାଇନଃତାନ୍ ପାର୍ମେଶ୍ୱାର୍ଆଃ କିରିୟାଏତାନା । ୨୨ ଆତଃ ଜେତାଏ ସିର୍ମାରେୟାଃ କିରିୟାଏରେଦ ଇନିଃ ପାର୍ମେଶ୍ୱାର୍ଆଃ ରାଜ୍ଗାଦିରେୟାଃ ଆତଃ ଏନାରେ ଦୁବାକାନ୍ ପାର୍ମେଶ୍ୱାର୍ଆଃ ନୁତୁମ୍ରେ କିରିୟାଏତାନା ।

୨୩ “ଏ ହସତ୍ ଆଇନ୍ ଇତୁକ ଆତଃ ଫାରୁଶୀକ ଆପେୟାଃ ସାଜାଇ ପୁରାଃ ବରଞ୍ଜନ୍ତୀ ହବାଅଆଃ, ଆପେଦ ପୁଦ୍ନା, ପାନ୍ମୁହୁରି ଆତଃ ଜୀରାରାଃ ଗେଲ୍ ହାନାଟିଙ୍ଗ୍ ପାର୍ମେଶ୍ୱାର୍କେପେ ଏମାଇତାନା, ମେନ୍ଦ୍ ମୁଶାରାଃ ଆନ୍ତୁରେୟାଃ ମାରାଙ୍ଗ୍କାଜି, ନ୍ୟାୟ ବିଚାର୍, ଲିବୁଇ ଆତଃ ପାତିୟାର୍ରେ ଲେକାନ୍ କାଜିକେ ବାଗିୟାକାଦାପେ, ମେନ୍ଦ୍ ଏଟାଃତେୟାଃକକେ କା ବାଗିକେଦ୍ତେ ନେ ସବେନାଃକେ ମାନାତିଙ୍ଗ ଲାଗାତିଙ୍ଗୟାଃ । ୨୪ ଏ କାଣାଁ ହରା ଆୟାର୍ଦ୍ଦିକ, ଆପେଦ ସିକିଙ୍ଗ୍ କପେ ଛାନାଅତାନା ଆତଃ ଉଟ୍ଟକପେ ଉଦକତାନା ।

୨୫ “ଏ ହସତ୍ ଆଇନ୍ ଇତୁକ ଆତଃ ଫାରୁଶୀକ ଆପେୟାଃ ସାଜାଇ ପୁରାଃ ବରଞ୍ଜନ୍ତୀ ହବାଅଆଃ, ଚିୟାଃଟି ଆପେଦ ତୁବ୍ନି ଆତଃ ଆଡ଼ିରାଃ ବାହାରିକପେ ଗାସାର୍ ଆବୁଙ୍ଗ୍ ତାନା । ମେନ୍ଦ୍ ଏନାରେୟାଃ ଭିତାର୍ ହିସ୍ତା ଆତଃ ଏଡ଼କାନାଃ ପେରେଜାକାନା । ୨୬ ହେ କାଣାଁ ଫାରୁଶୀକ ସିଦାତେ ତୁବ୍ନି ଆତଃ ଆଡ଼ିରାଃ ଭିତାର୍ ଆବୁଙ୍ଗାସାରେପେ ଏନ୍ତେ ଏନାରେୟାଃ ବାହାରିହୁଁ ଆବୁଙ୍ଗାସାରଃଆ ।

୨୭ “ହେ ହସତ୍ ଆଇନ୍ ଇତୁକ ଆତଃ ଫାରୁଶୀକ, ଆପେୟାଃ ସାଜାଇ ପୁରାଃ ବରଞ୍ଜନ୍ତୀ ହବାଅଆଃ, ଆପେ ତୁନାତେ ଜଲମାକାନ୍ କାବାର୍ ଲେକାନ୍କ ତାନ୍ପେ, ଏନା ବାହାରି ନେପେଲ୍ରେଦ ପୁରାଃ ବୁଗିନ୍ତୀ ନେଲଃତାନା ମେନ୍ଦ୍ ଏନାରେୟାଃ ଭିତାର୍ରେ ଗଜାକାନ୍କଆଃ ଜାଙ୍ଗ୍ ଆତଃ ସବେନାଃ କା ଫାର୍ଟିତେ ପେରେଜାକାନା । ୨୮ ନେ ଲେକାତେ ଆପେ ବାହାରି ନେପେଲ୍ରେ ହତକଆଃ ସାମ୍ନାଙ୍ଗରେ ଧାର୍ମାନ୍ତୀପେ ନେଲଆଃ ମେନ୍ଦ୍ ମନ୍ ଭିତାର୍ରେ ବେଦାତେ ଆତଃ ଏଡ଼କାନ୍ତେ ପେରେଜାକାନା ।

ୟାଶୁ ଇନ୍କୁଆଃ ସାଜାଇକେ ଆୟାର୍ଦ୍ଦିକ କାଜିକେଦାଏ (ଲୁକ ୧୧:୪୭-୫୧)

୨୯ “ଏ ହସତ୍ ଆଇନ୍ ଇତୁକ ଆତଃ ଫାରୁଶୀକ ଆପେୟାଃ ସାଜାଇ ପୁରାଃ ବରଞ୍ଜନ୍ତୀ ହବାଅଆଃ, ଆପେଦ ନାବୀକଆଃ ନାଗେନ୍ତେ ବୁଗିନ୍ କାବାର୍ ବାଇକେଦ୍ତେ ଧାର୍ମାନ୍କଆଃ ତପାଗାଡ଼ାରେ ନୁତୁମ୍ ଅଲକାନ୍ ଖୁଣ୍ଟୁକେପେ ସିଙ୍ଗାଅ ତାନା । ୩୦ ଆତଃ କାଜିତାନାପେ, ‘ଆବୁ ଆବୁଆଃ ହାଡ଼ାମ୍କଆଃ ଦିପିଲିରେବୁ ତାଇନକାନ୍ରେ, ଆବୁ ଇନ୍କୁ ଲେକା କାବୁ କାମିକାଦ୍ତେୟାଃ ଆତଃ ନାବୀକଆଃ ଗନ୍ଏଃ ମାୟୋମ୍ ଲିଙ୍ଗିରେ ଇନ୍କୁଲଃ କାବୁ ମେସାକାନ୍ତେୟାଃ ।’ ୩୧ ନେଆଁତେ ଆପେଗି ନାବୀକକେ

* ୨୩:୧୪ ୨୩:୧୪ ନେ ବାଚାନ୍ ଚିମିନ୍ ମାରି ଅନଲ୍ରେ ବାନଆଃ ☆ ୨୩:୨୨ ୨୩:୨୨ ମାଧୁର ୫:୩୪. ☆ ୨୩:୨୭ ୨୩:୨୭ ପ୍ରେରିଡ୍ ୨୩:୩୧.

ଗଏଃକେନ୍ଦକଆଃ କିଲିକ ତାନ୍ଦେ ମେନ୍ତେ ଆପେୟାଃ ନାଗେନ୍ତେ ଗାଞ୍ଜାପେ ଏମତାନା । ୩୨ ଆପେଗି ହାଡ଼ାମକଆଃ ପାପରାଃ ସସଙ୍ଗତେୟାଃ ପେରେଜେପେ । ୩୩ ☆ଏ ବିଙ୍ଗକ, ଆପେ ବିଙ୍ଗକଆଃ ହନ୍ଦକ ! ଆପେ ନାରାକରେୟାଃ ସାଜାକଏତେ ଚିଲିକାପେ ବାଞ୍ଚାଅଃଆ ? ୩୪ ଏନାମେନ୍ତେ ଆଇଙ୍ଗ ଆପେତାଃତେ ନାବୀକ, ସେଣ୍ଡିନ୍ଦକ, ଆତଃ ଇଡୁକକେ କୁଲକତାନାଇଙ୍ଗ, ଆତଃ ଆପେ ଇନ୍ଦକୁଏତେ ଚିମିନ୍ଦକକେ ଗଏଃକଆପେ ଆତଃ କୁଶ୍ରେପେ କିଲାଇଆ ଆତଃ ଏଗାଃକକେ ଆପେୟାଃ ସାମାନ୍ ଅଡ଼ାଃକରେପେ ହାଁଶ୍ଯାକଆ ଆତଃ ସାହାର୍ ସାହାର୍ଏତେ ହାର୍କତାନଲଃ ସିଗିଦ୍ଦକଆପେ । ୩୫ ଆତଃ ନେ ଲେକାତେ ଧାର୍ମାନ୍ ହାବିଲକେ ଗଏଃକିଃତାଃଏତେ ମାନ୍ଦିରରେୟାଃ ପାବିତାର୍ ଠାୟାଦ୍ ଆତଃ ଦାଣ୍ଡୋରାକାବ୍ ବେଦିରାଃ ଆଲମାଲାରେ ଆପେ ଗଏଃକିଃ ବେର୍ଖ୍ଯୟାଃ ହଡ୍ଡେକଡ଼ା ଜିଖ୍ରିୟା ଜାକେଦ୍ ଆତଃ ଅତେଦିଶ୍ଯୁମ୍ରେନ୍ ଧାର୍ମାନ୍ ହଡ୍ଡକକେ ଗଏଃକେଦ୍ଦକ ନାଗେନ୍ତେ ଆପେ ସାଜାକପେ ନାମେୟା । ୩୬ ସାର୍ଡିଗିଙ୍ଗ କାଜିୟାପେତାନା, ନେ ସବେନ୍ ହଡ୍ଡଗଏଃକଆଃ ସାଜାକ ନେ ଦିପିଲିରେନ୍ ହଡ୍ଡକକେ ନାମଃଆ ।

ଯୀରୁଶାଲେମ୍ ନାଙ୍ଗ୍ ଯୀଶୁଆଃ ଦୁଲାଡ୍
(ଲୁକ ୧୩:୩୪-୩୫)

୩୭ “ହେ ଯୀରୁଶାଲେମ୍, ହେ ଯୀରୁଶାଲେମ୍, ଆମ୍ ନାବୀକକେମ୍ ଗଏଃକେଦ୍ଦକଆ ଆତଃ ଆମ୍ତାଃତେ କୁଲକାନ୍ଦକକେ ଚିଦ୍ଗିଗଏଃ କେଦ୍ଦକଆମ୍, ଏଙ୍ଗାସିମ୍ ଆୟାଃ ହନ୍ଦକକେ ଆପ୍ପରବ୍ ଲାତାର୍ରେ ଆବ୍ବୁମ୍ ତପାକତାନ୍ଲେକା ଚିମିନ୍ଦସା ଆଇଙ୍ଗ୍ ଆମାଃ ହନ୍ଦକକେ ହୁଣ୍ଡିସାନାଙ୍ଗ୍କେଦାଇଙ୍ଗ୍, ମେନ୍ଦ୍ ଆପେ କାପେ ସାନାଙ୍ଗ୍କେଦାଃ । ୩୮ ନେଲେପେ, ଆପେୟାଃ ମାନ୍ଦିର୍ ଆପେତାଃରେ ହାଦୁଡ୍ନାଙ୍ଗ୍ ବାଗିୟାତାନା । ୩୯ ଚିୟାଃଚି ଆଇଙ୍ଗ୍ ଆପେକେ କାଜିୟାପେ ତାନାଇଙ୍ଗ୍, ‘ପ୍ରାଭୁଆଃ ନୁଡୁମ୍ତେ ହିଜୁଃତାନିଃକେ ପାର୍ମେଶ୍ଯାର୍ ଆଗିଷ୍ ଏମାକାଏ’ ମେନ୍ତେ ଆପେ ଆଉରି କାଜି ଜାକେଦ୍ ନାହାଃଏତେ ଆତଃ ଆଇଙ୍ଗ୍କେ କାପେ ନେଲିୟାଃ ।”

୨୪

ୟୀଶୁ ମାନ୍ଦିରଅଡ଼ାଃ ହାଦୁଡ଼ଃରେୟାଃ କାଜି ଉଦୁବ୍କେଦା
(ମାର୍କ ୧୩:୧-୩୧; ଲୁକ ୨୧:୫-୩୩)

୧ ଯୀଶୁ ମାନ୍ଦିର ଅଡ଼ାଃଏତେ ଅତଙ୍ଗକେଦ୍ତେ ସେନଃତାନ୍ ଦିପିଲିରେ ଆୟାଃ ଚେଲକ, ମାନ୍ଦିର୍ ଅଡ଼ାଃରେ ବାଇୟାକାନ୍ତେୟାଃ, ଆତଃ ମାପ୍ପରାଙ୍ଗ୍ ଅଡ଼ାଃକ ଉଦୁବାଇ ନାଗେନ୍ତେକ ହିଜୁଃୟାନା । ୨ ମେନ୍ଦ୍ ଯୀଶୁ ଇନ୍ଦକୁକେ ମେତାଦ୍ଦକଆ, “ଆପେ ଚିନାଃ ଏନ୍ ସବେନାଃ କାପେ ନେଲେତାନା ? ସାର୍ଡିଗିଙ୍ଗ କାଜିୟାପେତାନା, ଏନାରେ ଦିରି ଚେତାନ୍ ଦିରି ଚିରିୟାକାନ୍ କା ତାଇନା, ସବେନାଃ ହାଦୁଡ଼ଃଆ ।”

ଦୁକୁ ଆତଃ ସାସାତି
(ମାର୍କ ୧୩:୩-୧୩; ଲୁକ ୨୧:୭-୧୯)

୩ ଯୀଶୁ ଜାଇଡୁନ୍ ବୁରୁରେ ଦୁବାକାନ୍ ତାଇକେନ୍ ଇମ୍ତା ଚେଲକ ଏସ୍କାର୍ରେ ଇନିଃତାଃତେକ ହିଜୁଃୟାନା ଆତଃ କୁଲିକିୟାକ, “ଆଲେକେ ଉଦୁବାଲେମେ ନେ ସବେନାଃ ଚିଉଲ୍ଲା ହବାଅଃଆ ଆତଃ ଆମାଃ ହିଜୁଃରେୟାଃ ଚିହ୍ନାଁ ଚିନାଃ ତାନାଃ ଆତଃ ଅତେଦିଶ୍ଯୁମ୍ରେୟାଃ ଟୁଣ୍ଡୁ ଦିପିଲି ଚିଉଲ୍ଲା ହବାଅଃଆ ?”

୪ ଯୀଶୁ କାଜିରୁହାଡ୍ଡକେଦ୍ଦକଆଏ, “ଚିର୍ଗାଲକାନ୍ଦେ, ଜେତାଏ ଆଲକାକ ବେଦାପେକା । ୫ ଚିୟାଃଚି ପୁରାଃ ହଡ୍ଡକଦ୍ ଆଇୟାଃ ନୁଡୁମ୍ତେକ ହିଜୁଃଆ ଆତଃ ‘ଆଇଙ୍ଗ୍ ଖ୍ରୀଷ୍ଟ୍ ତାନିଙ୍ଗ୍’ ମେନ୍ତେକ କାଜିୟା ଆତଃ ପୁରାଃକକେ ବେଦାକଆକ । ୬ ଆପେ ମାପାଃତୁପୁଇଙ୍ଗ୍ ଆତଃ ମାପାଃତୁପୁଇଙ୍ଗ୍ରାଃ କାଜିପେ ଆୟୁମେରେଦ୍, ଚିର୍ଗାଲକାନ୍ଦେ, ବରତେ ଆଲ୍ପେ ଆକ୍ବାକାଅଆଃ । ନେଆଁ ସବେନାଃଦ୍ ହବାଅଃଗି ଲାଗାତିୟାଃ, ମେନ୍ଦ୍ ଏନ୍ ଦିପିଲିହ ଟୁଣ୍ଡୁ ନୁହାଁଲାଃ । ୭ ଚିୟାଃଚି ଦିଶ୍ଯୁମ୍ ବିରୁଧ୍ରେ ଦିଶ୍ଯୁମ୍ ଆତଃ ରାଇଜ୍ ବିରୁଧ୍ରେ ରାଇଜ୍ ଲାଡ଼ାଇ ହବାଅଃଆ, ସବେନ୍ ଠାୟାଦ୍ରେ ଅତେ ଏକ୍ଲାଇଆଆ ଆତଃ ରିଙ୍ଗାଅଃଆ । ୮ ମେନ୍ଦ୍ ନେ ସବେନାଃ ହନ୍ଦ୍ ଜାନାମାଃ ଇମ୍ତାରାଃ ଦୁକୁରେୟାଃ ଏନେଚେଦ୍ ଲେକାନାଃ ତାନାଃ ।

୯ ☆“ଏନ୍ତେ ଇନ୍ଦକୁ ଆପେକେ ସାସାତିପେ ନାଗେନ୍ତେକ ଜିମାପେୟା ଆତଃକ ଗଏଃପେୟା, ଆତଃ ଆପେ ଆଇଙ୍ଗ୍ତାଃରେ ପାତିୟାର୍କାଦ୍ ନାଗେନ୍ତେ ସବେନ୍ ହଡ୍ଡକ ଆପେକେକ ହିଲାଇଙ୍ଗ୍ପେୟା । ୧୦ ଏନ୍ ଦିପିଲିରେ ପୁରାଃ ହଡ୍ଡକ ଆକଆଃ ବିଶ୍ଯାସକ ଆଦେୟା, ଆତଃ ଆକ ଆକଗି ମିହୁଡ୍ ଆତଃମିହୁଡ୍କେ ଏମ୍ଏଶ୍ଯାଗିୟାକ ଆତଃ ହିଲାଇଙ୍ଗ୍ଆକ । ୧୧ ଆତଃ ପୁରାଃ ହସଡ୍ ନାବୀକ ହିଜୁଃଆ ଆତଃ ଇନ୍ଦକୁ ପୁରାଃ ହଡ୍ଡକକେ ବେଦାକଆକ । ୧୨ ଚିୟାଃଚି ଏଡ୍କାନ୍ ନିଡିର୍ୟାନ୍ ନାଗେନ୍ତେ ପାର୍ମେଶ୍ଯାର୍ଆଃ ନାଙ୍ଗ୍

☆ ୨୩:୩୩ ୨୩:୩୩ ମାଥିର ୩:୭; ୧୨:୩୪; ଲୁକ ୩:୭. ☆ ୨୪:୯ ୨୪:୯ ମାଥିର ୧୦:୨୨.

ପୁରାଃ ହତକଥାଃ ଦୁଲ୍ଲାଭ ହୁତିଞ୍ଜଇଦିୟଃଆ । ୧୩ *ମେନ୍ଦ ଜେତାଏ ଚୁଣ୍ଡ ଜ୍ଞାକେଦ୍ ସାହାତିଞ୍ଜତାନଲଃ
ତିଞ୍ଜୁ କେଟେୟାକାନ୍ ତାଇନ୍ରେଦ ବାଞ୍ଚାଅଃଆଏ । ୧୪ ଆତଃ ପାର୍ମେଶ୍ଵାର୍ଆଃ ରାଇଜ୍ ବିଷାଏରେ
ନେ ସୁକ୍କାଜି ଏଟାଃ ଏଟାଃ ଜାଗାର୍ତାନ ସବେନ୍ ହତକଥାଃ ଗାଞ୍ଜା ନାଗେନ୍ତେ, ଗଟା ଅତେଦିଶୁମ୍ରେ
ଉଦୁବଃଆ ଆତଃ ଏନ୍ତେ ଚୁଣ୍ଡୁଆ ।

ୟାଶୁ ଏନ୍ ଅଡେଜଃ ପୁରାଃ ସତ୍ତରା ବିଷାଏରେ ଉଦୁବେତାନା
(ମାର୍କ ୧୩:୧୪-୨୩; ଲୁକ ୨୧:୨୦-୨୪)

୧୪ “ଆପେ ଚିମତା ଏନ୍ ‘ଅଡେଜଃ ସତ୍ତରାକାନନିଃ’ ମାନ୍ଦିର୍ ଅଡ଼ାଃରାଃ ପାବିତାର୍ ପାୟାଦ୍ରେ
ତିଞ୍ଜୁଆକାନ୍ଦେ ନେଲିୟା,” ନେ କାଜି ଅକ୍ନାଃଟି ଦାନିୟେଲ୍ ନାବୀ କାଜିକାଦାଏ, ପାଢ଼ାଅନିଃ
ନେଆଁରାଃ ମୁଣ୍ଡି ଆଟ୍ଟକାର୍ତ୍ତରୁମେକାଏ । ୧୫ “ଇମ୍ତା ଯିହୁଦା ପାର୍ଗାନରେ ତାଇନଃତାନକ୍ ରୁରୁତେକ
ନିରତେବାଃକା । ୧୬ *ଅକ୍ ହତ୍ ଆୟାଃ ଅଡ଼ାଃ ସାତ୍ତମିରେ ମେନାଇୟାଃ ଇନିଃ ଆୟାଃ ଜେତନାଃ
ଇଦିମେନ୍ତେ ଅଡ଼ାଃଏତେ ଆଲକାଏ ଆଡ଼ଗୁଃକା । ୧୭ ଆତଃ ପିଡ଼ି ଲୟଜ୍ରେ ମେନାଇନିଃ ଆୟାଃ ଲିଜାଃ
ଇଦି ନାଗେନ୍ତେ ଆଲକାଏ ରୁହାଡ଼କା । ୧୮ ମେନ୍ଦ ଏନ୍ ଦିପିଲିରେନ୍ ବାଜି ଆକାନ୍* କୁଡ଼ିକଥାଃ
ଆତଃ ତଥା ନୁନୁଆକତାନ୍ ଏଜ୍ଜାକଥାଃ ନାଗେନ୍ତେ ଚିମିନ୍ ବରଞ୍ଜାନି ଦୁକୁ ହବାଅଥାଃ । ୧୯ ଆପେ
ନିରସେନଃ ନାଗେନ୍ତେ ରାବାଜ୍ସାହା ଚାଏ ରୁଡ଼ନୁ ହୁଲାଇ ଆଲକା ହବାଅଥାକା ମେନ୍ତେ ଆପେୟାଃ
ପାର୍ମେଶ୍ଵାର୍ତାଃରେ ବିକ୍ରିପେ । ୨୦ *ଚିୟାଃଟି ଏନ୍ ଦିପିଲିରେଦ ମାରାଜ୍ ଦୁକୁ ହବାଅଥାଃ ଏନା ପୁରାଃ
ବରଞ୍ଜାନି ହବାଅଥାଃ ନେଲେକାନାଃ ଅତେଦିଶୁମ୍ରେୟାଃ ଏନେଟେଦ୍ଏତେ ନାହାଁଃ ଜାକେଦ୍ ଚିତ୍ତଲ୍ୟା
କା ହବାକାନା ଆତଃ ଚିତ୍ତଲ୍ୟା କା ହବାଅଥାଃ । ୨୧ ଆତଃ ପାର୍ମେଶ୍ଵାର୍ ଏନ୍ ହୁଲାଇକକେ କାଏ
କାମ୍ତିକାରେଦ ଜେତାଏ କାକ ବାଞ୍ଚାଅଃତେୟାଃ, ମେନ୍ଦ ଆୟାଃ ସାଲକାନ୍ ହତକଥାଃ ନାଗେନ୍ତେ ଏନ୍
ହୁଲାଇକକେ କାମ୍ତିୟାଏ ।

୨୩ “ଏନ୍ ଦିପିଲିରେ ଜେତାଏ ଆପେକେ, ‘ନେଲିପେ, ଖ୍ରୀଷ୍ଟ୍ ନେତାଃରିୟା’ ଚାଏ ‘ହାନ୍ତାଃରିୟା,’
ମେତାପେରେଦ ଇନିଃକେ ଆଲ୍ପେ ବିଶ୍ଵାସୀଆ । ୨୪ ହସତ୍ ଖ୍ରୀଷ୍ଟ୍ ଆତଃ ହସତ୍ ନାବୀକ ବିରିଦାଃ
ଆତଃ ମାପୁରାଜ୍ ଚିହ୍ନାଁ ଆତଃ ଆକ୍ଦାନ୍ଦାଅ କାମିକ ରିକାଉଦୁବେଆ, ଆତଃ ହବାଦାଡ଼ିୟଃରେଦ
ପାର୍ମେଶ୍ଵାର୍ଆଃ ସାଲକାନ୍କକେହ୍ ବେଦାକଥାକ । ୨୫ ଏନାମେନ୍ତେ ଆୟୁମେପେ, ଆଇଜ୍ ଆପେକେ
ନେତା ହିଜୁଃ ସିଦାରେଇଜ୍ ଉଦୁବାଦପେୟା ।

୨୬ *ଏନା ନାଗେନ୍ତେ, ଜେତାଏ ଆପେକେ, ‘ନେଲିପେ, ଇନିଃ ବିରେ ମେନାଇୟା’ ମେତାପେରେ,
‘ଏନ୍ତାଃତେ ଆଲ୍ପେ ସେନା’ ଚାଏ ନେଲିପେ, ‘ନେତାଃରାଃ ଭିତାର୍ ବାଖିରେ ଉକୁକାନାଏ’ ମେତାପେରେ
ଆଲ୍ପେ ବିଶ୍ଵାସୀଆ । ୨୭ ଜେଲେକାଟି ହିଚିର୍ଦ୍ ସିଜିତୁର୍ ସାଃଏତେ ଅଡ଼ଜ୍ଜକେଦ୍ତେ ସିଜି ହାସୁର୍ସାଃ
ଜାକେଦ୍ ସିମାକେ ମାୟାଲେୟାଏ, ଏନ୍ ଲେକାଗି ମାନଞ୍ଜାହନ୍ଆଃ ହିନିଜୁଃ ହବାଅଥାଃ ।

୨୮ *ଅକ୍ତାଃରେ ମାଡ଼ା ମେନାଃ, ଏନ୍ତାଃରେ ଗିଦିକ ହୁଣ୍ଡିୟଃଆଃ ।

ମାନଞ୍ଜାହନ୍ଆଃ ହିଜୁଃରୁହାଡ଼୍
(ମାର୍କ ୧୩:୨୪-୨୭; ଲୁକ ୨୧:୨୫-୨୮)

୨୯ *ଏନ୍ ଦିପିଲିରେୟାଃ ଦୁକୁ ତାୟମତେ ଇମ୍ତାଗି ସିଜି ନୁବାଗଃଆ ଆତଃ ଚାଣ୍ଡୁ ମାର୍ସାଲ୍
କାଏ ଏମେୟା ଆତଃ ଇପିଲ୍ପକ ସିମାଏତେକ ଉୟୁଗଃଆ ଆତଃ ସିମାରେୟାଃ ପେଡ଼େୟାନ୍ତେୟାଃକ
ଏକଲ୍ୟାଅଥା । ୩୦ *ଏନ୍ ଦିପିଲିରେ ମାନଞ୍ଜାହନ୍ଆଃ ଚିହ୍ନାଁ ସିମାରେ ନେଲଆଃ ଆତଃ ଅତେରେନ୍
ସବେନ୍ ହତକ ଏୟମେୟା† । ଇନ୍କୁ ମାନଞ୍ଜାହନ୍କେ ପୁରାଃ ପେଡ଼େତେ ଆତଃ ମାନାରାଜ୍ଲଃ ସିମାରାଃ
ରିମିଲ୍ରେ ହିଜୁଃତାନକ ନେଲିୟା । ୩୧ ଆତଃ ବିଜୁଲ୍ ବାଜା ସାଡ଼ିଆ, ଆତଃ ଇନିଃ ଆୟାଃ ସିମାରେନ୍
ଦୁଡ଼କକେ ଅତେଦିଶୁମ୍ରେୟାଃ ନେ ଚୁଣ୍ଡୁଏତେ ହାନ୍ ଚୁଣ୍ଡୁ ଜ୍ଞାକେଦ୍ ଆୟାଃ ସାଲକାନ୍କକେ ହୁଣ୍ଡି ନାଗେନ୍ତେ
କୁଲ୍ପକଥା ।

ଲଥା ଦାରୁରାଃ ଇନିଡୁ
(ମାର୍କ ୧୩:୨୮-୩୧; ଲୁକ ୨୧:୨୯-୩୩)

୩୨ “ଲଥାଦାରୁରେୟାଃ ଜନ୍କା କାଜିତେ ଇଡୁଃପେ, ଏନାରେୟାଃ କତ ସାଗେନ୍ତାନ୍ ଆତଃ ସାକାମ୍
ସୁଡ଼ାଅଃତାନ୍ ଇମ୍ତା ଜେଟ୍ସିଜି ନାଡ଼େଃଗିଆ ମେନ୍ତେପେ ସାରିୟା । ୩୩ ଏନ୍ଲେକାଗି, ନେଆଁ ସବେନାଃ

* ୨୪:୧୩ ୨୪:୧୩ ମାଥୁର ୧୦:୨୨. * ୨୪:୧୭ ୨୪:୧୭ ଲୁକ ୧୭:୩୧. * ୨୪:୧୯ ୨୪:୧୯ ହତ୍ତମକାନ୍ * ୨୪:୨୧ ୨୪:୨୧
ଉନୁଦୁବ୍ କାଜି ୭:୧୪. * ୨୪:୨୭ ୨୪:୨୭ ଲୁକ ୧୭:୨୩,୨୪. * ୨୪:୨୮ ୨୪:୨୮ ଲୁକ ୧୭:୩୭. * ୨୪:୨୯ ୨୪:୨୯ ଉନୁଦୁବ୍
କାଜି ୭:୧୨; ଉନୁଦୁବ୍ କାଜି ୭:୧୩. * ୨୪:୩୦ ୨୪:୩୦ ଉନୁଦୁବ୍ କାଜି ୧:୭. † ୨୪:୩୦ ୨୪:୩୦ ମନ୍ସୁରୁଦ୍ଲଃ ରାନାଃ

ହବାଅଥାନୁଦେ ନେଲେ ଇମତା, ଆଇଁୟାଃ ହିଜୁଃ ନେତା ନାଡ଼େଃରେଗିଆଃ ମେନ୍ତେ ସାରିପେ । ୩୪ ସାର୍ତ୍ତିଗିଙ୍ଗ କାଜିୟାପେତାନା ନେ ସବେନାଃ ଆଉରି ହବାଅଃ ଜାକେଦ୍ ନେ ଦିପିଲିରେନ୍ ହଡ଼କ କାକ ରୁଣ୍ଡୁଆ । ୩୫ ସିମା ଆଡ଼ଃ ଅଡେ ରୁଣ୍ଡୁତାରଃଆ, ମେନ୍ଦ ଆଇଁୟାଃ କାଜିକ କା ରୁଣ୍ଡୁଆ ।

ଏନ୍ ମାହାଁ ଆଡ଼ଃ ଏନ୍ ଘାଡ଼ିକେ ଜେତାଏ କାକ ସାରିୟା

(ମାର୍କ ୧୩:୩୨-୩୭; ଲୁକ ୧୭:୨୨-୩୦, ୩୪-୩୬)

୩୬ “ଏନ୍ ହୁଲାଙ୍ଗ ଚାଏ ଏନ୍ ଦିପିଲି ଜେତାଏ କାକ ସାରିଆଃ, ସିମାରେନ୍ ଦୁଁଡ଼କହ କା, ଆଇଙ୍ଗ ପାରମେଶ୍ୱାର୍ଆଃ ଦୁଲାଡ଼ ହନ୍ହ କା, ମେନ୍ଦ ଆଇଁୟାଃ ଆପୁ ଏସକାର୍ଗି ସାରିଆଃଏ । ୩୭ ଆଡ଼ଃ ନୁହୁଁରାଃ ପାରିୟାରେ ଜେଲେକା ହବାୟାନା, ମାନଖାହନ୍ଆଃ ହୁଲାଙ୍ଗରେହଗି ଏନ୍ଲେକା ହବାଅଆଃ । ୩୮ ଟୁଡା ଦାଆଃ ହିଜୁଃ ସିଦାଏଡେ ନୁହୁଁ ଲାଉକାରେ ଆଉରି ବଲ ଜାକେଦ୍ ହଡ଼କଦ ଜଜମ୍ ନୁଁ ଆଡ଼ଃ ଆଣ୍ଡିତାନ୍ ଆଡ଼ଃ ଆଣ୍ଡି ଏମତାନ୍ରେ ତାଇକେନାକ । ୩୯ ଆଡ଼ଃ ଟୁଡା ଦାଆଃ ହିଜୁଃକେଦ୍ତେ ସବେନକକେ ଆଉରି ଆଡୁଇଦି ଜାକେଦ୍ ଇନ୍କୁ ଜେଡ଼ନାଃ କାକ ଆଟ୍ଟକାରେ ତାଇକେନା, ଏନ୍ ଲେକାଗି ମାନଖାହନ୍ଆଃ ହିଜୁଃ ହୁଲାଙ୍ଗରେ ହବାଅଆଃ । ୪୦ ଇମତାଙ୍ଗ ବାରହଡ଼ ଲୟଙ୍ଗରେକିନ୍ କାମିକାତେରେ, ମିହୁଡ଼କେ ଇଦିୟଃଆ ଆଡ଼ଃ ମିହୁଡ଼କେ ବାଗିଅଆ । ୪୧ ଜାନ୍ତାଦିରିରେ ଗୁଣ୍ଡା ରିଦେତାନ୍ ବାରିଆ କୁଡ଼ିକିନ୍ଏଡେ ମିଆଁଦନିଃକେ ଇଦିୟଃଆ, ଆଡ଼ଃ ଏଗାଃନିଃକେ ବାଗିଅଆ ।

୪୨ “ଏନାମେନ୍ତେ ଏୟନାକାନ୍ତାଇନ୍ଦେ, ଚିୟାଃଟି ଆପେଦ ଆପେୟାଃ ପ୍ରାଡୁଆଃ ହିଜୁଃ ଦିପିଲି କାପେ ସାରିୟା । ୪୩ ମେନ୍ଦ ନେଆଁ ଆଟ୍ଟକାରେପେ, ଅଡ଼ଃ ଗମ୍ବେ କୁମ୍ବୁ ହିଜୁଃ ଦିପିଲିକେ ସାରିକାରେଦ ଏୟନାକାନ୍ ତାଇନ୍ତେୟାଃଏ ଆଡ଼ଃ ଆୟାଃ ଅଡ଼ଃକେ ସିନ୍ ତଡ଼ାଅକେଦ୍ତେ କାଏ ବଲରିକାକତେୟାଃ । ୪୪ ଏନା ନାଗେନ୍ତେ ଆପେୟ ସାପଡ଼ାଅକାନ୍ ତାଇନ୍ଦେ, ଚିୟାଃଟି ଆପେ କାପେ ଉଡ଼ୁତାନ୍ ଦିପିଲିରେଗି ମାନଖାହନ୍ ହିଜୁଃଆଏ ।

ପାତିୟାର୍ତାନ ଆଡ଼ଃ କା ପାତିୟାର୍ତାନ ଦାସିକଆଃ ଜନ୍କା କାଜି

(ଲୁକ ୧୨:୪୧-୪୮)

୪୫ “ଏନ୍ତେ ଗୁସିୟାଁ ଆୟାଃ ଅଡ଼ଃରେନକକେ ବୁଗିନ୍ ନେତାରେ ଜମେୟାଃଏ ଏମାକ ନାଗେନ୍ତେ ଅକଏକେ ଇନିଃ ସାଲକିଆଏ, ଏନ୍ଲେକାନ୍ ପାତିୟାର୍ତରଃ ଆଡ଼ଃ ସେଣାନ୍ ଦାସି ଅକଏ ତାନିଃ ? ୪୬ ଆୟାଃ ଗୁସିୟାଁ ନେଲେକା କାମିତାନ୍ ଦାସିକେ ହିଜୁଃ ନାମିରେ ଇନିଃ ସୁକୁତାନ୍ଗିୟାଏ । ୪୭ ସାର୍ତ୍ତିଗିଙ୍ଗ କାଜିୟାପେତାନା, ଇନିଃ ଏନ୍ ଦାସିକେ ଆୟାଃ ସବେନ୍ ମେନାଃତେୟାଃରେନ୍ ଗୁସିୟାଁ ବାଇୟାଏ । ୪୮ ମେନ୍ଦ ଏନ୍ ଦାସି ଏଡ଼କାନ୍ ତାନିଃରେଦ, ଇନିଃ, ଆଇଁୟାଃ ଗୁସିୟାଁରାଃ ହିଜୁଃତେୟାଃ ବିଲାମତାନାଃ ମେନ୍ତେ ଆଇଃକଗି ଆୟାଃ ମନ୍ରେ କାଜିୟାଏ, ୪୯ ଆଡ଼ଃ ଆୟାଃ ଗାତିଦାସିକକେ ଦାଲ୍ ଏଟେଦ୍କଆଏ ଆଡ଼ଃ ବୁଲ୍ ହଡ଼କଲଃ ଜମ୍ ନୁଁରେ ତାଇନାଏ । ୫୦ ଏନ୍ତେ ଏନ୍ ଦାସି କାଏ ଉଡ଼ୁକା ହୁଲାଙ୍ଗରେ ଆଡ଼ଃ କାଏ ସାରି ଦିପିଲିରେ ଇନିୟାଃ ଗୁସିୟାଁ ହିଜୁଃଆଏ, ୫୧ ଆଡ଼ଃ ଗୁସିୟାଁ ଇନିଃକେ ପୁରାଃ ଦୁକୁ ଏମାଇତାନ୍ଲଃ ଟୁକ୍ଡା ଟୁକ୍ଡା ମାଆଃଇୟାଏ ଆଡ଼ଃ ହସଡ଼ ହଡ଼କଲଃ ହାନାଟିଙ୍ଗ ଏମାଇୟାଏ ଆଡ଼ଃ ଏନ୍ତାଃରେ ରାଆଃ ଆଡ଼ଃ ତାଗା ରିଦ୍ ହବାଅଆଃ ।

୨୫

ଗେଲେୟା ଡିଶ୍ଟାକୁଡ଼ିକଆଃ ଜନ୍କା କାଜି

୧ “ଏନ୍ ଦିପିଲିରେ ସିମା ରାଇଜରାଃ ହିନିଜୁଃ ନେ ଗେଲେୟା ଡିଶ୍ଟାକୁଡ଼ିକ ଲେକା ହବାଅଆ, ଇନ୍କୁ ଆକଆଃ ଦିମି ସାବକେଦ୍ତେ ଦୁଲ୍ଲକଡ଼ାଲଃ ନେପେଲ୍ ନାଗେନ୍ତେକ ଅଡ଼ଙ୍ଗୟାନା । ୨ ଇନ୍କୁଏଡେ ମଣେୟାଁ ସେଣାନ୍କ ଆଡ଼ଃ ମଣେୟାଁ ତଣ୍ଡକ ତାଇକେନା । ୩ ଏନ୍ ତଣ୍ଡ କୁଡ଼ିକ ଆକଆଃ ଦିମି ଇଦିକେଦ୍ ଇମତା ଆଦ୍‌କା ସୁନୁମ୍ କାକ ଇଦି । ୪ ମେନ୍ଦ ଏନ୍ ସେଣାନ୍କ ଆକଆଃ ଦିମି ଇଦିତାନ୍ଲଃ ଶିଶିରେ ଆଦ୍‌କା ସୁନୁମ୍ ଇଦିକେଦା । ୫ ଦୁଲ୍ଲକଡ଼ା ହିଜୁଃରେ ବିଲାମ୍‌କେଦାଏ, ଏନାତେ ଏନ୍ ସବେନକକେ ଝୁପାଅ ଏଟେଦ୍‌କେଦ୍‌କଆ ଆଡ଼ଃ ଦୁଡ଼ୁ ବାଟିୟାନାକ ।

୬ “ଏନ୍ତେ ଆଲା ନିଦାରେ କାଉରି ଆୟୁମ୍‌ୟାନା, ‘ନେଲିପେ, ଦୁଲ୍ଲକଡ଼ା ହିଜୁଃତାନାଏ, ଇନିଃକେ ଦାରମ୍‌ତେ ଅଡ଼ଙ୍ଗଅଃପେ ।’ ୭ ଏନ୍ତେ ଏନ୍ ଗେଲେୟା ଡିଶ୍ଟାକୁଡ଼ିକ ବିରିଦ୍‌କେଦ୍‌ତେ ଆକଆଃ ଆକଆଃ ଦିମିକ ସାଜାଡ଼ାଅକେଦ୍‌ତେ ଜୁଲ୍‌କେଦାକ । ୮ ଆଡ଼ଃ ଏନ୍ ତଣ୍ଡ କୁଡ଼ିକ ସେଣାନ୍ କୁଡ଼ିକକେ ମେତାଦ୍‌କଆକ, ‘ଆପେୟାଃ ସୁନୁମ୍ କାଟିଃଲେକା ଏମାଲେପେ ଆଲେୟାଃ ଦିମିଦ ଇଣ୍‌ଜିତାନା ।’ ୯ ମେନ୍ଦ ସେଣାନ୍ କୁଡ଼ିକ କାଜିରୁହାଡ଼ାଦ୍‌କଆ, ‘କାହାଗି ଆଲେୟାଃ ଆଡ଼ଃ ଆପେୟାଃ ନାଗେନ୍ତେ ନିମିନାଙ୍ଗ୍ ସୁନୁମ୍ କା

☆ ୨୪:୪୩ ୨୪:୪୩ ଲୁକ ୧୨:୩୯,୪୦. ☆ ୨୫:୧ ୨୫:୧ ଲୁକ ୧୨:୩୫.

ପୁରାଅଥଆ, ଏନାମେନ୍ତେ ତୁ ଆଖିରିକ୍‌କତାଃ ସେନଃପେ ଆତଃ ଆପେୟାଃ ନାଗେନ୍ତେ କିରିକ୍‌କ୍‌ୟେ ।^{୧୦} ଆତଃ ଇନ୍‌କୁ କିରିକ୍ ନାଗେନ୍ତେକ ସେନଃତାନ୍ ତାଇକେନ୍ ଇମ୍‌ତାକ୍‌ଗି ଦୁହ୍ଲୀକଡ଼ା ସେଟେର୍‌ୟାନାଏ ଆତଃ ସାପ୍‌ଡ଼ାଅକାନକ ଇନିଃଲଃ ଆଣ୍ଡି ଅଡ଼ାଃତେକ ବଲୟାନା, ଆତଃ ଦୁଆର୍ ହାଣ୍ଡେୟାନା ।

^{୧୧} ☆“ତାୟମ୍‌ତେ ଏନ୍ ଡଣ୍ଡ କୁଡ଼ିକ ହିଜୁଃକେଦ୍‌ତେ କାଜିକିୟାକ, ‘ହେ ପ୍ରାଭୁ, ହେ ପ୍ରାଭୁ, ଆଲେୟାଃ ନାଗେନ୍ତେ ଦୁଆର୍ ନିଜାଲେମ୍ ।’^{୧୨} ଏନ୍ତେ ଦୁହ୍ଲୀକଡ଼ା କାଜିରୁହାଡ଼ାଦ୍‌କଆଏ, ‘ଆଇକ୍‌ ଆପେକେ ସାର୍‌ଡ଼ିଗିକ୍ କାଜିୟାପେତାନା, ଆଇକ୍‌ ଆପେକେ କାଇକ୍‌ ସାରିୟାଃ ।’”

^{୧୩} ଆତଃ ଯୀଶୁ କାଜିରୁଣ୍ଡୁକ୍‌ଦ୍‌ତେ କାଜିକେଦାଏ, “ଏୟନାକାନ୍‌ପେ, ଆପେଦ ମାନଝାହନ୍‌ଆଃ ହିଜୁଃ ହୁଲାଇ ଆତଃ ହିଜୁଃ ଘାଡ଼ି କାପେ ସାରିୟା ।

ଆପିୟା ଦାସିକଆଃ ଜନ୍‌କା କାଜି
(ଲୁକ ୧୯:୧୧-୨୭)

^{୧୪} ☆“ଏନ୍ ଦିପିଲିରେ ସିର୍ମା ରାଇକ୍‌ଦ ନେ ଲେକାଗିଆ, ମିଆଁଦ୍ ହଡ଼ ଆୟାଃ ଦାସିକକେ ହାକାଅକେଦ୍‌ତେ ଆୟାଃ ସବେନ୍ ଖୁଜ୍ ଏମାଦ୍‌କଆଏ ଆତଃ ସାଜିନ୍ ଦିଶ୍‌ମ୍‌ତେ ଅଡ଼କ୍‌ୟାନା ।^{୧୫} ଇନିଃ ମିହୁଡ଼କେ ମଣେୟାଁ ହାଜାର ରୁପା ସିକା, ଆତଃମିହୁଡ଼କେ ବାରିୟା ହାଜାର ରୁପା ସିକା, ଆତଃମିହୁଡ଼କେ ମିଦ୍ ହାଜାର ରୁପା ସିକା, ନେ ଲେକା ସବେନ୍‌କକେ ଆକଆଃ ଆପ୍‌ନାଃ ପେଡ଼େଃ ଲେକାତେ ଏମାଦ୍‌କଆ ଆତଃ ସାଜିନ୍ ଦିଶ୍‌ମ୍‌ତେ ସେନଃୟାନା ।^{୧୬} ମଣେୟାଁ ହାଜାର ରୁପା ସିକା ନାମ୍‌କେଦ୍‌ନିଃ ଇମ୍‌ତାଗି ସେନଃୟାନଲଃ ଏନାକେ କିରିକ୍ ଆଖିରିକ୍‌ରେ ଏମ୍‌କେଦ୍‌ତେ ଆତଃ ମଣେୟାଁ ହାଜାର ରୁପା ସିକା ପସାକେଦାଏ ।^{୧୭} ଏନ୍‌ଲେକାଗି ବାରିୟା ହାଜାର ରୁପା ସିକା ନାମ୍‌କେଦ୍‌ନିଃହ୍ ଆତଃ ବାରିୟା ହାଜାର ରୁପା ସିକା ପସାକେଦାଏ ।^{୧୮} ମେନ୍‌ଦ ମିଦ୍ ହାଜାର ରୁପା ସିକା ନାମ୍‌କେଦ୍‌ନିଃ ସେନ୍‌କେଦ୍‌ତେ ଅତେରେ ଗାଡ଼ା ଉର୍‌କେଦାଏ ଆତଃ ଆୟାଃ ଗୁସିୟାଃ ଟାକାକେ ତପାକେଦାଏ ।

^{୧୯} “ଟିମିନ୍ ମାହାଁ ତାୟମ୍‌ତେ ଏନ୍ ଦାସିକଆଃ ଗୁସିୟାଁ ହିଜୁଃରୁହାଡ଼ୟାନାଏ ଆତଃ ଇନ୍‌କୁଲଃ ହିସାବ୍‌କେଦାଏ ।^{୨୦} ମଣେୟାଁ ହାଜାର ରୁପା ସିକା ନାମାକାଦ୍‌ନିଃ ହିଜୁଃୟାନାଏ ଆତଃ ମଣେୟାଁ ହାଜାର ରୁପା ସିକା ଆଦକା ଆଉକେଦ୍‌ତେ କାଜିକିୟାଏ, ‘ହେ ଗମ୍‌କେ, ଆମ୍ ମଣେୟାଁ ହାଜାର ରୁପା ସିକା ଏମାକାଇକ୍ ତାଇକେନାମ୍, ନେଲେମେ ଆଇକ୍ ମଣେୟାଁ ହାଜାର ରୁପା ସିକା ପସାକାଦାଇକ୍ ।’^{୨୧} ଇନିୟାଃ ଗୁସିୟାଁ କାଜିକିୟାଏ, ‘ସାବାସ୍, ଆଇଁୟାଃ ବୁଗିନ୍ ଦାସି ! ଆମ୍ ବୁଗିନ୍ ଆତଃ ପାଡ଼ିୟାଃରଃ ଲେକାନ୍ ଦାସି ତାନ୍‌ମେ, ଆମ୍ ହୁଡ଼ିକ୍‌ତେୟାଃରେ ପାଡ଼ିୟାଃରଃ ଲେକାମ୍ କାମିକାଦ୍ ହରାତେ, ଆଇକ୍ ଆମ୍‌କେ ପୁରାଃତେୟାଃରଃ ଗୁସିୟାଁ ବାଇମେୟାକ୍ । ଏଲ୍‌ା ହିଜୁଃମେ, ଆଇଁୟାଃଲଃ ରାସ୍‌କାନ୍‌ମେ ।’

^{୨୨} “ବାରିୟା ହାଜାର ରୁପା ସିକା ନାମାକାଦ୍‌ନିଃହ୍ ହିଜୁଃୟାନାଏ ଆତଃ କାଜିକିୟାଏ, ହେ ଗମ୍‌କେ, ଆମ୍ ବାରିୟା ହାଜାର ରୁପା ସିକା ଏମାକାଇକ୍ ତାଇକେନାମ୍, ନେଲେମେ ଆଇକ୍ ବାରିୟା ହାଜାର ରୁପା ସିକା ଆଦକା ପସାକାଦାଇକ୍ ।^{୨୩} ଇନିୟାଃ ଗୁସିୟାଁ ଇନିଃକେ କାଜିକିୟାଏ, ‘ବୁଗିନ୍ କାମିକାଦାମ୍, ଆମ୍ ବୁଗିନ୍ ଆତଃ ପାଡ଼ିୟାଃରେନ୍ ଦାସି ତାନ୍‌ମେ, ଆମ୍ ହୁଡ଼ିକ୍‌ତେୟାଃରେ ପାଡ଼ିୟାଃକାନାମ୍ ଏନାତେ ଆଇକ୍ ପୁରାଃତେୟାଃରଃ ଗୁସିୟାଁ ବାଇମେୟାକ୍, ଏଲ୍‌ା ହିଜୁଃମେ, ଆଇଁୟାଃଲଃ ରାସ୍‌କାନ୍‌ମେ ।’

^{୨୪} “ଏନ୍ତେ ଏନ୍ ମିଦ୍ ହାଜାର ରୁପା ସିକା ନାମାକାଦ୍‌ନିଃ ହିଜୁଃକେଦ୍‌ତେ କାଜିକିୟାଏ, ‘ହେ ଗମ୍‌କେ, ଆମ୍ କେଟେଦ୍ ମନ୍‌ରେନ୍ ହଡ଼ ତାନ୍‌ମେ ଏନା ଆଇକ୍ ସାରିତାଇକେନାଇକ୍ । ଆମ୍ କା ହେରାକାନ୍‌ତାଃଏତେ ଇରାଃମେ ଆତଃ କା ଦାସିକାନ୍‌ତାଃଏତେ ହୁଣ୍ଡିୟାଃମେ ।^{୨୫} ଏନାତେ ଆଇକ୍ ବରକେଦାଇକ୍ ଆତଃ ସେନଃକେଦ୍‌ତେ ଆମ୍ ଆଇକ୍‌କେ ଏମାକାଦିକ୍ ଟାକାକେ ଅତେରେ ଗାଡ଼ା ଉର୍‌କେଦ୍‌ତେ ଉକ୍‌କେଦାଇକ୍, ନେଲେମେ, ନେ ନେତାଃରେୟା ଟାକା, ଅକ୍‌ନାଃଟି ଆମାଃତାନାଃ ।’

^{୨୬} “ଇନିୟାଃ ଗୁସିୟାଁ ଇନିଃକେ କାଜିରୁହାଡ଼କିୟାଏ, ‘ଏ ଏଡ଼କାନ୍ ଆତଃ ଆଲ୍‌ସି ଦାସି, ଆଇକ୍ କା ହେରାକାନ୍‌ତାଃଏତେ ଇରାଃକ୍ ଆତଃ କା ଦାସିକାନ୍‌ତାଃଏତେ ହୁଣ୍ଡିୟାଃକ୍ ମେନ୍ତେ ସାରିତାଇକେନ୍‌ରେଦ୍, ^{୨୭} ଆମ୍ ଆଇଁୟାଃ ଟାକାକେ ବ୍ୟାକ୍‌ରେ ଏମାଃ ଲାଗାଡ଼ିକ୍ ତାଇକେନା ଆତଃ ଆଇକ୍ ହିଜୁଃରୁହାଡ଼କେଦ୍‌ତେ ସବେନ୍ ମୁଲ୍‌କାନ୍‌ତାଃଲଃ ଟାକା ନାମ୍‌ରୁହାଡ଼ କେଦ୍‌ତେୟାଃକ୍ ।^{୨୮} ଏନାତେ ନାହାଁଃ, ଏନ୍ ମିଦ୍ ହାଜାର ରୁପା ସିକା ଇଦିକେଦ୍‌ତେ, ଅକ୍‌ଏତାଃରେ ଗେଲ୍ ହାଜାର ରୁପା ସିକା ମେନାଃନିଃକେ ଏମାଇପେ ।^{୨୯} ☆ଟିୟାଃଟି ଅକ୍‌ଏତାଃରେ ମେନାଃ, ଇନିଃକେ ଏମାଃଆ ଆତଃ ଇନିୟାଃ ପୁରାଃଗି ହବାଅଥଆ, ମେନ୍‌ଦ ଜେତାଏତାଃରେ ବାନଃଆ, ଇନିଃତାଃଏତେ ଅକ୍‌ନାଃ ମେନାଃ ଏନାହଗି ଇଦିୟାଃଆ ।^{୩୦} ☆ଆତଃ ନେ ଏଡ଼କାନ୍ ଦାସିକେ ବାହାରି ନୁବାଃରେ ହୁଦ୍‌ମାଇପେ, ଏନ୍ତାଃରେ ରାନାଃ ଆତଃ ତାଟା ରିନିଦ୍ ହବାଅଥାଃ ।’

☆ ୨୫:୧୧ ୨୫:୧୧ ଲୁକ ୧୩:୨୫. ☆ ୨୫:୧୪ ୨୫:୧୪ ଲୁକ ୧୯:୧୧-୨୭. ☆ ୨୫:୨୯ ୨୫:୨୯ ମାଧୁର ୧୩:୧୨; ମାର୍କ ୪:୨୫; ଲୁକ ୮:୧୮. ☆ ୨୫:୩୦ ୨୫:୩୦ ମାଧୁର ୮:୧୨; ୨୨:୧୩; ଲୁକ ୧୩:୨୮.

ତୁଣ୍ଡୁରୁଚାର

୩୧ ✨“ମାନସାହନ୍ ଆୟାଃ ସିର୍ମାରେନ୍ ସବେନ୍ ଦୁଁଡକଲଃ ଆୟାଃ ମାନାରାଙ୍ଗରେ ରାଜା ଲେକା ହିଜୁଃ ଦିପିଲିରେ ଇନିଃ ଆୟାଃ ମାନାରାଙ୍ଗ ସିର୍ମାରେୟାଃ ରାଜଗାଦିରେ ଦୁବାଃଏ । ୩୧୨ ଆଡଃ ଅଡେଦିଶୁମ୍ରେନ୍ ସବେନ୍ ଜାତିରେନ୍ ହଡକ ଇନିୟାଃ ଆୟାରରେକ ହୁଣ୍ଡିୟାଆ ଆଡଃ ଗୁପିନିଃ ମିଣ୍ଡିକକେ ମେରମ୍କଏଡେ ହିଗାଡକ ଲେକା ଇନିଃ ଇନ୍କୁକେ ମିହୁଡଏଡେ ଆଡଃମିହୁଡକେ ହିଗାଡକଆ । ୩୩୩ ଇନିଃ ମିଣ୍ଡିକକେ ଆୟାଃ ଜମ୍ଡିସାଃରେ ଆଡଃ ମେରମ୍କକେ ଲେଙ୍ଗାଡିସାଃରେ ଦହକଆଏ । ୩୩୪ ଏଡେ ରାଜା ଆୟାଃ ଜମ୍ଡିସାଃରେନକକେ କାଜିକଆଏ, ‘ଆଇୟାଃ ଆପୁଇଙ୍ଗତାଃଏଡେ ଆଣିଷକାନ୍କ ହିଜୁଃଏଡେ ଆଡଃ ଆପେୟାଃ ନାଗେଡେ ଅଡେଦିଶୁମ୍ରେୟାଃ ଏନେଡେଦି ସିଦାରେ ବାଇୟାକାନ୍ ରାଇଜରେ ବଲପେ । ୩୩୫ ଚିୟାଃଟି ଆଇଙ୍ଗଦ ରେଙ୍ଗେଜାକାନ୍ ତାଇକେନ୍ରେ ଜମେୟାଃଏଡେ ଏମାଦିୟା, ଆଡଃ ତେଡାଙ୍ଗିଙ୍ଗ ତାଇକେନ୍ରେ ନୁଁଏ ନାଗେଡେ ଦାଆଃଏଡେ ଏମାଦିୟା, ଆଇଙ୍ଗ ଏଟାଃ ଦିଶୁମ୍ରେ ତାଇକେନ୍ରେ ଆପେୟାଃ ଅଡଃରେ ତାଇନ୍ ନାଙ୍ଗ ଠାୟାଦ୍ପେ ଏମାଦିୟା, ୩୩୬ ଆଇଙ୍ଗ ସାମାହଡ଼ମ୍ ତାଇକେନ୍ରେ ଲିଜାଃଏଡେ ତୁସିଙ୍ଗକେଦିୟା, ଆଇଙ୍ଗ ହାସୁତାନ୍ ତାଇକେନ୍ରେ ଯାଡନାଅ ସାକ୍ଲାଅ କେଦିୟାଏଡେ, ଆଇଙ୍ଗ ଜେହେଲ୍ରେ ତାଇକେନ୍ ଇମତା ନେନେଲ୍ଡେଡେ ହିଜୁଃୟାନା ।’

୩୩୭ “ଏଡେ ଧାର୍ମାନ୍ ହଡକ ଇନିଃକେ କାଜିରୁହାଡକିୟାକ, ‘ହେ ଗମ୍କେ, ଚିଉଲା ଆଲେ ଆମ୍କେ ରେଙ୍ଗେଡାନ୍ଲେ ନେଲ୍ଲେଦ୍ମେୟା ଆଡଃ ଆମ୍କେ ଜଜମାଃଲେ ଏମାଦ୍ମେୟା, ଚାଏ ଚିଉଲା ତେଡାଙ୍ଗତାନ୍ଲେ ନେଲ୍ଲେଦ୍ମେୟା ଆଡଃ ନୁଁ ନାଙ୍ଗ ଦାଆଃଲେ ଏମାଦ୍ମେୟା ? ୩୩୮ ଚିଉଲା ଆଲେ ଆମ୍କେ ନେଲ୍ଲେଦ୍ପଡେ ଏଟାଃ ଦିଶୁମ୍ରେନ୍ ତାନିଃ ମେଡେ ଆଲେୟାଃ ଅଡଃରେ ତାଇନ୍ ନାଙ୍ଗ ଠାୟାଦ୍ଲେ ଏମାଦ୍ମେୟା ଆଡଃ ଚିଉଲା ସାମାହଡ଼ମ୍ ତାଇକେନ୍ରେ ତୁସିଙ୍ଗ ନାଙ୍ଗ ଲିଜାଃଲେ ଏମାଦ୍ମେୟା ? ୩୩୯ ଆଡଃ ଆମ୍ ହାସୁତାନ୍ରେ ଚାଏ ଜେହେଲ୍କାନ୍ରେ ଚିଉଲା ଆଲେ ଆମ୍କେ ନେନେଲ୍ଡେଲେ ସେନ୍କେନା ?’ ୪୦ ଆଡଃ ରାଜା ଇନ୍କୁକେ କାଜିରୁହାଡକଆଏ, ‘ଆଇଙ୍ଗ ଆପେକେ ସାର୍ଡିଗିଙ୍ଗ କାଜିୟାପେତାନା, ଆପେ ଆଇୟାଃ ନେ ହାଗାକଏଡେ ମିହୁଡ୍ ନାଗେଡେ ଅକ୍ନାଃଏଡେ ରିକାକାଦା, ଏନା ଆଇୟାଃ ନାଗେଡେୟ ରିକାକାଦାପେ ।’

୪୧ “ଏଡେ ପାର୍ମେଶ୍ୱାର୍ ଆୟାଃ ଲେଙ୍ଗାଡିସାଃରେନକକେ କାଜିୟାଦ୍କଆଏ, ‘ହେ ସାର୍ପାଅକାନ୍ ହଡକ ! ଆଇୟାଃତାଃଏଡେ ନିର୍ପେ ଏଡେ ସାଏତାନ୍ ଆଡଃ ଆୟାଃ ଦୁଁଡକ ନାଗେଡେ ବାଇୟାକାନ୍ ଜାନାଅ କା ଇଣ୍ଡିଃ ସେଙ୍ଗେଲ୍ଡେ ସେନଃଏଡେ । ୪୨ ଚିୟାଃଟି ଆଇଙ୍ଗ ରେଙ୍ଗେଃ ତାଇକେନ୍ରେ ଜମେୟାଃ କାପେ ଏମାଦିୟା, ଆଇଙ୍ଗ ତେଡାଙ୍ଗ ତାଇକେନ୍ରେ ନୁଁ ନାଗେଡେ ଦାଆଃ କାପେ ଏମାଦିୟା । ୪୩ ଆଇଙ୍ଗ ଏଟାଃ ଦିଶୁମ୍ରେ ତାଇକେନ୍ ଇମତା ଆପେ ଆପେୟାଃ ଅଡଃରେ ତାଇନ୍ ନାଙ୍ଗ ଠାୟାଦ୍ କାପେ ଏମାଦିୟା, ଆଇଙ୍ଗ ସାମାହଡ଼ମ୍ ତାଇକେନ୍ରେ ତୁସିଙ୍ଗ ନାଙ୍ଗ ଲିଜାଃ କାପେ ଏମାଦିୟା, ଆଡଃ ଆଇଙ୍ଗ ଦୁକୁରେ ଆଡଃ ଜେହେଲ୍ରେ ତାଇକେନ୍ ଇମତା ଆଇଙ୍ଗକେ କାପେ ଯାଡନାଅ ସାକ୍ଲାଅ କେଦିୟା ।’

୪୪ “ଏଡେ ଇନ୍କୁହତି ଇନିଃକେ କାଜିରୁହାଡିୟାକ, ‘ହେ ପ୍ରାଭୁ, ଚିଉଲା ଆଲେ ଆମ୍କେ ରେଙ୍ଗେଡାନ୍ ଚାଏ ତେଡାଙ୍ଗତାନ୍ ଚାଏ ଏଟାଃ ଦିଶୁମ୍ରେନ୍, ଚାଏ ସାମାହଡ଼ମ୍, ଚାଏ ହାସୁତାନ୍, ଚାଏ ଜେହେଲ୍ରେ ନେଲ୍ଲେଦ୍ପଡେ କାଲେ ଦେଙ୍ଗାକେଦ୍ମେୟା ।’ ୪୫ ଏଡେ ରାଜା କାଜିରୁହାଡକଆଏ, ‘ସାର୍ଡିଗିଙ୍ଗ କାଜିୟାପେତାନା, ଆପେ ନେ ହୁପୁଡିଙ୍ଗକଏଡେ ମିହୁଡକେହଁ କାପେ ଦେଙ୍ଗାକେଦ୍କ ନାଗେଡେ ଆଇଙ୍ଗକେହଁ କାପେ ଦେଙ୍ଗାକେଦିୟା ।’ ୪୬ ଏଡେ ଇନ୍କୁ ଜାନାଅ ଜାନାଅରେୟାଃ ଦୁକୁ, ମେନ୍ଦ୍ ଧାର୍ମାନ୍କ ଜାନାଅ ଜାନାଅରେୟାଃ ଜୀଦାନ୍କ ନାମେୟା ।”

୨୭

ୟାଶୁଆଃ ବିରୁଧ୍ରେ ରଜୋଟ

(ମାର୍କ ୧୪:୧-୨; ଲୁକ ୨୨:୧-୨; ଯୋହାନ୍ ୧୧:୪୫-୫୩)

୧ ଯାଶୁ ନେ ସବେନ୍ କାଜିକ କାଜି ଚାବାକେଦ୍ପି, ଇନିଃ ଆୟାଃ ଚେଲାକକେ କାଜିୟାଦ୍କଆଏ, ୨ “ବାର୍ସିଙ୍ଗ ତାୟମ୍ଡେ ପାସକା ପାରାବ୍ ହବାଅଆଃ ଏନା ଆପେ ସାରିତାନାପେ । ଇମତା ମାନସାହନ୍ କୁଶ୍ରେ କିଲାଅଃ ନାଗେଡେ ଜିମାଃଝାଏ ।”

୩ ଏଡେ ମୁଲ୍ ଯାଜାକ୍କ, ଆଡଃ ପ୍ରାତିନକ, କାୟପା ନୁଡୁମ୍ ମାରାଙ୍ଗ ଯାଜାକ୍ଋଃ ଅଡଃରାଚାରେ ହୁଣ୍ଡିୟାନା । ୪ ଆଡଃ ଇନ୍କୁ ଯାଶୁକେ ବେଦାଡେ ସାକ୍କେଦ୍ପେ ଗଜି ନାଗେଡେ ରଜୋଟକେଦାକ । ୫ ମେନ୍ଦ୍ ଇନ୍କୁ କାଜିକେଦାକ, “ପାରାବ୍ରେଦ୍ କାହାଗି, କା'ରେଦ୍ ହଡକ ହାଲାଗୁଲାୟାକ ।”

✨ ୨୫:୩୧ ୨୫:୩୧ ମାଥିର ୧୭:୨୭; ମାଥିର ୧୯:୨୮.

ବେଥନିଆରେ ଯୀଶୁଆଃ ବହଃରେ ସୁନ୍ନୁମ୍ ଦୁଲ୍ଲତାନା

(ମାର୍କ ୧୪:୩-୯; ଯୋହାନ୍ ୧୨:୧-୮)

୨ ଯୀଶୁ ବେଥନିଆରେ ନାଗେରାଅଏତେ ବୁଗିଆକାନ୍ ଶିମୋନଆଃ ଅଡ଼ାଃରେ ତାଇକେନ୍ ଇମତା, ୩ ମିଆଁଦ୍ କୁଡ଼ି ପୁରାଃ ଗନଙ୍ଗାଆନ୍ ବୁଗିନ୍ ସହାନ୍ ସୁନ୍ନୁମ୍ତେ ପେରେଜାକାନ୍ ମିଆଁଦ୍ ପୁଣ୍ଡିଦିରିରାଃ ଚୁକାଃ ସାବକେଦ୍ତେ ଯୀଶୁତାଃତେ ହିଜୁଃୟାନା, ଆତଃ ଯୀଶୁ ଜନମ୍ ନାଗେନ୍ତେ ଦୁବାକାନ୍ ଇମତା ଇନିୟାଃ ବହଃରେ ଦୁଲ୍ଲକେଦାଏ । ୮ ଇନିୟାଃ ଚେଲାକ ନେଆଁ ନେଲ୍ଲକେଦ୍ତେ ଖ୍ସ୍ୟାନାକ ଆତଃ କୁଲିକିୟାକ, “ତିୟାଃ ନାଗେନ୍ତେ ନେ ସବେନ୍ ସାମାଗି ଏଣ୍ଡାଗଃତାନା ? ୯ ନେ ବୁଗିନ୍ ସହାନ୍ ସୁନ୍ନୁମ୍ ପୁରାଃ ଗନଙ୍ଗାତେ ଆଖ୍ରିଙ୍ଗ୍ ଦାଡ଼ିକାନ୍ତେୟାଃ ଆତଃ ରେଙ୍ଗେଃକକେ ଏମାକାନ୍ତେୟାଃ ।”

୧୦ ଚେଲାକ କାଜିତାନ୍ତେୟାଃ ଯୀଶୁ ସାରିକେଦ୍ତେ କାଜିକେଦ୍କଆଏ, “ଆପେ ଚିନାଃମେନ୍ତେ ଏନ୍ କୁଡ଼ିକେ ବିଡ଼ଲାଇତାନାପେ ? ନିଃଦ ଆଇଁୟାଃ ନାଗେନ୍ତେ ବୁଗିନ୍ କାମି କାମିକାଦାଏ । ୧୧ ରେଙ୍ଗେଃକଦ ଆପେଲଃ ସବେନ୍ ଇମତା ତାଇନାଃକ ମେନ୍ଦ୍ ଆଇଙ୍ଗ୍ ଆପେଲଃ ସବେନ୍ ଇମତା କାଇଙ୍ଗ୍ ତାଇନା । ୧୨ ଆଇଁୟାଃ ତପାଅଃରାଃ ସେକାଡେନ୍ ନାଗେନ୍ତେ ଇନିଃ ନେ ବୁଗିନ୍ ସହାନ୍ ସୁନ୍ନୁମ୍ତେ ଆଇଁୟାଃ ହଡ଼ମ୍ରେ ଦୁଲ୍ଲକାଦା । ୧୩ ସାର୍ଡିଗିଙ୍ଗ୍ କାଜିୟାପେତାନା, ଅତେଦିଶୁମ୍ରେୟାଃ ଜାହାତାଃରେଗି ସୁକୁକାଜି ଉଦୁବଃତାନ୍ ଇମତା ଏନ୍ କୁଡ଼ି କାମିକାଦ୍ତେୟାଃ ପାହାମେ ନାଗେନ୍ତେ ଉଦୁବଃଆ ।”

ୟୀଶୁକେ ସାବ୍ରିକାଇ ନାଗେନ୍ତେ ଯୀହୁଦା ଟାକା ନାମେତାନା

(ମାର୍କ ୧୪:୧୦-୧୧; ଲୁକ ୨୨:୩-୬)

୧୪ ଏନ୍ତେ ଏନ୍ ଗେଲ୍ବାର୍ ଚେଲାକଏତେ ମିଆଁଦ୍ନିଃ, ଇଷ୍ଟାରିୟଡ଼ ଯିହୁଦା ମୁଲ୍ ଯାଜାକକତାଃ ସେନଃୟାନାଏ, ୧୫ ଆତଃ କୁଲିକେଦ୍କଆଏ, “ଆଇଙ୍ଗ୍ ଇନିଃକେ ଆପେୟାଃ ତିଃଇରେ ଜିମାଇରେଦ୍ ଆପେ ଆଇଙ୍ଗ୍କେ ଚିନାଃପେ ଏମାଇୟାଁ ?” ଏନ୍ତେ ଇନ୍କୁ ଇନିଃକେ ତିରିଶ୍ଟୁ ରୁପା ସିକା ଲେକାକେଦ୍ତେ ଏମକିୟାକ । ୧୬ ଏନ୍ ହୁଲାଙ୍ଗ୍ତାଃଏତେ ଇନିଃ ଯୀଶୁକେ ସାବ୍ରିକାଇ ନାଗେନ୍ତେ ସୁଯୋଗ୍ ଦାଣ୍ଡାତାନାଏ ତାଇକେନା ।

ୟୀଶୁ ଆୟାଃ ଚେଲାକଲଃ ପାସ୍କା ପାରାବ୍ ଜମେତାନାଏ

(ମାର୍କ ୧୪:୧୨-୧୧; ଲୁକ ୨୨:୭-୧୩, ୨୧-୨୩; ଯୋହାନ୍ ୧୩:୨୧-୩୦)

୧୭ ସାବାଃ ହଲଙ୍ଗ୍ ପାରାବ୍ରେୟାଃ ସିଦା ହୁଲାଙ୍ଗ୍ରେ ଚେଲାକ ଯୀଶୁତାଃତେ ହିଜୁଃକେଦ୍ତେ କୁଲିକିୟାକ, “ଆଲେ ଅକ୍ତାଃରେ ଆମାଃ ନାଗେନ୍ତେ ପାସ୍କା ପାରାବ୍ରେୟାଃ ଜମେୟାଃଲେ ବାଇୟା ମେନ୍ତେମ୍ ସାନାଙ୍ଗ୍ତାନା ?”

୧୮ ଯୀଶୁ ଚେଲାକକେ ମେତାଦ୍କଆ, “ଏନ୍ ନାଗାର୍ରେନ୍ ଜେତାଏ ହଡ଼ତାଃତେ ସେନ୍ପେ ଆତଃ ମେତାଇପେ, ‘ଗୁରୁ କାଜିତାନାଏ, ଆଇଁୟାଃ ନେତା ସେଚେରାକାନା, ଆଇଙ୍ଗ୍ ଆଇଁୟାଃ ଚେଲାକଲଃ ଆମାଃ ଅଡ଼ାଃରେ ପାସ୍କା ପାରାବ୍ ମାନାଅୟାଙ୍ଗ୍ ।’”

୧୯ ଏନ୍ତେ ଚେଲାକ ଯୀଶୁ ଆରୁକାଦ୍ଲେକା ରିକାକେଦାକ ଆତଃ ପାସ୍କା ପାରାବ୍ରେୟାଃ ଜମେୟାଃକ ବାଇକେଦା ।

୨୦ ଆୟୁବ୍ୟାନ୍ତି ଯୀଶୁ ଗେଲ୍ବାର୍ ଚେଲାକଲଃ ଜଜମ୍ ନାଗେନ୍ତେ ଦୁବ୍ୟାନାଏ । ୨୧ ଇନ୍କୁ ଜମତାଇକେନ୍ ଇମତା ଇନିଃ ମେତାଦ୍କଆଏ, “ସାର୍ଡିଗିଙ୍ଗ୍ କାଜିୟାପେତାନା, ଆପେକଏତେ ମିଆଁଦ୍ନିଃ ଆଇଙ୍ଗ୍କେ ବାଇରିକଆଃ ତିଃଇରେ ସାବ୍ରିକାଇଙ୍ଗ୍ୟାଏ ।”

୨୨ ଇନ୍କୁ ପୁରାଃଗି ହୁଡ଼ିଙ୍ଗ୍ଜୀଉୟାନାକ ଆତଃ ଇନିଃକେ “ହେ ପ୍ରାଭୁ, ଇନିଃ ଆଇଙ୍ଗ୍ ତାନିଙ୍ଗ୍ତି ?” ମେନ୍ତେ ମିହୁଡ଼୍ ମିହୁଡ଼୍ତେ କୁଲି ଏଚେଦ୍କିୟାକ ।

୨୩ ଆତଃ ଯୀଶୁ କାଜିରୁହାଡ଼ାଦ୍କଆଏ, “ଆଇଁୟାଃଲଃ କାଟୋରାରେ ଆୟାଃ ତିଃଇ ସୁଉଃକାଦ୍ନିଃଗି ସାବ୍ରିକାଇଙ୍ଗ୍ୟାଏ । ୨୪ ପାବିତାର୍ ଅନଲ୍ଲକରେ ଅଲ୍ଲକାନ୍ ଲେକା, ଆଇଙ୍ଗ୍ ମାନଝାହନ୍ ତାନିଙ୍ଗ୍, ଆଇଙ୍ଗ୍କେ ଗଜଃଲାଗାଡ଼ିୟାଃ । ମେନ୍ଦ୍ ଆଇଙ୍ଗ୍ ମାନଝାହନ୍ ତାନିଙ୍ଗ୍, ଆଇଙ୍ଗ୍କେ ବାଇରିକଆଃ ତିଃଇରେ ସାବ୍ରିକାନିଃ ହାୟ ହାୟ ଚିମିନ୍ ଦୁକୁନାମେୟାଏ । ଏନ୍ ହଡ଼ କାଏ ଜାନାମ୍କାନ୍ରେଦ୍ ଇନିଃ ନାଗେନ୍ତେ ବୁଗିକାନ୍ତେଆଃ ।”

୨୫ ଏନ୍ତେ ଯୀଶୁକେ ସାବ୍ରିକାଇନିଃ ଯିହୁଦା କାଜିରୁହାଡ଼କିୟାଏ, “ହେ ଗୁରୁ, ଇନିଃ ଆଇଙ୍ଗ୍ ତାନିଙ୍ଗ୍ତି ?”

ୟୀଶୁ ଇନିଃକେ କାଜିକିୟାଏ, “ହେଗି, ଆମ୍ଗି ତାନ୍ମେ ।”

ପ୍ରାଭୁ ଭୋଜ୍

(ମାର୍କ ୧୪:୨୨-୨୬; ଲୁକ ୨୨:୧୪-୨୦; ୧ କରିନ୍ଥିୟ ୧୧:୨୩-୨୫)

☆ ୨୭:୭ ୨୭:୭ ଲୁକ ୭:୩୭,୩୮.

୨୬ ଚେଲାକ ଜମ୍ଭାକେନ୍ ଇମତା ଯୁଗୁ ମିଆଁଦ୍ ହଲଙ୍ଗ ଇଦିକେଦ୍ତେ ଆଗିଷ୍ଟକେଦାଏ ଆତଃ ଏନାକେ କେଟାଃକେଦ୍ତେ ଆୟାଃ ଚେଲାକକେ ଏମ୍ବକେଦ୍ତେ ମେତାଦ୍‌କଆଏ, “ନେ ତେଲାଏପେ ଆତଃ ଜମ୍ବେପେ, ନେଆଁ ଆଇଁୟାଃ ହଡ଼ମ୍ ତାନାଃ ।”

୨୭ ଏନ୍ତେ ଇନିଃ କାଟୋରା ଇଦିକେଦ୍ତେ ଆଗିଷ୍ଟକେଦାଏ ଆତଃ ଏନା ଇନ୍କୁକେ ଏମ୍ବକେଦ୍ତେ ମେତାଦ୍‌କଆଏ, “ଆପେ ସବେନ୍ ନେଆଁଏତେ ନୁଁଏପେ । ୨୮ ନେଆଁଦ୍ ପାର୍ମେଶ୍ଵାର୍ ଆଃ ରାଜିନାମାକେ ମୋହରକାଦ୍ ଆଇଁୟାଃ ମାୟୋମ୍ ତାନାଃ । ଅକ୍ନାଃଟି ପୁରାଃ ହଡ଼କଆଃ ପାପ୍ ଛାମା ନାଗେନ୍ତେ ନେ ମାୟୋମ୍ ଲିଙ୍ଗିଆକାନା । ୨୯ ଆଇଙ୍ଗ୍ ଆପେକେ କାଜିୟାପେ ତାନାଇଙ୍ଗ୍, ଆପୁଇଁୟାଃ ରାଇଙ୍ଗ୍ରେ ଆପେଲଃ ନାଞ୍ଜା ଦାଖ୍‌ରାସି ଆଉରିଙ୍ଗ୍ ନୁଁଇ ଜାକେଦ୍, ନାହାଁଃଏତେ ନେ ଦାଖ୍‌ରାସି ଆତଃ ଚିତ୍ତଲାଅ କାଇଙ୍ଗ୍ ନୁଁଇଆ ।”

୩୦ ଏନ୍ତେ ଇନ୍କୁ ମାଇନାନ୍ ଦୁରାଙ୍ଗ୍ ଦୁରାଙ୍ଗ୍‌କେଦ୍ତେ ଜାଇତୁନ୍ ବୁରୁତେକ ସେନଃୟାନା ।

ୟୁଗୁ ପାଡ଼ରାସ୍‌କେ ଚେତାଇତାନା

(ମାର୍କ ୧୪:୨୭-୩୧; ଲୁକ ୨୨:୩୧-୩୪; ଯୋହାନ୍ ୧୩:୩୭-୩୮)

୩୧ ଏନ୍ତେ ଯୁଗୁ ଚେଲାକକେ କାଜିୟାଦ୍‌କଆଏ, “ଆପେ ସବେନ୍‌କ ନେ ନିଦାରେ ଆଇଙ୍ଗ୍‌କେ ବାଗିକେଦ୍ତେ ନିର୍‌କଆଃପେ, ନେଆଁଦ୍ ଧାରାମ୍‌ପୁଥ୍ରେ ଅଲାକାନା, ‘ପାର୍ମେଶ୍ଵାର୍ ଗୁପିନିଃକେ ଦାଲିୟାଏ ଆତଃ ଗୋଟ୍‌ରେନ୍ ମିଶ୍ଟିକ ଛିତିବିତିୟଃଆ ।’ ୩୨ ଧମେନ୍‌ଦ୍ ଆଇଙ୍ଗ୍ ଜୀଉବିରିଦ୍‌କେଦ୍ତେ ଗାଲିଲ୍ ପାର୍ଗାନ୍‌ତେ ଆପେଏତେ ଆୟାର୍‌ରେଇଙ୍ଗ୍ ସେନାଃ ।”

୩୩ ଆତଃ ପାଡ଼ରାସ୍ ଯୁଗୁକେ କାଜିକିୟାଏ, “ଏଟାଃକ ବାଗିତାମ୍‌ରେହ୍, ଆଇଙ୍ଗ୍ ଆମ୍‌କେ କାଇଙ୍ଗ୍ ବାଗିମେଆ ।”

୩୪ ଯୁଗୁ ପାଡ଼ରାସ୍‌କେ କାଜିକିୟାଏ, “ଆଇଙ୍ଗ୍ ସାର୍‌ତିଗିଙ୍ଗ୍ କାଜିୟାମ୍‌ତାନା, ନେ ନିଦାରେ ସାଣ୍ଡିସିମ୍‌କ ରାଃଏ ସିଦାରେ ଆମ୍ ଆଇଙ୍ଗ୍‌କେ କାଇଙ୍ଗ୍ ସାରିୟା ମେନ୍ତେ ଆପିସାମ୍ କାଜିୟା ।”

୩୫ ପାଡ଼ରାସ୍ ଇନିଃକେ କାଜିରୁହାଡ଼କିୟାଏ, “ଆଇଙ୍ଗ୍‌କେ ଆମାଃଲଃ ଗଜଃ ଲାଗାତିଙ୍ଗ୍‌ରେୟ ଆଇଙ୍ଗ୍ ଆମ୍‌କେ କାଇଙ୍ଗ୍ ସାରିୟା ମେନ୍ତେ କାଇଙ୍ଗ୍‌ଗି କାଜିୟା,”

ଆତଃ ସବେନ୍ ଏଟାଃ ଚେଲାକହ୍ ଏନ୍‌ଲେକାଗି କାଜିକେଦାକ ।

ଗେଥ୍‌ସିମାନି ବାଖ୍‌ଡିରେ ଯୁଗୁଆଃ ବିକ୍ତି

(ମାର୍କ ୧୪:୩୨-୪୨; ଲୁକ ୨୨:୩୯-୪୬)

୩୬ ଏନ୍ତେ ଯୁଗୁ ଆୟାଃ ଚେଲାକଲଃ ଗେଥ୍‌ସିମାନି ନୁତୁମ୍ ମିଆଁଦ୍ ବାଖ୍‌ଡିତେକ ସେନଃୟାନା, ଆତଃ ଇନିଃ ଇନ୍କୁକେ ମେତାଦ୍‌କଆଏ, “ଆଇଙ୍ଗ୍ ଏନ୍ତାଃରେ ବିକ୍ତି ଜାକେଦ୍ ଆପେ ନେତାଃରେ ଦୁବ୍‌ପେ ଆତଃ ବିକ୍ତିପେ ।” ୩୭ ଇନିଃ ପାଡ଼ରାସ୍ ଆତଃ ଜେବଦାୟାଃ ବାରାନ୍ ହନ୍‌କିନ୍କେ ଆୟାଃଲଃ ଇଦିକେଦ୍‌କଆଏ, ଆତଃ ଇନିଃ ପୁରାଃଗି ଦୁକୁତେ ଆକୁଲ୍‌ବାକୁଲ୍‌ୟାନା, ୩୮ ଆତଃ ଇନିଃ ଇନ୍କୁକେ କାଜିୟାଦ୍‌କଆଏ, “ଜୀଉତାଇୟାଃ ଗଜଃଲେକା ଦୁକୁଃତାନା, ନେତାଃରେଗି ତାଇନ୍କାନ୍‌ପେ ଆତଃ ଆଇଁୟାଃଲଃ ଏୟନାକାନ୍ ତାଇନ୍‌ପେ ।”

୩୯ ଆତଃ ଯୁଗୁ କାଟିଃ ସାଙ୍ଗିନ୍ ସେନ୍‌କେଦ୍ତେ ଅତେରେ ଇକ୍‌ଡ଼ମ୍‌ୟାନ୍‌ଲଃ ଅମ୍‌ୟାୟାନାଏ ଆତଃ ବିକ୍ତିକେଦାଏ, “ହେ ଆବା, ହବାଦାଡ଼ିୟଃରେଦ୍ ନେ ଦୁକୁରାଃ କାଟୋରା ଆଇଙ୍ଗ୍‌ତାଃଏତେ ଇଦିୟଃକା, ଏନ୍‌ରେୟ ଆଇଁୟାଃ ମନେଲେକାଦ୍ କା ମେନ୍‌ଦ୍ ଆମାଃ ମନେଲେକାଗି ହବାଅଃକା ।”

୪୦ ଏନ୍ତେ ଯୁଗୁ ଚେଲାକତାଃ ରୁହାଡ଼ିୟାନ୍‌ତି ଇନ୍କୁକେ ଦୁଡ଼ମ୍‌କାନ୍ ନାମ୍‌କେଦ୍‌କଆଏ, ଆତଃ ପାଡ଼ରାସ୍‌କେ କାଜିକିୟାଏ, “ଆପେ ଆଇଁୟାଃଲଃ ମିଦ୍‌ଘାଣ୍ଟାହ୍ ଏୟନ୍‌କେଦ୍ତେ କାପେ ତାଇନ୍ ଦାଡ଼ିକେନା ? ୪୧ ବିଡ଼ାଅରେ ଆଲ୍‌ପେ ଉୟୁଗଃକା ମେନ୍ତେ ଏୟନାକାନ୍ ତାଇନ୍‌ପେ ଆତଃ ବିକ୍ତିପେ । ଆମ୍‌ଦ୍ ସାନାଙ୍ଗ୍‌ତାନାଏ, ମେନ୍‌ଦ୍ ହଡ଼ମ୍ ନାରାଦୁରାଗିୟାଃ ।”

୪୨ ଇନିଃ ଆତଃମିସା ସେନଃୟାନାଏ ଆତଃ ବିକ୍ତିକେଦାଏ, “ହେ ଆଇଁୟାଃ ଆବା, ଆଇଙ୍ଗ୍ କାଇଙ୍ଗ୍ ନୁଁ ଜାକେଦ୍ ନେ ଦୁକୁରାଃ କାଟୋରା ଆଇଙ୍ଗ୍‌ତାଃଏତେ କା ଇଦି ଦାଡ଼ିୟଃରେଦ୍, ଆମାଃ ମନେ ଲେକାଗି ହବାଅଃକା ।” ୪୩ ଇନିଃ ଇନ୍କୁତାଃ ହିଜୁଃରୁହାଡ଼ିୟାନ୍‌ତି ଆତଃମିସା ଦୁଡ଼ମ୍‌କାନ୍ ନାମ୍‌କେଦ୍‌କଆଏ, ଚିୟାଃଟି ଇନ୍କୁଦ୍ ଦୁଡ଼ମ୍‌ତେ ମେଦ୍‌ତାକଆଃ ଆରିଦ୍ କାକ ଦାଡ଼ିତାଇକେନା ।

୪୪ ଯୁଗୁ ଇନ୍କୁକେ ବାଗିକେଦ୍ତେ ଆତଃଗି ସେନଃୟାନା ଆତଃ ଏନ୍ ଲେକାଗି ଆପିସାଏ ବିକ୍ତିକେଦା । ୪୫ ଏନ୍ତେ ଇନିଃ ଆୟାଃ ଚେଲାକତାଃ ହିଜୁଃକେଦ୍ତେ ଇନ୍କୁକେ ମେତାଦ୍‌କଆ, “ନାହାଁଃ ଜାକେଦ୍‌ତିପେ ଦୁଡ଼ମ୍‌ତାନା ଆତଃ ରୁଡ଼ମ୍‌ତାନା ? ନେଲେପେ, ଆଇଙ୍ଗ୍ ମାନଞ୍ଜାହନ୍ ପାପିକଆଃ ତିଃଇରେ

☆ ୨୭:୩୨ ୨୭:୩୨ ମାଧୁର ୨୮:୧୭.

ସାବ୍ରିକାଅଃତାନାଇଙ୍ଗ । ୪୭ ବିରିଦ୍‌ପେ, ଦଲାରୁ ସେନଆଃ ! ନେଲିପେ, ଆଇଙ୍ଗକେ ସାବ୍ରିକାଇଙ୍ଗନିଃ ସେଚେରାକାନାଏ ।”

ୟୀଶୁକେକ ସାବିତାନା

(ମାର୍କ ୧୪:୪୩-୫୦; ଲୁକ ୨୨:୪୭-୫୩; ଯୋହାନ୍ ୧୮:୩-୧୨)

୪୭ ୟୀଶୁ ନେଆଁ କାଜିତାନ୍ ଇମ୍‌ତାଗି ଗେଲବାର୍ ଚେଲକଏତେ ମିଆଁଦ୍‌ନିଃ ଯିହୁଦା ନୁତୁମ୍ ଚେଲା ହିଜୁଃୟାନାଏ, ଇନିଃଲଃ ପୁରାଃ ଗାଦେଲ୍ ହଡକ ତାରାଉଡି ଆତଃ ଭଙ୍ଗାଟ୍‌କ ସାବ୍‌କେଦ୍‌ତେ ହିଜୁଃୟାନାକ । ମୁଲ୍ ଯାଜାକ୍‌କ ଆତଃ ପ୍ରାତିନକ ଇନ୍‌କୁକେ କୁଲକାଦ୍‌କ ତାଇକେନା । ୪୮ “ଆଇଙ୍ଗ ଅକ୍‌ନିଃକେ ଚଅଃ'ଇଙ୍ଗ ଇନିଃକେଗି ସାବ୍‌କିତେ ତଲିପେ” ମେନ୍ତେ ୟୀଶୁକେ ସାବ୍‌ରିକାନିଃ ଯିହୁଦା ଏନ୍ ଗାଦେଲ୍ ହଡକକେ ଚିହ୍ନାଁ ଏମାକାଦ୍‌କ ତାଇକେନାଏ ।

୪୯ ଯିହୁଦା, ୟୀଶୁଆଃ ନାଡେଃ ସେନ୍‌କେଦ୍‌ତେ, “ହେ ଗୁରୁ, ଜହାର୍” ମେତାଇୟାଏ ଆତଃ ଇନିଃକେ ଚଅଃ'କିୟାଏ ।

୫୦ ୟୀଶୁ କାଜିରୁହାଡକିୟାଏ, “ଏ ଗାଡି ଆମ୍ ଅକନ୍ କାମିନାଙ୍ଗ ହିଜୁଆକାନାମ୍ ଏନା ରିକାଧାବେମେ ।”

ଏନ୍ତେ ଇନ୍‌କୁ ନାଡେଃ ହିଜୁଃକେଦ୍‌ତେ ୟୀଶୁକେ ସାବ୍‌କେଦ୍‌ତେ ତଲକିୟାଃକ । ୫୧ ୟୀଶୁଲଃ ତାଇକେନ୍ ହଡକଏତେ ମିହୁଡ୍ ଆୟାଃ ତାରାଉଡି ଅତଙ୍ଗକେଦ୍‌ତେ ମାରାଙ୍ଗ୍ ଯାଜାକ୍‌ରାଃ ଦାସିଆଃ ଲୁଡୁରକେ ମାଆଃ ଖାଣ୍ଡାଅକେଦାଏ । ୫୨ ୟୀଶୁ ଇନିଃକେ କାଜିକିୟାଏ, “ଆମାଃ ତାରାଉଡିକେ ଖାପ୍‌ରେ ଦହଏମେ, ଚିୟାଃତି ତାରାଉଡି ସାବ୍‌କେଦ୍‌ତେ କାମିତାନ୍ ସବେନ୍‌କଦ ତାରାଉଡିତେକ ଗଜଃଆ । ୫୩ ଆପେ ଚିନାଃ କାପେ ସାରିତାନା, ଆଇଁୟାଃ ଆପୁଇଙ୍ଗକେ ବିକ୍ରିଲେରେ, ଇନିଃ ଚିନାଃ ଆଇଁୟାଃ ନାଗେନ୍ତେ ଇମ୍‌ତାଗି ଗେଲବାର୍ ଫାଉଦ୍‌ତାଃଏତେ ଆଦକା ଦୁଡକକେ କାଏ କୁଲଦାଡିୟା ? ୫୪ ମେନ୍‌ଦ ନେ ଲେକାତେ ହବାଅଃଗି ଲାଗାଡିଙ୍ଗ୍‌ୟାଃ ମେନ୍ତେ ଧାରାମ୍‌ପୁଥ୍‌ରେ ଅଲକାନ୍‌ତେୟାଃ ଚିଲକାତେ ପୁରାଅଃଆ ।”

୫୫ ଏନ୍ ଦିପିଲିରେ ୟୀଶୁ ଗାଦେଲ୍ ହଡକକେ ମେତାଦକଆ, “ଚିୟାଃ କୁମ୍‌ତୁ ଚୁଲକା ସାବିଙ୍ଗ୍ ନାଗେନ୍ତେ ତାରାଉଡିକ ଆତଃ ଭଙ୍ଗାଟ୍‌କ ସାବ୍‌କେଦ୍‌ତେ ହିଜୁଃକାନାପେ ? ଆଇଙ୍ଗ୍ ସବେନ୍ ହୁଲଙ୍ଗ୍ ମାନ୍‌ିର୍ ଅଡ଼ାଃରେ ଦୁବ୍‌କେଦ୍‌ତେ ଇଡୁକ ତାଇକେନାଇଙ୍ଗ୍ ଆତଃ ଆପେ ଆଇଙ୍ଗକେ କାପେ ସାବ୍‌କେଦିୟାଁ । ୫୬ ମେନ୍‌ଦ ଧାରାମ୍‌ପୁଥ୍‌ରେ ନାବୀକ ଅଲକାଦ୍‌ତେୟାଃ ପୁରାଅଃ ନାଗେନ୍ତେ ନେ ସବେନାଃ ହବାୟାନା ।”

ଏନ୍ତେ ସବେନ୍ ଚେଲକ ଇନିଃକେ ବାଗିକିୟାକ ଆତଃ ନିର୍‌ୟାନାକ ।

ଯିହୁଦୀକଆଃ ପାଞ୍ଚେଟ୍‌ରେ ୟୀଶୁଆଃ ବିଚାର୍

(ମାର୍କ ୧୪:୫୩-୬୫; ଲୁକ ୨୨:୫୪-୫୫, ୬୩-୬୧; ଯୋହାନ୍ ୧୮:୧୩, ୧୪, ୧୯-୨୪)

୫୭ ୟୀଶୁକେ ସାବାକାଇ ହଡକ ଇନିଃକେ କାୟଫା ମାରାଙ୍ଗ୍ ଯାଜାକ୍‌ଆଃ ଅଡ଼ାଃତେକ ଇଦିକିୟା, ଏନ୍ତାଃରେ ଆଇନ୍ ଇଡୁକ ଆତଃ ପ୍ରାତିନକ ହୁଣ୍ଡିୟାକାନ୍‌କ ତାଇକେନା । ୫୮ ମେନ୍‌ଦ ପାଡୁରାସ୍ ସାଜିନ୍‌ଏତେ ମାରାଙ୍ଗ୍ ଯାଜାକ୍‌ଆଃ ଅଡ଼ାଃରାଚା ଜାକେଦ୍ ଅତଙ୍ଗକେଦ୍‌କଆଏ ଆତଃ ଚୁଣ୍ଡୁରେ ଚିନାଃ ହବାଅଃଆ ଏନା ନେନେଲ୍ ନାଗେନ୍ତେ ଇନିଃ ଭିତାର୍ ବଲକେଦ୍‌ତେ ଏନ୍ତାଃରେ ଦାରଖାନ୍‌କଲଃ ଦୁବ୍‌ୟାନାଏ ।

୫୯ ମୁଲ୍ ଯାଜାକ୍‌କ ଆତଃ ଯିହୁଦୀ ପାଞ୍ଚେଟ୍‌ରେନ୍ ସବେନ୍‌କ ୟୀଶୁକେ ଗଗଏଃ ନାଗେନ୍ତେ ହସଡ୍ ଗାଞ୍ଜାକ ଦାଣ୍ଡାବାଡା ତାଇକେନା । ୬୦ ମେନ୍‌ଦ ପୁରାଃ ହଡକ ହସଡ୍ ଗାଞ୍ଜାକ ଏମ୍‌କେଦ୍‌ରେୟ ଜେଡ୍‌ନାଃ କାକ ନାମ୍‌କେଦା, ଏନ୍ତେ ଚୁଣ୍ଡୁରେ ବାରହଡ୍ ଆୟାର୍‌ତେ ହିଜୁଃକେଦ୍‌ତେ କାଜିକେଦାକିନ୍, ୬୧ “ନେ ହଡ୍ କାଜିକାଦ୍ ତାଇକେନାଏ, ‘ଆଇଙ୍ଗ୍ ପାର୍‌ମେଶ୍‌ବାର୍‌ଆଃ ମାନ୍‌ିର୍ ଅଡ଼ାଃକେ ହାଦୁଡ୍‌କେଦ୍‌ତେ ଆପିମାରେ ଏନାକେ ବାଇରୁହାଡ୍ ଦାଡିୟାଇଙ୍ଗ୍ ।”

୬୨ ଏନ୍ତେ ମାରାଙ୍ଗ୍ ଯାଜାକ୍ ବିରିଦ୍‌ୟାନାଏ ଆତଃ ୟୀଶୁକେ କାଜିକିୟା, “ନେ ହଡକ ଆମାଃ ବିରୁଧ୍‌ରେ ଗାଞ୍ଜାକ ଏମ୍‌ତାନା, ଆମ୍ ଚିକାନାଙ୍ଗ ଇନ୍‌କୁକେ କାମ୍ କାଜିରୁହାଡକିତାନା ?” ୬୩ ମେନ୍‌ଦ ୟୀଶୁ ହାପାକାନ୍ ତାଇକେନାଏ, ଇମ୍‌ତା ମାରାଙ୍ଗ୍ ଯାଜାକ୍ ଆତଃଗି କାଜିକିୟାଏ, “ଆଇଙ୍ଗ୍ ଜାନିଦ୍ ପାର୍‌ମେଶ୍‌ବାର୍‌ଆଃ ନୁତୁମ୍‌ତେ କିରିୟାନ୍‌ତାନ୍‌ଲଃ କୁଲିମେ ତାନାଇଙ୍ଗ୍, ସାର୍‌ତିଗି କାଜିୟାଲେମ୍, ଆମ୍ ପାର୍‌ମେଶ୍‌ବାର୍‌ଆଃ ହନ୍ ଶ୍ରୀଷ୍ଟ୍ ତାନ୍‌ମେଟି ?”

୬୪ ୟୀଶୁ ଇନିଃକେ କାଜିରୁହାଡକିୟାଏ, “ଆମ୍ ଠାଉକାଗି କାଜିକେଦାମ୍, ମେନ୍‌ଦ ଆଇଙ୍ଗ୍ ଆପେ ସବେନ୍‌କକେ କାଜିୟାପେ ତାନାଇଙ୍ଗ୍, ନାହାଁଃଏତେ ଆପେ ମାନଖାହନ୍‌କେ ସବେନ୍ ପେଡେୟାନ୍ ପାର୍‌ମେଶ୍‌ବାର୍‌ଆଃ ଜମ୍‌ତିସାଃରେ ଦୁବାକାନ୍ ଆତଃ ସିମ୍‌ରାଃ ରିମିଲ୍‌ରେ ହିଜୁଃତାନ୍‌ପେ ନେଲିୟା ।”

☆ ୨୭:୫୫ ୨୭:୫୫ ଲୁକ ୧୯:୪୭; ୨୧:୩୭. ☆ ୨୭:୬୧ ୨୭:୬୧ ଯୋହାନ୍ ୨:୧୯.

୨୫ ଏନ୍ତେ ମାରାଙ୍ଗ ଯାଜାକ୍ ଆୟାଃ ଲିଜାଃ ତେଚାଃକେଦ୍‌ତେ କାଜିକେଦାଏ, “ନିଃଦ ପାର୍‌ମେଶ୍‌ବାର୍‌ଆଃ ହିଲାଙ୍ଗକାଜି କାଜିକେଦା, ଆତଃ ଆବୁକେ ଚିକାନ୍ ଗାଞ୍ଜା ଲାଗାତିଙ୍ଗ୍‌ୟାଃ? ନେଲେଦେ, ଆପେଦ ନାହାଁଃଗି ପାର୍‌ମେଶ୍‌ବାର୍‌ଆଃ ନିନ୍ଦାକାଜିଦେ ଆୟୁମ୍‌କେଦା, ୨୬ ଆପେ ଚିନାଃଦେ ଉଡ଼ୁଡ଼ାନା ?”

ଇନ୍‌କୁ କାଜିରୁହାଡ଼କେଦାକ, “ଇନିଃ ଚିଟାକାନ୍‌ନିଃ ତାନିଃ, ଇନିଃକେ ଗଜଃ ଲାଗାତିଙ୍ଗ୍‌ୟାଃ ।”

୨୭ ଏନ୍ତେ ଇନ୍‌କୁ ଇନିୟାଃ ମେଦ୍‌ମୁହାଁଡ଼ରେ ବେଏକକିତେ ଦାଲ୍‌କିୟାକ ଆତଃ ଏଟାଃକ ଆପ୍‌ଡ଼ିତାନ୍‌ଲଃ ୨୮ କାଜିକିୟାକ, “ଏ ଶ୍ରୀଷ୍ଟ ! ଆମ୍‌ ପରେ ନାବୀ ତାନ୍‌ମେ, ମାର୍ କାଜିଲେମେ, ଆମ୍‌କେ ଅକଏ ଦାଲ୍‌ମେତାନାଏ ?”

ପାଡ଼ରାସ୍ ଯୀଶୁକେ କାଈଙ୍ଗ୍ ସାରିୟା ମେନ୍ତେ ଦଦାଦ୍‌ୟାନାଏ
(ମାର୍କ ୧୪:୨୭-୨୯; ଲୁକ ୨୨:୫୭-୬୨; ଯୋହାନ୍ ୧୮:୧୫-୧୮, ୨୫-୨୭)

୨୯ ପାଡ଼ରାସ୍ ବାହାରି ଅଡ଼ାଃରାଚାରେ ଦୁବାକାନ୍ ତାଇକେନାଏ, ଏନ୍ତେ ମାରାଙ୍ଗ୍ ଯାଜାକ୍‌ରାଃ ମିଆଁଦ୍ କାମ୍‌ଡ଼ି ଇନିୟାଃ ନାଡ଼େଃତେ ହିଲୁଃକେଦ୍‌ତେ କାଜିକିୟାଏ, “ଆମ୍‌ହ ଗାଲିଲ୍‌ରେନ୍ ଯୀଶୁଲଃ ତାଇକେନାମ୍ ।”

୩୦ ମେନ୍‌ଦ ପାଡ଼ରାସ୍ ସବେନକଆଃ ସାମ୍‌ନାଙ୍ଗ୍‌ରେ ଦଦାଦ୍‌*ତାନ୍‌ଲଃ କାଜିରୁହାଡ଼କିୟାଏ, “ଆମ୍ ଚିନାଃମ୍ କାଜିତାନା ଆଈଙ୍ଗ୍ କାଈଙ୍ଗ୍ ସାରିୟା ।” ୩୧ ଆତଃ ଇନିଃ ବାହାରି ଅଡ଼ାଃରାଚାରେୟାଃ ବଲ୍‌ଦୁଆର୍‌ତାଃତେ ସେନଃୟାନା । ଆତଃମିଆଁଦ୍ କାମ୍‌ଡ଼ି ଇନିଃକେ ନେଲ୍‌କେଦ୍‌ତେ ଏନ୍ତାଃରେ ତାଇକାନ୍ ହଡ଼କକେ ମେତାଦ୍‌କଆ, “ନିଃଦ ନାଜ୍‌ରେଡ଼ରେନ୍ ଯୀଶୁଲଃ ତାଇକେନାଏ ।”

୩୨ ଇନିଃ ଆତଃମିସା କିରିୟାତାନ୍‌ଲଃ ଦଦାଦ୍‌ୟାନାଏ ଆତଃ କାଜିକେଦାଏ, “ଆଈଙ୍ଗ୍ ଏନ୍ ହଡ଼କେ କାଈଙ୍ଗ୍ ସାରିୟା ।”

୩୩ ଘାଡ଼ିକାଦ୍ ତାୟମ୍‌ତେ ନାଡ଼େଃରେ ତିଲୁଆକାନ୍‌କ ପାଡ଼ରାସ୍‌ତାଃତେ ସେନକେଦ୍‌ତେ କାଜିକିୟାକ, “ଆମ୍‌ହ ସାର୍‌ତିଗି ଇନ୍‌କୁଏତେ ମିଆଁଦ୍‌ନିଃ ତାନ୍‌ମେ, ଚିୟାଃତି ଆମାଃ ଜାଗାର୍ ଉଦୁବେତାନା ।”

୩୪ ଏନ୍ତେ ପାଡ଼ରାସ୍ କାଜିକେଦାଏ, “ଆଈଙ୍ଗ୍ କିରିୟାକେଦ୍‌ତେ ସାର୍‌ତିଗି କାଜିତାନାଈଙ୍ଗ୍, କାହାରେଦ ପାର୍‌ମେଶ୍‌ବାର୍ ଆଈଙ୍ଗ୍‌କେ ସାଜାଇ ଏମାଈଙ୍ଗ୍‌କାଏ, ଆଈଙ୍ଗ୍ ଏନ୍ ହଡ଼କେ କାଈଙ୍ଗ୍ ସାରିୟା,”

ଇମ୍‌ତାଙ୍ଗି ସାଣ୍ଡିସିମ୍ ରାଆଃକେଦାଏ, ୩୫ ଆତଃ “ସାଣ୍ଡିସିମ୍ ଆଉରି ରାଆଃ ସିଦାରେ ଆମ୍ ଆଈଙ୍ଗ୍‌କେ ଆପିସା କାଈଙ୍ଗ୍ ସାରିୟା ମେନ୍ତେ କାଜିୟାମ୍” ମେନ୍ତେ ଯୀଶୁ କାଜିକାଇ କାଜିକେ ପାଡ଼ରାସ୍ ପାହାମ୍‌କେଦାଏ ଆତଃ ଇନିଃ ଅଡ଼ଙ୍ଗ୍‌କେଦ୍‌ତେ କୁସୁଦ୍ କୁସୁଦ୍‌ତାନ୍ ରାଆଃକେଦାଏ ।

୨୨

ୟୀଶୁକେ ପିଲାତୁସ୍‌ତାଃତେ ଇଦିକିୟାକ
(ମାର୍କ ୧୫:୧; ଲୁକ ୨୩:୧-୨; ଯୋହାନ୍ ୧୮:୨୮-୩୨)

୧ ସେତାଃ ଇଦାନ୍‌ରେ ସବେନ୍ ମୁଲ୍ ଯାଜାକ୍‌କ ଆତଃ ହଡ଼କଆଃ ପ୍ରାଚିନ୍‌କ ଯୀଶୁକେ ଗଜି ନାଗେନ୍ତେକ ରଜୋଟକେଦା । ୨ ଇନ୍‌କୁ ଯୀଶୁକେ ସିକ୍‌ଡ଼ିତେ ତଲ୍‌କେଦ୍‌ତେ ରୋମିରେନ୍ ଲାଟ୍‌ସାହେବ୍ ପିଲାତୁସ୍‌ତାଃରେକ ଜିମାକିୟା ।

ଯିହୁଦାରାଃ ଗନଏଃ
(ପ୍ରେରିଡ଼ ୧:୧୮-୧୯)

୩ ☆ବାଇରିକଆଃ ତିଃଇରେ ସାବ୍‌ରିକାକାଇ ଯିହୁଦା, ଯୀଶୁଆଃ ଗନଏଃ ସାଜାଇରେୟାଃ ବିଚାର୍ ଆୟୁମ୍‌କେଦ୍‌ତେ ହେୟାତିଙ୍ଗ୍‌କେଦା ଆତଃ ଏନ୍ ତିରିଶ୍‌ଠୁ ରୁପା ସିକା ରୁହାଡ଼୍ ନାଗେନ୍ତେ ମୁଲ୍ ଯାଜାକ୍ ଆତଃ ପ୍ରାଚିନ୍‌କତାଃ ଆଉକେଦାଏ । ୪ ଆତଃ କାଜିକେଦାଏ, “ଆଈଙ୍ଗ୍ ମିହୁଡ଼୍ କା ଚିଟାଃଅ ହଡ଼କେ ଗଏଃ ନାଗେନ୍ତେ ବାଇରିକଆଃ ତିଃଇରେ ଜିମାକେଦ୍‌ତେ ପାପ୍‌କାଦାଈଙ୍ଗ୍,”

ମେନ୍‌ଦ ଇନ୍‌କୁ କାଜିରୁହାଡ଼କିୟାକ, “ଏନାରେ ଆଲେ ଚିନାଃ ଚିକାୟାଲେ ? ଏନା ଆମ୍‌ଗି ସାରିମେ !”

୫ ଯିହୁଦା ଏନ୍ ସିକାକେ ମାନ୍‌ଦିର୍ ଅଡ଼ାଃରେ ହୁଦ୍‌ମାକେଦ୍‌ତେ ସେନଃୟାନା ଆତଃ ଆଈଙ୍ଗ୍‌କି ହାକା ଗଏଃୟାନାଏ ।

୬ ମୁଲ୍ ଯାଜାକ୍‌କ ଏନ୍ ସିକା ଆଉକେଦ୍‌ତେ କାଜିକେଦାକ, “ନେଆଁଦ୍ ମାୟୋମ୍‌ରେୟାଃ ଟାକା ତାନାଃ, ଆଈଙ୍ଗ୍ ଲେକାତେ ନେଆଁକେ ମାନ୍‌ଦିର୍ ଅଡ଼ାଃରେୟାଃ ଖୁଜ୍ ଅଡ଼ାଃରେ ଦହ ନାଙ୍ଗ୍ କା ବୁଗିନାଃ ।”

୭ ଏନ୍ତେ ଇନ୍‌କୁ ନେ ବିଷାଏରେ ସାଲ୍‌ହାକେଦ୍‌ତେ, ଏଟାଃ ଦିଶୁମ୍‌ରେନ୍‌କକେ ତପାକ ନାଗେନ୍ତେ ଏନ୍ ଟାକାତେ କୁମ୍‌ରାଆଃ ଅଡ଼େକେ କିରିଙ୍ଗ୍‌କେଦାକ । ୮ ଏନାମେନ୍ତେ ଏନ୍ ଅଡ଼େକେ ତିସିଙ୍ଗ୍ ଜାକେଦ୍ “ମାୟୋମ୍‌ରେୟାଃ ଅଡ଼େ” ମେନ୍ତେକ କାଜିତାନା ।

* ୨୭:୨୦ ୨୭:୨୦ ଅସ୍‌ମାକାର୍ ☆ ୨୭:୩ ୨୭:୩ ପ୍ରେରିଡ଼ ୧:୧୮, ୧୯.

୯ ଏନ୍ତେ ନେ ବିଷାଏରେ ଯିରିମିୟ ନାବୀ କାଜିକାଦ୍ କାଜି ପୁରାୟାନା, “ଇସ୍ରାଏଲ୍‌ରେନ୍ ହଡ଼କ ଇନିୟାଃ ନାଙ୍ଠ ଠାହାରାଅକାଦ୍ ଗନଙ୍ଠକେ ଚାଏ ଏନ୍ ତିରିଶୁ ରୁପା ସିକା ଇଦିକେଦ୍‌ତେ, ୧୦ ଆଇୟାଃ ପ୍ରାଭୁଆଃ ଆତୁ ଲେକା ଇନ୍‌କୁ କୁମ୍ବାରଆଃ ଅତେକ କିରିଙ୍ଠକେଦା ।”

ୟାଶୁକେ ପିଲାତୁସ୍‌ଆଃ କୁନୁଲି

(ମାର୍କ ୧୫:୨-୫; ଲୁକ ୨୩:୩-୫; ଯୋହାନ୍ ୧୮:୩୩-୩୮)

୧୧ ଯାଶୁକେ ରୋମିରେନ୍ ଲାଟ୍‌ସାହେବ୍ ପିଲାତୁସ୍‌ଆଃ ସାମ୍‌ନାଙ୍ଠରେ ତିଙ୍ଗୁକିୟାକ, ଆତଃ ଲାଟ୍‌ସାହେବ୍ ଇନିଃକେ କୁଲିକିୟାଏ, “ଆମ୍ ଯିହୁଦୀକଆଃ ରାଜା ତାନ୍‌ମେଟି ?”

ୟାଶୁ କାଜିରୁହାଡ଼କିୟାଏ, “ହେଗି, ଆମ୍‌ଗି କାଜିତାନାମ୍ ।” ୧୨ ମୁଲ୍ ଯାଜାକକ ଆତଃ ପ୍ରାଚିନ୍‌କ ଇନିଃକେ ଚିଟାଇତାନ୍ ଇମ୍‌ତା ଇନିଃ ଜେଡ୍‌ନାଃ କାଏ କାଜିରୁହାଡ଼କେଦା ।

୧୩ ଏନ୍ତେ ପିଲାତୁସ୍ ଇନିଃକେ କାଜିକିୟାଏ, “ଇନ୍‌କୁ ଆମାଃ ବିରୁଧ୍‌ରେ ଚିଟାନାଙ୍ଠ ପୁରାଃ ଗାଞ୍ଜାକ ଏମ୍‌ତାନା ଏନା ଚିନାଃ କାମ୍ ଆୟୁମେତାନା ?”

୧୪ ମେନ୍‌ଦ ଯାଶୁ ମିଆଁଦ୍ କାଜିୟ କାଏ କାଜିକେଦା, ଏନାମେନ୍ତେ ଲାଟ୍‌ସାହେବ୍ ପୁରାଃଗି ଆକ୍‌ଦାନ୍‌ଆୟାନା ।

ୟାଶୁଆଃ ଗନଏଃ ବିଚାର

(ମାର୍କ ୧୫:୬-୧୫; ଲୁକ ୨୩:୧୩-୨୫; ଯୋହାନ୍ ୧୮:୩୯-୧୯:୧୭)

୧୫ ରୋମିରେନ୍ ଲାଟ୍‌ସାହେବ୍‌ଆଃ ଚିତିଲେକାତେ ପାସ୍‌କା ପାରାବ୍ ଦିପିଲିରେ ଗାଦେଲ୍ ହଡ଼କଆଃ ମନେଲେକା ମିଆଁଦ୍ ଜେହେଲ୍‌କାନ୍‌ନିଃକେ ଇନ୍‌କୁଆଃ ନାଗେନ୍ତେ ଆଡ଼ାଗାକତାନ୍ ତାଇକେନାଏ ।

୧୬ ଏନ୍ ଦିପିଲିରେ ବାରବ୍‌ବା* ନୁତୁମ୍ ମିଆଁଦ୍ ନାମିକୁମ୍‌ତୁ ଜେହେଲ୍‌ରେ ତାଇକେନାଏ । ୧୭ ଏନ୍ତେ ଇନ୍‌କୁ ହୁଣ୍ଡିକାନ୍ ତାଇକେନ୍ ଇମ୍‌ତା ପିଲାତୁସ୍ ଇନ୍‌କୁକେ କୁଲିକେଦ୍‌କଆଏ, “ଆଇଙ୍ଠ ଆପେୟାଃ ନାଗେନ୍ତେ ଅକଏକେଇଙ୍ଠ ଆଡ଼ାଃଇୟା ମେନ୍ତେପେ ସାନାଙ୍ଠତାନା ? ବାରବ୍‌ବାକେ ଚି ଖ୍ରୀଷ୍ଟ ନୁତୁମ୍‌ତାନ୍ ଯାଶୁକେ ?” ୧୮ ଚିୟାଃଗି ଯିହୁଦୀକଆଃ ପ୍ରାଚିନ୍‌କ ହିସ୍‌ଙ୍ଠାତେ ଇନିଃକେକ ଜିମାକିୟା, ଏନା ପିଲାତୁସ୍ ସାରିତାଇକେନାଏ ।

୧୯ ପିଲାତୁସ୍ ବିଚାର ଠାୟାଦ୍‌ରେ ଦୁବାକାନ୍ ତାଇକେନ୍ ଇମ୍‌ତା ଆୟାଃ କୁଡ଼ି, “ଏନ୍ ଧାର୍‌ମାନ୍ ହଡ଼କେ ଜେଡ୍‌ନାଃ ଆଲମ୍ ରିକାଇୟା, ଚିୟାଃଗି ଇନିୟାଃ ନାଗେନ୍ତେ ଆଇଙ୍ଠ କୁମ୍‌ରେ ତିସିଙ୍ଠ ନିଦାରେ ପୁରାଃଗି ଦୁକୁଇଙ୍ଠ ନାମାକାଦା” ମେନ୍ତେ କାଜି କୁଲିକେଦାଏ ।

୨୦ ମେନ୍‌ଦ ମୁଲ୍ ଯାଜାକକ ଆତଃ ପ୍ରାଚିନ୍‌କ ବାରବ୍‌ବାକେ ଆସି ନାଙ୍ଠ ଆତଃ ଯାଶୁକେ ଗଜି ନାଗେନ୍ତେ ଗାଦେଲ୍ ହଡ଼କକେ ଉସ୍‌କୁରକେଦ୍‌କଆକ । ୨୧ ମେନ୍‌ଦ ରୋମିରେନ୍ ଲାଟ୍‌ସାହେବ୍ ଗାଦେଲ୍ ହଡ଼କକେ କୁଲିକେଦ୍‌କଆଏ, “ନେ ବାରାନ୍‌କିନ୍‌ଏତେ ଆପେୟାଃ ନାଗେନ୍ତେ ଅକଏକେଇଙ୍ଠ ଆଡ଼ାଃଇୟା ମେନ୍ତେପେ ସାନାଙ୍ଠତାନା ?”

ଇନ୍‌କୁ “ବାରବ୍‌ବାକେ” ମେନ୍ତେକ କାଜିରୁହାଡ଼କିୟା ।

୨୨ ପିଲାତୁସ୍ ଇନ୍‌କୁକେ କୁଲିକେଦ୍‌କଆଏ, “ଖ୍ରୀଷ୍ଟ ନୁତୁମ୍ ଯାଶୁକେ ଆଇଙ୍ଠ ଚିନାଃ ଚିକାଇୟାଇଙ୍ଠ ?”

ଇନ୍‌କୁ ସବେନ୍‌କ କାଉରିକେଦ୍‌ତେ କାଜିରୁହାଡ଼କିୟା, “ଇନିଃକେ କୁଶ୍‌ରେ କିଲାଇମେ ।”

୨୩ ମେନ୍‌ଦ ପିଲାତୁସ୍ ଇନ୍‌କୁକେ କୁଲିକେଦ୍‌କଆଏ, “ଚିକାନାଙ୍ଠ ଇନିଃ କିଲାଞ୍ଜାଏଃ ଚିକାନ୍ ଗୁଣ୍ଠାଁ ରିକାକାଦାଏ ?”

ମେନ୍‌ଦ ଇନ୍‌କୁ ପୁରାଃତେକ କାଉରିକେଦା, “କୁଶ୍‌ରେ କିଲାଅଃକାଏ ।”

୨୪ ଏନ୍ତେ ପିଲାତୁସ୍ ଜେଡ୍‌ନାଃ ରିକା କାଏ ଦାଡ଼ିକେନା, ମେନ୍‌ଦ ଆଦ୍‌କା ପୁରାଃ ହାଲାଗୁଲାଅଃତାନା, ନେଆଁ ଆର୍‌କାରକେଦ୍‌ତେ ଦାଆଃ ଆଉକେଦାଏ ଆତଃ ଗାଦେଲ୍ ହଡ଼କଆଃ ସାମ୍‌ନାଙ୍ଠରେ ଆୟାଃ ତିଃଇ ଆବୁଙ୍ଠକେଦ୍‌ତେ କାଜିକେଦାଏ, “ନେ ହଡ଼ଆଃ ଗନଏଃ ମାୟୋମ୍‌ରେ ଆଇଙ୍ଠ କାଇଙ୍ଠ ଚିଟାନାଃ, ଏନା ଆପେୟାଃ କାମିତାନାଃ ।”

୨୫ ସବେନ୍ ହଡ଼କ କାଜିରୁହାଡ଼କିୟାକ, “ୟାଶୁଆଃ ଗନଏଃରାଃ ଗୁଣ୍ଠାଁ ଆଲେୟାଃରେ ଆତଃ ଆଲେୟାଃ ହନ୍‌କଆଃରେ ଠଗକା ।”

୨୬ ଏନ୍ତେ ପିଲାତୁସ୍ ବାରବ୍‌ବାକେ ଇନ୍‌କୁ ନାଗେନ୍ତେ ଆଡ଼ାଃକିୟା, ମେନ୍‌ଦ ଯାଶୁକେ ହାଁଶ୍‌ସା ରିକାକେଦ୍‌ତେ କୁଶ୍‌ରେ କିଲାଅଃକାଏ ମେନ୍ତେ ସିପାଇକଆଃ ତିଃଇରେ ଜିମାକିୟାଏ ।

ୟାଶୁକେ ସିପାଇକ ଲାନ୍‌ଇତାନା

(ମାର୍କ ୧୫:୧୬-୨୦; ଯୋହାନ୍ ୧୯:୨-୩)

* ୨୭:୧୭ ୨୭:୧୭ ଚିମିନ୍ ମାରି ଅନଲ୍‌ରେ ଇନିୟାଃ ନୁତୁମ୍ ଯାଶୁ ବାରବ୍‌ବାସ୍ ଅଲ୍‌କାନା

୨୭ ଏନ୍ତେ ପିଲାତୁସ୍ୟାଃ ସିପାଇକ ଯୀଶୁକେ ରୋମିରେନ୍ ଲାଟ୍‌ସାହେବ୍‌ଆଃ ଅଡ଼ାଃ ଭିତାର୍‌ତେ ଇଦିକେଦ୍‌ତେ ଗଟା ପାଲ୍‌ଟାନ୍‌କରେନ୍‌କକେ ହୁଣ୍ଡିକେଦ୍‌କଆକ । ୨୮ ଇନ୍‌କୁ ଇନିୟାଃ ଲିଜାଃ ହଲେଃକ୍‌କେଦ୍‌ତେ ଇନିଃକେ ମିଆଁଦ୍ ବାଇଗିନିଆ ଲିଜାଃକ ତୁସିଙ୍‌କିୟା । ୨୯ ଏନ୍ତେ ଜାନୁମ୍ କତ ଗାଲାଙ୍‌କେଦ୍‌ତେ ମୁକୁଟ୍‌କ ବାଇକେଦା ଏନ୍ତେ ଇନିୟାଃ ବହଃରେକ ଚୁପୁରିକିଆ ଆଡ଼ଃ ଇନିୟାଃ ଜମ୍ ତିଃଇରେ ମିଆଁଦ୍ ସଟାକ ଏମ୍‌କିୟା ଆଡ଼ଃ ଇନିୟାଃ ଆୟାର୍‌ରେ ଇକ୍‌ଡ଼ୁକେଦ୍‌ତେ, “ଏ ଯିହୁଦୀକଆଃ ରାଜା ଜାନାଅ ଜାକେଦ୍ ତାଇନ୍‌ମେ” ମେନ୍ତେ କାଜିକେଦ୍‌ତେ ଇନିଃକେକ ଲାୟାକିୟା । ୩୦ ଆଡ଼ଃ ଇନ୍‌କୁ ଇନିଃକେ ବେଏକ୍‌କିୟାକ ଆଡ଼ଃ ଏନ୍ ପାଇପ୍ ଇଦିକେଦ୍‌ତେ ଇନିୟାଃ ବହଃରେକ ଦାଲ୍‌କିୟା । ୩୧ ଇନ୍‌କୁ ଇନିଃକେ ଲାୟା ଚାବାକିତେ, ଏନ୍ ଲିଜାଃକ ହଲେଃକ୍‌କେଦା ଆଡ଼ଃ ଆୟାଃ ଲିଜାଃ ତୁସିଙ୍‌କିତେ କୁଣ୍‌ରେ କିଲାଇ ନାଗେନ୍ତେକ ଇଦିକିୟା ।

ୟୀଶୁ କିଲାୟାନାଏ

(ମାର୍କ ୧୫:୨୧-୩୨; ଲୁକ ୨୩:୨୬-୪୩; ଯୋହାନ୍ ୧୯:୧୭-୨୭)

୩୨ ଇନ୍‌କୁ ସାହାର୍‌ଏତେ ସେନଃତାନ୍ ତାଇକେନ୍ ଇମ୍‌ତାଗି ଶିମୋନ୍ ନୁତୁମ୍ କୁରିନି ସାହାର୍‌ରେନ୍ ମିଆଁଦ୍ ହଡ଼କେ ନେଲ୍‌କେଦ୍‌ତେ ଯୀଶୁଆଃ କୁଣ୍ ଗଅଃ ନାଗେନ୍ତେ ଇନିଃକେ ଜାବାର୍‌ଜାସିକିୟାକ । ୩୩ ଇନ୍‌କୁ ଗାଲ୍‌ଗାଆ, ନେଆଁରାଃ ମୁଣ୍ଡିଦ୍ “ବହଃଜାଙ୍ଗ୍” ନୁତୁମ୍ ମିଆଁଦ୍ ଠାୟାଦ୍‌ତେକ ହିଜୁଃୟାନା । ୩୪ ଏନ୍ତାଃରେ ଇନ୍‌କୁ ଇନିଃକେ ମେହେର୍‌ତେଆଃ ମେସାକାନ୍ ଦାଖ୍‌ରାସି ନୁଁଇ ନାଗେନ୍ତେକ ଏମ୍‌କିୟା, ମେନ୍‌ଦ ଇନିଃ ଏନାକେ ଚାଖାଅକେଦ୍‌ତେ ନୁଁ କାଏ ଦାଡ଼ିକେନା ।

୩୫ ଇନ୍‌କୁ ଯୀଶୁକେ କୁଣ୍‌ରେ କିଲାକିୟାକ, ଏନ୍ତେ ଇନିୟାଃ ଲିଜାଃକକେ ଇଦି ନାଗେନ୍ତେ ଚିଠା ଉୟୁଃକେଦାକ ଆଡ଼ଃ ଲିଜାଃତାୟାଃ ହାଟିଙ୍‌କେଦାକ । ୩୬ ଏନ୍ ତାୟମ୍‌ତେ ଇନ୍‌କୁ ଏନ୍ତାଃରେ ଦୁବ୍‌କେଦ୍‌ତେ ଇନିଃକେକ ହରକିୟା । ୩୭ ଆଡ଼ଃ ଇନିୟାଃ ବହଃ ଚେତାନ୍‌ରେ ଇନ୍‌କୁ “ନିଃ ଯିହୁଦୀକଆଃ ରାଜା ଯୀଶୁ ତାନିଃ,” ମେନ୍ତେ ଆୟାଃ ବିରୁଧ୍‌ରେ ମିଆଁଦ୍ ଚିଠାଅନଲ୍‌ରେ ଅଲ୍‌କେଦ୍‌ତେ ହାକାକେଦାକ । ୩୮ ଏନ୍ତେ ଇନିଃଲଃ ବାର୍‌ହଡ଼୍‌ରେରେଃକ୍‌କିନ୍‌କେ କୁଣ୍‌ରେକ କିଲାକେଦ୍‌କିନା ମିଆଁଦ୍‌ନିଃକେ ଜମ୍‌ସାଃରାଃ କୁଣ୍‌ରେ ଆଡ଼ଃମିଆଁଦ୍‌ନିଃକେ ଲେଙ୍‌ଗାତିସାଃରାଃ କୁଣ୍‌ରେ ।

୩୯ ଆଡ଼ଃ ଏନ୍ ହରାରେ ସେନ୍‌ପାରମଃତାନ୍ ହଡ଼କ ଆକଆଃ ବହଃ ହିଲାଅକେଦ୍‌ତେ ଯୀଶୁକେ ନିନ୍ଦାତାନ୍‌ଲଃ ଲାୟାକିୟାକ, ୪୦ ଆଡ଼ଃ କାଜି ଏଟେଦ୍‌କେଦାକ, “ବାଃରେ, ମାନ୍ଦିର୍ ହାଦୁଡ଼୍‌ନିଃ ଆଡ଼ଃ ଆପିମାରେ ବାଇରୁହାଡ଼୍‌ନିଃ, ଆମ୍ ପାର୍‌ମେଶ୍‌ବାର୍‌ଆଃ ହନ୍‌ତାନ୍‌ମେରେଦ୍ ମାର୍ କୁଣ୍‌ଏତେ ଆଡ଼୍‌ଗୁନ୍‌ମେ ଆଡ଼ଃ ବାଞ୍ଚାଅଏନ୍‌ମେ ।”

୪୧ ଏନ୍ ଲେକାଗି ମୁଲ୍ ଯାଜାକ୍‌କ, ଆଇନ୍ ଇଡୁକ ଆଡ଼ଃ ପ୍ରାଚିନ୍‌କ ସବେନ୍ ଲାୟାକିୟାକ, ୪୨ ଆଡ଼ଃ କାଜିକିୟାକ, “ଇନିଃଦ୍ ଏଟାଃକକେ ବାଞ୍ଚାଅକେଦ୍‌କଆଏ, ମେନ୍‌ଦ ଇନିଃ ଆଇଃକ୍‌ଗି ବାଞ୍ଚାଞ୍ଜେନ୍ କାଏ ଦାଡ଼ିତାନ୍ । ଇନିଃ ଇସ୍ରାଏଲ୍‌ରେନ୍ ରାଜା ତାନିଃରେଦ୍ ନାହାଁଃଗି କୁଣ୍‌ଏତେ ଆଡ଼୍‌ଗୁନ୍‌କାଏ, ଆଡ଼ଃ ଆବୁ ସବେନ୍‌କ ଏନା ନେଲ୍‌କେଦ୍‌ତେ ଇନିଃରେରୁ ବିଶ୍ୱାସେତେୟାଃ । ୪୩ ଇନିଃଦ୍ ଆଇଃକ୍‌ଗି ପାର୍‌ମେଶ୍‌ବାର୍‌ଆଃ ହନ୍‌ତାନିଙ୍ ମେନ୍ତେ କାଜିୟାଃଏ ଆଡ଼ଃ ପାର୍‌ମେଶ୍‌ବାର୍‌ତାଃରେ ଭାର୍‌ସାକାଦାଏ । ଠାଉକାଗିୟା, ପାର୍‌ମେଶ୍‌ବାର୍ ଇନିଃକେ ବାଞ୍ଚାଅ ସାନାଙ୍‌ତାନାଏ ଚି କାହା ଏନା ମାର୍‌ରୁ ନେଲେୟା ।”

୪୪ ଆଡ଼ଃ ଇନିଃଲଃ କୁଣ୍‌ରେ କିଲାକାନ୍ ଏଡ଼କାନ୍ କାମିକିନ୍‌ହଗି ନେ ଲେକାଗି ଇନିଃକେକିନ୍ ଲାୟାକିୟା ।

ୟୀଶୁଆଃ ଗନଏଃ

(ମାର୍କ ୧୫:୩୩-୪୧; ଲୁକ ୨୩:୪୪-୪୯; ଯୋହାନ୍ ୧୯:୨୮-୩୦)

୪୫ ତିକିନ୍‌ସିଙ୍‌ଏତେ ତାର୍‌ସିଙ୍ଗ୍ ତିନ୍‌ପାଣ୍ଟା ଜାକେଦ୍ ଗଟା ଦିଶୁମ୍ ନୁବାଃୟାନା । ୪୬ ତାର୍‌ସିଙ୍ଗ୍ ତିନ୍‌ବାଜେ ଇମ୍‌ତାକ ଯୀଶୁ ପୁରାଃତେ କାଉରିକେଦ୍‌ତେ କାଜିକେଦାଏ, “ଏଲୋଇ, ଏଲୋଇ, ଲାମା ସାବାକ୍‌ଆନି ?” ଏନାରାଃ ମୁଣ୍ଡିଦ୍, “ଏ ଆଇଁୟାଃ ପାର୍‌ମେଶ୍‌ବାର୍, ଏ ଆଇଁୟାଃ ପାର୍‌ମେଶ୍‌ବାର୍ ଚିନାଃମେନ୍ତେ ଆଇଙ୍‌କେ ବାଗିକିଦିୟାମ୍ ?”

୪୭ ଏନ୍ତାଃରେ ତିଙ୍ଗୁଆକାନ୍ ଚିମିନ୍ ହଡ଼କ ନେଆଁ ଆୟୁମ୍‌କେଦ୍‌ତେ, “ଇନିଃ ଏଲିୟାକେ ହାକାଅତାନା” ମେନ୍ତେକ କାଜିକେଦା । ୪୮ ଇନ୍‌କୁଏତେ ମିଆଁଦ୍‌ନିଃ ନିର୍‌ଧାବ୍‌କେଦ୍‌ତେ ସ୍ତୁଞ୍ଜକେ ସାବ୍‌କେଦାଏ ଆଡ଼ଃ ମେହେର୍ ରାସିରେ ତୁପୁକେଦ୍‌ତେ ମିଆଁଦ୍ ଜିଲିଙ୍ଗ୍ ସଟାରେୟାଃ ରୁଟିରେ ଗୁଡୁକେଦାଏ, ଏନ୍ତେ ଇନିଃକେ ନୁଁ ନାଗେନ୍ତେ ଏମ୍‌କିୟାଏ ।

୪୯ ମେନ୍‌ଦ୍ ଏଟାଃକ କାଜିକେଦା, “ରାହା, ନାହାଁଃ ଏଲିୟା ଇନିଃକେ ବାଞ୍ଚାଅ ନାଗେନ୍ତେ ହିଜୁଃଆଏ ଚି କାହା ଏନାବୁ ନେଲେୟା ।”

☆ ୨୭:୪୦ ୨୭:୪୦ ମାଧୁର ୨୭:୨୧; ଯୋହାନ୍ ୨:୧୯.

୫୦ ଯୁଗୁ ଆଡ଼ମିସା ପୁରାଃଗି କାଉରିକେଦାଏ ଆଡ଼ ଜୀଉତାୟାଃ ଅଡ଼ଙ୍ଗୟାନା ।

୫୧ ଏନ୍ତେ ମାନ୍ଦିର୍ ଅଡ଼ାଃରେ ହାକାକାନ୍ ହାନାଟିଙ୍ଗ୍ ଦାନାଙ୍ଗଲିଜାଃ ଚେତାନ୍ଏଡେ ଲାତାର୍ ଜାକେଦ୍ ଆଲାରେ ବାର୍ ହିସା ଚାଗାଡ଼ୟାନା ଆଡ଼ ଅଡେ ଏକ୍ଲାଅକେଦ୍ ଚାଚେନ୍ଦକ ଫାଡ଼ାଃୟାନା । ୫୨ ଆଡ଼ ଚିମିନ୍ ତପାଗାଡ଼ାକ ଅଗାଃୟାନା ଆଡ଼ ପାର୍ମେଶ୍ଵାର୍ଆଃ ଚିମିନ୍ ଗଜାକାନ୍ ପାବିତାର୍ ହଡ଼କଆଃ ହଡ଼ଫ ଜୀଉବିରିଦ୍ୟାନା । ୫୩ ଆଡ଼ ଇନ୍କୁ ତପାଗାଡ଼ା ବାଟିକେଦ୍ ଯୁଗୁଆଃ ଜୀଉବିରିଦ୍ ତାୟମ୍ତେ ପାବିତାର୍ ନାଗାର୍ ଯାରୁଶାଲେମ୍ତେ ସେନଃୟାନାକ । ଏନା ପୁରାଃ ହଡ଼କ ଇନ୍କୁକେ ନେଲ୍କେଦ୍କଆକ ।

୫୪ ମିଦ୍ଗାଅ ସିପାଇକଆଃ ଗମ୍କେ ଆଡ଼ ଆୟାଃଲଃ ଯୁଗୁକେ ହରଇତାନ୍କ ଅଡେ ଏକ୍ଲାଅଃଡେୟାଃ ଆଡ଼ ସବେନ୍ ହବାୟାନ୍ତେୟାଃକ ନେଲ୍କେଦ୍ତେ ପୁରାଃଗିକ ବରକେଦା ଆଡ଼ ଆକ୍ଦାନ୍ଦାଅଃଡାନ୍ଲଃ କାଜିକେଦାକ, “ସାର୍ଡିଗି ନେ ହଡ଼ ପାର୍ମେଶ୍ଵାର୍ଆଃ ହନ୍ଗି ତାଇକେନାଏ ।”

୫୫ ଏନ୍ତାଃରେ ଯୁଗୁକେ ଦେଙ୍ଗାକାଇ ପୁରାଃ କୁଡ଼ିକ ସାଙ୍ଗିନ୍ଏଡେ ନେଲି ତାଇକେନାକ । ଇନ୍କୁ ଗାଲିଲ୍ଏଡେ ଅଡ଼ଙ୍ଗାଉକାଇ ତାଇକେନାକ । ୫୬ ଇନ୍କୁଏଡେ, ମାଗ୍ଦାଲିନି ମାରିୟାମ୍, ଯାକୁବ୍ ଆଡ଼ ଯୋଷେଫ୍ଆଃ ଏଙ୍ଗାଡେ ମାରିୟାମ୍ ଆଡ଼ ଜେବଦୀୟାଃ ହନ୍କଆଃ ଏଙ୍ଗାଡେ, ନେ ସବେନ୍କ ତାଇକେନା ।

ୟୁଗୁଆଃ ତପାଅଃ

(ମାର୍କ ୧୫:୪୨-୪୭; ଲୁକ ୨୩:୫୦-୫୬; ଯୋହାନ୍ ୧୯:୩୮-୪୨)

୫୬ ଆୟୁବ୍ୟାନ୍ଦି ହାରାମାଥ୍ୟା ସାହାରରେନ୍ ଯୋଷେଫ୍ ନୁଡୁମ୍ ମିଆଁଦ୍ କିସାଁଣ୍ ହଡ଼ ହିଜୁଃୟାନାଏ, ଇନିଃହଗି ଯୁଗୁଆଃ ମିଆଁଦ୍ ଚେଲା ତାଇକେନାଏ । ୫୮ ଇନିଃ ପିଲାତୁସ୍ତାଃଡେ ସେନ୍କେଦ୍ତେ ଯୁଗୁଆଃ ଗଏଃହଡ଼ଫ ଆସିକିୟାଏ, ଏନ୍ତେ ପିଲାତୁସ୍ ଇନିୟାଃ ଗଏଃହଡ଼ଫ ଏମାଇ ନାଗେନ୍ତେ ଆରୁକେଦ୍କଆ । ୫୯ ଆଡ଼ ଯୋଷେଫ୍ ଯୁଗୁଆଃ ଗନଏଃ ହଡ଼ଫ ଆଉକେଦ୍ତେ ଫାର୍ଡି ନିରାଲ୍ ଲିଜାଃଡେ ପଟ୍ମକେଦାଏ । ୬୦ ଆଡ଼ ଇନିଃ ଆୟାଃ ନାଗେନ୍ତେ ଚାଚେନ୍ଦରେ ଉରାକାନ୍ ନାଞ୍ଜା ତପାଗାଡ଼ାରେ ଇନିଃକେ ଦହକିୟାଏ ଆଡ଼ ତପାଗାଡ଼ା ଦୁଆରରେ ମିଆଁଦ୍ ମାରାଙ୍ଗ୍ ଦିରିଡେ ବାଟିକେସେଦ୍କେଦ୍ତେ ସେନଃୟାନାଏ । ୬୧ ଆଡ଼ ମାଗ୍ଦାଲିନି ମାରିୟାମ୍ ଆଡ଼ ଏଗାଃ ମାରିୟାମ୍ ତପାଗାଡ଼ା ହେପାଦ୍ରେ ଦୁବ୍ୟାନାକିନ୍ ।

ତପାଗାଡ଼ାତାଃରେ ଦାରଞ୍ଜାନ୍କ

୬୨ ଏଗାଃ ହୁଲାଙ୍ଗ୍, ଅକ୍ନାଃଡି ରୁଡ଼ନୁହୁଲାଙ୍ଗ୍ରେ ମୁଲ୍ ଯାଜାକ୍ ଆଡ଼ ଫାରୁଗୀକ ପିଲାତୁସ୍ତାଃଡେ ସେନଃୟାନାକ ୬୩ ଏଆଡ଼ କାଜିକିୟାକ, “ହେ ଗମ୍କେ, ଆଲେ ନାହାଁଃ ଜାକେଦ୍ ପାହାମ୍କାଦାଲେ ଏନ୍ ବେଦାନିଃ ଜାନିଦ୍ ତାଇକେନ୍ରେ ‘ଆଇଙ୍ଗ୍ ଆପିମା ତାୟମ୍ତେ ଜୀଉବିରିଦାଇଙ୍ଗ୍’ ମେନ୍ତେ କାଜିକାଦ୍ ତାଇକେନାଏ । ୬୪ ଏନା ନାଗେନ୍ତେ ତପାଗାଡ଼ାକେ ଆପିମା ଜାକେଦ୍ ହର ନାଗେନ୍ତେ ଆରୁକମ୍, କା’ରେଦ ଇନିୟାଃ ଚେଲାକ ନିଦାରେ ହିଜୁଃଆକ ଆଡ଼ ଗଏଃହଡ଼ଫକେ କୁମ୍ପୁଡୁ ଇଦିକେୟାକ ଏନ୍ତେ ଇନିଃ ଗଜାକାନ୍କଏଡେ ଜୀଉବିରିଦାକାନାଏ ମେନ୍ତେ ହଡ଼କକେ କାଜିୟାକଆକ । ନେ ଚୁଣ୍ଡୁବେଦା ପାହିଲା ବେଦାଏଡେ ପୁରାଃ ଏଡ଼କାନ୍ ହବାଅଆଃ ।”

୬୫ ପିଲାତୁସ୍ ଇନ୍କୁକେ କାଜିରୁହାଡ଼ାଦ୍କଆଏ, “ଜୁ ଦାରଞ୍ଜାନ୍କକେ ଇଦିକପେ ଆଡ଼ ଏନ୍ ତପାଗାଡ଼ାକେ ବୁଗିଲେକା ହରୟେପେ ।”

୬୬ ଏନ୍ତେ ଇନ୍କୁ ଦାରଞ୍ଜାନ୍କଲଃ ସେନ୍କେଦ୍ତେ ତପାଗାଡ଼ା ବଲତାଃରେ ହାଣ୍ଡେଦାକାନ୍ ଦିରିକେ ମୋହର୍ ଏମ୍କେଦ୍ତେ ତପାଗାଡ଼ାକେ ହର ନାଗେନ୍ତେ ଦାରଞ୍ଜାନ୍କକେ କାଜିକେଦ୍କଆକ ।

୨୮

ୟୁଗୁଆଃ ଜୀଉବିରିଦ୍

(ମାର୍କ ୧୬:୧-୮; ଲୁକ ୨୪:୧-୧୨; ଯୋହାନ୍ ୨୦:୧-୧୦)

୧ ରୁଡ଼ନୁ ହୁଲାଙ୍ଗ୍ ତାୟମ୍ତେ, ଏତଆର୍ ହୁଲାଙ୍ଗ୍ ସେତାଃ ଇଦାନ୍ରେ ମାଗ୍ଦାଲିନି ମାରିୟାମ୍ ଆଡ଼ ଏଗାଃ ମାରିୟାମ୍ ତପାଗାଡ଼ା ଠାୟାଦ୍ତେ ନେନେଲ୍ତେକିନ୍ ସେନଃୟାନା । ୨ ଆଡ଼ ଏନ୍ତାଃରେ ପୁରାଃଗି ଅଡେ ଏକ୍ଲାଅୟାନା ଚିୟାଃଡି ପ୍ରାଭୁଆଃ ଦୁଁଡ଼ ସିମାଏଡେ ଆଡ଼ଗୁୟାନା ଏନ୍ତେ ତପାଗାଡ଼ା ସେନ୍କେଦ୍ତେ ଦୁଆରତାଃରାଃ ପୁରାଃ ମାରାଙ୍ଗ୍ ଦିରିକେ ବାଟି ଆଡ଼ମ୍କେଦ୍ତେ ଏନାରେ ଦୁବ୍ୟାନାଏ । ୩ ଇନିଃହ ଦିଟିର୍ ଲେକା ନେଲଃ ତାଇକେନାଏ ଆଡ଼ ଇନିୟାଃ ଲିଜାଃ ବାରାଫ୍ ଲେକା ପୁଣ୍ଡିଗି ତାଇକେନା । ୪ ଦାରଞ୍ଜାନ୍କ ଇନିଃକେ ନେଲ୍କେଦ୍ତେ ବରଡେ ଆର୍ଥାଆୟାନାକ ଆଡ଼ ଗଜାକାନ୍କ ଲେକା ହବାୟାନାକ ।

☆ ୨୭:୫୫ ୨୭:୫୫ ଲୁକ ୮:୨,୩. ☆ ୨୭:୬୩ ୨୭:୬୩ ମାଧୁର ୧୭:୨୧; ୧୭:୨୩; ୨୦:୧୯; ମାର୍କ ୮:୩୧; ୯:୩୧; ୧୦:୩୩,୩୪; ଲୁକ ୯:୨୨; ୧୮:୩୧-୩୩.

୫ ମେନ୍ଦ ଦୁଁଡ଼ ଏନ୍ କୁଡ଼ିକକେ ମେତାଦକଆଏ, “ଆଲ୍ଲପେ ବରଏୟା । ଆଇଙ୍ଗ ସାରିତାନାଇଙ୍ଗ ଆପେ କୁଣ୍ଡରେ କିଲାଇୟାନ୍ ଯୀଶୁକେ ଦାଣ୍ଡାତାନାପେ । ୬ ଇନିଃ ନେତାଃରେ ବାଙ୍ଗାଇୟା ଇନିଃଦ ଆୟାଃ କାଜିଲେକାତେ ଜୀଉବିରିଦାକାନାଏ । ନେତାଃ ହିଜୁଃକେଦ୍ତେ ନେଲେପେ, ନେତାଃରେ ଇନିୟାଃ ଗଏଃ ହଡ଼୍ତକେ ଦହକାଦ୍ ତାଇକେନାକ । ୭ ଆତଃ ଆପେ ଜାଲ୍ଦି ସେନ୍କେଦ୍ତେ ତେଲା ତାୟାଃକକେ କାଜିୟାକପେ, ‘ଇନିଃ ଗଜାକାନକଏତେ ଜୀଉବିରିଦାକାନାଏ, ଆତଃ ଆପେଏତେ ଆୟାରରେ ଇନିଃ ଗାଲିଲ୍ତେ ସେନଃତାନା । ଏନ୍ତାଃରେ ଆପେ ଇନିଃକେପେ ନେଲିୟା ।’ ଆଇଙ୍ଗ ଆପେକେ କାଜିକାଦ୍ପେତେୟାଃ ପାହାମେପେ ।”

୮ ନେଆଁ ଆୟୁମ୍ବକେଦ୍ତେ ଇନ୍କୁ ବରତାନ୍ରେୟ ପୁରାଃ ରାସକାତାନ୍ଲଃ ଇମ୍ତାଗି ତପାଗାଡ଼ା ବାଗିକେଦ୍ତେ ଆୟାଃ ତେଲାଇକେ ଉଦ୍‌ବାକ ନାଗେନ୍ତେ ନିର୍କେଦାକ ।

୯ ଇମ୍ତାଙ୍ଗି ଯୀଶୁ ଇନ୍କୁକେ ହିଜୁଃନାମକେଦ୍ତେ କାଜିୟାଦକଆଏ, “ଆପେୟାଃ ଜୀଉସୁକୁ ହବାଅଃକା” ଆତଃ ଇନ୍କୁ ସେନ୍ ହେପାଦ୍‌କେଦ୍ତେ ଇନିୟାଃ କାଟା ସାବ୍‌କେଦ୍ତେ ଜହାର୍‌କିୟାକ । ୧୦ ଏନ୍ତେ ଯୀଶୁ ଇନ୍କୁକେ କାଜିୟାଦକଆଏ, “ଆଲ୍ଲପେ ବରଏୟା, ଆପେ ସେନ୍କେଦ୍ତେ ଆଇଁୟାଃ ହାଗାଇଙ୍ଗକେ କାଜିୟାକପେ, ଗାଲିଲ୍ତେ ସେନଃପେ ଆତଃ ଏନ୍ତାଃରେ ଇନିଃକେପେ ନେଲିୟା ।”

ଦାରଝାନ୍‌କଆଃ ଉନ୍ନୁଦୁବ୍

୧୧ ଏନ୍ କୁଡ଼ିକ ସେନଃତାଇକେନ୍ ଇମ୍ତା, ତପାଗାଡ଼ା ହରତାଇକେନ୍ ଦାରଝାନ୍ ସିପାଇକଏତେ ଚିମିନ୍‌କ ନାଗାର୍‌ତେ ରୁହାଡ଼କେଦ୍ତେ ମୁଲ୍ ଯାଜାକକେ ହବାଲେନ୍‌ତେୟାଃ ସବେନାଃ ଉଦୁବାଦକଆକ । ୧୨ ଆତଃ ମୁଲ୍ ଯାଜାକ ଆତଃ ପ୍ରାଚିନ୍‌କ ହୁଣ୍ଡିକେଦ୍ତେ ବାଣ୍ଡାଣ୍ ବାଇକେଦାକ ଏନ୍ତେ ଦାରଝାନ୍ ସିପାଇକକେ ପୁରାଃ ଟାକା ଏମ୍‌କେଦ୍ତେ, ୧୩ କାଜିକେଦକଆକ, “ଆଲେ ଦୁଡ଼ମ୍ବାକାନ୍ ତାଇକେନ୍ ଇମ୍ତା ଇନିୟାଃ ତେଲାଇ ନିଦାରେ ହିଜୁଃକେଦ୍ତେ ଇନିଃକେ କୁମ୍‌ତୁ ଇଦିକିୟାକ ମେନ୍ତେ କାଜିୟାକପେ । ୧୪ ଆତଃ ନେ କାଜି ରୋମିରେନ୍ ଲାଟ୍‌ସାହେବ୍ ଆୟୁମ୍ବରେଦ୍ ଆଲେ ଇନିଃକେ ବୁଗିଲେକା କାଜିତାଇୟାଲେ ଯେ, ଆପେୟାଃ ଜେତାନ୍ ଗୁହ୍ନାଁ ବାନଆଃ । ନେ ବିଷାଏରେ ଆପେ ଜେଡ଼ନାଃ ଆଲ୍ଲପେ ଉଡ଼୍‌ୟା ।”

୧୫ ଦାରଝାନ୍ ସିପାଇକ ଟାକା ନାମକେଦ୍ତେ ଇନ୍କୁ ଇତୁକାଦକ ତାଇକେନ୍ ଲେକାକ କାଜିକେଦା ଆତଃ ଏନ୍ କାଜି ଯିହୁଦୀକଆଃ ଆଲାରେ ନିତିର୍‌ୟାନା ଆତଃ ତିସିଙ୍ଗ୍ ଜାକେଦ୍ ମେନାଃ ।

ୟୀଶୁ ଆୟାଃ ତେଲାଇତାଃରେ ଉଦୁବେନ୍‌ୟାନା

(ମାର୍କ ୧୬:୧୪-୧୮; ଲୁକ ୨୪:୩୬-୪୯; ଯୋହାନ୍ ୨୦:୧୯-୨୩; ପ୍ରେରିଡ଼ ୧:୬-୮)

୧୬ ✨ଏଗାରାଝାନ୍ ତେଲାଇ ଗାଲିଲ୍ତେ ସେନ୍କେଦ୍ତେ ଯୀଶୁ କାଜିକାଦକ ତାଇକେନ୍ ବୁରୁତେକ ସେନଃୟାନା । ୧୭ ଏନ୍ତାଃରେ ଇନ୍କୁ ଯୀଶୁକେ ନେଲ୍‌କେଦ୍ତେ ଜହାର୍‌କିୟାକ ମେନ୍ଦ ଚିମିନ୍‌କ ଆତଃଉଡ଼୍‌ୟାନା । ୧୮ ଏନ୍ତେ ଯୀଶୁ ଇନ୍କୁତାଃରେ ହିଜୁଃକେଦ୍ତେ କାଜିକେଦକଆଏ, “ସିମା ଆତଃ ଅତେରେୟାଃ ସବେନ୍ ଆକ୍‌ତେୟାର୍ ଆଇୟାଃ ତିଃଇରେ ଏମାକାନା, ୧୯ ✨ଏନାମେନ୍ତେ ସେନଃପେ ଆତଃ ଅତେଦିଶୁମ୍‌ରେନ୍ ସବେନ୍ ହଡ଼କକେ ଆଇଁୟାଃ ତେଲା ବାଇକପେ ଆତଃ ଇନ୍କୁକେ ଆପୁ, ହନ୍ ଆତଃ ପାବିତାର୍ ଆମ୍‌ରାଃ ନୁଡୁମ୍‌ତେ ବାପ୍ରିସ୍ତାକପେ । ୨୦ ଆତଃ ଆଇଙ୍ଗ୍ ଆରୁକାଦ୍ ସବେନାଃ ମାନାତିଙ୍ଗ୍ ନାଗେନ୍ତେ ଇତୁକପେ ଆତଃ ସାରିଜମେପେ, ଆଇଙ୍ଗ୍ ଅତେଦିଶୁମ୍‌ରେୟାଃ ଟୁଣ୍ଡୁ ଦିପିଲି ଜାକେଦ୍ ଆପେଲଃ ସବେନ୍‌ଇମ୍ତା ତାଇନାଇଙ୍ଗ୍ ।”

✨ ୨୮:୧୭ ୨୮:୧୭ ମାଥିର ୨୭:୩୨; ମାର୍କ ୧୪:୨୮. ✨ ୨୮:୧୯ ୨୮:୧୯ ପ୍ରେରିଡ଼ ୧:୮.

ମାର୍କ ଲିଖିତ ଯୀଶୁ ଖ୍ରୀଷ୍ଟଙ୍କ ସୁସମାଚାର ମାର୍କ ଅଲକାଦ୍ ଯୀଶୁ ଖ୍ରୀଷ୍ଟଆଃ ସୁକୁକାଜି ପାରିଚାଏ

ଯୀଶୁ ଖ୍ରୀଷ୍ଟଆଃ ଜୀଞ୍ଜାନକେ ଉଦୁବେତାନ ନାଞ୍ଜା ନିୟାମ୍ପରାଃ ଚାରୁ ପୁଅକଏତେ ମାର୍କ ହବାଅଃତାନା ମିଆଁଦ୍ । ଏନ୍ ସବେନାଃକକେ “ସୁକୁକାଜି” କାଜିୟଃତାନା, ଏନାରାଃ ମୁଣ୍ଡି “ବୁଗିନ୍ କାଜି” ତାନାଃ । ଯୀଶୁଆଃ ଗନଏଃ ତାୟମତେ, ଏନ୍ ସୁକୁକାଜିକେ ମାୟୁଉ, ମାର୍କ, ଲୁକ, ଆତଃ ଯୋହାନ୍ ତିକୁ ଅଲକାଦାଃକ । ଉପୁନିୟା ସୁକୁକାଜିକଏତେ ମାର୍କ ହବାଅଃତାନା ସବେନ୍ଏତେ ହୁଡିଙ୍ଗ୍ । ନେ କାଜିୟଗି ବିଶ୍ୱାସଃ ତାନା ଯେ, ନେ ସୁକୁକାଜି ସବେନ୍ ସୁକୁକାଜି ଏତେ ସିଦା, ଯୀଶୁତାୟମ୍ ୨୫-୨୦ କରେ ଅଲକାନା । ତିମିନ୍ ବାଇବେଲ୍ ପାଣ୍ଡିତକ ବିଶ୍ୱାସେତାନାକ, ରୋମ୍ପରେ ତାଇନଃତାନ ଖ୍ରୀଷ୍ଟ ବିଶ୍ୱାସୀକକେ ବିଶ୍ୱାସରେ କେଟେଦଃ ନାଗେନ୍ତେ ରୋମ୍ପରେ ନେ ସୁକୁକାଜି ଅଲକାନ୍ ତାଇକେନା ।

ମାର୍କ, ଅକଏଚି ଯୋହାନ୍ ମାର୍କ ନୁତୁମ୍ପତେ ସାରିଅଃତାଇକେନାଏ, ଇନିଃ ପାଉଲୁସ୍ ଆତଃ ବର୍ଣ୍ଣବାସ୍ତରାଃ ଗାତି ତାଇକେନାଏ, ମେନ୍ଦ୍ ତିମ୍ପତା ଇନିଃ ଇନ୍କୁଆଃ ସେଞ୍ଜାକାମିରାଃ ସେନଃରେ ବାଗିକେଦ୍ତେ ରୁହାଡ୍ଫୟାନାଏ, ଇମ୍ପତା ଇନିୟାଃ ନୁତୁମ୍ପରେ ଆଞ୍ଚ ହିଜୁଃୟାନା ପ୍ରେରିଡ୍ ୧୩:୧୩ । ତାୟମତେ ଆତଃମିସା ଇନିଃ ବର୍ଣ୍ଣବାସ୍ତରାଃ ସେଞ୍ଜାକାମି ନାଗେନ୍ତେ ସେନଃୟାନାଏ ପ୍ରେରିଡ୍ ୧୫:୩୭-୩୯ । ମାର୍କହଗି ପାଡ୍‌ରାସ୍ତରାଃ ମିଆଁଦ୍ ଦୁଲାଡ୍ ଗାତି ମେନ୍ତେ ସାରିଅଃତାଇକେନାଏ ୧ ପାଡ୍‌ରାସ୍ ୫:୧୩ । ମାର୍କ ଯୀଶୁଆଃ ଜୀଞ୍ଜାନକେ ମେଦ୍ତେ କାଏ ନେଲ୍‌କାଇରେୟଗି, ବାଇବେଲ୍ ପାଣ୍ଡିତକ ବିଶ୍ୱାସେତାନାକ ଯେ, ଇନିଃ ପାଡ୍‌ରାସ୍ତରାଃ ଗାଞ୍ଜାଇଲେକାତେ ଆୟାଃ ସୁକୁକାଜିକେ ଅଲକାଦାଏ । ନେ ସୁକୁକାଜିରେ ମାର୍କ ଚେଲାବାଇ ଆତଃ ଚୁଣ୍ଡୁ ଦିପିଲି ବିଷାଏରେ ଯୀଶୁଆଃ ଇନିତୁକେ ଉଦୁବାକାଦା ।

ମାର୍କ ନେ ପୁଅରେ ଯୀଶୁ ଖ୍ରୀଷ୍ଟକେ ଲେବେଃ ଦାସି ଆତଃ ଆପୁ ପାର୍ମେଶ୍ୱାରରାଃ ସାନାଙ୍ଗ୍ ପୁରାନାଙ୍ଗ୍ ସବେନ୍ ନେତାରେ ତାୟରାକାନ୍ କାଜି ମାନାତିଙ୍ଗ୍ ହନ୍କଡା ଲେକା ଉଦୁବିତାନାଏ, ଏନାମେନ୍ତେ ଇନିଃ ବିଶେଷକେଦ୍ତେ, ପ୍ରାଭୁ ଯୀଶୁଆଃ ପେଡ୍‌ୟାନ୍ କାମିକ ବିଷାଏରେ ଅଲ୍‌କେଦା । ଦିଶ୍ୱମ୍ପରାଃ ସବେନ୍‌କତାଃରେ ପାର୍ମେଶ୍ୱାରରାଃ ସୁକୁକାଜି ପ୍ରାଚାର୍ ରିକାରାଃ ମାରାଙ୍ଗ୍ ଆନ୍‌ଚୁହଗି ନେ ସୁକୁକାଜିରେ ଅଲକାନା ।

ପୁଅ ଭିତରରେ ତାଇକାନ୍ କାଜି

- ୧. ବାପ୍ତିସ୍ମା ଏମଃନିଃ ଯୋହାନ୍ ଆତଃ ଯୀଶୁଆଃ ବାପ୍ତିସ୍ମା । ୧:୧-୧୩
- ୨. ଗାଲିଲ୍‌ରେ ପ୍ରାଭୁ ଯୀଶୁଆଃ ସେଞ୍ଜା । ୧:୧୪-୯:୫୦
- ୩. ଯୀରୁଶାଲେମ୍‌ତେ ସେନଃ ଆତଃ ମାନ୍ଦିର୍ ଅଡ଼ାଃରେ ବଲଃ । ୧୦:୧-୧୨:୪୪
- ୪. ହିଜୁଃ ବିଷାଏକରାଃ ଆୟାରକାଜି । ୧୩:୧-୩୭
- ୫. ଯୀଶୁଆଃ ଗନଏଃ ଆତଃ ଜୀଉବିନିରିଡ୍ । ୧୪:୧-୧୬:୨୦

ଯୋହାନ୍ ବାପ୍ତିସ୍ମା ଏମଃନିଃରାଃ ପ୍ରାଚାର୍
(ମାୟୁଉ ୩:୧-୧୨; ଲୁକ ୩:୧-୧୮; ଯୋହାନ୍ ୧:୧୯-୨୮)

^୧ ନେଆଁ ପାର୍ମେଶ୍ୱାରଆଃ ହନ୍ ଯୀଶୁ ଖ୍ରୀଷ୍ଟ*ଆଃ ସୁକୁକାଜିରାଃ ଏନେଟେଦ୍ । ^୨ ଯିଶାୟ ନାବୀ† ଅଲକାଦ୍ ପୁଅ ଲେକାତେ,

“ପାର୍ମେଶ୍ୱାର୍ କାଜିକେଦାଏ, ‘ଆଲେ ଆମାଃଏତେ ସିଦାରେ ଆଲେୟାଃ ଦୁଁଡ୍‌କେଲେ କୁଲିତାନା ଇନିଃ ଆମାଃ ନାଗେନ୍ତେ ପାହିଲାରେ ହରା ବାଇୟାଏ ।’

^୩ ଜେତାଏ ମିହୁଡ୍ ବିରରେ କାଉରିକେଦାଏ,
‘ପ୍ରାଭୁଆଃ ହରା ବାଇୟେପେ,
ଆୟାଃ ଏଙ୍କବେଙ୍କ ହରା ସିଧାଏପେ ।’”

^୪ ଏନ୍ତେ ବାପ୍ତିସ୍ମା ଏମଃନିଃ ଯୋହାନ୍ ବିରରେ ସେଟେରତାନ୍‌ଲଃ, ଇନିଃ ହଡ୍‌କକେ କାଜିୟାଦ୍‌କଆ, “ପାପ୍‌ଏତେ ମନ୍‌ରୁହାଡ୍‌ପେ ଆତଃ ବାପ୍ତିସ୍ମାଆଃପେ, ଏନାରେ ପାର୍ମେଶ୍ୱାର୍ ଆପେୟାଃ ପାପ୍‌କ ଛାମାପେୟାଏ ।” ^୫ ଏନ୍ତେ ଯିହୁଦା ରାଇଜ୍, ଯୀରୁଶାଲେମ୍ ନାଗାର୍‌ଏତେ ଆତଃ ଯାଦାନ୍ ନାହିଁରାଃ

* ୧:୧ ୧:୧ ମାସି, † ୧:୨ ୧:୨ କାଜି ଆୟାରନିଃ

ସବେନ ହପରଜାପାଠରେନ ହଡକ ଯୋହାନତାଃ ଆୟୁମ୍ ନାଗେନ୍ତେ ହିଜୁଃୟାନାକ । ଏନ୍ତେ ହଡକ ଆକଆଃ ପାପକ ପାତିୟାରକେଦା ଏନ୍ତେ ଇନିଃ ଯାଦାନ ନାହିଁରେ ଇନକୁକେ ବାପ୍ତିସ୍ମାକେଦକଆ ।

୭ ଯୋହାନ ଉର୍ବରାଃ ଉବ୍ତେ ବାଇୟାକାନ ଲିଜାଃ ତୁସିଙ୍ଗ୍ ଅଃତାନ ତାଇକେନାଏ, ଆୟାଃ ମାୟାଙ୍ଗ୍ରେ ଉହୁରରାଃ କାସ୍ନା ତଲଃ ତାଇକେନାଏ ଆତଃ ଇନିଃ ସନ୍ସରେଦ୍ ଆତଃ ହୁରୁମ୍ସୁକୁ ଜମ୍କତାନ ତାଇକେନାଏ । ୭ ଇନିଃ ପାର୍ତାରେତାନଲଃ କାଜିୟାଦକଆଏ, “ଆଇଙ୍ଗ୍ ଏତେ ପୁରାଃଗି ପେଡେୟାନିଃ ଆଇଁୟାଃ ତାୟମ୍ତେ ହିଜୁଃତାନା, ଉଙ୍ଗୁଦକେଦ୍ତେ ଇନିୟାଃ ଖାର୍ପାରେୟାଃ ତନଲ୍ ରାଡାଏ ଲେକାନିଃ ନାହାଁଲିଙ୍ଗ୍ । ୮ ଆଇଙ୍ଗ୍ ଏ ଆପେକେ ଦାଆଃତେ ବାପ୍ତିସ୍ମାପେ ତାନାଇଙ୍ଗ୍, ମେନ୍ଦ ଇନିଃ ଆପେକେ ପାବିତାର୍ ଆମ୍ତେ ବାପ୍ତିସ୍ମା ଏମାପେୟାଏ ।”

ୟୀଶୁଆଃ ବାପ୍ତିସ୍ମା ଆତଃ ବିଡାଅ
(ମାଥୁଉ ୩:୧୩-୪:୧୧; ଲୁକ ୩:୨୧-୨୨; ୪:୧-୧୩)

୯ ଏନ୍ ଦିପିଲିରେ ଯୀଶୁ ଗାଲିଲ୍ ପାରଗାନରେୟାଃ ନାଜ୍ରେଡ୍ ନାଗାର୍ ଏତେ ଯାଦାନ ନାହିଁତେ ହିଜୁଃୟାନା, ଆତଃ ଯୋହାନ ଯୀଶୁକେ ବାପ୍ତିସ୍ମା ଏମ୍କିୟାଏ । ୧୦ ଆତଃ ଯୀଶୁ ଦାଆଃ ଭିତାର୍ ଏତେ ବାହାରି ଅତଙ୍ଗ୍ ଇମ୍ତା ଇନିଃ ସିର୍ମା ନିଜାକାନ ଆତଃ ପାବିତାର୍ ଆମ୍ତା ଦୁଦୁମୁଲ୍ ‡ ଲେକା ଆୟାଃ ତେତାନରେ ଆଡ୍ଗୁତାନାଏ ନେଲ୍ କିୟା । ୧୧ *ଆତଃ ସିର୍ମାଏତେ ନେଲ୍ କେକା କାଜି ଆୟୁମ୍ ଯାନା, “ଆମ୍ଗି ଆଇଁୟାଃ ଦୁଲାଡ୍ ହନ୍, ଅକଏକେତି ଆଇଙ୍ଗ୍ ଦୁଲାଡାଃ; ଆମାଃତାଃରେ ଆଇଁୟାଃ ପୁରାଃଗି ସୁକୁ ।”

୧୨ ଇମ୍ତାଗି ପାବିତାର୍ ଆମ୍ତା ଯୀଶୁକେ ବିର୍ତେ ଇଦିକିୟା । ୧୩ ଯୀଶୁ ଏଡାଃରେ ବାର୍ ହିସି ନିଦାସିଙ୍ଗ୍ ତାଇକେନାଏ, ଆତଃ ସାଏତାନ ଇନିଃକେ ବିଡାଅକିୟା । ଇନିଃ ବିର୍ ଜାତୁକଲଃ ତାଇକେନାଏ ଆତଃ ଦୁଡ୍ଡକ ହିଜୁଃକେଦ୍ତେ ଇନିଃକେ ସୁସାର୍ ଏଚେଦକିୟାକ ।

ୟୀଶୁ ଚାର୍ ଝାନ୍ କେଉଁକକେ କେଡାକତାନାଏ
(ମାଥୁଉ ୪:୧୨-୨୨; ଲୁକ ୪:୧୪-୧୫; ୫:୧-୧୧)

୧୪ ଯୋହାନ ଜେହେଲ୍ ଝାନ୍ ତାୟମ୍ତେ, ଯୀଶୁ ଗାଲିଲ୍ ସାହାର୍ତେ ହିଜୁଃୟାନାଏ ଆତଃ ପାର୍ମେଶ୍ୱାରରାଃ ସୁକୁକାଜି ଉଦୁବ୍ ବାଡାକେଦାଏ । ୧୫ * “ନେତା ପୁରାୟାନା, ଆତଃ ପାର୍ମେଶ୍ୱାର୍ ଆଃ ରାଇଜ୍ ଆପେତାଃ ନାଡେୟାକାନା ! ଆପେୟାଃ ପାପ୍ ହେତେ ମନ୍ରୁହାଡେପେ ଆତଃ ସୁକୁକାଜିରେ ବିଶ୍ୱାସେପେ” ମେନ୍ତେ ଇନିଃ କାଜିକେଦକଆଏ ।

୧୬ ଯୀଶୁ ଗାଲିଲ୍ ଦରେୟା ଗେନାଗେନାତେ ସେନଃତାନ ଇମ୍ତା ଶିମୋନ୍ ଆତଃ ଆୟାଃ ହାଗାତେ ଆହିୟକେ ଦରେୟାରେ ଜାଲୋମ୍ ହୁଦମାକେଦ୍ତେ ହାକୁ ସାବ୍ତାନ ନେଲ୍ କେଦକିନାଏ, ତିୟାଃଗି ଇନକିନ୍ଦ କେଉଁକିନ୍ ତାଇକେନା । ୧୭ ଯୀଶୁ କାଜିକେଦକିନାଏ, “ଦେଲା ଆଇଙ୍ଗ୍ କେ ଅତଙ୍ଗ୍ ଇଙ୍ଗ୍ ବେନ୍, ଆଇଙ୍ଗ୍ ଆବେନ୍ କେ ହଡକକେ ପାର୍ମେଶ୍ୱାର୍ ତାଃତେ ଆଉତେୟାଃ ଇଡୁବେନାଇଙ୍ଗ୍ ।” ୧୮ ଇନକିନ୍ ଇମ୍ତାଙ୍ଗି ଜାଲୋମ୍ ବାଗିକେଦ୍ତେ ଯୀଶୁକେ ଅତଙ୍ଗ୍ କିୟାକିନ୍ ।

୧୯ ଆତଃ ଯୀଶୁ ଏଡାଃଏତେ କାଟିଃସାଙ୍ଗିନ୍ ଆୟୁର୍ତେ ସେନକେଦ୍ତେ ଜେବଦୀୟାଃ ହନ୍ ଯାକୁବ୍ ଆତଃ ଆୟାଃ ହାଗାତେ ଯୋହାନକେ ଲାଉକାରେ ଜାଲୋମ୍ ଚାପିତାନ ନେଲ୍ କେଦକିନାଏ । ୨୦ ଆତଃ ଇମ୍ତାଙ୍ଗି ଯୀଶୁ ଇନକିନ୍ କେଡାକେଦକିନାଏ, ଆତଃ ଇନକିନ୍ ଆକିନାଃ ଆପୁ ଜେବଦୀକେ ନାଲାମା ହଡକଲଃ ଲାଉକାରେ ବାଗିକେଦ୍ତେ ଯୀଶୁକେ ଅତଙ୍ଗ୍ କିୟାକିନ୍ ।

ବଙ୍ଗା ଏସେରାକାନ ହଡକେ ଯୀଶୁ ବୁଗିକିୟାଏ
(ଲୁକ ୪:୩୧-୩୭)

୨୧ ଏନ୍ତେ ଯୀଶୁ ଆୟାଃ ଚେଲାକଲଃ କପର୍ନାହୁମ୍ ସାହାର୍ତେ ସେନଃୟାନାଏ, ଆତଃ ଇନିଃ ରୁଡ୍ ନୁ ହୁଲାଙ୍ଗ୍ରେ ସାମାଜ୍ ଅଡାଃରେ ବଲକେଦ୍ତେ ଧାରାମ୍ କାଜି ଉଦୁବ୍ ଏଚେଦକେଦାଏ । ୨୨ * ଆୟାଃ ଧାରାମ୍ କାଜି ଆୟୁମ୍ କେଦ୍ତେ ହଡକ ଆକ୍ ଦାନ୍ଦାୟାନାକ, ତିୟାଃଗି ଇନିଃ ଆଇନ୍ ଇଡୁକ ଲେକାଦ କାହା, ମେନ୍ଦ ମିଆଦ୍ ଆକ୍ ତେୟାର୍ ନାମାକାଦିନିଃଲେକା ଇନକୁକେ ଧାରାମ୍ କାଜି ଉଦୁବ୍ କ ତାଇକେନାଏ ।

୨୩ ଇମ୍ତାଗି ଇନକୁଆଃ ସାମାଜ୍ ଅଡାଃରେ ମିଆଦ୍ ସଡ୍ରେ ଆମ୍ତେ ଏସେରାକାନ ହଡକ କାଉରିକେଦାଏ, ୨୪ “ହେ ନାଜ୍ରେଡ୍ରେନ୍ ଯୀଶୁ, ଆଲେଲଃ ଆମାଃ ତିକାନ୍ କାମି ? ଆମ୍ ତିନାଃ ଆଲେକେ ଜିୟନ୍ ନାଗେନ୍ତେ ହିଜୁଆକାନା ? ଆମ୍ ପାର୍ମେଶ୍ୱାର୍ ଆଃ ପାବିତାର୍ ନିଃ ତାନମେ, ଏନା ଆଇଙ୍ଗ୍ ସାରିତାନାଇଙ୍ଗ୍ ।”

‡ ୧:୧୦ ୧:୧୦ ପାରା * ୧:୧୧ ୧:୧୧ ମାଥୁଉ ୩:୧୭; ୧୨:୧୮; ମାର୍କ ୯:୭; ଲୁକ ୩:୨୨. * ୧:୧୫ ୧:୧୫ ମାଥୁଉ ୩:୨. § ୧:୨୧ ୧:୨୧ ଯିହୁଦୀକଆଃ ବିକ୍ରିଅଡାଃ * ୧:୨୨ ୧:୨୨ ମାଥୁଉ ୭:୨୮, ୨୯.

୨୫ ଯୀଶୁ ଇନିଷକେ ମାରାଙ୍ଗମତାକେଦତେ କାଜିକିୟାଏ, “ହାପାଅଃମେଁ, ଆଡଃ ଇନିଷତାଃଏତେ ଅଡ଼ଙ୍ଗଅଃମେ ।”

୨୬ ଏନ୍ତେ ଏନ୍ ସଡ଼ରା ଆମ୍ବା ଇନିଷକେ ମୁରକୁଟାଅକିୟାଏ ଆଡଃ କାଉରିତାନଲଃ ଇନିଷତାଃଏତେ ଅଡ଼ଙ୍ଗୟାନା । ୨୭ ନେୟାଁ ନେଲକେଦତେ ସବେନକ ନେ'ଲେକା ଆକଦାୟାୟାନାକ ଯେ, ଇନକୁ ଆକ ଆକଗି କୁଲିୟତାନକ ତାଇନକେନା “ନେୟାଁ ଚିକନାଃ ? ନେଆଁଦ ନାଝା ଇତୁ ! ନିଷଦ ଆକ୍ତେୟାରତେ ସଡ଼ରା ଆମ୍ବାକେ ଅଡ଼ଙ୍ଗଅଃ ନାଙ୍ଗ୍ ଆରୁକତାନାଏ ଆଡଃ ଇନକୁ ଇନିୟାଃ କାଜିକି ମାନାତିଙ୍ଗତାନା ।”

୨୮ ଆଡଃ ଯୀଶୁଆଃ କାଜି ଇମତାଗି ଗାଲିଲ୍ ଦିଶୁମରାଃ କଚାକୁନି ସବେନସାଃରେ ନିଡିରୟାନା ।

ୟୀଶୁ ଦୁକୁହାସୁତାନକକେ ବୁଗିକୁତାନାଏ
(ମାଥୁଉ ୮:୧୪-୧୭; ଲୁକ ୪:୩୮-୪୧)

୨୯ ଇମତାଙ୍ଗି ଯୀଶୁ ଆଡଃ ଆୟାଃ ତେଲକ ସାମାଜ୍ ଅଡଃ ବାଗିକେଦତେ, ଯାକୁବ୍ ଆଡଃ ଯୋହାନଲଃ, ଆହିୟ ଆଡଃ ଶିମୋନଆଃ ଅଡଃତେ ସେନଃୟାନାକ । ୩୦ ଶିମୋନଆଃ ହାନାରତେ ଉରିୟୁତେ ପାରକମରେ ବାଗିୟାକାନ୍ ତାଇକେନାଏ, ଆଡଃ ଇମତାଗି ଇନିୟାଃ କାଜି ଯୀଶୁକେ ଉଦୁବକିୟାଃକ । ୩୧ ଏନ୍ତେ ଯୀଶୁ ଇନିୟାଃ ଜାପାଃତେ ସେନ୍ୟାନଚିଃ ଇନିୟାଃ ତିଃଇ ସାବକେଦତେ ବିରିଦକିୟାଏ ଆଡଃ ଇନିଃ ଉରିୟୁଏତେ ବୁଗିୟାନା, ଆଡଃ ଇନିଃ ଇନକୁକେ ସୁସାର୍ ଏଟେଦକେଦକଆ ।

୩୨ ସିଙ୍ଗିହାସୁରଃ ତାନରେ ହଡକ ପୁରାଃ ବଙ୍ଗା ଏସେରକାନ୍ ଆଡଃ ଦୁକୁହାସୁତାନ୍ ସବେନ୍ ହଡକକେ ଯୀଶୁତାଃତେକ ଆଉକେଦକଆ । ୩୩ ଆଡଃ ଏନ୍ ସାହାରରେନ୍ ହଡକ ଏନ୍ ଅଡଃ ଦୁଆରରେକ ହୁଣ୍ଡିୟାନା । ୩୪ ଏନରେଦ ଯୀଶୁ ଚିମିନ୍ ରାକାମରେନ୍ ହାସୁ ଦୁକୁତାନ୍ ଚିମିନ୍ ଚିମିନ୍ ହଡକକେ ବୁଗିକେଦକଆଏ, ଆଡଃ ଚିମିନ୍ ଚିମିନ୍ ବଙ୍ଗାକକେ ହାରଅଡ଼ଙ୍ଗ କେଦକଆଏ, ଆଡଃ ଇନିଃ ବଙ୍ଗାକକେ କାଏ କାଜି ଇଚିକେଦକଆ, ଚିୟାଃଚି ଇନକୁ ଯୀଶୁକେ ସାରିତାଇକେନାକ ।

ୟୀଶୁ ଗାଲିଲ୍ରେ ସୁକୁକାଜି ଉଦୁବକେଦାଏ
(ଲୁକ ୪:୪୨-୪୪)

୩୫ ଏଟାଃ ହୁଲାଇଁ ଆଙ୍ଗମାର୍ସାଲ୍ ଝୁଲ୍ପୁଲ୍‌ନୁବାଃ ତାଇନଲଃଗି ଯୀଶୁ ବିରିଦକେଦତେ ସିଃସଏଃ ଠାୟାଦତେ ସେନଃୟାନାଏ ଆଡଃ ଏନ୍ତାଃରେ ବିକ୍ତିକେଦାଏ । ୩୬ ମେନ୍ଦ, ଶିମୋନ ଆଡଃ ଗାଡି ତାୟାଃକ ଯୀଶୁକେ ଦାଣାଁ ନାମକେଦତେ, ୩୭ ଆୟାଃତାଃକ ହିଜୁଃୟାନା ଆଡଃ କାଜିକିୟାଃକ, “ସବେନକ ଆମକେ ଦାଣାଁବାଡ଼ାତାନାକ ।”

୩୮ ମେନ୍ଦ ଇନିଃ କାଜିୟାଦକଆଏ, “ଦଲା, ଜାପାଃକରାଃ ହାତୁତେବୁ ସେନଆଃ, ଜେ'ଲେକାଚି ଏନ୍ତାଃକରେହିଁ ଆଇଙ୍ଗ୍ କାଜିକି ଉଦୁବେୟାଇଙ୍ଗ୍, ଚିୟାଃଚି ଏନା ନାଗେନ୍ତେ ପାରମେଶ୍ୱାର୍ ଆଇଙ୍ଗ୍‌କେ କୁଲାଇକାଙ୍ଗୟାଁ ।”

୩୯ ଏନ୍ତେ ଇନିଃ ଇନକୁଆଃ ସାମାଜ୍ ଅଡଃକରେ ଇତୁକେଦକଆ ଆଡଃ ବଙ୍ଗାକକେ ହାରତାନଲଃ ଗଟା ଗାଲିଲ୍ ହନରକେଦାଏ ।

ୟୀଶୁ ମିଆଁଦ୍ ନାଗେଘାଅନିଃକେ ବୁଗି ତାନାଏ
(ମାଥୁଉ ୮:୧-୪; ଲୁକ ୫:୧୨-୧୬)

୪୦ ମୁସିଙ୍ଗ୍ ହୁଲାଇଁ ମିଆଁଦ୍ ନାଗେଘାଅନିଃ ଯୀଶୁତାଃ ଦେଙ୍ଗାଆସି ମେନ୍ତେ ହିଜୁଃୟାନାଏ, ଆଡଃ ଇକ୍ତୁମୁକେଦତେ ବିକ୍ତିତାନଲଃ କାଜିକିୟାଏ, “ଆମ୍ ସାନାଙ୍ଗ୍‌ରେଦ ଆଇଙ୍ଗ୍‌କେ ବୁଗିନିୟାର୍* ଦାଡ଼ିୟାମ୍ ।”

୪୧ ଏନ୍ତେ ଯୀଶୁ ଦାୟାତେ ପେରେଃୟାନାଏ ଆଡଃ ଆୟାଃ ତିଃଇ ଜିଲିଙ୍ଗକେଦତେ ଜୁଚିଦକିୟାଏ ଆଡଃ କାଜିକିୟାଏ, “ଆଇଙ୍ଗ୍ ସାନାଙ୍ଗ୍‌ତାନିଙ୍ଗ୍ ଆମ୍ ବୁଗିନିୟାରଃମେ ।” ୪୨ କାଜିତରସାଗି ଇନିୟାଃ ନାଗେଘାଅ ନିରୟାନା ଆଡଃ ଇନିଃ ବୁଗିୟାନାଏ । ୪୩ ଏନ୍ତେ ଯୀଶୁ ଇମତାଗି ଏନ୍ତାଃଏତେ କୁଲକିୟାଏ, ଆଡଃ ମାରାଙ୍ଗମତାକେ କାଜିକିୟାଏ, ୪୪ “ଆୟୁମେମେ, ଜେତାଏକେ ନେ କାଜି ଆଲମ୍ ଉଦୁବକଆଃ, ମେନ୍ଦ, ଜୁ, ଯାଜାକ୍‌ତାଃରେ ଉଦୁବେନ୍‌ମେ ଆଡଃ ଇନିଃ ନେଲମେକାଏ, ଏନ୍ତେ ଆମ୍ ବୁଗିଫାର୍‌ଚିୟାଃତେୟାଃ ସବେନ୍ ହଡକଆଃ ସାରିନାଗେନ୍ତେ, ମୁଣା ହୁକୁମାକାଦଲେକା ଦାଣେଁରାକାବେମେ ।”

୪୫ ମେନ୍ଦ ଏନ୍ ହଡ ସେନଃୟାନଚି ନେ କାଜି ସବେନତାଃରେ ଉଦୁବ୍ ଏଟେଦକେଦାଏ, ଇନିୟାଃ ନେ କାଜି ମେନ୍ତେ ଯୀଶୁ ଜେତାନ୍ ସାହାରରେ ହଡକଆଃ ଆୟୁରରେ କାଏ ବଲ ଦାଡ଼ିକେନା, ଆଡଃ

☆ ୧:୩୯ ୧:୩୯ ମାଥୁଉ ୪:୨୩; ୯:୩୫. * ୧:୪୦ ୧:୪୦ ଯିହୁଦୀକଆଃ ଲେକାତେ ନାଗେଘାଅ ତାଇକାନ୍ ହଡ ସଡ଼ରା କାଜିୟାଃ ତାଇକେନା ଆଡଃ ପାରମେଶ୍ୱାରାଃ ସେଝା କାଏ ଦାଡ଼ିତାଇକେନା

ସିଃସ୍ୟଃ ଠାୟାଦ୍ରେ ତାଇନ୍ବାଡ଼ାୟାନାଏ, ହଲେହିଁ ହଡ଼କ ସବେନ୍ସାଃଏତେ ଇନିଃତାଃତେ ହିନ୍ଦୁଃତାନ ତାଇକେନାକ ।

୨

ୟୀଶୁ ମିଆଁଦ୍ ବାଡ଼କାନିଃକେ ବୁଗିକିୟାଏ
(ମାଥୁର ୯:୧-୮; ଲୁକ ୫:୧୭-୨୬)

୧ ଚିମିନ୍ ମାହିଁ ତାୟମ୍ତେ, ୟୀଶୁ କପର୍ନାହୁମ୍ତେ ଆଇଃକ୍ ତାଇନଃ ଅଡ଼ାଃତେ ରୁହାଡ଼ୟାନତି, ଅଡ଼ାଃରିୟା ମେନ୍ତେ ଇନ୍କୁ ଆୟୁମ୍କେଦା, ୨ ଏନ୍ତେଦ ହଡ଼କ ପୁରାଃଗି ହୁଣ୍ଡିୟାନ୍ତେ ଏନ୍ତାଃରେ ଦୁଆର୍ପିଣ୍ଡିଗିରେହ ଠାୟାଦ୍ କା ତାଇକେନା, ଆଡ଼ଃ ୟୀଶୁ ଇନ୍କୁକେ ବାଚାନ୍ ଉଦୁବାଦକଆଏ । ୩ ଏନ୍ ଦିପିଲିରେ, ମିଆଁଦ୍ ବାଡ଼କାନ୍ ହଡ଼କେ ବାଃଝାନ୍ ହଡ଼କ ଇନିଃତାଃତେକ ଗଅଃ ଆଉକିୟା । ୪ ମେନ୍ଦ୍ ଗାଦେଲ୍ ହଡ଼କ ନାଗେନ୍ତେ ଇନ୍କୁ ୟୀଶୁଆଃ ନାଡ଼େଃତେ କାକ ସେନ୍ଦାଡ଼ିୟାନା । ଏନାମେନ୍ତେ ୟୀଶୁ ତିଲ୍ଲୁକାନତାଃରାଃ ଅଡ଼ାଃ ସାଡ଼ମି ଗେନାକେଦ୍ତେ, ଏନ୍ ବାଡ଼କାନିଃକେ, ବାଟିୟାକାନ୍ ପାରକମ୍ଲଃଗି ଆଡ଼ଗୁକିୟାକ । ୫ ଆଡ଼ଃ ୟୀଶୁ ଇନ୍କୁଆଃ ବିଶ୍ୱାସ୍ ନେଲ୍କେଦ୍ତେ ବାଡ଼କାନିଃକେ ମେତାଇୟାଏ, “ଏ ହନ୍ ଆମାଃ ପାପ୍ କ୍ଷାମାୟାନା ।”

୬ ଏନ୍ତାଃରେ ଦୁବାକାନ୍ ଚିମିନ୍ ଆଇନ୍ ଇଡୁକ୍ ଏନା ନେଲ୍କେଦ୍ତେ ଆକ ଆକଆଃ ମନ୍ରେ ପାହାମ୍କେଦାଃକ, ୭ “ନିଃ ଚିଲ୍କାକେଦ୍ତେ ନେ ଲେକାଏ କାଜି ଦାଡ଼ିତାନ୍ ? ନିଃଦ୍ ପାର୍ମେଶ୍ୱାକ୍ରେ ନିନ୍ଦାଇତାନା, ମିହୁଡ଼କେ ବାଗିକେଦ୍ତେ, ମେନ୍ଦ୍ ପାର୍ମେଶ୍ୱାକ୍ ବେଗାକ୍ ଅକଏ ପାପ୍ କ୍ଷାମା ଏମ୍ ଦାଡ଼ିୟାଏ ।”

୮ ଇନ୍କୁ ଏନ୍ଲେକା ଆକଆଃ ମନ୍ରେ ପାହାମ୍ତାନା ମେନ୍ତେ ୟୀଶୁ ଇମ୍ତାଗି ଆୟାଃ ଆମ୍ରେ ଆଟ୍କାରକେଦା, ଆଡ଼ଃ ମେତାଦକଆଏ, “ଆପେ ଆପେୟାଃ ମନ୍ରେ ଚିନାଃପେ ଉଡ଼ୁତାନା ?” ୯ ଅକ୍ନାଃ ରାଝାଲାଃ, ନେ ବାଡ଼କାନିଃକେ “ପାପ୍ ତାମାଃକ କ୍ଷାମାୟାନା” କାଜିତେୟାଃ ରାଝାଲାଃ* ଚି “ବିରିଦ୍ମେ, ପାରକମ୍ ତାମାଃ ଗଅଃକେଦ୍ତେ ସେନଃମେ” ମେନ୍ତେ କାଜିତେୟାଃ ରାଝାଲା ? ୧୦ ମେନ୍ଦ୍ ଆପେ ସାରିଦାଡ଼ି ନାଗେନ୍ତେ ଉଦୁବାପେତାନାଇକ୍ ନେ ଅଡେଦିଶୁମ୍ରେ ପାପ୍ କ୍ଷାମାରେୟାଃ ଆକ୍ତେୟାକ୍ ମାନଝାହନ୍ଆଃ† ମେନାଃ, ଏନ୍ ବାଡ଼କାନିଃକେ କାଜିକିୟାଏ, ୧୧ ଆଇକ୍ କାଜିମେତାନାଇକ୍, “ମାକ୍ ବିରିଦ୍ମେ ଆଡ଼ଃ ପାରକମ୍ତାମାଃ ଗଅଃକେଦ୍ତେ ଆମାଃ ଅଡ଼ାଃତେ ସେନଃମେ ।”

୧୨ ଇମ୍ତାଗି ଇନିଃ ବିରିଦ୍ୟାନାଏ, ଆଡ଼ଃ ଆୟାଃ ପାରକମ୍ ଗଅଃକେଦ୍ତେ ସବେନକଆଃ ସାମ୍ନାକ୍ରେ ସେନଃୟାନାଏ, ଏନାତେ ସବେନକ ଆକ୍ଦାନ୍ଦାଃତାନଲଃ ମେନ୍କେଦାଃକ “ନେ ଲେକା ଚିଉଲ୍ଲାହ କାବୁ ନେଲ୍କାଦ୍ ତାଇକେନା, ଆଡ଼ଃ ପାର୍ମେଶ୍ୱାକ୍ରେ ମାରାକ୍କିୟାକ ।”

ୟୀଶୁ ଲେବୀକେ କେଡ଼ାଇତାନାଏ
(ମାଥୁର ୯:୯-୧୩; ଲୁକ ୫:୨୭-୩୨)

୧୩ ଆଡ଼ଃଗି ୟୀଶୁ ଗାଲିଲ୍ ଦରେୟା ଗେନାତେ ସେନଃୟାନାଏ, ଗାଦେଲ୍ ହଡ଼କ ଇନିଃତାଃକ ହିନ୍ଦୁଃୟାନା ଆଡ଼ଃ ଇନିଃ ଇନ୍କୁକେ ଇଡୁ ଏଟେଦ୍କେଦକଆ । ୧୪ ଆୟାକ୍ରେ ସେନଃତାନ୍ ଦିପିଲିରେ ଆଲ୍ପିୟାନ୍ରାଃ ହନ୍ତେକଡ଼ା ଲେବୀ ଆୟାଃ ମାଲ୍ହାରମ୍ ଠାୟାଦ୍ରେ ଦୁବାକାନ୍ ନେଲ୍କେଦ୍ତେ ୟୀଶୁ କାଜିକିୟାଏ, “ଦେଲା ଅତଙ୍ଗଇକ୍ମେ ।” ଏନ୍ତେ ଇନିଃ ବିରିଦ୍କେଦ୍ତେ ଅତଙ୍ଗକିୟା ।

୧୫ ତାୟମ୍ ଦିପିଲିରେ ୟୀଶୁ ଲେବୀଆଃ ଅଡ଼ାଃରେ ଜମ୍ନାକ୍ ଦୁବାକାନ୍ ତାଇକେନାଏ, ଇମ୍ତାକ୍ ୟୀଶୁକେ ଅତଙ୍ଗଇତାନ୍ ପୁରାଃ ମାଲ୍ହାରମ୍, ପାପିକ ୟୀଶୁ ଆଡ଼ଃ ଆୟାଃ ତେଲ୍ଲାଇକ୍ ଜଜମ୍ କୁବ୍ୟାନା । ୧୬ ଫାରୁଶୀକଏତେ ଚିମିନ୍ ଆଇନ୍ ଇଡୁକ୍, ୟୀଶୁକେ ମାଲ୍ହାରମ୍ ଆଡ଼ଃ ପାପିକଲଃ ଜମ୍ତାନ୍ ନେଲ୍କେଦ୍ତେ ଆୟାଃ ତେଲ୍ଲାଇକେ କାଜିୟାଦକଆକ “ଚିନାଃମେନ୍ତେ ଇନିଃ ନେ ଲେକାନ୍ ହଡ଼କଲଃ ଜମ୍ତାନାଏ ?”

୧୭ ୟୀଶୁ ନେୟାଁ ଆୟୁମ୍କେଦ୍ତେ କାଜିୟାଦକଆଏ, “ବୁଗିନ୍ ହଡ଼କ ନାଗେନ୍ତେ ମେନ୍ତେଦ୍ କା, ମେନ୍ଦ୍ ହାସୁତାନ୍କ ନାଗେନ୍ତେ ବାଇଦ୍ ଲାଗାଡିକ୍ୟାଃ, ଧାର୍ମାନ୍ ହଡ଼କକେ କେଡ଼ା ନାଗେନ୍ତେଦ୍ କା ମେନ୍ଦ୍ ପାପିକକେ କେଡ଼ା ମେନ୍ତେଇକ୍ ହିନ୍ଦୁଃକାନା ।”

କାଟାବ୍ରେୟାଃ କୁନୁଲି
(ମାଥୁର ୯:୧୪-୧୭; ଲୁକ ୫:୩୩-୩୯)

୧୮ ଯୋହାନ୍ ଭୁବାକ୍ରାଃ ତେଲ୍ଲାଇ ଆଡ଼ଃ ଫାରୁଶୀକ କାଟାବ୍ ତାଇକେନ୍ ଦିପିଲିରେ ଚିମିନ୍ ହଡ଼ ୟୀଶୁତାଃ ହିନ୍ଦୁଃକେଦ୍ତେ କୁଲିକିୟାକ, “ଚିନାଃମେନ୍ତେ ଯୋହାନ୍ ଭୁବାକ୍ରାଃ ତେଲ୍ଲାଇ ଆଡ଼ଃ ଫାରୁଶୀକଆଃ ତେଲ୍ଲାଇ କାଟାବାଃ ? ମେନ୍ଦ୍ ଆମାଃ ତେଲ୍ଲାଇଦ୍ କାକ କାଟାବାଃ ?”

* ୨:୯ ୨:୯ ସାହକ୍ † ୨:୧୦ ୨:୧୦ ୟୀଶୁ

୧୯ ଯୀଶୁ ମେତାଦକଆଏ, “ଆଣ୍ଠିଅଡ଼ାଠରେ ଦୁହ୍ଲକଡ଼ା ବାଲକଲଠ ତାଇନଠରେ, ବାଲକ ଚିଲକାତେ ରେଙ୍ଗେଠ କାଟାବ୍ ଚି ତାଇନଠକ ? କାହାଗି, ଏନକାଦ କା ହବାଅଆଠ ଆକଲଠ ଦୁହ୍ଲକଡ଼ା ତାଇନଠ ଜାକେଦ୍ କାକ କାଟାବ୍ ଦାଡ଼ିୟାଠ ।” ୨୦ ମେନ୍ଦ୍ ନେଡା ତେବାଗାଠ, ଆତଠ ଦୁହ୍ଲକଡ଼ାକେ ଇନ୍କୁଆଠ ଆଲାଏତେ ଇଦିୟାଆ, ଏନ୍ ଦିପିଲିରେ ଇନ୍କୁ ରେଙ୍ଗେଠ କାଟାବ୍ ରିକାଏୟାକ ।

୨୧ “ଜେତାଏ ନାଝା ଲିଜାଠରାଠ କେଟାଠ ମାରି ଲିଜାଠରେ ଜଡ଼ାଇକେଦ୍ତେ କାଏ ତୁନାଏୟା, ଏନକାଲେରେ ନାଝା ଲିଜାଠରାଠ କେଟାଠ ମାରି ଲିଜାଠଏତେ ଆତଠଗି ଚେଟାଠ ଇଦିୟାଏ, ଆତଠ ଏନ୍ ଚେଟାଠ ସିଦାଏତେ ଆତଠଗି ମାରାଙ୍ ଇଦିୟାଆ । ୨୨ ଆତଠ ନାଝା ଦାଖରାସିକେ ମାରି ଉହୁର୍ତୁମ୍ପାରେ ଜେତାଏ କାକ ଦୁଲ୍ପେରେଜେୟା, ଏନକାଲେରେ ଦାଖରାସି ଉହୁର୍ତୁମ୍ପାକେ ଅଡେଠତାଠଏ ଆତଠ ଦାଖରାସି ଲିଙ୍ଗି ଏଣ୍ଡାଗଠଆ, ଏନାମେନ୍ତେ ନାଝା ଦାଖରାସିକେଦ୍ ନାଝା ଉହୁର୍ତୁମ୍ପାରେ ପେରେଜାଠକ ।”

ରୁଡ଼ନ୍ନୁ ହୁଲାଙ୍ରେଆଠ କୁନ୍ତୁଲି
(ମାଥୁର ୧୨:୧-୮; ଲୁକ ୬:୧-୫)

୨୩ ମୁସିଙ୍ଗ୍ ରୁଡ଼ନ୍ନୁ ହୁଲାଙ୍ଗ୍ ଯୀଶୁ ହେରାକାନ୍ ପିଡ଼ି ଆଲାଆଲାତେ ଚେଲକଲଠ ସେନଠତାନ୍ ତାଇକେନାଏ, ଆତଠ ଇନିୟାଠ ଚେଲକ ସେନ୍ତାନଲଠ ଗେଲେକ ହଦ୍ ଏଚେଦ୍କେଦା । ୨୪ ଆତଠ ଫାରୁଶୀକ ଯୀଶୁକେ କାଜିକିୟାଠକ, “ନେଲେମେ, ରୁଡ଼ନ୍ନୁ ହୁଲାଙ୍ଗ୍ରେ ଆମାଠ ଚେଲକ ଆଇନ୍ ଲେକାତେ ଅକନାଠ କା ଠାଉକାନ୍ କାମି ତାନାଠ, ଏନା ଚିନାଠମେନ୍ତେକ ରିକାତାନା ?”

୨୫ ଯୀଶୁ ଇନ୍କୁକେ କାଜିରୁହାଡ଼ାଦକଆଏ, “ଦାଉଦ୍ଆଠ ଜମେୟାଠ କା ତାଇକେନା ଇମତା ଇନିଠ ଆତଠ ଆୟାଠ ଗାତିକ ରେଙ୍ଗେଠୟାନ୍ ଇମତା, ଇନିଠ ଚିନାଠଏ ଚିକାକାଦ୍ ତାଇକେନା, ଏନା ଚିଉଲାହ ଚି କାପେ ପାଡ଼ାଅକାଦା ? ୨୬ ଚିଲକା ଇନିଠ ମାରାଙ୍ ଯାଜାକ୍ ଅବିୟାଅରରାଠ ସାମାଏରେ ପାରମେଶ୍ଵାର୍ଆଠ ଅଡ଼ାଠତେ ବଲୟାନା ଆତଠ ଅକନାଠକେଚି ଆଇନ୍ ଲେକାତେ ଯାଜାକ୍କକେ ଏସ୍କାର୍ ଜମେବାଇୟାଠ ହଲଙ୍ଗ୍କେ ଜମ୍କେଦାଏ ଆତଠ ଆୟାଠ ଗାତିକକେୟ ଜମ୍ନାଙ୍ ଏମାଦକଆଏ ।”

୨୭ ଆତଠ ଟୁଣ୍ଡୁରେ ଯୀଶୁ ମେତାଦକଆଏ, “ରୁଡ଼ନ୍ନୁ ହୁଲାଙ୍ଗ୍ରେ ମାନଝାରାଠ ବୁଗିନାଠ ନାଗେନ୍ତେ ବାଇୟାକାନା, ମେନ୍ଦ୍ ମାନଝାକେ ହାମ୍ପାଲ୍ତେ ତେନ୍ ନାଗେନ୍ତେ କାହାଗି । ୨୮ ନେ ଲେକାଗି ମାନଝାହନ୍ ରୁଡ଼ନ୍ନୁ ହୁଲାଙ୍ଗ୍ରେନ୍ ହଁ ଗମ୍କେ ତାନିଠ ।”

୩

ୟୀଶୁ ରହଡ଼ିଠଇନିଠକେ ବୁଗି ତାନାଏ
(ମାଥୁର ୧୨:୯-୧୪; ଲୁକ ୬:୬-୧୧)

୧ ଏନ୍ତେ ଯୀଶୁ ସାମାଜ୍ ଅଡ଼ାଠତେ ବଲୟାନା, ଏନ୍ତାଠରେ ତିଠଇ ରହଡ଼ାକାନ୍ ମିଆଁଦ୍ ହଡ଼ ତାଇକେନାଏ । ୨ ଆତଠ ଯୀଶୁ ରୁଡ଼ନ୍ନୁ ହୁଲାଙ୍ଗ୍ରେ ଏନ୍ ହଡ଼କେ ବୁଗିୟାଏ ଚି କା ମେନ୍ତେ ଚିଟାଇ ନାଗେନ୍ତେ ଚିମିନାଙ୍ଗ୍ ହଡ଼କ ହରାକ ଦାଣ୍ଡାତାନ୍ ଆତଠ ଲଡ଼ଇତାନ୍କ ତାଇକେନା । ୩ ଯୀଶୁ ତିଠଇ ରହଡ଼ାକାନ୍ ହଡ଼କେ କାଜିକିୟାଏ, “ଏଲା, ସବେନକଆଠ ଆଲାରେ ତିଙ୍ଗୁନ୍ମେ ।”

୪ ଏନ୍ତେ ଯୀଶୁ ଇନ୍କୁକେ କାଜିୟାଦକଆଏ, “ଆବୁଆଠ ଆଇନ୍ଲେକାତେ ରୁଡ଼ନ୍ନୁ ହୁଲାଙ୍ଗ୍ରେ ଅକନ୍ କାମି ରିକା ଲାଗାତିଙ୍ଗ୍ୟାଠ ? ମିହୁଡ଼ଆଠ ବୁଗିନ୍ ରିକାତେୟାଠ ଚି ଏଡ଼କାନ୍ ରିକାତେୟାଠ ? ମିହୁଡ଼ଆଠ ଜୀଉ ବାଞ୍ଛାଅତେୟାଠ ଚି ଜୀଉ ଗଗଏଠତେୟାଠ ?” ମେନ୍ଦ୍ ଇନ୍କୁ ଇନିଠକେ ଜେଡ଼ନାଠ କାକ କାଜିରୁହାଡ଼ ଦାଡ଼ିକେନା ।

୫ ଏନ୍ତେ ଇନ୍କୁଆଠ କେଟେଦ୍ ମନ୍ ନେଲ୍କେଦ୍ତେ ଯୀଶୁଆଠ ମନ୍ ଦୁକୁୟାନା, ଆତଠ ଖୁସ୍ତେ ଇନ୍କୁକେ ନେଲ୍ବିୟୁର୍ କେଦ୍କଚି ଏନ୍ ହଡ଼କେ ମେତାଇୟାଏ, “ତିଠଇତାମାଠ ଜିଲିଙ୍ଗ୍ୟେମେ,” ଇନିଠ ତିଠଇ ଜିଲିଙ୍ଗ୍କେଦାଏ, ଆତଠ ତିଠଇତାୟାଠ ପୁରାଗି ବୁଗିରୁହାଡ଼ୟାନା । ୬ ଆତଠ ଫାରୁଶୀକ ଅଡ଼ଙ୍ଗ୍କେଦ୍ତେ ଯୀଶୁକେ ଚିଲକାତେବୁ ଗଜିୟା ମେନ୍ତେ ଇମ୍ତାଗି ହେରୋଦ୍ ରାଜାରାଠ ହଡ଼କଲଠ ରଜୋଟ* କେଦାଠ ।

ଗାଦେଲ୍ ହଡ଼କ ଯୀଶୁକେକ ଅଡ଼ଙ୍ଗ୍ଇତାନା
(ମାଥୁର ୪:୨୩-୨୫; ୧୨:୧୫-୧୬; ଲୁକ ୬:୧୭-୧୯)

୭ ଏନ୍ତେ ଯୀଶୁ ଆୟାଠ ଚେଲକଲଠ ଗେନାକେଦ୍ତେ ଗାଲିଲ୍ ଦରେୟାସାଠତେ ସେନଠୟାନାଏ, ଆତଠ ଗାଲିଲ୍ ଆତଠ ଯିହୁଦାଏତେ ଗାଦେଲ୍ ହଡ଼କ ଇନିଠକେକ ଅଡ଼ଙ୍ଗ୍କିୟା, ୮ ଯୀରୁଶାଲେମ୍, ଇଦୁମ୍, ଯାର୍ଦାନ୍ ଗାଡ଼ା ହାନ୍ପାରମ୍, ସୋର୍ ଆତଠ ସିଦୋନ୍ରାଠ ହପର୍ଜାପାଠ ନାଗାର୍କଏତେ ପୁରାଠ ଗାଦେଲ୍ ହଡ଼କ ଇନିୟାଠ ସବେନ୍ ମାପ୍ପରାଙ୍ କାମି ରିକାରେୟାଠକାଜି ଆୟୁମ୍କେଦ୍ତେ ଇନିଠତାଠତେକ ହିଜୁଃୟାନା

* ୩:୬ ୩:୬ ବିଚାର୍ / ମନ୍ତ୍ରଣା

। ୯ ଏକ୍ତାଃରେ ହତକ ହୁଣ୍ଡିୟାନତି ଇନ୍କୁଆଃ ଉପୁଦୁର୍ଠେଠପସାଅ† ଏତେ ବାଞ୍ଛାଅ ନାମେ ନାଗେନ୍ତେ ଯାଶୁ ଆୟାଃ ନାଙ୍ଗ ମିଆଁଦ୍ ଲାଉକା ଜଗାଡ଼ନାଙ୍ଗ ତେଲକକେ କାଜିକେଦକଆଏ । ୧୦ ଚିୟାଃତି, ଯାଶୁ ପୁରାଃ ହତକକେ ବୁଗିକାଦକ ତାଇକେନା, ଏନାମେନ୍ତେ ଦୁକୁହାସୁତାନ୍ ସବେନକ, ଇନିଃକେ ଜୁଟିଦି ନାଗେନ୍ତେ ଇନିଃତାଃ ଜୁରୁହୁଣ୍ଡିନ୍ତାନକ ତାଇକେନା । ୧୧ ଆତଃ ସତ୍ରା ଆମ୍ବାତେ ଏସେରାକାନ୍ ହତକ ଇନିଃକେ ନେଲ୍ତାଇଲଃଗି ଇନିୟାଃ କାଟାସୁବାରେ ଉୟୁଗେନ୍ତାନକ ତାଇକେନା, ଆତଃ “ଆମ୍ବି ପାର୍ମେଶ୍ୱାର୍ଆଃ ହନ୍ ତାନମେ” ମେନ୍ତେକ କାଉରିତାଇକେନା ।

୧୨ ଏକ୍ତେଦ ଆଇୟାଃ ବିଷାଏରେ ଏଟାଃକକେ ଆଲ୍ପେ କାଜିକଆ ମେନ୍ତେ ଇନିଃ ଇନ୍କୁକେ ମାରାଙ୍ଗମତା କେଦକଆଏ ।

ୟାଶୁ ଗେଲ୍ବାର କୁଲକାନକକେ ସାଲକେଦକଆଏ
(ମାଥୂଉ ୧୦:୧-୪; ଲୁକ ୬:୧୨-୧୬)

୧୩ ଏକ୍ତେ ଯାଶୁ ବୁରୁତେ ରାକାଦ୍‌ୟାନାଏ, ଆତଃ ଆୟାଃ ସାନାଙ୍ଗଆଁକାଦକକେ ଆୟାଃତାଃତେ କେଡାକେଦକଆଏ, ଆତଃ ଇନ୍କୁ ଇନିଃତାଃତେକ ହିଜୁଃୟାନା । ୧୪ ଆତଃ ଇନିଃ ଗେଲ୍ବାର ‡ପ୍ରେରିତକକେ ସାଲକେଦତେ, ଇନ୍କୁକେ ପ୍ରେରିତ୍ ମେନ୍ତେ ନୁତୁମ୍‌କେଦକଆଏ । ଇନିଃ ଇନ୍କୁକେ କାଜିକେଦକଆଏ, “ଆଇଙ୍ଗଲଃ ତାଇନଃ ନାଗେନ୍ତେ ଆପେକେ ସାଲକାଦ୍‌ପେଆଇଙ୍ଗ, ଆତଃ ସୁକୁକାଜି ଉଦୁବ୍ ନାଗେନ୍ତେଇଙ୍ଗ କୁଲ୍‌ପେୟା । ୧୫ ଆତଃ ବଙ୍ଗାକ ହାଡ଼ଅଡ଼ଙ୍ଗ ନାଗେନ୍ତେ ଆପେକେ ପେଡ଼େଃ ଏମାପେୟାଇଙ୍ଗ ।”

୧୬ ଯାଶୁ ନେ ଗେଲ୍ବାର କୁଲକାନକକେ ସାଲକେଦକଆଏ, ଶିମୋନ୍, ଅକଏକେଚି ଇନିଃ ପାଡ଼ରାସ୍ ନୁତୁମ୍‌କିଆଏ । ୧୭ ଜେବଦୀଆଃ ବାରିୟା ହନ୍‌କଡ଼ାକିନ୍ ଯାକୁବ୍ ଆତଃ ଯୋହାନ୍, ନେ ବାରାନ୍ ହାଗିୟାକିନ୍‌କେ ଯାଶୁ, ବାନାର୍‌ଗେସ୍ ମେନ୍‌ଲେରେ “ରିମିଲ୍‌ସାଡ଼ିରେନ୍ ହନ୍‌କିନ୍” ମେନ୍ତେ ନୁତୁମ୍‌କେଦକିନା; ୧୮ ଆନ୍ଦ୍ରିୟ, ଫିଲିପ୍, ବାର୍ଥୋଲମି, ମାଥୂଉ, ଥୋମା, ଆଲ୍‌ଫିୟନାଃ ବାରିଆ ହନ୍‌କଡ଼ାକିନ୍ ଯାକୁବ୍ ଆତଃ ଅଇୟ, କିନାନ୍‌ରେନ୍ ଶିମୋନ୍, ଅକଏଚି ଇସ୍ରାଏଲକକେ ମୁକ୍ତି ଏମ୍ ସାନାଙ୍ଗତାନ୍ ଯିହୁଦୀକ ଏତେ ମିହୁଡ଼୍‌ତାଇକେନାଏ । ୧୯ ଆତଃ ଇଷ୍ଟାରିୟଡ଼୍ ଯିହୁଦା ଅକଏଚି, ତାୟମ୍‌ତେ ଯାଶୁକେ ବାଇରିକଆଃ ତିଃକରେ ଆଖିରିଙ୍ଗିକିୟା ।

ୟାଶୁ ଆତଃ ବାଲ୍‌ଜେବୁଲ୍
(ମାଥୂଉ ୧୨:୨୨-୩୨; ଲୁକ ୧୧:୧୪-୨୩; ୧୨:୧୦)

୨୦ ଏକ୍ତେ ଯାଶୁ ଅଡ଼ାଃତେ ରୁହାଡ଼ୟାନାଏ, ଆତଃ ଏକ୍ତାଃରେ ପୁରାଃ ହତକ ହୁଣ୍ଡିୟାନା, ଏନାତେ ଇନିଃ ଆତଃ ଆୟାଃ ତେଲକ ଜମ୍‌ହ କାକ ଦାଡ଼ିକେଦାଃ । ୨୧ ନେୟା ଆୟୁମକେଦତେ ଆୟାଃ ଅଡ଼ାଃରେନ୍ ହତକ ଆଇଃକକେ ସାଦ୍‌ଇଦି ନାଗେନ୍ତେ ଅଡ଼ଙ୍ଗୟାନାକ, ଚିୟାଃତି ହତକ କାଜିତାଇନାକ, “ନିଃ ବାଲ୍‌ଅଃତାନାଏ ।”

୨୨ ✨ଆତଃ, ଯାରୁଗାଲେମ୍‌ଏତେ ହିଜୁଆକାନ୍ ଆଇନ୍ ଇତୁକ ମେନ୍‌କେଦାଃକ “ବଙ୍ଗାକଆଃ ଗମ୍‌କେ ବାଲ୍‌ଜେବୁଲ୍ ଇନିଃକେ ଏସେରକିୟାଏ । ଇନିଃଗି ଇନିଃକେ ବଙ୍ଗା ହାଡ଼ଅଡ଼ଙ୍ଗ ନାଙ୍ଗ ପେଡ଼େଃ ଏମାଇତାନାଏ ।”

୨୩ ଏନାମେନ୍ତେ ଯାଶୁ ଇନ୍କୁକେ ହାକାଅକେଦକଆଏ, ଆତଃ ଜନ୍‌କା କାଜିତେ ମେତାଦକଆଏ, “ସାଏତାନଗିଃ ସାଏତାନକେ ଚିଲ୍‌କା ହାଡ଼ଅଡ଼ଙ୍ଗ ଦାଡ଼ିୟାଏ ? ୨୪ ମିଆଁଦ୍ ରାଇଜ୍ ଆୟାଃରେଗି ବିନ୍‌ଗାଅକେଦତେ ଆକ ଆକଆଲାରେ ଲାପ୍‌ଡ଼ାଇରେଦ ଏନ୍ ରାଇଜ୍ ଛିତିବିତିକଆଃ । ୨୫ ଆତଃ, ମିଆଁଦ୍ ଅଡ଼ାଃରେନ୍‌କ ଆକ ଆକଗି ଲାପ୍‌ଡ଼ାଇରେଦ ଏନ୍ ଅଡ଼ାଃ କା ତିଙ୍ଗୁନାଃ । ୨୬ ଏନ୍‌ଲେକାଗି ସାଏତାନ୍, ସାଏତାନ୍‌ଆଃ ରାଇଜ୍ ହିଗାଡ଼କେଦତେ ବିନ୍‌ଗାଅରେଦ ଏନା କା ତିଙ୍ଗୁନାଃ, ମେନ୍‌ଦ୍ ଛିତିବିତିକେଦତେ ରୁଣ୍ଡୁତାରଃଆ ।

୨୭ “ପେଡ଼େୟାନ୍‌ନିଃକେ ଆଉରି ତଲ୍‌ ଜାକେଦ୍ ଜେତାଏ ଇନିୟାଃ ଅଡ଼ାଃରେ ବଲକେଦତେ ଆୟାଃ ମେନାଃତେୟାଃ କାଏ ରେଃକ୍‌ଦାଡ଼ିୟା, ମେନ୍‌ଦ୍ ସିଦାତେ ଇନିଃକେ ତଲ୍‌କେଦତେ ଆୟାଃ ମେନାଃତେୟାଃ ରେଃକ୍‌ଦାଡ଼ିୟାଏ ।

୨୮ “ସାର୍‌ତିଗି କାଜିପେତାନାଇଙ୍ଗ, ମାନଝାହନ୍‌କଆଃ ସବେନ୍ ପାପ୍ ଆତଃ ଇନ୍କୁଆଃ ନିୟା କାଜିକ ଛାମାଝାଃ; ୨୯ ✨ମେନ୍‌ଦ୍ ପାବିତାର୍ ଆମ୍ବାକେ ହିଲାଙ୍ଗଇ ହତକେ ଚିଉଲାହ୍ କା ଛାମାଝାଃ, ଚିୟାଃତି ଇନିଃ ଜାନାଅ ଜାନାଅରାଃ ପାପ୍ କେଦାଏ ।” ୩୦ “ସତ୍ରା ଆମ୍ବା ଇନିଃକେ ଏସେରାକାଇୟାଏ” ମେନ୍ତେ ଆଇନ୍ ଇତୁକ କାଜିକେଦତି ନେ ସବେନାଃ ଯାଶୁ କାଜିକେଦାଏ ।

✨ ୩:୯ ୩:୯ ପାର୍କ ୪:୧; ଲୁକ ୫:୧-୩. † ୩:୯ ୩:୯ ଠେଲାପେଲା ‡ ୩:୧୪ ୩:୧୪ ବାରାଝାନ୍ ✨ ୩:୨୨ ୩:୨୨ ମାଥୂଉ ୯:୩୪; ୧୦:୨୫. ✨ ୩:୨୯ ୩:୨୯ ଲୁକ ୧୨:୧୦.

ୟୀଶୁଆଃ ଏଙ୍ଗା ଆତଃ ହାଗାକ
(ମାଥୂଉ ୧୨:୪୭-୫୦; ଲୁକ ୮:୧୯-୨୧)

^{୩୧} ଏନ୍ତେ ୟୀଶୁଆଃ ଏଙ୍ଗାତେ ଆତଃ ହାଗାକ ହିଜୁଃୟାନା ଆତଃ ରାଗାରେ ତିଜୁକେଦ୍ତେ, ଇନିଃକେ କେଡ଼ାଆଉଝି ନାଗେନ୍ତେ ମିହୁଡ଼କେକ କୁଲିକିୟାଃ । ^{୩୨} ଆତଃ ଗାଦେଲ୍ ହଡ଼କ ଇନିଃତାଃରେ ଦୁବ୍ ଜୁରୁଆକାନକ ତାଇକେନା, ଆତଃ ଇନ୍କୁ କାଜିକିୟାଃକ, “ନେଲେମେ, ଆମାଃ ଏଙ୍ଗାମ୍ ଆତଃ ହାଗା ମିଗିକ ରାଗାରେକଆ, ଇନ୍କୁ କେଡ଼ାମେତାନାକ ।”

^{୩୩} ୟୀଶୁ କାଜିୟାଦକଆଏ, “ଅକଏ ଆଇଁୟାଃ ଏଙ୍ଗାଇଙ୍ ? ଆତଃ ଅକନ୍କ ଆଇଁୟାଃ ହାଗାଇଙ୍ କ ତାନକ ?” ^{୩୪} ଆତଃ ଦୁବାକାନକକେ, ଆରିଦ୍ବିୟୁରକେଦ୍ତେ କାଜିକେଦାଏ, “ନେଲ୍କପେ ନିକୁଦ ଆଇଁୟାଃ ଏଙ୍ଗା ଆତଃ ହାଗାକତାନକ । ^{୩୫} ଅକଏ, ପାର୍ମେଶ୍ୱାର୍ଆଃ ସାନାଙ୍ ପୁରାଃଏ, ଇନିଃ ଆଇଁୟାଃ ଏଙ୍ଗାଇଙ୍, ହାଗାଇଙ୍ ଆତଃ ମିଗିକ୍ ତାନିଃ ।”

୪

ହିତାହେରନିଆଃ ଜନ୍କା କାଜି
(ମାଥୂଉ ୧୩:୧-୯; ଲୁକ ୮:୪-୮)

^୧ ୟୀଶୁ ଆତଃଗି ଗାଲିଲ୍ ଦରେୟା ଗେନାରେ ଇନିତୁ ଏଟେଦକେଦାଏ, ଆତଃ ଏନ୍ତାଃରେ ଗାଦେଲ୍ ହଡ଼କ ହୁଣ୍ଡିୟାନତି ଦରେୟାରେ ତାଇକାନ ମିଆଁଦ୍ ଲାଉକାରେ ଦୁବ୍ୟାନାଏ ଆତଃ ସବେନ୍ ହଡ଼କ ଦରେୟା ଗେନାରେ ଅତେରେକ ତାଇକେନା । ^୨ ୟୀଶୁ ଇନ୍କୁକେ ଜନ୍କା କାଜିତେ ପୁରାଃ କାଜିକ ଇଡୁକେଦକଆଏ, ଆତଃ ଇଡୁକତାନଲଃ କାଜିକେଦକଆଏ,

^୩ “ଆୟୁମେପେ, ମିଆଁଦ୍ ହିତାହେରନିଃ ହିତା ହେରନାଗେନ୍ତେ ଅଡ଼ଙ୍ୟାନା । ^୪ ଆତଃ ଇନିଃ ହିତା ହେରତାନଲଃ ଚିମିନ୍ ହିତା ହରା ଗେନାରେ ଉୟୁଃୟାନା ଆତଃ ଚେଟ୍ଟେକ ଆଡ଼ଗୁକେଦ୍ତେ ଏନାକ ହାଲାଙ୍ ଜମ୍କେଦାଃ । ^୫ ଚିମିନ୍ ହିତାଦ ହାସା ପୁରାଃ ବାନଃ ଦିରି ଅତେରେ ଉୟୁଃୟାନା, ହାସା ଏତାଙ୍ଗି ତାଇକାନ ହରାତେ ଅମନ୍ ଧାବ୍ୟାନା । ^୬ ମେନ୍ଦ ସିଙ୍ଗି ରାକାବ୍ୟାନତି ଏନ୍ ଅମନ୍ତେୟାଃକ ସବେନ୍ ଗସୟାନା, ଆତଃ କା ରେହେଦାକାନ ହରାତେ ରହଡ଼ୟାନା । ^୭ ଚିମିନ୍ ହିତା ଜାନୁମ୍ ରୁପାଦକ ଆଲାରେ ଉୟୁଃୟାନା, ଏନାକକେ ଜାନୁମ୍ ହାରାତପାକେଦାଏ, ଆତଃ ଏନାକ କା ଜ ଯାନା । ^୮ ମେନ୍ଦ ଚିମିନ୍ ହିତା ବୁଗିନ୍ ଅତେରେ ଉୟୁଃୟାନା, ଆତଃ ଏନା ଅମନ୍ ହାରାୟାନ୍ତେ ଜ ଯାନା, ଅକଆଃକ ତିରିଗ, ଅକଆଃ ଷାଠେ, ଅକଆଃ ମିଦ୍ଗାଅଗୁନା, ଜ ଯାନା ।”

^୯ ଆତଃ ୟୀଶୁ ମେନ୍କେଦାଏ, “ଆୟୁମ୍ ନାଗେନ୍ତେ ଲୁତୁର୍ ମେନାଃନିଃ ଆୟୁମେକାଏ ।”

ୟୀଶୁ ଚିକାନାଙ୍ ଜନ୍କା କାଜି କାଜିକେଦାଃଏ
(ମାଥୂଉ ୧୩:୧୦-୧୭; ଲୁକ ୮:୯-୧୦)

^{୧୦} ୟୀଶୁ ଏସକାରଗି ତାଇକାନ ଦିପିଲିରେ, ଆୟାଃଲଃ ତାଇକେନ୍ ହଡ଼କ, ଗେଲ୍ବାର୍ ତେଲାଇଲଃ, ନେ ଜନ୍କା କାଜିରେୟାଃ ମୁଣ୍ଡି ଚିକନାଃ ତାନାଃ ମେନ୍ତେକ କୁଲିକିୟାଃ ? ^{୧୧} ଇନିଃ କାଜିୟାଦକଆଏ, “ଆପେଦ ପାର୍ମେଶ୍ୱାର୍ଆଃ ରାଇଜ୍ରେୟାଃ ଉକୁଆକାନ କାଜିରାଃ ମୁଣ୍ଡିପେ ନାମ୍କାଦାଃ । ମେନ୍ଦ ବାହାରିରେନ୍ ଏଟାଃକକେ କାଜିରାଃ ଜନ୍କା କାଜିତେ ସବେନାଃ ଉଦୁବଃତାନା । ^{୧୨} ଏନ୍ଲେକାତେ,

“ଇନ୍କୁ ନେଲ୍ଦକ ନେଲେଆ, ମେନ୍ଦ କାକ ନେଲ୍ଉରୁମେୟାଁ,
ଇନ୍କୁ ଆୟୁମ୍ଦକ ଆୟୁମେୟା, ମେନ୍ଦ କାକ ଆଟ୍କାରେୟା,
କା'ରେଦ ଇନ୍କୁ ମନ୍କ ରୁହାଡ଼େତେୟାଃ,
ଆତଃ ପାର୍ମେଶ୍ୱାର୍ ଇନ୍କୁକେ ଛାମା ଏମାଦକତେୟାଏ ।”

ୟୀଶୁ ହିତାହେରନିଆଃ ଜନ୍କା କାଜିରେୟାଃ ମୁଣ୍ଡି ଉଦୁବେତାନାଏ
(ମାଥୂଉ ୧୩:୧୮-୨୩; ଲୁକ ୮:୧୧-୧୫)

^{୧୩} ଏନ୍ତେ ୟୀଶୁ ମେତାଦକଆଏ, “ନେ କାଜିରାଃ ଜନ୍କା କା'ତିପେ ମୁଣ୍ଡିକେଦା ? ତାବ୍ଦ, ଆତଃ ଜନ୍କାକ ଚିଲ୍କାପେ ମୁଣ୍ଡିଆ ? ^{୧୪} ହିତାହେରନିଃଦ ପାର୍ମେଶ୍ୱାର୍ଆଃ କାଜି ହେରନିଃ ତାନିଃ । ^{୧୫} ଚିମିନ୍ ହଡ଼କ ପାର୍ମେଶ୍ୱାର୍ଆଃ କାଜି ଆୟୁମ୍ ତାନଲଃଗି ସାଏତାନ୍ ହିଜୁଃକେଦ୍ତେ ଇନ୍କୁତାଃଏତେ ଆୟୁମ୍ କାଜିକେ ରେଃକ୍ଵଦିତାଃଏ, ଇନ୍କୁଦ ହରା ଗେନାରେ ହେରାକାନ ହିତା ଲେକାଃକ । ^{୧୬} ଏନ୍ଲେକା, ଚିମିନ୍ ହଡ଼କଦ ହିତା ହେରାକାନ ଦିରିଅତେ ଲେକାନକ ତାନକ, ଇନ୍କୁଦ କାଜି ଆୟୁମ୍ଲଃଗି ରାସକାତେ ତେଲାଏତାନ୍ ହଡ଼କ ତାନକ । ^{୧୭} ମେନ୍ଦ ଇନ୍କୁତାଃରେ ‘ରେହେଦ’ କା ତାଇନ୍ ହରାତେ ଇନ୍କୁ କାଟିଃ ଘାଡ଼ିଗିକ ତାଇନାଃ, ତାୟମ୍ତେ କାଜିରାଃ ହରାତେ ଦୁକୁହାସୁ ଚାହେ ସାପାତି ହିଜୁଃରେ ଇମ୍ତାଗିକ ରୁହାଡ଼କଆଃ । ^{୧୮} ଜେତାଏ କାଜି ଆୟୁମାଃଏ ମେନ୍ଦ ସାଂସାର୍ରେୟାଃ ଉଡ଼ୁ ଆତଃ ପୁରାଃ

☆ ୪:୧ ୪:୧ ଲୁକ ୫:୧-୩.

ମେନାଃତେୟାଃରାଃ ହାୟା, କାନାଜିକେ ହାରାତପାଏୟା ଆତଃ ଇନିଃ କାଏ ଜଅଃଆ, ଇନିଃ ଜାନୁମ୍ ଆଲାରେ ଉୟୁଗାକାନ୍ ହିତା ଲେକାନନିଃ ତାନିଃ, ଇନିଃ ଜେତାନ୍ ଜ କାଏ ଜଅଃଆ । ୧୯ ନେ ଲେକାନ୍ ହତକଦ ଜାନୁମ୍ ଆଲାରେ ହେରାକାନ୍ ହିତାଲେକାନକତାନ୍କ । ୨୦ ଆତଃ ବୁଗିନ୍ ଅତେରେ ହେରାକାନ୍ ହିତାଲେକା ଚିମିନ୍ ହତକ ସୁକୁକାଜି ଆୟୁମକେଦ୍ତେ ମାନାତିଙ୍ଗୟାଃକ, ଆତଃ ମିଆଁଦନିଃ ତିରିଗ, ଏଟାଃନିଃ ଷାଠେ, ଆତଃ ମିଆଁଦନିଃ ମିଦ୍‌ଶାଅ ଗୁନାକ, ଜ ଆଃ ।”

ଦିମିରେୟାଃ ଜନ୍‌କା କାଜି
(ଲୁକ ୮:୧୬-୧୮)

୨୧ ✨ଆତଃଗି ଯୀଶୁ କାଜିୟାଦକଆଏ, “ଚିୟାଃ ଜେତାଏ ହତ ଦିମି ଜୁଲକେଦ୍ତେ ‘ତାଝାତେ’ ଚାଏ ପାରକମ୍ ଲାତାରରେ ଦହୟାଏ ? ଏନାକେଦ ପାଖା ଚାଏ ଦିକା ତେତାନ୍‌ରେ ଦହୟାଏ । ୨୨ ✨ଅକ ସବେନ୍ ଉକୁଆକାନ୍‌ତେୟାଃ ଏନା ମାୟାଲ୍‌ତେ ଆଉଃଆ, ଆତଃ ଅକ ସବେନାଃ ଦାନାଙ୍‌ଆଁକାନା ଏନା ଉଦୁବଃଆ । ୨୩ ଲୁଡୁର୍ ତାପେଆଃ ଆୟୁମ୍ ନାଗେନ୍ତେ ମେନାଃରେଦ, ଆୟୁମେପେ ।”

୨୪ ✨ଆତଃଗି ଇନିଃ କାଜିୟାଦକଆଏ, “ଆପେ ଆୟୁମେତେୟାଃ ବୁଗିଲେକା ଆୟୁମ୍‌ଉରୁମେପେ, ଆପେ ସଙ୍ଗେ ତାମ୍‌ରେଗି ଆପେ ନାଗେନ୍ତେ ସୋଙ୍ଗଃଆ, ଆତଃ ଏନାଏତେ ଆଦକାପେ ନାମେଆଁ । ୨୫ ✨ଚିୟାଃଗି, ଅକଏତାଃ ମେନାଃ ଇନିଃଦ ଆତଃଗି ନାମେଆଁ, ଆତଃ ଜେତାଏତାଃରେ ବାନଃଆ, ଇନିଃତାଃଏତେ ଅକ୍‌ନାଃ ମେନାଃ ଏନାହଗି ଇଦିୟଃଆ ।”

ହାରାତାନ୍ ହିତାରେୟାଃ ଜନ୍‌କା କାଜି

୨୬ ଆତଃଗି ଯୀଶୁ କୁଲିକେଦକଆଏ, “ପାରମେଶ୍ୱାର୍‌ଆଃ ରାଇଜ୍ ନେ'ଲେକାଗିଆଃ, ମିଆଁଦ୍ ହତ ଆୟାଃ ଅତେରେ ହିତା ହେରକେଦାଏ । ୨୭ ଆତଃ ଇନିଃ ନିଦାରେ ଦୁଡ଼ମ୍‌ାଏ, ସିଙ୍ଗିରେ ବିରିଦାଏ, ଆତଃ ଇନିୟାଃ କା ସାରିତେ ହିତା ଅମନଆଃ ଆତଃ ହାରାଅଆଃ । ୨୮ ଅତେଦ ଆୟାଃତେଗି ଜ'ଏମାଃଏ, ସିଦା ଅମନେୟାଏ, ଏନ୍ତେ ଗେଲେୟାଏ, ଏନ୍ତେ ଗେଲେରେ ଜାଙ୍‌ଅଆ । ୨୯ ଜ ଜାଙ୍‌ୟାନ୍‌ଚି ଏନ୍ ହତ, ଇରୋଃ ଦିପିଲି ସେଟେରୟାନା ମେନ୍ତେ, ଦାଡ଼ରମ୍ ସାବେଆଏ ।

ମାନିଜାଙ୍‌ରେଆଃ ଜନ୍‌କା କାଜି
(ମାଥୂଉ ୧୩:୩୧-୩୨, ୩୪; ଲୁକ ୧୩:୧୮-୧୯)

୩୦ “ଆତଃଗି ଯୀଶୁ କୁଲିକେଦକଆଏ, ପାରମେଶ୍ୱାର୍‌ଆଃ ରାଇଜ୍ ଚିନାଃଲଃଗୁ ଜକାଏୟା ଚାଏ ଅକ ଜନ୍‌କା କାଜିତେ ଏନାବୁ ଉଦୁବେୟା । ୩୧ ଏନାଦ ମିଆଁଦ୍ ମାନିଜାଙ୍‌ ଲେକା, ଅତେରେ ହେରତାନ୍ ସାମାଏରେ ଅତେରାଃ ସବେନ୍ ହିତାଜାଙ୍‌ ଏତେ ହୁଡ଼ିଙ୍‌ଆଁ, ୩୨ ମେନ୍‌ଦ ଅତେରେ ହେରୟାନ୍‌ଚି ଏନାରେୟାଃ କତକ ଏଟାଃ ଆତାଃଦାରୁକଏତେ ପୁରାଃ ମାରାଙ୍‌ ହାରାସାଲାଙ୍‌ଅଆ, ଆତଃ ସିମାରେନ୍ ତେଣ୍‌କ ଏନାରେୟାଃ ଉମ୍‌ଲୁରେକ ଅକାୟା ।”

୩୩ ଯୀଶୁ ଇନ୍‌କୁକେ ଆବ୍‌କାର୍‌ଉରୁମ୍ ଦାଡ଼ିଲେକା ପୁରାଃ ନେ'ଲେକାନ୍ ଜନ୍‌କା କାଜିକ କାଜିକେଦକଆଏ । ୩୪ ବେଗାର୍ ଜନ୍‌କା କାଜିତେ ଇନିଃ ଇନ୍‌କୁକେ ଜେଡ଼ନାଃ କାଏ କାଜିୟାଦକଆ, ମେନ୍‌ଦ ଏସକାର୍‌ରେ ଇନିଃ ଆୟାଃ ଚେଲାକକେ ସବେନାଃରାଃ ମୁଣ୍ଡି ଉଦୁବାକ ତାଇକେନାଏ ।

ୟୀଶୁ ମାରାଙ୍‌ହୟକେ ହାପାଉତାରକେଦାଏ
(ମାଥୂଉ ୮:୨୩-୨୬; ଲୁକ ୮:୨୨-୨୫)

୩୫ ଏନ୍ ହୁଲାଙ୍‌, ଆୟୁବ୍‌ୟାନ୍‌ଚି ଯୀଶୁ ଚେଲାକକେ କାଜିୟାଦକଆଏ, “ଦଲାବୁ, ଦରେୟା ହାନ୍ ପାରମତେବୁଆ ।” ୩୬ ଆତଃ ଚେଲାକ ଗାଦେଲ୍ ହତକକେ ବାଗିକେଦ୍ତେ ଲାଉକାରେ ଦୁବ୍‌ୟାନାକ, ମେନ୍‌ଦ ଯୀଶୁ ସିଦାରେ ଦୁବାକାନ୍ ତାଇକେନାଏ, ଏନ୍ତେ ଇନ୍‌କୁ ଲାଉକାକେ ଚାଲାଅକେଦାଃକ, ଏନ୍ତାଃରେ ଏଟାଃ ଲାଉକାକହ ତାଇକେନା । ୩୭ ଇମ୍‌ତାଙ୍‌ଗି ଦୁଦୁଗାର୍‌ହୟ ବିରିଦୟାନା ଆତଃ ଲାଉକାରେ ଆଲ୍‌ପୁଙ୍‌କ* ରାକାବ୍‌ୟାନା, ଏନାତେ ଲାଉକାରେ ଦାଆଃ ପେରେଜଃତାନ୍ ତାଇକେନା । ୩୮ ଇମ୍‌ତା ଯୀଶୁ ଲାଉକାରେୟାଃ ତାୟମ୍‌ସାଃରେ ଉଠୁଙ୍‌କେଦ୍ତେ ଦୁଡ଼ମ୍‌ାକାନାଏ ତାଇକେନା । ଚେଲାକ ଇନିଃକେ ବିରିଦିତାନ୍‌ଲଃ କାଜିକିୟାଃକ, “ହେ ଗୁରୁ, ତୁବିଃଗ ଗଜଃତାନାଲେ, କାମ୍‌ଚି ପାହାମ୍‌ତାନା ?”

୩୯ ଯୀଶୁ ବିରିଦିତ୍‌ୟାନ୍‌ଚି ହୟକେ ମାରାଙ୍‌ମଚାକିୟା ଆତଃ ଆଲ୍‌ପୁଙ୍‌କେ କାଜିକେଦା, “ହାପାଅଃମେଁ,” ଆତଃ ଏନା ରୁଡ଼ୟାନା, ଆତଃ ପୁରା ସିଃସଏଃୟାନା† । ୪୦ ଏନ୍ତେ ଯୀଶୁ ଚେଲାକକେ କାଜିୟାଦକଆଏ, “ଚିନାଃ ମେନ୍ତେପେ ବରତାନା ? ନାହାଃ, ଜାକେଦ୍ ଆପେୟାଃ ବିଶ୍ୱାସ୍ ବାନଃଆଚି ?”

✨ ୪:୨୧ ୪:୨୧ ମାଥୂଉ ୫:୧୫; ଲୁକ ୧୧:୩୩. ✨ ୪:୨୨ ୪:୨୨ ମାଥୂଉ ୧୦:୨୨; ଲୁକ ୧୨:୨. ✨ ୪:୨୪ ୪:୨୪ ମାଥୂଉ ୭:୨; ଲୁକ ୭:୩୮. ✨ ୪:୨୫ ୪:୨୫ ମାଥୂଉ ୧୩:୧୨; ୨୫:୨୯; ଲୁକ ୧୯:୨୭. * ୪:୩୭ ୪:୩୭ ଆଲ୍‌ପୁଙ୍‌ † ୪:୩୯ ୪:୩୯ ଆମ୍‌ାଅ

୪୧ ଏନାତେ ଇନକୁ ପୁରାଃଗି ବରକେଦାଃକ, ଆତଃ ମେପେନ୍ୟାନାକ, “ନିଃଦ ଅକଏ ତାନିଃ ? ହୟ, ଆତଃ ଦରେୟା ହିଁ ନିୟାଃ କାଜିକ ମାନାତିଜ୍ଞତାନା ।”

୫

ବଜ୍ଞା ଏସେରାକାନନିଃକେ ଯୀଶୁ ବୁଗି ତାନା
(ମାଥୂଉ ୮:୨୮-୩୪; ଲୁକ ୮:୨୭-୩୯)

୧ ଏନ୍ତେ ଯୀଶୁ ଆୟାଃ ଚେଲକଲଃ ଗାଲିଲ୍ ଦରେୟା ସେନ୍ଦାରମକେଦ୍ଦେ ଗେରାସିମିକଆଃ ପାରଗାନ୍ଦେ ତେବାଃୟାନାକ । ୨ ଇନିଃ ଲାଉକାଏତେ ଆଡ୍ଗୁୟାନ୍ତି, ସଡ଼ରା ଆମ୍ବାତେ ଏସେରାକାନ ନିହୁଡ୍ ହଡ୍ ତପାଠାୟାଦ୍ଦେ ଅତଜ୍ଞକେଦ୍ଦେ ସେନ୍ଦାରମକିୟାଏ । ୩ ଇନିଃ ତପା ଠାୟାଦ୍ଦେ ତାଇନଃତାନାଏ ତାଇକେନା, ଇନିଃକେ ଜେତାଏ କାକ ତଲ୍ ଦାଡ୍ଡିତାଇକେନା, ସିକ୍ଡିତେହ୍ କାହାଗି । ୪ ପୁରାଃସା ଇନିୟାଃ କାଟା ଡିଃଇକ ସିକ୍ଡିତେ ତଲ୍ଲକାନ୍ ତାଇକେନାଏ, ମେନ୍ଦ ସବେନ୍ ଇମ୍ତା ଇନିଃ ସିକ୍ଡି ଆତଃ ବେଡ୍ଡିକକେ ଟେଃଃକେଦାଏ । ଇନିଃତାଃରେ ପୁରାଃ ପେଡ୍ଡେଃ ତାଇକେନା ଆତଃ ଜେତାଏ ହିଁ ଇନିଃକେ କାକ କାବୁ ଦାଡ୍ଡିତାଇକେନା । ୫ ନିଦା ଆତଃ ସିଜ୍ଠି ତପା ଠାୟାଦ୍ଦକରେ, ବୁରୁରେ କାଉରିତାନ୍ ଆତଃ ଦିରିତେ କଟେୟଃତାନାଏ ତାଇକେନା ।

୬ ସାଜିନ୍ଦ୍ଦେ ଯୀଶୁକେ ନେଲ୍ତାଇଲଃ ନିର୍ଦ୍ଦାରମକେଦ୍ଦେ ଆୟାଃ ଆୟାଃରେ ଅମ୍ବାଃ ଇକ୍ଡମ୍ପୁ ଯାନାଏ । ୭ ଆତଃ କାଉରିତାନ୍ଲଃ କାଜିକେଦାଏ, “ଏ, ସାଲାଜିଉତାର୍ ପାରମେଶ୍ଵାର୍ଆଃ ହନ୍ ଯୀଶୁ, ଆଇୟାଃଲଃ ଆମାଃ ଚିକାନ୍ କାମି ମେନାଃ ? ପାରମେଶ୍ଵାର୍ଆଃ ନୁଡ୍ଡମ୍ପେ କଏମେ ତାନାଇଜ୍ଞ, ଆଲମ୍ ସାସାଡିଆଁ ।” ୮ ଚିୟାଃତି “ଏ, ସଡ଼ରା ଆମ୍ବା, ନେ ହଡ୍ଦେ ଅତଜ୍ଞଅଃମେ” ମେନ୍ତେ ଯୀଶୁ କାଜିକାଇ ତାଇକେନାଏ ।

୯ ଏନ୍ତେ ଯୀଶୁ ଇନିଃକେ କୁଲିକିୟା, “ଆମାଃ ନୁଡ୍ଡମ୍ ଚିକ୍ନାଃ ? ଆଇୟାଃ ନୁଡ୍ଡମ୍ ଫାଉଦ୍, ଆଲେ ପୁରାଃଗି ମେନାଲେୟା” ମେନ୍ତେ କାଜିରୁହାଡ୍ଡକିୟା । ୧୦ ଆତଃ ଇନିଃ ଯୀଶୁକେ, ନେ ଦିଶୁମ୍ପେତେ ଆଲମ୍ଗି ହାର୍ ଅତଜ୍ଞଲେୟା, ମେନ୍ତେ ପୁରାଃଗି ବିଡ୍ଡିତାନ୍ଲଃ କାଜିଗହାଡ୍ଡକିୟାଏ ।

୧୧ ବୁରୁଗେନା ଜାପାଃରେ ସୁକୁରିକଆଃ ମାରାଜ୍ ଗୋର୍ ଆଡିଜ୍ଞତାନ୍କ ତାଇକେନା । ୧୨ ଆତଃ, ବଜ୍ଞାକ ବିଡ୍ଡିକେଦ୍ଦେ କାଜିକିୟାଃକ, “ଆଲେକେ ଏନ୍ ସୁକୁରିକରେ ବଲଃ ନାଗେନ୍ତେ କୁଲ୍ତାଲେମେ ।” ୧୩ ଯୀଶୁ ଇନକୁକେ ସେନ୍ଦାକିକେଦ୍ଦକଆ, ଆତଃ ଏନ୍ ସଡ଼ରା ଆମ୍ବା ଏନ୍ ହଡ୍ଦେ ଅତଜ୍ଞକେଦ୍ଦେ ସୁକୁରିକରେକ ବଲ୍ୟାନା, ଆତଃ ଏନ୍ତାଃରେ ଦୁଇ ହାଜାର୍ ଲେକା ସୁକୁରିକ ଆଡିଜ୍ଞ ତାଇକେନା, ଇନକୁ ଦରେୟାରେକ ନିର୍ ଡୁଷ୍ଟମାୟାନା ଆତଃ ଡୁବିଃଗ୍ ଗଏଃୟାନାକ ।

୧୪ ସୁକୁରି ଗୁପିତାନ୍କ ନିର୍ୟାନାକ ଆତଃ ସାହାର୍ ଆତଃ ଟଲ୍ଲକରେ ନେ କାଜିକ ଉଦ୍ଦୁକେଦାଃ, ଏନ୍ତେ ଚିକ୍ନାଃ ଚିକାୟାନା ମେନ୍ତେ ହଡ୍ଦକ ନେଲ୍ ନାଗେନ୍ତେ ଅତଜ୍ଞୟାନାକ । ୧୫ ଆତଃ ଇନକୁ ଯୀଶୁତାଃ ତେବାଃୟାନ୍ତି ବଜ୍ଞା ଏସେରକାନ୍ ହଡ୍ଦକେ ଇନିୟାଃ କାଟାସୁବାରେ ବୁଗିନ୍ଦମନ୍ତେ ଦୁବାକାନ୍, ଆତଃ ଲିଜାଃ ଡୁସିଜ୍ଞଆଁକାନ୍ ନେଲ୍କିଃତେ ବରକେଦାଃକ । ୧୬ ନେ ସବେନ୍ ନେଲ୍ଲକାଦ୍ ହଡ୍ଦକ, ବଜ୍ଞା ଏସେରକାନ୍ ଏନ୍ ହଡ୍ ଚିଲ୍କା ବୁଗିୟାନାଏ ଆତଃ ସୁକୁରିକ ଚିଲ୍କାୟାନା ଏନା ସବେନ୍ ହଡ୍ଦକକେ ଉଦ୍ଦୁବାଦକଆକ ।

୧୭ ଏନ୍ତେ ଇନକୁ ଯୀଶୁକେ, ଆଲେୟାଃ ସିମ୍ପାଏତେ, ଅତଜ୍ଞଅଃମେ ମେନ୍ତେକ ବିଡ୍ଡିକିୟା ।

୧୮ ଏନ୍ତେ ଯୀଶୁ ଲାଉକାରେ ରାକାବ୍ତାନ୍ ଇମ୍ତା, ବଜ୍ଞା ଏସେରଏତେ ବୁଗିକାନ୍ ହଡ୍, ଯୀଶୁକେ “ଆମାଃଲଃ ତାଇନ୍ ଚିକାଆଇଜ୍ଞମେଁ” ମେନ୍ତେ ବିଡ୍ଡିକିୟାଏ ।

୧୯ ମେନ୍ଦ ଯୀଶୁ “କାହାଗି, ଆମାଃ ଅଡ଼ାଃତେ ରୁହାଡ୍ଡମେଁ ଆତଃ ଗମ୍ବେ ଆମାଃ ନାଗେନ୍ତେ ଚିନାଃ ରିକାକେଦାଃଏ, ଆତଃ ଚିଲ୍କା ଆମ୍ବେ ଦାୟାକାଦ୍ମେୟା ଏନ୍ ସବେନାଃ ଆମାଃ ଅଡ଼ାଃରେନ୍କକେ ଉଦ୍ଦୁବାକମେ” ମେନ୍ତେ କାଜିକିୟା ।

୨୦ ଏନ୍ତେ ଏନ୍ ହଡ୍ ରୁହାଡ୍ଡୟାନାଏ ଆତଃ ଆୟାଃ ନାଗେନ୍ତେ ଯୀଶୁ ଚିନାଃ ରିକାକେଦାଃଏ ଏନା ସବେନ୍ ଦେକାପଲ୍ଲୀ*ରେ ଉଦ୍ଦୁବ୍ ଏଟେଦ୍ଦକେଦାଏ, ଆତଃ ଏନା ଆୟୁମ୍ତାନ୍କ ଆକ୍ଦାଦାୟାନା ।

ଗଏଃକାନ୍ ହନ୍କୁଡ୍ଡି ଆତଃ ଦୁକୁତାନ୍ କୁଡ୍ଡି
(ମାଥୂଉ ୯:୧୮-୨୨; ଲୁକ ୮:୪୦-୫୬)

୨୧ ଯୀଶୁ ଲାଉକାରେ ଦରେୟାରାଃ ହାନ୍ ପାରମ୍ପେତେ ନେ ପାରମ୍ପେତେ ରୁହାଡ୍ଡୟାନ୍ତି, ଏନ୍ତାଃରେ ଗାଦେଲ୍ ହଡ୍ଦକ ହୁଣ୍ଡିୟାନା, ଆତଃ ଯୀଶୁ ଦରେୟା ଗେନାରେ ତାଇକେନାଏ । ୨୨ ଏନ୍ତେ ଯାଇରସ ନୁଡ୍ଡମ୍ ମିଆଁଦ୍ ସାମାଜ୍ ଅଡ଼ାଃରେନ୍ ଆଗୁଆଇ ହଡ୍ ହିଜୁଃୟାନାଏ, ଆତଃ ଯୀଶୁକେ ନେଲ୍କେଦ୍ଦେ

* ୫:୨୦ ୫:୨୦ ଗ୍ରୀକ୍ ଜାଗାଡ୍ଡେ ନେଆଁରାଃ ମୁଣ୍ଡି “ଦାଶୁ ସାହାର୍”

ଆୟାଃ କାଗାସୁବାରେ ଉତ୍ତୁଃୟାନା, ୨୩ ପୁରାଃଗି ବିକ୍ରିତାନ୍ଲଃ କାଜିକେଦା, “ହନିଙ୍ଗୁକ୍ତି ଦୁକୁତେ ଗଜଃ ଲେକାକାନାଏ, ଇନିଃ ଚିଲ୍ଲକା ବାଞ୍ଚାଅଃଆଏ, ଏନାମେନ୍ତେ ହିଜୁଃମେ, ଆତଃ ଇନିୟାଃ ଚେତାନରେ ତିଃଇ ଦହେମେ ।”

୨୪ ଏନ୍ତେ ଯାଶୁ ଇନିଃଲଃ ସେନଃୟାନାଏ ଆତଃ ଗାଦେଲ୍ ହଡକ ଉପୁଦୁରଠେପସାକେଦତେ ଜୁରୁବିହୁର୍ ତାନଲଃ ଦୟା ଦୟାକ ଅତଙ୍ଗକିୟା ।

୨୫ ଆତଃ ଏନ୍ତାଃରେ ବାରା ବାରାଷଏତେ “ମାୟୋମ୍ଲିଙ୍ଗି” ଦୁକୁରେ ଦୁକୁତାନ୍ ମିଆଁଦ୍ କୁଡ୍ଡି ତାଇକେନାଏ । ୨୬ ଇନିଃ ପୁରାଃ ବାଇଦକତାଃରେ ରାନୁଆକାନ୍ ତାଇକେନାଏ, ଆତଃ ଆୟାଃ ସବେନ୍ ତାଇକେନତେୟାଃ ଇନକୁଆଃରେ ଚାବାକେଦାଏ, ଏନରେୟ କାଏ ବୁଗିୟାନା, ମେନ୍ଦ, ଦୁକୁତାୟାଃ ଆତଃଗି ସାରସାୟାନା† । ୨୭ ଇନିଃ ଯାଶୁଆଃ ବିଷାଏ ଆୟୁମ୍ଲିଙ୍ଗି ଗାଦେଲ୍ ହଡକଆଃ ଆଲାରେ ଇନିୟାଃ ଦୟାହରା ଏତେ ଲିଜାଃରାଃ ଆଚରା ଜୁଟିଦ୍ ନାଙ୍ଗ୍ ହିଜୁଃୟାନା, ୨୮ ଚିୟାଃଗି ଇନିଃ ଆୟାଃ ମନ୍ରେ “ଇନିୟାଃ ଲିଜାଃ ଏସକାର୍ ଜୁଟିଦତାରେଦ ଆଇଙ୍ଗ୍ ବୁଗିକଆଇଙ୍ଗ୍” ମେନ୍ତେ ଉଡ଼ୁତାନ୍ ତାଇକେନାଏ ।

୨୯ ଏନ୍ତେ ଇନିଃ ଯାଶୁଆଃ ଲିଜାଃ ଆଚରାକେ ଜୁଟିଦକେଦାଏ ଆତଃ, ଇମ୍ତାଙ୍ଗି ଇନିଃ ମାୟୋମ୍ ଲିଙ୍ଗି ଦୁକୁଏତେ ବୁଗିୟାନାଏ । ଆତଃ ଦୁକୁଏତେ ବୁଗିୟାନାଇଙ୍ଗ୍ ମେନ୍ତେ ଆୟାଃ ହଡକମରେ ଆଚକାରକେଦା । ୩୦ ଇମ୍ତାଙ୍ଗି ଯାଶୁ, “ଆଇଙ୍ଗ୍ଏତେ ପେଡ଼େଃ ଅତଙ୍ଗୟାନା” ମେନ୍ତେ ଜୀଉରେ ସାରିଆଚକାରକେଦାଏ, ଆତଃ ଗାଦେଲ୍ ହଡକକେ ହେତାରୁହାଡକେଦତେ, “ଅକଏ, ଆଇୟାଃ ଲିଜାଃ ଜୁଟିଦକେଦାଏ ?” ମେନ୍ତେ କୁଲିକେଦକଆ ।

୩୧ ଆତଃ ଚେଲା ତାୟାଃକ ଯାଶୁକେ କାଜିକିୟାଃକ, “ଗାଦେଲ୍ ହଡକ ଆମାଃ ଚେତାନରେ ଉତ୍ତୁଗଃତାନାକ, ଏନାଦ ନେଲ୍କତାନାମ୍, ଆତଃ ‘ଅକଏ ଜୁଟିଦକିଦିୟାଏ,’ ମେନ୍ତେ ଚିନାଃମ୍ କୁଲିତାନା ?”

୩୨ ମେନ୍ଦ ଜୁଟିଦକେଦନିଃକେ ଯାଶୁ ନେଲ୍ନାମି ନାଗେନ୍ତେ ହେତାବାଡାକେଦାଏ । ୩୩ ଏନ୍ କୁଡ୍ଡି ଆଇୟାଃ ଚିକନାଃ ଚିକାୟାନା ନେଆଁ ଆଚକାରକେଦତେ, ବରତେ ଏକ୍ଲାଆଃତାନଲଃ ହିଜୁଃୟାନାଏ ଆତଃ ଇକ୍ତୁତ୍ତୁ ତାନଲଃ ସବେନାଃ ସାଚିଗି ଯାଶୁକେ ଉଦୁଦକିୟା । ୩୪ ଯାଶୁ କାଜିକିୟାଏ, “ଏ ମାଇ, ବିଶ୍ଵାସ୍ ତାମାଃ ବୁଗିୟାକାଦମେୟାଏ, ଜୁ ସୁକୁ ଜୀଉତେ ସେନଃମେ, ଆତଃ ଆମାଃ ଦୁକୁଏତେ ବୁଗିୟାକାନ୍ ତାଇନଃମେ ।”

୩୫ ଯାଶୁ ଏନା କାଜିତାନ୍ ଇମ୍ତାଗି, ସାମାଜ୍ ଅଡ଼ାଃ ଚାଲାଅନିୟାଃ ଅଡ଼ାଃଏତେ କାଜି ଆଡ଼ଞ୍ଚାକାଦ୍ ହଡ୍ ଯାଇରସକେ କାଜିକିୟାଏ, “ହନ୍ମେକ୍ତି ଗଏଃୟାନାଏ, ଗୁରୁକେ ଆତଃ ଆଲ୍ମେ ଦୁକୁଇୟା ।”

୩୬ ଯାଶୁ ଏନକାଜି ଆୟୁମ୍ଲିଙ୍ଗିକେଦତେ କା ଆୟୁମ୍ଲିଙ୍ଗି ଲେକା ସାମାଜ୍ ଅଡ଼ାଃରେନ୍ ଆଗୁଆଇକେ କାଜିକିୟା, “ଆଲମ୍ ବରଏୟା, ବିଶ୍ଵାସ୍ରେଗି ତାଇନଃମେ ।” ୩୭ ଆତଃ ଯାଶୁ, ପାଚରାସ୍, ଯାକୁବ୍, ଆତଃ ଯୋହାନ୍, ଯାକୁବ୍ ଆଃ ହାଗାତେକେ ବାଗିକେଦତେ ଆତଃ ଜେତାଏକକେ କାଏ ସେନ୍ ଇତିକେଦକଆ । ୩୮ ଯାଇରସଆଃ ଅଡ଼ାଃତେ ସେଚେରୟାନ୍ତି, ଯାଶୁ ଗାଦେଲ୍ ହଡକ ହାଲାଗୁଲାତାନଲଃ, ରାଆଃତାନ୍ ଆତଃ ଏୟମ୍ତାନ୍ ନେଲ୍କେଦକଆଏ । ୩୯ ଇନିଃ ଅଡ଼ାଃରେ ବଲୟାନାଏ, ଆତଃ ଇନକୁକେ କାଜିୟାଦକଆ, “ଚିନାଃ ମେନ୍ତେପେ ହାଲାଗୁଲାଏତାନା ଆତଃପେ ରାଆଃଏତାନା ? ଏନ୍ ହନ୍ଦ କାଏ ଗଜାକାନା ମେନ୍ଦ ଦୁଡ଼ୁତାନାଏ ।”

୪୦ ଏନ୍ତେ ଇନକୁ ଇନିଃକେ ଲାୟାକିୟାଃକ । ମେନ୍ଦ ଯାଶୁ ସବେନ୍ ହଡକକେ ଏନ୍ତାଃଏତେ ଅତଙ୍ଗକେଦକତି, କୁଡ୍ଡିହନ୍ରାଃ ଏଙ୍ଗାଆପୁକିନ୍ ଆତଃ ଆୟାଃଲଃ ତାଇକାନ୍ ଚେଲାକଲଃ, କୁଡ୍ଡିହନ୍ ଗିତିଜାକାନ୍ତାଃ ସେନ୍ ବଲୟାନାକ । ୪୧ ଆତଃ ଇନିୟାଃ ତିଃଇ ସାଦକେଦତେ “ଗାଲିଆକୁମ୍” ମେନ୍ଦକିୟାଏ, ନେ କାଜିରେୟାଃ ମୁଣ୍ଡି ନେଆଁ ତାନାଃ, “ଏ ମାଇ ବିରିଦମେ ।”

୪୨ ଇମ୍ତାଗି ଏନ୍ କୁଡ୍ଡିହନ୍ ବିରିଦୟାନାଏ ଆତଃ ସେସେନ୍ ବାଡାକେଦାଏ, ଚିୟାଃଗି ଇନିଃଦ ବାରା ବାରାଷରେନ୍ ତାଇକେନାଏ । ନେଆଁ ନେଲ୍କେଦତେ ସବେନକ ପୁରାଃଗି ଆକ୍ଦାୟାୟାନାକ । ୪୩ ମେନ୍ଦ ଯାଶୁ “ନେ କାଜି ଜେତାଏତାଃରେ ଆଲ୍ମପେ ଉଦୁବେୟା,” ମେନ୍ତେ କାଜିୟାଦକଆଏ, ଆତଃ “କୁଡ୍ଡିହନ୍କେ ଜେତନାଃ ଜମ୍ ନାଙ୍ଗ୍ ଏମାଇପେ” ମେତାଦକଆଏ ।



ୟାଶୁକେ ନାଜରେଡ଼ରେ କାକ ବିଶ୍ଵାସକିୟା
(ମାଥୂଉ ୧୩:୫୩-୫୮; ଲୁକ ୪:୧୬-୩୦)

୧ ଯାଶୁ ଏନ୍ତାଃଏତେ ଅତଙ୍ଗୟାନା । ଆତଃ ଚେଲାକଲଃ ଆୟାଃ ସାହାରତେ ହିଜୁଃୟାନାଏ । ୨ ରୁଡ଼ୁକୁ ହୁଲାଙ୍ଗ୍ ସାମାଜ୍ ଅଡ଼ାଃରେ ଇନିଃ ଇତୁ ଏଚେଦକେଦାଏ । ଏନ୍ତାଃରେନ୍ ପୁରାଃ ହଡକ ଇନିୟାଃ କାଜି

† ୫:୨୬ ୫:୨୬ ବାଡ଼ାୟାନା

ଆୟୁମକେଦ୍ରେ ଆକ୍‌ଦାନ୍‌ଆୟାନାକ, ଆଡ଼କ ମେନ୍‌କେଦାଃ, “ଇନିଃ ନେ ସବେନ୍‌କାଜି ଅକ୍‌ତାଃଏଡେ ନାମାକାଦା ? ଇନିଃ ଅକ୍‌ତାଃଏଡେ ନେ ସେଣ୍ଡା ଆଡ଼କ ପେଡେୟାନ୍ କାମିକରେୟାଃ ପେଡେଃ ନାମାକାଦାଏ ? ନିଃ ଚିଲ୍‌କା ନେ ଲେକା ପେଡେୟାନ୍ କାମିକ କାମିତାନାଏ ? ^୩ ଚିୟାଃ ନିଃ ଏନ୍ ବାଡ଼ାଇ ନାହାଁଲିଃ ? ଚିୟାଃ ନିଃ ମାରିୟାମଆଃ ହନ୍ତେକଡ଼ା ନାହାଁଲିଃ ? ଆଡ଼କ ଯାକୁବ୍, ଯୋସି, ଶିମୋନ୍ ଆଡ଼କ ଯିହୁଦା ନେ ସବେନ୍‌କ ଆୟାଃ ହାଗାକ କା'ଚି ତାନ୍‌କ ? ଆଡ଼କ ଇନିୟାଃ ମିଶିକ ଆବୁଲ୍‌ଃଚି ବାଞ୍‌କଆ ?” ଆଡ଼କ, ଇନ୍‌କୁ ଯୀଶୁକେ କାକ ବିଶ୍ୱାସକିୟା ।

^୪ ଯୀଶୁ ଇନ୍‌କୁକେ ମେତାଦ୍‌କଆ, “ନାବୀ ଆୟାଃ ଦିଶୁମ୍ ଆଡ଼କ ଆୟାଃ କୁଟୁମ୍, ଆଡ଼କ ଆୟାଃ ଅଡ଼ାଃରେନ୍‌କକେ ବାଗିକେଦ୍ରେ ସବେନ୍‌ତାଃରେ ମାଇନଃଆଏ ।”

^୫ ଯୀଶୁ ଚିମିନ୍ ଦୁକୁତାନ୍‌କକେ ଡିଃଇଡେ ଜୁଚିଦ୍‌କେଦ୍ରେ ବୁଗିକେଦ୍‌କଆଏ, ଏନା ବାଗିକେଦ୍ରେ ଆଡ଼କ ଏନ୍ତାଃରେ ଇନିଃ ଜେତାନ୍ ଆକ୍‌ଦାନ୍‌ଆ କାମିକ କାଏ ରିକା ଦାଡ଼ିକେଦାଃ । ^୬ ଆଡ଼କ ଯୀଶୁ ଇନ୍‌କୁଆଃ କା ବିଶ୍ୱାସଡେୟାଃ ନେଲ୍‌କେଦ୍ରେ ଆକ୍‌ଦାନ୍‌ଆୟାନା । ଏନ୍ତେ ଯୀଶୁ ହପର୍‌ଜାପାଃ ହାଡୁ ହାଡୁ ସେନ୍‌କେଦ୍ରେ ଇଡୁତାନାଏ ତାଇକେନା ।

ୟୀଶୁ ଗେଲ୍‌ବାର୍ ଚେଲ୍‌କକେ କୁଲ୍‌କତାନାଏ
(ମାଥୁର ୧୦:୫-୧୫; ଲୁକ ୯:୧-୬)

^୭ ଏନ୍ତେ ଗେଲ୍‌ବାର୍ ଚେଲ୍‌କକେ କେଡ଼ାକେଦ୍ରେ, ବାବାର୍‌ହଡ୍‌ଲେକା କୁଲ୍‌କେଦ୍‌କଆଏ । ଆଡ଼କ ସଡ଼ରା ଆମ୍‌ା ହାର୍‌ଅଡ଼ଙ୍ ଗାଗେନ୍ତେ ଇନ୍‌କୁକେ ଆକ୍‌ଡେୟାର୍ ଏମାଦ୍‌କଆଏ । ^୮ ଆଡ଼କ ଯୀଶୁ ଚିଗାଲ୍‌କେଦ୍‌କଆଏ, “ହରାସେନ୍ ନାଗେନ୍ତେ ସଟା ବାଗିକେଦ୍ରେ ଆଡ଼କ ଜେଡ଼ନାଃ ଆଲ୍‌ପେ ଇଦିୟା, ହଲ୍‌ଙ୍ ଚି ଆଇଲା, ମାୟାଙ୍‌ରେ ଟାକା ପାଏସା ହ୍ କାହାଗି । ^୯ କାଟାରେ ଖାର୍‌ପା ତୁସିଙ୍‌ୟେନ୍‌ପେ ମେନ୍‌ଦ ବାରିଆ ତୁସିଙ୍ ଲିଜାଃ ଆଲ୍‌ପେ ସାବେୟା । ^{୧୦} ଆଡ଼କ ଇନିଃ ମେତାଦ୍‌କଆଏ, ଜେତା ଅଡ଼ାଃରେ ଦାରମପେରେ, ଏନ୍ ସାହାର୍‌ଏଡେ ଆଉରିପେ ଅଡ଼ଙ୍‌ଅଃ ଜାକେଦ୍ ଏନ୍ ଅଡ଼ାଃରେଗି ତାଇନ୍‌କାନ୍‌ପେ । ^{୧୧} ଯୀଶୁ ଯୀଶୁ ଠାୟାଦ୍‌ରେନ୍‌କ କାକ ସୁକୁଆପେରେ, ଆଡ଼କ ଆପେୟାଃ କାଜି କାକ ଆୟୁମ୍‌ରେଦ୍, ଏନ୍ତାଃଏଡେ ସେନଃତାନ୍‌ଲିଃ, ଆପେୟାଃ କାଟା ତାଲ୍‌କାରେୟାଃ ଧୁଡ଼ି ଇନ୍‌କୁଆଃ ବିରୁଧ୍‌ରେଆଃ ଗାଞ୍ଜା ନାଗେନ୍ତେ କଟା ବାଗିତାପେ ।”

^{୧୨} ଇନ୍‌କୁ ସେନଃୟାନାକ ଆଡ଼କ ହଡ଼କକେ ହେୟାଡିଙ୍ ଲାଗାଡିୟାଃ ମେନ୍ତେ ଉଦୁବ୍‌କେଦାକ । ^{୧୩} ଇନ୍‌କୁ ପୁରାଃ ବଜାକକେ ହଡ଼କତାଃଏଡେ ହାର୍‌ଅଡ଼ଙ୍ କେଦ୍‌କଆକ ଆଡ଼କ ପୁରାଃ ଦୁକୁହାସୁତାନ୍ ହଡ଼କକେ ସୁନ୍‌ମ୍ ଗସଃକେଦ୍ରେ ବୁଗିକେଦ୍‌କଆକ ।

ଯୋହାନ୍ ତୁବାକ୍‌ରାଃ ଗନଏଃ
(ମାଥୁର ୧୪:୧-୧୨; ଲୁକ ୯:୭-୯)

^{୧୪} ଯୀଶୁଆଃ ନୁଡୁମ୍ ସବେନ୍‌ସାଃରେ ନିଡିରୁୟାନ୍ତେ*, ହେରୋଦ୍[†] ରାଜା ଇନିୟାଃ ବିଷାଏ ଆୟୁମକେଦା । ଚିମିନ୍ ହଡ଼କ କାଜିତାଇକେନାକ, “ବାପ୍ତିସ୍ତା ଏମଃନିଃ ଯୋହାନ୍ ଗଜାକାନ୍‌ଏଡେ ଜାଉବିରିଦ୍‌କାନାଏ, ଏନା ମେନ୍ତେଗି ଆକ୍‌ଦାନ୍‌ଆ କାମିକ ଇନିୟାଃ ହରାଡେ ହବାଅଃତାନା ।”

^{୧୫} ମେନ୍‌ଦ ଏଟାଃକ କାଜିକେଦାଃକ, “ଇନିଃ ଏଲିୟ ଡାନିଃ, ଆଡ଼କ ଚିମିନ୍ ହଡ଼କ କାଜିକେଦାଃକ, ଇନିଃ ସିଦାରେନ୍ ନାବୀକଏଡେ ମିଆଁଦ୍ ନାବୀ ତାନିଃ ।”

^{୧୬} ମେନ୍‌ଦ ହେରୋଦ୍ ନେଆଁକ ଆୟୁମକେଦ୍ରେ ମେନ୍‌କେଦାଏ, “ଆଇଙ୍ଗ୍ ବହଃ ଖାଣ୍ଡାଅକାନ୍ ଯୋହାନ୍ ଗଜାକାନ୍ କଏଡେ ଜାଉବିରିଦ୍‌କାନାଏ ।” ^{୧୭} ଯେନ୍ ହେରୋଦ୍‌ଗି ଯୋହାନ୍‌କେ ସାସାଦ୍‌ରାଃ ହୁକୁମ୍ ଏମାକାଦ୍ ତାଇକେନାଏ, ଆଡ଼କ ଇନିଃକେ ତଲ୍‌କିଃଡେ ଜେହେଲ୍‌କିୟାଏ, ହେରୋଦ୍ ନେଆଁ ରିକାକେଦାଏ, ଚିୟାଃଚି ହେରୋଦ୍ ଆୟାଃ ହାଗାଡେ ଫିଲ୍‌ପୁରାଃ କୁଡ଼ିଡେ ହେରୋଦିୟାଃକେ ମାଣ୍ଡାଅକାଇ ତାଇକେନା । ^{୧୮} ଚିୟାଃଚି “ହାଗାମାଃ କୁଡ଼ିକେ ଦହଡେୟାଃ ଆଇନ୍ ଲେକାଡେ ଆମାଃ ନାଙ୍ କା ଠାଉକାଃ” ମେନ୍ତେ ଯୋହାନ୍ ହେରୋଦ୍‌କେ କାଜିକାଇ ତାଇକେନା ।

^{୧୯} ଏନାଡେ, ହେରୋଦିୟାଃ ଇନିଃକେ ଖସ୍‌ଡେ ଗଗଏଃ ସାନାଙ୍ଗ୍ ତାଇକେନାଏ, ମେନ୍‌ଦ ହେରୋଦିଆ କାଏ ଦାଡ଼ିତାଇକେନା । ^{୨୦} ଚିୟାଃଚି, ହେରୋଦ୍ ଯୋହାନ୍‌କେ ମିଆଁଦ୍ ଧାର୍‌ମାନ୍ ଆଡ଼କ ପାବିତାର୍ ହଡ଼ ତାନିଃ ମେନ୍ତେ ସାରିକେଦ୍ରେ ବରଆଇତାନ୍ ତାଇକେନାଏ ଆଡ଼କ ଇନିଃକେ ଜେହେଲ୍‌ରେ ଜାହିଦ୍‌ଗି ମାଣ୍ଡାଅକାଇ ତାଇକେନାଏ । ଆଡ଼କ ଇନିୟାଃ କାଜିକ ଆୟୁମକେଦ୍ରେ ପୁରାଃଚି ଦାନ୍‌ରାଅଃ ତାଇକେନ୍‌ରେୟ ଇନିୟାଃ କାଜିକ ରାସ୍‌କାଡେ ଆୟୁମ୍ ତାଇକେନା ।

☆ ୭:୪ ୭:୪ ଯୋହାନ୍ ୪:୪୪. ☆ ୭:୧୧ ୭:୧୧ ପ୍ରେରିଡ୍ ୧୩:୫୧. ☆ ୭:୧୧ ୭:୧୧ ଲୁକ ୧୦:୪-୧୧. ☆ ୭:୧୩ ୭:୧୩ ଯାକୁବ୍ ୫:୧୪. ☆ ୭:୧୪ ୭:୧୪ ମାଥୁର ୧୭:୧୪; ମାର୍କ ୮:୨୮; ଲୁକ ୯:୧୯. * ୭:୧୪ ୭:୧୪ ବିଖ୍ୟାଡ୍ † ୭:୧୪ ୭:୧୪ ଗାଲିଲ୍‌ରେନ୍ ହାକିମ୍ ☆ ୭:୧୭ ୭:୧୭ ଲୁକ ୩:୧୯, ୨୦.

୨୧ ଚୁଣ୍ଡୁର ହେରୋଦିଆ ନାଗେନ୍ତେ ନେତା ସେଟେରୟାନା, ହେରୋଦ୍ ଆୟାଃ ଜାନାମ୍ ହୁଲାଇକେ ମାନାଅ ନାଗେନ୍ତେ, ଆୟାଃ ମାପରାଙ୍ଗ ଦାର୍ଦ୍ଦାର୍ ହଡକ, ପାଲଟାନକଆଃ ସାର୍ଦାରକ, ଆଡଃ ଗାଲିଲରେନ୍ ମାପରାଙ୍ଗ ହଡକଆଃ ନାଗେନ୍ତେ ନୁବାରରେୟାଃ ମାରାଙ୍ଗ ଜଜମାଃ ବାଇକେଦାଏ । ୨୨ ହେରୋଦିୟାଃରାଃ ହଡକକୁଡି ଜମେଅଡ଼ାଃରେ ବଲକେଦ୍ତେ ସୁସୁନ୍କେଦାଏ, ଆଡଃ ହେରୋଦ୍ତାଃ ହିଜୁଆକାନ୍ ସବେନ୍ ନେଅଁତା ହଡକକେ ରାସକା କେଦ୍ଦକଆଏ । ଏନ୍ତେ ରାଜା ହେରୋଦ୍ ହଡକକୁଡିକେ କାଜିକିୟାଏ “ଆମ୍ ସୁକୁଃତେଆଃ ଜେଡନାଃମ୍ ଆସିଙ୍ଗ୍ରେହ୍, ଏନାଇଙ୍ଗ୍ ଏମାମେୟାଁ ।” ୨୩ “ଜାହାନାଃଗି ଆସିଙ୍ଗ୍ମେ, ରାଇଜରାଃ ତାରାହାଟିଙ୍ଗ୍ ମେନେରେୟାଗି ଆଇଙ୍ଗ୍ ଏମାମେୟାଁ” ମେନ୍ତେ ରାଜା ଇନିଃତାଃରେ କିରିୟାକେଦାଏ ।

୨୪ ଆଡଃ ଏନ୍ କୁଡିହନ୍ ଅଡକ୍ମାନ୍ତେ, ଚିକାନାଃଇଙ୍ଗ୍ ଆସିୟା ମେନ୍ତେ ଏଙ୍ଗାତେକେ କୁଲିକିୟାଏ ? ଆୟାଃ ଏଙ୍ଗାତେ କାଜିରୁହାଡକିୟା “ବାପ୍ତିସ୍ତା ଏମଃନିଃ ଯୋହାନ୍ଆଃ ବହଃ ।”

୨୫ ଏନ୍ କୁଡିହନ୍ ଜାଲ୍ଦିଗି ହିଜୁଃ ରୁହାଡକେଦ୍ତେ ରାଜାକେ କାଜିକିୟାଏ, “ନାହାଁଃଗି ନେତାଃରେ, ବାପ୍ତିସ୍ତା ଏମଃନିଃ ଯୋହାନ୍ରାଃ ବହଃ ମିଆଁଦ୍ ଆଡିରେ ଏମାଇଙ୍ଗ୍ମେ ।”

୨୬ ଏନ୍ କାଜି ହରାତେ ରାଜା ପୁରାଃଗି ହୁଡିଙ୍ଗ୍ଜୀଉୟାନା, ମେନ୍ଦ୍ ନେଅଁତାକାନ୍କଆଃ ସାମ୍ନାଙ୍ଗ୍ରେ କିରିୟାକାଦ୍ ହରାତେ ଇନିଃ ଆୟାଃ ଆନାସିକେ ବାନଃ ମେନ୍ତେ ମାନା କାଏ ଦାଡିକେନା । ୨୭ ଏନା ମେନ୍ତେ ରାଜା ଇମ୍ତାଗି ମିଆଁଦ୍ ସିପାଇକେ, ଯୋହାନ୍ଆଃ ବହଃ ଆଡିରେ ଆଉ ନାଗେନ୍ତେ କୁଲିକିୟାଏ, ଇନିଃଦ୍ ସେନଃୟାନ୍ତେ, ଜେହେଲ୍ରେ ଯୋହାନ୍ରାଃ ବହଃକେ ମାଆଃକେଦାଏ, ୨୮ ଏନ୍ତେ ଇନିଃୟାଃ ବହଃ ମିଆଁଦ୍ ଆଡିରେକ ଆଉକେଦା ଆଡଃ ହଡକକୁଡିକେକ ଏମ୍କିୟା, ଏନ୍ତେ କୁଡିହନ୍ ଏଙ୍ଗାତେକେ ଏନା ଏମ୍କିୟାଏ । ୨୯ ଯୋହାନ୍ଆଃ ଚେଲକ ଏନା ଆୟୁମ୍କେଦ୍ତେକ ହିଜୁଃୟାନା ଆଡଃ ଆୟାଃ ହଡ଼ମ୍କେ ଇଦିକେଦ୍ତେ ତପାଗାଡ଼ାରେକ ତପାକେଦା ।

ୟାଶୁ ଗାଦେଲ୍ ହଡକକେ ଜମେୟାଃ ଏମାକତାନାଏ
 (ମାଥୱ ୧୪:୧୩-୨୧; ଲୁକ ୯:୧୦-୧୭; ଯୋହାନ୍ ୬:୧-୧୪)

୩୦ ପ୍ରେରିଡକ ଯାଶୁତାଃରେକ ହୁଣ୍ଡିୟାନା, ଆଡଃ ଆକ କାମିକାଦ୍ ସବେନାଃ, ହଡକକେ ଇଡୁତେଆଃକ ଇନିଃକେ ଉଦୁବ୍କିୟାକ । ୩୧ ଏନ୍ତେ ପୁରାଃ ହଡକ ହିଜୁଃ ସେନଃତାନ୍କ ତାଇକେନା, ଆଡଃ କୁଲାଇକାନ୍ ଚେଲକ ଜଜମ୍ ନାଗେନ୍ତେ ସାମାଏ କାକ ନାମକେଦାଃ, ଏନାମେନ୍ତେ ଯାଶୁ ମେତାଦ୍ଦକଆଏ, “ଦଲ୍ଲା ଜାହାନ୍ ସିଃସଏଃ ଠାୟାଦ୍ତେରୁଆଃ, ଅକ୍ତାଃରେ ଆବୁ ହୁଡିଙ୍ଗ୍ଲେକା ରୁଡନୁବୁ ଦାଡିୟାଃ ।” ୩୨ ଏନ୍ତେ ଇନ୍କୁ ଲାଉକାରେ ଦେଏଃୟାନ୍ତେ ମିଆଁଦ୍ ସିଃସଏଃ ଠାୟାଦ୍ତେ ସେନଃୟାନାକ ।

୩୩ ମେନ୍ଦ୍, ହଡକ ଇନ୍କୁକେ ସେନଃତାନ୍କ ନେଲ୍କେଦ୍ଦକଆ ଆଡଃ ଇନ୍କୁକେ ନେଲ୍ଡରୁମ୍ କେଦ୍ଦକଆକ, ଆଡଃ ସବେନ୍ ସାହାରକଏତେ ହଡକ ସେସେନ୍ତେଗି ଏନ୍ ଠାୟାଦ୍ତେ ସିଦାରେଗି ତେବାରୟାନାକ । ୩୪ ଯାଶୁ ଲାଉକାଏତେ ଆଡ଼ଗୁୟାନ୍ତି ଗାଦେଲ୍ ହଡକକେ ନେଲ୍କେଦ୍ତେ ଜୀଉରେ ବିଲ୍ଲକାଅୟାନାଏ‡, ଚିୟାଃଗି ଇନ୍କୁଦ ଗୁପିନିଃ ବାଙ୍ଗାଇ ମିଣ୍ଡିକ ଲେକାକ ତାଇକେନା, ଏନ୍ତାଃରେ ଇନିଃ ଇନ୍କୁକେ ଇଡୁ ଏଟେଦ୍କେଦ୍ଦାଏ । ୩୫ ଆଡଃ ସିଙ୍ଗି ହାସ୍ତରତାନ୍ରେ, ଚେଲକ ଯାଶୁତାଃ ସେନ୍କେଦ୍ତେକ କାଜିକିୟା, “ନେ ଠାୟାଦ୍ ସିଃସଏଃଗିୟା, ଆଡଃ ସିଙ୍ଗିଅଃ ସେନଃୟାନା । ୩୬ ଏନାମେନ୍ତେ ଜାପାଃ ହାଡୁ ଆଡଃ ଚଲକତେ ସେନ୍କେଦ୍ତେ ଜଜମାଃକ କିରିଙ୍ଗ୍ ଜମେକା ମେନ୍ତେ ଏନ୍ ହଡକକେ ବିଦାତାକମ୍ପେଁ ।”

୩୭ ଯାଶୁ କାଜିରୁହାଡାଦ୍ଦକଆଏ, “ଆପେଗି ଇନ୍କୁକେ ଜାହାନାଃ ଜମେୟାଃ ଏମାକପେ,” ଇନ୍କୁଦ ଇନିଃକେ କାଜିକିୟାକ, “ଆଲେଗି ଚି ୨୦୦ ରୁପାରାଃ ସିକାଃତେ ହଲଙ୍ଗ୍ କିରିଙ୍ଗ୍କେଦ୍ତେ ଜମେୟାଃଲେ ଏମାକଆ ?”

୩୮ ଏନ୍ତେ ଯାଶୁ ଇନ୍କୁକେ କୁଲିକେଦ୍ଦକଆଏ, “ଆପେତାଃରେ ଚିମିନ୍ ହଲଙ୍ଗ୍ ମେନାଃ ? ଜୁ, ନେଲାଇଲେପେ,” ଇନ୍କୁଦ ନାମ୍କେଦ୍ଚି ଇନିଃକେକ ଉଦୁବ୍କିୟା, “ମଣେୟାଁ ହଲଙ୍ଗ୍ ଆଡଃ ବାରିଆ ହାକୁ ।”

୩୯ ଏନ୍ତେ ଯାଶୁ ଚେଲକକେ “ହାରିୟାର୍ ତାସାଦ୍ରେ ସବେନ୍ ହଡକକେ ପାନ୍ତିପାନ୍ତି ଦୁବ୍କୁପେ” ମେନ୍ତେ ଆଚୁକେଦ୍ଦକଆ । ୪୦ ଆଡଃ ହଡକ ମିଆଁଦ୍ ପାନ୍ତିରେ ଶାଅ ଶାଅ ଆଡଃ ମିଆଁଦ୍ ପାନ୍ତିରେ ପାଚାଗ୍ ପାଚାଗ୍ ଲେକାକ ଦୁବ୍ୟାନା । ୪୧ ଆଡଃ, ଯାଶୁ ଏନ୍ ମଣେୟାଁ ହଲଙ୍ଗ୍ ଆଡଃ ବାରିଆ ହାକୁ ସାବ୍କେଦ୍ତେ ସିର୍ମାସାଃ ସାଙ୍ଗିଲ୍ଲରାକାବ୍ତାନ୍ଲଃ ଆଗିଷ୍ଟକେଦାଏ ଆଡଃ ହଲଙ୍ଗ୍ କେତାଃକେଦ୍ତେ ଚେଲକକେ ଏମାଦ୍ଦକଆଏ ଆଡଃ ହାକୁକେହ୍ ଇନ୍କୁ ହାଟିଙ୍ଗ୍କେଦାଃକ । ୪୨ ସବେନ୍କ ଜମ୍କେଦ୍ତେ ବିୟାନାକ । ୪୩ ଏନ୍ତେ ଚେଲକ ଜମ୍ ସାରେଜାକାନ୍ ହଲଙ୍ଗ୍ ଆଡଃ ହାକୁ ବାରା ଚୁଲିକ ହାଲାଙ୍ଗ୍ ପେରେଃକେଦାଃକ । ୪୪ ଜମ୍କେଦ୍ଦକଦ୍, ପାଞ୍ଚ ହାଜାର୍ କଡ଼ାକ ତାଇକେନାକ ।

☆ ୨:୩୪ ୨:୩୪ ମାଥୱ ୯:୩୬. ‡ ୨:୩୪ ୨:୩୪ ଦାୟାତେ ପେରେଃୟାନାଏ § ୨:୩୭ 6:37 ମୁସିଙ୍ଗ୍ରାଃ ନାଲା

ୟୀଶୁ ଦାଆଃ ଚେତାନରେ ସେସେନ୍ତାନାଏ
(ମାଥୂଉ ୧୪:୨୨-୩୩; ଯୋହାନ୍ ୬:୧୫-୨୧)

^{୪୫} ଇମ୍ତାଗି ଯୀଶୁ ଚେଲକକେ ଲାଉକାରେ ଦୁବ୍‌କେଦ୍‌ତେ ଦରେୟା ହାନ୍ ପାରମ୍‌ ବେଥ୍‌ସାଇଦାତେ କୁଲ୍ ଆୟାର୍‌କେଦ୍‌କଆ । ଇମ୍ତାଲଃ ଇନିଃ ଗାଦେଲ୍ ହଡକକେ ବିଦାକେଦ୍‌କଆ । ^{୪୬} ଇନିଃ ଗାଦେଲ୍ ହଡକକେ ବିଦାକେଦ୍‌ତେ, ବିନ୍ତି ନାଗେନ୍ତେ ବୁରୁତେ ରାକାବ୍‌ୟାନା ।

^{୪୭} ଆତଃ ସିଙ୍ଗିହାସୁରତାନରେ ଲାଉକା ଆଲା ଦରେୟାରେ ତାଇକେନା, ଇମ୍ତାଦ ଯୀଶୁ ଏସ୍‌କାର୍‌ଗି ଅତେରେ ତାଇକେନାଏ । ^{୪୮} ସାମ୍‌ନାଙ୍‌ରାଃ ମାରାଙ୍‌ହୟତେ ଚେଲକ ଦୁକୁତେ ଲାଉକାକେ ଇଦିତାନ ନେଲ୍‌କେଦ୍‌ତେ, ଇନିଃ ସେତାଃ ନିଦାରେୟାଃ ଉପୁନ୍ ଘାଡ଼ି ଇମ୍ତାକରେ ଯୀଶୁ ଦରେୟାରେ ସେସେନ୍‌କେଦ୍‌ତେ ଇନକୁତାଃତେ ହିନ୍ତୁଃକେଦ୍‌ତେ ସେନ୍‌ପାରମ୍‌କତାନାଏ ତାଇକେନା । ^{୪୯} ମେନ୍‌ଦ ଇନକୁ ଦରେୟା ଚେତାନରେ ଇନିଃକେ ସେସେନ୍‌ତାନକ ନେଲ୍‌କିଃତେ ବରକେଦାକ ଆତଃ “ବଙ୍ଗା ତାନିଃ” ମେନ୍ତେକ କାଉରିକେଦା । ^{୫୦} ସବେନ୍‌କ ଇନିଃକେ ନେଲ୍‌କିଃତେ ବରତେକ ଆର୍‌ଆରାଅୟାନା ।

ଇମ୍ତାଗି ଯୀଶୁ ଇନକୁକେ ମେତାଦ୍‌କଆ, “ଜୀଉରେ କେଟେଜେପେ, ଆଇଙ୍ଗ୍ ତାନିଙ୍ଗ୍ ଆଲ୍‌ପେ ବରଏୟା ।” ^{୫୧} ଏନ୍ତେ ଇନକୁଲଃ ଲାଉକାରେ ଦେଏଃୟାନ୍‌ତି ହୟ ସାଲ୍‌ସାନ୍ତ୍‌ୟାନା, ଚେଲକଦ ପୁରାଃଗି ଆକଦାଦାଅୟାନାକ, ^{୫୨} ଇନକୁ ପାଞ୍ଚ ହାଜାର୍ ହଡକକେ ଜମେୟାଃ ହାଟିଙ୍ଗ୍ କାଜିରାଃ ହରାତେ କାକ ସେଣ୍‌ୟାନା, ଚିୟାଃଟି ଆକଆଃ ମନ୍ କେଟେଦ୍ ତାଇକେନା ।

ୟୀଶୁ ଗିନେସରେଡ୍‌ରେ ଦୁକୁହାସୁତାନକକେ ବୁଗିକତାନାଏ
(ମାଥୂଉ ୧୪:୩୪-୩୬)

^{୫୩} ଯୀଶୁ ଆତଃ ଆୟାଃ ଚେଲକ ଦରେୟା ପାରମ୍‌କେଦ୍‌ଚି ଗିନେସରେଡ୍ ନୁତୁମ୍ ପାର୍‌ଗାନ୍‌ତେକ ସେଟେର୍‌ୟାନା, ଆତଃ ଲାଉକାକେ ତଲ୍‌କେଦାକ । ^{୫୪} ଇନକୁ ଲାଉକାଏତେ ଆଡ୍‌ଗୁୟାନ୍ ତର୍‌ସା, ଏନ୍ତାଃରେନ୍ ହଡକ ଯୀଶୁକେ ନେଲ୍‌ଉରୁମ୍‌କିୟାକ । ^{୫୫} ହଡକ ନେତେହେନ୍ତେକ ନିର୍‌ବାଡାକେଦା ଆତଃ ଇନିଃ ଏନ୍ତାଃରିୟା ମେନ୍ତେ ଇନକୁ ସାରିକେଦ୍‌ଚି ଦୁକୁହାସୁତାନକକେ ପାର୍‌କମ୍‌କରେ ଇନିଃତାଃତେକ ଗଅଃ ଆଉକେଦ୍‌କଆ । ^{୫୬} ଆତଃ ଯୀଶୁ ସବେନ୍ ହାଡୁ, ଟଲା, ସାହାର୍‌ତେ ବଲଃତାଇକେନ୍‌ଲଃଗି, ହଡକ ଦୁକୁହାସୁତାନକକେ ପିଟ୍ ଠାୟାଦ୍‌ତେକ ଆଉକେଦ୍‌କଆ, ଆତଃ ଲିଜାଃରେୟାଃ ଆର୍‌ରାକେ ଜୁଟିଦ୍‌କାକାକ ମେନ୍ତେ ଇନିଃକେକ ବିନ୍ତି ତାଇକେନା, ଆତଃ ଜୁଟିଦ୍‌କେଦ୍ ସବେନ୍‌କ ବୁଗିୟାନା ।



ହାଡାମ୍‌ହଡକଆଃ ଇନିତୁ
(ମାଥୂଉ ୧୫:୧-୯)

^୧ ଚିମିନ୍ ଫାରୁଗୀକ ଆତଃ ଯୀରୁଗାଲେମ୍‌ଏତେ ହିନ୍ତୁଃଲେନ୍ ଚିମିନ୍ ଆଇନ୍ ଇତୁକ ଯୀଶୁତାଃରେକ ହୁଣ୍ଡିୟାନା । ^୨ ଆତଃ ଇନକୁ ଯୀଶୁଆଃ ଚିମିନ୍ ଚେଲକକେ ଯିହୁଦୀକଆଃ ରିତିରିଝାଜ୍ ଲେକାତେ ସଡ୍‌ରାକେଦ୍‌ତେ କା ଆବୁଙ୍ଗ୍ ତିଃଇତେ ଜମ୍‌ତାନକ ନେଲ୍‌କେଦ୍‌କଆ ।

^୩ ଚିୟାଃଟି ଫାରୁଗୀକ ଆତଃ ସବେନ୍ ଯିହୁଦୀକ ପ୍ରାଚିନ୍ ହଡକଆଃ ରିତିରିଝାଜ୍ ଲେକା ତିଃଇ ବୁଗିଲେକାତେ କା ଆବୁଙ୍ଗ୍ ଜାକେଦ୍ କାକ ଜଜମାଃ । ^୪ ଆତଃ ପିଟ୍‌ଏତେ ରୁହାଡକେଦ୍‌ତେ ଦାଆଃତେ ଆଉରି ଆବୁଙ୍ଗ୍ ଜାକେଦ୍ କାକ ଜଜମାଃ । ଆତଃ ନେ'ଲେକାନ୍ ରିତିରିଝାଜ୍ ମାନାତିଙ୍ଗ୍ ତାଇକେନାକ, ତାଝାକ, ଚାଟୁକ, ପାର୍‌କମ୍‌କ*, ଆତଃ ତାମ୍‌ାତେ ବାଇୟାକାନ୍ ବାର୍ତ୍ତାନକକେ ଦାଆଃତେ ଆବୁଙ୍ଗ୍ ଗାସାର୍ ତାଇକେନାକ ।

^୫ ଏନାମେନ୍ତେ ଫାରୁଗୀକ ଆତଃ ଆଇନ୍ ଇତୁକ ଯୀଶୁକେ କୁଲିକିୟାକ, “ଚିନାଃମେନ୍ତେ ଆମାଃ ଚେଲକ ତିଃଇ ବେଗାର୍ ଆବୁଙ୍ଗ୍‌କେଦ୍‌ତେ ସଡ୍‌ରାଗି ଜଜମ୍‌କ ଦୁବାଃ ଆତଃ ଆବୁଆଃ ପ୍ରାଚିନ୍‌କଆଃ ରିତିରିଝାଜ୍‌କ କାକ ମାନାତିଙ୍ଗ୍‌ତାନା ?”

^୬ ଯୀଶୁ କାଜିରୁହାଡକେଦ୍‌କଆଏ, “ଆପେ ବେଦାହଡକ ତାନ୍‌ପେ, ଯିଗାୟ ଆପେୟାଃ ବିଷାଏରେ ସାର୍‌ତିଗି ଆୟାର୍‌କାଜି କାଜିକାଦା, ନେଆଁଦ ଅଲାକାନା, “ପାର୍‌ମେଶ୍ଵାର୍ କାଜିକେଦାଏ, ‘ନେ ହଡକ ମଟାତେକ ମାଇନିଙ୍ଗ୍‌ତାନା, ମେନ୍‌ଦ ଆକଆଃ ମନ୍ ଆଇଙ୍ଗ୍‌ତାଃଏତେ ସାଜିନ୍‌ରେଆ ।

^୭ ଆଇଙ୍ଗ୍‌କେ ସାମାଗିକ ସେଝାଇଙ୍ଗ୍‌ୟା; ଆତଃ ଇନକୁଦ ନେୟାଁ ଧାରାମ୍‌ରେୟାଃ କାଜି ତାନାଃ ମେନ୍ତେ ହଡକଆଃ ଆନାଟୁକ ଇତୁକତାନା ।”

* ୭:୪ 7:4 ଚିମିନ୍ ମାରି ଅନଲ୍‌କରେ ପାର୍‌କମ୍‌ କା ଅଲାକାନା

୮ “ଆପେ ପାର୍ମେଶ୍ୱାରୀରାଃ ଆନୁରୁକ ଦୟା କୁଣ୍ଡାମ୍ବେଦ୍ରେ ହୃଦକଆଃ ରିତିରିଖାନ୍ ମାନାତିଙ୍ଗ୍ ତାନାପେ ।”

୯ ଯୀଶୁ ଆଡ଼ଃଗି କାଜିୟାଦକଆଏ, “ପାର୍ମେଶ୍ୱାରୀରାଃ ଆନୁରୁକେ କା ମାନାତିଙ୍ଗ୍ କେଦ୍ରେ ଆପେୟାଃ ରିତିରିଖାନ୍ କେ ମାନାତିଙ୍ଗ୍ ନାଗେନ୍ତେ ଆପେ ଆପେୟାଃ ହରାପେ ନାମାକାଦାଃ । ୧୦ ମୁଗା ଆନୁରୁକେ କାଜିୟାକାଦାଏ, ‘ଏଙ୍ଗା ଆପୁ କିନ୍ କେ ମାନାତିଙ୍ଗ୍ କିନ୍ ମେ’ ଆଡ଼ଃ ‘ଜେତାଏ ଏଙ୍ଗାତେକେ ଚାଏ ଆପୁତେକେ ସାର୍ପାଅ ରେଦ୍ ଇନିଃ ଗଜଃକାଏ ।’ ୧୧ ମେନ୍ଦ୍ ଆପେ କାଜିତାନାପେ, ଜେତାଏ ଆୟାଃ ଆପୁ ଚାଏ ଏଙ୍ଗାକେ କାଜିୟାକିନାଏ, ଆୟାଃତାଃଏତେ ଅକ୍ନାଃ ନାଗେନ୍ତେ ଆମାଃ ବୁଗିନାଃ ନାମେତେୟାଃ ‘କୁର୍ବାନା’ କାନା, ନେଆଁରାଃ ମୁଣ୍ଡିଦ୍ ନେୟାଁ ପାର୍ମେଶ୍ୱାର୍ ନାଗେନ୍ତେ ଦାନ୍ ଏମାକାନା, ୧୨ ଏନ୍ତେଦ୍ ଆପେ ତାୟମତେ ଇନିଃକେ ଆୟାଃ ଏଙ୍ଗା ଚାହେ ଆୟାଃ ଆପୁଆଃ ନାଙ୍ ବୁଗିନାଃ ରିକା ନାଗେନ୍ତେ ଆଡ଼ଃ ଜେଦ୍ନାଃ କାପେ ରିକାଟିକାଇତାନା । ୧୩ ଆଡ଼ଃ ନେ ଲେକାତେ ଆପେୟାଃ ରିତିରିଖାନ୍ତେ ପାର୍ମେଶ୍ୱାରୀରାଃ କାଜିପେ ଫାଦାଆତମେତାନା† । ଆଡ଼ଃ ନେ ଲେକାନ୍ କାମିକ ପୁରାଃପେ କାମିତାନା ।”

**ହୃଦକେ ଅକ୍ନାଃ ସତ୍ତରାଇୟାଏ
(ମାଥୁର ୧୫:୧୦-୨୦)**

୧୪ ଏନ୍ତେ ଯୀଶୁ ଗାଦେଲ୍ ହୃଦକକେ କେଡାକେଦ୍ କଆଏ ଆଡ଼ଃ ମେତାଦ୍ କଆଏ, “ଆୟୁମେପେ ଆଡ଼ଃ ଆଟ୍ କାର୍ ଉରୁମେପେ । ୧୫ ହୃଦରେ ବାହାରିଏତେ ବଲଃତେୟାଃ ଜେଦ୍ନାଃ ଇନିଃକେ କାଏ ସତ୍ତରା ଦାଡ଼ିୟାଇଆ, ମେନ୍ଦ୍ ଇନିଃତେ ଅକ୍ନାଃ ଅତଙ୍ଗ୍ ଅଃଆ ଏନା ଆଇଃକ୍ କେ ସତ୍ତରାଇୟାଏ ।” ୧୬ ଆୟୁମ୍ ନାଗେନ୍ତେ ଲୁତୁର୍ ମେନାଃନିଃ ଆୟୁମ୍ ଜମେକାଏ ‡

୧୭ ଆଡ଼ଃ ଇନିଃ ଗାଦେଲ୍ ହୃଦକସାଃଏତେ ଫାର୍ କାକେଦ୍ରେ ଅଡ଼ଃରେ ବଲୟାନ୍ତି, ତେଲତାୟାଃକ ଏନ୍ ଜନ୍କା କାଜିରାଃ ମୁଣ୍ଡିକ କୁଲିକିୟାଃ । ୧୮ ଇନିଃ କାଜିରୁହାଡ଼ାଦକଆଏ, “ଚିୟାଃ ଆପେୟାଗି ତଣ୍ଡିଗିୟାପେ ? ବାହାରିଏତେ ହୃଦରେ ବଲଃତେୟାଃ ଇନିଃକେ କାଏ ସତ୍ତରା ଦାଡ଼ିୟାଇଆ । ୧୯ ଚିୟାଃଟି ଏନା ମନ୍ରେ କାହାଗି, ମେନ୍ଦ୍ ଲାହିଦ୍ରେ ବଲଃଆ, ଆଡ଼ଃ ହୃଦ୍ରେଏତେ ଅତଙ୍ଗ୍ ଏଣ୍ଡାଗଆଃ, ନେୟାଁ ଚିୟାଃ କାପେ ଆଟ୍ କାରେତାନା ।” ନେ କାଜିରେ, ସବେନ୍ ଜଜମାଃ ଫାର୍ ଚିଗିୟା ମେନ୍ତେ ଯୀଶୁ ଉଦ୍ଦୁବ୍ କେଦାଏ ।

୨୦ ଆଡ଼ଃଗି ଇନିଃ ମେତାଦ୍ କଆଏ, “ଅକ୍ନାଃ ହୃତରାଃ ବିଚାର୍ଏତେ ଅତଙ୍ଗ୍ ଅଃଆ, ଏନା ହୃଦକେ ସତ୍ତରାଇୟାଏ । ୨୧ ଚିୟାଃଟି ଭିତାର୍ଏତେଗି, ହୃଦକଆଃ ମନ୍ଏତେ ଏଡ୍ କାନ୍ ଉଡ୍ ଅତଙ୍ଗ୍ ଅଃତାନା, ଆପାଙ୍ଗ୍ କାମି, କୁମ୍ବୁ ହୃତଗଏଃ, ୨୨ ଆପାଙ୍ଗ୍, ଲାଲାର୍, ଏଡ୍ କାନାଃ, ବେଦା, ନିଲାଜ୍, ହିସ୍ କା, ନିନ୍ଦା, ଫୁଟାନି ଆଡ଼ଃ ବାଲୁସେଣାଁ । ୨୩ ନେ ସବେନ୍ ଏଡ୍ କାନ୍ କାଜି ମନ୍ଏତେ ଅତଙ୍ଗ୍ ଅଃତାନା ଆଡ଼ଃ ହୃଦକେ ସତ୍ତରାଇୟାଏ ।”

**ୟୀଶୁ ମିଆଁଦ୍ ସାଅଁସାର୍ କୁଡ଼ିହନ୍ କେ ବୁଗି ତାନାଏ
(ମାଥୁର ୧୫:୨୧-୨୮)**

୨୪ ଏନ୍ତେ ଯୀଶୁ ଏନ୍ତାଃକେ ବାଗିକେଦ୍ରେ ସୋର୍ ଦିଶୁମ୍ ରାଃ ଜାପାଃ ହାତୁତେ ସେନଃୟାନାଏ । ଇନିଃ ମିଆଁଦ୍ ଅଡ଼ଃରେ ବଲୟାନାଏ ଆଡ଼ଃ ଜେତାଏ ଏନ୍ ଅଡ଼ଃରେ ମେନାଇୟା ଏନା ଆଲକାକ ସାରିକା ମେନ୍ତେ ଇନିଃ ସାନାଙ୍ଗ୍ କେଦାଏ, ମେନ୍ଦ୍ ଇନିଃ କାଏ ଉକ୍ ଦାଡ଼ିୟାନା । ୨୫ ମେନ୍ଦ୍ ଇମ୍ ତାଗି ମିଆଁଦ୍ କୁଡ଼ି, ଯୀଶୁ ହିଜୁଃକାନାଏ ମେନ୍ତେ ଆୟୁମ୍ କେଦ୍ରେ ହିଜୁଃୟାନାଏ ଆଡ଼ଃ ଯୀଶୁଆଃ କାଟାସୁବାରେ ଉୟୁଃୟାନାଏ, ଚିୟାଃଟି ସତ୍ତରା ଆମ୍ବାଦ୍ ଇନିୟାଃ ହନ୍ତେକୁଡ଼ିକେ ଏସେରାକାଇ ତାଇକେନାଏ । ୨୬ ଇନିଃ ସିରିୟା ଦିଶୁମ୍ ରାଃ ଫୋନେସିୟାରେନ୍ ମିଆଁଦ୍ ସାଅଁସାର୍ କୁଡ଼ି ତାଇକେନାଏ, ଇନିଃ ହନ୍ତେକୁଡ଼ିଏତେ ବଙ୍ଗାକେ ହାର୍ ଅତଙ୍ଗ୍ ତାଇମେ ମେନ୍ତେ ଯୀଶୁକେ ବିକ୍ତିକିୟାଏ ।

୨୭ ମେନ୍ଦ୍ ଯୀଶୁ ମେତାଇୟାଏ, “ସିଦାତେ ହନ୍ କକେ ଜମ୍ ରିକାକମେ, ଚିୟାଃଟି ହନ୍ କଆଃ ଜମେୟାଃ ରେଃକ୍ କେଦ୍ରେ ସେତାକଆଃ ଆୟାର୍ରେ ହୁଦ୍ ମାତେୟାଃ କା ବୁଗିନାଃ ।”

୨୮ ଏନ୍ତେ ଏନ୍ କୁଡ଼ି କାଜିକିୟାଏ, “ହେଗି ପ୍ରାଭୁ, ମେନ୍ଦ୍ ମେଜ୍ ଲାତାର୍ରେ ସେତାକହଗି ହନ୍ କଆଃ ହଲଙ୍ଗ୍ କେଚାଃକ ଜଜମାଃ ।”

୨୯ ଏନ୍ତେ ଯୀଶୁ ଇନିଃକେ କାଜିକିୟାଏ, “ନେ କାଜିରେୟାଃ ନାଗେନ୍ତେ ଜୁ, ଅଡ଼ଃତେ ରୁହାଡ୍ ମେ, ହନ୍ ମେ କୁଡ଼ିତାଃଏତେ ବଙ୍ଗା ଅତଙ୍ଗ୍ ଯାନା ।”

୩୦ ଏନ୍ କୁଡ଼ି ଅଡ଼ଃତେ ରୁହାଡ୍ ଯାନ୍ତେ ହନ୍ତେକୁଡ଼ିତାୟାଃକେ ପାର୍ କମ୍ରେ ଗିତିଜାକାନ୍ ନେଲ୍ କିୟାଏ, ଆଡ଼ଃ ବଙ୍ଗା ଇନିଃତାଃଏତେ ଅତଙ୍ଗ୍ ଆଁକାନ୍ ନାମ୍ କିୟାଃ ।

କା ଆୟୁମ୍ ଦାଡ଼ି ଆଡ଼ଃ କା ବାଖାଁଣ୍ ଦାଡ଼ି ହୃଦକେ ଯୀଶୁ ବୁଗି ତାନାଏ

† ୭:୧୩ ୭:୧୩ ସାମାଉତାରେତାନା ‡ ୭:୧୭ 7:16 ନେ ବାଗାନ୍ ଚିମିନ୍ ମାରି ଅନଲ୍ରେ ବାନଃଆ

୩୧ ଆଡ଼ଃଗି ଯୀଶୁ ସୋର୍ ଦିଶୁମ୍ବତେ ଅତଙ୍ଗୟାନ୍ତି, ସିଦୋନ୍ ଦିଶୁମ୍ବରାଃ ଆଲା ହରା, ଗାଲିଲ୍ ଦରେୟା, ଆଡ଼ଃ ଦେକାପଲ୍ଲା ସିମ୍ବନାସାଃତେ ସେନଃୟାନାଏ । ୩୨ ଚିମିନ୍ ହଡ଼କ ମିଆଁଦ୍ କା ଆୟୁମ୍ ଦାଡ଼ିତାନ୍ ହଡ଼ ଆଡ଼ଃ କା ବାଖାଁଣ୍ ଦାଡ଼ିତାନ୍ ହଡ଼କେ ଯୀଶୁତାଃତେ ଆଡ଼କିୟାଃକ, ଆଡ଼ଃ ଆମାଃ ତିଃଇ ଇନିଃରେ ଦହେମେ ମେନ୍ତେକ ବିଡ଼ିକିୟା ।

୩୩ ଆଡ଼ଃ ଯୀଶୁ ଇନିଃକେ ଗାଦେଲ୍ ହଡ଼କ ଆଲାଏତେ ଗେନାତେ ଏସ୍କାର୍ଗି ଇଦିକିୟାଏ, ଆଡ଼ଃ ଆୟାଃ ସାର୍ସାର୍ ଇନିୟାଃ ଲୁଡୁରରେ ଦହକେଦାଏ, ଆଡ଼ଃ ବେଏକକେଦ୍ତେ ଇନିୟାଃ ଆଲାଙ୍ଗକେ ଜୁଟିଦକେଦାଏ । ୩୪ ଆଡ଼ଃ ସିମ୍ବନାସାଃତେ ସାଙ୍ଗିଲକେଦ୍ତେ, ମାରାଙ୍ଗ୍ସାହେଦ୍ଲଃ ମେନ୍ଦକେଦାଏ “ଏଦ୍ଫାଆଃ” ନେଆଁରାଃ ମୁଣ୍ଡିଦ “ନିଜଃମେ” ।

୩୫ ଇମ୍ବତାଗି ଇନିୟାଃ ଲୁଡୁରଦ ନିଜ୍ଫୟାନା ଆଡ଼ଃ ଆଲାଙ୍ଗ୍ରେୟାଃ ତନଲ୍ ରାଡ଼ାୟାନା, ଆଡ଼ଃ ଇନିଃ ବୁଗିଲେକାତେ ବାଖାଁଣ୍ ଦାଡ଼ିକେଦାଏ । ୩୬ ଏନ୍ତେ ଯୀଶୁ ଜେତାଏକକେ ନେ କାଜି କା ଉଦୁବ୍ ନାଗେନ୍ତେ ଇନକୁକେ କାଜିକେଦକଆଏ, ମେନ୍ଦ ଇନିଃ ହଡ଼କକେ ପୁରାଃଗି କାଜିକେଦକରେହ ଇନକୁ ଆଡ଼ଃଗି ପୁରାଃତେକ ଉଦୁବ୍ବାଡ଼ାକେଦା । ୩୭ ଆଡ଼ଃ ଏନା ଆୟୁମ୍କେଦ୍ ହଡ଼କ ପୁରାଃଗିକ ଆକ୍ଦାନ୍ଦାୟାନା, ଆଡ଼ଃ କାଜିକେଦାଃକ, “ଇନିଃଦ ସବେନାଃ ବୁଗିଲେକାତେ କାମିୟାକାଦାଏ, କା ଆୟୁମ୍ଦାଡ଼ିତାନ୍କକେ ଇନିଃ ଆୟୁମ୍ ରିକାକେଦକଆଏ, ଆଡ଼ଃ କା ବାଖାଁଣ୍ଦାଡ଼ିତାନ୍କକେ ବାଖାଁଣ୍ ନାଗେନ୍ତେ ପେଡ଼େଃ ଏମାକ୍ତାନାଏ ।”

୮

ୟୀଶୁ ଉପୁନ୍ ହାଜାର୍ ହଡ଼କକେ ଜମେୟାଃ ଏମାକତାନାଏ (ମାଥୁର ୧୫:୩୨-୩୯)

୧ ଏନ୍ ଦିପିଲିରେ ଆଡ଼ଃଗି ଗାଦେଲ୍ ହଡ଼କ ହୁଣ୍ଡିୟାନା, ଆଡ଼ଃ ଜଜମାଃକ ବାନଃ ହରାତେ, ଯୀଶୁ ତେଲାକକେ ଆୟାଃତାଃତେ ହାକାଅକେଦ୍ତେ କାଜିୟାଦକଆଏ, ୨ “ନେ ଗାଦେଲ୍ ହଡ଼କ ନାଗେନ୍ତେ ଆଇୟାଃ ଜୀଉ ବିଲ୍କାଅଃତାନା, ଚିୟାଃତି ଆପି ମାହାଏତେ ଆଇୟାଃଲଃ ମେନାକଆ, ଆଡ଼ଃ ନାହାଁଃ ଇନକୁତାଃରେ ଜମେୟାଃ ଜେଡୁନାଃ ବାନଃଆ । ୩ ଇନକୁକେ ସାମାଲାହିଦ୍ ଅଡ଼ାଃତେଇଙ୍ଗ୍ କୁଲ୍ତାକୁରେ ହରାକରେ ଲାଗାଉତାରଃଆକ*, ଚିୟାଃତି ଇନକୁଏତେ ଚିମିନ୍କ ସାଙ୍ଗିନ୍କଏତେ ହିଜୁଆକାନାକ ।”

୪ ଇନିୟାଃ ତେଲାକ କାଜିରୁହାଡ଼କିୟା, “ଅକଏ ନେ ସିଃସଏଃ ଠାୟାଦ୍ରେ ନିମିନାଙ୍ଗ୍ ଗାଦେଲ୍ ହଡ଼କ ନାଗେନ୍ତେ ବିୟାଃଗି ଜମେୟାଃ ଏମ୍ଦାଡ଼ିୟାଏ ?”

୫ ଯୀଶୁ କୁଲିକେଦକଆଏ, “ଆପେତାଃରେ ଚିମିନାଙ୍ଗ୍ ହଲଙ୍ଗ୍ ମେନା ?”

ଇନକୁ କାଜିରୁହାଡ଼କିୟା, “ସାଡ଼ୁ ହଲଙ୍ଗ୍ ।”

୬ ଇନିଃ ସବେନ୍ ହଡ଼କକେ ଅତେରେ ଦୁବ୍ପେ ମେତାଦକଆଏ । ଏନ୍ତେ ଏନ୍ ସାଡ଼ୁ ହଲଙ୍ଗ୍ ଇଦିକେଦ୍ତେ ପାର୍ମେଶ୍ଵାର୍କେ ଧାନପାବାଦ୍ ଏମ୍କିୟାଏ, ଆଡ଼ଃ ଏନା କେତାଃକେଦ୍ତେ ହଡ଼କକେ ହାଟିଙ୍ଗ୍ଆଁକ ନାଗେନ୍ତେ ତେଲାତାୟାଃକକେ ଏମାଦକଆଏ, ଆଡ଼ଃ ଇନକୁକେ ହାଟିଙ୍ଗ୍ଆଁଦକଆକ ।

୭ ଇନକୁତାଃରେ ହୁଡ଼ିଙ୍ଗ୍ଲେକା ହୁପ୍ଡିଙ୍ଗ୍ ହାକୁ ତାଇକେନାକ, ଏନ୍ ହାକୁ ନାଗେନ୍ତେ ପାର୍ମେଶ୍ଵାର୍କେ ଧାନପାବାଦ୍ ଏମ୍କିୟାଏ, ଆଡ଼ଃ ଏନାକେ ହାଟିଙ୍ଗ୍ ନାଗେନ୍ତେ ତେଲାକକେ କାଜିକେଦକଆଏ ।

୮ ଏନା ଜମ୍କେଦ୍ତେ ସବେନ୍କ ବିୟାନାକ, ଆଡ଼ଃ ସାରେଜାକାନ୍ କେତାଃତେୟାଃକ ସାଡ଼ୁ ଚୁଲ୍ଲି ହାଲାଙ୍ଗ୍କେଦାଃକ । ୯ ଏନ୍ତାଃରେ ଉପୁନ୍ ହାଜାର୍ ଲେକା ହଡ଼କ ତାଇକେନା । ୧୦ ଆଡ଼ଃ ଇନିଃ ଇନକୁକେ ବିଦାକେଦକରି, ଇମ୍ବତାଗି ଯୀଶୁ ଆୟାଃ ତେଲାକଲଃ ଲାଉକାରେ ଦେଏଃୟାନାଏ, ଆଡ଼ଃ ଦାଲ୍ମାନୁଆ ସିମ୍ବନାତେ ସେନଃୟାନା ।

ଫାରୁଶୀକ ମିଆଁଦ୍ ପେଡ଼େଃରାଃ କାମି ଯୀଶୁତାଃଏତେକ ନେଲ୍ ସାନାଙ୍ଗ୍ତାନା (ମାଥୁର ୧୨:୩୮-୪୨; ୧୨:୧-୪)

୧୧ *ଆଡ଼ଃ ଫାରୁଶୀକ ହିଜୁଃକେଦ୍ତେ ଯୀଶୁଲଃ ଏପ୍ରାଙ୍ଗ୍ଜାଗାର୍ ତାନଲଃ, ଇନିଃକେ ବିଡ଼ାଅ ନାଗେନ୍ତେ ଇନିଃ ସିମ୍ବନାସାଃତେ ହିଜୁଆକାନାଏ, ନେଆଁ ଉଦୁବ୍ ନାଗେନ୍ତେ ସିମ୍ବନାସାଃତେ ମିଆଁଦ୍ ଚିହ୍ନାକ ଆସିକିୟା । ୧୨ *ୟୀଶୁ ଜୀଉରେ ମାରାଙ୍ଗ୍ ସାହେଦ୍କେଦ୍ତେ କାଜିୟାଦକଆଏ, “ଚିନାଃମେନ୍ତେ ନେ ପାରିୟାରେନ୍ ହଡ଼କ ପେଡ଼େଃରାଃ କାମିକ ରିକା ନାଗେନ୍ତେ କୁଲିତାନା ? ଆଇଙ୍ଗ୍ ସାର୍ଡିଗିଙ୍ଗ୍ କାଜିୟାପେତାନା, ନେ ପାରିୟାରେନ୍ ହଡ଼କଆଃ ନାଗେନ୍ତେ ମିଆଁଦ୍ ଚିହ୍ନାକ କା ଏମଃଆ ।”

୧୩ ଇନିଃ ଇନକୁକେ ବାଗିକେଦ୍ତେ, ଲାଉକାରେ ଦେଏଃରୁହାଡ଼ିୟାନାଏ ଆଡ଼ଃ ଦରେୟା ହାନ୍ସାଃ ପାରମ୍ପୟାନାଏ ।

* ୮:୩ ୮:୩ ଆକାଅକଆଃକ ☆ ୮:୧୧ ୮:୧୧ ମାଥୁର ୧୨:୩୮; କୁକ ୧୧:୧୭. ☆ ୮:୧୨ ୮:୧୨ ମାଥୁର ୧୨:୩୯; କୁକ ୧୧:୨୯.

ହେରୋଦ୍ ଆଡ଼େ ଫାରୁଶୀକଆଃ ରାତ୍ନୁ
(ମାଥୂଉ ୧୬:୫-୧୨)

୧୪ ଯୀଶୁଆଃ ଚେଲାକ ହଲଙ୍ଗ୍ ଇଦି ନାଙ୍ଗ୍ ରିଡ଼ିଙ୍ଗ୍‌କେଦା ଆଡ଼େ ଲାଉକାରେ ମିଆଁଦ୍‌ଗି ହଲଙ୍ଗ୍ ଆକଡ଼ାଃରେ ତାଇକେନା, ୧୫ ଯୀଶୁ କେଟେୟାନ୍‌ଗି କାଜିୟାଦ୍‌କଆଏ, “ନେଲେଦେ, ଫାରୁଶୀକଆଃ ଆଡ଼େ ହେରୋଦ୍‌ଆଃ ହସଡ଼ ଇନିତୁ, ଅକଆଠି ରାନ୍ନୁ† ଲେକାଃ ଏନାଏତେ ଚିର୍ଗାଲାକାନ୍ ତାଇନ୍‌ଦେ ।”

୧୬ ଇନ୍‌କୁଦ୍ ଆକ ଆକରେକ ମେନ୍‌କେଦା, “ଆବୁତାଃରେ ହଲଙ୍ଗ୍‌କ ବାନଆଃ ଏନାମେନ୍ତେ ଇନିଃ ଆବୁକେ କାଜିୟାବୁତାନାଏ ।”

୧୭ ଯୀଶୁ ଇନ୍‌କୁଆଃ ଜୀଉରାଃ କାଜି ସାରିକେଦ୍‌ତେ ମେତାଦ୍‌କଆଏ, “ଆପେତାଃରେ ହଲଙ୍ଗ୍ ବାନଃ ମେନ୍ତେ ଚିକାନାଙ୍ଗ୍ ଆପେଗି ଉଡ଼ୁତାନା ? ନାହାଁଃ ଜାକେଦ୍ କାପେଚି ସାରିକାଦା ଆଡ଼େ ଆଟ୍‌କାର୍‌ଉରୁମାକାଦା ? ଆପେୟାଃ ମନ୍ ନାହାଁଃ ଜାକେଦ୍‌ଚି କେଟେଦ୍‌ଗିୟା ? ୧୮ ଯୀଶୁ ମେନାଃତେହ କା ଚିପେ ନେଲେତାନା ? ଆଡ଼େ ଲୁତୁର୍ ମେନାଃତେହ କା ଚିପେ ଆୟୁମେତାନା ? ଆଡ଼େ କା ଚିପେ ପାହାମେତାନା ? ୧୯ ମଣେୟାଁ ହଲଙ୍ଗ୍‌କେ କେଟାଃକେଦ୍‌ତେ ପାଞ୍ଚ ହାଜାର୍ ହଡ଼କକେ ହାଟିଙ୍ଗ୍‌ଆଁଦ୍‌କଆ, ଜମ୍ ସାରେଜ୍‌କେଟାଃ ଚିମିନ୍ ଟୁଙ୍ଗିପେ ହାଲାଙ୍ଗ୍‌କେଦାଃ ?”

ଚେଲାକ କାଜିକିୟାଃ, “ବାରା ଟୁଙ୍ଗି ।”

୨୦ ଆଡ଼େ ଆଇଙ୍ଗ୍ “ଉପୁନ୍ ହାଜାର୍ ହଡ଼କ ନାଗେନ୍ତେ ସାଡ଼ୁ ହଲଙ୍ଗ୍ କେଟାଃକେଦ୍ ଇମ୍‌ତାଙ୍ଗ୍, ସାରେଜାକାନ୍ କେଟାଃକେଦ୍‌ୟାଃ ଚିମିନ୍ ଟୁଙ୍ଗିପେ ହାଲାଙ୍ଗ୍‌କେଦାଃ ?”

ଇନ୍‌କୁଦ୍ କାଜିକିୟାଃ “ସାଡ଼ ଟୁଙ୍ଗିଲେ ହାଲାଙ୍ଗ୍‌କେଦା ।”

୨୧ ଯୀଶୁ ମେତାଦ୍‌କଆଏ, “ନାହାଁଃ ଜାକେଦ୍ ଚି କାପେ ଆଟ୍‌କାର୍ ଉରୁମେତାନା ?”

ୟୀଶୁ ବେଥ୍‌ସାଇଦାରେନ୍ ମିଆଁଦ୍ କାଏ ନେଲ୍ ଦାଡ଼ିତାନ୍ ହଡ଼କେ ବୁଗି ତାନା

୨୨ ଏନ୍ତେ ଇନ୍‌କୁ ବେଥ୍‌ସାଇଦା ତେବାଃୟାନାକ, ଆଡ଼େ ହଡ଼କ ମିଆଁଦ୍ କାଏ ନେଲ୍ ଦାଡ଼ିତାନ୍ ହଡ଼କେ ଯୀଶୁତାଃତେକ ଆଉକିୟା ଆଡ଼େ ଇନିଃକେ ଜୁଟିଦ୍‌କେଦ୍‌ତେ ବୁଗିମେ ମେନ୍ତେକ ବିକ୍ରିକିୟା । ୨୩ ଯୀଶୁ, ଏନ୍ କା ନେଲ୍ ଦାଡ଼ିତାନ୍ ହଡ଼ରାଃ ତିଃଇ ସାଦ୍‌କେଦ୍‌ତେ ହାଡ଼ୁଏତେ ଅଡ଼ଙ୍ଗ୍‌କିୟା । ଇନିୟାଃ ମେଦ୍‌ରେ ବେଏକ୍‌କିୟାଏ ଆଡ଼େ ଆୟାଃ ତିଃଇ ଇନିଃରେ ଦହକେଦ୍‌ତେ କୁଲିକିୟାଏ, “ଚିୟାଃ ଆମ୍ ଜେଡ଼ନାଃମ୍ ନେଲେତାନା ?”

୨୪ ଏନ୍ ହଡ଼ଦ୍ ଆରିଦ୍‌କେଦାଏ ଆଡ଼େ କାଜିକେଦାଏ, “ଆଇଙ୍ଗ୍ ହଡ଼କକେ ସେନ୍‌ବାଡ଼ାତାନ୍ ଦାରୁଲେକାଈଙ୍ଗ୍ ନେଲ୍‌କତାନା ।”

୨୫ ଯୀଶୁ ଆଡ଼େମିସା ଇନିୟାଃ ମେଦ୍‌କେ ଜୁଟିଦ୍‌କେଦାଏ, ଏନ୍ତେ ଇନିଃ ନେଲ୍ ଦାଡ଼ିକେନାଏ, ଇନିଃ ବୁଗିୟାନାଏ ଆଡ଼େ ସବେନାଃ ଫାର୍‌ଚିଗି ନେଲ୍‌କେଦାଏ । ୨୬ ଯୀଶୁ ଇନିଃକେ ଅଡ଼ାଃତେ କୁଲ୍ ରୁହାଡ଼ିତାନ୍‌ଲଃ କାଜିକିୟାଏ, “ନେ ହାଡ଼ୁତେ ଆଲମ୍ ସେନାଃ ।”

ପାଡ଼ରାସ୍‌ଆଃ ବିଶ୍ୱାସ୍
(ମାଥୂଉ ୧୬:୧୩-୨୦; ଲୁକ ୯:୧୮-୨୧)

୨୭ ଏନ୍ତେ ଯୀଶୁ ଆୟାଃ ଚେଲାକଲଃ କାଇସରିୟା ଫିଲିପି ଦିଶୁମ୍‌ରାଃ ହାଡ଼ୁକ ସେନଃତାନ୍ ଇମ୍‌ତା ଚେଲାକକେ କୁଲିକେଦ୍‌କଆ, “ଆଇଙ୍ଗ୍ ଅକଏ ତାନିଙ୍ଗ୍ ମେନ୍ତେ ହଡ଼କ କାଜିତାନା ?”

୨୮ ଯୀଶୁ କାଜିରୁହାଡ଼କିୟାକ, “ଚିମିନ୍‌କ ବାପ୍ତିସ୍ତା ଏମାଃନିଃ ଯୋହାନ୍, ଚିମିନ୍‌କ ଏଲିୟ ମେନ୍‌ଦ୍ ଚିମିନ୍‌କ ନାବାକଏତେ ମିହୁଡ଼୍ ତାନିଃ ମେନ୍ତେକ କାଜିତାନା ।”

୨୯ ଯୀଶୁ ଇନ୍‌କୁକେ କୁଲିକେଦ୍‌କଆ, “ଆଇଙ୍ଗ୍ ଅକଏ ତାନିଙ୍ଗ୍ ମେନ୍ତେପେ କାଜିତାନା ?” ପାଡ଼ରାସ୍ କାଜିରୁହାଡ଼କିୟାଏ, “ଆମ୍‌ଗି ଖ୍ରୀଷ୍ଟ୍, ତାନ୍‌ମେ ।”

୩୦ ଏନ୍ତେ ଯୀଶୁ ଇନ୍‌କୁକେ ହୁକୁମ୍‌କେଦ୍‌କଆ, “ଆଇଙ୍ଗ୍ ଅକଏ ତାନିଙ୍ଗ୍ ନେ କାଜି ଜେତାଏତାଃରେ ଆଲ୍‌ପେ ଉଦୁବେୟାଃ ।”

ୟୀଶୁ ଆୟାଃ ଦୁକୁସାହାଡ଼ିଙ୍ଗ୍ ଆଡ଼େ ଗନଏଃରାଃ କାଜି ଉଦୁବେତାନାଏ
(ମାଥୂଉ ୧୬:୨୧-୨୮; ଲୁକ ୯:୨୨-୨୭)

୩୧ ଏନ୍ତେ ଯୀଶୁ ଆୟାଃ ଚେଲାକକେ ଇଡ଼ୁ ଏଟେଦ୍‌କେଦ୍‌ଆଏ, “ଆଇଙ୍ଗ୍ ମାନଖାହନ୍ ତାନାଇଙ୍ଗ୍, ଆଇଙ୍ଗ୍‌କେ ପୁରାଃ ଦୁକୁ ସାହାଡ଼ିଙ୍ଗ୍ ଲାଗାଡ଼ିୟାଃ, ଆଡ଼େ ପ୍ରାଚିନ୍‌କ, ମୁଲ୍ ଯାଜାକ୍‌କ ଆଡ଼େ ଆଇନ୍ ଇଡ଼ୁକ ଆଇଙ୍ଗ୍‌କେ ହିଲାଙ୍ଗ୍‌ଇୟା ଆଡ଼େ ଗଜିୟାଁ, ଆଡ଼େ ଆଇଙ୍ଗ୍ ଆପି ମାହାଁ ତାୟମ୍‌ତେ ଜୀଉ ବିରିଦାଈଙ୍ଗ୍ ।” ୩୨ ଆଡ଼େ ଇନିଃ ନେ ବିଷାଏ ଫାର୍‌ଚିଆନ୍‌ଗି ଇନ୍‌କୁକେ ଉଦୁବାଦ୍‌କଆ । ଏନ୍ତେ ପାଡ଼ରାସ୍

☆ ୮:୧୫ ୮:୧୫ ଲୁକ ୧୨:୧. † ୮:୧୫ ୮:୧୫ ପାପ୍ / ରାତ୍ନୁ ହଲଙ୍ଗ୍‌କେ ମିଆଁଆଃଏ ☆ ୮:୧୮ ୮:୧୮ ମାର୍କ ୪:୧୨. ☆ ୮:୨୮ ୮:୨୮ ମାର୍କ ୬:୧୪,୧୫; ଲୁକ ୯:୨,୮. ☆ ୮:୨୯ ୮:୨୯ ଯୋହାନ୍ ୬:୬୮,୬୯.

ୟୀଶୁକେ ଗେନାତେ ଇଦିକିଃତେ ଏଗେରୁଏଗେଦକିୟାଏ‡ । ୩୩ ମେନ୍ଦ ଯୀଶୁ ହେତାରୁହାଡକେଦତେ ଆୟାଃ ଚେଲାକସାଃ ଆରିଦକେଦତେ, ପାଡରାସକେ ଏଗେରକିୟା, “ଏ ସାଏତାନ୍ ଆଇୟାଃତାଃଏତେ ଆତମେନ୍ମେ ଆମ୍ବ ପାରମେଶ୍ୱାରଆଃ ଲେକା କାହା ମେନ୍ଦ ହଡକଆଃ ଲେକାମ୍ ଉଡ଼ୁତାନା ।”

୩୪ ✨ଏନ୍ତେ, ଗାଦେଲ୍ ହଡକକେ ଆତଃ ଚେଲାକକେ, ଯୀଶୁ କେଡାକେଦକଆଏ ଆତଃ ମେତାଦକଆଏ, “ଜେତାଏ ହଡ ଆଇଙ୍ଗକେ ଅତଙ୍ଗ ସାନାଙ୍ଗରେଦ ଇନିଃ ଆଇଃକ୍ ଆପାନ୍କେ ହିଲାଙ୍ଗଇକାଏ§, ଆତଃ ଆୟାଃ କୁଶ୍* ଗଅଃକେଦତେ ଅତଙ୍ଗଇଙ୍ଗକାଏ । ୩୫ ✨ଚିୟାଃଚି ଆୟାଃ ଜୀଉ ବାସ୍ତାଅ ସାନାଙ୍ଗତାନ୍ନିଃ ଏନାଏ ଆଦେୟା, ମେନ୍ଦ ଆଇଙ୍ଗ ମେନ୍ତେ ଆତଃ ସୁକୁକାଜି ମେନ୍ତେ ଆୟାଃ ଜୀଉ ଆଦେନିଃ, ଏନାଏ ବାସ୍ତାଏୟା । ୩୬ ଜେତାଏ ହଡ ଗଟା ଅତେଦିଶୁମ୍ ନାମକେଦରେୟ ଆୟାଃ ଜୀଉକେ ଆଦେରେଦ ଇନିୟାଃ ଚିକାନ୍ ଫାଏଦା ହବାଅଆଃ ? ୩୭ ଚାଏ ଜେତାଏ ହଡ ଆୟାଃ ଜୀଉ ନାମ୍‌ରୁହାଡେ ନାଗେନ୍ତେ ଚିନାଃଏ ଏମ୍ ଦାଡ଼ିୟା ? ୩୮ ନେ ପାରିୟାରେନ୍ ଆପାଙ୍ଗିର ଆତଃ ପାପିହଡକଆଃ ଆଲାରେ ଆଇଙ୍ଗ ଆତଃ ଆଇୟାଃ କାଜି ବିଷାଏରେ ଅକଏ ଗିହୁଗଃଆଏ, ଆଇଙ୍ଗ ମାନଝାହନ୍ ତାନିଙ୍ଗ, ଆଇଙ୍ଗ ପାବିତାର ଦୁଡକଲଃ ଆପୁଇୟାଃ ମାନାରାଙ୍ଗରେ ହିଜୁଃରୁହାଡ୍ ଦିପିଲିରେ ଆଇଙ୍ଗହଗି ଏନ୍ ବିଷାଏରେ ଗିହୁଗଃଆଇଙ୍ଗ ।”

୯

୯ ଆତଃ ଯୀଶୁ ମେତାଦକଆଏ, “ସାର୍ତିଗି କାଜିୟାପେ ତାନାଇଙ୍ଗ, ପାରମେଶ୍ୱାରଆଃ ରାଇଜ୍ ପେଡେଃଲଃ ହିଜୁଃତାନ୍ ଆଉରି ନେଲେ ଜାକେଦ୍, ନେତାଃରେ ତିଙ୍ଗୁଆକାନ୍ କଏତେ ଚିମିନ୍ଦ ଗନଏଃ କାକ ଚାଖାଅୟା ।”

ୟୀଶୁଆଃ ରୁପ୍ ବାଦଲିଆଃ
(ମାଥୁର ୧୭:୧-୧୩; ଲୁକ ୯:୨୮-୩୭)

୨ ✨ତୁରୁଇ *ମାଃ ତାୟମ୍‌ତେ ଯୀଶୁ ପାଡରାସ୍, ଯାକୁବ୍ ଆତଃ ଯୋହାନ୍‌କେ ମିଆଁଦ୍ ସାଲାଙ୍ଗି ବୁରୁ ଚେତାନ୍ ଇଦିକେଦକଆଏ ଆତଃ ଇନ୍‌କୁ ଏନ୍ତାଃରେ ଏସ୍‌କାର୍‌ଗି ତାଇକେନାକ, ଆତଃ ଇନ୍‌କୁଆଃ ନେପେଲ୍‌ରେ ଯୀଶୁଆଃ ରୁପ୍ ବାଦଲିଆୟାନା† । ୩ ନେ ଅତେଦିଶୁମ୍‌ରେନ୍ ଜେତାଏ ଧୋବି କାଏ ପୁଣ୍ଡି ଦାଡ଼ିଲେକା, ଲିଜାଃକ ତାୟାଃଦ ଝାକ୍ ମାକ୍ ପୁଣ୍ଡିୟାନା । ୪ ଏନ୍ତେ ମୁଣା ଆତଃ ଏଲିୟକେ, ଯୀଶୁଲଃ ଜାଗାର୍‌ତାନ୍ ନେଲ୍‌କେଦକିନାକ । ୫ ପାଡରାସ୍‌ଦ ଯୀଶୁକେ ମେତାଇୟାଏ, “ହେ ଗୁରୁ, ଆବୁ ନାଙ୍ଗ୍ ନେତାଃରେଗି ତାଇନଃ ପୁରାଃ ବୁଗିନାଃ, ଆପିୟା କୁମ୍‌ବୁ ବାଇୟାଃ, ମିଆଁଦ୍ ଆମାଃ ନାଗେନ୍ତେ, ମିଆଁଦ୍ ମୁଣା ନାଗେନ୍ତେ ଆତଃ ମିଆଁଦ୍ ଏଲିୟ ନାଗେନ୍ତେ ।” ୬ ପାଡରାସ୍ ଚିକ୍‌ନାଃଏ କାଜିରୁହାଡେୟା ଏନା କାଏ ଉଡ଼ୁ ଦାଡ଼ିକେଦା, ଚିୟାଃଚି ଇନ୍‌କୁଦ୍ ପୁରାଃଗି ବରକେଦାକ ।

୭ ✨ଏନ୍ତେ ମିଆଁଦ୍ ରିମିଲ୍ ହିଜୁଃକେଦତେ ଇନ୍‌କୁକେ ଉମ୍‌ଲୁ କେଦକଆଏ, ଆତଃ ଏନ୍ ରିମିଲ୍‌ଏତେ ମିଆଁଦ୍ କାଜି ଆୟୁମ୍‌ୟାନା “ନିଃଗି ଆଇୟାଃ ଦୁଲାଡ୍ ହନ୍‌ତାନିଃ, ଅକଏକେଚି ଆଇଙ୍ଗ ଦୁଲାଡାଃଇଙ୍ଗ, ନିୟାଃ କାଜି ଆୟୁମ୍‌ପେପେ ।” ୮ ଇନ୍‌କୁ ଇମ୍‌ତାଗି ଆରିଦ୍ ବିୟୁରକେଦାକ, ଆତଃ ଆକଲଃ ଯୀଶୁକେ ବାଗିକେଦତେ ଜେତାଏକେ କାକ ନେଲ୍‌କିୟାଃ ।

୯ ବୁରୁଏତେକ ଆଡ଼ଗୁନ୍‌ତାନ୍‌ରେ ଯୀଶୁ ଇନ୍‌କୁକେ ଚେତାଅକେଦକଆ, “ଆପେ ନେଲାକାଦ୍‌ତେଆଃ, ମାନଝାହନ୍ ଗଜାକାନ୍‌କଏତେ ଆଉରି ଜୀଉବିରିଦେନ୍ ଜାକେଦ୍, ଜେତାଏକେ ଆଲପେ ଉଦୁବାକଆ ।”

୧୦ ଇନ୍‌କୁଦ୍ ଇନିୟାଃ କାଜିକ୍ ଆୟୁମ୍‌କେଦତେ “ଗଏଃକାନ୍ କଏତେ ଜୀଉବିରିଦେନ୍ କାଜିରାଃ ମୁଣ୍ଡି ଚିକ୍‌ନାଃ ତାନାଃ ?” ମେନ୍ତେ ଆକ ଆକରେକ କୁଲିୟଃତାନ୍ ତାଇକେନା । ୧୧ ✨ଆତଃ ଇନ୍‌କୁ ଯୀଶୁକେ କୁଲିକିୟାଃକ, “ଚିନାଃ ମେନ୍ତେ ଆଇନ୍ ଇଡୁକ ଏଲିୟକେ ସିଦାତେ ହିଜୁଃଲାଗାଡିୟାଃ ମେନ୍ତେକ କାଜିୟାଃ ?”

୧୨ ଇନିଃ କାଜିରୁହାଡାଦକଆଏ, “ନେଆଁ ସାର୍ତିଗି ତାନାଃ, ଏଲିୟ ଆୟୁରତେ ହିଜୁଃଗିୟାଏ, ଆତଃ ସବେନାଃ ଆତଃମିସା ବାଇରୁହାଡେୟାଏ । ମାନଝାହନ୍‌କେ ପୁରାଃ ଦୁକୁସାହାଡିଙ୍ଗ୍ ଲାଗାଡିଙ୍ଗ୍‌ୟାଃ ଆତଃ ହିଲାଙ୍ଗଇଆକ, ନେୟାଁ ଚିନାଃ ମେନ୍ତେତାମ୍ ଆୟାଃ ବିଷାଏରେ ଅଲାକାନା ? ୧୩ ଆଇଙ୍ଗଦଇଙ୍ଗ୍ କାଜିପେତାନା, ଏଲିୟ ହିଜୁଃୟାନାଏ, ଆତଃ ପାବିତାର୍ ଅନଲ୍‌କ ଇନିୟାଃ ବିଷାଏରେ ଅଲାକାଦ୍ ଲେକା, ହଡକ ଆକଆଃ ସାନାଙ୍ଗ୍ ଲେକା ଇନିଃକେ ରିକାକିୟାଃକ ।”

ୟୀଶୁ ମିଆଁଦ୍ ବଙ୍ଗା ଏସେରାକାଇ ସିଚିଆକେ ବୁଗି ତାନା
(ମାଥୁର ୧୭:୧୪-୨୧; ଲୁକ ୯:୩୭-୪୩)

‡ ୮:୩୨ ୮:୩୨ ଆନୁଜୋଗକିୟାଏ ✨ ୮:୩୪ ୮:୩୪ ମାଥୁର ୧୦:୩୮; ଲୁକ ୧୪:୨୭. § ୮:୩୪ ୮:୩୪ ଆଇଃକ୍ ଆପାନ୍‌କେ ହିଲାଙ୍ଗଇକାଏ ଆପଗାକୁ ଅସ୍ୱୀକାର କରୁ * ୮:୩୪ ୮:୩୪ ଯୀଶୁନାଙ୍ଗ୍ ଦୁକୁସାହାଡିଙ୍ଗ୍, ଆତଃ ଗଜନାଙ୍ଗ୍ ସେକାଡାକାନ୍‌ଲଃ ✨ ୮:୩୫ ୮:୩୫ ମାଥୁର ୧୦:୩୯; ଲୁକ ୧୭:୩୩; ଯୋହାନ୍ ୧୨:୨୫. ✨ ୯:୨ ୯:୨ ପାଡରାସ୍ ୧:୧୭,୧୮. * ୯:୨ ୯:୨ ଛ † ୯:୨ ୯:୨ ଆୟାଃ ରୁପ୍ / ମେଦମ୍‌ହାଡ୍ ଆତଃ ଲିଜାଃ ପୁଣ୍ଡି ଝାକ୍ ମାକ୍‌ୟାନା ✨ ୯:୨ ୯:୨ ମାଥୁର ୩:୧୭; ମାର୍କ ୧:୧୧; ଲୁକ ୩:୨୨. ✨ ୯:୧୧ ୯:୧୧ ମାଥୁର ୧୧:୧୪.

୧୪ ଆତ୍ମା ଇନ୍ଦ୍ରକୁ ଏବଂ ଚେଲକତାଃକ ରୁହାଡ଼ିୟାନ୍ତି, ଗାଦେଲ୍ ହତୁକ ଇନ୍ଦ୍ରକୁଆଃ ବିମୁରତେ ହୁଣ୍ଡିଆକାନ୍ ଆତ୍ମା ଆଇନ୍ ଇତୁକଲଃ କାପାଜିତାନ୍ କେଲକେଦକଆ । ୧୫ ଯୁଗୁକେ ନେଲ୍ତାଲକଃଚି ହତୁକ ଆକ୍ଦାନ୍ଦାୟାନ୍ ଆତ୍ମା ନିର୍ ଦାରମ୍ବକେଦତେକ ଜହାକିୟାଃ । ୧୬ ଯୁଗୁ, ଆୟାଃ ଚେଲକକେ କୁଲିକେଦକଆଏ, “ଆଇନ୍ ଇତୁକଲଃ ଚିନାଃପେ କାପାଜିତାନ୍ ?”

୧୭ ଗାଦେଲ୍ ହତୁକଏତେ ମିଆଁଦ୍ନିଃ ମେତାଲୟାଏ, “ଏ ଇତୁନିଃ, ହନିକ୍ତାକେ ଆମାଃତାଃ ଆଉକିୟାଲ୍, ଚିୟାଃଚି ଇନିଃରେ ମିଆଁଦ୍ ବଜା ବଲକାନ୍ଦାଏ ମେନ୍ତେ ଇନିଃ କାଏ ବାଗାଣ୍ ଦାଡ଼ିତାନ୍ । ୧୮ ଜେତାଏ ଠାୟାଦ୍ରେ ସାବକିଦ୍ରେ ଇନିଃକେ ଆଞ୍ଜାଃବାଟିୟାଏ, ଆତ୍ମା ଇନିୟାଃ ମତା ପୁତୁରିଦଃଆ, ଇନିଃ ତାଟାଏ ତାଟାଏଋଦେୟା ଆତ୍ମା ଗଜାକାନ୍ ଲେକାଏ ରିକାୟାଆ । ଆଇକ୍ ଆମାଃ ଚେଲକକେ ଅତକ୍ତହାତାଲପେ ମେନ୍ଦକେଦକଆଲ୍, ମେନ୍ଦ ଇନ୍ଦ୍ର କାକ ଦାଡ଼ିକେନା ।”

୧୯ ଯୁଗୁ ମେତାଦକଆଏ, “ଏ କା ବିଶ୍ୱାସତାନ୍ ହତୁକ, ଚିମିନ୍ ଜାକେଦ୍ ଆପେଲଃ ତାଲନାଲ୍ ? ଚିମିନ୍ ଜାକେଦ୍ ଆଇକ୍ ସାହାଡ଼ିକ୍ପେଆ ? ମାର୍ ଏନ୍ ସିଟିଆକେ ଆଇକ୍ତାଃତେ ଆଉଡ଼ିପେ ।” ୨୦ ଏନ୍ତେ ଇନ୍ଦ୍ର ସିଟିଆକେ ଆୟାଃତାଃକ ଆଉକିୟା । ଏଡ଼କାନ୍ ଆମ୍ବାଦ୍ ଯୁଗୁକେ ନେଲ୍ତାଲଚି ଇମ୍ତାକ୍ଚି ଏନ୍ ହନକେ ଆଇଠାଅକିୟାଏ ଆତ୍ମା ହନ୍ ଅତେରେ ଉୟାଃକେଦ୍ରେ ବାଟିବାଡ଼ାୟାନ୍ଦାଏ ଆତ୍ମା ଇନିୟାଃ ମତା ପୁତୁରିଦଃ ତାଲକେନା । ୨୧ ଯୁଗୁ ଏନ୍ ହନ୍ରାଃ ଆପୁତେକେ କୁଲିକିୟାଏ, “ଚିମିନ୍ ମାହାଏତେ ନେକାୟାତାନ୍ଦାଏ ?”

ଆପୁତେ କାଜିରୁହାଡ଼କିୟାଏ, “ମିଦ୍ ସିଟିଆଏତେଚି ।” ୨୨ “ଗଜି ନାଗେନ୍ତେ ଏଡ଼କାନ୍ ଆମ୍ବା ଇନିଃକେ ପୁରାଃସା ଦାଆଃରେ ଆତ୍ମା ସେକେଲ୍ରେ ଇଲିକ୍ତୟାଃକାଲ ତାଲକେନା । ଏନାମେନ୍ତେ ଜେଡ଼ନାଃମ୍ ରିକାଦାଡ଼ିରେଦ୍ ଦାୟାକେଦ୍ରେ ଆମ୍ ଦେକ୍ପାଲେମ୍ ।”

୨୩ ଯୁଗୁଦ୍ “ହେ” ମେନ୍ଦାନ୍ଲଃ, କାଜିକେଦାଏ, “ଚିନାଃମେନ୍ତେ ରିକାଦାଡ଼ିରେଦ୍ ମେନେତାନ୍ଦାମ୍, ବିଶ୍ୱାସତାନ୍ନିଃ ନାଗେନ୍ତେ ସବେନାଃ ରିକାଦାଡ଼ିୟାଆ ।”

୨୪ ଏନ୍ ତରସାଗି ଏନ୍ ହନ୍ରାଃ ଆପୁତେ ରାଆଃତାନ୍ଲଃ କାଜିକେଦାଏ, “ଆଇକ୍ ବିଶ୍ୱାସ୍ ତାନ୍ଦାଲ୍, ଆଇୟାଃ କା ବିଶ୍ୱାସ୍ରେ ଦେକ୍ପାଲ୍ମେ ।”

୨୫ ହତୁକକେ ଜୁରୁ ହୁଣ୍ଡିନ୍ଦାନ୍ ଯୁଗୁ ନେଲ୍କେଦକଚି, ସଡ଼ରା ଆମ୍ବାକେ ମାରାକ୍ମତାକିୟାଏ ଆତ୍ମା ମେତାଲୟାଏ, “ଏ ଭାସ୍ତରା ଆତ୍ମା କା ବାଗାଣ୍ ଦାଡ଼ିତାନ୍ ଆମ୍ବା, ଆଇକ୍ ହୁକ୍ତୁମ୍ ଏମାମ୍ତାନ୍ଦାଲ୍, ନିଃଏତେ ଅତକ୍ତୟାମେ, ଆତ୍ମା ନିଃରେ ଚିତ୍ତାୟା ଆଲମ୍ ବଲ ରୁହାଡ଼ାଃ ।”

୨୬ ଏଡ଼କାନ୍ ଆମ୍ବା କାଉରିକେଦ୍ରେ ଏନ୍ ହନକେ ସିଦୁଦ୍କିୟା ଆତ୍ମା ଅତକ୍ତ ବାଗିତାଲୟାଏ । ସିଟିଆ କଡ଼ାଦ୍ ଗଜାକାନ୍ନିଃ ଲେକାଏ ରିକାୟାନ୍ଦା; ହତୁକ ମେନ୍ଦକେଦାଃ, “ଗାଏଃୟାନ୍ଦାଏ ।” ୨୭ ମେନ୍ଦ ଯୁଗୁ ତିଃକ୍ ସାବକିତେ ବିରିଦ୍କିୟାଏ, ଆତ୍ମା ଇନିଃ ତିକ୍ତୁକେଚେଦ୍ୟାନ୍ଦାଏ ।

୨୮ ଏନ୍ତେ ଯୁଗୁ ଅତାଃତେ ସେନଃୟାନ୍ଦାଏ, ଆତ୍ମା ଏସ୍କାର୍ରେ ଚେଲକତାୟାଃ ଇନିଃକେ କୁଲିକିୟାଃକ, “ଆଲେଦ୍ ଚିନାଃମେନ୍ତେ ଏନ୍ ବଜାକେ କାଲେ ଅତକ୍ତ ଦାଡ଼ିକେନା ?”

୨୯ ଯୁଗୁ ମେତାଦକଆଏ “ନେ ଲେକାନ୍ ଏଡ଼କାନ୍ ଆମ୍ବାକି ବିକ୍ତିତେ ଏସ୍କାର୍ ଅତକ୍ତ ଦାଡ଼ିୟାଆ, ଆତ୍ମା ଜେତାଲେକାତେଦ୍ କାହାଗି ।”

ୟୁଗୁ ଆୟାଃ ଗନଏଃ କାଜି ଆତ୍ମାଃସା ଉଦୁବେତାନ୍ଦାଏ
(ମାଥୁଉ ୧୭:୨୨-୨୩; ଲୁକ ୯:୪୩-୪୪)

୩୦ ଯୁଗୁ ଆତ୍ମା ଚେଲକତାୟାଃ ଏନ୍ତାଏତେ ସେନଃୟାନ୍ତି ଗାଲିଲ୍ ଦିଶୁମ୍ ଆଲା ଆଲାତେକ ସେନଃୟାନ୍ । ଜେତାଏ ଏନା ଆଲକାକ ସାରିନାମେକା ମେନ୍ତେ ଇନିଃ ସାନାକ୍ତାଲକେନାଏ, ୩୧ ଚିୟାଃଚି ଇନିଃଦ୍ ଆୟାଃ ଚେଲକକେ ଇତୁକ ତାଲକେନାଏ । ଇନିଃ କାଜିୟାଦକଆଏ, “ଆଇକ୍ ମାନଞ୍ଜାହନ୍ ତାନିକ୍, ଆଇକ୍ ହତୁକଆଃ ତିଃକ୍ରେ ଏମ୍ଏଶ୍ୱାଗଃଆଇକ୍, ଆତ୍ମା ହତୁକ ଆଇକ୍ଚେ ଗଜିୟାକ, ଗନଏଃରାଃ ଆପିମା ତାୟାମ୍ତେ ଆଇକ୍ ଜାଉ ବିରିଦାଃଇକ୍ ।”

୩୨ ମେନ୍ଦ ଇନ୍ଦ୍ର ନେ କାଜି କାକ ଆବ୍କାର୍ ଉରୁମ୍ ଦାଡ଼ିକେଦା, ଆତ୍ମା ଇନ୍ଦ୍ର ଇନିଃକେ କୁଲି ନାଗେନ୍ତେ ବରକେଦାଃକ ।

ଅକଏ ମାରାକ୍ ?
(ମାଥୁଉ ୧୮:୧-୫; ଲୁକ ୯:୪୬-୪୮)

୩୩ ଯୁଗୁ ଆତ୍ମା ଆୟାଃ ଚେଲକ କପର୍ନାହୁମ୍ ତେବାରକେଦ୍ଚି ଅତାଃରେକ ବଲୟାନ୍, ଆତ୍ମା ଇନିଃ ଚେଲକକେ କୁଲିକେଦକଆଏ, “ହରାରେ ଚିନାଃପେ ଜାଗାଡ଼ାନ୍ ତାଲକେନା ?”

୩୪ ✨ମେନ୍ଦ ଇନ୍କୁ ହାପାୟାନାକ, ଚିୟାଠି ଇନ୍କୁ ଅକଏ ମାରାଙ୍ଗାଁ ମେନ୍ତେ ହରାରେକ କାପାଜିତାନ୍ ତାଇକେନା । ୩୫ ✨ୟାଣୁ ଦୁର୍ଯ୍ୟାନ୍ତି ବାରାଝାନ୍କକେ ହାକାଅକେଦକଆଏ ଆତଃ ମେତାଦକଆଏ, “ଅକନ୍ ହଡ଼ ସବେନ୍କଏତେ ମାରାଙ୍ଗାଁୟେନ୍ ସାନାଙ୍ଗାଁରେଦ, ସବେନ୍କଏତେ ଲାତାରେନ୍କାଏ ଆତଃ ସବେନ୍କଆଃ ଦାସିନ୍ କାଏ ।” ୩୬ ଏନ୍ତେ ମିଆଁଦ୍ ହୁଡ଼ିଙ୍ଗ୍ ହନ୍କେ ହାକାଅକିଃତେ ଇନ୍କୁଆଃ ଆଲାରେ ତିଙ୍ଗୁକିୟାଏ ଆତଃ କୟଙ୍ଗକିଃତେ ମେତାଦକଆଏ, ୩୭ ✨ନେ ଲେକାନ୍ ମିଆଁଦ୍ ହୁଡ଼ିଙ୍ଗ୍ ହନ୍କେ ଅକନ୍ ହଡ଼ “ଆଇଁୟାଃ ନୁଡୁମ୍ତେ ସୁକୁଆଇୟାଏ ଇନିଃଦ ଆଇଙ୍ଗକେ ସୁକୁଆୟାଏ, ଆତଃ ଅକନ୍ ହଡ଼ ଆଇଙ୍ଗକେ ସୁକୁଆୟାଏ, ଇନିଃ ଆଇଙ୍ଗକେ ଏସକାର୍ କା ମେନ୍ଦ ଆଇଙ୍ଗକେ କୁଲ୍ନିଃ ଆଇଁୟାଃ ଆବାକେୟାଗି ସୁକୁଆଇୟାଏ ।”

ଆବୁକେ ଦାରମ୍ ରୁହାଡ଼ୁତାନ୍ନିଃଦ ଆବୁଲଃରିୟା
(ଲୁକ ୯:୪୯-୫୦)

୩୮ ଯୋହାନ୍ ଯାଣୁକେ କାଜିକିୟାଏ, “ହେ ଗମ୍ବକେ, ମିଆଁଦ୍ ହଡ଼ ଆମାଃ ନୁଡୁମ୍ତେ ବଙ୍ଗାକକେ ଅଡ଼ଙ୍ଗକତାନ୍ଲେ ନେଲ୍କିୟା ଆତଃ ଇନିଃଦ ଆବୁଆଃ ଜାମାରେନ୍ କାଏ ତାଇକେନା, ଏନାମେନ୍ତେ ଇନିଃକେ ମାନାକିୟାଲେ ।”

୩୯ “ୟାଣୁ ମେତାଦକଆଏ, ଆଲ୍ପେ ମାନାଇୟା, ଆଇଁୟାଃ ନୁଡୁମ୍ତେ ଆକ୍ଦାନ୍ଦାଅ କାମି କାମିତାନ୍ ଜେତାଏନିଃ ଆଇଁୟାଃ ନୁଡୁମ୍ତେ ଏଡ଼କାନ୍ କାଜି କାମି କାଏ ଦାଡ଼ିୟା । ୪୦ ✨ଚିୟାଠି ଅକଏ ଆବୁକେ ଦାରମ୍ବୁତାନାଏ, ଇନିଃଦ ଆବୁଲଃରିୟା । ୪୧ ✨ଆଇଙ୍ଗ୍ ଆପେକେ ସାର୍ତିଗିଇଙ୍ଗ୍ କାଜିୟାପେତାନା, ଆପେ ଶ୍ରୀଷ୍ଟୁଆଃ ତାନ୍ପେ ମେନ୍ତେ ଅକ ହଡ଼ ଆପେକେ ମିଦ୍ ଗିଲାସ୍ ରେହାଡ଼୍ ଦାଆଃ ନୁଁଏ ନାଗେନ୍ତେ ଏମାପେରେଦ, ଏନ୍ ହଡ଼ ଆୟାଃ ନାଲା ନାମେଗିୟାଏ ।

ଆଲ୍ପେ ତହଦଃଆ ମେନ୍ତେ ଯାଣୁ ଇଡୁକତାନାଏ
(ମାଥୁଇ ୧୮:୨-୯; ଲୁକ ୧୭:୧-୨)

୪୨ “ଆତଃଗି ଯାଣୁ କାଜିକେଦାଃଏ, ଜେତାଏ ଆଇଁୟାଃରେ ବିଶ୍ୱାସ୍ତାନ୍ ନେ ହୁପ୍ଡ଼ିଙ୍ଗକଏତେ ମିଆଁଦ୍ନିଃକେ ଆୟାଃ ବିଶ୍ୱାସ୍ରେ ତହଦ୍ରିକାଇରେଦ ଇନିୟାଃ ହଟଃରେ ଜାନ୍ତାଦିରି ହାକାକେଦ୍ତେ ଇନିଃକେ ଇକିର୍ ଦରେୟାରେ ହୁଦ୍ମାତେୟାଃ ଇନିଃ ନାଗେନ୍ତେ ବୁଗିଆଃତେଆଃ । ୪୩ ✨ଆତଃ ଆମାଃ ତିଃଇ ବିଶ୍ୱାସ୍ରେ ତହଦ୍ ରିକାମ୍ତାନ୍ରେଦ, ଏନାକେ ଛପାଏଶ୍ରୀଃଏମେ । ବାରିଆଃ ତିଃଇ ତାଇକେଦ୍ତେ ନାରାକ୍ତେ, ତିଉଲାଅ କା ଇଣ୍ଟିଜଃ ସେଙ୍ଗେଲ୍ତେ ସେନଃଏତେଦ ଚୁଶ୍ୱାୟାନ୍ତେ ଜୀଦାନ୍ରେ ବଲଃ ଆମାଃ ନାଗେନ୍ତେ ବୁଗିନାଃ । ୪୪ ନାରାକ୍ରେ ଇନ୍କୁକେ ଜମ୍ତାନ୍ ତିଜୁ କାକ ଗଜଃଆ ଆତଃ ସେଙ୍ଗେଲ୍ କା ଇଣ୍ଟିଜଃଆ ୪୫ ଆତଃ ଆମାଃ କାଟା ତହଦ୍ ରିକାମ୍ତାନ୍ ରେଦ, ଏନାକେ ଛପା ଏଶ୍ରୀଃତାମ୍ । ବାରିଆ କାଟାତେ, ସେଙ୍ଗେଲ୍ ନାରାକ୍ରେମ୍ ହୁରାଙ୍ଗ୍ ହାଁଣାବଃଏତେଦ, ଲାଙ୍ଗଡ଼ାକାନ୍ ଜୀଦାନ୍ରେ ବଲଃତେୟାଃ ଆମ୍ ନାଗେନ୍ତେ ବୁଗିନାଃ । ୪୬ ନାରାକ୍ରେ ଇନ୍କୁଆଃ ତିଜୁ କାଏ ଗଜଃଆ ଆତଃ ସେଙ୍ଗେଲ୍ କା ଇଣ୍ଟିଜଃଆ । ୪୭ ✨ଆତଃ ଆମାଃ ମିଆଁଦ୍ ମେଦ୍ ପାପ୍ପିକିମେରେଦ, ଏନାକେ ଅଡ଼ଙ୍ଗକେଦ୍ତେ ହୁଦ୍ମାଏଶ୍ରୀଃଏମେ । ଆମାଃ ବାରିଆ ମେଦ୍ ତାଇକେଦ୍ତେ ସେଙ୍ଗେଲ୍ ନାରାକ୍ରେ ହୁଦ୍ମାଆଏତେ ମିଆଁଦ୍ ମେଦ୍ ତାଇକେଦ୍ତେ ପାର୍ମେଶ୍ୱାର୍ଆଃ ରାଇଜ୍ରେ ବଲଃ ଆମାଃ ନାଗେନ୍ତେ ବୁଗିନାଃ । ୪୮ ଏନ୍ତାଃରେଦ ଇନ୍କୁକେ ଜମ୍ତାନ୍ ତିଜୁକ କାକ ଗଜଃଆ ଆତଃ ଏନ୍ତାଃରାଃ ସେଙ୍ଗେଲ୍ ତିଉଲାଅ କା ଇଣ୍ଟିଜଃଆ ।

୪୯ “ଦାଣ୍ଟେ ବୁଲ୍ଲଙ୍ଗ୍ତେ ଫାର୍ତିଆଃ ଲେକା ସବେନ୍ ହଡ଼କହ ସେଙ୍ଗେଲ୍ତେକ ଫାର୍ତିଆଃଆ ।
୫୦ ✨“ବୁଲ୍ଲଙ୍ଗ୍ ବୁଗିନାଃ, ମେନ୍ଦ ଏନା ସାବାଗଃରେଦ, ଏନା ଚିଲ୍କାତେ ଆତଃମିସା ସିବିଲ୍ରୁହାଡ଼ଃଆ ? ଆପେରେ ଦୁପ୍ପୁଲାଡ଼ରାଃ ବୁଲ୍ଲଙ୍ଗ୍ ତାଇନଃକା, ଆତଃ ଆପେ ମିହୁଡ଼୍ ଆତଃମିହୁଡ଼୍ଲଃ ସୁକୁରେ ତାଇନ୍ପେ ।”



କଡ଼ାକ୍ତୁଡ଼ିବାଗିରେୟାଃ କାଜି
(ମାଥୁଇ ୧୯:୧-୧୨; ଲୁକ ୧୭:୧୮)

✨ ୯:୩୪ ୯:୩୪ ଲୁକ ୨୨:୨୪. ✨ ୯:୩୫ ୯:୩୫ ମାଥୁଇ ୨୦:୨୭,୨୭; ୨୩:୧୧; ମାର୍କ ୧୦:୪୩,୪୪; ଲୁକ ୨୨:୨୭. ✨ ୯:୩୬ ୯:୩୬ ମାଥୁଇ ୧୦:୪୦; ଲୁକ ୧୦:୧୭; ଯୋହାନ୍ ୧୩:୨୦. ✨ ୯:୪୦ ୯:୪୦ ମାଥୁଇ ୧୨:୩୦; ଲୁକ ୧୧:୨୩. ✨ ୯:୪୧ ୯:୪୧ ମାଥୁଇ ୧୦:୪୨. ✨ ୯:୪୩ ୯:୪୩ ମାଥୁଇ ୫:୩୦. ‡ ୯:୪୪ ୯:୪୪ ନେ ବାଗାନ୍ ତିମିନ୍ ମାରି ଅନଲ୍ଲକରେ ବାନଃଆ. § ୯:୪୬ ୯:୪୬ ନେ ବାଗାନ୍ ତିମିନ୍ ମାରି ଅନଲ୍ଲକରେ ବାନଆଃ. ✨ ୯:୪୭ ୯:୪୭ ମାଥୁଇ ୫:୨୯. ✨ ୯:୫୦ ୯:୫୦ ମାଥୁଇ ୫:୧୩; ଲୁକ ୧୪:୩୪,୩୫.

୧ ଏନ୍ତେ ଯୀଶୁ କପରନାହୁମ୍‌ଏତେ ଅତଙ୍ଗୟାନତେ ଯାଦାନନାହିଁ ପାରମ୍ଭେଦତେ ଯିହୁଦା ପାରଗାନତେ ସେଟେରୟାନାଏ । ଏନ୍ତେ ଗାଦେଲ୍ ହଡକ ଇନିଷତାଃ ଆତଃଗିକ ହୁଣ୍ଡିୟାନା ଆତଃ ଇନିଷ ସିଦାଲେକା ଇନକୁକେ ଇତୁକେଦକଥାଏ ।

୨ ଚିମିନ୍ ଫାରୁଶୀକ ଇନିଷତାଃ ହିଜୁଃକେଦତେ ବିଡାଅ ନାଗେନ୍ତେକ କୁଲିକିୟା, “ମିଆଁଦ୍ କଡା ଆୟାଃ କୁଡିତେକେ ବାଗିତେଆଃ ଆଇନଲେକାତେ ଠାଉକାଗିୟାଃ ଚି ?”

୩ ଯୀଶୁ କୁଲିରୁହାଡକେଦକଥାଏ, “ମୁଶା ଆଇନରେ ଚିକନାଃଏ ଆରୁକାଦପେୟା ?”

୪ *ଇନକୁ କାଜିକିୟାଃ, “ବାଗିରେଆଃ ଅନଲ୍‌ଚିଠା ଏମ୍‌କେଦତେ ଜେତାଏ କୁଡି ତାୟାଃକେ ବାଗି ନାଗେନ୍ତେ ମୁଶା କାଜିୟାକାଦାଏ ।”

୫ ଯୀଶୁ କାଜିରୁହାଡାଦକଥାଏ, “ଆପେୟାଃ କେଟେଦମନ୍ ନାଗେନ୍ତେ ମୁଶା ନେ ଆନ୍‌ରୁ ଅଲ୍‌ଦପେଥାଏ । ୬ ଫେନ୍‌ଦ ପୁଅରେ ଅଲ୍‌କାନ୍ ଲେକା, ‘ଅତେଦିଶୁମ୍‌ରାଃ ବାଇୟାଃ ମୁନ୍‌ରେ ପାରମେଶ୍ୱାର୍ ମାନଝା କିନ୍‌କେ କଡା ଆତଃ କୁଡି ବାଇକାଦକିନାଏ ।’ ୭ ଏନାମେନ୍ତେ କଡା ଆୟାଃ ଏଙ୍ଗା ଆତଃ ଆପୁକିନ୍‌କେ ବାଗିକିନାଏ, ଆତଃ ଆୟାଃ କୁଡିତାୟାଃଲଃ ମିଦଃଆଏ, ‘ ଆତଃ ଇନକିନ୍ ମିଆଁଦଃଆକିନ୍ ।’ ଏନାମେନ୍ତେ ଇନକିନ୍ ବାରିଆ ହଡ଼ମ୍ ନାହାଁଲଃକିନ୍, ଫେନ୍‌ଦ ମିଆଁଦ୍ ହଡ଼ମ୍‌ତାନକିନ୍ । ୮ ଏନା ନାଗେନ୍ତେ ପାରମେଶ୍ୱାର୍ ମିଦ୍‌ରେ ତଲ୍‌କାଦତେୟାଃ ହଡ଼ ଆଲକାଏ ବିନ୍‌ଗାଏକା ।”

୧୦ ଅଡ଼ାଃତେ ସେନଃୟାନ୍ତେ, ଏନ୍ତାଃରେ ଆୟାଃ ଚେଲକ ଯୀଶୁକେ ଏନ୍‌କାଜି ଆତଃଗିକ କୁଲିକିୟାଃ ।

୧୧ *ୟୀଶୁଦ ମେତାଦକଥାଏ, “ଜେତାଏ ଆୟାଃ କୁଡିତେକେ ବାଗିକେଦତେ ଏଟାଃ କୁଡି ଆଣ୍‌ଦିୟାଃନିଷଦ ଆୟାଃ କୁଡିତେୟାଃ ବିରୁଧ୍‌ରେ ଆପାଙ୍ଗିର୍ କାମି କାମିୟା । ୧୨ ଏନ୍ ଲେକାତେ କୁଡି ଆୟାଃ କଡାତେକେ ବାଗିକେଦତେ ଏଟାଃ କଡାକେ ଆଣ୍‌ଦିନ୍‌ରେଦ ଇନିଷ ଆୟାଃ କଡାତେୟାଃ ବିରୁଧ୍‌ରେ ଆପାଙ୍ଗିର୍ କାମି କାମିୟାଏ ।”

ୟୀଶୁ ସିଚିଆ ହନକକେ ଆଶିଷକତାନାଏ
(ମାଥୂଉ ୧୯:୧୩-୧୫; ଲୁକ ୧୮:୧୫-୧୭)

୧୩ ହୁପ୍‌ଡିଙ୍ଗ୍ ହନକକେ, ତିଃଇ ଦହକେଦତେ ଆଶିଷକକାଏ ମେନ୍ତେ, ହଡକ ଯୀଶୁତାଃତେକ ଆଉକେଦକଥା, ଫେନ୍‌ଦ ଚେଲକ ଆଉକତାନକକେ ମାରାଙ୍ଗମଚା କେଦକଥାକ । ୧୪ ଏନା ନେଲ୍‌କେଦତେ ଯୀଶୁ ଖୁସ୍‌ୟାନାଏ ଆତଃ ଚେଲକକେ ମେତାଦକଥାଏ, “ହୁପ୍‌ଡିଙ୍ଗ୍ ହନକକେ ଆଇଙ୍ଗତାଃତେ ହିଜୁଃରିକାକପେ, ଆତଃ ଆଲପେ ମାନାକଥା, ନିକୁଲେକାନ୍ କଆଃଗିଦ ପାରମେଶ୍ୱାର୍‌ଆଃ ରାଇଜ୍ ତାନାଃ । ୧୫ *ସାର୍‌ତିଗିଙ୍ଗ୍ କାଜିୟାପେତାନା ଜେତାଏ ହଡ଼ ପାରମେଶ୍ୱାର୍‌ଆଃ ରାଇଜ୍, ମିଆଁଦ୍ ହୁଡିଙ୍ଗ୍‌ହନ୍ ଲେକା କାଏ ତେଲ୍‌ଏରେଦ, ଏନାରେ ତିଉଲ୍‌ହାଗି କାଏ ବଲ୍‌ଦାଡିୟାଃ ।” ୧୬ ଏନ୍ତେ ଇନିଷ ହନକକେ ହାମ୍‌ଦୁକେଦକଥାଏ, ଆତଃ ଇନକୁଆଃ ଚେତାନରେ ତିଃଇ ଦହକେଦତେ ଆଶିଷକେଦକଥାଏ ।

କିସାଁଣ ଧାଙ୍ଗଡା
(ମାଥୂଉ ୧୯:୧୭-୩୦; ଲୁକ ୧୮:୧୮-୩୦)

୧୭ ଆତଃଗି ଯୀଶୁ ସେନଃନାଙ୍ଗ୍ ଅତଙ୍ଗତାନ ଇମ୍‌ତା ମିଆଁଦ୍ ହଡ଼ ଇନିୟାଃ ଆୟାର୍‌ରେ ନିରୁହିଜୁଃୟାନଚି ଇକୁଡ଼ୁୟାନାଏ ଆତଃ କୁଲିକିୟାଏ, “ଏ ବୁଗିନ୍ ଇତୁନିଃ, ଜାନାଅ ଜୀଦାନ୍ ନାମେ ନାଗେନ୍ତେ ଚିନାଃଇଙ୍ଗ୍ ଚିକାୟା ?”

୧୮ ଯୀଶୁ ମେତାକୟାଏ, “ଆମ୍ ଚିନାଃମେନ୍ତେ ଆଇଙ୍ଗକେ ବୁଗିନ୍ ମେନ୍ତେମ୍ କାଜିଇଙ୍ଗ୍‌ତାନା ? ମିଆଁଦ୍‌ନିଃ ଏସ୍‌କାର୍ ବୁଗିନାଏଃ ଇନିଷ ପାରମେଶ୍ୱାର୍ ତାନିଃ ଆତଃ ଜେତାଏକାହା । ୧୯ ଆମ୍ ଆନ୍‌ରୁମ୍ ସାରିତାନା, ଆଲମ୍ ଗଗଏୟାଃ, ଆଲମ୍ ଆପାଙ୍ଗିର୍‌ରାଃ, ଆଲମ୍ କୁମ୍‌ତୁଲୁୟା, ହସଡ଼ଗାଝା ଆଲମାଃ, ଆଲମ୍ ବେଦାଃ, ଏଙ୍ଗା ଆପୁ କିନ୍‌କେ ମାନାଡିଙ୍ଗ୍‌କିନ୍‌ମେ ।”

୨୦ ଇନିଷଦ ମେନ୍‌ରୁହାଡାକୟାଏ, “ହେ ଗୁରୁ, ନେ ସବେନ୍ ଆନ୍‌ରୁ ମିଦ୍‌ସିଚିଆଏତେଇଙ୍ଗ୍ ମାନାଡିଙ୍ଗ୍ ଆଉକାଦା ।”

୨୧ ଯୀଶୁ ଇନିଷକେ ନେଲ୍‌ବାଇକିଃତେ ଦୁଲ୍‌ଡ଼କିୟାଏ ଆତଃ ମେତାକୟାଏ, “ଆତଃ ମିଆଁଦ୍ କାଜି ଆମ୍‌କେ ରିକାଲାଗାଡିଙ୍ଗ୍‌ୟାଃ, ଜୁ, ଆମାଃ ସବେନାଃ ଆଖ୍‌ରିଙ୍ଗ୍‌ତାମେ, ଆତଃ ଏନ୍ ଟାକା ରେଙ୍ଗେଃକକେ ହାଟିଙ୍ଗ୍‌ଆଁକମ୍, ସିମ୍‌ ଦିଶୁମ୍‌ରେ ଖୁଜ୍‌ମ୍ ନାମେଆଁ, ଆତଃ ରୁହାଡକେଦତେ ଅତଙ୍ଗଇଙ୍ଗ୍‌ମେ ।” ୨୨ ଏନା ଆୟୁମ୍‌କେଦତେ ଏନ୍ ହଡ଼ ହୁଡିଙ୍ଗ୍‌ଜୀଉୟାନାଏ, ଆତଃ ଗସ ମେଦ୍‌ମୁହାଁଡାଏ ସେନଃୟାନା । ଚିୟାଃଚି ଇନିଷଦ ପୁରାଃଗି କିସାଁଣ୍ ତାକକେନାଏ ।

☆ ୧୦:୪ ୧୦:୪ ମାଥୂଉ ୫:୩୧. ☆ ୧୦:୧୧ ୧୦:୧୧ ମାଥୂଉ ୫:୩୨; ୧ କରିନ୍ଥ୍‌ୟ ୭:୧୦,୧୧. ☆ ୧୦:୧୫ ୧୦:୧୫ ମାଥୂଉ ୧୮:୩।

୨୩ ଯୀଶୁ ଚେଲାକଙ୍କେ ହେତାବିମୁରକେଦକଆଏ ଆତଃ ମେତାଦକଆଏ, “ଅକନ୍ ହଡକଆଃ ଟାକା ପାଏସା ମେନାଃ, ଏନ୍ କିସାଁଣ୍ ହଡକନାଙ୍ ପାରମେଶ୍ୱାରଆଃ ରାଇଜ୍ରେ ବଲଃ ପୁରାଃଗି ହାମ୍ପାଲାଃ ।”

୨୪ ଏନ୍ କାଜିକ ଆୟୁମକେଦତେ ଚେଲାକ ଆକଦାନ୍ଦାୟାନା, ମେନ୍ଦ ଯୀଶୁ ଆତଃଗି କାଜିୟାଦକଆଏ, “ଏ ହନ୍କ, ପାରମେଶ୍ୱାରାଃ ରାଇଜ୍ରେ ବଲଃ ପୁରାଃଗି ହାମ୍ପାଲାଃ । ୨୫ ପାରମେଶ୍ୱାରଆଃ ରାଇଜ୍ରେ କିସାଁଣ୍ ହଡ ବଲ ଦାଡିଏତେ, ସୁଇତଶ୍ଚୁରେ ଉର୍ ପାରମଃତେଆଃ ରାଞ୍ଜାଲାଃ ।”

୨୬ ନେଆଁ ଆୟୁମକେଦତେ ଚେଲାକ ଆତଃଗି ଆକଦାନ୍ଦାୟାନା ଆତଃ ଆକ ଆକରେ କୁଲିବାଡାକେଦାଃକ, “ତାଦ୍ଦ ଅକଏ ଜୀଉବାଞ୍ଚାଅ ନାମ୍ ଦାଡିୟାଏ ?”

୨୭ ଯୀଶୁ ଇନ୍କୁସାଃତେ ଆରିଦକେଦତେ ମେତାଦକଆଏ, “ହଡକ ନାଗେନ୍ତେ ଏନା କା ଦାଡିୟଃ କାମି ତାନାଃ, ମେନ୍ଦ ପାରମେଶ୍ୱାର ନାଗେନ୍ତେ ଦାଡିଅଃଆ । ଚିୟାଃଚି ପାରମେଶ୍ୱାରତେ ହବାଦାଡିୟଆଃ ।”

୨୮ ଏନ୍ତେ ପାଡରାସ୍ କାଜିକେଦା, “ନେଲେମେ, ଆଲେଦ ସବେନାଃ ବାଗିକେଦତେ ଆମକେଲେ ଅତଙ୍ଗକେଦମେୟାଁ ।”

୨୯ ଯୀଶୁ କାଜିରୁହାଡାଦକଆଏ, “ସାର୍ତ୍ତିଗି କାଜିୟାପେ ତାନାକଙ୍, ଜେତାଏ ହଡ ଆଇଙ୍ ମେନ୍ତେ ଚାଏ ସୁକୁକାଜିମେନ୍ତେ, ଅଡ଼ାଃଦୁଆର୍, ଚାଏ ହାଗା ଚାଏ ମିଗି, ଚାଏ ଏଙ୍ଗା ଚାଏ ଆପୁ, ଚାଏ ହନ୍ଗାଁଣା, ଚାଏ ପିଡିହାସା ବାଗିତାରେଦ, ୩୦ ଇନିଃ ନେ ପାରିୟାରେ, ସାଅଗୁଣା ଆଦକା ଅଡ଼ାଃଦୁଆରକ, ହାଗା ମିଗିକ, ଏଙ୍ଗାକ, ହନ୍କ ଆତଃ ଅତେହାସାକ ନାମେୟାଏ, ଆତଃ ଏନାଲଃ ଦୁକୁସାସ୍ତି ହ୍, ଆତଃ ତାୟମ୍ ଦିପିଲିରେ ଜାନାଅ ଜାନାଅରେୟାଃ ଜୀଦାନ୍ ନାମେୟାଏ । ୩୧ ଖମେନ୍ଦ ପୁରାଃ ହଡକ ସିଦାକାନ୍କ ତାୟମଃଆ, ଆତଃ ତାୟମାକାନ୍କ ସିଦାଅଃଆ ।”

ୟୀଶୁ ଆତଃମିସା ଆୟାଃ ଗନଏଃ କାଜି ଉଦୁବେତାନାଏ
(ମାଥୁର ୨୦:୧୭-୧୯; ଲୁକ ୧୮:୩୧-୩୪)

୩୨ ଯୀଶୁ ଆତଃ ଆୟାଃ ଚେଲାକ ନାହାଁଃଦ ଯୀରୁଶାଲେମ୍ତେ ସେନଃତାନ୍ ହରାକ ସାବକେଦା । ଯୀଶୁ ଆୟାଃ ଚେଲାକଆଃ ଆୟୁର୍ ଆୟୁର୍ରେ ସେନଃ ତାଇକେନା, ଚେଲାକ ଆକଟାକାଅକାନ୍ ତାଇକେନାକ ଆତଃ ତାୟମ୍ରେ ସେନ୍ତାନ୍ ଏଟାଃ ହଡକହଗି ବର ତାଇକେନାକ । ଯୀଶୁ ଆତଃଗି ଗେଲ୍ବାର୍ ଚେଲାକଙ୍କେ ହରାଏତେ ହାକାଅ ଆତମକେଦକଆ, ଆତଃ ଆଇଃକ୍ରେ ଟଗଃ କାଜିକ ଇନ୍କୁକେ ଉଦୁବ୍ ଏଟେଦକେଦକଆ । ୩୩ ଆତଃ ମେତାଦକଆଏ, “ଆରୁ ଯୀରୁଶାଲେମ୍ତେରୁ ସେନଃତାନା, ଆତଃ ଏନ୍ତାଃରେ ଆଇଙ୍ଗକେ ମାନଞ୍ଜାହନ୍କେ ମୁଲ୍ ଯାଜାକ୍କଆଃ ଆତଃ ଆଇନ୍ ଇଡୁକଆଃ ତିଃଇରେ ଏମ୍ଏଶ୍ୱାଗିଆଁକ । ଇନ୍କୁ ଆଇଙ୍ଗକେ ଗନଏଃ ସାଜାଇ ଏମକେଦତେ ସାଅଁସାର୍ ହଡକଆଃ ତିଃଇରେକ ଜିମାଲ୍ୟାଃ । ୩୪ ଇନ୍କୁ ଆଇଙ୍ଗକେ ଲାନ୍ଦାୟାଃକ, ବେଜିୟାଃକ, ଚାବୁକ୍ରେକ ହାଁଣ୍ସାୟାଃ, ଆତଃକ ଗଜିୟାଁ ମେନ୍ଦ ଆପିମାରେ ଆଇଙ୍ଗ ଜୀଉ ବିରିଦାଇଙ୍ଗ ।”

ଯାକୁବ୍ ଆତଃ ଯୋହାନ୍ରାଃ ଆନାସି
(ମାଥୁର ୨୦:୨୦-୨୮)

୩୫ ଜେବଦାୟାଃ ହନ୍କିନ୍ ଯାକୁବ୍ ଆତଃ ଯୋହାନ୍, ଯୀଶୁତାଃକିନ୍ ହିଜୁଃୟାନା, ଆତଃକିନ୍ କାଜିକିୟା, “ହେ ଗୁରୁ ଜେତାନ୍କାଜି ଆଲିଙ୍ ଆସିମେତେୟାଃ ଆଲିଙ୍ ନାଙ୍ ରିକାଏମେ ।”

୩୬ ଯୀଶୁ ଇନ୍କିନ୍କେ କୁଲିକେଦକିନାଏ, “ଚିକାନାଃବେନ୍ ଆସିତାନା, ଚିନାଃଇଙ୍ଗ ରିକାୟା ?”

୩୭ ଇନ୍କିନ୍ କାଜିକିୟା, “ଆମାଃ ରାଇଜ୍ ମାନାରାଙ୍ଗରାଃ ରାଜ୍ଗାଦିରେ ଆଲିଙ୍ଗଏତେ ମିହୁଡ୍ ଆମାଃ ଜମ୍ତିସାଃରେ, ଆତଃ ଏଟାଃନିଃ ଆମାଃ ଲେଙ୍ଗାତିସାଃରେ ଦୁବ୍କାଏ ମେନ୍ତେ କାଜିତାମ୍, ନେୟାଲିଙ୍ଗ ସାନାଙ୍ଗତାନା ।”

୩୮ ଯୀଶୁ ମେତାଦକିନାଏ, “ଚିନାଃବେନ୍ ଆସିତାନା ଏନା କାବେନ୍ ଆଟ୍କାର୍ ଉରୁମେତାନା । ଚିୟାଃ ଆଇଙ୍ଗ ଅକନ୍ ଦୁକୁସାହାଡିଙ୍ଗରାଃ କାଟୋରାରେ ନୁଁଇଙ୍, ଏନା ନୁଁବେନ୍ ଦାଡିୟା ? ଚାଏ ଆଇଙ୍ଗ ଅକନ୍ ଗନଏଃରାଃ ବାପ୍ରିସ୍ତାତେଇଙ୍ଗ ବାପ୍ରିସ୍ତାଅଃଆ, ଏନାରେ ଚିନାଃ ଆବେନଃବେନ୍ ବାପ୍ରିସ୍ତା ଦାଡିୟଃଆ ?”

୩୯ “ଦାଡିୟାଃଲିଙ୍ଗ,” ମେତାକାଜିନ୍, ଯୀଶୁ ମେତାଦକିନାଏ, “ଆଇଙ୍ଗ ନୁଁଏ କାଟୋରାରେଦବେନ୍ ନୁଁଇୟାଃ ଆତଃ ଆଇଙ୍ଗ ବାପ୍ରିସ୍ତାଅଃ ବାପ୍ରିସ୍ତାତେବେନ୍ ବାପ୍ରିସ୍ତାଅଃଆ । ୪୦ ମେନ୍ଦ ଆଇଁୟାଃ ଜମ୍ତିସାଃରେ ଚାଏ ଲେଙ୍ଗାତିସାଃରେ ଅକଏ ଦୁବାଃଏ ନେଆଁ କାଜିତେୟାଃଦ ଆଇଁୟାଃ ତିଃଇରେ ବାନଆଃ । ଅକଏୟାଃ ନାଗେନ୍ତେ ଏନା ପାରମେଶ୍ୱାର ବାଇୟାକାଦାଃଏ ଇନ୍କୁକେ ଇନିଃ ଏନା ଏମାକଆଏ ।”

୪୧ ଏନା ଆୟୁମକେଦତେ, ଏଟାଃ ଗେଲ୍ ଚେଲାକ ଯାକୁବ୍ ଆତଃ ଯୋହାନ୍କେ ଖୁସ୍ତାୟାନାକ । ୪୨ ଯୀଶୁ ଇନ୍କୁକେ ଆୟାଃତାଃତେ ହାକାଅ କେଦକଆଏ ଆତଃ ମେତାଦକଆଏ, “ସାଅଁସାର୍କଆଃ

☆ ୧୦:୩୧ ୧୦:୩୧ ମାଥୁର ୨୦:୧୭; ଲୁକ ୧୩:୩୦. ☆ ୧୦:୩୮ ୧୦:୩୮ ଲୁକ ୧୨:୫୦. ☆ ୧୦:୪୨ ୧୦:୪୨ ଲୁକ ୨୨:୨୫,୨୬.

ଗୁସିୟାକ ନୁତୁମତାନ୍ତକ ଇନ୍ଦୁରେକ ରାଇଜ୍‌ତାନା ଆତଃ ଇନ୍ଦୁ ଆଲାରେ ମାପୁରାଙ୍ଗକାନ୍ତକ ଆକଆଃ ଆକ୍ତେୟାରକ* ଇନ୍ଦୁକେ ଆଟ୍‌କାର୍ ରିକାଟିକାକତାନା, ନେଆଁପେ ସାରିଆଃ । ୪୩ ✱ଆପେରେଦ ଆଲକା ଏନ୍‌କାଅଃକା । ଆପେ ଆଲାରେ ଜେତାଏ ମାରାଙ୍ଗ୍‌ୟେନ୍ ସାନାଙ୍ଗ୍‌ରେଦ ଇନିଃ ଆପେୟାଃ ସୁସାର୍‌ନିଃ ବାଇୟେନ୍‌କାଏ । ୪୪ ଆତଃ ଆପେୟାଃ ଆଲାରେ ଜେତାଏ ସିଦାଉତାରଃ ସାନାଙ୍ଗ୍‌ତାନିଃ ସବେନ୍‌କଆଃ ଦାସି ବାଇୟେନ୍‌କା । ୪୫ ଆଇଙ୍ଗ୍ ମାନଝାହନ୍, ସୁସାର୍‌ନାମେ ନାଗେନ୍ତେଦ କା, ମେନ୍‌ଦ ସୁସାର୍ ନାଗେନ୍ତେ ଆତଃ ଆଇୟାଃ ଜୀଉ ପୁରାଃ ହଡକଆଃ ଦାଣ୍ଠି ଗନଙ୍ଗ୍ ଏମ୍‌ପୁରା ନାଗେନ୍ତେଇଙ୍ଗ୍ ହିଜୁଃକାନା ।”

ୟାଶୁ ମେଦ୍ କାଏ ନେଲ୍ ଦାଡ଼ିତାନ୍ ବାଟ୍ ମାୟକେ ବୁଗି'ତାନା
(ମାଥୁଉ ୨୦:୨୯-୩୪; ଲୁକ ୧୮:୩୫-୪୩)

୪୬ ୟାଶୁ ଆୟାଃ ତେଲକଲଃ ଯିରିହୋତେକ ସେଟେରୟାନା, ଆତଃ ଇନ୍ଦୁ ଗାଦେଲ୍ ହଡକଲଃ ଏନ୍ ସାହାର୍‌ଏତେ ଅତଙ୍ଗ୍‌ଅଃତାନ୍ ଇମ୍‌ତା ତିମାୟୁଆଃ ହନ୍ କା ନେଲ୍‌ଦାଡ଼ିତାନ୍ ବାଟ୍ ମାୟ ହରାଗେନାରେ ଦୁବ୍‌କେଦ୍‌ତେ କର୍‌ଏ ଆସିତାନାଏ ତାଇକେନା । ୪୭ ଇନିଃ ନାଜ୍‌ରେଡ୍‌ରେନ୍ ୟାଶୁ ତାନିଃ ମେନ୍ତେ ଆୟୁମତାଦ୍‌ତି, “ହେ ଦାଉଦ୍‌ଆଃ ହନ୍ ୟାଶୁ ଦାୟାଇଙ୍ଗ୍‌ମେ” ମେନ୍ତେ କାଉରିତାନ୍‌ଲଃ ହାକାଅ ଏଟେଦକିୟା ।

୪୮ ଗାଦେଲ୍ ହଡକ ଇନିଃକେ ହାପାଅଃକାଏ ମେନ୍ତେକ ମାରାଙ୍ଗ୍‌ମତାକିୟାଃ । ମେନ୍‌ଦ ଇନିଃ ଆତଃଗି ପୁରାଃ “ହେ ଦାଉଦ୍‌ଆଃ ହନ୍ ଦାୟାଇଙ୍ଗ୍‌ମେ” ମେନ୍ତେ କାଉରିକେଦାଏ ।

୪୯ ୟାଶୁ ତିଙ୍ଗୁୟାନାଏ ଆତଃ, “କେଡାଆଉଇପେ” ମେନ୍‌କେଦାଏ । ଇନ୍ଦୁ ଏନ୍ କା ନେଲ୍‌ଦାଡ଼ିତାନ୍ ହଡକେ କେଡାକିୟାଃକ ଆତଃ କାଜିକିୟାକ, “ଆଲମ୍ ବରଏୟା, ମାର୍ ବିରିଦ୍‌ମେ ! ଇନିଃ କେଡାମେତାନାଏ ।”

୫୦ ଇନିଃଦ ଆୟାଃ ଲିଜାଃ ହୁଦ୍‌ମା ଏଣ୍ଡାଃକେଦ୍‌ତେ ବିରିଦ୍ ଧାବ୍‌ୟାନାଏ ଆତଃ ୟାଶୁତାଃତେ ହିଜୁଃୟାନାଏ ।

୫୧ ୟାଶୁ ଇନିଃକେ କୁଲିକିୟାଏ, “ଆଇଙ୍ଗ୍ ଆମାଃ ନାଙ୍ଗ୍ ତିନାଃଇଙ୍ଗ୍ ତିକାୟା ମେନ୍ତେମ୍ ସାନାଙ୍ଗ୍‌ତାନା” ଏନ୍ କା ନେଲ୍‌ଦାଡ଼ିତାନ୍ ହଡ ମେତାଇୟାଏ, “ହେ ଗୁରୁ ନେନେଲାଇଙ୍ଗ୍ ସାନାଙ୍ଗ୍‌ତାନା ।”

୫୨ ୟାଶୁ ଇନିଃକେ ମେତାଇୟାଏ, “ଜୁ ସେନଃମେ, ଆମାଃ ବିଶ୍ୱାସ୍ ଆମ୍‌କେ ବୁଗିକେଦ୍‌ମେୟାଏ ।” ଇମ୍‌ତାଙ୍ଗ୍‌ଗି ଇନିଃ ନେଲ୍ ଦାଡ଼ିକେଦାଏ ଆତଃ ୟାଶୁକେ ହରାହରାତେ ଅତଙ୍ଗ୍‌କିୟା ।

୧୧

ୟାଶୁ ଯୀରୁଶାଲେମ୍‌ତେ ବଲତାନା
(ମାଥୁଉ ୨୧:୧-୧୧; ଲୁକ ୧୯:୨୮-୪୦; ଯୋହାନ୍ ୧୨:୧୨-୧୯)

୧ ୟାଶୁ ଆତଃ ତେଲକ ଯୀରୁଶାଲେମ୍ ନାଡେଃୟାନ୍‌ତେ, ଜାଇତୁନ୍ ବୁରୁଜାପାଃ ବେଡ୍‌ଫାଗି ଆତଃ ବେଅନିଆ ନାଡେଃତେକ ସେଟେରୟାନା, ଇମ୍‌ତା ୟାଶୁ ଆୟାଃ ତେଲକଏତେ ବାର୍‌ହଡକିନ୍‌କେ ଆୟାର୍‌ତେ କୁଲ୍‌କେଦ୍‌କିନାଏ । ୨ ଆତଃ ମେତାଦ୍‌କିନାଏ, “ସାମ୍‌ନାଙ୍ଗ୍‌ରେଆଃ ହାତୁତେ ସେନଃବେନ୍, ଏନ୍ ହାତୁ ତେବାଃ ଇମ୍‌ତାଙ୍ଗ୍‌ଗି ନାହାଃ ଜାକେଦ୍ ଜେତାଏ ଇନିଃରେ କା ଦେଜାକାନ୍ ମିଆଁଦ୍ ଗାଧାହନ୍ ତଲକାନ୍‌ବେନ୍ ନାମିଆଁ, ଇନିଃକେ ରାଡାଈବେନ୍ ଆତଃ ନେତାଃ ଆଉଝିବେନ୍ । ୩ ଜେତାଏ ହଡ ଇନିଃକେ ତିନାଃ ମେନ୍ତେବେନ୍ ରାଡାଈତାନା ମେନ୍ତେ କୁଲିବେନ୍‌ରେଦ, କାଜିୟାଈବେନ୍, ନିଃତାଃରେ ପ୍ରାଭୁଆଃ କାମିମେନାଃ, ଆତଃ ହୁଡିଙ୍ଗ୍‌ତାୟମ୍‌ତେ କୁଲ୍‌ରୁହାଡ୍‌ତାଇୟା ।”

୪ ଇନ୍‌କିନ୍ ସେନଃୟାନାକିନ୍ ଆତଃ ରାତା ଦୁଆରତାଃ ବାହାରିରେ ମିଆଁଦ୍ ଗାଧାହନ୍ ତଲକାନ୍‌କିନ୍ ନାମ୍‌କିୟାଃ । ଇନିଃକେକିନ୍ ରାଡାଈ ଇମ୍‌ତା, ୫ ଏନ୍ତାଃରେ ତିଙ୍ଗୁଆକାନ୍ ହଡକ କୁଲିକେଦ୍‌କିନା, “ଗାଧାହନ୍‌କେ ତିନାଃ ମେନ୍ତେବେନ୍ ରାଡାଈତାନା ?”

୬ ଇନ୍‌କିନ୍‌ଦ ୟାଶୁ କାଜିୟାଦ୍‌କିନ୍ ଲେକାକିନ୍ କାଜିରୁହାଡାଦ୍‌କଆ, ଏନ୍ତେ ଇନ୍ଦୁ ଇନ୍‌କିନ୍‌କେ ରାଡା ରିକାଦ୍‌କିନାକ । ୭ ଗାଧାହନ୍‌କେ ଇନ୍‌କିନ୍ ୟାଶୁତାଃକିନ୍ ଆଉକିୟା, ଆତଃ ଗାଧା ତେତାନ୍‌ରେ ଆକିନାଃ ଲିଜାଃକିନ୍ ଆଟେଦ୍‌କେଦା, ଆତଃ ୟାଶୁ ଇନିଃରେ ଦୁବ୍‌ୟାନାଏ । ୮ ପୁରାଃ ହଡକ ୟାଶୁକେ ମାଇନି ନାଗେନ୍ତେ ଆକଆଃ ଲିଜାଃ ହରାହରାକ ବିଲ୍‌ଇଦି ତାଇକେନା; ଏଟାଃକଦ, ପିଡ଼ିକଏତେ ହୁଡିଙ୍ଗ୍ ଢାଉଡା ମାଆଃ ଆଉକେଦ୍‌ତେ, ହରାହରାକ ଆଟେଦ୍‌ଇଦି ତାଇକେନା । ୯ ୟାଶୁଆଃ ଆୟୁର୍ ତାୟମ୍‌ରେ ସେନଃତାନ୍ ଗାଦେଲ୍ ହଡକ କାଉରିକେଦାଃ, “ ‘ହୋଗାନ୍ନା’ ପାର୍‌ମେଶ୍ୱାର୍‌ଆଃ ମାନାରାଙ୍ଗ୍ ହବାଅଃକା, ପ୍ରାଭୁଆଃ ନୁତୁମ୍‌ତେ ହିଜୁଃନିଃ ଧାଇନ୍ ହବାଅଃକାଏ । ୧୦ ଆବୁଆଃ ପୁରଖାଆପୁ ଦାଉଦ୍‌ଆଃ ହିଜୁଃତାନ୍

* ୧୦:୪୨ ୧୦:୪୨ ଆଧିକାର୍ ✱ ୧୦:୪୩ ୧୦:୪୩ ମାଥୁଉ ୨୩:୧୧; ମାର୍ଚ୍ଚ ୯:୩୫; ଲୁକ ୨୨:୨୭.

ରାଜନ୍ ଧାଇନ୍ ହବାଅଃକା, ସାଲାଇଈଡତାର୍ ଠାୟାଦ୍ରେ ପାର୍ମେଶ୍ଵାର୍‌ରାଃ ହୋଶାନ୍ନା ହବାଅଃକା” ମେନ୍ତେକ କାଉରିକେଦାଃ ।

୧୧ ଯାଶୁ ଯାରୁଶାଲେମ୍‌ତେ ତେବାଃୟାନ୍ତି ମାନ୍ଦିର୍ ଅଡ଼ାଃରେ ବଲୟାନାଏ ଆଡ଼ଃ ଜନିଃ ସବେନାଃ ନେଲ୍ ବାଡ଼ାକେଦ୍‌ତି ସିଙ୍ଗିହାସୁରଃତାନ୍ ଜମ୍‌ତା ବାରାଝାନ୍ ଚେଲାଇଲଃ ବେଅନ୍‌ଆତେ ସେନଃୟାନାଏ ।

ୟାଶୁ ଲଆଦାରୁକେ ସାର୍‌ପାଅକେଦା
(ମାଥୁଉ ୨୧:୧୮-୧୯)

୧୨ ଏଟାଃ ହୁଲାଇଁ ଯାଶୁ ଆୟାଃ ଚେଲାଇଲଃ ବେଅନ୍‌ଆଏତେ ରୁହାଡ୍, ଇମ୍‌ତା, ଯାଶୁକେ ରେଙ୍ଗେଃକିୟା । ୧୩ ସାଙ୍ଗିନ୍‌ରେ ଜନିଃ ସାକାମାକାନ୍ ମିଆଁଦ୍ ଲଆଦାରୁକେ ନେଲ୍‌କେଦ୍‌ତେ, ଏନ୍‌ରେ ଜ'କଇଙ୍ଗ୍ ନାମେଜାଃ ମେନ୍ତେ ଏନ୍ତାଃତେ ସେନଃୟାନା । ମେନ୍‌ଦ୍ ତେବାଃୟାନ୍ତି ଏନାରେ ସାକାମ୍ ବିଡ଼ାଙ୍ଗ୍ ନାମ୍‌କେଦାଏ ଆଡ଼ାଃ ଜ କାଏ ନାମ୍‌କେଦାଃ, ଚିୟାଃତି ଇମ୍‌ତା ଲଆ ଜ'ସାହା କା ତାଇକେନା । ୧୪ ଏନ୍ତେ, “ଆମାଃ ଜ ଆଡ଼ଃ ଜେତାଏ ହଡ୍ ଚିଉଲାଇଅ ଆଲକାଏ ଜମେକା” ମେନ୍ତେ ଲଆ ଦାରୁକେ କାଜିକେଦା । ଆଡ଼ଃ ଚେଲାଇତାୟାଃ ଏନ୍ କାଜିକ ଆୟୁମ୍‌କେଦା ।

ୟାଶୁ ଯାରୁଶାଲେମ୍ ମାନ୍ଦିର୍ ଅଡ଼ାଃତେ ବଲତାନାଏ
(ମାଥୁଉ ୨୧:୧୨-୧୭; ଲୁକ ୧୯:୪୫-୪୮; ଯୋହାନ୍ ୨:୧୩-୨୨)

୧୫ ଯାରୁଶାଲେମ୍‌ତେ ତେବାଃୟାନ୍ତି, ଯାଶୁ ମାନ୍ଦିର୍ ଅଡ଼ାଃତେ ବଲୟାନାଏ, ଆଡ଼ଃ ଏନ୍ତାଃରେ ଦାଶୈନାଇଁ ଜାଁତୁକକେ କିରିଙ୍ଗ୍ ଆଖିରିଙ୍ଗ୍ ତାନ୍‌କକେ ହାର୍‌ଅଡଙ୍ଗ୍ ଏଚେଦ୍‌କେଦ୍‌ଆଏ । ପାଏସା ଭାଞ୍ଜାଅତାନ୍‌କଆଃ ମେଜ୍‌କ ଆଡ଼ଃ ଦୁଦୁମୁଲ୍ ଆଖିରିଙ୍ଗ୍ ତାନ୍‌କଆଃ ଦୁବ୍‌ତେୟାଃକ ଉଦୁରବାଟିକେଦାଏ । ୧୬ ଆଡ଼ଃ ମାନ୍ଦିର୍ ଅଡ଼ାଃରାଃ ବାହାରି ରାଚା ଥାଲା ଥାଲାତେ କିରିଙ୍ଗ୍ ଆଖିରିଙ୍ଗ୍‌ତେଆଃକ ସାବ୍‌କେଦ୍‌ତେ ଜେତାଏକେୟ କାଏ ସେନ୍ ପାରମ୍ ଇଚିକେଦ୍‌କଆ । ୧୭ ଏନ୍ତେ ଇନ୍‌କୁକେ ଇଡୁତାନ୍‌ଲଃ ମେତାଦ୍‌କଆଏ, ନେଆଁ ଅଲାଇନା, “ଆଇଁୟାଃ ଅଡ଼ାଃ ଦିଶୁମ୍‌ରାଃ ସବେନ୍ ଜାତିକ ନାଗେନ୍ତେ ବିକ୍ତିଅଡ଼ାଃ ନୁଡୁମଃଆ ମେନ୍‌ଦ୍ ଆପେ ନେଆଁକେ କୁମ୍‌ଡୁକୁଆଃ ତାଇନଃ ଠାୟାଦ୍‌ପେ ବାଇୟାକାଦା ।”

୧୮ ମୁଲ୍ ଯାଜାକ୍‌କ ଆଡ଼ଃ ଆଇନ୍ ଇଡୁକ, ଏନା ସବେନ୍ ଆୟୁମ୍‌କେଦ୍‌ତେ, ଯାଶୁକେ ଚିଲ୍‌କାକ ଗଜିୟା ମେନ୍ତେ ହରାକ ଦାଶୈବାଡ଼ାକେଦାଃ । ସବେନ୍ ହଡ୍‌କଦ୍ ଯାଶୁଆଃ ଇନିଡୁରେ ଆକ୍‌ଦାନ୍‌ଆୟାନା ମେନ୍ତେ ଇନ୍‌କୁ ଇନିଃକେ ବରଆଇତାନ୍‌କ ତାଇକେନା ।

୧୯ ସିଙ୍ଗିହାସୁରୟାନ୍ତି ଯାଶୁ ଆୟାଃ ଚେଲାଇଲଃ ଅଡ଼ଙ୍ଗ୍‌କେଦ୍‌ତେ ସାହାର୍‌ଏତେ ସେନଃୟାନାଏ ।

ଲଆଦାରୁଏତେ ଇନିଡୁ
(ମାଥୁଉ ୨୧:୨୦-୨୨)

୨୦ ଏଟାଃ ହୁଲାଇଁ ସେତାଃ ଇଦାନ୍‌ତେ ହରାରେ ସେନଃ ଇମ୍‌ତା ଇନ୍‌କୁ ଲଆଦାରୁକେକ ନେଲ୍‌କେଦା । ଏନା ବୁଟାଏତେ ଚୁଟି ଜାକେଦ୍ ରହଡ୍ ଗଜାକାନ୍ ତାଇକେନା । ୨୧ ପାଡ଼ରାସ୍ ସିଦାହୁଲାଇଁରାଃ କାଜି ପାହାମ୍‌କେଦ୍‌ତେ ମେତାଇୟାଏ “ନେଲେମେ, ହେ ଗୁରୁ, ଆମ୍ ସାର୍‌ପାଅଲେଦ୍ ଲଆଦାରୁ ରହଡ୍‌କାନା ।”

୨୨ ଯାଶୁ ଚେଲାଇକେ କାଜିରୁହାଡ଼ାଦ୍‌କଆଏ, “ପାର୍‌ମେଶ୍ଵାର୍‌ରେ ବିଶ୍ଵାସ୍ ଦହେପେ ।” ୨୩ ସ୍‌ସାର୍‌ତିଗି କାଜିୟାପେ ତାନାଇଙ୍ଗ୍, “ଜେତାଏ ହଡ୍ ନେ ବୁରୁକେ, ମାର୍ ବିରିଦ୍‌ମେ ଆଡ଼ଃ ଦରେୟାରେ ଉୟୁଗଃମେ ମେନ୍ତେ କାଜିରେ, ଆଡ଼ଃ ମନ୍‌ରେ କାଏ ଆଡ଼ାଃଉଡ଼ୁରେ ଆଡ଼ଃ ଜନିଃ ଆସିତେୟାଃ ସାର୍‌ତିଗି ହବାଅଆଃ ମେନ୍ତେ ବିଶ୍ଵାସେରେଦ୍, ଇନିଃ ସାନାଇଁତାନ୍‌ଲେକା ହବାଅଆଃ । ୨୪ ଏନାମେନ୍ତେ କାଜିୟାପେ ତାନାଇଙ୍ଗ୍, ବିକ୍ତି ଇମ୍‌ତା ଜେଡ୍‌ନାଃପେ ଆସିଆ, ଏନ୍ ସବେନାଃ ନାମାକାଦାଃଲେ ମେନ୍ତେପେ ବିଶ୍ଵାସେରେଦ୍, ଆସିତେୟାଃ ସବେନାଃପେ ନାମେୟା । ୨୫ ସ୍‌ଆଡ଼ଃ ବିକ୍ତି ନାଗେନ୍ତେପେ ତିଲ୍‌ନ୍‌ରେ ଜେତା ହଡ୍‌ଆଃ ବିରୁଧ୍‌ରେ ଜେଡ୍‌ନାଃ ଆପେୟାଃ ଗୁଣ୍ଟାଁ ମେନାଃରେଦ୍, ଇନିଃକେ ଏନା ଛାମାଇପେ, ଏନାରେ ଆପେୟାଃ ସିମ୍‌ରେନ୍ ଆପୁ ଆପେକେୟଗି ଛାମାପେୟା । ୨୬ ମେନ୍‌ଦ୍ ଆପେ କାପେ ଛାମାଇରେଦ୍, ଆପେୟାଃ ସିମ୍‌ରେନ୍ ଆପୁହ୍ ଆପେୟାଃ ପାପ୍ କାଏ ଛାମାଏଆ* ।”

ୟାଶୁଆଃ ପେଡ଼େଃକେ କୁଲିକେଦାଃକ
(ମାଥୁଉ ୨୧:୨୩-୨୭; ଲୁକ ୨୦:୧-୮)

୨୭ ଯାଶୁ ଆଡ଼ଃ ଚେଲାଇ ଆଡ଼ଃଗି ଯାରୁଶାଲେମ୍‌ତେ ହିଜୁଃୟାନାକ । ମାନ୍ଦିର୍‌ଅଡ଼ାଃରେ ଯାଶୁ ସେନ୍‌ବାଡ଼ାତାନ୍ ଦିପିଲିରେ, ମୁଲ୍ ଯାଜାକ୍‌କ, ଆଇନ୍ ଇଡୁକ ଆଡ଼ଃ ପ୍ରାତିନ୍‌କ ଇନିଃତାଃତେକ ହିଜୁଃୟାନା ।

☆ ୧୧:୨୩ ୧୧:୨୩ ମାଥୁଉ ୧୭:୨୦; ୧ କରିନ୍ଥିୟ ୧୩:୨. ☆ ୧୧:୨୫ ୧୧:୨୫ ମାଥୁଉ ୬:୧୪,୧୫. * ୧୧:୨୭ ୧୧:୨୭ ନେ ବାଗାନ୍ ଚିମିନ୍ ମାରି ଅନଲ୍‌କରେ ବାନଆଃ

୨୮ ଆଡ଼଼, ଇନ୍ଦ୍ର କୁଲିକିୟା଼କ, “ଆମ୍ ଅକ ଆକ୍ତେୟାର୍ତେ ନେଆଁକମ୍ ରିକାତାନା ? ନେ କାମିକ ରିକାନାଗେନ୍ତେ ଅକଏ ନେ ଆକ୍ତେୟାର୍ ଏମାକାଦ୍ମେଆ ?”

୨୯ ଯୀଶୁ ଇନ୍ଦ୍ରକୈ କାଜିରୁହାଡ଼ାଦକଆଏ, “ଆଇଙ୍ଗ୍ ହିଁ ମିଆଁଦ୍ କାଜିଙ୍ କୁଲିଦେୟା, ଏନା ଉଦୁବାଇଙ୍ଗ୍ପେ, ଏନ୍ତେ ଆଇଙ୍ଗ୍ ହିଁ ଅକ ପେଡ଼େ଼଼ତେ ନେଆଁକଇଙ୍ଗ୍ ରିକାତାନା, ଏନାଇଙ୍ଗ୍ ଉଦୁବାପେୟା । ୩୦ ଯୋହାନଆ଼଼ ବାପ୍ତିସ୍ତା ସିମ୍ବୀରେନ୍ ପାର୍ମେଶ୍ୱାର୍ତା଼଼ଏତେ ଚି ମାନ଼଼ାତା଼଼ଏତେ ତାଇକେନା ? ନେଆଁ, ମାର୍ କାଜିୟାଇଙ୍ଗ୍ପେ ।”

୩୧ ଇନ୍ଦ୍ର ଆକ ଆକରେକ କାପ୍ତିୟାନା, “ଆରୁ ନେ କାଜିରେ ଚିନା଼଼ରୁ କାଜିରୁହାଡ଼ିୟା ? ‘ସିମ୍ବୀରେନ୍ ପାର୍ମେଶ୍ୱାର୍ତା଼଼ଏତେ’ ମେନେରେଦ, ଇନି଼଼ ‘ଚିକାନାଙ୍ଗ୍ ଯୋହାନରେ କାପେ ବିଶ୍ୱାସ୍କେଦା’ ମେତାରୁଆଏ ?” ୩୨ ମେନ୍ଦ ମାନ଼଼ାକତା଼଼ଏତେ ମେନ୍ତେ କାଜିନାଙ୍ଗ୍ ବରକେଦା଼଼କ ଚିୟା଼଼ଚି, ଇନ୍ଦ୍ର ହଡ଼କକେ ବର ତାଇକେନାକ, ଚିୟା଼଼ଚି ସବେନ୍ ହଡ଼କ ଯୋହାନ ଆୟାର୍କାଜିନି଼଼଼† ତାନି଼଼ ମେନ୍ତେ ମାନାଡ଼ିଙ୍ଗ୍ ତାଇକେନାକ । ୩୩ ଏନାମେନ୍ତେ ଇନ୍ଦ୍ର ଯୀଶୁକେ କାଜିରୁହାଡ଼ିକିୟା଼କ, “ଆଲେ କାଲେ ସାରିଆ଼଼ ।”

୩୪ ଯୀଶୁ ମେତାଦକଆଏ, “ଆଇଙ୍ଗ୍ ହିଁ ଅକ ପେଡ଼େ଼଼ତେ ଏନାକଇଙ୍ଗ୍ ରିକାତାନା, କାଇଙ୍ଗ୍ ଉଦୁବାପେୟା ।”

୧୨

ଦାଖ୍ବାକ୍ତିରେ କାର୍ କାମିତାନ୍ ହଡ଼କଆ଼଼ ଜନ୍କା କାଜି (ମାଥୁର ୨୧:୩୩-୪୬; ଲୁକ ୨୦:୯-୧୯)

୧ ଏନ୍ତେ ଯୀଶୁ ଜନ୍କା କାଜିତେ ଇନ୍ଦ୍ରକୈ ଜାଗାର୍ ଏଟେଦ୍କେଦ୍ଆଏ, “ମିଆଁଦ୍ ହଡ଼ ମିଆଁଦ୍ ଦାଖ୍ବାକ୍ତି ବାଇକେଦାଏ, ଆଡ଼଼ କେସେଦ୍ବିୟୁରକେଦାଏ, ଘାନା ନାଗେନ୍ତେ ଗାଡ଼ା ଉରକେଦାଏ, ଆଡ଼଼ ହରମେନ୍ତେ ହରଠାୟାଦ୍* ବାଇକେଦାଏ, ଏନ୍ତେ ଇନି଼଼ ଏନ୍ ଦାଖ୍ବାକ୍ତି କାର୍ କାମିତାନ୍ ହଡ଼କକେ ଏମକେଦ୍ତେ ସାଙ୍ଗିନ୍ ଦିଶ୍ୱମ୍ତେ ସେନ଼଼ୟାନାଏ । ୨ ଜ ଗଦ଼଼ ସାହା ତେବା଼଼ୟାନଚି, ଦାଖ୍ବାକ୍ତିରେୟା଼଼ ଜ ନାମେ ନାଗେନ୍ତେ ଇନି଼଼ ମିଆଁଦ୍ ଦାସିକେ ଏନ୍ କାର୍ କାମିତାନ୍ ହଡ଼କତା଼଼ତେ କୁଲିକିୟାଏ । ୩ କାର୍ କାମି ହଡ଼କଦ୍ ଏନ୍ ଦାସିକେ ସାବ୍କିତେକ ଦାଲ୍କିୟା଼଼, ଆଡ଼଼଼ ସାମାଡ଼ି଼଼କ କୁଲିରୁହାଡ଼ିକିୟା । ୪ ଏନ୍ତେ ଇନି଼଼ ଏଗା଼଼ ଦାସିକେ ଇନ୍ଦ୍ରକୈ କୁଲିକିୟାଏ, ଇନି଼଼କେଦ୍ କାର୍କାମି ହଡ଼କ ବହ଼ରେ ଦାଲିତାନଲ଼଼ ହିଲାଙ୍ଗ୍କେଦ୍ତେ କୁଲିରୁହାଡ଼ିକିୟାକ । ୫ ଏନ୍ତେ ଇନି଼଼ ଆଡ଼଼଼ମିଆଁଦ୍ ଦାସିକେ କୁଲିକିୟାଏ, ଆଡ଼଼଼ ଇନି଼଼କେହିଁ ଗଏ଼଼କିୟାକ । ଇନି଼଼ ପୁରା଼଼ ଏଗା଼଼ ଦାସିକେ କୁଲିକେଦ୍କଆଏ, ଚିମିନ୍କକେ ଦାଲ୍କେଦ୍କଆକ, ଆଡ଼଼଼ ଚିମିନ୍କକେ ଗଏ଼଼କେଦ୍କଆକ । ୬ ନାହିଁ଼଼ ମିଆଁଦ୍ଗି କୁଲି଼଼ନି଼଼଼ ସାରେଜାକାନାଏ, ଇନି଼଼ଦ୍ ଆୟା଼଼ ଦୁଲ୍ଲାଡ଼୍ ହନ୍କଡ଼ା ତାନି଼଼ । ନାହିଁ଼଼ ଇନ୍ଦ୍ର ହନିଙ୍ଗ୍କଡ଼ାକେ ମାଇନିୟାକ, ମେନ୍ଦକେଦ୍ତେ ଟୁଣ୍ଡୁରେ ଇନି଼଼ ଆୟା଼଼ ଏନ୍ ହନ୍କେ ଇନ୍ଦ୍ରକୈତା଼଼ତେ କୁଲିକିୟାଏ । ୭ କାର୍କାମି ହଡ଼କ ମେପେନ୍ୟାନା, ‘ନି଼଼ଗି ଏନ୍ ଗମ୍କେୟା଼଼ ହନ୍ତାନି଼଼, ମାର୍ବୁ ଗଜିୟା ଆଡ଼଼଼ ଇନିୟା଼଼ ହାନାଚିଙ୍ଗ୍ ଆବୁଆ଼଼ ହବାଅଆ଼଼ ।’ ୮ ଏନାମେନ୍ତେ ଇନ୍ଦ୍ର ଇନି଼଼କେ ସାବ୍କିତେ ଗଏ଼଼କିୟାକ, ଆଡ଼଼଼ ଇନିୟା଼଼ ଦାଖ୍ବାକ୍ତିଏତେ ହୁରାଙ୍ଗ୍ ଅଡ଼ଙ୍ଗ୍କିୟା଼଼କ ।

୯ “ଦାଖ୍ବାକ୍ତି ଗମ୍କେ ତାବ୍ଦ ଚିନା଼଼ଆଏ ଚିକାୟା ?” ମେନ୍ତେ ଯୀଶୁ କୁଲିକେଦ୍କଆଏ । “ଇନି଼଼ଦ୍ ହିଲୁ଼଼କେଦ୍ତେ ଏନ୍ କାର୍ କାମିହଡ଼କକେ ଗଏ଼଼କଆଏ, ଆଡ଼଼଼ ବାଖ୍ଡ଼ିତାୟା଼଼କେ ଏଗା଼଼ କାର୍ କାମିହଡ଼କକେ ଏମାକଆଏ । ୧୦ ଚିୟା଼଼ ଆପେ ଧାରାମ୍ପୁଅୁରେ ନେ କାଜି କାପେ ପାଡ଼ାଅକାଦା଼଼ ?

“ବାବାଇକ ଅକନ୍ ଦିରିକେ ଆତମ୍ ଏଣ୍ଡା଼଼ଲେଦାକ ଏନାଦ୍ କଚାରା଼଼ ମୁଲ୍ଦିରି ହବାୟାନା ।

୧୧ ନେ କାମିଦ୍ ପ୍ରାଭୁଚି ରିକାକେଦାଏ ଆଡ଼଼଼ ଏନାଦ୍ ଆବୁଆ଼଼ ନେନେଲ୍ରେ ଆକ୍ଦାନ୍ଦାଅଗିୟା ।”

୧୨ ଯିହୁଦୀ ନେତାକଆ଼଼ ବିରୁଧ୍ରେ ନେ ଜନ୍କା କାଜି କାଜିକେଦାଏ ଏନା ଆବ୍କାର୍କେଦ୍ତେ ଇନି଼଼କେ ସାସାବ୍ ସାନାଙ୍ଗ୍ତାନକ ତାଇକେନା, ମେନ୍ଦ୍ ଇନ୍ଦ୍ର ଗାଦେଲ୍ ହଡ଼କକେ ବରକେଦ୍ତେ ଇନି଼଼କେ ବାଗିକେଦ୍ତେକ ନିର୍ୟାନା ।

କାର୍ ଏମ଼ରେୟା଼଼ ଇନି଼଼ୁ (ମାଥୁର ୨୨:୧୫-୨୨; ଲୁକ ୨୦:୨୦-୨୬)

† ୧୧:୩୨ ୧୧:୩୨ ଆୟାର୍କାଜିନି଼଼଼ ନାବୀ * ୧୨:୧ ୧୨:୧ ହରଠାୟାଦ୍ ମାତେନ୍

୧୩ ଆତ୍ମା ଯୀଶୁଆସ କାଜି ହରାତେ ସାବି ନାଗେନ୍ତେ ଇନକୁ ଫାରୁଶୀକଏତେ ଆତ୍ମା ହେରୋଦରାଠ ଚିମିନ୍ ହଡକକେ ଇନିଠତାଠତେକ କୁଲକେଦକଆ । ୧୪ ଇନକୁ ଆୟାଠତାଠ ହିଜୁଠୟାନ୍ତିକ କାଜିକିୟା, “ହେ ଗୁରୁ, ଆମଦ ସାର୍ତ୍ତିନିଠ ତାନମେ ଆତ୍ମା ଜେତାଏକେ କାମ୍ ବରଆଠ ମେନ୍ତେ ଆଲେ ସାରିତାନାଲେ, ଆମଦ ହଡରାଠ ମେଦ୍ମୁହାଁଡ୍ କାମ୍ ନେଲାଠ, ମେନ୍ଦ ସାର୍ତ୍ତିଗି ପାରମେଶ୍ୱାରରାଠ ହରା ଇତୁଆଠମେ, ମାର୍ କାଜିୟାଲେମେ, ଆଇନ୍ ଲେକାତେ ଆଲେକେ କାଇସାରକେ କାର୍ ଏମଠ ଲାଗାତିୟାଠ ଚି କାହା ?”

୧୫ ମେନ୍ଦ ଯୀଶୁ ଇନକୁଆଠ ବେଦା ଆଟ୍ କାରକେଦତେ ମେତାଦକଆ, “ଚିନାଠ ମେନ୍ତେପେ ବିଡାଅଇଙ୍ଗ୍ ତାନା ? ମୁସିଙ୍ଗରାଠ ନାଲା ସିକା ଆଉଝାଅଇଙ୍ଗ୍ପେ, ଏନା ନେଲେଆଇଙ୍ଗ୍ ।”

୧୬ ଇନକୁ ମିଆଁଦ୍ ସିକା ଆୟାଠତାଠକ ଆତ୍ମାକେଦା, ଏନ୍ତେ ଇନିଠ ଇନକୁକେ କୁଲକେଦକଆ, “ନେ ମୁରୁଡ୍ ଆତ୍ମା ନୁଡୁମ୍ ଅକଏୟାଠ ତାନାଠ ?”

ଇନକୁ “କାଇସାରରାଠକ” କାଜିକିୟା ।

୧୭ ଯୀଶୁ କାଜିରୁହାଡାଦକଆଏ, “ଏନ୍ରେଦ ଅକନାଠ କାଇସାରରାଠ ତାନାଠ ଏନା କାଇସାରକେଗି ଏମାଇପେ, ଆତ୍ମା ଅକନାଠ ପାରମେଶ୍ୱାରରାଠ ତାନାଠ ଏନା ପାରମେଶ୍ୱାରକେଗି ଏମାଇପେ ।”

ଆତ୍ମା ଯୀଶୁଆସ ନେ କାଜିରେ ଇନକୁ ହାଏକାଟ୍ୟାନାକ ।

ୟୀଶୁ ହଡକଆଠ ଜୀଉ ବିନିରିଦରେୟାଠ କାପ୍ଜିରେ ସାଦୁକିକକେ ହାପାକତାନାଏ
(ମାଥୁଉ ୨୨:୨୩-୩୩; ଲୁକ ୨୦:୨୭-୪୦)

୧୮ ଜୀଉବିନିରିଦରେ କା ବିଶ୍ୱାସେତାନ୍ ସାଦୁକିକଏତେ ଚିମିନ୍ ହଡକ ଯୀଶୁତାଠତେ ହିଜୁଠକେଦତେ ଇନିଠକେ କୁଲକିୟାଠକ : ୧୯ “ହେ ଗୁରୁ, ମୁଣା ଆଲେ ନାଗେନ୍ତେ ଅଲକାଦାଏ, ଜେତାଏ ହଡଆଠ ଦାଦାତେ ବେଗାର୍ ହନ୍ଗାଁଣାକ ହବାଅଠ ସିଦାରେ ଗଏଠକେନଠ ରେଦ, ଆୟାଠ ହାଗାତେ ଇନିୟାଠ କୁଡିକେ ଆଣ୍ଡିୟାକାଏ, ଆତ୍ମା ଦାଦାତେ ନାଙ୍ଗ୍ ହନ୍ଗାଁଣା ଜାନାମକାଏ । ୨୦ ମିଦ୍ ଦିପିଲିରେ ସାଡ୍ ହାଗିୟା ତାଇନକେନାକ ମାରାଙ୍ଗିନିଠ ଆଣ୍ଡିକେଦତେ ବେଗାର୍ ହନ୍ଗାଁଣାତେ ଗଏଠୟାନାଏ । ୨୧ ଏଟାଠନିଠ ଏନ୍ ରାଣ୍ଡିକେ ଆଣ୍ଡିୟାନାଏ ଆତ୍ମା ଇନିଠହ ହନ୍ଗାଁଣା ହବାଅଠ ସିଦାରେ ଗଏଠୟାନା, ଆପିୟାନିଠହଗି ଏନ୍କାୟାନାଏ । ୨୨ ଏନ୍କାତେ ସାଡ୍ ହାଗିୟାକ ବେଗାର୍ ହନ୍ଗାଁଣାତେକ ଗଏଠୟାନା, ସବେନ୍କ ତାୟମତେ ଏନ୍ କୁଡିୟଗି ଗଏଠୟାନାଏ । ୨୩ ତାବ୍ଦ ଜୀଉବିନିରିଦରେ, ସବେନ୍କ ଜୀଉବିନିରିଦଠ ଦିପିଲିରେ, ଏନ୍ କୁଡି ଇନକୁଏତେ ଅକଏୟାଠ କୁଡି ହବାଅଆଠଏ ? ଚିୟାଠତି ସାଡ୍ ହାଗିୟା ସବେନ୍କଦ ଇନିଠକେ ଆଣ୍ଡିକାନ୍ ତାଇକେନାକ ।”

୨୪ ଯୀଶୁ ଇନକୁକେ ମେତାଦକଆ, “ଆପେ ଧାରାମ୍ପୁଥୁ ଆତ୍ମା ପାରମେଶ୍ୱାରଆଠ ପେଡେଠକ କାପେସାରି ହରାତେ ଆଦାକାନାପେ । ୨୫ ଗଏଠକେଦତେ ଜୀଉ ବିନିରିଦ୍ ତାୟମତେ ହଡକ କାକ ଆଣ୍ଡିନାଠ ଆତ୍ମା କାକ ଆଣ୍ଡି ଏମଠଆ, ଇନକୁ ସିମାରେନ୍ ଦୁଡକ ଲେକାକ ତାଇନାଠ । ୨୬ ଆତ୍ମା ଗଏଠକାନକଆଠ ଜୀଉବିନିରିଦରାଠ କାଜିପେ କୁଲିଙ୍ଗତାନା, ମୁଣା ଅଲକାନ୍ ପୁଥୁରେ ଅଲକାନା, ଜୁଲଠତାନ୍ ରୁପାଦରାଠ କାଜି କାପେଚି ପାଡାଅକାନା ? ନେ ସବେନ୍କ ଗଜାକାନରେୟଗି, ଚିଲକା ପାରମେଶ୍ୱାର୍ ମୁଣାକେ କାଜିକିୟାଏ, ଆଇଙ୍ଗ୍ ଆତ୍ମାହାମ୍ଆଠ ପାରମେଶ୍ୱାର୍, ଇସାକ୍ଆଠ ପାରମେଶ୍ୱାର୍, ଆତ୍ମା ଯାକୁବ୍ଆଠ ପାରମେଶ୍ୱାର୍ ତାନିଙ୍ଗ୍ । ୨୭ ପାରମେଶ୍ୱାର୍ଦ୍ ଗଜାକାନକଆଠ ପାରମେଶ୍ୱାର୍ ନାହାଁଲିଠ ମେନ୍ଦ୍ ଜୀନିଦ୍ ହଡକଆଠ ପାରମେଶ୍ୱାର୍ ତାନିଠ । ଆପେ ପୁରାଠଗିପେ ଆଦାକାନା ।”

ସବେନାଠଏତେ ମାରାଙ୍ଗ୍ ଆନ୍ତୁ
(ମାଥୁଉ ୨୨:୩୪-୪୦; ଲୁକ ୧୦:୨୫-୨୮)

୨୮ ମିଆଁଦ୍ ଆଇନ୍ ଇତୁନିଠ ଇନକୁକେ କାପାଜିତାନ୍ ଆୟୁମକେଦକଆଏ । ଯୀଶୁ ଏନ୍ ସାଦୁକିକକେ ଚିଲକା ବୁଗିଲେକାତେ କାଜିରୁହାଡାଦକଆଏ ଏନା ଆଟ୍ କାର୍ ଉରୁମକେଦତି, ଇନିଠ କୁଲକିୟାଏ, “ସବେନ୍ ଆନ୍ତୁକଏତେ, ମାରାଙ୍ଗ୍ ଆନ୍ତୁ ଅକଆଠ ତାନାଠ ?”

୨୯ ଯୀଶୁ କାଜିରୁହାଡକିୟାଏ, “ସବେନାଠଏତେ ମାରାଙ୍ଗ୍ ଆନ୍ତୁଦ ନେଆଁତାନାଠ, ହେ ଇସ୍ରାଏଲ୍, ଆୟୁମେମେ, ପ୍ରାଭୁ ଆବୁଆଠ ପାରମେଶ୍ୱାର୍, ଏସକାର୍ଗି ପ୍ରାଭୁତାନିଠ । ୩୦ ପ୍ରାଭୁ ଆମାଠ ପାରମେଶ୍ୱାରକେ ଆମାଠ ସବେନ୍ ମନ୍ତେ, ଆତ୍ମା ଆମାଠ ସବେନ୍ ଜୀଉତେ, ଆତ୍ମା ଆମାଠ ସବେନ୍ ସେଣାଁତେ, ଆତ୍ମା ଆମାଠ ସବେନ୍ ପେଡେଠତେ ଦୁଲାଡିମେ । ୩୧ ଏଟାଠ ଆନ୍ତୁଦ ନେଆଁତାନାଠ, ଆମାଠ ହପରଜାପାଠରେନିଠକେ ଆମଲେକା ଦୁଲାଡିମେ । ନେ ବାରିଆଠ ଆନ୍ତୁଏତେ, ମାରାଙ୍ଗ୍ ଆତ୍ମା ଜେତାଏ ଆନ୍ତୁ ବାନଆଠ ।”

୩୨ ଆଇନ୍ ଇତୁକ ଯୀଶୁକେ କାଜିକିୟାଠ, “ଠାଉକାଗିମ୍ କାଜିତାନା, ଏ ଇତୁନିଠ, ଆମାଠ କାଜି ସାର୍ତ୍ତିଗିଆଠ, ଆମାଠ କାଜି ଲେକାତେ ପାରମେଶ୍ୱାର୍ ମିଆଁଦ୍ଗିଆଏଠ, ଆତ୍ମା ଇନିଠକେ ବାଗିକେଦତେ ଏଟାଠ ଜେତାଏ ପାରମେଶ୍ୱାର୍ ବାଙ୍ଗାଅଆଠ । ୩୩ ଆତ୍ମା ହଡକେ, ଆୟାଠ ସବେନ୍ ମନ୍ତେ, ଆତ୍ମା ଆୟାଠ

☆ ୧୨:୧୮ ୧୨:୧୮ ପ୍ରେରିଡ୍ ୨୩:୮.

ସବେନ୍ ସେଣ୍ଟିଡେ, ଆଡ଼ଃ ଆୟାଃ ସବେନ୍ ପେଡ଼େଃଡେ ଇନିଃକେ ଦୁଲ୍ଲାଡ଼୍ ଲାଗାତିୟାଃ ଆଡ଼ଃ ଆୟାଃ ହପରଜାପାଠନିଃକେହ ଆୟାଃ ଲେକା ଦୁଲ୍ଲାଡ଼୍ ଲାଗାତିୟାଃ । ନେ ବାରିଆ ଆନୁତୁ ମାନାତିଙ୍ଗଡେଆଃଦ ଉରୁବଃ ଦାଣ୍ଟି ଚାଏ ସବେନ୍ ଏଗାଃ ଦାଣ୍ଟିରାକାବ୍‌ଏଡେ ମାରାଙ୍ଗ୍ କାମିତାନାଃ ।”

୩୪ ✧ ଇନିଃ ସେଣ୍ଟିନ୍ ଲେକାଡେ କାଜିକେଦାଏ, ଏନା ନେଲ୍‌କେଦ୍‌ଡେ ଯୁଶୁ ଇନିଃକେ ମେତାଇୟାଏ, “ଆମ୍‌ଦ ପାର୍‌ମେଶ୍ୱାର୍‌ଆଃ ରାଇନ୍‌ଏଡେ ସାଙ୍ଗିନ୍‌ରେ ବାଙ୍ଗ୍‌ମେଆଃ ।” ଆଡ଼ଃ ଏନ୍‌ତାୟମ୍‌ଡେ ଜେତାଏ ଇନିଃକେ ଜେଡ଼ନାଃ କୁଲିନାଙ୍ଗ୍ କାକ ସାହାଁସ୍‌କେଦା ।

ଖ୍ରୀଷ୍ଟ ଦାଉଦାଃ ହନ୍ତେକଡ଼ା
(ମାଥୁଉ ୨୨:୪୧-୪୬; ଲୁକ ୨୦:୪୧-୪୪)

୩୫ ମାନ୍ଦିର୍ ଅଡ଼ାଃରେ ଇତୁତାନ୍ ଇମ୍‌ତା ଯୁଶୁ କୁଲିକେଦ୍‌କଆଏ, “ଖ୍ରୀଷ୍ଟ ଦାଉଦ୍‌ଆଃ ହନ୍ ତାନିଃ ମେନ୍ତେ ଆଇନ୍ ଇତୁକ ଚିଲ୍‌କାଡେକ କାଜିୟାଃ ? ୩୬ ଦାଉଦ୍ ଆଇଃକ୍‌ଗି ପାବିତାର୍ ଆମ୍‌ରାଃ ଉସ୍‌କୁର୍‌ଡେ କାଜିକେଦାଏ,

“ପ୍ରାଭୁ ଆଇୟାଃ ପ୍ରାଭୁକେ ମେତାଇୟାଏ;
ଆମାଃ ବାଇରିକକେ ଆମାଃ କାଟାସୁବାରେ କା ଆଉ ଜାକେଦ୍
ଆଇୟାଃ ଜମ୍‌ତିସାଃରେ ଦୁବାକାନ୍‌ମେ ।”

୩୭ ଦାଉଦ୍ ଆଇଃକ୍‌ଗି ଖ୍ରୀଷ୍ଟକେ ପ୍ରାଭୁ ମେତାଇତାନ୍‌ରେଦ୍, ପାର୍‌ମେଶ୍ୱାର୍‌ଆଃ ସାଲାକାନ୍ ବସ୍ତ୍ରାଅନିଃ ଖ୍ରୀଷ୍ଟ ଚିଲ୍‌କାଡେ ଦାଉଦ୍‌ଆଃ ହନ୍ତେକଡ଼ା ତାନିଃ ?

ଗାଦେଲ୍ ହଡ଼କ ଯୁଶୁଆଃ କାଜି ସୁକୁଡେକ ଆୟୁମ୍ ତାଇକେନା ।

ୟୁଶୁ ଆଇନ୍ ଇତୁକଆଃ ଗୁଣ୍ଟାଏ ଉଦୁବେତାନା
(ମାଥୁଉ ୨୩:୧-୩୬; ଲୁକ ୨୦:୪୫-୪୭)

୩୮ ଯୁଶୁ ଇନ୍‌କୁକେ ଇତୁତାନ୍‌ଲଃ ମେତାଦ୍‌କଆଏ, “ଆଇନ୍ ଇତୁକତାଃଏଡେ ଚିର୍‌ଗାଲାକାନ୍‌ପେ । ଇନ୍‌କୁ ଜିଲିଙ୍ଗ୍ ଲିଜାଃ ତୁସିଙ୍ଗ୍‌କେଦ୍‌ଡେ ସେନ୍‌ବାଡ଼ା, ଆଡ଼ଃ ପିର୍ ପିଡ଼ିକରେ ଜହାର୍‌ଡେଲା, ୩୯ ଆଡ଼ଃ ଇନ୍‌କୁକେ ସାମାଜ୍ ଅଡ଼ାଃକରେ ଆୟାର୍‌ରେ ଦୁବ୍‌ନାଙ୍ଗ୍, ଆଡ଼ଃ ମାରାଙ୍ଗ୍ ଜମ୍‌ନୁକରେ ସିଦା ଠାୟାଦ୍‌ରେ ଦୁବ୍‌ନାଙ୍ଗ୍ ସୁକୁକଆ । ୪୦ ଇନ୍‌କୁ ରାଣ୍ଡିକୁଡିକଆଃ ଅଡ଼ାଃକ ଉଦେତାନା ଆଡ଼ଃ ବେଦାଡେ ଜିଲିଙ୍ଗ୍ ଜିଲିଙ୍ଗ୍‌ଗିକ ବିନ୍ତ୍ରିୟା । ଏନ୍‌ଲେକାନ୍ ହଡ଼କଦ୍ ଆଦ୍‌କା ସାଜାଇକ ନାମେୟା ।”

ରାଣ୍ଡିକୁଡିଆଃ ଏମଃ
(ଲୁକ ୨୧:୧-୪)

୪୧ ଯୁଶୁ ମାନ୍ଦିର୍ ଖାଜ୍‌ନା ବାକାସ୍ ନାଡ଼େଃରେ ଦୁବାକାନ୍ ତାଇକେନ୍ ଇମ୍‌ତା ହଡ଼କକେ ଏନାରେ ପାଏସା ସାଜୁତାନ୍ ନେଲ୍‌କେଦ୍‌କଆଏ । ପୁରାଃ କିସାଁଣ୍ ହଡ଼କ ପୁରାଃଗି ପାଏସା ଉୟୁଃକେଦାଃକ । ୪୨ ଏନ୍ତେ ମିଆଁଦ୍ ରେଙ୍ଗେଃ ରାବାଙ୍ଗ୍ ରାଣ୍ଡିକୁଡି ହିନ୍ତୁଃକେଦ୍‌ଡେ ମିଦ୍‌ଦୋକ୍‌ଡ଼ା† ଗନଙ୍ଗ୍‌ରାଃ ବାରିଆଃ ହୁପ୍‌ଡିଙ୍ଗ୍ ତାମ୍‌ସା ସିକା ଉୟୁଃକେଦାଏ । ୪୩ ଯୁଶୁ ଆୟାଃ ଚେଲାକକେ ହାକାଅକେଦ୍‌ଡେ ମେତାଦ୍‌କଆଏ, “ସାର୍‌ଡିଗିଙ୍ଗ୍ କାଜିୟାପେତାନା, ଖାଜ୍‌ନା ବାକାସ୍‌ରେ ଏମ୍‌କେଦ୍ ସବେନ୍ ହଡ଼କ ଏଡେ, ନେ ଗାରିବ୍ ରାଣ୍ଡିକୁଡି ଥ୍‌ମ୍‌ସା ଏମାକାଦାଃଏ । ୪୪ ଏଗାଃ ହଡ଼କ ଆକଆଃ ଆଦ୍‌କା ମେନାଃଡେୟାଃଏଡେ କାଟିଃଲେକାକ ଏମ୍‌କେଦାଃ; ମେନ୍‌ଦ ନିଃ ରେଙ୍ଗେଃ ରାବାଙ୍ଗ୍ ତାଇନ୍‌ରେୟ ଆୟାଃ ଜୀଉ ବାସ୍ତ୍ରାଅ ନାଗେନ୍ତେ ଆୟାଃତାଃରେ ତାଇକେନ୍‌ଡେୟାଃ ସବେନାଃଏ ଏମ୍‌କେଦା ।”

୧୩

ମାନ୍ଦିର୍ ହାଦୁଡ଼ଃରେୟାଃ ଆୟାର୍‌କାଜି
(ମାଥୁଉ ୨୪:୧-୨; ଲୁକ ୨୧:୫-୬)

୧ ଆଡ଼ଃ ଯୁଶୁ ମାନ୍ଦିର୍ ଅଡ଼ାଃଏଡେ ସେନଃତାନ୍ ଦିପିଲିରେ ଆୟାଃ ଚେଲାକଏଡେ ମିହୁଡ଼୍ କାଜିକିୟାଏ, “ଏ ଇତୁନିଃ, ନେ ମାପ୍‌ରାଙ୍ଗ୍ ଅଡ଼ାଃକରେ ନେଲେମେ, ଚିଲ୍‌କାନ୍ ମାପ୍‌ରାଙ୍ଗ୍ ଦିରିକ ଆଡ଼ଃ ଚିଲ୍‌କାନ୍ ସୁଗାଡ଼ାନ୍ ଦିରିକ ମେନାଃ ।”

୨ ଯୁଶୁ ଇନିଃକେ କାଜିରୁହାଡ଼କିୟା, “ନେ ମାପ୍‌ରାଙ୍ଗ୍ ଅଡ଼ାଃକ ଚିମ୍ ନେଲେତାନା ? ଦିରି ଚେତାନ୍ ଦିରି ଡିରିୟାକାନ୍ କା ତାଇନା, ସବେନାଃ ହାଦୁଡ଼ଃଆ* ।”

ୟୁଶୁ ଚୁଣ୍ଡ ଦିପିଲିରାଃ ଦୁକୁ ବିଷାଏରେ କାଜିକେଦାଏ
(ମାଥୁଉ ୨୪:୩-୧୪; ଲୁକ ୨୧:୭-୧୯)

✧ ୧୨:୩୪ ୧୨:୩୪ ଲୁକ ୧୦:୨୫-୨୮. † ୧୨:୪୨ ୧୨:୪୨ ମିଦ୍‌ଦୋକ୍‌ଡ଼ା ଆଧୁଲି * ୧୩:୨ ୧୩:୨ ଧାଁସଃ

୩ ମାନ୍ଦିର୍ ସାମ୍ବନ୍ଧରେ ଆଜି ଲୋକମାନେ କହୁଛନ୍ତି ତାହା କେନ୍ଦ୍ର ଦିପିଲିରେ, ପାତ୍ରରାସ୍, ଯାକୁବ୍, ଯୋହାନ୍ ଆତ୍ମ ଆନ୍ଦିୟ ଇନିଷତା ଏକାକାରରେ ହିନ୍ଦୁକେନ୍ଦ୍ରକେ କୁଲିକିୟା, ୪ “ନେଆଁକି ଚିତ୍ତା ହବାଅଥା ? ଆତ୍ମ ନେ କାଜି ପୁରାଅଥଲେକାରେ ଅକନ୍ ଚିହ୍ନା ଉଦୁବଅଥା ଏନା ଉଦୁବାଲେମେ ।”

୫ “ୟାଶୁ ଇନ୍ଦକୁକେ କାଜିୟାଦକଥାଏ, ଚିର୍ଗାଲକାନ୍ଦେ, ଜେତାଏ ଆଲକାକ ବେଦାପେକା । ୬ ପୁରା ହତକଦ ଆଲକାୟା ନୁତୁମ୍ଦେକ ହିନ୍ଦୁଆ ଆତ୍ମ ‘ଆଲକା ଖ୍ରୀଷ୍ଟ ତାନିକ୍’ ମେନ୍ଦେକ କାଜିୟା ଆତ୍ମ ପୁରା ହତକକେ ବେଦାକଥାକ । ୭ ଆପେ ମାପାୟତୁପୁଲକ୍ ଆତ୍ମ ମାପାୟତୁପୁଲକ୍ରାୟ କାଜିପେ ଆୟମେରେଦ ବରତେ ଆଲକାପେ ଆକବାକାଅଥା, ନେଆଁ ସବେନାୟଦ ହବାଅଥା ଲାଗାତିୟାୟ, ମେନ୍ଦ ଏନ୍ ଦିପିଲିହ ଚୁଣ୍ଡୁ ନାହାଲାୟ । ୮ ଚିୟାୟତି ଦିଶୁମ୍ ବିରୁଧରେ ଦିଶୁମ୍ ଆତ୍ମ ରାଲକ୍ ବିରୁଧରେ ରାଲକ୍ ଲାଡାକ ହବାଅଥା, ସବେନ୍ ଠାୟାଦରେ ଅତେ ଏକଲାଅଥା ଆତ୍ମ ରିକାଅଥା । ମେନ୍ଦ ନେ ସବେନାୟ ହନ୍ ଜାନାମାୟ ଇମ୍ତାରାୟ ଦୁକୁରେୟାୟ ଏନେଚେଦ୍ ଲେକାନାୟ ତାନାୟ ।

୯ “ଆପେକେ ଚିର୍ଗାଲକାନ୍ ତାଇନୟ ଲାଗାତିୟାୟ, ଇନ୍ଦକୁଦ ପାୟେଟ୍ଟକରେକ ଏମ୍‌ଏଣ୍ଡାୟପେୟା ଆତ୍ମ ସାମାଜ୍ ଅତ୍ମାୟକରେ ଦାଲ୍‌ପେୟାକ । ଆପେ ଆଲକାୟା ଚେଲକାକ ତାନପେ ମେନ୍ଦେ, ସୁକ୍ତକାଜି ଉଦୁବେ ନାଗେନ୍ଦେ ଆପେକେ ହାକିମ୍ ଆତ୍ମ ରାଜାକତାୟ ତିକ୍ତୁ ହବାଅଥା । ୧୦ ଆତ୍ମ ଚୁଣ୍ଡୁ ଦିପିଲି ସେଚେର୍ ସିଦାରେ ସୁକ୍ତକାଜି ସବେନ୍ ଜାତିରାୟ ହତକତାୟରେ ଉଦୁବ୍ଗି ଉଦୁବଅଥା । ୧୧ ଚିମ୍ତାକ୍ ଆପେକେ ସାବକେଦ୍‌ତେ ଇନ୍ଦକୁ କାତାଲିରେକେ ଇଦିପେୟାକ, ଇମ୍ତା ଚିନାୟକୁ କାଜିୟା ମେନ୍ଦେ ସିଦାରେ ଆଲକାପେ ଉଡ଼ୁୟା ଏନ୍ ଦିପିଲି ହିନ୍ଦୁଆ ଇମ୍ତା ଆପେକେ ଅକଥାୟ କାଜି ନାଗେନ୍ଦେ ଏମାୟ ଏନାପେ କାଜିୟା । ଚିୟାୟତି ଏଣ୍ଡାୟରେ ଅକ କାଜିପେ କାଜିୟା ଏନାଦ ଆପେତେଗି କା, ମେନ୍ଦ ପାବିତାର୍ ଆମ୍ବାରାୟ ପେଡେୟ ହରାତେପେ କାଜିୟା । ୧୨ ହାଗା ଆୟାୟ ହାଗାତେକେ ଆତ୍ମ ଆପୁ ଆୟାୟ ହନ୍‌କେ ଗଜି ନାଗେନ୍ଦେ ଏମ୍‌ଏଣ୍ଡାୟଅଥାଏ, ଆତ୍ମ ହନ୍‌କ ଆକଥାୟ ଏକ୍‌ଆପୁକଥାୟ ବିରୁଧରେକ ବିରିଦାୟ ଆତ୍ମ ଇନ୍ଦକୁକେ ଗଏୟ ଇଚିକଥାକ । ୧୩ ଚିୟାୟତି ଆପେ ଆଲକାୟା ଚେଲକାକ ତାନପେ ସବେନ୍ ହତକ ଆପେକେ ହିଲକାପେୟାକ, ମେନ୍ଦ ଜେତାଏ ଚୁଣ୍ଡୁ ଜାକେଦ୍ ସାହାତିକ୍‌ତାନଲୟ ତିକ୍ତୁ କେଚେୟାକାନ୍ ତାଇନ୍‌ରେଦ ବାୟାଅଥାଏ ।

ୟାଶୁ ଏନ୍ ଅତ୍ମେଜୟ ପୁରାୟ ସତ୍‌ରା ବିଷାଏରେ ଉଦୁବେତାନା
(ମାଥୁଜ ୨୪:୧୫-୨୮; ଲୁକ ୨୧:୨୦-୨୪)

୧୪ “ଆପେ ଚିମ୍ତା, ‘ଏନ୍ ଅତ୍ମେଜୟ ସତ୍‌ରାକାନ୍‌ନିୟ’ ଅକ୍‌ତାୟରେକି ଇନ୍ଦିୟାୟ କା ତାଇନୟ ଲାଗାତିକ୍ ଠାୟାଦରେ ତିକ୍ତୁଆକାନ୍‌ପେ ନେଲିୟା ।” ପାଡ଼ାଅନିୟ ନେଆଁରାୟ ମୁଣ୍ଡି ଆବ୍‌କାର୍‌ଉରୁମେକାଏ, ଇମ୍ତା ଯିହୁଦା ପାର୍‌ଗାନ୍‌ରେ ତାଇନୟତାନ୍‌କ ବୁରୁତେକ ନିର୍‌ତେବାୟକା । ୧୫ ଅକ ହତ୍‌ ଆୟାୟ ଅତ୍ମାୟ ସାତ୍‌ମିରେ ମେନାଲୟାୟ ଇନିୟ ଆୟାୟ ଜେଡ୍‌ନାୟ ଇଦିମେନ୍ଦେ ଆଡ଼୍‌ଗୁକେଦ୍‌ତେ ଅତ୍ମାୟତେ ଆଲକାଏ ବଲୟକା । ୧୬ ପିଡ଼ି ଲୟାୟରେ ତାଇନ୍‌ନିୟ, ଇନିୟ ଆୟାୟ ଲିଜାୟ ଇଦିମେନ୍ଦେ ଅତ୍ମାୟତେ ଆଲକାଏ ରୁହାଡ଼କା । ୧୭ ମେନ୍ଦ ଏନ୍ ଦିପିଲିରେନ୍ ବାଜି ଆକାନ୍ କୁଡ଼ିକଥାୟ ଆତ୍ମ ତଥା ନୁନ୍‌ଆକତାନ୍ ଏକ୍‌ଆୟ ନାଗେନ୍ଦେ ଚିମିନ୍ ବରାୟାନ୍‌ଗି ଦୁକ୍ତୁ ହବାଅଥା । ୧୮ ରାବାକ୍‌ସାହା ନେଆଁ ଆଲକା ହବାଅଥାକା ମେନ୍ଦେ ପାର୍‌ମେଶ୍‌ବାର୍‌ତାୟରେ ବିକ୍ତିପେ, ୧୯ ଚିୟାୟତି ଏନ୍ ମାହାକରାୟ ଦୁକ୍ତୁଦ ପାର୍‌ମେଶ୍‌ବାର୍ ବାଲୟାକାଦ୍‌ରେଆୟ ଏନେଚେଦ୍‌ଏତେ ନାହାୟ ଜାକେଦ୍ ଚିତ୍ତାୟ କା ହବାକାନା ଆତ୍ମ ଚିତ୍ତାୟ କା ହବାଅଥା । ୨୦ ମେନ୍ଦ ପ୍ରାଭୁ ଏନ୍ ହୁଲକାକକେ କାଏ କାମ୍‌ତିକାରେଦ ଜେତାଏ କାକ ବାୟାଅଥେୟାୟ, ମେନ୍ଦ ଆୟାୟ ସାଲକାନ୍ ହତକଥାୟ ନାଗେନ୍ଦେ ଏନ୍ ହୁଲକାକକେ କାମ୍‌ତିୟାକାଦା ।

୨୧ “ଏନ୍ ଦିପିଲିରେ ଜେତାଏ ଆପେକେ, ‘ନେଲିପେ, ଖ୍ରୀଷ୍ଟ ନେତାୟରିୟା’ ଚାଏ ‘ହାନ୍ତାୟରିୟା,’ ମେତାପେରେଦ ଇନିୟକେ ଆଲକାପେ ବିଶ୍ୱାସାଥା । ୨୨ ଚିୟାୟତି ହସଡ଼ ଖ୍ରୀଷ୍ଟ ଆତ୍ମ ହସଡ଼ ନାବୀକ ବିରିଦାୟ ଆତ୍ମ ଇନ୍ଦକୁ ମାପ୍‌ରାକ୍ ଚିହ୍ନା ଆତ୍ମ ଆକ୍‌ଦାୟାୟ କାମିକ ରିକାଉଦୁବେଥା, ଆତ୍ମ ହବାଦାଡ଼ିୟାୟରେଦ ପାର୍‌ମେଶ୍‌ବାର୍‌ଆୟ ସାଲକାନ୍‌କକେହ୍ ବେଦାକଥାକ । ୨୩ ଏନାମେନ୍ଦେ ଚିର୍ଗାଲକାନ୍‌ପେ, ଆଲକା ଆପେକେ ନେତା ହିନ୍ଦୁ ସିଦାରେକ୍ତୁ ଉଦୁବାଦ୍‌ପେୟା ।

ୟାଶୁ ଆୟାୟ ହିନ୍ଦୁରୁହାଡ଼ କାଜି ଉଦୁବ୍‌କେଦାୟ
(ମାଥୁଜ ୨୪:୨୯-୩୧; ଲୁକ ୨୧:୨୫-୨୮)

☆ **୧୩:୯** ୧୩:୯ ମାଥୁଜ ୧୦:୧୭-୨୦; ଲୁକ ୧୨:୧୧,୧୨. ☆ **୧୩:୧୩** ୧୩:୧୩ ମାଥୁଜ ୧୦:୨୨. ☆ **୧୩:୧୫** ୧୩:୧୫ ଲୁକ ୧୭:୩୧.
☆ **୧୩:୧୯** ୧୩:୧୯ ଉଦୁବ୍‌ କାଜି ୭:୧୪.

୨୪ *“ଏନ୍ ଦିପିଲିରେୟାଃ ଦୁକୁ ତାୟମ୍‌ତେ, ସିଙ୍ଗି ନୁବାଗଥା, ଆତଃ ଚାଣ୍ଡୁ ଆୟାଃ ମାର୍ସାଲ୍ କାଏ ଏମେୟା, ୨୫ *ଇପିଲ୍‌କ ସିର୍ମାଏତେକ ଉୟୁଗଥା, ଆତଃ ସିର୍ମାରେୟାଃ ପେଡେଃୟାନ୍‌ତେୟାଃକ ଏକଲ୍ୟଥା । ୨୬ *ଏନ୍ତେ ଆଇଙ୍ଗ୍ ମାନଞ୍ଜାହନ୍ ତାନିଙ୍ଗ୍ ହଡକ ପୁରାଃ ପେଡେଃତେ ଆତଃ ମାନାରାଙ୍ଗ୍‌ଲଃ ରିମିଲ୍‌ରେ ହିଜୁଃତାନ୍‌କ ନେଲିଙ୍ଗ୍‌ୟାଃ । ୨୭ ପାର୍‌ମେଗ୍‌ରଥାଃ ସାଲାକାନ୍ ହଡକକେ ଅତେଦିଶ୍‌ଗ୍‌ରାଃ ନେ ଚୁଣ୍ଡୁଏତେ ସିର୍ମାରେୟାଃ ହାନ୍ ଚୁଣ୍ଡୁ ଜ୍ଞାକେଦ୍ ହୁଣ୍ଡିକ ନାଗେନ୍ତେ ଇନିଃ ଆୟାଃ ଦୁଁଡକକେ ଅତେଦିଶ୍‌ଗ୍‌ରାଃ ଚାରିୟାଃତେ କୁଲ୍‌କଥାଏ ।

**ଲଥା ଦାରୁରାଃ ଜନ୍‌କା କାଜି
(ମାଥୁର ୨୪:୩୨-୩୫; ଲୁକ ୨୧:୨୯-୩୩)**

୨୮ “ନାହାଃ ଲଥାଦାରୁରେଥାଃ ଜନ୍‌କା କାଜିତେ ଇଡୁନ୍‌ପେ, ଏନାରେୟାଃ କତ ସାଗେନଃତାନ୍ ଆତଃ ସାକାମ୍ ସୁଡାଅଃତାନ୍ ଇମ୍‌ତା ଜେର୍‌ସିଙ୍ଗି ନାଡେଃଗିଥା ମେନ୍ତେପେ ସାରିୟା । ୨୯ ଏନ୍‌ଲେକାଗି, ନେଆଁ ସବେନାଃ ହବାଅଃତାନ୍‌ପେ ନେଲେ ଇମ୍‌ତା, ଆଇଁୟାଃ ହିଜୁଃନେତା ନାଡେଃରେଗିଥାଃ, ହେଗି ଏନା ଦୁଆର୍‌ତାଃରେୟାଃ ମେନ୍ତେ ସାରିପେ । ୩୦ ସାର୍‌ଡିଗିଙ୍ଗ୍ କାଜିୟାପେତାନା ନେ ସବେନାଃ ଆଉରି ହବାଅଃ ଜାକେଦ୍ ନେ ଦିପିଲିରେନ୍ ହଡକ କାକ ଚୁଣ୍ଡୁଥା । ୩୧ ସିର୍ମା ଆତଃ ଅତେ ଚୁଣ୍ଡୁତାରଥା, ମେନ୍‌ଦ ଆଇଁୟାଃ କାଜିକ କା ଚୁଣ୍ଡୁଥା ।

**ୟାଶୁଆଃ ହିଜୁଃ ଦିପିଲି ଜେତାଏ କାଏ ସାରିଆଃ
(ମାଥୁର ୨୪:୩୬-୪୪)**

୩୨ *“ଏନ୍ ହୁଲାଙ୍ଗ୍ ଚାଏ ଏନ୍ ଦିପିଲି ଜେତାଏ କାକ ସାରିଆଃ, ସିର୍ମାରେନ୍ ଦୁଁଡକହ କା, ଆଇଙ୍ଗ୍ ପାର୍‌ମେଗ୍‌ରଥାଃ ଦୁଲାଡ୍ ହନ୍‌ହ କା, ମେନ୍‌ଦ ଆଇଁୟାଃ ଆପୁ ଏସକାର୍‌ଗି ସାରିଆଃଏ । ୩୩ ଚିର୍ଗାଲାକାନ୍‌ତାଇନ୍‌ପେ, ଏୟନାକାନ୍ ନେଲ୍‌ହରାଏପେ, ଚିୟାଃଚି ଏନ୍ ନେତା ଚିମ୍‌ତା ତେବାଗାଃ ଏନା ଆପେଦ କାପେ ସାରିୟା । ୩୪ *ଏନା ସାଙ୍ଗିନ୍ ଦିଶ୍‌ମ୍‌ତେ ସେନଃତାନ୍ ମିଆଁଦ୍ ହଡଲେକା । ଇନିଃ ଆୟାଃ ଅଡ଼ାଃ ବାଗିକେଦ୍‌ତେ ଆୟାଃ ଦାସିକକେ ଆକ୍‌ତେୟାର୍ ଏମାଦ୍‌କଥାଏ, ଆତଃ ମିଆଁଦ୍‌ନିଃକେ ଆୟାଃ କାମି ଏମାଦ୍‌କଥାଏ, ଆତଃ ହରନିଃକେ ଏୟନାକାନ୍‌ମେ ମେନ୍ତେ ଆରୁକାଦା । ୩୫ ଏନାମେନ୍ତେ ଏୟନାକାନ୍‌ତାଇନ୍‌ପେ, ଚିୟାଃଚି ଆପେଦ ଆପେୟାଃ ଅଡ଼ାଃ ଗମ୍‌କେଆଃ ହିଜୁଃ ଦିପିଲି କାପେ ସାରିୟା, ଆୟୁବ୍‌ତାନ୍‌ରେ, ଚାହେ ଆଲାନ୍‌ଦାରେ, ଚାହେ ସିମ୍‌କରାଃରେ, ଚାଏ ସେତାଃ ଇଦାନ୍‌ତେ । ୩୬ ଆଡ୍‌କାଗି ଇନିଃ ତେବାଃକଃରେ ଦୁଡ୍‌ମ୍‌କାନ୍ ଆଲକାଏ ନାମ୍‌ପେକା । ୩୭ ଆଇଙ୍ଗ୍ ଆପେକେ କାଜିୟାପେତାନ୍ କାଜି ସବେନ୍‌କକେଇଙ୍ଗ୍ କାଜିୟାକତାନା, ଏୟନାକାନ୍ ତାଇନ୍‌ପେ ।”

୧୪

**ୟାଶୁକେ ଗଜି ନାଗେନ୍ତେ ରଜୋଟ୍
(ମାଥୁର ୨୨:୧-୫; ଲୁକ ୨୨:୧-୨; ଯୋହାନ୍ ୧୧:୪୫-୫୩)**

୧ ପାସକା ପାରାବ୍ ଆତଃ ସାବାଃ ହଲଙ୍ଗ୍‌ରାଃ ପାରାବ୍ ଏତେ ବାର୍‌ସିଙ୍ଗ୍ ସିଦା, ମୁଲ୍ ଯାଜାକ୍‌କ ଆତଃ ଆଇନ୍ ଇଡୁକ ଅକ ସେଣାଁତେ ଯାଶୁକେକ ସାବିଆ ଆତଃକ ଗଜିୟା ମେନ୍ତେ ହରାକ ଦାଣାଁତାନ୍ ତାଇକେନା । ୨ “ପାରାବ୍ ହୁଲାଙ୍ଗ୍‌ଦ କାରୁଆଃ, କା'ରେଦ୍ ହଡକ ହାଲାଗୁଲାୟାକ” ମେନ୍‌କେଦା ।

**ବେଥ୍‌ନିଆରେ ମିଆଁଦ୍ କୁଡି ଯାଶୁଆଃ ବହଃରେ ସୁନ୍‌ମ୍ ଗସଗିତାନାଏ
(ମାଥୁର ୨୨:୬-୧୩; ଯୋହାନ୍ ୧୨:୧-୮)**

୩ *ୟାଶୁ ବେଥ୍‌ନିଆ ହାଡୁରେ, ଶିମୋନ୍ ନାଗେଘାଅନିଆଃ ଅଡ଼ାଃରେ ତାଇକେନାଏ । ଜଜମ୍ ନାଙ୍ଗ୍ ଦୁବାକାନ୍ ଦିପିଲିରେ, ମିଆଁଦ୍ କୁଡି ପୁରାଃ ଫାର୍‌ଚି ଗନଙ୍ଗ୍‌ଆଁନ୍ ଜଗାମାଂସି ବୁଗିନ୍ ସହାନ୍ ସୁନ୍‌ମ୍‌ତେ ପେରେଜାକାନ୍ ପୁଣ୍ଡିଦିରିରାଃ ଚୁକାଃ ସାବ୍‌କେଦ୍‌ତେ ବଲୟାନାଏ । ଇନିଃ ଏନ୍ ଚୁକାଃରାଃ ଠିପି ଅଡେଃକକେଦ୍‌ତେ ଏନ୍ ସୁନ୍‌ମ୍ ଯାଶୁଆଃ ବହଃରେ ଦୁଲ୍‌କେଦାଏ । ୪ ମେନ୍‌ଦ ଏନ୍ତାଃରେ ତାଇକେନ୍ ଚିମିନ୍ ହଡକ ଏସେଦ୍‌ୟାନ୍ତେ ମେପେନ୍‌ୟାନାକ, “ଚିନାଃମେନ୍ତେ ନେ ବୁଗିନ୍ ସହାନ୍ ସୁନ୍‌ମ୍ ସାମାରେ ଦୁଲ୍‌ଏଶ୍‌ଗାଗତାନା ? ୫ ନେ ବୁଗିନ୍ ସହାନ୍ ସୁନ୍‌ମ୍‌କେଦ୍ ମିଆଁଦ୍ ହଡରାଃ ମିଦ୍‌ବାରାଷ୍ କାମିକାଦ୍ ନାଲା ସିକାଏତେ ଆଦ୍‌କା ଗନଙ୍ଗ୍‌ରେ ଆଖ୍‌ରିଙ୍ଗ୍ ଦାଡିକାନ୍‌ତେୟାଃ ଆତଃ ରେଙ୍ଗେଃ ରାବାଙ୍ଗ୍‌କକେ ଏମାକାନ୍‌ତେୟାଃ ।” ଆତଃ ଇନ୍‌କୁ ଏନ୍ କୁଡିକେକ କୁରୁମ୍ ତୁରୁମ୍‌କିୟାଃ ।

* **୧୩:୨୪** ୧୩:୨୪ ଉନ୍‌ଦୁବ୍ କାଜି ୬:୧୨. * **୧୩:୨୫** ୧୩:୨୫ ଉନ୍‌ଦୁବ୍ କାଜି ୬:୧୩. * **୧୩:୨୬** ୧୩:୨୬ ଉନ୍‌ଦୁବ୍ କାଜି ୧:୭.
* **୧୩:୩୨** ୧୩:୩୨ ମାଥୁର ୨୪:୩୬. * **୧୩:୩୫** ୧୩:୩୫ ଲୁକ ୧୨:୩୨-୩୮. * **୧୪:୩** ୧୪:୩ ଲୁକ ୭:୩୭,୩୮.

୭ ମେନ୍ଦ ଯୀଶୁ ଇନ୍ଦ୍ରକୁକେ ମେତାଦକଆଏ, “ଇନିଃକେ ତାଇନ୍ ଚିକାଇପେ । ଚିନାଃ, ମେନ୍ତେପେ ଦୁକୁଚିତାନା ? ଆଇଙ୍ଗ ନାଗେନ୍ତେ ଇନିଃ ବୁଗିନ୍ କାମି ରିକାକାଦାଏ । ୭ ରେଙ୍ଗେଃ ରାବାଙ୍ଗକଦ ଜାନାଅ ଆପେଲକ ତାଇନା, ଆତଃ ଆପେୟାଃ ସାନାଙ୍ଗ ଲେକା ଜା'ଇମତାଗି ଇନ୍ଦ୍ରକୁକେ ଦେଙ୍ଗାପେ ଦାଡ଼ିୟାକଆ, ମେନ୍ଦ ଆଇଙ୍ଗ ଆପେଲକ ସବେନ୍ ଇମତା କାଇଙ୍ଗ ତାଇନାଃ । ୮ ନିଃ ଚିମିନାଙ୍ଗ ଦାଡ଼ିୟାନାଏ ଇମିନାଙ୍ଗ ରିକାକେଦାଏ, ଆଇଙ୍ଗ ହାସାଗାଡ଼ାଅଃ ମେନ୍ତେ ସିଦାରେ ଆଇଁୟାଃ ହଡ଼ମରେ ନେ ସୁନ୍ନୁମକେ ଦୁଲ୍ଲକେଦାଏ । ୯ ସାର୍ତ୍ତିଗିଙ୍ଗ କାଜିୟାପେତାନା, ଅତେଦିଶ୍ୱମ୍ରେୟାଃ ଜାହାତାଃରେଗି ସୁକୁକାଜି ଉଦୁବଃତାନ୍ ଇମତା ଏନ୍ କୁଡ଼ି କାମିକାଦ୍ତେୟାଃ ପାହାମେ ନାଗେନ୍ତେ ଉଦୁବଃଆ ।”

ଇଷ୍ଟାରିୟଡ଼ ଯିହୁଦା ଯୀଶୁକେ ସାବ୍ରିକାଇ ନାଗେନ୍ତେ ଟାକା ନାମେତାନାଏ
(ମାଥୁର ୨୭:୧୪-୧୬; ଲୁକ ୨୨:୩-୬)

୧୦ ଏନ୍ତେ ଇଷ୍ଟାରିୟଡ଼ ଯିହୁଦା, ଗେଲ୍‌ବାର୍ ଚେଲକଏତେ ମିଆଁଦ୍‌ନିଃ, ଯୀଶୁକେ ସାବ୍ରିକାଇ ମେନ୍ତେ ମୁଲ୍ ଯାଜାକକେ ସେନ୍‌ନାମ୍ କେଦକଆଏ । ୧୧ ଇନ୍ଦ୍ରକୁ ନେଆଁ ଆୟୁମକେଦ୍ତେକ ରାସକାୟାନା, ଆତଃ ଟାକାଲେ ଏମାମେୟା ମେନ୍ତେ ଇନିଃକେକ ବାନାରସା ଏମ୍‌କିୟାକ । ଏନାମେନ୍ତେ ଯିହୁଦା ଇନ୍ଦ୍ରକୁଆଃ ତିଃଇରେ ଯୀଶୁକେ ସାବ୍ରିକାଇ ନାଗେନ୍ତେ ସୁଯୋଗ୍ ଦାଣ୍ଡାତାନାଏ ତାଇକେନା ।

ପାସକା ପାରାବ୍ରେୟାଃ ସାର୍ଜାମା ସେକାଡ଼େନ୍
(ମାଥୁର ୨୭:୧୭-୨୫; ଲୁକ ୨୨:୭-୧୪, ୨୧-୨୩; ଯୋହାନ୍ ୧୩:୨୧-୩୦)

୧୨ ସାବାଃ ହଲଙ୍ଗ ପାରାବ୍ରେୟାଃ ସିଦା ହୁଲାଇରେ, ପାସକା ପାରାବ୍ରେ ମିଶ୍ଟିହନ୍ ଦାଣ୍ଡାଅଃ ତାଇକେନ୍ ହୁଲାଇ ଚେଲକ ଯୀଶୁକେକ କାଜିକିୟା, “ଆଲେ ଅକ୍ତାଃଲେ ସେନା ଆତଃ ଆମାଃ ନାଗେନ୍ତେ ପାସକା ପାରାବ୍ରେ ଜମେଆଃଲେ ବାଇୟା ମେନ୍ତେ ସାନାଙ୍ଗତାନାମ୍ ?”

୧୩ ଏନ୍ତେ ଯୀଶୁ ବାର୍‌ହଡ଼ ଚେଲକିନ୍‌କେ କୁଲ୍‌ତାନ୍‌ଲଃ ମେତାଦକିନାଏ, “ନାଗାର୍‌ତେ ସେନଃବେନ୍ ଆତଃ, ମିଆଁଦ୍ ହଡ଼ ଦାଆଃତାଟୁ ତେଙ୍ଗଃକେଦ୍ତେ ଦାରମ୍‌ବେନାଏ, ଇନିଃକେ ଅତଙ୍ଗ୍‌କ୍‌ବେନ୍ । ୧୪ ଆତଃ ଇନିଃ ବଲଃ ଅତାଃରେନ୍ ଗମ୍‌କେ କେ ମେତାଇବେନ୍, ଇନ୍ଦ୍ରନିଃ କୁଲିତାନାଏ, ଆଇଁୟାଃ ଚେଲକଲଃ ପାସକା ପାରାବ୍ରେ ଜମେ ନାଗେନ୍ତେ ବାଖ୍‌ରା ଅକ୍ତାଃରେୟା ? ୧୫ ଏନ୍ତେ ଇନିଃ ଚେତାନ୍ ଅତାଃରେ ମିଆଁଦ୍ ବାଇସେକାଡ଼ାକାନ୍ ମାରାଙ୍ଗ ବାଖ୍‌ରା ଉଦୁବାବେନାଏ, ଏନାରେଗି ଆରୁ ନାଗେନ୍ତେ ଜମେନାଙ୍ଗ ବାଇୟେବେନ୍ ।”

୧୬ ଚେଲକିନ୍ ନାଗାର୍‌ତେକିନ୍ ସେନଃୟାନା, ଆତଃ ଯୀଶୁ କାଜିୟାଦକିନ୍ ଲେକାଗି ସବେନାଃକିନ୍ ନାମ୍‌କେଦାଃ ଆତଃ ପାସକା ପାରାବ୍ରେୟାଃ ଜମେୟାଃକିନ୍ ବାଇକେଦାଃ ।

୧୭ ଆୟୁବ୍‌ୟାନ୍‌ଚି ଯୀଶୁ ଗେଲ୍‌ବାର୍ ଚେଲକଲଃ ତେବଃୟାନାଏ । ୧୮ ଇନ୍ଦ୍ରକୁ ଜମ୍ ଦୁବାକାନ୍ ଦିପିଲିରେ, ଯୀଶୁ ମେତାଦକଆଏ, “ସାର୍ତ୍ତିଗିଙ୍ଗ କାଜିୟାପେତାନା, ଆପେକଏତେ ମିଆଁଦ୍‌ନିଃ ଆଇଙ୍ଗଲଃ ଜମ୍‌ତାନ୍‌ନିଃଗି ବାଇରିକଆଃ ତିଃଇରେ ସାବ୍ରିକାଇଙ୍ଗ୍‌ୟାଏ ।”

୧୯ ଚେଲକଦ ହୁଡ଼ିଙ୍ଗ୍‌ଜାତୟାନାକ, ଆତଃ ମିହୁଡ଼୍ ମିହୁଡ଼୍‌ତେ କାଜିକିୟାକ, “ଇନିଃ ଆଇଙ୍ଗ ତାନିଙ୍ଗ୍‌ଚି ?”

୨୦ ଯୀଶୁ ମେତାଦକଆଏ, “ବାରାଝାନ୍ କଏତେ ମିଆଁଦ୍‌ନିଃ, ଆଇଁୟାଃଲଃ ମିଆଁଦ୍ କାଗୋରାରେ ଆୟାଃ ତିଃଇ ସୁତଃକାଦ୍‌ନିଃଗି ସାବ୍ରିକାଙ୍ଗ୍‌ଆଏ । ୨୧ ପାବିତାର୍ ଅନଲ୍‌କରେ ଅଲକାନ୍ ଲେକା, ଆଇଙ୍ଗ ମାନଝାହନ୍ ତାନିଙ୍ଗ୍, ଆଇଙ୍ଗକେ ଗଜଃଲଗାତିୟାଃ । ମେନ୍ଦ ଆଇଙ୍ଗ ମାନଝାହନ୍ ତାନିଙ୍ଗ୍, ଆଇଙ୍ଗକେ ବାଇରିକଆଃ ତିଃଇରେ ସାବ୍ରିକାନିଃ ହାୟ୍ ହାୟ୍ ଚିମିନ୍ ଦୁକୁନାମେୟାଏ । ଏନ୍ ହଡ଼ କାଏ ଜାନାମ୍‌କାନ୍‌ରେଦ ଇନିଃ ନାଗେନ୍ତେ ବୁଗିନ୍ ହବାକାନ୍‌ତେୟାଃ ।”

ପ୍ରାଭୁ ଭୋଜ
(ମାଥୁର ୨୭:୨୬-୩୦; ଲୁକ ୨୨:୧୪-୨୦; ୧ କରିନ୍ଥ୍‌ୟ ୧୧:୨୩-୨୫)

୨୨ ଇନ୍ଦ୍ରକୁ ଜମ୍‌ତାନ୍ ଦିପିଲିରେ, ଯୀଶୁ ମିଆଁଦ୍ ହଲଙ୍ଗକେ ସାବ୍‌କେଦ୍ତେ ଧାନ୍ୟାବାଦ୍ ଏମ୍‌କେଦାଏ ଆତଃ କେଟାଃକେଦ୍ତେ ଚେଲକକେ ଏମ୍‌କେଦ୍ତେ ମେତାଦକଆଏ, “ନେ ମାର୍ ତେଲଏପେ, ନେଆଁ ଆଇଁୟାଃ ହଡ଼ମ ତାନାଃ ।”

୨୩ ଏନ୍ତେ ଇନିଃ କାଗୋରା ଇଦିକେଦ୍ତେ ବିକ୍ତିକେଦାଏ ଆତଃ ଏମାଦକଆଏ, ଆତଃ ଇନ୍ଦ୍ରକୁ ଏନାଏତେକ ନୁଁକେଦାଃ । ୨୪ ଆତଃ ଯୀଶୁ ମେତାଦକଆଏ, “ନେଆଁ ଆଇଁୟାଃ ମାୟୋମ୍ ତାନାଃ, ମାନଝାଃ ପାପ୍ ଛାମା ନାଗେନ୍ତେ ଆଇଙ୍ଗ ଆଇଁୟାଃ ଅକ ମାୟୋମ୍‌କେ ଲିଙ୍ଗି ନାଗେନ୍ତେ ସେନ୍‌ତାନାଇଙ୍ଗ୍, ଏନା ପାର୍‌ମେଶ୍ୱାର୍‌ଆଃ ରାଜିନାମାକେ ମୋହ୍‌ରକାଦା ।” ୨୫ ଆଇଙ୍ଗ୍ ସାର୍ତ୍ତିଗିଙ୍ଗ୍ କାଜିୟାପେତାନା, “ପାର୍‌ମେଶ୍ୱାର୍‌ଆଃ ରାଇକ୍‌ରେ ନାଝା ଦାଖ୍‌ରାସି ଆଡ଼ରିଙ୍ଗ୍ ନୁଁଇ ଜାକେଦ୍, ଦାଖ୍‌ଜ'ରାଃ ରାସି ଆତଃ ଚିତ୍‌ଲାଅ କାଇଙ୍ଗ୍ ନୁଁଇଆ ।”

୨୭ ଏଣୁ ଇନ୍ଦ୍ରକୁ ମାଇନାନ୍ ଦୁରାଙ୍ଗ ଦୁରାଙ୍ଗକେଦ୍ତେ ଜାଇତୁନ୍ ବୁରୁଡେକ ସେନଃୟାନା ।

ଆଇଙ୍ଗକେ କାଇଙ୍ଗ୍ ସାରିଆଃମେନ୍ତେ ପାଡ଼ରାସ୍ତକେ ଯୀଶୁ ସିଦାରେ କାଜିୟାଇତାନା
(ମାଥୁର ୨୭:୩୧-୩୫; ଲୁକ ୨୨:୩୧-୩୪; ଯୋହାନ୍ ୧୩:୩୬-୩୮)

୨୭ ଯୀଶୁ ଇନ୍ଦ୍ରକୁକେ ମେତାଦକଆଏ, “ଆପେ ସବେନ୍ଦକ ନେ ନିଦାରେ ଆଇଙ୍ଗକେ ବାଗିକେଦ୍ତେ ନିରୁକଆଃପେ, ନେଆଁଦ ଧାରାମ୍ପୁଥିରେ ଅଲ୍ଲାନା, ‘ପାର୍ମେଶ୍ୱାର୍ ଗୁପିନିଃକେ ଦାଲିୟାଏ ଆଡ଼ଃ ଗୋଟ୍ରେନ୍ ମିଶ୍ଟିକ ଛିଡିବିଡିୟଃଆ ।’ ୨୮ *ମେନ୍ଦ ଆଇଙ୍ଗ୍ ଜୀଉବିରିଦକେଦ୍ତେ ଗାଲିଲ୍ତେ ଆପେଏଡେ ଆୟାରରେଇଙ୍ଗ୍ ସେନା ।”

୨୯ ପାଡ଼ରାସ୍ କାଜିରୁହାଡ଼କିୟାଏ “ଏଟାଃକ ବାଗିତାମ୍ରେହ୍, ଆଇଙ୍ଗ୍ କାଇଙ୍ଗ୍ ବାଗିମେଆ ।”

୩୦ ଯୀଶୁଦ ପାଡ଼ରାସ୍ତକେ ମେତାଇୟାଏ, “ସାର୍ଡିଗିଙ୍ଗ୍ କାଜିୟାମତାନା, ତିସିଙ୍ଗ୍, ନେ ନିଦାରେ ସାଣ୍ଡିସିମ୍ ବାସା ରାଆଃଏ ସିଦାରେ ଆଇଙ୍ଗକେ କାଇଙ୍ଗ୍ ସାରିୟା ମେନ୍ତେ ଆପିସାମ୍ କାଜିୟା ।”

୩୧ ପାଡ଼ରାସ୍ ଆଡ଼ଃଗି ପୁରାଃତେ କାଜିକିୟାଏ, “ଆମ୍ଲଃ ଗଜଃ ଲାଗାଡିଙ୍ଗ୍ରେଅ ଆଇଙ୍ଗ୍ ଆମ୍ଲକେ କାଇଙ୍ଗ୍ ସାରିଆଃ ମେନ୍ତେ କାଇଙ୍ଗି କାଜିୟା ।” ଆଡ଼ଃ ଏନ୍ଲେକା ସବେନ୍ଦ ଏଟାଃ ଚେଲାଇହଗି କାଜିକେଦାଃକ ।

ଗେଥ୍ସିମାନି ବାଖ୍ଡିରେ ଯୀଶୁ ବିକ୍ରିତାନାଏ
(ମାଥୁର ୨୭:୩୬-୪୬; ଲୁକ ୨୨:୩୯-୪୬)

୩୨ ଗେଥ୍ସିମାନି ନୁଡୁମ୍ ଠାୟାଦ୍ତେକ ତେବାଃକେଦ୍ତି, ଯୀଶୁ ଆୟାଃ ଚେଲାଇକେ ମେତାଦକଆଏ, “ଆଇଙ୍ଗ୍ ବିକ୍ରି ଜାକେଦ୍ ନେତାଃରେ ଦୁବାକାନ୍ଦେ ।” ୩୩ ଇନିଃ ପାଡ଼ରାସ୍, ଯାକୁର୍, ଆଡ଼ଃ ଯୋହାନ୍କେ ଆୟାଃଲଃ ଇଦିକେଦକଆଏ । ଆଡ଼ଃ ଇନିଃ ପୁରାଃଗି ଦୁକୁଡେ ଆକୁଲ୍ବାକୁଲ୍ୟାନା । ୩୪ ଆଡ଼ଃ ଇନିଃ ଇନ୍ଦ୍ରକୁକେ କାଜିୟାଦକଆଏ, “ଜୀଉତାଇୟାଃ ଗଜଃଲେକା ଦୁକୁଃତାନା, ନେତାଃରେଗି ତାଇନ୍ଦକାନ୍ଦେ ଆଡ଼ଃ ଆଇଁୟାଃଲଃ ଏୟନାକାନ୍ ତାଇନ୍ଦେ ।”

୩୫ ଯୀଶୁ କାଟିଃ ସାଙ୍ଗିନ୍ ସେନ୍ଦକେଦ୍ତେ ଅତେରେ ଇକ୍ଡୁୟାନ୍ଲଃ ଅମ୍ବାଃୟାନାଏ ଆଡ଼ଃ ବିକ୍ରିକେଦାଏ, “ହବାଦାଡ଼ିୟଃରେଦ୍ ନେ ଦୁକୁ ଦିପିଲି ଆଇଙ୍ଗ୍ତାଃଏଡେ ପାରମଃକା ।” ୩୬ ଇନିଃ ବିକ୍ରିରେ ମେନ୍ଦକେଦା, “ହେ ଆବା, ହେ ଆପୁ, ଆମାଃତେ ସବେନାଃ ହବାଦାଡ଼ିଅଃଆ । ନେ ଦୁକୁ କାଟୋରାକେ ଆଇଙ୍ଗ୍ଏଡେ ଆତମ୍ତାମ୍; ଇମିନ୍ରେଅ ଆଇଁୟାଃ ସାନାଙ୍ଗ୍ଲେକାଦ କାହାଗି, ମେନ୍ଦ ଆମାଃ ସାନାଙ୍ଗ୍ ଲେକାଗି ହବାଅଃକା ।”

୩୭ ଏଣୁ ଇନିଃ ଆୟାଃ ଚେଲାଇକତାଃ ରୁହାଡ଼ୟାନ୍ତି ଇନ୍ଦ୍ରକୁକେ ଦୁଡ଼ୁକାନ୍ ନାମକେଦକଆଏ । ଇନିଃ ପାଡ଼ରାସ୍ତକେ କାଜିକିୟାଏ, “ଏ ଶିମୋନ୍, ଦୁଡ଼ୁ ତାନାମ୍ ତି ? ମିଦ୍ ଘାଣ୍ଟାଅତି ଏୟନାକାନ୍ କାମ୍ତାଇନ୍ ଦାଡ଼ିୟାନା ?” ୩୮ ଆଡ଼ଃ ଇନିଃ କାଜିକେଦକଆଏ, “ବିଡାଅରେ ଆଲ୍ପେ ଉୟୁଗଃକା ମେନ୍ତେ ଏୟନାକାନ୍ ତାଇନ୍ଦେ ଆଡ଼ଃ ବିକ୍ରିପେ । ଆମ୍ପାଦ ସାନାଙ୍ଗ୍ତାନାଏ, ମେନ୍ଦ ହଡ଼ମ୍ ନାରାଦୁରାଗିଆଃ ।”

୩୯ ଇନିଃ ଆଡ଼ଃଗି ସେନଃୟାନାଏ, ଆଡ଼ଃ ସିଦାଲେକାଗି ବିକ୍ରିକେଦାଏ । ୪୦ ଏଣୁ ଇନିଃ ହିଜୁଃରୁହାଡ଼ଲେନାଏ ଆଡ଼ଃ ଚେଲାଇକେ ଆଡ଼ଃମିସା ଦୁଡ଼ୁକାନ୍ନାଏ ନାମକେଦକଆ, ଚିୟାଃତି ଇନ୍ଦ୍ରକୁ ଦୁଡ଼ୁଡ଼ୁଡେ ମେଦ୍ତାକଆଃ ଆରିଦ୍ କାକ ଦାଡ଼ିତାନ୍ତାଇକେନା । ଇନିଃକେ ଚିନାଃବୁ କାଜିରୁହାଡ଼କିୟା ମେନ୍ତେ ଇନ୍ଦ୍ରକୁ କାକ ସାରିକେଦା ।

୪୧ ଆଡ଼ଃ ଇନିଃ ଆପିସା ରୁହାଡ଼ୟାନ୍ତି, ଇନ୍ଦ୍ରକୁକେ କାଜିୟାଦକଆଏ, “ନାହାଁଃ ଜାକେଦ୍ତିପେ ଦୁଡ଼ୁଡ଼ୁତାନା ଆଡ଼ଃ ରୁଡୁନ୍ତାନା ? ଇମ୍ନାଙ୍ଗି ! ନେଡା ତେବାଃୟାନା, ନେଲେପେ, ଆଇଙ୍ଗ୍ ମାନଃହନ୍ ପାପିକଆଃ ତିଃଇରେ ସାବ୍ରିକାଅଃତାନାଇଙ୍ଗ୍ । ୪୨ ବିରିଦ୍ପେ, ଦଲାରୁ ସେନଆଃ ! ନେଲିପେ, ଆଇଙ୍ଗକେ ସାବ୍ରିକାଇଙ୍ଗିନିଃ ସେଟେରାକାନାଏ ।”

ୟୀଶୁକେକ ସାବିତାନା
(ମାଥୁର ୨୭:୪୭-୫୬; ଲୁକ ୨୨:୪୭-୫୩; ଯୋହାନ୍ ୧୮:୩-୧୨)

୪୩ ଯୀଶୁ ଜାଗାର୍ତାନ ତାଇକେନ୍ ଇମ୍ତାଗି ଯିହୁଦା, ବାରାଝାନ୍ଦକଏଡେ ମିଆଁଦିନିଃ ତେବାଃୟାନାଏ । ଇନିଃଲଃ ମୁଲ୍ ଯାଜାକ୍, ଆଇନ୍ ଇଡୁକ ଆଡ଼ଃ ପ୍ରାତିନ୍ଦକ ସାଃଏଡେ କୁଲାଇନ୍ ଗାଦେଲ୍ ହଡକ ତାରାଉଡିକ ଆଡ଼ଃ ଉଙ୍ଗାଟ୍ଟକ ସାବ୍ରିକେଦ୍ତେ ହିଜୁଃୟାନାକ । ୪୪ ଯୀଶୁକେ ସାବ୍ରିକାନିଃ ଏନ୍ ଗାଦେଲ୍ ହଡକକେ ମିଆଁଦ୍ ଚିହ୍ନା ଏମାକାଦକ ତାଇକେନାଏ, “ଆଇଙ୍ଗ୍ ଅକ୍ନିଃକେ ଚଅଃଇଙ୍ଗ୍, ଇନିଃଗି ଯୀଶୁ ତାନିଃ । ଇନିଃକେ ସାବିପେ ଆଡ଼ଃ ଚିର୍ଗାଲ୍ତେ ଇଦିପେ” ମେନ୍ତେ ସିଦାରେ କାଜିକାଦକ ତାଇକେନାଏ ।

* ୧୪:୨୮ ୧୪:୨୮ ମାଥୁର ୨୮:୧୭.

୪୫ ଯିହୁଦୀ ତେବାରୟାନତି, “ହେ ଗୁରୁ” ମେତାଇତାନଲଃ ଇନିଃକେ ଚଅଃକିୟାଏ । ୪୬ ଆଡ଼ଃ ଇନକୁ ଯୀଶୁକେ ସାବକେଦତେ ତଲକିୟାଃକ । ୪୭ ଜାପାଃରେ ତିଜୁଆକାନଏତେ ମିଆଁଦନିଃ ତାରାଉଡ଼ି ଅଡ଼କ୍‌କେଦାଏ ଆଡ଼ଃ ମାରାଜ୍ ଯାଜାକରାଃ ଦାସିକେ ମାଆଃକିୟାଏ ଆଡ଼ଃ ଇନିୟାଃ ମିଆଁଦ୍ ଲୁଡୁର୍ ହାଦତାଦାଏ । ୪୮ ଏନ୍ତେ ଯୀଶୁ ପୁରାଃ ହଡ଼କକେ କାଜିୟାଦକଆଏ, “ତିୟାଃ, ମିଆଁଦ୍ କୁମୁଡ଼ୁଲକା ସାବିଜ୍ ନାଗେନ୍ତେ ତାରାଉଡ଼ିକ ଆଡ଼ଃ ଭଜାଟ୍‌କ ସାବକେଦତେ ହିଜୁଃକାନାପେ ? ୪୯ *ସବେନ୍ ହୁଲାଜ୍ ଆଇଜ୍ ମାହିର୍ ଅଡ଼ଃରେ ଇଡୁତାନଲଃ ଆପେଲଃ ତାଇକେନାଇଜ୍ ଆଡ଼ଃ ଆପେ କାପେ ସାବକେଦିୟାଃ । ମେନ୍ଦ ଧାରାମ୍‌ପୁଅରେ ଅଲକାନତେୟାଃ ପୁରାଅଃକା ମେନ୍ତେ ନେ ସବେନାଃ ହବାଅଃତାନା ।”

୫୦ ଏନ୍ତେଦ ଆୟାଃ ସବେନ୍ ତେଲକ ଇନିଃକେ ନିର୍ବାଗିକିୟାଃକ ।

୫୧ ମିଆଁଦ୍ ଧାଜ୍‌ଡ଼ା ଇନିଃକେ ଅଡ଼କ୍‌କିୟା, ଇନିଃ ସାମା ହଡ଼ମରେ ନିରାଲ୍ ଲିଜାଃ* ଉୟୁକାନ୍ ତାଇକେନାଏ, ଚିମ୍‌ତା ସିପାଇକ ଧାଜ୍‌ଡ଼ାକେ ସାବ ନାଗେନ୍ତେକ ହିଜୁଃୟାନା, ୫୨ ଇନିଃ ଆୟାଃ ନିରାଲ୍ ଲିଜାଃ ବାଗିକେଦତେ, ଇନିଃ ସାମାହଡ଼ମ ନିର୍‌ୟାନାଏ ।

ୟୀଶୁ ମାରାଜ୍ ଯାଜାକ୍‌ଆଃ ପାଞ୍ଚେଟ୍‌ରେ
(ମାଥୱ ୨୨:୫୭-୬୮; ଲୁକ ୨୨:୫୪-୫୫, ୬୩-୬୯; ଯୋହାନ୍ ୧୮:୧୩-୧୪, ୧୯-୨୪)

୫୩ ଏନ୍ତେ ଇନକୁ ଯୀଶୁକେ ମାରାଜ୍ ଯାଜାକ୍‌କତାଃ ଇଦିକିୟାଃକ । ଏନ୍ତାଃରେ ମୁଲ୍ ଯାଜାକ୍‌କ, ପ୍ରାତିନକ ଆଡ଼ଃ ଆଇନ୍ ଇଡୁକ ହୁଣ୍ଡିୟାନା । ୫୪ ପାଡ଼ରାସ୍ ସାଜିନ୍‌ଏତେ ମାରାଜ୍ ଯାଜାକ୍‌ଆଃ ଅଡ଼ଃରାଚା ଜାକେଦ୍ ଅଡ଼କ୍ ଇଦିକିୟାଏ । ଏନ୍ତାଃରେ ଇନିଃ ହରହଡ଼କଲଃ ଦୁବକେଦତେ ସେଜେଲ୍ ଜୁରୁବ୍‌ତାନ୍ ତାଇକେନାଏ । ୫୫ ମୁଲ୍ ଯାଜାକ୍‌କ ଆଡ଼ଃ ପାଞ୍ଚେଟ୍‌ରେନ୍ ସବେନ୍‌କ ଯୀଶୁକେ ଗଜି ନାଗେନ୍ତେ ଗାଞ୍ଜାକ ଦାଣ୍ଠାବାଡ଼ା ତାଇକେନା, ମେନ୍ଦ ଏନା କାକ ନାମ୍ ଦାଡ଼ିକେଦା । ୫୬ ପୁରାଃ ହଡ଼କ ଇନିୟାଃ ବିରୁଧ୍‌ରେ ହସଡ଼ ଗାଞ୍ଜାକ ଏମକେଦାଃ, ମେନ୍ଦ ଇନକୁଆଃ ଗାଞ୍ଜାକ ମିଦଲେକା କା ତାଇକେନା ।

୫୭ ଏନ୍ତେ ଚିମିନ୍ ହଡ଼କ ତିଜୁୟାନାକ, ଆଡ଼ଃ ଯୀଶୁଆଃ ବିରୁଧ୍‌ରେ ନେ ହସଡ଼ ଗାଞ୍ଜାକ ଏମକେଦାଃ : ୫୮ * “ହଡ଼କଆଃ ତିଃଇତେ ବାଇୟାକାନ୍, ନେ ମାହିର୍‌କେ ହାଦୁଡ଼େଆଇଜ୍, ଆଡ଼ଃ ଆପିମାରେ, ହଡ଼କଆଃ ତିଃଇତେ କା ବାଇୟାକାନ୍ ମାହିର୍‌କେ ତିଜୁୟାଇଜ୍ ମେନ୍ତେ ନିଃକେ କାଜିତାନଲେ ଆୟୁମକିୟା ।”

୫୯ ମେନ୍ଦ ଇନକୁଆଃ ନେ କାଜିକରାଃ ଗାଞ୍ଜାକ କା ମିଦ୍‌ୟାନା ।

୬୦ ଏନ୍ତେ ମାରାଜ୍ ଯାଜାକ୍, ସବେନ୍‌କଆଃ ସାମ୍‌ନାଜ୍‌ରେ ତିଜୁକେଦତେ ଯୀଶୁକେ କୁଲିକିୟାଏ, “ନେ ହଡ଼କ ଆମାଃ ବିରୁଧ୍‌ରେ ଗାଞ୍ଜାକ ଏମକେଦାଃ, ତିୟାଃ ଆମ୍ ଜେଡ଼ନାଃ କାମ୍‌କାଜି ରୁହାଡ଼େତାନା ?”

୬୧ ମେନ୍ଦ ଯୀଶୁ ହାପାକାନ୍ ତାଇକେନାଏ ଆଡ଼ଃ ଜେଡ଼ନାଃ କାଏ କାଜିରୁହାଡ଼କେଦା । ଆଡ଼ଃଗି ମାରାଜ୍ ଯାଜାକ୍ ଇନିଃକେ କୁଲିକିୟାଏ, “ଆମ୍‌ଗି ତି ଖ୍ରୀଷ୍ଟ୍, ପାର୍‌ମେଶ୍‌ବାରାଃ ହନ୍ ତାନ୍‌ମେ, ଅକଏୟାଃଚି ସବେନ୍ ମାଇନାନ୍ ତାନାଃ ?”

୬୨ ଯୀଶୁ ମେତାଇୟାଏ, “ଆଇଜ୍‌ଗି ତାନିଜ୍ । ଆଇଜ୍ ମାନଞ୍ଜାହନ୍ ସବେନ୍ ପେଡ଼େୟାନ୍‌ନିୟାଃ ଜମତିସାଃରେ ଦୁବାକାନ୍ ଆଡ଼ଃ ସିମାରାଃ ରିମିଲ୍‌ରେ ଆଡ଼ଗୁନ୍‌ତାନ୍‌ପେ ନେଲିଜ୍‌ୟା ।”

୬୩ ଏନ୍ତେ ମାରାଜ୍ ଯାଜାକ୍, ଆୟାଃ ଲିଜାଃ ଚାଗାଡ଼କେଦାଏ । “ଆବୁକେ ଆଡ଼ଃ ଚିକାନ୍ ଗାଞ୍ଜା ଲାଗାତିୟାଃ ?” ମେନ୍ତେ ଇନିଃ କୁଲିକେଦକଆଏ । ୬୪ “ଆପେଦ ପାର୍‌ମେଶ୍‌ବାରାଃ ନିଦାକାଜିପେ ଆୟୁମକେଦା । ତିନାଃପେ ବିଚାରେତାନା ?”

ସବେନ୍‌କ ଇନିୟାଃ ବିରୁଧ୍‌ରେ କାଜିକେଦାଃକ ତି ଇନିଃକେ ଗନଏଃ ସାଜାଇ ଏମଃ ଲାଗାତିଜ୍‌ୟାଃ ।

୬୫ ଏନ୍ତେ ଚିମିୟାଜ୍‌କ ଯୀଶୁକେ ବେଏକ୍‌କିୟାଃକ, ଆଡ଼ଃ ଇନିୟାଃ ମେଦ୍ ହାରୁବକେଦତେ ଦାଲିତାନଲଃ କାଜିକିୟାଃକ, “ଆମ୍ ପରେ ନାବୀ ତାନ୍‌ମେ, ମାର୍ କାଜିଲେମେ, ଅକଏ ଦାଲ୍‌ମେତାନାଏ ।” ଆଡ଼ଃ ହରହଡ଼କ ଇନିଃକେ ସାବକେଦତେ ଆପ୍‌ଡ଼ିକିୟାଃକ ।

ପାଡ଼ରାସ୍ ଯୀଶୁକେ କାଇଜ୍ ସାରିଆଃ ମେନ୍ତେ କାଜିତାନାଏ
(ମାଥୱ ୨୨:୨୯-୩୫; ଲୁକ ୨୨:୫୭-୬୨; ଯୋହାନ୍ ୧୮:୧୫-୧୮, ୨୫-୨୭)

୬୬ ଚିମ୍‌ତା ପାଡ଼ରାସ୍ ଲାଚାର୍ ଅଡ଼ଃରାଚାରେ ତାଇକେନ୍‌ରେ, ମାରାଜ୍ ଯାଜାକ୍‌ରାଃ ମିଆଁଦ୍ କାମ୍‌ଡ଼ିକୁଡ଼ି† ହିଜୁଃୟାନାଏ । ୬୭ ଆଡ଼ଃ ପାଡ଼ରାସ୍‌କେ ଜୁରୁବ୍‌ତାନ୍ ନେଲ୍‌କିୟାଏ, ଇନିଃକେ ଆରିଦ୍‌ବାଇକେଦତେ ମେତାଇୟାଏ, “ଆମ୍‌ଅଗି ନାଜ୍‌ରେଡ଼ରେନ୍, ଯୀଶୁଲଃ ତାଇକେନାମ୍ ।”

୬୮ ମେନ୍ଦ ଇନିଃ କାହାଗି ମେନ୍‌କେଦତେ, କାଜିରୁହାଡ଼କେଦାଏ, “ଆଇଜ୍ ଇନିଃକେ କାଇଜ୍ ସାରିୟା । ଆମ୍ ତିନାଃମ୍ କାଜିତାନା ଆଇଜ୍ କାଇଜ୍ ମୁଣ୍ଡିଅଃତାନାଃ ।” ଏନ୍ତେ ଇନିଃ ବଲଃଦୁଆର୍‌ତେ ସେନଃୟାନାଏ, ଇମ୍‌ତାଗି ସାଣ୍ଡିସିମ୍ ରାଆଃକେଦାଏ‡ ।

* ୧୪:୪୯ ୧୪:୪୯ ଲୁକ ୧୯:୪୭; ୨୧:୩୭. * ୧୪:୫୧ ୧୪:୫୧ ପୁଣ୍ଡିଲିଜାଃ, ପାଡ଼ଲାଚାଦାର୍ * ୧୪:୫୮ ୧୪:୫୮ ଯୋହାନ୍ ୨:୧୯.
† ୧୪:୬୬ ୧୪:୬୬ ଦାସିକୁଡ଼ି ‡ ୧୪:୬୮ 14:68 ଚିମିନ୍ ମାରି ଅନଲ୍‌କରେ, ଇମ୍‌ତାଗି ସାଣ୍ଡିସିମ୍ ରାଆଃକେଦାଏ, ମେନ୍ତେୟାଃ ବାନଃଆ

୭୯ ଆତ୍ମତ୍ୟାଗୀୟା କାମ୍ପାଣ୍ଡିକୃତି ଇନିଷକେ ନେଲକିଷତେ, ଜାପାଠକରେ ତିଲ୍ଲୁଆକାନ୍ ହତ୍ତକକେ ମେତାଦକଆଏ, “ନିଃଇହ ଇନ୍‌କୁଏତେ ମିଆଁଦନିଃ ତାନିଃ ।” ୭୦ ମେନ୍‌ଦ ପାତ୍ରରାସ୍ ଆତ୍ମତ୍ୟାଗୀୟା “କାହାଗି” ମେନ୍‌କେଦାଏ ।

ଘାଡ଼ିକାଦ୍ ତାୟମତେ ଏନ୍ତାଠରେ ତିଲ୍ଲୁଆକାନ୍‌କ ପାତ୍ରରାସ୍‌କେକ କାଜିକିୟା, “ସାର୍‌ତିଗି, ଆମ୍ ଇନ୍‌କୁଏତେ ମିଆଁଦନିଃ ତାନ୍‌ମେ, ଚିୟାଠି ଆମ୍‌ଅଗି ଗାଲିଲ୍‌ରେନ୍‌ ତାନ୍‌ମେ ।”

୭୧ ଏନ୍ତେ ପାତ୍ରରାସ୍ କିରିୟା ଜମ୍‌କେଦ୍‌ତେ କାଜିକେଦାଏ, “ଆପେ କାଜିତାନ୍ ନେ ହତ୍ତକେ ଆଇଙ୍ଗ୍ କାଇଙ୍ଗ୍ ସାରିଆଃ ।”

୭୨ ଏନ୍ତେ ଇମ୍‌ତାଙ୍ଗି ସାଣ୍ଡିସିମ୍ ବାର୍‌ସାଏ ରାଆଠକେଦାଃ, ଆତ୍ମ “ସାଣ୍ଡିସିମ୍ ବାର୍‌ସା ଆଉରି ରାଆଠ ସିଦାରେ ଆପିସା ଆଇଙ୍ଗ୍‌କେ କାଇଙ୍ଗ୍ ସାରିଆ ମେନ୍ତେ କାଜିୟାମ୍,” ଏନା ଯୀଶୁ କାଜିଲେଦକାଜି ପାତ୍ରରାସ୍ ପାହାମ୍‌କେଦାଏ । ଆତ୍ମ ଇନିଃ କୁସୁଦ୍ କୁସୁଦ୍‌ତାନ୍ ରାଆଠକେଦାଏ ।

୧୫

ପିଲାତୁସ୍‌ରାଠ ସାମ୍‌ନାଙ୍ଗ୍‌ରେ ଯୀଶୁ
(ମାଥୂର ୨୭:୧-୨, ୧୧-୧୪; ଲୁକ ୨୩:୧-୫; ଯୋହାନ୍ ୧୮:୨୮-୩୮)

୧ ଆଙ୍ଗ୍‌ୟାନ୍‌ଲଠି ମୂଲ୍ ଯାଜାକ୍‌କ, ପ୍ରାଚିନ୍‌କଲଠ, ଆଇନ୍ ଇତ୍ତକଲଠ ଆତ୍ମ ପାଞ୍ଚେଟ୍‌ରେନ୍ ସବେନ୍‌କଲଠକ ରଜୋଟ୍‌କେଦା । ଇନ୍‌କୁ ଯୀଶୁକେ ତଲ୍‌କେଦ୍‌ତେକ ଇଦିକିୟା, ଆତ୍ମ ପିଲାତୁସ୍‌ରାଠ ଡିଠକରେ ଏମ୍‌କିୟାକ । ୨ ପିଲାତୁସ୍ ଇନିଃକେ, “ଆମ୍‌ଗିଟି ଯିହୁଦୀକଆଠ ରାଜା ତାନ୍‌ମେ ?” ମେନ୍ତେ କୁଲିକିୟାଏ ।

ୟୀଶୁ ମେନ୍‌ରୁହାଡ଼ାଇୟାଏ, “ହାଁ, ଆମ୍‌ଗିମ୍ କାଜିତାନା ।”

୩ ମୂଲ୍ ଯାଜାକ୍‌କ ଯୀଶୁକେ ପୁରାଠ କାଜିତେକ ଚିଟାକିୟା । ୪ ଏନାମେନ୍ତେ ପିଲାତୁସ୍ ଆତ୍ମତ୍ୟାଗୀୟା ଇନିଃକେ କୁଲିକିୟାଏ, “ଚିୟାଠ ଆମ୍ ଜେଡ୍‌ନାଠ କାମ୍ କାଜିରୁହାଡ଼ାକଆ ? ନେଲ୍‌କୁମ୍, ଇନ୍‌କୁ ଆମ୍‌କେ ଚିମିନ୍ ପୁରାଠ କାଜିତେକ ଚିଟାମେତାନା ।”

୫ ମେନ୍‌ଦ ଯୀଶୁ ଜେଡ୍‌ନାଠହ କାଏ କାଜିରୁହାଡ଼କିୟା, ଏନାମେନ୍ତେ ପିଲାତୁସ୍ ଆକ୍‌ଦାନ୍‌ଆୟାନା ।

ୟୀଶୁକେ ଗଏଠନାଙ୍ଗ୍ ବିଚାର
(ମାଥୂର ୨୭:୧୫-୨୬; ଲୁକ ୨୩:୧୩-୨୫; ଯୋହାନ୍ ୧୮:୩୯-୧୯:୧୬)

୬ ପିଲାତୁସ୍‌ରାଠ ରିତିଲେକାତେ, ସବେନ୍ ପାସ୍‌କା ପାରାବ୍ ଦିପିଲିରେ ହତ୍ତକ ମିଆଁଦ୍ ଜେହେଲ୍‌କାନ୍‌ନିଠକେ ଆସି ତାଇକେନାକ, ଇନିଃକେ ପିଲାତୁସ୍ ଇନ୍‌କୁନାଙ୍ଗ୍ ଆଡ଼ାଗାକତାନ୍ ତାଇକେନାଏ । ୭ ଦିଶୁମ୍‌ରେ ହାଲାଗୁଲା ହବାୟାନ୍ ଦିପିଲିରେ, ହତ୍ତଗଏଠ ହରାତେ ଜେହେଲ୍‌କାନ୍‌କଏତେ, ବାରବ୍‌ବା ନୁତୁମ୍ ମିଆଁଦ୍ ହତ୍ତହଁ ତାଇକେନାଏ । ୮ ଗାଦେଲ୍ ହତ୍ତକ ପିଲାତୁସ୍‌ତାଠ ହିଜୁଠୟାନ୍ତେ, ଆମ୍ ଜାନାଅ ରିକାତାନ୍ ଲେକା ଆଲେୟାଠ ନାଙ୍ଗ୍ ରିକାଗାଲେମ୍, ମେନ୍ତେକ ଆସିଏଟେଦକିୟା । ୯ ପିଲାତୁସ୍ ଇନ୍‌କୁକେ ମେତାଦକଆଏ, “ଚିନାଠ ଆଇଙ୍ଗ୍ ଆପେୟାଠ ନାଗେନ୍ତେ ଯିହୁଦୀକଆଠ ରାଜାକେଇଙ୍ଗ୍ ଆଡ଼ାଠତାଇୟା ମେନ୍ତେପେ ସାମାଙ୍ଗ୍‌ତାନା ?” ୧୦ ଚିୟାଠି ମାରାଙ୍ଗ୍ ଯାଜାକ୍‌କ ହିସ୍‌କାତେ ଯୀଶୁକେ ଆଇଠକ୍‌ତାଠରେ ଜିମାକାଇ ତାଇକେନାକ, ଏନା ଇନିଃ ଆବ୍‌କାରକେଦାଏ ।

୧୧ ମୂଲ୍ ଯାଜାକ୍‌କ, ଯୀଶୁକେ ବାନଠ ମେନ୍‌ଦ ବାରବ୍‌ବାକେ ରାଡ଼ା ନାଗେନ୍ତେ ପିଲାତୁସ୍‌କେ ଆସିପେ ମେନ୍ତେ ଗାଦେଲ୍ ହତ୍ତକକେ ଉସ୍‌କୁରକେଦକଆକ । ୧୨ ପିଲାତୁସ୍ ଆତ୍ମତ୍ୟାଗୀୟା ହୁଣ୍ଡିଆକାନ୍‌କକେ କୁଲିକେଦକଆଏ, “ଆପେ ଯିହୁଦୀକଆଠ ରାଜା ମେତାଇନିଠକେ ଚିନାଠଇଙ୍ଗ୍ ଚିକାୟା ମେନ୍ତେପେ ସାମାଙ୍ଗ୍‌ତାନା ?”

୧୩ ଇନ୍‌କୁଦ ଆତ୍ମତ୍ୟାଗୀୟା କାଉରିକେଦାଠ, “ଇନିଠକେ କୁଣ୍‌ରେ କିଲାଇମେ ।” ୧୪ ମେନ୍‌ଦ, “ଇନିଠ ଚିନାଠ ଗୁଣ୍ଡାକାଦାଏ ?” ମେନ୍ତେ ପିଲାତୁସ୍ ଇନ୍‌କୁକେ କୁଲିକେଦକଆଏ ।

ଇନ୍‌କୁଦ ଆତ୍ମତ୍ୟାଗୀୟା କାଉରିକେଦ୍‌ତେ କାଜିକିୟା, “କୁଣ୍‌ରେ କିଲାଇମେ ।”

୧୫ ପିଲାତୁସ୍ ହତ୍ତକକେ ସୁକୁ ସାମାଙ୍ଗ୍‌ତାନ୍‌ତେ ବାରବ୍‌ବାକେ ଇନ୍‌କୁଆଠ ନାଗେନ୍ତେ ରାଡ଼ାକିୟାଏ । ଏନ୍ତେ ଇନିଠ ଯୀଶୁକେ ହାଁଶ୍‌ସା ରିକାକିଠତେ କୁଣ୍‌ରେ ରାକାବଠକାଏ ମେନ୍ତେ ଇନିଠକେ ଜିମାକିୟାଏ ।

ୟୀଶୁକେ ସିପାଇକ ଲାନ୍‌ଆଇତାନା
(ମାଥୂର ୨୭:୨୭-୩୧; ଯୋହାନ୍ ୧୯:୨-୩)

୧୬ ସିପାଇକ ପିଲାତୁସ୍‌ରାଠ ଅଡ଼ାଠରାଚା ଭିତାର୍‌ତେ ଯୀଶୁକେକ ଇଦିକିୟା, ଆତ୍ମ ଗଟା ପାଲ୍‌ଟାନ୍‌କକେ ହୁଣ୍ଡିକେଦକଆକ ୧୭ ଇନ୍‌କୁ ଇନିଠକେ ମିଆଁଦ୍ ବାଇଗିନିଆ ଲିଜାଠକ ତୁସିଙ୍ଗ୍‌କିୟାଠ ଆତ୍ମ ଜାନ୍‌ମୁମ୍ ମୁକୁଟ୍ ଗାଲାଙ୍ଗ୍‌କେଦ୍‌ତେ ଇନିୟାଠ ବହଠରେକ ଚୁପୁରିକିୟା । ୧୮ ଏନ୍ତେ ଇନ୍‌କୁ ଇନିଠକେ କାଜି ଏଟେଦକିୟାଠକ,

“ହେ, ଯିହୁଦୀକଥାଃ ରାଜା, ଜାନାଅ ଜାନାଅ ନାଙ୍ଗ ତାଇନଃମେ ।” ୧୯ ଇନ୍କୁ ଇନିଃକେ ସଟାତେ ବହଃରେକ ଦାଲ୍‌କିୟା, ବେଏକ୍‌କିୟା ଆତଃ ଇକ୍‌ଡୁମ୍‌କେଦ୍‌ତେକ ଜହାରକିୟା । ୨୦ ଇନ୍କୁ ଇନିଃକେ ଲାୟାକିତେ ଏନ୍ ବାଇଗିନିଆ ଲିଜାଃକେକ ହଲେଃକକେଦା ଆତଃ ଆୟାଃ ଲିଜାଃକେକ ତୁସିଙ୍ଗକିୟା । ଏନ୍ତେ ଇନ୍କୁ ଇନିଃକେ କ୍ରୁଶ୍‌ରେ କିଲାଇ ନାଗେନ୍ତେ ବାହାରିତେକ ଇଦିକିୟା ।

ୟୀଶୁଆଃ କ୍ରୁଶ୍‌ରାକାବଃ
(ମାଥୁର ୨୭:୩୨-୪୪; ଲୁକ ୨୩:୨୭-୪୩; ଯୋହାନ୍ ୧୯:୧୭-୨୭)

୨୧ *କ୍ରିନିରେନ୍ ଶିମୋନ୍ ନୁତୁମ୍ ମିଆଁଦ୍ ହଡ୍, ଆଲେକ୍‌ଜାଣ୍ଡାର୍ ଆତଃ ରୁପୁସରାଃ ଆପୁତେ, ହାତୁଏତେ ହିଜୁଃତାନଲଃ ଏନ୍ ହରାରେ ପାରମଃତାନ୍ ତାଇକେନାଏ, ଆତଃ ପାଲ୍‌ଟାନକ ଇନିଃକେକ ଯୀଶୁଆଃ କ୍ରୁଶ୍‌କେ ଜାବାରଜାସ୍ତି ଗଅଃ ରିକାକିୟାଃକ । ୨୨ ଇନ୍କୁ ଯୀଶୁକେ ଗାଲ୍‌ଗାଆ ନୁତୁମ୍ ମିଆଁଦ୍ ଠାୟାଦ୍‌ତେକ ଇଦିକିୟା, ଗାଲ୍‌ଗାଆରାଃ ମୁଣ୍ଡିଦ୍, “ବହଃଜାଙ୍ଗ୍‌ବୁରୁ” । ୨୩ ଏନ୍ତାଃରେ ଇନ୍କୁ ଇନିଃକେ ମେହେରତେଆଃ ମେସାକାନ୍ ଦାଖ୍‌ରାସି ନୁଁଇ ନାଗେନ୍ତେକ ଏମାଲୟା, ମେନ୍‌ଦ ଯୀଶୁ ଏନା କାଏ ନୁଁକେଦାଃ । ୨୪ ଏନ୍ତେ ଇନ୍କୁ ଇନିଃକେ କ୍ରୁଶ୍‌ରେକ ରାକାବ୍‌କିଆ, ଆତଃ ଇନିୟାଃ ଲିଜାଃକ, ଅକଏ ଅକ୍‌ନାଃରୁ ନାମେଆଁ ଏନା ଚିଠା* ଉୟୁଃକେଦ୍‌ତେ ନେଲ୍‌କେଦାଃକ, ଏନ୍ତେ ଆକ ଆକରେଗି ହାଟିଙ୍ଗ୍‌ୟାନାକ । ୨୫ ସେତାଃରାଃ ନାଅବାଜେ† ଇନ୍କୁ ଇନିଃକେ କ୍ରୁଶ୍‌ରେକ କିଲାକିୟାଃ ୨୬ ଇନିୟାଃ ବିରୁଧ୍‌ରେ ଅଲ୍‌କାନ୍ ଚିଠାରେ, “ଯିହୁଦୀକଥାଃ ରାଜା” ମେନ୍ତେ ଅଲ୍‌କାନ୍ ତାଇକେନା । ୨୭ ଇନ୍କୁ ବାରିଆ କୁମ୍‌ତୁକ୍‌କିନ୍‌କେ ଇନିଃକେ କ୍ରୁଶ୍‌ରେକ କିଲାକେଦ୍‌କିନା, ମିଆଁଦ୍‌ନିଃକେ ଜମ୍‌ତିସାଃରେ, ଏଟାଃନିଃକେ ଲେଙ୍ଗାତିସାଃରେ । ୨୮ ଏନ୍‌ଲେକାତେ, ପାବିତାର୍ ଅନଲ୍‌କରେ, “ଏଡ୍‌କାନ୍‌କଲଃ ଲେକାୟାନାଏ, ମେନ୍ତେ ଧାରାମ୍‌ପୁଥ୍‌ରେ ଅଲ୍‌କାନ୍ କାଜି ପୁରାୟାନା ।”‡

୨୯ *ଏନ୍ ହରାରେ ସେନ୍‌ପାରମଃତାନ୍ ହଡ୍‌କ, ଆକଥାଃ ବହଃ ହିଲାଅକେଦ୍‌ତେ ଇନିଃକେ ନିୟାତାନଲଃ କାଜିକିୟାଃକ, “ବାଃରେ ମାନ୍‌ର ହାଦୁଡ୍‌ନିଃ ଆତଃ ଆପିମାରେ ବାଇରୁହାଡ୍‌ନିଃ, ୩୦ ମାର୍ କ୍ରୁଶ୍‌ଏତେ ଆଡ୍‌ଗୁନ୍‌ମେ ଆତଃ ବାଞ୍ଚାଅଏନ୍‌ମେ ।”

୩୧ ଏନ୍‌ଲେକାଗି ମୁଲ୍ ଯାଜାକ୍‌କ ଆତଃ ଆଇନ୍ ଇଡୁକ, ଯୀଶୁକେ ଆକ ଆକରେକ ହିଲାଙ୍ଗ୍‌କିଆ ଆତଃ ମେପେନ୍‌ୟାନା “ଏଟାଃକକେଦ୍ ଇନିଃ ବାଞ୍ଚାଅକେଦ୍‌କଥାଏ, ମେନ୍‌ଦ ଇନିଃ ଆଇଃକ୍‌ଗି ବାଞ୍ଚାଞ୍ଜେନ୍ କାଏ ଦାଡ୍‌ତାନ୍ । ୩୨ ଆମ୍ ସାର୍‌ତିଗି ଖ୍ରୀଷ୍ଟ୍, ଇସ୍ରାଏଲ୍‌ରାଃ ରାଜାତାନ୍‌ମେ ରେଦ୍, କ୍ରୁଶ୍‌ଏତେ ନାହାଃ ଆଡ୍‌ଗୁନ୍‌କାଏ, ଆତଃ ଏନା ନେଲ୍‌କେଦ୍‌ତେବୁ ବିଶ୍ୱାସୀତେଆଃ ।” ଆତଃ ଇନିଃକେ କ୍ରୁଶ୍‌ରେ କିଲାକାନ୍‌କିନ୍ ଇନିଃକେକିନ୍ ହିଲାଙ୍ଗ୍‌କିୟା ।

ୟୀଶୁଆଃ ଗନଏଃ
(ମାଥୁର ୨୭:୪୫-୫୬; ଲୁକ ୨୩:୪୪-୪୯; ଯୋହାନ୍ ୧୯:୨୮-୩୦)

୩୩ ତିକିନ୍‌ସିଙ୍ଗିକରେ ତିନ୍‌ପାଣ୍ଡା ଜାକେଦ୍ ଗଟା ଦିଗୁମ୍ ନୁବାଃୟାନା । ୩୪ ଆତଃ ତିନ୍‌ବାଜେ ଯୀଶୁ ପୁରାଃଗି କାଉରିକେଦ୍‌ତେ କାଜିକେଦାଏ, “ଏଲୋଇ ଏଲୋଇ ଲାମା ସାବାକ୍‌ଆନି ?” ଏନାରାଃ ମୁଣ୍ଡିଦ୍, “ଏ ଆଇଁୟାଃ ପାର୍‌ମେଶ୍ୱାର୍, ଏ ଆଇଁୟାଃ ପାର୍‌ମେଶ୍ୱାର୍, ଚିନାଃମେନ୍ତେ ଆଇଙ୍ଗ୍‌କେ ବାଗିକିଦିୟାମ୍ ?”

୩୫ ଏନ୍ ଜାପାଃରେ ତିଙ୍ଗୁଆକାନ୍‌କଏତେ ଚିମିନ୍ ହଡ୍‌କ ନେଆଁ ଆୟୁମ୍‌କେଦ୍‌ତେ କାଜିକେଦା, “ଆୟୁମେପେ, ଇନିଃ ଏଲିୟକେ ହାକାଅତାନା ।” ୩୬ ଇନ୍କୁଏତେ ମିଆଁଦ୍‌ନିଃ ନିରକେଦ୍‌ତେ ସ୍ୱଞ୍ଜକେ ମେହେର ରାସିରେ ତୁପୁକେଦାଏ ଆତଃ ଏନାକେ ମିଆଁଦ୍ ସଟାରେ ଗୁଡୁକେଦ୍‌ତେ ଯୀଶୁକେ ନୁଁଇ ନାଗେନ୍ତେ ଏମ୍‌କିୟାଏ, ଆତଃ ମେନ୍‌କେଦାଏ, “ରାହା କ୍ରୁଶ୍‌ଏତେ ଇନିଃକେ ଆଡ୍‌ଗୁ ନାଗେନ୍ତେ ଏଲିୟ ହିଜୁଃତାନାଏ ଚି କାହା ନେଆଁବୁ ନେଲେଆ ।”

୩୭ ଯୀଶୁ ପୁରାଃଗି କାଉରିକେଦାଏ ଆତଃ ଜୀଉତାୟାଃ ଅତଙ୍ଗ୍‌ୟାନା ।

୩୮ ମାନ୍‌ର ଅଡ଼ାଃରେ ହାକାକାନ୍ ହାନାଟିଙ୍ଗ୍ ଦାନାଙ୍ଗ୍‌ଲିଜାଃ ତେତାନ୍‌ଏତେ ଲାତାର୍ ଜାକେଦ୍ ଆଲାରେ ବାର୍ ହିସା ଚାଗାଡ୍‌ୟାନା । ୩୯ କ୍ରୁଶ୍‌ରାଃ ସାମ୍‌ନାଙ୍ଗ୍‌ରେ ତିଙ୍ଗୁଆକାନ୍ ସିପାଇକଥାଃ ଗମ୍‌କେର୍ ଯୀଶୁ ଚିଲ୍‌କାଏ ଗଏଃୟାନା, ଏନା ନେଲ୍‌କେଦ୍‌ତେ ମେନ୍‌କେଦାଏ, “ସାର୍‌ତିଗି ନେ ହଡ୍ ପାର୍‌ମେଶ୍ୱାର୍‌ଆଃ ହନ୍‌ଗି ତାଇକେନାଏ ।”

୪୦ *ଆତଃ ଏନ୍ତାଃରେ ଚିମିନ୍ କୁଡିକ ସାଙ୍ଗିନ୍‌ଏତେ ନେଲ୍‌ତାନ୍‌କ ତାଇକେନା । ଇନ୍କୁଆଃ ଆଲାରେ ମାରିୟାମ୍ ମାଗଦାଲିନି, ହୁଡିଙ୍ଗ୍ ଯାକ୍‌ବ୍ ଆତଃ ଯୋସିରାଃ ଏଙ୍ଗାତେ ମାରିୟାମ୍, ଆତଃ ସାଲୋମିତେକ ତାଇକେନା । ୪୧ ଇନ୍କୁ, ଯୀଶୁ ଗାଲିଲ୍‌ରେ ତାଇକେନ୍ ଇମ୍‌ତା ଅତଙ୍ଗ୍‌ଇତାନ୍ ଆତଃ ସୁସାରିତାନ୍‌କ

☆ ୧୫:୨୧ ୧୫:୨୧ ରୋମି ୧୭:୧୩. * ୧୫:୨୪ ୧୫:୨୪ ପାଞ୍ଜିଖାଡ୍ଡି † ୧୫:୨୫ ୧୫:୨୫ ନାଅବାଜେ ଅରେୟାବାଜେ ‡ ୧୫:୨୮ ୧୫:୨୮ ଚିମିନ୍ ମାରି ଅନଲ୍‌କରେ ନେ ବାଚାନ୍ ବାନଃଆ ☆ ୧୫:୨୯ ୧୫:୨୯ ମାର୍କ ୧୪:୫୮; ଯୋହାନ୍ ୨:୧୯. † ୧୫:୩୯ ୧୫:୩୯ ମିଦ୍‌ଶାଅ ସିପାଇକଥାଃ ମାରାଙ୍ଗ୍ ☆ ୧୫:୪୦ ୧୫:୪୦ ଲୁକ ୮:୨,୩.

ତାଙ୍କେନା । ଇନିଷଲକ୍ଷ ଯୀରୁଶାଲେମ୍‌ରେ ହିନ୍ଦୁକାନ୍ ପୁରାଃ ଏଟାଃ କୁଡ଼ିକହ ଏନ୍ତାଃରେ ତାଙ୍କେନାକ ।

ୟୀଶୁକେକ ତପାଇତାନା

(ମାଥୁଉ ୨୭:୫୭-୬୧; ଲୁକ ୨୩:୫୦-୫୬; ଯୋହାନ୍ ୧୯:୩୮-୪୨)

୪୭ ଏନ୍‌ହୁଲାଙ୍ଗଦ ସାପଡ଼ାଅନ୍ ହୁଲାଙ୍ଗ ତାଙ୍କେନା, ଏନା ରୁଡ଼ନ୍ ହୁଲାଙ୍ଗରାଃ ସିଦାହୁଲାଙ୍ଗ ତାଙ୍କେନା, ଆତଃ ଆୟୁବ୍‌ୟାନ୍ତି, ୪୮ ହାରାମାଥୁୟା ସାହାରରେନ୍ ଯୋଷେଫ୍, ଇନିଷଦ ଯିହୁଦୀକଆଃ ମାରାଙ୍ଗ ପାଞ୍ଚେଟ୍‌ରେନ୍ ମିଆଁଦ ମାଇନାନ୍ ହଡ଼ ତାଙ୍କେନାଏ, ଇନିଷଦ ପାରମେଶ୍ୱାରଆଃ ରାଇଜ୍ ନେଲ୍ ହରାତାନ୍ ତାଙ୍କେନାଏ, ଏନାମେନ୍ତେ ଇନିଷ ଜେତାଏକେ କାଏ ବରକେଦ୍‌ତେ ପିଲାତୁସ୍‌ତାଃତେ ବଲୟାନାଏ ଆତଃ ଯୀଶୁଆଃ ଗଏଃ ହଡ଼ମ୍ ଆସିକିୟାଏ । ୪୯ ଯୀଶୁଆଃ ଜୀଉଟୁଣ୍ଡୟାନା ମେନ୍ତେ ଆୟୁମ୍‌କେଦ୍‌ତେ ପିଲାତୁସ୍ ଆକଦାଦାଅୟାନା । ଇନିଷ ସିପାଇକଆଃ ଗମ୍‌କେ କେ କେଡ଼ାକେଦ୍‌ତେ, ଚିୟାଃ ଇନିଷ ଗଏଃୟାନାଏ ମେନ୍ତେ ଇନିଷକେ କୁଲିକିୟାଏ । ୫୦ ପିଲାତୁସ୍ ସିପାଇକଆଃ ଗମ୍‌କେୟାଃ କାଜିତେ ଏନା ଆଟ୍‌କାରକେଦ୍‌ତେ, ଇନିଷ ଯୀଶୁଆଃ ଗଏଃହଡ଼ମ୍ ଯୋଷେଫ୍‌କେ ଏମ୍‌କିୟାଏ । ୫୧ ଯୋଷେଫ୍ ନିରାଲ୍ ଲିଜାଃ କିରିଙ୍ଗକେଦ୍‌ତେ ଯୀଶୁକେ କୁଣ୍‌ଏତେ ଆଡ଼ଗୁକିଆଏ ଆତଃ ଏନ୍ ଫାଟ୍‌ଟି ନିରାଲ୍ ଲିଜାଃରେ ପଟମ୍‌କିୟାଏ, ଆତଃ ସେରେଙ୍ଗ୍‌ରେ* ଉରାକାନ୍ ତପାଗାଡ଼ାରେ ଗିତିଃକିୟାଏ । ଏନ୍ତେ ଏନ୍ ଦୁଆରକେ ମିଆଁଦ ମାରାଙ୍ଗ ଦିରିତେ ବାଟିକେସେଦ୍‌ତାଦାଏ । ୫୨ ମାର୍ଗଦାଲିନି ମାରିୟାମ୍ ଆତଃ ଯୋସିଆଃ ଏଙ୍ଗାତେ ମାରିୟାମ୍ ଇନିଷକେ ଅକ୍‌ତାଃରେ ତପାକିୟାକ ଏନାକିନ୍ ନେଲ୍‌କେଦା ।



ୟୀଶୁଆଃ ଜୀଉବିନିରିଦ୍

(ମାଥୁଉ ୨୮:୧-୮; ଲୁକ ୨୪:୧-୧୨; ଯୋହାନ୍ ୨୦:୧-୧୦)

୧ ରୁଡ଼ନ୍ ହୁଲାଙ୍ଗ ସେନଃୟାନ୍ତି ମାର୍ଗଦାଲିନି ମାରିୟାମ୍, ଯାକୁବ୍‌ରାଃ ଏଙ୍ଗାତେ ମାରିୟାମ୍, ଆତଃ ସାଲୋମି ସେନକେଦ୍‌ତେ ଯୀଶୁଆଃ ଗଏଃ ହଡ଼ମ୍‌ରେ ଗସଗେ ନାଗେନ୍ତେ ବୁଗିନ୍ ସହାନ୍ ସୁନ୍‌ମ୍‌ତେୟାଃ କିରିଙ୍ଗକେଦାଃ । ୨ ଏତଆର ହୁଲାଙ୍ଗ ସେତାଃ ଇଦାନରେ ସିଙ୍ଗି ତୁରଃଲକ୍ଷଗି ଇନ୍‌କୁ ତପାଗାଡ଼ା ଠାୟାଦ୍‌ତେ ସେନଃତାନ୍ ତାଙ୍କେନାକ, ୩ ଆତଃ ଇନ୍‌କୁ ଆକ ଆକରେ ମେପେନ୍‌ୟାନାକ, “ତପାଗାଡ଼ା ଦୁଆରରେୟାଃ ପୁରାଃ ମାରାଙ୍ଗ ଦିରିକେ ଅକଏ ବାଟିଆତମାବୁଆଏ ?” ୪ ମେନ୍‌ଦ ଇନ୍‌କୁ ଏନ୍ ଦିରିକେ ଆତମ୍‌ବାଟିକାନ୍ ନେଲ୍‌କେଦାକ, ଏନାଦ ପୁରାଃ ମାରାଙ୍ଗ ଦିରି ତାଙ୍କେନା । ୫ ତପାଗାଡ଼ାରେକ ବଲୟାନ୍ତି, ପୁଣ୍ଡି ଲିଜାଃ ତୁସିଙ୍ଗ୍‌ଆଁକାନ୍ ମିଆଁଦ ସେପେଡ଼େଦ୍‌କେ ଜମ୍‌ସାଃରେ ଦୁବାକାନ୍‌କ ନେଲ୍‌କିୟାଃ, ଆତଃକ ଆକ୍‌ବାକାଅୟାନା ।

୬ ଇନିଷଦ ମେତାଦ୍‌କଆଏ, “ଆଲ୍‌ପେ ବରଏୟା, କୁଣ୍‌ରେ କିଲାଗଏଃୟାନ୍ ନାଜ୍‌ରେଡ୍‌ରେନ୍ ଯୀଶୁକେପେ ଦାଣ୍ଡାତାନା, ଇନିଷ ଜୀଉବିରିଦ୍‌ୟାନାଏ, ଇନିଷ ନେତାଃରେ ବାଙ୍ଗାକୟା । ନେଲେପେ, ନେ ଠାୟାଦ୍‌ରେଗି ଇନିଷକେକ ବାଟିଆକାଲ ତାଙ୍କେନା । ୭ ମେନ୍‌ଦ ଜୁ ରୁହାଡ଼ପେ, ଆୟାଃ ଚେଲାକକେ ଆତଃ ପାଡ଼ରାସ୍‌କେ ଉଦୁବାକପେ, ଆପେଏତେ ଆୟାରରେ ଇନିଷ ଗାଲିଲ୍‌ତେ ସେନଃତାନା, ଇନିଷ କାଜିୟାଦ୍‌ପେ ଲେକା ଏନ୍ତାଃରେ ଇନିଷକେପେ ନେଲିୟା ।”

୮ ଆତଃ ଇନ୍‌କୁ ଅତଙ୍ଗ୍‌ୟାନ୍ତି ବରତାନ୍ ଆତଃ ଏକ୍‌ଲାଅଃତାନ୍‌ଲକ୍ଷ ତପାଗାଡ଼ାତାଃଏତେକ ନିର୍‌ୟାନା । ଇନ୍‌କୁକେଦ୍‌ ବରଭେଦାଅ ହରାତେ ଜେତାଏକେ ଜେଡ଼ନାଃ କାକ କାଜିୟାଦ୍‌କଆ ।

ୟୀଶୁ ବାରହଡ଼ ଚେଲାକିନ୍‌ତାଃରେ ଉଦୁବେନ୍‌ୟାନାଏ

(ଲୁକ ୨୪:୧୩-୩୫; ମାଥୁଉ ୨୮:୯-୧୦; ଲୁକ ୨୪:୧୦-୧୧; ଯୋହାନ୍ ୨୦:୧୧-୧୮)

୯ ଯୀଶୁ ହାପ୍‌ପାରାଃ ପାହିଲାହୁଲାଙ୍ଗ ସେତାଃଇଦାନରେ ଜୀଉବିରିଦ୍‌କେଦ୍‌ତେ, ଇନିଷ ସିଦାତେ ମାର୍ଗଦାଲିନି ମାରିୟାମ୍‌ତାଃରେ ଉଦୁବେନ୍‌ୟାନା, ଇନିଷତାଃଏତେ ସାଡ଼ୁ ବଙ୍ଗାକକେ ଅତଙ୍ଗ୍‌କାକ ତାଙ୍କନା । ୧୦ ଇନିଷ ସେନ୍‌ୟାନ୍ତେ ଯୀଶୁଲକ୍ଷ ତାଙ୍କେନକକେ ଉଦୁବାଦ୍‌କଆଏ । ଇନ୍‌କୁଦ ରାଆଃତାନ୍ ଆତଃ ଏୟମ୍‌ତାନ୍‌କ* ତାଙ୍କେନା । ୧୧ ଇନିଷ ଇନ୍‌କୁକେ ଯୀଶୁ ଜୀଉବିରିଦାକାନାଏ ଆତଃ ଆୟାଃତାଃ ଉଦୁବେନ୍‌ୟାନାଏ ନେଆଁ କାଜିକେଦ୍‌କଆଏ, ମେନ୍‌ଦ ଇନ୍‌କୁ ଇନିଷକେ କାକ ବିଶ୍ୱାସ୍‌କିୟାଃ ।

୧୨ ଏନ୍ ତାୟମ୍‌ତେ, ଇନ୍‌କୁଏତେ ବାରହଡ଼, ହାଡ଼ୁତେକିନ୍ ରୁହାଡ଼ତାନ୍ ଦିପିଲିରେ, ଯୀଶୁ, ଏଟାଃ ମେଦ୍‌ମୁହାଡ଼ୟାନ୍ତେ ଇନ୍‌କିନ୍‌ତାଃ ହରାରେ ଉଦୁବେନ୍‌ୟାନାଏ । ୧୩ ଇନ୍‌କିନ୍ ରୁହାଡ଼କେଦ୍‌ତେ ଏଟାଃ ଚେଲାକକେ ଏନା ଉଦୁବାଦ୍‌କଆକିନ୍, ମେନ୍‌ଦ ଇନ୍‌କୁ ଇନ୍‌କିନାଃ କାଜିୟାଃ କାକ ବିଶ୍ୱାସ୍‌କେଦାଃ ।

* ୧୫:୪୭ ୧୫:୪୭ ଦିରିତେ ପେରେଜାକାନ୍ ବୁରୁ ☆ ୧୭:୭ ୧୭:୭ ମାଥୁଉ ୨୭:୩୨; ମାର୍କ ୧୪:୨୮. * ୧୭:୧୦ ୧୭:୧୦ କୁସୁଦ୍ କୁସୁଦ୍ ରାଆଃ

ୟୀଶୁ ଏଗାରାଝାନ୍‌କତାଃ ଉଦ୍‌ବେନ୍‌ତାନାଏ

(ମାଥୁରା ୨୮:୧୭-୨୦; ଲୁକା ୨୪:୩୭-୪୯; ଯୋହାନ୍ ୨୦:୧୯-୨୩; ପ୍ରେରିତ୍ ୧:୭-୮)

୧୪ ତାୟମ୍‌ତେ ୟୀଶୁ ଏଗାରାଝାନ୍ ଚେଲକତାଃରେ ଜମ୍‌କ ଦୁବାକାନ୍ ଦିପିଲିରେ ଉଦ୍‌ବେନ୍‌ୟାନାଏ ଆତଃ ଅକନ୍‌କ ଇନିଃକେ ଜୀଉବିରିଦାକାନ୍ ନେଲକାଇ ତାଇକେନାକ, ଇନ୍‌କୁଆଃ କାଜିକକେ କାକ ବିଶ୍ୱାସକେଦା ଆତଃ ଇନ୍‌କୁଆଃ କେଚେଦ୍‌ମନ୍ ନାଗେନ୍ତେ ଇନିଃ ଇନ୍‌କୁକେ ମାରାଙ୍‌ମଚାକେଦ୍‌କଆଏ । ୧୫ *ଇନିଃ ଇନ୍‌କୁକେ ମେତାଦ୍‌କଆଏ, “ତୁ ଗଟା ଅତେଦିଶ୍ୱମ୍‌ତେପେ ଆତଃ ସବେନ୍ ହଡ଼କକେ ନେ ସୁକୁକାଜି ଉଦ୍‌ବାକପେ । ୧୬ ବିଶ୍ୱାସେନିଃ ଆତଃ ବାପ୍ତିସ୍ମାଅଃନିଃ ବାସ୍ତାଅଃଆଏ, ମେନ୍‌ଦ କା ବିଶ୍ୱାସେନିଃ ବିଚାରକେଦ୍‌ତେ ପାର୍‌ମେଶ୍ୱାର୍‌ତାଃଏତେ ସାଜାଇ ନାମେୟାଏ । ୧୭ ବିଶ୍ୱାସ୍‌ତାନ୍‌କକେଦ୍‌ପେ ଯେତେଃକରାଃ କାମି ନାଗେନ୍ତେ ପେତେଃ ଏମଃଆ; ଇନ୍‌କୁ ଆଇଁୟାଃ ନୁତୁମ୍‌ତେ ବଙ୍ଗାକ ହାର୍‌ଅତଙ୍ଗକଆ, ଇନ୍‌କୁ ନାଞ୍ଜା ଜାଗାରକ ବାଖାଣେଆ । ୧୮ ଇନ୍‌କୁ ବିଙ୍ଗକକେ ହାଲାଙ୍ଗକରେ ଚାଏ ମାହୁଁରାକ ନୁଁଏରେଅଃ ଜେତାକାକ ରିକାଅଆଃ, ଇନ୍‌କୁ ଦୁକୁହାସୁତାନ୍‌କଆଃ ଚେତାନ୍‌ରେ ଆକଆଃ ତିଃଇକ ଦହଲେରେ, ଇନ୍‌କୁ ବୁଗିଅଃଆକ ।”

ୟୀଶୁ ସିମାତେ ସେନଃତାନାଏ

(ଲୁକା ୨୪:୫୦-୫୩; ପ୍ରେରିତ୍ ୧:୯-୧୧)

୧୯ *ୟୀଶୁ ପ୍ରାଭୁ ନେଆଁ କାଜିକେଦ୍‌କଚି, ସିମା ଦିଶ୍ୱମ୍‌ତେ ଇଦିୟାନା ଆତଃ ଇନିଃ ପାର୍‌ମେଶ୍ୱାର୍‌ଆଃ ଜମ୍‌ତିସାଃରେ ଦୁଦ୍‌ୟାନାଏ । ୨୦ ଏନ୍ତେ ଚେଲକ ସେନଃୟାନ୍ତେ ସବେନ୍‌ତାଃରେ ପାର୍‌ଚାରକେଦାଃକ, ଆତଃ ପ୍ରାଭୁ ଇନ୍‌କୁଲଃ କାମିକେଦାଏ ଆତଃ ଆୟାଃ ଉଦ୍‌ବଃତାନ୍ କାଜିକେ ଚିହ୍ନାତେ ସାର୍‌ତି ତାନାଃ ମେନ୍ତେ ପକ୍‌ତାକେଦାଏ ଆତଃ ଗାଞ୍ଜା ଏମ୍‌କେଦାଏ ।†

* ୧୭:୧୫ ୧୭:୧୫ ପ୍ରେରିତ୍ ୧:୮. * ୧୭:୧୯ ୧୭:୧୯ ପ୍ରେରିତ୍ ୧:୯-୧୧. † ୧୭:୨୦ ୧୭:୨୦ ଚିନିନ୍ ମାରି ଅନଲକରେ ୯-୨୦ ପାଦ୍ ବାନଃଆ

ଲୁକ ଲିଖିତ ଯୀଶୁ ଖ୍ରୀଷ୍ଟଙ୍କ ସୁସମାଚାର ଲୁକ ଅଲୀକାଦ୍ ଯୀଶୁ ଖ୍ରୀଷ୍ଟଆଃ ସୁକୁକାଜି ପୁଥିରେୟାଃ ପାରିଚାଏ

ନେ ସୁକୁକାଜିରେ ପ୍ରାଭୁ ଯୀଶୁକେ, ଇସ୍ରାଏଲ ଆତଃ ସବେନ୍ ହଡକଆଃ ଜୀଉ ବାସ୍ତାଅ ଆତଃ ନାରାଦୁରାକଆଃ ଆୟାରରେ ସୁକୁକାଜି ଉଦୁବ୍ ନାଗେନ୍ତେ ଇନିଃ ପାର୍ମେଶ୍ଵାର୍ଆଃ ଆମ୍ବଲଃ ହିଜୁଃୟାନାଏ ମେନ୍ତେ ଲୁକ ଅଲୀକାଦାଏ । ଏନାମେନ୍ତେ ନେ ସୁକୁକାଜିରେ ହଡକଆଃ ନାଗେନ୍ତେ ଜୀଉରାଡେଃରେୟାଃ କାଜି ପେରେଜାକାନା । ନେ ପୁଥିରେ ଆତଃମିଆଁଦ୍ ମାରାଙ୍ଗ୍ ଇନିତୁ ମେନାଃ, ଏନା ହବାଅଃତାନା ରାସ୍କା । ଯୀଶୁଆଃ ହିନିଜୁଃ ଆତଃ ଯୀଶୁ ଖ୍ରୀଷ୍ଟ୍ ସିର୍ମାତେ ସେନଃତାନ୍ ଇମ୍ତାରେୟାଃ କାଜି ନେ ସୁକୁକାଜିରେ ଉଦୁବାକାନା । ନେ ସବେନ୍ ବିଷାଏ ହଡକଆଃ ନାଗେନ୍ତେ ମିଆଁଦ୍ ରାସ୍କାନରେୟାଃ କାଜିତାନା ।

ନେ ସୁକୁକାଜିରେ ଆତଃ ଚିମିନ୍ ବିଷାଏକ ଅଲୀକାନା, ସିର୍ମା ଦୁଁଡକଆଃ ଦୁରାଙ୍ଗ୍, ସିଟିଆ ଯୀଶୁକେ ମିଶ୍ଟିଗୁପିକ ସେନକେଦ୍ତେ ନେଲକିୟାକ, ମାନ୍ଦିର୍ ଅଡ଼ାଃରେ ପାଣ୍ଡିତ୍ଵକଲଃ ସିଟିଆ ଯୀଶୁଆଃ ଜାଗାର୍, ବୁଗିନ୍ ଶମିରୋନିଆଃ କାଜି ଆତଃ କା ମାନାଡିଙ୍ଗ୍ ହନ୍ଆଃ ଜନ୍କା, ନେ ସବେନାଃ ଏଟାଃ ସୁକୁକାଜିରେ କା ଅଲୀକାନା ।

ଲୁକ ଆତଃମିଆଁଦ୍ ପୁଥି ଅଲୀକାଦାଏ, ଏନା ହବାଅଃତାନା “ପ୍ରେରିଡକଆଃ କାମି” । ଏନ୍ ପୁଥିରେ ଖ୍ରୀଷ୍ଟିୟାନ୍ ହଡକ ଚିଲକା ପାସ୍ରାଅୟାନାକ ଏନ୍ ସବେନ୍ ବିଷାଏକ ଅଲୀକାନା । ବିକ୍ତି, ପାବିତାର୍ ଆମ୍ବା, ଯୀଶୁ ଖ୍ରୀଷ୍ଟଆଃ ସୁକୁକାଜି ଉଦୁବ୍ ଦିପିଲିରେ କୁଡିକ ଚିଲକା ଯୀଶୁଆଃ ଆତଃ ତେଲକଆଃ ସେଝା ରିକାକେଦାକ, ଏନ୍ ସବେନାଃ ନେତାଃରେ ଲୁକ ଆବୁକେ ଉଦୁବାକାଦ୍ବୁଆ ।

ପୁଥି ଭିତରରେ ତାଇକାନ୍ କାଜି

- ୧. ଏନେଟେଦ୍ ବାଚାନ୍ । ୧:୧-୪
- ୨. ବାପ୍ତିସ୍ମା ଏମଃନିଃ ଯୋହାନ୍, ଯୀଶୁଆଃ ଜାନାମ୍ ଆତଃ ସିଟିଆ ଦିପିଲି । ୧:୫-୨:୫୨
- ୩. ବାପ୍ତିସ୍ମା ଏମଃନିଃ ଯୋହାନ୍ଆଃ ପାର୍ଚାର୍ । ୩:୧-୨୦
- ୪. ଯୀଶୁଆଃ ବାପ୍ତିସ୍ମା ଆତଃ ସାଏତାନ୍ରାଃ ବିନିଡାଅ । ୩:୨୧-୪:୧୩
- ୫. ଗାଲିଲରେ ଯୀଶୁଆଃ ପାର୍ଚାର୍ ଆତଃ ସେଝାକାମି । ୪:୧୪-୯:୫୦
- ୬. ଗାଲିଲହେତେ ଯୀରୁଶାଲେମ୍ତେ ସେନଃ । ୯:୫୧-୧୯:୨୭
- ୭. ଯୀରୁଶାଲେମ୍ ହେପାଦରେୟାଃ ହାତୁକରେ ଚୁଣ୍ଟ ହାପ୍ତା ଇମ୍ତା ଯୀଶୁଆଃ କାମି । ୧୯:୨୮-୨୩:୫୨
- ୮. ପ୍ରାଭୁ ଯୀଶୁଆଃ ଜୀଉବିନିରିଦ୍, ଚେଲକତାଃରେ ଉଦୁବେନ୍ ଆତଃ ସିର୍ମାତେ ସେନଃ । ୨୪:୧-୫୩

ପାରିଚାଏ

^୧ ହେ ଦୁଲ୍ଲାଡ୍ ପୁଥିଫିଲ,
ପୁରାଃ ହଡକ ଆଲେ ଆଲୀରେ ହବାକାନ୍ ଯୀଶୁ ଖ୍ରୀଷ୍ଟଆଃ ଜାନାମ୍, ଗନଏଃ ଆତଃ ଜୀଉବିନିରିଦ୍ରେୟାଃ ପକ୍ତାନ୍କାଜିକ ଅଲ୍ ନାଙ୍ଗ୍ ସାନାଙ୍ଗ୍କାଦାକ । ^୨ ଅକନ୍କଚି ନେ ହବାକାନ୍ ବିଷାଏକେ ଏନେଟେଦ୍ଏତେ ନେଲୀକାଦାଃକ ଆତଃ ହଡକତାଃରେ ନେୟାଁ ଉଦୁବ୍କେଦାଃକ, ଏନ୍ ହଡକତାଃଏତେ ଅକନ୍ ବିଷାଏଲେ ଇତୁଆକାନା ଏନ୍କାଜି ଇନ୍କୁ ଅଲୀକାଦାଃକ । ^୩ ଏ ମାଲନାନ୍ ପୁଥିଫିଲସ୍, ଏନାନାଗେନ୍ତେ ଆଇଙ୍ଗ୍ ନେ ସବେନ୍ କାଜି ମୁଲ୍ଏତେ ବୁଗିଲେକା କୁଲିନାମ୍ ବାଡ଼ାକେଦ୍ତେ ସାରିକାଦାଇଙ୍ଗ୍, ଏନାମେନ୍ତେ ଆମାଃ ନାଗେନ୍ତେ ମିଆଁଦ୍ ପୁଥି ଲେକା ତାରାଗେନାଏତେ ସବେନ୍ କାଜି ଅନଲ୍ ସାନାଙ୍ଗ୍କେଦାଆଇଙ୍ଗ୍, ^୪ ଜେଲେକା ଆମ୍ ଅକନ୍ ସବେନ୍ କାଜିକମ୍ ଇତୁଆକାନା ଏନ୍ ସବେନ୍ କାଜିକରେୟାଃ ପକ୍ତାମ୍ ନାମ୍ଦାଡ଼ିୟାଃ ।

ବାପ୍ତିସ୍ମା ଏମଃନିଃ ଯୋହାନ୍ଆଃ ଜାନାମ୍ ଉଦୁବଃତାନା

^୫ ଯିହୁଦା* ଦିଶୁମ୍ରେନ୍ ରାଜା ହେରୋଦ୍ଆଃ ଦିପିଲିରେ ଅବିୟଆଃ ଯାଜାକ୍ ଝୁଣ୍ଟ୍ରେନ୍ ଜାଖରିୟା ନୁତୁମ୍ ମିଆଁଦ୍ ଯାଜାକ୍ ତାଇକେନାଏ । ଇନିୟାଃ ଘାର୍ନି ଏଲିଶାବେଥ୍, ଇନିଃ ହାରୁନ୍ଆଃ କିଲିରେନ୍ ତାଇକେନାଏ । ^୬ ଏନ୍ ବାରାନ୍କିନ୍ ପାର୍ମେଶ୍ଵାର୍ଆଃ ସାମ୍ନାଙ୍ଗ୍ରେ ଧାର୍ମାନ୍ ଆତଃ ପ୍ରାଭୁଆଃ ସବେନ୍ ଆନ୍ତୁ ଆତଃ ରିଡିରିଝାଜ୍ ବେଗାର୍ ଚିଟାତେ ବୁଗିଲେକା ମାନାଡିଙ୍ଗ୍ ତାଇକେନାକିନ୍ । ^୭ ମେନ୍ଦ

* ୧:୫ 1:5 ପାଲେଷ୍ଟାଇନ୍ରେୟାଃ ଗଟା ଦିଶୁମ୍ରେକେ କାଜିୟାଃକ

ଇନ୍ଦ୍ରିୟାଃ ହନ୍ତାଣା କାକ ତାଲକେନା, ଚିୟାଃତି ଏଲିଶାବେଥ୍ ଚଣିର୍ ଡାଲକେନାଏ, ଆତଃ ବାରାନ୍ଦିନ୍ ହାଡ଼ାନ୍ ବୁଢ଼ାଆକାନ୍ଦିନ୍ ତାଲକେନା ।

୮ ଜାଖ୍ରିୟା, ଆୟାଃ ଝୁଣ୍ଡରେୟାଃ ପାଲି ଲେକାତେ ମାନ୍ଦିର୍ ଅଡ଼ାଃରେ ପାର୍ମେଶ୍ଵାର୍ ଆଃ ସାମ୍ନାଙ୍ଗ୍ରେ ଯାଜାକ୍ କାମି କାମିତାନ୍ ଇମ୍ତା, ୯ ଯାଜାକ୍ କଥାଃ କାମିରେୟାଃ ରିତିଲେକାତେ ପାଞ୍ଜିଖାଡ଼ିଲଃ ଇନିଃକେ ପାର୍ମେଶ୍ଵାର୍ ଆଃ ମାନ୍ଦିର୍ ଅଡ଼ାଃରେ ବଲକେଦ୍ତେ ବୁଗିନ୍ ସଞ୍ଜାନ୍ତେୟାଃ ଧୁଆନ୍ ଉରୁବ୍ ଲାଗାତିଙ୍ଗ୍ ଯାନା । ୧୦ ଆତଃ ବୁଗିନ୍ ସଞ୍ଜାନ୍ତେୟାଃ ଧୁଆନ୍ ଉରୁବ୍ ଦିପିଲିରେ ସବେନ୍ ହଡ଼କ ମାନ୍ଦିର୍ ଅଡ଼ାଃରାଚାରେ ବିକ୍ରିତାନ୍ଦକ ତାଲକେନା ।

୧୧ ଇମ୍ତାଙ୍ଗ୍ ଜାଖ୍ରିୟାରାଃ ଆୟାରରେ ପାର୍ମେଶ୍ଵାର୍ ଆଃ ଦୁଡ଼ ଉଦୁବେନ୍ୟାନାଏ ଆତଃ ଧୁଆନ୍ ଉରୁବ୍ ବେଦିରେୟାଃ ଜମ୍ପାଃରେ ତିଙ୍ଗ୍ ଯାନାଏ । ୧୨ ଜାଖ୍ରିୟା ଇନିଃକେ ନେଲ୍ କେଦ୍ତେ ଆକ୍ ଦାନ୍ଦାୟାନା ଆତଃ ବରକେଦାଏ । ୧୩ ମେନ୍ଦ୍ ଦୁଡ଼ କାଜିକିୟାଏ, “ଏ ଜାଖ୍ରିୟା ! ଆଲ୍ ମେ ବରୟାଃ, ଆମାଃ ବିକ୍ରିତ ପାର୍ମେଶ୍ଵାର୍ ତାଃ ଆୟୁମ୍ ଯାନା । ଆମାଃ ଘାର୍ ନି ଏଲିଶାବେଥ୍ ଆମାଃ ନାଗେନ୍ତେ ମିଆଁଦ୍ କଡ଼ାହନ୍ଦାଏ ଜାନାମ୍ ଯା, ଆତଃ ଇନିଃକେ ଯୋହାନ୍ ମେନ୍ତେପେ ନୁଡୁମ୍ ଯା । ୧୪ ଆମ୍ ପୁରାଃଗି ସୁକୁ ରାସକାଞ୍ଜାମ୍ ଆତଃ ଆୟାଃ ଜାନାମ୍ରେ ପୁରାଃ ହଡ଼କ ରାସକାଞ୍ଜାଃକ । ୧୫ ଇନିଃଦ ପାର୍ମେଶ୍ଵାର୍ ଆଃ ନେପେଲ୍ରେ ମାରାଙ୍ଗ୍ ଅଃଆଏ, ଇନିଃ ଦାଖରାସି ଚାଏ ବୁଲଃତେୟାଃ ଚିତ୍ତଲାହ୍ କାଏ ନୁଏୟା ଆତଃ ଇନିଃ ଏଙ୍ଗାତେୟାଃ ଲାହିଦ୍ତେଗି ପାବିତାର୍ ଆମ୍ତେ ପେରେଜଃଆଏ, ୧୬ ଆତଃ ଇନିଃ ଇସାଏଲ୍ ହଡ଼କ ଆଃଏତେ ପୁରାଃ ହଡ଼କେ ପାର୍ମେଶ୍ଵାର୍ ଆକ୍ ଆଃ ପ୍ରାଭୁସାଃତେ ରୁହାଡ଼୍ ହିଜୁଃନାଙ୍ଗ୍ ଦେଙ୍ଗାକାଏ । ୧୭ ଆତଃ ଆପୁକ୍ ଆଃ ମନ୍ ହନ୍ଦକସାଃ ଆତଃ କା ମାନାତିଙ୍ଗ୍ ତାନ୍ଦକେ ଧାର୍ମାନ୍ଦକ ଆଃ ସେଣ୍ଟାସାଃ ରୁହାଡ଼କ ଆଏ ଆତଃ ପ୍ରାଭୁନାଙ୍ଗ୍ ମିଆଁଦ୍ ବାଲସେକାଡ଼ାକାନ୍ ହଡ଼କେ ବାଲନାଗେନ୍ତେ ଇନିଃ ଏଲିୟା ଆମ୍ ଆତଃ ପେଡ଼େଃତେ ଇନିୟାଃ ସାମ୍ନାଙ୍ଗ୍ରେ ସେନେୟାଏ ।”

୧୮ ନେ କାଜି ଆୟୁମ୍ କେଦ୍ତେ, ଜାଖ୍ରିୟା ଦୁଡ଼କେ କାଜିକିୟାଏ, “ଆମ୍ ଅକ୍ନାଃ କାଜିତାନାମ୍, ଏନା ସାର୍ତି କାଜି ମେନ୍ତେ ଚିଲ୍ କାଲଙ୍ଗ୍ ସାରିୟାଃ ? ଆଇଙ୍ଗ୍ ଦ ହାଡ଼ାମ୍ ଯାନାଲଙ୍ଗ୍ ଆତଃ ଆଇଁୟାଃ ଘାର୍ ନିୟାଗି ବୁଡ଼ି ଯାନାଏ ।”

୧୯ ସିର୍ମାରେନ୍ ଦାସି କାଜିରୁହାଡ଼କିୟାଏ, “ଆଇଙ୍ଗ୍ ଗାବ୍ରିଏଲ୍ ଦୁଡ଼ ତାନିଙ୍ଗ୍, ପାର୍ମେଶ୍ଵାର୍ ଆଃ ସାମ୍ନାଙ୍ଗ୍ରେ ତିଙ୍ଗ୍ ନିଃ ତାନିଙ୍ଗ୍ ଆତଃ ଆମ୍ କେ ନେ ସୁକୁକାଜି ଉଦୁବ୍ ନାଗେନ୍ତେ ପାର୍ମେଶ୍ଵାର୍ ଆଇଙ୍ଗ୍ କେ କୁଲାକାଲଙ୍ଗ୍ ଯାଏ । ୨୦ ନାହାଁଃ ଆୟୁମ୍ ମେମ୍, ନେ ସବେନ୍ ସାର୍ତି କାଜି କା ପୁରାଆଃ ଜାକେଦ୍ ଆମ୍ ବାଶାଁଶ୍ କାମ୍ ଦାଡ଼ିୟାଃ ଚିୟାଃତି ଆଇଁୟାଃ କାଜିରେ ଆମ୍ କାମ୍ ପାଡ଼ିୟାର୍ କେଦାଃ, ଏନାଦ୍ ଠିକ୍ ନେଡ଼ାରେସ୍ ପୁରାଆଆଃ ।”

୨୧ ଇମ୍ତାଙ୍ଗ୍ ହଡ଼କ ଜାଖ୍ରିୟାକେ ନେଲ୍ ହରାଲ୍ ତାନ୍ଦକ ତାଲକେନା ଆତଃ ଇନିଃ ମାନ୍ଦିର୍ ଅଡ଼ାଃଏତେ ଜାଲ୍ ଦି କାଏ ଅଡ଼ଙ୍ଗ୍ ଅଃତାନ୍ ନେଲ୍ କେଦ୍ତେ ଇନ୍ କୁ ଆକ୍ ଦାନ୍ଦାୟାଃ ତାଲକେନାକ । ୨୨ ଚିମ୍ତାଙ୍ଗ୍ ଜାଖ୍ରିୟା ଅଡ଼ଙ୍ଗ୍ ଯାନା, ଇନିଃ ଇନ୍ କୁକେ ଜେଡ଼ନାଃ କାଜି କାଏ ଦାଡ଼ିକେନା । ଏନାତେ ଇନ୍ କୁ ଆକ୍ କାର୍ କେଦାଃକ ଯେ ଇନିଃ ମାନ୍ଦିର୍ ଭିତାରରେ ଜେତାଏୟାଃ ଦାର୍ ଶାନ୍ଦନାଏ ନେଲ୍ କାଦା, ଚିୟାଃତି ଇନିଃ ଇନ୍ କୁକେ ତିଃଇତେ ଉଦୁବ୍ କତାନ୍ ତାଲକେନାଏ ଆତଃ କାଏ ବାଶାଁଶ୍ ଦାଡ଼ିକେଦା ।

୨୩ ଜାଖ୍ରିୟାରାଃ ସେଞ୍ଜା ପାଲିରେୟାଃ ସାମାଏ ପୁରାୟାନ୍ତି ଇନିଃ ଅଡ଼ାଃତେ ରୁହାଡ଼ ଯାନାଏ । ୨୪ ନେଆଁ ତାୟମ୍ତେ ଜାଖ୍ରିୟାରାଃ ଘାର୍ ନି ଏଲିଶାବେଥ୍ ହାମ୍ ଲା ରୋଞ୍ଜାୟାନାଏ । ଆତଃ ଇନିଃ ପାଞ୍ଜି ମାହଁ ନା ଜାକେଦ୍ ଜେତାଏକେ ଜେଡ଼ନାଃ କାଏ କାଜିକେଦ୍ କଥା । ୨୫ ଏନ୍ତେ ଏଲିଶାବେଥ୍ କାଜିକେଦାଏ, “ନେଲେପେ, ରୁଣ୍ଡୁରେ ପାର୍ମେଶ୍ଵାର୍ ଆଇଙ୍ଗ୍ ନାଙ୍ଗ୍ ନେଆଁ ରିକାକାଦାଏ । ହଡ଼କ ଆଃ ଆଲ୍ରେ ଆଇଁୟାଃ ଗିହୁଃ ଆତମେ ନାଗେନ୍ତେ ପ୍ରାଭୁ ଆଇଙ୍ଗ୍ କେ ଦେଙ୍ଗାକେଦିୟା !”

ୟାଶୁଆଃ ଜାନାମ୍ ଉଦୁବଃତାନା

୨୬ ଏଲିଶାବେଥ୍ ଆଃ ହାମ୍ ଲା ରୋଞ୍ଜାଃ ଛ ମାହଁ ନା ତାୟମ୍ତେ ପାର୍ମେଶ୍ଵାର୍ ଗାବ୍ରିଏଲ୍ ନୁଡୁମ୍ ମିଆଁଦ୍ ସିର୍ମାରେନ୍ ଦୁଡ଼କେ ଗାଲିଲ୍ରେୟାଃ ନାଜ୍ରେତ୍ ନାଗାର୍ତେ ମିଆଁଦ୍ ଡିଶ୍ଟାକୁଡ଼ିତାଃତେ କୁଲ୍ କିୟାଏ, ୨୭ ଏନ୍ ଡିଶ୍ଟାକୁଡ଼ିଦ୍ ଦାଉଦ୍ ଆଃ କିଲିରେନ୍ ଯୋଷେଫ୍ ନୁଡୁମ୍ ମିଆଁଦ୍ ହଡ଼ନାଙ୍ଗ୍ ଆସିଆକାନାଏ ତାଲକେନା, ଇନିୟାଃ ନୁଡୁମ୍ ମାରିୟାମ୍ ତାଲକେନା । ୨୮ ସିର୍ମାରେନ୍ ଦୁଡ଼ ଇନିୟାଃ ଅଡ଼ାଃତେ ବଲକେଦ୍ତେ କାଜିକିୟାଏ, “ଏ ଲିବୁଇୟାକାନ୍ ନିଃ, ଆମ୍ କେ ଜହାର୍ ! ପ୍ରାଭୁ ଆମ୍ କେ ପୁରାଃଗି ଲିବୁଇୟା କାଦ୍ ମେୟାଏ ଆତଃ ଇନିଃ ଆମାଃଲଃ ମେନାଲୟାଃ !”

† ୧:୭ ୧:୭ ଚଣିର୍ ବାଞ୍ଛେନ୍ ‡ ୧:୨୦ ୧:୨୦ ପାଡ଼ିୟାର୍ ବିଶ୍ଵାସ୍ § ୧:୨୦ ୧:୨୦ ନେଡ଼ାରେ ଦିପିଲିରେ * ୧:୨୭ ୧:୨୭ ମାଥ୍ ଉ ୧:୧୮.

୨୯ ମେନ୍ଦ ମାରିୟାମ୍ ଇନିୟାଃ କାଜିତେ ପୁରାଠି ଆକଦାନ୍ଦାୟାନ୍ଦା, ଆତଃ ନେୟାଁ ଚିଲ୍ଲକାନ୍ ଜହାର୍ ତାନାଃ ମେତ୍ରେ ଆୟାଃ ମନ୍ରେ ଉଡ଼ୁତାନାଏ ତାଇକେନା । ୩୦ ଏନାତେ ସିର୍ମାରେନ୍ ଦୁଡ଼୍ ଇନିଃକେ କାଜିକିୟାଏ, “ଏ ମାରିୟାମ୍, ଆଲମ୍ ବରଏୟା, ଚିୟାଠି ଆମ୍ ପାର୍ମେଶ୍ଵାର୍ଆଃ ଆୟାର୍ରେ ସାୟାଦ୍ ନାମାକାଦାମ୍ । ୩୧ ✱ଆତଃ ନେଲେମେ, ଆମ୍ ହାମ୍ବାଲ୍ ରୋଝାଅଥାମ୍ ଆତଃ ମିଆଁଦ୍ କଡ଼ାହନ୍ନାମ୍ ଜାନାମ୍ ଯା ଆତଃ ଇନିଃକେ ଯାଶୁ ନୁତୁମ୍ ଯାମ୍ । ୩୨ ଇନିଃ ମାରାଙ୍ଗ୍ଅଥାଏ ଆତଃ ହଡ଼କ ଇନିଃକେ ମାରାଙ୍ଗ୍ ଉତାର୍ନିୟାଃ ହନ୍ ମେତ୍ରେକ କାଜିୟାଃ ଆତଃ ପ୍ରାଭୁ ପାର୍ମେଶ୍ଵାର୍ ଇନିଃକେ ଇନିୟାଃ ଆପୁତେ ଦାଉଦ୍ ରାଜାରାଃ ରାଜ୍ଗାଦି ଏମାଇୟା । ୩୩ ଆତଃ ଇନିଃ ଜାନାଅଜାକେଦ୍ ଯାକୁବ୍ଆଃ କିଲିରେନ୍କଆଃ ରାଜା ତାଇନାଏ, ଇନିୟାଃ ରାଇଜ୍ ଚିଉଲାଇ କା ଚୁଣ୍ଡୁଆ !”

୩୪ ମାରିୟାମ୍ ସିର୍ମାରେନ୍ ଦୁଡ଼୍ କେ କୁଲିକିୟାଏ, “ନେଆଁ ଚିଲ୍ଲକାତେ ହବାଅଥାଃ ? ଆଇଙ୍ଗ୍ ଦ ଜେତାନ୍ କଡ଼ାକେ କାଇଙ୍ଗ୍ ସାରିୟାକାଇଜାଃ ।”

୩୫ ସିର୍ମାରେନ୍ ଦୁଡ଼୍ ମାରିୟାମ୍ କେ କାଜିରୁହାଡ଼କିୟାଏ, “ପାବିତାର୍ ଆମ୍ ଆମ୍ରେ ଆଡ଼ଗୁନାଏ ଆତଃ ମାରାଙ୍ଗ୍ ଉତାର୍ନିୟାଃ ପେଡ଼େଃ ଆମ୍ କେ ଉମ୍ଲୁ* ମେୟାଏ । ଏନାନାଗେତ୍ରେ ଜାନାମଠାନ୍ ହନ୍ ପାବିତାର୍ ହବାଅଥାଏ ଆତଃ ପାର୍ମେଶ୍ଵାର୍ଆଃ ହନ୍ ମେତ୍ରେ ନୁତୁମ୍ଆଏ । ୩୬ ଆତଃ ନେଲେମେ, ଆମାଃ ମିଶିମ୍ ଏଲିଶାବେଥ୍ ବୁଡ଼ିୟାତାନ୍ ନେତାରେ ମିଆଁଦ୍ କଡ଼ାହନ୍ ଜାନାମ୍ ଯାଏ, ଆତଃ ଇନିଃକେ ଚଣିଟ୍ ମେତ୍ରେ କାଜିୟାତାନ୍ ତାଇକେନାଏ, ନାହାଁଃ ଇନିୟାଃ ହଡ଼ମ୍ତେୟାଃ ଛ ମାହ୍ ନା ହବାଅଥାତାନା । ୩୭ ଚିୟାଠି ପାର୍ମେଶ୍ଵାର୍ଆଃ ଆୟାର୍ରେଦ୍ ଜାହାନ୍ କାଜି କା ହାମ୍ବାଲଆଃ ।”

୩୮ ଏତ୍ରେ ମାରିୟାମ୍ କାଜିକିୟାଏ, “ନେଲେମେ, ଆଇଙ୍ଗ୍ ପାର୍ମେଶ୍ଵାର୍ଆଃ ଦାସି ତାନିଙ୍ଗ୍ ଆମାଃ କାଜିଲେକାଗି ଆଇଙ୍ଗ୍ରେ ହବାଅଥାକା,” ଏତ୍ରେଦ୍ ଦୁଡ଼୍ ଇନିଃତାଃଏତେ ସେନଃୟାନାଏ ।

ଏଲିଶାବେଥ୍ ଲଃ ମାରିୟାମାଃ ନେପେଲ୍

୩୯ ଏତ୍ରେ ମାରିୟାମ୍ ଏନ୍ ନେତାରେ ବିରିଦ୍ୟାନଲଃ ବୁରୁଦିଶୁମ୍ ଯିହୁଦା ରାଇଜ୍ରେୟାଃ ମିଆଁଦ୍ ସାହାର୍ରେତେ ଜାଲ୍ଦିଗି ସେନଃ ଦାବ୍ୟାନା । ୪୦ ଇନିଃ ଜାଖରିୟାରାଃ ଅଡ଼ାଃତେ ବଲ୍ୟାନଚି ଏଲିଶାବେଥ୍ କେ ଧାନାବାଦ୍ ଏମ୍ କିୟାଏ । ୪୧ ଆତଃ ଏଲିଶାବେଥ୍ ମାରିୟାମ୍ଆଃ ଜହାର୍ ଆୟୁମ୍ କେଦ୍ ଚି ଏଲିଶାବେଥ୍ଆଃ ଲାହିଦ୍ରେନ୍ ହନ୍ ଏନେଃକ୍ କେଦାଏ ଆତଃ ଏଲିଶାବେଥ୍ ପାବିତାର୍ ଆମ୍ରେତେ ପେରେୟାନାଏ । ୪୨ ଇନିଃ କାଉରିତାନଲଃ କାଜିକେଦାଏ, “ଆମ୍ କୁଡ଼ିକଆଃ ଆଲାର୍ମେମ୍ ଧାଇନ୍ ଗିୟାଃ ଆତଃ ଆମ୍ ଜାନାମ୍ ହନ୍ ଧାଇନ୍ ଗିୟାଏ ! ୪୩ ମେନ୍ଦ ଆଇୟାଃ ପ୍ରାଭୁଆଃ ଏଙ୍ଗାତେ ଆଇଙ୍ଗ୍ତାଃତେ ହିଜୁଆକାନାଏ, ଏନା ଆଇଙ୍ଗ୍ ନାଙ୍ଗ୍ ଚିଲ୍ଲକାତେ ହବାକାନା ? ୪୪ ଚିୟାଠି, ନେଲେମେ, ଆମାଃ ଜହାର୍ ଆୟୁମ୍ କେଦ୍ ଚି ଆଇୟାଃ ଲାହିଦ୍ରେନ୍ ହନ୍ଦ୍ ରାସ୍ କାତେ ଏନେଃକ୍ କେଦାଏ । ୪୫ ଅକଏ ବିଶ୍ଵାସ୍ କେଦାଏ ଇନିଃ ଧାଇନ୍ ଗିୟାଏ, ଚିୟାଠି ପାର୍ମେଶ୍ଵାର୍ତାଃଏତେ ଇନିଃକେ କାଜିୟାକାନ୍ କାଜିଦ୍ ହବାଅଥାଗିଆ !”

ମାରିୟାମ୍ଆଃ ମାନାରାଙ୍ଗ୍ ଦୁରାଙ୍ଗ୍

- ୪୬ ଆତଃ ମାରିୟାମ୍ କାଜିକେଦାଏ,
“ଆଇୟାଃ ମନ୍ସୁରୁଦ୍ ପ୍ରାଭୁକେ ମାରାଙ୍ଗ୍ ଇତାନା;
 - ୪୭ ଆତଃ ଆଇୟାଃ ଜୀଉ ବାଞ୍ଚାଅନିଃ ପାର୍ମେଶ୍ଵାର୍ତାଃରେ ରାସ୍ କାଅଥାତାନାଏ,
 - ୪୮ ଚିୟାଠି ଇନିଃ ଆୟାଃ ଦାସିଆଃ ନାରାଦୁରାକେ ନେଲକାଦାଏ !
- ଆତଃ ନେଲେମେ, ନାହାଁଃଏତେ ସବେନ୍ ପାରିୟାରେନ୍ ହଡ଼କ ଆଇଙ୍ଗ୍ କେ ସୁକୁତାନ୍ ଗିୟାମେ ମେତ୍ରେକ ମେତାଇୟା,
- ୪୯ ଚିୟାଠି ପେଡ଼େୟାନ୍ ପାର୍ମେଶ୍ଵାର୍ ଆଇୟାଃନାଙ୍ଗ୍ ମାପ୍ ରାଙ୍ଗ୍ କାମିକ କାମିୟାକାଦାଏ ।
- ଇନିୟାଃ ନୁତୁମ୍ ପାବିତାର୍ ଗିୟାଃ;
- ୫୦ ଆତଃ ଇନିଃକେ ବରତାନ୍ କଆଃନାଙ୍ଗ୍ ଇନିୟାଃ ଦାୟା
 - ଇନ୍ କୁଆଃ ପିଡ଼ି ପିଡ଼ି ଜାକେଦ୍ ଜାନାଅଗି ତାଇନାଃ ।
- ୫୧ ଇନିଃ ଆୟାଃ ସୁପୁତାଃରେୟାଃ ପେଡ଼େଃ ଉଦୁବାକାଦାଏ ।
- ଇନିଃ ମାରାଙ୍ଗ୍ ଯେନ୍ ତାନ୍ କେ ଆକଆଃ ମନ୍ରେୟାଃ ଉଡ଼ୁଏତେ ଛିତିବିତିୟା କାଦ୍ କଆଏ ।
- ୫୨ ଇନିଃ ଆକ୍ତେୟାର୍ ନାମାକାଦ୍ ପେଡ଼େୟାନ୍ ରାଜାକେ ରାଜ୍ଗାଦିଏତେ ଆଡ଼ଗୁଆ କାଦ୍ କଆଏ, ଆତଃ ନାରାଦୁରାକକେ ଚେତାନ୍ତେ ରାକାବା କାଦ୍ କଆଏ ।
- ୫୩ ଇନିଃ ରେଙ୍ଗେଜାକାନ୍ କେ ବୁଗିନ୍ ବିଷାଏତେ ବିୟାକାଦ୍ କଆଏ, ମେନ୍ଦ୍ କିସାଁଶ୍ ହଡ଼କକେ ସାମା ତିଃଇଗି କୁଲ୍ ରୁହାଡ଼୍ କାଦ୍ କଆଏ ।

✱ ୧:୩୧ ୧:୩୧ ମାଥୁର ୧:୨୧. * ୧:୩୫ ୧:୩୫ ଉମ୍ଲୁ ଆବ୍ରାଅ † ୧:୩୬ ୧:୩୬

- ୫୪ ଆରୁଆଃ ପୂରୁଖାହାଡ଼ାମ୍ବକକେ କାଜିୟାକାଦକ ତାଇକେନ୍ ଲେକା,
ଇନିଃ ଆୟାଃ ଦାସି ଆବ୍ରାହାମ୍ ଆତଃ ଇସ୍ରାଏଲ୍ ହଡ଼କକେ ଦାୟା କାଦକଆ ।
- ୫୫ ଇନିଃ ଜାନାଅ ଜାନାଅ ନାଗେନ୍ତେ ଆବ୍ରାହାମ୍ ଆତଃ ଆୟାଃ ସବେନ୍ କିଲିକକେ ଲିନିବୁଇ ଉଦୁବ୍
ନାଗେନ୍ତେ କାଏ ରିଡ଼ିଙ୍ଗକାଦା ।”
- ୫୬ ମାରିୟାମ୍ ଆଦି ମାହିଁ ନା ଜାକେଦ୍ ଏଲିଶାବେଥ୍ ଆଃ ଅଡ଼ାଃରେ ତାଇନ୍ୟାନାଏ, ତାୟମ୍ତେ ଆୟାଃ
ଅଡ଼ାଃତେ ରୁହାଡ଼ୟାନାଏ ।

ବାପ୍ତିସ୍ମା ଏମଃନିଃ ଯୋହାନ୍ ଆଃ ଜାନାମ୍

- ୫୭ ଏଲିଶାବେଥ୍ ଆଃ ହନ୍ ଜାନାମ୍ ଦିପିଲି ସେଟେରୟାନା, ଆତଃ ଇନିଃ ମିଆଁଦ୍ କଡ଼ାହନ୍ ଜାନାମ୍ କିୟାଏ
। ୫୮ ଆତଃ ପାର୍ମେଶ୍ୱାର୍ ଯେ ଏଲିଶାବେଥ୍ କେ ପୁରାଃଗି ଲିବୁଇୟାକାୟାଏ ମେନ୍ତେ ଆୟୁମ୍ କେଦ୍ ତେ
ଆୟାଃ ହପରଜାପାଃରେନ୍ ହଡ଼କ ଆତଃ ପାରିବାରରେନ୍ କ ଆୟାଃଲଃକ ରାସ୍ କାୟାନା ।
- ୫୯ ହନ୍ ଜାନାମ୍ରେୟାଃ ଇରାଲିୟା ମାହିଁରେ ଇନ୍ କୁ ବାଲେଃହନ୍ କେ ଖାଡ଼ନାଅ ନାଗେନ୍ତେକ
ହିଜୁଃୟାନା, ଆତଃ ଆୟାଃ ଆପୁତେୟାଃ ନୁତୁମ୍ଲେକା ଆଇଃକ୍ କେ ଜାଖ୍ରିୟା ମେନ୍ତେ ନୁତୁମ୍ ତାନ୍ କ
ସାନାଙ୍ଗ୍ ତାଇକେନା, ୬୦ ମେନ୍ଦ୍ ଇନିୟାଃ ଏଙ୍ଗାତେ କାଜିକେଦାଏ, “ବାନଃଗି ଇନିଃକେ ଯୋହାନ୍
ନୁତୁମ୍ ଅଆ ।”
- ୬୧ ଇନ୍ କୁ ଏଲିଶାବେଥ୍ କେ କାଜିକିୟାଃକ, “ଆପେୟାଃ କିଲିରେନ୍ ହାଗା ହନ୍ କରେ ଜେତାଏୟାଃ
ନୁତୁମ୍ ନେ ଲେକା ବାନଃଆ !” ୬୨ ଏନ୍ତେ ଏନ୍ ସିଟିଆକେ ଚିକାନ୍ ନୁତୁମ୍ ନୁତୁମ୍ ଅଆ ମେନ୍ତେ ଆୟାଃ ଆପୁତେ
ସାନାଙ୍ଗ୍ ତାନାଏ, ଏନା ସାରିନାଙ୍ଗ୍ ଆପୁତେକେ ତିଃଇତେକ କୁଲିକିୟାଃ ।
- ୬୩ ନେୟାଁ ଆୟୁମ୍ କେଦ୍ ତେ ଆପୁତେ ମିଆଁଦ୍ ତାକ୍ତାଃ ଆସିକେଦ୍ ଚି, “ବାଲେଃହନ୍ ଆଃ ନୁତୁମ୍ ଯୋହାନ୍
ତାନାଃ” ମେନ୍ତେ ଅଲ୍ କେଦାଏ, ଏନାତେ ସବେନ୍ କ ଆକ୍ ଦାଦାଅୟାନାକ । ୬୪ ଆତଃ ଇମ୍ତାଗି ଇନିୟାଃ
ମଚା ଆତଃ ଆଲାଙ୍ଗ୍ ରାଡ଼ାୟାନା ଆତଃ ଇନିଃ ଆତଃମିସା ବାଖାଁଣ୍ ଏଟେଦ୍ କେଦ୍ ତେ ପାର୍ମେଶ୍ୱାର୍ କେ
ଧାନାବାଦ୍ ଏମ୍ କିୟାଏ । ୬୫ ଏନାତେ ଇନ୍ କୁ ଆଃ ସବେନ୍ ହପରଜାପାଃରେନ୍ କ ବରକେଦାଃକ, ଆତଃ
ସବେନ୍ କାଜି ଯିହୁଦା ଦିଶୁମ୍ରେୟାଃ ଗଟା ବୁରୁ ଦିଶୁମ୍ରେ ଉମିନ୍ୟାନା । ୬୬ ନେ କାଜି ଆୟୁମାକାଦ୍
ସବେନ୍ ହଡ଼କ ଆକ୍ ଦାଦାଅୟାନାଲଃ ଆକ ଆଃ ଆପନାଃ ମନ୍ରେ କୁଲିକେଦାଃକ, “ନିଃ ଚିଲ୍ କାନ୍ ହନ୍ ନାଏ
ହବାଅଆଃ ?” ଚିୟାଃଗି ପାର୍ମେଶ୍ୱାର୍ ଆଃ ତିଃଇ ଇନିଃଲଃ ତାଇକେନା ।

ଜାଖ୍ରିୟାରାଃ ଆୟାର୍ କାଜି

- ୬୭ ଆତଃ ଯୋହାନ୍ ଆଃ ଆପୁତେ ଜାଖ୍ରିୟା ପାବିତାର୍ ଆମ୍ବାତେ ପେରେଃୟାନ୍ତେ, ନେ
ଆୟାର୍ କାଜିୟାଏ ଉଦୁବ୍ କେଦାଃ :
- ୬୮ “ଇସ୍ରାଏଲ୍ ଆଃ ପ୍ରାଭୁ ପାର୍ମେଶ୍ୱାର୍ ଆଃ ସାହାରାଅ ହବାଅଃକା !
ଚିୟାଃଗି ଇନିଃଦ୍ ଆୟାଃ ହଡ଼କକେ ଦେଙ୍ଗାମାଙ୍ଗ୍ ମେନ୍ତେ ହିଜୁଆକାନାଏ ଆତଃ ଇନ୍ କୁକେ ରାଡ଼ା
କାଦକଆଏ ।
- ୬୯ ଇନିଃ ଆରୁଆଃନାଙ୍ଗ୍ ମେନ୍ତେ ଆୟାଃ ଦାସି ଦାଉଦ୍ ଆଃ କିଲିଏତେ ମିଆଁଦ୍ ପେଡେୟାନ୍
ଜୀଉବାଞ୍ଚାଅନିଃକେ ଏମାକାଦ୍ ରୁଆଏ ।
- ୭୦ ନାଙ୍ଗ୍ ପାରିୟାଏତେ ତାଇନଃତାନ୍ ତାଇକେନ୍ ଆୟାଃ ପାବିତାର୍ ନାବୀକ ଆଃ ମଚାତେ ପାର୍ମେଶ୍ୱାର୍
ନେୟାଁଏ ଉଦୁବ୍ କେଦା ।
- ୭୧ ଏନ୍ ଲେକାଗି ଆରୁଆଃ ବାଇରିକଏତେ ଆତଃ ସବେନ୍ ଖ୍ୱଆରୁତାନ୍ କ ଆଃ ତିଃଇଏତେ
ଜୀଉବାଞ୍ଚାଅ ଏମାକାଦ୍ ରୁଆଏ ।
- ୭୨ ଆରୁଆଃ ପୂରୁଖାହାଡ଼ାମ୍ବକକେ ଦାୟାକଆ ଆତଃ ଆୟାଃ ପାବିତାର୍ ରାଜିନାମାରାଃ କାଜିକେ ପାହାମେ
ନାଗେନ୍ତେ,
- ୭୩ ଇନିଃ ଆରୁଆଃ ଆପୁ ଆବ୍ରାହାମ୍ ଲଃ କିରିୟାକାଦ୍ ତାଇକେନାଏ ।
୭୪ ଆରୁକେ ଆରୁଆଃ ବାଇରିକ ଆଃ ତିଃଇଏତେ ବାଞ୍ଚାଅରୁଆଏ,
ଆତଃ କା ବରତାନ୍ ଲଃ ଇନିୟାଃ ସେଞ୍ଜାନାଙ୍ଗ୍,
- ୭୫ ପାବିତାର୍ ଆତଃ ଧାର୍ମାନ୍ ଲେକାତେ ଇନିୟାଃ ସାମ୍ନାଙ୍ଗ୍ରେ
ଆରୁ ଜୀଉଜରଙ୍ଗ୍ ତାଇନାଃ ।
- ୭୬ ଆତଃ ଏ ହନ୍, ଆମ୍ ମାରାଙ୍ଗ୍ ଉତାର୍ ନିଃ ପାର୍ମେଶ୍ୱାର୍ ଆଃ ନାବୀ ନୁତୁମ୍ ଅଆମ୍
ଆମ୍ଦ୍ ପ୍ରାଭୁ ଆଃ ଆୟାର୍ରେ
ଇନିୟାଃ ହରା ବାବାଇତେମ୍ ସେନାଃ ।
- ୭୭ ଇନିୟାଃ ହଡ଼କକେ ଆମ୍

‡ ୧:୬୩ ୧:୬୩ ତାକ୍ତା ସିଲେଟ୍ ଲେକନା § ୧:୭୦ ୧:୭୦ ସୁରୁଏତେ

ଆକଥାଃ ପାପ ଛାମାରେୟାଃ ହରାତେ ଜୀଉବାସ୍ତାଅରାଃ ସେଣ୍ଟିମ୍ ଉଦୁବାକଥା ।

୨୮ ଚିୟାଃଚି ପାର୍ମେଶ୍ଵାର୍ଆଃ ମାରାଙ୍ଗ୍ ଲିବୁଇତେ

ତୁରୋଃତାନୁ ସିଙ୍ଗି ସିର୍ମାଏତେ ଆବୁତାଃରେ ଉଦୁବଃଥା ।

୨୯ ଏନା ନୁବାଃରେୟାଃ ଆତଃ ଗନଏଃରେୟାଃ ଉମ୍ବୁଲୁରେ ଦୁବାକାନକକେ ମାର୍ସାଲକଥାଏ,

ଆତଃ ଜୀଉ ସୁକୁରେୟାଃ ହରାରେ ସେନନାଙ୍ଗ୍ ଆୟାର୍ ଇଦିକଥାଏ ।”

୮୦ ନେ ଲେକାଗି ଏନ୍ ସିଟିଆ ହନ୍ ମାଡ଼ି ମାଡ଼ିତେ ହାରା ଇଦିୟାନଲଃ ଆମ୍ବୁରେ ପେଡ଼େଃ ଇଦିୟାନାଏ, ଆତଃ ଇସ୍ରାଏଲ୍ତାଃ ଆଉରି ଉଦୁବଃ ଜାକେଦ୍ ବିର୍ରେ ତାଇକେନାଏ ।

୨

ୟାଶୁଆଃ ଜାନାମ୍ (ମାଥୁଉ ୧:୧୮-୨୫)

୧ ଏନ୍ ହୁଲାଙ୍ଗକରେ ଗଟା ରୋମ୍ ଦିଶ୍ଵମ୍ରେନକଥାଃ ନୁତୁମ୍ ଅଲ୍ଲଃକା ମେନ୍ତେ ଲାଟ୍ସାହେବ୍ କାଇସାର୍ ଆଗସ୍ତସ୍ ହୁକୁମ୍ ଜାରିକେଦାଏ । ୨ କୁରିଣିୟ ନୁତୁମ୍ ସିରିୟାରେନ୍ ଲାଟ୍ସାହେବ୍ ତାଇକେନ୍ ଦିପିଲିରେ ନେଆଁ ପାହିଲା ନୁତୁମ୍ ଅନଲ୍ ତାଇକେନା । ୩ ଏନା ନାଗେନ୍ତେ ସବେନ୍କ ଆକଥାଃ ନୁତୁମ୍ ଅଲ୍ଲିକାନାଙ୍ଗ୍ ଆକଥାଃ ଆକଥାଃ ନାଗାର୍ତେକ ସେନଃୟାନା ।

୪ ଆତଃ ଯୋଷେଫ୍ ହରି ନୁତୁମ୍ ଅଲ୍ଲିକା ନାଗେନ୍ତେ ମାରିୟାମ୍ଲଃ ଗାଲିଲ୍ରେୟାଃ ନାଜ୍ରେତ୍ ନାଗାର୍ଏତେ ଯିହୁଦା ଦିଶ୍ଵମ୍ରେୟାଃ ବେଥ୍ଲେହେମ୍ ନୁତୁମ୍ ଦାଉଦ୍ଆଃ ନାଗାର୍ତେକିନ୍ ସେନକେନା, ଚିୟାଃଚି ଯୋଷେଫ୍ ଦାଉଦ୍ଆଃ କିଲି ଆତଃ ଅଡ଼ାଃରେନ୍ନିଃ ତାଇକେନାଏ । ୫ ଯୋଷେଫ୍ ନାଙ୍ଗ୍ ଆସିଆକାନ କୁଡ଼ିଲଃ ନୁତୁମ୍ ଅଲ୍ଲିକାତେ ହିଜୁଃୟାନା, ଇମ୍ତା ଇନିଃ ହାମ୍ବାଲ୍ରୋଝା *କାନାଏ ତାଇକେନା । ଏନ୍ କୁଡ଼ିରାଃ ନୁତୁମ୍ ମାରିୟାମ୍ ତାଇକେନା । ୬ ଇନକିନ୍ ବାଏତୁଲାମ୍ ରେନକିନ୍ ତାଇକେନା ଇମ୍ତାଙ୍ଗ୍ ମାରିୟାମ୍ଆଃ ରାଝାଲଃରେୟାଃ† ନେତା ସେଟେରୟାନା । ୭ ଆତଃ ଇନିଃ ଆୟାଃ ମୁଡ଼କୁଲ୍‡ହନ୍ ଜାନାମ୍କିୟାଏ, ଆତଃ ଇନିଃକେ ଲିଜାଃତେ ପୋଟମ୍କିଃତେ ତାତାକାରେୟାଏ ବାଟିକିୟାଃ, ଚିୟାଃଚି ଇନକିନାଃ ନାଗେନ୍ତେଦ ତେରା ଅଡ଼ାଃରେ ଠାୟାଦ୍ ହ କା ତାଇକେନା ।

ମିଶ୍ଟିଗୁପିମାହାରାକ ଯାଶୁଆଃ ଜାନାମ୍ ଉନୁଦୁବକଃ ଆୟୁମ୍ଲଃ

୮ ଆତଃ ଏନ୍ ହାତୁ ଜାପାଃରେୟାଃ ପିଡ଼ିରେ ମିଶ୍ଟିଗୁପିମାହାରାକ ତାଇକେନା, ଇନକୁ ନିଦାରେ ଆକଥାଃ ମିଶ୍ଟିକକେ ହରତାନକ ତାଇକେନା । ୯ ଆତଃ ପ୍ରାଭୁଆଃ ମିଆଁଦ୍ ଦୁଡ଼ ଇନକୁତାଃରେ ତିଙ୍ଗ୍ୟାନାଏ ଆତଃ ପ୍ରାଭୁଆଃ ମାନାରାଙ୍ଗ୍ରାଃ ମାର୍ସାଲ୍ ଇନକୁତାଃରେ ଜୁଲ୍ବିୟୁରୟାନା ଆତଃ ଇନକୁ ପୁରାଃଗିକ ବରକେଦାଃ । ୧୦ ମେନ୍ଦ୍ ଦୁଡ଼ ଇନକୁକେ କାଜିକେଦକଥାଏ, “ଆଲ୍ପେ ବରୟାଃ ! ନେଲେପେ, ଆଇଙ୍ଗ୍ ଆପେକେ ପୁରାଃ ରାସ୍କାରେୟାଃ ସୁକୁକାଜିଙ୍ଗ୍ ଉଦୁବାପେତାନା, ଏନା ସବେନ୍ ହଡ଼କଥାଃ ନାଗେନ୍ତେ ତାଇନାଃ । ୧୧ ଚିୟାଃଚି ତିସିଙ୍ଗ୍ ଦାଉଦ୍ଆଃ ନାଗାର୍ରେ ଆପେୟାଃ ନାଗେନ୍ତେ ମିଆଁଦ୍ ବାସ୍ତାଅନିଃ ଜାନାମା କାନାଏ, ଇନିଃ ଖ୍ରୀଷ୍ଟ୍ ପ୍ରାଭୁ ତାନିଃ ! ୧୨ ଆତଃ ଆପେୟାଃ ନାଗେନ୍ତେ ନେଆଁ ଚିହ୍ନାଁ ତାନାଃ, ଆପେ ମିଆଁଦ୍ ବାଲେଃ ହନକେ ଲିଜାଃତେ ପୋଟମାକାନୁ ଆତଃ ତାତାକାରେ ବାଟିୟାକାନୁପେ ନାମିୟା ।”

୧୩ ଇମ୍ତାଗି ଏନ୍ ଦୁଡ଼ଲଃ ସିର୍ମାରେନ୍ ଫାଉଦକ ହୁଶ୍ଟିୟାନାକ ଆତଃ ଇନକୁ ପାର୍ମେଶ୍ଵାର୍କେ ମାରାଙ୍ଗ୍ଇତାନଲଃ କାଜିକେଦାଃକ :

୧୪ “ସାଲାଙ୍ଗିଉତାର୍ ସିର୍ମାରେ ପାର୍ମେଶ୍ଵାର୍ଆଃ ମାନାରାଙ୍ଗ୍, ଆତଃ ଅତେରେ ଆୟାଃ ସୁକୁଆକତାନୁ ହଡ଼କରେ ସୁକୁ ହବାଅଃକା !”

୧୫ ଦୁଡ଼କ ଇନକୁତାଃଏତେ ସିର୍ମାତେକ ସେନଃୟାନୁଚି, ମିଶ୍ଟିଗୁପିମାହାରାକ ଆକ ଆକରେ ମେନ୍ଦକେଦାଃକ, “ଦଲାବୁ ବେଥ୍ଲେହେମ୍ତେରୁଆ ଆତଃ ପ୍ରାଭୁ ଉଦୁବାକାଦ୍ବୁଆଏ ଏନ୍ ହବାକାନୁ କାଜିବୁ ନେଲେୟାଃ ।”

୧୬ ଆତଃ ଇନକୁ ଜାଲ୍ଦିଗି ସେନତେବାଃୟାନ୍ତେ ମାରିୟାମ୍, ଯୋଷେଫ୍ ଆତଃ ତାତାକାରେ ବାଟିୟାକାନୁ ବାଲେଃ ହନକେକ ନେଲ୍ନାମ୍କିୟାଃ । ୧୭ ଇନକୁ ଇନିଃକେ ନେଲ୍କିଃତେ ହନ୍ଆଃ ବିଷାଏରେ ଦୁଡ଼ କାଜିଲେଦ୍ କାଜିକ ଉଦୁବବାଡ଼ାକେଦାଃ । ୧୮ ମିଶ୍ଟିଗୁପିମାହାରାକ ଉଦୁବକେଦ୍ କାଜିତେ ସବେନ୍ ଆୟୁମ୍କେଦ୍ ହଡ଼କ ଆକ୍ଦାନ୍ଦାୟାୟାନାକ । ୧୯ ମେନ୍ଦ୍ ମାରିୟାମ୍ ନେ ସବେନ୍ କାଜି ଆୟାଃ ମନ୍ରେ ଦହକେଦାଏ ଆତଃ ପୁରାଃ ଉଡ଼ୁତାନାଏ ତାଇକେନା । ୨୦ ଆତଃ ମିଶ୍ଟିଗୁପିମାହାରାକକେ ଉଦୁବଲେନଲେକା, ଏନ୍ ସବେନାଃ ଆୟୁମ୍କେଦ୍ତେ ଆତଃ ନେଲ୍କେଦ୍ତେ ପାର୍ମେଶ୍ଵାର୍ଆଃ ମାନାରାଙ୍ଗ୍ ଦୁରାଙ୍ଗ୍ତାନଲଃ ଇନକୁ ରୁହାଡ଼ୟାନାକ ।

* ୨:୫ ୨:୫ ହାମ୍ବାଲ୍ରୋଝା ହଡ଼ମ୍ଆଁ † ୨:୬ ୨:୬ ରାଝାଲଃରେୟାଃ ବୁଗିୟଃରେୟାଃ ‡ ୨:୬ ୨:୬ ପାହିଲା

ୟୀଶୁକେ ଯୀରୁଶାଲେମ୍ ମାନ୍ଦିରତେକ ଇଦିକିୟାଃ

୨୧ ଏନ୍ ସିଡିଆକେ ଇରାଲିୟା ମାହାଁ ହବାୟାନ୍ଲଃ ଖାଡନାଅକିୟାକ, ଆତଃ ଇନିଃକେ ଯୀଶୁ ମେନ୍ତେକ ନୁତୁମକିୟାଃ, ନେ ନୁତୁମ୍ ଇନିୟାଃ ହାମ୍ବାଲରୋଞ୍ଜା ହବାଅଃ ସିଦାରେ ଦୁଁଡ଼ଆଃ ହରାତେ ନୁତୁମାକାନ୍ ତାଇକେନା । ୨୨ ମୁଗାରାଃ ଆନୁରୁଲେକା ଇନକୁଆଃ ଫାର୍ତିରେୟାଃ ନେଡା ତେବାଃୟାନ୍ରେ, ପ୍ରାଭୁଆଃ ସାମ୍ନାଙ୍ଗ୍ରେ ରାକାବି ନାଗେନ୍ତେ ଯୋଷେଫ୍ ଆତଃ ମାରିୟାମ୍ ଇନିଃକେ ଯୀରୁଶାଲେମ୍ ମାନ୍ଦିରତେକିନ୍ ଇଦିକିୟାଃ । ୨୩ ପ୍ରାଭୁଆଃ ଆନୁରୁରେ ଅଲକାନା, “ସବେନ୍ ମୁଡ଼କୁଲ୍ କଡ଼ାହନ୍କ ପ୍ରାଭୁଆଃ ନାଗେନ୍ତେକ ପାବିତାରଃକା,” ୨୪ ଆତଃ ଇନକିନ୍ ପ୍ରାଭୁଆଃ ଆନୁରୁରେୟାଃ କାଜିଲେକା, ବାରିୟା ପୁତାମ୍ ଚାଏ ବାରିୟା ଦୁଦୁମୁଲ୍ ହନ୍କିନ୍କେ ଦାଣ୍ଟି ରାକାବତେକିନ୍ ସେନଃୟାନା ।

ଶିମିୟନ୍ ଆତଃ ହାନ୍ନା ଯୀଶୁକେକିନ୍ ନେଲକିୟା

୨୫ ନେଲେପେ, ଯୀରୁଶାଲେମ୍ରେ ଶିମିୟନ୍ ନୁତୁମ୍ ମିଆଁଦ୍ ହଡ଼ ତାଇକେନାଏ, ଇନିଃ ଧାର୍ମାନ୍ ଆତଃ ମାନାତିଙ୍ଗ୍ନିଃ ତାଇକେନାଏ । ଇନିଃ ଇସ୍ରାଏଲ୍ ହଡ଼କଆଃ ଜୀଉରାତେଃ ଏମଃନିଃକେ ନେଲହରା ତାଇକେନାଏ, ଆତଃ ଇନିଃରେ ପାବିତାର୍ ଆମ୍ ତାଇନଃତାନାଏ ତାଇକେନା । ୨୬ ଆତଃ ଆମ୍ ପ୍ରାଭୁଆଃ ଶ୍ରୀଷ୍ଟକେ ଆଉରି ନେଲିୟାକେଦ୍ ଆମାଃ ଗନଏଃ କା ହବାଅଆଃ ମେନ୍ତେ ପାବିତାର୍ ଆମ୍ ଇନିଃକେ ଉଦୁବାକାଇ ତାଇକେନା । ୨୭ ଆତଃ ଶିମିୟନ୍ ପାବିତାର୍ ଆମ୍ରେ ମାନ୍ଦିର ଅଡ଼ାଃତେ ହିଜୁଃୟାନାଏ । ଆତଃ ଆନୁରୁରେୟାଃ କାଜିଲେକାତେ କାମିନାଙ୍ଗ୍ ଯୀଶୁଆଃ ଏଙ୍ଗା ଆପୁକିନ୍ ଇନିଃକେ ସାବ୍କେଦ୍ତେ ମାନ୍ଦିରତେକିନ୍ ବଲୟାନା, ୨୮ ଇମ୍ତାଙ୍ଗ୍ ଶିମିୟନ୍, ହନ୍କେ ଖାକିୟାଅକିୟାଏ ଆତଃ ପାର୍ମେଶ୍ଵାର୍କେ ଧାନ୍ୟାବାଦ୍ ଏମ୍ତାନଲଃ କାଜିକେଦାଏ :

୨୯ “ହେ ଗମ୍କେ, ନାହାଁଃଦ ଆମ୍ ଆମାଃ କାଜିଲେକା,
ଦାସିତାମାଃକେ ସୁକ୍ଷୁତେମ୍ ବିଦାଇତାନା ।

୩୦ ତିୟାଃତି ଆଇଙ୍ଗ୍ଦ ଆଇୟାଃ ମେଦ୍ତେ ଆମାଃ ପାରିତ୍ରାଣ୍ଟକେ ନେଲକାଦାଇଙ୍ଗ୍,
୩୧ ଅକଆଃତି ସବେନ୍ ହଡ଼କଆଃ ଆୟାର୍ରେ ସେକାଡ଼ାକାଦାମ୍ :

୩୨ ଆତଃ ଏଗାଃ ଜାତିରେନକଆଃ ନାଙ୍ଗ୍ ମାସ୍ତାଲରାଃ ଦିମି
ଆତଃ ଆମାଃ ଇସ୍ରାଏଲ୍ ହଡ଼କଆଃ ନାଗେନ୍ତେ ମାଇନାନ୍ ଆଉଞ୍ଜେୟାଏ ।”

୩୩ ସିଡିଆ ହନ୍ଆଃ ଏଙ୍ଗାଆପୁକିନ୍ ଆୟାଃ ବିଷାଏରେ କାଜିୟଃତେୟାଃ ଆୟୁମ୍କେଦ୍ତେ ଆକ୍ଦାନ୍ଦାୟାନ୍କିନ୍ । ୩୪ ଶିମିୟନ୍ ଇନକୁକେ ଆଶିଷ୍ କେଦକଆଏ, ଆତଃ ଇନିୟାଃ ଏଙ୍ଗାତେ ମାରିୟାମ୍କେ କାଜିକିୟାଏ, “ନେଲେମେ, ନେ ହନ୍ ପୁରାଃ ଇସ୍ରାଏଲ୍କଆଃ ଉୟୁଗଃ ଆତଃ ବିରିଦଃ ନାଗେନ୍ତେ ପାର୍ମେଶ୍ଵାର୍ଆଃ ମିଆଁଦ୍ ସାଲକାନ୍ ଚିହ୍ନାଁ ହବାଅଆଏ, ମେନ୍ଦ୍ ପୁରାଃ ହଡ଼କ ଇନିୟାଃ ବିରୁଧ୍ରେ ବାଖାଁଣେୟାକ । ୩୫ ଆତଃ ଏନାତେ ପୁରାଃ ମନ୍ରେୟାଃ ଉଡ଼ୁ ଉଦୁବଃଆ । ଆତଃ ଏନ୍ ବିଷାଏନାଙ୍ଗ୍ ଆପେୟାଃ ମନ୍ସୁରୁଦ୍ରେ ତାରାଉଡ଼ି ଗୁଡୁ ପାରମଃଆ ।”

୩୬ ଆସେର୍ କିଲିରେନ୍ ପିନ୍ଦୁଏଲ୍ଆଃ ହଡ଼େକ୍ଷୁଡ଼ି ହାନ୍ନା ନୁତୁମ୍ ମିଆଁଦ୍ କୁଡ଼ିନାବୀ ତାଇକେନାଏ । ଇନିଃ ତିଶ୍ରାଏତେ ସାଡ଼ ବାରାଷ୍ ଆୟାଃ କଡ଼ାତେଲଃ ତାଇକେନ୍ତେ ବୁଡ଼ି ଲୁକୁଦ୍ ଲୁକୁଦା କାନାଏ ତାଇକେନା । ଆତଃ ଇନିଃ ଚାର୍ହିସି ଚାର୍ବାରାଷ୍ ରେନ୍ ରାଣ୍ଡିକୁଡ଼ି ତାଇକେନାଏ । ୩୭ ଆତଃ ଇନିଃ ଚିଉଲ୍ଲାହ ମାନ୍ଦିର ଅଡ଼ାଏତେ କାଏ ଅଡ଼ଙ୍ଗ୍ଆଃତାନ୍ ତାଇକେନା, ମେନ୍ଦ୍ କାଟାବ୍ତାନଲଃ ଆତଃ ବିଡ଼ିତାନଲଃ ନିଦାସିଙ୍ଗ୍ ପାର୍ମେଶ୍ଵାର୍କେ ମାଇନାନ୍ ତାଇକେନା । ୩୮ ଇନିଃ ଇମ୍ତାଙ୍ଗ୍ଗି ସିଡିଆ ହନ୍ ଆତଃ ଆୟାଃ ଏଙ୍ଗାଆପୁକିନ୍ତାଃ ନାଡ଼େୟାନ୍ଲଃ ପାର୍ମେଶ୍ଵାର୍କେ ଧାନ୍ୟାବାଦକିୟାଏ ଆତଃ ଅକନ୍କ ଯୀରୁଶାଲେମ୍ରେ ମୁକ୍ତି ନେଲହରାତାନ୍ ସବେନକକେ ଇନିଃ ଯୀଶୁଆଃ ବିଷାଏରେ କାଜିୟାଦକଆଏ ।

ଯୋଷେଫ୍ ଆତଃ ମାରିୟାମ୍ ତିକିନାଃ ଅଡ଼ାଃ ରୁହାଡ଼୍

୩୯ ଯୋଷେଫ୍ ଆତଃ ମାରିୟାମ୍ ପାର୍ମେଶ୍ଵାର୍ଆଃ ଆନୁରୁଲେକା ସବେନାଃ ଚାବାକେଦ୍ତି ଗାଲିଲ୍ ଦିଶ୍ଟୁମ୍ରେୟାଃ ଆକିନାଃ ନାଗାର୍ ନାଜ୍ରେତ୍ତେକିନ୍ ରୁହାଡ଼୍ୟାନା । ୪୦ ଆତଃ ସିଡିଆ ହନ୍ ମାଡ଼ି ମାଡ଼ିତେ ହାରା ଇଦିୟାନ୍ଲଃ ପେଡ଼େଃ ଆତଃ ସେଣ୍ଟେ ପେରେଃଇଦିୟାନାଏ, ଆତଃ ପାର୍ମେଶ୍ଵାର୍ଆଃ ସାୟାଦ୍ଠି ଇନିଃଲଃ ତାଇକେନା ।

ବାରା ବାରାଷ୍ରେନ୍ ଯୀଶୁ ମାନ୍ଦିରଅଡ଼ାଃରେ ଗୁରୁକଲଃ ଜାଗାର୍କେଦାଏ

୪୧ ଯୀଶୁଆଃ ଏଙ୍ଗାଆପୁକିନ୍ ସବେନ୍ ବାରାଷ୍ ପାସ୍କା ପାରାବ୍ରେ ଯୀରୁଶାଲେମ୍ତେ ସେନଃ ତାନକିନ୍ ତାଇକେନା । ୪୨ ଯୀଶୁକେ ବାରା ବାରାଷ୍ ହବାଅଆତାନ୍ ତାଇକେନ୍ ଇମ୍ତା, ଇନକୁ ରିଡିଲେକା ପାରାବ୍ ମାନାତିଙ୍ଗ୍ ନାଙ୍ଗ୍କ ସେନ୍କେନା । ୪୩ ଆତଃ ପାରାବ୍ ମାନାତିଙ୍ଗ୍ ଚାବାକେଦ୍ତି,

☆ ୨:୨୧ ୨:୨୧ ଲୁକ ୧:୩୧. ☆ ୨:୩୯ ୨:୩୯ ମାଥୁଉ ୨:୨୩. § ୨:୪୦ ୨:୪୦ ସାୟାଦ୍ ଆନୁଗ୍ରାହା

ଅତୀତରେ ସେନ୍ ରୁହାଡ଼ତାନ୍ ଇମତା ହନ୍ ଯୀଶୁ ଯୀରୁଶାଲେମ୍ରେ ତାଇନ୍ୟାନାଏ, ଏନା ଆୟାଃ ଏକ୍ଷାଆପୁକିନ୍ କାକିନ୍ ସାରିତାନ୍ ତାଇକେନା । ୪୪ ଫେନ୍ଦ ଇନିଃ ଗାଡ଼ିକଲଃ ଫେନାୟାଃ ଫେକ୍ଟେକିନ୍ ପାହାମ୍ବକେଦ୍ରେ, ସିଜିସାଟୁବ୍ରେୟାଃ ହରା ସେନଃୟାନାକିନ୍, ଏକ୍ଟେ ଆକିନାଃ କୁପୁଲ୍ଲକ ଆତଃ ଗାଡ଼ିକଆଃ ଆଲାରେକିନ୍ ଦାଣ୍ଠାଏଚେଦ୍କିୟାଃ । ୪୫ ଇନିଃକେ କାକିନ୍ ନାମ୍ବକିଃତେ ଦାଣ୍ଠାତାନ୍ଲଃ ଯୀରୁଶାଲେମ୍ରେକିନ୍ ରୁହାଡ଼ୟାନା । ୪୬ ଆପି ମାଃ ତାୟମ୍ବତେ ଇନ୍କିନ୍ ଯୀଶୁକେ ମାନ୍ଦିରଅତୀତରେକିନ୍ ନାମ୍ବକିୟାଃ, ଧାରାମ୍ବଗୁରୁକ ଆଲାରେ ଦୁବ୍ବକେଦ୍ରେ ଇନ୍କୁଆଃ କାଜି ଆୟୁମ୍ବତାଇକେନାଏ ଆତଃ ଇନ୍କୁକେ କୁଲିକତାନ୍ ତାଇକେନାଏ । ୪୭ ଇନିୟାଃ ବାଣ୍ଠାଣ୍ ଆୟୁମ୍ବତାନ୍ ସବେନ୍ ହଡ଼କ ଇନିୟାଃ ସେଣା ଆତଃ କାଜିରୁହାଡ଼ରେ ଆକ୍ଦାନ୍ଦାୟାନାକ । ୪୮ ଇନିୟାଃ ଏକ୍ଷାଆପୁ ଇନିଃକେ ନେଲ୍ଲକିଃତେ ଆକ୍ଦାନ୍ଦାୟାନାକିନ୍, ଆତଃ ଏକ୍ଷାତେ ଇନିଃକେ କୁଲିକିୟାଏ, “ଏ ହନ୍, ଆମ୍ ଚିକାନାଙ୍ଗ୍ରେ ନେକାକେଦ୍ଲିୟାମ୍ ? ନେଲେମେ, ଆପୁମ୍ ଆତଃ ଆଇଙ୍ଗ୍ ଦୁକୁତାନ୍ଲଃ ଦାଣ୍ଠାବାଡ଼ାମେଁ ତାନାଲିଙ୍ଗ୍ ତାଇକେନା ।”

୪୯ ଯୀଶୁ ଇନ୍କିନ୍କେ କାଜିକେଦ୍କିନାଏ, “ଚିନାଃମେକ୍ଟେବେନ୍ ଦାଣ୍ଠାବାଡ଼ାଇଙ୍ଗ୍ ତାଇକେନା ? ଚିୟାଃ ଆଇଙ୍ଗ୍କେ ଆପୁଇୟାଃ ଅତୀତରେ ତାଇନଃ ଲାଗାଡ଼ିଙ୍ଗ୍ୟାଃ ଏନାଚି କାବେନ୍ ସାରିତାନ୍ ତାଇକେନା ?”

୫୦ ଫେନ୍ଦ ଇନିଃ ଇନ୍କିନ୍କେ କାଜିୟାଦ୍କିନ୍ କାଜିକେ ଇନ୍କିନ୍ କାକିନ୍ ଆଟ୍କାର୍ତ୍ତରୁମ୍ବକେଦାଃ ।

୫୧ ଏକ୍ଟେ ଯୀଶୁ ଇନ୍କିନ୍ଲଃ ନାଜ୍ରେଡ଼ରେ ସେନଃୟାନାଏ, ଆତଃ ଇନ୍କିନାଃ କାଜିକ ମାନାଡ଼ିଙ୍ଗ୍ତାନ୍ଲଃ ତାଇୟାନାଏ । ଫେନ୍ଦ ଇନିୟାଃ ଏକ୍ଷାତେ ଏନ୍ ସବେନ୍ କାଜି ଆୟାଃ ମନ୍ରେୟାଏ ଦହକେଦା । ୫୨ ଆତଃ ଯୀଶୁ ସେଣାତେ, ହଡ଼ମ୍ବତେ ଆତଃ ପାର୍ମେଶ୍ୱାର୍ ଆତଃ ହଡ଼କଆଃ ସାୟାଦ୍ରେ ହାରା ଇଦିୟାନାଏ ।

୩

ବାପ୍ତିସ୍ମା ଏମଃନିଃ ଯୋହାନ୍ଆଃ ପ୍ରାଚାର୍

(ମାଥ୍ୱ ୩:୧-୧୨; ମାର୍କ ୧:୧-୮; ଯୋହାନ୍ ୧:୧୯-୨୮)

୧ ଚିବିରିୟା କାଜସାର୍ଆଃ ରାଇଜ୍ତାନ୍ ପାନ୍ଦରା ବାରାଷ୍ ତାଇକେନ୍ ଇମତା ପକ୍ତିୟସ୍ ପିଲାତୁସ୍ ଯିହୁଦାରେନ୍ ଲାଟ୍ସାହେବ୍ ତାଇକେନାଏ, ଆତଃ ହେରୋଦ୍ ଗାଲିଲ୍ରେନ୍ ମିଦ୍ହାନାଚିଙ୍ଗ୍ ରାଜା, ହାଗାତେ ଫିଲିପ୍ ଇଡୁରିୟା ଆତଃ ଡ୍ରାଖୋନିଡିଆରେନ୍ ମିଦ୍ହାନାଚିଙ୍ଗ୍ ରାଜା, ଆତଃ ଲୁସାନିଆଁ ଅବିଲିନିରେନ୍ ମିଦ୍ହାନାଚିଙ୍ଗ୍ ରାଜା ତାଇକେନାଏ । ୨ ହାନାନ୍ ଆତଃ କାୟଫା ନୁତୁମ୍ ମାରାଙ୍ଗ୍ ଯାଜାକ୍ ତାଇକେନ୍ପାରିୟାରେ ପାର୍ମେଶ୍ୱାର୍ଆଃ କାଜି ଜାଖ୍ରିୟାରାଃ ହନ୍ ବାପ୍ତିସ୍ମା ଏମଃନିଃ ଯୋହାନ୍ତାଃତେ ବିର୍ରେ ସେଚେର୍ୟାନା । ୩ ଏନାତେ ଇନିଃ ଯାଦାନ୍ ଗାଡ଼ା ଯାପାଃରେୟାଃ ସବେନ୍ସାଃତେ ସେନ୍କେଦ୍ରେ “ପାପ୍ ଛାମା ନାମେନାଗେକ୍ଟେ ମନ୍ରୁହାଡ଼ରେୟାଃ ବାପ୍ତିସ୍ମା” ଉଦୁବ୍ବାଡ଼ା ତାନାଏ ତାଇକେନା ।

୪ ଜେ'ଲେକା ନେଆଁଦ୍ ଯିଶାୟ ନାବୀୟାଃ କାଜିରେୟାଃ ପୁଥ୍ରେ ଅଲ୍ଲକାନା,

“ଜେତାଏ ବିର୍ରେ କାଉରିତାନ୍ନିୟାଃ ସାଡ଼ି ଆୟୁମ୍ବତାନା,

ପ୍ରାଡୁଆଃ ହରା ବାଇୟେପେ,

ଇନିୟାଃ ହରା ସିଧାଏପେ

୫ ସବେନ୍ ଗାଡ଼ା ପେରେଜଃଆଃ,

ସବେନ୍ ରୁରୁ ଆତଃ ଗୁଟୁ ଲାତାରଆଃ ।

ବେକ୍ଷାକାନ୍ ହରାକ ସିଧାଅଃଆ

ଆତଃ ଗାଡ଼ା ଡିପା ହରାକ ସବେନ୍ ସାମ୍ବାଇୟାଃ ।

୬ ଆତଃ ସବେନ୍ ହଡ଼କ ପାର୍ମେଶ୍ୱାର୍ଆଃ ପାରିଡ୍ରାଣ୍କ ନେଲେୟାଃ ।”

୭ *ଯୋହାନ୍ତାଃତେ ବାପ୍ତିସ୍ମା ଇଦିନାଗେକ୍ଟେ ହିଜୁଆକାନ୍ ପୁରାଃ ଫାରୁଶୀ ଆତଃ ସାଦୁକି ହଡ଼କକେ କାଜିୟାଦ୍କଆଏ, “ଏ ବିଙ୍ଗ୍କଆଃ ହନ୍କ !” ହିଜୁଃତାନ୍ ମାରାଙ୍ଗ୍ ଏନେସେଦ୍ଏତେ* ନିର୍ ନାଗେକ୍ଟେ “ଅକଏ ଆପେକେ ଚେତାଞ୍ଜାଦ୍ପେୟାଏ ? ୮ *ଆପେ ସାର୍ଡିଗି ପାପ୍ଏତେ ହେୟାଡ଼ିଙ୍ଗ୍କାଦ୍ରେଦ୍ ଆପେୟାଃ ବୁଗିନ୍ କାମିତେ ଉଦୁବେନ୍ପେ । ଆତଃ ଆବ୍ରାହାମ୍ ଆଲେୟାଃ ଆପୁ ତାନିଃ ମେକ୍ଟେ ଆପେ ଡିଡିକେଦ୍ରେ କାଜିତାନ୍ଲଃ ନେ ସାଜାକ୍ଏତେ ବାସ୍ତାଞ୍ଜାଲେ ମେକ୍ଟେ ଆଲ୍ପେ ଉଡ଼ୁୟା । ଚିୟାଡ଼ି ଆଇଙ୍ଗ୍ ଆପେକେ କାଜିୟାପେ ତାନାଇଙ୍ଗ୍ ପାର୍ମେଶ୍ୱାର୍ଦ୍ ନେ ଦିରିକଏତେ ଆବ୍ରାହାମ୍ ନାଗେକ୍ଟେ ହନ୍କଏ ବାଇଦାଡ଼ିୟା ! ୯ *ଆତଃ ନାହାଁଃ ଦାରୁରେୟାଃ ବୁଟାରେ ହାକେ ମାଣ୍ଡାଞ୍ଜା କାନା; ଅକନ୍ ଦାରୁ ବୁଗିନ୍ ଜ କା ଜଅଃଆ ଏନାକେ ମାଗଃଆ ଆତଃ ସେଙ୍ଗେଲ୍ରେ ହୁରାଙ୍ଗ୍ଅଃଆ ।”

☆ ୩:୭ ୩:୭ ମାଥ୍ୱ ୧୨:୩୪; ୨୩:୩୩. * ୩:୭ ୩:୭ ଏନେସେଦ୍ଏତେଖ୍ଯସ୍ଏତେ ☆ ୩:୮ ୩:୮ ଯୋହାନ୍ ୮:୩୩. ☆ ୩:୯ ୩:୯ ମାଥ୍ୱ ୭:୧୯.

୧୦ ଏନ୍ତେ ଗାଦେଲ୍ ହତକ ଇନିଃକେ କୁଲିକିୟାଃକ, “ତାବଦ ଆଲେ ଚିନାଃଲେ ଚିକାୟା ?”

୧୧ ଯୋହାନ୍ ଇନ୍କୁକେ କାଜିରୁହାଡ଼ାଦକଆଏ, “ଅକଏତାଃରେ ବାରିଆ ତୁସିଙ୍ଗ୍ ଲିଜାଃ ମେନାଃ, ଇନିଃ ଅକଏତାଃରେ ବାନଆଃ ଇନିଃକେ ମିଦ୍ ହାଟିଙ୍ଗ୍ ଏମାଲକାଏ, ଆତଃ ଅକଏତାଃରେ ଜମେୟା ମେନାଃ, ଇନିଃହ ଏନକାଗି ହାଟିଙ୍ଗ୍‌ୟେକାଏ ।”

୧୨ *ଆତଃ ମାଲ୍‌ହାରମ୍‌କହ ବାପ୍ତିସ୍ତା ଇଦିନାଙ୍ଗ୍‌କ ହିଜୁଃୟାନା ଆତଃ ଯୋହାନ୍‌କେକ କୁଲିକିୟାଃ, “ହେ ଗୁରୁ ଆଲେ ଚିନାଃଲେ ଚିକାଏୟା ?”

୧୩ ଏନ୍ତେ ଇନିଃ ଇନ୍କୁକେ କାଜିକେଦକଆଏ, “ଆପେକେ ଚିମିୟାଙ୍ଗ୍ ଇଦିନାଙ୍ଗ୍ କାଜିୟାକାନା, ଏନାଏତେ ଆଦକା ଆଲ୍‌ପେ ହାରୋମେୟା ।”

୧୪ ଆତଃ ପାଲ୍‌ଗାନକ ଯୋହାନ୍‌କେକ କୁଲିକିୟାଃ, “ଆଲେ ଚିନାଃଲେ ଚିକାୟା ?” ଇନ୍କୁକେ କାଜିକେଦକଆଏ, “ପେଡେଃତେ ଚାଏ ବେଦାତେ ଆତଃ ହାଉକାଅକେଦ୍‌ତେ ଜେତାଏୟାଃ ଖୁଜ୍ ଆଲ୍‌ପେ ଇଦିୟା ଆତଃ ଆପେୟାଃ ନାଲ୍‌ରେ ସୁକୁଆକାନ୍‌ପେ ।”

୧୫ ସବେନ୍ ହତକ ବାସ୍ତାଅନିଃକେ ନେଲ୍‌ହରାତାନକ ତାଇକେନ୍ ହରାତେ, ଯୋହାନ୍‌କେ ଖ୍ରୀଷ୍ଟ ତାନିଃ ମେନ୍ତେ ଆକଆଃ ମନ୍‌ରେ ପାହାମ୍ ତାଇକେନାକ । ୧୬ ଏନାମେନ୍ତେ ଯୋହାନ୍ ଇନ୍କୁକେ କାଜିକେଦକଆଏ, “ଆଇଙ୍ଗଦ ଦାଆଃତେ ବାପ୍ତିସ୍ତାପେ ତାନାଇଙ୍ଗ୍ ମେନ୍‌ଦ ଆଇଙ୍ଗଏତେ ପେଡେୟାନ୍‌ନିଃ ହିଜୁଃତାନାଏ, ଇନିୟାଃ ଖାର୍‌ପାରେୟାଃ ତନଲ୍ ରାଡ଼ାଏ ଲେକାନିଃହ ଆଇଙ୍ଗ ନାହାଁଲିଙ୍ଗ୍ । ଇନିଃ ଆପେକେ ପାବିତାର୍ ଆମ୍‌ ଆତଃ ସେଙ୍ଗେଲ୍‌ତେ ବାପ୍ତିସ୍ତାପେୟା । ୧୭ ଆୟାଃ ତିଃଇରେ ହାଗାଆଃ ମେନାଃ, ଏନାତେ କଲମ୍‌ରେୟାଃ ଗହମ୍ ଆତଃ ବାବା ଗୁମ୍ ସାଫାକେଦ୍‌ତେ ଆୟାଃ ଭାଣ୍ଡାର୍ ଅଡ଼ାଃରେ ମାଣ୍ଡାଅୟା ଆତଃ ପେଟେଃକେ କା ଇଣ୍‌ଜଃ ସେଙ୍ଗେଲ୍‌ରେ ଅଣ୍ଡୁରଏଣ୍ଡାଗେୟା ।”

୧୮ ନେ ଲେକା ଆତଃଗି ପୁରାଃ ଏଟାଃ ଇନିତୁ କାଜିକେତେ ଯୋହାନ୍ ହତକକେ ସୁକୁକାଜି ଉଦୁବାକତାନ୍ ତାଇକେନା । ଆତଃ ମନ୍‌ରୁହାଡ଼ ନାଗେନ୍ତେ ଇନ୍କୁକେ ଆତୁକେଦକଆ । ୧୯ *ମେନ୍‌ଦ ମିଦ୍ ହାନାଟିଙ୍ଗ୍‌ରେନ୍ ରାଜା ହେରୋଦ୍ ଆୟାଃ ହାଗାତେୟାଃ କୁଡ଼ି ହେରୋଦିୟାଲ୍‌ଆ ଶାଣ୍ଡିୟାନ୍ ନାଗେନ୍ତେ ଆତଃ ହେରୋଦ୍ କାମିକେଦ୍ ସବେନ୍ ଏଡକାନାଃ ନାଗେନ୍ତେ ଯୋହାନ୍ ହେରୋଦ୍‌କେ ମାରାଙ୍ଗ୍ ମଚାକିୟାଏ । ୨୦ ଏନା ନାଗେନ୍ତେ ହେରୋଦ୍ ଯୋହାନ୍‌କେ ଜେହେଲ୍‌କିୟାଏ ଆତଃ ନେ ଲେକାତେ ଇନିଃ ଆୟାଃ ଏଡକାନାଃକେ ଆଦକାକେଦା ।

ଯୋହାନ୍ ଯୀଶୁକେ ବାପ୍ତିସ୍ତାକିୟାଏ

(ମାଥୁର ୩:୧୩-୧୭; ମାର୍କ ୧:୯-୧୧; ଯୋହାନ୍ ୯:୨୩-୩୫)

୨୧ ସବେନ୍ ହତକ ବାପ୍ତିସ୍ତାୟାନ୍ତେ ଯୀଶୁ ହଗି ବାପ୍ତିସ୍ତାୟାନାଏ । ଆତଃ ଇନିଃ ବିକ୍ରିତାନ୍ ଇମ୍‌ତାଙ୍ଗ୍ ସିର୍ମା ନିଜ୍‌ୟାନା, ୨୨ *ଆତଃ ପାବିତାର୍ ଆମ୍‌ ଦୁଦୁମୁଲ୍‌ଲେକା ନେଲଃ ହଡ଼ମ୍, ଯୀଶୁଆଃ ତେତାନ୍‌ରେ ଆଡ଼ଗୁୟାନା ଆତଃ “ଆମ୍ ଆଇଁୟାଃ ଦୁଲ୍‌ଡ଼୍‌ହନ୍, ଆଇଙ୍ଗ୍ ଆମ୍‌କେ ପୁରାଃ ସୁକୁଆମ୍‌ତାନାଇଙ୍ଗ୍” ମେନ୍ତେ ସିର୍ମାଏତେ ଆୟୁମ୍‌ୟାନା ।

ୟୀଶୁଆଃ କିଲିରେନ୍‌କ

(ମାଥୁର ୧:୧-୧୭)

୨୩ ଯୀଶୁ ଆୟାଃ ସେଝାଏଟେଦ୍‌କେଦ୍ ଇମ୍‌ତାଙ୍ଗ୍ ତିରିଗ୍ ବାରାଷରେନ୍ ଲେକାଏ ତାଇକେନା ଆତଃ ଇନିଃ ହତକଆଃ ସାରିଲେକାତେ ଯୋଷେଫ୍‌ଆଃ ହନ୍, ଆତଃ ଯୋଷେଫ୍ ଏଲିଆଃ ହନ୍, ୨୪ ଏଲି ମାଡ଼ଆଡ଼ତାଃ ହନ୍, ମାଡ଼ଆଡ଼ ଲେବୀଆଃ ହନ୍, ଲେବୀ ମଲ୍‌ଖୁଆଃ ହନ୍, ମଲ୍‌ଖୁ ଯାନ୍‌ୟାଃ ହନ୍, ଯନ୍‌ୟା ଯୋଷେଫ୍‌ଆଃ ହନ୍, ୨୫ ଯୋଷେଫ୍ ମାଡ଼ିଥ୍ୟାରାଃ ହନ୍, ମାଡ଼ିଥ୍ୟା ଆମୋସ୍‌ଆଃ ହନ୍, ଆମୋସ୍ ନାହୁମ୍‌ଆଃ ହନ୍, ନାହୁମ୍ ଏସ୍‌ଲିଆଃ ହନ୍, ଏସ୍‌ଲି ନଗୟାଃ ହନ୍, ୨୬ ନଗୟା ମହଥ୍ୟାଃ ହନ୍, ମହଥ୍ୟା ମଡ଼ିଥ୍ୟାରାଃ ହନ୍, ମଡ଼ିଥ୍ୟା ଶିମୟାଆଃ ହନ୍, ଶିମୟା ଯୋସେଖାୟାଃ ହନ୍, ଯୋସେଖା ଯୋଦାୟାଃ ହନ୍, ୨୭ ଯୋଦା ଯୋହାନ୍‌ଆଃ ହନ୍, ଯୋହାନ୍ ରେଷାଆଃ ହନ୍, ରେଷା ଜିରୁବାବେଲ୍‌ଆଃ ହନ୍, ଜିରୁବାବେଲ୍ ଶଲ୍‌ଟିୟେଲ୍‌ଆଃ ହନ୍, ଶଲ୍‌ଥୀୟେଲ୍ ନେରୀଆଃ ହନ୍, ୨୮ ନେରୀ ମଲ୍‌ଖୁଆଃ ହନ୍, ମଲ୍‌ଖୁ ଅଦୀଆଃ ହନ୍, ଅଦୀ କୋସାମ୍‌ଆଃ ହନ୍, କୋସାମ୍ ଏଲ୍‌ମାଦାନଆଃ ହନ୍, ଏଲ୍‌ମାଦାନ ଏରଆଃ ହନ୍, ଏର ଯିହୋଶିୟାରାଃ ହନ୍, ୨୯ ଯିହୋଶିୟ ଏଲିୟାଜାର୍‌ଆଃ ହନ୍, ଏଲିୟାଜାର୍ ଯୋରିମ୍‌ଆଃ ହନ୍, ଯୋରିମ୍ ମାଡ଼ଆଡ଼ତାଃ ହନ୍, ମାଡ଼ଆଡ଼ ଲେବୀୟାଃ ହନ୍, ୩୦ ଲେବୀ ଶିମୋନ୍‌ଆଃ ହନ୍, ଶିମୋନ୍ ଯିହୁଦାଃ ହନ୍, ଯିହୁଦା ଯୋଷେଫ୍‌ଆଃ ହନ୍, ଯୋଷେଫ୍ ଯୋନାମ୍‌ଆଃ ହନ୍, ଯୋନାମ୍ ଏଲିୟାକିମ୍‌ଆଃ ହନ୍, ୩୧ ଏଲିୟାକିମ୍ ମଲାହୁଆଃ ହନ୍, ମଲାହୁ ମନ୍ନାୟାଃ ହନ୍, ମନ୍ନା ମଡ଼ଥାୟାଃ ହନ୍, ମଡ଼ଥା ନାଥାନ୍‌ଆଃ ହନ୍, ନାଥାନ୍ ଦାଉଦ୍‌ଆଃ ହନ୍, ୩୨ ଦାଉଦ୍ ଯିଶିଆଃ ହନ୍, ଯିଶି ଓବେଦ୍‌ଆଃ ହନ୍, ଓବେଦ୍ ବୋୟାଜ୍‌ଆଃ ହନ୍, ବୋୟାଜ୍ ଶାଲ୍‌ମନ୍‌ଆଃ

* ୩:୧୨ ୩:୧୨ ଲୁକ ୭:୨୯. ☆ ୩:୧୯ ୩:୧୯ ମାଥୁର ୧୪:୩,୪; ମାର୍କ ୬:୧୭,୧୮. ☆ ୩:୨୨ ୩:୨୨ ମାଥୁର ୩:୧୭; ମାର୍କ ୧:୧୧; ଲୁକ ୯:୩୫.

ହନ୍, ଶାଲମନ୍ ନହଣୋନ୍‌ଆଃ ହନ୍, ^{୩୩} ନହଣୋନ୍ ଅମ୍ନାନାଦବ୍‌ଆଃ ହନ୍, ଅମ୍ନାନାଦବ୍ ଅକ୍ଲିନ୍‌ଆଃ ହନ୍, ଅକ୍ଲିନ୍ ଅର୍ଶୁଆଃ ହନ୍, ଅର୍ଶୁ ହେସ୍ତାନ୍‌ଆଃ ହନ୍, ହେସ୍ତାନ୍ ପେରସ୍‌ଆଃ ହନ୍, ପେରସ୍ ଯିହୁଦାଃ ହନ୍, ^{୩୪} ଯିହୁଦା ଯାକୁବ୍‌ଆଃ ହନ୍, ଯାକୁବ୍ ଇସାକ୍‌ଆଃ ହନ୍, ଇସାକ୍ ଆବ୍ରାହାମ୍‌ଆଃ ହନ୍, ଆବ୍ରାହାମ୍ ପେରସ୍‌ଆଃ ହନ୍, ପେରସ୍ ନାହୋର୍‌ଆଃ ହନ୍, ^{୩୫} ନାହୋର୍ ସରୁଗ୍‌ଆଃ ହନ୍, ସରୁଗ୍ ରଗୁଆଃ ହନ୍, ରଗୁ ଫେଲଗ୍‌ଆଃ ହନ୍, ଫେଲଗ୍ ଏବର୍‌ଆଃ ହନ୍, ଏବର୍ ଶେଲହ୍‌ଆଃ ହନ୍, ^{୩୬} ଶେଲହ୍ କେନାନ୍‌ଆଃ ହନ୍, କେନାନ୍ ଅର୍ଫକ୍‌ଆଃ ହନ୍, ଅର୍ଫକ୍ ଶେମ୍‌ଆଃ ହନ୍, ଶେମ୍ ନୁହୁଆଃ ହନ୍, ନୁହୁ ଲାମାକ୍‌ଆଃ ହନ୍, ^{୩୭} ଲାମାକ୍ ମଥୁଶେଲହ୍‌ଆଃ ହନ୍, ମଥୁଶେଲହ୍ ହନୋକ୍‌ଆଃ ହନ୍, ହନୋକ୍ ଯେରଦ୍‌ଆଃ ହନ୍, ଯେରଦ୍ ମହଲଲେଲ୍‌ଆଃ ହନ୍, ମହଲଲେଲ୍ କେନନ୍‌ଆଃ ହନ୍, ^{୩୮} କେନନ୍ ଏନୋଗ୍‌ଆଃ ହନ୍, ଏନୋଗ୍ ଶେଥ୍‌ଆଃ ହନ୍, ଶେଥ୍ ଆଦାମ୍‌ଆଃ ହନ୍, ଆଦାମ୍ ପାର୍‌ମେଶ୍‌ଆଃ ହନ୍ ।

୪

ୟୀଶୁକେ ସାଏତାନ୍‌ଆଃ ବିଡ଼ାଅ
(ମାଥୁଉ ୪:୧-୧୧; ମାର୍କ ୧:୧୨-୧୩)

^୧ ଯୀଶୁ ପାବିତାର୍ ଆମ୍‌ାତେ ପେରେୟାନ୍‌ଲଃ ଯାଦାନ୍ ଗାଡ଼ାଏତେ ରୁହାଡ଼ୟାନାଏ ଆତଃ ଆମ୍‌ା ଜନିଃକେ ବିରତେ ଇଦିକିୟା । ^୨ ଏନ୍ତାଃରେ ବାରହିସି ନିଦାସିକ୍ ଜାକେଦ୍ ସାଏତାନ୍ ଜନିଃକେ ବିଡ଼ାଅକିୟା । ଏନ୍ ହୁଲାକ୍‌କରେ ଜନିଃ ଜେଡନାଃ କାଏ ଜମ୍‌କେନା, ଆତଃ ଏନ୍ ନେଡା ରୁଶ୍‌ୟାନ୍‌ରେ ରେଲେକ୍‌କିୟା ।

^୩ ସାଏତାନ୍ ଯୀଶୁକେ କାଜିକିୟାଏ, “ଆମ୍‌ ପାର୍‌ମେଶ୍‌ଆଃ ହନ୍ ତାନ୍‌ମେରେଦ୍ ନେ ଦିରିକକେ ହଲକ୍ ବାକୟଃକା ମେନ୍ତେ ଆରୁତାମ୍ ।”

^୪ ଯୀଶୁ କାଜିରୁହାଡ଼କିୟାଏ, “ନେଆଁ ଧାରାମ୍‌ପୁଥ୍‌ରେ ଅଲକାନା, ‘ହଡ଼ ହଲକ୍‌ତେ ଏସ୍‌କାର୍ କାଏ ଜାହିଦଃଆ ।’”

^୫ ସାଏତାନ୍ ଜନିଃକେ ମିଆଁଦ୍ ସାଲକ୍ ଠାୟାଦ୍‌ତେ ଇଦିକିୟାଏ ଆତଃ ଘାଡ଼ିକାଦ୍‌ରେଗି ଅତେଦିଶ୍‌ମ୍‌ରେୟାଃ ସବେନ୍ ରାକ୍‌କ୍ ଉଦୁବ୍‌କିୟାଏ । ^୬ ଆତଃ ସାଏତାନ୍ ଯୀଶୁକେ କାଜିକିୟାଏ, “ଆଇକ୍ ନେ ସବେନାଃରେୟାଃ ଆକ୍‌ତେୟାର୍ ଆତଃ ସୁଗାଡ଼ାନ୍‌ତେୟାଃ ଆମ୍‌କେ ଏମାମେୟାଁଇକ୍ ଚିୟାଃଚି ନେୟାଁ ସବେନ୍ ଆଇୟାଃ ଡିଃଇରେ ଏମାକାନା, ଆତଃ ଆଇକ୍ ଆଇୟାଃ ସାନାକ୍ ଲେକା ନେ ସବେନାଃଇକ୍ ଏମ୍ ଦାଡ଼ିୟାଃ । ^୭ ଏନାମେନ୍ତେ ଆଇକ୍‌କେ ଇକ୍‌ଡ଼ୁକେଦ୍‌ତେ ଜହାରିକ୍‌ରେଦମ୍ ନେୟାଁ ସବେନ୍ ଆମାଃଗି ହବାଅଆଃ ।”

^୮ ଯୀଶୁ ଜନିଃକେ କାଜିକିୟାଏ, “ଆତମେନ୍‌ମେ ସାଏତାନ୍, ଚିୟାଃଚି ନେଆଁ ଧାରାମ୍‌ପୁଥ୍‌ରେ ଅଲକାନା, ‘ପ୍ରାଭୁ ଆମାଃ ପାର୍‌ମେଶ୍‌ଆଃକେ ଜହାରିମେ ଆତଃ ଜନିଃକେ ଏସ୍‌କାର୍ ସୁସାରିମେ ।’”

^୯ ଏନ୍ତେ ସାଏତାନ୍ ଯୀରୁଶାଲେମ୍‌ତେ ଇଦିକିଃତେ ମାହିର୍ ଅଡ଼ାଃରେୟାଃ ରୁଚିରେ ଡିକ୍‌କିୟା, ଆତଃ କାଜିକିୟାଏ, “ଆମ୍‌ ପାର୍‌ମେଶ୍‌ଆଃ ହନ୍ ତାନ୍‌ମେରେଦ୍ ନେଡାଃଏତେ ଲାଡ଼ାରେତେ ଡେଗାଅତାମେ । ^{୧୦} ଚିୟାଃଚି ଧାରାମ୍‌ପୁଥ୍‌ରେ ନେୟାଁ ଅଲକାନା, ‘ଆମ୍‌କେ ତେଲାମେ ନାଗେନ୍ତେ ପାର୍‌ମେଶ୍‌ଆଃ ଆୟାଃ ଦୁଡ଼କକେ ଆରୁକଆ ।’ ^{୧୧} ଆତଃଗି ଧାରାମ୍‌ପୁଥ୍‌ରେ ଅଲକାନା, ‘ଆମାଃ କାଟା ଦିରିରେ ଆଲକା ଠଗଃକା ମେନ୍ତେ ଇନ୍‌କୁ ଆକଆଃ ଡିଃଇତେକ ତେଲାମେୟାଁ ।’”

^{୧୨} ମେନ୍‌ଦ୍ ଯୀଶୁ କାଜିରୁହାଡ଼କିୟାଏ, “ଧାରାମ୍‌ପୁଥ୍‌ରେ ନେଆଁହିଗି ଅଲକାନା, ‘ପ୍ରାଭୁ ଆମାଃ ପାର୍‌ମେଶ୍‌ଆଃକେ ଆଲମ୍ ବିଡ଼ାଅଇୟା ।’”

^{୧୩} ସାଏତାନ୍ ସବେନ୍ ବିନିଡ଼ାଅ ଚାବାକେଦାଏ ଆତଃ ଘାଡ଼ାଅ କା ନାମ୍ ଜାକେଦ୍ ଯୀଶୁକେ ବାଗିକେଦ୍‌ତେ ନିର୍‌ୟାନା ।

ୟୀଶୁ ଗାଲିଲ୍‌ରେ ଇଡୁକତାନାଏ
(ମାଥୁଉ ୪:୧୨-୧୭; ମାର୍କ ୧:୧୪-୧୫)

^{୧୪} ଏନ୍ତେ ଯୀଶୁ ପାବିତାର୍ ଆମ୍‌ାତେ ପେଡ଼ଃ ନାମ୍‌ତାନ୍‌ଲଃ ଗାଲିଲ୍ ସାହାର୍‌ତେ ରୁହାଡ଼ୟାନାଏ, ଆତଃ ଜନିୟାଃ ନୁଡୁମ୍ ଗାଲିଲ୍‌ରେୟାଃ ହପର୍‌ଜାପାଃ ସବେନ୍‌ସାଃ ନିଡିର୍‌ୟାନା । ^{୧୫} ଜନିଃ ଇନ୍‌କୁଆଃ ସାମାଜ୍ ଅଡ଼ାଃକରେ ଇଡୁକେଦ୍‌କଆଏ ଆତଃ ସବେନ୍‌କେ ଜନିଃକେ ମାରାକ୍‌କିୟାଃକ ।

ୟୀଶୁକେ ନାଜରେଡ଼ରେ କାକ ବିଶ୍ୱାସକିୟା
(ମାଥୁଉ ୧୩:୫୩-୫୮; ମାର୍କ ୬:୧-୬)

^{୧୬} ଏନ୍ ତାୟମ୍‌ତେ ଜନିଃ ନାଜରେଡ଼ତେୟାଏ ହିଜୁଃୟାନା, ଏନ୍ତାଃରେ ଜନିଃ ଆସୁଲ୍ ହାରାକାନ୍ ତାଇନାଏ, ଆତଃ ଆୟାଃ ରିତି ଲେକାତେ ରୁଡ଼ନ୍ ହୁଲାକ୍ ସାମାଜ୍ ଅଡ଼ାଃରେ ବଲୟାନ୍ତେ, ଧାରାମ୍‌ପୁଥ୍

ପାଢ଼ାଅ ନାଗେନ୍ତେ ବିରିଦ୍‌ୟାନାଏ । ୧୭ ଆତଃ ଇନ୍‌କୁ ଯିଶାୟ ନାବୀୟାଃ ପୁଅ ଇନିଃକେକ ଏମ୍‌କିୟାଃ, ଇନିଃ ଏନା ରାଡ଼ାକେଦ୍‌ତେ ନେଆଁ ଅଲ୍‌କାନ୍‌ତେୟାଃ ନାମ୍‌କେଦାଏ :

୧୮ “ପାର୍‌ମେଶ୍‌ବରାଆ ଆମ୍‌ ଆଇଙ୍‌ରେ ମେନାଇୟାଃ, ଚିୟାଃଚି ନାରାଦୁରା ହଡ଼କତାଃରେ ସୁକୁକାଜି ଉଦୁବ୍ ନାଗେନ୍ତେ ଇନିଃ ଆଇଙ୍‌କେ ଆଭିଷେକକାଦିୟା ।

ତଲ୍‌କାନକ ରାଡ଼ାଅଃରେୟାଃ କାଜି ଉଦୁବ୍ ନାଗେନ୍ତେ, କାଣ୍‌କାନକ ନେନେଲ୍‌ ଦାଡ଼ିରେୟାଃ କାଜି ଉଦୁବ୍ ନାଗେନ୍ତେ, ଦୁକୁତେ ତେନାକାନକଆଃ ଦୁକୁ ସାଙ୍‌ନେ ନାଗେନ୍ତେ,

୧୯ ପାର୍‌ମେଶ୍‌ବରାଆ ଲିବୁୟାନ୍ ବାରାଷ୍‌ରେୟାଃ କାଜି ଉଦୁବ୍ ନାଗେନ୍ତେ ଆଇଙ୍‌କେ କୁଲ୍‌କାଦିୟାଃଏ ।”

୨୦ ଏନ୍ତେ ଯୀଶୁ ପୁଅକୁଡ଼ାକେଦ୍‌ତେ ଦାସକେ ଏମ୍‌ରୁହାଡ଼କିୟାଏ ଆତଃ ଦୁବ୍‌ୟାନାଏ । ସାମାଜ୍ ଅଡ଼ାଃରେନ୍ ସବେନକ ଇନିଃକେ ଆରିଦାକାଲକ ତାଇକେନା । ୨୧ ଯୀଶୁ ଇନ୍‌କୁକେ କାଜିକେଦ୍‌କଆଏ, “ଆଇଙ୍‌ ପାଢ଼ାଅକେଦ୍ ଧାରାମ୍‌ପୁଅରେୟାଃ ନେ କାଜି ତିସିଙ୍‌ ଆପେୟାଃ ସାମ୍‌ନାଙ୍‌ରେ ପୁରାୟାନା ।”

୨୨ ଆତଃ ସବେନକ ଯୀଶୁଆଃ ବିଷାଏରେ ଗାଞ୍ଜା ଏମ୍ ଏଟେଦ୍‌କେଦାକ, ଆତଃ ଇନିୟାଃ ମଟାଏତେ ଅତଙ୍‌ଅଃତାନ ସାୟାଦ୍‌ରାଃ କାଜିତେକ ଆକ୍‌ଦାୟାୟାନା । ଆତଃ ଇନ୍‌କୁ କାଜିକେଦାଃକ, “ଚିୟାଃ ନିଃ ଯୋଷେଫ୍‌ଆଃ ହନ୍ ନାହାଁଲିଃ ?”

୨୩ ଇନିଃ ଇନ୍‌କୁକେ କାଜିକେଦ୍‌କଆଏ, “ଆପେ ଆଇଙ୍‌କେ ସାର୍‌ତିଗି ଏନ୍ ମାରି ଜନ୍‌କାପେ କାଜିୟାଇଙ୍‌ୟା, ‘ଏ ବାଇଦ୍ ଆମ୍ ଆମ୍‌ଗି ବୁଗିନଃମେଁ’ ଆତଃଗିପେ କାଜିୟା, ‘ଆମ୍ କପର୍‌ନାହୁମ୍ ସାହାର୍‌ରେମ୍ କାମିକେଦ୍ ସବେନାଃଲେ ଆୟୁମାକାଦାଃ, ଏନା ନେ ଆମାଃ ଦିଶୁମ୍‌ରେୟା କାମିମେଁ ।”

୨୪ *ଆତଃ ଯୀଶୁ ଇନ୍‌କୁକେ ମେତାଦ୍‌କଆ, “ଆଇଙ୍‌ ଆପେକେ ସାର୍‌ତିଗିଙ୍‌ କାଜିୟାପେତାନା, ‘ଜେତାଏ ନାବୀ ଆୟାଃ ନାଗାର୍‌ରେ କାଏ ମାନାତିଙ୍‌ଅଃଆ ।’

୨୫ “ଆଇଙ୍‌ ଆପେକେ ସାର୍‌ତି କାଜିୟାପେ ତାନାଇଙ୍‌, ନାବୀ ଏଲିୟାଆଃ ଦିପିଲିରେ ଆପି ବାରାଷ୍ ତୁରିୟା ମାହ୍‌ନା ଜାକେଦ୍ ସିମାଏତେ ଦାଆଃ କାଏ ଗାମାକେଦାଃ, ଏନାତେ ଗଟା ଦିଶୁମ୍‌ରେ ରିଙ୍‌କାନ ତାଇକେନ୍‌ରେ ଇସ୍ରାଏଲ୍‌ ଦିଶୁମ୍‌ରେ ପୁରାଃଗି ରାଣ୍ଡିକୁଡ଼ିକ ତାଇକେନା । ୨୬ ମେନ୍‌ଦ ସିଦୋନ୍ ଦିଶୁମ୍‌ରେୟାଃ ସାରିଫାଡ଼ ହାତୁରେନ୍ ମିଆଁଦ୍ ରାଣ୍ଡିକୁଡ଼ିତାଃ ଏଲିୟା କୁଲ୍‌ୟାନାଏ । ୨୭ ଆତଃଗି ଏଲିଶାୟ ନାବୀୟାଃ ଦିପିଲିରେ ଇସ୍ରାଏଲ୍‌ରେ ପୁରାଃ ନାଗେଦାଆଞ୍ଜାକାନକ ତାଇକେନା ମେନ୍‌ଦ ଇନ୍‌କୁଏତେ ସୁରିୟା ଦିଶୁମ୍‌ରେନ୍ ନାମାନ୍ ଏସ୍‌କାର୍ ଫାର୍‌ତିୟାନାଏ ।”

୨୮ ନେ କାଜି ଆୟୁମ୍‌କେଦ୍‌ତେ ସାମାଜ୍ ଅଡ଼ାଃରେନ୍ ସବେନକ ଖସ୍‌ତେକ ପେରେୟାନା । ୨୯ ଆତଃ ଇନ୍‌କୁ ବିରିଦ୍‌ୟାନ୍ତେ ଇନିଃକେ ସାହାର୍‌ଏତେକ ଅତଙ୍‌କିୟା ଆକଆଃ ସାହାର୍ ବୁରୁ ଚେତାନ୍‌ରେ ତାଇକେନା । ଆତଃ ଇନ୍‌କୁ ଇନିଃକେ ଇଲିଙ୍‌ ଉୟୁଗି ନାଗେନ୍ତେ ବୁରୁ ଚେତାନ୍‌ରେୟାଃ ଖାଇଣ୍‌ତେକ ଇଦିକିୟା । ୩୦ ମେନ୍‌ଦ ଇନିଃ ଇନ୍‌କୁଆଃ ଆଲ୍‌ ଆଲ୍‌ଏତେ ଅତଙ୍‌ୟାନ୍‌ଲଃ ସେନଃୟାନାଏ ।

ୟୀଶୁ ବଙ୍ଗା ଏସେରାକାଇ ହଡ଼କେ ବୁଗିକିୟାଏ
(ମାର୍କ ୧:୨୧-୨୮)

୩୧ ଯୀଶୁ ଗାଲିଲ୍‌ରେୟାଃ କପର୍‌ନାହୁମ୍ ସାହାର୍‌ତେ ହିଜୁଃକେଦ୍‌ତେ ରୁଡ଼ନ୍ ହୁଲ୍‌ଙ୍‌ରେ ଇନିଃ ହଡ଼କକେ ଇତୁ ଏଟେଦ୍‌କେଦ୍‌ଆଏ । ୩୨ *ଇନିୟାଃ ଇନିତୁରେ ହଡ଼କ ଆକ୍‌ଦାୟାୟାନାକ, ଚିୟାଃଚି ଇନିଃ ଆକ୍‌ତେୟାର୍ ନାମାକାଦ୍‌ନିଃଲେକା ଇତୁକତାନାଏ ତାଇକେନା । ୩୩ ସାମାଜ୍ ଅଡ଼ାଃରେ ମିଆଁଦ୍ ସଡ଼ରା ଆମ୍‌ାତେ ଏସେରାକାନ୍ ହଡ଼ ତାଇକେନାଏ । ଇନିଃ ପୁରାଃ କାଉରିତାନ୍‌ଲଃ କାଜିକେଦାଏ, ୩୪ “ହାଏରେ, ହେ ନାଜ୍‌ରେଡ଼ରେନ୍ ଯୀଶୁ ଆଲେଲଃ ଆମାଃ ଚିକାନ୍ କାମି ? ଆମ୍ ଚିନାଃ ଆଲେକେ ଜିୟନ୍ ନାଗେନ୍ତେମ୍ ହିଜୁଆକାନା ? ଆମ୍ ପାର୍‌ମେଶ୍‌ବରାଆ ପାବିତାର୍‌ନିଃ ତାନ୍‌ମେ, ଏନା ଆଇଙ୍‌ ସାରିତାନାଇଙ୍‌ ।”

୩୫ ଯୀଶୁ ଇନିଃକେ ମାରାଙ୍‌ମଟାକେଦ୍‌ତେ କାଜିକିୟାଏ, “ହାପାଅଃମେଁ, ଆତଃ ଇନିଃତାଃଏତେ ଅତଙ୍‌ଅଃମେ ।” ଏନ୍ତେ ଏନ୍ ସଡ଼ରା ଆମ୍ ଇନିଃକେ ସବେନକଆଃ ଆଲ୍‌ାରେ ଆଞ୍ଜାକିଦ୍‌ତି ଇନିୟାଃ ନକ୍‌ସାନ୍ କା ରିକାତାନ୍‌ଲଃ ଅତଙ୍‌ୟାନା ।

୩୬ ହଡ଼କ ଆକ୍‌ଦାୟାୟାନ୍‌ଲଃକ କୁପୁଲିୟାନା, “ନେଆଁ ଚିଲ୍‌କାନ୍ ଇନିତୁ ? ଇନିଃଦ୍ ଆକ୍‌ତେୟାର୍‌ତେ ଆତଃ ପେଡ଼େଃଲଃ ସଡ଼ରା ଆମ୍‌ାକେ ଅତଙ୍‌ଅଃ ନାଙ୍ ଆତୁକତାନାଏ ଆତଃ ଇନ୍‌କୁ ଇନିୟାଃ କାଜିକ ମାନାତିଙ୍‌ତାନା ।” ୩୭ ଏନ୍ତେଦ୍ ଯୀଶୁଆଃ କାଜି କରାକୁନି ସବେନ୍‌ସାଃରେ ନିଡ଼ିୟାନା ।

* ୪:୨୪ ୪:୨୪ ଯୋହାନ୍ ୪:୪୪. ☆ ୪:୩୭ ୪:୩୭ ମାଥ୍‌ଉ ୭:୨୮,୨୯.

**ୟୀଶୁ ପୁରୀଃ ହତକକେ ବୁଗିକତାନାଏ
(ମାଥୁଉ ୮:୧୪-୧୭; ମାର୍କ ୧:୨୯-୩୪)**

୩୮ ୟୀଶୁ ସାମାଜ ଅଡ଼ାଃଏତେ ଶିମୋନ୍‌ଆଃ ଅଡ଼ାଃତେ ସେନଃୟାନାଏ । ପାଡ଼ରାସ୍‌ଆଃ ହାନାର୍‌ତେ ବରଞ୍ଚାନଗି ଉରିୟୁ ତାଇକେନା, ଆଡ଼ଃ ଇନିୟାଃ ବୁଗିୟାଃ ନାଗେନ୍ତେ ୟୀଶୁକେ ବିକ୍ରିକିୟାଃକ । ୩୯ ଏନ୍ତେ ୟୀଶୁ ଇନିୟାଃ ହେପାଦ୍‌ରେ ତିଙ୍ଗୁୟାନ୍‌ଲଃ ଉରିୟୁକେ ମାରାଙ୍ଗ୍‌ମଚାକେଦାଏ ଆଡ଼ଃ ଇନିଃ ଉରିୟୁଏତେ ବୁଗିୟାନା । ଆଡ଼ଃ ଇମ୍‌ତାଙ୍ଗ୍‌ଗି ଇନିଃ ବିରିଦ୍‌କେଦ୍‌ତେ ଇନ୍‌କୁକେ ସୁସାର୍‌ ଏତେଦ୍‌କେଦ୍‌କଥା ।

୪୦ ସିଙ୍ଗିହାସୁରଃ ତାନରେ ହତକତାଃରେ ତାଇକେନ୍ ଦୁକୁହାସୁତାନ୍ ସବେନ୍ ହତକକେ ୟୀଶୁତାଃତେକ ଆଡ଼କେଦ୍‌କଥା, ଇନିଃ ମିପିଆଦ୍ ହତକଆଃରେ ତିଃଇ ଦହକେଦ୍‌ତେ ବୁଗିକେଦ୍‌କଥାଏ । ୪୧ ଆଡ଼ଃଗି, ପୁରୀଃ ହତକତାଃଏତେ ବଙ୍ଗାକ ଅତଙ୍ଗ୍‌ୟାନ୍‌ଲଃକ କାଉରିକେଦାଃ, “ଆମ୍ ପାର୍‌ମେଶ୍‌ବାର୍‌ଆଃ ହନ୍ ତାନ୍‌ମେ ।” ମେନ୍‌ଦ୍ ୟୀଶୁ ଇନ୍‌କୁକେ ହାପାଅଃ ନାଗେନ୍ତେ ମାରାଙ୍ଗ୍‌ମଚା କେଦ୍‌କଥା, ଆଡ଼ଃ ଇନିଃ ବଙ୍ଗାକକେ କାଏ କାଜି ଇତିକେଦ୍‌କଥା, ତିୟାଃତି ଏନ୍ ବଙ୍ଗାକ ଇନିଃ ଖ୍ରୀଷ୍ଟ୍ ତାନିଃ ମେନ୍ତେକ ସାରିତାଇକେନା ।

**ସାମାଜ ଅଡ଼ାଃରେ ୟୀଶୁଆଃ ଇନିତୁ
(ମାର୍କ ୧:୩୫-୩୯)**

୪୨ ଆଙ୍ଗ୍‌ୟାନ୍‌ଗି, ୟୀଶୁ ସାହାର୍‌ଏତେ ଅତଙ୍ଗ୍‌ୟାନା ଆଡ଼ଃ ମିଆଁଦ୍ ସିଃସଏଃ ଠାୟାଦ୍‌ତେ ସେନଃୟାନାଏ । ଗାଦେଲ୍ ହତକ ଇନିଃକେ ଦାଣ୍ଟା ନାମ୍‌କେଦ୍‌ତେ ଆୟାଃତାଃକ ହିଜୁଃୟାନା, ଆଡ଼ଃ ଇନିଃ ଆକତାଃଏତେ ଆଲକାଏ ସେନଃକା ମେନ୍ତେ କେସେଦିତାନ୍‌କ ତାଇକେନା । ୪୩ ମେନ୍‌ଦ୍ ଇନିଃ କାଜିୟାଦ୍‌କଥାଏ, “ଏଗାଃ ନାଗାର୍‌ରେୟ ପାର୍‌ମେଶ୍‌ବାର୍‌ଆଃ ରାଇଜ୍‌ରେୟାଃ ସୁକୁକାଜି ଆଇଙ୍ଗ୍‌କେ ଉଦୁବ୍ ଲାଗାତିଙ୍ଗ୍‌ୟାଃ, ତିୟାଃତି ଏନା ନାଗେନ୍ତେ ପାର୍‌ମେଶ୍‌ବାର୍‌ ଆଇଙ୍ଗ୍‌କେ କୁଲାଇଙ୍ଗ୍‌ୟା ।”

୪୪ ଆଡ଼ଃ ଇନିଃ ଯିହୁଦା ଦିଶୁମ୍‌ରେୟାଃ ସାମାଜ ଅଡ଼ାଃକରେ ଇତୁକତାନାଏ ତାଇକେନା ।



**ୟୀଶୁ ପାହିଲା ଚେଲାକକେ କେଡ଼ାକେଦ୍‌କଥାଏ
(ମାଥୁଉ ୪:୧୮-୨୨; ମାର୍କ ୧:୧୭-୨୦)**

୧ *ମୁସିଙ୍ଗ୍ ୟୀଶୁ ଗିନେସରେଡ୍ ଦରେୟା ନାଡ଼େଃରେ ତିଙ୍ଗୁଆକାନ୍ ତାଇକେନାଏ, ଆଡ଼ଃ ଗାଦେଲ୍ ହତକ ପାର୍‌ମେଶ୍‌ବାର୍‌ଆଃ କାଜି ଆୟୁମ୍ ନାଗେନ୍ତେ ଇନିଃକେ ଜୁରୁବିୟୁରାକାଇକ ତାଇକେନା, ୨ ଇନିଃ ବାରିଆ ଲାଉକା ଦରେୟା ଗେନାରେ ଦହଆକାନାଏ ନେଲ୍‌କେଦାଃ, ହାକୁସାବ୍ ହତକ ଏନ୍ ଲାଉକାଏତେ ଆଡ଼ଗୁକେଦ୍‌ତେ ଜାଲୋମ୍‌କ ଚାପିତାଇକେନା । ୩ ୟୀଶୁ ଏନାଏତେ ମିଆଁଦ୍ ଲାଉକାରେ ରାକାଦ୍‌ୟାନାଏ, ଏନାଦ୍ ଶିମୋନ୍‌ଆଃ ତାଇକେନା ଆଡ଼ଃ ୟୀଶୁ ଇନିଃକେ ଦରେୟା ଗେନାଏତେ ହୁଡିଙ୍ଗ୍ ସାଙ୍ଗିନ୍‌ତେ ଇଦିମେ ମେନ୍ତେ ବିକ୍ରିକିୟାଏ । ଏନ୍ତେ ଇନିଃ ଲାଉକାରେ ଦୁବ୍‌ୟାନ୍‌ଗି ଗାଦେଲ୍ ହତକକେ ଇତୁକେଦ୍‌କଥାଏ ।

୪ ଇନିଃ କାଜିଚାକାକେଦ୍‌ଗି ଶିମୋନ୍‌କେ କାଜିକିୟାଏ, “ଲାଉକା ତାମାଃକେ ଇକିର୍‌ତେ ଇଦିମେ ଆଡ଼ଃ ହାକୁସାବ୍ ନାଗେନ୍ତେ ଜାଲୋମ୍‌ ତାମାଃ ହୁଦ୍‌ମାଏମେ ।”

୫ *ମେନ୍‌ଦ୍ ଶିମୋନ୍ କାଜିକିୟାଏ, “ହେ ଗୁରୁ, ଆଲେ ମିଦ୍‌ନିଦାଲେ କାମିକେଦା ଆଡ଼ଃ ମିଆଁଦ୍‌ହ ହାକୁ କାଲେ ସାବ୍‌କେଦ୍‌କଥା । ମେନ୍‌ଦ୍ ଆମାଃ କାଜିତେ ଜାଲୋମ୍ ହୁଦ୍‌ମାୟାଇଙ୍ଗ୍ ।” ୬ *ଇନ୍‌କୁ ଜାଲୋମ୍ ହୁଦ୍‌ମାକେଦ୍‌ଗି ପୁରୀଃ ହାକୁକ ଜାଲୋମ୍‌କେଦ୍‌କଥା, ଆଡ଼ଃ ଇନ୍‌କୁଆଃ ଜାଲୋମ୍‌କ ଚାଗାଡ଼ତାନ୍ ତାଇକେନା । ୭ ଇମ୍‌ତାଙ୍ଗ୍ ଇନ୍‌କୁ ଦେଙ୍ଗାମାଙ୍ଗ୍ ମେନ୍ତେ ଆକଆଃ ଗାଡିକକେ ହାକାଅ କେଦ୍‌କଥାକ । ଆଡ଼ଃ ଗାଡିକ ହିଜୁଃକେଦ୍‌ତେ ବାରିଆ ଲାଉକାରେ ନିମିନ୍ ହାକୁ ପେରେଃକେଦ୍‌କଥାକ ଯେ ଲାଉକା ତାକଆଃ ତୁବିଜଃତାନ୍‌ଲେକା ହବାଅଃ ତାଇକେନା । ୮ ଏନା ନେଲ୍‌କେଦ୍‌ତେ ଶିମୋନ୍ ପାଡ଼ରାସ୍ ୟୀଶୁଆଃ କାଟା ସୁବାରେ ଉୟୁଃୟାନାଏ ଆଡ଼ଃ କାଜିକେଦାଏ, “ହେ ପ୍ରାଭୁ ଆଇଁୟାଃତାଃଏତେ ସାଙ୍ଗିନଃମେ, ଆଇଙ୍ଗ୍‌ଦ ପାପି ହତ୍ ତାନିଙ୍ଗ୍ ।”

୯ ଶିମୋନ୍ ପାଡ଼ରାସ୍ ଆଡ଼ଃ ଆୟାଃ ଗାଡିକ ମିସାତରା ନିମିନ୍ ହାକୁ ନେଲ୍‌କେଦ୍‌ତେ ଆକ୍‌ଦାନ୍‌ଆୟାନାକ । ୧୦ ଆଡ଼ଃ ଜେବଦାୟାଃ ହନ୍ ଯାକୁବ୍ ଆଡ଼ଃ ଯୋହାନ୍ ଶିମୋନ୍‌ଲଃ ମିସାତେ କାମି ତାଇକେନାକିନ୍ ଆଡ଼ଃ ଏନ୍ ବାରାନ୍‌କିନ୍‌ହ ଆକ୍‌ଦାନ୍‌ଆୟାନାକିନ୍ । ଆଡ଼ଃ ୟୀଶୁ ଶିମୋନ୍‌କେ କାଜିକିୟାଏ, “ଆଲମ୍ ବରଏୟା, ନାହାଁଃଏତେ ଆମ୍ ହତକକେ ପାର୍‌ମେଶ୍‌ବାର୍‌ତାଃତେ ଆଡ଼କଆମ୍ ।”

୧୧ ଏନ୍ତେ ଇନ୍‌କୁ ଲାଉକାକକେ ଦରେୟା ଗେନାତେ ତେବାଃକେଦ୍‌ଗି ସବେନାଃ ବାଗିକେଦ୍‌ତେ ୟୀଶୁକେକ ଅତଙ୍ଗ୍‌କିୟା ।

✧ ୫:୧ ୫:୧ ମାଥୁଉ ୧୩:୧,୨; ମାର୍କ ୩:୯,୧୦; ୪:୧. ✧ ୫:୫ ୫:୫ ଯୋହାନ୍ ୨୧:୩. ✧ ୫:୭ ୫:୭ ଯୋହାନ୍ ୨୧:୭.

ୟୀଶୁ ମିଆଁଦ୍ ନାଗେଘାଞ୍ଜାକାନ୍ ହଡ଼କେ ବୁଗିକିୟାଏ
(ମାଥୁଉ ୮:୧-୪; ମାର୍କ ୧:୪୦-୪୫)

^{୧୨} ୟୀଶୁ ମିଆଁଦ୍ ସାହାରରେ ତାଇକେନ୍ ଇମତା ଏନ୍ତାରେ ନାଗେଘାଅତେ ପେରେଜାକାନ୍ ମିଆଁଦ୍ ହଡ଼ ତାଇକେନାଏ । ଇନିଃ ୟୀଶୁକେ ନେଲ୍ଲିୟାରି ଇକ୍ତୁକ୍ତୁକେଦ୍ତେ ବିକ୍ରିତାନ୍ଲିଃ କାଜିକିୟାଏ, “ହେ ପ୍ରାଭୁ, ଆମ୍ ସାନାଙ୍ଗ୍ରେଦ ଆଇଙ୍ଗ୍ କେ ବୁଗିନିୟାର୍ ଦାଡ଼ିୟାମ୍ ।”

^{୧୩} ଏନ୍ତେ ୟୀଶୁ ଆୟାଃ ତିଃଇ ଜିଲିଙ୍ଗ୍ କେଦ୍ତେ ଜୁଟିଦ୍ କିୟାଏ ଆତଃ କାଜିକିୟାଏ, “ଆଇଙ୍ଗ୍ ସାନାଙ୍ଗ୍ ତାନିଙ୍ଗ୍ ଆମ୍ ବୁଗିନିୟାରଃମେ ।” ଆତଃ କାଜିତାନ୍ ତରସାଗି ଇନିୟାଃ ନାଗେଘାଅ ଫାର୍ତିୟାନା । ^{୧୪} ଏନ୍ତେ ୟୀଶୁ ହୁକୁମ୍ କିୟାଏ, “ଜେତାଏକେ ନେ କାଜି ଆଲମ୍ ଉଦୁବକଆଃ, ମେନ୍ଦ୍, ଜୁ, ଯାଜାକ୍ତାଃରେ ଉଦୁବେନ୍ଦ୍ମେ ଆତଃ ଇନ୍କୁଆଃ ଗାଞ୍ଜାନାଙ୍ ମୁଶାନାବୀ ଆରୁକାଦ୍ ଲେକାତେ ଆମାଃ ଫାର୍ତିରେୟାଃ ଦାଣ୍ଟେ ରାକାବେମ୍ ।”

^{୧୫} ଆତଃ ୟୀଶୁଆଃ ବିଷାଏରେୟାଃ କାଜି ପୁରାଃଗି ନିତିରୁୟାନା, ଏନ୍ତେ ଇନିୟାଃ ଇତୁଆନ୍ କାଜିକ ଆୟମ୍ ନାଗେନ୍ତେ ଆତଃ ଆକଆଃ ଦୁକୁଏତେ ବୁଗିୟାଃ ନାଗେନ୍ତେ ପୁରାଃ ଗାଦେଲ୍ ହଡ଼କ ଇନିଃତାଃରେକ ହୁଗ୍ରିୟାନା । ^{୧୬} ମେନ୍ଦ୍ ୟୀଶୁ ସିଃସଏଃ ଠାୟାଦ୍ତେ ସେନଃୟାନ୍ତେ ବିକ୍ରିକେଦାଏ ।

ୟୀଶୁ ମିଆଁଦ୍ ବାଡ଼କାନ୍ନିଃକେ ବୁଗି ତାନାଏ
(ମାଥୁଉ ୯:୧-୮; ମାର୍କ ୨:୧-୧୨)

^{୧୭} ମୁସିଙ୍ଗ୍ ହୁଲାଇଁ ୟୀଶୁ ଇତୁତାନାଏ ତାଇକେନା, ଏନ୍ତାରେ ଫାରୁଶୀ ଆତଃ ଆଇନ୍ ଇତୁକ ଦୁବାକାନ୍ କ ତାଇକେନା, ଇନ୍କୁ ଗାଲିଲ୍ରେୟାଃ ସବେନ୍ ହାତୁ ଆତଃ ଯିହୁଦା ଦିଶୁମ୍ରେୟାଃ ସବେନ୍ ହାତୁ ଆତଃ ଯାରୁଶାଲେମ୍ଏତେ ହିଜୁଃକାନ୍ କ ତାଇକେନା । ଆତଃ ଦୁକୁତାନ୍ କେ ବୁଗିନ୍ ନାଗେନ୍ତେ ପ୍ରାଭୁଆଃ ପେଡ଼େଃ ୟୀଶୁଲିଃ ତାଇକେନା । ^{୧୮} ହଡ଼କ ମିଆଁଦ୍ ବାଡ଼କାନ୍ନିଃକେ ପାର୍କମରେ ବାଟିୟାକାନ୍ନି ଗଅଃ ଆଉକିୟାକ ଆତଃ ଇନିଃକେ ଭିତାରେ ଇଦିକେଦ୍ତେ ୟୀଶୁଆଃ ସାମନାଙ୍ଗ୍ରେ ଦହନାଙ୍ଗ୍ ସାନାଙ୍ଗ୍ ତାନିଙ୍ଗ୍ ତାଇକେନା । ^{୧୯} ଗାଦେଲ୍ ହଡ଼କ ତାଇକେନ୍ ହରାତେ ଇନ୍କୁ ଇନିଃକେ ଭିତାରେ ଆଉ ନାଙ୍ଗ୍ ହରା କାକ ନାମ୍ କେଦା । ଏନାତେ ଇନ୍କୁ ସାଡ଼ମି ଚେତାନ୍ତେ ପାର୍କମ୍ଲିଃଗି ଇନିଃକେ ତେଙ୍ଗଃ ରାକାବ୍ କିୟାଃକ ଆତଃ ସାଡ଼ମି ଖାପୁରା ଆତମ୍ କେଦ୍ତେ ୟୀଶୁଆଃ ସାମନାଙ୍ଗ୍ରେ ତୁଙ୍ଗା ଆଡ଼ଗୁକିୟାଃକ । ^{୨୦} ୟୀଶୁ ଏନ୍ ହଡ଼କଆଃ ବିଶ୍ୱାସ୍ ନେଲ୍ କେଦ୍ତେ କାଜିକିୟାଏ, “ଏ ଗାଡ଼ି, ଆମାଃ ପାପକ ଛାମାୟାନା ।”

^{୨୧} ଆଇନ୍ ଇତୁକ ଆତଃ ଫାରୁଶୀକ ଆକ ଆକରେ ଉଡ଼ୁକେଦାଃକ, “ପାର୍ମେଶ୍ୱାର୍ କେ ନିନ୍ଦାକତାନ୍ ନେ ହଡ଼ ଅକଏ ତାନିଃ ? ପାର୍ମେଶ୍ୱାର୍ କେ ବାଗିକେଦ୍ତେ ଆତଃ ଅକଏ ପାପୁଛାମା ଦାଡ଼ିୟାଏ ?”

^{୨୨} ମେନ୍ଦ୍ ୟୀଶୁ ଇନ୍କୁଆଃ ଉଡ଼ୁ ଆବ୍ କାର୍ କେଦ୍ତେ ମେତାଦ୍ କଆଏ, “ଆପେ ଆପେୟାଃ ମନ୍ରେ ତିନାଃପେ ଉଡ଼ୁତାନା ? ^{୨୩} ଅକ୍ନାଃ ରାଞ୍ଜାଲିଃ ? ‘ପାପ୍ ତାମାଃକ ଛାମାୟାନା’ ମେନ୍ତେ କାଜିତେୟାଃ ରାଞ୍ଜାଲିଃ ତି ‘ବିରିଦ୍ମେ ଆତଃ ସେନେମେ’ ମେନ୍ତେ କାଜିତେୟାଃ ? ^{୨୪} ମେନ୍ଦ୍ ମାନଞ୍ଜାହନ୍ ଆଃ ନେ ଅତେଦିଶୁମ୍ରେ ପାପ୍ ଛାମାରେୟାଃ ଆକ୍ତେୟାର୍ ମେନାଃ” ଏନା ଆପେ ସାରିକାମେନ୍ତେ, ଇନିଃ ଏନ୍ ବାଡ଼କାନ୍ନିଃକେ କାଜିକିୟାଏ, “ମାର୍ ବିରିଦ୍ମେ ଆତଃ ପାର୍କମ୍ତାମାଃ ଗଅଃକେଦ୍ତେ ଆମାଃ ଅଡ଼ାଃତେ ସେନଃମେ ।”

^{୨୫} ଇମତାଙ୍ଗ୍ଗି ଇନିଃ ଇନ୍କୁଆଃ ସାମନାଙ୍ଗ୍ରେ ବିରିଦ୍ମାନାଏ, ଆତଃ ଆୟାଃ ଗିତିକାକାନ୍ ପାର୍କମ୍ କେ ତେଙ୍ଗଃକେଦ୍ତେ ପାର୍ମେଶ୍ୱାର୍ ଆଃ ମାନାରାଙ୍ଗ୍ ଦୁରାଙ୍ଗ୍ ତାନଲିଃ ଅଡ଼ାଃତେ ସେନଃୟାନାଏ । ^{୨୬} ଏନ୍ତାରେ ତାଇକାନ୍ ସବେନ୍ କ ଆକ୍ ଦାନ୍ଦାୟାନକ ଆତଃ ପାର୍ମେଶ୍ୱାର୍ କେ ମାରାଙ୍ଗ୍ କିୟାକ, “ଆବୁ ତିସିଙ୍ଗ୍ ହାଏକାଟ୍ କାମିରୁ ନେଲ୍ କେଦା” ମେନ୍ତେ ବରତାନ୍ଲିଃକ କାଜିକେଦା ।

ୟୀଶୁ ଲେବୀକେ କେଡ଼ାଇତାନା
(ମାଥୁଉ ୯:୯-୧୩; ମାର୍କ ୨:୧୩-୧୭)

^{୨୭} ଏନ୍ ତାୟମ୍ତେ ୟୀଶୁ ଅତଙ୍ଗ୍ ଯାନା, ଆତଃ ଲେବୀ ନୁତୁମ୍ ମିଆଁଦ୍ ମାଲ୍ ହାରମ୍ ନିଃକେ ମାଲ୍ ହାରମ୍ ଠାୟାଦ୍ରେ ଦୁବାକାନାଏ ନେଲ୍ କିୟା । ୟୀଶୁ ଇନିଃକେ ମେତାଇଜାଏ, “ଦେଲା ଅତଙ୍ଗ୍ ଇଙ୍ଗ୍ମେ ।” ^{୨୮} ଆତଃ ଲେବୀ ସବେନାଃ ବାଗିକେଦ୍ତେ ବିରିଦ୍ମାନାଏ ଆତଃ ଇନିଃକେ ଅତଙ୍ଗ୍ କିୟା ।

^{୨୯} ଏନ୍ତେ ଲେବୀ ଆୟାଃ ଅଡ଼ାଃରେ ୟୀଶୁ ନାଗେନ୍ତେ ମିଆଁଦ୍ ମାରାଙ୍ଗ୍ ଜମେୟାଃ ବାକକେଦାଏ, ଆତଃ ପୁରାଃ ମାଲ୍ ହାରମ୍ କ ଆତଃ ଏଟାଃ ହଡ଼କ ଇନ୍କୁଲିଃକ ଜମ୍ତାଇକେନା । ^{୩୦} ମେନ୍ଦ୍ ଫାରୁଶୀ ଆତଃ ଆଇନ୍ ଇତୁକ କୁରୁରାଅଃତାନ୍ଲିଃ ଆୟାଃ ତେଲାକକେ ମେତାଦ୍ କଆକ, “ଆପେ ମାଲ୍ ହାରମ୍ କଲିଃ ଆତଃ ପାପକଲିଃ ତିକା ନାଗେନ୍ତେ ଜମ୍, ନୁଁ ତାନାପେ ?”

☆ ୫:୩୦ ୫:୩୦ ଲୁକ ୧୫:୧,୨.

୩୧ ଯୀଶୁ ଇନ୍ଦ୍ରକୁ କାଜିକେଦକଆଏ, “କା ହାସ୍ତତାନ୍ଦକଆଃ ନାଗେନ୍ତେ ବାଇଦ୍ କା ଲାଗାତିଙ୍ଗୟାଃ ମେନ୍ଦ ହାସ୍ତତାନ୍ଦକଆଃ ନାଗେନ୍ତେ ବାଇଦ୍ ଲାଗାତିଙ୍ଗୟାଃ । ୩୨ ଆଇଙ୍ଗ୍ ଧାର୍ମାନ୍ ହଡକକେ କେଡ଼ା ନାଗେନ୍ତେ କାଇଙ୍ଗ୍ ହିଜୁଆକାନା, ମେନ୍ଦ ପାପି ହଡକଆଃ ମନ୍ଦୁହାଡ଼ଃ ନାଗେନ୍ତେ ହିଜୁଆକାନାଇଙ୍ଗ୍ ।”

ରେଙ୍ଗେଃ କାଟାବ୍ରେୟାଃ କୁନ୍ଦୁଲି
(ମାଥୁଉ ୯:୧୪-୧୭; ମାର୍କ ୨:୧୮-୨୨)

୩୩ ତିମିନ୍ ହଡକ ଯୀଶୁକେ କାଜିକିୟାଃକ, “ଯୋହାନ୍‌ଆଃ ଚେଲକ ମାଣ୍ଡିଆ କାଟାବ୍ ଆଡ଼ଃ ବିକ୍ରିୟାଃକ, ଏନ୍‌ଲେକା ଫାରୁଣୀକଆଃ ଚେଲକହ ରିକାଃକ, ମେନ୍ଦ ଆମାଃ ଚେଲକ ସବେନ୍ ଇମ୍‌ତାଙ୍ଗ୍ ଜମ୍ ନୁଁ ତାନାକ ।”

୩୪ ଯୀଶୁ ମେତାଦକଆଏ, “ଚିୟାଃ ଆଣ୍ଡିଅଡ଼ାଃରେ ଦୁଲ୍ଲକଡ଼ା ବାଲକଲଃ ତାଇନଃ ଜାକେଦ୍ ଆପେ ଚିୟାଃ ଇନ୍ଦ୍ରକୁ କାଟାବ୍‌ରିକା ଦାଡ଼ିୟାକଆପେ ? କାହାଗି ! ୩୫ ମେନ୍ଦ ନେଡ଼ା ହିଜୁଆ ଚିମ୍‌ତାଙ୍ଗ୍ ଇନ୍ଦ୍ରକୁତାଃଏତେ ଦୁଲ୍ଲକଡ଼ା ବିନ୍‌ଗାଅଃଆଏ, ଇମ୍‌ତାଙ୍ଗ୍ ଇନ୍ଦ୍ରକୁ କାଟାବ୍ ରିକାଏୟାକ ।”

୩୬ ଇନିଃ ଇନ୍ଦ୍ରକୁକେ ନେ ଜନ୍‌କା କାଜି କାଜିୟାଦକଆଏ, “ଜେତାଏ ନାଝା ଲିଜାଃରେୟାଃ କେଟାଃ ମାରି ଲିଜାଃରେ ଜଡ଼ାଇକେଦ୍‌ତେ କାକ ତୁନାୟା । ଆଡ଼ଃ ଏନ୍‌କାଲେରେଦ୍ ନାଝା ଲିଜାଃଏ ଚାଗାଡ଼େୟା ଆଡ଼ଃ ନାଝା ଲିଜାଃରେୟାଃ କେଟାଃ ମାରିଲିଜାଃରେ କା ମେସାଅଃଆ । ୩୭ ଆଡ଼ଃ ଜେତାଏ ନାଝା ଦାଖ୍‌ରାସିକେ ମାରି ଉହୁର୍‌ତୁମ୍‌ପାରେ ଜେତାଏ କାକ ଦୁଲ୍‌ପେରେଜେୟା । ଚିୟାଃଚି ନାଝା ଦାଖ୍‌ରାସି ମାରି ଉହୁର୍‌ତୁମ୍‌ପାରେୟାଃ ଆଇଲାକେ ଚାଗାଡ଼ତାଃଏ ଆଡ଼ଃ ଦାଖ୍‌ରାସି ଲିଙ୍ଗି ଏଣ୍ଟାଗଃଆ ଆଡ଼ଃ ଉହୁର୍‌ରେୟାଃ ଆଇଲା ଜିୟନଃଆ । ୩୮ ମେନ୍ଦ ନାଝା ଦାଖ୍‌ରାସିକେ ନାଝା ଉହୁର୍‌ତୁମ୍‌ପାରେୟାଃ ଆଇଲାରେ ପେରେଃ ଲାଗାତିଙ୍ଗୟାଃ । ୩୯ ଆଡ଼ଃ ଜେତାଏ ହଡ଼ ମାରି ଦାଖ୍‌ରାସି ନୁଁକେଦ୍ ତାୟମ୍‌ତେ ନାଝା କାଏ ସାନାଙ୍‌ଆଃ, ଚିୟାଃଚି ଇନିଃଦ୍ ‘ମାରିତେୟାଃକେ ବୁଗିନ୍‌ତେୟାଃ ତାନାଃ’ ମେନେୟାଏ ।”



ୟୀଶୁ ରୁଡ଼ନୁ ହୁଲାଙ୍ଗ୍‌ରେନ୍ ଗମ୍‌କେତାନିଃ
(ମାଥୁଉ ୧୨:୧-୮; ମାର୍କ ୨:୨୩-୨୮)

୧ ରୁଡ଼ନୁ ହୁଲାଙ୍ଗ୍‌ରେ ଯୀଶୁ ହେରାକାନ୍ ପିଡ଼ି ଆଲାଆଲାତେ ସେନଃତାନ୍ ତାଇକେନାଏ, ଆଡ଼ଃ ଆୟାଃ ଚେଲକ ଗେଲେ ଜ'କେ ହଦକେଦ୍‌ତେ ତିଃଇଲଃ ଇଡ଼କିଦ୍‌କେଦ୍‌ତେ ଜମ୍‌ତାନ୍‌କ ତାଇକେନା । ୨ ମେନ୍ଦ ତିମିନ୍ ଫାରୁଣୀକ କୁଲିକିୟାଃକ, “ରୁଡ଼ନୁ ହୁଲାଙ୍ଗ୍‌ରେ କା ଲାଗାତିଙ୍ଗ୍ କାମି ଚିନାଃମେନ୍ତେକ ରିକାତାନା ?”

୩ ଯୀଶୁ ଇନ୍ଦ୍ରକୁକେ କାଜିରୁହାଡ଼ାଦକଆଏ, “ଦାଉଦ୍ ଆଡ଼ଃ ଆୟାଃ ଗାତିକ ରେଙ୍ଗେଃୟାନ୍ ଇମ୍‌ତା ଚିନାଃଏ କାମିକେଦାଃ ଏନା କାପେଚି ପାଡ଼ାଝାକାଦାଃ ? ୪ ଇନିଃ ପାର୍‌ମେଣ୍ଟାୟାଃ ଅଡ଼ାଃତେ ବଲୟାନା, ଆଡ଼ଃ ପାର୍‌ମେଣ୍ଟାୟାଃ ନୁଡ଼ମ୍‌ରେ ଏମାକାନ୍ ହଲଙ୍ଗ୍, ଅକ୍‌ନାଃକେଚି ଆଇନ୍ ଲେକାତେ ଯାଜାକ୍ ଏସକାର୍ ଜମ୍ ଦାଡ଼ିୟାଏ ମେନଃତାନା, ଏନାକେ ଆଉକେଦ୍‌ତେ ଜମ୍‌କେଦାଏ ଆଡ଼ଃ ଆୟାଃଲଃ ତାଇକାନ୍‌କକେୟ ଏମାଦକଆଏ ।”

୫ ଏନ୍ତେ ଯୀଶୁ ମେତାଦକଆଏ, “ମାନଝାହନ୍ ରୁଡ଼ନୁ ହୁଲାଙ୍ଗ୍‌ରେନ୍ ଗମ୍‌କେ ତାନିଃ ।”

ୟୀଶୁ ମିଆଁଦ୍ ରହଡ଼ାକାନ୍ ତିଃଇ ନିଃକେ ବୁଗି'ତାନା
(ମାଥୁଉ ୧୨:୯-୧୪; ମାର୍କ ୩:୧-୬)

୬ ଆଡ଼ଃ ଏଟାଃ ରୁଡ଼ନୁ ହୁଲାଙ୍ଗ୍‌ରେ ଇନିଃ ସାମାଜ ଅଡ଼ାଃରେ ବଲୟାନ୍ତେ ଇଡ଼କେଦକଆଏ, ଆଡ଼ଃ ଏନ୍ତାଃରେ ତିଃଇ ରହଡ଼ାକାନ୍ ମିଆଁଦ୍ ହଡ଼ ତାଇକେନାଏ । ୭ ଆଡ଼ଃ ଯୀଶୁ ରୁଡ଼ନୁ ହୁଲାଙ୍ଗ୍‌ରେ ଇନିଃକେ ବୁଗିୟାଏ ଚି କା ଏନା ନେଲ୍ ନାଗେନ୍ତେ ଫାରୁଣୀକ ଆଡ଼ଃ ଆଇନ୍ ଇଡ଼କ ଇନିଃକେ ଘାତାଇତାନ୍‌କ ତାଇକେନା ଚିୟାଃଚି ଇନ୍ଦ୍ରକୁ ଯୀଶୁକେ ଚିଟାଇ ନାଗେନ୍ତେ ହରାକ ଦାଣ୍ଟା ତାଇକେନା । ୮ ମେନ୍ଦ ଯୀଶୁ ଇନ୍ଦ୍ରକୁଆଃ ଉଡ଼ୁ ସାରିକେଦ୍‌ତେ, ଏନ୍ ତିଃଇ ରହଡ଼ାକାନ୍ ହଡ଼କେ କାଜିକିୟାଏ, “ମାର୍ ବିରିଦ୍‌ମେ ଆଡ଼ଃ ସବେନ୍‌କଆଃ ସାମ୍‌ନାଙ୍ଗ୍‌ରେ ତିଙ୍ଗୁନ୍‌ମେ, ଆଡ଼ଃ ଇନିଃ ବିରିଦ୍‌ୟାନ୍‌ଚି ଏନ୍ତାଃରେ ତିଙ୍ଗୁୟାନାଏ ।” ୯ ଏନ୍ତେ ଯୀଶୁ ଇନ୍ଦ୍ରକୁକେ କାଜିୟାଦକଆଏ, “ଆଇଙ୍ଗ୍ ଆପେକେ କୁଲିପେତାନାଇଙ୍ଗ୍, ଆବୁଆଃ ଆଇନ୍‌ଲେକାତେ ରୁଡ଼ନୁ ହୁଲାଙ୍ଗ୍‌ରେ ଅକନ୍ କାମି ରିକା ଲାଗାତିଙ୍ଗୟାଃ ? ମିହୁଡ଼ଆଃ ନାଗେନ୍ତେ ବୁଗିନ୍ କାମିତେୟାଃ ବୁଗିନାଃ ଚି ଏଡ଼କାନ୍ କାମିତେୟାଃ ବୁଗିନାଃ ? ଜୀଉ ବାଞ୍ଚାଅତେୟାଃ ଚି ଜୀଉ ଜିୟନେତେୟାଃ ?”

୧୦ ଇନିଃ ସବେନ୍‌କକେ ନେଲ୍‌ବିୟୁର୍ କେଦକଚି ଏନ୍ ହଡ଼କେ କାଜିକିୟାଏ, “ତିଃଇତାମାଃ ଜିଲିଙ୍ଗ୍‌ୟେମେ ।” ଏନ୍ତେ ଇନିଃ ତିଃଇତାୟାଃ ଜିଲିଙ୍ଗ୍‌କେଦାଏ ଆଡ଼ଃ ତିଃଇତାୟାଃ ପୁରାଗି ବୁଗିରୁହାଡ଼ୟାନା ।

୧୧ ମେନ୍ଦ ଇନ୍କୁ ଏନେସେଦ୍*ତେ ବାଲୁୟାନାକ, ଆଡ଼ଃ ଯୀଶୁକେ ଚିନାଃରୁ ଚିକାଇୟା ମେନ୍ତେ ଆକଆଲାରେ କାପାଜିୟାନାକ ।

ୟୀଶୁ ଆୟାଃ ଗେଲ୍‌ବାର୍ ଚେଲକକେ ସାଲାକତାନାଏ
(ମାଥୁର ୧୦:୧-୪; ମାର୍କ ୩:୧୩-୧୯)

୧୨ ଏନ୍ ହୁଲାଙ୍ଗକରେ ଯୀଶୁ ବିକ୍ତି ନାଗେନ୍ତେ ମିଆଁଦ୍ ବୁରୁତେ ଅଡ଼ଙ୍ଗୟାନା, ଆଡ଼ଃ ମିଦ୍‌ନିଦା ପାରମେଶ୍ୱାର୍‌ତାଃରେ ବିକ୍ତିକେଦାଏ । ୧୩ ଆଙ୍ଗୟାନଚି ଇନିଃ ଆୟାଃ ଚେଲକକେ ଆୟାଃତାଃତେ କେଡ଼ାକେଦକଆଏ ଆଡ଼ଃ ଇନ୍କୁଏତେ ଗେଲ୍‌ବାର୍ ହଡ଼କକେ ସାଲାକେଦକଆଏ, ଆଡ଼ଃ ଇନ୍କୁକେ ପ୍ରେରିଡ଼ ମେନ୍ତେ ନୁଡୁମ୍‌କେଦକଆଏ । ୧୪ ଇନ୍କୁଆଃ ନୁଡୁମ୍ ଗିମୋନ୍, ଇନିଃକେ ପାଡ଼ରାସ୍ ମେନ୍ତେ ନୁଡୁମ୍‌କିୟାଏ, ଗିମୋନ୍‌ଆଃ ହାଗାତେ ଆହିୟାସ୍, ଯାକୁର୍, ଯୋହାନ୍, ଫିଲିପ୍, ବାର୍ଥୋଲମି, ୧୫ ମାଥୁର, ଥୋମା, ଆଲ୍‌ଫିୟନାଃ ହକ୍ତେକଡ଼ା ଯାକୁର୍, ଗିମୋନ୍, ଅକଏଚି ଇସ୍ରାଏଲ୍ ହଡ଼କଆଃ ତନଲ୍‌ହେତେ ରାଡ଼ା ନାଗେନ୍ତେ ସାନାଙ୍ଗ ତାଇକେନାଏ, ୧୬ ଯାକୁର୍‌ଆଃ ହକ୍ତେକଡ଼ା ଯିହୁଦା, ଆଡ଼ଃ ଇଷ୍ଟାରିୟଡ଼ ଯିହୁଦା, ତାୟମ୍‌ତେ ନେ ଯିହୁଦା ଯୀଶୁକେ ବାଇରିକତାଃରେ ଜିମାକିୟାଏ ।

ବୁରୁରେ ଯୀଶୁଆଃ ଇନିଡୁ
(ମାଥୁର ୪:୨୩-୨୫)

୧୭ ଯୀଶୁ ଆୟାଃ ଚେଲକଲଃ ବୁରୁଏତେ ଲାତାର୍‌ତେ ଆଡ଼୍‌ଗୁୟାନାକ । ଆଡ଼ଃ ଇନିଃ ତିଙ୍ଗୁକାନ୍ ସାମ୍ ଠାୟାଦ୍‌ତାଃରେ ଆୟାଃ ପୁରାଃ ଗାଦେଲ୍ ଚେଲକ ତାଇକେନା ଆଡ଼ଃ ଏନ୍ତାଃରେ ଗଟା ଯିହୁଦା ଦିଶୁମ୍‌ରେନ୍, ଯୀରୁଶାଲେମ୍‌ରେନ୍, ଦରେୟାଗେନା ସୋର୍‌ରେନ୍ ଆଡ଼ଃ ସିଦୋନ୍‌ରେନ୍ ପୁରାଃ ହଡ଼କ ତାଇକେନା । ୧୮ ଇନ୍କୁ ଯୀଶୁଆଃ ଇନିଡୁ ଆୟୁମ୍ ଆଡ଼ଃ ଆକଆଃ ଦୁକୁଏତେ ବୁଗିୟଃ ନାଗେନ୍ତେ ହିକ୍ତୁଃକାନ୍‌କ ତାଇକେନା । ଆଡ଼ଃ ସଡ଼ରା ଆମ୍‌କଏତେ ଦୁକୁଆକାନ୍‌କ ବୁଗିୟାନା ୧୯ ଆଡ଼ଃ ସବେନ୍‌କ ଇନିଃକେ ଜୁଟିଦିନାଙ୍ଗକ ସାନାଙ୍ଗ ତାଇକେନା, ଚିୟାଃଚି ଇନିଃତାଃଏତେ ପେଡ଼େଃ ଅଡ଼ଙ୍ଗଆଃତାନ୍ ତାଇକେନା ଆଡ଼ଃ ଇନ୍କୁ ବୁଗିଆଃତାନ୍‌କ ତାଇକେନା ।

ଆଶିଷ୍ ଆଡ଼ଃ ଦୁକୁ
(ମାଥୁର ୫:୧-୧୨)

୨୦ ଯୀଶୁ ଆୟାଃ ଚେଲକସାଃ ନେଲ୍‌କେଦ୍‌ତେ କାଜିକେଦକଆଏ,
“ରେଙ୍ଗେଃତାନ୍‌କ ସୁକୁତାନ୍‌ଗିୟାଃ;

ଚିୟାଃଚି ସିର୍ମା ରାଇଜ୍ ଇନ୍କୁଆଃଗି ତାନାଃ ।

୨୧ ନାହାଁଃ ଆପେ ରେଙ୍ଗେଃତାନ୍‌କ, ସୁକୁତାନ୍ ଗିୟାଃପେ,
ପାରମେଶ୍ୱାର୍ ଆପେକେ ବିୟଃଗି ଏମାପେୟା !
ନାଆଃ ଆପେ ରାଆଃଏ ତାନ୍‌କ, ସୁକୁତାନ୍ ଗିୟାଃପେ,
ଚିୟାଃଚି ଆପେଦ ଲାନ୍‌ଏୟାପେ ।

୨୨ ☆“ମାନଃହନ୍‌ଆଃ ନାଗେନ୍ତେ ହଡ଼କ ଆପେକେ ହିଲାଙ୍ଗ୍‌ପେରେ, ଆପେକେ ଆତମ୍‌ପେରେ, ଆପେକେ ନିନ୍‌ପେରେ ଆଡ଼ଃ ଆପେୟାଃ ନୁଡୁମ୍ ଏଡ଼କାନ୍ ନୁଡୁମ୍‌ଲେକାକ ଇଦିଲେରେ ଆପେ ସୁକୁତାନ୍ ଗିୟାଃପେ । ୨୩ ☆ଏନ୍ ହୁଲାଙ୍ଗ୍ ରାସ୍‌କାଆଃପେ ଆଡ଼ଃ ରାସ୍‌କାତେ ସୁସୁନ୍‌ନେପେ, ଚିୟାଃଚି ନେଲେପେ, ଆପେୟାଃ ନାଙ୍ଗ୍ ପୁରାଗି ଜ ସିର୍ମାରେୟା । ଇନ୍କୁଆଃ ପୁରଖାହାଡ଼ାମ୍‌କ ନାବୀକକେ ସିଗିଦ୍‌କେଦକଆକ ।

୨୪ “ମେନ୍ଦ ଆପେ କିର୍ସାଁଶ୍ ହଡ଼କଆଃ ହାୟ ହାୟ ଆପେ ଦୁକୁପେ ନାମେୟା,
ଚିୟାଃଚି ଆପେଦ ଆପେୟାଃ ଜୀଦାନ୍‌ରେ ଜୀଉରାଡ଼େଃପେ ନାମ୍‌ତାବାକାଦାଃ ।

୨୫ ଆପେ ନାହାଁଃ ବିୟାକାନ୍‌କଆଃ ହାୟ ହାୟ,
ଆପେଦପେ ରେଙ୍ଗେଜ୍‌ଆଃ ।

ଆପେ ନାହାଁଃ ଲାନ୍‌ତାନ୍‌କଆଃ ହାୟ ହାୟ,
ଚିୟାଃଚି ଆପେଦପେ ଏୟର୍ମୋୟା† ଆଡ଼ଃପେ ରାଆଃୟା ।

୨୬ “ସବେନ୍ ହଡ଼କ ଆପେକେ ବୁଗିନ୍‌କ ମେତାପେରେ, ଆପେୟାଃ ହାୟ ହାୟ, ଇନ୍କୁଆଃ ପୁରଖାହାଡ଼ାମ୍‌କ ହସଡ଼‡ ନାବୀକକେ ଏନ୍‌କାକେଦକଆକ ।

ବାଇରିକକେ ଦୁଲାଡ଼କପେ
(ମାଥୁର ୫:୩୮-୪୮; ୭:୧୨)

* ୭:୧୧ 6:11 ଖ୍ସ ☆ ୭:୨୨ ୭:୨୨ ୧ ପାଡ଼ରାସ୍ ୪:୧୪. ☆ ୭:୨୩ ୭:୨୩ ପ୍ରେରିଡ଼ ୭:୫୨. † ୭:୨୫ ୭:୨୫ ଗୋକ୍‌ଏୟା
‡ ୭:୨୬ ୭:୨୬ ଭଣ୍ଡ

୨୭ “ମେନ୍ଦୁ ଆଇଁ ଆପେ ଆୟୁର୍ବିଦ୍ୟାକେ କାଜିୟାପେ ତାନାଇଁ, ଆପେୟାଃ ବାଇରିକକେ ଦୁଲାଡ଼କପେ, ଅକନ୍ଦ ଆପେକେ ଖୁସାଅପେୟାକ ଇନ୍ଦୁଆଃ ବୁଗିନ୍ ରିକାଏପେ । ୨୮ ଜେତାଏ ଆପେକେ ସାରପାଅପେକ, ଆଶିଷକପେ, ଆପେକେ ହିଲାଙ୍ଗପେକ, ବିକ୍ରିପେ । ୨୯ ଜେତାଏ ଆପେକେ ମିଆଁଦ୍ ଜଆରେ ଆପଡ଼ିପେରେଦ, ଏଟାଃ ଜଞ୍ଜାହଗି ବିୟୁରାଇପେ । ଜେତାଏ ଆପେୟାଃ ଚାଦାର୍ ଲିଜାଃ ଇଦିରେଦ, ଇନିଃକେ ଆପେୟାଃ ହଡ଼ମରେ ତୁସିଙ୍ଗ୍ ଲିଜାଃ ହଗି ଇଦିନାଙ୍ଗ୍ ଆଲପେ ମାନାଇୟାଃ । ୩୦ ଜେତାଏ ଆପେକେ ଆସିପେରେଦ ଇନିଃକେ ଏମାଇପେ, ଆତଃ ଆପେୟାଃ ମେନାଃତେୟାଃ ରେଃକଇଦିପେରେଦ, ଇନିଃକେ ଆଲପେ ଆସିରୁହାଡ଼ିୟାଃ । ୩୧ ଶୁଦ୍ଧକ ଆଲେନାଙ୍ଗ୍ ରିକାଏକାକ ମେନ୍ଦେପେ ସାନାଙ୍ଗ୍ତାନ୍ ଲେକା, ଆପେୟାଃ ଇନ୍ଦୁ ନାଗେନ୍ଦ୍ରେ ଏନ୍ଲେକା ରିକାଏପେ ।

୩୨ “ଆପେକେ ଅକନ୍ଦ ଦୁଲାଡ଼ପେତାନାକ ଇନ୍ଦୁକେ ଏସ୍କାର୍ ଦୁଲାଡ଼ରେକରେ, ଆପେ ଚିକା ନାଙ୍ଗ୍ ଆଶିଷପେ ନାମେୟା ? ପାପି ହଡ଼କହ ଆକକେ ଦୁଲାଡ଼ତାନ୍ ହଡ଼କକେ ଦୁଲାଡ଼କଆକ । ୩୩ ଆତଃ ଅକନ୍ଦ ଆପେୟାଃ ବୁଗିନାଃ କାମିତାନାକ, ଇନ୍ଦୁଆଃ ଏସ୍କାର୍ ଆପେ ବୁଗିନ୍ କାମିପେ ରିକାଏ ରେଦ, ଆପେ ଚିକାନ୍ ଆଶିଷପେ ନାମେୟା ? ପାପି ହଡ଼କହଗି ଏନ୍ଲେକା କାମିୟାଃକ । ୩୪ ଆତଃ ଅକନ୍ଦ କତାଃଏତେ ଆପେୟାଃ ନାମଃ ରୁହାଡ଼ରେୟାଃ ଆସ୍ତା ତାଇନାଃ, ଇନ୍ଦୁକେ ଏସ୍କାର୍ ରିଶାଃ ଏମ୍ଲେକରେ ଆପେ ଚିକାନ୍ ଆଶିଷପେ ନାମେୟା ? ଏମାକାଦ୍ତେୟାଃ ଇମିୟାଙ୍ଗ୍ଗିରୁ ନାମରୁହାଡ଼େୟାଃ ମେନ୍ଦେ ପାପି ହଡ଼କହଗି ପାପିକକେ ରିଶାକ ଏମାକଆଃ । ୩୫ ମେନ୍ଦୁ ଆପେୟାଃ ବାଇରିକକେ ଦୁଲାଡ଼କପେ, ବୁଗିନ୍ କାମି ରିକାଏପେ ଆତଃ ନାମରୁହାଡ଼ରେୟାଃ ଆସ୍ତାବାଗିକେଦ୍ତେ ରିଶା ଏମାକପେ ଏନ୍ଦ୍ରେ ଆପେ ପୁରାଃ ଜାପେ ନାମେୟା, ଆପେ ମାରାଙ୍ଗ୍ ଉତାର୍ନିୟାଃ ହନ୍ଦପେ ବାୟୁଆ, ଚିୟାଃତି ଇନିଃଦ କା ଜହାର୍କ ଆତଃ ଏଡ଼କାନ୍କକେ ଲିବୁଇୟାକତାନାଏ । ୩୬ ଆପେୟାଃ ସିମ୍ପାରେନ୍ ଆପୁ ଲିବୁଇତାନ୍ ଲେକା, ଆପେୟାଃ ଲିବୁଆକପେ ।

ଏଟାଃକକେ ଆଲ୍ପେ ବିଚାରକଆ
(ମାଥୁଉ ୭:୧-୫)

୩୭ “ଏଟାଃକକେ ଆଲ୍ପେ ବିଚାରକଆ, ଏନାରେ ପାର୍ମେଶ୍ୱାର୍ ଆପେକେ କାଏ ବିଚାରପେୟା, ଆଲ୍ପେ ଚିଚାକଆ, ଏନ୍ଦ୍ରେ ଆପେ କାପେ ଚିଚାଃଞ୍ଜା । ଛାମାକପେ, ଏନ୍ଦ୍ରେ ଆପେକେ ଛାମାଞ୍ଜାଃ । ୩୮ ଏମେପେ, ଏନ୍ଦ୍ରେ ଆପେକେ ଏମଃଆ, ପାର୍ମେଶ୍ୱାର୍ ଆପେକେ, ତାମ୍ପିରେ ଅତାପେରେଃକେଦ୍ତେ, ଆତଃ ଉଛୁଲାଅଃଗି ପୁରାଃ ସଙ୍ଗକେଦ୍ତେ ଆପେୟାଃ କୟଙ୍ଗ୍ରେକ ଦୁଲାପେୟା ଚିୟାଃତି ଆପେ ସଙ୍ଗେ ତାମ୍ପିରେଗି ଆପେ ନାଗେନ୍ଦ୍ରେ ସୋଙ୍ଗଃଆ ।”

୩୯ ଶୁଆତଃ ଯାଶୁ ଇନ୍ଦୁକେ ନେ ଜନ୍ଦକା କାଜି କାଜିୟାଦ୍ଦକଆଏ, “ଚିୟାଃ ମେଦ୍ କା ନେଲ୍ ଦାଡ଼ିନିଃ, ଆତଃ ମିଆଁଦ୍ ମେଦ୍ କା ନେଲ୍ ଦାଡ଼ିନିଃକେ ହରା ଉଦୁବ୍ ଦାଡ଼ିୟାଃଏ ? ଇନିଃ ଏନ୍ଦକା ରିକାଏରେଦ, ଚିୟାଃ ବାରାନ୍ଦକିନ୍ ଗାତାରେକିନ୍ ଉୟୁଗଃଆ ? ୪୦ ଶୁଗୁରୁଏତେ ଚେଲା କାଏ ମାରାଙ୍ଗ୍ଆଃ, ମେନ୍ଦୁ ଜେତାଏ ପୁରା ଇଡୁକେଦ୍ତେ ଆୟାଃ ଗୁରୁ ଲେକାଅଆଏ ।

୪୧ “ଆମ୍ ଆମାଃ ମେଦ୍ରେଆଃ ରୁବାଃ କା ନେଲ୍କେଦ୍ତେ ହାଗାମାଃ ମେଦ୍ରେଆଃ ହୁଡ଼ିଙ୍ଗ୍ ରୁବାଃ ଚିକା ନାଗେନ୍ଦ୍ରେମ୍ ନେଲେତାନା ? ୪୨ ଆମାଃ ମେଦ୍ରେ ରୁବାଃ ତାଇନ୍କେଦ୍ତେ, ‘ହାଗାମାଃ ମେଦ୍ରେଆଃ ରୁବାଃକେ ଅତଙ୍ଗତାମାଇଙ୍ଗ୍’ ମେନ୍ଦେ ଚିଲ୍କାତେ କାଜି ଦାଡ଼ିୟାମ୍ ? ଏ ବେଦାହଡ଼, ସିଦାତେ ଆମାଃ ମେଦ୍ରେଆଃ ରୁବାଃ ଅତଙ୍ଗ୍ରେୟା, ଏନ୍ଦ୍ରେ ହାଗାମାଃ ମେଦ୍ରେଆଃ ରୁବାଃ ଅତଙ୍ଗ୍ ନାଗେନ୍ଦ୍ରେ ବୁଗିଲେକାମ୍ ନେଲ୍ଦାଡ଼ିୟା ।

ମିଆଁଦ୍ ଦାରୁ ଆତଃ ଏନାରେୟାଃ ଜ
(ମାଥୁଉ ୭:୧୭-୨୦; ୧୨:୩୩-୩୫)

୪୩ “ବୁଗିନ୍ ଦାରୁରେଦ ଏଡ଼କାନ୍ ଜ କା ଜଅଃଆଃ, ଆତଃ ଏଡ଼କାନ୍ ଦାରୁରେଦ ବୁଗିନ୍ ଜ କା ଜଅଃଆଃ । ୪୪ ମିମିଆଦ୍ ଦାରୁଦ୍ ଆୟାଃ ଜାତେଗି ନେଲ୍ଉରୁମଃଆ । ଜାନୁମ୍ ଦାରୁଏତେଦ ହଡ଼କ ଲଆ ଜ କାକ ଗଦେୟା ଆତଃ ଜାନୁମ୍ ରୁପାଦ୍ଏତେଦ ଦାଙ୍ଗ୍ ଜ କାକ ଗଦେୟା । ୪୫ ବୁଗିନ୍ ହଡ଼ ଆୟାଃ ମନ୍ସୁରୁଦ୍ ଲେକାନ୍ ବୁଗିନ୍ ଭାଣ୍ଡାର୍ଅଡ଼ାଃଏତେ ବୁଗିନାଃ ତେୟାଃ ଅତଙ୍ଗ୍ରେୟାଏ ଆତଃ ଏଡ଼କାନ୍ ହଡ଼ ଆୟାଃ ଏଡ଼କାନ୍ ଭାଣ୍ଡାର୍ଅଡ଼ାଃଏତେ ଏଡ଼କାନ୍ତେୟାଃ ଅତଙ୍ଗ୍ରେୟାଏ । ଚିଆଃତି ଆୟାଃ ମନ୍ସୁରୁଦ୍ରେ ପେରେକାକାନ୍ତେୟାଃ ମଚାଏ କାଜିୟା ।

☆ ୭:୩୧ ୭:୩୧ ମାଥୁଉ ୭:୧୨. § ୭:୩୪ ୭:୩୪ ଉଧାର୍ ☆ ୭:୩୯ ୭:୩୯ ମାଥୁଉ ୧୫:୧୪. ☆ ୭:୪୦ ୭:୪୦ ମାଥୁଉ ୧୦:୨୪,୨୫; ଯୋହାନ୍ ୧୩:୧୭; ୧୫:୨୦. ☆ ୭:୪୪ ୭:୪୪ ମାଥୁଉ ୧୨:୩୩. ☆ ୭:୪୫ ୭:୪୫ ମାଥୁଉ ୧୨:୩୪.

**ବାର ରାକାମ୍ ଅଡ଼ାଃରେୟାଃ ବାବାଇନିଃ
(ମାଥୂଉ ୭:୨୪-୨୭)**

୪୭ “ଆପେ ଚିନାଃମେନ୍ତେ ଆଇଙ୍ଗକେ, ‘ହେ ପ୍ରାଭୁ, ହେ ପ୍ରାଭୁପେ,’ ମେତାଇଙ୍ଗତାନା ଆଡ଼ଃ ଆଇଁୟାଃ କାଜି ଆପେ କାପେ ମାନାଡ଼ିଙ୍ଗତାନା ? ୪୭ ଜେତାଏ ଆଇଁୟାଃତାଃ ହିଜୁଃନିଃ ଆଡ଼ଃ ଆଇଁୟାଃ କାଜି ଆୟୁମକେଦ୍ତେ ମାନାଡ଼ିଙ୍ଗନିଃ, ଇନିଃ ଅକଏ ଲେକାଃଏ ଏନା ଆପେକେଇଙ୍ଗ ଉଦୁବାପେୟା । ୪୮ ଇନିଃ ନେଲେକାନ୍ ଅଡ଼ାଃ ବାଇତାନ୍ ହଡ଼ ଲେକାଃଏ, ଇନିଃ ଉରକେଦ୍ତେ ନିହିଁଗାଡ଼ା କେଦାଏ ଆଡ଼ଃ ଦିରି ଚେତାନ୍ରେ ବାଇକେଦାଏ, ଆଡ଼ଃ ଚୁଡ଼ା ହିଜୁଃଲେନ୍ରେ ଏନ୍ ଅଡ଼ାଃରେ ଦାଆଃ ଟଗଟାନ୍ ତାଇକେନା ମେନ୍ଦ ଏନାକେ କାଏ ହାଦୁଡ଼ ଦାଡ଼ିକେଦା, ଚିୟାଃଚି ଏନାଦ ଚାଚେନ୍ ଦିରି ଚେତାନ୍ରେ ବାଇୟାକାନ୍ ତାଇକେନା । ୪୯ ମେନ୍ଦ ଆଇଁୟାଃ କାଜି ଆୟୁମକେଦ୍ତେ କା ମାନାଡ଼ିଙ୍ଗନିଃ ଅତେରେ ବେଗାର୍ ନିହିଁଗାଡ଼ାତେ ବାଇୟାକାନ୍ ଅଡ଼ାଃ ଲେକାନ୍ନିଃ ତାନିଃ, ଏନ୍ ଅଡ଼ାଃରେ ଚୁଡ଼ା ଦାଆଃ ପୁରାଃଗି ଧାକ୍କାକେଦ୍ ଇମ୍ତା ଏନା ହାଦୁଡ଼ୟାନା ଆଡ଼ଃ ଏନାରାଃ ଜିୟନଃ ପୁରାଃ ବରଞ୍ଜାନି ହବାୟାନା ।”



**ୟୀଶୁ ମିଦ୍‌ଶାଅ ସିପାଇକଆଃ ଗମ୍‌କେୟାଃ ଦାସିକେ ବୁଗିକିୟାଏ
(ମାଥୂଉ ୮:୫-୧୩)**

୧ ଯୀଶୁ ହଡ଼କକେ ଆୟାଃ ସବେନ୍ କାଜି କାଜିଚାବାକେଦ୍‌ଚି କପର୍‌ନାହୁମ୍ ସାହାର୍‌ତେ ବଲୟାନାଏ । ୨ ଏନ୍ତାଃରେ ମିଦ୍‌ଶାଅ ସିପାଇକଆଃ ମିଆଁଦ୍ ରୋମି ଗମ୍‌କେୟାଃ ଦାସି ବେମାର୍‌ତେ ଗଜଃଲେକାଏ ତାଇକେନା, ଇନିଃକେ ଇନିୟାଃ ଗମ୍‌କେ ପୁରାଃଗି ଦୁଲ୍‌ଡ଼ିତାନାଏ ତାଇକେନା । ୩ ମିଦ୍‌ଶାଅ ସିପାଇକଆଃ ଗମ୍‌କେ ଯୀଶୁଆଃ ବିଷାଏରେ ଆୟୁମକେଦ୍‌ଚି, ଆମ୍ ହିଜୁଃକେଦ୍‌ତେ ଆଇଁୟାଃ ଦାସିକେ ବୁଗିମେ ମେନ୍ତେ ଯିହୁଦୀକଆଃ ପ୍ରାଚିନ୍‌କକେ ଯୀଶୁତାଃ ଗୋହାର୍ ନାଗେନ୍ତେ କୁଲ୍‌କେଦ୍‌କଆଏ । ୪ ଇନ୍‌କୁ ଯୀଶୁତାଃ ସେଚେରୟାନ୍‌ଚି ଇନିଃକେ ପୁରାଃଗି ବିକ୍ରିତାନ୍‌ଲଃ କାଜିକିୟାଏ, “ଇନିଃ ଆମାଃ ଦେଙ୍ଗା ନାମେ ଲେକାଗିୟାଏ । ୫ ଚିୟାଃଚି ଇନିଃଦ ଆବୁ ଜାତିରେନ୍‌କକେ ଦୁଲ୍‌ଡ଼କତାନାଏ ଆଡ଼ଃ ଆଇଃକଗି ଆବୁନାଙ୍ଗ୍ ସାମାଜ୍ ଅଡ଼ାଃ ବାଇୟାକାଦାଏ ।”

୬ ଏନାତେ ଯୀଶୁ ଇନ୍‌କୁଲଃ ସେନଃୟାନାଏ । ଆଡ଼ଃ ଯୀଶୁ ଇନିୟାଃ ଅଡ଼ାଃ ନାଡ଼େଃତେ ହିଜୁଃ ସେଚେରତାନ୍ ଇମ୍ତା ଇନିଃ ଆୟାଃ ଗାଡ଼ିକକେ ଯୀଶୁତାଃତେ କାଜି କୁଲ୍‌କେଦ୍‌କଆଏ, “ହେ ଗମ୍‌କେ ଆଲମ୍ ଦୁକୁନାଃ, ଚିୟାଃଚି ଆମ୍ ଆଇଁୟାଃ ଅଡ଼ାଃରେମ୍ ବଲଆ ଏନ୍ ଲେକାନ୍‌ନିଃଦ ନାହାଁଲିଙ୍ଗ୍ । ୭ ଏନା ନାଗେନ୍ତେ ଆଇଙ୍ଗ୍ ଆମାଃତାଃତେ ସେନଃନାଙ୍ଗ୍ କାଇଙ୍ଗ୍ ସାନାଙ୍ଗ୍‌କେଦାଃ । ମେନ୍ଦ ଆମ୍ ମିସାଗି କାଜିତାମ୍, ଆଇଁୟାଃ ଦାସି ବୁଗିକଆଃଏ । ୮ ଚିୟାଃଚି ଆଇଙ୍ଗ୍‌ହ୍ ଏଟାଃକଆଃ ଆକ୍‌ତେୟାର୍‌ରେ ମେନାଇୟାଃ, ସିପାଇକ ଆଇଁୟାଃ ଆକ୍‌ତେୟାର୍‌ରେ ମେନାକଆଃ । ଆଇଙ୍ଗ୍ ମିହୁଡ଼କେ ସେନଃମେ ମେତାଇରେଦ ଇନିଃ ସେନଃଆଏ ଆଡ଼ଃ ଏଟାଃନିଃକେ ହିଜୁଃମେ ମେତାଇରେ ଇନିଃ ହିଜୁଃଆଏ । ଆଇଁୟାଃ ଦାସିକେ ନେୟାଁ କାମିମେ ମେତାଇରେ ଇନିଃ କାମିୟାଏ ।”

୯ ଯୀଶୁ ନେୟାଁ ଆୟୁମକେଦ୍‌ତେ ଆକ୍‌ଦାନ୍‌ଆୟାନା, ଆଡ଼ଃ ହେତାରୁହାଡ଼କେଦ୍‌ତେ ଆୟାଃ ତାୟମରେ ଅତଙ୍ଗ୍‌ଜି ତାନ୍‌କକେ କାଜିୟାଦ୍‌କଆଏ, “ଆଇଙ୍ଗ୍ ଆପେକେ କାଜିୟାପେ ତାନାଇଙ୍ଗ୍, ଇସ୍ରାଏଲ୍‌ରେୟ ନେ ଲେକାନ୍ ମାରାଙ୍ଗ୍ ବିଶ୍ୱାସ୍ କାଇଙ୍ଗ୍ ନାମାକାଦାଃ ।”

୧୦ ଏନ୍ତେ ଯୀଶୁଆଃ ଜାପାଃତେ କୁଲ୍‌ଲେନ୍‌କ ଅଡ଼ାଃତେ ରୁହାଡ଼ୟାନ୍ତେ ଏନ୍ ଦାସିକେ ବୁଗିୟାକାନ୍‌କ ନାମ୍‌କିୟାଃ ।

ୟୀଶୁ ରାଣ୍ଡିକୁଡ଼ିଆଃ ହନ୍‌କେ ଜାହିଦ୍ ରୁହାଡ଼ିତାନାଏ

୧୧ ଏଟାଃ ହୁଲାଙ୍ଗ୍‌ରେ ଯୀଶୁ ନାଇନ୍ ନୁଡୁମ୍ ମିଆଁଦ୍ ସାହାର୍‌ତେ ସେନଃୟାନାଏ, ଆଡ଼ଃ ଇନିଃଲଃ ଆୟାଃ ଚେଲାକ ଆଡ଼ଃ ଗାଦେଲ୍ ହଡ଼କ ଇନିୟାଃଲଃ ସେନ୍‌ତାନ୍‌କ ତାଇକେନା । ୧୨ ଆଡ଼ଃ ସାହାର୍ ଦୁଆର୍‌ତେ ତେବାଃୟାନ୍‌ଚି, ହଡ଼କ ମିଆଁଦ୍ ମାଁଡ଼ା ଗଅଃ ଅତଙ୍ଗ୍‌ଏତାନ୍‌କ ତାଇକେନା । ଇନିଃ ଆୟାଃ ରାଣ୍ଡିକୁଡ଼ି ଏଙ୍ଗାତେୟାଃ ମିଆଁଦ୍‌ଗି ହନ୍‌କଡ଼ା ତାଇକେନାଏ । ଆଡ଼ଃ ସାହାର୍‌ରେନ୍ ଗାଦେଲ୍ ହଡ଼କ ଇନିଃଲଃ ତାଇକେନାକ । ୧୩ ଏନ୍ ରାଣ୍ଡିକୁଡ଼ିକେ ନେଲ୍‌କେଦ୍‌ତେ ପ୍ରାଭୁ ଇନିଃକେ ଦାୟାଃଇତାନ୍‌ଲଃ କାଜିକିୟାଏ, “ଆଲ୍‌ମେ ରାଆଃୟା ।” ୧୪ ଏନ୍ତେ ଯୀଶୁ ସେନ୍ ନାଡ଼େଃକେଦ୍‌ତେ ପାର୍‌କମାଏ ଜୁଟିଦ୍‌କେଦା ଆଡ଼ଃ ଗଅଃକାଦ୍ ହଡ଼କ ଡିଙ୍ଗ୍‌ୟାନାକ । ଯୀଶୁ ଗଜାକାନ୍ ହଡ଼କେ କାଜିକିୟାଏ, “ଏ ସେପ୍‌ଡେଦ୍, ମାର୍ ବିରିଦ୍‌ମେ ମେତାମ୍‌ତାନାଇଙ୍ଗ୍ !” ୧୫ ଏନ୍ ଗଜାକାନ୍‌ନିଃ ବିରିଦ୍‌ୟାନ୍‌ଲଃ ଦୁଦ୍‌ୟାନାଏ, ଆଡ଼ଃ ବାଗାଁଣ୍ ଏଚେଦ୍‌କେଦାଏ, ଯୀଶୁ ଇନିଃକେ ଇନିୟାଃ ଏଙ୍ଗାତେତାଃରେ ଜିମାକିୟାଏ ।

୧୭ ନେୟା ନେଲକେଦ୍‌ତେ ସବେନ୍‌କ ବରକେଦାଃକ ଆତଃ ପାର୍‌ମେଶ୍‌ବାର୍‌କେ ମାନାରାଙ୍ଗ୍ ତାନ୍‌ଲଃ କାଜିକେଦାଃକ, “ଆରୁ ଥାଲାରେ ମିଆଁଦ୍ ମାରାଙ୍ଗ୍ ନାବୀ ହିଜୁଆକାନାଏ । ପାର୍‌ମେଶ୍‌ବାର୍ ଆୟାଃ ହଡକକେ ବାସ୍ତାଅ ନାଙ୍ଗ୍ ହିଜୁଆକାନାଏ ।”

୧୭ ଆତଃ ଯୀଶୁଆଃ ନେ ବାନାର୍ ଗଟା ଯିହୁଦାରେ ଆତଃ ଗଟା ହପରଜାପାଃ ଦିଶୁମ୍‌ରେ ନିତିର୍‌ୟାନା ।

**ବାପ୍ତିସ୍ମା ଏମାଃନିଃ ଯୋହାନ୍‌ଆଃ କୁଲି ଆତଃ ଯୀଶୁଆଃ କାଜିରୁହାଡ୍
(ମାଥୁଉ ୧୧:୨-୧୯)**

୧୮ ଯୋହାନ୍‌ଆଃ ଚେଲକ ନେ ସବେନ୍ କାଜିକ ଯୋହାନ୍‌କେ ଉଦୁବ୍‌କିୟାଃକ । ୧୯ ଯୋହାନ୍ ଆୟାଃ ଚେଲକଏତେ ବାର୍‌ହଡକିନ୍‌କେ କେଡାକେଦକିନାଏ, ଆତଃ ପ୍ରାଭୁତାଃତେ ନେଆଁ କୁଲିନାଙ୍ଗ୍ କୁଲକେଦକିନାଏ “ଏନ୍ ହିଜୁଃନିଃ ଆମ୍‌ଗି ତାନ୍‌ମେ ଚି ଏଟାଃନିଃଲେ ନେଲହରାଇୟା ?”

୨୦ ଆତଃ ଇନ୍‌କିନ୍ ଯୀଶୁତାଃ ହିଜୁଃୟାନ୍ତେ କାଜିକେଦାଃକିନ୍ ବାପ୍ତିସ୍ମା ଏମାଃନିଃ ଯୋହାନ୍ ଆଲିଙ୍ଗ୍‌କେ ଆମାଃତାଃତେ ନେୟା କୁଲି ନାଗେନ୍ତେ କୁଲକାଦଲିଙ୍ଗ୍‌ଆଏ, “ଏନ୍ ହିଜୁଃନିଃ ଆମ୍‌ଗି ତାନ୍‌ମେ ଚି ଏଟାଃନିଃଲେ ନେଲହରାଇୟା ।”

୨୧ ଏନ୍ ଦିପିଲିରେଗି ଯୀଶୁ ପୁରାଃ ହାସୁତାନ୍ ଦୁକୁତାନ୍ ଆତଃ ଏଡକାନ୍ ଆମ୍‌ ଏସେରାକାଦ୍ ହଡକକେ ବୁଗିକେଦକଆଏ, ଆତଃ ପୁରାଃ କା ନେଲଦାଡିତାନ୍‌କକେ ନେଲ୍‌କାକେଦକଆଏ ।

୨୨ ଯୀଶୁ ଯୋହାନ୍‌ଆଃ ଚେଲକିନ୍‌କେ କାଜିକେଦକିନାଏ, “ଆବେନ୍ ରୁହାଡକେଦ୍‌ତେ ଅକନାଃବେନ୍ ନେଲକାଦା ଆତଃ ଆୟୁମାକାଦା ଏନାକ ଯୋହାନ୍‌କେ ଉଦୁବାଇବେନ୍, କାଣ୍‌କାନ୍‌କ ନେଲେତାନା, କାଟା ଲେଙ୍ଗ୍‌ଡାକାନ୍‌କ ସେସେନ୍‌ତାନା, ନାଗେଘାଅକାନ୍‌କ ଫାର୍‌ତିଅଃତାନା, ଭାଏରାକାନ୍‌କ ଆୟୁମେତାନା, ଗଜାକାନ୍‌କ ଜୀଉବିରିଦ୍ ରୁହାଡଃତାନା, ଆତଃ ରେଙ୍ଗେଃ ହଡକତାଃରେ ସୁକୁକାଜି ଉଦୁବଃତାନା ।

୨୩ ଆଇୟାଃ ବିଷାଏରେ ଅକନକଆଃ ଜେତାନ୍ ଆଡଃଉଡଃ ବାନଃଆ, ଇନ୍‌କୁ ସୁକୁତାନ୍‌ଗିୟା ।”

୨୪ ଯୋହାନ୍‌ଆଃ ଚେଲକିନ୍ ସେନଃୟାନ୍‌ତି ଯୀଶୁ ଯୋହାନ୍‌ଆଃ ବିଷାଏରେ ହଡକକେ କାଜି ଏଟେଦକେଦଆଏ, “ଆପେ ଚିକ୍‌ନାଃ ନେନେଲ୍‌ତେ ବିର୍‌ତେପେ ସେନ୍‌କେନା ? ଚିନାଃ ହୟତେ ଏକଲଅଃତାନ୍ ବିର୍‌ନି ତାସାଦକେ ? ୨୫ ଏନା କା'ରେଦ ଚିକ୍‌ନାଃ ନେନେଲ୍‌ତେପେ ଅଡଙ୍ଗ୍‌ୟାନା । ଚିନାଃ ଗନଙ୍ଗ୍‌ଆଁନ୍ ଲିଜାଃ ତୁସିଙ୍ଗ୍‌ଆଁକାନ୍ ହଡକେ ? ନେଲେପେ, ଗନଙ୍ଗ୍‌ଆଁନ୍ ଲିଜାଃ ତୁସିଙ୍ଗ୍‌ଆଁକାନ୍ ଆତଃ ସୁକୁତେ ତାଇନଃତାନ୍ ହଡକ ରାଜାକଆଃ ଅଡଃକରେକ ତାଇନାଃ । ୨୬ କାଜିଙ୍ଗ୍‌ପେ, ଏନା କାହାରେଦ, ଚିକ୍‌ନାଃ ନେନେଲ୍‌ତେପେ ଅଡଙ୍ଗ୍‌ଲେନା ? ଚିନାଃ ମିଆଁଦ୍ ନାବୀକେ ? ଆଇଙ୍ଗ୍ ଆପେକେ ସାର୍‌ତିଗି ମେତାପେ ତାନାଇଙ୍ଗ୍, ନାବୀଏତେ ମାରାଙ୍ଗ୍‌ନିଃକେପେ ନେଲିୟା । ୨୭ ଯୋହାନ୍‌ଆଃ ନାଗେନ୍ତେ ଧାରାମ୍‌ପୁଥରେ ନେଆଁ ଅଲକାନା, ‘ପାର୍‌ମେଶ୍‌ବାର୍ କାଜିକେଦାଏ, ନେଲେମେ, ଆଲେ ଆମାଃଏତେ ସିଦାରେ ଆଲେୟାଃ ଦୁଡକେଲେ କୁଲିତାନା ଇନିଃ ଆମାଃ ନାଗେନ୍ତେ ପାହିଲାରେ ହରା ବାଇୟାଏ ।’ ୨୮ ଆଇଙ୍ଗ୍ ଆପେକେ ସାର୍‌ତିଗିଙ୍ଗ୍ କାଜିୟାପେତାନା, ‘କୁଡିକଏତେ ଜାନାମାକାନ୍ ସବେନ୍‌କଆଃ ଭିତାର୍‌ରେ ଯୋହାନ୍‌ଏତେ ମାରାଙ୍ଗ୍ ଜେତାଏ ବାଙ୍ଗାୟା, ହଲେହ୍ ପାର୍‌ମେଶ୍‌ବାର୍‌ଆଃ ରାଇଜ୍‌ରେନ୍ ହୁଡିଙ୍ଗ୍‌ନିଃ ଯୋହାନ୍‌ଏତେ ମାରାଙ୍ଗ୍‌ଆଏ ।’”

୨୯ *ୟୀଶୁଆଃ ଇନିତୁ ଆୟୁମତାନ୍ ସବେନ୍ ହଡକ, ନେ'ଲେକାଚି ମାଲ୍‌ହାରମକହ, ସାରିକେଦାଃକ ଯେ, ପାର୍‌ମେଶ୍‌ବାର୍‌ଆଃ ହରା ସାର୍‌ତିଗିଆଃ, ଚିୟାଃଚି ଇନ୍‌କୁକେ ସିଦାରେ ଯୋହାନ୍ ବାପ୍ତିସ୍ମା ଏମାକାଦକ ତାଇକେନାଏ । ୩୦ ମେନ୍‌ଦ ଫାରୁଗୀକ ଆତଃ ଆଇନ୍ ଇଡୁକ ପାର୍‌ମେଶ୍‌ବାର୍‌ଆଃ ସାନାଙ୍ଗ୍ ଆକ ନାଗେନ୍ତେକ ହିଲାଙ୍ଗ୍‌କେଦାଃ ଆତଃ ଯୋହାନ୍‌ତାଃଏତେ କାକ ବାପ୍ତିସ୍ମାୟାନା ।

୩୧ ଯୀଶୁ ଆତଃଗି କାଜିକେଦାଏ, “ନେ ଦିପିଲିରେନ୍ ହଡକକେ ଅକଏଲଃ ଆଇଙ୍ଗ୍ ଜକାକଆ ? ଆତଃ ଇନ୍‌କୁ ଅକଏ ଲେକାଃକ ? ୩୨ ଇନ୍‌କୁଦ ପିଟ୍‌ରେ ଦୁବାକାନ୍ ଆତଃ ଆକ ଆକରେ ହାକାଅଃତାନ୍ ହନ୍‌କ ଲେକାଃକ, ଆଲେ ଆପେ ନାଗେନ୍ତେ ମୁରଲିଲେ ସାଡିକେଦା, ମେନ୍‌ଦ ଆପେ କାପେ ସୁସୁନ୍‌କେଦାଃ, ଆଲେ ଦୁକୁତାନ୍ ଦୁରାଙ୍ଗ୍‌ଲେ ଦୁରାଙ୍ଗ୍‌କେଦାଃ ମେନ୍‌ଦ ଆପେ କାପେ ରାଆଃକେଦାଃ । ଇନ୍‌କୁ ଏନ୍‌ଲେକାନ୍‌କ ତାନ୍‌କ । ୩୩ ବାପ୍ତିସ୍ମା ଏମାଃନିଃ ଯୋହାନ୍ ହଲଙ୍ଗ୍ କାଏ ଜମ୍‌କେଦାଃ ଆତଃ ଦାଖ୍‌ରାସି କାଏ ନୁଁ କେଦାଃ, ଆତଃ ଆପେ ‘ଇନିଃକେ ବଙ୍ଗା ଏସେରକିୟାଏ’ ମେନ୍ତେପେ କାଜିକେଦା । ୩୪ ମାନଝାହନ୍ ହିଜୁଃକେଦ୍‌ତେ ଜମ୍ ନୁଁ କେଦାଏ, ଆତଃ ଆପେ ‘ଇନିଃକେ ଦାର୍‌ୟା* ଆତଃ ଦାଖ୍‌ରାସି ନୁଁ ହଡ ତାନିଃ, ମାଲ୍‌ହାରମକଆଃ ଆତଃ ପାପିକଆଃ ଗାତି ତାନିଃ ମେତାଇତାନାପେ ।’ ୩୫ ମେନ୍‌ଦ ପାର୍‌ମେଶ୍‌ବାର୍‌ଆଃ ସେଣାଁ, ଆୟାଃ ସବେନ୍ ହନ୍‌କଆଃ ହରାତେ ସାର୍‌ତି ତାନାଃ ମେନ୍ତେ ଉଦୁବ୍‌ୟାନା ।”

ଫାରୁଗୀ ଗିମୋନ୍‌ଆଃ ଅଡଃରେ ଯୀଶୁ

* ୭:୨୯ ୭:୨୯ ମାଥୁଉ ୨୧:୩୨; ଲୁକ ୩:୧୨. * ୭:୩୪ ୭:୩୪ ପେଟୁ

୩୬ ଫାରୁଶୀକଏତେ ମିଆଁଦ୍ ହଡ଼ ଆଇଁୟାଈଲଈ ଜମେମେ ମେନ୍ତେ ଯୀଶୁକେ ବିକ୍ରିକିୟାଏ, ଏନାତେ ଯୀଶୁ ଫାରୁଶୀଆଈ ଅଡ଼ାଈତେ ବଲୟାନ୍ତେ ଜଜମାଏ ଦୁବୟାନା । ୩୭ ✽ଆତଃ ନେଲେପେ, ଏନ୍ ନାଗାରରେନ୍ ମିଆଁଦ୍ ପାପିକୁଡ଼ି, ଯୀଶୁ ଫାରୁଶୀଆଈ ଅଡ଼ାଈରେ ଜମେ ନାଗେନ୍ତେ ଦୁବାକାନାଏ ମେନ୍ତେ ସାରିକେଦ୍ତେ ଇନିଃ ମିଆଁଦ୍ ପୁଣ୍ଡିଦିରିରାଈ ତୁକାଈ ବୁଗିନ୍ ସହାନ୍ ସୁନ୍ନୁମ୍ ଆଉକେଦାଃଏ । ୩୮ ଆତଃ ଯୀଶୁଆଈ କାଟା ସୁବାରେ ଦୁବକେଦ୍ତେ ରାଆଈ ତାନ୍ଲଈ ଆୟାଈ ମେଦ୍ଦାଈତେ ଇନିୟାଈ କାଟାକେ ଲୁମ୍ବକେଦାଏ ଆତଃ ଆୟାଈ ବହଃରେୟାଈ ଉବ୍ତେ ଜଦ୍ଦକେଦଲଈ ଇନିୟାଈ କାଟା ଚଅଈ କେଦ୍ତେ କାଟାରେ ବୁଗିନ୍ ସହାନ୍ ସୁନ୍ନୁମ୍ତେ ଗସକିୟା । ୩୯ ନେୟା ନେଲ୍କେଦ୍ତେ ଯୀଶୁକେ କେଡ଼ାକାଇ ଫାରୁଶୀ ଆୟାଈ ମନ୍ରେ କାଜିକେଦାଏ, “ନିଃ ନାବୀ ତାନିଃରେଦ୍, ନେ ଜୁଟିଦିତାନ୍ କୁଡ଼ି ଅକଏ ଆତଃ ଚିଲ୍ଲକାନ୍ନିଈ ତାନିଈ ଏନା ସାରିଦାଡ଼ିତେୟାଈଏ, ଚିୟାଈଚି ଇନିଈଦ୍ ପାପିନିଈତାନିଈ ।”

୪୦ ଯୀଶୁ ଶିମୋନ୍କେ କାଜିକିୟାଏ, “ଏ ଶିମୋନ୍ ଆମ୍ବକେ ହୁଡ଼ିଲ୍ଲେକା କାଜିସାନାଲ୍ ତାନାଇଲ୍ ।” ଇନିଈ କାଜିକିୟାଏ, “ହେ ଗୁରୁ ମାର୍ କାଜିଲ୍ମେ ।”

୪୧ “ଜେତାଏ ସାହୁକାର୍ ହଡ଼ଆଈ ବାର୍ହଡ଼୍, ରିଶୀ ସାବ୍ତାନ୍କିନ୍ ତାଇକେନା । ମିହୁଡ଼୍ ମଣେୟା ହୁଲାଇରାଈ ନାଲା ସିକା ଆତଈ ଏଟାଈନିଈ ବାର୍ହସି ଗେଲେୟା ହୁଲାଇରାଈ ନାଲା ସିକା । ୪୨ ହାଲ୍ ରୁହାଡ଼ଲାଇ ଇନିକିନ୍ତାଈ ଜେଡ଼ନାଈ କା ତାଇକେନ୍ରେ ଇନିଈ ବାରାନ୍କିନାଈ ରିଶୀ ବାଗିତାଦାଏ । ଇନିକିନ୍ଏତେ ଅକଏ ଇନିଈକେ ପୁରାଈ ଦୁଲାଇଡ଼ିୟାଏ ?”

୪୩ ଶିମୋନ୍ କାଜିରୁହାଡ଼କିୟାଏ, “ଆଇଁୟାଈ ବିଚାର୍ତେ ପୁରାଈରିଶୀ ବାଗିକିଈ ନିଈ ।”

ଯୀଶୁ ଶିମୋନ୍କେ କାଜିକିୟାଏ, “ଆମ୍ ବୁଗିନାଈମ୍ କାଜିକାଦାଈ ।” ୪୪ ଆତଈ ଯୀଶୁ ଏନ୍ କୁଡ଼ିସାଈ ହେତାରୁହାଡ଼କେଦ୍ତେ ଶିମୋନ୍କେ କାଜିକିୟାଏ, “ଚିନାଈ ଆମ୍ ନେ କୁଡ଼ିକେମ୍ ନେଲିତାନା ? ଆଇଲ୍ ଆମାଈ ଅଡ଼ାଈତେଇଲ୍ ହିଜୁଈୟାନା, ଆମ୍ କାଟା ଆରୁଲ୍ଲନାଲ୍ ଦାଆଈ କାଟିଈହ କାମ୍ ଏମାଦିୟା, ମେନ୍ଦ୍ ନେ କୁଡ଼ି ମେଦ୍ଦାଈତେ ଆଇଁୟାଈ କାଟା ଲୁମ୍ବକେଦାଏ ଆତଈ ଆୟାଈ ବହଈରେୟାଈ ଉବ୍ତେ ଜଦ୍ଦକେଦାଏ । ୪୫ ଆମ୍ ଆଇଲ୍ଲକେ ମିସାହ କାମ୍ ଚଅଈକିୟାଈ, ମେନ୍ଦ୍ ଆଇଲ୍ ବଲୟାନ୍ ଇମ୍ତାଏତେ ନିଈ କାଟାତାଇୟାଈକେ ଚଅଈକାତେ ତାନାଏ । ୪୬ ଆମ୍ ଆଇଁୟାଈ ବହଈରେ ସୁନ୍ନୁମ୍ କାମ୍ ଗସକେଦାଈ ମେନ୍ଦ୍ ନିଈ କାଟାତାଇୟାଈରେ ସହାନ୍ ସୁନ୍ନୁମ୍ ଗସକେଦାଏ । ୪୭ ଏନାନାଗେନ୍ତେ କାଜିୟାମେ ତାନାଇଲ୍, ନିଈ ପୁରାଈ ଦୁଲାଇଡ଼କେନାଏ ମେନ୍ତେ ଇନିୟାଈ ପୁରାଈ ପାପ୍ ଛାମାକାନା । ମେନ୍ଦ୍ ହୁଡ଼ିଲ୍ଲେକା ଛାମାଅଈନିଈ ହୁଡ଼ିଲ୍ଲେକା ଦୁଲାଇଡ଼ାଏ ।”

୪୮ ଏନ୍ତେ ଯୀଶୁ ଏନ୍ କୁଡ଼ିକେ କାଜିକିୟାଏ, “ଆମାଈ ପାପ୍ ସବେନ୍ ଛାମାୟାନା ।”

୪୯ ଆତଈ ଇନିଈଲଈ ଜମ୍ତେ ଦୁବାକାନ୍ ହଡ଼କ ଆକ ଆକରେଗି କାଜି ଏଟେଦ୍ଦକେଦାକ, “ଇଦୁ ନିଈ ଅକଏ ତାନିଈ ଯେ ପାପ୍କହଗି ଛାମାଏତାନା ?”

୫୦ ଯୀଶୁ ଏନ୍ କୁଡ଼ିକେ କାଜିକିୟାଏ “ଆମାଈ ବିଶ୍ୱାସ୍ ଆମ୍ବକେ ବାସ୍ତାଅ କାଦ୍ମେୟାଏ ଜୀଉ ସୁକୁତେ ସେନଈମେ ।”

F

ଯୀଶୁ ଗେଲ୍ବାର୍ ତେଲାଇଲଈ ପାର୍ମେଶ୍ୱାର୍ଆଈ ରାଇଜ୍ରେୟାଈ ସୁକୁକାଜି ଉଦୁବ୍ତାନାଏ

୧ ଏନ୍ ତାୟମ୍ତେ, ଯୀଶୁ ସାହାର୍ ସାହାର୍ ଆତଈ ହାତୁ ହାତୁ ପାର୍ମେଶ୍ୱାର୍ଆଈ ରାଇଜ୍ରେୟାଈ ସୁକୁକାଜି ଉଦୁବ୍ତାନ୍ଲଈ ହନର୍ବାଡ଼ା ତାଇକେନାଏ ଆତଈ ଗେଲ୍ବାର୍ ତେଲାଇ ଆୟାଈଲଈ ତାଇକେନାକ, ୨ ✽ଆତଈ ଏଡ଼କାନ୍ ଆମ୍ବାକଏତେ ଆତଈ ହାସୁଇତେ ବୁଗିଆକାନ୍ ଚିମିନ୍ କୁଡ଼ିକ ଯୀଶୁଲଈ ତାଇକେନାକ, ଇନକୁଇତେ ମାରିୟାମ୍, ଅକଏକେଚି ମାଗ୍ଦାଲିନି ମେତାଇ ତାଇକେନାକ, ଇନିଈଏତେଦ୍ ସାଡ଼ୁ ବଙ୍ଗାକକେ ହାର୍ଅଡ଼କାଦ୍ ତାଇକେନା; ୩ ହେରୋଦ୍ଆଈ ଭାଣ୍ଡାରି ଖୁଜାରାଈ କୁଡ଼ିତେ ଯୋହାନ୍ନା, ଶୁସାନା ଆତଈ ପୁରାଈ ଏଟାଈ କୁଡ଼ିକ ଆକଆଈ ମେନାଈତେୟାଈତେ ଯୀଶୁକେ ଆତଈ ଆୟାଈ ତେଲାଇକକେ ସୁସାରିତାଇକେନାକ ।

ହିତାହେରନିଆଈ ଜନ୍କା କାଜି
(ମାଥୁଉ ୧୩:୧-୯; ମାର୍କ ୪:୧-୯)

୪ ଗାଦେଲ୍ ହଡ଼କ ହୁଣ୍ଡିୟାକାନ୍ ଆତଈ ସାହାର୍ ସାହାର୍ଏତେ ହଡ଼କ ଯୀଶୁତାଈକ ହିଜୁଈତାନ୍ ତାଇକେନ୍ରେ, ଯୀଶୁ ନେ ଜନ୍କା କାଜି କାଜିୟାଦ୍କଆଏ । ୫ ମିଆଁଦ୍ ହିତାହେରନିଈ ହିତାହେରନାଲ୍ ଅଡ଼କ୍ୟାନା । ଇନିଈ ହେରହେରତାନ୍ଲଈ ଚିମିନ୍ ହିତା ହରା ଗେନାରେ ଉୟୁଈୟାନା ଆତଈ ତିକାୟାନା, ଆତଈ ସିମାରେନ୍ ଚେଣ୍ଟେକ ଏନାକେ ହାଲାଲ୍ ଜମ୍ବକେଦା । ୬ ଆତଈ ଚିମିନ୍ ହିତା ଦିରି ଅଡ଼େରେ

✽ ୭:୩୭ ୭:୩୭ ମାଥୁଉ ୨୭:୨; ମାର୍କ ୧୪:୩; ଯୋହାନ୍ ୧୨:୩. ✽ ୮:୭ ୮:୭ ମାଥୁଉ ୨୭:୫୫,୫୬; ମାର୍କ ୧୫:୪୦,୪୧; ଲୁକ ୨୩:୪୯.

ଉୟୁସୟାନା, ଏନା ଗାଜା ଅମନ୍ୟାନା, ମେନ୍ଦ ହାଲି କା ତାଇକେନ୍ତେ ରହଡ଼ୟାନା । ୭ ଚିମିନ୍ ହିତା ଜାନୁମ୍ ଆଲାରେ ଉୟୁସୟାନା ଆତଃ ଏନାକେ ଜାନୁମ୍ ହାରାତପାକେଦାଏ । ୮ ଆତଃ ଚିମିନ୍ ହିତା ବୁଗିନ୍ ଅତେରେ ଉୟୁସୟାନା, ଏନା ଅମନ୍ ହାରାୟାନ୍ତେ ହେରାକାନ୍ଏତେ ସାଅଗୁନା ଆଦକା ଜ'ୟାନା । ନେ କାଜି କାଜିକେଦ୍ତି ଇନିଃ କାଉରିକେଦାଏ, “ଆୟୁମ୍ ନାଗେନ୍ତେ ଲୁଡ଼ୁର୍ ମେନାଃନିଃ ଆୟୁମେକାଏ ।”

ୟୀଶୁ ଚିକାନାଙ୍ଗ ଜନ୍କା କାଜି କାଜିକେଦାଏ
(ମାଥୂଉ ୧୩:୧୦-୧୭; ମାର୍କ ୪:୧୦-୧୨)

୯ ଏନ୍ତେ ଇନିୟାଃ ତେଲାକ ନେ ଜନ୍କା କାଜିରେୟାଃ ମୁଣ୍ଡି ଚିନାଃତାନାଃ ମେନ୍ତେକ କୁଲିକିୟାଃ । ୧୦ ଇନିଃ କାଜିୟାଦକଥାଏ, “ପାର୍ମେଶ୍ୱାର୍ଆଃ ରାଇଜ୍ରେୟାଃ ମୁଣ୍ଡି ସାରିରେୟାଃ ପେଡ଼େଃ ଆପେଦପେ ନାମାକାଦାଃ ମେନ୍ଦ ଏଗାଃକକେ ଜନ୍କା କାଜିତେ ସବେନାଃ ଉଦୁବଃତାନା । ଇନ୍କୁ ନେଲ୍ଦକ ନେଲେୟାଃ, ମେନ୍ଦ କାକ ନେଲ୍ ଉରୁମେୟାଃ, ଇନ୍କୁ ଆୟୁମ୍ଦକ ଆୟୁମେୟାଃ, ମେନ୍ଦ କାକ ଆର୍କାର୍ ଉରୁମେୟାଃ ।

ୟୀଶୁ ହିତାହେର୍ନିଆଃ ଜନ୍କାକାଜିରେୟାଃ ମୁଣ୍ଡି ଉଦୁବେତାନାଏ
(ମାଥୂଉ ୧୩:୧୮-୨୩; ମାର୍କ ୪:୧୩-୨୦)

୧୧ “ନେ ଜନ୍କା କାଜିରେୟାଃ ମୁଣ୍ଡି ନେଆଁତାନାଃ, ହିତା ହବାଅଃତାନା ପାର୍ମେଶ୍ୱାର୍ଆଃ କାଜି । ୧୨ ଆତଃ ହରା ଗେନାରେ ଉୟୁଗାକାନ୍ ହିତା ଇନ୍କୁତାନକ, ଅକନ୍କଚି ଆୟୁମାଃକ, ଏନ୍ତେ ସାଏତାନ୍ ହିଜୁଃଆଏ ଆତଃ ଇନ୍କୁ ବିଶ୍ୱାସକେଦ୍ତେ ଆଲକାକ ବାଞ୍ଚାଅଃକା ମେନ୍ତେ ଇନ୍କୁଆଃ ମନ୍ଏତେ କାଜି ରେଃକ ଇଦିୟାଏ । ୧୩ ଦିରି ଅତେରେ ଉୟୁଗାକାନ୍ ହିତା ଇନ୍କୁତାନକ, ଅକନ୍କଚି କାଜି ଆୟୁମ୍ତର୍ସା ରାସକାତେ ତେଲାୟାକ, ମେନ୍ଦ ରେହେଦ୍ କା ତାଇନ୍ ହରାତେ ଇନ୍କୁ ହୁଡିଙ୍ଗ୍ ସାମାଏ ଜାକେଦକ ବିଶ୍ୱାସେୟାଃ, ମେନ୍ଦ ବିତାଅ ନେତାରେକ ବାଗିୟା । ୧୪ ଆତଃ ଜାନୁମ୍ ଆଲାରେ ଉୟୁଗାକାନ୍ ହିତା ଇନ୍କୁତାନକ, ଅକନ୍କଚି ଇନ୍କୁ କାଜି ଆୟୁମାଃକ, ମେନ୍ଦ ଜୀଉରେୟାଃ ଉଡ଼ୁତେ, ପୁରାଃ ମେନାଃତେୟାଃତେ, ଆତଃ ଜାନିଦ୍ରେୟାଃ ସୁକୁ ରାସକାତେକ ତପା ଇଦିୟାଆ ଆତଃ ଜାଙ୍ଗ୍ୟାନ୍ ଜ କାକ ଜ'ଅଃଆ । ୧୫ ମେନ୍ଦ ବୁଗିନ୍ ଅତେରେ ଉୟୁଗାକାନ୍ ହିତା ଇନ୍କୁତାନକ, ଅକନ୍କଚି ବୁଗିନ୍ ଆତଃ ଫାର୍ଚି ମନ୍ରେ ବାତାନ୍କେ ଆୟୁମ୍କେଦ୍ତେକ ତେଲାଦହୟା ଆତଃ ସାହାତିଙ୍ଗ୍ତାନଲ୍ଠକ ଜ'ଅଃଆ ।

ଦିମିରେୟାଃ ଜନ୍କା କାଜି
(ମାର୍କ ୪:୨୧-୨୫)

୧୬ * “ଜେତାଏ ହଡ଼ ଦିମି ଜୁଲ୍କେଦ୍ତେ ତାଞ୍ଜାତେ କାଏ ହାରୁବେୟା, ଚାଏ ପାର୍କମ୍ ଲାତାର୍ରେ କାଏ ଦହୟାଃ, ମେନ୍ଦ ବଲତାନ୍ ହଡ଼କ ମାର୍ସାଲ୍ଲକ ନେଲେକା ମେନ୍ତେ ଦିକାରେ* ଦହୟାଃ ।

୧୭ * “ଚିୟାଃଚି ସବେନ୍ ଉକୁଆକାନ୍ତେୟାଃ ଉଦୁବଃଆ ଆତଃ ସବେନ୍ ଦାନାଙ୍ଗ୍ଆକାନ୍ତେୟାଃ ସାରିଅଃଆ ଚାଏ ମାସ୍ତାଲ୍ତେ ଆଉଅଃଆ ।

୧୮ * “ଏନାମେନ୍ତେ, ଚିଲ୍କାପେ ଆୟୁମେୟାଃ ଏନା ଚିର୍ଗାଲାକାନ୍ପେ, ଚିୟାଃଚି ଅକଏତାଃ ମେନାଃ ଇନିଃକେ ଦ ଆତଃଚି ଏମଃଆ, ଆତଃ ଜେତାଏତାଃରେ ବାନଃଆ, ଇନିଃତାଃଏତେ ଅକ୍ନାଃ ମେନାଃ ଏନାହଗି ଇଦିୟାଆ ।”

ୟୀଶୁଆଃ ଏଙ୍ଗା ଆତଃ ହାଗାକ
(ମାଥୂଉ ୧୨:୪୭-୫୦; ମାର୍କ ୩:୩୧-୩୫)

୧୯ ଯୀଶୁଆଃ ଏଙ୍ଗାତେ ଆତଃ ହାଗାତେ ତେକ ଇନିଃତାଃ ହିଜୁଃୟାନାକ ମେନ୍ଦ ଗାଦେଲ୍ ହଡ଼କ ନାଗେନ୍ତେ ଇନିଃତାଃ କାକ ସେଟେର୍ ଦାଡ଼ିୟାନା । ୨୦ ଜେତାଏ ମିହୁଡ଼୍ ଯୀଶୁକେ ଉଦୁବକିୟାଏ, “ଆମାଃ ଏଙ୍ଗାମ୍ ଆତଃ ହାଗାମ୍ତେକ ବାହାରିରେ ତିଙ୍ଗ୍କେଦ୍ତେ ଆମ୍ଲଃ ନେପେଲ୍ ନାଙ୍ଗ୍କ ସାନାଙ୍ଗ୍ତାନା ।” ୨୧ ଇନିଃ ମେନ୍ଦୁହାଡ଼ାଦକଥାଏ, “ପାର୍ମେଶ୍ୱାର୍ଆଃ କାଜି ଆୟୁମ୍ ଆତଃ ମାନାତିଙ୍ଗ୍ ତାନକଚି ଆଇଁୟାଃ ଏଙ୍ଗା ଆତଃ ହାଗାକ ତାନକ ।”

ୟୀଶୁ ଦୁଦୁଗାର୍ହୟାକେ ହାପା ଉତାର୍କେଦାଃ
(ମାଥୂଉ ୮:୨୩-୨୬; ମାର୍କ ୪:୩୫-୪୧)

୨୨ ମୁସିଙ୍ଗ୍ ଯୀଶୁ ଆତଃ ଆୟାଃ ତେଲାକ ଲାଉକାରେକ ଦେଏଃୟାନା ଆତଃ “ଦଲାବୁ ଦରେୟା ହାନ୍ ପାରମ୍ତେବୁଆ” ମେତାଦକଥାଏ । ଆତଃ ଇନ୍କୁ ଲାଉକା ରାଡ଼ାକେଦାଃକ ୨୩ ଇନ୍କୁ ସେନଃତାନ୍ ଇମ୍ତା ଯୀଶୁଦ ଦୁଡ଼ମୁୟାନାଏ । ଇମ୍ତାଙ୍ଗ୍ ଦରେୟାରେ ଦୁଦୁଗାର୍ହୟା ବିରିଦ୍ୟାନା, ଏନ୍ତେ ଲାଉକାରେ ଦାଆଃ

* ୮:୧୭ ୮:୧୭ ମାଥୂଉ ୫:୧୫; ଲୁକ ୧୧:୩୩. * ୮:୧୭ ୮:୧୭ ଦିମି ମାଣ୍ଡାଅ ଠାୟାଦ୍ * ୮:୧୭ ୮:୧୭ ମାଥୂଉ ୧୦:୨୭; ଲୁକ ୧୨:୨.
* ୮:୧୮ ୮:୧୮ ମାଥୂଉ ୨୫:୨୯; ଲୁକ ୧୯:୨୭.

ପେରେଜଃତାନ୍ ତାଇକେନା, ଆଡଃ ଇନ୍କୁଦ ତୁବିଜଃଲେକାକ ତାଇକେନା । ୨୪ ଚେଲାଇ ଇନିଃତାଃତେ ହିଜୁଃୟାନ୍ତେକ ବିରିଦ୍‌କିୟା, “ହେ ଗୁରୁ, ହେ ଗୁରୁ, ଆଲେ ତୁବିଃଗ୍ ଗଜଃତାନାଲେ” ମେନ୍ତେକ କାଜିକିୟା । ଏନ୍ତେ ଇନିଃ ବିରିଦ୍‌ୟାନ୍ତେ ହୟ ଆଡଃ ଆଲ୍‌ପୁଙ୍ଗକେ† ମାରାଙ୍ଗମତାକେଦାଃ, ଇମ୍‌ତାଙ୍ଗି ସବେନାଃ ହାପାଉତାର୍‌ୟାନା ଆଡଃ ସିଃସଏଃୟାନା । ୨୫ ଏନ୍ତେ ଯୀଶୁ ଚେଲାଇକେ ମେତାଦକଆଏ, “ଅକ୍‌ତାଃରେୟା ଆପେୟାଃ ବିଶ୍ୱାସ୍ ?” ମେନ୍ଦ୍ ଇନ୍କୁ ବରତାନ୍‌ଲଃ ମେପେନ୍‌ୟାନାକ, “ନିଃ ଅକଏ ତାନିଃ, ହୟ ଆଡଃ ଦରେୟାରେୟାଃ ଦାଆଃକହ ନିୟାଃ କାଜି ମାନାଡ଼ଙ୍ଗ୍ ତାନାକ ।”

ୟୀଶୁ ମିଆଁଦ୍ ବଙ୍ଗା ଏସେରାକାନ୍‌ନିଃକେ ବୁଗିଃତାନା
(ମାଥୂଜ ୮:୨୮-୩୪; ମାର୍କ ୫:୧-୨୦)

୨୬ ଯୀଶୁ ଆଡଃ ଚେଲାଇତାୟାଃକ ଗେରାସିମିକଆଃ ପାର୍‌ଗାନ୍‌ତେ ସେଟେର୍‌ୟାନାକ, ଏନା ଗାଲିଲ୍ ଦରେୟାରାଃ ହାନ୍ ପାରମରେୟା । ୨୭ ଯୀଶୁ ତଙ୍ଗାଏତେ ଦରେୟା ଗେନାରେ ଆଡ଼ଗୁତରସା, ଏନ୍ ନାଗାରରେନ୍ ମିହୁଡ୍ ଏଡକାନ୍ ଆମ୍‌ଏତେ ପେରେଜାକାନ୍ ହଡ୍ ଯୀଶୁଲଃ ନାପାମ୍‌ୟାନାକିନ୍, ଇନିଃ ପୁରାଃ ମାହାଁଏତେ ଲିଜାଃ କାଏ ତୁସିଙ୍ଗ୍‌ଆଁକାନ୍ ତାଇକେନା ଚାଏ ଅଡ଼ାଃରେ କା ତାଇନ୍‌କେଦ୍‌ତେ ହଡ୍ ତପା ଠାୟାଦ୍‌ରେ ତାୟୁଃତାଇକେନାଏ । ୨୮ ଇନିଃ ଯୀଶୁକେ ନେଲ୍‌ତାନ୍‌ତି ଆୟାଃ କାଟାସୁବାରେ ଉୟୁଃକେଦ୍‌ତେ କାଉରିତାନ୍‌ଲଃ କାଜିକେଦାଏ, “ହେ ଯୀଶୁ ସାଲାଇଡ଼ତାର୍ ପାର୍‌ମେଶ୍ୱାର୍‌ଆଃ ହନ୍, ଆଇଙ୍ଗଲଃ ଆମାଃ ଚିକାନ୍ କାମି ମେନାଃ ? ଆଇଙ୍ଗ୍ ଆମ୍‌କେ ଜହାର୍ ମେଁ ତାନାଇଙ୍ଗ୍ ଆଲମ୍ ଦୁକୁଇୟା !” ୨୯ ଇନିଃ ଏନା କାଜିକେଦାଏ ଚିୟାଃତି ଯୀଶୁ ଏନ୍ ସଡ଼ରା ଆମ୍‌କେ ନେ ହଡ୍‌ଏତେ ଅଡ଼ଙ୍ଗ୍‌ଅଃମେ ମେନ୍ତେ ଆରୁକାଇତାଇନାଏ । ଏଡକାନ୍ ଆମ୍‌ ହଡକେ ପୁରାଃ ମାହାଁଏତେ ସାବାକାଇତାଇନାଏ । ଆଡଃ ହଡକ ଇନିଃକେ ସିକ୍‌ଡିଲଃ ଆଡଃ ବେଡ୍‌ରେ ତଲ୍‌କିଃତେ ହରଇତାନ୍‌କ ତାଇକେନା, ମେନ୍ଦ୍ ଇନିଃ ତନଲ୍‌କେ ଟଂଗାଏତାନ୍ ଆଡଃ ଏଡକାନ୍ ଆମ୍‌ ଇନିଃକେ ବିରତେ ହାରଇଡିତାନାଏ ତାଇକେନା ।

୩୦ ଯୀଶୁ ଇନିଃକେ କୁଲିକିୟାଏ “ଆମାଃ ନୁତୁମ୍ ଚିକ୍‌ନାଃ ?” ଇନିଃ କାଜିରୁହାଡ଼କିୟାଏ, “ଆଇୟାଃ ନୁତୁମ୍ ଫାଉଦ୍,” ‡ ଚିୟାଃତି ଇନିଃରେ ପୁରାଃଗି ବଙ୍ଗାକ ତାଇକେନା । ୩୧ ଆଡଃ ଇନ୍କୁ ଯୀଶୁକେ “ଆଲେକେ ହୁଆଙ୍ଗାଡ଼ାଃତେ ଆଲମ୍ କୁଲ୍‌ଲେ” ମେନ୍ତେ ପୁରାଃଗିକ ବିକ୍ତିକିୟା ।

୩୨ ବୁରୁଗେନା ଜାପାଃରେ ସୁକୁରିକଆଃ ମାରାଙ୍ଗ୍ ଗୋର୍ ଆଡିଙ୍ଗ୍‌ତାଇକେନାକ । ଏଡକାନ୍ ଆମ୍‌କ ଯୀଶୁକେ, ଆଲେକେ ଏନ୍ ସୁକୁରିକରେ ବଲଃ ନାଗେନ୍ତେ କୁଲ୍‌ତାଲେମେ ମେନ୍ତେକ ବିକ୍ତିକିୟାଃ, ଆଡଃ ଇନିଃ ଇନ୍କୁକେ ବଲରିକାକେଦକଆଏ । ୩୩ ଏଡକାନ୍ ଆମ୍‌କ ଏନ୍ ହଡ୍‌ଏତେ ଅଡ଼ଙ୍ଗ୍‌ୟାନ୍‌ତେ ସୁକୁରିକରେକ ବଲୟାନା ଆଡଃ ସୁକୁରିକଆଃ ଗୋର୍ ଦରେୟାରେକ ନିର୍‌ବଲୟାନା ଆଡଃ ତୁବିଃଗ୍ ଗଏଃୟାନାକ । ୩୪ ସୁକୁରି ଗୁପିତାନ୍‌କ ନେଆଁ ନେଲ୍‌କେଦ୍‌ତେ ନିର୍‌ୟାନାକ ଆଡଃ ସାହାର୍ ଜାପାଃରାଃ ଟଲାଇରେ ନେ କାଜିକ ଉଦୁର୍ ବାଡ଼ାକେଦାଃ, ୩୫ ଆଡଃ ହଡକ ହବାଲେନ୍‌ତେୟାଃ ନେଲ୍‌ନାଗେନ୍ତେ ଅଡ଼ଙ୍ଗ୍‌ୟାନାକ ଆଡଃ ଯୀଶୁତାଃକ ହିଜୁଃୟାନ୍ତେ ଏଡକାନ୍ ଆମ୍‌କଆଃ ଫାଉଦ୍‌ତେ ଏସେରାକାନ୍ ହଡକେ ଯୀଶୁଆଃ କାଟାସୁବାରେ ଦୁବାକାନ୍, ଲିଜାଃ ତୁସିଙ୍ଗ୍‌ଆଁକାନ୍ ନେଲ୍‌କିଃତେ ବରକେଦାଃକ । ୩୬ ନେ ସବେନାଃ ନେଲାଇଦ୍ ହଡକ ବଙ୍ଗା ଏସେରକାନ୍ ଏନ୍ ହଡ ଚିଲ୍‌କା ବୁଗିୟାନାଏ, ଏନା ସବେନ୍ ହଡକକେ ଉଦୁବାଦକଆକ । ୩୭ ଏନ୍ତେ ଗେରାସିମି ହପର୍‌ଜାପାଃରେନ୍ ସବେନ୍ ହଡକ ଆଲେୟାଃ ସାମ୍‌ନାଙ୍ଗ୍‌ଏତେ ସେନଃମେ ମେନ୍ତେ ଯୀଶୁକେକ ବିକ୍ତିକିୟା, ଚିୟାଃତି ଇନ୍କୁ ବରତାଇକେନାକ । ଆଡଃ ଯୀଶୁ ଲାଉକାରେ ଦେଏଃୟାନ୍ତେ ରୁହାଡ଼ୟାନାଏ । ୩୮ ଏଡକାନ୍ ଆମ୍‌ଏତେ ବୁଗିୟାକାନ୍ ହଡ୍ ଯୀଶୁକେ କାଜିକିୟାଏ, “ଆମାଃଲଃ ତାଇନ୍ ଚିକାଆଇଙ୍ଗ୍‌ମେଁ” ମେନ୍ତେ ବିକ୍ତିକିୟାଏ,

ମେନ୍ଦ୍ ଯୀଶୁ ଆଇଃକକେ ବିଦା ଏମ୍‌ତାନ୍‌ଲଃ କାଜିକିୟାଏ, ୩୯ “ଆମ୍ ଆମାଃ ଅଡ଼ାଃତେ ରୁହାଡ଼ମେଁ ଆଡଃ ପାର୍‌ମେଶ୍ୱାର୍ ଆମାଃ ନାଗେନ୍ତେ ଚିକ୍‌ନାଃ ରିକାକାଦାୟ, ଚିଲ୍‌କା ଆମ୍‌କେ ଦାୟାକାଦ୍‌ମେୟା ଏନା ସବେନ୍‌କକେ ଉଦୁବାକମେ ।”

ଏନ୍ତେଦ ଏନ୍ ହଡ୍ ରୁହାଡ଼ୟାନାଏ, ଆଡଃ ଯୀଶୁ ଆୟାଃ ନାଗେନ୍ତେ ନେ'ଲେକାନ୍ ମାରାଙ୍ଗ୍ କାମି କାମିୟାଦିୟାଏ ମେନ୍ତେ ସବେନ୍ ନାଗାରରେ ଉଦୁବକେଦାଏ ।

ୟୀଶୁ ମିଆଁଦ୍ ଡିଶ୍ୱାକୁଡିକେ ଜାହୁଦ୍ ରୁହାଡ଼ିତାନା ଆଡଃ ମିଆଁଦ୍ କୁଡିକେ ବୁଗିଃତାନାଏ
(ମାଥୂଜ ୯:୧୮-୨୬; ମାର୍କ ୫:୨୧-୪୩)

୪୦ ଯୀଶୁ ଦରେୟା ହାନ୍‌ପାରମ୍‌ତେ ରୁହାଡ଼ୟାନ୍ ଇମ୍‌ତା ଗାଦେଲ୍ ହଡକ ଇନିଃକେ ଦାରମ୍‌କିୟାଃକ, ଚିୟାଃତି ସବେନ୍‌କଦ ଇନିଃକେ ନେଲ୍‌ହରାଇତାନ୍‌କ ତାଇକେନା । ୪୧ ଆଡଃ ନେଲେପେ, ଯାଇରସ ନୁତୁମ୍ ସାମାଜ ଅଡ଼ାଃରେନ୍ ଆଗୁଆଇ ହିଜୁଃୟାନାଏ, ଆଡଃ ଯୀଶୁଆଃ କାଟା ସୁବାରେ ଉୟୁଃକେଦ୍‌ତେ

† ୮:୨୪ ୮:୨୪ ଆଲ୍‌ପୁଙ୍ଗ ‡ ୮:୩୦ ୮:୩୦ ବାହିନି § ୮:୩୧ ୫:31 ବଙ୍ଗାକଆଃ ବୁଣ୍ଡୁ ସାକାଇ କାକେଦ୍ ନେ ହୁଆଙ୍ଗାଡ଼ାରେ ତଲ୍‌କେଦ୍‌ତେ ତାଇନାଃକ

ଆଇଁୟାଃ ଅଡ଼ାଃତେ ହିଜୁଃମେ ମେନ୍ତେ ବିକ୍ରିକିୟାଏ, ^{୪୭} ଚିୟାଃଚି ଆୟାଃ ବାରା ବାରାଷ୍ଟରେନ୍ ମିଆଁଦ୍‌ଗି ହନ୍‌କୁଡ଼ି ତାଇକେନାଏ, ଇନିଃ ଦୁକୁତେ ଗଜଃଲେକା କାନାଏ ତାଇକେନା । ମେନ୍‌ଦ ଯୀଶୁ ସେସେନ୍‌ତାନ୍ ଦିପଲିରେ ଗାଦେଲ୍ ହଡ଼କ ଇପ୍‌ଲିଙ୍ଗ୍‌ଅଃ ତାଇକେନାକ । ^{୪୮} ଇମ୍‌ତା ବାରା ବାରାଷ୍ଟଏତେ ମାୟୋମ୍‌ଲିଙ୍ଗ୍ ଦୁକୁରେ ଦୁକୁତାନ୍ ମିଆଁଦ୍ କୁଡ଼ି ତାଇକେନାଏ, ମେନ୍‌ଦ ଇନିଃ ଆୟାଃ ସବେନ୍ ତାଇକେନ୍‌ତେୟାଃ ବାଇଦ୍‌କତାଃରେ ଚାବାକେଦ୍‌ରେୟ* ଇନିଃକେ ଜେତାଏ ହ କାକ ବୁଗି ଦାଡ଼ି ତାଇକେନା । ^{୪୯} ଇନିଃ ଦୟାହରା ଯୀଶୁତାଃ ସେନ୍‌କେଦ୍‌ତେ ଲିଜାଃରାଃ ଆବ୍‌ରା ଜୁଟିଦ୍‌କେଦାଏ, ଆଡ଼ଃ ଇମ୍‌ତାଙ୍ଗି ମାୟୋମ୍‌ଲିଙ୍ଗ୍ ଦୁକୁଏତେ ବୁଗିୟାନାଏ । ^{୫୦} ଏନ୍ତେ ଯୀଶୁ ମେତାଦ୍‌କଆଏ, “ଅକଏ ଆଇଙ୍ଗ୍‌କେ ଜୁଟିଦ୍‌କିଦିୟାଏ?”

ସବେନ୍‌କ କା ମାନାଡିଙ୍ଗ୍ ତାନ୍‌ତେ, ପାଡ଼ରାସ୍ କାଜିକିୟାଏ “ହେ ଗମ୍‌କେ, ଗାଦେଲ୍ ହଡ଼କ ଇପ୍‌ଲିଙ୍ଗ୍‌କେଦ୍‌ତେ ଆମାଃ ଚେତାନ୍‌ରେ ଉୟୁଗଃତାନାକ ।”

^{୫୧} ଯୀଶୁ କାଜିକେଦ୍‌କଆଏ, “ଅକଏ ମିହୁଡ୍ ଆଇଙ୍ଗ୍‌କେ ଜୁଟିଦ୍ କେଦିଙ୍ଗ୍‌ଆଏ, ଚିୟାଃଚି ଆଇଙ୍ଗ୍‌ତାଃଏତେ ପେଡ଼େଃ ଅଡ଼ଙ୍ଗ୍‌ୟାନା ମେନ୍ତେ ସାରିଉରୁମ୍ କେଦାଆଇଙ୍ଗ୍ ।” ^{୫୨} ଆଡ଼ଃ ଏନ୍‌କୁଡ଼ି କାଏ ଉକୁଦାଡ଼ିୟାନା ମେନ୍ତେ ଆବ୍‌କାରକେଦ୍‌ତେ ଇନିଃ ବରତେ ଏକ୍‌ଲାଅଃତାନ୍‌ଲଃ ହିଜୁଃୟାନାଏ ଆଡ଼ଃ ଯୀଶୁଆଃ ସାମ୍‌ନାଙ୍ଗ୍‌ରେ ଇକ୍‌ଡ଼୍‌କେଦ୍‌ତେ ସବେନ୍‌କଆଃ ଆୟାଃରେ, ଚିନାଃମେନ୍ତେଇଙ୍ଗ୍ ଜୁଟିଦ୍‌କେଦ୍‌ମେୟାଁ ଆଡ଼ଃ ଇମ୍‌ତାଗି ଚିଲ୍‌କାଈଙ୍ଗ୍ ବୁଗିୟାନା ମେନ୍ତେ ଉଦୁବକିୟାଏ । ^{୫୩} ଏନ୍ତେ ଯୀଶୁ କାଜିକିୟାଏ, “ଏ ମାଈ, ବିଶ୍ୱାସ୍ ତାମାଃ ବୁଗିୟାକାଦ୍‌ମେୟାଏ, ଜୁ ସୁକୁ ଜାଉତେ ସେନଃମେ ।”

^{୫୪} ଯୀଶୁ ଏନା କାଜିତାନ୍ ଇମ୍‌ତାଗି, ସାମାଜ୍ ଅଡ଼ଃ ଚାଲାଅନିୟାଃ ଅଡ଼ଃଏତେ କାଜି ଆଡ଼଼ାକାଦ୍ ହଡ଼ ଯାଇରସକେ କାଜିକିୟାଏ, “ହନ୍‌ମେକୁଡ଼ି ଗଏଃୟାନାଏ, ଗୁରୁକେ ଆଡ଼ଃ ଆଲ୍‌ମେ ଦୁକୁଇୟା ।”

^{୫୫} ଯୀଶୁ ନେ କାଜି ଆୟୁମ୍‌କେଦ୍‌ତେ ଯାଇରସକେ କାଜିକିୟାଏ, “ଆଲ୍‌ମ୍ ବରଏୟା, ବିଶ୍ୱାସ୍‌ରେଗି ତାଇନଃମେ, ଆଡ଼ଃ ଇନିଃ ବାଞ୍ଚାଅଃଆଏ ।”

^{୫୬} ଏନ୍ତେ ଯୀଶୁ ଯାଇରସରାଃ ଅଡ଼ଃତେ ହିଜୁଃୟାନ୍‌ଚି, ପାଡ଼ରାସ୍, ଯାକୁବ୍, ଆଡ଼ଃ ଆୟାଃ ହାଗାତେ ଯୋହାନ୍ ଆଡ଼ଃ କୁଡ଼ିହନ୍‌ଆଃ ଏଙ୍ଗା ଆପୁକିନ୍‌କେ ବାଗିକେଦ୍‌ତେ ଜେତାଏକକେ କାଏ ବଲ୍‌ଚିକାକେଦ୍‌କଆ । ^{୫୭} ମେନ୍‌ଦ ଏନ୍ କୁଡ଼ିହନ୍ ନାଗେନ୍ତେ ସବେନ୍‌କ ରାଆଃତାନ୍ ଆଡ଼ଃ କୁଡ଼ାମ୍‌କରେ ତିଃଇ ଆପ୍‌ଡ଼ିଅଃତାଇକେନାକ । ଏନ୍ତେ ଯୀଶୁ କାଜିକେଦ୍‌କଆଏ, ଆଲ୍‌ପେ ରାଆଃଏୟା ଇନିଃ କାଏ ଗଜାକାନା ମେନ୍‌ଦ ଦୁଡ଼୍‌ତାନାଏ ।

^{୫୮} ଇନ୍‌କୁ ଯୀଶୁକେ ଲାନ୍‌କାୟାଃକ ଚିୟାଃଚି ଏନ୍ କୁଡ଼ିହନ୍ ଗଜାକାନାଏ ମେନ୍ତେ ଇନ୍‌କୁ ସାରିତାଇକେନାକ । ^{୫୯} ଯୀଶୁ ଏନ୍ କୁଡ଼ିହନ୍‌ଆଃ ତିଃଇ ସାବ୍‌କେଦ୍‌ତେ କାଜିକିୟାଏ, “ଏ ମାଈ ବିରିଦ୍‌ମେ ।” ^{୬୦} ଏନ୍ କୁଡ଼ିହନ୍‌ଆଃ ଜୀଉ ଇମ୍‌ତାଗି ରୁହାଡ଼୍‌ୟାନା, ଇନିଃ ବିରିଦ୍‌ୟାନାଏ ଆଡ଼ଃ ଇନିଃକେ ଜାହାନାଃ ଜମେୟାଃ ଏମାଈପେ ମେନ୍ତେ ଯୀଶୁ କାଜିୟାଦ୍‌କଆଏ । ^{୬୧} କୁଡ଼ିହନ୍‌ଆଃ ଏଙ୍ଗା ଆପୁ ଆକ୍‌ଦାନ୍‌ଆୟାନ୍‌କିନ୍ ମେନ୍‌ଦ ନେ କାଜି ଜେତାଏତାଃରେ ଆଲ୍‌ପେ ଉଦୁବେୟା ମେନ୍ତେ ଯୀଶୁ କାଜିକେଦ୍‌କଆଏ ।



ୟୀଶୁ ଆୟାଃ ଗେଲ୍‌ବାର୍ ଚେଲାକକେ କୁଲ୍‌କତାନାଏ
(ମାଥ୍‌ଉ ୧୦:୫-୧୫; ମାର୍କ ୬:୭-୧୩)

^୧ ଏନ୍ତେ ଯୀଶୁ ଗେଲ୍‌ବାର୍ ଚେଲାକକେ କେଡ଼ାହୁଣ୍ଡିକେଦ୍‌କଆଏ, ସବେନ୍ ବଙ୍ଗାକକେ ହାଡ଼ଅଡ଼ଙ୍ଗ୍‌ନାଙ୍ଗ୍, ଆଡ଼ଃ ଦୁକୁ ଗେରାଙ୍ଗ୍ ଏତେ ବୁଗିକନାଙ୍ଗ୍ ମେନ୍ତେ ପେଡ଼େଃ ଆଡ଼ଃ ଆକ୍‌ତେୟାର୍ ଏମାଦ୍‌କଆଏ, ^୨ ଆଡ଼ଃ ଇନିଃ ଇନ୍‌କୁକେ ପାର୍‌ମେଶ୍ୱାର୍‌ଆଃ ରାଇଜ୍‌ରେୟାଃ କାଜି ଉଦୁବଃ ନାଗେନ୍ତେ, ଦୁକୁହାସୁତାନ୍‌କକେ ବୁଗିକ ନାଗେନ୍ତେ କୁଲ୍‌କେଦ୍‌କଆଏ । ^୩ ଇନିଃ ଇନ୍‌କୁକେ କାଜିୟାଦ୍‌କଆଏ, “ଆପେୟାଃ ହରାସେନ୍ ନାଗେନ୍ତେ ସଟା ଚାଏ ଆଇଲା, ହଲ୍‌ଙ୍ଗ୍ ଚାଏ ଟାକାପାଏସା, ଚାଏ ବାରିଆ ତୁସିଙ୍ଗ୍ ଲିଜାଃ ହଁ ଆଲ୍‌ପେ ଇଦିୟା । ^୪ ଜେତା ଅଡ଼ଃରେ ଦାରମ୍‌ପେରେ, ଏନ୍ ଜାପାଃଏତେ ଆଉରି ଅଡ଼ଙ୍ଗ୍‌ଅଃ ଜାକେଦ୍ ଏନ୍ ଅଡ଼ଃରେଗି ତାଇନଃପେ । ^୫ ଜେତାଏ ଆପେକେ କାକ ଦାରମ୍‌ପେରେଦ୍ ଏନ୍ ହାତୁଏତେ ଅଡ଼ଙ୍ଗ୍ ଇମ୍‌ତାଙ୍ଗ୍ ଆପେୟାଃ କାଟା ତାଲ୍‌କାରେୟାଃ ଧୁଡ଼ି ଗାଞ୍ଜା ନାଗେନ୍ତେ କଟା ବାଗିତାପେ ।”

^୬ ଏନାରେ ଇନ୍‌କୁ ଅଡ଼ଙ୍ଗ୍‌ୟାନ୍‌ତେ ସବେନ୍‌ସାଃ ସୁକୁକାଜି ଉଦୁବ୍‌ତାନ୍‌ଲଃ ଆଡ଼ଃ ହଡ଼କକେ ବୁଗିକ ତାନ୍‌ଲଃ ହାତୁ ହାତୁକ ହନ୍‌ର୍‌ବାଡ଼ାକେଦା ।

ହେରୋଦ୍‌ଆଃ ଆକ୍‌ଚାକାଅ
(ମାଥ୍‌ଉ ୧୪:୧-୧୨; ମାର୍କ ୬:୧୪-୨୯)

* ୮:୪୩ ୮:୪୩ ଚିନିନ୍ ମାରିଅନଲ୍‌ରେ ନେ ପଦ ବାନଆଃ ☆ ୯:୫ ୯:୫ ପ୍ରେରିଡ଼୍ ୧୩:୫୧. ☆ ୯:୫ ୯:୫ ଲୁକ ୧୦:୪-୧୧.

୭ ✨ଆତ୍ମା ଗାଲିଲରେ ରାଜା ହେବେ ଯୀଶୁ ଆମ୍ଭଙ୍କ କାମିକାଦ୍ ସବେନା ଆୟୁକେଦ୍ ତେ ଆକଟାକାଆୟାନାଏ, ଚିୟାଠି ବାପ୍ତିସ୍ମା ଏମାନ୍ନିଃ ଯୋହାନ୍ ଗଜାକାନ୍ ଏତେ ଜୀଉବିରିଦାକାନାଏ ମେନ୍ତେ ଚିମିନ୍ ହଡକ ମେନ୍କେଦାଃକ । ୮ ଆତ୍ମା ଚିମିନ୍ ହଡକ ଏଲିୟ ଉଦୁବାକାନାଏ, ଆତ୍ମା ଏଟାଠକ ସିଦାରେନ୍ ନାବାକ ଏତେ ମିଆଁଦ୍ନିଃ ଜୀଉବିରିଦାକାନାଏ ମେନ୍କେଦାଃକ । ୯ ମେନ୍ଦ ହେରୋଦ୍ କାଜିକେଦାଏ, ବାନଠି ଯୋହାନ୍ ଆଃ ବହଃ ଆଇଙ୍ଗ୍ ମାଆଃ ରିକାକାଦା ମେନ୍ଦ ଆଇଙ୍ଗ୍ ଇନିୟାଃ ନାଗେନ୍ତେ ନେ ଲେକା କାଜିକେଦ୍ ଆୟୁକେଦା ନେ ହଡ ଅକଏ ତାନିଃ ମେନ୍କେଦାଏ, ଆତ୍ମା ଇନିଃ ନେଲ୍ ସାନାଙ୍ଗ୍ ତାଇକେନାଏ ।

ୟୀଶୁ ମଣେୟାଁ ହାଜାର୍ ହଡକକେ ଜମେୟାଁ ଏମାକତାନାଏ

(ମାଥୁ ୧୪:୧୩-୨୧; ମାର୍କ ୬:୩୦-୪୪; ଯୋହାନ୍ ୬:୧-୧୪)

୧୦ ଏନ୍ତେ ପ୍ରେରିତକ ହିଜୁଃରୁହାଡ଼ୟାନା, ଆତ୍ମା ଆକ କାମିକାଦ୍ ସବେନା ଯୀଶୁକେକ ଉଦୁବକିୟା । ଆତ୍ମା ଇନ୍କୁକେ ଏସ୍କାରରେ ଇଦିକେଦକତେ ବେଥସାଇଦା ନୁତୁମ୍ ମିଆଁଦ୍ ସାହାରତେୟାଏ ସେନଃୟାନା । ୧୧ ମେନ୍ଦ ଗାଦେଲ୍ ହଡକ ନେଆଁ ସାରିକେଦ୍ତେ ଅତଙ୍ଗକିୟାକ, ଇନିଃ ଇନ୍କୁକେ ଦାରମକେଦକଆଏ ଆତ୍ମା ପାରମେଶ୍ୱାର୍ ଆଃ ରାଇଜରେୟାଃ କାଜି ଉଦୁବାଦକଆଏ ଆତ୍ମା ବୁଗିୟାଲଗାତିଙ୍ଗ୍ତାନ ତାଇକେନକକେ ବୁଗିକେଦକଆଏ ।

୧୨ ଆତ୍ମା ସିଙ୍ଗି ହାସୁରଠାନରେ ଗେଲ୍ ବାର୍ ତେଲାଇ ହିଜୁଃୟାନ୍ତେ କାଜିକିୟାକ, “ଏନ୍ ଗାଦେଲ୍ ହଡକକେ କୁଲ୍ ରୁହାଡ଼କମ୍, ଜେଲେକାଟି ଇନ୍କୁ ଚାରିୟସାଃରେୟାଃ ହାଡୁ ଟଲା ସେନ୍କେଦ୍ତେ ଜମେୟାଁ ଆତ୍ମା ତାଇନଃ ଠାୟାଦକ ନାମ୍ ଦାଡ଼ିୟା । ଚିୟାଠି ଆବୁଦ ସିଃସଏଃ ଠାୟାଦରେବୁଆ ।”

୧୩ ମେନ୍ଦ ଯୀଶୁ ଇନ୍କୁକେ ମେତାଦକଆଏ, “ଆପେଗି ଇନ୍କୁକେ ଜମେୟାଁ ଏମାକପେ ।”

ଆତ୍ମା ଇନ୍କୁ କାଜିରୁହାଡ଼କିୟାକ, “ଆଲେ ସେନ୍କେଦ୍ତେ ନେ ସବେନ୍ ହଡକ ନାଗେନ୍ତେ ଜମେୟାଁ କାଲେ କିରିଙ୍ଗ୍ ଯେଁରେଦ, ଆଲେତାଃରେ ମଣେୟାଁ ହଲଙ୍ଗ୍ ଆତ୍ମା ବାରିଆ ହାକୁ ଏସ୍କାର ମେନାକଆ ।”

୧୪ ଇନ୍କୁ ପାଞ୍ଚ ହାଜାର୍ ଲେକା କଡ଼ାକ ତାଇକେନା ।

ମେନ୍ଦ ଯୀଶୁ ଆୟାଃ ତେଲାଇକେ ମେତାଦକଆଏ, “ପାଟାଗ୍ ପାଟାଗ୍ ଝାନ୍ଲେକା ପାନ୍ତି ପାନ୍ତି ଦୁବକପେ ।”

୧୫ ଏନ୍ତେ ଇନ୍କୁ ଏନ୍ଲେକାଗି ସବେନକକେ ଦୁବକେଦକଆକ । ୧୬ ଇନିଃ ଏନ୍ ମଣେୟାଁ ହଲଙ୍ଗ୍ ଆତ୍ମା ବାରିଆ ହାକୁ ସାବକେଦ୍ତେ ସିର୍ମାସାଃ ସାଙ୍ଗିଲ୍ ରାକାଦ୍ ତାନଲଃ ଆଶିଷକେଦ୍ତେ କେଟାଃକେଦାଏ, ଆତ୍ମା ଗାଦେଲ୍ ହଡକତାଃରେ ହାଟିଙ୍ଗ୍ ନାଗେନ୍ତେ ତେଲାଇକେ ଏମାଦକଆଏ । ୧୭ ସବେନକ ଜମକେଦ୍ତେ ବିୟାନାକ ଆତ୍ମା ସାରେୟାକାନ୍ କେଟାଃ ବାରା ଟୁଙ୍ଗିକ ହାଲାଇକେଦାଃ ।

ପାଡ଼ରାସ୍ ଆଃ ବିଶ୍ୱାସ୍

(ମାଥୁ ୧୬:୧୩-୧୯; ମାର୍କ ୮:୨୭-୨୯)

୧୮ ମିସା ଯୀଶୁ ଏସ୍କାରରେ ବିକ୍ରିତାନ ତାଇକେନ୍ ଇମ୍ତା ତେଲାଇ ଇନିଃଲଃକ ତାଇକେନା ଆତ୍ମା ଇନିଃ ତେଲାଇକେ କୁଲିକେଦକଆ, “ଆଇଙ୍ଗ୍ ଅକଏ ତାନିଙ୍ଗ୍ ମେନ୍ତେ ହଡକ କାଜିତାନା ?”

୧୯ ✨ଏନ୍ତେଦ ଇନ୍କୁ କାଜିକିୟାଃକ, “ଚିମିନ୍ ବାପ୍ତିସ୍ମା ଏମାନ୍ନିଃ ଯୋହାନ୍, ଚିମିନ୍ ଏଲିୟ, ଚିମିନ୍ ସିଦାରେନ୍ ନାବାକ ଏତେ ମିହୁଡ୍ ଜୀଉ ବିରିଦାକାନାଏ ମେନ୍ତେକ କାଜିତାନା ।”

୨୦ ✨ୟୀଶୁ ଇନ୍କୁକେ କୁଲିକେଦକଆ, “ଆଇଙ୍ଗ୍ ଅକଏ ତାନିଙ୍ଗ୍ ମେନ୍ତେପେ କାଜିତାନା ?”

ପାଡ଼ରାସ୍ କାଜିରୁହାଡ଼କିୟାଏ, “ଆମ୍ ପାରମେଶ୍ୱାର୍ ଆଃ ଖ୍ରୀଷ୍ଟ୍ ତାନମେ ।”

ଆୟାଃ ମନେ ବାଗିରେଆଃ ଆତ୍ମା ଆୟାଃ କୁଗ୍ ଗଅଃରେୟାଃ ଇନିଡୁ

(ମାଥୁ ୧୬:୨୦-୨୮; ମାର୍କ ୮:୩୦-୯:୧)

୨୧ ଏନ୍ତେ ଯୀଶୁ ନେ କାଜି ଜେତାଏକେ ଆଲପେ ଉଦୁବାକଆ ମେନ୍ତେ ହୁକୁମକେଦକଆ । ୨୨ ଆତ୍ମା ଇନିଃ ଇନ୍କୁକେ ମେତାଦକଆଏ, “ଆଇଙ୍ଗ୍ ମାନଝାହନ୍ ତାନାଇଙ୍ଗ୍, ଆଇଙ୍ଗ୍ କେ ପୁରାଃ ଦୁକୁ ସାହାତିଙ୍ଗ୍ ଲାଗାତିୟାଃ, ଆତ୍ମା ପ୍ରାଚିନ୍କ, ମୁଲ୍ ଯାଜାକ୍ ଆତ୍ମା ଆଇନ୍ ଇଡୁକ ଆଇଙ୍ଗ୍ କେ ହିଲାଇଙ୍ଗ୍ ଆତ୍ମା ଗଜିୟା, ଆତ୍ମା ଆଇଙ୍ଗ୍ ଆପି ମାହାଁ ତାୟମ୍ତେ ଜୀଉ ବିରିଦାଇଙ୍ଗ୍ ।”

୨୩ ✨ୟୀଶୁ ସବେନକକେ କାଜିକେଦକଆଏ, ଜେତାଏ ହଡ ଆଇଙ୍ଗ୍ କେ ଅତଙ୍ଗ୍ ସାନାଙ୍ଗ୍ରେଦ ଇନିଃ ଆୟାଃ ମନେ ବାଗିତାକାଏ ଆତ୍ମା ସବେନ୍ ହୁଲାଇଙ୍ଗ୍ ଆୟାଃ କୁଗ୍ ଗଅଃକେଦ୍ତେ ଅତଙ୍ଗ୍ ଇଙ୍ଗ୍ କାଏ ।

୨୪ ✨ଜେତାଏ ଆୟାଃ ଜୀଉ ବାଞ୍ଛାଅ ସାନାଙ୍ଗ୍ରେଦ, ଏନାଏ ଆଦେୟା, ମେନ୍ଦ ଆୟାଃ ଜୀଉ ଆଇଙ୍ଗ୍ ଆୟାଃ

✨ ୯:୭ ୯:୭ ମାଥୁ ୧୬:୧୪; ମାର୍କ ୮:୨୮; ଲୁକ ୯:୧୯. ✨ ୯:୧୯ ୯:୧୯ ମାଥୁ ୧୪:୧୨; ମାର୍କ ୬:୧୪,୧୫; ଲୁକ ୯:୨୮. ✨ ୯:୨୦ ୯:୨୦ ଯୋହାନ୍ ୬:୨୮,୨୯. ✨ ୯:୨୩ ୯:୨୩ ମାଥୁ ୧୦:୩୮; ଲୁକ ୧୪:୨୭. ✨ ୯:୨୪ ୯:୨୪ ମାଥୁ ୧୦:୩୯; ଲୁକ ୧୭:୩୩; ଯୋହାନ୍ ୧୨:୨୫.

ନାଗେନ୍ତେ ଆଦେନିଃ ଏନାଏ ବାସ୍ତାଅୟାଃ । ୨୫ ଜେତାଏ ହଡ଼ ଗଟା ଅତେଦିଶ୍ଟୁମ୍ ନାମକେଦ୍ରେୟ ଆୟାଃ ଜୀଉକେ ଜିୟନେରେଦ ଇନିୟାଃ ଚିକାନ୍ ଫାଏଦା ହବାଅଆଃ ? ୨୬ ଜେତାଏ ଆଇଙ୍ଗକେ ଆତଃ ଆଇୟାଃ କାଜିକେ ଗିହୁଃରେଦ ଆଇଙ୍ଗ୍ ମାନଞ୍ଜାହନ୍ ତାନିଙ୍ଗ୍, ଆଇଙ୍ଗ୍ ପାବିତାର୍ ଦୁଁଡ଼କଲଃ ଆପୁଇୟାଃ ମାନାରାଙ୍ଗ୍ରେ ହିଜୁଃରୁହାଡ଼୍ ଦିପିଲିରେ ଆଇଙ୍ଗ୍‌ହଗି ଏନ୍ ବିଷାଏରେ ଗିହୁଗଃଆଇଙ୍ଗ୍ । ସିର୍ମାରେନ୍ ଦାସିକଆଃ ମାନାରାଙ୍ଗ୍ରେ ହିଜୁଃ ଇମ୍ତା ଇନିଃହଗି ଇନିୟାଃ ବିଷାଏରେ ଗିହୁଗଃଆଏ । ୨୭ ଆଇଙ୍ଗ୍ ସାର୍ତ୍ତିଗିଙ୍ଗ୍ କାଜିୟାପେତାନା, “ନେତାଃରେ ତିଙ୍ଗୁଆକାନ୍‌କଏତେ ଚିମିନ୍‌କ ପାର୍‌ମେଶ୍ଟାର୍‌ଆଃ ରାଇଜ୍ ଆଉରିକ ନେଲେଜାକେଦ୍ ଗନଏଃ କାକ ଚାଖାଏୟାଃ ।”

ୟୀଶୁଆଃ ରୁପବାଦଲିୟାଃ
(ମାଥୁଉ ୧୭:୧-୮; ମାର୍କ ୯:୨-୮)

୨୮ ଆତଃ ନେ କାଜିରେୟାଃ ଇରାଲିୟା ମାହାଁ ତାୟମ୍‌ତେ ଯୀଶୁ ପାଡ଼ରାସ୍, ଯୋହାନ୍ ଆତଃ ଯାକ୍ତୁବ୍ ତେକକେ ଆୟାଃଲଃ ଇଦିକେଦ୍‌ତେ ବିକ୍ରିନାଙ୍ଗ୍ ବୁରୁତେ ରାକାବ୍‌ୟାନାଏ । ୨୯ ଇନିଃ ବିକ୍ରିତାନ୍ ଇମ୍ତା ଇନିୟାଃ ମେଦ୍‌ମୁହାଁଡ଼୍ ବାଦାଲାଅୟାନା ଆତଃ ଇନିୟାଃ ଲିଜାଃ ପୁରାଃଗି ମାସ୍ତାଲ୍‌ଲେକା ପୁଣ୍ଡିୟାନା । ୩୦ ଆତଃ ଇମ୍ତାଗି ବାହୁଡ଼କିନ୍ ତାଇକେନା, ଇନ୍‌କିନ୍ ହବାଅଃତାନାକିନ୍ ମୁଣା ଆତଃ ଏଲିୟ, ୩୧ ଇନ୍‌କିନ୍ ସିର୍ମାରେନ୍ ମାନାରାଙ୍ଗ୍‌ରେକିନ୍ ଉଦୁବେନ୍‌ୟାନା, ଆତଃ ଯୀଶୁଲଃ ଯୀରୁଗାଲେମ୍‌ରେ ଆୟାଃ ଗନଏଃରେୟାଃ କାଜି ବାଗାଁଶେତାନ୍‌କିନ୍ ତାଇକେନା । ୩୨ ପାଡ଼ରାସ୍ ଆତଃ ଇନିୟାଃ ଗାଡିକିନ୍ ଦୁଡ଼ମୁତେ ପୁରାଃ ପେରେଜାକାନ୍ ତାଇକେନାକିନ୍, ମେନ୍‌ଦ ଇନ୍‌କିନ୍ ପୁରା ଆଦାୟାନ୍ତେ, ଇନିୟାଃ ମାନାରାଙ୍ଗ୍ ଆତଃ ଇନିଃଲଃ ତିଙ୍ଗୁଆକାନ୍ ବାହୁଡ଼କିନ୍‌କେ ନେଲ୍‌କେଦ୍‌କିନାକ । ୩୩ ଇନ୍‌କିନ୍ ଯୀଶୁତାଃଏତେ ସେନଃତାନ୍‌ରେ ପାଡ଼ରାସ୍, “ହେ ପ୍ରାଭୁ ଆବୁଆଃ ନେତାଃ ତାଇନଃତେୟାଃ ବୁଗିନାଃ, ଆଲେ ଆପିୟା କୁମ୍‌ଲେ ବାଇୟାଃ, ଆମାଃ ନାଗେନ୍ତେ ମିଆଁଦ୍, ମୁଣା ନାଗେନ୍ତେ ମିଆଁଦ୍ ଆତଃ ଏଲିୟ ନାଗେନ୍ତେ ମିଆଁଦ୍” ମେନ୍ତେ ଯୀଶୁକେକ କାଜିକିୟାଃ । ଇନିଃ ଦ ଆୟାଃ କାଜିତାନ୍‌ତେୟାଃ କାଏ ସାରିତାନ୍ ତାଇକେନା ।

୩୪ ଇନିଃ ନେୟାଁ କାଜିତାନ୍ ଇମ୍ତାଗି ରିମିଲ୍ ହିଜୁଃକେଦ୍‌ତେ ଇନ୍‌କୁକେ ଉମ୍‌ଲ୍‌କେଦ୍‌କଆ, ଆତଃ ଏନ୍ ରିମିଲ୍‌ରେ ବଲତାନ୍ ଇମ୍ତା ଇନ୍‌କୁ ବରକେଦାଃକ । ୩୫ “ନିଃ ଆଇୟାଃ ସାଲାକାନ୍ ଦୁଲାଡ଼୍‌ହନ୍ ତାନିଃ, ଇନିୟାଃ କାଜି ଆୟୁମେପେ” ମେନ୍ତେ ମିଆଁଦ୍ କାଜି ରିମିଲ୍‌ଏତେ ଆୟୁମ୍‌ୟାନା ।

୩୬ ନେ କାଜି କାଜିୟାନ୍‌ରେ, ଇନ୍‌କୁ ଯୀଶୁକେ ଏସ୍‌କାର୍‌ଗି ନାମ୍‌କିୟାଃକ । ଆତଃ ଚେଲାକ ହାପାୟାନାକ, ନେଲ୍‌କାଦ୍ କାଜି ଏନ୍ ଦିପିଲିରେ ଜେତାଏକେ କାକ ଉଦୁବ୍‌କେଦ୍‌କଆ ।

ୟୀଶୁ ବଙ୍ଗା ଏସେରାକାଇ ହନ୍‌କେ ବୁଗି ତାନାଏ
(ମାଥୁଉ ୧୭:୧୪-୧୮; ମାର୍କ ୯:୧୪-୨୭)

୩୭ ଏଟାଃ ହୁଲାଙ୍ଗ୍ ଯୀଶୁ ଆତଃ ଆୟାଃ ଆପିୟା ଚେଲାକ ବୁରୁଏତେ ଆଡ଼ଗୁୟାନ୍ ଇମ୍ତା ପୁରାଃ ଗାଦେଲ୍ ହଡ଼କ ଯୀଶୁକେ ସେନ୍‌ଦାରମ୍‌କିୟାକ । ୩୮ ଆତଃ ନେଲେପେ, ଗାଦେଲ୍ ହଡ଼କଏତେ ମିହୁଡ଼୍ କାଉରିକେଦାଏ, “ହେ ଗୁରୁ ଆଇଙ୍ଗ୍ ବିକ୍ରିମେତାନାଇଙ୍ଗ୍, ହନିଙ୍ଗ୍‌କଡ଼ାକେ ହେତାଇମେ, ଇନିଃଦ ଆଇୟାଃ ମିଆଁଦ୍‌ଗି ହନ୍‌କଡ଼ା ତାନିଃ” ମେନ୍‌କିୟାଏ । ୩୯ ଆତଃ ନେଲିମେ, ମିଆଁଦ୍ ବଙ୍ଗା ଇନିଃକେ ସାବ୍‌କିଃରେ ଇନିଃ ଆବ୍‌କାଗି କାଉରିୟାଏ; ଆତଃ ମତାଏତେ ପୁଡ଼ିଦ୍‌କ ଅତଙ୍ଗ୍‌ଅଃଆ, ବଙ୍ଗା ଇନିଃତାଃଏତେ ଚିମିନ୍ ତାର୍‌ସାର୍‌ତେ ଅତଙ୍ଗ୍‌ଅଃଆଏ । ଆତଃ ଇନିଃଦ ଇନିଃକେ ଜିୟନିତାନାଏ । ୪୦ ଆଇଙ୍ଗ୍ ଚେଲାକକେ ବିକ୍ରିକେଦ୍‌କଆଇଙ୍ଗ୍, “ମାର୍ ବଙ୍ଗାକେ ଅତଙ୍ଗ୍‌ଇଁପେ, ମେନ୍‌ଦ ଇନ୍‌କୁ କାକ ଦାଡ଼ିକେଦାଃ ।”

୪୧ ଆତଃ ଯୀଶୁ ମେନ୍‌କେଦାଏ, “ଏ କା ବିଶ୍ଟାସ୍ ଆତଃ କେଟେଦ୍ ମନ୍‌ରେନ୍ ହଡ଼କ, ଚିମିନ୍ ମାହାଁ ଜାକେଦ୍ ଆପେଲଃ ତାଇନାଇଙ୍ଗ୍ ଆତଃ ସାହାଡ଼ିଙ୍ଗ୍‌ପେୟା ?” ଆତଃ ଏନ୍ ହଡ଼କେ କାଜିକିୟାଏ, “ମାର୍ ଆମାଃ ହନ୍‌କେ ଆଇଙ୍ଗ୍‌ତାଃତେ ଆଉଝିମେଁ ।”

୪୨ ଆତଃ କଡ଼ାହନ୍ ହିଜୁଃତାନ୍ ଇମ୍ତା ବଙ୍ଗା ଇନିଃକେ ଆଞ୍ଜାକିୟାଏ, ମେନ୍‌ଦ ଯୀଶୁ ଏନ୍ ସଡ଼ରା ଆମ୍‌କେ ମାରାଙ୍ଗ୍‌ମଚାକେଦ୍‌ତେ ଇନିଃକେ ବୁଗିକିୟାଏ ଆତଃ ଆପୁତେକେ ଏମ୍‌ରୁହାଡ଼ାଇୟାଏ ।

ୟୀଶୁ ଆତଃମିସା ଆୟାଃ ଗନଏଃ କାଜି କାଜିକେଦାଏ
(ମାଥୁଉ ୧୭:୨୨-୨୩; ମାର୍କ ୯:୩୦-୩୨)

୪୩ ଏନ୍ତେଦ୍ ସବେନ୍‌କ ପାର୍‌ମେଶ୍ଟାର୍‌ଆଃ ମାନାରାଙ୍ଗ୍‌ତେ ଆକ୍‌ଦାନ୍‌ଆୟାନାକ । ଆତଃ ଯୀଶୁ କାମିକେଦ୍ ସବେନ୍ କାମିତେୟ ହଡ଼କ ଆକ୍‌ଦାନ୍‌ଆତାନ୍ ତାଇକେନ୍‌ରେ, ଇନିଃ ଆୟାଃ ଚେଲାକକେ ମେତାଦ୍‌କଆଏ, ୪୪ “ନେ ସବେନ୍ କାଜି ଆପେୟାଃ ଲୁଡୁରରେ ଦହଏପେ, ଆଇଙ୍ଗ୍ ମାନଞ୍ଜାହନ୍ ତାନିଙ୍ଗ୍,

☆ ୯:୩୫ ୯:୩୫ ମାଥୁଉ ୩:୧୭; ୧୨:୧୮; ମାର୍କ ୧:୧୧; ଲୁକ ୩:୨୨. ☆ ୯:୩୫ ୨ ପାଡ଼ରାସ୍ ୧:୧୭,୧୮.

ଆଇଙ୍ଗ ହତକଥାଃ ତିଃଇରେ ଏମ୍‌ଏଣ୍ଡାଗଃଆଇଙ୍ଗ ।” ୪୫ ମେନ୍‌ଦ ଚେଲାଇ ନେ କାଜି କାକ ଆବ୍‌କାର୍ ଉରୁମ୍ ଦାଡ଼ିକେଦା ଆତଃ ଇନ୍‌କୁ ଏନା ଆଲକାକ ଆବ୍‌କାରେକା ମେନ୍ତେ ଚେଲାଇନାଙ୍ଗ୍ ଉକୁଆକାନ୍ ତାଇକେନା ଆତଃ ଇନ୍‌କୁ ନେ କାଜି ଇନିଃକେ କୁଲି ନାଗେନ୍ତେ ବରତାନ୍‌କ ତାଇକେନା ।

ଅକଏ ମାରାଙ୍ଗ୍
(ମାଥୁଉ ୧୮:୧-୫; ମାର୍କ ୯:୩୩-୩୭)

୪୬ ✨ଆତଃ ଆବୁକଏତେ ଅକଏ ମାରାଙ୍ଗ୍ ମେନ୍ତେ ଚେଲାଇ ଆକ ଆକରେକ ଉଡ଼ୁତାନ୍ ତାଇକେନା । ୪୭ ମେନ୍‌ଦ ଯୀଶୁ ଇନ୍‌କୁଆଃ ମନ୍‌ରେୟାଃ ଉଡ଼ୁ ସାରିକେଦ୍‌ତେ, ମିଆଁଦ୍ ହୁଡ଼ିଙ୍ଗ୍ ହନ୍‌କେ ଆଉକିୟାଏ ଆତଃ ଆୟାଃ ହେପାଦ୍‌ରେ ତିଙ୍ଗୁକିୟାଏ । ୪୮ ✨ଏନ୍ତେ ଇନିଃ ମେତାଦ୍‌କଥାଏ, “ଜେତାଏ ନେ ହୁଡ଼ିଙ୍ଗ୍ ହନ୍‌କେ ଆଇଁୟାଃ ନୁତୁମ୍‌ତେ ଦାରମିରେଦ୍ ଆଇଙ୍ଗ୍‌କେ ଦାରମିଆଁ; ଆତଃ ଜେତାଏ ଆଇଙ୍ଗ୍‌କେ ଦାରମିରେଦ୍ ଆଇଙ୍ଗ୍‌କେ କୁନୁଲିନିଃକେହିଁ ଦାରମିଆଏ । ତିୟାଃତି ଆପେ ସବେନ୍‌କଏତେ ଅକଏ ହୁଡ଼ିଙ୍ଗ୍‌ଉତାରଃଆଏ ଇନିଃଗି ମାରାଙ୍ଗ୍ ।”

ଆବୁଆଃ ବିରୁଧ୍‌ରେ ବାଙ୍ଗାଈନିଃଦ୍ ଆବୁସାଃରିୟା
(ମାର୍କ ୯:୩୮-୪୦)

୪୯ ଆତଃ ଯୋହାନ୍ ଇନିଃକେ କାଜିରୁହାଡ଼କିୟାଏ, “ମିଆଁଦ୍ ହଡ଼ ଆମାଃ ନୁତୁମ୍‌ତେ ବଙ୍ଗାକକେ ଅତଙ୍ଗ୍‌କତାନ୍‌ଲେ ନେଲ୍‌କିୟା ଆତଃ ଆଲେ ଇନିଃକେ ମାନାକିୟାଃଲେ, ତିୟାଃତି ଇନିଃ ଆବୁଏତେ ମିହୁଡ଼୍ କାଏ ତାଇକେନା ।” ୫୦ ମେନ୍‌ଦ୍ ଯୀଶୁ କାଜିକିୟାଏ, “ଆଲ୍‌ପେ ମାନାଇୟା, ଆବୁଆଃ ବିରୁଧ୍‌ରେ ବାଙ୍ଗାଈନିଃଦ୍ ଆବୁସାଃରିୟା ।”

ଶମିରୋନିରେନ୍‌କ ଯୀଶୁକେ କାକ ଦାରମ୍‌କିୟାଃ

୫୧ ଯୀଶୁଆଃ ସିର୍ମା ରାକାବ୍‌ରେୟାଃ ଦିପିଲି ନାଡ଼େଃୟାଃତାନ୍‌ରେ ଇନିଃ ଯୀରୁଶାଲେମ୍‌ତେ ସେନଃ ନାଗେନ୍ତେ ଏସ୍‌କାବ୍‌ଗି ମନ୍‌ତାୟାଃ କେଟେଦ୍‌କେଦାଏ । ୫୨ ଆତଃ ଇନିଃ ହଡ଼କକେ କୁଲ୍ ଆୟାଃକେଦ୍‌କଥାଏ, ଇନ୍‌କୁ ସେନଃୟାନ୍ତେ ଇନିଃନାଙ୍ଗ୍ ବାଇସାତି* ନାଗେନ୍ତେ ଶମିରୋନିରେନ୍‌କଥାଃ ମିଆଁଦ୍ ହାତୁରେକ ବଲ୍‌ୟାନା । ୫୩ ମେନ୍‌ଦ୍ ଏନ୍ତାଃରେନ୍ ହଡ଼କ ଇନିଃକେ କାକ ଦାରମ୍‌କିୟା ତିୟାଃତି ଇନିଃ ଯୀରୁଶାଲେମ୍‌ସାଃତେ ସେନଃତାନା ମେନ୍ତେ ସାରିୟାଃ ତାଇକେନାଏ । ୫୪ ନେଆଁ ନେଲ୍‌କେଦ୍‌ତେ ଇନିୟାଃ ଚେଲା ଯାକୁଦ୍ ଆତଃ ଯୋହାନ୍ ବାରାନ୍‌କିନ୍ କାଜିକିୟାଃ, “ହେ ପ୍ରାଭୁ, ଆମ୍ ସାନାଙ୍ଗ୍‌ରେଦ୍ ଏଲିୟାକେ ଆତୁକେଦ୍‌ଲେକା† ସିର୍ମାଏତେ ସେଙ୍ଗେଲ୍ ଉୟୁଗଃକା ଆତଃ ଇନ୍‌କୁ ଜିୟନଃକାକ ।”

୫୫ ମେନ୍‌ଦ୍ ଯୀଶୁ ଇନ୍‌କିନ୍‌କେ ହେତାରୁହାଡ଼କେଦ୍‌ତେ ଏଗେରକେଦ୍‌କିନାଏ, ଆବେନ୍ ତିଲ୍‌କାନ୍ ଆମ୍‌ରେନ୍ ତାନ୍‌ବେନ୍, ନେଆଁ କାବେନ୍ ସାରିତାନା । ହଡ଼କଥାଃ ଜୀଉ ଜିୟନ୍ ନାଗେନ୍ତେଦ୍ କାହା ମେନ୍‌ଦ୍ ଜୀଉ ବାଞ୍ଚାଅ ନାଗେନ୍ତେ ମାନଞ୍ଜାହନ୍ ହିଜୁଃକାନାଏ ।‡ ୫୬ ଆତଃ ଇନ୍‌କୁ ଏଟାଃ ହାତୁତେକ ସେନଃୟାନା ।

ପ୍ରାଭୁଆଃ ଚେଲାବାଇୟାଃରେୟାଃ କାଜି
(ମାଥୁଉ ୮:୧୯-୨୨)

୫୭ ଇନ୍‌କୁ ହରାରେ ସେନ୍‌ତାନ୍ ତାଇକେନ୍ ଇମ୍‌ତା ମିଆଁଦ୍ ହଡ଼, ଯୀଶୁକେ କାଜିକିୟାଏ, “ଆମ୍ କଡେମ୍ ସେନା ଏନ୍ତେଇଙ୍ଗ୍ ଅତଙ୍ଗ୍‌ମେୟାଁ ।”

୫୮ ଯୀଶୁ ଇନିଃକେ କାଜିକିୟାଏ, “ତୁୟୁକଥାଃଦ୍ ଲାତା ମେନାଃ, ଆତଃ ସିର୍ମା ଲାତାରରେନ୍ ଚେଣ୍‌କଥାଃ ଅକା ମେନାଃ ମେନ୍‌ଦ୍ ମାନଞ୍ଜାହନ୍‌ଆଃ ବହଃ ଦହନାଙ୍ଗ୍ ଠାୟାଦ୍ ବାନଆଃ ।”

୫୯ ଆତଃ ଇନିଃ ଏଟାଃନିଃକେ କାଜିକିୟାଏ, “ମାର୍ ଅତଙ୍ଗ୍‌ଇଙ୍ଗ୍‌ମେ ।”

ମେନ୍‌ଦ୍ ଇନିଃ କାଜିକିୟାଏ, “ହେ ପ୍ରାଭୁ, ସିଦାତେ ଆପୁଇଙ୍ଗ୍‌କେ ତପାଇ ନାଗେନ୍ତେ ସେନ୍‌ଇଚିଙ୍ଗ୍‌ମେ ।”

୬୦ ମେନ୍‌ଦ୍ ଯୀଶୁ ଇନିଃକେ କାଜିକିୟାଏ, “ଗଏଃକାନ୍‌କ ଆକଥାଃ ଗଏଃକାନ୍‌କକେ ତପାକକାକ, ମେନ୍‌ଦ୍ ଆମ୍ ସେନ୍‌କେଦ୍‌ତେ ପାର୍‌ମେଶ୍ୱାର୍‌ଆଃ ରାଇଜ୍‌ରେୟାଃ କାଜି ଉଦୁବେମେ ।”

୬୧ ଆତଃ ମିହୁଡ଼୍ କାଜିକିୟାଏ, “ହେ ପ୍ରାଭୁ, ଆଇଙ୍ଗ୍ ଅତଙ୍ଗ୍‌ମେୟାଁଇଙ୍ଗ୍ ମେନ୍‌ଦ୍ ସିଦାତେ ଆଇଁୟାଃ ଅଡ଼ାଃରେନ୍‌କତାଃ ସେନ୍‌କେଦ୍‌ତେ ବିଦା ଇଦିନାଙ୍ଗ୍ କାଜି ଇଚିଙ୍ଗ୍‌ମେ ।”

୬୨ ଯୀଶୁ କାଜିକିୟାଏ, “ଆୟାଃ ତିଃଇକେ ନାଏଁହାଲ୍‌ରେ ଦହକେଦ୍‌ତେ ତାୟମ୍‌ସାଃ ହେତାଏନିଃ ପାର୍‌ମେଶ୍ୱାର୍‌ଆଃ ରାଇଜ୍‌ରେ କାମିଲେକାନିଃ କାଏ ହବାଅଆଃ ।”

✨ ୯:୪୬ ୯:୪୭ ଲୁକ ୨୨:୨୪. ✨ ୯:୪୮ ୯:୪୮ ମାଥୁଉ ୧୦:୪୦; ଲୁକ ୧୦:୧୭; ଯୋହାନ୍ ୧୩:୨୦. * ୯:୫୨ ୯:୫୨ ଆୟୋଜାନ୍ † ୯:୫୪ ୯:୫୪ ଏଲିୟାକେ ଆତୁକେଦ୍‌ଲେକା, ନେଆଁ ତିମିନ୍ ମାରିଅନଲ୍‌ରେ ବାନଆଃ ‡ ୯:୫୫ ୯:୫୫ ନେ ପଦ ତିମିନ୍ ମାରିଅନଲ୍‌ରେ ବାନଆଃ

୧୦

ୟୀଶୁ ଆପିହିସି ଗେଲ୍‌ବାର୍ ଚେଲକକେ କୁଲ୍‌କତାନାଏ

୧ ନେଆଁତାୟମ୍‌ତେ ପ୍ରାଭୁ ୭୨* ଏଟାଃ ଚେଲକକେ ସାଲାକେଦ୍‌ତେ, ଆଇଃକ୍ ସେନଃ ସାନାଙ୍‌ତାନ ସବେନ୍ ହାଡୁ, ଟଲାତେ ବାବାର୍‌ହଡ୍ କୁଲ୍ ଆୟାର୍‌କେଦ୍‌କଆଏ । ୨* ଇନିଃ ଇନ୍‌କୁକେ କାଜିୟାଦ୍‌କଆଏ, “ଇରୋଃ ପୁରାଃଗିୟାଃ ମେନ୍‌ଦ କାମିନାଲାକ ହୁଡିଙ୍‌ଆଁକ, ଏନା ନାଗେନ୍ତେ ଆପେ, ଆମ୍ ଆମାଃ ଇରୋଃତେ କାମି ନାଲାକ କୁଲ୍‌କମ୍ ମେନ୍ତେ ଇରୋଃ ଗମ୍‌କେତାଃରେ ବିନ୍ତ୍ରପେ । ୩* ମାର୍ ସେନଃପେ, ଆଇଙ୍‌ ଆପେକେ ମିଣ୍ଡିହନ୍‌କ ଲେକା ହୁଣ୍ଡାର୍‌କ ଆଲାରେଇଙ୍‌ କୁଲ୍‌ପେତାନା । ୪ ଆପେ ପାଏସାମ୍‌ନା, ଆଇଲାଃ, ଖାର୍‌ପା ଆଲ୍‌ପେ ଇଦିୟା ଆତଃ ହରାରେ ଜେତାଏକେୟ ଆଲ୍‌ପେ ଜହାର୍‌କଆ । ୫ ଆତଃ ଜେତା ଅତାଃରେ ଦାରମ୍‌ପେରେ ‘ନେ ଅତାଃରେନ୍‌କଆଃରେ ସୁକୁ ହବାଅଃକା’ ମେନେପେ । ୬ ସୁକୁ ନାମେଲେକାନ୍ ହଡ୍ ଏନ୍ତାଃରେ ତାଇନ୍‌ରେଦ ଆପେୟାଃ ସୁକୁ ଇନିଃରେ ତାଇନାଃ, କା’ରେଦ୍ ଏନା ଆପେତାଃତେ ରୁହାଡାଃ । ୭* ଏନ୍ ଅତାଃରେ ତାଇନଃପେ, ଇନ୍‌କୁ ଏମାପେତେୟାଃ ଜମ୍ ନୁଁଏପେ, କାମିନିଃଦ ଆୟାଃ ନାଲା ନାମେଗିୟାଏ । ଆତଃ ଅତାଃ ଅତାଃ ଆଲ୍‌ପେ ହନରାଃ । ୮ ଜେତାଏ ହାଡୁରେପେ ବଲରେଦ୍ ଆତଃ ହଡ୍‌କ ଦାରମ୍‌ପେରେଦ, ଇନ୍‌କୁଆଃ ଏମେତେୟାଃ ଜମେପେ । ୯ ଏନ୍ତାଃରେନ୍ ହାସୁତାନକକେ ବୁଗିକପେ, ଆତଃ ‘ପାର୍‌ମେଶ୍‌ବାର୍‌ଆଃ ରାଇଜ୍ ଆପେତାଃ ନାଡେୟାକାନା’ ମେତାକପେ । ୧୦* ମେନ୍‌ଦ୍ ଆପେ ଜେତାଏ ହାଡୁରେପେ ବଲରେଦ୍ ଆତଃ ହଡ୍‌କ କାକ ଦାରମ୍‌ପେରେଦ, ଏନାରେୟାଃ ହରାଏତେ ଅତଙ୍‌କେଦ୍‌ତେ କାଜିପେ, ୧୧* ‘ଆଲେୟାଃ କାଟା ତାଲ୍‌କାରେୟାଃ ଧୁଡି ଆପେୟାଃ ହାଡୁରାଃ ଆୟାର୍‌ରେଲେ କଟା ଏଣ୍ଡାଏଃତାନା, ଏନ୍‌ରେୟ ପାର୍‌ମେଶ୍‌ବାର୍‌ଆଃ ରାଇଜ୍ ଆପେତାଃ ନାଡେୟାକାନା ଏନା ସାରିପେ ।’ ୧୨* ଆଇଙ୍‌ କାଜିୟାପେ ତାନାଇଙ୍‌, ଏନ୍ ହୁଲାଙ୍‌ରେ ଏନ୍ ହାଡୁରେୟାଃ ଦୁକୁଏତେ ସୋଦମ୍‌ରାଃ ଦୁକୁ ସାହାଡିଙ୍‌ୟେଁ ଲେକାଃଃ ।

କା ବିଶ୍ୱାସ୍‌ତାନ ନାଗାର୍‌କକେ ଯୀଶୁଆଃ ଚେଡ୍‌ନା (ମାଥୁଉ ୧୧:୨୦-୨୪)

୧୩ “ଏ କରାଜିନ୍, ଆମାଃ ହାୟ ହାୟ, ଏ ବେଅସାକଦା, ଆମାଃ ହାୟ ହାୟ, ଆବେନ୍‌ରେ ହବାୟାନ୍ ଆକଦାଦାଅ କାମିକ ସୋର୍ ଆତଃ ସିଦୋନ୍‌ରେ ହବାକାନ୍‌ରେଦ, ଇଦୁ ଇନ୍‌କୁ ଚିଉଲାରେ ବସ୍ତା ତୁସିଙ୍‌କେଦ୍‌ତେ ଆତଃ ତରେକ୍ ଚେତାନ୍‌ରେ ଦୁବ୍‌କେଦ୍‌ତେ ମନ୍‌ରୁହାଡ୍ କାତେତେୟାଃକ । ୧୪ ମେନ୍‌ଦ୍ ବିଚାର୍ ହୁଲାଙ୍‌ରେ ଆବେନାଃଏତେ ସୋର୍ ଆତଃ ସିଦୋନ୍‌ରେୟାଃ ଦୁକୁ ସାହାଡିଙ୍‌ୟେଁ ଲେକାଃଃ । ୧୫ ଆତଃ ଆମ୍, ଏ କପର୍‌ନାହୁମ୍, ଚିୟାଃ ଆମ୍ ସିର୍ମା ଜାକେଦେମ୍ ରାକାବଆଃ ? ବାନଃଗି ଆମ୍ ପାତାଲ୍ ଜାକେଦେମ୍ ଏଣ୍ଡାଗଆଃ ।”

୧୬* ଯୀଶୁ ଆୟାଃ ଚେଲକକେ ମେତାଦ୍‌କଆଏ, “ଆପେୟାଃ କାଜି ଆୟୁମନିଃ ଆଇଁୟାଃ ଆୟୁମେୟାଏ, ଆତଃ ଆପେକେ କା ସୁକୁନିଃ ଆଇଙ୍‌କେହ୍ କାଏ ସୁକୁଞ୍ଜାଙ୍‌ଆଃ ମେନ୍‌ଦ୍ ଆଇଙ୍‌କେ କାଏ ସୁକୁନିଃ ଆଇଙ୍‌କେ କୁଲ୍‌ନିଃକେ ହ୍ କାଏ ସୁକୁଞ୍ଜାୟା ।”

ବାସ୍ତୋର୍‌ଝାନ୍ ଚେଲକଆଃ ହିନ୍ତୁଃରୁହାଡ୍

୧୭ ଏନ୍ ୭୨† ଝାନ୍ ଚେଲକ ରାସ୍‌କାତାନ୍‌ଲଃକ ରୁହାଡ୍‌ୟାନା ଆତଃ “ହେ ପ୍ରାଭୁ, ଆମାଃ ନୁଡୁମ୍‌ତେ ବଙ୍ଗାକହ୍ ଆଲେକେ ମାନାଡିଙ୍‌ଲେତାନାକ” ମେନ୍‌କିୟାଏ ।

୧୮ ଇନିଃ ମେତାଦ୍‌କଆଏ, “ଆଇଙ୍‌ ସାଏତାନ୍‌କେ ହିଚିର୍ ଲେକା ସିର୍ମାଏତେ ଉୟୁଗଃତାନ୍‌ତେୟାଃ ନେଲ୍‌କିୟାଇଙ୍‌ । ୧୯ ନେଲେପେ, ଆଇଙ୍‌ ବିଙ୍‌କଆଃ ଆତଃ ମାର୍‌ମାର୍‌କଆଃ ଚେତାନ୍‌ରେ ସେସେନ୍‌ରେୟାଃ ଆତଃ ବାଇରିୟାଃ ଗଟା ପେଡେଃରେ ଆକ୍‌ତେୟାରାଇଙ୍‌ ଏମାଦ୍‌ପେୟା । ଆପେୟାଃ ଜେଡ୍‌ନାଃ କା ହାନିୟାଆ । ୨୦ ଏନ୍‌ରେୟ ଏଡ୍‌କାନ୍ ଆମ୍‌କ ଆଲେକେ ମାନାଡିଙ୍‌ତାନାକ ମେନ୍ତେ ଆଲ୍‌ପେ ରାସ୍‌କାଃଃ, ମେନ୍‌ଦ୍ ଆପେୟାଃ ନୁଡୁମ୍ ସିର୍ମାରେ ଅଲାକାନା ନେୟାତେ ରାସ୍‌କାଆପେ” ମେନ୍ତେ କାଜିୟାଦ୍‌କଆଏ ।

ୟୀଶୁ ରାସ୍‌କାୟାନାଏ (ମାଥୁଉ ୧୧:୨୫-୨୭; ୧୩:୧୭-୧୭)

୨୧ ଏନ୍ ଦିପିଲିରେ ଯୀଶୁ ପାବିତାର୍ ଆମ୍‌ରେ ପୁରାଃ ରାସ୍‌କାୟାନ୍‌ଲଃ କାଜିକେଦାଏ, “ହେ ଆବା, ସିର୍ମା ଆତଃ ଅତେରେନ୍ ପ୍ରାଭୁ, ଆମ୍ ନେ କାଜିକ ସେଣ୍‌ନିକ ଆତଃ ଇଡୁଆନ୍‌କତାଃଏତେମ୍ ଦାନାଙ୍‌ଆଁକାଦାଃ,

* ୧୦:୧ 10:1 ଚିମିନ୍ ମାରି ଅନଲ୍‌ରେ ୭୦ ହଡ୍ ଅଲାକାନା ✨ ୧୦:୨ ୧୦:୨ ମାଥୁଉ ୯:୩୭,୩୮. ✨ ୧୦:୩ ୧୦:୩ ମାଥୁଉ ୧୦:୧୭.
 ✨ ୧୦:୬ ୧୦:୬ ୧ କରୁଲିୟ ୯:୧୪; ୧ ଡିମଥୁ ୫:୧୮. ✨ ୧୦:୧୦ ୧୦:୧୦ ପ୍ରେରିଡ୍ ୧୩:୫୧. ✨ ୧୦:୧୧ ୧୦:୧୧ ମାଥୁଉ ୧୦:୭-୧୪;
 ମାର୍କ ୬:୮-୧୧; ଲୁକ ୯:୩-୫. ✨ ୧୦:୧୨ ୧୦:୧୨ ମାଥୁଉ ୧୧:୨୪; ମାଥୁଉ ୧୦:୧୫. ✨ ୧୦:୧୬ ୧୦:୧୬ ମାଥୁଉ ୧୦:୪୦; ମାର୍କ ୯:୩୭;
 ଲୁକ ୯:୪୮; ଯୋହାନ୍ ୧୩:୨୦. † ୧୦:୧୭ 10:17 ଚିମିନ୍ ମାରି ଅନଲ୍‌ରେ ୭୦ ହଡ୍ ଅଲାକାନା

ଆତ୍ମା ବାଲେଶ ହନକତାଃରେମ୍ ଉଦୁବାକାଦାଃ ମେନ୍ତେଇଙ୍ଗ୍ ଧାନ୍ୟାବାଦମେତାନା । ହେଗି ହେ ଆବା, ନେୟାଗିଦ ଆମାଃ ବୁଗିନ୍ ସାନାଙ୍ଗ୍ ।

୨୨ ✧“ଆପୁଇଙ୍ଗ୍ ସବେନାଃ ଏମାକାଦିୟାଏ, ଆପୁକେ ବାଗିକେଦ୍ତେ ହନ୍ ଅକଏ ତାନିଃ ନେୟା ଜେତାଏ କାକ ସାରିୟାଃ, ଆତ୍ମା ହନକେ ବାଗିକେଦ୍ତେ ଆପୁ ଅକଏ ତାନିଃ ନେୟା ଜେତାଏ କାକ ସାରିୟାଃ । ମେନ୍ଦ୍ ଅକନକକେ ଏନା ସାରି ନାଗେନ୍ତେ ହନ୍ ଆଇଃକ୍ତି ସାଲାକୁଆଏ, ଇନ୍କୁ ଏସକାର୍ ପାରମେଶ୍ୱାରଆଃ ବିଷାଏରେ ସାରିୟାଃକ ।”

୨୩ ଏନ୍ତେ ଇନିଃ ଆୟାଃ ଚେଲକକେ ହେତାରୁହାଡ୍ତକେଦ୍ତେ ଏସକାର୍ରେୟାଏ କାଜିୟାଦ୍ତକଆ, “ଆପେ ସବେନ୍ ନେ ସବେନାଃ ନେଲ୍ତାନ୍ତେୟାଃ ଚିମିନ୍ ସୁକୁତାନ୍ତାରିୟାଃପେ । ୨୪ ଆଇଙ୍ଗ୍ଦ ସାରତିଗିଙ୍ଗ୍ କାଜିୟାପେତାନା, ଆପେ ନେଲ୍ତାନ୍ତେୟାଃ ପୁରାଃ ନାବୀକ ଆତ୍ମା ରାଜାକ ନେନେଲ୍ ସାନାଙ୍ଗ୍କେଦ୍ତକଆ ମେନ୍ଦ୍ କାକ ନେଲ୍କେଦା ଆତ୍ମା ଆପେ ଆୟୁମ୍କେଦ୍ତେୟାଃ ଇନ୍କୁକେ ଆୟୁମ୍ ସାନାଙ୍ଗ୍କେଦ୍ତକଆ ମେନ୍ଦ୍ କାକ ଆୟୁମ୍କେଦା ।”

ବୁଗିନ୍ ଶମିରୋନିରେନ୍ନିଃୟାଃ ଜନ୍କା କାଜି (ମାଥୁର ୨୨:୩୫-୪୦; ମାର୍କ ୧୨:୨୮-୩୪)

୨୫ ✧ଆତ୍ମା ନେଲେପେ ମିଆଁଦ୍ ଆଇନ୍ ଇତୁନିଃ ବିରିଦ୍ୟାନ୍ତେ ଯାଶୁକେ ବିଡାଅ ନାଗେନ୍ତେ କୁଲିକିୟାଏ, “ଏ ବୁଗିନ୍ ଇତୁନିଃ, ଜାନାଅ ଜୀଦାନ୍ ନାମେ ନାଗେନ୍ତେ ଚିନାଃଇଙ୍ଗ୍ ଚିକାୟା ?”

୨୬ ଯାଶୁ କାଜିକିୟାଏ, “ଆନ୍ତୁରେ ଚିକ୍ନାଃ ଅଲକାନା ? ଆମ୍ ଚିଲ୍କାମ୍ ପାଡାଅ ତାନା ?”

୨୭ ଆତ୍ମା ଇନିଃ ମେନ୍ଦ୍ରୁହାଡାୟାଏ, “ପ୍ରାଭୁ ଆମାଃ ପାରମେଶ୍ୱାରକେ ଆମାଃ ସବେନ୍ ମନ୍ସୁରୁଦ୍ତେ ଆତ୍ମା ଆମାଃ ସବେନ୍ ଜୀଉତେ ଆତ୍ମା ଆମାଃ ସବେନ୍ ପେଡେଃତେ ଆତ୍ମା ଆମାଃ ସବେନ୍ ସେଣାତେ ଦୁଲ୍ଲାଡିମେ, ଆତ୍ମା ଆମାଃ ହପର୍ ଜାପାଃରେନ୍ନିଃକେ ଆମାଃ ଲେକାଗି ଦୁଲ୍ଲାଡିମେ ।”

୨୮ ଏନ୍ତେ ଯାଶୁ କାଜିରୁହାଡ୍ତକିୟାଏ, “ବୁଗିନାମ୍ କାଜିକାଦା, ଆମ୍ ନେକାଏରେଦମ୍ ଜୀହିଦଅଆ ।”

୨୯ ମେନ୍ଦ୍ ଆଇନ୍ ଇତୁନିଃ ଆଇଃକ୍ତି ଧାରମାନ୍ ଉଦୁବେନ୍ ସାନାଙ୍ଗ୍କିଃତେ ଯାଶୁକେ କୁଲିକିୟାଏ “ଆଇୟାଃ ହପର୍ଜାପାଃରେନ୍ନିଃ ଅକଏ ତାନିଃ ?”

୩୦ ଯାଶୁ କାଜିରୁହାଡ୍ତକିୟାଏ, “ମିଆଁଦ୍ ହଡ୍ ଯାରୁଶାଲେମ୍ଏତେ ଯିରିହୋତେ ସେନଃତାନାଏ ତାଇକେନା ଆତ୍ମା କୁମ୍ବୁକୁଆଃ ତିଃଇରେ ଉୟୁଗାକାନ୍ ହଡ୍ତରାଃ ଇନ୍କୁ ଇନିୟାଃ ଲିଜାଃ ରେକ୍କିୟାଃକ ଆତ୍ମା ଦାଲ୍କିଃତେ ଗଏଃଲେକାକ ବାଗିତୁକାଲକାଃ । ୩୧ ତାୟମ୍ତେ ମିଆଁଦ୍ ଯାଜାକ୍ ଏନ୍ ହରାତେଗି ସେନ୍ତାନାଏ ତାଇକେନା ଆତ୍ମା ଇନିଃକେ ନେଲ୍କିଃତେ ଏଟାଃ ହରାରେ ପାରମ୍ୟାନାଏ । ୩୨ ନେ ଲେକାଗି ମିଆଁଦ୍ ଲେବୀହ, ଏନ୍ ଠାୟାଦ୍ରେ ସେଟେର୍ୟାନ୍ତି ଇନିଃକେ ନେଲ୍କିଃତେ ପାରମ୍ୟାନାଏ । ୩୩ ମେନ୍ଦ୍ ମିଆଁଦ୍ ଶମିରୋନିରେନ୍ ହଡ୍ ସେନ୍ତାନ୍ଲଃ ଇନିଃ ତାଇକେନ୍ ଠାୟାଦ୍ରେ ସେଟେର୍ୟାନାଏ ଆତ୍ମା ଇନିଃକେ ନେଲ୍କିଃତେ ବିଲ୍କାଅୟାନାଏ । ୩୪ ସେନ୍ ନାଡେଃକେଦ୍ତେ ଇନିୟାଃ ଘାଅକରେ ସୁନ୍ମ୍ ଆତ୍ମା ଦାଖରାସି ଦୁଲ୍ଲକେଦାଏ, ଏନାକେ ତଲ୍ଲକେଦାଏ ଆତ୍ମା ଇନିଃକେ ଆୟାଃ ଗାଧାଚେତାନ୍ରେ ଲାଦିକିଃତେ ତେରା ଅଡାଃତେ ଇଦିକିୟାଏ ଆତ୍ମା ଇନିଃକେ ଯାତାନ୍କିୟାଏ । ୩୫ ଏଟାଃ ହୁଲାଙ୍ଗ୍ ଇନିଃ ବାର୍ସିଙ୍ଗରାଃ ନାଲା ସିକା ଅଡଙ୍ଗ୍କେଦ୍ତେ ତେରା ଗମକେ କେ ଏମ୍କିୟାଏ ଆତ୍ମା ନିଃକେ ଯାତାନିଃମେଁ ଆତ୍ମା ନିମ୍ନାଙ୍ଗ୍ଏତେ ଆଦ୍କାମ୍ ଖାର୍ଟାଏରେଦ ଆଇଙ୍ଗ୍ ରୁହାଡ୍ ଇମ୍ତା ପେରେଜାମେୟାଇଙ୍ଗ୍” ମେନ୍କିୟାଏ ।

୩୬ “ନେ ଆପିୟା ହଡ୍ତକଏତେ ଅକଏ କୁମ୍ବୁକୁଆଃ ତିଃଇରେ ଉୟୁଗାକାନ୍ ହଡ୍ତରାଃ ହପର୍ଜାପାଃରେନ୍ନିଃ ତାନିଃ ମେନ୍ତେପେ ଉଡ୍ଡୁତାନା ?”

୩୭ ଏନ୍ ଆଇନ୍ ଇତୁନିଃ ଇନିଃକେ କାଜିରୁହାଡ୍ତକିୟାଏ “ଅକଏ ଲିବୁଇକେନ୍ନିଃ ।” ଏନ୍ତେ ଯାଶୁ ଆଇନ୍ ଇତୁନିଃକେ କାଜିକିୟାଏ, “ଜୁ ଆମ୍ହ ନେ ଲେକାଗି ରିକାଏମେଁ ।”

ୟାଶୁ ମାର୍ଥା ଆତ୍ମା ମାରିୟାମ୍ଆଃ ଅଡାଃତେ ସେନ୍କେନାଏ

୩୮ ✧ୟାଶୁ ଆୟାଃ ଚେଲକଲଃ ସେନଃତାନ୍ ଇମ୍ତା ମିଆଁଦ୍ ହାତୁତେ ବଲୟାନାଏ, ଆତ୍ମା ମାର୍ଥା ନୁତୁମ୍ ମିଆଁଦ୍ କୁଡି ଆୟାଃ ଅଡାଃରେ ଇନିଃକେ କୁପୁଲ୍କିୟାଏ । ୩୯ ଆତ୍ମା ମାରିୟାମ୍ ନୁତୁମ୍ ଇନିୟାଃ ମିଆଁଦ୍ ମିଗି ତାଇକେନାଏ, ଇନିଃ ପ୍ରାଭୁ ଯାଶୁଆଃ କାଟା ସୁବାରେ ଦୁବ୍ୟାନ୍ତେ ଇନିୟାଃ କାଜି ଆୟୁମ୍ତାନାଏ ତାଇକେନା । ୪୦ ମେନ୍ଦ୍ ମାର୍ଥା ପୁରାଃ ସୁସାର୍ରେ ବିଡ୍ଲାଅକାନାଏ ତାଇକେନା ଆତ୍ମା ଇନିଃ ହେପାଦ୍ତେ

✧ ୧୦:୨୨ ୧୦:୨୨ ଯୋହାନ୍ ୩:୩୫; ଯୋହାନ୍ ୧୦:୧୫. ✧ ୧୦:୨୫ ୧୦:୨୫ ମାଥୁର ୨୨:୩୫-୪୦; ମାର୍କ ୧୨:୨୮-୩୪. ✧ ୧୦:୩୮ ୧୦:୩୮ ଯୋହାନ୍ ୧୧:୧.

ହିଜୁଃକେଦ୍‌ତେ କାଜିକିୟା, “ହେ ପ୍ରାଭୁ, ମିଶିଙ୍ଗତାୟା ଆଇଙ୍ଗକେ ଏସକାର୍ ସୁସାର୍ ଇଚିଙ୍ଗତାନାଏ, ତିୟାଏ ଏନା ଆମ୍‌କାମ୍ ଉଡ଼ୁତାନା ? ମାର୍ ମିଶିଙ୍ଗକେ ଦେଙ୍ଗାକମେ” ମେନ୍ତେ ଇନିଃକେ ଆଚୁକମେ ।

୪୧ ମେନ୍ଦ୍ ପ୍ରାଭୁ ଯୀଶୁ କାଜିରୁହାଡ଼କିୟାଏ, ଏ ମାର୍ଥା, ଏ ମାର୍ଥା, ଆମ୍ ପୁରା କାଜି ନାଗେନ୍ତେମ୍ ଉଡ଼ୁତାନା ଆତଃ ବିତ୍‌ଲାଅକାନା ମେନ୍ଦ୍ ମିଆଁଦ୍ କାଜି ଲାଗାତିଙ୍ଗୟା । ୪୨ ମାରିୟାମ୍ଦ୍ ଏନ୍ ବୁଗିନ୍ ହାନାଚିଙ୍ଗକେ ସାଲାକାଦାଏ, ଏନା ଇନିଃତାଏତେ କା ରେଜଃଆ ।

୧୧

ବିକ୍ତିରେ ଯୀଶୁଆଃ ଇନିତୁ
(ମାଥୁ ୨:୯-୧୩; ୨:୨-୧୧)

୧ ଯୀଶୁ ମିଆଁଦ୍ ଠାୟାଦ୍‌ରେ ବିକ୍ତିତାନାଏ ତାଇକେନା, ଆତଃ ଚୁଣ୍ଡୁକେଦ୍ ଇମ୍‌ତା ଇନିୟାଃ ଚେଲାକଏତେ ମିହୁଡ଼ କାଜିକିୟାଏ, “ହେ ପ୍ରାଭୁ, ବାପ୍ତିସ୍ମା ଏମଃନିଃ ଯୋହାନ୍ ଆୟାଃ ଚେଲାକକେ ବିକ୍ତି ଇତୁକେଦ୍‌କଲେକା ଆମ୍‌ହ ଆଲେକେ ବିକ୍ତି ଇତୁଲେମ୍ ।”

୨ ଯୀଶୁ କାଜିୟାଦ୍‌କଆଏ, “ଆପେ ବିକ୍ତି ଇମ୍‌ତା ନେ ଲେକା ବିକ୍ତିପେ,”
“ହେ ଆଲେୟାଃ ସିର୍ମାରେନ୍ ଆବା,
ଆମାଃ ନୁତୁମ୍ ପାବିତାରଃକା,
ଆମାଃ ରାଇଜ୍ ହିଜୁଃକା, ଆମାଃ ମନେ ଚିଲ୍‌କା ସିର୍ମାରେ, ଏନ୍‌ଲେକା ଅତେଦିଶୁମ୍‌ରେୟ ହବାଅଃକା
୩ ଆଲେୟାଃ ତିସିଙ୍ଗ୍‌ରେୟାଃ ଜମେୟାଃ ଏମାଲେମେ ।
୪ ଆଲେୟାଃ ପାପ୍‌କ ଛାମାଏମେ,
ତିୟାଃଚି ଜେ'ଲେକା ଆଲେୟା ଆଲେୟାଃ ସବେନ୍ ପାପ୍‌କେନ୍‌କଲେ ଛାମାକଆ
ଆତଃ ବିଡ଼ାଅରେ ଆଲମ୍ ଆଉଲେୟା, ମେନ୍ଦ୍ ଏଡ଼କାନ୍‌ନିଃଏତେ ବାସ୍ତାଅଲେମ୍ ।”

୫ ଏନ୍ତେ ଯୀଶୁ ଆୟାଃ ଚେଲାକକେ କାଜିୟାଦ୍‌କଆ, “ଇତୁ ଆପେକଏତେ ଜେତାଏୟାଃ ମିଆଁଦ୍ ଗାତି ମେନାଇୟା, ଆତଃ ଇନିଃ ଇନିଃତାଃତେ ଆଲାନିଦା ସେନ୍‌କେଦ୍‌ତେ ମେତାଇୟାଏ, ଏ ଗାତି ଆପିୟା ହଲଙ୍ଗ୍ ଉଧାର୍ ଏମାଲଙ୍ଗ୍‌ମେ, ୬ ଆଇୟାଃ ମିଆଁଦ୍ ଗାତିଦ୍ ହରାସେନ୍‌ତାନ୍‌ଲଃ ଆଇଙ୍ଗ୍‌ତାଃତେ ହିଜୁଃକାନାଏ ଆତଃ ଇନିଃକେ ଜମ୍ ଏମଃ ନାଗେନ୍ତେ ଆଇଙ୍ଗ୍‌ତାଃରେ ଜେତ୍‌ନାଃ ବାନଆଃ ।” ୭ ଆତଃ ଇନିଃ କାଜିରୁହାଡ଼େୟାଏ, “ଆଲମ୍ ଦୁକୁଇୟାଃ ନାହାଃଦ୍ ଦୁଆର୍ ହାଣ୍ଡେଦାକାନା ଆତଃ ହନ୍‌କତାୟାଃ ଆଇଙ୍ଗ୍‌ଲଃକ ଗିତିଜାକାନା । ଆଇଙ୍ଗ୍ ବିରିଦ୍‌କେଦ୍‌ତେ ଜେତ୍‌ନାଃ କାଇଙ୍ଗ୍ ଏମ୍‌ଦାଡ଼ିୟା ।” ୮ ଆଇଙ୍ଗ୍ କାଜିୟାପେ ତାନାଇଙ୍ଗ୍, ଇନିଃ ଆୟାଃ ଗାତିତାନିଃ ରେୟ ବିରିଦ୍‌କେଦ୍‌ତେ କାଏ ଏମାଲୟା, ଇମିନ୍‌ରେୟ, ଆୟାଃ ଗାତି ଘାଡ଼ି ଘାଡ଼ି ଆସିତାନ୍ ହରାତେ ଇନିଃ ବିରିଦ୍‌ୟାନ୍‌ଲଃ ଆୟାଃ ଗାତିରାଃ ଲାଗାତିଙ୍ଗ୍ ଲେକାଏ ଏମାଲୟା ।

୯ “ଆତଃ ଆଇଙ୍ଗ୍ କାଜିୟାପେତାନା, ଆସିପେ ଏନାରେଦ୍ ଆପେକେ ଏମଃଆ, ଦାଣ୍ଡାଏପେ ଏନ୍‌ରେଦ୍‌ପେ ନାମେୟା, ଦୁଆର୍ ଠକ୍ ଠକାଏପେ ଏନ୍‌ରେଦ୍ ଆପେ ନାଗେନ୍ତେ ନିଜଆଃ । ୧୦ ତିୟାଃଚି ଜେତାଏ ଆସିତାନ୍‌ନିଃଦ୍ ତେଲାଜମାଃ, ଆତଃ ଦାଣ୍ଡାଏନିଃଦ୍ ନାମେୟାଏ, ଆତଃ ଠକ୍ ଠକାଏନିଃ ନାଗେନ୍ତେ ନିଜଆଃ । ୧୧ ଆପେକଏତେ ଅକନ୍ ଆପୁ ନେ'ଲେକା ମେନାଇୟା, ଆୟାଃ ହନ୍ ହାକୁ ଆସିରେଦ୍, ତିନାଃ ଇନିଃକେ ବିଙ୍ଗ୍ ଏମାଲୟାଏ ? ୧୨ ତାଏ ଇନିଃ ଜାରମ୍ ଆସିରେ ତିୟାଃ ମାର୍‌ମାର୍ ଏମାଲୟାଏ ? ୧୩ ଏନ୍ତେ ଆପେ ଏଡ଼କାନ୍‌କ ତାଇନ୍‌ରେୟ, ଆପେୟାଃ ହନ୍‌କକେ ବୁଗିନାଃ ଏମଃପେ ସାରିୟା, ତାବ୍‌ଦ୍ ଆପେୟାଃ ସିର୍ମାରେନ୍ ଆପୁ ଅକନ୍‌କଚି ଆଇଃକ୍‌କେ ଆସି ତାନାକ, ଇନ୍‌କୁକେ ଏନାଏତେ ଆଦ୍‌କା ପାବିତାର୍ ଆମ୍ କାଏଚି ଏମାକଆ !”

ୟୀଶୁ ଆତଃ ବାଲ୍‌ଜେବୁଲ୍
(ମାଥୁ ୧୨:୨୨-୩୦; ମାର୍କ ୩:୨୦-୨୭)

୧୪ ଯୀଶୁ ମିଆଁଦ୍ କା ବାଖାଣ୍ ଦାଡ଼ିତାନ୍ ବଙ୍ଗାକେ ଅଡ଼ଙ୍ଗ୍‌ଇଁତାନାଏ ତାଇକେନା । ବଙ୍ଗା ଅଡ଼ଙ୍ଗ୍‌ୟାନ୍‌ଚି ଏନ୍ କା ବାଖାଣ୍‌ଦାଡ଼ି ହଡ଼ ବାଖାଣ୍‌କେଦାଏ, ଆତଃ ଗାଦେଲ୍ ହଡ଼କ ଆକ୍‌ଦାନ୍‌ଆୟାନାକ । ୧୫ ମେନ୍ଦ୍ ଇନ୍‌କୁଏତେ ଚିମିନ୍‌କ କାଜିକେଦା, “ୟୀଶୁ ବଙ୍ଗାକଆଃ ଗମ୍‌କେ ବାଲ୍‌ଜେବୁଲ୍‌ଆଃ ହରାତେ ବଙ୍ଗାକକେ ହାର୍ ଅଡ଼ଙ୍ଗ୍‌କତାନା ।”

୧୬ ଏଗଠାକ ଯୀଶୁକେ ବିଡ଼ାଅ ନାଗେନ୍ତେ, ପାର୍‌ମେଶ୍ୱାର୍ ଯେ ଆୟାଃ ସାଃ ରିୟାଃ ନେୟା ଉଦ୍‌ବେନାଙ୍ଗ୍ ସିର୍ମାରେୟାଃ ମିଆଁଦ୍ ଚିହ୍ନାକ ଆସିକିୟାଃ । ୧୭ ଯୀଶୁ ଇନ୍‌କୁଆଃ ମନ୍‌ରେୟାଃ ଉଡ଼ୁ ଆଟ୍‌କାର୍‌କେଦ୍‌ତେ

☆ ୧୧:୧୫ ୧୧:୧୫ ମାଥୁ ୯:୩୪; ୧୦:୨୫. ☆ ୧୧:୧୬ ୧୧:୧୬ ମାଥୁ ୧୨:୩୮; ୧୭:୧; ମାର୍କ ୮:୧୧.

ଇନକୁକେ ମେତାଦକଆ, “ଜେତା ରାଇଜ୍ ଆଇଃକ୍ତେଗି ବିନ୍‌ଗାଅକେଦ୍‌ତେ ଆକ ଆକଆଲାରେ ଲାଠ୍‌ଡାଲରେଦ ଏନ୍ ରାଇଜ୍ କା ତିଞ୍ଜୁନାଃ ।^{୧୮} ଆତଃ ସାଏତାନ୍, ସାଏତାନ୍‌ଗି ହିଗାଡ୍‌କେଦ୍‌ତେ ବିନ୍‌ଗାଅରେଦ, ଏନ୍ ରାଇଜ୍ ଚିଲ୍‌କାତେ ତିଞ୍ଜୁନାଃ ? ଆଇଞ୍ ନେଆଁ କାଜିୟାପେ ତାନାଇଞ୍ ଚିୟାଃତି ଆପେଦ ଇନିଃ ବାଲ୍‌ଜେବୁଲ୍‌ରାଃ ହରାତେ ବଜାକକେ ଅଡ଼ଞ୍‌କତାନାଏ ମେନ୍‌ତେପେ ମେନେତାନା ।^{୧୯} ଆତଃ ଆଇଞ୍ ବାଲ୍‌ଜେବୁଲ୍‌ଆଃ ପେଡେଃତେ ବଜାକଇଞ୍ ହାଡ଼ଅଡ଼ଞ୍‌କ ତାନରେଦ, ଆପେୟାଃ ହଡ଼କ ଅକଏୟାଃ ହରାତେକ ହାଡ଼ ଅଡ଼ଞ୍‌କତାନା ? ଏନା ନାଗେନ୍ତେ ଇନକୁଗି ଆପେୟାଃ ବିଚାରନିଃକ ହବାଅଆଃ ।^{୨୦} ମେନ୍‌ଦ ଆଇଞ୍ ପାର୍‌ମେଶ୍‌ୱାର୍‌ଆଃ ପେଡେଃତେ ବଜାକଇଞ୍ ହାଡ଼ଅଡ଼ଞ୍‌କ ତାନରେଦ ଏନାତେ ଆଡ଼କାରଃତାନା ପାର୍‌ମେଶ୍‌ୱାର୍‌ଆଃ ରାଇଜ୍ ଆପେତାଃତେ ତେବାଃକାନା ।

^{୨୧} “ପେଡେୟାନ୍‌ହଡ଼ ସବେନ୍ ହାଁତେୟାର୍ ସାବ୍‌କେଦ୍‌ତେ ଆୟାଃ ଅଡ଼ାଃରାଚାକେ ହରଏରେଦ ଆୟାଃ ମେନାଃତେୟାଃ ବୁଗିଲେକାତେ ତାଇନଃଆ ।^{୨୨} ମେନ୍‌ଦ ଚିମ୍‌ତା ଆୟାଃଏତେ ଆଦ୍‌କା ପେଡେୟାନ୍‌ ହଡ଼ ଇନିଃଲଃ ଲାଡ଼ାଇକେଦ୍‌ତେ ହାରାଅରେ, ଅକ ହାଁତେୟାର୍ ଚେତାନରେ ଆଇଃକ୍ ଭାର୍‌ସାକାଦ୍ ତାଇକେନାଏ, ଏନା ସବେନାଃଏ ରେଜିଆ ଆତଃ ରେଜାକାଦ୍‌ତେୟାଃ ହାଟିଞ୍‌ୟେଆଏ ।

^{୨୩} ✨“ଜେତାଏ ଆଇଁୟାଃଲଃ ବାଜାକନିଃ, ଆଇଁୟାଃ ବିରୁଧ୍‌ରେ ମେନାଇୟା ଆତଃ ଜେତାଏ ଆଇଁୟାଃଲଃ କାଏ ହୁଣ୍ଡିନିଃ ଛିତିବିତିୟାଆଏ ।

**ଏଡ଼କାନ୍ ଆମ୍‌ରାଃ ହିଜୁଃରୁହାଡ଼୍,
(ମାଥୁଉ ୧୨:୪୩-୪୫)**

^{୨୪} “ସଡ଼ରା ଆମ୍‌ ମିହୁଡ଼ତାଃଏତେ ଅଡ଼ଞ୍‌ୟାନ୍‌ରେ, ରହଡ଼୍‌ଠାୟାଦକରେ ହନରବାଡ଼ାକେଦ୍‌ତେ ରୁଡ଼ୁ ନାଗେନ୍ତେ ଦାଣ୍ଡାୟାଏ ଆତଃ କାଏ ନାମ୍‌ତାରେ, ଇନିଃ କାଜିୟାଏ, ‘ଆଇଞ୍ ଅକନ୍ ଅଡ଼ାଃଏତେ ଅଡ଼ଞ୍‌କାନ୍ ତାଇକେନାଇଞ୍, ଏନ୍ ଅଡ଼ାଃତେଗି ସେନ୍‌ରୁହାଡ଼ାଇଞ୍,’ ଆତଃ ଇନିଃ ଏନ୍ ଅଡ଼ାଃକେ ସାମାଅଡ଼ାଃ, ସାଫାକାନ୍ ଆତଃ ସୁଗାଡ଼ାନ୍‌ଗି ନେଲେୟା ।^{୨୫} ଆତଃ ହିଜୁଃରୁହାଡ଼କେଦ୍‌ତେ ଏନା ଜଅସାଫାକାନ୍ ଆତଃ ସିଜାମାକାନାଏ ନାମେୟା ।^{୨୬} ଏନ୍ତେ ଇନିଃ ସେନ୍‌କେଦ୍‌ତେ ଆୟାଃତାଃଏତେ ଆଦ୍‌କା ଏଡ଼କାନ୍ ସାଡ଼ୁ ଆମ୍‌କକେ ମିଦ୍‌ତେ ଆଉକଆ, ଆତଃ ଇନକୁ ଏନାରେକ ବଲଆ ଆତଃକ ତାଇନଃଆ । ଆତଃ ଏନ୍ ହଡ଼ରାଃ ଦାସା ପାହିଲାଏତେ ଚୁଣ୍ଡୁ ଦୁସା ପୁରାଃଗି ଏଡ଼କାନ୍ ହବାଅଆଃ ।”

ସାର୍‌ତି ରାସ୍‌କା

^{୨୭} ୟୀଶୁ ନେଆଁ କାଜିତାନ୍ ଇମ୍‌ତା ଗାଦେଲ୍‌ହଡ଼କରେନ୍ ମିଆଁଦ୍ କୁଡ଼ି କାଉରିତାନ୍‌ଲଃ କାଜିକେଦାଏ, “ଆମ୍‌କେ ଜାନାମାକାମ୍ ଆତଃ ତଆ ଆନୁକାମ୍ ଏଜା ଚିମିନ୍ ସୁକୁତାନ୍‌ଗିୟାଃଏ !”

^{୨୮} ମେନ୍‌ଦ ୟୀଶୁ ମେନ୍‌ରୁହାଡ଼ାଇୟାଏ, “ପାର୍‌ମେଶ୍‌ୱାର୍‌ଆଃ କାଜି ଆୟୁମ୍‌ତାନ୍ ଆତଃ ମାନାତିଞ୍‌ତାନ୍‌କହଗି ଚିମିନ୍ ସୁକୁତାନ୍‌ଗିଆଃକ !”

**ପେଡେୟାନ୍‌କାମି ନାଗେନ୍ତେ ହାଟି ଦାବି
(ମାଥୁଉ ୧୨:୩୮-୪୨)**

^{୨୯} ✨ଗାଦେଲ୍ ହଡ଼କ ୟୀଶୁତାଃରେ ହୁଣ୍ଡିନ୍ ତାଇକେନ୍‌ରେ ଇନିଃ କାଜିଏଟେଦ୍‌କେଦାଏ, ନେ ପାରିୟାରେନ୍ ହଡ଼କ ଚିମିନ୍ ଏଡ଼କାନ୍‌ଗିୟାଃକ, ଇନକୁ ଚିହ୍ନାକ ନାମ୍‌ତାନା ମେନ୍‌ଦ ୟୁନ୍‌ସ୍ ନାବୀୟାଃ ଚିହ୍ନା ବାଗିକେଦ୍‌ତେ ଇନକୁନାଇଞ୍ ଜେତାନ୍ ଚିହ୍ନା କା ଉଦ୍‌ବସଆ ।^{୩୦} ନିନିବିରେନ୍‌କ ନାଗେନ୍ତେ ୟୁନ୍‌ସ୍‌ଦ ଚିହ୍ନାଏ ତାଇକେନାଏ, ଏନ୍‌ଲେକାଗି ମାନଝାହନ୍ ନେ ପାରିୟାରେନ୍ ହଡ଼କ ନାଗେନ୍ତେ ଏନ୍‌କାଅଆଏ ।^{୩୧} ଦାକ୍ଷିଣ୍ ଦିଶ୍‌ମ୍‌ରେନ୍ ରାନୀ ନେ ଦିପିଲିରେନ୍ ହଡ଼କଲଃ ବିଚାରହୁଲାଇଞ୍‌ରେ ବିରିଦାଃଏ ଆତଃ ଇନକୁକେ ଚିଟାକଆ, ଚିୟାଃତି ଇନିଃ ସୁଲିମାନ୍‌ଆଃ ସେଣ୍‌ନି କାଜି ଆୟୁମ୍ ନାଗେନ୍ତେ ଆୟାଃ ଅତେଦିଶ୍‌ମ୍‌ରେୟାଃ ଚୁଣ୍ଡୁଏତେ ହିଜୁଃକାନ୍ ତାଇକେନା ଆତଃ ନେଲିପେ ରାଜା ସୁଲିମାନ୍‌ଏତେ ମାରାଜ୍‌ନିଃ ନେତାଃରିୟା ।^{୩୨} ନିନିବିରେ ୟୁନ୍‌ସ୍ ନାବୀ ପ୍ରାଚାରକେଦ୍ ଇମ୍‌ତା ପାତିୟାରକେଦ୍ ହଡ଼କ ତିଞ୍ଜୁକେଦ୍‌ତେ ନେ ଦିପିଲିରେନ୍ ହଡ଼କଲଃ ପାର୍‌ମେଶ୍‌ୱାର୍ ବିଚାର ହୁଲାଇଞ୍‌ରେ ଇନକୁକେକ ଚିଟାକଆ, ଚିୟାଃତି ଇନକୁ ୟୁନ୍‌ସ୍ ପାର୍‌ଚାରକେଦ୍ ଇମ୍‌ତା ମନ୍‌ରୁହାଡ଼କେଦାକ, ଆତଃ ନାହ୍‌ଆଃ ଆଇଞ୍ କାଜିପେତାନାଇଞ୍, ୟୁନ୍‌ସ୍‌ଏତେ ମାରାଜ୍‌ନିଃ ନେତାଃରେ ମେନାଇୟା ।

**ହଡ଼ମ୍‌ରେୟାଃ ଦିମି
(ମାଥୁଉ ୫:୧୫; ୭:୨୨-୨୩)**

^{୩୩} ✨“ଜେତାଏ ହଡ଼ ଦିମି ଜୁଲ୍‌କେଦ୍‌ତେ ଦାନାଇଞ୍‌ରେ ଚାଏ ତାଝାଲାତାରରେ କାଏ ମାଣ୍ଡାୟା ମେନ୍‌ଦ ବଲତାନ୍‌କ ମାର୍‌ସାଲ୍‌କ ନେଲେକା ମେନ୍ତେ ଦିକ୍‌ରେ ଦହୟା ।^{୩୪} ଆପେୟାଃ ମେଦ୍‌ଦ ହଡ଼ମ୍‌ରେୟାଃ

☆ ୧୧:୨୩ ୧୧:୨୩ ମାର୍କ ୯:୪୦. ☆ ୧୧:୨୯ ୧୧:୨୯ ମାଥୁଉ ୧୭:୪; ମାର୍କ ୮:୧୨. ☆ ୧୧:୩୩ ୧୧:୩୩ ମାଥୁଉ ୫:୧୫; ମାର୍କ ୪:୨୧; ଲୁକ ୮:୧୭.

ଦିନି ତାନାଃ, ଆପେୟାଃ ମେଦ୍ ନିରାଲ୍ ମେନାଃରେଦ୍ ଗଟା ହଡ଼ମ୍‌ତାପେୟାଃ ମାର୍ସାଲ୍‌ଆ, ମେନ୍‌ଦ୍ ଏନା ଏଡ଼କାନ୍‌ନଃରେ ଗଟା ହଡ଼ମ୍‌ ତାପେୟାଃ ନୁବାଗଃଆ । ୩୫ ଏନାମେନ୍ତେ ଆମ୍‌ରେୟାଃ ମାର୍ସାଲ୍ ଆଲକା ନୁବାଗଃକା ମେନ୍ତେ ଚିର୍ଗାଲ୍‌କାନ୍‌ମେ । ୩୬ ଆମାଃ ଗଟା ହଡ଼ମ୍ ମାର୍ସାଲ୍‌କାନ୍‌ରେଦ୍ ଆତଃ ଏନାରେୟାଃ ଜେତାଏ ହାନାଟିଙ୍ଗ୍ କା ନୁବାଃରେଦ୍ ଦିନି ଏନାରେୟାଃ ଜୁନୁଲ୍‌ତେ ମାର୍ସାଲ୍‌ମେତାନ୍ ଲେକାଗି ଏନା ଗଟା ମାର୍ସାଲ୍‌ଆ ।”

ୟାଶୁ ଫାରୁଶୀ ଆତଃ ଆଇନ୍‌ଇତୁକକେ ଚେତାଅକତାନାଏ
(ମାଥୂଉ ୨୩:୧-୩୬; ମାର୍କ ୧୨:୩୮-୪୦)

୩୭ ଯାଶୁ କାଜିତାବାକେଦ୍‌ତି, ମିଆଁଦ୍ ଫାରୁଶୀ ଆମ୍ ଆଇଁୟାଃ ଅଡ଼ାଃରେ ଜମଆଉକେମେଁ ମେନ୍ତେ ବିକ୍ରିକିୟା; ଆତଃ ଇନିଃ ବଲୟାନ୍‌ଲଃ ଜମ୍ ନାଙ୍ଗ୍ ଦୁବ୍‌ୟାନାଏ । ୩୮ ମେନ୍‌ଦ୍ ଇନିଃ କାଟା ତିଃଇ କାଏ ଆରୁଙ୍ଗ୍‌କେଦ୍‌ତେ ଜମ୍‌ତାନ୍ ନେଲ୍‌କେଦ୍‌ତେ ଏନ୍ ଫାରୁଶୀ ହାଏକାଟ୍‌ୟାନାଏ । ୩୯ ଏନ୍ତେ ପ୍ରାଭୁ ଇନିଃକେ କାଜିକିୟାଏ, “ହେଗି, ଆପେ ଫାରୁଶୀକ ତୁବ୍‌ନି ଆତଃ ଆଡ଼ିରାଃ ବାହାରିକପେ ଗାସାର୍ ଆରୁଙ୍ଗ୍ ତାନା, ମେନ୍‌ଦ୍ ଆପେୟାଃ ମନ୍ ଏଡ଼କାନାଃତେ ପେରେଜାକାନା । ୪୦ ଏ ଡ଼ଣ୍ଡକ, ବାହାରି ବାବାଇନି ଚିୟାଃ ଇନିଃ ଭିତାର୍‌ହ କାଏ ବାଇୟାକାଦାଃ ? ୪୧ ମେନ୍‌ଦ୍ ଆପେ ଲଡ଼କେଦ୍‌ତେ ଅକ୍‌ନାଃ କାମିକାଦାପେ ଏନା ଗାରିବ୍‌କକେ ଏମାକପେ ଏନାରେ ଆପେ ସାର୍‌ତିଗି ସବେନାଃତେପେ ଫାର୍‌ତିଅଃଆ ।

୪୨ “ଏ ଫାରୁଶୀକ ଆପେୟାଃ ସାଜାଇ ପୁରାଃ ବରଞ୍ଜାନ୍‌ଗି ହବାଅଆଃ, ଆପେ ପୁଦ୍‌ନା, ଆତଃ କିଲିମିଲି* ଆଡ଼ାଃସାକାମ୍‌ରେୟାଃ ଗେଲ୍ ହାନାଟିଙ୍ଗ୍‌ପେ ଏମ୍‌ତାନା ମେନ୍‌ଦ୍ ନ୍ୟାୟ ବିଚାର୍ ଆତଃ ପାର୍‌ମେଶ୍ୱାର୍‌ଆଃ ଦୁଲାଡ଼୍‌ପେ ହେଡ଼ା†ଏତାନା । ଏନ୍‌ଲେକା ରିକା କା ଲାଗାଡ଼ିଙ୍ଗ୍‌ୟାଃ, ମେନ୍‌ଦ୍ ଏନ୍ ସବେନାଃକେ ମାନାଡ଼ିଙ୍ଗ୍ ତାନ୍‌ଲଃ ନ୍ୟାୟ ବିଚାର୍ ଆତଃ ପାର୍‌ମେଶ୍ୱାର୍‌ଆଃ ଦୁଲାଡ଼୍‌କେ ଆଲପେ ହେଡ଼ାଏୟା ।

୪୩ “ଆପେ ଫାରୁଶୀକ ହାୟ ହାୟ, ଚିୟାଃତି ଆପେ ସାମାଜ୍ ଅଡ଼ାଃରାଃ ଆୟାର୍‌ରେ ଦୁବ୍‌ନାଙ୍ଗ୍ ଆତଃ ପିଟ୍ ପିଡ଼ିକରେ ଜହାର୍‌ତେଲ୍‌ ନାଙ୍ଗ୍‌ପେ ସୁକୁଃଆ । ୪୪ ଆପେୟାଃ ସାଜାଇ ପୁରାଃ ବରଞ୍ଜାନ୍‌ଗି ହବାଅଆଃ, ଚିୟାଃତି ଆପେ ଉକୁଆକାନ୍ ତପାଗାଡ଼ାଲେକାଃପେ, କା ସାରିତାନ୍‌ଲଃ ଏନା ଚେତାନ୍‌ରେ ହଡ଼କ ସେନେୟା ।”

୪୫ ଏନ୍ତେ ଆଇନ୍ ଇତୁକଏତେ ମିଆଁଦ୍‌ନିଃ କାଜିରୁହାଡ଼୍‌କିୟାଏ, “ହେ ଗୁରୁ ନେ କାଜିତେ ଆଲେକେ ଆମ୍ ହିନିସ୍ତାଲେତାନାମ୍ ।”

୪୬ ଯାଶୁ କାଜିକିୟାଏ, “ଏ ଆଇନ୍ ଇତୁକ ଆପେୟା ହାୟ ହାୟ, ଚିୟାଃତି ଆପେ ପୁରାଃହାମ୍‌ଲ୍ ବାହାରମ୍ ହଡ଼କକେ ଲାଦିକାଦ୍‌କଆପେ, ମେନ୍‌ଦ୍ ଆପେ ଏନ୍ ବାହାରମ୍ ଆପେୟାଃ ମିଆଁଦ୍ ସାର୍‌ସାର୍‌ତେହ୍ କୁଟିଦ୍‌କେଦ୍‌ତେ କାପେ ଦେଙ୍ଗାତାନା । ୪୭ ଆପେୟାଃ ସାଜାଇ ପୁରାଃ ବରଞ୍ଜାନ୍‌ଗି ହବାଅଆଃ, ଆପେ ନାବୀକଆଃ ନାଙ୍ଗ୍ ବୁଗିନ୍ ତପାଗାଡ଼ାପେ ବାଇୟାକାଦା । ଏନ୍ ନାବୀକକେ ଆପେୟାଃ ହାଡ଼ାମ୍‌ହଡ଼କ ଗଜାକାଦ୍‌କଆକ । ୪୮ ନାହାଁଃ ଆପେ ଆପେୟାଃ ହାଡ଼ାମ୍‌ହଡ଼କଆଃ କାମିରେୟାଃ ଗାଞ୍ଜାପେ ପେରେଜେତାନା; ଆତଃ ଏନାତେପେ ସୁକୁଃତାନା, ଇନ୍‌କୁଦ୍ ନାବୀକକେ ଗଏଃକେଦ୍‌କଆକ ଆତଃ ଆପେ ଇନ୍‌କୁଆଃ ତପାଗାଡ଼ାପେ ବାଇକେଦାଃ । ୪୯ ଏନାମେନ୍ତେ ପାର୍‌ମେଶ୍ୱାର୍ ଆୟାଃ ସେଣ୍‌ତେ କାଜିୟାକାଦାଏ, ଆଇଙ୍ଗ୍ ଆପେତାଃତେ ନାବୀକ ଆତଃ ପ୍ରେରିଡ଼କକେ କୁଲ୍‌କୁଆଇଙ୍ଗ୍, ଇନ୍‌କୁଏତେ ଚିମିନ୍‌କକେ ଗଏଃକଆକ ଆତଃ ଏଟାଃକକେ ସାତାଅକଆକ । ୫୦ ଏନାମେନ୍ତେ ଅତେଦିଶ୍ୱମ୍‌ରାଃ ମୁନୁଏତେ ସବେନ୍ ନାବୀକଆଃ ଲିଙ୍ଗିୟାନ୍ ମାୟୋମ୍‌ରେୟାଃ ଲେକା ନେ ପାରିୟାରେନ୍‌କଏତେ ଇଦିୟାଆ, ୫୧ ହେଗି, ହାବିଲ୍‌ଆଃ ମାୟୋମ୍‌ଏତେ ବେଦି ଆତଃ ମାହିର୍‌ରେୟାଃ ପାବିତାର୍ ଠାୟାଦ୍ ଆଲାରେ ଗଏଃୟାନ୍ ଜିଖ୍‌ରିୟା ମାୟୋମ୍ ଜାକେଦ୍, ସାର୍‌ତିଗିଙ୍ଗ୍ କାଜିୟାପେତାନା, ଏନାରେୟାଃ ଲେକା ନେ ପାରିୟାରେନ୍‌କଏତେ ଇଦିୟାଆ ।

୫୨ “ଏ ହସଡ଼ ଆଇନ୍ ଇତୁକ, ଆପେୟାଃ ସାଜାଇ ପୁରାଃ ବରଞ୍ଜାନ୍‌ଗି ହବାଅଆଃ, ଚିୟାଃତି ଆପେ ସେଣ୍‌ତେୟାଃ ଚାଞ୍ଜି‡ପେ ଇଦିକେଦାଃ ଆତଃ ଆପେୟାଗି କାପେ ବଲଆକାନା ଚି ବଲତାନ୍‌କକେ ହ କେସେଦାକାଦ୍‌କଆପେ ।”

୫୩ ଆତଃ ଇନିଃ ଏନ୍ତାଃଏତେ ଅଡ଼ଙ୍ଗ୍‌ୟାନ୍ ଇମ୍‌ତା, ଆଇନ୍ ଇତୁକ ଆତଃ ଫାରୁଶୀକ ପୁରାଃଗି ବିରୁଧ୍‌କିୟାଃକ ଆତଃ ପୁରାଃ କାଜିକ ଇନିଃକେ କୁଲିଗରଙ୍ଗ୍‌କିୟାଃ । ୫୪ ଆତଃ ଇନ୍‌କୁ ଇନିୟାଃ ମତାରେୟାଃ ଜେତାନ୍ ଭୁଲ୍‌କାଜିତେ ସାବିନାଙ୍ଗ୍ ଲଡ଼ଇତାନ୍‌କ ତାଇକେନା ।

* ୧୧:୪୨ ୧୧:୪୨ ସବେନ୍ କିସିମ୍‌ରାଃ ଆଡ଼ାଃ † ୧୧:୪୨ 11:42 ଅବହେଲା ‡ ୧୧:୫୨ ୧୧:୫୨ କୁଚି

୧୨

ହସତ୍ ହତ୍ କତାଃଏତେ ଚିର୍ଗାଲାନାନ୍‌ପେ
(ମାଥୱ ୧୦:୨୭-୨୭)

୧ *ଏନ୍ତେ ପୁରାଃ ହାଜାର୍ ଗାଦେଲ୍ ହତ୍‌କ ହୁଣ୍ଡିୟାନା, ଆତଃ ଆକ ଆକଗି ଇପ୍‌ଲିଙ୍‌ଅଃତାନ୍‌କ ତାଇକେନା, ଇମ୍‌ତାଙ୍ ଯୀଶୁ ଆୟାଃ ଚେଲକକେ ପାହିଲା କାଜିୟାଦ୍‌କଆଏ, ଫାରୁଣୀକଆଃ ସାବାଃ ହଲଙ୍ ଲେକାନ୍ ହସତ୍ ବିଷାଏହେତେ ଚିର୍ଗାଲାନାନ୍ ତାଇନ୍‌ପେ । ୨ *ସବେନ୍ ଉକ୍‌ଆକାନ୍‌ତେୟାଃ ନେଲଆଃ ଆତଃ ସବେନ୍ ଦାନାଙ୍‌ଆଁକାନ୍ ତେୟାଃଦ ସାରିୟାଃଆ । ୩ ଆପେ ନୁବାଃରେ କାଜିକାଦ୍‌ତେୟାଃ ମାର୍ସାଲ୍‌ରେ ଆୟୁମଃଆ ଆତଃ ଆପେ ଭିତାର୍ ବାଖିରେ ଉକ୍‌କେଦ୍‌ତେ କାଜିକାଦ୍‌ତେୟାଃ, ସାଡ଼୍‌ମି ତେତାନ୍‌ଏତେ ଉଦୁବଃଆ ।

ଅକଏକେ ବର ଲାଗାତିଙ୍‌ୟାଃ
(ମାଥୱ ୧୦:୨୮-୩୧)

୪ “ଏ ଆଇଁୟାଃ ଗାତିକ, ଆଇଙ୍ କାଜିୟାପେ ତାନାଇଙ୍, ହତ୍‌ମ ଗଗଏଃକକେ, ଆତଃ ତାୟମତେ ଜେତ୍‌ନାଃ କା ରିକା ଦାଡ଼ିକକେ ଆଲ୍‌ପେ ବରଆକଆ । ୫ ମେନ୍‌ଦ ଆପେ ବରଆଇ ଲାଗାତିଙ୍‌ନିଃକେ ଆଇଙ୍ ଉଦୁବାପେୟା, ଗଏଃକି ତାୟମତେ ନାରାକରେ ହୁରାଙ୍‌ଏଣ୍ଡାରେୟାଃ ପେଡ଼େଃତାଇନ୍‌ନିଃ ପାରମେଶ୍‌ବରକେ ବରଆଇପେ; ହାଁ, ଆଇଙ୍ ଆପେକେ ସାର୍‌ତିଗିଙ୍ କାଜିୟାପେତାନା, ଇନିଃକେଗି ବରଆଇପେ ।

୬ “ତିୟାଃ ମଣେୟାଁ ଗେରଞ୍‌ଜାକ ବାରିଆ ସିକାତେ* କାକ ଆଖିରଙ୍‌ୟାଃ ? ଆତଃ ଏନ୍‌ରେୟ ପାରମେଶ୍‌ବର ଇନ୍‌କ୍‌ଏତେ ମିଆଁଦ୍‌ନିଃକେହଁ କାଏ ରିଡ଼ିଙ୍‌ଇତାନା । ୭ ହେଗି, ଆପେୟାଃ ବହଃରାଃ ସବେନ୍ ଉବ୍‌ହ ଲେକାକାନା । ଆଲ୍‌ପେ ବରଏୟା, ଆପେ ପୁରାଃ ଗେରଞ୍‌ଜାକଏତେ ପୁରାଃଗି ଗନଙ୍‌ଆଃପେ ।

ଶ୍ରୀଷ୍ଟକେ ସାରିନିଃ ଆତଃ କା ସାରିନିଃ
(ମାଥୱ ୧୦:୩୨-୩୩; ୧୨:୩୨; ୧୦:୧୯-୨୦)

୮ “ଆଇଙ୍ କାଜିୟାପେ ତାନାଇଙ୍, ହତ୍‌କଆଃ ଆୟାର୍‌ରେ ଜେତାଏ ଆଇଙ୍‌କେ ସାରିୟାଃଇଙ୍ ମେନ୍ତେ କାଜିରେଦ ମାନଞ୍‌ହନ୍ ପାରମେଶ୍‌ବରଆଃ ଦୁଡ଼କଆଃ ଆୟାର୍‌ରେ ଇନିଃକେ ସାରିୟାଃଇଙ୍ ମେନ୍ତେ କାଜିୟା । ୯ ମେନ୍‌ଦ ହତ୍‌କଆଃ ଆୟାର୍‌ରେ ଆଇଙ୍‌କେ କାଇଙ୍ ସାରିୟାଃ ମେନ୍ତେ କାଜିନିଃକେ ମାନଞ୍‌ହନ୍‌ହ ପାରମେଶ୍‌ବରଆଃ ଦୁଡ଼କଆଃ ଆୟାର୍‌ରେ ଇନିଃକେ କାଇଙ୍ ସାରିୟାଃ ମେନ୍ତେ କାଜିୟା ।

୧୦ *ଆତଃ ମାନଞ୍‌ହନ୍‌ଆଃ ବିରୁଧ୍‌ରେ ଜେତାଏ କାଜିରେଦ ଇନିଃକେ ଛାମା ଏମଃଆ, ମେନ୍‌ଦ ପାବିତାର୍ ଆମ୍‌ରାଃ ବିରୁଧ୍‌ରେ ନିନ୍‌ଦା କାଜିକ କାଜିନିଃକେ ଛାମା କା ଏମଃଆ ।

୧୧ *ଆତଃ ଇନ୍‌କ୍ ଆପେକେ ସାମାଜ୍ ଅଡ଼ାଃତେ, ଲାଟ୍‌ସାହାଦ୍‌କତାଃ ଆତଃ ଆକ୍‌ତେୟାର୍ ନାମାକାଦ୍ ହାକିମ୍‌କଆଃ ସାମ୍‌ନାଙ୍‌ତେକ ଆଉପେରେ, ଆପେ ଚିଲ୍‌କା ଆତଃ ଚିକ୍‌ନାଃପେ କାଜିରୁହାଡ଼େୟା ଆତଃ ଚିକ୍‌ନାଃପେ କାଜିୟାଃ ମେନ୍ତେ ଆଲ୍‌ପେ ପାହାମେୟା । ୧୨ ପାବିତାର୍ ଆମ୍‌ ଆପେକେ କାଜି ଲାଗାତିଙ୍‌ତେୟାଃ ଏନ୍ ଦିପିଲିରେଗି ଇଡୁପେୟା ।”

ଡ଼ଣ୍ଡ କିସାଁଶ୍ ହତ୍‌ଆଃ ଜନ୍‌କା କାଜି

୧୩ ଗାଦେଲ୍ ହତ୍‌କଏତେ ଜେତାଏ ହତ୍ କାଜିକିୟାଏ, “ହେ ଗୁରୁ, ଆଇଁୟାଃ ହାଗାଇଙ୍‌କେ ଆପୁଏତେ ନାମାକାଦ୍ ଖୁଜ୍ କେ ଆଇଁୟାଃଲଃ ହାଟିଙ୍‌ୟେମେ ମେନ୍ତେ କାଜିୟାଇମେ ।”

୧୪ ଯୀଶୁ କାଜିରୁହାଡ଼କିୟାଏ, “ଏ ଗାତି, ଆବେନାଃ ବିଚାର୍‌ନିଃ ତାଏ ହାଟିଙ୍‌ଏନିଃ ମେନ୍ତେ ଅକଏ ଆଇଙ୍‌କେ ସାଲାକାଦିଙ୍‌ଆଏ ?” ୧୫ ଆତଃ ଇନିଃ କାଜିୟାଦ୍‌କଆଏ, “ନେଲେପେ, ସବେନ୍ ହାୟାହେତେ ଆତମାକାନ୍‌ପେ; ଜେତାଏୟାଃ ମେନାଃତେୟାଃ ପୁରାଃଗିରେୟ ଏନାରେ ଇନିୟାଃ ଜୀଦାନ୍ ବାନଆଃ ।”

୧୬ ଆତଃ ଇନିଃ ଇନ୍‌କ୍‌କେ ମିଆଁଦ୍ ଜନ୍‌କା କାଜି ଉଦୁବାଦ୍‌କଆଏ, “ଜେତାଏ ମିଆଁଦ୍ କିସାଁଶ୍ ହତ୍‌ଆଃ ଲୟଙ୍‌ରେ ପୁରାଃ ଜ ଯାନା । ୧୭ ଇନିଃ ମନ୍‌ରେ ଉଡ଼୍‌କେଦାଏ, ଚିନାଃଇଙ୍ ଚିକାୟା ? ଆଇଁୟାଃ ଜ ଦହତେ ଠାୟାଦ୍ ବାନଆଃ । ୧୮ ଏନ୍ତେ ଇନିଃ ମେନ୍‌କେଦାଏ, ଆଇଙ୍ ନେକାୟା, ଆଇଁୟାଃ ଭାଣ୍ଡାର୍ ଅଡ଼ାଃ ଉଡ଼୍‌କେଦ୍‌ତେ ଆଦ୍‌କା ମାପରାଙ୍‌ଇଙ୍ ବାଲୟାଃ, ଆତଃ ଏନ୍ତାଃରେ ଆଇଁୟାଃ ସବେନ୍ ଜ ଆତଃ ବୁଗିନ୍‌ତେୟାଃକଇଙ୍ ଦହୟା । ୧୯ ଆତଃ ଆଇଙ୍ ଜୀଉତାଇୟାଃକେଇଙ୍ କାଜିୟା, ଏ ଜୀଉ, ଆମାଃତାଃରେ ପୁରାଃ ସିମା ନାଗେନ୍ତେ ପୁରାଃ ବୁଗିନ୍‌ତେୟାଃ ଦହଆକାନା, ରୁଡ଼ନୁମେ, ଜମ୍ ନୁଁଏମେ ଆତଃ ସୁକ୍‌ତେ ତାଇନଃମେ । ୨୦ ମେନ୍‌ଦ ପାରମେଶ୍‌ବର ଇନିଃକେ କାଜିକିୟାଏ, ଆମ୍ ଡ଼ଣ୍ଡ, ନେ ନିଦାରେ ଆମାଃ

* ୧୨:୧ ୧୨:୧ ମାଥୱ ୧୨:୨; ମାର୍କ ୮:୧୫. * ୧୨:୨ ୧୨:୨ ମାର୍କ ୪:୨୨; ଲୁକ ୮:୧୭. * ୧୨:୩ ୧୨:୩ ସବେନାଃଏତେ ସାସ୍ତା ଗନଙ୍ * ୧୨:୧୦ ୧୨:୧୦ ମାଥୱ ୧୨:୩୨; ମାର୍କ ୩:୨୯. * ୧୨:୧୧ ୧୨:୧୧ ମାଥୱ ୧୦:୧୯,୨୦; ମାର୍କ ୧୩:୧୧; ଲୁକ ୨୧:୧୪,୧୫.

ଜୀଉ ଆମାଃତାଃଏତେ ଇଦିୟଃଆ, ତାବ୍ଦ ଆମ୍ ଆମାଃ ନାଈ ସବେନ୍ ହୁଣ୍ଡିଆକାଦ୍ତେୟାଃ ଅକଏୟାଃ ହବାଅଞ୍ଜା ।”

୨୧ ଅକଏ ଆୟାଃ ନାଗେନ୍ତେ ଖୁଜ୍ ହୁଣ୍ଡିନିଃ ମେନ୍ଦ ପାର୍ମେଶ୍ଵାର୍ ନାଈ କାଏ କିସାଁଣାଃ, ଇନିଃନାଈ ନେ ଲେକାଗି ହବାଅଞ୍ଜା ।

ପାର୍ମେଶ୍ଵାର୍ତାଃରେ ଆସ୍ତ୍ରାଏପେ
(ମାଥୁଉ ୬:୨୫-୩୪)

୨୨ ଆତଃ ଯୀଶୁ ଆୟାଃ ଚେଲକକେ କାଜିୟାଦକଆଏ, “ଏନାମେନ୍ତେ ଆଇଈ ଆପେକେ କାଜିପେତାନାଇଈ, ଜାନିଦ୍ ତାଇନଃ ନାଗେନ୍ତେ ଚିକ୍ନାଃରୁ ଜମାଃ ଆତଃ ଚିକ୍ନାଃରୁ ନୁଁଏୟା, ଚାଏ ହଡ଼ମରେ ଚିକ୍ନାଃରୁ ତୁସିଈୟେନା ମେନ୍ତେ ଆପେୟାଃ ଜୀଉରେ ଆଲ୍ପେ ଉଡ଼ୁୟା । ୨୩ ଜମେୟାଃଏତେ ଜୀଉ ଆତଃ ଲିକାଃଏତେ ହଡ଼ମ ମାରାଈଆଃ । ୨୪ କାଉଞ୍ଜା ଚେଣ୍ଡେକକେ ନେଲ୍ଲକପେ, ଇନ୍କୁ କାକ ହେରେୟା ଆତଃ କାକ ଇରେୟା, ଆତଃ ଇନ୍କୁଆଃ ଭାଣ୍ଡାର୍ ଅଡ଼ାଃ ଚାଏ ଗୋଦାମ୍ ଅଡ଼ାଃ ବାନଃରେୟା, ପାର୍ମେଶ୍ଵାର୍ ଇନ୍କୁକେ ଆସୁଲ୍ଲକତାନାଏ । ଆପେ ଚେଣ୍ଡେକଏତେ ଚିମିନ୍ ଆଦକାଗିପେ ମାରାଈଆଃ ! ୨୫ ଆପେକଏତେ ଅକଏ ଉଡ଼ୁକେଦତେ ଆୟାଃ ଜୀଉକେ ମିଦ୍ ଘାଡ଼ି ପସାଦାଡ଼ିୟାଏ । ୨୬ ଏନ୍ତେ ଆପେ ହୁଡ଼ିଈଡ଼ାତାତେୟାଃକେହ କାପେ କାମିଦାଡ଼ିରେଦ ଚିକ୍ନାଃ ମେନ୍ତେ ବାକିକାଜି ନାଗେନ୍ତେପେ ପାହାମ୍ତାନା । ୨୭ ବାହାକକେ ନେଲେପେ, ଇନ୍କୁ କାକ କାମିୟାଃ ଚି କାକ ତୁକୁଇତାନା,† ହଲେହ୍ ଆଇଈ ଆପେକେ କାଜିୟାପେ ତାନାଇଈ, ସୁଲିମାନ୍ହ୍ ଆୟାଃ ସବେନ୍ ସୁଗାଡ଼ାନ୍ତେୟାଃଏତେ ନେ ମିଆଁଦକ ଲେକା କାଏ ସିଙ୍ଗାଚାନାନ୍ ତାଇକେନା । ୨୮ ଏନ୍ତେ ପାର୍ମେଶ୍ଵାର୍ ତିସିଈ ମେନାଃ ଆତଃ ଗାପା ରୁଲ୍ଲାରେ ହାଁଶବଃତାନ୍ ଅତେରାଃ ତାସାଦକେ ନେ ଲେକାଏ ସିଙ୍ଗାରେରେଦ, ଏ ହୁଡ଼ିଈ ବିଶ୍ଵାସ୍ତାନକ, ଚିୟାଃ ଇନିଃ ନେଆଁଏତେ ଆଦକା ଆପେକେ କାଏ ତୁସିଈପେୟା ?

୨୯ “ଆତଃ ଚିକ୍ନାଃରୁ ଜମେୟାଁ ଆତଃ ଚିକ୍ନାଃରୁ ନୁଁଏୟା ମେନ୍ତେ ମନ୍ରେ ଆଲ୍ପେ ନାମ୍ବାଡ଼ାୟା ଆତଃ ଆଲ୍ପେ ଉଡ଼ୁଗୟା । ୩୦ ନେ ଅତେଦିଶୁମ୍ରେନ୍ ସାଅଁସାର୍ ହଡ଼କ ନେ ସବେନାଃ ଦାଣାଁବାଡ଼ାଃକ, ଆତଃ ନେ ସବେନାଃ ଆପେୟାଃ ଲାଗାତିଈୟାଃ, ଏନା ଆପେୟାଃ ସିମ୍ପାରେନ୍ ଆପୁ ସାରିୟାଏ । ୩୧ ମେନ୍ଦ ପାର୍ମେଶ୍ଵାର୍ତାଃ ରାଇଜ୍ ଦାଣାଁଏପେ ଆତଃ ନେ ସବେନାଃହ ଆପେକେ ଏମଃଆ ।

ସିମ୍ପାରେ ଖୁଜ୍
(ମାଥୁଉ ୬:୧୯-୨୧)

୩୨ “ଏ ହୁଡ଼ିଈ ଗୋଟକ ଆଲ୍ପେ ବରଏୟା ଆପେୟାଃ ଆପୁଦ ଆପେକେ ଆୟାଃ ରାଇଜ୍ ଏମଃନାଈ ସୁକୁଆକାନାଏ । ୩୩ ଆପେୟାଃ ମେନାଃତେୟାଃ ଆଖ୍ରିଈ କେଦତେ କଏକକେ ଏମାକପେ, କା ମାଇଲ୍ଲାଅଃ ପାଏସାମ୍ନା ଆପେନାଈ ବାଇୟେପେ, କା ଖାରାପଃ ଖୁଜ୍ ସିମ୍ପାରେ ଦହଏପେ, ଏନ୍ତାରେ କୁମ୍ପୁତୁ କାଏ ତେବଃଏୟା ଆତଃ ନିଦିର୍ କାଏ ଜମେୟାଁ । ୩୪ ଚିୟାଃତି ଆପେୟାଃ ଖୁଜ୍ ତାଇନଃତାଃରେଗି ଆପେୟାଃ ମନ୍ ତାଇନାଃ ।

ଚିଗାଲ୍ଲକାନ୍ ଦାସିକ

୩୫ ✨“ଆପେୟାଃ ମାୟାଈ ପାଟେକେଦତେ କାମିନାଈ ସେକାଡ଼ାକାନ୍ପେ ଆତଃ ଆପେୟାଃ ଦିମି ଜୁଲ୍ଲକାନ୍ ତାଇୟଃକା । ୩୬ ✨ଆତଃ ଏନ୍ ହଡ଼କଲେକାଅଃପେ, ଇନ୍କୁ ଆବୁଆଃ ଗମ୍କେ ଆଶ୍ଦିଏତେ ଚିଭଲ୍ଲାଏ ରୁହାଡ଼ାଃ ଆତଃ ଇନିଃ ହିଜୁଃକେଦତେ ଠକ୍ ଠକାଏରେଦ ଇନିଃ ନାଗେନ୍ତେ ଇମ୍ତା ଦୁଆର୍ବୁ ନିଜେୟା ମେନ୍ତେକ ନେଲ୍ଲହରାଇତାନା । ୩୭ ଅକନ୍ ଦାସିକକେ ଆକଆଃ ଗମ୍କେ ଏୟନାକାନ୍ ଆତଃ ସେକାଡ଼ାକାନ୍ ହିଜୁଃନାମ୍କରେ ଏନ୍ ଦାସିକ ଚିମିନ୍ ସୁକୁତାନ୍ଗିୟାକ, ଆଇଈ ସାର୍ତିଗି କାଜିୟାପେ ତାନାଇଈ, ଇନିଃ ମାୟାଈ ପାଟେକେଦତେ ଇନ୍କୁଲଃ ଜଜମ୍ ନାଗେନ୍ତେ ଦୁବ୍କଆଏ ଆତଃ ହିଜୁଃକେଦତେ ଇନ୍କୁକେ ସୁସାର୍କଆଏ । ୩୮ ଆତଃ ଇନିଃ ଆଲାନିଦା ଚାଏ ସିମ୍ପକରାଃ ହିଜୁଃକେଦତେ ଇନ୍କୁକେ ନେ ଲେକାଏ ନାମ୍କରେଦ ଏନ୍ ଦାସିକ ଚିମିନ୍ ସୁକୁତାନ୍ଗିୟାକ । ୩୯ ✨ମେନ୍ଦ ନେଆଁ ଆଟ୍କାରେପେ, ଅଡ଼ାଃରେନ୍ ଗମ୍କେ କୁମ୍ପୁତୁ ହିଜୁଃ ଦିପିଲି ସାରିକାଈରେଦ ଇନିଃକେ ଆୟାଃ ଅଡ଼ାଃରାଃ ସିହି କାଏ ଉଡ଼ୁଡ଼ିକା ଇଚିକାଈତେୟାଃ । ୪୦ ଏନା ନାଗେନ୍ତେ ଆପେୟା ସାପ୍ଡ଼ାଅକାନ୍ ତାଇନ୍ପେ, ଚିୟାଃତି ଆପେ କାପେ ଉଡ଼ୁଡ଼ାନ୍ ଦିପିଲିରେଗି ମାନଞ୍ଜାହନ୍ ହିଜୁଃଆଏ ।”

ପାତିୟାର୍ ଆତଃ କା ପାତିୟାର୍ ଦାସିକ
(ମାଥୁଉ ୨୪:୪୫-୫୧)

† ୧୨:୨୭ ୧୨:୨୭ ତୁକୁଇତାନା ଚିପାଅ / ସିଲେଇ ✨ ୧୨:୩୫ ୧୨:୩୫ ମାଥୁଉ ୨୫:୧-୧୩ ✨ ୧୨:୩୬ ୧୨:୩୬ ମାର୍କ ୧୩:୩୪-୩୬.
✨ ୧୨:୩୯ ୧୨:୩୯ ମାଥୁଉ ୨୪:୪୩,୪୪.

୪୧ ଏବେ ପାଡ଼ରାସ କୁଲିକିୟାଏ, “ହେ ପ୍ରାଭୁ ଚିୟାଃ ଆମ୍ ଆଲେକେ ଚି ସବେନକକେ ନେ ଜନକା କାଜି କାଜିୟାଲେତାନାମ୍ ?”

୪୨ ଆତଃ ପ୍ରାଭୁ କାଜିରୁହାଡ଼କେଦାଏ, “ଏବେ ଗୁସିୟାଁ ଆୟାଃ ଅଡ଼ାଃରେନକକେ ବୁଗିନ୍ ନେତାରେ ଜମେୟାଃ ଏମାକ ନାଗେକ୍ତେ ଅକଏକେ ଇନିଃ ସାଲାକିଆଏ, ଏନଲେକାନ୍ ପାଡ଼ିୟାର୍ରେଃ ଆତଃ ସେଣାନ୍ ଭାଣ୍ଡାରି ଅକଏ ତାନିଃ ? ୪୩ ଆୟାଃ ଗୁସିୟାଁ ନେ'ଲେକା କାମିତାନ୍ ଦାସିକେ ହିଜୁଃ ନାମିରେ ଇନିଃ ସୁକୁତାନ୍‌ଗିୟାଏ । ୪୪ ସାର୍‌ତିଗିଙ୍ଗ୍ କାଜିୟାପେତାନା, ଇନିଃ ଏନ୍ ଦାସିକେ ଆୟାଃ ସବେନ୍ ମେନାଃତେୟାଃରେନ୍ ଗୁସିୟାଁ ଦହଇୟାଏ । ୪୫ ମେନ୍‌ଦ ଏନ୍ ଦାସି, ଆଇୟାଃ ଗୁସିୟାଁରାଃ ହିଜୁଃତେୟାଃ ବିଲାମଃତାନାଃ ମେକ୍ତେ ମନ୍‌ତାୟାଃରେ କାଜିକେଦ୍‌ତେ ଦାସିକ ଆତଃ କାମ୍‌ଡ଼କକେ ଦାଦାଲ୍, ଆତଃ ଜଜମ୍ ନୁଁ ଆତଃ ବୁଲଃ ଏଟେଦ୍‌ରେଦ୍, ୪୬ ଏନ୍ ଦାସିଆଃ ଗମ୍‌କେ ଇନିଃ କାଏ ଉଡ଼ୁହୁଲ୍‌ଲ୍‌ରେ ଆତଃ କାଏ ସାରି ଦିପିଲିରେ ହିଜୁଃଆଏ ଆତଃ ଇନିଃକେ ପୁରାଃ ଦୁକୁ ଏମାଇତାନ୍‌ଲଃ ଚୁକ୍‌ଡ଼ା ଚୁକ୍‌ଡ଼ା ମାଆଃଇୟାଏ, ଏକ୍ତେ କା ବିଶ୍ୱାସ୍‌ତାନ୍‌କଲଃ ହାନାଟିଙ୍ଗ୍‌ଆଏ ଏମାଇୟା ।

୪୭ “ଆୟାଃ ଗମ୍‌କେୟାଃ ମନ୍ ସାରିକେଦ୍‌ତେ କାଏ ସେକାଡ଼ାକାନ୍ ଆତଃ ଇନିୟାଃ ମନେଲେକା କା କାମିକେଦ୍ ଦାସି ପୁରାଃଗିୟାଏ ଦାଲଃଆ । ୪୮ ମେନ୍‌ଦ କା ସାରିକେଦ୍‌ତେ ଦାଲଃଲେକା କାମିକେଦ୍‌ନିଃ ହୁଡ଼ିଙ୍ଗ୍‌ଲେକାଏ ଦାଲଃଆ । ଆତଃ ପୁରାଃ ନାମାକାଦ୍‌କଏତେ ପୁରାଃ ଆସିୟାଃଆ; ଆତଃ ହଡ଼କ ପୁରାଃଗିକ ଏମାକାଇନିଃଏତେ ପୁରାଃଗିକ ଆସିୟା ।

ୟାଶୁଆଃ ନାଗେକ୍ତେ ବିନ୍‌ଗାଅ
(ମାଥୁଉ ୧୦:୩୪-୩୬)

୪୯ “ଆଇଙ୍ଗ୍ ଅତେରେ ସେଙ୍ଗେଲ୍ ଜୁଲ୍‌ନାଙ୍ଗ୍ ହିଜୁଆକାନାଇଙ୍ଗ୍, ଆତଃ ଆଇଙ୍ଗ୍ ସାନାଙ୍ଗ୍‌ତାନାଇଙ୍ଗ୍, ଜାଲ୍‌ଦିଗି ସେଙ୍ଗେଲ୍ ଜୁଲଃକା । ୫୦ *ମେନ୍‌ଦ ମିଆଁଦ୍ ବାପ୍ତିସ୍ମାଏତେ ଆଇଙ୍ଗ୍‌କେ ବାପ୍ତିସ୍ମାଅଃ ଲାଗାତିଙ୍ଗ୍‌ୟାଃ, ଆତଃ ଏନା ଆଉରିଚାବାଃଅ ଜାକେଦ୍ ଦୁକୁତେ ପୁରାଃଗିଇଙ୍ଗ୍ ବିଡ଼ଲାଅକାନା । ୫୧ ଚିୟାଃ ଆଇଙ୍ଗ୍ ଅତେଦିଶୁମ୍‌ରେ ଜୀଉସୁକୁ ଏମ୍‌ତେ ହିଜୁଆକାନାଇଙ୍ଗ୍ ମେକ୍ତେପେ ଆଟ୍‌କାରିଙ୍ଗ୍‌ତାନା ? ବାନଃଗି, ମେନ୍‌ଦ ବିନ୍‌ଗାଅ ନାଗେକ୍ତେଇଙ୍ଗ୍ ହିଜୁଃକାନା । ୫୨ ନାହାଃଏତେଦ୍ ମିଆଁଦ୍ ପାରିବାର୍‌ରେନ୍ ପାଞ୍ଚ୍‌ଝାନ୍ ହଡ଼କ ବିନ୍‌ଗାଅଆଃକ, ତିନ୍‌ଝାନ୍ ବାର୍‌ହଡ଼କିନାଃ ବିରୁଧ୍‌ରେ ଆତଃ ବାର୍‌ହଡ଼ ତିନ୍‌ଝାନ୍‌କଆଃ ବିରୁଧ୍‌ରେ । ୫୩ ହନ୍‌କଡ଼ା ବିରୁଧ୍‌ରେ ଆପୁ, ଆତଃ ଆପୁ ବିରୁଧ୍‌ରେ ହନ୍‌କଡ଼ା, ହନ୍‌କୁଡ଼ି ବିରୁଧ୍‌ରେ ଏଙ୍ଗା, ଆତଃ ଏଙ୍ଗା ବିରୁଧ୍‌ରେ ହନ୍‌କୁଡ଼ି, କିମିନ୍ ବିରୁଧ୍‌ରେ ହାନାର୍‌ତେ ଆତଃ ହାନାର୍‌ତେୟାଃ ବିରୁଧ୍‌ରେ କିମିନ୍‌ତେ, ବିନ୍‌ଗାଅଆଃକ ।”

ଏନ୍ ଦିପିଲିରେୟାଃ ଚିଙ୍ଗାଁ
(ମାଥୁଉ ୧୨:୨-୩)

୫୪ ଇନିଃ ଗାଦେଲ୍ ହଡ଼କକେ କାଜିୟାଦ୍‌କଆଏ, ଆପେ ସିଙ୍ଗିହାସୁରଃସାଃଏତେ ଚିମିଲ୍ ରାକାବ୍‌ତାନ୍‌ପେ ନେଲେତାନ୍ ଇମ୍‌ତା ଦାଆଃ ଗାମାୟାଏ ପେ ମେନେତାନା ଆତଃ ନେକାଅଃ ତାନ୍‌ଗିୟାଃ । ୫୫ ଆତଃ ଦାକ୍ଷିଣ୍ ହୟ ହୟତାନ୍ ନେଲ୍‌କେଦ୍‌ତେ ସିଡୁଙ୍ଗ୍‌ୟେଁଆଏ ପେ ମେନେତାନା ଆତଃ ନେକାଅଃ ତାନ୍‌ଗିୟାଃ । ୫୬ ଏ ବେଦାହଡ଼କ, ଆପେ ଅତେ ଆତଃ ସିମାରେୟାଃ ଚିଙ୍ଗାଁପେ ଆଟ୍‌କାର୍‌ଉରୁମ୍ ଦାଡ଼ିୟାଃ ମେନ୍‌ଦ ନେ ଦିପିଲିରେୟାଃ ଚିଙ୍ଗାଁ ଚିଲ୍‌କା କାପେ ନେଲ୍‌ଉରୁମେତାନା ?

ବାଇରିଲଃ ମେସାନାଃରୁ
(ମାଥୁଉ ୫:୨୫-୨୬)

୫୭ ଚିନାଃମେକ୍ତେ ଠାଉକାନ୍ ଲେକାଗି ନେଲଃତେୟାଃ ଆପେଗି କାପେ ବିଚାରେତାନା ? ୫୮ ଆମାଃ ବାଇରିଲଃଦ୍ ହାକିମ୍‌ତାମ୍ ସେନଃତାନ୍‌ରେ ଇନିଃଏତେ ଅଡ଼ଙ୍ଗ୍‌ଅଃ ନାଙ୍ଗ୍ ହରାରେଗି ଉଡ଼ୁଲ୍‌ମେ, କା'ରେଦ୍ ଇନିଃ ବିଚାର୍‌ନିଃତାଃତେ ଆଇଙ୍ଗ୍‌ଇଦିମେଁୟାଏ, ଆତଃ ବିଚାର୍‌ନିଃ ସିପାଇକଆଃ ତିଃଇରେ ଜିମାମେଁୟା ଆତଃ ସିପାଇଦ୍ ଜେହେଲ୍‌ମେଁୟାଏ । ୫୯ ଆଇଙ୍ଗ୍ କାଜିୟାମ୍ ତାନାଇଙ୍ଗ୍, ତାମ୍‌ସା ସିକା କାଉଡ଼ି କାଉଡ଼ି ଆଉରି ହାଲ୍‌ଚାବାଏ ଜାକେଦ୍ ଏନ୍‌ଃଏତେ କାମ୍ ଅଡ଼ଙ୍ଗ୍ ଦାଡ଼ିୟା ।

୧୩

ମନ୍‌ରୁହାଡ଼୍ ଲାଗାତିଙ୍ଗ୍‌ୟାଃ

୧ ଏନ୍ ଦିପିଲିରେ ଚିମ୍‌ନାଙ୍ଗ୍ ହଡ଼କ ହିଜୁଆକାନ୍ ତାଇକେନାକ, ଇନ୍‌କୁ ଏନ୍ ଗାଲିଲ୍‌ରେନ୍‌କଆଃ କାଜି ଯାଶୁକେ କାଜିକିୟାକ, ପିଲାଡୁସ୍*ଦ ଚିଲ୍‌କା ପାର୍‌ମେଶ୍ୱାର୍‌ତାଃରେ ବିଶ୍ୱାସ୍ ତାନ୍‌କଆଃ ମାୟୋମ୍

* ୧୨:୫୦ ୧୨:୫୦ ମାର୍କ ୧୦:୩୮. * ୧୩:୧ ୧୩:୧ ପିଲାଡୁସ୍_1ଷ୍ଟ ୨୬-୩୬ ସାନ୍‌ତେ ଯାହୁଦାରେନ୍ ରୋମି ଶାସାକ

ଦାଣେରାକାଦ୍ ଜାଁଡୁକଆଃ ମାୟୋମ୍ଲଃ ମେସାକେଦାଏ । ୨ ଆତଃ ଯୀଶୁ ଇନ୍କୁକେ କାଜିକେଦକଆଏ, “ତିୟାଃ ନେ ଗାଲିଲ୍ରେନ୍ କସବେନ୍ ଗାଲିଲ୍ରେନ୍ କଆଃଏତେ ଆଦକା ପାପିକ ତାଇକେନ୍ ନାଗେନ୍ତେ ନେ ଦୁକୁକ ସାହାତିକ୍କେଦାଃ, ନେଆଁପେ ଆଟ୍କାରେ ତାନାତି ? ୩ ବାନଃଗି ମେତାପେତାନାଇକ୍, ମେନ୍ଦ ଆପେ ପାପ୍ହେତେ କାପେ ମନ୍ରୁହାଡ୍ରେଦ ଆପେ ସବେନ୍କ ନେ ଲେକାଗି ଜିୟନଃଆପେ । ୪ ଆତଃ ଶିଲୋହରେ ଦାର୍ଝାନ୍ ଅଡଃ ଏନ୍ ଆଠ୍ରା ଝାନ୍ ହଡକରେ ଉୟୁଃୟାନା ଆତଃ ଇନ୍କୁକେ ଗଏଃକେଦକଆଏ, ଇନ୍କୁଆଃ ବିଷାଏରେ ତିନାଃପେ ଉଡଃଡୁତାନା ? ତିୟାଃ ଇନ୍କୁ ସବେନ୍ ଯୀରୁଶାଲେମରେନ୍କଏତେ ଆଦକା ପାପିକ ତାଇକେନା ମେନ୍ତେରିପେ ଆଟ୍କାରେ ତାନା ? ୫ ବାନଃଗି ମେତାପେ ତାନାଇକ୍, ମେନ୍ଦ ଆପେ ପାପ୍ହେତେ କାପେ ମନ୍ରୁହାଡ୍ରେଦ ଆପେ ସବେନ୍କ ନେ ଲେକାଗି ଜିୟନଃଆପେ ।”

କା ଜଅଃତାନ୍ ଲଆ ଦାରୁରାଃ ଜନ୍କା କାଜି

୬ ଏନ୍ତେ ଯୀଶୁ ନେ ଜନ୍କା କାଜି କାଜିକେଦାଏ, “ଜେତାଏ ମିଆଁଦ୍ ହଡ୍ ଆୟାଃ ଦାଖବାକ୍ତିରେ ମିଆଁଦ୍ ଲଆଦାରୁ ରୟାକାଦ୍ ତାଇକେନାଏ, ଆତଃ ଇନିଃ ଏନାରେ ଜ ନାମେନାଗେନ୍ତେ ହିଜୁଃୟାନାଏ, ମେନ୍ଦ ମିଆଁଦ୍ ହ ଜ କାଏ ନାମ୍କେଦାଃ । ୭ ଏନାମେନ୍ତେ ଇନିଃ ମାଲିହଡକେ କାଜିକିୟାଏ, ‘ନେଲେମେ ଆପି ସିର୍ମାଏତେ ନେ ଲଆଦାରୁରେ ଜ ନାମେନାଗେନ୍ତେ ହିଜୁଃତାନାଇକ୍ ମେନ୍ଦ କାଇକ୍ ନାମେତାନା, ଏନା ମାଏଃମେ, ତିକାନାଇକ୍ ଅତେ ଏସେରେତାନାଏ ?’ ୮ ମେନ୍ଦ ମାଲିହଡ କାଜିକେଦାଏ, ‘ହେ ଗମ୍କେ, ଏନାକେ ନେ ସିର୍ମାହଗି ତାଇରିକାଏମେ, ଆଇକ୍ ଏନାକେ ଉର୍ବିହୁର୍କେଦତେ ସାରାହାସା ପେରେଜେୟାଇକ୍ । ୯ ଇଦୁ ହିଜୁଃସିର୍ମା ନେଆଁରେ ଜ ନାମ୍ ସାକାଅଆଃ, କା’ରେଦ ତାୟମ୍ତେ ଏନାକେ ମାଆଃଇତିମେ ।’”

ୟୀଶୁ ରୁଡନ୍ନୁ ହୁଲାକ୍ରେ ମିଆଁଦ୍ କୁଡ୍ଡିକ୍ତିକେ ବୁଗିନ୍କିୟାଏ

୧୦ ଯୀଶୁ ରୁଡନ୍ନୁ ହୁଲାକ୍ରେ ମିଆଁଦ୍ ଯିହୁଦୀକଆଃ ସାମାଜ୍ ଅଡଃରେ ଇଡୁକତାନ୍ ତାଇକେନାଏ । ୧୧ ଆତଃ ନେଲେପେ ଏନ୍ତାଃରେ ଆଠ୍ରା ବାରାଷ୍ଏତେ ମିଆଁଦ୍ କୁଡ୍ଡିକେ ଏଡକାନ୍ ଆମ୍ ଏସେରାକାଇତେ ନାରାଦୁରାଇତାନ୍ ତାଇକେନାଏ, ଇନିଃ ଉଜ୍ଜୁଦ୍କେଦତେ ତାଇକେନାଏ, ଜେତାଲେକାତେ ସିଧାତିଜୁଃ କାଏ ଦାଡ୍ଡିତାନ୍ ତାଇକେନା । ୧୨ ଯୀଶୁ ଇନିଃକେ ନେଲ୍କିୟାଏ ଆତଃ ନାଡଃଡେତେ ହାକାଅତାନ୍ଲଃ କାଜିକିୟାଏ, “ଏ କୁଡ୍ଡି, ଆମାଃ ନାରାଦୁରା ଦୁକୁଏତେ ବୁଗିକାନାମ୍ ।” ୧୩ ଆତଃ ଯୀଶୁ ଇନିଃରେ ତିଃଇ ଦହକେଦାଏ ଆତଃ ଇନିଃ ଇମ୍ତାକ୍ତାନ୍ ବୁଗିନ୍ୟାନାଏ, ଆତଃ ପାର୍ମେଶ୍ୱାକ୍ରେ ମାରାକ୍ତିକିୟାଏ ।

୧୪ ଯୀଶୁ ରୁଡନ୍ନୁ ହୁଲାକ୍ରେ ବୁଗିକିୟାଏ ନେଆଁତେ ସାମାଜ୍ଅଡଃରେନ୍ ଆଗୁଆଇ ଖ୍ସୟାନାଏ, ଆତଃ ହଡକକେ କାଜିକେଦକଆଏ, “ଛ’ମାହାଁ ମେନାଃ ଏନାରେ କାମି ଲାଗାତିକ୍ୟାଃ, ଏନ୍ ହୁଲାକ୍ରେ ବୁଗିନଃ ନାଗେନ୍ତେ ହିଜୁଃପେ, ରୁଡନ୍ନୁ ହୁଲାକ୍ରେଦ କାହା ।”

୧୫ ମେନ୍ଦ ପ୍ରାଭୁ ଯୀଶୁ ଇନିଃକେ କାଜିରୁହାଡ୍ଡିକିୟା, “ଆପେ ସବେନ୍ ବେଦାହଡକ, ତିୟାଃ ଆପେ ସବେନ୍କ ରୁଡନ୍ନୁ ହୁଲାକ୍ରେ ଆପେୟାଃ ଉରିଃକ୍ ତି ଗାଧାକକେ ଗଣାଏତେ ରାଡାକେଦତେ ଦାଆଃ ନୁଁ ତେ କାପେ ଇଦିକତାନା ? ୧୬ ଆତଃ ନେ କୁଡ୍ଡିହନ୍ଦ ଆବ୍ରାହାମ୍ଆଃ କୁଡ୍ଡିହନ୍ଦ ତାନିଃ, ନେଲିପେ ଇନିଃ ସାଏତାନ୍ରାଃ ତନଲ୍ରେ ଆଠ୍ରା ବାରାଷ୍ ତଲକାଇତାଇନାଏ, ତିୟାଃ ଇନିଃକେ ରୁଡନ୍ନୁ ହୁଲାକ୍ରେ ଏନାଏତେ ରାଡାଇତେୟାଃ କା ଲାଗାତିକ୍ ତାଇକେନା ?” ୧୭ ଯୀଶୁ ନେଆଁ କାଜିକେଦ୍ ଇମ୍ତା, ଇନିୟାଃ ସବେନ୍ ମୁଦାଇକ ଗିହୁଃୟାନାକ ମେନ୍ଦ ହଡକ ଯୀଶୁଆଃ ଆକ୍ଦାନ୍ଦାଅକାମି ନେଲ୍କେଦତେ ରାସ୍କାୟାନାକ ।

**ମାନିଜାକ୍ରେରାଃ ଜନ୍କା କାଜି
(ମାଥ୍ୱଉ ୧୩:୩୧-୩୨; ମାର୍କ ୪:୩୦-୩୨)**

୧୮ ଏନ୍ତେ ଯୀଶୁ କୁଲିକେଦାଏ, “ପାର୍ମେଶ୍ୱାକ୍ଆଃ ରାଇକ୍ ତିନାଃ ଲେକା ? ଆଇକ୍ ଏନାକେ ତିନାଃତେଗିଇକ୍ ଜକାଏୟା ? ୧୯ ଏନା ମିଆଁଦ୍ ମାନିଜାକ୍ରେଲେକା, ଏନା ମିଆଁଦ୍ ହଡ୍ ଇଦିକେଦତେ ଆୟାଃ ବାଖ୍ଡିରେ ହେର୍କେଦାଏ, ଏନା ହାରାୟାନା ଆତଃ ମାରାକ୍ ଦାରୁୟାନା, ସିର୍ମାରେନ୍ ଚେଣେକ୍ ଏନାରାଃ କଡକରେକ ଅକାକେଦା ।”

**ରାନୁରାଃ ଜନ୍କା କାଜି
(ମାଥ୍ୱଉ ୧୩:୩୩)**

† ୧୩:୩ ୧୩:୩ ମନ୍ରୁହାଡ୍ ହେୟାଡିକ୍

୨୦ ଆତ୍ମା ଯୀଶୁ ମୋତାଦକଆଏ, “ଆଇଙ୍ଗ ପାରମେଶ୍ୱାରୀଆଃ ରାଇଙ୍ଗ ଚିନାଃତେଗିଇଙ୍ଗ ଜକାଏୟା ? ୨୧ ଏନା ରାନୁ ଲେକାଃ, ଏନା ଜେତା କୁଡ଼ି ଏନା ଆଉକେଦ୍ତେ ତିନ୍ କେଜି ମାଇଦାରେ ଏନା ଆଉରି ରାନୁଚାବାଆଃ ଜାକେଦ୍ ସିପୁଦ୍କେଦାଏ ।”

ରେସେଦ୍ ଦୁଆର୍ତ୍ତେ ବଲଃରେୟାଃ ଇନିତୁ
(ମାଥୁର ୭:୧୩-୧୪, ୨୧-୨୩)

୨୨ ଯୀଶୁ ଇତୁକତାନଲଃ ସାହାର ସାହାର ଆତ୍ମା ହାତୁ ହାତୁ ପାରମ୍ପାୟାନ୍ତେ ଯୀରୁଶାଲେମ୍ସାଃ ସେନଃତାନାଏ ତାଇକେନା । ୨୩ ଜେତାଏନିହୁଡ୍ କୁଲିକିୟାଏ, “ହେ ପ୍ରାଭୁ ଚିୟାଃ ବାସ୍ତାଆଃ ହଡକ କାଟିଃଲେକାଃକ ?” ଯୀଶୁ କାଜିୟାଦକଆଏ, ୨୪ “ରେସେଦ୍ ଦୁଆର୍ତ୍ତେ ବଲଃନାଗେନ୍ତେ ଚିହୁଲାନୁପେ, † ଚିୟାଃଟି ଆଇଙ୍ଗ କାଜିୟାପେତାନା, ଏନାରେ ବଲନାଙ୍ଗ ପୁରାଃ ହଡକ ସାନାଙ୍ଗଆଃ ମେନ୍ଦ କାକ ଦାଡ଼ିୟାଃ । ୨୫ ଆତ୍ମା ଗୁସିୟା ବିରିଦ୍ୟାନ୍ତେ ଦୁଆର୍ ହାଣ୍ଡେଦ୍ତାରେ, ତାୟମ୍ତେ ଆପେ ରାଚାରେପେ ତିଙ୍ଗୁନାଃ ଆତ୍ମା ଦୁଆର୍ତ୍ତେପେ ଠକଠକାଏୟା ଆତ୍ମା ‘ହେ ପ୍ରାଭୁ ନିଜାଲେମ୍’ ମେନେୟା, ମେନ୍ଦ ଇନିଃ ମୋତାପେୟାଏ, ‘ଆପେ କତାଃରେନ୍ଦକ ତାନୁପେ ଆଇଙ୍ଗ ଆପେକେ କାଇଙ୍ଗ ସାରିୟାଃ ।’ ୨୬ ଏନ୍ତେ ଆପେ ମେନେୟା, ଆଲେ ଆମାଃଲଃ ଜମ୍ ଆତ୍ମା ନୁଁ ତାଇନାଲେ ଆତ୍ମା ଆମ୍ ଆଲେୟାଃ ହରାକରେ ଇତୁକେଦ୍ଲେୟାମ୍ । ୨୭ ମେନ୍ଦ ଇନିଃ ମେନେୟାଏ, ‘ଆପେ ଅକଏ ଆତ୍ମା କତାଃରେନ୍ଦକ ତାନୁପେ ଏନା କାଇଙ୍ଗ ସାରିୟାଃ, ଏ ଏଡକାନ୍ କାମିକେନ୍ଦକ, ଆପେ ସବେନ୍ ଆଇଙ୍ଗତାଃଏତେ ଆତମଃପେ । ୨୮ *ଆପେ ଚିମତା ଆଗ୍ରାହାମ୍, ଇସାକ୍, ଯାକୁବ୍ ଆତ୍ମା ସବେନ୍ ନାବୀକକେ ପାରମେଶ୍ୱାରୀଆଃ ରାଇଙ୍ଗରେ ଦୁବାକାନ୍ ଆତ୍ମା ଆପେକେ ବାହାରିରେ ଅତଙ୍ଗଆଁକାନ୍ ତେୟାଃପେ ନେଲେୟା । ଇମ୍ତା ଏନ୍ତାଃରେ ରାନାଆଃ ଆତ୍ମା ତାଟା ହାବ୍ ରିଡିଦଃଆ, ୨୯ ହଡକ ପୁରାବ୍ ଆତ୍ମା ପାଶ୍ଟିମ୍, ଉଭାର୍ ଆତ୍ମା ଦାକ୍ଷିଣ୍ଡାୟାଏତେ ହିଜୁଃକେଦ୍ତେ ପାରମେଶ୍ୱାରୀଆଃ ରାଇଙ୍ଗରେ ଜଜମ୍ ନାଙ୍ଗକ ଦୁବାଃ । ୩୦ *ଆତ୍ମା ନେଲେପେ, ସାର୍ତ୍ତିଗି, ତାୟମ୍ରେନ୍ଦକ ଆୟାରଃଆ ଆତ୍ମା ଆୟାର୍ରେନ୍ଦକ ତାୟମଃଆ ।”

ଯୀରୁଶାଲେମ୍ ନାଗେନ୍ତେ ଯୀଶୁଆଃ ଦୁଲାଡ୍
(ମାଥୁର ୨୩:୩୭-୩୯)

୩୧ ଏନ୍ ଦିପିଲିରେଗି ଚିମିନ୍ ଫାରୁଶୀକ ହିଜୁଃୟାନ୍ତେ ଯୀଶୁକେ କାଜିକିୟାଃକ, “ନେତାଃଏତେ ଅତଙ୍ଗକେଦ୍ତେ ସେନଃମେ, ହେରୋଦ୍ ଆମକେ ଗିଗଏଃ ସାନାଙ୍ଗତାନାଏ ।”

୩୨ ଯୀଶୁ କାଜିୟାଦକଆଏ, “ତୁ ନେଆଁ ଏନ୍ ତୁୟୁକେ କାଜିୟାଇପେ, ‘ଆଇଙ୍ଗ ତିସିଙ୍ଗ୍ ଆତ୍ମା ଗାପା ବଙ୍ଗାକଇଙ୍ଗ୍ ଅତଙ୍ଗକଆ ଆତ୍ମା ଦୁକୁଆକାନ୍ଦକଇଙ୍ଗ୍ ବୁଗିକଆ ଆତ୍ମା ଆପି ମାହାଁରେଇଙ୍ଗ୍ ସେକାଡ଼ଃଆଃ ।’ ୩୩ ଏନ୍ରେୟା ତିସିଙ୍ଗ୍ ଆତ୍ମା ଗାପା ଆତ୍ମା ମେୟାଙ୍ଗ୍ ଆଇଙ୍ଗକେ ହନର୍ ଲାଗାଡିଙ୍ଗ୍ୟାଃ, ସାର୍ତ୍ତିଗି ଜେତାଏ ନାବୀ ଯୀରୁଶାଲେମ୍ ଏତେ ଏଟାଃ ଜାଗାରେ ଗଜଃ କା ଲାଗାଡିଙ୍ଗ୍ୟାଃ ।

୩୪ “ହେ ଯୀରୁଶାଲେମ୍, ହେ ଯୀରୁଶାଲେମ୍ ଆମ୍ ନାବୀକକେମ୍ ଗଏଃକେଦକଆ ଆତ୍ମା ଆମ୍ତାଃତେ କୁଲକାନ୍ଦକକେ ଚିଦ୍ଗିଗଏଃ କେଦକଆମ୍, ଏଙ୍ଗାସିମ୍ ଆୟାଃ ହନକକେ ଆପ୍ତରବ୍ ଲାତାର୍ରେ ଆବ୍ତୁମ୍ ତପାକତାନଲେକା ଚିମିନ୍ସା ଆଇଙ୍ଗ୍ ଆମାଃ ହନକକେ ହୁଣ୍ଡିସାନାଙ୍ଗକେଦାଇଙ୍ଗ୍, ମେନ୍ଦ ଆପେ କାପେ ସାନାଙ୍ଗକେଦାଃ । ୩୫ ନେଲେପେ, ଆପେୟାଃ ମାହିର୍ ଆପେତାଃରେ ହାଦୁଡନାଙ୍ଗ୍ ବାଗିୟାତାନା । ଚିୟାଃଟି ଆଇଙ୍ଗ୍ ଆପେକେ କାଜିୟାପେ ତାନାଇଙ୍ଗ୍, ‘ପ୍ରାଭୁଆଃ ନୁଡୁମ୍ତେ ହିଜୁଃତାନିଃକେ ପାରମେଶ୍ୱାର୍ ଆଶିଷ୍ ଏମାଇକାଏ ମେନ୍ତେ ଆପେ ଆଉରି କାଜି ଜାକେଦ୍ ନାହାଃଏତେ ଆତ୍ମା ଆଇଙ୍ଗକେ କାପେ ନେଲିୟାଃ ।”

୧୪

ଯୀଶୁ ମିଆଁଦ୍ କାଟା ତିଃଇ ମଝ'ତାନ୍ ହଡକେ ବୁଗି ତାନାଏ

୧ ମୁସିଙ୍ଗ୍ ରୁଡନ୍ ହୁଲାଇରେ ଯୀଶୁ ଫାରୁଶୀକଆଃ ମିଆଁଦ୍ ଆଗୁଆଇରାଃ ଅତାଃରେ ହଲଙ୍ଗ ଜଜମ୍ନାଙ୍ଗ୍ ସେନଃୟାନାଏ ଆତ୍ମା ଇନିଃକେ ଲତଇତାନ୍ଦକ ତାଇକେନା । ୨ ନେଲେପେ, ମିଆଁଦ୍ କାଟା ତିଃଇ ମଝ'ତାନ୍ ହଡ ଇନିୟାଃ ଆୟାର୍ତେ ହିଜୁଃୟାନାଏ । ୩ ଯୀଶୁ “ରୁଡନ୍ ହୁଲାଇରେ ବୁଗି ଲାଗାଡିଙ୍ଗ୍ୟାଃ ଚି କା” ମେନ୍ତେ ଆଇନ୍ ଇତୁକ ଆତ୍ମା ଫାରୁଶୀକକେ କୁଲିକେଦକଆଏ । ମେନ୍ଦ ଇନ୍କୁ ହାପାୟାନାକ ।

୪ ଆତ୍ମା ଯୀଶୁ ଏନ୍ ହଡକେ ସାବ୍ତାନଲଃ ବୁଗିକିୟାଏ ଆତ୍ମା କୁଲକିୟାଏ । ୫ ଏନ୍ତେ ଯୀଶୁ ଇନ୍କୁକେ କାଜିରୁହାଡାଦକଆ, “ଆପେକଏତେ ଜେତାଏରାଃ ହନକଡା* ଚାଏ ଉରିଃକ୍ କୁଆଁରେ ଉୟୁଃକରେ ଚିୟାଃ ଇନିଃ ଇମ୍ତାଙ୍ଗି ରୁଡନ୍ ହୁଲାଇରେ କାଏ ଅତଙ୍ଗଇୟା ?”

† ୧୩:୨୪ ୧୩:୨୪ ଚିହୁଲାନୁପେ ଚେଷ୍ଟାଏପେ ✧ ୧୩:୨୮ ୧୩:୨୮ ମାଥୁର ୮:୧୧,୧୨. ✧ ୧୩:୩୦ ୧୩:୩୦ ମାଥୁର ୧୯:୩୦; ୨୦:୧୨; ମାର୍କ ୧୦:୩୧. † ୧୩:୩୨ ୧୩:୩୨ ସେକାଡ଼ଃଆ ଆଇୟାଃ କାମି ଚାବାଆଃଆ ✧ ୧୪:୫ ୧୪:୫ ମାଥୁର ୧୨:୧୧. * ୧୪:୫ ୧୪:୫ ହନକଡାଚିମିନ୍ ଅନଲକରେ ଗାଧା ଅଲକାନା

୭ ଆତ୍ମା ଇନ୍ଦ୍ରିୟ ନେ ସବେନ୍ କାଜିନାଙ୍ଗ ଇନିଷକେ କାକ କାଜିରୁହାଡ୍ ଦାଡ଼ିୟାନା ।

କୁପୁଲକ ଆତ୍ମା କୁପୁଲନିୟାଃ ଜନକା କାଜି

୭ ଯୀଶୁ କେଡ଼ାକାନ ହଡ଼କକେ ଚେତାନଠାୟାଦ୍ ସାଲୀତାନ ନେଲକେଦତେ, ନେ ଜନକା କାଜି ଇନ୍ଦ୍ରିୟକେ କାଜିକେଦକଆ, ୮ “ଜେତାଏ ହଡ଼ ଆଣ୍ଡି ଜମେୟାଃରେ କେଡ଼ାମେରେଦ ଚେତାନଠାୟାଦ୍ରେ ଆଲମେ ଦୁବାଃ, ଇନ୍ଦ୍ରିୟ ଇନିଷ ଆମାଃଏତେ ଆଦକା ମାଲନାନ ହଡ଼କେ କେଡ଼ାକାଲୟାଏ । ୯ ଆମ୍ ଆତ୍ମା ଇନିଷକେ କେଡ଼ାକେଦମେନିଷ ହିଜୁଃଲେନ୍ତେ, ‘ମାର୍ ନେ ଠାୟାଦ୍ରେ ନେ ହଡ଼କେ ଦୁବ୍‌ଇତିମେଁ ମେତାମେୟାଏ, ଏନ୍ତେ ଆମ୍ ଗିହୁଃୟାନ୍ତେ ସବେନ୍‌ଏତେ ଲାତାର୍ ଠାୟାଦ୍ରେମ୍ ଦୁବାଃ । ୧୦ ମେନ୍ଦ୍ ଆମ୍ କେଡ଼ାଅଃରେ କେଡ଼ାକାଦମେନିଷ ହିଜୁଃକେଦତେ, ‘ଏ ଗାତି ଚେତାନରେ ଦୁବ୍‌ମେଁ ମେତାମେୟାଏ ମେନ୍ତେ ସବେନାଃଏତେ ଲାତାର୍ ଠାୟାଦ୍ରେ ସେନ୍‌କେଦତେ ଦୁବ୍‌ମେଁ, ଏନ୍ତେ ଆମାଃଲଃ ଜଜମ୍ ଦୁବାକାନକଆ ଆୟାର୍‌ରେମ୍ ମାଲନଃଆ । ୧୧ ✽ଜେତାଏ ମାରାଙ୍ଗ୍‌ୟେନ୍‌ନିଷଦ ହୁଡ଼ିଙ୍ଗ୍‌ୟାଆଏ ଆତ୍ମା ଜେତାଏ ହୁଡ଼ିଙ୍ଗ୍‌ୟାଃନିଷଦ ମାରାଙ୍ଗ୍‌ଆଃଏ ।”

୧୨ ଏନ୍ତେ ଯୀଶୁ କେଡ଼ାକେନିଷକେ କାଜିକିୟାଏ, “ଆମ୍ ସିଙ୍ଗିରେୟା ଚାଏ ଆୟୁବ୍‌ରେୟାଃ ଜମେୟାଃ ବାଲରେଦ, ଆମାଃ ଗାତିକକେ ଚି ହାଗାକକେ ଚି କୁପୁଲକକେ ଚି ହପର୍‌ଜାପାଃରେନ୍ କିସାଣ୍ଡକକେ ଆଲମ୍ କେଡ଼ାକଆ, କା'ରେଦ ଇନ୍ଦ୍ରିୟ କେଡ଼ାରୁହାଡ଼ମେୟାକ ଆତ୍ମା ନେଆଁଗି ଆମାଃ ଜ ନାମଃଆ । ୧୩ ମେନ୍ଦ୍ ଆମ୍ ମାରାଙ୍ଗ୍ ଜମେୟାଃମ୍ ବାଲରେଦ, ରେଙ୍ଗେଃକକେ, ଟୁଣ୍ଡାକକେ, କେପାକକେ ଆତ୍ମା କାଣ୍ଡାକାନକକେ କେଡ଼ାକମେ, ୧୪ ଆତ୍ମା ଆମ୍ ଧାଲନଃଆମ୍, ଇନ୍ଦ୍ରିୟ କାକ ଏମ୍‌ରୁହାଡ଼ ଦାଡ଼ିୟାମେୟା ମେନ୍ଦ୍ ଧାର୍‌ମାନକଆ ଜୀଉବିନିରିଦ୍ରେ ଜ ନାମେୟାମ୍ ।”

**ମାରାଙ୍ଗ୍ ଜମେୟାଃରେୟାଃ ଜନକା କାଜି
(ମାଥୁଉ ୨୨:୧-୧୦)**

୧୫ ଯୀଶୁଲଃ ଦୁବାକାନକଏତେ ମିଆଁଦ୍ ହଡ଼ ନେ କାଜି ଆୟୁମ୍‌କେଦା, ଇନିଷ ଯୀଶୁକେ କାଜିକିୟାଏ, “ପାର୍‌ମେଶ୍ୱାର୍‌ଆଃ ରାଲଜ୍‌ରେ ଜମେନିଷ ସୁକୁତାନଗିୟାଏ ।”

୧୬ ଯୀଶୁ ଇନିଷକେ କାଜିକିୟାଏ, “ମିଆଁଦ୍ ହଡ଼ ମାରାଙ୍ଗ୍ ଜମେୟାଃ ବାଲକେଦାଏ ଆତ୍ମା ପୁରାଃଗି ହଡ଼କକେ କେଡ଼ାକେଦକଆଏ । ୧୭ ଜଜମ୍ ନେତାରେ ଇନିଷ, ମାର୍ ହିଜୁଃପେ, ସବେନାଃ ସେକାଡ଼ାକାନା ମେତାକୁମ୍ ମେନ୍ତେ ଆୟାଃ ଦାସିକେ କେଡ଼ାକାନକତାଃ କୁଲକିୟାଏ । ୧୮ ମେନ୍ଦ୍ କେଡ଼ାକାନକ ମିଆଁଦ୍ ମନ୍‌ୟାନ୍ତେ ଛାମା ଆସିକ ଏଟେଦକେଦା । ସିଦାନିଷ, ‘ଅତେଇଙ୍ଗ୍ କିରିଙ୍ଗ୍‌ଆଃକାଦା ଆତ୍ମା ସେନ୍‌କେଦତେ ଏନାକେ ନେନେଲ୍ ଲାଗାଡ଼ିଙ୍ଗ୍‌ୟାଃ, ଆଇଙ୍ଗ୍ ନାଙ୍ଗ୍ ଛାମା ଆସିମେ’ ମେନ୍ତେ ବିନ୍ତ୍ରମେତାନାଲଙ୍ଗ୍ ମେନ୍‌କିୟାଏ । ୧୯ ଆତ୍ମା ଏଟାଃନିଷ, ପାଞ୍ଚ ଆଡ଼ନା ଉରିଃକକଇଙ୍ଗ୍ କିରିଙ୍ଗ୍‌କାଦକଆ ଆତ୍ମା ଇନ୍ଦ୍ରିୟକେ ଆଡ଼କାର୍‌ଉରୁମ୍ ନାଗେନ୍ତେ ସେନଃତାନାଲଙ୍ଗ୍ ଆଇଙ୍ଗ୍‌ନାଙ୍ଗ୍ ଛାମା ଆସିମେ ମେନ୍ତେ ବିନ୍ତ୍ରମେଁ ତାନାଲଙ୍ଗ୍ ମେନ୍‌କିୟାଏ । ୨୦ ଏଟାଃନିଷ, ‘ଆଇଙ୍ଗ୍ ଆଣ୍ଡିୟାକାନାଲଙ୍ଗ୍, ଏନାନାଗେନ୍ତେ କାଲଙ୍ଗ୍ ସେନ୍‌ଦାଡ଼ିୟାଃ’ ମେନ୍‌କିୟାଏ ।

୨୧ “ଏନ୍ ଦାସି ହିଜୁଃକେଦତେ ଗମକେ ତାୟାଃକେ ନେ ସବେନ୍ ଉଦୁବ୍‌କିୟାଏ । ଏନ୍ତେ ଅଡ଼ାଃ ଗମକେ ଖସକେଦତେ ‘ହାଡୁରେୟାଃ ଚାକାର୍ ଆତ୍ମା ରେସେଦ୍ ହରାକତେ ସେନଃମେ ଆତ୍ମା ରେଙ୍ଗେଃତାନକକେ ଆତ୍ମା ଟୁଣ୍ଡାକାନକକେ ଆତ୍ମା କେପାକକେ ଆତ୍ମା କାଣ୍ଡାକାନକକେ ନେତାଃ ଆଡ଼କୁମ୍’ ମେନ୍ତେ ଏନ୍ ଦାସିକେ କାଜିକିୟାଏ । ୨୨ ଆତ୍ମା ଏନ୍ ଦାସି କାଜିକିୟାଏ, ‘ହେ ଗମକେ, ଆମ୍ ଆଡୁଆକାଦଲେକା ବାଲୟାନା ମେନ୍ଦ୍ ନାହାଃହାଁ ଠାୟାଦ୍ ମେନାଃ ।’ ୨୩ ଏନ୍ତେ ଅଡ଼ାଃ ଗୁସିୟା ଆୟାଃ ଦାସିକେ କାଜିକିୟାଏ, ‘ଜୁ ସେନଃମେ, ଆତ୍ମା ନାଗାର୍‌ରେୟାଃ ହରା ଗେନାକଏତେ, କଚାକଏତେ ହଡ଼କକେ କେଡ଼ା ଆଡ଼କମେ, ଆତ୍ମା ଆଇଁୟାଃ ଅଡ଼ାଃକେ ହଡ଼ତେ ପେରେଜକମେ । ୨୪ ଆଇଙ୍ଗ୍‌ଦଇଙ୍ଗ୍ କାଜିୟାପେତାନା, ଏନ୍ କେଡ଼ାକାନକଏତେ ଜେତାଏ ଆଇଁୟାଃ ଜମେୟାଃ କାକ ଚାଖାଅୟାଃ ।”

**ୟୀଶୁଆଃ ଚେଲା ହବାଅଃରେୟାଃ ଗନଙ୍ଗ୍
(ମାଥୁଉ ୧୦:୩୭-୩୮)**

୨୫ ମିସା ପୁରାଃ ଗାଦେଲ୍ ହଡ଼କ ଯୀଶୁଲଃ ସେନଃତାନକ ତାଲକେନା, ଆତ୍ମା ଇନିଷ ହେଡ଼ାରୁହାଡ଼କେଦତେ କାଜିୟାଦକଆଏ, ୨୬ ✽ଜେତାଏ ହଡ଼ ଆଇଙ୍ଗ୍‌ତାଃତେ ହିଜୁଃରେଦ ଆୟାଃ ଆପୁ ଆତ୍ମା ଏଙ୍ଗା, କୁଡ଼ି ଆତ୍ମା ହନ୍‌କ, ହାଗାକ ଆତ୍ମା ମିଶିକ, ହେଗି ଆୟାଃ ଜୀଉକେହ ଆଇଙ୍ଗ୍‌ଏତେ

✽ ୧୪:୧୧ ୧୪:୧୧ ମାଥୁଉ ୨୩:୧୨; ଲୁକ ୧୮:୧୪. ✽ ୧୪:୨୭ ୧୪:୨୭ ମାଥୁଉ ୧୦:୩୭.

ଆଦକା ଦୁଲାଡ଼ରେଦ ଇନିଃ ଆଇଁୟାଃ ଚେଲା କାଏ ହବାଦାଡ଼ିୟଆଃ । ୨୭ ✠ଆଡ଼ଃ ଜେତାଏ ଆୟାଃ କୁଣ୍ ଗଅଃକେଦ୍‌ତେ ଆଇଁକ୍‌କେ କାଏ ଅତକ୍‌କ୍‌ରେଦ, ଇନିଃ ଆଇଁୟାଃ ଚେଲା କାଏ ହବାଦାଡ଼ିୟଆଃ ।

୨୮ “ଆପେକଏତେ ଗୁମ୍ମାଟ୍ ବାବାଇ ସାନାକ୍‌ନିଃ ଚି ସିଦାରେ ଦୁବ୍‌କେଦ୍‌ତେ ଏନାକେ ବାଇରୁଣ୍ ନାଗେନ୍ତେ ଇଦୁ ଆଇଁୟାଃତାଃରେ ଲାଗାଡ଼ିକ୍ ପାଏସା ମେନାଃ ଚି କା ମେନ୍ତେ କାଏ ଲେକାୟା ? ୨୯ କା'ରେଦ ଇନିଃ ନିହିଁ ଗାଡ଼ାକେ ପାଟାଅକେଦ୍‌ତେ ଚୁଣ୍‌କ୍‌କାଏ ଦାଡ଼ିରେଦ ସବେନ୍ ନେନେଲ୍ ହଡ଼କ ଇନିଃକେ ଲାୟାୟାକ । ୩୦ ନେ ହଡ଼ ବାବାଇ ଏଟେଦ୍‌କେଦାଏ ମେନ୍‌ଦ ଚୁଣ୍‌କ୍‌କାଏ ଦାଡ଼ିକେନା ମେନ୍ତେକ ମେନେୟା ।

୩୧ “ଆଡ଼ଃ ଜେତା ରାଜା ଗେଲ୍ ହାଜାର ପାଲ୍‌ଟାନ୍‌କକେ ସାବ୍‌କେଦ୍‌ତେ ଅକଏୟାଃଚି କୋଡ଼ିଏ ହାଜାର ପାଲ୍‌ଟାନ୍ ମେନାକଆଃ ଏନ୍ ରାଜାଲଃ ମାପାଃତୁପୁଇକ୍ ନାଗେନ୍ତେ ଅତକ୍‌ଅଃ ସିଦାରେ ଏନ୍ ରାଜାଏତେ ପୁରାଃ କେଟେଦ୍ ମେନାୟାଃଚି କାହା ମେନ୍ତେ ଇନିଃ ଚିନାଃ ଦୁବ୍‌କେଦ୍‌ତେ କାଏଚି ଉଡ଼ୁଇୟା ? ୩୨ କାଏ ଦାଡ଼ିରେଦ, ଏଟାଃ ରାଜା ସାଜିନ୍‌ରେ ତାଇନ୍ ଇମତାଗି ଇନିଃ କାଜିଇଦିନିଃକେ କୁଲ୍‌କେଦ୍‌ତେ ସୁକୁଜାଉରେ ତାଇନଃ ନାକ୍ ବିଡ଼ିୟାଏ । ୩୩ ନେ ଲେକାତେ ଆପେକଏତେ ଜେତାଏ ଆକଆଃ ସବେନ୍ ମେନାଃତେୟାଃ କାକ ବାଗିରେଦ ଆଇଁୟାଃ ଚେଲା କାକ ହବାଦାଡ଼ିୟଆଃ ।”

ସାବାଃ ବୁଲୁକ୍
(ମାଥୁର ୫:୧୩; ମାର୍କ ୯:୫୦)

୩୪ “ବୁଲୁକ୍ ବୁଗିନାଃ, ମେନ୍‌ଦ ବୁଲୁକ୍ ସାବାଗଃରେଦ ଏନା ଚିଲ୍‌କାତେ ଆଡ଼ଃମିସା ସିବିଲ୍‌ରୁହାଡ଼ଃଆ । ୩୫ ଏନା ଅତେନାକ୍ ଚାଏ ସାରାଗାଡ଼ା ନାଗେନ୍ତେୟା କାମିରେ କା ହିଜୁଃଆ; ହଡ଼କ ଏନାକେ ଏଣ୍ଡାୟାକ । ଆୟୁମ୍ ନାଗେନ୍ତେ ଲୁଡୁର୍ ମେନାଃନିଃ ଆୟୁମେକାଏ ।”

୧୫

ଆଦାକାନ୍ ମିଣ୍ଡି ଆଡ଼ଃ ଆଦାକାନ୍ ସିକିରେୟାଃ ଜନ୍‌କା କାଜି
(ମାଥୁର ୧୮:୧୨-୧୪)

୧ ✠ମୁସିକ୍ ହୁଲାକ୍ ସବେନ୍ ମାଲ୍‌ହାରମ୍‌କ ଆଡ଼ଃ ପାପି ହଡ଼କ ଯାଣୁଆଃ କାଜି ଆୟୁମ୍ ନାଗେନ୍ତେ ଇନିଃତାଃତେ ହିଜୁଃତାନ୍‌କ ତାଇକେନା । ୨ ମେନ୍‌ଦ ଫାରୁଶୀକ ଆଡ଼ଃ ଆଇନ୍ ଇଡୁକ କୁରୁମ୍‌ଡୁରୁମ୍‌ୟାନ୍‌ଲଃ* ମେନ୍‌କେଦାଃକ, “ନିଃ ପାପିକକେ ସୁକୁଆକୁତାନାଏ ଆଡ଼ଃ ଆକଆଃଲଃ ଜମେତାନାଏ ।” ୩ ଏନ୍ତେ ଯାଣୁ ଇନ୍‌କୁକେ ନେ ଜନ୍‌କା କାଜି ଉଦୁବାଦ୍‌କଆଏ ।

୪ “ଆପେକଏତେ ଜେତାଏୟାଃ ମଣ୍ଡେହିସି† ମିଣ୍ଡିକ ତାଇନ୍‌ରେଦ ଆଡ଼ଃ ଇନ୍‌କୁଏତେ ମିଆଁଦ୍ ଆଦଃରେଦ ଚିୟାଃ ଇନିଃ ଏନ୍ ଉପୁନ୍‌ହିସି ଗେଲ୍‌ଅରେୟା‡ ମିଣ୍ଡିକକେ ବିରରେ କାଏ ବାଗିକଆ ଆଡ଼ଃ ଏନ୍ ଆଦାକାନ୍‌ନିଃକେ ଆଉରିନାମି ଜାକେଦ୍ କାଏଚି ଦାଣ୍ଡାବାଡ଼ାୟା ? ୫ ଆଡ଼ଃ ଇନିଃକେ ନାମ୍‌ତାଇରେଦ ରାସ୍‌କାତାନ୍‌ଲଃ ଆୟାଃ ତାରାନ୍‌ରେୟାଏ ଗଅଃଆଉଫିୟା, ୬ ଆଡ଼ଃ ଅଡ଼ାଃତେ ହିଜୁଃକେଦ୍‌ତେ ଆୟାଃ ଗାଡ଼ିକକେ ଆଡ଼ଃ ହପର୍‌ଜାପାଃରେନ୍‌କକେ କେଡ଼ାହୁଣ୍ଡିକେଦ୍‌ତେ ‘ଆଇଁୟାଃଲଃ ରାସ୍‌କାନ୍‌ପେ, ଆଇଁୟାଃ ଆଦାକାନ୍ ମିଣ୍ଡିକେଇକ୍ ନାମ୍‌ରୁହାଡ଼କିୟା’ ମେତାକଆଏ । ୭ ଆଇକ୍ କାଜିୟାପେ ତାନାଇକ୍, ନେ ଲେକାଗି ମନ୍‌ରୁହାଡ଼୍ କା ଲାଗାଡ଼ିକ୍ ଉପୁନ୍‌ହିସି ଗେଲ୍‌ଅରେୟା ଧାର୍‌ମାନ୍‌କଏତେ ଆଦକା ମିଆଁଦ୍ ମନ୍‌ରୁହାଡ଼ତାନ୍ ପାପି ନାଗେନ୍ତେ ସିର୍ମାରେନ୍‌କ ରାସ୍‌କାଅଆଃକ ।

ଆଦାକାନ୍ ସିକା

୮ “ଚାଏ ଜେତାଏ କୁଡ଼ିରାଃ ଗେଲ୍‌ସି ସିକା* ମେନାଃରେଦ ଆଡ଼ଃ ମିଆଁଦ୍ ଆଦଃରେଦ, ଚିୟାଃ ଇନିଃ କାଏ ଦିମିୟା ଆଡ଼ଃ ଅଡ଼ାଃକେ କାଏ ଜଗେୟା ଆଡ଼ଃ ଆଉରି ନାମେଜାକେଦ୍ ଚିହୁଲ୍‌ତେ† କାଏଚି ଦାଣ୍ଡାବାଡ଼ାୟା ? ୯ ଆଡ଼ଃ ଏନା ନାମ୍‌କେଦ୍‌ରେ ଆୟାଃ ଗାଡ଼ିକକେ ଆଡ଼ଃ ହପର୍‌ଜାପାଃରେନ୍‌କକେ କେଡ଼ାହୁଣ୍ଡିକେଦ୍‌ତେ, ଆଇଁୟାଃଲଃ ରାସ୍‌କାନ୍‌ପେ, ଆଇଁୟାଃ ଆଦାକାନ୍ ସିକାଇକ୍ ନାମ୍‌ରୁହାଡ଼କାଦା ମେତାକଆଏ । ୧୦ ଆଇକ୍ କାଜିୟାପେ ତାନାଇକ୍, ନେ ଲେକାଗି ମିଆଁଦ୍ ମନ୍‌ରୁହାଡ଼ତାନ୍ ପାପି ନାଗେନ୍ତେ ପାର୍‌ମେଶ୍ୱାର୍‌ଆଃ ଦୁଡ଼କ ରାସ୍‌କାଅଆଃକ ।”

ଆଦଲେନ୍ ହନ୍‌ଆଃ ଜନ୍‌କା କାଜି

✠ ୧୪:୨୭ ୧୪:୨୭ ମାଥୁର ୧୦:୩୮; ୧୭:୨୪; ମାର୍କ ୮:୩୪; ଲୁକ ୯:୨୩. † ୧୪:୨୮ ୧୪:୨୮ ଗୁମ୍ମାଟ୍ ଗଡ଼/ଗାଡ଼. ‡ ୧୪:୩୧ ୧୪:୩୧ ମାପାଃତୁପୁଇକ୍ ଲାଡାଲ. * ୧୫:୧ ୧୫:୧ ଲୁକ ୫:୨୯, ୩୦. † ୧୫:୨ ୧୫:୨ କୁରୁମ୍‌ଡୁରୁମ୍‌ୟାନ୍‌ଲଃଅଭିଯୋଗ/କୁରୁବୁରାଅ † ୧୫:୪ ୧୫:୪ ନିଦ୍‌ଶାଅ ‡ ୧୫:୪ ୧୫:୪ ଅନାଇସ୍ § ୧୫:୮ ୧୫:୮ ଦାଗ୍ * ୧୫:୮ ୧୫:୮ ନିହୁଡ଼୍ ହଡ଼ରାଃ ମୁସିକ୍‌ରାଃ ମାକ୍‌ରି ଗନକ୍ † ୧୫:୮ ୧୫:୮ ଚିହୁଲ୍‌ତେ ଯାତାନ୍‌ତେ

୧୧ ଏନ୍ତେ ଯୀଶୁ ଆଡ଼ଃଖି କାଜିକେଦାଏ, “ଜେତାଏ ହଡ଼ଆଃ ବାରହଡ଼, କଡ଼ାହନ୍‌କିନ୍ ତାଇକେନା । ୧୨ ଇନ୍‌କିନ୍‌ଏତେ ଲିଟା‡ ହନ୍ କାଜିକିୟାଏ, ‘ହେ ଆବା, ମେନାଃତେୟାଃଏତେ ଆଇୟାଃ ହାଟିଙ୍ଗ୍ ଏମାଇଙ୍ଗ୍‌ମେ ।’ ଏନ୍ତେ ଏନ୍ ହଡ଼ ଆୟାଃ ମେନାଃତେୟାଃ ହାଟିଙ୍ଗ୍‌ଆଁଦକିନାଏ । ୧୩ ତିମିନ୍ ମାଃ ତାୟମତେ ଲିଟା ହନ୍ ଏନ୍ ସବେନାଃ ହୁଣ୍ଡିକେଦତେ ସାଙ୍ଗିନ୍ ଦିଶୁମ୍‌ତେ ସେନଃୟାନାଏ ଆଡ଼ଃ ଏନ୍ତାଃରେ ଏଡ଼କାନ୍ କାମିକରେ ତାଇକେନା ଏନ୍ତେ ଆୟାଃ ସବେନାଃତେୟାଃ ଛିତିବିତିକେଦାଏ । ୧୪ ଇନିଃ ସବେନାଃ ଚାବାକେଦତି, ଏନ୍ ଦିଶୁମ୍‌ରେ ପୁରାଃ ରିଙ୍ଗାୟାନା ଆଡ଼ଃ ଇନିଃ ରେଙ୍ଗେଃୟାନାଏ । ୧୫ ଏନ୍ତେ ଇନିଃ ସେନଃୟାନ୍ତେ ଏନ୍ ଦିଶୁମ୍‌ରେନ୍ ମିଆଁଦ୍ ହଡ଼ତାଃରେ ଦାସିତାଇକେନାଏ, ଏନ୍ ହଡ଼ ଆୟାଃ ପିଡ଼ିରେ ସୁକୁରି ଗୁପିତେ ଇନିଃକେ କୁଲ୍‌କିୟାଏ । ୧୬ ଆଡ଼ଃ ଇନିଃ ସୁକୁରି ଜମ୍‌ତେୟାଃ ଆୟାଃ ଲାହିଦ୍ ବିଏ ସାନାଙ୍ଗ୍‌ତାନ୍ ତାଇକେନାଏ ଆଡ଼ଃ ଜେତାଏ ଇନିଃକେ କାକ ଏମାଇତାନ୍ ତାଇକେନା । ୧୭ ଏନ୍ତେ ଇନିଃ ପାହାମ୍ ରୁହାଡ଼କେଦତେ କାଜିକେଦାଏ, ପୁରାଃଖି ସାରେଜ୍‌ଉତାରଃ ଲେକା ଜମ୍‌ମେୟାଃ ଆପୁଇୟାଃ ତିମିନ୍ ନାଲାକତାଃରେ ମେନାଃ ଆଡ଼ଃ ଆଇଙ୍ଗ୍ ନେତାଃରେ ରେଙ୍ଗେଃତେ ଗଜତାନାଇଙ୍ଗ୍ । ୧୮ ଆଇଙ୍ଗ୍ ବିରିଦକେଦତେ ଆପୁଇଙ୍ଗ୍‌ତାଃ ସେନଃଆଇଙ୍ଗ୍ ଆଡ଼ଃ କାଜିୟାଇଙ୍ଗ୍, ହେ ଆବା, ଆଇଙ୍ଗ୍ ସିର୍ମାରେନ୍ ପାର୍‌ମେଶ୍‌ବାରୁଆଃ ଆଡ଼ଃ ଆମାଃ ଆୟାରରେ ପାପକାଦାଃଇଙ୍ଗ୍ । ୧୯ ଆଇଙ୍ଗ୍ ଆମାଃ ହନ୍ କାଜିୟାଃଲେକାନିଃ ନାହାଁଲାଇଙ୍ଗ୍, ଆମ୍ ଆମାଃ ନାଲା କାମିତାନ୍ ଦାସିକ ଲେକା ଦହିଙ୍ଗ୍‌ମେ । ୨୦ ଏନ୍ତେ ଇନିଃ ବିରିଦୟାନ୍ତେ ଆପୁତେତାଃ ସେନଃୟାନାଏ । ମେନ୍‌ଦ ଇନିଃ ସାଙ୍ଗିନ୍‌ରେଗି ତାଇକେନ୍ ଇମ୍‌ତା ଆପୁତେ ଇନିଃକେ ନେଲ୍‌କିଃତେ ଲିବୁଆଇକିୟାଏ, ଆଡ଼ଃ ନିର୍ ଦାରମ୍‌କିୟାଏ, ଆଡ଼ଃ ହାଁବୁଦକିଃତେ ତଅଃକିୟାଏ । ୨୧ ହନ୍ ଇନିଃକେ କାଜିକିୟାଏ, ‘ହେ ଆବା, ଆଇଙ୍ଗ୍ ସିର୍ମାରେନ୍ ପାର୍‌ମେଶ୍‌ବାରୁଆଃ ଆଡ଼ଃ ଆମାଃ ଆୟାରରେଇଙ୍ଗ୍ ପାପକାଦାଃ, ଆଇଙ୍ଗ୍ ଆୟାରରେ ଆମାଃ ହନ୍ କାଜିୟାଃଲେକାନିଃ ନାହାଁଲିଙ୍ଗ୍ ।’ ୨୨ ମେନ୍‌ଦ୍ ଆପୁ ଆୟାଃ ଦାସିକକେ କାଜିୟାଦକଆଏ, ‘ବୋଦେଗି ! ସବେନାଃଏତେ ବୁଗିନ୍ ଲିଜାଃ ଅତଙ୍ଗ୍‌ୟେପେ ଆଡ଼ଃ ଇନିଃକେ ତୁସିଙ୍ଗ୍‌ଇପେ ଆଡ଼ଃ ଇନିୟାଃ ତିଃଇରାଃ ସାର୍‌ସାରରେ ମୁଦାମ୍ ଆଡ଼ଃ କାଗାରେ ଜୁତା ଚାଏ ଖାରପା ତୁସିଙ୍ଗ୍‌ଇପେ । ୨୩ ଆଡ଼ଃ କିରିକାନ୍ ବାଛାଃ ଆଡ଼କେଦତେ ଗଜିପେ, ଆବୁ ଜମ୍‌କେଦତେବୁ ରାସକାଅଃଆ । ୨୪ ନେ ହନିଙ୍ଗ୍‌କଡ଼ାଦ ଗଜାକାନ୍ ତାଇକେନାଏ ଆଡ଼ଃ ଜୀହୁଦ୍‌ରୁହାଡ଼ାକାନାଏ, ଇନିଃ ଆଦାକାନ୍ ତାଇକେନାଏ ଆଡ଼ଃ ନାମ୍‌ରୁହାଡ଼ାକାନାଏ, ଆଡ଼ଃ ଇନ୍‌କୁ ରାସକାଅଃ ଏଟେଦକେଦାକ ।’

୨୫ “ଆଡ଼ଃ ଇନିୟାଃ ମାରାଙ୍ଗ୍ ହନ୍ ପିଡ଼ିରେ ତାଇକେନାଏ, ହିଜୁଃତାନ୍‌ଲଃ ଅଡ଼ଃତାଃ ସେଟେରୁୟାନ୍‌ତେ ଦୁରାଙ୍ଗ୍‌ତାନ୍, ସୁସୁନ୍‌ତାନ୍‌କଆଃ ସାଡ଼ି ଆୟୁମ୍‌କେଦା । ୨୬ ଏନ୍ତେ ଇନିଃ ଦାସିକଏତେ ମିଆଁଦିନିଃକେ ଆୟାଃତାଃତେ କେଡ଼ାକେଦତେ ‘ନେଆଁ ତିନାଃ ହବାଅଃତାନାଃ’ ମେନ୍ତେ କୁଲିକିୟାଏ । ୨୭ ‘ହାଗାମ୍ ତାମାଃ ହିଜୁଆକାନାଏ’ ମେନ୍‌କିୟାଏ, ‘ଆଡ଼ଃ ଇନିଃ ବୁଗିନ୍ ବୁଗିନାଏ ନାମ୍‌ରୁହାଡ଼ାକାନା ମେନ୍ତେ ଆପୁମ୍ ମିଆଁଦ୍ କିରିୟାକାନ୍ ବାଛା ଗଜାକାଇୟାଏ ।’

୨୮ “ମେନ୍‌ଦ୍ ମାରାଙ୍ଗ୍ ହନ୍ତେକଡ଼ା ଖୁସ୍‌ୟାନାଏ ଆଡ଼ଃ ଅଡ଼ଃତେ କାଏ ବଲ୍ ସାନାଙ୍ଗ୍‌କେଦା, ଏନାତେ ଆପୁତେ ଅତଙ୍ଗ୍‌କେଦତେ ଇନିଃକେ ବିକ୍ତିକିୟାଏ । ୨୯ ମେନ୍‌ଦ୍ ଇନିଃ ଆପୁତେକେ କାଜିରୁହାଡ଼କିୟାଏ, ‘ନେଲେମେ, ନିମିନ୍ ବାରାଷ୍ ହବାୟାନା ଆଇଙ୍ଗ୍ ଆମାଃ ଦାସି ଲେକାଇଙ୍ଗ୍ କାମିତାନା ଆଡ଼ଃ ଆମାଃ ଜେତାନ୍ ଆନ୍‌ରୁ ତିଉଲାହଗି କାଇଙ୍ଗ୍ ଟଟାଃକେଦା ଆଡ଼ଃ ଆମ୍ ଆଇୟାଃ ଗାଡିକଲଃ ରାସକାଃଅ ନାଗେନ୍ତେ ତିଉଲାହ ମିଆଁଦ୍ ମେରମ୍ ହନ୍‌ହଁ କାମ୍ ଏମାକାଦିଇୟାଃ । ୩୦ ମେନ୍‌ଦ୍ ଆମାଃ ନେ ହନ୍ ବେଶ୍‌କଲଃ ଆମାଃ ସବେନ୍ ମେନାଃତେୟାଃ ଜମ୍‌ଚାବାକେଦାଏ, ଆଡ଼ଃ ନାହାଁଃ ଅଡ଼ଃତେ ହିଜୁକାନ୍ ଇମ୍‌ତା ଆମ୍ ଇନିୟାଃ ନାଗେନ୍ତେ ମିଆଁଦ୍ କିରିକାନ୍ ବାଛା ଗଏଃକିୟାମ୍ ।’ ୩୧ ମେନ୍‌ଦ୍ ଆପୁତେ କାଜିକିୟାଏ, ‘ହେ ହନ୍, ଆମ୍ ଜାନାଅ ଆଇଙ୍ଗ୍‌ଲଃ ତାଇନଃତାନାମ୍ ଆଡ଼ଃ ଆଇୟାଃ ସବେନାଃ ଆମାଃଖି ତାନାଃ । ୩୨ ମେନ୍‌ଦ୍ ରାସକାଅଃ ଆଡ଼ଃ ସୁକୁଅଃଲାଗାଡିଙ୍ଗ୍ ତାଇକେନା ତିୟାଃତି ନେ ହାଗାମ୍‌ଦ ଗଜାକାନାଏ ତାଇକେନା ଆଡ଼ଃ ଜୀହୁଦ୍‌ରୁହାଡ଼ାକାନାଏ; ଇନିଃ ଆଦାକାନାଏ ତାଇକେନା ଆଡ଼ଃ ନାମ୍‌ରୁହାଡ଼ାକାନାଏ ।’ ”

୧୭

ଲଗତାନ୍ ଭାଣ୍ଡାରି

୧ ଯୀଶୁ ଆୟାଃ ତେଲାକକେ କାଜିୟାଦକଆଏ, “ମିଆଁଦ୍ କିସାଁଶ୍ ହଡ଼ଆଃ ଭାଣ୍ଡାରି ତାଇକେନାଏ, ଇନିଃ ମେନାଃତେୟାଃକ ଛିତିବିତି ତାନାଏ ମେନ୍ତେ କିସାଁଶାଃ ଆୟାରରେ ଭାଣ୍ଡାରିକ ତିଟାକିୟାଃକ । ୨ ଏନ୍ତେ କିସାଁଶ୍ ଇନିଃକେ ହାକାଅତାନ୍‌ଲଃ କାଜିକିୟାଏ, ‘ଆମାଃ ବିଷାଏରେ ତିନାଃଇଙ୍ଗ୍ ଆୟୁମ୍‌ତାନା ? ଆମାଃ

‡ ୧୫:୧୨ ୧୫:୧୨ ଲିଗା ହୁଡ଼ିଙ୍ଗ୍ § ୧୫:୨୩ ୧୫:୨୩ ବାଛା ଦାମୁର୍

ଭାଣ୍ଡାରି କାମିରାଃ ହିସାବ୍ ଏମାଲଙ୍ଗମେ, ଆମ୍ ଆୟାର୍‌ତେ ଭାଣ୍ଡାରି କାମ୍ ତାଇନ୍‌ଦାଡ଼ିୟାଃ । ୩ ଏନ୍ ଭାଣ୍ଡାରି ଚିନାଃଇଙ୍ଗ୍ ଚିକାୟା ମେନ୍ତେ ଆୟାଃ ମନ୍‌ରେୟାଏ ଉଡୁଃକେଦାଃ, ଗମ୍‌କେତାଇଙ୍ଗ୍‌ଦ ଭାଣ୍ଡାରି କାମି ରେଜିଙ୍ଗ୍‌ତାନାଏ । ଉରକେଦ୍‌ତେ କାମିଲେକା ଆଇଁୟାଃ ପେଡେଃଃ ବାନଃଆ, ଆଡଃ କର୍‌ଡେଇଙ୍ଗ୍ ଗିହୁଃତାନା । ୪ ଭାଣ୍ଡାରିକାମିଏଡେଇଙ୍ଗ୍ ଅଡଙ୍‌ଏନ୍‌ରେଦ ହଡକ ଆକଆଃ ଅଡ଼ାଃରେକ ଦହିଙ୍ଗା ମେନ୍ତେ ଚିନାଃଇଙ୍ଗ୍ ଚିକାୟା ଏନାଲଙ୍ଗ୍ ସାରିୟାଃ ।

୫ “ଏନ୍ତେ ଇନିଃ ଆୟାଃ ଗମ୍‌କେୟାଃ ରିଶାସାବାକାଦ୍‌କଏଡେ ମିମିଆଦ୍‌କକେ କେଡ଼ାକେଦ୍‌କଆଏ । ସିଦାନିଃକେ କୁଲିକିୟାଏ, ‘ଆମ୍ ଆଇଁୟାଃ ଗମ୍‌କେୟାଃ ଚିମିନାଙ୍ଗ୍ ରିଶାମ୍ ଇଦିକାଦା ?’ ୬ ଇନିଃ କାଜିକିୟାଏ ‘ମଶୈହିସି ଚିନ୍ ସୁନ୍‌ମ୍ ।’ ଏନ୍ତେ ଇନିଃ, ‘ମାର୍ ଆମାଃ ବହି ଆଉଝେମେ ଆଡଃ ଦୁବ୍‌ଧାବ୍‌କେଦ୍‌ତେ ବାର୍‌ହିସି ଗେଲେୟା ଅଲେମେ’ ମେନ୍‌କିୟାଏ । ୭ ଏନ୍ତେ ଏଗାଃନିଃକେ କାଜିକିୟାଏ, ‘ଆମ୍ ଚିମିନାଙ୍ଗ୍ ରିଶାମ୍ ଇଦିକାଦା ?’ ‘ମିଦ୍ ହାଜାର୍ ବାସ୍ତା ଗହମ୍’ ମେନ୍‌ରୁହାଡ଼କିୟାଏ । ଇନିଃ କାଜିକିୟାଏ, ‘ଆମାଃ ବହି ଆଉଝେମେ ଆଡଃ ଇରାଲିୟା* ଶାଅ ବାସ୍ତା ଅଲ୍‌ତାମେ ।’

୮ “ଏନ୍ତେ ଇନିଃ ସେଶାଁଡେୟାଏ କାମିୟାକାଦା ମେନ୍ତେ ଇନିୟାଃ ଗମ୍‌କେ ଏନ୍ କା ଧାର୍‌ମାନ୍ ଭାଣ୍ଡାରିକେ ସାହାରାଅକିୟାଏ । ନେ ପାରିୟାରେନ୍ ହଡକଦ ଆକଆଃ ଦିପିଲିରେନ୍ ହଡକଆଃ ନାଗେନ୍ତେ ମାର୍‌ସାଲ୍‌ରେନ୍ ହନ୍‌କଆଃଏଡେ ଆଦ୍‌କାକ ସେଶାଁନାଃ ।”

୯ ଆଇଙ୍ଗ୍ ଆପେକେ କାଜିୟାପେ ତାନାଲଙ୍ଗ୍, ଆପେ ସାଂସାର୍‌ରେୟାଃ କା ଧାର୍‌ମାନ୍ ଖୁଜ୍‌ତେ† ଗାଡିକ ବାଇକପେ, ଏନ୍ତେ ଏନା ଚୁଣ୍ଡୁଆଃ ଇମତାଙ୍ଗ୍ ଇନ୍‌କୁ ଜାନାଅ ଜାନାଅ ତାଇନଃ ଠାୟାଦ୍‌ରେକ ଦହପେୟା । ୧୦ ସବେନାଃଏଡେ ହୁଡିଙ୍ଗ୍‌ଆଁରେ ପାଡିୟାର୍‌ରଃ ଲେକାନ୍‌ନିଃ ପୁରାଃ ବିଷାଏରେହଗି ପାଡିୟାର୍‌ରଃ ଲେକାନ୍‌ନିଃ ତାନିଃ ଆଡଃ ସବେନାଃଏଡେ ହୁଡିଙ୍ଗ୍‌ଆଁରେ କା ପାଡିୟାର୍‌ରଃ ଲେକାନ୍‌ନିଃ ପୁରାଃ ବିଷାଏରେହଗି କା ପାଡିୟାର୍‌ରଃ ଲେକାନ୍‌ନିଃ ତାନିଃ । ୧୧ ଏନାମେନ୍ତେ ଆପେ ସାଂସାର୍‌ରେୟାଃ ଖୁଜ୍‌ରେ କା ପାଡିୟାର୍‌ରଃ ଲେକାପେ ତାଇନଃରେଦ, ସାର୍‌ତିଡେୟାଃ ଅକଏ ଏମାପେୟାଏ ? ୧୨ ଆଡଃ ଆପେ ଏଗାଃନିୟାଃ ବିଷାଏରେ ପାଡିୟାର୍‌ରଃ ଲେକା କାପେ ତାଇନ୍‌ରେଦ ଆପେକେ ଅକଏ ଆପେୟାଃଡେୟାଃକେ ଏମାପେୟାଏ ।

୧୩ * “ଜେତାଏ ବାରିଆ ଗମ୍‌କେକିନାଃ ଦାସି କାଏ ହବାଦାଡ଼ିୟାଆ, ଚିୟାଃତି ଇନିଃ ମିହୁଡକେ ହିଲାଇଙ୍ଗ୍‌କିୟାଏ ଆଡଃ ଏଗାଃ ମିହୁଡକେ ଦୁଲାଇଙ୍ଗ୍‌କିୟାଏ, ତାଏ ମିଆଁଦ୍‌ନିଃଲଃ ମେସାନାଏ ଆଡଃ ଏଗାଃନିଃଲଃ କାଏ ମେସାନା । ଆପେ ପାର୍‌ମେଶ୍ୱାର୍ ଆଡଃ ଖୁଜ୍‌ ବାରାନାଃରେ କାପେ ଦାସିଦାଡ଼ିନା ।”

ଆନ୍‌ରୁରେୟାଃ ପେଡେଃଃ
(ମାଥୁଉ ୧୧:୧୨-୧୩; ୫:୩୧-୩୨; ମାର୍କ ୧୦:୧୧-୧୨)

୧୪ ଟାକା ପାଏସାରାଃ ହାୟାତାନ୍ ଫାରୁଶୀକ ନେ ସବେନ୍ କାଜି ଆୟୁମକେଦ୍‌ତେ, ଇନିଃକେକ ହିଲାଇଙ୍ଗ୍‌କିୟା । ୧୫ ଇନିଃ ଇନ୍‌କୁକେ କାଜିୟାଦ୍‌କଆଏ, “ଆପେଦ ହଡକଆଃ ଆୟାର୍‌ରେ ଧାର୍‌ମାନ୍‌ପେ ଉଡୁବଃତାନା, ମେନ୍‌ଦ ପାର୍‌ମେଶ୍ୱାର୍ ଆପେୟାଃ ମନ୍ ସାରିୟାଏ । ହଡକଆଃ ଆଲାରେ ମାରାଙ୍ଗ୍‌ଆଡ ପାର୍‌ମେଶ୍ୱାର୍‌ଆଃ ସାନ୍‌ମାଙ୍ଗ୍‌ରେ ହିଲାଇଙ୍ଗ୍‌ଆଃଲେକା ।

୧୬ * “ମୁଶାରାଃ ଆନ୍‌ରୁ ଆଡଃ ନାବୀକ ବାପ୍ତିସ୍ତା ଏମାଃନିଃ ଯୋହାନ୍ ଜାକେଦ୍‌କ ତାଇକେନା, ଇମ୍‌ତାଙ୍ଗ୍‌ଏଡେ ପାର୍‌ମେଶ୍ୱାର୍‌ଆଃ ସିମା ରାଇଜ୍‌ରେୟାଃ ସୁକୁକାଜି ଉଡୁବଃତାନା ଆଡଃ ସବେନ୍‌କ ପେଡେଃଃଲଃ ଏନାରେ ବଲଃତାନାକ । ୧୭ * ସିମା ଆଡଃ ଅଡେ ଜିୟନିଃଆ ମେନ୍‌ଦ ମୁଶା ନାବୀଆଃ ଆନ୍‌ରୁରେୟାଃ ମିଆଁଦ୍ ଅନଲ୍ ହଗି କା ଜିୟନିଃଆ ।

୧୮ * “ଜେତାଏ ହଡ ଆୟାଃ କୁଡିକେ ବାଗିକେଦ୍‌ତେ ଏଗାଃନିଃଲଃ ଆଣ୍‌ଦିନ୍‌ରେଦ ଇନିଃ ଆପାଙ୍ଗିର୍‌ନିଃ ତାନିଃ ଆଡଃ କଡ଼ାଡେ ବାଗିୟାକାନ୍ କୁଡିକେ ଜେତାଏ ଆଣ୍‌ଦିୟାଃରେଦ ଇନିଃ ଆପାଙ୍ଗିର୍‌ନିଃ ତାନିଃ ।

କିସାଁଣ୍ ହଡ ଆଡଃ ଲାଜାର୍

୧୯ “ମିଆଁଦ୍ କିସାଁଣ୍ ହଡ ତାଇକେନାଏ, ଇନିଃ ବାଇଗିନିଆ ଲିଜାଃ ଆଡଃ ବୁଗିନ୍ ସୁଗାଡ୍ ଲିଜାଃ ତୁସିଙ୍ଗ୍‌ଆଁତାନ୍ ଆଡଃ ସବେନ୍ ହୁଲାଇଙ୍ଗ୍ ପୁରାଃ ରାସ୍‌ବାସ୍‌ରେୟାଏ ତାଇକେନା । ୨୦ ମେନ୍‌ଦ ଲାଜାର୍ ନୁଡୁମ୍ ମିଆଁଦ୍ କର୍‌ହଡ୍ ଘାଅଡେ ପେରେଜାକାନ୍ ତାଇକେନାଏ, ଇନିଃକେ କିସାଁଣ୍ ହଡରାଃ ଅଡ଼ାଃ ବଲଦୁଆର୍‌ତାଃରେ ବାଗିଡୁକାକାନାଏ ତାଇକେନା । ୨୧ ନେ କିସାଁଣ୍ ହଡଆଃ ମେଜ୍‌ଏଡେ ଉୟୁଗଃତାନ୍ କେତାଃଡେୟାଃଲଃ ଆୟାଃ ଲାହିଦ୍ ବିଏ ସାନାଙ୍ଗ୍‌ତାନାଏ ତାଇକେନା, ସେତାକହ ହିଜୁଃଲେନ୍ତେ ଇନିୟାଃ ଘାଅ ଜାଲ୍‌ଇତାନ୍‌କ ତାଇକେନା ।

* ୧୭:୭ ୧୭:୭ ଆଡ୍ † ୧୭:୯ ୧୭:୯ ଖୁଜ୍‌ତେ ଧାନ୍ / ଖୁଜ୍‌ ‡ ୧୭:୧୩ ୧୭:୧୩ ମାଥୁଉ ୭:୨୪. * ୧୭:୧୭ ୧୭:୧୭ ମାଥୁଉ ୧୧:୧୨, ୧୩. † ୧୭:୧୭ ୧୭:୧୭ ମାଥୁଉ ୫:୧୮. ‡ ୧୭:୧୮ ୧୭:୧୮ ମାଥୁଉ ୫:୩୨; ୧ କବିନ୍ଦ୍ରିୟ ୭:୧୦, ୧୧.

୨୭ “ଏନ୍ତେ ନେକା ହବାୟାନା, ନେ ରେଙ୍ଗେଃ ହଡ଼ ଗଏଃୟାନାଏ ଆଡ଼ଃ ଦୁଁଡ଼କ ଆବ୍ରାହାମ୍‌ଆଃ କୟ୍‌କ୍‌ରେକ ତେବଃକିୟା, ଆଡ଼ଃ ଏନ୍ କିସାଁଣ୍ ହଡ଼ହଗି ଗଏଃୟାନାଏ ଆଡ଼ଃ ତପାକିୟାଃକ । ୨୮ ଇନିଃ ପାତାଲ୍‌ରେ ଦୁକୁସାହାଡ଼ିକ୍‌ତାନ୍ ଇମ୍‌ତା ଆରିଦରାକାବ୍‌କେଦାଏ ଆଡ଼ଃ ସାଜିନ୍‌ରେ ଆବ୍ରାହାମ୍‌ ଆଡ଼ଃ ଆୟାଃ କୟ୍‌କ୍‌ରେ ଲାଜାରକେ ନେଲ୍‌କିୟାଏ । ୨୯ ଏନ୍ତେ ଇନିଃ ହାକାଅକିଃତେ କାଜିକିୟାଏ, ‘ହେ ଆବା, ଆବ୍ରାହାମ୍‌ ଲିବୁଆଇକ୍‌ମେଁ ଆଡ଼ଃ ଲାଜାରକେ କୁଲ୍‌ତାଇମ୍‌ ଇନିଃ ଆୟାଃ ସାର୍‌ସାର୍‌ରଃ ରୁଟି ଦାଆଃରେ ତୁପୁକେଦ୍‌ତେ ଆଲାକ୍‌ତାଇୟାଃକେ ତୁଡ଼କେନେକାଏ, ଆଇକ୍‌ଦ ନେ ସେଙ୍ଗେଲ୍‌ରେ କାଲ୍‌ପାଅଃତାନାଇକ୍‌ ।’ ୩୦ ମେନ୍‌ଦ ଆବ୍ରାହାମ୍‌ କାଜିକିୟାଏ, ‘ଏ ହନ୍, ନେଆଁ ଉଡ଼ଃକ୍‌ମେ, ଆମ୍‌ଦ ଜାନିଦ୍‌ ତାଇକେନ୍ ଇମ୍‌ତା ଆମାଃ ରୁଗିନାଃମ୍‌ ନାମତାବାକେଦାଃ ଆଡ଼ଃ ଏନ୍ ଲେକାଗି ଲାଜାର ପୁରଃ ଦୁକୁ ନାମ୍‌କେଦାଏ, ମେନ୍‌ଦ ନାହାଁଃ ଇନିଃ ନେତାଃରେ ଜୀଉରାଡ଼େଃ ନାମେତାନାଏ ଆଡ଼ଃ ଆମ୍‌ କାଲ୍‌ପାଅଃତାନାମେ ।’ ୩୧ ଆଡ଼ଃ ନେଆଁଏତେ ଆଦ୍‌କା ମାରାକ୍‌ ହୁଝାକ୍‌ ଆଲେ ଆଡ଼ଃ ଆପେ ଆଲାରେ ମେନାଃ, ନେତାଃଏତେ ହାନ୍‌ପାରମ୍‌ ଆପେତାଃ ଜେତାଏ କାକ ସେନ୍‌ଦାଡ଼ିୟା ଆଡ଼ଃ ହାନ୍‌ପାରମ୍‌ରେନ୍‌କ ନେ ପାରମ୍‌ ଆଲେତାଃ କାକ ହିଜୁଃଦାଡ଼ିୟା ।’ ୩୨ ଇନିଃ କାଜିକିୟାଏ, ‘ତାବ୍‌ଦ ହେ ଆବା, ଲାଜାରକେ ଆପୁଇୟାଃ ଅଡ଼ାଃତେ କୁଲ୍‌ତାଇମ୍‌, ମେନ୍ତେଇକ୍‌ ବିକ୍ତିମେ ତାନା ।’ ୩୩ ତିୟାଃଟି ଆଇୟାଃଦ ମଣେୟାଁ ହାଗାଇକ୍‌କ ମେନାକଆ, ଇନିଃ ଇନ୍‌କୁତାଃ ପାର୍‌ଗାରେକାଏ, ଆଡ଼ଃ ତେତାଅକକାଏ, କା’ରେଦ ଇନ୍‌କୁହଗି ନେ ଦୁକୁ ଠାୟାଦ୍‌ତେକ ସେତେରାଃ ।’

୩୪ “ଆବ୍ରାହାମ୍‌ କାଜିକିୟାଏ, ‘ମୁଣା ଆଡ଼ଃ ନାବାକଆଃ ପୁଥ୍‌ ଇନ୍‌କୁତାଃରେୟାଃ; ଆମାଃ ହାଗାକ ଇନ୍‌କୁଆଃ କାଜିକ ଆୟୁମେକା ।’ ୩୫ ଇନିଃ କାଜିକିୟାଏ, ‘ହେ ଆବା ଆବ୍ରାହାମ୍‌, ବାନଃଗି ! ମେନ୍‌ଦ ଗଜାକାନ୍‌କଏତେ ଜେତାଏ ଇନ୍‌କୁତାଃତେ ସେନଃରେଦ ଇନ୍‌କୁ ହେୟାଡ଼ିକ୍‌ଆକ ଆଡ଼ଃ ପାପ୍‌ହେତେ ମନ୍‌ରୁହାଡ଼େୟାକ ।’ ୩୬ ମେନ୍‌ଦ ଇନିଃ କାଜିକିୟାଏ, ‘ଇନ୍‌କୁ ମୁଣା ଆଡ଼ଃ ନାବାକଆଃ କାଜି କାକ ମାନାଡ଼ିକ୍‌ରେଦ, ଗଜାକାନ୍‌କଏତେ ଜେତାଏ ଜୀଉବିରିଦଃରେୟା କାକ ମାନାଡ଼ିୟାଃ ।’”



ପାପ୍

(ମାଥୁଉ ୧୮:୨-୭, ୨୧-୨୨; ମାର୍କ ୯:୪୨)

୧ ଯୀଶୁ ଆୟାଃ ଚେଲାଇକେ କାଜିୟାଦ୍‌କଆଏ, “ଅକ ବିନିଡ଼ାଅ ହରାତେ ହଡ଼ ପାପ୍‌ରେ ଉୟୁଗଃଆ, ଏନ୍ ସବେନାଃ ଜାରୁଡ଼ଗି ହିଜୁଃଆ, ମେନ୍‌ଦ ଅକଏୟାଃ ହାରାତେ ନେୟାଁ ହବାଅଃଆ, ଇନିୟାଃ ଚୁଣ୍ଟୁ ଦାସା ତିମିନ୍‌ ବରଝାନ୍‌ଗି ହବାଅଃଆ । ୨ ଜେତାଏ ନେ ହୁଡ଼ିକ୍‌କଏତେ ମିଆଁଦ୍‌ନିଃକେ ପାପ୍‌ରେ ଉୟୁଃ ରିକାକଏତେଦ, ଇନିଃ ଆଇଃଗି ହଟଃରେ ଜାନ୍ତାଦିରି ହାକାକେଦ୍‌ତେ ଦରେୟାରେ ହୁଦ୍‌ମାଅଃତେୟାଃ ଆୟାଃ ନାଗେନ୍ତେ ବୁଗିନ୍‌ ହବାଅଃତେୟାଃ । ୩ ଏନାତେ ଆପେ ଚିର୍ଗାଲ୍‌କାନ୍‌ପେ, ହାଗାମ୍‌ ତାମାଃ ପାପ୍‌ଏରେଦ ଇନିଃକେ ଏଗେରକେଦ୍‌ତେ ଚେତାଇମେଁ, ଆଡ଼ଃ ଇନିଃ ହେୟାଡ଼ିକ୍‌ରେଦଃ ଛାମାଇମେଁ । ୪ ଇନିଃ ସିକ୍‌ସାଟୁବ୍‌ରେ ସାଡ଼ଧାଅଁ ଆମାଃ ବିରୁଧ୍‌ରେ ପାପ୍‌ପେରେଦ, ଆଡ଼ଃ ସିକ୍‌ସାଟୁବ୍‌ରେ ସାଡ଼ଧାଅଁ ଆମାଃତାଃତେ ରୁହାଡ଼ୟାନ୍ତେ ଆଇକ୍‌ ହେୟାଡ଼ିକ୍‌ତାନାଇକ୍‌ ମେନ୍‌ରେଦ ଇନିଃକେ ଛାମାଇ ଲାଗାଡ଼ିକ୍‌ୟାଃ ।”

ବିଶ୍ୱାସ୍

୫ ଆଡ଼ଃ ପ୍ରେରିଡ଼କ କାଜିକିୟା, “ହେ ପ୍ରାଭୁ ଆଲେୟାଃ ବିଶ୍ୱାସ୍‌ ଆଦ୍‌କାଏମେ ।” ୬ ପ୍ରାଭୁ ଯୀଶୁ କାଜିରୁହାଡ଼କେଦା, “ଆପେୟାଃ ବିଶ୍ୱାସ୍‌ ମିଆଁଦ୍‌ ମାନିଜାକ୍‌ଲେକା ମେନାଃରେଦ, ଆମ୍‌ ତୁଦଃମେଁ ଆଡ଼ଃ ଦରେୟାରେ ରୟାଃମେ ମେନ୍ତେ ନେ ତୁଁଡ଼ଦାରୁକେ କାଜିରେ, ଏନା ଆପେୟାଃ ଆନ୍‌ରୁକେ ମାନାଡ଼ିୟାଃଏ ।

ମିଆଁଦ୍‌ ଦାସିଆଃ କାମି

୭ “ଆପେକଏତେ ଜେତାଏୟାଃ ମିଆଁଦ୍‌ ସିହୁଃ ଚାଏ ଗୁପି ଦାସି ମେନାଇରେଦ, ଇନିଃ ପିଡ଼ିଏତେ ହିଜୁଃଲଃଗି, ଅକଏ ମାର୍‌ ଜଜମ୍‌ ଦୁବ୍‌ମେଁ ମେତାଇୟାଏ ? ୮ ମେନ୍‌ଦ ଇନିଃ ‘ଆଇୟାଃ ଜମେୟାଃ ବାଇୟେମେଁ, ଆଡ଼ଃ ପାଟେକେଦ୍‌ତେ ଆଇକ୍‌ ଆଉରିକ୍‌ ଜମେ ନୁଁଏ ଜାକେଦ୍‌ ସୁସାରିକ୍‌ମେ ଆଡ଼ଃ ଏନ୍ ତାୟମ୍‌ତେ ଆମ୍‌ ଜମନ୍‌ଏମେ’ ମେତାଇୟାଏ । ୯ ତିୟାଃ ଇନିଃ ଏନ୍ ଦାସିକେ ଆରୁକାନ୍‌ କାମିକ କାମିକେଦାଏ ମେନ୍ତେ ଧାନ୍ୟାବାଦ୍‌ ଏମାଃଏ ? ୧୦ ନେ’ଲେକାତେ ଆପେୟା ସବେନ୍‌ ଆରୁଆକାନ୍‌ କାମିକ ଚାବାକେଦ୍‌ତେ, ଆରୁ ପାଡ଼ିୟାର୍‌ରଃ ଲେକାନ୍‌ ଦାସିକ ନାହାଁଲାବୁ, ଆରୁଆଃ ଲାଗାଡ଼ିକ୍‌ କାମିକରୁ କାମିକେଦାଃ ମେନ୍ତେ କାଜିପେ ।”

‡ ୧୭:୨୩ 16:23 ଗନଏଃରଃ ବିଶ୍ୱାମ୍‌ § ୧୭:୨୪ ୧୭:୨୪ ତୁଡ଼କେନେକାଏ ଆଣ୍ଡାଏକାଏ ☆ ୧୭:୩ ୧୭:୩ ମାଥୁଉ ୧୮:୧୫.

ୟୀଶୁ ଗେଲ୍ ନାଗେଘାଅତାନ୍‌କକେ ବୁଗିକତାନାଏ

୧୧ ୟୀଶୁ ୟୀରୁଶାଲେମ୍‌ତେ ସେନଃତାନ୍ ଇମ୍ତା, ଶମିରୋନ୍ ଆତଃ ଗାଲିଲ୍ ଦିଶୁମ୍ ଆଲା ଆଲାତେ ସେନଃତାନାଏ ତାଇକେନା । ୧୨ ଇନିଃ ମିଆଁଦ୍ ହାତୁତେ ବଲତାନ୍ ଇମ୍ତା ଗେଲ୍ ନାଗେଘାଅତାନ୍ ହଡକ ସାଜିନ୍‌ରେକ ତିଙ୍ଗୁୟାନ୍ତେ ଇନିଃକେ ଦାରମ୍‌କିୟାଃକ । ୧୩ ଆତଃ ଇନ୍କୁ “ହେ ୟୀଶୁ ଦାୟାଲେମ୍‌” ମେନ୍ତେକ କାଉରିକେଦାଃ ।

୧୪ ଇନିଃ ଇନ୍କୁକେ ନେଲ୍‌କେଦ୍‌ତେ ମେତାଦ୍‌କଆଏ, “ସେନଃପେ ଆତଃ ଯାଜାକ୍‌କତାଃ ଉଦୁବେନ୍‌ପେ ।” ଆତଃ ଇନ୍କୁ ସେନଃତାନ୍‌ଲଃକ ଫାର୍‌ତିୟାନା । ୧୫ ଇନ୍କୁଏତେ ମିଆଁଦ୍‌ନିଃ ଆଇଙ୍ଗ୍ ବୁଗିକାନାଇଙ୍ଗ୍ ମେନ୍ତେ ନେଲ୍‌ୟାନ୍‌ତି କାଉରିକେଦ୍‌ତେ ପାର୍‌ମେଶ୍ୱାର୍‌ଆଃ ମାନାରାଙ୍ଗ୍‌ତାନ୍‌ଲଃ ହିଜୁଃରୁହାଡ୍‌ୟାନା । ୧୬ ଆତଃ ୟୀଶୁଆଃ କାଟାସୁବାରେ ଅମ୍ବାଃକେଦ୍‌ତେ ଇନିଃକେ ଧାନାବାଦ୍ ଏମ୍‌କିୟାଏ, ଆତଃ ଇନିଃଦ ଶମିରୋନିରେନ୍ ତାଇକେନାଏ । ୧୭ ୟୀଶୁ କୁଲିକେଦ୍‌କଆଏ, “ତିୟାଃ ସବେନ୍ ଗେଲ୍ ହଡକ କାକତି ଫାର୍‌ତିୟାନା ? ଏଟାଃ ନାଅଝାନ୍‌କ କତାଃରେକଆଃ ? ୧୮ ତିୟାଃ ନେ ଏଟାଃ ଦିଶୁମ୍‌ରେନ୍ ନିଃକେ ବାଗିକିଃତେ ପାର୍‌ମେଶ୍ୱାର୍‌କେ ଧାନାବାଦ୍ ଏମ୍ ନାଗେନ୍ତେ ଆତଃ ଜେତାଏ କାକ ରୁହାଡ୍‌ୟାନା ?” ୧୯ ଏନ୍ତେ ୟୀଶୁ ଇନିଃକେ କାଜିକିୟାଏ, “ମାର୍ ବିରିଦ୍‌ମେ ଆତଃ ସେନଃମେ ବିଶ୍ୱାସ୍‌ତାମାଃ ବୁଗିକାଦ୍‌ମେୟାଏ ।”

ପାର୍‌ମେଶ୍ୱାର୍‌ଆଃ ରାଇଜ୍ ହିଜୁଃତାନା (ମାଥୁଉ ୨୪:୨୩-୨୮, ୩୭-୪୧)

୨୦ ମିସା, ଚିମ୍‌ନାଙ୍ଗ୍ ଫାରୁଶୀକ ପାର୍‌ମେଶ୍ୱାର୍‌ଆଃ ରାଇଜ୍ ଚିଉଲା ହିଜୁଃଆ ମେନ୍ତେ କୁଲିକିୟାଃକ, ୟୀଶୁ ମେନ୍‌ରୁହାଡାଦ୍‌କଆଏ, “ପାର୍‌ମେଶ୍ୱାର୍‌ଆଃ ରାଇଜ୍ ଆପେୟାଃ ନେନେଲ୍‌ରେ କା ହିଜୁଃଆ, ୨୧ ଆତଃ ହଡକ ନେଲେପେ ନେତାଃରେୟା, ଚାଏ ନେଲେପେ ଏନ୍ତାଃରେୟା, ମେନ୍ତେ କାକ କାଜିୟା, ତିୟାଃତି ପାର୍‌ମେଶ୍ୱାର୍‌ଆଃ ରାଇଜ୍ ଆପେ ଆଲାରେଗିୟା ।”

୨୨ ଏନ୍ତେ ୟୀଶୁ ଆୟାଃ ଚେଲାକକେ କାଜିୟାଦ୍‌କଆଏ, “ଏନ୍ ନେତା ହିଜୁଃତାନା, ଆପେକେ ମାନଝାହନ୍‌ଆଃ ମିପିୟାଦ୍ ହୁଲାଙ୍ଗ୍‌କଏତେ ମିଆଁଦ୍ ହୁଲାଙ୍ଗ୍ ନେନେଲ୍ ସାନାଙ୍ଗ୍‌ପେୟା, ମେନ୍‌ଦ କାପେ ନେଲେୟା । ୨୩ ହଡକ କାଜିୟାପେୟାକ, ‘ଇନିଃ ନେତାଃରିୟା, ଚାଏ ହେନ୍ତାଃରିୟା,’ ମେନ୍‌ଦ ଆଲ୍‌ପେ ସେନାଃ । ୨୪ ଜୁଲ୍‌ତାନ୍‌ହିଚିର୍‌ଦ୍ ସିର୍‌ମାଲାତାର୍ ନେ’ସାଃଏତେ ଏଟାଃସାଃ ଜାକେଦ୍ ସିର୍‌ମାକେ ମାସ୍‌ଲେୟାଏ, ଏନ୍ ଲେକାଗି ମାନଝାହନ୍‌ଆଃ ହିନିଜୁଃ ହବାଅଆଃ । ୨୫ ମେନ୍‌ଦ ସିଦାତେ ଇନିଃକେ ପୁରାଃଗି ଦୁକୁ ସାହାତିଙ୍ଗ୍ ଲାଗାତିଙ୍ଗ୍‌ୟାଃ ଆତଃ ନେ ଦିପିଲିରେନ୍ ହଡକ ଇନିଃକେକ ହିଲାଙ୍ଗ୍‌ଇଆ । ୨୬ ଆତଃ ନୁହୁଁରାଃ ପାରିୟାରେ ଜେ’ଲେକା ହବାୟାନା, ମାନଝାହନ୍‌ଆଃ ହୁଲାଙ୍ଗ୍‌ରେହଗି ଏନ୍‌ଲେକା ହବାଅଆଃ । ୨୭ ନୁହୁଁ ଲାଉକାରେ ଦେଏଃୟାନ୍ ହୁଲାଙ୍ଗ୍ ଜାକେଦ୍ ଇନ୍କୁ ଜମ୍ ନୁଁତାନ୍ ଆଣ୍‌ଦି ଆତଃ ଆଣ୍‌ଦିଏମଃତାନ୍‌କ ତାଇକେନା, ଇମ୍‌ତାଗି ଚୁଡା ହିଜୁଃୟାନ୍ତେ ସବେନ୍‌କକେ ଜିୟନ୍‌କେଦ୍‌କଆଏ । ୨୮ ଲୁର୍‌ଆଃ ହୁଲାଙ୍ଗ୍‌ରେହ ଏନ୍‌କାୟାନା, ଇନ୍କୁ ଜମ୍ ନୁଁତାନ୍, କିରିଙ୍ଗ୍ ଆଖ୍‌ରିଙ୍ଗ୍‌ତାନ୍, ରଏତାନ୍ ଆତଃ ଅଡ଼ାଃ ବାଇତାନ୍‌କ ତାଇକେନା । ୨୯ ମେନ୍‌ଦ ଲୁର୍ ସୋଦମ୍ ଏତେ ଅଡ଼ଙ୍ଗ୍‌ୟାନ୍ ଇମ୍‌ତା ସିର୍‌ମାଏତେ ସେଙ୍ଗେଲ୍ ଆତଃ ଗାନ୍‌କା ଗାମାକେଦାଏ ଆତଃ ଏନ୍ ସବେନ୍‌କକେ ଜିୟନ୍ କେଦ୍‌କଆଏ । ୩୦ ଏନ୍ ଲେକାଗି ମାନଝାହନ୍‌ଆଃ ଉଦୁବଃ ହୁଲାଙ୍ଗ୍‌ରେ ହବାଅଆଃ ।

୩୧ ☆“ଏନ୍ ହୁଲାଙ୍ଗ୍‌ରେ ଜେତାଏ ସାଡ଼ମିରେ ତାଇନଃରେଦ୍ ଆତଃ ଇନିୟାଃ ମେନାଃତେୟାଃକ ଅଡ଼ାଃରେ ତାଇନ୍‌ରେଦ୍, ଏନା ଇଦିନାଗେନ୍ତେ ଆଲକାଏ ଆଡ଼ଗୁନ୍‌କା, ଆତଃ ଏନ୍‌ଲେକାଗି ପିଡ଼ିଲୟଙ୍ଗ୍‌ରେ ତାଇନ୍‌ନିଃ ଦୟାତେ ଆଲକାଏ ରୁହାଡ୍‌କା । ୩୨ ଲୁର୍ କୁଡିତେକେ ପାହାମିପେ । ୩୩ ☆ଜେତାଏ ଆୟାଃ ଜୀଉ ବାସ୍ତାଅ ନାଙ୍ଗ୍ ସାନାଙ୍ଗ୍‌ରେଦ୍ ଏନା ଆଦେୟାଏ, ଆତଃ ଜେତାଏ ଏନା ଆଦେରେଦ୍ ଏନାଏ ବାସ୍ତାଅୟା । ୩୪ ଆଇଙ୍ଗ୍ ଆପେକେ କାଜିୟାପେ ତାନାଇଙ୍ଗ୍, ଏନ୍ ନିଦାରେ ବାର୍‌ହଡ୍ ମିଆଁଦ୍ ପାର୍‌କମ୍‌ରେକିନ୍ ଗିଡ଼ିକାନ୍‌ରେଦ୍ ମିହୁଡ୍‌କେ ଇଦିୟାଆ ଆତଃ ମିହୁଡ୍‌କେ ବାଗିଅଆ । ୩୫ ବାରିଆ କୁଡିକିନ୍ ମିଦ୍‌ତେ ଜନ୍ତାଦିରିରେକିନ୍ ରିଦ୍‌କାତେରେଦ୍ ମିଆଁଦ୍‌ନିଃକେ ଇଦିୟାଆ ଆତଃ ଏଟାଃନିଃକେ ବାଗିଅଆ । ୩୬ ବାର୍‌ହଡ୍ ଅଡେରେକିନ୍ ତାଇନ୍‌ରେଦ୍ ମିଆଁଦ୍‌ନିଃକେ ଇଦିୟାଆ ଆତଃ ଏଟାଃନିଃକେ ବାଗିଅଆ ।”*

୩୭ ଇନ୍କୁ କୁଲିକିୟାଃକ, “ହେ ପ୍ରାଭୁ କତାଃରେ ନେ ସବେନାଃ ହବାଅଆଃ ?” ଆତଃ ଇନିଃ “ଅକ୍‌ତାଃରେ ମାଁଡା ମେନାଃ, ଏନ୍ତାଃରେ ଗିଦିକ ହୁଣ୍ଡିୟାଆଃ” ମେନ୍‌ରୁହାଡାଦ୍‌କଆଏ ।

☆ ୧୭:୩୧ ୧୭:୩୧ ମାଥୁଉ ୨୪:୧୭,୧୮; ମାର୍କ ୧୩:୧୫,୧୬. ☆ ୧୭:୩୩ ୧୭:୩୩ ମାଥୁଉ ୧୦:୩୯; ୧୭:୨୫; ମାର୍କ ୮:୩୫; ଲୁକ ୯:୨୪; ଯୋହାନ୍ ୧୨:୨୫. * ୧୭:୩୭ 17:36 ଚିମିନ୍ ମାରି ଅନଲ୍‌ରେ ନେ ପଦ ବାନଃଆ

୧୮

ରାଣ୍ଡିକୁଡ଼ି ଆଡ଼଼ ବିଚାରନିୟାଃ ଜନ୍ମକା କାଜି

୧ ଜାନାଅ ବିକ୍ରି ଆଡ଼଼ ଭାରସା କା ହୁଡ଼ିଙ୍ଗ ଲାଗାଡ଼ିଙ୍ଗିୟାଃ ମେନ୍ତେ ଯାଶୁ ଆୟାଃ ତେଲକକେ ମିଆଁଦ୍ ଜନ୍ମକା କାଜି ଉଦୁବାଦକଆଏ । ୨ “ଜେତାଏ ସାହାରରେ ମିଆଁଦ୍ ବିଚାରନିଃ ତାଇକେନାଏ, ଇନିଃ ପାରମେଶ୍ୱାରକେ କାଏ ବରଆଇ ତାଇକେନା ଚି ହଡ଼କକେ କାଏ ମାନାଡ଼ିଙ୍ଗକ ତାଇକେନା । ୩ ଆଡ଼଼ ଏନ୍ ସାହାରରେ ମିଆଁଦ୍ ରାଣ୍ଡିକୁଡ଼ି ତାଇକେନାଏ, ଇନିଃ ଏନ୍ ବିଚାରନିଃତାଃ ମଣେସା ହିଜୁଃୟାନ୍ତେ, ‘ଆଇଁୟାଃ ବାଇରିକତାଃ ଏତେ ଆଇଙ୍ଗକେ ନ୍ୟାୟ ଏମାଇଙ୍ଗମେ’ ମେନ୍ତେ ବିକ୍ରିକିୟାଏ । ୪ ଇନିଃ ଚିମିନ୍ଦିନ୍ କାଏ ମାନାଡ଼ିଙ୍ଗକେଦାଃ, ମେନ୍ଦ ତାୟମତେ, ଆଇଙ୍ଗ ଦ ‘ପାରମେଶ୍ୱାରକେ କାଇଙ୍ଗ ବରଆଇତାନା ଚି ହଡ଼କକେ କାଇଙ୍ଗ ମାନାଡ଼ିଙ୍ଗକତାନା’ ୫ ଏନ୍ରେୟ ନେ ରାଣ୍ଡିକୁଡ଼ି ବିଡ଼ଲାଇଙ୍ଗ ତାନାଏ, ଏନାତେ ଆଇଙ୍ଗ ଇନିୟାଃ ତେତାନରେ ହବାକାନ୍ କା ଲାଗାଡ଼ିଙ୍ଗ କାମି ନାଙ୍ଗ ନ୍ୟାୟ ରିକାଏୟାଙ୍ଗ ଆଡ଼଼ ଆଇଙ୍ଗ ଇନିୟାଃ ଗହରାଅ ଆୟୁମେଆଇଙ୍ଗ, କା’ରେଦ ଇନିଃ ଜାନାଅ ଜାନାଅ ହିଜୁଃକେଦ୍ତେ ହାଏରାନିଆଁ ମେନ୍ତେ ଆୟାଃ ମନ୍ରେ କାଜିକେଦାଏ ।”

୬ ଆଡ଼଼ ପ୍ରାଭୁ କାଜିକେଦାଏ, “ଏନ୍ ଏଡ଼କାନ୍ ବିଚାରନିଃ ଚିକନାଃ କାଜିକେଦାଏ ଏନା ଆୟୁମେଦେ । ୭ ଆଡ଼଼ ପାରମେଶ୍ୱାର ନିଦାସିଙ୍ଗି ହାକାଅଇତାନ୍ ଆୟାଃ ସାଲକାନ୍କଆଃ ନାଙ୍ଗ ଥୁମ୍ବାସାମାଏ ସାହାଡ଼ିଙ୍ଗରେହ ଚିୟାଃ ନ୍ୟାୟ କାଏ ରୁହାଡ଼କଆ ? ୮ ଆଇଙ୍ଗ ଆପେକେ କାଜିପେତାନାଇଙ୍ଗ, ଇନିଃ ଇନକୁରେ ହବାକାନ୍ ଏଡ଼କାନ୍ କାଜିକ ସାଙ୍ଗିନେ ନାଙ୍ଗ ଜାଲ୍ଦିଗି ନ୍ୟାୟ ଏମରୁହାଡ଼କଆଏ । ଏନ୍ରେୟ, ମାନଝାହନ୍ ହିଜୁଃଇମତା, ଚିୟାଃ ଅତେରେ ବିଶ୍ୱାସ୍ ନାମେୟାଏ ?”

ଫାରୁଶୀ ଆଡ଼଼ ମାଲହାରମ୍ନିୟାଃ ଜନ୍ମକା କାଜି

୯ ଆବୁ ଧାରମାନଗିୟାଃବୁ ମେନ୍ତେ ଆକରେ ଭାରସାଏତାନ୍ ଆଡ଼଼ ଏଟାଃକକେ ହିଲାଇଙ୍ଗକତାନ୍, ଚିମିନ୍ ହଡ଼କ ନାଗେନ୍ତେ ଯାଶୁ ନେ ଜନ୍ମକା କାଜି କାଜିୟାଦକଆଏ । ୧୦ “ବାରହଡ଼୍ ମାନ୍ଦିର୍ ଅଡ଼ାଃତେ ବିକ୍ରିତେକିନ୍ ସେନଃୟାନା, ମିଆଁଦ୍ନିଃ ଫାରୁଶୀ ଆଡ଼଼ ଏଟାଃନିଃ ମାଲହାରମ୍ନିଃ ।

୧୧ “ଫାରୁଶୀ ଆତମରେ ତିଙ୍ଗୁୟାନ୍ତେ ବିକ୍ରିକେଦାଏ, ‘ହେ ପାରମେଶ୍ୱାର, ଆଇଙ୍ଗ ଏଟାଃ ହଡ଼କଲେକା ନାହାଁଲାଇଙ୍ଗ, ଇନକୁଦ ରେଃକ୍ନିଃକ, ଏଡ଼କାନ୍କାମିକ, ଆପାଙ୍ଗିର୍କ ତାନ୍କୁ ଆଡ଼଼ ନେ ମାଲହାରମ୍ନିଃ ଲେକାହ ନାହାଁଲାଇଙ୍ଗ । ୧୨ ଆଇଙ୍ଗ ହାପ୍ତାରେ ବାରସାଇଙ୍ଗ କାଟାବ୍ତାନା ଆଡ଼଼ ଗଟା କାମିୟାକାଦ୍ରେୟାଃ ଗେଲ୍ହିସା* ହାନାଟିଙ୍ଗ ଏମତାନାଇଙ୍ଗ ।’

୧୩ “ଆଡ଼଼ ମାଲହାରମ୍ନିଃ ସାଙ୍ଗିନ୍ରେ ତିଙ୍ଗୁୟାନ୍ତେ ସିର୍ମାସାଃତେ ସାଙ୍ଗିଲ୍ ନାଙ୍ଗ କାଏ ସାହାସ୍କେଦା ମେନ୍ଦ ଆୟାଃ କୁଡ଼ାମ୍ ଆପ୍ଡିତାନଲଃ କାଜିକେଦାଏ, ‘ହେ ପାରମେଶ୍ୱାର ଆଇଙ୍ଗ ପାପି ତାନିଙ୍ଗ ଲିବୁଆଇଙ୍ଗମେଁ ।’ ୧୪ ☆ଏନ୍ତେ ଯାଶୁ କାଜିକେଦାଏ, “ଆଇଙ୍ଗ କାଜିୟାପେ ତାନାଇଙ୍ଗ, ମାଲହାରମ୍ନିଃ ଫାରୁଶୀଏତେ ଆଦକା ଧାରମାନ୍ ମେନ୍ତେ ଲେକାୟାନା ଆଡ଼଼ ଅଡ଼ାଃତେ ସେନଃୟାନା । ଜେତାଏ ମାରାଙ୍ଗ୍‌ୟେନ୍ନିଃଦ ହୁଡ଼ିଙ୍ଗିୟାଆଏ ଆଡ଼଼ ଜେତାଏ ହୁଡ଼ିଙ୍ଗିୟାନ୍ନିଃଦ ମାରାଙ୍ଗ୍‌ଆଁଃଏ ।”

ୟାଶୁ ସିଚିଆ ହନ୍କକେ ଆଗିଷ୍ଟକତାନାଏ

(ମାଥୁଉ ୧୯:୧୩-୧୫; ମାର୍କ ୧୦:୧୩-୧୬)

୧୫ ଆଡ଼଼ ଯାଶୁ ସିଚିଆ ହନ୍କକେ ଜୁଟିଦ୍‌କକାଏ ମେନ୍ତେ ହଡ଼କ ଇନକୁକେ ଇନିଃତାଃ ଆଉକେଦକଆକ, ମେନ୍ଦ ତେଲକ ନେଆଁ ନେଲ୍‌କେଦ୍ତେକ ମାରାଙ୍ଗ୍‌ମତାକେଦକଆ । ୧୬ ମେନ୍ଦ ଯାଶୁ ଇନକୁକେ ଆୟାଃତାଃ ହାକାଅକେଦ୍ତେ କାଜିୟାଦକଆଏ, “ହୁଡ଼ିଙ୍ଗ ହନ୍କକେ ଆଇଙ୍ଗତାଃ ହିଜୁଃରିକାକପେ ଆଡ଼଼ ଇନକୁକେ ଆଲ୍‌ପେ ରୁହାଡ଼କଆ, ପାରମେଶ୍ୱାରଆଃ ରାଇଜ୍‌ଦ ନେଲେକାନ୍‌କଆଃଗିଆଃ । ୧୭ ଆଇଙ୍ଗ ସାର୍‌ଡ଼ିଗିଙ୍ଗ କାଜିୟାପେତାନା, ଜେତାଏ ପାରମେଶ୍ୱାରଆଃ ରାଇଜ୍‌କେ, ହୁଡ଼ିଙ୍ଗିୟା ନେକା କାଏ ତେଲାଏରେଦ ଇନିଃ ଜେତାଲେକାତେ ଏନାରେ କାଏ ବଲଆ ।”

ମିଆଁଦ୍ କିସାଁଶ୍ ହାକିମ୍

(ମାଥୁଉ ୧୯:୧୬-୩୦; ମାର୍କ ୧୦:୧୭-୩୧)

୧୮ ଆଡ଼଼ ମିଆଁଦ୍ ହାକିମ୍ ଯାଶୁକେ କୁଲିକିୟାଏ, “ଏ ବୁଗିନ୍ ଇଡୁନିଃ, ଜାନାଅ ଜୀଦାନ୍ ନାମେ ନାଗେନ୍ତେ ଚିନାଃଇଙ୍ଗ ଚିକାୟା ?”

୧୯ ଯାଶୁ କୁଲିକିୟାଏ, “ଆମ୍ ଚିନାଃମେନ୍ତେ ଆଇଙ୍ଗକେ ବୁଗିନ୍ ମେନ୍ତେମ୍ କାଜିଇଙ୍ଗତାନା ? ମିଆଁଦ୍‌ନିଃ ଏସ୍‌କାର୍ ବୁଗିନାଏଃ ଇନିଃ ପାରମେଶ୍ୱାର ତାନିଃ ଆଡ଼଼ ଜେତାଏକାହା । ୨୦ ଆମ୍ ଆନ୍‌ଚୁମ୍ ସାରିତାନା,

* ୧୮:୧୨ ୧୮:୧୨ ଗେଲ୍‌ରେୟାଃ ମିଦ୍‌ଭାଗ୍ † ୧୮:୧୩ ୧୮:୧୩ ଛାଡ଼ି ☆ ୧୮:୧୪ ୧୮:୧୪ ମାଥୁଉ ୨୩:୧୨; ଲୁକ ୧୪:୧୧.

‘ଆଲମ୍ ଆପାଙ୍ଗିରରାଃ, ଆଲମ୍ ଗଗଏୟାଃ, ଆଲମ୍ କୁମ୍ବୁରୁୟା, ହସଡ଼ଗାଞ୍ଜା ଆଲମାଃ, ଏଙ୍ଗା ଆପୁ କିନ୍‌କେ ମାନାତିଙ୍ଗକିନ୍‌ମେ ।’”

୨୧ ଇନିଃ କାଜିରୁହାଡ଼କିୟାଏ, “ନେ ସବେନ୍ ଆନ୍‌ରୁ ମିଦସିଟିଆଏଡେଇଙ୍ଗ୍ ମାନାତିଙ୍ଗ୍ ଆଉକାଦା ।”

୨୨ ଯୀଶୁ ନେଆଁ ଆୟୁମ୍‌କେଦ୍‌ଡେ ଇନିଃକେ କାଜିକିୟାଏ, “ନାହାଁଃହଁ ମିଆଁଦ୍ କାଜିଡେମ୍ ଜାଞ୍ଜିଆକାନାଃ‡, ଜୁ ଆମ୍ ଆମାଃ ସବେନାଃ ଆଖ୍‌ରିଙ୍ଗ୍‌କେଦ୍‌ଡେ ଏନା ରେଙ୍ଗେଃଡାନକକେ ଏମାକମେ, ଏନ୍ତେ ସିର୍ମାରେ ଖୁର୍ଚ୍ଚିମ୍ ନାମେୟା ଆଡ଼ଃ ହିଜୁଃକେଦ୍‌ଡେ ଅତଙ୍ଗ୍‌ଇଙ୍ଗ୍‌ମେ ।” ୨୩ ମେନ୍‌ଦ ନେ କାଜି ଆୟୁମ୍‌କେଦ୍‌ଡେ ଇନିଃଦ ପୁରାଃଗି ହୁଡିଙ୍ଗ୍‌ଜୀଉୟାନାଏ, ଚିୟାଃଗି ଇନିଃଦ ପୁରାଃଗି କିର୍ସାଣ୍ ତାଇକେନାଏ ।

୨୪ ଯୀଶୁ ଇନିଃକେ ପୁରାଃ ହୁଡିଙ୍ଗ୍‌ଜୀଉକାନ୍ ନେଲ୍‌କିଃଡେ କାଜିକେଦାଏ, “ଅକନ୍ ହଡ଼କଆଃ ଟାକା ପାଏସା ମେନାଃ, ଏନ୍ କିର୍ସାଣ୍ ହଡ଼କନାଙ୍ଗ୍ ପାର୍‌ମେଶ୍ୱାର୍‌ଆଃ ରାଇଜ୍‌ରେ ବଲଃ ପୁରାଃଗି ହାମ୍‌ଲାଇ । ୨୫ କିର୍ସାଣ୍ ହଡ଼ ପାର୍‌ମେଶ୍ୱାର୍‌ଆଃ ରାଇଜ୍‌ରେ ବଲଏଡେ ସୁଇ ଉଣ୍‌ଖୁଡେ ଉର୍ ପାରମଃଡେୟାଃ ରାଞ୍ଜାଲାଇ ମେତାଦକଆଏ ।”

୨୬ ଆଡ଼ଃ ନେଆଁ ଆୟୁମ୍‌ତାନ୍‌କ ମେନ୍‌କେଦାଃ, “ତାବ୍‌ଦ ଅକଏ ଜୀଉବାଞ୍ଚାଅ ନାମ୍ ଦାଡ଼ିୟାଏ ।”

୨୭ ମେନ୍‌ଦ ଯୀଶୁ କାଜିକିୟାଏ, “ହଡ଼କଡେ କା ହବାଦାଡ଼ିୟାଃ କାଜି ପାର୍‌ମେଶ୍ୱାର୍‌ଡେ ହବାଦାଡ଼ିୟାଃ ।”

୨୮ ପାଡ଼ରାସ୍ କାଜିକିୟାଏ, “ନେଲେମେ, ଆଲେଦ ସବେନାଃ ବାଗିକେଦ୍‌ଡେ ଆମ୍‌କେଲେ ଅତଙ୍ଗ୍‌କେଦ୍‌ମେୟାଁ ।”

୨୯ ଆଡ଼ଃ ଯୀଶୁ ଇନ୍‌କୁକେ କାଜିୟାଦକଆଏ, “ସାର୍‌ତିଗିଙ୍ଗ୍ କାଜିୟାପେତାନା ପାର୍‌ମେଶ୍ୱାର୍‌ଆଃ ରାଇଜ୍ ନାଗେନ୍ତେ ଆପ୍‌ନାଃ ଅଡ଼ାଃ ଚାଏ କୁଡ଼ି ଚାଏ ହାଗା ଚାଏ ଏଙ୍ଗା ଆପୁକ ଚାଏ ହନ୍‌କକେ ବାଗିକାଦ୍ ସବେନ୍ ହଡ଼କ, ୩୦ ନେ ସାମାଏରେଗି ଏନାଏଡେ ଆଦକାକ ନାମେୟା ଆଡ଼ଃ ହିଜୁଃ ଦିପିଲିରେ ଜାନାଅ ଜାନାଅରେୟାଃ ଜୀଦାନ୍‌କ ନାମେୟା ।”

ୟୀଶୁ ଆୟାଃ ଗନଏଃରେୟାଃ କାଜି ଉଦୁବେତାନାଏ

(ମାଥୁଉ ୨୦:୧୭-୧୯; ମାର୍କ ୧୦:୩୨-୩୪)

୩୧ ଯୀଶୁ ଗେଲ୍‌ବାର୍ ଚେଲାଇକକେ ଗେନାଡେ ଇଦିକେଦ୍‌ଡେ କାଜିୟାଦକଆଏ, “ନେଲେପେ ଆବୁ ଯୀରୁଶାଲେମ୍‌ଡେରୁ ସେନଃଡାନା ଆଡ଼ଃ ମାନଞ୍ଜାହନ୍‌ଆଃ ବିଷାଏରେ ନାବୀକ ଅଲ୍‌କାଦ୍ ସବେନାଃ ପୁରାଅଆଃ । ୩୨ ଇନିଃ ସାଅଁସାର୍ ହଡ଼କଆଃ ଡିଃଈରେ ଏମଃଆଏ । ଇନ୍‌କୁ ଇନିଃକେକ ଲାୟାଲୟା, ହିଲାଇଙ୍ଗ୍‌ୟା, ଆଡ଼ଃକ ବେଜିୟା । ୩୩ ହାଁଶ୍‌ସାଇୟା ଆଡ଼ଃକ ଗଜିୟା, ଇନିଃ ଆପି ମାହାଁରେ ଜୀଉବିରିଦାଏ ।”

୩୪ ମେନ୍‌ଦ ଇନ୍‌କୁ ନେ କାଜିକ ଜେଡନାଃ କାକ ମୁଣ୍ଡିକେଦାଃ, ନେ କାଜି ଇନ୍‌କୁଆଃ ଆୟାର୍‌ରେ ଉକୁଆକାନ୍ ତାଇକେନା, ଆଡ଼ଃ ଇନ୍‌କୁ କାଜିୟାକାନ୍‌ଡେୟାଃ କାକ ଆର୍‌କାର୍‌କେଦାଃ ।

ୟୀଶୁ ମିଆଁଦ୍ କାଣ୍‌କାନ୍‌ନିଃକେ ବୁଗିକିୟାଏ

(ମାଥୁଉ ୨୦:୨୦-୩୪; ମାର୍କ ୧୦:୪୭-୫୨)

୩୫ ଯୀଶୁ ଯିରିହୋ ସାହାର୍‌ଡେ ସେଟେର୍‌ତାନ୍ ତାଇକେନ୍‌ରେ ମିଆଁଦ୍ କାଣ୍‌କାନ୍ ହଡ଼ ହରାଗେନାରେ ଦୁବ୍‌କେଦ୍‌ଡେ କର୍ଷ୍ ତାନାଏ ତାଇକେନା । ୩୬ ଆଡ଼ଃ ପୁରାଃ ହଡ଼କ ସେନ୍‌ପାରମଃଡାନ ଆୟୁମ୍‌କେଦ୍‌କଟି, “ନେଆଁ ଚିକ୍‌ନାଃ ହବାଅଃଡାନାଃ” ମେନ୍ତେ କୁଲିକେଦକଆଏ ।

୩୭ “ନାଜ୍‌ରେଡ୍‌ରେନ୍ ଯୀଶୁ ପାରମଃଡାନାଏ” ମେନ୍ତେକ ଉଦୁବ୍‌କିୟା ।

୩୮ ଏନ୍ତେ ଇନିଃ “ହେ ଯୀଶୁ, ହେ ଦାଉଦ୍‌ଆଃ ହନ୍ ଲିବୁଆଇଙ୍ଗ୍‌ମେଁ” ମେନ୍ତେ କାଉରିକେଦାଏ ।

୩୯ ଆୟାରାକାନ୍‌କ ହାପାନ୍‌ମେ ମେନ୍ତେକ ମାରାଙ୍ଗ୍‌ମଟାକିୟାଃ, ମେନ୍‌ଦ ଇନିଃ, “ହେ ଦାଉଦ୍‌ଆଃ ହନ୍ ଦାୟାଲଙ୍ଗ୍‌ମେଁ” ମେନ୍ତେ ଆଡ଼ଃଗି ହାକାଅକିୟାଏ ।

୪୦ ଯୀଶୁ ତିଙ୍ଗ୍‌ୟାନ୍ତେ ଇନିଃକେ ଆଇଙ୍ଗ୍‌ଡାଃ ଆଉଞ୍ଜିପେ ମେନ୍ତେ ଆବୁକେଦକଆ ଆଡ଼ଃ ନାଡ଼େୟାନ୍‌ଡି କୁଲିକିୟାଏ, ୪୧ “ଆମ୍ ଚିନାଃମ୍ ଆସିତାନା, ଆଇଙ୍ଗ୍ ଆମାଃ ନାଙ୍ଗ୍ ଚିନାଃଇଙ୍ଗ୍ ଚିକାୟା ମେନ୍ତେମ୍ ସାନାଙ୍ଗ୍‌ତାନା” ମେନ୍ତେ କୁଲିକିୟାଏ । ଇନିଃ କାଜିକିୟାଏ, “ହେ ପ୍ରାଭୁ, ମେଦ୍‌ତାଇଙ୍ଗ୍ ଆଡ଼ଃମିସା ନେଲ୍ ଦାଡ଼ିକା ।”

୪୨ ଯୀଶୁ କାଜିକିୟାଏ, “ତାବ୍‌ଦ ମେଦ୍‌ତାମ୍ ନାମ୍‌ଜମେମେଁ; ଆମାଃ ବିଶ୍ୱାସ୍ ଆମ୍‌କେ ବୁଗିକେଦ୍‌ମେୟାଏ ।”

‡ ୧୮:୨୨ ୧୮:୨୨ ଆମାଃରେ ଘାଟି ମେନାଃ

୪୩ ଆତ୍ମା ଇମ୍ପାଟାନ୍ସି ଇନିଃ ନେଲ୍ ଦାଡ଼ିକେଦାଏ, ଆତ୍ମା ଯୀଶୁକେ ଅତଙ୍ଗିତାନ୍ଲଃ ପାରମେଶ୍ଵାରକେ ମାରାଙ୍ଗକିୟାଏ ଆତ୍ମା ସବେନ୍ ହଡ଼କ ନେଆଁ ନେଲ୍କେଦ୍ତେ ପାରମେଶ୍ଵାରକେ ମାନାରାଙ୍ଗକିୟାଃକ ।

୧୯

ୟୀଶୁ ଆତ୍ମା ମାଲହାରମ୍ନିଃ ଜଖ୍ଯ

୧ ଆତ୍ମା ଯୀଶୁ ଯିରିହୋ ନୁତୁମ୍ ହାତୁରେ ବଲୟାନଲଃ ଆଲା ଆଲାତେ ସେନଃତାନାଏ ତାଇକେନା । ୨ ଆତ୍ମା ନେଲେପେ ଜଖ୍ଯ ନୁତୁମ୍ ମିଆଁଦ୍ ହଡ଼ ତାଇକେନାଏ, ଇନିଃ ମାଲହାରମ୍ନିଆଃ ଗମ୍ବେ ଆତ୍ମା କିସାଣ୍ ହଡ଼ ତାଇକେନାଏ । ୩ ଇନିଃ ଯୀଶୁକେ ଚିଲ୍କାନ୍ ହଡ଼ ତାନିଃ ମେନ୍ତେ ନେଲ୍ସାନାଙ୍ଗ୍ ତାଇକେନାଏ, ଚିୟାଃଚି ଇନିଃ ବୁଟିୟା ହଡ଼ ତାଇକେନାଏ ଆତ୍ମା ଗାଦେଲ୍ ହଡ଼କରାଃତେ କାଏ ନେଲ୍ ଦାଡ଼ିକିୟା । ୪ ଏନାତେ ଇନିଃ ଯୀଶୁ ପାରମ୍ ହରାରେ ନିର୍ ଆୟାରକେଦ୍ତେ ଯୀଶୁକେ ନେଲ୍ ନାଗେନ୍ତେ ମିଆଁଦ୍ ଲଆଦାରୁରେ ଦେଏଃୟାନାଏ । ୫ ଏନ୍ ଠାୟାଦ୍ ସେଟେରୟାନତେ ଯୀଶୁ ସାଙ୍ଗିଲ୍ ରାକାବକେଦ୍ତେ ଇନିଃକେ ନେଲ୍କିୟାଏ ଆତ୍ମା କାଜିକିୟାଏ, “ଜଖ୍ଯ ମାର୍ ଆଡ଼ଗୁଃମେ, ତିସିଙ୍ଗ୍ଦ ଆମାଃ ଅଡ଼ାଃରେ ଆଇଙ୍ଗକେ ତାଇନ୍ ଲାଗାତିଙ୍ଗ୍ୟାଃ ।”

୬ ଆତ୍ମା ଜଖ୍ଯ ଆଡ଼ଗୁ ଧାଦ୍ୟାନ୍ତେ ରାସକାତେ ଯୀଶୁକେ ଦାରମ୍କିୟାଏ । ୭ ମେନ୍ଦ୍ ନେଆଁ ନେଲ୍କେଦ୍ତେ ସବେନ୍କ କୁରୁମ୍ତୁରୁମ୍ୟାନାକ ଆତ୍ମା ମେନ୍କେଦାଃକ, “ଇନିଃ ପାପିହଡ଼ଆଃ ଅଡ଼ାଃରେ ପେଡ଼ାଅଃତାନାଏ ।”

୮ ମେନ୍ଦ୍ ଜଖ୍ଯ ତିଙ୍ଗ୍ୟାନ୍ତେ ପ୍ରାଭୁକେ କାଜିକିୟାଏ, “ନେଲେମେ ହେ ପ୍ରାଭୁ, ଆଇଙ୍ଗ୍ତାଃରେ ମେନାଃତେୟାଃହେତେ ଆଧା, ରେଙ୍ଗେଃତାନକକେଇଙ୍ଗ୍ ଏମାକଆ, ଆତ୍ମା ବେଦାତେ ଜେତାଏତାଃଏତେ ଜେଡ଼ନାଃ ଆଉକାଇରେଦ୍ ଚାର୍ଗୁନା ଏମ୍ବୁହାଡ଼େୟାଈଙ୍ଗ୍ ।”

୯ ଯୀଶୁ ଇନିଃକେ କାଜିକିୟାଏ, “ତିସିଙ୍ଗ୍ ନେ ଅଡ଼ାଃରେ ଜୀଉବାଞ୍ଚାଅ ତେବାଃକାନା, ଚିୟାଃଚି ନେ ହଡ଼, ହୁଁଦ୍ ଆବାହାମଆଃ ହନ୍ ତାନିଃ । ୧୦ ଚିୟାଃଚି ମାନଞ୍ଜାହନ୍ଦ୍ ଆଦାକାନ୍କକେ ନାନାମ୍ ଆତ୍ମା ବାଞ୍ଚାଅ ନାଗେନ୍ତେ ହିଜୁଆକାନାଏ ।”

ଗେଲ୍ତୁ ସୋନା ସିକାରେୟାଃ ଜନ୍କା କାଜି (ମାଥୁଉ ୨୫:୧୪-୩୦)

୧୧ ହଡ଼କ ନେଆଁ ଆୟୁମ୍ତାନ୍ ତାଇକେନଇମ୍ତା, ଇନିଃ ମିଆଁଦ୍ ଜନ୍କା କାଜି କାଜିଏଟେଦ୍କେଦାଃଏ, ଚିୟାଃଚି ଇନିଃଦ୍ ଯୀରୁଶାଲେମ୍ ନାଡ଼େଃରେ ତାଇକେନାଏ ଆତ୍ମା ଇନ୍କୁ ପାରମେଶ୍ଵାରଆଃ ରାଇଜ୍ ବଦେଗି ଉଦୁବଃଆ ମେନ୍ତେ ଆଟ୍ଟକାରେତାନ୍ ତାଇକେନାକ । ୧୨ ଇନିଃ କାଜିକେଦାଏ, “ମାରାଙ୍ଗ୍ ଜାତିରେନ୍ ମିଆଁଦ୍ ହଡ଼ ରାଇଜ୍ ଚାଲାଅରେୟାଃ ଇନିଃ ନାମ୍ ନାଙ୍ଗ୍ ସାଙ୍ଗିନ୍ ଦିଶୁମ୍ତେ ସେନଃୟନା ଆତ୍ମା ଇନିଃ ଏନ୍ତାଃଏତେ ଠାଉକା ନେତାରେ ହିଜୁଃରୁହାଡ଼ ନାଙ୍ଗ୍ ଉହାଟ୍ଟକାଦ୍ ତାଇକେନାଏ । ୧୩ ଏନାମେନ୍ତେ ଇନିଃ ଆୟାଃ ଦାସିକଏତେ ଗେଲ୍ତୁନକକେ ହାକାଅକେଦ୍ତେ ମିମିଆଦ୍ ହଡ଼କକେ ଗେଲ୍ତୁ ସୋନା ସିକା ଏମାଦ୍କଆଏ । ‘ଆଉରିଙ୍ଗ୍ ହିଜୁଃରୁହାଡ଼ ଜାକେଦ୍ କିରିଙ୍ଗ୍ ଆଖ୍ରିଙ୍ଗ୍ଏପେ’ ମେତାଦ୍କଆଏ । ୧୪ ମେନ୍ଦ୍ ଆୟାଃ ଦିଶୁମ୍ତେ ଇନିଃକେ ଖୁସିଆଇତାନ୍କ ତାଇକେନା, ଆତ୍ମା ‘ଏନ୍ହଡ଼ ଆଲେୟାଃ ରାଇଜ୍ରେ ରାଜା ହବାଅଃକାଏ ନେଆଁ ଆଲେ କାଲେ ସାନାଙ୍ଗ୍ତାନା’ ମେନ୍ତେ କାଜିସେଟେରନିଃକେ କାଜିସେଟେରତେ ଇନିଃୟାଃତାଃକ କୁଲ୍କିୟାଃ ।

୧୫ “ଏନ୍ରେହ ଇନିଃ ରାଇଜ୍ନାମ୍କେଦାଏ, ଆତ୍ମା ହିଜୁଃରୁହାଡ଼ୟାନାଏ । ଏନ୍ତେ ସୋନା ସିକା ନାମାକାଦ୍ ଦାସିକଏତେ ମିଆଁଦ୍ନିଃ ଚିମିନାଙ୍ଗ୍ କିରିଙ୍ଗ୍ ଆଖ୍ରିଙ୍ଗ୍ କେଦ୍ତେ ପସାକାଦାଃକ ଏନା ସାରିନାଗେନ୍ତେ ଆଇଙ୍ଗ୍ତାଃ ହାକାଅକପେ ମେନ୍ତେ ଆଚୁକେଦ୍କଆ । ୧୬ ସିଦାନିଃ ହିଜୁଃୟାନ୍ତେ କାଜିକିୟାଏ, ‘ହେ ଗମ୍ବେ, ଆମ୍ ଏମାକାଦ୍ ସୋନା ସିକାଏତେ ଆଇଙ୍ଗ୍ ଗେଲ୍ତୁ ସୋନା ସିକା ଆଦ୍କା ପସାକାଦାଇଙ୍ଗ୍ ।’ ୧୭ ଇନିଃୟାଃ ଗମ୍ବେ କାଜିକିୟାଏ, ‘ସାବାସ୍, ଆଇଁୟାଃ ବୁଗିନ୍ ଦାସି ! ଆମ୍ ବୁଗିନ୍ ଆତ୍ମା ପାତିୟାର୍ରେଃ ଲେକାନ୍ ଦାସି ତାନ୍ମେ । ଆମ୍ ହୁଡ଼ିଙ୍ଗ୍ତେୟାଃରେ ପାତିୟାର୍ରେଃ ଲେକାମ୍ କାମିକାଦ୍ ହରାତେ, ଆମ୍ ଗେଲ୍ ନାଗାର୍ରେନ୍ ଆକ୍ତେୟାର୍ରେନିଃ ହବାଅଃଆମେ ।’ ୧୮ ଏଗାଃ ଦାସି ହିଜୁଃୟାନ୍ତେ କାଜିକିୟାଏ, ‘ହେ ପ୍ରାଭୁ, ଆମ୍ ଏମାକାଦ୍ ସୋନା ସିକାଏତେ ମଣେୟାଁ ସୋନା ସିକା ଆଦ୍କା ପସାୟାନା ।’ ୧୯ ଇନିଃୟାଃ ଗୁସିୟାଁ ଇନିଃକେ କାଜିକିୟାଏ, ‘ଆମ୍ଦ୍ ମଣେୟାଁ ନାଗାର୍ରେନ୍ ଗମ୍ବେୟାଃମେଁ ।’

୨୦ “ଏନ୍ତେ ଆତ୍ମାଗି ଏଗାଃ ଦାସି ହିଜୁଃୟାନ୍ତେ କାଜିକିୟାଏ, ‘ହେ ପ୍ରାଭୁ ନେଲେମେ ଆମ୍ ଏମାକାଦ୍ ସୋନା ସିକାକେ ତାରାଲିଜାଃରେଇଙ୍ଗ୍ ଦହପଟମାକାଦାଃ । ୨୧ ଆମ୍ କେଟେଦ୍ ମନ୍ରେନ୍ ହଡ଼ ତାନ୍ମେ ମେନ୍ତେ ଆଇଙ୍ଗ୍ ବରଆମେ ତାଇକେନାଇଙ୍ଗ୍, ଆମ୍ କାମ୍ ଦହତେୟାଃ ଇଦିୟାଃମେ ଆତ୍ମା କାମ୍

☆ ୧୯:୧୦ ୧୯:୧୦ ମାଥୁଉ ୧୮:୧୧.

ହେଉତେୟାଃ ଇରୁଇଦିୟାଃମେ ।’ ୨୨ ଇନିୟାଃ ପ୍ରାଭୁ କାଜିରୁହାଡ଼କିୟାଏ, ‘ଏ ଏଡ଼କାନ୍ ଦାସି, ଆମାଃ କାଜିତେଗିଙ୍ଗ ବିଚାରମେୟାଃ । ଆଇଙ୍ଗ କେଟେଦ୍ ମନ୍ରେନ୍ ହଡ଼ ତାନିଙ୍ଗ, ଆଇଙ୍ଗ କାଇଙ୍ଗ୍ ଦହ ଏନାଇଙ୍ଗ୍ ଇଦିୟା ଆତଃ କାଇଙ୍ଗ୍ ହେର୍ ଏନାଇଙ୍ଗ୍ ଇରୁଇଦିୟାଃ, ଏନା ସାରିତାନାମ୍ ତାଇକେନା । ୨୩ ଚିନାଃମେନ୍ତେ ଆମ୍ ଆଇଁୟାଃ ଟାକାକେ ବେଙ୍କରେ କାମ୍ ଦହକେଦା ? ଆଇଙ୍ଗ୍ ହିଜୁଃରୁହାଡ଼କେଦ୍ତେ ସବେନ୍ ମୁଲ୍ କାନ୍ତାରଲଃ ଟାକା ନାମ୍‌ରୁହାଡ଼ କେଦ୍ତେୟାଃଇଙ୍ଗ ।’

୨୪ “ଏନ୍ତେ ଇନିଃ ତିଙ୍ଗୁଜାପାଃକାନ୍ ହଡ଼କକେ କାଜିୟାଦକଆଏ, ଏନ୍ ସୋନା ସିକା ଇନିଃତାଃଏତେ ରେଃଜିପେ ଆତଃ ଗେଲ୍ ସୋନା ସିକା ନାମାକାଦ୍ ହଡ଼କେ ଏମାଇପେ । ୨୫ ମେନ୍ଦ ଇନକୁ କାଜିକିୟା ‘ହେ ପ୍ରାଭୁ, ଗେଲ୍ ସୋନା ସିକା ଇନିଃତାଃରେୟା । ୨୬*ଇନିଃ ମେନ୍‌ରୁହାଡ଼ାଦକଆଏ, ଆଇଙ୍ଗ୍ କାଜିୟାପେ ତାନାଇଙ୍ଗ୍, ସବେନ୍ ମେନାଃନିଃକକେ ଏମାଃଆ, ମେନ୍ଦ ଜେତାଏତାଃରେ ବାନଃଆ, ଇନିଃତାଃଏତେ ଅକନାଃ ମେନାଃ ଏନାହଗି ଇଦିୟାଆ । ୨୭*ମେନ୍ଦ ଆଲେରେ ଇନିଃ ରାଇଜେକାଏ ଏନା କା ସାନାଇଁତାନ୍ ତାଇକେନ୍ ଆଇଁୟାଃ ବାଇରିକକେ ନେତାଃ ଆଡ଼କୁପେ ଆତଃ ଆଇଁୟାଃ ସାମ୍‌ନାଙ୍ଗ୍‌ରେ ମାଃଆକପେ ।”

ୟାଶୁ ଯୀରୁଶାଲେମ୍‌ତେ ବଲତାନାଏ
(ମାଥୂଉ ୨୧:୧-୧୧; ମାର୍କ ୧୧:୧-୧୧; ଯୋହାନ୍ ୧୨:୧୨-୧୯)

୨୮ ଯାଶୁ ନେଆଁ କାଜିକେଦ୍‌ତି, ଯୀରୁଶାଲେମ୍‌ତେ ସେନଃ ନାଗେନ୍ତେ ଆୟାଃ ଚେଲାକତାଃଏତେ ଆୟାରୟାନାଏ । ୨୯ ଆତଃ ଜାଇତୁନ୍* ନୁତୁମ୍ ବୁରୁ ହେପାଦ୍‌ରେ ତାଇନ୍‌ତାନ୍ ବେଡ଼ଫାଗି ଆତଃ ବେଅନିଆ ହାଡୁତାଃ ସେଟେରୟାନ୍‌ତି ଇନିଃ ଆୟାଃ ବାରହଡ଼ ଚେଲାକିନ୍‌କେ ନେଆଁଏ କାଜିକେଦକିନା, ୩୦ “ଆବେନାଃ ଆୟାରରେୟାଃ ହାଡୁତେ ସେନଃବେନ୍, ଆତଃ ଏନାରେ ବଲଇମ୍‌ତାଗି ଆବେନ୍ ତଲାକାନ୍ ଗାଧାହନ୍‌କେବେନ୍ ନାମିଆଁ, ଇନିଃରେ ଜେତାଏ ହଡ଼ ତିଉଲାହ କାଏ ଦୁବାକାନା, ଇନିଃକେ ରାଡ଼ା ଆଉଝିବେନ୍ । ୩୧ ଜେତାଏ ଚିନାଃମେନ୍ତେ ଇନିଃକେବେନ୍ ରାଡ଼ାଇତାନା ମେନ୍ତେ କୁଲିବେନ୍‌ରେଦ୍, ଇନିଃକେ ମେତାଇବେନ୍, ନିଃତାଃରେ ପ୍ରାଭୁଆଃ କାମିମେନାଃ ।”

୩୨ ଏନ୍ କୁଲାକାନ୍‌କିନ୍ ସେନଃୟାନ୍ତେ ଯାଶୁ କାଜିୟାଦକିନ୍ ଲେକା ନାମ୍‌କିୟାଃକିନ୍ । ୩୩ ମେନ୍ଦ ଇନ୍‌କିନ୍ ଗାଧାହନ୍‌କେ ରାଡ଼ାଇତାନ୍‌ଇମ୍‌ତା ଇନିୟାଃ ଗମ୍‌କେକ “ତିକାନାଗେନ୍ତେ ରାଡ଼ାଇତାନାବେନ୍ ମେନ୍ତେ କୁଲିକେଦକିନାକ ?”

୩୪ ଇନ୍‌କିନ୍, “ନିଃତାଃରେ ପ୍ରାଭୁଆଃ କାମିମେନାଃ” ମେନ୍ତେ କାଜିୟାଦକଆକିନ୍ ।

୩୫ ଇନ୍‌କିନ୍ ଗାଧାହନ୍‌କେ ଯାଶୁତାଃତେ ଆଉକିୟାକିନ୍, ଆତଃ ଗାଧା ଚେତାନ୍‌ରେ ଆକିନାଃ ଲିଜାଃକିନ୍ ଆଟେଦକେଦା ଆତଃ ଯାଶୁକେ ଦୁବ୍‌କିୟାକିନ୍ । ୩୬ ଆତଃ ଇନିଃ ସେନଃତାନ୍‌ରେ ହଡ଼କ ଆକଆଃ ଲିଜାଃ ହରାରେକ ଆଟେଦକେଦା ।

୩୭ ଆତଃ ଯାଶୁ ଯୀରୁଶାଲେମ୍ ନାଡ଼େଃତେ ସେଟେରତାନ୍ ଇମ୍‌ତା ଏନ୍ତାଃରେୟାଃ ଜାଇତୁନ୍ ବୁରୁତେ ସେନଃ ହରାତାଃତେ ସେଟେରୟାନ୍‌ତି ଆୟାଃ ଚେଲାକଆଃ ଗଟାଗହଣାଁ ରାସ୍‌କାୟାନାକ ଆତଃ ନେଲାକାଦ୍ ତାଇକେନ୍ ସବେନ୍ ଆକ୍‌ଦାନ୍‌ଆ କାମି ନାଗେନ୍ତେ କାଉରିତାନ୍‌ଲଃ ପାର୍‌ମେଶ୍‌ବାର୍‌କେ ମାନାରାଙ୍ଗ୍‌କିୟାଃକ । ୩୮ ଆତଃ କାଜିକେଦାକ, “ପ୍ରାଭୁଆଃ ନୁତୁମ୍‌ତେ ହିଜୁଃତାନ୍ ରାଜାକେ ପାର୍‌ମେଶ୍‌ବାର୍ ଆଶିଷ୍ ଏମାଇକାଏ, ସିମ୍‌ା ଦିଶୁମ୍‌ରେ ଜୀଉସୁକୁ ଆତଃ ସାଲାଙ୍ଗିଉତାର୍ ପାର୍‌ମେଶ୍‌ବାର୍‌ଆଃ ମାନାରାଙ୍ଗ୍ ହବାଅଃକା ।” ୩୯ ଗାଦେଲ୍‌ହଡ଼କଏତେ ଚିମିନ୍ ଫାରୁଶୀକ କାଜିକେଦାଃକ, ହେ ଗୁରୁ ଆମାଃ ଚେଲାକକେ ହାପାଅଃନାଙ୍ଗ୍ ମାରାଙ୍ଗ୍‌ମଟାକମ୍ ।

୪୦ ଇନିଃ କାଜିରୁହାଡ଼ାଦକଆଏ, ଆଇଙ୍ଗ୍ କାଜିୟାପେ ତାନାଇଙ୍ଗ୍, “ନିକୁ ହାପାନ୍‌ରେଦ୍ ଦିରିକ ହାକାଅବିରିଦାଃ ।”

ୟାଶୁ ଯୀରୁଶାଲେମ୍ ନାଗେନ୍ତେ ରାଆଃକେଦାଏ

୪୧ ଯାଶୁ ଯୀରୁଶାଲେମ୍ ସାହାର୍‌ତେ ନାଡ଼େଃୟାନ୍‌ତି ସାହାର୍‌କେ ନେଲ୍‌କେଦାଏ ଆତଃ ଏନାନାଗେନ୍ତେ ରାଆଃକେଦାଏ, ୪୨ ଆତଃ କାଜିକେଦାଏ, “ଆମ୍‌ଗି ତିସିଙ୍ଗ୍ ସୁକୁରାଃ ବିଷାଏକ ସାରିକାଦ୍‌ତେୟାଃମ୍, ମେନ୍ଦ୍ ନାହାଁଏ ଏନା ମେଦ୍‌ତାମ୍‌ଏତେ ଉକୁଆକାନା । ୪୩ ଏନ୍ ହୁଲାଙ୍ଗ୍ ଆମ୍‌ତାଃ ହିଜୁଃଆ, ଏନ୍‌ରେ ଆମାଃ ବାଇରିକ ଢିପାୟାକ ଆତଃ ଆମ୍‌କେ ବିହୁର୍‌ମେୟାକ ଆତଃ ସବେନ୍‌ସାଃଏତେ କେସେଦ୍‌ବିହୁର୍‌ମେୟାକ । ୪୪ ଆମ୍ ଆତଃ ଆମାଃ ହନ୍‌କକେ ହାସାରେକ ମିଦ୍‌ପେୟା । ଆମାଃ ଚେତାନ୍‌ରେ ଦିରି ଚେତାନ୍ ଦିରି ତିରିୟାକାନ୍ କା ତାଇନା, ଚିୟାଃଚି ଆମ୍‌ଦ୍ ପାର୍‌ମେଶ୍‌ବାର୍ ହିଜୁଆକାନ୍ ଦିପିଲିକେ କାମ୍ ନେଲ୍‌ଉରୁମ୍‌କେଦାଃ ।”

* ୧୯:୨୨ ୧୯:୨୭ ମାଥୂଉ ୧୩:୧୨; ମାର୍କ ୪:୨୫; ଲୁକ ୮:୧୮. * ୧୯:୨୭ ୧୯:୨୭ ମାଥୂଉ ୨୫:୧୪-୩୦. * ୧୯:୨୯ ୧୯:୨୯ ଜାଇତୁନ୍

ୟୀଶୁ ମାନ୍ଦିର୍ ଅଡ଼ାଠରେ ବଲତାନାଏ

(ମାଥୂଉ ୨୧:୧୨-୧୭; ମାର୍କ ୧୧:୧୫-୧୯; ଯୋହାନ୍ ୭:୧୩-୨୨)

୪୫ ଏନ୍ତେ ମାନ୍ଦିର୍ ଅଡ଼ାଠରେ ବଲୟାନ୍ତେ ଇନିଃ ସବେନ୍ କିରିଙ୍ଗ୍ ଆଖରିଙ୍ଗ୍ତାନକକେ ହାଉଅଡଙ୍ଗ୍ ଏଟେଦକେଦଥାଏ । ୪୬ ଇନିଃ ଇନ୍କୁକେ କାଜିୟାଦକଥାଏ, “ପାରମେଶ୍ଵାର କାଜିକେଦାଏ ଯେ ଧାରାମ୍ପୁଅରେ ନେଆଁ ଅଲକାନା, ‘ଆଇଁୟାଃ ଅଡ଼ାଠ ବିକ୍ତିଅଡ଼ାଠ ତାନାଃ’ ମେନ୍ଦ ଆପେ ନେଆଁକେ କୁମ୍ପୁଡୁଆଃ ତାଇନଃ ଠାୟାଦପେ ବାଇୟାକାଦା ।”

୪୭ ୍ୟୀଶୁ ସବେନ୍ ହୁଲାଙ୍ଗ୍ ମାନ୍ଦିର୍ ଅଡ଼ାଠରେ ଇଡୁକତାନାଏ ତାଇକେନାଏ, ମେନ୍ଦ ମୁଲ୍ ଯାଜାକକ, ଆଇନ୍ ଇଡୁକ ଆଡ଼ଃ ହଡକଆଃ ମୁଖୁଆକ ଇନିଃକେ ଗଗଏଃ ସାନାଙ୍ଗ୍ତାନକ ତାଇକେନା । ୪୮ ମେନ୍ଦ ଚିକନାଃରୁ ଚିକାୟା ନେଆଁ କାକ ନାମ୍ଦାଡ଼ିକେଦାଃ, ଚିୟାଃଚି ସବେନ୍ ହଡକଦ ଇନିୟାଃ କାଜି ଆୟୁମ୍ ନାଗେନ୍ତେ କୁରୁଆକାନକ ତାଇକେନା ।

୨୦

ୟୀଶୁଆଃ ଆକ୍ତେୟାର ବିଷାଏରେ କୁନୁଲି

(ମାଥୂଉ ୨୧:୨୩-୨୭; ମାର୍କ ୧୧:୨୭-୩୩)

୧ ଏନ୍ ହୁଲାଙ୍ଗ୍କଏତେ ମୁସିଙ୍ଗ୍ ୍ୟୀଶୁ ମାନ୍ଦିର୍ ଅଡ଼ାଠରେ ହଡକକେ ଇଡୁକତାନ୍ ଆଡ଼ଃ ସୁକୁକାଜି ଉଦୁବାକତାନ୍ ତାଇକେନରେ ମାରାଙ୍ଗ୍ ଯାଜାକକ ଆଡ଼ଃ ଆଇନ୍ ଇଡୁକ ପ୍ରାତିନକଲଃ ଇନିଃତାଃତେ ହିଜୁଃଲେନ୍ତେ, ୨ ଇନିଃକେକ କୁଲିକିୟାଃ, “ଆମ୍ ଅକ ଆକ୍ତେୟାର୍ତେ ନେଆଁକମ୍ ରିକାତାନା ? ନେ କାମିକ ରିକାନାଗେନ୍ତେ ଅକଏ ନେ ଆକ୍ତେୟାର୍ ଏମାକାଦମେଆ ?” ୩ ଇନିଃ ଇନ୍କୁକେ କାଜିରୁହାଡ଼କଥାଏ, “ଆଇଙ୍ଗ୍ ହିଁ ମିଆଁଦ୍ କାଜିଙ୍ଗ୍ କୁଲିପେୟା, ଆଡ଼ଃ ଆପେ କାଜିରୁହାଡ଼ିଙ୍ଗ୍ପେ, ୪ ବାପ୍ତିସ୍ତା ଏମନିଃ ଯୋହାନ୍ଆଃ ବାପ୍ତିସ୍ତା ସିର୍ମାରେନ୍ ପାରମେଶ୍ଵାର୍ତାଃଏତେ ଚି ମାନଝାତାଃଏତେ ତାଇକେନା ?”

୫ ଏନ୍ତେ ଇନ୍କୁ ଆକ ଆକରେକ ଉଡ଼ୁକେଦା, “ଆରୁ, ‘ସିର୍ମାରେନ୍ ପାରମେଶ୍ଵାର୍ତାଃଏତେ’ ମେନେରେଦ ଇନିଃ ‘ଚିକାନାଙ୍ଗ୍ ଯୋହାନ୍ରେ କାପେ ବିଶ୍ଵାସକେଦା’ ମେତାରୁଆଏ ? ୬ ମେନ୍ଦ ହଡକ ସାଃଏତେ ମେନେରେଦ ସବେନ୍ ହଡକ ଆରୁକେ ଚିଦ୍ଗିରୁଆକ, ଚିୟାଃଚି ବାପ୍ତିସ୍ତା ଏମନିଃ ଯୋହାନ୍ ନାବୀ ତାନିଃ ମେନ୍ତେ ଇନ୍କୁ ପୁରାଃଚି ଭାର୍ସାକାଦାକ ।” ୭ ଏନ୍ତେ ଇନ୍କୁ କାଜିରୁହାଡ଼କିୟାକ, “ଏନା କତାଃଏତେ ତାଇକେନା ଏନା କାଲେ ସାରିତାନା ।”

୮ ଏନ୍ତେ ୍ୟୀଶୁ ଇନ୍କୁକେ ମେତାଦକଥାଏ, “ଆଇଙ୍ଗ୍ ହିଁ ଅକ ପେଡ଼େଃତେ ଏନାକଇଙ୍ଗ୍ ରିକାତାନା, କାଇଙ୍ଗ୍ ଉଦୁବାପେୟା ।”

ଦାଖ୍‌ବାକ୍ତିରାଃ କାରକାମିହଡକଆଃ ଜନ୍କା କାଜି

(ମାଥୂଉ ୨୧:୩୩-୪୭; ମାର୍କ ୧୨:୧-୧୨)

୯ ୍ୟୀଶୁ ହଡକକେ ନେ ଜନ୍କା କାଜି ଏଟେଦକେଦଥାଏ, “ମିଆଁଦ୍ ହଡ ଦାଖ୍‌ବାକ୍ତି ବାଇକେଦାଏ, କାରକାମିହଡକକେ କାର୍ ଏମ୍‌କେଦ୍ତେ ପୁରାଃ ସାମାଏ ଜାକେଦ୍ ଏଟାଃ ଦିଶୁମ୍ତେ ସେନଃୟାନାଏ । ୧୦ ଇରୋଃଅ ଦିପିଲିରେ ଇନିଃ ଦାଖ୍‌ବାକ୍ତିରେୟାଃ ଜ ଏମାଇଙ୍ଗ୍ପେ ମେନ୍ତେ ମିଆଁଦ୍ ଦାସିକେ କାର୍ କାମିହଡକତାଃତେ କୁଲିକିୟାଏ, ମେନ୍ଦ କାରକାମିହଡକ ଇନିଃକେ ଦାଲ୍‌କିୟାଃକ ଆଡ଼ଃ ସାମାତିଃଇଗି କୁଲ୍‌ରୁହାଡ଼କିୟାଃକ । ୧୧ ଇନିଃ ଏଟାଃ ଦାସିକେ କୁଲିକିୟାଏ, ଇନ୍କୁ ଇନିଃକେହ ଦାଲ୍‌କିୟାଃକ ଆଡ଼ଃ ହିଲାଙ୍ଗ୍‌କିଦ୍ତେ ସାମାତିଃଇଗି କୁଲ୍‌ରୁହାଡ଼କିୟାଃକ । ୧୨ ଇନିଃ ଆଡ଼ଃଚି ଆପିୟାନିଃକେହ କୁଲିକିୟାଏ, ଆଡ଼ଃ ଇନ୍କୁ ଇନିଃକେ ଘାଅକିଃତେକ ଅଡଙ୍ଗ୍‌ଏଣ୍ଡାଃକିୟାଃ । ୧୩ ଏନ୍ତେ ଦାଖ୍‌ବାକ୍ତିରାଃ ଗମ୍‌କେ ମେନ୍‌କେଦାଏ, ‘ଚିନାଃଇଙ୍ଗ୍ ଚିକାୟା ? ଆଇଁୟାଃ ଦୁଲାଡ୍ ହନିଙ୍ଗ୍‌କଡ଼ାକେ କୁଲିୟାଈଙ୍ଗ୍, ଇଦୁ ଇନ୍କୁ ଇନିଃକେ ମାଇନିୟାକ ।’ ୧୪ ମେନ୍ଦ କାରକାମିହଡକ ଇନିଃକେ ନେଲ୍‌କିଦ୍ ଚି ମେପେନ୍‌ୟାନାକ, ‘ନିଃଗି ଗୁସିୟାଃରାଃ ହନ୍ ତାନିଃ ଦଲାରୁ ଗଜିୟା, ତାବ୍‌ଦ ନିୟାଃ ହାନାଚିଙ୍ଗ୍ ଆରୁଆଃଗି ହବାଅଆଃ ।’ ୧୫ ଆଡ଼ଃ ଇନ୍କୁ ଇନିଃକେ ଦାଖ୍‌ବାକ୍ତିଏତେ ଅଡଙ୍ଗ୍‌ଏଣ୍ଡାଃକିୟାଃକ ଆଡ଼ଃ ଗଏଃକିୟାଃକ ।

“ୟୀଶୁ କୁଲିକେଦକଥା, ‘ନାହାଃଦ ଦାଖ୍‌ବାକ୍ତି ଗମ୍‌କେ ଇନ୍କୁକେ ଚିକନାଃଏ ଚିକାକଥା ? ୧୬ ଇନିଃ ହିଜୁଃକେଦ୍ତେ ଏନ୍ କାରକାମିହଡକକେ ଗଏଃକଥାଏ ଆଡ଼ଃ ଦାଖ୍‌ବାକ୍ତି ଏଟାଃକକେ ଏମାକଥାଏ ।” ହଡକ ନେଆଁ ଆୟୁମ୍‌କେଦ୍ତେ ମେନ୍‌କେଦାଃକ, “ଆଲକାଏ ଏନ୍‌କାଅଃକା ।”

୧୭ ୍ୟୀଶୁ ଇନ୍କୁସାଃ ନେଲ୍‌କେଦ୍ତେ କୁଲିକେଦକଥାଏ, “ତାବ୍‌ଦ ଧାରାମ୍ପୁଅରେୟାଃ ନେ କାଜିରାଃ ମୁଣ୍ଡି ଚିକନାଃ ତାନାଃ ?”

☆ ୧୯:୪୭ ୧୯:୪୭ ଲୁକ ୨୧:୩୭.

“ଅଡ଼ାଃ ବାବାଇକ ଅକ ଦିରିକେକ ଆତମ୍ ଏଣ୍ଡାଃକେଦା,
 ଏନ୍ ଦିରି ଅଡ଼ାଃରାଃ କଚାଦିରି ବାଇୟାକାନା ।
 ୧୮ ଏନ୍ ଦିରିରେ ଉୟୁଗଃନିଃ ଗୁଣ୍ଡାଅଃଆଏ ଆଡ଼ଃ ଏନା ଜେତାଏରେ ଉୟୁଗଃରେଦ ଇନିଃକେ ରିଦିୟାଏ
 ।”

ମାଲ୍‌ଏମ୍ ବିଷାଏରେୟାଃ କୁନୁଲି
 (ମାଥୁଉ ୨୨:୧୫-୨୨; ମାର୍କ ୧୨:୧୩-୧୭)

୧୯ ମାରାଜ୍ ଯାଜାକ ଆଡ଼ଃ ଆଇନ୍ ଇତୁକ ଇନିଃ ନେ ଜନ୍‌କା କାଜି ଆବୁକେ କାଜିୟାଦ୍‌ରୁଆଏ ନେଆଁ
 ସାରିକେଦ୍‌ତେ ଏନ୍ ଦିପିଲିରେଗି ଇନିଃକେ ସାସାବ୍ ସାନାଜ୍ ତାଇକେନାକ, ମେନ୍‌ଦ ଇନ୍‌କୁ ଗାଦେଲ୍
 ହଡ଼କକେ ବରକେଦ୍‌କଆକ । ୨୦ ଏନାତେ ଇନ୍‌କୁ ଯୀଶୁଆଃ କାଜିରେ ଭୁଲ୍ ସାବିନାଜ୍ ଚିମିନ୍ ହଡ଼କ
 ଆପାନକେ ଧାର୍‌ମାନ୍ ମେନ୍ତେ ଉଦୁବେନ୍‌ତାନ୍‌କକେ କୁଲିକିୟାଃକ, ଜେ'ଲେକାଚି ଇନ୍‌କୁ ଇନିଃକେ
 ସାବ୍‌କେଦ୍‌ତେ ରୋମ୍‌ରେୟାଃ ପେଡ଼େଃ ଆଡ଼ଃ ଆକ୍‌ତେୟାର୍ ନାମାକାଦ୍ ଲାଟ୍‌ସାହେଦ୍‌ତାଃରେକ
 ଜିମାଦାଡ଼ିୟା । ୨୧ ଏନାତେ ଇନ୍‌କୁ କୁଲିକିୟାଃକ, “ହେ ଗୁରୁ, ଆମ୍ ବୁଗିଲେକାତେମ୍ କାଜିତାନା
 ଆଡ଼ଃ ଇତୁତାନା ଆଡ଼ଃ ହଡ଼କଆଃ ମେଦ୍‌ମୁହାଁଡ଼, କାମ୍ ନେନେଲାଃ, ମେନ୍‌ଦ ପାର୍‌ମେଶ୍‌ବାର୍‌ରାଃ ହରା
 ସାର୍‌ତିତେମ୍ ଇତୁତାନା, ଏନାଲେ ସାରିତାନା । ୨୨ କାଜିୟାଲେମ୍, ଚିୟାଃ ଆଲେ କାଇସାର୍‌କେ କାର୍
 ଏମାଇ ଲାଗାଡ଼ିୟାଃ ଚି କା ?”

୨୩ ମେନ୍‌ଦ ଯୀଶୁ ଇନ୍‌କୁଆଃ ବେଦା ଆଟ୍‌କାରକେଦ୍‌ତେ ମେତାଦ୍‌କଆଏ, ୨୪ “ମୁସିଙ୍ଗ୍‌ରାଃ ନାଲା
 ସିକା ଆଉଝାଈକ୍‌ପେ, ନେଆଁ ଅକଏୟାଃ ମୁରୁଡ଼୍ ଆଡ଼ଃ ଅନଲ୍ ତାନାଃ ?” ଇନ୍‌କୁ କାଜିରୁହାଡ଼୍‌କିୟାକ,
 “କାଇସାର୍‌ଆଃ ।”

୨୫ ଯୀଶୁ ଇନ୍‌କୁକେ ମେତାଦ୍‌କଆଏ, “ତାବ୍‌ଦ କାଇସାର୍‌ଆଃ କାଇସାର୍‌କେ ଏମାଇପେ, ଆଡ଼ଃ
 ପାର୍‌ମେଶ୍‌ବାର୍‌ଆଃ ପାର୍‌ମେଶ୍‌ବାର୍‌କେ ଏମାଇପେ ।”

୨୬ ଇନ୍‌କୁ ହଡ଼କଆଃ ଆୟାର୍‌ରେ ଯୀଶୁଆଃ କାଜିରେ କାକ ସାବ୍ ଦାଡ଼ିକିୟାଃ, ଆଡ଼ଃ ଇନିୟାଃ
 କାଜିରୁହାଡ଼୍‌ତେ ଆକ୍‌ଦାନ୍‌ଆୟାନ୍‌ଲଃ ହାପାୟାନାକ ।

ଜୀଉବିନିରିଦ୍‌ରେୟାଃ କୁନୁଲି
 (ମାଥୁଉ ୨୨:୨୩-୩୩; ମାର୍କ ୧୨:୧୮-୨୭)

୨୭ ✽ସାଦୁକିକଏତେ ଚିମିନ୍‌ହଡ଼କ ଯୀଶୁତାଃତେକ ହିଜୁଃୟାନା, ଇନ୍‌କୁଦ ଜୀଉବିନିରିଦ୍
 ବାନଃଆମେନ୍ତେକ କାଜିୟା, ଆଡ଼ଃ ଇନ୍‌କୁ ଇନିଃକେ କୁଲିକିୟାଃକ, ୨୮ “ହେ ଗୁରୁ, ଜେତାଏ ହଡ଼ଆଃ
 ହନ୍‌ଗାଁଣା ବାନ୍‌କୁୟାନ୍ତେ ଆୟାଃ କୁଡ଼ିତେକେ ଗଏଃବାଗିରେ ହାଗାତେ ଇନିୟାଃ କୁଡ଼ିତେକେ ଆଣ୍‌ଦିୟାଃକା
 ଆଡ଼ଃ ହାଗାତେୟାଃ ନୁଡୁମ୍‌ତେ ହନ୍ ପସାକକାଏ, ନେଆଁଦ୍ ମୁଣା ଆଲେ ନାଗେନ୍ତେ ଅଲାକାଦାଏ
 ମେନ୍‌କେଦାକ । ୨୯ ନେଲେମେ ସାଡ଼୍ ହାଗିୟା ତାଇକେନାକ, ଆଡ଼ଃ ମାରାଜ୍‌ନିଃ ଆଣ୍‌ଦିକେଦ୍‌ତେ
 ବେଗାର୍ ହନ୍‌ଗାଁଣାତେ ଗଏଃୟାନାଏ । ୩୦ ଆଡ଼ଃ ବାରିୟାନିଃ ଇନିଃକେ ଆଣ୍‌ଦିୟାନାଏ ଆଡ଼ଃ ଇନିଃହ
 ବେଗାର୍ ହନ୍‌ଗାଁଣାତେ ଗଏଃୟାନାଏ । ୩୧ ଏନ୍ତେ ଆପିୟାନିଃ ଇନିଃକେ ଆଣ୍‌ଦିୟାନାଏ ଆଡ଼ଃ ନେ ଲେକାଚି
 ସାଡ଼୍ ହାଗିୟାକହିଁ ବେଗାର୍ ହନ୍‌ଗାଁଣାତେ ଗଏଃୟାନାକ । ୩୨ ତାୟମ୍‌ତେ, କୁଡ଼ିୟାଗି ଗଏଃୟାନାଏ ।
 ୩୩ ନାହାଁଃଦ ଜୀଉବିନିରିଦ୍ ଇମ୍‌ତା ଇନିଃ ଅକଏୟାଃ କୁଡ଼ି ହବାଅଆଃଏ ? ଏନ୍ ସାଡ଼ିୟାକଦ
 ଇନିଃକେ ଆଣ୍‌ଦିୟାକାନ୍ ତାଇକେନାକ ।”

୩୪ ଯୀଶୁ ମେନ୍‌ରୁହାଡ଼ାଦ୍‌କଆଏ, “ନେ ଦିପିଲିରେନ୍ ହନ୍‌କ ଆଣ୍‌ଦିୟାତାନା ଆଡ଼ଃକ ଆଣ୍‌ଦିକତାନା
 । ୩୫ ମେନ୍‌ଦ ହିଜୁଃତାନ୍ ପାରିୟାରେ ଜୀହୁଦ୍‌ଃ ହଡ଼କ ଆଡ଼ଃ ଗଜାକାନ୍‌କଏତେ ଜୀଉବିନିରିଦ୍‌ଲେକାନ୍
 ହଡ଼କ କାକ ଆଣ୍‌ଦିୟାଆ ଆଡ଼ଃ କାକ ଆଣ୍‌ଦିନାଃ । ୩୬ ଆଡ଼ଃ ଇନ୍‌କୁ ଆଡ଼ଃମିସା କାକ ଗଏଃଦାଡ଼ିୟାଆ,
 ଚିୟାଃଚି ଇନ୍‌କୁଦ ସିମ୍‌ରେନ୍ ଦାସିକଲେକା, ଆଡ଼ଃ ଜୀଉବିନିରିଦ୍‌ରେନ୍ ହନ୍‌କ ହବାୟାନ୍ତେ ଇନ୍‌କୁ
 ପାର୍‌ମେଶ୍‌ବାର୍‌ଆଃ ହନ୍ ତାନ୍‌କୁ । ୩୭ ମେନ୍‌ଦ ଗଜାକାନ୍‌କ ଜୀଉବିନିରିଦ୍ କାଜି ମୁଣାହିଁ ରୁପାଦ୍‌ରେୟାଃ
 କାଜିତେ ଉଦୁବାକାଦାଏ, ଏନ୍‌ରେ ଇନିଃ ପ୍ରାଭୁକେ କାଜିକିୟାଏ, ‘ଆମ୍ ଆରାହାମ୍‌ଆଃ ପାର୍‌ମେଶ୍‌ବାର୍‌, ଆଡ଼ଃ
 ଇସାକ୍‌ଆଃ ପାର୍‌ମେଶ୍‌ବାର୍‌, ଆଡ଼ଃ ଯାକ୍‌ବ୍‌ଆଃ ପାର୍‌ମେଶ୍‌ବାର୍‌ ତାନ୍‌ମେ ।’ ୩୮ ନେଲେମେ ପାର୍‌ମେଶ୍‌ବାର୍‌
 ଗଜାକାନ୍‌କଆଃଦ ନାହାଁଲିଃ, ମେନ୍‌ଦ ଜୀହୁଦ୍‌ତାନ୍‌କଆଃ ପାର୍‌ମେଶ୍‌ବାର୍‌ ତାନିଃ, ଇନିଃ ନାଗେନ୍ତେଦ
 ସବେନ୍‌କ ଜୀହୁଦ୍‌ତାନାକ ।”

୩୯ ଆଇନ୍ ଇତୁକଏତେ ଚିମିନ୍‌କ କାଜିରୁହାଡ଼୍‌କିୟାକ, “ହେ ଗୁରୁ ଆମ୍ ବୁଗିନାମ୍ କାଜିୟାକାଦାଃ ।”
 ୪୦ ଆଡ଼ଃ ଜେତାଏ ଇନିଃକେ ଜେଡ୍‌ନାଃ କୁଲିନାଜ୍ କାକ ସାହାଁସକେଦା ।

✽ ୨୦:୨୨ ୨୦:୨୭ ପ୍ରେରିଡ଼୍ ୨୩:୮.

ଶ୍ରୀଷ୍ଠ ଅକ୍ଷୟାଃ ହନ୍ ତାନିଃ

(ମାଥୁଉ ୨୨:୪୧-୪୬; ମାର୍କ ୧୨:୩୫-୩୭)

୪୧ ଏନ୍ତେ ଯୀଶୁ ଇନ୍ଦ୍ରକୁଳେ କାଜିୟାଦକଆଏ, “ହଡ଼କ ଶ୍ରୀଷ୍ଠ ଦାଉଦଆଃ ହନ୍ ତାନିଃ ମେନ୍ତେ ଚିନାଃମେନ୍ତେକ କାଜିତାନା ?” ୪୨ ନେଆଁ ଦାଉଦ ଆଇଃକ୍ତି ଦୁରାଙ୍ଗ ପୁଅରେ କାଜିତାନାଏ, “ପ୍ରାଭୁ ଆଇଁୟାଃ ପ୍ରାଭୁକେ କାଜିୟାକତାନାଏ, ଆଇଁୟାଃ ଜମ୍ତିଃ ସାଃରେ ଦୁବାକାନମ୍ତେ, ୪୩ ଆଇଙ୍ଗ ଆମାଃ ବାଈରକକେ ପୁରା ଆଉରିଙ୍ଗ ହାରାଅକ ଜାକେଦ ।” ୪୪ “ଦାଉଦଦଃ ଇନିଃକେ ‘ପ୍ରାଭୁ’ ମେତାକତାନାଏ, ଏନ୍ତେ ଶ୍ରୀଷ୍ଠ ଚିଲକାତେ ଇନିୟାଃ ହନ୍ ତାନିଃ ?”

ୟୀଶୁ ଆଇନ୍ଦ୍ରକୁଳକେ ଚିଟାକତାନାଏ

(ମାଥୁଉ ୨୩:୧-୩୬; ମାର୍କ ୧୨:୩୮-୪୦)

୪୫ ସବେନ୍ ହଡ଼କ ଆୟୁମତାନ୍ ତାଇକେନ୍ରେ, ଯୀଶୁ ଆୟାଃ ତେଲକକେ କାଜିୟାଦକଆଏ, ୪୬ “ଆଇନ୍ଦ୍ର ଇନ୍ଦ୍ରକତାଃଏତେ ଚିର୍ଗାଲକାନ୍ଦେ, ଇନ୍ଦ୍ରୁ ଜିଲିଙ୍ଗ ଲିଜାଃ ତୁସିଙ୍ଗକେଦ୍ତେ ସେନ୍ଦାଡ଼ା, ଆତଃ ପିଟ୍ ପିଡ଼ିକରେ ଜହାରତେଲା ଆତଃ ସାମାଜ୍ ଅଡ଼ାଃକରେ ଆୟାରରେ ଦୁବ୍ନାଙ୍ଗ ଆତଃ ମାରାଙ୍ଗ ଜମ୍ତୁକରେ ସିଦା ଠାୟାଦରେ ଦୁବ୍ନାଙ୍ଗ ସୁକୁକଆ । ୪୭ ଇନ୍ଦ୍ରୁ ରାଣ୍ଡିକୃଡ଼ିକଆଃ ଅଡ଼ାଃକ ଉଦେତାନା ଆତଃ ବେଦାତେ ଜିଲିଙ୍ଗ ଜିଲିଙ୍ଗିକ ବିନ୍ତ୍ରୟା । ଏନ୍ଲେକାନ୍ ହଡ଼କଦ ଆଦକା ସାଜାକକ ନାମେୟା ।”

୨୧

ମିଆଁଦ୍ ରାଣ୍ଡିକୃଡ଼ିଆଃ ଏମଃ

(ମାର୍କ ୧୨:୪୧-୪୪)

୧ ଯୀଶୁ ଆରିଦ୍ ରାକାବକେଦ୍ତେ କିସାଁଶ୍ ହଡ଼କ ଆକଆଃ ଦାନ୍ ଏମଃ ଖାଜ୍ନା ବାକାସ୍ରେ ସାଜୁତାନ୍ ନେଲକେଦକଆଏ । ୨ ଇନିଃ ମିଆଁଦ୍ ରେଙ୍ଗେଃ ରାବାଙ୍ଗ ରାଣ୍ଡିକୃଡ଼ି ବାରିଆ ହୁପ୍ତିଙ୍ଗ ତାମ୍ବା ସିକା ସାଜୁତେୟାଃ ନେଲକିୟାଏ । ୩ ଯୀଶୁ ମେତାଦକଆଏ, “ସାର୍ଡିଗିଙ୍ଗ କାଜିୟାପେତାନା, ନେ ରେଙ୍ଗେଃ ରାଣ୍ଡିକୃଡ଼ି ସବେନକଏତେ ଥୁମ୍ବା ଏମାକାଦାଃଏ । ୪ ଏନ୍ ସବେନକଦ ପାରମେଶ୍ୱାର ନାଙ୍ଗ ଦାନ୍ ବାକାସ୍ରେ ଆକଆଃ ଆଦକା ମେନାଃତେୟାଃଏତେ କାଟିଃଲେକା ସାଜୁଆକାଦାଃକ ମେନ୍ଦ ନିଃ ଆୟାଃ ଜୀଉ ବାଞ୍ଚାଅ ନାଗେନ୍ତେ ଅକ୍ନାଃ ତାଇକେନା, ଏନା ସବେନାଃଏ ସାଜୁଆକାଦାଏ ।”

ମାନ୍ଦିର୍ ହାଦୁଡ଼ଃରେୟାଃ ବିଷାଏରେ ଯୀଶୁ କାଜିକେଦାଏ

(ମାଥୁଉ ୨୪:୧-୨; ମାର୍କ ୧୩:୧-୨)

୫ ଯୀଶୁଆଃ ଚିମିନ୍ ତେଲକ ମାନ୍ଦିର୍ ଅଡ଼ାଃ ସୁଗାଡ୍ ଦିରିତେ ଆତଃ ପାରମେଶ୍ୱାରତାଃ ଦାନ୍ ରାକାବାକାନ୍ ତେୟାଃତେ ସିଙ୍ଗାରାକାନା ମେନ୍ତେ କାଜିକେଦାଃକ, ମେନ୍ଦ ଯୀଶୁ ମେତାଦକଆଏ, ୬ “ଏନ୍ ଦିପିଲି ହିଜୁଃଆ, ଏନାରେ ଆପେ ନେଲେତାନ୍ ସବେନାଃ ହାଦୁଡ଼ଃଆ, ଦିରି ତେତାନ୍ ଦିରି ଡିରିୟାକାନ୍ କା ତାଇନା ।”

ଦୁକୁ ଆତଃ ସିଗିଦ୍

(ମାଥୁଉ ୨୪:୩-୧୪; ମାର୍କ ୧୩:୩-୧୩)

୭ ଯୀଶୁଆଃ ତେଲକ କୁଲିକିୟାଃକ, “ହେ ଗୁରୁ, ନେଆଁଦ୍ ଚିତଲା ହବାଅଃଆ ? ଆତଃ ନେ ସବେନାଃ ହବାଅଃରେୟା ଚିକାନ୍ ଚିଙ୍ଗା ଉଦୁବଃଆ ?” ୮ ଇନିଃ କାଜିକେଦାଏ, “ଚିର୍ଗାଲକାନ୍ଦେ, ଆଲ୍ପେ ବେଦାଅଆଃ, ପୁରାଃ ହଡ଼କଦ ଆଇଙ୍ଗ ଇନିଃଗି ତାନିଙ୍ଗ ଆତଃ ସାମାଏ ନାଡ଼େଃକାନା ମେନ୍ତେ ଆଇଁୟାଃ ନୁଡୁମ୍ତେକ ହିଜୁଃଆ, ଇନ୍ଦ୍ରକୁଳେ ଆଲ୍ପେ ଅତଙ୍ଗକଆ । ୯ ଆପେ ମାପାଃତୁପୁଇଙ୍ଗ ଆତଃ ହାଲାଗୁଲାରେୟାଃ କାଜି ଆୟୁମେରେ ଆଲ୍ପେ ଆକ୍ବାକାଅଆଃ, ନେ କାଜିକଦ ସିଦାରେ ହବାଅଃଗି ଲାଗାଡିୟାଃ, ମେନ୍ଦ ଚୁଣ୍ଡ କା ହିଜୁଃଆବାଃ ।”

୧୦ ଏନ୍ତେ ଯୀଶୁ ଆତଃଗି ଇନ୍ଦ୍ରକୁଳେ କାଜିୟାଦକଆଏ, “ହଡ଼କଦ ହଡ଼କଆଃ ବିରୁଧ୍ରେ ଆତଃ ରାଇଜ୍ ରାଇଜ୍ରେୟାଃ ବିରୁଧ୍ରେକ ବିରିଦାଃ । ୧୧ ମିଦ୍ତାଃରେ ଅତେ ପୁରାଃ ଏକ୍ଲାଅଃଆ, ରିଙ୍ଗା ଆତଃ ଦୁକୁ, ଆତଃ ବରଆନ୍ତେୟାଃକ ଆତଃ ସିର୍ମାଏତେ ମାପ୍ରାଙ୍ଗ ଚିଙ୍ଗାକ ଉଦୁବଃଆ । ୧୨ ମେନ୍ଦ ଏନ୍ ସବେନାଃ ସିଦାରେ, ହଡ଼କ ଆଇଁୟାଃ ନୁଡୁମ୍ ନାଗେନ୍ତେକ ସାବ୍ପେୟା ଆତଃକ ସିଗିଦ୍ପେୟା । ଇନ୍ଦ୍ରୁ ସାମାଜ୍ ଅଡ଼ାଃକରେକ ଜିମାପେୟା ଆତଃକ ଜେହେଲ୍ପେୟା, ଆତଃ ରାଜାକଆଃ ଆତଃ ହାକିମ୍କଆଃ ଆୟାରରେକ ଇଦିପେୟା । ୧୩ ମେନ୍ଦ ନେଆଁ ଆପେୟାଃ ନାଗେନ୍ତେ ଗାଞ୍ଜାଇ ହବାଅଆଃ । ୧୪*ମେନ୍ଦ

* ୨୧:୧୪ ୨୧:୧୪ ଲୁକ ୧୨:୧୧,୧୨.

ଚିନାଃ କାଜିରୁହାଡ଼େୟାଲେ ମେନ୍ତେ ସିଦାରେ କା ଉଡ଼ୁକେଦତେ ଆପେୟାଃ ମନ୍ରେ ଉହାଟେପେ ।
 ୧୫ ଚିୟାଃଟି ଆଇଙ୍ଗ୍ ଆପେକେ ନେ'ଲେକାନ ବାଚାନ୍ରେୟାଃ ପେଡ଼େଃ ଆଡଃ ସେଣ୍ଟା ଏମାପେୟାଇଙ୍ଗ୍
 ଯେ, ଆପେୟାଃ କାଜିକେ ଆପେୟାଃ ବାଇରିକ ହସଡ଼ କାଜିତାନାଃ ମେନ୍ତେ କାକ କାଜିରୁହାଡ଼ ଦାଡ଼ିୟା ।
 ୧୬ ଆପେୟାଃ ଏଙ୍ଗା ଆପୁକ ଆଡଃ ହାଗାକ ଆଡଃ କୁଟୁମ୍ବୁପୁଲକ ଆଡଃ ଗାତିକ ସାବ୍‌ଇଚିପେୟା ଆଡଃ
 ଆପେକଏତେ ଚିମିନ୍‌କକେ ଗଏଃଇଚିକଆକ । ୧୭ ଆଇଁୟାଃ ନୁଡୁମ୍ ନାଙ୍ଗ୍ ସବେନ୍ ହଡ଼କ ଆପେକେ
 ଖୁସଆପେୟାକ । ୧୮ ମେନ୍‌ଦ ଆପେୟାଃ ବହଃଏତେ ମିଆଁଦ୍ ଉବ୍‌ହ କା ଜିୟନଃଆ । ୧୯ ଆପେ ସାହାତିଙ୍ଗ୍
 ତାନିଲଃ ଆପେୟାଃ ଜୀଉପେ ନାମେୟା ।

ଯୀରୁଶାଲେମ୍‌ରାଃ ଜିୟନଃ ବିଷାଏରେ ଯୀଶୁ କାଜିତାନାଏ

(ମାଥୁର ୨୪:୧୫-୨୧; ମାର୍କ ୧୩:୧୪-୧୯)

୨୦ “ଯୀରୁଶାଲେମ୍ ଫାଉଦତେ କେସେଦ୍‌ବିୟୁରାକାନ ନେଲେ ଇମ୍‌ତା, ଏନାଦ ଉଡୁଡ଼ାବଆଃ ମେନ୍ତେ
 ସାରିପେ । ୨୧ ଇମ୍‌ତା ଯିହୁଦା ପାରଗାନ୍‌ରେ ତାଇନଃତାନକ ବୁରୁଡେକ ନିର୍ତ୍ତେବଃକା, ଯୀରୁଶାଲେମ୍
 ଆଲାରେ ତାଇନଃତାନକ ଅତଙ୍ଗ୍‌ଅଃକାକ ଆଡଃ ହାଡୁକରେ ତାଇନଃତାନକ ସାହାରିତେ ଆଲକାକ ବଲଃକା
 । ୨୨ ଚିୟାଃଟି ସବେନ୍ ଅଲୀକାନ୍‌ଡେୟାଃ ପୁରାଅଃ ନାଗେନ୍ତେ ନେ ହୁଲାଙ୍ଗ୍‌କଦ ସାଜାଇଅଃରେୟାଃ
 ହୁଲାଙ୍ଗ୍ ତାନାଃ । ୨୩ ମେନ୍‌ଦ ଏନ୍ ଦିପିଲିରେନ୍ ବାଜି ଆକାନ୍ କୁଡ଼ିକଆଃ ଆଡଃ ତଆ ନୁନୁଆକତାନ୍
 ଏଙ୍ଗାକଆଃ ନାଗେନ୍ତେ ଚିମିନ୍ ବରଝାନ୍‌ଗି ଦୁକୁ ହବାଅଆଃ । ଚିୟାଃଟି ଅତେଦିଶୁମ୍‌ରେଦ ମାରାଙ୍ଗ୍ ଦୁକୁ
 ଆଡଃ ନେ ହଡ଼କରେ ଏନେସେଦ୍* ଠଗଃଆ । ୨୪ ଇନ୍‌କୁ ତାରାଉଡ଼ିତେ ମାଗଆଃକ ଆଡଃ ସବେନ୍
 ଦିଶୁମ୍‌ରେନ୍‌କତାଃତେକ ତଲ୍‌ଇଦିୟାଆ ଆଡଃ ଏଗାଃ ଜାତିରେନ୍‌କଆଃ ଦିପିଲି ଆଉରି ପୁରାଅଃଜାକେଦ୍
 ଯୀରୁଶାଲେମ୍‌କେ ଏଗାଃ ଜାତିରେନ୍‌କ ଏନେୟା ।

ମାନଝାହନ୍‌ଆଃ ହିଜୁଃରୁହାଡ଼ରେୟାଃ ଆୟାରକାଜି

(ମାଥୁର ୨୪:୨୯-୩୧; ମାର୍କ ୧୩:୨୪-୨୭)

୨୫ *ସିଙ୍ଗି, ଚାଣ୍ଡୁ ଆଡଃ ଇପିଲକରେ ଚିହ୍ନାକ ଉଦୁବଃଆ । ଦରେୟା ଆଡଃ ଆଲ୍‌ପୁଙ୍ଗ୍‌ରେୟାଃ
 ସାଡ଼ିରେ, ଅତେରେ ଜାତିରେନ୍‌କ ଦୁକୁଡେକ ଆକ୍‌ବାକାଅଆଃ । ୨୬ ଅତେଦିଶୁମ୍‌ତେ ହିଜୁଃତାନ୍
 ସାଙ୍ଗାଟ୍‌କେ ନେଲ୍‌ହରାତାନ୍‌ଲଃ ହଡ଼କ ବରତେ ଗଜଃ ଲେକାକ ହବାଅଆ, ଚିୟାଃଟି ସିମ୍‌ରେୟାଃ
 ପେଡ଼େୟାନ୍‌ଡେୟାଃକ ଏକ୍‌ଲାଅଆ । ୨୭ *ଏନ୍ ସାମାଏରେ ହଡ଼କ ମାନଝାହନ୍‌କେ ପେଡ଼େଃ ଆଡଃ
 ପୁରାଃ ମାନାରାଙ୍ଗ୍‌ଲଃ ରିମିଲ୍‌ରେ ହିଜୁଃତାନ୍‌କ ନେଲିୟା । ୨୮ ଚିମ୍‌ତାଙ୍ଗ୍ ନେଆଁକ ଏଟେଜଃରେ ଡିଙ୍ଗୁନ୍‌ପେ
 ଆଡଃ ସାଙ୍ଗିଲେପେ, ଚିୟାଃଟି ଆପେୟାଃ ମୁକ୍ତିଦ ନାଡ଼େୟାଃତାନା ।”

ଲଆଦାରୁଏତେ ଇନିଡୁ

(ମାଥୁର ୨୪:୩୨-୩୫; ମାର୍କ ୧୩:୨୮-୩୧)

୨୯ ଆଡଃ ଯୀଶୁ ଇନ୍‌କୁକେ ନେ ଜନ୍‌କା କାଜି କାଜିୟାଦ୍‌କଆଏ, “ଲଆଦାରୁ ଆଡଃ ସବେନ୍ ଦାରୁ
 ଆଡଃ ଏଗାଃ ଦାରୁକଏତେ ଇଡୁନ୍‌ପେ । ୩୦ ଏନା ସୁଡ଼ାଅଃତାନ୍ ନେଲ୍‌କେଦତେ ଜେଟ୍‌ସିଙ୍ଗି ନାହାଁଦ
 ନାଡ଼େୟାକାନା ମେନ୍ତେପେ ସାରିୟାଃ । ୩୧ ଏନ୍‌ଲେକାଗି, ନେଆଁ ସବେନାଃ ହବାଅଃତାନ୍‌ପେ ନେଲେ
 ଇମ୍‌ତା ପାରମେଶ୍ୱାରାଃ ରାଇଜ୍ ନାଡ଼େୟାକାନା ମେନ୍ତେ ସାରିପେ ।”

୩୨ ସାର୍‌ତିଗିଙ୍ଗ୍ କାଜିୟାପେତାନା, “ନେ ସବେନାଃ ଆଉରି ହବାଅଃ ଜାକେଦ୍ ନେ ଦିପିଲିରେନ୍ ହଡ଼କ
 କାକ ରୁଣ୍ଡୁଆ । ୩୩ ସିମ୍‌ ଆଡଃ ଅତେ ରୁଣ୍ଡୁଡ଼ାତାରଃଆ, ମେନ୍‌ଦ ଆଇଁୟାଃ କାଜିକ କା ରୁଣ୍ଡୁଆ ।

ଚିର୍ଗାଲାକାନ୍‌ପେ

୩୪ “ଚିର୍ଗାଲାକାନ୍‌ପେ, କା'ରେଦ ନୁଁରେୟାଃ ବୁନୁଲ୍‌ତେ ଆଡଃ ନେ ଜୀଦାନ୍‌ରେୟାଃ ଉଡ଼ୁକେଦତେ
 ଆପେୟାଃ ମନ୍ ହାମ୍‌ଲାଆଃ ଆଡଃ ଏନ୍ ହୁଲାଙ୍ଗ୍ ଆପେରେ ଆବ୍‌କାତେ ଫାସ୍‌ରିଲେକା ହିଜୁଃଆ ।
 ୩୫ ଏନାଦ ଏନ୍ ଫାସ୍‌ରି ଲେକାଗି ସବେନ୍ ଅତେରେନ୍‌କଆଃରେ ହିଜୁଃଆ । ୩୬ ଆପେ ନେ ସବେନ୍
 ହିଜୁଃତେୟାଃକଏତେ ବାଞ୍ଛାଅ ଆଡଃ ମାନଝାହନ୍‌ଆଃ ଆୟାରରେ ଡିଙ୍ଗୁଃଦାଡ଼ିକାଲେ ମେନ୍ତେ ସବେନ୍
 ଦିପିଲିରେ ଏୟନାକାନ୍‌ପେ ଆଡଃ ବିକ୍ତିପେ ।”

୩୭ *ସବେନ୍ ହୁଲାଙ୍ଗ୍ ଯୀଶୁ ମାନ୍‌ିର୍ ଅଡ଼ାଃରେ ଇଡୁକତାନ୍ ଆଡଃ ସିଙ୍ଗିହାସୁର୍‌ୟାନ୍ତେ ଜାକଡୁନ୍ ବୁରୁରେ
 ତାଇନଃତାନାଏ ତାଇକେନା । ୩୮ ଆଡଃ ସେତାଃୟାନ୍‌ରେଦ ସବେନ୍ ହଡ଼କ ଇନିୟାଃ କାଜି ଆୟୁମ୍
 ନାଗେନ୍ତେ ମାନ୍‌ିର୍ ଅଡ଼ାଃତେ ଇନିଃତାଃକ ହିଜୁଃତାନ୍ ତାଇକେନା ।

* ୨୧:୨୩ ୨୧:୨୩ ଖୁସ୍ ☆ ୨୧:୨୫ ୨୧:୨୫ ଉନୁଦ୍‌ବ୍ କାଜି ୬:୧୨,୧୩. ☆ ୨୧:୨୭ ୨୧:୨୭ ଉନୁଦ୍‌ବ୍ କାଜି ୧:୭. † ୨୧:୩୦
 ୨୧:୩୦ ପାଅଁଲାଃଆ ☆ ୨୧:୩୭ ୨୧:୩୭ ଲୁକ ୧୯:୪୭.

୨୨

ୟୀଶୁଆଃ ବିରୁଧରେ ରଜୋଟ

(ମାଥୂଉ ୨୨:୧-୫; ମାର୍କ ୧୪:୧-୨; ଯୋହାନ୍ ୧୧:୪୫-୫୩)

୧ ପାସ୍କା ପାରାବ୍ ନୁତୁମଃତାନ୍ ସାବାଃ ହଲଙ୍ଗ୍ରେୟାଃ ପାରାବ୍ ନାଡ଼େଃୟାନା, ୨ ଆଡ଼ଃ ମାରାଙ୍ଗ୍ ଯାଜାକ୍ ଆଡ଼ଃଆଇନ୍ ଇଡୁକ ଆବୁ ଯୀଶୁକେ ଚିଲ୍କାରୁ ଗଢିୟା ମେନ୍ତେ ହରାକ ଦାଣ୍ଟାବାଡ଼ା ତାଇକେନା, ଇନ୍କୁଦ ହଡ଼କକେ ବରଆକିତାନ୍ ତାଇକେନାକ ।

ଇଷ୍ଟାରିୟଡ଼ ଯିହୁଦା ଯୀଶୁକେ ସାବ୍ରିକାଇ ନାଗେନ୍ତେ ରାଜିୟାନା

(ମାଥୂଉ ୨୨:୧୪-୧୬; ମାର୍କ ୧୪:୧୦-୧୧)

୩ ଏନ୍ତେ ଗେଲ୍‌ବାର୍ ତେଲାଇଏତେ, ଇଷ୍ଟାରିୟଡ଼ ଯିହୁଦା ନୁତୁମଃତାନ୍ ମିଆଁଦ୍‌ନିୟାଃରେ ସାଏତାନ୍ ବଲୟାନାଏ । ୪ ଆଡ଼ଃ ଇନିଃ ସେନଃୟାନ୍ତେ ଆଇଙ୍ଗ୍ ଯୀଶୁକେ ଚିଲ୍କା ଆପେୟାଃ ଡିଃଇରେ ଜିମାଇୟା ମେନ୍ତେ ମାରାଙ୍ଗ୍ ଯାଜାକ୍ ଆଡ଼ଃ ସିପାଇକଆଃ ଗମକେକଲଃ ବାଖାଣ୍ଟକେଦାଏ । ୫ ଇନ୍କୁ ଟାକାଲେ ଏମାମେୟା ମେନ୍ତେ ରାସକାତାନ୍‌ଲଃକ ହୁଣ୍ଡିୟାନା । ୬ ଆଡ଼ଃ ଇନିଃ ରାଜିୟାନାଏ ଆଡ଼ଃ କା ହାଲାଗୁଲାଏତାନ୍‌ଲଃ ଇନ୍କୁଆଃ ଡିଃଇରେ ଯୀଶୁକେ ସାବ୍ରିକାଇ ନାଗେନ୍ତେ ସୁଯୋଗ୍ ଦାଣ୍ଟାତାନାଏ ତାଇକେନା ।

ୟୀଶୁ ପାସ୍କା ପାରାବ୍ରେୟାଃ ଜମେୟାଃ ନାଗେନ୍ତେ ସେକାଡ଼ୟାନାଏ

(ମାଥୂଉ ୨୨:୧୭-୨୫; ମାର୍କ ୧୪:୧୨-୨୧; ଯୋହାନ୍ ୧୩:୨୧-୩୦)

୭ ସାବାଃ ହଲଙ୍ଗ୍ରେୟାଃ ପାରାବ୍ ଦିପିଲିରେ, ପାସ୍କା ପାରାବ୍ ନାଗେନ୍ତେ ମିଣ୍ଡିହନ୍‌ଆଃ ଦାଣ୍ଟାମାୟୋମ୍ ଲାଗାଡ଼ିଙ୍ଗ୍ ତାଇକେନା । ୮ ଯୀଶୁ, ପାଡ଼ରାସ୍ ଆଡ଼ଃ ଯୋହାନ୍‌କେ “ପାସ୍କା ପାରାବ୍ ନାଙ୍ଗ୍ ଜମେୟାଃ ବାବାଇ ନାଗେନ୍ତେ” କୁଲ୍‌କେଦକିନା ।

୯ ଏନ୍ତେ ଇନ୍‌କିନ୍ ଇନିଃକେ କୁଲିକିୟାକିନ୍, “ଆଇଙ୍ଗ୍ ଅକ ଠାୟାଦ୍‌ରେ ବାଇୟାଲିଙ୍ଗ୍ ମେନ୍ତେମ୍ ସାନାଙ୍ଗ୍‌ତାନା ?”

୧୦ ଯୀଶୁ ମେତାଦକିନାଏ, “ନାଗାର୍‌ରେ ବଲଃ ଇମ୍‌ତା ଦାଆଃଟାରୁ ତେଙ୍ଗଃକାଦ୍ ମିଆଁଦ୍ ହଡ଼କେ ନାମ୍ ଯାବେନ୍, ଇନିଃ ବଲଃ ଅଡ଼ାଃତେ ଅଡ଼ଙ୍ଗ୍‌ବେନ୍, ୧୧ ଆଡ଼ଃ ଅଡ଼ାଃରେନ୍ ଗମକେ କେ କାଜିୟାବେନ୍, ‘ଗୁରୁ କୁଲିତାନାଏ, ବାଖିରା ଅକ୍‌ଡ଼ାଃରେୟା ? ଏନ୍ତାଃଦ୍ ଆଇଁୟାଃ ତେଲାଇକଲଃ ପାସ୍କା ପାରାବ୍ରେୟାଃ ଜମେୟାଃ ଜମେୟାଈଙ୍ଗ୍ ।’ ୧୨ ଇନିଃ ବାଇସେକାଡ଼ାକାନ୍ ମାରାଙ୍ଗ୍ ବାଖିରା ଉଦୁବାବେନାଏ, ଏନ୍ତାଃରେ ବାଇୟେବେନ୍ ।”

୧୩ ଇନ୍‌କିନ୍ ସେନଃୟାନ୍ତେ ଯୀଶୁ ଉଦୁବାଦକିନ୍‌ଲେକା ନାମ୍‌କେଦାଃକିନ୍, ଆଡ଼ଃ ପାସ୍କା ପାରାବ୍ ନାଙ୍ଗ୍ ଜମେୟାଈକିନ୍ ବାଇକେଦାଃ ।

ପ୍ରାଭୁ ଭୋଜ

(ମାଥୂଉ ୨୨:୨୬-୩୦; ମାର୍କ ୧୪:୨୨-୨୬; ୧ କରିନ୍ଥ୍ରିୟ ୧୧:୨୩-୨୫)

୧୪ ଆଡ଼ଃ ଏନ୍ ଦିପିଲି ସେଟେରୟାନ୍‌ତି ଯୀଶୁ ଆୟାଃ ପ୍ରେରିଡ଼କଲଃ ଜଜମ୍ ନାଗେନ୍ତେ ଦୁବ୍‌ୟାନାଏ । ୧୫ ଆଡ଼ଃ ଇନିଃ ଇନ୍କୁକେ କାଜିୟାଦକଆଏ, “ଆଇଙ୍ଗ୍ ଦୁକୁ ସାହାଡ଼ିଙ୍ଗ୍‌ୟେଁ ସିଦାରେ ନେ ପାସ୍କା ପାରାବ୍ରେୟାଃ ଜମେୟାଈ ଆପେଲଃ ଜଜମାଙ୍ଗ୍ ସାନାଙ୍ଗ୍‌ତାନା । ୧୬ ଆଇଙ୍ଗ୍‌ଦ୍ ପାର୍‌ମେଶ୍ୱାର୍‌ଆଃ ରାଇଜ୍‌ରେ ଏନାରାଃ ସବେନ୍ ମୁଣ୍ଡି ଆଉରି ଉଦୁବଃ ଜାକେଦ୍ ଆଡ଼ଃ ଚିଉଲାହ କାଇଙ୍ଗ୍ ଜମାଃ ମେତାପେତାନାଙ୍ଗ୍ ।”

୧୭ ଆଡ଼ଃ କାଟୋରା ଆଉକେଦ୍‌ତେ, ଇନିଃ ଧାନ୍ୟାବାଦ୍ ଏମ୍‌ତାନ୍‌ଲଃ ମେତାଦକଆଏ, “ଆପେୟାଃ ଆଲାରେ ନେଆଁ ହାଡ଼ିଙ୍ଗ୍‌ୟେଁପେ ।” ୧୮ ଆଇଙ୍ଗ୍‌ଦ୍ କାଜିୟାପେ ତାନାଙ୍ଗ୍, “ପାର୍‌ମେଶ୍ୱାର୍‌ଆଃ ରାଇଜ୍ ଆଉରି ହିଞ୍ଜୁଜାକେଦ୍ ଆଇଙ୍ଗ୍ ଦାଖିରାସି ଆଡ଼ଃ ଚିଉଲାଅ କାଇଙ୍ଗ୍ ନୁଁଇଆ ।”

୧୯ ଆଡ଼ଃ ଇନିଃ ହଲଙ୍ଗ୍ ସାବ୍‌କେଦ୍‌ତେ, ପାର୍‌ମେଶ୍ୱାର୍‌କେ ଧାନ୍ୟାବାଦ୍ ଏମ୍‌କିୟାଏ ଆଡ଼ଃ ଏନାକେ କେଟାଃକେଦ୍‌ତେ ଇନ୍କୁକେ ଏମ୍‌ତାନ୍‌ଲଃ କାଜିୟାଦକଆଏ, “ନେଆଁ ଆଇଁୟାଃ ହଡ଼ମ୍‌ତାନାଃ, ଆପେ ନାଗେନ୍ତେ ଏମ୍‌ତାନା, ଆଇଙ୍ଗ୍‌କେ ପାହାମିଙ୍ଗ୍ ନାଗେନ୍ତେ ନେଆଁ ରିକାଏପେ ।” ୨୦ ଏନ୍‌ଲେକାଗି, ଇନିଃ ଆୟୁବ୍‌ଜମେୟାଈ ତାୟମ୍‌ତେ କାଟୋରା ସାବ୍‌କେଦ୍‌ତେ ମେତାଦକଆଏ, “ନେ କାଟୋରା ଆଇଁୟାଃ ମାୟୋମ୍‌ତେ ଆପେୟାଈ ନାଙ୍ଗ୍ ଲିଙ୍ଗିୟାଈତାନ୍ ପାର୍‌ମେଶ୍ୱାର୍‌ଆଃ ରାଜିନାମାରାଈ ନାଖାନିୟାମ୍ ତାନାଃ ।

୨୧ “ମେନ୍‌ଦ୍ ନେଲେପେ ଆଇଙ୍ଗ୍‌କେ ସାବ୍‌କିନିୟାଈ ଡିଃଇ ଆଇଁୟାଈଲଃ ମେଜ୍‌ରେୟା । ୨୨ ମାନଖାହନ୍ ଆୟାଈ ନାଗେନ୍ତେ ଦହାକାନ୍ ଲେକାଏ ସେନଃତାନା, ମେନ୍‌ଦ୍ ବାଇରିକଆଈ ଡିଃଇରେ ଇନିଃକେ ସାବ୍‌ରିକାନିଃ ହାୟ୍ ହାୟ୍ ଚିମିନ୍ ଦୁକୁନାମେୟାଏ ।”

୨୩ ଆତ୍ମା ଇନ୍ଦ୍ରିୟ ଆବୁଏଡେ ନେ କାମି କାମିନିଃ ଅକଏ ତାନିଃ ମେନ୍ତେ ଆକ ଆକରେକ କୁଲିବାଡାକେଦାଃ ।

ଆବୁଏଡେ ଅକଏ ମାରାଙ୍ଗ୍ ମେନ୍ତେ ଚେଲାକ ଏପ୍ରାଙ୍ଗ୍ତାନା
(ମାଥୁର ୨୦:୨୫-୨୮; ମାର୍କ ୧୦:୪୨-୪୪)

୨୪ ☆ଚେଲାକ ଆବୁଏଡେ ଅକଏ ମାରାଙ୍ଗ୍ନିଃ ଆବୁକାରଥାଏ ମେନ୍ତେକ ଏପ୍ରାଙ୍ଗ୍ତାନା । ୨୫ ଯୀଶୁ ଇନ୍ଦ୍ରିୟକେ କାଜିୟାଦକଥାଏ, “ଏଟାଃ ଜାତିରେନ୍ଦକଥାଃ ରାଜାକ ଇନ୍ଦ୍ରିୟକେ ରାଇଜେତାନା, ଆତ୍ମା ଇନ୍ଦ୍ରିୟାଃରେ ଆକ୍ତେୟାର୍ ତାନକକେ ଗାତିକ କାଜିୟାତାନା । ୨୬ ☆ମେନ୍ଦ ଆପେ ଆଲ୍ପେ ନେକାଅଥାଃ, ଆପେୟାଃ ଆଲାରେ ମାରାଙ୍ଗ୍ନିଃ ହୁଡିଙ୍ଗ୍ନିଃଲେକା, ଆତ୍ମା ଆଗୁଆଇନିଃ ସୁସାର୍ନିଃ ଲେକା ତାଇନଃକାଏ । ୨୭ ☆ଅକଏ ମାରାଙ୍ଗ୍ଆଏ, ଜଜମ୍ରେ ଦୁବାକାନିଃ ଚି ଦାସି ? ଚିୟାଃ ଜଜମ୍ରେ ଦୁବାକାନିଃ କାଏ ମାରାଙ୍ଗ୍ଆଁ ? ମେନ୍ଦ ଆଇଙ୍ଗ୍ ଆପେୟାଃ ଆଲାରେ ମିଆଁଦ ଦାସିଲେକାଃଇଙ୍ଗ୍ ।

୨୮ “ଆଇଁୟାଃ ବିନିଡାଅକରେ ଆଇଙ୍ଗ୍ଲଃ ତାଇକାନକ ଆପେଗି ତାନପେ । ୨୯ ଆତ୍ମା ଆପୁଇଙ୍ଗ୍ ଆଇଙ୍ଗ୍କେ ରାଇଜ୍ ରିକାଏରେୟାଃ ଆକ୍ତେୟାର୍ ଏମାକାଦିଙ୍ଗ୍ ଲେକା ଆଇଙ୍ଗ୍ହ୍ ଆପେକେ ଆକ୍ତେୟାର୍ ଏମାପେତାନାଇଙ୍ଗ୍, ୩୦ ☆ଜେଲେକାଟି, ଆପେ ଆଇଁୟାଃ ରାଇଜ୍ରେ ଆଇଁୟାଃ ମେଜ୍ରେପେ ଜମ୍ନୁଏୟା ଆତ୍ମା ରାଜଗାଦିରେ ଦୁବକେଦ୍ରେ ଇସ୍ରାଏଲ୍ରେନ୍ ବାରା କିଲିକଆଃପେ ବିଚାରେୟା ।

ପାଡ୍ରାସ୍ ଯୀଶୁକେ କାଇଙ୍ଗ୍ ସାରିଆ ମେନ୍ତେ କାଜିତେୟାଃକେ ଯୀଶୁ ଆୟାର୍କାଜି* କାଜିତାନା
(ମାଥୁର ୨୨:୩୧-୩୫; ମାର୍କ ୧୪:୨୭-୩୧; ଯୋହାନ୍ ୧୩:୩୬-୩୮)

୩୧ “ଏ ଶିମୋନ୍, ଏ ଶିମୋନ୍, ନେଲେମ୍ ଚାଷି ଗହମ୍କେ ହାଟାଃରେ କେଲାଅକେଦ୍ରେ ପେଟେଟକେ ଆତମେଲେକା, ଆପେକେ ବିଡାଅ ମେନ୍ତେ ସାଏତାନହଗି ବୁଗିନ୍ ହଡକତାଃଏଡେ ଏଡକାନ୍ ହଡକକେ ଆଲ୍ଗାଅରେୟାଃ ଆନ୍ତୁଇ ନାମାକାଦା । ୩୨ ମେନ୍ଦ ଆମାଃ ବିଶ୍ୱାସ୍ ଆଲକା ଚାବାଃଆ ମେନ୍ତେ ଆଇଙ୍ଗ୍ ଆମାଃ ନାଗେଟେଇଙ୍ଗ୍ ବିକ୍ରିୟାକାଦାଃ, ଆତ୍ମା ଆମ୍ ରୁହାଡ୍ରେଦ ଆମାଃ ହାଗାକକେ ପକ୍ତାକମେ ।”

୩୩ ମେନ୍ଦ ପାଡ୍ରାସ୍ କାଜିକିୟାଏ, “ହେ ପ୍ରାଭୁ ଆମ୍ଲଃ ଜେହେଲ୍ରେ ସେନ୍ ଆତ୍ମା ଗଜଃ ନାଗେଟେ ସାପ୍ତାଅକାନାଇଙ୍ଗ୍ ।”

୩୪ ଯୀଶୁ ମେତାଇକାଏ, “ଏ ପାଡ୍ରାସ୍, ତିସିଙ୍ଗି ସାଣ୍ଡିସିମ୍ ରାଆଃ ସିଦାରେ ଆପିସା ଇନିଃକେ କାଇଙ୍ଗ୍ ସାରିୟାଃ ମେନ୍ତେମ୍ ମେନେୟା, ନେଆଁଇଙ୍ଗ୍ ମେତାମ୍ତାନା ।”

ପାଏସାମୁନା, ଆଇଲା, ଆତ୍ମା ତାରାଉଡି

୩୫ ☆ଏଡେ ଯୀଶୁ ଆୟାଃ ଚେଲାକକେ କୁଲିକେଦକଥାଏ, “ଆଇଙ୍ଗ୍ ଆପେକେ ବେଗାର୍ ପାଏସାମୁନା, ଆଇଲା, ଆତ୍ମା ଖାର୍ପାଡେଇଙ୍ଗ୍ କୁଲକେଦ୍ରେ, ଚିୟାଃ ଜେଡନାଃଡେପେ ଜାଞ୍ଜିୟାନା† ?” “ଜେଡନାଃଡେ କାହା” ମେନ୍ତେକ କାଜିରୁହାଡକିୟା ।

୩୬ ଯୀଶୁ ଇନ୍ଦ୍ରିୟକେ ମେତାଦକଥାଏ, “ମେନ୍ଦ ନାହାଁଃ ପାଏସାମୁନା ତାଇନଃନିଃ ଏନା ଇଦିକାଏ, ଆତ୍ମା ଆଇଲାହ୍, ଆତ୍ମା ଅକଏତାଃରେ ତାରାଉଡି ବାନଆଃ ଇନିଃ ଆୟାଃ ଲିଜାଃ ଆଖ୍ରିଙ୍ଗ୍କେଦ୍ରେ ମିଆଁଦ୍ କିରିଙ୍ଗ୍ୟେକାଏ । ୩୭ ନେଆଁ ଧାରାମ୍ପୁଥ୍ରେ ଅଲକାନା, ‘ଇନିଃ କା ଧାର୍ମାନ୍ ହଡକଲଃ ଲେକାୟାନାଏ,’ ଆତ୍ମା ଆଇଙ୍ଗ୍ ମେତାପେ ତାନାଇଙ୍ଗ୍, ନେଆଁ ଆଇଁୟାଃରେ ହବାଅଶିୟା । ହେଗି, ଧାରାମ୍ପୁଥ୍ରେ ଆଇଁୟାଃ ବିଷାଏରେ ଅଲକାନାଡେୟାଃଦ ସାର୍ଡିଗି ହବାଅଶିୟା ।”

୩୮ ଚେଲାକ କାଜିକିୟାକ, “ହେ ପ୍ରାଭୁ, ନେଲେମେ ବାରିଆ ତାରାଉଡି ନେତାଃରେୟା ।” ଇନିଃ ମେତାଦକଥାଏ, “ଇମ୍ନାଙ୍ଗ୍ରେ ହବାକଆଃ ।”

ଜାଲ୍ପାଇ ବୁରୁରେ ଯୀଶୁଆଃ ବିକ୍ରି

(ମାଥୁର ୨୨:୩୬-୪୨; ମାର୍କ ୧୪:୩୬-୪୨)

୩୯ ଯୀଶୁ ସାହାରହେଡେ ଅଡଙ୍ଗ୍ୟାନଲଃ ସବେନ୍ ହୁଲାଙ୍ଗ୍ ସେନଃତାନଲେକା ଜାଇଡୁନ୍ ବୁରୁଡେ ସେନଃୟାନା, ଆତ୍ମା ଇନିୟାଃ ଚେଲାକହ୍ ଅଡଙ୍ଗ୍କିୟାକ । ୪୦ ଏନ୍ ଠାୟାଦ୍ରେ ସେଟେର୍ୟାନ୍ତି ମେତାଦକଥାଏ, “ବିଡାଅରେ ଆଲ୍ପେ ଉୟୁଗଃକା ମେନ୍ତେ ବିକ୍ରିପେ ।”

୪୧ ଯୀଶୁ ମିଆଁଦ୍ ଦିରିହୁଦମାଃ ଇମ୍ନାଙ୍ଗ୍ ସାଙ୍ଗିନ୍ ଇନ୍ଦ୍ରିୟକେ ଆତମୟାନାଏ, ଆତ୍ମା ଇକ୍ତୁକ୍ତୁକେଦ୍ରେ ବିକ୍ରିକେଦାଏ । ୪୨ “ହେ ଆବା, ଆମ୍ ସାନାଙ୍ଗ୍ରେଦ ନେ କାଟୋରା ଆଇଙ୍ଗ୍ଏଡେ

☆ ୨୨:୨୪ ୨୨:୨୪ ମାଥୁର ୧୮:୧; ମାର୍କ ୯:୩୪; ଲୁକ ୯:୪୭. ☆ ୨୨:୨୬ ୨୨:୨୬ ମାଥୁର ୨୩:୧୧; ମାର୍କ ୯:୩୫. ☆ ୨୨:୨୭ ୨୨:୨୭ ମାଥୁର ୨୦:୨୫-୨୭; ମାର୍କ ୧୦:୪୨-୪୪. ☆ ୨୨:୨୯ ୨୨:୨୯ ଯୋହାନ୍ ୧୩:୧୨-୧୫. ☆ ୨୨:୩୦ ୨୨:୩୦ ମାଥୁର ୧୯:୨୮. * ୨୨:୩୦ ୨୨:୩୧ ହବାଃଆ ସିଦାରେ କାଜିତେୟାଃ ☆ ୨୨:୩୫ ୨୨:୩୫ ମାଥୁର ୧୦:୯,୧୦; ମାର୍କ ୭:୮,୯; ଲୁକ ୯:୩; ୧୦:୪. † ୨୨:୩୫ ୨୨:୩୫ ଘାଟିୟାନା

ଆତମେଁମେ, ଏନ୍‌ରେୟ ଆଇଁୟାଃ ସାନାଙ୍ଗଲେକାଦ କାହା ମେନ୍‌ଦ ଆମାଃ ସାନାଙ୍ଗଲେକା ହବାଅଃକା ।”^{୪୩} ସିର୍ମାସାଃଏତେ ମିଆଁଦ୍ ସିର୍ମାରେନ୍ ଦାସି ଇନିଃକେ ପେଡେଜି ନାଗେନ୍ତେ ଇନିଃତାଃତେ ହିଜୁଃୟାନା ।^{୪୪} ଆତଃ ଯୀଶୁ ପୁରାଃ ଦୁକୁୟାନ୍ତେ ପୁରାଃଗି ବିକ୍ରିଗରୋଙ୍ଗକେଦାଃଏ ଆତଃ ଇନିୟାଃ ବାଲ୍‌ବାଲ୍‌ଦାଆଃ ଅତେରେ ଜରତାନ୍ ସାକିଦ୍ ମାୟୋମ୍‌ଲେକାୟାନା ।‡

^{୪୫} ଇନିଃ ବିକ୍ରିକେଦତେ ବିରିଦ୍‌ୟାନାଏ ଆତଃ ଆୟାଃ ତେଲକତାଃ ରୁହାଡ଼୍‌ୟାନ୍ତି, ଇନ୍‌କୁକେ ଦୁଡ଼ମ୍‌କାନ୍ ନାମ୍‌କେଦକଆଏ, ଆତଃ ହୁଡ଼ିଙ୍ଗଜୀଉୟାନାଏ ।^{୪୬} ଇନିଃ କୁଲିକେଦକଆଏ, “ଚିନାଃମେନ୍ତେପେ ଦୁଡ଼ମ୍‌ତାନା ? ମାର୍ ବିରିଦ୍‌ପେ ଆତଃ ବିଡାଅରେ ଆଲ୍‌ପେ ଉୟୁଗଃକା ମେନ୍ତେ ବିକ୍ରିପେ ।”

ୟୀଶୁଆଃ ସାବ୍‌ଇଦିୟଃ

(ମାଥୁର ୨୨:୪୭-୫୨; ମାର୍କ ୧୪:୪୩-୪୯; ଯୋହାନ୍ ୧୮:୨-୧୧)

^{୪୭} ଯୀଶୁ ନେଆଁ କାଜିତାନ୍ ତାଇକେନ୍ ଇମ୍‌ତାଗି ନେଲେପେ ଗାଦେଲହଡ଼କ ହିଜୁଃୟାନା, ଆତଃ ଗେଲ୍‌ବାର୍ ତେଲକଏତେ ଯିହୁଦା ନୁଡୁମ୍ ମିଆଁଦ୍ ତେଲା ଇନ୍‌କୁକେ ଆୟାର୍‌ତେ ଆତକେଦକଆ ଆତଃ ଯୀଶୁକେ ଚଅଃଇ ନାଗେନ୍ତେ ଇନିଃତାଃତେ ନାଡେଃୟାନା,^{୪୮} ମେନ୍‌ଦ ଯୀଶୁ ମେତାଇକାଏ, “ଏ ଯିହୁଦା, ଚିୟାଃ ଆମ୍ ମାନଝାହନ୍‌କେ ଚଅଃଇତାନ୍‌ଲମ୍ ସାବ୍‌ଇଚିତାନା ?”

^{୪୯} ଯୀଶୁଲଃ ତାଇକେନ୍‌କ ହବାଅଃତେୟାଃ ନେଲ୍‌କେଦତେ କାଜିକିୟାକ, “ହେ ପ୍ରାଭୁ ଚିୟାଃ ଆଲେ ତାରାଉଡ଼ିତେଲେ ମାଆଃକଆ ?^{୫୦} ଆତଃ ଇନ୍‌କୁଏତେ ମିଆଁଦ୍‌ନିଃ ମାରାଙ୍ଗ୍ ଯାଜାକ୍‌ଆଃ ଦାସିରାଃ ଜମ୍ ଲୁଡୁରକେ ମାଆଃଖାଣ୍ଡାଅକେଦାଏ ।”^{୫୧} ମେନ୍‌ଦ ଯୀଶୁ କାଜିରୁହାଡ଼କେଦାଏ, “ନେଆଁଦ୍ କାହା” ଆତଃ ଏନ୍ ଦାସିଆଃ ଲୁଡୁର୍ ଜୁଟିଦ୍‌କେଦତେ ଇନିଃକେ ବୁଗିକିୟାଏ ।^{୫୨} ଏନ୍ତେ ଯୀଶୁ ଆୟାଃତାଃ ହିଜୁଆକାନ୍ ମାରାଙ୍ଗ୍ ଯାଜାକ୍‌କ, ମାନ୍‌ହିର୍ ହରକଆଃ ଗୁସିୟାକ, ଆତଃ ପ୍ରାଚିନ୍‌କକେ କାଜିୟାଦକଆଏ, “ଚିୟାଃ ଆପେ କୁମ୍‌ଦୁସ୍‌ସାବ୍‌ଲେକା ତାରାଉଡ଼ି ଆତଃ ଭଙ୍ଗାଟ୍‌କ ସାବ୍‌କେଦତେପେ ହିଜୁଆକାନା ?^{୫୩} ଏବେନ୍ ହୁଲାଙ୍ଗ୍ ଆଇଙ୍ଗ୍ ମାନ୍‌ହିର୍‌ରେ ଆପେଲଃ ତାଇକେନ୍‌ଇମ୍‌ତା ଆପେ ଆଇଙ୍ଗ୍‌ରେ ତିଃଇ କାପେ ଜିଲିଙ୍ଗ୍‌କେଦାଃ । ମେନ୍‌ଦ ନେଆଁ ଆପେୟାଃ ସାମାଏ ତାନାଃ ଆତଃ ନୁବାଃରେୟାଃ ରାଇଜ୍‌ତାନାଃ ।”

ପାଡ଼ରାସ୍ ଆଇଙ୍ଗ୍ ଯୀଶୁକେ କାଇଙ୍ଗ୍ ସାରିୟାଃ ମେନ୍ତେ କାଜିତାନାଏ

(ମାଥୁର ୨୨:୫୭-୫୮, ୬୯-୭୫; ମାର୍କ ୧୪:୫୩-୫୪, ୬୬-୭୨; ଯୋହାନ୍ ୧୮:୧୨-୧୮, ୨୫-୨୭)

^{୫୪} ଇନ୍‌କୁ ଯୀଶୁକେ ସାବ୍‌ଇଦିକିଃତେ ମାରାଙ୍ଗ୍ ଯାଜାକ୍‌କଆଃ ଅଡ଼ାଃତେକ ଇଦିକିୟାଃ, ଆତଃ ପାଡ଼ରାସ୍ ସାଙ୍ଗିନ୍‌ରେ ତାଇକେଦତେ ଦୟା ଦୟା ଇନିଃକେ ଅତଙ୍ଗକିୟା ।^{୫୫} ମେନ୍‌ଦ ଇନ୍‌କୁ ଅଡ଼ାଃରାତାରେ ସେଙ୍ଗେଲ୍‌ଡିଙ୍ଗକେଦତେ ସବେନ୍‌କ ଦୁବ୍‌ୟାନା, ଆତଃ ପାଡ଼ରାସ୍‌ହ ଇନ୍‌କୁଲଃ ଦୁବ୍‌ୟାନାଏ ।^{୫୬} ମିଆଁଦ୍ କାମ୍‌ଡିଃ ଇନିଃକେ ସେଙ୍ଗେଲ୍‌ଜାପାଃରେ ଦୁବାକାନ୍ ନେଲ୍‌କିଃତେ ନେଲ୍‌ବାଇକିୟାଏ ଆତଃ ମେନ୍‌କେଦାଏ, “ନିଃ ହଗି ଯୀଶୁଲଃ ତାଇକେନାଏ ।”^{୫୭} ମେନ୍‌ଦ ଇନିଃ ଦଦାଦ୍‌ତାନ୍‌ଲଃ କାଜିକିୟାଏ, “ଏ କୁଡ଼ି ଆଇଙ୍ଗ୍‌ଦ ଇନିଃକେ କାଇଙ୍ଗ୍ ସାରିୟାଃ ।”

^{୫୮} ଆତଃଘାଡ଼ିକାଦ୍ ତାୟମ୍‌ତେ ଏଟାଃ ହଡ଼ ଇନିଃକେ ନେଲ୍‌କିଦ୍‌ତେ ମେତାଇକାଏ, “ଆମ୍‌ହ ଇନ୍‌କୁଏତେ ମିଆଁଦ୍‌ନିଃ ତାନ୍‌ମେ ।” ମେନ୍‌ଦ ପାଡ଼ରାସ୍ କାଜିକିୟାଏ, “ଏ ହଡ଼ ଆଇଙ୍ଗ୍‌ଦ ନାହାଁଲିଙ୍ଗ୍ ।”

^{୫୯} ମିଦ୍‌ଘାଣ୍ଡାଲେକା ତାୟମ୍‌ତେ ଆତଃ ଏଟାଃନିଃ କାଜିକେଦାଏ, “ସାର୍‌ତିଗି ନିଃହ ଇନିଃଲଃ ତାଇକେନାଏ, ନିଃଦ ଗାଲିଲ୍‌ରେନ୍ ନିଃ ତାନିଃ ।”^{୬୦} ମେନ୍‌ଦ ପାଡ଼ରାସ୍ କାଜିରୁହାଡ଼କିୟାଏ, “ଏ ହଡ଼, ଆମ୍ କାଜିତାନ୍‌ତେୟାଃ କାଇଙ୍ଗ୍ ସାରିୟାଃ ।” ପାଡ଼ରାସ୍ ନେଆଁ କାଜିତାନ୍ ଇମ୍‌ତାଗି ସାଣ୍ଡିସିମ୍ ରାଆଃକେଦାଏ ।^{୬୧} ଏନ୍ତେ ପ୍ରାଭୁ ହେତାରୁହାଡ଼କେଦତେ ପାଡ଼ରାସ୍‌କେ ଆରିଦ୍‌କିୟାଏ, ଏନ୍ତେ ପାଡ଼ରାସ୍ ସାଣ୍ଡିସିମ୍ ରାଆଃ ସିଦାରେ ଆପିସା ଆଇଙ୍ଗ୍ ଇନିଃକେ କାଇଙ୍ଗ୍ ସାରିୟାଃ ମେନେୟାମ୍ ମେନ୍ତେ ପ୍ରାଭୁ କାଜିକାନ୍ କାଜିକେ ପାହାମ୍‌କେଦାଏ ।^{୬୨} ଆତଃ ପାଡ଼ରାସ୍ ଅତଙ୍ଗ୍‌ୟାନ୍‌ତେ କୁସୁଦ୍ କୁସୁଦ୍ ରାଆଃକେଦାଏ ।

ୟୀଶୁକେ ଲାନ୍‌କିୟାଃକ ଆତଃ ଦାଲ୍‌କିୟାଃକ

(ମାଥୁର ୨୨:୬୭-୬୮; ମାର୍କ ୧୪:୬୫)

^{୬୩} ଯୀଶୁକେ ସାବାକାଇ ହଡ଼କ ଲାନ୍‌କିୟାଃକ ଦାଲ୍‌କିୟାଃକ ।^{୬୪} ଇନିୟାଃ ମେଦ୍ ତଲ୍‌କାପିଦ୍‌କିଃତେ କୁଲିକିୟାଃକ, “ଆମ୍ ପରେ ନାବୀ ତାନ୍‌ମେ, ମାର୍ ଉଦୁବାଲେମ୍, ଅକଏ ଆପ୍‌ଡ଼ିକେଦ୍‌ମେୟାଏ ।”^{୬୫} ଆତଃ ଏଟାଃ ଏଟାଃ ପୁରାଃ ହିଲାଙ୍ଗ୍‌କାଜି ଇନିୟାଃ ବିରୁଧ୍‌ରେକ କାଜିକେଦା ।

‡ ୨୨:୪୪ 22:44 ଚିମିନ୍ ମାରି ଅନଲ୍‌କରେ ୪୩-୪୪ ପଦ ବାନଃଆ ✧ ୨୨:୫୩ ୨୨:୫୩ ଲୁକ ୧୯:୪୭; ୨୧:୩୭. § ୨୨:୫୭ ୨୨:୫୭ ଦାସିକୁଡ଼ି

ୟୀଶୁକେ ମାରାଙ୍ଗ ଯାଜାକ୍‌ଆଃ ପାଞ୍ଚେଟ୍‌ତେକ ଆଉକିୟା

(ମାଥୁଉ ୨୨:୪୯-୬୬; ମାର୍କ ୧୪:୫୫-୬୪; ଯୋହାନ୍ ୧୮:୧୯-୨୪)

୨୭ ଆଙ୍ଗ୍‌ୟାନଲିଃଗି ହଡକ୍‌ଆଃ ପ୍ରାଚିନ୍‌କ ଆଡ଼ଃ ମାରାଙ୍ଗ ଯାଜାକ୍‌କ, ଆଇନ୍‌ ଇଡୁକ ହୁଣ୍ଡିୟାନା ଆଡ଼ଃ ଯୀଶୁକେ ଆକଆଃ ପାଞ୍ଚେଟ୍‌ତେ ଇଦିକିୟାଃକ । ୨୭ “ଆମ୍ ଖ୍ରୀଷ୍ଟ୍ ତାନ୍‌ମେରେଦ ମାର୍ କାଜିୟାଲେମ୍” ମେନ୍ତେ କାଜିକିୟାକ, ଯୀଶୁ ମେନ୍‌ରୁହାଡ଼ାଦକ୍‌ଆଏ, “ଆଇଙ୍ଗ୍ ଆପେକେ କାଜିୟାପେରେହ୍ ଆପେ କାପେ ବିଶ୍ୱାସେୟା, ୨୮ ଆଡ଼ଃ ଆଇଙ୍ଗ୍ ଜେଡ଼ନାଃଇଙ୍ଗ୍ କୁଲିପେରେୟ ଆପେ କାପେ କାଜିରୁହାଡ଼ାଇୟାଃ । ୨୯ ମେନ୍‌ଦ ନାହାଁଃଏତେ ମାନଖାହନ୍ ସବେନ୍ ପେଡ଼େୟାନ୍ ପାର୍‌ମେଶ୍ୱାର୍‌ଆଃ ଜମ୍‌ତିସାଃରେ ଦୁବାକାନ୍ ନେଲିଃଆଏ ।”

୩୦ ଆଡ଼ଃ ସବେନ୍‌କ କୁଲିକିୟାଃକ, “ତାବ୍‌ଦ, ଚିୟାଃ ଆମ୍ ପାର୍‌ମେଶ୍ୱାର୍‌ଆଃ ହନ୍ ତାନ୍‌ମେ ?” ଇନିଃ ମେତାଦକ୍‌ଆଏ, “ଆମ୍ ଇନିଃଗି ତାନ୍‌ମେ ମେନ୍ତେ ଆପେଗିପେ କାଜିତାନା ।”

୩୧ ଏନ୍ତେ ଇନ୍‌କୁ ମେନ୍‌କେଦାଃ, “ନାହାଁଃଦ ଆରୁଆଃ ଆଡ଼ଃ ଚିକାନ୍ ଗାଞ୍ଜା ଲାଗାଡ଼ିଙ୍ଗ୍‌ୟାଃ ? ଆବୁଦ ଇନିୟାଃ ମଚାଏତେଗି ଆୟୁମ୍‌କେଦାଃରୁ ।”

୨୩

ୟୀଶୁକେ ପିଲାତୁସ୍‌ତାଃତେକ ଆଉକିୟା

(ମାଥୁଉ ୨୨:୧, ୨, ୧୧-୧୪; ମାର୍କ ୧୫:୧-୫; ଯୋହାନ୍ ୧୮:୨୮-୩୮)

୧ ସବେନ୍ ପାଞ୍ଚେଟ୍‌ରେନ୍‌କ ବିରିଦ୍‌ୟାନ୍ତେ ଯୀଶୁକେ ପିଲାତୁସ୍‌ତାଃତେକ ଇଦିକିୟାଃ । ୨ ଆଡ଼ଃ ଇନ୍‌କୁ ଇନିଃକେ ଚିଟାକ୍‌ତାନ୍‌ଲିଃ କାଜିକେଦାକ, “ନେ ହଡ଼, କାଈସାର୍‌କେ କାର୍ ଆଲପେ ଏମାଈ ମେନ୍ତେ ହଡ଼କକେ ଉସ୍‌କୁରକ ତାନ୍ ଆଡ଼ଃ ଆପାନ୍‌କେ ଖ୍ରୀଷ୍ଟ୍, ରାଜା ମେନ୍ତେ କାଜିନ୍‌ତାନ୍‌ଲେ ଆୟୁମ୍‌କାଈଜା ।”

୩ ଏନ୍ତେ ପିଲାତୁସ୍ ଯୀଶୁକେ କୁଲିକିୟାଏ, “ଆମ୍ ଚିନାଃ ଯିହୁଦୀକ୍‌ଆଃ ରାଜାତାନ୍‌ମେ ?” ଯୀଶୁ କାଜିରୁହାଡ଼କିୟାଏ “ଆମ୍‌ଗିମ୍ କାଜିତାନା ।”

୪ ଏନ୍ତେ ପିଲାତୁସ୍ ମୁଲ୍ ଯାଜାକ୍‌କକେ ଆଡ଼ଃ ଗାଦେଲ୍ ହଡ଼କକେ କାଜିୟାଦକ୍‌ଆଏ, “ନେ ହଡ଼ରେ ଜେତାନ୍ ଗୁଣ୍ଡାଁ କାଈଙ୍ଗ୍ ନାମେତାନା ।”

୫ ମେନ୍‌ଦ ଇନ୍‌କୁ ଆଡ଼ଃପୁରାଃଗି କାଜିକେଦାଃକ, “ଇନିଃ ଗାଲିଲ୍‌ଏତେ ନେତାଃ ଜାକେଦ୍ ଗଟା ଯିହୁଦାରେନ୍‌କକେ ଇଡୁକ୍‌ତାନ୍‌ଲିଃ ଉସ୍‌କୁରକତାନା ।”

ପିଲାତୁସ୍ ଯୀଶୁକେ ହେରୋଦ୍‌ତାଃତେ କୁଲିକିୟାଏ

୬ ପିଲାତୁସ୍ ଗାଲିଲ୍ ନୁଡୁମ୍ ଆୟୁମ୍‌କେଦ୍‌ତି କୁଲିକେଦକ୍‌ଆଏ, “ଚିୟାଃ ନେ ହଡ଼ ଗାଲିଲ୍‌ରେନ୍‌ ତାନିଃଗି ?” ୭ ଯୀଶୁ ହେରୋଦ୍‌ଆଃ ରାଈଜ୍‌ରେନ୍‌ ତାନିଃ ନେଆଁ ଆଟ୍‌କାର୍‌କେଦ୍‌ତି ପିଲାତୁସ୍ ଇନିଃକେ ହେରୋଦ୍‌ତାଃତେ କୁଲିକିୟାଏ । ଇନିଃଦ ଏନ୍‌ହୁଲାଙ୍ଗ୍‌ରେ ଯୀରୁଶାଲେମ୍‌ରେ ତାଈକେନାଏ । ୮ ଆଡ଼ଃ ହେରୋଦ୍ ଯୀଶୁକେ ନେଲ୍‌କିଃତେ ପୁରାଃଗି ରାସ୍‌କାୟାନାଏ, ଇନିଃଦ ଯୀଶୁଆଃ କାଜିକାମି ବିଷାଏରେ ଆୟୁମ୍‌କାଦ୍ ତାଈକେନାଏ, ଏନାନାଗେନ୍ତେ ଇନିଃ ଯୀଶୁକେ ନେନେଲ୍ ସାନାଙ୍ଗ୍‌ତାନାଏ ତାଈକେନା, ଆଡ଼ଃ ଆଇଙ୍ଗ୍ ଇନିୟାଃ ଜେତାନ୍ ମାରାଙ୍ଗ୍ ପେଡ଼େୟାନ୍ କାମି ନେଲେଆଇଙ୍ଗ୍ ମେନ୍ତେ ଆସ୍ତାଏତାନା ତାଈକେନା । ୯ ଏନାନାଗେନ୍ତେ ହେରୋଦ୍ ଇନିଃକେ ପୁରାଃ କାଜିକ କୁଲିକିୟାଏ, ମେନ୍‌ଦ ଯୀଶୁ ଜେଡ଼ନାଃ କାଏ କାଜିରୁହାଡ଼କିୟା । ୧୦ ମାରାଙ୍ଗ୍ ଯାଜାକ୍‌କ ଆଡ଼ଃ ଆଇନ୍‌ ଇଡୁକ ଡିଙ୍ଗ୍‌ୟାନ୍ତେ ପୁରାଃଗି ଇନିଃକେ ଚିଟାକିୟାଃକ । ୧୧ ଏନ୍ତେ ହେରୋଦ୍ ଆଡ଼ଃ ଆୟାଃ ସିପାଈକଲିଃ ଇନିଃକେ ହିନ୍‌ସ୍ତାକିଃତେ ଲାୟାକିୟାଃକ ଆଡ଼ଃ ରାଙ୍ଗ୍ ଲିଜାଃ ତୁସିଙ୍ଗ୍‌କିଃତେ ପିଲାତୁସ୍‌ତାଃତେକ କୁଲିରୁହାଡ଼କିୟାଃ । ୧୨ ଏନ୍ ହୁଲାଙ୍ଗ୍‌ଗି ପିଲାତୁସ୍ ଆଡ଼ଃ ହେରୋଦ୍ ବାରାନ୍‌କିନ୍ ଗାଡ଼ିୟାନାକିନ୍, ସିଦାଦ ଇନ୍‌କିନ୍ ବାଈରିକିନ୍ ତାଈକେନା ।

ୟୀଶୁଆଃ ଗନଏଃ ସାର୍‌ତିଗି ତାନାଃ

(ମାଥୁଉ ୨୨:୧୫-୨୬; ମାର୍କ ୧୫:୨-୧୫; ଯୋହାନ୍ ୧୮:୩୯-୧୯:୧୬)

୧୩ ପିଲାତୁସ୍, ମାରାଙ୍ଗ୍ ଯାଜାକ୍‌କକେ, ହାକିମ୍‌କକେ ଆଡ଼ଃ ହଡ଼କକେ କେଡ଼ାହୁଣ୍ଡିକେଦକ୍‌ଆଏ, ୧୪ ଆଡ଼ଃ କାଜିୟାଦକ୍‌ଆଏ, “ନିଃ ହଡ଼କକେ ବାଗ୍‌ଡ଼ାଅନିଃ ତାନିଃ ମେନ୍ତେ ଆପେ ଆଇଁୟାଃତାଃପେ ଆଉକିୟା । ଆଡ଼ଃ ନେଲେପେ ଆପେୟାଃ ଆୟାର୍‌ରେଗି କୁଲିକିୟାଈଙ୍ଗ୍, ମେନ୍‌ଦ ଆପେ ଚିଟାକ୍‌ତାନ୍ ଜେତାନ୍ ଗୁଣ୍ଡାଁ ନିଃରେ କାଈଙ୍ଗ୍ ନାମ୍‌କେଦାଃ । ୧୫ ଆଡ଼ଃ ହେରୋଦ୍‌ହ୍ କାଏ ନାମାକାଦାଃ, ଏନାତେ ଇନିଃ ନିଃକେ ଆବୁତାଃତେ କୁଲିରୁହାଡ଼କିୟାଃ, ନେଲେପେ ଗଜିଲେକାନ୍ ଜେତାନ୍‌କାମି ନିଃ କାଏ କାମିୟାକାଦାଃ । ୧୬ ଏନାମେନ୍ତେ ଆଇଙ୍ଗ୍ ହାଁଶ୍‌ସାକିଃତେ ଆଡ଼ଃଇୟା ।” ୧୭ ଏନ୍ ପାରାବ୍‌ରେ ହଡ଼କ ନାଗେନ୍ତେ ମିଆଁଦ୍ ହଡ଼କେ ଆଡ଼ଃଇ ଲାଗାଡ଼ିଙ୍ଗ୍ ତାଈକେନା ।*

* ୨୩:୧୭ ୨୩:୧୭ ନେ ପଦ ଚିମିନ୍ ମାରି ଅନଲ୍‌କରେ ବାନଆଃ

୧୮ ଆଡ଼ଃ ସବେନକ ମିଦୟାନ୍ତେ କାଉରିକେଦାଃକ, “ନେ ହଡ଼କେ ଗଜିମେଁ ଆଡ଼ଃ ବାରବବାକେ ଆଲେ ନାଗେନ୍ତେ ଆଡ଼ଃକମେ ।” ୧୯ ହାତୁରେ ହବାଲେନ୍ ହାଲାଗୁଲା ଆଡ଼ଃ ହଡ଼ ଗଏଃକେନ୍ ନାଗେନ୍ତେ ବାରବବା ଜେହେଲାକାନାଏ ତାଇକେନା ।

୨୦ ପିଲାତୁସ୍ ଯୀଶୁକେ ଆଡ଼ଃକ ନାଗେନ୍ତେ ସାନାଙ୍ଗକିୟା ଏନାମେନ୍ତେ ଆଡ଼ଃଗି ହଡ଼କକେ କାଜିୟାଦକଆଏ । ୨୧ ମେନ୍ଦ ଇନ୍କୁ କାଉରିକେଦାଃକ, “କୁଶ୍ରେ କିଲାକମେ, କୁଶ୍ରେ କିଲାକମେ ।”

୨୨ ଏନ୍ତେ ପିଲାତୁ ଆପିସାତେ କାଜିୟାଦକଆଏ, “ଟିକା ନାଗେନ୍ତେ, ନେ ହଡ଼ ଟିକାନ୍ ଏଡ଼କାନ୍ କାମିୟାକାଦାଏ ? ଆଇଙ୍ଗ୍ ଗଜିଲେକାନ୍ ଜେତାନ୍ ଗୁଣ୍ଟାଁ ଇନିଃରେ କାଇଙ୍ଗ୍ ନାମାକାଦା, ଏନାମେନ୍ତେ ଇନିଃକେ ହାଁଶ୍ଵାକିଃତେଇଙ୍ଗ୍ ବାଗିୟା ।”

୨୩ ମେନ୍ଦ ଇନ୍କୁ ପୁରାଃଗି କାଉରିତାନ୍ଲଃ ଯୀଶୁକେ କୁଶ୍ରେ ରାକାବିମେଁ ମେନ୍ତେ ଆସିତାନ୍କ ତାଇକେନା, ଆଡ଼ଃ ଇନ୍କୁଆଃ କାଉରିରେୟାଃ ଜିନିତାଏ ହବାୟାନା । ୨୪ ଏନ୍ତେ ପିଲାତୁସ୍, ଇନ୍କୁ ଆସିତାନ୍ ଲେକା ରିକାଏପେ ମେନ୍ତେ ଆତୁକେଦାଏ ।

ୟୀଶୁକେ ଗଲଗାଆତେକ ଇଦିତାନା

୨୫ ଇନିଃ ଇନ୍କୁ ଆସିତାନ୍ ହଡ଼କେ, ଅକଏଟି ହାଲାଗୁଲା ଆଡ଼ଃ ହଡ଼ ଗଏଃକେନ୍ନାଙ୍ଗ୍ ଜେହେଲାକାନ୍ ତାଇକେନାଏ ଇନିଃକେ ଇନ୍କୁ ନାଗେନ୍ତେ ଆଡ଼ଃକିୟା, ମେନ୍ଦ ଯୀଶୁକେ ଇନ୍କୁଆଃ ସାନାଙ୍ଗ୍ ଲେକା ଜିମାକିୟାଏ ।

ୟୀଶୁକେ କୁଶ୍ରେ କିଲାକିୟାଃକ

(ମାଥୂ ୨୭:୩୨-୪୪; ମାର୍କ ୧୫:୨୧-୩୨; ଯୋହାନ୍ ୧୯:୧୭-୨୭)

୨୬ ଆଡ଼ଃ ଇନ୍କୁ ଇନିଃକେ ଇଦିତାନ୍ ତାଇକେନରେ ହାତୁଏତେ ହିଜୁଃତାନ୍ ଶିମୋନ୍ ନୁତୁମ୍ କୁରିନିରେନ୍ ହଡ଼କେ ସାବକିୟାଃକ ଆଡ଼ଃ ଯୀଶୁଆଃ ତାୟମ୍ ତାୟମ୍ତେ କୁଶ୍ ଇଦି ନାଗେନ୍ତେ ଇନିଃକେ ଗଅଃଟିକାକିୟାଃକ ।

୨୭ ପୁରାଃ ହଡ଼କ ଇନିଃକେ ଅତଙ୍ଗକିୟାକ ଇନ୍କୁ ଆଲାରେ ଇନିଃ ନାଙ୍ଗ୍ କୁଡ଼ାମ୍ ଆପଡ଼ି ଆଡ଼ଃ ରାଆଃତାନ୍ କୁଡ଼ିକହ ତାଇକେନାକ । ୨୮ ମେନ୍ଦ ଯୀଶୁ ଇନ୍କୁସାଃ ହେତାରୁହାଡ଼କେଦ୍ତେ ଇନ୍କୁକେ କାଜିୟାଦକଆଏ, “ହେ ଯୀରୁଶାଲେମ୍ରେନ୍ କୁଡ଼ିହନ୍କ, ଆଇୟାଃ ନାଙ୍ଗ୍ ଆଲ୍ପେ ରାଆଃୟା, ମେନ୍ଦ ଆପେୟାଃ ଆଡ଼ଃ ଆପେୟାଃ ହନ୍କ ନାଙ୍ଗ୍ ରାଆଃଏପେ । ୨୯ ନେଲେପେ ଏନ୍ ହୁଲାଙ୍ଗ୍ ହିଜୁଃଆ ଏନାରେ ହଡ଼କ ମେନେଆଁ, ‘କା ହାମ୍ପାଲଃ ଦାଡ଼ିତାନ୍ କୁଡ଼ି ଆଡ଼ଃ ଚିଉଲାହ କା ହାମ୍ପାଲକାନ୍ ଲାହିଦ୍ ଆଡ଼ଃ ଚିଉଲାହ ତଆ କା ନୁନୁଆକ ସୁକୁତାନ୍ଗିଆଃ ।’ ୩୦ ଏନ୍ତେ ଇନ୍କୁ କାଜିୟା, ‘ଏ ବୁରୁକ ଆଲେରେ ଉୟୁଗଃପେ ଆଡ଼ଃ ଏ ବୁଞ୍ଜୁରିକ ଆଲେକେ ଦାନାଙ୍ଗ୍ଲେପେ ।’ ୩୧ ଇନ୍କୁ ହାରିୟାର୍ ଦାରୁକେ ନେ’ଲେକାକରେଦ ରହଡ଼ାକାନ୍ ଦାରୁରାଃ ଚିନାଃ ହବାଆଃ ?”

୩୨ ଇନ୍କୁ ଇନିଃଲଃ ଗଏଃନାଗେନ୍ତେ ଏଡ଼କାନାଃ କାମିକେନ୍ ଆଡ଼ଃଗି ବାରହଡ଼କିନ୍କେ ହ ଇଦିକେଦକିନାକ । ୩୩ ଇନ୍କୁ “ବହଃଜାଙ୍ଗ୍” ନୁତୁମ୍ତାନ୍ ଠାୟାଦ୍ତେ ସେଟେରୟାନ୍ତି ଏନ୍ତାଃରେ ଇନିଃକେ ଆଡ଼ଃ ଏନ୍ ଏଡ଼କାନ୍ କାମିକେନକିନ୍ଏତେ ମିଆଁଦକେ ଇନିୟାଃ ଜମ୍ପାଃ ଆଡ଼ଃ ଏଟାଃନିଃକେ ଲେଙ୍ଗାସାଃରେ କୁଶ୍ରେକେ କିଲାକେଦକିନା । ୩୪ ଏନ୍ତେ ଯୀଶୁ ମେନ୍କେଦାଏ, “ହେ ଆବା ଇନ୍କୁକେ ଛାମାକମେଁ, ଚିୟାଃଟି ଇନ୍କୁ ଚିନାଃ କାମିତାନାକ ଏନା କାକ ସାରିତାନା ।”† ଆଡ଼ଃ ଚିଠା ଉୟୁଃକେଦ୍ତେ ଇନିୟାଃ ଲିଜାଃକେ ହାଟିଙ୍ଗ୍କେଦାଃକ । ୩୫ ହଡ଼କ ଡିଙ୍ଗ୍ୟାନ୍ତେ ନେଲ୍ତାନ୍କ ତାଇକେନା, ଆଡ଼ଃ ହାକିମ୍କହ ଇନିଃକେ ଲାନ୍ଦାକିଃତେ ମେନ୍କେଦାଃକ, “ଇନିଃଦ ଏଟାଃକକେ ବାଞ୍ଚାଅକେଦକଆଏ, ଇନିଃ ପାର୍ମେଶ୍ଵାର୍ଆଃ ସାଲାକାନ୍ ଖ୍ରୀଷ୍ଟ୍ ତାଇନିଃରେଦ ଆପାନ୍କେ ବାଞ୍ଚାଅନ୍କା ।”

୩୬ ସିପାଇକହ ହିଜୁଃଲେନ୍ତେ ଇନିଃକେ ଲାନ୍ଦାକିୟାଃକ ଆଡ଼ଃ ମେହେର୍ ରାସିକ ଆନୁକିୟାଃ, ୩୭ ଆଡ଼ଃ କାଜିକିୟାକ, “ଆମ୍ ଯିହୁଦୀକଆଃ ରାଜା ତାନ୍ମେରେଦ ଆପାନ୍କେ ବାଞ୍ଚାଅନ୍ମେ ।”

୩୮ ଆଡ଼ଃ “ନିଃ ଯିହୁଦୀକଆଃ ରାଜାତାନିଃ” ମେନ୍ତେ ମିଆଁଦ୍ ଅନଲ୍ ଇନିୟାଃ ଚେତାନ୍ରେ ଅଲାକାନ୍ ତାଇକେନା ।

୩୯ ଏନ୍ତେ ହାକାକାନ୍ ଏଡ଼କାନ୍ କାମିକିନ୍ଏତେ ମିଆଁଦ୍ନିଃ ଯୀଶୁକେ ହିଲାଙ୍ଗିଃତେ କାଜିକିୟାଏ, “ଆମ୍ ଖ୍ରୀଷ୍ଟ୍ ତାନ୍ମେରେଦ, ଆପାନ୍କେ ଆଡ଼ଃ ଆଲିଙ୍ଗ୍କେ ବାଞ୍ଚାଅଲିଙ୍ଗ୍ମେଁ ।”

୪୦ ମେନ୍ଦ ଏଟାଃନିଃ ଇନିଃକେ ମାରାଙ୍ଗ୍ମତାକିଦ୍ତେ କାଜିରୁହାଡ଼କିୟାଏ, “ଆମ୍ହଦ୍ ନେ ଲେକା ସାଜାଇ ନାମେତାନାମ୍, ପାର୍ମେଶ୍ଵାର୍କେ କାଟିମ୍ ବରଇତାନା ? ୪୧ ଆଲାଙ୍ଗ୍ଦ ଲାଗାଟିଙ୍ଗ୍ଲେକା ସାଜାଇଅଃତାନାଲାଙ୍ଗ୍, ଆଲାଙ୍ଗ୍ କାମିକାଦ୍ରେୟାଃ ନାଲାଲାଙ୍ଗ୍ ନାମେତାନା, ମେନ୍ଦ ନିଃ ଜେତାନ୍

☆ ୨୩:୩୦ ୨୩:୩୦ ଉନୁଦ୍ କାଜି ୬:୧୭. † ୨୩:୩୪ 23:34 ନେ ପଦ ଚିମିନ୍ ମାରି ଅନଲ୍କରେ ବାନଆଃ

ଏତକନାଃ କାଏ କାମିୟାକାଦା ।” ୪୭ ଏନ୍ତେ ଇନିଃ କାଜିକିୟାଏ, “ହେ ଯୀଶୁ ଆମାଃ ରାଇଜ୍ରେମ୍ ତେବାଃଇମ୍ତା ଆଇଙ୍ଗ୍ କେ ପାହାମିଙ୍ଗ୍ମେ ।”

୪୮ ଯୀଶୁ କାଜିରୁହାଡ଼କିୟାଏ, “ସାର୍ଡିଗି କାଜିୟାମ୍ ତାନାଇଙ୍ଗ୍, ତିସିଙ୍ଗ୍ ଆମ୍ ଆଇଁୟାଃଲଃ ପାରାଦେସ୍ରେମ୍ ତାଇନାଃ ।”

ୟୀଶୁଆଃ ଗନଏଃ

(ମାଥୁର ୨୭:୪୫-୫୬; ମାର୍କ ୧୫:୩୩-୪୧; ଯୋହାନ୍ ୧୯:୨୮-୩୦)

୪୫ ଇମ୍ତା ତିକିନ୍ସିଙ୍ଗ୍ ହବାକାନ୍ ତାଇକେନା, ଆତଃ ତାର୍ସିଙ୍ଗ୍ ତିନ୍ଦାଣ୍ଟା ଜାକେଦ୍ ଗଟା ଦିଶୁମ୍ ନୁବାଃୟାନା । ୪୫ ସିଙ୍ଗ୍ ହ ନୁବାଃୟାନାଏ, ଆତଃ ମାନ୍ଦିର୍ ଅଡ଼ାଃରାଃ ହାନାଟିଙ୍ଗ୍ ଦାନାଙ୍ଗ୍ଲିଜାଃ ଆଲା ଆଲାତେ ଚେଚାଃୟାନା । ୪୬ ଯୀଶୁ ପୁରାଃ କାଉରିକେଦ୍ତେ ମେନ୍କେଦାଏ, “ହେ ଆବା, ଆଇଁୟାଃ ଆମ୍ ଆମାଃତିଃଇରେଇଙ୍ଗ୍ ଜିମାଏତାନା ।” ନେଆଁ କାଜିକେଦ୍ତେ ଜୀଉତାୟାଃ ଅତଙ୍ଗ୍ୟାନା ।

୪୭ ଏନ୍ତେ ମିଦ୍ଗାଅ ସିପାଇକଆଃ ଗମ୍ କେ ନେଆଁ ନେଲ୍କେଦ୍ତେ ପାର୍ମେଶ୍ୱାର୍ କେ ମାନାରାଙ୍ଗ୍ କେଦ୍ତେ କାଜିକେଦାଏ, “ସାର୍ଡିଗି ନିଃ ଧାର୍ମାନ୍ ହଡ଼ ତାଇକେନାଏ ।”

୪୮ ଆତଃ ନେଆଁ ନେନେଲ୍ନାଗେନ୍ତେ ହୁଣ୍ଟିୟାକାନ୍ ସବେନ୍ ହଡ଼କ ହବାୟାନ୍ତେୟାଃ ନେଲ୍କେଦ୍ତେ, ଦୁକୁତେ ଆକଆଃ କୁଡ଼ାମ୍ ଆପ୍ତିତାନ୍ଲଃ ରୁହାଡ଼ୟାନାକ । ୪୯ ମେନ୍ଦ୍ ଯୀଶୁଆଃ ସବେନ୍ ନେପେଲ୍ଜପୁରୁଙ୍ଗ୍ ଆତଃ ଗାଲିଲ୍ଏତେ ଅତଙ୍ଗ୍ଆଉକାଇ କୁଡ଼ିକ ସାଙ୍ଗିନ୍ରେ ତିଙ୍ଗ୍ କେଦ୍ତେ ନେଆଁ ନେଲ୍ତାନ୍କ ତାଇକେନା ।

ୟୀଶୁକେ ତପାଇତାନାକ

(ମାଥୁର ୨୭:୫୭-୬୧; ମାର୍କ ୧୫:୪୨-୪୬; ଯୋହାନ୍ ୧୯:୩୮-୪୨)

୫୦ ନେଲେପେ ଯିହୁଦୀକଆଃ ହାରାମାଥୁୟା ସାହାରରେ ଯୋଷେଫ୍ ନୁତୁମ୍ ମିଆଁଦ୍ ହଡ଼, ଇନିଃ ପାଞ୍ଚେର୍ରେନ୍ ମିହୁଡ଼୍ ରୁଗିନ୍ ଆତଃ ଧାର୍ମାନ୍ ହଡ଼ ତାଇକେନାଏ । ୫୧ ଯିହୁଦୀକଆଃ ନାଗାରରେନ୍ ହାରାମାଥୁୟା ଇନ୍କୁଆଃ ଉଡ଼ୁ ଆତଃ କାମିରେ କାଏ ମେସାକାନ୍ ତାଇକେନା । ଆତଃ ଇନିଃ ପାର୍ମେଶ୍ୱାର୍ଆଃ ରାଇଜ୍ ନେଲ୍ହରାତାନାଏ ତାଇକେନା । ୫୨ ଇନିଃ ପିଲାତୁସ୍ତାଃ ସେନଃୟାନ୍ତେ ଯୀଶୁଆଃ ଗଏଃ ହଡ଼ମ୍ କେ ଆସିକିୟାଏ । ୫୩ ଏନ୍ତେ ଇନିଃ ଏନାକେ ଆଡ଼ଗୁକେଦ୍ତେ, ଫାର୍ଡି ନିରାଲ୍ ଲିଜାଃଲଃ ପଟମ୍ କେଦାଏ ଆତଃ ଦିରିଏତେ ଉର୍ଲେଦ୍ ତପାଗାଡ଼ାରେ ଦହକେଦାଏ, ଏନାରେଦ୍ ଚିଉଲ୍ଲାହ ଜେତାଏକେ କାକ ତପାକାକ ତାଇକେନା । ୫୪ ଏନ୍ ହୁଲାଙ୍ଗ୍ ସାପ୍ତାଅନ୍ ହୁଲାଙ୍ଗ୍ ତାଇକେନା, ଆତଃ ରୁଡ଼ନ୍ ହୁଲାଙ୍ଗ୍ ନାଡ଼େୟାକାନ୍ ତାଇକେନା ।

୫୫ ଗାଲିଲ୍ଏତେ ଯୀଶୁଆଃ ହିଜୁଆକାନ୍ କୁଡ଼ିକହ ଅତଙ୍ଗ୍କିୟାକ, ତପାଠାୟାଦ୍ ଆତଃ ଇନିୟାଃ ହଡ଼ମ୍ ଚିଲ୍କାତେ ଦହାକାନା ଏନାକ ନେଲ୍କେଦାଃ । ୫୬ ଏନ୍ତେ ଇନ୍କୁ ରୁହାଡ଼ୟାନ୍ତେ ରୁଗିନ୍ ସହାନ୍ ସୁନୁମ୍ କ ବାଇକେଦା । ଆତଃ ଆନ୍ତୁଲେକା ରୁଡ଼ନ୍ ହୁଲାଙ୍ଗ୍ରେକ ରୁଡ଼ୟାନା ।

୨୪

ୟୀଶୁଆଃ ଜୀଉବିନିରିଦ୍

(ମାଥୁର ୨୮:୧-୧୦; ମାର୍କ ୧୬:୧-୮; ଯୋହାନ୍ ୨୦:୧-୧୦)

୧ ହାପ୍ତାରେୟାଃ ପାହିଲା ହୁଲାଙ୍ଗ୍ ସେତାଃ ଇଦାନ୍ ନୁବାଃ ତାଇକେନ୍ ଇମ୍ତା, ଏନ୍ କୁଡ଼ିକ ଆକଆଃ ବାଇୟାକାଦ୍ ରୁଗିନ୍ ସହାନ୍ତେୟାଃ ଆଉକେଦ୍ତେ ତପାଗାଡ଼ା ଠାୟାଦ୍ତାଃ ସେନଃୟାନା । ୨ ଆତଃ ଇନ୍କୁ ତପାଠାୟାଦ୍ରାଃ ଦୁଆର୍ଏତେ ପୁରାଃ ମାରାଙ୍ଗ୍ ଦିରିକେ ବାଟି ଆତମାକାନ୍କ ନେଲ୍କେଦାଃ । ୩ ମେନ୍ଦ୍ ଇନ୍କୁ ବଲ୍ୟାନ୍ତେ ପ୍ରାଭୁ ଯୀଶୁଆଃ ହଡ଼ମ୍ କାକ ନାମ୍ କେଦାଃ । ୪ ଆତଃ ଇନ୍କୁ ନେଆଁତେ ଆକ୍ଦାନ୍ଦାୟାନାକ, ନେଲେପେ ଝାକ୍ମାକ୍ ଲିଜାଃ ତୁସିଙ୍ଗ୍ଆଁକାନ୍ ବାର୍ହଡ଼୍ ଇନ୍କୁଆଃ ଜାପାଃରେକିନ୍ ତିଙ୍ଗ୍ୟାନା । ୫ ଇନ୍କୁ ବରତେ ଅତେସାଃ ତିରୁବାକାଦ୍ ତାଇକେନ୍ ଇମ୍ତା ଇନ୍କିନ୍ କାଜିୟାଦ୍ କଆକିନ୍, “ଆପେ ଜୀଉଦ୍ତାନ୍କକେ ଗଜାକାନ୍କଆଃ ଆଲାରେ ତିନାଃମେନ୍ତେପେ ଦାଣ୍ଟାତାନା ? ୬ ଇନିଃ ନେତାଃରେ ବାଙ୍ଗାୟା, ଇନିଃଦ୍ ଜୀଉବିରଦାକାନାଏ ! ଗାଲିଲ୍ରେ ତାଇକାନ୍ ଇମ୍ତା ଇନିଃ ଚିକ୍ନାଃ ମେତାକାପେ ତାଇନାଏ, ଏନା ପାହାମେପେ । ୭ ମାନଝାହନ୍ ପାପିକଆଃ ତିଃଇରେ ସାବ୍ଇଚିୟାଆଏ, ଆତଃ ଜୁଗ୍ରେ ଗଜାଆଏ ଆତଃ ଆପି ମାହାଁରେ ଜୀଉବିରିଦ୍ ଲାଗାତିଙ୍ଗ୍ୟାଃ ।”

୮ ଏନ୍ତେ ଇନ୍କୁ ଇନିୟାଃ କାଜିକ ପାହାମ୍ କେଦାଃ । ୯ ତପାଗାଡ଼ାଏତେ ରୁହାଡ଼କେଦ୍ତେ, ଇନ୍କୁ ନେ ସବେନ୍କାଜି ଏଗାରାଝାନ୍ ଚେଲ୍ଲାକକେ ଆତଃ ସବେନ୍ ଏଟାଃ ହଡ଼କକେ ଉଦୁବାଦ୍ କଆକ । ୧୦ ମାର୍ଗାଲିନି ମାରିୟାମ୍, ଯୋହାନ୍ନା, ଯାକୁଦ୍ ଏଙ୍ଗାତେ ମାରିୟାମ୍, ଆତଃ ଏଟାଃକ ନେ କାଜି

୧ ୨୩:୪୯ ୨୩:୪୯ ଲୁକ ୮:୨୩. ୨ ୨୪:୬ ୨୪:୬ ମାଥୁର ୧୬:୨୧; ୧୭:୨୨,୨୩; ୨୦:୧୮,୧୯; ମାର୍କ ୮:୩୧; ୯:୩୧; ୧୦:୩୩,୩୪; ଲୁକ ୯:୨୨; ୧୮:୩୧-୩୩.

ପ୍ରେରିତକଙ୍କେ ଉଦ୍‌ବାଦକଆକ । ୧୧ ମେନ୍ଦ ଇନ୍‌କୁ ଇନ୍‌କୁଆଃ କାଜିକେ କାକ ବିଶ୍ୱାସକେଦାଃ, ତିୟାଃଟି ଇନ୍‌କୁଆଃ କାଜି ଆକକେ ସାମାକାଜିଲେକା ଆଚ୍‌କାରକେଦକଆ । ୧୨ ପାତ୍ରରାସ୍, ବିରିଦ୍‌ୟାନ୍ତେ ତପାଗାଡ଼ାତେ ନିର୍‌କେଦାଏ, ଆତଃ ଇନିଃ ଉଜ୍ଜ୍ୱଦ୍‌କେଦ୍‌ତେ ପାତ୍ରଲୀ ଲିଜାଃ ଏସ୍‌କାର ଦହାକାନ୍‌ତେୟାଃ ନେଲ୍‌କେଦାଏ, ଆତଃ ହବାକାନ୍‌ତେୟାଃ ନେଲ୍‌କେଦ୍‌ତେ ଆୟାଃ ମନ୍‌ରେ ଆକ୍‌ଦାୟାଅ ତାନ୍‌ଲଃ ଅଡ଼ାଃତେ ସେନଃୟାନାଏ ।*

ୟୀଶୁ ଇମ୍ମାୟୁସ୍‌ତେ ସେନଃତାନ୍ ବାରିଆ ତେଲ୍‌କିନ୍‌ତାଃ ନେଲ୍‌କିୟାଃତାନାଏ
(ମାର୍କ ୧୬:୧୨-୧୩)

୧୩ ନେଲେପେ ଏନହୁଲାଙ୍ଗ୍‌ଗି ଇନ୍‌କୁଏତେ ବାରହଡ଼ ଇମ୍ମାୟୁସ୍ ନୁତୁମ୍ ହାତୁତେ ସେନଃତାନ୍‌କିନ୍ ତାଇକେନା, ଏନ୍ ହାତୁ ଯୀରୁଶାଲେମ୍‌ଏତେ ସାତ୍‌ମାଲ୍‌ଲ୍ ଲେକା ସାଙ୍ଗିନ୍ ତାଇକେନା । ୧୪ ଇନ୍‌କିନ୍ ନେ ହବାକାନ୍ ସବେନ୍ କାଜିକ ବାଖାଣ୍ଡେତାନ୍‌କିନ୍ ତାଇକେନା । ୧୫ ତିମ୍‌ତାଙ୍ଗ୍ ଇନ୍‌କିନ୍ ବାଖାଣ୍ଡେତାନ୍ ଆତଃ କୁପୁଲିତାନ୍‌ଲଃ ସେନଃତାଇକେନାକିନ୍ ଯୀଶୁ ଆଇଃକ୍‌ହଗି ନାଡ଼େୟାନ୍ତେ ଇନ୍‌କିନ୍‌ଲଃ ଗାତିୟାନାଏ । ୧୬ ମେନ୍ଦ ଇନ୍‌କିନାଃ ମେଦ୍ ଦାନାଙ୍ଗ୍‌କାନ୍‌ତାଇକେନା, ଏନାନାଗେନ୍ତେ ଇନ୍‌କିନ୍ ଇନିଃକେ କାକିନ୍ ନେଲ୍‌ଉରୁମ୍‌କିୟାଃ । ୧୭ ଇନିଃ ଇନ୍‌କିନ୍‌କେ କୁଲିକେଦ୍‌କିନାଏ, “ଆବେନ୍ ସେନଃତାନ୍‌ଲଃ ତିକାନ୍ କାଜିବେନ୍ କୁପୁଲିତାନା ଆତଃ ହୁଡ଼ିଙ୍ଗ୍‌ଜୀଉକାନା ? ୧୮ ଏନ୍ତେ ଇନ୍‌କିନ୍‌ଏତେ କ୍ଲେୟା ନୁତୁମ୍‌ନିଃ, କାଜିରୁହାଡ଼କିୟାଏ, ଆମ୍ ତିନାଃ ଯୀରୁଶାଲେମ୍‌ରେ ତେରାଏତାନ୍‌ରେହ ତିସିଙ୍ଗ୍ ନେ ହବାକାନ୍ କାଜିକ ଆମ୍ ଏସ୍‌କାରଗି କାମ୍ ସାରିୟାଃ ?”

୧୯ ଯୀଶୁ କୁଲିକେଦ୍‌କିନାଏ, “ତିଲ୍‌କାନ୍ କାଜି ?”

“ନାଜ୍‌ରେଡ଼ରେନ୍ ଯୀଶୁଆଃ ବିଷାଏ,” ମେନ୍ତେକିନ୍‌କାଜିକିୟାଃ । “ଇନିଃ ନାବୀ ତାଇକେନାଏ, ପାର୍‌ମେଶ୍ୱାର୍ ଆତଃ ହଡ଼କଆଃ ଆୟାର୍‌ରେ କାମି ଆତଃ କାଜିରେ ପେଡ଼େୟାନ୍ ହଡ଼ ତାଇକେନାଏ । ୨୦ ଆଲେୟାଃ ମାରାଙ୍ଗ୍ ଯାଜାକ୍‌କ ଆତଃ ହାକିମ୍‌କ ଇନିଃକେ ଗନଏଃ ସାଜାଇ ଏମ୍ ନାଗେନ୍ତେକ ଏମ୍‌ଏଣ୍ଡାଃକିୟାଃ ଆତଃ କୁଶ୍‌ରେକ କିଲାଗଏଃକିୟାଃ । ୨୧ ମେନ୍ଦ ଆଲେ ଇନିଃ ଇସ୍ରାଏଲ୍‌ରେନ୍‌କକେ ମୁକ୍ତି ଏମାକଆ ମେନ୍ତେ ଆସ୍ରାଏତାନ୍‌ଲେ ତାଇକେନା । ନେ ସବେନାଃ ହବାକାନ୍‌ତେୟାଃ ତିସିଙ୍ଗ୍‌ଲଃ ଆପି ମାହାଁ ହବାଅଃତାନା । ୨୨ ଆତଃଗି ଆଲେୟାଃ ଗାତିରେନ୍ ତିମିନାଙ୍ଗ୍ କୁଡ଼ିକ, ଆକ୍‌ଚାକାଅ† କାଦ୍‌ଲେୟାକ, ଇନ୍‌କୁ ଇଦାନ୍‌ରେ ତପାଗାଡ଼ାତାଃକ ସେନ୍‌କେନା, ୨୩ ମେନ୍ଦ ଇନ୍‌କୁ ଇନିୟାଃ ଗଏଃହଡ଼ମ୍ କାକ ନାମ୍‌କେଦାଃ । ଇନ୍‌କୁ ରୁହାଡ଼କେଦ୍‌ତେ କାଜିୟାଦ୍‌ଲେୟାକ, ଆଲେ ଦୁଁଡ଼କେ ନେଲ୍‌ାଦ୍‌କିନାଲେ, ଇନ୍‌କିନ୍ ଯୀଶୁ ଜୀହୁଦ୍‌ଗିୟାଏ ମେତାଦ୍‌ଲେୟାକିନ୍ । ୨୪ ଏନ୍ତେ ଆଲେୟାଃ ଗାତିକଏତେ ତିମିନାଙ୍ଗ୍‌କ ତପାଗାଡ଼ାତାଃକ ସେନଃୟାନା ଆତଃ କୁଡ଼ିକଆଃ କାଜିଲେକାକ ନାମ୍‌କେଦାଃ, ମେନ୍ଦ ଯୀଶୁକେ କାକ ନେଲ୍‌କିୟାଃ ।”

୨୫ ଯୀଶୁ ମେତାଦ୍‌କିନାଏ, “ଏ ତଣ୍ଡକିନ୍ ଆତଃ ନାବୀକଆଃ ସବେନ୍ କାଜି ବିଶ୍ୱାସନାଙ୍ଗ୍ ମନ୍‌କେଟେୟାକାନ୍ ହଡ଼କିନ୍ ! ୨୬ ତିୟାଃ ଶ୍ରୀଷ୍ଟ ନେ ଦୁକୁ ସାହାତିଙ୍ଗ୍ ଆତଃ ଆୟାଃ ମାନାରାଙ୍ଗ୍‌ରେ ବଲ କା ଲାଗାତିଙ୍ଗ୍‌ତାନ୍ ତାଇକେନା ?” ୨୭ ମୁଗା ଆତଃ ସବେନ୍ ନାବୀକଏତେ ଏଟେଦ୍‌କେଦ୍‌ତେ ଗଟା ଧାରାମ୍‌ପୁଅରେ ଆୟାଃ ବିଷାଏରେ ଅଲ୍‌କାନ୍ କାଜିକରେୟାଃ ମୁଣ୍ଡି ଉଦ୍‌ବାଦକିନାଏ ।

୨୮ ଏନ୍ତେ ଇନ୍‌କୁ ଆକସେନଃତାନ୍ ତାଇକେନ୍ ହାତୁତେ ସେଟେରୟାନ୍‌ତି ଯୀଶୁ ଆୟାର୍‌ତେ ସେନଃତାନ୍ ଲେକାଏ ଉଦ୍‌ବେନ୍‌ୟାନା । ୨୯ ମେନ୍ଦ ଇନ୍‌କିନ୍ “ଦେଲ୍‌ା ଆଲିଙ୍ଗ୍‌ଲଃ ତାଇନଃମେଁ, ଆୟୁବଃତାନା ଆତଃ ସିଙ୍ଗ୍‌ହାସୁରଃତାନା” ମେନ୍ତେ କାଜିକିୟାଃକିନ୍, ଆତଃ ଇନିଃ ଇନ୍‌କିନ୍‌ଲଃ ତାଇନଃ ନାଗେନ୍ତେ ବଲୟାନାଏ । ୩୦ ଇନିଃ ଇନ୍‌କିନ୍‌ଲଃ ଜମ୍‌ଦୁବ୍‌ୟାନ୍‌ତି ହଲ୍‌ଙ୍ଗ୍‌କେ ସାବ୍‌କେଦ୍‌ତେ, ଆଶିଷ୍ ଏମ୍‌କେଦାଏ, ଆତଃ ଏନା କେଟାଃକେଦ୍‌ତେ ଏମାଦ୍‌କିନାଏ । ୩୧ ଏନ୍ତେ ଇନ୍‌କିନାଃ ମେଦ୍ ରାଡ଼ାୟାନା ଆତଃ ଇନ୍‌କିନ୍ ଯୀଶୁକେ ନେଲ୍‌ଉରୁମ୍‌କିୟାକିନ୍, ଆତଃ ଇନିଃ ଇନ୍‌କିନ୍‌ତାଃଏତେ ଦାନାଙ୍ଗ୍‌ୟାନାଏ । ୩୨ ଆତଃ ଇନ୍‌କିନ୍ ଆକିନ୍‌ଆକିନ୍‌ରେ କୁଲିୟାନାକିନ୍, “ତିୟାଃ ଇନିଃ ହରାରେ ଆଲ୍‌ାଙ୍ଗ୍‌ଲଃ ବାଖାଣ୍ଡେତାନ୍ ଆତଃ ଧାରାମ୍‌ପୁଅରେୟାଃ ମୁଣ୍ଡି ଉଦ୍‌ବାଲାଙ୍ଗ୍ ତାଇକେନ୍ ଇମ୍‌ତା, ଆଲ୍‌ାଙ୍ଗ୍‌ଆଃ ମନ୍ ରାସ୍‌କାତେ କାଟି ଜୁଲଃତାନ୍ ତାଇକେନା ?”

୩୩ ଆତଃ ଇମ୍‌ତାଗି ଇନ୍‌କିନ୍ ବିରିଦ୍‌ୟାନ୍ତେ ଯୀରୁଶାଲେମ୍‌ତେକିନ୍ ରୁହାଡ଼ୟାନା ଆତଃ ଏଗାରାଝାନ୍ ତେଲ୍‌ାକ ଆତଃ ଇନ୍‌କୁଆଃ ଗାତିକ ହୁଣ୍ଡିୟାକାନ୍‌କିନ୍ ନାମ୍‌କେଦ୍‌କଆ । ୩୪ “ସାର୍‌ତିଗି ପ୍ରାଭୁ ଜୀଉବିରିଦାକାନାଏ ଆତଃ ଶିମୋନ୍‌ତାଃ ନେଲ୍‌କିୟାନ୍‌ାଏ” ମେନ୍ତେ ଇନ୍‌କୁକେ କାଜିୟାଦ୍‌କଆକିନ୍ ।

୩୫ ଏନ୍ତେ ଇନ୍‌କିନ୍ ହରାରେ ହବାଲେନ୍‌ତେୟାଃ ଆତଃ ତିଲ୍‌କାତେ ହଲ୍‌ଙ୍ଗ୍ କେଟାଃତାନ୍‌ରେ ଆଲିଙ୍ଗ୍ ଇନିଃକେ ନେଲ୍‌ଉରୁମ୍‌କିୟାଃ ଏନା ଇନ୍‌କୁକେ ଉଦ୍‌ବାଦକଆକିନ୍ ।

* ୨୪:୧୨ 24:12 ନେ ପଦ ତିମିନ୍ ମାରି ଅନଲ୍‌କରେ ବାନଃଆ † ୨୪:୨୨ ୨୪:୨୨ ଚାକିଡ଼

ୟୀଶୁ ତେଲାଇକତାରେ ଉଦ୍‌ବୁଦ୍ଧତାନା

(ମାଥୁଉ ୨୮:୧୭-୨୦; ମାର୍କ ୧୬:୧୪-୧୮; ଯୋହାନ୍ ୨୦:୧୯-୨୩; ପ୍ରେରିତ୍ ୧:୭-୮)

୩୭ ଇନ୍‌କିନ୍ ନେ କାଜି କାଜିତାନ୍ ତାଇକେନ୍ ଇମ୍‌ତା, ପ୍ରାଭୁ ଯୀଶୁ ଆଇଃକ୍‌ଗି ଇନ୍‌କୁଆଃ ଆଲାରେ ଡିଙ୍ଗୁୟାନାଏ, ଆତଃ ମେତାଦ୍‌କଆଏ, “ଆପେରେ ଜୀଉସୁକୁ ହବାଅଃକା ।” ‡ ୩୭ ମେନ୍‌ଦ ଇନ୍‌କୁ ଆକ୍‌ଦାନ୍‌ଆୟାନ୍‌ଲଃ, ବରକେଦ୍‌ତେ ଆରୁ ବଙ୍ଗାନ୍‌ରୁ ନେଲ୍‌କିୟାଃ ମେନ୍‌କେ ଆଟ୍‌କାର୍‌କେଦାଃ । ୩୮ ଇନ୍‌ଃ କାଜିୟାଦ୍‌କଆଏ, “ଚିନାଃମେନ୍‌କେଦେ ବରତାନା, ଆତଃ ଆପେୟାଃ ମନ୍‌ରେ ଆଡ଼ାଃଉଡ଼ୁ ଚିନାଃମେନ୍‌କେ ଅମନଃତାନା ? ୩୯ ଆଇୟାଃ ତିଃଇ ଆତଃ କାଟା ନେଲେଦେ, ଆଇଙ୍ଗି ତାନିଙ୍ଗି ! ଜୁଟିଦିଙ୍ଗିଦେ ଆତଃ ନେଲ୍‌ବାଇଙ୍ଗିଦେ, ଆଇଙ୍ଗିରେଦେ ନେଲେତାନ୍‌ଲେକାନ୍ ଜାଙ୍ଗି ଜିନ୍‌ରୁ ବଙ୍ଗାରେଦ ବାନଆଃ ।”

୪୦ ଇନ୍‌ଃ ନେଆଁ କାଜିକେଦ୍‌ଚି ଇନ୍‌କୁକେ ଆୟାଃ ତିଃଇ ଆତଃ କାଟା ଉଦ୍‌ବୁଦ୍‌କଆଏ । § ୪୧ ଆତଃ ଇନ୍‌କୁ ରାସ୍‌କାତେ କାକ ପାତିୟାନ୍‌ତାନ୍ ଆତଃ ଆକ୍‌ଦାନ୍‌ଆୟାନ୍ ତାଇକେନ୍‌ରେ, “ତିୟାଃ ଆପେତାଃ ହୁଡିଙ୍ଗିଲେକା ଜମେୟାଃ ମେନାଃଚି ?” ମେନ୍‌କେ ଇନ୍‌ଃ କୁଲିକେଦ୍‌କଆଏ । ୪୨ ଏନ୍‌କେ ଇନ୍‌କୁ ଇନ୍‌ଃକେ ଆନ୍‌ଗାକାନ୍ ହାକୁ ହୁଡିଙ୍ଗିଲେକାକ ଏମ୍‌କିୟାଃ । ୪୩ ଆତଃ ଇନ୍‌ଃ ଏନା ତେଲାଇକେଦ୍‌ତେ ଇନ୍‌କୁଆଃ ସାମ୍‌ନାଙ୍ଗିରେ ଜମ୍‌କେଦାଏ ।

୪୪ ଏନ୍‌କେ ଇନ୍‌ଃ ମେତାଦ୍‌କଆଏ, ମୁଣାରାଃ ଆନ୍‌ରୁ ପୁଥ୍‌ରେ ଆତଃ ନାବୀକଆଃ ଆତଃ ଦୁରାଙ୍ଗି ପୁଥ୍‌ରେ ଆଇୟାଃ ବିଷାଏରେ ସବେନ୍ ଅଲ୍‌କାନ୍‌ତେୟାଃ ପୁରାଅଃ ଲାଗାଡିଙ୍ଗିୟାଃ, ଏନ୍‌କାଜି ଆପେଲଃ ତାଇକେନ୍ ଇମ୍‌ତାଙ୍ଗି କାଜିକାଦ୍‌ପେୟାଈଙ୍ଗି ।

୪୫ ଏନ୍‌କେ ଇନ୍‌ଃ ଧାରାମ୍‌ପୁଥ୍ ଆଟ୍‌କାର୍‌ଉଡୁମ୍‌ ନାଗେନ୍‌କେ ଇନ୍‌କୁଆଃ ମନ୍‌କେ ସେଣ୍‌କେଦାଏ । ୪୬ ଇନ୍‌ଃ ଇନ୍‌କୁକେ କାଜିୟାଦ୍‌କଆଏ, “ନେଆଁ ଅଲ୍‌କାନା, ଖ୍ରୀଷ୍ଟ ଦୁକୁସାହାଡିଙ୍ଗି ଆତଃ ଆପି ମାହାଁରେ ଗଜାକାନ୍‌କଏତେ ଜୀଉବିରିଦ୍ ଲାଗାଡିଙ୍ଗିୟାଃ, ୪୭ ଆତଃ ଯୀରୁଶାଲେମ୍‌ଏତେ ଏଟେଦ୍‌କେଦ୍‌ତେ ସବେନ୍ ଦିଶୁମ୍‌ରେନ୍ ସବେନ୍ ହଡକକେ ଇନ୍‌ୟାଃ ନୁଡୁମ୍‌ତେ ହେୟାଡିଙ୍ଗିରେୟାଃ ଆତଃ ପାପ୍ ଛାମାରେୟାଃ କାଜି ଉଦ୍‌ବୁ ଲାଗାଡିଙ୍ଗିୟାଃ । ୪୮ ଆତଃ ଆପେ ନେ କାଜିରେୟାଃ ଗାଝାଇକ ତାନ୍‌ପେ । ୪୯ *ନେଲେଦେ ଆଇଙ୍ଗି ଆପୁଇୟାଃ ବାନାର୍‌ସା* କାଜି ଆପେତାଃତେ କୁଲେୟା; ମେନ୍‌ଦ ଚେତାନ୍ ପେଡ଼େଃ ଆଉରିପେ ନାମେଜାକେଦ୍ ଯୀରୁଶାଲେମ୍ ସାହାରରେ ତାଇନ୍‌ପେ ।”

ୟୀଶୁ ସିର୍ମାତେ ରାକାବ୍‌ୟାନାଏ

(ମାର୍କ ୧୬:୧୯-୨୦; ପ୍ରେରିତ୍ ୧:୯-୧୧)

୫୦ *ୟୀଶୁ ଇନ୍‌କୁକେ ବେଥ୍‌ନିଆ ସାମ୍‌ନାଙ୍ଗିତେ ଅତଙ୍ଗି ଇଦିକେଦ୍‌କଆଏ ଆତଃ ଆୟାଃ ତିଃଇ ରିମ୍‌କେଦ୍‌ତେ ଇନ୍‌କୁକେ ଆଶିଷ୍‌କେଦ୍‌କଆଏ । ୫୧ ଆତଃ ଇନ୍‌ଃ ଇନ୍‌କୁକେ ଆଶିଷ୍‌କତାନ୍‌ଲଃ ଇନ୍‌କୁଏତେ ବିନ୍‌ଗାଅୟାନାଏ† ଆତଃ ସିର୍ମା ଦିଶୁମ୍‌ତେ ଇଦିୟାନା । ୫୨ ଏନ୍‌କେ ଇନ୍‌କୁ ଇନ୍‌ଃକେ ଜହାର୍‌କିଃତେ ପୁରାଃ ରାସ୍‌କାତାନ୍‌ଲଃ ଯୀରୁଶାଲେମ୍‌ତେକ ରୁହାଡ଼ୟାନା । ୫୩ ଆତଃ ପାର୍‌ମେଶ୍‌ବାର୍‌କେ ଧାନ୍ୟାବାଦ୍ ଏମ୍‌ତାନ୍‌ଲଃ ଜାନାଅ ମାନ୍‌ଦିର୍‌ଅଡ଼ାଃରେକ ତାଇକେନା ।

‡ ୨୪:୩୭ 24:36 ଚିମିନ୍ ମାରି ଅନଲ୍‌କରେ, “ଆତଃ ମେତାଦ୍‌କଆଏ, ଆପେରେ ଜୀଉସୁକୁହବାଅଃକା” ମେନ୍‌କେ କା ଅଲ୍‌କାନା
§ ୨୪:୪୦ 24:40 ନେ ପଦ ଚିମିନ୍ ମାରି ଅନଲ୍‌କରେ ବାନଃଆ * ୨୪:୪୯ ୨୪:୪୯ ପ୍ରେରିତ୍ ୧:୪. * ୨୪:୪୯ ୨୪:୪୯
ବାଣ୍ଟାଏମାକାଦ୍ / ବାଏଦା * ୨୪:୫୦ ୨୪:୫୦ ପ୍ରେରିତ୍ ୧:୯-୧୧. † ୨୪:୫୧ ୨୪:୫୧ ଫାର୍‌କାୟାନାଏ

ଯୋହାନ୍ ଲିଖିତ ଯୀଶୁ ଖ୍ରୀଷ୍ଟଙ୍କ ସୁସମାଚାର ଯୋହାନ୍ ଅଲ୍ଲାକାଦ୍ ଯୀଶୁ ଖ୍ରୀଷ୍ଟଆଃ ସୁକୁକାଜି ପାରିଚାଏ

ଯୀଶୁ ଖ୍ରୀଷ୍ଟଆଃ ଜୀଞ୍ଜାନକେ ଉଦୁବେତାନ ନାଞ୍ଜା ନିୟାମରାଃ ଚାରୁଠୁ ପୁଅକଏତେ ଯୋହାନ୍ ଅଲ୍ଲାକାଦ୍ ସୁକୁକାଜି ହବାଅଃତାନା ମିଆଁଦ୍ । ଏନ୍ ସବେନାଃକକେ “ସୁକୁକାଜି” କାଜିୟଃତାନା, ଏନାରାଃ ମୁଣ୍ଡିଦ୍ “ରୁଗିନ୍ କାଜି” ତାନାଃ । ଏନ୍ସବେନାଃକକେ ଯୀଶୁଆଃ ଗନଏଃ ତାୟମତେ ମାଥୁଉ, ମାର୍କ, ଲୁକ, ଆତଃ ଯୋହାନ୍ ତିକୁ ଅଲ୍ଲାକାଦାଃକ । ଯୋହାନ୍ ଅଲ୍ଲାକାଦ୍ ସୁକୁକାଜି ଯୀଶୁତାୟମ୍ ୯୦ କରେ ପ୍ରେରିତ୍ ଯୋହାନ୍ ଅଲ୍ଲାକାଦାଏ । ନେ ସୁକୁକାଜିକେ ଯୋହାନ୍ ଅଲ୍ଲାକାଦାଏ ମେନ୍ତେ ନେ ସୁକୁକାଜିରେ କା ଅଲ୍ଲାକାନା ମେନ୍ଦ୍ ନେ ସୁକୁକାଜିରାଃ ଅନଲ୍ ତାରିକା ଆତଃ ଯୋହାନ୍ ଅଲ୍ଲାକାଦ୍ ତିଠା, ୧ ଯୋହାନ୍, ୨ ଯୋହାନ୍ ଆତଃ ୩ ଯୋହାନ୍ ସବେନାଃ ମିଦ୍ଲେକାଗି ମେନାଃ । ତିମିନ୍ ମାରି ଅନଲ୍କ ବିଶ୍ୱାସେତାନାକ ଯେ ନେ ସୁକୁକାଜି ଏଫିସୁସ୍ଏତେ ଅଲ୍ଲାକାନା ଚିୟାଃଚି ନେ ନେଡାକରେ ଯୋହାନ୍ ଏଫିସୁସ୍ରେ ତାଇନଃ ତାଇକେନାଏ ।

ଯୋହାନ୍ ଫାର୍ଟିକେଦ୍ତେ କାଜିୟାଏ, “ଯୀଶୁଗି ଖ୍ରୀଷ୍ଟ, ଜୀନିଦ୍ ପାର୍ମେଶ୍ୱାର୍ଆଃ ହନ୍,” ଯୋହାନ୍ ୨୦:୩୧ ନେଆଁ ପାତିୟାର୍ ନାଗେନ୍ତେ ହଡକକେ ଦେଙ୍ଗାତେୟାଃଗି, ନେ ସୁକୁକାଜିରାଃ ବିଶେଷ୍ ଉଦେଶ୍ ତାନାଃ । ନେଆଁ ପାତିୟାରେ ହରାତେ, ସବେନକ ଜେ'ଲେକା ଜୀଞ୍ଜାନକ ନାମ୍ଦାଡିୟାଃ । ନେ ସୁକୁକାଜିକେ ଯିହୁଦୀକ ଆତଃ ସାଅଁସାର୍କଆଃ ନାଜ୍ ଅଲ୍ଲାକାନ୍ ତାଇକେନା । ଯୋହାନ୍ ନେ ସୁକୁକାଜିରେ ଯୀଶୁଆଃ ଜନ୍କା କାଜି ଏତେ ଇନିୟାଃ ପେଡେୟାନ୍କାମିକ ବିଷାଏରେ ପୁରାଃ ଅଲ୍ଲାକାଦାଏ । ଯୀଶୁଆଃ ବାପ୍ତିସ୍ମା, ବିର୍ରେ ଯୀଶୁଆଃ ବିଡାଅ, ଆତଃ ତିମିନ୍ ବିଶେଷ୍ ଘାଟଣା ବିଷାଏରେ ଯୋହାନ୍ ନେ ସୁକୁକାଜିରେ ଜେଡନାଃ କାଏ ଅଲ୍ଲାକାଦାଃ । ନେ ସୁକୁକାଜି ବାକି ସବେନ୍ ଆପିୟା ସୁକୁକାଜିକ ଏତେ ଏଟାଃଗିଆଃ ।

ପୁଅ ଭିତରରେ ତାଇକାନ୍ କାଜି

- ୧. ସୁକୁକାଜିରାଃ ଏନେଟେଦ୍ । ୧:୧-୧୮
- ୨. ଯୀଶୁଆଃ ତିମିୟାଜ୍ ପେଡେୟାନ୍କାମିକ । ୧:୧୯-୧୨:୫୦
- ୩. ଯୀଶୁଆଃ ଜୀଞ୍ଜାନ୍, ଗନଏଃ ଆତଃ ଜୀଉବିନିରିଦ୍ । ୧୩:୧-୨୦:୩୧
- ୪. ଯୀଶୁଆଃ ଜୀଉବିନିରିଦ୍ ତାୟମତେ ଉଦୁବେନ୍ । ୨୧:୧-୨୫

ଜୀଦାନ୍ ବାଚାନ୍

୧ ଏନେଟେଦ୍ରେ କାଜି ତାଇକେନା, ଆତଃ କାଜି ପାର୍ମେଶ୍ୱାର୍ଲଃ ତାଇକେନା, ଆତଃ କାଜି ପାର୍ମେଶ୍ୱାର୍ ତାଇକେନାଏ । ୨ ଇନିଃ ଏନେଟେଦ୍ରେ ପାର୍ମେଶ୍ୱାର୍ଲଃ ତାଇକେନାଏ । ୩ ପାର୍ମେଶ୍ୱାର୍ ସବେନାଃ ଇନିଃତେ ବାଇୟାକାଦା, ଆତଃ ବାଇୟାକାନ୍ ତେୟାଃଏତେ ଜେଡନାଃ ଇନିଃକେ ବାଗିକେଦ୍ତେ କା ବାଇୟାକାନା, ୪ ଇନିଃରେ ଜୀଦାନ୍ ତାଇକେନା ଆତଃ ଏନ୍ ଜୀଦାନ୍ ହଡକଆଃ ମାର୍ସାଲ୍ ତାଇକେନା । ୫ ମାର୍ସାଲ୍ ନୁବାଃରେ ଜୁଲଃତାନା, ମେନ୍ଦ୍ ନୁବାଃ ଏନାକେ କାଏ ଆଟ୍ କାର୍ତୁରୁମ୍କେଦାଃ ।

୬ ପାର୍ମେଶ୍ୱାର୍ତେ କୁଲ୍ଲକାନ୍ ମିଆଁଦ୍ କାଜିଏମିନିଃ ତାଇକେନାଏ, ଇନିୟାଃ ନୁତୁମ୍ ଯୋହାନ୍ ତାଇକେନା । ୭ ଇନିଃ ଏନ୍ ମାସ୍ତାଲ୍ରେୟାଃ ଗାଞ୍ଜା ଉଦୁବ୍ ନାଗେନ୍ତେ ହିଜୁଃୟାନାଏ, ଜେ'ଲେକାତି ଇନିୟାଃ ହରାତେ ସବେନ୍ ହଡକ ବିଶ୍ୱାସେଆ । ୮ ଇନିଃ ଆଇଃକ୍ଗି ଏନ୍ ମାସ୍ତାଲ୍ କାଏ ତାଇକେନା; ମେନ୍ଦ୍ ଏନ୍ ମାସ୍ତାଲ୍ରେୟାଃ ଗାଞ୍ଜା ଏମ୍ ନାଗେନ୍ତେ ହିଜୁଃୟାନାଏ । ୯ ଏନା ସାର୍ତି ମାର୍ସାଲ୍ ତାଇକେନା, ହେଗି ସବେନ୍ ହଡକକେ ମାସ୍ତାଲ୍କତାନ୍ ମାର୍ସାଲ୍ ଅତେଦିଶୁମ୍ରେ ହିଜୁଃତାଇକେନା ।

୧୦ ଇନିଃ ଅତେଦିଶୁମ୍ରେ ତାଇକେନାଏ, ଆତଃ ଅତେଦିଶୁମ୍ ଇନିଃତେ ବାଇୟାନା, ଏନରେୟ୍ ଅତେଦିଶୁମ୍ରେନକ ଇନିଃକେ କାକ ସାରିକିୟା । ୧୧ ଇନିଃ ଆୟାଃ ଦିଶୁମ୍ତେ ହିଜୁଃୟାନାଏ ମେନ୍ଦ୍ ଆୟାଃ ହଡକ ଇନିଃକେ କାକ ଦାରମ୍କିୟାଃ । ୧୨ ମେନ୍ଦ୍ ଆଇଃକ୍କେ ଦାରମିତାନକକେ, ଆତଃ ଆୟାଃ ନୁତୁମ୍ରେ ବିଶ୍ୱାସେତାନ୍ ସବେନ୍ ହଡକକେ ଇନିଃ ପାର୍ମେଶ୍ୱାର୍ଆଃ ହନ୍ ହବାଅଃରେୟାଃ ଆକ୍ତେୟାର୍ ଏମାଦ୍କଆଏ । ୧୩ ଇନ୍କୁ ମାୟୋମ୍ତେଦ୍ କାହା, ହଡ୍ମରେୟାଃ ମନେତେଦ୍ କାହା ଆତଃ ହଡ୍ମଆଃ ମନେତେଦ୍ କାହା ମେନ୍ଦ୍ ପାର୍ମେଶ୍ୱାର୍ ଆଇଃକ୍ଗି ଆକଆଃ ଆପୁ ।

✱ ୧:୨ ୧:୬ ମାଥୁଉ ୩:୧; ମାର୍କ ୧:୪; ଲୁକ ୩:୧,୨.

୧୪ ଆତ୍ମ ଏବଂ କାଜି ହତ୍ୟା ସାବକେଦା, ପୁରାତ ଦାୟା ଆତ୍ମ ସାବକେଦେ ପେରେଜାକାନ୍, ଆତ୍ମଆତ୍ମ ଆଲ୍ଲାରେ ତେରାକେଦାଏ ଆତ୍ମ ଆତ୍ମ ଇନିୟାତ୍ମ ମାନାରାଜ୍ଜୁ ନେଲ୍ଲକେଦା ଏନା ଆପୁଆତ୍ମ ମିଆଁଦ୍ଗି ହନ୍ଆତ୍ମ ମାନାରାଜ୍ଜୁ ତାଇକେନା ।

୧୫ ଆତ୍ମ ଯୋହାନ୍ ଇନିୟାତ୍ମ ଗାଞ୍ଜା ଏମ୍ତାନଲ୍ଲ, କାଉରିକେଦ୍ଦେ କାଜିକେଦାଏ, “ଆଇଜ୍ଜ ଅକଏୟାତ୍ମ କାଜି କାଜିତାଇକେନାଇଜ୍ଜ ଇନିତ୍ମ ନିତ୍ତଗିତାନିତ୍ତ, ‘ଆଇୟାତ୍ମ ତାୟମ୍ତେ ହିଜୁତ୍ତଗିଆଏ, ମେନ୍ଦ ଇନିତ୍ତ ମାନାରାଜ୍ଜୁଆଏ, ତିୟାତ୍ମ ଇନିତ୍ତ ଆଇୟାତ୍ମ ଜାନାମ୍ ସିଦାରେ ତାଇକେନାଏ ।’ ”

୧୬ ଇନିୟାତ୍ମ ପେରେଜାକାନ୍ ଦାୟାଏତେ ଆତ୍ମ ସବେନକକେ ଆଗିଷାକାଦ୍ବୁଆଏ, ହେଗି, ଆଗିଷ୍ଟ ତେତାନ୍ ଆଗିଷ୍ଟ ଏମାକାଦ୍ବୁଆଏ । ୧୭ ପାରମେଶ୍ୱାର୍ ମୁଶାରାତ୍ ହରାତେ ଆନ୍ତୁ ଏମ୍କେଦାଏ, ମେନ୍ଦ ଦାୟା ଆତ୍ମ ସାନାତ୍ତ ଯାଶୁ ଶ୍ରୀଷ୍ଟୁଆତ୍ ହରାତେ ହବାୟାନା । ୧୮ ପାରମେଶ୍ୱାର୍କେ ଜେତାଏ ତିଉଲ୍ଲାହ କାକ ନେଲ୍, ମେନ୍ଦ ଇନିୟାତ୍ମ ମିଆଁଦ୍ଗି ହନ୍, ଆପୁଆତ୍ମ କୟଜ୍ଜରେ ଦୁବାକାନ୍ନିତ୍ତ ଇନିତ୍ତକେ ଉଦୁବକିୟା ।

**ବାପ୍ତିସ୍ମା ଏମ୍ତାନିତ୍ତ ଯୋହାନ୍ଆତ୍ମ ଗାଞ୍ଜାଇ
(ମାଥୁଉ ୩:୧-୧୨; ମାର୍କ ୧:୧-୮; ଲୁକ ୩:୧-୧୮)**

୧୯ ଯାରୁଶାଲେମ୍ରେନ୍ ଯିହୁଦୀ ହାକିମକ ଚିମିନ୍ ଯାଜାକକକେ ଆତ୍ମ ଲେବୀକକେ ଯୋହାନ୍ତାତ୍ତେ “ଆମ୍ ଅକଏ ତାନ୍ମେ” ମେନ୍ତେ କୁଲି ନାଗେନ୍ତେକ କୁଲ୍ଲକେଦ୍ଦକଆ । ଇମ୍ତା ଇନିତ୍ତ ନେ ଗାଞ୍ଜା ଏମ୍କେଦାଏ ।

୨୦ ଯୋହାନ୍ କାଏ ଦଦାଦ୍ତାନଲ୍ଲ ଉଦୁବକେଦାଏ, “ଆଇଜ୍ଜ ମାସି ନାହାଁଲିଜ୍ଜ ।”

୨୧ ଏନ୍ତେ ଇନ୍କୁ ଯୋହାନ୍କେକ କୁଲିକିୟା, “ତାବ୍ଦ ଆମ୍ ଅକଏ ତାନ୍ମେ ?” “ତିୟାତ୍ମ ଆମ୍ ଏଲିୟ ତାନ୍ମେ ?”

ଇନିତ୍ତ ମେନ୍କେଦାଏ, “କାହାଗି, ଆଇଜ୍ଜ ନାହାଁଲିଜ୍ଜ ।”

“ତିୟାତ୍ମ ଆମ୍ ଏନ୍ ନାବୀ ତାନ୍ମେ ?”

ଇନିତ୍ତ ମେନ୍ତୁହାତ୍ତାଦ୍ଦକଆଏ, “କାହାଗି ।”

୨୨ ଏନ୍ତେ ଇନ୍କୁ କାଜିକିୟାକ, “ତାବ୍ଦ ଆମ୍ ଅକଏ ତାନ୍ମେ ଆଲେକେ ଉଦୁବାଲେମ୍, ତିୟାତ୍ମ ଆଲେକେ ଅକନ୍କ କୁଲ୍ଲାକାଦ୍ଲେୟାକ, ଇନ୍କୁକେ କାଜିରୁହାତ୍ତ୍ ଲାଗାତିଜ୍ଜୟାତ୍, ଆମ୍ ଆପାନ୍କେ ଅକଏ ତାନ୍ମେ ମେନ୍ତେମ୍ କାଜିନ୍ତାନା ?”

୨୩ ଯୋହାନ୍ କାଜିରୁହାତ୍ତାଦ୍ଦକଆଏ, ଯିଶାୟ ନାବୀ କାଜିଲେଦ୍ କାଜିଲେକା :

“ଆଇଜ୍ଜ ବିରରେ କାଉରିତାନ୍ନିୟାତ୍ ସାଡ୍ଡି ତାନିଜ୍ଜ :

ପ୍ରାତ୍ତୁଆତ୍ ହରା ସିଧାଏପେ ।”

୨୪ ଆତ୍ମ ଏନ୍ କୁଲ୍ଲେନ୍କ ଫାରୁଶୀକଏତେକ ତାଇକେନା । ୨୫ ଇନ୍କୁ ଯୋହାନ୍କେକ କୁଲିକିୟା, “ଆମ୍ ମାସି ନାହାଁଲାତ୍ତେ, ଏଲିୟ ହ୍ ନାହାଁଲାତ୍ତେ ଆତ୍ମ ଏନ୍ ନାବୀହ ନାହାଁଲାତ୍ତେ, ମେନ୍ଦ ତିନାତ୍ ମେନ୍ତେମ୍ ବାପ୍ତିସ୍ମାକତାନା ?” ୨୬ ଯୋହାନ୍ କାଜିୟାଦ୍ଦକଆଏ, “ଆଇଜ୍ଜଦ ଦାଆତ୍ତେ ବାପ୍ତିସ୍ମାପେ ତାନାଇଜ୍ଜ, ମେନ୍ଦ ଆପେୟାତ୍ ଆଲ୍ଲାରେ ମିଆଁଦ୍ ହତ୍ ତିଜ୍ଜୁଆକାନାଏ ଇନିତ୍ତକେ ଆପେ କାପେ ସାରିୟା । ୨୭ ଆଇୟାତ୍ ତାୟମ୍ତେ ହିଜୁତ୍ତଗି ଇନିତ୍ତଗି ତାନିତ୍, ଇନିୟାତ୍ ଖାର୍ପାରେୟାତ୍ ତନଲ୍ ରାତ୍ତାଏ ଲେକାନ୍ନିତ୍ ନାହାଁଲିଜ୍ଜ” ମେନ୍ତେ କାଜିରୁହାତ୍ତାଦ୍ଦକଆଏ ।

୨୮ ନେ କାଜିକ ଯାଦାନ୍ ଗାଡ୍ଡା ହାନ୍ ପାରମ୍ରେୟାତ୍ ବେଥ୍ନିଆରେ ହବାୟାନା ଏନ୍ତାତ୍ତେ ଯୋହାନ୍ ବାପ୍ତିସ୍ମା ଏମାକତାନ୍ ତାଇକେନାଏ ।

ପାରମେଶ୍ୱାର୍ଆତ୍ ମିଶ୍ଟିହନ୍

୨୯ ଏଗାତ୍ ହୁଲାଇଜ୍ ଯୋହାନ୍ ଯାଶୁକେ ଆୟାତ୍ତାତ୍ତେ ହିଜୁତ୍ତାନ୍ ନେଲ୍ଲକିୟାଏ, ଆତ୍ମ ମେନ୍କେଦାଏ, “ନେଲିପେ ପାରମେଶ୍ୱାର୍ଆତ୍ ମିଶ୍ଟିହନ୍, ଇନିତ୍ତ ଅତେଦିଶ୍ୱମ୍ରେୟାତ୍ ପାପକେ ଗଅତ୍ ଇଦିୟାଏ !

୩୦ ଆଇୟାତ୍ ତାୟମ୍ତେ ମିହୁଡ୍ ହିଜୁତ୍ତାଏ ଇନିତ୍ତ ଆଇୟାତ୍ତାତ୍ତେ ପୁରାତ ମାନାରାଜ୍ ମେନ୍ତେଇଜ୍ଜ କାଜିଲେଦ୍ ହତ୍ ନିତ୍ତଗି ତାନିତ୍, ଇନିତ୍ତ ଆଇୟାତ୍ ଜାନାମ୍ତେ ସିଦାରେ ତାଇକେନା । ୩୧ ଆତ୍ମ ଆଇଜ୍ଜ ଇନିତ୍ତକେ କାଇଜ୍ ସାରିଉରୁମିତାନ୍ ତାଇକେନା, ମେନ୍ଦ ଇନିତ୍ତ ଇସ୍ରାଏଲ୍ ହତ୍ତକତାତ୍ତେ ଉଦୁବକାଏ ମେନ୍ତେ ଆଇଜ୍ଜ ଦାଆତ୍ତେ ବାପ୍ତିସ୍ମାକ ନାଜ୍ ହିଜୁତ୍ତକାନାଇଜ୍ଜ ।”

୩୨ ଆତ୍ମ ଯୋହାନ୍ ଗାଞ୍ଜା ଏମ୍ତାନଲ୍ଲ କାଜିକେଦାଏ, “ଆଇଜ୍ଜ ଆମ୍ତାକେ ଦୁଦୁମୁଲ୍ ଲେକା ସିର୍ମାଏତେ ଆତ୍ମତାନ୍ ଆତ୍ମ ଇନିତ୍ତରେ ତାଇନିତ୍ତାନ୍ ନେଲ୍ଲକିୟାଜ୍ଜ । ୩୩ ଆଇଜ୍ଜ ହ୍ ଇନିତ୍ତକେ କାଇଜ୍ ନେଲ୍ଲଉରୁମି ତାଇକେନା ମେନ୍ଦ ଆଇଜ୍ଜକେ ଦାଆତ୍ତେ ବାପ୍ତିସ୍ମା ଏମ୍ ନାଜ୍ କୁଲ୍କାଦିଜ୍ଜନିତ୍, ଆଇଜ୍ଜକେ କାଜିକିୟା, ‘ଆମ୍ ଆମ୍ତାକେ ମିଆଁଦ୍ ହତ୍ତରେ ଆତ୍ମତାନ୍ ଆତ୍ମ ଇନିତ୍ତରେ ତାଇନିତ୍ତାନ୍ ନେଲିୟାମ୍,

ଇନିଷ୍ଠି ପାବିତାର ଆମାତେ ବାପ୍ତିସ୍ମା ଏମାକତାନିନିଷ ତାନିଷ ।^{୩୪} ଆତଃ ଆଇଙ୍ଗ୍ ନେଲ୍‌କେଦାଃଇଙ୍ଗ୍, ଆତଃ ନିଷ୍ଠି ପାର୍‌ମେଶ୍ୱାର୍‌ଆଃ ହନ୍ ମେନ୍ତେ ଗାଞ୍ଜାଇଙ୍ଗ୍ ଏମେତାନା ।”

ୟୀଶୁଆଃ ପାହିଲା ଚେଲାକ

^{୩୫} ଏତାଃ ହୁଲାଙ୍ଗ୍ ଯୋହାନ୍ ଆୟାଃ ଚେଲାକଏତେ ବାର୍‌ହଡ଼କିନ୍‌ଲଃ ଏନ୍ତାଃରେ ଆତଃଶି ତିଙ୍ଗୁଆକାନ୍ ତାଇକେନାଏ ।^{୩୬} ଇନିଷ୍ଠ ଯୀଶୁକେ ସେନ୍‌ପାରମଃତାନ୍ ନେଲ୍‌କେଦ୍‌ତେ କାଜିକେଦାଏ, “ନେଲିପେ, ନିଷ୍ଠ ପାର୍‌ମେଶ୍ୱାର୍‌ଆଃ ମିଶ୍ଟିହନ୍ ।”

^{୩୭} ଆତଃ ଏନ୍ ବାରାନ୍ ଚେଲାକିନ୍ ଇନିଷ୍ଠ ନେଆଁ କାଜିତାନ୍ ଆୟୁମ୍‌କେଦ୍‌ତି ଯୀଶୁକେ ଅତଙ୍ଗ୍‌କିୟାକିନ୍ ^{୩୮} ଯୀଶୁ ହେତାରୁହାଡ଼କେଦ୍‌ତି, ଇନ୍‌କିନ୍ ଅତଙ୍ଗ୍‌ଇତାନ୍ ନେଲ୍‌କେଦ୍‌କିନାଏ ଆତଃ ମେତାଦ୍‌କିନାଏ, “ତିକ୍‌ନାଃବେନ୍ ନାମ୍‌ତାନା ?” ଆତଃ ଇନ୍‌କିନ୍ ମେନ୍‌ରୁହାଡ଼ାଇୟାକିନ୍, “ଏ ରାବି”^{*} କତାଃରେମ୍‌ ତାଇନ୍‌ତାନା ?

^{୩୯} ମାର୍ “ହିଜୁଃକେଦ୍‌ତେ ନେଲେବେନ୍” ମେତାଦ୍‌କିନାଏ । ଏନାମେନ୍ତେ ଇନ୍‌କିନ୍ ସେନଃୟାନ୍ତେ ଇନିଷ୍ଠ ତାଇନ୍‌ତାନ୍ ଠାୟାଦ୍‌କିନ୍ ନେଲ୍‌କେଦାଃ, ଇମ୍‌ତାଙ୍ଗ୍‌ଦ ଚେତାନ୍ ସିଙ୍ଗିରାଃ ଉପୁନ୍ ଘାଡ଼ି ହବାକାନ୍ ତାଇକେନା, ଆତଃ ଏନ୍ ହୁଲାଙ୍ଗ୍ ଇନିଷ୍ଠଲଃକିନ୍ ତାଇନ୍‌ୟାନା,

^{୪୦} ଯୋହାନ୍‌ଆଃ କାଜି ଆୟୁମ୍‌କେଦ୍‌ତେ ଯୀଶୁକେ ଅତଙ୍ଗ୍‌କାଇ ଏନ୍ ବାରିଆ ଚେଲାକିନ୍‌ଏତେ ମିଆଁଦ୍‌ନିଷ ଶିମୋନ୍ ପାଡ଼ରାସ୍‌ଆଃ ହାଗାତେ ଆହିୟାସ୍‌ ତାଇକେନାଏ ।^{୪୧} ଆହିୟାସ୍‌ ଆୟାଃ ହାଗାତେ ଶିମୋନ୍‌କେ ନାମ୍‌କେଦ୍‌ତେ କାଜିକିୟା, “ଆଲିଙ୍ଗ୍ ମାସିଂକେ ନାମାକାଇଜାଲିଙ୍ଗ୍ ।”^{୪୨} ଆତଃ ଇନିଷ୍ଠ ଶିମୋନ୍‌କେ ଯୀଶୁତାଃତେ ଆଉକିୟା, ଯୀଶୁ ଇନିଷ୍ଠକେ ନେଲ୍‌କେଦ୍‌ତେ କାଜିକିୟା, “ଆମ୍ ଯୋହାନ୍‌ଆଃ ହନ୍ ଶିମୋନ୍ ତାନ୍‌ମେ, ଆମ୍ କେଫା, ଏନାରେୟାଃ ମୁଣ୍ଡି ‘ପାଡ଼ରାସ୍’ ମେନ୍ତେମ୍ ନୁତୁମଃଆ ।”

ୟୀଶୁ ଫିଲିପ୍ ଆତଃ ନିଅ୍‌ନିୟେଲ୍‌କେ କେଡ଼ାକିନ୍ ତାନାଏ

^{୪୩} ଏତାଃ ହୁଲାଙ୍ଗ୍ ଯୀଶୁକେ ଗାଲିଲ୍‌ତେ ସେନଃ ସାନାଙ୍ଗ୍‌କିୟା । ଇନିଷ୍ଠ ଫିଲିପ୍‌କେ ନାମ୍‌କିଃତେ ମେତାଇୟାଏ, “ଅତଙ୍ଗ୍‌ଇଙ୍ଗ୍‌ମେ ।”^{୪୪} ଆହିୟାସ୍‌ ଆତଃ ପାଡ଼ରାସ୍‌ଲେକା ଫିଲିପ୍ ହରି ବେଥସାଇଦା ସାହାରରେନ୍ ତାଇକେନାଏ ।^{୪୫} ଫିଲିପ୍ ନିଅ୍‌ନିୟେଲ୍‌କେ ନାମ୍‌କିଃତେ ମେତାଇୟାଏ, “ମୁଣା ଅଲାକାଦ୍ ଆନ୍‌ରୁ ପୁଅରେ ଆତଃ ନାବାକହ ଅଲାକାଦ୍ ହଡ଼କେ ଆଲେ ନାମାକାଇୟାଃ ଇନିଷ୍ଠ ଯୋଷେଫ୍ ହନ୍ ନାଜ୍‌ରେଡ଼ରେନ୍ ଯୀଶୁ ତାନିଷ ।”

^{୪୬} ନିଅ୍‌ନିୟେଲ୍ କୁଲିକିୟାଏ, “ତିୟାଃ ନାଜ୍‌ରେଡ଼ଏତେ ଜେଡ଼ନାଃ ବୁଗିନ୍ ଅତଙ୍ଗ୍‌ଦାଡ଼ିଅଃଆ ?”

ଫିଲିପ୍ ମେନ୍‌ରୁହାଡ଼ାଇୟା, “ମାର୍ ହିଜୁଃକେଦ୍‌ତେ ନେଲେମେ ।”

^{୪୭} ଯୀଶୁ, ନିଅ୍‌ନିୟେଲ୍‌କେ ଆୟାଃତାଃ ହିଜୁଃତାନ୍ ନେଲ୍‌କେଦ୍‌ତେ କାଜିକେଦାଏ, “ନେଲିପେ, ନିଷ୍ଠ ସାର୍‌ତିଗି ଇସ୍ରାଏଲ୍‌ରେନ୍ ତାନିଷ, ଇନିଷ୍ଠରେ ଜେତାଏ ବେଦା ବାନଆଃ ।”

^{୪୮} ନିଅ୍‌ନିୟେଲ୍ ଇନିଷ୍ଠକେ କୁଲିକିୟା, “ଆମ୍ ଆଇଙ୍ଗ୍‌କେ ଚିଲ୍‌କାତେମ୍ ସାରିକେଦିୟା ?”

ୟୀଶୁ କାଜିରୁହାଡ଼କିୟାଏ, “ଫିଲିପ୍ ଆମ୍‌କେ କେଡ଼ାକେଦ୍‌ମେ ସିଦାରେ ଆମ୍ ଲଆଦାରୁ ବୁଟାରେମ୍ ତାଇକେନା, ଇମ୍‌ତା ଆଇଙ୍ଗ୍ ନେଲ୍‌କେଦ୍‌ମେୟା ।”

^{୪୯} ଏନ୍ତେ ନିଅ୍‌ନିୟେଲ୍ କାଜିକେଦାଏ, “ଏ ରାବି, ଆମ୍ ପାର୍‌ମେଶ୍ୱାର୍‌ଆଃ ହନ୍ ତାନ୍‌ମେ; ଆମ୍ ଇସ୍ରାଏଲ୍‌ରେନ୍ ରାଜା ତାନ୍‌ମେ ।”

^{୫୦} ଯୀଶୁ କାଜିକିୟାଏ, “ତିୟାଃ ଆଇଙ୍ଗ୍ ଆମ୍‌କେ ଲଆଦାରୁ ବୁଟାରେଇଙ୍ଗ୍ ନେଲ୍‌ଲେଦ୍‌ମେୟା ମେନ୍ତେ କାଜିୟାଦ୍‌ମାଇଙ୍ଗ୍, ଏନାମେନ୍ତେମ୍ ବିଶ୍ୱାସେତାନା ? ଆମ୍ ଏନାଏତେହ ମାପ୍‌ରାଙ୍ଗ୍ ବିଷାଏତେୟାଃକ ନେଲେୟାମ୍ ।”^{୫୧} ଇନିଷ୍ଠ ଆତଃଶି ଇନ୍‌କୁକେ କାଜିୟାଦ୍‌କଆ, “ଆଇଙ୍ଗ୍ ସାର୍‌ତିଗି କାଜିୟାପେ ତାନାଇଙ୍ଗ୍ ଆପେ ସିମା ନିଜାକାନ୍ ଆତଃ ପାର୍‌ମେଶ୍ୱାର୍‌ଆଃ ଦୁଁଡ଼କ ମାନଞ୍ଜାହନ୍ ଚେତାନ୍‌ରେ ରାକାବ୍‌ତାନ୍ ଆତଃ ଆଡ଼ଗୁନ୍‌ତାନ୍‌ପେ ନେଲ୍‌କଆ ।”



କାନାହାଡୁରେ ଆଣ୍ଡି

^୧ଆପି ମାହାଁ ହୁଲାଙ୍ଗ୍‌ରେ ଗାଲିଲ୍‌ରେୟାଃ କାନା ହାଡୁରେ ଆଣ୍ଡି ହବାଅଃ ତାଇକେନା, ଆତଃ ଯୀଶୁଆଃ ଏଙ୍ଗାତେ ଏନ୍ତାଃରେ ତାଇକେନାଏ ।^୨ ଯୀଶୁ ଆତଃ ଆୟାଃ ଚେଲାକକେ ହରି ଏନ୍ ଆଣ୍ଡି ଅଡ଼ାଃତେ କେଡ଼ାକାନ୍ ତାଇକେନାକ ।^୩ ଚିମ୍‌ତା ଦାଖ୍‌ରାସି ଚାବାୟାନା, ଯୀଶୁଆଃ ଏଙ୍ଗାତେ ଇନିଷ୍ଠକେ କାଜିକିୟା, “ଇନ୍‌କୁତାଃରେ ଦାଖ୍‌ରାସି ବାନଆଃ ।”

* **୧:୩୮** ୧:୩୮ ଏ ରାବି ହେ ଗୁରୁ † **୧:୪୧** ୧:୪୧ ଏବ୍ରୀରେ ମାସି ଆତଃ ଗ୍ରୀକ୍‌ରେ ଖ୍ରୀଷ୍ଟ

୪ ଯୀଶୁ ମେନ୍‌ରୁହାଡ଼ାଇୟାଏ, “ଆଇଙ୍ଗ୍‌ଲଃ ଆମାଃ ଚିକାନ୍ ନାତା ? ଆଇଁୟାଃ ନେତା ଆଉରି ସେଟେରାଃ ।”

୫ ମେନ୍‌ଦ ଯୀଶୁଆଃ ଏଙ୍ଗାତେ ଦାସିକକେ କାଜିୟାଦକଆଏ, “ଇନିଃ ଆପେକେ କାଜିପେ ଲେକା କାଜିପେ ।”

୬ ଆଡ଼ଃ ଯିହୁଦୀକଆଃ ଫାର୍‌ତିଅଃନାଙ୍ଗ୍ ଏନ୍ତାଃରେ ଦିରିତେ ବାଇୟାକାନ୍ ତୁରିୟା ଘୁମା ଦହାକାନ୍ ତାଇକେନା, ମିଆଁଦ୍‌ରେ ମିଦ୍‌ହିସି* ଚାଏ ତିରିଶ୍ ଗ୍ୟାଲେନ୍‌† ଦାଆଃ ସାବେତାନ୍ ତାଇକେନା । ୭ ଯୀଶୁ ଦାସିକକେ କାଜିୟାଦକଆଏ, “ନେ ଘୁମାକରେ ଦାଆଃ ପେରେଃତାପେ” ଆଡ଼ଃ ଇନ୍‌କୁ ଘୁମାରେ ଦାଆଃ ଦୁଲ୍ ପେରେଃକେଦା । ୮ ଏନ୍ତେ ଇନିଃ ଇନ୍‌କୁକେ କାଜିୟାଦକଆଏ, “ନାହାଁଃଦ ଏନ୍ ଦାଆଃଏତେ କାଟିଃ ଅଡ଼ଙ୍ଗ୍‌ୟେପେ ଆଡ଼ଃ ମାରାଙ୍ଗ୍‌ଜଜମାଃରେନ୍ ଗମ୍‌କେତାଃ ଇଦିପେ ।” ଏନ୍ତେ ଇନ୍‌କୁ ଏନ୍ ଦାଆଃକେ ଇଦିକେଦାଃକ, ୯ ଆଡ଼ଃ ମାରାଙ୍ଗ୍‌ଜଜମାଃରେନ୍ ଗମ୍‌କେ ଏନ୍ ଦାଖରାସି ବାୟାକାନ୍ ଦାଆଃକେ ଚାଖାଅକେଦାଃ ଆଡ଼ଃ ଏନା ଅକ୍‌ତାଃଏତେ ହିଜୁଆକାନା ଏନା କାଏ ସାରିକେଦା, ମେନ୍‌ଦ ଏନ୍ ଦାଆଃ ଅଡ଼ଙ୍ଗ୍‌କେନ୍ ଦାସିକ ସାରିତାଇକେନାକ । ଏନ୍ତେ ଇନିଃ ଦୁହ୍ଲୀକଡ଼ାକେ ଗେନାତେ ହାକାଅକିୟାଏ, ୧୦ ଆଡ଼ଃ କାଜିକିୟାଏ, “ସବେନ୍ ହଡ଼କ ସିଦାତେ ବୁଗିନ୍ ଦାଖରାସିକ ଏମାକଆ ଆଡ଼ଃ ହଡ଼କ ନୁଁ ଆସ୍‌ଦିୟାନ୍‌ରେ ସାବାଃତେଆଃକ ଏମାକଆ, ମେନ୍‌ଦ ଆମ୍ ବୁଗିନ୍ ଦାଖରାସି ନାହାଁଃ ଜାକେଦ୍ ଦହାକାଦାମ୍ ।”

୧୧ ନେ'ଲେକା ଯୀଶୁ ଗାଲିଲ୍‌ରେୟାଃ କାନା ହାତୁରେ ଆୟାଃ ପାହିଲା ପେଡେୟାନ୍ କାମି ଏଟେଦକେଦାଏ ନେ'ଲେକା ଇନିଃ ଆୟାଃ ମାନାରାଙ୍ଗ୍ ଉଦୁବକେଦାଏ ଆଡ଼ଃ ଇନିୟାଃ ତେଲାଇ ଇନିଃରେକ ବିଶ୍ୱାସକେଦାଃ ।

୧୨ ଏନ୍ ତାୟମ୍‌ତେ ଯୀଶୁ ଆଡ଼ଃ ଇନିୟାଃ ଏଙ୍ଗାତେ, ହାଗାତେ, ଆଡ଼ଃ ତେଲାଇ କପର୍‌ନାହୁମ୍ ସାହାର୍‌ତେ ସେନଃୟାନା ଆଡ଼ଃ ଏନ୍ତାଃରେ ଚିମିନ୍ ମାହାଁଲେକା ତାଇନ୍‌ୟାନାକ ।

ୟୀଶୁ ଯୀରୁଶାଲେମ୍ ମାନ୍ଦିର୍ ଅଡ଼ଃତେ ସେନଃୟାନାଏ

(ମାଥୂ ୨୧:୧୨, ୧୩; ମାର୍କ ୧୧:୧୫-୧୭; ଲୁକ ୧୯:୪୫, ୪୬)

୧୩ ଆଡ଼ଃ ଯିହୁଦୀକଆଃ ପାସକା ପାରାବ୍ ନାଡେୟାକାନ୍ ତାଇକେନା, ଆଡ଼ଃ ଯୀଶୁ ଯୀରୁଶାଲେମ୍‌ତେ ସେନଃୟାନାଏ । ୧୪ ଇନିଃ ମାନ୍ଦିର୍ ଅଡ଼ଃରେ ଉରିଃକକ, ମିଣ୍ଡିକ, ଦୁଦୁମୁଲ୍‌କକେ କିରିଙ୍ଗ୍ ଆଖିରିଙ୍ଗ୍‌ତାନ୍‌କକେ ଆଡ଼ଃ ଦୁବାକାନ୍ ପାଏସା ଭାଞ୍ଜାଅତାନ୍‌କକେ ନାମ୍‌କେଦକଆଏ । ୧୫ ଏନ୍ତେ ଇନିଃ ବାଏହାର୍ ରେୟାଃ ହାଁଶ୍‌ସା ବାଇକେଦ୍‌ତେ ସବେନ୍ ମିଣ୍ଡି ଆଡ଼ଃ ଉରିଃକକକେ ମାନ୍ଦିର୍ ଅଡ଼ଃଏତେ ଅଡ଼ଙ୍ଗ୍‌କେଦକଆଏ ଆଡ଼ଃ ପାଏସା ଭାଞ୍ଜାଅତାନ୍‌କଆଃ ଗାଣ୍ଡୁକ୍‌କେ ଉଦୁରବାଟିକେଦାଏ ଆଡ଼ଃ ପାଏସାକ ଛିତିବିତିକେଦାଏ । ୧୬ ଆଡ଼ଃ ଦୁଦୁମୁଲ୍ ଆଖିରିଙ୍ଗ୍‌କକେ କାଜିୟାଦକଆଏ, “ନିକୁକେ ନେତାଃଏତେ ଇଦିକପେ । ଆପୁଇଁୟାଃ ଅଡ଼ଃ କିରିଙ୍ଗ୍ ଆଖିରିଙ୍ଗ୍ ଅଡ଼ଃ ଆଲ୍‌ପେ ବାଇୟାଃ ।” ୧୭ ନେଆଁ ନେଲ୍‌କେଦ୍‌ତେ ଧାରାମ୍‌ପୁଅରେ ଅଲ୍‌କାନ୍‌ତେୟାଃ ଇନିୟାଃ ତେଲାଇ ପାହାମ୍‌କେଦାକ, “ଆମାଃ ଅଡ଼ଃ ନାଗେନ୍ତେ ଆଇଁୟାଃ ଚିହୁଲ୍‌ତେୟାଃ ଇଶ୍‌ଜଃଆ ।”

୧୮ ଏନ୍ତେ ଯିହୁଦୀକଆଃ ହାକିମ୍‌କ ଯୀଶୁତାଃ ହିଜୁଃରୁହାଡ଼କେଦ୍‌ତେ ନେଆଁ କୁଲିକିୟାଃକ, “ଆମ୍ ନେ ସବେନାଃ କାମି ନାଗେନ୍ତେ ଆକ୍‌ତେୟାର୍ ନାମାକାଦାମ୍ ମେନ୍ତେ ଆଲେ ଚିଲ୍‌କାଲେ ସାରିୟା ? ଆଡ଼ଃ ଚିକାନ୍ ଚିହ୍ଲୀତେ ଆଲେକେମ୍ ଉଦୁବାଲେତାନା ।” ୧୯ ଏୟାଶୁ କାଜିରୁହାଡ଼ାଦକଆଏ, “ନେ ମାନ୍ଦିର୍ ଅଡ଼ଃକେ ହାଦୁଡ଼୍‌ତାପେ ଆଡ଼ଃ ଆଇଙ୍ଗ୍ ଏନାକେ ଆପି ମାହାଁରେ ବାଇରୁହାଡେୟାଈଙ୍ଗ୍ ।”

୨୦ ଆଡ଼ଃ ଯିହୁଦୀକ କାଜିକିୟାଃକ, “ନେ ମାନ୍ଦିର୍‌କେ ବାଇକେସେଦ୍‌ନାଙ୍ଗ୍ ଛୟାଲିଶ୍ ସିର୍ମା ଲାଗାଅୟାନା, ଚିୟାଃ ଆମ୍ ଆପି ମାହାଁରେ ଆଡ଼ଃମିସା ବାଇରୁହାଡେୟାମ୍ ?”

୨୧ ମେନ୍‌ଦ ଯୀଶୁ ଆୟାଃ ହଡ଼ମ୍‌ରେୟାଃ ମାନ୍ଦିର୍ ଅଡ଼ଃରାଃ କାଜି କାଜିତାନାଏ ତାଇକେନା । ୨୨ ଏନ୍ତେ ଇନିଃ ଗଜାକାନ୍‌କ ଏତେ ଜୀଉବିରିଦ୍‌ୟାନ୍ତେ ଇନିୟାଃ ତେଲାଇ ଇନିଃ ନେ କାଜିଏ କାଜିଲେଦା ନେଆଁକ ପାହାମ୍‌କେଦାଃ । ଏନ୍ତେ ଧାରାମ୍‌ପୁଅରେ ଆଡ଼ଃ ଯୀଶୁ କାଜିକେଦ୍ କାଜିରେକ ବିଶ୍ୱାସକେଦା ।

ୟୀଶୁ ହଡ଼ଆଃ ମନ୍‌କେ ସାରିୟାଏ

୨୩ ଆଡ଼ଃ ଯୀଶୁ ପାସକା ପାରାବ୍ ଦିପିଲିରେ ଯୀରୁଶାଲେମ୍‌ରେ ତାଇକେନ୍ ଇମ୍‌ତା ପୁରାଃ ହଡ଼କ ଇନିଃ କାମି ତାଇକେନ୍ ଚିହ୍ଲୀକ ନେଲ୍‌କେଦ୍‌ତେ ଇନିଃତାଃରେକ ବିଶ୍ୱାସକେଦା । ୨୪ ମେନ୍‌ଦ ଯୀଶୁ ଇନ୍‌କୁକେ କାଏ ବିଶ୍ୱାସକେଦକଆ, ଚିୟାଃଚି ଇନିଃ ହଡ଼କଆଃ ମନ୍‌କେ ସାରିତାଇକେନାଏ । ୨୫ ମାନଞ୍ଜା ନାଗେନ୍ତେ ଜେତାଏ ଗାଞ୍ଜାକ ଇନିୟାଃ ଲାଗାତିଙ୍ଗ୍ କା ତାଇକେନା, ଚିୟାଃଚି ମାନଞ୍ଜାରାଃ ମନ୍‌ସୁରୁଦ୍‌ରେ ଚିକ୍‌ନାଃ ମେନାଃ ଏନାଦ ଇନିଃ ଆଇଃକ୍‌ଗି ସାରିତାନାଏ ତାଇକେନା ।

* ୨:୨ ୨:୨ ମିଦ୍‌ହିସି କୁଡେ † ୨:୨ ୨:୨ ଗ୍ୟାଲେନ୍ ଆପିହିସି ପାନ୍‌ରା ଏତେ ମିଦ୍‌ଶାଅ ପାନ୍‌ରା ଲିଟର୍ ଜାକେଦ୍ ☆ ୨:୧୨ ୨:୧୨ ମାଥୂ ୪:୧୩ ☆ ୨:୧୯ ୨:୧୯ ମାଥୂ ୨୨:୨୧; ୨୭:୪୦; ମାର୍କ ୧୪:୫୮; ୧୫:୨୯.

୩

ୟୀଶୁ ଆତଃ ନିକଦୀମ୍

୧ ଫାରୁଶୀକଏତେ ନିକଦୀମ୍ ନୁତୁମ୍ ମିଆଁଦ୍ ହଡ଼ ତାଇକେନାଏ, ଇନିଃ ଯିହୁଦୀକଆଃ ମିଆଁଦ୍ ଆଗୁଆଇ ତାଇକେନାଏ । ୨ ଇନିଃ ମିଆଁଦ୍ ନିଦା ଯୀଶୁତାଃ ହିଜୁଃକେଦ୍ତେ କାଜିକିୟା, “ହେ ଗୁରୁ, ଆମ୍ ପାର୍ମେଶ୍ୱାର୍ଯ୍ୟାଃଏତେ ଇତୁନିଃ ହିଜୁଆକାନାମ୍ ଏନାଦଲେ ସାରିୟାଃ, ପାର୍ମେଶ୍ୱାର୍ ଜେତାଏଲଃ କା ତାଇନ୍ରେଦ ଇନିଃ ଆମ୍ କାମିକାଦ୍ ଚିହ୍ନାକ କାଏ କାମିଦାଡ଼ିୟାଃ ।”

୩ ଯୀଶୁ କାଜିରୁହାଡ଼କିୟା, “ଆଇଙ୍ଗ୍ ସାର୍ତିଗିଙ୍ଗ୍ କାଜିୟାମେତାନା, ଜେତାଏ କାଏ ଜାନାମରୁହାଡ଼*ରେଦ ପାର୍ମେଶ୍ୱାର୍ଆଃ ରାଇଜ୍ କାଏ ନେଲ୍ଦାଡ଼ିୟା ।”

୪ ନିକଦୀମ୍ କୁଲିକିୟାଏ, “ହଡ଼ ହାଡ଼ାମ୍ୟାନ୍ତେ ଚିଲ୍କାତେ ଜାନାମରୁହାଡ଼ ଦାଡ଼ିୟାଃ ?” “ଇନିଃ ଚିୟାଃ ଆତଃମିସା ଏଙ୍ଗାତେୟାଃ ଲାହିଦ୍ରେ ବଲକେଦ୍ତେ ଜାନାମ୍ ଦାଡ଼ିୟାଃ ।”

୫ ଯୀଶୁ କାଜିରୁହାଡ଼କିୟାଏ, “ସାର୍ତିଗିଙ୍ଗ୍ କାଜିୟାମେତାନା, ଦାଆଃ ଆତଃ ଆମ୍ତେ କାକ ଜାନାମରୁହାଡ଼ରେଦ ପାର୍ମେଶ୍ୱାର୍ଆଃ ରାଇଜ୍ରେ ଜେତାଏ କାକ ବଲଦାଡ଼ିୟାଃ । ୬ ହଡ଼ମ୍ଏତେ ଜାନାମାକାନ୍ତେୟାଃ ହଡ଼ମିଗି ତାନାଃ ଆତଃ ଆମ୍ଏତେ ଜାନାମାକାନ୍ତେୟାଃ ଆମ୍ଗି ତାନାଃ । ୭ ଜାନାମରୁହାଡ଼ ଲାଗାତିଙ୍ଗ୍ୟାଃ ମେନ୍ତେଇଙ୍ଗ୍ କାଜିୟାଦ୍ମେଆ, ଏନାତେ ଆଲମ୍ ହାଏକାଟଃଆ । ୮ ହୟ ଆୟାଃ ସାନାଙ୍ଗ୍ ଲେକାତେ ହୟତାନା ଆତଃ ଏନାରେୟାଃ ଲାବ୍ଜା ଆୟୁମଃତାନା, ମେନ୍ଦ୍ ଏନା ଅକସାଃ ଏତେ ହିଜୁଃତାନା ଆତଃ ଅକ୍ତାଃତେ ସେନଃତାନା ଏନା କା ସାରିୟାଃଆ । ଆମ୍ଏତେ ସବେନ୍ ଜାନାମାକାନ୍ କେ'ଲେକାଗିଆଃକ ।” ୯ ନିକଦୀମ୍ ଇନିଃକେ କୁଲିକିୟାଏ, “ନେଆଁ ଚିଲ୍କାତେ ହବାଦାଡ଼ିୟାଃ ?”

୧୦ ଯୀଶୁ କାଜିକିୟାଏ, “ଚିୟାଃ ଆମ୍ ଇସ୍ରାଏଲ୍ରେନକଆଃ ଗୁରୁ ତାନ୍ମେ ଆତଃ ନେଆଁ କାମ୍ ସାରିୟା ?” ୧୧ ସାର୍ତିଗିଙ୍ଗ୍ କାଜିୟାମେତାନା, “ଆଲେ ସାରିୟାକାଦ୍ କାଜିଲେ କାଜିତାନା ଆତଃ ନେଲ୍କାକାନ୍ରେୟା ଗାଞ୍ଜାଲେ ଏମେତାନା ଆତଃ ଆପେ ଆଲେୟାଃ ଗାଞ୍ଜା କାପେ ମାନାଡ଼ିଙ୍ଗ୍ତାନା । ୧୨ ଆଇଙ୍ଗ୍ ନେ ଅତେରେୟାଃ କାଜିଙ୍ଗ୍ କାଜିୟାଦ୍ପେରେ କାପେ ପାଡ଼ିୟାରେତାନା, ଏନ୍ତେ ଆଇଙ୍ଗ୍ ସିର୍ମାରେୟାଃ କାଜିଙ୍ଗ୍ କାଜିୟାପେରେ ଚିଲ୍କାତେପେ ପାଡ଼ିୟାରେଆ । ୧୩ ଅକନ୍ ମାନଞ୍ଜାହନ୍ ସିର୍ମାଏତେ ଆଡ଼ଗୁଆକାନାଏ, ଇନିଃକେ ବାଗିକିଃତେ ଆତଃ ଜେତାଏ ହଡ଼ ଚିଉଲ୍ଲାହ୍ ସିର୍ମାତେ କାଏ ରାକାବାକାନା ।”

୧୪ ଆତଃ ମୁଶା ବିରରେ ପିତାଲ୍ ବିଙ୍ଗ୍କେ ଖୁଟାରେ ରାକାବି ଲେକା ମାନଞ୍ଜାହନ୍କେହଗି ରାକାବଃ ଲାଗାତିଙ୍ଗ୍ୟାଃ । ୧୫ ଇନିଃରେ ବିଶ୍ୱାସ୍ତାନ୍କଦ୍ ଜାନାଅ ଜାନାଅରେୟାଃ ଜୀଦାନ୍କ ନାମେୟା ।

୧୬ ମେନ୍ଦ୍ ପାର୍ମେଶ୍ୱାର୍ ଅତେଦିଶ୍ୱମ୍କେ ପୁରାଃଗି ଦୁଲ୍ଲାଡ଼କେଦାଏ ଆତଃ ଆୟାଃ ମିଆଁଦ୍ଗି ଦୁଲ୍ଲାଡ଼ହନ୍କେ ଏମ୍କିୟାଏ, ଇନିଃରେ ବିଶ୍ୱାସ୍ତାନ୍କଦ୍ କାକ ଜିୟନଃଆ ମେନ୍ଦ୍ ଜାନାଅରେୟାଃ ଜୀଦାନ୍କ ନାମେୟା । ୧୭ ପାର୍ମେଶ୍ୱାର୍ ଆୟାଃ ହନ୍କେ ଅତେଦିଶ୍ୱମ୍ପରାଃ ବିଚାର୍ ନାଗେନ୍ତେଦ୍ କାହା, ମେନ୍ଦ୍ ଅତେଦିଶ୍ୱମ୍କେ ଇନିଃତେ ବାଞ୍ଚାଅ ନାଗେନ୍ତେ କୁଲ୍କିୟାଏ ।

୧୮ ଜେତାଏ ହନ୍ରେ ବିଶ୍ୱାସ୍ତାନ୍ନିଃ କାଏ ସାଜାଇୟାଃ ମେନ୍ଦ୍ କା ବିଶ୍ୱାସ୍ତାନ୍ନିଃ ସାଜାଇୟାକାନାଏ, ଚିୟାଃଚି ଇନିଃଦ୍ ପାର୍ମେଶ୍ୱାର୍ଆଃ ମିଆଁଦ୍ଗି ହନ୍ଆଃ ନୁତୁମ୍ରେ କାଏ ବିଶ୍ୱାସ୍କାଦା । ୧୯ ଆତଃ ଏନ୍ ବିଚାର୍ ନେଆଁଗି ତାନାଃ, ମାର୍ସାଲ୍ ଅତେଦିଶ୍ୱମ୍ରେ ହିଜୁଆକାନା, ମେନ୍ଦ୍ ହଡ଼କ ମାର୍ସାଲ୍ ଏତେ ନୁବଃକେ ଆଦକାକ ଦୁଲ୍ଲାଡ଼କେଦାଃ ଚିୟାଃଚି ଇନ୍କୁଆଃ କାମିକଦ୍ ଏଡ଼କାନାଃ ତାନାଃ । ୨୦ ଏଡ଼କାନ୍ କାମିତାନ୍କଦ୍ ମାର୍ସାଲ୍କେ କାକ ଦୁଲ୍ଲାଡ଼ାଃ, ଆତଃ ମାର୍ସାଲ୍ତାଃତେ କାକ ହିଜୁଃଆ, ଚିୟାଃଚି ଇନ୍କୁଆଃ ଏଡ଼କାନ୍ କାମି ମାର୍ସାଲ୍ରେ ଉଦୁବଃକା ମେନ୍ତେ ଇନ୍କୁ କାକ ସାନାଙ୍ଗ୍ଆଃ । ୨୧ ମେନ୍ଦ୍ ଜେତାଏ ସାର୍ତି କାମି କାମିୟାଏ, ଇନିଃ କାମିକାଦ୍ତେୟାଃକେ ଜେ'ଲେକା ପାର୍ମେଶ୍ୱାର୍ଆଃ ସାନାଙ୍ଗ୍ଲେକା କାମିକେଦାଏ ମେନ୍ତେ ଉଦୁବଃକା, ଏନାମେନ୍ତେ ଇନିଃ ମାର୍ସାଲ୍ତାଃଏ ହିଜୁଃଆ ।

ୟୀଶୁ ଆତଃ ଯୋହାନ୍

୨୨ ନେଆଁ ତାୟମ୍ତେ, ଯୀଶୁ ଆତଃ ଆୟାଃ ଚେଲାକ ଯିହୁଦା ଦିଶ୍ୱମ୍ତେକ ସେନଃୟାନା ଆତଃ ଇନିଃ ଇନ୍କୁଲଃ ଏନ୍ତାଃରେ ତାଇନ୍ୟାନ୍ତେ ବାପ୍ତିସ୍ମାକତାନ୍ ତାଇକେନାଏ । ୨୩ ଆତଃ ଯୋହାନ୍ହ୍ ସାଲିମ୍ ଜାପାଃ ଏନନ୍ରେ ବାପ୍ତିସ୍ମାକତାନ୍ ତାଇକେନାଏ, ଚିୟାଃଚି ଏନ୍ତାଃରେଦ୍ ପୁରାଃଗି ଦାଆଃ ତାଇକେନା, ଆତଃ ହଡ଼କ ବାପ୍ତିସ୍ମାଆ ନାଗେନ୍ତେ ହିଜୁଃତାଇକେନାକ । ୨୪ ✽ଯୋହାନ୍ଦ୍ ଇମ୍ତାଙ୍ଗ୍ ଜାକେଦ୍ କାଏ ଜେହେଲ୍କାକାନ୍ ତାଇକେନା ।

* ୩:୩ ୩:୩ ପାର୍ମେଶ୍ୱାର୍ତାଃଏତେ ଜାନାମ୍ ✽ ୩:୨୪ ୩:୨୪ ମାଥୁଇ ୧୪:୩; ମାର୍କ ୬:୧୭; ଲୁକ ୩:୧୯,୨୦.

୨୫ ଏଣୁ ଯୋହାନ୍‌ଆଉ ତିନିଦିନ ଚେଲାକ ଆଡ଼େ ମିଆଁଦ୍ ଯିହୁଦୀ, ଫାରତ୍ତିଅସରେୟା ବିଷାଏରେ କୁପୁଲିୟାନାକ । ୨୬ ଇନ୍‌କୁ ଯୋହାନ୍‌ତାଠେ ହିଜୁଃୟାଣ୍ଡେ କାଜିକିୟା, “ହେ ଗୁରୁ” ଯାଦୀନ୍ ହାନ୍ ପାରମ୍ ଆମାଃଲଃ ତାଇକେନ୍‌ନିଃ, ଇନିୟାଃ ନାଗେଣ୍ଡେ ଆମ୍ ଗାଞ୍ଜା ଏମ୍‌କେଦାଃ, ନେଲିମେ ଇନିଃ ବାପ୍ତିସ୍ମାକତାନାଏ, ଆଡ଼େ ସବେନ୍‌କ ଇନିଃତାଃ ସେନଃତାନାକ ।

୨୭ ଯୋହାନ୍ କାଜିରୁହାଡ଼ାଦକଆଏ, “ସିର୍ମାସାଃଏତେ କା ଏମଃରେଦ ହଡ଼ ଜେଡ଼ନାଃ କାଏ ନାମ୍‌ଦାଡ଼ିୟାଃ । ୨୮ ☆ଆଇଙ୍ଗ୍‌ଦ ମାସି ନାହାଁଲିଙ୍ଗ୍ ମେନ୍‌ଦ ଇନିୟାଃ ଆୟାରରେ କୁଲାକାନାଇଙ୍ଗ୍’ ମେନ୍‌କେଦାଃଏ, ଏନାରେୟାଃ ଗାଞ୍ଜା ଆପେଗି ତାନ୍‌ପେ । ୨୯ ଜେତାଏ ଆଣ୍ଡିୟାଃନିଃ ଦ ଦୁଲ୍ଲାକଡ଼ାରାଃ ତାନିଃ, ମେନ୍‌ଦ ଦୁଲ୍ଲାତାଃ ତିଙ୍ଗ୍‌କେଦ୍‌ତେ ଇନିୟାଃ କାଜି ଆୟୁମ୍‌ତାନ୍ ଗାଡ଼ି ଦୁଲ୍ଲାରାଃ କାଜିତେ ପୁରାଃଗି ରାସ୍‌କାଅଃଆ । ଏନାତେ ଆଇଁୟାଃ ନେ ରାସ୍‌କାଦ ନାମ୍‌ତାବାୟାନା । ୩୦ ଇନିଃକେ ମାରାଙ୍ଗ୍ ହବା ଲାଗାଡ଼ିଙ୍ଗ୍‌ୟାଃ ମେନ୍‌ଦ ଆଇଙ୍ଗ୍‌କେ ହୁଡ଼ିଙ୍ଗ୍‌ଅଃ ଲାଗାଡ଼ିଙ୍ଗ୍‌ୟାଃ ।”

ସିର୍ମା ଏତେ ହିଜୁଃନିଃ

୩୧ ତେତାନ୍‌ଏତେ ହିଜୁଃନିଃ ସବେନ୍‌କଏତେ ମାରାଙ୍ଗ୍‌ଆଁଏଃ । ଅତେସାଃଏତେ ହିଜୁଃନିଃ ଅତେରେନ୍‌ନିଃ ତାନିଃ ଆଡ଼େ ଅତେସାଃଏତେ କାଜିୟାଏ ମେନ୍‌ଦ ସିର୍ମାସାଃଏତେ ହିଜୁଃନିଃ ସବେନ୍‌କଏତେ ମାରାଙ୍ଗ୍‌ଆଁଏଃ । ୩୨ ଇନିଃ ନେଲାକାଦ୍ ଆଡ଼େ ଆୟୁମାକାଦ୍ ତେୟାଃରାଃ ଗାଞ୍ଜାଇ ପେରେଃକେଦା ମେନ୍‌ଦ ଇନିୟାଃ ଗାଞ୍ଜା ଜେତାଏ କାକ ମାନାଡ଼ିଙ୍ଗ୍‌କେଦା । ୩୩ ମେନ୍‌ଦ ଇନିୟାଃ ଗାଞ୍ଜା ଅକଏ ମାନାଡ଼ିଙ୍ଗ୍‌ନିଃ, ପାରମେଶ୍ୱାର୍ ସାରତ୍ତିଗିୟାଏ ମେଣ୍ଡେ ଏନ୍ କାଜିରେ ମୋହରକାଦାଏ† । ୩୪ ପାରମେଶ୍ୱାର୍‌ତାଃଏତେ କୁଲାକାନ୍‌ନିଃଦ ପାରମେଶ୍ୱାର୍‌ଆଃ କାଜି କାଜିୟାଏ, ତିୟାଃତି ପାରମେଶ୍ୱାର୍‌ଦ ଇନିଃକେ ଆୟାଃ ଆମ୍ ପୁରାଃଗି ଏମିୟା । ୩୫ ☆ଆପୁଦ୍ ଆୟାଃ ହନ୍‌କେ ଦୁଲ୍ଲାତାଃଏ ଆଡ଼େ ସବେନାଃ ଇନିୟାଃ ତିଃଇରେ ଏମ୍‌ଡ଼ତାରାକାଦାଏ । ୩୬ ହନ୍‌ରେ ବିଶ୍ୱାସ୍‌ତାନ୍‌ନିୟାଃ ଜାନାଅଜୀଦାନ୍ ମେନାଃ, ମେନ୍‌ଦ ହନ୍‌କେ କାଏ ଦାରମ୍‌ତାନ୍‌ନିଃ ଜୀଦାନ୍ କାଏ ନେଲେୟା, ତିୟାଃତି ପାରମେଶ୍ୱାର୍‌ଆଃ ଏନେସେଦ୍‡ ଇନିଃରେ ତାଇନ୍‌ତାନା ।

୪

ୟାଶୁ ଆଡ଼େ ଶମିରୋନ୍‌ରେନ୍ କୁଡ଼ି

୧ ଫାରୁଶୀକ, ଯାଶୁ ଯୋହାନ୍ ଏତେ ଆଦକା ଚେଲାକେଦ୍‌ତେ ବାପ୍ତିସ୍ମାକତାନାଏ ମେଣ୍ଡେକ ଆୟୁମ୍‌କେଦା ନେଆଁ ଯାଶୁ ଆଟ୍‌କାରକେଦାଏ । ୨ ଯାଶୁ ଆୟାଃତେଗି କାଏ ବାପ୍ତିସ୍ମାକ ତାଇକେନା ମେନ୍‌ଦ ଇନିୟାଃ ଚେଲାକ ବାପ୍ତିସ୍ମା ଏମାକତାନ୍ ତାଇକେନାକ । ୩ ନେ ସବେନାଃ ଆଟ୍‌କାରକେଦ୍‌ତି ଇନିଃ ଯିହୁଦୀ ଦିଶୁମ୍ ବାଗିକେଦାଏ ଆଡ଼େ ଗାଲିଲ୍‌ତେ ସେନ୍‌ରୁହାଡ଼୍‌ୟାନାଏ । ୪ ଆଡ଼େ ଇନିଃକେ ଶମିରୋନ୍ ଦିଶୁମ୍ ଆଲା ଆଲାତେ ସେନଃ ଲାଗାଡ଼ିଙ୍ଗ୍ ତାଇକେନା ।

୫ ଏଣୁ ଯାଶୁ ଶମିରୋନ୍‌ରେଆଃ ଶିଖର୍ ନୁଡୁମ୍ ମିଆଁଦ୍ ହାତୁତେ ସେଟେରୁୟାନାଏ, ଏନା ଯାକୁବ୍ ଆୟାଃ ହନ୍ ଯୋଷେଫ୍‌କେ ଏମାକାଇ ଅତେ ଜାପାଃରେ ତାଇକେନା । ୬ ଏନ୍ତାଃରେ ଯାକୁବ୍‌ଆଃ କୁଆଁ ତାଇକେନା, ଆଡ଼େ ଯାଶୁ ହରା ସେସେନ୍‌ତେ ଲାଗାୟାଣ୍ଡେ, କୁଆଁତାଃରେ ଦୁବ୍‌ୟାନାଏ । ଇମ୍‌ତାଦ୍ ତିକିନ୍‌ସିଙ୍ଗ୍ ତାଇକେନା ।

୭ ଏଣୁ ମିଆଁଦ୍ ଶମିରୋନ୍‌ରେନ୍ କୁଡ଼ି ଦାଆଃ ବୁରାଃତେ ହିଜୁଃୟାନାଏ, ଆଡ଼େ ଯାଶୁ ଇନିଃକେ କାଜିକିୟାଏ, “ନୁଁଏ ଦାଆଃ ଏମାଇଙ୍ଗ୍‌ମେ ।” ୮ ଇମ୍‌ତାଙ୍ଗ୍ ଇନିୟାଃ ଚେଲାକଦ୍ ଜମେୟାଃ କିରିଙ୍ଗ୍‌ତେ ସାହାର୍‌ତେ ସେନାକାନ୍ ତାଇକେନାକ ।

୯ ଏନ୍ କୁଡ଼ି ଯାଶୁକେ କାଜିକିୟାଏ, “ଆମ୍ ଯିହୁଦୀ ତାନମେ ଆଡ଼େ ଆଇଙ୍ଗ୍ ଶମିରୋନ୍‌ରେନ୍ ତାନିଙ୍ଗ୍, ଆମ୍ ତିଲ୍‌କାତେ ନୁଁଏ ଦାଆଃ ଆସି ଦାଡ଼ିତାନାମ୍ ?” ତିୟାଃତି ଯାହୁଦିକଦ ଶମିରୋନି କଲଃ କାକ ମେସାଅଃ ତାଇକେନା ।

୧୦ ଯାଶୁ କାଜିରୁହାଡ଼କିୟାଏ, “ଆମ୍ ପାରମେଶ୍ୱାର୍‌ଆଃ ଏନେମ୍‌ତେୟାଃ ଆଡ଼େ ଦାଆଃ ଆସିନିଃ ଅକଏ ତାନିଃ, ଏନାମ୍ ସାରିରେଦ, ଆମ୍ ଇନିଃକେ ଆସିତେୟାଃ ଆଡ଼େ ଇନିଃ ଆମ୍‌କେ ଜାନିଦ୍ ଦାଆଃ ଏମାମ୍‌ତେୟାଃଏ ।”

୧୧ ଏନ୍ କୁଡ଼ି କାଜିକିୟାଏ, “ଗମ୍‌କେ, ଆମାଃତାଃରେ ବୁରାଃତେଆଃଦ୍ ବାନଆଃ ଆଡ଼େ କୁଆଁଦ୍ ଇକିରା*, ଏନ୍ ଜାନିଦ୍ ଦାଆଃ କତାଃଏତେମ୍ ନାମେୟା ? ୧୨ ତିୟାଃ ଆମ୍ ଆଲେୟାଃ ଆପୁ ଯାକୁବ୍ ଏତେ ମାରାଙ୍ଗ୍‌ଆଁମ୍ ? ଇନିଃ ନେ କୁଆଁ ଏମାଦ୍‌ଲେୟାଏ ଆଡ଼େ ଏନାଏତେ ଆଇଃକ୍‌ହଗି ନୁଁକେଦାଏଃ, ଏନ୍‌ଲେକା ଇନିୟାଃ ହନ୍‌ହପନ୍‌କ ଆଡ଼େ ଇନିୟାଃ ଉରିଃକ୍, ମେରମ୍‌କହ୍ ନୁଁକେଦାଃକ ।”

☆ ୩:୨୮ ୩:୨୮ ଯୋହାନ୍ ୧:୨୦. † ୩:୩୩ ୩:୩୩ ମୋହରକାଦାଏ ପକ୍‌ତାସାବୁଡ଼ ☆ ୩:୩୫ ୩:୩୫ ମାଥ୍‌ଉ ୧୧:୨୭; ଲୁକ ୧୦:୨୨. ‡ ୩:୩୬ 3:36 ଖ୍‌ସ୍ * ୪:୧୧ ୪:୧୧ ଇକିରା ଗାଡ଼ାଗିଆଃ

୧୩ ଯୀଶୁ ଇନିଷକେ କାଜିରୁହାଡ଼କିୟାଏ, “ନେ ଦାଆଃ ନୁଁଏନିଷକେ ତେତାଙ୍ଗ୍ ରୁହାଡ଼ିଆ, ୧୪ ମେନ୍ଦ ଦ ଆଇଙ୍ଗ୍ ଏମାଇ ଦାଆଃ ନୁଁଏ ହଡ଼ ତିଉଲାଇ କାଏ ତେତାଙ୍ଗ୍ଆଃ ଆତଃ ଆଇଙ୍ଗ୍ ଏମାଇ ଦାଆଃ ଇନିଷକେ ଜାନାଅ ଜୀଦାନ୍ ଜାକେଦ୍ ଲିଙ୍ଗିୟାଅଃ ଦାଆଃରେୟାଃ କୁଆଁଦାଆଃ ବାଇୟାଃ ।”

୧୫ ଏନ୍ କୁଡ଼ି କାଜିକିୟାଏ, “ହେ ଗମ୍ବକେ, ଆଇଙ୍ଗ୍କେ ଏନ୍ ଦାଆଃ ଏମାଇଙ୍ଗ୍ମେ, ଜେ'ଲେକାଟି ଆଇଙ୍ଗ୍ ଆଲକାଇଙ୍ଗ୍ ତେତାଙ୍ଗ୍କାଃ, ଆତଃ ଦାଆଃ ବୁରାଃନାଙ୍ଗ୍ ନେତାଃତେ ଆଲକାଇଙ୍ଗ୍ ହିଜୁଃକା ।”

୧୬ ଯୀଶୁ ଇନିଷକେ ମେନ୍କିୟାଏ, “ଜୁ ଆମାଃ କଡ଼ାକେ କେଡ଼ାଇମେ,” ଆତଃ “ନେତାଃ ହିଜୁଃବେନ୍ ।”

୧୭ ଏନ୍ କୁଡ଼ି ମେନ୍ରୁହାଡ଼ାଇୟାଏ, “ଆଇଁୟାଃ କଡ଼ା ବାଙ୍ଗାୟାଃ ।” ଯୀଶୁ ମେନ୍ରୁହାଡ଼ାଇୟାଏ, “ଆଇଁୟାଃ କଡ଼ା ବାଙ୍ଗାୟାଃ ମେନ୍ତେ ବୁଗିନାମ୍ କାଜିକେଦା, ୧୮ ଆମ୍ବ ମଣେୟାଁତାଃ ଅଡ଼ାୟାନ୍ମାମ୍ ଆତଃ ଆମାଃଲଃ ନାହାଁଃ ତାଇନ୍ତାନ୍ନିଃ ଆମାଃ କଡ଼ା ନାହାଁଲିଃ, ନେଆଁ ଆମ୍ ସାର୍ତିଗି କାଜିୟାକାଦାମ୍ ।”

୧୯ ଏନ୍ କୁଡ଼ି ମେନ୍କିୟାଏ, “ହେ ଗମ୍ବକେ, ଆମ୍ ନାବୀ ତାନ୍ମେ, ନେଆଁ ଆଇଙ୍ଗ୍ ନେଲ୍ଦାଡ଼ିତାନା ।

୨୦ “ଆଲେୟାଃ ହାଡ଼ାମ୍ ହଡ଼କ ନେ ବୁରୁରେ ପାର୍ମେଶ୍ୱାର୍ଆଃକ ସେଝା କେଦାଃ ମେନ୍ଦ ଆପେ ଯିହୁଦୀକ ମେନେତାନା, ଅକନ୍ ଜାଗାରେ ପାର୍ମେଶ୍ୱାର୍ଆଃ ସେଝା ଲାଗାଡ଼ିଙ୍ଗ୍ୟାଃ ଏନା ଯୀରୁଶାଲେମ୍ରେ ମେନାଃ ।”

୨୧ ଯୀଶୁ ଇନିଷକେ କାଜିକିୟାଏ, “ଏ କୁଡ଼ି କାଜିତାଇୟାଃ ପାଡ଼ିୟାରେମେଁ, ଏନ୍ ଦିପିଲି ହିଜୁଃଆ ଅକ ଦିପିଲିରେ ଆପେ ନେ ବୁରୁରେ ତି ଯୀରୁଶାଲେମ୍ରେହ୍ ଆପୁଆଃ କାପେ ସେଝା ରିକାଗିଆ ।

୨୨ ଆପେ ଶିମିରୋନ୍ରେନକ କା ସାରିନିଷକେପେ ସେଝାଇତାନା; ଆଲେ ଯିହୁଦୀକ ସାରିତାନ୍ନିଷକେ ସେଝାଇତାନାଲେ, ତିୟାଃଟି ଜାଉବାଞ୍ଚାଅନିଃ ଯୀହୁଦିକଏତେ ହିଜୁଃତାନା । ୨୩ ମେନ୍ଦ ଦିପିଲି ହିଜୁଃଆ ଆତଃ ନାହାଁଃ ସେଟେରାକାନା, ଏନାରେ ସାର୍ତି ସେଝାଇନିଷକ ଆମ୍ ଆତଃ ସାନାର୍ତିତେ ଆପୁକେକ ସେଝାଇୟା, ଆପୁଦ ନେ ଲେକାନ୍ ସେଝାଇତାନ୍କକେ ନାମ୍ତାନା । ୨୪ ପାର୍ମେଶ୍ୱାର୍ ଆମ୍ ତାନିଃ ଆତଃ ଇନିଷକେ ସେଝାଇତାନ୍କ ଆମ୍ବରାଃ ପେଡ଼େଃତେ ଏସ୍କାର୍ ଆତଃ ସାନାର୍ତିତେ ସେଝାଇ ଲାଗାଡ଼ିଙ୍ଗ୍ୟାଃ ।”

୨୫ ଏନ୍ କୁଡ଼ି ଇନିଷକେ ମେତାଇୟାଏ, “ଖ୍ରୀଷ୍ଟ ନୁଡୁମ୍ତାନ୍ ମାସି ହିଜୁଆଃଏ, ଏନାଇଙ୍ଗ୍ ସାରିତାନା, ଇନିଃ ହିଜୁଃକେଦ୍ତେ ସବେନାଃଏ ଉଦୁବାଲେୟା ।”

୨୬ ଯୀଶୁ ମେତାଇୟାଏ, “ଆଇଙ୍ଗ୍ ଇନିଃ ତାନିଙ୍ଗ୍, ଅକଏଟି ଆମାଃଲଃ ଜାଗାର୍ତାନାଏ ।”

୨୭ ଆତଃ ଏନ୍ ଦିପିଲିରେ ଇନିୟାଃ ତେଲକ ହିଜୁଃୟାନା ଆତଃ ଇନିଃ ମିଆଁଦ୍ କୁଡ଼ିଲଃ ଜାଗାର୍ତାନ୍ ନେଲ୍କେଦ୍ତେ ହାଏକାଟ୍ୟାନାକ । ଏନ୍ରେହ୍ ଜେତାଏ ଆମ୍ ତିକ୍ନାଃମ୍ ସାନାଙ୍ଗ୍ତାନା ତାଏ ନିଃଲଃ ତିନାଃ ମେନ୍ତେମ୍ ଜାଗାର୍ତାନା ମେନ୍ତେ ଜେତାଏ କାକ କୁଲିକିୟା ।

୨୮ ଏନ୍ତେ ଏନ୍ କୁଡ଼ି ଆୟାଃ ଚାରୁ ବାଗିଡୁକାକେଦ୍ତେ, ହାଡୁତେ ସେନଃୟାନାଏ ଆତଃ ଏନ୍ତାଃରେ ହଡ଼କକେ କାଜିୟାଦ୍କଆଏ, ୨୯ “ଏଲା ମିଆଁଦ୍ ହଡ଼ ନେଲିପେ, ଇନିଃ ଆଇଙ୍ଗ୍ କାମିକାଦ୍ ସବେନାଃ ଆଇଙ୍ଗ୍କେ ଉଦୁବାଦିୟା, ଇଦୁ ଇନିଃ ମାସି ତାନିଃ ତି କାହା ?” ୩୦ ଇନ୍କୁ ସାହାର୍ଏତେ ଅଡ଼ଙ୍ଗ୍ୟାନ୍ତେ ଇନିଃତାଃତେକ ହିଜୁଃୟାନା ।

୩୧ ଏନ୍ତେ ଇନିୟାଃ ତେଲକ ବିନ୍ତିକେଦ୍ତେ କାଜିକିୟାଃକ, “ହେ ଗୁରୁ, ଜେଡ୍ନାଃ କାଟିକାନ୍ ଜମେମେ ।”

୩୨ ମେନ୍ଦ ଯୀଶୁ ଇନ୍କୁକେ କାଜିୟାଦ୍କଆଏ, “ଆପେ ଅକ ଜଜମ୍ ବିଷାଏରେ କାପେ ସାରିଆଃ, ଏନ୍ ଜମେୟାଃ ଆଇଁୟାଃତାଃରେୟା ।”

୩୩ ଏନ୍ତେ ତେଲକ ଆକ ଆକରେ ମେପେନ୍ୟାନାକ, “ଜେତାଏ ମିହୁଡ୍ ଇନିଃକେ ଜମେୟାଃ ଆଉଝାକାଇୟାଏ ?”

୩୪ ଯୀଶୁ ଇନ୍କୁକେ କାଜିକେଦ୍କଆଏ, “ଆଇଙ୍ଗ୍କେ କୁଲକାନ୍ନିୟାଃ ମନେଲେକା ସେସେନ୍ ଆତଃ ଇନିଃ ଆଇଙ୍ଗ୍କେ ଏମାକାଇଙ୍ଗ୍ କାମି ଚାବାଏତେୟାଃ ଆଇଁୟାଃ ଜମେୟାଃ ତାନାଃ । ୩୫ ତିୟାଃ ଆପେ ଚାର୍ ମାହିଁନା ତାୟମ୍ତେ ଇରୋଃ ତେବାଗାଃ ମେନ୍ତେ କାପେ କାଜିତାନା ? ହେରାକାନ୍ ପିଡ଼ିକେ ଆରିଦ୍ରାକାବେପେ ଏନା ଇରୋଃ ନାଗେନ୍ତେ ବିଲି ଚାବାକାନା ନେଆଁ ଆଇଙ୍ଗ୍ କାଜିୟାପେତାନା । ୩୬ ନାହାଁଃ ଜାକେଦ୍ ଇରୋଃନିଃ ନାଲା ନାମ୍ତାନାଏ, ଆତଃ ଜାନାଅ ଜୀଦାନ୍ ନାଗେନ୍ତେ ଜ'ଆଏ ହୁଣ୍ଡିତାନା, ଜେ'ଲେକା ଏନାତେ ହେରଃନିଃ ଆତଃ ଇରୋଃନିଃ ବାରାନ୍କିନ୍ ମିଦ୍ତେକିନ୍ ରାସ୍କାଅଃଆ । ୩୭ ମିଆଁଦ୍ ହଡ଼ ହେରେତାନାଏ ଆତଃ ଏଟାଃନିଃ ଇରେତାନାଏ, ନେ କାଜିଦ୍ ସାର୍ତିଗିଆଃ । ୩୮ ଆପେ କାପେ କାମିୟାକାଦ୍ତେୟାଃ ଇରେ ନାଗେନ୍ତେଇଙ୍ଗ୍ କୁଲ୍କେଦ୍ପେୟା । ଏଟାଃକ କାମିୟାକାଦାଃ ଆତଃ ଆପେ ଇନ୍କୁଆଃ କାମିରେ ଆଦାଏପେ ନାମାକାଦା ।”

୩୯ ଆତଃ ଏନ୍ ସାହାର୍ରେନ୍ ଶିମିରୋନିକଏତେ ପୁରାଃ ହଡ଼କ ଯୀଶୁରେକ ବିଶ୍ୱାସକେଦାଃ, ତିୟାଃଟି ଏନ୍ କୁଡ଼ିଦ୍ “ଇନିଃ ଆଇଙ୍ଗ୍ କାମିକାଦ୍ ସବେନାଃ ଆଇଙ୍ଗ୍କେ ଉଦୁବାଦିୟା” ମେନ୍ତେ ଗାଝା ଏମ୍ବକେଦାଏ

। ୪୦ ଏନାମେନ୍ତେ ଶମିରୋନିରେନ୍ ଇନିଃତାଃ ହିଜୁଃଲେନ୍ତେ ଆମ୍ ଆଲେଲଃ ତାଇନ୍ମେ ମେନ୍ତେକ ବିକ୍ରିକିୟାଃ ଆତଃ ଇନିଃ ଏନ୍ତାଃରେ ବାର୍ସିଙ୍ଗ୍ ତାଇନ୍ୟାନାଏ ।

୪୧ ଆତଃ ଇନିୟାଃ କାଜି ନାଗେନ୍ତେ ଆଦକା ହଡକ ବିଶ୍ୱାସକେଦାଃ । ୪୨ ଆତଃ ଇନ୍କୁ ଏନ୍ କୁଡିକେ କାଜିକିୟାଃକ, “ନାହାଁଃଦ ଆମାଃ କାଜି ନାଗେନ୍ତେ କାଲେ ବିଶ୍ୱାସତାନା, ଚିୟାଃଚି ଆଲେଦ ନାହାଁଃ ଆୟୁମାକାଦାଲେ ଆତଃ ନିଃ ସାର୍ତ୍ତିଗି ଅତେଦିଶ୍ୱମ୍ପରାଃ ଜୀଉବାସ୍ତାଅନିଃ ତାନିଃ ନେଆଁଲେ ସାରିତାନା ।”

ୟୀଶୁ ମିଆଁଦ୍ ଗମ୍ବକେୟାଃ କଡ଼ାହନ୍କେ ବୁଗିକିୟାଏ

୪୩ ଆତଃ ବାର୍ସିଙ୍ଗ୍ ତାୟମ୍ତେ ଯୀଶୁ ଏନ୍ତାଃଏତେ ଅତଙ୍ଗ୍ୟାନ୍ତେ ଗାଲିଲ୍ତେ ସେନଃୟାନାଏ । ୪୪ ଯୀଶୁ ଆୟାଃତେଗି ଗାଞ୍ଜା ଏମ୍ବକେଦାଏ, “ନାବୀ ଆୟାଃ ଦିଶ୍ୱମ୍ପରେ କାଏ ମାଇନଃଆ ।” ୪୫ ଇନିଃ ଗାଲିଲ୍ତେ ତେବାଃୟାନ୍ତି, ଗାଲିଲ୍ରେନ୍କ ଇନିଃକେ ଦାରମ୍ବକିୟାଃ । ଇନ୍କୁଦ ଯୀରୁଶାଲେମ୍ରେଆଃ ପାରାବ୍ ଦିପିଲିରେ ଇନିଃ କାମିକେଦ୍ ସବେନାଃ ନେଲ୍ଲାକାଦକ ତାଇକେନା, ଚିୟାଃଚି ଇନ୍କୁହ ପାରାବ୍ତେକ ସେନ୍କେନା ।

୪୬ ଯୀଶୁ ଆତଃଗି ଗାଲିଲ୍ରେୟାଃ କାନା ହାତୁରେ ତେବାଃୟାନା, ଏନ୍ତାଃରେଦ ଇନିଃ ଦାଆଃକେ ଦାଖ୍ରାସି ବାଇୟାକାଦ୍ ତାଇକେନାଏ । ଆତଃ ଏନ୍ତାଃରେ ମିଆଁଦ୍ ଗମ୍ବକେ† ତାଇକେନାଏ, ଇନିୟାଃ ହନ୍ କପର୍ନାହୁମ୍ ସାହାରରେ ଦୁକୁତାନ୍ ତାଇକେନାଏ । ୪୭ ଆତଃ ଯୀଶୁ ଯିହୁଦା ଏତେ ଗାଲିଲ୍ତେ ହିଜୁଆକାନାଏ ମେନ୍ତେ ଇନିଃ ଆୟୁମ୍ବକେଦ୍ ଇନିଃତାଃତେ ସେନଃୟାନାଏ, ଆତଃ ଆମ୍ ହିଜୁଃକେଦ୍ତେ ଆଇୟାଃ ହନ୍କେ ବୁଗିମେ ମେନ୍ତେ ବିକ୍ରିକିୟାଏ, ଚିୟାଃଚି ଇନିଃଦ ଗଜଃଲେକାନ୍ ତାଇକେନାଏ । ୪୮ ଯୀଶୁ ଇନିଃକେ କାଜିକିୟାଏ, “ଆପେ ଚିହ୍ନାଁ ଆତଃ ଆକ୍ଦାନ୍ଦାଅ କାମି କାପେ ନେଲେରେଦ କାପେ ବିଶ୍ୱାସେଆ ।”

୪୯ ଏନ୍ ଗମ୍ବକେ ମେତାଇୟାଏ, “ହେ ଗୁରୁ, ଆଇୟାଃ ହନ୍ ଗଜଃ ସିଦାରେ ହିଜୁଃମେ ।”

୫୦ ଯୀଶୁ ଇନିଃକେ ମେନ୍ରୁହାଡ଼ାଇୟାଏ, “ଜୁ, ସେନଃମେ, ଆମାଃ ହନ୍ ଜୀହୁଦଃଆଏ ।”

ଏନ୍ ହଡ଼ ଯୀଶୁ କାଜିକାଜ କାଜିରେ ବିଶ୍ୱାସକେଦ୍ତେ ସେନଃୟାନାଏ । ୫୧ ଆତଃ ଇନିଃ ସେନଃତାନ୍ ତାଇକେନ୍ରେ ଇନିୟାଃ ଦାସିକ ଇନିଃକେ ସେନ୍ଦାରମ୍ବକିୟାଃକ ଆତଃ “ହନ୍ତାମାଃ ଜୀହୁଦ୍ୟାନାଏ” ମେନ୍ତେକ ଉଦୁବ୍କିୟା ।

୫୨ ଏନ୍ତେ ଇନିଃ ଅକ ଦିପିଲିରେ ବୁଗି ଏଟେଦ୍ୟାନାଏ ମେନ୍ତେ ଇନ୍କୁକେ କୁଲିକେଦ୍କଆଏ । ଆତଃ ଇନ୍କୁ ହଲ୍ଲା ହୁଡିଙ୍ଗ୍ ସିଙ୍ଗି ମିଦ୍ ଘାଣ୍ଟାରେ ଇନିୟାଃ ଉରିୟୁ ବାଗିକିୟାଏ ମେନ୍ତେ ଇନ୍କୁ କାଜିକିୟାଃକ । ୫୩ ଆତଃ ହନ୍ତାମାଃ ଜୀହୁଦଃଆଏ ମେନ୍ତେ ଯୀଶୁ କାଜିୟାଜ ଦିପିଲିରେଗି ନେକାୟାନା ଏନା ଆପୁତେ ଆବ୍କାରକେଦାଏ, ଏନ୍ତେ ଇନିଃ ଆତଃ ଇନିୟାଃ ଅଡ଼ାଃରେନ୍କ ଯୀଶୁରେକ ବିଶ୍ୱାସକେଦାଃ । ୫୪ ଯୀଶୁ ଯିହୁଦାଏତେ ଗାଲିଲ୍ରେ ହିଜୁଃୟାନ୍ତେ ନେଆଁ ବାର୍ସାତେ ପେଡ଼େୟାନ୍ କାମି କାମିକେଦାଏ ।

୫

ୟୀଶୁ ବାନ୍ଦାତାଃରେ ମିଆଁଦ୍ ହାସୁତାନ୍ନିଃକେ ବୁଗିକିୟାଏ

୧ ନେଆଁ ତାୟମ୍ତେ, ଯୀଶୁ ଯୀରୁଶାଲେମ୍ତେ ସେନଃୟାନାଏ, ଚିୟାଃଚି ଯିହୁଦୀକଆଃ ପାରାବ୍ ତାଇକେନା । ୨ ଯୀରୁଶାଲେମ୍ପରାଃ ମିଣ୍ଡି ଦୁଆର୍ ଜାପାଃରେ ମିଆଁଦ୍ ବାନ୍ଦା ମେନାଃ, ଏବ୍ରୀ କାଜିତେ ଏନାଦ ବେଥେସ୍ଦା ନୁତୁମଃତାନା । ଏନ୍ ବାନ୍ଦାରେ ମଣେୟାଁ ପିଣ୍ଡିଗି ତାଇକେନା । ୩ ଏନ୍ତାଃରେ ପୁରାଃ ଦୁକୁତାନ୍କ, କାଣାଁକ, ଛୁଟାକ ଆତଃ ରହଡ଼ାକାନ୍କ ବାଟିଆକାନ୍ କେପା ତାଇକେନାକ । ଇନ୍କୁଦ ଦାଆଃ ହେଲ୍ତେଆଃ ନେଲ୍ହରାତାଇକେନାକ । ୪ ଚିୟାଃଚି ମିସା ମିସାଦ ମିଆଁଦ୍ ଦୁଡ୍ ବାନ୍ଦାରେ ଆଡ଼ଗୁକେଦ୍ତେ ଦାଆଃ ହେଲ୍ତାଇକେନାଏ ଆତଃ ଦାଆଃ ହେଲ୍ୟାନ୍ ତାୟମ୍ତେ, ଅକଏ ସିଦାତେ ଏନାରେ ଆଡ଼ଗୁୟାନ୍ନିଃ ଇନିୟାଃ ସବେନ୍ ଦୁକୁଏତେ ବୁଗିଅଃତାନ୍ ତାଇକେନାଏ । ୫ ଏନ୍ତାଃରେ ମିଆଁଦ୍ ହଡ଼ ତାଇକେନାଏ, ଇନିଃ ହିସିଗେଲ୍* ଇରାଲିୟା† ବାରାଷ୍ଏତେ ହାସୁତାନାଏ ତାଇକେନା । ୬ ଯୀଶୁ ଇନିଃକେ ବାଟିଆକାନ୍ ନେଲ୍କିୟାଏ ଆତଃ ଏନ୍ଲେକା ପୁରାଃ ମାହାଁ ହେତେ ମେନାଲୟା ଏନା ଆବ୍କାରକେଦ୍ତେ, “ଚିୟାଃ ଆମ୍ ବୁଗିଅଃ ସାନାଙ୍ଗ୍ତାନାମ୍” ମେନ୍ତେ କୁଲିକିୟାଏ ।

୭ ଏନ୍ ହାସୁତାନ୍ନିଃ କାଜିରୁହାଡ଼କିୟାଏ, “ଗମ୍ବକେ, ଦାଆଃ ହେଲ୍ତାନ୍ ଇମ୍ତା ବାନ୍ଦାରେ ଆଡ଼ଗୁଇଙ୍ଗ୍ନିଃ ଜେତାଏ ବାଙ୍ଗ୍କୁଆ ଆତଃ ଆଇଙ୍ଗ୍ ସେଟେର୍ ସିଦାରେ ଏଟାଃନିଃ ଆଡ଼ଗୁ ଆୟାରେନ୍ତାନାଏ ।”

୪:୪୪ ୪:୪୪ ମାଥୁ ୧୩:୫୭; ମାର୍କ ୬:୪; ଲୁକ ୪:୨୪. ୪:୪୫ ୪:୪୫ ଯୋହାନ୍ ୨:୨୩. ୪:୪୬ ୪:୪୬ ଯୋହାନ୍ ୨:୧-୧୧.
† ୪:୪୭ ୪:୪୭ ଗମ୍ବକେ ମାରାଙ୍ଗ୍ ହଡ଼ * ୫:୫ ୫:୫ ଚିରିଶ୍ † ୫:୫ ୫:୫ ଆଠ

୮ ଯୀଶୁ ଇନିଷକେ ମେତାଇୟାଏ, “ବିରିଦ୍‌ମେ, ପାରକମ୍‌ତାମାଃ ଗଅଃକେଦ୍‌ତେ ସେନଃମେ ।” ୯ ଆତଃ ଇମ୍‌ତାଗି ଏନ୍ ହଡ଼ ବୁଗିୟାନାଏ ଆତଃ ଆୟାଃ ପାରକମ୍ ଗଅଃକେଦ୍‌ତେ ସେନଃୟାନାଏ । ଏନା ରୁଡ଼ନ୍ତୁ ହୁଲାଙ୍ଗ୍ ତାଇକେନା, ୧୦ ଏନାମେନ୍ତେ ଯିହୁଦୀକ ବୁଗିଆକାନ୍ ହଡ଼କେ କାଜିକିୟାଃକ, “ତିସିଙ୍ଗ୍ ରୁଡ଼ନ୍ତୁ ହୁଲାଙ୍ଗ୍ ତାନାଃ, ପାରକମ୍ ଗଅଃ ଆମ୍‌କେ କା ଲାଗାତିଙ୍ଗ୍‌ୟାଃ ।”

୧୧ ମେନ୍‌ଦ ଇନିଃ କାଜିରୁହାଡ଼ାଦ୍‌କଆଏ, “ଆଇଙ୍ଗ୍‌କେ ବୁଗିକେଦ୍‌ନିଃ ପାରକମ୍ ଗଅଃକେଦ୍‌ତେ ସେନଃମେ ମେତାଦିୟାଏ ।”

୧୨ ଏନ୍ତେ ଇନ୍‌କୁ ଇନିଷକେ କୁଲିକିୟାଃକ, “ପାରକମ୍‌ତାମାଃ ଗଅଃକେଦ୍‌ତେ ସେନଃମେ ମେତାଦ୍‌ମେ ହଡ଼ ଅକଏ ତାନିଃ ?”

୧୩ ମେନ୍‌ଦ ଏନ୍ ବୁଗିଆକାନ୍ ହଡ଼ ଯୀଶୁ ଅକଏ ତାନିଃ ନେଆଁ କାଏ ସାରିତାନ୍ ତାଇକେନା, ଏନ୍ତାଃରେ ଗାଦେଲ୍ ହଡ଼କ ତାଇକେନ୍ ହରାତେ ଯୀଶୁଦ୍ ଦାନାଙ୍ଗ୍‌କେଦ୍‌ତେ ସେନଃୟାନାଏ ।

୧୪ ନେଆଁ ତାୟମ୍‌ତେ ଯୀଶୁ, ବୁଗିଆକାନ୍ ହଡ଼କେ ମାନ୍‌ର ଅଡ଼ାଃରେ ନାମ୍‌କିୟାଏ ଆତଃ ମେତାଇୟାଏ, “ନେଲେମେ ଆମ୍ ବୁଗିଆକାନାମ୍, ଆତଃ ଆଲମ୍ ପାପ୍‌ପେଆ କା'ରେଦ୍ ନେଆଁଏତେ ଆଦ୍‌କା ଏଡ଼କାନ୍ ଦୁକୁରେ ଉୟୁଗଃଆମ୍ ।”

୧୫ ଏନ୍ ହଡ଼ ସେନଃୟାନ୍ତେ, ଆଇଙ୍ଗ୍‌କେ ବୁଗିକେଦ୍ ହଡ଼ ଯୀଶୁ ତାନିଃ ମେନ୍ତେ ଯିହୁଦୀକଆଃ ହାକିମ୍‌କେ ଉଦୁବାଦ୍‌କଆଏ । ୧୬ ଏନ୍ତେ ଯୀଶୁ ନେ କାମିକେ ରୁଡ଼ନ୍ତୁ ହୁଲାଙ୍ଗ୍‌ରେ କାମିକେଦ୍ ମେନ୍ତେ ଯିହୁଦୀକ ଇନିଷକେ ସାସାତିକିୟାଃକ । ୧୭ ମେନ୍‌ଦ ଯୀଶୁ ଇନ୍‌କୁକେ କାଜିରୁହାଡ଼ାଦ୍‌କଆଏ, “ଆପୁଇଙ୍ଗ୍ ତାଇୟାଃ ଜାନାଅ କାମିତାନାଏ ଆତଃ ଏନ୍‌ଲେକା ଆଇଙ୍ଗ୍ ହଗି କାମିତାନାଇଙ୍ଗ୍ ।”

୧୮ ଏନ୍ତେ ଯିହୁଦୀକ ଯୀଶୁକେ ପୁରାଃଗି ଗଗଏଃ ସାନାଙ୍ଗ୍‌କେଦାକ, ଚିୟାଃତି ଯୀଶୁ ରୁଡ଼ନ୍ତୁ ହୁଲାଙ୍ଗ୍‌କେ କାଏ ମାନାତିଙ୍ଗ୍‌କେଦାଃ, ଆତଃ ନେଆଁ ନାଗେନ୍ତେ ଏସକାର୍ କାହା, ମେନ୍‌ଦ ପାର୍‌ମେଶ୍ୱାର୍‌କେ ଇନିଃ ଆୟାଃ ଆପୁ ମେନ୍‌କେଦାଏ ଆତଃ ଆପାନ୍‌କେ ପାର୍‌ମେଶ୍ୱାର୍‌ଲଃ ଜକା କେଦାଏ ।

ଯୀଶୁ ଯୀହୁଦିକତାଃରେ ପାର୍‌ମେଶ୍ୱାର୍‌ଆଃ ହନ୍ ମେନ୍ତେ ଉଦୁବଃତାନା

୧୯ ଏନ୍ତେ ଯୀଶୁ କାଜିରୁହାଡ଼ାଦ୍‌କଆଏ, “ସାର୍‌ତିଗି କାଜିୟାପେ ତାନାଇଙ୍ଗ୍, ହନ୍ ଆୟାଃତେ ଜେଡ଼ନାଃ କାଏ କାମିଦାଡ଼ିୟାଃ, ଆପୁକେ କାମିକେଦ୍‌ତେୟାଃ ନେଲ୍‌କିଃତେ ଏନା ଏସକାର୍ ଇନିଃ କାମିୟାଏ, ଆପୁ କାମିକାଦ୍ ସବେନ୍ କାମିକ ହନ୍‌ହ ଏନାଲେକାଗି କାମିକାଦାଃଏ । ୨୦ ଚିୟାଃତି ଆପୁଦ୍ ହନ୍‌କେ ଦୁଲାଡ଼ିତାନାଏ ଆତଃ ଇନିଃ ଆୟାଃ କାମିକାଦ୍ ସବେନାଃ ଉଦୁବାଇତାନାଏ ଆତଃ ଆପେ ଚିଲ୍‌କା ହାଏକାଟ୍‌ଆଃ ଏନାମେନ୍ତେ ନେଆଁଏତେ ଆତଃ ମାରାଙ୍ଗ୍ କାମି ଉଦୁବାଇୟା । ୨୧ ଆପୁ ଜେ'ଲେକା ଗଜାକାନ୍‌କକେ ଜୀଉବିରିଦ୍‌କେଦ୍‌ତେ ଜୀଦାନ୍ ଏମାଃଏ ଏନ୍‌ଲେକା ହନ୍‌ହଗି ଆୟାଃ ସାନାଙ୍ଗ୍‌ତାନ୍‌କକେ ଜୀଦାନ୍ ଏମାଃଏ । ୨୨ ଆତଃ ଆପୁଦ୍ ଆଇଃକ୍‌ଗି ଜେତାଏକେ କାଏ ବିଚାର୍‌କଆ ମେନ୍‌ଦ ଗଟାବିଚାର୍ ନାଗେନ୍ତେ ଇନିଃ ଆୟାଃ ହନ୍‌କେ ଏମ୍‌କିୟାଏ । ୨୩ ନେଆଁମେନ୍ତେ ସବେନ୍‌କ ଆପୁକେ ମାଇନିତାନ୍‌ଲେକା ହନ୍‌କେହ ମାଇନିଆକ । ହନ୍‌କେ କାଏ ମାଇନିନିଃ କୁଲାକାଇ ଆପୁକେ ହଗି କାଏ ମାଇନିଆଃ ।

୨୪ “ସାର୍‌ତିଗି କାଜିୟାପେ ତାନାଇଙ୍ଗ୍, ଆଇଁୟାଃ କାଜି ଆୟୁମ୍‌ତାନ୍ ଆତଃ ଆଇଁୟାଃ କୁଲିନିଃରେ ବିଶ୍ୱାସ୍‌ତାନ୍ ହଡ଼ ଜାନାଅ ଜୀଦାନ୍ ନାମାକାଦାଃଏ ଆତଃ ଇନିଃ କାଏ ବିଚାର୍‌ଆଃ; ମେନ୍‌ଦ ଇନିଃ ଗନଏଃ ଏତେ ଜୀଦାନ୍‌ରେ ପାରମ୍ ସେଟେରକାନାଏ । ୨୫ ସାର୍‌ତିଗି କାଜିୟାପେ ତାନାଇଙ୍ଗ୍ ଏନ୍ ଦିପିଲି ହିଜୁଃଆ, ନାହାଁଃ ହଗି ହିଜୁଆକାନା, ଏନାରେ ଗଜାକାନ୍‌କ ପାର୍‌ମେଶ୍ୱାର୍‌ଆଃ ହନ୍‌ଆଃ ସାଡ଼ିକ ଆୟୁମେୟା ଆତଃ ଆୟୁମେକ ଜୀହିଦଃଆ । ୨୬ ଆପୁଦ୍ ଆୟାଃତେଗି ଜୀହିଦଃତାନ୍ ଲେକା, ହନ୍‌କେ ହଗି ଆୟାଃତେଗି ଜୀହିଦଃରେୟାଃ ପେଡ଼େଃ ଏମ୍‌କିୟାଏ । ୨୭ ଆତଃ ଇନିଃ ମାନଝାହନ୍ ତାନିଃ ମେନ୍ତେ ଇନିଃକେ ବିଚାର୍‌ରେୟା ପେଡ଼େଃ ଏମାକାଇୟାଏ । ୨୮ ନେଆଁତେ ଆଲ୍‌ପେ ହାଏକାଟ୍‌ଆଃ, ଏନ୍ ଦିପିଲିଦ୍ ହିଜୁଃଆ ଏନାରେ ସବେନ୍ ତପାକାନ୍‌କ ଇନିୟାଃ ସାଡ଼ିକ ଆୟୁମେୟା ୨୯ ଆତଃ ଇନ୍‌କୁ ତପାକାନ୍‌ଏତେ ଅଡ଼ଙ୍ଗ୍‌ଆଁକ, ବୁଗିନ୍‌ଆଃ କାମିକାଦ୍‌କ ଜୀଦାନ୍ ନାମେ ନାଗେନ୍ତେ ଆତଃ ଏଡ଼କାନାଃ କାମିକାଦ୍‌କ ବିଚାର୍‌ରେୟାଃ ସାଜାଇ ନାମେ ନାଗେନ୍ତେ ଇନ୍‌କୁଆଃ ଜୀଉବିରିଦ୍ ହବାଅଃଆ ।

ଯୀଶୁଆଃ ଗାଝା

୩୦ “ଆଇଙ୍ଗ୍ ଆଇଁୟାଃ ପେଡ଼େଃତେ ଜେଡ଼ନାଃ କାଇଙ୍ଗ୍ କାମିଦାଡ଼ିୟାଃ, ଆଇଙ୍ଗ୍‌କେ ପାର୍‌ମେଶ୍ୱାର୍ କାଜିତାନ୍ ଲେକାଗିଇଙ୍ଗ୍ ବିଚାରେତାନା ଆତଃ ଆଇଁୟାଃ ବିଚାର୍ ସାର୍‌ତିଗିଆଃ, ଚିୟାଃତି ଆଇଙ୍ଗ୍‌ଦ୍ ଆଇଁୟାଃ ମନେଲେକା କାହା ମେନ୍‌ଦ କୁଲାକାନ୍‌ନିୟାଃ ମନେଲେକା ସେସେନ୍ ନାଗେନ୍ତେ ସାନାଙ୍ଗ୍‌ତାନା । ୩୧ ଆଇଙ୍ଗ୍ ଆଇଁୟାଃ ଗାଝା କାଜିରେଦ୍ ଆଇଁୟାଃ ଗାଝା କା ସାର୍‌ତିଝାଃ । ୩୨ ଆଇଁୟାଃ ଗାଝା ପେରେନିଃ ଏଗାଃ ତାନିଃ ଆତଃ ଆଇଁୟାଃ ନାଗେନ୍ତେ ଇନିଃ ଏମେତାନ୍ ଗାଝା ସାର୍‌ତିଗିଆଃ ନେଆଁଇଙ୍ଗ୍

ଇତୁଆନ୍ତାନା । ୩୩ ✧ଆପେ ଯୋହାନ୍ତାଠାରେ ହତକକେ କୁଲକେଦକଆ ଆତଃ ଇନିଃ ସାନାରୁତିରେଆ ଗାଞ୍ଜା ଏମ୍‌କେଦାଃ । ୩୪ ଆଇଙ୍ଗକେ ହତସାଃଏତେ ଗାଞ୍ଜା କା ଲାଗାତିଙ୍ଗୟାଃ, ମେନ୍ଦ ଆପେୟାଃ ବାଞ୍ଚାଅଃ ନାଗେନ୍ତେଦ ନେ ସବେନାଃ କାଜିତାନାଇଙ୍ଗ । ୩୫ ଯୋହାନ୍ କୁଲଃତାନ୍ ଆତଃ ମାସ୍ତାଲେତାନ୍ ଦିମି ତାଇକେନାଏ, ଆତଃ ଆପେକେ ଇନିୟାଃ ମାର୍ସାଲ୍‌ରେ ଘାଡ଼ିକାଦ ରାସ୍‌କା ସାନାଙ୍ଗ୍ ଲେଦ୍‌ପେୟା । ୩୬ ମେନ୍ଦ ଯୋହାନ୍‌ଆଃ ଗାଞ୍ଜାଏତେ ମାରାଙ୍ଗ୍ ଗାଞ୍ଜା ଆଇୟାଃତାଃରେୟା, ଚିଆଃତି ଆପୁଇଙ୍ଗ୍ ଏମାକାଦ୍ କାମିକକେ ତାବାଏ ନାଗେନ୍ତେ ଏମାକାଦିୟାଏ, ଆଇଙ୍ଗ୍ ଅକନ୍ କାମିକ ରିକାତାନାଇଙ୍ଗ୍ ଏନ୍‌ସବେନାଃ ଆପୁଇଙ୍ଗ୍ ଆଇଙ୍ଗ୍‌କେ କୁଲକାଦିୟାଏ ଏନାରେୟାଃ ଗାଞ୍ଜା ଏମେତାନା । ୩୭ ✧ଆତଃ ଆଇଙ୍ଗ୍‌କେ କୁଲକାଦ୍ ଆପୁ ଆଇୟାଃ ନାଗେନ୍ତେ ଗାଞ୍ଜା ଏମେତାନାଏ, ଆପେ ଇନିୟାଃ ସାଡ଼ି ଚିତଲାହଗି କାପେ ଆୟୁମାକାଦାଃ ଆତଃ ଇନିୟାଃ ମେଦ୍‌ମୁହାଡ଼୍ କାପେ ନେଲକାଦାଃ । ୩୮ ଆତଃ ଇନିୟାଃ କାଜି ଆପେରେ କା ତାଇନ୍‌ତାନା, ଚିୟାଃତି ଆପେଦ ଇନିଃ କୁଲକାଇନିଃରେ କାପେ ବିଶ୍ୱାସ୍‌ତାନା । ୩୯ ଆପେ ଧାରାମ୍‌ପୁଅରେ ଦାଣ୍ଠାଏ ତାନାପେ, ଚିୟାଃତି ଆପେଦ ଏନାରେ ଜାନାଅ ଜୀଦାନ୍‌ବୁ ନାମେୟା ମେନ୍ତେପେ ଆଟ୍‌କାରେତାନା । ଆତଃ ଏନାଗି ଆଇୟାଃ ଗାଞ୍ଜା ଏମେତାନା । ୪୦ ମେନ୍ଦ ଜୀଦାନ୍ ନାମ୍ ନାଗେନ୍ତେ ଆପେକେ ଆଇୟାଃତାଃରେ ହିଜୁଃ କା ସାନାଙ୍ଗ୍‌କେଦ୍‌ପେୟା ।

୪୧ “ଆଇଙ୍ଗ୍ ହତକତାଃ ଏତେ ମାଇନ୍ କାଇଙ୍ଗ୍ ନାମେତାନା, ୪୨ ମେନ୍ଦ ଆପେ ଚିଲକାନ୍ ହତ୍ ତାନ୍‌ପେ ଆଇଙ୍ଗ୍ ଆପେକେ ସାରିତାନାଇଙ୍ଗ୍, ଚିୟାଃତି ଆପେୟାଃ ମନ୍‌ରେ ପାର୍‌ମେଶ୍ୱାର୍‌ଆଃ ଦୁଲାଡ଼୍ ବାନଆଃ । ୪୩ ଆଇଙ୍ଗ୍ ଆପୁଆଃ ନୁଡୁମ୍‌ତେଗି ହିଜୁଆକାନାଇଙ୍ଗ୍ ଆତଃ ଆପେ କାପେ ଦାରମ୍‌ତାନା, ଏଟାଃନିଃ ଆୟାଃ ନୁଡୁମ୍‌ତେଗି ହିଜୁଃରେଦ ଇନିଃକେ ଆପେ ଦାରମିୟା । ୪୪ ଆପେ ମିଆଁଦ୍‌ନିଃ ଏଟାଃନିଃଏତେ ମାଇନ୍‌ପେ ନାମ୍‌ତାନା ଆତଃ ଏନ୍ ମିଆଁଦ୍‌ଗି ପାର୍‌ମେଶ୍ୱାର୍‌ଏତେ ହିଜୁଃତାନ୍ ମାଇନ୍ କାପେ ଦାଣ୍ଠାଏତାନା, ଏନ୍ତେଦ ଚିଲକାତେପେ ବିଶ୍ୱାସ୍‌ଦାଡ଼ିୟାଃ ? ୪୫ ଆଇଙ୍ଗ୍ ଆପୁଆଃ ଆୟାର୍‌ରେ ଚିଟାପେୟା ଏନ୍‌ଲେକା ଆଲ୍‌ପେ ଆଟ୍‌କାରେୟା, ଆପେ ଅକନ୍ ମୁଶାରେ ଆସ୍ତାଏତାନାପେ ଇନିଃଗି ଆପେୟାଃ ଚିଟାନ୍‌ନିଃ ତାନିଃ । ୪୬ ଆପେ ମୁଶାରେପେ ବିଶ୍ୱାସ୍‌ସେରେଦ ଆଇଙ୍ଗ୍‌ରେ ହଗି ବିଶ୍ୱାସ୍‌ସେତେଆଃ, ଚିୟାଃତି ଇନିଃଦ ଆଇୟାଃ ବିଷାଏରେ ଅଲ୍‌କେଦାଏ । ୪୭ ମେନ୍ଦ ଆପେ ମୁଶାରାଃ ଅନଲ୍‌ରେ କାପେ ବିଶ୍ୱାସ୍‌ସେରେଦ, ଚିଲକାକେଦ୍‌ତେ ଆଇୟାଃ କାଜିରେପେ ବିଶ୍ୱାସ୍‌ସେଆ ?”



ୟାଶୁ ପାଞ୍ଚ ହାଜାର୍ ହତକକେ ଜମେୟାଃ ଏମାଦ୍‌କଆଏ
(ମାଥୂଉ ୧୪:୧୩-୨୧; ମାର୍କ ୬:୩୦-୪୪; ଲୁକ ୯:୧୦-୧୭)

୧ ଏନା ତାୟମ୍‌ତେ ଯାଶୁ ଗାଲିଲ୍ ଚାଏ ଡିବିରିୟା ଦରେୟା ହାନ୍ ପାରମ୍‌ତେ ସେନଃୟାନାଏ । ୨ ଆତଃ ପୁରାଃ ଗାଦେଲ୍ ହତକ ଇନିଃକେ ଅତଙ୍ଗକିୟାଃକ, ଚିୟାଃତି ଇନ୍‌କୁଦ ହାସୁତାନ୍ କରେ ଇନିଃ କାମିକେଦ୍ ଚିଙ୍ଗାକ ନେଲ୍‌କେଦାଃ । ୩ ଆତଃ ଯାଶୁ ବୁରୁ ଚେତାନ୍‌ରେ ଦେଏଃୟାନ୍ତେ ଏନ୍ତାଃରେ ଆୟାଃ ଚେଲକଲଃ ଦୁବ୍‌ୟାନାଏ । ୪ ଆତଃ ଯିହୁଦୀକଆଃ ପାସ୍‌କା ପାରାବ୍ ନାଡ଼େଃଜାକାନ୍ ତାଇକେନା । ୫ ଆତଃ ଯାଶୁ ଆରିଦ୍‌କେଦ୍‌ତେ, ପୁରାଃ ଗାଦେଲ୍ ହତକ ଆୟାଃତାଃରେ ହିଜୁଃତାନ୍ ନେଲ୍‌କେଦ୍‌କଆଏ, ଆତଃ ଇନିଃ ଫିଲିପ୍‌କେ କାଜିକିୟାଏ, “ନିକୁଆଃ ଜମେ ନାଗେନ୍ତେ ପୁରାଃ ହଲଙ୍ଗ୍ କତାଃଏତେବୁ କିରିଙ୍ଗ୍‌ୟେଆ ?” ୬ ମେନ୍ଦ ଇନିଃ ଫିଲିପ୍‌କେ ଆଟ୍‌କାରି ନାଗେନ୍ତେ ନେଆଁ କାଜିକିୟାଏ, ଇନିଃଦ ଚିକ୍‌ନାଃଇଙ୍ଗ୍ ଚିକାୟା ଏନା ଆଇଃକ୍‌ଗି ସାରିତାନାଏ ତାଇକେନା ।

୭ ଫିଲିପ୍ ଇନିଃକେ କାଜିରୁହାଡ଼କିୟାଏ, “ମିଆଁଦ୍‌ନିଃ ହୁଡ଼ିଙ୍ଗ୍‌ଲେକାଏ ଜମେରେୟଗି, ହଲଙ୍ଗ୍ ପୁରାଅଃନାଙ୍ଗ୍ ୨୦୦ ରୁପାରାଃ ସିକାତେ ହଲଙ୍ଗ୍ କିରିଙ୍ଗ୍ ଲାଗାତିଙ୍ଗୟାଃ ।”

୮ ଏନ୍ତେ ଚେଲକାଏତେ ମିଆଁଦ୍‌ନିଃ ଶିମୋନ୍ ପାଡ଼ରାସ୍‌ରାଃ ହାଗାତେ ଆକ୍ରିୟ ଇନିଃକେ ମେନ୍‌କିୟାଏ, ୯ “ନେତାଃରେ ମିଆଁଦ୍ ସେପେଡ଼େଦ୍ ମେନାଇୟା, ଇନିଃତାଃରେ ମଣେୟା ଗହମ୍‌ରାଃ ହଲଙ୍ଗ୍ ଆତଃ ବାରିଆ ହାକୁ ମେନାଃ, ମେନ୍ଦ ନେଆଁ ନିମିନାଙ୍ଗ୍ ହତକ ନାଗେନ୍ତେ କା ହବାଅଆଃ ।”

୧୦ ଯାଶୁ ଚେଲକାକେ କାଜିୟାଦ୍‌କଆଏ, “ହତକକେ ଦୁବ୍‌କପେ,” ଏନ୍ତାଃରେ ପୁରାଃ ତାସାଦ୍ ତାଇକେନା, ଆତଃ ସବେନ୍ ହତକ ଦୁବ୍‌ୟାନାକ, ଇନ୍‌କୁଦ ପାଞ୍ଚ ହାଜାର୍ କଡ଼ାକ ତାଇକେନା । ୧୧ ଯାଶୁ ହଲଙ୍ଗ୍‌କେ ସାବ୍‌କେଦାଏ ଆତଃ ବିକ୍ରିକେଦ୍‌ତେ ଦୁବାକାନ୍‌କକେ ହାଟିଙ୍ଗ୍‌ଆଦ୍‌କଆଏ, ଏନ୍‌ଲେକାଗି ହାକୁକେହ ଇନ୍‌କୁକେ ଏମାଦ୍‌କଆଏ, ଆତଃ ଇନ୍‌କୁ ଆକଆଃ ସାନାଙ୍ଗ୍ ଲେକା ଜମ୍‌କେଦାଃକ । ୧୨ ଆତଃ ଇନ୍‌କୁ ବି'ୟାନାକ, ଏନ୍ତେ ଇନିଃ ଆୟାଃ ଚେଲକାକେ କାଜିୟାଦ୍‌କଆଏ, “ସାରେଜାକାନ୍ କେଚାଃକ ହୁଣ୍ଡିପେ, ଜେଡ଼ନାଃ ଆଲକା ନକ୍‌ସାନଃକା ।” ୧୩ ଏନ୍ତେ ଇନ୍‌କୁ ଏନ୍ କେଚାଃ ହଲଙ୍ଗ୍ ହୁଣ୍ଡିକେଦାଃକ ଆତଃ

✧ ୫:୩୩ ୫:୩୩ ଯୋହାନ୍ ୧:୧୯-୨୭; ୩:୨୭-୩୦. ✧ ୫:୩୭ ୫:୩୭ ମାଥୂଉ ୩:୧୭; ମାର୍କ ୧:୧୧; ଲୁକ ୩:୨୨.

ହତକ ଏନ୍ ମଣେୟା ଗହମ୍ ହଲଙ୍ଘରେୟା କେଟାଏତେ ବିଇକେଦ୍‌ତେ, ସାରେଜାକାନ୍ କେଟାଏତେ ବାରା ଟୁଲିକ ପେରେଃକେଦାଃ ।

୧୪ ଏନ୍ତାଃରେ ତାଇକେନ୍ ହତକ ଯୀଶୁ କାମିକେଦ୍ ନେ ଚିହ୍ନାଁ ନେଲ୍‌କେଦ୍‌ତେ ମେନ୍‌କେଦାଃ, “ସାର୍‌ତିଗି ଅତେଦିଶୁମ୍‌ରେ ହିଜୁଃତାନ୍ ନାବୀ ନିଃ ତାନିଃ ।” ୧୫ ଇନ୍‌କୁ ହିଜୁଆଃକ ଆଡଃ ସାର୍‌କେଦ୍‌ତେ ରାଜାଲୟାକ ନେଆଁ ଆଟ୍‌କାର୍‌କେଦ୍‌ତେ, ଯୀଶୁ ଆଇଃକ୍ ଏସ୍‌କାର୍‌ଗି ରୁରୁତେ ଅଡ଼ଙ୍‌ୟାନା ।

ୟୀଶୁ ଦାଆଃରେ ସେସେନ୍‌ତାନାଏ

(ମାଥୁଉ ୧୪:୨୨-୩୩; ମାର୍କ ୬:୪୫-୫୨)

୧୬ ଏନ୍ ହୁଲାଙ୍ ଆୟୁଦ୍‌ୟାନତି ଯୀଶୁଆଃ ତେଲାକ ଦରେୟା ଗେନାତେକ ଆଡ଼ଗୁୟାନା । ୧୭ ଆଡଃ ଇନ୍‌କୁ ଲାଉକାରେ ଦେଏଃୟାନ୍ତେ ଦରେୟା ହାନ୍ ପାରମ୍ କପର୍‌ନାହୁମ୍‌ସାଃତେକ ସେନଃତାନ୍ ତାଇକେନା । ଇମ୍‌ତାଲଃ ନୁବାଗାକାନ୍ ତାଇକେନା ଆଡଃ ଯୀଶୁ ଇନ୍‌କୁତାଃ କାଏ ହିଜୁଃକାନ୍ ତାଇକେନାଏ । ୧୮ ଏନ୍ତେ ମାରାଙ୍ ହୟ ହୟକେଦ୍‌ତେ ଦରେୟା ଆଲ୍‌ପୁଙ୍‌ତେ ଏକ୍‌ଲୀଅଃତାଇକେନା । ୧୯ ଇନ୍‌କୁ ପାଞ୍ଚ ଗହେ ଛ କିଲୋମିଟର୍ ଲାଉକା ଇଦିକେଦ୍‌ତି, ଯୀଶୁକେ ଦରେୟାରେ ସେସେନ୍‌ତାନ୍ ଆଡଃ ଲାଉକା ନାଡ଼େଃତେ ହିଜୁଃତାନ୍ ନେଲ୍‌କେଦ୍‌ତେ ବରକେଦାକ । ୨୦ ମେନ୍‌ଦ ଯୀଶୁ ଇନ୍‌କୁକେ କାଜିୟାଦ୍‌କଆଏ, “ଆଇଙ୍ଘ୍ ତାନିଙ୍ଘ୍ ଆଲ୍‌ପେ ବରଏୟା ।” ୨୧ ଏନ୍ତେ ଇନ୍‌କୁ ଇନିଃକେ ଲାଉକାରେ ରାକାବ୍‌ନାଙ୍ଘ୍ ସୁକୁୟାନାକ ଆଡଃ ଇମ୍‌ତାଗି ଇନ୍‌କୁ ସେନଃତାନ୍ ଠାୟାଦ୍‌ତେ ଲାଉକା ସେଟେର୍‌ୟାନା ।

ୟୀଶୁକେ ହତକ ଦାଣ୍ଠିଇତାନାକ /

୨୨ ଏଟାଃ ହୁଲାଙ୍ ଦରେୟା ହାନ୍ ପାରମ୍‌ରେ ତିଜୁଆକାନ୍ ହତକ ନେଆଁ ନେଲ୍ କେଦାକ, ଏନ୍ତାଃରେ ମିଆଁଦ୍ ଲାଉକା ବାଗିକେଦ୍‌ତେ ଆଡଃ ଏଟାଃ ଲାଉକା କା ତାଇକେନା ଆଡଃ ଯୀଶୁ ଆୟାଃ ତେଲାକଲଃ ଲାଉକାରେ କାଏ ବଲୟାନା ମେନ୍‌ଦ ଇନିୟାଃ ତେଲାକ ଏସ୍‌କାର୍ ସେନଃୟାନା । ୨୩ ମେନ୍‌ଦ ପ୍ରାଭୁ ଧାନାବାଦ୍ ଏମ୍‌କେଦ୍‌ତି ଇନ୍‌କୁ ହଲଙ୍ଘ ଜମ୍‌କେଦ୍ ଠାୟାଦ୍ ନାଡ଼େଃ ତିବିରିୟାଏତେ ଆଡଃତିମିନ୍ ଲାଉକା ହିଜୁଃୟାନା । ୨୪ ଏନ୍ତେ ଗାଦେଲ୍ ହତକ ଯୀଶୁ ନେତାଃରେ ବାଙ୍ଘାୟାଃ ଆଡଃ ଇନିୟାଃ ତେଲାକହ ବାଙ୍ଘାକଆ ନେଆଁ ନେଲ୍‌କେଦ୍‌ତେ, ଆକଗି ଲାଉକାରେ ଦେଏଃୟାନ୍ତେ ଯୀଶୁକେ ଦାଣ୍ଠିଇତାନ୍‌ଲଃ କପର୍‌ନାହୁମ୍‌ତେକ ସେନଃୟାନା ।

ୟୀଶୁ ଜୀଦାନ୍ ହଲଙ୍ଘ ତାନିଃ

୨୫ ହତକ ଯୀଶୁକେ ଦରେୟା ହାନ୍ ପାରମ୍‌ରେ ନାମ୍‌କିଃତେ କୁଲିକିୟାକ, “ହେ ଗୁରୁ, ଆମ୍ ନେତେ ଚିମ୍‌ତାମ୍ ହିଜୁଃୟାନା ?”

୨୬ ଯୀଶୁ ଇନ୍‌କୁକେ କାଜିରୁହାଡ଼ାଦ୍‌କଆଏ, “ସାର୍‌ତିଗି କାଜିୟାପେ ତାନାଇଙ୍ଘ୍, ଆପେ ଚିହ୍ନାଁ ନେଲ୍‌କେଦ୍‌ତେ କା ମେନ୍‌ଦ ହଲଙ୍ଘପେ ଜମ୍‌କେଦାଃ ଆଡଃପେ ବିଇୟାନା ଏନାମେନ୍ତେପେ ଦାଣ୍ଠିଇଙ୍ଘ୍‌ତାନା । ୨୭ ଜିୟନଃ ଜମେୟାଃ ନାଗେନ୍ତେ ଆଲ୍‌ପେ କାମିୟା ମେନ୍‌ଦ ଜାନାଅ ଜୀଦାନ୍ ଜାକେଦ୍ ତାଇନଃ ଜମେୟାଃ ନାଗେନ୍ତେ କାମିପେ, ଏନା ମାନଝାହନ୍ ଏମାପେୟାଏ । ଚିୟାଃତି ପାର୍‌ମେଶ୍‌ବାର୍ ଆପୁଦ୍, ଇନିଃତାଃରେ ଆୟାଃ ମୋହର୍ ଏମାକାଦାଃଏ ।”

୨୮ ଇନ୍‌କୁ ମେନ୍‌ରୁହାଡ଼ାୟା, “ପାର୍‌ମେଶ୍‌ବାର୍ ଆଲେତେ ସାନାଙ୍‌ତାନ୍ କାମି କାମିନାଗେନ୍ତେ ଚିନାଃଲେ ଚିକାୟା ?”

୨୯ ଯୀଶୁ କାଜିରୁହାଡ଼ାଦ୍‌କଆଏ, “ପାର୍‌ମେଶ୍‌ବାର୍‌ଆଃ କୁଲାକାନ୍‌ନିଃରେ ବିଶ୍ୱାସେପେ, ନେଆଁ ପାର୍‌ମେଶ୍‌ବାର୍‌ଆଃ କାମି ତାନାଃ ।”

୩୦ ଏନ୍ତେ ଇନ୍‌କୁ କୁଲିକିୟାକ, “ଆମାଃତାଃରେ ଆଲେ ବିଶ୍ୱାସେ ନାଗେନ୍ତେ, ଅକ ଚିହ୍ନାଁ ଉଦୁବେତାନା ? ଆମାଃ ଚିକାନ୍ କାମିତେଲେ ବିଶ୍ୱାସ୍ ଦାଡ଼ିୟାଃ ? ୩୧ ଆଲେୟାଃ ହାଡ଼ାମ୍ ହତକ ବିର୍‌ରେ ମାନ୍ନାକ ଜମ୍‌କେଦାଃ, ଧାରାମ୍‌ପୁଅରେ ନେଆଁ ଅଲ୍‌କାନା, ‘ଇନିଃ ଜମ୍ ନାଗେନ୍ତେ ସିର୍‌ମାଏତେ ହଲଙ୍ଘ ଇନ୍‌କୁକେ ଏମାଦ୍‌କଆଏ ।’”

୩୨ ଏନ୍ତେ ଯୀଶୁ ମେତାଦ୍‌କଆଏ, “ସାର୍‌ତିଗି କାଜିୟାପେ ତାନାଇଙ୍ଘ୍, ମୁଣା ଆପେକେ ହଲଙ୍ଘ ଏମାଦ୍‌ପେତେୟାଃ, ସିର୍‌ମାଏତେ ହିଜୁଆକାନ୍ ହଲଙ୍ଘ କା ତାଇକେନା, ମେନ୍‌ଦ ଆପୁଇଙ୍ଘ୍ ସିର୍‌ମାଏତେ ସାର୍‌ତି ହଲଙ୍ଘ ଏମାପେତାନାଏ । ୩୩ ସିର୍‌ମାଏତେ ଆଡ଼ଗୁୟାନ୍ ଆଡଃ ଅତେଦିଶୁମ୍‌କେ ଜୀଦାନ୍ ଏମେତାନ୍ ହଲଙ୍ଘ ଦ୍, ପାର୍‌ମେଶ୍‌ବାର୍‌ଆଃ ହଲଙ୍ଘ ତାନାଃ ।”

୩୪ ଇନ୍‌କୁ ଯୀଶୁକେକ କାଜିକିୟା, “ହେ ପ୍ରାଭୁ, ଏନ୍ ହଲଙ୍ଘ ଆଲେକେ ସବେନ୍‌ଇମ୍‌ତା ଏମାଲେମ୍ ।”

୩୫ ଯୀଶୁ ଇନ୍‌କୁକେ କାଜିୟାଦ୍‌କଆଏ, “ଜୀଦାନ୍ ହଲଙ୍ଘ ଆଇଙ୍ଘ୍‌ଗି ତାନିଙ୍ଘ୍ ଆଇୟାଃତାଃ ହିଜୁଃନିଃ ଚିଉଲାହ୍ କାଏ ରେଙ୍ଘେଜଆଃ ଆଡଃ ଆଇଙ୍ଘ୍‌ରେ ବିଶ୍ୱାସେନିଃ ଚିଉଲାହ୍ କାଏ ତେତାଙ୍‌ଆଃ । ୩୬ ମେନ୍‌ଦ ଆପେ ଆଇଙ୍ଘ୍‌କେ ନେଲ୍‌କେଦିଙ୍ଘ୍ ରେୟ କାପେ ବିଶ୍ୱାସ୍‌ତାନା ମେନ୍ତେଇଙ୍ଘ୍ କାଜିୟାପେ ତାନା । ୩୭ ଆପୁ

ଏମାକାଉଁଙ୍କ ସବେନକ ଆଇଁୟାଃତାଃତେକ ହିଜୁଃଆ, ଆତଃ ଆଇଁୟାଃତାଃ ହିଜୁଃନିଃକେ ଜେତାଲେକାତେ କାଉଁଙ୍କ ଅତଃକ୍‌ୟା । ୩୮ ଚିୟାଃତି ଆଉଁଙ୍କ ଦ ଆଇଁୟାଃ ଫନେଲେକା କାମି ନାଗେନ୍ତେ କାହା ଫେନଦ କୁଲ୍‌ନିୟାଃ ସାନାଉଁଙ୍କେ ପୁରାଏ ନାଗେନ୍ତେ ସିର୍ମାଏତେ ଆଡ଼ଗୁଆ କାନାଉଁଙ୍କ । ୩୯ ଆତଃ ଅକନକକେ ଇନିଃ ଆଉଁଙ୍କେ ଏମାକାଦିଃୟା ଇନକୁଏତେ ମିହୁଡ଼କେହଁ କା ଆଦକେଦ୍‌ତେ ଚୁଣ୍ଡ ହୁଲ୍‌ଆରେ ଏନ୍ ସବେନକକେ ଜୀଉବିରିଦକଆଉଁଙ୍କ, ନେଆଁଗି ଇନିୟାଃ ଇଛାସାନାଉଁଙ୍କ ତାନାଃ । ୪୦ ଚିଆଃତି ହଡ଼କ ହନକେ ନେଲକେଦ୍‌ତେ ଇନିଃତାଃରେକ ବିଶ୍ୱାସେଆ, ଆତଃ ଇନକୁ ଜେ'ଲେକା ଜାନାଅ ଜୀଦାନକ ନାମେଆ, ନେଆଁଗି ଆପୁଇଁୟାଃ ଇଛାସାନାଉଁଙ୍କ ତାନାଃ । ଆତଃ ଆଉଁଙ୍କ ଇନକୁକେ ଚୁଣ୍ଡ ହୁଲ୍‌ଆରେ ଜୀଉବିରିଦକଆଉଁଙ୍କ ।”

୪୧ ଯିହୁଦୀକ ଯୀଶୁଆଃ ବିଷାଏରେ ନଗମ୍‌ତଗମ୍‌ତାନକ ତାଇକେନା, ଚିୟାଃତି ଇନିଃଦ “ଆଉଁଙ୍କ ସିର୍ମାଏତେ ଆଡ଼ଗୁଆକାନ ହଲ୍‌ଙ୍କ ତାନିଃ” ଫେନକେଦାଏ । ୪୨ ଏନ୍ତେ ଇନକୁ କାଜିକେଦା, “ଚିୟାଃ ନିଃ ଯୋଷେଦ୍ ହନ୍ତେକଡ଼ା ଯୀଶୁ ନାହାଲିଃ ? ଆବୁ ଇନିୟାଃ ଏଙ୍ଗା ଆପୁକିନକେ ସାରିୟାଃରୁ, ଇନିଃ ସିର୍ମାହେତେ ଆଡ଼ଗୁଆକାନାଉଁଙ୍କ ଫେନ୍ତେ ନାହାଁଃ ଚିନାଃମେନ୍ତେ କାଜିତାନାଏ ?” ୪୩ ଯୀଶୁ ଇନକୁକେ କାଜିରୁହାଡ଼ାଦକଆଏ, “ଆପେ ଆପେରେ ଆଲ୍‌ପେ ନଗମ୍‌ତଗମ୍‌ଆଃ । ୪୪ ଆଉଁଙ୍କେ କୁଲ୍‌କାନ ଆପୁ କାଏ ଆଉଁଙ୍କରେଦ ଜେତାଏ ଆଇଁୟାଃତାଃ କାଏ ହିଜୁଃଦାଡ଼ିୟାଃ ଆତଃ ଆଉଁଙ୍କ ଇନିଃକେ ତାୟମ୍ ହୁଲ୍‌ଆରେ ଜୀଉ ବିରିଦିୟା । ୪୫ ନାବୀକଆଃ ଧାରାମ୍‌ପୁଅରେ ଅଲ୍‌କାନା, ‘ପାର୍‌ମେଶ୍ୱାର୍‌ତାଃଏତେ ଏସକାର୍ ସବେନକ ଇତୁନାଃକ ।’ ଆଇଁୟାଃ ଆପୁତାଃଏତେ ଆୟୁମାକାଦ୍ ଆତଃ ଇତୁଆକାଦ୍ ସବେନ ହଡ଼କ, ଆଇଁୟାଃତାଃତେକ ହିଜୁଃଆ । ୪୬ ଜେତାଏ ଆପୁକେ କାଏ ନେଲକାକାୟାଃ, ଫେନଦ ପାର୍‌ମେଶ୍ୱାର୍‌ତାଃଏତେ ହିଜୁଆକାନିଃ ଏସକାର୍ ଆପୁକେ ନେଲକାକାୟାଏ । ୪୭ ସାର୍‌ତିଗି କାଜିୟାପେ ତାନାଉଁଙ୍କ, ବିଶ୍ୱାସେନିଃ ଜାନାଅ ଜୀଦାନ ନାମେୟାଏ । ୪୮ ଜୀଦାନ ହଲ୍‌ଙ୍କ ଆଉଁଙ୍କି ତାନିଃ । ୪୯ ଆପେୟାଃ ହାଡ଼ାମ୍ ହଡ଼କ ବିରରେ ଏନ୍ ମାନ୍ନାକ ଜମକେଦା, ଏନ୍‌ରେହ ଗଏଃୟାନାକ । ୫୦ ଫେନଦ ସିର୍ମାଏତେ ଆଡ଼ଗୁଆକାନ ହଲ୍‌ଙ୍କ ନେଆଁ ତାନାଃ, ଏନା ଜମେନିଃ କାଏ ଗଜଃଆ । ୫୧ ସିର୍ମାଏତେ ଆଡ଼ଗୁଆକାନ ଜୀଦାନ ହଲ୍‌ଙ୍କ ଆଉଁଙ୍କ ତାନିଃ, ନେ ହଲ୍‌ଙ୍କ ଜେତାଏ ଜମେରେଦ ଜାନାଅ ଜାନାଅ ଜାକେଦ୍ ଜୀହିଦଃଆଏ । ହେଗି ଆଉଁଙ୍କ ଏମେ ହଲ୍‌ଙ୍କ ଆଇଁୟାଃ ମାସ୍ ତାନାଃ, ଏନା ଅତେଦିଶ୍ୱମକେ ବାସ୍ତାଅ ନାଗେନ୍ତେ ଏମେୟାଉଁଙ୍କ ।”

୫୨ ଏନା ନାଗେନ୍ତେ ଯିହୁଦୀକ ଆକ ଆକରେକ ଏପେଗେର୍‌ୟାନ୍ତେ ଫେନକେଦାଃ, “ଇନିଃ ଚିଲ୍‌କାତେ ଆୟାଃ ମାସ୍ ଜମେନାଉଁଙ୍କ ଆବୁକେ ଏମ୍ ଦାଡ଼ିରୁୟାଏ ?” ୫୩ ଏନ୍ତେ ଯୀଶୁ ଇନକୁକେ କାଜିୟାଦକଆଏ, “ସାର୍‌ତିଗି କାଜିୟାପେ ତାନାଉଁଙ୍କ, ଆପେ ମାନଃହନ୍‌ଆଃ ମାସ୍ କାପେ ଜମେରେଦ ଆତଃ ଇନିୟାଃ ମାୟୋମ୍ କାପେ ନୁଁଏରେଦ ଆପେରେ ଜୀଦାନ ବାନଆଃ । ୫୪ ଆଇଁୟାଃ ମାସ୍ ଜମେନିଃ ଆତଃ ଆଇଁୟାଃ ମାୟୋମ୍ ନୁଁଏନିଃ ଜାନାଅ ଜୀଦାନ ନାମେୟାଏ ଆତଃ ଆଉଁଙ୍କ ତାୟମ୍ ହୁଲ୍‌ଆରେ ଇନିଃକେ ଜୀଉ ବିରିଦିୟାଉଁଙ୍କ । ୫୫ ଆଇଁୟାଃ ମାସ୍ ସାର୍‌ତି ଜମେୟାଃ ତାନାଃ ଆତଃ ଆଇଁୟାଃ ମାୟୋମ୍ ସାର୍‌ତି ନୁଁଏୟାଃ ତାନାଃ । ୫୬ ଆଇଁୟାଃ ମାସ୍ ଜମେନିଃ ଆତଃ ଆଇଁୟାଃ ମାୟୋମ୍ ନୁଁଏନିଃ ଆଉଁଙ୍କରେ ତାଇନତାନାଏ ଆତଃ ଆଉଁଙ୍କ ଇନିଃରେକ୍‌ତେ ତାଇନତାନା । ୫୭ ଜୀନିଦ୍ ଆପୁ ଆଉଁଙ୍କେ କୁଲ୍‌କେଦିୟାଏ ଆତଃ ଆଉଁଙ୍କ ଆପୁଆଃ ହରାତେ ଜୀହୁଦଃତାନଲେକା ଆଉଁଙ୍କେ ଜମିନିଃ ଆଇଁୟାଃ ହରାତେ ଜୀହିଦଃଆଏ । ୫୮ ସିର୍ମାଏତେ ଆଡ଼ଗୁଆକାନ ହଲ୍‌ଙ୍କ ନେଆଁ ତାନାଃ, ହାଡ଼ାମ୍ ହଡ଼କ ଜମକେଦ୍ ଆତଃକ ଗଏଃୟାନା ଲେକାଦ କାହା, ଫେନଦ ନେ ହଲ୍‌ଙ୍କ ଜମେନିଃ ଜାନାଅ ଜାନାଅ ଜାକେଦ୍ ଜୀହିଦଃଆଏ ।”

୫୯ କପରନାହୁମ୍ ହାତୁରେୟାଃ ସାମାଜ୍ ଅଡ଼ାଃରେ ଇତୁକତାନଲଃ ଇନିଃ ନେ କାଜି କାଜିୟାଦକଆଏ ।

ଜାନାଅ ଜୀଦାନରାଃ ବାଚାନ୍

୬୦ ଏନ୍ତେ ଯୀଶୁଆଃ ଚେଲକାଏତେ ପୁରାଃକ ନେଆଁ ଆୟୁମକେଦ୍‌ତେ ଫେନକେଦାଃ, “ନେ କାଜି କେଚେଦ୍‌ଗିୟା, ନେଆଁ ଅକଏ ଆୟୁମଦାଡ଼ିୟାଏ ।”

୬୧ ଫେନଦ ଯୀଶୁକେ ଜେତାଏ କାକ କାଜିରେହଁ, ଚେଲା ତାୟାଃକ ନେ କାଜି ନାଗେନ୍ତେ ନଗମ୍‌ତଗମ୍‌ୟାନାକ ନେଆଁ ଆୟାଃ ଜୀଉରେ ସାରିକେଦ୍‌ତେ ମେତାଦକଆଏ, “ଚିୟାଃ ଆପେ ନେଆଁ ନାଗେନ୍ତେ ଆଡ଼ାଃଉଡ଼ୁଗଃ ତାନାପେ ? ୬୨ ଏନ୍ତେ ଆପେ ମାନଃହନ୍‌କେ ସିଦା ତାଇକେନ୍ ଠାୟାଦ୍‌ତେ ରାକାବ୍‌ତାନପେ ନେଲିରେଦ ଚିନାଃ ଚିକାଃଃ ? ୬୩ ପାର୍‌ମେଶ୍ୱାର୍‌ରାଃ ଆମ୍ ଜୀଦାନ ଏମଃନିଃ ତାନିଃ, ହଡ଼ରାଃ ପେଡ଼େଃ ଜେଡ଼ନାଃ କାମି କାଏ ଦାଡ଼ିୟା । ପାର୍‌ମେଶ୍ୱାର୍‌ଆଃ ଜୀଦାନ ଏମଃ ଆମ୍‌କେ ଆପେ ଜେ'ଲେକା ଆବ୍‌କାର୍‌ଉରୁମ୍ ଦାଡ଼ିୟାପେ ଏନାମେନ୍ତେ ଆଉଁଙ୍କ ନେ ସବେନାଃ କାଜିକେଦାଉଁଙ୍କ । ୬୪ ଏନ୍‌ରେୟ ଆପେକଏତେ ଚିମିନକ କାକ ବିଶ୍ୱାସ୍‌ତାନା,” ଚିୟାଃତି ଯୀଶୁଦ୍ ଏନ୍ କା ବିଶ୍ୱାସ୍‌ତାନ

ଆତ୍ମା ଇନିଷତାରେ ଏଡ଼କାନ୍‌ଆଃ ବାନ‌ଆଃ । ୧୯ ଚିୟାଃ ମୁଣା ଆପେକେ ଆନ୍‌ରୁ କାଏ ଏମାକାଦପେୟା ? ଏନ୍‌ରେୟ ଆପେକଏତେ ଜେତାଏୟ ଆନ୍‌ରୁ କାକ ମାନାତିକ୍‌ତାନା, ଆପେ ଚିକାନାକ୍‌ ଆଇକ୍‌କେ ଗଗଏଃ ସାନାକ୍‌ତାନାପେ ?”

୨୦ ଗାଦେଲ୍ ହଡ଼କ କାଜିରୁହାଡ଼କିୟାକ, “ଆମ୍‌କେ ବଜା ଏସେରାକାଦମେୟାଏ, ଅକଏ ଆମ୍‌କେ ଗଗଏଃ ସାନାକ୍‌ତାନାଏ ?”

୨୧ ଯୀଶୁ ଇନ୍‌କୁକେ କାଜିରୁହାଡ଼କିୟାକ, “ଆଇକ୍‌ ମିଆଁଦ୍ ପେଡ଼େୟାନ୍ କାମିକ୍ କାମିୟାକାଦ୍ ନାଗେନ୍ତେ ଆପେ ସବେନ୍‌କ ହାଏକାଟଃତାନା । ୨୨ ନେୟାମେନ୍ତେ ମୁଣା ଆପେୟାଃ ହନ୍‌କକେ ଖାଡ଼ନାଅରେୟାଃ ଆନ୍‌ରୁ ଏମାକାଦପେୟାଏ, ଏନାଦ୍ ମୁଣାଏତେ କାହା ମେନ୍‌ଦ୍ ହାଡ଼ାମ୍ ହଡ଼କଆଃ ସାଃଏତେଗି, ଆତ୍ମା ଆପେ ରୁଡ଼ନ୍ ହୁଲାକ୍‌ରେ କଡ଼ାହନ୍‌କକେ ଖାଡ଼ନାଅକତାନାପେ । ୨୩ ମୁଣା ଅଲ୍‌କାନ୍‌ ଆନ୍‌ରୁ ଆଲକା ଟଗାଗଃକା ମେନ୍ତେ ରୁଡ଼ନ୍ ହୁଲାକ୍‌ରେ ମିଆଁଦ୍ କଡ଼ାହନ୍‌ରାଃ ଖାଡ଼ନାଅରେଦ୍, ଆଇକ୍‌ ରୁଡ଼ନ୍ ହୁଲାକ୍‌ରେ ମିଆଁଦ୍ ହଡ଼କେ ପୁରାଗି ବୁଗିକାଇ ହରାତେ, ଆପେ ଚିନାଃ ଆଇକ୍‌କେପେ ଏସେଦାକ୍‌କ୍‌ ତାନା ? ୨୪ ମେନ୍‌ଦ୍‌ମୁହାଡ଼ ନେଲ୍‌କେଦ୍‌ତେ ଆଲ୍‌ପେ ବିଚାଟ୍‌ଆଃ, ମେନ୍‌ଦ୍‌ ସାର୍‌ତି ଲେକାତେ ବିଚାଟ୍‌ ରିକାଏପେ ।”

ୟୀଶୁ ମାସି ତାନିଃ ଚି ?

୨୫ ଯୀରୁଶାଲେମ୍‌ରେନ୍ ହଡ଼କଏତେ ଚିମିନ୍‌କ କାଜିକେଦା, “ଚିୟାଃ ଯିହୁଦୀକଆଃ ହାକିମ୍‌କ ଗଏଃ ନାକ୍‌କ ସାନାକ୍‌ତାନ୍ ହଡ଼ ନିଃ ନାହାଲିଃ ଚି ? ୨୬ ନେଲିପେ, ନିଃ ନେତାଃରିୟା, ନେପେଲ୍‌ରେ ଜାଗାଟାନାଏ ଆତ୍ମା ଇନ୍‌କୁ ଜେଡ଼ନାଃ କାକ କାଜିୟାକତାନା, ଚିୟାଃ ଆଗୁଆଇକ ଇନିଃକେ ମାସି ତାନିଃ ମେନ୍ତେ ସାର୍‌ତିଗିକ ଆଟ୍‌କାଟ୍‌କେଦାଃ ଚି ? ୨୭ ଇନିଃ ଅକ୍‌ତାଃରେନ୍ ତାନିଃ ନେୟାବୁ ସାରିତାନା, ମେନ୍‌ଦ୍‌ ମାସି ହିଜୁଃରେ ଇନିଃ କତାଃରେନ୍ ତାନିଃ ଏନା ଜେତାଏ କାକ ସାରିଆଃ ।”

୨୮ ଏନ୍ତେ ଯୀଶୁ ମାହିର୍ ଅତାଃରେ ଇଡୁକତାନ୍‌ଲଃ କାଉରିତାନ୍‌ଲଃ କାଜିକେଦାଏ, “ଚିୟାଃ ଆପେ ଆଇକ୍‌କେ ସାରିତାନାପେ ଆତ୍ମା ଆଇକ୍‌ ଅକ୍‌ତାଃରେନ୍ ତାନିକ୍‌ ଏନାପେ ସାରିତାନାଚି ? ଆଇକ୍‌ ଆଇୟାଃତେଗି କାଇକ୍‌ ହିଜୁଆକାନା ମେନ୍‌ଦ୍‌ ଆଇୟାଃ କୁଲ୍‌ନିଃ ସାର୍‌ତିଗିୟାଏ, ଆପେ ଇନିଃକେ କାପେ ସାରିତାନା, ୨୯ ମେନ୍‌ଦ୍‌ ଆଇକ୍‌ ଇନିଃକେ ସାରିତାନାକ୍‌ ଚିୟାଃଚି ଆଇକ୍‌ ଇନିଃତାଃଏତେ ହିଜୁଆକାନାକ୍‌ ଆତ୍ମା ଇନିଃ ଆଇକ୍‌କେ କୁଲାକାଦିୟାଏ ।”

୩୦ ଏନ୍ତେ ଇନ୍‌କୁ ଇନିଃକେ ସାସାବ୍ ସାନାକ୍‌କିୟାଃକ, ଏନ୍‌ରେୟ ଜେତାଏ ଇନିଃରେ ତିଃଇ କାକ ଜିଲିକ୍‌କେଦାଃ, ଚିୟାଃଚି ଇନିୟାଃ ନେତାଦ୍ ଇମ୍‌ତାଜାକେଦ୍‌ କା ସେଟେରାକାନ୍ ତାଇକେନା । ୩୧ ମେନ୍‌ଦ୍‌ ଗାଦେଲ୍ ହଡ଼କଏତେ ପୁରାଃ ହଡ଼କ ଇନିଃରେକ ବିଶ୍ୱାସ୍ କେଦାଃ ଆତ୍ମାକ କାଜିକେଦା, “ଚିୟାଃ ମାସି ହିଜୁଃରେ ନିଃ କାମିୟାକାଦ୍ ପେଡ଼େଃରାଃ କାମିଏତେ ଆଦ୍‌କା କାମିକଚି କାମିୟା ?”

ଫାରୁଶୀକ ଯୀଶୁକେ ସାବିନାଗେନ୍ତେ ଦାରଖାନ୍‌କକେ କୁଲ୍‌କତାନାକ

୩୨ ଫାରୁଶୀକ ହଡ଼କକେ ଯୀଶୁଆଃ ବିଷାଏରେ ନେୟା ହାୟମ୍ ହାୟମ୍‌ତାନ୍‌କ ଆୟୁମ୍‌କେଦ୍‌କଆ, ଏନ୍ତେ ଫାରୁଶୀକ ଆତ୍ମା ମୁଲ୍‌ ଯାଜାକ୍‌କ ଇନିଃକେ ସାସାବ୍‌ନାକ୍‌ ଦାରଖାନ୍‌କକେ କୁଲ୍‌କେଦ୍‌କଆକ । ୩୩ ଯୀଶୁ କାଜିୟାଦ୍‌କଆଏ, “ଆଇକ୍‌ ହୁଡ଼ିକ୍‌ ଦିପିଲି ଜାକେଦ୍‌ ଆପେଲଃ ତାଇନିଃକ୍, ଏନ୍ତେ ଆଇକ୍‌କେ କୁଲାକାଦ୍‌ନିଃତାଃତେ ସେନଃଆଇକ୍‌ । ୩୪ ଆପେ ଆଇକ୍‌କେ ଦାଣ୍ଡାକ୍‌ରେୟ କାପେ ନାମିୟା ଆତ୍ମା ଆଇକ୍‌ ତାଇନିଃତାଃ ଆପେ କାପେ ସେନ୍‌ଦାଡ଼ିୟାଃ ।”

୩୫ ଏନ୍ତେ ଯିହୁଦୀକଆଃ ହାକିମ୍‌କ ଆକ ଆକରେକ ଜାଗାଟ୍‌କେଦାଃ, “ନିଃ କତାଃତେ ସେନଃନାକ୍‌ ସାନାକ୍‌ ତାନାଏ ଯେ ଆବୁ ଇନିଃକେ କାବୁ ନାମିୟା ? ଚିୟାଃ ଇନିଃ ଗ୍ରୀକ୍ ହଡ଼କଆଃ ଆଲ୍‌ରେ ନେତେ ହେନ୍ତେୟାକାନ୍ ଆବୁଆଃ ହଡ଼କତାଃ ସେନଃଆଏ ଆତ୍ମା ଗ୍ରୀକ୍ ହଡ଼କକେ ଇଡୁକଆଏ ? ୩୬ ଆପେ ଆଇକ୍‌କେ ଦାଣ୍ଡାକ୍‌ରେୟ କାପେ ନାମିୟା ଆତ୍ମା ଆଇକ୍‌ ତାଇନିଃତାଃ କାପେ ସେନ୍‌ଦାଡ଼ିୟା ମେନ୍ତେ ଇନିଃ କାଜିକେଦ୍‌ କାଜି ଚିକ୍‌ନାଃତାନା ?”

ଲିକ୍‌ୟାତାନ୍ ଜୀଦାନ୍ ଏମଃ ଦାଆଃ

୩୭ ଚୁଣ୍ଡୁ ହୁଲାକ୍‌, ତାଏ ପାରାବ୍‌ରେୟାଃ ମାରାକ୍‌ ହୁଲାକ୍‌ରେ ଯୀଶୁ ତିକ୍‌ୟାନ୍ତେ କାଉରିକେଦ୍‌ତେ କାଜିକେଦାଏ, “ଜେତାଏ ତେତାକ୍‌ରେଦ୍ ଆଇୟାଃତାଃତେ ହିଜୁଃକାଏ, ଆତ୍ମା ୩୮ ଜେତାଏ ଆଇକ୍‌ରେ ବିଶ୍ୱାସ୍‌ତାନ୍‌ନିଃ ନୁଏକାଏ, ଧାରାମ୍‌ପୁଥ୍‌ରେ କାଜିକାନ୍‌ଲେକା, ‘ବିଶ୍ୱାସ୍‌ତାନ୍‌ନିୟାଃ ଜୀଉଏତେ ଜୀଦାନ୍ ଦାଆଃରେୟାଃ ଗାଡ଼ାକ ଲିକ୍‌କାତେୟାଆ ।’” ୩୯ ଇନିଃକେ ବିଶ୍ୱାସୀତାନ୍‌କ, ତାୟମ୍‌ତେ ଅକନ୍

☆ ୭:୨୩ ୭:୨୩ ଯୋହାନ୍ ୫:୯.

ଆମ୍ଭାକେକ ନାମିୟାଁ, ଇନ୍କୁଆଃ ବିଷାଏରେ ଇନିଃ ନେ କାଜି କାଜିକେଦାଏ, ଚିୟାଃତି ଇମତା ଜାକେଦ୍ ଯୀଶୁଆଃ ମାନାରାଙ୍ଗ୍ କା ହବାକାନ୍ ତାଇକେନ୍ ହରାତେ ପାବିତାର୍ ଆମ୍ଭାଦ୍ କାଏ ଏମାକାନ୍ ତାଇକେନା ।

ହଡ଼କଆଃ ଆଲାରେ ବିନ୍ଗାଅ‡

୪୦ ପୁରାଃ ହଡ଼କଏତେ ଚିମିନ୍କ ନେ କାଜି ଆୟୁମ୍କେଦ୍ତେ ମେନ୍କେଦାଃକ, “ନିଃ ସାର୍ତିଗି ନାବୀ ତାନିଃ !”

୪୧ ଏଟାଃକ ମେନ୍କେଦାଃ, “ଇନିଃ ମାସି ତାନିଃ !” ମେନ୍ଦ୍ ଚିମିନ୍କ ମେନ୍କେଦାଃ, “ମାସି ଗାଲିଲ୍ଏତେ କାଏ ହିଜୁଃଆ ? ୪୨ ମାସି ଦାଉଦ୍ଆଃ କିଲିଏତେ ଆତଃ ଦାଉଦ୍ ତାଇକେନ୍ ବେଥ୍ଲେହେମ୍ ସାହାର୍ଏତେ ହିଜୁଆଏଃ ମେନ୍ତେ ଧାରାମ୍ପୁଥ୍ରେ କା'ଚି କାଜିକାନା ?” ୪୩ ଏନାତେ ଗାଦେଲ୍ ହଡ଼କ ଇନିୟାଃ ନାଗେନ୍ତେକ ବିପିଙ୍ଗାଅୟାନା । ୪୪ ଆତଃ ଇନ୍କୁଏତେ ଚିମିନ୍କ ଯୀଶୁ ସାବଃକାଏ ମେନ୍ତେ ସାନାଙ୍ଗ୍ତାନକ୍ ତାଇକେନା ମେନ୍ଦ୍ ଜେତାଏ ଇନିଃରେ ତିଃଇ କାକ ଜିଲିଙ୍ଗ୍କେଦାଃ ।

କା ବିଶ୍ୱାସତାନ୍ ଯିହୁଦୀ ହାକିମ୍କ

୪୫ ଦାରଝାନ୍କ ରୁହାଡ଼ୟାନ୍ତି, ମୁଲ୍ ଯାଜାକ୍ ଆତଃ ଫାରୁଶୀକ ଇନ୍କୁକେ କୁଲିକେଦ୍କଆକ, “ଚିନାଃ ମେନ୍ତେ ଇନିଃକେ କାପେ ଆଉକିୟା ?”

୪୬ ଦାରଝାନ୍କ ମେତାଦ୍କଆକ, “ନେ ହଡ଼ କାଜିତାନ୍ଲେକା ଜେତାଏ ହଡ଼ ଚିଉଲ୍ଲାହ୍ କାଏ କାଜିୟାକାଦାଃ ।”

୪୭ ଏନ୍ତେ ଫାରୁଶୀକ ଇନ୍କୁକେ କାଜିରୁହାଡ଼ାଦ୍କଆକ, “ଆପେକେୟଗିଚି ଇନିଃ ବେଦାକାଦ୍ପେୟାଏ ? ୪୮ ହାକିମ୍କଏତେ ଚାଏ ଫାରୁଶୀକଏତେ ଚିୟାଃ ଜେତାଏ ଇନିଃରେ ବିଶ୍ୱାସ୍କାଦାକ ? ଏନା ସାରିକାଦାପେଚି ? ୪୯ କାହା ! ମେନ୍ଦ୍ ମୁଶାରାଃ ଆନ୍ତୁ କାକ ସାରିତାନ୍ ନାଗେନ୍ତେ ନେ ଗାଦେଲ୍ ହଡ଼କ ସାର୍ପାଝାକାନାକ ।”

୫୦ ନିକଦାମ୍, ଅକଏଚି ସିଦାରେ ଯୀଶୁତାଃତେ ସେନ୍କାନ୍ ତାଇକେନାଏ ଆତଃ ଇନିଃ ଇନ୍କୁଏତେ ମିହୁଡ଼ ତାଇକେନାଏ, ଇନିଃ କୁଲିକେଦ୍କଆଏ, ୫୧ “ମିଆଁଦ୍ ହଡ଼ତାଃଏତେ ଆଉରି ଆୟୁମ୍ ଜାକେଦ୍ ଆତଃ ଇନିୟାଃ ଚାଇଲ୍ ଚାଲାନ୍ ଆଉରି ସାରି ଜାକେଦ୍ ଆରୁଆଃ ଆନ୍ତୁ ଚିୟାଃ ଇନିୟାଃ ବିଚାରେୟାଏ ?”

୫୨ ଇନ୍କୁ ଇନିଃକେ କାଜିରୁହାଡ଼କିୟାଃକ, “ଆମ୍ହଗିଚି ଗାଲିଲ୍ରେନ୍ ହଡ଼ ତାନମେ ? ନେଲ୍ ନାମେମେ, ଗାଲିଲ୍ଏତେ ଜେତାଏ ନାବୀ କାଏ ଅତଙ୍ଗ୍ଆଃଆ ?” ୫୩ ଏନ୍ତେ ସବେନ୍କ ଆକଆଃ ଆକଆଃ ଅଡ଼ାଃତେକ ସେନଃୟାନା ।

୮

ଆପାଙ୍ଗିର୍ କାମିରେ ସାବାକାନ୍ କୁଡ଼ି

୧ ମେନ୍ଦ୍ ଯୀଶୁ ଜାଇତୁନ୍ ବୁରୁତେ ସେନଃୟାନାଏ । ୨ ଏଟାଃ ହୁଲାଙ୍ଗ୍ ଆଙ୍ଗ୍ୟାନ୍ତି ଯୀଶୁ ମାନ୍ଦିର୍ତେ ରୁହାଡ଼ୟାନାଏ ଆତଃ ସବେନ୍ ହଡ଼କ ଇନିଃତାଃରେ ହୁଣ୍ଡିୟାନାକ ଆତଃ ଇନିଃ ଦୁବ୍କେଦ୍ତେ ଇନ୍କୁକେ ଇଡୁକେଦ୍କଆଏ । ୩ ଆଇନ୍ ଇଡୁକ୍ ଆତଃ ଫାରୁଶୀକ ଆପାଙ୍ଗିର୍ କାମିରେ ସାବାକାନ୍ କୁଡ଼ିକେ ଆଉକେଦ୍ତେ ସବେନ୍କଆଃ ଆଲାରେକ୍ ତିଙ୍ଗ୍କିୟା ଆତଃ ଯୀଶୁକେ କାଜିକିୟାଃକ, ୪ “ହେ ଗୁରୁ, ନେ କୁଡ଼ି ଆପାଙ୍ଗିର୍ କାମି କାମିତାନ୍ ଇମ୍ତାଗି ସାବ୍ୟାନାଏ । ୫ ଆଲେୟାଃ ଆନ୍ତୁରେ ମୁଶା ନେ ଲେକାନ୍ କୁଡ଼ିକକେ ଦିରି ଚିଦ୍ଗି ଗଏଃକପେ ମେନ୍ତେ ଆଲେକେ ଆରୁଆକାଦ୍ଲେୟାଏ, ନାହାଃ ଆମ୍ ଚିନାଃ ମେନେତାନାମ୍ ?” ୬ ଯୀଶୁକେ ଚିଚାଈରାଃ ହରାନାମ୍ ନାଗେନ୍ତେ ବିଡ଼ାଅ ତାନ୍ଲଃ ଇନ୍କୁ ନେୟାଁ କୁଲିକିୟାଃକ । ମେନ୍ଦ୍ ଯୀଶୁ ତିରୁଦ୍ୟାନ୍ଲଃ ସାର୍ସାର୍ତେ ଅତେରେ ଅଲ୍କେଦା ।

୭ ଏନ୍ତେ ଇନ୍କୁ କୁଲିତାନ୍ ଇମ୍ତାଗି ଇନିଃ ବିରିଦ୍କେଦ୍ତେ ମେତାଦ୍କଆଏ, “ଆପେୟାଃ ଆଲାରେ କା ପାପ୍କାଦ୍ନିଃ ସିଦାତେ ଇନିଃକେ ଦିରି ଚିଦ୍ଗିକାଏ ।” ୮ ଏନ୍ତେ ଆତଃଗି ଇନିଃ ତିରୁଦ୍ ରୁହାଡ଼କେଦ୍ତେ ଅତେରେ ସାର୍ସାର୍ତେ ଅଲ୍କେଦାଏ । ୯ ଇନ୍କୁ ନେୟାଁ ଆୟୁମ୍କେଦ୍ତେ ସବେନ୍କ ମାପ୍ରାଙ୍ଗ୍ଏତେ ହୁପ୍ଡିଙ୍ଗ୍ ଜାକେଦ୍ ମିମିଆଦ୍ତେକ ଅତଙ୍ଗ୍ୟାନା, ଯୀଶୁ ଏସ୍କାର୍ଗି ତାଇନ୍ୟାନାଏ ଆତଃ ଏନ୍ କୁଡ଼ି ଆଲାରେ ତିଙ୍ଗ୍ଆକାନାଏ ତାଇକେନା । ୧୦ ଏନ୍ତେ ଯୀଶୁ ତିଙ୍ଗ୍ୟାନ୍ତେ ଇନିଃକେ କାଜିକିୟାଏ, “ଏ କୁଡ଼ି ଆମ୍କେ ଚିଚାତାନ୍କ କତାଃରେକଆଃ ? ଚିୟାଃ ଜେତାଏ ଆମ୍କେ କାକ ସାଜାକେଦ୍ମେଆଚି ?”

୧୧ ଇନିଃ କାଜିକିୟାଏ, “ହେ ଗମ୍କେ, ଜେତାଏ ଦ କାହା,” ଏନ୍ତେ ଯୀଶୁ ମେତାକିୟାଏ, “ଆଇଙ୍ଗ୍ ହ୍ ଆମ୍କେ କାଇଙ୍ଗ୍ ସାଜାକେମେତାନା, ଜୁ ସେନଃମେ ଆତଃ ଆୟାର୍ତେ ଆଲମ୍ ପାପ୍ କାମିୟା ।”*

ଯୀଶୁ ଅତେଦିଶ୍ୱମ୍ରେନ୍ ମାସ୍ଲାଲ୍ ତାନିଃ

‡ ୭:୩୯ ୭:୪୦ ଆପାନ୍ ଆପାନ୍ନଃ * ୭:୫୦ ୭:୫୦ ଯୋହାନ୍ ୩:୧,୨. ୮:୧୧ ୮:୧୧ ୧ପଦ ତାଃଏତେ ୧୧ ପଦ ଜାକେଦ୍ ଚିମିନ୍ ମାରି ଅନଲ୍ରେ ବାନଃଆ

୧୭ ଯୀଶୁ ଆଡ଼ମ୍ବରୀୟା ଫାରୁଶୀକଙ୍କେ ଇତ୍ତୁତାନଲଃ କାଜିକେଦକଆଏ, “ଆଇଙ୍ଗ୍ ଅତେଦିଶୁମ୍ରେନ୍ ମାସ୍ତାଲ୍ ତାନିଙ୍ଗ୍, ଆଇଙ୍ଗ୍‌କେ ଅତଙ୍ଗ୍‌ନିଃ ଜୀଦାନ୍‌ରେୟାଃ ମାସ୍ତାଲ୍ ନାମେୟାଏ । ଆଡ଼ମ୍ବରୀୟା ନୁବାଃରେ କାଏ ସେନେୟା ।”

୧୮ ଏନ୍ତେ ଫାରୁଶୀକ ଇନିଃକେ କାଜିକିୟାଃକ, “ଆମ୍ ଆମାଃ ନାଗେନ୍ତେ ଗାଞ୍ଜାଇ ଏମେତାନାମ୍, ଆମାଃ ଗାଞ୍ଜା ସାର୍ତି ନାହାଁଲାଃ ।”

୧୯ ଯୀଶୁ କାଜିରୁହାଡ଼ାଦକଆଏ, “କାହାଗି, ଆଇଙ୍ଗ୍ ଆଇଁୟାଃ ନାଗେନ୍ତେ ଗାଞ୍ଜାଇଙ୍ଗ୍ ଏମେତାନ୍‌ରେଅ ଆଇଁୟାଃ ଗାଞ୍ଜା ସାର୍ତିଗିୟା । ଆଇଙ୍ଗ୍‌ଦ କତାଃଏତେଇଙ୍ଗ୍ ହିଜୁଆକାନା ଆଡ଼ମ୍ବରୀୟା କତାଃତେଇଙ୍ଗ୍ ସେନଃତାନା ନେୟାଁଇଙ୍ଗ୍ ସାରିତାନା ମେନ୍‌ଦ ଆଇଙ୍ଗ୍ କତାଃଏତେଇଙ୍ଗ୍ ହିଜୁଃକାନା ଆଡ଼ମ୍ବରୀୟା କତାଃତେଇଙ୍ଗ୍ ସେନାଃ, ଏନା ଆପେ କାପେ ସାରିୟାଃ । ୧୫ ଆପେ ହଡ଼କଲେକାପେ ବିଚାରେତାନା, ଆଇଙ୍ଗ୍ ଜେତାଏକେ କାଇଙ୍ଗ୍ ବିଚାରକତାନା । ୧୬ ମେନ୍‌ଦ ଆଇଙ୍ଗ୍ ବିଚାରେରେଦ ଆଇଁୟାଃ ବିଚାର୍ ସାର୍ତିଗିୟାଃ, ଚିୟାଃଚି ଆଇଙ୍ଗ୍‌ଦ କାଇଙ୍ଗ୍ ଏସ୍‌କାରାଃ, ମେନ୍‌ଦ ଆଇଙ୍ଗ୍‌କେ କୁଲ୍‌କାକାଙ୍ଗ୍ ଆପୁଲ୍‌ଃ ମେନାଲ୍‌ୟା । ୧୭ ଆଡ଼ମ୍ବରୀୟା ବାରହଡ଼କିନାଃ ଗାଞ୍ଜା ମିଦଃରେ, ଇନ୍‌କିନାଃ କାଜିତେୟାଃ ସାର୍ତିଗିୟା ନେୟାଁ ଆପେୟାଃ ଆନ୍‌ରୁ ପୁଅଁରେ ଅଲ୍‌କାନା । ୧୮ ଆଇଙ୍ଗ୍ ଆଇଁୟାଃ ନାଗେନ୍ତେ ଗାଞ୍ଜାଇଙ୍ଗ୍ ଏମେତାନା ଆଡ଼ମ୍ବରୀୟା ଆଇଙ୍ଗ୍‌କେ କୁଲ୍‌କାନା ଆପୁ ଆଇଁୟାଃନାଙ୍ଗ୍ ଗାଞ୍ଜା ଏମେତାନାଏ ।”

୨୦ ଏନ୍ତେ ଇନ୍‌କୁ କୁଲ୍‌କିୟାଃକ, “ଆପୁମ୍‌ତାମାଃ କତାଃରିୟାଃ ?” ଯୀଶୁ କାଜିରୁହାଡ଼ାଦକଆଏ, “ଆପେ ଆଇଙ୍ଗ୍‌କେ ଆଡ଼ମ୍ବରୀୟା ଆପୁଇଙ୍ଗ୍‌କେ କାପେ ସାରିୟାଃ । ଆଇଙ୍ଗ୍‌କେ ଆପେ ସାରିରେଦ ଆପୁଇଙ୍ଗ୍‌କେହ ସାରିତେୟାଃପେ ।”

୨୧ ନେ କାଜି ଯୀଶୁ ମାନ୍ଦିର୍ ଅଡ଼ାଃରେୟାଃ ଭାଣ୍ଡାର୍ ଅଡ଼ାଃ ଜାପାଃରେ ଇତ୍ତୁକତାନ୍ ଇମ୍‌ତା କାଜିକେଦାଏ, ଆଡ଼ମ୍ବରୀୟା ଜେତାଏ ଇନିଃକେ କାକ ସାବ୍‌କିୟାଃ ଚିୟାଃଚି ଇନିୟାଃ ନେତା ଇମ୍‌ତାଙ୍ଗ୍ ଜାକେଦ କା ତେବଃକାନ୍ ତାଇକେନା ।

ଯୀଶୁ ଆୟାଃ ସେନଃ ବିଷାଏରେ ଆୟାଃକାଜି କାଜିକେଦା

୨୨ ଆଡ଼ମ୍ବରୀୟା ଯୀଶୁ ଇନ୍‌କୁକେ କାଜିକେଦକଆଏ, “ଆଇଙ୍ଗ୍ ସେନଃତାନାଲ୍‌କ୍ ଆଡ଼ମ୍ବରୀୟା ଆପେ ଆଇଙ୍ଗ୍‌କେ ଦାଣ୍ଡାଁଲ୍‌ୟାପେ ମେନ୍‌ଦ ଆପେୟାଃ ପାପ୍‌ରେପେ ଗଜଃଆ । ଆଇଙ୍ଗ୍ ସେନଃତାଃତେ କାପେ ସେନ୍‌ଦାଡ଼ିୟା ।”

୨୩ ଯିହୁଦୀକଆଃ ହାକିମ୍‌କ ଆକ ଆକରେକ ମେନକେଦାଃ, “ଚିୟାଃ ଇନିଃ ଆଇଃକ୍‌ଗି ଗଜଃଇଙ୍ଗ୍ ମେନ୍ତେ କାଜିତାନାଏଚି, ଏନାନାଗେନ୍ତେ ଆଇଙ୍ଗ୍ ସେନଃତାଃତେ କାପେ ସେନ୍‌ଦାଡ଼ିୟା ମେନ୍ତେ କାଜିତାନାଏ ?”

୨୪ ଏନ୍ତେ ଯୀଶୁ ଇନ୍‌କୁକେ ମେତାଦକଆଏ, “ଆପେ ନେ ଅତେଦିଶୁମ୍ରେ ଜାନାମ୍‌କାନାପେ, ମେନ୍‌ଦ ଆଇଙ୍ଗ୍ ସିମ୍‌ତେ ହିଜୁଆକାନାଲ୍‌କ୍ । ଆପେ ନେ ଅତେଦିଶୁମ୍ରେନ୍‌କ ତାନ୍‌ପେ, ଆଇଙ୍ଗ୍ ନେ ଅତେଦିଶୁମ୍ରେନ୍ ନାହାଁଲାଲ୍‌କ୍ । ୨୫ ଏନାମେନ୍ତେ ଆଇଙ୍ଗ୍ ମେତାପେ ତାନାଲ୍‌କ୍, ଆପେ ଆପେୟାଃ ପାପ୍‌ରେ ଗଜଃଆପେ, ଚିୟାଃଚି ଆଇଙ୍ଗ୍, ଆଇଙ୍ଗ୍‌ଗି ଇନିଃ ତାନିଙ୍ଗ୍ ଏନା କାପେ ବିଶ୍ୱାସେରେଦ ଆପେୟାଃ ପାପ୍‌ରେଗି ଗଜଃଆପେ ।”

୨୬ ଏନ୍ତେ ଇନ୍‌କୁ ଇନିଃକେ କୁଲ୍‌କିୟାଃକ, “ଆମ୍ ଅକଏ ତାନ୍‌ମେ ?” ଯୀଶୁ ଇନ୍‌କୁକେ କାଜିୟାଦକଆଏ, “ମୁନ୍‌ଏତେଗି କାଜିୟାକାଦପେୟାଲ୍‌କ୍ ଇନିଃ ଆଇଙ୍ଗ୍‌ଗି ତାନିଙ୍ଗ୍ । ୨୭ ଆପେୟାଃ ବିଷାଏରେ କାଜି ଆଡ଼ମ୍ବରୀୟା ବିଚାର୍ ନାଗେନ୍ତେ ଆଇଁୟାଃତାଃରେ ପୁରାଃଗି କାଜି ମେନାଃ । ମେନ୍‌ଦ ଆଇଙ୍ଗ୍‌କେ କୁଲ୍‌ନିଃ ସାର୍ତିଗିୟାଏ, ଆଡ଼ମ୍ବରୀୟା ଆଇଙ୍ଗ୍ ଇନିଃତାଃଏତେ ଆୟୁମ୍‌କାଦ୍‌ତେୟାଃ ସବେନାଃ ଅତେଦିଶୁମ୍ରେ ଉଦୁବେତାନାଲ୍‌କ୍ ।”

୨୮ ଯୀଶୁ ଆପୁଆଃ ବିଷାଏରେ ଇନ୍‌କୁକେ କାଜିୟାକତାନ୍ ତାଇକେନାଏ, ଏନା ଇନ୍‌କୁ କାକ ଆଟ୍‌କାରକେଦାଃ । ୨୯ ଏନ୍ତେ ଯୀଶୁ କାଜିୟାଦକଆଏ, “ଆପେ ଚିମ୍‌ତା ମାନଞ୍ଜାହନ୍‌କେ ଚେତାନ୍‌ତେପେ ରାକାବିୟା, ଇମ୍‌ତା ଆଇଙ୍ଗ୍, ଆଇଙ୍ଗ୍‌ଗି ଇନିଃ ତାନିଙ୍ଗ୍ ମେନ୍ତେପେ ସାରିୟାଃ ଆଡ଼ମ୍ବରୀୟା ଆଇଙ୍ଗ୍‌ଏତେ ଜେଡ଼ନାଃ କାଇଙ୍ଗ୍ କାମି, ମେନ୍‌ଦ ଆପୁ ଇତ୍ତୁଆକାଲ୍‌କ୍‌ଲେକା ନେ କାଜିକଲ୍‌କ୍ କାଜିକାଦା ମେନ୍ତେପେ ଆଟ୍‌କାର୍‌ଉରୁମେୟା । ୩୦ ଆଡ଼ମ୍ବରୀୟା ଆଇଙ୍ଗ୍‌କେ କୁଲ୍‌ନିଃ ଆଇଙ୍ଗ୍‌ଲଃରିୟା, ଇନିଃ ଆଇଙ୍ଗ୍‌କେ ଏସ୍‌କାର୍‌ଗି କାଏ ବାଗିୟାକାଦିୟା, ଚିୟାଃଚି ଆଇଙ୍ଗ୍ ଜାନାଅଗି ଇନିଃକେ ସୁକୁଆଇଲେକା କାମିରିକାଇଃକ ।”

୩୧ ଯୀଶୁ ନେୟାଁ କାଜିତାନ୍ ତାଇକେନ୍‌ରେ ପୁରାଃ ହଡ଼କ ଇନିଃତାଃରେକ ବିଶ୍ୱାସକେଦା ।

ସାନାର୍ତି ଆପେକେ ଆଡ଼ାଃପେୟାଏ

☆ ୮:୧୨ ୮:୧୨ ମାଥୁର ୫:୧୫; ଯୋହାନ୍ ୯:୫. ☆ ୮:୧୩ ୮:୧୩ ଯୋହାନ୍ ୫:୩୧.

୩୧ ଏବଂ ଯୀଶୁତାଃରେ ଅକନ୍ ଯିହୁଦୀକ ବିଶ୍ୱାସତାନ୍କ ତାଇକେନା, ଇନିଃ ଇନ୍କୁକେ କାଜିୟାଦକଆଏ, “ଆପେ ଆଇଁୟାଃ ଇନିତୁ ମାନାତିଙ୍ଗ୍ରେଦେ ସାର୍ତ୍ତିଗି ଆଇଁୟାଃ ତେଲକ ତାନ୍ପେ । ୩୨ ଆତଃ ଆପେ ସାର୍ତ୍ତିକେ ଆର୍କାରେୟା, ଆତଃ ଏନ୍ ସାର୍ତ୍ତିଗି ଆପେକେ ଆଡ଼ାଃପେୟାଏ ।”

୩୩ ☆ଇନ୍କୁ ଇନିଃକେ କାଜିରୁହାଡ଼କିୟାକ, “ଆଲେଦ ଆବ୍ରାହାମ୍‌ଆଃ କିଲିରେନ୍କ ତାନ୍ଲେ ଆତଃ ଚିତ୍ତଲାହଗି ଜେତାଏକଆଃ ଦାସି କାଲେ ତାଇକେନା ଚିନାଃମେନ୍ତେ ଆପେ ରାଡ଼ାଅଆଃପେ ମେନ୍ତେମ୍ କାଜିତାନା ? ନେୟାଃରାଃ ମୁଣ୍ଡି ଚିନାଃ ତାନାଃ ?”

୩୪ ଯୀଶୁ କାଜିରୁହାଡ଼ାଦକଆଏ, “ସାର୍ତ୍ତିଗି କାଜିୟାପେ ତାନାଇଙ୍ଗ୍ ପାପ୍‌କାମିତାନ୍ ସବେନ୍କ ପାପ୍‌ରେୟାଃ ଦାସିତାନ୍କୁ । ୩୫ ଦାସି ଜାନାଅ ଜାନାଅ ଅଡ଼ାଃରେ କାଏ ତାଇନାଃ ମେନ୍ଦ ହନ୍ ଜାନାଅ ଜାନାଅ ତାଇନାଃଏ । ୩୬ ଏନାମେନ୍ତେ ହନ୍ ରାଡ଼ାପେରେଦ, ଆପେ ସାର୍ତ୍ତିଗିପେ ରାଡ଼ାଅଆ । ୩୭ ଆପେ ଆବ୍ରାହାମ୍‌ଆଃ କିଲିରେନ୍କ ତାନ୍ପେ ନେୟା ଆଇଙ୍ଗ୍ ସାରିତାନାଇଙ୍ଗ୍ ମେନ୍ଦ ଆଇଁୟାଃ ଇନିତୁ କାପେ ତେଲାଏତାନା ଏନାମେନ୍ତେ ଆପେ ଆଇଙ୍ଗ୍‌କେ ଗଗଏଃ ସାନାଙ୍ଗ୍‌ତାନାପେ । ୩୮ ଆଇଙ୍ଗ୍ ଆପୁଇଙ୍ଗ୍‌ତାଃରେ ନେଲକାଦ୍‌ତେୟାଃ କାଜିତାନାଇଙ୍ଗ୍ ମେନ୍ଦ ଆପେ ଆପେୟାଃ ଆପୁ କାଜିକାଦ୍‌ଲେକା କାମିୟାଃପେ ।”

୩୯ ଇନ୍କୁ ଇନିଃକେ କାଜିରୁହାଡ଼କିୟାକ, “ଆବ୍ରାହାମ୍ ଆଲେୟାଃ ଆପୁ ତାନିଃ ।” ଯୀଶୁ ଇନ୍କୁକେ କାଜିୟାଦକଆଏ, “ଆପେ ସାର୍ତ୍ତିଗି ଆବ୍ରାହାମ୍‌ଆଃ ହନ୍ ତାନ୍ପେରେଦ ଆବ୍ରାହାମ୍‌ଆଃ କାମି ଲେକା କାମିତେୟାଃପେ । ୪୦ ଆଇଙ୍ଗ୍‌ଦ ପାର୍‌ମେଶ୍ୱାର୍‌ତାଃଏତେ ଆୟୁମ୍‌କେଦ୍ ସାର୍ତ୍ତିକାଜି ବାଗିକେଦ୍‌ତେ ଏଟାଃତେୟାଃ କାଇଙ୍ଗ୍ ଉଦୁବାପେତାନା ହଲେହ୍ ଆଇଙ୍ଗ୍‌କେ ନାହାଁଃ ଗଗଏଃ ସାନାଙ୍ଗ୍‌ତାନାପେ, ଆବ୍ରାହାମ୍ ଏନ୍‌ଲେକା କାମି କାଏ କାମିକାଦାଃ । ୪୧ ଆପେ ସବେନ୍ ଆପେୟାଃ ଆପୁଆଃ କାମିକ ରିକାତାନାପେ ।” ଇନ୍କୁ ଯୀଶୁକେ କାଜିକିୟାଃକ, “ଆଲେ ଆପାଙ୍ଗ୍‌ର୍ କାମିରେନ୍ ହନ୍‌କ ନାହାଁଲାଲେ । ଆଲେୟାଃଦ ମିଆଁଦ୍‌ଗି ଆପୁ ଇନିଃଦ ପାର୍‌ମେଶ୍ୱାର୍ ତାନିଃ ।”

୪୨ ଯୀଶୁ ଇନ୍କୁକେ କାଜିୟାଦକଆଏ, “ପାର୍‌ମେଶ୍ୱାର୍ ଆପେୟାଃ ଆପୁ ତାନିଃରେଦ ଆପେ ଆଇଙ୍ଗ୍‌କେ ଦୁଲାଡ଼ିଙ୍ଗ୍‌ତେୟାଃପେ ଚିୟାଃଚି ଆଇଙ୍ଗ୍ ପାର୍‌ମେଶ୍ୱାର୍‌ତାଃଏତେ ହିନ୍ତୁଃକାନାଲ୍‌ଆତଃ ନାହାଁଃ ନେତାଃରିୟା । ଆଇଙ୍ଗ୍‌ଦ ଆଇଁୟାଃ ପେଡ଼େଃତେ କାଇଙ୍ଗ୍ ହିନ୍ତୁଆକାନା ମେନ୍ଦ ଆପୁ ଆଇଙ୍ଗ୍‌କେ କୁଲକାଦିୟାଏ । ୪୩ ଆପେ ଆଇଁୟାଃ କାଜି ଚିନାଃ ମେନ୍ତେ କାପେ ଆର୍‌କାର୍‌ଉତ୍‌ରୁମେତାନା ? ଚିୟାଃଚି ଆପେଦ ଆଇଁୟାଃ ଇନିତୁ ଆୟୁମ୍ ନାଙ୍ଗ୍ କାପେ ସାହାଡ଼ିଙ୍ଗ୍ ଦାଡ଼ିତାନା । ୪୪ ଆପେ ଆପେୟାଃ ଆପୁ ସାଏତାନରାଃ ହନ୍‌କ ତାନ୍ପେ ଆତଃ ଆପେୟାଃ ଆପୁଆଃ ସାନାଙ୍ଗ୍‌ଲେକା କାମି ସାନାଙ୍ଗ୍‌ତାନାପେ । ଇନିଃ ମୁନ୍‌ଏତେ ହଡ଼ ଗଗଏଃନିଃ ତାଇକେନାଏ ଆତଃ ସାର୍ତ୍ତିରେ କାଏ ତିଙ୍ଗ୍ କେଟେଦ୍‌ୟାନା, ଚିୟାଃଚି ଇନିଃରେଦ ସାର୍ତ୍ତି ବାନଆ । ଇନିଃ ହସଡ଼ କାଜି କାଜିତାନ୍ ଇମ୍‌ତା ଆୟାଃତେଗି କାଜିୟାଏ ଚିୟାଃଚି ଇନିଃଦ ହସଡ଼ନିଃ ଆତଃ ହସଡ଼ରେନ୍ ଆପୁ ତାନିଃ । ୪୫ ମେନ୍ଦ ଆଇଙ୍ଗ୍ ସାର୍ତ୍ତିଗି କାଜିତାନାଇଙ୍ଗ୍ ମେନ୍ତେ ଆଇଁୟାଃ କାଜି କାପେ ପାଡ଼ିୟାରେତାନା । ୪୬ ଆଇଁୟାଃତାଃରେ ପାପ୍ ମେନାଃ ମେନ୍ତେ ଆପେକଏତେ ଅକଏ ଚିଟାଇଙ୍ଗ୍‌ୟାଏ ? ଆଇଙ୍ଗ୍ ସାର୍ତ୍ତି କାଜି କାଜିରେଦ ଚିନାଃ ମେନ୍ତେ ଆଇଁୟାଃ କାଜିକେ କାପେ ପାଡ଼ିୟାରେତାନା ? ୪୭ ଜେତାଏ ପାର୍‌ମେଶ୍ୱାର୍‌ତାଃଏତେ ହିନ୍ତୁଃକାନାଏ ଇନିଃ ପାର୍‌ମେଶ୍ୱାର୍‌ଆଃ କାଜି ଆୟୁମ୍‌ମେୟାଏ । ଆପେ ପାର୍‌ମେଶ୍ୱାର୍‌ତାଃଏତେ କାପେ ହିନ୍ତୁଃକାନା ଏନାମେନ୍ତେ ଇନିଃକାଃ କାଜି କାପେ ଆୟୁମ୍‌ମେତାନା ।”

ଯୀଶୁ ଆତଃ ଆବ୍ରାହାମ୍

୪୮ ଯିହୁଦୀକ ଯୀଶୁକେ କୁଲିକିୟାଃକ, “ଆମ୍ ଶମିରୋନିରେନ୍ ତାନ୍ମେ ଆତଃ ଆମ୍‌କେ ବଙ୍ଗା ଏସେରାକାଦ୍‌ମେୟାଏ, ନେୟା ଚିନାଃ ଆଲେ ଠାଉକା କାଲେ କାଜିତାନା ?” ୪୯ ଯୀଶୁ କାଜିରୁହାଡ଼ାଦକଆଏ, “ବାନଃଗି ଆଇଙ୍ଗ୍‌କେ ବଙ୍ଗା କାଏ ଏସେରାକାଦିୟା ମେନ୍ଦ ଆଇଙ୍ଗ୍ ଆପୁଇଙ୍ଗ୍‌କେ ମାଇନିତାନାଇଙ୍ଗ୍ ଆତଃ ଆପେ ଆଇଙ୍ଗ୍‌କେ କାପେ ମାଇନିଙ୍ଗ୍‌ତାନା । ୫୦ ଆଇଙ୍ଗ୍ ଆଇଙ୍ଗ୍‌ଗି ଆଇଁୟାଃ ମାନାରାଙ୍ଗ୍ କାଇଙ୍ଗ୍ ଦାଣାଁତାନା ମେନ୍ଦ ମିଆଁଦ୍‌ନିଃ ମେନାଇୟା ଇନିଃ ଦାଣାଁଏଃ ଆତଃ ବିଚାର୍ ରିକାଏଃ । ୫୧ ଆଇଙ୍ଗ୍ ସାର୍ତ୍ତିଗି କାଜିୟାପେ ତାନାଇଙ୍ଗ୍, ଆଇଁୟାଃ କାଜି ମାନାତିଙ୍ଗ୍‌ନିଃ ଚିତ୍ତଲାଅ କାଏ ଗଜଃଆ ।”

୫୨ ଯିହୁଦୀକ ଯୀଶୁକେ କାଜିକିୟାଃକ, “ନାହାଁଃ ଆଲେ ସାରିକେଦାଃଲେ, ଆମ୍‌କେ ବଙ୍ଗା ଏସେରାକାଦ୍‌ମେୟାଏ, ଆବ୍ରାହାମ୍ ଆତଃ ନାବୀକ ଗଏଃୟାନା ଆତଃ ଆଇଁୟାଃ କାଜି ମାନାତିଙ୍ଗ୍‌ନିଃ ଗଗଏଃ ଚିତ୍ତଲାଅ କାଏ ନେଲେୟା ମେନ୍ତେ କାଜିତାନାମ୍ । ୫୩ ଚିୟାଃ ଆମ୍ ଆଲେୟାଃ ଗଏଃକାନ୍ ଆପୁ ଆବ୍ରାହାମ୍‌ଏତେ ମାରାଙ୍ଗ୍‌ଆମ୍ ? ନାବୀକହଗି ଗଏଃୟାନାକ, ଆମ୍ ଆମ୍‌ଗି ଅକଏ ମେନ୍ତେମ୍ ଉଡ଼ୁତାନା ?”

୫୪ ଯୀଶୁ ଇନ୍ଦ୍ରକୁଳେ କାଜିରୁହାଡ଼ାଦକଆଏ, “ଆଇଙ୍ଗ୍ ଆଇଁୟାଃଗି ମାନାରାଙ୍ଗ୍ଲେରେଦ ଆଇଁୟାଃ ମାନାରାଙ୍ଗ୍ ଜେଡ଼ନାଃ ବାନଆଃ । ଅକନ୍ ଆପୁଇଙ୍ଗ୍ କେ ଆପେ ଆଲେୟାଃ ପାର୍ମେଶ୍ୱାର୍ ମେତାଇତାନାପେ, ଇନିଃ ଆଇଁୟାଃ ମାନାରାଙ୍ଗ୍ ରିକାଏତାନା । ୫୫ ଏନ୍ରେୟ ଆପେ ଇନିଃକେ କାପେ ସାରିତାନା, ମେନ୍ଦ ଆଇଙ୍ଗ୍ ଇନିଃକେ ସାରିୟାଃଇଙ୍ଗ୍, ଆତଃ ଆଇଙ୍ଗ୍ ଇନିଃକେ କାଇଙ୍ଗ୍ ସାରିୟାଃ ମେନ୍ତେ କାଜିରେଦ ଆଇଙ୍ଗ୍ ହଗି ଆପେଲେକାଇଙ୍ଗ୍ ହସଡ଼ଃତେୟାଃ, ମେନ୍ଦ ଆଇଙ୍ଗ୍ ଇନିଃକେ ସାରିୟାଃଇଙ୍ଗ୍ ଆତଃ ଇନିୟାଃ କାଜି ମାନାଡ଼ିଙ୍ଗ୍ ତାନାଇଙ୍ଗ୍ । ୫୬ ଆପେୟାଃ ଆପୁ ଆବ୍ରାହାମ୍ ଆଇଁୟାଃ ହିଜୁଃ ହୁଲାଇଙ୍ଗ୍ କେ ନେନେଲ୍ ନାଗେନ୍ତେ ରାସକାଅଃତାନାଏ ତାଇକେନା ଆତଃ ଏନା ନେଲ୍ କେଦ୍ତେ ରାସକାୟାନାଏ ।”

୫୬ ଏନ୍ତେ ଯିହୁଦୀକ ଇନିଃକେ କାଜିକିୟାଃକ, “ଆମ୍ କେଦ ନାହାଁଃ ଜାକେଦ୍ ପାଟାଗ୍ ବାରାଷ୍ କା ହବାକାନା, ଚିୟାଃ ଆମ୍ ଆବ୍ରାହାମ୍ କେ ନେଲାଇୟାମ୍ ?”

୫୮ ଯୀଶୁ ଇନ୍ଦ୍ରକୁଳେ କାଜିକେଦକଆଏ, “ଆଇଙ୍ଗ୍ ସାର୍ତ୍ତିଗି କାଜିୟାପେ ତାନାଇଙ୍ଗ୍, ଆବ୍ରାହାମ୍ ଆଃ ଜାନାମ୍ ସିଦାଏତେ ଆଇଙ୍ଗ୍ ମେନାଇୟା ।”

୫୯ ଏନ୍ତେ ଇନ୍ଦ୍ରକୁ ଇନିଃକେ ଚିଦ୍ଗି ନାଗେନ୍ତେ ଦିରିକ ସାବ୍ କେଦା, ମେନ୍ଦ ଯୀଶୁ ଉକ୍ତକେଦ୍ତେ ମାନ୍ଦିର୍ ଅଡ଼ାଃଏତେ ଅଡ଼ଙ୍ଗ୍ ଯାନା ।



ୟୀଶୁ ମିଆଁଦ୍ ଜାନାମ୍ କାଣାଁକେ ବୁଗି ତାନାଏ

୯ ଯୀଶୁ ସେନଃତାନ୍ ତାଇକେନ୍ ଇମତା ଜାନାମ୍ ଏତେ କାଣାଁକାନ୍ ମିଆଁଦ୍ ହଡ଼କେ ନେଲ୍ କିୟାଏ । ୧୦ ଆତଃ ଇନିୟାଃ ଚେଲାଇ ଇନିଃକେ କୁଲିକିୟାଃକ, “ହେ ଗୁରୁ, ଅକଏୟାଃ ପାପ୍ ଖାଡ଼ିର୍ ନିଃ କାଣାଁକେଦ୍ତେ ଜାନାମ୍ ଯାନାଏ ? ଚିୟାଃ ଆୟାଃ ପାପ୍ ତେଗିଚି ଆୟାଃ ଏଙ୍ଗା ଆପୁକିନାଃ ?”

୧୧ ଯୀଶୁ କାଜିରୁହାଡ଼ାଦକଆଏ, “ଇନିୟାଃ କାଣାଁକାନ୍ ତେୟାଃ ଆୟାଃ ଚାଏ ଆୟାଃ ଏଙ୍ଗା ଆପୁକିନାଃ ପାପ୍ ନାଗେନ୍ତେଦ କାହାଗି ମେନ୍ଦ ନିଃତାଃରେ ପାର୍ମେଶ୍ୱାର୍ ଆଃ କାମି ଉଦୁବଃକା ମେନ୍ତେ ଇନିଃ କାଣାଁକେଦ୍ତେ ଜାନାମ୍ କାନାଏ । ୧୨ ସିଙ୍ଗି ତାଇନ୍ ତାଇନ୍ ଗି ଆଇଙ୍ଗ୍ କେ କୁଲିକିୟାଃ କାମି ଆବୁକେ କାମି ଲାଗାଡ଼ିୟାଃ, ଅକ ଘାଡ଼ିରେ ଜେତାଏ କାକ କାମି ଦାଡ଼ିୟାଃ ଏନ୍ଲେକାନ୍ ନିଦା ହିଜୁଃତାନା । ୧୩ *ଆଇଙ୍ଗ୍ ଅତେଦିଶ୍ୱମ୍ରେ ତାଇନ୍ ଜାକେଦ୍ ଅତେଦିଶ୍ୱମ୍ରେନ୍ ମାର୍ସାଲ୍ ତାନିଙ୍ଗ୍ ।”

୧୪ ନେୟାଁ କାଜିକେଦ୍ତେ ଯୀଶୁ ଅତେରେ ବେଏକ୍ କେଦାଏ ଆତଃ ଏନ୍ ବେଏକ୍ ହାସାକେ ଲସଦ୍ କେଦ୍ତେ ଏନ୍ ହଡ଼ରାଃ ମେଦ୍ରେ ଗସଃକେଦାଏ, ଆତଃ ଇନିଃକେ ମେତାଇୟାଏ, ୧୫ “କୁ ସେନଃମେ ଆତଃ ‘ଶିଲୋହ’* ନୁଡୁମ୍ ବାନ୍ଦାରେ ଆବୁଙ୍ଗ୍ ଅଃମେ ।” ଇନିଃ ସେନଃୟାନ୍ତେ ଆବୁଙ୍ଗ୍ ଯାନାଏ ଆତଃ ନେନେଲ୍ ତାନଲଃ ଅଡ଼ାଃତେ ହିଜୁଃୟାନାଏ ।

୧୬ ଏନାତେ ହପର୍ଜାପାଃରେନ୍ଦକ ଆତଃ ଅକନ୍ଦକ ଇନିଃକେ ସିଦା କଏଁତାନ୍ ନେଲାଇକାକ, କାଜିକେଦାଃକ “ଦୁବ୍ କେଦ୍ତେ କଏଁତାନ୍ ତାଇକେନ୍ ନିଃ ଚିୟାଃ ନିଃଗି ନାହାଲିଃ ?”

୧୭ ଚିମିନ୍ଦକ କାଜିକେଦା, “ନିଃଗି ତାନିଃ” ଆତଃ ଏଟାଃକ କାଜିକେଦା, “ବାନଃ ନିଃ ଇନିଃଲେକାନିଃ ତାନିଃ ।”

ଏନାତେ ଇନିଃ ଆଇଃକ୍ ଗି କାଜିକେଦାଏ, “ଆଇଙ୍ଗ୍ ଇନିଃଗି ତାନିଙ୍ଗ୍ ।”

୧୮ ଏନ୍ତେ ଇନ୍ଦ୍ରକୁ ଇନିଃକେ କୁଲିକିୟାଃକ, “ଚିଲ୍ କାତେ ନାହାଁଃ ଆମ୍ ନେଲ୍ ଦାଡ଼ିତାନାମ୍ ?”

୧୯ ଇନିଃ କାଜିରୁହାଡ଼ାଦକଆଏ, “ଏନ୍ ଯୀଶୁ ନୁଡୁମ୍ ହଡ଼ ବେଏକ୍ ହାସାକେ ଲସଦ୍ କେଦ୍ତେ ଆଇଁୟାଃ ମେଦ୍ରେ ଗସଃକେଦାଏ ଆତଃ ଶିଲୋହରେୟାଃ ବାନ୍ଦାତେ ସେନ୍ କେଦ୍ତେ ଆବୁଙ୍ଗ୍ ଅଃମେ ମେତାଦିୟାଏ । ଏନ୍ତେ ଆଇଙ୍ଗ୍ ସେନ୍ କେଦ୍ତେ ଆବୁଙ୍ଗ୍ ଯାନ୍ ତରସା ନେଲ୍ ଦାଡ଼ିକେଦାଇଙ୍ଗ୍ ।”

୨୦ ଇନ୍ଦ୍ରକୁ ଇନିଃକେ କୁଲିକିୟାଃକ, “ଇନିଃ କତାଃରିୟା ?”

ଇନିଃ ମେତାଦକଆଏ, “ଆଇଙ୍ଗ୍ କାଇଙ୍ଗ୍ ସାରିୟାଃ ।”

ଫାରୁଶୀକ ବୁଗିୟାଃ ବିଷାଏରେ ଦାଣାଁବାଡ଼ାକେଦାକ

୨୧ ଏନ୍ତେ ଜାନାମ୍ ଏତେ କାଣାଁତାଇକେନ୍ ହଡ଼କେ ଇନ୍ଦ୍ରକୁ ଫାରୁଶୀକତାଃତେ ଇଦିକିୟାଃକ । ୨୨ ଯୀଶୁ ଅକନ୍ ହୁଲାଇଁ ହାସା ଲସଦ୍ କେଦ୍ତେ କାଣାଁ ହଡ଼ରାଃ ମେଦ୍ ବୁଗିକାକତାଇକେନାଏ, ଏନା ରୁଡ଼ୁ ହୁଲାଇଁ ତାଇକେନା । ୨୩ ଏନାମେନ୍ତେ ଇନିଃ ଚିଲ୍ କାତେ ନେଲ୍ ଦାଡ଼ିକେନାଏ, ଏନା ଫାରୁଶୀକ ଇନିଃକେ ଆତଃମିସା କୁଲିକିୟାଃକ । ଏନ୍ତେ ଇନିଃ ଇନ୍ଦ୍ରକୁଳେ କାଜିୟାଦକଆଏ, “ଇନିଃ ଆଇଁୟାଃ ମେଦ୍ରେ ଲସଦ୍ ହାସାକେ ଗସଃକେଦାଏ ଆତଃ ଆଇଙ୍ଗ୍ ଆବୁଙ୍ଗ୍ ଯାନାଇଙ୍ଗ୍ ଏନ୍ତେ ନାହାଁଃ ନେଲ୍ ଦାଡ଼ିତାନାଇଙ୍ଗ୍ ।”

* ୯:୫ ୯:୫ ମାଥୁଉ ୫:୧୪; ଯୋହାନ୍ ୮:୧୨. * ୯:୭ ୯:୭ ଶିଲୋହକୁଲାଇକାନ୍ ନିଃ

୧୭ ଏନ୍ତେ ଫାରୁଶୀକଏତେ ଚିମିନ୍ଦକ କାଜିକେଦା, “ନେୟାଁ କାମିକାଦ୍ ହଡ଼ ପାର୍ମେଶ୍ୱାର୍ଯ୍ୟାଏତେ ନାହାଁଲିଃ, ଚିୟାଃଚି ଇନିଃଦ ରୁଡ଼ନ୍ନୁ ହୁଲାଇଈକେ କାଏ ମାନାତିଈଡାନା ।”

ଆତଃ ଏଟାଃକ କାଜିକେଦା, “ପାପିହଡ଼ ଚିଲକାତେ ନେ ଲେକାନ୍ ପେଡ଼େୟାନ୍ କାମିକ କାମିଦାଡ଼ିୟାଏ ?” ଏନ୍ତେ ଆକଆଃ ଆଲାରେ ବିପିଙ୍ଗାଅୟାନାକ ।

୧୮ ଏନାମେନ୍ତେ ଫାରୁଶୀକ ଏନ୍ ହଡ଼କେ ଆତଃମିସା କୁଲିକିୟାଃକ, “ଆମାଃ ମେଦ୍ ବୁଗିକେଦ୍ମେୟାଏ ଇନିୟାଃ ବିଷାଏରେ ଆମ୍ ଚିନାଃମ୍ ମେନେଡାନା ?”

ଇନିଃ ମେତାଦକଆଏ, “ଇନିଃ ମିଆଁଦ୍ ନାବୀ ତାନିଃ ।”

୧୯ ଇନିଃ କାଣାଁ ତାଇକେନାଏ ଆତଃ ନାହାଁଃ ନେଲ୍ ଦାଡ଼ିକେଦାଏ, ଏନ୍ ମେଦ୍ ବୁଗିୟାକାନ୍ ହଡ଼ଆଃ ଏଙ୍ଗା ଆପୁକିନ୍କେ ଆଉରି କୁଲିକିନ୍ ଜାକେଦ୍ ଯିହୁଦୀକଆଃ ହାକିମ୍ କାକ ପାଡ଼ିୟାରେକେଦାଃ । ୧୯ ଆତଃ ଇନ୍କୁ ଇନ୍କିନ୍କେ କୁଲିକେଦ୍କିନାକ, “ମେଦ୍ କାଣାଁକେଦ୍ତେ ଜାନାମାକାନ୍ ହନ୍ ତାବେନାଃ ନିଃଚି ତାନିଃଚି ? ଚିଲକାତେ ନାହାଁଃ ଇନିଃ ନେଲ୍ ଦାଡ଼ିତାନାଏ ?”

୨୦ ଇନିୟାଃ ଏଙ୍ଗାଆପୁକିନ୍ ମେତାଦକଆକିନ୍, “ଇନିଃ ଆଲିଙ୍ଗୟାଁଃ ହନ୍ ତାନିଃ ଆତଃ ମେଦ୍ କାଣାଁକେଦ୍ତେ ଜାନାମାକାନ୍ ତାଇକେନାଏ ନେୟାଁଲିଙ୍ଗ ସାରିକାଦା, ୨୧ ମେନ୍ଦ୍ ଇନିଃ ଚିଲକାତେ ନାହାଁଃ ନେଲ୍ ଦାଡ଼ିତାନାଏ ଏନା କାଲିଙ୍ଗ ସାରିୟାଃ, ଚାଏ ଅକଏ ଇନିୟାଃ ମେଦ୍ ବୁଗିକିୟାଏ ଏନାହ କାଲିଙ୍ଗ ସାରିୟାଃ । ଇନିଃକେ କୁଲିପେ, ଇନିଃଦ ସେୟାନାନ୍ରିୟାଏ, ଆୟାଃ କାଜି ଆଇଃକ୍ଚି କାଜିୟାଏ ।”

୨୨ ଇନିୟାଃ ଏଙ୍ଗାଆପୁକିନ୍ ଯିହୁଦୀକଆଃ ହାକିମ୍କଆଃ ବରତେ ନେ ସବେନାଃକିନ୍ କାଜିକେଦା, ଚିୟାଃଚି ଜେତାଏ ଯୀଶୁକେ ମାସି ତାନିଃ ମେନ୍ତେ ମାନାତିଈରେଦ ଇନିଃ ସାମାଜ୍ଅଡ଼ାଃଏତେ ଆତମଃଆଏ ମେନ୍ତେ ଯିହୁଦୀକ ଆକ ଆକରେକ ରୋଜୋଟକାଦ୍ ତାଇକେନାକ । ୨୩ ଏନାମେନ୍ତେ ଇନିୟାଃ ଏଙ୍ଗାଆପୁକିନ୍ କାଜିୟାଦକଆକିନ୍, “ଇନିଃ ସେୟାନାନ୍ରିୟାଏ; ଇନିଃକେ କୁଲିପେ ।”

୨୪ ଏନ୍ତେ ଇନ୍କୁ ଏନ୍ ମେଦ୍ କାଣାଁକାନ୍ ହଡ଼କେ ଆତଃମିସା କେଡ଼ାକେଦ୍ତେ କାଜିକିୟାଃକ, ପାର୍ମେଶ୍ୱାର୍ଯ୍ୟା ଆୟାରେ କିରିୟାକେଦ୍ତେ ସାର୍ଡ଼ି କାଜିମେ, “ଆଲେ ସାରିତାନାଲେ ଅକ ହଡ଼ ଆମ୍କେ ନେନେଲ୍ ନାଙ୍ଗ୍ ପେଡ଼େଃ ଏମାକାଦ୍ମେୟାଏ, ଇନିଃ ପାପିତାନିଃ ।”

୨୫ ଏନ୍ତେ ଇନିଃ କାଜିରୁହାଡ଼ାଦକଆଏ, “ଇନିଃ ପାପିହଡ଼ ତାନିଃ ଚାଏ ନାହାଁଲିଃ ଏନା କାଲିଙ୍ଗ ସାରିୟାଃ ? ମିଆଁଦ୍ କାଜି ସାରିତାନାଲିଙ୍ଗ୍, ଆଇଙ୍ଗ୍ କାଣାଁ ତାଇକେନାଲିଙ୍ଗ୍, ଆତଃ ନାହାଁଃ ନେଲ୍ ଦାଡ଼ିତାନାଲିଙ୍ଗ୍ ।”

୨୬ ଏନ୍ତେ ଇନ୍କୁ ଇନିଃକେ ଆତଃଚି କୁଲିକିୟାଃକ, “ଇନିଃ ଚିକ୍ନାଃ ଚିକାକେଦ୍ମେୟାଏ ? ଆତଃ ଚିଲକାତେ କାଣାଁକାନ୍ ମେଦ୍ତାମାଃ ବୁଗିକେଦ୍ମେୟାଏ ?”

୨୭ ଇନିଃ ଇନ୍କୁକେ ମେତାଦକଆଏ, “ଆଇଙ୍ଗ୍ ସିଦାରେ ଆପେକେ କାଜିୟାଦ୍ପେୟାଲିଙ୍ଗ୍, ଆତଃ ଆପେ କାପେ ଆୟୁମ୍କେଦାଃ, ଚିନାଃ ମେନ୍ତେ ଆତଃଚି ଆୟୁମ୍ ସାନାଙ୍ଗ୍ତାନାପେ ? ଚିୟାଃ ଆପେୟଚି ଇନିୟାଃ ଚେଲା ବାଇୟାଃ ସାନାଙ୍ଗ୍ତାନାପେ ?”

୨୮ ଏନ୍ତେ ଇନ୍କୁ ଇନିଃକେ ସାର୍ପାଅକେଦ୍ତେ କାଜିକିୟାଃକ, “ଆମ୍ ଇନିୟାଃ ଚେଲା ତାନମେ ମେନ୍ଦ୍ ଆଲେ ମୁଣାରାଃ ଚେଲାକ ତାନଲେ । ୨୯ ମୁଣାଲଃ ପାର୍ମେଶ୍ୱାର୍ ଜାଗାର୍ତାନ୍ ତାଇକେନାଏ ନେୟାଁଲେ ସାରିତାନା ମେନ୍ଦ୍ ନିଃ କତାଃଏତେ ହିଜୁଃକାନାଏ, ଏନା କାଲେ ସାରିୟାଃ ।”

୩୦ ଏନ୍ ହଡ଼ ଇନ୍କୁକେ କାଜିରୁହାଡ଼ାଦକଆଏ, “ଇନିଃ କତାଃଏତେ ହିଜୁଃକାନାଏ ଏନା କାପେ ସାରିୟାଃ ଆତଃ ଇନିଃ ଆଇୟାଃ ମେଦ୍ ବୁଗିକେଦ୍ମେୟାଏ, ନେୟାଁଦ୍ ଆକ୍ଦାଦାଅ କାଜିତାନାଃ । ୩୧ ପାର୍ମେଶ୍ୱାର୍ ପାପିକଆଃ ବିକ୍ତି କାଏ ଆୟୁମାଃ, ନେୟାଁବୁ ସାରିତାନା, ମେନ୍ଦ୍ ଜେତାଏ ପାର୍ମେଶ୍ୱାର୍କେ ସୁସାରିରେଦ୍ ଆତଃ ଆୟାଃ ମନେଲେକାତେ ସେସେନ୍ରେଦ ଇନିୟାଃ ବିକ୍ତି ଆୟୁମେୟାଏ । ୩୨ ଅତେଦିଶୁମ୍ରେୟାଃ ମୁନ୍ନୁଏତେ ଜେତାଏ ହଡ଼ ଜାନାମ୍କାଣାଁକେ ବୁଗିତେୟାଃ, ଚିଉଲାହ କା ଆୟୁମ୍କାନା । ୩୩ ନେ ହଡ଼ ପାର୍ମେଶ୍ୱାର୍ତାଃଏତେ କାଏ ହିଜୁଃକାନ୍ରେଦ ଚିଉଲାହ ଜେଡ଼ନାଃ କାଏ କାମି ଚିକାଦାଡ଼ିତେୟାଃ ।”

୩୪ ଇନ୍କୁ ଇନିଃକେ କାଜିରୁହାଡ଼କିୟାଃକ, “ଆମ୍ଦ୍ ପାପ୍ରେ ଜାନାମ୍କେଦ୍ତେ ପାପ୍ରେ ମେନାମେଆ ଆତଃ ଆମ୍ଚି ଆଲେକେ ଇତୁ ସାନାଙ୍ଗ୍ତାନାମ୍ ?” ଏନ୍ତେ ଇନ୍କୁ ଇନିଃକେ ସାମାଜ୍ଅଡ଼ାଃଏତେ ବାହାରି ଅଡ଼ଙ୍ଗକିୟାଃକ ।

ଆମ୍ବ୍ ଜୀଝାନ୍ରେ କାଣାଁକାନ୍ନିଃ

୩୫ ଇନ୍କୁ ଇନିଃକେ ସାମାଜ୍ଅଡ଼ାଃଏତେ ବାହାରି ଅଡ଼ଙ୍ଗକିୟାଃକ, ନେୟାଁ ଯୀଶୁ ଆୟୁମ୍କେଦ୍ତେ ଇନିଃକେ ନେଲ୍ନାମ୍ତାଇଲଃ କୁଲିକିୟାଏ, “ଚିୟାଃ ଆମ୍ ମାନଝାହନ୍ତାଃରେ ବିଶ୍ୱାସେତାନାମ୍ ?”

୩୬ ଇନିଃ କାଜିରୁହାଡ଼କିୟାଏ, “ହେ ପ୍ରାଭୁ, ଇନିଃ ଅକଏ ତାନିଃ କାଜିମେ, ଆଇଙ୍ଗ୍ଦ୍ ଇନିଃରେ ବିଶ୍ୱାସେଆଇଙ୍ଗ୍ ।”

୩୭ ଯୀଶୁ ଇନିଷକେ କାଜିକିୟାଏ, “ଆମ୍ ଇନିଷକେ ନେଲ୍ୟାକାଇୟାମ୍, ଆତଃ ଇନିଷ ଆମାଃଲଃ ଜାଗାରତାନିନିଷଗି ତାନିଷ ।”

୩୮ ଏନ୍ତେ ଇନିଷ “ହେ ପ୍ରାଭୁ, ଆଇଙ୍ଗ୍ ବିଶ୍ୱାସ୍ ତାନାଇଙ୍ଗ୍” ମେତାଇୟାଏ ଆତଃ ଇନିଷକେ ଅମ୍ବାଃକେଦ୍ତେ ଜହାର୍‌କିୟାଏ ।

୩୯ ଯୀଶୁ ମେତାଇୟାଏ, “ହଡ଼କଆଃ ବିଚାର୍ ନାଗେନ୍ତେ ଆଇଙ୍ଗ୍ ଅତେଦିଶୁମ୍‌ତେ ହିଜୁଆକାନାଇଙ୍ଗ୍ ।” କା ନେଲ୍‌ତାନକ ନେଲେୟାକ ଆତଃ ନେନେଲ୍‌ତାନକ କାଣ୍‌ୱାଃ । ୪୦ ଇନିଷଲଃ ତାଇକେନ୍ ଫାରୁଣୀକ ନେୟା ଆୟୁମ୍‌କେଦ୍ତେ ମେନ୍‌କେଦାଃକ, “ତିୟାଃ ଆଲେୟାଟି କାଣ୍‌କାନାଲେ ?” ୪୧ ଯୀଶୁ ଇନ୍‌କୁକେ କାଜିୟାଦ୍‌କଆଏ, “ଆପେ କାଣ୍‌କାନରେଦ ଆପେୟାଃ ପାପ୍ କା ତାଇନ୍‌ତେୟାଃ, ମେନ୍‌ଦ ଆଲେ ନେଲେତାନାଲେ, ନେୟା ନାହ୍‌ୱାଃ କାଜିତାନାପେ ଏନାମେନ୍ତେ, ଆପେୟାଃ ପାପ୍ ତାଇନିଷତାନା ।”

୧୦

ମିଶ୍ରିଗୁପିନିୟାଃ ଜନ୍‌କା କାଜି

୧ ଯୀଶୁ କାଜିକେଦାଏ, “ଆଇଙ୍ଗ୍ ସାର୍‌ତିଗି କାଜିୟାପେ ତାନାଇଙ୍ଗ୍, ଜେତାଏ ଦୁଆର୍‌ହରା ମିଶ୍ରିଅଡ଼ାଃରେ କା ବଲଃନିଷ ମେନ୍‌ଦ ଏଟାଃସାଃଏତେ ରାକାବ୍‌କେଦ୍ତେ ବଲଃନିଷ, କୁମ୍‌ତୁ ଆତଃ ରେରେଃକ୍‌ନିଷ ତାନିଷ । ୨ ଦୁଆର୍‌ହରା ବଲଃନିଷ ମିଶ୍ରିକଆଃ ଗୁପିନିଷ ତାନିଷ । ୩ ଇନିୟାଃ ନାଗେନ୍ତେ ଦୁଆର୍ ହରନିଷ ଦୁଆର୍ ନିଜେୟାଏ ଆତଃ ଇନିଷ ଆୟାଃ ମିଶ୍ରିକକେ ନୁତୁମ୍ ସାବ୍‌କେଦ୍ତେ ହାକାଅକରେ ମିଶ୍ରିକ ଇନିୟାଃ କାଜିକ ଆୟୁମାଃ ଆତଃ ଇନିଷ ବାହାରି ଅତଙ୍ଗ୍‌ଇଦିକଆଏ । ୪ ଆତଃ ଆୟାଃ ସବେନ୍ ମିଶ୍ରିକକେ ବାହାରି ଅତଙ୍ଗ୍‌କେଦ୍ତେ ଇନ୍‌କୁଆଃ ଆୟାର୍ ଆୟାର୍‌ରେ ସେସେନାଏ ଆତଃ ମିଶ୍ରିକ ସବେନ୍ ଆୟାଃ ଦୟା ଦୟାତେକ ଅତଙ୍ଗ୍‌ଇୟା ଚିୟାଃଟି ଇନ୍‌କୁଦ ଇନିୟାଃ ଲାବ୍‌ଜାକ ସାରିୟାଃ । ୫ ମେନ୍‌ଦ ଇନ୍‌କୁ ଏଟାଃନିଷକେ ଚିତ୍‌ଲାହ କାକ ଅତଙ୍ଗ୍‌ଇୟା ମେନ୍‌ଦ ଇନିଷତାଃଏତେ ସାଜିନ୍‌ତେକ ନିରାଃ, ଚିୟାଃଟି ଇନ୍‌କୁଦ ଇନିୟାଃ ଲାବ୍‌ଜା କାକ ସାରିୟା ।”

୬ ଯୀଶୁ ନେ ଜନ୍‌କା କାଜି କାଜିୟାଦ୍‌କଆଏ, ମେନ୍‌ଦ ଇନ୍‌କୁ ଇନିୟାଃ କାଜିକେଦ୍‌କାଜି ଚିନାଃତାନାଃ ଏନା କାକ ମୁଶ୍ରିୟାନା ।

ବୁଗିନ୍ ମିଶ୍ରିଗୁପିନିଃ ଯୀଶୁ

୭ ଏନ୍ତେ ଯୀଶୁ ଆତଃମିସା କାଜିୟାଦ୍‌କଆଏ, “ସାର୍‌ତିଗି କାଜିୟାପେ ତାନାଇଙ୍ଗ୍, ମିଶ୍ରିକଆଃ ଦୁଆର୍ ଆଇଙ୍ଗ୍ ତାନିଙ୍ । ୮ ଆଇଁୟାଃଏତେ ସିଦାରେ ହିଜୁଆକାନ୍ ସବେନ୍‌କ କୁମ୍‌ତୁ ଆତଃ ରେରେଃକ୍‌କ ତାନକୁ ମେନ୍‌ଦ ମିଶ୍ରିକ ଇନ୍‌କୁଆଃ କାଜି କାକ ଆୟୁମ୍‌କେଦା । ୯ ଦୁଆର୍ ଆଇଙ୍ଗ୍ ତାନିଙ୍, ଜେତାଏ ଆଇଁୟାଃ ହରାତେ ବଲରେଦ ଇନିଷ ବାଞ୍ଚାଅଥାଏ, ଇନିଷ ଭିତାର୍‌ତେ ଅତଙ୍ଗ୍ ବଲରେ ତାରା ନାମେଗିୟାଏ । ୧୦ କୁମ୍‌ତୁ କୁମ୍‌ତୁ ଗଗଏଃ ଆତଃ ଜିୟନ୍ ନାଗେନ୍ତେ ଏସକାର୍ ହିଜୁଆଏଃ, ମେନ୍‌ଦ ଇନ୍‌କୁ ଜୀଦାନ୍‌କ ନାମେକା, ଆଦ୍‌କାଗି ନାମେକା ମେନ୍ତେଇଙ୍ଗ୍ ହିଜୁଆକାନା ।

୧୧ “ଆଇଙ୍ଗ୍ ଏନ୍ ବୁଗିନ୍ ଗୁପିନିଃ ତାନିଙ୍, ବୁଗିନ୍ ଗୁପିନିଃ ମିଶ୍ରିକ ନାଗେନ୍ତେ ଆୟାଃ ଜୀଉ ଏମେୟାଏ । ୧୨ ଅକଏ ଗୁପିନିଃ ନାହାଲିଃ, ଇନିଷଦ ନାଲାନାମ୍‌ନିଃ ତାନିଷ ଆତଃ ମିଶ୍ରିକ ଆୟାଃ ନାହ୍‌ୱାଲାଃକ ଏନାମେନ୍ତେ ଇନିଷ ହୁଣ୍ଡାର୍ ହିଜୁଃତାନ୍ ନେଲ୍‌କେଦ୍ତେ ମିଶ୍ରିକକେ ନିର୍ ବାଗିତାକୁଆଏ ଆତଃ ହୁଣ୍ଡାର୍ ମିଶ୍ରିକକେ ରେଃକ୍‌କେଦ୍ତେ ଛିତିବିତି ତାକଆଏ । ୧୩ ଏନ୍ ହଡ଼ ନିର୍ ବାଗିତାକୁଆଏ, ଚିୟାଃଟି ଇନିଷ ନାଲାନାମ୍‌ନିଃ ତାନିଷ ଆତଃ ମିଶ୍ରିକ ନାଗେନ୍ତେ କାଏ ଉଡ଼ୁୟା । ୧୪ ଆଇଙ୍ଗ୍ ବୁଗିନ୍ ଗୁପିନିଃ ତାନିଙ୍, ଜେଲେକା ଆପୁଇଙ୍ଗ୍ ଆଇଙ୍ଗ୍‌କେ ସାରିୟାଏ ଆତଃ ଆଇଙ୍ଗ୍ ଆପୁଇଙ୍ଗ୍‌କେ ସାରିୟାଇଙ୍ଗ୍, ୧୫ ଏନ୍‌ଲେକାଗି ଆଇଙ୍ଗ୍ ଆଇଁୟାଃ ମିଶ୍ରିକକେ ସାରିୟାଇଙ୍ଗ୍ ଆତଃ ଆଇଁୟାଃ ମିଶ୍ରିକ ଆଇଙ୍ଗ୍‌କେ ସାରିୟାଃକ । ଆଇଙ୍ଗ୍ ମିଶ୍ରିକ ନାଗେନ୍ତେ ଆଇଁୟାଃ ଜୀଉ ଏମ୍ ନାଗେନ୍ତେ ସେକାଡ଼ାକାନାଇଙ୍ଗ୍ । ୧୬ ଆଇଁୟାଃ ଆତଃଗି ଏଟାଃ ମିଶ୍ରିକ ମେନାକଆ, ଇନ୍‌କୁ ନେ ମିଶ୍ରିଅଡ଼ାଃରେନ୍ ନାହ୍‌ୱାଲାଃକ । ଇନ୍‌କୁକେହଗି ଆଇଙ୍ଗ୍‌କେ ଆଉ ଲାଗାତିୟାଃ ଆତଃ ଇନ୍‌କୁ ଆଇଁୟାଃ ଲାବ୍‌ଜାକ ଆୟୁମେୟା ଏନ୍ତେ ମିଆଁଦ୍ ଗୋଟ୍ ଆତଃ ମିଆଁଦ୍ ଗୁପିନିଃ ତାଇନାଃଏ ।

୧୭ “ଆଇଙ୍ଗ୍ ଆଇଁୟାଃ ଜୀଉକେ ଏମ୍‌କେଦ୍ ହରାତେ ଆପୁ ଆଇଙ୍ଗ୍‌କେ ଦୁଲାଡ଼ିଙ୍ଗ୍ ତାନାଏ, ଆତଃ ଆଇଙ୍ଗ୍ ଆଇଁୟାଃ ଜୀଉକେ ଆତଃମିସା ନାମ୍‌ରୁହାଡ଼େ ନାଗେନ୍ତେ ଏମେତାନିଙ୍ । ୧୮ ଜେତାଏ ଆଇଁୟାଃ ଜୀଉକେ ଆଇଙ୍ଗ୍‌ତାଃଏତେ କାକ ଇଦିୟା ମେନ୍‌ଦ ଆଇଙ୍ଗ୍ ଆଇଙ୍ଗ୍‌ତେଗି ଏନାକେ ଏମାଃଇଙ୍ଗ୍ । ଏନାକେ ଏମ୍ ଆତଃ ଇଦି ରୁହାଡ଼ରେୟାଃ ଆକ୍‌ତେୟାର୍ ଆଇଁୟାଃ ମେନାଃ । ନେ ଆନ୍‌ରୁ ଆଇଙ୍ଗ୍ ଆପୁଇଙ୍ଗ୍‌ତାଃଏତେ ନାମ୍‌କାଦାଇଙ୍ଗ୍ ।”

୧୯ ଆତଃଗି ନେ କାଜି ନାଗେନ୍ତେ ଯିହୁଦୀକ ବିପିଙ୍ଗାଅ*ୟାନାକ । ୨୦ ଇନ୍‌କୁଏତେ ପୁରାଃକ କାଜିକେଦା,

✠ ୧୦:୧୪ ୧୦:୧୪ ମାଥୁର ୧୧:୨୭; ଲୁକ ୧୦:୨୨. * ୧୦:୧୯ ୧୦:୧୯ କାଜି କା ମେସାଅଃତେୟାଃ

“ଇନିଃକେ ବଞ୍ଚା ଏସେରକିୟାଏ, ଆତଃ ଇନିଃ ବାଲୁଅଃତାନାଏ, ଇନିୟାଃ କାଜି ଚିନାଃ ମେନ୍ତେପେ ଆୟୁମେତାନା ?”

୨୧ ମେନ୍ଦ ଏଟାଃକ କାଜିକେଦା, “ବାନଃଗି ବଞ୍ଚା ଏସେରକାଈ ହଡ଼ ନେ ଲେକା କାଏ କାଜିୟା, ଚିୟାଃ ବଞ୍ଚା ମେଦ୍ କାଣିକାନ୍ନିଃକେ ବୁଗି ଦାଡ଼ିୟାଏ ?”

ୟାଶୁକେ କାକ ଦାରମକିୟା

୨୨ ଏନ୍ତେ ଯୀରୁଶାଲେମ୍ ମାନ୍ଦିରଅଡ଼ାଃକେ ପାର୍ମେଶ୍ୱାରତାଃରେ ଜିମାଅଃରେୟାଃ ପାରାବ୍ ସେଟେରୟାନା ଆତଃ ଏନା ରାବାଙ୍ଗ୍ ସାହା ତାଇକେନା । ୨୩ ଆତଃ ଯୀଶୁ ମାନ୍ଦିର ଅଡ଼ାଃରେ ସୁଲିମାନ୍ ନୁତୁମ୍ ପିଣ୍ଡଗିରେ ହନରତାନ୍ ତାଇକେନାଏ । ୨୪ ଏନ୍ତେ ଯିହୁଦୀକ ଇନିଃକେ ହୁଣ୍ଡି ବିୟୁରକିଃତେ କାଜିକିୟାଃକ, “ଆମ୍ ଆଲେକେ ଚିମିନ୍ ଜାକେଦ୍ ଆଲେୟାଃ ମନ୍ରେ ଆଡ଼ାଃଉଡ଼ଃରେମ୍ ଦହଲେୟା ? ଆମ୍ ମାସି ତାନ୍ମେରେଦ୍ ଆଲେକେ କାଜିୟାଲେମେ ।”

୨୫ ଯୀଶୁ ଇନକୁକେ କାଜିରୁହାଡ଼ାଦକଆଏ, “ଆଇଙ୍ଗ୍ ଆପେକେ ସିଦାରେ କାଜିୟାଦ୍ପେୟାଈଙ୍ଗ୍, ମେନ୍ଦ୍ ଆପେ କାପେ ପାଡ଼ିୟାରେତାନା । ଆପୁଇୟାଃ ନୁତୁମ୍ତେ ପେଡ଼େୟାନ୍ କାମିକ ଆଇଙ୍ଗ୍ କାମିକାଦ୍ କାମି ଆଇୟାଃ ଗାଝା ଏମେତାନାଏ । ୨୬ ମେନ୍ଦ୍ ଆପେ ଆଇୟାଃ ମିଣ୍ଡିକ ନାହାଁଲାପେ ମେନ୍ତେ କାପେ ପାଡ଼ିୟାରେତାନା । ୨୭ ଆଇୟାଃ ମିଣ୍ଡିକ ଆଇୟାଃ ଲାବୁଜାକ ଆୟୁମାଃ ଆତଃ ଆଇଙ୍ଗ୍ ଇନକୁକେଇଙ୍ଗ୍ ସାରିୟାଃ, ଏନ୍ତେ ଇନକୁ ଦୟା ଦୟାତେକ ଅତଙ୍ଗ୍ଇୟା । ୨୮ ଆତଃ ଆଇଙ୍ଗ୍ ଇନକୁକେ ଜାନାଅ ଜାନାଅରେୟାଃ ଜୀଦାନ୍ ଏମାଃଇଙ୍ଗ୍, ଆତଃ ଇନକୁ ଚିତଲାହ କାକ ଜିୟନଃଆ; ଆଇୟାଃ ତିଃଇଏତେ ଇନକୁକେ ଜେତାଏ କାକ ରେଃକ୍ଇଦି ଦାଡ଼ିୟାଃ । ୨୯ ଆପୁଇଙ୍ଗ୍ ଅକ୍ନାଃ ଏମାକାଦିୟାଃଏ ଏନା ସବେନାଃଏତେ ମାରାଙ୍ଗ୍ଆଃ ଆତଃ ଇନକୁକେ ଆପୁଆଃ ତିଃଇଏତେ ଜେତାଏ କାକ ରେଃକ୍ଇଦି ଦାଡ଼ିୟା । ୩୦ ଆଇଙ୍ଗ୍ ଆତଃ ଆପୁଇଙ୍ଗ୍ ମିଆଁଦ୍ଗି ତାନ୍ଲିଙ୍ଗ୍ ।”

୩୧ ନେ କାଜି ଆୟୁମ୍କେଦ୍ତେ, ଯିହୁଦୀକ ଇନିଃକେ ଚିଦ୍ଗି ନାଗେନ୍ତେ ଆତଃମିସା ଦିରିକ ହାଲାଙ୍ଗ୍କେଦାଃ । ୩୨ ମେନ୍ଦ୍ ଯୀଶୁ ଇନକୁକେ କାଜିୟାଦକଆଏ, “ଆଇଙ୍ଗ୍ ଆପୁତାଃଏତେ ପୁରାଃ ବୁଗିନ୍ କାମିକ ଆପେକେଇଙ୍ଗ୍ ଉଦୁବାଦ୍ପେୟା, ଏନାଏତେ ଅକ କାମି ନାଗେନ୍ତେ ଚିଦ୍ଗିଙ୍ଗ୍ତାନାପେ ?”

୩୩ ଯିହୁଦୀକ ଇନିଃକେ କାଜିରୁହାଡ଼କିୟାଃକ, “ଆଲେ ଆମ୍କେ ବୁଗିନ୍ କାମି ନାଗେନ୍ତେ ଦିରି କାଲେ ଚିଦ୍ଗିମ୍ତାନା ମେନ୍ଦ୍ ପାର୍ମେଶ୍ୱାରକେ ନିନ୍ଦାଈତାନ୍ ନାଗେନ୍ତେ ଆତଃ ଆମ୍ ହଡ଼ ତାନ୍ମେରେୟା ପାର୍ମେଶ୍ୱାର ମେନ୍ତେ କାଜିନ୍ତାନାମ୍ ଏନାମେନ୍ତେ ଦିରି ଚିଦ୍ଗିମେତାନାଲେ ।”

୩୪ ଯୀଶୁ ଇନକୁକେ କାଜିରୁହାଡ଼ାଦକଆଏ, “ଆପେୟାଃ ଆନ୍ତୁ ପୁଅରେ ପାର୍ମେଶ୍ୱାର ମେନ୍କେଦାଏ, ‘ଆପେ ପାର୍ମେଶ୍ୱାରକ ତାନ୍ପେ ।’ ୩୫ ଆଲେ ସାରିଆଃଲେ ପାର୍ମେଶ୍ୱାରଆଃ ବାତାନ୍ ଜାନାଅ ସାରତିଗିଆ, ପାର୍ମେଶ୍ୱାରଆଃ କାଜି ଉଦୁବ୍ଲେନକକେ ପାର୍ମେଶ୍ୱାରକ ତାନ୍ପେ ମେତାକତାନ୍ରେଦ୍ ଆତଃ ଧାରାମ୍ପୁଅରେୟାଃ କାଜି କା ଅତମ୍ଦାଡ଼ିୟାଆଃ । ୩୬ ଆପୁ ପାର୍ମେଶ୍ୱାର ଆଇଙ୍ଗ୍କେ ସାଲାକେଦ୍ତେ ପାବିତାର କାମି ନାଙ୍ଗ୍ ଜିମାଈଙ୍ଗ୍ତାନ୍ଲଃ ନେ ଅତେଦିଶୁମ୍ତେ କୁଲାକାଦିୟା । ଆଇଙ୍ଗ୍ଦ୍ ପାର୍ମେଶ୍ୱାରଆଃ ହନ୍ ତାନିଙ୍ଗ୍ ମେନ୍ତେ କାଜିକେଦାଃଇଙ୍ଗ୍, ଏନାତେଚି ଆପେ ଆମ୍ ପାର୍ମେଶ୍ୱାରକେମ୍ ନିନ୍ଦାଈତାନା ମେନ୍ତେପେ କାଜିୟାଈଙ୍ଗ୍ତାନା ? ୩୭ ଆପୁଆଃ କାମିକ କାଈଙ୍ଗ୍ କାମିତାନ୍ରେଦ୍ ଆଲ୍ପେ ପାଡ଼ିୟାର୍ରେଇଙ୍ଗ୍ । ୩୮ ମେନ୍ଦ୍ ଆଇଙ୍ଗ୍ ଇନିୟାଃ ମନେଲେକା କାମିତାନ୍ରେଦ୍ ଆଇଙ୍ଗ୍କେ କାପେ ପାଡ଼ିୟାର୍ରେହଗି ଆଇୟାଃ ପେଡ଼େୟାନ୍କାମିକେ ବିଶ୍ୱାସେପେ, ଏନ୍ତେ ଆପୁ ଆଇୟାଃରିୟା ଆତଃ ଆଇଙ୍ଗ୍ ଆପୁରିୟା ନେଆଁ ଆପେ ଈତୁଆଃ ଆତଃ ଆବ୍କାର୍ଉରୁମେଆ ।”

୩୯ ଏନ୍ତେ ଆତଃମିସା ଯିହୁଦୀକ ଯୀଶୁକେ ସାସାଦ୍ନାଗେନ୍ତେ ସାନାଙ୍ଗ୍କେଦାଃକ, ମେନ୍ଦ୍ ଇନକୁଆଃ ତିଃଇଏତେ ଅତଙ୍ଗ୍ୟାନା ।

୪୦ ଏନ୍ତେ ଯୀଶୁ ଆତଃଗି ଯାଦାନ୍ ହାନ୍ପାରମ୍ ଯୋହାନ୍ ସିଦା ବାପ୍ତିସ୍ତା ଏମାକତାନ୍ ତାଇକେନ୍ ଠାୟାଦ୍ତେ ସେନଃୟାନାଏ ଆତଃ ଏନ୍ତାଃରେ ତାଇନ୍ୟାନାଏ । ୪୧ ଆତଃ ପୁରାଃ ହଡ଼କ ଇନିଃତାଃତେକ ହିକ୍ତୁଃୟାନା ଆତଃ ଯୋହାନ୍ଦ୍ ଜେତାନ୍ ପେଡ଼େୟାନ୍ କାମି କାଏ କାମିକେଦାଃ, ମେନ୍ଦ୍ ଯୋହାନ୍ ଇନିୟାଃ ବିଷାଏରେ କାଜିକାଦ୍ ସବେନାଃ ସାରତିଗି ତାନାଃ । ୪୨ ଆତଃ ଏନ୍ତାଃରେ ପୁରାଃ ହଡ଼କ ଇନିଃରେକ ପାଡ଼ିୟାର୍କେଦାଃ ।



ଲାଜାର୍ରେଃ ଗନଏଃ

☆ ୧୦:୪୦ ୧୦:୪୦ ଯୋହାନ୍ ୧:୨୮.

୧ *ବେଅନିଆରେନ୍ ମିଆଁଦ୍ ଲାଜାର୍ ନୁହୁମ୍ ହଡ଼ ଉରିୟୁତେ ଦୁକୁତାନ୍ ତାଇକେନାଏ । ମାରିୟାମ୍ ଆତଃ ଆୟାଃ ମିଶି ମାର୍ଥା ବାରାନ୍କିନ୍ ଏନ୍ ସାହାରରେ ତାଇନ୍ ତାଇନାକିନ୍ । ୨ *ଅକନ୍ କୁଡ଼ିତି ପ୍ରାଭୁଆଃ କାଟାରେ ବୁଗିନ୍ ସହାନ୍ ସୁନୁମ୍ ଗସଃକିୟାଏ, ଆତଃ ଇନିୟାଃ କାଟାକେ ଆୟାଃ ଉଦ୍ତେ ଜଦ୍‌କେଦାଏ, ଇନିଃ ଏନ୍ ମାରିୟାମ୍ ତାନିଃ ଆତଃ ଆୟାଃ ହାଗାତେ ଲାଜାର୍ ଉରିୟୁତାନାଏ ତାଇକେନାଏ । ୩ ଏନ୍ତେ ଏନ୍ ମିଶିକିନ୍ ଯୀଶୁତାଃତେ କାଜିକୁଲ୍‌କେଦାଃକିନ୍, “ହେ ପ୍ରାଭୁ ନେଲେମେ ଆମ୍ ଦୁଲ୍ଲାଡ଼ିତାନ୍‌ନିଃ ଉରିୟୁତାନାଏ ।”

୪ ଯୀଶୁ ନେୟାଁ ଆୟୁମ୍‌କେଦ୍‌ତେ କାଜିକେଦାଃଏ, “ନେ ଦୁକୁ ଲାଜାର୍‌ଆଃ ଗନଏଃ ନାଗେନ୍ତେଦ୍ କାହା, ମେନ୍‌ଦ୍ ପାର୍‌ମେଶ୍‌ବାର୍‌ଆଃ ମାଇନାନ୍ ନାଗେନ୍ତେ ଆତଃ ଏନାତେ ପାର୍‌ମେଶ୍‌ବାର୍‌ଆଃ ହନ୍ ମାଇନାନ୍‌ନଃକାଏ ମେନ୍ତେ ଏନା ହବାକାନା ।”

୫ ଯୀଶୁଦ୍ ମାର୍ଥା ଆତଃ ଇନିୟାଃ ମିଶିତେ ମାରିୟାମ୍‌କେ ଆତଃ ଲାଜାର୍‌କେ ଦୁଲ୍ଲାଡ଼କତାନ୍ ତାଇକେନାଏ । ୬ ଲାଜାର୍ ଉରିୟୁତେ ଦୁକୁତାନାଏ ତାଇକେନା ନେୟାଁ ଆୟୁମ୍‌କେଦ୍ ରେହ୍ ଯୀଶୁ ତାଇକେନ୍ ଠାୟାଦ୍‌ତାଃରେ ଆତଃ ବାର୍‌ସିଜ୍ ତାଇନ୍‌ୟାନାଏ । ୭ ଏନ୍ତେ ଯୀଶୁ ଆୟାଃ ତେଲାକକେ କାଜିୟାଦ୍‌କଆଏ, “ଦଲ୍ଲା ଯିହୁଦା ନାଗାର୍‌ତେବୁ ସେନ୍‌ରୁହାଡ଼ାଃ ।”

୮ ତେଲାକ ଯୀଶୁକେ କାଜିକିୟାଃକ, “ହେ ଗୁରୁ, ତିମିନ୍ ମାହାଁ ସିଦାରେ ଆମ୍‌କେ ଯିହୁଦାକ ଦିରି ତିଦ୍‌ଗିନାଜ୍‌କ ସାନାଜ୍ ତାଇକେନା, ହଲେହ୍ ଆମ୍‌କେ ଏନ୍ତାଃତେ ଆତଃଗି ସେନଃ ସାନାଜ୍‌ମେଁ ତାନା ?”

୯ ଯୀଶୁ କାଜିରୁହାଡ଼ାଦ୍‌କଆଏ, “ସିଜ୍‌ସାଟୁବ୍‌ରେ ବାରା ଘାଣ୍ଟା ବାନଆଃତି ? ଜେତାଏ ସିଜ୍‌ମାୟାଲ୍‌ରେ ସେସେନ୍‌ରେଦ୍ କାଏ ତହଦଃଆ, ତିୟାଃତି ଇନିଃ ନେ ଅତେଦିଶୁମ୍‌ରାଃ ମାୟାଲ୍‌କେ ନେଲ୍ୟାଏ ।

୧୦ ମେନ୍‌ଦ୍ ଜେତାଏ ନିଦାରେ ସେସେନ୍‌ରେଦ୍ ଇନିଃ ତହଦଃଆଏ, ତିୟାଃତି ଇନିୟାଃ ମାର୍ସାଲ୍ ବାନଆଃ ।”

୧୧ ନେୟାଁ କାଜିକେଦ୍ ତାୟମ୍‌ତେ ଯୀଶୁ ଆୟାଃ ତେଲାକକେ ଆତଃଗି ମେତାଦ୍‌କଆଏ, “ଆବୁଆଃ ଗାତି ଲାଜାର୍ ଦୁଡ଼ମ୍‌କାନାଏ, ମେନ୍‌ଦ୍ ଆଇଜ୍ ଇନିଃକେ ଏୟନ୍‌ନାଜ୍ ସେନ୍‌ତାନାଇଜ୍ ।”

୧୨ ତେଲାକ ଯୀଶୁକେ କାଜିକିୟାଃକ, “ହେ ପ୍ରାଭୁ, ଇନିଃ ଦୁଡ଼ମ୍‌କାନରେଦ୍ ବୁଗିୟଃଆଏ ।”

୧୩ ଯୀଶୁ ଆୟାଃ ଗନଏଃ ବିଷାଏରେ କାଜିକେଦାଏ, ମେନ୍‌ଦ୍ ତେଲାକ ସାର୍‌ତିଗି ଦୁଡ଼ମ୍‌ତାନାଏ ମେନ୍ତେକ୍ ଆଟ୍‌କାର୍‌କେଦାଃ । ୧୪ ଏନାତେ ଯୀଶୁ ଇନ୍‌କୁକେ “ଲାଜାର୍ ଗଏଃୟାନାଏ ମେତାଦ୍‌କଆଏ । ୧୫ ଆତଃ ଆପେୟାଃ ନାଗେନ୍ତେ ଆଇଜ୍ ଏନ୍ତାଃରେ କା ତାଇନ୍‌କେଦ୍‌ତେ ରାସ୍‌କାଆଃ ତାନାଇଜ୍, ଜେ'ଲେକା ଆପେ ପାଡ଼ିୟାରେୟାପେ, ମେନ୍‌ଦ୍ ଦଲ୍ଲା ଇନିଃକେ ନେଲ୍‌ତେବୁ ସେନା ।”

୧୬ ଏନ୍ତେ ଦିଦୁମ୍ କାଜିୟାଃତାନ୍ ଥୋମା ଆୟାଃ ଗାତିକକେ କାଜିୟାଦ୍‌କଆଏ, “ଦଲ୍ଲାବୁ ସବେନ୍‌କ ଗୁରୁଲଃ ସେନାବୁ ଆତଃ ଆବୁହଗି ଇନିଃଲଃବୁ ଗଜଃଆ ।”

ୟୀଶୁଗି ଜୀଉବିନିରିଦ୍ ଆତଃ ଜୀଦାନ୍ ତାନିଃ

୧୭ ଏନ୍ତେ ଯୀଶୁ ସେଟେର୍‌କେଦ୍‌ତେ, “ଲାଜାର୍‌କେ ତପାଗାଡ଼ାରେ ତପାତେୟାଃ ଚାର୍‌ଦିନ୍ ହବାଃଅତାନା” ମେନ୍ତେ ଆୟୁମ୍‌କେଦାଃଏ । ୧୮ ବେଅନିଆ ଯୀରୁଶାଲେମ୍‌ଏତେ ତିନ୍ କିଲୋମିଟର୍‌ଏତେହ୍ କାମ୍‌ତିସାଜିନ୍‌ରେ ତାଇକେନା । ୧୯ ଆତଃ ପୁରାଃ ଯିହୁଦାକ ମାର୍ଥା ଆତଃ ମାରିୟାମ୍‌ଆଃ ହାଗା ଲାଜାର୍ ବିଷାଏରେ ଇନ୍‌କିନ୍‌କେ ଜୀଉରାଡ଼େଃ* ଏମଃ ନାଗେନ୍ତେକ୍ ହିଜୁଃକାନ୍ ତାଇକେନା ।

୨୦ ଏନ୍ତେ ମାର୍ଥା ଯୀଶୁ ହିଜୁଃତାନାଏ ମେନ୍ତେ ଆୟୁମ୍‌କେଦ୍‌ତି ଇନିଃକେ ସେନ୍‌ଦାରମ୍‌କିୟାଏ, ମେନ୍‌ଦ୍ ମାରିୟାମ୍ ଅଡ଼ାଃରେଗି ଦୁବାକାନାଏ ତାଇକେନା । ୨୧ ଆତଃ ମାର୍ଥା ଯୀଶୁକେ କାଜିକିୟାଏ, “ହେ ପ୍ରାଭୁ, ଆମ୍ ନେତାଃରେମ୍ ତାଇକାନ୍‌ରେଦ୍ ଆଇୟାଃ ହାଗାଇଜ୍ କାଏ ଗଜାକାନ୍ତେୟାଃ । ୨୨ ମେନ୍‌ଦ୍ ଆମ୍ ନାହାଁଃ ହ୍ ପାର୍‌ମେଶ୍‌ବାର୍‌କେ ଆସିତେୟାଃ ସବେନାଃ ଏମାମେୟାଏ, ଏନା ଆଇଜ୍ ସାରିତାନାଇଜ୍ ।”

୨୩ ଯୀଶୁ ମାର୍ଥାକେ କାଜିକିୟାଏ, “ହାଗାମ୍ ତାମାଃ ଜୀଉ ନାମ୍‌କେଦ୍‌ତେ ଆତଃଗି ବିରିଦାଃଏ ।”

୨୪ ମାର୍ଥା ଇନିଃକେ କାଜିକିୟାଏ, “ଇନିଃ ତୁଣ୍ଡୁ ଦିପିଲିରେ ଜୀଉବିନିରିଦ୍‌ରେୟାଃ ନେତାରେ ଜୀଉବିରିଦାଃଏ, ଏନା ଆଇଜ୍ ସାରିତାନାଇଜ୍ ।”

୨୫ ଯୀଶୁ ଇନିଃକେ କାଜିକିୟାଏ, “ଜୀଉବିନିରିଦ୍ ଆତଃ ଜୀଦାନ୍ ଆଇଜ୍‌ଗି ତାନିଜ୍, ଜେତାଏ ଆଇୟାଃରେ ବିଶ୍ୱାସେତାନ୍‌ନିଃ ଗଜଃରେୟା ଜୀଉଦଃଆଏ । ୨୬ ଆତଃ ଜେତାଏ ଜୀହୁଦଃତାନ୍‌ନିଃ ଆତଃ ଆଇୟାଃରେ ବିଶ୍ୱାସେତାନ୍‌ନିଃ ତିଲ୍‌ଲାଅ କାଏ ଗଜଃଆ, ନେଆଁ ତିନାଃ ବିଶ୍ୱାସେତାନାମ୍ ?”

୨୭ ଇନିଃ ଯୀଶୁକେ କାଜିକିୟାଏ, “ହେ ପ୍ରାଭୁ, ଅତେଦିଶୁମ୍‌ତେ ଅକଏୟାଃ ହିଜୁଃରାଃ ତାଇନ୍‌କେନା, ଇନିଃ ଆମ୍‌ଗି ପାର୍‌ମେଶ୍‌ବାର୍‌ଆଃ ହନ୍ ମାସି ତାନ୍‌ମେଁ ନେୟାଁ ଆଇଜ୍ ବିଶ୍ୱାସେତାନା ।”

ୟୀଶୁ ରାଆଃକେଦାଏ

* ୧୧:୧ ୧୧:୧ ଲୁକ ୧୦:୩୮, ୩୯. * ୧୧:୨ ୧୧:୨ ଯୋହାନ୍ ୧୨:୩. * ୧୧:୧୯ ୧୧:୧୯ ସାନ୍ତୁନା

୨୮ ନେୟାଁ କାଜିକେଦ୍‌ଚି, ମାର୍ଥା ଆୟାଃ ମିଶିତେ ମାରିୟାମକେ ଉକ୍ତକେଦ୍‌ତେ କେଡ଼ାକିୟାଏ, ଆଡ଼ଃ ମେତାଇୟାଏ, “ଗୁରୁ ହିଜୁଃୟାନାଏ ଆଡ଼ଃ ଆମ୍‌କେ କେଡ଼ାମ୍‌ତାନାଏ ।” ୨୯ ଇନିଃ ନେୟାଁ ଆୟୁମ୍‌କେଦ୍‌ଚି, ବିରିଦ୍ ଧାବ୍‌ୟାନାଏ ଆଡ଼ଃ ଯୀଶୁତାଃତେ ସେନଃୟାନାଏ । ୩୦ ଯୀଶୁ ଇମ୍‌ତା ଜାକେଦ୍ ହାତୁତେ କାଏ ତେବାଃକାନ୍ ତାଇକେନା, ମେନ୍‌ଦ ମାର୍ଥା ଦାରମ୍ ଠାୟାଦ୍‌ତାଃରେଗି ଇନିଃ ତାଇକେନାଏ । ୩୧ ଏନ୍ତେ ଜୀଉରାଡ଼େଃ ନାଙ୍ଗ୍ ଅକନ୍ ଯିହୁଦୀକ ଅଡ଼ାଃରେ ମାରିୟାମଲଃ ତାଇକେନାକ, ଇନ୍‌କୁ ମାରିୟାମକେ ଇମ୍‌ତାଗି ବିରିଦ୍‌କେଦ୍‌ତେ ବାହାରି ଅଡ଼ଙ୍ଗ୍‌ତାନ୍ ନେଲ୍‌କିଃତେ ଇନିଃ ରାଆଃ ନାଗେନ୍ତେ ତପାଗାଡ଼ାତେ ସେନଃତାନାଏ ମେନ୍ତେ ଆବ୍‌କାର୍‌ତାନ୍‌ଲଃ ଇନିୟାଃ ଦୟା ଦୟାକ ଅଡ଼ଙ୍ଗ୍‌କିୟା ।

୩୨ ଏନ୍ତେ ମାରିୟାମ୍ ଯୀଶୁ ତାଇକେନ୍‌ତାଃ ତେବାଃୟାନ୍‌ଚି, ଇନିଃ ଯୀଶୁକେ ନେଲ୍‌ତାଇଲଃଗି ଇନିୟାଃ କାଟା ସୁବାରେ ଉୟୁଃୟାନାଏ ଆଡ଼ଃ କାଜିକିୟାଏ, “ହେ ପ୍ରାଭୁ, ଆମ୍ ନେତାଃରେମ୍ ତାଇକନ୍‌କାନ୍‌ରେଦ୍ ହାଗାଇଙ୍ଗ୍ ତାଇୟାଃ କାଏ ଗଜାକାନ୍‌ତେୟାଃ ।”

୩୩ ଯୀଶୁ ଇନିଃ ରାଆଃତାନ୍ ଆଡ଼ଃ ଇନିଃଲଃ ହିଜୁଃକାନ୍ ଯିହୁଦୀକକେହ ରାଆଃତାନ୍ ନେଲ୍‌କେଦ୍‌ତେ, ପୁରାଃ ଦୁକ୍ତେ ଆମ୍‌ରେ ବିଲ୍‌କାଅୟାନାଏ । ୩୪ ଆଡ଼ଃ କୁଲିକେଦ୍‌କଆଏ, “ଅକ୍‌ତାଃରେପେ ତପାକିୟା ?”

ଇନ୍‌କୁ କାଜିରୁହାଡ଼କିୟାଃକ, “ହେ ପ୍ରାଭୁ, ଏଲା ହିଜୁଃକେଦ୍‌ତେ ନେଲିମେ ।”

୩୫ ଯୀଶୁ ରାଆଃକେଦାଏ । ୩୬ ଏନ୍ତେ ଯିହୁଦୀକ କାଜିକେଦାଃକ, “ନେଲିପେ, ଯୀଶୁ ଲାଜାର୍‌କେ ଚିମିନ୍ ଦୁଲାଡ଼ି ତାଇକେନାଏ ।”

୩୭ ମେନ୍‌ଦ ଇନ୍‌କୁଏତେ ଚିମିନ୍‌କ କାଜିକେଦା, “ଇନିଃ ଏନ୍ କାଣ୍‌କାନ୍ ହଡ଼କେ କାଏ ନେଲ୍‌ଚିକାକିୟାଚି ? ଚିନାଃ ଇନିଃ ଲାଜାର୍‌ରାଃ ଗନଏଃ କାଏ ରକାଅଦାଡ଼ିତେୟାଃ ?”

ୟୀଶୁ ଲାଜାର୍‌କେ ଗନଏଃତେ ଜୀଉବିରିଦ୍‌କିୟାଏ

୩୮ ଏନ୍ତେ ଯୀଶୁ ଆଡ଼ଃମିସା ଆୟାଃ ମନ୍‌ରେ ପୁରାଃ ଖୁସ୍‌କେଦ୍‌ତେ ତପା ଠାୟାଦ୍‌ତେ ସେନଃୟାନାଏ, ଏନା ମିଆଁଦ୍ ଲାପାଙ୍ଗା ତାଇକେନା, ଆଡ଼ଃ ଏନାରେୟାଃ ଦୁଆର୍‌ତାଃ ମିଆଁଦ୍ ଦିରି ତାଇକେନା । ୩୯ ଯୀଶୁ “ଦିରିକେ ବାଟିଆତମେପେ” ମେନ୍ତେ ଆରୁକେଦ୍‌କଆ । ଏନ୍ତେ ଗଜାକାନ୍‌ନିୟାଃ ମିଶିତେ ମାର୍ଥା କାଜିକିୟାଏ, “ହେ ପ୍ରାଭୁ, ନାହାଁଃଦ ଇନିଃ ସହାନ୍‌କାତେୟାଃଆଏ, ଚିୟାଃଚି ଇନିଃ ଗଜାକାନ୍‌ତେୟାଃ ଚାରଦିନ୍ ହବାଅଃତାନା ।”

୪୦ ଯୀଶୁ ମାର୍ଥାକେ କାଜିକିୟାଏ, “ଆମ୍ ବିଶ୍ୱାସେରେଦ ପାର୍‌ମେଶ୍ୱାର୍‌ଆଃ ମାନାରାଙ୍ଗ୍ ନେଲେୟାମ୍, ଚିୟାଃ ନେୟାଁ କାଇଙ୍ଗ୍ କାଜିକାମ୍‌ତାଇନା ?” ୪୧ ଏନ୍ତେ ଇନ୍‌କୁ ଦିରିକେ ବାଟି ଆତମ୍‌କେଦାଃକ । ଆଡ଼ଃ ଯୀଶୁ ସାଙ୍ଗିଲ୍ ରାକାବ୍‌କେଦ୍‌ତେ କାଜିକେଦାଃକ, “ହେ ଆବା, ଆମ୍ ଆଇଁୟାଃ ବିକ୍ତି ଆୟୁମ୍‌କେଦାମ୍ ମେନ୍ତେ ଧାନ୍ୟାବାଦ୍ ଏମାମ୍ ତାନାଇଙ୍ଗ୍ । ୪୨ ଆମ୍ ଆଇଁୟାଃ ବିକ୍ତି ସବେନ୍‌ଇମ୍‌ତା ଆୟୁମାଃମ୍, ଏନା ଆଇଙ୍ଗ୍ ସାରିୟାଇଙ୍ଗ୍, ମେନ୍‌ଦ ନେ ଚାରିୟାଃରେ ତିଙ୍ଗୁଆକାନ୍ ଗାଦେଲ୍ ହଡ଼କ ଆମ୍ ଆଇଙ୍ଗ୍‌କେ କୁଲାକାଦିୟାମ୍ ମେନ୍ତେ ବିଶ୍ୱାସେ ନାଗେନ୍ତେ ଆଇଙ୍ଗ୍ ନେୟାଁ କାଜିକେଦାଇଙ୍ଗ୍ ।” ୪୩ ଇନିଃ ନେୟାଁ କାଜିକେଦ୍‌ଚି, କାଉରିକେଦ୍‌ତେ ହାକାଅକିୟାଏ, “ଏ ଲାଜାର୍, ଅଡ଼ଙ୍ଗ୍‌ଅଃମେ ।” ୪୪ ଏନ୍ତେ ଇନିଃ ଅଡ଼ଙ୍ଗ୍‌ୟାନା, ଆୟାଃ ତିଃଇ କାଟା ଲିଜାଃତେ ତଲ୍‌କାନ୍ ତାଇକେନା ଆଡ଼ଃ ଇନିୟାଃ ମେଦ୍‌ମୁହାଁଡ଼୍ ଗାମ୍‌ଛାତେ ତଲ୍ ବିୟୁରାକାନ୍ ତାଇକେନା । ଯୀଶୁ ଇନ୍‌କୁକେ ମେତାଦ୍‌କଆଏ, “ଇନିଃକେ ତଲ୍‌କାନ୍‌ତେୟାଃ ରାଡ଼ାଇପେ ଆଡ଼ଃ ସେନ୍‌ଇଚିଃପେ ।”

ୟୀଶୁଆଃ ବିରୁଧ୍‌ରେ ରୋଜୋଟ

(ମାଥୁଉ ୨୨:୧-୫; ମାର୍କ ୧୪:୧-୨; ଲୁକ ୨୨:୧-୨)

୪୫ ମାରିୟାମତାଃ ହିଜୁଃଲେନ୍ ପୁରାଃ ଯିହୁଦୀକ ଯୀଶୁ କାମିକେଦ୍‌ତେୟାଃ ନେଲ୍‌କେଦ୍‌ତେ ଇନିଃରେକ ବିଶ୍ୱାସ୍‌କେଦାଃ । ୪୬ ମେନ୍‌ଦ ଇନ୍‌କୁଏତେ ଚିମିନ୍‌କ ଫାରୁଶୀକତାଃ ସେନ୍‌କେଦ୍‌ତେ ଯୀଶୁ କାମିକେଦ୍‌ତେୟାଃ ଉଦୁବାଦ୍‌କଆକ । ୪୭ ଏନାମେନ୍ତେ ମୁଲ୍ ଯାଜାକ୍‌କ ଆଡ଼ଃ ଫାରୁଶୀକ ମାରାଙ୍ଗ୍ ପାଞ୍ଚେଟ୍‌କେଦ୍‌ତେ କାଜିକେଦାଃକ, “ଆବୁ ଚିନାଃବୁ ଚିକାତାନା ? ନେଲିପେ, ଏନ୍ ହଡ଼ଦ୍ ପୁରାଃ ପେଡ଼େୟାନ୍ କାମିକ କାମିତାନାଏ । ୪୮ ଆବୁ ଇନିଃକେ ନେ ଲେକାଗିବୁ ବାଗିତାଇରେଦ୍ ସବେନ୍ ହଡ଼କ ଇନିଃରେକ ବିଶ୍ୱାସେୟା, ଆଡ଼ଃ ରୋମିରେନ୍‌କ ହିଜୁଃକେଦ୍‌ତେ ଆବୁଆଃ ମାନ୍‌ର୍ ଆଡ଼ଃ ଦିଶୁମ୍ ବାର୍‌ନାଃକେକ ରେଃକ୍ ଇଦିୟା ।”

୪୯ ଏନ୍ତେ ଇନ୍‌କୁଏତେ ମିଆଁଦ୍ କାୟଫା ନୁତୁମ୍ ହଡ଼, ଏନ୍ ବାରାଷ୍‌ରେନ୍ ସାଲାକାନ୍ ମାରାଙ୍ଗ୍ ଯାଜାକ୍ ଇନ୍‌କୁକେ କାଜିୟାଦ୍‌କଆଏ, “ଆପେ ସବେନ୍ ଚିମିନ୍ ଡ଼ଣ୍ଡକ ତାନ୍‌ପେ, ୫୦ ହଡ଼କ ନାଗେନ୍ତେ ମିହୁଡ଼୍‌ଗି ଗଜଃକାଏ ଆଡ଼ଃ ଗଟା ଜାତି ଆଲକାକ ଜିୟନଃକା ଏନା ଆପେୟାଃ ନାଗେନ୍ତେ ପୁରାଃଗି ବୁଗିନାଃ

ମେନ୍ତେ କାପେ ଆବକାରେତାନା ।” ୫୧ କାୟଫା ନେ କାଜିଦ ଆଇଃକତେଗି କାଏ କାଜି, ମେନ୍ଦ ଏନ୍ ବାରାଷ୍ଟରେନ୍ ମାରାଙ୍ଗ ଯାଜାକ୍ ତାଇନ୍ହରାତେ, ଯୀଶୁ ଏନ୍ ଜାତିକ ନାଗେନ୍ତେ ଗଜଃଆଏ ମେନ୍ତେ ଇନିଃ ନେ ଆୟାରକାଜିକ କାଜିକେଦାଃଏ । ୫୨ ଆତଃ ଏନ୍ ଜାତିକ ନାଗେନ୍ତେ ଏସ୍କାର୍ କାହା ମେନ୍ଦ ପାର୍ମେଶ୍ୱାର୍ଆଃ ନେତେ ହେନ୍ତେୟାକାନ୍ ହଡକକେ ମିଦରେ ହୁଣ୍ଡିକ ନାଗେନ୍ତେ କାଜିକେଦାଃଏ ।

୫୩ ଏନ୍ହୁଲାଙ୍ଗତାଃଏତେ ଯୀଶୁକେ ଗଜି ନାଗେନ୍ତେ ଯିହୁଦୀକ ଆକରେକ ରୋଜୋଟକେଦାଃ । ୫୪ ଏନାମେନ୍ତେ ଯୀଶୁ ଯିହୁଦୀକଆଃ ନେପେଲ୍ରେ ଆତଃ କାଏ ହନର୍କେଦାଃ, ମେନ୍ଦ ଏନ୍ତାଃ ବାଗିକେଦତେ ବିରରେୟାଃ ନାଡେଃ ଦିଶ୍ୱମ୍ ଇଫ୍ରାଇମ୍ ନୁତୁମ୍ ମିଆଁଦ୍ ସାହାରତେ ସେନଃୟାନାଏ, ଆତଃ ଆୟାଃ ତେଲାକଲଃ ଏନ୍ତାଃରେ ତାଇନ୍ୟାନାଏ ।

୫୫ ଯିହୁଦୀକଆଃ ପାସ୍କା ପାରାବ୍ ନାଡେୟାକାନ୍ ତାଇକେନା, ପାରାବ୍ ସିଦାରେ ପୁରାଃ ହଡକ ଆକଆଃ ଫାର୍ତିୟଃ ନାଗେନ୍ତେ ଦିଶ୍ୱମ୍କଏତେ ଯୀରୁଶାଲେମ୍ତେକ ସେନଃୟାନା । ୫୬ ଏନ୍ତେ ଇନ୍କୁ ଯୀଶୁକେ ଦାଣ୍ଡାବାଡାତାନଲଃ ମାଦିର୍ ଅଡ଼ାଃରେ ତିଜୁଆକାନ୍ ଇମ୍ତା ଆକ ଆକଗିକ କୁପୁଲିୟାନା, “ଆପେ ଚିନାଃପେ ଉଡ଼ୁତାନା ? ଚିୟାଃ ଇନିଃ ପାରାବ୍ରେ କାଏ ହିଜୁଃଆ ?” ୫୭ ମୁଲ୍ ଯାଜାକ୍ ଆତଃ ଫାରୁଶୀକ ଯୀଶୁକେ ସାବି ନାଗେନ୍ତେ ଇନିଃ କତାଃରିୟା, ଏନା ଜେତାଏ ସାରିରେଦ ଉଦୁବାଲେପେ ମେନ୍ତେ ଆତୁକାଦ୍ ତାଇକେନାକ ।

୧୨

ମାରିୟାମ୍ ଯୀଶୁକେ ବୁଗିନ୍ ସହାନ୍ ସୁନୁମ୍ ଗସଗିତାନାଏ (ମାଥୁର ୨୭:୬-୧୩; ମାର୍କ ୧୪:୩-୯)

୧ ଯୀଶୁ ପାସ୍କା ପାରାବ୍ରେୟାଃ ଛ ଦିନ୍ ସିଦାରେ ବେଥ୍ଲିଆତେ ସେନଃୟାନାଏ, ଏନ୍ତାଃରେ ଯୀଶୁ ଗନଏଃ ଏତେ ଜାଉବିରିଦାକାଇ ଲାଜାର୍ରାଃ ଅଡ଼ାଃ ତାଇକେନା । ୨ ଇନ୍କୁ ଏନ୍ତାଃରେ ଇନିୟାଃ ନାଗେନ୍ତେ ଆୟୁର୍ ଜମେୟାକ ବାଇକେଦାଃ ଆତଃ ମାର୍ଥା ସୁସାରରେୟାଃ ବାହାରମ୍ ଇଦିକାଦ୍ ତାଇକେନାଏ, ଏନ୍ତେ ଯୀଶୁଲଃ ଦୁବାକାନ୍କ ଆଲାରେ ଲାଜାର୍ହଗି ତାଇକେନାଏ । ୩ ଏନ୍ତେ ମାରିୟାମ୍ ଆଧା ଲିଟର୍ ପୁରାଃ ଫାର୍ତି ଗନଙ୍ଗାନ୍ ଜଟାମାସି ବୁଗିନ୍ ସହାନ୍ ସୁନୁମ୍ ଆଉକେଦତେ ଯୀଶୁଆଃ କାଟାରେ ଦୁଲ୍କେଦାଏ ଆତଃ ଇନିୟାଃ କାଟା ଆୟାଃ ଉବ୍ତେ ଜଦ୍କେଦାଏ ଆତଃ ସୁନୁମ୍ରେୟାଃ ବୁଗିନ୍ ସହାନ୍ତେ ଅଡ଼ାଃ ପେରେୟାନା । ୪ ଯୀଶୁଆଃ ତେଲାକଏତେ ଇଷ୍ଟାରିୟଡ୍ ଯିହୁଦା ନୁତୁମ୍ ମିଆଁଦ୍ ତେଲା ତାଇକେନାଏ, ଅକଏତି ଯୀଶୁକେ ବାଇରିକଆଃ ତିଃଇରେ ଜିମାଇ ନାଗେନ୍ତେ ସାନାଙ୍ଗ୍ ତାଇକେନ୍ନିଃ କାଜିକେଦାଏ, ୫ “ନେ ବୁଗିନ୍ ସହାନ୍ ସୁନୁମ୍କେ ୩୦୦ ହୁଲାଙ୍ଗରାଃ ନାଲା ସିକାରେ ଆଖ୍ରିଙ୍ଗ୍କେଦତେ ଏନ୍ ପାଏସା ଚିନାଃମେନ୍ତେ ରେଙ୍ଗେଃକକେ କା ଏମ୍ୟାନା ?” ୬ ରେଙ୍ଗେଃତାନ୍କଆଃ ନାଗେନ୍ତେ ଉଡ଼ୁତାଇକେନାଏ ମେନ୍ତେ ଇନିଃ ନେଆଁ କାଏ କାଜିକେଦା ମେନ୍ଦ ଇନିଃ କୁମ୍ବୁ ତାଇକେନାଏ ଆତଃ ଇନିଃତାଃରେ ଟାକା ଆଇଲାଃ ତାଇକେନ୍ ହରାତେ ଏନାରେ ସାଜୁତେୟାଃ ଇନିଃ କୁମ୍ବୁ ଲୁଦି ତାଇକେନାଏ ।

୭ ମେନ୍ଦ ଯୀଶୁ କାଜିକେଦାଃଏ, “ଇନିଃକେ ବାଗିତାଇପେ ଚିୟାଃଚି ଆଇୟାଃ ତପାଅଃ ହୁଲାଙ୍ଗ ନାଗେନ୍ତେ ଇନିଃ ଏନାକେ ଦହଏକାଏ । ୮ ରେଙ୍ଗେଃକଦ୍ ସବେନ୍ଇମ୍ତା ଆପେଲଃ ତାଇନାଃକ ମେନ୍ଦ ଆଇଙ୍ଗ୍ ଆପେଲଃ ସବେନ୍ଇମ୍ତା କାଇଙ୍ଗ୍ ତାଇନାଃ ।”

ଲାଜାର୍ଆଃ ବିରୁଧ୍ରେ ରୋଜୋଟ

୯ ଯିହୁଦୀକଏତେ ଗାଦେଲ୍ ହଡକ ଯୀଶୁ ବେଥ୍ଲିଆରେ ମେନାଇୟା ମେନ୍ତେ ସାରିକେଦାଃକ ଆତଃ ଯୀଶୁଆଃ ନାଗେନ୍ତେ ଏସ୍କାର୍ କାହା ମେନ୍ଦ ଯୀଶୁ ଗଏଃକାନ୍କଏତେ ଜାଉବିରିଦାକାଇ ଲାଜାର୍କେ ନେଲି ନାଗେନ୍ତେକ ହିଜୁଃୟାନା । ୧୦ ଏନ୍ତେ ଲାଜାର୍କେହଗି ଗଜି ନାଗେନ୍ତେ ମୁଲ୍ ଯାଜାକ୍ ରୋଜୋଟକେଦାଃ । ୧୧ ଚିୟାଃଚି ଇନିୟାଃ ନାଗେନ୍ତେ ଯିହୁଦୀକଏତେ ପୁରାଃ ହଡକ ଇନ୍କୁକେ ମାନାତାଇକେନାକ ଆତଃ ଯୀଶୁରେକ ବିଶ୍ୱାସକେଦାଃ ।

ଯୀଶୁ ରାଜାଲେକା ଯୀରୁଶାଲେମ୍ତେ ବଲୟାନାଏ

(ମାଥୁର ୨୧:୧-୧୧; ମାର୍କ ୧୧:୧-୧୧; ଲୁକ ୧୯:୨୮-୪୦)

୧୨ ଏଟାଃ ହୁଲାଙ୍ଗ୍ ପାସ୍କା ପାରାବ୍ତେ ହିଜୁଃକାନ୍ ଗାଦେଲ୍ ହଡକ ଯୀଶୁ ଯୀରୁଶାଲେମ୍ତେ ହିଜୁଃତାନାଏ ମେନ୍ତେ ଆୟୁମ୍କେଦ୍ତି, ୧୩ ଇନ୍କୁ କିତା ଛାଡ଼ା ସାବ୍କେଦ୍ତେ ଇନିଃକେ ଦାରମି ନାଗେନ୍ତେକ ଅଡ଼ଙ୍ଗ୍ୟାନା ଆତଃ କାଉରିତାନ୍ଲଃ କାଜିକେଦାଃକ “ହୋଶାନ୍ନା, ପାର୍ମେଶ୍ୱାର୍ଆଃ ନୁତୁମ୍ତେ ହିଜୁଃତାନ୍ନିୟାଃ ଧାଇନ୍ ହବାଅଃକା, ଇସ୍ରାଏଲ୍ରେନ୍ ରାଜାରାଃ ଧାଇନ୍ ହବାଅଃକା ।”

୧୪ ଧାରାମ୍ପୁଅରାଃ ଅନଲ୍ ଲେକାତେ, ଯୀଶୁ ଗାଧାହନ୍ ନାମ୍କିଃତେ ଇନିଃରେ ଦେଏଃୟାନାଏ,

☆ ୧୨:୩ ୧୨:୩ ଲୁକ ୭:୩୭,୩୮.

୧୫ “ସିୟୋନ୍‌ରେନ୍ ହନ୍‌କୁଡ଼ି, ଆଲମ୍ ବରଏୟା,
ନେଲିମେ ଆମାଃ ରାଜା

ଗାଧାହନ୍‌ରେ ଦୁବ୍‌କେଦ୍‌ତେ ହିଜୁଃତାନା ।”

୧୬ ଇନିୟାଃ ଚେଲାଇ ନେ କାଜିକେ ଇମ୍‌ତା କାକ ଆର୍‌କାର୍ ଉରୁମ୍‌କେଦାଃ ମେନ୍‌ଦ୍ ଯୀଶୁଆଃ
ମାଇନାନ୍ ତାୟମ୍‌ତେ ନେ ସବେନାଃ ଇନିୟାଃ ବିଷାଏରେ ଧାରାମ୍‌ପୁଥ୍‌ରେ ଅଲାଇକେନା ଆତଃ
ଇନିଃକେ ଇନ୍‌କୁ ନେ ସବେନାଃକ ରିକାକାଦ୍ ତାଇକେନା ଏନା ଇନ୍‌କୁ ପାହାମ୍‌କେଦାଃକ ।

୧୭ ଆତଃ ଯୀଶୁ ଲାଜାର୍‌କେ ତପା ଗାତାଏତେ ହାକାଅକିୟାଏ ଆତଃ ଗଏଃକାନ୍‌କଏତେ
ଜୀଉବିରିଦ୍‌କିୟାଏ ଇମ୍‌ତା ଇନିଃଲଃ ତାଇକେନ୍ ଗାଦେଲ୍ ହଡ଼କ ଗାଞ୍ଜାକ ଏମ୍‌ତାଇକେନା ।

୧୮ ଫିମ୍‌ତାଜ୍ ଇନ୍‌କୁ ଯୀଶୁ ନେ ପେଡେୟାନ୍ କାମି କାମିକାଦାଃଏ ମେନ୍ତେ ଆୟୁମ୍‌କେଦାଃ ଇମ୍‌ତାଜ୍
ଏନ୍ ଗାଦେଲ୍‌ହଡ଼କ ଇନିଃଲଃ ନେପେଲ୍ ନାଗେନ୍ତେ ଅତଜ୍‌ୟାନାକ । ୧୯ ଏନ୍ତେ ଫୀରୁଶୀକ ଆକ
ଆକରେକ କାଜିକେଦା, “ନେଲେତାନାପେଦ, ଆବୁତେ ଜେଡ୍‌ନାଃ କା ବାଇୟାଆ ନେଆଁ ଆର୍‌କାରେପେ,
ନେଲ୍‌କପେ, ଅତେଦିଶୁମ୍‌ରେନ୍ ସବେନ୍‌କ ଇନିଃକେ ଅତଜ୍‌କିୟାଃକ ।”

ୟୁନାନୀରେନ୍‌କ ଯୀଶୁକେକ ଦାଣ୍ଡିତାନା

୨୦ ପାରାବ୍‌ରେ ସେଞ୍ଜା ନାଗେନ୍ତେ ହିଜୁଆକାନ୍‌କଏତେ ଚିମିନ୍ ହଡ଼କ ଗ୍ରୀକ୍‌ରେନ୍‌କ ତାଇକେନା ।

୨୧ ଇନ୍‌କୁ ଗାଲିଲ୍‌ରେୟାଃ ବେଥ୍‌ସାଇଦାରେନ୍ ଫିଲିପ୍‌ତାଃ ହିଜୁକେଦ୍‌ତେ କୁଲିକିୟାଃକ, “ହେ ଗମ୍‌କେ,
ଆଲେ ଯୀଶୁକେ ନେନେଲ୍ ସାନାଜ୍‌ତାନାଲେ ।”

୨୨ ଫିଲିପ୍ ଆହିୟାସ୍‌ତାଃ ସେନ୍‌କେଦ୍‌ତେ କାଜିକିୟାଏ, “ଏନ୍ତେ ଆହିୟାସ୍ ଆତଃ ଫିଲିପ୍ ଯୀଶୁକେକିନ୍
କାଜିକିୟାଃ ।” ୨୩ ଯୀଶୁ ଇନ୍‌କିନ୍‌କେ ମେତାଦ୍‌କିନାଏ, “ମାନଞ୍ଜାହନ୍‌ଆଃ ମାଇନାନ୍‌ରେୟାଃ ନେତା
ସେଟେରାକାନା । ୨୪ ଆଇଜ୍ ସାର୍‌ତିଗି କାଜିୟାପେ ତାନାଇଜ୍, ଗହମ୍‌ଜାଜ୍ ଅତେରେ ଉୟୁଃକେଦ୍‌ତେ
କା ଗଜଃରେଦ୍ ଏନା ଏସ୍‌କାର୍‌ଗି ତାଇନାଃ, ମେନ୍‌ଦ୍ ଏନା ଗଜଃରେଦ୍ ପୁରାଃ ଜ ଜଅଃଆ । ୨୫ ଜେତାଏ
ଆୟାଃ ଜୀଉକେ ଦୁଲାଇଡେୟାଏ ଇନିଃ ଏନାକେ ଆଦେୟାଏ ଆତଃ ଜେତାଏ ଆୟାଃ ଜୀଉକେ ନେ
ଅତେଦିଶୁମ୍‌ରେ ହିଲାଇଜ୍‌ୟେଆ, ଇନିଃ ଏନାକେ ଜାନାଅ ଜୀଦାନ୍ ନାଗେନ୍ତେ ବାଞ୍ଚାଅୟା । ୨୬ ଜେତାଏ
ଆଇଜ୍‌କେ ସୁସାରିଜ୍‌ରେଦ୍ ଇନିଃ ଆଇଜ୍‌କେ ଅତଜ୍‌ଇଜ୍‌କାଏ, ଆତଃ ଆଇଜ୍ ତାଇନଃତାଃରେ
ଆଇଜ୍‌କେ ସୁସାରିନିଃହ ତାଇନାଃଏ, ଆତଃ ଜେତାଏ ଆଇଜ୍‌କେ ସୁସାରିଜ୍‌ରେଦ୍ ଆପୁଇଜ୍ ଇନିଃକେ
ମାଇନିୟାଏ ।

ୟୀଶୁ ଆୟାଃ ଗନଏଃ ବିଷାଏରେ କାଜିକେଦାଃଏ

୨୭ “ନାହ୍‌ଝାଃଦ୍ ଆଇୟାଃ ମନ୍ ଆକ୍‌ବାକାଅକାନା, ଚିନାଃ ଆତଃଇଜ୍ କାଜିୟା ? ହେ ଆବା,
ନେ ନେତାଏତେ ଆଇଜ୍‌କେ ବାଞ୍ଚାଅଇଜ୍‌ମେ ମେନ୍ତେଇଜ୍ କାଜିୟାତି ? ମେନ୍‌ଦ୍ ଆଇଜ୍ ନେୟା
ନାଗେନ୍ତେଗିଇଜ୍ ହିଜୁଃକାନା, ଜେ'ଲେକାତି ଆଇଜ୍ ନେ ଦୁକୁରାଃ ନେତାରେଇଜ୍ ସାହାତିଜ୍ ଦାଡ଼ିୟାଃ
। ୨୮ ହେ ଆବା ଆମାଃ ନୁଡୁମ୍ ମାନାରାଜ୍‌ଅଃକା,” ମେନ୍‌କେଦ୍‌ତି ସିମ୍‌ଏତେ ନେ କାଜି ଆୟୁମ୍‌ୟାନା,
“ଆଇଜ୍ ଏନା ମାଇନାନ୍‌କାଦାଇଜ୍ ଆତଃ ଏନାକେ ଆତଃଗିଇଜ୍ ମାଇନାନ୍‌ନେୟା ।”

୨୯ ଏନ୍ତାଃରେ ତିଜ୍‌ଆକାନ୍ ଗାଦେଲ୍ ହଡ଼କ ଏନା ଆୟୁମ୍‌କେଦ୍‌ତେ ରିମିଲ୍ ସାଡ଼ିଲେନା ମେନ୍ତେକ
କାଜିକେଦା । ଏଟାଃକ ମେନ୍‌କେଦାଃ, “ଦୁଡ୍ ଇନିଃଲଃ ଜାଗାର୍‌କେନାଏ ।”

୩୦ ଯୀଶୁ କାଜିରୁହାଡ଼କେଦ୍‌କଆଏ, “ନେ କାଜି ଆଇୟାଃ ନାଗେନ୍ତେଦ୍ କାହା, ମେନ୍‌ଦ୍ ଆପେ ନାଗେନ୍ତେ
ତାନାଃ ।” ୩୧ ନାହ୍‌ଝାଃଦ୍ ନେ ଅତେଦିଶୁମ୍‌ରେୟାଃ ବିଚାର୍ ସେଟେରାକାନା, ନାହ୍‌ଝାଃ ନେ ଅତେଦିଶୁମ୍‌ରେନ୍
ଗମ୍‌କେ ବାହାରି ହୁରାଜ୍‌ଅଃଆଏ । ୩୨ ଆତଃ ଆଇଜ୍ ଅତେଦିଶୁମ୍‌ଏତେ ଚେତାନ୍‌ତେ ରାକାବଃରେଦ୍,
ସବେନ୍‌କକେ ଆଇଜ୍‌ତାଃତେଇଜ୍ ଆଇଜ୍ ଇଦିକଆ । ୩୩ ଇନିଃ ଚିଲ୍‌କା ଗନଏଃରେ ଦୁକୁନାମେୟାଏ,
ଏନା ନେ କାଜି ହରାତେ ଉଦୁବ୍‌କେଦା ।

୩୪ ସବେନ୍ ହଡ଼କ କାଜିରୁହାଡ଼କିୟାକ, “ମାସି ଜାନାଅ ଜାନାଅଗି ତାଇନାଃଏ ମେନ୍ତେ ଆଲେୟାଃ
ଆନ୍‌ତୁରେ ଆୟୁମାକାଦାଃଲେ, ଏନ୍ତେ ଆମ୍ ଚିଲ୍‌କାତେ ମାନଞ୍ଜାହନ୍ ଚେତାନ୍‌ତେ ରାକାବଃଗିୟାଏ
ମେନ୍ତେମ୍ କାଜିତାନା ? ନେ ମାନଞ୍ଜାହନ୍ ଅକଏ ତାନିଃ ?”

୩୫ ଏନ୍ତେ ଯୀଶୁ କାଜିୟାଦ୍‌କଆଏ, “ଆତଃ ହୁଡ଼ିଜ୍ ନେତାଗି ମାସ୍‌ଲ୍ ଆପେଲଃ ତାଇନାଃ, ନୁବାଃ
ଆପେକେ କାଏ ଏସେରପେ ନାଗେନ୍ତେ ମାସ୍‌ଲ୍ ଆପେଲଃ ତାଇନଃ ଇମ୍‌ତାଗି ମାସ୍‌ଲ୍‌ରେ ସେସେନେପେ
ଆତଃ ନୁବାଃରେ ସେସେନ୍‌ନିଃ କତାଃତେ ସେନଃତାନାଏ ଏନା କାଏ ସାରିୟାଃ । ୩୬ ଆପେ ମାସ୍‌ଲ୍‌ରେନ୍
ହଡ଼ ବାଇୟାଃ ନାଗେନ୍ତେ ମାସ୍‌ଲ୍ ଆପେଲଃ ତାଇନଃ ଇମ୍‌ତାଗି ମାସ୍‌ଲ୍‌ରେ ବିଶ୍ୱାସେପେ ।” ଯୀଶୁ ନେ
ସବେନାଃ କାଜିକେଦ୍‌ତି ସେନଃୟାନାଏ ଆତଃ ଇନ୍‌କୁତାଃଏତେ ଉକୁୟାନା ।

☆ ୧୨:୨୫ ୧୨:୨୫ ମାଥୁଉ ୧୦:୩୯; ୧୭:୨୫; ମାର୍କ ୮:୩୫; ଲୁକ ୯:୨୪; ୧୭:୩୩.

କା ବିଶ୍ୱାସତାନ୍ ହତକ

୩୭ ଯୀଶୁ ଇନ୍କୁଆଃ ଆୟାରରେ ପେଡେୟାନ୍ କାମିକ କାମିକେଦ୍ରେୟ ଇନ୍କୁ ଇନିଃତାଃରେ କାକ ବିଶ୍ୱାସକେଦାଃ । ୩୮ ନେ ଲେକାତେ ଯିଶାୟ ନାବୀୟାଃ କାଜି ପୁରାୟାନା,

“ହେ ପ୍ରାଭୁ, ଆଲେୟାଃ କାଜିରେ ଅକଏ ବିଶ୍ୱାସକାଦା ?
ଆତଃ ପ୍ରାଭୁଆଃ ପେଡେଃ ଅକଏତାଃରେ ଉଦୁବାକାନା ?”

୩୯ ଆତଃ ଏନାତେ ଇନ୍କୁ କାକ ବିଶ୍ୱାସ ଦାଡ଼ିକେନା, ଚିୟାଃଚି ଯିଶାୟ ଆତଃଚି କାଜିକାଦାଏ :

୪୦ “ପାର୍ମେଶ୍ୱାର ଇନ୍କୁଆଃ ମେଦକେ କାଣାଁ କାଦାଃଏ
ଆତଃ ମନ୍ ତାକଆଃକେ କେଟେଦ୍ କାଦାଃଏ
ଏନାମେନ୍ତେ ଇନ୍କୁଆଃ ମେଦକେ କାକ ନେଲ୍ଦାଡ଼ିୟାଃ
ଆତଃ ଆକଆଃ ମନ୍ତେ କାକ ଆଟ୍ଟକାର୍ ଦାଡ଼ିୟାଃ
ଆତଃ ଇନ୍କୁ ଆଇୟାଃରେ ମନ୍ କାକ ରୁହାଡ଼୍ ଦାଡ଼ିୟାଃ
ଆତଃ ଆଲେ ଇନ୍କୁକେ କାଲେ ବୁଗିକଆ ।”

୪୧ ଯିଶାୟ ଇନିୟାଃ ମାନାରାଙ୍ଗ୍ ନେଲ୍କେଦ୍ତେ ଆତଃ ଇନିଃକେ ଉଦୁବ୍କେଦ୍ତେ ଏନାକେ କାଜିକେଦାଏ । ୪୨ ଏନରେୟ ଯିହୁଦୀକଆଃ ହାକିମକଏତେ ପୁରାଃ ହତକ ଇନିଃରେକ ବିଶ୍ୱାସକେଦାଃ, ମେନ୍ଦ୍ ଫାରୁଶୀକଆଃ ନାଗେନ୍ତେ ଆତଃ ସାମାଜିଅଡ଼ାଃଏତେ ଆତମଃରେୟାଃ ବରତେ ଇନ୍କୁ କାକ ଉଦୁବେନ୍ୟାନା । ୪୩ ଚିୟାଃଚି ଇନ୍କୁଦ୍ ପାର୍ମେଶ୍ୱାର୍ଆଃ ମାଇନାନ୍ଏତେ ଆଦ୍କା ହତକଆଃ ମାଇନାନ୍କେକ ଦୁଲ୍ଲାଡ଼୍କେଦାଃ ।

ୟୀଶୁଆଃ କାନାଜିତେ ବିଚାର ହବାଅଆଃ

୪୪ ଯୀଶୁ କାଉରିତାନ୍ଲଃ କାଜିକେଦାଏ, “ଜେତାଏ ଆଇଙ୍ଗ୍ରେ ବିଶ୍ୱାସେତାନ୍ନିଃ ଆଇୟାଃରେ ଏସ୍କାର୍ କାହା ମେନ୍ଦ୍ ଆଇଙ୍ଗ୍ରେ କୁଲ୍ଲାକାଇଙ୍ଗ୍ନିଃରେୟ ବିଶ୍ୱାସାଃଏ । ୪୫ ଆତଃ ଜେତାଏ ଆଇଙ୍ଗ୍ରେ ନେଲ୍ଲାକାଦିଙ୍ଗ୍ୟାଏ, ଇନିଃ ଆଇଙ୍ଗ୍ରେ କୁଲ୍ଲାକାଇଙ୍ଗ୍ନିଃକେୟ ନେଲ୍ଲାକାଇଜାଏ । ୪୬ ଆଇୟାଃରେ ବିଶ୍ୱାସେନିଃ ନୁବାଃରେ ଆଲକାଏ ତାଇନଃକା ମେନ୍ତେ ଆଇଙ୍ଗ୍ ମାସ୍ତାଲ୍ ଲେକା ଅତେଦିଶୁମ୍ତେଇଙ୍ଗ୍ ହିଜୁଃକାନା । ୪୭ ଜେତାଏନିଃ ଆଇୟାଃ କାଜି ଆୟୁମକେଦ୍ତେ କାଏ ବିଶ୍ୱାସେରେଦ୍ ଆଇଙ୍ଗ୍ ଇନିୟାଃ କାଇଙ୍ଗ୍ ବିଚାରେୟାଃ, ଚିୟାଃଚି ଆଇଙ୍ଗ୍ ଅତେଦିଶୁମ୍ତାଃ ବିଚାର୍ ନାଗେନ୍ତେଦ୍ କାହା ମେନ୍ଦ୍ ଅତେଦିଶୁମ୍ତେ ବାଞ୍ଛାଅ ନାଗେନ୍ତେ ହିଜୁଃକାନାଇଙ୍ଗ୍ । ୪୮ ଜେତାଏ ଆଇଙ୍ଗ୍ରେ ହିଲ୍ଲାଇଙ୍ଗ୍ନିଃ ଆତଃ ଆଇୟାଃ କାଜି କା ମାନାଡ଼ିଙ୍ଗ୍ନିୟାଃ ବିଚାର୍ନିଃ ମେନାଇୟାଃ, ଆଇଙ୍ଗ୍ କାଜିୟାକାଦ୍ କାଜିଚି ବୁଶୁଲ୍ଲାଇଙ୍ଗ୍ରେ ଇନିୟାଃ ବିଚାରେୟାଏ । ୪୯ ନେଆଁ ସାର୍ଚିଗିଆ, ଚିୟାଃଚି ଆଇଙ୍ଗ୍ଦ୍ ଆଇୟାଃ ପେଡେଃତେ କାଇଙ୍ଗ୍ କାଜିୟାକାଦାଃ ମେନ୍ଦ୍ ଆଇଙ୍ଗ୍ ଚିନାଃଇଙ୍ଗ୍ କାଜିୟା ଆତଃ ଚିନାଃଇଙ୍ଗ୍ ଜାଗାରେୟା ଏନା ଆଇଙ୍ଗ୍ରେ କୁଲ୍ଲାକାଇଙ୍ଗ୍ ଆପୁ ଆଇଙ୍ଗ୍ରେ ଆରୁକାଦିୟାଏ । ୫୦ ଆତଃ ଇନିୟାଃ ଆନ୍ତୁଦ୍ ଜାନାଅ ଜୀଦାନ୍ ତାନାଃ ଏନା ଆଇଙ୍ଗ୍ ସାରିୟାଃ, ଚିୟାଃଚି ଆଇଙ୍ଗ୍ ଅକନ୍ କାଜିକ କାଜିୟାଇଙ୍ଗ୍ ଏନା ଆପୁଇଙ୍ଗ୍ ଆରୁକାଦ୍ ଲେକାଇଙ୍ଗ୍ କାଜିୟାଃ ।”

୧୩

ୟୀଶୁ ଚେଲ୍ଲାକଆଃ କାଟା ଆବୁଙ୍ଗ୍ୟେତାନା

୧ ପାସ୍କା ପାରାବ୍ରେୟାଃ ସିଦାରେ ଯୀଶୁ ନେ ଅତେଦିଶୁମ୍ତଏତେ ଆପୁତାଃତେ ସେନଃରେୟା ନେଡା ସେଚେରକାନା ମେନ୍ତେ ସାରିକେଦ୍ଚି ଇନିଃ ଅତେଦିଶୁମ୍ତରେନ୍ ଆୟାଃ ହତକକେ ଦୁଲ୍ଲାଡ଼୍କେଦ୍କଆଏ ଆତଃ ଇନ୍କୁକେ ଇନିୟାଃ ପୁରାଃ ଦୁଲ୍ଲାଡ଼୍ ଉଦୁବାଦ୍କଆଏ ।

୨ ଯୀଶୁ ଆତଃ ଆୟାଃ ଚେଲ୍ଲାକ ଆୟୁବ୍ ଜମେୟାଃରେ ତାଇକେନାକ, ଇମ୍ତା ସାଏତାନ୍ ଶିମୋନ୍ରାଃ ହତ୍ତେକଡ଼ା ଇଷ୍ଟାରିୟଡ଼୍ ଯିହୁଦାରାଃ ମନ୍ରେ ଯୀଶୁକେ ବାଇରିକଆଃ ଡିଃଇରେ ଜିମାଇ ନାଗେନ୍ତେ ମନ୍ବାଇ ଚାବାକାଦ୍ ତାଇକେନାଏ । ୩ ଇମ୍ତା ଆପୁ ସବେନ୍ ଆକ୍ତେୟାର୍ ଆଇୟାଃ ଡିଃଇରେ ଏମାକାଦାଃଏ ଆତଃ ଆଇଙ୍ଗ୍ ପାର୍ମେଶ୍ୱାର୍ତାଃଏତେ ହିଜୁଃକାନାଇଙ୍ଗ୍ ଆତଃ ପାର୍ମେଶ୍ୱାର୍ତାଃତେ ସେନ୍ରୁହାଡ଼ାଇଙ୍ଗ୍ ମେନ୍ତେ ଯୀଶୁ ସାରି ତାଇକେନାଏ । ୪ ଇନିଃ ଜଜମ୍ ଠାୟାଦ୍ଏତେ ବିରିଦ୍ୟାନାଏ ଆତଃ ଆୟାଃ ବୁସିଙ୍ଗ୍କାନ୍ ବାହାରି ଲିଜାଃ ଦହକେଦ୍ତେ ଆୟାଃ ମାୟାଙ୍ଗ୍ରେ ମିଆଁଦ୍ ଗାମ୍ଛା ପାଚେୟାନାଏ । ୫ ଏନ୍ତେ ବାସାନ୍ରେ ଦାଆଃ ଦୁଲ୍କେଦ୍ତେ ଚେଲ୍ଲାକଆଃ କାଟା ଆବୁଙ୍ଗ୍ ଏଟେଦ୍କେଦାଏ, ଆତଃ ମାୟାଙ୍ଗ୍ରେ ପାଚେୟାକାନ୍ ଗାମ୍ଛାତେ ଜଦ୍କେଦାଏ । ୬ ଏନ୍ତେ ଇନିଃ ଶିମୋନ୍ ପାଡ଼ରାସ୍ତାଃତେ ହିଜୁଃୟାନାଏ, ଆତଃ ଅକଏଚି କାଜିକିୟାଏ, “ହେ ପ୍ରାଭୁ, ଆମ୍ଚି ଆଇୟାଃ କାଟା ଆବୁଙ୍ଗ୍ଲୟାମ୍ ?”

୭ ଯୀଶୁ ଇନିଃକେ କାଜିରୁହାଡ଼କିୟାଏ, “ଆଇଙ୍ଗ୍ ରିକାତାନ୍ତେୟାଃ ନାହାଁଃ କାମ୍ ସାରିୟାଃ, ମେନ୍ଦ୍ ଏନା ତାୟମ୍ତେମ୍ ଆଟ୍ଟକାରେୟା ।”

୮ ପାତ୍ରରାସ୍ ଇନିଃକେ କାଜିକିୟାଏ, “ଆମ୍ ତିଉଲୀଅ ଆଇଁୟାଃ କାଟା ଆଲମ୍ ଆବୁଙ୍ଗ୍‌ଇୟା” ଯୀଶୁ ଇନିଃକେ କାଜିରୁହାଡ଼କିୟାଏ, “ଆଇଙ୍ଗ୍ କାଇଙ୍ଗ୍ ଆବୁଙ୍ଗ୍‌ମେରେଦ ଆମ୍ ଆଇଁୟାଃ ତେଲ୍ଲା କାମ୍ ହବାଦାଡ଼ିୟାଆ ।”

୯ ଏନ୍ତେ ଶିମୋନ୍ ପାତ୍ରରାସ୍ କାଜିକିୟାଏ, “ହେ ପ୍ରାଭୁ, ଆଇଁୟାଃ କାଟା ଏସ୍କାର୍ କାହା, ମେନ୍ଦ୍ ଆଇଁୟାଃ ତିଃଇ ଆତଃ ବହଃକେହ୍‌ଗି ଆବୁଙ୍ଗ୍‌ଇଙ୍ଗ୍‌ମେ ।”

୧୦ ଯୀଶୁ ଇନିଃକେ କାଜିକିୟାଏ, “ଉମେନ୍‌କାନ୍‌ନିଃକେ କାଟା ଏସ୍କାର୍ ଆବୁଙ୍ଗ୍ ଲାଗାଡ଼ିୟାଃ; ଇନିୟାଃ ଗଟା ହଡ଼ମ୍‌ଦ ଫାରିୟାକାନା ଆତଃ ମିହୁଡ଼କେ ବାରିକେଦ୍‌ତେ ଆପେ ସବେନ୍‌କ ଫାରିୟାକାନାପେ ।”

୧୧ ତିୟାଃତି ଇନିଃ ଆୟାଃ ସାବ୍‌ରିକାଇନିଃକେ ସାରିକାଇ ତାଇନାଏ ଏନାମେନ୍ତେ ଇନିଃ କାଜିକେଦାଃଏ, “ମିହୁଡ଼କେ ବାରିକେଦ୍‌ତେ ଆପେ ସବେନ୍‌କ ଫାରିୟାକାନାପେ ।”

୧୨ *ୟୀଶୁ ଇନ୍‌କୁଆଃ କାଟା ଆବୁଙ୍ଗ୍‌କେଦ୍‌ତି ଆୟାଃ ଲିଜାଃ ତୁସିଙ୍ଗ୍‌ୟାନାଏ ଆତଃ ଆୟାଃ ଜଜମ୍ ଠାୟାଦ୍‌ରେ ଦୁବ୍‌ରୁହାଡ଼ିୟାନାଏ, ଏନ୍ତେ ଇନ୍‌କୁକେ କୁଲିକେଦ୍‌କଆଏ, “ଆଇଙ୍ଗ୍ ଆପେ ନାଗେନ୍ତେ ରିକାକାଦ୍‌ତେୟାଃ ଆଟ୍‌କାରେତାନାପେତି ?” ୧୩ “ଆପେ ଆଇଙ୍ଗ୍‌କେ ହେ ଗୁରୁ ଆତଃ ହେ ପ୍ରାଭୁ, ମେନ୍ତେପେ କାଜିୟାଇଙ୍ଗ୍‌ତାନା ଏନା ବୁଗିନ୍‌ଗିପେ କାଜିତାନା ତିୟାଃତି ଆଇଙ୍ଗ୍ ଇନିଃଗି ତାନିଙ୍ଗ୍ । ୧୪ ଆଇଙ୍ଗ୍ ଆପେୟାଃ ପ୍ରାଭୁ ଆତଃ ଗୁରୁ ତାନିଙ୍ଗ୍ ହଲେହିଁ ଆପେୟାଃ କାଟା ଆବୁଙ୍ଗ୍‌କେଦାଃଇଙ୍ଗ୍, ଏନ୍‌ଲେକା ଆପେୟାଃ ମିଆଁଦ୍‌ନିଃ ଏଟାଃନିୟାଃ କାଟା ଆବୁଙ୍ଗ୍ ଲାଗାଡ଼ିୟାଃ । ୧୫ ଆଇଙ୍ଗ୍ ଆପେୟାଃ ନାଗେନ୍ତେ କାମିକାଦ୍‌ଲେକା ଆପେୟାଃ ରିକାଏପେ, ଏନାମେନ୍ତେ ଆଇଙ୍ଗ୍ ଆପେକେ ମିଆଁଦ୍ ନାମୁନା ଉଦୁବାକାଦ୍‌ପେୟାଃଇଙ୍ଗ୍ । ୧୬ *ଆଇଙ୍ଗ୍ ଆପେକେ ସାବ୍‌ତିଗି କାଜିୟାପେ ତାନାଇଙ୍ଗ୍, ଦାସି ଆୟାଃ ଗମ୍‌କେଏତେ କାଏ ମାରାଙ୍ଗ୍‌ଆଃ, ଆତଃ କାଜିଏମ୍‌ନିଃ ଆୟାଃ କୁଲ୍‌ନିଃତାଃଏତେ କାଏ ମାରାଙ୍ଗ୍‌ଆଃ । ୧୭ ନାହିଁଃଦ ଆପେ ନେ ସାବ୍‌ତିକେ ସାରିୟାଃକାଦାଃପେ, ଏନାକେ ରିକାଏରେଦ୍ ଆପେ ସୁକୁତାନ୍‌ଗିୟାଃପେ ।

୧୮ “ଆଇଙ୍ଗ୍ ଆପେ ସବେନ୍‌କଆଃ ବିଷାଏରେ କାଇଙ୍ଗ୍ କାଜିତାନା, ଆଇଙ୍ଗ୍ ସାଲାକାଦ୍ ହଡ଼କକେ ସାରିକାଦ୍‌କଆଇଙ୍ଗ୍, ମେନ୍ଦ୍ ଧାରାମ୍‌ପୁଅରେୟାଃ କାଜି ପୁରାଅଃ ନାଗେନ୍ତେ ନେ ଲେକା ହବାଅଃତାନା ‘ଆଇଁୟାଃଲଃ ହଲଙ୍ଗ୍ ହାଟିଙ୍ଗ୍ ଜମ୍‌ନିଃ ଆଇଁୟାଃ ବିରୁଧ୍‌ରେ ବିରିଦ୍‌ୟାନାଏ ।’ ୧୯ ନେୟାଁ ହବାଅଃରେ ଆପେ ଆଇଙ୍ଗ୍‌କେ ‘ଆଇଙ୍ଗ୍ ଆଇଙ୍ଗ୍‌ଗି ତାନିଙ୍ଗ୍’ ମେନ୍ତେପେ ବିଶ୍ୱାସେ ନାଗେନ୍ତେ ଆଇଙ୍ଗ୍ ଏନା ହବାଅଃ ସିଦାରେ ଆପେକେ ନାହିଁଃତେଗି ଉଦୁବାପେତାନାଇଙ୍ଗ୍ । ୨୦ *ଆଇଙ୍ଗ୍ ଆପେକେ ସାବ୍‌ତିଗି କାଜିୟାପେ ତାନାଇଙ୍ଗ୍, ଜେତାଏ ଆଇଙ୍ଗ୍ କୁଲ୍‌କାଇନିଃକେ ସୁକୁଆଇନିଃ ଆଇଙ୍ଗ୍‌କେ ସୁକୁଆଇଙ୍ଗ୍‌ୟାଏ, ଆତଃ ଆଇଙ୍ଗ୍‌କେ ସୁକୁଆଇଙ୍ଗ୍‌ନିଃ ଆଇଙ୍ଗ୍‌କେ କୁଲ୍‌ନିଃକେ ସୁକୁଆଇୟାଏ ।”

ସାବ୍‌ରିକାଇନିଆଃ ବିଷାଏରେ ଯୀଶୁଆଃ ଆୟାବ୍‌କାଜି

(ମାଥୁ ୨୨:୨୦-୨୫; ମାର୍କ ୧୪:୧୭-୨୧; ଲୁକ ୨୨:୨୧-୨୩)

୨୧ ଯୀଶୁ ନେ ସବେନ୍‌ କାଜି କାଜିକେଦ୍‌ତି ଆମ୍‌ରେ ଆକ୍‌ବାକାଅୟାନାଏ ଆତଃ ଗାଞ୍ଜା ଏମ୍‌ତାନ୍‌ଲଃ କାଜିକେଦାଃଏ, “ସାବ୍‌ତିଗିଙ୍ଗ୍ କାଜିୟାପେତାନା, ଆପେକଏତେ ମିଆଁଦ୍‌ନିଃ ଆଇଙ୍ଗ୍‌କେ ବାଇରିକଆଃ ତିଃଇରେ ସାବ୍‌ରିକାଇଙ୍ଗ୍‌ୟାଏ ।”

୨୨ ଯୀଶୁ ଅକଏକେ କାଜିତାନାଏ ମେନ୍ତେ ତେଲ୍ଲାକ ଆଡ଼ାଃଉଡ଼ୁ ତାନ୍‌ଲଃ ଆକ ଆକରେକ ଆପ୍‌ରିଦ୍‌ୟାନା । ୨୩ ଆୟାଃ ତେଲ୍ଲାକଏତେ ମିଆଁଦ୍ ତେଲ୍ଲା ଅକଏକେତି ଯୀଶୁ ଦୁଲ୍ଲାଡ଼ିତାନ୍ ତାଇକେନାଏ, ଏନ୍ ତେଲ୍ଲା ଯୀଶୁଆଃ ଗେନାରେ ଦୁବ୍‌କାନ୍ ତାଇକେନାଏ । ୨୪ ଏନ୍ତେ ଶିମୋନ୍ ପାତ୍ରରାସ୍ ଇନିଃକେ ତୁଣ୍ଡୁକେଦ୍‌ତେ କାଜିକିୟାଏ, “ଇନିଃ ଅକଏକେ କାଜିତାନା ଏନା କୁଲି’ମେଁ ।”

୨୫ ଇନିଃ ଦୁବ୍‌କେଦ୍‌ତେ ଯୀଶୁଆଃ କୁଡ଼ାମ୍‌ରେ ଟେଣ୍ଡେର୍‌ୟାନାଏ ଆତଃ କୁଲିକିୟାଏ, “ହେ ପ୍ରାଭୁ ଇନିଃ ଅକଏ ତାନିଃ ?”

୨୬ ଯୀଶୁ କାଜିରୁହାଡ଼କିୟାଏ, “ଆଇଙ୍ଗ୍ ହଲଙ୍ଗ୍‌ରାଃ କେଟାଃ ତୁପୁକେଦ୍‌ତେ ଅକଏକେ ଏମିୟାଈଙ୍ଗ୍ ଏନ୍ ହଡ଼ ଇନିଃଗି ତାନିଃ ।” ଏନ୍ତେ ଇନିଃ ଏନ୍ ହଲଙ୍ଗ୍‌ରାଃ କେଟାଃକେ ତୁପୁକେଦ୍‌ତେ ଶିମୋନ୍ ଇଷ୍ଟାରିୟଡ଼ରାଃ ହଡ଼େକଡ଼ା ଯିହୁଦାକେ ଏମ୍‌କିୟାଏ । ୨୭ ଏନ୍ତେ ଇନିଃ ହଲଙ୍ଗ୍ କେଟାଃ ଇଦିକେଦ୍‌ତି ଇମ୍‌ତାଗି ସାଏତାନ୍ ଇନିଃକେ ଏସେରକିୟାଏ । ଏନ୍ତେ ଯୀଶୁ ଇନିଃକେ କାଜିକିୟାଏ, “ଆମାଃ କାମିତେୟାଃ କାମି ଧାବେମେ ।” ୨୮ ମେନ୍ଦ୍ ଇନିଃ ତିନାଃ ମେନ୍ତେ ଇନିଃକେ ନେ କାଜି କାଜିକିୟାଏ, ଏନା ଦୁବାକାନ୍‌କଏତେ ଜେତାଏ କାକ ସାରିକେଦାଃ । ୨୯ ଯିହୁଦାତାଃ ଟାକା ଆଇଲାଃ ତାଇକେନା, ଏନାମେନ୍ତେ ତେଲ୍ଲାକଏତେ ତିମିନ୍‌କ

* ୧୩:୧୨ ୧୩:୧୨ ଲୁକ ୨୨:୨୭. * ୧୩:୧୭ ୧୩:୧୭ ମାଥୁ ୧୦:୨୪; ଲୁକ ୭:୪୦; ଯୋହାନ୍ ୧୫:୨୦. * ୧୩:୨୦ ୧୩:୨୦ ମାଥୁ ୧୦:୪୦; ମାର୍କ ୯:୩୭; ଲୁକ ୯:୪୮; ୧୦:୧୭.

ଉତ୍ତୁକେଦାଃଟି ପାରାବ୍ ନାଈ ଲାଗାତିକ୍ତେୟାଃକ କିରିକ୍ ନାଗେନ୍ତେ ଆତଃ ରେକ୍ତେଃକକେ ହୁଡିକ୍ ଲେକା ଏମାକ ନାଗେନ୍ତେ ଯୀଶୁ ଇନିଃକେ କାଜିକିୟାଏ ।

୩୦ ଏନ୍ତେ ଯିହୁଦା ହଲକ୍ କେଟାଃ ତେଲାକେଦ୍ତି ଇମ୍ତାଗି ଅତକ୍ତ୍ତାଦ୍‌ୟାନାଏ, ଆତଃ ଇମ୍ତା ନୁଦାଃକାନ୍ ତାଇକେନା ।

ନାଝା ଆନ୍ତୁ

୩୧ ଯିହୁଦା ଅତକ୍ତ୍ତାନ୍ ତାୟମ୍ତେ ଯୀଶୁ କାଜିକେଦାଃଏ, “ନାହାଁଃଦ ମାନଝାହନ୍‌ରାଃ ମାଇନାନ୍ ଉଦୁବ୍‌ୟାନା ଆତଃ ପାର୍ମେଶ୍ୱାର୍‌ରାଃ ମାଇନାନ୍ ଇନିୟାଃ ହରାତେ ଉଦୁବ୍‌ୟାନା । ୩୨ ଆତଃ ପାର୍ମେଶ୍ୱାର୍‌ରାଃ ମାଇନାନ୍ ଇନିୟାଃ ହରାତେ ଉଦୁବ୍‌ୟାନରେଦ, ପାର୍ମେଶ୍ୱାର୍‌ହଗି ମାନଝାହନ୍‌କେ ଆୟାଃତାଃରେ ମାଇନାନ୍‌ନିୟା ଆତଃ ଇମ୍ତାଗି ଇନିଃକେ ମାଇନାନ୍‌ନିୟା । ୩୩ ଯୀଶୁ କାଜିକେଦାଏ, “ଏ ହନ୍‌କ, ଆଇକ୍ ଆପେଲଃ ଆତଃ ଘାଡ଼ିକାଦ୍‌ଗି ତାଇନାଇକ୍, ଆପେ ଆଇକ୍‌କେ ଦାଣ୍ଠାଇୟାପେ, ଆତଃ ଆଇକ୍ ଯିହୁଦୀ ହାକିମ୍‌କକେ କାଜିୟାକାଦ୍‌କଲେକା ନାହାଁଃ ଆପେକେକ୍ କାଜିୟାପେତାନା, ଆଇକ୍ ସେନଃତାଃତେ କାପେ ସେନ୍‌ଦାଡ଼ିୟା ।” ୩୪ ଆପେ ଦୁପୁଲ୍ଲାଡ଼ରେ ତାଇନ୍‌ପେ, ନେ ନାଝା ଆନ୍ତୁ ଆଇକ୍ ଆପେକେ ଏମାପେତାନାଇକ୍, ଆଇକ୍ ଆପେକେ ଦୁଲ୍ଲାଡ଼କାଦ୍‌ପେଲେକା ଆପେୟ ଦୁପୁଲ୍ଲାଡ଼ରେ ତାଇନ୍ ଲାଗାତିକ୍‌ୟାଃ । ୩୫ ଆପେ ଦୁଲ୍ଲାଡ଼ରେପେ ତାଇନ୍‌ରେଦ ଆଇୟାଃ ତେଲାକ ତାନ୍‌ପେ ମେନ୍ତେ ସବେନ୍ ହଡକ ସାରିୟାଃ ।”

ପାଡ଼ରାସ୍ ଯୀଶୁକେ କାଇକ୍ ସାରିୟା ମେନ୍ତେ କାଜିରାଃ ଆୟାର୍‌କାଜି (ମାଥୁ ୨୭:୩୧-୩୫; ମାର୍କ ୧୪:୨୭-୩୧; ଲୁକ ୨୨:୩୧-୩୪)

୩୬ ଶିମୋନ୍ ପାଡ଼ରାସ୍ ଯୀଶୁକେ କୁଲିକିୟାଏ, “ହେ ପ୍ରାଭୁ ଆମ୍ କତାଃତେମ୍ ସେନଃତାନା ?” ଯୀଶୁ କାଜିକିୟାଏ, “ଆଇକ୍ ସେନଃତାନ୍‌ତାଃ ନାହାଁଃ ଆମ୍ କାମ୍ ଅତକ୍ତ୍‌ଦାଡ଼ିୟାଃ ମେନ୍‌ଦ ତାୟମ୍‌ତେମ୍ ଅତକ୍‌କ୍‌ୟା ।” ୩୭ ପାଡ଼ରାସ୍ ଇନିଃକେ କୁଲିକିୟାଏ, “ହେ ପ୍ରାଭୁ ଆଇକ୍ ନାହାଁଃ ଚିକାନାକ୍ ଆମ୍‌କେ ଅତକ୍ କାଇକ୍ ଦାଡ଼ିମେୟା ? ଆଇକ୍ ଆମାଃ ନାଗେନ୍ତେ ଆଇୟାଃ ଜୀଉ ଏମ୍‌ନାକ୍ ସେକାଡ଼ାକାନାଇକ୍ ।” ୩୮ ଯୀଶୁ କାଜିରୁହାଡ଼କିୟାଏ, “ଚିୟାଃ ଆମ୍ ସାର୍‌ତିଗି ଆଇୟାଃ ନାକ୍ ଜୀଉ ଏମ୍‌ନାକ୍ ସେକାଡ଼ାକାନାମ୍ ? ଆଇକ୍ ଆମ୍‌କେ ସାର୍‌ତିଗି କାଜିୟାମ୍‌ତାନାଇକ୍, ସାଣ୍ଡିସିମ୍ ଆଉରି ରାଆଃ ସିଦାରେ ଆଇକ୍ ଇନିଃକେ କାଇକ୍ ସାରିୟାଃ ମେନ୍ତେ ଆପିସା ଆମ୍ କାଜିୟା ।”

୧୪

ଆପୁତାଃତେ ସେଟେର୍ ହରା ଯୀଶୁ ତାନିଃ

୧ ଯୀଶୁ କାଜିକେଦାଏ, “ଆପେୟାଃ ମନ୍ ଆଲକା ଆକ୍‌ବାକାଅଃକା, ଆପେ ପାର୍ମେଶ୍ୱାର୍‌ରେ ବିଶ୍ୱାସେପେ ଆତଃ ଆଇକ୍‌ରେୟ ବିଶ୍ୱାସେପେ । ୨ ଆଇୟାଃ ଆପୁକ୍‌ୟାଃ ଅଡ଼ାଃରେ ପୁରାଃ ତାଇନଃତେ ଠାୟାଦ୍ ମେନାଃ, ଆତଃ କା'ତାଇନ୍‌କାରେଦ ଆଇକ୍ ଆପେନାକ୍ ଠାୟାଦ୍ ବାଇବାଇତେ ସେନ୍‌ତାନାଇକ୍ ମେନ୍ତେ କାଜିୟାପେତେୟାଃକ୍ । ୩ ଆତଃ ଆଇକ୍ ସେନ୍‌କେଦ୍‌ତେ ଆପେନାକ୍ ଠାୟାଦ୍ ବାଇସେକାଡ଼ଲେରେ ଆତଃମିସା ହିଜୁଃଆଇକ୍ ଆତଃ ଆଇକ୍ ତାଇନଃତାଃରେ ଆପେୟ ତାଇନଃ ନାଗେନ୍ତେ ଆଇକ୍‌ତାଃତେ ଆପେକେ ଇଦିପେୟାଇକ୍ । ୪ ଆଇକ୍ ଅକ୍‌ତାଃତେ ସେନଃତାନାଇକ୍ ଏନ୍ ଠାୟାଦ୍‌ରାଃ ହରା ଆପେ ସାରିୟାଃପେ ।”

୫ ଥୋମା ଇନିଃକେ କାଜିକିୟାଏ, “ହେ ପ୍ରାଭୁ, ଆମ୍ କତାଃତେମ୍ ସେନଃତାନା ଏନା ଆଲେ କାଲେ ସାରିୟା, ଏନ୍ତେ ଚିଲ୍‌କାତେ ହରାଲେ ସାରି ଦାଡ଼ିୟା ?”

୬ ଯୀଶୁ ଇନିଃକେ କାଜିକିୟାଏ, “ଆଇକ୍‌ଗି ତାନିକ୍ ହରା, ସାର୍‌ତି ଆତଃ ଜୀଦାନ୍, ଆଇକ୍‌କେ ବାଗିକେଦ୍‌ତେ ଜେତାଏ ଆପୁତାଃ କାକ ସେଟେର୍ ଦାଡ଼ିୟା ।” ୭ ଇନିଃ ମେତାଦ୍‌କଆଏ, “ଆପେ ଆଇକ୍‌କେ ସାର୍‌ତିଗି ସାରିକାଇକ୍‌ରେଦ ଆପୁକ୍‌କେହ ସାରିକାଇତେୟାଃପେ, ନାହାଁଃଏତେ ଆପେ ଇନିଃକେପେ ସାରିତାନା ଆତଃ ଇନିଃକେପେ ନେଲାଇକାକ୍‌ଜାଃ ।”

୮ ଫିଲିପ୍ ଯୀଶୁକେ କାଜିକିୟାଏ, “ହେ ପ୍ରାଭୁ, ଆଲେକେ ଆପୁକେ ଉଦୁବାଲେମେ, ଇମ୍‌ନାକ୍‌ଗି ଆଲେୟାଃ ସାନାକ୍ ତାନାଃ ।”

୯ ଯୀଶୁ କାଜିରୁହାଡ଼କିୟାଏ, “ଏ ଫିଲିପ୍, ନିମିନ୍ ମାହାଁଏତେ ଆଇକ୍ ଆପେଲଃ ମେନାଇୟାଃ ଚିୟାଃ ଆମ୍ ଆଇକ୍‌କେ କାମ୍ ସାରିକାଦ୍‌ୟାଃ, ଜେତାଏ ଆଇକ୍‌କେ ନେଲାଇକାଦିକ୍‌ନିଃ ଆପୁକେ ନେଲାଇକାକ୍‌ଜାଏ, ଆଲେକେ ଆପୁକେ ଉଦୁବାଲେମେ ମେନ୍ତେ ଚିଲ୍‌କାତେମ୍ କାଜିତାନା ?” ୧୦ ଆଇକ୍ ଆପୁତାଃରେ ମେନାଇୟାଃ ଆତଃ ଆପୁ ଆଇକ୍‌ରିୟା, ଚିୟାଃ ନେଆଁ ଆମ୍ କାମ୍ ପାଡ଼ିୟାରେତାନା, ଆଇକ୍

☆ ୧୩:୩୩ ୧୩:୩୩ ଯୋହାନ୍ ୭:୩୪. ☆ ୧୩:୩୪ ୧୩:୩୪ ଯୋହାନ୍ ୧୫:୧୨, ୧୭; ୧ ଯୋହାନ୍ ୩:୨୩; ୨ ଯୋହାନ୍ ୧:୫.

ଆପେକେ କାଜିୟାପେତାନ୍ କାଜିକ ଆଇଙ୍ଗତାଃଏତେ କାଇଙ୍ଗ କାଜିୟାଃ ଫେନ୍ଦ ଆପୁ ଆଇଙ୍ଗରେ ତାଇନ୍କେଦ୍ତେ ଆୟାଃ କାମିକ କାମିତାନାଏ । ୧୧ ଆଇଙ୍ଗ ଆପୁତାଃରେ ଫେନାଇୟାଃ ଆତଃ ଆପୁ ଆଇଙ୍ଗରିୟାଃ ଏନା ବିଶ୍ୱାସେପେ, ଏନା କା'ରେଦ, ଆଇଙ୍ଗ କାମିକାଦ୍ କାମିକ ନାଗେନ୍ତେ ପାତିୟାରିଙ୍ଗପେ । ୧୨ ଆଇଙ୍ଗ ସାର୍ତ୍ତିଗି କାଜିୟାପେ ତାନାଇଙ୍ଗ, ଆଇଙ୍ଗରେ ବିଶ୍ୱାସେତାନ୍କ, ଆଇଙ୍ଗ କାମିକାଦ୍ କାମିକ କାମିୟା ଆତଃ ଏନାଏତେ ଆଦ୍‌କା ମାପ୍‌ରାଙ୍ଗ କାମିକ କାମିୟା, ଚିୟାଃଟି ଆଇଙ୍ଗଦ୍ ଆପୁତାଃତେ ସେନଃତାନାଇଙ୍ଗ । ୧୩ ଆତଃ ଆଇଁୟାଃ ନୁତୁମ୍‌ତେ ସବେନାଃ ଆସିତେୟାଃ ଆଇଙ୍ଗ ଆପେନାଙ୍ଗ କାମିୟାଙ୍ଗ, ଏନାତେ ଆପୁଆଃ ମାଇନାନ୍ ହନ୍‌ଆଃ ହରାତେ ଉଦୁବଃଆ । ୧୪ ଆପେ ଆଇଁୟାଃ ନୁତୁମ୍‌ତେ ଜେଡ୍‌ନାଃପେ ଆସିରେଦ୍ ଏନାଇଙ୍ଗ ରିକାୟା ।

ପାବିତାର୍ ଆମ୍ବାରାଃ କାଜିଏମଃ

୧୫ ଆପେ ଆଇଙ୍ଗକେ ଦୁଲାଡିଙ୍ଗରେଦ୍ ଆଇଁୟାଃ ଆନ୍‌ରୁପେ ମାନାଡିଙ୍ଗୟାଃ । ୧୬ ଆଇଙ୍ଗ ଆପୁକେଇଙ୍ଗ ବିକ୍ରିୟା ଆତଃ ଇନିଃ ଆପେଲଃ ଜାନାଅ ଜାନାଅ ତାଇନଃ ନାଗେନ୍ତେ ଏଟାଃ ଜୀଉରାଡେଡଃ ଏମଃନିଃକେ ଏମାପେୟାଏ । ୧୭ ଇନିଃ ସାର୍ତ୍ତି ଆମ୍ବା ତାନିଃ, ଆତଃ ପାର୍‌ମେଶ୍ୱାରାଃ ସାର୍ତ୍ତି ବିଷ୍ଟାଏକେ ଉଦୁବେୟାଏ । ଅତେଦିଶ୍ୱମ୍ ଇନିଃକେ କାଏ ସାରିୟାଃ, ଚିୟାଃଟି ଅତେଦିଶ୍ୱମ୍ ଇନିଃକେ କାଏ ନେଲ୍ ଦାଡିୟାଃ ଚାଏ କାଏ ନାମ୍ ଦାଡିୟାଃ । ଫେନ୍ଦ୍ ଆପେ ଇନିଃକେ ସାରିୟାଃପେ ଚିୟାଃଟି ଇନିଃ ଆପେଲଃ ଫେନାଇୟା ଆତଃ ଆପେରେ ତାଇନଃଆଏ ।

୧୮ “ଆଇଙ୍ଗ ସେନଃୟାନ୍ ତାୟମ୍‌ତେ, ଆଇଙ୍ଗ ଆପେକେ ଚୁଆର୍‌ଲେକା କାଇଙ୍ଗ ବାଗିପେୟା, ଆଇଙ୍ଗ ଆପେତାଃତେ ରୁହାଡ୍ ହିଜୁଃଆଇଙ୍ଗ । ୧୯ ଆତଃ କାଟିଃ ଘାଡିକାଦ୍‌ରେ ଅତେଦିଶ୍ୱମ୍ ଆଇଙ୍ଗକେ କାଏ ନେଲିୟାଃ, ଫେନ୍ଦ୍ ଆପେ ଆଇଙ୍ଗକେ ନେଲିୟାଃପେ, ଚିୟାଃଟି ଆଇଙ୍ଗଦ୍ ଜୀହିଦ୍ ଫେନାଇୟାଃ ଆତଃ ଆପେୟା ଜୀହିଦ୍‌ଗି ତାଇନାଃପେ । ୨୦ ଆଇଙ୍ଗ ଆପୁଲଃ ଫେନାଇୟାଃ ଆତଃ ଆଇଙ୍ଗ ଆପେରେ ଫେନାଇଙ୍ଗ ଲେକା ଆପେ ଆଇଁୟାଃରେ ଫେନାପେୟା ଏନା ଏନ୍ ହୁଲାଙ୍ଗ ହିଜୁଃରେପେ ସାରିୟାଃ ।

୨୧ “ଜେତାଏ ଆଇଁୟାଃ ଆନ୍‌ରୁ ନାମ୍‌କେଦ୍‌ତେ ମାନାଡିଙ୍ଗିନିଃ ଆଇଙ୍ଗକେ ଦୁଲାଡାଃଏ, ଆତଃ ଆଇଙ୍ଗକେ ଦୁଲାଡିଙ୍ଗିନିଃକେ ଆପୁଇଙ୍ଗ ଦୁଲାଡିୟାଏ ଆତଃ ଆଇଙ୍ଗହିଁ ଇନିଃକେ ଦୁଲାଡିୟାଙ୍ଗ ଆତଃ ଇନିଃତାଃରେ ଉଦୁବେନାଇଙ୍ଗ ।”

୨୨ ଇଷ୍ଟାରିୟଡ୍ ଯିହୁଦା କାହା, ଏଟାଃ ଯିହୁଦା ଯୀଶୁକେ କାଜିକିୟାଏ, “ହେ ପ୍ରାଭୁ, ନେଆଁ ଚିଲ୍‌କା ହବାଅଆଃ ? ଚିନାଃମେନ୍ତେ ଆମ୍ ଅତେଦିଶ୍ୱମ୍‌ରେ କା ଉଦୁବେନ୍‌କେଦ୍‌ତେ ଆଲେତାଃରେ ଉଦୁବେନ୍ ସାନାଙ୍ଗତାନାମ୍ ?”

୨୩ ଯୀଶୁ ଇନିଃକେ କାଜିରୁହାଡକିୟାଏ, “ଜେତାଏ ଆଇଙ୍ଗକେ ଦୁଲାଡିଙ୍ଗରେଦ୍ ଇନିଃ ଆଇଁୟାଃ କାଜି ମାନାଡିୟାଏ ଆତଃ ଆପୁଇଙ୍ଗ ଇନିଃକେ ଦୁଲାଡିୟାଏ ଆତଃ ଆପୁଇଙ୍ଗ ଆତଃ ଆଇଙ୍ଗ ହିଜୁଃକେଦ୍‌ତେ ଇନିଃଲଃ ତାଇନାଃଲିଙ୍ଗ । ୨୪ ଆଇଙ୍ଗକେ କାଏ ଦୁଲାଡିଙ୍ଗିନିଃ ଆଇଁୟାଃ କାଜି କାଏ ମାନାଡିୟାଃ ଆତଃ ଆପେ ଆୟୁମ୍‌ତାନ୍ କାଜି ଆଇଁୟାଃ ନାହାଁଲାଃ, ଫେନ୍ଦ୍ ଆଇଙ୍ଗକେ କୁଲାକାଇଙ୍ଗିନିଃ ଆପୁଇଁୟାଃ ତାନାଃ ।

୨୫ “ଆଇଙ୍ଗ ଆପେଲଃ ତାଇକେନ୍ ଇମ୍‌ତା ନେ କାଜିକ କାଜିୟାପେ ତାନାଇଙ୍ଗ । ୨୬ ଫେନ୍ଦ୍ ଏନ୍ ଜୀଉରାଡେଡଃ ଏମଃ ପାବିତାର୍ ଆମ୍‌କେ ଆପୁ ଆଇଁୟାଃ ନୁତୁମ୍‌ତେ କୁଲିୟାଏ ଇନିଃ ଆପେକେ ସବେନାଃ ଇତୁପେୟାଏ ଆତଃ ଆପେକେ କାଜିକାଦ୍‌ପେତେୟାଃ, ପାହାମ୍ ରିକାପେୟାଏ ।

୨୭ “ଆଇଙ୍ଗ ଆପେକେ ଜୀଉସୁକୁ ବାଗିୟାପେତାନାଇଙ୍ଗ, ଆଇଁୟାଃ ଜୀଉସୁକୁ ଏମାପେତାନାଇଙ୍ଗ, ଅତେଦିଶ୍ୱମ୍ ଏମ୍‌ଲେକା କାଇଙ୍ଗ ଏମାପେତାନା, ଆପେୟାଃ ମନ୍ ଆଲକାଏ ଆକ୍‌ବାକାଅଃକା ଆତଃ ଆଲକାଏ ବରଏକା । ୨୮ ‘ଆଇଙ୍ଗ ସେନଃତାନାଇଙ୍ଗ ଆତଃ ଆପେତାଃତେଇଙ୍ଗ ହିଜୁଃରୁହାଡାଃ’ ମେନ୍ତେ ଆପେକେ କାଜିକାଦ୍‌ପେତେୟାଃ ଆୟୁମ୍‌କାଦାଃପେ । ଆପେ ଆଇଙ୍ଗକେ ଦୁଲାଡିଙ୍ଗ୍‌ତେୟାଃପେ ରେଦ୍ ଆଇଙ୍ଗ ଆପୁତାଃତେଇଙ୍ଗ ସେନଃତାନା ମେନ୍ତେ ରାସ୍‌କାଅଃତେୟାଃପେ, ଚିୟାଃଟି ଆପୁଦ୍ ଆଇଙ୍ଗଏତେ ମାରାଙ୍ଗଆଃଏ । ୨୯ ଏନା ହବାଃଅ ଦିପିଲିରେ ଆପେ ଜେ'ଲେକା ବିଶ୍ୱାସେ ନାଗେନ୍ତେ ଏନା ଆଉରି ହବାଃଅ ସିଦାରେ ଆପେକେ କାଜିୟାପେ ତାନାଇଙ୍ଗ । ୩୦ ଆଇଙ୍ଗ ଆପେଲଃ ପୁରାଃ କାଇଙ୍ଗ ଜାଗାରେୟା, ନେ ଅତେଦିଶ୍ୱମ୍‌ରେନ୍ ଗମ୍‌କେ ହିଜୁଃତାନାଏ ଆତଃ ଆଇଙ୍ଗରେ ଇନିଃୟାଃ ଜେତାନ୍ ପେଡେଃ ବାନଆଃ । ୩୧ ଫେନ୍ଦ୍ ଆପୁ ଆରୁକାଦ୍ ଲେକାଇଙ୍ଗ କାମିୟାଃ, ଏନାତେ ଆଇଙ୍ଗ ଆପୁକେଇଙ୍ଗ ଦୁଲାଡାଃ ମେନ୍ତେ ଅତେଦିଶ୍ୱମ୍ ଆଟ୍‌କାରେକାଏ ।

“ବିରିଦ୍‌ପେ, ଦଲ୍ଲା ନେତାଃଏତେବୁ ସେନଃଆ ।



ୟୀଶୁ ସାର୍ତ୍ତି ଦାଖ୍‌ନାଡି ତାନିଃ

୧ “ଆଇଙ୍ଗ୍ ସାର୍ତ୍ତି ଦାଖନାଡ଼ି ତାନିଙ୍ଗ୍ ଆଡ଼଼ ଆପୁଇଙ୍ଗ୍ କିଷାନ୍ ତାନିଃ । ୨ ଆଇଙ୍ଗ୍ତା଼ରେ ତାଇନ଼଼ ଜେତାନ୍ କତ କା ଜଅ଼ତେୟା଼କେ ମାଆ଼ ଆତମେୟାଁଏ ଆଡ଼଼ ଜଅ଼ତାନ୍ କତ ଆଦ୍‌କା ଜଅ଼ତା କା ମେନ୍ତେ ଏନାକେ ମାଆ଼କେଦ୍‌ତେ ସାଫା ଫାରିୟାଏ । ୩ ଆପେଦ ଆଇଙ୍ଗ୍ କାଜିୟାଦ୍ କାଜିରେୟା଼ ହରାତେପେ ଫାରି ଚାବାକାନା । ୪ ଆଇଙ୍ଗ୍‌ରେ ତାଇନ୍‌ପେ ଆଡ଼଼ ଆଇଙ୍ଗ୍ ଆପେରେ ତାଇନା଼ଇଙ୍ଗ୍, କତ ଦାଖନାଡ଼ିରେ କା ତାଇନ୍‌ରେଦ୍ ଆଇ଼କ୍‌ତେଗି କା ଜଅ଼ ଦାଡ଼ିୟାଆ, ଏନ୍ ଲେକାତେ ଆପେୟ ଆଇଁୟା଼ରେ କାପେ ତାଇନ୍‌ରେଦ୍ କାପେ ଜଅ଼ ଦାଡ଼ିୟାଆ ।

୫ “ଆଇଙ୍ଗ୍ ଦାଖନାଡ଼ି ତାନିଙ୍ଗ୍, ଆପେ କତକ ତାନପେ, ଆଇଙ୍ଗ୍‌ରେ ତାଇନ୍‌ତାନ୍‌କ ଆଡ଼଼ ଆଇଙ୍ଗ୍ ଇନ୍‌କୁରେ ତାଇନ୍‌ତାନ୍ ହଡ଼କ ପୁରା଼ ଜଅ଼଼କ । ଚିୟା଼ଟି ଆଇଙ୍ଗ୍ ବେଗାରିଦ୍ ଆପେ ଜେଡ଼ନା଼ କାପେ କାମି ଦାଡ଼ିୟା଼ । ୬ ଜେତାଏ ଆଇଙ୍ଗ୍‌ରେ କାଏ ତାଇନ୍‌ରେଦ୍ ଇନି଼ ମାଆ଼କାନ୍ କତଲେକାଏ ଏଣ୍ଡାଗ଼ଆ, ଆଡ଼଼ ରହଡ଼଼ଆଏ; ଏନ୍‌ଲେକାନ୍ କତକେ ହଡ଼କ ହୁଣ୍ଡିକେଦ୍‌ତେ ସେଙ୍ଗେଲ୍‌ରେକ ହୁଦ୍‌ମାୟା ଆଡ଼଼ ଏନା ଲଆ଼ । ୭ ଆପେ ଆଇଙ୍ଗ୍‌ରେ ତାଇନ୍‌ରେ ଆଡ଼଼ ଆଇଁୟା଼ କାଜି ଆପେରେ ତାଇନ୍‌ରେଦ୍ ଆପେ ଜେଡ଼ନା଼ ସାନାଙ୍ଗ୍‌ତେୟା଼ ଆସିପେ ଆଡ଼଼ ଆପେୟା଼ ନାଗେନ୍ତେ ଏନା ହବାଅଆ଼ । ୮ ଆପେ ପୁରା଼ ଜ ଜଅ଼‌ରେ ଆଇଁୟା଼ ଆପୁଇଙ୍ଗ୍ ମାଇନାନ୍‌ଆଏ ଆଡ଼଼ ଆପେ ଆଇଁୟା଼ ବୁଗିନ୍ ଚେଲାପେ ବାଇୟାଆ । ୯ ଆପୁ ଆଇଙ୍ଗ୍‌କେ ଦୁଲ୍‌ତକାଦିଙ୍ଗ୍ ଲେକା ଆଇଙ୍ଗ୍ ଆପେକେ ଦୁଲ୍‌ତକାଦ୍‌ପେୟା଼ଇଙ୍ଗ୍, ଆଇଁୟା଼ ଦୁଲ୍‌ତରେ ତାଇନ୍‌କାନ୍‌ପେ । ୧୦ ଆଇଙ୍ଗ୍ ଆପୁଇଁୟା଼ ଆନ୍‌ରୁ ମାନାଡ଼ିଙ୍ଗ୍‌କେଦ୍‌ତେ ଆୟା଼ ଦୁଲ୍‌ତରେ ତାଇକାନ୍ ଲେକାଗି ଆପେୟା଼ ଆଇଁୟା଼ ଆନ୍‌ରୁପେ ମାନାଡ଼ିଙ୍ଗ୍‌ରେ ଆଇଁୟା଼ ଦୁଲ୍‌ତରେପେ ତାଇନା଼ ।

୧୧ “ଆଇଁୟା଼ ରାସ୍‌କା ଆପେରେ ତାଇନ୍‌କା ଆଡ଼଼ ଆପେୟା଼ ରାସ୍‌କା ପୁରାଆ଼ ନାଗେନ୍ତେ ଆଇଙ୍ଗ୍ ଆପେକେ ନେଆଁ କାଜିୟାଦ୍‌ପେୟା଼ଇଙ୍ଗ୍ । ୧୨ ଆଇଙ୍ଗ୍ ଆପେକେ ଦୁଲ୍‌ତକାଦ୍‌ପେ ଲେକା ଆପେୟା ଦୁପୁଲ୍‌ତପେ, ନେଆଁ ଆଇଁୟା଼ ଆନ୍‌ରୁ ତାନା଼ । ୧୩ ଜେତାଏ ଆୟା଼ ଗାଡ଼ିକଆ଼ ନାଗେନ୍ତେ ଆୟା଼ ଜାତ୍ ଏମ଼ନିୟା଼ଏତେ ମାରାଙ୍ଗ୍ ଦୁଲ୍‌ତ୍ ଜେଡ଼ନା଼ ବାନଆ଼ । ୧୪ ଆଇଙ୍ଗ୍ ଆପେକେ ଏମାକାଦ୍ ଆନ୍‌ରୁକେପେ ମାନାଡ଼ିଙ୍ଗ୍‌ରେଦ୍ ଆପେ ଆଇଁୟା଼ ଗାଡ଼ିକ ତାନ୍‌ପେ । ୧୫ ଆଇଙ୍ଗ୍ ଆପେକେ ଆଡ଼଼ ଦାସି ମେନ୍ତେ କାଇଙ୍ଗ୍ କାଜିପେତାନା, ଚିୟା଼ଟି ଗମ୍‌କେ ଚିନା଼ କାମିତାନ୍‌ତେୟା଼, ଦାସି କାଏ ସାରିୟା଼ ମେନ୍‌ଦ୍ ଆଇଙ୍ଗ୍ ଆପେକେ ଗାଡ଼ି ମେନ୍ତେ କାଜିପେତାନାଇଙ୍ଗ୍ ଚିୟା଼ଟି ଆଇଁୟା଼ ଆପୁଇଙ୍ଗ୍‌ତା଼ଏତେ ଆୟା଼ମକାଦ୍ ସବେନା଼ ଆପେକେ ଉଦୁବାକାଦ୍‌ପେୟା଼ଇଙ୍ଗ୍ । ୧୬ ଆପେ ଆଇଙ୍ଗ୍‌କେ କାପେ ସାଲାକାଦିୟା଼ ମେନ୍‌ଦ୍ ଆଇଙ୍ଗ୍ ଆପେକେ ସାଲାକାଦ୍‌ପେୟା଼ଇଙ୍ଗ୍ । ଆପେ ଜେ'ଲେକା ପୁରା଼ଗି ଜ ଦାଡ଼ିୟାଆପେ ଆଡ଼଼ ଏନ୍ ଜ ଜାନାଅଗି ତାଇନ଼଼କା ମେନ୍ତେଇଙ୍ଗ୍ ସାଲାକାଦ୍‌ପେୟା । ଏନାତେ ଆପେ ଆଇଁୟା଼ ନୁଡୁମ୍‌ତେ ଆପୁକେ ଜେଡ଼ନା଼ ଆସିତେୟା଼ ଆପେକେ ଏମାପେୟାଏ । ୧୭ ଆଇଙ୍ଗ୍ ଆପେକେ ଦୁଲ୍‌ତ୍‌ପେତାନ୍ ଲେକାଗି ଆପେ ଆପେଗି ଦୁପୁଲ୍‌ତ୍‌ପେ, ନେଆଁ ଆଇଁୟା଼ ଆନ୍‌ରୁ ତାନା଼ ।

ଅତେଦିଶୁମ୍ ଆପେକେ ହିଲାଙ୍ଗ୍‌ପେୟା

୧୮ “ଅତେଦିଶୁମ୍ ଆପେକେ ହିଲାଙ୍ଗ୍‌ପେରେଦ୍, ଆପେକେ ହିଲାଙ୍ଗ୍ ସିଦାରେ ଆଇଙ୍ଗ୍‌କେ ହିଲାଙ୍ଗ୍‌କାଦିୟାଁଏ ଏନା ସାରିପେ । ୧୯ ଆପେ ନେ ଅତେଦିଶୁମ୍‌ରେନ୍ ତାଇକାନ୍‌ରେଦ୍ ଅତେଦିଶୁମ୍ ଆପେକେ ଆଇ଼କ୍ ଲେକାଗି ଦୁଲ୍‌ତକାଦ୍‌ପେତେୟା଼ଏ । ମେନ୍‌ଦ୍ ଆଇଙ୍ଗ୍ ଆପେକେ ଅତେଦିଶୁମ୍‌ଏତେ ସାଲାକାଦ୍‌ପେୟା଼ଇଙ୍ଗ୍, ଆଡ଼଼ ଆପେ ଅତେଦିଶୁମ୍‌ରେନ୍ ନାହାଁଲାପେ ଏନାତେ ଆପେକେ ଅତେଦିଶୁମ୍ ହିଲାଙ୍ଗ୍‌ପେତାନାଏ । ୨୦ ଦାସି ଆୟା଼ ଗମ୍‌କେଏତେ କାଏ ମାରାଙ୍ଗ୍‌ଆ଼ ମେନ୍ତେ କାଜିୟାଦ୍‌ପେ କାଜି ପାହାମେପେ । ଇନ୍‌କୁ ଆଇଙ୍ଗ୍‌କେ ସିଗିଦ୍‌କାଦିଙ୍ଗ୍ ରେଦକ ଆପେକେୟାଗି ସିଗିଦ୍‌ପେୟାକ, ଇନ୍‌କୁ ଆଇଁୟା଼ କାଜି ମାନାଡ଼ିଙ୍ଗ୍‌ଲେରେ ଆପେୟା଼ କାଜିକେୟାକ ମାନାଡ଼ିଙ୍ଗ୍‌ୟା଼ । ୨୧ ମେନ୍‌ଦ୍ ଇନ୍‌କୁ ଆଇଁୟା଼ ନୁଡୁମ୍ ନାଗେନ୍ତେ ନେ ସବେନା଼ ଆପେକେୟା ଚିକାପେୟାକ, ଚିୟା଼ଟି ଇନ୍‌କୁ ଆଇଙ୍ଗ୍‌କେ କୁଲ୍‌ନି଼କେ କାକ ସାରିୟା ? ୨୨ ଆଇଙ୍ଗ୍ ହିଜୁ଼କେଦ୍‌ତେ ଇନ୍‌କୁକେ କାଇଙ୍ଗ୍ କାଜିକାକରେଦ୍ ଇନ୍‌କୁଆ଼ ପାପ୍ କା ହବାଅ଼ତେୟା଼, ମେନ୍‌ଦ୍ ନାହାଁ଼ ଆକଆ଼ ପାପ୍ ନାଗେନ୍ତେ ଇନ୍‌କୁ ଜେଡ଼ନା଼ କାକ ବାହାନା ଦାଡ଼ିୟା଼ । ୨୩ ଆଇଙ୍ଗ୍‌କେ ହିଲାଙ୍ଗ୍‌ନି଼ ଆଇଁୟା଼ ଆପୁକେହଗି ହିଲାଙ୍ଗ୍‌ଆଁ଼ଏ । ୨୪ ଜେତାଏ କାକ କାମିୟାକାଦ୍ କାମି ଆଇଙ୍ଗ୍ ଇନ୍‌କୁଆ଼ ଆଲାରେ କାଇଙ୍ଗ୍ କାମିକେଦ୍‌ରେଦ୍ ଇନ୍‌କୁଆ଼ ପାପ୍ କା ହବାଅ଼ତେୟା଼, ମେନ୍‌ଦ୍ ଆଇଙ୍ଗ୍ କାମିକାଦ୍‌ତେୟା଼ ନାହାଁ଼ ଇନ୍‌କୁ ନେଲ୍‌କାଦା଼କ ଆଡ଼଼ ଆଇଙ୍ଗ୍ ଆଡ଼଼ ଆପୁଇଙ୍ଗ୍ ବାରାନ୍‌କିନ୍‌କେ ହିଲାଙ୍ଗ୍‌କାଦ୍‌ଲିୟାକ । ୨୫ ମେନ୍‌ଦ୍ ‘ଇନ୍‌କୁ ଆଇଙ୍ଗ୍‌କେ ସାମାଗିକ ହିଲାଙ୍ଗ୍‌କିଦିୟା଼ ।’ ଇନ୍‌କୁଆ଼ ଆନ୍‌ରୁରେ ନେ କାଜି ଅଲାକାନ୍‌ତେୟା଼ ପୁରାଆ଼ ନାଗେନ୍ତେ ନେ'ଲେକା ହବାଅ଼ତାନା଼ ।

☆ ୧୫:୧୨ ୧୫:୧୨ ଯୋହାନ୍ ୧୩:୩୪; ୧୫:୧୭; ୧ ଯୋହାନ୍ ୩:୨୩; ୨ ଯୋହାନ୍ ୧:୫. ☆ ୧୫:୨୦ ୧୫:୨୦ ମାଥ୍‌ଇ ୧୦:୨୪; ଲୁକ ୬:୪୦; ଯୋହାନ୍ ୧୩:୧୭.

୨୭ “ଆପୁତାଃଏତେ ଆପେତାଃ ଆଇଙ୍ଗ କୁଲି ଜୀଉରାଡ଼େଃ ଏମଃନିଃକେ ଚାଏ ଆପୁତାଃଏତେ ହିଜୁଃତାନ ସାନାଚ୍ଚିରେନ୍ ଆମ୍ବା ହିଜୁଃରେ ଆଇଁୟାଃ ବିଷାଏରେ ଗାଞ୍ଜା ଏମେୟାଏ । ୨୭ ଆତଃ ଆପେୟ ଆଇଁୟାଃ ବିଷାଏରେ ଗାଞ୍ଜାଏ ଏମେୟା, ଚିୟାଃଚି ଆପେଦ ମୁନୁଏତେ ଆଇଁୟାଃଲଃ ତାଇକେନାପେ ।

୧୭

ୟୀଶୁ ଆୟାଃ ଚେଲକକେ ଜୀଉ ରାଡ଼େଃକତାନାଏ

୧ “ଆପେ ଜେ'ଲେକା ବିଶ୍ୱାସକେ ଆଲ୍ପେ ଆପେକା ଏନାମେନ୍ତେ ଆଇଙ୍ଗ ନେ ସବେନ୍ କାଜିଇଙ୍ଗ ଉଦୁବାଦପେୟା । ୨ ଇନ୍କୁ ଆପେକେ ସାମାଜ୍‌ଅଡ଼ାଃଏତେ ଆତମପେୟାକ, ଏନ୍‌ଦିପିଲି ହିଜୁଃଆ, ଚିମ୍ତାଙ୍ଗ୍ ଜେତାଏନିଃ ଆପେକେ ଗଏଃପେୟାଏ, ଇମ୍ତାଙ୍ଗ୍ ଇନିଃ ପାର୍‌ମେଶ୍ୱାର୍‌ଆଃ ସେଞ୍ଜାତାନାଇଙ୍ଗ ମେନ୍ତେ ଆଚ୍‌କାରେୟାଏ । ୩ ଆତଃ ଇନ୍କୁ ଆପେକେ ନେକାପେୟାକ ଚିୟାଃଚି ଇନ୍କୁ ଆପୁ ଆତଃ ଆଇଙ୍ଗକେ କାକ ସାରିୟାଃ । ୪ ମେନ୍‌ଦ ଏନ୍ ଦିପିଲି ସେଟେରରେ ଆଇଙ୍ଗ୍ ଆପେକେ ନେ କାଜି କାଜିକାପେ ତାଇକେନାଇଙ୍ଗ୍, ଏନା ପାହାମେ ନାଗେନ୍ତେ ଆଇଙ୍ଗ୍ ନେ ସବେନ୍ କାଜି ଆପେକେ କାଜିୟାଦପେୟାଇଙ୍ଗ୍ ।

“ଆଇଙ୍ଗ୍ ଆପେଲଃ ତାଇକେନ୍ ଇମ୍ତା ମୁନୁଏତେ ନେ ସବେନ୍ କାଜି କାଇଙ୍ଗ୍ କାଜି ।

ପାବିତାର୍ ଆମ୍ବାରାଃ କାମି

୫ “ମେନ୍‌ଦ ନାହିଁଃ ଆଇଙ୍ଗ୍‌କେ କୁଲିନିଃତାଃତେ ସେନଃତାନାଇଙ୍ଗ୍, ହଲେହିଁ ଅକ୍‌ତାଃତେମ୍ ସେନଃତାନା ମେନ୍ତେ ଆପେକଏତେ ଜେତାଏ କାପେ କୁଲିଙ୍ଗ୍‌ତାନା । ୬ ଆତଃ ନାହିଁଃ ଆଇଙ୍ଗ୍ ଆପେକେ ନେ ସବେନ୍ କାଜି କାଜିୟାପେତାନ୍ ହରାତେ ଆପେ ଆପେୟାଃ ମନ୍‌ସୁରୁଦ୍‌ରେ ପୁରାଃଗିପେ ହୁଡିଙ୍ଗ୍‌ଜୀଉକାନା । ୭ ମେନ୍‌ଦ ଆଇଙ୍ଗ୍ ଆପେକେ ସାର୍‌ତି କାଜିୟାପେ ତାନାଇଙ୍ଗ୍, ଆଇଙ୍ଗ୍ ସେନଃତେୟାଃ ଆପେୟାଃ ନାଙ୍ଗ୍ ପୁରାଃ ରୁଗିଅଆଃ, ଚିୟାଃଚି ଆଇଙ୍ଗ୍ କାଇଙ୍ଗ୍ ସେନ୍‌ରେଦ ଜୀଉରାଡ଼େଃ ଏମଃନିଃ କାଏ ହିଜୁଃଆ, ମେନ୍‌ଦ ଆଇଙ୍ଗ୍ ସେନ୍‌ରେଦ ଇନିଃକେ ଆପେତାଃତେଇଙ୍ଗ୍ କୁଲିୟା । ୮ ଆତଃ ଇନିଃ ହିଜୁଃରେ ଅତେଦିଶ୍ୱମ୍‌ରେନ୍ ହଡକଆଃ ପାପରେୟାଃ ଏଡକାନ୍ ବିଷାଏ, ଧାର୍‌ମାନ୍ ବିଷାଏ ଆତଃ ପାର୍‌ମେଶ୍ୱାର୍‌ଆଃ ବିଚାର୍ ବିଷାଏରେ ଉଦୁବେୟାଏ । ୯ ପାପ୍ ବିଷାଏରେ ଇନ୍କୁ କାକ ଠାଉକା, ଚିୟାଃଚି ଇନ୍କୁ କାକ ବିଶ୍ୱାସେତାନା ୧୦ ଧାର୍‌ମାନ୍ ବିଷାଏରେ ଇନ୍କୁ କାକ ଠାଉକା, ଚିୟାଃଚି ଆଇଙ୍ଗ୍‌ଦ ଆପୁତାଃତେ ସେନଃତାନାଇଙ୍ଗ୍, ଆପେ ଆତଃ କାପେ ନେଲିୟାଃ । ୧୧ ବିଚାର୍ ବିଷାଏରେ ଇନ୍କୁ କାକ ଠାଉକା, ଚିୟାଃଚି ନେ ଅତେଦିଶ୍ୱମ୍‌ରେନ୍ ଗମ୍‌କେଦ ବିଚାର୍ ଚାବାକାନାଏ ।

୧୨ “ଆଇଙ୍ଗ୍‌ତାଃରେ ଆପେକେ ଆତଃ ପୁରାଃଗି କାଜି ଉଦୁବାପେ ନାଙ୍ଗ୍ ମେନାଃ ମେନ୍‌ଦ ନାହିଁଃ ଆପେ ଏନାକେ କାପେ ସାହାତିଙ୍ଗ୍ ଦାଡିୟାଃ । ୧୩ ମେନ୍‌ଦ ଇନିଃ, ଏନ୍ ସାର୍‌ତିରେନ୍ ଆମ୍ବା ହିଜୁଃରେ, ଇନିଃ ପାର୍‌ମେଶ୍ୱାର୍‌ଆଃ ହରା ଉଦୁବକେଦ୍‌ତେ ଆପେକେ ସବେନ୍ ସାର୍‌ତିରେ ଆୟାର୍ ଇଦିପେୟାଏ । ଚିୟାଃଚି ଇନିଃଦ ଆୟାଃ ପେଡ଼େଃତେ କାଏ କାଜିୟା ମେନ୍‌ଦ ଆଇଃକ୍ ଆୟୁମ୍‌ତେୟାଃଗି କାଜିୟାଏ, ଆତଃ ହିଜୁଃ ବିଷାଏକ ଉଦୁବାପେୟାଏ । ୧୪ ଇନିଃ ଆଇଙ୍ଗ୍‌କେ ମାଇନାନ୍ ଏମାଇଙ୍ଗ୍‌ୟାଏ, ଚିୟାଃଚି ଇନିଃଦ ଆଇଙ୍ଗ୍ କାଜିତେୟାଃ ଇଦିୟାଏ ଆତଃ ଆପେକେ ଉଦୁବାପେୟାଏ । ୧୫ ଆପୁଇଁୟାଃ ସବେନାଃତେୟାଃ ଆଇଁୟାଃ ତାନାଃ ମେନ୍ତେ ଆଇଙ୍ଗ୍ କାଜିକେଦାଇଙ୍ଗ୍, ପାବିତାର୍ ଆମ୍ବା ଆଇଙ୍ଗ୍ ଏମ୍‌ତେୟାଃ ଇଦିୟାଏ ଆତଃ ଆପେକେ ଉଦୁବାପେୟାଏ ।

ଦୁକୁ ଆତଃ ରାସକା

୧୬ “ଆପେ ଆତଃ କାଟିଃ ଘାଡ଼ିକାଦ୍‌ରେ କାପେ ନେଲିୟାଃ, ଏନ୍ତେ ଆତଃ କାଟିଃ ଘାଡ଼ିକାଦ୍‌ରେପେ ନେଲିୟାଃ ।”

୧୭ ଏନ୍ତେ ଯୀଶୁଆଃ ଚେଲକଏତେ ଚିମିନ୍‌କ ଆକ ଆକରେକ କୁପୁଲିୟାନା, “କାଟିଃ ଘାଡ଼ିକାଦ୍‌ରେ କାପେ ନେଲିୟାଃ ଆତଃ କାଟିଃ ଘାଡ଼ିକାଦ୍‌ରେପେ ନେଲିୟାଃ ଆତଃ ‘ଆଇଙ୍ଗ୍ ଆପୁତାଃତେଇଙ୍ଗ୍ ସେନଃତାନା’ ମେନ୍ତେ ଇନିଃ କାଜିତାନ୍‌ତେୟାଃ ଚିନାଃ ତାନାଃ ? ୧୮ ଏନ୍ତେ ଇନ୍କୁ କାଜିକେଦାଃକ, ‘କାଟିଃ ଘାଡ଼ିକାଦ୍’ ମେନ୍ତେ କାଜିରାଃ ମୁଣ୍ଡି ଚିନାଃ ତାନାଃ ? ଇନିଃ ଚିନାଃଏ କାଜି ତାନାଃ ଏନା ଆଲେ କାଲେ ସାରିତାନା ।”

୧୯ ଚେଲକ ଇନିଃକେ କୁଲିନାଙ୍ଗ୍ ସାନାଙ୍ଗ୍‌ତାନାକ ମେନ୍ତେ ଆଚ୍‌କାର୍‌କେଦ୍‌ଚି ଯୀଶୁ ଇନ୍କୁକେ ମେତାଦୁକଆଏ, “ଆତଃ କାଟିଃ ଘାଡ଼ିକାଦ୍‌ରେ କାପେ ନେଲିୟାଃ ଆତଃ କାଟିଃ ଘାଡ଼ିକାଦ୍‌ରେପେ ନେଲିୟାଃ, ମେନ୍ତେଇଙ୍ଗ୍ କାଜିୟାଦପେୟା ଏନା ନାଗେନ୍ତେଚି ଆପେ ଆପେରେଗି କୁପୁଲିୟଃତାନାପେ ? ୨୦ ଆଇଙ୍ଗ୍ ସାର୍‌ତିଗି କାଜିୟାପେ ତାନାଇଙ୍ଗ୍, ଅତେଦିଶ୍ୱମ୍ ରାସକାଅଃ ଇମ୍ତା ଆପେ ରାଆଃଏୟା ଆତଃ ଏୟମ୍‌ୟା, ଆପେ ଦୁକୁଆପେ ମେନ୍‌ଦ ଆପେୟାଃ ଦୁକୁ ରାସକାରେ ବାଇୟାଆ । ୨୧ ମିଆଁଦ୍

ଆଣ୍ଡି କୁଡ଼ିରାଃ ହନ୍ ଜାନାମ୍ ଦିପିଲି ସେଟେରୟାନ୍ରେ ଦୁକୁ ନାମୋୟାଏ, ମେନ୍ଦ ଇନିଃ ହନ୍ ଜାନାମ୍ ତାୟମ୍ରେ ଅତେଦିଶୁମ୍ରେ ମିଆଁଦ୍ ହନ୍ ଜାନାମ୍ୟାନାଏ ମେନ୍ତେ ଆୟାଃ ଦୁକୁକେ ଆତଃ କାଏ ପାହାମାଃ । ୨୨ ଏନ୍ଲେକାଗି ନାହାଁଃଦ ଆପେ ଦୁକୁଃତାନାପେ, ମେନ୍ଦ ଆଇଙ୍ଗ୍ ଆପେକେ ଆତଃମିସା ନେଲ୍ପେୟାଇଙ୍ଗ୍ ଆତଃ ଆପେୟାଃ ମନ୍ ରାସକାତେ ପେରେଜଃଆ ଆତଃ ଏନ୍ ରାସକା ଆପେତାଃଏତେ ଜେତାଏ କାକ ଇଦିଦାଡ଼ିୟାଃ ।

୨୩ “ଏନ୍ ହୁଲାଇଙ୍ଗ୍ ଆପେ ଆଇଙ୍ଗ୍କେ ଜେଡନାଃ କାପେ କୁଲିୟାଁ, ଆଇଙ୍ଗ୍ ଆପେକେ ସାର୍ଡିଗି କାଜିୟାପେ ତାନାଇଙ୍ଗ୍, ଆପେ ଆଇଁୟାଃ ନୁତୁମ୍ରେ ଆପୁଇଙ୍ଗ୍କେ ଜେଡନାଃପେ ଆସିରେଦ ଇନିଃ ଏନାକେ ଏମାପେୟାଏ । ୨୪ ନାହାଁଃ ଜାକେଦ୍ ଆପେ ଆଇଁୟାଃ ନୁତୁମ୍ରେ ଜେଡନାଃ କାପେ ଆସିକାଦାଃ, ଆସିପେ ଆତଃ ଆପେୟାଃ ରାସକା ପେରେଜଃ ନାଗେନ୍ତେ ଆପେ ଏନାପେ ନାମୋୟା ।

ଅତେଦିଶୁମ୍ରେ ଜିତାଅ

୨୫ “ଆଇଙ୍ଗ୍ ଆପେକେ ଜନ୍କା କାଜିତେ ନେ ସବେନ୍ କାଜିକ କାଜିକାଦ୍ପେୟାଇଙ୍ଗ୍ । ମେନ୍ଦ ଏନ୍ ଦିପିଲି ହିଜୁଃଆ, ଇମ୍ତା ଆଇଙ୍ଗ୍ ଜନ୍କା କାଜିତେ କାଇଙ୍ଗ୍ ଉଦୁବାପେୟା, ମେନ୍ଦ ଆପୁଇଁୟାଃ ବିଷାଏ ଆପେକେ ଉଦୁବଡତାପେୟା । ୨୬ ଏନ୍ ହୁଲାଇଙ୍ଗ୍ ଆପେ ଆଇଁୟାଃ ନୁତୁମ୍ରେପେ ଆସିୟା; ଆତଃ ଆଇଙ୍ଗ୍ ଆପେୟାଃନାଙ୍ଗ୍ ଆପୁତାଃ ବିକ୍ରିୟାଇଙ୍ଗ୍ ଏନା କାଇଙ୍ଗ୍ କାଜିପେତାନା । ୨୭ ଆପୁ ଆଇଃକ୍ରି ଆପେକେ ଦୁଲ୍ଲାଡାଃଏ, ଚିୟାଃଚି ଆପେ ଆଇଙ୍ଗ୍କେ ଦୁଲ୍ଲାଡକାଦିୟାଃପେ ଆତଃ ଆଇଙ୍ଗ୍ ଆପୁତାଃଏତେ ହିଜୁଃକାନାଇଙ୍ଗ୍ ଏନା ବିଶ୍ୱାସକାଦାଃପେ । ୨୮ ଆଇଙ୍ଗ୍ ଆପୁତାଃଏତେ ଅତେଦିଶୁମ୍ରେ ହିଜୁଆକାନାଇଙ୍ଗ୍ ଆତଃ ନାହାଁଃ ଆଇଙ୍ଗ୍ ଅତେଦିଶୁମ୍ ବାଗିକେଦ୍ତେ ଆପୁତାଃପେ ସେନଃତାନାଇଙ୍ଗ୍ ।”

୨୯ ଯୀଶୁଆଃ ଚେଲକ କାଜିକିୟାଃକ, “ନେଲେମେ, ନାହାଁଃଦ ଆମ୍ ଜନ୍କା କାଜିତେଦ କାହା ମେନ୍ଦ ଫାର୍ଡିଗି କାଜିତାନାମ୍ । ୩୦ ନାହାଁଃ ଆଲେ ଆଟ୍‌କାରକାଦା, ଆମ୍ ସବେନାଃମ୍ ସାରିୟାଃ ଆତଃ ଜେତାଏ ଆମ୍‌କେ ଜେଡନାଃ କୁଲି କା ଲାଗାଡିୟାଃ । ଏନାତେ ଆମ୍ ପାର୍‌ମେଶ୍ୱାର୍‌ତାଃଏତେମ୍ ହିଜୁଆକାନା ଏନାଲେ ବିଶ୍ୱାସେତାନା ।”

୩୧ ଯୀଶୁ ଇନ୍‌କୁକେ କାଜିକେଦ୍‌କଆଏ, “ଚିୟାଃ ନାହାଁଃପେ ବିଶ୍ୱାସେତାନା ?” ୩୨ ନେଲେପେ, ଏନ୍ ଦିପିଲି ହିଜୁଃତାନା, ହେଗି ଏନା ସେଟେରୟାନା, ଚିମ୍ତାଙ୍ଗ୍ ଆପେ ଛିଡିବିଡିକେଦ୍‌ତେ ଜେତେକ ଆପେୟାଃ ଆପାନ୍ ଅତାଃତେପେ ସେନଃଆ, ଆତଃ ଆଇଙ୍ଗ୍‌କେ ଏସ୍‌କାର୍‌ଗି ବାଗିତାଈଙ୍ଗ୍‌ରେୟ ଆଇଙ୍ଗ୍ କାଇଙ୍ଗ୍ ଏସ୍‌କାରଃଆଃ, ଚିୟାଃଚି ଆପୁ ଆଇଁୟାଃଲଃ ମେନାଇୟା । ୩୩ ଆପେ ସବେନ୍ ଆଇଁୟାଃରେ ଜୀଉସୁକୁ ନାମେ ନାଗେନ୍ତେ ନେଆଁ ଆଇଙ୍ଗ୍ କାଜିୟାଦ୍‌ପେୟା । ଅତେଦିଶୁମ୍ରେ ସାସାଡିପେ ନାମୋୟା ମେନ୍ଦ ଆଲପେ ବରଏୟା, ଆଇଙ୍ଗ୍ ଅତେଦିଶୁମ୍‌କେ ଜିତାଝାକାଦାଇଙ୍ଗ୍ ।



ୟୀଶୁ ଆୟାଃ ଚେଲକ ନାଗେନ୍ତେ ବିକ୍ରି

୧ ଯୀଶୁ ନେଆଁ କାଜିକେଦ୍‌ଚି ସିମ୍‌ସାଃ ସାଜିଲ୍ ରାକାବ୍‌କେଦ୍‌ତେ କାଜିକେଦାଃଏ, ହେ ଆବା ନେତା ସେଟେରାକାନା, ହନ୍ ଆମ୍‌କେ ମାଇନାନ୍‌ମେ ନାଗେନ୍ତେ ହନ୍‌ତାମାଃକେ ମାଇନିମେ । ୨ ଆମ୍ ଇନିଃକେ ସବେନ୍ ହଡକଆଃରେ ଆକ୍‌ତେୟାର୍‌ରେ ନାଙ୍ଗ୍ ଏମାକାଇୟାମ୍, ଜେ'ଲେକା ଆମ୍ ଇନିଃକେ ଏମାକାଇ ସବେନ୍ ହଡକକେ ଜାନାଅ ଜାନାଅରେୟାଃ ଜୀଦାନ୍ ଏମ୍‌ଦାଡ଼ିୟାଃଏ । ୩ ଆତଃ ମିଆଁଦ୍‌ଗି ସାର୍ଡି ପାର୍‌ମେଶ୍ୱାର୍ ଆମ୍ ତାନ୍‌ମେ, ଆମ୍‌କେ ଆତଃ ଆମ୍ କୁଲକାଇ ଯୀଶୁ ଖ୍ରୀଷ୍ଟ୍‌କେ ସାରିତେୟାଃଗି ଜାନାଅ ଜାନାଅରେୟାଃ ଜୀଦାନ୍ ତାନାଃ । ୪ ଆମ୍ ଆଇଙ୍ଗ୍‌କେ ଅକନ୍ କାମି ଏମାକାଇଙ୍ଗ୍ ତାଇନାମ୍ ଏନ୍ କାମି ଆଇଙ୍ଗ୍ ଟୁଣ୍ଡୁକେଦ୍‌ତେ ଅତେଦିଶୁମ୍ରେ ଆମ୍‌କେ ମାଇନାନ୍ କାଦ୍‌ମେଁୟାଈଙ୍ଗ୍ । ୫ ନାହାଁଃ, ହେ ଆବା, ଅତେଦିଶୁମ୍ ବାଇୟାନ୍ ସିଦାରେ ଆମାଃଲଃ ତାଇକେନ୍ ଇମ୍‌ତା ଆଇଁୟାଃ ଅକନ୍ ମାନାରାଙ୍ଗ୍ ତାଇକେନା ଏନ୍ ମାନାରାଙ୍ଗ୍‌ତେ ଆଇଙ୍ଗ୍‌କେ ଆମାଃଲଃ ମାନାରାଙ୍ଗ୍ ରିକାଇଙ୍ଗ୍‌ମେଁ ।

୬ “ଅତେଦିଶୁମ୍‌ରେନ୍‌କଏତେ ଆମ୍ ଆଇଙ୍ଗ୍‌କେ ଏମାକାଦିଙ୍ଗ୍ ହଡକକେ, ଆମାଃ ନୁତୁମ୍ ଉଦୁବାକାଦ୍‌କଆଇଙ୍ଗ୍, ଇନ୍‌କୁ ଆମାଃକ ତାଇକେନା ଆତଃ ଆମ୍ ଇନ୍‌କୁକେ ଏମାକାଦିୟାମ୍ ଆତଃ ଇନ୍‌କୁ ଆମାଃ କାଜିକ ମାନାଡିଙ୍ଗ୍‌କାଦାଃ । ୭ ଆମ୍ ଆଇଙ୍ଗ୍‌କେ ଅକନାଃକ ଏମାକାଦିୟାମ୍ ଏନ୍ ସବେନାଃ ଆମାଃ ସାଃଏତେଗି ହିଜୁଆକାନା, ଏନା ଇନ୍‌କୁ ନାହାଁଃଦ ଆଟ୍‌କାରକାଦାଃ । ୮ ଚିୟାଃଚି ଆମ୍ ଏମାକାଦିଙ୍ଗ୍ କାଜିକ ଇନ୍‌କୁକେ ଏମାକାଦ୍‌କଆଇଙ୍ଗ୍ ଆତଃ ଇନ୍‌କୁ ଏନାକ ଚେଲକାଦାଃ; ଆଇଙ୍ଗ୍ ଆମାଃ ସାଃଏତେ ହିଜୁଆକାନାଇଙ୍ଗ୍ ଏନା ସାର୍ଡିଗି ଆଟ୍‌କାରକାଦାଃ, ଆତଃ ଆମ୍ ଆଇଙ୍ଗ୍‌କେ କୁଲକାଦିୟାମ୍ ଏନା ବିଶ୍ୱାସକାଦାଃକ ।

୯ “ଆଇଁଙ୍କ ଇନ୍ଦ୍ର ନାଗେନ୍ତେ ବିକ୍ରିତାନାଇଁଙ୍କ, ଅତେଦିଶୁମ୍ ନାଗେନ୍ତେ କାହା ମେନ୍ଦ ଆମ୍ ଏମାକାଦିଙ୍ଗ ହଡକଆଃ ନାଗେନ୍ତେ ବିକ୍ରିତାନାଇଁଙ୍କ, ଚିୟାଃଟି ଇନ୍ଦ୍ରଦୁ ଅମାଃଗି ତାନ୍କୁ । ୧୦ ଆତଃ ଆଇଁୟାଃ ସବେନାଃ ଆମାଃ ତାନାଃ, ଆତଃ ଆମାଃ ସବେନାଃ ଆଇଁୟାଃ ତାନାଃ, ଆତଃ ଆଇଁଙ୍କ ଇନ୍ଦ୍ରଦୁଆଃ ହରାତେ ମାଇନାନ୍ କାନାଇଙ୍ଗ । ୧୧ ଆତଃ ନାହାଁଃ ଆଇଁଙ୍କ ନେ ଅତେଦିଶୁମ୍ରେ କାଇଙ୍ଗ ତାଇନାଃ, ମେନ୍ଦ ଇନ୍ଦ୍ରଦୁ ଅତେଦିଶୁମ୍ରେକ ତାଇନାଃ, ଆତଃ ଆଇଁଙ୍କ ଆମାଃତାଃତେ ହିଜୁଃତାନାଇଙ୍ଗ । ଏ ପାବିତାର୍ ଆବା ! ଆମ୍ ଆଇଁଙ୍କେ ଏମାକାଦିଙ୍ଗ ନୁତୁମ୍ରାଃ ପେଡେଃତେ ବାଞ୍ଛାଅକମେ, ଆମ୍ ଏମାକାଦିଙ୍ଗ ନୁତୁମ୍ତେ, ଆମ୍ ଆତଃ ଆଇଁଙ୍କ ଜେ'ଲେକା ମିଦ୍ତାନାଲାଇ, ଏନ୍‌ଲେକା ଇନ୍ଦ୍ରଦୁ ମିଦଃକାକ । ୧୨ *ଆଇଁଙ୍କ ଇନ୍ଦ୍ରଦୁଲିଃ ତାଇକେନ୍ ଇମ୍ତା ଆମ୍ ଏମାକାଦ୍ ଆମାଃ ନୁତୁମ୍ତେ ଆଇଁଙ୍କ ଇନ୍ଦ୍ରଦୁକେ ବାଞ୍ଛାଅକେଦ୍ତେ ବୁଗିଲେକା ଯାତାନ୍‌କାଦକଆଇଙ୍ଗ, ଆତଃ ଧାରାମ୍ପୁଅରାଃ ଅନଲ୍ ଜେ'ଲେକା ସାର୍ତିୟାଆଃ, ଏନାମେନ୍ତେ ଏନ୍ ଜିୟନଃ ହନ୍‌କେ ବାଗିକେଦ୍ତେ ଇନ୍ଦ୍ରଦୁଏତେ ଜେତାଏ କାକ ଜିୟନାକାନା । ୧୩ ମେନ୍ଦ ଆଇଁଙ୍କ ନାହାଁଃ ଆମାଃତାଃତେଇଙ୍ଗ ହିଜୁଃତାନା ଆତଃ ଇନ୍ଦ୍ରଦୁଆଃ ମନ୍‌ରେ ଆଇଁୟାଃ ରାସ୍‌କା ପେରେଜଃ ନାଗେନ୍ତେ ଅତେଦିଶୁମ୍ରେ ତାଇନକେଦ୍ତେଗି ଆଇଁଙ୍କ ନେ ସବେନାଃ କାଜିତାନାଇଙ୍ଗ । ୧୪ ଆଇଁଙ୍କ ଇନ୍ଦ୍ରଦୁକେ ଆମାଃ କାଜି ଏମାକାଦକଆଇଙ୍ଗ, ଆତଃ ଅତେଦିଶୁମ୍ ଇନ୍ଦ୍ରଦୁକେ ହିଲାଇକାଦକଆଏ, ଚିୟାଃଟି ଆଇଁଙ୍କ ଜେ'ଲେକା ନେ ଅତେଦିଶୁମ୍ରେନ୍ ନାହାଁଲାଇଙ୍ଗ ଏନ୍‌ଲେକା ଇନ୍ଦ୍ରଦୁ ନେ ଅତେଦିଶୁମ୍ରେନ୍ ନାହାଁଲାଇ । ୧୫ ଆମ୍ ଇନ୍ଦ୍ରଦୁକେ ଅତେଦିଶୁମ୍ଏତେ ଇଦିକୁମେ ମେନ୍ତେ କାଇଙ୍ଗ ବିକ୍ରିମେତାନା, ମେନ୍ଦ ଆମ୍ ଇନ୍ଦ୍ରଦୁକେ ଏଡକାନ୍‌ଏତେ ବାଞ୍ଛାଅକମେ ମେନ୍ତେ ବିକ୍ରିମେତାନାଇଙ୍ଗ । ୧୬ ଆଇଁଙ୍କ ଜେ'ଲେକା ଅତେଦିଶୁମ୍ରେନ୍ ନାହାଁଲାଇଙ୍ଗ ଏନ୍‌ଲେକା ଇନ୍ଦ୍ରଦୁ ଅତେଦିଶୁମ୍ରେନ୍ ନାହାଁଲାଇ । ୧୭ ସାନାର୍ତିତେ ଇନ୍ଦ୍ରଦୁକେ ପାବିତାର୍ କାମି ନାଙ୍ଗ ଜିମାକମେ; ଆମାଃ କାଜିଦ୍ ସାର୍ତି ତାନାଃ । ୧୮ ଆମ୍ ଆଇଁଙ୍କେ ଜେ'ଲେକା ଅତେଦିଶୁମ୍ତେମ୍ କୁଲକାଦିୟାଁ, ଏନ୍‌ଲେକା ଆଇଁଙ୍କହିଁ ଇନ୍ଦ୍ରଦୁକେ ଅତେଦିଶୁମ୍ତେ କୁଲକାଦକଆଇଙ୍ଗ । ୧୯ ଆତଃ ଇନ୍ଦ୍ରଦୁ ହିଁ ସାନାର୍ତିରେକ ପାବିତାରଃକା ମେନ୍ତେ ଆଇଁଙ୍କ ଇନ୍ଦ୍ରଦୁ ନାଗେନ୍ତେ ପାବିତାର୍ କାମି ନାଙ୍ଗ ଜିମାନ୍ ତାନାଇଙ୍ଗ ।

୨୦ “ଆଇଁଙ୍କ ଇନ୍ଦ୍ରଦୁଆଃ ନାଗେନ୍ତେ ଏସକାର୍ କାହା ମେନ୍ଦ ଇନ୍ଦ୍ରଦୁଆଃ କାଜିରେୟାଃ ହରାତେ ଆଇଁଙ୍କରେ ବିଶ୍ୱାସେତାନ୍ ସବେନକଆଃ ନାଗେନ୍ତେ ବିକ୍ରିତାନାଇଙ୍ଗ । ୨୧ ହେ ଆବା ! ଇନ୍ଦ୍ରଦୁ ଜେତେକ ଜେ'ଲେକା ମିଦଃକାକ ମେନ୍ତେ ଇନ୍ଦ୍ରଦୁଆଃ ନାଙ୍ଗ ବିକ୍ରିମେତାନାଇଙ୍ଗ, ଆଇଁଙ୍କ ଆମାଃରେ ଆତଃ ଆମ୍ ଆଇଁୟାଃରେ ମେନାମେ ଲେକା, ଇନ୍ଦ୍ରଦୁହ ସବେନକ ଆବୁରେ ତାଇନଃକାକ, ଜେ'ଲେକାଟି ଆମ୍ ଆଇଁଙ୍କେ କୁଲକାଦିୟାଁମ୍ ଏନା ଅତେଦିଶୁମ୍ରେନ୍‌କ ବିଶ୍ୱାସେୟା । ୨୨ ଆମ୍ ଆଇଁଙ୍କେ ଏମାକାଦିଙ୍ଗ ମାନାରାଙ୍ଗ ଇନ୍ଦ୍ରଦୁକେ ଏମାକାଦକଆଇଙ୍ଗ, ଆମ୍ ଆତଃ ଆଇଁଙ୍କ ମିଦ୍‌କାନ୍ ଲେକା ଇନ୍ଦ୍ରଦୁହ ମିଦଃକାକ । ୨୩ ଆଇଁଙ୍କ ଇନ୍ଦ୍ରଦୁରେ ଆତଃ ଆମ୍ ଆଇଁୟାଃରେ ମେନାମେୟା, ଏନାତେ ଇନ୍ଦ୍ରଦୁ ମିଦ୍ ଉତାରଃକା ଆତଃ ଆମ୍ ଆଇଁଙ୍କେ କୁଲକାଦିୟାଁମ୍ ଆତଃ ଦୁଲ୍ଲାଡକାଦିୟାଁମ୍ ଲେକା ଇନ୍ଦ୍ରଦୁକେହ ଦୁଲ୍ଲାଡକାଦକଆମ୍ ମେନ୍ତେ ଅତେଦିଶୁମ୍ରେନ୍‌କ ଆଟ୍‌କାରେକା ।

୨୪ “ହେ ଆବା, ଆମ୍ ଆଇଁଙ୍କେ ଏମାକାଦିଙ୍ଗ ହଡକ ଆଇଁଙ୍କ ତାଇନଃତାଃରେକ ତାଇନଃକା, ଏନାତେ ଇନ୍ଦ୍ରଦୁ ଆମ୍ ଆଇଁଙ୍କେ ଏମାକାଦିଙ୍ଗ ମାନାରାଙ୍ଗକ ନେଲେକା ମେନ୍ତେ ସାନାଙ୍ଗତାନାଇଙ୍ଗ, ଚିୟାଃଟି ଆମ୍‌ଦ ଅତେଦିଶୁମ୍ ବାଇୟେ ସିଦାରେ ଆଇଁଙ୍କେ ଦୁଲ୍ଲାଡକାଦିୟାଁମ୍ । ୨୫ ଏ ଧାର୍‌ମାନ୍ ଆବା, ଅତେଦିଶୁମ୍ ଆମ୍‌କେ କାଏ ସାରିୟାକାଦ୍‌ମେୟା ମେନ୍ଦ ଆଇଁଙ୍କ ସାରିୟାକାଦ୍‌ମେୟାଇଙ୍ଗ ଆତଃ ଆମ୍ ଆଇଁଙ୍କେ କୁଲକାଦିୟାଁମ୍ ଏନା ନିକୁ ସାରିୟାକାଦାଃକ । ୨୬ ଆମ୍ ଆଇଁଙ୍କେ ଅକନ୍ ଦୁଲ୍ଲାଡରେମ୍ ଦୁଲ୍ଲାଡକାଦିୟାଁ ଏନ୍ ଦୁଲ୍ଲାଡ ଇନ୍ଦ୍ରଦୁରେ ତାଇନଃକା, ଆତଃ ଆଇଁଙ୍କ ଇନ୍ଦ୍ରଦୁରେ ତାଇନଃନାଙ୍ଗ ଇନ୍ଦ୍ରଦୁକେ ଆମାଃ ନୁତୁମ୍ ଉଦ୍‌ବାକାଦକଆଇଙ୍ଗ ଆତଃ ଉଦ୍‌ବାକୁଆଇଙ୍ଗ ।”

୧୮

ୟାଶୁକେ ସାବ୍‌କିୟାଃକ (ମାଥୁଉ ୨୬:୪୭-୫୨; ମାର୍କ ୧୪:୪୩-୫୦; ଲୁକ ୨୨:୪୭-୫୩)

୧ ଯାଶୁ ନେ ବିକ୍ରି ଚାବାକେଦ୍‌ଟି, ଆୟାଃ ଚେଲକଲିଃ କିଦ୍‌ରୋନ୍ ଲର୍* ହାନ୍ ପାରମ୍‌ତେ ସେନଃୟାନାକ, ଏନ୍ତାଃରେ ମିଆଁଦ୍ ବାଗାନ୍ ତାଇକେନା, ଏନାରେ ଇନିଃ ଆତଃ ଆୟାଃ ଚେଲକ ବଲୟାନାକ । ୨ ଯାଶୁକେ ସାବ୍‌ରିକାନିଃ ଯିହୁଦା, ଏନ୍ ଠାୟାଦ୍‌କେ ସାରିକାଦ୍ ତାଇକେନାଏ, ଚିୟାଃଟି ଯାଶୁ ଆୟାଃ ଚେଲକଲିଃ ପୁରାଃ ଦିପିଲି ଏନ୍ ଠାୟାଦ୍‌ତେ ସେନାକାନ୍ ତାଇକେନାଏ । ୩ ଏନ୍ତେ ଯିହୁଦା, ପାଲ୍‌ଟାନ୍‌କ, ମୁଲ୍ ଯାଜାକ୍‌କ ଆତଃ ଫାରୁଶୀକ ସାଃଏତେ ଦାରଞ୍ଜାନ୍‌କକେ ଆଡକେଦ୍‌ତେ ଦିମି

* ୧୭:୧୨ ୧୭:୧୨ ଯୋହାନ୍ ୧୩:୧୮. * ୧୮:୧ ୧୮:୧ ଲର୍ ମାରାଙ୍ଗ୍ ଦଲ୍‌ଖା

ଆତ୍ମ ହାତେୟାର ସାବ୍‌କେଦ୍‌ତେ ଏନ୍ତାତେକ ହିନ୍ଦୁୟାନା । ୪ ଏନାତେ ଯୀଶୁ ଆୟାଃରେ ହିନ୍ଦୁତାନ୍ ହବାଅଃତେୟାଃ ସବେନାଃ ସାରିକେଦ୍‌ତେ ଅତଙ୍ଗୟାନା ଆତ୍ମ ଆପେ ଅକଏକେ ଦାଣ୍ଡାତାନାପେ ମେତାଦକଆଏ ।

୫ “ନାଜରେଡ୍‌ରେନ୍ ଯୀଶୁକେ” ମେନ୍ତେକ କାଜିରୁହାଡ୍‌କିୟା ।

ୟୀଶୁ ମେତାଦକଆଏ, “ଆଇଙ୍ଗ୍ ତାନିଙ୍ଗ୍ ।”

ଆତ୍ମ ଯୀଶୁକେ ସାବ୍‌ରିକାନିଃ ଯିହୁଦା ଇନ୍‌କୁଲଃ ତିଙ୍ଗୁଆକାନ୍ ତାଇକେନାଏ । ୬ ଯୀଶୁ ଚିମ୍‌ତାଙ୍ଗ୍ ଇନ୍‌କୁକେ “ଆଇଙ୍ଗ୍ ତାନିଙ୍ଗ୍” ମେତାଦକଆଏ, ଇମ୍‌ତା ଇନ୍‌କୁ ଇମ୍‌ତାଗି ଦୟା ରୁହାଡ୍‌କେଦ୍‌ତେ ଅତେରେକ ଉୟୁଃୟାନା । ୭ ଏନ୍ତେ ଇନିଃ ଇନ୍‌କୁକେ ଆତ୍ମଃମିସା କୁଲିକେଦକଆଏ, “ଆପେ ଅକଏକେ ଦାଣ୍ଡାତାନାପେ ?”

ଇନ୍‌କୁ କାଜିରୁହାଡ୍‌କିୟା, “ନାଜରେଡ୍‌ରେନ୍ ଯୀଶୁକେ ।”

୮ ଯୀଶୁ କାଜିରୁହାଡ୍‌କିୟା, “ୟୀଶୁ ଆଇଙ୍ଗ୍‌ଗି ତାନିଙ୍ଗ୍ ମେନ୍ତେ ସିଦାରେ କାଜିୟାଦ୍‌ପେୟାଇଙ୍ଗ୍ । ଆପେ ଆଇଙ୍ଗ୍‌କେ ଦାଣ୍ଡାତାନରେଦ ନିକୁକେ ସେନ୍‌ରିକାକପେ ।” ୯ “ଆବା, ଆମ୍ ଆଇଙ୍ଗ୍‌କେ ଏମାକାଦିଙ୍ଗ୍ ହଡ୍‌କଏତେ ମିହୁଡ୍‌କେହ୍ କାଇଙ୍ଗ୍ ଆଦାକାଇୟାଃ ।” ଇନିଃ ନେ କାଜି କାଜିକେଦାଃଏ, ଜେ'ଲେକାଟି ଇନିୟାଃ ନେ କାଜି ପୁରାଃଃ ।

୧୦ ଶିମୋନ୍ ପାଡ୍‌ରାସ୍‌ତାଃରେ ତାରାଉଡ୍‌ତି ତାଇକେନା, ଏନାକେ ଅତଙ୍ଗକେଦ୍‌ତେ ଇନିଃ ମାରାଙ୍ଗ୍ ଯାଜାକ୍‌ଆଃ ଦାସିକେ ମାଆଃକିୟାଏ ଆତ୍ମ ଜମ୍‌ସାଃରାଃ ଲୁଡ୍‌ରକେ ମାଆଃଖାଣ୍ଡାଅକେଦାଏ, ଏନ୍ ଦାସିଆଃ ନୁଡ୍‌ମ୍ ମାଲ୍‌ଖ ତାଇକେନା । ୧୧ ଏନ୍ତେ ଯୀଶୁ ପାଡ୍‌ରାସ୍‌କେ କାଜିକିୟାଏ, “ଆମାଃ ତାରାଉଡ୍‌ତିକେ ଖାପ୍‌ରେ ଦହଏମେ, ଆପୁ ଏମାକାଈଙ୍ଗ୍ କାଟୋରାରେ ଚିୟାଃ ଆଇଙ୍ଗ୍ କାଇଙ୍ଗ୍ ନୁଁଇୟା ?”

ୟୀଶୁ ହାନାନ୍‌ରାଃ ସାମ୍‌ନାଙ୍ଗ୍‌ରେ

୧୨ ଏନ୍ତେ ପାଲ୍‌ଟାନ୍‌କ, ପାଲ୍‌ଟାନ୍‌ରେନ୍ ଗମ୍‌କେ ଆତ୍ମ ଯିହୁଦୀକଆଃ ଦାରଃଝାନ୍‌କ ଯୀଶୁକେ ସାବ୍‌ଇଦିକେଦ୍‌ତେ ତଲ୍‌କିୟାଃକ । ୧୩ ଆତ୍ମ ଇନ୍‌କୁ ଇନିଃକେ ସିଦାତେ କାୟ୍‌ଫାରାଃ ହୟାଁରେତେ ହାନାନ୍‌ତାଃତେକ ଇଦିକିୟାଃ, ଇନିଃଦ ଏନ୍ ସିମ୍‌ନାରେନ୍ ମାରାଙ୍ଗ୍ ଯାଜାକ୍ ତାଇକେନାଏ । ୧୪ ଏସ୍‌ବେନ୍ ହଡ୍‌କ ନାଗେନ୍ତେ ମିଆଁଦ୍ ହଡ୍ ଗଜଃରେଦ ବୁଗିୟାଆଃ ମେନ୍ତେ ଯିହୁଦୀ ହାକିମ୍‌କେ କାଜିକାଦକ ତାଇକେନାଏ, ଇନିଃ ଏନ୍ କାୟ୍‌ଫା ତାନିଃ ।

**ପାଡ୍‌ରାସ୍ ଯୀଶୁକେ କାଇଙ୍ଗ୍ ସାରିୟା ମେନ୍ତେ କାଜିତାନାଏ
(ମାଥ୍‌ଉ ୨୬:୨୯-୩୦; ମାର୍କ ୧୪:୨୬-୨୮; ଲୁକ ୨୨:୫୫-୫୬)**

୧୫ ଶିମୋନ୍ ପାଡ୍‌ରାସ୍ ଆତ୍ମ ଏଟାଃ ମିହୁଡ୍‌ ଚେଲା ଯୀଶୁକେ ଅତଙ୍ଗ ଇଦିକିୟାଏ, ଏନ୍ ଏଟାଃ ଚେଲା ମାରାଙ୍ଗ୍ ଯାଜାକ୍‌ଆଃ ନେପେଲ୍ ଉପୁରୁମ୍ ହଡ୍ ତାଇକେନାଏ, ଏନାମେନ୍ତେ ଇନିଃ ମାରାଙ୍ଗ୍ ଯାଜାକ୍‌ଆଃ ଅଡ଼ାଃରାତେ ଯୀଶୁଲଃ ବଲ୍‌ୟାନାଏ । ୧୬ ମେନ୍‌ଦ ପାଡ୍‌ରାସ୍ ରାତା ଦୁଆରତାଃରେ ତିଙ୍ଗୁଆକାନ୍ ତାଇକେନାଏ, ଏନ୍ତେ ମାରାଙ୍ଗ୍ ଯାଜାକ୍‌ଲଃ ନେପେଲ୍ ଉରୁମାକାନ୍ ଏଟାଃ ଚେଲା ଅତଙ୍ଗକେଦ୍‌ତେ ଦୁଆର ହରତାନ୍ କୁଡ୍‌କେ କାଜିକିୟାଏ, ଆତ୍ମ ପାଡ୍‌ରାସ୍‌କେ ଅଡ଼ାଃ ଭିତାରେତେ ଇଦିକିୟାଏ । ୧୭ ଏନ୍ତେ ଦୁଆର ହରତାନ୍ ଏନ୍ କାମ୍‌ଡ୍ କୁଡ୍ ପାଡ୍‌ରାସ୍‌କେ କାଜିକିୟାଏ, “ଚିୟାଃ ଆମ୍ ହ୍ ନେ ହଡ୍‌ଆଃ ଚେଲାକଏତେ ମିଆଁଦ୍‌ନିଃ ନାହାଁଲାମ୍ ?”

ଇନିଃ ମେତାଇଜାଏ, “ଆଇଙ୍ଗ୍ ନାହାଁଲିଙ୍ଗ୍ ।”

୧୮ ରାବାଙ୍ଗ୍‌ତାନ୍ ତାଇକେନ୍ ଇମ୍‌ତା ଦାସିକ ଆତ୍ମ ଦାରଃଝାନ୍‌କ ସେଙ୍ଗେଲ୍ ତିଙ୍ଗ୍‌କେଦ୍‌ତେ ତିଙ୍ଗୁଆକାନ୍‌ଲଃ ଜୁରୁବ୍ ତାଇକେନାକ । ପାଡ୍‌ରାସ୍‌ହ୍ ଇନ୍‌କୁଲଃ ତିଙ୍ଗ୍‌କେଦ୍‌ତେ ଜୁରୁବ୍‌ତାଇକେନାଏ ।

**ମାରାଙ୍ଗ୍ ଯାଜାକ୍‌କ ଯୀଶୁକେ କୁଲିକିୟାକ
(ମାଥ୍‌ଉ ୨୬:୫୯-୬୬; ମାର୍କ ୧୪:୫୫-୬୪; ଲୁକ ୨୨:୬୬-୭୧)**

୧୯ ଏନ୍ତେ ମାରାଙ୍ଗ୍ ଯାଜାକ୍ ଯୀଶୁକେ ଆୟାଃ ଚେଲାକ ବିଷାଏରେ ଆତ୍ମ ଆୟାଃ ଇନିଡୁ ବିଷାଏରେ କୁଲିକିୟାଏ । ୨୦ ଯୀଶୁ ଇନିଃକେ କାଜିକିୟାଏ, “ଆଇଙ୍ଗ୍ ଅତେଦିଶୁମ୍‌ରେ ସବେନ୍‌ଇମ୍‌ତା ସବେନ୍‌କତାଃରେ କାଜିୟାକାଦାଈଙ୍ଗ୍, ଯିହୁଦୀକ ହୁଣ୍ଡିନ୍‌ତାନ୍ ସବେନ୍‌ତାଃରେ, ସାମାଜ୍ ଅଡ଼ାଃକରେ ଆତ୍ମ ମାନ୍‌ିର୍ ଅଡ଼ାଃରେ ଆଇଙ୍ଗ୍ ଇଡୁକେଦକଆ ଆତ୍ମ ଦାନାଙ୍ଗ୍‌ରେ ଜେଡ୍‌ନାଃ କାଇଙ୍ଗ୍ କାଜିକାଦାଃ । ୨୧ ଚିନାଃମେନ୍ତେ ଆମ୍ ଆଇଙ୍ଗ୍‌କେ କୁଲିତାନାମ୍ ? ଆଇଙ୍ଗ୍ ଇନ୍‌କୁକେ ଚିନାଃ କାଜିୟାକାଦକଆଇଙ୍ଗ୍ ଏନା ଆୟୁମ୍‌କେନ୍‌କକେ କୁଲିକମ୍, ନେଲେମେ, ଆଇଙ୍ଗ୍ କାଜିକାଦ୍‌ତେୟାଃ ଇନ୍‌କୁ ସାରିୟାଃକ ।”

✧ ୧୮:୧୧ ୧୮:୧୧ ମାଥ୍‌ଉ ୨୬:୩୯; ମାର୍କ ୧୪:୩୬; ଲୁକ ୨୨:୪୨. ✧ ୧୮:୧୪ ୧୮:୧୪ ଯୋହାନ୍ ୧୧:୪୯,୫୦.

୨୨ ଯୀଶୁ ନେଆଁ କାଜିକେଦ୍ ଇମତା ନାଡ଼େଃରେ ତିଜୁଆକାନ୍ ମିଆଁଦ୍ ଦାରଝାନ୍ ଇନିଃକେ ଆପ୍ତକେଦ୍ତେ କାଜିକିୟାଏ, “ଆମାଃ ନାମିୟାଙ୍ଗ୍ ସାହାଁସ୍, ଚିୟାଃ ଆମ୍ ମାରାଙ୍ଗ୍ ଯାଜାକ୍କେ ନେ ଲେକା କାଜିରୁହାଡ଼ାକିତାନାମ୍ ?”

୨୩ ଯୀଶୁ ଇନିଃକେ କାଜିରୁହାଡ଼କିୟାଏ, “ଆଇଙ୍ଗ୍ ଏଡ଼କାନାଃ କାଜିକାଦ୍ରେଦ୍ ନେତାଃରେ ଜେତେକଆଃ ସାମ୍ନାଙ୍ଗ୍ରେ ସାବୁଦ୍ ଉଦୁବେମେ, ମେନ୍ଦ୍ ଆଇଙ୍ଗ୍ ବୁଗିନ୍ କାଜି କାଜିକାଦ୍ରେଦ୍ ଚିନାଃମେନ୍ତେମ୍ ଆପ୍ତକିତାନାମ୍ ?”

୨୪ ଏନ୍ତେ ହାନାନ୍ ଇନିଃକେ ତଲକାନ୍ତେଗି ମାରାଙ୍ଗ୍ ଯାଜାକ୍ କାୟଫାତାଃତେ କୁଲକିୟାଏ ।

ପାତ୍ରରାସ୍ ଆଡ଼ଃମିସା କାଇଙ୍ଗ୍ ସାରିୟା ମେନ୍ତେ କାଜିକେଦାଏ
(ମାଥୂର ୨୨:୭୧-୭୫; ମାର୍କ ୧୪:୬୯-୭୨; ଲୁକ ୨୨:୫୮-୬୨)

୨୫ ଶିମୋନ୍ ପାତ୍ରରାସ୍ ତିଜୁକେଦ୍ତେ ସେଜେଲ୍ ଜୁରୁବ୍ତାନ୍ ତାଇକେନାଏ, ଏନ୍ତେ ଇନ୍କୁ ଇନିଃକେ କୁଲକିୟାକ୍, “ଚିୟାଃ ଆମ୍ ହିଁ ଇନିୟାଃ ତେଲକଏତେ ମିହୁଡ଼୍ ନାହାଁଲାମେ ?”

ଇନିଃ ଦଦାଦ୍ଯାନ୍ତେ କାଜିକେଦାଃଏ, “ଆଇଙ୍ଗ୍ ନାହାଁଲିଙ୍ଗ୍ ।”

୨୬ ମାରାଙ୍ଗ୍ ଯାଜାକ୍ଆଃ ଦାସିକଏତେ ମିହୁଡ଼୍, ଅକଏକେଚି ପାତ୍ରରାସ୍ ଲୁତୁର୍ ମାଃ ଖାଣ୍ଡାଅକାଇ ତାଇକେନାଏ, ଇନିୟାଃ ମିହୁଡ଼୍ କୁପୁଲ୍ କାଜିକେଦାଃଏ, “ଆଇଙ୍ଗ୍ ଚିନାଃ ଆମ୍କେ ଇନିଃଲଃ ବାଖ୍ଡିରେ କାଇଙ୍ଗ୍ ନେଲକାମ୍ ତାଇକେନାମ୍ ?”

୨୭ ଏନ୍ତେ ପାତ୍ରରାସ୍ ଆଡ଼ଃଗି ଦଦାଦ୍ଯାନ୍ତେ କାଜିକେଦାଏ, “ଆଇଙ୍ଗ୍ ନାହାଁଲିଙ୍ଗ୍” ଇମ୍ତାଗି ସାଣ୍ଡିସିମ୍ ରାଆଃକେଦାଏ ।

ୟୀଶୁକେ ପିଲାତୁସ୍ଆଃ ସାମ୍ନାଙ୍ଗ୍ତେକ ଆଡ଼କିୟା
(ମାଥୂର ୨୭:୧,୨,୧୧-୧୪; ମାର୍କ ୧୫:୧-୫; ଲୁକ ୨୩:୧-୫)

୨୮ ସେତାଃ ଇଦାନ୍ରେ ଇନ୍କୁ ଯୀଶୁକେ କାୟଫାତାଃଏତେ ଲାଟ୍ସାହେବ୍ଆଃ ଅଡ଼ାଃ ଭିତାଡ଼େକ ଇଦିକିୟା । ଜେ'ଲେକା କା ସଡ଼ରାକେଦ୍ତେ ପାସକା ପାରାବ୍ରେ ଜମେୟାଃ ଜମ୍ଦାଡ଼ିୟାଏ, ଏନାମେନ୍ତେ ଯିହୁଦୀ ହାକିମ୍ କାୟଫାହେବ୍ଆଃ ଅଡ଼ାଃତେ କାକ ବଲ୍ଯାନା । ୨୯ ଏନ୍ତେ ପିଲାତୁସ୍ ଇନ୍କୁତାଃତେ ଅଡ଼ଙ୍ଗ୍କେଦ୍ତେ କୁଲକେଦ୍କଆଏ, “ଆପେ ନେ ହଡ଼କେ ଚିନାଃମେନ୍ତେ ଚିଟାଇତାନାପେ ?”

୩୦ ଇନ୍କୁ କାଜିରୁହାଡ଼କିୟାକ୍, “ନେ ହଡ଼ ଏଡ଼କାନ୍ କାମି କାଏ କାମିକାଦ୍ରେଦ୍ ଆମାଃ ଡ଼ିଃଇରେ କାଲେ ଏମିତେୟାଃ ।”

୩୧ ଏନ୍ତେ ପିଲାତୁସ୍ ଇନ୍କୁକେ କାଜିୟାଦ୍କଆଏ, “ଆପେ ଇନିଃକେ ଇଦିକେଦ୍ତେ, ଆପେୟାଃ ଆନ୍ତୁ ଲେକାତେ ଇନିୟାଃ ବିଚାରେପେ ।”

ଯିହୁଦୀକ ଇନିଃକେ କାଜିକିୟାକ୍, “ଜେତାଏକେ ଗଜି ନାଗେନ୍ତେ ଆଲେତାଃରେ ଆକ୍ତେୟାଡ଼୍ ବାନଃଆ ।” ୩୨ ଯୀଶୁକେ ଚିଲକାନ୍ ଗନଏଃତେ ଗଜଃ ଲାଗାଡ଼ିଙ୍ଗ୍ୟାଃ ଏନ୍ ବିଷାଏରେ ଇନିଃ କାଜିଲେଦ୍ କାଜି ପୁରାଅଃ ନାଗେନ୍ତେ ଇନ୍କୁ ନେକା କାଜିକେଦାଃକ ।

୩୩ ପିଲାତୁସ୍ ଆୟାଃ ମାହାଲ୍ତେ ବଲ୍ ରୁହାଡ଼କେଦ୍ତେ ଯୀଶୁକେ କେଡ଼ାକିୟାଏ ଆଡ଼ଃ କୁଲକିୟାଏ, “ଆମ୍ ଯିହୁଦୀକଆଃ ରାଜା ତାନ୍ମେଚି ?”

୩୪ ଯୀଶୁ କାଜିରୁହାଡ଼କିୟାଏ, “ଚିୟାଃ ଆମ୍ ନେ କାଜି ଆମ୍ତେଗି କାଜିତାନାମ୍ ଚି ଏଟାଃକ ଆଇଁୟାଃ ବିଷାଏରେ ଆମ୍କେ ନେୟାକ ଉଦ୍ବାକାଦ୍ମେୟାଁ ?”

୩୫ ପିଲାତୁସ୍ କାଜିରୁହାଡ଼କେଦାଃଏ, “ଆଇଙ୍ଗ୍ ଯିହୁଦୀ ତାନିଙ୍ଗ୍ଚି ? ଆମାଃ ଜାତିରେନ୍ଦ୍ ଆଡ଼ଃ ମୁଲ୍ ଯାଜାକ୍ ଆମ୍କେ ଆଇଁୟାଃ ଡ଼ିଃଇରେକ ଏମାକାଦିୟାଁ । ଆମ୍ ଚିନାଃମ୍ ଚିକାକାଦାଃ ?”

୩୬ ଯୀଶୁ କାଜିକିୟାଏ, “ଆଇଁୟାଃ ରାଇଜ୍ ନେ ଅତେଦିଶ୍ମ୍ ଲେକା ନାହାଁଲାଃ, ଆଇଁୟାଃ ରାଇଜ୍ ନେ ଅତେଦିଶ୍ମ୍ ଲେକା ତାଇନ୍ତେୟାଃରେଦ୍ ଆଇଙ୍ଗ୍ ଯିହୁଦୀ ହାକିମ୍ଆଃ ଡ଼ିଃଇରେ କାଇଙ୍ଗ୍ ଏମଃନାଙ୍ଗ୍ ଆଇଁୟାଃ ଦାସିକ ମାପାଃତୁପୁଇଙ୍ଗ୍ତେୟାଃକ, ମେନ୍ଦ୍ ଆଇଁୟାଃ ରାଇଜ୍ ଏନ୍ଲେକ୍ନାଃ ନାହାଁଲାଃ ।”

୩୭ ଏନ୍ତେ ପିଲାତୁସ୍ ଇନିଃକେ କୁଲକିୟାଏ, “ଚିୟାଃ ଆମ୍ ମିଆଁଦ୍ ରାଜା ତାନ୍ମେ ଚି ?”

ୟୀଶୁ କାଜିରୁହାଡ଼କିୟାଏ, “ଆଇଙ୍ଗ୍ ରାଜା ତାନିଙ୍ଗ୍ ମେନ୍ତେ, ଆମ୍ଗି କାଜିତାନାମ୍ । ସାର୍ଡିରେୟାଃ ଗାଝା କାଜି ନାଗେନ୍ତେ ଆଇଙ୍ଗ୍ ଜାନାମାକାନା ଆଡ଼ଃ ଅତେଦିଶ୍ମ୍ତେ ହିଜୁଆକାନାଇଙ୍ଗ୍, ଜେତାଏ ସାର୍ଡିରେନ୍ ହନ୍ ତାନିଃ ଇନିଃ ଆଇଁୟାଃ କାଜି ଆୟୁମାଃଏ ।”

୩୮ ପିଲାତୁସ୍ ଯୀଶୁକେ କୁଲକିୟାଏ, “ସାର୍ଡି ଚିନାଃତାନାଃ ?” ଏନ୍ତେ ନେଆଁ କାଜିକେଦ୍ଚି ଇନିଃ ଆଡ଼ଃଗି ଯିହୁଦୀକତାଃତେ ହିଜୁଃ ରୁହାଡ଼ୟାନାଏ, ଆଡ଼ଃ ଇନ୍କୁକେ କାଜିକେଦ୍କଆଏ, “ସାଜାଇ ଏମ୍ନାଙ୍ଗ୍ ଆଇଙ୍ଗ୍ ଇନିଃରେ ଜେତାନ୍ ଗୁଣ୍ଡା କାଇଙ୍ଗ୍ ନାମେତାନା । ୩୯ ମେନ୍ଦ୍ ଆଇଙ୍ଗ୍ ପାସକା ପାରାବ୍ରେ

☆ ୧୮:୩୨ ୧୮:୩୨ ଯୋହାନ୍ ୩:୧୪; ୧୨:୩୨.

ଆପେନାଙ୍କୁ ମିଆଁଦ୍ ହତକେ ଆଡ଼ାଠେୟାଃ ଆପେୟାଃ ରିତିରେ ମେନାଃ, ଏନାମେନ୍ତେ ଆପେୟାଃ ନାଗେନ୍ତେ ଯିହୁଦୀକଆଃ ରାଜାକେଇଙ୍କୁ ଆଡ଼ାଠାତାଇୟା, ମେନ୍ତେପେ ସାନାଙ୍କୁତାନା ତି ?”

ୟାଶୁକେ ଗନଏଃ ସାଜାଇ ଏମୟାନା
(ମାଥୁର ୨୭:୧୫-୩୧; ମାର୍କ ୧୫:୨-୨୦; ଲୁକ ୨୩:୧୩-୨୫)

୪୦ ଏନ୍ତେ ସବେନକ କାଉରିକେଦତେ କାଜିକେଦାଃକ, “ଦାନଃଗି, ନିଃକେଦ କାହା, ମେନ୍ଦଦ ବାରବବାକେ ଏମାଲେମ୍ ।” ଏନ୍ ବାରବବା ମିଆଁଦ୍ ରେରେଃକନିଃ ତାଇକେନାଏ ।

୧୯

୧ ଏନ୍ତେ ପିଲାତୁସ୍ ଯାଶୁକେ ଇଦିକିଃତେ ହାଁଶସା ରିକାକିୟାଏ । ୨ ଆତଃ ପାଲଟାନକ ଜାନୁମ୍ କତରାଃ ତୁପୁରି ଗାଲାଙ୍କକେଦତେ ବହଃରେ ତୁପୁରିକିୟାକ ଆତଃ ଇନିଃକେ ବାଇଗିନିଆ ରାଙ୍ଗରାଃ ଲିଜାଃ ତୁସିଙ୍କିୟାକ । ୩ ଆତଃ ଇନ୍କୁ ଯାଶୁଆଃ ନାଡ଼େଃତେ ସେନକେଦତେ କାଜିକିୟାକ, “ଏ ଯିହୁଦୀକଆଃ ରାଜା ଜହାର୍ !” ଆତଃ ଇନ୍କୁ ଇନିଃକେ ଆପ୍ତକିୟାକ ।

୪ ପିଲାତୁସ୍ ଆତଃମିସା ଅତଙ୍କକେଦତେ ହତକେ କାଜିୟାଦକଆଏ, “ନେଲେପେ, ଇନିଃକେ ସାଜାଇ ନାଗେନ୍ତେ ଆଇଙ୍କୁ ଇନିଃକେରେ ଜେତାନ୍ ଗୁଣ୍ଟାଁ କାଇଙ୍କୁ ନାମକେଦା, ନେଆଁ ଆପେ ସାରିପେ ମେନ୍ତେ ଆଇଙ୍କୁ ଇନିଃକେ ଆପେତାଃତେଇଙ୍କୁ ଅତଙ୍କଆଡ଼଼ିତାନା ।” ୫ ଏନ୍ତେ ଯାଶୁ ଜାନୁମ୍ ମୁକୁର୍ ଆତଃ ବାଇଗିନିଆ ଲିଜାଃ ତୁସିଙ୍କକେଦତେ ଅତଙ୍କୟାନା । ପିଲାତୁସ୍ ଇନ୍କୁକେ କାଜିୟାଦକଆଏ, “ନେଲିପେ ! ନିଃ ନେ ହତ ।”

୬ ଏନ୍ତେ ମୁଲ୍ ଯାଜାକକ ଆତଃ ମାନ୍ଦିର୍ ଦାରଖାନକ ଇନିଃକେ ନେଲକେଦତେ “କୁଶ୍ରେ କିଲାଇମେ ! କୁଶ୍ରେ କିଲାଇମେ !” ମେନ୍ତେକ କାଉରିକେଦା । ପିଲାତୁସ୍ ଇନ୍କୁକେ କାଜିୟାଦକଆଏ, “ଆପେଗି ଇନିଃକେ ଇଦିପେ ଆତଃ କୁଶ୍ରେ କିଲାଇପେ, ଆଇଙ୍କୁଦ ଇନିଃକେ ସାଜାଇ ନାଗେନ୍ତେ ଜେତାନ୍ ଗୁଣ୍ଟାଁ କାଇଙ୍କୁ ନାମକେଦା ।”

୭ ଯିହୁଦୀକ ପିଲାତୁସ୍କେ କାଜିରୁହାଡ଼କିୟାକ, “ଆଲେତାଃରେ ଆନ୍ତୁ ମେନା ଆତଃ ଏନ୍ ଆନ୍ତୁ ଲେକାତେ ଇନିୟାଃ ଗଜଃ ଲାଗାଡ଼ିଙ୍କୁୟାଃ, ତିୟାଃତି ଇନିଃଦ ଆଇଃକ୍ଗି ପାରମେଶ୍ୱାର୍ଆଃ ହନ୍ ତାନିଃ” ମେନ୍ତେ କାଜିକାଦାଏ ।

୮ ନେ କାଜି ଆୟୁମକେଦତେ, ପିଲାତୁସ୍ ପୁରାଃଗି ବରକେଦାଏ । ୯ ଆତଃ ପିଲାତୁସ୍ ମାହାଲ୍ତେ ବଲ ରୁହାଡ଼ୟାନାଏ ଏନ୍ତେ ଯାଶୁକେ କୁଲିକିୟାଏ, “ଆମ୍ ଅକ୍ତାଃଏତେମ୍ ହିଜୁଃକାନା ?”

ମେନ୍ଦଦ ଯାଶୁ ଇନିଃକେ କାଏ କାଜିରୁହାଡ଼କିୟା । ୧୦ ଏନ୍ତେ ପିଲାତୁସ୍ ଇନିଃକେ କାଜିକିୟାଏ, “ତିନାଃମେନ୍ତେ କାମ୍ କାଜିୟାଇଙ୍କୁତାନା ? ଆମ୍କେ ରାଡ଼ାରେୟାଃ ଆତଃ କୁଶ୍ରେ କିଲାରେୟାଃ ଆକ୍ତେୟାର୍ ଆଇଙ୍କୁତାଃରେ ମେନାଃ, ତିୟାଃ ନେଆଁ ଆମ୍ କାମ୍ ସାରିତାନା ?”

୧୧ ଯାଶୁ କାଜିରୁହାଡ଼କିୟାଏ, “ଆମ୍କେ ପାରମେଶ୍ୱାର୍ତାଃଏତେ ଆକ୍ତେୟାର୍ କା ନାମକାନ୍ରେ, ଆଇଁୟାଃ ବିରୁଧ୍ରେ ଆମାଃ ଜେତାନ୍ ଆକ୍ତେୟାର୍ କା ତାଇନ୍ତେୟାଃ । ଏନାତେ ଆଇଙ୍କୁକେ ଅକଏ ଆମାଃ ତିଃଇରେ ଜିମାକାଦିୟାଁ ଇନିୟାଃ ପାପ୍ ପୁରାଃ ଏଡ଼କାନ୍ଗିୟାଃ ।”

୧୨ ପିଲାତୁସ୍ ନେୟାଁ ଆୟୁମକେଦ୍ତି, ଯାଶୁକେ ରାଡ଼ାଇ ନାଗେନ୍ତେ ସାନାଙ୍କୁକେଦାଏ, ମେନ୍ଦଦ ଯିହୁଦୀ ହତକ କାଉରିତାନ୍ଲଃ କାଜିକେଦାଃକ, “ଆମ୍ ନେ ହତକେ ରାଡ଼ାଇରେଦ, ଆମ୍ କାଇସାର୍ଆଃ ଗାଡ଼ି ନାହାଁଲାଃମେ, ଅକଏ ଆଇଃକ୍କେଗି ରାଜା ମେନ୍ତେ କାଜିୟାଏ, ଇନିଃ କାଇସାର୍ଆଃ ବିରୁଧ୍ରେ କାଜିୟାଏ ।”

୧୩ ଏନ୍ତେ ପିଲାତୁସ୍ ନେ କାଜିକ ଆୟୁମକେଦ୍ତି, ଯାଶୁକେ ଅତଙ୍କକିୟାଏ ଆତଃ “ତାଚେନ୍ଲପାଙ୍ଗା” ଅକନାଃଗି ଏତ୍ରୀ ଜାଗାର୍ତେ “ଗାବ୍ବାଆ” ନୁତୁମଃତାନା, ଏନ୍ ବିଚାର୍ ଠାୟାଦ୍ତାଃରେ ବିଚାର୍ ନାଙ୍କୁ ଦୁବ୍ୟାନାଏ । ୧୪ ପାସ୍କା ପାରାବ୍ ସାପ୍ତାଅନ୍ ହୁଲାଙ୍କ୍ରେୟାଃ ତିକିନ୍ସିଜି ସିଦାରେ ଇନିଃ ଯିହୁଦୀକକେ କାଜିୟାଦକଆଏ, “ନେଲିପେ ନିଃ ଆପେୟାଃ ରାଜା !”

୧୫ ଇନ୍କୁ କାଉରିକେଦାଃକ, “ଇନିଃକେ ଗଜିମେଁ ! ଗଜିମେଁ ! କୁଶ୍ରେ କିଲାଇମେ ।”

ପିଲାତୁସ୍ ଇନ୍କୁକେ କୁଲିକେଦକଆଏ, “ଆପେୟାଃ ରାଜାକେ କୁଶ୍ରେଇଙ୍କୁ କିଲାଇୟା ମେନ୍ତେପେ ସାନାଙ୍କୁତାନାତି ?”

ମୁଲ୍ ଯାଜାକକ କାଜିରୁହାଡ଼କିୟାଃକ, “କାଇସାର୍ ଏସ୍କାର୍ ଆଲେୟାଃ ରାଜା ତାନିଃ ଆତଃ ଜେତାଏ ରାଜା ନାହାଲିଃ ।”

୧୬ ଏନ୍ତେ ଯାଶୁ କୁଶ୍ରେ କିଲାଅଃକାଏ ମେନ୍ତେ ପିଲାତୁସ୍ ଇନିଃକେ ଇନ୍କୁଆଃ ସାନାଙ୍କୁ ଲେକାତେ ଏମାଦକଆଏ । ଏନ୍ତେ ଇନ୍କୁ ଯାଶୁକେ ସାବ୍କେଦତେ ଇଦିକିୟାକ ।

ୟୀଶୁକେ କ୍ରୁଶ୍ଚରେ କିଲାଇୟାଃ

(ମାଥୂର ୨୭:୩୨-୪୪; ମାର୍କ ୧୫:୨୧-୩୨; ଲୁକ ୨୩:୨୭-୪୩)

୧୭ ୟୀଶୁ ଆୟାଃ କ୍ରୁଶ୍ଚକେ ଗଅଃକେଦ୍ତେ “ବହଃଜାଙ୍ଗ୍ ନୁଡୁମ୍ ଠାୟାଦ୍” ଅକ୍ନାଃଚି ଏବ୍ରୀ ଜାଗାର୍ତେ “ଗାଲ୍ଗାଥା” ମେନ୍ତେ କାଜିୟଃତାନା, ଏନ୍ତାଃତେ ହିଜୁଃୟାନାଏ । ୧୮ ଏନ୍ତାଃତେ ଇନ୍କୁ ଇନିଃକେ ଆତଃ ଇନିଃଲଃ ବାହ୍ନିକିନ୍ଦ୍ କ୍ରୁଶ୍ଚରେ କିଲାଇକେଦ୍କିନାକ, ମିଆଁଦ୍ନିଃକେ ଆୟାଃ ଜମ୍ ସାଃରେ ଆତଃ ମିଆଁଦ୍ନିଃକେ ଲେଙ୍ଗା ସାଃରେ ଆତଃ ୟୀଶୁକେ ଆଲ୍ଲାରେ କିଲାଇୟାକ । ୧୯ ଆତଃ ପିଲାତୁସ୍ ମିଆଁଦ୍ ଅନଲ୍ଚିଠା ଅଲ୍ଲକେଦ୍ତେ କ୍ରୁଶ୍ଚରେ ଲାଟ୍‌କାଅକେଦାଃଏ, ଆତଃ ଏନାରେ “ନାଜ୍‌ରେଡ୍‌ରେନ୍ ୟୀଶୁ ଯିହୁଦୀକଆଃ ରାଜା” ମେନ୍ତେ ଅଲ୍ଲକାନ୍ ତାଇକେନା । ୨୦ ୟୀଶୁ କ୍ରୁଶ୍ଚରେ କିଲାଇୟାନ୍ ଠାୟାଦ୍ ହାତୁ ନାଡ୍‌ଃରେ ତାଇକେନ୍ ନାଗେନ୍ତେ ଏନ୍ ଅନଲ୍ଚିଠାକେ ପୁରାଃ ଯିହୁଦୀକ ପାଡ୍‌ଆକେଦାଃ ଆତଃ ଏନା ଏବ୍ରୀ, ଲାଟିନ୍, ଆତଃ ଗ୍ରୀକ୍ ଜାଗାର୍ତେ ଅଲ୍ଲକାନ୍ ତାଇକେନା । ୨୧ ଏନ୍ତେ ଯିହୁଦୀକଆଃ ମୁଲ୍ ଯାଜାକ୍‌କ ପିଲାତୁସ୍‌କେ କାଜିକିୟାଃକ, “ଯିହୁଦୀକଆଃ ରାଜା ମେନ୍ତେ ଆଲ୍ଲମ୍ ଅଲେୟା ମେନ୍ଦ୍ ‘ଆଇଙ୍ଗ୍ ଯିହୁଦୀକଆଃ ରାଜା ତାନିଙ୍ଗ୍’ ମେନ୍ତେ କାଜିକେଦ୍ତେୟାଃ ଅଲେମେ ।”

୨୨ ପିଲାତୁସ୍ କାଜିରୁହାଡ୍‌ଦ୍‌କଆଏ, “ଆଇଙ୍ଗ୍ ଅଲ୍ଲକାଦ୍‌ତେୟାଃ ଅଲ୍ଲକାଦାଇଙ୍ଗ୍ ।”

୨୩ ୟୀଶୁକେ କ୍ରୁଶ୍ଚରେ କିଲାଇକେଦ୍ତେ, ସିପାଇକ ଇନିୟାଃ ତୁସିଙ୍ଗ୍ ଲିଜାଃ ଆଡକେଦ୍ତେ ଚାର୍ତାଃରେ ହାଟିଙ୍ଗ୍‌କେଦାଃକ, ମିଆଁଦ୍ ସିପାଇ ନାଗେନ୍ତେ ମିଆଁଦ୍ ହାଟିଙ୍ଗ୍ ଆତଃ ପାଟେଲିଜାଃକେଅକ ଆଡକେଦାଃ, ଏନା କା ତୁନାକାନ୍ ତାଇକେନା ମେନ୍ଦ୍ ଚେତାନ୍‌ଏତେ ଲାତାର୍ ଜାକେଦ୍ ତିଃଇଲଃ ରଅଃକାନ୍ ତାଇକେନା । ୨୪ ଏନାମେନ୍ତେ ଇନ୍କୁ ଆକ ଆକରେକ କାଜିକେଦା, “ନେଆଁକେ କାରୁ ଚାଗାଡ୍‌ୟା ମେନ୍ଦ୍ ନେଆଁ ଅକଏୟାଃ ହବାଅଆଃ ଏନାମେନ୍ତେ ଚିଠାରୁ ସାଲ୍ଲାୟା ।” ଧାରାମ୍‌ପୁଅରେୟାଃ କାଜି ସାର୍ତିଅଃ ନାଗେନ୍ତେ ନେ ସବେନ୍ ହବାୟାନା, “ଇନ୍କୁ ଆଇଁୟାଃ ଲିଜାଃକ ହାଟିଙ୍ଗ୍‌ୟାନା ଆତଃ ଆଇଁୟାଃ ପାଟେଲିଜାଃ ନାଙ୍ଗ୍ ଚିଠାକ ସାଲ୍ଲାକେଦା ।” ଏନାତେ ସିପାଇକ ନେ'ଲେକାକ ରିକାକେଦା ।

୨୫ ୟୀଶୁଆଃ ଏଙ୍ଗାତେ ମାରିୟାମ୍ ଆତଃ ଏଙ୍ଗାତେୟାଃ ମିଶିତେ, କ୍ଲୋପାରାଃ କୁଡିତେ ମାରିୟାମ୍ ଆତଃ ମାଗ୍‌ଦାଲିନି ମାରିୟାମ୍ ୟୀଶୁଆଃ କ୍ରୁଶ୍ ଜାପାଃରେକ ତିଙ୍ଗୁଆକାନ୍ ତାଇକେନା । ୨୬ ୟୀଶୁ ଆୟାଃ ଏଙ୍ଗାତେକେ ଆତଃ ଆଇଃକ୍ ଦୁଲ୍ଲାଡିତାନ୍ ଚେଲାଇକେ, ଜାପାଃରେ ତିଙ୍ଗୁଆକାନ୍ ନେଲ୍‌କେଦ୍‌କିନାଏ, ଏଙ୍ଗାତେକେ କାଜିକିୟାଏ, “ନେଲିମେ ହନ୍ତାମାଃକେ ।”

୨୭ ଏନ୍ତେ ୟୀଶୁ ଏନ୍ ଚେଲାଇକେ କାଜିକିୟାଏ, “ନେଲିମେ, ଇନିଃ ଆମାଃ ଏଙ୍ଗା” ଆତଃ ଇମ୍‌ତାଙ୍ଗ୍‌ଏତେ ଏନ୍ ଚେଲାଇ ଇନିଃକେ ଆୟାଃ ଅଡାଃତେ ଇଦିକିୟାଏ ।

ୟୀଶୁଆଃ ଗନଏଃ

(ମାଥୂର ୨୭:୪୫-୫୬; ମାର୍କ ୧୫:୩୩-୪୧; ଲୁକ ୨୩:୪୪-୪୯)

୨୮ ସବେନାଃ ନାହ୍ୱାଃ ପୁରାଚାବାକାନା ମେନ୍ତେ ୟୀଶୁ ସାରିକେଦ୍‌ଚି, ଧାରାମ୍‌ପୁଅରେୟାଃ କାଜି ପୁରାଅଃ ନାଗେନ୍ତେ ଇନିଃ କାଜିକେଦାଃଏ, “ଆଇଙ୍ଗ୍‌କେ ତେତାଙ୍ଗିଙ୍ଗ୍‌ତାନା ।”

୨୯ ଏନ୍ତାଃତେ ମେହେର୍ ରାସିତେ ପେରେଜାକାନ୍ ମିଆଁଦ୍ ଚାରୁ ଦହାକାନ୍ ତାଇକେନା । ଏନ୍ତେ ଇନ୍କୁ ସ୍ପିଙ୍ଗ୍‌କେ ମେହେର୍ ରାସିରେ ତୁପୁକେଦାଃକ, ଆତଃ ଏନାକେ ଏସୋଦ୍ ତାଙ୍ଗ୍‌ରେ ଗୁଡୁକେଦ୍‌ତେ ଇନିୟାଃ ମଗା ହେପାଦ୍‌ତେ ନୁଁଏ ନାଗେନ୍ତେ ଏମ୍‌କିୟାକ । ୩୦ ଏନ୍ତେ ୟୀଶୁ ମେହେର୍ ରାସି ନୁଁକେଦ୍‌ତେ, କାଜିକେଦାଃଏ, “ନେଆଁ ପୁରାୟାନା” ଏନ୍ତେ ଆୟାଃ ବହଃ ତିରୁବ୍‌କେଦ୍‌ତେ ଜୀଉ ଟୁଣ୍ଡୁକେଦା ।

ୟୀଶୁକେ କୁଡାମ୍‌ରେ ସବଃକିୟାକ

୩୧ ଏନ୍ ଦୁଲ୍ଲାଇଁ ସାପ୍‌ଡାଅନ୍ ଦୁଲ୍ଲାଇଁ ତାଇକେନା, ଆତଃ ଏଟାଃ ଦୁଲ୍ଲାଇଁ ମାରାଙ୍ଗ୍ ରୁଡୁନ୍ ଦୁଲ୍ଲାଇଁ ତାଇକେନ୍ ନାଗେନ୍ତେ ଯିହୁଦୀ ହାକିମ୍‌କ ଗଏଃ ହଡ୍‌ମ୍‌କେ କ୍ରୁଶ୍ଚରେ ରୁଡୁନ୍ ଦୁଲ୍ଲାଇଁ ଜାକେଦ୍ ତାଇନିଃକା ମେନ୍ତେ କାକ ସାନାଙ୍ଗ୍ ତାଇକେନା । ଏନାତେ ଇନ୍କୁ କିଲାଇକାନ୍‌କ ଜାଲ୍‌ଦି ଗଜଃକାକ ମେନ୍ତେ ଇନ୍କୁଆଃ କାଟା ଠଏଜଃକା ଆତଃ ଇନ୍କୁକେ କ୍ରୁଶ୍‌ଏତେ ଆଡ୍‌ଗୁଃକାକ ମେନ୍ତେ ପିଲାତୁସ୍‌କେକ ବିକ୍ରିକିୟାଃ । ୩୨ ଏନ୍ତେ ସିପାଇକ ହିଜୁଃକେଦ୍‌ତେ ୟୀଶୁଲଃ କିଲାଇକାନ୍ ବାରାନ୍‌କିନାଃ କାଟାକେ ଠଏଜ୍‌କେଦାଃକ । ୩୩ ମେନ୍ଦ୍ ଇନ୍କୁ ୟୀଶୁତାଃ ହିଜୁଃୟାନ୍ତେ, ଇନିଃକେ ଗଜାକାନ୍‌କ ନେଲ୍‌କିୟାଃ, ଏନାତେ ଇନ୍କୁ ଇନିୟାଃ କାଟାକେ କାକ ଠଏଜ୍‌କେଦାଃ । ୩୪ ମେନ୍ଦ୍ ସିପାଇକଏତେ ମିଆଁଦ୍‌ନିଃ ବାଙ୍ଗାତେ ଇନିୟାଃ କୁଡାମ୍‌ରେ ସବଃକିୟାଏ, ଆତଃ ଇମ୍‌ତାଗି ମାୟୋମ୍ ଆତଃ ଦାଆଃ ଅଡଙ୍ଗ୍‌ୟାନା । ୩୫ ଆତଃ ନେଆଁ ନେଲ୍‌କାଦ୍‌ନିଃ ଗାଞ୍ଜା ଏମାକାଦାଏ, ଜେ'ଲେକାଚି ଆପେୟାଗି ବିଶ୍ୱାସେୟାପେ । ଆତଃ ଇନିୟାଃ ଗାଞ୍ଜା ସାର୍ତିଗିୟା, ଆତଃ ଇନିଃ ସାର୍ତି କାଜିତାନାଏ ଏନା ଆଇଃକ୍‌ଚି ସାରିୟାଏ । ୩୬ “ଇନିୟାଃ ଜେତାନ୍ ଜାଙ୍ଗ୍ କା ଠଏଜ୍‌ଆଃ” ନେ

କାଜିଦ ଧାରାମ୍ପୁଥିରେ ପୁରାଅଃ ନାଗେନ୍ତେ ନେ ସବେନାଃ ହବାୟାନା । ୩୭ ଧାରାମ୍ପୁଥିରେ ଆଡଃମିଆଁଦ୍ କାଜି ଅଲ୍ଲାନା, “ଇନ୍କୁ ଅକଏକେ କିଲ୍ଲାକିୟାଃକ,” ହଡ଼କ ଇନିଃକେ ନେଲିୟାକ ।

ୟୀଶୁଆଃ ତପାଅଃ

(ମାଥୂଉ ୨୭:୫୭-୬୧; ମାର୍କ ୧୫:୪୨-୪୬; ଲୁକ ୨୩:୫୦-୫୬)

୩୮ ଏନ୍ ତାୟମ୍ତେ ହାରାମାଥୂୟା ସାହାରରେନ୍ ଯୋଷେଫ୍, ଯୀଶୁଆଃ ହଡ଼ମ୍ ଇଦି ନାଗେନ୍ତେ ପିଲାତୁସକେ ବିକ୍ରିକିୟାଏ, ଇନିଃ ଯୀଶୁଆଃ ମିଆଁଦ୍ ଚେଲା ତାଇକେନାଏ, ମେନ୍ଦ୍ ଯିହୁଦୀକଆଃ ବରତେ କାଏ ଉଦୁବେନ୍ୟାନା, ଆଡଃ ପିଲାତୁସ୍ ଆତୁକେଦ୍ତି ଯୀଶୁଆଃ ହଡ଼ମ୍ ଇଦିକେଦ୍ତେ ସେନଃୟାନାଏ । ୩୯ ଏନ୍ ନିକଦୀମ୍ ସିଦାରେ ନିଦା ଇମ୍ତା ଯୀଶୁଆଃତେ ହିଜୁଃୟାନାଏ, ଇନିଃ ଯୋଷେଫ୍ଲଃ ହିଜୁଃୟାନାଏ । ଆଡଃ ଇନିଃ ତିରିଶ୍ କେଜି ବୁଗିନ୍ ସହାନ୍ସୁନ୍ମ୍ ଆଡଃ ମେସାକାନ୍ ଗାନ୍ରାସ୍ ଆଉକେଦାଏ । ୪୦ ଏନ୍ତେ ଇନ୍କିନ୍ ଯୀଶୁଆଃ ହଡ଼ମ୍କେକିନ୍ ଆଉକେଦାଃ ଏନ୍ତେ ଯିହୁଦୀକଆଃ ତପାରେୟାଃ ରିତିଲେକାତେ ଏନାକେ ବୁଗିନ୍ ସହାନ୍ ସୁନ୍ମ୍ ଆଡଃ ଫାର୍ତି ନିରାଲ୍ ଲିଜାଃରେ ପଟମ୍କେଦାଃକିନ୍ । ୪୧ ଆଡଃ ଯୀଶୁ କୁଶ୍ରେ କିଲ୍ଲାୟାନ୍ ଠାୟାଦ୍ତାଃରେ ମିଆଁଦ୍ ବାଗାନ୍ ତାଇକେନା, ଆଡଃ ବାଗାନ୍ରେ ମିଆଁଦ୍ ନାଝା ତପା ଠାୟାଦ୍ ତାଇକେନା, ଏନାରେ ଜେତାଏ ଚିତ୍ତଲାହ୍ କାକ ତପାକାଦ୍କ ତାଇକେନା । ୪୨ ଯିହୁଦୀକଆଃ ସାପ୍ତାଅନ୍ ହୁଲାଙ୍ ନାଗେନ୍ତେ ଇନ୍କିନ୍ ଯୀଶୁକେ ଏନ୍ତାଃରେଗି ଦହକିୟାକିନ୍, ଚିୟାଃତି ଏନ୍ ତପା ଠାୟାଦ୍ ନାଡ଼େଃରେ ତାଇକେନା ।

୨୦

ତପାଗାଡ଼ା ବିଡ଼ାଙ୍

(ମାଥୂଉ ୨୮:୧-୮; ମାର୍କ ୧୬:୧-୮; ଲୁକ ୨୪:୧-୧୨)

୧ ହାପ୍ତାରେୟାଃ ପାହିଲା ହୁଲାଙ୍ ସେତାଃ ଇଦାନ୍ ନୁବାଃ ତାଇକେନ୍ ଇମ୍ତା ମାଗ୍ଦାଲିନି ମାରିୟାମ୍ ତପାଗାଡ଼ା ଠାୟାଦ୍ତେ ହିଜୁଃକେଦ୍ତେ ପୁରାଃ ମାରାଙ୍ ଦିରିକେ ତପାଗାଡ଼ା ଠାୟାଦ୍ତେ ଆତମକାନ୍ ନେଲ୍କେଦାଃଏ । ୨ ଏନ୍ତେ ଇନିଃ ନିରକେଦ୍ତେ ଶିମୋନ୍ ପାଡ଼ରାସ୍ ଆଡଃ ଯୀଶୁ ଦୁଲାଡ଼ିତାନ୍ ଏନ୍ ଏଟାଃ ଚେଲାତାଃତେ ତେବାଃୟାନା ଆଡଃ ମେତାଦ୍କିନାଏ, “ଇନ୍କୁ ପ୍ରାଭୁକେ ତପାଗାଡ଼ାଏତେ ଇଦିକିୟାକ ଆଡଃ କଡ଼ାଃରେକ ଦହକିୟା ଏନା କାଲେ ସାରିତାନା ।”

୩ ଏନ୍ତେ ପାଡ଼ରାସ୍ ଆଡଃ ଏନ୍ ଏଟାଃ ଚେଲା ଅତଙ୍ଗୟାନ୍ତେ ତପାଠାୟାଦ୍ତେ ସେନଃୟାନାକିନ୍ । ୪ ଆଡଃ ଏନ୍ ବାରାନ୍କିନ୍ ମିଦ୍ତେକିନ୍ ନିରକେଦାଃ ମେନ୍ଦ୍ ଏଟାଃ ଚେଲା ପାଡ଼ରାସ୍କେ ନିରବାଗିକେଦ୍ତେ ସିଦାରେ ତପାଠାୟାଦ୍ତେ ସେଚେରୁୟାନାଏ । ୫ ଆଡଃ ଇନିଃ ଉଜୁଦ୍କେଦ୍ତେ ପାଡ଼ଲା ଲିଜାଃ ଏସକାନ୍ ଦହକାନ୍ତେୟାଃ ନେଲ୍କେଦାଏ ମେନ୍ଦ୍ କାଏ ବଲ୍ୟାନା । ୬ ଏନ୍ତେ ଶିମୋନ୍ ପାଡ଼ରାସ୍ ଇନିୟାଃ ତାୟମ୍ତେ ସେଚେରୁୟାନାଏ ଆଡଃ ତପାଠାୟାଦ୍ତେ ବଲ୍କେଦ୍ତେ ଏନ୍ ପାଡ଼ଲା ଲିଜାଃ ଉୟୁଗାକାନ୍ ନେଲ୍କେଦାଏ । ୭ ଆଡଃ ଯୀଶୁଆଃ ବହଃରେ ତଲ୍ବିହୁରାକାନ୍ ଲିଜାଃ ଏନ୍ ପାଡ଼ଲା ଲିଜାଃଲଃ କା ତାଇକେନା ମେନ୍ଦ୍ ଏଟାଃରେ ପୋଟମାକାନ୍ ତାଇକେନା । ୮ ଏନ୍ତେ ସିଦାରେ ତପାଠାୟାଦ୍ତାଃ ସେଚେରୁୟାନ୍ ଏନ୍ ଏଟାଃ ଚେଲାହ୍ ବଲ୍ୟାନାଏ, ଆଡଃ ଇନିଃ ନେଲ୍କେଦ୍ତେ ବିଶ୍ୱାସକେଦାଃଏ । ୯ ଇନିଃକେ ଗଏଃକାନ୍କଏତେ ଜୀଉବିରିଦଃ ଲାଗାତିଙ୍ଗ୍ୟାଃ, ଧାରାମ୍ପୁଥିରେ ଅଲ୍ଲାନାନ୍ ନେ କାଜିକେ, ଇନ୍କୁ ଇମ୍ତାଜାକେଦ୍ କାକ ଆଟ୍କାର୍ଡୁରୁମ୍ ତାଇକେନା । ୧୦ ଏନ୍ତେ ଏନ୍ ବାରାନ୍ ଚେଲାକିନ୍ ଆକିନାଃ ଅଡ଼ାଃତେ ରୁହାଡ଼ୟାନାକିନ୍ ।

ୟୀଶୁ ମାଗ୍ଦଲାରେନ୍ ମାରିୟାମ୍ତାଃରେ ଉଦୁବେନ୍ୟାନାଏ

(ମାଥୂଉ ୨୮:୯-୧୦; ମାର୍କ ୧୬:୯-୧୧)

୧୧ ମେନ୍ଦ୍ ମାରିୟାମ୍ ରାଆଃତାନ୍ଲଃ ତପାଠାୟାଦ୍ତାଃରେ ତିଜୁଆକାନାଏ ତାଇକେନା । ଚିମ୍ତାଙ୍ ରାଆଃତାନ୍ଲଃ ତପାଠାୟାଦ୍ ଭିତାରେତେ ଉଜୁଦ୍କେଦ୍ତେ ନେଲ୍କେଦାଃଏ, ୧୨ ଇମ୍ତା ପୁଣି ଲିଜାଃ ତୁସିଙ୍ଗ୍ଆକାନ୍ ବାରିଆ ଦୁଡ଼କିନ୍ ଯୀଶୁଆଃ ହଡ଼ମ୍ ଦହକାନ୍ ଠାୟାଦ୍ତେ ଦୁବାକାନ୍ ନେଲ୍କେଦ୍କିନାଏ, ମିଆଁଦ୍ନିଃ ବହଃସାଃରେ ଆଡଃ ମିଆଁଦ୍ନିଃ କାଗାସାଃରେ । ୧୩ ଆଡଃ ଇନ୍କିନ୍ କୁଲିକିୟାଃକିନ୍, “ଏ ମାଲ୍, ଚିନାଃ ମେନ୍ତେମ୍ ରାଆଃ ତାନା ?” ଇନିଃ ଇନ୍କିନ୍କେ କାଜିୟାଦ୍କିନାଏ, “ଇନ୍କୁ ଆଇଁୟାଃ ପ୍ରାଭୁକେ ଇଦିକିୟାଃକ ଆଡଃ ଇନିଃକେ ଅକ୍ତାଃରେ ଦହକିୟାଃକ ଏନା କାଲଙ୍ ସାରିତାନା ।”

୧୪ ଏନ୍ତେ ନେଆଁ କାଜିକେଦ୍ତି ଇନିଃ ଦୟାସାଃତେ ହେତାକେଦାଏ ଆଡଃ ଯୀଶୁକେ ତିଜୁଆକାନ୍ ନେଲ୍କିୟାଏ, ମେନ୍ଦ୍ ଇନିଃ ଯୀଶୁ ତାନିଃ ମେନ୍ତେ କାଏ ସାରିକେଦାଃ । ୧୫ ଯୀଶୁ ଇନିଃକେ କାଜିକିୟାଏ,

☆ ୧୯:୩୭ ୧୯:୩୭ ଉଦୁଦ୍ କାଜି ୧:୭. ☆ ୧୯:୩୯ ୧୯:୩୯ ଯୋହାନ୍ ୩:୧,୨.

“ଏ ମାଛ, ଆମ୍ଭ ତିନାଃ ମେନ୍ତେ ରାଆଃତାନାମ୍ ? ଆତଃ ଅକଏକେ ଦାଣ୍ଠାବାଡ଼ା ତାନାମ୍ ?” ଏନ୍ କୁଡ଼ି ଯୀଶୁକେ ବାଖୁଡ଼ିରେନ୍ ମାଲିହଡ଼ ତାନିଃ ମେନ୍ତେ ଆବକାରକେଦ୍ତେ, କାଜିକିୟାଏ, “ହେ ଗମ୍ବକେ, ଆମ୍ଭ ଜନିଃକେ ଇଦିକାଇରେଦ୍ ଜନିଃକେ ଅକ୍ତାଃରେମ୍ ଦହକିୟା ଏନା ଉଦୁବାଇଙ୍ଗମ୍ ଆତଃ ଆଇଙ୍ଗ ଜନିଃକେ ଇଦିକିୟାଇଙ୍ଗ ।” ୧୭ ଯୀଶୁ ଜନିଃକେ କାଜିକିୟାଏ, “ଏ ମାରିୟାମ୍,” ଜନିଃ ହେତାରୁହାଡ଼କେଦ୍ତେ ଏବ୍ରୀ ଜାଗାରୁତେ କାଜିକିୟାଏ, “ରାବ୍ବୁନି” ନେୟାରାଃ ମୁଣ୍ଡି “ହେ ଗୁରୁ” । ୧୭ ଯୀଶୁ ଜନିଃକେ କାଜିକିୟାଏ, “ଆଇଙ୍ଗକେ ଆଲମ୍ ସାବାକାଇଙ୍ଗ, ଚିୟାଠି ଆଇଙ୍ଗଦ୍ ନାହାଃ ଜାକେଦ୍ ଆପୁଇଙ୍ଗତାଃତେ ଆଉରି ସେନ୍ରୁହାଡ଼ାଇଙ୍ଗ । ମେନ୍ଦ୍ ହାଗାଇଙ୍ଗତେକତାଃ ସେନ୍କେଦ୍ତେ କାଜିକିୟାମ୍, “ଆଇଙ୍ଗ ଆଇଁୟାଃ ଆପୁ ଆତଃ ଜନକୁଆଃ ଆପୁ, ଆଇଁୟାଃ ପାର୍ମେଶ୍ୱାର୍ ଆତଃ ଜନକୁଆଃ ପାର୍ମେଶ୍ୱାର୍ ତାଃତେଇଙ୍ଗ ସେନ୍ରୁହାଡ଼ତାନା ।” ୧୮ ଆତଃ ମାଗ୍ଦାଲିନି ମାରିୟାମ୍ ସେନ୍କେଦ୍ତେ ଚେଲାକକେ ମେତାଦ୍କଆଏ, “ଆଇଙ୍ଗ ପ୍ରାଭୁକେ ନେଲାକାଇୟାଇଙ୍ଗ, ଆତଃ ଜନିଃ ନେ କାଜିକି ଆଇଙ୍ଗକେ କାଜିକାଦିୟାଏ ।”

ଯୀଶୁ ଆୟାଃ ଚେଲାକତାଃରେ ଉଦୁବେନ୍ୟାନା
(ମାଥୁଇ ୨୮:୧୭-୨୦; ମାର୍କ ୧୬:୧୪-୧୮; ଲୁକ ୨୪:୩୭-୪୯)

୧୯ ହାପ୍ତାରେୟାଃ ପାହିଲା ହୁଲାଙ୍ଗ ଆୟୁବଃତାନ୍ ଇମ୍ତା ଯିହୁଦୀକଆଃ ବରତେ ଚେଲାକ ହୁଣ୍ଡିୟାନାକ ଆତଃ ମିଆଁଦ୍ ଅଡ଼ାଃରେ ଦୁଆର୍ ହାଣ୍ଡେଦ୍କେଦ୍ତେ ତାଇକେନାକ, ଇମ୍ତା ଯୀଶୁ ହିଜୁଃକେଦ୍ତେ ଆକଆଃ ଆଲାରେ ତିଙ୍ଗୁୟାନାଏ ଆତଃ ମେତାଦ୍କଆଏ, “ଆପେରେ ଜୀଉସୁକୁ ହବାଅଃକା ।” ୨୦ ଜନିଃ ନେଆଁ କାଜିକେଦ୍ତି ଜନକୁକେ ଆୟାଃ ତିଃଇକେ ଆତଃ ଆୟାଃ ସାଡ଼େଜାଙ୍ଗକେ ଉଦୁବାଦ୍କଆଏ । ଏନ୍ତେ ଚେଲାକ ପ୍ରାଭୁକେ ନେଲ୍କେଦ୍ତେ ପୁରାଃଗି ରାସ୍କାୟାନାକ । ୨୧ ଯୀଶୁ ଆତଃଗି କାଜିକିୟାଦ୍କଆଏ, “ଆପେରେ ଜୀଉସୁକୁ ତାଇନକା, ଆପୁଇଙ୍ଗ କୁଲାକାଇଙ୍ଗ ଲେକା ଆଇଙ୍ଗହ୍ ଆପେକେ କୁଲ୍ପେତାନାଇଙ୍ଗ ।” ୨୨ ଜନିଃ ନେଆଁ କାଜିକେଦ୍ତି ଜନକୁଆଃ ଚେତାନରେ ଅମକେଦାଃଏ, ଆତଃ “ନେ ପାବିତାର୍ ଆମ୍ଭାକେ ଚେଲାକପେ ମେତାଦ୍କଆଏ । ୨୩ ଆପେ ହଡ଼କଆଃ ପାପ୍ ଛାମାକରେଦ୍ ଜନକୁଆଃ ପାପ୍ ଛାମାଃଃ, ଆପେ କାପେ ଛାମାକରେଦ୍ ଜନକୁଆଃ ପାପ୍ କା ଛାମାଃଃ ।”

ଯୀଶୁ ଆତଃ ଥୋମା

୨୪ ଦିଦୁମ୍ କାଜିୟାଃତାନ୍ ଥୋମା ଗେଲ୍ବାର୍ ଚେଲାକଏତେ ମିହୁଡ଼୍ ତାଇକେନାଏ । ଜନିଃ ଯୀଶୁ ହିଜୁଃଲେନ୍ ଇମ୍ତା ଚେଲାକଲଃ କାଏ ତାଇକେନା । ୨୫ ଏନ୍ତେ ଏଟାଃ ଚେଲାକ ଜନିଃକେ କାଜିକିୟାଃକ, “ଆଲେ ପ୍ରାଭୁକେ, ନେଲାକାଇୟାଃଲେ ।” ମେନ୍ଦ୍ ଜନିଃ ଜନକୁକେ କାଜିକିୟାଦ୍କଆଏ, “ଜନିୟାଃ ତିଃଇରେ କିଲାରେୟାଃ ଚିହ୍ନାଁ କାଇଙ୍ଗ ନେନେଲ୍ ଜାକେଦ୍ ଆତଃ ଆଇଁୟାଃ ସାର୍ସାର୍ତେ କିଲାରେୟାଃ ଚିହ୍ନାଁକେ କାଇଙ୍ଗ ଜୁଟିଦେ ଜାକେଦ୍ ଆତଃ ତିଃଇତେ ଜନିୟାଃ ସାଡ଼େଜାଙ୍ଗରେ କାଇଙ୍ଗ ଜୁଟିଦେ ଜାକେଦ୍ କାଇଙ୍ଗ ବିଶ୍ୱାସେୟା ।” ୨୬ ମିଦ୍ ହାପ୍ତା ତାୟମତେ ଜନିୟାଃ ଚେଲାକ ଆତଃଗି ଅଡ଼ାଃରେକ ତାଇକେନା ଆତଃ ଥୋମା ଜନକୁଲଃ ତାଇକେନାଏ, ଦୁଆର୍ ହାଣ୍ଡେଦାକାନ୍ ତାଇକେନ୍ରେୟ ଯୀଶୁ ହିଜୁଃୟାନାଏ ଆତଃ ଆଲାରେ ତିଙ୍ଗୁକେଦ୍ତେ କାଜିକିୟାଦ୍କଆଏ, “ଆପେରେ ଜୀଉସୁକୁ ତାଇନକା ।” ୨୭ ଏନ୍ତେ ଜନିଃ ଥୋମାକେ କାଜିକିୟାଏ, “ଆମାଃ ସାର୍ସାର୍ଲଃ ଜୁଟିଦେମ୍ ଆତଃ ଆଇଁୟାଃ ତିଃଇ ନେଲେମେ, ଆତଃ ତିଃଇତାମାଃ ଜିଲିଙ୍ଗୟେମେ ଆତଃ ସାଡ଼େଜାଙ୍ଗତାଃରେ ଜୁଟିଜେମ୍, କା ବିଶ୍ୱାସେନିଃଦ୍ କାହା ମେନ୍ଦ୍ ବିଶ୍ୱାସେନିଃ ହବାଅଃମେ ।”

୨୮ ଥୋମା କାଜିରୁହାଡ଼କିୟାଏ, “ଆଇଁୟାଃ ପ୍ରାଭୁ ଆତଃ ଆଇଁୟାଃ ପାର୍ମେଶ୍ୱାର୍ ।”

୨୯ ଯୀଶୁ କାଜିକିୟାଏ, “ଏ ଥୋମା, ଆମ୍ଭ ଆଇଙ୍ଗକେ ନେଲ୍କେଦ୍ତେମ୍ ବିଶ୍ୱାସୀଙ୍ଗତାନା, ମେନ୍ଦ୍ କା ନେଲ୍କେଦ୍ତେ ବିଶ୍ୱାସତାନ୍କ ସୁକୁତାନ୍ଗିୟାଃ ।”

ନେ ପୁଥୁରାଃ ଅନଲ୍କାଜି

୩୦ ଯୀଶୁ ଚେଲାକଆଃ ସାମ୍ନାଙ୍ଗରେ ନେ'ଲେକା ପୁରାଃ ଏଟାଃ ପେଡ଼େୟାନ୍ କାମିକ କାମିକେଦାଃଏ । ଏନା ସବେନ୍ ନେ ପୁଥୁରେ କା ଅଲାକାନା । ୩୧ ମେନ୍ଦ୍ ଯୀଶୁ ପାର୍ମେଶ୍ୱାର୍ଆଃ ହନ୍ ମାସି ତାନିଃ, ନେୟାପେ ବିଶ୍ୱାସେକା ଆତଃ ନେଆଁ ବିଶ୍ୱାସକେଦ୍ତେ ଜନିୟାଃ ନୁଡୁମ୍ତେ ଆପେ ଜୀଦାନ୍ପେ ନାମେକା ମେନ୍ତେ ନେଆଁରେ ଅଲାକାନା ।



ଯୀଶୁ ସାଡ଼ଝାନ୍ ଚେଲାକତାଃରେ ଉଦୁବେନ୍ତାନାଏ

☆ ୨୦:୨୩ ୨୦:୨୩ ମାଥୁଇ ୧୭:୧୯; ୧୮:୧୮.

୧ ଏନ୍ ତାୟମ୍‌ତେ ଯୀଶୁ ଆଡ଼ଃମିସା ତିବିରିୟା ଦରେୟା ଗେନାରେ ଆୟାଃ ଚେଲକତାଃରେ ଉଦୁବେନ୍‌ୟାନାଏ । ନେୟା ନେ ଲେକା ହବାଲେନା : ୨ ଶିମୋନ୍ ପାଡ଼ରାସ୍ ଆଡ଼ଃ ଦିଦୁମ୍ କାଜିୟାତାନ୍ ଥୋମା ଆଡ଼ଃ ଗାଲିଲ୍‌ରେୟାଃ କାନା ହାତୁରେନ୍ ନିଅନିୟେଲ୍ ଆଡ଼ଃ ଜେବଦୀୟାଃ ବାରାନ୍ ହନ୍‌କିନ୍ ଆଡ଼ଃ ଇନିୟାଃ ଚେଲକଏତେ ଆଡ଼ଃ ବାରହଡ଼୍ ମିଦତାଃରେକ ତାଇକେନା । ୩ ଆଡ଼ଃ ଶିମୋନ୍ ପାଡ଼ରାସ୍ ଇନ୍‌କୁକେ ମେତାଦକଆଏ, “ଆଇଙ୍ଗ୍ ହାକୁ ସାବ୍‌ନାଙ୍ଗ୍ ସେନଃତାନାଇଙ୍ଗ୍ ।” ଇନ୍‌କୁ ଇନିଃକେ କାଜିକିୟାଃକ, “ଆଲେୟ ଆମାଃଲଃ ସେନାଲେ,” ଇନ୍‌କୁ ଅଡ଼ଙ୍ଗ୍‌ୟାନ୍‌ତେ ଲାଉକାରେକ ଦେଏଃୟାନା, ମେନ୍‌ଦ ଏନ୍ ନିଦାରେ ଜାଲୋମ୍‌ତେ ହାକୁ କାକ ସାବ୍ ଦାଡ଼ିୟାନା । ୪ ଆଡ଼ଃ ଆଙ୍ଗ୍‌ୟାନ୍‌ତି ଯୀଶୁ ଦରେୟା ଗେନାରେ ତିଙ୍ଗ୍‌ୟାନାଏ, ହଲେହ୍ ଚେଲକ ନିଃ ଯୀଶୁ ତାନିଃ ମେନ୍ତେ କାକ ସାରିତାନ୍ ତାଇକେନା । ୫ ଏନ୍ତେ ଯୀଶୁ ଇନ୍‌କୁକେ କାଜିୟାଦକଆଏ, “ହେ ଦୁଲାଡ଼୍‌ହନ୍‌କ ଚିୟାଃ ଆପେତାଃରେ ହାକୁ ମେନାକଆ ?” ଇନ୍‌କୁ “କାହା” ମେନ୍ତେ କାଜିରୁହାଡ଼କିୟାକ ।

୬ ଯୀଶୁ ଇନ୍‌କୁକେ କାଜିୟାଦକଆ, “ଲାଉକାରାଃ ଜମ୍‌ସାଃତେ ଜାଲୋମ୍‌କେ ହୁଦମାଏପେ, ଏନାରେ ଆପେ ହାକୁ ନାମ୍‌କଆପେ ।” ଏନ୍ତେ ଇନ୍‌କୁ ଜାଲୋମ୍‌କେ ହୁଦମାକେଦତେ ପୁରାଃ ହାକୁକ ନାମ୍‌କେଦକଆ, ମେନ୍‌ଦ ପୁରାଃ ପେଡ଼େଃତେ ଆଇଙ୍ଗ୍‌କେଦରେୟ କାକ ଆଇଙ୍ଗ୍ ଦାଡ଼ିୟାନା ।

୭ ଏନ୍ତେ ଯୀଶୁ ଅକନ୍ ଚେଲକେ ଦୁଲାଡ଼ିତାନ୍ ତାଇକେନାଏ, ଇନିଃ ପାଡ଼ରାସ୍‌କେ କାଜିକିୟାଏ, “ନିଃଦ ପ୍ରାଭୁ ତାନିଃ ।” ନିଃଦ ପ୍ରାଭୁ ତାନିଃ ନେଆଁ ଆୟୁମ୍‌କେଦତେ ଶିମୋନ୍ ପାଡ଼ରାସ୍, ସାମା ହଡ଼ମ୍ ତାଇକେନ୍‌ହରାତେ ମାୟାଙ୍ଗ୍‌ରେ ଲିଜାଃ ପାଟେୟାନ୍‌ତି ଦରେୟାରେ ଡେଗାଅକେଦାଏ । ୮ ମେନ୍‌ଦ ଏଗାଃ ଚେଲକ ହାକୁତେ ପେରେଜାକାନ୍ ଜାଲୋମ୍ ଆଇଙ୍ଗ୍‌କେଦତେ ହୁଡିଙ୍ଗ୍ ଲାଉକାତେକ ହିଜୁଃୟାନା, ଚିୟାଃତି ଇନ୍‌କୁଦ ଦରେୟା ଗେନାଏତେ ପୁରାଃ ସାଙ୍ଗିନ୍‌ରେଦ କାହା, ମେନ୍‌ଦ ଦୁଇଶହାଡ଼ ଲେକା ସାଙ୍ଗିନ୍‌ରେ ତାଇକେନାକ । ୯ ଆଡ଼ଃ ଇନ୍‌କୁ ଦରେୟା ଖାଙ୍ଗିରେ ଆଡ଼ଗୁକେଦତେ ଆଙ୍ଗ୍‌ରାସେଙ୍ଗେଲ୍‌ରେ ହାକୁ ରାପାଃକାନ୍ ଆଡ଼ଃ ହଲଙ୍ଗ୍ ମାଣ୍ଡାକାନ୍ ନେଲ୍‌କେଦାଃକ । ୧୦ ଆଡ଼ଃ ଯୀଶୁ ଇନ୍‌କୁକେ କାଜିୟାଦକଆଏ, “ନାହାଃ ଆପେ ସାବାକାଦ୍ ହାକୁକଏତେ କାଟିଃଲେକା ଆଉକ୍‌ପେ ।”

୧୧ ଶିମୋନ୍ ପାଡ଼ରାସ୍ ସେନଃୟାନ୍ତେ ୧୫୩ ଠୁ ମାପୁରାଙ୍ଗ୍ ହାକୁତେ ପେରେଜାକାନ୍ ଜାଲୋମ୍‌କେ ଦରେୟା ଖାଙ୍ଗିରେ ଆଇଙ୍ଗ୍ ଆଉକେଦାଃଏ । ନିମିନ୍ ହାକୁକ ତାଇକେନ୍‌ରେୟ ଜାଲୋମ୍ କା ଟଟାଃୟାନା । ୧୨ ଯୀଶୁ କାଜିୟାଦକଆଏ, “ହିଜୁଃପେ ଆଡ଼ଃ ଜମେପେ ।” ମେନ୍‌ଦ “ଆମ୍ ଅକଏ ତାନମେ ?” ମେନ୍ତେ ଇନିଃକେ କୁଲି ନାଗେନ୍ତେ ଚେଲକଏତେ, ଜେତାଏ କାକ ପେଡ଼େଃକେଦାଃ, ଚିୟାଃତି ଇନ୍‌କୁଦ ନିଃ ପ୍ରାଭୁ ତାନିଃ ମେନ୍ତେ ସାରିତାନ୍ ତାଇକେନାକ । ୧୩ ଏନ୍ତେ ଯୀଶୁ ହିଜୁଃୟାନାଏ ଆଡ଼ଃ ହଲଙ୍ଗ୍ ଆଉକେଦତେ ଇନ୍‌କୁକେ ଏମାଦକଆଏ, ଆଡ଼ଃ ଏନ୍ ଲେକା ହାକୁ ହଗି ଏମାଦକଆଏ ।

୧୪ ନେୟାଲଃ ଆପିସା, ଯୀଶୁ ଗଏଃକାନ୍‌କଏତେ ଜୀଉବିରିଦକେଦତେ ଆୟାଃ ଚେଲକତାଃରେ ଉଦୁବେୟାନାଏ ।

ଯୀଶୁ ଆଡ଼ଃ ପାଡ଼ରାସ୍

୧୫ ଏନ୍ତେ ଇନ୍‌କୁ ଜମ୍‌କେଦ୍ ତାୟମ୍‌ତେ ଯୀଶୁ ଶିମୋନ୍ ପାଡ଼ରାସ୍‌କେ କୁଲିକିୟାଏ, “ଏ ଯୋହାନ୍‌ଆଃ ହନ୍ ଶିମୋନ୍, ଚିୟାଃ ଆମ୍ ନିକୁଏତେ ଆଦକାମ୍ ଦୁଲାଡ଼ିଙ୍ଗ୍‌ତାନା ?” ଇନିଃ କାଜିକିୟାଏ, “ହେଗି ପ୍ରାଭୁ ଆଇଙ୍ଗ୍ ଦୁଲାଡ଼ିଙ୍ଗ୍‌ତାନା, ଏନା ଆମ୍ ସାରିତାନାମ୍,” ଯୀଶୁ ଇନିଃକେ ମେତାଲୟାଏ, “ଆଇଁୟାଃ ମିଣ୍ଡି ହନ୍‌କକେ ଗୁପିକମେ ।” ୧୬ ଯୀଶୁ ବାରସାତେ ଇନିଃକେ କୁଲିକିୟାଏ, “ଏ ଯୋହାନ୍‌ଆଃ ହନ୍ ଶିମୋନ୍, ଚିୟାଃ ଆମ୍ ଆଇଙ୍ଗ୍‌କେ ଦୁଲାଡ଼ିଙ୍ଗ୍‌ତାନାମ୍ ?” ଇନିଃ କାଜିକିୟାଏ, “ହେଗି ପ୍ରାଭୁ ଆଇଙ୍ଗ୍ ଦୁଲାଡ଼ିଙ୍ଗ୍‌ତାନା, ଏନା ଆମ୍ ସାରିତାନାମ୍ ।” ଯୀଶୁ ମେତାଲୟାଏ, “ଆଇଁୟାଃ ମିଣ୍ଡିକକେ ଗୁପିକମେ ।” ୧୭ ଯୀଶୁ ଆପିସାତେ ଇନିଃକେ କୁଲିକିୟାଏ, “ଏ ଯୋହାନ୍‌ଆଃ ହନ୍ ଶିମୋନ୍, ଚିୟାଃ ଆମ୍ ଆଇଙ୍ଗ୍‌କେ ଦୁଲାଡ଼ିଙ୍ଗ୍‌ତାନାମ୍ ?” ଯୀଶୁ ଆପିସାତେ ଚିୟାଃ ଆମ୍ ଦୁଲାଡ଼ିଙ୍ଗ୍‌ତାନାମ୍ ? ମେନ୍ତେ କୁଲିକିୟାଏ, ନେଆଁତେ ପାଡ଼ରାସ୍ ହୁଡିଙ୍ଗ୍‌ଜୀଉୟାନାଏ । ଏନାତେ ପାଡ଼ରାସ୍ ମେତାଲୟାଏ, “ହେ ପ୍ରାଭୁ ଆଇଙ୍ଗ୍ ଆମ୍‌କେଗି ଦୁଲାଡ଼ିଙ୍ଗ୍‌ତାନା ଏନା ସବେନାଃ ଆମ୍ ସାରିତାନାମ୍ ।” ଯୀଶୁ କାଜିକିୟାଏ, “ମିଣ୍ଡି ତାଇୟାଃକକେ ଗୁପିକମେ ।”

୧୮ ଆଇଙ୍ଗ୍ ସାର୍‌ତିଗି କାଜିୟାମେ ତାନାଇଙ୍ଗ୍, “ଆମ୍ ସେପେଡ଼େଦ୍ ତାଇକେନ୍‌ରେ ଆମ୍ ସେକାଡ଼କେଦତେ ଆମାଃ ସାନାଙ୍ଗ୍‌ଲେକା ଜାହାତାଃଗି ସେନଃତାନ୍ ତାଇକେନାମ୍ ମେନ୍‌ଦ ହାଡ଼ାମ୍ ଇମ୍‌ତା ଆମାଃ ତିଃଇ ଜିଲିଙ୍ଗ୍‌ୟେଆମ୍ ଆଡ଼ଃ ଏଗାଃନିଃ ଆମାଃ ମାୟାଙ୍ଗ୍ ତଲେୟାଏ ଆଡ଼ଃ ଆମ୍ କାମ୍ ସାନାଙ୍ଗ୍‌ତାଃତେ ଇଦିମେୟାଏ ।” ୧୯ ପାଡ଼ରାସ୍ ଚିଲ୍‌କା ଆୟାଃ ଗନଏଃ ହରାତେ ପାଡ଼ମେଶ୍ୱା଼କେ

☆ ୨୧:୩ ୨୧:୩ ଲୁକ ୫:୫. ☆ ୨୧:୭ ୨୧:୭ ଲୁକ ୫:୭.

ମାନାରାଜ୍ ରିକାଇୟାଏ, ଏନାରେୟାଃ ଇସାରା ଏମ୍‌କେଦ୍‌ତେ ଯୀଶୁ ଏନା କାଜିକେଦାଏ । ଏନ୍ତେ ଇନିଃ “ଅତଙ୍ଗ୍‌ଇଙ୍ଗ୍‌ମେ” ମେନ୍ତେ ପାଡ଼ରାସ୍‌କେ କାଜିକିୟା ।

ୟୀଶୁ ଆତଃ ଏଟାଃ ଚେଲାକ

^{୨୦} ✧ପାଡ଼ରାସ୍ ହେତାରୁହାଡ଼କେଦ୍‌ତେ, ଏଟାଃ ଚେଲାକେ ଦୟାହରା ହିଜୁଃତାନ୍ ନେଲ୍‌କିୟାଏ, ଅକଏକେଚି ଯୀଶୁ ଦୁଲାଡ଼ିତାନ୍ ତାଇକେନାଏ, ଇନିଃ ଆୟୁବ୍ ଜମେୟାଃରେ ଯୀଶୁଆଃ କୁଡ଼ାମରେ ଟେଣ୍ଡେରକେଦ୍‌ତେ କୁଲିକାଇତାଇନାଏ, “ହେ ପ୍ରାଭୁ, ଆମ୍‌କେ ବାଇରିକଆଃ ତିଃଇରେ ସାବ୍‌ରିକାନିଃ ଅକଏ ତାନିଃ ?” ^{୨୧} ପାଡ଼ରାସ୍ ଇନିଃକେ ନେଲ୍‌କେଦ୍‌ତେ ଯୀଶୁକେ କୁଲିକିୟାଏ, “ହେ ପ୍ରାଭୁ, ନିୟାଃ ବିଷାଏରେ ଚିନାଃ ମେନେତାନାମ୍ ?”

^{୨୨} ଯୀଶୁ ଇନିଃକେ କାଜିରୁହାଡ଼କିୟାଏ, “ଆଇୟାଃ ହିଜୁଃ ଜାକେଦ୍ ଇନିଃ ତାଇନ୍‌କାଏ ମେନ୍ତେ ଆଇଙ୍ଗ୍ ସାନାଙ୍ଗ୍‌ତାନ୍‌ରେଦ୍ ଆମାଃ ଚିନାଃ ସେନଃତାନା ? ଆମ୍ ଆଇଙ୍ଗ୍‌କେ ଅତଙ୍ଗ୍‌ଇଙ୍ଗ୍‌ମେ ।”

^{୨୩} ଏନାତେ ନେ ଚେଲା କାଏ ଗଜଃଆ ମେନ୍ତେ ହାଗାକତାଃରେ କାଜି ନିଡ଼ିର୍‌ୟାନା*, ମେନ୍‌ଦ୍ ଇନିଃ କାଏ ଗଜଃଆ ମେନ୍ତେ ଯୀଶୁ କାଏ କାଜିକାଦ୍‌ତାଇନା, ଇନିଃ ଆଇଙ୍ଗ୍ ହିଜୁଃ ଜାକେଦ୍ ତାଇନଃକାଏ ନେଆଁ ଆଇଙ୍ଗ୍ ସାନାଙ୍ଗ୍‌ରେଦ୍ ଆମାଃ ଚିନାଃ ଚିକାଅଃଆ ? ମେନ୍ତେ କାଜିକାଦ୍‌ତାଇନାଏ ।

^{୨୪} ନେ କାଜିକରାଃ ଗାଞ୍ଜା ଏମେତାନ୍ ଆତଃ ନେ କାଜିକ ଅଲାକାଦ୍ ଚେଲା ନିଃଗି ତାନିଃ ଆତଃ ନିୟାଃ କାଜିତେୟାଃ ସାର୍‌ତିଗିୟାଃ ନେୟାଁରୁ ସାରିତାନା ।

ସୁକୁ କାଜିରେୟାଃ ଚୁଣ୍ଡୁ

^{୨୫} ଯୀଶୁ କାମିକାଦ୍ କାଜିକାମିକ ପୁରାଃଗିୟା, ଏନା ମିମିଆଦ୍‌ତେ ଅଲେରେଦ୍ ଅକଏସାରି ଏନ୍ ଅନଲ୍ ପୁଅକ୍ ଅତେଦିଶୁମ୍‌ରେ ଦହ ନାଗେନ୍ତେ ଠାୟାଦ୍ କା ହବାଅଃତେୟାଃ ନେଆଁ ଆଇଙ୍ଗ୍ ଆଟ୍‌କାରେତାନା ।

ପ୍ରେରିତମାନଙ୍କ କାର୍ଯ୍ୟର ବିବରଣୀ ପ୍ରେରିତ୍‌କଥାଃ କାମି ପାରିତ୍ୟ

ପ୍ରେରିତ୍ ପୁଅ ଲୁକ୍‌ଆଃ ହରାତେ ଅଲ୍ଲାନା, ଅକଏତି ଲୁକ୍ ଅଲ୍ଲାନା ସୁକୁକାଜିକେହଗି ଅଲ୍ଲାନାଦାଏ । ଇନିଃ ମିହୁଡ୍ ବାଉଦ୍ ତାଇକେନାଏ ଆତଃ ବେଗାର୍ ତୁଲ୍‌ତେ ଅନଲ୍‌ରେ ପୁରାଃଗି ଚିହୁଲ୍‌ନିଃ ତାନିଃ । ଇନିଃ ଲୁକ୍ ସୁକୁକାଜି ଆତଃ ପ୍ରେରିତ୍, ନେ ବାରାନ୍ ପୁଅରେ ଦୁଲାଡ୍ ଥ୍‌ୟ୍‌ଫିଲ୍‌ସ୍‌କେ ଉଦୁବିତାନା । ଇନିଃ ମିହୁଡ୍ ଗ୍ରୀକ୍ ହଡ୍ ତାଇକେନାଏ । ଇନିଃ ପୁଅକ୍ ଗ୍ରୀକ୍ ଆତଃ ଯିହୁଦୀ ହଡ୍‌କ ନାଗେନ୍ତେ ଅଲ୍ଲାନାନ୍ ତାଇକେନା ପ୍ରେରିତ୍ ୧:୧ ।

ହବାସାକାଅଆଃ ପ୍ରେରିତ୍ ପୁଅ ଯୀଶୁ ଖ୍ରୀଷ୍ଟ୍‌ଆଃ ଜାନାମ୍ ତାୟମ୍‌ତେ ୬୦-୬୪ କରେ ଅଲ୍ଲାନାନ୍ ତାଇକେନା, ଚିୟାଃତି ପାଉଲୁସ୍‌ଆଃ ଜେହେଲ୍ ତନଲ୍‌ଏତେ ରାଡ଼ାଃଅ ସିଦାରେ ପ୍ରେରିତ୍ ପୁଅରାଃ ଅନଲ୍ ଚାବାକାନ୍ ତାଇକେନା । ଲୁକ୍‌ହଗି ପ୍ରେରିତ୍ ପାଉଲୁସ୍‌ଲଃ ହରାସେନ୍ ତାଇକେନାଏ, ଏନାତେ ନେ ପୁଅ ଆଡ୍‌ତୟୋଖ୍‌ଏତେ ଅଲ୍ଲାନାନ୍‌ଚିୟାଃ ମେନ୍ତେ ଚିମିନ୍ ହଡ୍‌କ କାଜିୟାଃ । ପ୍ରେରିତ୍ ପୁଅ ହବାଅଃତାନା କାଲିସିୟାରାଃ ଏନେଟେଦ୍ । ପ୍ରେରିତ୍ ପୁଅ, ଲୁକ୍ ଅଲ୍ଲାନାନ୍ ସୁକୁକାଜିଏତେଗି ଅଲ୍‌ଆଉକାନା ମେନ୍ତେ କାଜିଲେରେୟ୍ ଠାଉକାଗିୟା, ଚିଆଃତି ସୁକୁକାଜିରେ ଲୁକ୍ ପ୍ରାଭୁ ଯୀଶୁଆଃ କାମିକେ ଉଦୁବକେଦ୍ ତାୟମ୍‌ତେ, ନେ ପୁଅରେ ପ୍ରାଭୁଆଃ ଏନ୍ କାମିକେଗି ଯୀଶୁଆଃ ସିମାରାକାବ୍ ତାୟମ୍‌ତେ ତେଲ୍‌କ ପାବିତାର୍ ଆମ୍‌ଲଃ ପେରେଃୟାନାକ ଆତଃ ଚିଲ୍‌କା ଯୀରୁଶାଲେମ୍‌ଏତେ, ଯିହୁଦୀ, ଶମିରୋନ୍, ଆତଃ ଏନାଏତେ ବାହାରି ଦିଶୁମ୍‌କରେ ସୁକୁକାଜି ନିତିରୟାନା, ଏନା ନେ ପୁଅରେ ଅଲ୍ଲାନା ପ୍ରେରିତ୍ ୧:୮ ।

ଇନିଃ ଥ୍‌ୟ୍‌ଫିଲ୍‌ସ୍‌କେ ଆତଃ ବିଶ୍ୱାସ୍‌ରେ ହାରା ଇଦିୟଃତାନ୍ ଖ୍ରୀଷ୍ଟ୍‌ୟାନ୍ ହାଗାକକେ ଚିହୁଲ୍‌ନିଃ ନାଗେନ୍ତେ ଉସ୍‌କୁରକତାନା । ଯୀଶୁ ଖ୍ରୀଷ୍ଟ୍‌ଆଃ ଜୀଦାନ୍ ବିଷାଏରେ ଆତଃ ପାସରାଅ ଇଦିୟଃତାନ୍ ଖ୍ରୀଷ୍ଟ୍ ବିଶ୍ୱାସୀକଆଃ ଜୀଦାନ୍ ବିଷାଏରେ କାଜିକାଦା । ପ୍ରେରିତ୍ ଚିଟାଉରେ ଏନେଟେଦ୍‌ରେନ୍ କାଲିସିୟାକ ଖ୍ରୀଷ୍ଟ୍‌ତାଃରେ ଚିଲ୍‌କା ବିଶ୍ୱାସ୍‌ ତାଇକେନାକ, ଏନାରେୟାଃ ନାମ୍‌ନା ଆବୁକେ ଉଦୁବେତାନା । ପ୍ରେରିତ୍‌କଥାଃ ନାମ୍‌ନା ହରାତେ ଆବୁ ଆଟ୍‌କାର୍ ଦାଡ୍‌ୟାଃରୁ ଯେ, ଚିଲ୍‌କା ପାବିତାର୍ ଆମ୍‌ତାଃରେ ଆସ୍ତାକେଦ୍‌ତେ ଏଟାଃକତାଃରେ ସୁକୁକାଜି ନିତିର ଦାଡ୍‌ୟାଃଆ ।

ପୁଅ ବିତାରରେ ଅଲ୍ଲାନାନ୍ କାଜି

- ୧. ପାବିତାର୍ ଆମ୍‌ରାଃ ହିନିଜୁଃ ଆତଃ କାଲିସିୟାରାଃ ପସାଇଦିୟଃ । ୧:୧-୮:୧
- ୨. କାଲିସିୟାରାଃ ସିଗିଦ୍ ଆତଃ ସୁକୁକାଜିରାଃ ପସାଇଦିୟଃ । ୮:୨-୧୨:୨୩
- ୩. ପାଉଲୁସ୍‌ଆଃ ପାହିଲା ସେଝାକାମିରେ ହରାସେନ୍ । ୧୨:୨୪-୧୪:୨୮
- ୪. ଯୀରୁଶାଲେମ୍‌ରେ ମାରାଜ୍ ପାଞ୍ଚେଟ୍ । ୧୪:୧-୩୫
- ୫. ପାଉଲୁସ୍‌ଆଃ ବାରସାତେ ସେଝାକାମି ନାଜ୍ ହରାସେନ୍ । ୧୫:୩୭-୧୮:୨୨
- ୬. ପାଉଲୁସ୍‌ଆଃ ଆପିସାତେ ସେଝାକାମି ନାଜ୍ ହରାସେନ୍ । ୧୮:୨୩-୨୦:୩୮
- ୭. ଯୀରୁଶାଲେମ୍‌ରେ ପାଉଲୁସ୍‌ଆଃ ତନଲ୍ । ୨୧:୧-୨୭:୧-୩୨
- ୮. ପାଉଲୁସ୍‌ଆଃ ରୋମ୍‌ତେ ହରାସେନ୍ । ୨୭:୧-୨୮:୧-୩୧

ପାବିତାର୍ ଆମ୍‌କେ ଏମଃରାଃ ବାନାର୍‌ସା

୧ *ହେ ଦୁଲାଡ୍ ଥ୍‌ୟ୍‌ଫିଲ୍‌ସ୍,

ଆଇଜ୍ ଆଇୟାଃ ପାହିଲା ଚିଟାଉ ଲୁକ୍ ପୁଅରେ ଯୀଶୁ କାମିକାଦ୍ ଆତଃ ଇତୁକାଦ୍ ସବେନାଃ ଆୟାଃ କାମିରାଃ ଏନେଟେଦ୍‌ତାଃଏତେ ୨ ସିମାଦିଶୁମ୍‌ତେ ଇଦିୟଃ ହୁଲାଜ୍ ଜାକେଦ୍ ହବାକାନ୍‌ତେୟାଃ ଅଲ୍ଲାନାଦାଇଜ୍ । ସିମାଦିଶୁମ୍‌ତେ ଇଦିୟଃ ସିଦାରେ ଯୀଶୁ ଆୟାଃ ସାଲ୍‌କାନ୍ ପ୍ରେରିତ୍‌କକେ ପାବିତାର୍ ଆମ୍‌ରାଃ ପେଡ଼େଃତେ ଇତୁକାଦ୍‌କ ତାଇକେନା । ୩ ଯୀଶୁ ଆୟାଃ ଗନଏଃ ତାୟମ୍‌ତେ ପୁରାଃ ସାବୁଡ଼ରାଃ କାଜି ଏମ୍‌କେଦ୍‌ତେ ଇନ୍‌କୁତାଃରେ ଆଇଃକ୍‌ଗି ଜାନିଦ୍ ମେନ୍ତେ ଉଦୁବୟାନା, ଆତଃ ବାର୍‌ହିସି ମାହାଁ ଇନ୍‌କୁତାଃରେ ମିସା ମିସା ଉଦୁବୟାନ୍‌ତି ପାର୍‌ମେଶ୍ୱାର୍‌ଆଃ ରାଇଜ୍‌ରେୟାଃ କାଜିକଏ ଉଦୁବାଦକଆ । ୪ *ଆତଃ ଯୀଶୁ ଇନ୍‌କୁଲଃ ଜମ୍‌ତାନ୍ ତାଇକେନ୍ ଇମ୍‌ତା, ଇନ୍‌କୁକେ ନେଆଁ ଆବୁକାଦ୍‌କ ତାଇକେନାଏ, ଆପେ ଯୀରୁଶାଲେମ୍ ଆଲ୍‌ପେ ବାଗିୟା, ମେନ୍‌ଦ ଆପୁଇୟାଃ ବାନାର୍‌ସା କାଜି ଆୟୁମାକାଦ୍‌ତେୟାଃକେ

* ୧:୧ ୧:୧ ଲୁକ୍ ୧:୧-୪. * ୧:୪ ୧:୪ ଲୁକ୍ ୨୪:୪୯.

ନେଲୁହରାଏପେ । * ଚିନ୍ତାଠି ଯୋହାନଦ ଦାଆଠତେ ବାପ୍ତିସ୍ତା ଏମାଦକଆଏ, ମେନ୍ଦ ଆପେ ହୁଡ଼ିଙ୍ଗ ମାହାଁ ତାୟମ୍ତେ ପାବିତାର୍ ଆମ୍ତାତେ ବାପ୍ତିସ୍ତାଝାଝପେ ।

ୟାଶୁ ସିର୍ମାତେ ଇଦିୟାନାଏ
(ମାର୍କ ୧୭:୧୯-୨୦; ଲୁକ ୨୪:୫୦-୫୩)

୨୧ ମୁସିଙ୍ଗ ହୁଲାଙ୍ଗ ପ୍ରେରିତ୍ୱକ ହୁଣ୍ଡିକେଦତେ ଯାଶୁକେ କୁଲିକିୟାକ, “ହେ ପ୍ରାଭୁ, ତିୟାଃ ଆମ୍ ନେ ଦିପିଲିରେଗି ଇସ୍ରାଏଲକତାଠରେ ଆତଃଗି ରାଜଜ୍ ଏମେତାନାମ୍ ?”

୨୨ ଯାଶୁ ଇନ୍କୁକେ ମେତାଦକଆ, “ଆପୁ ଆୟାଃ ଆପ୍ନାଃ ପେଡେଃତେ ଦହାକାଦ୍ ନେତା ଚାଏ ଦିପିଲିକେ ସାରି ନାଗେନ୍ତେ ଆପେୟାଃ ନାଙ୍ଗ ନାହାଁଲାଃ । ୮ *ମେନ୍ଦ ପାବିତାର୍ ଆମ୍ତା ଆପେତାଃ ହିଜୁଃରେ, ଆପେ ପେଡେଃତେ ନାମେୟା ଆତଃ ଯାରୁଗାଲେମ୍ତେ, ଗଟା ଯିହୁଦା, ଶମିରୋନ୍ ଆତଃ ଅତେରାଃ ଟୁଣ୍ଡୁକାକେଦ୍ ଆଇଁୟାଃ ଗାଝାପେ ହବାଅଆଃ ।” ୯ *ଇନିଃ ନେଆଁ କାଜିକେଦ୍ତି, ଇନ୍କୁ ଇନିଃକେ ନେଲିତାନ୍ଲଃ ଇନିଃ ସିର୍ମାତେ ଇଦିୟାନା, ଆତଃ ମିଆଁଦ୍ ରିମିଲ୍ ଇନିଃକେ ଇନ୍କୁତାଃଏତେ ଦାନାଙ୍ଗକିୟା ।

୧୦ ଯାଶୁ ସିର୍ମାତେ ଇଦିୟାତାନ୍ ତାଇକେନ୍ରେ ଇନ୍କୁ ସିର୍ମାସାଃ ସାଙ୍ଗିଲାକାଦ୍ ତାଇକେନ୍ ଇମ୍ତା, ବାରହଡ୍ ଇମ୍ତାଗି ପୁଣ୍ଡି ଲିଜାଃ ତୁସିଙ୍ଗକେଦ୍ତେ ଇନ୍କୁତାଃରେକିନ୍ ତିଙ୍ଗୁୟାନା । ୧୧ ଆତଃ କାଜିକେଦାକିନ୍, “ଏ ଗାଲିଲ୍ରେନ୍ ହଡକ, ତିନାଃମେନ୍ତେ ସିର୍ମାସାଃ ସାଙ୍ଗିଲ୍କେଦ୍ତେ ତିଙ୍ଗୁଆକାନାପେ ? ନେ ଯାଶୁଗି ଆପେତାଃଏତେ ସିର୍ମାତେ ଇଦିୟାକାନା । ମେନ୍ଦ ଆପେ ଇନିଃକେ ସିର୍ମାତେ ସେନଃତାନ୍ ନେଲ୍କିଃ ଲେକାଗି ହିଜୁଃରୁହାଡାଏ ।”

ଯିହୁଦାରାଃ ବାଦ୍ଲାରେ ମାଥୁଆସ୍ଆଃ ସାଲାଅଃ
(ମାଥୁଉ ୨୭:୩-୧୦)

୧୨ ଏନ୍ତେ ପ୍ରେରିତ୍ୱକ ଜାଇତୁନ୍ ନୁତୁମ୍ ବୁରୁଏତେ ଯାରୁଗାଲେମ୍ତେକ ସେନଃରୁହାଡ଼ୟାନା, ଏନା ନାଗାର୍ତାଃଏତେ ମିଦ୍ କିଲୋମିଟର୍ ଲେକା ସାଙ୍ଗିନ୍ରେ ତାଇକେନା । ୧୩ *ଇନ୍କୁ ଯାରୁଗାଲେମ୍ ନାଗାର୍ତେ ବଲୟାନାକ ଆତଃ ଆକ ତାଇନଃ ତାଇକେନ୍ ତେତାନ୍ କୁଠାତେ ସେନଃୟାନାକ । ଏନ୍ ପ୍ରେରିତ୍ୱକଆଃ ନୁତୁମ୍ ପାଡ଼ରାସ୍, ଯୋହାନ, ଯାକୁବ୍, ଆନ୍ଦ୍ରିୟ, ଫିଲିପ୍, ଥୋମା, ବାଥୋଲମି, ମାଥୁଉ, ଆଲ୍ଫିୟନାଃ ହନ୍ ଯାକୁବ୍, ତିହୁଲ୍ନିଃ ଶିମୋନ୍ ଆତଃ ଯାକୁବ୍ଆଃ ହନ୍ ଯିହୁଦା ତାଇକେନା । ୧୪ ଇନ୍କୁ ସବେନ୍କ ମିଦ୍ତାଃରେ ହୁଣ୍ଡିକେଦ୍ତେ ବିକ୍ରିତାନ୍କ ତାଇକେନା ଆତଃ ଇନ୍କୁଲଃ କୁଡ଼ିକ, ଯାଶୁଆଃ ଏଙ୍ଗାତେ ମାରିୟାମ୍ ଆତଃ ଆୟାଃ ହାଗାକ ହୁଣ୍ଡିୟାତାନ୍କ ତାଇକେନା ।

୧୫ ତିମିନ୍ ମାହାଁ ତାୟମ୍ତେ ଲାଗ୍ଭାଗ୍ ତୁରିୟାହିସି* ବିଶ୍ୱାସୀ ହାଗାକଆଃ ସାମିଲାନ୍ ଥାଲାରେ ପାଡ଼ରାସ୍ ତିଙ୍ଗୁକେଦ୍ତେ କାଜିକେଦା, ୧୬ “ହେ ଦୁଲାଡ୍ ହାଗା ମିଶିକ, ଅକନ୍ ଇଷ୍ଟାରିୟଡ୍ ଯିହୁଦା ଯାଶୁକେ ସାବ୍ରିକାଇ ନାଗେନ୍ତେ ବାଇରିକକେ ଆୟାର୍ଆଉକାକ ତାଇକେନା, ଇନିୟାଃ ବିଷାଏରେ ଦାଉଦ୍ ପାବିତାର୍ ଆମ୍ତାତେ ପେରେଃକେଦ୍ତେ କାଜିକାଦ୍ତେୟାଃ, ଧାରାମ୍ପୁଥ୍ରେୟାଃ କାଜି ପୁରାଅଃ ଲାଗାତିଙ୍ଗ୍ ତାଇକେନା । ୧୭ ତିଆଠି ଇଷ୍ଟାରିୟଡ୍ ଯିହୁଦା ଆରୁଆଃ ଝୁଣ୍ଡରେନ୍ ମିହୁଡ୍ ତାଇକେନାଏ ଆତଃ ଆରୁଆଃ ସେଝାକାମି ନାଗେନ୍ତେ ଇନିଃ ସାଲାକାନ୍ ତାଇକେନାଏ ।”

୧୮ *ଇଷ୍ଟାରିୟଡ୍ ଯିହୁଦାରାଃ ଏଡକାନ୍ କାମିରାଃ ନାଲାତେ ମିଆଁଦ୍ ପିଡ଼ି କିରିଙ୍ଗ୍ୟାକାନ୍ ତାଇକେନା ଆତଃ ଇନିଃ ଏନ୍ ପିଡ଼ିରେ ତାବେର୍ତେ ଉୟୁୟାନା ଆତଃ ଆୟାଃ ଲାହିଦ୍ ଫାଡ଼ାୟାନତେ ଏନ୍ ଭିତାର୍ରେୟାଃ ସବେନ୍ ପଟାକ ଅଡଙ୍ଗୟାନା । ୧୯ ଆତଃ ଯାରୁଗାଲେମ୍ତେ ତାଇନ୍ତାନ୍ ସବେନ୍ ହଡକ ନେଆଁ ସାରିକେଦ୍ତେ, ଆକଆଃ ଜାଗାର୍ତେ ଏନ୍ ପିଡ଼ିରାଃ ନୁତୁମ୍ ହକଲ୍ଦମା ମେନ୍ତେକ ନୁତୁମ୍କେଦା, ଏନାରାଃ ମୁଣ୍ଡିଦ୍ “ମାୟୋମରାଃ ପିଡ଼ି” ତାନାଃ ।

୨୦ ତିୟାଠି ଦୁରାଙ୍ଗ୍ପୁଥ୍ରେ ଅଲାକାନା,
ଇନିୟାଃ ଅଡ଼ାଃ ସିଃସଏଃଗି ହବାଅଃକା;
ଏନାରେ ଜେତାଏ ଆଲକାକ ତାଇନଃକା ।
ନେଆଁହଗି ଅଲାକାନା,
ଇନିୟାଃ କାମି ଏଟାଠିନିଃ ନାମେକାଏ ।

* ୧:୫ ୧:୫ ମାଥୁଉ ୩:୧୧; ମାର୍କ ୧:୮; ଲୁକ ୩:୧୭; ଯୋହାନ ୧:୩୩. * ୧:୮ ୧:୮ ମାଥୁଉ ୨୮:୧୯; ମାର୍କ ୧୭:୧୫; ଲୁକ ୨୪:୪୭,୪୮.
* ୧:୯ ୧:୯ ମାର୍କ ୧୭:୧୯; ଲୁକ ୨୪:୫୦,୫୧. * ୧:୧୩ ୧:୧୩ ମାଥୁଉ ୧୦:୨-୪; ମାର୍କ ୩:୧୭-୧୯; ଲୁକ ୭:୧୪-୧୭. * ୧:୧୫ ୧:୧୫ ମିଦ୍ଗାଅ କୁଡ଼ିଏ * ୧:୧୮ ୧:୧୮ ମାଥୁଉ ୨୭:୩-୮.

୨୧ ✠“ଏନାମେନ୍ତେ ପ୍ରାଭୁ ଯୀଶୁଆଃ ଜୀଉବିନିରିଦରାଃ ଗାଞ୍ଜା ହବାଅଃ ନାଗେନ୍ତେ ଆଡଃମିହୁଡ୍ ଆବୁଲଃ ମେସାଅଃ ଲାଗାତିଙ୍ଗିୟାଃ । ୨୨ ଯୀଶୁ ଯୋହାନତାଃଏତେ ବାପ୍ତିସ୍ମା ହବାୟାନ୍ ହୁଲାଙ୍ଗତାଃଏତେ ଯୀଶୁ ସିର୍ମାତେ ଇଦିୟଃ ହୁଲାଙ୍ଗ ଜାକେଦ୍ ସବେନ୍ ଦିପିଲିରେ ପ୍ରାଭୁ ଯୀଶୁ ଆବୁଲଃ ହିଜୁଃ ସେନଃ ତାଇକେନ୍ ଇମ୍ତା, ଅକନ୍ ହଡକ ଆବୁଆଃ ଝୁଣ୍ଡରେ ତାଇକେନାକ, ଇନ୍କୁଏତେ ମିହୁଡ୍କେ ଆବୁଲଃ ଇନିୟାଃ ଜୀଉବିନିରିଦରେୟାଃ ଗାଞ୍ଜା ଏମ୍ ଲାଗାତିଙ୍ଗିୟାଃ ।”

୨୩ ଏନାତେ ଇନ୍କୁ ମାଥୁଆସ୍ ଆଡଃ ଯୋଷେଫ୍, ଅକଏକେଟି ବାର୍ଗବାସ୍ ମେନ୍ତେ କାଜିୟାଃକ ଆଡଃ ଜୁସ୍ସ୍ ମେନ୍ତେହ୍ କାଜିୟାଃକ, ନେ ବାରହଡକିନ୍କେ ସାଲାକେଦକିନାକ । ୨୪ ଏନ୍ତେ ଇନ୍କୁ ବିକ୍ରିତାନଲଃ କାଜିକେଦାକ, “ହେ ପ୍ରାଭୁ, ଆମ୍ ସବେନକଆଃ ମନ୍ସୁରୁଦରେୟାଃ ଉଡ଼ୁ ସାରିୟାଃମେ । ନେ ବାରହଡକିନ୍ଏତେ ଆମାଃ ହରାତେ ସାଲାକାନ୍ନିଃ ଅକ୍ନିଃ ତାନିଃ ଏନା ଆଲେକେ ଉଦୁବାଲେମେ । ୨୫ ଏନ୍ ହଡ ଇଷ୍ଟାରିୟଡ୍ ଯିହୁଦାରାଃ ଠାୟାଦରେ ପ୍ରେରିତ୍ କାମି କାମିୟା ।” ୨୬ ଏନ୍ତେ ଇନ୍କୁ ଚିଟ୍ପଟ୍ ସାଲାକେଦାକ ଆଡଃ ମାଥୁଆସ୍ଆଃ ନୁଡୁମ୍ରେ ଅଡଙ୍ଗିୟାନା । ଏନ୍ତେ ଇନିଃ ଗେଲ୍ମିଆଁଦ୍† ପ୍ରେରିତ୍କଲଃ ମେସାୟାନାଏ ।

୨

ପାବିତାର୍ ଆମ୍ବାରାଃ ହିନିଜୁଃ

୧ ପେଣ୍ଟିକ୍ଷ୍ଟ* ପାରାବ୍ ତେବାରୟାନ୍ତି, ସବେନ୍ ବିଶ୍ୱାସୀକ ମିଦ୍ତାଃରେ ହୁଣ୍ଡିଆକାନ୍କ ତାଇକେନା । ୨ ଇମ୍ତାଙ୍ଗ ଦୁଦଗାର୍ ହୟ ହୟତାନ୍ଲେକା ସିର୍ମାଏତେ ସାଡ୍ଡି ଆୟୁମୟାନା ଆଡଃ ଇନ୍କୁ ଦୁବାକାନ୍ ତାଇକେନ୍ ଗଟା ଅଡଃରେ ପେରେୟାନା । ୩ ଏନ୍ତେ ଇନ୍କୁ ସେଙ୍ଗେଲ୍ ଲେକାନ୍ ଆଲାଙ୍ଗକ ବିପିଙ୍ଗାଅଃତାନ୍ ନେଲ୍କେଦାକ ଆଡଃ ଏନା ଏନ୍ତାଃରେ ତାଇକେନ୍ ମିମିଆଦ୍ ହଡରେ ଆଡ଼ଗୁୟାନା । ୪ ଇନ୍କୁ ସବେନକ ପାବିତାର୍ ଆମ୍ବାତେକ ପେରେୟାନା ଆଡଃ ପାବିତାର୍ ଆମ୍ବା ଇନ୍କୁକେ ଦେଙ୍ଗାକେଦକ ଲେକାଗି ଏଟାଃ ଏଟାଃ ଜାଗାର୍ତେ କାଜି ଏଟେଦକେଦାକ ।

୫ ଅତେଦିଶୁମ୍ରେୟାଃ ଏଟାଃ ଏଟାଃ ଦିଶୁମ୍ଏତେ ହିଜୁଆକାନ୍ ଯିହୁଦୀ ଧାରାମାନ୍ ହଡକ ଇମ୍ତା ଯାରୁଶାଲେମ୍ରେକ ତାଇକେନା । ୬ ଇନ୍କୁ ନେ ଲାବ୍ଜା ଆୟୁମ୍କେଦ୍ଟି, ଗାଦେଲ୍ ହଡକ ହିଜୁଃ ହୁଣ୍ଡିୟାନା ଆଡଃ ସବେନକ ଆକଆଃ ଆକଆଃ ଜାଗାର୍ତେ ଖ୍ରୀଷ୍ଟ୍ ବିଶ୍ୱାସୀକକେ କାଜିତାନ୍ ଆୟୁମ୍କେଦ୍ତେ ଆକ୍ତାକାଅୟାନାକ । ୭ ଆଡଃ ଇନ୍କୁ ସବେନକ ଆକ୍ତାକାଅୟାନା ଆଡଃ ହାଏକାଟ୍ୟାନ୍ତେ କୁପୁଲିୟାନାକ, “ନେଲେପେ, ଚିୟାଃ ନେ ସବେନ୍ କାଜିତାନ୍ ହଡକ ଗାଲିଲ୍ରେନ୍ ନାହାଁଲାକ ? † ତାବ୍ଦ ଆବୁ ସବେନକ ଚିଲ୍କାତେ ଇନ୍କୁକେ ଆବୁଆଃ ଆପ୍ନାଃ ଜାଗାର୍ତେ କାଜିତାନ୍ବୁ ଆୟୁମ୍କତାନା ? ‡ ଆବୁ ପାଥ୍ ିୟା, ମାଦିୟା, ଏଲ୍ମାମିୟା, ମେସପଟାମିଆ, ଯିହୁଦା, କାପାଦକିଆ, ପନ୍ତ, ଆଡଃ ରୋମ୍ ଏସିଆରେନକ, ୧୦ ପୁଗିଆ, ପାମିଲିଆ, ମିସାର୍, କୁରିନି ନାଡ଼େଃରେଆଃ ଲିବିୟାରେନକ ଆଡଃ ରୋମିଏତେ ହିଜୁଃକାନ୍ ୧୧ ଯିହୁଦୀ ଆଡଃ ଯିହୁଦୀ ଧାରାମ୍ରେ ମେସାକାନ୍ ସାଅଁସାର୍ ହଡକ, ଚିମିନ୍ କ୍ରିଡ୍ରେନ୍ ଆଡଃ ଆରାବ୍ରେନ୍ ହଡକ ତାନ୍ବୁ, ଏନ୍ରେୟ ଆବୁ ଆବୁଆଃ ଜାଗାର୍ତେ ଇନ୍କୁକେ ପାର୍ମେଶ୍ୱାର୍ଆଃ ମାପ୍ରାଙ୍ଗ୍ କାମିରାଃ କାଜିକ କାଜିତାନ୍ବୁ ଆୟୁମ୍କତାନା ।” ୧୨ ଆଡଃ ଇନ୍କୁ ସବେନକ ଆକ୍ତାକାଅ ଆଡଃ ଆଡଃଉଡ଼ୁୟାନ୍ଲଃ ଆକ ଆକଗି କୁପୁଲିୟାନାକ, “ନେଆଁରାଃ ମୁଣ୍ଡି ଚିନାଃ ତାନାଃ ?”

୧୩ ମେନ୍ଦ୍ ଏଟାଃ ହଡକ ବିଶ୍ୱାସୀକକେ ଲାୟା ଏସେଦ୍ତାନ୍ଲଃ କାଜିକେଦକଆକ, “ଇନ୍କୁ ନାଞ୍ଜା ଦାଖ୍ରାସି ପୁରାଃଗି ନୁଁକେଦ୍ତେ ବୁଲାକାନାକ ।”

ପାଡ଼ରାସ୍ଆଃ କାନାଜି

୧୪ ଏନ୍ତେ ପାଡ଼ରାସ୍ ଗେଲ୍ମିଆଁଦ୍† ଚେଲାକଲଃ ତିଜୁୟାନାଏ ଆଡଃ କାଉରିକେଦ୍ତେ ଉଦୁବ୍ ଏଟେଦକେଦାଏ, “ଏ ଯିହୁଦୀ ହାଗାକ, ଆଡଃ ଯାରୁଶାଲେମ୍ରେ ତାଇନ୍ତାନ୍ ସବେନ୍ ହଡକ, ଆଇଙ୍ଗ୍ କାଜିତାନ୍ତେୟାଃ ବୁଗିଲେକା ଆୟୁମ୍ମେପେ ଆଡଃ ଆଇଙ୍ଗ୍ ନେ ବିଷାଏରେ କାଜିପେତାନାଇଙ୍ଗ୍ । ୧୫ ଆପେ ନେ ହଡକକେ ବୁଲଃତାନାକ ମେନ୍ତେପେ ବିଚାରେତାନା, ମେନ୍ଦ୍ କାହାଗି, ନାହାଁଃଦ ସେତାଃରାଃ ଅରେୟା‡ ସାଡିକାନା । ୧୬ ମେନ୍ଦ୍ ଯୋଏଲ୍ ନାବୀ କାଜିକାଦ୍ କାଜି ନେଆଁ ତାନାଃ :

୧୭ “ପାର୍ମେଶ୍ୱାର୍ କାଜିତାନାଏ, ‘ତାୟମ୍ ହୁଲାଙ୍ଗକରେ ଆଇଙ୍ଗ୍ ନେ ସବେନାଃ ରିକାଏୟାଇଙ୍ଗ୍, ଆଇଙ୍ଗ୍ ସବେନ୍ ହଡକ ଚେତାନ୍ରେ ଆଇୟାଃ ଆମ୍ବାକେଇଙ୍ଗ୍ ଦୁଲିୟା

✠ ୧:୨୧ ୧:୨୧ ମାଥୁଃ ୩:୧୭; ମାର୍କ ୧:୯; ଲୁକ ୩:୨୧; ମାର୍କ ୧୭:୧୯; ଲୁକ ୨୪:୪୧. † ୧:୨୭ ୧:୨୭ ଏଗାରାଞ୍ଜାନ୍ * ୨:୧ ୨:୧ ପାସକା ପାରାବ୍ରେୟାଃ ଏନେଟେଦ୍ ହୁଲାଙ୍ଗତାଃଏତେ ପାଗାଗ୍ ଦିନ୍ ହବାଅଃ ହୁଲାଙ୍ଗକେ ପେଣ୍ଟିକ୍ଷ୍ଟ କାଜିୟାଃକ † ୨:୧୪ ୨:୧୪ ଏଗାରାଞ୍ଜାନ୍ ‡ ୨:୧୫ ୨:୧୫ ନାଅ

ଆତ୍ମ ଆପେୟାଃ କତାହନ୍ କୃତ୍ରିହନ୍ କ ଆୟାରକାଜିକ କାଜିୟା,
ଆତ୍ମ ଆପେୟାଃ ସେପେଡେଦକ ଦାର୍ଶାନିକ ନେଲେୟା,
ଆତ୍ମ ଆପେୟାଃ ପ୍ରାଚିନିକ କୁମୁୟା ।

୧୮ ହେଗି, ଏନ୍ ହୁଲାଇକରେ ଆଇୟାଃ ଦାସିକ ଆତ୍ମ କାମ୍ବିକରେହଗି,
ଆଇୟାଃ ଆମ୍ବକେଇକ୍ ଦୁଲିୟା,
ଆତ୍ମ ଇନ୍ କୁ ଆଇୟାଃ ଆୟାରକାଜିକ ଉଦୁବେୟା ।

୧୯ ଆଇକ୍ ରେତାନ୍ ସିର୍ମାରେ ପେଡେୟାନ୍ କାମିକ
ଆତ୍ମ ଅତେଦିଶୁମ୍ରେ ଆକ୍ଦାନ୍ଦାଅ ଚିହ୍ନାକଇକ୍ ରିକାୟା ।

ଅତେଦିଶୁମ୍ ମାୟୋମ୍, ସେକେଲ୍ ଆତ୍ମ ପୁରାଃ ସୁକୁଲ୍ରେ ପେରେଜଃଆ;

୨୦ ପ୍ରାଭୁଆଃ ମାରାକ୍ ଆତ୍ମ ମାନାରାକ୍ ହୁଲାଇ ହିଜୁଃ ସିଦାରେ
ସିକ୍ କୁଲ୍କୁଲ୍ ନୁବାଗଃଆ,
ଆତ୍ମ ଚାଣ୍ଡୁ ମାୟୋମ୍ ଲେକା ହବାଅଃଆ ।

୨୧ ଆତ୍ମ ଏନ୍ ଦିପିଲିକରେ ଜେତାଏ ପ୍ରାଭୁଆଃ ନୁତୁମ୍ରେ ବିକ୍ରିୟାଏ, ଇନିଃ ଜୀଉ ବାଞ୍ଚାଅ ନାମେୟାଏ ।’

୨୨ “ହେ ଇସ୍ରାଏଲ୍ରେନ୍ ହାଗାକ, ନେ କାଜି ଆୟୁମେପେ, ପୁରାଃ ପେଡେୟାନ୍ କାମିକ, ଆକ୍ଦାନ୍ଦାଅ
କାମିକ ଆତ୍ମ ଚିହ୍ନାକ ନାଗେନ୍ତେ ନାଜ୍ରେତ୍ରେନ୍ ଯୀଶୁ ପାରମେଶ୍ଵାର୍ ଆଃ କୁଲ୍କାନିନିଃ ତାନିଃ ମେନ୍ତେ
ଆପେୟାଃ ସାମ୍ନାକ୍ରେ ପକ୍ତା ସାରୁଦ୍ ହବାକାନା । ଏନାକ ପାରମେଶ୍ଵାର୍ ଆପେୟାଃ ଆଲ୍ରେ
ଇନିୟାଃ ହରାତେ ରିକାକାଦାଏ ଏନାପେ ସାରିତାନା । ୨୩ *ପାରମେଶ୍ଵାର୍ ଆୟାଃ ସାନାକ୍ ଲେକାତେ
ୟୀଶୁକେ ଆପେୟାଃ ତିଃଇରେ ଜିମାଇ ନାଗେନ୍ତେ ପାହିଲ୍ରେ ମନ୍ ବାଇୟାକାଦ୍ ତାଇକେନାଏ ଆତ୍ମ
ଆପେ ଇନିଃକେ କା ଧାର୍ମାନ୍ ହତ୍ତକଆଃ ହରାତେ କୁଶ୍ରେପେ କିଲ୍କିୟା । ୨୪ *ମେନ୍ଦ୍ ପାରମେଶ୍ଵାର୍
ଇନିଃକେ ଗନଏଃରାଃ ତନଲ୍ ରାଡ୍ଡାକେଦ୍ରେ ଜୀଉବିରିଦ୍ କିୟାଏ, ଚିୟାଃଚି ଗନଏଃ ଇନିଃକେ ଦହ କାଏ
ଦାଡ୍ କିୟା । ୨୫ ଦାଉଦ୍ ଇନିୟାଃ ବିଷାଏରେ କାଜିକାଦାଏ,

“ଆଇକ୍ ପ୍ରାଭୁକେ ସବେନ୍ ଇମ୍ତା ଆଇୟାଃ ଆୟାର୍ରେ ନେଲି ତାଇକେନାଇକ୍,
ଆଇକ୍ ଆଲକାଇକ୍ ଏକ୍ଲାଇଆକା ମେନ୍ତେ ଇନିଃ ଆଇୟାଃଲଃ ମେନାଇୟା ।

୨୬ ଏନା ନାଗେନ୍ତେ ଆଇୟାଃ ମନ୍ସୁରୁଦ୍ ରାସ୍କାତେ ପେରେଜାକାନା,
ଆତ୍ମ ଆଲାଇକ୍ତାଇୟାଃ ଲାନ୍ଦା ରାସ୍କାତେ ପେରେୟାନା ।

ଆତ୍ମ ଆଇୟାଃ ଗନଏଃ ହତ୍ତମ୍
ଆସ୍ରାଏତାନ୍ଲଃ ଜୀହିଦଃଆ,

୨୭ ଚିୟାଃଚି ଆମ୍ ଆଇୟାଃ ଜୀଉକେ ଗନଏଃଗାଡ୍ଡାରେ କାମ୍ ବାଗିୟା,
ଆତ୍ମ ଆମାଃ ପାବିତାର୍ ଦାସିକେ ତପାଗାଡ୍ଡାରେ ଜିୟନଃ ନାଗେନ୍ତେ କାମ୍ ବାଗିୟା ।

୨୮ ଆମ୍ ଆଇକ୍ରେ ଜୀଦାନ୍ରାଃ ହରା ଉଦୁବାକାଦିୟାମ୍,
ଆତ୍ମ ଆମାଃ ହେପାଦ୍ରେ ଆଇକ୍ରେ ରାସ୍କାତେମ୍ ପେରେଜିୟା ।’

୨୯ “ହେ ଇସ୍ରାଏଲ୍ରେନ୍ ହାଗା ମିଗିକ, ଆଇକ୍ ଆପେକେ ଆବୁଆଃ ପୁରୁଖାହାଡ୍ଡାମ୍ ଆଃ ରାଜା
ଦାଉଦ୍ ଆଃ ବିଷାଏରେ ସାପାସାପା କାଜି ଦାଡ୍ କିୟାକ୍ । ଇନିଃ ଗଏଃକେଦ୍ରେ ତପାୟାନାଏ ଆତ୍ମ
ଇନିୟାଃ ତପାଠାୟାଦ୍ ତିସିକ୍ ଜାକେଦ୍ ଆବୁଆଃ ଆଲ୍ରେମେନାଃ । ୩୦ ଇନିଃଦ୍ ନାବୀ ତାଇକେନାଏ
ଆତ୍ମ ପାରମେଶ୍ଵାର୍ ଇନିଃକେ ବାନାର୍ସା ଏମାକାଇ ତାଇକେନାଏ, ଏନା ଇନିଃ ସାରିକାଦ୍ ତାଇକେନାଏ
। ଦାଉଦାଃ କିଲିକଏତେ ମିହୁଡ୍ ରାଜ୍ଗାଦିରେ ଦୁବାଏ ମେନ୍ତେ ପାରମେଶ୍ଵାର୍ ବାନାର୍ସା ଏମାକାଦ୍
ତାଇକେନାଏ । ୩୧ ପାରମେଶ୍ଵାର୍ ହିଜୁଃ ଦିପିଲିରେ ଅକ୍ନାଃ ରିକା ନାଗେନ୍ତେ ସେନଃତାନା, ଏନା ଦାଉଦ୍
ସାରିକେଦ୍ରେ, ମାସିଆଃ ଜୀଉବିରିଦ୍ ବିଷାଏରେ କାଜିକାଦାଏ,

“ଇନିଃକେ ଗନଏଃଗାଡ୍ଡା କାଏ ବାଗିକିୟା,
ଆତ୍ମ ଆୟାଃ ହତ୍ତମ୍ ତପାଗାଡ୍ଡାରେ କା ଜିୟନ୍ୟାନା ।’

୩୨ ପାରମେଶ୍ଵାର୍ ନେ ଯୀଶୁକେଗି ଜୀଉବିରିଦ୍ କିୟାଏ ଆତ୍ମ ଆବୁ ସବେନ୍ ଏନାରାଃ ଗାଞ୍ଜାକତାନ୍ତୁ ।
୩୩ ଯୀଶୁ ଆୟାଃ ଆପୁ ପାରମେଶ୍ଵାର୍ ଆଃ ଜମ୍ବିସାଃତେ ବିରିଦ୍ କାନା ଆତ୍ମ ଆପୁଆଃ ବାନାର୍ସା ଲେକାତେ
ପାବିତାର୍ ଆମ୍ ନାମ୍ବକେଦାଏ, ଆତ୍ମ ନାହାଃ ଆପେ ନେଲେତାନ୍ତେୟାଃ ଆତ୍ମ ଆୟୁମେତାନ୍ତେୟାଃ
ଇନିୟାଃ ବାର୍ଦାନ୍ ତାନାଃ । ଏନା ଇନିଃ ଆବୁଆଃ ଚେତାନ୍ରେ ଦୁଲାଇକାଦାଏ । ୩୪ ଚିୟାଃଚି ଦାଉଦ୍
ସିର୍ମାତେ କାଏ ରାକାବ୍ ମେନ୍ଦ୍ ଇନିଃ ଆଇଃକ୍ଗି କାଜିକେଦାଏ,
‘ପ୍ରାଭୁ ଆଇୟାଃ ପ୍ରାଭୁକେ କାଜିକିୟାଏ,

* ୨:୨୩ ୨:୨୩ ମାଥୁଉ ୨୭:୩୫; ମାର୍କ ୧୫:୨୪; ଲୁକ ୨୩:୩୩; ଯୋହାନ୍ ୧୯:୧୮. * ୨:୨୪ ୨:୨୪ ମାଥୁଉ ୨୮:୫,୬; ମାର୍କ ୧୭:୬; ଲୁକ ୨୪:୫.

୩୫ ଆଇଙ୍ଗ୍ ଆମାଃ ବାଇରିକକେ ପୁରା ଆଉରିଙ୍ଗ୍ ହାରାଅକ ଜାକେଦ୍

ଆମ୍ ଆଇଁୟାଃ ଜମ୍ତିସାଃରେ ଦୁବାକାନ୍ମେ ।

୩୬ “ଆପେ କୁଶ୍ରେ କିଲାକାଇ ଯାଶୁକେ, ପାର୍ମେଶ୍ୱାର୍, ପ୍ରାଭୁ ଆତଃ ମାସି ମେନ୍ତେ ନୁତୁମ୍ବିୟାଏ, ନେଆଁ ଇସ୍ରାଏଲ୍ରେନ୍ ସବେନ୍ ହଡକ ସାର୍ତିଗିକ ଆଟ୍ଟାରେକା ।”

୩୭ ନେ କାଜି ଆୟୁମ୍ବେଦ୍ତେ ହଡକଆଃ ମନ୍ସୁରୁଦ୍ ରଅଃୟାନା ଆତଃ ଇନ୍କୁ ପାଡ୍ରାସ୍ ଆତଃ ଏଟାଃ ପ୍ରେରିତ୍କକେ କାଜିୟାଦ୍କଆକ, “ହେ ହାଗାକ, ଆଲେ ଚିନାଃଲେ ଚିକାୟା ?”

୩୮ ଏନ୍ତେ ପାଡ୍ରାସ୍ ଇନ୍କୁକେ କାଜିରୁହାଡ୍ଦାଦ୍କଆଏ, “ଆପେ ପାପ୍ ଏତେ ମନ୍ରୁହାଡ୍ତେପେ ଆତଃ ଯାଶୁ ଖ୍ରୀଷ୍ଟ୍ ଆଃ ନୁତୁମ୍ବେ ବାପ୍ତିସ୍ମାଆଃପେ, ଏନ୍ତେ ଆପେୟାଃ ପାପ୍ କ୍ଷମାଆଃ ଆତଃ ପାର୍ମେଶ୍ୱାର୍ ଆଃ ବାରଦାନ୍, ପାବିତାର୍ ଆମ୍ବେକେପେ ନାମିୟା । ୩୯ ଚିୟାଃଟି ପାର୍ମେଶ୍ୱାର୍ ଆଃ ନେ ବାନାର୍ସା କାଜିଦ୍ ଆପେୟାଃ ଆତଃ ଆପେୟାଃ ହନ୍କଆଃ ନାଗେନ୍ତେ, ଆତଃ ଆବୁଆଃ ପ୍ରାଭୁ ପାର୍ମେଶ୍ୱାର୍ ଆଇଃକ୍ଟି କେଡାକାଦ୍ ସାଜିନ୍ରେନ୍ ସବେନ୍ ହଡକ ନାଗେନ୍ତେ ତାନାଃ ।”

୪୦ ପାଡ୍ରାସ୍ ଆତଃଟି ପୁରାଃ କାଜିକ କାଜିକେଦ୍ତେ ଇନ୍କୁକେ କାଜିଗରଙ୍ଗ୍କେଦ୍ତେ କାଜିକେଦ୍କଆ, “ନେ ପାରିୟାରେନ୍ ଏଡକାନ୍ ହଡକ ନାଗେନ୍ତେ ହିଜୁଃତାନ୍ ସାଜାୟାଏତେ ପ୍ରାଭୁ ଆପେକେ ବାସ୍ତାଆପେକା ।” ୪୧ ଏନ୍ତେ ଇନ୍କୁଏତେ ଚିମିନ୍ ହଡକ ଇନିୟାଃ କାଜି ସୁକୁତେ ତେଲାକେଦ୍ଲଃ ବିଶ୍ୱାସ୍କେଦାକ ଆତଃ ବାପ୍ତିସ୍ମାୟାନାକ । ଏନ୍ ହୁଲାଙ୍ଗ୍ ଆପି ହାଜାର୍ ଲେକା ହଡକ କାଲିସିୟାରେକ ମେସାୟାନା । ୪୨ ଆତଃ ଇନ୍କୁ ଏନ୍ ପ୍ରେରିତ୍କଆଃ ଇନିତୁରେ, ମେନେସାରେ, ହଲଙ୍ଗ୍ କେଟାଃରେ ଆତଃ ବିକ୍ତିରେ ତାଇନ୍ଦାନ୍କ ତାଇକେନା ।

ବିଶ୍ୱାସୀକଆଃ ସବେନ୍ ହୁଲାଙ୍ଗ୍ରେୟାଃ ଜୀଦାନ୍

୪୩ ପ୍ରେରିତ୍କ ପୁରାଃ ପେଡ୍ରେୟାନ୍କାମି, ଆକଦାୟା କାମିକ, ଆତଃ ଚିହ୍ନାଁ କାମିକେଦ୍ ହରାତେ ସବେନ୍ ହଡକ ଆକଆଃ ଜୀଉରେ ହାଏକାଟ୍ତେ ପେରେୟାନାକ । ୪୪ ସବେନ୍ ବିଶ୍ୱାସୀକ ମିଦ୍ତାଃରେ ହୁଣ୍ଡିୟାନ୍ଲଃ ଆକତାଃରେ ତାଇକେନ୍ ସବେନ୍ ମେନାଃତେୟାଃ ମିଦ୍ତାଃରେ ହୁଣ୍ଡିକେଦାକ । ୪୫ ଆତଃ ଇନ୍କୁ ଆକଆଃ ସବେନ୍ ଲୟଙ୍ଗ୍ ଆଖ୍ରିଙ୍ଗ୍କେଦ୍ତେ ଟାକା ପାଏସାକେ ମିମିଆଦ୍ନିଃକେ ଲାଗାଡିଙ୍ଗ୍ ଲେକା ସବେନ୍କ ହାପ୍ଟିଙ୍ଗ୍ୟାନା । ୪୬ ଇନ୍କୁ ମାନ୍ଦିର୍ ଅତାଃରେ ସବେନ୍ହୁଲାଙ୍ଗ୍ ମିଦ୍ତାଃରେ ହୁଣ୍ଡିକେଦ୍ତେ ଆକଆଃ ଅତାଃକରେ ହଲଙ୍ଗ୍ କେଟାଃତାନ୍ଲଃ ରାସ୍କାତେ ଆତଃ ଲେବେଃ ମନ୍ସୁରୁଦ୍ତେ ଜମ୍ତାନ୍ ତାଇକେନାକ । ୪୭ ଆତଃ ଇନ୍କୁ ପାର୍ମେଶ୍ୱାର୍ ଆଃ ମାନାରାଙ୍ଗ୍ ତାଇକେନାକ ଆତଃ ସବେନ୍ ହଡକ ଇନ୍କୁକେ ସୁକୁଆକ ତାଇକେନାକ । ଆତଃ ପ୍ରାଭୁ ସବେନ୍ ହୁଲାଙ୍ଗ୍ ପାରିତ୍ରାଣ୍ ନାମେତାନ୍ ହଡକକେ କାଲିସିୟାରେ ମେସାକୁତାନ୍ ତାଇକେନାଏ ।

୩

ମିଆଁଦ୍ କାଟା କୁରୁଙ୍ଗ୍କାନ୍ କର୍ଷିନ୍ଃ ବୁଗିୟାନାଏ

୧ ମୁସିଙ୍ଗ୍ ପାଡ୍ରାସ୍ ଆତଃ ଯୋହାନ୍ ବିକ୍ତି ଦିପିଲିରେ ତାର୍ସିଙ୍ଗ୍ ଆପିଘାଡ୍ଡି ଇମ୍ତାକ ମାନ୍ଦିର୍ତେକିନ୍ ସେନଃ ତାଇକେନା । ୨ ଏନ୍ତାଃରେ ଜାନାମ୍ଏତେ କାଟା କୁରୁଙ୍ଗ୍କାନ୍ ମିଆଁଦ୍ ହଡ୍, ମାନ୍ଦିର୍ ଅତାଃରେ ବଲତାନ୍ ପୁରାଃ ହଡକତାଃଏତେ କର୍ଷିନାମେ ନାଗେନ୍ତେ ସବେନ୍ ହୁଲାଙ୍ଗ୍ ମାନ୍ଦିର୍ ଅତାଃରାଃ ସୁଗାଡାନ୍ ନୁତୁମାକାନ୍ ଦୁଆରତାଃରେ ଗଅଃ ଇଦିୟାଃତାନ୍ ତାଇକେନାଏ । ୩ ଇନିଃ ପାଡ୍ରାସ୍ ଆତଃ ଯୋହାନ୍କେ ମାନ୍ଦିର୍ତେ ବଲତାନ୍ ନେଲ୍କେଦ୍ତେ ଇନ୍କିନ୍କେ କର୍ଷି ଆସିକେଦ୍କିନାଏ । ୪ ପାଡ୍ରାସ୍ ଆତଃ ଯୋହାନ୍ ଇନିଃକେ ମିଦ୍ନାଜେର୍ରେ ନେଲ୍କିଃତେ, ପାଡ୍ରାସ୍ କାଜିକିୟାଏ, “ଆଲିଙ୍ଗ୍ସାଃତେ ନେଲେମେ ।” ୫ ଇନିଃ ଇନ୍କିନ୍ତାଃଏତେ ଜେଡ୍ନାଃ ନାମେ ନାଗେନ୍ତେ ଆସ୍ତାଏତାନ୍ଲଃ ଇନ୍କିନ୍ସାଃତେ ନେଲ୍କେଦା ।

୬ ମେନ୍ଦ୍ ପାଡ୍ରାସ୍ କାଜିକିୟାଏ, “ରୁପା ଚାଏ ସୋନା ଆଇଙ୍ଗ୍ତାଃରେ ବାନଆଃ, ମେନ୍ଦ୍ ଆଇଙ୍ଗ୍ତାଃରେ ମେନାଃତେୟାଃଇଙ୍ଗ୍ ଏମାମେତାନା, ନାଜ୍ରେଡ୍ରେନ୍ ଯାଶୁ ଖ୍ରୀଷ୍ଟ୍ ଆଃ ନୁତୁମ୍ବେ ଆରୁମେତାନାଇଙ୍ଗ୍ ବିରିଦ୍ମେ ଆତଃ ସେନେମେ ।” ୭ ଏନ୍ତେ ଇନିଃ ଇନିୟାଃ ଜମ୍ ତିଃଇ ସାବ୍କେଦ୍ତେ ବିରିଦ୍କିୟା ଆତଃ ଇମ୍ତାଗି ଇନିୟାଃ କାଟା ଆତଃ କାଟାମୁକ୍ଣୀକରେ ପେଡ୍ଠେ ନାମ୍ବେଦାଏ । ୮ ଆତଃ ଇନିଃ ନିର୍ବିରିଦ୍ୟାନାଏ ଆତଃ ସେନ୍ ଏଟେଦ୍କେଦାଏ । ଏନ୍ତେ ଇନିଃ ସେସେନ୍ତାନ୍ଲଃ, ତେଗାଅତାନ୍ଲଃ ଆତଃ ପାର୍ମେଶ୍ୱାର୍ ଆଃ ମାନାରାଙ୍ଗ୍ତାନ୍ଲଃ ଇନ୍କିନ୍ଲଃ ମାନ୍ଦିର୍ତେ ବଲୟାନାଏ । ୯ ଏନ୍ତାଃରେନ୍ ସବେନ୍ ହଡକ ଇନିଃକେ ସେନ୍ବାଡାତାନ୍ ଆତଃ ପାର୍ମେଶ୍ୱାର୍ ଆଃ ମାନାରାଙ୍ଗ୍ତାନ୍କ ନେଲ୍କିୟା, ୧୦ ଆତଃ ମାନ୍ଦିର୍ ଅତାଃରାଃ ସୁଗାଡାନ୍ ଦୁଆରତାଃରେ ଦୁବ୍କେଦ୍ତେ କର୍ଷି ଆସିତାଇକେନାଏ,

☆ ୨:୪୪ ୨:୪୪ ପ୍ରେରିତ୍ ୪:୩୨-୩୫.

ଇନିଃ ନିଃଗି ତାନିଃ ମେନ୍ତେ ନେଲ୍‌ଉରୁମକିୟାକ ଆତଃ ଇନିଃରେ ହବାକାନ୍‌ତେୟାଃ ସବେନ୍ ସାରିକେଦ୍‌ତେ ଇନ୍‌କୁ ପୁରାଃ ହାଏକାଟ୍ ଆତଃ ଆକ୍‌ଦାନ୍‌ଆୟାନାକ ।

ମାନ୍ଦିର୍ ଅତଃରେ ପାତ୍ରରାସ୍‌ଆଃ ବାଚାନ୍‌ଉଦୁବ୍

^{୧୧} ସୁଲିମାନ୍ ନୁତୁମ୍ ପିଣ୍ଡିଗିତାଃରେ ଏନ୍ ବୁଗିକାନ୍ ହଡକେ ପାତ୍ରରାସ୍ ଆତଃ ଯୋହାନ୍‌ଲଃ ନେଲ୍‌କେଦ୍‌ତେ ସବେନ୍ ହଡକ ହାଏକାଟ୍‌ୟାନ୍ତେ ଇନ୍‌କିନ୍‌ତାଃକ ନିର୍‌ଆଉକେଦା । ^{୧୨} ପାତ୍ରରାସ୍ ହଡକକେ ନେଲ୍‌କେଦ୍‌ତେ କାଜିୟାଦ୍‌କଆଏ, “ହେ ଇସ୍ରାଏଲ୍‌ରେନ୍ ହଡକ, ଆପେ ନେ ହଡ ନାଗେନ୍ତେ ଚିନାଃମେନ୍ତେପେ ହାଏକାଟ୍‌ତାନା, ଆତଃ ଆଲିଙ୍‌କେପେ ନେଲ୍‌ତାନା ? ଆଲିଙ୍‌ ଆଲିଙ୍‌ୟାଃ ପେଡେଃତେ ଚାଏ ଧାର୍‌ମାନ୍‌ତେ ଇନିଃକେ ସେସେନ୍ ନାଗେନ୍ତେ ପେଡେଃଲିଙ୍‌ ଏମାକାଲ୍‌ୟା ମେନ୍ତେପେ ଉଡ଼ୁତାନାଚି ? ^{୧୩} ଆବ୍ରାହାମ୍, ଇସାକ୍, ଆତଃ ଯାକୁବ୍‌ଆଃ ପାର୍‌ମେଶ୍ୱାର୍, ଆବୁଆଃ ପୁରଖାହାଡ଼ାମ୍‌କଆଃ ପାର୍‌ମେଶ୍ୱାର୍ ଆୟାଃ ଦାସି ଯୀଶୁକେ ମାଲ୍‌ନାନ୍‌କିୟା । ମେନ୍‌ଦ ଆପେ ଏନ୍ ଯୀଶୁକେ ଆକ୍‌ତେୟାର୍‌କଆଃ ତିଃଇରେ ଜିମାକିୟାପେ ଆତଃ ପିଲାତୁସ୍ ଇନିଃକେ ରାଡ଼ାଇ ନାଗେନ୍ତେ ଉହାଟ୍‌କେଦ୍‌ରେୟ, ଆପେ ଇନିଃକେ କାପେ ସୁକୁୟାନା । ^{୧୪} ଇନିଃ ପାବିତାର୍ ଆତଃ ଧାର୍‌ମାନ୍ ହଡ ତାଇକେନାଏ, ମେନ୍‌ଦ ଆପେ ଇନିଃକେ କାପେ ସୁକୁୟାନା ଆତଃ ଆୟାଃ ବାଦ୍‌ଲରେ ହଡ ଗଗ୍‌ଏଃନିଃକେ ରାଡ଼ାଇ ନାଗେନ୍ତେ ପିଲାତୁସ୍‌କେ ଆସିକିୟାପେ । ^{୧୫} ଆପେ ଜୀଦାନ୍ ହରାତେ ସୁତୁଃଇଦିନିଃକେ ଗଏଃକିୟାପେ, ମେନ୍‌ଦ ପାର୍‌ମେଶ୍ୱାର୍ ଇନିଃକେ ଗଜାକାନ୍‌କଏତେ ଜୀଉବିରିଦ୍‌କିୟା ଆତଃ ଆଲେ ଏନାରାଃ ଗାଞ୍ଜାକ ତାନ୍‌ଲେ । ^{୧୬} ଆପେ ନେଲ୍‌କାଲ୍ ଆତଃ ସାରିକାଲ୍ ନେ କାଟା କୁରୁଙ୍ ହଡ ଯୀଶୁଆଃ ନୁତୁମ୍‌ରେ ବିଶ୍ୱାସ୍‌କେଦ୍ ନାଗେନ୍ତେ ପେଡେଃନାମ୍‌କେଦାଏ । ଆତଃ ଯୀଶୁରେ ବିଶ୍ୱାସ୍‌କେଦ୍ ନାଗେନ୍ତେ ବୁଗିୟାନାଏ, ନେଆଁ ଆପେ ସବେନାଃ ନେଲ୍ ଦାଡ଼ିତାନାପେ ।

^{୧୭} “ହେ ଇସ୍ରାଏଲ୍‌ରେନ୍ ହାଗା ମିଶିକ, ନାହାଁଃଦ, ଆପେ ଆତଃ ଆପେୟାଃ ଆଗୁଆଇକ ଯୀଶୁକେ ଚିକାକିଃତେୟାଃ କା ସାରିତେ ଚିକାକେଦାପେ ଏନାଲ୍‌ଙ୍ ସାରିତାନା । ^{୧୮} ମେନ୍‌ଦ ମାସିଆଃ ଦୁକୁ ସାହାଡ଼ିଙ୍ ବିଷାଏରେ ପାର୍‌ମେଶ୍ୱାର୍ ଆୟାଃ ସବେନ୍ ନାବୀକଆଃ ହରାତେ ନାଙ୍ ପାରିୟାରେ କାଜିକାଦ୍ ତାଇକେନ୍ କାଜି ନେ ଲେକାତେ ପୁରାକେଦାଏ । ^{୧୯} ଏନାମେନ୍ତେ ଆପେ ହେୟାଡ଼ିଙ୍‌କେଦ୍‌ତେ ପାର୍‌ମେଶ୍ୱାର୍‌ସାଃତେ ରୁହାଡ଼ପେ ଏନାରେ ଇନିଃ ଆପେୟାଃ ପାପ୍‌କ ଛାମାପେୟାଏ, ^{୨୦} ଆତଃ ଆପେୟାଃ ପ୍ରାଭୁତାଃଏତେ ଜୀଉରାଡେଃରେୟାଃ ଦିପିଲି ହିଜୁଃଆ, ଆତଃ ପାର୍‌ମେଶ୍ୱାର୍ ଆପେ ନାଗେନ୍ତେ ସିଦାରେ ସାଲାକାଲ୍ ଯୀଶୁ ମାସିକେ ଆପେତାଃତେ କୁଲିୟା । ^{୨୧} ପାର୍‌ମେଶ୍ୱାର୍ ସବେନାଃ ଆଉରି ବାଇରୁହାଡେ ଜାକେଦ୍ ଯୀଶୁ ସିର୍ମାରେଗି ତାଇନାଏ ମେନ୍ତେ ପାବିତାର୍ ନାବୀକଆଃ ହରାତେ ପାର୍‌ମେଶ୍ୱାର୍ ନାଙ୍ ପାରିୟାରେ କାଜିକାଦ୍ ତାଇକେନା । ^{୨୨} ନେ ବିଷାଏରେ ମୁଶାନାବୀ କାଜିକାଦ୍ ତାଇକେନାଏ, ‘ଆପେୟାଃ ପ୍ରାଭୁ ପାର୍‌ମେଶ୍ୱାର୍ ଆପେୟାଃ ହେପାଡ଼ତେ ଆଇଙ୍ ଲେକା ମିଆଁଦ୍ ନାବୀକେ କୁଲିୟା । ଇନିଃ ଆପେୟାଃ ହାଗାକଏତେ ମିହୁଡ୍ ହବାଅଃଆଏ । ଇନିଃ ଆପେକେ କାଜିୟାପେତେୟାଃ ସବେନାଃ ମାନାଡିଙ୍ ଲାଗାଡିଙ୍‌ୟାଃ । ^{୨୩} ମେନ୍‌ଦ ଏନ୍ ନାବୀଆଃ କାଜି କା ମାନାଡିଙ୍‌ତାନ୍ ଜୀଉ ନାମାକାଦ୍ ସବେନକକେ ପାର୍‌ମେଶ୍ୱାର୍ ଆତମ୍‌କେଦ୍‌ତେ ଜିୟନ୍‌କଆ ।’ ^{୨୪} ହେଗି, ଶାମ୍‌ଏଲ୍ ନାବୀ ଆତଃ ଇନିଃୟାଃ ତାୟମ୍‌ତେ କାଜିକେଦ୍ ସବେନ୍ ନାବୀକହଗି ନେ ଦିପିଲିରେ ହବାଅଃତାନ୍ ଆୟାର୍‌କାଜିକ କାଜିକାଦାଃ । ^{୨୫} ନାବୀକଆଃ ହରାତେ ପାର୍‌ମେଶ୍ୱାର୍ ଅକ ବାନାର୍‌ସା ଏମାକାଦାଏ, ଏନା ଆପେ ନାଗେନ୍ତେ ହବାକାନା, ଆତଃ ପାର୍‌ମେଶ୍ୱାର୍ ଆପେୟାଃ ପୁରଖା ହାଡ଼ାମ୍‌କଲଃ ଅକ ରାଜିନାମା ବାଇୟାକାଦାଏ, ଆପେ ଏନାରେୟାଃ ହିସାପେ ନାମେୟା । ପାର୍‌ମେଶ୍ୱାର୍ ଆବ୍ରାହାମ୍‌କେ କାଜିକାଲ୍ ତାଇକେନା, ‘ଆପେୟାଃ କିଲିକଆଃ ହରାତେ ଆଇଙ୍ ଅତେଦିଶୁମ୍‌ରେନ୍ ସବେନ୍ ହଡକକେଇଙ୍ ଆଶିଷ୍‌କଆ ।’ ^{୨୬} ଆତଃ ପାର୍‌ମେଶ୍ୱାର୍ ଆୟାଃ ଏନ୍ ଦାସିକେ ସାଲାକିୟା ଆତଃ ଆପେ ସବେନକକେ ଏଡ଼କାନ୍ ହରାଏତେ ରୁହାଡ୍ ଆଉକେଦ୍‌ତେ ଆଶିଷ୍‌ନାଙ୍ ପାହିଲାତେ ଇନିଃକେ ଆପେତାଃତେ କୁଲିକିୟା ।”

୪

ମାରାଙ୍‌ପାଞ୍ଚେଟ୍ ଆୟାର୍‌ରେ ପାତ୍ରରାସ୍ ଆତଃ ଯୋହାନ୍

^୧ ପାତ୍ରରାସ୍ ଆତଃ ଯୋହାନ୍ ହଡକକେ କାଜିୟାକ ତାଇକେନ୍‌ରେ ଯାଜାକ୍‌କ, ମାନ୍ଦିର୍ ଅତଃରେନ୍ ଦାରଞ୍ଜାନ୍‌କଆଃ ଗମ୍‌କେ ଆତଃ ସାଦୁକିକ ଇନ୍‌କିନ୍‌ତାଃତେକ ହିଜୁଃୟାନା । ^୨ ଏନ୍ତେ ଇନ୍‌କୁ ପୁରାଃଗିକ ଖୁସ୍‌ୟାନା ଚିୟାଃଚି ଯୀଶୁ ଗନଏଃତେ ଜୀଉବିରିଦାକାନାଏ ମେନ୍ତେ ଏନ୍ ବାରାନ୍ ପ୍ରେରିଡକିନ୍ ଇଡୁ ତାଇକେନାକିନ୍ । ଏନା ହରାତେ ଗଜାକାନ୍‌କଆଃ ଜୀଉବିରିଦ୍ ମେନାଃ ମେନ୍ତେ ସାବୁଦକିନ୍ ଏମେତାଇକେନା । ^୩ ଏନାମେନ୍ତେ ଇନ୍‌କୁ ଇନ୍‌କିନ୍‌କେ ସାବ୍‌କେଦ୍‌କିନାକ । ଏନ୍ ହୁଲାଙ୍ ପୁରାଃ

✧ ୩:୧୪ ୩:୧୪ ମାଥୁଉ ୨୭:୧୫-୨୩; ମାର୍କ ୧୫:୬-୧୪; ଲୁକ ୨୩:୧୩-୨୩; ଯୋହାନ୍ ୧୯:୧୨-୧୫.

ବିଲମ୍ବକାନ୍ ତାଲକେନ୍ ନାଗେନ୍ତେ ଏଟାଃ ହୁଲାଙ୍ଗ୍ ଜାକେଦ୍ ଜେହେଲ୍ରେକ ଦହକେଦ୍‌କିନା । ୪ ଫେନ୍‌ଦ୍ ଇନ୍‌କିନାଃ ଇନ୍‌ଡି ଆୟୁମ୍‌କେଦ୍‌କଏତେ ପୁରାଃ ହଡକ ବିଶ୍ୱାସ୍‌କେଦା ଆଡ଼ଃ ଏନ୍ ହଡକ ମଣ୍ଟି ହାଜାର୍ ଲେକାକ ହବାୟାନା ।

୫ ଏଟାଃ ହୁଲାଙ୍ଗ୍ ଯିହୁଦୀକଆଃ ଆଗୁଆଇକ, ପ୍ରାଚିନ୍‌କ ଆଡ଼ଃ ଆଇନ୍ ଇଡୁକ ଯୀରୁଶାଲେମ୍‌ରେକ ହୁଣ୍ଡିୟାନା । ୬ ଇନ୍‌କୁ ମାରାଙ୍ଗ୍ ଯାଜାକ୍ ହାନାନ୍, କାୟଫା, ଯୋହାନ୍, ଆଲେକ୍‌ଜାଣ୍ଡାର୍ ଆଡ଼ଃ ମାରାଙ୍ଗ୍ ଯାଜାକ୍‌ଆଃ ଅଡ଼ଃରେନ୍ ଏଟାଃକଲଃ ନାପାମ୍‌ୟାନାକ । ୭ ଇନ୍‌କୁ ପ୍ରେରିତ୍‌କେ ଆକଆଃ ସାମ୍‌ନାଙ୍ଗ୍‌ରେ ତିଙ୍ଗ୍‌କେଦ୍‌ତେ କୁଲିକେଦ୍‌କଆକ, “ଆପେ ନେ ସବେନାଃ ଚିଲ୍‌କା ରିକାତାନାପେ ? ଚିକାନ୍ ପେଡେଃତେ ଚାଏ ଅକ ନୁଡୁମ୍‌ତେ ନେ କାମିପେ ରିକାତାନା ?”

୮ ଏନ୍ତେ ପାଡ଼ରାସ୍ ପାବିତାର୍ ଆମ୍‌ତେ ପେରେଃୟାନାଏ ଆଡ଼ଃ ଇନ୍‌କୁକେ କାଜିରୁହାଡ଼ାଦ୍‌କଆଏ, “ହଡକଆଃ ଆଗୁଆଇକ ଆଡ଼ଃ ପ୍ରାଚିନ୍‌କ, ୯ ତିସିଙ୍ଗ୍ ଆଲେ ନେ କାଟା କୁରୁଙ୍ଗ୍‌କାନ୍‌ନିଃକେ ବୁଗିକାଲ ନାଗେନ୍ତେ ଆପେ ଆଲେକେ କୁଲିଲେତାନାପେ ଆଡ଼ଃ ଇନ୍‌ଃ ଚିଲ୍‌କାତେ ବୁଗିୟାନା, ଏନା ସାରି ନାଗେନ୍ତେପେ ସାନାଙ୍ଗ୍‌ତାନ୍‌ରେନ୍, ୧୦ ଆପେ ସବେନ୍‌କ ଆଡ଼ଃ ଇସ୍ରାଏଲ୍‌ରେନ୍ ସବେନ୍ ହଡକ ସାରିପେ, ଆପେ ନାଜ୍‌ରେଡ୍‌ରେନ୍ ଅକନ୍ ଯୀଶୁ ଖ୍ରୀଷ୍ଟ୍‌କେ କୁଶ୍‌ରେ କିଲାକାଲ ତାଲକେନାପେ, ଇନ୍‌ଃକେ ପାର୍‌ମେଶ୍ୱାର୍ ଗଜାକାନ୍‌କଏତେ ଜୀଉବିରିଦ୍‌କିୟା, ଇନ୍‌ୟାଃ ନୁଡୁମ୍‌ରାଃ ପେଡେଃତେ ଏନ୍ ହଡ ବୁଗିୟାନାଏ ଆଡ଼ଃ ଆପେୟାଃ ଆୟାର୍‌ରେ ତିଙ୍ଗ୍‌ଆକାନା । ୧୧ ଧାରାମ୍‌ପୁଥ୍‌ରେ ଯୀଶୁଆଃ ବିଷାଏରେ ଅଲ୍‌କାନା,

“ ଅଡ଼ଃ ବାବାଇକ ଅକନ୍ ଦିରିକେ ଆଡ଼ମ୍‌ଏଣ୍ଡାଃକେଦାକ ଏନାଗି ଅଡ଼ଃକଚାରାଃ ଦିରି ହବାୟାନା ।”

୧୨ ଇନ୍‌ଃ ବେଗାର୍ ଜେତାଏତାଃରେ ଜୀଉବାସ୍ତାଅ ବାନଃଆ, ଚିୟାଃତି ପାର୍‌ମେଶ୍ୱାର୍ ଆବୁଆଃ ଜୀଉବାସ୍ତାଅ ନାଗେନ୍ତେ ଗଟା ଅଡେଦିଶ୍ୱମ୍‌ରେ ଇନ୍‌ୟାଃ ନୁଡୁମ୍ ବେଗାର୍ ଆଡ଼ଃ ଜେତା ନୁଡୁମ୍ କାଏ ଏମାକାଦା ।”

୧୩ ଇନ୍‌କୁ ପାଡ଼ରାସ୍ ଆଡ଼ଃ ଯୋହାନ୍‌ଆଃ ଜୀଉରେକେଟେଦ୍ ନେଲ୍‌କେଦ୍‌ତେ ଆଡ଼ଃ ଇନ୍‌କିନାଃ କା ଇନ୍‌ଡି, କା ସେଣ୍ଟାନ୍ ହଡକିନ୍ ତାନ୍‌କିନ୍ ଏନା ସାରିକେଦ୍‌ତେକ ହାଏକାର୍‌ୟାନା ଆଡ଼ଃ ଇନ୍‌କିନ୍ ଯୀଶୁଲଃ ତାଲକେନାକିନ୍ ମେନ୍ତେ ଇନ୍‌କୁ ଆର୍‌କାର୍‌କେଦାକ । ୧୪ ଫେନ୍‌ଦ୍ ଇନ୍‌କୁ ଇନ୍‌କିନାଃ ବିରୁଧ୍‌ରେ ଜେଡ୍‌ନାଃ କାକ କାଜିଦାଡିକେଦା ଚିୟାଃତି ଏନ୍ ବୁଗିଆକାନ୍ ହଡକେ ପାଡ଼ରାସ୍ ଆଡ଼ଃ ଯୋହାନ୍‌ଲଃ ତିଙ୍ଗ୍‌ଆକାନ୍‌କ ନେଲ୍‌କିୟା । ୧୫ ଏନାମେନ୍ତେ ଇନ୍‌କୁ ପାଞ୍ଚେଟ୍ ଅଡ଼ଃଏତେ ଅଡ଼ଃଆଃବେନ୍ ମେନ୍ତେ ଆରୁକେଦ୍‌କିନାକ ଆଡ଼ଃ ଇନ୍‌କୁ ଆକ ଆକରେ ଇନ୍‌କିନାଃ ବିଷାଏରେକ ଜାଗାର୍ ଏଟେଦ୍‌କେଦା । ୧୬ ଇନ୍‌କୁ କୁପ୍‌ଲିୟାନାକ, “ଆବୁ ନେ ହଡକିନ୍‌କେ ଚିନାଃବୁ ଚିକାକିନା ? ଇନ୍‌କିନ୍ ସାର୍‌ତିଗି ମିଆଁଦ୍ ଆକ୍‌ଦାନ୍‌ଆ କାମିକିନ୍ କାମିକାଦା ଏନା ଯୀରୁଶାଲେମ୍‌ରେନ୍ ସବେନ୍‌କ ସାରିତାନା ଆଡ଼ଃ ଏନା ଆବୁ ବାନଃ ମେନ୍ତେ କାବୁ କାଜି ଦାଡିୟା । ୧୭ ଫେନ୍‌ଦ୍ ନେ କାଜି ହଡକତାଃରେ ଆଲକା ପାସ୍‌ରାଅଃକା, ଏନା ନାଗେନ୍ତେ ଯୀଶୁଆଃ ନୁଡୁମ୍‌ତେ ଜେତା ହଡକକେ ଆଲବେନ୍ କାଜିକଆ ମେନ୍ତେ ଇନ୍‌କିନ୍‌କେବୁ ଚେତାଅକିନା ।”

୧୮ ଏନ୍ତେ ଇନ୍‌କୁ ପାଡ଼ରାସ୍ ଆଡ଼ଃ ଯୋହାନ୍‌କେ ଆଡ଼ଃମିସା କେଡାକେଦ୍‌କିନାକ ଆଡ଼ଃ ଯୀଶୁଆଃ ନୁଡୁମ୍‌ତେ ଜେଡ୍‌ନାଃ ଆଲବେନ୍ କାଜିୟାଃ ଚାଏ ଆଲବେନ୍ ଇଡୁକଆ ମେନ୍ତେକ ଆରୁକେଦ୍‌କିନାକ । ୧୯ ଫେନ୍‌ଦ୍ ପାଡ଼ରାସ୍ ଆଡ଼ଃ ଯୋହାନ୍ ଇନ୍‌କୁକେ କାଜିରୁହାଡ଼ାଦ୍‌କଆକିନ୍, “ଆଲିଙ୍ଗ୍ ପାର୍‌ମେଶ୍ୱାର୍‌କେ ମାନାତିଙ୍ଗ୍‌ତେୟାଃ ଚାଏ ଆପେୟାଃ କାଜି ମାନାତିଙ୍ଗ୍‌ତେୟାଃ ଅକ୍‌ନାଃ ପାର୍‌ମେଶ୍ୱାର୍‌ଆଃ ଆୟାର୍‌ରେ ଠାଉକାନ୍‌ଗିୟା ଏନା ଆପେ ଆପେଗି ବିଚାରେପେ । ୨୦ ଚିୟାଃତି ଆଲିଙ୍ଗ୍ ନେଲ୍‌କାଦ୍‌ତେୟାଃ ଆଡ଼ଃ ଆୟୁମାକାଦ୍‌ତେୟାଃ କା ଉଦ୍‌ବୁକେଦ୍‌ତେ କାଲିଙ୍ଗ୍ ତାଲନ୍‌ଦାଡିୟା ।” ୨୧ ଏନ୍ତେ ପାଞ୍ଚେଟ୍‌ରେନ୍ ହଡକ ଇନ୍‌କିନ୍‌କେ ସାଜାଇ ଏମ୍ କା ହବାସାକାଅଆଃ, ଆଡ଼ଃ ପୁରାଃ ଚେତାଅତାନ୍‌ଲଃ ଇନ୍‌କିନ୍‌କେ ବାଗିକେଦ୍‌କିନାକ, ଚିୟାଃତି ହଡକ ଏନ୍ ହବାକାନ୍‌ତେୟାଃ ନେଲ୍‌କେଦ୍‌ତେ ପାର୍‌ମେଶ୍ୱାର୍‌ଆଃ ମାନାରାଙ୍ଗ୍ ତାଲକେନାକ । ୨୨ ଆକ୍‌ଦାନ୍‌ଆ ଲେକାତେ ବୁଗିଆକାନ୍ ଏନ୍ ହଡଆଃ ବାର୍‌ହିସି ବାରାଷ୍‌ଏତେ ଆଦ୍‌କା ହବାଅଃତାଲକେନା ।

ଜୀଉରେକେଟେଦ୍ ନାମେ ନାଗେନ୍ତେ ବିଶ୍ୱାସୀକଆଃ ବିକ୍ରି

୨୩ ପାଡ଼ରାସ୍ ଆଡ଼ଃ ଯୋହାନ୍ ରାଡ଼ାୟାନ୍‌ତି, ଇନ୍‌କିନ୍ ଆକିନାଃ ଆପ୍‌ନାଃ ହଡକତାଃରେ ରୁହାଡ଼କେଦ୍‌ତେ ମୁଲ୍ ଯାଜାକ୍‌କ ଆଡ଼ଃ ପ୍ରାଚିନ୍‌କ କାଜିକେଦ୍‌ତେୟାଃ ସବେନାଃ ଇନ୍‌କୁକେ ଉଦ୍‌ବୁଦ୍‌କଆକିନ୍ । ୨୪ ବିଶ୍ୱାସୀକ ସବେନ୍ କାଜି ଆୟୁମ୍‌କେଦ୍‌ତି ମିଦ୍ ମନ୍‌ତେ ପାର୍‌ମେଶ୍ୱାର୍‌ତାଃରେ ବିକ୍ରିକେଦାକ; “ହେ ଗମ୍‌କେ, ଆମ୍ ସିମ୍‌ଫା, ଅଡେ, ଦରେୟା ଆଡ଼ଃ ଏନାରେୟାଃ ସବେନାଃ ବାବାଇନିଃ ତାନ୍‌ମେ ! ୨୫ ଆମ୍ ଆମାଃ ଦାସି, ଆଲେୟାଃ ଆପୁ ଦାଉଦ୍‌ଆଃ ମଚାତେ ପାବିତାର୍ ଆମ୍‌ତେ ନେ କାଜି କାଜିକାଦାମ୍,

“ ନେ ସାଅଁସାର୍ ହଡକ ଚିନାଃମେନ୍ତେ ଖ୍‌ସ୍‌ୟାନାକ;

ଆତ୍ମ ହତ୍ୟା ଚିନ୍ତାମେନ୍ତେ ସାମାଜିକ ରୋଜୋଟତାନା ?

୨୭ ପ୍ରାଭୁଆଃ ବିରୁଧରେ ଆତ୍ମ ଆୟାଃ ସାଲ୍ଲକାନ୍ ମାସିଆଃ ବିରୁଧରେ
ଅତେଦିଶ୍ୱମ୍ରେନ୍ ରାଜାକ ସେକାଡ଼ୟାନା
ଆତ୍ମ ହାକିମ୍ ମିଦ୍ତାଃରେକ ହୁଣ୍ଡିୟାନା ।

୨୭ ଚିନ୍ତାଃତି ସାର୍ତ୍ତି କାଜିଲେରେ ହେରୋଦ୍ ଆତ୍ମ ପତ୍ରିୟସ୍ ପିଲାତୁସ୍ ନେ ନାଗାର୍ରେ ସାଅଁସାର୍କଲଃ
ଆତ୍ମ ଇସ୍ରାଏଲ୍ ହତ୍ୟାଲଃ ମେସାକେଦ୍ତେ ଆମାଃ ପାବିତାର୍ ଦାସି ଯୀଶୁ, ଅକଏକେଟି ଆମ୍ ମାସି
ମେନ୍ତେନ୍ ଆଭିଷେକ୍କିୟା, ଇନିୟାଃ ବିରୁଧରେ ରୋଜୋଟକେଦାକ । ୨୮ ଆମାଃ ପେଡ଼େଃ ଆତ୍ମ
ମନେଲେକାତେ ସବେନାଃ ହବାଅଃକା ମେନ୍ତେ ସିଦାରେ ଉହାଟ୍କାନ୍ ତାଇକେନା, ଏନାକେ ରିକାଏ
ନାଗେନ୍ତେ ଇନ୍କୁ ହୁଣ୍ଡିୟାନାକ । ୨୯ ଆତ୍ମ ନାହାଃଦ, ହେ ପ୍ରାଭୁ, ଇନ୍କୁ ଆଲେକେ ବତଙ୍ଗ୍ଲେତାନାକ
ଏନା ନେଲେମେ ଆତ୍ମ ଆମାଃ ଦାସିକେ ପୁରାଃ ପେଡ଼େୟାନ୍ତେ ଆମାଃ କାଜି କାଜି ନାଗେନ୍ତେ
ଜୀଉରେକେଟେଦ୍ ଏମାଲେମେ । ୩୦ ଆତ୍ମ ବୁଗିକ ନାଗେନ୍ତେ ଆମାଃ ତିଃଇ ଜିଲିଙ୍ଗ୍ମେନ୍ତେ ଆତ୍ମ
ଆମାଃ ପାବିତାର୍ ଦାସି ଯୀଶୁଆଃ ନୁତୁମ୍ତେ ଚିହ୍ନା ଆତ୍ମ ଆକ୍ଦାୟାଅ କାମିକ ରିକା ନାଗେନ୍ତେ ପେଡ଼େଃ
ଏମାଲେମେ ।”

୩୧ ଇନ୍କୁ ବିଚ୍ଛି ଚୁଣ୍ଡୁକେଦ୍ତି ଆକ ହୁଣ୍ଡିକାନ୍ ଠାୟାଦ୍ତାଃରେ ଅତେ ଏକ୍ଲାୟାନା ଆତ୍ମ ସବେନକ
ପାବିତାର୍ ଆମ୍ତେକ ପେରେୟାନା ଆତ୍ମ ପାର୍ମେଶ୍ୱାର୍ଆଃ କାଜି ପୁରାଃ ଜୀଉରେ କେଟେଦ୍କେଦ୍ତେ
ଉଦ୍ଦୁଦ୍ ଏଟେଦ୍କେଦା ।

ବିଶ୍ୱାସୀକ ଆକଆଃ ମେନାଃତେୟାଃକ ହାପ୍ଟିଙ୍ଗ୍ୟାନା

୩୨ ଚିନ୍ତାସୀକ ମିଦ୍ ମନ୍ ଆତ୍ମ ମିଦ୍ ମନ୍ସୁରୁଦ୍ୟାନାକ । ଆତ୍ମ ଜେତାଏ ଆପ୍ନାଃ ମେନାଃତେୟାଃକେ
ଆପ୍ନାଃ ତାନାଃ ମେନ୍ତେ କାକ କାଜି ତାଇକେନା, ମେନ୍ଦ୍ ସବେନକ ଆକଆଃ ମେନାଃତେୟାଃକେ
ମିଦ୍ସାମାନ୍ଗିକ ହାପ୍ଟିଙ୍ଗ୍ୟାଃ ତାଇକେନା । ୩୩ ପ୍ରେରିତ୍ ପୁରାଃ ପେଡ଼େଃତେ ପ୍ରାଭୁ ଯୀଶୁଆଃ
ଜୀଉବିନିରଦ୍ରାଃ ବିଷାଏରେ ଗାଞ୍ଜକ ଏମ୍କେଦା ଆତ୍ମ ପାର୍ମେଶ୍ୱାର୍ ଇନ୍କୁକେ ପୁରାଃ ଆଗିଷ୍
ଏମ୍କେଦ୍କଆଏ । ୩୪ ଏନାତେ ଇନ୍କୁଆଃ ଜେତ୍ନାଃ କା ହାଟିଆଃ ତାଇକେନା, ଚିନ୍ତାଃତି ଅକନ୍କଆଃ
ପିତି ଆତ୍ମ ଅତ୍ତାଃ ତାଇକେନା, ଇନ୍କୁ ଏନାକ ଆଖ୍ରିଙ୍ଗ୍କେଦ୍ତେ ଏନାରାଃ ଗନଙ୍ଗ୍ ଟାକା ପାଏସା
ଆଉକେଦ୍ତେ ୩୫ ପ୍ରେରିତ୍କେ ଏମାକ ତାଇକେନାକ ଆତ୍ମ ଏନ୍ ପାଏସାକେ ଆକଆଃ ଲାଗାତିୟାଃ
ଲେକାକ ହାପ୍ଟିଙ୍ଗ୍ୟାଃ ତାଇକେନା ।

୩୬ ଆତ୍ମ ସାଇପ୍ସ୍ ନୁତୁମ୍ ଠାୟାଦ୍ରେ ଜାନାମାକାନ୍ ଲେବୀ କିଲିରେନ୍ ଯୋଷେଫ୍, ଅକଏକେଟି
ପ୍ରେରିତ୍ ବର୍ଣ୍ଣବାସ୍, ଏନାରାଃ ମୁଣ୍ଡିଦ୍ “ଜୀଉରାଡ଼େଃରାଃ ହନ୍” ମେନ୍ତେକ ନୁତୁମ୍କିୟା । ୩୭ ଇନିୟାଃ
ମିଆଁଦ୍ ପିତି ତାଇକେନା, ଏନାକେ ଇନିଃ ଆଖ୍ରିଙ୍ଗ୍କେଦ୍ତେ ଏନାରାଃ ଟାକା ପାଏସା ପ୍ରେରିତ୍କେ
ଏମାଦ୍କଆ ।



ହନାନିୟ ଆତ୍ମ ସଫିରା

୧ ହନାନିୟ ନୁତୁମ୍ ମିଆଁଦ୍ ହତ୍ ଆୟାଃ କୁଡ଼ିତେ ସଫିରାଲଃ ହୁଡ଼ିଙ୍ଗ୍ଲେକା ଅତେ ଆଖ୍ରିଙ୍ଗ୍କେଦାକିନ୍
। ୨ ମେନ୍ଦ୍ ହନାନିୟ ଆୟାଃ କୁଡ଼ିତେଲଃ ସାଲ୍ଲହାକେଦ୍ତେ, ଇନିଃ କାଟିଃଲେକା ଟାକା ପାଏସା
ଆୟାଃ ନାଗେନ୍ତେ ଉକୁ ଦହକେଦା ଆତ୍ମ ବାକିତେୟାଃ ଇଦିକେଦ୍ତେ ପ୍ରେରିତ୍କଆଃ କାଟା ଲାତାର୍ରେ
ଦହକେଦା । ୩ ପାଡ଼ରାସ୍ ଇନିଃକେ କାଜିକିୟାଏ, “ଏ ହନାନିୟ, ପାବିତାର୍ ଆମ୍ପାରାଃ ଆୟାର୍ରେ ହସତ୍
କାଜି ନାଗେନ୍ତେ ଆତ୍ମ ଅତେରାଃ ଗନଙ୍ଗ୍ଏତେ କାଟିଃଲେକା ଉକୁ ନାଗେନ୍ତେ ସାଏତାନ୍ ଚିନ୍ତାମେନ୍ତେ
ଆମାଃ ମନ୍ସୁରୁଦ୍କେ ଆକ୍ତେୟାର୍କେଦା ? ୪ ଆଖ୍ରିଙ୍ଗ୍କେଦ୍ ସିଦାରେ ଏନା ଚିନ୍ତାଃ ଆମାଃ କା
ତାଇକେନା ? ଆତ୍ମ ଆଖ୍ରିଙ୍ଗ୍କେଦ୍ ତାୟମ୍ତେ ଏନ୍ ଟାକା ପାଏସା ଚିନ୍ତାଃ ଆମାଃ ଆକ୍ତେୟାର୍ରେ
କା ତାଇକେନା ? ତାଦ୍ ଚିନ୍ତାମେନ୍ତେ ଆମ୍ ନେଲେକା ଆମାଃ ମନ୍ସୁରୁଦ୍ରେନ୍ ଉଡ଼୍ଟୁକେଦା ? ଆମ୍
ହତ୍ୟାକେଦ୍ କା ମେନ୍ଦ୍ ପାର୍ମେଶ୍ୱାର୍ଆଃ ଆୟାର୍ରେ ବେଦାକାଜିମ୍ କାଜିକାଦା ।” ୫ ନେ କାଜିକ
ଆୟାମ୍କେଦ୍ତି ହନାନିୟ ଅତେରେ ଉୟାଃକେଦ୍ତେ ଗଏୟାନା, ଆତ୍ମ ନେ ବିଷାଏରେ ଆୟାମ୍କେଦ୍
ସବେନକ ପୁରାଃଗିକ ବରକେଦା । ୬ ସେପେଡ଼େଦ୍ ହିଜୁଃକେଦ୍ତେ ଇନିଃକେ ଲିଜାଃତେ ପଟମ୍କିୟାକ
ଆତ୍ମ ଗଅଃ ଅତ୍ତକିତେ ତପାକିୟାକ ।

☆ ୪:୨୭ ୪:୨୭ ଲୁକ ୨୩:୭-୧୧; ମାଥୁ ୨୭:୧,୨; ମାର୍କ ୧୫:୧; ଲୁକ ୨୩:୧; ଯୋହାନ୍ ୧୮:୨୮,୨୯. ☆ ୪:୩୨ ୪:୩୨ ପ୍ରେରିତ୍ ୨:୪୪,୪୫.

୭ ଆପି ଘାଡ଼ିଲେକା ତାୟମ୍‌ତେ ଇନିୟାଃ କୁଡ଼ି ଅକ୍‌ନାଃ ହବାକାନ୍‌ତେୟାଃ କା ସାରିକେଦ୍‌ତେ ହିଜୁଃୟାନା ଆତଃ ବଲୟାନାଏ । ୮ ପାଡ଼ରାସ୍ ଇନିଃକେ କୁଲିକିୟାଏ, “ଆବେନ୍ ନେ ପିଡ଼ିକେ ନିମନାଙ୍ଗ୍‌ତେଗିବେନ୍ ଆଖ୍‌ରିଙ୍ଗ୍‌କେଦାଟି ?”

ଇନିଃ କାଜିରୁହାଡ଼କେଦାଏ, “ହେଗି, ନିମିନାଙ୍ଗ୍‌ତେଗି ।”

୯ ଏନ୍ତେ ପାଡ଼ରାସ୍ ଇନିଃକେ କାଜିକିୟାଏ, “ପ୍ରାଭୁଆଃ ଆମ୍‌କେ ବିଡ଼ାଅ ନାଗେନ୍ତେ ଆବେନ୍ ବାରାନ୍‌କିନ୍ ଚିନାଃ ମେନ୍ତେବେନ୍ ଉଡ଼ଃକେଦା ? ନେଲ୍‌କୁମ୍, ଆମାଃ କଡ଼ାକେ ତପାକେନ୍‌କ ଦୁଆର୍‌ତାଃରେ ମେନାକଆ ଆତଃ ଇନ୍‌କୁ ଆମ୍‌କେ ହଗି ଗଅଃ ଅଡ଼ଙ୍ଗ୍‌ମେୟାକ ।” ୧୦ କାଜିକେଦ୍ ଇମ୍‌ତାଗି ଇନିଃ ଇନିୟାଃ କାଟା ଲାତାରରେ ଉୟୁଃୟାନା ଆତଃ ଗଏଃୟାନାଏ । ଏନ୍ତେ ସେପେଡ଼େଦ୍‌କ ବଲୟାନ୍‌ତି ଇନିଃକେ ଗଏଃକାନ୍‌କ ନେଲ୍‌କିୟା ଆତଃ ଇନ୍‌କୁ ଇନିଃକେ ଗଅଃ ଅଡ଼ଙ୍ଗ୍‌କିତେ କଡ଼ାତେୟାଃ ଜାପାଃରେକ ତପାକିୟା । ୧୧ ଗଟା କାଲିସିୟା ଆତଃ ନେ କାଜି ଆୟୁମ୍‌କେଦ୍ ସବେନ୍‌କ ପୁରାଃଗିକ ବରକେଦା ।

ଆକ୍ରାକାଅ ଆତଃ ଆକ୍‌ଦାନ୍‌ଆ କାମି

୧୨ ପ୍ରେରିତ୍‌କ ପୁରାଃଗି ଆକ୍ରାକାଅ କାମି ଆତଃ ଆକ୍‌ଦାନ୍‌ଆ କାମିକ ହଡ଼କଆଃ ଆଲ୍‌ରେକ କାମିକେଦା ଆତଃ ସବେନ୍ ବିଶ୍ୱାସୀକ ସୁଲିମାନ୍‌ଆଃ ପିଣ୍ଡିଗିତାଃରେ ହୁଣ୍ଡିୟଃ ତାଇକେନାକ । ୧୩ ଇନ୍‌କୁଆଃ ବିଷାଏରେ ହଡ଼କ ବୁଗିନାଃ ଜାଗାର୍‌ତାନ୍ ତାଇକେନ୍‌ରେୟ ଏଟାଃ ଝୁଣ୍ଡିରେନ୍ ହଡ଼କ ଇନ୍‌କୁଲଃ ମେସାଅଃ ନାଗେନ୍ତେ ଜେତାଏ କାକ ସାହାସେ ତାଇକେନା । ୧୪ ମେନ୍‌ଦ ଗାଦେଲ୍ କଡ଼ା ଆତଃ କୁଡ଼ିକ ପ୍ରାଭୁତାଃରେ ବିଶ୍ୱାସକେଦ୍‌ତେ ଚିମିନ୍ ଚିମିନ୍ ହଡ଼କ ଏନ୍ ଝୁଣ୍ଡିରେ ମେସାଅଃ ତାଇକେନାକ । ୧୫ ପ୍ରେରିତ୍‌କଆଃ କାମି ବୁଗିଲେକା ହବାଅଃ ତାଇକେନା, ପାଡ଼ରାସ୍ ହିଜୁଃ ତାଇକେନ୍ ଇମ୍‌ତା ହରାରେ ଆୟାଃ ଉମ୍‌ଲ୍ ଦୁକୁତାନ୍ ହଡ଼କଆଃରେ ଉୟୁଗଃକା ମେନ୍ତେ ହଡ଼କ ଦୁକୁତାନ୍‌କକେ ପାର୍‌କମ୍ ଆତଃ ଜାଟିକରେ ଗଅଃ ଆଉକେଦ୍‌ତେ ହରାଗେନାରେ ଦହକ ତାଇକେନାକ । ୧୬ ଆତଃ ଯୀରୁଶାଲେମ୍‌ରେୟାଃ ଚାରିୟସାଃରେନ୍ ନାଗାର୍‌କଏତେ ଗାଦେଲ୍ ହଡ଼କ ଦୁକୁତାନ୍ ଆତଃ ସଡ଼ରା ଆମ୍‌ତେ ଏସେରାକାନ୍ ହଡ଼କକେ ପ୍ରେରିତ୍‌କତାଃ ଆଉକତାଇକେନାକ ଆତଃ ଇନ୍‌କୁ ସବେନ୍ ବୁଗିୟଃ ତାଇକେନାକ ।

ପ୍ରେରିତ୍‌କକେ ସାସାତି

୧୭ ଏନ୍ତେ ମାରାଙ୍ଗ୍ ଯାଜାକ୍ ଆତଃ ଆୟାଃ ସବେନ୍ ଦେଙ୍ଗାତାନ୍‌କ, ଅକନ୍‌କଟି ସାଦୁକି ଝୁଣ୍ଡିରେନ୍ ତାଇକେନାକ, ଇନ୍‌କୁ ପ୍ରେରିତ୍‌କଆଃ ଚେତାନ୍‌ରେ ପୁରାଃଗି ହିସଙ୍ଗାତେ ପେରେୟାନାକ । ୧୮ ଇନ୍‌କୁ ପ୍ରେରିତ୍‌କକେ ସାବ୍‌କେଦ୍‌ତେ ଆନାରେକ ଦହକେଦ୍‌କଆ । ୧୯ ମେନ୍‌ଦ ପ୍ରାଭୁଆଃ ଦୁଡ଼୍ ଏନ୍ ନିଦାଗି ଆନାରାଃ ଦୁଆର୍‌କେ ନିକ୍‌କେଦା, ଆତଃ ପ୍ରେରିତ୍‌କକେ ଅଡ଼ଙ୍ଗ୍‌କେଦ୍‌ତେ ମେତାଦ୍‌କଆ, ୨୦ “ଜୁ, ସେନଃପେ, ଆତଃ ମାନ୍‌ରୁ ଅଡ଼ାଃରେ ତିଙ୍ଗ୍‌କେଦ୍‌ତେ ନେ ନାଞ୍ଜା ଜୀଦାନ୍ ବିଷାଏରେ କାଜିୟାକପେ ।” ୨୧ ପ୍ରେରିତ୍‌କ ଏନ୍ ଦୁଡ଼୍‌ଆଃ କାଜି ମାନାଡ଼ିଙ୍ଗ୍‌କେଦ୍‌ତେ ସେତାଃ ଇଦାନ୍‌ରେ ମାନ୍‌ରୁ ଅଡ଼ାଃରେ ବଲକେଦ୍‌ତେ ହଡ଼କକେ ଇତୁ ଏଟେଦ୍‌କେଦ୍‌କଆକ । ମାରାଙ୍ଗ୍ ଯାଜାକ୍ ଆତଃ ଇନିୟାଃ ଦେଙ୍ଗାତାନ୍‌କ ହିଜୁଃକେଦ୍‌ତେ, ମାରାଙ୍ଗ୍ ପାଞ୍ଚେଟ୍ ଆତଃ ଇସାଏଲ୍ ହନ୍‌କଆଃ ସବେନ୍ ପ୍ରାଚୀନ୍‌କକେ କେଡ଼ା ହୁଣ୍ଡିକେଦ୍‌କଆକ ଆତଃ ପ୍ରେରିତ୍‌କକେ ଆଉକ ନାଗେନ୍ତେ ହଡ଼କକେ ଜେହେଲ୍‌ତେ କୁଲ୍‌କେଦ୍‌କଆକ । ୨୨ ମେନ୍‌ଦ ସିପାଇକ ଆନାତେ ସେଟେରୟାନ୍‌ତି ପ୍ରେରିତ୍‌କକେ ଏନ୍ତାଃରେ କାକ ନାମ୍‌କେଦ୍‌କଆ, ଏନ୍ତେ ଇନ୍‌କୁ ମାରାଙ୍ଗ୍ ପାଞ୍ଚେଟ୍‌ରେ ହିଜୁଃରୁହାଡ଼କେଦ୍‌ତେ ଉଦୁବାଦ୍‌କଆକ, ୨୩ “ଆଲେ ଜେହେଲ୍‌ତେ ସେଟେରୟାନ୍‌ତି ଦୁଆର୍ ବୁଗିଲେକା ହାଣ୍ଡେଦାକାନ୍ ଆତଃ ଦାର୍‌ଖାନ୍‌କ ଦୁଆର୍ ହେପାଦ୍‌ରେ ହରତାନ୍‌ଲେ ନେଲ୍‌କେଦ୍‌କଆ, ମେନ୍‌ଦ ଦୁଆର୍ ନିଜ୍‌କେଦ୍‌ତେ ଭିତାରରେ ଜେତାଏକେ କାଲେ ନାମ୍‌କେଦ୍‌କଆ ।” ୨୪ ମାନ୍‌ରୁ ଅଡ଼ାଃ ହରକଆଃ ଗମ୍‌କେ ଆତଃ ମୁଲ୍ ଯାଜାକ୍ ବାରାନ୍‌କିନ୍ ନେ କାଜିକ ଆୟୁମ୍‌କେଦ୍‌ତେ ପ୍ରେରିତ୍‌କଆଃ ଚିକ୍‌ନାଃ ହବାୟାନା ମେନ୍ତେ ଆକ୍ରାକାଅୟାନାକିନ୍ । ୨୫ ଇମ୍‌ତା ମିଆଁଦ୍ ହଡ଼ ହିଜୁଃକେଦ୍‌ତେ ଇନ୍‌କୁକେ ଉଦୁବାଦ୍‌କଆଏ, “ଆୟୁମ୍‌ମେପେ, ଆପେ ଆନାରେ ଦହକାଦ୍‌କ ତାଇକେନ୍ ହଡ଼କ, ମାନ୍‌ରୁ ଅଡ଼ାଃରେ ତିଙ୍ଗ୍‌କେଦ୍‌ତେ ହଡ଼କକେ ଇତୁକତାନାକ ।” ୨୬ ଏନ୍ତେ ଦାର୍‌ଖାନ୍‌କଆଃ ଗମ୍‌କେ, ଦାର୍‌ଖାନ୍‌କଲଃ ସେନ୍‌କେଦ୍‌ତେ ପ୍ରେରିତ୍‌କକେ ଆତଃମିସା ଆଉକେଦ୍‌କଆକ । ମେନ୍‌ଦ ଇନ୍‌କୁକେ ଜାବାର୍‌ଜାସ୍‌ତିତେ କାକ ଆଉକେଦ୍‌କଆ, ଚିୟାଃଟି ହଡ଼କ ଦିରିତେକ ଚିଦ୍‌ଗିବୁଆ ମେନ୍ତେ ଇନ୍‌କୁ ହଡ଼କକେ ବର ତାଇକେନାକ ।

୨୭ ଇନ୍‌କୁ ପ୍ରେରିତ୍‌କକେ ଆଉକେଦ୍‌ତେ ମାରାଙ୍ଗ୍ ପାଞ୍ଚେଟ୍‌ରେ ତିଙ୍ଗ୍‌କେଦ୍‌କଆକ, ଆତଃ ମାରାଙ୍ଗ୍ ଯାଜାକ୍ ଇନ୍‌କୁକେ କୁଲିକେଦ୍‌କଆ, ୨୮ ☆ “ଆଲେ ଆପେକେ ନେ ହଡ଼ରାଃ ନୁଡୁମ୍‌ତେ ଆଲ୍‌ପେ ଇତୁକଆ ମେନ୍ତେ ପୁରାଃଗିଲେ ଆତୁକାଦ୍‌ପେ ତାଇକେନା, ମେନ୍‌ଦ ନେଲେପେ ଆପେ ଚିନାଃ ଚିକାକାଦାପେ, ଆପେ

☆ ୫:୨୮ ୫:୨୮ ମାଥୁଉ ୨୭:୨୫.

ଆପେୟାଃ ଇନିତୁରେ ଯୀରୁଶାଲେମ୍ବରାଃ ଚାରିୟସାଃରେ ନିତିରକାଦାପେ ଆତଃ ଏନ୍ ହଡ଼ରାଃ ମାୟୋମ୍ ନାଗେନ୍ତେ ଆପେ ଆଲେକେ ଚିଟା ନାଗେନ୍ତେପେ ସାନାଙ୍ଗତାନା ।”

୨୯ ପାଡ଼ରାସ୍ ଆତଃ ଏଟାଃ ପ୍ରେରିତ୍ କାଜିରୁହାଡ଼କେଦା, “ଆଲେ ପାର୍ମେଶ୍ଵାରକେ ମାନାତିଙ୍ଗ ଲାଗାତିୟା, ହଡ଼କକେ କାହାଗି । ୩୦ ଆପେ ଯୀଶୁକେ କ୍ରୁଶ୍ରେ କିଲାଗଏଃକିଃ ତାୟମତେ ଆବୁଆଃ ପୁରଖାହାଡ଼ାମ୍ବକଆଃ ପାର୍ମେଶ୍ଵାର୍, ଯୀଶୁକେ ଗନଏଃହେତେ ଜୀଉବିରିଦ୍ କିୟାଏ । ୩୧ ଇସ୍ରାଏଲ୍ରେନ୍ ହଡ଼କକେ ହେୟାତିଙ୍ଗକେଦତେ ପାପ୍ ଛାମା ନାମେ ନାଗେନ୍ତେ ପାର୍ମେଶ୍ଵାର୍ ଇନିଃକେ ଆଗୁଆଇ ଆତଃ ବାସ୍ତାଅନିଃ ଲେକା ଆୟାଃ ଜମ୍ତିସାଃରେ ଦହକିୟାଏ । ୩୨ ଆଲେ ନେ ସବେନ୍ କାଜିକରାଃ ଗାଞ୍ଜାକ ତାନ୍ଲେ ଆତଃ ପାର୍ମେଶ୍ଵାର୍, ଆୟାଃ ମାନାତିଙ୍ଗତାନ୍ ହଡ଼କକେ ଏମାକାଦକ୍ ପାବିତାର୍ ଆମ୍ବାହଗି ନେଆଁରାଃ ଗାଞ୍ଜାତାନିଃ ।”

୩୩ ମାରାଙ୍ଗ୍ ପାଞ୍ଚେଟ୍ରେନ୍ ହଡ଼କ ନେ କାଜି ଆୟୁମ୍ବକେଦ୍ ପୁରାଃଗି ଖୁସ୍ତାୟାକ ଆତଃ ପ୍ରେରିତ୍ କକେ ଗଗଏଃ ନାଙ୍ଗକ ସାନାଙ୍ଗକେଦା । ୩୪ ମେନ୍ଦ୍ ଗମଲିଏଲ୍ ନୁତୁମ୍ ମିଆଁଦ୍ ଫାରୁଶୀ, ଇନିଃ ଆଇନ୍ ଇତୁନିଃ ଆତଃ ସବେନ୍ ହଡ଼କତାଃଏତେ ମାଇନ୍ ନାମେତାନ୍ ହଡ଼ ତାଇକେନାଏ । ଇନିଃ ପାଞ୍ଚେଟ୍ରେ ଡିଙ୍ଗୁକେଦତେ ପ୍ରେରିତ୍ କକେ କାଟିଃ ପାଡ଼ିକାଦ୍ ବାହାରିତେ ଅତଙ୍ଗକପେ ମେନ୍ତେ ଆତୁକେଦକଆ । ୩୫ ଏନ୍ତେ ଇନିଃ ଇନ୍କୁକେ କାଜିକେଦକଆଏ, “ହେ ଇସ୍ରାଏଲ୍ରେନ୍ ହଡ଼କ, ଆପେ ନେ ହଡ଼କକେ ଚିକନାଃ ରିକାନାଙ୍ଗ୍ ସେନ୍ତାନାପେ ଏନ୍ ବିଷାଏରେ ଚିଗାଲାନାନ୍ପେ । ୩୬ ଚିୟାଃଚି ଚିମିନ୍ ମାହାଁ ସିଦାରେ ଅଉଦା ନୁତୁମ୍ ମିଆଁଦ୍ ହଡ଼ ବିରିଦ୍ କିୟାଏ ଆତଃ ଆଇଙ୍ଗ୍ ମାରାଙ୍ଗ୍ ହଡ଼ ତାନିଙ୍ଗ୍ ମେନ୍ତେ କାଜିକେଦା, ଏନ୍ତେ ଇନିଃଲଃ ଉପୁନ୍ ଶାଅ ଲେକା ହଡ଼କ ମେସାୟାନା । ମେନ୍ଦ୍ ଇନିଃ ଗଏଃୟାନ୍ତେ, ଇନିଃକେ ଅତଙ୍ଗକ୍ତାନ୍ ସବେନ୍ ଛିତିବିତିୟାନାକ ଆତଃ ଆୟାଃ ଝୁଣ୍ଡ୍ ଜିୟନ୍ କିୟାଏ । ୩୭ ଇନିୟାଃ ତାୟମତେ, ଗାଲିଲ୍ରେନ୍ ଯିହୁଦା ନୁତୁମ୍ ମିଆଁଦ୍ ହଡ଼, ନୁତୁମ୍ ଅଲ୍ ଦିପିଲିରେ ବିରିଦ୍ କିୟାଏ ଆତଃ ପୁରାଃ ହଡ଼କ ଇନିଃକେ ଅତଙ୍ଗକିୟାକ ମେନ୍ଦ୍ ଇନିଃକେହି ଗଏଃକିୟାକ, ଏନ୍ତେ ଇନିଃକେ ଅତଙ୍ଗକ୍ତାନ୍ ସବେନ୍ ଛିତିବିତିୟାନାକ । ୩୮ ଆତଃ ନାଆଃଦଇଙ୍ଗ୍ କାଜିୟାପେତାନା, ନେ ହଡ଼କକେ ଜେଡନାଃ କା ରିକାକେଦତେ ବାଗିତାକୁପେ ଆତଃ ଇନ୍କୁକେ ସେନ୍ ଇଚିକୁପେ ଚିୟାଃଚି ଇନ୍କୁଆଃ କାମି ଚାଏ ଉଦେଶ୍ ହଡ଼କଆଃ ସାଃଏତେ ତାନାଃରେଦ୍ ଏନା ଜିୟନଃଆ । ୩୯ ମେନ୍ଦ୍ ଏନା ପାର୍ମେଶ୍ଵାର୍ ସାଃଏତେ ହବାଅଃତାନ୍ରେଦ୍, ଆପେ ଇନ୍କୁକେ କାପେ ହାରାଅ ଦାଡ଼ିୟା, କା'ରେଦ୍ ଆପେ ପାର୍ମେଶ୍ଵାର୍ଲଃ ଲାଡ଼ାଇତାନ୍ ଲେକାପେ ଆଟ୍ କାରଃଆ ।”

ଏନ୍ତେ ମାରାଙ୍ଗ୍ ପାଞ୍ଚେଟ୍ରେନ୍ ହଡ଼କ ଗମଲିଏଲ୍ ଆଃ ଆନାଚୁକ ଆୟୁମ୍ବକେଦା । ୪୦ ଇନ୍କୁ ପ୍ରେରିତ୍ କକେ ହାକାଅକେଦତେ କୋରତାତେ ହାଁଶ୍ଵାକୁତାନ୍ଲଃ ଯୀଶୁଆଃ ନୁତୁମ୍ତେ ଆଲ୍ପେ କାଜିୟା ମେନ୍ତେ ଆତୁକେଦକଆକ ଆତଃ ଇନ୍କୁକେ ବାଗିକେଦକଆକ । ୪୧ ଏନ୍ତେ ପାର୍ମେଶ୍ଵାରାଃ ନେପେଲ୍ରେ ଇନ୍କୁ ଯୀଶୁଆଃ ନୁତୁମ୍ ନାଗେନ୍ତେ ହିଲାଙ୍ଗ୍ ଅଲେକାକ ଆଟ୍ କାର୍ଯ୍ୟାନା ମେନ୍ତେ ରାସ୍ କାଅଃତାନ୍ଲଃ ମାରାଙ୍ଗ୍ ପାଞ୍ଚେଟ୍ରେନ୍ ସେନଃୟାନାକ । ୪୨ ଆତଃ ଇନ୍କୁ ସବେନ୍ ହୁଲାଙ୍ଗ୍ ମାନ୍ଦିର୍ ଅଡ଼ାଃରେ ଆତଃ ହଡ଼କଆଃ ଅଡ଼ାଃରେ ଯୀଶୁ, ମାସି ତାନିଃ ମେନ୍ତେ ଇତୁତାନ୍ଲଃ ନେ ସୁକୁକାଜି ଉଦୁବ୍ ନାଙ୍ଗ୍ କାକ ବାଗିକେଦା ।



ଏୟା*ଝାନ୍ ଦେଙ୍ଗାତାନ୍କ

୧ ଚିମିନ୍ ମାହାଁ ତାୟମତେ ଚେଲାକ ପୁରାଃ ପସାଅଃତାଇକେନ୍ରେ ଗ୍ରୀକ୍ ଜାଗାର୍ତାନ୍ ଯିହୁଦୀକ, ଏବ୍ରୀ ଜାଗାର୍ତାନ୍ ଯୀହୁଦିକଲଃ ଏପରାଙ୍ଗ୍ ଯାନାକ, ଚିୟାଃଚି ଇନ୍କୁ ସବେନ୍ ହୁଲାଙ୍ଗ୍ ରାଃ ଲାଗାତିଙ୍ଗ୍ ତେୟାଃ ହାଟିଙ୍ଗ୍ରେ ରାଣ୍ଡିକୁଡ଼ିକକେ ସୁସାର୍ ନାଗେନ୍ତେ କାକ ଧ୍ୟାନ୍ କେଦକଆ । ୨ ଏନାମେନ୍ତେ ଗେଲ୍ ବାର୍ ପ୍ରେରିତ୍ ଆକଆଃ ଝୁଣ୍ଡ୍ରେନ୍ ସବେନ୍ ବିଶ୍ଵାସୀକକେ କେଡ଼ା ହୁଣ୍ଡିକେଦତେ ମେତାଦକଆକ, “ଆଲେ ପାର୍ମେଶ୍ଵାର୍ ଆଃ ବାଚାନ୍ ଉଦୁବ୍ ବାଗିକେଦତେ, ଇନ୍କୁଆଃ ସୁସାର୍ରେ ତାଇନାଲେ, ନେଆଁଦ୍ କା ବୁଗିନାଃ । ୩ ଏନାମେନ୍ତେ ହେ ହାଗା ମିଶିକ, ନେ କାମିରାଃ ବାହାରମ୍ ଏମାକ ନାଗେନ୍ତେ ଆପେୟାଃ ଆଲାଏତେ ପାବିତାର୍ ଆମ୍ବା ଆତଃ ସେଣାଁତେ ପେରେଜାକାନ୍ ଏୟାଝାନ୍ ମାଇନାନ୍ ହଡ଼କକେ ସାଲାକୁପେ । ୪ ଏନ୍ତେ ଆଲେ ବିକ୍ତି ଆତଃ ସେଞ୍ଜାକାମିରେ ପୁରା ସାମାଏଲେ ବିତାଅୟା ।”

୫ ପ୍ରେରିତ୍ କଆଃ ନେ କାଜିରେ ସବେନ୍ ସୁକୁୟାନାକ ଆତଃ ଇନ୍କୁ ବିଶ୍ଵାସ୍ ଆତଃ ପାବିତାର୍ ଆମ୍ବାତେ ପେରେଜାକାନ୍ ସ୍ତ୍ରୀମ୍ ନୁତୁମ୍ ମିଆଁଦ୍ ହଡ଼, ଆତଃ ଫିଲିପ୍, ପ୍ରଖର୍, ନିକନାର୍, ତିମୋନ୍, ପାମ୍ ନା, ଆନ୍ତିୟୋଖ୍ରେନ୍ ସାଅଁସାର୍ ହଡ଼ ନିକଲାସ୍ ଅକଏଚି ତାୟମତେ ଯିହୁଦୀ ଧାରାମରେ ମେସାୟାନା, ନେ ସବେନ୍ କକେ ସାଲାକେଦକଆକ । ୬ ଇନ୍କୁକେ ପ୍ରେରିତ୍ କଆଃ ସାମ୍ନାଙ୍ଗ୍ରେକ ଡିଙ୍ଗୁକେଦକଆ

* ୬: ୬:୧ ସାଡ଼

ଆତ୍ମ ଇନ୍ଦ୍ରିୟ ଆତ୍ମରେ ତିଷ୍ଠିତ ଦହକେଦତେ ବିକ୍ରିକେଦାକ । ୭ ନେ ଲେକାତେ ପାର୍ମେଶ୍ଵରୀଆତ୍ମ ବାଚାନ୍ ପାସ୍ତ୍ରାଅଇଦିୟାନା ଆତ୍ମ ଯୀରୁଶାଲେମ୍ରେ ଜାଲ୍ଦିଗି ତେଲାଇଆତ୍ମ ଲେକାରେ ପୁରାତ୍ମ ଆଦକାଇଦିୟାନା ଆତ୍ମ ଯାଜାକ୍ କଏତେ ପୁରାତ୍ମ ହତ୍ତକ, ଏନ୍ ବିଶ୍ଵାସ୍ତକ ମାନାତିକ୍ଷ୍ଟକେଦା ।

ସ୍ତ୍ରୀମାନ ସାନାବ୍ଦୟାନାଏ

୮ ପାର୍ମେଶ୍ଵରୀତାତ୍ମଏତେ ପୁରାତ୍ମ ଆଗିଷ୍ଟ ନାମକେଦତେ ସ୍ତ୍ରୀମାନ ପେଡେତେ ପେରେୟାନାଏ ଆତ୍ମ ହତ୍ତକଆତ୍ମ ଆଲାଇରେ ପୁରାତ୍ମ ପେଡେୟାନ୍ କାମି ଆତ୍ମ ଆକ୍ତଦାୟାଅ କାମିକ ରିକାତାଇକେନାଏ । ୯ ମେନ୍ଦ କୁରିନି ଆତ୍ମ ଆଲେକକାଣ୍ଡିଆ ନାଗାରରେ ଦାସିୟେତେ ରାଡାକାନ୍ ଯୀହୁଦିକକେ ଇଦିକେଦତେ ବାଇୟାକାନ୍ ସାମାଜ୍ ଅଡାତ୍ତରେନ୍ ଚିମିନ୍ ହତ୍ତକ ସ୍ତ୍ରୀମାନଆତ୍ମ ବିରୁଧ୍ରେ କାଜିକେଦାକ । ଇନ୍ଦ୍ରିୟ ଆତ୍ମ କିଲିକିଆରେନ୍, ଆତ୍ମ ଏସିଆରେନ୍ ଚିମିନ୍ ଯିହୁଦୀକ ବିରିଦକେଦତେ ସ୍ତ୍ରୀମାନଲ୍ତ ଏପେରାକ୍ଷ୍ଟ ଏଚେଦକେଦାକ । ୧୦ ମେନ୍ଦ ପାବିତାର୍ ଆମ୍ବା ସ୍ତ୍ରୀମାନକେ ଏମାକାଇ ସେଣ୍ଟାତେ କାଜିକତାନ୍ ତାଇକେନାଏ, ଏନାମେନ୍ତେ ଇନ୍ଦ୍ରିୟ ଇନିୟାତ୍ମ ବିରୁଧ୍ରେ ଜେଡନାତ୍ କାକ କାଜି ଦାଡିୟାନା । ୧୧ ଏନ୍ତେ “ଆଲେ ସ୍ତ୍ରୀମାନକେ ମୁଣା ଆତ୍ମ ପାର୍ମେଶ୍ଵରୀଆତ୍ମ ବିରୁଧ୍ରେ ନିୟା କାଜିତାନ୍ଲେ ଆୟୁମକିୟା” ନେଆଁ କାଜିପେ ମେନ୍ତେ ଇନ୍ଦ୍ରିୟ ଚିମିନ୍ ହତ୍ତକକେ ଟାକା ପାଏସା ଏମ୍କେଦତେ ଉସ୍ତୁରକେଦକଆକ । ୧୨ ନେଲେକାତେ ଇନ୍ଦ୍ରିୟ ହତ୍ତକକେ, ପ୍ରାଚିନକକେ, ଆତ୍ମ ଆଇନ୍ ଇତ୍ତକକେ ଉସ୍ତୁରକେଦତେ ଇନିତ୍ତକେ ସାଦକିୟାକ ଆତ୍ମ ପାଞ୍ଚେଡ୍ରେକ ଇଦିକିୟା । ୧୩ ଏନ୍ତେ ଇନ୍ଦ୍ରିୟ ଇନିୟାତ୍ମ ବିରୁଧ୍ରେ ଚିମିନ୍ ହସତ୍ତ ଗାଞ୍ଜାକକେ ତିକ୍ଷ୍ଟକେଦକଆକ, ଅକନ୍କଚି, “ନେ ହତ୍ତ ସବେନ୍ ଇମ୍ତା ଆରୁଆତ୍ମ ପାବିତାର୍ ମାନ୍ଦିର୍ ଆତ୍ମ ମୁଣାରାତ୍ମ ଆନ୍ତୁ ବିରୁଧ୍ରେ ହିଲାଇକାଜି କାଜି ନାଗେନ୍ତେ କାଏ ବାଗିତାନା” ମେନ୍ତେ କାଜିକେଦାକ । ୧୪ ଚିୟାତ୍ତ ଆଲେ, ନାଜରେଡ୍ରେନ୍ ଯୀଶୁକେ ନେ ମାନ୍ଦିର୍ ଅଡାତ୍ତକେ ଜିୟନେଆ ଆତ୍ମ ମୁଣା ଏମାକାଦୁ ରିଡିରିଖାଜକେ ବାଦଲାଇୟାଏ ମେନ୍ତେ ନେ ହତ୍ତକେ କାଜିତାନ୍ଲେ ଆୟୁମକିୟା । ୧୫ ଇମ୍ତା ପାଞ୍ଚେଡ୍ରେ ଦୁବାକାନ୍ ସବେନ୍ ହତ୍ତକ ଇନିତ୍ତକେ ମିଦ୍ଦିର୍ରେ ନେଲ୍କିୟାକ ଆତ୍ମ ଇନିୟାତ୍ମ ମେଦ୍ମୁହାଡ୍, ଦୁଡ୍ଡିଆତ୍ମ ମେଦ୍ମୁହାଡ୍ ଲେକାକ ନେଲ୍କେଦା ।



ସ୍ତ୍ରୀମାନଆତ୍ମ କାଜି

୯ ଏନ୍ତେ ମାରାକ୍ଷ୍ଟ ଯାଜାକ୍ ସ୍ତ୍ରୀମାନକେ କୁଲିକିୟାଏ, “ଚିୟାତ୍ମ ନେ କାଜିକ ସାର୍ତ୍ତ କାଜିତାନାତ୍ତ ?” ୧୦ ସ୍ତ୍ରୀମାନ କାଜିରୁହାଡ୍କିୟାଏ, “ହେ ହାଗାକ ଆତ୍ମ ଆପୁକ ଆୟୁମେପେ ! ଆରୁଆତ୍ମ ପୁରୁଖା ଆପୁ ଆରାହାମ୍ ହାରାନ୍ ସାହାରରେ ତାଇନତ୍ ସିଦାରେ, ମାନାରାକ୍ଷ୍ଟରେନ୍ ପାର୍ମେଶ୍ଵର ମେସପଚାମିଆରେ ଇନିତ୍ତକେ ଦାର୍ତ୍ତାନ୍ ଏମ୍କିୟାଏ, ୧୧ ଆତ୍ମ ଇନିତ୍ତକେ କାଜିକିୟାଏ, ‘ଆମାତ୍ମ ଅଡାତ୍ତରେନ୍କକେ ଆତ୍ମ ଦିଶ୍ଵମ୍କେ ବାଗିକେଦତେ ଆଇକ୍ଷ୍ଟ ଉଦୁବାମେ ଦିଶ୍ଵମ୍ତେ ସେନତ୍ତମେ ।’ ୧୨ ଏନ୍ତେ ଇନିତ୍ତ ଆୟାତ୍ମ ଦିଶ୍ଵମ୍ କଲ୍ଦିୟାଏତେ ଅଡାକ୍ଷ୍ଟକେଦତେ ହାରାନ୍ ଦିଶ୍ଵମ୍ରେ ତାଇନତ୍ ନାଗେନ୍ତେ ସେନତ୍ତୟାନା, ଆତ୍ମ ଆରାହାମ୍ଆତ୍ମ ଆପୁତେ ଗଏୟାନ୍ତଚି ନାହାଁଆତ୍ମ ଆପେ ଅକନ୍ ଦିଶ୍ଵମ୍ରେ ତାଇନତ୍ତାନାପେ, ଏନ୍ ଦିଶ୍ଵମ୍ତେ ପାର୍ମେଶ୍ଵର ଇନିତ୍ତକେ ଆଡକିୟାଏ । ୧୩ ଇମ୍ତା ପାର୍ମେଶ୍ଵର ଆରାହାମ୍କେ ଏନ୍ ଦିଶ୍ଵମ୍ରେ ଜେତାନ୍ ହାନାଚିକ୍ଷ୍ଟ କାଏ ଏମ୍କିୟା, ଅତେରାତ୍ ମିଦ୍ଦାଗ୍ଣାକ୍ଷ୍ଟି କାଏ ଏମ୍କିୟା, ମେନ୍ଦ ଇନିୟାତ୍ମ ହନ୍ଗାଁଣା କାକ ତାଇକେନ୍ରେୟ ପାର୍ମେଶ୍ଵର ଇନିତ୍ତକେ ଆତ୍ମ ଆୟାତ୍ମ ହିକ୍ଷ୍ଟତାନ୍ ପିଡ୍ରେନ୍କକେ ଏନ୍ ଦିଶ୍ଵମ୍କେ ଆକ୍ତେୟାତ୍ତରେ ନାକ୍ଷ୍ଟ ଏମାପେୟାକ୍ଷ୍ଟ ମେନ୍ତେ ବାନାର୍ତ୍ତା ଏମାକାଦ୍ ତାଇକେନାଏ । ୧୪ ପାର୍ମେଶ୍ଵର ନେଲେକାଏ କାଜିକାଇ ତାଇକେନା, ‘ଆମାତ୍ମ ହନ୍ଗାଁଣାକ ଦାସିୟାତ୍ମ ଆତ୍ମ ଏଚାତ୍ ଦିଶ୍ଵମ୍ରେକ ତାଇନା ଏନ୍ତେ ଉପୁନ୍* ଶାଅ ସିମା ପୁରାତ୍ମ ସିଗିଦତ୍ତା । ୧୫ ମେନ୍ଦ ଇନ୍ଦ୍ରିୟ ଅକ୍ ହତ୍ତକଆତ୍ମ ସେଞ୍ଜା ରିକାକଆକ, ଆଇକ୍ଷ୍ଟ ଏନ୍ ହତ୍ତକଆତ୍ମ ବିଚାର୍ ରିକାଏୟାକ୍ଷ୍ଟ, ଏନ୍ତାୟମ୍ତେ ଆପେୟାତ୍ କିଲିକ ଏନ୍ ଦିଶ୍ଵମ୍ଏତେକ ଅଡାକ୍ଷ୍ଟାଁ ଆତ୍ମ ନେ ଠାୟାଦ୍ରେ ଆଇୟାତ୍ ସେଞ୍ଜା ରିକାଏୟାକ ।’ ମେନ୍ତେ ପାର୍ମେଶ୍ଵର କାଜିକେଦାଏ । ୧୬ ଏନ୍ତେ ପାର୍ମେଶ୍ଵର, ଆରାହାମ୍ଲ୍ତ ମିଆଁଦ୍ ରାଜିନାମାରେୟାତ୍ ଚିହ୍ନାଁ ଲେକା ଖାଡ୍ନାଅରେୟାତ୍ ଆନ୍ତୁ ତଲ୍କେଦା । ଏନାତେ ଆରାହାମ୍, ଆୟାତ୍ମ ହନ୍ ଇସାକ୍ଆତ୍ମ ଜାନାମ୍ରେୟାତ୍ ମିଦ୍ ହାପ୍ତା ତାୟମ୍ତେ ଆରାହାମ୍ ଇନିତ୍ତକେ ଖାଡ୍ନାଅକିୟାଏ, ଇସାକ୍ ଆୟାତ୍ମ ହନ୍ ଯାକ୍ଷ୍ଟକେ ଆତ୍ମ ଯାକ୍ଷ୍ଟ ଆୟାତ୍ମ ଗେଲ୍ବାର୍ତ୍ତ ହନ୍କକେ ଖାଡ୍ନାଅକେଦକଆ, ଅକନ୍କଚି ଆରୁଆତ୍ମ ପୁରୁଖା ହାଡାମ୍କତାନ୍କ ।

୧୭ “ଯାକ୍ଷ୍ଟଆତ୍ମ ହନ୍କ ଆକ୍ତାତ୍ମ ହାଗା ଯୋଷେଫ୍କେ ହିସ୍ତାକିୟାକ ଆତ୍ମ ଇନିତ୍ତକେ ମିସାର୍ ଦିଶ୍ଵମ୍ତେ ଦାସିୟାତ୍ ନାଗେନ୍ତେ ଆଖ୍ରିକ୍ଷ୍ଟକିୟାକ । ମେନ୍ଦ ପାର୍ମେଶ୍ଵର ଇନିତ୍ତକେ ତାଇକେନା, ୧୮ ଆତ୍ମ ସବେନ୍ ଦୁକ୍ଷ୍ଟ ହାସ୍ତଏତେ ଇନିତ୍ତକେ ସୁତ୍ତୁତ୍ ଆଡକିୟାଏ । ଚିମ୍ତା ଯୋଷେଫ୍ ମିସାର୍ ଦିଶ୍ଵମ୍ରେନ୍

* ୭:୭ ୭:୭ ଚାଇର୍ † ୭:୮ ୭:୮ ବାରା

ଫାରୋ ରାଜାରାଃ ହେପାଦତେ ହିନ୍ଦୁଃୟାନା, ଇମତା ପାରମେଶ୍ଵାର୍ ଇନିଃକେ ସୁକୁଆନ୍ ଚାଲଲ୍ ଚାଲାନ ଆତଃ ସେଣ୍ଠା ଏମ୍‌କିୟାଏ, ଆତଃ ରାଜା, ଯୋଷେଫ୍‌କେ ମିସାର୍ ଦିଶୁମ୍‌ରେୟାଃ ଚାଲାନିଃ ଆତଃ ସବେନ୍ ଅଡ଼ାଃରେନ୍ ହାକିମ୍ ଲେକାଏ ବାଈକିୟା । ୧୧ ଏନ୍ତେ ଗଟା ମିସାର୍ ଆତଃ କିନାନ୍ ଦିଶୁମ୍‌ରେ ରିଙ୍ଗାୟାନ୍‌ତେ ହଡ଼କ ପୁରାଃ ଦୁକୁ ସାହାତିଙ୍ଗ୍‌କେଦାକ । ଆବୁଆଃ ପୁରୁଖା ହାଡ଼ାମ୍‌କ ଜେତାନ୍ ଜମେୟାଃ କାକ ନାମ୍ ଦାଡ଼ିକେଦା । ୧୨ ମେନ୍‌ଦ ଯାକୁବ୍ ମିସାର୍‌ରେ ଜମେୟାଃ ନାମଃତାନା ମେନ୍ତେ ଆୟୁମ୍‌କେଦତେ, ଆୟାଃ ହନ୍‌କ, ଅକନ୍‌କଟି ଆବୁଆଃ ପୁରୁଖାହାଡ଼ାମ୍ ହଡ଼କ ତାନ୍‌କ, ଇନ୍‌କୁକେ ପାହିଲାତେ ମିସାର୍ ଦିଶୁମ୍‌ତେ କୁଲ୍‌କେଦକଆ । ୧୩ ମିସାର୍‌ତେ ଇନ୍‌କୁ ବାର୍‌ସାତେ ସେନ୍‌କେନାକ ଇମତା ଯୋଷେଫ୍ ଆୟାଃ ହାଗାକତାଃରେ ନେପେଲ୍ ଉପୁରୁମ୍‌ୟାନା ଆତଃ ମିସାର୍‌ରେନ୍ ରାଜା ଫାରୋ ଯୋଷେଫ୍‌ଆଃ ଅଡ଼ାଃରେନ୍‌କଆଃ ବିଷାଏରେ ସାରିୟାନା । ୧୪ ଏନ୍ତେ ଯୋଷେଫ୍ ଆୟାଃ ଆପୁ ଯାକୁବ୍ ଆତଃ ଆୟାଃ ଅଡ଼ାଃରେନ୍ ସବେନ୍‌କକେ ମିସାର୍‌ତେ କେଡ଼ାକେଦକଆ, ଇନ୍‌କୁ ଆପିହିସିଃ ଗେଲ୍‌ମେୟାଃ ହଡ଼କ ତାଈକେନା । ୧୫ ଏନ୍ତେ ଯାକୁବ୍ ମିସାର୍‌ତେ ସେନଃୟାନା, ଏନ୍ତାଃରେ ଆଇଃକ୍ ଆତଃ ଆୟାଃ ହନ୍‌କ ଗଏଃୟାନା । ୧୬ ଇନ୍‌କୁଆଃ ଗଏଃ ହଡ଼ମ୍‌କେ ଶିଶୁମ୍‌ତେକ ଇଦିକେଦା ଆତଃ ଆବ୍ରାହାମ୍, ହାମର୍ ହଡ଼କତାଃଏତେ କିରିଙ୍ଗାକାଦ୍ ତପାଗାଡ଼ାରେ ଇନ୍‌କୁକେ ତପାକେଦକଆ ।

୧୭ “ପାରମେଶ୍ଵାର୍ ଆବ୍ରାହାମ୍‌କେ ଅକନ୍ ବାନାର୍‌ସା ଏମାକାଈ ତାଈକେନାଏ, ଏନା ପୁରାଅଃରେୟାଃ ଦିପିଲି ନାଡ଼େଃୟାନ୍‌ଟି ଆବୁଆଃ ହଡ଼କ ମିସାର୍ ଦିଶୁମ୍‌ରେ ପୁରାଃଗିକ ପସାୟାନା । ୧୮ ଟୁଶୁରେ ଯୋଷେଫ୍ ବିଷାଏରେ କାଏ ସାରିତାନ୍ ମିଆଁଦ୍ ରାଜା ମିସାର୍ ଦିଶୁମ୍‌ରେ ରାଈକ୍‌କେଦା । ୧୯ ଇନିଃ ଆବୁଆଃ ପୁରୁଖା ହାଡ଼ାମ୍‌କକେ ପୁରାଃଗି ସାସାତିକେଦତେ ସିଗିଦ୍‌କେଦକଆ ଆତଃ ଇନ୍‌କୁଆଃ ବାଲେଃହନ୍‌କ ଆଲକାକ ଜାହୁଦଃକା ମେନ୍ତେ ଇନ୍‌କୁକେ ଏଣ୍ଡାଃରିକାକେଦକଆ । ୨୦ ଏନ୍ ଦିପିଲିରେ ମୁଣା ଜାନାମ୍‌ୟାନାଏ, ଇନିଃ ପାରମେଶ୍ଵାର୍ ନେପେଲ୍‌ରେ ପୁରାଃ ସୁଗାଡ଼ାନ୍‌ଗି ତାଈକେନା । ଇନିଃ ଆପି ମାହୁଁନା ଆପୁତେୟାଃ ଅଡ଼ାଃରେ ଆସୁଲ୍‌ୟାନା, ୨୧ ଆତଃ ଏନ୍ ହନ୍‌କେ ଅଡ଼ାଃଏତେ ବାହାରିରେକ ଦହକିୟା ଇମତା, ଫାରୋରାଃ ହଡ଼େକୁଡ଼ି ଇନିଃକେ ନାମ୍‌କେଦତେ ଆୟାଃ ହନ୍ ଲେକାଏ ଆସୁଲ୍‌କିୟା । ୨୨ ଆତଃ ମୁଣା ମିସାର୍‌ରେନ୍ ସବେନ୍ ହଡ଼କଆଃ ସେଣ୍ଠାତେ ଇତୁୟାନା ଆତଃ ଆୟାଃ କାଜି କାମିରେ ପୁରାଃଗି ମାରାଙ୍ଗ୍ ହଡ଼ ହବାୟାନାଏ ।

୨୩ “ମୁଣା ବାର୍‌ହିସି* ବାରାଷ୍‌ରେନ୍ ହବାୟାନାଏ, ଇମତା ଇନିଃ ଆୟାଃ ଇସ୍ରାଏଲ୍‌ରେନ୍ ହାଗାକକେ ମିସାର୍‌ରେନ୍ ହଡ଼କ ଚିଲ୍‌କାକ ନେଲ୍‌କତାନା, ଏନା ସାରିନାମ୍ ନାଗେନ୍ତେ ମନ୍‌ସୁରୁଦ୍‌ରେ ଉହାଟ୍‌କେଦା । ୨୪ ଇନିଃ ଇନ୍‌କୁଏତେ ମିହୁଡ଼ନିଃକେ ଅନ୍ୟାୟ ରିକାଈତାନ୍ ନେଲ୍‌କିଃତେ ଦେଙ୍ଗାଈ ନାଙ୍ଗ୍ ମିସାର୍‌ରେନ୍ ହଡ଼କେ ବାଦ୍‌ଲା ଇଦିତାନ୍‌ଲଃ ଇନିଃକେ ଗଏଃକିୟା । ୨୫ ଆୟାଃ ହରାତେ ଆୟାଃ ହଡ଼କକେ ବାଞ୍ଚାଅକ ନାଗେନ୍ତେ ପାରମେଶ୍ଵାର୍ ଆଇଃକ୍‌କେ ବେଭାରିତାନା, ଏନା ଇନ୍‌କୁ ଆଟ୍‌କାର୍ ଉରୁମ୍‌କେଦା । ୨୬ ଇନିଃ ଏଟାଃ ହୁଲାଙ୍ଗ୍ ବାର୍‌ହଡ଼ ଇସ୍ରାଏଲ୍ ହଡ଼କିନ୍‌କେ ଲାପ୍‌ଡ଼ାଈତାନ୍ ନେଲ୍‌କେଦକିନାଏ, ଆତଃ ଏନ୍ ବାରାନ୍‌କିନ୍ ମେସାଅଃକାକିନ୍ ମେନ୍ତେ ସାନାଙ୍ଗ୍‌ତାନ୍‌ଲଃ କାଜିକେଦକିନାଏ, ‘ଆୟୁମ୍‌ବେନ୍, ଆବେନ୍ ବାରାନ୍‌କିନ୍ ହାଗାତାନ୍‌ବେନ୍ ଚିନାଃମେନ୍ତେବେନ୍ ଲାପ୍‌ଡ଼ାଈତାନା ?’ ୨୭ ମେନ୍‌ଦ ଅକନ୍ ହଡ଼ ଏଟାଃ ମିହୁଡ଼କେ ଅନ୍ୟାୟ ରିକାଈ ତାଈକେନାଏ, ଇନିଃ ମୁଣାକେ ଇଲିଙ୍ଗ୍‌କେଦତେ କୁଲିକିୟା, ‘ଆଲିଙ୍ଗ୍‌ୟାଃ ହାକିମ୍ ଆତଃ ବିଚାର୍‌ନିଃ ହବାଅଃ ନାଙ୍ଗ୍ ଅକଏ ଆମ୍‌କେ ସାଲାକାଦ୍‌ମେୟା ?’ ୨୮ ‘ହଲା ଏନ୍ ମିସାର୍‌ରେନ୍ ହଡ଼କେମ୍ ଗଏଃକିଃ ଲେକା ଆମ୍ ଚିନାଃ ଆଇଙ୍ଗ୍‌କେ ଗଗଏଃ ସାନାଙ୍ଗ୍‌ତାନାମ୍ ?’ ୨୯ ମୁଣା ଏନ୍ କାଜି ଆୟୁମ୍‌କେଦତେ, ମିସାର୍ ଦିଶୁମ୍‌ଏତେ ନିର୍‌ୟାନା ଆତଃ ମିଦିୟନ୍ ଦିଶୁମ୍‌ରେ ତାଈନ୍‌ୟାନା । ଏନ୍ତାଃରେ ଆୟାଃ ବାରିଆ ହନ୍‌କିନ୍ ଜାନାମ୍‌ୟାନା ।

୩୦ “ବାର୍‌ହିସି ବାରାଷ୍ ପୁରାୟାନ୍ ତାୟମ୍‌ତେ, ସିନାଈ ବୁରୁ ହେପାଦ୍‌ରେୟାଃ ବିର୍‌ରେ ପାରମେଶ୍ଵାର୍‌ଆଃ ମିଆଁଦ୍ ଦୁଡ଼୍ ଟୁପାଦ୍‌ରାଃ ସେଙ୍ଗେଲ୍ ଜୁନ୍‌ଲ୍‌ରେ ମୁଣାତାଃରେ ଉଦୁବେନ୍‌ୟାନା । ୩୧ ମୁଣା ଏନା ନେଲ୍‌କେଦତେ ପୁରାଃଗି ହାଏକାଟ୍‌ୟାନା ଆତଃ ଇନିଃ ବୁଗିଲେକା ନେଲେ ନାଗେନ୍ତେ ଟୁପାଦ୍ ନାଡ଼େଃତେ ସେନଃୟାନା । ମେନ୍‌ଦ ଇନିଃ ପ୍ରାଭୁଆଃ ଲାବ୍‌ଜା ଆୟୁମ୍‌କେଦାଏ, ୩୨ ‘ଆଇଙ୍ଗ୍ ଆପେୟାଃ ପୁରୁଖା ହାଡ଼ାମ୍ ଆବ୍ରାହାମ୍, ଇସାକ୍, ଆତଃ ଯାକୁବ୍‌ଆଃ ପାରମେଶ୍ଵାର୍ ତାନିଙ୍ଗ୍ ।’ ମୁଣା ବରତେ ଏକ୍‌ଲାୟାନା ଆତଃ ନେଲ୍ ନାଗେନ୍ତେ କାଏ ସାହାସ୍‌କେଦା । ୩୩ ପ୍ରାଭୁ ଇନିଃକେ କାଜିକିୟା, ‘ଖାର୍‌ପାତାମାଃ ହଲେଜେମେ, ଚିୟାଃଟି ଆମ୍ ତିଙ୍ଗୁଆକାନ୍ ଠାୟାଦ୍ ପାବିତାର୍ ଅତେ ତାନାଃ । ୩୪ ଆଇଙ୍ଗ୍ ମିସାର୍‌ରେ ଆଇଁୟାଃ ହଡ଼କଆଃ ସାସାତିକଇଙ୍ଗ୍ ନେଲକାଦା । ଇନ୍‌କୁଆଃ ରାଆଃ ଗେରାଙ୍ଗ୍‌କଇଙ୍ଗ୍ ଆୟୁମ୍‌କାଦା ଆତଃ

‡ ୭:୧୪ ୭:୧୪ ଷାଠିଏ § ୭:୧୪ ୭:୧୪ ପାଦ୍‌ରା * ୭:୨୩ ୭:୨୩ ଚାଲିଙ୍ଗ୍

ଇନକୁକେ ତନଲ୍‌ଦାସିଏତେ ରାଡ଼ାକ ନାଗେନ୍ତେଇଙ୍ଗ୍ ଆଡ଼ଗୁଆକାନା । ନାହାଁଃ ହିଜୁଃମେ, ଆଇଙ୍ଗ୍ ଆମ୍‌କେ ମିସାର୍‌ତେଇଙ୍ଗ୍ କୁଲ୍‌ମେୟା ।’

୩୫ “ଅକଏ ଆମ୍‌କେ ଆଲେୟାଃ ହାକିମ୍ ଆତଃ ବିଚାର୍‌ନିଃ ହବାଅଃ ନାଙ୍ଗ୍ ସାଲାକାଦମାଏ ?” ମେନ୍ତେକ କୁଲିକାଇ ଏନ୍ ମୁଗାଗି ଇସ୍ରାଏଲ୍ ହଡ଼କତାଃଏତେ ହିଲାଙ୍ଗ୍‌କାନ୍ ତାଇକେନା । ଇନିଃକେ ପାର୍‌ମେଶ୍‌ବାର୍ ରୁପାଦରାଃ ସେଙ୍ଗେଲ୍ ଜୁନୁଲ୍‌ତେ ଉଦୁବାକାନ୍ ଦୁଡ଼ିଆଃ ଦେଙ୍ଗାତେ ହଡ଼କଆଃ ହାକିମ୍ ଆତଃ ଇନକୁକେ ତନଲ୍‌ଏତେ ରାଡ଼ାକ ନାଗେନ୍ତେ କୁଲ୍‌କିୟା । ୩୬ ଇନିଃ ମିସାର୍‌ରେ ଆତଃ ସୁଫ୍ ଦରେୟାରେ ପୁରାଃ ଆକ୍‌ଦାନ୍‌ଆ କାମିକ କାମିକେଦ୍‌ତେ ହଡ଼କକେ ମିସାର୍ ଦିଶୁମ୍‌ଏତେ ଅତଙ୍ଗ୍‌କେଦ୍‌କଆ, ଆତଃ ବାର୍‌ହିସି ବାରାଷ୍ ଜାକେଦ୍ ବିର୍‌ରେ ସୁଡ଼ୁଃ ଆଉକେଦ୍‌କଆ । ୩୭ ମୁଗା ଆଇଃକ୍‌ଗି ଇସ୍ରାଏଲ୍‌ରେନ୍ ହଡ଼କକେ କାଜିୟାଦ୍‌କଆ, ‘ପାର୍‌ମେଶ୍‌ବାର୍ ଆଇଙ୍ଗ୍‌କେ କୁଲାକାଦିଙ୍ଗ୍ ଲେକାଗି, ଆପେତାଃତେ ମିଆଁଦ୍ ନାବୀକେ କୁଲିୟା, ଇନିଃ ଆପେୟାଃ ହଡ଼କଏତେ ମିହୁଡ଼୍ ହବାଅଃଆଏ ।’ ୩୮ ଏନ୍ ମୁଗାଗି ବିର୍‌ରେ ହୁଣ୍ଡିୟାକାନ୍ ଇସ୍ରାଏଲ୍ ହଡ଼କଲଃ ତାଇକେନାଏ । ଇନିଃ ସିନାଇ ରୁରୁରେ ଆରୁଆଃ ପୁରୁଶା ହାଡ଼ାମ୍‌କଲଃ ଆତଃ ଇନକୁଲଃ ଜାଗାର୍‌ତାନ୍ ଦୁଡ଼ିଲଃ ତାଇକେନାଏ ଆତଃ ଆରୁତାଃରେ ଉଦୁବେ ନାଗେନ୍ତେ ଇନିଃ ପାର୍‌ମେଶ୍‌ବାର୍‌ତାଃଏତେ ଜାନିଦ୍ ବାତାନ୍ ତେଲାକେଦାଏ ।

୩୯ “ମେନ୍‌ଦ ଆରୁଆଃ ପୁରୁଶା ହାଡ଼ାମ୍‌କ ଇନିଃକେ କାକ ମାନାଡିଙ୍ଗ୍‌କେନା, ଇନକୁ ଇନିଃକେ ଉଦୁର୍ ଗେନାକେଦ୍‌ତେ ମିସାର୍‌ତେ ରୁହାଡ଼୍ ନାଗେନ୍ତେକ ମନ୍‌ସୁରୁଦ୍‌ରେ ଉଡ଼ୁକେଦା । ୪୦ ଏନାମେନ୍ତେ ଇନକୁ ହାରୁନ୍‌କେକ କାଜିକିୟା, ‘ନାହାଁଃ ଆଲେକେ ସୁଡ଼ୁଃ ଇଦି ନାଗେନ୍ତେ ଚିମିନ୍ ମାହାପୁରୁକେକ ବାଇକମ୍ । ଆଲେକେ ମିସାର୍ ଦିଶୁମ୍‌ଏତେ ଅତଙ୍ଗ୍ ଆଉକାଦ୍‌ଲେ ଏନ୍ ମୁଗାଦ୍ ଚିନାଃ ଚିକାୟାନାଏ ଏନା କାଲେ ସାରିୟା ।’ ୪୧ ଏନ୍ତେ ଏନ୍ ଦିପିଲିରେ ଇନକୁ ମିଆଁଦ୍ ଦାମ୍‌ରୁହନ୍‌ରାଃ ମୁରୁଡ଼୍ ବାଇକିୟାକ ଆତଃ ଏନ୍ ଦାମ୍‌ରୁହନ୍ ନାଗେନ୍ତେ ଦାଣ୍ଟି ରାକାବ୍‌କେଦାକ । ଏନ୍ତେ ଆକଗି ବାଇୟାକାଦ୍ ଏନ୍ ମୁରୁଡ଼୍‌ରାଃ ମାଇନଃ ନାଗେନ୍ତେ ମିଆଁଦ୍ ଭୋଜି ଜମ୍‌କେଦାକ । ୪୨ ଏନାତେ ପାର୍‌ମେଶ୍‌ବାର୍ ଇନକୁତାଃଏତେ ସାଙ୍ଗିନ୍‌ୟାନା ଆତଃ ଇନକୁକେ ସିର୍‌ମାରେନ୍ ଇପିଲ୍‌କେକ ସେଞ୍ଜା ନାଗେନ୍ତେ ବାଗିକେଦ୍‌କଆ । ନେ’ଲେକା ନାବୀକଆଃ ପୁଅ୍‌ରେ ଅଲ୍‌କାନା,

“ହେ ଇସ୍ରାଏଲ୍‌ରେନ୍ ହଡ଼କ,
ଆପେ ବାର୍‌ହିସି ବାରାଷ୍ ଜାକେଦ୍ ବିର୍‌ରେ ଆଇଁୟାଃ ନାଗେନ୍ତେ
ଜାଁତୁକଆଃ ଦାଣ୍ଟି କାପେ ରାକାବ୍ ।

୪୩ ମେନ୍‌ଦ ସେଞ୍ଜା ନାଗେନ୍ତେ ଆପେ ଅକନ୍ ମୁରୁଡ଼୍‌କେ ବାଇକିୟାପେ,
ଆତଃ ଏନ୍ ମାଲେଖ୍ ମାହାପୁରୁଆଃ କୁମ୍‌ମା
ଆତଃ ଇପିଲ୍ ମାହାପୁରୁ, ରମ୍‌ପାରାଃ ମୁରୁଡ଼୍‌କେପେ ଗଅଃକେଦା ।

ଏନାମେନ୍ତେ ଆଇଙ୍ଗ୍ ବାବିଲୋନ୍‌ରେୟାଃ ହାନ୍ ପାରମ୍‌ତେଇଙ୍ଗ୍ ତଲ୍ କୁଲ୍‌ପେୟା ।’

୪୪ “ବିର୍‌ରେ ଆରୁଆଃ ହାଡ଼ାମ୍ ହଡ଼କଲଃ ପାର୍‌ମେଶ୍‌ବାର୍‌ଆଃ ତାଇନଃ କୁମ୍‌ମା ତାଇକେନା । ପାର୍‌ମେଶ୍‌ବାର୍, ମୁଗାକେ ବାଇ ନାଗେନ୍ତେ ଆରୁକାଇ ତାଇକେନ୍ ଲେକାଗି ବାଇୟାକାଦ୍ ତାଇକେନାଏ ଆତଃ ମୁଗାକେ ଉଦୁବାକାଇ ନାମୁନା ଲେକାଗି ବାଇୟାକାନ୍ ତାଇକେନା । ୪୫ ତାୟମ୍ ଦିପିଲିକରେ ଆରୁଆଃ ପୁରୁଶା ହାଡ଼ାମ୍‌କ ଆକଆଃ ଆପୁକତାଃଏତେ ନାମାକାଦ୍, ଏନ୍ କୁମ୍‌ମାକେ ଯିହୋଶୁୟଲଃ ଗଅଃକେଦ୍‌ତେ ସେନ୍ ଆୟାର୍‌ୟାନାକ ଆତଃ ପାର୍‌ମେଶ୍‌ବାର୍‌ତେ ହାରାଅକାନ୍ ଏଟାଃ ହଡ଼କଆଃ ଦିଶୁମ୍‌କେକ ଆକ୍‌ତେୟାର୍‌କେଦା । ଆତଃ ଏନ୍ କୁମ୍‌ମା ଦାଉଦ୍‌ଆଃ ପାରିୟା ଜାକେଦ୍ ତାଇନ୍‌କେନା । ୪୬ ଦାଉଦ୍, ପାର୍‌ମେଶ୍‌ବାର୍‌ଆଃ ନେପେଲ୍‌ରେ ସୁକୁଆନ୍‌ଗି ନେଲଃୟାନା, ଏନ୍ତେ ଇନିଃ ଯାକୁବ୍‌ଆଃ ପାର୍‌ମେଶ୍‌ବାର୍ ନାଗେନ୍ତେ ମିଆଁଦ୍ ତାଇନଃ ଠାୟାଦ୍ ବାଇ ଇଚିଇଙ୍ଗ୍‌ମେ ମେନ୍ତେ କୁଲିକିୟା । ୪୭ ମେନ୍‌ଦ ସୁଲିମାନ୍ ଇନିୟାଃ ନାଗେନ୍ତେ ମିଆଁଦ୍ ଅଡ଼ାଃ ବାଇକେଦାଏ ।

୪୮ “ମେନ୍‌ଦ ହଡ଼ ବାଇୟାକାଦ୍ ଅଡ଼ାଃରେ ସାଲାଙ୍ଗି ଉତାର୍ ପାର୍‌ମେଶ୍‌ବାର୍ କାଏ ତାଇନା । ନାବୀ ନେ ଲେକାଏ କାଜିକାଦା,

୪୯ “ପ୍ରାଭୁ କାଜିତାନାଏ, ‘ସିର୍‌ମା ଆଇଁୟାଃ ରାଜଗାଦି ତାନାଃ,
ଆତଃ ଅତେ ଆଇଁୟାଃ କାଟାରେୟାଃ ଗାଣ୍ଡୁ ତାନାଃ ।
ଆପେ ଆଇଁୟାଃ ନାଗେନ୍ତେ ଚିଲ୍‌କାନ୍ ଅଡ଼ାଃପେ ବାଇୟା ?
ଆଇଁୟାଃ ରୁଡ଼ୁ ନାଗେନ୍ତେ ଠାୟାଦ୍ କତାଃରେୟା ?

୫୦ ନେ ସବେନାଃ ଚିନାଃ ଆଇଙ୍ଗ୍‌ଗି କାଇଙ୍ଗ୍ ବାଇୟାକାଦା ?”

† ୭:୩୬ ୭:୩୭ ଆରାଃ ଦରେୟା ‡ ୭:୪୭ 7:46 ଚିମିନ୍ ମାରି ଅନଲ୍‌ରେ “ଯାକୁବ୍‌ଆଃ ପାର୍‌ମେଶ୍‌ବାର୍” କେ ଇସ୍ରାଏଲ୍‌ରେନ୍ ହଡ଼କ ମେନ୍ତେ ଅଲ୍‌କାନା

୫୧ “ସ୍ତ୍ରୀମାନ ଆତ୍ମାଗଣ କାଜିକେଦା, ଆପେ ଚିମିନ୍ତା କା ମାନାତିକ୍ଷତାନ୍ ହତକ ତାନପେ ! ଆପେୟାଃ ମନସ୍ତୁରଦକ ପୁରାଣି ସତରାଗିୟା ଆତ୍ମ ପାରମେଶ୍ଵରଆଃ ବାଚାନ୍ ନାଜ୍ ଆପେ ପୁରାଣି କା ଆୟୁମ୍ ହତକ ତାନପେ ! ଆପେ ଆପେୟାଃ ପୁରୁଷା ହାତ୍ତାମକ ଲେକାଃପେ, ଆପେୟାଗି ସବେନ୍ ଇମତା ପାବିତାର୍ ଆମ୍ବାରାଃ ବିରୁଧରେ କାଜିତାନାପେ । ୫୨ ଆପେୟାଃ ପୁରୁଷା ହାତ୍ତାମକଆଃ ହରାତେ କା ସାସାତିକାନ୍ ଜେତା ନାବୀ ମେନାକଆ ଚି ? ଧାର୍ମାନ୍ ଦାସିଆଃ ହିନିଜୁଃ ବିଷାଏରେ, ସିଦାରେ ଉଦୁବାକାଦ୍ ପାରମେଶ୍ଵରଆଃ କାଜିକୁଲକକେ ଆପେୟାଃ ପୁରୁଷା ହାତ୍ତାମକ ଗଏଃକେଦକଆକ । ଆତ୍ମ ନାହାଃ ଆପେ ଇନିଃକେ ବାଈରକଆଃ ତିଃଈରେ ଜିମାକେଦତେ ଗଏଃକିୟାପେ । ୫୩ ଆପେ ଦୁଠକଆଃ ହରାତେ ଏମାକାନ୍ ପାରମେଶ୍ଵରଆଃ ଆନ୍ତୁପେ ନାମାକାଦା, ଏନ୍ରେୟ ଆପେ ଏନାକେ କାପେ ମାନାତିକ୍ଷକେଦା ।”

ଦିରି ଚିଦ୍ଗିତେ ସ୍ତ୍ରୀମାନଆଃ ଗନଏଃ

୫୪ ମାରାଜ୍ ପାଞ୍ଚେଟ୍ରେନ୍ ହତକ ସ୍ତ୍ରୀମାନଆଃ ନେ କାଜିକ ଆୟୁମ୍କେଦତେ ପୁରାଣିକ ଖୁସ୍ତାନା ଆତ୍ମ ଆୟାଃ ନାଗେନ୍ତେ ଖୁସ୍ତେ ତାଟା ହାବକେଦାକ । ୫୫ ମେନ୍ଦ ସ୍ତ୍ରୀମାନ୍ ପାବିତାର୍ ଆମ୍ବାତେ ପେରେୟାନ୍ଲଃ ସିମାତେ ଆରିଦରାକାବକେଦା ଏନ୍ତେ ପାରମେଶ୍ଵରଆଃ ମାନାରାଜ୍ ଆତ୍ମ ଯୀଶୁକେ ପାରମେଶ୍ଵରଆଃ ଜମତିସାଃରେ ତିକ୍ଷୁଆକାନାଏ ନେଲକିୟା । ୫୬ ଆତ୍ମ ଇନିଃ କାଜିକେଦାଏ, “ନେଲେପେ, ଆଇଜ୍ ସିମା ନିଜାକାନ୍ ଆତ୍ମ ମାନଖାହନ୍କେ ପାରମେଶ୍ଵରଆଃ ଜମତିସାଃରେ ତିକ୍ଷୁଆକାନ୍ ନେଲିତାନାଇଜ୍ ।”

୫୭ ମାରାଜ୍ ପାଞ୍ଚେଟ୍ରେନ୍ ହତକ ପୁରାଃ କାଉରିତାନ୍ଲଃ ନେ କାଜି କା ଆୟୁମେ ନାଗେନ୍ତେ ଆକଆଃ ଲୁତୁରେ ତିଃଈ ଦହକେଦାକ । ଏନ୍ତେ ଇନ୍କୁ ସବେନ୍କ ମିଦ୍ୟାନ୍ତେ ଆୟାଃ ହେପାଦତେ ନିରକେଦାକ, ୫୮ ଆତ୍ମ ଇନ୍କୁ ସାହାରହେତେ ବାହାରି ଆଇଜକେଦତେ ଆୟାଃ ଚେତାନ୍ରେ ଦିରି ଚିଦ୍ଗିକିୟାକ । ହସତ୍ ଗାଞ୍ଜା ଏମ୍ ହତକ ଶାଉଲ୍ ନୁତୁମ୍ ମିଆଁଦ୍ ସେପେଡେଦ୍ଆଃ ଜିମାରେ ଇନ୍କୁଆଃ ଲିଜାଈକ ବାଗିକେଦା । ୫୯ ଇନ୍କୁ ସ୍ତ୍ରୀମାନଆଃ ଚେତାନ୍ରେ ଦିରି ଚିଦ୍ଗିକେଦ୍ ଇମତା ଇନିଃ ପ୍ରାଭୁକେ ବିକ୍ତିକେଦତେ କାଜିକିୟା, “ହେ ପ୍ରାଭୁ ଯୀଶୁ, ଆଇୟାଃ ଆମ୍ବାକେ ତେଲାଏମେ ।” ୬୦ ଇନିଃ ଇକ୍ଡମ୍କେଦତେ ପୁରାଃ କାଉରିତାନ୍ଲଃ କାଜିକେଦା, “ହେ ପ୍ରାଭୁ, ଇନ୍କୁଆଃ ବିରୁଧରେ ନେ ପାପ୍ ଆଲମ୍ ପାହେମେୟା ।” ନେୟା କାଜିକେଦତେ ଜୀଉତାୟାଃ ଚୁଣ୍ଟୁକେଦା । ସ୍ତ୍ରୀମାନଆଃ ଗଗଏଃରେ ଶାଉଲ୍ ମିଦ୍ମନ୍ୟାନାଏ ।



ଶାଉଲ୍ କାଲିସିୟାକେ ସାସାତିକେଦା

୧ ଶାଉଲ୍ ସ୍ତ୍ରୀମାନଆଃ ଗଗଏଃରେ ମିଦ୍ମନ୍ୟାନାଏ । ଏନ୍ ହୁଲାଜ୍ତାଃଏତେ ଯୀରୁଶାଲେମରେୟାଃ କାଲିସିୟାକରେ ପୁରାଣି ସାସାତିକ ଏନେଚେଦ୍ୟାନା । ପ୍ରେରିତ୍କକେ ବାଗିକେଦତେ ଏଟାଃ ସବେନ୍ ବିଶ୍ଵାସୀକ ଯିହୁଦା ଆତ୍ମ ଶମିରୋନ୍ ପାରଗାନ୍ରେ ଛିତିବିତିୟାନାକ । ୨ ଚିମିନ୍ ଧାର୍ମାନ୍ ହତକ ପୁରାଃ କାଉରିକେଦତେ ଏୟମତାନ୍ଲଃ ସ୍ତ୍ରୀମାନଆଃ ଗଏଃ ହତମକେ ତପାକେଦାକ ।

୩ *ମେନ୍ଦ ଶାଉଲ୍ କାଲିସିୟାକେ ଜିୟନେ ନାଗେନ୍ତେ ସାନାଜ୍କେଦା, ଇନିଃ ଅଡାଃ ଅଡାଃ ବଲକେଦତେ ଖ୍ରୀଷ୍ଟ୍ ବିଶ୍ଵାସୀ ସବେନ୍ କଡା କୁଡିକକେ ଆଇଜ୍ ଆଉକେଦତେ ଜେହେଲ୍ରେ ଦହକେଦକଆ ।

ଶମିରୋନ୍ରେ ସୁକୁକାଜି ଉଦୁଦୁବ୍

୪ ଛିତିବିତିୟାକାନ୍ ବିଶ୍ଵାସୀକ ଚାରିୟସାଃ ସେନ୍କେଦତେ ସୁକୁକାଜି ଉଦୁବ୍କେଦାକ । ୫ ଫିଲିପ୍ ଶମିରୋନ୍ରେୟାଃ ମାରାଜ୍ ନାଗାର୍ତେ ସେନ୍କେଦତେ, ଏନ୍ତାଃରେନ୍ ହତକକେ ମାସିଆଃ ସୁକୁକାଜି ଉଦୁବ୍କେଦକଆ । ୬ ଫିଲିପ୍ଆଃ କାଜି ଆୟୁମ୍କେଦତେ ଆତ୍ମ ଆୟାଃ ଆକ୍ଦାନ୍ଦାଅ କାମିକ ନେଲକେଦତେ ଗାଦେଲ୍ ହତକ ଆୟାଃ କାଜିରେ ମିଦ୍ମନ୍ତେକ ଆୟୁମ୍କେଦା । ୭ ପୁରାଃ ହତକତାଃଏତେ ସତରା ଆମ୍ବାକ କାଉରିତାନ୍ଲଃ ଅତଜ୍ୟାନାକ, ପୁରାଃ ବାଦ୍କାନ୍ ହତକ ଆତ୍ମ କାଟା କୁଚୁଜ୍କାନ୍ ହତକ ବୁଗିୟାନା । ୮ ଏନାତେ ଏନ୍ ନାଗାର୍ତେ ପୁରାଣି ରାସକା ହବାୟାନା ।

୯ ଏନ୍ତାଃରେ ଶିମୋନ୍ ନୁତୁମ୍ ମିଆଁଦ୍ ହତ୍ ତାଇକେନାଏ, ଇନିଃ ଆୟାଃ ଦେଅଁଶା କାମିକେଦତେ ସିଦାଏତେଗି ଶମିରୋନ୍ରେନ୍ ହତକକେ ଆକ୍ଦାନ୍ଦାଅକାଦ୍କ ତାଇକେନାଏ । ଇନିଃ ଆଇଃକ୍କେଗି ମିଆଁଦ୍ ମାରାଜ୍ ହତ୍ ମେନ୍ତେ ଉଦୁବେନ୍ ତାଇକେନା, ୧୦ ଆତ୍ମ ଏନ୍ ନାଗାର୍ତେନ୍ ସବେନ୍କ ଆତ୍ମ ସାମାଜ୍ରେନ୍ ସବେନ୍ ହୁପ୍ଡିଜ୍ ମାପ୍ରାଜ୍କ, ପାରମେଶ୍ଵରଆଃ ଅକନ୍ ପେଡେଃକେ ମାରାଜ୍ ମେନ୍ତେ କାଜିୟଃତାନା, ଏନା ଇନିଃଗି ତାନିଃ ମେନ୍ତେକ ମାନାତିକ୍ଷ ତାଇକେନା । ୧୧ ଏନ୍ ଦେଅଁଶାୟାଃ ପେଡେଃ

* ୮:୩ ୮:୩ ପ୍ରେରିତ୍ ୨୨:୪,୫; ୨୭:୯-୧୧.

ହରାତେ ପୁରାଃ ମାହାଁଏତେ ଇନିଃ ଶମିରୋନ୍ରେନ୍ ହଡକକେ ଆକ୍ଦାନ୍ଦାଅକାକ ତାଇକେନା । ୧୭ ମେନ୍ଦ ଫିଲିପ୍ତାଃଏତେ ପାର୍ମେଶ୍ୱାର୍ଆଃ ରାଇଜ୍ ଆତଃ ଯୀଶୁ ଖ୍ରୀଷ୍ଟ୍ଆଃ ନୁତୁମ୍ରେ ସୁକୁକାଜି ଆୟୁମ୍କେଦ୍ ହରାତେ ହଡକଆଃ ବିଶ୍ୱାସ୍ ହବାୟାନା ଆତଃ ଏନ୍ ପାର୍ଗାନ୍ରେନ୍ କଡ଼ା କୁଡ଼ି ସବେନ୍ଦକ ବାପ୍ତିସ୍ମା ଇଦିକେଦାକ । ୧୮ ଶିମୋନ୍ ହଗି ଏନ୍ କାଜିରେ ବିଶ୍ୱାସ୍କେଦା । ଫିଲିପ୍ କାମିକାଦ୍ ଆକ୍ଦାନ୍ଦାଅ କାମି ଆତଃ ହାଏକାଟ୍ କାମିକ ନେଲ୍କେଦ୍ତେ, ଇନିଃ ବାପ୍ତିସ୍ମା ଇଦିକେଦ୍ତେ ଫିଲିପ୍ଲଃ ମିସାତେ ତାଇନ୍ୟାନା ।

୧୪ ଶମିରୋନ୍ରେନ୍ ହଡକ ପାର୍ମେଶ୍ୱାର୍ଆଃ କାଜିକ ତେଲ୍କାଦା ମେନ୍ତେ ଯୀରୁଶାଲେମ୍ରେନ୍ ପ୍ରେରିତ୍ୱ ଆୟୁମ୍କେଦ୍ତେ, ପାଡ଼ରାସ୍ ଆତଃ ଯୋହାନ୍କେ ଇନ୍କୁତାଃତେକ କୁଲ୍କେଦ୍କିନା । ୧୫ ଇନ୍କିନ୍ ଏନ୍ତାଃତେ ସେଟେରୟାନ୍ ତାୟମ୍ତେ ଶମିରୋନ୍ରେନ୍ ବିଶ୍ୱାସୀକ ପାବିତାର୍ ଆମ୍ ନାମେକାକ ମେନ୍ତେକିନ୍ ବିକ୍ତିକେଦା । ୧୬ ତିୟାଃତି ଇମ୍ତାଜ୍ ଜାକେଦ୍ ଇନ୍କୁଆଃଏତେ ଜେତାଏୟାଃ ଚେତାନ୍ରେ ପାବିତାର୍ ଆମ୍ କାଏ ଆଡ଼ଗୁକାନ୍ ତାଇକେନା । ଇନ୍କୁ ପ୍ରାଭୁ ଯୀଶୁଆଃ ନୁତୁମ୍ତେ ଏସକାର୍ ବାପ୍ତିସ୍ମା ଇଦିକାଦ୍ ତାଇକେନାକ । ୧୭ ଏନ୍ତେ ପାଡ଼ରାସ୍ ଆତଃ ଯୋହାନ୍ ଇନ୍କୁଆଃ ଚେତାନ୍ରେ ତିଃଇ ଦହକେଦ୍ତି ଇନ୍କୁ ପାବିତାର୍ ଆମ୍କେ ନାମ୍କିୟାକ ।

୧୮ ପାଡ଼ରାସ୍ ଆତଃ ଯୋହାନ୍, ନେ ବାରାନ୍ ପ୍ରେରିତ୍ୱକିନ୍ ବିଶ୍ୱାସୀକଆଃ ଚେତାନ୍ରେ ତିଃଇ ଦହକେଦ୍ତେ ଇନ୍କୁକେ ପାବିତାର୍ ଆମ୍କିନ୍ ଏମାକତାନା, ନେୟାଁ ନେଲ୍କେଦ୍ତେ ଶିମୋନ୍ ଇନ୍କିନ୍କେ ଟାକା ପାଏସା ଏମ୍ତାନ୍ଲଃ ମେତାଦ୍କିନାଏ, ୧୯ “ଆଇଙ୍ଗ୍ ଏଟାଃକଆଃ ଚେତାନ୍ରେ ତିଃଇ ଦହଲେରେ, ଇନ୍କୁ ଜେଲେକା ପାବିତାର୍ ଆମ୍ ନାମ୍ ଦାଡ଼ିୟାକ, ଏନାମେନ୍ତେ ନେ ପେଡ଼େଃ ଆଇଙ୍ଗ୍କେହ୍ ଏମାଇଙ୍ଗ୍ବେନ୍ ।”

୨୦ ମେନ୍ଦ ପାଡ଼ରାସ୍ ଇନିଃକେ କାଜିକିୟା, “ଆମାଃ ଟାକା ପାଏସା ଆମାଃଲଃ ଜିୟନଃକା, ତିୟାଃତି ଆମ୍ ଟାକା ପାଏସାତେ ପାର୍ମେଶ୍ୱାର୍ଆଃ ବାର୍ଦାନ୍ କିରିଙ୍ଗ୍ ନାଗେନ୍ତେ ଉଡ଼ଃତାନା । ୨୧ ଆଲେୟାଃ କାମିରେ ଆମାଃ ଜେତାନ୍ ହିସା ବାନଆଃ, ତିୟାଃତି ପାର୍ମେଶ୍ୱାର୍ଆଃ ନେପେଲ୍ରେ ଆମାଃ ମନ୍ସୁରୁଦ୍ କା ଠାଉକା । ୨୨ ଏନାମେନ୍ତେ ଆମାଃ ନେ ଏଡକାନ୍ ଉଡ଼ଃ ନାଗେନ୍ତେ ହେୟାଡିଙ୍ଗ୍ମେ, ନେଲେକା ମନ୍ସୁରୁଦ୍ରେ ଉଡ଼ଃକେଦ୍ ନାଗେନ୍ତେ ପ୍ରାଭୁତାଃରେ ବିକ୍ତିମେ, ଇନିଃ ଆମ୍କେ ଛାମାମେୟାଁ । ୨୩ ତିୟାଃତି ଆଇଙ୍ଗ୍ ଆମ୍କେ ନେଲ୍ମେ ତାନାଇଙ୍ଗ୍, ଆମାଃ ମନ୍ସୁରୁଦ୍ ହିସଙ୍ଗାତେ ପେରେଜାକାନା, ଆମ୍ଦ ପାପ୍ ତନଲ୍ତେମ୍ ତଲ୍ଲାନା ।”

୨୪ ପାଡ଼ରାସ୍ ଆତଃ ଯୋହାନ୍କେ ଶିମୋନ୍ ମେତାଦ୍କିନାଏ, “ଆବେନ୍ କାଜିକାଦ୍ତେୟାଃ ଆଇଙ୍ଗ୍ରେ ଆଲକା ହବାଅଃକା, ଏନାମେନ୍ତେ ଦାୟାକେଦ୍ତେ ଆଇୟାଃ ନାଙ୍ଗ୍ ପ୍ରାଭୁତାଃରେ ବିକ୍ତିବେନ୍ ।”

୨୫ ପାଡ଼ରାସ୍ ଆତଃ ଯୋହାନ୍ ଗାଞ୍ଜା ଏମ୍କେଦ୍ ଆତଃ ପ୍ରାଭୁଆଃ କାଜି ଉଦୁବ୍କେଦ୍ ତାୟମ୍ତେ, ଇନ୍କିନ୍ ଯୀରୁଶାଲେମ୍ତେକିନ୍ ରୁହାଡ଼ୟାନା । ରୁହାଡ଼୍ ହରାରେ ଇନ୍କିନ୍ ଶମିରୋନି ହଡକ ତାୟାତାନ୍ ପୁରାଃ ହାଡୁକରେ ସୁକୁକାଜିକିନ୍ ଉଦୁବ୍କେଦା ।

ଫିଲିପ୍ ଆତଃ ଇଥ୍ପିଆରେନ୍ ଚାକୁରା

୨୬ ପ୍ରାଭୁଆଃ ମିଆଁଦ୍ ଦୁଁଡ୍ ଫିଲିପ୍କେ କାଜିକିୟା, “ସେକାଡ଼ାକାନ୍ମେ, ଆତଃ ଯୀରୁଶାଲେମ୍ଏତେ ଗାଜା ନାଗାର୍ତେ ସେନଃତାନ୍ ଜମ୍ସାଃ ହରାତେ ସେନଃମେ ।” ନାହାଁଃ ଏନ୍ ହରା ବାନଆଃ, ଏନା ବିର୍ ଲେକା ମେନାଃ । ୨୭ ଫିଲିପ୍ ସେକାଡ଼କେଦ୍ତେ ସେନଃୟାନା । ଇମ୍ତା ଇଥ୍ପିଆ ଦିଶୁମ୍ରେନ୍ କାଣ୍ଟାକି ନୁତୁମ୍ ରାନୀଆଃ ଆକ୍ତେୟାର୍ରେ ତାଇନ୍ତାନ୍ ସବେନ୍ ରାଇଜ୍ରେନ୍ ଖୁଜ୍ କରାଃ ଭାଣ୍ଟାରି ତାଇକେନ୍ ମିଆଁଦ୍ ଚାକୁରା, ପାର୍ମେଶ୍ୱାର୍କେ ସେଞ୍ଜା ନାଗେନ୍ତେ ଯୀରୁଶାଲେମ୍ତେ ସେନାକାନ୍ ତାଇକେନା । ୨୮ ଇନିଃ ଆୟାଃ ସାଦମ୍ ଗାଡ଼ିରେ ଦୁବ୍କେଦ୍ତେ ଅଡ଼ାଃତେ ରୁହାଡ଼୍ ତାଇକେନ୍ ଇମ୍ତା ଯିଶାୟ ନାବୀଆଃ ପୁଥ୍ କାଉରିତାନ୍ଲଃ ପାଡ଼ାଅତାନାଏ ତାଇକେନା । ୨୯ ପାବିତାର୍ ଆମ୍ ଫିଲିପ୍କେ କାଜିକିୟା, “ଏନ୍ ସାଦମ୍ ଗାଡ଼ି ହେପାଦ୍ତେ ସେନଃମେ ଆତଃ ଆୟାଃ ନାଡ଼େଃରେ ତାଇନ୍ମେ ।” ୩୦ ଫିଲିପ୍ ନିର୍ ନିର୍ ସେନ୍କେଦ୍ତେ ଏନ୍ କାମିହଡକେ ଯିଶାୟ ନାବୀଆଃ ପୁଥ୍ କାଉରିତାନ୍ଲଃ ପାଡ଼ାଅତେୟାଃ ଆୟୁମ୍କିୟାଏ । ଇନିଃ ଏନ୍ ଚାକୁରାକେ କୁଲ୍କିୟା, “ଆମ୍ ପାଡ଼ାଅତାନ୍ତେୟାଃ ସାରିଉରୁମ୍ ଦାଡ଼ିତାନାମ୍ ତି ?”

୩୧ ଚାକୁରା କାଜିରୁହାଡ଼କିୟାଏ, “ଜେତାଏ ଆଇଙ୍ଗ୍କେ କାକ ଉଦୁବାଇଙ୍ଗ୍ରେଦ୍ ତିଲ୍କାତେଇଙ୍ଗ୍ ସାରିଉରୁମ୍ ଦାଡ଼ିୟା ?” ଏନ୍ତେ ଇନିଃ ଫିଲିପ୍କେ ଆୟାଃଲଃ ସାଦମ୍ ଗାଡ଼ିରେ ଦୁବ୍ ନାଗେନ୍ତେ ବିକ୍ତିକିୟା । ୩୨ ଇନିଃ ପାଡ଼ାଅ ତାଇକେନ୍ ଧାରାମ୍ପୁଥ୍ରେୟାଃ ହିସା ନେୟାଁ ତାଇକେନା,

“ଇନିଃ, ମାଆଃଇ ନାଗେନ୍ତେ ଇଦିୟଃତାନ୍ ମିଣ୍ଡିହନ୍ ଲେକାଃଏ,
ଉବ୍ କାଉରିନିୟାଃ ହେପାଦ୍ରେ ମିଣ୍ଡିହନ୍ କାଏ କାଉରି ଲେକା
ଇନିଃ ଜେଡ଼ନାଃ କାଏ କାଜିକେଦା ।

୩୩ ଇନିଷକେ ଲାଜାକିୟାକ ଆତଃ ନ୍ୟାୟ ବିଚାର କା ନାମୟାନା ।
 ଇନିୟାଃ କିଲିକଆଃ ବିଷାଏରେ ଜେତାଏ କାକ କାଜି ଦାଡ଼ିୟା,
 ଚିୟାଃଟି ଅତେଦିଶ୍ୱମ୍ରେ ଆୟାଃ ଜୀଦାନ୍ ଟୁଶ୍ୱଜ୍ୱାନା ।”

୩୪ ଚାକୁରା ଫିଲିପ୍ସକେ କୁଲିକିୟା, “ନାବୀ ଅକଏୟାଃ ବିଷାଏରେ କାଜିତାନା, ଆୟାଃ ବିଷାଏରେଟି ଚି ଏଟାଃନିୟାଃ ବିଷାଏରେ, ଏନା ଆଇଙ୍ଗକେ ଦାୟାକେଦତେ କାଜିଙ୍ଗମେ ?” ୩୫ ଏନ୍ତେ ଫିଲିପ୍ସ ଧାରାମ୍ପୁଅରେୟାଃ ନେ ହିସାଏତେ ଏଟେଦକେଦତେ ଯୀଶୁଆଃ ବିଷାଏରେ ଅଲକାନ୍ ସବେନ୍ ସୁକୁକାଜି ଇନିଷକେ ଉଦୁବକିୟା । ୩୬ ଇନ୍କୁ ହରାରେ ସେନଃତାନ୍ ତାଇକେନ୍ ଇମ୍ତା ମିଦତାଃରେ ଦାଆଃ ହୁଶ୍ୱିୟାକାନ୍ ଠାୟାଦତାଃରେକ ସେଟେରୟାନା, ଏନ୍ତେ ଚାକୁରା ଇନିଷକେ କାଜିକିୟା, “ନେତାଃରେ ଦାଆଃ ମେନାଃ, ଆଇଙ୍ଗକେ ବାପ୍ତିସ୍ତା ଇଦି ନାଗେନ୍ତେ ଚିନାଃ ଜେତାନ୍ ରୋକ୍ଟକ୍ ମେନାଃ ଚି ?” ୩୭ ଫିଲିପ୍ସ କାଜିକିୟାଏ, “ଆମ୍ ସବେନ୍ ମନ୍ସୁରଦତେମ୍ ବିଶ୍ୱାସତାନ୍ରେଦ ବାପ୍ତିସ୍ତା ଇଦି ଦାଡ଼ିୟାମ୍ ।” ଏନ୍ତେ ଇନିଷ କାଜିରୁହାଡ଼କିୟାଏ, “ୟୀଶୁ ଖ୍ରୀଷ୍ଟ ପାରମେଶ୍ୱାରୀଆଃ ହନ୍ ତାନିଃ ଏନା ଆଇଙ୍ଗ ବିଶ୍ୱାସତାନାଇଙ୍ଗ ।”*

୩୮ ଚାକୁରା, ସାଦମ୍ ଗାଡ଼ି ଚାଲାଅତାନ୍ ହଡ଼କେ ସାଦମ୍ ଗାଡ଼ିକେ ଡିଙ୍ଗୁଇମେ ମେନ୍ତେ ଆରୁକିୟା । ଫିଲିପ୍ସ ଆତଃ ଚାକୁରା ଦାଆଃ ଭିତାରତେକିନ୍ ବଲୟାନା ଆତଃ ଫିଲିପ୍ସ ଇନିଷକେ ବାପ୍ତିସ୍ତା ଏମ୍କିୟାଏ । ୩୯ ଇନ୍କିନ୍ ଦାଆଃଏତେ ଅତଙ୍ଗୟାନ୍ ତାୟମ୍ତେ, ପ୍ରାଭୁଆଃ ଆମ୍ ଫିଲିପ୍ସକେ ଇଦିକିୟା । ଚାକୁରା ଇନିଷକେ ଆତଃ କାଏ ନେଲ୍ ଦାଡ଼ିକିୟା, ମେନ୍ଦ ଦ ରାସକାତେ ପେରେଃୟାନଲଃ ଆୟାଃ ହରାରେ ସେନଃୟାନା । ୪୦ ଆତଃ କାଟିଃ ଘାଡ଼ିକାଦ୍ ତାୟମ୍ତେ ଫିଲିପ୍ସ ଆଇଃକ୍ ଆପାନ୍କେଟି ଆସଦଦ୍ ନୁଡୁମ୍ ସାହାରରେ ନାମୟାନା ଆତଃ ଇନିଷ ଏନ୍ତାଃଏତେ କାଇସରିୟା ସାହାରତେ ସେନଃ ହରାରେୟାଃ ସବେନ୍ ନାଗାରକରେ ସୁକୁକାଜି ଉଦୁବତାନ୍ଲଃ କାଇସରିୟାତେ ତେବାଃୟାନା ।



ଶାଉଲ୍ ଆଃ ମନ୍ରୁହାଡ଼୍
 (ପ୍ରେରିତ୍ୱ ୨୨:୬-୧୬; ୨୬:୧୨-୧୮)

୧ ଏନ୍ ଦିପିଲିକରେ ଶାଉଲ୍, ପ୍ରାଭୁଆଃ ତେଲକକେ ଗଏଃକଆଇଙ୍ଗ୍ ମେନ୍ତେ ବତଙ୍ଗକ ତାଇକେନାଏ । ଏନ୍ତେ ଇନିଷ ମାରାଙ୍ଗ୍ ଯାଜାକତାଃତେ ସେନଃୟାନା, ୨ ଆତଃ ଦମାସକସରେୟାଃ ସାମାଜ ଅଡ଼ାଃକରେ ପ୍ରାଭୁକେ ଅତଙ୍ଗତାନକକେ ନାମକେଦତେ ତଲକତାନ୍ଲଃ ଯୀରୁଶାଲେମ୍ତେ ସାବ୍ ଆଉକ ନାଗେନ୍ତେ ଏନ୍ ମାରାଙ୍ଗ୍ ଯାଜାକତାଃଏତେ ଆନାଟୁ ଆଉକେଦା ।

୩ ଶାଉଲ୍ ଦମାସକସ୍ ନାଗାରରେୟାଃ ହେପାଦତେ ହିଜୁଃ ସେଟେରଃତାନ୍ ଇମ୍ତା, ଆଡ଼କାତେ ସିର୍ମାଏତେ ମିଆଁଦ୍ ମାର୍ସାଲ୍ ଆୟାଃ ଚାରିୟସାଃରେ ଜୁଲ୍ ବିୟୁରୟାନା । ୪ ଇନିଷ ଅତେରେ ଉୟୁଃୟାନା ଆତଃ ମିଆଁଦ୍ ଲାବ୍ଜା ଆଇଃକ୍କେ କାଜିତାନ୍ ଆୟୁମ୍କେଦାଏ, “ହେ ଶାଉଲ୍, ହେ ଶାଉଲ୍, ଚିନାଃମେନ୍ତେ ଆମ୍ ଆଇଙ୍ଗକେମ୍ ସିଗିଦିଇଙ୍ଗତାନା ?”

୫ ଇନିଷ କାଜିକେଦାଏ, “ହେ ପ୍ରାଭୁ, ଆମ୍ ଅକଏ ତାନ୍ମେ ?” ଆତଃଟି ଏନ୍ ଲାବ୍ଜା ଆୟୁମ୍ୟାନା, “ଆମ୍ ଅକଏକେମ୍ ସିଗିଦିତାନା, ଆଇଙ୍ଗ୍ ଏନ୍ ଯୀଶୁ ତାନିଙ୍ଗ୍ । ୬ ମେନ୍ଦ ବିରିଦମେ, ଆତଃ ନାଗାରତେ ସେନଃମେ, ଚିକ୍ନାଃ କାମି ରିକା ଲାଗାଟିଙ୍ଗ୍ୟାଃ, ଏନା ଏନ୍ତାଃରେ ଆମ୍କେ କାଜିୟଃଆ ।”

୭ ଶାଉଲ୍ଲଃ ଗାଡ଼ିରେ ହରାସେନ୍ ତାଇକେନ୍ ହଡ଼କ ଆକ୍ଟାକାଅକେଦତେ ଡିଙ୍ଗୁୟାନାକ, ଇନ୍କୁ ଏନ୍ ଲାବ୍ଜା ଆୟୁମ୍କେଦାକ ମେନ୍ଦ ଜେତାଏକେ କାକ ନେଲ୍ ଦାଡ଼ିକେନା । ୮ ଶାଉଲ୍ ଅତେହେତେ ବିରିଦୟାନା ଆତଃ ନେଲ୍କେଦାଏ ମେନ୍ଦ ଜେଡ଼ନାଃ କାଏ ନେଲ୍ ଦାଡ଼ିକେନା । ଏନାତେ ଇନ୍କୁ ଆୟାଃ ତିଃଇ ସାବ୍କେଦତେ ଦମାସକସ୍ ଜାକେଦ୍ ସୁଡୁଃ ଇଦିକିୟାକ । ୯ ଆପି ମାହାଁ ଜାକେଦ୍ ଇନିଷ କାଏ ନେଲ୍ ଦାଡ଼ିତାଇକେନା ଆତଃ ଏନ୍ ଦିପିଲିରେ କାଏ ଜମ୍ ନୁଁକେଦା ।

୧୦ ଦମାସକସ୍ରେ ହନାନିୟ୍ ନୁଡୁମ୍ ମିଆଁଦ୍ ତେଲା ତାଇକେନାଏ । ଇନିଷ ମିଆଁଦ୍ ଦାର୍ଶାନ୍ ନାମକେଦାଏ, ପ୍ରାଭୁ ଇନିଷକେ କାଜିକିୟା, “ହନାନିୟ୍ !” ଇନିଷ କାଜିରୁହାଡ଼କିୟାଏ, “ହେ ପ୍ରାଭୁ କାଜିମେ ।”

୧୧ ପ୍ରାଭୁ ଇନିଷକେ କାଜିକିୟା, “ମାର୍ ସେକାଡ଼ଃମେ ଆତଃ ସିଧା ହରା ସେନ୍କେଦତେ ଯିହୁଦାରାଃ ଅଡ଼ାଃତେ ସେନଃମେ । ଏନ୍ତାଃରେ ତାଷ୍ ସ୍ ନାଗାରତାଃଏତେ ହିଜୁଃକାନ୍ ଶାଉଲ୍ ନୁଡୁମ୍ ମିଆଁଦ୍ ହଡ଼କେ ଦାଶାଁଇମେ, ଚିଆଃଟି ଇନିଷ ବିକ୍ତିତାନାଏ, ୧୨ ଆତଃ ହନାନିୟ୍ ନୁଡୁମ୍ ମିଆଁଦ୍ ହଡ଼ ହିଜୁଃକେଦତେ ଆୟାଃ ତେତାନରେ ତିଃଇ ଦହଲେରେ ଇନିଷ ଆତଃମିସା ନେଲ୍ ଦାଡ଼ିୟାଏ ମେନ୍ତେ ଦାର୍ଶାନ୍ ନାମାକାଦ୍ ତାଇକେନାଏ ।”

୧୩ ହନାନିୟ୍ କାଜିରୁହାଡ଼କିୟାଏ, “ହେ ପ୍ରାଭୁ, ନେ ହଡ଼ ଯୀରୁଶାଲେମ୍ରେନ୍ ଆମାଃ ପାବିତାର୍ ହଡ଼କକେ ପୁରାଃ ବରଝାନ୍ ଦୁକୁକଏ ଏମାକାଦକଆ, ଏନା ଆଇଙ୍ଗ୍ ପୁରାଃ ହଡ଼କତାଃଏତେଇଙ୍ଗ୍

* ୮:୩୭ 8:37 ନେ ପଦ ଚିମିନ୍ ମାରି ଅନଲ୍ଲକରେ ବାନଃଆ

ଆୟୁମାକାଦା । ୧୪ ଆତ୍ମା ଇନିଃ ମୁଲ୍ ଯାଜାକ୍‌କତାଃଏତେ ଆକ୍‌ତେୟାର୍ ନାମ୍‌କେଦ୍‌ତେ ଦମାସ୍‌କସ୍‌ରେ ଆମ୍‌କେ ବିନ୍ନିତାନ୍ ହଡ୍‌କକେ ସାବ୍‌କେଦ୍‌ତେ ତଲ୍‌ଇଦି ନାଈ ହିଜୁଃକାନାଏ ।”

୧୫ ମେନ୍‌ଦ ପ୍ରାଭୁ ଇନିଃକେ କାଜିକିୟା, “ଜୁ ସେନଃମେ, ସାଅଁସାର୍ ହଡ୍‌କକେ, ରାଜା ଆତ୍ମା ଇସ୍ରାଏଲ୍‌ରେନ୍ ହଡ୍‌କକେ ଆଇୟାଃ ନୁତୁମ୍ ଉଦୁବେ ନାଗେନ୍ତେ ଆତ୍ମା ଆଇକ୍‌କେ ସେଝା ନାଗେନ୍ତେ ଆଇକ୍ ଇନିଃକେଇକ୍ ସାଲାକାକାଜା । ୧୬ ଆଇୟାଃ ନୁତୁମ୍ ନାଗେନ୍ତେ ଇନିଃକେ ଅକ ଦୁକ୍‌କ ସାହାତିକ୍ ଲାଗାତିକ୍‌ୟାଃ, ଏନା ଆଇକ୍‌ଗି ଇନିଃକେଇକ୍ ଉଦୁବାଇୟା ।” ୧୭ ଏନ୍ତେ ହନାନିୟ ସେନଃୟାନାଏ ଆତ୍ମା ଶାଉଲ୍ ତାଇକେନ୍ ଅତ୍ମାତେ ବଲୟାନ୍‌ଲଃ ଇନିୟାଃ ଚେତାନରେ ତିଃଇ ଦହକେଦ୍‌ତେ କାଜିକିୟା, “ହାଗା ଶାଉଲ୍, ଆମ୍ ନେତାଃତେ ହିଜୁଃ ହରାରେ, ଅକ ପ୍ରାଭୁ ଯୀଶୁ ଆମ୍‌କେ ଦାର୍‌ଗାନ୍ ଏମାକାମ୍ ତାଇକେନାଏ, ଇନିଃ ଆଇକ୍‌କେ କୁଲାକାଦିୟା, ଜେ'ଲେକାତି ଆମ୍ ଆତ୍ମାତ୍ମା ନେଲ୍ ଦାଡ଼ିୟାମ୍ ଆତ୍ମା ପାବିତାର୍ ଆମ୍‌ରେ ପେରେଜଃଆମ୍ ।” ୧୮ ଇମ୍‌ତାଗି ଶାଉଲ୍‌ଆଃ ମେଦ୍‌ହେତେ, ହାକୁଆଃ କାତି ଲେକା ଚିନାଃ ଉୟାୟାନା ଆତ୍ମା ଇନିଃ ଆତ୍ମାତ୍ମା ନେଲ୍ ଦାଡ଼ିକେଦାଏ । ଇନିଃ ତିକ୍‌ୟାନାଏ ଆତ୍ମା ବାପ୍ତିସ୍ମା ଇଦିକେଦାଏ । ୧୯ ଆତ୍ମା ତାୟମ୍‌ତେ ଜମ୍‌କେଦ୍‌ତେ ପେଡ଼େଃ ନାମ୍‌ରୁହାଡ଼କେଦାଏ । ଶାଉଲ୍ ଚେଲାକଲଃ ଦମାସ୍‌କସ୍‌ରେ ଚିମିନ୍ ଦିନ୍ ତାଇନ୍‌ୟାନାଏ ।

ଦମାସ୍‌କସ୍‌ରେ ଶାଉଲ୍‌ଆଃ ପ୍ରାଚାର୍

୨୦ ଆତ୍ମା ଇନିଃ ଇମ୍‌ତାଗି ସାମାଜ୍ ଅତ୍ମାତ୍ମାତେ, ଯୀଶୁ ପାର୍‌ମେଶ୍‌ବାର୍‌ଆଃ ହନ୍‌ତାନିଃ ମେନ୍ତେ ପ୍ରାଚାର୍ ଏଚେଦ୍‌କେଦା ।

୨୧ ଆୟାଃ କାଜି ଆୟୁମ୍‌କେଦ୍‌ତେ ସବେନ୍‌କ ହାଏକାବ୍‌ୟାନ୍‌ଲଃ କୁପଲିୟାନାକ, “ଯୀରୁଶାଲେମ୍‌ରେ ଯୀଶୁ ନୁତୁମ୍ ହଡ୍‌ରାଃ ସେଝାତାନ୍ ହଡ୍‌କକେ ଅକ ହଡ୍ ଗଏଃକ ତାଇକେନାଏ, ଇନିଃ ଚିନାଃ ନେ ହଡ୍ ନାହାଲିଃ ? ଯୀଶୁ ନୁତୁମ୍‌ରେ ସେଝାତାନ୍ ହଡ୍‌କକେ ତଲ୍‌କେଦ୍‌ତେ ମୁଲ୍ ଯାଜାକ୍‌କତାଃତେ ଇଦି ନାଗେନ୍ତେ ଇନିଃ ଚିନାଃ ନେତାଃତେ କାଏ ହିଜୁଃକାନ୍ ତାଇକେନା ?”

୨୨ ମେନ୍‌ଦ ଶାଉଲ୍‌ଆଃ ପ୍ରାଚାର୍ ପୁରାଃ ପେଡ଼େୟାନ୍‌ଗି ହବାୟାନା, ଆତ୍ମା ଯୀଶୁଗି ମାସିତାନିଃ ମେନ୍ତେ ଇନିୟାଃ ସାବୁଡ଼ ପୁରାଃଗି ପକ୍‌ତାୟାନା ଯେ, ଦମାସ୍‌କସ୍‌ରେନ୍ ଯିହୁଦୀ ହଡ୍‌କ ନେ ବିଷାଏରେ ଇନିଃକେ କାକ କାଜିରୁହାଡ଼ ଦାଡ଼ିୟାନା ।

୨୩ ଚିମିନ୍ ଦିନ୍ ସେନଃୟାନ୍ ତାୟମ୍‌ତେ, ଯିହୁଦୀ ହଡ୍‌କ ମିଦ୍‌ତାଃରେ ହୁଣ୍ଡିକେଦ୍‌ତେ ଶାଉଲ୍‌କେ ଗଏଃ ନାଗେନ୍ତେକ ରୋଜୋଟ୍‌କେଦା, ୨୪ ମେନ୍‌ଦ ଇନ୍‌କୁଆଃ ରୋଜୋଟ୍ ଶାଉଲ୍ ସାରିକେଦାଏ । ଇନିଃକେ ଗଏଃ ନାଗେନ୍ତେ ଇନ୍‌କୁ ନିଦା ସିଜି ନାଗାର୍‌ରେୟାଃ ଦୁଆରକରେକ ହରକେଦା । ୨୫ ମେନ୍‌ଦ ଶାଉଲ୍‌ଆଃ ଚେଲାକ ନୁବାଃ ଇମ୍‌ତା ଶାଉଲ୍‌କେ ମିଆଁଦ୍ ଚୁଲିରେ ଦହକେଦ୍‌ତେ ପାର୍‌ରି ହାନ୍‌ପାରମ୍‌ରେକ ଆଡ଼୍‌ଗୁକିୟା ।

ଯୀରୁଶାଲେମ୍‌ରେ ଶାଉଲ୍

୨୬ ଶାଉଲ୍ ଯୀରୁଶାଲେମ୍‌ତେ ସେନ୍‌କେଦ୍‌ତେ ଚେଲାକଲଃ ମେସାନ୍ ନାଗେନ୍ତେ ସାନାକ୍‌କେଦା । ମେନ୍‌ଦ ଇନିଃ ମିଆଁଦ୍ ଚେଲା ତାନିଃ ମେନ୍ତେ କାକଗି ବିଶ୍ୱାସକେଦା ଆତ୍ମା ସବେନ୍‌କ ଇନିଃକେ ବରଆଇ ତାଇକେନାକ । ୨୭ ଏନ୍ତେ ବର୍ଣ୍ଣବାସ୍ ଇନିଃକେ ପ୍ରେରିତ୍ ଚେଲାକତାଃତେ ଇଦିକେଦ୍‌ତେ ଦମାସ୍‌କସ୍ ହରାରେ ଶାଉଲ୍ ଚିଲ୍‌କା ପ୍ରାଭୁଆଃ ଦାର୍‌ଗାନ୍ ନାମାକାଦ୍ ତାଇକେନାଏ ଆତ୍ମା ପ୍ରାଭୁ ଚିଲ୍‌କା ଇନିଃକେ କାଜିକିୟା, ଏନ୍ ସବେନାଃ ଇନ୍‌କୁକେ ଉଦୁବାଦ୍‌କଆ । ଦମାସ୍‌କସ୍‌ରେ ଯୀଶୁଆଃ ନୁତୁମ୍‌ତେ ଶାଉଲ୍ ଚିଲ୍‌କା ବେଗାର୍ ବରତେ ପ୍ରାଚାର୍‌କେଦା, ଏନ୍ ସବେନାଃ ଇନ୍‌କୁକେ ବୁଗିଲେକାଏ ଉଦୁବାଦ୍‌କଆ । ୨୮ ଏନ୍ତେ ଶାଉଲ୍ ପ୍ରେରିତ୍ ଚେଲାକଲଃ ତାଇନ୍‌ୟାନାଏ ଆତ୍ମା ଯୀରୁଶାଲେମ୍‌ରେୟାଃ ଚାରିୟାଃ ସେନ୍‌କେଦ୍‌ତେ ବେଗାର୍ ବରତେ ପ୍ରାଭୁଆଃ ନୁତୁମ୍‌ତେ ପ୍ରାଚାର୍‌କେଦାକ । ୨୯ ଇନିଃ ଗ୍ରୀକ୍ ଜାଗାର୍‌ତେ ବାଖାଣ୍ଡତାନ୍ ଯିହୁଦୀ ହଡ୍‌କଲଃ ବାଖାଣ୍ଡ ତାଇକେନାଏ ଆତ୍ମା କାପ୍‌ଜିତାଇକେନାଏ, ମେନ୍‌ଦ ଇନ୍‌କୁ ଇନିଃକେ ଗଏଃ ନାଗେନ୍ତେକ ରୋଜୋଟ୍ ତାଇକେନା । ୩୦ ଖ୍ରୀଷ୍ଟ୍‌ରେ ହାଗାକ ନେ କାଜି ସାରିକେଦ୍‌ତେ, ଶାଉଲ୍‌କେ କାଜସରିୟା ନାଗାର୍‌ତେକ ଇଦିକିୟା ଆତ୍ମା ଏନ୍ତାଃଏତେ ତାଷ୍‌ସ୍ ସାହାର୍‌ତେକ କୁଲ୍‌କିୟା ।

୩୧ ନେ'ଲେକାତେ ଗଟା ଯିହୁଦା ପାର୍‌ଗାନ୍, ଗାଲିଲ୍ ଆତ୍ମା ଶମିରୋନ୍‌ରେୟାଃ କାଲିସିୟାକରେନ୍ ଖ୍ରୀଷ୍ଟ୍ ବିଶ୍ୱାସୀକ ସୁକ୍‌ଜାତରେ ତାଇକେନାକ ଆତ୍ମା ପାବିତାର୍ ଆମ୍‌ରେୟାଃ ଦେକ୍‌ମେତେ ପେଡ଼େଃ ନାମ୍‌ତାନ୍‌ଲଃ ପସାଇଦିୟା ତାଇକେନାକ ଆତ୍ମା ପ୍ରାଭୁକେ ବରଭାକ୍ତିତାନ୍‌ଲଃ ଜୀଦାନ୍ ବିତାଅ ତାଇକେନାକ ।

ଲୁଦା ଆତ୍ମା ଯୋପ୍‌ପାରେ ପାଡ଼ରାସ୍

☆ ୯:୨୩ ୯:୨୩ ୨ କରିଛିୟ ୧୧:୩୨,୩୩.

୩୨ ପାତ୍ରରାସ୍ ସବେନ୍ତାଃ ହରାସେନ୍ତାନଲଃ ଲୁଦା ସାହାରରେ ତାଇନଃତାନ୍ ପାର୍ମେଶ୍ଵାର୍ଆଃ ପାବିତାର୍ ହତକତାଃତେ ନେପେଲ୍ ନାଗେନ୍ତେ ସେନଃୟାନା । ୩୩ ଏନ୍ତାଃରେ ପାତ୍ରରାସ୍ ଏନିୟ୍ ନୁତୁମ୍ ମିଆଁଦ୍ ହତକେ ନାମକିୟା । ଇନିଃ ବାତକାନ୍ ହରାତେ ଇରାଲିୟା* ବାରାଷ୍ ଜାକେଦ୍ ପାରକମ୍ହେତେ ବିରିଦ୍ କାଏ ଦାଡିତାଇକେନା । ୩୪ ପାତ୍ରରାସ୍ ଇନିଃକେ କାଜିକିୟା, “ଏନିୟ୍, ଯୀଶୁ ଖ୍ରୀଷ୍ଟ୍ ଆମକେ ବୁଗିକାଦ୍ମେଆ । ବିରିଦ୍ମେ ଆତଃ ପାରକମ୍ତାମାଃ ବିଲାଇକାଦ୍ତେୟାଃ ଉଠାଏମେ ।” ଇମତାଗି ଏନିୟ୍ ବିରିଦ୍ୟାନାଏ । ୩୫ ଲୁଦା ଆତଃ ଶାରୋନ୍ରେ ତାଇନଃତାନ୍ ସବେନ୍ ହତକ ଇନିଃକେ ନେଲ୍କେଦ୍ତେ ପ୍ରାଭୁରେ ବିଶ୍ଵାସକେଦାକ ।

ପାତ୍ରରାସ୍ ଦର୍କାସକେ ଜାଉବିରିଦ୍କିୟା

୩୬ ଯୋପ୍ପା ସାହାରରେ ଟାବିଆ ନୁତୁମ୍ ମିଆଁଦ୍ ଖ୍ରୀଷ୍ଟ୍ ବିଶ୍ଵାସୀ କୁଡି ତାଇକେନାଏ । ଇନିୟାଃ ଗ୍ରୀକ୍ ନୁତୁମ୍ ଦର୍କାସ୍, ନେଆଁରାଃ ମୁଣ୍ଡି ହବାଅଃତାନା “ମିଆଁଦ୍ ମିରିକ୍ ।” ଇନିଃ ଆୟାଃ ସବେନ୍ ନେତାରେ ବୁଗିନ୍ କାମି କାମିତାଇକେନା ଆତଃ ଗାରିବ୍ ହତକକେ ଦେଙ୍ଗାକତାନ୍ ତାଇକେନା । ୩୭ ଏନ୍ ନେତାରେ ଇନିଃ ବେମାରକେଦ୍ତେ ଗଏଃୟାନା । ହତକ ଇନିୟାଃ ହତ୍ମକେ ନିୟାଁରକେଦାକ ଆତଃ ମାହାଲା ଅଡ଼ାଃରେୟାଃ ଚେତାନ୍ କୁଠାରେକ ଦହକେଦା । ୩୮ ଯୋପ୍ପା ସାହାର ଲୁଦା ସାହାରତାଃଏତେ ଥୁମ୍ ସାଜିନ୍ରେ କା ତାଇକେନା । ପାତ୍ରରାସ୍ ଲୁଦା ସାହାରରେ ମେନାଇୟା ମେନ୍ତେ ଯୋପ୍ପାରେନ୍ ଖ୍ରୀଷ୍ଟ୍ ବିଶ୍ଵାସୀକ ଆୟୁମ୍କେଦ୍ତି, ଇନ୍କୁ ବାରହତ୍କିନ୍କେ ଆୟାଃ ହେପାଦ୍ କୁଲ୍କେଦ୍ତେ ନେଲ୍କେ କାଜିଗହାରକେଦାକ, “ଦାୟାକେଦ୍ତେ ଆଲେତାଃତେ ଜାଲ୍ଦି ହିଜୁଃମେ ।” ୩୯ ପାତ୍ରରାସ୍ ସେକାଡ୍କେଦ୍ତେ ଇନ୍କୁଲଃ ସେନଃୟାନାଏ । ଏନ୍ତାଃତେ ସେଟେରୟାନ୍ତି ଇମତାଗି ହତକ ମାହାଲା ଅଡ଼ାଃରେୟାଃ ଚେତାନ୍ କୁଠାତେ ଇନିଃକେକ ଇଦିକିୟା । ଏନ୍ତାଃରେ ରାଣ୍ଡିକୁଡିକ ଇନିଃକେ ଜୁରୁବିୟୁରକେଦ୍ତେ ରାଆଃତାନ୍ଲଃ ଦର୍କାସ୍ ଜାନିଦ୍ ତାଇକେନ୍ ଇମତା ସିଲାଇକାଦ୍ ତୁସିଙ୍ଗ୍ ଲିଜାଃ ଆତଃ ଲିଜାଃକ ଇନିଃକେକ ଉଦୁବ୍କିୟା । ୪୦ ପାତ୍ରରାସ୍ ସବେନ୍କକେ ଏନ୍ କୁଠାଏତେ ଅତଙ୍ଗକେଦ୍କଆ ଆତଃ ଇକ୍ତମୁକେଦ୍ତେ ବିକ୍ତିକେଦା, ଏନ୍ତେ ଇନିଃ ଦର୍କାସ୍ଆଃ ଗଏଃ ହତ୍ମସାଃତେ ହେତାରୁହାଡ୍କେଦ୍ତେ କାଜିକେଦା, “ଟାବିଆ, ବିରିଦ୍ମେ ।” ଦର୍କାସ୍ ନେଲ୍କେଦାଏ ଆତଃ ପାତ୍ରରାସ୍କେ ନେଲ୍କେଦ୍ତେ ଦୁବ୍ୟାନା । ୪୧ ପାତ୍ରରାସ୍ ଇନିୟାଃ ତିଃଇକେ ସାବ୍କେଦ୍ତେ ବିରିଦ୍କିୟା । ଏନ୍ତେ ଇନିଃ ହୁଣ୍ଡିୟାକାନ୍ ପାବିତାର୍ ହତକକେ ଆତଃ ରାଣ୍ଡିକୁଡିକକେ ହାକାଅକେଦ୍ତେ ଦର୍କାସ୍କେ ଇନ୍କୁଆଃ ତିଃଇରେ ଜୀହୁଦ୍ଗି ଜିମାକିୟା । ୪୨ ନେ କାଜି ଗଟା ଯୋପ୍ପା ସାହାରରେୟାଃ ଚାରିୟସାଃରେ ଆୟୁମ୍ୟାନା ଆତଃ ପୁରାଃ ହତକ ପ୍ରାଭୁକେକ ବିଶ୍ଵାସକିୟା । ୪୩ ପାତ୍ରରାସ୍ ପୁରାଃ ଦିନ୍ ଜାକେଦ୍ ଯୋପ୍ପାରେ ଶିମୋନ୍ ନୁତୁମ୍ ମିଆଁଦ୍ ମୁତିଆଃ ଅଡ଼ାଃରେ ତାଇନ୍ୟାନା ।

୧୦

ପାତ୍ରରାସ୍ ଆତଃ କର୍ଣ୍ଣଲିୟ

୧ କାଇସରିୟା ନାଗାରରେ କର୍ଣ୍ଣଲିୟ ନୁତୁମ୍ ମିଆଁଦ୍ ହତ୍ ତାଇକେନାଏ, ଇନିଃ “ଇଟାଲିରେନ୍ ପାଲ୍ଟାନ୍” ନୁତୁମ୍ତାନ୍ ରୋମାନ୍ ପାଲ୍ଟାନ୍କଆଃ ମିଦ୍ଗାଅ ସିପାଇକଆଃ ଆଗୁଆଇ ତାଇକେନାଏ । ୨ ଇନିଃ ଧାର୍ମାନ୍ ହତ୍ ତାଇକେନାଏ । ଇନିଃ ଆତଃ ଆୟାଃ ଅଡ଼ାଃରେନ୍ ସବେନ୍କ ପାର୍ମେଶ୍ଵାରକେକ ବର ତାଇକେନା । ଇନିଃ ଗାରିବ୍ ଯିହୁଦୀ ହତକକେ ଦେଙ୍ଗାକତାନ୍ ତାଇକେନା ଆତଃ ପାର୍ମେଶ୍ଵାରତାଃରେ ସବେନ୍ ଇମତାଏ ବିକ୍ତିତାନ୍ ତାଇକେନା । ୩ ମୁସିଙ୍ଗ୍ ତାର୍ସିଙ୍ଗ୍ ଆପି ଘାଡି ହବାଅଃତାଇକେନ୍ ଇମତାକରେ ଇନିଃ ମିଆଁଦ୍ ଦାର୍ଶାନ୍ରେ ପୁରା ନେଲ୍କେଦା ଯେ, ପାର୍ମେଶ୍ଵାର୍ଆଃ ମିଆଁଦ୍ ଦୁଡ୍ ହିଜୁଃକେଦ୍ତେ ଇନିଃକେ ହାକାଅକିୟା, “ଏ କର୍ଣ୍ଣଲିୟ ।”

୪ ଇନିଃ ବରତେ ଦୁଡ୍ସାଃତେ ନେଲ୍କେଦା ଆତଃ କାଜିକିୟାଏ, “ହେ ଗମ୍କେ, ଚିନାଃମ୍ କାଜିତାନା ?” ଦୁଡ୍ କାଜିରୁହାଡ୍କିୟାଏ, “ପାର୍ମେଶ୍ଵାର୍ ଆମାଃ ବିକ୍ତି ଆତଃ ଦାନ୍ ଏମଃରେ ସୁକୁଆକାନା ଆତଃ ଇନିଃ ଆମକେ କାଜିରୁହାଡ୍ ନାଗେନ୍ତେ ସେକାଡାକାନା । ୫ ନାହାଁଃ ଶିମୋନ୍ ପାତ୍ରରାସ୍ ନୁତୁମ୍ ମିଆଁଦ୍ ହତକେ କେଡାଆଉ ନାଗେନ୍ତେ ହତକକେ ଯୋପ୍ପାତେ କୁଲ୍କମେ । ୬ ପାତ୍ରରାସ୍ ଦରେୟା ଗେନାରେ ତାଇନ୍ତାନ୍ ଶିମୋନ୍ ନୁତୁମ୍ ମିଆଁଦ୍ ମୁତିଆଃ ଅଡ଼ାଃରେ ପେଡାହତ୍ ଲେକାଏ ତାଇକେନା ।” ୭ ନେଆଁ କାଜିକେଦ୍ତେ ଦୁଡ୍ ସେନଃୟାନାଏ । ଏନ୍ତେ କର୍ଣ୍ଣଲିୟ ଆୟାଃ ଅଡ଼ାଃରେନ୍ ବାରହତ୍ ଦାସିକିନ୍କେ ଆତଃ ମିଆଁଦ୍ ସିପାଇ, ଅକଏଚି ଧାର୍ମାନ୍ ହତ୍ ତାଇକେନାଏ, ଇନିଃକେ କେଡାଆଉକିୟା । ୮ ଇନିଃ ଇନ୍କୁକେ ସବେନାଃ ଉଦୁବ୍କେଦ୍ତେ ଯୋପ୍ପାତେ କୁଲ୍କେଦ୍କଆ ।

* ୯:୩୩ ୯:୩୩ ଆଠ୍

୯ ଏଗାଃ ହୁଲାଙ୍ଗ୍ ଇନକୁ ଯୋପା ସାହାରତେ ସେଟେରତାନ୍ ଇମ୍ତା ପାଡ଼ରାସ୍ ମାହାଲା ଅଡ଼ାଃରେୟାଃ ତେତାନ୍ କୁଠାତେ ବିକ୍ତି ନାଙ୍ଗ୍ ସେନ୍‌କେନାଏ । ଇମ୍ତାକ ତିକିନ୍‌ସିଙ୍ଗି ହବାଅଃ ତାଇକେନା । ୧୦ ପାଡ଼ରାସ୍‌କେ ପୁରାଃଗି ରେଙ୍ଗେଃକିଃ ହରାତେ ଜେଡ଼ନାଃ ଜମନାଙ୍ଗ୍ ସାନାଙ୍ଗ୍‌କିୟା । ଜମେୟାଃ ସେକାଡ଼ଃତାଇକେନ୍ ଇମ୍ତା ଇନିଃ ମିଆଁଦ୍ ଦାର୍‌ଶାନ୍ ନାମ୍‌କେଦାଏ । ୧୧ ଇନିଃ ସିମା ନିଜାକାନ୍ ଆଡ଼ଃ ଏନାଏତେ ମିଆଁଦ୍ ମାରାଙ୍ଗ୍ ଚାଦାର୍ ଲେକା ଉପୁନିୟା* କଟାରେ ତୁଙ୍ଗାକେଦ୍‌ତେ ଅତେ ତେତାନ୍‌ତେ ଆଡ଼ଗୁଃତାନାଏ ନେଲ୍‌କେଦା । ୧୨ ଏନାରେ ଚିମିନ୍ ରାକାମ୍‌ରେନ୍ ଜାଁତୁ, ଅତେରେ ରେଙ୍ଗାଅଃତାନ୍ ଜାଁତୁ ଆଡ଼ଃ ବିରରେନ୍ ଅଡ଼େକ ତାଇକେନା । ୧୩ ଆଡ଼ଃ ଇନିଃ ମିଆଁଦ୍ ଲାବ୍‌ଜା ଆୟୁମ୍‌କେଦାଏ, “ଏ ପାଡ଼ରାସ୍, ବିରିଦ୍‌ମେ ଆଡ଼ଃ ଗଏଃକେଦ୍‌ତେ ଜମକୁମ୍ ।”

୧୪ ମେନ୍‌ଦ ପାଡ଼ରାସ୍ କାଜିକେଦାଏ, “କାହାଗି, ପ୍ରାଭୁ, ଆଇଙ୍ଗ୍ ଚିଉଲାଅଗି କା ଫାଟ୍‌ଚିୟାକାନ୍ ଚାଏ ସଡ଼ରାକାନ୍ ଜମେୟାଃ କାଇଙ୍ଗ୍ ଜମାକାଦା ।”

୧୫ ଇନିଃ ଆଡ଼ଃମିସା ଏନ୍ ଲାବ୍‌ଜା ଆୟୁମ୍‌କେଦାଏ, “ପାର୍‌ମେଶ୍‌ୱାର୍ ଅକ୍‌ନାଃକେ ଫାଟ୍‌ଚିକାଦା, ଆମ୍ ଏନାକେ କା ଫାଟ୍‌ଚି ମେନ୍ତେ ଆଲମ୍ କାଜିୟା ।” ୧୬ ନେ'ଲେକା ଆପିସାତେ ହବାୟାନ୍ ତାୟମ୍‌ତେ, ଚାଦାର୍ ଇମ୍ତାଗି ସିମାତେ ରାକାବ୍‌ୟାନା ।

୧୭ ପାଡ଼ରାସ୍ ଆୟାଃ ଦାର୍‌ଶାନ୍‌ରେୟାଃ ମୁଣ୍ଡି ଉଡ଼ୁକେଦ୍‌ତେ ଆକ୍‌ଦାଦାଅଃତାନ୍ ଇମ୍ତା, କର୍ଣ୍ଣଲିୟ୍ ଅକନ୍ ହଡ଼କକେ କୁଲାକାଦକ ତାଇକେନା, ଇନକୁ ଶିମୋନିଆଃ ଅଡ଼ାଃ ନେଲ୍‌ଉରମ୍‌କେଦ୍‌ତେ ଆୟାଃ ଅଡ଼ାଃରାଚାରେୟାଃ ବଲଦୁଆରତାଃରେ ତିଙ୍ଗୁକାନ୍‌କ ତାଇକେନା । ୧୮ ଇନକୁ ହାକାଅକେଦ୍‌ତେ କୁଲିକେଦାକ, “ଶିମୋନ୍ ପାଡ଼ରାସ୍ ନୁତୁମ୍ ମିଆଁଦ୍ ପେଡ଼ାହଡ଼ ନେତାଃରେ ମେନାଲୟାତି ?”

୧୯ ପାଡ଼ରାସ୍ ଇମ୍ତାଜାକେଦ୍ ଏନ୍ ଦାର୍‌ଶାନ୍‌ରେୟାଃ ମୁଣ୍ଡି ଆବ୍‌କାର୍‌ଉରୁମେ ନାଗେନ୍ତେ ସାନାଙ୍ଗ୍ ତାଇକେନା, ଇମ୍ତା ଆମ୍ କାଜିକିୟାଏ, “ଆୟୁମ୍‌ଲେମ୍, ଆମ୍‌କେ ଆପିହଡ଼ ଦାଣ୍ଡାମେତାନାକ । ୨୦ ଏନାତେ ମାର୍ ସେକାଡ଼କେଦ୍‌ତେ ଲାଡ଼ାର୍‌ତେ ଆଡ଼ଗୁନ୍‌ମେ ଆଡ଼ଃ ଇନକୁଲଃ ସେନ୍ ନାଗେନ୍ତେ ଆଲମ୍ ହିବ୍‌କିଗାଃଅଆ, ଚିଆଃଚି ଆଇଙ୍ଗ୍ ଇନକୁକେ କୁଲାକାଦକଆଇଙ୍ଗ୍ ।” ୨୧ ଏନ୍ତେ ପାଡ଼ରାସ୍ ଲାଡ଼ାର୍‌ତେ ଆଡ଼ଗୁକେଦ୍‌ତେ ଇନକୁକେ କାଜିକେଦ୍‌କଆ, “ଆପେ ଅକଏକେ ଦାଣ୍ଡାତାନାପେ ଇନିଃ ଆଇଙ୍ଗ୍‌ଗି ତାନିଙ୍ଗ୍, ଆପେ ଚିନାଃ ମେନ୍ତେପେ ହିଜୁଃକାନା ?”

୨୨ ଇନକୁ କାଜିରୁହାଡ଼କିୟାକ, “ମିଦ୍‌ଗାଅ ସିପାଇକଆଃ ଆଗୁଆଇ କର୍ଣ୍ଣଲିୟ୍ ଆଲେକେ କୁଲାକାଦଲେୟା । ଇନିଃ ମିହୁଡ଼୍ ଧାର୍‌ମାନ୍ ହଡ଼ ତାନିଃ । ଇନିଃ ପାର୍‌ମେଶ୍‌ୱାର୍‌କେ ବରଝାଇ ତାଇକେନା ଆଡ଼ଃ ସବେନ୍ ଯିହୁଦୀ ହଡ଼କ ଇନିଃକେ ମାଇନାଃକ । ପାର୍‌ମେଶ୍‌ୱାର୍‌ଆଃ ମିଆଁଦ୍ ପାବିତାର୍ ଦୁଁଡ଼ କର୍ଣ୍ଣଲିୟ୍‌କେ ଦାର୍‌ଶାନ୍ ଏମ୍‌କେଦ୍‌ତେ ଆମ୍‌କେ ଆୟାଃ ଅଡ଼ାଃତେ କେଡ଼ାଇଦିମେ ମେନ୍ତେ କାଜିକାଦା, ଜେ'ଲେକାଚି ଇନିଃ ଆମାଃତାଃଏତେ ଇତୁ ଦାଡ଼ିୟାଆ ।” ୨୩ ପାଡ଼ରାସ୍ ଇନକୁକେ ଅଡ଼ାଃତେ କେଡ଼ାଇଦିକେଦ୍‌କଆ ଆଡ଼ଃ ଏନ୍ ନିଦା ଆୟାଃଲଃ ତାଇନ୍ ନାଗେନ୍ତେ ବିକ୍ତିକେଦ୍‌କଆ । ଏଗାଃ ହୁଲାଙ୍ଗ୍ ଇନିଃ ସେକାଡ଼କେଦ୍‌ତେ ଇନକୁଲଃ ସେନଃୟାନାଏ । ଯୋପାରେନ୍ ଚିମିନ୍ ବିଶ୍ୱାସୀକହଗି ଇନକୁଲଃ ମିସାତେକ ସେନଃୟାନା । ୨୪ ଏନ୍ ହୁଲାଙ୍ଗ୍‌ରେୟାଃ ଏଗାଃ ହୁଲାଙ୍ଗ୍‌ରେ ଇନକୁ କାଇସରିୟା ସାହାରତେକ ସେଟେରୟାନା । ଏନ୍ତାଃରେ କର୍ଣ୍ଣଲିୟ୍ ଆୟାଃ ହଡ଼ପେଡ଼ାକକେ ଆଡ଼ଃ ଆୟାଃ ଗାତିକକେ ହାକାଅକେଦ୍‌ତେ ଇନକୁକେ ତାଙ୍ଗିତାନ୍‌କ ତାଇକେନା । ୨୫ ପାଡ଼ରାସ୍ ଭିଡ଼ାର୍‌ତେ ବଲତାନ୍ ତାଇକେନ୍ ଇମ୍ତା କର୍ଣ୍ଣଲିୟ୍ ଇନିଃକେ ଦାରମିତାନ୍‌ଲଃ ଆୟାଃ କାଟା ସୁବାରେ ଉୟୁଃକେଦ୍‌ତେ ଜହାର୍‌କିୟା । ୨୬ ମେନ୍‌ଦ ପାଡ଼ରାସ୍ ଇନିଃକେ ବିରିଦ୍‌କେଦ୍‌ତେ କାଜିକିୟା, “ମାର୍ ତିଙ୍ଗୁନ୍‌ମେ, ଆଇଙ୍ଗ୍‌ହୁଁ ମିହୁଡ଼୍ ହଡ଼ ତାନିଙ୍ଗ୍ ।” ୨୭ ପାଡ଼ରାସ୍ କର୍ଣ୍ଣଲିୟ୍‌ଲଃ ଜାଗାର୍‌ତାନ୍‌ଲଃଗି ଅଡ଼ାଃତେ ବଲୟାନା । ଏନ୍ତାଃରେ ପୁରାଃ ହଡ଼କକେ ନେଲ୍‌କେଦ୍‌ତେ, ୨୮ ଇନିଃ ଇନକୁକେ କାଜିକେଦ୍‌କଆ, “ଆପେ ସବେନ୍‌କ ସାରିତାନାପେ, ମିଆଁଦ୍ ଯିହୁଦୀ ହଡ଼ ଆୟାଃ ଧାରାମ୍ ବିଶ୍ୱାସ୍ ଲେକାତେ ସାଅଁସାର୍ ହଡ଼କଲଃ କାଏ ଦୁବ୍‌ତିଙ୍ଗୁନା । ମେନ୍‌ଦ ପାର୍‌ମେଶ୍‌ୱାର୍ ଆଇଙ୍ଗ୍‌କେ ଉଦୁବ୍‌କାଦିୟା, ଜେତାଏକେ କା ଫାଟ୍‌ଚି ଚାଏ ସଡ଼ରା ମେନ୍ତେ ଆଲମ୍ କାଜିକଆ । ୨୯ ଏନାମେନ୍ତେ ଆମ୍ ଚିମ୍‌ତା ଆଇଙ୍ଗ୍‌କେ କେଡ଼ାଆଉ ନାଙ୍ଗ୍ କାଜିକେଦାମ୍, ଆଇଙ୍ଗ୍ ଜେଡ଼ନାଃ କା କାଜିକେଦ୍‌ତେଇଙ୍ଗ୍ ହିଜୁଃୟାନା । ଆଇଙ୍ଗ୍ ସାରି ନାଗେନ୍ତେଇଙ୍ଗ୍ ସାନାଙ୍ଗ୍‌ତାନା, ଆମ୍ ଚିନାଃମେନ୍ତେମ୍ କେଡ଼ାଆଉକାଦିୟା ?”

୩୦ କର୍ଣ୍ଣଲିୟ୍ କାଜିକିୟାଏ, “ଉପୁନ୍‌ମାହାଁରେ ଠିକ୍ ନେ ନେତାରେ ତାର୍‌ସିଙ୍ଗ୍ ଆପି ଘାଡ଼ିକରେ ଆଇଙ୍ଗ୍ ଆଇଁୟାଃ ଅଡ଼ାଃରେ ବିକ୍ତି ତାଇକେନାଇଙ୍ଗ୍ । ଇମ୍ତାଙ୍ଗି ଝାକ୍‌ମାକ୍ ଲିଜାଃ ତୁସିଙ୍ଗ୍‌ୟାକାନ୍ ମିଆଁଦ୍ ହଡ଼ ଆଇଁୟାଃ ସାମ୍‌ନାଙ୍ଗ୍‌ରେ ତିଙ୍ଗୁୟାନା ଆଡ଼ଃ କାଜିକିୟାଏ, ୩୧ ଏ କର୍ଣ୍ଣଲିୟ୍, ପାର୍‌ମେଶ୍‌ୱାର୍ ଆମାଃ

* ୧୦:୧୧ ୧୦:୧୧ ଚାଇର୍

ବିକ୍ରି ଆୟୁମାକାଦା ଆତଃ ଗାରିବ୍ ହତକକେ ଦାନ୍ ଏମରେୟାଃ କାମିତେ ସୁକୁଆକାନା । ୩୨ ଶିମୋନ୍ ପାତ୍ରରାସ୍ ନୁତୁମ୍ ମିଆଁଦ୍ ହତକେ ଆଉ ନାଗେନ୍ତେ ଯୋପ୍ପା ସାହାର୍ତେ ଜେତାଏ ମିହୁଡକେ କୁଲିପେ । ଇନିଃ ଦରେୟା ଗେନାରେ ତାଇନ୍ତାନ୍ ମୁଚି ଶିମୋନ୍ଆଃ ଅଡ଼ାଃରେ ପେଡ଼ାହଡ଼ ଲେକା ମେନାଇୟା । ୩୩ ଏନ୍ତେ ଆଇଙ୍ଗ୍ ଇମ୍ତାଗି ଆମ୍ବେ କେଡ଼ାଆଉ ନାଙ୍ଗ୍ ହତକଇଙ୍ଗ୍ କୁଲ୍କେଦକଆ ଆତଃ ଆମ୍ ଲିବୁଇତାନ୍ଲଃ ହିଜୁଃୟାନାମ୍ । ପ୍ରାଭୁ ଆମ୍ବେ ଅକ୍ନାଃ କାଜି ନାଗେନ୍ତେ ଆରୁକାଦମା, ଏନା ଆୟୁମ୍ ନାଗେନ୍ତେ ଆଲେ ନାହାଁଃ ସବେନ୍କ ନେତାଃରେଲେ ହୁଣ୍ଡିୟାକାନା ଆତଃ ସାରିତାନାଲେ ପାର୍ମେଶ୍ଵାର୍ ଆଲେଲଃ ମେନାଇୟା ।”

କର୍ଣ୍ଣୁଲିୟରାଃ ଅଡ଼ାଃରେ ପାତ୍ରରାସ୍ଆଃ ପ୍ରାଚାର୍

୩୪ ପାତ୍ରରାସ୍ ଇତୁ ଏଟେଦ୍ତାନଲଃ କାଜିକେଦାଏ, “ନାହାଁଃ ଆଇଙ୍ଗ୍ ଆଟ୍କାର୍ ଉରୁମ୍କେଦାଇଙ୍ଗ୍ ଯେ ସାର୍ତ୍ତିଗି ପାର୍ମେଶ୍ଵାର୍ ସବେନ୍କକେ ମିଦ୍ଜକାଗି ନେଲଃଏ । ୩୫ ଜେତାଏ ପାର୍ମେଶ୍ଵାର୍କେ ବରଞ୍ଜାଇୟା ଆତଃ ଅକ୍ନାଃ ବୁଗିନାଃ ଏନା ରିକାଃଏ, ଇନିଃକେ ପାର୍ମେଶ୍ଵାର୍ ସୁକୁଃଆଏ । ଏନ୍ ହତ ଜେତା ଜାତିରେନ୍ ତାଇନଃରେୟା ବାୟୁଃଆ । ୩୬ ପାର୍ମେଶ୍ଵାର୍ ଇସ୍ରାଏଲ୍ ହତକତାଃତେ ଅକ କାନାଜି କୁଲ୍ମାକାଦ୍ ତାଇକେନାଏ, ଏନାଗି ଯୀଶୁ ଖ୍ରୀଷ୍ଟ୍ଆଃ ହରାତେ ଉଦୁବାକାନ୍ ଜୀଉସୁକୁରାଃ ସୁକୁକାଜି ତାନାଃ ଆତଃ ନେ ଯୀଶୁଗି ସବେନ୍କଆଃ ପ୍ରାଭୁ ତାନିଃ, ଏନାଦପେ ସାରିତାନା । ୩୭ ଯୋହାନ୍ ମନ୍ରୁହାଡ଼ରେୟାଃ ଆତଃ ଦାଆଃରେ ବାପ୍ତିସ୍ମା ଇଦିରେୟାଃ କାନାଜି ଉଦୁବକେଦ୍ ତାୟମ୍ତେ, ଗାଲିଲ୍ତାଃଏତେ ଏଟେଃକେଦ୍ତେ ଗଟା ଯିହୁଦା ଦିଶୁମ୍ରେ ସୁକୁକାଜି ଉଦୁବୟାନା, ଏନାଦପେ ସାରିତାନା । ୩୮ ଆପେ ନାଜରେଡ୍ରେନ୍ ଯୀଶୁଆଃ ବିଷାଏରେ ଆତଃ ପାର୍ମେଶ୍ଵାର୍ ଚିଲ୍କା ଯୀଶୁଆଃ ତେତାନ୍ରେ ପାବିତାର୍ ଆମ୍ ଆତଃ ପେଡ଼େଃତେ ଆଭିଷେକ୍କିୟାଏ, ଏନାଦପେ ସାରିତାନା । ଯୀଶୁ ସବେନ୍କଆଃତେ ସେନ୍କେଦ୍ତେ ବୁଗିନାଃ କାମିକେଦାଏ ଆତଃ ସାଏତାନ୍ତେ ଏସେରାକାନ୍ ହତକକେ ବୁଗିକେଦକଆ, ତିଆଃତି ପାର୍ମେଶ୍ଵାର୍ ଇନିଃଲଃ ତାଇକେନାଏ । ୩୯ ଯିହୁଦା ଦିଶୁମ୍ରେ ଆତଃ ଯୀରୁଶାଲେମ୍ ଦିଶୁମ୍ରେ ଇନିଃ ଅକ କାମିକଏ କାମିକେଦା, ଏନ୍ ସବେନାଃରେୟାଃ ଆଲେ ଗାଞ୍ଜାତାନ୍ଲେ । ଏନ୍ତେ ଯୀଶୁକେ ଇନ୍କୁ କୁଶ୍ରେ କିଲ୍ଲାକେଦ୍ତେ ଗଏଃକିୟାକ । ୪୦ ମେନ୍ଦ ପାର୍ମେଶ୍ଵାର୍ ଇନିଃକେ ଆପିମାହାଁ ତାୟମ୍ତେ ଗନଏଃହେତେ ଜୀଉବିରିଦ୍କିୟା ଆତଃ ହତକତାଃରେ ଉଦୁବେନ୍କିକିୟା । ୪୧ ଇନିଃ ସବେନ୍କତାଃରେଦ୍ କାଏ ଉଦୁବେନ୍ୟାନା, ମେନ୍ଦ ପାର୍ମେଶ୍ଵାର୍ ଅକ ହତକକେ ଆୟାଃ ଗାଞ୍ଜା ଏମ୍ନାଙ୍ଗ୍ ସିଦାରେ ସାଲାକାଦକ୍ ତାଇକେନା, ଇନ୍କୁତାଃରେ ଏସ୍କାର୍ ଉଦୁବେନ୍ୟାନାଏ । ପାର୍ମେଶ୍ଵାର୍ ଇନିଃକେ ଗନଏଃହେତେ ଜୀଉବିରିଦ୍କିୟାନ୍ ତାୟମ୍ତେ ଆଲେ ଇନିଃଲଃ ଜମ୍ ନୁଁକେଦାଲେ । ୪୨ ହତକତାଃରେ ସୁକୁକାଜି ଉଦୁବ ନାଗେନ୍ତେ ଆତଃ ପାର୍ମେଶ୍ଵାର୍ ଇନିଃକେ ଜାନିଦ୍ ଆତଃ ଗନଏଃ ହତକଆଃ ବିତାର୍ ନାଗେନ୍ତେ ସାଲାକିୟା, ନେ କାଜିରେୟାଃ ଗାଞ୍ଜା ଏମ୍ ନାଗେନ୍ତେ ଇନିଃ ଆଲେକେ ଆରୁକାଦଲେୟା । ୪୩ ସବେନ୍ ନାବୀକ ଇନିୟାଃ ବିଷାଏରେ ଗାଞ୍ଜା ଏମ୍ବେଦାକ, ଅକନ୍ ହତକ ଇନିଃତାଃରେକ ବିଶ୍ଵାସେୟା, ଇନ୍କୁ ଇନିୟାଃ ନୁତୁମ୍ରେୟାଃ ପେଡ଼େଃତେ ପାପ୍ ଛାମାକ ନାମେୟା ।”

ସାଅଁସାର୍ ବିଶ୍ଵାସୀ ହତକ ପାବିତାର୍ ଆମ୍ବେକେକ ନାମ୍ ତାନା

୪୪ ପାତ୍ରରାସ୍ ନେ କାଜି କାଜିତାନ୍ ଇମ୍ତା, ଇନିୟାଃ କାଜି ଆୟୁମ୍ତାନ୍ ସବେନ୍ ହତକଆଃ ତେତାନ୍ରେ ପାବିତାର୍ ଆମ୍ ଆଡ଼ଗୁୟାନାଏ । ୪୫ ପାର୍ମେଶ୍ଵାର୍ ସାଅଁସାର୍ ବିଶ୍ଵାସୀ ହତକକେୟାଗି ପାବିତାର୍ ଆମ୍ବେରେୟାଃ ବାର୍ଦାନ୍ ଏମାକତାନାଏ, ଏନା ନେଲ୍କେଦ୍ତେ ପାତ୍ରରାସ୍ଲଃ ହିଜୁଃକାନ୍ ଯୋପ୍ପା ସାହାର୍ରେନ୍ ଯିହୁଦୀ ବିଶ୍ଵାସୀକ ହାଏକାର୍ୟାନାକ । ୪୬ ତିଆଃତି ଯିହୁଦୀ ବିଶ୍ଵାସୀକ ଇନ୍କୁକେ ପାର୍ମେଶ୍ଵାର୍ଆଃ ମାନାରାଙ୍ଗ୍ ରିକାତାନ୍ ଆତଃ ଏଟାଃ ଏଟାଃ ଜାଗାର୍ତେ କାଜିତାନ୍କ ଆୟୁମ୍କେଦକଆ । ଏନ୍ତେ ପାତ୍ରରାସ୍ କାଜିକେଦକଆଏ, ୪୭ “ଆରୁ ଲେକାଗି ନେ ହତକହ ପାବିତାର୍ ଆମ୍ବେକ ନାମ୍କିୟା । ଦାଆଃରେ ବାପ୍ତିସ୍ମା ଇଦି ନାଗେନ୍ତେ ଇନ୍କୁକେ ତିନାଃ ଜେତାଏ ହକା ଦାଡ଼ିୟାକ ?” ୪୮ ଏନ୍ତେ ଇନିଃ ଇନ୍କୁକେ ଯୀଶୁ ଖ୍ରୀଷ୍ଟ୍ଆଃ ନୁତୁମ୍ତେ ଦାଆଃରେ ବାପ୍ତିସ୍ମା ଇଦି ନାଗେନ୍ତେ ଆରୁକେଦକଆ । ଏନ୍ତେ ଇନ୍କୁ ଇନିଃକେ ଆତଃ ଚିମିନ୍ ଦିନ୍ ଇନ୍କୁଲଃ ତାଇନ୍ ନାଗେନ୍ତେ କାଜିକିୟାକ ।



ଯୀରୁଶାଲେମ୍ କାଲିସିୟାରେ ପାତ୍ରରାସ୍ଆଃ ଉନ୍ନୁଦୁବ୍

୧ ସାଅଁସାର୍ ହତକହଗି ପାର୍ମେଶ୍ଵାର୍ଆଃ ବାଚାନ୍ ତେଲ୍ଲାକେଦାକ ମେନ୍ତେ ପ୍ରେରିତ୍କ ଆତଃ ଯିହୁଦାରେନ୍ ଏଟାଃ ବିଶ୍ଵାସୀକ ଆୟୁମ୍କେଦାକ । ୨ ପାତ୍ରରାସ୍ ଚିମ୍ତା ଯୀରୁଶାଲେମ୍ତେ ସେନଃୟାନା, ଇମ୍ତା ଖାତ୍ନାଅକାନ୍ ହତକ ଇନିୟାଃ ବିରୁଧ୍ରେ କାଜିକିୟାକ, ୩ “ଆପେ କା ଖାତ୍ନାଅକାନ୍ ସାଅଁସାର୍କଆଃ ଅଡ଼ାଃରେ ପେଡ଼ାହଡ଼ ଲେକାପେ ତାଇକେନା ଆତଃ ଇନ୍କୁଲଃ ଜମ୍ ନୁଁକେଦାପେ

୧୮ ୪ ଏନାତେ ପାତ୍ରରାସ୍ ଏନେଟେଦ୍ତାଃଏତେ ଅକ୍ନାଃ ହବାକାନ୍ ତାଇକେନା, ଏନା ସବେନାଃଏ ଉଦୁବାଦକଆ,

୫ “ଆଇଙ୍ଗ୍ ଯୋପ୍ପା ସାହାରରେ ବିନ୍ତି ତାଇକେନାଇଙ୍ଗ୍ ଇମ୍ତା ମିଆଁଦ୍ ଦାର୍ଶାନ୍ ନାମକେଦାଇଙ୍ଗ୍ । ମିଆଁଦ୍ ମାରାଙ୍ଗ୍ ଚାଦାରରେୟାଃ ଉପୁନ୍ କଚାରେ ସାବ୍କେଦ୍ତେ ସିର୍ମାଏତେ ତୁଙ୍ଗାଆଡ଼ଗୁଃ ତାଇକେନା ଆତଃ ଆଇୟାଃ ଆୟାରରେ ଆଟ୍ଟାଆୟାନ୍ ଲେକାଇଙ୍ଗ୍ ନେଲ୍କେଦା । ୬ ଆଇଙ୍ଗ୍ ଏନାରେୟାଃ ଭିତାରସାଃରେ ବୁଗିଲେକାଇଙ୍ଗ୍ ନେଲ୍କେଦ୍ ଇମ୍ତା, ଏନାରେ ଉପୁନିୟା କାଟାକାନ୍ ଜାଁତୁକ, ଅଡ଼ାଃରେ ଆୟୁଲ୍ ଜାଁତୁକ ଆତଃ ବିରରେନ୍ ଜାଁତୁକ, ଅତେରେ ରେଙ୍ଗାଅଃତାନ୍ ଜାଁତୁକ ଆତଃ ବିରରେନ୍ ଅଡ଼େକକେଇଙ୍ଗ୍ ନେଲ୍କେଦକଆ । ଆରୁଆଃ ଆଇନ୍ ଲେକାତେ କାରୁ ଜଜମ୍ ଜାଁତୁକହଗି ତାଇକେନାକ । ୭ ଏନ୍ତେ ଆଇଙ୍ଗ୍, ଆଇଙ୍ଗ୍କେ କାଜିୟାଇଙ୍ଗ୍ତାନ୍ ଲାବ୍ଜା ଆୟୁମ୍କେଦାଇଙ୍ଗ୍, ‘ପାତ୍ରରାସ୍, ବିରିଦ୍ମେ, ଆତଃ ଗଏଃକେଦ୍ତେ ଜମ୍କମ୍ ।’ ୮ ମେନ୍ଦ୍ ଆଇଙ୍ଗ୍ କାଜିରୁହାଡ଼କେଦାଇଙ୍ଗ୍, ‘କାହାଗି ପ୍ରାଭୁ, ଆଇଙ୍ଗ୍ କାଇଙ୍ଗ୍ ଜମ୍ ଦାଡ଼ିୟା । ନାହାଁଃ ଜାକେଦ୍ ଜେତା ସଡ଼ରାତେୟାଃ ଚାଏ କା ଫାର୍ତିତେୟାଃ କାଇଙ୍ଗ୍ ଜମାକାଦା ।’ ୯ ସିର୍ମାଏତେ ଆତଃମିସା ନେ ଲାବ୍ଜା ଆୟୁମ୍ୟାନା, ‘ପାର୍ମେଶ୍ୱାର୍ ଅକ୍ନାଃକେ ଫାର୍ତିକାନା ମେନ୍ତେ କାଜିକାଦ୍ତେୟାଃକେ କା ଫାର୍ତିକାନା ମେନ୍ତେ ଆଲମ୍ କାଜିୟା ।’ ୧୦ ନେ’ଲେକା ଆପିସାତେ ହବାୟାନା, ଆତଃ ତୁଣ୍ଡୁରେ ଏନ୍ ସବେନ୍ ବିଷାଏକେ ସିର୍ମାତେ ଇଦି ରୁହାଡ଼ିୟାନା । ୧୧ ଏନ୍ ନେଡାରେଗି, କାଇସରିୟାଏତେ ଆଇଙ୍ଗ୍ତାଃତେ କୁଲକାନ୍ ଆପିହଡ଼କ ଆଇଙ୍ଗ୍ ତାଇନଃ ଅଡ଼ାଃତାଃତେକ ସେଟେର୍ୟାନା । ୧୨ ପାବିତାର୍ ଆମ୍ ଆଇଙ୍ଗ୍କେ ବେଗାର୍ ହିରକିଚାଅକେଦ୍ତେ ହୁ ସେନଃମେ ମେନ୍ତେ କାଜିକିୟା । ଯୋପ୍ପାରେନ୍ ନେ ତୁରିୟା* ବିଶ୍ୱାସୀ ହାଗାକ ଆଇଙ୍ଗ୍ଲଃ କାଇସରିୟାତେକ ସେନ୍କେନା ଆତଃ ଆଲେ ସବେନ୍କ କର୍ଣ୍ଣଲିୟାଆଃ ଅଡ଼ାଃରେଲେ ସେଟେର୍ୟାନା । ୧୩ ଇନିଃ ଚିଲ୍କା ଆୟାଃ ଅଡ଼ାଃରେ ମିଆଁଦ୍ ଦୁଡ଼କେ ତିଙ୍ଗୁକାନ୍ ନେଲକାଇ ତାଇକେନାଏ, ଏନ୍ ବିଷାଏରେ ଆଲେକେ ଉଦୁବାଦଲେୟା । ଦୁଡ଼ ଇନିଃକେ କାଜିକାଇ ତାଇକେନା, ‘ଯୋପ୍ପାତେ ଶିମୋନ୍ ପାତ୍ରରାସ୍ ନୁତୁମ୍ ମିଆଁଦ୍ ହଡ଼କେ ଆଉ ନାଗେନ୍ତେ ହଡ଼ କୁଲକମ୍ । ୧୪ ଇନିଃ ହିନ୍ଦୁଃକେଦ୍ତେ ଆମ୍କେ ଜୀଉବାଞ୍ଚାଅରେୟାଃ କାଜି କାଜିମେୟା, ଏନା ହରାତେ ଆମ୍ ଆତଃ ଆମାଃ ଅଡ଼ାଃରେନ୍ ସବେନ୍କ ଜୀଉବାଞ୍ଚାଅପେ ନାମେୟା ।’ ୧୫ ଆତଃ ଆଇଙ୍ଗ୍ କାଜି ଏଟେଦ୍କେଦ୍ ଇମ୍ତା, ପାବିତାର୍ ଆମ୍ ଏନେଟେଦ୍ରେ ଆରୁଆଃ ଚେତାନ୍ରେ ଆଡ଼ଗୁୟାନ୍ ଲେକାଗି ଇନ୍କୁଆଃ ଚେତାନ୍ରେୟା ଅଡ଼ଗୁୟାନା । ୧୬ ଏନ୍ତେ ଆଇଙ୍ଗ୍ ପ୍ରାଭୁ କାଜିକାଦ୍ କାଜିଇଙ୍ଗ୍ ପାହାମ୍କେଦା, ‘ଯୋହାନ୍ଦ୍ ଦାଆଃତେ ବାପ୍ତିସ୍ମା ଏମାଦ୍କଆଏ, ମେନ୍ଦ୍ ଆପେ ପାବିତାର୍ ଆମ୍ତେ ବାପ୍ତିସ୍ମାଃଃପେ ।’ ୧୭ ପ୍ରାଭୁ ଯୀଶୁ ଖ୍ରୀଷ୍ଟତାଃରେ ବିଶ୍ୱାସ୍କେଦ୍ ହରାତେ ପାର୍ମେଶ୍ୱାର୍ ଆବୁକେ ପାବିତାର୍ ଆମ୍ବାରାଃ ବାର୍ଦାନ୍ ଏମାକାଦ୍ବୁ ଲେକାଗି ସାଅଁସାର୍ ବିଶ୍ୱାସୀକକେହଗି ଏନ୍ଲେକାନ୍ ବାର୍ଦାନ୍ ଏମାକାଦ୍କଆଏ, ଆଇଙ୍ଗ୍ ଅକଏ ତାନିଙ୍ଗ୍ ଯେ ପାର୍ମେଶ୍ୱାର୍ଆଃ ନେ କାମିକେଇଙ୍ଗ୍ ହକାଦାଡ଼ିୟା ।’ ୧୮ ଇନ୍କୁ ନେଆଁ ଆୟୁମ୍କେଦ୍ତେ ହାପାୟାନାକ ଆତଃ ପାର୍ମେଶ୍ୱାର୍ଆଃ ମାନାରାଙ୍ଗ୍ତାନ୍ଲଃ କାଜିକେଦାକ, “ଏନାରେଦ୍ ପାର୍ମେଶ୍ୱାର୍ ସାଅଁସାର୍ ହଡ଼କକେୟଗି ହେୟାଡ଼ିଙ୍ଗ୍ ନାଗେନ୍ତେ ଆତଃ ଜୀଦାନ୍ ବାଞ୍ଚାଅଃ ନାଗେନ୍ତେ ସୁଯୋଗ୍ ଏମାକାଦ୍କଆଏ ।”

ଆନ୍ତିୟୋଖରେୟାଃ କାଲିସିୟା

୧୯ ଏପ୍ରିଫାନ୍କେ ଗଏଃକିଃ ତାୟମ୍ତେ ବିଶ୍ୱାସୀ ହଡ଼କ ସାସାତି ନାମ୍କେଦ୍ ହରାତେ ଛିତିବିତିୟାନାକ, ଇନ୍କୁଏତେ ଚିମିନ୍ ହଡ଼କ ଯିହୁଦୀ ହଡ଼କତାଃରେ ଏସ୍କାର୍ ପ୍ରାଚାର୍ତାନ୍ଲଃ ଫିନିସିୟା, ସାଇପ୍ରସ୍ ଆତଃ ଆନ୍ତିୟୋଖ୍ ଜାକେଦ୍କ ସେନଃୟାନା । ୨୦ ମେନ୍ଦ୍ ସାଇପ୍ରସ୍ ଟାପୁ ଆତଃ କୁରିନି ନାଗାରରେନ୍ ଏଟାଃ ଚିମିନ୍ ବିଶ୍ୱାସୀ ହଡ଼କ ଆନ୍ତିୟୋଖ୍ତେ ସେନ୍କେଦ୍ତେ ସାଅଁସାର୍ ହଡ଼କତାଃରେୟଗି ଗ୍ରୀକ୍ ଜାଗାର୍ତେ ପ୍ରାଭୁ ଯୀଶୁଆଃ ସୁକୁକାଜିକ ଉଦୁବ୍କେଦା । ୨୧ ପ୍ରାଭୁଆଃ ପେଡ଼େଃ ଇନ୍କୁଲଃ ତାଇକେନା ଆତଃ ପୁରାଃ ହଡ଼କ ବିଶ୍ୱାସ୍କେଦ୍ତେ ପ୍ରାଭୁସାଃତେ ମନ୍ରୁହାଡ଼କେଦାକ ।

୨୨ ନେ କାନାଜି ଯୀରୁଗାଲେମ୍ କାଲିସିୟାତେ ସେଟେର୍ୟାନ୍ ଇମ୍ତା, ଇନ୍କୁ ବର୍ଣ୍ଣବାସ୍କେ ଆନ୍ତିୟୋଖ୍ତେ କୁଲକିୟାକ । ୨୩ ଇନିଃ ଏନ୍ତାଃତେ ସେଟେର୍କେଦ୍ତେ ପାର୍ମେଶ୍ୱାର୍ ଏନ୍ ହଡ଼କକେ ଚିଲ୍କାଏ ଆଶିଷ୍ଟକାଦ୍କଆ, ଏନା ନେଲ୍କେଦ୍ତେ ଇନିଃ ରାସ୍କାୟାନାଏ ଆତଃ ସବେନ୍ ମନ୍ସୁରୁଦ୍ତେ ପ୍ରାଭୁଆଃ ନାଙ୍ଗ୍ ପାତିୟାର୍ରେ ଲେକା ତାଇନଃ ନାଗେନ୍ତେ ଇନ୍କୁକେ ଜୀଉରେ ରାସ୍କାକେଦ୍କଆ । ୨୪ ବର୍ଣ୍ଣବାସ୍ ପାବିତାର୍ ଆମ୍ତେ ଆତଃ ବିଶ୍ୱାସ୍ତେ ପେରେଜାକାନ୍ ମିଆଁଦ୍ ପୁରାଃ ବୁଗିନ୍ ହଡ଼ ତାଇକେନାଏ । ନେ’ଲେକାତେ ପୁରାଃ ହଡ଼କ ପ୍ରାଭୁରେ ମନ୍ରୁହାଡ଼କେଦାକ ।

* ୧୧:୧୨ ୧୧:୧୨ ଛ’ଖାନ୍ ☆ ୧୧:୧୭ ୧୧:୧୭ ପ୍ରେରିତ୍ ୧:୫. ☆ ୧୧:୧୯ ୧୧:୧୯ ପ୍ରେରିତ୍ ୮:୧-୪.

୨୫ ଏନ୍ତେ ବର୍ଣ୍ଣବାସ୍, ଶାଉଲକେ ନାନାମତେ ତାଷ୍ଟି ସତେ ସେନଃୟାନା । ୨୬ ଏନ୍ତାଃରେ ଇନିଃକେ ନାମକେଦତେ ଆନ୍ତ୍ରିୟୋଖ୍ତେ ଇଦିକିୟା । ଆତଃ ମିଦ୍ ବାରାଷ୍ ଜାକେଦ୍ ବାରାନ୍କିନ୍ ଏନ୍ତାଃକରାଃ କାଲିସିୟାରେନ୍ ବିଶ୍ୱାସୀକଲଃ ମେସାକେଦତେ ପୁରାଃ ହଡକକେ ଇଡୁକେଦକଆକ । ନେ ଆନ୍ତ୍ରିୟୋଖ୍ତରେନ୍ ବିଶ୍ୱାସୀକକେ ହଡକ ପାହିଲାତେ ଖ୍ରୀଷ୍ଟିୟାନ୍ ମେନ୍ତେକ ନୁଡୁମକେଦକଆ । ୨୭ ଏନ୍ ଦିପିଲିକରେ ଚିମିନ୍ ନାବୀକ ଯୀରୁଶାଲେମହେତେ ଆନ୍ତ୍ରିୟୋଖ୍ତେକ ହିଜୁଃୟାନା । ୨୮ ଇନ୍କୁଏତେ ଆଗାବ ନୁଡୁମ୍ ମିଆଁଦ୍ ହଡ ଆମ୍ବାରୋୟାଃ ପେଡେଃତେ ପେରେଃୟାନ୍ଲଃ ଗଟା ଅତେଦିଶ୍ୱମ୍ରେ ମିଆଁଦ୍ ବରଖାନ୍ ରିଜା ହବାଅଃଆ ମେନ୍ତେ କାଜିଆୟାରକାଦ୍ ତାଇକେନା । ଏନା କ୍ଲାଡିଆ ରୋମ୍ରେନ୍ ମାରାଙ୍ଗ୍ ହାକିମ୍ ତାଇକେନ୍ ପାରିୟାରେ ହବାୟାନା । ୨୯ ତେଲାକ ଯିହୁଦାରେ ତାଇନ୍ତାନ୍ ବିଶ୍ୱାସୀ ହାଗାକତାଃତେ ଇନ୍କୁଆଃ ଲାଗାଡିଙ୍ଗ୍ ଲେକା ଦେଙ୍ଗା କୁଲେ ନାଗେନ୍ତେ ଉହାଟ୍କେଦାକ । ୩୦ ଇନ୍କୁ ଟାକା ପାଏସା ହାରମକେଦତେ ବର୍ଣ୍ଣବାସ୍ ଆତଃ ଶାଉଲଆଃ ତିଃଇରେ କାଲିସିୟାରେନ୍ ପ୍ରାଚିନକତାଃତେ କୁଲକେଦାକ ।

୧୨

ପୁରାଃଗି ସାସାତି

୧ ଏନ୍ ଦିପିଲିରେ ହେରୋଦ୍ ରାଜା କାଲିସିୟାରେନ୍ ଚିମିନ୍ ହଡକକେ ସାସାତି ଏଟେଦକେଦକଆଏ । ୨ ଇନିଃ ଯୋହାନ୍ଆଃ ହାଗାତେ ଯାକୁବକେ ତାରାଉଡିତେ ଗଏଃକିୟା । ୩ ଯିହୁଦୀ ହଡକ ନେ କାମି ନେଲକେଦତେ ରାସ୍କାଅଃତାନାକ ଏନା ଇନିଃ ଆଟ୍କାରକେଦତେ, ପାଡ୍ରାସକେୟାଗି ତଲକିୟାଏ । ନେଆଁ ସାବାଃ ହଲଙ୍ଗ୍ରେୟାଃ ପାରାବ୍ ଇମତା ହବାୟାନା । ୪ ଏନ୍ତେ ହେରୋଦ୍ ରାଜା ପାଡ୍ରାସକେ ତଲକେଦତେ ଜେହେଲ୍ରେ ଦହକିୟାଏ । ଇନିଃକେ ହର ନାଗେନ୍ତେ ଉପୁନିୟା ଝୁଣ୍ଡ୍ରେନ୍ ପାଲଟାନ୍କଏତେ ମିପିହୁଡ୍ ଉପୁନିୟା ଝାନ୍ ସିପାଇକ ହରକିୟାକ । ପାସ୍କା ପାରାବ୍ ତାୟମତେ ସବେନ୍ ହଡକଆଃ ଆଲାରେ ଇନିଃକେ ବିଚାରି ନାଗେନ୍ତେ ହେରୋଦ୍ ରାଜା ଉହାଟ୍କେଦାଏ । ୫ ପାଡ୍ରାସ୍ ଜେହେଲ୍ରେ ତାଇକେନ୍ ଇମତା କାଲିସିୟାରେନ୍ ହଡକ ମିଦ୍ମନ୍ତେ ଇନିୟାଃ ନାଗେନ୍ତେ ପାରମେଶ୍ୱାରତାଃରେକ ବିକ୍ରିତାଇକେନା ।

ଜେହେଲ୍ଏତେ ପାଡ୍ରାସଆଃ ରାଡ଼ାଃଅ

୬ ହେରୋଦ୍ ରାଜା ଅକ ହୁଲାଙ୍ଗ୍ ପାଡ୍ରାସକେ ହଡକଆଃ ସାମ୍ନାଙ୍ଗ୍ତେ ଆଉ ନାଗେନ୍ତେ ଉହାଟ୍କାଦ୍ ତାଇକେନାଏ, ଏନ୍ ହୁଲାଙ୍ଗ୍ରେୟାଃ ସିଦା ନୁବାଃରେ ପାଡ୍ରାସ୍ ବାରହଡ୍ ହରତାନ୍କିନାଃ ଆଲାରେ ଦୁଡ଼ମ୍ବୁକାନ୍ ତାଇକେନା । ଇନିଃ ବାରିୟା ସିକ୍ତିତେ ତଲାକାନ୍ ତାଇକେନା ଆତଃ ଜେହେଲ୍ରେୟାଃ ଦୁଆର୍ ଯାପାଃରେ ହରତାନ୍ ହଡକ ହରତାଇକେନା । ୭ ଇମତାଗି ପ୍ରାଭୁଆଃ ମିଆଁଦ୍ ଦୁଡ୍ ହିଜୁଃକେଦତେ ତିଜୁୟାନା ଆତଃ ଅଡ଼ାଃରେୟାଃ କୁଠା ମାର୍ସାଲ୍ତେ ପେରେଃୟାନା । ଦୁଡ୍, ପାଡ୍ରାସଆଃ ତାରାନ୍କେ ଏକ୍ଲାଅକେଦତେ ଇନିଃକେ ଦୁଡ଼ମ୍ବୁଏତେ ବିରିଦକିଃଲଃ କାଜିକିୟାଏ, “ଜାଲ୍ଦି ବିରିଦମେ !” ଇମତାଙ୍ଗ୍ ପାଡ୍ରାସଆଃ ତିଃଇରେ ତଲାକାନ୍ ସିକ୍ତି ରାଡ଼ାୟାନା । ୮ ଏନ୍ତେ ଦୁଡ୍ କାଜିକିୟାଏ, “ମାୟାଙ୍ଗ୍ରେ ଲିଜାଃ ପାଟେନ୍ମେ, ଆତଃ ଖାରପାତାମାଃ ତୁସିୟେନ୍ମେ ।” ପାଡ୍ରାସ୍ ଏନ୍ଲେକାଗି ରିକାକେଦ୍ ତାୟମତେ ଦୁଡ୍ କାଜିକିୟାଏ, “ହଡ଼ମ୍ରେ ଗଦାର୍ ଉୟୁକେଦତେ ଆଇଙ୍ଗ୍କେ ଅତଙ୍ଗ୍ଇମେ ।” ୯ ଦୁଡ୍ ରିକାତାଇକେନ୍ତେୟାଃ ସାରତିତାନାଃ ଚି ନାହାଁଲାଃ ଏନା ପାଡ୍ରାସ୍ କାଏ ସାରି ଦାଡିକେଦା । ଇନିଃ କୁମ୍ବୁ ନେଲ୍ତାନାଇଙ୍ଗ୍ ମେନ୍ତେ ଉଡ଼ୁକେଦା । ଏନ୍ରେୟା ପାଡ୍ରାସ୍ ଜେହେଲ୍ହେତେ ଅତଙ୍ଗ୍କେଦତେ ଦୁଡ୍କେ ଅତଙ୍ଗ୍କିୟା । ୧୦ ଇନ୍କିନ୍ ହରତାନ୍କଆଃ ମିଆଁଦ୍ ଆତଃ ବାରିୟା ଠାୟାଦ୍ ପାରମକେଦତେ ଝୁଣ୍ଡ୍ରେ ସାହାର୍ତେ ବଲ୍ ହରାରେ ତାଇକାନ୍ ମେଡେଦ୍ରେୟାଃ ଦୁଆର୍ତାଃତେକିନ୍ ସେଟେର୍ୟାନା । ଇମତା ଇନିକିନାଃ ନାଗେନ୍ତେ ଦୁଆର୍ ଆପାନ୍ତେଗି ନିଜ୍ୟାନା ଆତଃ ଇନ୍କିନ୍ ଅତଙ୍ଗ୍କେଦତେ ସେନଃୟାନାକିନ୍ । ଇନ୍କିନ୍ ହରାରେ ସେନ୍ତାନ୍ ଇମତାଗି ଦୁଡ୍ ପାଡ୍ରାସକେ ବାଗିକେଦତେ ସେନଃୟାନା ।

୧୧ ଏନ୍ତେ ପାଡ୍ରାସ୍ ଆଇଃକ୍ରେ ହବାୟାନ୍ତେୟାଃ ସାରି ଦାଡିକେଦତେ କାଜିକେଦା, “ନେଆଁ ସାରତିତାନାଃ ମେନ୍ତେ ଆଇଙ୍ଗ୍ ନାହାଁଃ ସାରି ଦାଡିତାନାଇଙ୍ଗ୍ ଯେ, ହେରୋଦ୍ତାଃଏତେ ଆତଃ ଯିହୁଦୀ ହଡକ ଅକ୍ନାଃ ହବାଅଃଆ ମେନ୍ତେ ଆସ୍ତାକାଦ୍ ତାଇକେନାକ, ପ୍ରାଭୁ ଏନାଏତେ ଆଇଙ୍ଗ୍କେ ବାସ୍ତାଅ ନାଗେନ୍ତେ ଦୁଡ୍କେ କୁଲାକାଇ ତାଇକେନା ।”

୧୨ ପାରମେଶ୍ୱାର୍ ବାସ୍ତାଅକାଦିୟାଏ ମେନ୍ତେ ପାଡ୍ରାସ୍ ଆଟ୍କାରକେଦାଏ, ଆତଃ ଇନିଃ ଯୋହାନ୍ଆଃ ଏଙ୍ଗାତେ ମାରିୟାମ୍ଆଃ ଅଡ଼ାଃତେ ସେନଃୟାନା । ଯୋହାନ୍ଆଃ ଏଟାଃ ନୁଡୁମ୍ ହବାଅଃତାନା ମାର୍କ । ଏନ୍ତାଃରେ ପୁରାଃ ହଡକ ହୁଣ୍ଡିକେଦତେ ବିକ୍ରି ତାଇକେନାକ । ୧୩ ପାଡ୍ରାସ୍ ଅଡ଼ାଃରେୟାଃ ବାହାରି

☆ ୧୧:୨୮ ୧୧:୨୮ ପ୍ରେରିତ୍ ୨୧:୧୦.

ଦୁଆରରେ ଠକ ଠକାଅକେଦା ଆଡ଼ଃ ରୋଦା ନୁତୁମ୍ ମିଆଁଦ୍ କାମ୍ଡି କୁଡି ଅଡ଼ଃ ବଲଦୁଆର୍ ନିଜ୍ ନାଗେନ୍ତେ ହିଜୁଃୟାନା । ୧୪ ପାଡ଼ରାସ୍ ଆଃ ଲାବ୍ଜା ଆୟୁମ୍ ଉରୁମ୍ କେଦ୍ ତେ ଇନିଃ ପୁରାଃଗି ରାସ୍ କାୟାନା ଯେ, ବଲଦୁଆର୍ କା ନିଜ୍ କେଦ୍ ତେ ପାଡ଼ରାସ୍ ବାହାରିରେ ତିଜୁଆକାନା ମେନ୍ତେ ଉଦୁବ୍ କେଦା । ୧୫ ଇନ୍କୁ ଇନିଃକେ କାଜିକିୟାକ, “ଆମ୍ ବାଲୁଅଃତାନାମ୍ ।” ମେନ୍ଦ୍ ଇନିଃ “ନେଆଁ ସାର୍ତି ତାନାଃ” ମେନ୍ତେ ପୁରାଃତେ କାଜିକେଦା । ଏନ୍ତେ ଇନ୍କୁ କାଜିରୁହାଡ଼କେଦାକ, “ଇନିଃ ଆୟାଃ ଦୁଁଡ଼ ତାଇନ୍ଦାକାଅଃଆଏ

୧୬ ପାଡ଼ରାସ୍ ଦୁଆରକେ ଠକ ଠକାଅକାତେ ତାଇକେନାଏ । ତୁଣ୍ଡୁରେ ଇନ୍କୁ ଦୁଆର୍ ନିଜ୍ କେଦ୍ ତେ ଇନିଃକେ ନେଲ୍ କିୟାକ ଆଡ଼ଃ ହାଏକାଟ୍ ଯାନାକ । ୧୭ ଇନିଃ ହାପାକାନ୍ ଦେ ମେନ୍ତେ ତିଃଇତେ କାଜିୟାଦ୍ କଥା ଆଡ଼ଃ ପ୍ରାଭୁ ଇନିଃକେ ଚିଲ୍ କା ଜେହେଲ୍ ହେତେ ଅଡ଼ଃ ଆଉକିୟା, ଏନ୍ ବିଷାଏ ଇନ୍କୁ ଆଃ ଆୟାର୍ରେ କାଜିକେଦା । ଏନ୍ତେ ଇନିଃ ନେ ସବେନ୍ କାଜି “ୟାକୁଦ୍ ଆଡ଼ଃ ଏଟାଃ ସବେନ୍ ବିଶ୍ୱାସୀ ହାଗାକକେ” ଉଦୁବ୍ ନାଗେନ୍ତେ ଆରୁକେଦ୍ କଥା ଆଡ଼ଃ ଇନିଃ ଏନ୍ତାଃଏତେ ଏଟାଃତେ ସେନଃୟାନା ।

୧୮ ଏଟାଃ ହୁଲାଙ୍ଗ୍ ଆଙ୍ଗ୍ ଯାନ୍ ଚି ପାଡ଼ରାସ୍ କତେ ସେନଃୟାନା ମେନ୍ତେ ହରତାନ୍ ହଡ଼କ ପୁରାଃଗି ଆକ୍ ବାକାଅୟାନାକ । ଚିଆଃଚି ପାଡ଼ରାସ୍ ଚିକ୍ ନାଃ ହବାୟାନା ଏନା ଇନ୍କୁ କାକ ସାରିକାଦ୍ ତାଇକେନା । ୧୯ ହେରୋଦ୍ ଇନିଃକେ ଦାଣ୍ଡାଆଉ ନାଗେନ୍ତେ ଆରୁକେଦ୍ କଥା ମେନ୍ଦ୍ ଇନ୍କୁ ଇନିଃକେ କାକ ନାମକିୟା । ତୁଣ୍ଡୁରେ ହରତାନ୍ ହଡ଼କକେ କୁଲିକତାନ୍ ଲଃ ଇନ୍କୁକେ ଗଏଃକ ନାଗେନ୍ତେ ଆନାରୁ ଏମାଦ୍ କଥା । ଏନ୍ ତାୟମ୍ ତେ ହେରୋଦ୍ ଯିହୁଦା ପାର୍ଗାନ୍ ବାଗିକେଦ୍ ତେ କାଇସରିୟାରେ ସେନ୍ କେଦ୍ ତେ ତାଇନ୍ଦାୟାନା ।

ହେରୋଦ୍ ରାଜାରାଃ ଗନଏଃ

୨୦ ହେରୋଦ୍ ରାଜା ସୋର୍ ଆଡ଼ଃ ସିଦୋନ୍ ନାଗାର୍ରେନ୍ ହଡ଼କକେ ପୁରାଃଗି ଖୁସ୍ କାନ୍ ତାଇକେନା, ଏନାତେ ଇନ୍କୁଏତେ ମିଦ୍ ଝୁଣ୍ଡୁ ଇନିଃଲଃ ନେପେଲ୍ ନାଗେନ୍ତେ ଇନିଃତାଃତେକ ସେନଃୟାନା । ସିଦାତେ ଇନ୍କୁ ବାପାଇୟଃ ନାଗେନ୍ତେ ଦେଙ୍ଗା ନାଙ୍ଗ୍ ରାଜମାହାଲ୍ କେ ନେଲ୍ ହରତାନ୍ ଗୁଣ୍ଡୁସ୍ ଲଃ ଜାଗାର୍ କେଦାକ । ଏନ୍ତେ ଇନ୍କୁ ହେରୋଦ୍ ତାଃ ସେନ୍ କେଦ୍ ତେ ବାପାଇୟଃ ନାଗେନ୍ତେକ ବିକ୍ରିକିୟା, ଚିୟାଃଚି ହେରୋଦ୍ ରାଜାରାଃ ଦିଶ୍ୱମ୍ ହେତେ ଇନ୍କୁ ଆଃ ଦିଶ୍ୱମ୍ ତେ ଜମେୟା କୁଲଃ ତାଇକେନା ।

୨୧ ହେରୋଦ୍ ଟାହାରାଖାକାନ୍ ହୁଲାଙ୍ଗ୍ରେ ରାଜା ତୁସିଙ୍ଗ୍ ଅଃ ଲିଜାଃ ତୁସିଙ୍ଗ୍ ଯାନାଏ ଆଡ଼ଃ ଆୟାଃ ରାଜଗାଦିରେ ଦୁବ୍ କେଦ୍ ତେ ହଡ଼କକେ ଜାଗାର୍ କେଦ୍ କଥା । ୨୨ ଏନା ଆୟୁମ୍ କେଦ୍ ତେ ଇନ୍କୁ କାଉରିକେଦ୍ ତେ କାଜିକେଦାକ, “ନେଆଁ ଜେତା ହଡ଼ରାଃ ଜାଗାର୍ ନାହାଁଲଃ ମେନ୍ଦ୍ ମିଆଁଦ୍ କା ସାରିକାନ୍ ପାର୍ମେଶ୍ୱାର୍ ଆଃ ଜାଗାର୍ ତାନାଃ ।” ୨୩ ଇମ୍ ତାଙ୍ଗ୍ ପ୍ରାଭୁ ଆଃ ମିଆଁଦ୍ ଦୁଁଡ଼ ଇନିଃକେ ଦାଲ୍ କିଆ, ଚିଆଃଚି ଇନିଃ ପାର୍ମେଶ୍ୱାର୍ କେ କାଏ ମାଇନ୍ କିଆ, ଆଡ଼ଃ ଇନିଃକେ ତିଜୁକ ଜମ୍ କିଃ ହରାତେ ଗଏଃୟାନା ।

୨୪ ମେନ୍ଦ୍ ପାର୍ମେଶ୍ୱାର୍ ଆଃ ବାଟାନ୍ ପୁରାଃତେ ନିତିରୁୟାନା ଆଡ଼ଃ ହାରାଇଦିୟାନା । ୨୫ ବର୍ଣ୍ଣବାସ୍ ଆଡ଼ଃ ଶାଉଲ୍ ଆକିନାଃ ସେଝାକାମି ଚାବାକେଦ୍ ତେ ଯୋହାନ୍ ଏଟାଃ ନୁତୁମ୍ ମାର୍କ୍ ମେନ୍ତେ ହ କାଜିୟାଃକ, ଇନିଃକେ ଇଦିକେଦ୍ ତେ ଯୀରୁଶାଲେମ୍ ଏତେକ ରୁହାଡ଼ୟାନା ।

୧୩

ବର୍ଣ୍ଣବାସ୍ ଆଡ଼ଃ ଶାଉଲ୍ ସାଲ୍ ଯାନ୍ ଲଃ ସେଝାକାମି ନାଗେନ୍ତେ କୁଲ୍ ଯାନାକିନ୍

୧ ଆକ୍ରିୟୋଖ୍ କାଲିସିୟାରେ ଚିମିନ୍ ନାବୀକ ଆଡ଼ଃ ଇତୁହଡ଼କ ତାଇକେନା, ଇନ୍କୁଏତେ ବର୍ଣ୍ଣବାସ୍, ନିଗର୍ ହଡ଼ ମେନ୍ତେ କାଜିୟଃ ତାଇକେନ୍ ଶିମୋନ୍, କୁରିନିରେନ୍ ଲୁସିୟସ୍, ଲାଟ୍ ସାହେବ୍ ହେରୋଦ୍ ଆଃ ଅଡ଼ଃରେ ଆସୁଲ୍ ହାରାକାନ୍ ନିଃ ମନହେମ୍, ଆଡ଼ଃ ଶାଉଲ୍ । ୨ ଇନ୍କୁ ପ୍ରାଭୁକେ ସେଝାତାନ୍ ଆଡ଼ଃ କାଟାବ୍ ତାନ୍ ତାଇକେନ୍ ଇମ୍ ତା ପାବିତାର୍ ଆମ୍ ଇନ୍କୁକେ କାଜିୟାଦ୍ କଥା, “ଆଇଙ୍ଗ୍ ଅକ କାମି ନାଗେନ୍ତେ ବର୍ଣ୍ଣବାସ୍ ଆଡ଼ଃ ଶାଉଲ୍ କେ ସାଲ୍ କାଦ୍ କିନାଲ୍, ଏନାମେନ୍ତେ ଇନ୍କିନ୍ କେ ଆଇଁୟାଃ ନାଙ୍ଗ୍ ଗେନା ଆତମ୍ କିନ୍ ଦେ ।”

୩ ଏନ୍ତେ ଇନ୍କୁ କାଟାବ୍ କେଦ୍ ତେ ଏନ୍ ବାରାନ୍ କିନାଃ ତେତାନ୍ରେ ତିଃଇ ଦହତାନ୍ ଲଃ ବିକ୍ରିକେଦାକ ଆଡ଼ଃ ଇନ୍କିନ୍ କେ ସେଝାକାମି ନାଗେନ୍ତେକ କୁଲ୍ କେଦ୍ କିନା ।

ସାଇପ୍ରସ୍ରେ ସେଝାକାମି

୪ ନେ'ଲେକାତେ ବର୍ଣ୍ଣବାସ୍ ଆଡ଼ଃ ଶାଉଲ୍ ପାବିତାର୍ ଆମ୍ ତେ କୁଲ୍ ଯାନାକିନ୍ ଆଡ଼ଃ ସେଲୁଧିଆତେକିନ୍ ସେନଃୟାନା ଆଡ଼ଃ ଏନ୍ତାଃଏତେ ଦାଆଃ ଜାହାଜ୍ରେ ଦୁବ୍ କେଦ୍ ତେ ସାଇପ୍ରସ୍ ଟାପୁତେକିନ୍ ସେନଃୟାନା । ୫ ଇନ୍କିନ୍ ସଲ୍ ମି ସାହାର୍ରେ ସେଟେରକେଦ୍ ତେ ଯିହୁଦୀକ ଆଃ ସାମାଜ୍

ଅତୀତକାଳରେ ପାରମ୍ପୋଗ୍ନୀୟତା ବାଚନ ଉଦ୍ଧୃତକେଦାକିନ୍ । ଯୋହାନ୍ ମାର୍କ ଇନ୍ଦ୍ରିୟତା ତାଲକେଦ୍ତେ ଦେଖାକିନ୍ ତାଲକେନା ।

୨୭ ଇନ୍ଦ୍ରିୟ ସାଲପ୍ତସ୍ ଟାପ୍ତ ପାରମ୍ପୋଗ୍ନୀୟତେ ପାଫସ୍ ସାହାର୍ତେ ସେନଃୟାନାକ । ଏନ୍ତାଃରେ ଇନ୍ଦ୍ରିୟ ବାର୍ଯ୍ୟାଶୁ ନୁଡୁମ୍ ମିଆଁଦ୍ ଯିହୁଦୀ ଦେଅଁଣା ହଡଲଃ ନାପାମ୍ୟାନାକ । ଇନ୍ଦ୍ରିୟ ଆପାନ୍ଦକେ ନାବୀ ମେନ୍ତେ କାଜିନ୍ ତାଲକେନା । ୨୮ ସର୍ଗ୍ମୟସ୍ ପାଉଲୁସ୍ ମେନ୍ତେ ଇନ୍ଦ୍ରିୟାଃ ମିଆଁଦ୍ ଗାତି ତାଲକେନାଏ, ଇନ୍ଦ୍ରିୟ ଏନ୍ ଟାପ୍ତରେନ୍ ଲାଟ୍ସାହେବ୍ ତାଲକେନାଏ । ସର୍ଗ୍ମୟସ୍ ପାଉଲୁସ୍ ମିହୁଡ୍ ସେଣ୍ଡାନ୍ ହଡ୍ ତାଲକେନାଏ । ଇନ୍ଦ୍ରିୟ ପାରମ୍ପୋଗ୍ନୀୟତା ବାଚନ ଆୟୁମ୍ ନାଜ୍ ସାନାଜ୍କେଦ୍ ହରାତେ ବର୍ଣ୍ଣବାସ୍ ଆତଃ ଶାଉଲକେ ଆୟାଃତାଃ କେଡାକେଦ୍କିନାଏ । ୨୯ ମେନ୍ଦ୍ ଦେଅଁଣାହଡ୍ତରାଃ ଗ୍ରୀକ୍ ନୁଡୁମ୍ ଏଲିମାସ୍, ଏନ୍ ଲାଟ୍ସାହେବ୍ ଆଲକାଏ ବିଶ୍ୱାସେକା ମେନ୍ତେ ଇନ୍ଦ୍ରିୟ ଇନ୍ଦ୍ରିୟକେ କାଜିକଟ୍ଟ୍ କେଦ୍କଥା । ୩୦ ମେନ୍ଦ୍ ଶାଉଲ, ଅକଏକେଟି ପାଉଲୁସ୍ ମେନ୍ତେ କାଜିୟାଃକ, ଇନ୍ଦ୍ରିୟ ପାବିତାର୍ ଆମ୍ପାତେ ପେରେୟାନ୍ଲଃ ଦେଅଁଣାହଡ୍ତକେ ମିଦ୍ଦିଟ୍ଟି ନେଲ୍କିୟାଏ, ଆତଃ କାଜିକିୟାଏ, ୩୧ “ଏ ସାଏତାନ୍ଆଃ ହନ୍, ଆମ୍ ସବେନ୍ ବୁଗିନ୍ ବିଷାଏରେୟାଃ ବାଲିତାନ୍ମେ । ଆମ୍ ସବେନ୍ ଲେକାନ୍ ଏଡକାନ୍ ବେଦାତେ ପେରେଜାକାନାମ୍ ଆତଃ ସବେନ୍ ଇମ୍ତା ପ୍ରାଭୁଆଃ ସାନାର୍ତି ହରାକେ ହସଡ୍ ମେନ୍ତେ କାଜି ନାଜ୍ ଚେଷ୍ଟାଏ ତାନାମ୍ । ୩୨ ନାହାଁଃଗି ପ୍ରାଭୁ ଆମ୍କେ ସାଜାଲ ଏମାମେୟାଏ, ଆମାଃ ମେଦ୍ କାଣ୍ଡାଅଥା ଆତଃ ଚିମିନ୍ ନେତା ଜାକେଦ୍ ସିଜ୍ରେ ଜେଡ୍ନାଃ କାମ୍ ନେଲ୍ ଦାଡିୟା ।” ଇମ୍ତାଜି ଏଲିମାସ୍ ଆୟାଃ ମେଦ୍ରେ ନୁବାଃ ଦାଲବ୍ୟାନ୍ ଲେକାଏ ଆଟ୍ଟକାଟ୍ଟକେଦା ଆତଃ ଜେତାଏ ମିହୁଡ୍ ଆୟାଃ ତିଃଲ ସାବ୍କେଦ୍ତେ ସୁତୁଃଇଦିକାକ ମେନ୍ତେ ଦାଣ୍ଡାକେଦ୍କଥା । ୩୩ ନେଆଁ ନେଲ୍କେଦ୍ତେ ଲାଟ୍ସାହେବ୍ ବିଶ୍ୱାସକେଦାଏ, ଚିଆଃଟି ଇନ୍ଦ୍ରିୟ ପ୍ରାଭୁଆଃ ଇନ୍ଦ୍ରିୟ ଆୟୁମ୍କେଦ୍ତେ ପୁରାଃଗି ଆକଟାକାଅଃ ତାଲକେନା ।

ପିସିଦିଆରେୟାଃ ଆନ୍ତ୍ରିୟୋଖରେ ସେଝାକାମି

୩୩ ପାଉଲୁସ୍ ଆତଃ ଆୟାଃଲଃ ମିସାତେ ହରାସେନ୍ତାନ୍କ ପାଫସ୍ତାଃଏତେ ଦାଆଃ ଜାହାଜ୍ତେ ପାମିଲିଆ ନାଗାର୍ରେୟାଃ ପେରଗା ସାହାର୍ତେକ ହିଜୁଃୟାନା, ଏନ୍ତାଃରେ ଯୋହାନ୍ ମାର୍କ ଇନ୍ଦ୍ରିୟକେ ବାଗିକେଦ୍ତେ ଯାରୁଶାଲେମ୍ତେ ସେନଃରୁହାଡ୍ୟାନା । ୩୪ ଇନ୍ଦ୍ରିୟ ପେରଗାଏତେ ସେନ୍କେଦ୍ତେ ପିସିଦିଆରେୟାଃ ଆନ୍ତ୍ରିୟୋଖତେକ ସେଟେରୟାନା ଆତଃ ରୁଡ୍ତୁ ହୁଲାଜ୍ରେ ସାମାଜ୍ ଅତୀତରେ ବଲକେଦ୍ତେକ ଦୁବ୍ୟାନା । ୩୫ ମୁଶା ନାବାଆଃ ଆନ୍ଦୁ ଆତଃ ନାବାକଆଃ ଅନଲ୍ ପାଭାଅକେଦ୍ ତାୟମ୍ତେ, ସାମାଜ୍ଅତୀତରେନ୍ ଆଗୁଆଇକ ନେଆଁ କାଜିକୁଲ୍କେଦାକ, “ହାଗା ମିଶିକ, ହଡ୍ତକ ନାଗେନ୍ତେ ଜାଉରେ ରାସକାଅଃ ଲେକାନ୍ କାଜି ମେନାଃରେଦ, କାଜିପେ ମେନ୍ତେଲେ ସାନାଜ୍ତାନା ।”

୩୬ ପାଉଲୁସ୍ ତିଜ୍ଟୁକେଦ୍ତେ, ହଡ୍ତକକେ ତିଃଲ ହିଲାଅତାନ୍ଲଃ କାଜିୟାଦ୍କଥା, “ନେତାଃରେ ମେନାପେ ସବେନ୍ ଇସ୍ରାଏଲ୍ ଆତଃ ପାରମ୍ପୋଗ୍ନୀୟକେ ବରଝାଜ୍ତାନ୍ ସାଅଁସାର୍ ହଡ୍ତକ, ଆଇଁୟାଃ କାଜି ଆୟୁମ୍ମେପେ, ୩୭ ନେ ଇସ୍ରାଏଲ୍ ହଡ୍ତକଆଃ ପାରମ୍ପୋଗ୍ନୀୟ ଆରୁଆଃ ପୁରୁଶା ହଡ୍ତକକେ ସାଲ୍ଲାକେଦ୍କଥା ଆତଃ ମିସାର୍ ଦିଶ୍ୱମ୍ରେ ଇନ୍ଦ୍ରିୟ ଏଟାଃ ଦିଶ୍ୱମ୍ରେନ୍ ହଡ୍ତକ ଲେକାକ ତାଲନଃ ତାଲକେନା, ଇମ୍ତା ଇନ୍ଦ୍ରିୟ ପୁରାଃ ଗାଦେଲ୍ ହଡ୍ତକ ହବାୟାନା । ପାରମ୍ପୋଗ୍ନୀୟ ଆୟାଃ ପୁରାଃ ପେଡେଃତେ ଇନ୍ଦ୍ରିୟକେ ମିସାର୍ ଦିଶ୍ୱମ୍ହେତେ ଅତଜ୍ ଆଉକେଦ୍କଥା, ୩୮ ଆତଃ ଇନ୍ଦ୍ରିୟ ଇନ୍ଦ୍ରିୟାଃ କାଜି କାକ ମାନାତିଜ୍ ତାଲକେନ୍ରେୟାଗି, ଇନ୍ଦ୍ରିୟ ବାଡ୍ହିସି ବାରାଷ୍ଟ୍ ଜାକେଦ୍ ବିରରେ ଇନ୍ଦ୍ରିୟକେ ଆସୁଲ୍କେଦ୍କଥା । ୩୯ ଇନ୍ଦ୍ରିୟ କିନାନ୍ ଦିଶ୍ୱମ୍ରେ ଏୟା* କିଲିକଆଃ ଦିଶ୍ୱମ୍ ଜିୟନ୍କେଦ୍ତେ ଆୟାଃ ସାଲ୍ଲାକାନ୍ ହଡ୍ତକକେ ଏନ୍ ଦିଶ୍ୱମାଏ ଏମାଦ୍କଥା ।

୪୦ “ନେ ସବେନାଃ ୪୫୦ ବାରାଷ୍ଟ୍ରେ ହବାୟାନା । ନେ ସବେନାଃରେୟାଃ ତାୟମ୍ତେ ନାବୀ ଶାମୁଏଲ୍ ଜାକେଦ୍ ପାରମ୍ପୋଗ୍ନୀୟ ଇନ୍ଦ୍ରିୟ ନାଜ୍ ବିଚାର୍ ହଡ୍ତକକେ ସାଲ୍ଲାକେଦ୍କଥା । ୪୧ ଆତଃ ଇନ୍ଦ୍ରିୟ ମିଆଁଦ୍ ରାଜା ଆସିକେନାକ, ଇମ୍ତା ପାରମ୍ପୋଗ୍ନୀୟ ଇନ୍ଦ୍ରିୟଆଃ ଚେତାନ୍ରେ ୪୦ ବାରାଷ୍ଟ୍ ଜାକେଦ୍ ରାଲଜେ ନାଗେନ୍ତେ ବେଞ୍ଜାମିନ୍ କିଲିରେନ୍ କୀଶ୍ଆଃ ହନ୍ ଶାଉଲକେ ଏମ୍କିୟା । ୪୨ ଏନ୍ତେ ପାରମ୍ପୋଗ୍ନୀୟ ଇନ୍ଦ୍ରିୟକେ ରାଜଗାଦିହେତେ ଆତମ୍କେଦ୍ତେ, ଦାଉଦ୍କେ ଇନ୍ଦ୍ରିୟଆଃ ରାଜାଏ ବାଲକିୟା । ପାରମ୍ପୋଗ୍ନୀୟ ଦାଉଦ୍ଆଃ ବିଷାଏରେ ଗାଝା ଏମ୍କେଦ୍ତେ କାଜିକେଦା, ‘ଆଇଜ୍ ଚିଲ୍କା ହଡ୍ତକକେ ଦୁଲାଡ୍କଥାଲଜ୍, ଯିଶିରାଃ ହନ୍ ଦାଉଦ୍ ଏନ୍ଲେକାନ୍ନିଃ ମିହୁଡ୍ ତାନିଃ । ଇନ୍ଦ୍ରିୟ ଆଇଁୟାଃ ମନ୍ସୁରୁଦ୍ରେୟାଃ ଇଞ୍ଜାସାନାଜ୍ ଲେକା ସବେନାଃଏ କାମିୟା ।’ ୪୩ ନେ ଦାଉଦାଃ କିଲିରେନ୍ ଯୀଶୁକେ ପାରମ୍ପୋଗ୍ନୀୟ ଆୟାଃ ବାନାର୍ସା ଲେକାତେ ଇସ୍ରାଏଲ୍ ହଡ୍ତକଆଃ ଜୀଉବାଞ୍ଚାଅନିଃ ବାଲକିୟାଏ । ୪୪ ଯୀଶୁ ଆୟାଃ କାମି ଏନେଟେଦ୍ ସିଦାରେ ଯୋହାନ୍ ଇସ୍ରାଏଲ୍ରେନ୍ ସବେନ୍ ହଡ୍ତକତାଃରେ ଉଦ୍ଧୃତକେଦ୍ତେ କାଜିକେଦାଏ, ‘ଇନ୍ଦ୍ରିୟକେ ପାପ୍ହେତେ

* ୧୩:୧୯ ୧୩:୧୯ ସାଡ୍ ☆ ୧୩:୨୪ ୧୩:୨୪ ମାର୍କ ୧:୪; ଲୁକ ୩:୩.

ହେୟାଡ଼ିଙ୍ଗ୍‌ତାନଲଃ ଦାଆଃରେ ବାପ୍ତିସ୍ମା ଇଦି ଲାଗାଡ଼ିଙ୍ଗ୍‌ୟାଃ ।’ ୨୫ *ଆତଃ ଯୋହାନ୍ ଆୟାଃ ସେଞ୍ଜାକାମି ଟୁଣ୍ଡୁତାନ୍ ଇମ୍‌ତା ହଡ଼କକେ କୁଲିକେଦକଆ, ‘ଆଇଁୟାଃ ବିଷାଏରେ ଆପେ ଚିନାଃପେ ଉଡ଼ୁତାନା ? ଆପେ ଅକଏକେପେ ନେଲ୍‌ହରାତାନା, ଇନିଃ ଆଇଙ୍ଗ୍ ନାହାଁଲିଙ୍ଗ୍ । ମେନ୍‌ଦ ଆୟୁମେପେ, ଆଇଁୟାଃ ତାୟମ୍‌ତେ ଅକଏ ହିଜୁଃତାନାଏ, ଇନିୟାଃ ଖାରପାରେୟାଃ ତନଲ୍ ରାଡ଼ାଏ ଲେକାନ୍‌ନିଃ ନାହାଁଲିଙ୍ଗ୍ ।’

୨୬ “ହେ ଇସ୍ରାଏଲ୍ ହାଗାକ, ଆଗ୍ରାହାମ୍‌ଆଃ କିଲିରେନ୍ ହନ୍‌କ ଆତଃ ପାର୍‌ମେଶ୍ୱାରକେ ବରଞ୍ଜାଇତାନ୍ ସବେନ୍ ସାଅଁସାର୍ ହଡ଼କ, ଆବୁକେଗି ନେ ଜୀଉବାସ୍ତାଅରେୟାଃ କାନାଜି ଏମାକାନା । ୨୭ ମେନ୍‌ଦ ଇନିଃ ଜୀଉବାସ୍ତାଅନିଃ ତାନିଃ ମେନ୍ତେ ଯୀରୁଶାଲେମ୍‌ରେ ତାଇନ୍‌ତାନ୍ ହଡ଼କ ଆତଃ ଇନ୍‌କୁଆଃ ଆଗୁଆଇକ କାକ ସାରିକାଦ୍ ତାଇକେନା । ଇନ୍‌କୁ ସବେନ୍ ରୁଡ଼ୁନ୍ ହୁଲାଙ୍ଗ୍‌ରେ ପାଡ଼ାଅଃ ତାଇକେନ୍ ନାବୀକଆଃ କାଜି କାକ ଆଟ୍‌କାର୍‌ଉରୁମେ ତାଇକେନା । ଏନ୍‌ରେୟ ଇନ୍‌କୁ ଯୀଶୁକେ ଚିଟାକେଦ୍‌ତେ ନାବୀକଆଃ କାଜିକେ ପୁରାକେଦାକ । ୨୮ *ଇନ୍‌କୁ ଗନଏଃ ସାଜାଇ ଏମ୍‌ରେୟାଃ ଜେତାନ୍ ଗୁହ୍ନାଁ କାକ ନାମ୍‌କେଦ୍‌ରେୟ, ଇନିଃକେ ଗନଏଃ ସାଜାଇ ଏମ୍ ନାଗେନ୍ତେ ପିଲାତୁସକେ କାଜିକିୟାକ । ୨୯ *ଇନିୟାଃ ବିଷାଏରେ ଧାରାମ୍‌ପୁଥୁରେ ଅଲ୍‌କାନ୍ ଲେକାଗି ସବେନ୍ କାମି ରିକାକେଦ୍ ତାୟମ୍‌ତେ ଇନ୍‌କୁ ଇନିଃକେ କୁଣ୍‌ଏତେ ଆଡ଼ଗୁକିୟାକ ଆତଃ ତପାଗାଡ଼ାରେ ଦହକିୟାକ । ୩୦ ମେନ୍‌ଦ ପାର୍‌ମେଶ୍ୱାର ଇନିଃକେ ଗନଏଃହେତେ ଜୀଉବିରିଦ୍‌କିୟା, ୩୧ *ଆତଃ ପୁରାଃ ମାହାଁ ଜାକେଦ୍ ଇନିଃଲଃ ଗାଲିଲ୍‌ଏତେ ଯୀରୁଶାଲେମ୍‌ତେ ହିଜୁଃ ସେନଃତାନ୍ ହଡ଼କତାଃରେ ଉଦୁବେନ୍‌ୟାନା । ଇନ୍‌କୁ ନାହାଁଃ ଇସ୍ରାଏଲ୍ ହଡ଼କତାଃରେ ଇନିୟାଃ ଗାଞ୍ଜାକ ତାନକ । ୩୨ ଆତଃ ଆଇଙ୍ଗ୍ ଆପେକେ ଏନ୍ ସୁକୁକାଜି ଉଦୁବ୍ ନାଗେନ୍ତେ ନେତାଃରେ ମେନାଲିୟାଁ, ଅକ୍‌ନାଃଚି ପାର୍‌ମେଶ୍ୱାର୍ ଆବୁଆଃ ପୁରଖା ହାଡ଼ାମ୍‌ହଡ଼କକେ ବାନାର୍‌ସା ଏମାକାଦ୍‌କ ତାଇକେନାଏ, ୩୩ ପାର୍‌ମେଶ୍ୱାର୍ ଯୀଶୁକେ ଜୀଉବିରିଦ୍‌କିଃ ହରାତେ ଆବୁ ନାଗେନ୍ତେ ନାହାଁଃ ପୁରାକାଦାଏ ଆତଃ ଆବୁ ଇନ୍‌କୁଆଃ କିଲିରେନ୍‌କ ହବାକାନାବୁ । ଦାଉଦ୍‌ଆଃ ଦୁରାଙ୍ଗ୍‌ପୁଥ୍ ୨ ଆଧ୍ୟାଏରେ ନେ’ଲେକା ଅଲ୍‌କାନା, “ଆମ୍ ଆଇଁୟାଃ ହନ୍,

ତିସିଙ୍ଗ୍ ଆଇଙ୍ଗ୍ ଆମାଃ ଆପୁ ହବାୟାନାଇଙ୍ଗ୍ ।’
୩୪ ଆତଃ ତପାଗାଡ଼ାରେ ଆଲକାଏ ଜିୟନଃକା ମେନ୍ତେ ଇନିଃକେ ଗନଏଃହେତେ ଜୀଉବିରିଦି ନାଗେନ୍ତେ ପାର୍‌ମେଶ୍ୱାର୍ ନେ’ଲେକାଏ କାଜିକାଦ୍ ତାଇକେନା,

‘ଦାଉଦ୍‌କେ ଏମାକାଇ ବାନାର୍‌ସା ଲେକାଗି
ଆଇଙ୍ଗ୍ ଆମ୍‌କେ ପାବିତାର୍ ଆତଃ ସାର୍‌ତିଗିଇଙ୍ଗ୍ ଆଗିଷ୍‌ମେୟାଁ ।’
୩୫ ଦୁରାଙ୍ଗ୍‌ପୁଥୁରେୟାଃ ଏଟାଃତାଃରେ ଅଲ୍‌କାନା,

‘ଆମ୍ ଆମାଃ ପାବିତାର୍ ଦାସିକେ ତପାଗାଡ଼ାରେ ଜିୟନଃ ନାଗେନ୍ତେ କାମ୍ ବାଗିଇଚିୟା ।’ ”
୩୬ ଦାଉଦ୍ ଆୟାଃ ଜାନିଦ୍ ଦିପିଲିରେ ପାର୍‌ମେଶ୍ୱାର୍‌ଆଃ ଇଛାସାନାଙ୍ଗ୍ ଲେକାଗି, ସୁସାର୍‌କେଦ୍‌ତେ ଜୀଉତାୟାଃ ଟୁଣ୍ଡୁକେଦା ଆତଃ ପୁରଖା ହାଡ଼ାମ୍‌କଲଃ ତପାୟାନାଏ । ଆୟାଃ ଗନଏଃ ହଡ଼ମ୍ ତପାଗାଡ଼ାରେୟାଃ ହାସାରେ ମେସାୟାନା । ୩୭ ମେନ୍‌ଦ ପାର୍‌ମେଶ୍ୱାର୍ ଅକଏକେ ଗନଏଃହେତେ ଜୀଉବିରିଦ୍‌କିୟାଏ, ଇନିଃ ହାସାରେ କାଏ ମେସାକାନା । ୩୮ ଏନାମେନ୍ତେ, ହେ ଇସ୍ରାଏଲ୍‌ରେନ୍ ହାଗାକ, ଆପେ ସବେନ୍‌କକେ ନେଆଁ ସାରି ଲାଗାଡ଼ିଙ୍ଗ୍‌ୟାଃ ଯେ, ଯୀଶୁଆଃ ହରାତେ ଏସକାର୍ ଆପେତାଃରେ ପାପ୍ ଛାମାରେୟାଃ କାନାଜି ଉଦୁବକାନା । ଆତଃ ମୁଗା ନାବୀଆଃ ଆନ୍‌ରୁ ହରାତେ ପାପ୍‌ହେତେ କା ରାଡ଼ା ଦାଡ଼ିକାନ୍ ସବେନ୍ ହଡ଼କ, ୩୯ ଏନ୍ ଯୀଶୁତାଃରେ ବିଶ୍ୱାସକେଦ୍ ହରାତେ ଜୀଉବାସ୍ତାଅକ ନାମେୟା, ନେଆଁ ଆପେକେ ସାରି ଲାଗାଡ଼ିଙ୍ଗ୍‌ୟାଃ । ୪୦ ଏନାମେନ୍ତେ ଚିର୍ଗାଲ୍‌କାନ୍‌ପେ, ନାବୀକ କାଜିକାଦ୍‌ତେୟାଃ ଆପେରେ ଆଲକା ହବାଅଃକା,

୪୧ “ଆଇଙ୍ଗ୍‌କେ ଲାନ୍‌ଇଙ୍ଗ୍‌ତାନ୍ ହଡ଼କ, ଆପେ ଆକ୍‌ଦାନ୍‌ଅକେଦ୍‌ତେ ଜିୟନଃପେ,
ଚିଆଃଚି ତିସିଙ୍ଗ୍ ଆଇଙ୍ଗ୍ କାମିତାନ୍‌ତେୟାଃ,
ଜେତାଏ ଆପେକେ ଉଦୁବାପେରେୟ ଆପେ କାପେ ବିଶ୍ୱାସେୟା ।’ ”

୪୨ ପାଉଲୁସ୍ ଆତଃ ବର୍ଣ୍ଣବାସ୍ ସାମାଜ୍ ଅଡ଼ାଃ ବାଗିକେଦ୍‌ତେ ସେନଃ ତାଇକେନାକିନ୍ ଇମ୍‌ତା, ହଡ଼କ ଏଟାଃ ରୁଡ଼ୁନ୍ ହୁଲାଙ୍ଗ୍‌ରେ ହିଜୁଃ ରୁହାଡ଼କେଦ୍‌ତେ ନେ ସବେନ୍ ବିଷାଏରେ ଆତଃଚି ପୁରାଃତେ କାଜି ନାଙ୍ଗ୍ ଇନ୍‌କିନ୍‌କେ ବିକ୍ରିକେଦ୍‌କିନାକ । ୪୩ ହଡ଼କ ପାଞ୍ଚେଟ୍ ବାଗିକେଦ୍‌ତେ ସେନଃୟାନ୍ ତାୟମ୍‌ତେ, ପୁରାଃ ଯିହୁଦୀ ଆତଃ ସାଅଁସାର୍‌ହେତେ ଯିହୁଦୀ ଧାରାମ୍‌ତେ ବାଦ୍‌ଲାଅକାନ୍ ହଡ଼କ, ପାଉଲୁସ୍ ଆତଃ ବର୍ଣ୍ଣବାସ୍‌କେ ଅତଙ୍ଗ୍‌କେଦ୍‌କିନାକ । ପ୍ରେରିତ୍ୱ ଇନ୍‌କୁଲଃ ଜାଗାର୍‌କେଦାକ ଆତଃ ପାର୍‌ମେଶ୍ୱାର୍‌ଆଃ ସାୟାଦ୍‌ତେ ଜୀଦାନ୍ ବିତାଅ ନାଗେନ୍ତେ ଉସ୍‌କୁରକେଦ୍‌କଆକ ।

* ୧୩:୨୫ ୧୩:୨୫ ଯୋହାନ୍ ୧:୨୦; ମାଥୁର ୩:୧୧; ମାର୍କ ୧:୭; ଲୁକ ୩:୧୭; ଯୋହାନ୍ ୧:୨୭. * ୧୩:୨୮ ୧୩:୨୮ ମାଥୁର ୨୭:୨୨,୨୩; ମାର୍କ ୧୫:୧୩,୧୪; ଲୁକ ୨୩:୨୧-୨୩; ଯୋହାନ୍ ୧୯:୧୫. * ୧୩:୨୯ ୧୩:୨୯ ମାଥୁର ୨୭:୫୭-୬୧; ମାର୍କ ୧୫:୪୨-୪୭; ଲୁକ ୨୩:୫୦-୫୬; ଯୋହାନ୍ ୧୯:୩୮-୪୨. * ୧୩:୩୧ ୧୩:୩୧ ପ୍ରେରିତ୍ୱ ୧:୩.

୪୪ ଏବଂ ରୁଡ଼ନୁ ହୁଲାଇଁରେ, ସାହାରରେନ୍ ଲାଗଭାଗ୍ ସବେନ୍ ହଡ଼କ ପ୍ରାଭୁଆଃ ବାଚାନ୍ ଆୟୁମ୍ ନାଗେନ୍ତେକ ହିଜୁଃୟାନା । ୪୫ ଯିହୁଦୀ ହଡ଼କ ଗାଦେଲ୍ ହଡ଼କକେ ନେଲ୍କେଦ୍ତେ ହିସ୍ତାତେ ପେରେଃୟାନାକ ଆତଃ ପାଉଲୁସ୍ଆଃ କାଜିରେ କାଜିକଟ୍ଟକେଦ୍ତେ ଇନିଃକେ ଲାୟାକିୟାକ । ୪୬ ମେନ୍ଦ ପାଉଲୁସ୍ ଆତଃ ବର୍ଣ୍ଣବାସ୍ ଆତଃଗି ବେଗାର୍ ବରତେ କାଜିକେଦାକିନ୍, “ଆପେତାଃରେ ପାହିଲାତେ ପାର୍ମେଶ୍ୱାର୍ଆଃ ବାଚାନ୍ କାଜିୟଃ ଲାଗାତିଙ୍ଗ୍ ତାଇକେନା । ମେନ୍ଦ ଆପେ ଜାନାଅ ଜୀଦାନ୍ ନାମେକାଲେ ମେନ୍ତେ କାପେ ବିଚାରକେଦ୍ ହରାତେ, ଆଲିଙ୍ଗ୍ ଆପେକେ ବାରିକେଦ୍ତେ ସାଅଁସାର୍ ହଡ଼କତାଃତେଲିଙ୍ଗ୍ ସେନା । ୪୭ ତିଆଃତି ପ୍ରାଭୁ ଆଲିଙ୍ଗ୍କେ ନେ ଲେକାଏ ଆରୁକାଦ୍ଲିୟା, “ଆଇଙ୍ଗ୍ ଆମ୍ବେ ସାଅଁସାର୍ ହଡ଼କଆଃ ନାଗେନ୍ତେ ମାର୍ସାଲ୍ ଲେକାଇଙ୍ଗ୍ ବାଇୟାକାଦ୍ମା, ଜେ'ଲେକାଟି ସବେନ୍ ଅତେଦିଶ୍ୱମ୍ରେ ଜୀଉବାଞ୍ଚାଅ ନାମଃଆ ।”

୪୮ ସାଅଁସାର୍ ହଡ଼କ ନେଆଁ ଆୟୁମ୍କେଦ୍ତେ ରାସକାୟାନାକ ଆତଃ ପ୍ରାଭୁଆଃ କାନାଜି ନାଗେନ୍ତେ ମାନାରାଙ୍ଗ୍କେଦାକ । ଅକ ହଡ଼କ ଜାନାଅ ଜୀଦାନ୍ ନାମେ ନାଗେନ୍ତେ ସାଲାୟାନାକ, ଇନ୍କୁ ଏନ୍ କାନାଜିରେ ବିଶ୍ୱାସକେଦାକ ଆତଃ ବିଶ୍ୱାସୀ ହବାୟାନାକ । ୪୯ ପ୍ରାଭୁଆଃ ବାଚାନ୍ ଏନ୍ ପାରଗାନ୍ରେୟଃ ସବେନ୍ସାଃରେ ନିତିର୍ୟାନା । ୫୦ ମେନ୍ଦ ନାଗାରରେନ୍ ଆଗୁଆଇ ହଡ଼କକେ ଆତଃ ସାମାଜ୍ରେ ମାଇନ୍ ନାମେତାନ୍ ସାଅଁସାର୍ କୁଡ଼ିକ, ଅକନ୍କଟି ପାର୍ମେଶ୍ୱାର୍କେ ବରଭାକ୍ତିତାନାକ, ଇନ୍କୁକେ ଯିହୁଦୀ ହଡ଼କ ଉସ୍ତୁରକେଦ୍ତେ ପାଉଲୁସ୍ ଆତଃ ବର୍ଣ୍ଣବାସକିନାଃ ବିରୁଧ୍ରେ ସାସାତି ଏଟେଦ୍କେଦାକ ଆତଃ ଇନ୍କିନ୍କେ ଏନ୍ ପାରଗାନ୍ତାଃଏତେ ଅତଙ୍ଗକେଦକିନାକ । ୫୧ ଶ୍ରେରିଡ଼କିନ୍ ଆକିନାଃ କାଟାରେୟଃ ଧୁଡ଼ି ଇନ୍କୁଆଃ ବିରୁଧ୍ରେ କଟାବାରିକେଦ୍ତେ ଇକନିୟାତେକିନ୍ ସେନଃୟାନା । ୫୨ ଆତଃ ଆକ୍ତିୟୋଖରେନ୍ ବିଶ୍ୱାସୀକ ପାବିତାର୍ ଆମ୍ବା ଆତଃ ରାସକାତେ ପେରେଃୟାନାକ ।

୧୪

ଇକନିୟାରେ ସେଞ୍ଜାକାମି

୧ ଇକନିୟାରେ ଏନ୍ଲେକାଗି ହବାୟାନା, ପାଉଲୁସ୍ ଆତଃ ବର୍ଣ୍ଣବାସ୍ ସାମାଜ୍ ଅତାଃତେ ସେନ୍କେନାକିନ୍ ଆତଃ ନେ'ଲେକା କାଜିକେଦାକିନ୍ ଯେ, ପୁରାଃ ଯିହୁଦୀ ହଡ଼କ ଆତଃ ସାଅଁସାର୍ ହଡ଼କ ଖ୍ରୀଷ୍ଟତାଃରେ ବିଶ୍ୱାସକେଦାକ । ୨ ମେନ୍ଦ କା ବିଶ୍ୱାସତାନ୍ ଯିହୁଦୀକ ସାଅଁସାର୍ ହଡ଼କଆଃ ମନ୍କେ ଉସ୍ତୁରକେଦ୍ତେ ବିଶ୍ୱାସୀକଆଃ ବିରୁଧ୍ରେ ଖ୍ୱରିକାକେଦକଆକ । ୩ ଏନ୍ରେୟ ପ୍ରେରିଡ଼କିନ୍ ବେଗାର୍ ବରତେ ପ୍ରାଭୁଆଃ ବିଷାଏ ଏନ୍ତାଃରେ ଉଦୁବ୍କେଦାକିନ୍ ଆତଃ ପୁରାଃ ଦିନ୍ ତାଇନ୍ୟାନାକିନ୍ । ଇନ୍କିନ୍ ଆକଦାୟାଅ କାମିକ ଆତଃ ଆକତାକାଅ କାମିକ ରିକାକେଦ୍ ହରାତେ ପାର୍ମେଶ୍ୱାର୍ଆଃ ସାୟାଦ୍ତେ ନାମାକାନ୍ ପେଡ଼େଃ ବିଷାଏରେ କାଜିକେଦ୍ କାନାଜିକ ସାର୍ତି ତାନାଃ ମେନ୍ତେ ସାବୁଦ୍କିନ୍ ଏମକେଦା । ୪ ନାଗାରରେନ୍ ହଡ଼କ ବାର୍ହସାରେ ବିନ୍ଗାଅୟାନାକ, ଇନ୍କୁଏତେ ତିମିନ୍ ହଡ଼କ ଯିହୁଦୀ ହଡ଼କସାଃତେ ଆତଃ ତିମିନ୍ ହଡ଼କ ପ୍ରେରିଡ଼କିନାଃ ସାଃତେ ହବାୟାନାକ ।

୫ ଏନ୍ତେ ତିମିନ୍ ସାଅଁସାର୍ ହଡ଼କ ଆତଃ ଯିହୁଦୀ ହଡ଼କ ଆକଆଃ ଆଗୁଆଇକଲଃ ମିଦ୍ତାଃରେ ହୁଣ୍ଡିକେଦ୍ତେ ହାଲାଗୁଲାତାନ୍ଲଃ ପ୍ରେରିଡ଼କିନ୍କେ ଦିରିଲଃ ତିଦ୍ଗିକେଦ୍ତେ ଗଏଃ ନାଗେନ୍ତେ ଉହାଟ୍କେଦାକ । ୬ ପ୍ରେରିଡ଼କିନ୍ ଏନ୍ ବିଷାଏରେ ସାରିକେଦ୍ତେ ଲୁକାୟନିଆ ଜିଲ୍ଲାରେୟଃ ଲୁସ୍ତ୍ରା ଆତଃ ଦର୍ବୀ ସାହାରରେୟଃ ଚାରିୟସାଃରେ ତାଇକାନ୍ ପାରଗାନ୍ତେକିନ୍ ସେନଃୟାନା । ୭ ଆତଃ ଏନ୍ତାଃରେ ସୁକୁକାଜିକିନ୍ ଉଦୁବ୍କେଦା ।

ଲୁସ୍ତ୍ରା ଆତଃ ଦର୍ବୀରେ ପାଉଲୁସ୍ଆଃ ସେଞ୍ଜାକାମି

୮ ଲୁସ୍ତ୍ରାରେ ମିଆଁଦ୍ ଜାନାମ୍ହେତେ କାଟା କୁରୁଙ୍ଗକାନ୍ ହଡ଼ ତାଇକେନାଏ । ଇନିଃ ତିଭଲାଅ କାଏ ସେନ୍ ଦାଡ଼ିତାଇକେନା । ୯ ଇନିଃ ଏନ୍ତାଃରେ ଦୁବ୍କେଦ୍ତେ ପାଉଲୁସ୍ଆଃ କାଜି ଆୟୁମ୍ ତାଇକେନା । ପାଉଲୁସ୍ ଇନିଃକେ ମିଦ୍ ନାଜେରରେ ନେଲ୍କେଦ୍ତେ, ବୁଗିୟଃ ନାଗେନ୍ତେ ଇନିୟଃ ମନ୍ରେ ବିଶ୍ୱାସ୍ ହବାକାନା ମେନ୍ତେ ଆଟ୍କାର୍କେଦା, ୧୦ ଆତଃ କାଉରିତାନ୍ଲଃ କାଜିକେଦାଏ, “କାଟାରେ ପେଡ଼େଃ ଏମକେଦ୍ତେ ତିଙ୍ଗୁନ୍ମେ !” ଏନ୍ ହଡ଼ ତେଗାଅତାନ୍ଲଃ ଚାରିୟସାଃ ସେନ୍ ଏଟେଦ୍କେଦାଏ । ୧୧ ଏନ୍ତାଃରେ ତାଇକାନ୍ ଗାଦେଲ୍ ହଡ଼କ ପାଉଲୁସ୍ଆଃ ନେ କାମି ନେଲ୍କେଦ୍ତେ, ଆକଆଃ ଲୁକାୟନିଆ ଜାଗାର୍ତେ କାଉରିତାନ୍ଲଃ କାଜି ଏଟେଦ୍କେଦାକ, “ମାହାପୁରୁକ ହଡ଼ ଲେକା ହବାକେଦ୍ତେ ଆବୁତାଃତେ ହିଜୁଃକାନାକ ।” ୧୨ ଇନ୍କୁ ବର୍ଣ୍ଣବାସକେ ଜିଅସ୍ ଆତଃ ପାଉଲୁସ୍ ମୁଲ୍ କାଜିନିଃ ହବାକାନ୍ ହରାତେ ଇନିଃକେ ହେର୍ମିସ୍ ମେନ୍ତେକ ନୁଡୁମ୍କିୟା । ୧୩ ନାଗାରରେୟଃ ବାହାରିରେ

☆ ୧୩:୫୧ ୧୩:୫୧ ମାଥ୍ୱଇ ୧୦:୧୪; ମାର୍କ ୭:୧୧; ଲୁକ ୯:୫; ୧୦:୧୧.

ତାଙ୍କକାନ୍ ଜିଅସ୍ ମାନ୍ଦିରରେନ୍ ଯାଜାକ୍, ଦୁଆର୍ ଜାପାଠତେ ଚିମିନ୍ ସାଁଶକକେ ଆଡ଼ଃ ଗାଲାଙ୍ଗକାନ୍ ବାହା ଆଉକେଦାଏ, ଚିଆଠି ଇନିଃ ଆଡ଼ଃ ଏନ୍ତାଠରେ ହୁଣ୍ଡିୟାକାନ୍ ଗାଦେଲ୍ ହଡ଼କ ପ୍ରେରିତ୍‌କିନାଃ ନାଗେନ୍ତେ ଦାଣ୍ଠେ ରାକାଦ୍ ନାଙ୍ଗ୍ ସାନାଙ୍ଗ୍ ତାଙ୍କକେନାକ ।

୧୪ ଇନ୍‌କୁ ଅକ କାମି ନାଗେନ୍ତେକ କୁଲାକାନ୍ ତାଙ୍କକେନା, ଏନା ଆୟୁମ୍‌କେଦ୍‌ତେ ପ୍ରେରିତ୍‌କିନ୍ ଚାଏ ବର୍ଣ୍ଣବାସ୍ ଆଡ଼ଃ ପାଉଲୁସ୍ ପୁରାଠଗି ଦୁକୁୟାନାକିନ୍ ଆଡ଼ଃ ଆକିନାଃ ଲିଜାଃ ଚେତାଠକେଦ୍‌ତେ ଗାଦେଲ୍ ହଡ଼କଆଃ ଆଲାତେ ନିରକେଦାକିନ୍ ଆଡ଼ଃ କାଉରିକେଦ୍‌ତେ କାଜିକେଦାକିନ୍, ୧୫ “ଆପେ ଚିନାଠମେନ୍ତେ ନେଆଁ ରିକାତାନାପେ ? ଆଲିଙ୍ଗ୍‌ହ ଆପେ ଲେକାଗି ହଡ଼ ତାନ୍‌ଲିଙ୍ଗ୍ । ଆପେ ଜେ'ଲେକାଗି ନେ ସବେନ୍ ସାମା ସାମାରେନ୍ ମାହାପୁରୁକକେ ବାଗିକେଦ୍‌ତେ ଜାନିଦ୍ ପାର୍‌ମେଶ୍ୱାର୍, ଅକଏଚି ସିମା, ଅତେ, ଦରେୟା ଆଡ଼ଃ ଏନାରେ ତାଙ୍କନ୍‌ତାନ୍ ସବେନାଠକେ ବାଲୟାକାଦ୍‌ନିଃ ସାଠତେ ରୁହାଡ଼ାଠପେ । ଏନାମେନ୍ତେ ଆଲିଙ୍ଗ୍ ଆପେତାଠରେ ସୁକୁକାଜି ଉଦୁବ୍ ନାଗେନ୍ତେ ହିଜୁଃକାନାଲିଙ୍ଗ୍ । ୧୬ ପାର୍‌ମେଶ୍ୱାର୍ ସିଦା ପାରିୟାରେନ୍ ସବେନ୍ ହଡ଼କକେ ଆକଆଃ ଇଛାସାନାଙ୍ଗ୍ ଲେକାଏ ସେସେନ୍‌ଇଚିକାକ ତାଙ୍କକେନା । ୧୭ ମେନ୍‌ଦ୍ ଆୟାଃ ବୁଗିନ୍ କାମି ହରାତେ ସବେନ୍ ଇମ୍‌ତା ମେନାଲୟା ମେନ୍ତେ ସାରୁଦ୍ ଏମାକାଦାଏ । ଇନିଃ ସିମାଏତେ ଗାମାଦାଆଃ ଆଡ଼ଃ ଠାଉକାନ୍ ନେତାରେ ଆଡ଼ଃ ସାକାମ୍ ଜ'କଏ ଏମାଃ, ଇନିଃ, ଜମେୟା ଆଡ଼ଃ ଆପେୟାଃ ମନ୍‌ସୁରୁଦ୍‌କେ ରାସ୍‌କାତେ ପେରେଜାକାଦା ।” ୧୮ ପ୍ରେରିତ୍‌କିନ୍ ନେ'ଲେକା ପୁରାଠଗି ଚିମିନ୍ କାଜିକ କାଜିକେଦ୍‌ତେ ଏନ୍ ଗାଦେଲ୍ ହଡ଼କକେ ଦାଣ୍ଠେ ରାକାଦ୍‌ହେତେ ହକାକେଦ୍‌କଆକିନ୍ ।

୧୫ ମେନ୍‌ଦ୍ ଚିମିନ୍ ଯିହୁଦୀକ ପିସିଦିଆରେୟାଃ ଆନ୍ତିୟୋଖ୍ ଆଡ଼ଃ ଇକନିୟାହେତେ ହିଜୁଃକାନ୍ ତାଙ୍କକେନାକ, ଇନ୍‌କୁ ଗାଦେଲ୍ ହଡ଼କକେ ଉସକୁରକେଦ୍‌ତେ ପାଉଲୁସ୍‌କେ ଦିରିତେ ଚିଦ୍‌ଗିକିୟାକ ଆଡ଼ଃ ଇନିଃ ଗଏଃୟାନାଏ ମେନ୍ତେ ଉଡ଼ଃକେଦ୍‌ତେ ସାହାରରେୟାଃ ବାହାରିତେ ଅର୍ ଇଦିକିୟାକ । ୧୬ ମେନ୍‌ଦ୍ ବିଶ୍ୱାସୀକ ହିଜୁଃକେଦ୍‌ତେ ଆୟାଃ ଚାରିୟସାଠରେ ହୁଣ୍ଡି ବିୟୁରକିୟାକ ଏନ୍ତେ ଇନିଃ ତିଙ୍ଗ୍‌କେଦ୍‌ତେ ସାହାରତେ ରୁହାଡ଼ୟାନା । ଏଟାଃ ହୁଲାଙ୍ଗ୍ ଇନିଃ ଆଡ଼ଃ ବର୍ଣ୍ଣବାସ୍ ଦର୍ବାତେକିନ୍ ସେନଃୟାନା ।

ପାଉଲୁସ୍ ଆଡ଼ଃ ବର୍ଣ୍ଣବାସ୍ ସିରିୟାରାଃ ଆନ୍ତିୟୋଖ୍‌ତେ ରୁହାଡ଼ୟାନାକିନ୍

୧୬ ପାଉଲୁସ୍ ଆଡ଼ଃ ବର୍ଣ୍ଣବାସ୍ ଦର୍ବାରେ ସୁକୁକାଜି ଉଦୁବ୍‌କେଦ୍‌ତେ ପୁରାଃ ଚେଲାକକିନ୍ ବାଈକେଦ୍‌କଆ । ଏନ୍ତେ ଇନ୍‌କିନ୍ ଲୁସ୍‌ତ୍ରା, ଇକନିୟା ଆଡ଼ଃ ପିସିଦିଆରାଃ ଆନ୍ତିୟୋଖ୍‌ତେକିନ୍ ରୁହାଡ଼ୟାନା । ୧୭ ଆଡ଼ଃ ଇନ୍‌କିନ୍ ଏନ୍ତାଠରେନ୍ ବିଶ୍ୱାସୀକକେ ଆକଆଃ ସାର୍‌ତି ବିଶ୍ୱାସ୍‌ରେ କେଟେୟଃ ନାଗେନ୍ତେ ଆଡ଼ଃ ଜୀଉରେ ରାସ୍‌କାଆଃ ନାଗେନ୍ତେ ଇନ୍‌କୁକେ ଇତୁକେଦ୍‌ତେ କାଜିକେଦ୍‌କଆକିନ୍, “ପାର୍‌ମେଶ୍ୱାର୍‌ଆଃ ରାଈଜ୍‌ରେ ବଲ ନାଗେନ୍ତେ ଆବୁକେ ପୁରାଃ ଦୁକୁ ସାହାତିଙ୍ଗ୍‌କେଦ୍‌ତେ ସେନ୍ ଲାଗାତିଙ୍ଗ୍‌ୟାଃ ।” ୧୮ ଇନ୍‌କିନ୍ ସବେନ୍ କାଲିସିୟାରେ ପ୍ରାଚିନ୍‌କକେ ସାଲାକେଦ୍‌କଆକିନ୍ ଆଡ଼ଃ କାଟାବ୍‌ତାନ୍‌ଲଃ ବିକ୍ରିକେଦାକିନ୍, ଏନ୍ତେ ଇନ୍‌କିନ୍ ଅକ ପ୍ରାଭୁତାଠରେ ବିଶ୍ୱାସ୍‌କାଦାକିନ୍, ଇନିଃତାଠରେ ଇନ୍‌କୁକେ ଜିମାକେଦ୍‌କଆକିନ୍ ।

୧୮ ତାୟମ୍‌ତେ ଇନ୍‌କିନ୍ ପିସିଦିଆ ପାର୍‌ଗାନ୍ ହରାତେ ସେନ୍‌କେଦ୍‌ତେ ପାମିଲିଆ ଜିଲ୍ଲାତେକିନ୍ ହିଜୁଃୟାନା । ୧୯ ଏନ୍ତାଠରେୟାଃ ପେର୍‌ଗା ସାହାରରେ ବାଟାନ୍ ଉଦୁବ୍‌କେଦ୍‌ତେ ଆଭାଲିଆ ସାହାରତେକିନ୍ ସେନଃୟାନା, ୨୦ ଆଡ଼ଃ ଏନ୍ତାଃଏତେ ଇନ୍‌କିନ୍ ଦାଆଃ ଜାହାଜ୍‌ତେ ଆନ୍ତିୟୋଖ୍‌ତେ ସେନଃ ରୁହାଡ଼ୟାନାକିନ୍, ନେ ଆନ୍ତିୟୋଖ୍‌ରେ ନାହାଁଃ ହବାକାନ୍ କାମି ନାଗେନ୍ତେ ପାର୍‌ମେଶ୍ୱାର୍‌ଆଃ ସାୟାଦ୍ ହରାତେ ଇନ୍‌କିନ୍ ଜିମାକାନ୍ ତାଙ୍କକେନାକିନ୍ ।

୨୦ ଇନ୍‌କିନ୍ ଆନ୍ତିୟୋଖ୍‌ରେ ସେଟେରକେଦ୍‌ତେ କାଲିସିୟାରେନ୍ ହଡ଼କକେ ହୁଣ୍ଡିକେଦ୍‌କଆକିନ୍ । ପାର୍‌ମେଶ୍ୱାର୍ ଇନ୍‌କିନାଃ ନାଗେନ୍ତେ ରିକାକାଦ୍ ତାଙ୍କକେନ୍‌ତେୟାଃ ଆଡ଼ଃ ସାଅଁସାର୍ ହଡ଼କଆଃ ବିଶ୍ୱାସ୍ ନାଗେନ୍ତେ ଚିଲ୍‌କା ହରାକଏ ଉଦୁବ୍‌କାଦ୍ ତାଙ୍କକେନା, ଏନ୍ ସବେନାଃ ଇନ୍‌କୁକେକିନ୍ ଉଦୁବାଦ୍‌କଆ । ୨୧ ଏନ୍ତେ ଇନ୍‌କିନ୍ ଆନ୍ତିୟୋଖ୍‌ରେ ବିଶ୍ୱାସୀକଲଃ ପୁରାଃ ଦିନ୍‌କିନ୍ ତାଙ୍କନ୍‌ୟାନା ।

୧୫

ଯୀରୁଶାଲେମ୍‌ରେ ଖ୍ରୀଷ୍ଟ୍ ବିଶ୍ୱାସୀକଆଃ ସାଭା

୧ ଯିହୁଦାଏତେ ଚିମିନ୍ ହଡ଼କ ଆନ୍ତିୟୋଖ୍‌ତେ ହିଜୁଃକେଦ୍‌ତେ, ମୁଗା ନାବାଆଃ ଆନ୍‌ରୁ ଲେକାତେ ଇନ୍‌କୁ କାକ ଖାଡ଼ନାଆଠରେଦ୍ ଜୀଉବାଆଆ କାକ ନାମେୟା ମେନ୍ତେ ବିଶ୍ୱାସୀକକେ ଇତୁକେଦ୍‌କଆକ । ୨ ନେ ବିଷାଏରେ ଇନ୍‌କୁଲଃ ପାଉଲୁସ୍ ଆଡ଼ଃ ବର୍ଣ୍ଣବାସ୍‌ଆଃ ପୁରାଠଗି କାପ୍‌ଜି ହବାୟାନା, ଏନାତେ ପାଉଲୁସ୍, ବର୍ଣ୍ଣବାସ୍ ଆଡ଼ଃ ଆନ୍ତିୟୋଖ୍‌ରେନ୍ ଚିମିନ୍ ହଡ଼କ ଯୀରୁଶାଲେମ୍‌ତେ ସେନ୍‌କେଦ୍‌ତେ ପ୍ରେରିତ୍ ଆଡ଼ଃ କାଲିସିୟାରେନ୍ ପ୍ରାଚିନ୍‌କଲଃ ନେ ବିଷାଏରେ କାଜିଅଡ଼ଙ୍ଗ୍‌ଆଃକା ମେନ୍ତେକ ଉହାଟ୍‌କେଦା ।

୩ କାଲିସିୟାରେନ୍ ହତକ ଇନ୍‌କିନାଃ ହରାସେନ୍ ନାଗେନ୍ତେକ ଦେଙ୍ଗାକେଦକିନା, ଆତଃ ଇନ୍‌କିନ୍ ଫିନିସିୟା ଆତଃ ଶମିରୋନ୍ ହରାତେ ସେନଃ ଇମ୍‌ତା, ସାଅଁସାର୍ ହତକ ଚିଲ୍‌କା ହେୟାତିଙ୍ଗ୍‌କେଦ୍‌ତେ ପାର୍‌ମେଶ୍‌ବାର୍‌ସାଃତେକ ରୁହାଡ଼କାନା, ଏନ୍ ବିଷାଏରେକିନ୍ ଉଦୁବ୍‌କେଦକଆ; ନେ କାନାଜି ଆୟୁମକେଦ୍‌ତେ ବିଶ୍ୱାସୀକ ପୁରାଃଗିକ ରାସକାୟାନା । ୪ ଇନ୍‌କିନ୍ ଯାରୁଶାଲେମ୍‌ତେ ସେଟେର୍‌ୟାନ୍‌ତି, କାଲିସିୟାରେନ୍ ହତକ, ପ୍ରେରିତ୍‌କ ଆତଃ ପ୍ରାଚିନ୍‌କ ଇନ୍‌କିନ୍‌କେକ ଦାରମ୍‌କେଦକିନା । ପାର୍‌ମେଶ୍‌ବାର୍ ଆକିନାଃଲଃ ତାଇକେଦ୍‌ତେ କାମିକାଦ୍ ସବେନ୍ କାମିକ ଇନ୍‌କିନ୍ ଇନ୍‌କୁକେ ଉଦୁବ୍‌କେଦକଆକିନ୍ । ୫ ମେନ୍‌ଦ ଫାରୁଶୀ ଝୁଣ୍ଡରେନ୍ ଚିମିନ୍ ବିଶ୍ୱାସୀ ହତକ ତିଙ୍ଗ୍‌କେଦ୍‌ତେ କାଜିକେଦାକ, “ସାଅଁସାର୍ ହତକଆଃ ଖାଡ଼ନାଅ ହବାଅଃଗି ଲାଗାତିୟା ଆତଃ ମୁଶା ନାବୀଆଃ ଆନ୍‌ରୁକେ ମାନାତିଙ୍ଗ୍ ନାଙ୍ଗ୍ ଇନ୍‌କୁକେ କାଜି ଲାଗାତିୟା ।”

୬ ନେ ବିଷାଏରେ ଜାଗାର୍ ନାଗେନ୍ତେ ପ୍ରେରିତ୍‌କ ଆତଃ ପ୍ରାଚିନ୍‌କ ମିଦ୍‌ତାଃରେ ହୁଣ୍ଡିୟାନାକ । ୭ *ପୁରାଃଗି କାପ୍‌ଜିୟାନ୍ ତାୟମ୍‌ତେ ପାଡ଼ରାସ୍ ତିଙ୍ଗ୍‌କେଦ୍‌ତେ କାଜିକେଦା, “ହେ ହାଗା ମିଶିକ, ଆଇଙ୍ଗ୍ ସାଅଁସାର୍ ହତକତାଃରେ ସୁକୁକାଜି ଉଦୁବେକାଇଙ୍ଗ୍ ଆତଃ ଇନ୍‌କୁ ଏନାରେକ ବିଶ୍ୱାସେକା ମେନ୍ତେ ପାର୍‌ମେଶ୍‌ବାର୍ ଆଇଙ୍ଗ୍‌କେ ଆପେକଏତେ ପୁରାଃ ମାହାଁ ସିଦାରେ ସାଲ୍‌କାଦିୟା, ଏନାଦପେ ସାରିତାନା । ୮ *ଆତଃ ସବେନ୍‌କଆଃ ମନ୍‌ସୁରୁଦ୍‌ରେୟାଃ ଉଡ଼ୁ ସାରି ଦାଡ଼ିତାନ୍ ପାର୍‌ମେଶ୍‌ବାର୍, ଆରୁକେ ଜେ'ଲେକା ପାବିତାର୍ ଆମ୍‌ ଏମାକାଦ୍‌ରୁଆଏ, ଏନ୍‌ଲେକାଗି ସାଅଁସାର୍ ହତକକେହ ଏମକେଦ୍‌ତେ ଇନ୍‌କୁସାଃଏତେ ଗାଞ୍ଜାଏ ଏମାକାଦା । ୯ ଇନ୍‌କୁଆଃ ଆତଃ ଆରୁଆଃ ଆଲ୍‌ରେ ଜେତାନ୍ ଫାରାକ୍ କାଏ ଦହକାଦା । ଇନ୍‌କୁଆଃ ବିଶ୍ୱାସ୍ ହରାତେ ଇନିଃ ଇନ୍‌କୁଆଃ ମନ୍‌ସୁରୁଦ୍‌କଏ ଫାର୍‌ଚିକାଦା । ୧୦ ତାବ୍‌ଦ ଯିହୁଦୀକଆଃ ରିତିରିଞ୍ଜାଦ୍ ଆତଃ ଆନ୍‌ରୁ, ଅକ୍‌ନାଃଚି ହାମ୍‌ଲ୍ ବାହାରମ୍ ଲେକାନାଃତାନାଃ, ଏନାକେ ଆରୁଆଃ ପୁରୁଶା ହାଡ଼ାମ୍‌କ ଆତଃ ଆରୁ କାରୁ ଗଅଃ ଦାଡ଼ିକେନା, ଏନ୍ ଆଡ଼ନାକେ ନାହାଁଃ ଆପେ ବିଶ୍ୱାସୀକଆଃ ତାରାନ୍‌ରେ ଲାଦିକେଦ୍‌ତେ ଚିନାଃମେନ୍ତେ ପାର୍‌ମେଶ୍‌ବାର୍‌କେ ବିଡ଼ାଅ ନାଗେନ୍ତେପେ ସାନାଙ୍ଗ୍‌ତାନା ? ୧୧ କାହାଗି, ଏନା କା ବୁଗିନାଃ । ଇନ୍‌କୁ ଜେ'ଲେକା ବିଶ୍ୱାସ୍‌କେଦ୍‌ତେ ଜୀଉବାଞ୍ଚାଅକ ନାମାକାଦା, ଏନ୍ ଲେକାଗି ଆରୁହ ବିଶ୍ୱାସ୍‌କେଦ୍‌ତେ ପ୍ରାଭୁ ଯୀଶୁଆଃ ସାୟାଦ୍‌ତେ ଜୀଉବାଞ୍ଚାଅବୁ ନାମାକାଦା ।”

୧୨ ପାଉଲୁସ୍ ଆତଃ ବର୍ଣ୍ଣବାସ୍‌ଆଃ ହରାତେ ସାଅଁସାର୍ ହତକଆଃ ଆଲ୍‌ରେ ପାର୍‌ମେଶ୍‌ବାର୍ ଅକ ଆକ୍‌ଦାୟାଅ କାମିକ ଆତଃ ଆକ୍‌ଚାକାଅ କାମିକ କାମିକାଦ୍ ତାଇକେନାଏ । ଏନାକ ଇନ୍‌କିନ୍‌ତାଃଏତେ ଆୟୁମକେଦ୍‌ତେ ଝୁଣ୍ଡରେନ୍ ସବେନ୍‌କ ହାପାୟାନାକ । ୧୩ ଇନ୍‌କିନ୍ କାଜି ଚାବାକେଦ୍‌ତି, ଯାକୁବ୍ କାଜିକେଦାଏ, “ହେ ହାଗା ମିଶିକ, ଆଇଁୟାଃ କାଜି ଆୟୁମେପେ ! ୧୪ ପାର୍‌ମେଶ୍‌ବାର୍ ଚିଲ୍‌କା ଆୟାଃ ଲିନିବୁଲ୍ ସାଅଁସାର୍ ହତକଏତେ ଚିମିନ୍‌କକେ ଆୟାଃ ନୁଡ଼ୁମ୍ ନାଗେନ୍ତେ ସାଲ୍‌କାଦକଆ, ଏନ୍ କାଜିକେ ଶିମୋନ୍ ଉଦୁବ୍‌କେଦାଏ । ୧୫ ନାବୀକଆଃ କାଜି ନେ କାଜିଲଃ ପୁରା ମେସାଅଃତାନା । ଧାରାମ୍‌ପୁଅ୍‌ରେ ଅଲ୍‌କାନା;

୧୬ “ପ୍ରାଭୁ କାଜିୟାଃଏ, ନେ ତାୟମ୍‌ତେ ଆଇଙ୍ଗ୍ ହିଜୁଃ ରୁହାଡ଼ାଇଙ୍ଗ୍
 ଆତଃ ଦାଉଦ୍‌ଆଃ ତାଇନଃ ଠାୟାଦ୍‌କେ ଆତଃମିସା ବାଇରୁହାଡ଼େୟାଙ୍ଗ୍ ।
 ଆଇଙ୍ଗ୍ ଏନ୍ ଜିୟନ୍‌କାନ୍‌ତେୟାଃକେ ଆତଃମିସା ବାଇରୁହାଡ଼େୟାଙ୍ଗ୍
 ଆତଃ ଏନାକେ କେଟେଦ୍ ରୁହାଡ଼େୟାଙ୍ଗ୍ ।

୧୭ ଆତଃ ସବେନ୍ ମାନ'ଖା ହତକ ଆଇଙ୍ଗ୍‌ତାଃତେକ ହିଜୁଃଆ,
 ଆଇଙ୍ଗ୍ ଅକ ସାଅଁସାର୍ ହତକକେ ଆଇଁୟାଃ ହବାଅଃ ନାଗେନ୍ତେଇଙ୍ଗ୍ କେଡ଼ାକାଦକଆ, ଇନ୍‌କୁ
 ସବେନ୍‌କ ଆଇଁୟାଃତାନ୍‌କ ମେନ୍ତେ ପ୍ରାଭୁ କାଜିୟାଏ ।

୧୮ ନେ କାଜିକେ ପ୍ରାଭୁ, ନାଙ୍ଗ୍ ପାରିୟାଏତେ କାଜିକାଦ୍ ତାଇକେନା ।’

୧୯ “ଯାକୁବ୍ ଆତଃଗି କାଜିକେଦା, ଆଇଁୟାଃ ବିଚାର୍ ନେଆଁତାନାଃ, ଅକ ସାଅଁସାର୍ ହତକ ପାର୍‌ମେଶ୍‌ବାର୍‌ସାଃତେ ରୁହାଡ଼ତାନାକ, ଇନ୍‌କୁକେ ଆରୁ କାରୁ ହାଏରାନ୍‌କଆ । ୨୦ ମେନ୍‌ଦ ଇନ୍‌କୁ ମୁରୁଡ଼କତାଃରେ ଦାନ୍ ରାକାବାକାନ୍ ସଡ଼ରା ଜମେୟା ଆଲ୍‌କାକ ଜମେକା, ଜେତା କଡ଼ା ଚାଏ କୁଡ଼ିଲଃ ହଡ଼ମ୍‌ରେୟାଃ ଏଡ଼କାନ୍ କାମି ଆଲ୍‌କାକ ରିକାଏକା, ହଟଃ ଲିମ୍‌ଦୁକେଦ୍‌ତେ ଗଜାକାନ୍ ଜାଁତୁରାଃ ମାସ୍ ଚାଏ ମାୟୋମ୍ ଆଲ୍‌କାକ ଜମେକା ମେନ୍ତେ ନେ ସବେନ୍ ବିଷାଏରେ କାଜିକତାନ୍‌ଲଃ ଇନ୍‌କୁତାଃତେ ମିଆଁଦ୍ ଚିଟାଉରୁ ଅଲେୟା । ୨୧ ଚିୟାଃଚି ପୁରାଃ ସିଦାଏତେଗି ସବେନ୍ ରୁଡ଼ନ୍ ହୁଲ୍‌ଙ୍ଗ୍‌ରେ ସାମାଜ୍ ଅଡ଼ାଃକରେ ମୁଶା ନାବୀଆଃ ଆନ୍‌ରୁ ପାଢ଼ାଅଃତାନା, ଆତଃ ସବେନ୍ ସାହାର୍‌ରେ ଇନିୟାଃ କାଜି ଉଦୁବଃତାନା ।”

ସାଅଁସାର୍ ବିଶ୍ୱାସୀ ହତକତାଃତେ ଚିଟାଉ

☆ ୧୫:୭ ୧୫:୭ ପ୍ରେରିତ୍ ୧୦:୧-୪୩. ☆ ୧୫:୮ ୧୫:୮ ପ୍ରେରିତ୍ ୧୦:୪୪; ୨:୪.

୨୭ ଏନ୍ତେ ପ୍ରେରିତ୍ ଆତ୍ମା କାଲିସିୟାରେନ୍ ପ୍ରାଚିନ୍ଦକ, ଆତ୍ମା କାଲିସିୟାରେନ୍ ସବେନ୍ଦକ, ଝୁଣ୍ଡରେନ୍ ଚିମିନ୍ ହତ୍ତକକେ ସାଲ୍ଲାକେଦ୍ତେ, ପାଉଲୁସ୍ ଆତ୍ମା ବର୍ଣ୍ଣବାସ୍ତୁ ଇନ୍ଦ୍ରେ ଆନ୍ତିୟୋଖ୍ତେ କୁଲ୍ ନାଗେନ୍ତେକ ଉହାଟ୍ତକେଦା । ବାଣିବାସ୍ ନୁତୁମ୍ତେ ସାରିୟ୍ତତାନ୍ ଯିହୁଦା ଆତ୍ମା ସିଲ୍ଲାସ୍, ନେ ବାରାନ୍ଦକିନ୍ଦକେ ଇନ୍ଦ୍ରେ ସାଲ୍ଲାକେଦ୍ଦକିନାକ ଆତ୍ମା ଇନ୍ଦ୍ରେ ବିଶ୍ୱାସୀକଆଃ ଆଲ୍ଲାରେ ପୁରାଃଗି ମାଲ୍ଲନାତାନ୍ଦକିନ୍ ତାଇକେନା । ୨୭ ଆତ୍ମା ବିଶ୍ୱାସୀକ ନେ ଚିଟାଉକେ ଇନ୍ଦ୍ରେ ତିଃଇରେ କୁଲ୍କେଦାକ । “ଆନ୍ତିୟୋଖ୍, ସିରିୟା ଆତ୍ମା କିଲିକିଆ ପାର୍ଗାନ୍ଦରେନ୍ ସାଅଁସାର୍ ହତ୍ତକଏତେ ହିଜୁକାନ୍ ହାଗାକକେ ପ୍ରେରିତ୍ ଆତ୍ମା କାଲିସିୟାରେନ୍ ପ୍ରାଚିନ୍ଦକ ଜହାଟ୍ ମେନ୍ତେକ କାଜିକୁଲ୍କାଦା । ୨୮ ଆଲେ ଆଲ୍ଲମେତାନାଲେ ଯେ, ଆଲେୟାଃ ଝୁଣ୍ଡହେତେ ଚିମିନ୍ ହତ୍ତକ ଆପେତାଃତେ ସେନ୍ଦକେଦ୍ତେ ଆପେୟାଃ ମନ୍ଦରେ ଦୁକୁଃଲେକାନ୍ କାଜିକ କାଜିକାଦା । ମେନ୍ଦ ଏନ୍ ବିଷାଏରେ ଆଲେ ଇନ୍ଦ୍ରେ କାଜି ନାଲ୍ ଜେଡ୍ନାଃ କାଲେ ଆରୁକାକ ତାଇକେନା । ୨୯ ଆତ୍ମା ଆଲେ ସବେନ୍ଦକ ମିଦ୍ ମନ୍ଦୟାନ୍ଲଃ ଚିମିନ୍ ଝାନ୍ କାଜିକୁଲ୍କକେ ସାଲ୍ଲାକେଦ୍ତେ ଆପେତାଃତେ କୁଲ୍ ନାଗେନ୍ତେଲେ ଉହାଟ୍ତକାଦା । ଇନ୍ଦ୍ରେ ଆବୁଆଃ ଦୁଲ୍ଲାଡ୍ ହାଗା ବର୍ଣ୍ଣବାସ୍ ଆତ୍ମା ପାଉଲୁସ୍ତଲଃ ସେନାଃକ । ୩୦ ଇନ୍ଦ୍ରେ ଆକିନାଃ ଜୀଦାନ୍ଦକେ ପ୍ରାଭୁ ଯୀଶୁ ଖ୍ରୀଷ୍ଟ୍ ଆଃ ନୁତୁମ୍ ନାଲ୍ ସାକାଟ୍ରେ ଉୟ୍ତକାଦାକିନ୍ । ୩୧ ଆଲେ ଯିହୁଦା ଆତ୍ମା ସିଲ୍ଲାସ୍କେ ଆପେତାଃତେ କୁଲ୍କିନ୍ଦାନାଲେ । ଆଲେ ଅକ୍ନାଃ ଅଲ୍ଲକାଦାଲେ ଏନାକେଗି ଇନ୍ଦ୍ରେ ଆପେକେ ଉଦୁବାପେୟାକିନ୍ । ୩୨ ଚିମିନାଲ୍ ଲାଗାଡିକ୍ ଆଇନ୍ଦକ ବାଗିକେଦ୍ତେ ଆପେ ଚେତାନ୍ଦରେ ଜେତାନ୍ ବାହାରମ୍ କା ଏମ୍ ନାଗେନ୍ତେ ଆଲେ ପାବିତାର୍ ଆମ୍ବାତାଃଏତେ ଆନାରୁଲେ ନାମାକାଦା । ୩୩ ଆପେ ମୁରୁଦ୍ଦକଆଃ ଆୟାରରେ ଦାନ୍ ରାକାବାକାନ୍ ଜଜମାଃ ଆଲପେ ଜମେୟା, ମାୟୋମ୍ ଆଲପେ ନୁଁଇଆ, ହଟ୍ଟ ଲିମ୍ବୁକେଦ୍ତେ ଗଜାକାଇ ଜେତା ଜାତୁରାଃ ମାସ୍ ଆଲପେ ଜମେୟା ଆତ୍ମା ଜେତା କଡା ଚାଏ କୁଡିଲଃ ହତ୍ତମରେୟାଃ ଏଡକାନ୍ କାମିକଏତେ ସାଜିନାକାନ୍ ତାଇନ୍ଦେ । ଆପେ ନେ ସବେନ୍ଦ କାମିକ କାପେ କାମିରେଦ୍ ଆପେୟାଃ ରୁଗିନାଃ ହବାଅଃଆ । ଆଲେୟାଃ ଜହାଟ୍ ତେଲ୍ଲାଏପେ ।”

୩୦ ଅକ କାଜିକୁଲ୍କିନ୍ଦକେ କୁଲ୍ଲକାନ୍ ତାଇକେନା, ଇନ୍ଦ୍ରେ ଆନ୍ତିୟୋଖ୍ତେ ସେନ୍ଦକେଦ୍ତେ ବିଶ୍ୱାସୀକଆଃ ସବେନ୍ଦ ଝୁଣ୍ଡକକେ ହୁଣ୍ଡିକେଦ୍ତେ ନେ ଚିଟାଉକେ ଏମାଦ୍ଦକଆକିନ୍ । ୩୧ ଏନ୍ତାଃରେନ୍ ବିଶ୍ୱାସୀକ ଜୀଉରେ ରାସ୍କାନ୍ କାଜି ଚିଟାଉରେ ପାଢାଅକେଦ୍ତେ ରାସ୍କାତେ ପେରେୟାନ୍ନାକ । ୩୨ ଯିହୁଦା ଆତ୍ମା ସିଲ୍ଲାସ୍ ଆକିନ୍ଦି ନାବୀ ତାଇକେନାକିନ୍ ଆତ୍ମା ଇନ୍ଦ୍ରେ ଆନ୍ତିୟୋଖ୍ତେ ବିଶ୍ୱାସୀକକେ ପୁରାଃ ନେତା ଜାକେଦ୍ ଜାଗାଟାନ୍ଲଃ ଇନ୍ଦ୍ରେ ଜୀଉରେ ରାସ୍କାନ୍ କାଜିକ ଏମ୍କେଦ୍ତେ ଇନ୍ଦ୍ରେ ବିଶ୍ୱାସ୍ତକେ କେଟେଦ୍ଦକେଦାକିନ୍ । ୩୩ ଏନ୍ତାଃରେ ଚିମିନ୍ ମାହାଁ ତାଇନ୍ଦୟାନ୍ ତାୟମ୍ତେ ଅକ ହତ୍ତକ ଇନ୍ଦ୍ରେ କୁଲ୍ଲକାଦ୍ଦକିନ୍ ତାଇକେନାକ, ଇନ୍ଦ୍ରେ ତାଃ ସେନ୍ଦୁହାଡ୍ ନାଗେନ୍ତେ ବିଶ୍ୱାସୀକ ଇନ୍ଦ୍ରେ ସୁକୁଜୀଉତେ କୁଲ୍କେଦ୍ଦକିନାକ । ୩୪ ମେନ୍ଦ ସିଲ୍ଲାସ୍ ଏନ୍ତାଃରେ ତାଇନ୍ଦ ନାଗେନ୍ତେ ରୁଗିନାଃ ଆଟ୍ଟକାଟ୍ଟକେଦାଏ ।*

୩୫ ପାଉଲୁସ୍ ଆତ୍ମା ବର୍ଣ୍ଣବାସ୍ ଆନ୍ତିୟୋଖ୍ତେ ଚିମିନ୍ ଦିନ୍ ତାଇନ୍ଦୟାନ୍ନାକିନ୍ ଆତ୍ମା ଏଟାଃ ପୁରାଃ ହତ୍ତକଲଃ ମେସାକେଦ୍ତେ ପ୍ରାଭୁଆଃ ବାଚାନ୍ ଉଦୁବ୍ଦକେଦ୍ଦକଆକ ଆତ୍ମା ଇଦ୍ରେକେଦ୍ଦକଆକ ।

ପାଉଲୁସ୍ ଆତ୍ମା ବର୍ଣ୍ଣବାସ୍ତୁଆଃ ବିନ୍ଦଗାଅ

୩୬ ଚିମିନ୍ ଦିନ୍ ତାୟମ୍ତେ ପାଉଲୁସ୍, ବର୍ଣ୍ଣବାସ୍ତୁକେ କାଜିକିୟା, “ଦଲ୍ଲା, ରୁହାଡାଃଲ୍ଲାକ୍ ଆତ୍ମା ସବେନ୍ଦ ସାହାଟ୍ରେନ୍ଦ ଅକ ହାଗାକକେ ପ୍ରାଭୁଆଃ ବାଚାନ୍ ଉଦୁବ୍ଦକାକ ତାଇକେନାଲ୍ଲାକ୍, ଇନ୍ଦ୍ରେ ଲଃ ନେପେଲ୍କେଦ୍ତେ, ଇନ୍ଦ୍ରେ ଚିଲ୍ଲକା ମେନାକଆ ଏନାଲ୍ଲାକ୍ ନେଲ୍ଲାଉକଆ ।” ୩୭ ବର୍ଣ୍ଣବାସ୍, ଯୋହାନ୍ ନୁତୁମ୍ତେ ସାରିୟ୍ତତାନ୍ ମାର୍କକେ ଆକିନାଃଲଃ ଇଦି ନାଗେନ୍ତେ ସାନାଲ୍କାଦ୍ ତାଇକେନା, ୩୮ ମେନ୍ଦ ପାଉଲୁସ୍ ମାର୍କକେ ଇଦି ନାଗେନ୍ତେ କାଏ ସାନାଲ୍କେଦା, ଚିଆଃଚି ଇନ୍ଦି ସିଦାରେୟାଃ ହରାସେନ୍ଦରେ କାମି ଚୁଣ୍ଡୁ ଜାକେଦ୍ ଆକଲଃ କା ତାଇକେଦ୍ତେ ଇନ୍ଦ୍ରେ ପାମିଲିଆରେ ବାଗିକେଦ୍ତେ ରୁହାଡ୍ତୟାନ୍ । ୩୯ ନେ ବିଷାଏରେ ପୁରାଃଗି କାପ୍ତି ହବାୟାନ୍ ଆତ୍ମା ଇନ୍ଦ୍ରେ ବିନ୍ଦଗାଅ ହବାୟାନ୍ । ବର୍ଣ୍ଣବାସ୍ ମାର୍କକେ ଇଦିକେଦ୍ତେ ସାଲ୍ଲପ୍ତସ୍ତେ ଦାଆଃ ଜାହାଜ୍ରେ ଦୁବ୍ଦକେଦ୍ତେକିନ୍ ସେନଃୟାନ୍ । ୪୦ ମେନ୍ଦ ପାଉଲୁସ୍, ସିଲ୍ଲାସ୍କେ ସାଲ୍ଲକିୟା ଆତ୍ମା ବିଶ୍ୱାସୀ ହାଗାକଆଃ ହରାତେ ପ୍ରାଭୁଆଃ ସାୟାଦ୍ରେ ଜିମାୟାନ୍ଲଃ ବିଦା ଇଦିକେଦାଏ । ୪୧ ଇନ୍ଦି ସିରିୟା ଆତ୍ମା କିଲିକିଆ ପାର୍ଗାନ୍ଦ ହରାତେ ସେନଃୟାନ୍ ଆତ୍ମା କାଲିସିୟାରେନ୍ ହତ୍ତକକେ ବିଶ୍ୱାସ୍ତରେ କେଟେଦ୍ ଇଦିକେଦ୍ଦକଆ ।

* ୧୫:୩୪ 15:34 ନେ ପଦ ଚିମିନ୍ ମାରି ଅନଲ୍କକରେ ବାନ୍ଦାଆ ✨ ୧୫:୩୮ ୧୫:୩୮ ପ୍ରେରିତ୍ ୧୩:୧୩.



ପାଉଲୁସ୍ ଆଡ଼ଃ ସିଲାସ୍‌ଲଃ ତୀମଥୁଆଃ ହରାସେନ୍

^୧ ପାଉଲୁସ୍ ଦର୍ବୀ ଆଡ଼ଃ ଲୁସ୍‌ତ୍ରାତେ ସେନଃୟାନା, ଏନ୍ତାଃରେ ତୀମଥୁ ନୁତୁମ୍ ମିଆଁଦ୍ ଖ୍ରୀଷ୍ଟିୟାନ୍ ହଡ଼ ତାଇନଃତାନ୍ ତାଇକେନାଏ । ଇନିୟାଃ ଏଙ୍ଗାତେ ମିଆଁଦ୍ ଖ୍ରୀଷ୍ଟ୍ ବିଶ୍ୱାସୀ ଯିହୁଦୀ ତାଇକେନାଏ, ମେନ୍ଦ ଆପୁତେ ଗ୍ରୀକ୍ ହଡ଼ ତାଇକେନାଏ । ^୨ ଲୁସ୍‌ତ୍ରା ଆଡ଼ଃ ଇକନିୟାରେନ୍ ସବେନ୍ ବିଶ୍ୱାସୀକ ତୀମଥୁଆଃ ବିଷାଏରେ ପୁରାଃ ବୁଗିନାଃକ କାଜି ତାଇକେନା । ^୩ ପାଉଲୁସ୍, ତୀମଥୁକେ ଆୟାଃଲଃ ଇଦି ନାଗେନ୍ତେ ସାନାଙ୍‌କେଦା, ଏନାତେ ଇନିଃ ତୀମଥୁକେ ଖାଡ଼ନାଅକିୟାଏ । ତିଆଃତି ଏନ୍ତାଃରେ ତାଇନଃତାନ୍ ସବେନ୍ ଯିହୁଦୀ ହଡ଼କ ତୀମଥୁଆଃ ଆପୁତେକେ ଗ୍ରୀକ୍ ହଡ଼ ତାନିଃ ମେନ୍ତେକ ସାରିକାଦ୍ ତାଇକେନା । ^୪ ଇନ୍‌କୁ ସାହାର୍ ହରାକରେ ସେନଃ ତାଇକେନ୍ ଇମ୍‌ତା, ବିଶ୍ୱାସୀକକେ ଯୀରୁଶାଲେମ୍‌ରେନ୍ ପ୍ରେରିତ୍ ଆଡ଼ଃ ପ୍ରାତିନ୍‌କ ଠାହାରାଅକାଦ୍ ସବେନ୍ ଆନ୍‌ରୁକେ ମାନାତିଙ୍ ଗାଗେନ୍ତେକ କାଜିକେଦ୍‌କଆ । ^୫ ନେ'ଲେକାତେ କାଲିସିୟାକ ବିଶ୍ୱାସରେ ପୁରାଃଗିକ କେଟେଦ୍‌ୟାନା ଆଡ଼ଃ ସବେନ୍ ହୁଲାଙ୍ ପସାଇଦିୟଃତାନ୍‌କ ତାଇକେନା ।

ତ୍ରୋୟାସ୍‌ରେ ପାଉଲୁସ୍‌ଆଃ ଦାର୍‌ଗାନ୍

^୬ ଇନ୍‌କୁକେ ପାବିତାର୍ ଆମ୍‌ା ଏସିଆ ପାର୍‌ଗାନ୍‌ରେ ବାଚାନ୍ ଉଦୁବ୍ ନାଗେନ୍ତେ କାଏ ଆରୁକେଦ୍‌କ ହରାତେ ଇନ୍‌କୁ ଫୁଗିଆ ଆଡ଼ଃ ଗାଲାତିୟ ପାର୍‌ଗାନ୍‌ତେକ ସେନଃୟାନା । ^୭ ଇନ୍‌କୁ ମୁସିୟା ପାର୍‌ଗାନ୍‌ରେୟାଃ ସିମ୍‌ନାତେ ସେଟେର୍‌ୟାନ୍‌ଲଃ ବେଥ୍‌ନିଆ ପାର୍‌ଗାନ୍‌ତେ ସେନଃ ନାଙ୍ ଅତଙ୍‌ଅଃ ଇମ୍‌ତା ଯୀଶୁଆଃ ଆମ୍‌ା ଇନ୍‌କୁକେ କାଏ ଆରୁକେଦ୍‌କଆ । ^୮ ଏନାତେ ଇନ୍‌କୁ ମୁସିୟା ହରାତେ ସେନଃୟାନ୍‌ଲଃ ତ୍ରୋୟାସ୍‌ତେକ ସେନଃୟାନା । ^୯ ଏନ୍ ନିଦାରେ ପାଉଲୁସ୍ ମିଆଁଦ୍ ଦାର୍‌ଗାନ୍ ନେଲ୍‌କେଦାଏ ଯେ, ମାକିଦନିଆରେନ୍ ମିଆଁଦ୍ ହଡ଼ ତିଙ୍‌କେଦ୍‌ତେ ବିକ୍ରିତାନ୍‌ଲଃ କାଜିତାନାଏ, “ମାକିଦନିଆତେ ହିଜୁଃକେଦ୍‌ତେ ଆଲେକେ ଦେଙ୍‌ଲେଦେ !” ^{୧୦} ପାଉଲୁସ୍ ନେ ଦାର୍‌ଗାନ୍ ନେଲ୍‌କେଦ୍‌ତି ଆଲେ ମାକିଦନିଆତେ ସେନଃ ନାଗେନ୍ତେଲେ ସେକାଡ଼୍‌ୟାନା, ତିଆଃତି ଆଲେ ସାର୍‌ତିଗି ସାରିକାଦ୍ ତାଇକେନାଲେ, ପାର୍‌ମେଶ୍ୱାର୍ ଏନ୍ତାଃରେନ୍ ହଡ଼କଆଃ ଆଲାରେ ସୁକୁକାଜି ଉଦୁବ୍ ନାଗେନ୍ତେ ଆଲେକେ କେଡ଼ାକାଦ୍‌ଲେୟା ।

ଫିଲିପିରେ ଲୁଦିୟାଃ ମନ୍‌ରୁହାଡ଼୍

^{୧୧} ଆଲେ ତ୍ରୋୟାସ୍‌ତାଃଏତେ ଦାଆଃ ଜାହାଜ୍‌ରେ ଦୁବ୍‌କେଦ୍‌ତେ ସାମ୍‌ଆକି ଟାପୁତେଲେ ସେନଃୟାନା, ଆଡ଼ଃ ଏଟାଃହୁଲାଙ୍ ନିୟାପଲି ସାହାର୍‌ତେଲେ ସେଟେର୍‌ୟାନା । ^{୧୨} ଏନ୍ତାଃଏତେ ଆଲେ ମାକିଦନିଆ ଜିଲ୍ଲାରେୟାଃ ମାରାଙ୍ ନାଗାର୍ ଫିଲିପିତେଲେ ସେନଃୟାନା । ଏନ୍ ନାଗାର୍‌ରେ ରୋମ୍‌ରେନ୍ ହଡ଼କହଗି ତାଇନଃତାନ୍ ତାଇକେନାକ । ଆଲେ ଏନ୍ତାଃରେ ଚିମିନ୍‌ଦିନ୍ ଲେକାଲେ ତାଇକେନା । ^{୧୩} ରୁଡ଼୍‌ନୁ ହୁଲାଙ୍‌ରେ ଆଲେ ନାଗାର୍‌ହେତେ ଅତଙ୍‌ୟାନ୍‌ଲଃ ନାହିଁ ଗେନାତେଲେ ସେନଃୟାନା । ଏନ୍ତାଃରେ ଯିହୁଦୀ ହଡ଼କ ହୁଣ୍ଡିକେଦ୍‌ତେ ବିକ୍ରି ତାଇକେନ୍ ମିଆଁଦ୍ ଠାୟାଦ୍ ତାଇନାଃ ମେନ୍ତେଲେ ଉଡ଼୍‌କାଦ୍ ତାଇକେନା । ଆଲେ ଲାତାର୍‌ରେ ଦୁବ୍‌କେଦ୍‌ତେ ଏନ୍ତାଃରେ ହୁଣ୍ଡିୟାକାନ୍ କୁଡ଼ିକଲଃ ଜାଗାର୍‌କେଦାଲେ । ^{୧୪} ଇନ୍‌କୁଆଃ ଆଲାରେ ଥୁୟତିରା ନାଗାର୍‌ରେନ୍ ଲୁଦିୟା ନୁତୁମ୍ ମିଆଁଦ୍ କୁଡ଼ି ତାଇକେନା । ଇନିଃ ବାକ୍‌ଗିନିଆ ଲିଜାଃ ଆଖ୍‌ରିଙ୍‌ନିଃ ତାଇକେନାଏ । ଇନିଃ ପାର୍‌ମେଶ୍ୱାର୍‌କେ ବରଭାକ୍ତି ତାଇକେନା ଆଡ଼ଃ ପାଉଲୁସ୍ କାଜିତାଇକେନ୍‌ତେୟାଃ ମନ୍‌ଧ୍ୟାନ୍ ଆୟୁମ୍‌କେଦ୍‌ତେ ମନ୍‌ସୁରୁଦ୍‌ରେ ତେଲାଏ ନାଗେନ୍ତେ ପ୍ରାଭୁ ଇନିଃକେ ସୁଯୋଗ୍ ଏମ୍‌କିୟାଏ । ^{୧୫} ଇନିଃ ଆଡ଼ଃ ଆୟାଃ ଅଡ଼ାଃରେନ୍ ସବେନ୍‌କ ବାପ୍ତିସ୍ମା ଇଦିକେଦ୍ ତାୟମ୍‌ତେ ଆଲେକେ କେଡ଼ାକେଦ୍‌ତେ କାଜିକେଦ୍‌ଲେୟାକ, “ଆପେ ଆଇଙ୍‌କେ ପ୍ରାଭୁତାଃରେ ପାତିୟାର୍‌ରଃ ଲେକା ମେନାଲୟା ମେନ୍ତେପେ ବିଚାର୍‌ତାନ୍ ରେଦ୍, ଦେଲା ଆଇଁୟାଃ ଅଡ଼ାଃରେ ତାଇନ୍‌ପେ ।” ଇନିଃ ନେ'ଲେକା କାଜିକେଦ୍‌ତେ ଆୟାଃ ଅଡ଼ାଃରେ ତାଇନ୍ ନାଗେନ୍ତେ ଆଲେକେ ଉସ୍‌କୁରକେଦ୍‌ଲେୟା ।

ଫିଲିପିରେୟାଃ ଜେହେଲ୍‌ରେ ପାଉଲୁସ୍ ଆଡ଼ଃ ସିଲାସ୍

^{୧୬} ମୁସିଙ୍ ଆଲେ ବିକ୍ରି ଠାୟାଦ୍‌ତେ ସେନଃ ତାଇକେନ୍ ଇମ୍‌ତା ମିଆଁଦ୍ କାମ୍‌ଡ଼ି କୁଡ଼ିଲଃ ନାପାମ୍‌ୟାନାଲେ । ଇନିୟାଃରେ ତାଇକାନ୍ ଏଡ଼କାନ୍ ଆମ୍‌ା ହରାତେ ଇନିଃ ଆୟାର୍‌କାଜିକାଏ କାଜି ଦାଡ଼ିତାଇକେନା । ଇନିଃ ହଡ଼କଆଃ ଚିନାଃ ହବାଅଆ ଏନାକ ସିଦାରେ କାଜି ଦାଡ଼ି ତାଇକେନା । ଇନିଃ ଆୟାଃ ଗୁସିୟାକଆଃ ନାଙ୍ ପୁରାଃ ଟାକା ପାଏସାଏ କାମି ତାଇକେନା । ^{୧୭} ଇନିଃ ପାଉଲୁସ୍ ଆଡ଼ଃ ଆଲେୟାଃ ଦୟା ଦୟା ହିଜୁଃକେଦ୍‌ତେ କାଉରିତାନ୍‌ଲଃ କାଜିକେଦାଏ, “ନେ ହଡ଼କ ସାଲାଙ୍ ଉତାର୍ ପାର୍‌ମେଶ୍ୱାର୍‌ଆଃ ଦାସିକ ତାନ୍‌କ । ଆପେ ଚିଲ୍‌କାତେ ଜୀଉବାଞ୍ଚାଅପେ ନାମେୟା, ଏନାକ କାଜିତାନା

୧୮ ଏନ୍ କୁଡ଼ି ପୁରାଃ ମାହାଁ ଜାକେଦ୍ ନେ'ଲେକାଏ ରିକାକେଦା । ଏନ୍ତେ ପାଉଲୁସ୍ ଖୁସ୍‌ୟାନ୍‌ଲଃ ଦୟା ହେତାକେଦ୍‌ତେ ଏଡ୍‌କାନ୍ ଆମ୍‌କେ କେଟେଦ୍‌କେଦ୍‌ତେ କାଜିକିୟା, “ୟୀଶୁ ଖ୍ରୀଷ୍ଟ୍‌ଆଃ ନୁତୁମ୍‌ତେଇଙ୍ଗ୍ ଆରୁମେତାନା, ଇନିଃତାଃଏତେ ଅଡ୍‌ଙ୍ଗ୍‌ଅଃମେ !” ଇମ୍‌ତାଗି ଏଡ୍‌କାନ୍ ଆମ୍‌ ଇନିଃତାଃଏତେ ଅଡ୍‌ଙ୍ଗ୍‌ୟାନା ।

୧୯ ଚିମ୍‌ତା ଇନିୟାଃ ଗୁସିୟାକ୍ ଆକଥାଃ ଟାକା କାମିରେୟାଃ ଆସ୍ତାକ୍ ଆଦ୍‌କେଦା ମେନ୍ତେ ଆଟ୍‌କାର୍‌କେଦ୍‌ଚି, ପାଉଲୁସ୍ ଆତଃ ସିଲ୍‌ାସ୍‌କେ ସାବ୍‌କେଦ୍‌ତେ ବାଜାର୍‌ ପିଡ଼ି ଆଲାତେ ଆକ୍‌ତେୟାର୍ ନାମାକାଦ୍ ହଡ୍‌କତାଃତେ ଅର୍ ଇଦିକେଦ୍‌କିନାକ । ୨୦ ଇନ୍‌କୁ ଇନ୍‌କିନ୍‌କେ ରୋମି ହାକିମ୍‌କତାଃତେ ଆଉକେଦ୍‌କିନାକ ଆତଃ କାଜିକେଦାକ, “ନେ ହଡ୍‌କିନ୍‌ ଯିହୁଦୀ ତାନ୍‌କିନ୍‌, ଆତଃ ଆଲେୟାଃ ନାଗାର୍‌ରେ ହାଲାଗୁଲାଏ ତାନାକିନ୍ । ୨୧ ଇନ୍‌କିନ୍‌ ଆବୁଆଃ ଆନ୍‌ତୁ ବିରୁଧ୍ ରିତିରିଖାଜ୍ ଇଡ୍‌କତାନାକିନ୍ । ଆବୁ ରୋମିରେନ୍ ହଡ୍‌କ ତାନ୍‌ତୁ, ଏନାତେ ନେ ସବେନ୍ କା ଲାଗାତିଙ୍ଗ୍ ରିତିରିଖାଜ୍ କାବୁ ମାନାତିଙ୍ଗ୍ ଦାଡ଼ିୟା ।”

୨୨ ଆତଃ ଗାଦେଲ୍ ହଡ୍‌କହଗି ପାଉଲୁସ୍ ଆତଃ ସିଲ୍‌ାସ୍‌ଆଃ ବିରୁଧ୍‌ରେ ମେସାୟାନାକ । ଏନ୍ତେ ପାଉଲୁସ୍ ଆତଃ ସିଲ୍‌ାସ୍‌ଆଃ ଲିଜାଃ ଚେଟାଃକେଦ୍‌ତେ ଇନ୍‌କିନ୍‌କେ ସଟାତେ ହାଁଶସା ନାଗେନ୍ତେ ରୋମି ହାକିମ୍‌କ ଇନ୍‌କୁକେ ଆରୁକେଦ୍‌କଆକ । ୨୩ ଇନ୍‌କୁ ଇନ୍‌କିନ୍‌କେ ପୁରାଃଗି ଦାଲ୍‌କେଦ୍‌ତେ ଜେହେଲ୍‌ରେ ଦହକେଦ୍‌କିନାକ ଆତଃ ତାଲାକେଦ୍‌ତେ ହର ନାଙ୍ଗ୍ ଆରୁକେଦ୍‌କଆକ । ୨୪ ନେ ଆନାରୁ ନାମ୍‌କେଦ୍‌ତେ ଜେହେଲ୍ ହରନିଃ ଇନ୍‌କିନ୍‌କେ ମିଆଁଦ୍ ଭିତାର୍ କୁଠାତେ ଇଦିକେଦ୍‌ତେ ହାମ୍‌ଲ୍ ସାହାନ୍‌ରେୟାଃ ଅର୍‌ଗଡ୍‌ରେ ଇନ୍‌କିନାଃ କାଟାକେ ତଲ୍‌କେଦ୍‌କିନାଏ ।

୨୫ ଆଲାନ୍‌ଦାରେ ପାଉଲୁସ୍ ଆତଃ ସିଲ୍‌ାସ୍ ପାର୍‌ମେଶ୍‌ଆଃ ନୁତୁମ୍‌ତେ ବିକ୍ତି ଆତଃ ମାନାରାଙ୍ଗ୍‌ରାଃ ଦୁରାଙ୍ଗ୍ ତାଜକେନାକିନ୍ ଆତଃ ଏଟାଃ ଜେହେଲାକାନ୍ ହଡ୍‌କ ଏନା ଆୟ୍‌ମ୍ ତାଜକେନାକ । ୨୬ ଇମ୍‌ତାଗି ପୁରାଃତେ ଅତେ ଦିଲ୍‌କାଅୟାନା ଆତଃ ଜେହେଲ୍ ଅଡ଼ାଃରାଃ ନିହ୍ ଗାଡ଼ା ଏକ୍‌ଲାଅୟାନା । ଇମ୍‌ତାଗି ସବେନ୍ ଦୁଆରକ ନିନ୍‌ୟାନା ଆତଃ ଜେହେଲାକାନ୍ ସବେନ୍ ହଡ୍‌କଆଃ ସିକିଡ଼ିକ ରାଡ଼ାୟାନା । ୨୭ ଜେହେଲ୍ ହରନିଃ ଦୁଡ୍‌ମୁଏତେ ବିରିଦ୍‌ୟାନାଏ ଆତଃ ଜେହେଲ୍‌ରେୟାଃ ଦୁଆର୍ ସବେନ୍ ନିଜାକାନ୍ ନେଲ୍‌କେଦ୍‌ତେ ଉଡ୍‌ଖୁକେଦାଏ ଯେ, ଜେହେଲାକାନ୍ ସବେନ୍ ହଡ୍‌କ ନିର୍‌ୟାନାକ । ଏନାତେ ଇନିଃ ଆୟାଃ ତାରାଉଡ଼ି ଅଡ୍‌ଙ୍ଗ୍‌କେଦ୍‌ତେ ଆଇଃକ୍‌ଗି ଗଜେନ୍ ନାଗେନ୍ତେ ସାନାଙ୍ଗ୍‌କେଦା । ୨୮ ମେନ୍‌ଦ ପାଉଲୁସ୍ ପୁରାଃ କାଉରିକେଦ୍‌ତେ କାଜିକିୟା, “ଆମ୍‌ ଆପାନ୍‌କେ ଜେଡ୍‌ନାଃ ଆଲ୍‌ମ୍ ନକ୍‌ସାନେନ୍ ଚିଆଃତି ଆଲେ ସବେନ୍‌କ ନେତାଃରେ ମେନାଲେୟା ।”

୨୯ ଜେହେଲ୍ ହରନିଃ ଦିମି ଆଉ ନାଗେନ୍ତେ କାଜିକେଦ୍‌କଆ ଆତଃ ଭିତାର୍‌ତେ ନିର୍‌ବଲ୍‌ୟାନା ଏନ୍ତେ ବରତେ ଏକ୍‌ଲାଅଃତାନ୍‌ଲଃ ପାଉଲୁସ୍ ଆତଃ ସିଲ୍‌ାସ୍‌ଆଃ କାଟା ଲାତାର୍‌ରେ ଉୟ୍‌ୟାନା । ୩୦ ଏନ୍ତେ ଇନ୍‌କିନ୍‌କେ ବାହାରିତେ ଅଡ୍‌ଙ୍ଗ୍‌କେଦ୍‌ତେ କୁଲିକେଦ୍‌କିନା, “ମାଜନାନ୍‌କିନ୍, ଜୀଉବାସ୍ତାଅ ନାମେ ନାଗେନ୍ତେ ଆଇଙ୍ଗ୍‌କେ ଚିନାଃ ରିକା ଲାଗାତିଙ୍ଗ୍‌ୟାଃ ?”

୩୧ ଇନ୍‌କିନ୍‌ କାଜିକିୟାକିନ୍, “ପ୍ରାଭୁ ଯୀଶୁରେ ବିଶ୍ୱାସେରେଦ୍, ଆମ୍‌ ଆତଃ ଆମାଃ ଅଡ଼ାଃରେନ୍ ଜୀଉବାସ୍ତାଅପେ ନାମେୟା ।” ୩୨ ଏନ୍ତେ ଇନ୍‌କିନ୍‌ ଇନିଃକେ ଆତଃ ଆୟାଃ ଅଡ଼ାଃରେନ୍ ସବେନ୍ ହଡ୍‌କକେ ପ୍ରାଭୁଆଃ ବାଚାନ୍ ଉଦ୍‌ବ୍‌କେଦ୍‌କଆକିନ୍ । ୩୩ ନିଦାରେୟାଃ ଏନ୍ ଦିପିଲିରେଗି ଜେହେଲ୍ ହରନିଃ ଇନ୍‌କିନ୍‌କେ ଇଦିକେଦ୍‌ତେ, ଆକିନାଃ ଘାଅକ ଚାପି ଆବୁଙ୍ଗ୍‌କେଦାଏ, ଆତଃ ଇନିୟାଃ ଅଡ଼ାଃରେନ୍ ସବେନ୍ ହଡ୍‌କ ଇମ୍‌ତାଗି ବାପ୍ତିସ୍ମାୟାନାକ । ୩୪ ଏନ୍ତେ ଇନିଃ ପାଉଲୁସ୍ ଆତଃ ସିଲ୍‌ାସ୍‌କେ ଆୟାଃ ଅଡ଼ାଃତେ ଇଦିକେଦ୍‌ତେ ଜମେ ନାଗେନ୍ତେ ଏମାଦ୍‌କିନା । ପାର୍‌ମେଶ୍‌ଆଃତାଃରେ ବିଶ୍ୱାସ୍‌କେଦ୍ ହରାତେ ଇନିଃ ଆତଃ ଆୟାଃ ଅଡ଼ାଃରେନ୍ ସବେନ୍ ହଡ୍‌କ ରାସ୍‌କାତେ ପେରେୟାୟାନାକ ।

୩୫ ଏଟାଃ ହୁଲାଙ୍ଗ୍ ଆଙ୍ଗ୍‌ୟାନ୍‌ଚି ରୋମିରେନ୍ ହାକିମ୍‌କ ସିପାଇକତାଃରେ, “ଏନ୍ ହଡ୍‌କିନ୍‌କେ ଆଡ଼ାଃତାକିନ୍‌ପେ” ମେନ୍ତେକ କାଜିକୁଲ୍‌କେଦା ।

୩୬ ଏନ୍ତେ ଜେହେଲ୍ ହରନିଃ ପାଉଲୁସ୍‌କେ କାଜିକିୟା, “ହାକିମ୍‌କ ଆମ୍‌କେ ଆତଃ ସିଲ୍‌ାସ୍‌କେ ଜେହେଲ୍‌ହେତେ ରାଡ଼ାଃଅକାକିନ୍ ମେନ୍ତେ ହୁକୁମ୍ ଏମାକାନା । ନାହାଁଃ ଆବେନ୍ ଜୀଉସୁକୁତେ ସେନ୍ ଦାଡ଼ିୟାଃବେନ୍ ।”

୩୭ ମେନ୍‌ଦ ପାଉଲୁସ୍ ସିପାଇକକେ କାଜିୟାଦ୍‌କଆ, “ଜେତାନ୍ ଗୁହ୍ନାଁ କାଲିଙ୍ଗ୍ କାମିକାଦ୍‌ରେୟ ଇନ୍‌କୁ ଆଲିଙ୍ଗ୍‌କେ ଦାଲ୍‌କାଦ୍‌ଲିୟାକ । ଆଲିଙ୍ଗ୍ ରୋମିରେନ୍ ହଡ୍‌କିନ୍‌ ତାନ୍‌ଲିଙ୍ଗ୍, ମେନ୍‌ଦ ଇନ୍‌କୁ ଆଲିଙ୍ଗ୍‌କେ ଜେହେଲ୍‌କେଦ୍‌ଲିୟାକ । ନାହାଁଃ ଇନ୍‌କୁ ଜେତାଏ ଆଲକାକ ସାରିଲେକା ଆଲିଙ୍ଗ୍‌କେ କୁଲ୍‌ନାଙ୍ଗ୍ ସାନାଙ୍ଗ୍‌ତାନାକ । ଆଲିଙ୍ଗ୍ ନେ'ଲେକା ହବାଅଃକା ମେନ୍ତେ କାଲିଙ୍ଗ୍ ସାନାଙ୍ଗ୍‌ତାନା । ରୋମିରେନ୍ ହାକିମ୍‌କ ଆକଗି ନେତାଃତେ ହିଜୁଃକେଦ୍‌ତେ ଆଲିଙ୍ଗ୍‌କେ ଜେହେଲ୍‌ହେତେ ରାଡ଼ାଲିଙ୍ଗ୍‌କାକ ।”

୩୮ ସିପାଈକ ନେ କାଜି ରୋମିରେନ୍ ହାକିମକେ ଉଦୁବାଦକଆକ । ପାଉଲୁସ୍ ଆଡ଼ଃ ସିଲୀସ୍ ରୋମିରେନ୍ ତାନ୍କିନ୍ ମେନ୍ତେ ଆୟୁମକେଦ୍ତେ ଇନ୍କୁ ବରକେଦାକ । ୩୯ ଏନ୍ତେ ଇନ୍କୁ ସେନ୍କେଦ୍ତେ ଇନ୍କିନ୍ତାଃରେ ଜହାର୍ ବିକ୍ତିକେଦ୍ତେ ଇନ୍କିନ୍କେ ଜେହେଲ୍ହେତେ ରାଡ଼ାକେଦ୍କିନାକ ଆଡ଼ଃ ନାଗାର୍ ବାରିକେଦ୍ତେ ସେନଃବେନ୍ ମେନ୍ତେକ କାଜିକେଦ୍କିନା । ୪୦ ପାଉଲୁସ୍ ଆଡ଼ଃ ସିଲୀସ୍ ଜେହେଲ୍ ବାରିକେଦ୍ତେ ଲୁଦିୟାରାଃ ଅଡ଼ାଃରେ ସେନଃୟାନାକିନ୍ । ଏନ୍ତାଃରେ ଇନ୍କିନ୍ ବିଶ୍ୱାସୀକଲଃ ନେପେଲ୍ୟାନାକିନ୍ ଆଡ଼ଃ ଇନ୍କୁକେ ଜୀଉରେ ରାସ୍କାରେୟାଃ କାଜି ଏମକେଦ୍ତେ ସେନଃୟାନାକିନ୍ ।



ଥେସଲନିକାରେ ସେଖାକାମି

୧ ପାଉଲୁସ୍ ଆଡ଼ଃ ସିଲୀସ୍ ଆମ୍ବିପଲି ଆଡ଼ଃ ଆପଲୋନିଆ ସାହାର୍ ହରାତେ ହରାସେନ୍ତାନ୍ଲଃ ଥେସଲନିକା ନାଗାର୍ତେକିନ୍ ସେଟେରୟାନା । ଏନ୍ତାଃରେ ଯିହୁଦୀକଆଃ ମିଆଁଦ୍ ସାମାଜ୍ ଅଡ଼ାଃ ତାଇକେନା । ୨ ପାଉଲୁସ୍ ଆୟାଃ ରିଡିରିଝାଜ୍ ଲେକାତେ ସାମାଜ୍ ଅଡ଼ାଃରେ ସେନଃୟାନା । ଏନ୍ତାଃରେ ଇନିଃ ଆପି ହାପ୍ଟା ରୁଡୁନୁ ହୁଲାଇଁ ଜାକେଦ୍ ସାମାଜ୍ ଅଡ଼ାଃ ସେନ୍କେଦ୍ତେ ହଡକକେ ଧାରାମ୍ପୁଥ୍ରେୟାଃ କାଜି ଜାଗାର୍କେଦ୍କଆ, ୩ ଆଡ଼ଃ ଧାରାମ୍ପୁଥ୍ରେ ଅଲୀକାନ୍ତେୟାଃ ଉଦୁବେତାନ୍ଲଃ ସାବୁଦ୍ ଏମକେଦାଏ ଯେ, ମାସିଆଃ ଦୁକୁ ଆଡ଼ଃ ଗନ୍ଏଃହେତେ ଜୀଉ ବିନିରିଦ୍ ହବାଅଃ ଲାଗାତିକ୍ ତାଇକେନା । ପାଉଲୁସ୍ କାଜିକେଦାଏ, “ଆଇକ୍ ଅକ ଯୀଶୁଆଃ ବିଷାଏରେ ଉଦୁବକାଦାଇକ୍, ଇନିଃ ଏନ୍ ମାସିଗି ତାନିଃ ।” ୪ ଇନ୍କୁଏତେ ଚିମିନ୍ ହଡକ ପାଉଲୁସ୍ କାଜିରେ ସାଲ୍ହାୟାନାକ ଏନ୍ତେ ପାଉଲୁସ୍ ଆଡ଼ଃ ସିଲୀସ୍ଲଃ ମେସାୟାନାକ, ଏନ୍ଲେକାଗି ପୁରାଃ ଆଗୁଆଇ କୁଡିକ ଆଡ଼ଃ ପାର୍ମେଶ୍ୱାର୍କେ ବରଭାକ୍ତିତାନ୍ ଗ୍ରୀକ୍ ହଡକଆଃ ମିଆଁଦ୍ ମାରାଇଁ ଝୁଣ୍ଟୁ ଇନ୍କିନ୍ଲଃ ମେସାୟାନାକ ।

୫ ମେନ୍ଦ୍ ଯିହୁଦୀ ହଡକ ହିସ୍ଲ୍ୟାୟାନାକ ଆଡ଼ଃ ଚିମିନ୍ ଝାନ୍ ଏଡକାନ୍ ହଡକକେ ହୁଣ୍ଟିକେଦ୍ତେ ପୁରା ସାହାର୍ରେ ହାଲାଗୁଲାଇକେଦାକ । ଇନ୍କୁ ପାଉଲୁସ୍ ଆଡ଼ଃ ସିଲୀସ୍କେ ଦାଣ୍ଟାକେଦ୍ତେ ହଡକତାଃରେ ଆଉକିନ୍ ନାଗେନ୍ତେ ଜେସନ୍ ନୁଡୁମ୍ ମିଆଁଦ୍ ହଡରାଃ ଅଡ଼ାଃରେକ ନିରକେଦା । ତିଆଟି ଇନିଃଗି ପାଉଲୁସ୍ ଆଡ଼ଃ ସିଲୀସ୍କେ ଆୟାଃ ଅଡ଼ାଃରେ ତାଇନଃ ନାଗେନ୍ତେ କେଡାକାଦ୍କିନ୍ ତାଇକେନା । ୬ ମେନ୍ଦ୍ ଇନ୍କୁ ଏନ୍ତାଃରେ ପାଉଲୁସ୍ ଆଡ଼ଃ ସିଲୀସ୍କେ କା ନାମକେଦ୍ ହରାତେ, ଜେସନ୍ ଆଡ଼ଃ ଏଟାଃ ଚିମିନ୍ ବିଶ୍ୱାସୀ ହାଗାକକେ ନାଗାର୍ରେନ୍ ହାକିମକତାଃରେ ଆଇକ୍ ଇଦିକେଦ୍ତେ କାଉରିତାନ୍ଲଃ କାଜିକେଦାକ, “ନେ ହଡକ ଅତେଦିଶ୍ୱମ୍ରେୟାଃ ଚାରିୟାଃରେ ହାଲାଗୁଲାଇ ତାନାକ, ନାହାଁଃ ଇନ୍କୁ ଆବୁଆଃ ନାଗାର୍ତେକ ହିଜୁଃକାନା, ୭ ଆଡ଼ଃ ଇନ୍କିନ୍କେ ଜେସନ୍ ଆୟାଃ ଅଡ଼ାଃରେ ଦହକାଦ୍କିନା । ଯୀଶୁ ନୁଡୁମ୍ରେ ଆଡ଼ଃମିଆଁଦ୍ ରାଜା ମେନାଇୟା ମେନ୍ତେ କାଜିତାନ୍ଲଃ ଇନ୍କିନ୍ କାଇସାର୍ଆଃ ଆନ୍ତୁ ଟଟାଃଏ ତାନାକିନ୍ ।” ୮ ଇନ୍କୁଆଃ ନେ କାଜିକ ଆୟୁମକେଦ୍ତେ ଗାଦେଲ୍ ହଡକ ଆଡ଼ଃ ହାକିମକ ପୁରାଃଗି ହାଲାଗୁଲାଇକେଦାକ । ୯ ହାକିମକ ଜେସନ୍ ଆଡ଼ଃ ବିଶ୍ୱାସୀକତାଃଏତେ ଜାମାନାଡ୍ ଇଦିକେଦ୍ତେ ଇନ୍କିନ୍କେ ଆଡ଼ାଃକେଦ୍କିନାକ ।

ବେରିଆ ସାହାର୍ରେ ସେଖାକାମି

୧୦ ନୁବାଃୟାନତି ବିଶ୍ୱାସୀ ହାଗାକ ପାଉଲୁସ୍ ଆଡ଼ଃ ସିଲୀସ୍କେ ବେରିଆତେକ କୁଲ୍କେଦ୍କିନା । ଇନ୍କିନ୍ ଏନ୍ତାଃରେ ସେଟେରକେଦ୍ତେ ଯିହୁଦୀକଆଃ ସାମାଜ୍ ଅଡ଼ାଃରେକିନ୍ ସେନଃୟାନା । ୧୧ ଥେସଲନିକାରେନ୍ ହଡକତାଃଏତେ ବେରିଆରେନ୍ ହଡକ ପୁରାଃଗି ନାଝା ଉଡ଼ୁ ଆଡ଼ଃ ଇନିଡୁକେ ଆୟୁମ୍ ନାଜ୍ ଇଛାସାନାଜ୍ତାନ୍ ହଡକ ତାଇକେନା । ଇନ୍କୁ ଯୀଶୁଆଃ କାଜି ଆୟୁମ୍ ନାଗେନ୍ତେ ପୁରାଃ ସାନାଜ୍କେଦାକ ଆଡ଼ଃ ପାଉଲୁସ୍ ଉଦୁବ୍ ତାଇକେନ୍ତେୟାଃରାଃ ସାନାର୍ତି ସାରି ନାଗେନ୍ତେ ସବେନ୍ ହୁଲାଇଁ ଧାରାମ୍ପୁଥ୍ ପାଡ଼ାଅ ତାଇକେନାକ । ୧୨ ଇନ୍କୁଏତେ ପୁରାଃ ହଡକ ବିଶ୍ୱାସକେଦା । ଆଡ଼ଃ ସାମାଜ୍କରେ ନୁଡୁମ୍ତାନ୍ ମାପ୍ଟରାଇଁ ପୁରାଃ ଗ୍ରୀକ୍ କୁଡିକ ଆଡ଼ଃ କଡାକ ବିଶ୍ୱାସୀକଲଃ ମେସାୟାନାକ । ୧୩ ମେନ୍ଦ୍ ପାଉଲୁସ୍ ବେରିଆରେନ୍ ପାର୍ମେଶ୍ୱାର୍ଆଃ ବାଗାନ୍ ଉଦୁବେତାନାଏ ମେନ୍ତେ ଥେସଲନିକାରେନ୍ ଯିହୁଦୀ ହଡକ ଆୟୁମକେଦା, ଇମ୍ତା ଇନ୍କୁ ବେରିଆତେ ହିଜୁଃକେଦ୍ତେ ହାଲାଗୁଲାଇ ନାଗେନ୍ତେ ହଡକକେ ଉସ୍କୁରକେଦ୍କଆକ । ୧୪ ଇମ୍ତାଗି ବିଶ୍ୱାସୀ ହାଗାକ ପାଉଲୁସ୍କେ ଦରେୟା ଗେନାତେକ କୁଲ୍କିୟା, ମେନ୍ଦ୍ ସିଲୀସ୍ ଆଡ଼ଃ ତାମଥ୍ ନେ ବାରାନ୍କିନ୍ ବେରିଆରେ ତାଇନ୍ୟାନାକିନ୍ । ୧୫ ପାଉଲୁସ୍କେ ତେବାଡୁକାଇତାନ୍ ହଡକ ଆୟାଃଲଃ ଏଥେନ୍ସ୍ ଜାକେଦ୍କ ସେନଃୟାନା । ଏନ୍ତାଃଏତେ ଇନ୍କୁ ବେରିଆତେ ହିଜୁଃ ରୁହାଡ୍କେଦ୍ତେ ସିଲୀସ୍ ଆଡ଼ଃ ତାମଥ୍କେ କାଜିକେଦ୍କିନାକ, “ଆବେନ୍ ଜାଲ୍ଦିଗି ସେନ୍କେଦ୍ତେ ପାଉଲୁସ୍ଲଃ ମେସାଅଃବେନ୍” ମେନ୍ତେ ପାଉଲୁସ୍ କାଜିକାଦାଏ । ନେ ଆନାଡୁ ନାମକେଦ୍ତି ଇନ୍କିନ୍ ସେନଃୟାନାକିନ୍ ।

ଏଥେନ୍ସରେ ପାଉଲୁସ୍‌ଆଃ କାମି

୧୭ ପାଉଲୁସ୍ ଏଥେନ୍ସରେ ସିଲାସ୍ ଆଡ଼ଃ ତୀମଥୁଆଃ ନେଲ୍‌ହରାତାନ୍ ତାଇକେନ୍ ଇମ୍‌ତା, ଏନ୍ ନାଗାର୍ ମୁରୁଡ଼ ସେଝାରେ ପେରେଜାକାନ୍ ନେଲ୍‌କେଦ୍‌ତେ ପୁରାଃଗି ମନ୍‌ଦୁକୁୟାନା । ୧୭ ଏନାତେ ଇନିଃ ସାମାଜ୍ ଅଡ଼ାଃରେ ଯିହୁଦୀ ହଡ଼କଲଃ, ପାର୍‌ମେଶ୍‌ବରକେ ବରଭାକ୍ତିତାନ୍ ସାଆଁସାର୍ ହଡ଼କଲଃ, ଆଡ଼ଃ ସାହାର୍‌ରେୟାଃ ଆଲା ହରାକରେ ହିନ୍ଦୁଃ ସେନଃତାନ୍ ହଡ଼କଲଃ ଏନ୍ ବିଷାଏରେ ଜାଗାର୍‌କେଦା । ୧୮ ଏନ୍ତେ ଚିମିନ୍ ଇପିକୁରିୟାନ୍ ଆଡ଼ଃ ସ୍ତୋୟିକ୍ ଇତୁ ହଡ଼କଲଃ ପାଉଲୁସ୍‌ଆଃ କାପ୍‌ଜି ହବାୟାନା । ଇନ୍‌କୁଏତେ ଚିମିନ୍ ହଡ଼କ କାଜିକେଦା, “ନିଃ ମିଆଁଦ୍ ବେଗାର୍ ଚିହ୍ନାଁର୍ ହଡ଼, ଚିନାଃକ କାଜି ନାଜ୍ ସାନାଜ୍‌ତାନାଏ ?” ଏଟାଃକ କାଜିକେଦା, “ଏଟାଃ କା ସାରିକାନ୍ ବଙ୍ଗାକଆଃ ବିଷାଏରେ ଇନିଃ ଉଦୁବ୍‌ତାନ୍ ଲେକାଏ ଆଟ୍‌କାରଃତାନା ।” ଇନ୍‌କୁ ନେଲ୍‌କା କାଜିକେଦାକ ଚିଆଃଚି ଇନିଃ ଯୀଶୁ ଆଡ଼ଃ ଆୟାଃ ଜୀଉବିନିରିଦ୍ ବିଷାଏରେୟାଃ ସୁକୁକାଜିକେ ଉଦୁବ୍‌ତାଇକେନା । ୧୯ ଏନାମେନ୍ତେ ଇନ୍‌କୁ ପାଉଲୁସ୍‌କେ ସାବ୍‌ଇଦିକିୟାକ ଆଡ଼ଃ ଏରିୟପାଗସ୍ ନୁତୁମ୍ ନାଗାର୍‌ରେୟାଃ ପାଞ୍ଚେଟ୍‌ତେ ଆଡ଼କେଦ୍‌ତେ କାଜିକିୟା, “ଆବେନ୍ ଅକ ନାଝା ଇନିତୁ ବିଷାଏରେ କାଜିତାନାବେନ୍, ଏନ୍ ବିଷାଏରେ ଆଲେ ସାରି ନାଗେନ୍ତେଲେ ସାନାଜ୍‌ତାନା । ୨୦ ଆବେନ୍ କାଜିତାନ୍ ଚିମିନ୍ କାଜିକ ଆଲେକେ ଆକ୍‌ତାକାଅଲେ ତାନା । ଆଲେ ଏନାରେୟାଃ ମୁଣ୍ଡି ସାରି ନାଗେନ୍ତେଲେ ସାନାଜ୍‌ତାନା ।” ୨୧ ଏଥେନ୍ସରେନ୍ ହଡ଼କ ଆଡ଼ଃ ଏନ୍ତାଃରେ ତାଇନ୍‌ତାନ୍ ଏଟାଃ ଦିଶୁମ୍‌ରେନ୍ ହଡ଼କ ନାଝା ବିଷାଏ ଆୟୁମ୍ ନାଗେନ୍ତେ ଆଡ଼ଃ କାଜି ନାଗେନ୍ତେ ପୁରାଃ ବୁଗିନ୍ ଆଟ୍‌କାର୍‌କ ତାଇକେନା । ନେଆଁରେ ଇନ୍‌କୁ ପୁରାଃ ନେଡା ବିତାଅ ତାଇକେନାକ ।

୨୨ ପାଉଲୁସ୍ ନାଗାର୍‌ରେୟାଃ ଏରିୟପାଗସ୍ ନୁତୁମ୍ ପାଞ୍ଚେଟ୍ ଆୟାର୍‌ରେ ତିଜୁୟାନା ଆଡ଼ଃ କାଜିକେଦାଏ, “ଏଥେନ୍ସରେନ୍ ମାଇନାନ୍‌କ, ଆପେ ପୁରାଃଗି ଧାର୍‌ମାନ୍ ହଡ଼କ ଲେକାପେ ଆଟ୍‌କାରଃତାନା, ଏନାଲ୍‌କ୍ ନେଲ୍‌ପେ ତାନା । ୨୩ ଚିୟାଃଚି ଆଇକ୍ ଆପେୟାଃ ନାଗାର୍‌ରେ ହରାସେନ୍ ତାଇକେନ୍ ଇମ୍‌ତା, ମିଆଁଦ୍ ଦାଣେଁ ରାକାବ୍ ଠାୟାଦ୍ ନେଲ୍‌କେଦାଲ୍‌କ୍, ଏନାରେୟାଃ ବେଦି ତେତାନ୍‌ରେ ‘ମିଆଁଦ୍ କା ସାରି ପାର୍‌ମେଶ୍‌ବରଆଃ ବିଷାଏରେ’ ଅଲ୍‌କାନ୍ ତାଇକେନା । ଆପେ ବେଗାର୍ ସାରିକେଦ୍‌ତେ ଅକ୍‌ନିଃକେ ସେଝାତାନାପେ, ନାହାଁଃ ଆୟାଃ କାଜି ଆପେତାଃରେଇକ୍ ଉଦୁବ୍‌ତାନା । ୨୪ ପାର୍‌ମେଶ୍‌ବର ଅତେଦିଶୁମ୍ ଆଡ଼ଃ ଏନାରେ ତାଇକାନ୍ ସବେନ୍ ବିଷାଏ ବାଇକେଦାଏ । ଇନିଃ ସିମାଁ ଆଡ଼ଃ ଅତେରେନ୍ ପ୍ରାଭୁ ତାନିଃ । ହଡ଼କ ବାଇକାଦ୍ ମାନ୍‌ିର୍‌ଅଡ଼ାଃକରେ ଇନିଃ କାଏ ତାଇନାଃ । ୨୫ ଆବୁ ଆୟାଃ ନାଗେନ୍ତେ କାମିକେଦ୍‌ତେ ଆଇଃକ୍‌କେ ଏମ୍ ଦାଡ଼ିୟାବୁ ଏନ୍‌ଲେକା ଜେଡ଼ନାଃ କାଏ ସାନାଜ୍‌ଆଃ, ଚିୟାଃଚି ଇନିଃ ସବେନ୍‌କକେ ଜୀଦାନ୍, ସାହେଁଦ୍ ଆଡ଼ଃ ଆବୁଆଃ ସବେନ୍ ଲାଗାଡ଼ିକ୍‌ତେୟାଃ ଏମାଃଏ । ୨୬ ମିଆଁଦ୍ ମାନଝାତାଃଏତେ ଇନିଃ ସବେନ୍ ହଡ଼କକେ ବାଇୟାକାଦ୍‌କଆ ଆଡ଼ଃ ଆୟାଃ ଆନାବୁ ଲେକାତେ ଇନ୍‌କୁ ଅତେରେୟାଃ ସବେନ୍‌ତାଃରେ ମେନାକଆ । ଅକ ନେଡାରେ, ଅକଏ ଅକ ଠାୟାଦ୍‌ରେ ତାଇନା, ଏନା ମୁନ୍‌ଏତେ ପାର୍‌ମେଶ୍‌ବର ଠାହାରାଅକାଦାଏ । ୨୭ ସବେନ୍ ହଡ଼କ ଜେଲେକା ଆଇଃକ୍‌କେ ଦାଣ୍ଡାମ୍ ଦାଡ଼ିୟାଃକ, ଏନା ଆୟାଃ ଉକେଶ୍ ତାଇକେନା । ଏନ୍‌ରେୟ ପାର୍‌ମେଶ୍‌ବର ଆବୁତାଃଏତେ ଜେତାଏୟାଃ ସାଜିନ୍‌ରେ ବାଙ୍ଗାଲୟା । ୨୮ ଏନ୍ ବିଷାଏରେ ଜେତାଏ ମିହୁଡ଼୍ କାଜିକାଦାଏ, “ଆୟାଃତାଃରେଚି ଆବୁଆଃ ଜୀଦାନ୍‌ରେୟାଃ ଜୀହୁଦଃ, ଆସୁଲଃ, ଆଡ଼ଃ କାମି ଉଦାମ୍ ମେନାଃ ।” ଆପେୟାଃ ଦୁରାକ୍ ଅନଲ୍‌କଏତେ ଚିମିନ୍ ହଡ଼କ କାଜିକାଦା, “ଆବୁ ଆୟାଃ ହନ୍‌କ ତାନ୍‌ବୁ ।

୨୯ ଆବୁ ପାର୍‌ମେଶ୍‌ବରଆଃ ହନ୍‌କ ହବାକାନ୍ ହରାତେ, ଆବୁ ପାର୍‌ମେଶ୍‌ବରଆଃ ଲେକାନ୍ ସଭାବ୍‌କେ ସୋନା, ରୁପା ଚାଏ ଦିରିତେ ବାଇୟାକାନ୍ ମୁରୁଡ଼ଲଃ କାବୁ ଜକା ଦାଡ଼ିୟା । ୩୦ ହଡ଼କ ପାର୍‌ମେଶ୍‌ବରକେ କାକ ସାରିକାଇ ନେଡାରେ ଇନିଃ କାଏ ଚିଟାକାକ ତାଇକେନା, ମେନ୍‌ଦ ନାହାଁଃ ଇନିଃ ସବେନ୍ ହଡ଼କକେ ଆକଆଃ ପାପ୍ ହରାଏତେ ମନ୍‌ରୁହାଡ଼୍ ନାଗେନ୍ତେ ଆଟୁକତାନା । ୩୧ ଚିୟାଃଚି ଇନିଃ ମୁସିକ୍ ହୁଲାକ୍‌କେ ଠାହାରାଅକାଦା । ଏନ୍ ହୁଲାକ୍‌ରେ ଇନିଃ ଆୟାଃ ସାଲାକାନ୍ ହଡ଼କଆଃ ହରାତେ ଗଟା ଅତେଦିଶୁମ୍‌ରେନ୍ ହଡ଼କକେ ନ୍ୟାୟ ବିଚାର୍‌କଆ । ଏନ୍ ହଡ଼କେ ଗନ୍‌ଏଃହେତେ ଜୀଉବିନିଦ୍‌କାଇ ହରାତେ ଇନିଃ ନେ କାଜିରେୟାଃ ସାନାର୍‌ତିକେ ସବେନ୍‌କକେ ଉଦୁବ୍‌କାଦ୍‌କଆ ।”

୩୨ ପାଉଲୁସ୍‌ତାଃଏତେ ଗନ୍‌ଏଃରେୟାଃ ଜୀଉବିନିଦ୍‌ ବିଷାଏରେ ଆୟୁମ୍‌କେଦ୍‌ତେ ଇନ୍‌କୁଏତେ ଚିମିନ୍ ହଡ଼କ ଇନିଃକେକ ଲାନ୍‌କିୟା, ମେନ୍‌ଦ ଏଟାଃକ କାଜିକେଦାକ, “ଆବେନ୍‌ତାଃଏତେ ନେ ବିଷାଏରେ ଆଡ଼ଃମିସା ଆୟୁମ୍ ନାଗେନ୍ତେଲେ ସାନାଜ୍‌ତାନା ।” ୩୩ ନେଆଁ କାଜିକେଦ୍‌ତେ ପାଉଲୁସ୍ ପାଞ୍ଚେଟ୍‌ଏତେ ସେନଃୟାନାଏ । ୩୪ ଦିୟନ୍‌ସିୟ ନୁତୁମ୍ ପାଞ୍ଚେଟ୍‌ରେନ୍ ମିଆଁଦ୍ ହଡ଼, ଦାମାରା ନୁତୁମ୍ ମିଆଁଦ୍ କୁଡ଼ି ଆଡ଼ଃ ଚିମିନ୍ ହଡ଼କ ବିଶ୍ୱାସ୍‌କେଦାକ ଆଡ଼ଃ ଆୟାଃଲଃ ମେସାୟାନାକ ।

☆ ୧୭:୨୪ ୧୭:୨୪ ପ୍ରେରିତ୍ ୭:୪୮.

୧୮

କରିଛି ନାଗାରରେ ପାଉଲୁସ୍‌ଆଃ କାମି

^୧ ନେଆଁ ତାୟମ୍‌ତେ ପାଉଲୁସ୍ ଏଥେନ୍‌ସ୍ ନାଗାର୍ ବାଗିକେଦ୍‌ତେ କରିଛି ନାଗାର୍‌ତେ ସେନଃୟାନା । ^୨ ଏନ୍ତାଃରେ ଇନିଃ ପତ୍ରସ୍ ପାର୍‌ଗାନ୍‌ରେ ଜାନାମାକାନ୍ ଆକ୍‌ଲି ନୁତୁମ୍ ମିଆଁଦ୍ ଯିହୁଦୀ ହଡକେ ନାମ୍‌କିୟା । ରୋମିରେନ୍ ହାକିମ୍ କ୍ଲାଉଦିଆ ସବେନ୍ ଯିହୁଦୀକକେ ରୋମ୍ ନାଗାର୍ ବାଗି ନାଗେନ୍ତେ ଆରୁକାଦକ ତାଇକେନ୍ ହରାତେ ଇନିଃ ଚିମିନ୍ ମାହାଁ ତାୟମ୍‌ତେ ଆୟାଃ କୁଡ଼ି ପ୍ରିସ୍‌କିଲାଇଃ ଇଟାଲି ନାଗାର୍‌ହେତେ ହିଜୁଆକାନ୍ ତାଇକେନା । ପାଉଲୁସ୍ ଇନ୍‌କୁକେ ନେନେଲ୍ ନାଗେନ୍ତେ ସେନଃୟାନା, ^୩ ଆତଃ ଇନ୍‌କୁଲଃ ତାଇକେଦ୍‌ତେ ଏନ୍ତାଃରେ କାମିକେଦା, ଚିଆଃଚି ଇନିଃହଗି ଇନ୍‌କୁ ଲେକା କୁମ୍‌ବା ବାବାଇରେ କାମିକେଦ୍‌ତେ ଜୀହୁଦଃ ତାଇକେନା । ^୪ ଯିହୁଦୀ ଆତଃ ଗ୍ରୀକ୍ ହଡକଆଃ ମନ୍‌ରେ ବିଶ୍ୱାସ୍ ହବାଆଃ ନାଗେନ୍ତେ ସବେନ୍ ରୁଡ଼ନ୍ ହୁଲାଙ୍‌ରେ ଇନିଃ ସାମାଜ୍ ଅଡ଼ାଃକରେ ଜାଗାର୍‌ତାନ୍ ତାଇକେନା ।

^୫ ସିଲାସ୍ ଆତଃ ତାମଥ୍ ମାକିଦନିଆଏତେକିନ୍ ରୁହାଡ଼ୟାନ୍ ତାୟମ୍‌ତେ ପାଉଲୁସ୍ ଯିହୁଦୀ ହଡକତାଃରେ ଯୀଶୁଆଃ ସୁକୁକାଜି ଉଦୁବ୍‌ରେ ପୁରା ସାମାଏ ଏମ୍‌କେଦାଏ, ଆତଃ ଯୀଶୁଗି ମାସି ତାନିଃ ମେନ୍ତେ ଗାଞ୍ଜା ଏମ୍‌କେଦା । ^୬ ମେନ୍‌ଦ ଇନ୍‌କୁ ଆୟାଃ କାଜିକଟଙ୍ ଚିକାକେଦ୍‌ତେ ଆୟାଃ ବିଷାଏରେ ନିନ୍‌କାଜିକ କାଜିକେଦା । ଏନାତେ ଇନିଃ ଆୟାଃ ଲିଜାଃରେୟାଃ ଧୂଡ଼ି କଟାକେଦ୍‌ତେ ଇନ୍‌କୁକେ କାଜିକେଦ୍‌କଆ, “ଆପେ ଜିୟନଃରେଦ ଏନାରେୟାଃ ଦାୟୀ ଆପେୟାଃଗି ତାନାଃ, ଆଇୟାଃ ନାହାଁଲାଇ । ନାହାଁଃ ଆଇଙ୍ ସାଅଁସାର୍ ହଡକତାଃତେଇଙ୍ ସେନଃଆ ।” ^୭ ଏନାତେ ଇନିଃ ଇନ୍‌କୁକେ ବାଗିକେଦ୍‌ତେ ପାର୍‌ମେଶ୍ୱାରକେ ବରଭାକ୍ତିତାନ୍ ତିତସ୍ ଜୁସ୍‌ସ୍ ନୁତୁମ୍ ମିଆଁଦ୍ ସାଅଁସାର୍ ହଡକଆଃ ଅଡ଼ାଃରେ ତାଇନଃ ନାଗେନ୍ତେ ସେନଃୟାନା । ଜୁସ୍‌ସ୍‌ଆଃ ଅଡ଼ାଃ ସାମାଜ୍ ଅଡ଼ାଃ ନାଡ଼େଃରେ ତାଇକେନା । ^୮ ସାମାଜ୍‌ଅଡ଼ାଃରେନ୍ ଆଗୁଆଇ କ୍ରୀଷ୍ଟସ୍ ଆତଃ ଆୟାଃ ଅଡ଼ାଃରେନ୍ ସବେନ୍ ହଡକ ପ୍ରାଭୁତାଃରେ ବିଶ୍ୱାସ୍‌କେଦାକ ଆତଃ କରିଛିରେନ୍ ଆତଃଗି ପୁରାଃ ହଡକ ପାଉଲୁସ୍‌ଆଃ ଇନିତୁ ଆୟୁମ୍‌କେଦ୍‌ତେ ବିଶ୍ୱାସ୍‌କେଦାକ ଆତଃ ବାପ୍ତିସ୍ମା ଇଦିକେଦାକ ।

^୯ ମିଆଁଦ୍ ନିଦାରେ ପାଉଲୁସ୍ ଦାର୍‌ଗାନ୍ ନାମ୍‌କେଦାଏ, ଦାର୍‌ଗାନ୍‌ରେ ପ୍ରାଭୁ ଇନିଃକେ କାଜିକିୟା, “ଆଲମ୍ ବରଏୟା, ବାଚାନ୍ ଉଦୁବ୍‌କାତେମ୍, ଏନାକେ ଆଲମ୍ ବାଗିୟା, ^{୧୦} ଚିଆଃଚି ଆଇଙ୍ ଆମାଃଲଃ ମେନାଇୟାଃ । ଜେତାଏ ଆମାଃ କାକ ନକ୍‌ସାନ୍ ଦାଡ଼ିୟା, ଚିଆଃଚି ନେ ନାଗାର୍‌ରେ ଆଇୟାଃ ପୁରାଃ ହଡକ ମେନାକଆ ।” ^{୧୧} ଏନାତେ ପାଉଲୁସ୍ ଏନ୍ତାଃରେ ପାର୍‌ମେଶ୍ୱାର୍‌ଆଃ ବାଚାନ୍ ଇଡୁକେଦ୍‌ତେ ମିଦ୍ ବାରାଷ୍ ତୁରିୟା ମାହଁନା ତାଇନ୍‌ୟାନାଏ ।

^{୧୨} ଗାଲିୟୋ ଆଖାୟା ପାର୍‌ଗାନ୍‌ରେନ୍ ରୋମାନ୍ ଲାଟ୍‌ସାହେବ୍ ତାଇକେନ୍ ଇମ୍‌ତା, ଯିହୁଦୀକ ମିଦ୍‌ତାଃରେ ହୁଣ୍ଡିକେଦ୍‌ତେ ପାଉଲୁସ୍‌କେ ସାବ୍‌କେଦ୍‌ତେ କାଚାଇରିତେକ ଇଦିକିୟା । ^{୧୩} ଇନ୍‌କୁ କାଜିକେଦାକ, “ନେ ହଡ ଆନ୍‌ତୁ ବିରୁଧ୍‌ରେ ପାର୍‌ମେଶ୍ୱାରକେ ବରଭାକ୍ତି ନାଙ୍ ହଡକକେ ଉସ୍‌କୁରକତାନା ।”

^{୧୪} ପାଉଲୁସ୍ କାଜିରୁହାଡ଼୍ ନାଙ୍ ସାନାଙ୍ ତାଇକେନ୍ ଇମ୍‌ତା, ଗାଲିୟୋ ଯିହୁଦୀ ହଡକକେ କାଜିକେଦ୍‌କଆ, “ନେଆଁରେ ଜେତାନ୍ ଗୁହଁ ଚାଏ ଏଡକାନ୍ କାମି କାମିକାଦ୍‌ରେଦ, ଏ ଯିହୁଦୀ ହଡକ, ଆଇଙ୍ ଧୂରାଜ୍‌ରେ ଆପେୟାଃ କାଜି ଆୟୁମ୍‌ତେୟାଃ ଆଇୟାଃ ନାଙ୍ ରୁଗିନାଃ ହବାଆଃଆ । ^{୧୫} ମେନ୍‌ଦ ନେ କାପ୍‌ଜି ଆପେୟାଃ ଆପ୍‌ନାଃ କାଜି, ନୁତୁମ୍ ଆତଃ ଆନ୍‌ତୁ ବିଷାଏରେୟାଃ ଏସ୍‌କାର୍ ତାନାଃ, ଏନାତେ ଆପେ ଆପେଗି ବିଚାର୍‌ରେପେ, ଆଇଙ୍ ନେ'ଲେକାନ୍ ବିଷାଏ କାଇଙ୍ ବିଚାରାଃ ।” ^{୧୬} ନେଆଁ କାଜିକେଦ୍‌ତେ ଇନିଃ ଇନ୍‌କୁକେ କାଚାଇରିହେତେ ହାର୍‌ଅଡକ୍‌କେଦ୍‌କଆ । ^{୧୭} ଇନ୍‌କୁ ସାମାଜ୍‌ଅଡ଼ାଃରେନ୍ ଆଗୁଆଇ ସସ୍ତେନସ୍‌କେ ସାବ୍‌କେଦ୍‌ତେ କାଚାଇରି ଆୟାର୍‌ରେକ ଦାଲ୍‌କିୟା । ମେନ୍‌ଦ ଗାଲିୟୋ ଏନ୍ ବିଷାଏରେ ଜେଡନାଃ କାଏ ଉଡ଼ଃକେଦା ।

ସିରିୟା ଆନ୍ତ୍ରୟୋଖ୍‌ତେ ରୁହାଡ଼୍

^{୧୮} ମେନ୍‌ଦ ପାଉଲୁସ୍ କରିଛିରେନ୍ ବିଶ୍ୱାସୀ ହାଗା ମିଗିକଲଃ ପୁରାଃ ମାହାଁ ଜାକେଦ୍ ତାଇକେନାଏ । ଏନ୍ତେ ଇନ୍‌କୁ କେକ୍‌କ୍‌ୟାଏତେ ଦାଆଃ ଜାହାଜ୍‌ରେ ସେନଃ ସିଦାରେ ଆୟାଃ କିରିୟାକାଦ୍ ଲେକାଗି ଇନିଃ ଆୟାଃ ବହଃରେୟାଃ ଉବ୍ ଠାଗୁୟାନାଏ ।* ଏନ୍ତେ ବିଶ୍ୱାସୀକକେ ବାଗିକେଦ୍‌ତେ ପ୍ରିସ୍‌କିଲା ଆତଃ ଆକ୍‌ଲିଲାଇଃ ସିରିୟା ପାର୍‌ଗାନ୍‌ତେ ଦାଆଃ ଜାହାଜ୍‌ରେକ ସେନଃୟାନା । ^{୧୯} ଇନ୍‌କୁ ଏପିସ୍‌ସ୍‌ତେ ତେବାଃୟାନ୍ ତାୟମ୍‌ତେ ପାଉଲୁସ୍, ପ୍ରିସ୍‌କିଲା ଆତଃ ଆକ୍‌ଲିଲାଇକେ ବିଦାକେଦ୍‌ତେ, ଇନିଃ ଏନ୍ତାଃରେ ସାମାଜ୍ ଅଡ଼ାଃତେ ସେନ୍‌କେଦ୍‌ତେ ଯିହୁଦୀ ହଡକଲଃ ଜାଗାର୍‌କେଦା । ^{୨୦} ହଡକ ଇନିଃକେ ଆତଃଗି

* **୧୮:୧୮** 18:18 ଯିହୁଦୀ ହଡକଆଃ ବହଃରେୟାଃ ଉବ୍ ଠାଗୁନ୍‌ତେୟାଃ, କିରିୟାକାଦ୍‌ତେୟାଃ ମାନାଡିଙ୍‌ରାଃ ଚିହ୍ନାଁ ତାନାଃ

ପୁରାଃ ମାହାଁ ତାଜନ୍ ନାଗେନ୍ଦ୍ରେକ କାଜିକିୟା, ମେନ୍ଦ୍ ଇନିଃ କାଏ ମାନାତିକ୍ଷୟାନା । ୨୧ ବିଦାଅଃତାନ୍ ଇମତା ଇନିଃ ଇନ୍କୁକେ କାଜିକେଦକଥା, “ପାର୍ମେଶ୍ୱରାଃ ଇକ୍ଷାସାନାଜ୍ ତାଜନଃରେଦ, ଆଇକ୍ ଆପେତାଃତେଇକ୍ ହିନ୍ଦୁଃ ରୁହାଡ଼ା ।” ଏନ୍ଦ୍ ଇନିଃ ଏଫିସୁସ୍ତାଃଏତେ ଦାଆଃ ଜାହାଜ୍ରେ ସେନଃୟାନା ।

୨୨ ଇନିଃ କାଈସରିୟାତେ ସେଟେରକେଦ୍ତେ ଏନ୍ଦ୍ରେଏତେ ଯୀରୁଶାଲେମ୍ତେ ସେନଃୟାନା ଆତଃ କାଲିସିୟାରେନ୍ ହଡକକେ ଜହାରକେଦ୍ତେ ଆନ୍ତ୍ରିୟୋଖତେ ସେନଃୟାନା । ୨୩ ଏନ୍ଦ୍ରେ ଇନିଃ ଚିମିନ୍ଦିନ୍ ତାଜନ୍କେଦ୍ତେ ଗାଲାତିୟ ଆତଃ ପୁଗିଆଃ ପାର୍ଗାନ୍ ହରାତେ ସେନଃୟାନା ଆତଃ ହରାରେ ବିଶ୍ୱାସୀକକେ ଆକଆଃ ବିଶ୍ୱାସରେ ପେଡେୟଃ ନାଗେନ୍ଦ୍ରେ ସବେନ୍କକେ ଉସ୍କୁରକେଦକଥା ।

ଏଫିସୁସ୍ ଆତଃ କରିନ୍ତ୍ରିରେ ଆପୋଲୋ

୨୪ ଏନ୍ ଦିପିଲିରେ ଆଲେକ୍ଜାଣ୍ଡ୍ରିଆ ନାଗାରରେ ଜାନାମାକାନ୍ ଆପୋଲୋ ନୁତୁମ୍ ମିଆଁଦ୍ ଯିହୁଦୀ ଏଫିସୁସ୍ତେ ହିନ୍ଦୁଃୟାନା । ଇନିଃ ମିଆଁଦ୍ ପୁରାଃ ବୁଗିନ୍ କାଜି ଦାଡିନିଃ ଆତଃ ଧାରାମ୍ପୁଥ୍ରେ ଆୟାଃ ପୁରାଃ ସେଣାଁତାକେନା । ୨୫ ଇନିଃ ପ୍ରାଭୁଆଃ ହରା ବିଷାଏରେ ଇତୁଆକାନାଏ ତାକେନା ଆତଃ ପୁରାଃ ଆମ୍ବରେ ଚିହ୍ନୁକେତେ ଯୀଶୁଆଃ ବିଷାଏରେ ସାର୍ତ୍ତିତେ ଇତୁ ତାକେନା । ମେନ୍ଦ୍ ଇନିଃ ଯୋହାନ୍ଆଃ ବାପ୍ତିସ୍ତା ବିଷାଏରେ ଏସକାର୍ ସାରିକାଦ୍ ତାକେନାଏ । ୨୬ ସାମାଜ୍ ଅଡ଼ାଃକରେ ଇନିଃ ବେଗାର୍ ବରତେ ଇତୁ ଏଟେଃକେଦକଥା । ଆୟାଃ ଇନିତୁ ଆୟୁମ୍କେଦ୍ତେ ପ୍ରିସ୍କିଲା ଆତଃ ଆକ୍ୱିଲା ଇନିଃକେ ଆକିନାଃ ଅଡ଼ାଃତେ ଇଦିକିୟାକିନ୍ ଆତଃ ଏନ୍ଦ୍ରେ ଇନିଃକେ ପାର୍ମେଶ୍ୱରାଃ ହରା ବିଷାଏରେ ପୁରାଃ ଠାଉକା ଲେକାତେ ଉଦୁବକିୟାକିନ୍ । ୨୭ ଏନ୍ଦ୍ରେ ଆପୋଲୋ ଆଖାୟା ପାର୍ଗାନ୍ତେ ସେନଃ ସାନାଜ୍ ତାକେନ୍ ହରାତେ, ଏଫିସୁସ୍ରେନ୍ ବିଶ୍ୱାସୀକ ଇନିଃକେ ଦେକ୍ଷାକିୟାକ ଆତଃ ଇନିଃକେ ସୁକ୍ତେ ଦାରମ୍ ନାଗେନ୍ଦ୍ରେ କାଜିତାନ୍ଲଃ ଆଖାୟାରେନ୍ ବିଶ୍ୱାସୀକକେ ଚିଗାଉ ଅଲାଦକଥାକ । ଇନିଃ ଏନ୍ଦ୍ରେ ସେଟେରକେଦ୍ତେ ପାର୍ମେଶ୍ୱରାଃ ସାୟାଦ୍ତେ ବିଶ୍ୱାସୀ ହବାକାନ୍ ହଡକକେ ପୁରାଃଚି ଦେକ୍ଷାକେଦକଥା । ୨୮ ଯୀଶୁ ମାସି ତାନିଃ ମେନ୍ଦ୍ରେ, ଆୟାଃ କେଟେୟାନ୍ କାପ୍ଜି ହରାତେ ଧାରାମ୍ପୁଥ୍ରେ ସାରୁଦେତାନ୍ଲଃ ଉଦୁବତାନ୍ ଇମତା ଇନିଃ ଯିହୁଦୀକକେ ହାରାଅକେଦକଥା ।

୧୯

ଏଫିସୁସ୍ରେ ପାଉଲୁସ୍

୧ ଆପୋଲୋ କରିନ୍ତ୍ରିରେ ତାକେନ୍ ଇମତା, ପାଉଲୁସ୍ ସିଜିତୁରଃସାଃ ପାର୍ଗାନ୍କରେ ହରାସେନ୍ତାନ୍ଲଃ ଏଫିସୁସ୍ତେ ସେଟେରୟାନା । ଏନ୍ଦ୍ରେ ଇନିଃ ଚିମିନ୍ ଚେଲାକଲଃ ନାପାମ୍ୟାନା ୨ ଆତଃ କୁଲିକେଦକଥା, “ଆପେ ବିଶ୍ୱାସୀ ହବାୟାନ୍ ଇମତା ଚିନାଃ ପାବିତାର୍ ଆମ୍ବାକେପେ ନାମ୍କିୟା ?” ଇନ୍କୁ କାଜିରୁହାଡ଼କିୟାକ, “ପାବିତାର୍ ଆମ୍ବା ମେନ୍ଦ୍ରେ ଜେତାଏ ମେନାକୟା, ନେ କାଜିୟ ଆଲେ କାଲେ ଆୟୁମ୍କାଦା ।”

୩ ପାଉଲୁସ୍ କୁଲିକେଦକଥାଏ, “ତାଦ୍, ଆପେ ଅକ ଲେକାନ୍ ବାପ୍ତିସ୍ତା ଇଦିକାଦାପେ ?” ଇନ୍କୁ କାଜିରୁହାଡ଼କିୟାକ, “ଯୋହାନ୍ଆଃ ବାପ୍ତିସ୍ତାରେ ।”

୪ ପାଉଲୁସ୍ କାଜିକେଦକଥାଏ, “ଅକ ହଡକ ପାପ୍ତ୍ରେତେ ହେୟାତିକ୍ ତାକେନାକ, ଯୋହାନ୍ଆଃ ବାପ୍ତିସ୍ତା ଇନ୍କୁ ନାଗେନ୍ଦ୍ରେ ଲାଗାତିକ୍ ତାକେନା । ମେନ୍ଦ୍ ଆୟାଃ ତାୟମ୍ତେ ଅକଏ ହିନ୍ଦୁଃରାଃ ତାକେନା, ଇନିଃତାଃରେ ଚାଏ ଯୀଶୁତାଃରେ ବିଶ୍ୱାସ୍ ରିକା ଲାଗାତିୟାଃ ମେନ୍ଦ୍ରେ ଯୋହାନ୍ ଇସ୍ରାଏଲ୍ ହଡକକେ କାଜିକାକ ତାକେନା ।”

୫ ନେଆଁ ଆୟୁମ୍କେଦ୍ତେ ଇନ୍କୁ ପ୍ରାଭୁ ଯୀଶୁଆଃ ନୁତୁମ୍ତେକ ବାପ୍ତିସ୍ତାୟାନା । ୬ ପାଉଲୁସ୍ ଇନ୍କୁଆଃ ତେତାନ୍ରେ ତିଃଇ ଦହକେଦାଏ ଆତଃ ପାବିତାର୍ ଆମ୍ବା ଇନ୍କୁ ତେତାନ୍ରେ ଆଡ଼ଗୁୟାନା । ଇନ୍କୁ ରାକାମ୍ ରାକାମ୍ ଜାଗାର୍ତେ କାଜିକେଦାକ ଆତଃ ପାର୍ମେଶ୍ୱରାଃ କାନାଜିକ ଉଦୁବକେଦା । ୭ ଇନ୍କୁ ସବେନ୍ ଗେଲ୍ବାର୍ ହାଗାକ ତାକେନା ।

୮ ପାଉଲୁସ୍ ଆପି ଚାଣ୍ଡୁ* ଜାକେଦ୍ ସାମାଜ୍ ଅଡ଼ାଃକରେ ବେଗାର୍ ବରତେ ହଡକଲଃ ଜାଗାର୍ତାନ୍ଲଃ ପାର୍ମେଶ୍ୱରାଃ ରାଜଜ୍ ବିଷାଏରେ ଇନ୍କୁଆଃ ମନ୍କରେ ବିଶ୍ୱାସ୍ ଉପ୍ଜାଅ ସାନାଜ୍କେଦାଏ । ୯ ମେନ୍ଦ୍ ଇନ୍କୁଏତେ ଚିମିନ୍ ହଡକ କେଟେଦ୍ ମନ୍ରେନ୍ ତାକେନାକ, ଇନ୍କୁ କାକ ବିଶ୍ୱାସ୍କେଦା । ଇନ୍କୁ ଝୁଣ୍ଡ୍ରେନ୍ ସବେନ୍କଆଃ ସାମ୍ନାଜ୍ରେ ପ୍ରାଭୁଆଃ ହରା ବିଷାଏରେ ଏଡକାନ୍ କାଜିକ କାଜିକେଦା । ଏନାତେ ପାଉଲୁସ୍ ଇନ୍କୁକେ ବାଗିକେଦକଥା ଆତଃ ବିଶ୍ୱାସୀକକେ ଇଦିକେଦ୍ତେ ସବେନ୍ ହୁଲାଜ୍ ତିରାନସ୍ ନୁତୁମ୍ ଇତୁନ୍ ଅଡ଼ାଃତାଃରେ ଜାଗାର୍ତାନ୍ ତାକେନା । ୧୦ ବାର୍ ସିର୍ମା ଜାକେଦ୍ ନେଆଁ

* ୧୯:୪ ୧୯:୪ ମାଥୁଃ ୩:୧୧; ମାର୍କ ୧:୪,୭,୮; ଲୁକ ୩:୪,୧୭; ଯୋହାନ୍ ୧:୨୭,୨୭. * ୧୯:୮ ୧୯:୮ ମାହୁଁନା

ହବାୟାନା । ଏସିଆ ପାରଗାନ୍‌ରେ ତାଇନ୍‌ତାନ୍ ପୁରାଃ ଯିହୁଦୀ ଆଡ଼ଃ ସାଅଁସାର୍ ହଡ଼କ ପ୍ରାଭୁଆଃ ବାଚାନ୍ ଆୟୁମ୍‌କେଦାକ ।

ସ୍ନୋବାରାଃ ହନ୍‌କ

୧୧ ପାର୍‌ମେଶ୍ୱାର୍ ପାଉଲୁସ୍‌ଆଃ ହରାତେ ମାପ୍‌ରାଙ୍ଗ୍ ଆକ୍‌ଦାନ୍‌ଆ କାମିକ୍‌ଏ ରିକାକେଦା । ୧୨ ନେ'ଲେକାଟି ପାଉଲୁସ୍‌ ସାବାକାଦ୍ ରୁମାଲ୍ ଆଡ଼ଃ ଲିଜାଃକ ବେମାର୍ ହଡ଼କତାଃତେ ଇଦିୟଃରେ ଇନ୍‌କୁ ବୁରିୟଃ ତାଇକେନାକ ଆଡ଼ଃ ଇନ୍‌କୁଆଃ ହଡ଼କ୍‌ଏତେ ଏଡ଼କାନ୍ ଆମ୍‌କ ଅଡ଼କ୍‌ଆଃ ତାଇକେନା । ୧୩ ଚିମିନ୍ ହନରବାଡ଼ାତାନ୍ ଯିହୁଦୀ ହଡ଼କହରି ପ୍ରାଭୁ ଯୀଶୁଆଃ ନୁତୁମ୍ ସାବ୍‌କେଦ୍‌ତେ ବଙ୍ଗା ହାର୍‌ଅଡ଼କ୍ ନାଙ୍ଗ୍ ସାନାଙ୍ଗ୍‌କେଦାକ । ଇନ୍‌କୁ ଏଡ଼କାନ୍ ଆମ୍‌କକେ କାଜିକ ତାଇକେନାକ, “ପାଉଲୁସ୍ ଉଦୁବ୍‌ତାନ୍ ଯୀଶୁଆଃ ନୁତୁମ୍‌ତେ ଆଇଙ୍ଗ୍ ଆମ୍‌କେ ଆରୁମେତାନା ।” ୧୪ ସ୍ନୋବା ନୁତୁମ୍ ମିଆଁଦ୍ ଯିହୁଦୀ ମାରାଙ୍ଗ୍ ଯାଜାକ୍‌ଆଃ ଏୟା କଡ଼ା ହନ୍‌କ ଏନ୍‌ଲେକାକ କାମିତାଇକେନା ।

୧୫ ମେନ୍‌ଦ୍ ଏଡ଼କାନ୍ ଆମ୍‌କ ଇନ୍‌କୁକେ କାଜିକେଦ୍‌କଆ, “ଆଇଙ୍ଗ୍ ଯୀଶୁକେଇଙ୍ଗ୍ ସାରିୟା ଆଡ଼ଃ ପାଉଲୁସ୍‌ଆଃ ବିଷାଏରେଇଙ୍ଗ୍ ସାରିୟା, ମେନ୍‌ଦ୍ ଆପେ ଅକ୍‌ଏ ତାନ୍‌ପେ ?”

୧୬ ଏଡ଼କାନ୍ ଆମ୍‌କ୍‌ତେ ଏସେରେକାନ୍ ହଡ଼, ଇନ୍‌କୁକେ ପୁରାଃ ପେଡ଼େଃଲଃ ସାବ୍‌କେଚେଦ୍‌କେଦ୍‌ତେ ଆପୁଇଃତାନ୍ ଇମ୍‌ତା ଇନ୍‌କୁଆଃ ଲିଜାଃକ ଚାଗାଡ଼୍‌ୟାନା ଆଡ଼ଃ ଇନ୍‌କୁଆଃ ହଡ଼କ୍‌ରେ ପାଅବାଡ଼ାକେଦ୍‌ତେ ଇନ୍‌ୟାଃ ଅଡ଼ାଃଏତେ ନିରୁୟାନାକ । ୧୭ ଏଫିସୁସ୍‌ରେ ତାଇନ୍‌ତାନ୍ ସବେନ୍ ଯିହୁଦୀ ଆଡ଼ଃ ସାଅଁସାର୍ ହଡ଼କ ନେ ବିଷାଏ ଆୟୁମ୍‌କେଦ୍‌ତେ ବରତେ ପେରେଃୟାନାକ ଆଡ଼ଃ ଏନ୍ତାଃରେ ପ୍ରାଭୁ ଯୀଶୁଆଃ ନୁତୁମ୍ ଆଡ଼ଃଗି ପୁରାଃତେ ମାଇନ୍‌ୟାନା । ୧୮ ବିଶ୍ୱାସୀକ୍‌ଏତେ ପୁରାଃ ହଡ଼କ ହିଜୁଃକେଦ୍‌ତେ ଆକ୍‌ଆଃ ଏଡ଼କାନ୍ କାମିକ ରିକାକାଦ୍‌ତେୟାଃ ହଡ଼କଆଃ ସାମାନାଙ୍ଗ୍‌ରେକ ମାନାତିଙ୍ଗ୍‌ୟାନା ଆଡ଼ଃକ ଉଦୁବ୍‌କେଦା । ୧୯ ଦେଅଁଣାକାମି ରିକାତାନ୍‌କ୍‌ଏତେ ପୁରାଃ ହଡ଼କ ଆକ୍‌ଆଃ ପୁଅକ୍‌ ଆଉ ହୁଣ୍ଡିକେଦ୍‌ତେ ହଡ଼କଆଃ ସାମାନାଙ୍ଗ୍‌ରେକ ଅଣ୍ଡୁରକେଦା । ଇନ୍‌କୁଆଃ ପୁଅକ୍‌ରାଃ ଗନଙ୍ଗ୍ ଲେକାକେଦ୍‌ରେ ବାର୍‌ହିସି ଗେଲ୍ ହାଜାର୍ ରୁପା ସିକା ହବାୟାନା । ୨୦ ନେ'ଲେକାତେ ପ୍ରାଭୁଆଃ ବାଚାନ୍ ପୁରାଃଗି ନିଡିରୁୟାନା ଆଡ଼ଃ ପୁରାଃତେ ପେଡ଼େଃଇଦିୟାନା ।

ଏଫିସୁସ୍‌ରେ ହିସିଙ୍ଗା

୨୧ ନେଆଁ ସବେନ୍ ହବାୟାନ୍ ତାୟମ୍‌ତେ ପାଉଲୁସ୍ ମାକିଦନିଆ ଆଡ଼ଃ ଆଖାୟା ହରାତେ ଯୀରୁଶାଲେମ୍‌ତେ ସେନଃ ନାଙ୍ଗ୍ ମନ୍‌ରେ ଉହାଟ୍‌କେଦା । ଇନିଃ କାଜିକେଦାଏ, “ଏନ୍ତାଃତେ ସେନ୍ ତାୟମ୍‌ତେ ଆଇଙ୍ଗ୍ ଜାରୁଡ଼୍‌ଗି ରୋମ୍‌ତେହରି ସେନାଇଙ୍ଗ୍ ।” ୨୨ ଏନାତେ ଇନିଃ ଆଇଃକ୍‌କେ ଦେଙ୍ଗାଇତାନ୍ ବାରାନ୍‌କିନ୍ ତାମଥ୍ ଆଡ଼ଃ ଏରାଷ୍ଟ୍‌କେ ମାକିଦନିଆତେ କୁଲ୍‌କେଦ୍‌କିନା, ମେନ୍‌ଦ୍ ଆଇଃକ୍‌ଗି ଏସିଆ ଦିଶୁମ୍‌ରେ ଆଡ଼ଃଚିମିନ୍ ମାହାଁ ତାଇନ୍‌ୟାନାଏ ।

୨୩ ଏନ୍ ଦିପିଲିରେ ପ୍ରାଭୁଆଃ ହରା ବିଷାଏ ନାଗେନ୍ତେ ଏଫିସୁସ୍‌ରେ ପୁରାଃ ବରଞ୍ଜାନ୍‌ଗି ହାଲାଗୁଲା ହବାୟାନା । ୨୪ ଦିମିତ୍ରିୟ ନୁତୁମ୍ ମିଆଁଦ୍ ସୁନାରିହଡ଼ ଆର୍ଜେମୀ ମାହାପୁରୁଆଃ ରୁପାରାଃ ମାନ୍ଦିର୍ ବାଇତାଇକେନାଏ, ନେ କାମିରେ କାମିତାଇକେନ୍ ହଡ଼କ ପୁରାଃଗି ଟାକା ପାଏସାକ ନାମେ ତାଇକେନା । ୨୫ ଏନାମେନ୍ତେ ଇନିଃ କାମିତାନ୍ ସବେନ୍ ହଡ଼କକେ ଆଡ଼ଃ ଏନ୍ ଲେକାନ୍ କାମିତାନ୍ ଏଟାଃସାଃରେନ୍ ହଡ଼କକେ ହାକାଅକେଦ୍‌ତେ କାଜିକେଦ୍‌କଆ, “ମାଇନାନ୍‌କ, ନେ କାମିରେ ଆବୁ ସବେନ୍‌କ ପୁରାଃଗି ଟାକା ପାଏସାରୁ କାମିତାନା ଏନାଦପେ ସାରିତାନା । ୨୬ ନାହାଁଃ ନେ ହଡ଼ ପାଉଲୁସ୍ ଚିନାଃଏ ଚିକାଏତାନା, ଏନା ଆପେ ନେଲ୍ ଦାଡ଼ିତାନାପେ ଆଡ଼ଃ ଆୟୁମ୍ ଦାଡ଼ିତାନାପେ । ଇନିଃ କାଜିତାନାଏ, ହଡ଼ଆଃ ଡିଃଇତେ ବାଇକାନ୍ ମାହାପୁରୁକ ମାହାପୁରୁ ନାହାଁଲାକ, ଆଡ଼ଃ ଇନିଃ ନେତାଃରେ ଏଫିସୁସ୍ ଆଡ଼ଃ ପୁରା ଏସିଆ ପାରଗାନ୍‌ରେ ପୁରାଃ ହଡ଼କକେ ନେ ବିଷାଏରେ କାଜିକତାନା । ୨୭ ଏନାତେ ଆବୁଆଃ କାମାନି ଜିୟନ୍‌କେନଃଆ, ଇମ୍‌ନାଙ୍ଗ୍ ଏସ୍‌କାର୍ କାହାଗି, ମେନ୍‌ଦ୍ ଅକ ମାହାପୁରୁ ଆର୍ଜେମୀକେ ଗଟା ଏସିଆରେ ଆଡ଼ଃ ପୁରା ଅଡେଦିଶୁମ୍‌ରେନ୍ ହଡ଼କ ବରଭାକ୍ତିତାନା, ଏନ୍ ପୁରାଃମାରାଙ୍ଗ୍ ଆର୍ଜେମୀ ମାହାପୁରୁଆଃ ମାନାରାଙ୍ଗ୍ କା ତାଇନା ଆଡ଼ଃ ମାନ୍ଦିର୍ ଜିୟନଃଆ, ଏନାରେୟାଃ ବରମେନାଃ ।”

୨୮ ଗାଦେଲ୍ ହଡ଼କ ନେଆଁ ଆୟୁମ୍‌କେଦ୍‌ତେ ଖ୍ୱତେକ ପେରେଃୟାନା ଆଡ଼ଃ କାଉରିକେଦ୍‌ତେ କାଜିକେଦାକ, “ଏଫିସୁସ୍‌ରେନ୍‌କଆଃ ଆର୍ଜେମୀ ମାହାପୁରୁଆଃ ମାରାଙ୍ଗ୍ ହବାଅଃକା ।” ୨୯ ନେ ହାଲାଗୁଲା ଗଟା ନାଗାର୍‌ରେ ନିଡିରୁୟାନା । ଆଡ଼ଃ ଗାଦେଲ୍ ହଡ଼କ ପାଉଲୁସ୍‌ଲଃ ହରାସେନ୍‌ତାନ୍ ମାକିଦନିଆରେନ୍ ଗାୟସ୍ ଆଡ଼ଃ ଆରିସ୍ତାର୍‌ଗ୍‌କେ ସାବ୍‌କେଦ୍‌ତେ ଇନ୍‌କୁ ମାରାଙ୍ଗ୍ ଆଖ୍‌ଡ଼ାତେକ ଆଇଙ୍ଗ୍ ଇଦିକେଦ୍‌କିନା । ୩୦ ପାଉଲୁସ୍ ଆଇଃକ୍‌ଗି ଗାଦେଲ୍ ହଡ଼କ ଆୟାବ୍‌ରେତେ ସେନ୍ ନାଙ୍ଗ୍ ସାନାଙ୍ଗ୍‌କେଦାଏ, ମେନ୍‌ଦ୍ ବିଶ୍ୱାସୀକ କାକ ସେନ୍ ଇଚିକିୟା । ୩୧ ଚିମିନ୍‌ଝାନ୍ ଏସିଆରେ ଆକ୍‌ତେୟାର୍ ନାମାକାଦ୍ ପାଉଲୁସ୍‌ଆଃ ଗାତିକ

ନେଆଁ ଆୟୁମକେଦତେ ପାଉଲୁସକେ ମାରାଙ୍ଗ୍ ଆଖଡ଼ାତେ ଆଲକାଏ ସେନ୍କା ମେନ୍ତେ ମିହୁଡ଼ତାଃରେ କାଜିଗହାର କାଜିକୁଲକେଦାକ । ୩୨ ନେ ଘାଡ଼ି ଭିତାରରେ ଗଟା ପାଞ୍ଚେଟ୍ରେନ୍ ହଡ଼କ ଖୁସ୍ତେ ପେରେଃୟାନାକ । ହଡ଼କ ଏଟାଃ ଏଟାଃ ଝୁଣ୍ଡରେ ରାକାମ୍ ରାକାମ୍ କାଉରିତାନ୍ ତାଇକେନା, ଚିଆଃଟି ଇନ୍କୁଏତେ ଚିମିନ୍ ହଡ଼କ ଏନ୍ତାଃରେ ଚିନାଃନାଙ୍ଗ୍ ଝୁଣ୍ଡିକାନା ଏନାହ କାକ ସାରିକାଦ୍ ତାଇକେନା । ୩୩ ହଡ଼କଏତେ ଚିମିନ୍ ହଡ଼କ କାଜିକେଦାକ ଯେ, ଆଲେକ୍ଜାଣ୍ଡାର୍ ନେଆଁ ନାଗେନ୍ତେ ଦାୟା ତାନିଃ, ଚିଆଃଟି ଯିହୁଦୀ ହଡ଼କ ଇନିଃକେ ଆୟାରରେ ତିଲ୍ଲୁକାଇ ତାଇକେନାକ । ଏନ୍ତେ ଆଲେକ୍ଜାଣ୍ଡାର୍ ତିଃଇ ଉଠାଅକେଦତେ ହଡ଼କକେ ହାପାଅଃପେ ମେନ୍ତେ ଠାରାଅକେଦକଆ ଆତଃ ବିଶ୍ୱାସୀକଆଃସାଃଏତେ କାଜିତାନ୍ଲଃ ଇନିଃ ବୁଝାଅକ ନାଙ୍ଗ୍ ଚେଷ୍ଟାକେଦାଏ । ୩୪ ମେନ୍ଦ ଇନିଃ ମିଆଁଦ୍ ଯିହୁଦୀ ତାନିଃ, ମେନ୍ତେ ସାରିକେଦତେ ଇନ୍କୁ ସବେନ୍କ ମିସାତେ କାଉରିତାନ୍ଲଃ କାଜିକେଦାକ, “ଏଫିସୁସ୍ରେନ୍ ଆର୍ଜେମୀ ମାହାପୁରୁଆଃ ମାରାଙ୍ଗ୍ଅଃକା ।” ନେ'ଲେକା ବାର୍ ଘାଡ଼ି ଜାକେଦକ କାଉରିକେଦା ।

୩୫ ଝୁଣ୍ଡୁରେ ସାହାରରେନ୍ ମୁନ୍ସି ହଡ଼କକେ ହାପାଅଃ ନାଗେନ୍ତେ କାଜିକେଦକଆ, “ଏଫିସୁସ୍ରେନ୍ ହାଗାକ, ସବେନ୍କ ସାରିତାନା ଯେ, ଏଫିସୁସ୍ ନାଗାରରେନ୍ ଆର୍ଜେମୀ ମାହାପୁରୁଆଃ ମାନ୍ଦିର୍ ଆତଃ ସିମାଏତେ ଆଡ଼ଗୁକାନ୍ ପାବିତାର ମୁରୁଡ଼ରାଃ ବାଞ୍ଛାଅ ହବାଆଉଃତାନା । ୩୬ ଜେତାଏ ନେଆଁକେ କାହା ମେନ୍ତେ କାକ କାଜି ଦାଡ଼ିୟା । ଏନାତେ ଆପେ ସବେନ୍କ ହାପାଅଃପେ ଆତଃ କା ଲାଗାତିଙ୍ଗ୍ ଲେକା ଜେତାନ୍ କାମି ଆଲପେ କାମିୟା । ୩୭ ନେ ହଡ଼କିନ୍ ମାନ୍ଦିର୍ହେତେ ଜେଡ଼ନାଃ କାକିନ୍ କୁମ୍ପୁଡୁକାଦା, ଚାଏ ଆରୁଆଃ ମାହାପୁରୁ ବିଷାଏରେ ଜେତାନ୍ ଏଡ଼କାନାଃ କାକିନ୍ କାଜିକାଦା, ଏନ୍ରେୟ ଆପେ ନେ ହଡ଼କିନ୍କେ ନେତାଃତେପେ ଆଉକାଦକିନା । ୩୮ ଦିମତ୍ରିୟ ଆତଃ ଇନିୟାଃ କାମି ହଡ଼କଆଃ ବିରୁଧ୍ରେ ଜେତାନ୍ କାଜି ମେନାଃରେଦ, ଏନା ବିଚାରେ ନାଗେନ୍ତେ ଆରୁଆଃ ଆକ୍ତେୟାର୍ ନାମାକାଦ୍ ହଡ଼କ ମେନାକଆ ଆତଃ କାଚାଇରି ମେନାଃ, ଏନ୍ତାଃରେ ଏନ୍ ବିରୁଧ୍କାନ୍ କାଜିକ ଉଦୁବଃଆ । ୩୯ ମେନ୍ଦ ନେଆଁଏତେ ଆତଃ ଆଦକାପେ ସାନାଙ୍ଗ୍ତାନ୍ରେଦ, ଆପ୍ନାଃ ଦିଶୁମ୍ରେନ୍ ହଡ଼କଆଃ ଆଇନ୍ ମାନାତିୟାଃ ପାଞ୍ଚେଟ୍ରେ ଏନା ବିଚାରଃକା । ୪୦ ଚିଆଃଟି ତିସିଙ୍ଗ୍ ଅକ୍ନାଃ ହବାକାନା, ଏନା ବରଞ୍ଜାନ୍ଗିଆ ଏନା ହିସିଙ୍ଗାତେ ନେଆଁ ହବାକାନା ମେନ୍ତେ ଆଲେୟାଃ ବିରୁଧ୍ରେ କାଜିୟାତାନା । ଆଲେ ନେ ସବେନ୍ ହାଲାଗୁଲାରେୟାଃ ଜେତାନ୍ ବୁଗିନ୍ କାଜି କାଲେ କାଜି ଦାଡ଼ିୟା ।” ୪୧ ନେ ସବେନ୍ କାଜି କାଜିକେଦତେ ଇନିଃ ଗାଦେଲ୍ ହଡ଼କକେ ହାପାକେଦକଆଏ ଆତଃ ପାଞ୍ଚେଟ୍ରେନ୍ ହଡ଼କକେ ବିଦାକେଦକଆ ।

୨୦

ମାକିଦନିଆତେ ଆତଃ ଆଖାୟାତେ

୧ ହାଲାଗୁଲା ଚାବାୟାନ୍ ତାୟମ୍ତେ, ପାଉଲୁସ୍ ବିଶ୍ୱାସୀକକେ ଝୁଣ୍ଡିକେଦତେ ଜୀଉରେ ରାସକାଆଃ ଲେକାନ୍ କାଜି ଉଦୁବାଦକଆଏ । ଇନ୍କୁତାଃଏତେ ବିଦା ଇଦିକେଦତେ ଇନିଃ ମାକିଦନିଆତେ ସେନଃୟାନା । ୨ ଇନିଃ ଏନ୍ ସବେନ୍ ପାର୍ଗାନ୍ ହରାତେ ସେନଃୟାନା ଆତଃ ବିଶ୍ୱାସୀ ହଡ଼କକେ ଜୀଉରେ ରାସକାଆଃରାଃ କାଜି କାଜିକେଦକଆ । ଏନ୍ତେ ଇନିଃ ଗ୍ରୀସ୍ ଦିଶୁମ୍ତେ ହିଲୁଃୟାନା, ୩ ଏନ୍ତାଃରେ ଆପି ମାହିଁନା ତାଇନ୍ୟାନାଏ । ଇନିଃ ସିରିୟାତେ ସେନଃ ନାଗେନ୍ତେ ସେକାଡେନ୍ ତାଇକେନ୍ ଇମ୍ତା ଯିହୁଦୀ ହଡ଼କ ଇନିକେ ଗଏଃ ନାଗେନ୍ତେକ ରୋଜୋଟତାନା ମେନ୍ତେ ଆୟୁମକେଦତେ ଇନିଃ ମାକିଦନିଆ ହରାତେ ରୁହାଡ଼ ନାଗେନ୍ତେ ଉହାଟ୍ଟକେଦା । ୪ ବେରିଆ ନାଗାରରେ ତାଇନ୍ତାନ୍ ପୁରସ୍ଆଃ ହନ୍ ସୋପାଡ଼, ଥେସଲନିକାରେନ୍ ଆରିସ୍ତାର୍ଗ ଆତଃ ସେକୁନ୍, ଦର୍ବୀରେନ୍ ଗାୟସ୍, ଏସିଆ ପାର୍ଗାନ୍ରେନ୍ ତୁଖ୍, ତ୍ରଫିମ୍ ଆତଃ ତୀମଥ୍ ଇନିଃଲଃ ସେନଃୟାନାକ । ୫ ନେ ଏୟାଝାନ୍ ହଡ଼କ ସିଦାରେ ସେନ୍କେଦତେ ତ୍ରୋୟାସ୍ରେ ଆଲେକେ ତାଙ୍ଗିକାଲେ ତାଇକେନାକ । ୬ ସାବାଃ ହଲଙ୍ଗ୍ ପାରାଦ୍ ତାୟମ୍ତେ ଆଲେ ଫିଲିପି ସାହାର୍ଏତେ ଦାଆଃ ଜାହାଜ୍ରେ ସେନଃକେଦତେ ମଣ୍ଟୋମାହିଁ ତାୟମ୍ତେ ତ୍ରୋୟାସ୍ରେ ଏନ୍ ଏୟାଝାନ୍ ହଡ଼କଲଃ ମେସାୟାନାଲେ ଆତଃ ଏନ୍ତାଃରେ ମିଦ୍ ହାପ୍ତା ତାଇନ୍ୟାନାଲେ ।

ତ୍ରୋୟାସ୍ତେ ପାଉଲୁସ୍ଆଃ ଝୁଣ୍ଡୁ ଚୁସନଃ

୭ ହାପ୍ତାରେୟାଃ ସିଦା ହୁଲାଙ୍ଗ୍* ସିଙ୍ଗିହାସ୍ପୁରରେ ଆଲେ ମେନେସାରାଃ ହଲଙ୍ଗ୍ କେଟାଃ ମିଦ୍ତାଃରେ ଝୁଣ୍ଡିକେଦତେ ମାନାତିଙ୍ଗ୍କେଦାଲେ । ପାଉଲୁସ୍ ହଡ଼କକେ ଆଲାନିଦା ଜାକେଦ୍ ଜାଗାରକେଦକଆଏ, ଚିଆଃଟି ଏଟାଃ ହୁଲାଙ୍ଗ୍ ଇନିଃ ଏନ୍ ଠାୟାଦ୍ ବାଗିକେଦତେ ସେନଃରାଃ ତାଇକେନା । ୮ ଆଲେ ଅକ ଚେତାନ୍ କୁଠାରେ ଝୁଣ୍ଡିକାନ୍ ତାଇକେନାଲେ, ଏନ୍ତାଃରେ ପୁରାଃ ଦିମିକ ଜୁଲଃତାଇକେନା । ୯ ଏନ୍ତାଃରେ ଇଉଟିକସ୍ ନୁଡୁମ୍ ମିଆଁଦ୍ ସେପେଡେଦ୍ ଖୁଡ଼କି ଚେତାନ୍ରେ ଦୁବାକାନ୍ ତାଇକେନା ଆତଃ ପାଉଲୁସ୍ ଜାଗାର୍ ତାଇକେନ୍ ଇମ୍ତା ଇନିଃକେ ଦୁଡ଼ମିତାଇକେନା । ଏନ୍ତେ ଇନିଃ ପୁରା ଦୁଡ଼ମୁୟାନାଏ ଆତଃ

* ୨୦:୭ 20:7 ଏତଆର୍ ହୁଲାଙ୍ଗ୍

ଆପି ମାହାଲୀ ଚେତାନହେତେ ଲାତାରରେ ଉୟୁଃୟାନା । ଇନ୍କୁ ଇନିଃକେ ବିରିଦକିୟାକ ଇମ୍ତା ଇନିୟାଃ ଜୀଉ ଚୁଣ୍ଡୁକାନ୍ ତାଇକେନା । ୧୦ ମେନ୍ଦ ପାଉଲୁସ୍ ଲାତାରତେ ଆଡ଼ଗୁକେଦ୍ତେ ଇନିଃକେ ହାମ୍ବୁକିୟାଏ ଆଡ଼ଃ କାଜିକେଦାଏ, “ଆଲପେ ଆଡ଼ଃଉଡ଼ଗୁଃଆ, ଇନିଃ ଜୀନିଦ୍ଗି ମେନାଇୟା ।” ୧୧ ଏନ୍ତେ ଇନିଃ ଚେତାନତେ ରାକାବ୍ ରୁହାଡ଼ୟାନାଏ ଆଡ଼ଃ ହଲକ୍ କେଚାଃକେଦ୍ତେ ଜମକେଦାଏ, ଏନ୍ତେ ସିଙ୍ଗିତୁରଃ ଜାକେଦ୍ ଇନ୍କୁଲଃ ପୁରାଃଗି ଜାଗାରକେଦା ଆଡ଼ଃ ଏନ୍ତାଃଏତେ ସେନଃୟାନା । ୧୨ ହଡ଼କ ସେପେଡ଼େଦ୍ତେ ଜୀନିଦ୍ ନେଲ୍କେଦ୍ତେ ଆୟାଃ ଅଡ଼ଃତେକ ଇଦିକିୟା ଆଡ଼ଃ ପୁରାଃଗି ଜୀଉରାଡ଼େଃକ ନାମକେଦା ।

ତ୍ରୋୟାସ୍‌ଏତେ ମିଲିତସ୍‌ଏତେ ସେନଃ

୧୩ ଆଲେ ସିଦାରେ ଦାଆଃ ଜାହାଜ୍‌ରେ ଦେଏଃକେଦ୍ତେ ଆସେସ୍ ନାଗାର୍‌ତେଲେ ସେନଃୟାନା । ଏନ୍ତାଃଏତେ ଆଲେ ପାଉଲୁସ୍‌କେ ଦାଆଃ ଜାହାଜ୍‌ରେ ଇଦି ନାଗେନ୍ତେଲେ ଉହାଟ୍‌କାଦ୍ ତାଇକେନା, ଚିଆଃଚି ଇନିଃ ଅତେ ହରାରେ ସେନ୍‌କେଦ୍ତେ ଏନ୍ ଠାୟାଦ୍‌ତେ ସେଟେରା ମେନ୍ତେ କାଜିକାଦ୍ ତାଇକେନା । ୧୪ ଇନିଃ ଚିମ୍ତା ଆଲେଲଃ ଆସେସ୍‌ରେ ନାପାମ୍‌ୟାନା, ଆଲେ ଇନିଃକେ ଦାଆଃ ଜାହାଜ୍‌ରେ ଇଦିକେଦ୍ତେ ମିତିଲିନ୍ ନାଗାର୍‌ତେଲେ ସେନଃୟାନା । ୧୫ ଏନ୍ତାଃଏତେ ଆଡ଼ଃଗି ସେନଃକେଦ୍ତେ ଏଚାଃ ହୁଲାକ୍ ଖଅସ୍ ଟାପୁଡ଼ାଃଲେ ସେଟେରୟାନା । ଆଡ଼ଃମୁସିକ୍ ତାୟମ୍‌ତେ ଆଲେ ସାମସ୍ ଟାପୁଡ଼େ ସେଟେରକେଦ୍ତେ, ଏଚାଃ ହୁଲାକ୍ ମିଲିତସ୍ ନାଗାର୍‌ତେଲେ ସେଟେରୟାନା । ୧୬ ଏସିଆ ପାର୍‌ଗାନ୍‌ରେ ଆଡ଼ଃ ଆଦ୍‌କା ନେଡ଼ା କା ଇଦିକେଦ୍ତେ ଏଫିସୁସ୍ ଗେନା ଗେନାତେ ଦାଆଃ ଜାହାଜ୍‌କେ ଇଦି ନାଗେନ୍ତେ ପାଉଲୁସ୍ ଉହାଟ୍‌କେଦାଏ । ଆଡ଼ଃ ହବାସାକାଅଃରେଦ୍, ପେଣ୍ଟିକସ୍ ହୁଲାକ୍‌ରେ ଯୀରୁଶାଲେମ୍‌ତେ ଜାଲ୍‌ଦି ସେଟେର ନାକ୍ ଇନିଃ ଉହାଟ୍‌କାଦ୍ ତାଇକେନାଏ ।

ଏଫିସୁସ୍ କାଲିସିୟାରେନ୍ ପ୍ରାଚିନ୍‌କକେ ପାଉଲୁସ୍‌ଆଃ ବିଦା ଜାଗାର୍

୧୭ ପାଉଲୁସ୍ ମିଲିତସ୍‌ତାଃଏତେ ଏଫିସୁସ୍ କାଲିସିୟାରେନ୍ ପ୍ରାଚିନ୍‌କକେ ଆୟାଃଲଃ ନେପେଲ୍ ନାଗେନ୍ତେ କାଜିକୁଲକେଦା । ୧୮ ଇନ୍କୁ ପାଉଲୁସ୍‌ତାଃ ତେବାଃୟାନି ଇନିଃ କାଜିକେଦାଏ, “ଏସିଆ ପାର୍‌ଗାନ୍ ସେଟେରୟାନ୍ ପାହିଲା ହୁଲାକ୍‌ତାଃଏତେ ଆଇକ୍ ଚିଲ୍‌କା ଆପେଲଃ ଆଦ୍‌କା ନେଡ଼ା ବିତାଅକାଦାଇକ୍, ଏନା ଆପେ ସାରିକାଦାପେ । ୧୯ ଯିହୁଦୀ ହଡ଼କ ଆଇକ୍‌କେ ଗଗଏଃ ନାଗେନ୍ତେକ ରୋଜୋଟ୍ ତାଇକେନ୍ ହରାତେ ଆଇକ୍ ପୁରାଃ ଦୁକୁହାସୁ ସାହାତିକ୍‌କେଦାଇକ୍, ଏନ୍‌ରେୟ ଆଇକ୍ ପ୍ରାଭୁଆଃ ଦାସି ଲେକା ଲେବେଃ ମନ୍‌ତେ ଆଡ଼ଃ ପୁରାଃ ରାଆଃତାନଲଃ ଆଇୟାଃ କାମି କାମିକାଦାଇକ୍ । ୨୦ ଆପେ ସାରିତାନାପେ, ଆଇକ୍ ହଡ଼କତାଃରେ ଉଦୁବ୍‌ତାନ୍ ଇମ୍ତା ଆଡ଼ଃ ଆପେୟାଃ ଅଡ଼ଃରେ ଇଡୁତାନ୍ ଇମ୍ତା ଆପେୟାଃ ରୁଗିନାଃ ହବାଅଃ ଲେକା ଜେତାନ୍ ବିଷାଏ ଉଦୁବ୍ ନାଗେନ୍ତେ କାଇକ୍ ହିଟ୍‌କିଚାଅକାଦା । ୨୧ ଯିହୁଦୀ ଆଡ଼ଃ ସାଅଁସାର୍ ସବେନ୍‌କକେ ଆଇକ୍ ପୁରାଃଗି ଚିର୍ଗାଲାନ କାଜିକଇକ୍ କାଜିକାଦ୍‌ପେ ତାଇକେନା, ଜେ'ଲେକା ଇନ୍କୁ ଆକଆଃ ପାପ୍‌କ ହେୟାତିକ୍‌କେଦ୍‌ତେ ପାର୍‌ମେଶ୍‌ୟାଃତେକ ହିଜୁଃରୁହାଡ଼ା ଆଡ଼ଃ ପ୍ରାଭୁ ଯୀଶୁତାଃରେ ବିଶ୍ୱାସ୍ ରିକାଏୟାକ । ୨୨ ନାହାଁଃଦ ପାବିତାର୍ ଆମ୍‌ରାଃ ଆନାଚୁ ମାନାତିକ୍‌କେଦ୍‌ତେ ଆଇକ୍ ଯୀରୁଶାଲେମ୍‌ତେଇକ୍ ସେନଃତାନା, ଏନ୍ତାଃରେ ଆଇୟାଃ ଚିକ୍‌ନାଃ ହବାଅଃଆ ଏନା କାଇକ୍ ସାରିୟା । ୨୩ ପାବିତାର୍ ଆମ୍‌ ଆଇକ୍‌କେ ଚେତାଅକାଦିୟାଁ ଚି, ସବେନ୍ ନାଗାର୍‌ରେ ଆଇକ୍ ଜେହେଲ୍‌ରେ ସାଜାଇ ଆଡ଼ଃ ଦୁକୁଇକ୍ ନାମେୟା । ୨୪ ମେନ୍ଦ୍ ଆଇକ୍ ଆଇୟାଃ ଆପ୍‌ନାଃ ଜୀଦାନ୍‌କେ ଜେଡ୍‌ନାଃ ଲେକା କା ଆଟ୍‌କାର୍‌କେଦ୍‌ତେ, ପାର୍‌ମେଶ୍‌ୟାଃ ସାୟାଦ୍ ବିଷାଏରେ ପ୍ରାଭୁ ଯୀଶୁ ଆଇକ୍‌କେ ଅକ ସୁକୁକାଜି ଉଦୁବ୍ ନାଗେନ୍ତେ ଏମାକାଦିକ୍ ସେଝାକାମିକେ ଜେ'ଲେକା ପୁରା ଦାଡ଼ିୟାଇକ୍, ନିମିନାକ୍ ଏସ୍‌କାର୍ ଆଇୟାଃ ଇଛାସାନାକ୍ ତାନାଃ ।

୨୫ “ପାର୍‌ମେଶ୍‌ୟାଃ ରାଇକ୍ ବିଷାଏରେ ଉଦୁବ୍ ନାଗେନ୍ତେ ଆଇକ୍ ଆପେ ସବେନ୍‌କତାଃତେଇକ୍ ସେନାକାନା । ନାହାଁଃ ଆଇକ୍ ସାରିତାନାଇକ୍ ଯେ, ଆପେକଏତେ ଜେତାଏ ଆଇକ୍‌କେ ଆଡ଼ଃମିସା କାପେ ନେଲିୟାଁ । ୨୬ ଏନାମେନ୍ତେ ତିସିକ୍ ଆଇକ୍ ଆପେତାଃରେ ଗାଝା ଏମ୍‌ତାନାଇକ୍ ଯେ, ଆପେକଏତେ ଜେତାଏ ଜିୟନଃରେଦ୍ ଏନାରେୟାଃ ଦାୟୀ ଆଇକ୍ ନାହାଁଲିକ୍ । ୨୭ ଚିଆଃଚି ପାର୍‌ମେଶ୍‌ୟାଃ ଗଟା ଉଲେଶ୍ ଆପେତାଃରେ ଉଦୁବ୍ ନାଗେନ୍ତେ ଆଇକ୍ କାଇକ୍ ହିଟ୍‌କିଚାଅକାଦା । ୨୮ ଏନାମେନ୍ତେ ଆପେ ଆଗୁଆଇ ଲେକା ଆପାନ୍‌କେ ଆଡ଼ଃ ପାବିତାର୍ ଆମ୍‌ ଏମାକାଦ୍‌ପେ ବିଶ୍ୱାସୀ ଗୋଟ୍ କକେ ଯାଡ୍‌ନାଅକପେ । ମିଣ୍ଡିଗୁପିନିଃ ଲେକା ପାର୍‌ମେଶ୍‌ୟାଃ କାଲିସିୟାକେ ଯାଡ୍‌ନାଏପେ । ଅକ କାଲିସିୟାକେଚି ଇନିଃ ଆୟାଃ ହନ୍‌ଆଃ ମାୟୋମ୍ ହରାତେ ଆପ୍‌ନାଃ ବାଇୟାକାଦାଏ । ୨୯ ଆଇକ୍ ସାରିତାନାଇକ୍, ଆଇକ୍ ସେନଃ ତାୟମ୍‌ତେ ଆପେ ଥାଲାତେ ହସଡ଼ ଇଡୁକ ହିଜୁଃଆ ଆଡ଼ଃ ବିଶ୍ୱାସୀକକେ ହସଡ଼ ଇନିଡୁକ ଇଡୁକଆ । ଇନ୍କୁ ମିଣ୍ଡିଗୋଟ୍‌କେ ନକ୍‌ସାନ୍‌କତାନ୍ ବରଝାନ୍ ହୁଣ୍ଡା଼ରକ ଲେକାନ୍‌କ ତାନ୍‌କ ।

☆ ୨୦:୨୪ ୨୦:୨୪ ୨ ତିମଥୁ ୪:୭.

୩୦ ନେତା ସେଟେରା, ଚିମ୍ତା ଆପେୟାଃ ଆପନାଃ ଝୁଣ୍ଡରେନ୍ ଚିମିନ୍ ହଡକ ବିଶ୍ୱାସୀକକେ ହସଡ କାଜି କାଜିକେଦ୍ତେ ଏଟାଃ ହରାତେକ ଇଦିକଆ । ୩୧ ଏନାମେନ୍ତେ ଏୟନାକାନ୍ ତାଇନ୍ଦେ, ଆଇଙ୍ଗ୍ ନିଦା ସିଙ୍ଗି ମେଦ୍ ଦାଆଃ ଜରକେଦ୍ତେ ଆପି ସିମା ଜାକେଦ୍ ଆପେ ସବେନ୍କକେଇଙ୍ଗ୍ ଇଦୁକାଦ୍ପେୟା, ନେୟା ପାହାମେପେ ।

୩୨ “ନାହାଃ ଆଇଙ୍ଗ୍ ଆପେକେ ପାର୍ମେଶ୍ୱାର୍ଆଃ ତିଃଇରେ ଆଡଃ ଆୟାଃ ସାୟାଦ୍‌ରାଃ କାନାଜିରେଇଙ୍ଗ୍ ଜିମାପେତାନା, ଏନା ଆପେକେ ବାଇକେଟେଦ୍ପେ ନାଗେନ୍ତେ ଆଡଃ ପାର୍ମେଶ୍ୱାର୍ଆଃ ପାବିତାର୍‌କାନ୍ ହଡକ ନାଗେନ୍ତେ ହବାଅଃ ସବେନ୍ ଆଶିଷ୍ଟ, ଆପେକେ ଏମ୍ ଦାଡ଼ି ଲେକାନାଃ ତାନାଃ । ୩୩ ଆଇଙ୍ଗ୍ ଜେତାଏୟାଃ ରୁପା, ସୋନା ଚାଏ ଲିଜାଃ ନାମେ ନାଗେନ୍ତେ କାଇଙ୍ଗ୍ ସାନାଙ୍ଗ୍‌କେଦା । ୩୪ ଆପେ ସାରିତାନାପେ, ଆଇଙ୍ଗ୍ ଆଇୟାଃ ନେ ବାରାନ୍ ତିଃଇତେ କେଟେଦ୍ କାମି କାମିକେଦ୍ତେ ଆପନାଃ ଆଡଃ ଆଇୟାଃମିସାତେ କାମିତାନକଆଃ ଲାଗାତିଙ୍ଗ୍‌ତେୟାଃ ପୁରାକାଦାଇଙ୍ଗ୍ । ୩୫ ‘ନାମେତାଃଏତେ ଦାନ୍ ଏମରେ ପୁରାଃ ରାସକାମେନାଃ,’ ପ୍ରାଭୁ ଯୀଶୁ ଆଇଃକ୍‌ଗି କାଜିକାଦ୍ ନେ କାଜିକେ ପାହାମ୍‌କେଦ୍ତେ, ନେଲେକା କେଟେଦ୍ କାମି କାମିକେଦ୍ତେ ନାରାଦୁରା ହଡକକେ ଦେଙ୍ଗା ଲାଗାତିଙ୍ଗ୍‌ୟାଃ, ନେ ବିଷାଏରେ ଆଇଙ୍ଗ୍ ସବେନ୍ ଇମ୍ତା ଆପେକେ ନାମୁନାଇଙ୍ଗ୍ ଉଦୁକାଦା ।”

୩୬ ପାଉଲୁସ୍ ନେଆଁ କାଜି ଚାବାକେଦ୍ତେ, ଇନିଃ ଇନ୍‌କୁଲଃ ଇକ୍‌ଡୁକେଦ୍ତେ ବିକ୍ରିକେଦା । ୩୭ ସବେନ୍‌କ ରାଆଃକେଦ୍ତେ ଇନିଃକେ ହାମ୍‌ଦୁକିୟାକ ଆଡଃ ପାବିତାର୍ ଚଅଃକେଦ୍ତେ ବିଦାକିୟାକ । ୩୮ ଇନ୍‌କୁ ଆଇଃକ୍‌କେ ଆଡଃମିସା କାକ ନେଲ୍ ଦାଡ଼ିୟା ମେନ୍ତେ ଇନିଃ କାଜିକେଦ୍ ହରାତେ ଇନ୍‌କୁ ପୁରାଃଗିକ ହୁଡିଙ୍ଗ୍ ଜୀଉୟାନା । ଇନ୍‌କୁ ଇନିଃଲଃ ଦାଆଃ ଜାହାଜ୍ ନାଡ଼େଃତେକ ସେନଃୟାନା ।

୨୧

ପାଉଲୁସ୍‌ଆଃ ଯୀରୁଶାଲେମ୍‌ତେ ସେନଃ

୧ ଇନ୍‌କୁକେ ବିଦାକେଦ୍ତେ ଆଲେ ଏନ୍ତାଃଏତେଲେ ସେନଃୟାନା । ଆଡଃ ଦାଆଃ ହରା ପାରମ୍‌କେଦ୍ତେ ଆଲେ କୋସ୍ ଟାପୁତେଲେ ସେଟେରୁୟାନା । ଏନାରେୟାଃ ଏଟାଃ ହୁଲାଙ୍ଗ୍ ରୋଡସ୍ ଟାପୁ ହରାତେ ପାଡ଼ରା ନାଗାର୍‌ତେଲେ ସେଟେରୁୟାନା । ୨ ଏନ୍ତାଃଏତେ ଫିନିସିୟା ପାର୍‌ଗାନ୍‌ତେ ସେନଃତାନ୍ ମିଆଁଦ୍ ଦାଆଃ ଜାହାଜ୍‌ରେ ଦୁବ୍‌କେଦ୍ତେଲେ ସେନଃୟାନା । ୩ ଏନ୍ତେ ସାଇପ୍‌ସ୍ ଟାପୁ ନେଲ୍‌ତାନ୍ ମିଆଁଦ୍ ଠାୟାଦ୍‌ତାଃଲେ ସେଟେରୁୟାନା । ଏନ୍ତାଃଏତେ ଏନାରେୟାଃ ଜମ୍‌ସାଃ ହରାତେ ଆଲେ ସିରିୟା ପାର୍‌ଗାନ୍‌ତେଲେ ସେନଃୟାନା । ଆଲେ ସୋର୍ ନାଗାର୍‌ରେ ଦାଆଃ ଜାହାଜ୍‌ଏତେଲେ ଆଡ଼ଗୁୟାନା, ଚିଆଃଚି ନେ ଦାଆଃ ଜାହାଜ୍‌ଏତେ ସାମାନ୍‌କ ଆଡ଼ଗୁରାଃ ତାଇକେନା । ୪ ଏନ୍ତାଃରେ ଆଲେ ଚିମିନ୍ ବିଶ୍ୱାସୀକକେ ନାମ୍‌କେଦ୍ତେ ଇନ୍‌କୁଲଃ ମିଦ୍ ହାପ୍ରାଲେ ତାଇନ୍‌ୟାନା । ପାବିତାର୍ ଆମ୍‌ରାଃ ଆନାରୁ ନାମ୍‌କେଦ୍ତେ ଇନ୍‌କୁ ପାଉଲୁସ୍‌କେ ଯୀରୁଶାଲେମ୍‌ତେ ଆଲମ୍ ସେନା ମେନ୍ତେକ କାଜିକିୟା । ୫ ମେନ୍‌ଦ ଇନ୍‌କୁଲଃ ମିଦ୍ ହାପ୍ରା ତାଇନ୍‌ୟାନ୍ ତାୟମ୍‌ତେ, ଆଲେ ଇନ୍‌କୁକେ ବାଗିକେଦ୍ତେ ଆଲେୟାଃ ହରାରେଲେ ସେନଃୟାନା । ଆଲେକେ ବିଦା ଏମ୍ ନାଗେନ୍ତେ ଇନ୍‌କୁ ସବେନ୍‌କ ଆକଆଃ କୁଡ଼ି ଆଡଃ ହନ୍‌କଲଃ ନାଗାର୍ ବାହାରି ଦରେୟା ଗେନା ଜାକେଦ୍‌କ ହିଜୁୟାନା । ଏନ୍ତାଃରେ ଆଲେ ସବେନ୍‌କ ଇକ୍‌ଡୁକେଦ୍ତେ ବିକ୍ରିକେଦାଲେ । ୬ ଏନ୍ତେ ଆଲେ ଇନ୍‌କୁକେ ବିଦାକେଦ୍ତେ, ଦାଆଃ ଜାହାଜ୍‌ରେ ଦୁବ୍‌ୟାନାଲେ ଆଡଃ ଇନ୍‌କୁ ଅଡ଼ାଃତେକ ରୁହାଡ଼ୟାନା ।

୭ ସୋର୍ ନାଗାର୍‌ହେତେ ଆଲେ ପତଲ୍‌ମାଲ ସାହାର୍‌ତେଲେ ସେଟେରୁୟାନା, ଏନ୍ତାଃରେ ବିଶ୍ୱାସୀକକେ ଜହାର୍‌କେଦ୍ତେ ଇନ୍‌କୁଲଃ ମୁସିଙ୍ଗ୍‌ଲେ ତାଇନ୍‌ୟାନା । ୮ ଏଟାଃ ହୁଲାଙ୍ଗ୍ ଆଲେ ଏନ୍ ଠାୟାଦ୍ ବାଗିକେଦ୍ତେ କାଇସରିୟା ନାଗାର୍‌ତେଲେ ସେଟେରୁୟାନା । ଏନ୍ତାଃରେ ଆଲେ ସୁକୁକାଜି ଉଦୁବ୍‌ତାନ୍ ଫିଲିପ୍‌ଆଃ ଅଡ଼ାଃରେଲେ ତାଇନ୍‌ୟାନା, ଯୀରୁଶାଲେମ୍‌ରେ ଦେଙ୍ଗା ନାଗେନ୍ତେ ସାଲାକାନ୍ ଏୟାଃନକଏତେ ଫିଲିପ୍ ମିହୁଡ୍ ତାଇକେନାଏ । ୯ ଇନିୟାଃ ଉପୁନିୟାଃନ କା ଆଶଦିକାନ୍ କୁଡ଼ିହନ୍ ପାର୍ମେଶ୍ୱାର୍‌ଆଃ କାନାଜିକ ଉଦୁବ୍ ତାଇକେନା । ୧୦ ଏଆଲେ ଏନ୍ତାଃରେ ପୁରାଃ ମାହାଁ ତାଇନ୍‌ୟାନ୍ ତାୟମ୍‌ତେ, ଯିହୁଦାଏତେ ଆଗାବ ନୁଡୁମ୍ ମିଆଁଦ୍ ନାବୀ ଏନ୍ତାଃତେ ସେଟେରୁୟାନା । ୧୧ ଇନିଃ ଆଲେତାଃ ହିଜୁକେଦ୍ତେ, ପାଉଲୁସ୍‌ଆଃ କାସ୍‌ନା ଇଦିକେଦାଏ, ଆଡଃ ଆଇଃକ୍‌ଗି ଆୟାଃ ତିଃଇ ଆଡଃ କାଟା ତଲ୍‌କେଦ୍ତେ କାଜିକେଦା, “ପାବିତାର୍ ଆମ୍‌ ଆଇଙ୍ଗ୍‌କେ ଉଦୁବ୍‌କାଦିୟାଁ ଯେ, ନେ କାସ୍‌ନା ଅକଏୟାଃ ତାନାଃ, ଇନିଃକେ ଯୀରୁଶାଲେମ୍‌ରେ ଯିହୁଦୀ ହଡକ ନେଲେକାଗି ତଲ୍‌କେଦ୍ତେ ସାଅଁସାର୍ ହଡକଆଃ ତିଃଇରେକ ଜିମାଇୟା ।”

୧୨ ନେଆଁ ଆୟୁମ୍‌କେଦ୍ତେ ଆଲେ ଆଡଃ ଏନ୍ ଠାୟାଦ୍‌ରେ ତାଇକେନ୍ ଏଟାଃ ହଡକ ପାଉଲୁସ୍‌କେ ଯୀରୁଶାଲେମ୍‌ତେ ଆଲମ୍ ସେନା ମେନ୍ତେଲେ ବିକ୍ରିକିୟା । ୧୩ ମେନ୍‌ଦ ପାଉଲୁସ୍ କାଜିରୁହାଡ଼କେଦ୍‌କଆଏ,

☆ ୨୧:୮ ୨୧:୮ ପ୍ରେରିତ୍ ୬:୫; ୮:୫. ☆ ୨୧:୧୦ ୨୧:୧୦ ପ୍ରେରିତ୍ ୧୧:୨୮.

“ଆପେ ନେଆଁ ଚିନାଃପେ ଚିକାଏତାନା ? ଚିନାଃମେନ୍ତେ ନେ ଲେକା ରାଆଃକେଦ୍ତେ ଆଇଁୟାଃ ମନ୍ସୁରୁଦକେ ହୁଡ଼ିଙ୍ଗ୍ ଜୀଉ ତାନାପେ ? ଯୀରୁଶାଲେମ୍ରେ ଏସକାର୍ ତଲେନ୍ ନାଗେନ୍ତେ କାହା, ମେନ୍ଦ୍ ପ୍ରାଭୁ ଯୀଶୁଆଃ ନୁତୁମ୍ ନାଗେନ୍ତେ ଗନ୍ଏଃ ହବାଅଃରେୟ ଆଇଙ୍ଗ୍ ସେକାଡ଼କାନାଇଙ୍ଗ୍ ।”

^{୧୪} ଇନିଃ ଆଲେୟାଃ କାଜି କାଏ ମାନାଡ଼ିଙ୍ଗ୍କେଦ୍ ହରାତେ ଆଲେ ହାପାୟାନାଲେ ଆଡଃ “ପ୍ରାଭୁଆଃ ମନେଲେକା ହବାଅଃକା” ମେନ୍ତେ କାଜିକେଦାଲେ ।

^{୧୫} ଏନ୍ତାଃରେ ଚିମିନ୍ ମାହାଁ ତାଇନକେଦ୍ତେ ଆଲେ ଆଲେୟାଃ ଜିନିଷ୍ଟକ ସାଜ୍ଡାଅକେଦ୍ତେ ଯୀରୁଶାଲେମ୍ତେଲେ ସେନଃୟାନା । ^{୧୬} କାଇସରିୟାରେ ଚିମିନାଙ୍ଗ୍ ତେଲାଇ ଆଡଃ ସାଇପ୍ରସ୍ରେନ୍ ମନାସନ୍ ନୁତୁମ୍ ମିଆଁଦ୍ ବିଶ୍ୱାସୀହରି ଆଲେଲଃ ମିସାତେ ସେନଃୟାନା । ଆଡଃ ମନାସନ୍ ଆଲେକେ ଆୟାଃ ଅଡ଼ାଃରେ ତାଇନଃ ନାଙ୍ଗ୍ ଇଦିକେଦ୍ଲେୟାଏ ।

ଯାକୁବ୍ଲଃ ପାଉଲ୍ସଆଃ ନେପେଲ୍

^{୧୭} ଆଲେ ଯୀରୁଶାଲେମ୍ରେ ସେଟେରୟାନ୍ ଇମ୍ତା ଏନ୍ତାଃରେନ୍ ବିଶ୍ୱାସୀ ହଡ଼କ ଆଲେକେ ରାସକାତେକ ଦାରମ୍କେଦ୍ଲେୟା । ^{୧୮} ଏଟାଃ ହୁଲାଙ୍ଗ୍ ପାଉଲ୍ସ୍ ଆଲେଲଃ ଯାକୁବ୍କେ ନେନେଲ୍ ନାଗେନ୍ତେ ସେନଃୟାନା, ଏନ୍ତାଃରେ କାଲିସିୟାରେନ୍ ସବେନ୍ ପ୍ରାଚିନକ ତାଇକେନା । ^{୧୯} ପାଉଲ୍ସ୍ ଇନକୁକେ ଜହାରକେଦ୍କଆ ଆଡଃ ଆୟାଃ କାମି ହରାତେ ପାରମେଶ୍ୱାର୍ ସାଅଁସାର୍ ହଡ଼କ ଆଲାରେ ଅକ କାମିକଏ କାମିକେଦା, ଏନା ସବେନାଃଏ ଉଦୁବାଦ୍କଆ । ^{୨୦} ଆୟାଃ କାଜି ଆୟୁମ୍କେଦ୍ ତାୟମ୍ତେ ଇନକୁ ସବେନକ ପାରମେଶ୍ୱାର୍ଆଃ ମାନାରାଙ୍ଗ୍କ ରିକାକେଦା । ଏନ୍ତେ ଇନକୁ କାଜିକେଦାକ, “ହାଗା ପାଉଲ୍ସ୍, ଆମ୍ ନେଲ୍ ଦାଡ଼ିତାନାମ୍, ଚିଲ୍କା ହାଜାର୍ ହାଜାର୍ ଯିହୁଦୀ ହଡ଼କ ପ୍ରାଭୁ ଯୀଶୁତାଃରେ ବିଶ୍ୱାସ୍ତାନାକ ଆଡଃ ଇନକୁ ସବେନକ ଆନ୍ତୁ ମାନାଡ଼ିଙ୍ଗ୍ରେ ଚିହୁଲ୍କେଦ୍ତେ ମେନାକଆ । ^{୨୧} ଇନକୁ କାଜି ଆୟୁମ୍କାଦାକ ଯେ, ଆମ୍ ସାଅଁସାର୍ ହଡ଼କଆଃ ଦିଶୁମ୍ରେ ତାଇନତାନ୍ ଯିହୁଦୀ ହଡ଼କକେ ମୁଶା ନାବୀଆଃ ଆନ୍ତୁ ବାଗି ନାଗେନ୍ତେ, ଇନକୁଆଃ ହନକକେ କା ଖାଡ଼ନାଅ ନାଗେନ୍ତେ ଆଡଃ ଯିହୁଦୀ ରିଡ଼ିରିଝାଜ୍ କା ମାନାଡ଼ିଙ୍ଗ୍ ନାଗେନ୍ତେମ୍ ଇତୁକତାନା । ^{୨୨} ଆମ୍ ନେତାଃତେମ୍ ସେଟେରାକାନା ମେନ୍ତେ ଇନକୁ ସାର୍ଡ଼ିଗିକ ଆୟୁମେୟା । ତାବ୍ଦ ଚିନାଃରୁ ଚିକାଏୟା ? ^{୨୩} ଏନାମେନ୍ତେ ଆଲେ ସାନାଙ୍ଗ୍ତାନାଲେ, ଆମ୍ ମିଆଁଦ୍ କାମି କାମିମେ, ନେତାଃରେ ମେନାକ ଉପୁନ୍* ହଡ଼କ ମିଆଁଦ୍ କିରିୟାକାଦାକ । ^{୨୪} ଇନକୁଲଃ ସେନଃମେ ଆଡଃ ଫାର୍ତିଅଃରେୟାଃ ରିଡ଼ିରିଝାଜ୍ ମାନାଡ଼ିଙ୍ଗ୍ ନାଗେନ୍ତେ ଇନକୁଲଃ ମେସାକେଦ୍ତେ ଦାଣ୍ଡ଼ିରାକାବଃ ନାଙ୍ଗ୍ ଖାର୍ତାଅଃତେୟାଃ ଏମେମେ, ଏନ୍ତେ ଇନକୁ ଆକଆଃ ଆପୁନାଃ ବହଃରାଃ ଉବ୍ ଟାପୁନାଃକ । ଏନାତେ ଆମାଃ ବିଷାଏରେ କାଜିକାନ୍ ଜେତାନ୍ କାଜି ସାର୍ଡ଼ି ନାହାଁଲାଃ, ମେନ୍ଦ୍ ଆମ୍ ମୁଶା ନାବୀଆଃ ଆନ୍ତୁ ଲେକାମ୍ ସେସେନ୍ତାନା, ମେନ୍ତେ ସବେନକ ଆଟ୍କାରେୟା । ^{୨୫} ମେନ୍ଦ୍ ଅକ ସାଅଁସାର୍ ହଡ଼କ ବିଶ୍ୱାସୀକାନାକ, ଇନକୁତାଃତେ ଆଲେ ମିଆଁଦ୍ ଚିଟାଉଲେ ଅଲ୍ କୁଲ୍କାଦା, ଏନାରେ ଆଲେ ଆରୁକାଦାଲେ, ଇନକୁ ମୁରୁଦ୍କତାଃରେ ଦାନ୍ ରାକାବାକାନ୍ ଜମେୟାଃ ଆଲକାକ ଜମେକା, ମାୟୋମ୍ ଆଲକାକ ନୁଏକା, ହଟଃ ଲିମ୍ବୁକେଦ୍ତେ ଗଜାକାଇ ଜାତୁରାଃ ମାସ୍ ଆଲକାକ ଜମେକା ଆଡଃ ଇନକୁ କଡ଼ା ଚାଏ କୁଡ଼ିଲଃ ହଡ଼ମରାଃ ଏଡ଼କାନ୍ ସାମ୍ପାର୍କ୍ ଆଲକାକ କାମିକା ।”

^{୨୬} ଏନ୍ତେ ଏଟାଃ ହୁଲାଙ୍ଗ୍ ପାଉଲ୍ସ୍ ଏନ୍ ଉପୁନ୍ ହଡ଼କଲଃ ଫାର୍ତିନରେୟାଃ ରିଡ଼ିରିଝାଜ୍ ରିକା ନାଗେନ୍ତେ ମାନାଡ଼ିଙ୍ଗ୍ୟାନା । ଏନ୍ତେ ଇନିଃ ମାହିର୍ତେ ସେନକେଦ୍ତେ ଫାର୍ତିନରେୟାଃ କାମି ଚିଉଲା ରୁଶ୍ଟୁଆ ଆଡଃ ଚିମ୍ତା ଦାଣ୍ଡ଼ିରାକାବ୍ ହବାଅଃଆ, ଏନା ଉଦୁବ୍କିୟାକ ।

ପାଉଲ୍ସ୍ ମାହିର୍ ଅଡ଼ାଃରେ ସାନାବ୍ୟାନା

^{୨୭} ଫାର୍ତିନରେୟାଃ ଏୟାମାହ୍ ରୁଶ୍ଟୁତାନ୍ ଦିପିଲିରେ ଏସିଆ ପାର୍ଗାନ୍ରେନ୍ ଚିମିନ୍ ଯିହୁଦୀ ହଡ଼କ ପାଉଲ୍ସ୍କେ ମାହିର୍ ଅଡ଼ାଃରେକ ନେଲ୍କିୟା । ଇନକୁ ଏନ୍ତାଃରେ, ଏନ୍ତାଃରେନ୍ ଗଟା ଗାଦେଲ୍ ହଡ଼କକେ ଉସ୍କୁରକେଦ୍ତେ ପାଉଲ୍ସ୍କେ ସାବ୍କିୟାକ । ^{୨୮} ଇନକୁ କାଉରିକେଦ୍ତେ କାଜିକେଦାକ, “ହେ ଇସ୍ରାଏଲ୍ରେନ୍ ହଡ଼କ, ଆଲେକେ ଦେଙ୍ଗାଲେପେ ! ନେ ହଡ଼ ଚାରିୟସାଃ ସେନକେଦ୍ତେ ଇସ୍ରାଏଲ୍ରେନ୍ ହଡ଼କଆଃ ବିରୁଧ୍ରେ, ମୁଶା ନାବୀଆଃ ଆନ୍ତୁ ଆଡଃ ନେ ମାହିର୍ ଅଡ଼ାଃ ବିରୁଧ୍ରେ ଇତୁତାନା । ଆଡଃ ନାହାଁଃ ଇନିଃ ଚିମିନ୍ ସାଅଁସାର୍ ହଡ଼କକେ ମାହିର୍ ଅଡ଼ାଃ ଭିତାର୍ତେ ଆଉକେଦ୍ତେ ନେ ପାବିତାର୍ ଠାୟାଦ୍କେ ସଡ଼ରାଏ ତାନା ।” ^{୨୯} ଇନକୁ ନାଗାର୍ରେ ଏଫିସୁସ୍ରେନ୍ ତ୍ରୁଫିମ୍କେ ପାଉଲ୍ସ୍ଲଃ ନେଲକାଇ ତାଇକେନାକ, ଏନାତେ ପାଉଲ୍ସ୍ ତ୍ରୁଫିମ୍କେ ମାହିର୍ ଅଡ଼ାଃତେ ଇଦିତାନା ମେନ୍ତେ ଇନକୁ ଉଡ଼ିଷ୍ଟକେଦାକ ।

^{୩୦} ଗଟା ନାଗାର୍ରେ ହାଲାଗୁଲା ନିଡ଼ିରୟାନା, ଆଡଃ ହଡ଼କ ପାଉଲ୍ସ୍କେ ମାହିର୍ ଅଡ଼ାଃଏତେ ବାହାରିତେକ ଅର୍ ଅଡ଼ଙ୍ଗ୍କିୟା । ମାହିର୍ ଅଡ଼ାଃରେୟାଃ ଦୁଆରକ ହାଣ୍ଡେଦ୍କେଦା । ^{୩୧} ଇନକୁ ଇନିଃକେ

* ୨୧:୨୩ ୨୧:୨୩ ଚାଇର୍ ଝାନ୍ ☆ ୨୧:୨୫ ୨୧:୨୫ ପ୍ରେରିତ୍ ୧୫:୨୯. ✨ ୨୧:୨୯ ୨୧:୨୯ ପ୍ରେରିତ୍ ୨୦:୪.

ଗଗଏଃ ନାଗେନ୍ତେକ ଚେଷ୍ଟା ତାଲକେନ୍ ଇମ୍ତା ଗଟା ଯୀରୁଶାଲେମ୍ରେ ହାଲାଗୁଲାତେ ପେରେଃକାନା ମେନ୍ତେ ରୋମାନରେନ୍ ହାଜାର୍ ସିପାଇକଆଃ ଆଗୁଆଇନିଃତାଃତେ କାନାଜି ସେଟେର୍ଯ୍ୟାନା । ୩୨ ଇମ୍ତାଗି ହାଜାର୍ ସିପାଇକଆଃ ଆଗୁଆଇନିଃ ସିପାଇକକେ ଆତଃ ମିଦ୍ଶାଅ ସିପାଇକଆଃ ଆଗୁଆଇକକେ ଇଦିକେଦ୍ତେ ଏନ୍ତାଃତେ ସେଟେର୍ଯ୍ୟାନା । ହଡକ ଇନିଃକେ ଇନକୁଲଃ ନେଲ୍କେଦ୍ତେ ପାଉଲୁସକେ କା ଦାଲ୍କେଦ୍ତେ ବାଗିକିୟାକ । ୩୩ ହାଜାର୍ ସିପାଇକଆଃ ଆଗୁଆଇନିଃ ପାଉଲୁସକେ ବାରିୟା ସିକ୍ତେତେ ତଲି ନାଗେନ୍ତେ ଆରୁକେଦ୍ତେ । ଏନ୍ତେ ଇନିଃ କୁଲିକେଦ୍ତେଆଏ, “ନେ ହଡକ ଅକଏ ତାନିଃ ଆତଃ ଇନିଃ ଚିନାଃ ଚିକା କାଦାଏ ?” ୩୪ ଗାଦେଲ୍ ହଡକଏତେ ଚିମିନ୍ ହଡକ ରାକାମ୍ ରାକାମ୍ କାଜିକେଦ୍ତେ କାଉରିକେଦାକ । ନେ’ଲେକା କାଉରିକେଦାକ ଚି, ହାଜାର୍ ସିପାଇକଆଃ ଆଗୁଆଇନିଃ ହାଲାଗୁଲା ଚିନାଃମେନ୍ତେ ହବାଅଃତାନା ଏନା କାଏ ସାରିଦାଡିୟାନା । ଏନାତେ ଇନିଃ ପାଉଲୁସକେ ସିପାଇକଆଃ ଗାଡ୍ ଭିତାର୍ତେ ଇଦି ନାଗେନ୍ତେ ସିପାଇକକେ ଆରୁକେଦ୍ତେ । ୩୫ ଇନକୁ ପାଉଲୁସକେ ଇଦିକେଦ୍ତେ ଗାଡ୍ରେୟାଃ ପାଉର୍ତାଃ ସେଟେରଃତାନରେ ଗାଦେଲ୍ ହଡକଆଃ ଖୁସ୍ ନେଲ୍କେଦ୍ତେ ସିପାଇକ ପାଉଲୁସକେ ଗଅଃକେଦ୍ତେ ଇଦିକିୟାକ । ୩୬ ସବେନ୍ ହଡକ ଆୟାଃ ଦୟା ଦୟା ଅତଙ୍ଗ୍ ଆଉକେଦ୍ତେ “ଇନିଃକେ ଗଜିପେ” ମେନ୍ତେ କାଉରିତାନଲଃ କାଜିକେଦାକ ।

ପାଉଲୁସ୍ ଆଇଃକ୍ରି ଆୟାଃ ବାଞ୍ଛାଅ ନାଙ୍ଗ୍ କାଜିକେଦାଏ

୩୭ ସିପାଇକ ପାଉଲୁସକେ ଗାଡ୍ ଭିତାର୍ତେ ଇଦି ଇମ୍ତା ପାଉଲୁସ୍ ହାଜାର୍ ସିପାଇକଆଃ ଆଗୁଆଇନିଃକେ କାଜିକିୟା, “ଆଇଙ୍ଗ୍ ଆବେନ୍କେ ଜେଡ୍ନାଃ କାଜି ଦାଡିୟାଲଙ୍ଗ୍ଟି ?” ଇନିଃ କୁଲିକିୟାଏ, “ଆମ୍ ଗ୍ରୀକ୍ ଜାଗାର୍ତେ କାଜିତାନାମ୍, ଗ୍ରୀକ୍ ହଡକ ତାନମେଚି ? ୩୮ ଏନ୍ରେଦ ଚିମିନ୍ ମାହାଁ ସିଦାରେ ମିସାରରେନ୍ ଅକ ହଡକ ହାଲାଗୁଲାକେଦ୍ତେ ଉପୁନ୍ ହାଜାର୍ ବରଝାନ୍ ଗଗଏଃ ହଡକକେ ଇଦିକେଦ୍ତେ ବିର୍ରେ ସେଟେର୍ଯ୍ୟାନା, ଆମ୍ ଚିନାଃ ଏନ୍ ହଡକ ନାହାଁଲାମେ ?”

୩୯ ପାଉଲୁସ୍ କାଜିରୁହାଡକିୟାଏ, “ଆଇଙ୍ଗ୍ କିଲିକିଆ ପାର୍ଗାନରେୟାଃ ତାଷ୍ଟିସ୍ ସାହାରରେ ଜାନାମାକାନ୍ ଯିହୁଦୀ ହଡକ ତାନିଙ୍ଗ୍ । ଦାୟାକେଦ୍ତେ ନେ ହଡକତାଃରେ ଜାଗାର୍ ଇଚିଙ୍ଗ୍ମେ ।”

୪୦ ଇନିଃ ପାଉଲୁସକେ କାଜି ଇଚିକିୟାଏ, ଏନ୍ତେ ପାଉଲୁସ୍ ଅଡ଼ାଃପାଉର୍ ଚେତାନରେ ତିଙ୍ଗ୍କେଦ୍ତେ ହଡକକେ ହାପାଅଃ ନାଗେନ୍ତେ ତିଃଇ ରିମ୍କେଦ୍ତେ ଇସାରାକେଦ୍ତେ । ଇନକୁ ହାପାୟାନ୍ ତାୟମ୍ତେ ପାଉଲୁସ୍ ଏବ୍ରୀ ଜାଗାର୍ତେ କାଜିକେଦା,

୨୨

୧ “ଦୁଲାଡ୍ ହାଗାକ ଆତଃ ଆପୁକ, ଆଇଙ୍ଗ୍ ଆପେୟାଃ ସାମ୍ନାଙ୍ଗ୍ରେ ଆପ୍ନାଃ ନାଗେନ୍ତେ କାଜିତାନରେୟାଃ ଆୟୁମେପେ,” ୨ ଇନିଃ ଇନକୁଲଃ ଏବ୍ରୀତେ ଜାଗାର୍ତାନ ଆୟୁମ୍କେଦ୍ତେ ଇନକୁ ଆତଃଗି ହାପାୟାନାକ ଆତଃ ପାଉଲୁସ୍ ଆତଃଗି କାଜିକିୟାକେଦା,

୩ * “ଆଇଙ୍ଗ୍ ମିହୁଡ୍ ଯିହୁଦୀ ତାନିଙ୍ଗ୍, କିଲିକିଆ ପାର୍ଗାନରେୟାଃ ତାଷ୍ଟିସ୍ ସାହାରରେଇଙ୍ଗ୍ ଜାନାମ୍ କାନା, ମେନ୍ଦ୍ ଆଇଙ୍ଗ୍ ଯୀରୁଶାଲେମ୍ରେଇଙ୍ଗ୍ ଆସୁଲ୍ ହାରାକାନା ଆତଃ ଗମଲିଏଲ୍ତାଃଏତେ ଇନିଡୁଇଙ୍ଗ୍ ନାମାକାଦା । ଆଇଙ୍ଗ୍ ଆରୁଆଃ ପୁର୍ଖା ହାଡ଼ାମ୍କଆଃ ଆନ୍ତୁ ରୁଗିଲେକାଇଙ୍ଗ୍ ଇଡୁକାନା ଆତଃ ଆପେୟାଃ ଲେକା ପାର୍ମେଶ୍ୱାର୍ଆଃ ନାଗେନ୍ତେ ଚିହୁଲାନଗି ତାଲକେନାଇଙ୍ଗ୍ । ୪ *ଆଇଙ୍ଗ୍ ପ୍ରାଭୁଆଃ ହରାକେ ଅତଙ୍ଗ୍ତାନ ହଡକକେ ସାସାଡିକେଦ୍ତେ ଗଏଃକ ତାଲକେନାଇଙ୍ଗ୍ । କଡ଼ା କୁଡି ସବେନ୍କକେ ତଲ୍କେଦ୍ତେ ଜେହେଲ୍ରେ ଜିମାକ ତାଲକେନାଇଙ୍ଗ୍ । ୫ ଆଇଁୟାଃ ନେ କାଜି ସାର୍ତି ତାନାଃ, ମାରାଙ୍ଗ୍ ଯାଜାକ୍ ଆତଃ ପାଞ୍ଚେର୍ରେନ୍ ସବେନ୍କ ନେଆଁରେୟାଃ ଗାଞ୍ଜାତାନ୍କ । ନେ ହଡକକେ ତଲ୍କେଦ୍ତେ ଆତଃ ସିକ୍ତିରେ ତଲ୍କେଦ୍ତେ ସାଜାଲ ଏମାକ ନାଗେନ୍ତେ ଯୀରୁଶାଲେମ୍ତେ ଇଦିକ ନାଙ୍ଗ୍ ଆଇଙ୍ଗ୍ ମାରାଙ୍ଗ୍ ଯାଜାକ୍ତାଃଏତେ ଅନଲ୍ ଚିଟାଉ ଇଦିକେଦ୍ତେ, ଦମାସ୍କସ୍ ନାଗାର୍ରେ ତାଲନ୍ତାନ ଯିହୁଦୀ ହାଗାକତାଃତେଇଙ୍ଗ୍ ସେନଃୟାନା ।

**ପାଉଲୁସ୍ ଆୟାଃ ମନ୍ରୁହାଡ୍ ବିଷାଏରେ ଉଦ୍ବକେଦା
(ପ୍ରେରିତ୍ ୯:୧-୧୯; ୨୭:୧୨-୧୮)**

୬ “ଆଇଙ୍ଗ୍ ସେନଃତାନ୍ ତାଲକେନ୍ ଇମ୍ତା ଦମାସ୍କସ୍ ନାଗାର୍ତେ ତେବାଗଃ ତାଲକେନ୍ରେ ସିର୍ମାଏତେ ମିଆଁଦ୍ ହିଚିରଲେକା ମାର୍ସାଲ୍ ଆଚକାଗି ଆଇଁୟାଃ ଚାରିୟାଃରେ ମାର୍ସାଲ୍ୟାନା । ୭ ଆତଃ ଆଇଙ୍ଗ୍ ଅତେରେଇଙ୍ଗ୍ ଉୟୁଃୟାନା ଏନ୍ତେ ଆଇଙ୍ଗ୍ ନାଗେନ୍ତେ ନେ ଲାବ୍ଜାଲଙ୍ଗ୍ ଆୟୁମ୍କେଦା, ‘ହେ ଶାଉଲ୍, ହେ ଶାଉଲ୍, ଚିନାଃମେନ୍ତେ ଆମ୍ ଆଇଙ୍ଗ୍କେମ୍ ସିଗିଦିଇଙ୍ଗ୍ତାନା ?’ ୮ ଆଇଙ୍ଗ୍ କୁଲିକିୟାଲଙ୍ଗ୍, ‘ପ୍ରାଭୁ, ଆମ୍ ଅକଏ ତାନମେ ?’ ଇନିଃ ଆଇଙ୍ଗ୍କେ କାଜିରୁହାଡକିୟା, ‘ଆମ୍ ଅକଏକେମ୍ ସାସାଡିତାନା,

☆ ୨୨:୩ ୨୨:୩ ପ୍ରେରିତ୍ ୫:୩୪-୩୯. ☆ ୨୨:୪ ୨୨:୪ ପ୍ରେରିତ୍ ୮:୩; ୨୭:୯-୧୧.

ଆଇଙ୍ଗ ଏନ୍ ନାଜରେଡ୍ରେନ୍ ଯୀଶୁ ତାନିଙ୍ଗ ।^{୯୯} ଆଇଁୟାଃଲଃ ତାଇକେନ୍ ହଡକ ଏନ୍ ମାର୍ସାଲକ ନେଲ୍କେଦା, ମେନ୍ଦ ଆଇଙ୍ଗଲଃ ଜାଗାରତାନ୍ ହଡଆଃ ଲାବ୍ଜା କାକ ଆୟୁମ୍ ଦାଡ଼ିୟାନା ।^{୧୦} ଆଇଙ୍ଗ କୁଲିକିୟାଇଙ୍ଗ, ‘ପ୍ରାଭୁ, ଆଇଙ୍ଗ ତିନାଃ ଚିକାଏୟାଇଙ୍ଗ ?’ ପ୍ରାଭୁ ଆଇଙ୍ଗକେ କାଜିକେଦିୟା, ‘ବିରିଦ୍ମେ, ଆଡଃ ଦମାସ୍କସ୍ତେ ସେନଃମେ, ପାର୍ମେଶ୍ୱାର୍ ଆମାଃ ନାଗେନ୍ତେ ଅକ କାମି ଦହକାଦା, ଏନା ଏନ୍ତାଃରେ ଆମ୍ବକେ ଉଦୁବାମେୟା ।’^{୧୧} ଏନ୍ ମାର୍ସାଲରେୟାଃ ପୁରାଃ ମାର୍ସାଲ୍ତେ ଆଇଁୟାଃ ମେଦ୍ତାଇୟାଃ ବିଗଡ଼ାଅୟାନା ଆଡଃ କାଇଙ୍ଗ ନେଲ୍ଦାଡ଼ିୟାନା । ଏନାମେନ୍ତେ ଆଇଁୟାଃଲଃ ମିସାତେ ସେନ୍ତାଇକେନ୍ ହଡକ ଆଇଁୟାଃ ତିଃଇ ସାବ୍କେଦ୍ତେ ଆଇଙ୍ଗକେ ଦମାସ୍କସ୍ତେକ ସୁତୁଃଇଦିକିୟା ।

^{୧୨} “ଏନ୍ ନାଗାରରେ ହନାନିୟ ନୁତୁମ୍ ମିଆଁଦ୍ ଧାର୍ମାନ୍ ହଡ ତାଇକେନାଏ । ଇନିଃ ଆବୁଆଃ ଆନ୍ତୁ ମାନାତିଙ୍ଗନିଃ ତାଇକେନାଏ ଆଡଃ ଏନ୍ତାଃରେ ତାଇନ୍ତାନ୍ ଯିହୁଦୀ ହଡ ସବେନ୍କ ଇନିଃକେ ପୁରାଃଗିକ ମାଇନି ତାଇକେନା ।^{୧୩} ଇନିଃ ଆଇଁୟାଃତାଃତେ ହିଜୁଃକେଦ୍ତେ ନାଡ଼େରେ ତିଙ୍ଗୁୟାନା ଆଡଃ କାଜିକେଦାଏ, ‘ହାଗା ଶାଉଲ୍, ଆମ୍ ଆଡଃମିସାମ୍ ନେଲ୍ଦାଡ଼ିୟା ।’ ଏନ୍ ନେତାରେଗି ଆଇଙ୍ଗ ଆଡଃମିସା ନେଲ୍ ଦାଡ଼ିକେଦ୍ତେ, ଇନିଃକେଇଙ୍ଗ ନେଲ୍କିୟା ।^{୧୪} ଇନିଃ କାଜିକେଦାଏ, ‘ଆବୁଆଃ ପୁରୁଶା ହାଡ଼ାମକଆଃ ପାର୍ମେଶ୍ୱାର୍ ଆମ୍ବକେ ଆୟାଃ ଇଛାସାନାଙ୍ଗ୍ ସାରି ନାଗେନ୍ତେ, ଆୟାଃ ଧାର୍ମାନ୍ ଦାସିକେ ନେଲି ନାଗେନ୍ତେ ଆଡଃ ଆୟାଃ କାଜି ଆୟୁମ୍ବକେଦ୍ତେ ଆୟାଃ ଆପ୍ନାଃ ଲାବ୍ଜାତେ ଜାଗାର୍ ନାଗେନ୍ତେ ସାଲାକାଦ୍ମେୟା ।^{୧୫} ତିଆଃତି ଆମ୍ ଅକ୍ନାଃ ନେଲାକାଦାମ୍ ଆଡଃ ଆୟୁମ୍କାଦାମ୍, ଏନା ସବେନ୍କତାଃରେ ଉଦୁବେ ନାଗେନ୍ତେ ଆମ୍ ଆୟାଃ ଗାଞ୍ଜାମ୍ ହବାଅଃଆ ।^{୧୬} ଆଡଃ ନାହାଁଃ, ତିନାଃମେନ୍ତେମ୍ ବିଲାମେତାନା ? ବିରିଦ୍ମେ, ବାପ୍ରିସ୍ତା ଇଦିମେ ଆଡଃ ଆୟାଃ ନୁତୁମ୍ରେ ବିକ୍ତିକେଦ୍ତେ ଆମାଃ ସବେନ୍ ପାପକ ଫାର୍ତିୟାଆ ।’

ସାଅଁସାର୍ ହଡକତାଃରେ ପ୍ରାଗାର୍ ରିକା ନାଗେନ୍ତେ ପାଉଲୁସ୍କେ କେନେଡ଼ା

^{୧୭} “ଆଇଙ୍ଗ ଯୀରୁଶାଲେମ୍ ରୁହାଡ଼କେଦ୍ତେ ଏନ୍ତାଃରେୟାଃ ମାନ୍ଦିର୍ ଅଡ଼ାଃରେ ବିକ୍ତିତାଇକେନ୍ ଇମ୍ତା, ଦାର୍ଶାନ୍ ନେଲ୍କେଦାଇଙ୍ଗ,^{୧୮} ଏନ୍ ଦାର୍ଶାନ୍ରେ ପ୍ରାଭୁକେ ନେଲ୍କିୟାଇଙ୍ଗ । ଇନିଃ ଆଇଙ୍ଗକେ କାଜିକେଦିୟା, ‘ଜାଲ୍ଦି ଯୀରୁଶାଲେମ୍ ବାଗିମେ, ତିଆଃତି ନେତାଃରେନ୍ ହଡକ ଆଇଁୟାଃ ବିଷାଏରେ ଏମାକାଦ୍ ଗାଞ୍ଜା କାକ ଆୟୁମେୟା ।’^{୧୯} ଆଇଙ୍ଗ କାଜିରୁହାଡ଼କେଦାଇଙ୍ଗ, ‘ପ୍ରାଭୁ ଆଇଙ୍ଗ୍ ସାମାନ୍ ଅଡ଼ାଃକରେ ସେନ୍କେଦ୍ତେ ଆମାଃତାଃରେ ବିଶ୍ୱାସ୍ତାନ୍ ହଡକକେ ଚିଲ୍କାଇଙ୍ଗ୍ ତଲ୍କତାଇକେନା ଆଡଃ ଦାଲ୍କ ତାଇକେନା, ଏନା ଇନ୍କୁ ବୁଗିଲେକାକ ସାରିକାଦା,^{୨୦} ଆଡଃ ଆମାଃ ବିଷାଏରେ ସ୍ତ୍ରୀଫାନ୍ ଗାଞ୍ଜା ଏମ୍ତାଇକେନ୍ ଇମ୍ତା ଇନିଃକେ ଦିରିତେ ଚିଦ୍ଗି ଗଏଃକିୟାକ, ଆଇଙ୍ଗ୍ ଏନ୍ତାଃରେଇଙ୍ଗ୍ ତାଇକେନା, ଆଡଃ ଇନିୟାଃ ଗନ୍ଏଃରେଇଙ୍ଗ୍ ସାଲ୍ହାକାନ୍ ତାଇକେନା ଆଡଃ ଇନିଃକେ ଗଏଃତାନ୍ ହଡକଆଃ ଲିଜାଃକଇଙ୍ଗ୍ ହରତାଇକେନା ।’^{୨୧} ପ୍ରାଭୁ ଆଇଙ୍ଗକେ କାଜିକେଦିୟା, ‘ଜୁ, ଆଇଙ୍ଗ୍ ଆମ୍ବକେ ପୁରାଃ ସାଙ୍ଗିନ୍ ସାଅଁସାର୍ ହଡକତାଃତେଇଙ୍ଗ୍ କୁଲ୍ମେୟା ।’”

^{୨୨} ହଡକ ପାଉଲୁସ୍ ନେ କାଜି କାଜିତାନ୍ ଜାକେଦ୍ ଆୟୁମ୍ ତାଇକେନାକ, ମେନ୍ଦ ଏନ୍ ତାୟମ୍ତେ ଇନ୍କୁ ପୁରାଃ କାଉରିକେଦ୍ତେ କାଜି ଏଟେଃକେଦାକ, “ଇନିଃକେ ଅତେଦିଶୁମ୍ଏତେ ବାହାରି ଅଡ଼ଙ୍ଗ୍ଇପେ, ଇନିଃକେ ଗଜିପେ, ଇନିୟାଃ ଜାନିଦ୍ ତାଇନଃରେୟାଃ ଜେତାନ୍ ଆକ୍ତେୟାର୍ ବାନଃଆ ।”^{୨୩} ଇନ୍କୁ କାଉରିତାନ୍ଲଃ ଆକଆଃ ଲିଜାଃ ହିରକେଦାକ ଆଡଃ ଚେତାନ୍ତେ ଧୁଡ଼ି ହିରକେଦାକ ।^{୨୪} ପାଉଲୁସ୍କେ ଗାଡ଼୍ ଭିତାରେ ଇଦି ନାଗେନ୍ତେ ରୋମ୍ରେନ୍ ହାଜାର୍ ସିପାଇକଆଃ ଆଗୁଆଇନିଃ ସିପାଇକକେ ଆରୁକେଦ୍କଆ ଆଡଃ ଯିହୁଦୀ ହଡକ ତିନାଃମେନ୍ତେ ଆୟାଃ ବିରୁଧ୍ରେ ନେଲ୍କା କାଉରିତାନାକ, ଏନା ସାରି ନାଗେନ୍ତେ ଇନିଃକେ କର୍ତାତେ ହାଁସାଇ ନାଙ୍ଗ୍ ଆରୁକେଦ୍କଆଏ ।^{୨୫} ମେନ୍ଦ ଇନିଃକେ ତନଲ୍ ଇମ୍ତା ପାଉଲୁସ୍ ଏନ୍ତାଃରେ ତାଇକାନ୍ ମିଦ୍ଶାଅ ସିପାଇକଆଃ ଆଗୁଆଇନିଃକେ କାଜିକିୟା, “ଜେତା ଗୁହଁରେ ନାହାଁଃ ଜାକେଦ୍ କା ଚିଗାକାନ୍ ରୋମିରେନ୍ ହଡକେ ହାଁସାତେୟାଃ ତିନାଃ ଆଇନ୍ ଲେକାତେ ବୁଗିନାଃ ତାନାଃ ?”

^{୨୬} ନେଆଁ ଆୟୁମ୍ବକେଦ୍ତେ ମିଦ୍ଶାଅ ସିପାଇକଆଃ ଆଗୁଆଇନିଃ ସେନ୍କେଦ୍ତେ ହାଜାର୍ ସିପାଇକଆଃ ଆଗୁଆଇନିଃକେ କାଜିକିୟା, “ଆବେନ୍ ତିନାଃବେନ୍ ଚିକାଏତାନା ? ଏନ୍ ହଡ ରୋମିରେନ୍ ତାନିଃ ।”

^{୨୭} ଏନ୍ତେ ହାଜାର୍ ସିପାଇକଆଃ ଆଗୁଆଇନିଃ ପାଉଲୁସ୍ତାଃତେ ସେନ୍କେଦ୍ତେ କୁଲିକିୟା, “ଆମ୍ ତିନାଃ ମିଆଁଦ୍ ରୋମିରେନ୍ ତାନ୍ମେ ?” ପାଉଲୁସ୍ କାଜିରୁହାଡ଼କିୟାଏ, “ହାଁ, ଆଇଙ୍ଗ୍ ତାନିଙ୍ଗ ।”

☆ ୨୨:୨୦ ୨୨:୨୦ ପ୍ରେରିତ୍ ୭:୫୮.

୨୮ ହାଜାର ସିପାଇକଆଃ ଆଗୁଆଇନିଃ କାଜିକେଦାଏ, “ପୁରାଃ ଗନଙ୍ଗ ଏମ୍‌କେଦତେ ଆଇଙ୍ଗ୍ ମିଆଁଦ୍ ରୋମିରେନ୍ ହଡ଼ ହବାକାନାଇଙ୍ଗ୍ ।” ମେନ୍‌ଦ ପାଉଲୁସ୍ କାଜିରୁହାଡ଼କିୟାଏ, “ମେନ୍‌ଦ ଆଇଙ୍ଗ୍ ଜାନାମ୍‌ହେତେଗି ରୋମିରେନ୍ ତାନିଙ୍ଗ୍ ।”

୨୯ ଇମ୍‌ତାଗି ଅକ ହଡ଼କ ପାଉଲୁସ୍‌କେ କୁଲି ନାଗେନ୍ତେକ ସେନ୍‌ତାଇକେନା, ଇନ୍‌କୁ ତାୟମ୍‌ତେକ ରୁହାଡ଼ୟାନା ଆତଃ ପାଉଲୁସ୍ ରୋମିରେନ୍ ତାନିଃ ମେନ୍ତେ ସାରିକେଦତେ ଆତଃ ଇନିଃ ସିକିଡ଼ିତେ ପାଉଲୁସ୍‌କେ ତଲ୍ ନାଙ୍ଗ୍ ଆରୁକାଦାଏ, ନେଆଁ ସାରିକେଦତେ, ଇନିଃ ପୁରାଃଗି ବରକେଦା ।

ଯିହୁଦୀକଆଃ ମାରାଙ୍ଗ୍ ପାଞ୍ଚେଟ୍ ଆୟାରରେ ପାଉଲୁସ୍

୩୦ ଯିହୁଦୀ ହଡ଼କ ପାଉଲୁସ୍‌କେ ତିନାଃମେନ୍ତେକ ତିଟାଇତାନା, ଏନା ସାରି ନାଗେନ୍ତେ ହାଜାର ସିପାଇକଆଃ ଆଗୁଆଇନିଃ ଏଟାଃ ହୁଲାଙ୍ଗ୍ ପାଉଲୁସ୍‌ଆଃ ସିକିଡ଼ି ତନଲ୍‌ତେୟାଃକ ରାଡ଼ାକେଦତେ ମାରାଙ୍ଗ୍ ପାଞ୍ଚେଟ୍ ହବାଅଃ ନାଗେନ୍ତେ ମୁଲ୍ ଯାଜାକ୍‌କକେ ଆରୁକେଦକଆ । ଏନ୍ତେ ଇନିଃ ପାଉଲୁସ୍‌କେ ଇଦିକେଦତେ ଇନ୍‌କୁଆଃ ଆୟାରରେ ତିଙ୍ଗୁକିୟା ।

୨୩

୧ ପାଉଲୁସ୍ ମାରାଙ୍ଗ୍ ପାଞ୍ଚେଟ୍‌ସାଃତେ ମିଦ୍‌ନାଜେରୁରେ ନେଲ୍‌କେଦତେ କାଜିକେଦା, “ହେ ଇସ୍ରାଏଲ୍‌ରେନ୍ ହାଗାକ, ତିସିଙ୍ଗ୍ ଜାକେଦ୍ ଆଇଙ୍ଗ୍ ଆଇୟାଃ ଜୀଦାନ୍‌ରେ ପାର୍‌ମେଶ୍‌ୱାର୍‌କେ ପୁରାଃ ମାଇନ୍‌ତାନ୍‌ଲଃ ଜୀଦାନ୍ ବିତାଅକାଦାଇଙ୍ଗ୍, ଏନ୍ ବିଷାଏରେ ଆଇୟାଃ ବିବେକ୍ ପୁରା ବୁଗିନ୍‌ଗିୟା ।”
୨ ନେ କାଜି ଆୟୁମ୍‌କେଦତେ ମାରାଙ୍ଗ୍ ଯାଜାକ୍ ହନାନିୟ, ପାଉଲୁସ୍‌ଆଃ ଜଆରେ ଚାଟ୍‌କାନ୍ ନାଗେନ୍ତେ ପାଉଲୁସ୍‌ଆଃ ନାଡ଼େଃରେ ତିଙ୍ଗୁଆକାନ୍ ହଡ଼କକେ ଆରୁକେଦକଆ । ୩ *ପାଉଲୁସ୍ ଇନିଃକେ କାଜିକିୟା, “ଏ ପୁଣ୍ଡିଆକାନ୍ ଭିଡ଼* , ପାର୍‌ମେଶ୍‌ୱାର୍ ସାର୍‌ତିଗି ଆମ୍‌କେ ଦାଲ୍‌ମେୟାଁ । ଆନ୍‌ରୁ ଲେକାତେ ଆଇୟାଃ ବିଚାର୍ ନାଗେନ୍ତେ ଆମ୍ ଏନ୍ତାଃରେ ଦୁବାକାନାମ୍, ଏନ୍‌ରେୟ ଆଇଙ୍ଗ୍‌କେ ଦାଲ୍ ନାଙ୍ଗ୍ ଆରୁକେଦତେ ଆମ୍ ଆନ୍‌ରୁମ୍ ଚଟାଃତାନା ।”

୪ ପାଉଲୁସ୍‌ଆଃ ନାଡ଼େଃରେ ତାଇକାନ୍ ହଡ଼କ ଇନିଃକେ କାଜିକିୟାକ, “ଆମ୍ ପାର୍‌ମେଶ୍‌ୱାର୍‌ଆଃ ମାରାଙ୍ଗ୍ ଯାଜାକ୍‌କେମ୍ ଲାୟାଇତାନା ।”

୫ ପାଉଲୁସ୍ କାଜିରୁହାଡ଼କେଦକଆଏ, “ହେ ଇସ୍ରାଏଲ୍‌ରେନ୍ ହାଗାକ, ଇନିଃ ମାରାଙ୍ଗ୍ ଯାଜାକ୍ ତାନିଃ ମେନ୍ତେ ଆଇଙ୍ଗ୍ କାଇଙ୍ଗ୍ ସାରିକାଦ୍ ତାଇକେନା । ଧାରାମ୍‌ପୁଅରେ ଅଲ୍‌କାନା, ଆପେ ଆପେୟାଃ ହଡ଼କଆଃ ହାକିମ୍‌ଆଃ ବିଷାଏରେ ଏଡ଼କାନାଃ ଆଲପେ କାଜିୟା ।”

୬ *ଯିହୁଦୀ ହଡ଼କଆଃ ଝୁଣ୍ଡ୍‌ରେ ତିମିନ୍ ଫାରୁଶୀ ଆତଃ ତିମିନ୍ ସାଦୁକି ହଡ଼କ ମେନାକତେୟାଃ ନେଲ୍‌କେଦତେ ପାଉଲୁସ୍ ମାରାଙ୍ଗ୍ ପାଞ୍ଚେଟ୍‌ରେ କାଉରିକେଦତେ କାଜିକେଦା, “ହେ ଇସ୍ରାଏଲ୍‌ରେନ୍ ହାଗାକ, ଆଇଙ୍ଗ୍ ଫାରୁଶୀ ତାନିଙ୍ଗ୍ ଆତଃ ଫାରୁଶୀ କିଲିରେଇଙ୍ଗ୍ ଜାନାମ୍ କାନା । ଆତଃ ଗଜାକାନ୍‌କଆଃ ଜାଉବିନିରିଦ୍ ମେନାଃ ମେନ୍ତେ ଭାର୍‌ସାକାଦ୍ ହରାତେ ନେତାଃରେ ଆଇୟାଃ ବିଚାର୍ ହବାଅଃତାନା ।”

୭ ନେ କାଜି କାଜିକେଦ୍‌ଟି ଇମ୍‌ତାଗି, ଫାରୁଶୀକଆଃ ଆତଃ ସାଦୁକିକଆଃ ଆଲାରେ କାପ୍‌ଜି ଏଟେଦ୍‌ୟାନା, ଏନ୍ତେ ଇନ୍‌କୁଆଃ ଝୁଣ୍ଡ୍ ବିପିଙ୍ଗାୟାନା । ୮ *ତିଆଃତି ସାଦୁକିକ ଗଜାକାନ୍‌କଆଃ ଜାଉବିନିରିଦ୍ ବାନଃଆ ଆତଃ ଦୁଁଡ଼କ, ଆତଃ ଆମ୍ ବାଙ୍ଗ୍‌କଆ ମେନ୍ତେକ କାଜିୟାଃ, ମେନ୍‌ଦ ଫାରୁଶୀକ ନେ ଆପିୟାତେୟାଃରେକ ବିଶ୍ୱାସାଃ । ୯ ଇନ୍‌କୁଆଃ ଆଲାରେ ପୁରାଃଗି କାପ୍‌ଜି ହବାୟାନା ଆତଃ ଫାରୁଶୀକଆଃ ଝୁଣ୍ଡ୍‌ରେନ୍ ତିମିନ୍ ଆଇନ୍ ଇଡୁକ ତିଙ୍ଗୁୟାନ୍‌ଲଃ କେଟେୟାନ୍‌ଗି କାଜିକଟଙ୍ଗ୍‌କେଦତେ କାଜିକେଦାକ, “ଆଲେ ନେ ହଡ଼ତାଃରେ ଜେତାନ୍ ଗୁଣ୍ଡାଁ କାଲେ ନାମେତାନା, ହବାସାକାଅଆଃ ଜାରୁଡ଼୍‌ଗି ଇନିଃଲଃ ମିଆଁଦ୍ ଆମ୍ ଚାଏ ଦୁଁଡ଼ କାଜିକାତେୟାଃଏ ।”

୧୦ କାପ୍‌ଜି ନିମିନାଙ୍ଗ୍ ବରଞ୍ଜାନ୍ ଲେକା ହବାୟାନା ଯେ, ଗାଦେଲ୍ ହଡ଼କ ପାଉଲୁସ୍‌କେ ଟୁକ୍‌ଡା ଟୁକ୍‌ଡା ତାଇୟାକ ମେନ୍ତେ ହାଜାର ସିପାଇକଆଃ ଆଗୁଆଇ ବରକେଦାଏ । ଏନାତେ ଇନିଃ ହାଲାଗୁଲାତାନ୍ ହଡ଼କଆଃ ଆଲାଏତେ ପାଉଲୁସ୍‌କେ ଇଦି ଆତମ୍‌କିୟା ଆତଃ ଇନିଃକେ ଗାଡ଼୍ ଭିତାର୍‌ତେ ଇଦିପେ ମେନ୍ତେ ସିପାଇକକେ ଆରୁକେଦକଆ । ୧୧ ପ୍ରାଭୁ ଏନ୍ ନିଦାରେଗି ପାଉଲୁସ୍‌ତାଃରେ ତିଙ୍ଗୁକେଦତେ କାଜିକେଦା, “ଆଲମ୍ ବରଏୟା, ଆମ୍ ନେତାଃ ଯାରୁଶାଲେମ୍‌ରେ ଆଇୟାଃ ନାଗେନ୍ତେ ଗାଞ୍ଜାମ୍ ଏମାକାଦା । ରୋମ୍‌ରେୟଗି ଆମ୍‌କେ ନେ'ଲେକାଗି ଗାଞ୍ଜା ଏମ୍ ଲାଗାଡିୟାଁ ।”

ପାଉଲୁସ୍‌କେ ଗଗଏଃ ନାଗେନ୍ତେ ରୋଜୋଟ

☆ ୨୩:୩ ୨୩:୩ ମାଥୁଉ ୨୩:୨୭,୨୮. * ୨୩:୩ ୨୩:୩ କାଥୁ ☆ ୨୩:୭ ୨୩:୭ ପ୍ରେରିତ୍ ୨୭:୫; ଫିଲିପିୟ ୩:୫. ☆ ୨୩:୮ ୨୩:୮ ମାଥୁଉ ୨୨:୨୩; ମାର୍କ ୧୨:୧୮; ଲୁକ ୨୦:୨୭.

୧୬ ଏଗାଃ ହୁଲାଙ୍ଗ୍ ସେତାଃରେ ଚିମିନ୍ ଯିହୁଦୀ ହଡ଼କ ହୁଣ୍ଡିକେଦତେକ ରୋଜୋଟକେଦା । ପାଉଲୁସକେ ଆଉରି ଗଜି ଜାକେଦ୍ ଇନ୍କୁ ଜମ୍ ନୁଁ କାକଆଃ ମେନ୍ତେକ କିରିୟାକେଦା । ୧୭ ବାର୍ହିସିହେତେ ଆଦକା ହଡ଼କ ନେ'ଲେକା ରୋଜୋଟକାଦ୍ ତାଇକେନାକ । ୧୮ ଇନ୍କୁ ସେନ୍କେଦତେ ମୁଲ୍ ଯାଜାକ୍ ଆଡ଼ଃ ପ୍ରାଚିନକକେ କାଜିକେଦକଆକ, “ପାଉଲୁସକେ ଆଉରି ଗଜି ଜାକେଦ୍ ଜେଡ଼ନାଃ କାଲେ ଜମେୟାଁ ମେନ୍ତେ ଆଲେ କିରିୟାକାଦାଲେ । ୧୯ ଏନାତେ ଆପେ ବେଦାତାନୁଲଃ ଇନିୟାଃ ବିଷାଏରେ ପୁରାଃ ଠାଉକାଲେକା ସାରି ସାନାଙ୍ଗତାନାଲେ ମେନ୍ତେ ଇନିଃକେ ଆପେତାଃତେ ଆଉ ନାଗେନ୍ତେ ନାହାଁଃ ମାରାଙ୍ଗ୍ ପାଞ୍ଚେଟ୍ଲଃ ହାଜାର୍ ସିପାଇକଆଃ ଆଗୁଆଇତାଃତେ କାଜି କୁଲେପେ । ମେନ୍ଦ୍ ଇନିଃ ଆପେତାଃତେ ହିଜୁଃ ସିଦାରେ ଆଲେ ଇନିଃକେ ହରାରେ ଗଜି ନାଗେନ୍ତେ ସେକାଡ଼ାକାନୁଗି ତାଇନାଲେ ।”

୧୭ ମେନ୍ଦ୍ ପାଉଲୁସଆଃ ମିଶିତେୟାଃ ହନ୍ ଇନ୍କୁଆଃ ରୋଜୋଟ କାଜି ଆୟୁମ୍ କେଦତେ ଗାଡ଼୍ ଭିତାର୍ ସେନ୍କେଦତେ ପାଉଲୁସକେ ଉଦୁବକିୟା । ୧୮ ଏନ୍ତେ ପାଉଲୁସ୍ ମିଦ୍‌ଶାଅ ସିପାଇକଆଃ ଆଗୁଆଇକଏତେ ମିହୁଡ଼କେ କେଡ଼ାକେଦତେ କାଜିକିୟା, “ନେ ସେପେଡ଼େଦକେ ହାଜାର୍ ସିପାଇକଆଃ ମାରାଙ୍ଗ୍‌ନିଃତାଃତେ ଇଦିମେ, ଚିଆଃଚି ଇନିଃ ଚିନାଃ ମିଆଁଦ୍ କାଜି ସାନାଙ୍ଗତାନାଏ ।” ୧୯ ମିଦ୍‌ଶାଅ ସିପାଇକଆଃ ଆଗୁଆଇ ଇନିଃକେ ହାଜାର୍ ସିପାଇକଆଃ ଆଗୁଆଇତାଃତେ ଇଦିକେଦତେ କାଜିକିୟା, “ତଲାକାନ୍ ପାଉଲୁସ୍ ଆଇଙ୍ଗକେ କେଡ଼ାକେଦତେ ନେ ସେପେଡ଼େଦକେ ଆବେନ୍ତାଃତେ ଆଉ ନାଗେନ୍ତେ କାଜିକେଦିୟାଁ, ଚିଆଃଚି ଇନିଃ ଆବେନ୍କେ ଚିନାଃ ମିଆଁଦ୍ କାଜି ସାନାଙ୍ଗତାନାଏ ।”

୧୯ ହାଜାର୍ ସିପାଇକଆଃ ଆଗୁଆଇ ଇନିୟାଃ ଡିଃଇ ସାବ୍‌କେଦତେ ଗେନାତେ ଇଦିକିୟାଏ ଆଡ଼ଃ କୁଲିକିୟାଏ, “ଆଇଙ୍ଗକେ ଚିନାଃ କାଜିରାଃ ମେନାଃ, କାଜିମେ ?”

୨୦ ଏନ୍ତେ ଇନିଃ କାଜିକେଦାଏ, “ଯିହୁଦୀ ଆକ୍‌ତେୟାର୍ ହଡ଼କ ରୋଜୋଟକାଦାକ ଯେ, ପାଉଲୁସଆଃ ବିଷାଏରେ ପୁରାଃ ଠାଉକାଲେକା ସାରି ନାଗେନ୍ତେ ସାନାଙ୍ଗତାନାକ ମେନ୍ତେ ବେଦାକେଦତେ, ପାଉଲୁସକେ ଗାପା ମାରାଙ୍ଗ୍ ପାଞ୍ଚେଟ୍‌ତେ ଇଦି ନାଗେନ୍ତେ ଆବେନ୍‌କେକ କାଜିବେନା । ୨୧ ମେନ୍ଦ୍ ଆବେନ୍ ଇନ୍କୁଆଃ କାଜି ଆଲବେନ୍ ଆୟୁମେୟା, ଚିଆଃଚି ବାର୍ହିସିହେତେ ଆଦକା ହଡ଼କ ଇନିଃକେ ଆଉରି ଗଜି ଜାକେଦ୍ କାଲେ ଜମେୟାଁ ମେନ୍ତେ କିରିୟାକାଦାକ ଆଡ଼ଃ ଉକୁକେଦତେ ଇନିୟାଃ ନେଲ୍‌ହରାତାନାକ । ନାହାଁଃ ଇନ୍କୁ ଆବେନାଃ କାଜି ଆୟୁମ୍ ନାଙ୍ଗକ ତାଙ୍ଗିତାନା ।”

୨୨ ହାଜାର୍ ସିପାଇକଆଃ ଆଗୁଆଇ “ଆମ୍ ଆଇଙ୍ଗକେ ନେ କାଜିମ୍ ଉଦୁବକାଦିୟାଁ ଏନା ଜେତାଏକେ ଆଲମ୍ କାଜିକଆ ।” ମେନ୍ତେ କାଜିକେଦତେ ଇନିଃକେ କୁଲିକିୟା ।

ପାଉଲୁସ୍ କାଇସାର୍‌ତାଃତେ କୁଲ୍‌ୟାନା

୨୩ ଏନ୍ତେ ହାଜାର୍ ସିପାଇକଆଃ ଆଗୁଆଇ ଆୟାଃ ମିଦ୍‌ଶାଅ ସିପାଇକଆଃ ଆଗୁଆଇ, ବାର୍‌ହଡ଼କିନ୍‌କେ କେଡ଼ାକେଦତେ କାଜିକେଦକିନା, “ତିସିଙ୍ଗିନିଦା ନାଅ ଘାଡ଼ିକରେ କାଇସରିୟା ସାହାର୍‌ତେ ସେନଃ ନାଙ୍ଗ୍ ଗେଲ୍‌ହିସି ସିପାଇକଲଃ ସାଦମ୍‌ରେ ସେନ୍‌ତାନ୍ ଆପିହିସି ଗେଲ୍ ସିପାଇକକେ ଆଡ଼ଃ ଗେଲ୍‌ହିସି ବାଛାଁ ସାବାକାଦ୍ ସିପାଇକକେ ସେକାଡ଼କବେନ୍ । ୨୪ ଆବେନ୍ ପାଉଲୁସ୍ ନାଗେନ୍ତେ ସାଦମ୍ ଜଗାଡ଼କବେନ୍ ଜେ'ଲେକା ଇନ୍କୁ ପାଉଲୁସକେ ସାଦମ୍‌ରେ ଦୁବ୍‌କେଦତେ ଲାଟ୍‌ସାହେବ୍ ଫେଲିକ୍‌ସ୍‌ତାଃତେ ବୁଗିଲେକାକ ଇଦିସେଟେର୍ ଦାଡ଼ିୟା ।” ୨୫ ଏନ୍ତେ ହାଜାର୍ ସିପାଇକଆଃ ଆଗୁଆଇ ନେ'ଲେକା ମିଆଁଦ୍ ଚିଟାଉ ଅଲ୍‌କେଦାଏ ।

୨୬ “ପୁରାଃ ମାଇନାନ୍ ଲାଟ୍‌ସାହେବ୍ ଫେଲିକ୍‌ସ୍‌କେ କ୍ଲାଉଦିଆ ଲୁସିୟସ୍‌ଆଃ ଜହାର୍ । ୨୭ ଯିହୁଦୀ ହଡ଼କ ନେ ହଡ଼କେ ସାବ୍‌କେଦତେ ଗଗଏଃ ନାଙ୍ଗକ ସାନାଙ୍ଗ୍ ତାଇକେନା । ଇନିଃ ମିଆଁଦ୍ ରୋମିରେନ୍ ହଡ଼ ତାନିଃ ମେନ୍ତେ ସାରିକେଦତେ ଆଇଙ୍ଗ୍ ଆଇୟାଃ ସିପାଇକଲଃ ସେନ୍‌କେଦତେ ଇନିଃକେଇଙ୍ଗ୍ ବାଟାଅକିୟା । ୨୮ ଇନ୍କୁଆଃ ବିରୁଧ୍‌ରେ ଇନିଃ ଚିନାଃ ଗୁଣ୍ଡାକାଦାଏ, ଏନା ସାରି ନାଗେନ୍ତେ ଆଇଙ୍ଗ୍ ଇନିଃକେ ଇନ୍କୁଆଃ ମାରାଙ୍ଗ୍ ପାଞ୍ଚେଟ୍‌ତେଇଙ୍ଗ୍ ଇଦିକିୟା । ୨୯ ମେନ୍ଦ୍ ଇନିଃ ଗନଏଃ ଚାଏ ଜେହେଲ୍‌ରେ ସାଜାଇ ନାମେ ଲେକା ଜେତାନ୍ କାମି କାଏ କାମିକାଦା ମେନ୍ତେ ଆଇଙ୍ଗ୍ ସାରିକେଦାଇଙ୍ଗ୍ । ଆଡ଼ଃ ଆୟାଃ ବିରୁଧ୍‌ରେ ହବାକାନ୍ ଗୁଣ୍ଡାଁ କାଜି ଆକଆଃ ଆନ୍‌ତୁ ବିରୁଧ୍ ବିଷାଏରେ ହବାକାନା । ୩୦ ଆଡ଼ଃ ଇନିୟାଃ ବିରୁଧ୍‌ରେ ମିଆଁଦ୍ ରୋଜୋଟ୍ ହବାକାନା ମେନ୍ତେ ସାରିକେଦତେ ଆଇଙ୍ଗ୍ ଇମ୍‌ତାଗି ଇନିଃକେ ଆବେନ୍‌ତାଃତେ କୁଲ୍ ନାଗେନ୍ତେଇଙ୍ଗ୍ ଉହାଟ୍‌କେଦା । ଆୟାଃ ବିରୁଧ୍‌ରେୟାଃ ଗୁଣ୍ଡାକକେ ଆବେନାଃ ଆୟାର୍‌ରେ ଦହ ନାଗେନ୍ତେ ଆଇଙ୍ଗ୍ ଆୟାଃ ବିରୁଧ୍‌ରେ କାଜିତାନ୍ ହଡ଼କକେଇଙ୍ଗ୍ କାଜିକାଦକଆ ।”

୩୧ ସିପାଇକ ଇନିଃ ଆତୁକାଦ୍ ଲେକାଗି ପାଉଲୁସକେ ଏନ୍ ନିଦାରେଗି ଆକ୍ତିପାତ୍ରି ନାଗାର୍‌ତେକ ଇଦିକିୟା । ୩୨ ଏଗାଃ ହୁଲାଙ୍ଗ୍ ସେସେନ୍‌ତେ ସେନ୍‌ତାନ୍ ସିପାଇକ ଆଡ଼ଃ ସାଦମ୍‌ରେ ଦୁବ୍‌କେଦତେ ସେନ୍‌ତାନ୍ ସିପାଇକ ଇନିଃକେ ସେନ୍ ନାଗେନ୍ତେ ଗାଡ଼୍‌ତେକ ରୁହାଡ଼୍‌ୟାନା । ୩୩ ଇନ୍କୁ ପାଉଲୁସକେ

† ୨୩:୨୩ ୨୩:୨୩ ଦୁଇଶାଅ

କାଈସରିୟାତେକ ଇଦିକିୟା, ଆତଃ ଏନ୍ତାଃରେ ଇନ୍କୁ ହାଜାର୍ ସିପାଇକଆଃ ଆଗୁଆଇଆଃ ଅନଲ୍ ଚିଟାଉଲଃ ପାଉଲୁସ୍‌କେୟ ଲାଟ୍‌ସାହେବ୍‌ଆଃ ତିଃଇରେକ ଜିମାକିୟା । ୩୪ ଲାଟ୍‌ସାହେବ୍ ଏନ୍ ଅନଲ୍ ଚିଟାଉ ପାଢାଅକେଦ୍‌ତେ ପାଉଲୁସ୍‌କେ ଅକ ପାରଗାନ୍‌ହେତେ ହିନ୍ଦୁଃକାନାମ୍ ମେନ୍ତେ କୁଲିକିୟା । ପାଉଲୁସ୍ କିଲିକିଆ ପାରଗାନ୍‌ରେନ୍ ତାନିଃ ମେନ୍ତେ ସାରିକେଦ୍‌ତେ, ୩୫ ଇନିଃ କାଜିକିୟାଏ, “ଆମ୍‌କେ ଚିଟାମେତାନ୍ ହଡକ ସେଟେରୟାନ୍ ତାୟମ୍‌ତେ ଆଇଙ୍ଗ୍ ଆମାଃ ବିଷାଏରେଇଙ୍ଗ୍ ଆୟୁମେୟା ।” ଏନ୍ତେ ପାଉଲୁସ୍‌କେ ହେରୋଦ୍ ରାଜାରାଃ ମାହାଲ୍‌ଲଃ ତାଇକାନ୍ ମିଆଁଦ୍ କୁଠାରେ ଦହ ନାଗେନ୍ତେ ଆରୁକେଦକିଆ ।

୨୪

ପାଉଲୁସ୍‌ଆଃ ବିରୁଧ୍‌ରେ ଚିଟାକାଜି

୧ ମଣେଁ ମାହାଁ ତାୟମ୍‌ତେ ମାରାଙ୍ଗ୍ ଯାଜାକ୍ ହନାନିୟ, ଚିମିନ୍ ଯିହୁଦୀ ପ୍ରାଚିନ୍‌କକେ ଆତଃ ତର୍ତ୍ତୁଲ୍‌ସ୍ ନୁତୁମ୍ ମିଆଁଦ୍ ଓକିଲ୍‌ଲଃ କାଈସରିୟାତେକ ସେନଃୟାନା । ଇନ୍କୁ ଲାଟ୍‌ସାହେବ୍ ଫେଲିକ୍‌ସ୍‌ଆଃ ଆୟାର୍‌ରେ ପାଉଲୁସ୍‌ଆଃ ବିରୁଧ୍‌ରେ ଚିଟାନ୍‌କାଜିକ ଉଦୁବ୍‌କେଦା । ୨ ଏନ୍ତେ ପାଉଲୁସ୍‌କେ ଏନ୍ତାଃତେକ ଆଉକିୟା ଆତଃ ତର୍ତ୍ତୁଲ୍‌ସ୍ ମିମିଆଦ୍‌ତେ ଇନିୟାଃ ଚିଟାନ୍‌କାଜିକ ଉଦୁବ୍‌କେଦା, “ଏ ପୁରାଃ ମାଇନାନ୍‌ନିଃ, ଆବେନାଃ ସେଣାଁନ୍ ଆଗୁଆଇ ହରାତେ ଆଲେ ପୁରାଃ ଦିପିଲି ଜାକେଦ୍ ସୁକୁଜୀତତେଲେ ତାଇନ୍‌ତାନା, ଆତଃ ଆଲେୟାଃ ଦିଶୁମ୍‌ରେୟାଃ ବୁଗିନାଃ ନାଗେନ୍ତେ ପୁରାଃ ବୁଗିନ୍ କାମିକ କାମିକାନା । ୩ ସବେନ୍ ଠାୟାଦ୍‌ତାଃରେ ଆତଃ ସବେନ୍ ଦିପିଲିରେ ଆଲେ ନେଆଁକେଲେ ଦାରମେତାନା, ଆତଃ ଆବେନାଃ ଧାନ୍ୟାବାଦ୍‌ଲେ ପାହାମେତାନା । ୪ ଆଇଙ୍ଗ୍ ଆବେନାଃ ଆଦକା ନେତା ଇଦି ନାଗେନ୍ତେ କାଈଙ୍ଗ୍ ସାନାଙ୍ଗ୍‌ତାନା, ଏନାତେ ଆବେନ୍ ଦାୟାକେଦ୍‌ତେ ଆଇଁୟାଃ କାଟିଃଲେକା କାଜି ଆୟୁମେବେନ୍ ମେନ୍ତେଇଙ୍ଗ୍ ବିକ୍ତିତାନା । ୫ ନେ ହଡଦ୍ ପୁରାଃ ବରଂଧାନ୍ ହାଲାଗୁଲ୍‌ଲା ରିକାଏ ଲେକାନ୍‌ନିଃ ତାନିଃ ମେନ୍ତେଲେ ଆଟ୍‌କାରିତାନା, ଇନିଃ ଅତେଦିଶୁମ୍‌ରେୟାଃ ସବେନ୍‌ସାଃ ସେନ୍‌କେଦ୍‌ତେ ଯିହୁଦୀ ଆଲାରେ ହାଲାଗୁଲ୍‌ଲାଏ ତାନା ଆତଃ ଇନିଃ ନାଜ୍‌ରେଡ୍ ଝୁଣ୍ଡ୍‌ରେନ୍ ମିଆଁଦ୍ ଆଗୁଆଇ ତାନିଃ । ୬ ଇନିଃ ମାହିର୍ ଅଡ଼ାଃକେ ସଡ଼ରାଏ ନାଙ୍ଗ୍ ଚେଷ୍ଟା ତାଇକେନ୍ ଇମ୍‌ତା ଆଲେ ଇନିଃକେଲେ ସାଦ୍‌କିୟା । ୭ ମେନ୍‌ଦ୍ ହାଜାର୍ ସିପାଇକଆଃ ଆଗୁଆଇ ଲୁସିୟସ୍ ହିନ୍ଦୁଃକେଦ୍‌ତେ ପାଉଲୁସ୍‌କେ ପୁରାଃ ପେଡେଃଲଃ ଆଲେତାଃଏତେ ଇଦିକିୟା ।* ୮ ଆଲେ ଇନିୟାଃ ବିରୁଧ୍‌ରେ ଅକନ୍ ଚିଟାନ୍‌କାଜିକ କାଜିକାଦାଲେ, ଏନା ଆବେନ୍‌ଗି ନେ ହଡକେ କୁଲିକେଦ୍‌ତେ ସାରି ଦାଡ଼ିୟାଃବେନ୍ ।” ୯ ଯିହୁଦୀ ହଡକହଗି ନେ ଚିଟାନ୍‌କାଜିରେ ମେସାକେଦ୍‌ତେ ନେ ସବେନ୍ କାଜିକ ସାର୍‌ତିତାନାଃ ମେନ୍ତେକ କାଜିକେଦା ।

ଫେଲିକ୍‌ସ୍‌ଆଃ ଆୟାର୍‌ରେ ପାଉଲୁସ୍

୧୦ ଲାଟ୍‌ସାହେବ୍ ପାଉଲୁସ୍‌କେ କାଜି ନାଗେନ୍ତେ ଇସାରାକିୟା, ଆତଃ ପାଉଲୁସ୍ କାଜିକେଦାଏ, “ଆଇଙ୍ଗ୍ ସାରି ତାନାଈଙ୍ଗ୍, ପୁରାଃ ବାରାଷ୍‌ହେତେ ଆବେନ୍ ନେ ଯିହୁଦୀ ହଡକଆଃ ବିଚାର୍‌ନିଃ ହବାକାନାବେନ୍, ଏନାତେ ଆବେନାଃ ଆୟାର୍‌ରେ ଆଇଙ୍ଗ୍ ଆପ୍‌ନାଃ ବାସ୍ତାଅଃକାଜି କାଜି ନାଗେନ୍ତେଇଙ୍ଗ୍ ରାସକା କାନା । ୧୧ ଆବେନ୍ ଆବେନ୍‌ଗି ସାରି ଦାଡ଼ିୟାଃବେନ୍ ଯେ, ଗେଲ୍‌ବାର୍ ହୁଲାଙ୍ଗ୍‌ଏତେ ଆଦକା କା ହବାଅଃଆ ଆଇଙ୍ଗ୍ ଯୀରୁଶାଲେମ୍‌ତେ ସେଝା ନାଗେନ୍ତେଇଙ୍ଗ୍ ସେନାକାନ୍ ତାଇକେନା । ୧୨ ଯିହୁଦୀ ହଡକ ଆଇଙ୍ଗ୍‌କେ ମାହିର୍ ଅଡ଼ାଃରେ ଜେତାଏଲଃ କାପ୍‌ଜିତାନ୍ କାକ ନେଲାକାଦିୟାଁ ଚାଏ ସାମାଜ୍ ଅଡ଼ାଃରେ ଚାଏ ନାଗାର୍‌ରେୟାଃ ଏଟାଃ ଜେତାନ୍ ଠାୟାଦ୍‌ରେ ହଡକକେ ଏଡକାନ୍ କାମିରେ ଉସ୍‌କୁର୍ ନାଙ୍ଗ୍ କାକ ନେଲାକାଦିୟାଁ । ୧୩ ଏନାତେ ଆଇଁୟାଃ ବିରୁଧ୍‌ରେ ନାହାଁଃ ଆଉଝାକାନ୍ ଚିଟାନ୍‌କାଜିକ ନାଗେନ୍ତେ ଇନ୍କୁ କାକ ଉଦୁବ୍ ଦାଡ଼ିୟା । ୧୪ ଆଇଙ୍ଗ୍ ଆବେନ୍‌ତାଃରେ ମାନାତିଙ୍ଗ୍ ତାନାଈଙ୍ଗ୍ ଯେ ଅକ ହରାକେ ଇନ୍କୁ ହସଡ୍ ମେନ୍ତେକ କାଜିତାନା, ଏନ୍ ହରାକେ ଅତଙ୍ଗ୍‌କେଦ୍‌ତେ ଆଇଙ୍ଗ୍ ଆବୁଆଃ ପୁରଂଶା ହାଡାମ୍‌କଆଃ ପାରମେଶ୍‌ବାର୍‌କେଇଙ୍ଗ୍ ସେଝାତାନା । ମେନ୍‌ଦ୍ ଆଇଙ୍ଗ୍‌ହଗି ମୁଶା ନାବୀଆଃ ଆନ୍‌ରୁ ଆତଃ ନାବୀକଆଃ ପୁଥ୍‌ରେ ଅଲ୍‌କାନ୍ ସବେନ୍ ବିଷାଏ ବିଶ୍ୱାସ୍‌ତାନାଈଙ୍ଗ୍ । ୧୫ ନେ ହଡକଆଃ ଲେକାଗି ପାରମେଶ୍‌ବାର୍‌ତାଃରେ ଆଇଁୟାଃ ମିଆଁଦ୍ ଆସ୍ତା ମେନାଃ ଚି, ଧାର୍‌ମାନ୍ ଆତଃ ଏଡକାନ୍ ସବେନ୍ ହଡକଆଃ ଗନଏଃହେତେ ଜୀଉବିନିରିଦ୍ ମେନାଃ । ୧୬ ଏନାତେ ପାରମେଶ୍‌ବାର୍ ଆତଃ ହଡକଆଃ ସାମ୍‌ନାଙ୍ଗ୍‌ରେ ନିରାଲ୍ ବିବେକ୍ ଲେକାତେ ଚାଇଲ୍ ଚାଲାନ୍ ରିକା ନାଙ୍ଗ୍ ଆଇଙ୍ଗ୍ ସବେନ୍ ଇମ୍‌ତାଈଙ୍ଗ୍ ସାନାଙ୍ଗ୍‌ତାନା ।

୧୭ * “ପୁରାଃ ସିମାଁହେତେ ଯୀରୁଶାଲେମ୍‌ତାଃଏତେ ସାଜିନ୍‌ରେ ତାଇକେନ୍ ତାୟମ୍‌ତେ, ଆଇଁୟାଃ ଆପ୍‌ନାଃ ହଡକ ନାଗେନ୍ତେ ଚିମିନ୍ ଟାକା ପାଏସା ଇଦି ନାଗେନ୍ତେ ଆତଃ ଦାଣେଁ ରାକାବେ ନାଗେନ୍ତେ ଆଇଙ୍ଗ୍

* ୨୪:୭ 24:7 ନେ ପଦ ଚିମିନ୍ ମାରି ଅନଲ୍‌କରେ ବାନଃଆ * ୨୪:୧୭ ୨୪:୧୭ ପ୍ରେରିତ୍ ୨୧:୧୭-୨୮.

ଏନ୍ତାଠେଇକ୍ ସେନାକାନ୍ ତାଇକେନା । ୧୮ ଆଇକ୍ ଫାରିନ୍ରେୟାଃ ରିତିରିଝାନ୍ ଚୁଣ୍ଡୁ ତାଇକେନ୍ ଇମ୍ତା ଇନ୍କୁ ଆଇକ୍କେ ମାନ୍ଦିର୍ ଅଡ଼ାଠରେକ ନେଲ୍କେଦିୟା । ଇମ୍ତା ଆଇକ୍ଲଃ ଗାଦେଲ୍ ହଡକ କାକ ତାଇକେନା ଚାଏ ହାଲାଗୁଲା କା ହବାଅଃ ତାଇକେନା । ୧୯ ମେନ୍ଦ ଏସିଆ ପାରଗାନ୍ରେନ୍ ଚିମିନ୍ ଯିହୁଦୀ ହଡକ ଏନ୍ତାଠରେକ ତାଇକେନା, ଇନ୍କୁଆଃ ଜେଡୁନାଃ କାଜିରାଃ ତାଇକାନ୍ତେୟାଃ ରେଦ, ଇନ୍କୁ ଆକଗି ଆବେନାଃ ହେପାଦତେ ହିଜୁଃକେଦ୍ତେ ଆଇୟାଃ ବିରୁଧ୍ରେ ଚିଟାନ୍କାଜି କାଜି ଦାଡ଼ିକାତେତେୟାଃକ । ୨୦ ଆଡ଼ଠଗି ଆଇକ୍ ମାରାକ୍ ପାଞ୍ଚେଟ୍ ଆୟାରରେ ତିଜୁକାନ୍ ତାଇକେନାଇକ୍ ଇମ୍ତା, ଆଇକ୍ ଅକ ଏଡକାନ୍ କାମିରେୟାଃ ଗୁଣ୍ଡାରେଇକ୍ ଚିଟାକାନା, ଏନା ନେତାଠରେ ଅକ ହଡକ ମେନାକଆ, ଇନ୍କୁ କାଜିକାକ । ୨୧ ଆଇକ୍ ଇନ୍କୁଆଃ ଆୟାରରେ ତିଜୁକେଦ୍ତେ ମିଆଁଦ୍ କାଜି ଏସକାର୍ କାଜିକାଦ୍ ତାଇକେନାଇକ୍, ଏନା ହବାଅଠତାନା, ‘ଗନଏଃ ହଡକଆଃ ଜାଉବିନିରିଦ୍ ମେନାଃ ମେନ୍ତେ ଆଇକ୍ ବିଶ୍ୱାସ୍ତାନ୍ ହରାତେ ତିସିକ୍ ବିଚାରଠତାନାଇକ୍ ।’ ”

୨୨ ଫେଲିକ୍ସ୍ ନେ ହରା ବିଷାଏରେ ବୁଗିଲେକାତେ ସାରିକାଦ୍ ହରାତେ ଆଡ଼ଠଗି କା ଆୟୁମ୍କେଦ୍ତେ କାଜିକେଦା, “ହାଜାର୍ ସିପାଇକଆଃ ଆଗୁଆଇ ଲୁସିୟସ୍ ସେଟେରାଏ ଇମ୍ତା, ଆଇକ୍ ଆମାଃ ବିଷାଏରେୟାଃ କାଜିକ୍ ଉହାଟେୟା ।” ୨୩ ଇନିଃ ପାଉଲୁସ୍କେ ଜେହେଲ୍ରେ ଦହ ନାକ୍ ମିଦ୍ଗାଅ ସିପାଇକଆଃ ଆଗୁଆଇକେ ଆରୁକିୟା, ମେନ୍ଦ ପାଉଲୁସ୍କେ ସିକିଡିତେ କା ତଲ୍କେଦ୍ତେ ପୁରା ରାଡ଼ାଗି ତାଇକା ଆଡ଼ଠ ଆୟାଃ ଗାଡିକ ନେପେଲ୍ ନାକ୍ ହିଜୁଃରେ ଚାଏ ଆୟାଃ ଲାଗାଡିକ୍ତେୟାଃକ ଜଗାଅରେ, ଏମଇଚିକମ୍ ।

ଫେଲିକ୍ସ୍ ଆଡ଼ଠ ଦୁସିଲା ଆୟାରରେ ପାଉଲୁସ୍

୨୪ ଚିମିନ୍ ହୁଲାକ୍ରାଃ ତାୟମ୍ତେ ଫେଲିକ୍ସ୍ ଆୟାଃ ଯିହୁଦୀ କୁଡ଼ି ଦୁସିଲାଲଃ ହିଜୁଃୟାନାଏ, ଇନିଃ ପାଉଲୁସ୍କେ କେଡାକେଦ୍ତେ ଯୀଶୁ ଖ୍ରୀଷ୍ଟାଠରେ ବିଶ୍ୱାସ୍ ନାକ୍ ଆୟାଃ କାଜି ଆୟୁମ୍କେଦା । ୨୫ ମେନ୍ଦ ଚିମ୍ତା ପାଉଲୁସ୍ ଧାରମାନ୍ ବିଷାଏ, ଆପ୍ନାଃ ମନ୍କେ ଆବର୍ରେ ଦହ ଆଡ଼ଠ ହିଜୁଃତାନ୍ ବିଚାର୍ ହୁଲାକ୍ ବିଷାଏରେ ଜାଗାର୍ ତାଇକେନାଏ, ଫେଲିକ୍ସ୍ ବରୟାନାଏ ଆଡ଼ଠ କାଜିକେଦାଏ, “ଆମ୍ ନାହାଁଃ ସେନଃ ଦାଡ଼ିୟାମ୍ । ସୁୟୋଗ୍ ନାମେରେ, ଆଡ଼ଠମିସା ଆମ୍କେଇକ୍ କେଡାମେୟା ।” ୨୬ ଏନ୍ ନେତାରେ ଇନିଃ ପାଉଲୁସ୍ତାଃଏତେ ଟାକା ପାଏସା ନାମେୟାକ୍ ମେନ୍ତେ ଆସ୍ତାକାଦ୍ ତାଇକେନା, ଏନାମେନ୍ତେ ଇନିଃ ସବେନ୍ ଇମ୍ତା ଇନିଃକେ କେଡା ଆଉକେଦ୍ତେ ଜାଗାର୍ତାନ୍ ତାଇକେନା ।

୨୭ ନେଲେକା ବାର୍ ସିମା ହବାୟାନ୍ ତାୟମ୍ତେ ପୋକ୍ ଯସ୍ ଫେଷ୍ଟସ୍, ଫେଲିକ୍ସ୍ଆଃ ଠାୟାଦ୍ରେ ଲାଟ୍ସାହେର୍ ଲେକାଏ ସାଲାୟାନା । ଫେଲିକ୍ସ୍, ଯିହୁଦୀ ହଡକ ସୁକୁଆଇକ୍କାକ ମେନ୍ତେ ସାନାକ୍କେଦ୍ତେ ପାଉଲୁସ୍କେ କା ରାଡ଼ାକେଦ୍ତେ ଜେହେଲ୍ରେ ବାଗିକିୟା ।

୨୫

କାଇସାର୍ଆଃ ଆୟାରରେ ପାଉଲୁସ୍ଆଃ ବିନ୍ତି

୧ ଫେଷ୍ଟସ୍ ଏନ୍ ପାରଗାନ୍ତେ ସେଟେରୟାନ୍ରାଃ ଆପି ମାହାଁ ତାୟମ୍ତେ କାଇସରିୟାହେତେ ଯୀରୁଶାଲେମ୍ତେ ସେନଃୟାନା । ୨ ଏନ୍ତାଠରେ ମୁଲ୍ ଯାଜାକ୍ ଆଡ଼ଠ ଯିହୁଦୀ ଆଗୁଆଇକ ଆଡ଼ଠମିସା ପାଉଲୁସ୍ଆଃ ବିରୁଧ୍ରେ ଚିଟାନ୍କାଜିକ ଫେଷ୍ଟସ୍ଆଃ ଆୟାରରେ ବିନ୍ତିକେଦାକ । ୩ ପାଉଲୁସ୍କେ ଯୀରୁଶାଲେମ୍ତେ ଆଉ ନାକ୍ ଆରୁକମ୍ ମେନ୍ତେ ଇନ୍କୁ ଫେଷ୍ଟସ୍କେ କାଜିଗହାର୍କିୟାକ, ଚିଆଠି ଇନ୍କୁ ପାଉଲୁସ୍କେ ହରାରେ ଗଗଏଃ ନାକ୍ ରୋଜୋଟକେଦ୍ତେ ଉହାଟକାଦ୍ ତାଇକେନାକ । ୪ ଫେଷ୍ଟସ୍ କାଜିକେଦାଏ, “ପାଉଲୁସ୍କେ କାଇସରିୟାରେୟାଃ ଜେହେଲ୍ରେ ଦହକାନା ଆଡ଼ଠ ଆଇକ୍ ଏନ୍ତାଠତେ ଜାଲ୍ଦିଗିଇକ୍ ସେନ୍ରୁହାଡ଼ା । ୫ ଇନିଃ ଜେଡୁନାଃ ଗୁଣ୍ଡାକାଦ୍ରେଦ, ଆପେୟାଃ ଆଗୁଆଇକ ଆଇୟାଃଲଃ କାଇସରିୟାତେ ସେନ୍କାକ ଆଡ଼ଠ ଇନ୍କୁ ଇନିଃ କା ଠାଉକାନ୍କାମି କାମିକାଦ୍ତେୟାଃ ଉଦୁବେକାକ ।”

୬ ଫେଷ୍ଟସ୍ ଇନ୍କୁଆଃଲଃ ଇରାଲିୟା* ଚାଏ ଗେଲେୟା ମାହାଁଏତେ ଆଦକା କା ତାଇକେଦ୍ତେ କାଇସରିୟାତେ ରୁହାଡ଼ୟାନା । ଏଟାଃ ହୁଲାକ୍ ଇନିଃ ବିଚାର୍ରେୟାଃ କାତାଇରିରେ ଦୁବ୍କେଦ୍ତେ ପାଉଲୁସ୍କେ ଆଉ ନାଗେନ୍ତେ ହୁକୁମ୍କେଦା । ୭ ପାଉଲୁସ୍ ହିଜୁଃୟାନ୍ତି ଯୀରୁଶାଲେମ୍ରେନ୍ ଯିହୁଦୀ ହଡକ ଆୟାଃ ଚାରିୟସାଠରେ ଜୁରୁହୁଣ୍ଡିକେଦ୍ତେ ତିଜୁୟାନାକ ଆଡ଼ଠ ଆୟାଃ ବିରୁଧ୍ରେ ପୁରାଠଗିକ କାଜିକେଦା । ମେନ୍ଦ ଇନ୍କୁ ଏନ୍ କାଜିକେଦ୍ତେୟାଃରାଃ ସାବୁଦ୍ କାକ ଏମ୍ ଦାଡ଼ିକେଦା । ୮ ମେନ୍ଦ ପାଉଲୁସ୍ ଆପ୍ନାଃ ବାଚାଅଃ ରିକା ନାକ୍ କାଜିକେଦାଏ, “ଯିହୁଦୀ ହଡକଆଃ ଆନ୍ରୁ ବିରୁଧ୍ରେ ଚାଏ ମାନ୍ଦିର୍ ଅଡ଼ାଃ ବିରୁଧ୍ରେ ଚାଏ କାଇସାର୍ଆଃ ବିରୁଧ୍ରେ ଜେଡୁନାଃ କାଇକ୍ ଗୁଣ୍ଡାକାଦା ।”

* ୨୪:୨୧ ୨୪:୨୧ ପ୍ରେରିତ୍ ୨୩:୭. * ୨୫:୭ ୨୫:୭ ଆଠ

୯ ଫେନ୍ଦ ଫେଷ୍ଟସ୍ ଯିହୁଦୀ ହତୁକ ସୁକୁଠକାକ ଫେନ୍ତେ ପାଉଲୁସକେ କୁଲିକିୟା, “ଯୀରୁଶାଲେମ୍ତେ ସେନ୍ ନାଜ୍ ଆତଃ ଏନ୍ତାଠରେ ଆଇୟାଃ ହେପାଦ୍ରେ ନେ ସବେନ୍ ଗୁହ୍ନା କାଜିକ ବିଚାର୍ ନାଗେନ୍ତେ ଆମ୍ ତିନାଃ ସାନାଜ୍ତାନାମ୍ ?”

୧୦ ପାଉଲୁସ୍ କାଜିକେଦାଏ, “ଆଇଜ୍ କାଇସାର୍ଆଃ ବିଚାର୍ ଠାୟାଦ୍ କାଚାକରିରେ ତିଜ୍ଞୁଆକାନାଇଜ୍ । ନେତାଃରେଗି ଆଇୟାଃ ବିଚାର୍ ହବାଅଃ ଲାଗାତିଜ୍ଞୟାଃ । ଆବେନ୍ ଆବେନ୍ଗି ବୁଗିଲେକା ସାରିତାନାବେନ୍, ଆଇଜ୍ ଯିହୁଦୀ ହତୁକଆଃ ବିରୁଧ୍ରେ ଜେଡ୍ନାଃ କାଇଜ୍ ଅନ୍ୟାୟ । ୧୧ ଆଇଜ୍ ଆନ୍ତୁ ଟଟାଃକେଦ୍ରେ ଗଜେନ୍ ଲେକା ଜେତା ଅନ୍ୟାୟ କାମିଇଜ୍ କାମିକାଦ୍ରେଦ୍, ଏନାଏତେ ବାଞ୍ଛାଅଃ ନାଗେନ୍ତେ କାଇଜ୍ ସାନାଜ୍ତାନା । ଫେନ୍ଦ ଇନ୍କୁ ଆଇୟାଃ ବିରୁଧ୍ରେ ଆଉଝାକାଦ୍ ଟିଟାଅଃକାଜିକରେ ଜେତାନ୍ ସାନାର୍ତି ବାନଃରେଦ୍, ଜେତାଏ ଆଇଜ୍କେ ଇନ୍କୁଆଃ ତିଃକରେ ଜିମା କାଏ ଦାଡ୍ଡିୟା । ଆଇୟାଃ କାଇସାର୍ତାଃରେ ବିଚାର୍ ହବାଅଃକା ଫେନ୍ତେଇଜ୍ କାଜିଗହାର୍ତାନାଃ ।” ୧୨ ଏନ୍ତେ ଫେଷ୍ଟସ୍, ଫାରାଜ୍ ପାଞ୍ଚେଟ୍ରେନ୍ ପାଞ୍ଚକଲଃ ଜାଗାର୍ ଚାବାକେଦ୍ରେ କାଜିରୁହାଡ୍ଡକେଦା, “ଆମ୍ କାଇସାର୍ତାଃରେ କାଜିଗହାର୍କାଦାମ୍, ଏନାଫେନ୍ତେ ଆମ୍ କାଇସାର୍ତାଃତେମ୍ ସେନା ।”

ଆଗ୍ରିପା ଆତଃ ବର୍ନିସ୍ଆଃ ଆୟାର୍ରେ ପାଉଲୁସ୍

୧୩ ଚିମିନ୍ ମାହାଁ ସେନଃୟାନ୍ ତାୟମ୍ତେ ରାଜା ଆଗ୍ରିପା ଆତଃ ବର୍ନିସ୍, ଫେଷ୍ଟସ୍କେ ଦାରମି ନାଗେନ୍ତେ କାଇସରିୟା ପାର୍ଗାନ୍ତେକ ହିଜୁଃୟାନା । ୧୪ ଏନ୍ତାଠରେ ଇନ୍କୁ ଚିମିନ୍ ମାହାଁ ତାଇକେଦ୍ରେ ରାଜା ଫେଷ୍ଟସ୍କେ ପାଉଲୁସ୍ଆଃ ବିଷାଏରେ କାଜିକିୟାକ, “ଫେଲିକ୍ସ୍ ଜେହେଲକାଇ ମିଆଁଦ୍ ହତ୍ ନେତାଃରେ ମିନାଇୟା । ୧୫ ଆତଃ ଆଇଜ୍ ଯୀରୁଶାଲେମ୍ତେ ସେନାକାନ୍ ତାଇକେନାଇଜ୍ ଇମ୍ତା, ଯିହୁଦୀ ମୁଲ୍ ଯାଜାକ୍ ଆତଃ ପ୍ରାଚିନ୍ କଇୟାଃ ବିରୁଧ୍ରେ ଚିମିନ୍ ଚିଟାନ୍କାଜିକ ଆଉକେଦା ଆତଃ ଇନ୍କୁ ଆଇଜ୍କେ ଇନିଃକେ ସାଜାଇ ନାଗେନ୍ତେକ କାଜିକେଦିୟା । ୧୬ ଫେନ୍ଦ ଆଇଜ୍ ଇନ୍କୁକେ କାଜିକେଦ୍କଆଇଜ୍ ଚି, ମିଆଁଦ୍ ଚିଟାକାନ୍ ହତ୍ରେ ବିଚାର୍ରେୟାଃ କାଚାକରିରେ ଆଇଃକ୍ରେ ଚିଟାକାଇ ହତ୍ରେଆଃ ସାମ୍ନାଜ୍ରେ ଆପାନକେ ବାଚାଞ୍ଚେନ୍କାଜି କାଜି ନାଗେନ୍ତେ ସୁଯୋଗ୍ ଏମ୍ ସିଦାରେ ଇନିଃକେ ସାଜାଇ ଏମ୍ ନାଜ୍ ଜିମା ରିକାରେୟାଃ ରୋମିରେନ୍ ହତ୍ରେଆଃ ଆଇନ୍ ନାହାଁଲାଃ । ୧୭ ଇନ୍କୁ ନେତାଃରେ ହିଜୁଃୟାନ୍ ତାୟମ୍ତେ ଆଇଜ୍ ବେଗାର୍ ବିଲାମ୍କେଦ୍ରେ ଏନାରେୟାଃ ଏଟାଃ ହୁଲାଜ୍ କାଚାକରିରେ ଦୁବ୍ୟାନାଇଜ୍ ଆତଃ ପାଉଲୁସ୍କେ ଭିତାର୍ତେ ଆଉ ନାଜ୍ ଆଚୁକେଦ୍କଆଇଜ୍ । ୧୮ ଆଇଃକ୍ରେ ଚିଟାଇତାନ୍ ହତ୍ରେ ଆୟାଃ ବିରୁଧ୍ରେ କାଜି ନାଗେନ୍ତେକ ତିଜ୍ଞୁୟାନା, ଫେନ୍ଦ ଆଇଜ୍ ମନେକାଦ୍ ତାଇକେନ୍ ଲେକା ଚିଟାଅଃରାଃ କାଜି ଆଉୟାକ ଫେନ୍ତେଇଜ୍ ଉଡ୍ଡକାଦ୍ ତାଇକେନା, ଫେନ୍ଦ ଇନ୍କୁ ଏନ୍ ଲେକା କାକ ଦାଡ୍ଡିକେନା । ୧୯ ଇନ୍କୁ ସବେନ୍କ ଆକଆଃ ଧାରାମ୍ ବିଷାଏରେ ଆତଃ ଯୀଶୁ ନୁଡ୍ଡମ୍ ମିଆଁଦ୍ ହତ୍, ଗଜାକାନ୍କଏତେ ଜାଉବିରିଦାକାନାଏ ଫେନ୍ତେ ପାଉଲୁସ୍ କାଜିତାନ୍ ବିଷାଏରେ ଜାଗାର୍ତାନାକ । ୨୦ ଆଇଜ୍ ନେ ସବେନ୍ ବିଷାଏରେ ଆତଃଗି ବୁଗିଲେକା ସାରିନାମ୍ ନାଗେନ୍ତେ ତିନାଃ ରିକା ଲାଗାତିୟା, ଏନା କାଇଜ୍ ଉହାଟ୍ ଦାଡ୍ଡିୟାନ୍ ହରାତେ, ନେ ଚିଟାନ୍କାଜିରେ ବିଚାର୍ ନାଜ୍ ପାଉଲୁସ୍କେ ଯୀରୁଶାଲେମ୍ତେମ୍ ସେନାତି ଫେନ୍ତେଇଜ୍ କୁଲିକିୟା । ୨୧ ଫେନ୍ଦ ପାଉଲୁସ୍, ଆଇଃକ୍ରେ ରୋମିରେନ୍ ହାକିମ୍ ଆଇଜ୍କେ ବିଚାରିଜ୍କା ଫେନ୍ତେ କାଜିଗରଜ୍କେଦା, ଏନାତେ ଆଇଜ୍ ଇନିଃକେ କାଇସାର୍ତାଃତେ ଆଉରି କୁଲି ଜାକେଦ୍ ଜେହେଲ୍ରେ ଦହକେଦ୍ରେ ଦାର୍ଝାନ୍କେ ହର ନାଜ୍ ଆଚୁକାଦ୍କଆଇଜ୍ ।”

୨୨ ଆଗ୍ରିପା ଫେଷ୍ଟସ୍କେ କାଜିକିୟା, “ଆଇଜ୍ଗି ନେ ହତ୍ରେୟାଃ କାଜି ଆୟୁମ୍ ନାଗେନ୍ତେଇଜ୍ ସାନାଜ୍ତାନା ।” ଫେଷ୍ଟସ୍ କାଜିରୁହାଡ୍ଡକିୟାଏ, “ଗାପା ଆବେନ୍ ଇନିୟାଃ କାଜିବେନ୍ ଆୟୁମେୟା ।”

୨୩ ଏନାରେୟାଃ ଏଟାଃ ହୁଲାଜ୍ ଆଗ୍ରିପା ଆତଃ ବର୍ନିସ୍ ପୁରାଃ ଫାରାଜ୍ ପାଞ୍ଚେଟ୍ରେକ ହିଜୁଃୟାନା ଆତଃ ହାଜାର୍ ସିପାଇକଆଃ ଆଗୁଆଇକ ଆତଃ ନାଗାର୍ରେନ୍ ମାପ୍ରାଜ୍ ହତ୍ରେକଲଃ କାଚାକରିତେ ବଲୟାନାକ । ଫେଷ୍ଟସ୍ଆଃ ହୁକୁମ୍ତେ ପାଉଲୁସ୍କେ ଭିତାର୍ତେକ ଆଉକିୟା । ୨୪ ଫେଷ୍ଟସ୍ କାଜିକେଦାଏ, “ରାଜା ଆଗ୍ରିପା ଆତଃ ନେତାଃରେ ଫେନାକ ସବେନ୍ ମାଇନାନ୍ ହତ୍ରେ, ଆପେ ନେଲିତାନ୍ ନେ ହତ୍ରେଆଃ ବିରୁଧ୍ରେ ନେତାଃରେନ୍ ହତ୍ରେ ଆତଃ ଯୀରୁଶାଲେମ୍ରେ ତାଇକ୍ତାନ୍ ଯିହୁଦୀ ହତ୍ରେ ଆଇଜ୍ତାଃତେ ଇନିୟାଃ ଗୁହ୍ନାକାଜିକ ଆଉଝାକାଦା । ଇନିଃ ଜାନିଦ୍ ଆଲକାଏ ତାଇନିଃକା ଫେନ୍ତେ ଇନ୍କୁ ସବେନ୍କ କାଉରିୟାକାଦାକ । ୨୫ ଫେନ୍ଦ ଇନିଃ ଗନ୍ଏଃ ସାଜାଇ ନାଫେଲେକା ଜେତାନ୍ କାମି କାଇଜ୍ ନାମ୍କେଦା । ଇନିଃ ଆଇଃକ୍ରେ ରୋମିରେନ୍ ହାକିମ୍କେ କାଜିଗହାର୍କାଇ ହରାତେ, ଆଇଜ୍ ଇନିଃକେ ରୋମ୍ତେ କୁଲ୍ ନାଜ୍ ଉହାଟ୍କାଦାଇଜ୍ । ୨୬ ଫେନ୍ଦ ଇନିୟାଃ ବିଷାଏରେ ହାକିମ୍ତାଃତେ ଅଲ୍ ନାଜ୍ ଜେଡ୍ନାଃ କାଇଜ୍ ନାଫେତାନା । ଏନାତେ ଆଇଜ୍ ଇନିଃକେ ଆପେତାଃତେ, ବିଶେଷ୍ଟକେଦ୍ରେ ରାଜା ଆଗ୍ରିପା, ଆବେନାଃ ଆୟାର୍ତେଇଜ୍ ଆଉକିୟା, ଜେଲେକାଚି ଇନିୟାଃ ବିଷାଏ ବୁଗିଲେକା କୁଲିକେଦ୍ରେ ଆଇଜ୍ ରୋମିରେନ୍ ହାକିମ୍ତାଃତେ ଜେଡ୍ନାଃଇଜ୍ ଅଲ୍ ଦାଡ୍ଡିୟା । ୨୭ ଚିଆଃଟି ମିଆଁଦ୍

ଜେହେଲକାନନିୟାଃ ବିରୁଧରେ ତାଜକାନ ଚିଟାନ୍କାଜିକ ବୁଗିଲେକା କା ଉଦୁବକେଦ୍ଦେ ଇନିଃକେ ହାକିମ୍ତାଃତେ କୁଲ୍ତେୟାଃ କା ଠାଉକା ଲେକାଈକ୍ ଆଟ୍‌କାରେତାନା ।”

୨୭

ଆଗ୍ରିପା ଆୟାତ୍‌ରେ ପାଉଲୁସ୍

^୧ ଆଗ୍ରିପା ପାଉଲୁସ୍‌କେ କାଜିକିୟା, “ଆମ୍ ନାହାଁଃ ଆମାଃ ସାଃଏତେ ଜେଡ୍‌ନାଃ କାଜି ଦାଡ୍‌ୟାଃମ୍ ।” ପାଉଲୁସ୍ ତିଃଇ ଜିଲିକ୍‌କେଦ୍‌ତେ ଆୟାଃ ଆପ୍‌ନାଃସାଃଏତେ ବାସ୍ତାଅଃ ନାକ୍ କାଜିକେଦାଏ,

^୨ “ହେ ରାଜା ଆଗ୍ରିପା, ଯିହୁଦୀ ହଡକ ଆଇକ୍‌କେ ଚିଟାଈକ୍‌ତାନ ସବେନ୍ କାଜିକ ନାଗେନ୍ତେ ଆଇକ୍ ଡିସିକ୍ ଆବେନାଃ ଆୟାତ୍‌ରେ ଆପ୍‌ନାଃସାଃଏତେ ବାସ୍ତାଅଃ ନାକ୍ କାଜିରେୟାଃ ସୁଯୋଗ୍ ଏମାକାନ ହରାତେ ପୁରାଃଗିଈକ୍ ସୁକୁକାନା । ^୩ ଚିଆଃଚି ଯିହୁଦୀ ହଡକଆଃ ରିଡିରିଖାଜ୍ ଆତଃ ଇନ୍‌କୁଆଃ ଏପ୍‌ରାକ୍ କାଜିକ ଆବେନ୍ ବୁଗିଲେକାବେନ୍ ସାରିକାଦା । ଏନାତେ ବିକ୍ତିବେନ୍ ତାନାଈକ୍, ଆବେନ୍ ଧିରାଜ୍‌ତେ ଆଇୟାଃ କାଜି ଆୟୁମେବେନ୍ ।

^୪ “ମିଦ୍ ସିଚିଆଏତେ ଆଇୟାଃ ଜୀଦାନରେୟାଃ ଚାକଲ୍ ଚାଲାନ ବିଷାଏରେ ସବେନ୍ ଯିହୁଦୀ ହଡକ ସାରିକାଦାକ । ସିଦାତେ ଆଇୟାଃ ଆପ୍‌ନାଃ ଦିଶ୍‌ମରେ ଏନ୍ତେ ଯୀରୁଶାଲେମ୍‌ରେ ଆଇକ୍ ଚିଲ୍‌କା ଜୀଦାନ ବିତାଅକାଦାଈକ୍, ଏନାହ ଇନ୍‌କୁ ସାରିକାଦାକ । ^୫ ଆଇକ୍ ସିଦାଏତେଚି ଫାରୁଶୀ ନୁଡୁମ୍ ଆଲେୟାଃ ଧାରାମ୍‌ରେୟାଃ ସବେନାଃଏତେ କେଟେୟାନ୍ ଝୁଣ୍ଡରେନ୍ ହଡ ତାଇକେନାଈକ୍, ଏନା ଇନ୍‌କୁ ସାରିତାନାକ ଆତଃ ସାନାକ୍ ତାନରେଦ, ଇନ୍‌କୁ ନେ ବିଷାଏରେ ଗାଞ୍ଜା ଏମ୍ ଦାଡ୍‌ୟାଃକ । ^୬ ପାର୍‌ମେଶ୍‌ୱାର୍ ଆଲେୟାଃ ପୁରଖା ହାଡାମ୍‌କକେ ଅକ ବାନାର୍‌ସା ଏମାକାକ ତାଇକେନାଏ, ଏନାରେ ଆଇୟାଃ ଆସ୍ତା ମେନାଃ ହରାତେ ଡିସିକ୍ ଆଇକ୍ ନେତାଃରେ ବିଚାର୍ ହବାଅଃ ନାକ୍ ଡିକ୍‌କାନାଈକ୍ । ^୭ ଆଲେୟାଃ ହଡକଆଃ ଗେଲ୍‌ବାର୍ କିଲିକ ନିଦା ସିକ୍ ପାର୍‌ମେଶ୍‌ୱାର୍‌ଆଃ ସେଞ୍ଜାକେଦ୍‌ତେ ଏନ୍ ମିଆଁଦ୍ ବିଷାଏଚି ନାମେ ନାଗେନ୍ତେକ ଆସ୍ତାକାଦା । ହେ ମାଲନାନ୍ ରାଜା ଆଗ୍ରିପା, ଆଇୟାଃ ଏନ୍ ଆସ୍ତା ହରାତେ ଯିହୁଦୀ ହଡକ ଆଇକ୍‌କେକ ଚିଟାଈକ୍‌ତାନା । ^୮ ପାର୍‌ମେଶ୍‌ୱାର୍ ଗଜାକାନକକେ ଜୀଉବିରିଦ୍‌କଆ, ନେ କାଜି ଚିନାଃମେନ୍ତେ ଆପେୟାଃ ବିଚାର୍‌ରେ କା ପାଡିୟାର୍‌ରଃ ଲେକାପେ ଆଟ୍‌କାରେତାନା ?

^୯ “ନାଜ୍‌ରେଡ୍‌ରେନ୍ ଯୀଶୁଆଃ ନୁଡୁମ୍ ବିରୁଧରେ ଆଇୟାଃ ପୁରାଃଗି କାମି ରିକା ଲାଗାଡିକ୍‌ୟାଃ ମେନ୍ତେକ୍ ଉଡ୍‌ଝୁକାଦ୍ ତାଇକେନା । ^{୧୦} ଯୀରୁଶାଲେମ୍‌ରେ ଆଇକ୍ ଏନ୍‌ଲେକାଗିଈକ୍ ରିକାକେଦା । ମୁଲ୍ ଯାଜାକ୍‌ତାଃଏତେ ଆକ୍‌ତେୟାର୍ ଅନଲ୍ ଆଉକେଦ୍‌ତେ ପାର୍‌ମେଶ୍‌ୱାର୍‌ଆଃ ପୁରାଃ ପାବିତାର୍ ହଡକକେ ଜେହେଲ୍‌ରେ ଦହକେଦ୍‌କଆଇକ୍ ଆତଃ ଇନ୍‌କୁକେ ଗନଏଃ ସାଜାଇ ଏମଃ ଇମ୍‌ତା ଆଇକ୍ ଇନ୍‌କୁଆଃ ବିରୁଧରେ ତାଇକେନାଈକ୍ । ^{୧୧} ପୁରାଃସାଃ ସାମାଜ୍ ଅଡଃକରେ ଆଇକ୍ ଇନ୍‌କୁକେ ସାଜାଇ ଏମାକାଦ୍‌କଆଇକ୍ ଆତଃ ଇନ୍‌କୁ ଯୀଶୁକେ ନିନ୍ଦାକେଦ୍‌ତେ ବିଶ୍ୱାସ୍‌କାଦ୍‌ତେୟାଃକେ ବାଗିପେ ମେନ୍ତେକ୍ କାଜିକତାଇକେନା । ଆଇକ୍ ଇନ୍‌କୁଆଃ ନାଗେନ୍ତେ ନିମିନାକ୍ ଖ୍‌ସ୍‌କାନ୍ ତାଇକେନାଈକ୍ ଯେ, ଇନ୍‌କୁକେ ସାସାଡି ରିକା ନାଗେନ୍ତେ ଏଟାଃଦିଶ୍‌ମ୍‌ରାଃ ନାଗାର୍‌କତେହଚି ସେନାକାନ୍ ତାଇକେନାଈକ୍ ।

ପାଉଲୁସ୍ ଆୟାଃ ମନ୍‌ରୁହାଡ୍ ବିଷାଏରେ କାଜିକେଦା

(ପ୍ରେରିତ୍ ୯:୧-୧୯; ୨୬:୬-୧୬)

^{୧୨} “ନେ ଉକେଶ୍‌ରେ ମୁଲ୍ ଯାଜାକ୍‌ତାଃଏତେ ଆକ୍‌ତେୟାର୍ ଅନଲ୍ ଆତଃ ଆନାରୁ ଆଉକେଦ୍‌ତେ ଆଇକ୍ ଦମାସ୍‌କସ୍‌ତେ ସେନାକାନ୍ ତାଇକେନାଈକ୍ । ^{୧୩} ହେ ମାଲନାନ୍ ରାଜା ଆଗ୍ରିପା, ମୁସିକ୍ ଡିକିନ୍‌ସିକ୍ ଇମ୍‌ତା ସେନ୍ ହରାରେ ଆଇକ୍ ସିକ୍‌ଏତେ ଆଦ୍‌କା ମାର୍‌ସାଲ୍ ନେଲ୍‌କେଦାଈକ୍, ସିମାହେତେ ଏନ୍ ମାର୍‌ସାଲ୍ ହିଜୁଃକେଦ୍‌ତେ ଆଇୟାଃ ଆତଃ ଆଇୟାଃଲଃ ସେନ୍‌ତାନକଆଃ ଚାରିୟସାଃରେ ମାର୍‌ସାଲ୍‌ୟାନା । ^{୧୪} ଆଲେ ସବେନ୍‌କ ଅତେରେଲେ ଉୟୁଃୟାନା ଆତଃ ଏବ୍ରୀ ଜାଗାର୍‌ତେ ଆଇକ୍ ନାଗେନ୍ତେ ନେ ଲାବ୍‌ଜା ଆୟୁମ୍‌କେଦାଈକ୍, ‘ହେ ଶାଉଲ୍, ହେ ଶାଉଲ୍, ଚିନାଃମେନ୍ତେ ଆମ୍ ଆଇକ୍‌କେମ୍ ସିଗିଦିଈକ୍‌ତାନା ? ସିହୁଃତାନ ନାଏହାଲ୍ ଚୁଟିରେ ତାୟୁଃତାନ ପାହାଲ୍‌ରେ ଫାଦାତାନ ଉରିଃକ୍ ଲେକା ଆମ୍ ଆମ୍‌ଗି ଫାଦାଅଃଆ ।’ ^{୧୫} ଆଇକ୍ କୁଲିକେଦାଈକ୍, ‘ପ୍ରାଭୁ ଆବେନ୍ ଅକଏତାନବେନ୍ ?’ ପ୍ରାଭୁ କାଜିରୁହାଡ୍‌କେଦିୟାଏ, ‘ଆଇକ୍ ଏନ୍ ଯୀଶୁ ତାନିକ୍, ଅକଏକେଚି ଆମ୍ ସାସାଡିତାନାମ୍ । ^{୧୬} ମେନ୍‌ଦ୍ ବିରିଦ୍‌କେଦ୍‌ତେ ଡିକ୍‌ମେ, ଆମ୍‌କେ ଆଇୟାଃ ଦାସି ଲେକା ସାଲାମେ ନାଗେନ୍ତେ ଆଇକ୍ ଆମ୍‌ତାଃରେକ୍ ଉଦୁବେନ୍‌ୟାନା । ଡିସିକ୍ ଆଇୟାଃ ବିଷାଏରେ ନେଲ୍‌କାଦ୍‌ତେୟାଃ ଆତଃ ହିଜୁଃ ଦିପିଲିରେ ଆଇକ୍ ଆମ୍‌କେ ଉଦୁବାମେତେୟାଃ, ଏନ୍ ସବେନାଃରାଃ ଗାଞ୍ଜା ଆମ୍ ଏଟାଃକକେମ୍

☆ ୨୬:୫ ୨୬:୫ ପ୍ରେରିତ୍ ୨୩:୬; ଫିଲିପିୟ ୩:୫. ☆ ୨୬:୯ ୨୬:୯ ପ୍ରେରିତ୍ ୮:୩; ୨୨:୪,୫.

କାଜିୟାକଥା । ୧୭ ଆଇଙ୍ଗ୍ ଆମ୍ଭେ ଅକ ଯିହୁଦୀ ଆଡ଼େ ସାଅଁସାର୍ ହଡ଼କତାଃତେ କୁଲ୍‌ମେୟାଁଇଙ୍ଗ୍, ଇନ୍‌କୁତାଃଏତେ ଆଇଙ୍ଗ୍ ଆମ୍ଭେ ବାସ୍ତାଅମେୟାଁଇଙ୍ଗ୍ । ୧୮ ଆମ୍ ଇନ୍‌କୁକେ ସାର୍‌ତିତେୟାଃ ଆର୍‌କାରେ ନାଙ୍ଗ୍ ଆଡ଼େ ହସଡ଼ତେୟାଃକେ କା ବିଶ୍ୱାସେ ନାଙ୍ଗ୍ ଦେଙ୍ଗାକଥାମ୍, ଇନ୍‌କୁକେ ନୁବାଃହେତେ ମାର୍‌ସାଲ୍‌ତେ ଆଡ଼େ ସାଏତାନ୍‌ଆଃ ଆକ୍‌ତେୟାର୍‌ହେତେ ପାର୍‌ମେଶ୍ୱାର୍‌ସାଃତେ ରୁହାଡ଼କ୍‌ଆମେ, ଜେ'ଲେକାତି ଆଇଙ୍ଗ୍‌ତାଃରେ ବିଶ୍ୱାସେ ହରାତେ ଇନ୍‌କୁଆଃ ପାପ୍‌କ ଛାମାଅଃଆ ଆଡ଼େ ପାର୍‌ମେଶ୍ୱାର୍‌ଆଃ ପାବିତାର୍‌କାନ୍ ହଡ଼କ ଆଲାରେ ଇନ୍‌କୁ ଠାୟାଦ୍‌କ ନାମେୟା ।

ପାଉଲୁସ୍ ଆୟାଃ କାମିରାଃ କାଜି ଉଦୁବେତାନା

୧୯ “ଏନାମେନ୍ତେ ହେ ରାଜା ଆଗ୍ରିପା, ଆଇଙ୍ଗ୍ ସିର୍‌ମାଏତେ ଅକ ଦାର୍‌ଶାନ୍ ନାମାକାଦାଇଙ୍ଗ୍ ଏନାକେଇଙ୍ଗ୍ ମାନାତିଙ୍ଗ୍‌କାଦା । ୨୦ ଆଇଙ୍ଗ୍ ସିଦାତେ ଦମାସ୍‌କସ୍, ଯୀରୁଶାଲେମ୍ ଆଡ଼େ ଏନାରେୟାଃ ତାୟମ୍‌ତେ ସବେନ୍ ଯିହୁଦା ପାର୍‌ଗାନ୍‌ରେ ଆଡ଼େ ସାଅଁସାର୍ ହଡ଼କଆଃ ଆଲାରେଇଙ୍ଗ୍ ଉଦୁବ୍‌କେଦା, ଜେ'ଲେକାତି ଇନ୍‌କୁ ପାପ୍ ନାଗେନ୍ତେ ହେୟାତିଙ୍ଗ୍‌ତାନ୍‌ଲଃ ପାର୍‌ମେଶ୍ୱାର୍‌ସାଃତେକ ରୁହାଡ଼ାଃ ଆଡ଼େ ଇନ୍‌କୁ ହେୟାତିଙ୍ଗ୍‌କାଦାକ ମେନ୍ତେ ଏନାକେ କାମିରେକ ଉଦୁବେୟା । ୨୧ ନେଆଁ ନାଗେନ୍ତେ ଆଇଙ୍ଗ୍ ମାନ୍‌ହିର୍ ଅଡ଼ାଃରେ ତାଇକେନ୍ ଇମ୍‌ତା ଯିହୁଦୀ ହଡ଼କ ଆଇଙ୍ଗ୍‌କେ ସାବ୍‌କେଦ୍‌ତେ ଗଗଏଃ ନାଗେନ୍ତେକ ସେକାଡ଼ାକାନ୍ ତାଇକେନା । ୨୨ ମେନ୍‌ଦ ପାର୍‌ମେଶ୍ୱାର୍ ତିସିଙ୍ଗ୍ ଜାକେଦ୍ ଆଇଙ୍ଗ୍‌କେ ଦେଙ୍ଗାକାଦିୟାଁ ଆଡ଼େ ଏନାମେନ୍ତେ ଆଇଙ୍ଗ୍ ତିସିଙ୍ଗ୍ ହୁଡ଼ିଙ୍ଗ୍ ମାରାଙ୍ଗ୍ ସବେନ୍‌କତାଃରେ ଗାଞ୍ଜା ଏମ୍ ନାଗେନ୍ତେଇଙ୍ଗ୍ ତିଙ୍ଗ୍‌ଆକାନା । ନାବୀକ ଆଡ଼େ ମୁଶା, ଅକ୍‌ନାଃ ହବାଅଃଆ ମେନ୍ତେକ କାଜିକାଦ୍ ତାଇକେନା, ଆଇଙ୍ଗ୍ ଏନ୍ କାଜିକେଗିଇଙ୍ଗ୍ କାଜିତାନା । ୨୩ ମାସିକେ ଦୁକୁ ସାହାତିଙ୍ଗ୍ ଲାଗାତିଙ୍ଗ୍‌ୟାଁଃ ଆଡ଼େ ଗଜାକାନ୍‌କଆଃଏତେ ସିଦାତେ ଜୀଉବିରିଦ୍‌ୟାନ୍‌ଲଃ ଯିହୁଦୀ ଆଡ଼େ ସାଅଁସାର୍ ହଡ଼କଆଃ ଆୟାର୍‌ରେ ପାରିତ୍ରାଣ୍‌ରେୟାଃ ମାର୍‌ସାଲ୍ ଉଦୁବେୟାଏ ।”

୨୪ ନେ'ଲେକା ପାଉଲୁସ୍ ଆୟାଃ ଆପ୍‌ନାଃସାଃଏତେ କାଜିତାଇକେନ୍ ଇମ୍‌ତା, ଫେଷ୍ଟସ୍ କାଉରିକେଦ୍‌ତେ କାଜିକେଦା, “ପାଉଲୁସ୍, ଆମ୍ ବାଲୁଅଃ ତାନାମେ ! ଆମାଃ ମାରାଙ୍ଗ୍ ଇନିତୁ ଆମ୍‌କେ ବାଉଡ଼ାକାଦ୍‌ମେୟାଁ !”

୨୫ ପାଉଲୁସ୍ କାଜିରୁହାଡ଼କେଦାଏ, “ଏ ମାଇନାନ୍ ଫେଷ୍ଟସ୍, ଆଇଙ୍ଗ୍ କାଇଙ୍ଗ୍ ବାଏହାକାନା, ଆଇଙ୍ଗ୍ କାଜିତାନ୍‌ତେୟାଃ ସାର୍‌ତିତାନାଃ ଆଡ଼େ ଲାଗାତିଙ୍ଗ୍‌ରାଃ କାଜିଇଙ୍ଗ୍ କାଜିକାଦା । ୨୬ ରାଜା ଆଗ୍ରିପା, ଆବେନ୍ ନେ ସବେନ୍ ବିଷାଏରେ ସାରିକାଦ୍ ହରାତେ ଆଇଙ୍ଗ୍ ଆବେନାଃ ଆୟାର୍‌ରେ ନେ କାଜି କାଜି ନାଗେନ୍ତେଇଙ୍ଗ୍ ସାହାସେତାନା, ଆଇଙ୍ଗ୍ ସାର୍‌ତିଗିଇଙ୍ଗ୍ ସାରିତାନା ଯେ, ନେ ସବେନ୍ ବିଷାଏରେ ଆବେନ୍ ସାରିତାନାବେନ୍, ତିଆଃତି ନେଆଁ କା ସାରି ଠାୟାଦ୍‌ରେ ଉକୁକେଦ୍‌ତେ କା ହବାକାନା । ୨୭ ହେ ରାଜା ଆଗ୍ରିପା, ତିୟାଃ ଆବେନ୍ ନାବୀକକେ ବିଶ୍ୱାସ୍‌ସାଃବେନ୍ ? ଆଇଙ୍ଗ୍ ସାରିତାନାଇଙ୍ଗ୍ ଆବେନ୍ ବିଶ୍ୱାସ୍‌ସାଃବେନ୍ !”

୨୮ ଆଗ୍ରିପା ପାଉଲୁସ୍‌କେ କାଜିକିୟା, “ନେ ହୁଡ଼ିଙ୍ଗ୍ ଘାଡ଼ିରେଗି ଆମ୍ ତିନାଃ ଆଇଙ୍ଗ୍‌କେ ଖ୍ରୀଷ୍ଟିୟାନ୍ ରିକା ଦାଡ଼ିୟାମ୍ ମେନ୍ତେମ୍ ଉଡ଼ଃତାନା ?”

୨୯ ପାଉଲୁସ୍ କାଜିରୁହାଡ଼କିୟାଏ, “କାଟିଃଘାଡ଼ି ହବାଅଃ ଚାଏ ପୁରାଃଘାଡ଼ି, ପାର୍‌ମେଶ୍ୱାର୍‌ତାଃରେ ଆଇଁୟାଃ ନିମିନାଙ୍ଗ୍ ବିଡ଼ିତାନାଃ, ଆବେନ୍ ଆଡ଼େ ତିସିଙ୍ଗ୍ ଆଇଁୟାଃ କାଜି ଆୟୁମ୍‌କାଦ୍ ସବେନ୍‌କ ଆଇଁୟାଃ ଲେକା ହବାଅଃପେ, ମେନ୍‌ଦ ନେ'ଲେକା ସିକିଡ଼ିରେ ତଲଃପେ ମେନ୍ତେ ଆଇଙ୍ଗ୍ କାଇଙ୍ଗ୍ କାଜିତାନା ।”

୩୦ ଏନ୍ତେ ରାଜା, ଲାଟ୍‌ସାହେବ୍, ବର୍‌ନିସ୍ ଆଡ଼େ ଏଟାଃ ସବେନ୍‌କ ବିରିଦ୍‌ୟାନ୍‌ନା, ୩୧ ଆଡ଼େ ସେନଃ ତାଇକେନ୍ ଇମ୍‌ତା ମିହୁଡ଼୍ ଆଡ଼େମିହୁଡ଼କେ କାଜିୟାନ୍‌କା, “ନେ ହଡ଼ ନେ'ଲେକାନ୍ ଜେତାନ୍ କାମି କାଏ କାମିକାଦା, ଅକ୍‌ନାଃ ହରାତେତି ଇନିଃ ଗନ୍‌ଏଃ ଚାଏ ଜେହେଲ୍‌ରେ ସାଜାଇ ନାମେୟାଏ ।”

୩୨ ଆଡ଼େ ଆଗ୍ରିପା ଫେଷ୍ଟସ୍‌କେ କାଜିକିୟା, “ନେ ହଡ଼ କାଇସାର୍‌ତାଃରେ ବିଚାରଃ ନାଗେନ୍ତେ କାଏ କାଜିଗରଙ୍ଗ୍‌କେଦ୍‌ରେଦ୍, ଆବୁ ଇନିଃକେ ଜେହେଲ୍‌ହେତେ ରାଡ଼ା ଦାଡ଼ିକାଇତେୟାଃବୁ ।”

୨୭

ରୋମ୍‌ତେ ପାଉଲୁସ୍‌ଆଃ ଦାଆଃ ଜାହାଜ୍‌ରେ ସେନଃ

୧ ଆଲେ ଦାଆଃ ଜାହାଜ୍‌ରେ ଇଟାଲି ଦିଶୁମ୍‌ତେ ସେନାଲେ ମେନ୍ତେ ଉହାବ୍‌କେଦ୍ ହରାତେ ପାଉଲୁସ୍ ଆଡ଼େ ଏଟାଃ ତିମିନ୍ ଜେହେଲ୍‌କାନ୍‌କ “ମିଦ୍‌ଶାଅ ସିପାଇକଆଃ ଆଗୁଆଇ ଝୁଣ୍ଡୁ” ନୁଡୁମ୍, ମିଆଁଦ୍ ରୋମିରେନ୍ ସିପାଇକଆଃ ଆଗୁଆଇ କୁଲିୟ୍‌ସାଃ ତିଃଇରେ ଜିମାୟାନ୍‌ନା । ୨ ଆଲେ ଏସିଆ ପାର୍‌ଗାନ୍‌ରେୟାଃ ଦରେୟା ଗେନାରେ ଅକ୍‌ତାଃରେଗି ଦାଆଃ ଜାହାଜ୍ ହିଜୁଃ ସେନଃ ଟାପୁକତେ ସେନଃ ନାଙ୍ଗ୍ ସେକାଡ଼ାକାନ୍ ଆଦ୍ରାମିତିୟରାଃ ମିଆଁଦ୍ ଜାହାଜ୍‌ରେ ସେନଃୟାନ୍‌ଲେ । ଆରିସ୍ତାର୍‌ଗି ନୁଡୁମ୍

☆ ୨୭:୨୦ ୨୭:୨୦ ପ୍ରେରିତ୍ ୯:୨୦,୨୮,୨୯. ☆ ୨୭:୨୩ ୨୭:୨୩ ୧ କରିନ୍ଥ୍‌ୟ ୧୫:୨୦.

ଥେସଲନିକା ନାଗାରରେନ୍ ମିହୁଡ଼୍ ମାକିଦନିଆରେନ୍ ହଡ଼ ଆଲେଲଃ ତାଇକେନାଏ । ୩ ଏନାରେୟାଃ ଏଟାଃହୁଲାଙ୍ଗ୍ ଆଲେ ସିଦୋନ୍ ନାଗାର୍ତେଲେ ସେଟେର୍ଯ୍ୟାନା । ଜୁଲିୟସ୍ ପାଉଲୁସ୍କେ ଦାୟାକିୟା ଆତଃ ଇନିଃକେ ଆୟାଃ ଗାତିକଲଃ ନେପେଲ୍କେଦ୍ତେ, ଆୟାଃ ଲାଗାତିଙ୍ଗ୍ତେୟାଃ ସବେନାଃ ଆତ୍ତେ ନାଙ୍ଗ୍ ଆରୁକିୟାଏ । ୪ ଆଲେ ଏନ୍ତାଃଏତେ ସେନଃ ତାଇକେନ୍ ଇମ୍ତା ସାମ୍ନାଙ୍ଗ୍ସାଃଏତେ ହୟକେଦ୍ ହରାତେ ସାଇପ୍ରସ୍ ଟାପୁରେୟାଃ ଗେନା ଗେନାତେଲେ ସେନଃୟାନା । ୫ କିଲିକିଆ ଆତଃ ପାମିଲିଆ ପାରଗାନ୍ ପାରମ୍କେଦ୍ତେ ଲୁକିଆ ପାରଗାନ୍ରେୟାଃ ମୁରା ନାଗାର୍ତେଲେ ହିଜୁଃୟାନା । ୬ ଏନ୍ତାଃରେ ମିଦ୍ଗାଥ ସିପାଇକଆଃ ଆଗୁଆଇ ଆଲେକଜାଣ୍ଡିଆରେୟାଃ ମିଆଁଦ୍ ଦାଆଃ ଜାହାଜ୍ ଇଟାଲିତେ ସେନଃ ନାଙ୍ଗ୍ ସେକାଡ଼ତାନ୍ତେୟାଃ ନେଲ୍କେଦ୍ତେ ଆଲେକେ ଏନାରେ ଦୁବ୍କେଦ୍ଲେୟା ।

୭ ଆଲେ ପୁରାଃମାହ୍ନି ଜାକେଦ୍ ମାଡ଼ି ମାଡ଼ିତେ ସେନଃତାନ୍ଲଃ ତାର୍ସାର୍ କ୍ଲିଦ୍ ସାହାର୍ ନାଡ଼େଡ଼େଲେ ସେଟେର୍ଯ୍ୟାନା । ସାମ୍ନାଙ୍ଗ୍ସାଃଏତେ ହୟ ହିଜୁଃତାନ୍ ହରାତେ ଆଲେ ଏନ୍ସାଃତେ ଆୟାର୍ତେ କାଲେ ସେନ୍ ଦାଡ଼ିୟାନା, ଏନାତେ କ୍ରିଡ଼ ଟାପୁରେୟାଃ ଦାକ୍ଷିଣ୍ଡାଃ ଗେନାରେୟାଃ ପାରଗାନ୍ ହରାତେ ସେନଃକେଦ୍ତେ ସାଲ୍ମୋନି ପାରଗାନ୍କେଲେ ପାରମ୍କେଦା । ୮ ଆଲେ ଦରେୟା ଗେନାତେ ତାର୍ସାର୍ ସେନ୍କେଦ୍ତେ “ସୁଗାଡ଼ାନ୍ ଟାପୁ” ନୁଡ଼ୁମଃତାନ୍ ମିୟାଦ୍ ଠାୟାଦ୍ତାଃଲେ ସେଟେର୍ଯ୍ୟାନା । ଏନା ଲାସିଆ ସାହାର୍ ଜାପାଃରେ ତାଇକେନା ।

୯ ଆଲେ ଏନ୍ତାଃରେ ପୁରାଃମାହ୍ନି ତାଇକେନାଲେ । ଯିହୁଦୀ ହଡ଼କଆଃ କାଟାବ୍ ପାରାବ୍* ଟୁଣ୍ଡୁନ୍ ହରାତେ, ଏନ୍ ଦିପିଲିରେ ଦାଆଃ ଜାହାଜ୍ରେ ସେନ୍ ନାଙ୍ଗ୍ ବରଞ୍ଜାନ୍ରି ହବାୟାନା । ଏନାତେ ପାଉଲୁସ୍ ଇନ୍କୁକେ ନେଲେକାଏ କାଜିୟାଦ୍କଆ, ୧୦ “ହେ ହାଗାକ, ଆଇଙ୍ଗ୍ ସାରି ଦାଡ଼ିତାନାଇଙ୍ଗ୍ ଯେ, ଆବୁ ନେତାଃଏତେ ଆତଃଗି ଦାଆଃ ଜାହାଜ୍ରେ ସେନଃ ଏଟେଜେରେଦ୍ ବରଞ୍ଜାନ୍ରି ହବାଅଥା । ନେଆଁ ହରାତେ ଦାଆଃ ଜାହାଜ୍ ଆତଃ ଏନାରେ ଲାଦିଆକାନ୍ ସାମାନ୍କ ଏସ୍କାର୍ ନକ୍ସାନଃଥା ମେନ୍ତେଦ୍ କାହା ମେନ୍ଦ୍ ସେନ୍ ହରାତାନ୍ ହଡ଼କଆଃ ଜୀଦାନ୍ହଗି ଜିୟନଃଥା ।” ୧୧ ମେନ୍ଦ୍ ମିଦ୍ଗାଥ ସିପାଇକଆଃ ଆଗୁଆଇ ପାଉଲୁସ୍ଆଃ କାଜିକେ କା ଆୟୁମ୍କେଦ୍ତେ, ଦାଆଃ ଜାହାଜ୍ ଚାଲାଅନିୟାଃ ଆତଃ ଗମ୍କେୟାଃ କାଜି ଆୟୁମ୍କେଦାଏ । ୧୨ ରାବାଙ୍ଗ୍ ସାହା ବିତାଅ ନାଗେନ୍ତେ ଏନ୍ ଦାଆଃ ଜାହାଜ୍ ତିଙ୍ଗୁ ଠାୟାଦ୍ ବେଗ୍ କା ତାଇକେନା । ଏନାତେ ଫେନିକ୍ସ୍ ଠାୟାଦ୍ତେ ସେଟେର୍କେଦ୍ତେ ଏନ୍ତାଃରେ ରାବାଙ୍ଗ୍ ସାହା ବିତାଅ ନାଗେନ୍ତେ ଏନ୍ତାଃଏତେ ଦାଆଃ ଜାହାଜ୍ରେ ସେନଃ ନାଙ୍ଗ୍ ପୁରାଃ ହଡ଼କ କାଜିକେଦାକ । ଫେନିକ୍ସ୍ ଦାକ୍ଷିଣ୍ଡା ପାଶ୍ଟିମ୍ ଆତଃ ଉତ୍ତାର୍ ପାଶ୍ଟିମ୍ସାଃତେ ସାମ୍ନାଙ୍ଗ୍କାଦ୍ କ୍ରିଡ଼ରେ ମିଆଁଦ୍ ଦାଆଃ ଜାହାଜ୍ ତିଙ୍ଗୁ ଠାୟାଦ୍ ତାଇକେନା ।

ଦରେୟାରେ ଦୁଦୁଗାର୍ ହୟ

୧୩ ଦାକ୍ଷିଣ୍ଡାଃଏତେ ସୁଆଏତେ† ହୟ ହିଜୁଃୟାନା ଇମ୍ତା, ଦାଆଃ ଜାହାଜ୍ରେ ସେନଃତାନ୍ ହଡ଼କ ଆକଆଃ ଉହାଟ୍କାଦ୍ ଠାୟାଦ୍ତେ ସେନ୍ ଦାଡ଼ିୟାକ ମେନ୍ତେ ଉଡ଼ଃକେଦାକ, ଆତଃ ଇନ୍କୁ ଦାଆଃ ଜାହାଜ୍କେ ତିଙ୍ଗୁକାଦ୍ ହାମ୍ପାଲ୍ ମେଡ଼େଦ୍କେ ଉଠାଅକେଦ୍ତେ ଚିମିନ୍ ସାଜିନ୍ ସେନ୍ ହବାସାକାଆଃ ଲେକା କ୍ରିଡ଼ ଦରେୟା ଗେନା ଗେନାତେକ ସେନଃୟାନା । ୧୪ ମେନ୍ଦ୍ ଇମ୍ତାଙ୍ଗି ଟାପୁସାଃଏତେ ଉତ୍ତାର୍ ପୁରାବ୍ ହୟ ଦୁଦୁଗାର୍ଗି ହିଜୁଃୟାନା, ୧୫ ଆତଃ ଦାଆଃ ଜାହାଜ୍ରେ ଠକ୍ରାଅୟାନା । ଏନ୍ତେ ଦାଆଃ ଜାହାଜ୍କେ ହୟସାଃତେ ସାମ୍ନାଙ୍ଗ୍କେଦ୍ତେ କା ସେନ୍ ଦାଡ଼ିୟାନ୍ ହରାତେ ଆଲେ କାଲେ ଚେଷ୍ଟାକେଦା ଆତଃ ହୟଲଃଗି ଦାଆଃ ଜାହାଜ୍କେ ଆତୁ ନାଙ୍ଗ୍ ବାଗିତାଦାଲେ । ୧୬ ମିଆଁଦ୍ ହୁଡ଼ିଙ୍ଗ୍ ଟାପୁ କ୍ଲାଉଦ୍ରେୟାଃ ଦାକ୍ଷିଣ୍ଡାଃ ହରାତେ ସେନଃ ତାଇକେନ୍ ଇମ୍ତା କାଟିଃଲେକା ଏନ୍ ହୟଏତେ ବାସ୍ଥାଅ ନାମ୍କେଦାଲେ । ଏନ୍ତାଃରେ ଜାଲେକାତେ ଦାଆଃ ଜାହାଜ୍ରେୟାଃ ଲାଉକାକେ ବୁଗିଲେକା ଦହ ଦାଡ଼ିକେନାଲେ । ୧୭ ଲାଉକା ଚାଲାଅ ହଡ଼କ ଲାଉକାକେ ଦାଆଃ ଜାହାଜ୍ ଚେତାନ୍ତେ ଆଇଜ୍ ରାକାବ୍କେଦାକ ଆତଃ ମୋଟା ବାଏହାର୍ଲଃ କେଟେଦ୍କେଦ୍ତେ ଦାଆଃ ଜାହାଜ୍ରେ ତଲ୍କେଦାକ । ଦାଆଃ ଜାହାଜ୍ ଦରେୟା ଖାଲ୍ଗ୍ ଲିବିଆରେୟାଃ ସୁର୍ ନୁଡ଼ୁମ୍ ହୁଣ୍ଡିଆକାନ୍ ଗିତିଲ୍ତେ ସେନଃକେନଃଥା ମେନ୍ତେ ବରତାନ୍ଲଃ ଦାଆଃ ଜାହାଜ୍ ଚାଲାଅତାନ୍ ହଡ଼କ ପାଲ୍କେ ଆଡ଼ଗୁକେଦ୍ତେ ଦାଆଃ ଜାହାଜ୍ ହୟଲଃଗି ଆତୁ ନାଗେନ୍ତେ ବାଗିତାଦାକ । ୧୮ ଦୁଦୁଗାର୍ ହୟ ହୟତାନ୍ ହରାତେ ଏନାରେୟାଃ ଏଟାଃ ହୁଲାଙ୍ଗ୍ ଇନ୍କୁ ଦାଆଃ ଜାହାଜ୍ରେ ଲାଦିଆକାନ୍ ଜିନିଷ୍ଟକ ଦାଆଃରେ ହୁରାଙ୍ଗ୍କେଦାକ, ୧୯ ଆତଃ ଆପି ମାହ୍ନିରେ ଦାଆଃ ଜାହାଜ୍ରେୟାଃ ଜିନିଷ୍ଟକ ହୁରାଙ୍ଗ୍କେଦା । ୨୦ ପୁରାଃ ଦିନ୍ ଜାକେଦ୍ ଆଲେ ସିଙ୍ଗି ଚାଏ ଇପିଲ୍କକେ କାଲେ ନେଲ୍ ଦାଡ଼ିକେନା ଆତଃ ପୁରାଃ ଜୋର୍ଗି ହୟକାତେ ତାଇକେନା, ଆତଃ ଟୁଣ୍ଡୁରୁ ଆଲେ ବାସ୍ଥାଅ ନାମ୍ରେୟାଃ ସବେନ୍ ଆସ୍ତା ବାଗିକାଦ୍ ତାଇକେନାଲେ ।

* ୨୭:୯ 27:9 ନେଆଁ ସେପ୍ଟେମ୍ବର୍ ମାହ୍ ନାଋଃ ଟୁଣ୍ଡୁରୁ ଚାଏ ଅକ୍ଟୋବର୍ ମାହ୍ ନାଋଃ ଏନେଟେଦ୍ରେ ମାନାତିଙ୍ଗ୍ ତାଇକେନାକ
 † ୨୭:୧୩ ୨୭:୧୩ ମାଡ଼ି ମାଡ଼ିତେ

୨୧ ସବେନକ ରିମିନନେଡା ବେଗାର୍ ଜମତେ ତାଇନ୍ୟାନ୍ ତାୟମ୍ତେ ପାଉଲୁସ୍ ସେନଃତାନ୍ ହଡକଆଃ ଆଲାରେ ତିଙ୍ଗୁକେଦ୍ତେ କାଜିକେଦା, “ହେ ହାଗାକ, ଆପେ କ୍ରିଡ୍ରେ ଆଇୟାଃ କାଜି ଆୟୁମକେଦ୍ତେ ଦାଆଃ ଜାହାଜ୍ରେ କା ହିନ୍ତୁଃକାନରେ, ଆରୁଆଃ ନେ'ଲେକା ନକ୍ସାନ୍ ଆତଃ ଜିୟନ୍ କା ହବାକାନତେୟାଃ । ୨୨ ମେନ୍ଦ ନାହାଁଃ ଆଇଙ୍ଗ୍ ଆପେକେ ବିକ୍ରିପେତାନାଇଙ୍ଗ୍, ଆପେ ଆଲପେ ବରଏୟା, ଆପେକଏତେ ଜେତାଏୟାଃହ ଜୀଉ କା ନକ୍ସାନଃଆ, ଦାଆଃ ଜାହାଜ୍ ଏସ୍କାର୍ ନକ୍ସାନଃଆ । ୨୩ ଚିଆଃଚି ଆଇଙ୍ଗ୍ ଅକ ପାର୍ମେଶ୍ଵାରକେ ସେଝା ରିକାଃଇଙ୍ଗ୍, ସେନଃୟାନ୍ ନିଦାରେ ଆୟାଃ ମିଆଁଦ୍ ଦୁଁଡ୍ ଆଇଙ୍ଗ୍ତାଃତେ ହିନ୍ତୁଃକେଦ୍ତେ କାଜିକେଦିୟା, ୨୪ ଏ ପାଉଲୁସ୍ ଆଲମ୍ ବରଏୟା, ଆମ୍ବକେ ଜାରୁଡ୍ଗି କାଇସାର୍ଆଃ ଆୟାରରେ ତିଙ୍ଗୁନ୍ ଲାଗାଡିଙ୍ଗ୍ୟାଃ । ଆମାଃଲଃ ପାର୍ମେଶ୍ଵାର୍ଆଃ ସାୟାଦ୍ ଏମାକାନ୍ ହରାତେ, ଇନିଃ ଆମାଃଲଃ ସେନ୍ତାନ୍ ସବେନକଆଃ ଜୀଦାନକେ ବାଞ୍ଚାଅକାଦା ।’ ୨୫ ଏନାମେନ୍ତେ, ହେ ହାଗାକ ଆଲପେ ବରଏୟା, ଚିଆଃଚି ଆଇଙ୍ଗ୍ ପାର୍ମେଶ୍ଵାର୍ତାଃରେ ବିଶ୍ଵାସ୍ତାନାଇଙ୍ଗ୍, ଆଇଙ୍ଗ୍କେ ଅକ୍ନାଃ କାଜିକାନା ଏନ୍ଲେକାଗି ହବାଅଆଃ । ୨୬ ମେନ୍ଦ ଆରୁ ଆୟାରରେ ସେନ୍କେଦ୍ତେ ମିଆଁଦ୍ ଟାପୁରେବୁ ଠଗଃଆ ।”

୨୭ ନେଆଁ ଗେଲ୍ଡପୁନ୍ ନିଦା ତାଇନକେନା, ଆତଃ ଆଲେ ଆଦ୍ରିଆ ଦରେୟାରେ ଦୁଦୁଗାର୍ ହୟ ହରାତେ ନେତେହେନ୍ତେ ସେନଃତାନ୍ଲଃ ଲାଗ୍ଡାଗ୍ ଆଲାନିଦାରେ ଦାଆଃ ଜାହାଜ୍ ଚାଲାଅ ହଡକ ଆଟ୍କାର୍ ଉରୁମକେଦାକ ଯେ, ଆରୁ ଦରେୟା ଖାଇଣ୍ଡେ ନାଡେଜଃତାନାରୁ । ୨୮ ଏନ୍ତେ ଇନ୍କୁ ବାଏହାରରେ ହାମ୍ବାଲ୍ତେୟାଃ ତଲ୍ଲକେଦ୍ତେ ଦାଆଃରେ ଦୁବିଃଗ୍କେଦ୍ ହରାତେ ବାର୍ହିସି ମିଟର୍ ଗାଡା ମେନାଃ ମେନ୍ତେକ ସାରିକେଦା । ଆତଃକାଟିଃ ସାଙ୍ଗିନ୍ ସେନ୍କେଦ୍ତେ ନେଲ୍କେଦାକ ଯେ, ଦାଆଃରାଃ ଗାଡା ହିସିଗେଲ୍ ମିଟର୍ ତାଇନକେନା । ୨୯ ଦାଆଃ ଜାହାଜ୍ ଜେତା ସେରେଙ୍ଗ୍ରେ ଠଗଃଆଃ ମେନ୍ତେ ବରତାନଲଃ ଇନ୍କୁ ତାୟମ୍ସାଃଏତେ ଉପୁନିୟା ହାମ୍ବାଲ୍ ମେଡ୍ଡେଦ୍ ଉୟୁଃକେଦାକ ଆତଃ ସିଙ୍ଗିତୁରଃ ନାଙ୍ଗ୍ ବିକ୍ରିକେଦାକ । ୩୦ ଏନ୍ତେ ଦାଆଃ ଜାହାଜ୍ ଚାଲାଅ ହଡକ ଏନାଏତେ ଆଡ୍ଗୁକେଦ୍ତେ ସେନଃ ନାଗେନ୍ତେ ଚେଷ୍ଟାକେଦାକ, ଆତଃ ଦାଆଃ ଜାହାଜ୍ରେୟାଃ ସାମ୍ନାଙ୍ଗ୍ସାଃଏତେ ଆତଃଚିମିନ୍ ହାମ୍ବାଲ୍ ମେଡ୍ଡେଦ୍କେ ଉୟୁଃରେୟାଃ ବାହାନାତାନଲଃ ଇନ୍କୁ ଦାଆଃ ଜାହାଜ୍ରେ ତାଇକେନ୍ ଲାଉକାକେ ଲାଡାର୍ତେକ ଇଲିଙ୍ଗ୍କେଦା । ୩୧ ମେନ୍ଦ ପାଉଲୁସ୍ ମିଦ୍ଶାଅ ସିପାଇକଆଃ ଆଗୁଆଇକେ ଆତଃ ସିପାଇକକେ କାଜିକେଦ୍କଆ, “ଦାଆଃ ଜାହାଜ୍ ଚାଲାଅ ହଡକ କାକ ତାଇନଃରେଦ୍, ଆପେୟାଃ ବାଞ୍ଚାଅଃରେୟାଃ ଆସ୍ତା କା ତାଇନଃଆ ।” ୩୨ ଏନାତେ ସିପାଇକ ଲାଉକାରେୟାଃ ବାଏହାରକେ ହାଦ୍କେଦ୍ତେ ଦାଆଃରେ ଆଡୁ ନାଗେନ୍ତେକ ଆଡଃତାଦା ।

୩୩ ସିଙ୍ଗିତୁରଃ ସିଦାରେ ପାଉଲୁସ୍ ସବେନକକେ ଜମେ ନାଗେନ୍ତେ କାଜିକେଦ୍କଆ । ଇନିଃ କାଜିକେଦ୍କଆଏ, “ଗେଲ୍ଡପୁନ୍ ମାହାଁ ହବାୟାନ୍ଗିୟା ଆପେ ଜେଡ୍ନାଃ କାପେ ଜମ୍ବକାଦା । ୩୪ ଆଇଙ୍ଗ୍ ବିକ୍ରିପେ ତାନାଇଙ୍ଗ୍, ନାହାଁଃ କାଟିଃଲେକା ଜମେପେ, ଜାନିଦ୍ ତାଇନଃ ନାଗେନ୍ତେ ନେଆଁ ଜାରୁଡ୍ ଲାଗାଡିଙ୍ଗ୍ୟାଃ । ଆଲପେ ବରଏୟା, ଆପେୟାଃ ବହଃଏତେ ମିଆଁଦ୍ ଉଦ୍ ହ କା ଜିୟନଃଆ ।” ୩୫ ଇନିଃ ନେଆଁ କାଜିକେଦ୍ତେ, ପାଉଲୁସ୍ ପାର୍ମେଶ୍ଵାରକେ ଧାନ୍ୟାବାଦ୍ ଏମ୍ବକେଦ୍ତେ ହଲଙ୍ଗ୍ କେଚାଃକେଦ୍ତେ ଜମକେଦାକ । ୩୬ ନେଆଁରେ ଇନ୍କୁ ସବେନକ ଜୀଉରେ କେଚେଦ୍ ନାମ୍ବକେଦ୍ତେ ଜମ୍ବକେଦାକ । ୩୭ ଇମ୍ବତା ଆଲେ ଦାଆଃ ଜାହାଜ୍ରେ ୨୭୭ ଝାନ୍ ହଡକ ତାଇକେନାଲେ । ୩୮ ସବେନକ ବିୟଃଗି ଜମକେଦ୍ ତାୟମ୍ତେ ଦାଆଃ ଜାହାଜ୍କେ ଉସାସେ ନାଗେନ୍ତେ ଏନାରେ ତାଇକେନ୍ ସବେନ୍ ଗହମ୍ ଦରେୟାରେକ ହୁରାଙ୍ଗ୍କେଦା ।

ଦାଆଃ ଜାହାଜ୍ରେୟାଃ ନକ୍ସାନଃ

୩୯ ଏଚାଃ ହୁଲାଙ୍ଗ୍ ଆଙ୍ଗ୍ୟାନ୍ତି, ଦାଆଃ ଜାହାଜ୍ ଚାଲାଅ ହଡକ ଦରେୟାରାଃ ଅକ ଖାଇଣ୍ଡେ ସେଚେରାକାନାକ ଏନା କାକ ସାରି ଦାଡିକେନା । ମେନ୍ଦ ଇନ୍କୁ ଗିତିଲ୍ଖାଇଣ୍ଡେ ମିଆଁଦ୍ ଗାଡା ନେଲ୍କେଦ୍ତେ ଜେତାଲେକାତେ ଏନ୍ତାଃରେ ଦାଆଃ ଜାହାଜ୍ ତିଙ୍ଗୁଇ ନାଗେନ୍ତେକ ଉହାଟ୍କେଦାକ । ୪୦ ଏନାତେ ଇନ୍କୁ ହାମ୍ବାଲ୍ ମେଡ୍ଡେଦ୍ରେୟାଃ ବାଏହାର୍ ହାଦ୍କେଦ୍ତେ ଏନ୍ ସବେନାଃକେ ଦରେୟା ଲାଡାର୍ରେ ତପାଅ ନାଗେନ୍ତେ ବାଗିତାଦାକ । ଏନ୍ତେ ପାତ୍ଝାର୍ରେୟାଃ ବାଏହାର୍କ ରାଡାକେଦ୍ତେ ଆୟାରରେ ତଲ୍ଲକାଦ୍ ପାଲ୍ଲକେ ଉଠାଅକେଦ୍ ହରାତେ ଦାଆଃ ଜାହାଜ୍ ହୟଲଃ ଖାଇଣ୍ଡ୍ ଗେନାତେ ସେନଃୟାନା । ୪୧ ମେନ୍ଦ ଦାଆଃ ଜାହାଜ୍ ହୁଣ୍ଡିଗିତିଲ୍ରେ ଠକ୍ରାଅକେଦ୍ତେ ଦାଆଃ ଜାହାଜ୍ରେୟାଃ ସାମ୍ନାଙ୍ଗ୍ରେୟାଃ ହିସା ଲାଡାର୍ରେ ତପାୟାନା ଆତଃ ଆଲ୍ପୁଙ୍ଗ୍ତେ ଜୋର୍ରେ ଠକ୍ରାଅୟାନ୍ ହରାତେ ଦାଆଃ ଜାହାଜ୍ରେୟାଃ ତାୟମ୍ସାଃ ଟୁକ୍ଡା ଟୁକ୍ଡାୟାନା ।

୪୨ ଜେହେଲାକାନ୍ ହଡକ ଦରେୟା ଖାଇଣ୍ଡେ ପାହୁଁରାଅ ପାହୁଁରାଅ ସେନଃଆକ ମେନ୍ତେ ଇନ୍କୁକେ ଗଗଏଃ ନାଗେନ୍ତେ ସିପାଇକ ଉହାଟ୍କେଦାକ । ୪୩ ମେନ୍ଦ ମିଦ୍ଶାଅ ସିପାଇକଆଃ ଆଗୁଆଇ

‡ ୨୭:୨୭ ୨୭:୨୭ ଚାଉଦା § ୨୭:୪୦ ୨୭:୪୦ ପାଇତିଲ୍

ପାଉଲୁସକେ ବାସ୍ତାଅ ନାଗେନ୍ତେ ସାନାଙ୍ଗତାଇକେନା, ଏନାତେ ଇନିଃ ସିପାଇକକେ ଗଗଏଃ ନାଙ୍ଗ କାଏ ଆରୁକେଦକଆ । ପାହୁଁରାଅ ଦାଡ଼ିତାନ୍ ସବେନକକେ ଦାଆଃରେ ତେଗାଅକେଦତେ ଦରେୟା ଖାଙ୍ଗଣ୍ଡେ ସେନଃ ନାଙ୍ଗ ଆରୁକେଦକଆଏ । ୪୪ ଆତଃ ସାରେଜାକାନକ ଦାରୁପାଟାକରେ ଆତଃ ଦାଆଃ ଜାହାଜ୍ରେୟାଃ ଟହେଜାକାନ୍ ଏଟାଃ ଆତୁଃତାନ୍ ଜିନିଷକରେ ସାବକେଦତେ ଆତୁଃ ନାଗେନ୍ତେ ଏଟାଃକକେ କାଜିକେଦକଆ । ନେ'ଲେକାତେ ଆଲେ ସବେନକ ବୁଗିଲେକା ଦରେୟା ଖାଙ୍ଗଣ୍ଡେ ସେଟେରୁୟାନାଲେ ।

୨୮

ମାଲ୍ଟା ଟାପୁରେ ପାଉଲୁସ

୧ ଆଲେ ବାସ୍ତାଅ ନାମକେଦତେ ଖାଙ୍ଗଣ୍ଡେ ସେନକେନାଲେ ଆତଃ ନେଲକେଦାଲେ ଯେ, ଆଲେ ମାଲ୍ଟା ଟାପୁରେ ସେଟେରୁକାନାଲେ । ୨ ଏନ୍ତାଃରେ ତାଇନତାନ୍ ଏଟାଃ ଦିଶ୍ଟୁମ୍ରେନ୍ ହଡ଼କ ଆଲେକେ ଦୁପୁଲ୍ଲାଡ଼ରାଃ ଦାୟା ଏମାଦଲେୟାକ । ଇମ୍ତା ଦାଆଃ ଗାମାକେଦତେ ରାବାଙ୍ଗତାଇକେନା, ଏନାତେ ଇନକୁ ଆଲେକେ ସେଙ୍ଗେଲ୍ ଜୁଲକେଦତେ ଦାରମକେଦଲେୟାକ । ୩ ପାଉଲୁସ ମିଦ୍ ବିଡ଼ା ସାହାନ୍ ଆଉକେଦତେ ସେଙ୍ଗେଲ୍ରେ ଉରୁବ୍ ତାଇକେନ୍ ଇମ୍ତା, ଏନାରେ ମିଆଁଦ୍ ବିଙ୍ଗ୍ ଅତଙ୍ଗୟାନାଏ ଆତଃ ଏଲାଙ୍ଗହେତେ ବାସ୍ତାଅ ନାମେ ନାଙ୍ଗ ପାଉଲୁସଆଃ ତିଃଇରେ ହାବକେଦତେ ତାଇନ୍ୟାନା । ୪ ଏନ୍ତାଃରେ ତାଇକାନ୍ ଏଟାଃ ଦିଶ୍ଟୁମ୍ରେନ୍ ହଡ଼କ ପାଉଲୁସଆଃ ତିଃଇରେ ତୁଙ୍ଗାକାନ୍ ବିଙ୍ଗ୍କେ ନେଲକେଦତେ ମିହୁଡ଼୍ ଆତଃମିହୁଡ଼କେ କାଜିୟାନାକ, “ଇନିଃ ଜାରୁଡ଼୍ ମିଆଁଦ୍ ହଡ଼ ଗଗଏଃନିଃ ତାନିଃ, ଇନିଃ ଦରେୟାଏତେ ବାସ୍ତାଅ ନାମକେଦରେୟ ଆୟାଃ କିସମାଡ଼୍ କାଏ ଜାହୁଦକଚିକିୟା ।” ୫ ମେନ୍ଦ ପାଉଲୁସଆଃ ଜେତାନ୍ ନକସାନ୍ କା ହବାକେଦତେ ବିଙ୍ଗ୍କେ ସେଙ୍ଗେଲ୍ରେ ହୁରାଙ୍ଗକିୟା । ୬ ପାଉଲୁସ ମିକଆଃଏ ଚାଏ ଗଏଃକେଦତେ ଉୟୁଃକଆଃଏ ମେନ୍ତେ ଇନକୁ ଉଡ଼ୁକେଦତେ ଚିମିନ୍ଦାଡ଼ି ତାଙ୍ଗିକେଦାକ । ମେନ୍ଦ ପୁରାଃଦାଡ଼ି ତାଙ୍ଗିକେଦ୍ ତାୟମତେ ଇନକୁ ନେଲକେଦାକ ଯେ, ପାଉଲୁସଆଃ ଜେତନାଃ ନକସାନ୍ କା ହବାଅଃତାନା, ଏନ୍ତେ ଇନକୁ ଆକଆଃ ଉଡ଼ୁ ବାଦଲାଅକେଦତେ କାଜିକେଦାକ, “ଇନିଃ ମିଆଁଦ୍ ମାହାପୁରୁ ତାନିଃ ।”

୭ ଏନ୍ ଟାପୁରେଗି ପୁଲ୍ଲିୟସ୍ ନୁଡୁମ୍ ମିଆଁଦ୍ ହଡ଼ରାଃ ଅଡ଼ାଃ ଆତଃ ଅତେ ତାଇନକେନା । ଇନିଃ ଆଲେକେ ଦାରମକେଦଲେୟା ଆତଃ ଆପିମାହାଁ ଜାକେଦ୍ ଆୟାଃ ଅଡ଼ାଃରେ ପେଡ଼ାକେଦଲେୟା । ୮ ପୁଲ୍ଲିୟସ୍ରାଃ ଆପୁତେ ଉରୁଇ ଆତଃ ଦାଆଃ ଲେକା ବାହାରତାନ୍ ହରାତେ ପାରକମ୍ରେ ବାଟିୟାକାନ୍ ତାଇକେନା । ପାଉଲୁସ୍ ଆୟାଃ କୁଠାତେ ସେନ୍ୟାନା, ଏନ୍ତେ ଆୟାଃ ଚେତାନ୍ରେ ତିଃଇ ଦହକେଦତେ ବିକ୍ତିକେଦା ଆତଃ ବୁଗିକିୟାଏ । ୯ ନେଆଁ ହବାୟାନ୍ ତାୟମତେ ଟାପୁରେନ୍ ଏଟାଃ ସବେନ୍ ଦୁକୁତାନ୍କ ପାଉଲୁସଆଃ ନାଡ଼େଃତେ ହିଜୁଃକେଦତେ ବୁଗିୟାନାକ । ୧୦ ଇନକୁ ଆଲେକେ ପୁରାଃଗି ଦାନ୍କ ଏମକେଦତେ ମାଇନକେଦଲେୟାକ । ଆତଃ ଆଲେ ଏନ୍ତାଃଏତେ ଦାଆଃ ଜାହାଜ୍ରେ ସେନଃ ଇମ୍ତା ଆଲେୟାଃ ହରାସେନ୍ ନାଗେନ୍ତେ ଲାଗାଡ଼ିଙ୍ଗ୍ତେୟାଃ ସବେନାଃ ଇନକୁ ଆଉକେଦତେ ଦାଆଃ ଜାହାଜ୍ରେ ଦହକେଦତେ ସେନଃୟାନାକ ।

ମାଲ୍ଟାଏତେ ରୋମ୍

୧୧ ଆଲେକଜାଣ୍ଡିଆତାଃଏତେ ହିଜାକାନ୍ “ଜାଅଁଲା ମାହାପୁରୁ” ନୁଡୁମ୍ତାନ୍ ଦାଆଃ ଜାହାଜ୍ ମାଲ୍ଟା ଟାପୁରେ ରାବାଙ୍ଗସାହା ବିତାଅକାଦ୍ ତାଇକେନାଏ । ଏନ୍ ଟାପୁରେ ଆପି ମାହଁନା ତାଇନ୍ୟାନ୍ ତାୟମତେ, ଆଲେ ଏନ୍ ଦାଆଃ ଜାହାଜ୍ରେଗି ଆତଃମିସା ସେନଃୟାନାଲେ । ୧୨ ଆତଃ ସିରାକୁସ୍ ନାଗାର୍ରେ ସେଟେରୁକେଦତେ, ଏନ୍ତାଃରେ ଆପିମାହାଁ ତାଇକେନାଲେ । ୧୩ ଏନ୍ତାଃଏତେ ସେନଃକେଦତେ ରିଜିୟମ୍ ନାଗାର୍ରେତେଲେ ସେଟେରୁୟାନା । ଏନାରେୟାଃ ଏଟାଃ ହୁଲାଙ୍ଗ୍ ଦାକ୍ଷିଣ୍ ହୟ ହୟକେଦାଏ, ଆତଃ ବାର୍ସିଙ୍ଗ୍ ତାୟମତେ ପୁଡ଼ିଅଲି ସାହାର୍ରେ ସେଟେରୁୟାନାଲେ । ୧୪ ଏନ୍ତାଃରେ ଆଲେ ଚିମିନ୍ଦାନ୍ ଖ୍ରୀଷ୍ଟ୍ରେ ବିଶ୍ୱାସ୍ତାନ୍ ହାଗା ମିଗିକଲଃ ନାପାମ୍ୟାନାଲେ । ଇନକୁଲଃ ମିଦ୍ ହାପ୍ତା ତାଇନଃ ନାଗେନ୍ତେ ଇନକୁ ଆଲେକେ ବିକ୍ତିକେଦଲେୟାକ । ନେ'ଲେକାତେ ଆଲେ ରୋମ୍ତେ ସେଟେରୁୟାନାଲେ । ୧୫ ଆଲେୟାଃ ବିଷାଏରେ ଆୟୁମକେଦତେ ରୋମ୍ରେନ୍ ବିଶ୍ୱାସୀକ ଆଲେକେ ଦାରମ୍ ନାଗେନ୍ତେ ଏନ୍ ଠାୟାଦ୍ତାଃଏତେଗି ଆପିୟସ୍ଆଃ ପିଟ୍ ଆତଃ ଆପିୟା ରୁଡ଼ନ୍ ଅଡ଼ାଃ ନୁଡୁମ୍ ନାଗାର୍କଏତେ ହିଜୁଃୟାନାକ । ଇନକୁକେ ନେଲକେଦତେ ପାଉଲୁସ୍ ପାର୍ମେଶ୍ୱାର୍କେ ଧାନ୍ୟାବାଦ୍ ଏମକିୟାଏ ଆତଃ ପୁରାଃଗି ରାସକାୟାନା ।

ରୋମ୍ରେ ପାଉଲୁସ

୧୬ ଆଲେ ରୋମ୍ତେ ସେଟେରୁୟାନ୍ତି, ପାଉଲୁସକେ ହର ନାଗେନ୍ତେ ମିଆଁଦ୍ ସିପାଇଲଃ ଇନିଃ ଆୟାଃ ଇଛାସାନାଙ୍ଗ୍ଲେକା ଜେ'ଲେକାନ୍ ଠାୟାଦ୍ରେ ତାଇନ୍ ଦାଡ଼ିୟାଏ ମେନ୍ତେ ଆରୁଇନାମକେଦା ।

୧୭ ଆପିମାହିଁ ତାୟମତେ ପାଉଲୁସ୍ ଏନ୍ତାଃରେନ୍ ଯିହୁଦୀ ଆଗୁଆଇକକେ ମିଆଁଦ୍ ପାଞ୍ଚେଟ୍ରେ ମେସାଅଃ ନାଗେନ୍ତେ କେଡ଼ାକେଦକଆ । ଇନ୍କୁ ହୁଣ୍ଡିୟାନ୍ ହରାତେ ପାଉଲୁସ୍ ଇନ୍କୁକେ କାଜିକେଦକଆ, “ଇସ୍ରାଏଲ୍ ହାଗାକ, ଆଇଙ୍ଗ୍ ଆରୁଆଃ ହଡକଆଃ ବିରୁଧରେ ଚାଏ ଆରୁଆଃ ପୁରଖା ହଡ଼ାମକତାଃଏତେ ଆରୁ ନାମାକାଦ୍ ରିତିରିଞ୍ଜାଜ୍ ବିରୁଧରେ ଜେଡନାଃ କାଇଙ୍ଗ୍ କାମିକାଦ୍ରେୟ, ଆଇଙ୍ଗ୍ ଯୀରୁଶାଲେମରେ ଜେହେଲ୍କେଦତେ ରୋମିରେନ୍ ହଡକଆଃ ତିଃଇରେ ଜିମାକାନାଇଙ୍ଗ୍ । ୧୮ ଆଇଙ୍ଗ୍କେ କୁଲିକେଦ୍ ତାୟମତେ ଗନଏଃ ସାଜାଇ ନାମେ ଲେକା ଆଇଙ୍ଗ୍ ଜେତାନ୍ ଗୁଣ୍ଡାଁ କାଇଙ୍ଗ୍ କାମିକାଦା ମେନ୍ତେ ସାରିକେଦତେ ରୋମିରେନ୍ ହଡକ ଆଇଙ୍ଗ୍କେ ରାଡାନାଙ୍ଗ୍ ସାନାଙ୍ଗ୍କେଦାକ । ୧୯ *ମେନ୍ଦ୍ ଯିହୁଦୀକ ନେଆଁରେୟାଃ ବିରୁଧରେ କାଜିକେଦ୍ ହରାତେ ଆଇଁୟାଃ ଆପନାଃ ହଡକଆଃ ବିରୁଧରେ ଆଇଁୟାଃ ଜେତାନ୍ ଚିଟାକାଜି କା ତାଇକେନ୍ରେୟ, ଆଇଙ୍ଗ୍ କାଇସାର୍କେ କାଜିଗରଙ୍ଗ୍ ରିକା ପାଡାଅୟନା । ୨୦ ଏନାମେନ୍ତେ ଆଇଙ୍ଗ୍ ନେ ବିଷାଏରେ ଜାଗାର୍ ନାଗେନ୍ତେ ଆପେକେ କେଡ଼ାକାଦ୍ପେୟାଇଙ୍ଗ୍ । ଚିଆଃଚି ଅକଏୟାଃ ଚେତାନ୍ରେ ଇସ୍ରାଏଲ୍ ହଡକ ଆସ୍ରାକାଦାକ, ଇନିଃ ନାଗେନ୍ତେ ତିସିଙ୍ଗ୍ ଆଇଙ୍ଗ୍ ସିକ୍ଡିରେଇଙ୍ଗ୍ ତଲ୍ଲୀକାନା ।”

୨୧ ଇନ୍କୁ ଇନିଃକେ କାଜିକିୟାକ, “ଆଲେ ଯିହୁଦାଏତେ ଆମାଃ ବିଷାଏରେ ଜେତାନ୍ ଅନଲ୍ ଚିଟାଉ କାଲେ ନାମକାଦା, ଚାଏ ଆଲେୟାଃ ହଡକ ଏନ୍ତାଃଏତେ ଆମାଃ ବିଷାଏରେ ଜେତାନ୍ ଏଡକାନ୍ କାଜି କାକ ଆଉଞ୍ଜାକାଦା ଚାଏ କାକ କାଜିକାଦା । ୨୨ ମେନ୍ଦ୍ ଆଲେ ଆମାଃ ଉଡ଼ୁ ଚିନାଃ ତାନାଃ ଏନା ଆମାଃତାଃଏତେ ଆୟୁମ୍ ସାନାଙ୍ଗ୍ତାନାଲେ । ଚିଆଃଚି ସବେନ୍ସାଃରେନ୍ ହଡକକେ ନେ ଝୁଣ୍ଡି ବିରୁଧରେ ଜାଗାର୍ତାନାକ ମେନ୍ତେ ଆଲେ ସାରିତାନାଲେ ।”

୨୩ ଇନ୍କୁ ମିଆଁଦ୍ ହୁଲାଇଁ ଠାହାରାଅକେଦାକ ଆତଃ ଇନ୍କୁଏତେ ଚିମିନ୍ ହଡକ ଏନ୍ ଠାହାରାଅକାନ୍ ହୁଲାଇଁରେ ପାଉଲୁସ୍ ତାଇନ୍ତାନ୍ ଠାୟାଦତେକ ସେନଃୟାନା । ସେତାଃଏତେ ନୁବାଃ ଜାକେଦ୍ ପାଉଲୁସ୍ ଇନ୍କୁକେ ପାର୍ମେଶ୍ୱାର୍ଆଃ ରାଇଜ୍ ବିଷାଏରେ କାଜିକେଦକଆ ଆତଃ ମୁଶା ନାବୀଆଃ ଆନ୍ତୁ ଆତଃ ନାବୀକଆଃ ଅନଲ୍ହେତେ ଯୀଶୁଆଃ ବିଷାଏରେ ଇନ୍କୁକେ କାଜିକେଦତେ ବିଶ୍ୱାସେକାକ ମେନ୍ତେ ଚେଷ୍ଟାକେଦା । ୨୪ ଇନ୍କୁଏତେ ଚିମିନ୍ ଝାନ୍ ହଡକ ଇନିୟାଃ କାଜିରେ ବିଶ୍ୱାସ୍କେଦାକ ଆତଃ ଚିମିନ୍ ଝାନ୍ ହଡକ କାକ ବିଶ୍ୱାସ୍କେଦା । ୨୫ ଆତଃ ଇନ୍କୁ ଆକ ଆକରେ ମିଦ୍ମନ୍ କା ହବାୟାନ୍ ହରାତେ କାପ୍ଜି ହବାୟାନା, ଆତଃ ଇନ୍କୁ ସେନଃ ସିଦାରେ ପାଉଲୁସ୍ ନେ ମିଆଁଦ୍ କାଜି କାଜିକେଦକଆ, “ପାବିତାର୍ ଆମ୍ ଆପେୟାଃ ପୁରଖା ହଡ଼ାମକକେ ନାବୀ ଯିଶାୟାଆଃ ହରାତେ ବୁଗିଲେକାଏ କାଜିକାଦ୍ ତାଇକେନା, ୨୬ ଇନିଃ କାଜିକାଦାଏ,

“ନେ ହଡକକେ ସେନକେଦତେ କାଜିକମେ,
ଆପେ ଆୟୁମ୍ଦପେ ଆୟୁମେୟା ମେନ୍ଦ୍ କାପେ ଆଟ୍କାର୍ ଉରୁମେୟା,
ଆତଃ ନେଲ୍ଦପେ ନେଲ୍ୟା ମେନ୍ଦ୍ କାପେ ନେଲ୍ ଦାଡିୟା,

୨୭ ଚିଆଃଚି ନେ ହଡକଆଃ ମନ୍ କେଚେଦ୍ୟାକାନା,
ଆତଃ ଇନ୍କୁ ଆକଆଃ ଲୁଡୁର୍
ଆତଃ ମେଦ୍ ଜାପିଦାକାଦାକ,
ଏନ୍କା କା ହବାକାନ୍ରେ ଇନ୍କୁ ନେଲ୍ ଦାଡିକାତେୟାଃକ
ଆତଃ ଆୟୁମ୍ ଦାଡିକାତେୟାଃକ ।
ଇନ୍କୁ ଆକଆଃ ମନ୍ପୁରୁଦ୍ରେ ଆଟ୍କାର୍ ଉରୁମେତେୟାଃକ,
ଆତଃ ପାର୍ମେଶ୍ୱାର୍ସାଃତେ ରୁହାଡ଼ତେୟାଃକ

ଆତଃ ଆଇଙ୍ଗ୍ ଇନ୍କୁକେ ବୁଗିକାକତେୟାଃଇଙ୍ଗ୍ ।”

୨୮ ଆତଃ ପାଉଲୁସ୍ ନେ'ଲେକା କାଜିଚୁଣ୍ଡୁକେଦାଏ, “ଆପେ ସାରିପେ, ପାରିତ୍ରାଣ୍ ନାମେ ନାଗେନ୍ତେ ପାର୍ମେଶ୍ୱାର୍ଆଃ ସୁକୁକାଜି ସାଅଁସାର୍ ହଡକତାଃତେ କୁଲୀକାନା । ଇନ୍କୁ ଏନା ଆୟୁମେୟାକ ।” ୨୯ ଆତଃ ଇନିଃ ନେ ସବେନାଃ କାଜିକେଦ୍ ଯିହୁଦୀକ ଆକ ଆକରେ କାପ୍ଜିତାନ୍ଲଃ ସେନଃୟାନାକ ।*

୩୦ ପାଉଲୁସ୍ ରାଜମାହାଲ୍ରେ ମିଆଁଦ୍ ଅଡ଼ାଃ ଭାଡ଼ା ଇଦିକେଦତେ ଦୁଇ ବାରାଷ୍ ତାଇକେନାଏ, ଆତଃ ଆଇଃକ୍କେ ନେନେଲ୍ ନାଙ୍ଗ୍ ହିଜୁଡାନ୍ ସବେନ୍କକେ ଇନିଃ ଏନ୍ତାଃରେ ଦାରମ୍କ ତାଇକେନା । ୩୧ ଇନିଃ ପାର୍ମେଶ୍ୱାର୍ଆଃ ରାଇଜ୍ ବିଷାଏରେ ଆତଃ ପ୍ରାଭୁ ଯୀଶୁ ଖ୍ରୀଷ୍ଟୁଆଃ ବିଷାଏରେ ପୁରା ସାହାସ୍କେଦତେ ଇଡୁକେଦକଆ ଆତଃ ଇନିଃକେ ହକା ନାଙ୍ଗ୍ ଜେତାଏ କାକ ଚେଷ୍ଟାକେଦା ।

* ୨୮:୧୯ ୨୮:୧୯ ପ୍ରେରିତ୍ ୨୫:୧୧. * ୨୮:୨୯ 28:29 ନେ ପଦ ଚିମିନ୍ ମାରି ଅନଲ୍କରେ ବାନଃଆ

ରୋମିୟମାନଙ୍କ ନିକଟକୁ ପାଉଲଙ୍କ ପତ୍ର ରୋମିରେନ୍ ବିଶ୍ୱାସୀକତାଃତେ ପ୍ରେରିତ୍ ପାଉଲୁସ୍‌ଆଃ ଚିଟାଉ ପାରିଟାଏ

ରୋମି ଚିଟାଉ ପ୍ରେରିତ୍ ପାଉଲୁସ୍‌ଆଃ ହରାତେ ହବାସାକାଅଆଃ ଖ୍ରୀଷ୍ଟ୍ ତାୟମ୍ ୫୪ ଏତେ ୫୮ କରେ ଅଲ୍ଲାନା । ପାଉଲୁସ୍ ରୋମ୍‌ତେ ସେନଃ ସିଦାରେ ଯିହୁଦୀ ଆତଃ ସାଅଁସାର୍ ବିଶ୍ୱାସୀକକେ ଚିହ୍ନିଲଃ ନାଗେନ୍ତେ ନେ ଚିଟାଉ ଅଲ୍ଲକାଦ୍ ତାଇକେନାଏ । ସବେନ୍ କିଲିକ ଖ୍ରୀଷ୍ଟ୍‌କେ ଚିଲ୍ଲକା ବିଶ୍ୱାସୀୟାକ ଆତଃ ମାଇନ୍ ରିକାଇୟାକ, ଏନା ନାଗେନ୍ତେ ଇନିଃ କରନ୍ତି ସାହାରରେ ତାଇନ୍ ଇମ୍‌ତା ରୋମ୍‌ରେନ୍ ଖ୍ରୀଷ୍ଟ୍ ବିଶ୍ୱାସୀ ହାଗା ମିଶିକକେ ନେ ଚିଟାଉ ଅଲ୍ଲକାଦ୍‌କଆଏ ।

ସବେନ୍‌କତାଃରେ ଆତଃ ସବେନ୍ ଖ୍ରୀଷ୍ଟ୍ ବିଶ୍ୱାସୀକ ନାଗେନ୍ତେ ରୋମି ପୁଅଁ ମିଆଁଦ୍ ବୁଗିନ୍ ଚିଟାଉ ତାନାଃ । ଚିୟାଃଚି ଖ୍ରୀଷ୍ଟ୍ ଆବୁକେ ଚିଲ୍ଲକା ପାପୁରାଃ ତନଲ୍‌ହେତେ ରାଡ଼ାରୁଆଏ, ଏନ୍ କାଜିକେ ବୁଗି ଲେକାତେ ସୁକୁକାଜିରେ ଉଦୁବକାନା । ଚିଟାଉରାଃ ଆଧ୍ୟାୟ ୧:୧୭ ପାଦ୍ ହବାଅଃତାନା ତାଲା ଚାଡି । ଅକ କାଜିଚି ଅଲ୍ଲଃତାନା, ଆଇଙ୍ଗ୍ ସୁକୁକାଜି ନାଗେନ୍ତେ କାଇଙ୍ଗ୍ ଗିହୁଗଃଆ, ଚିୟାଃଚି ନେଆଁ ବିଶ୍ୱାସେତାନ୍ ସବେନ୍‌କଆଃ ନାଗେନ୍ତେ ପେଡ଼େଃ ତାନାଃ । ସିଦାତେଦ ଯିହୁଦୀକଆଃ ନାଗେନ୍ତେ ଏନ୍ ତାୟମ୍‌ତେ ସାଅଁସାର୍ ହଡ଼କଆଃ ନାଗେନ୍ତେ ତାନାଃ ।

ପାହିଲା ହିସାରେ ୧-୧୨ପୁରାଃଗି ଆମ୍‌କ୍ କାଜିକ ଅଲ୍ଲକାନା । ଏଗାଃ ହିସାରେ ୧୩-୧୫ ଖ୍ରୀଷ୍ଟ୍‌କେ ଜୀଦାନ୍‌ରେ ସବେନ୍ ହୁଲାଙ୍ଗ୍ ମାନାତିଙ୍ଗ୍ କାଜିକ ଅଲ୍ଲକାନା ।

ପୁଅଁ ଭିତାରେ ତାଇକାନ୍ କାଜି

- ୧. ପାଉଲୁସ୍ ଆୟାଃ ଆପ୍‌ନାଃ ବିଷାଏରେ ଆତଃ ଅକଏତାଃତେ ନେ ଚିଟାଉ ଅଲ୍ଲେତାନାଏ ଏନାରେୟାଃ ପାରିଟାଏ । ୧:୧-୧୫
- ୨. ମାନଖାରାଃ ରାଇଙ୍ଗ୍ ଆତଃ ଯୀଶୁ ଖ୍ରୀଷ୍ଟ୍‌ଆଃ ସୁକୁକାଜି । ୧:୧୬-୧୧:୩୭
- ୩. ସବେନ୍ ହୁଲାଙ୍ଗ୍ ଖ୍ରୀଷ୍ଟ୍‌ଲଃ ଜୀଦାନ୍ ବିତାଅ ବିଷାଏରେ କାଜି । ୧୨:୧-୧୫:୧୩
- ୪. ରୋମ୍‌ରେନ୍ ବିଶ୍ୱାସୀ ହାଗାକକେ ଜହାର୍ କାଜିତାନ୍‌ଲଃ ନେ ଚିଟାଉ ଅଲ୍ ଚୁଣ୍ଡୁ ତାନାଏ । ୧୬

ପାଉଲୁସ୍‌ଆଃ ଜହାର୍

୧ ପାଉଲୁସ୍, ଖ୍ରୀଷ୍ଟ୍ ଯୀଶୁଆଃ ଦାସି ଆତଃ ସାଲାକେଦ୍‌ତେ କୁଲାକାନ୍‌ନିଃ ଆତଃ ସୁକୁକାଜି ଉଦୁବ୍ ନାଗେନ୍ତେ ପାର୍‌ମେଶ୍ୱାର୍‌ତେ କେଡ଼ାକାନ୍‌ନିଃ ତାନିଃ । ୨ ପାବିତାର୍ ଧାରାମ୍‌ପୁଅଁରେ ଅଲ୍ଲକାନ୍ ଲେକା ଏନ୍ ସୁକୁକାଜି ବିଷାଏରେ ପାର୍‌ମେଶ୍ୱାର୍ ସିଦାରେ ଆୟାଃ ନାବୀକଆଃ ହରାତେ ବାନାର୍‌ସା ଏମାକାଦ୍ ତାଇକେନାଏ । ୩ ଏନା ହବାଅଃତାନା, ପାର୍‌ମେଶ୍ୱାର୍‌ଆଃ ହନ୍, ଆରୁଆଃ ପ୍ରାଭୁ ଯୀଶୁ ଖ୍ରୀଷ୍ଟ୍ ହଡ଼ମ୍ ଲେକାତେ ଦାଉଦ୍‌ଆଃ କିଲିଏତେ ଜାନାମ୍‌ୟାନା । ୪ ମେନ୍‌ଦ ଧାର୍‌ମାନ୍‌ରେନ୍ ପାବିତାର୍ ଆମ୍‌ା ବିଷାଏରେ ଗଜାକାନ୍‌କଏତେ ଜୀଉବିରିଦ୍‌ୟାନ୍ ହରାତେ ଇନିଃ ପାର୍‌ମେଶ୍ୱାର୍‌ଆଃ ହନ୍ ମେନ୍ତେ ପୁରାଃ ପେଡ଼େଃଲଃ ଉଦୁବ୍‌ୟାନା । ଇନିଃ ଆରୁଆଃ ପ୍ରାଭୁ ଯୀଶୁ ଖ୍ରୀଷ୍ଟ୍ ତାନିଃ । ୫ ଖ୍ରୀଷ୍ଟ୍‌ଆଃ ନାଗେନ୍ତେ ପାର୍‌ମେଶ୍ୱାର୍ ଆଇଙ୍ଗ୍‌କେ ପ୍ରେରିତ୍ ଲେକା ସାଲାକେଦ୍‌ତେ ସବେନ୍ ହଡ଼କତାଃରେ ଉଦୁବ୍ ନାଗେନ୍ତେ ସାୟାଦ୍ ଏମାକାଦିୟାଏ, ଜେ'ଲେକାଚି ଇନ୍‌କୁ ଖ୍ରୀଷ୍ଟ୍ ଯୀଶୁତାଃରେ ବିଶ୍ୱାସ୍‌କେଦ୍‌ତେ ଆୟାଃତାଃରେ ମାନାତିଙ୍ଗ୍‌କ ହବାଅଃଆ । ୬ ଆପେ ରୋମ୍‌ରେ ତାଇନ୍‌ତାନ୍ ହଡ଼କ ତାନ୍‌ପେ, ଆପେକେୟଗି ଯୀଶୁ ଖ୍ରୀଷ୍ଟ୍‌ଆଃ ହବାଅଃ ନାଗେନ୍ତେ ପାର୍‌ମେଶ୍ୱାର୍ କେଡ଼ାକାଦ୍‌ପେୟାଏ । ୭ ପାର୍‌ମେଶ୍ୱାର୍ ଦୁଲାଡ଼୍‌ତାନ୍ ରୋମ୍‌ରେନ୍ ହଡ଼କକେ ଆତଃ ଆୟାଃ ଆପ୍‌ନାଃ ପାବିତାର୍ ହଡ଼ ହବାଅଃ ନାଗେନ୍ତେ କେଡ଼ାକାଦ୍‌କକେ, ଆଇଙ୍ଗ୍ ନେ ଚିଟାଉ ଅଲ୍ଲେତାନାଇଙ୍ଗ୍ । ଆରୁଆଃ ଆପୁ ପାର୍‌ମେଶ୍ୱାର୍ ଆତଃ ପ୍ରାଭୁ ଯୀଶୁ ଖ୍ରୀଷ୍ଟ୍ ଆପେକେ ସାୟାଦ୍ ଆତଃ ଜୀଉସୁକୁ ଏମାପେକାଏ ।

ଧାନ୍ୟାବାଦରାଃ ବିନ୍ତି

୮ ଆପେୟାଃ ବିଶ୍ୱାସ୍ ବିଷାଏରେ ଗଟା ଅତେଦିଶ୍ୱମ୍‌ରେ ଉଦୁବଃତାନା, ଏନାମେନ୍ତେ ପାହିଲାରେ ଆଇଙ୍ଗ୍ ଆପେ ସବେନ୍‌କ ନାଙ୍ଗ୍ ଯୀଶୁ ଖ୍ରୀଷ୍ଟ୍‌ଆଃ ନୁଡୁମ୍‌ତେ ପାର୍‌ମେଶ୍ୱାର୍‌କେ ଧାନ୍ୟାବାଦ୍ ଏମାକତାନାଇଙ୍ଗ୍ । ୯ ଆଇଙ୍ଗ୍ ଅକ ପାର୍‌ମେଶ୍ୱାର୍‌କେ ଆଇଁୟାଃ ମନ୍‌ସୁରୁଦ୍‌ଲଃ ସେଝା ତାନାଇଙ୍ଗ୍ ଆତଃ ଅକ ପାର୍‌ମେଶ୍ୱାର୍‌ଆଃ ହନ୍ ବିଷାଏରେ ସୁକୁକାଜିଇଙ୍ଗ୍ ଉଦୁବ୍‌ତାନା, ଏନ୍ ପାର୍‌ମେଶ୍ୱାର୍ ଆଇଁୟାଃ ଗାଝା ତାନିଃ । ୧୦ ସବେନ୍ ଇମ୍‌ତା ବିନ୍ତି ତାଇୟାଃରେ ଆପେକେଇଙ୍ଗ୍ ପାହାମ୍‌ପେତାନାଃ ଆତଃ ଆପେତାଃତେ ହିଜୁଃ ନାଗେନ୍ତେ ଆଇଙ୍ଗ୍‌କେ ନେତା ନାମଃକା ମେନ୍ତେ ପାର୍‌ମେଶ୍ୱାର୍‌ତାଃରେଇଙ୍ଗ୍ ବିନ୍ତିତାନା । ୧୧ ଆପେତାଃତେ

ସେତେବେଳେଦିନେ ଆଇଁଙ୍କ ନାମାକାଦ୍ ଆମ୍ଭାରେୟାଃ ଦାନ୍ ବିଷାଏରେ ଆପେକେ ଉଦୁବାପେ ହରାତେ ଆପେୟାଃ ବିଶ୍ୱାସକେ କେଟେଜେୟାଈଙ୍କ୍ ମେନ୍ତେ ଆଇଁୟାଃ ପୁରାଃଗି ସାନାଙ୍ଗ୍ତାନାଃ । ୧୭ ନେ ହରାତେ ଆରୁ ମିହୁଡ୍ ଆଡ଼ଃମିହୁଡ୍ତରାଃ ବିଶ୍ୱାସକେ କେଟେଦ୍ ରିକା ଦାଡ଼ିୟାଃରୁ ।

୧୮ ହେ ହାଗା ମିଶିକ, ଆଇଁଙ୍କ ଆପେତାଃତେ ହିଜୁଃ ନାଗେନ୍ତେ ପୁରାଃଗିଇଁଙ୍କ୍ ମନେକେଦା, ମେନ୍ଦ୍ ପୁରାଃ କାଜିକଟଙ୍ଗ୍ ହରାତେ ନାହାଃ ଜାକେଦ୍ ଆଇଁଙ୍କ୍ ଆପେତାଃତେ କାଇଁଙ୍କ୍ ସେଟେର୍ ଦାଡ଼ିକାନା । ଏଟାଃ ପାର୍ଗାନ୍ରେନ୍ ଗ୍ରୀକ୍ ହଡକଆଃ ଆଲାରେ ଆଇଁଙ୍କ୍ ବାଚାନ୍ ଉଦୁବକେଦ୍ତେ ଜୀଉବାଞ୍ଚାଅକ ନାମକେଦ୍ ଲେକା ଆପେୟାଃ ପାର୍ଗାନ୍ରେୟାଈ ଜୀଉବାଞ୍ଚାଅକ ନାମେକା ମେନ୍ତେ ଆଇଁୟାଃ ପୁରାଃ ସାନାଙ୍ଗ୍ । ୧୪ ଚିୟାଃଗି ଗ୍ରୀକ୍ ଦିଶୁମ୍ରେନ୍ ହଡ ଚାଏ ଏଟାଃ ଦିଶୁମ୍ରେନ୍ ହଡ, ସେଣାନ୍କ ଚାଏ କା ସେଣାନ୍କ, ନେ ସବେନ୍ ହଡକଆଃ ନାଗେନ୍ତେ ଆଇଁଙ୍କ୍ ରିଣୀକାନା । ୧୫ ଏନା ନାଗେନ୍ତେ, ଆଇଁଙ୍କ୍ ଆପେକେ ଆଡ଼ଃ ରୋମ୍ରେ ତାଇନ୍ତାନ୍ ହଡକକେୟାଈ ସୁକୁକାଜି ଉଦୁବ୍ ନାଗେନ୍ତେଇଁଙ୍କ୍ ତେତାଙ୍ଗ୍ତାନା ।

ସୁକୁକାଜିରାଃ ପେଡ଼ଃ

୧୬ ଏନ୍ ସୁକୁକାଜି ଚେତାନ୍ରେ ଆଇଁୟାଃ ପୁରାଃଗି ଆସ୍ତା ମେନାଃ । ନେଆଁଦ୍ ସିଦାତେ ଯିହୁଦୀକ ନାଙ୍ଗ୍ ଏନ୍ ତାୟମ୍ତେ ଗ୍ରୀକ୍ ବିଶ୍ୱାସୀକଆଃ ଜୀଉବାଞ୍ଚାଅ ନାଗେନ୍ତେ ପାର୍ମେଶ୍ୱାର୍ଆଃ ପୁରାଃ ପେଡ଼ଃ ମେନାଃ । ୧୭ ହଡକ ପାର୍ମେଶ୍ୱାର୍ତାଃରେ ଚିଲ୍କା ଧାର୍ମାନ୍ ହବା ଦାଡ଼ିୟାଈଆକ ଏନା ସୁକୁକାଜିରେ ଉଦୁବାକାନା, ମୁନ୍ଦ୍ରେତେ ତୁଣ୍ଡୁ ଜାକେଦ୍ ଜୀଉବାଞ୍ଚାଅ ନାମେରେୟାଈ ମିଆଁଦ୍ଗି ହରା ମେନାଃ, ଏନାଦ୍ ବିଶ୍ୱାସ୍ ତାନାଃ । ଧାରାମ୍ପୁଥ୍ରେ ଅଲାକାନା, “ଧାର୍ମାନ୍ ହଡ ବିଶ୍ୱାସ୍ ହରାତେ ବାଞ୍ଚାଅଃଆ ।”

ପାପ୍ ନାଗେନ୍ତେ ପାର୍ମେଶ୍ୱାର୍ଆଃ ଖୁସ୍

୧୮ ଅକନ୍ ଏଡକାନ୍ ହଡକ ଆକଆଃ ସବେନ୍ ପାପ୍ ଆଡ଼ଃ ଏଡକାନ୍ କାମି ହରାତେ ସାନାର୍ତିକେକ କେସେଦେତାନା, ଇନ୍କୁଆଃ ବିରୁଧ୍ରେ ସିର୍ମାଏତେ ପାର୍ମେଶ୍ୱାର୍ଆଃ ଖୁସ୍ ହବାଅଃତାନା । ୧୯ ପାର୍ମେଶ୍ୱାର୍ଆଃ ବିଷାଏରେୟାଈ ସାରି କାଜିତେୟାଈକେ ଇନ୍କୁ ସାରିତାନାକ ଏନା ପାର୍ମେଶ୍ୱାର୍ ଆଇଃକ୍ଗି ଇନ୍କୁତାଃରେ ଉଦୁବାକାଦକଆ । ୨୦ ପାର୍ମେଶ୍ୱାର୍ ଅତେଦିଶୁମ୍କେ ବାଇକେଦ୍ ଦିପିଲିଏତେଗି, କା ନେଲଃତାନ୍ କାଜିତାୟାଈକ, ଆୟାଈ ଜାନାଅ ଜାନାଅରେୟାଈ ପେଡ଼ଃ ଆଡ଼ଃ ଆୟାଈ ଆକଦାଦାଅ ସଭାବ୍ ଫାର୍ତା ଫାର୍ତିଗି ନେଲଃତାନା, ଆୟାଈ ବାଇୟାକାନ୍ ବିଷାଏକରେ ଏନା ଆର୍କାର୍ତୁରୁମଃ ତାନା, ଏନାତେ ହଡକ କାଲେ ସାରିୟାଈ ମେନ୍ତେ କାକ କାଜି ଦାଡ଼ିୟା । ୨୧ ଇନ୍କୁ ପାର୍ମେଶ୍ୱାର୍କେ ସାରିକାଈଃରେୟାଈ ଇନିଃକେ କାକ ମାଇନ୍କିୟା ଚାଏ ଜେତାନ୍ ବିଷାଏ ନାଗେନ୍ତେ ଧାନ୍ୟାବାଦ୍ କାକ ଏମ୍କିୟା । ମେନ୍ଦ୍ ଇନ୍କୁଆଈ ଉଡ଼ୁକ୍ ସାମାକାଜି ତାନାଈ ଆଡ଼ଈ ଇନ୍କୁଆଈ ଡଣ୍ଡୁ ମନ୍ଦ୍ ଏଡକାନ୍ ଉଡ଼ୁତେ ନୁବାଗାକାନା । ୨୨ ଇନ୍କୁ ଆପାନ୍କେ ସେଣାନ୍ ମେନ୍ତେକ କାଜିନ୍ତାନା ମେନ୍ଦ୍ ଇନ୍କୁ ସାର୍ତିଗି ଡଣ୍ଡୁଗିୟାକ । ୨୩ କା ଜିୟନଃ ପାର୍ମେଶ୍ୱାର୍କେ କା ସେଞ୍ଜାକେଦ୍ତେ, ଇନ୍କୁ ଜିୟନଈ ମାନଞ୍ଜାକଆଈ, ଚେଣ୍ଟେକଆଈ ଆଡ଼ଈ ଜାଡୁକଆଈ ଚାଏ ଅତେରେ ରେଙ୍ଗାଅଈତାନ୍କଆଈ ମୁରୁଡକକେ ପୁଜାକତାନାକ ।

୨୪ ଏନାମେନ୍ତେ ପାର୍ମେଶ୍ୱାର୍ ଇନ୍କୁକେ ବାଗିକାଦକଆ ଆଡ଼ଈ ଇନ୍କୁ ଆକଆଈ ଆପ୍ନାଈ ମନ୍ଦ୍ପୁରୁଦ୍ରେୟାଈ ଏଡକାନ୍ ସାନାଙ୍ଗ୍ଲେକାତେ ମିହୁଡ୍ ଆଡ଼ଈମିହୁଡ୍ଲଈ ହଡ୍ମରେୟାଈ ଗିହୁଗଈ ଲେକାନ୍ କାମିକ କାମିତାନା । ୨୫ ଇନ୍କୁ ପାର୍ମେଶ୍ୱାର୍ଆଈ ସାନାର୍ତି ବାଦ୍ଲାରେ ହସଡ୍ କାଜିକରେକ ଆସ୍ତାକେଦା । ବାବାଇନିଈ ପାର୍ମେଶ୍ୱାର୍କେ ଆଡ଼ଈ ଜାନାଅ ସାହାରାଅ ନାମେତାନ୍ନିଈକେ ବାଗିକେଦ୍ତେ ବାଇୟାକାନ୍ ତେୟାଈକକେ ପୁଜାକେଦାକ । ଆମେନ୍ ।

୨୬ ଇନ୍କୁ ଗିହୁଗାନ୍ ଏଡକାନ୍ କାମିକରେକ ପେରେଜାକାନ୍ ହରାତେ ପାର୍ମେଶ୍ୱାର୍ ଇନ୍କୁକେ ବାଗିକେଦକଆ, ଇନ୍କୁଆଈ କୁଡିକ ଆକଆଈ ଆପ୍ନାଈ କଡ଼ାକଲଈ ହଡ୍ମରାଈ କାମି ବାଗିକେଦ୍ତେ କୁଡି କୁଡିକଲଈ ହଡ୍ମରାଈ କାମିକ କାମିତାନା । ୨୭ ଏନ୍ଲେକାଗି କଡ଼ାକହଗି ଆକଆଈ ଆପ୍ନାଈ କୁଡିକଲଈ ହଡ୍ମରାଈ କାମି ବାଗିକେଦ୍ତେ କଡ଼ା କଡ଼ାକଲଈ ହଡ୍ମରାଈ କାମିକ କାମିତାନା । କଡ଼ାକ ଆକ ଆକଗି ଗିହୁଗାନ୍ କାମିକ କାମିତାନା, ଆଡ଼ଈ ଏଡକାନ୍ କାମି ହରାତେ ଆକ ଆକଗି ଆକଆଈ ନାଙ୍ଗ୍ ସାଜାଇକ ଆଉଞ୍ଜେତାନା ।

୨୮ ନେ ହଡକ ପାର୍ମେଶ୍ୱାର୍ଆଈ ବିଷାଏରେୟାଈ ସାର୍ତି ସେଣାଁକେ ବୁଗିଲେକାତେ ସାରି ନାଗେନ୍ତେ କାକ ସାନାଙ୍ଗ୍କେଦା, ଏନାମେନ୍ତେ ପାର୍ମେଶ୍ୱାର୍ ଇନ୍କୁକେ ଆୟାଈ କା ଲାଗାଡିଙ୍ଗ୍ କାମି ରିକାନାଗେନ୍ତେ ଏଡକାନ୍ କାମିରେ ଜିମାକେଦକଆ । ୨୯ ଇନ୍କୁଦ୍ ସବେନ୍ ଲେକାନ୍ ଏଡକାନାଈତେ ପେରେଜାକାନ୍କ, ଏଡକାନ୍ କାମିକ, ହାଏୟାଈଅତାନ୍କ, ଏଟାଈକଆଈ ନକ୍ସାନ୍ତାନ୍କ, ଆଡ଼ଈ ହାଁକାର୍ତେ ପେରେଜାକାନ୍କ, ହଡ ଗଗଏଈକ, ଲାପାଡ଼ାଇକ, ବେଦାକ, ଆଡ଼ଈ ହିସ୍ଜାତେ ପେରେଜାକାନ୍କ ତାନ୍କ । ଇନ୍କୁ

✧ ୧:୧୩ ୧:୧୩ ପ୍ରେରିଡ୍ ୧୯:୨୧. ✧ ୧:୧୭ ୧:୧୭ ମାର୍କ୍ ୮:୩୮. ✧ ୧:୨୧ ୧:୨୧ ଏଡ଼ିସିୟ ୪:୧୭,୧୮.

ଏଗାଃନିୟାଃ ରୂପରା କାଜିକ କାଜିୟାଃ, ୩୦ ମିହୁଡ଼ୁ ଆତଃମିହୁଡ଼ୁଆଃ ଏଡ଼କାନ୍ କାଜିକ ଜାଗାରାଃ, ଇନ୍କୁ ପାର୍ମେଶ୍ଵାରକେ ହିଲାଙ୍ଗ ହଡ଼କ ତାନ୍କ, ଏଗାଃକକେ ଲାନ୍ଦାଃକ, ଆକ ଆକଗି ମାରାଙ୍ଗ୍‌ୟେନ୍କ, ଆତଃ ମାରାଙ୍ଗ୍ ଆଟକାରେନ୍ ତାନ୍କ, ଆତଃଗି ଏଡ଼କାନ୍ କାମିକ କାମିନାଙ୍ଗ୍ ଉଡ଼ୁତାନ୍କ, ଆକଆଃ ଏଙ୍ଗା ଆପୁକକେ କାକ ମାନାତିଙ୍ଗ୍ ତାନ୍କ, ୩୧ ବିବେକ୍ ବାନଃକ, ଆକଆଃ କାଜି କାଜିକାଦ୍‌ତେୟାଃକେ କା ପୁରାଏକ, ଆତଃ ଏଗାଃକ ନାଗେନ୍ତେ କାଟିଃଲେକାହ୍ ଦାୟା ଦୁଲାଡ଼ୁ ଆତଃ ଲିନିବୁଇ ବାନଃକ ତାନ୍କ । ୩୨ ଇନ୍କୁ ସାରିତାନାକ, ପାର୍ମେଶ୍ଵାରଆଃ ଆନ୍‌ରୁ ଲେକାତେ ନେ ଲେକାନ୍ ହଡ଼କ ଗନ୍‌ଏଃରାଃ ସାଜାଇ ନାମେଗିୟାଃକ । ନେଆଁ ସାରିକାଦ୍‌ରେୟ ଇନ୍କୁ ଏନ୍‌ଲେକା ଏଡ଼କାନ୍ କାମିକ କାମିତାନା ଆତଃ ଏନ୍‌ଲେକା କାମିତାନ୍ ହଡ଼କକେୟଗି ଉସ୍‌କୁରକତାନାକ ।

୨

ପାର୍ମେଶ୍ଵାରଆଃ ନ୍ୟାୟ ବିଚାର

୧୫ ଏ ହାଗା ଚାଏ ମିଶି, ଆମ୍ ତିନାଃ ଏଗାଃକଆଃ ବିଚାରତାନାମେ ? ଆମ୍ ଜେତାଏ ହଡ଼ ତାନ୍‌ମେରେୟ, ନେଆଁ ରିକା ନାଗେନ୍ତେ ଆମ୍ ନାଙ୍ଗ୍ କା ରୁଗିନାଃ । ଏଗାଃକକେ ଚିଟାକେଦ୍‌ତେ ଆମ୍‌ଗି ଏନ୍ କାମିମ୍ କାମିତାନ୍‌ରେଦ, ଆମ୍ ଆମ୍‌ଗି ସାଜାଇୟେନ୍ ତାନାମେ । ୧ ଆବୁ ସାରିତାନାବୁ, ପାର୍ମେଶ୍ଵାର ନେ'ଲେକା କାମିତାନ୍ ହଡ଼କକେ ସାରିଗି ବିଚାରକଆ । ୨ ହେ ହାଗା ମିଶିକ, ଅକ ଏଡ଼କାନ୍ କାମି ନାଗେନ୍ତେ ଆପେ ଏଗାଃକକେପେ ଚିଟାକ ତାନା, ଏନା ଆପେଗିପେ କାମିତାନ୍‌ରେଦ, ଚିୟାଃ ଆପେ ପାର୍ମେଶ୍ଵାରଆଃ ବିଚାରହେତେ ବାଚାଅଃଝାଲେ ମେନ୍ତେପେ ଉଡ଼ୁତାନା ? ୪ ହବାସାକାଅଆଃ, ଆପେ ପାର୍ମେଶ୍ଵାରଆଃ ମାରାଙ୍ଗ୍ ଦାୟା, ଧୂରାଜ୍ ଆତଃ ସାହାତିଙ୍ଗ୍ ଜୀଝାନ୍‌କେପେ ହିଲାଙ୍ଗ୍‌ତାନା । ଆପେ ସାରିଗିପେ ସାରିତାନା ଯେ, ଆପେୟାଃ ମନ୍‌ରେ ହେୟାତିଙ୍ଗ୍ ଆଉଝେ ନାଗେନ୍ତେ ପାର୍ମେଶ୍ଵାର ଦାୟାକାଦ୍‌ପେୟାଏ । ୫ ମେନ୍‌ଦ ଆପେ କେଟେଦ୍‌ମନ୍‌କ ଆତଃ କା ବାଦ୍‌ଲାଅଃ ମନ୍‌ସୁରୁଦ୍‌କ ତାନ୍‌ପେ । ଏନାତେ ଚୁଣ୍ଡୁ ହୁଲାଙ୍ଗ୍‌ରେୟାଃ ନ୍ୟାୟ ବିଚାର ଇମ୍‌ତା ଆପେ ପାର୍ମେଶ୍ଵାରଆଃ ଖୁସ୍‌ଆକାନ୍ ହବାକେଦ୍‌ତେ ପୁରାଃଗି ସାଜାଇପେ ନାମେୟାଁ । ୬ ଚିୟାଃଗି ପାର୍ମେଶ୍ଵାର ସବେନ୍‌କକେ ଆକଆଃ କାମିଲେକାତେ ନାଲାଏ ଏମାକଆ । ୭ ଅକ ହଡ଼କ ମାନାରାଙ୍ଗ୍, ମାଇନାନ୍ ଆତଃ କା ଚୁଣ୍ଡୁ ଜୀଦାନ୍ ନାମେରେୟାଃ ଆସ୍ତାରେ ଧୂରାଜ୍ ସାବ୍‌କେଦ୍‌ତେ ରୁଗିନ୍ କାମିକ କାମିୟା, ଇନ୍କୁକେ ପାର୍ମେଶ୍ଵାର ଜାନାଅ ଜୀଦାନ୍ ଏମାକଆଏ । ୮ ମେନ୍‌ଦ ଅକନ୍ ହଡ଼କ ଆପାନାଃ ନାଗେନ୍ତେ ଏସ୍‌କାର୍ ଉଡ଼ୁଗାଃକ, ସାନାର୍‌ତିରାଃ ହରାକେ ବାରିକେଦ୍‌ତେ ଏଡ଼କାନ୍ ହରାକ ଅତଙ୍ଗ୍‌ଆଃ, ଇନ୍କୁଆଃ ଚେତାନ୍‌ରେ ପାର୍ମେଶ୍ଵାରଆଃ ଖୁସ୍ ପୁରାଃଗି ଆତଃ ବରଝାନ୍‌ଗି ହବାଅଃଆ । ୯ ଅକନ୍‌କ ଏଡ଼କାନ୍ କାମି କାମିତାନାକ ଇନ୍କୁଆଃ ଜୀଉରେ ଦୁକୁ ଆତଃ ସାସାତିରେୟାଃ ଦିପିଲି ହିକୁଃତାନା । ସିଦାତେଦ ଯିହୁଦୀକଆଃ ନାଗେନ୍ତେ ଏନ୍ ତାୟମ୍‌ତେ ଗ୍ରୀକ୍ ହଡ଼କଆଃ ନାଗେନ୍ତେ ହବାଅଃଆ । ୧୦ ମେନ୍‌ଦ ଅକନ୍‌କ ରୁଗିନ୍ କାମିକ କାମିତାନା, ଇନ୍କୁକେ ପାର୍ମେଶ୍ଵାର ମାନାରାଙ୍ଗ୍, ମାଇନାନ୍, ଆତଃ ଜୀଉସୁକୁ ଏମାକଆଏ । ସିଦାତେ ଯିହୁଦୀ ହଡ଼କକେ ଏନ୍‌ତାୟମ୍‌ତେ ଗ୍ରୀକ୍ ହଡ଼କକେ, ୧୧ ଚିୟାଃଗି ପାର୍ମେଶ୍ଵାର ସବେନ୍‌କକେ ମିଦ୍‌ଲେକାଗି ବିଚାରକଆ ।

୧୨ ଗ୍ରୀକ୍* ହଡ଼କ ମୁଣା ନାବୀ ଅଲ୍ଲାକାଦ୍ ଆନ୍‌ରୁ କାକ ନାମାକାଦା । ଇନ୍କୁ ବେଗାର୍ ଆନ୍‌ରୁତେ ପାପ୍‌କେଦାକ, ଏନାତେ ଇନ୍କୁ ବେଗାର୍ ଆନ୍‌ରୁତେ ଜିୟନଃଆକ । ମେନ୍‌ଦ ଯିହୁଦୀକ ଆନ୍‌ରୁ ସାରିକେଦ୍‌ତେହ୍ ପାପ୍‌କେଦାକ, ଏନାତେ ଏନ୍ ଆନ୍‌ରୁ ହରାତେଗି ବିଚାରଃଆକ । ୧୩ ଚିୟାଃଗି ଆନ୍‌ରୁ ଆୟୁମ୍‌କେଦ୍‌ତେ ଏସ୍‌କାର୍ ହଡ଼କ ପାର୍ମେଶ୍ଵାରଆଃ ସାମ୍‌ନାଙ୍ଗ୍‌ରେ ଧାର୍‌ମାନ୍ କାକ ହବା ଦାଡ଼ିୟଃଆ, ମେନ୍‌ଦ ଆନ୍‌ରୁ ମାନାତିଙ୍ଗ୍‌କେଦ୍‌ତେହଗି ଧାର୍‌ମାନ୍ ହବା ଦାଡ଼ିୟଃଆକ । ୧୪ ଗ୍ରୀକ୍ ହଡ଼କଆଃ ଆନ୍‌ରୁ ବାନଃଆ, ମେନ୍‌ଦ ଇନ୍କୁ ଆନ୍‌ରୁ ହୁକୁମାକାଦ୍ ଲେକାକ ମାନାତିଙ୍ଗ୍‌ତାନ୍‌ରେଦ ଏନାଗି ଇନ୍କୁଆଃ ଆନ୍‌ରୁ ଲେକ୍‌ନାଃ ତାନାଃ । ୧୫ ଇନ୍କୁଆଃ ଚାଲ୍ ଚାଲାନ୍ ହରାତେ ଉଦୁବଃତାନା, ଆନ୍‌ରୁରେୟାଃ ନିୟାମକ ଇନ୍କୁଆଃ ମନ୍‌ସୁରୁଦ୍‌ରେ ଅଲ୍‌କେଦ୍‌ତେ ମେନାଃ । ନେ କାଜିରେୟାଃ ସାନାର୍‌ତି ଇନ୍କୁଆଃ ବିବେକ୍‌ତେହଗି ଉଦୁବାକାନା, ରୁଗିନ୍ ଉଡ଼ୁତାନ୍ ଇମ୍‌ତା ବିବେକ୍ ଇନ୍କୁକେ ଦେଙ୍ଗାକଆ, ଆତଃ ଏଡ଼କାନ୍ ଉଡ଼ୁ ଇମ୍‌ତା ଚିଟାକଆ । ୧୬ ଅକନ୍ ହୁଲାଙ୍ଗ୍ ପାର୍ମେଶ୍ଵାର ଯୀଶୁ ଖ୍ରୀଷ୍ଟ୍‌ଆଃ ହରାତେ ସବେନ୍ ହଡ଼କଆଃ ଉକୁଆକାନ୍ କାଜିକଏ ବିଚାରେୟା, ଏନ୍ ହୁଲାଙ୍ଗ୍ ଆଇଙ୍ଗ୍ ଉଦୁବେତାନ୍ ସୁକୁକାଜି ଲେକାତେ ନେ ସବେନାଃ ହବାଅଃଆ ।

ଯିହୁଦୀକ ଆତଃ ଆନ୍‌ରୁ

୧୭ ଆପେ ତିନାଃ କାଜିତାନାପେ ? ଆପେ ଆପାନ୍‌କେ ଯିହୁଦୀ ମେନ୍ତେପେ କାଜିନ୍‌ତାନା, ମୁଣା ଏମାକାଦ୍ ଆନ୍‌ରୁ ଚେତାନ୍‌ରେ ଭାର୍‌ସାକେଦ୍‌ତେ ଆତଃ ପାର୍ମେଶ୍ଵାରଲଃ ଆପେୟାଃ ନାତା ମୈନାଃ ମେନ୍ତେ ଆପାନ୍‌କେ ମାରାଙ୍ଗ୍ ମେନ୍ତେପେ ଉଡ଼ୁତାନା, ୧୮ ମୁଣା ନାବୀରାଃ ଆନ୍‌ରୁଏତେ ଆପେ ଇତ୍‌କାନାପେ ଆତଃ

✧ ୨:୧ ୨:୧ ମାଥୁଉ ୭:୧; ଲୁକ ୬:୩୭. * ୨:୧୨ ୨:୧୨ ଅକନ୍‌କ ଯିହୁଦୀ ହଡ଼କ ନାହାଁଲାକ

ପାରମ୍ପୋଶ୍ଵାଃ ଇଛାସାନାଙ୍କକେ ସାରିକେଦତେ ବୁଗିନାଃ ଆତଃ ଏଡ଼କାନାଃରେୟାଃ ସେଣ୍ଟାକେପେ ଆଟ୍‌କାର୍‌ଉରୁମ୍ କାଦା, ^{୧୯} ସାର୍‌ତିଗିପେ ସାରିତାନା, ଆପେ କା ନେଲ୍ ଦାଡ଼ିନିୟାଃ ହରା ଉଦୁବ୍‌କ ତାନ୍‌ପେ, ନୁବାଃରେ ତାଇନ୍‌ତାନ୍ ହଡ଼କ ନାଗେନ୍ତେ ମାର୍‌ସାଲ୍‌କ ତାନ୍‌ପେ, ^{୨୦} ଡ଼ଣ୍ଡ ହଡ଼କକେ ଇଡୁ ହଡ଼କ ତାନ୍‌ପେ, କା ସେଣ୍ଟାନ୍‌କଆଃ ଇନିଡୁକ ତାନ୍‌ପେ । ଆପେୟାଃ ବିଶ୍ଵାସ୍, ଆନ୍‌ରୁଏତେ ଆପେ ପୁରା ସାନାର୍‌ତି ଆତଃ ସେଣ୍ଟାପେ ନାମାକାଦା । ^{୨୧} ଆପେ ଏଟାଃକକେ ଇଡୁକତାନାପେ ମେନ୍‌ଦ ଆପେ ଆପେଗି ତିୟାଃ ମେନ୍ତେ କାପେ ଇଡୁନ୍‌ତାନା ? “ଆଲ୍‌ପେ କୁମ୍‌ଡୁଆଃ” ମେନ୍ତେ ଇଡୁକେଦତେ ଆପେଗିପେ କୁମ୍‌ଡୁଆନାଟି ? ^{୨୨} “ଆପାଙ୍ଗ୍‌ର୍ କାମି ଆଲ୍‌ପେ ରିକାଏୟା” ମେନ୍ତେ କାଜିକେଦତେ, ତିୟାଃ ଆପେଗି ଆପାଙ୍ଗ୍‌ର୍ କାମିପେ ରିକାତାନା ? ଆପେ ମୁରୁଡ଼କକେ ହିଲ୍‌ଲାଙ୍କକେଦତେ ତିୟାଃ ମାନ୍‌ରରେୟାଃ ଜିନିଷ୍ଟକକେପେ ରେଃକ୍‌ତାନା ? ^{୨୩} ଆପେ ପାରମ୍ପୋଶ୍ଵାଃ ଆନ୍‌ରୁ ନାମାକାଦାଲେ ମେନ୍ତେ ଆପାନ୍‌କେ ମାରାଙ୍ଗ୍ ମେନ୍ତେପେ କାଜିନ୍‌ତାନା, ମେନ୍‌ଦ ଆୟାଃ ଆନ୍‌ରୁକେ ଟଟାଃକେଦତେ ତିୟାଃ ପାରମ୍ପୋଶ୍ଵାଃକେପେ ନିଦାଲ୍ ତାନା ? ^{୨୪} ଧାରାମ୍‌ପୁଥ୍‌ରେ ଅଲ୍‌କାନା, “ଆପେୟାଃ ନାଗେନ୍ତେ ଗ୍ରୀକ୍ ହଡ଼କ ପାରମ୍ପୋଶ୍ଵାଃ ଏଡ଼କାନାଃକ କାଜିତାନା ।”

^{୨୫} ଆନ୍‌ରୁକେପେ ମାନାତିଙ୍ଗ୍ ତାନ୍‌ରେଦ, ଆପେୟାଃ ଖାଡ଼ନାଅରାଃ ଗନଙ୍ଗ୍ ମେନାଃ, ମେନ୍‌ଦ ଆନ୍‌ରୁକେ କାପେ ମାନାତିଙ୍ଗ୍‌ତାନ୍‌ରେଦ ଆପେ କା ଖାଡ଼ନାଅକାନ୍ ହଡ଼କଲ୍‌ଃ ମିଦ୍‌ଗିୟାପେ । ^{୨୬} କା ଖାଡ଼ନାଅକାନ୍ ମିଆଁଦ୍ ଗ୍ରୀକ୍ ହଡ଼ଆଃ ଆନ୍‌ରୁରେୟାଃ ରିତିରିଖାଜ୍‌କକେ ମାନାତିଙ୍ଗ୍ ତାନ୍‌ରେଦ, ପାରମ୍ପୋଶ୍ଵାଃ ଇନିଃକେ ଖାଡ଼ନାଅକାନ୍ ହଡ଼ ଲେକା କାଏ ତି ମାଇନିୟା ? ^{୨୭} ଏନାମେନ୍ତେ ହଡ଼ମ୍‌ରେ କା ଖାଡ଼ନାଅକାନ୍‌ରେୟା ଆନ୍‌ରୁ ମାନାତିଙ୍ଗ୍‌ତାନ୍ ଗ୍ରୀକ୍ ହଡ଼କ ଯିହୁଦୀ ହଡ଼କକେ ବିଚାର୍‌କଆକ, ତିୟାଃତି ଇନ୍‌କୁ ହଡ଼ମ୍ ଲେକାତେ ଖାଡ଼ନାଅକାନ୍‌ରେୟା ଏନ୍ ଅନଲ୍ ଆନ୍‌ରୁକେ କାକ ମାନାତିଙ୍ଗ୍ ତାନା । ^{୨୮} ବାହାରି ହଡ଼ମ୍ ଲେକାତେ ଏସ୍‌କାର୍ ଖାଡ଼ନାଅକାନ୍‌ନିଃ ଯିହୁଦୀ ମେନ୍ତେ କାଜିୟାତାନା ମେନ୍‌ଦ ସାର୍‌ତି ଯିହୁଦୀ ନାହାଁଲିଃ । ^{୨୯} ସାର୍‌ତି ଯିହୁଦୀ ତାନିଃରେଦ, ଇନିଃ ମନ୍ ଭିତାର୍‌ଏତେଗି ଯିହୁଦୀ ତାନିଃ । ସାର୍‌ତି ଖାଡ଼ନାଅ ମନ୍‌ସୁରୁଦ୍‌ରେଗି ହବାଅଃଆ, ଏନା ପାରମ୍ପୋଶ୍ଵାଃ ଆମ୍‌ାତେ ହବାଅଃଆ, ଅନଲ୍‌ତେଦ କାହାଗି । ଅକନ୍ ହଡ଼ ମନ୍‌ସୁରୁଦ୍‌ରେ ଆମ୍‌ାତେ ଖାଡ଼ନାଅକାନା, ଇନିଃ ପାରମ୍ପୋଶ୍ଵାଃତାଃଏତେ ସାହାରାଅ ନାମେୟାଏ, ହଡ଼କତାଃଏତେଦ କାହାଗି ।

୩

^୧ ତାବ୍‌ଦ ଗ୍ରୀକ୍ ହଡ଼କତାଃଏତେ ଯିହୁଦୀ ହଡ଼କଆଃ ପୁରାଃ ସୁବିଧା ତିନାଃ ତାନାଃ ? ତାଏ ଖାଡ଼ନାଅକାନ୍‌ରେୟାଃ ତିକାନ୍ ସୁବିଧା ମେନାଃ ? ^୨ ହେଗି, ଯିହୁଦୀ ହଡ଼କତାଃରେ ପୁରାଃ ବିଶେଷ୍ଟ ବିଷାଏକ ମେନାଃ । ସବେନାଃଏତେ ବିଶେଷ୍ଟ କାଜି ହବାଅଃତାନା, ପାରମ୍ପୋଶ୍ଵାଃ ଆୟାଃ ବିଷାଏରେ କାଜିରାଃ ବାହାରମ୍ ଯିହୁଦୀକକେ ପାହିଲାତେ ଏମାକାଦ୍‌କଆ । ^୩ ମେନ୍‌ଦ ତିମିନ୍ ହଡ଼କ କା ପାତିୟାର୍‌ରଃ ଲେକାନ୍‌କ ତାନ୍‌କ, ଏନାତେ ତିନାଃ ପାରମ୍ପୋଶ୍ଵାଃ କା ପାତିୟାର୍‌ରଃ ଲେକାନ୍‌ନିଃ ହବାଅଃଆଏ ? ^୪ କାହାଗି, ଏନକାଦ ଆଲ୍ ହବାଅଃକା । ସବେନ୍ ହଡ଼କ ହସଡ଼ ହବାଅଃରେୟା ପାରମ୍ପୋଶ୍ଵାଃ ସାର୍‌ତି ତାନିଃ । ଧାରାମ୍ ପୁଥ୍‌ରେ ଅଲ୍‌କାନା,

“ଆମାଃ କାଜି ହରାତେ ଆମ୍ ଧାର୍‌ମାନ୍ ମେନ୍ତେମ୍ ସାରିୟାଃଆ,
ଆମ୍ ବିଚାର୍‌ତାନ୍ ଇମ୍‌ତା ଜିନିତାଅ ନାମେୟାମ୍ ।”

^୫ ନେତାଃରେ ମିଆଁଦ୍ କୁନୁଲି ହବାସାକାଅଆଃ, ଆରୁ ଏଡ଼କାନ୍ କାମି ରିକାଃରୁ ଇମ୍‌ତା ଆଟ୍‌କାର୍‌ଃଆ ଯେ ପାରମ୍ପୋଶ୍ଵାଃ କାମି ବୁଗିନାଃତାନାଃ, ଏନାତେ ପାରମ୍ପୋଶ୍ଵାଃ ଆରୁକେ ସାଜାଲ୍ ଏମାବୁତାନ୍ ଇମ୍‌ତା ଇନିଃ ଗୁଣ୍ଟା କାମି ରିକାଏତାନା ମେନ୍ତେ କାଜି ଦାଡ଼ିୟାବୁଟି ? ଆଇଙ୍ଗ୍ ହଡ଼ ଲେକା କାଜିତାନାଇଙ୍ଗ୍ । ^୬ କାହାଗି ଏନକା ଆଲ୍‌କା ହବାଅଃକା, ପାରମ୍ପୋଶ୍ଵାଃ ନ୍ୟାୟ ଏମ୍‌ନିଃ ନାହାଁଲିଃ ରେଦ ଇନିଃ ଚିଲ୍‌କାତେ ଅତେଦିଶ୍ଵମ୍‌ରାଃ ବିଚାର୍‌ ରିକା ଦାଡ଼ିୟାଏ ?

^୭ ମେନ୍‌ଦ ଆଇଁୟାଃ କା ସାନାର୍‌ତି ହରାତେ ପାରମ୍ପୋଶ୍ଵାଃ ସାନାର୍‌ତିତେୟାଃ ପୁରାଃତେ ପୁରାଗି ଉଦୁବଃଆ ଆତଃ ଇନିୟାଃ ମାନାରାଙ୍ଗ୍ ହବାଅଃରେଦ, ଆଇଙ୍ଗ୍ ପାପି ମେନ୍ତେ ତିନାଃ ନାଙ୍ଗ୍ ସାଜାଲ୍ ନାମେୟାଇଙ୍ଗ୍ ? 「ଆରୁ ତିନାଃମେନ୍ତେ କାରୁ କାଜିୟାତାମ୍, “ଦଲ୍‌ାରୁ ଏଡ଼କାନ୍ କାମିକବୁ ରିକାୟା, ଏନାତେ ବୁଗିନ୍‌ଆଃ ହିଜୁଃଆ ?” ଆଇଙ୍ଗ୍ ଠାଉକାଗି ନେ କାଜିକ କାଜିକେଦ୍ ହରାତେ, ପୁରାଃ ହଡ଼କ ଆଇଙ୍ଗ୍‌କେ ଲାନ୍‌କେଦିୟାକ ଆତଃ ଚିଟାକେଦିୟାକ । ନେଆଁ ନାଗେନ୍ତେ ଇନ୍‌କୁ ସାଜାଲ୍‌କ ନାମେଗିୟା ।

ଜେତାଏୟା ଧାର୍‌ମାନ୍ ହଡ଼ ବାଙ୍କଆ

^୯ ତାବ୍‌ଦ, ଆରୁ ଯିହୁଦୀ ହଡ଼କ ଗ୍ରୀକ୍ ହଡ଼କତାଃଏତେ ତିନାଃ ପୁରାଃ ବୁଗିନାଃବୁ ? କାହାଗି, ଯିହୁଦୀ ହଡ଼ ଆତଃ ଗ୍ରୀକ୍ ହଡ଼ ସବେନ୍‌କ ମିଦ୍‌ଗିୟାକ ମେନ୍ତେ ଆଇଙ୍ଗ୍ ସିଦାରେଗିଇଙ୍ଗ୍ କାଜି ଚାବାକାଦା,

ଇନ୍କୁ ସବେନକ ଆକଆଃ ଆପ୍ନାଃ ପାପ୍ରେୟାଃ ଆକ୍ତେୟାର୍ରେ ମେନାକଆ । ୧୦ ଧାରାମ୍ ପୁଅଁରେ ଅଲ୍ଲାନା,

“ଧାର୍ମାନ୍ ହଡ଼ ଜେତାଏ ବାଙ୍କଆ, ମିହୁଡ଼ହ୍ ବାଙ୍କଆ,

୧୧ ମିହୁଡ଼ହ୍ ସେଣ୍ଡାନ୍ ହଡ଼ ବାଙ୍କଆ,

ଚାଏ ପାର୍ମେଶ୍ଵାର୍ରେକେ ସାର୍ତିତେ ଦାଣ୍ଡିନିଃ ଜେତାଏ ବାଙ୍କଆ ।

୧୨ ଇନ୍କୁ ସବେନକ ପାର୍ମେଶ୍ଵାର୍ତାଃଏତେ ସାଙ୍ଗିନାକାନାକ,

ସବେନକ ହରା ଆଦାକାଦାକ,

ଜେତାଏ ମିହୁଡ଼ହ୍ ବୁଗିନ୍ କାମି କାକ ରିକାତାନା ।

୧୩ ଇନ୍କୁଆଃ ମଚାରାଃ କାନାଜି ଉରାକାନ୍ ତପାଗାଡ଼ା ଲେକାନାଃ ତାନାଃ,

ଆଲ୍ଲାଙ୍ଗ୍‌ହେତେ ଏଡ଼କାନ୍ ବେଦା ଲିଙ୍ଗିୟତାନା,

ଆତଃ ଇନ୍କୁଆଃ ମଚାଏତେ ଅଡ଼ଙ୍ଗ୍‌ତାନ୍ କାଜି, ବରଞ୍ଜାନ୍ ବିଙ୍ଗ୍‌ରାଃ ବିଷ୍ଠ ଲେକାନାଃ ତାନାଃ,

୧୪ ଇନ୍କୁଆଃ ଜାଗାର୍ ମେହେରତେ ଆତଃ ସାର୍ପାଅତେ ପେରେଜାକାନା ।

୧୫ ଇନ୍କୁ ଏଟାଃକକେ ନକ୍ସାନ୍ ଆତଃ ଗଗଏଃ ନାଗେନ୍ତେ ସେକାଡ଼ାକାନ୍‌ଗିକ ତାଇନାଃ ।

୧୬ ଇନ୍କୁ ଜିୟନେ ନାଗେନ୍ତେ ଆତଃ ସାସାତି ନାଗେନ୍ତେ ସବେନ୍‌ସାଃତେ ସେନାଃକ ।

୧୭ ଇନ୍କୁ ଜୀଉସୁକୁରାଃ ହରାକେ କାକ ସାରିୟା ।

୧୮ ଚାଏ ପାର୍ମେଶ୍ଵାର୍ରେକେ ବରଭାଲ୍ଲି ଲାଗାତିଙ୍ଗ୍‌ୟାଃ, ଏନା ଇନ୍କୁ କାକ ଇଡୁକାନା ।”

୧୯ ନାହାଁଃ ଆବୁ ସାରିତାନାବୁ, ଅକନ୍‌କ ଆନ୍‌ରୁରେ ମେନାକଆ, ଇନ୍କୁକେ ଏନାରେୟାଃ ସବେନ୍ ଆନ୍‌ରୁ ମାନାତିଙ୍ଗ୍ ଲାଗାତିଙ୍ଗ୍‌ୟାଃ । ପାର୍ମେଶ୍ଵାର୍ ସବେନ୍ ଅତେଦିଶୁମ୍‌ରାଃ ବିଚାର୍ ରିକାଏ ଇମ୍‌ତା, ଆନ୍‌ରୁକେ କା ମାନାତିଙ୍ଗ୍‌ତାନ୍ ହଡ଼କ ଜେଡ଼ନାଃ ଉଦୁବକେଦ୍‌ତେ, ଆପାନ୍‌କେ ବେଗାର୍ ଚିଟାନିଃ ତାନିଙ୍ଗ୍ ମେନ୍ତେ କାକ କାଜି ଦାଡ଼ିୟା । ୨୦*ମେନ୍‌ଦ ଆନ୍‌ରୁରେୟାଃ କାଜିକାମି ରିକାକେଦ୍‌ତେ ଜେତାଏ ମାନଞ୍ଜା ପାର୍ମେଶ୍ଵାର୍‌ଆଃ ନେପେଲ୍‌ରେ ଧାର୍ମାନ୍ ମେନ୍ତେ କାଏ କାଜିୟାଆ । ଆନ୍‌ରୁ ଆବୁଆଃ ପାପ୍ ବିଷାଏରେ ଏସ୍‌କାର୍ ଆବୁକେ ଚେଡ଼ଗାର୍‌ରୁଆ ।

ବିଶ୍ଵାସ୍‌ରେ ଧାର୍ମାନ୍ ହବାଅଃ

୨୧ ମେନ୍‌ଦ ନାହାଁଃ ମୁଶାରାଃ ଆନ୍‌ରୁ ବାଗିକେଦ୍‌ତେ ପାର୍ମେଶ୍ଵାର୍‌ଆଃ ଧାର୍ମାନ୍‌ତେୟାଃ ଉଦୁବାକାନା । ନେ ବିଷାଏରେ ମୁଶାରାଃ ଆନ୍‌ରୁ ଆତଃ ନାବୀକହଗି ଗାଞ୍ଜା ଏମାକାଦାକ । ୨୨*ୟୀଶୁ ଖ୍ରୀଷ୍ଟ୍‌ତାଃରେ ଏସ୍‌କାର୍ ବିଶ୍ଵାସ୍ ହରାତେ ହଡ଼କ ପାର୍ମେଶ୍ଵାର୍‌ଆଃ ଆୟାର୍‌ରେ ଧାର୍ମାନ୍‌କ ହବାଅଃଆ । ପାର୍ମେଶ୍ଵାର୍ ସବେନକକେ ମିଦ୍‌ଲେକାଗି ନେଲ୍‌ୟାଏ, ଖ୍ରୀଷ୍ଟ୍‌ତାଃରେ ବିଶ୍ଵାସ୍‌ତାନ୍ ସବେନ୍ ହଡ଼କକେ ନେ ସୁୟୋଗ୍ ଏମାଃଏ । ୨୩ ସବେନକ ପାପ୍‌କାଦାକ ଆତଃ ପାର୍ମେଶ୍ଵାର୍‌ଆଃ ମାନାରାଙ୍ଗ୍ ନାମେହେତେ ସାଙ୍ଗିନ୍‌ରେ ମେନାକଆ । ୨୪ ମେନ୍‌ଦ ଖ୍ରୀଷ୍ଟ୍ ଯୀଶୁଆଃ ହରାତେ ବେଗାର୍ ଗନଙ୍ଗ୍‌ରେ ପାର୍ମେଶ୍ଵାର୍ ଅକନ୍ ସାୟାଦ୍ ଏମାକାଦାଏ, ଏନାକେ ଅକନ୍ ହଡ଼କ ତେଲ୍‌ୟାୟାକ, ଇନ୍କୁ ଖ୍ରୀଷ୍ଟ୍ ଯୀଶୁଆଃ ହରାତେ ପାପ୍‌ହେତେ ରାଡ଼ାକେଦ୍‌ତେ ପାର୍ମେଶ୍ଵାର୍‌ଆଃ ନେପେଲ୍‌ରେ ଧାର୍ମାନ୍‌କ ହବାଅଃଆ । ୨୫ ପାର୍ମେଶ୍ଵାର୍ ଯୀଶୁକେ ଏମ୍‌କିୟାଏ, ଇନିୟାଃ ଦାଣ୍ଡି ଗନଏଃ ଚାଏ ମାୟୋମ୍ ହରାତେ ଆୟାଃତାଃରେ ବିଶ୍ଵାସ୍‌ତାନ୍ ହଡ଼କଆଃ ପାପ୍ ଛାମାରାଃ ହରାଏ ବାକକେଦା । ପାର୍ମେଶ୍ଵାର୍ ଆୟାଃ ଧାର୍ମାନ୍‌କେ ଉଦୁବ୍ ନାଗେନ୍ତେ ନେଆଁଏ ରିକାକେଦା । ପାର୍ମେଶ୍ଵାର୍ ଧୁରାଜ୍ ସାବକେଦ୍‌ତେ ହଡ଼କ ସିଦାରେ କାମିକାଦ୍ ପାପ୍‌କଏ ବାଗିକେଦା । ୨୬ ମେନ୍‌ଦ ନାହାଁଃ ଇନିଃ ଆୟାଃ ଧାର୍ମାନ୍‌କେ ଉଦୁବେ ନାଗେନ୍ତେ ପାପ୍ ଛାମାରେୟାଃ ହରାଏ ଉଦୁବକେଦା । ନେ ହରାତେ ପାର୍ମେଶ୍ଵାର୍ ଉଦୁବକେଦାଏ ଯେ, ଇନିଃ ଆଇଃକ୍‌ଗି ଧାର୍ମାନ୍‌ନିଃ ତାନିଃ ଆତଃ ଅକନ୍‌କ ଯୀଶୁତାଃରେ ବିଶ୍ଵାସ୍ ରିକାଏୟାକ, ଏନ୍ ସବେନକକେ ଧାର୍ମାନ୍ ମେନ୍ତେ କାଜିକଆ ।

୨୭ ତାବ୍‌ଦ, ଆବୁ ଅକ ବିଷାଏରେ ଆପାନ୍‌କେ ମାରାଙ୍ଗ୍‌ୟେନ୍ ମେନ୍ତେବୁ କାଜିନାଃ ? କାହାଗି, ଏନ୍‌ଲେକାନ୍ ବିଷାଏ ଜେଡ଼ନାଃ ବାନଃଆ । ଆପାନ୍‌କେ ମାରାଙ୍ଗ୍‌ୟେନ୍ ମେନ୍ତେ କାଜିନ୍‌ତେୟାଃ ଆବୁଆଃ ଚିନାଃ ତାଇନ୍‌ସାକାଅଃଆ ? ଚିନାଃ ଆନ୍‌ରୁକେ ପୁରା ମାନାତିଙ୍ଗ୍‌କାଦାବୁ ମେନ୍ତେ ? କାହାଗି, ଆବୁଆଃ ବିଶ୍ଵାସ୍ ଏସ୍‌କାର୍ ତାନାଃ, ଅକନାଃଚି ଆବୁ ଆପାନ୍‌କେ ମାରାଙ୍ଗ୍‌ୟେନ୍ ମେନ୍ତେବୁ କାଜିନ୍ ତାନା । ୨୮ ନେଆଁତେ ଆବୁ ସାର୍ତିଗି ଆଟ୍‌କାର୍ ଉରୁମେତାନାବୁ ଯେ, ମିହୁଡ଼୍ ଆୟାଃ ବିଶ୍ଵାସ୍ ହରାତେ ଏସ୍‌କାର୍ ପାର୍ମେଶ୍ଵାର୍‌ଆଃ ନେପେଲ୍‌ରେ ଧାର୍ମାନ୍ ହବାଅଃଆଏ, ମେନ୍‌ଦ ଆନ୍‌ରୁକେ ମାନାତିଙ୍ଗ୍ ହରାତେ କାହାଗି । ୨୯ ପାର୍ମେଶ୍ଵାର୍ ଯିହୁଦୀକଆଃ ଏସ୍‌କାର୍ ପାର୍ମେଶ୍ଵାର୍ ନାହାଁଲିଃ ? ଇନିଃ ଗ୍ରୀକ୍ ହଡ଼କଆଃ ପାର୍ମେଶ୍ଵାର୍‌ହ୍ ତାନିଃ । ସାର୍ତିଗି ଇନିଃ ସବେନକଆଃ ପାର୍ମେଶ୍ଵାର୍ ତାନିଃ । ୩୦*ପାର୍ମେଶ୍ଵାର୍ ମିହୁଡ଼୍‌ଗି ତାନିଃ । ଖାଡ଼ନାଅ ଆତଃ କା ଖାଡ଼ନାଅ ହଡ଼କ ଆକଆଃ ବିଶ୍ଵାସ୍ ହରାତେ ଇନିଃ ଇନ୍କୁକେ ଧାର୍ମାନ୍ ମେନ୍ତେ କାଜିକଆ ।

* ୩:୨୦ ୩:୨୦ ଗାଲ୍‌ତିୟ ୨:୧୭. * ୩:୨୨ ୩:୨୨ ଗାଲ୍‌ତିୟ ୨:୧୭. * ୩:୩୦ ୩:୩୦ ଗାଲ୍‌ତିୟ ୩:୨୦.

୩୧ ନେଆଁରାଃ ମୁଣ୍ଡି ଚିନାଃ, ଆବୁ ବିଶ୍ୱାସ ହରାତେ ଆନୁରୁକେ ଜିୟନଃ ନାଗେନ୍ତେବୁ ସାନାଙ୍ଗତାନା ? କାହାଗି, ଏନ୍କାଦ କା ହବାଅଃଆ । ବିଶ୍ୱାସ ହରାତେ ଆବୁ ଆନୁରୁରେୟାଃ ନିହିଁ ଗାତା କେଟେଦକାଦାବୁ ।

୪

ଆବ୍ରାହାମଆଃ ନାମୁନା

୧ ତାବଦ, ହଡ଼ମ ଲେକାତେ ଆବୁଆଃ ପୁରୁଖା ଆପୁ ଆବ୍ରାହାମଆଃ ବିଷାଏରେ ଚିନାଃବୁ କାଜି ଦାଡ଼ିୟା ? ୨ ଆବ୍ରାହାମ ଆୟାଃ କାମି ହରାତେ ପାର୍ମେଶ୍ୱାରଆଃ ନେପେଲ୍ରେ ଧାର୍ମାନ୍ ହବାକାନ୍ତେୟାଃଏ ରେଦ, ଆପାନ୍କେ ମାରାଙ୍ଗ୍ ମେନ୍ତେ କାଜିନ୍ତେୟାଃ, ମେନ୍ଦ ପାର୍ମେଶ୍ୱାରଆଃ ନେପେଲ୍ରେ ଏନ୍କା କା ହବାକାନ୍ ତାଇକେନା । ୩ ଧାରାମପୁଥ୍ ଲେକାତେ, “ଆବ୍ରାହାମ୍ ପାର୍ମେଶ୍ୱାରତାଃରେ ବିଶ୍ୱାସକେଦା ଆତଃ ଏନ୍ ବିଶ୍ୱାସ ହରାତେ ପାର୍ମେଶ୍ୱାର୍ ଇନିଃକେ ଧାର୍ମାନ୍ ମେନ୍ତେ କାଜିକିୟା ।” ୪ ଜେତାଏ କାମିନିଃ ନାଲା ନାମେଗିୟାଏ । ଏନାକେ ଦାନ୍ ଲେକା କାଏ ନାମେୟାଁ । ୫ ମେନ୍ଦ ଜେତାଏ ଆପାନାଃ କାମିରେ ଆସ୍ତା କା ଦହକେଦ୍ତେ, ପାର୍ମେଶ୍ୱାରତାଃରେ ବିଶ୍ୱାସେଆ, ଆୟାଃ ବିଶ୍ୱାସ ହରାତେ ଚିଟାକାନ୍ନିୟାଃ ଗୁଣ୍ଡାକେ ରାଡ଼ା ଦାଡ଼ିତାନ୍ ପାର୍ମେଶ୍ୱାର୍ ଇନିଃକେ ଧାର୍ମାନ୍ ମେନ୍ତେ କାଜିୟା । ୬ ଜେତା ହଡ଼ରାଃ କାଜିକାମିକେ କା ନେଲ୍କେଦ୍ତେ ପାର୍ମେଶ୍ୱାର୍ ଇନିଃକେ ଧାର୍ମାନ୍ ଲେକାଏ ତେଲା ଦାରମିୟାଁ, ଇନିୟାଃ ସାହାରାଅ ରିକାତାନ୍ଲଃ ଦାଉଦ୍ କାଜିକେଦାଏ :

୭ “ଜେତାଏୟାଃ ଏଡ଼କାନ୍ କାମି ଛାମାକାନା ଇନିଃ ରାସକାଗିୟାଏ,

ଜେତାଏ ପାପୁଛାମା ନାମାକାଦାଏ ଇନିଃ ଧାଇନ୍ଗିୟାଏ ।

୮ ଜେତାଏୟାଃ ପାପକ ପ୍ରାଭୁ କାଏ ଲେକାଏୟା ଇନିଃ ରାସକାଗିୟାଏ ।”

୯ ନେତାଃରେ ଦାଉଦ୍ ଅକନ୍କକେ ରାସକା କାନ୍କ ମେନ୍ତେ କାଜିତାନା, ଇନ୍କୁ ଚିନାଃ ଖାଡ଼ନାଅକାନ୍ ହଡ଼କ ଏସକାର୍ ତାଇକେନାକ ? କାହାଗି, କା ଖାଡ଼ନାଅକାନ୍ ହଡ଼କଆଃହଗି ରାସକା ହବା ଦାଡ଼ିୟାଆ । ଆବୁ କାଜିତାନାବୁ, ଆବ୍ରାହାମ୍ ବିଶ୍ୱାସ ହରାତେ ଧାର୍ମାନ୍ ହବାକାନାଏ, ୧୦ ନେଆଁ ଅକ ଦିପିଲିରେ ହବାକାନ୍ ତାଇକେନା ? ଆବ୍ରାହାମଆଃ ଖାଡ଼ନାଅ ହବାୟାନ୍ ସିଦାରେଚି ତାୟମ୍ତେ ? ନେଆଁଦ ସିଦାରେ ହବାକାନ୍ ତାଇକେନା, ତାୟମ୍ତେ କାହାଗି । ୧୧ ଆବ୍ରାହାମଆଃ ଖାଡ଼ନାଅ ହବାୟାନ୍ ସିଦାରେ ପାର୍ମେଶ୍ୱାର୍ ଇନିଃକେ ଆୟାଃ ବିଶ୍ୱାସ ହରାତେ ଧାର୍ମାନ୍ ମେନ୍ତେ କାଜିକିୟା । ନେଆଁ ଉଦୁବେ ନାଗେନ୍ତେ ମିଆଁଦ୍ ଚିହ୍ନାଁ ଲେକାତେ ଆବ୍ରାହାମ୍ ଖାଡ଼ନାଅୟାନାଏ । ଏନାତେ ଅକନ୍କ କା ଖାଡ଼ନାଅ କାନ୍ରେୟ ପାର୍ମେଶ୍ୱାର୍କେ ବିଶ୍ୱାସକିଃ ହରାତେ ଧାର୍ମାନ୍ ମେନ୍ତେକ କାଜିୟାତାନା ଆତଃ ଆମିକ୍ ଲେକାତେ ଆବ୍ରାହାମ୍ ଇନ୍କୁଆଃ ଆପୁ ତାନିଃ । ୧୨ ଆପୁ ଆବ୍ରାହାମ୍ ଖାଡ଼ନାଅରାଃ ସିଦାରେ ଅକ ବିଶ୍ୱାସରେୟାଃ ପାରିତାଏ ଏମାକାଦ୍ ତାଇକେନାଏ, ଏନ୍ଲେକାଗି କା ଖାଡ଼ନାଅକାନ୍ ହଡ଼କହଗି ବିଶ୍ୱାସରେୟାଃ ଜୀଦାନ୍ରେକ ତାଇନଃରେଦ, ଆବ୍ରାହାମ୍ ଇନ୍କୁଆଃ ହଗି ଆପୁ ତାନିଃ ।

ବିଶ୍ୱାସୀକକେ ପାର୍ମେଶ୍ୱାରଆଃ ବାନାରସା

୧୩ ଧାରାହାମ୍ ଆନୁରୁ ମାନାତିଙ୍ଗ୍ କେଦ୍ତେଦ କାହାଗି, ମେନ୍ଦ ଆୟାଃ ବିଶ୍ୱାସ ନାଗେନ୍ତେ ଏସକାର୍ ପାର୍ମେଶ୍ୱାରଆଃ ହରାତେ ଧାର୍ମାନ୍ ମେନ୍ତେ ହବାୟାନା ଆତଃ ଏନାମେନ୍ତେ ଆୟାଃ କିଲିକ ଅତେଦିଶ୍ୱମରାଃ ଆକ୍ତେୟାର୍ତାନକ ହବାଅଃଆ ମେନ୍ତେ ପାର୍ମେଶ୍ୱାର୍ ବାନାରସାଏ ଏମାକାଦ୍ ତାଇକେନା । ୧୪ ଆନୁରୁ ମାନାତିଙ୍ଗ୍ତାନକ ଏସକାର୍ ପାର୍ମେଶ୍ୱାର୍ ଏମାକାଦ୍ ବାନାରସାକ ନାମେରେଦ, ବିଶ୍ୱାସ ଜେତନାଃ ନାହାଁଲାଃ ଆତଃ ପାର୍ମେଶ୍ୱାରଆଃ ବାନାରସା ସାମା ତାନାଃ । ୧୫ ଆନୁରୁ କା ମାନାତିଙ୍ଗ୍ ହରାତେ ପାର୍ମେଶ୍ୱାରଆଃ ଖ୍ୱସ୍ ହବାଅଃଆ, ମେନ୍ଦ ଆନୁରୁ ବାନଃତାଃରେ, ଆନୁରୁକେ କା ମାନାତିଙ୍ଗ୍ କାଜି ବାନଃଆ ।

୧୬ ଏନାମେନ୍ତେ ପାର୍ମେଶ୍ୱାରଆଃ ବାନାରସା ବିଶ୍ୱାସ୍ ଚେତାନ୍ରେ ଠାହାରାଅକାନା । ପାର୍ମେଶ୍ୱାର୍ ଆୟାଃ ସାୟାଦ୍ତେ ନେ ବାନାରସାକେ ଆବ୍ରାହାମଆଃ କିଲିକକେ ଏମାକାଦ୍କଆ, ଅକନ୍କ ଆନୁରୁକେକ ମାନାତିଙ୍ଗ୍ ତାନା, ଇନ୍କୁ ନାଗେନ୍ତେ ଏସକାର୍ ବାନାରସା ନାହାଁଲାଃ, ମେନ୍ଦ ଆବ୍ରାହାମ୍ ଲେକା ବିଶ୍ୱାସ୍ତାନ୍ ସବେନ୍କ ନାଗେନ୍ତେ ଏନା ତାନାଃ । ଚିୟାଃଚି ଆବ୍ରାହାମ୍ ଇନ୍କୁଆଃ ଆମିକ୍ ଆପୁ ତାନିଃ । ୧୭ ଧାରାମ୍ ପୁଥ୍ରେ ଅଲାକାନା, “ଆଲେ ଆମ୍କେ ପୁରାଃ କିଲିରେନ୍ ଆପୁଲେ ବାଇୟାକାଦ୍ମେୟାଁ ।” ପାର୍ମେଶ୍ୱାରଆଃ ନେପେଲ୍ରେ ନେ ବାନାରସା ବୁଗିନାଃ ତାଇକେନା, ଚିୟାଃଚି ଅକ ପାର୍ମେଶ୍ୱାର୍କେ ଆବ୍ରାହାମ୍ ବିଶ୍ୱାସ୍ ତାଇକେନାଏ, ଏନ୍ ପାର୍ମେଶ୍ୱାର୍ଗି ଗଜାକାନ୍ ହଡ଼କକେ ଜୀଉବିରିଦ୍କଆ ଆତଃ ଅକନାଃ ବାନଃତେୟାଃ ଆୟାଃ ଆନୁରୁତେ ସବେନାଃ ହବାସାକାଅଆ । ୧୮ ଆସ୍ତାଏ ଲେକାନାଃ ଜେତନାଃ କା ତାଇକେନ୍ରେୟାଗି, ଆବ୍ରାହାମ୍ ଆସ୍ତା ଦହକେଦ୍ତେ ବିଶ୍ୱାସକାଦ୍ ତାଇକେନାଏ । ଏନାମେନ୍ତେ

☆ ୪:୩ ୪:୩ ଗାଲାତିୟ ୩:୭. ☆ ୪:୧୩ ୪:୧୩ ଗାଲାତିୟ ୩:୨୯. ☆ ୪:୧୪ ୪:୧୪ ଗାଲାତିୟ ୩:୧୮. ☆ ୪:୧୭ ୪:୧୭ ଗାଲାତିୟ ୩:୭.

ଇନିଃ ପୁରାଃ ଜାତିରେନ୍ ଆପୁ ହବାୟାନାଏ, ଚିୟାଃତି ଧାରାମପୁଥୁ ଲେକାତେ ଇନିଃକେ ବାନାର୍‌ସା ନାମାକାନ୍ ତାଇକେନା, “ଆମାଃ କିଲିକ ସିର୍ମାରେନ୍ ପୁରାଃଗି ଇପିଲ୍‌କ ଲେକାକ ହବାଅଃଆ ।”^{୧୯} ଇମତା ଆବ୍ରାହାମ୍‌କେ ମଣେୟାଁ ହିସି ବାରାଷ୍ ହବାଅଃ ତାଇକେନା, ମେନ୍‌ଦ ଆୟାଃ ହଡ଼ମ ବିଷାଏରେ ଉଡ଼଼ୁକେଦା, ଅକ୍‌ନାଃତି ଗଜଃ ଲେକା ହବାଅଃ ତାଇକେନା ଚାଏ ଆୟାଃ କୁଡ଼ିତେ ସାରାରାଃ ହନ୍‌ଗାଁଣା ହବାଅଃରେୟାଃ ନେତା ପାରମଃତାନା ମେନ୍ତେ ସାରିକେଦ୍‌ରେୟ, ଆୟାଃ ବିଶ୍ୱାସ୍ କା ନାରାଦୁରାୟାନା ।^{୨୦} ଆବ୍ରାହାମ୍ ଆୟାଃ ବିଶ୍ୱାସ୍‌କେ କାଏ ବାଗିକେଦା, ଚାଏ ପାରମେଶ୍ୱାର୍‌ଆଃ ବାନାର୍‌ସାରେ କାଏ ଆଡ଼ାଃଉଡ଼଼ୟାନା । ଆୟାଃ ବିଶ୍ୱାସ୍ ଆଇଃକ୍‌କେ ପୁରାଃଗି ପେଡ଼େଃତେ ପେରେଃକିୟା ଆଡ଼ଃ ଇନିଃ ପାରମେଶ୍ୱାର୍‌କେ ମାରାକ୍‌କିୟା ।^{୨୧} ପାରମେଶ୍ୱାର୍ ଅକ ବାନାର୍‌ସା ଏମାକାଇ ତାଇକେନାଏ, ଏନା ଇନିଃ ରିକାଏଗିୟାଏ ମେନ୍ତେ ଆୟାଃ ପୁରା ବିଶ୍ୱାସ୍ ତାଇକେନା ।^{୨୨} ଏନାମେନ୍ତେ ଆବ୍ରାହାମ୍ ଆୟାଃ ବିଶ୍ୱାସ୍ ହରାତେ “ପାରମେଶ୍ୱାର୍‌ତେ ଧାର୍‌ମାନ୍ ମେନ୍ତେ କାଜିୟାନା ।”^{୨୩} “ଧାର୍‌ମାନ୍ ଲେକାଏ ହବାୟାନା” ମେନ୍ତେ କାଜିତେୟାଃ, ଧାରାମପୁଥୁରେ ଆବ୍ରାହାମ୍ ନାଗେନ୍ତେ ଏସ୍‌କାର୍ ଲାଗାତିକ୍‌ୟାଁ ମେନ୍ତେଦ କାହାଗି ।^{୨୪} ଆବୁହଗି ପାରମେଶ୍ୱାର୍‌ତାଃରେ ବିଶ୍ୱାସ୍‌କେଦ୍ ହରାତେ ଧାର୍‌ମାନ୍ ଲେକାରୁ ହବାଅଃଆ । ପାରମେଶ୍ୱାର୍ ପ୍ରାଭୁ ଯୀଶୁକେ ଗନଏଃହେତେ ଜୀଉବିରିଦ୍‌କିୟାଏ ।^{୨୫} ଏନ୍ ପ୍ରାଭୁ ଯୀଶୁଗି ଆବୁଆଃ ପାପ୍‌ଛାମା ନାଗେନ୍ତେ ଗନଏଃରେ ଜିମାୟାନା ଆଡ଼ଃ ପାରମେଶ୍ୱାର୍‌ତାଃରେ ଆବୁକେ ଧାର୍‌ମାନ୍ ବାଇବୁ ନାଗେନ୍ତେ ଯୀଶୁ ଗନଏଃହେତେ ଜୀଉବିରିଦ୍‌କିୟାଏ ।

୫

ପାରମେଶ୍ୱାର୍‌ଲଃ ବୁଗିନ୍ ନାତା

^୧ ନାହାଁଃଦ ଆବୁ ବିଶ୍ୱାସ୍ ହରାତେ ପାରମେଶ୍ୱାର୍‌ଆଃ ନେପେଲ୍‌ରେ ଧାର୍‌ମାନ୍ ଲେକାରୁ ହବାକାନା ଆଡ଼ଃ ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ହରାତେ ଆବୁ ପାରମେଶ୍ୱାର୍‌ଲଃ ଜୀଉସୁକୁରେ ମେନାବୁଆ ।^୨ ଏନ୍ ଯୀଶୁତାଃରେ ଆବୁଆଃ ବିଶ୍ୱାସ୍ ମେନାଃ ହରାତେ ନାହାଁଃ ଆବୁଆଃ ଜୀଦାନ୍‌ରେ ପାରମେଶ୍ୱାର୍‌ଆଃ ସାୟାଦ୍ ଆଡ଼ଃ ପାରମେଶ୍ୱାର୍‌ଆଃ ମାନାରାକ୍‌ରେ ହିସା ନାମେରେୟାଃ ଆସ୍ତା ମେନାଃ ହରାତେ ଆବୁ ପୁରାଃଗି ରାସ୍‌କାଅଃ ତାନାରୁ ।^୩ ଏନା ଏସ୍‌କାର୍ କାହାଗି, ସବେନ୍ ଲେକାନ୍ ଦୁକୁ ସାସାତିରେୟଗି ଆବୁ ରାସ୍‌କାଅଃ ତାନାରୁ, ଚିୟାଃତି କା ଆକ୍‌ଚାକାଅ କେଦ୍‌ତେ ସାସାତିକେ ସାହାତିକ୍‌ଲେରେ ମନ୍‌ରେ ଧିରାଜ୍ ହିଜୁଃଆ ଏନାବୁ ସାରିତାନା ।^୪ ନେ ଧିରାଜ୍‌ହେତେ ଆବୁଆଃ ଚାଇଲ୍ ଚାଲାନ୍ କେଚେୟାଃଆ ଆଡ଼ଃ କେଚେଦ୍ ଚାଇଲ୍ ଚାଲାନ୍‌ହେତେ ଭାର୍‌ସା ନାମଃଆ ।^୫ ନେ ଆସ୍ତା ଆବୁକେ କାଏ ହୁଡ଼ିକ୍‌ଜୀଉବୁଆ, ଚିୟାଃତି ପାରମେଶ୍ୱାର୍ ଆବୁକେ ପାବିତାର୍ ଆମ୍‌ ଏମ୍‌କେଦ୍‌ତେ ଆବୁଆଃ ମନ୍‌ସୁରୁଦ୍‌ରେ ଆୟାଃ ଦୁଲାଡ଼୍‌ ପେରେଃକାଦାଏ ।

^୬ ଆବୁ ଦେଙ୍ଗା କା ନାମେଲେକା ତାଇକେନ୍ ଇମତା, ପାରମେଶ୍ୱାର୍‌ଆଃ ଠାହାରାଅକାଦ୍ ଦିପିଲିରେ, ଖ୍ରୀଷ୍ଟ୍ ଏଡ଼କାନ୍ ହଡ଼କଆଃ ନାଗେନ୍ତେ ଗଏଃୟାନା ।^୭ ଧାର୍‌ମାନ୍ ହଡ଼ ନାଗେନ୍ତେ ଏଟାଃ ଜେତା ହଡ଼ ଜୀଉ ଏମ୍‌ତେୟାଃ କାକ ନେଲଃଆ । ହବାସାକାଅଆଃ ବୁଗିନ୍ ହଡ଼ ନାଗେନ୍ତେ ଜେତାଏ ଜୀଉ ଏମ୍ ନାକ୍ ସେକାଡ଼୍ ଦାଡ଼ିୟାଆଏ ।^୮ ମେନ୍‌ଦ ଆବୁ ପାପି ତାଇକେନ୍ ଇମତାଗି ଖ୍ରୀଷ୍ଟ୍ ଆବୁ ନାଗେନ୍ତେ ଆୟାଃ ଜୀଉ ଏମ୍‌କେଦାଏ, ନେଆଁ ହରାତେ ପାରମେଶ୍ୱାର୍ ଆବୁକେ ଚିମିନ୍ ଦୁଲାଡ଼୍‌ତାନାଏ ଏନାଏ ଉଦୁବ୍‌କେଦା ।^୯ ଖ୍ରୀଷ୍ଟ୍‌ରାଃ ମାୟୋମ୍ ହରାତେ ପାରମେଶ୍ୱାର୍ ଆବୁକେ ଧାର୍‌ମାନ୍ ମେନ୍ତେ କାଜିବୁତାନା । ତାବ୍‌ଦ ପାରମେଶ୍ୱାର୍‌ଆଃ ଖୁସ୍‌ଏତେ ଖ୍ରୀଷ୍ଟ୍ ଆବୁକେ ସାର୍‌ତିଗି ବାଞ୍ଚାଅବୁଆ ।^{୧୦} ଆବୁଦ ପାରମେଶ୍ୱାର୍‌ଆଃ ବାଇରି ତାଇକେନ୍ ଇମତାଗି ଆୟାଃ ହନ୍ ଆବୁଆଃ ନାଗେନ୍ତେ ଜୀଉ ଏମ୍‌କେଦା, ଏନା ହରାତେ ପାରମେଶ୍ୱାର୍‌ଲଃ ଆବୁଆଃ ମେନେସା ହବାୟାନା । ପାରମେଶ୍ୱାର୍‌ଲଃ ମେସାୟାନ୍ ତାୟମ୍‌ତେ ନାହାଁଃଦ ଖ୍ରୀଷ୍ଟ୍‌ଆଃ ଜୀଦାନ୍ ହରାତେ ଆବୁ ଜୀଉ ବାଞ୍ଚାଅ ନାମେ ନାକ୍ ଚିମିନ୍ ଆଦ୍‌କା ସୁୟୋଗ୍ କାବୁ ନାମେୟାଁ ?^{୧୧} ମେନ୍‌ଦ ଏମ୍‌ନାକ୍ ଏସ୍‌କାର୍ ନାହାଁଲାଇ, ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ହରାତେ ପାରମେଶ୍ୱାର୍ ଅକ କାମିକଏ ରିକାକାଦା, ଏନାମେନ୍ତେ ଆବୁଆଃ ମନ୍‌ସୁରୁଦ୍ ରାସ୍‌କାତେ ପେରେଜାକାନା । ଏନ୍ ଯୀଶୁ ଆବୁକେ ପାରମେଶ୍ୱାର୍‌ଲଃ ଆଡ଼ଃମିସାଏ ମେସାକାଦ୍‌ବୁଆଁ ।

ଆଦାମ୍ ଆଡ଼ଃ ଖ୍ରୀଷ୍ଟ୍

^{୧୨} ଆଦାମ୍ ପାପ୍‌କେଦ୍ ହରାତେ ଅତେଦିଶୁମ୍‌ରେ ପାପ୍ ବଲୟାନା ଆଡ଼ଃ ଆଦାମ୍‌ଆଃ ପାପ୍ ହରାତେ ଗନଏଃ ହିଜୁଃୟାନା । ସବେନ୍‌କ ପାପ୍‌କେଦ୍ ହରାତେ ଗନଏଃ ସବେନ୍ ହଡ଼କକେ ହବାଅଃଆ ।^{୧୩} ଆନ୍‌ରୁ ଉଦୁବଃ ସିଦାରେ ଅତେଦିଶୁମ୍‌ରେ ପାପ୍ ତାଇକେନା, ମେନ୍‌ଦ ଆନ୍‌ରୁ କା ତାଇକେନ୍ ଇମତା ପାପ୍ କା ଲେକାଃଅ ତାଇକେନା ।^{୧୪} ଆଦାମ୍‌ତାଃଏତେ ମୁଣା ନାବୀଆଃ ଦିପିଲି ଜାକେଦ୍ ଜେତାଏ ଆଦାମ୍ ଲେକା ପାରମେଶ୍ୱାର୍‌ଆଃ ହୁକୁମ୍ କା ମାନାତିକ୍‌କେଦ୍‌ତେ ପାପ୍ କାମି କାକ ରିକାକାଦ୍‌ରେୟ, ସବେନ୍‌କଆଃରେ ଗନଏଃ ହିଜୁଃୟାନା । ଅକଏୟାଃ ହିଜୁଃରାଃ ତାଇକେନା, ଇନିଃ ଆଦାମ୍‌ଲଃ ମିଦ୍‌ଲେକାଗି ।^{୧୫} ମେନ୍‌ଦ

ନେ ବାରାନ୍‌କିନ୍ ମିଦ୍‌ଲେକାଗି ବାଙ୍ଗକିନା । ଆଦାମ୍‌ଆଃ ପାପ୍ ଆତଃ ପାର୍‌ମେଶ୍ୱାର୍‌ଆଃ ବେଗାର୍ ଗନଙ୍ଗ୍ ଦାନ୍ ମିଦ୍‌ଲେକାଗି ନାହାଁଲାଃ । ମିଆଁଦ୍ ହଡ଼ଆଃ ପାପ୍ ନାଗେନ୍ତେ ପୁରାଃ ହଡ଼କ ଗଏଃୟାନା ଏନା ସାର୍‌ତି ତାନାଃ । ମେନ୍‌ଦ ପାର୍‌ମେଶ୍ୱାର୍‌ଆଃ ମାରାଙ୍ଗ୍ ସାୟାଦ୍‌ତେ, ଆତଃମିଆଁଦ୍ ହଡ଼, ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ସାୟାଦ୍ ହରାତେ ପୁରାଃ ହଡ଼କଆଃ ନାଙ୍ଗ୍ ଅକ ଦାନ୍ ଏମାକାନା, ଏନା ପୁରାଃଗି ପେଡ଼େୟାନ୍‌ଗିୟା ।
 ୧୭ ମିଆଁଦ୍ ହଡ଼ରାଃ ପାପ୍ ହରାତେ ହଡ଼ ବିଚାରରେ ହିନ୍ଦୁଃୟାନା ଆତଃ ଗୁହ୍ନାଁ ମେନ୍ତେ ଉଦ୍‌ବ୍‌ୟାନା, ମେନ୍‌ଦ ହଡ଼କଆଃ ପୁରାଃ ପାପ୍ ହରାତେ ଆତଃ ଛାମା ନାମେଲେକା କା ତାଇକେନ୍‌ରେୟ, ପାର୍‌ମେଶ୍ୱାର୍‌ଆଃ ଏନ୍ ଦାନ୍ ହରାତେ, ନାହାଁଃ ହଡ଼ ଧାର୍‌ମାନ୍‌ନିଃ ମେନ୍ତେ ଉଦ୍‌ବ୍ ଦାଡ଼ିୟଃଆ । ୧୮ ମିଆଁଦ୍ ହଡ଼ରାଃ ପାପ୍ ହରାତେ ଗନଏଃ ସବେନ୍ ହଡ଼କତାଃରେ ରାଇଜ୍‌କେଦା, ମେନ୍‌ଦ ମିଆଁଦ୍ ହଡ଼ ଅକଏତି ଯୀଶୁ ଖ୍ରୀଷ୍ଟ୍ ଅକଆଃ ରିକାକାଦାଏ, ଏନା ଚିମିନ୍ ମାରାଙ୍ଗ୍ ତାନାଃ । ଅକ ହଡ଼କ ପାର୍‌ମେଶ୍ୱାର୍‌ଆଃ ପୁରାଃ ସାୟାଦ୍‌ତେ ବେଗାର୍ ଗନଙ୍ଗ୍‌ରେ ପାର୍‌ମେଶ୍ୱାର୍‌ତାଃରେ ଧାର୍‌ମାନ୍ ମେନ୍ତେକ କାଜିୟଃଆ, ଇନ୍‌କୁ ଜୀଦାନ୍‌କ ନାମେୟାଁ ଆତଃ ଏନ୍ ହଡ଼କ ଖ୍ରୀଷ୍ଟ୍ ହରାତେ ଜିନିତାଅ ଜୀଦାନ୍‌କ ବିତାଅୟା ।

୧୮ ମିଆଁଦ୍ ହଡ଼ରାଃ ପାପ୍ ହରାତେ ସବେନ୍ ହଡ଼କ ସାଜାଇକ ନାମ୍‌କେଦା, ଏନ୍‌ଲେକାଗି ମିଆଁଦ୍ ହଡ଼ରାଃ ଧାର୍‌ମାନ୍ ହରାତେ ସବେନ୍ ହଡ଼କ ନାଙ୍ଗ୍ ରାଡ଼ାନ୍ ଆତଃ ନାଝା ଜୀଦାନ୍ ଆଉଝାକାଦାଏ । ୧୯ ମିହୁଡ଼୍ କାଜି କା ମାନାତିଙ୍ଗ୍ ହରାତେ ସବେନ୍ ହଡ଼କ ପାପିକ ହବାୟାନା, ଏନ୍‌ଲେକାଗି ମିହୁଡ଼୍ କାଜି ମାନାତିଙ୍ଗ୍ ହରାତେ ସବେନ୍‌କ ପାର୍‌ମେଶ୍ୱାର୍‌ଆଃ ଆୟାର୍‌ରେ ଧାର୍‌ମାନ୍‌କ ହବାଅଃଆ ।

୨୦ ଆନ୍‌ରୁ ଉଦ୍‌ବ୍‌ୟାନ୍ ହରାତେ ଏଡ଼କାନ୍ କାଜିକାମିକ ଆଟ୍‌କାର୍‌ଉରୁମ୍‌ୟାନା, ମେନ୍‌ଦ ପାପ୍‌ରେୟାଃ କାଜିକ ପସାଅଃତାନ୍‌ଲଃ ପାର୍‌ମେଶ୍ୱାର୍‌ଆଃ ସାୟାଦ୍‌ହ୍ ପୁରାଃତେ ପସାଇଦିୟାନା । ୨୧ ପାପ୍ ଜେ'ଲେକା ଗନଏଃ ହରାତେ ରାଇଜେ ତାଇକେନା, ଏନ୍‌ଲେକାଗି ପାର୍‌ମେଶ୍ୱାର୍‌ଆଃ ସାୟାଦ୍ ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ଦେଙ୍ଗାତେ ଆବୁ ସବେନ୍‌କକେ ଧାର୍‌ମାନ୍ ମେନ୍ତେ କାଜିକେଦ୍‌ତେ ଜାନାଅ ଜାନାଅରେୟାଃ ଜୀଦାନ୍‌ତେ ସୁତୁଃଇଦିୟାଃ ।



ପାପ୍ ନାଗେନ୍ତେ ଗନଏଃ ଆତଃ ଖ୍ରୀଷ୍ଟ୍‌ଲଃ ମେସାନ୍ ହରାତେ ଜାନିଦ୍

୧ ତାବ୍‌ଦ ଚିନାଃରୁ କାଜିୟା ? ପାର୍‌ମେଶ୍ୱାର୍‌ଆଃ ସାୟାଦ୍ ଆତଃଗି ହବାଅଃକା ମେନ୍ତେ ଆବୁ ଚିନାଃ ପାପ୍‌ରେ ଜୀଦାନ୍‌ରୁ ବିତାଅୟା ? ୨ କାହାଗି ଏନ୍‌କାଦ ଆଲକା ହବାଅଃକା, ପାପ୍ ନାଗେନ୍ତେ ଆବୁ ଗଜାକାନା, ଏନାରେ ଆତଃ ଚିଲ୍‌କାତେ ଜୀଦାନ୍‌ରୁ ବିତାଅୟା ? ୩ ନେଆଁ ଚିନାଃ ଆପେ କାପେ ସାରିତାନା, ବାପ୍ତିସ୍ମା ହରାତେ ଖ୍ରୀଷ୍ଟ୍ ଯୀଶୁଲଃ ମେସାକେଦ୍‌ତେ ଆବୁ ଇନିୟାଃ ଗନଏଃରେ ମେସାକାନାବୁ । ୪ ଏନାମେନ୍ତେ ବାପ୍ତିସ୍ମା ହରାତେ ଆବୁ ସବେନ୍‌କ ଯୀଶୁ ଖ୍ରୀଷ୍ଟ୍‌ଆଃ ଗନଏଃରେ ହିସାଦାର୍ ହବାକେଦ୍‌ତେ ଆୟାଃଲଃ ତପାକାନାବୁ । ଇନିଃ ଜେ'ଲେକା ଆପୁଆଃ ମାନାରାଙ୍ଗ୍‌ରେୟାଃ ପେଡ଼େଃତେ ଜୀଉବିରିଦ୍‌ୟାନା, ଆବୁହଗି ଇନିୟାଃ ହରାତେ ନାଝା ଜୀଦାନ୍ ନାମ୍‌କେଦ୍‌ତେରୁ ବାଞ୍ଛାଅଃଆ ।

୫ ଚିୟାଃଚି ଆବୁ ଆୟାଃ ଗନଏଃରେ ମେସାକେଦ୍‌ତେ ଇନିଃଲଃ ମିଦ୍‌କାନାବୁ, ଏନ୍‌ଲେକାଗି ଆବୁ ଇନିୟାଃ ଜୀଉବିରିଦ୍‌ରେ ହଗି ଆୟାଃଲଃ ମିଦ୍‌ୟାନ୍ତେ ନାଝା ଜୀଦାନ୍‌ରୁ ନାମେୟାଁ । ୬ ଆବୁ ସାରିତାନାବୁ, ଖ୍ରୀଷ୍ଟ୍‌ଲଃ କ୍ରୁଶ୍ ଚେତାନ୍‌ରେ ଆବୁଆଃ ମାରି ଜୀଦାନ୍ ଗଜାକାନା । ଏନାତେ ଆବୁଆଃ ପାପ୍‌ରେୟାଃ ସଭାବ୍ ଜିୟନ୍‌କାନା ଆତଃ ଆବୁ ପାପ୍‌ରେୟାଃ ଦାସିହେତେ ରାଡ଼ାକାନାବୁ, ୭ ଚିୟାଃଚି ହଡ଼ ଗଏଃୟାନ୍‌ରେ, ପାପ୍‌ରେୟାଃ ତନଲ୍‌ହେତେ ରାଡ଼ାକଆଃଏ । ୮ ଆବୁ ଯୀଶୁ ଖ୍ରୀଷ୍ଟ୍‌ଲଃ ଗଜାକାନ୍ ହରାତେ, ଆୟାଃଲଃ ଜୀଦାନ୍‌ରୁ ନାମେୟାଁ ମେନ୍ତେରୁ ପାତିୟାରେତାନା । ୯ ଆବୁ ସାରିତାନାବୁ, ଖ୍ରୀଷ୍ଟ୍ ଗଜାକାନ୍‌କଏତେ ଜୀଉବିରିଦାକାନ୍ ହରାତେ, ଇନିଃ ଆତଃ ଚିଉଲାହ୍ କାଏ ଗଜଃଆ । ଆୟାଃ ଚେତାନ୍‌ରେ ଗନଏଃରାଃ ଆକ୍‌ତେୟାର୍ ଆତଃ ବାନଃଆ । ୧୦ ଇନିଃ ଅକ ଗନଏଃରେ ଗଏଃୟାନା, ଏନା ହରାତେ ପାପ୍‌ରେୟାଃ ପେଡ଼େଃହେତେ ମିସାତେଗି ରାଡ଼ାୟାନା । ଇନିଃ ନାହାଁଃ ଅକ ଜୀଦାନ୍ ବିତାଅତାନାଏ, ଏନାଦ ପାର୍‌ମେଶ୍ୱାର୍‌ଲଃ ମେନେସାରେୟାଃ ଜୀଦାନ୍ ତାନାଃ । ୧୧ ଏନ୍‌ଲେକାଗି ଆପେୟ ପାପ୍‌ହେତେ ଗଜାକାନାଲେ ମେନ୍ତେ ଆଟ୍‌କାରେପେ । ଆପେ ସବେନ୍‌କ ନାହାଁଃଦ ଯୀଶୁ ଖ୍ରୀଷ୍ଟ୍‌ଆଃ ହରାତେ ଜୀଦାନ୍‌ରେ ପାର୍‌ମେଶ୍ୱାର୍‌ଲଃ ମେସାକାନାପେ ।

୧୨ ଏନାମେନ୍ତେ ଆପେୟାଃ ଗଜଃ ହଡ଼୍‌ମରେ ପାପ୍ ଆତଃ ଆଲକାଏ ରାଇଜେକା, ଆପେ ହଡ଼୍‌ମରେୟାଃ ଏଡ଼କାନ୍ ସାନାଙ୍ଗ୍‌ରେ ଆତଃ ଆଲ୍‌ପେ ତାଇନା । ୧୩ ଆପେ ଆପ୍‌ନାଃ ହଡ଼୍‌ମରାଃ ଜେତାନ୍ ହିସାକେ କା ଧାର୍‌ମାନ୍‌ରେୟାଃ ହାଁତେୟାର୍ ଲେକା ପାପ୍‌ତାଃରେ ଆଲ୍‌ପେ ଜିମାନାଃ, ମେନ୍‌ଦ ଗନଏଃହେତେ ଜୀଉବିରିଦ୍‌କାନ୍ ଲେକା ଆପ୍‌ନାଃ ପାର୍‌ମେଶ୍ୱାର୍‌ଆଃ ଆୟାର୍‌ରେ ଜିମାନ୍‌ପେ, ଆତଃ ଆପ୍‌ନାଃ ହଡ଼୍‌ମରାଃ ହିସାକକେ ଧାର୍‌ମାନ୍‌ରେୟାଃ ହାଁତେୟାର୍ ଲେକା ପାର୍‌ମେଶ୍ୱାର୍‌ଆଃ ଆୟାର୍‌ରେ ଜିମାନ୍‌ପେ । ୧୪ ପାପ୍

☆ ୬:୪ ୬:୪ କଲସିୟ ୨:୧୨.

ଆପେ ଚେତାନ୍ରେ ଆଲକାଏ ରାଇଜେକା, ଚିୟାଃତି ଆପେ ଆଡ଼ ଆନ୍ତୁରେୟା ଆକ୍ତେୟାର୍ରେ କାପେ ତଲକାନା, ମେନ୍ଦ ପାର୍ମେଶ୍ୱାର୍ଆଃ ସାୟାଦ୍ତେ ନାହାଁଃ ଜୀନିଦ୍ ମେନାପେୟା ।

ଧାର୍ମାନ୍ରେନ୍ ଦାସି

୧୫ ତାବ୍ଦ, ଆରୁ ଆନ୍ତୁରେୟା ଆକ୍ତେୟାର୍ରେ କା ତାଇନ୍କେଦ୍ତେ ପାର୍ମେଶ୍ୱାର୍ଆଃ ସାୟାଦ୍ ନାମାକାଦାବୁ ମେନ୍ତେ ଚିନାଃ ପାପ୍ରେବୁ ତାଇନାଃ ? କାହାଗି ଏନ୍କାଦ ଆଲକା ହବାଅଃକା । ୧୬ ଆପେ ଚିନାଃ କାପେ ସାରିତାନା ? ଆପେ ଆପାନ୍କେ ଦାସି ଲେକା ଜିମାନାଃପେ ଇମ୍ତା, ଆପେ ସାର୍ତିଗି ଏନ୍ ହଡ଼ରାଃ ଦାସି ତାନ୍ପେ, ଅକନ୍ ହଡ଼କେ ଆପେ ମାନାତିଙ୍ଗ୍ ରିକାଇୟାପେ ଇନିଃ ହବାଅଃତାନାଏ ଆପେୟାଃ ଗୁସିୟା । ଆପେ ପାପ୍ରେୟାଃ ଦାସି ହବାଅଃରେଦ୍, ଏନାରେୟାଃ ନାଲା ଗନଏଃ ତାନାଃ, ଚାଏ ଆପେ ପାର୍ମେଶ୍ୱାର୍ରେକେ ମାନାତିଙ୍ଗ୍ରେଦ୍ ଏନାରେୟାଃ ନାଲା ହବାଅଃତାନା ପାର୍ମେଶ୍ୱାର୍ଲଃ ଧାର୍ମାନ୍ ମେନ୍ତେପେ କାଜିୟାଆ । ୧୭ ମୁସିଙ୍ଗ୍ ଆପେ ପାପ୍ରେୟାଃ ଦାସିପେ ତାଇକେନା, ମେନ୍ଦ ପାର୍ମେଶ୍ୱାର୍ଆଃ ଧାନାବାଦ୍ ହବାଅଃକା, ନାହାଁଃ ଆପେ ସୁକ୍କାଜିହେତେ ଇଡୁଆକାନ୍ ସାନାର୍ତିକେ ମନ୍ସୁରୁଦ୍ତେ ମାନାତିଙ୍ଗ୍ ତାନାପେ । ୧୮ ଆପେ ପାପ୍ରେୟାଃ ତନଲ୍ହେତେ ରାଡ଼ାକେଦ୍ତେ ଧାର୍ମାନ୍ରେୟାଃ ଦାସିପେ ହବାକାନା । ୧୯ ଆପେୟାଃ କା ପେଡ଼େୟାନ୍ ହରାତେ ନେ ସବେନ୍ କାଜିକ ଆଇଙ୍ଗ୍ ଆପେକେ ହଡ଼ ଜାଗାର୍ତାନ କାଜିତେଇଙ୍ଗ୍ କାଜିପେତାନା, ମୁସିଙ୍ଗ୍ ଆପେ ଆପେୟାଃ ହଡ଼ମ୍ରେୟାଃ ହିସାକେ ସଡ଼ରା କାମି ନାଙ୍ଗ୍ ଆଡ଼ ଏଡ଼କାନ୍ କାମି ନାଙ୍ଗ୍ ଦାସି ଲେକା ଜିମାକାଦ୍ ତାଇକେନାପେ । ଏନ୍ଲେକାଗି ନାହାଁଃ ପାବିତାର୍ ହବାଅଃ ନାଙ୍ଗ୍ ଆଡ଼ ହଡ଼ମ୍ରେୟାଃ ସବେନ୍ ହିସାକେ ଧାର୍ମାନ୍ରେୟାଃ ଦାସି ଲେକା ହବାଅଃ ନାଙ୍ଗ୍ ଆପାନ୍କେ ପୁରା ଜିମାନ୍ପେ ।

୨୦ ଆପେ ପାପ୍ରେୟାଃ ଦାସି ତାଇକେନ୍ ଇମ୍ତା, ଧାର୍ମାନ୍ତାଃଏତେ ରାଡ଼ାକାନ୍ ତାଇକେନାପେ । ୨୧ ନାହାଁଃ ଆପେକେ ଅକ କାମିକ ରିକା ନାଗେନ୍ତେ ଗିହୁଃ ଆଟ୍ଟକାର୍ପେ ତାନା, ଏନ୍ କାମିକ ସିଦା ଆପେ ରିକା ତାଇକେନାପେ । ଏନାରେ ଚିନାଃପେ ନାମାକାଦା ? ଏନ୍ ସବେନ୍ କାମିରେୟାଃ ନାଲା ହବାଅଃତାନା ଗନଏଃ । ୨୨ ମେନ୍ଦ ନାହାଁଃ ଆପେ ପାପ୍ ତନଲ୍ହେତେ ରାଡ଼ାୟାନ୍ଲଃ ପାର୍ମେଶ୍ୱାର୍ଆଃ ଦାସିପେ ହବାକାନା, ଆଡ଼ ପାବିତାର୍କାନାପେ । ଏନାରେୟାଃ ଲାଡ଼ ହବାଅଃତାନା, ପାର୍ମେଶ୍ୱାର୍ତାଃରେ ଜୀଉକେ ପୁରା ଜିମାନ୍ ଆଡ଼ ଏନାରେୟାଃ ନାଲା ହବାଅଃତାନା ଜାନାଅ ଜାନାଅରେୟାଃ ଜୀଦାନ୍ । ୨୩ ପାପ୍ରେୟାଃ ନାଲା ହବାଅଃତାନା ଗନଏଃ, ମେନ୍ଦ ପାର୍ମେଶ୍ୱାର୍ଆଃ ବେଗାର୍ ଗନଙ୍ଗ୍ ଦାନ୍ ହବାଅଃତାନା, ପ୍ରାଡୁ ଯାଗୁ ଖ୍ରୀଷ୍ଟଲଃ ମେସାନ୍ ହରାତେ ଜାନାଅ ଜାନାଅରେୟାଃ ଜୀଦାନ୍ ।



ଆଣ୍ଡିରେୟାଃ ଜନକା

୧ ହେ ହାଗା ମିଶିକ, ନାହାଁଃଦ ଆଇଙ୍ଗ୍ ଅକଆଃ କାଜିନାଙ୍ଗ୍ ସେନ୍ତାନାଇଙ୍ଗ୍, ଏନାଦ ଆପେ ଆଟ୍ଟକାର୍ଡରୁମ୍ ଦାଡ଼ିୟାପେ, ଚିୟାଃତି ଆପେଦ ଆନ୍ତୁ ଚିନାଃ ତାନାଃ ଏନାପେ ସାରିକାଦା । ହଡ଼ଦ ଆୟାଃ ଜୀନିଦ୍ରେ ତାଇନଃ ଇମ୍ତା ଏସ୍କାର୍ ଆନ୍ତୁରାଃ ତନଲ୍ରେ ତାଇନା । ୨ ଆଣ୍ଡିକାନ୍ କୁଡ଼ି ଆୟାଃ କଡ଼ା ଜୀନିଦ୍ ତାଇନ୍ ଜାକେଦ୍ କଡ଼ାତେଲଃ ମୁଶାରାଃ ଆନ୍ତୁରେୟାଃ ତନଲ୍ରେ ତାଇନା । ମେନ୍ଦ କଡ଼ାତେୟାଃ ଗନଏଃ ହବାଅଃରେ, ଇନିୟାଃ କୁଡ଼ି ନେ ମୁଶାରାଃ ଆନ୍ତୁ ତନଲ୍ହେତେ ରାଡ଼ାକେନଃଆ । ୩ କଡ଼ାତେ ଜୀନିଦ୍ ତାଇନ୍ ଇମ୍ତା, କୁଡ଼ିତେ ଏଟାଃ କଡ଼ାଲଃ ଆଣ୍ଡିୟାଃରେଦ୍, ଇନିଃ ଆପାଙ୍ଗିର୍ କୁଡ଼ି ମେନ୍ତେ କାଜିୟାଆ, ମେନ୍ଦ କଡ଼ାତେୟାଃ ଗନଏଃ ହବାଅଃରେ, କୁଡ଼ିତେ ମୁଶା ଏମାକାଦ୍ ଆନ୍ତୁରେୟାଃ ତନଲ୍ହେତେ ରାଡ଼ାକଆଏ, ଏନ୍ତେ ଏଟାଃ କଡ଼ାଲଃ ଆଣ୍ଡିୟାଃରେଦ୍, ଇନିଃ ଆପାଙ୍ଗିର୍ କୁଡ଼ି ମେନ୍ତେ କାଏ କାଜିୟାଆ । ୪ ହେ ହାଗା ମିଶିକ, ଆପେୟ ଏନ୍ଲେକାଗି ମୁଶାରାଃ ଆନ୍ତୁରେ ଗଜାକାନାପେ । ଆପେ ବାପ୍ତିସ୍ମା ହରାତେ ଖ୍ରୀଷ୍ଟଆଃ ହଡ଼ମ୍ଲଃ ଗଏଃକେଦ୍ତେ ଆୟାଃ ଜୀଉବିନିରିଦ୍ରେୟା ହିସା ହବାକାନାପେ ଆଡ଼ ନାହାଁଃ ଆପେ ପାର୍ମେଶ୍ୱାର୍ଆଃ ସେଝାରେ ବେଭାର୍ ଦାଡ଼ିୟାଆପେ । ୫ ଚିମିନ୍ ମାହାଁ ଜାକେଦ୍ ଆରୁ ଆରୁଆଃ ହଡ଼ମ୍ରେୟାଃ ଇଛାସାନାଙ୍ଗ୍ ଲେକାରୁ ତାଇକେନା । ଆନ୍ତୁରେ ମାନାକାଦ୍ ଆରୁଆଃ ପାପ୍ ଆରୁଆଃ ହରାତେ ଆନ୍ତୁ ପାପ୍ରେୟାଃ କାମିକଏ ରିକାକିବୁ ତାଇକେନା ଆଡ଼ ନେ କାମି ଆରୁଆଃ ଆମ୍ବ୍ରେୟାଃ ଗନଏଃ ରିକା ତାଇକେନାଏ । ୬ ସିଦାରେୟାଃ ଆନ୍ତୁ ଆରୁକେ ଆୟାଃ ତନଲ୍ରେ ତଲକାଦ୍ବୁ ତାଇକେନା, ମେନ୍ଦ ନାହାଁଃ ଆରୁଆଃ ମାରି ସଭାବ୍ ଗଏଃୟାନା ଆଡ଼ ଆରୁ ଆନ୍ତୁରେୟାଃ ତନଲ୍ହେତେ ରାଡ଼ା ଚାବାକାନାବୁ । ଏନାତେ ଆରୁ ନାହାଁଃ ସିଦାଲେକା ଅନଲ୍ ଆନ୍ତୁରେୟାଃ ସେଝା କାରୁ ରିକାତାନା, ମେନ୍ଦ ପାବିତାର୍ ଆମ୍ବା ଉଦ୍ବୁତାନ୍ ନାଝା ହରାରେବୁ ସେସେନ୍ତାନା ।

ଆନ୍ତୁ ଆଡ଼ ପାପ୍

୭ ତାବଦ ତିନାଃରୁ କାଜିୟା, ଆନରୁଗି ପାପତାନାଃ ? କାହାଗି, ଏନାଦ ନାହାଁଲିଆ । ମେନ୍ଦ ପାପ ତିନାଃ ତାନାଃ ଏନା ଆନରୁ ଆଇଙ୍ଗକେ ଉଦୁବକାଦିୟା, “ଏଟାଃନିୟାଃ ଜିନିଷକେ ଆଲ୍ପେ ହାୟାଃଅଃଆ,” ନେ ଆନାରୁ ଆନରୁରେ କା ଏମାକାନରେ, ହାୟା ତିନାଃ ତାନାଃ, ଏନା ଆଇଙ୍ଗ କାଇଙ୍ଗ ସାରିତେୟାଃ । ୮ ମେନ୍ଦ ଏନ୍ ଆନାରୁ ହରାତେ ଆଇଁୟାଃ ମନ୍ରେ ଚିମିନ୍ ରାକାମ୍ରେୟାଃ ପାପକ ରିକାନାଙ୍ ଉପ୍ପାୟାନା । ମେନ୍ଦ ଆନରୁ ବାଗିକେଦ୍ତେ ପାପରାଃ ଜେତାନ୍ ପେଡ଼େଃ ବାନଃଆ । ୯ ମିସା ଆଇଙ୍ଗ ଆନରୁକେ କା ସାରିକେଦ୍ତେ ଜାନିଦ୍ ତାଇକେନାଇଙ୍ଗ, ମେନ୍ଦ ଆନରୁ ହିଜୁଃୟାନ୍ତି ପାପ ବଲୟାନା ଆଡ଼ଃ ଆଇଁୟାଃ ଗନଏଃ ହବାୟାନା । ୧୦ ଅକ ଆନରୁ ଜୀଦାନ୍ ଏମେ ନାଗେନ୍ତେ ତାଇକେନା, ଏନା ଆଇଁୟାଃ ଆମ୍ବିକ୍ ଗନଏଃ ଆଉକେଦାଏ । ୧୧ ଆନରୁରେୟାଃ ସୁଯୋଗ୍ ଇଦିକେଦ୍ତେ ପାପ ଆଇଙ୍ଗକେ ବେଦାକେଦିୟା ଆଡ଼ଃ ଗଏଃକେଦିୟାଏ ।

୧୨ ଆନରୁ ପାବିତାର୍ଗିଆ, ଏନାରେୟାଃ ସବେନ୍ ଆନରୁ ପାବିତାର୍ଗିଆ, ଠାଉକାନଗିୟା ଆଡ଼ଃ ବୁଗିନ୍ଗିୟା । ୧୩ ତାବଦ ଅକ୍ନାଃ ବୁଗିନ୍ ତାନାଃ, ଏନା ନାଗେନ୍ତେ ତିନାଃ ଆଇଁୟାଃ ଗନଏଃ ହବାଅଃଆ ? କାହାଗି, ଏନକାଦ ଚିଉଲ୍ଲାଅ କା ହବାଅଃଆ ? ଏନା ପାପଗି ରିକା କାଦାଏ । ବୁଗିନ୍ ଆନରୁ ମାନାତିଙ୍ଗକେଦ୍ ହରାତେ ପାପ ଆଇଁୟାଃ ଗନଏଃ ଆଉକେଦାଏ । ଏନାତେ ପାପରାଃ ସାର୍ତ୍ତି ସଭାବ୍ ଉଦୁବୟାନା, ଆଡ଼ଃ ଆନରୁ ହରାତେ ପାପ ପୁରାଃ ବରଝାନ୍ତେୟାଃ ତାନାଃ ମେନ୍ତେ ଉଦୁବୟାନା ।

ଆରୁଆଃ ମନ୍ରେ ଆଡ଼ଃଉଡ଼ଃ

୧୪ ଆରୁ ସାରିତାନାରୁ, ଆନରୁ ଆମ୍ବିକ୍ ତାନାଃ, ମେନ୍ଦ ଆଇଙ୍ଗ ଆମ୍ବିକ୍ ହଡ଼ ନାହାଁଲିଙ୍ । ଆଇଙ୍ଗ ପାପତାଃରେ ଦାସି ଲେକାଇଙ୍ଗ ଆଖ୍ରିଙ୍ଗକାନା । ୧୫ ଆଇଙ୍ଗ ତିନାଃ ରିକାତାନ୍ତେୟାଃ କାଇଙ୍ଗ ଆଟ୍ଟକାର୍ତ୍ତରୁମେ ତାନା । ଆଇଙ୍ଗ ଅକ୍ନାଃ କାମି ସାନାଙ୍ଗତାନ୍ତେୟାଃ କାଇଙ୍ଗ କାମିତାନା ମେନ୍ଦ ଅକ୍ନାଃ ହିଲ୍ଲାଙ୍ଗତାନ୍ତେୟାଃ କାମିତାନା । ୧୬ ଅକଆଃ ରିକାତାନା, ଏନା ଆଇଁୟାଃ ଇଛା ସାନାଙ୍ ବିରୁଧ୍ରେ ରିକା ତାନାଇଙ୍ଗ, ଏନାମେନ୍ତେ ଆନରୁ ବୁଗିନାଃ ମେନ୍ତେ ଆଟ୍ଟକାରେତାନା । ୧୭ ଏନାତେ ଏନ୍ କାମି ଆଇଙ୍ଗ କାଇଙ୍ଗ ରିକାତାନା ମେନ୍ଦ ଆଇଁୟାଃ ମନ୍ ଭିତାର୍ରେ ତାଇନ୍ତାନ୍ ପାପ ଏନାକେ ରିକାତାନା । ୧୮ ଆଇଙ୍ଗ ସାରିତାନାଇଙ୍ଗ, ଆଇଁୟାଃ ହଡ଼ମ୍ରେ ଜେତାନ୍ ବୁଗିନାଃ ବାନଃଆ, ଚିଆଃତି ବୁଗିନ୍ କାମି ରିକା ନାଗେନ୍ତେ ଆଇଁୟାଃ ଇଛାସାନାଙ୍ ତାଇନ୍ତେୟା ଏନା କାଇଙ୍ଗ କାମି ଦାଡ଼ିତାନା । ୧୯ ଏନାମେନ୍ତେ ଅକ ବୁଗିନ୍ କାମି ରିକା ନାଗେନ୍ତେ ଆଇଁୟାଃ ଇଛାସାନାଙ୍ ମେନାଃ, ଏନା କା କାମିକେଦ୍ତେ, ଆଇଁୟାଃ ଇଛାସାନାଙ୍ ବିରୁଧ୍ରେୟାଃ ଏଡ଼କାନ୍ କାମିକଗିଇଙ୍ଗ ରିକାତାନା । ୨୦ ଆଇଁୟାଃ ଇଛାସାନାଙ୍ ବିରୁଧ୍ରେ ଅକ କାମିକଇଙ୍ଗ ରିକାତାନା, ସାର୍ତ୍ତିଗି ଏନ୍ କାମିକଦ୍ ଆଇଙ୍ଗ କାଇଙ୍ଗ କାମିତାନା, ଆଇଙ୍ଗରେ ତାଇନ୍ତାନ୍ ପାପ୍ ନେ କାମିକଏ ରିକାତାନା ।

୨୧ ଏନ୍ ଲେକାଗି ଆଇଙ୍ଗ ନେ ଆନରୁରେ ନାମାକାଦାଇଙ୍ଗ, ଆଇଙ୍ଗ ବୁଗିନାଃ କାମିନାଙ୍ ସାନାଙ୍ଗତାନ୍ ଇମ୍ପତା, ଏଡ଼କାନ୍ କାମି ଏସକାର୍ କାମିୟାଃଇଙ୍ଗ । ୨୨ ପାର୍ମେଗ୍ଠାର୍ଆଃ ଆନରୁ ମାନାତିଙ୍ଗ ନାଗେନ୍ତେ ଆଇଁୟାଃ ସାନାଙ୍, ୨୩ ମେନ୍ଦ ଆଇଁୟାଃ ମନ୍ରେ ନେ ଇଛାସାନାଙ୍ ବିରୁଧ୍ରେ ଆଇଁୟାଃ ହଡ଼ମ୍ରେ ଆକ୍ତେୟାର୍ରେତାନ୍ ଆନରୁ ସବେନ୍ ଇମ୍ପତା ଲାପାଡ଼ାଇତାନାଏ । ଆଇଁୟାଃ ହଡ଼ମ୍ରେ କାମିୟାଃତାନ୍ ଏନ୍ ପାପ୍ କାମିକ ଆଇଙ୍ଗକେ ତଲ୍ଲକେଦ୍ତେ ଦହକାଦିୟା । ୨୪ ହାଏ, ଆଇଙ୍ଗ ଚିମିନ୍ କା ସୁକୁତାନ୍ ହଡ଼ତାନିଙ୍ଗ, ଗନଏଃ ଗାଡ଼ାତେ ଇଦିତାନ୍ ନେ ହଡ଼ମ୍ରେୟାଃ କାମିଏତେ ଆଇଙ୍ଗକେ ଅକଏ ବାଞ୍ଚାଅୟାଏ ? ୨୫ ପାର୍ମେଗ୍ଠାର୍ଆଃ ଧାନ୍ୟାବାଦ୍ ହବାଅଃକା, ପ୍ରାଭୁ ଯୀଶୁ ଖ୍ରୀଷ୍ଟଆଃ ହରାତେ ନେ ସବେନାଃ ହବାକାନା । ଏନାତେ, ନେଆଁ ହବାଅଃତାନା ଆଇଁୟାଃ ଦାସା । ଆଇଙ୍ଗ ପାର୍ମେଗ୍ଠାର୍ଆଃ ଆନରୁକେ ଏସକାର୍ ଆଇଁୟାଃ ମନ୍ରେ ମାନାତିଙ୍ଗ ଦାଡ଼ିୟାଇଙ୍ଗ । ମେନ୍ଦ ଆଇଁୟାଃ ମାନଝା ସଭାବ୍ ଆଇଙ୍ଗକେ ପାପ୍ରେୟାଃ ଦାସି ହବାଅଃ ନାଗେନ୍ତେ ଆରୁଇଙ୍ଗତାନା ।

୮

ଆମ୍ବାରେୟାଃ ଜୀଦାନ୍

୧ ନାହାଁଃ ଅକନ୍ଦ୍ ଖ୍ରୀଷ୍ଟ୍ ଯୀଶୁଲ୍ଲଃ ମେସାକେଦ୍ତେ ଜୀଦାନ୍ ବିତାଅଆଃକ, ଇନ୍କୁ ଆଡ଼ଃ ସାଜାଇ କାକ ନାମେୟା । ୨ ପାବିତାର୍ ଆମ୍ବା ଅକ ଆନରୁ ହରାତେ ଆବୁକେ ଖ୍ରୀଷ୍ଟ୍ ଯୀଶୁଲ୍ଲଃ ମେସାକେଦ୍ତେ ଅକ ଜୀଦାନ୍ ଏମାକାଦ୍ବୁଆଏ, ଏନା ହରାତେ ଆବୁ ପାପ୍ ଆଡ଼ଃ ଗନଏଃରେୟାଃ ଆନରୁହେତେ ରାଡ଼ାକାନାରୁ । ୩ ମାନଝାରାଃ ସଭାବ୍ରେ ପେଡ଼େଃ ବାନଃ ହରାତେ ମୁଗା ନାବୀ ଏମାକାଦ୍ ଆନରୁକେ ମାନାତିଙ୍ଗ କାଏ ଦାଡ଼ିକେନା, ଏନାକେ ପାର୍ମେଗ୍ଠାର୍ ରିକାକେଦାଏ । ମାନଝା ଜୀଦାନ୍ରେ ପାପ୍ରେୟାଃ ଜିୟନେ ନାଗେନ୍ତେ ଇନିଃ ଆୟାଃ ହନ୍କେ ପାପି ମାନଝା ଲେକାଏ କୁଲ୍ଲକିୟା ଆଡ଼ଃ ଖ୍ରୀଷ୍ଟ୍ ଯୀଶୁ ପାପ୍ରେୟାଃ ପେଡ଼େଃକେ

☆ ୭:୧୫ ୭:୧୫ ଗାଲତିୟ ୫:୧୭.

ଜିୟନ୍‌କେଦା । ୪ ଏନାମେନ୍ତେ ନାହିଁ ଆବୁ ମାନଞ୍ଜା ସଭାବ୍‌ରେୟାଃ ଆକ୍‌ତେୟାର୍‌ରେ କା ତାଇନ୍‌କେଦ୍‌ତେ ପାବିତାର୍ ଆମ୍ବ୍‌ରେୟାଃ ହରାତେତୁ ସେସେନ୍‌ତାନା ଆତଃ ନେଆଁ ହରାତେ ଆବୁ ଆନ୍‌ତୁରେୟାଃ ଧାର୍‌ମାନ୍ ହାଟିରୁ ପୁରାକାଦା । ୫ ଅକନ୍ ହଡକ ମାନଞ୍ଜା ସଭାବ୍ ଲେକା ଜୀଦାନ୍‌କ ବିତାଅଆଃ, ଇନ୍‌କୁଆଃ ମନ୍ ଉଡ଼ଞ୍ଜୁକ୍, ଏନ୍ ସଭାବ୍ ଲେକାଗି କାମିଇଟିକଆ । ମେନ୍‌ଦ ଅକନ୍ ହଡକ ପାବିତାର୍ ଆମ୍ବ୍‌ରାଃ କାଜି ଲେକା କାମିୟାଃକ, ଇନ୍‌କୁଆଃ ମନ୍‌ରାଃ ଉଡ଼ଞ୍ଜୁ ପାବିତାର୍ ଆମ୍ବ୍‌ରାଃ ସାନାଜ୍ ଲେକା ତାଇନାଃ । ୬ ଚିୟାଃଟି ମନ୍, ମାନଞ୍ଜା ସଭାବ୍‌ରେୟାଃ ଆକ୍‌ତେୟାର୍‌ରେ ତାଇନଃରେଦ, ଏନାରେୟାଃ ନାଲା ଗନ୍‌ଏଃ ନାମଃଆ, ଆତଃ ପାବିତାର୍ ଆମ୍ବ୍‌ରେୟାଃ ଆକ୍‌ତେୟାର୍‌ରେ ତାଇନଃରେଦ ଏନାରେୟାଃ ନାଲା ଜୀଦାନ୍ ଆତଃ ଜୀଉସୁକୁ ନାମଃଆ । ୭ ଆତଃ ମନ୍, ମାନଞ୍ଜା ସଭାବ୍‌ରେୟାଃ ଆକ୍‌ତେୟାର୍‌ରେ ତାଇନଃ ହରାତେ ହଡ ପାର୍‌ମେଶ୍‌ବାର୍‌ଆଃ ବାଇରି ହବାଅଃଆଏ, ଚିୟାଃଟି ଇନିଃ ପାର୍‌ମେଶ୍‌ବାର୍‌ଆଃ ଆନ୍‌ତୁ କାଏ ମାନାତିୟାଃ ଆତଃ ଇନିଃ ଏନାକେ କାଏ ମାନାତିଜ୍ ଦାଡ଼ିୟା । ୮ ଅକନ୍ ହଡକ ମାନଞ୍ଜା ସଭାବ୍ ଲେକାତେ କାମିୟାଃକ, ଇନ୍‌କୁ ପାର୍‌ମେଶ୍‌ବାର୍‌କେ କାକ ସୁକୁଇଟି ଦାଡ଼ିୟା ।

୯ ପାର୍‌ମେଶ୍‌ବାର୍‌ଆଃ ପାବିତାର୍ ଆମ୍ବ୍ ସାର୍‌ତିଗି ଆପେରେ ମେନାଇରେଦ, ଆପେ ମାନଞ୍ଜା ସଭାବ୍ ଲେକାତେ ଜୀଦାନ୍ କାପେ ବିତାଅ ତାନା, ମେନ୍‌ଦ ଜୀଦାନ୍‌ରେ ପାବିତାର୍ ଆମ୍ବ୍‌ରାଃ ଆନାତୁପେ ମାନାତିଜ୍ ତାନା । ଖ୍ରୀଷ୍ଟ୍‌ଆଃ ଆମ୍ବ୍ ଜେତାଏତାଃରେ ବାଜାଈୟା, ଇନିଃ ଚିଉଲାଅ ଆୟାଃ ହଡ କାଏ ହବା ଦାଡ଼ିୟାଆ । ୧୦ ମେନ୍‌ଦ ଖ୍ରୀଷ୍ଟ୍ ଆପେରେ ମେନାଇରେଦ, ଆପେୟାଃ ହଡ଼ମ୍ ପାପ୍ ନାଗେନ୍ତେ ଜିୟନ୍‌ଃରେଦ ସେନଃତାନ୍‌ରେୟ, ପାବିତାର୍ ଆମ୍ବ୍ ଆପେକେ ଜୀଦାନ୍ ଏନାପେୟାଏ, ଚିୟାଃଟି ଆପେ ପାର୍‌ମେଶ୍‌ବାର୍‌ଆଃ ଆୟାର୍‌ରେ ଧାର୍‌ମାନ୍ ଲେକାପେ ହବାକାନା । ୧୧ ଯୀଶୁକେ ଗନ୍‌ଏଃହେତେ ଜୀଉ ବିରିଦାକାଇ ପାର୍‌ମେଶ୍‌ବାର୍‌ଆଃ ଆମ୍ବ୍ ଆପେରେ ମେନାଃରେଦ, ଗନ୍‌ଏଃକଏତେ ଖ୍ରୀଷ୍ଟ୍ ଯୀଶୁକେ ଜୀଉବିରିଦକାଇ ପାର୍‌ମେଶ୍‌ବାର୍‌, ଆପେତାଃରେ ତାଇନଃତାନ୍ ଆୟାଃ ଆପ୍‌ନାଃ ଆମ୍ବ୍ ହରାତେ ଆପେୟାଃ ଗଜଃ ହଡ଼ମ୍‌କେହଗି ଜୀଦାନ୍ ଏମେୟାଏ ।

୧୨ ଏନାତେ, ହେ ହାଗା ମିଗିକ, ଆବୁ ରିଣୀକାନାବୁ, ମେନ୍‌ଦ ଆବୁଆଃ କାମି ହବାଅଃତାନା, ମାନଞ୍ଜା ସଭାବ୍ ଲେକାତେ ଜୀଦାନ୍ କାବୁ ବିତାଅୟା । ୧୩ ଚିୟାଃଟି ଆପେ ମାନଞ୍ଜା ସଭାବ୍ ଲେକାତେ ଜୀଦାନ୍ ବିତାଅଲେରେ ଆପେୟାଃ ଗନ୍‌ଏଃ ହବାଅଃଆ, ମେନ୍‌ଦ ପାବିତାର୍ ଆମ୍ବ୍‌ରେୟାଃ ଦେଙ୍ଗାତେ ଆପେୟାଃ ପାପ୍‌ରେୟାଃ କାମିକ ବାଗିକେଦ୍‌ତେ ଆତଃ ପାପ୍ କାମି କାପେ ରିକାଏରେଦ ଆପେ ଜୀହୁଦଃଆପେ । ୧୪ ଅକନ୍ ହଡକ ପାର୍‌ମେଶ୍‌ବାର୍‌ଆଃ ଆମ୍ବ୍‌ତେ ସୁଡ଼ଞ୍ଜୁକ୍‌ଦିୟାଃଆକ, ଇନ୍‌କୁ ପାର୍‌ମେଶ୍‌ବାର୍‌ଆଃ ହନ୍‌କ ତାନ୍‌କ । ୧୫ ଚିୟାଃଟି ପାର୍‌ମେଶ୍‌ବାର୍‌ ଏନାକାଦ୍ ଏନ୍ ଆମ୍ବ୍ ଆପେକେ ଦାସିହେତେ ରାଡ଼ାକାଦ୍‌ପେୟା, ଆପେକେ ଆତଃ ବର କା ଲାଗାତିଜ୍‌ୟାଃ । ମେନ୍‌ଦ ପାବିତାର୍ ଆମ୍ବ୍ ଆପେକେ ପାର୍‌ମେଶ୍‌ବାର୍‌ଆଃ ହନ୍ ହବାଅଃ ନାଗେନ୍ତେ ସୁଯୋଗ୍ ଏନାକାଦ୍‌ପେୟାଏ । ଆୟାଃ ପେଡ଼େଃ ଆଟ୍‌କାର୍‌କେଦ୍‌ତେ ଆବୁ ନାହିଁ ପାର୍‌ମେଶ୍‌ବାର୍‌କେ “ଆବା” ମେନ୍ତେବୁ କାଜି ଦାଡ଼ିତାନା । ୧୬ ପାର୍‌ମେଶ୍‌ବାର୍‌ଆଃ ଆମ୍ବ୍ ଆଇଃକ୍‌ଗି ଆବୁଆଃ ମନ୍‌ସୁରୁଦ୍‌ଲଃ ମେସାକେଦ୍‌ତେ ଆବୁକେ ପାର୍‌ମେଶ୍‌ବାର୍‌ଆଃ ହନ୍‌ତାନ୍‌ପେ ମେନ୍ତେ ଉଦୁବେତାନା । ୧୭ ଆବୁ ପାର୍‌ମେଶ୍‌ବାର୍‌ଆଃ ହନ୍‌ତାନ୍‌ରୁ ମେନ୍ତେ, ଆୟାଃ ହଡକଆଃ ନାଗେନ୍ତେ ଦହକାନ୍ ଆଶିଷ୍‌ରେ ଆବୁ ହିସାବୁ ନାମେୟା । ଆତଃ ଖ୍ରୀଷ୍ଟ୍ ନାଗେନ୍ତେ ପାର୍‌ମେଶ୍‌ବାର୍‌ ଅକ୍‌ନାଃ ଦହକାଦାଏ, ଏନାରେୟାଗି ଆବୁ ହିସାବୁ ନାମେୟା । ଆବୁ ଯୀଶୁଆଃ ଦୁକୁରେ ହିସାବୁ ନାମାକାଦ୍‌ରେଦ, ଆୟାଃ ମାନାରାଜ୍‌ରେୟାଗି ହିସାବୁ ନାମେୟା ।

ହିନିଜୁଃ ଦିପିଲିରେୟାଃ ମାନାରାଜ୍

୧୮ ଆବୁ ଅକ ମାନାରାଜ୍‌ରେୟାଃ ହିନିଜୁଃ ଦିପିଲିରେ ବଲଆବୁ, ଏନାରେୟାଃ ଜକାରେ ନାହିଁରେୟାଃ ଦୁକୁହାସୁ ଜେଡନାଃ ନାହିଁଲାଃ । ଏନ୍ ଦିପିଲିରେ ପାର୍‌ମେଶ୍‌ବାର୍‌ ଆୟାଃ ହନ୍‌କକେ ଉଦୁବାକଆ । ୧୯ ସବେନ୍ ବାଇୟାକାନ୍‌ତେୟାଃକ ପୁରାଃ ଆସ୍ରାଏତାନ୍‌ଲଃ ପାର୍‌ମେଶ୍‌ବାର୍‌ଆଃ ହନ୍‌କଆଃ ଉନ୍‌ଦୁବ୍ ଦିପିଲିକେ ନେଲ୍ ହରାଏତାନା । ୨୦ ଚିୟାଃଟି ପାର୍‌ମେଶ୍‌ବାର୍‌ ବାଇୟାକାଦ୍‌ତେୟାଃ ଆୟାଃ ହରାତେ ସାରପାଅୟାନ୍‌ଲଃ ଏନାରେୟାଃ ଉକେଶ୍ ଆଦୟାନା, ଏନ୍‌ରେୟ ଏନାରେୟାଃ ଆସ୍ରା ମେନାଃ ୨୧ ଯେ, ମୁସିଜ୍ ହୁଲାଜ୍ ପାର୍‌ମେଶ୍‌ବାର୍‌ଆଃ ହନ୍‌କଆଃ ମାନାରାଜ୍‌ରେ ହିସା ହବାକେଦ୍‌ତେ, ବାଇୟାକାନ୍‌ତେୟାଃ ଜିୟନ୍‌ଃରେୟାଃ ଦାସିହେତେ ରାଡ଼ାଅଃଆ । ୨୨ ଚିୟାଃଟି ଆବୁ ସାରିତାନାବୁ, ନାହିଁ ଜାକେଦ୍ ସବେନ୍ ବାଇୟାକାନ୍‌ତେୟାଃ ହନ୍ ଜାନାମଃ ଇମତାରେୟାଃ ଦୁକୁ ନାମେ ଲେକା ଦୁକୁଡତାନ୍‌ଲଃ ରାଆଃଗେରାଜ୍‌ଅଃ ତାନା । ୨୩ ବାଇୟାକାନ୍‌ତେୟାଃ ଏସ୍‌କାର୍ କାଏ ରାଆଃଗେରାଜ୍ ତାନା, ମେନ୍‌ଦ ଆବୁହଗି ଏନ୍‌ଲେକା ରାଆଃଗେରାଜ୍ ତାନ୍‌ଲଃ ମେନାବୁଆ । ପାର୍‌ମେଶ୍‌ବାର୍‌ଆଃ ପାହିଲା ଦାନ୍ ଲେକା ପାବିତାର୍ ଆମ୍ବ୍‌କେବୁ ନାମ୍‌କିୟା । ଏନ୍‌ରେୟ ପାର୍‌ମେଶ୍‌ବାର୍‌ଆଃ ହନ୍‌କ ବାଇୟାଃକାବୁ ଆତଃ ପୁରା

✧ ୮:୧୧ ୮:୧୧ ୧ କରିଛିୟ ୩:୧୭. ✧ ୮:୧୫ ୮:୧୫ ମାର୍କ ୧୪:୩୭; ଗାଲତିୟ ୪:୭. ✧ ୮:୨୩ ୮:୨୩ ୨ କରିଛିୟ ୫:୨-୪.

ରାଡ଼ାଅଃ ନାମେକାବୁ ମେନ୍ତେ ଆବୁହଗି ତାଜିତାନାବୁ । ୨୪ ଚିୟାଃତି ଆସ୍ତା ଦହ ହରାତେଗି ଆବୁ ବାସ୍ତାଅ ନାମାଃରୁ । ମେନ୍ଦ ଅକ୍ନାଃ ନେଲଃତାନା, ଏନା ନାଗେନ୍ତେ ଆସ୍ତା ଦହଃତେୟାଃ ସାର୍ତି ଆସ୍ତା ନାହାଁଲାଃ । ଜେତାଏ ଚିନାଃ ନେଲଃତାନ ବିଷାଏ ନାଗେନ୍ତେ ଆସ୍ତାଏଆ ? ୨୫ ମେନ୍ଦ ଆବୁ କା ନେଲଃତାନ ବିଷାଏ ନାଗେନ୍ତେରୁ ଆସ୍ତାଏ ରେଦ, ଆବୁକେ ଧୂରାଜ୍ ସାବ୍କେଦ୍ତେ ତାଜି ଲାଗାତିଙ୍ଗ୍ୟାଃ ।

୨୬ ଏନ୍ଲେକାଗି ଆବୁ ନାରାଦୁରାଗିୟାବୁ ମେନ୍ଦ ପାବିତାର୍ ଆମ୍ବା ଆବୁକେ ଦେଙ୍ଗାଏଃ । ଚିଲ୍ଲକା ବିକ୍ତି ରିକା ଲାଗାତିଙ୍ଗ୍ୟାଃ, ଏନା ଆବୁ କାବୁ ସାରିୟାଃ । ଏନାମେନ୍ତେ ପାବିତାର୍ ଆମ୍ବା ଆବୁଆଃ କା କାଜିୟଃତାନ କାଜିରେ ଆବୁ ନାଗେନ୍ତେ ପାର୍ମେଶ୍ୱାର୍ତାଃରେ ବିକ୍ତି ତାନା । ୨୭ ପାର୍ମେଶ୍ୱାର୍ଦ ଆବୁଆଃ ମନ୍ସୁରୁଦ୍କେ ସାରିୟାଃଏ, ଚିୟାଃତି ଇନିଃଦ ସବେନାଃ ସାରିନିଃ ତାନିଃ ଆତଃ ପାବିତାର୍ ଆମ୍ବା ପାର୍ମେଶ୍ୱାର୍ତାଃ ସାନାଙ୍ଗ୍ ଲେକାତେ ଆୟାଃ ହଡକ ନାଗେନ୍ତେ ବିକ୍ତି ତାନା ।

୨୮ ଆବୁ ସାରିତାନାବୁ ଯେ, ଅକନ୍କ ପାର୍ମେଶ୍ୱାର୍ତାଃ ଇଛା ସାନାଙ୍ଗ୍କେ ପୁରାଏ ନାଗେନ୍ତେକ କେଡ଼ାକାନା ଆତଃ ପାର୍ମେଶ୍ୱାର୍କେ ଦୁଲ୍ଲାଡ଼ାଃକ, ଇନ୍କୁ ନାଗେନ୍ତେ ସବେନାଃ ବୁଗିନ୍ଗି ହବାଅଃଆ । ୨୯ ଅକନ୍କକେ ପାର୍ମେଶ୍ୱାର୍ ସିଦାରେଗି ସାଲାକାଦକଆ, ଇନ୍କୁକେ ଆୟାଃ ହନ୍ଆଃ ଲେକା ହବାଅଃ ନାଗେନ୍ତେ ସାଲାକାଦକଆ, ଏନାତେ ପାର୍ମେଶ୍ୱାର୍ତାଃ ହନ୍ ପୁରାଃ ହାଗା ମିଗିକଏତେ ମୁଡ଼କୁଲ୍ ହନ୍ ହବାଅଃଆଏ । ୩୦ ଆତଃ ଅକନ୍କ ନେ'ଲେକା ସାଲାକେଦ୍ତେ କେଡ଼ାକାନାକ, ଇନ୍କୁ ପାର୍ମେଶ୍ୱାର୍ତାଃ ଆୟାର୍ରେ ଧାର୍ମାନ୍ ଲେକା ହବାକେଦ୍ତେ ଇନିଃ ଆୟାଃ ମାନାରାଙ୍ଗ୍କେ ଇନ୍କୁତାଃରେ ଉଦୁବ୍କାଦା ।

ପାର୍ମେଶ୍ୱାର୍ତାଃ ଦୁଲ୍ଲାଡ଼

୩୧ ଏନାତେ, ନେ ସବେନ୍ ବିଷାଏରେ ଆତଃ ଚିନାଃରୁ କାଜିୟା ? ପାର୍ମେଶ୍ୱାର୍ ଆବୁଲଃ ମେନାଲ୍ରେଦ ଅକଏ ଆବୁଆଃ ବିରୁଧ୍ରେ ହବା ଦାଡ଼ିୟଃଆ ? ୩୨ ପାର୍ମେଶ୍ୱାର୍ ଆବୁଆଃ ବିରୁଧ୍ରେ କାଏ ହବାଅଃଆ, ଚିୟାଃତି ଇନିଃ ଆୟାଃ ଆପ୍ନାଃ ହନ୍କେହଗି କା ବାସ୍ତାଅକେଦ୍ତେ ଆବୁ ନାଗେନ୍ତେ ଦାନ୍ ଏମକିୟାଏ । ଏନ୍ରେଦ, ଇନିଃ ଚିନାଃ ଆବୁକେ ସବେନ୍ ବିଷାଏ କାଏ ଏମାବୁଆ ? ୩୩ ପାର୍ମେଶ୍ୱାର୍ତାଃ ସାଲାକାନ୍ ହଡକଆଃ ବିରୁଧ୍ରେ ଅକଏ ଚିଟା ଦାଡ଼ିକଆଏ ? ଇନ୍କୁକେ ବେଗାର୍ ଗୁହ୍ନାଁ ମେନ୍ତେ ପାର୍ମେଶ୍ୱାର୍ ଆଇଃକ୍ଗି କାଜିକାଦା । ୩୪ ତାବ୍ଦ ଅକଏ ଇନ୍କୁକେ ସାଜାଲ ଏମ୍ ଦାଡ଼ିୟାଏ ? ଯାଶୁ ଖ୍ରୀଷ୍ଟ୍ ଚିତ୍ତଲହ ଏନ୍କା କାଏ ରିକାୟା, ଚିୟାଃତି ଇନିଃ ଗନ୍ଏଃହେତେ ଜୀଉବିରିଦ୍କେଦ୍ତେ ପାର୍ମେଶ୍ୱାର୍ତାଃ ଜମ୍ସାଃରେ ଦୁବାକାନା । ଇନିଃହ ଆବୁ ନାଗେନ୍ତେ ପାର୍ମେଶ୍ୱାର୍ତାଃରେ ବିକ୍ତିତାନା । ୩୫ ତାବ୍ଦ ଅକଏ ଆବୁକେ ଖ୍ରୀଷ୍ଟ୍ଆଃ ଦୁଲ୍ଲାଡ଼ହେତେ ବିନ୍ଗାଅ ଦାଡ଼ିୟା ? ଦୁକୁ, ହାସୁ, ସାସାତି, ରିଙ୍ଗା, ନାରାଦୁରା, ବରଝାନ୍ରେ, ଆତଃ ଗନ୍ଏଃ ଚିନାଃ ବିନ୍ଗାଅ ଦାଡ଼ିୟା ? ୩୬ ଧାରାମ୍ପୁଥିରେ ଅଲ୍ଲାନା, “ଆପେ ନାଗେନ୍ତେ ଆଲେ ସବେନ୍ ହୁଲ୍ଲାଙ୍ଗ୍ ଗନ୍ଏଃରେୟାଃ ଆୟାର୍ରେ ମେନାଲେୟା, ଆଲେ ମାଆଃ ନାଗେନ୍ତେ ଇଦିୟଃତାନ୍ ମିଶ୍ଟି ଲେକାଲେ ହବାକାନା ।”

୩୭ ଏନ୍ରେୟ, ଅକଏ ଆବୁକେ ଦୁଲ୍ଲାଡ଼୍ ତାନାଏ, ଇନିୟାଃ ଦେଙ୍ଗାତେ ଆବୁ ନେ ସବେନାଃରେ ଜିତାଅ କାନାବୁ । ୩୮ ଆଇଙ୍ଗ୍ ସାର୍ତିଗିଙ୍ଗ୍ ସାରିତାନା ଯେ ଆୟାଃ ଦୁଲ୍ଲାଡ଼୍ ହରାତେ ଆବୁ ଚିତ୍ତଲହ କାବୁ ବିନ୍ଗାଅଃଆ । ଗନ୍ଏଃ ଚାଏ ଜୀଦାନ୍, ଦୁଡ଼କ ଚାଏ ସିର୍ମା ରାଇଜ୍ରେୟାଃ ଜେତାନ୍ ପେଡ଼େଃ ଚାଏ ଆକ୍ତେୟାର୍ ନାମାକାଦ୍ତେୟାଃ, ନାହାଁଃ ଚାଏ ହିଲ୍ଲୁଃ ଦିପିଲି, ୩୯ ଅତେ ଚେତାନ୍ରେ ଚାଏ ଅତେ ଲାତାର୍ରେ ଜେତାନ୍ ବିଷାଏ ଆତଃ ସବେନ୍ ବାଇୟାକାନ୍ତେୟାଃରେ ନେ ଲେକାନ୍ ଜେତାନ୍ ବିଷାଏ ବାନଃଆ, ଅକ୍ନାଃତି ପ୍ରାଭୁ ଯାଶୁ ଖ୍ରୀଷ୍ଟ୍ଆଃ ହରାତେ ଉଦୁବ୍କାନ୍ ପାର୍ମେଶ୍ୱାର୍ତାଃ ଏନ୍ ଦୁଲ୍ଲାଡ଼୍ହେତେ ଆବୁକେ ବିନ୍ଗାଅ ଦାଡ଼ିୟା ।



ପାର୍ମେଶ୍ୱାର୍ ଆତଃ ଆୟାଃ ହଡକ

୧ ଆଇଙ୍ଗ୍ ସାର୍ତିଗିଙ୍ଗ୍ କାଜିତାନା, ଆଇଙ୍ଗ୍ ଖ୍ରୀଷ୍ଟ୍ଆଃ ହବାକାନ୍ ହରାତେ କାଇଙ୍ଗ୍ ବେଦାତାନା । ଆଇୟାଃ ବିବେକ୍ ପାବିତାର୍ ଆମ୍ବାରାଃ ଆକ୍ତେୟାର୍ତେ ଗାଝାଏ ଏମେତାନା । ୨ ଆଇୟାଃ ପୁରାଃଗି ଦୁକୁ ମେନାଃ, ଚିମିନ୍ଗି କା ରୁଣ୍ଡୁ ହାସୁକ ଆଇୟାଃ ମନ୍ସୁରୁଦ୍ରେ ମେନାଃ । ୩ ଚିଆଃତି ଅକନ୍କ ହଡ଼ମଲେକାତେ ଆଇୟାଃ ଆପ୍ନାଃ ତାନ୍କୁ, ନେ'ଲେକାଚି ଆଇୟାଃ ହାଗା ମିଗିକ ନାଗେନ୍ତେ ଆଇଙ୍ଗ୍ଗି ଖ୍ରୀଷ୍ଟ୍ତାଃଏତେ ହିଗାଡ଼କେଦ୍ତେ ପାର୍ମେଶ୍ୱାର୍ତାଃ ହରାତେ ସାର୍ପାଅଃ ନାଙ୍ଗ୍ ସାନାଙ୍ଗ୍କେଦାଇଙ୍ଗ୍ । ୪ ଚିୟାଃତି ଇନ୍କୁଦ ଇସାଏଲ୍ରେନ୍ ହଡକତାନ୍କ । ପାର୍ମେଶ୍ୱାର୍ ଇନ୍କୁକେ ଆୟାଃ ଆପ୍ନାଃ ହନ୍ ଲେକା ବାଇକେଦ୍ତେ ଇନ୍କୁତାଃରେ ଆପ୍ନାଃ ମାନାରାଙ୍ଗ୍ ଉଦୁବ୍କାଦ୍ ତାଇକେନାଏ, ଇନ୍କୁଲଃ ଆୟାଃ ରାଜିନାମା ତଲ୍କେଦ୍ତେ ଇନ୍କୁକେ ଆନ୍ରୁ ଏମାକାଦ୍କ ତାଇକେନାଏ, ଇନ୍କୁ ସାର୍ତିଗି ସେଝାଃକ, ଆତଃ ପାର୍ମେଶ୍ୱାର୍ତାଃଏତେ ବାନାର୍ସାକ ନାମାକାଦା । ୫ ଇନ୍କୁ ଆବୁଆଃ ପୁରାଃ ନୁଡ଼ମଃତାନ୍

ଯିହୁଦୀ ପୁରୁଣା ହତକଥା କିଲିରେନ୍ ତାନକ ଆତଃ ଶ୍ରୀଷ୍ଟ ଇନ୍କୁଆ କିଲିରେନ୍ ଚାନିଃ । ସବେନାଃ ରାଇଜେତାନ ପାର୍ମେଶ୍ୱାର୍ଥାଃ ସାହାରାଅ ଜାନାଅ ଜାନାଅ ହବାଅଃକା, ଆମେନ୍ ।

୭ ପାର୍ମେଶ୍ୱାର୍ଥାଃ ବାନାରସା କା ପୁରାକାନା ମେନ୍ତେଦ ଆଇଙ୍ଗ କାଇଙ୍ଗ କାଜିତାନା, ଚିୟାଃଟି ସବେନ୍ ଇସ୍ରାଏଲକଦ ପାର୍ମେଶ୍ୱାର୍ଥାଃ ହତକ ନାହାଁଲାଇ । ୭ ଚାଏ ଆବ୍ରାହାମ୍‌ଆଃ କିଲିରେନ୍ ସବେନ୍‌କ ପାର୍ମେଶ୍ୱାର୍ଥାଃ ହନ୍‌କ ନାହାଁଲାଇ । ପାର୍ମେଶ୍ୱାର୍ ଆବ୍ରାହାମ୍‌କେ କାଜିକାଇ ତାଇକେନା, “ଆମାଃ ଅକନ୍ କିଲିକ ବିଷାଏରେ ଆଇଙ୍ଗ ବାନାରସା ଏମାକାଦ୍ ତାଇକେନାଇଙ୍ଗ, ଇନ୍କୁ ଇସ୍ରାଏଲ ହରାତେ ହିଜୁଃଆକ ।” ୮ ନେଆଁରାଃ ମୁଣ୍ଡି ହବାଅଃତାନା, ହତ ହନ୍‌କ ଜାନାମ୍‌ଏତେ ଏସକାର୍ ପାର୍ମେଶ୍ୱାର୍ଥାଃ ହନ୍‌କ କାକ ହବାଅଃଆ । ପାର୍ମେଶ୍ୱାର୍ଥାଃ ବାନାରସାଃ ଲେକାତେ ଜାନାମାକାନ୍ ହନ୍‌କ ପାର୍ମେଶ୍ୱାର୍ଥାଃ ନେପେଲ୍‌ରେ ସାର୍ତି ହନ୍‌କ ମେନ୍ତେକ କାଜିୟଃଆ । ୯ ଚିୟାଃଟି ପାର୍ମେଶ୍ୱାର୍ ନେ ବାନାରସା ଏମାକାଦ୍ ତାଇକେନାଏ, “ଠାଉକାନ୍ ଦିପିଲି ହିଜୁଃରେ ଆଇଙ୍ଗ ହିଜୁଃରୁହାଡ଼ାଇଙ୍ଗ ଇମ୍‌ତା ସାରା ଏଙ୍ଗା ହବାକାନ୍‌ଗିଆଃଏ ।”

୧୦ ଇମ୍‌ନାଙ୍ଗ୍ ଏସକାର୍ କାହାଗି, ଆବ୍ରାହାମ୍ ପୁରୁଣା ହତ ଇସ୍ରାଏଲତାଃଏତେ ଚିକ୍‌କାରାଃ ବାରିଆ ହନ୍ ହବାକାନ୍ ତାଇକେନାକିନ୍ । ୧୧ ଇନ୍‌କିନ୍ ଜାନାମ୍ ସିଦାରେ ଆତଃ ଇନ୍‌କିନ୍ ବୁଗିନ୍ ଚାଏ ଏଡକାନ୍ ଜେଡନାଃ କାକିନ୍ ରିକାକାଦ୍ ତାଇକେନ୍ ସିଦାରେ ପାର୍ମେଶ୍ୱାର୍ ନେଆଁଏ କାଜିକାଦ୍ ତାଇକେନା । ଏନାତେ ଇନ୍‌କିନାଃ କାମି ହରାତେ ଏସକାର୍ କାହାଗି ମେନ୍‌ଦ ପାର୍ମେଶ୍ୱାର୍ଥାଃ କେନେଡ଼ା ହରାତେ ଇନ୍‌କିନ୍ ସାଲାୟାନାକିନ୍ । ୧୨ ନେ ବାରାନ୍‌କିନାଃ ଭିତାରରେ ମିହୁଡ୍ ପାର୍ମେଶ୍ୱାର୍ଥାଃ ଉକେଶ୍ ରିକା ନାଗେନ୍ତେ ସାଲାୟାନା । ଚିକ୍‌କାକେ ପାର୍ମେଶ୍ୱାର୍ କାଜିକିୟାଏ, “ମାରାଙ୍ଗ୍ ହନ୍ ହୁଡିଙ୍ଗ୍ ହନ୍‌ଆଃ ସେଞ୍ଜାନିଃ ହବାଅଃଆଏ ।” ୧୩ ଧାରାମ୍‌ପୁଥୁ କାଜି ଲେକାତେ, “ଆଇଙ୍ଗ୍ ଯାକୁବ୍‌କେ ଦୁଲ୍‌ଡ଼କିୟାଇଙ୍ଗ୍ ମେନ୍‌ଦ ଏଷୌକେ ହିଲାଇକିୟାଇଙ୍ଗ୍ ।”

୧୪ ଏନ୍‌ରେଦ୍ ଚିନାଃରୁ କାଜିୟା, ପାର୍ମେଶ୍ୱାର୍ ଚିନାଃ ନ୍ୟାୟ କାଏ ରିକାଃଟି ? କାହାଗି, ଏନ୍‌କାଦ୍ ଆଲକା ହବାଅଃକା । ୧୫ ଚିୟାଃଟି ଇନିଃଦ୍ ମୁଗାକେ କାଜିକାଇ ତାଇକେନା, “ଆଇଁୟାଃ ଇଛାସାନାଙ୍ଗ୍‌ଲେକା ଆଇଙ୍ଗ୍ ଅକଏକେ ସାଲାୟାଇଙ୍ଗ୍ ଇନିଃକେ ସାୟାଦ୍ ଏମାଃଇଙ୍ଗ୍, ଆତଃ ଅକଏକେ ସାନାଙ୍ଗ୍‌ଇଙ୍ଗ୍ ଇନିଃକେ ଦାୟା ରିକାଃଇଙ୍ଗ୍ ।” ୧୬ ଏନାମେନ୍ତେ ସବେନ୍ ବିଷାଏ ପାର୍ମେଶ୍ୱାର୍ଥାଃ ଲିନିବୁଇ ହରାତେ ପୁରାଅଃଆ । ମାନଞ୍ଜାରାଃ ସାନାଙ୍ଗ୍ ଚାଏ କାମି ତେତାନ୍‌ରେ କାହାଗି । ୧୭ ଧାରାମ୍‌ପୁଥୁରେ ଅଲ୍‌କାନ୍ ଲେକାତେ, ପାର୍ମେଶ୍ୱାର୍ ମିସାର୍ ଦିଶୁମ୍‌ରେନ୍ ଫାରୋ ରାଜାକେ କାଜିକାଇ ତାଇକେନା, “ଆମାଃ ହରାତେ ଆଇଁୟାଃ ପେଡ଼େଃ ଉଦୁବେ ନାଗେନ୍ତେ ଆତଃ ଗଟା ଅତେଦିଶୁମ୍‌ରେ ଆଇଁୟାଃ ନୁଡୁମ୍‌ରାଃ ମାନାରାଙ୍ଗ୍ ଉଦୁବେ ନାଗେନ୍ତେ ଆଇଙ୍ଗ୍ ଆମ୍‌କେ ରାଜା ବାଇୟାକାଦ୍ ମେଁଆଇଙ୍ଗ୍ ।” ୧୮ ଏନାମେନ୍ତେ, ପାର୍ମେଶ୍ୱାର୍ ଆୟାଃ ଇଛାସାନାଙ୍ଗ୍ ଲେକାତେ ଇନିଃ ଅକଏକେ ଦାୟାକଥାଏ ଆତଃ ଅକଏକେ କେଟେଦ୍ ମନ୍ ହବାଅଃ ନାଗେନ୍ତେ ବାଗିତାକଥା ।

ପାର୍ମେଶ୍ୱାର୍ଥାଃ ଖୁସ୍ ଆତଃ ଲିନିବୁଇ

୧୯ ଆପେକଏତେ ଜେତାଏ ଆଇଙ୍ଗ୍‌କେ କାଜି ଦାଡ଼ିୟାଏ, “ତାଦ୍‌ଦ୍ ପାର୍ମେଶ୍ୱାର୍ ଚିନାଃ ମେନ୍ତେ ଜେତାଏକେ ଚିଟାଇୟା ? ଜେତାଏ ଚିନାଃ ପାର୍ମେଶ୍ୱାର୍ଥାଃ ବିରୁଧରେ ଜେଡନାଃ ରିକା ଦାଡ଼ିୟାଏ ?” ୨୦ ମେନ୍‌ଦ୍ ହେ ହାଗା ମିଶିକ, ପାର୍ମେଶ୍ୱାର୍ଥାଃ କାଜିରେ କାଜିକଟଙ୍ଗ୍‌ନିଃ ଆମ୍ ଅକଏ ତାନ୍‌ମେ ? “ଆଇଙ୍ଗ୍‌କେ ନେଲେକା ଚିନାଃମେନ୍ତେମ୍ ବାଇକିଦିୟା ?” ମେନ୍ତେ ହାସାରେୟାଃ ଚାଟୁ, କୁମ୍‌ବୁକେ କାଏ କୁଲି ଦାଡ଼ିୟା । ୨୧ ହାସାକେ ଆପ୍‌ନାଃ ସାନାଙ୍ଗ୍ ଲେକା ସିପୁଦ୍‌କେଦ୍‌ତେ ଚାଟୁ ବାଇ ନାଗେନ୍ତେ କୁମ୍‌ବୁରାଃ ପୁରା ଆକ୍‌ତେୟାର୍ ମେନାଃ । ଏନ୍ ମିଦ୍ ସାମାନ୍ ତିଶୁହା ହାସାଏତେ ଇନିଃ ବାର୍ ରାକାମ୍‌ରାଃ ଚାଟୁ ବାଇ ଦାଡ଼ିୟାଏ, ମିଆଁଦ୍ ବିଶେଷ୍ ହୁଲାଇକ୍‌ରେ ଆତଃମିଆଁଦ୍ ସବେନ୍ ହୁଲାଇକ୍‌ରେୟାଃ କାମିରେ ବାଉରାଅ ନାଗେନ୍ତେ ବାଇୟାକାନା ।

୨୨ ଆତଃ ପାର୍ମେଶ୍ୱାର୍‌ହ୍ ଏନ୍‌ଲେକାଗି ରିକାକାଦା । ଇନିଃ ଆୟାଃ ଖୁସ୍‌କେ ଆତଃ ପେଡ଼େଃକେ ଉଦୁବ୍ ସାନାଙ୍ଗ୍ ତାଇକେନାଏ । ମେନ୍‌ଦ୍ ଅକନ୍‌କ ଆୟାଃ ଖୁସ୍‌ଆ ଲେକା ହବାକେଦ୍‌ତେ ଜିୟନଃ ଲାଗାଡ଼ିୟାଃ ତାଇକେନାକ, ଇନ୍କୁ ନାଗେନ୍ତେ ପାର୍ମେଶ୍ୱାର୍ ପୁରାଃଗି ଧୁରାଜ୍ ସାବ୍‌କେଦ୍‌ତେ ସାହାଡ଼ିଙ୍ଗ୍ କେଦା । ୨୩ ଆତଃ ଇନିଃ ଆୟାଃ ପୁରାଃ ମାନାରାଙ୍ଗ୍ ଉଦୁବ୍ ନାଗେନ୍ତେ ଆବୁକେ ବିଶେଷ୍‌କେଦ୍‌ତେ ଆୟାଃ ସାୟାଦ୍‌ରେୟାଃ ଆଶିଷ୍ ନାମେ ନାଗେନ୍ତେ ସିଦାରେଗି ଆବୁକେ ବାଇୟାକାଦ୍‌ବୁଆ । ୨୪ ଇନିଃ ଯିହୁଦୀକଏତେ ଏସକାର୍ କାହାଗି ମେନ୍‌ଦ୍ ଗ୍ରୀକ୍ ହତକଏତେ ହଗି ଆବୁକେ କେଡ଼ାକାଦ୍‌ବୁଆ । ୨୫ ନେ ବିଷାଏରେ ପାର୍ମେଶ୍ୱାର୍ ହୋଗେୟ ପୁଥୁରେ କାଜିକାଦା,

“ଅକନ୍‌କ ଆଇଁୟାଃ ହତ କାକ ତାଇକେନା,
ଇନ୍କୁକେ ଆଇଁୟାଃ ହତ ଲେକା କେଡ଼ାକଆଇଙ୍ଗ୍,

ଅକନ୍ ହତକକେ ଆଇଙ୍ଗ କାଇଙ୍ଗ ଦୁଲ୍ଲାଡ଼କାଦକ ତାଇକେନା,
ଇନ୍କୁକେ ଆଇଁୟାଃ ଦୁଲ୍ଲାଡ଼କ ଫେନ୍ତେଇଙ୍ଗ କେଡ଼ାକଆ ।

୨୭ ଆଡ଼ଃ ‘ଆପେ ଆଇଁୟାଃ ହଡ଼ ନାହାଁଲାପେ,’ ଫେନ୍ତେ ଅକ ଠାୟାଦରେ ଇନ୍କୁକେ କାଜିକାନ୍ ତାଇକେନା,
ଏନ୍ତାରେ ଇନ୍କୁ ଜାନିଦ୍ ପାର୍ଫେଶ୍ଵାର୍ଆଃ ହନ୍କ ଫେନ୍ତେ କାଜିୟାଃଆକ ।”

୨୮ ଆଡ଼ଃ ଇସ୍ରାଏଲ୍ ହଡ଼କଆଃ ବିଷାଏରେ ଯିଶାୟ ନାବୀ କାଜିକାଦା, “ଇସ୍ରାଏଲ୍ ହଡ଼କ ଦରେୟାରେନ୍
ଗିଡିଲ୍ ଲେକା ତାଇନଃରେୟ, ଇନ୍କୁଏତେ କାଟିଲେକା ହଡ଼କ ବାସ୍ତାଅକ ନାମେୟା । ୨୮ ଚିୟାଃଚି ପ୍ରାଭୁ
ଜାଲ୍ଦିଗି ଅତେଦିଶ୍ଵାନ୍ରେ ପୁରା ନ୍ୟାୟ ବିଚାର ରିକାଏୟାଏ ।” ୨୯ ଯିଶାୟ ନାବୀ ସିଦାରେଗି କାଜିକାଦା,
“ସବେନାଃଏତେ ପେଡେୟାନ୍ ପ୍ରାଭୁ ଆରୁଆଃ ଚିମିନ୍ କିଲିକକେ କାଏ ବାସ୍ତାଅ କାକରେଦ, ଆରୁଆଃ ଦାସା
ସୋଦମ୍ ଆଡ଼ଃ ଗମରାରେନ୍ ହଡ଼କ ଲେକା ହବାକାନ୍ତେୟାଃ ।”

ଇସ୍ରାଏଲ୍ ନାଗେନ୍ତେ ପାଉଲୁସ୍ଆଃ ବିକ୍ରି

୩୦ ଏନାମେନ୍ତେ ସାଅଁସାର୍ ହଡ଼କ ବିଷାଏରେ ନେଆଁ କାଜି ଦାଡ଼ିୟାରୁ, ଇନ୍କୁ ଧାର୍ଫାନ୍ ହବାଅ
ନାଗେନ୍ତେ କାକ ସାନାଙ୍ଗ ତାଇକେନା, ଫେନ୍ଦ୍ ଆକଆଃ ବିଶ୍ଵାସ୍ ହରାତେ ଇନ୍କୁ ଧାର୍ଫାନ୍ ଫେନ୍ତେକ
କାଜିୟାଃତାନା । ୩୧ ଫେନ୍ଦ୍ ଇସ୍ରାଏଲ୍ ହଡ଼କ ଯିହୁଦୀକଆଃ ଆନ୍ତୁ ହରାତେ ଧାର୍ଫାନ୍ ହବାଅ ନାଙ୍ଗ
ସାନାଙ୍ଗକେଦ୍ତେ ହାରାଅକାନାକ । ୩୨ ନେଆଁରାଃ କାଜି ହବାଅତାନା, ଇନ୍କୁ ବିଶ୍ଵାସ୍ ଚେତାନ୍ରେ କା
ଆସ୍ରାକେଦ୍ତେ ଆକଆଃ ଆପ୍ନାଃ କାମି ଚେତାନ୍ରେ ଆସ୍ରାଏ ତାଇକେନାକ, ଏନାମେନ୍ତେ ଇନ୍କୁ “ତହଦଃ
ଦିରିରେ” ତହଦ୍ୟାନାକ । ୩୩ ଧାରାମ୍ପୁଥ୍ରେ ଅଲ୍ଲାନାନ୍ ଲେକା,
“ନେଲେପେ, ଆଇଙ୍ଗ୍ ସିୟୋନ୍ରେ ମିଆଁଦ୍ ତହଦଃ ଲେକାନ୍ ଦିରି
ଆଡ଼ଃ ମିଆଁଦ୍ ସେରେଙ୍ଗ୍ ବାଇୟାକାଦାଇଙ୍ଗ୍,
ଏନାରେ ଇନ୍କୁକେଇଙ୍ଗ୍ ଉୟାଃଇଟିକଆ ।
ଫେନ୍ଦ୍ ଜେତାଏ ଇନିଃତାଃରେ ବିଶ୍ଵାସେନିଃ କାଏ ଗିହୁଗଃଆ ।”

୧୦

୧ ହେ ହାଗା ମିଶିକ, ଆଇଁୟାଃ ଆପ୍ନାଃ ହଡ଼କ ଜୀଉବାସ୍ତାଅ ନାମେକାକ, ଫେନ୍ତେ ଆଇଁୟାଃ
ମନ୍ସୁରୁଦ୍ରେ ସାନାଙ୍ଗତାନାଇଙ୍ଗ୍ ଆଡ଼ଃ ଆଇଙ୍ଗ୍ ପାର୍ଫେଶ୍ଵାର୍ତାଃରେ ସବେନ୍ ଇମତାଇଙ୍ଗ୍ ବିକ୍ରିତାନା
। ୨ ପାର୍ଫେଶ୍ଵାର୍ଆଃ ବିଷାଏରେ ଇନ୍କୁଆଃ ପୁରାଃଗି ଚିହ୍ନଲ୍ଲାନ୍ ଫେନାଃ, ଏନା ଆଇଙ୍ଗ୍ ଇନ୍କୁଆଃ
ସାଃଏତେ ଗାଞ୍ଜା ଏମତାନାଇଙ୍ଗ୍, ଫେନ୍ଦ୍ ଇନ୍କୁଆଃ ଚିହ୍ନଲ୍ଲେୟାଃ ସାର୍ତି ସେଣାନ୍ ଲେକାତେ ନାହାଁଲାଃ
। ୩ ପାର୍ଫେଶ୍ଵାର୍ ହଡ଼କକେ ଚିଲ୍ଲକା ଆୟାଃଲଃ ଧାର୍ଫାନ୍ ବାଇକଆଏ, ଏନା ଇନ୍କୁ କାକ ସାରିକାଦ୍
ତାଇକେନା ଆଡ଼ଃ ଇନ୍କୁ ଧାର୍ଫାନ୍ ହବାଅ ନାଗେନ୍ତେ ଆକଆଃ ଆପ୍ନାଃ ଇଛାସାନାଙ୍ଗ୍ ଲେକା
ରିକାକେଦାକ, ଏନାତେ ଇନ୍କୁ ଆପାନ୍କେ ପାର୍ଫେଶ୍ଵାର୍ତାଃରେ କା ଜିମାକେଦ୍ତେ ପାର୍ଫେଶ୍ଵାର୍ଆଃ
ଏନ୍ ହରାକେ ବାଗିୟାକାଦାକ । ୪ ଖ୍ରୀଷ୍ଟି ଆନ୍ତୁରେନ୍ ଚୁଣ୍ଡୁ ତାନିଃ, ଏନାତେ ସବେନ୍କ ଇନିଃତାଃରେ
ଏସ୍କାର୍ ବିଶ୍ଵାସ୍ଲେରେ ପାର୍ଫେଶ୍ଵାର୍ଆଃ ନେପେଲ୍ରେ ଧାର୍ଫାନ୍ ଫେନ୍ତେକ କାଜିୟାଃଆ ।

ସବେନ୍କଆଃ ନାଗେନ୍ତେ ଜୀଉବାସ୍ତାଅ

୫ ଆନ୍ତୁ ମାନାତିଙ୍ଗ୍ ହରାତେ ପାର୍ଫେଶ୍ଵାର୍ଲଃ ଧାର୍ଫାନ୍ ହବାଅ ନାଗେନ୍ତେ ମୁଣା ଅଲ୍ଲାନାଦା,
“ଅକନ୍କ ପାର୍ଫେଶ୍ଵାର୍ଆଃ ଆନ୍ତୁକ ମାନାତିୟାଃ, ଇନ୍କୁ ବାସ୍ତାଅଆକ ।” ୬ ଫେନ୍ଦ୍ ବିଶ୍ଵାସ୍ ହରାତେ
ଧାର୍ଫାନ୍ ହବାଅ ବିଷାଏରେ ଧାରାମ୍ପୁଥ୍ରେ ଅଲ୍ଲାନା, “ଖ୍ରୀଷ୍ଟକେ ଆଡ଼ଗୁ ନାଗେନ୍ତେ ଅକଏ ସିମାତେ
ରାକାବା ? ଫେନ୍ତେ ଆପେ ଆପେୟାଃ ମନ୍ରେ ଆଲ୍ପେ କୁପୁଲିନାଃ ।” ୭ ତାଏ, “ଖ୍ରୀଷ୍ଟକେ ଗନ୍ଏଃହେତେ
ବିରିଦ୍ ଆଉ ନାଙ୍ଗ୍ ଅକଏ ହୁଆଙ୍ଗାଡ଼ାତେ ସେନା ?” ନେ କାଜିୟାଗି ଆପେ ଆଲ୍ପେ କୁପୁଲିନାଃ ।
୮ ଚିୟାଃଚି ଧାରାମ୍ପୁଥ୍ ଲେକାତେ, “ପାର୍ଫେଶ୍ଵାର୍ଆଃ କାଜି ଆପେତାଃରେ, ଆପେୟାଃ ମଗାରେ ଆଡ଼ଃ
ମନ୍ସୁରୁଦ୍ରେ ଫେନାଃ ।” ଏନ୍ ବିଶ୍ଵାସ୍ରେୟାଃ କାଜିଗି ଆଲେ ଉଦୁବେତାନାଲେ । ୯ ଆପେ ଯୀଶୁକେ
ଆପେୟାଃ ମଗାତେ ପ୍ରାଭୁ ଫେନ୍ତେପେ ମାନାତିଙ୍ଗ୍ରେଦ୍ ଆଡ଼ଃ ପାର୍ଫେଶ୍ଵାର୍ ଇନିଃକେ ଗଜାକାନ୍କଏତେ
ଜୀଉବିରିଦ୍କିୟାଏ ଫେନ୍ତେ ମନ୍ସୁରୁଦ୍ରେପେ ବିଶ୍ଵାସେ ରେଦ, ଆପେ ଜୀଉ ବାସ୍ତାଅପେ ନାମେୟା ।
୧୦ ଚିଆଃଚି ଆରୁ ମନ୍ସୁରୁଦ୍ରେ ବିଶ୍ଵାସ୍କେଦ୍ ହରାତେ ପାର୍ଫେଶ୍ଵାର୍ଆଃ ଆୟାର୍ରେ ଧାର୍ଫାନ୍ ଫେନ୍ତେବୁ
କାଜିନାଃ ଆଡ଼ଃ ମଗାତେ ମାନାତିଙ୍ଗ୍କେଦ୍ ହରାତେ ଜୀଉବାସ୍ତାଅବୁ ନାମ୍ଦାଡ଼ିୟା । ୧୧ ଧାରାମ୍ପୁଥ୍
ଲେକାତେ, “ଜେତାଏ ଇନିଃତାଃରେ ବିଶ୍ଵାସେନିଃ କାଏ ଗିହୁଗଃଆ । ୧୨ ଚିଆଃଚି ଯିହୁଦୀ ହଡ଼ ଆଡ଼ଃ ଗ୍ରୀକ୍
ହଡ଼କ ପାର୍ଫେଶ୍ଵାର୍ଆଃ ଆୟାର୍ରେ ସବେନ୍କ ମିଦ୍ଗିୟାକ । ପାର୍ଫେଶ୍ଵାର୍ ଏସ୍କାର୍ ସବେନ୍କଆଃ
ପ୍ରାଭୁ ତାନିଃ, ଅକନ୍କ ଆଇଃକ୍ତାଃରେ ଦେଙ୍ଗା ବିକ୍ରି ରିକାଃକ ଇନ୍କୁକେ ଇନିଃ ପୁରାଃଗି ଆଣିଷ୍କଆ ।”
୧୩ ଚିଆଃଚି ଜେତାଏ ପ୍ରାଭୁଆଃ ନୁଡୁମ୍ତେ ବିକ୍ରିୟାଏ, ଇନିଃ ଜୀଉବାସ୍ତାଅ ନାମେୟାଏ ।

୧୪ ମେନ୍ଦ ଇନିଷତାରେ କା ବିଶ୍ୱାସକେଦ୍ତେ ଇନ୍କୁ ଚିଲକାତେ ଇନିଷକେ ବିକ୍ରିୟାକ ? ଆତଃ ଆୟାଃ ବିଷାଏରେ ସୁକୁକାଜି କା ଆୟୁମ୍ବକେଦ୍ତେ ଇନ୍କୁ ଚିଲକାତେ ବିଶ୍ୱାସ ଦାଡ଼ିୟାକ ? ଆତଃ ସୁକୁକାଜିକେ ବେଗାର୍ ଉଦ୍ଭବକେଦ୍ତେ ଇନ୍କୁ ଚିଲକାତେକ ଆୟୁମେୟା ? ୧୫ ଆତଃ କାଜି ଉଦ୍ଭବ ନାଗେନ୍ତେ ମିହୁଡକେ କା କୁଲିରେ ଇନିଷ ଚିଲକାତେ ପାରଚାରରେୟା ? ନେ ବିଷାଏରେ ଧାରାମପୁଅରେ ଅଲକାନା, “ସୁକୁକାଜି ଉଦ୍ଭବତାନକଆଃ ହିନିଦୁଃ ଚିମିନ୍ ବୁଗିନ୍ରିୟା ?” ୧୬ ମେନ୍ଦ ସବେନ୍ଦ ଏନ୍ ସୁକୁକାଜିକେ କାକ ମାନାତିକ୍ତକାଦା । ଏନାମେନ୍ତେ ଯିଶାୟ ନାବୀ ଅଲକାଦା, “ପ୍ରାଭୁ, ଆଲେୟାଃ ସୁକୁକାଜି ଆୟୁମ୍ବକେଦ୍ତେ ଅକଏ ବିଶ୍ୱାସକାଦା ?” ୧୭ ସୁକୁକାଜି ଆୟୁମ୍ ହରାତେ ବିଶ୍ୱାସ ହିନିଦୁଃଆ ଆତଃ ଖ୍ରୀଷ୍ଟଆଃ କାଜି ଉଦ୍ଭବତେୟାଃତି ଏନ୍ ସୁକୁକାଜି ତାନାଃ । ୧୮ ମେନ୍ଦ ଆଇକ୍ କୁଲି ତାନାଇକ୍, ଇନ୍କୁ ଚିନାଃ ଏନ୍ କାଜିକେ କାକ ଆୟୁମାକାଦା ? ସାର୍ତିଗି ଆୟୁମାକାଦାକ, ଚିୟାଃତି ଧାରାମପୁଅରେ ଅଲକାନା, “ଇନ୍କୁଆଃ ଲାବ୍ଜା ଗଟା ଅତେଦିଶ୍ୱମ୍ ନିତିରକାନା, ଇନ୍କୁଆଃ ନିତିରଥଃ କାଜିକ ଅତେଦିଶ୍ୱମ୍ରେୟାଃ ଚୁଣ୍ଡୁଜାକେଦ୍ ଆୟୁମାକାନା ।” ୧୯ ଆତଃମିସା ଆଇକ୍ କୁଲି ତାନାଇକ୍, ଇସ୍ରାଏଲ୍ ହଡକ ଚିନାଃ ଏନାକେ କାକ ଆଟକାର୍ଉରୁମ୍ବକେଦା ? ସାର୍ତିଗି ଆଟକାର୍ଉରୁମ୍ବକେଦାକ, ସିଦାରେଗି ମୁଶାରାଃ ଦିପିଲିରେ ପାରମେଶ୍ୱାର୍ କାଜିକେଦାଏ, “ଆଇକ୍ ଆଲେୟାଃ ହଡକକେ ହିସ୍ତାକ୍ଷତିକ ନାଗେନ୍ତେ ମିଆଁଦ୍ ତଣ୍ଡ ହଡକେଇକ୍ ବେଭାରିୟା, ଏନ୍ଲେକା ମିଆଁଦ୍ ତଣ୍ଡ ହଡ ହରାତେ ଇନ୍କୁକେଇକ୍ ଖ୍ୱସ୍ତକିଆ ।” ୨୦ ଯିଶାୟ ନାବୀ ଆତଃଠି ପେଡେଃତେ କାଜିକାଦା, “ଆଇକ୍ କେ କା ଦାଣ୍ଡାନ୍ ହଡକ, ଆଇକ୍ କେ ନାମ୍ବକେଦିୟାକ, ଅକନ୍ଦ ଆଇକ୍ କେ କାକ କୁଲିକ୍ତାଇକେନା, ଆଇକ୍ ଇନ୍କୁତାଃରେଇକ୍ ଉଦ୍ଭବେନ୍ୟାନା ।” ୨୧ ମେନ୍ଦ ପାରମେଶ୍ୱାର୍ ଇସ୍ରାଏଲ୍ ହଡକଆଃ ବିଷାଏରେ କାଜିୟାଃଏ, “କାଜି କା ମାନାତିକ୍ତାନ ହଡକ ନାଗେନ୍ତେ ସବେନ୍ ଇମ୍ତା ତିଃଇ ଜିଲିକ୍ବକେଦ୍ତେ ଆଇକ୍ ଦାରମ୍ବକତାନା ।”

୧୧

ଇସ୍ରାଏଲ୍ ହଡକଆଃ ଚେତାନରେ ପାରମେଶ୍ୱାର୍ ଆଃ ଲିନିବୁଇ

୧ *ଆଇକ୍ ଆତଃଠିଇକ୍ କୁଲି ଦାଡ଼ିୟା, ତାବ୍ଦ ଚିନାଃ ପାରମେଶ୍ୱାର୍ ଆୟାଃ ଆପ୍ନାଃ ହଡକକେ ବାଗି କାଦକଆ ? କାହା ଏନ୍କାଦ କା ହବାଅଥା । ଆଇକ୍ ଗି ମିଆଁଦ୍ ଇସ୍ରାଏଲ୍ରେନ୍ ହଡ ତାନିକ୍, ଆବାହାମଆଃ ଆତଃ ବେଞ୍ଜାମିନ୍ଆଃ କିଲିରେନ୍ ତାନିକ୍ । ୨ ପାରମେଶ୍ୱାର୍ ମୁନ୍ନୁହେତେ ସାଲାକାଦ୍ ଆୟାଃ ହଡକକେ ଚିଉଲାଇ କାଏ ବାଗିକାଦକଆ । ଏଲିୟ ଚିଲକା ପାରମେଶ୍ୱାର୍ତାଃରେ ଇସ୍ରାଏଲ୍ ହଡକଆଃ ବିରୁଧ୍ରେ ତିକ୍ତକେଦ୍ତେ କାଜିକେଦା : ଏନା ଆପେ ଧାରାମପୁଅରେ ଅଲକାନୁତେୟାଃ ସାରିକାଦାପେ, ୩ “ପ୍ରାଭୁ, ଏନ୍ ହଡକ ଆମାଃ ନାବୀକକେ ଗଜାକାଦକଆକ, ଆମାଃ ଦାଣ୍ଡା ରାକାବ୍ ବେଦିକକେ ଉର୍ଧାସୁଡକାଦାକ, ଆତଃ ଆଇକ୍ ଏସକାର୍ ମିହୁଡ୍ଗି ବାଞ୍ଛାଅକାନାଇକ୍, ଇନ୍କୁ ଆଇୟାଃ ଜୀଉ ଇଦି ନାଗେନ୍ତେକ ସାନାକ୍ତାନା ।” ୪ ମେନ୍ଦ ପାରମେଶ୍ୱାର୍ ଏଲିୟକେ ଚିନାଃ କାଜିରୁହାଡକିୟାଏ ? “ଅକନ୍ ହଡକ, ହସଡ ବାଲ୍ ମାହାପୁରୁକେ କାକ ସେଝା, ଏନ୍ଲେକାନ୍ ୭,୦୦୦ ହଡକକେ ଆଇକ୍ ଆଇୟାଃ ନାଗେନ୍ତେଇକ୍ ଦହକାଦକଆ ।” ୫ ଏନ୍ ଲେକାଗି ନାହାଁଃଦ ହବାକାନା, ପାରମେଶ୍ୱାର୍ ଆୟାଃ ସାୟାଦ୍ତେ ଅକ ହଡକକେ ସାଲାକାଦକ ତାଇକେନା, ଇନ୍କୁଏତେ ଚିମିନ୍ ହଡକ ସାରେଜାକାନା । ୬ ପାରମେଶ୍ୱାର୍ ଆୟାଃ ସାୟାଦ୍ ହରାତେ ଇନ୍କୁକେ ସାଲାକାଦକଆ । ପାରମେଶ୍ୱାର୍ ଇନ୍କୁଆଃ ବୁଗିନ୍ କାମି ନାଗେନ୍ତେ ସାଲାକାଦକ ତାଇକେନ୍ରେଦ, ଇନିୟାଃ ସାୟାଦ୍ ସାର୍ତି ସାୟାଦ୍ କା ହବାଅଥେୟାଃ ।

୭ ତାବ୍ଦ ଚିନାଃ ହବାୟାନା ? ଇସ୍ରାଏଲ୍ ହଡକ ଅକ୍ନାଃ ଦାଣ୍ଡା ତାଇକେନାକ, ଏନା କାକ ନାମ୍ବକେଦା । ପାରମେଶ୍ୱାର୍ ସାଲାକାଦ୍ ତାଇକେନ୍ ମିଆଁଦ୍ ହୁଡିକ୍ ଝୁଣ୍ଡ୍ ଏସକାର୍ ଏନାକେ ଦାଣ୍ଡା ନାମ୍ବକେଦା । ଏଟାଃକ ଜେତାଏ ପାରମେଶ୍ୱାର୍ତାଃ କେନେଡାରେ ମନ୍ କାକ ଏମ୍ବକେଦା । ୮ ଧାରାମପୁଅରେ ଅଲକାନ୍ ଲେକା, “ପାରମେଶ୍ୱାର୍ ତିସିକ୍ ଜାକେଦ୍ ଇନ୍କୁଆଃ ମନ୍ ଆତଃ ମନ୍ସୁରୁଦକେ କେଟେଦ୍ କାଦା, ଏନାତେ ଇନ୍କୁ କାକ ନେଲ୍ ଦାଡ଼ିତାନା ଚାଏ କାକ ଆୟୁମ୍ ଦାଡ଼ିତାନ୍ ।” ୯ ଇନ୍କୁଆଃ ବିଷାଏରେ ଦାଉଦ୍ ଆତଃଠି ଅଲକାଦା,

“ଇନ୍କୁ ରିଜ୍ରାକ୍ ରିକାଏ ଇମ୍ତା

ପାଁସ୍ରେ ଉୟୁଗଃକାକ ଆତଃ ସାଜାଇ ନାମେକାକ ।

୧୦ ଇନ୍କୁଆଃ ମେଦ୍ ଜାପିଦଃକା ଜେ'ଲେକାଟି ଇନ୍କୁ ଜେଡ୍ନାଃ ଆଲକାକ ନେଲ୍ ଦାଡ଼ିକା,

ଆତଃ ସବେନ୍ ଇମ୍ତା ଦୁକୁହାସୁ ନାମ୍ବକେଦ୍ତେ ଇନ୍କୁଆଃ ମାୟାକ୍ ଲିକୁଜଃକା ।”

୧୧ ତାବ୍ଦ, ଆଇକ୍ କୁଲି ସାନାକ୍ତାନାଇକ୍, ଯିହୁଦୀ ହଡକ ତହଦୟାନ୍ ହରାତେ ଚିନାଃ ଜିୟନ୍ୟାନାକ ? କାହାଗି, ଇନ୍କୁ ପାପ୍ବକେଦ୍ ହରାତେ, ଇନ୍କୁକେ ହିସ୍ତାକ୍ଷତିକ ନାଗେନ୍ତେ ସାଆଁସାର୍ ହଡକକେ ଜୀଉ ବାଞ୍ଛାଅରେୟାଃ ଆକ୍ତେୟାର୍ ନାମ୍ବୟାନା । ୧୨ ଯିହୁଦୀ ହଡକଆଃ ପାପ୍,

☆ ୧୧:୧ ୧୧:୧ ଡିଲିପିୟ ୩:୫.

ଅତେଦିଶୁମ୍ଭରେନ୍ ଏଗଃ ସବେନ୍କ ନାଗେନ୍ତେ ପୁରାଃଗି ଆଶିଷ୍ ଆଉଝାକାଦାଏ । ଯିହୁଦୀ ହଡକଆଃ ଆମ୍ବିକ୍ରେୟାଃ ନାରାଦୁରା ହରାତେ ସାଅଁସାର୍ ହଡକ ପୁରାଃଗି ଆଶିଷ୍କ ନାମାକାଦା । ଏନାତେ ସବେନ୍ ଯିହୁଦୀ ହଡକ ବାଞ୍ଚାଅ ଦାଡ଼ିୟାଃରେଦ, ଏନ୍ ହରାତେ ଆଡ଼ଃଚିମିନ୍ ଆଦକା ଆଶିଷ୍ କାକ ନାମେତେୟାଃ ।

ସାଅଁସାର୍ ହଡକଆଃ ଜୀଉବାଞ୍ଚାଅ

୧୩ ସାଅଁସାର୍ ହଡକକେ ଆଇଙ୍ଗ୍ କାଜିକତାନାଇଙ୍ଗ୍, ଆପେ ନାଗେନ୍ତେ ଆଇଙ୍ଗ୍ କୁଲ୍ଲାନାନ୍ ଚେଲ୍ଲାଇକାଇଙ୍ଗ୍ କାମିତାନା, ଏନାମେନ୍ତେ ଆଇଙ୍ଗ୍ ଆପାନକେ ମାରାଙ୍ଗ୍ ମେନ୍ତେଇଙ୍ଗ୍ କାଜିନ୍ତାନା । ୧୪ ନେଆଁ ହରାତେ ଆଇଙ୍ଗ୍ ଆପନାଃ ହଡକକେ ଖୁସ୍‌ଇଚି ରିକା ଦାଡ଼ିରେଦ, ହବାସାକାଅଆଃ ଇନ୍‌କୁଏତେ ଚିମିନ୍ ହଡକକେ ବାଞ୍ଚାଅ ଦାଡ଼ିୟାଇଙ୍ଗ୍ । ୧୫ ଚିୟାଃଚି ଇନ୍‌କୁକେ ଗେନା ଆଡ଼ମାକାନ୍ ହରାତେ ଅତେଦିଶୁମ୍ଭରେୟାଃ ମେନେସା ହବାୟାନା ଚାଏ ପାର୍‌ମେଶ୍ୱାର୍‌ଆଃ ସବେନ୍ ବାଇରି ହଡକଆଃ ବାଦ୍‌ଲାଇ ହବାୟାନା ଆଡ଼ଃ ଆୟାଃ ଗାତିକ ହବାକାନା । ଏନାତେ ପାର୍‌ମେଶ୍ୱାର୍ ସବେନ୍ ଯିହୁଦୀ ହଡକକେ ଆଡ଼ଃମିସା ତେଲ୍ଲାଇରମ୍‌କରେଦ, ଏନାରେୟାଃ ନାଲ୍ଲା ଚିନାଃ ହବାଅଃଆ ? ଏନାଦ ଏଗଃ ହଡକ ନାଗେନ୍ତେ ଗନଏଃହେତେ ଜୀଦାନ୍ ନାମେ ଲେକା ହବାଅଃ ତାନାଃ । ୧୬ ହଲ୍‌ଙ୍ଗ୍‌ହେତେ ମିଦ୍‌କେଟାଃ ପାର୍‌ମେଶ୍ୱାର୍ ନାଙ୍ଗ୍ ପାବିତାର୍‌କାନରେଦ, ପୁରା ହଲ୍‌ଙ୍ଗ୍ ପାବିତାର୍‌କାନା ମେନ୍ତେ ଆଟ୍‌କାର୍‌ଉରୁମ୍ ଲାଗାଡ଼ିଙ୍ଗ୍‌ୟାଃ । ମିଆଁଦ୍ ଦାରୁରେୟାଃ ରେହେଦ୍ ପାବିତାର୍‌କାନରେଦ, ଏନାରେୟାଃ କତକ ହଗି ପାବିତାର୍‌କାନା ମେନ୍ତେ ଆଟ୍‌କାର୍‌ଉରୁମ୍ ଲାଗାଡ଼ିଙ୍ଗ୍‌ୟାଃ । ୧୭ ବାଖ୍‌ଡ଼ିରେ ଯାତାନ୍ ଇଦିତାନ୍ ମିଆଁଦ୍ ଜାଇତୁନ୍ ଦାରୁରାଃ ଚିମିନ୍ କତକକେ ମାଆଃକେଦ୍‌ତେ ଏନ୍ତାଃରେ ବିରରେୟାଃ ଜାଲ୍‌ପାଇ ଦାରୁରାଃ କତକକେ କାଲ୍‌ମିକାନା । ନାହାଁଃ, ଏନା ଜାଲ୍‌ପାଇ ଦାରୁରାଃ ବୁଟାରେୟାଃ ହିସା ହବାକାନା । ଏନ୍‌ଲେକାଗି, ସାଅଁସାର୍ ହଡକ ଏନ୍ ବିର୍ ଜାଲ୍‌ପାଇ ଦାରୁ ଲେକାନକ ତାନ୍‌କ । ଆପେ ସବେନ୍‌କ ନାହାଁଃ ଯିହୁଦୀ ହଡକଆଃ କେଟେଦ୍ ଆମ୍ବିକ୍ ଜୀଦାନ୍‌ରେୟାଃ ହିସାପେ ହବାକାନା ୧୮ ଏନାମେନ୍ତେ, ଆପେ ମାଆଃକାନ୍ କତକକେ ଆଲ୍‌ପେ ଗେନା ଆଡ଼ମେୟାଁ । ଆପେ ଚିନାଃ ମେନ୍ତେ ଆପାନକେ ମାରାଙ୍ଗ୍ ମେନ୍ତେପେ କାଜିନ୍ତାନା ? ଆପେଦ କତକ ଏସ୍‌କାର୍ ତାନ୍‌ପେ, ଦାରୁରେୟାଃ ରେହେଦ୍‌କେ ଆପେ କାପେ ଦେଙ୍ଗା ତାନା, ମେନ୍‌ଦ ରେହେଦ୍ ଆପେକେ ହାରାଇଦିୟାଃରେ ଦେଙ୍ଗାପେ ତାନା ।

୧୯ ଏନାମେନ୍ତେ ଆପେ କାଜିୟାପେ, “ହେଗି, ମେନ୍‌ଦ ଆଇଙ୍ଗ୍‌କେ ଠାୟାଦ୍ ଏମ୍ ନାଗେନ୍ତେଗି ଏନ୍ କତକକେ ମାଆଃ ଆଡ଼ମ୍‌କାନ୍ ତାଇକେନା ।” ୨୦ ଏନା ସାର୍‌ତିଗି ତାନାଃ, ଇନ୍‌କୁ କା ବିଶ୍ୱାସ୍‌କେଦ୍ ହରାତେ ଆଡ଼ମ୍‌ୟାନାକ । ଆପେ ବିଶ୍ୱାସ୍ ହରାତେ ଏସ୍‌କାର୍ ଏନ୍ ଠାୟାଦ୍ ଆକ୍‌ତେୟାର୍ କାଦାପେ । ମେନ୍‌ଦ ଆପାନକେ ମାରାଙ୍ଗ୍ ମେନ୍ତେ କା କାଜିକେଦ୍‌ତେ ବରୟେପେ । ୨୧ ପାର୍‌ମେଶ୍ୱାର୍ କା ବିଶ୍ୱାସ୍‌ତାନ୍ ଯିହୁଦୀ ହଡକକେୟ କାଏ ବାଚାଅକେଦ୍‌କଆ, ଅକନ୍‌କଚି ଦାରୁରେନ୍ କତକ ଲେକା ତାନ୍‌କୁ, ତାଦ୍‌ ଆପେ କା ବିଶ୍ୱାସ୍‌ତାନ୍‌କକେ ଚିନାଃ ଇନିଃ ବାଚାଅପେୟାଏ ? ୨୨ ପାର୍‌ମେଶ୍ୱାର୍‌ଆଃ ଚିଲ୍‌କା ଦାୟାନିଃ ଆଡ଼ଃ କେଟେଦ୍‌ନିଃ ତାନିଃ ଏନାବୁ ନେଲେୟା । ଅକନ୍‌କ ଉୟୁଗାକାନା ଇନ୍‌କୁ ନାଗେନ୍ତେ ଇନିଃ କେଟେଦ୍‌ନିଃ ତାନିଃ, ମେନ୍‌ଦ ଅକନ୍‌କ ଇନିୟାଃ ଦାୟାରେ ଆସ୍ତାଏତାନ୍ ମେନାକଆ ଇନ୍‌କୁ ନାଗେନ୍ତେ ଇନିୟାଃ ସାୟାଦ୍ ପୁରାଃଗି ମେନାଃ ଆଡ଼ଃ ଇନିୟାଃ ଦାୟାକେ ବାଗିରେଦ ଆପେ ହଗି ଇନିଃତାଃଏତେ ବିନ୍‌ଗାଅକାନାପେ । ୨୩ ମେନ୍‌ଦ ଯିହୁଦୀ ହଡକ ଆକଆଃ କା ବିଶ୍ୱାସ୍‌ତାନ୍‌ତେୟାଃକେ ସାଙ୍ଗିନେ ରେଦକ, ଇନ୍‌କୁ ଆକଆଃ ଆପନାଃ ଠାୟାଦ୍‌ରେ ଆଡ଼ଃମିସାକ ଡିଙ୍ଗୁନାଃ । ନେଆଁ ରିକାନାଗେନ୍ତେ ପାର୍‌ମେଶ୍ୱାର୍ ପେଡ଼େୟାନ୍‌ନିଃ ତାନିଃ । ୨୪ ସାଅଁସାର୍ ହଡକ ବିରରେୟାଃ ଜାଇତୁନ୍ ଦାରୁରେନ୍ କତକ ଲେକାଃକ । ଏନାକେ ମାଆଃ କେଦ୍‌ତେ ବାଖ୍‌ଡ଼ିରେ ରୟାକାନ୍ ଜାଲ୍‌ପାଇ ଦାରୁଲ୍‌ଃ ଜଡେନ୍‌କେଦ୍‌ତେ କାଲ୍‌ମିକାନା । ଯିହୁଦୀ ହଡକ ବାଖ୍‌ଡ଼ିରେ ରୟାକାନ୍ ଜାଲ୍‌ପାଇ ଦାରୁ ଲେକାଃକ । ନେ ଦାରୁରେୟାଃ ମାଆଃକାନ୍ କତକକେ ଆଡ଼ଃମିସା ଦାରୁଲ୍‌ଃ ଜଡେନ୍‌କେଦ୍‌ତେ କାଲ୍‌ମି ନାଙ୍ଗ୍ ପାର୍‌ମେଶ୍ୱାର୍‌କେ ପୁରାଃ ସାହାଜ୍‌ଗିଆ ।

ସବେନ୍‌କ ନାଗେନ୍ତେ ପାର୍‌ମେଶ୍ୱାର୍‌ଆଃ ଲିନିବୁଇ

୨୫ ହେ ହାଗା ମିଶିକ, ଆଇଙ୍ଗ୍ ମିଆଁଦ୍ ଉକୁଆକାନ୍ ସାର୍‌ତି କାଜିକେ ଆପେତାଃରେଇଙ୍ଗ୍ ଉଦୁଦ୍‌ତାନା । ଏନା ଆୟୁମ୍‌କେଦ୍‌ତେ ଆପେ ଆପାନକେ ଆଡ଼ଃ ସେଣ୍‌ନ୍ ମେନ୍ତେ କାପେ ଆଟ୍‌କାରେୟା, ଇସ୍ତାଏଲ୍ ହଡକଆଃ କା ମାନାଡ଼ିଙ୍ଗ୍‌ତେୟାଃ ଟୁଣ୍ଡୁ ଜାକେଦ୍ କା ତାଇନାଃ । ସାଅଁସାର୍ ହଡକ ସବେନ୍‌କ ପାର୍‌ମେଶ୍ୱାର୍‌ତାଃତେ ହିଜୁଃ ଜାକେଦ୍ ଯିହୁଦୀ ହଡକ ଏନ୍‌ଲେକାଗିକ ତାଇନା । ୨୬ ଆଡ଼ଃ ନେ'ଲେକାତେ ଗଟା ଇସ୍ତାଏଲ୍‌ରେନ୍ ହଡକ ଜୀଉବାଞ୍ଚାଅକ ନାମେୟା, ଚିୟାଃଚି ଧାରାମ୍‌ପୁଥ୍‌ରେ ନେ'ଲେକା ଅଲ୍ଲାନା, “ସିୟୋନ୍‌ଏତେ ଜୀଉବାଞ୍ଚାଅ ଏମ୍‌ନିଃ ହିଜୁଃଆଏ,

ଆଡ଼ଃ ଇନିଃ ଯାକୁବ୍‌ଆଃ କିଲିକତାଃଏତେ ସବେନ୍ ଏଡ୍‌କାନ୍‌ତେୟାଃକଏ ସାଙ୍ଗିନେଆ ।

୨୭ ଆଇଙ୍ଗ୍ ଇନ୍‌କୁଆଃ ପାପ୍‌କ ସାଙ୍ଗିନେ

ଇମତା ଇନ୍‌କୁଲଃ ନେ ରାଜିନାମାଃ ବାଇୟା ।”

୨୮ ଆପେୟାଃ ବୁଗିନାଃ ନାଗେନ୍ତେ ଯିହୁଦୀ ହଡ଼କ ସୁକୁକାଜିକେ ବାଗିକେଦ୍‌ତେ ପାର୍‌ମେଶ୍‌ବାର୍‌ଆଃ ବାଇରିକ ହବାକାନା । ମେନ୍‌ଦ ପାର୍‌ମେଶ୍‌ବାର୍‌ଆଃ ହରାତେ ସାଲ୍‌ୟାନ୍‌ଲଃ ଇନ୍‌କୁଆଃ ପୁରଖା ହାଡ଼ାମକଆଃ ହରାତେ ଇନ୍‌କୁ ପାର୍‌ମେଶ୍‌ବାର୍‌ଆଃ ଦୁଲ୍‌ାଡ଼୍‌ ଗାତିକ ହବାକାନା । ୨୯ ଚିଆଃଟି ପାର୍‌ମେଶ୍‌ବାର୍‌ ଅକନ୍‌କକେ ସାଲ୍‌ାକାଦକଆ ଆତଃ ଆଶିଷ୍‌କାଦକଆ, ଇନ୍‌କୁକେ ଆୟାଃ ଦାନ୍ ଏମ୍ ନାଗେନ୍ତେ ମନ୍‌ରେ ଉହାଟ୍‌କାଦ୍‌ତେୟାଃ ଚିଉଲ୍‌ାହ କା ବାଦ୍‌ଲ୍‌ାଅଃଆ । ୩୦ ସାଅଁସାର୍ ହଡ଼କ ସିଦା ପାର୍‌ମେଶ୍‌ବାର୍‌ଆଃ କା ମାନାତିଙ୍ଗ୍ ହଡ଼କ ତାଲକେନା, ମେନ୍‌ଦ ନାହାଁଃ ଯିହୁଦୀ ହଡ଼କଆଃ କା ମାନାତିଙ୍ଗ୍ ହରାତେ ସାଅଁସାର୍ ହଡ଼କ ପାର୍‌ମେଶ୍‌ବାର୍‌ଆଃ ଦାୟାକ ନାମାକାଦା । ୩୧ ଚିୟାଃଟି ସାଅଁସାର୍ ହଡ଼କହଚି ଦାୟାକ ନାମାକାଦା, ଯିହୁଦୀ ହଡ଼କ ପାର୍‌ମେଶ୍‌ବାର୍‌ତାଃଏତେ ସାଙ୍ଗିନ୍‌କାନ୍‌ରେୟ, ମୁସିଙ୍ଗ୍ ହୁଲ୍‌ାଙ୍ଗ୍ ଇନ୍‌କୁ ରୁହାଡ଼କେଦ୍‌ତେ ଦାୟାକ ନାମେୟା । ୩୨ ପାର୍‌ମେଶ୍‌ବାର୍‌ ସବେନ୍‌କକେ କାଜି କା ମାନାତିଙ୍ଗ୍ ନାଗେନ୍ତେ ବାଗିୟାକାଦକଆ, ଜେ'ଲେକାଚି ଇନିଃ ସବେନ୍‌କକେ ଦାୟାକଆ ।

ପାର୍‌ମେଶ୍‌ବାର୍‌ଆଃ ମାନାରାଙ୍ଗ୍

୩୩ ପାର୍‌ମେଶ୍‌ବାର୍‌ ଚିମିନ୍ ପୁରାଃଟି ମାରାଙ୍ଗ୍ ତାନିଃ, ଇନିୟାଃ ବୁଞ୍ଚି ଆତଃ ସେଣ୍‌ାରେୟାଃ ଟୁଣ୍ଡୁ ବୁନଃଆ । ଅକଏ ଇନିୟାଃ ବିଚାରକେ ଆଟ୍‌କାର୍‌ଉରୁମ୍ ଦାଡ଼ିୟା ? ଅକଏ ଇନିୟାଃ ହରାକେ ଆଟ୍‌କାର୍‌ଉରୁମ୍ ଦାଡ଼ିୟା ? ୩୪ ଧାରାମପୁଅରେ ଅଲ୍‌ାକାନା,

“ଅକଏ ପାର୍‌ମେଶ୍‌ବାର୍‌ଆଃ ମନ୍‌କେ ସାରିଦାଡ଼ିୟା ?

ଅକଏ ଇନିଃକେ ଇତୁ ଏମ୍‌ଦାଡ଼ିୟା ?”

୩୫ ଅକଏ ଚିନାଃ ପାର୍‌ମେଶ୍‌ବାର୍‌କେ ଜେଡ଼ନାଃ ଏମ୍ ଦାଡ଼ିକିୟାଏ ଯେ,

ପାର୍‌ମେଶ୍‌ବାର୍‌କେ ଏନାରେୟାଃ ବାଦ୍‌ଲ୍‌ାରେ ଏମ୍ ଲାଗାତିଙ୍ଗ୍ ହବାଅଃତାନା ?

୩୬ ☆ସବେନ୍ ବିଷାଏ ପାର୍‌ମେଶ୍‌ବାର୍‌ତେ ବାଇୟାକାନା, ସବେନାଃ ଇନିୟାଃ ହରାତେ ଆତଃ ଇନିଃ ମାନାରାଙ୍ଗ୍ ନାଗେନ୍ତେ ହବାକାନା । ଜାନାଅ ଜାନାଅ ପାର୍‌ମେଶ୍‌ବାର୍‌ଆଃ ମାନାରାଙ୍ଗ୍ ହବାଅଃକା । ଆମେନ୍ ।



ପାର୍‌ମେଶ୍‌ବାର୍‌କେ ସେଞ୍‌ାରେୟାଃ ଜୀଦାନ୍

୧ ଏନାମେନ୍ତେ, ହେ ହାଗା ମିଶିକ, ଆବୁ ନାଗେନ୍ତେ ପାର୍‌ମେଶ୍‌ବାର୍‌ଆଃ ପୁରାଃ ଲିନିବୁଞ୍ଚ ହବାକାନ୍ ହରାତେ, ଆଇଙ୍ଗ୍ ଆପେକେଇଙ୍ଗ୍ ବିକ୍ରିପେ ତାନା, ପାର୍‌ମେଶ୍‌ବାର୍‌ତାଃରେ ଆପେ ଆପ୍‌ନାଃ ହଡ଼ମକେ ପାବିତାର୍ ଜାନିଦ୍ ଦାଣ୍‌େ ଲେକା ରାକାବେପେ । ଇନିୟାଃ ସେଞ୍‌ାରେ ଆପାନ୍‌କେ ଜିମାକେଦ୍‌ତେ ଇନିୟାଃ ସୁକୁଇଚିୟାଃ ଲେକା ହବାଅଃପେ । ଏନାଗି ପାର୍‌ମେଶ୍‌ବାର୍‌ଆଃ ସାର୍‌ତି ସେଞ୍‌ା ତାନା । ୨ ନେ ଅତେଦିଶ୍‌ମରେ ଆପେ ନେ ପାରିୟାରେନ୍ ହଡ଼କ ଲେକା ଆଲ୍‌ପେ ହବାଅଃଆ । ପାର୍‌ମେଶ୍‌ବାର୍‌ ଆପେୟାଃ ମନ୍‌କେ ବାଦ୍‌ଲ୍‌ାଅକେଦ୍‌ତେ ପୁରାଗି ଆପେୟାଃ ମନ୍‌ଭିତାର୍‌ରେୟାଃ ଉଡ଼୍‌ଷୁକ ନାଞ୍‌ାଲେକା ହବାଅଃକା । ଏନାରେ, ପାର୍‌ମେଶ୍‌ବାର୍‌ଆଃ ଇଛାସାନାଙ୍ଗ୍ ଚିନାଃ ତାନାଃ, ଆୟାଃ ଆୟାର୍‌ରେ ଅକ କାଜିକ ବୁଗିନାଃ ତାନାଃ, ଆଇଃକକେ ସୁକୁଆନ୍ ଆତଃ ପକ୍‌ତାଃଅତେୟାଃ ତାନାଃ, ଏନା ଆପେ ଆଟ୍‌କାର୍‌ଉରୁମ୍ ଦାଡ଼ିୟାଃପେ ।

୩ ପାର୍‌ମେଶ୍‌ବାର୍‌ ଆଇଙ୍ଗ୍‌କେ ବିଶେଷ୍‌ ସାୟାଦ୍ ଏମାକାଦିଙ୍ଗ୍ ହରାତେ ଆପେ ସବେନ୍‌କକେଇଙ୍ଗ୍ କାଜିପେତାନା, ଆପେ ଆପାନାଃ ବିଷାଏରେ ଜେ'ଲେକା ଉଡ଼୍‌ଷୁ ଲାଗାତିଙ୍ଗ୍‌ୟାଃ ଏନାଏତେ ପୁରାଃ ଆଦ୍‌କା ମାରାଙ୍ଗ୍ ଲେକା ଆଲ୍‌ପେ ଆଟ୍‌କାରେନ୍‌କା, ମେନ୍‌ଦ ପାର୍‌ମେଶ୍‌ବାର୍‌ ଆପେକେ ଏମାକାଦ୍‌ପେ ବିଶ୍‌ାସ୍ ଲେକାଗି ଆପ୍‌ନାଃ ବିଚାର୍ ରିକାଏପେ । ୪ ☆ଆବୁଆଃ ହଡ଼ମରେ ପୁରାଃଟି ହିସାକ ମେନାଃ ଆତଃ ସବେନାଃରେୟାଃ କାମିକ ମିଦ୍‌ରାକାମ୍‌ଗି ବାନଃଆ । ୫ ଏନ୍‌ଲେକାଗି ଆବୁ ପୁରାଃଟି ମେନାବୁଆ, ମେନ୍‌ଦ ସବେନ୍‌କ ଖ୍ରୀଷ୍ଟଲଃ ମେସାକାନ୍ ହରାତେ, ଆବୁ ମିଆଁଦ୍ ହଡ଼ମ ତାନ୍‌ବୁ ଆତଃ ହଡ଼ମରେ ସବେନ୍ ହିସା ମେନାଃ ଲେକାଗି ମିହୁଡ଼୍ ଆତଃମିହୁଡ଼୍‌ଲଃ ଜଡେନ୍‌କାନାବୁ । ୬ ☆ଏନାମେନ୍ତେ ଆବୁ ନାଙ୍ଗ୍ ପାର୍‌ମେଶ୍‌ବାର୍‌ଆଃ ସାୟାଦ୍ ଲେକାତେ ଆୟାଃତାଃଏତେ ନାମାକାଦ୍ ଏଟାଃ ଏଟାଃ ଦାନ୍‌କକେ ଆବୁକେ ବୁଗିଲେକା ବେଭାର୍ ଲାଗାତିଙ୍ଗ୍‌ୟାଃ । ଆବୁ ପାର୍‌ମେଶ୍‌ବାର୍‌ଆଃ ବାଚାନ୍‌କେ ଉଦୁବ୍ ନାଗେନ୍ତେ ବାର୍‌ଦାନ୍‌ବୁ ନାମାକାଦ୍‌ରେଦ୍, ଆବୁଆଃ ପକ୍‌ତା ବିଶ୍‌ାସ୍ ହରାତେ ଏନ୍ କାମିକେ ରିକା ଲାଗାତିଙ୍ଗ୍‌ୟାଃ । ୭ ସେଞ୍‌ା ନାଗେନ୍ତେ ଏନ୍ ବାର୍‌ଦାନ୍‌ବୁ ନାମାକାଦ୍‌ରେଦ୍, ଆବୁକେ ସେଞ୍‌ା ଲାଗାତିଙ୍ଗ୍‌ୟାଃ; ଇନିତୁ ଏମ୍ ନାଗେନ୍ତେ ବାର୍‌ଦାନ୍‌ବୁ ନାମାକାଦ୍‌ରେଦ୍, ଇନିତୁ ଏମ୍ ଲାଗାତିଙ୍ଗ୍‌ୟାଃ; ୮ ଜେତାଏ ଏଟାଃକକେ ଜୀଉରାଡ଼େଃ ଏମ୍‌ରେୟାଃ ବାର୍‌ଦାନ୍ ନାମାକାଦ୍‌ରେଦ୍, ଏନା ଇନିଃକେ ରିକା ଲାଗାତିଙ୍ଗ୍‌ୟାଃ; ଦାନ୍ ଏମ୍ ନାଗେନ୍ତେ ବାର୍‌ଦାନ୍

☆ ୧୧:୩୬ ୧୧:୩୭ ୧ କରିନ୍ଥ୍‌ୟ ୮:୨. ☆ ୧୨:୪ ୧୨:୪ ୧ କରିନ୍ଥ୍‌ୟ ୧୨:୧୨. ☆ ୧୨:୬ ୧୨:୬ ୧ କରିନ୍ଥ୍‌ୟ ୧୨:୪-୧୧.

ନାମାକାଦ୍ ହତ୍ତ ଲେବେଃ ମନ୍ତେ ଦାନ୍ ଏମେକାଏ । ଏଗାଃନିୟାଃ କାମିରେ ଯାତାନ୍ ଇଦିରେୟାଃ ଆକ୍ତେୟାର୍ ନାମାକାଦ୍ରେଦ୍, ଆଇଃକକେଗି କେଟେଦ୍ କାମି ରିକା ଲାଗାତିଙ୍ଗ୍ୟାଃ; ଦାୟା ରିକାତାନ୍ ହତ୍ତ ରାସ୍ତକାତେ ଦାୟା ରିକାଏକାଏ ।

୯ ଦୁଲ୍ଲାଡ୍ ସାର୍ତି ହବାଅଃ ଲାଗାତିଙ୍ଗ୍ୟାଃ । ଏଡ୍କାନାଃତେୟାଃକେ ହିଲାଙ୍ଗ୍ୟେଦେ, ବୁଗିନ୍ତେୟାଃକେ ସାବେଦେ । ୧୦ ଖ୍ରୀଷ୍ଟ୍ ବିଶ୍ୱାସୀ ହାଗା ମିଶିକ ଲେକା ମିହୁଡ୍ ଆତଃମିହୁଡ୍କେ ଦୁଲ୍ଲାଡିଦେ ଆତଃ ମିହୁଡ୍ ଆତଃମିହୁଡ୍କେ ମାଇନିଦେ । ୧୧ କେଟେଦ୍ କାମି କାମିଦେ ଆଲ୍ଲଦେ ଢିଲାଅଃଆ ଆତଃ ମନ୍ସୁରୁଦ୍ରେ ପୁରାଃ ଭାକ୍ତିତେ ପ୍ରାଭୁକେ ସେଝାଇଦେ । ୧୨ ପୁରାଃ ଆସ୍ତାଏତାନ୍ଲଃ ରାସ୍ତକାରେ ତାଇନ୍ଦେ । ଦୁକୁହାସ୍ତ ଇମ୍ତା ଧିରାଜ୍ ସାବ୍କେଦ୍ତେ ତାଇନ୍ଦେ ଆତଃ ସବେନ୍ ଇମ୍ତା ବିକ୍ତିରେ ତାଇନ୍ଦେ । ୧୩ ପାର୍ମେଶ୍ୱାର୍ଆଃ ହତ୍ତକ ଜାଞ୍ଜିଅଃତାନ୍ ଇମ୍ତା ହାନାଟିଙ୍ଗ୍ ରିକାଏଦେ ଆତଃ ଆପେ ଅଡ଼ାଃତେ ହିଜୁଃତାନ୍ କା ନେଲ୍ଲଡ୍ରେଦ୍ ହତ୍ତକକେ ପେଡ଼ାକନାଙ୍ଗ୍ ସେକାଡ଼ାକାନ୍ଦେ ।

୧୪ ✱ଆପେକେ ଅକନ୍ ହତ୍ତକ ସିଗିଦ୍ପେୟାକ, ଇନ୍କୁଆଃ ଆଶିଷ୍ ନାମଃ ନାଗେନ୍ତେ ପାର୍ମେଶ୍ୱାର୍ତାଃରେ ବିକ୍ତିଦେ । ଇନ୍କୁକେ ଆଶିଷ୍କପେ, ଆଲ୍ଲଦେ ସାର୍ପାଅକଥା । ୧୫ ରାସ୍ତକାରେ ତାଇନ୍ତାନ୍ ହତ୍ତକଲଃ ରାସ୍ତକାଅଃଦେ, ଆତଃ ରାଆଃଏତାନ୍ ହତ୍ତକଲଃ ରାଆଃଏଦେ । ୧୬ ଆପେ ସବେନ୍କଲଃ ମିଦ୍ ମନ୍ତେଗି ତାଇନ୍ଦେ, ଆପେ ଆପାନ୍କେ ମାରାଙ୍ଗ୍ ମେନ୍ତେ ଆଲ୍ଲଦେ କାଜିନ୍, ଆମ୍ବିକ୍ରେ ଆତଃ ସାଂସାର୍ରେୟାଃ ସବେନ୍ ଲେକାନ୍ ନାରାଦୁରାରେ ତାଇନ୍ତାନ୍ ହତ୍ତକଲଃ ଗାତିରେ ତାଇନ୍ଦେ । ଆପାନ୍କେ ସେଣ୍ଡିନ୍ ମେନ୍ତେ ଆଲ୍ଲଦେ କାଜିନ୍ ।

୧୭ ଏଡ୍କାନ୍ ବାଦ୍ଲରେ ଏଡ୍କାନ୍ କାମି ଆଲ୍ଲଦେ ରିକାଏୟା; ସବେନ୍ ହତ୍ତକଆଃ ଆୟାର୍ରେ ଅକ୍ନାଃ ବୁଗିନାଃ ତାନାଃ ଏନାଗି ରିକାଏଦେ । ୧୮ ଆପେ ସବେନ୍ ହତ୍ତକଲଃ ସୁକୁରେ ତାଇନଃ ନାଗେନ୍ତେ ହବାସାକାଅଃ ଲେକା ସବେନାଃ ରିକାଏଦେ । ୧୯ ହେ ଦୁଲ୍ଲାଡ୍କ, ଆପେ ଆପେଗି ଜେତାଏୟାଃ ବାଦ୍ଲ ଆଲ୍ଲଦେ ଇଦିୟା, ମେନ୍ଦ୍ ପାର୍ମେଶ୍ୱାର୍ଆଃ ଖ୍ୱରେ ସାଜାଇ ହବାଅଃ ନାଗେନ୍ତେ ଇନିଃକେ ବାଗି ତାଇଦେ । ଚିୟାଃଟି ଧାରାମ୍ପୁଥ୍ରେ ଅଲ୍ଲାନା, “ପ୍ରାଭୁ କାଜିତାନାଏ, ସାଜାଇ ଏମ୍ତେୟାଃ ଆଇଁୟାଃ କାମିତାନାଃ, ଆଇଙ୍ଗ୍ ଆୟାଃ କାମି ଲେକାଗି ନାଲାଇଙ୍ଗ୍ ଏମାଇୟା ।” ୨୦ ଆତଃଗି “ଆପେୟାଃ ବାଇରି ରେଙ୍ଗେଃତାନ୍ରେଦ୍ ଜଜମାଃ ଏମାଇଦେ, ଇନିଃ ତେତାଙ୍ଗ୍ତାନ୍ରେଦ୍ ନୁଁଏ ନାଙ୍ଗ୍ ଦାଆଃ ଏମାଇଦେ; ନେଲ୍ଲେକା ରିକାଇ ରେଦ୍ ଇନିଃ ଗିଜୁଗଃଆଏ ।” ୨୧ ଏଡ୍କାନ୍ ହରାତେ ଆଲ୍ଲଦେ ହାରାଅଃଆ, ସବେନ୍ ଏଡ୍କାନ୍ କାଜିକେ ବୁଗିନ୍ କାମିତେ ଜିତାଅଏଦେ ।

୧୩

ରାଇଜ୍ ଚାଲାଅତାନ୍କଆଃ କାଜି ମାନାତିଙ୍ଗ୍ପେ

୧ ସବେନ୍କକେ ରାଇଜ୍ ଚାଲାଅତାନ୍କଆଃ କାଜି ମାନାତିଙ୍ଗ୍ ଲାଗାତିଙ୍ଗ୍ୟାଃ, ଚିୟାଃଟି ପାର୍ମେଶ୍ୱାର୍ଆଃ ବେଗାର୍ ଆତୁତେ ଜେତାଏ ରାଇଜେ ନାଗେନ୍ତେ ଆକ୍ତେୟାର୍ କାଏ ନାମେୟା, ଆତଃ ଆକ୍ତେୟାର୍ ନାମାକାଦ୍ ହତ୍ତକ ପାର୍ମେଶ୍ୱାର୍ଆଃ ହରାତେ ନାମାକାଦାକ । ୨ ଏନାମେନ୍ତେ ଜେତାଏ ଆକ୍ତେୟାର୍ ନାମାକାଦ୍ ହତ୍ତକେ କାଏ ମାଇନାଃ, ଇନିଃ ପାର୍ମେଶ୍ୱାର୍ତେ ଠାହାରାଅକାଦ୍ ଆନ୍ତୁକେ କାଏ ମାନାତିଙ୍ଗ୍ ତାନା । ନେଲ୍ଲେକା ରିକାଏତାନ୍ ହତ୍ତ ଆଇଃକ୍ତି ସାଜାଇ ଆଉଝେୟାଏ । ୩ ଅକ ହତ୍ତକ ବୁଗିନ୍ କାମି ରିକାଃକ, ଇନ୍କୁ ଆକ୍ତେୟାର୍ ନାମାକାଦ୍କକେ ଆତଃ ଆକଆଃ ହାକିମକକେ ବର କା ଲାଗାତିଙ୍ଗ୍ୟାଃ, ମେନ୍ଦ୍ ଏଡ୍କାନ୍ କାମିତାନ୍ ହତ୍ତକକେ ବର ଲାଗାତିଙ୍ଗ୍ୟାଃ । ବେଗାର୍ ବରତେ ତାଇନ୍ ସାନାଙ୍ଗ୍ତାନ୍ ରେଦ୍ପେ ହାକିମକଆଃ ଆୟାର୍ରେ ବୁଗିନ୍ କାମିକ ରିକାଏଦେ । ଏନ୍ରେଦ୍ ଇନ୍କୁ ଆପେକେ ମାଇନ୍ପେୟାକ । ୪ ଚିୟାଃଟି ଇନ୍କୁ ଆପେୟାଃ ବୁଗିନ୍ କାମି ରିକାଏ ନାଗେନ୍ତେ ପାର୍ମେଶ୍ୱାର୍ଆଃ ସାଲ୍ଲାନାନ୍ ଦାସିତାନ୍କ । ମେନ୍ଦ୍ ଆପେ ଏଡ୍କାନ୍ କାମି ରିକାଏ ରେଦ୍ ଇନ୍କୁକେ ବରକୁପେ, ଚିୟାଃଟି ସାଜାଇ ଏମ୍ ନାଗେନ୍ତେ ଇନ୍କୁଆଃ ପେଡ଼େଃ ମେନାଃ । ଏଡ୍କାନ୍ କାମିତାନ୍ ହତ୍ତକକେ ସାଜାଇ ଏମ୍ ନାଗେନ୍ତେ ଇନ୍କୁ ପାର୍ମେଶ୍ୱାର୍ଆଃ ହୁକୁମକ ମାନାତିଙ୍ଗ୍ୟାଃ । ୫ ଏନାମେନ୍ତେ ଆପେକେ ରାଇଜ୍ ଚାଲାଅତାନ୍କଆଃ କାଜି ମାନାତିଙ୍ଗ୍ ଲାଗାତିଙ୍ଗ୍ୟାଃ, ପାର୍ମେଶ୍ୱାର୍ଆଃ ସାଜାଇ ନାମେରେୟାଃ ବରତେ କାହାଗି, ମେନ୍ଦ୍ ଆପ୍ନାଃ ବିବେକ୍ରେ ନେଆଁ ବୁଗିନାଃ ତାନାଃ ମେନ୍ତେ ସାରିତାନ୍ ହରାତେ ଆପେକେ ରିକା ଲାଗାତିଙ୍ଗ୍ୟାଃ ।

୬ ✱ଏନାମେନ୍ତେ ଆପେ କାର୍ହ୍ ଏମ୍ତାନାପେ, ଚିୟାଃଟି ରାଇଜ୍ ଚାଲାଅତାନ୍କ ଆକଆଃ ପୁରା କାମି କାମିତାନ୍ ଇମ୍ତା ପାର୍ମେଶ୍ୱାର୍ଆଃ ଦାସିକ ଲେକା କାମିତାନାକ । ୭ ଏନାମେନ୍ତେ ଇନ୍କୁଆଃ

✱ ୧୨:୧୪ ୧୨:୧୪ ମାଥ୍ୱଜ ୫:୪୪; ଲୁକ ୭:୨୮. ✱ ୧୩:୬ ୧୩:୬ ମାଥ୍ୱଜ ୨୨:୨୧; ମାର୍କ ୧୨:୧୭; ଲୁକ ୨୦:୨୫.

ଲୀଗାତିକ୍ଷେତ୍ରଯାକ ଏମାକପେ, ଅକ୍ନାଃ କାର୍ ଏମ୍ ଲୀଗାତିକ୍ଷେତ୍ରାଃ ଏନା ସବେନାଃ ଏମାକପେ, ବର ଲୀଗାତିକ୍ଷେତ୍ରେ ବରକପେ ଆତଃ ସୁସାର୍ ଲୀଗାତିକ୍ଷେତ୍ରେ ସୁସାରକପେ ।

ମିଛୁଡ଼୍ ଆତଃମିଛୁଡ଼୍ଲକ୍ଷ ଦୁପୁଲ୍ଲାଡ଼୍

୮ ମିଛୁଡ଼୍ ଆତଃମିଛୁଡ଼୍ଲକ୍ଷେ ଦୁଲ୍ଲାଡ଼୍ ବାଗିକେଦ୍ରେ ଆତଃ ଏଟାଃ ଜେତାନ୍ ବିଷାଏରେ ଜେତାଏୟାଃ ଆଲ୍ଲପେ ରିଶୀନାଃ । ଜେତାଏ ଏଟାଃନିଃକେ ଦୁଲ୍ଲାଡ଼ାଃଏ ଇନିଃ ଆନୁରୁକେ ମାନାତିକ୍ଷକାଦା । ୯ “ଆଲ୍ଲପେ ଆପାକ୍ଷିରାଃ, ହଡ଼୍ ଆଲ୍ଲପେ ଗଗଏୟାଃ, ଆଲ୍ଲପେ କୁମ୍ପୁଡୁଆଃ, ଏଟାଃନିଆଃ ଜିନିଷକେ ଆଲ୍ଲପେ ହାୟାଅଃଆ,” ନେଲେକାନ୍ ସବେନ୍ ଆନୁରୁ ମିଆଁଦ୍ ଆନୁରୁରେ ମେସାକାନା, “ଆମାଃ ହପରଜାପାଃରେନିଃକେ ଆପାନାଃ ଲେକା ଦୁଲ୍ଲାଡ଼ିମେ ।” ୧୦ ଆମ୍ ମିଛୁଡ଼୍ଲକ୍ଷେ ଦୁଲ୍ଲାଡ଼ିତାନ୍ ରେଦ, ଇନିୟାଃ ଏଡ଼କାନାଃ ଚିତ୍ତଲହ ଆଲମ୍ ରିକାଏୟା, ଏନାତେ ଦୁଲ୍ଲାଡ଼୍ରେଗି ସବେନ୍ ଆନୁରୁ ପୁରାଅଃତାନା ।

୧୧ ନାହାଃ ଆପେ ନେ ସବେନାଃକେ ରିକା ଲୀଗାତିକ୍ଷେତ୍ରାଃ, ଚିଆଃଚି ଦୁଡ଼୍ଲୁଏତେ ଏୟନଃରାଃ ଦିପିଲି ସେଟେରାକାନା । ଆବୁଆଃ ବିଶ୍ୱାସ୍ ହବାୟାନ୍ ହୁଲ୍ଲାକ୍ଷତାଃଏତେ ନାହାଃ ଜୀଉବାଞ୍ଚାଅ ନାମେରେୟାଃ ଦିପିଲି ପୁରାଃଗି ନାଡ଼େଜାକାନା । ୧୨ ନୁବାଃ ସେନଃୟାନ୍ରିୟା, ମାର୍ସାଲ୍ ହିଜୁଃ ସେଟେରଃତାନା । ଏଲା, ନୁବାଃରେୟାଃ ଏଡ଼କାନ୍ କାମିକ ବାଗିକେଦ୍ରେ ମାସ୍ଲାଲ୍ରେ ହବାଅଃତାନ୍ ବୁଗିନ୍ କାମି ରିକା ନାଗେନ୍ତେ ସେକାଡ଼ାକାନ୍ରିବୁ ତାଇନାଃ । ୧୩ ଦିଶ୍ୱମ୍ରେୟାଃ ରିଜ୍ଜରାକ୍ ଆତଃ ଇଲିଆରଖ୍ରେ ବୁଲଃତାନ୍, ହଡ଼୍ମରେୟାଃ ଏଡ଼କାନ୍ ସାନାକ୍ ଚାଏ ଏଡ଼କାନ୍ ଚାଇଲ୍ ଚାଲାନ୍, ଲାପାଡ଼ାଇ ଆତଃ ହିସ୍ଜାରେ କା ତାଇନକେଦ୍ରେ ଏଲା, ଆବୁ ବୁଗିନ୍ ଆତଃ ମାର୍ସାଲ୍ରେନ୍ ହଡ଼କ ଲେକା ବୁଗିନ୍ ଚାଇଲ୍ ଚାଲାନ୍ରେବୁ ତାଇନାଃ । ୧୪ ମେନ୍ଦ ପ୍ରାଭୁ ଯୀଶୁ ଖ୍ରୀଷ୍ଟୁଆଃ ଗୁନ୍ ଲେକା ଚାଇଲ୍ ଚାଲାନ୍ ରିକାଏପେ, ପାପ୍ ଆତଃ ହଡ଼୍ମରାଃ ଏଡ଼କାନ୍ ସାନାକ୍କେ ପୁରାଏ ନାଗେନ୍ତେ ଆଲ୍ଲପେ ଉଡ଼୍ଝୁୟା ।

୧୪

ଏଟାଃନିଃକେ ଆଲ୍ଲପେ ବିଚାରାଃ

୧ *ବିଶ୍ୱାସ୍ରେ ତାଇନତାନ୍ ନାରାଦୁରାକକେ ଦାରମ୍କପେ, ମେନ୍ଦ ଇନ୍କୁଆଃ ଆକଆଃ ଆପ୍ନାଃ ବିଶ୍ୱାସ୍ କାଜିରେ ଆଲ୍ଲପେ କାପ୍ଜିଆଃ । ୨ ଚିମିନ୍ ହଡ଼କ ସବେନାଃ ଜମ୍ରେୟା ହବାଅଃଆ ମେନ୍ତେ ବିଶ୍ୱାସ୍ଆଃକ, ମେନ୍ଦ ବିଶ୍ୱାସ୍ରେ ନାରାଦୁରା ହଡ଼୍ ଏସ୍କାର୍ ଆଡ଼ାଃସାକାମ୍ ଜଜମାଃଏ । ୩ ସବେନ୍ ଲେକାନ୍ ଜମ୍ରେୟାଃ ଜମ୍ତାନ୍ ହଡ଼କ, ଆଡ଼ାଃସାକାମ୍ ଜମ୍ତାନ୍ ହଡ଼କକେ ଆଲକାକ ଲାୟାକକା, ଆତଃ ଆଡ଼ାଃସାକାମ୍ ଜମ୍ତାନ୍ ହଡ଼କ, ସବେନ୍ ଲେକାନ୍ ଜମ୍ରେୟାଃ ଜମ୍ତାନ୍ ହଡ଼କକେ ଆଲକାକ ବିଚାରକକା, ଚିଆଃଚି ପାରମେଶ୍ୱାର୍ ଇନ୍କୁକେହଗି ଗ୍ରାହାଣକାଦକଆ । ୪ ଏଟାଃନିୟାଃ ଦାସିକକେ ବିଚାର୍ ନାଗେନ୍ତେ ଆପେ ଅକଏ ତାନ୍ପେ ? ଇନ୍କୁ ବୁଗିନାଃ ରିକାକାଦାକ ଚାଏ ଏଡ଼କାନାଃ ରିକାକାଦାକ ଏନା ଆକଆଃ ଗୁସିୟା ଏସ୍କାର୍ ବିଚାରେୟାଏ । ଇନ୍କୁ ଗ୍ରାହାଣଆକ ଚିଆଃଚି ପ୍ରାଭୁ ଇନ୍କୁକେ ଗ୍ରାହାଣକାଦକଆ ।

୫ ଚିମିନ୍ ହଡ଼କ ଏଟାଃ ହୁଲ୍ଲାକ୍ଷଏତେ ବିଶେଷ୍ ହୁଲ୍ଲାକ୍ଷକେ ପୁରାଃଗିକ ମାଇନାଃ, ଆତଃ ଚିମିନ୍ ହଡ଼କ ସବେନ୍ ହୁଲ୍ଲାକ୍ଷକେ ସାମାନ୍ରିକ ମାଇନାଃ । ମେନ୍ଦ ଆବୁ ଆପ୍ନାଃ ବିଶ୍ୱାସ୍ ଲେକାତେ ମନ୍ରେ ଉଡ଼୍ଝୁତାନଲଃ ଡିକ୍ସୁକେଟେଗିବୁ ତାଇନାଃ । ୬ ଅକନ୍ ହଡ଼କ ମିଆଁଦ୍ ଦିନକେ ବିଶେଷ୍ ଦିନ୍ ମେନ୍ତେ ଉଡ଼୍ଝୁତାନାକ, ଇନ୍କୁ ଏନାକେ ପ୍ରାଭୁଆଃ ମାଇନଃ ନାଗେନ୍ତେ ରିକାଏକାକ, ଆତଃ ଅକନ୍ ହଡ଼କ ସବେନ୍ ଲେକାନ୍ ଜମ୍ରେୟାଃ ଜମ୍ତାନାକ, ଇନ୍କୁ ପାରମେଶ୍ୱାର୍କେ ଧାନ୍ୟାବାଦ୍ ଏମତାନ୍ଲଃ ଜମେକାକ, ଏନା ହରାତେ ପାରମେଶ୍ୱାର୍ ମାଇନଃଆଏ । ଅକନ୍ ହଡ଼କ ସବେନ୍ ଲେକାନ୍ ଜମ୍ରେୟାଃ କାକ ଜମ୍ତାନା, ଇନ୍କୁ ପାରମେଶ୍ୱାର୍ଆଃ ମାଇନଃ ନାଗେନ୍ତେ ରିକାଏକାକ ଆତଃ ପାରମେଶ୍ୱାର୍କେ ଧାନ୍ୟାବାଦ୍ ଏମାଇକାକ । ୭ ଆବୁକଏତେ ଜେତାଏ ଆପ୍ନାଃ ନାଗେନ୍ତେ କାଏ ବାଞ୍ଚାଅଃଆ ଚାଏ ଆପ୍ନାଃ ନାଗେନ୍ତେ ଏସ୍କାର୍ ଜୀଉ କାଏ ଏମେୟା । ୮ ଆବୁ ବାଞ୍ଚାଅଃତାନ୍ ରେଦ ପ୍ରାଭୁଆଃ ନାଗେନ୍ତେବୁ ବାଞ୍ଚାଅଃତାନା, ଆତଃ ଜୀଉ ଏମତାନ୍ରେଦ ପ୍ରାଭୁଆଃ ନାଗେନ୍ତେ ଜୀଉ ଏମତାନାବୁ । ଏନାମେନ୍ତେ ଜୀନିଦ୍ ଆତଃ ଗନ୍ଏଃରେ ଆବୁ ପ୍ରାଭୁଆଃତାନ୍ବୁ । ୯ ଚିୟାଃଚି ଖ୍ରୀଷ୍ଟ ଗଏଃକେଦ୍ରେ ଜୀଉବିରିଦ୍ୟାନ୍ ହରାତେ ଜୀହୁଦଃତାନ୍କଆଃ ଆତଃ ଗଜାକାନ୍କଆଃ ପ୍ରାଭୁ ହବାକାନାଏ । ୧୦ *ତାଦ୍ ଆପେ ଚିନାଃ ନାକ୍ ଆଡ଼ାଃସାକାମ୍ ଜମ୍ତାନ୍ ହାଗାକକେ ବିଚାରକତାନାପେ ? ଆତଃ ସବେନ୍ ଲେକାନ୍ ଜମ୍ରେୟାଃ ଜମ୍ତାନ୍ ବିଶ୍ୱାସୀକକେ ଚିନାଃମେନ୍ତେପେ ହିଲ୍ଲାକ୍ଷତାନା ? ଆବୁ ସବେନକକେ ପାରମେଶ୍ୱାର୍ଆଃ ବିଚାର୍ ଠାୟାଦ୍ରେ ବିଚାର୍ ନାଗେନ୍ତେ ଡିକ୍ସୁନ୍ ଲୀଗାତିକ୍ଷେତ୍ରାଃ । ୧୧ ଚିୟାଃଚି ଧାରାମ୍ପୁଅ୍ରେ ଅଲ୍ଲକାନା, “ପ୍ରାଭୁ କାଜିତାନାଏ, ଆଇକ୍ସ୍ ଜୀନିଦ୍ ପାରମେଶ୍ୱାର୍ ତାନିକ୍ସ୍, ସବେନକ ଆଇୟାଃ ଆୟାର୍ରେକ ଇକ୍ଡ଼ୁମେଆ,

* ୧୪:୧ ୧୪:୧ କଲସିୟ ୨:୧୭. * ୧୪:୧୦ ୧୪:୧୦ ୨ କରିନ୍ଥ୍ରିୟ ୫:୧୦.

ଆତ୍ମ ଆଇଁ ପାର୍ମେଶ୍ୱାର୍ ତାନିଙ୍ଗ୍ ମେନ୍ତେ ସବେନ୍ କ କାଜିୟା ।”

୧୨ ଆବୁ ସବେନ୍ କକେ ପାର୍ମେଶ୍ୱାର୍ ଆୟାର୍ରେ ଆପ୍ନାୟ ହିସାବ୍ ଏମା ଲାଗାତିଙ୍ଗ୍ୟାୟ ।

ଜେତାଏୟାୟ ତହଦୱନିୟ ଆଲପେ ହବାଅଥା

୧୩ ଏନାତେ ମିହୁଡ୍ ଆତ୍ମମିହୁଡ୍ ଆୟ ବିଚାର୍ ଆଲପେ ରିକାଏୟା, ନେ'ଲେକାହଗି ଆଲପେ ରିକାଏ, ଅକ ହରାତେ ଚି ଏଗାୟମିହୁଡ୍ ହାଗା ତହଦ୍ କେଦ୍ ତେ ପାପ୍ରେ ଉୟୁଗଥା । ୧୪ ଆଇଙ୍ଗ୍ ପ୍ରାଭୁ ଯୀଶୁଲ୍ ଆମେନେସାରେ ତାଇନ୍ ହରାତେ ସାରିତାନାଇଙ୍ଗ୍ ଯେ, ସାର୍ତିଗି ଜେତାନ୍ ଜମେୟାୟ ଆପାନ୍ତେଗି କା ସଡ଼ରାଅଥା, ମେନ୍ଦ୍ ଜେତାଏ ହଡ୍ ଜେତାନ୍ ଜମେୟାୟକେ ସଡ଼ରାକାନା ମେନ୍ତେ ବିଶ୍ୱାସେରେଦ୍ ଏନ୍ ଜମେୟାୟ ଇନିୟାୟ ନାଗେନ୍ତେ ସଡ଼ରାଅଥା । ୧୫ ଆପେ ଜେତାନ୍ ଜମେୟାୟ ଜମ୍ ହରାତେ ଆପେୟାୟ ହାଗା ଚାଏ ମିଶିଆୟ ମନ୍ରେ ଦୁକୁପେ ଏମାଇତାନ୍ରେଦ୍, ଆପେ ଦୁଲ୍ଲାଡ୍ରେ କାପେ ସେସେନ୍ତାନା । ଅକ ହାଗା ଚାଏ ମିଶି ନାଗେନ୍ତେ ଖ୍ରୀଷ୍ଟ୍ ଜୀଉ ଏମ୍ କେଦାଏ, ନେ ଜମେୟାୟ ନାଗେନ୍ତେ ଇନିୟାୟ ଜିୟନୟ ଆଲପେ ରିକାଏୟା । ୧୬ ଆପେ ଅକ୍ନାୟକେ ବୁଗିନ୍ ମେନ୍ତେପେ ଆଟ୍ କାରେତାନା, ଏନ୍ ହରାତେ ଆପେୟାୟ ନୁଡୁମ୍ ଆଲକା ଏଡ୍ କାନୟକା । ୧୭ ଚିଆଟି ପାର୍ମେଶ୍ୱାର୍ ଆୟ ରାଇଜ୍ଦ୍ ବିଶେଷ୍ଟକେଦ୍ରେ ଜଜମ୍ ନୁଁ ନାହାଲ୍, ମେନ୍ଦ୍ ଏନା ପାବିତାର୍ ଆମ୍ବାରାୟ ହରାତେ ଏମାକାନ୍ ଧାର୍ମାନ୍, ଜୀଉୟୁ ଆତ୍ମ ରାସ୍ କାନ୍ତେୟାୟ ତାନାୟ । ୧୮ ଜେତାଏ ନେ'ଲେକା ଖ୍ରୀଷ୍ଟ୍ ଆୟ ସେଖା ରିକାଏ, ଇନିୟାୟ ପାର୍ମେଶ୍ୱାର୍ କେ ସୁକୁଇଚିୟା ଆତ୍ମ ହଡ୍ କଥାୟ ଆୟାର୍ରେ ମାଇନ୍ ନାମେନିୟ ହବାଅଥାଏ ।

୧୯ ଏନାମେନ୍ତେ ହିଜୁସପେ, ଜୀଉୟୁ ଏମେତାନ୍ କାମିକକେ ଆବୁ କେଟେଜେ ନାଗେନ୍ତେବୁ କାମିୟା ଆତ୍ମ ମିହୁଡ୍ ଆତ୍ମମିହୁଡ୍ କେ ଦେଙ୍ଗାତାନ୍ କାମିକବୁ କାମିୟା । ୨୦ ପାର୍ମେଶ୍ୱାର୍ ଅକଥାୟ ରିକାକାଦାଏ ଏନାକେ ଜଜମାୟ ହରାତେ ଆଲପେ ଜିୟନେଆ । ସବେନ୍ ଲେକାନ୍ ଜମେୟାୟ ଫାର୍ତିଗିୟା ଆତ୍ମ ଜମ୍ ଦାଡିଅଥା, ମେନ୍ଦ୍ ଜେତାନ୍ ଜମେୟାୟ ହରାତେ ଆପେ ଜେତାଏୟାୟ ନାଙ୍ଗ୍ ତହଦ୍ ଇଚିୟାୟ ରେଦ୍ ଏନ୍ ଜମେୟାୟ ଆଲପେ ଜମେୟାୟ । ୨୧ ଆପେ ହାକୁ ଚାଏ ମାସ୍ ଜମ୍ରେ ଆତ୍ମ ଇଲିଆର୍ ଖ୍ରେ ବୁଲ୍ ହରାତେ ଆପେୟାୟ ହାଗା ଚାଏ ମିଶି ବିଶ୍ୱାସ୍ରେ ତହଦୱରେଦ୍, ଏନ୍ ସବେନାୟଏତେ ସାଜିନୟତେୟାୟ ବୁଗିନାୟ ତାନାୟ । ୨୨ ନେ ବିଷାଏରେ ଆପେୟାୟ ଆପ୍ନାୟ ବିଶ୍ୱାସ୍ ପାର୍ମେଶ୍ୱାର୍ ଏସ୍ କାର୍ ସାରିକାଏ । ଅକନ୍ ହଡ୍ ବୁଗିନାୟ ତାନାୟ ମେନ୍ତେ ଆଟ୍ କାର୍ ଉତ୍ତୁମ୍ ତାନଲ୍ ଜେତାନ୍ କାମି କାମିୟାଏ, ଆତ୍ମ ଏନା ନାଗେନ୍ତେ ତାୟମ୍ରେ ଆପାନ୍ କେ କାଏ ଚିତାନ୍ ନିୟ ସୁକୁତାନ୍ ଗିଆଏ । ୨୩ ମେନ୍ଦ୍ ଅକ ଜମେୟାୟ ଜମ୍ ନାଙ୍ଗ୍ ବୁଗିନାୟ ଚାଏ କା ବୁଗିନାୟ, ନେ କାଜି ମନ୍ରେ ଆତ୍ମ ଉତ୍ତୁକେଦ୍ରେ ଜମେରେଦ୍, ଇନିୟାୟ ପାର୍ମେଶ୍ୱାର୍ ଆୟ ଆୟାର୍ରେ ସାଜାଇ ନାମେୟାଏ, ଚିଆଟି ଏନା ଆୟାୟ ବିଶ୍ୱାସ୍ ଲେକାତେ ନାହାଲ୍ । ବିଶ୍ୱାସ୍ ତେତାନ୍ରେ ଅକ୍ନାୟ କା ଠାହାରାଅକାନା ଏନା ପାପ୍ ତାନାୟ ।

୧୫

ଏଗାୟନିୟକେ ସୁକୁଇଚିପେ ଆପାନ୍ କେଦ୍ କାହାଗି

୧ ଆବୁ ଆବୁଆୟ ବିଶ୍ୱାସ୍ରେ କେଟେୟାନ୍ ଗି ମେନାବୁଆ, ଏନାତେ ଆବୁ ବିଶ୍ୱାସ୍ରେ ନାରାଦୁରା ମେନାକ ହଡ୍ କକେ ଦେଙ୍ଗା ଲାଗାତିଙ୍ଗ୍ୟାୟ । ଆବୁ ଆପାନ୍ କେ ଏସ୍ କାର୍ ସୁକୁରେ ତାଇନୟ କା ଲାଗାତିଙ୍ଗ୍ୟାୟ । ୨ ମେନ୍ଦ୍ ଆବୁ ଏଗାୟ ହଡ୍ କଥାୟ ବୁଗିନ୍ ନାଗେନ୍ତେ ଆତ୍ମ ଇନ୍ କୁଆୟ ବିଶ୍ୱାସ୍ କେ କେଟେଜେ ନାଗେନ୍ତେ ଇନ୍ କୁକେ ସୁକୁରେ ଦହ ଲାଗାତିଙ୍ଗ୍ୟାୟ । ୩ ଖ୍ରୀଷ୍ଟ୍ ଆୟାୟ ଆପ୍ନାୟ ସୁକୁ ନାଗେନ୍ତେ ଜେଡ୍ ନାୟ କାଏ କାମି ତାଇକେନା, ମେନ୍ଦ୍ ଧାରାମ୍ ପୁଅରେ ଅଲକାନା, “ଇନ୍ କୁ ଆମ୍ କେ ଲାୟାକେଦ୍ ମେୟାୟ, ଏନା ଆଇଙ୍ଗ୍ ସାହାତିଙ୍ଗ୍ ତାନା ।” ୪ ଧାରାମ୍ ପୁଅରେୟାୟ ସବେନ୍ ଇନିୟାୟ ଆବୁଆୟ ବୁଗିନାୟ ନାଗେନ୍ତେ ତାନାୟ, ଆସ୍ତାରେ ତିଙ୍ଗ୍ କେଟେୟାୟ ନାଗେନ୍ତେ ଧାରାମ୍ ପୁଅ ଆବୁକେ ଧୂରାଜ୍ ଆତ୍ମ ଜୀଉରାଡ୍ରେ ଏମାୟ । ୫ ଖ୍ରୀଷ୍ଟ୍ ଯୀଶୁଆୟ ନାମ୍ ନାରେୟାୟ ଅତ୍ କାନ୍ତାନ୍ କ ହବାଅଥା ନାଗେନ୍ତେ ଆପେ ସବେନ୍ କଥାୟ ମନ୍ ଆତ୍ମ ଉତ୍ତୁ ଏନ୍ ଲେକାଗି ହବାଅଥା ନାଗେନ୍ତେ ଧୂରାଜ୍ ଆତ୍ମ ଜୀଉରାଡ୍ରେ ଏମାବୁତାନ୍ ପାର୍ମେଶ୍ୱାର୍ ଆପେକେ ଦେଙ୍ଗାପେକାଏ । ୬ ଆପେ ସବେନ୍ କ ମିସାତେ ମିଦ୍ ଲାବ୍ ଜାଲ୍ ଆପୁ ପାର୍ମେଶ୍ୱାର୍ ଆତ୍ମ ଆବୁଆୟ ପ୍ରାଭୁ ଯୀଶୁ ଖ୍ରୀଷ୍ଟ୍ ଆୟ ମାନାରାଙ୍ଗ୍ ରିକାଏପେ ।

ଯିହୁଦୀ ହଡ୍ କ ଆତ୍ମ ସାଅଁସାର୍ ହଡ୍ କ ନାଗେନ୍ତେ ସୁକୁକାଜି

୭ ଏନାମେନ୍ତେ ଖ୍ରୀଷ୍ଟ୍ ଜେ'ଲେକା ଆପେକେ ଦାରମ୍ କାଦ୍ ପେୟା, ପାର୍ମେଶ୍ୱାର୍ ଆୟ ମାଇନାନ୍ ନାଗେନ୍ତେ ଆପେୟ ଏନ୍ ଲେକାଗି ମିହୁଡ୍ ଆତ୍ମମିହୁଡ୍ କେ ଦାରମ୍ କପେ । ୮ ଚିଆଟି ଖ୍ରୀଷ୍ଟ୍ ଆୟ ସୁସାର୍ରେୟାୟ ଜୀଦାନ୍ ଖାଡ୍ ନାଅକାନ୍ ଯିହୁଦୀ ହଡ୍ କ ନାଙ୍ଗ୍ ତାଇକେନା । ଇନ୍ କୁକେ ଇନିୟାୟ ଦେଖାଅକ ନାଙ୍ଗ୍ ସାନାଙ୍ଗ୍ ତାଇକେନାଏ ଯେ ପାର୍ମେଶ୍ୱାର୍ ପାତିୟାର୍ରେ ଲେକାନ୍ ନିୟ ତାନିୟ । ଯିହୁଦୀ ହଡ୍ କଥାୟ ପୁରୁଖା ହାଡ୍ ମକକେ ଏମାକାଦ୍ କ ଆୟାୟ ବାନାର୍ ସା ସବେନାୟକେ ଖ୍ରୀଷ୍ଟ୍ ମାନାତିୟେଆଏ । ୯ ଆତ୍ମ ସାଅଁସାର୍

ହତକ ପାର୍ମେଶ୍ୱାର୍ଥୀ ଲିନିବୁଇ ନାଗେନ୍ତେ ଇନିୟାଃ ମାନାରାଙ୍ଗ ରିକା ଦାଡ଼ିୟାଃକ । ଧାରାମ୍ପୁଥିରେ ଅଲ୍ଲାନା,

“ଏନାମେନ୍ତେ ଆଇଙ୍ଗ୍ ସାଅଁସାର୍ ହତକଆଃ ଆଲ୍ଲାରେ ଆମାଃ ମାନାରାଙ୍ଗ ରିକାୟାଇଙ୍ଗ୍, ସବେନ୍ ଇମତା ଆମାଃ ମାନାରାଙ୍ଗ ଦୁରାଙ୍ଗ୍‌ୟେଇଙ୍ଗ୍ ।”

୧୦ ଆଡ଼ଃଗି ଧାରାମ୍ପୁଥିରେ ଅଲ୍ଲାନା,

“ସାଅଁସାର୍ ହତକ ପାର୍ମେଶ୍ୱାର୍ଥୀ ହତକଲଃ ରାସକାଅଃକାକ ।”

୧୧ ଆଡ଼ଃଗି,

“ସବେନ୍ ସାଅଁସାର୍ ହତକ ପ୍ରାଭୁଆଃ ମାନାରାଙ୍ଗ ରିକାଏକାକ । ଆଡ଼ଃ ସବେନ୍ ହତକ ଇନିୟାଃ ମାନାରାଙ୍ଗ ରିକାଏକାକ ।”

୧୨ ଆଡ଼ଃଗି, ଯିଶାୟ କାଜିକାଦା,

“ଯିଶିଆଃ କିଲିରେନ୍ ମିହୁଡ଼୍ ଉନ୍ନୁଦୁବଃଆଏ, ଇନିଃ ସାଅଁସାର୍ ହତକକେ ରାଇଜକଆ ଆଡ଼ଃ ଇନ୍‌କୁ ଇନିଃତାଃରେକ ଆସ୍ରାଏୟା ।”

୧୩ ପାର୍ମେଶ୍ୱାର୍ ସବେନ୍ ଆସ୍ରାରେନ୍ ଭାଣ୍ଡାର୍ ହବାଅଃକାଏ, ଆପେ ଇନିଃତାଃରେ ବିଶ୍ୱାସ୍ତାନ୍ ହରାତେ ସବେନ୍ ରାସକା ଆଡ଼ଃ ଜୀଉସୁକୁରେ ଇନିଃ ଆପେକେ ପେରେଃପେକା, ଜେ'ଲେକାଟି ଆପେ ପାବିତାର୍ ଆମ୍ବାରାଃ ପେଡ଼େଃତେ ଆପେୟାଃ ଆସ୍ରା ହାରାଇଦିୟାଆ ।

ସାଅଁସାର୍ ହତକତାଃରେ ପାଉଲୁସ୍‌ଆଃ କାମି

୧୪ ହେ ହାଗା ମିଶିକ, ଆଇଙ୍ଗ୍ ବିଶ୍ୱାସ୍ ତାନାଇଙ୍ଗ୍ ଯେ ଆପେ ସବେନ୍‌କ ପୁରାଃ ବୁଗିନାଃତେ, ଆଡ଼ଃ ସବେନ୍ ସେଣ୍‌ନିତେ ପେରେଜାକାନାପେ, ଆଡ଼ଃ ଆପେ ମିହୁଡ଼୍ ଆଡ଼ଃମିହୁଡ଼୍‌କେ ଇଡୁ ଦାଡ଼ିୟାଃପେ । ୧୫ ଏନ୍‌ରେୟ ଆଡ଼ଃମିସା ପାହାମ୍‌ରୁହାଡ଼େ ନାଗେନ୍ତେ ଆଇଙ୍ଗ୍ ଚିମିନ୍ ବିଷାଏକ ନେ ଚିଟାଉରେ ଅଲ୍ଲାନାଦ୍ ତାଇକେନାଇଙ୍ଗ୍, ପାର୍ମେଶ୍ୱାର୍ଥୀ ସାୟାଦ୍ ହରାତେ ଆଇଙ୍ଗ୍ ଜୀଉରେ କେଟେଦ୍ ନାମ୍‌କେଦ୍‌ତେ ନେ ସବେନାଃ ଆପେତାଃତେଇଙ୍ଗ୍ ଅଲ୍ଲକେଦା । ୧୬ ଚିୟାଃଟି ସାଅଁସାର୍ ହତକ ଜେ'ଲେକା ପାବିତାର୍ ଆମ୍ବାରାଃ ହରାତେ ପାବିତାର୍ କାମି ନାଙ୍ଗ୍ ଜିମାୟାନ୍‌ଲଃ ପାର୍ମେଶ୍ୱାର୍ଥୀ ଆୟାର୍‌ରେ ଦାନ୍ ରାକାବଃରେ ସୁକୁଆନ୍‌ଗିକ ହବାଅଃଆ, ଏନାମେନ୍ତେ ଆଇଙ୍ଗ୍ ଇନ୍‌କୁତାଃରେ ଖ୍ରୀଷ୍ଟ୍ ଯୀଶୁଆଃ ଦାସି ଲେକା ହବାକେଦ୍‌ତେ ପାର୍ମେଶ୍ୱାର୍ଥୀ ସୁକୁକାଜି ଉଦୁବ୍‌ରେ, ଆଇଙ୍ଗ୍ ଯାଜାକ୍ କାମି ଲେକାଇଙ୍ଗ୍ କାମିତାନା । ୧୭ ଖ୍ରୀଷ୍ଟ୍ ଯୀଶୁଲଃ ମେସାକେଦ୍‌ତେ ପାର୍ମେଶ୍ୱାର୍ଥୀ ନାଗେନ୍ତେ ନେ ସେଝାକାମି ରିକାତାନ୍ ହରାତେ ଆଇଙ୍ଗ୍ ଆପାନ୍‌କେ ମାରାଙ୍ଗ୍ ମେନ୍ତେଇଙ୍ଗ୍ କାଜିନ୍‌ତାନା । ୧୮ ସାଅଁସାର୍ ହତକ ପାର୍ମେଶ୍ୱାର୍ଥୀ କାଜି ଆୟୁମେକାକ ମେନ୍ତେ ଖ୍ରୀଷ୍ଟ୍ ଆଇଁୟାଃ ହରାତେ ଚିନାଃଏ କାମିକାଦା, ଏନା ଏସ୍‌କାର୍ କାଜି ନାଗେନ୍ତେ ଆଇଙ୍ଗ୍ ଜୀଉରେ କେଟେଦ୍ ନାମାକାଦାଇଙ୍ଗ୍ । ୧୯ ଇନିଃ ବାଚାନ୍‌ତେ ଆଡ଼ଃ କାମିତେ ଆକ୍‌ଦାନ୍‌ଅ କାମିରାଃ ପେଡ଼େଃତେ ଆଡ଼ଃ ଆକ୍‌ଚାକାଅତେ, ଆଡ଼ଃ ପାର୍ମେଶ୍ୱାର୍ଥୀ ପାବିତାର୍ ଆମ୍ବାରାଃ ପେଡ଼େଃତେ ନେ ସବେନାଃଏ କାମିକାଦା । ଏନାତେ ଆଇଙ୍ଗ୍ ଯୀରୁଶାଲେମ୍‌ତାଃଏତେ ଇଲିରିକମ୍‌ତେ ହରାସେନ୍ ଇମତା ହରାରେ ଖ୍ରୀଷ୍ଟ୍‌ଆଃ ସୁକୁକାଜି ପୁରାଃଗିଇଙ୍ଗ୍ ଉଦୁବ୍‌କାଦା । ୨୦ ଅକ ଠାୟାଦ୍‌କରେନ୍ ହତକ ଖ୍ରୀଷ୍ଟ୍‌ଆଃ ସୁକୁକାଜିକେ କାକ ଆୟୁମାକାଦା, ଏଗ୍ରାଃରେ ନେ ସୁକୁକାଜିକେ ଉଦୁବ୍ ନାଙ୍ଗ୍ ଆଇଙ୍ଗ୍ ସାନାଙ୍ଗ୍‌କେଦାଇଙ୍ଗ୍, ଚିଆଃଟି ଏଟାଃ ହତକଆଃ ହରାତେ ଏନେଟେଦ୍‌କାନ୍ ନିହିଁଗାତାରେ କାମିୟାକାନ୍ କାମିକେ ଆଇଙ୍ଗ୍ ଆଡ଼ଃମିସା କାମି ନାଙ୍ଗ୍ କାଇଙ୍ଗ୍ ସାନାଙ୍ଗ୍‌ତାନା । ୨୧ ଧାରାମ୍ପୁଥିରେ ନେ'ଲେକା ଅଲ୍ଲାନା,

“ଅକନ୍ ହତକକେ ଇନିୟାଃ ବିଷାଏରେ କା କାଜିକାନ୍ ତାଇକେନା, ଇନ୍‌କୁ ଇନିଃକେକ ନେଲିୟା ଆଡ଼ଃ ଅକନ୍ ହତକ ଇନିୟାଃ ବିଷାଏରେ କାକ ଆୟୁମାକାଦ୍ ତାଇକେନା, ଇନ୍‌କୁ ଆୟୁମେଆକ ।”*

ରୋମ୍ ନାଗାର୍‌ତେ ସେନଃନାଙ୍ଗ୍ ପାଉଲୁସ୍‌ଆଃ ଉହାଟ୍

୨୨ *ଏନାମେନ୍ତେ ଆଇଙ୍ଗ୍‌କେ ଆପେତାଃତେ ସେନ୍ ନାଗେନ୍ତେ ପୁରାଃସାଃ କାଜିକଟଙ୍ଗ୍ ନାମାକାଦାଇଙ୍ଗ୍ । ୨୩ ମେନ୍‌ଦ୍ ନେ ପାର୍ଗାନ୍‌କରେ ଆଇଁୟାଃ କାମିକ ପୁରାୟାନା ଆଡ଼ଃ ଆପେକେ ନେନେଲ୍ ନାଗେନ୍ତେ ପୁରାଃ ବାରାଷ୍‌ରେୟାଃ ଆସ୍ରା ନାହାଁଃଦ ପୁରାଅଃଆ । ୨୪ ଆଇଙ୍ଗ୍ ସ୍ତେନ୍‌ତେ ସେନଃ ହରାରେ ଆପେଲଃ ନେପେଲ୍‌କେଦ୍‌ତେଇଙ୍ଗ୍ ହିଜୁଃଆ ମେନ୍ତେଇଙ୍ଗ୍ ଉଡ଼ୁକାଦା । ଆପେତାଃରେ ଘାଡ଼ିକାଦ୍ ତାଇକ୍‌କେଦ୍‌ତେ ସ୍ତେନ୍‌ତେ ସେନଃ ନାଙ୍ଗ୍ ଦେଙ୍ଗାଲ୍‌ୟାଃପେ ମେନ୍ତେଇଙ୍ଗ୍ ଆସ୍ରାତାନା । ୨୫ *ମେନ୍‌ଦ୍ ନାହାଁଃ ଆଇଙ୍ଗ୍ ପାର୍ମେଶ୍ୱାର୍ଥୀ ହତକଆଃ ସୁସାର୍ ନାଗେନ୍ତେ ଯୀରୁଶାଲେମ୍‌ତେ ସେନଃ ନାଗେନ୍ତେଇଙ୍ଗ୍

* ୧୫:୨୧ ୧୫:୨୧ ଯିଶାୟ ୫୩:୧୫ ✱ ୧୫:୨୨ ୧୫:୨୨ ରୋମି ୧:୧୩ ✶ ୧୫:୨୫ ୧୫:୨୫ ୧ କରିନ୍ଥିୟ ୧୭:୧-୪.

ଅତଙ୍ଗଆଁକାନା । ୨୬ ଚିଆଃଚି ଯୀରୁଣାଲେମ୍‌ରେ ପାର୍‌ମେଶ୍‌ବରୁଆଃ ହଡକ ଜାଞ୍ଜିଆକାନାକ, ଇନ୍‌କୁଆଃ ନାଙ୍ଗ ଦାନ୍ ଏମ୍‌କେଦ୍‌ତେ ଦେଙ୍ଗାକ ନାଗେନ୍ତେ ମାକିଦନିଆ ଆତଃ ଆଖାୟାରାଃ କାଲିସିୟାରେନ୍ ହଡକ ଉହାଟ୍‌କାଦାକ । ୨୭ *ନେଆଁଦ ଇନ୍‌କୁ ଆପ୍‌ନାଃ ଇଛାସାନାଙ୍ଗ୍‌ତେ ଉହାଟ୍‌କାଦାକ, ମେନ୍‌ଦ ଇନ୍‌କୁ ସାଅଁସାର୍ ହଡକଆଃ ଆୟାରରେ ହଗି ରିଣୀକାନାକ, ଚିଆଃଚି ଯିହୁଦୀ ହଡକ ଆକଆଃ ଆପ୍‌ନାଃ ଆମ୍‌କ୍‌ରେୟାଃ ଆଶିଷ୍‌ରେ ସାଅଁସାର୍ ହଡକକେ ହିସା ଏମାକାଦକ ହରାତେ, ସାଅଁସାର୍ ହଡକ ଆପ୍‌ନାଃ ଟାକା ପାଏସାରେ ହିସା ଏମ୍‌କେଦ୍‌ତେ ଯିହୁଦୀ ହଡକକେ ଦେଙ୍ଗା ଏମ୍ ଲାଗାତିଙ୍ଗ୍‌ୟାଃ । ୨୮ ଯୀରୁଣାଲେମ୍‌ରେ ଏନ୍ ଦାନ୍‌କେ ଏମ୍‌କେଦ୍‌ତେ ଆଇଁୟାଃ କାମି ଚାବାକେଦ୍ ତାୟମ୍‌ତେ, ଆଇଙ୍ଗ୍ ସ୍ତେନ୍‌ତେ ସେନଃନାଙ୍ଗ୍ ଅତଙ୍ଗ୍‌ଆଃଆଇଙ୍ଗ୍ ଆତଃ ସେନ୍‌ହରାରେ ଆପେଲଃ ନେପେଲ୍ କେଦ୍‌ତେଇଙ୍ଗ୍ ହିଜୁଃଆ । ୨୯ ଆଇଙ୍ଗ୍ ସାରିକାଦାଇଙ୍ଗ୍, ଆଇଙ୍ଗ୍ ଖ୍ରୀଷ୍ଟାଃଏତେ ପୁରାଃ ଆଶିଷ୍ ଆଉକେଦ୍‌ତେ ଆପେତାଃତେଇଙ୍ଗ୍ ହିଜୁଃଆ । ୩୦ ହେ ହାଗା ମିଶିକ, ପ୍ରାଭୁ ଯୀଶୁ ଖ୍ରୀଷ୍ଟାଃ ନୁତୁମ୍‌ତେ ଆତଃ ପାବିତାର୍ ଆମ୍‌ ଏମାକାଦ୍ ଦୁଲାଡ୍ ହରାତେ ଆଇଙ୍ଗ୍ ଆପେକେଇଙ୍ଗ୍ ବିକ୍ରିପେ ତାନା, ଆଇଁୟାଃ ନାଗେନ୍ତେ ପାର୍‌ମେଶ୍‌ବରୁତାଃରେ ପୁରାଃ ଇଛାସାନାଙ୍ଗ୍‌ତେ ବିକ୍ରିପେ । ୩୧ ଆଇଙ୍ଗ୍ ଯିହୁଦା ପାର୍‌ଗାନ୍‌ରେ କା ବିଶ୍ୱାସ୍‌ତାନ୍ ହଡକତାଃଏତେ ଜେ'ଲେକା ବାଞ୍ଛାଅକେଦ୍‌ତେ ତାଇନ୍ ଦାଡିୟାଇଙ୍ଗ୍ ଆତଃ ଯୀରୁଣାଲେମ୍‌ରେ ତାଇନ୍‌ତାନ୍ ପାର୍‌ମେଶ୍‌ବରୁଆଃ ହଡକ ଜେ'ଲେକା ଆଇଁୟାଃ କାମିକେ ସୁକୁଃଆକ ଏନାମେନ୍ତେ ବିକ୍ରିପେ । ୩୨ ପାର୍‌ମେଶ୍‌ବରୁଆଃ ଇଛାସାନାଙ୍ଗ୍ ହବାଅଃରେଦ୍, ଆଇଙ୍ଗ୍ ଆପେତାଃତେ ରାସ୍‌କାତେଇଙ୍ଗ୍ ହିଜୁଃଆ ଆତଃ ଆପେଲଃ ଘାଡିକାଦ୍ ତାଇନ୍‌କେଦ୍‌ତେ ରାସ୍‌କାଇଙ୍ଗ୍ ନାମେୟା । ୩୩ ଆବୁକେ ଜୀଉସୁକୁ ଏମ୍‌ତାନ୍ ପାର୍‌ମେଶ୍‌ବରୁ ଆପେ ସବେନ୍‌କଲଃ ତାଇନଃକାଏ । ଆମେନ୍ ।



ପାଉଲୁସ୍‌ଆଃ ଜହାର୍ ଚାଏ ଇଶୁସାଏ

୧ କେଙ୍ଗେ_ୟା ନାଗାର୍‌ରେୟାଃ କାଲିସିୟାରେନ୍ ମିହୁଡ୍ ସୁସାର୍‌ତାନ୍ ଆରୁଆଃ ମିଶି ଫେଁବିକେ ଆପେତାଃତେଇଙ୍ଗ୍ କୁଲିତାନା, ୨ ଇନିଃକେ ପାର୍‌ମେଶ୍‌ବରୁଆଃ ହଡକ ଲେକା ପ୍ରାଭୁଆଃ ନୁତୁମ୍‌ତେ ଦାରମିପେ । ଇନିୟାଃ ଲାଗାତିଙ୍ଗ୍‌ତେୟାଃକ ଆପେତାଃଏତେ ଏମ୍‌କେଦ୍‌ତେ ଇନିଃକେ ଦେଙ୍ଗାଇପେ । ଇନିଃ ଆଇଙ୍ଗ୍‌କେ ଆତଃ ଏଟାଃ ପୁରାଃ ହଡକକେ ପୁରାଃଚି ଦେଙ୍ଗାକାଦକଆ ।

୩ *ଖ୍ରୀଷ୍ଟ୍ ଯୀଶୁଆଃ ସେଝାରେ ଆଇଁୟାଃଲଃ ଗାତିରେ କାମିତାନ୍ ପ୍ରିସ୍‌କିଲା ଆତଃ ଆକ୍ତିଲାକେ ଆଇଁୟାଃ ଜହାର୍ ଉଦୁବାକିନ୍‌ପେ । ୪ ଇନ୍‌କିନ୍ ଆଇଁୟାଃ ଜୀଉ ବାଞ୍ଛାଅ ନାଗେନ୍ତେ ଆକିନାଃ ଜୀଉକେ ଏମ୍ ନାଗେନ୍ତେ ସାନାଙ୍ଗ୍‌କାଦ୍ ତାଇକେନାକିନ୍ । ଆଇଙ୍ଗ୍ ଏସ୍‌କାର୍ କାହାଗି, ମେନ୍‌ଦ ସବେନ୍ ସାଅଁସାର୍ ହଡକଆଃ କାଲିସିୟାରେନ୍ ହଡକ ଇନ୍‌କିନାଃ ଧାନ୍‌ପାବାଦ୍ ଏମ୍‌ତାନାକ । ୫ ଇନ୍‌କିନାଃ ଅତାଃରେ ହୁଣ୍ଡିଅଃତାନ୍ କାଲିସିୟାରେନ୍ ହଡକକେୟାଃ ଜହାର୍ ମେନ୍ତେଇଙ୍ଗ୍ କାଜିକତାନା । ଆଇଁୟାଃ ଦୁଲାଡ୍ ଗାତି ଏପାଇନେତୁସ୍‌କେ ଆଇଁୟାଃ ଜହାର୍ ଉଦୁବାଇପେ । ଏସିଆ ପାର୍‌ଗାନ୍‌ରେ ଇନିଃ ହବାଅଃତାନାଏ ପାହିଲା ଖ୍ରୀଷ୍ଟ୍ ବିଶ୍ୱାସୀ । ୬ ଆପେ ନାଗେନ୍ତେ ପୁରାଃଚି କାମିକାଦ୍ ମାରିୟାମ୍‌କେ ଆଇଁୟାଃ ଜହାର୍ ଉଦୁବାଇପେ । ୭ ଆନ୍‌ନିକସ୍ ଆତଃ ଯୁନିୟାକେ ଆଇଁୟାଃ ଜହାର୍ କାଜିୟାକିନ୍‌ପେ । ନେ ବାରାନ୍‌କିନ୍ ଯିହୁଦୀ ତାନ୍‌କିନ୍ ଆତଃ ଆଇଁୟାଃଲଃ ଜେହେଲ୍‌ରେକିନ୍ ତାଇକେନା । ଆଇଁୟାଃଏତେ ସିଦାରେ ଇନ୍‌କିନ୍ ଖ୍ରୀଷ୍ଟ୍‌କେ ବିଶ୍ୱାସ୍‌କାଈ ତାଇକେନାକିନ୍ ଆତଃ କୁଲାକାନ୍‌କ ଇନ୍‌କିନ୍‌କେ ବୁଗିଲେକା ସାରିକାଦକିନାକ ।

୮ ପ୍ରାଭୁତାଃରେ ଆଇଁୟାଃ ଦୁଲାଡ୍ ଗାତି ଆମ୍‌ପ୍ରିୟାଡୁସ୍‌କେ ଜହାର୍ ଉଦୁବାଇପେ । ୯ ଖ୍ରୀଷ୍ଟ୍‌ଆଃ ସେଝାରେ ଆଇଁୟାଃଲଃ ମିସାତେ କାମିତାନ୍ ଉର୍ବାନସ୍‌କେ ଆତଃ ଆଇଁୟାଃ ଦୁଲାଡ୍ ଗାତି ସ୍ତାଖ୍‌ୟକେ ହଗି ଜହାର୍ ଉଦୁବାକିନ୍‌ପେ । ୧୦ ଖ୍ରୀଷ୍ଟ୍‌ଆଃ ସେଝାରେ ମାଇନ୍ ନାମେନିଃ, ଆପେଲସ୍‌କେ ଆଇଁୟାଃ ଜହାର୍ ଉଦୁବାଇପେ, ଆତଃ ଆରିସ୍‌ବୁଲ୍‌ଆଃ ଅତାଃରେନ୍ ସବେନ୍‌କକେ ଆଇଁୟାଃ ଜହାର୍ ଉଦୁବାକପେ । ୧୧ ଆଇଁୟାଃ ଆପ୍‌ନାଃ ହଡକ ଯିହୁଦୀ, ହେରୋଦିୟାରେନ୍ ହଡକ ଆତଃ ନାକ୍ ସିଆଃ ଅତାଃରେନ୍ ପ୍ରାଭୁଆଃ ବିଶ୍ୱାସୀ ହାଗା ମିଶିକକେହଗି ଆଇଁୟାଃ ଜହାର୍ ଉଦୁବାକପେ ।

୧୨ ପ୍ରାଭୁଆଃ ସେଝାରେ ତାଇନଃତାନ୍ ତ୍ରିଫେନା ଆତଃ ତ୍ରିଫୋସା ଆତଃ ପ୍ରାଭୁଆଃ ନାଗେନ୍ତେ ପୁରାଃଚି କାମିତାନ୍ ଦୁଲାଡ୍ ପର୍ଗି ସ୍, ନେ ସବେନ୍‌କକେ ଆଇଁୟାଃ ଜହାର୍ ଉଦୁବାକପେ । ୧୩ *ପ୍ରାଭୁଆଃ ସାଲାକାନ୍ ଦାସି ରୁଫସ୍ ଆତଃ ଇନିୟାଃ ଏଙ୍ଗାତେକେ ଆଇଁୟାଃ ଜହାର୍ ଉଦୁବାକିନ୍‌ପେ, ଇନିଃହଗି ଆଇଁୟାଃ ଏଙ୍ଗା ଲେକାଃଏ । ୧୪ ଆସୁକ୍ତି_ଡ୍, ଫ୍ଲୋଗୋନ୍, ହର୍ମିସ୍, ପାତ୍ରବାସ୍, ହାର୍‌ମେସ୍ ଆତଃ ଇନ୍‌କୁଲଃ ତାଇନ୍‌ତାନ୍ ଏଟାଃ ସବେନ୍ ଖ୍ରୀଷ୍ଟିୟାନ୍ ହାଗାକକେ ଆତଃ ମିଶିକକେ ଆଇଁୟାଃ ଜହାର୍ ଉଦୁବାକପେ ।

* ୧୫:୨୭ ୧୫:୨୭ ୧ କରିନ୍ଥିୟା ୯:୧୧. * ୧୬:୩ ୧୬:୩ ପ୍ରେରିଡ୍ ୧୮:୨. * ୧୬:୧୩ ୧୬:୧୩ ମାର୍କ ୧୫:୨୧.

୧୫ ଫିଲ୍ଲଗ ଆତ୍ମ ଜୁଲିୟା, ନିରୁସ୍ ଆତ୍ମ ଇନିୟା ନିଗି, ଆତ୍ମ ଅଲୁମ୍ପା ଆତ୍ମ ଇନକୁଲ୍ମ ତାଇନତାନ ସବେନ୍ ପାର୍ମେଶ୍ଵାରୀୟା ହତକକେ ଆଇୟା ଜହାର୍ ଉଦୁବାକପେ । ୧୬ ଶ୍ରୀଷ୍ଟ ଦୁଲ୍ମାତ୍ତେ ନିହୁଡ୍ ଆତ୍ମନିହୁଡ୍ଲିୟା ଜହାର୍ଯ୍ୟେ । ଶ୍ରୀଷ୍ଟୀୟା ସବେନ୍ କାଲିସିୟା ଆପେକେ ଜହାର୍ ମେନ୍ତେକ କାଜିକୁଲ୍ଲକାଦା ।

ପାଉଲୁସ୍ ଆତ୍ମ ଚୁଣ୍ଟ କୁନିତୁ

୧୭ ହେ ହାଗା ମିଶିକ, ଆଇଙ୍ଗ୍ ଆପେକେଇଙ୍ଗ୍ ବିକ୍ରିପେ ତାନା, ଅକ ହତକ ଆପେୟା ବିଶ୍ଵାସକେ କାଜିକଟଙ୍ଗ୍ ନାଗେନ୍ତେକ ସାନାଙ୍ଗ୍ତାନା ଆତ୍ମ ତହଦୃ ଲେକାନ୍ କାମିକ ରିକାଏୟା ଏନ୍ ଲେକାନ୍ ହତକତାଏତେ ଚିର୍ଗାଲ୍ଲକାନ୍ ତାଇନ୍ଦେ । ନେ'ଲେକାନ୍ ହତକ, ଆପେ ଅକ ଇନିତୁପେ ନାମାକାଦା, ଏନାରେୟା ବିରୁଧ୍ରେକ ସେନାୟ । ଇନକୁତାଏତେ ସାଙ୍ଗିନ୍ରେ ତାଇନ୍ଦେ । ୧୮ ଚିୟାଟି ନେ ହତକଦ ଆରୁଆତ୍ମ ଶ୍ରୀଷ୍ଟ ପ୍ରାଭୁକେ କାକ ସେଝାୟା, ମେନ୍ଦ ଇନକୁ ଆକଆତ୍ମ ଆପ୍ନାୟା ସୁକୁ ନାଗେନ୍ତେକ କାମିୟା । ଇନକୁ ଲେବେୟାନ୍ କାଜିତେ ଆତ୍ମ ସୁଗାଡାନ୍ କାଜି ଜାଗାର୍କେଦ୍ତେ ହତକଆତ୍ମ ମନକକେ ବେଦାୟ । ୧୯ ମେନ୍ଦ ସୁକୁକାଜି ନାଗେନ୍ତେ ଆପେୟା ପାଡିୟାର୍ତ୍ତେ ଲେକାନ୍ କାଜିକେ ସବେନ୍ ହତକ ସାରିକାଦାକ, ଏନାମେନ୍ତେ ଆଇଙ୍ଗ୍ ପୁରାରିଇଙ୍ଗ୍ ରାସକାୟାତାନା । ଆଇଙ୍ଗ୍ ସାନାଙ୍ଗ୍ତାନାଇଙ୍ଗ୍, ଆପେ ସବେନ୍କ ବୁଗିନ୍ କାଜିକରେ ସେଣ୍ଟାନ୍ଦେ ଆତ୍ମ ଏଡକାନ୍ କାଜିକଏତେ ସାଙ୍ଗିନ୍ଦେ । ୨୦ ଏନ୍ରେଦ, ଜୀଉସୁକୁ ଏମ୍ତାନ୍ ପାର୍ମେଶ୍ଵାର୍ ଜାଲ୍ଦିଗି ସାଏତାନ୍କେ ଆପେୟା କାଟା ସୁବାରେ ରେସେଦିୟା । ଆରୁଆତ୍ମ ପ୍ରାଭୁ ଯୀଶୁଆତ୍ମ ସାୟାଦ୍ ଆପେଲ୍ଲ ହବାୟାକା ।*

୨୧ ✨ଆଇୟାୟାଲ୍ଲ କାମିତାନ୍ ତାମଥ୍ ଆତ୍ମ ଆରୁଆତ୍ମ ଯିହୁଦୀ ହାଗାକ, ଲୁକିୟ, ଯାସୋନ୍, ଆତ୍ମ ସୋସିପାତ୍ର ଆପେ ସବେନ୍କକେ ଜହାର୍ ମେନ୍ତେକ କାଜିକୁଲ୍ଲକାଦା ।

୨୨ ଆଇଙ୍ଗ୍ ତର୍ ଯସ୍, ପାଉଲୁସ୍ ଆତ୍ମ ନାଗେନ୍ତେ ନେ ଚିଟାଉ ଅଲ୍ଲକୁଲ୍ଲକେଦ୍ତେ ପ୍ରାଭୁଆତ୍ମ ନୁତୁମ୍ରେ ଆପେକେଇଙ୍ଗ୍ ଜହାର୍ପେତାନା ।

୨୩ ✨ଆଇଙ୍ଗ୍କେ ସୁସାରକାଦିଙ୍ଗ୍ ଗାୟସ୍, ଅକଏୟା ଅଡାୟରେଚି କାଲିସିୟାରେନ୍ ପୁରା ହତକ ହୁଣ୍ଡିୟାତାନା ଆତ୍ମ ନେ ସାହାର୍ରେନ୍ ଖାଜାନ୍ଚି ଏରାଷ୍ଟ୍ ଆତ୍ମ କ୍ଵାର୍ତୁସ୍ ନୁତୁମ୍ ହାଗାହଗି ଆପେକେ ଜହାର୍ ମେନ୍ତେ କାଜିକୁଲ୍ଲକାଦା । ୨୪ ଆରୁଆତ୍ମ ପ୍ରାଭୁ ଯୀଶୁ ଶ୍ରୀଷ୍ଟୀୟା ସାୟାଦ୍ ଆପେ ସବେନ୍କଲ୍ଲ ହବାୟାକା ।†

ବିକ୍ରି ଆତ୍ମ ମାନାରାଙ୍ଗ୍ଲିୟା ଚିଟାଉରାୟା ଚୁଣ୍ଟ

୨୫ ହିଜୁୟେ, ପାର୍ମେଶ୍ଵାରୀୟା ମାନାରାଙ୍ଗ୍ ରିକାୟା, ଆଇଙ୍ଗ୍ ଉଦୁବେତାନ୍ ଯୀଶୁ ଶ୍ରୀଷ୍ଟୀୟା ବିଷାଏରେୟା ସୁକୁକାଜି ଲେକାତେ ଆତ୍ମ ଜାନାଅ ଜାନାଅହେତେ ଉକୁଆକାନ୍ ସାନାର୍ଚି ଲେକାତେ ଆପେ ଆପେୟା ବିଶ୍ଵାସରେ ତିଙ୍ଗ୍କେଟେୟା ଲେକା ଇନିୟା ଆପେକେ ବାଲ ଦାଡିୟାପେୟା । ୨୬ ମେନ୍ଦ ଏନ୍ ଉକୁଆକାନ୍ ସାନାର୍ଚି ସବେନାୟ ନାବୀକଆତ୍ମ ଅନଲ୍ ହରାତେ ଉଦୁବାକାନା, ଆତ୍ମ ଏନାଦ ନାହାୟା ଜାନାଅ ଜାନାଅରେନ୍ ପାର୍ମେଶ୍ଵାରୀୟା ହରାତେ ସବେନ୍ ହତକ ଆଲାରେ ଉଦୁବତାନା । ନେଆଁ ହରାତେ ସବେନ୍କ ବିଶ୍ଵାସକେଦ୍ତେ ପାର୍ମେଶ୍ଵାରୀୟା କାଜି ମାନାତିଙ୍ଗ୍ତାନ୍ ହତକ ହବା ଦାଡିୟାୟା । ୨୭ ଯୀଶୁ ଶ୍ରୀଷ୍ଟୀୟା ହରାତେ ସବେନ୍ ସେଣ୍ଟାନ୍ ନିଆଁଦ୍ଗି ପାର୍ମେଶ୍ଵାରୀୟା ମାଇନାନ୍ ଜାନାଅ ଜାନାଅ ଜାକେଦ୍ ହବାୟାକା । ଆମେନ୍ ।

* ୧୭:୨୦ 16:20 ନେ ବାଗାନ୍ ଚିମିନ୍ ମାରି ଅନଲ୍ଲକରେ ବାନୟା । ✨ ୧୭:୨୧ ୧୭:୨୧ ପ୍ରେରିଡ୍ ୧୭:୧. ✨ ୧୭:୨୩ ୧୭:୨୩ ପ୍ରେରିଡ୍ ୧୯:୨୯; ୧ କରିଲ୍ଲିୟା ୧:୧୪; ୨ ତିମଥ୍ ୪:୨୦. † ୧୭:୨୪ 16:24 ନେ ପଦ ଚିମିନ୍ ମାରି ଅନଲ୍ଲକରେ ବାନୟା

କରିଷ୍ଣୀୟମାନଙ୍କ ନିକଟକୁ ପାଉଲଙ୍କ ପ୍ରଥମ ପତ୍ର କରିଷ୍ଣିୟ ବିଶ୍ୱାସୀକତାଃତେ ପ୍ରେରିତ୍ ପାଉଲୁସ୍‌ଆଃ ପାହିଲା ଚିତାଉ ପାରିତାଏ

କରିଷ୍ଣି କାଲିସିୟାତେ ପ୍ରେରିତ୍ ପାଉଲୁସ୍‌ଆଃ ପାହିଲା ଚିତାଉ, ନେଆଁ ଖ୍ରୀଷ୍ଟତାୟମ୍ ଝଝ କରେ ଅଲ୍ଲକାନ୍ ତାଇକେନା ୧:୧ । କରିଷ୍ଣି କାଲିସିୟାତେ ପ୍ରେରିତ୍ ପାଉଲୁସ୍ ଅଲ୍ଲକାଦ୍ ବାରିଆ ଚିତାଉହେତେ, ନେଆଁ ହବାଅଃତାନା ପାହିଲା ଚିତାଉ । ହବାସାକାଅଃ ତାନା, ଇନିଃ ଏଫିସୁସ୍‌ରେ ତାଇନ୍ ଇମ୍‌ତା ନେ ଚିତାଉ କରିଷ୍ଣି କାଲିସିୟାକେ ଅଲ୍ଲକାଦ୍ ତାଇକେନା । ମାକିଦନିଆହେତେ କରିଷ୍ଣିତେ ହରାସେନ୍ ନାଲ୍ ମନେକାଦ୍ ତାଇକେନ୍ ସିଦାରେଗି ଅଲ୍ଲକାଦ୍ ତାଇକେନା ୧୭:୫-୯ ।

ପ୍ରେରିତ୍ ପାଉଲୁସ୍ ନେ ଚିତାଉରେ କାଲିସିୟା ଥାଲାରେ ହବାଅଃତାନ୍ ବିନ୍‌ଗାଅ ଆତଃ ହତ୍‌ଫରେୟାଃ ଏଡକାନ୍ ସାନାଲ୍ କାମିକଲଃ ଏଗାଃ ଏଗାଃ ଏଡକାନ୍ କାମିକ ହବାଅଃତାନ୍ ବିଷାଏରେ କାଲିସିୟାରେନ୍ ହତ୍‌କତାଃଏତେ ଆୟୁମ୍‌କେଦ୍‌ତେ ଇନ୍‌କୁକେ କାଜିରୁହାଡ୍ ନାଗେନ୍ତେ ଇନିଃ ଧ୍ୟାନ୍ ଏମ୍‌ତାଇକେନାଏ । କରିଷ୍ଣି ସାହାର୍, ହତ୍‌ଫରେୟାଃ ଏଡକାନ୍ ସାନାଲ୍ କାମି ବିଷାଏରେ ସାରିୟାକାନ୍ ତାଇକେନା, ଏନାତେ କାଲିସିୟା ନେ ଲେକାନ୍ ଏଡକାନ୍ କାମିରେ ଉୟୁଗଃତାନା, ଏନାରେ ଆକଦାନ୍‌ଆ ହବାଅଃରେୟାଃ ଜେତାନ୍ କାଜି ବାନଃଆ । ପାହିଲା କରିଷ୍ଣିୟ ଦୁଲାଡ୍ ବିଷାଏରେ ମିଆଁଦ୍ ପୁରାଃ ମାରାଲ୍ ହିସାତାନାଃ ।

ପୃଥ୍ ବିତାରେ ତାଇକାନ୍ କାଜି

- ୧. ପାଉଲୁସ୍ କରିଷ୍ଣିରେନ୍‌କକେ ଜହାର୍ ଉଦ୍‌ବତାନାଏ ଆତଃ ଇନ୍‌କୁ ନାଗେନ୍ତେ ପାର୍‌ମେଶ୍ୱାର୍‌କେ ଧାନ୍ୟାବାଦ୍ ଏମାଲ୍‌ତାନାଏ । ୧:୧-୯
- ୨. ପାଉଲୁସ୍ କରିଷ୍ଣି କାଲିସିୟାହେତେ ନାମାକାଦ୍ କାଲିସିୟା ବିନ୍‌ଗାଅ ବିଷାଏରେ ଇନିତୁ ଏମାଃଏ । ୧:୧୦-୪:୨୧
- ୩. ଏଗାଃତେୟାଃ ଇନିଃ ହତ୍‌ଫରେୟାଃ ଏଡକାନ୍ ସାନାଲ୍ କାମି ଆତଃ ମିହୁଡ୍ ଆତଃମିହୁଡ୍‌କେ କାଚାଇରିତେ ଇଦି ବିଷାଏରେ ଅଲ୍ଲକାଦା । ୫-୬
- ୪. ଆଣଦି ବିଷାଏ, ମୁରୁଡ୍ ନାଗେନ୍ତେ ଦାଣ୍ଟ ରାକାବ୍, ମିଦ୍‌ଝୁଣ୍‌ରେ ସେଝା, ପାବିତାର୍‌ରାଃ ବାବ୍‌ଦାନ୍ ଆତଃ ଜୀଉବିନିରିଦ୍ ବିଷାଏରେ ଅଲ୍ଲକାଦା । ୭-୧୫
- ୫. ଚୁଣ୍‌ଚୁରେ ଇନିଃ ଚିମିନ୍ ଲାଗାତିଲ୍ କାଜିକ ଆତଃ ଆପ୍‌ନାଃ ବିଷାଏରେ ଅଲ୍‌କେଦ୍‌ତେ ଚୁଣ୍‌ଚୁକଦା । ୧୬

୧ ପାର୍‌ମେଶ୍ୱାର୍‌ଆଃ ମନେଲେକାତେ ଯୀଶୁ ଖ୍ରୀଷ୍ଟ୍‌ଆଃ କୁଲାକାନ୍‌ନିଃ ଲେକା ସାଲାକାନ୍, ଆଇଲ୍ ପାଉଲୁସ୍ ଆତଃ ଆବୁଆଃ ହାଗା ସସ୍ଥିନା,

୨ *ଆଲେ କରିଷ୍ଣି ନାଗାର୍‌ରେ ତାଇନଃତାନ୍ ପାର୍‌ମେଶ୍ୱାର୍‌ଆଃ କାଲିସିୟାତେ ନେ ଚିତାଉଲେ ଅଲେତାନା ଅକନ୍‌କ ପାର୍‌ମେଶ୍ୱାର୍‌ଆଃ ପାବିତାର୍ ହତ୍ ହବାଅଃ ନାଗେନ୍ତେକ ସାଲାକାନା, ଆତଃ ଯୀଶୁ ଖ୍ରୀଷ୍ଟ୍‌ଲଃ ମେସାକାନ୍ ହରାତେ ପାର୍‌ମେଶ୍ୱାର୍‌ଆଃ ହବାକାନାକ, ଆତଃ ସବେନ୍‌ସାଃରେ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟ୍‌କେକ ସେଝାତାନା ।

୩ ଆବୁଆଃ ଆପୁ ପାର୍‌ମେଶ୍ୱାର୍‌ ଆତଃ ପ୍ରାଭୁ ଯୀଶୁ ଖ୍ରୀଷ୍ଟ୍ ଇନ୍‌କୁ ସବେନ୍‌କକେ ସାୟାଦ୍ ଆତଃ ଜୀଉସୁକୁ ଏମାକକାଏ ।

ୟୀଶୁ ଖ୍ରୀଷ୍ଟ୍‌ଆଃ ହରାତେ ଆଶିଷ୍

୪ ଚିୟାଃଚି ଆପେ ଯୀଶୁ ଖ୍ରୀଷ୍ଟ୍‌ଲଃ ମେସାକାନ୍ ହରାତେ ଆତଃ ପାର୍‌ମେଶ୍ୱାର୍ ଆପେକେ ସାୟାଦ୍ ଏମାକାଦ୍‌ପେ ନାଗେନ୍ତେ, ଆଇଲ୍ ପାର୍‌ମେଶ୍ୱାର୍‌କେ ସବେନ୍ ଇମ୍‌ତା ଧାନ୍ୟାବାଦ୍ ଏମାଲ୍ ତାନାଇଲ୍ । ୫ ଚିୟାଃଚି ଯୀଶୁ ଖ୍ରୀଷ୍ଟ୍‌ଲଃ ମେସାକାନ୍ ହରାତେ ଆପେ ସବେନ୍ ବିଷାଏରେୟାଃ ଇନିତୁରେ ଆତଃ ସେଣ୍ଟାରେ କିର୍ସାଣ୍‌କାନାପେ । ୬ ଯୀଶୁ ଖ୍ରୀଷ୍ଟ୍ ବିଷାଏରେୟାଃ ଗାଝା କାଜି ଆପେତାଃରେ ପୁରାଃତେ ପକ୍‌ତାକାନା । ୭ ଏନାମେନ୍ତେ ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ଉନ୍‌ଦୁବଃ ଇମ୍‌ତାକେ ତାଜିତାନ୍ ଇମ୍‌ତା ଆପେୟାଃ ଜେତାନ୍ ଆମ୍‌କ୍ ବାବ୍‌ଦାନରେ କାପେ ଜାଞ୍ଜିକାନା । ୮ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ହିନିଦୁଃ ହୁଲାଲ୍‌ରେ, ଆପେ ଆଲ୍‌କାପେ ଚିତାଅଃଆ, ମେନ୍ତେ ଇନିଃହଗି ଆପେକେ ଚୁଣ୍‌ଚୁକାକେଦ୍ ଯାଡ୍‌ନାଅପେୟାଏ । ୯ ପାର୍‌ମେଶ୍ୱାର୍ ଆୟାଃ ହନ୍ ପ୍ରାଭୁ ଯୀଶୁ ଖ୍ରୀଷ୍ଟ୍‌ଲଃ ମେନେସାଅଃ ନାଗେନ୍ତେ ଆବୁକେ କେଡାକାଦ୍‌ବୁଆ, ଇନିଃ ପାତିୟାରଃ ଲେକାନ୍‌ନିଃ ତାନିଃ ।

* ୧:୨ ୧:୨ ପ୍ରେରିତ୍ ୧୮:୧.

କାଳିସିନ୍ଧରେ ବିନ୍ଦଗାଥ

୧୦ ହେ ହାଗା ମିଶିକ, ପ୍ରାଭୁ ଯଶୁ ଶ୍ରୀଷ୍ଟିଆଃ ନୁତୁମ୍ଭେ ଆଇଙ୍ଗ ଆପେକେଇଙ୍ଗ ବିକ୍ରିପେ ତାନା, ଜାଗାର୍ତ୍ତାନ ଇମତା ମିଦ୍ମନ୍ତେଗି ଜାଗାରେପେ । ଏନାରେ ଆପେ ଆଲାରେ ଜେତାନ୍ ବିନ୍ଦଗାଥ କା ହବାଅଥା, ଆତଃ ମିଦ୍ ମନ୍, ମିଦ୍ ଉଡ଼ୁରେ ପକତାକେଦତେ ମେସାଅଥପେ । ୧୧ ହେ ହାଗା ମିଶିକ, ଆପେ ଆଲାରେ କାପ୍ତି ହବାଅଥାନା ମେନ୍ତେ ଖୁୟାଆଃ ଅଡ଼ାରେନ୍ ଚିମିନ୍ଝାନ୍ ହଡକ ଆଇଙ୍ଗକେକ ଉଦୁବକାଦିୟା । ୧୨ *ଆଇଁୟାଃ ଉଡ଼ୁରେ, ଆପେକଏତେ ଚିମିନ୍ ହଡକ କାଜିୟାଃ, “ଆଲେ ପାଉଲୁସକେଲେ ଅତଙ୍ଗଇଁତାନା,” ଆତଃ ଚିମିନ୍କ କାଜିୟାଃ, “ଆଲେ ଆପୋଲୋକେଲେ ଅତଙ୍ଗଇଁତାନା,” ଆତଃ ଚିମିନ୍କ କାଜିୟାଃ, “ଆଲେ ପାଡ଼ରାସକେଲେ ଅତଙ୍ଗଇଁତାନା,” ଆତଃ ଚିମିନ୍କ କାଜିୟାଃ, “ଆଲେ ଶ୍ରୀଷ୍ଟକେଲେ ଅତଙ୍ଗଇଁତାନା ।” ୧୩ ଶ୍ରୀଷ୍ଟ ଚିନାଃ ହିସାକାନାଏ ? ଆପେ ନାଗେନ୍ତେଚି ପାଉଲୁସ କୁଶ୍ରେ କିଲାକାନ୍ ତାଇକେନା ? ତାଏ ଆପେଚି ପାଉଲୁସ ନୁତୁମ୍ଭେପେ ବାପ୍ତିସ୍ତାକାନ୍ ତାଇକେନା ?

୧୪ *ପାରମେଶ୍ଵାର୍ଥାଃ ଧାନ୍ୟାବାଦ୍ ହବାଅଥକା, ଆଇଙ୍ଗ କ୍ରୀଷ୍ଟସ୍ ଆତଃ ଗାୟସକେ ବାଗିକେଦତେ ଆପେଏତେ ଜେତାଏକେ ବାପ୍ତିସ୍ତା କାଇଙ୍ଗ ଏମ୍ । ୧୫ ଏନାତେ ଆପେ ଆଇଁୟାଃ ନୁତୁମ୍ଭେ ବାପ୍ତିସ୍ତାକାନାପେ ମେନ୍ତେ ଜେତାଏ କାକ କାଜି ଦାଡ଼ିୟା । ୧୬ *ହେଗି, ଆଇଙ୍ଗ, ସ୍ତ୍ରୀମାନ୍ ଆତଃ ଆୟାଃ ଅଡ଼ାରେନ୍କକେ ବାପ୍ତିସ୍ତା ଏମାକାଦକଆଇଙ୍ଗ, ଆତଃ ଏଟାଃକକେ ବାପ୍ତିସ୍ତା ଏମାକାଦକଆଇଙ୍ଗ ମେନ୍ତେ ଆଇଙ୍ଗ କାଇଙ୍ଗ ପାହାମେତାନା । ୧୭ ଚିୟାଃଚି ବାପ୍ତିସ୍ତା ଏମ୍ ନାଗେନ୍ତେ ଶ୍ରୀଷ୍ଟ ଆଇଙ୍ଗକେ କାଏ କୁଲ୍, ମେନ୍ଦ ସୁକୁକାଜି ଉଦୁବ ନାଗେନ୍ତେ କୁଲାକାଦିୟା; ଏନାହଗି କୁଶ୍ ଚେତାନ୍ରେ ଯଶୁ ଶ୍ରୀଷ୍ଟିଆଃ ଗନ୍ଏଃ ଆଲକା ସାମାଏଶ୍ଵାଗଃକା ମେନ୍ତେ ମାନଝାକଆଃ ସେଣ୍ଠାରେୟାଃ କାଜି ଲେକାତେ କା ହବାକାନା ।

ପାରମେଶ୍ଵାର୍ଥାଃ ସେଣ୍ଠା ଆତଃ ପେଡ଼େଃ ଶ୍ରୀଷ୍ଟ ତାନିଃ

୧୮ ଜିୟନଃତାନ୍ ହଡକ ନାଗେନ୍ତେ କୁଶ୍ ଚେତାନ୍ରେ ଶ୍ରୀଷ୍ଟିଆଃ ଗନ୍ଏଃରାଃ କାଜି ମୁରୁଖ୍ କାଜି ତାନାଃ, ମେନ୍ଦ ଜାଉ ବାଆଥ ନାମେତାନ୍ ହଡକ, ଆରୁଆଃ ନାଙ୍ଗ ନେଆଁ ପାରମେଶ୍ଵାର୍ଥାଃ ପେଡ଼େଃ ତାନାଃ । ୧୯ ଧାରାମ୍ପୁଥରେ ଅଲକାନା,

“ଆଇଙ୍ଗ ସେଣ୍ଠାନ୍ ହଡକଆଃ ସେଣ୍ଠା ଜିୟନେୟାଇଙ୍ଗ,
ବୁଦ୍ଧିମାନ୍ ହଡକଆଃ ବୁଦ୍ଧିକେଇଙ୍ଗ ଗେନାଆତମେୟା ।”

୨୦ ନେ ପାରିୟାରେନ୍ ସେଣ୍ଠାନ୍ ହଡକ, ବୁଦ୍ଧିମାନ୍ ହଡକ, ତାଏ ଆଇନ୍ ଇତୁକ କତେରେକଆ ? ପାରମେଶ୍ଵାର୍ ନେ ଅତେଦିଶ୍ଵମ୍ରେୟାଃ ସେଣ୍ଠାକେ ତଣ୍ଡ ତାନାଃ ମେନ୍ତେ କାଏଚି ଉଦୁବକାଦା ?

୨୧ ଚିୟାଃଚି ପାରମେଶ୍ଵାର୍ ଆୟାଃ ପୁରାଃ ସେଣ୍ଠାତେ ଉହାଟ୍କାଦ୍ ତାଇକେନା ଚି, ଅତେଦିଶ୍ଵମ୍ରେନ୍ ହଡକ ଆକଆଃ ସେଣ୍ଠାତେ ପାରମେଶ୍ଵାର୍ତକେ ଆଲକାକ ସାରି ଦାଡ଼ିକା, ଆରୁ ଉଦୁବତାନ୍ ସୁକୁକାଜିକେ ତଣ୍ଡ ମେନ୍ତେ କାଜିୟାତାନା, ଏନ୍ ସୁକୁକାଜିରେ ବିଶ୍ଵାସେତାନ୍ ହଡକକେ ବାଆଥକ ନାଗେନ୍ତେ ପାରମେଶ୍ଵାର୍ ମନେକେଦାଏ । ୨୨ ଯିହୁଦୀ ହଡକ ପେଡ଼େୟାନ୍ ଚିହ୍ନାକ ଦାଣ୍ଠା, ଆତଃ ଗ୍ରୀକ୍ ହଡକ ସେଣ୍ଠାକ ନାମ୍ବାଡ଼ାଃ, ୨୩ ମେନ୍ଦ ଆଲେ କୁଶ୍ରେ କିଲାକାନ୍ ଯଶୁ ଶ୍ରୀଷ୍ଟକେଲେ ଉଦୁବତାନା । ନେ କାଜି ଯିହୁଦୀ ହଡକ ନାଗେନ୍ତେ ତହଦଃ ଲେକାନାଃ ତାନାଃ ଆତଃ ସାଅଁସାର୍ ହଡକ ନାଗେନ୍ତେ ମୁରୁଖ୍ ଲେକାନାଃ ତାନାଃ, ୨୪ ମେନ୍ଦ ଯିହୁଦୀ ହବାଅଥ ତାଏ ସାଅଁସାର୍, ପାରମେଶ୍ଵାର୍ କେଡ଼ାକାଦ୍ ସବେନ୍ଦକ ନାଗେନ୍ତେ ଯଶୁ ଶ୍ରୀଷ୍ଟ ହବାଅଥ ତାନାଏ, ପାରମେଶ୍ଵାର୍ଥାଃ ପେଡ଼େଃ ଆତଃ ସେଣ୍ଠା । ୨୫ ଚିୟାଃଚି ଅକ୍ନାଃ ପାରମେଶ୍ଵାର୍ଥାଃ ମୁରୁଖ୍ ବିଷାଏ ମେନ୍ତେ ଉଡ଼ୁଗୁଃ ତାନା, ଏନା ମାନଝା ସେଣ୍ଠାଏତେ ପୁରାଃ ସେଣ୍ଠାନ୍ଗିଆ । ଆତଃ ଅକ୍ନାଃ ପାରମେଶ୍ଵାର୍ଥାଃ କା ପେଡ଼େୟାନ୍ ବିଷାଏ ମେନ୍ତେ ଉଡ଼ୁଗୁଃ ତାନା, ଏନା ମାନଝାପୁରାଃ ପେଡ଼େଃହେତେ ପୁରାଃଚି ପେଡ଼େୟାନ୍ଗିୟା ।

୨୬ ହେ ହାଗା ମିଶିକ, ପାରମେଶ୍ଵାର୍ ଆପେକେ କେଡ଼ାକେଦପେ ଇମତା ଆପେ ଚିଲକାପେ ତାଇକେନା, ଏନା ପାହାମେପେ । ଅତେଦିଶ୍ଵମ୍ ଲେକାତେ ଆପେକଏତେ ଚିମିନ୍ ଝାନ୍ ହଡକ ସେଣ୍ଠାନ୍ କାପେ ତାଇକେନା, ପୁରାଃ ପେଡ଼େୟାନ୍ କାପେ ତାଇକେନା, ଆତଃ ମାରାଙ୍ଗ୍ ଅଡ଼ାରେନ୍ କାପେ ତାଇକେନା । ୨୭ ପାରମେଶ୍ଵାର୍ ସେଣ୍ଠାନ୍ ହଡକକେ ଗିହୁଃଇଚିକ ନାଗେନ୍ତେ ଅତେଦିଶ୍ଵମ୍ ଲେକାତେ କା ସେଣ୍ଠାନ୍ ହଡକକେ ସାଲାକେଦକଆ ଆତଃ ପେଡ଼େୟାନ୍ ହଡକକେ ଗିହୁଃଇଚିକ ନାଗେନ୍ତେ ଅତେଦିଶ୍ଵମ୍ରେ କା ପେଡ଼େୟାନ୍ ହଡକକେ ସାଲାକେଦକଆ । ୨୮ ଅତେଦିଶ୍ଵମ୍ ଲେକାତେ ଅକ୍ନାଃ ଲାଗାତିଙ୍ଗ୍ତେୟାଃ ତାନାଃ, ଏନାକେ ଜିୟନେ ନାଗେନ୍ତେ ଅତେଦିଶ୍ଵମ୍ରେ ହିନିସ୍ତା, ହିଲାଙ୍ଗ୍ଠେ ଆତଃ ମୁରୁଖ୍ ବିଷାଏକକେ ପାରମେଶ୍ଵାର୍ ସାଲାକେଦାଏ । ୨୯ ନେଆଁତେ ସାରିୟାତାନା, ପାରମେଶ୍ଵାର୍ଥାଃ ଆୟାରରେ ଜେତା

* ୧:୧୨ ୧:୧୨ ପ୍ରେରିଡ୍ ୧୮:୨୪. * ୧:୧୪ ୧:୧୪ ପ୍ରେରିଡ୍ ୧୮:୮; ପ୍ରେରିଡ୍ ୧୯:୨୯; ରୋମି ୧୭:୨୩. * ୧:୧୭ ୧:୧୭ ୧ କବିହିନ୍ଦ ୧୭:୧୫.

ହତ ଆପାନ୍‌କେ ମାରାଙ୍ଗ୍‌ୟେନ୍ କାଏ ଦାଡ଼ିୟା । ୩୦ ମେନ୍‌ଦ ପାର୍‌ମେଶ୍ୱାର୍ ଆପେକେ ଯାଶୁ ଖ୍ରୀଷ୍ଟଲଃ ମେସାକାଦ୍‌ପେଆଏ ଆତଃ ଏନ୍ ଯାଶୁ ଖ୍ରୀଷ୍ଟକେୟ ଆରୁଆଃ ସେଣ୍ ଲେକାଏ ବାଇକିୟା । ଆୟାଃ ହରାତେ ପାର୍‌ମେଶ୍ୱାର୍‌ଲଃ ଆରୁଆଃ ସାର୍‌ତି ନାତା ହବାକାନା, ଆରୁ ପାର୍‌ମେଶ୍ୱାର୍‌ଆଃ ଧାର୍‌ମାନ୍ ଆତଃ ପାବିତାର୍ ହତ ହବାକେଦ୍‌ତେ ମୁକ୍ତିରୁ ନାମାକାଦା । ୩୧ ଏନାତେ ଧାରାମ୍‌ପୁଅରେ ଅଲ୍ଲକାନା, “ଜେତାଏ ଆପାନ୍‌କେ ମାରାଙ୍ଗ୍‌ୟେନ୍ ରିକା ନାଗେନ୍ତେ ସାନାଙ୍ଗ୍‌ତାନ୍‌ନିଃ, ପ୍ରାଭୁ କାମିକାଦ୍ କାମି ନାଗେନ୍ତେ ଏସକାର୍ ଇନିଃ ଆପାନ୍‌କେ ମାରାଙ୍ଗ୍‌ୟେନ୍‌କାଏ ।”

୨

କୁଶ୍‌ରେ କିଲ୍ଲକାନ୍ ଯାଶୁ ଖ୍ରୀଷ୍ଟଆଃ ବିଷାଏରେୟାଃ କାନାଜି

୧ ହେ ହାଗା ମିଶିକ, ଆଇଙ୍ଗ୍ ଆପେତାଃତେ ପାର୍‌ମେଶ୍ୱାର୍‌ଆଃ ଉକ୍ତୁଆକାନ୍ ସାର୍‌ତିକାଜି ଉଦୁବ୍ ନାଗେନ୍ତେଇଙ୍ଗ୍ ସେନାକାନ୍ ତାଇକେନ୍‌ରେ, ମାପ୍‌ରାଙ୍ଗ୍ କାଜି ଆତଃ ପୁରାଃ ଇଡୁକାନ୍ ଲେକା କାଇଙ୍ଗ୍ ଉଦୁବ୍ । ୨ ଆଇଙ୍ଗ୍ ଆପେଲଃ ତାଇକେନ୍ ଇମ୍‌ତା, ଯାଶୁ ଖ୍ରୀଷ୍ଟ ଆତଃ ଆୟାଃ କୁଶ୍‌ରେୟାଃ ଗନଏଃ ବାଗିକେଦ୍‌ତେ ଏଟାଃ ଜେତାନ୍ ବିଷାଏ ସାରି ନାଗେନ୍ତେ କାଇଙ୍ଗ୍ ଉଡ଼ୁକେଦା । ୩ ଏନାତେ ଆଇଙ୍ଗ୍ ଆପେତାଃତେ ହିଜୁଃୟାନ୍ ଇମ୍‌ତା, କା ପେଡେୟାନ୍, ଆତଃ ବରତେ ଏକ୍‌ଲ୍‌ଆଃତାନ୍ ତାଇକେନାଇଙ୍ଗ୍ । ୪ ଆଇଁୟାଃ ଇନିଡୁ ଆତଃ କାନାଜି, ମାନଖାରାଃ ସେଣ୍ ଲେକାତେ କା ଉଦୁବ୍‌କାନା, ମେନ୍‌ଦ ପାର୍‌ମେଶ୍ୱାର୍‌ଆଃ ଆମ୍‌ ଆତଃ ପେଡେଃରେୟାଃ ସାର୍‌ତି ପ୍ରାମାଣ୍‌ତେ ଉଦୁବ୍‌କାନ୍ ତାଇକେନା । ୫ ଆପେୟାଃ ବିଶ୍ୱାସ୍ ମାନଖାରାଃ ସେଣ୍ ଲେକାତେ କା ହବାକାନା, ମେନ୍‌ଦ ପାର୍‌ମେଶ୍ୱାର୍‌ଆଃ ପେଡେଃତେ ହବାକାନା ।

ପାର୍‌ମେଶ୍ୱାର୍‌ଆଃ ସେଣ୍

୬ ହଲେହ୍ ଆଇଙ୍ଗ୍ ପାବିତାର୍ ଆମ୍‌ତେ ପକ୍‌ତାକାନ୍ ହତକତାଃରେ ସେଣ୍‌ନ୍ କାଜିଇଙ୍ଗ୍ ଉଦୁବ୍‌କାଦା । ମେନ୍‌ଦ ନେ ସେଣ୍ ନେ ଅତେଦିଶୁମ୍‌ରେୟାଃ ସେଣ୍ ନାହ୍‌ଲାଇଃ, ଚାଏ ନେ ଅତେଦିଶୁମ୍‌ରେନ୍ ହାକିମ୍‌କଆଃ ଜିୟନଃ ସେଣ୍ ନାହ୍‌ଲାଇଃ । ୭ ଆଇଙ୍ଗ୍ ପାର୍‌ମେଶ୍ୱାର୍‌ଆଃ ଉକ୍ତୁଆକାନ୍ ସେଣ୍‌କେଇଙ୍ଗ୍ ଉଦୁବ୍‌ତାନା, ଅକନ୍ ସେଣ୍‌ତି ମାନଖାତାଃଏତେ ଉକ୍ତୁଆକାନା, ମେନ୍‌ଦ ଆରୁଆଃ ମାନାରାଙ୍ଗ୍ ନାଗେନ୍ତେ ଅତେଦିଶୁମ୍ ବାଇୟାନ୍ ସିଦାରେ ପାର୍‌ମେଶ୍ୱାର୍ ଏନାକେ ସାଲ୍‌କାଦ୍ ତାଇକେନା । ୮ ନେ ଅତେଦିଶୁମ୍‌ରେନ୍ ହାକିମ୍‌କଏତେ ଜେତା ହତ ନେ ସେଣ୍‌କେ କାକ ସାରିୟାକାଦ୍ ତାଇକେନା । ଇନ୍‌କୁ ଏନାକେ ସାରିକାତେତେୟାଃକ ହଲେ, ମାନାରାଙ୍ଗ୍‌ରେନ୍ ପ୍ରାଭୁକେ କୁଶ୍‌ରେ କାକ କିଲ୍ଲକାଇତେୟାଃ । ୯ ଜେ'ଲେକାତି, ଧାରାମ୍‌ପୁଅରେ ଅଲ୍ଲକାନା,

“ଅକ୍‌ନାଃ ଜେତାଏ ଜେଡନାଃ କାକ ନେଲ୍ ଚାଏ କାକ ଆୟୁମ୍,
 ଅକ୍‌ନାଃ ହବାଅଃରେୟାଃ ଜେତାଏ ମନ୍‌ସୁରୁଦ୍‌ରେ କାକ ଉଡ଼ୁକାଦ୍ ତାଇକେନା,
 ଆଇଃକକେ ଦୁଲ୍‌ତାତାନ୍ ହତକ ନାଗେନ୍ତେ ପାର୍‌ମେଶ୍ୱାର୍ ଏନାକେ ସେକାଡାକାଦା ।”

୧୦ ମେନ୍‌ଦ ପାର୍‌ମେଶ୍ୱାର୍ ଆୟାଃ ଆମ୍‌ ହରାତେ ଆରୁକେ ନେ ଉକ୍ତୁଆକାନ୍ ବିଷାଏକେ ଉଦୁବ୍‌କାଦ୍‌ରୁଆ । ଏନ୍ ଆମ୍‌ଗି ପାର୍‌ମେଶ୍ୱାର୍‌ଆଃ ଉକ୍ତୁଆକାନ୍ ଇକିର୍ ବିଷାଏକ ସବେନାଃ ଦାଣ୍‌ଏ । ୧୧ ହଡ଼ରାଃ ଆମ୍‌, ହଡ଼ରାଃ ସବେନ୍ ବିଷାଏରେ ସାରିୟା, ଏନ୍‌ଲେକାଗି, ପାର୍‌ମେଶ୍ୱାର୍‌ଆଃ ଆମ୍‌ ଏସକାର୍, ପାର୍‌ମେଶ୍ୱାର୍‌ଆଃ ସବେନ୍ ବିଷାଏରେ ସାରିୟା । ୧୨ ଆରୁ ଅତେଦିଶୁମ୍‌ରେନ୍ ଆମ୍‌କେ କାରୁ ନାମ୍ । ମେନ୍‌ଦ ପାର୍‌ମେଶ୍ୱାର୍ ଏମାକାଦ୍ ସବେନ୍ ବିଷାଏ ସାରି ନାଗେନ୍ତେ ପାର୍‌ମେଶ୍ୱାର୍ କୁଲ୍‌କାଇ ଆମ୍‌କେବୁ ନାମ୍‌କିୟା ।

୧୩ ଏନାତେ, ଆମ୍‌ରେନ୍ ହଡ଼କତାଃରେ ଆମ୍‌ରାଃ ସାନାର୍‌ତି ଉଦୁବ୍ ଇମ୍‌ତା ଆରୁ ଅତେଦିଶୁମ୍‌ରେୟାଃ ସେଣ୍ ଲେକା କାରୁ ଉଦୁବାଃ, ମେନ୍‌ଦ ପାବିତାର୍ ଆମ୍‌ରାଃ ଇନିଡୁ ଲେକାତେ ଏନ୍ ସାନାର୍‌ତିକେବୁ ଉଦୁବାଃ । ୧୪ ଜେତାଏତାଃରେ ପାର୍‌ମେଶ୍ୱାର୍‌ଆଃ ଆମ୍‌ ବାନଆଃ, ଇନିଃ ପାର୍‌ମେଶ୍ୱାର୍‌ତାଃତେ ହିଜୁଃ ବାର୍‌ଦାନ୍‌କେ କାଏ ନାମ୍ ଦାଡ଼ିୟା । ଏନ୍ ଲେକାନ୍ ହତ ନେ ବାର୍‌ଦାନ୍‌କକେ କାଏ ଆର୍‌କାର୍‌ଉରୁମ୍ ଦାଡ଼ିୟା । ନେଆଁକ ଇନିଃ ନାଗେନ୍ତେ କା ସାରିତାନ୍ ଲେକାନାଃ ତାନାଃ, ଚିୟାଃତି ଏନ୍ ସବେନାଃକେ ଆମ୍‌କ୍ ଲେକାତେ ବିଚାରଃଆ । ୧୫ ଜେତାଏତାଃରେ ପାର୍‌ମେଶ୍ୱାର୍‌ଆଃ ଆମ୍‌ ମେନାଃ, ଇନିଃ ସବେନ୍ ବିଷାଏରେୟାଃ ବୁଗିନାଃଗି ବିଚାରେୟା, ମେନ୍‌ଦ ଇନିଃକେ ଜେତାଏ କାକ ବିଚାର୍ ଦାଡ଼ିୟା ।

୧୬ ଧାରାମ୍‌ପୁଅରେ ଅଲ୍ଲକାନ୍ ଲେକାଗି,

“ଅକଏ ପ୍ରାଭୁଆଃ ମନ୍ ସାରିୟାଏ ?

ଅକଏ ଇନିଃକେ ଇଡୁ ଦାଡ଼ିୟା ?”

ମେନ୍‌ଦ ଆରୁ ଯାଶୁ ଖ୍ରୀଷ୍ଟଆଃ ମନ୍‌ରୁ ନାମାକାଦା ।

☆ ୨:୩ ୨:୩ ପ୍ରେରିଡ୍ ୧୮:୯.

୩

ପାରମେଶ୍ଵରଆଃ ଦାସିକ

୧ ହେ ହାଗା ମିଶିକ, ଆଇଙ୍ଗ ଆମ୍ବିକ୍ ହତକକେ କାଜିତାନ୍ ଲେକା ଆପେକେ କାଇଙ୍ଗ୍ କାଜିଦାଡ଼ି ତାନା, ମେନ୍ଦ ଅତେଦିଶ୍ଵମ୍ରେନ୍ ହତକକେ ଆତଃ ଶ୍ରୀଷ୍ଟ ବିଶ୍ଵାସ୍ରେନ୍ ହନ୍କକେ କାଜିତାନ୍ ଲେକା ଆପେକେଇଙ୍ଗ୍ କାଜିପେତାନା । ୨ *ଆଇଙ୍ଗ୍ ଆପେକେ ପାତାଏ କା ଦାଡ଼ିୟଃ ଲେକାନ୍ ଜମେୟାଃ କା ଏମ୍କେଦ୍ତେ ତଥା ନୁଁ ନାଗେନ୍ତେଇଙ୍ଗ୍ ଏମାଦ୍ପେୟା, ମେନ୍ଦ ଆପେ ପାତାଏ କା ଦାଡ଼ିୟଃ ଲେକାନ୍ ଜମେୟାଃ ଜମ୍ ନାଗେନ୍ତେ କାପେ ସେକାଡ଼କାନ୍ ତାଇକେନା, ନାହାଁଃହରି କାପେ ସେକାଡ଼କାନା । ୩ ନାହାଁଃ ଜାକେଦ୍ ଆପେ ଅତେଦିଶ୍ଵମ୍ରେନ୍ ହତକ ଲେକା ସେସେନ୍ ତାନାପେ । ଆପେ ଆଲାରେ ହିସ୍ଵଜା ଆତଃ ଆପେ ଆପେରେ ଏପେଗେର୍ ହବାକାତେୟଃତାନା, ନେଆଁତେ ଚିନାଃ ଆପେ ଅତେଦିଶ୍ଵମ୍ରେନ୍ ଆତଃ ଅତେଦିଶ୍ଵମ୍ ଲେକାପେ ସେସେନ୍ତାନା ମେନ୍ତେ କାପେ ଉଦୁବେନ୍ତାନା ? ୪ *ଆପେକଏତେ ଜେତାଏ, ଆଇଙ୍ଗ୍ ପାଉଲୁସ୍କେ ଅତଙ୍ଗନିଃ ତାନିଙ୍ଗ୍, ଆତଃ ଏଗାଃନିଃ, ଆଇଙ୍ଗ୍ ଆପୋଲୋକେ ଅତଙ୍ଗନିଃ ତାନିଙ୍ଗ୍ ମେନ୍ତେ କାଜି ଇମ୍ତା ଚିନାଃ ଆପେ ଅତେଦିଶ୍ଵମ୍ରେନ୍ ହତକ ଲେକା କାପେଚି କାମିତାନା ?

୫ ଆପୋଲୋ ଅକଏ ତାନିଃ ? ଆତଃ ପାଉଲୁସ୍ ଅକଏ ତାନିଃ ? ଇନ୍କୁ ସବେନ୍ ପାରମେଶ୍ଵରଆଃ ଦାସିକ ଏସକାର୍ ତାନକ, ଇନ୍କୁ ଆପେକେ ବିଶ୍ଵାସୀ ହବାଅଃ ନାଗେନ୍ତେ ଦେଙ୍ଗାପେ ତାନାକ । ପାରମେଶ୍ଵର ଆବୁକଏତେ ମିହୁଡ୍, ମିହୁଡ୍ତେ ଅକନ୍ କାମି ରିକା ନାଗେନ୍ତେ ଏମାକାଦ୍ବୁଆ, ଏନାବୁ କାମିୟାଃ । ୬ *ଆଇଙ୍ଗ୍ ହିତା ରୟାକାଦାଇଙ୍ଗ୍ ଆତଃ ଆପୋଲୋ ଏନାରେ ଦାଆଃ ଦୁଲ୍କେଦାଏ, ମେନ୍ଦ ପାରମେଶ୍ଵର ହିତାକେ ହାରାଇଦିକେଦା । ୭ ଜେତାଏ ହିତା ରଞ୍ଜେନିଃ ଚାଏ ଦାଆଃ ଦୁଲେନିଃ ଜେତାନିଃ ନାହାଁଲିଃ, ମେନ୍ଦ ପାରମେଶ୍ଵର, ଅକଏଚି ହିତା ହାରାଇଦିନିଃ ମାରାଙ୍ଗ୍ ତାନିଃ । ୮ ହିତା ହେର୍ନିଃ ଆତଃ ଦାଆଃ ଦୁଲ୍ନିଃ ବାରାନ୍କିନ୍ ମିଦ୍ରିୟାକିନ୍ ଚିୟାଃଚି ପାରମେଶ୍ଵର ମିମିଆଦ୍ ହତକକେ ଆକଆଃ କାମି ଲେକାତେ ନାଲାଏ ଏମାକଆ । ୯ ଚିୟାଃଚି ଆବୁ ପାରମେଶ୍ଵରଲଃ ମିସାତେ କାମିତାନ୍ ହତକ ତାନ୍ବୁ, ଆପେ ପାରମେଶ୍ଵରଆଃ ପିଡ଼ି ଆତଃ ଅଡ଼ାଃ ତାନ୍ପେ । ୧୦ ପାରମେଶ୍ଵର ଆଇଙ୍ଗ୍କେ ଏମାକାଦିଙ୍ଗ୍ ସାୟାଦ୍ ଲେକାତେ ଆଇଙ୍ଗ୍ ମିଆଁଦ୍ ସେଣାନ୍ ଅଡ଼ାଃ ବାଇନିଃ ଲେକା ନିହିଁଗାଡ଼ା ବାଇୟାକାଦାଇଙ୍ଗ୍, ଏଗାଃ ମିହୁଡ୍ ଏନ୍ ତେତାନ୍ରେ ଅଡ଼ାଃ ବାଇତାନାଏ । ମେନ୍ଦ ଆପେକଏତେ ସବେନ୍କ ଅଡ଼ାଃ ଚିଲ୍କାପେ ବାଇତାନା, ଏନ୍ ବିଷାଏରେ ଚିର୍ଗାଲାକାନ୍ ତାଇନ୍ ଲାଗାଡିଙ୍ଗ୍ୟାଃ । ୧୧ ଚିୟାଃଚି ପାରମେଶ୍ଵର ବାଇସେକାଡ଼ାକାଦ୍ ନିହିଁଗାଡ଼ା ଯାଶୁ ଶ୍ରୀଷ୍ଟି ତାନିଃ, ଇନିଃକେ ବାରିକେଦ୍ତେ ଏଗାଃ ଜେତାଏ ନିହିଁଗାଡ଼ା କାଏ ବାଇ ଦାଡ଼ିୟା । ୧୨ ଚିମିନ୍ ହତକ ଏନ୍ ନିହିଁଗାଡ଼ାରେ ସୋନା, ରୁପା, ଗନଙ୍ଗ୍ଆନ୍ ଦିରିତେ ଅଡ଼ାଃକ ବାଇୟା ଆତଃ ଏଗାଃ ଚିମିନ୍ ହତକ ସାହାନ୍, ତାସାଦ୍ ଚାଏ ବୁସ୍ତୁ ଏମ୍କେଦ୍ତେ ଅଡ଼ାଃକ ବାଇୟା । ୧୩ ମେନ୍ଦ ମିମିଆଦ୍ ହତକଆଃ କାମି, ଯାଶୁ ଶ୍ରୀଷ୍ଟିଆଃ ଆତଃମିସା ହିନିଜୁଃ ହୁଲାଙ୍ଗ୍ରେ ଉଦୁବଃଆ । ଏନ୍ ହୁଲାଙ୍ଗ୍ ମିହୁଡ୍ ମିହୁଡ୍ତରାଃ କାମି ସେଙ୍ଗେଲ୍ତେ ଉଦୁବଃଆ ଆତଃ ଚିଲ୍କାନ୍ କାମିତାନାଃ ଏନା ସେଙ୍ଗେଲ୍ତେ ବିଡ଼ାଅକେଦ୍ତେ ଉଦୁବଃଆ । ୧୪ ଜେତାଏ ନିହିଁଗାଡ଼ାରେ ଅଡ଼ାଃ ବାଇକେଦ୍ତେ ସେଙ୍ଗେଲ୍ ବିଡ଼ାଅରେ କାଏ ଜିୟନଃଆ, ଇନିଃ ନାଲାଏ ନାମେୟା । ୧୫ ଜେତାଏୟାଃ କାମି ଜିୟନଃରେଦ୍, ଇନିଃ ଏନାକେ ଆଦେୟା, ମେନ୍ଦ ସେଙ୍ଗେଲ୍ ହରାତେ ବାଞ୍ଛାଅକାନ୍ ହଡ୍ ଲେକା ଇନିଃ ଆଇଃକ୍ଚି ବାଞ୍ଛାଅ ନାମେୟାଏ ।

୧୬ *ଆପେ ପାରମେଶ୍ଵରଆଃ ମାହିର୍ ଅଡ଼ାଃ ତାନ୍ପେ, ଏନା ଆପେ ସାର୍ଡିଗିପେ ସାରିତାନା ଆତଃ ପାରମେଶ୍ଵରଆଃ ଆମ୍ବା ଆପେୟାଃ ମନ୍ସୁରୁଦ୍ରେ ତାଇନାଃ ତାନା । ୧୭ ଜେତାଏ ପାରମେଶ୍ଵରଆଃ ମାହିର୍କେ ଜିୟନେରେଦ୍, ପାରମେଶ୍ଵର ଇନିଃକେ ଜିୟନିଆ । ଚିୟାଃଚି ପାରମେଶ୍ଵରଆଃ ମାହିର୍ ପାବିତାର୍ଗିଆ ଆତଃ ଆପେ ଇନିୟାଃ ମାହିର୍ ତାନ୍ପେ ।

୧୮ ଆପେ, ଆପେଗି ଆଲ୍ପେ ବେଦାନାଃ । ଆପେକଏତେ ଜେତା ହଡ୍ ଆପାନ୍କେ ଅତେଦିଶ୍ଵମ୍ ଲେକାତେ ସେଣାନ୍ ମେନ୍ତେ ମନେତାନ୍ରେଦ୍, ଇନିଃ ସାର୍ଡି ସେଣାଁ ନାମେ ନାଗେନ୍ତେ ଆପାନ୍କେ କା ସେଣାନ୍ ଲେକା ହବାଅଃ ଲାଗାଡିଙ୍ଗ୍ୟାଃ । ୧୯ ଚିୟାଃଚି ନେ ଅତେଦିଶ୍ଵମ୍ରେୟାଃ ସେଣାଁ ପାରମେଶ୍ଵରଆଃ ଆୟାର୍ରେ ତଣ୍ଡୁ ତାନାଃ । ଧାରାମ୍ପୁଅରେ ଅଲାକାନା, “ପାରମେଶ୍ଵର ସେଣାନ୍ ହତକକେ ଆକଆଃ ଚାଡୁରେନ୍ କାମିରେ ସାବ୍କଆ ।” ୨୦ ଆତଃଚି ଧାରାମ୍ପୁଅରେ ଅଲାକାନା, “ସେଣାନ୍ ହତକଆଃ ଉଡ଼ୁ ସାମାକାଜି ତାନାଃ, ମେନ୍ତେ ପ୍ରାଡୁ ସାରିୟାଃଏ ।” ୨୧ ଏନାତେ, ମାନଞ୍ଜାରାଃ କାମି ବିଷାଏରେ ଜେତାଏ ଆପାନ୍କେ ଆଲକାଏ ମାରାଙ୍ଗ୍ୟେନକା । ସାର୍ଡିଗି ସବେନାଃ ଆପେୟାଃଚି ତାନାଃ : ୨୨ ପାଉଲୁସ୍, ଆପୋଲୋ, ପାଡ୍ରାସ୍, ନେ ଅତେଦିଶ୍ଵମ୍, ଜୀଦାନ୍, ଆତଃ ଗନଏଃ, ନାହାଁଃ ଆତଃ ହିଜୁଃ ଦିପିଲି, ନେ

* ୩:୨ ୩:୨ ଏବୁ ୫:୧୨,୧୩. * ୩:୪ ୩:୪ ୧ କବିଚ୍ଛିନ୍ଦ୍ୟ ୧:୧୨. * ୩:୭ ୩:୭ ପ୍ରେରିଡ୍ ୧୮:୪-୧୧; ପ୍ରେରିଡ୍ ୧୮:୨୪-୨୮. * ୩:୧୭ ୩:୧୭ ୧ କବିଚ୍ଛିନ୍ଦ୍ୟ ୬:୧୯; ୨ କବିଚ୍ଛିନ୍ଦ୍ୟ ୬:୧୭.

ସବେନାଃ ଆପେୟାଃ ତାନାଃ, ୨୩ ମେନ୍ଦ ଆପେ ଶ୍ରୀଷ୍ଟୀଃ ତାନପେ, ଆତଃ ଶ୍ରୀଷ୍ଟୀ ପାରମେଶ୍ଵାରୀଃ ତାନିଃ ।

୪

ଶ୍ରୀଷ୍ଟୀଃ ପ୍ରେରିତକ

୧ ଆପେ ଆଲେକେ ଶ୍ରୀଷ୍ଟୀଃ ଦାସି ଆତଃ ପାରମେଶ୍ଵାରୀଃ ଉକ୍ତୁଆକାନ୍ ସାନାର୍ତ୍ତିରାଃ ନାମାକାଦ୍ ଭାଣ୍ଡାରି ଲେକା ଉତ୍ତୁଲେପେ । ୨ ନେ ଲେକାନ୍ ଭାଣ୍ଡାରିରାଃ ବାହାରମ୍ ନାମାକାଦ୍ ହତ୍ତ ଆୟାଃ ଗମକେୟାଃ ନାଗେନ୍ତେ ପାତିୟାରରଃ ଲେକାନ୍ନିଃ ହବାଅଃ ଲାଗାତିକ୍ଷୟାଃ । ୩ ନାହାଃ, ନେ ବିଷାଏରେ ଆପେୟାଃ ହରାତେ ଚାଏ ଜେତାନ୍ ମାନଞ୍ଜାରେୟାଃ ବିଚାରତେ ବିଚାରଃ ନାଗେନ୍ତେ ଆଇକ୍ଷ୍ କାଇକ୍ଷ୍ ଉତ୍ତୁତାନା, ଆତଃ ଆଇକ୍ଷ୍, ଆଇକ୍ଷ୍ଟି ଆଇକ୍ଷ୍ଟାଃ ବିଚାର୍ କାଇକ୍ଷ୍ ରିକାଃ । ୪ ଚିୟାଃଟି ଆଇକ୍ଷ୍ ଆଇକ୍ଷ୍ଟାଃ ବିରୁଧ୍ରେ ଜେତାନ୍ କାଜି ମେନାଃ ମେନ୍ତେ କାଇକ୍ଷ୍ ସାରିତାନା, ଏନ୍ରେୟ ଏନାରେ ଆଇକ୍ଷ୍ କାଇକ୍ଷ୍ ଚିଟାକାନା ମେନ୍ତେ କାଇକ୍ଷ୍ କାଜିତାନା । ମେନ୍ଦ ପ୍ରାଭୁ ଆଇକ୍ଷ୍ଟାଃ ବିଚାର୍ନିଃ ତାନିଃ । ୫ ଏନାତେ ନେତା ତେବାଃ ସିଦାରେ ଆପେ ଜେତାଏକେ ଆଲ୍ପେ ବିଚାରକଥା । ପ୍ରାଭୁଆଃ ଚୁଣ୍ଡୁ ବିଚାର୍ ହିନ୍ଦୁଃ ଦିପିଲି ଜାକେଦ୍ ତାକ୍ଷିକାତେପେ । ଇନିଃ ନୁବାଃରେ ଉକ୍ତୁଆକାନ୍ତେୟାଃ ମାର୍ଯ୍ୟାଲ୍ପେ ଆଉୟା । ହତ୍ତକଥାଃ ମନ୍ଦସୁରୁଦ୍ରେ ଉକ୍ତୁଆକାନ୍ତେୟାଃ ସବେନାଃ ଉଦୁବେୟା । ଇମ୍ତା ସବେନ୍ଦକ ପାରମେଶ୍ଵାରୀଃତଃଏତେ ମାନାରିକ୍ଷ୍ ନାମେୟା ।

୬ ହେ ହାଗା ମିଶିକ, ଆଇକ୍ଷ୍ ଆପେୟାଃ ବୁଗିନାଃ ନାଗେନ୍ତେ ନେ ସବେନାଃ ଆପୋଲୋ, ଆତଃ ଆଇକ୍ଷ୍ଟାଃ ବିଷାଏରେଇକ୍ଷ୍ କାଜିକାଦା । ଆଲିକ୍ଷ୍ ବାରାନ୍କିନ୍ଦକେ ନାମୁନା ଲେକା ମନେକେଦ୍ତେ ଆପେକେ ଇତ୍ତୁନ୍ ଲାଗାତିକ୍ଷୟାଃ, ଧାରାମ୍ପୁଥ୍ରେ ଅଲ୍ପାକାନ୍ତେୟାଃ ଆଲ୍ପେ ପାରମେୟା, ନେଆଁ ଆପେ ଆଲେତାଃଏତେ ଇତ୍ତୁନ୍ପେ, ଆତଃ ଆପେକଏତେ ଜେତାଏକେ ଇଦିକେଦ୍ତେ ଆପାନ୍ଦକେ ଆଲ୍ପେ ମାରାକ୍ଷ୍ଟେୟା, ଚାଏ ଜେତାଏକେ ଆଲ୍ପେ ହିଲ୍ପାକଥା । ୭ ଆପେକେ ଅକଏ ଏଟାଃନିଃତାଃଏତେ ମାରାକ୍ଷ୍ଟାଦ୍ପେୟା ? ଆପେୟାଃ ସବେନାଃ ଚିନାଃ ପାରମେଶ୍ଵାର୍ କାଏ ଏମାକାଦ୍ପେୟା ? ଏନାରେ ଆପେ ଦାନ୍ କା ନାମାକାଦ୍ ଲେକା ଚିନାଃ ମେନ୍ତେ ଆପାନ୍ଦକେ ମାରାକ୍ଷ୍ ମେନ୍ତେପେ କାଜିନ୍ତାନା ?

୮ ଆପେୟାଃ ଲାଗାତିକ୍ଷ୍ଟେୟାଃ ସବେନାଃ ନାମ୍ ସେକାତ୍ତକେଦାପେତି ? ଆପେ ଚିନାଃ କିର୍ଯ୍ୟାଣୟାନାପେ ? ଆଲେ କାଲେ ରାଜାକାନ୍ରେୟ, ଆପେ ଚିନାଃ ରାଜା କାନାପେତି ? ସାର୍ତ୍ତିଗି ଆପେ ରାଜା ହବାକାନ୍ରେଦ୍ ବୁଗିନାଃ ହବାକାନ୍ତେୟାଃ, ଚିୟାଃଟି ଆଲେୟ ଆପେଲଃ ରାଇଜେତେୟାଃଲେ । ୯ ଆଇକ୍ଷ୍ଟାଃ ହିତ୍ତୁରେ, ଆଲେ ଲେକାନ୍ ପ୍ରେରିତକକେ ପାରମେଶ୍ଵାର୍ ସବେନ୍ଦକଥାଃଏତେ ତାୟମରେ ଦହକାଦ୍କଥା । ଗନ୍ଏଃ ସାଜାଇ ନାମାକାଦ୍ ହତ୍ତ ଲେକା ଆଲେ ଅତେଦିଶୁମ୍ରେ ହତ୍ତକଥାଃ, ଆତଃ ଦୁଁଦ୍ଦକଥାଃ ସାମ୍ନାକ୍ଷ୍ରେ ଲାନ୍ଦାକାନ୍କ ଲେକାଲେ ହବାକାନା । ୧୦ ଆଲେ ଶ୍ରୀଷ୍ଟୀ ନାଗେନ୍ତେଲେ ତଣ୍ଡକାନା, ମେନ୍ଦ ଆପେ ଶ୍ରୀଷ୍ଟୀରେ ମିଦ୍କାନ୍ ହରାତେ ସେଣାକାନାପେ, ଆଲେଦଲେ ନାରାଦୁରାକାନା ମେନ୍ଦ ଆପେ ପେଡ଼େଃପେ ନାମାକାଦା, ଆଲେଦଲେ ହିଲ୍ପାକାନା ମେନ୍ଦ ଆପେ ମାଇନ୍ପେ ନାମାକାଦା । ୧୧ ଆଲେ ନାହାଃ ଜାକେଦ୍ଲେ ରେକ୍ଷେତାନା, ତେତାକ୍ଷ୍ଟାନା, ଚେତାଃ ଲିଜାଃଲେ ତୁସିକ୍ଷ୍ଟାନା, ଦାଲଃତାନା ଆତଃ ଅତଃ ବାନଃଆ, ୧୨ ଆଲେ କେଟେଦ୍ କାମି କାମିକେଦ୍ତେଲେ ଲାଗାତାରଃ ତାନା । ଜେତାଏ ଆଲେକେ ସାର୍ପାଅଲେ ତାନ୍ରେ, ଆଲେ ଇନ୍ଦ୍ଦକେ ଆଶିଷ୍ଟକତାନାଲେ । ସିଗିଦଃତାନ୍ରେ ସାହାତିକ୍ଷ୍ ତାନାଲେ, ୧୩ ହିଲ୍ପାକ୍ଲେ ତାନ୍ଦକେ ଲେବେଃ କାଜିତେଲେ କାଜିରୁହାତ୍ତକତାନା । ଆଲେ ନାହାଃ ଜାକେଦ୍ ଅତେଦିଶୁମ୍ରେ କେଚ୍ଚରା ଆତଃ ହୁମ୍ ଲେକାଲେ ହବାକାନା ।

୧୪ ଆପେକେ ଗିହୁଃଇଚିପେ ନାଗେନ୍ତେ ନେଆଁ ଆଇକ୍ଷ୍ କାଇକ୍ଷ୍ ଅଲେତାନା, ମେନ୍ଦ ଆଇକ୍ଷ୍ଟାଃ ଦୁଲ୍ପାତ୍ ହନ୍ଦକ ଲେକାକ୍ଷ୍ ଉଦ୍ଦୁପେତାନା । ୧୫ ଶ୍ରୀଷ୍ଟୀରେ ଆପେୟାଃ ପୁରାଃଗି ଗେଲ୍ ହାଜାର୍ ଧାରାମ୍ ଗୁରୁକ ମେନାକରେୟ, ଆପେୟାଃ ମିଆଁଦ୍ଗି ଆପୁ ମେନାକୟା । ଆଇକ୍ଷ୍ ଆପେତାଃରେ ସୁକ୍ଷ୍ମକାଜି ଉଦ୍ଦୁକେଦାକ୍ଷ୍ ଆତଃ ଯାଶୁ ଶ୍ରୀଷ୍ଟୀକେ ଆପେ ବିଶ୍ଵାସ୍କିୟାପେ ଏନାତେ ଆଇକ୍ଷ୍ ଆପେୟାଃ ଆପୁ ଲେକାକ୍ଷ୍ ହବାୟାନା । ୧୬ ଏନାମେନ୍ତେ ଆଇକ୍ଷ୍ଟାଃ ନାମୁନା ଲେକା ସେସେନ୍ଦପେ ମେନ୍ତେକ୍ଷ୍ ବିକ୍ଷିପେତାନା । ୧୭ ଏନା ନାଗେନ୍ତେ ଆଇକ୍ଷ୍ ପ୍ରାଭୁରେ ଦୁଲ୍ପାତ୍ ଆତଃ ପାତିୟାରଃ ଲେକାନ୍ ହନ୍ଦାମଥ୍ରେ ଆପେତାଃତେକ୍ଷ୍ କୁଲିତାନା । ଆଇକ୍ଷ୍ ଯାଶୁ ଶ୍ରୀଷ୍ଟୀଲଃ ତାଇକେଦ୍ତେ ନାଞ୍ଜା ଜୀଦାନ୍ରେ ସେସେନ୍ଦତାନ୍ଲଃ ସବେନ୍ଦତାଃରେ, ସବେନ୍ଦ କାଲିସିୟାରେଇକ୍ଷ୍ ଇତ୍ତୁକାଦ୍କଥା, ଏନା ଇନିଃ ଆପେକେ ପାହାମ୍ପାକ୍ଷିପେୟା ।

☆ ୪:୧୭ ୪:୧୭ ପ୍ରେରିତ ୧୮:୩. ☆ ୪:୧୭ ୪:୧୭ ୧ କବିଚ୍ଛିନ୍ଦ ୧୧:୧; ଦିଲିପିୟ ୩:୧୭.

୧୮ ଆଇଙ୍କୁ ଆପେତାଃତେ କାଇଙ୍କୁ ହିଜୁଃଆ ମେନ୍ତେ ଆପେ ଉଡ଼ୁଡ଼ୁତାନଲଃ ଆପେକଏତେ ଚିମିନ୍ ହଡ଼କ ମାରାଙ୍ଗ୍‌ୟେନ୍ ତାନା । ୧୯ ପ୍ରାଭୁଆଃ ସାନାଙ୍ଗ୍ ହବାଅଃରେଦ, ଆଇଙ୍କୁ ଆପେତାଃତେ ଜାଲ୍‌ଦିଗିଇଙ୍କୁ ହିଜୁଃଆ । ଇମତା ଆଇଙ୍କୁ ନେ ମାରାଙ୍ଗ୍‌ୟେନ୍ ହଡ଼କଆଃ କାଜି କାଇଙ୍କୁ ଆୟୁମାଃ, ମେନ୍ଦ ଦ ଇନ୍‌କୁଆଃ ପେଡ଼େଃ ଚିମିନ୍ ମେନାଃ ଏନା ଆଇଙ୍କୁଗିଇଙ୍କୁ ନେଲେୟା । ୨୦ ଚିୟାଃଚି ପାର୍‌ମେଶ୍ୱାର୍‌ଆଃ ରାଇନ୍‌ଦ ଜାଗାର୍ ବିଷାଏ ଏସ୍‌କାର୍ ନାହାଁଲାଃ ମେନ୍ଦ ପେଡ଼େଃରେୟାଃ ବିଷାଏ ତାନାଃ । ୨୧ ଆପେ ଚିନାଃ ସାନାଙ୍ଗ୍‌ତାନାପେ ? ଆଇଙ୍କୁ ଆପେକେ ଚେତାଅପେ ନାଗେନ୍ତେ ସଟା ସାବ୍‌କେଦ୍‌ତେଇଙ୍କୁ ହିଜୁଃଆ ଚି, ଦୁଲାଡ୍‌ଆତଃ ଲେବେଃ ମନ୍‌ତେଇଙ୍କୁ ହିଜୁଃଆ ?

୫

କାଲିସିୟାରେ ଏଡ଼କାନ୍ ଚାଇଲ୍ ଚାଲାନ୍

୧ ଆପେ ଆଲାରେ ଅକନ୍ ଆପାଙ୍ଗିର୍ କାମି ହବାଅଃତାନା, ଏନ୍‌ଲେକାନ୍ ଆପାଙ୍ଗିର୍ କାମି ସାଅଁସାର୍ ହଡ଼କ ଆଲାରେୟ କା ହବାଅଃତାନା । ଆଇଙ୍କୁ ଆୟୁମ୍‌କାଦାଇଙ୍କୁ, ଆପେଏତେ ମିହୁଡ୍ ଆପୁତେୟାଃ କୁଡ଼ିତେକେ ଆୟାଃ କୁଡ଼ି ଲେକାଏ ଦହକିୟା । ୨ ଏନ୍‌ରେହ ଆପେ ଚିଲ୍‌କାତେ ଆପେୟାଃ ବିଷାଏରେ ଆପାନ୍‌କେ ମାରାଙ୍ଗ୍ ମେନ୍ତେପେ କାଜି ଦାଡ଼ିତାନ୍ ? ଆପେ ଗିହୁଃକେଦ୍‌ତେ, ଏନ୍ ଲେକା କାମିକାଦ୍ ହଡ଼କେ ଆପେୟାଃ ମେନେସାଏତେ ଆତମ୍‌ଏଣ୍ଡା ଲାଗାଡିୟା । ୩ ଆଇଙ୍କୁ ଏନ୍ତାଃରେ କାଇଙ୍କୁ ତାଇକେନ୍‌ରେୟ ଆମ୍‌ମାରେ ଆପେତାଃରେଇଙ୍କୁ ତାଇକେନା, ଆତଃ ଆପେତାଃରେ ତାଇନ୍‌ତାନ୍‌ନିଃ ଲେକା ଏନ୍ ଲେକାନ୍ କାମି କାମିକାଦ୍‌ନିଃକେ ଆଇଙ୍କୁ ବିଚାର୍ ଚାବାକିୟା । ୪ ପ୍ରାଭୁ ଯୀଶୁଆଃ ନୁଡୁମ୍‌ତେ ଆପେ ମିଦ୍‌ତାଃରେ ହୁଣ୍ଡିକାନ୍ ଇମତା ଆଇଙ୍କୁଏ ଏନ୍ତାଃରେ ଆପେଲଃ ଆମ୍‌ମାରେଇଙ୍କୁ ତାଇକେନା ଆତଃ ଆରୁଆଃ ଆଲାରେ ପ୍ରାଭୁ ଯୀଶୁଆଃ ପେଡ଼େଃ ତାଇକେନା । ୫ ଏନ୍ ଲେକାନ୍ ହଡ଼କେ ଆୟାଃ ହଡ଼ମ୍ ଜିୟନେ ନାଗେନ୍ତେ ସାଏତାନ୍‌ରାଃ ତିଃଇରେ ଜିମାତାଇପେ । ଜେ'ଲେକାଚି ପ୍ରାଭୁଆଃ ହିନିଜୁଃ ହୁଲାଙ୍ଗ୍‌ରେ ଆୟାଃ ଆମ୍‌ ବାସ୍ତାଅ ଦାଡ଼ିୟାଆ ।

୬ *ନେ'ଲେକା ଆପାନ୍‌କେ ମାରାଙ୍ଗ୍‌ୟେନ୍ ଆପେୟାଃ ନାଗେନ୍ତେ କା ବୁଗିନାଃ । କାଟିଃଲେକା ରାନୁ ଗଟା ମାଏଦାକେ ଜୋଜୟା ଏନା ଆପେ କାପେଚି ସାରିତାନା ? ୭ ଆପେ ଆପେୟାଃ ପାପ୍ ଲେକାନ୍ ମାରି ରାନୁକେ ସାଙ୍ଗିନ୍‌କେଦ୍‌ତେ ପୁରା ଫାର୍‌ଚିୟାଃରେଦ, ଆପେ ରାନୁ ବାନଃ ନାଖା ମାଏଦା ଲେକାପେ ହବାଅଃଆ । ଆଇଙ୍କୁ ସାରିତାନାଇଙ୍କୁ ନାହାଁଃ ଆପେ ଫାର୍‌ଚିଗି ମେନାପେୟା । ଚିୟାଃଚି ଆରୁଆଃ ପାସ୍‌କା ପାରାବ୍ ସେକାଡ଼ାକାନା ଆତଃ ଖ୍ରୀଷ୍ଟ୍ ଆରୁଆଃ ପାସ୍‌କା ପାରାବ୍‌ରେୟାଃ ମିଣ୍ଡିହନ୍ ଲେକା ଦାଣ୍ଟି ରାକାବ୍‌ୟାନାଏ । ୮ ଏନାତେ ଏଲା ହିଜୁଃପେ, ପାପ୍ ଆତଃ ଏଡ଼କାନ୍ ଲେକାନ୍ ମାରି ରାନୁକେ ବାଗିକେଦ୍‌ତେ ଲେବେଃ ମନ୍‌ତେ ଆତଃ ସାନାର୍‌ଚିତେ ରାନୁ ବାନଃ ହଲ୍‌କ୍‌ତେ ନେ ପାରାବ୍‌କେବୁ ମାନାଡିୟେୟା ।

୯ ଆପେ ଆପାଙ୍ଗିର୍ ହଡ଼କଆଃ ସାଙ୍ଗାଡିରେ ଆଲ୍‌ପେ ମେସାନା ମେନ୍ତେ ଆଇଙ୍କୁ ସିଦା ଚିଟାଉରେ ଅଲ୍‌କାଦ୍ ତାଇକେନାଇଙ୍କୁ । ୧୦ ଆପେ ନେ ଅତେଦିଶୁମ୍‌ରେନ୍ ଆପାଙ୍ଗିର୍, ଲୋଭୀ, କୁମ୍‌ଡୁ ଆତଃ ମୁରୁଡ୍ ପୁଜାତାନ୍ ହଡ଼କଲଃ ଜେତାନ୍ ନାତା ଆଲ୍‌ପେ ଦହୟା ମେନ୍ତେ ଆଇଙ୍କୁ କାଇଙ୍କୁ କାଜିତାନା । ଆପେ ନାତା କାପେ ଦହଲେରେ, ଆପେକେ ନେ ଅତେଦିଶୁମ୍‌ଏତେ ଅତଙ୍ଗ୍ ଲାଗାଡିଙ୍ଗ୍‌ୟାଃ । ୧୧ ଆଇଁୟାଃ କାଜିରାଃ ମୁଣ୍ଡି ହବାଅଃତାନା, ଆପେୟାଃ ହାଗା ମେନ୍ତେ ସାରିକାନ୍ ଜେତାଏ ହଡ଼ ଆପାଙ୍ଗିର୍‌ନିଃ, ଲୋଭୀନିଃ, ମୁରୁଡ୍ ସେଖାନିଃ, ହିଲାଙ୍ଗ୍‌ନିଃ, ଇଲିଆରଖ୍‌ରେ ବୁଲଃନିଃ, ଚାଏ କୁମ୍‌ଡୁନିଃ ହବାଅଃରେଦ, ଇନିଃଲଃ ସବେନ୍ ନାତା ବାଗିତାପେ । ଏନ୍‌ଲେକାନ୍ ହଡ଼ଲଃ ଦୁବ୍‌କେଦ୍‌ତେ ଆଲ୍‌ପେହ୍ ଜଜମାଃ ।

୧୨ କାଲିସିୟାଏତେ ବାହାରିରେନ୍ ହଡ଼କଆଃ ବିଚାର୍ ରିକା ନାଗେନ୍ତେ ଆଇଙ୍କୁ ଅକଏ ତାନିଙ୍ଗ୍ ? ମେନ୍ଦ ଆରୁଆଃ କାଲିସିୟାରେନ୍ ହଡ଼କଆଃ ବିଚାର୍ ନାଗେନ୍ତେ ଆରୁଆଃ ଚିନାଃ ଆକ୍‌ତେୟାର୍ ବାନଃଆ ? ୧୩ ପାର୍‌ମେଶ୍ୱାର୍ ଇନ୍‌କୁକେ ବିଚାର୍‌କଆ, ଧାରାମ୍‌ପୁଅ୍‌ରେ ଅଲ୍‌କାନା, “ଆପେକଏତେ ଏନ୍‌ଲେକାଗି ଏଡ଼କାନ୍ ହଡ଼କକେ ବାହାରି ଅତଙ୍ଗ୍‌କପେ ।”

୬

ଖ୍ରୀଷ୍ଟିୟାନ୍ ହାଗାକଆଃ ନ୍ୟାୟ ବିଚାର୍

୧ ଆପେକଏତେ ଜେତାଏତାଃରେ ଏଟାଃ ଖ୍ରୀଷ୍ଟିୟାନ୍ ହାଗା ବିରୁଧ୍‌ରେ କାଜି ମେନାଃରେଦ, ଇନିଃ ବିଚାର୍ ନାଗେନ୍ତେ ପାର୍‌ମେଶ୍ୱାର୍‌ଆଃ ହଡ଼କତାଃତେ କା ସେନ୍‌କେଦ୍‌ତେ ସାଅଁସାର୍ ହଡ଼କତାଃତେ ସେନ୍ ନାଗେନ୍ତେ ଚିଲ୍‌କାତେ ସାହାସେ ତାନା ? ୨ ପାର୍‌ମେଶ୍ୱାର୍‌ଆଃ ହଡ଼କ ନେ ଅତେଦିଶୁମ୍‌କେ ବିଚାରେୟାକ ମେନ୍ତେ ଚିନାଃ ଆପେ କାପେ ସାରିତାନା ? ଆପେ ନେ ଅତେଦିଶୁମ୍‌କେପେ ବିଚାର୍ ଦାଡ଼ିତାନ୍‌ରେଦ, ନେ

* ୫:୨ ୫:୨ ଗାଲାତିୟ ୫:୯.

ହୁପୁଡ଼ିକା କାଳିକା ଚିନାଃ କାପେ ବିଚାର ଦାଡ଼ିୟା ? ୩ ଆରୁ ହୁଁକକେ ବିଚାରକଆରୁ, ଏନା ଆପେ କାପେଚି ସାରିତାନା ? ତାବଦ ନେ ସାଂସାରରେ ହବାଅତାନ ବିଷାଏକ ବିଚାର ନାଗେନ୍ତେ ଆରୁଆଃ ନେ ଜୀଦାନରେ ଚିମିନ୍ ରାଖାଲ୍ ହବାଅଅ ! ୪ କାଲିସିୟାରାଃ ନେପେଲରେ ଅକନକତି ମାଇନ୍ କାକ ନାମେତାନା, ଏନ୍ ହଡକତାଃତେ ଆପେ ନେ ହୁପୁଡ଼ିକା କାଳିକା ବିଚାର ନାଗେନ୍ତେ ଚିନାଃମେନ୍ତେପେ ସେନ୍ତାନା ? ୫ ଏନା ନାଗେନ୍ତେ, ଆପେୟାଃ ଗିହୁଗଃରାଃ କାଜିତାନାଃ ! ଶ୍ରୀଷ୍ଟିୟାନ୍ ହାଗାକ ଆଲାରେ କା ବାପାଇ ତାନ୍କଆଃ ବିଚାର ରିକାଦାଡ଼ି ନାଗେନ୍ତେ କାଲିସିୟାରେ ମିହୁଡ଼୍ ଲେକାଦ ସେଣ୍ଡାନ୍ ହଡ଼ ତାଇନାଏ ! ୬ ମିହୁଡ଼୍ ହାଗା ଆଡ଼ଃମିହୁଡ଼୍ ହାଗାରାଃ ବିରୁଧରେ କାଚାଇରିତେ ସେନ୍କେଦତେ, କା ବିଶ୍ୱାସତାନ୍ ହଡକତାଃରେ ବିଚାରେନ୍ତାନା ।

୭ ଆପେ ଆଲାରେ ହବାଅତାନ୍ କା ବାପାଇ ହରାତେ କାଚାଇରିତେ ନ୍ୟାୟବିଚାର ନାଗେନ୍ତେପେ ସେନ୍ତାନା, ଏନା ଆପେ ପୁରା ହାରାଅକାନାପେ ମେନ୍ତେ ଉଦୁବେତାନା । ନ୍ୟାୟବିଚାର ରିକାଏତେଦ ଏଡକାନାଃ ସାହାଡିକ୍କେଦତେ ଜିୟନଃତେୟାଃ, ଆପେ ନାଗେନ୍ତେ ବୁଗିନାଃ ହବାଅଃତେୟାଃ । ୮ ନେଆଁ କାମିକେଦ ହରାତେ ଆପେ ଆପେଗି ମିହୁଡ଼୍ ଆଡ଼ଃମିହୁଡ଼୍ଆଃ ଏଡକାନ୍ କାମି କାମିତାନାପେ ଆଡ଼ଃ କୁମ୍ପୁଡୁନାପେ, ଏନ୍ଲେକାଗି ଏଗାଃ ବିଶ୍ୱାସୀ ହାଗା ମିଶିକଲଃହଁ କାମିତାନାପେ । ୯ ଏଡକାନ୍ ହଡକ ପାରମେଶ୍ୱାରଆଃ ରାଇଜ୍ରେ କାକ ବଲ ଦାଡ଼ିୟା ମେନ୍ତେ ଚିନାଃ ଆପେ କାପେ ସାରିତାନା ? ଆଲ୍ପେ ବେଦାଅଃଆ; କା ଆଣ୍ଡିକାନ୍ କଡ଼ା ଆଡ଼ଃ ଆଣ୍ଡି କୁଡିଲଃ ଆପାଜିର୍ କାମିତାନ୍କ, ଆଣ୍ଡିକାନ୍ କଡ଼ା ଚାଏ କୁଡ଼ି ଏଗାଃ ଆଣ୍ଡିକାନ୍ କଡ଼ା ଚାଏ କୁଡିଲଃ ଆପାଜିର୍ କାମିତାନ୍କ, ମୁରୁଡ଼ ପୁଜାତାନ୍କ, କଡ଼ା କୁଡିଲେକା ଚାଇଲ୍ ଚାଇଲ୍, କଡ଼ାକ ଆକରେଗି ଆପାଜିର୍ତାନ୍କ, ୧୦ କୁମ୍ପୁଡୁ, ଚାକା ପାଏସା ହାୟାତାନ୍କ, ଇଲିଆର୍ଖରେ ବୁଲଃତାନ୍କ, ହିଲାଜ୍ତାନ୍କ, ରେରେଃକକ, ନେ ସବେନ୍କ ପାରମେଶ୍ୱାରଆଃ ରାଇଜ୍ରେ କାକ ବଲ ଦାଡ଼ିୟା । ୧୧ ଆପେକଏତେ ଚିମିନ୍କ ଏନ୍ଲେକାପେ ତାଇନ୍କେନା । ମେନ୍ଦ ପ୍ରାଭୁ ଯୀଶୁ ଶ୍ରୀଷ୍ଟିଆଃ ନୁଡୁମ୍ତେ ଆଡ଼ଃ ଆରୁଆଃ ପାରମେଶ୍ୱାରଆଃ ଆମ୍ବା ହରାତେ ନାହଁଃ ଆପେ ପାପହେତେ ଫାର୍ତିଆକାନାପେ, ପାବିତାର କାମି ନାଜ୍ ଜିମାକାନାପେ, ଆଡ଼ଃ ଧାର୍ମାନ୍ ହଡ଼ ମେନ୍ତେପେ ଲେକାକାନା ।

ଆପେୟାଃ ହଡ଼ମକେ ପାରମେଶ୍ୱାରଆଃ ମାନାରାଜ୍ ନାଗେନ୍ତେ ବେଭାରେପେ

୧୨ *ଜେତାଏ ମିହୁଡ଼୍ କାଜିୟାଏ, “ଆଇଜ୍କେ ସବେନାଃ ରିକା ନାଗେନ୍ତେ ଆରୁକାନା ।” ସାର୍ଡି କାଜିତାନାଃ, ମେନ୍ଦ ସବେନାଃ ଆପେ ନାଗେନ୍ତେ କା ବୁଗିନାଃ । ଆଇଜ୍କେ ସବେନ୍ କାମି ରିକା ନାଗେନ୍ତେ ଆରୁକାନା, ମେନ୍ଦ ଆଇଜ୍ ଜେତାଏକେ ଆୟାଃ ଆକତେୟାରରେ ଦହ ନାଗେନ୍ତେ ସୁୟୋଗ୍ କାଇଜ୍ ଏମ୍ ଦାଡ଼ିୟା । ୧୩ ଜେତାଏ ମିହୁଡ଼୍ କାଜିୟାଏ, “ଜମେୟାଃ ଲାହିଦ୍ ନାଗେନ୍ତେ, ଆଡ଼ଃ ଲାହିଦ୍ ଜମେୟାଃ ନାଗେନ୍ତେ ।” ସାର୍ଡି କାଜିତାନାଃ, ମେନ୍ଦ ପାରମେଶ୍ୱାର୍ ବାରାନାଃକେ ଜିୟନେଆଁ । ହଡ଼ମ ଆପାଜିର୍ କାମି ନାଗେନ୍ତେ ନାହଁଲାଃ, ମେନ୍ଦ ପ୍ରାଭୁଆଃ ସେଖାରେ ବାଉରାଅଃକା, ଚିୟାଃଚି ପ୍ରାଭୁ ହଡ଼ମରାଃ ଲାଗାଡିକ୍ତେୟାଃ ଜଗାଅନିଃ ତାନିଃ । ୧୪ ପାରମେଶ୍ୱାର୍ ଆୟାଃ ପେଡ଼େଃତେ ପ୍ରାଭୁ ଯୀଶୁକେ ଗନଏଃହେତେ ଜୀଉବିରିଦ୍କିୟାଏ ଆଡ଼ଃ ଇନିଃ ଆରୁକେୟ ଆୟାଃ ପେଡ଼େଃତେ ଜୀଉବିରିଦ୍ବୁଆ ।

୧୫ ଆପେୟାଃ ହଡ଼ମ ଯୀଶୁ ଶ୍ରୀଷ୍ଟିଆଃ ହଡ଼ମରାଃ ହିସା ଲେକାନାଃ ତାନାଃ ଏନା କାପେଚି ସାରିକାଦା ? ଚିନାଃ ଆଇଜ୍ ଯୀଶୁ ଶ୍ରୀଷ୍ଟିଆଃ ହଡ଼ମରାଃ ମିଦ୍ ହିସାକେ ଇଦିକେଦତେ କା ଆଣ୍ଡିକାନ୍ କଡ଼ା ଚାଏ କୁଡିଲଃ ଆପାଜିର୍କାନ୍ନିଆଃ ହିସାଇଜ୍ ବାଇୟା ? ଏନ୍କା ଆଲକା ହବାଅଃକା । ୧୬ ଚାଏ ଜେତାଏ କା ଆଣ୍ଡିକାନ୍ କଡ଼ା ଚାଏ କୁଡିଲଃ ଆପାଜିର୍କାନ୍ନିଃଲଃ ମିଦ୍ରେ ମେସାନାଏ, ଇନିଃ ଏନ୍ କା ଆଣ୍ଡିକାନ୍ କଡ଼ା ଚାଏ କୁଡିଲଃ ଆପାଜିର୍କାନ୍ନିଃଲଃ ମିଆଁଦ୍ ହଡ଼ମଃଆଏ, ଚିନାଃ ଏନା କାପେ ସାରିତାନା ? ଚିୟାଃଚି ଧାରାମ୍ପୁଥ୍ରେ ବୁଗିଲେକା ଅଲକାନା, “ଏନ୍ ବାରାନ୍କିନ୍ ମିଆଁଦ୍ ହଡ଼ମଃଆକିନ୍ ।” ୧୭ ମେନ୍ଦ ଜେତାଏ ପ୍ରାଭୁଲଃ ମେସାଅଃଆଏ, ଇନିଃ ପ୍ରାଭୁଆଃ ଆମ୍ବାରେ ମିଦଃଆ ।

୧୮ ଆପାଜିର୍ କାମିଏତେ ସାଜିନଃପେ । ଏଗାଃ ଜେତାନ୍ ପାପଏତେ ହଡ଼ରାଃ ହଡ଼ମ କା ନକସାନଃଆ, ମେନ୍ଦ ଆପାଜିର୍ କାମିନିଃ ଆୟାଃ ହଡ଼ମ ବିରୁଧରେ ପାପ୍ ରିକାଏୟା । ୧୯ *ଆପେୟାଃ ହଡ଼ମଦ ପାରମେଶ୍ୱାରତାଏତେ ନାମାକାଦ୍ ପାବିତାର୍ ଆମ୍ବାରାଃ ମାନ୍ଦିର୍ ତାନାଃ, ଏନା କାପେଚି ସାରିତାନା ? ଆପେ ଆପେଗି ନାହଁଲାପେ, ମେନ୍ଦ ପାରମେଶ୍ୱାରଆଃ ତାନ୍ପେ । ୨୦ ଇନିଃ ଆପେକେ ପୁରାଃ ଗନଜ୍ଆଁନ୍ତେ କିରିଜ୍କାଦ୍ପେୟା । ଏନାତେ ଆପେ ଆପେୟାଃ ହଡ଼ମତେ ପାରମେଶ୍ୱାରଆଃ ମାନାରାଜ୍ ରିକାଏପେ ।

* ୬:୧୨ ୬:୧୨ ୧ କବିଚିନ୍ତା ୧୦:୨୩. ☆ ୬:୧୯ ୬:୧୯ ୧ କବିଚିନ୍ତା ୩:୧୬; ୨ କବିଚିନ୍ତା ୬:୧୬.



ଆଶ୍ୱଦି ବିଷାଏରେ କୁନ୍ତୁଲି

୧ ଆପେ ଆଇଙ୍ଗକେ ଚିଟାଉରେ କୁଲିକାଦିଙ୍ କୁନ୍ତୁଲି, ନାହାଁଃ ଆଇଙ୍ ଆପେକେଇଙ୍ କାଜିରୁହାଡ଼ପେତାନା । ହଡ଼ କା ଆଶ୍ୱଦିନ୍ତେୟାଃ ବୁଗିନାଃ ତାନାଃ । ୨ ମେନ୍ଦ ଆପାଙ୍ଗିର୍ କାମି ପେରେଜାକାନ୍ ହରାତେ ସବେନ୍ ହଡ଼ରାଃ କୁଡ଼ି ଆଡ଼ଃ ସବେନ୍ କୁଡ଼ିରାଃ କଡ଼ା ତାଇନଃ ଲାଗାତିଙ୍ଗୟାଃ । ୩ କଡ଼ା ଆୟାଃ କୁଡ଼ିରାଃ ଲାଗାତିଙ୍ଗତେୟାଃ ପୁରାଏକା ଆଡ଼ଃ କୁଡ଼ି ଆୟାଃ କଡ଼ାରାଃ ଲାଗାତିଙ୍ଗତେୟାଃ ପୁରାଏକା । ଆଡ଼ଃ ବାରାନ୍କିନ୍ ଆକିନାଃ ବାରାନ୍କିନାଃ ଲାଗାତିଙ୍ଗତେୟାଃ ପୁରାଏ ନାଗେନ୍ତେ ଲାଗାତିଙ୍ଗୟାଃ । ୪ ଆୟାଃ ଆପ୍ନାଃ ହଡ଼ମରେ କୁଡ଼ିରାଃ ଜେତାନ୍ ଆକ୍ତେୟାର ବାନଃଆ, ମେନ୍ଦ କଡ଼ାରାଃ ମେନାଃ । ଏନ୍ଲେକାଗି ଆୟାଃ ଆପ୍ନାଃ ହଡ଼ମରେ କଡ଼ାରାଃ ଜେତାନ୍ ଆକ୍ତେୟାର ବାନଃଆ, ମେନ୍ଦ କୁଡ଼ିରାଃ ମେନାଃ । ୫ ମିହୁଡ଼୍ ଆଡ଼ଃମିହୁଡ଼ତାଃଏତେ ଆଲକାଏ ବିନ୍ଦଗାଅଃକା । ମେନ୍ଦ ବାରାନ୍କିନ୍ ମିଦ୍ତାଃରେ ବିନ୍ତ୍ରିରେ ତାଇନ୍ ନାଗେନ୍ତେ ଘାଡ଼ିକାଦ୍ ନାଙ୍ଗ୍ ବିନ୍ଦଗାଅ ଦାଡ଼ିୟାକିନ୍ । ଆପାନ୍କେ କାରୁରେ ଦହ ନାଗେନ୍ତେ କାମ୍ଜର୍ ତାଇନ୍ ହରାତେ ସାଏତାନ୍ ଇନ୍କିନ୍କେ ବିଡ଼ାଅରେ ଆଲକାଏ ଉୟାଃକିନ୍କା, ଏନାମେନ୍ତେ ଆଡ଼ଃମିସା ମିଦ୍ରେ ମେସାନ୍କାକିନ୍ ।

୬ ଆଇଙ୍ ଆପେକେ ହୁକୁମ୍ ଏମ୍ତାନ୍ ଲେକାଦ କାଇଙ୍ କାଜିତାନା, ମେନ୍ଦ ଆରୁପେତାନ୍ ଲେକାଇଙ୍ କାଜିପେତାନା । ୭ ଆପେ ସବେନ୍କ ଆଇଁୟାଃ ଲେକା ହବାଅଃପେ ମେନ୍ତେଇଙ୍ ସାନାଙ୍ଗ୍ତାନା । ମେନ୍ଦ ସବେନ୍କ ଆକଆଃ ଆପ୍ନାଃ ବାରଦାନ୍ ପାର୍ମେଶ୍ୱାର୍ତାଃଏତେ ନାମାକାଦାକ । ସବେନ୍କ ମିଦ୍ ଲେକାଗି ବାରଦାନ୍ କା ନାମକେଦ୍ତେ ଏଟାଃ ଏଟାଃ ବାରଦାନ୍କ ନାମାକାଦା ।

୮ ନାହାଁଃ ଆଇଙ୍ କା ଆଶ୍ୱଦିକାନ୍ ଆଡ଼ଃ ରାଣ୍ଡିକ୍ତକକେଇଙ୍ କାଜିତାନା, ଇନ୍କୁ ଆଇଁୟାଃଲେକା ଏସ୍କାର୍ଗିକ ତାଇନ୍ରେ ବୁଗିନାଃ ହବାଅଃତେୟାଃ । ୯ ମେନ୍ଦ ଇନ୍କୁ ଆକଗି ଏଡ଼କାନ୍ ସାନାଙ୍ଗ୍ଏତେ କାକ ସାମ୍ବାଡ଼ାଅ ଦାଡ଼ିୟାଃରେଦ, ଆଶ୍ୱଦିୟାଃକାକ । ଚିୟାଃଚି କା ସାହାଅକେଦ୍ତେ ତାଇନଃଏତେଦ ଆଶ୍ୱଦିୟାଃରେ ବୁଗିନାଃ ହବାଅଃଆ ।

୧୦ *ଆଇଙ୍ ଆଶ୍ୱଦିକାନ୍କକେ ହୁକୁମ୍ ତାନାଇଙ୍, ଅକ୍ନାଃଚି ଆଇଁୟାଃ ହୁକୁମ୍ ନାହାଁଲାଃ ମେନ୍ଦ ପ୍ରାଭୁଆଃ ତାନାଃ : କୁଡ଼ି ଆୟାଃ କଡ଼ାକେ ଆଲକାଏ ବାଗିକା, ୧୧ ଇନିଃ କଡ଼ାକେ ବାଗିରେଦ ଏସ୍କାର୍ଗି ତାଇନଃକା ଚାଏ କଡ଼ାତେଲଃ ଆଡ଼ଃମିସା ମେସାରୁହାଡ଼େନ୍କା । ଆଡ଼ଃ କଡ଼ାତେ ଆୟାଃ କୁଡ଼ିକେ ବାଗିରେଆଃ ଅନଲ୍ ଆଲକାଏ ଏମାଇକା ।

୧୨ ଆଇଙ୍ ଏଟାଃକକେଇଙ୍ କାଜିକତାନା, ନେଆଁ ପ୍ରାଭୁ କାଏ କାଜି, ଆବୁ ଆଲାରେନ୍ ଜେତାଏ ହାଗାତେୟାଃ କୁଡ଼ି ଖ୍ରୀଷ୍ଟ ବିଶ୍ୱାସୀ ନାହାଁଲିଃ ଆଡ଼ଃ ଏନ୍ କୁଡ଼ି ଆୟାଃ କଡ଼ାତେଲଃ ତାଇନଃ ନାଗେନ୍ତେ ସାନାଙ୍ଗ୍ରେଦ, ଏନ୍ ହାଗା ଇନିଃକେ ବାଗିରେଆଃ ଅନଲ୍ ଆଲକାଏ ଏମାଇକା । ୧୩ ଏନ୍ଲେକାଗି ଜେତାଏ କଡ଼ା, ଖ୍ରୀଷ୍ଟ ବିଶ୍ୱାସୀ ନାହାଁଲିଃ ଆଡ଼ଃ ଖ୍ରୀଷ୍ଟ ବିଶ୍ୱାସୀ କୁଡ଼ିଲଃ ତାଇନଃ ନାଗେନ୍ତେ ସାନାଙ୍ଗ୍ରେଦ, ଏନ୍ କୁଡ଼ି ଇନିଃକେ ବାଗିରେଆଃ ଅନଲ୍ ଆଲକାଏ ଏମାଇକା । ୧୪ ଚିୟାଃଚି କା ବିଶ୍ୱାସ୍ତାନ୍ କଡ଼ା, ବିଶ୍ୱାସ୍ତାନ୍ କୁଡ଼ିତେଲଃ ମିଦ୍ରେ ମେସାୟାନ୍ ହରାତେ ପାର୍ମେଶ୍ୱାର୍ ଇନ୍କିନ୍କେ ପାବିତାର୍ କାଦ୍କିନା ଆଡ଼ଃ ଏନ୍ କା ବିଶ୍ୱାସ୍ତାନ୍ କୁଡ଼ି, ବିଶ୍ୱାସ୍ତାନ୍ କଡ଼ାତେଲଃ ମିଦ୍ରେ ମେସାୟାନ୍ ହରାତେ ପାର୍ମେଶ୍ୱାର୍ ଇନ୍କିନ୍କେ ପାବିତାର୍ କାଦ୍କିନା । ଏନ୍କା କା ହବାକାନ୍ରେଦ, ଇନ୍କିନାଃ ହନ୍ଗାଁଣାକ ସଡ଼ରା ଲେକାକ ହବାକାନ୍ତେୟାଃ, ମେନ୍ଦ ନାହାଁଃ ଇନ୍କୁ ପାବିତାର୍କାନାକ । ୧୫ କା ବିଶ୍ୱାସ୍ତାନ୍ ହଡ଼, ବିଶ୍ୱାସ୍ତାନ୍ନିଃକେ ବାଗିନାଙ୍ଗ୍ ସାନାଙ୍ଗ୍ତାନ୍ରେଦ, ଇନିଃ ବାଗି ଦାଡ଼ିୟାଏ । ନେ ବିଷାଏରେ ଖ୍ରୀଷ୍ଟିୟାନ୍ ହାଗା ମିଗି ଜେତାନ୍ ନିୟାମ୍ରେ କାକ ତଲାକାନା ଚାଏ ଜେତାଏୟାଃ ଦାସି ନାହାଁଲାକ । ଚିୟାଃଚି ପାର୍ମେଶ୍ୱାର୍ ଆପେକେ ସୁକୁଜାଉରେ ତାଇନଃ ନାଗେନ୍ତେ କେଡ଼ାକାଦ୍ପେୟା । ୧୬ ଖ୍ରୀଷ୍ଟ ବିଶ୍ୱାସୀ କୁଡ଼ି, ଆମ୍ ଆମାଃ କଡ଼ାରାଃ ଜୀଉ ବାସ୍ତାଅନିଃ ଲେକାମ୍ ହବାଅଃଆ, ନେଆଁ ଚିଲ୍କାମ୍ ସାରିଦାଡ଼ିୟା ? ଚାଏ ଏ କଡ଼ା, ଆମ୍ ଆମାଃ କୁଡ଼ିରାଃ ଜୀଉ ବାସ୍ତାଅନିଃ ଲେକାମ୍ ହବାଅଃଆ, ନେଆଁ ଚିଲ୍କାମ୍ ସାରିଦାଡ଼ିୟା ?

ପାର୍ମେଶ୍ୱାର୍ଆଃ କେନେଡ଼ା ଲେକା ଜୀହୁଦଃପେ

୧୭ ପ୍ରାଭୁଆଃ ସାୟାଦ୍ତେ ନାମାକାଦ୍ ବାରଦାନ୍ ଲେକାତେ ଆଡ଼ଃ ପାର୍ମେଶ୍ୱାର୍ଆଃ କେନେଡ଼ା ନାମାକାଦ୍ ଲେକାତେ ଜୀହୁଦଃପେ । ନେଆଁ ଆଇଙ୍ ସବେନ୍ କାଲିସିୟାରେଇଙ୍ ଇଡୁକାଦ୍କଆ । ୧୮ ଖାଡ଼ନାଅୟାନ୍ ତାୟମ୍ତେ ଜେତାଏ ପାର୍ମେଶ୍ୱାର୍ଆଃ କେନେଡ଼ା ନାମେରେଦ, ଇନିଃ କା ଖାଡ଼ନାଅକାନ୍ ଲେକା ହବାଅଃ ନାଗେନ୍ତେ ଆଲକାଏ ମନେକା, ଆଡ଼ଃ କା ଖାଡ଼ନାଅକାନ୍ ହଡ଼ ପାର୍ମେଶ୍ୱାର୍ଆଃ କେନେଡ଼ା ନାମାକାଦ୍ରେଦ, ଇନିଃ ଖାଡ଼ନାଅଃ ନାଗେନ୍ତେ ଆଲକାଏ ମନେକା । ୧୯ ଜେତାଏ ହଡ଼ ଖାଡ଼ନାଅଃ ଚାଏ କାଏ ଖାଡ଼ନାଅଃ, ଏନାରେ ଜେଡ଼ନାଃ କା ହବାଅଃଆ,

* ୭:୧୦ ୭:୧୦ ମାଥୁଉ ୫:୩୨; ୧୯:୯; ମାର୍କ ୧୦:୧୧,୧୨; ଲୁକ ୧୭:୧୮.

ମେନଦ ପାରମେଶ୍ୱାର୍ଥୀ ଆନୁରୋଧେ ଏସକାର୍ ମାନାତିକ୍ଷ୍ଣା ଲାଗାତିୟା । ୨୦ ପାରମେଶ୍ୱାର୍ଥୀ କେନେତା ନାମକେଦ୍ ଇମତା ଆପେ ତିଲ୍ଲକା ତାଇନକେନାପେ ଏନଲେକାଗି, ଏନାରେ ତାଇନପେ । ୨୧ ପାରମେଶ୍ୱାର୍ କେତାକେଦ୍ପେ ଇମତା ତିନାଃ ଆପେ ଦାସିପେ ତାଇକେନା ? ଠାଉକାଗିୟା, ମନରେ ଆଲ୍ପେ ଦୁକୁଃଆ, ମେନଦ ଆପେ ତନଲ୍ପଏତେ ରାଡ଼ାଆ ନାଗେନ୍ତେ ବୁଗିନ୍ ନେତା ନେଲ୍ପକାତେପେ । ୨୨ ତିୟାଃତି ପ୍ରାଭୁଆ କେନେତା ନାମାକାଦ୍ ଦାସି, ପ୍ରାଭୁଆ ରାଡ଼ାକାନ୍ ହଡ଼ତାନିଃ, ଏନଲେକାଗି ଯାଶୁ ଖ୍ରୀଷ୍ଟୁଆ କେନେତାତେ ରାଡ଼ାକାନ୍ ହଡ଼, ଯାଶୁ ଖ୍ରୀଷ୍ଟୁଆ କିରିକ୍ପଦାସି ତାନିଃ । ୨୩ ପାରମେଶ୍ୱାର୍ ଆପେକେ ପୁରାଃ ଗନକ୍ପେତେ କିରିକ୍ପକାଦ୍ପେୟା, ଏନାତେ ହଡ଼କଆ ଦାସି ଆଲ୍ପେ ହବାଅଆ । ୨୪ ହେ ହାଗା ମିଶିକ, ପାରମେଶ୍ୱାର୍ ଆପେକେ କେତାକେଦ୍ପେ ଇମତା ଆପେ ଅକଲେକାପେ ତାଇନକେନା, ଏନଲେକାଗି ଆପେ ପାରମେଶ୍ୱାର୍ଲଃ ସାକ୍ଷାତିରେ ତାଇନପେ ।

କା ଆଶ୍ୱଦିକାନ୍ ଆତଃ ରାଶ୍ଟ୍ରକୁଡ଼ିକଆଃ ବିଷାଏରେ କୁନୁଲି

୨୫ ଆପେ କା ଆଶ୍ୱଦିକାନ୍ ହଡ଼କ ବିଷାଏରେପେ କୁଲିକାଦା : ନେ ବିଷାଏରେ ଆଇକ୍ ପ୍ରାଭୁତାଃଏତେ ଜେତାନ୍ ଆନାରୁ କାଇକ୍ ନାମାକାଦା । ମେନଦ ପ୍ରାଭୁଆ ଦାୟାତେ ଆଇକ୍ ପାତିୟାରଃ ଲେକାନ୍ ହଡ଼ ଲେକା ଆଇୟାଃ ବିଚାର ଲେକାତେଇକ୍ କାଜିତାନା ।

୨୬ ନାହାଃରେୟାଃ ଦୁକୁହାସୁ ନେଲ୍କେଦ୍ପେ, ମିଆଁଦ୍ ହଡ଼ ତିଲ୍ଲକା ମେନାଇୟା, ଏନଲେକାଗି ତାଇନଃରେ ବୁଗିନାଃ ହବାଅଃତେୟାଃ ମେନ୍ତେଇକ୍ ଉଡ଼ଷ୍ଟତାନା । ୨୭ ଆପେ ଆଶ୍ୱଦିକାନ୍ରେଦ, ନେ ତନଲ୍ଲକେ ରାଡ଼ାଏ ନାଗେନ୍ତେ ଆଲ୍ପେ ଚେଷ୍ଟାଏୟା । ଆତଃ ଆପେ କାପେ ଆଶ୍ୱଦିକାନ୍ରେଦ, ଆଶ୍ୱଦିନ୍ ନାଗେନ୍ତେ ଆଲ୍ପେ ଚେଷ୍ଟାଏୟା । ୨୮ ଆପେ ଆଶ୍ୱଦିକାନ୍ରେଦ, ପାପ୍ କାମି କାପେ କାମିକାଦା; ଆତଃ କା ଆଶ୍ୱଦିକାନ୍ କୁଡ଼ି ଆଶ୍ୱଦିନ୍ରେଦ, ଇନିଃ ପାପ୍ କାମି ଆଲ୍ପାଏ ରିକାଏକା । ମେନଦ ଆଶ୍ୱଦିକାନ୍ ହଡ଼କ ପୁରାଃ ଦୁକୁକ ନାମେୟା, ଆତଃ ଆପେ ନେ ଦୁକୁଏତେ ବାତାଅଃପେ ମେନ୍ତେଇକ୍ ସାନାକ୍ତାନା ।

୨୯ ମେନଦ ହେ ହାଗା ମିଶିକ, ଆଇକ୍ ନେ କାଜି, କାଜି ନାଗେନ୍ତେଇକ୍ ସାନାକ୍ତାନା, ନେତା ସେଚେରାକାନା । ତିସିକ୍ତାଃଏତେ ଆଶ୍ୱଦିକାନ୍ ହଡ଼କ କା ଆଶ୍ୱଦିକାନ୍ ହଡ଼କ ଲେକା ଜାଞ୍ଜାନ୍ ବିତାଏକାକ, ୩୦ ଆତଃ ରାଆଃତାନ୍ ହଡ଼କ କା ରାଆଃତାନ୍ ହଡ଼କ ଲେକା ହବାଅଃକାକ, ଆତଃ ଲାୟାତାନ୍ ହଡ଼କ କା ଲାୟାତାନ୍ ହଡ଼କ ଲେକା ହବାଅଃକାକ, କିରିକ୍ପତାନ୍ ହଡ଼କ କିରିକ୍ପକାଦ୍ପେୟାଃ ଆକଆ ନାହାଃଲଃ ମେନ୍ତେ ମନେକାକ । ୩୧ ଆତଃ ଅକନ୍ଦ୍ ଅତେଦିଶୁମ୍ରେୟାଃ ଜିନିଷ୍ଟକକେ ବାଉରାଅ ତାନା, ଇନକୁ କା ବାଉରାଅ ତାନଲେକାକ ହବାଅଃକା, ତିୟାଃତି ନେ ଅତେଦିଶୁମ୍ ବାଦ୍ଲ୍ୟାଅ ତାନା ।

୩୨ ମେନଦ ଆପେ ନିର୍ଫିକିର୍ ତାଇନଃପେ, ମେନ୍ତେଇକ୍ ସାନାକ୍ତାନା । କା ଆଶ୍ୱଦିକାନ୍ ହଡ଼ ପ୍ରାଭୁଆ କାମି ରିକା ନାଗେନ୍ତେ ଆଇଃକ୍ଗି ଉଡ଼ଷ୍ଟକା, ତିୟାଃତି ପ୍ରାଭୁ ସୁକୁଃକାଏ ମେନ୍ତେ ଇନିଃ ଚେଷ୍ଟାଏ ତାନା । ୩୩ ମେନଦ ଆଶ୍ୱଦିକାନ୍ କଡ଼ା ଆୟାଃ କୁଡ଼ିକେ ସୁକୁଇତି ନାଗେନ୍ତେ ଇନିଃ ଅତେଦିଶୁମ୍ରେୟାଃ ବିଷାଏକେ ଉଡ଼ଷ୍ଟୟା, ୩୪ ଆତଃ ଆୟାଃ ମନ୍ ବିନ୍ଗାଅଆ । କା ଆଶ୍ୱଦିକାନ୍ କୁଡ଼ି ଚାଏ ଡିଶ୍ଟାକୁଡ଼ି, ଆୟାଃ ହଡ଼ମ୍ ଆତଃ ଆମ୍ବା ବାରନାଃକେ ପାବିତାର୍ ହବାଅଃ ନାଗେନ୍ତେ ପ୍ରାଭୁଆ କାମିରେ ମନ୍ ଏମେକାଏ, ମେନଦ ଆଶ୍ୱଦିକାନ୍ କୁଡ଼ି ଆୟାଃ କଡ଼ାକେ ସୁକୁଇତି ନାଗେନ୍ତେ ଇନିଃ ଅତେଦିଶୁମ୍ରେୟାଃ ବିଷାଏକେ ଉଡ଼ଷ୍ଟୟା ।

୩୫ ନେ କାଜି ଆଇକ୍ ଆପେୟାଃ ବୁଗିନାଃ ନାଗେନ୍ତେଇକ୍ କାଜିତାନା, ଆପେ ତନଲ୍ରେ ତାଇନଃପେ ମେନ୍ତେ ଆଇକ୍ କାଇକ୍ କାଜିତାନା, ମେନଦ ଆପେ ବୁଗିଲେକା ଜାଞ୍ଜାନ୍ ବିତାଅକେଦ୍ପେ ମିଦ୍ ମନ୍ରେ ପ୍ରାଭୁତାଃରେ ତାଇନଃପେ ମେନ୍ତେଇକ୍ ସାନାକ୍ତାନା ।

୩୬ ଜେତାଏ କଡ଼ା ଆୟାଃ ନାଗେନ୍ତେ ଆସିକାନ୍ କୁଡ଼ିଆଃ ଜାଞ୍ଜାନ୍ ସାମାଏ ପାରମ୍ପାନା ଆତଃ ଇନିଃ କା ଲାଗାତିୟାଃ ଲେକାଏ ବେଭାର୍ତାନା ମେନ୍ତେ ଆର୍ଟ୍କାରେରେଦ, ଆୟାଃ ଲାଗାତିକ୍ ଲେକାତେ ଅକ୍ନାଃ ସାନାକ୍, ଏନାଏ କାମିକା ଆତଃ ଇନକିନ୍ ଆଶ୍ୱଦିୟଃକାକିନ୍ । ଏନାରେ ଜେତାନ୍ ପାପ୍ କା ହବାଅଆ । ୩୭ ମେନଦ ଜେତା ହଡ଼ ଆୟାଃ ମନ୍ସୁରୁଦ୍ରେ ଆବରୁଗି ଦହକେଦ୍ପେ ଆୟାଃ ନାକ୍ ଆସିଆକାନ୍ କୁଡ଼ିକେ କା ଆଶ୍ୱଦି ନାଗେନ୍ତେ ମନ୍ରେ ଠାହାରାଅକାଦା ଆତଃ ଆୟାଃ ଇକ୍ସା ସାନାକ୍କେ ଆବରୁରେ ଦହକାଦ୍ପେ, ଇନିଃ ଏନ୍ ଆସିଆକାନ୍ କୁଡ଼ିକେ କା ଆଶ୍ୱଦି ନାଗେନ୍ତେ ଉହାଟ୍କାଦା, ଏନାରେ ଇନିଃ ବୁଗିନାଃଏ କାମିକାଦା । ୩୮ ଏନାତେ ଜେତାଏ ଏନ୍ ଆସିଆକାନ୍ କୁଡ଼ିକେ ଆଶ୍ୱଦିନ୍ରେ ବୁଗିନାଃ କାମିୟାଏ । ମେନଦ ଜେତାଏ କାଏ ଆଶ୍ୱଦିନାଃ, ଇନିଃ ପୁରାଃ ବୁଗିନାଃଏ କାମିୟା ।

୩୯ କଡ଼ା ଜାନିଦ୍ ତାଇନଃ ଜାକେଦ୍ କୁଡ଼ି ତନଲ୍ରେ ତାଇନଃଆ, କଡ଼ାରାଃ ଗନଏଃ ତାୟମ୍ପେତେ, ଇନିଃ ଆୟାଃ ସାନାକ୍ ଲେକା ଆତଃମିସାଏ ଆଶ୍ୱଦି ଦାଡ଼ିୟା, ମେନଦ ଇନିଃ ପ୍ରାଭୁଆ ବିଶ୍ୱାସୀକେ ଏସକାର୍ ଆଶ୍ୱଦି ଦାଡ଼ିୟାଏ । ୪୦ ଆଇୟାଃ ମନେ ଲେକାତେ, ଇନିଃ କା ଆଶ୍ୱଦିକେଦ୍ପେ ଏନଲେକାଗି

ତାଇନଃରେ ପୁରାଃଗି ସୁକୁରେ ତାଇନା । ନେଆଁ ଆଇଁୟାଃ ମନେତାନା ଆତଃ ପାର୍ମେଶ୍ଵାର୍ଆଃ ପାବିତାର୍ ଆମ୍ବାରାଃହଗି ମନେତାନା ।

୮

ମୁରୁଡ଼କତାଃରେ ଦାଣେଁ ରାକାବାକାନ୍ ଜମେୟାଃ ବିଷାଏରେ କୁନୁଲି

୧ ଆଇଙ୍ଗ୍ ମୁରୁଡ଼କତାଃରେ ଦାଣେଁ ରାକାବାକାନ୍ ଜମେୟାଃ ବିଷାଏରେ ନେଆଁଇଙ୍ଗ୍ କାଜିତାନା, ଆବୁ ସବେନକଥାଃ ସେଣାଁ ମେନାଃ ମେନ୍ତେ ଆପେ କାଜିତାନ୍ତେୟାଃ ଆଲେ ସାରିତାନାଲେ । ଏନ୍ଲେକାନ୍ ସେଣାଁନ୍ ହଡ଼କ ହାଁକାରଃଆକ, ମେନ୍ଦ ଦୁଲାଡ଼, ହଡ଼କକେ ବାଇରୁହାଡ଼କଥା । ୨ ଜେତାଏ ଆଇଙ୍ଗ୍ ସାରିୟାଇଙ୍ଗ୍ ମେନ୍ତେ କାଜିନିଃ, ଅକ୍ନାଃ ସାରି ଲାଗାତିଙ୍ଗ୍ୟାଃ ଏନା କାଏ ସାରିୟା । ୩ ମେନ୍ଦ ଜେତାଏ ପାର୍ମେଶ୍ଵାର୍କେ ଦୁଲାଡ଼ାଏ, ପାର୍ମେଶ୍ଵାର୍ ଇନିଃକେ ଏସ୍କାର୍ ସାରିୟାଏ ।

୪ ଏନାତେ ମୁରୁଡ଼କକେ ଦାଣେଁ ରାକାବାକାନ୍ ଜମେୟାଃ ବିଷାଏରେ ଆଲେ ସାରିତାନାଲେ, ନେ ଅତେଦିଶୁମ୍ରେ ମୁରୁଡ଼କ ଜେତାନିଃ ନାହାଁଲାକ । ଆବୁଆଃ ମିଆଁଦ୍ଗି ପାର୍ମେଶ୍ଵାର୍ ମେନାଇୟା ଇନିଃ ବେଗାର୍ ଜେତାଏ ବାଙ୍ଗକଥା । ୫ ସିମାରେ ହବାଃଥ ଚାଏ ଅତେରେ, ଅକନକ ମାହାପୁରୁ ଆତଃ ପ୍ରାଭୁ ମେନ୍ତେକ କାଜିୟଃତାନା, ଇନ୍କୁ ପୁରାଃଗି ମେନାକଥା । ୬ ଏନ୍ରେୟ ଆବୁଆଃ ମିଆଁଦ୍ଗି ପାର୍ମେଶ୍ଵାର୍ ମେନାଇୟା । ଇନିଃଗି ଆପୁ ପାର୍ମେଶ୍ଵାର୍ ତାନିଃ, ଅକଏତି ସବେନାଃରେୟାଃ ବାବାଇନିଃ ତାନିଃ ଆତଃ ଆୟାଃ ନାଗେନ୍ତେ ଆବୁ ଜାନିଦ୍ ମେନାବୁଆ । ଆତଃ ଆବୁଆଃ ମିଆଁଦ୍ଗି ପ୍ରାଭୁ ଯୀଶୁ ଖ୍ରୀଷ୍ଟ ତାନିଃ । ଆୟାଃ ହରାତେ ସବେନାଃ ବାଇୟାକାନା ଆତଃ ଆବୁ ଆୟାଃତାଃରେ ଜୀହୁଦଃ ତାନାବୁ ।

୭ ମେନ୍ଦ ସବେନକ ନେ ସାନାର୍ତି କାକ ସାରିୟା । ଚିମିନ୍ ହଡ଼କ ନାହାଁଃ ଜାକେଦ୍ ମୁରୁଡ଼ ମେନାକଥା ମେନ୍ତେକ ଉଡ଼ୁତାନା ଆତଃ ଦାନ୍ ରାକାବାକାନ୍ ଜମେୟାଃକେ ମାହାପୁରୁକଥାଃ ପାର୍ସାଦ୍ ତାନାଃ ମେନ୍ତେକ ଜମେତାନା । ଇନ୍କୁଆଃ ବିବେକ୍ ନାରାଦୁରାଗିୟା, ଏନାତେ ଏନ୍ ପାର୍ସାଦ୍ ଜମକେଦ୍ ହରାତେ ଇନ୍କୁ ସଡ଼ରାଅଃ ତାନାକ । ୮ ମେନ୍ଦ ଜମେୟାଃ ହରାତେ ଆବୁଆଃ ନାତା ପାର୍ମେଶ୍ଵାର୍ଲଃ ଜେତାନ୍ ବାଦ୍ଲାଅ କା ହବାଅଃଆ । ଜେତାନ୍ ଜମେୟାଃ ଜମକେଦ୍ ହରାତେ ଚାଏ କା ଜମକେଦ୍ ହରାତେ ଆବୁଆଃ ଜେଡ଼ନାଃ କା ନକ୍ସାନଃଆ ଚାଏ କା ପସାଅଃଆ ।

୯ ମେନ୍ଦ ଚିଗାଁଲାକାନ୍ ତାଇନ୍ଦେ, ଆପେୟାଃ ନେ ଆକ୍ତେୟାର୍ ନାଗେନ୍ତେ ନାରାଦୁରା ମନ୍ରେନ୍ ହଡ଼କ ବିଶ୍ଵାସରେ ଜେତାଲେକାତେ ଆଲକାକ ତହଦଃକା । ୧୦ ମିହୁଡ଼ ବିଶ୍ଵାସରେ ନାରାଦୁରାନିଃ ଆପେ ଲେକାନ୍ ସେଣାଁନ୍ ହଡ଼କକେ ମାନ୍ଦିର୍ ଅଡ଼ାଃରେ ଦାନ୍ ରାକାବାକାନ୍ ଜମେୟାଃକେ ଜମତାନ୍ ନେଲ୍ତାପେରେ, ଚିନାଃ ଇନିଃ ଏନାକେ ଜମ୍ ନାଗେନ୍ତେ କାଏତି ସାହାସେଆ ? ୧୧ ଏନାତେ ବିଶ୍ଵାସରେ ନାରାଦୁରା ମେନାଇ ଅକନ୍ ହାଗା ନାଗେନ୍ତେ ଯୀଶୁ ଖ୍ରୀଷ୍ଟ ଗଏଃୟାନାଏ, ଇନିଃ ଆପେୟାଃ “ସେଣାଁନ୍” ହରାତେ ଜିୟନଃ ତାନାଏ । ୧୨ ନେ ଲେକାତେ ଆପେୟାଃ ହାଗାକଥାଃ ବିରୁଧ୍ରେ ପାପ୍ କାମିକେଦ୍ତେ ଆପେ ଯୀଶୁ ଖ୍ରୀଷ୍ଟଆଃ ବିରୁଧ୍ରେ ପାପ୍ କାମିତାନାପେ ଆତଃ ଏନ୍ ହାଗାକଥାଃ ନାରାଦୁରା ବିବେକ୍କେ ଠକରେତାନାପେ । ୧୩ ଜେତାନ୍ ଜମେୟାଃ ନାଗେନ୍ତେ ହାଗାଇଙ୍ଗ୍ ପାପ୍ ହରାତେ ସେନଃରେଦ୍, ଆଇଙ୍ଗ୍ ଏନ୍ ଜମେୟାଃକେ ଚିତ୍ତଲାଅ କାଇଙ୍ଗ୍ ଜମେୟାଁ ।

୯

ପ୍ରେରିଡ଼କଥାଃ ଚାଇଲ୍ ଚାଲାନରାଃ ନିୟାମ୍

୧ ଆଇଙ୍ଗ୍ ଚିନାଃ ତନଲ୍ହେତେ ରାଡ଼ାକାନ୍ ହଡ଼ ନାହାଁଲାଇଙ୍ଗ୍ ? ଆଇଙ୍ଗ୍ ଚିନାଃ ପ୍ରେରିଡ଼ ନାହାଁଲାଇଙ୍ଗ୍ ? ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟକେ ଆଇଙ୍ଗ୍ ଚିନାଃ କାଇଙ୍ଗ୍ ନେଲ୍ ? ଆଇଙ୍ଗ୍ ପ୍ରାଭୁଆଃ ନାଗେନ୍ତେ କାମିକାଦ୍ କାମିରେୟାଃ ଜ, ଆପେ ଚିନାଃ ନାହାଁଲାପେ ? ୨ ଏଗାଃକ ଆଇଙ୍ଗ୍କେ ପ୍ରେରିଡ଼ ତାନିଃ ମେନ୍ତେ କାକ କାଜିରେୟା, ଆପେ ଆଇଙ୍ଗ୍କେ ପ୍ରେରିଡ଼ ମେନ୍ତେପେ କାଜିଙ୍ଗ୍ ତାନା, ଚିୟାଃଚି ଆପେୟାଃ ଜୀଦାନ୍ ପ୍ରାଭୁଲଃ ମେସାକାନ୍ ହରାତେ ଆପେଗି ଆଇଙ୍ଗ୍ ପ୍ରେରିଡ଼ ତାନିଙ୍ଗ୍ ମେନ୍ତେପେ ଉଦୁବେତାନା ।

୩ ଆଇଙ୍ଗ୍କେ କାଜିକଟଙ୍ଗ୍ତାନ୍ ହଡ଼କକେ, ଆଇଙ୍ଗ୍ ନେ ଲେକାତେଇଙ୍ଗ୍ କାଜିରୁହାଡ଼କଥା । ୪ ଆଇଁୟାଃ କାମିରାଃ ହରାତେ ଜମ୍ ନୁଁ ନାଗେନ୍ତେୟା ଚିନାଃ ଆଇଁୟାଃ ଆକ୍ତେୟାର୍ ବାନଃଆ ? ୫ ଏଗାଃ ପ୍ରେରିଡ଼କ, ପାଡ଼ରାସ୍, ଆତଃ ପ୍ରାଭୁଆଃ ହାଗାକ ଲେକା ବିଶ୍ଵାସୀ ମିଶିକେ ଆଣ୍ଡିକେଦ୍ତେ ଆୟାଃଲଃ ହରାସେନ୍ ନାଗେନ୍ତେ ଚିନାଃ ଆଇଁୟାଃ ଆକ୍ତେୟାର୍ ବାନଃଆ ? ୬ ଜାନିଦ୍ ତାଇନ୍ ନାଗେନ୍ତେ ଆଇଙ୍ଗ୍କେ ଆତଃ ବର୍ଣ୍ଣବାସକେ ଏସ୍କାର୍ କାମି ଲାଗାତିଙ୍ଗ୍ୟାଃଚି ? ୭ ମିଆଁଦ୍ ପାଲ୍ଟାନ୍ ଆୟାଃ ଖାର୍ତ୍ତା ଆଇଃକ୍ଗି ଏମେୟାଚି ? ଚାଷିହଡ଼ ଚିନାଃ ଆୟାଃ ଦାଖ୍ବାକ୍ଡିରାଃ ଜ କାଏ ଜମେୟାଁ ? ଚାଏ ମିଶ୍ଟିଗୁପିନିଃ ଆୟାଃ ମିଶ୍ଟିରାଃ ତଥା କାଏ ନୁଁଏୟା ?

୮ ଚିନାଃ ଆଇଈ ନେ କାଜିକ ମାନଞ୍ଜା ଲେକାଇଈ କାଜିତାନା ? ଚିନାଃ ମୁଣା ନାବୀଆଃ ଆନୁରୁ ପୁଥୁରେ ନେଆଁ କା ଅଲ୍ଲାନାନା ? ୯ *ଆରୁଆଃ ମୁଣା ନାବୀଆଃ ଆନୁରୁରେ ଅଲ୍ଲାନାନା, ବାବା ଦାଉଁରିତାନୁ ଉରିଃକକେ, ମଚାରେ ଆଲ୍ଲମ୍ ତଲିୟା । ପାର୍ମେଶ୍ଵାର୍ ଚିନାଃ ଉରିଃକ ବିଷାଏରେ ଉଡ଼ୁଡ଼ାନା ? ୧୦ ଇନିଃ ଚିନାଃ ଆରୁ ନାଗେନ୍ତେ ନେଆଁ କାଏ କାଜିତାନା ? ହେଗି, ନେଆଁ ଆରୁ ନାଗେନ୍ତେ ଅଲ୍ଲାନାନା, ଜେତାଏ ସିହୁଃକାମି ରିକାଏନିଃ ଆତଃ ଇରୋଃକାମି ରିକାଏନିଃ ଜ ନାମେରେୟାଃ ଆସ୍ତାରେ କାମିୟା । ୧୧ *ଆଲେ ଆପେ ଆଲ୍ଲାରେ ଆମ୍ବାରେୟାଃ ହିତା ହେରାକାଦାଲେ, ଏନାତେ ଆଲେ ଚିନାଃ ଆପେତାଃଏତେ ଅତେରେୟାଃ ଜ ନାମେ ନାଗେନ୍ତେ କାଲେଚି ଆସ୍ତାଏୟା ? ୧୨ ନେଲେକା ଆପେତାଃଏତେ ଆସ୍ତାଏ ନାଗେନ୍ତେ ଏଟାଃକଆଃ ଆକ୍ତେୟାର୍ ମେନାଃରେଦ, ଆରୁଆଃ ଆକ୍ତେୟାର୍ ଚିନାଃ ଇନୁକୃତାଃଏତେ ଆଦ୍‌କା ବାନଃଆ ? ଆରୁ ନେ ଆକ୍ତେୟାର୍‌କେ କାରୁ ବେଭାର୍‌କାଦା ।

ମେନ୍‌ଦ ଖ୍ରୀଷ୍ଟୁଆଃ ସୁକୁକାଜି ଉଦୁବ୍ ନାଈ ହରା ଆଲ୍ଲକା ଛେକାଦଃକା ମେନ୍ତେ ଆଲେ ସବେନାଃଲେ ସାହାତିଈ ତାନା । ୧୩ ମାନ୍ଦିର୍ ଅଡ଼ାଃରେ କାମିତାନକ, ମାନ୍ଦିର୍ ଅଡ଼ାଃଏତେ ଜମେୟାଈକ ନାମେୟା, ଦାଣ୍ଠି ରାକାବ୍‌ତାନୁ ହଡ଼, ଦାଣ୍ଠି ରାକାବ୍‌କାନ୍‌ତେୟାରାଃ ହିସାକ ନାମେୟା, ଏନା ଚିନାଃ ଆପେ କାପେ ସାରିତାନା ? ୧୪ *ଏନଲେକାଗି, ସୁକୁକାଜି ଉଦୁବ୍‌ତାନୁ ହଡ଼କ, ସୁକୁକାଜି ଉଦୁବ୍‌କେଦ୍‌ତେ ଜୀଞ୍ଜାନୁ ବିତାଏକାକ ମେନ୍ତେ ପ୍ରାଭୁ ଆରୁକାଦା ।

୧୫ ମେନ୍‌ଦ ଆଇଁୟାଃ ଅକନ୍ ଆକ୍ତେୟାର୍ ମେନାଃ ଏନା ଆଇଈ ମିଆଁଦ୍‌ହଁ କାଇଈ ବେଭାର୍‌କାଦା, ଚାଏ ଏନ୍ ସବେନାଃ ଆଇଁୟାଃ ନାଗେନ୍ତେ ହବାଅଃକା ମେନ୍ତେ ଆଇଈ ଆପେତାଃତେ କାଇଈ ଅଲେତାନା, ଜେତାଏ ଆଇଁୟାଃ ନେ ମାନାରାଈକେ ସାମା ଏଣ୍ଡାଗେତେଦ, ଗଜଃତେୟାଃ ଆଇଁୟାଃ ନାଗେନ୍ତେ ବୁଗିନାଃ ହବାଅଃଆ । ୧୬ ସୁକୁକାଜି ଉଦୁବ୍‌ତାନାଇଈ ମେନ୍ତେ ଆଇଈ ଆପାନ୍‌କେ କାଇଈ ମାରାଈକ୍‌ୟେନ୍‌ ତାନା, ନେ ବାହାରମ୍ ମାନାତିଈ ନାଗେନ୍ତେ ଆଇଈକେ ଆରୁକାନା । ଏନାତେ ସୁକୁକାଜି କାଇଈ ଉଦୁବେରେଦ, ହାଏ, ଆଇଁୟାଃ ପୁରାଃ ଦୁକୁ ହବାଅଃଆ । ୧୭ ଆଇଈ ଏନ୍ ସୁକୁକାଜିକେ ବେଗାର୍ ଆରୁତେ ଆଇଈଗିଇଈ କାମିରେଦ, ଆଇଈ ନାଲ୍ଲା ନାମେ ନାଗେନ୍ତେଇଈ ତାଈକାତେତେୟାଃ, ମେନ୍‌ଦ ପାର୍ମେଶ୍ଵାର୍ ଆଇଈକେ ନେ କାମି ରିକାରେୟାଃ ବାହାରମ୍ ଏମାକାଦିଈ ହରାତେ ଆଇଈକେ ନେ କାମି ରିକା ଲାଗାତିୟା । ୧୮ ଏନାରେ ଆଇଈ ଚିଲ୍‌କାତେ ନାଲ୍ଲାଇଈ ନାମେୟା ? ସବେନକତାଃରେ ବେଗାର୍ ଗନଈତେ ସୁକୁକାଜିଇଈ ଉଦୁବ୍‌ତାନା, ନେଆଁଗି ଆଇଁୟାଃ ନାଲ୍ଲାତାନାଃ । ଏନାତେ ସୁକୁକାଜି ଉଦୁବ୍ ନାଗେନ୍ତେ ଆଇଈ ଆଇଁୟାଃ ଜେତାନ୍ ଆକ୍ତେୟାର୍ କାଇଈ ବେଭାର୍‌କାଦା ।

୧୯ ଆଇଈ ମିହୁଡ଼୍ ତନଲ୍‌ହେତେ ରାଡ଼ାକାନ୍ ହଡ଼ ତାନିଈ, ଜେତାଏୟାଃ ଦାସି ନାହାଁଲିଈ, ଏନ୍‌ରେୟ ଖ୍ରୀଷ୍ଟୁରେ ସବେନକକେ ନାମକ ନାଗେନ୍ତେ ଆଇଈ ସବେନକଆଃ କିରିଈଦାସିଈ ହବାକାନା । ୨୦ ଆଇଈ ଯିହୁଦୀ ହଡ଼କକେ ଖ୍ରୀଷ୍ଟୁରେ ନାମକ ନାଗେନ୍ତେ ଇନୁକୃତାଃ ଯିହୁଦୀକ ଲେକା ଚାଇଲ୍ ଚାଇଲ୍ ରିକାତାନିଈ । ମୁଣା ନାବୀଆଃ ଆନୁରୁ ମାନାତିଈକାନ୍‌କକେ ଖ୍ରୀଷ୍ଟୁରେ ନାମକ ନାଗେନ୍ତେ ଆଇଈ ଜେତାନ୍ ଆନୁରୁରେୟାଃ ଆକ୍ତେୟାର୍‌ରେ ବାଞ୍ଜାଈକ୍‌ରେୟ ଆନୁରୁରେୟାଃ ଆକ୍ତେୟାର୍‌ରେ ମେନାଈକ୍‌ଲେକା ଚାଇଲ୍ ଚାଇଲ୍ ରିକାତାନିଈ । ୨୧ ଏନଲେକାଗି ଆଇଈ ଆନୁରୁ ବାନଃ ହଡ଼କକେ ଖ୍ରୀଷ୍ଟୁରେ ନାମକ ନାଗେନ୍ତେ ଆଇଈ ଇନୁ ଆଲ୍ଲାରେ କାମିତାନ୍ ଇମ୍‌ତା ସାଅଁସାର୍‌କ ଲେକା ଜୀଞ୍ଜାନୁ ବିତାଅତାନାଇଈ । ନେଆଁରାଃ ମୁଣ୍ଡି ନାହାଁଲାଃ ଯେ, ଆଇଈ ପାର୍ମେଶ୍ଵାର୍‌ଆଃ ନିୟାମ୍ କାଇଈ ମାନାତିଈକାନ୍‌ । ସାର୍‌ତିଗି ଆଇଈ ଯୀଶୁ ଖ୍ରୀଷ୍ଟୁଆଃ ନିୟାମ୍‌ରାଃ ଆକ୍ତେୟାର୍‌ରେ ମେନାଈୟା । ୨୨ ଅକନ୍‌କ ବିଶ୍ଵାସରେ ନାରାଦୁରା ମେନାକଆ ଇନୁକ୍‌କେ ଖ୍ରୀଷ୍ଟୁରେ ନାମକ ନାଗେନ୍ତେ ଆଇଈ ଇନୁକ୍‌ଲେକା ହବାୟାନାଇଈ । ଏନାତେ ଆଇଈ ଇନୁକ୍‌କେ ବାଞ୍ଜାଅକ ନାଗେନ୍ତେ ସବେନକତାଃରେ ହବାସାକାଆଃ ଲେକା ଜୀଞ୍ଜାନୁ ବିତାଅକେଦାଇଈ ।

୨୩ ଆଇଈ ସୁକୁକାଜି ଉଦୁବ୍‌କେଦ୍‌ତେ ଆଗିଷ୍ଟରାଃ ହିସା ନାମେ ନାଗେନ୍ତେ ନେ ସବେନାଈକ୍‌କି ରିକାତାନା । ୨୪ ଜିନିତାଅରେୟାଃ ଏନେଃରେ ପୁରାଃ ହଡ଼କ ମେସାନାଃ ମେନ୍‌ଦ ମିହୁଡ଼ଗି ନାଲ୍ଲାଏ ନାମେୟା, ଏନା ଚିନାଃ ଆପେ କାପେ ସାରିତାନା ? ଆପେ ନାଲ୍ଲାପେ ନାମେ ଲେକା ନିରେପେ । ୨୫ ଜିନିତାଅରେୟାଃ ଏନେଃ ନାଗେନ୍ତେ ଇତୁକାନ୍ ହଡ଼କ ସବେନ୍ ଲେକାନ୍ ଇନିତୁତେ ସେକାଡ଼ାକାନ୍‌ଗିକ ତାଇନାଃ, ଇନୁ ଜିୟନଃ ବାହାମାଲ୍ଲା ନାମେ ନାଗେନ୍ତେକ କାମିୟାଃ, ମେନ୍‌ଦ ଆରୁ କା ଜିୟନଃ ନାଲ୍ଲା ନାମେ ନାଗେନ୍ତେବୁ କାମିୟା । ୨୬ ଏନାମେନ୍ତେ ଆଇଈ ନିର୍ ସେଟେରେ ଠାୟାଦ୍‌କେ ନେଲ୍‌କେଦ୍‌ତେ ଏନ୍ତାଃତେ ନିର୍ ସେଟେରେ ନାଗେନ୍ତେ ସିଧାଗିଈ ନିରେତାନା । ମୁକାଲାଡ଼ାଇତାନ୍ ହଡ଼ ଲେକା ଆଇଈ ଆଇଁୟାଃ ମୁକାକେ ସାମା ହୟରେ ମୁକା କାଇଈ ସାନାଈକାନ୍‌ । ୨୭ ଏଟାଃକତାଃରେ ସୁକୁକାଜି

* ୯:୯ ୯:୯ ତିମଥୁ ୫:୧୮. * ୯:୧୧ ୯:୧୧ ରୋମି ୧୫:୨୭. * ୯:୧୪ ୯:୧୪ ମାଥୁଉ ୧୦:୧୦; ଲୁକ ୧୦:୭.

ଉଦ୍‌ବୁଦ୍ଧକେଦରେୟ ଆଇଙ୍ଗ୍ ଆଲକାଇଙ୍ଗ୍ ବାଗ୍‌ଡାଅଃ ମେନ୍ତେ ଦୁକୁ ସାହାତିଙ୍ଗ୍‌କେଦ୍‌ତେ ହଡ଼୍‌ମକେଇଙ୍ଗ୍ କେଟେଦ୍‌କେଦା ଆତଃ ଆଇଁୟାଃ ଆବର୍‌ରେଇଙ୍ଗ୍ ଦହକାଦା ।

୧୦

ମୁରୁଡ଼କଆଃ ବିରୁଧ୍‌ରେ ଚେତାଅ

୧ ହେ ହାଗା ମିଶିକ, ମୁଣା ନାବୀକେ ଅତଙ୍ଗ୍‌କେଦ୍‌ତେ ଆରୁଆଃ ପୁରଃ ହାଡ଼ାମ୍‌କଆଃ ଚିନାଃ ହବାକାନ୍ ତାଇକେନା ଏନା ଆପେ ପାହାମେପେ ମେନ୍ତେଇଙ୍ଗ୍ ସାନାଙ୍ଗ୍‌ତାନା । ଇନ୍‌କୁକେ ରିମିଲ୍‌ତେ ବାଞ୍ଛାଅକାନ୍ ତାଇକେନାକ ଆତଃ ଆରାଃ ଦରେୟା ଆଲା ଆଲାତେ ବୁଗିଲେକାକ ସେନ୍ ପାରମ୍‌ୟାନା । ୨ ମୁଣା ନାବୀକେ ଅତଙ୍ଗ୍‌ତାନ୍‌କ ଲେକା ଇନ୍‌କୁ ସବେନ୍‌କ ରିମିଲ୍ ଆତଃ ଦରେୟାରେ ବାପ୍ତିସ୍ତାୟାନାକ । ୩ ଇନ୍‌କୁ ସବେନ୍‌କ ମିଦ୍ ସାମାନ୍ ଆମ୍‌ରେୟାଃ ଜଜମାଃକ ଜମାକାଦା, ୪ ଆତଃ ଏନ୍ ମିଦ୍ ସାମାନ୍ ଆମ୍‌ରେୟାଃ ଦାଆଃକ ନୁଁଆକାଦା । ଚିୟାଃଚି ଇନ୍‌କୁଲଃ ସେସେନ୍‌ତାନ୍ ଆମ୍‌ରେୟାଃ ଚାଟେନ୍‌ଏତେ ଇନ୍‌କୁ ଆମ୍‌ରେୟାଃ ଦାଆଃ ନୁଁ ତାଇକେନାକ, ଆତଃ ଏନ୍ ଚାଟେନ୍ ଯୀଶୁ ଖ୍ରୀଷ୍ଟି ତାନିଃ । ୫ ଏନ୍‌ରେୟ ପାରମେଶ୍ଵାର ଇନ୍‌କୁଏତେ ଚିମିନ୍‌କ ନାଗେନ୍ତେ କାଏ ସୁକୁକାନ୍ ତାଇକେନା । ଏନାତେ ଇନ୍‌କୁଆଃ ଗନ୍‌ଏଃ ହଡ଼୍‌ମ ବିରରେ ନେତେହାନ୍ତେ ଛିତିବିତିକାନ୍ ତାଇକେନା ।

୬ ଇନ୍‌କୁ ଲେକା ଏଡ଼କାନ୍ ଉଡ଼ୁ ଆତଃ ଏଡ଼କାନ୍ କାମି କା ରିକା ନାଗେନ୍ତେ ନାହାଁଃ, ନେ ସବେନାଃ ନାମ୍‌ନା ଲେକା ହବାକେଦ୍‌ତେ ଆରୁକେ ଚେତାଅରୁ ତାନା, ୭ ଚାଏ ଇନ୍‌କୁଏତେ ଚିମିନ୍‌କ ମୁରୁଡ଼ ସେଞ୍ଜାତାନ୍‌କ ହବାୟାନା, ଏନାଲେକା ଆପେ ଆଲ୍‌ପେ ହବାଅଃଆ, ଧାରାମ୍‌ପୁଥିରେ ଅଲକାନା : “ହଡ଼କ ଜମ୍, ନୁଁ ନାଗେନ୍ତେକ ଦୁବ୍‌ୟାନା, ଏନ୍ତେ ତିଙ୍ଗ୍‌କେଦ୍‌ତେ ସୁସୁନ୍‌ତାନ୍‌ଲଃ ଏଡ଼କାନ୍ ରିଜ୍ ରାଙ୍ଗ୍‌ରେକ ବୁଲ୍‌ୟାନା ।” ୮ ଇନ୍‌କୁଏତେ ଚିମିନ୍‌କ ଆପାଙ୍ଗ୍‌ର କାମିକେଦ୍ ହରାତେ ମୁସିଙ୍ଗ୍‌ରେ ମିଦ୍‌ହସି ଆପି ହାଜାର୍ ହଡ଼କ ଗଏଃୟାନା । ଏନ୍‌ଲେକା ପାପ୍ କାମି ଆରୁ ଆଲକାରୁ କାମିକା । ୯ ଇନ୍‌କୁଏତେ ଚିମିନ୍‌କ ପ୍ରାଭୁକେ ବିଡ଼ାଅକିଃ ହରାତେ ବିଙ୍ଗ୍ ହାବ୍‌ତେକ ଗଏଃୟାନା । ଏନ୍‌ଲେକା ଆରୁ ଖ୍ରୀଷ୍ଟକେ ଆଲକାରୁ ବିଡ଼ାଅକା । ୧୦ ଇନ୍‌କୁଏତେ ଚିମିନ୍‌କ ପାରମେଶ୍ଵାରଆଃ ବିରୁଧ୍‌ରେ କୁରୁମ୍‌ତୁରୁମ୍‌ୟାନାକ, ଆତଃ ଜିୟନ୍‌କତାନ୍ ଦୁଡ଼ ଇନ୍‌କୁକେ ଗଏଃକେଦ୍‌କଆ । ଆପେ ଏନ୍‌ଲେକା କାଜି ଆଲ୍‌ପେ ଜାଗାରେୟା ।

୧୧ ଇନ୍‌କୁଆଃ ନାଗେନ୍ତେ ନେ ସବେନାଃ ନାମ୍‌ନା ଲେକା ହବାୟାନା, ଆତଃ ଆରୁକେ ଚେତାଅ ନାଗେନ୍ତେ ଏନା ସବେନାଃ ଅଲକାନା । ଚିୟାଃଚି ଆରୁ ଲାଗ୍‌ଭାଗ୍ ଚୁଣ୍ଟ ଦ୍ଵିପିଲିରେ ସେଟେରକାନାରୁ ।

୧୨ ଏନାତେ ଜେତାଏ ଆପାନ୍‌କେ ତିଙ୍ଗ୍ କେଟେଦ୍‌କାନାଇଙ୍ଗ୍ ମେନ୍ତେ ଉଡ଼ୁନିଃ, ଆଲକାଏ ଉୟୁଗକା ମେନ୍ତେ ଚିର୍ଗାଲକାନ୍ ତାଇକ୍‌କାଏ । ୧୩ ହଡ଼କକେ ହବାଅଃତାନ୍ ବିନିଡ଼ାଅ ବାଗିକେଦ୍‌ତେ ଆତଃ ଏଗାଃଲେକାନ୍ ବିନିଡ଼ାଅରେ ଆପେ କାପେ ଉୟୁଗକାନା । ମେନ୍‌ଦ ପାରମେଶ୍ଵାର ଆୟାଃ ବାନାର୍‌ସା ଦହ ନାଗେନ୍ତେ ପାତିୟାରଃ ଲେକାନ୍‌ନିଃ ତାନିଃ । ଏନାମେନ୍ତେ ଇନିଃ ଆପେକେ କା ସାହାତିଙ୍ଗ୍‌ୟେଁ ଲେକାନ୍ ବିନିଡ଼ାଅରେ କାଏ ଉୟୁଃପେୟା । ଆପେୟାଃ ବିନିଡ଼ାଅ ଇମ୍‌ତା ସାହାତିଙ୍ଗ୍ ନାଗେନ୍ତେ ପାରମେଶ୍ଵାର ଆପେକେ ପେଡ଼େଃ ଏମାପେୟାଏ ଆତଃ ବାଞ୍ଛାଅଃ ନାଗେନ୍ତେ ହରାଏ ଉଦ୍‌ବାପେୟା ।

୧୪ ଏନାମେନ୍ତେ ହେ ଦୁଲାଡ଼କ, ଆପେ ମୁରୁଡ଼ ସେଞ୍ଜା ବାଗିପେ । ୧୫ ଆଇଙ୍ଗ୍ ଆପେକେ ସେଣ୍‌ନ୍ ହଡ଼କକେ କାଜିତାନ୍ ଲେକାଇଙ୍ଗ୍ କାଜିପେତାନା, ଆଇଙ୍ଗ୍ ଆପେକେ କାଜିପେତାନ୍‌ତେୟାଃ ଆପେଗି ବିଚାରେପେ । ୧୬ ଆରୁ ପ୍ରାଭୁଭୋଜ୍‌ରେ ବାଉରାଅତାନ୍ କାଟୋରା ନାଗେନ୍ତେ ପାରମେଶ୍ଵାରକେ ଧାନାବାଦ୍ ଏମାଃରୁ । ନେ କାଟୋରାଏତେ ନୁଁ ଇମ୍‌ତା ଆରୁ ଖ୍ରୀଷ୍ଟଆଃ ମାୟୋମ୍‌ରେ ହିସାବୁ ଇଦିତାନା । ଆତଃ ହଲଙ୍ଗ୍ କେଟାଃକେଦ୍‌ତେ ଜମ୍‌କେଦ୍ ହରାତେ ଆରୁ ଖ୍ରୀଷ୍ଟଆଃ ହଡ଼ମରେ ହିସାବୁ ଇଦିତାନା । ୧୭ ଚିୟାଃଚି ଆରୁ ପୁରାଃଚି ମେନାଃବୁରେୟ ମିଆଁଦ୍‌ଗି ହଲଙ୍ଗ୍ ମେନାଃ ହରାତେ ଆରୁ ମିଆଁଦ୍ ହଡ଼ମରୁ ହବାଅଃଆ ଚିୟାଃଚି ଆରୁ ସବେନ୍‌କ ଏନ୍ ମିଆଁଦ୍ ହଲଙ୍ଗ୍‌ରେ ହିସାବୁ ଇଦିତାନା ।

୧୮ ଇସ୍ରାଏଲ୍ ହଡ଼କଆଃ ବିଷାଏରେ ଉଡ଼ୁଏପେ, ଇନ୍‌କୁଏତେ ଅକନ୍‌କ ଦାଣ୍‌ରାକାବ୍‌କାନ୍ ମାସ୍ ଜମାଃକ ଇନ୍‌କୁ ଚିନାଃ ବେଦିରେୟାଃ ସାଙ୍ଗାତିରେ କାକ ମେସାନାଃ ? ୧୯ ମୁରୁଡ଼ ଚାଏ ଏନାରେ ଦାଣ୍‌ ରାକାବାକାନ୍ ଜମେୟାଃରେୟାଃ ଜେତାନ୍ ଗନଙ୍ଗ୍ ମେନାଃ ମେନ୍ତେ ଚିନାଃ ଆଇଙ୍ଗ୍ କାଜିତାନାଇଙ୍ଗ୍ ? ୨୦ କାହାଗି, ଆଇଁୟାଃ କାଜିରାଃ ମୁଣ୍ଡି ହବାଅଃତାନା, ମୁରୁଡ଼ ସେଞ୍ଜାତାନ୍‌କ ଦାଣ୍‌ ରାକାବାକାଦ୍‌ତେୟାଃ ପାରମେଶ୍ଵାରଆଃ ନାଗେନ୍ତେଦ କାହା, ମେନ୍‌ଦ ବଙ୍ଗାକଆଃ ନାଗେନ୍ତେ ଦାଣ୍‌କ ରାକାବାକାଦା । ବଙ୍ଗାକଲଃ ଆପେୟାଃ ଜେତାନ୍ ମେନେସା ତାଇନଃକା ମେନ୍ତେ ଆଇଙ୍ଗ୍ କାଇଙ୍ଗ୍ ସାନାଙ୍ଗ୍‌ତାନା । ୨୧ ପ୍ରାଭୁ ଆତଃ ବଙ୍ଗା, ନେ ବାରାନ୍‌କିନାଃ କାଟୋରାରେ ମିସାତେ ଆପେ ନୁଁ କାପେ ଦାଡ଼ିୟାଃ । ପ୍ରାଭୁ ଆତଃ ବଙ୍ଗା, ନେ ବାରାନ୍‌କିନଃ ମିସାତେ ମିଆଁଦ୍ ଟେରୁଲ୍‌ରେ ଆପେ କାପେ ଜମ୍ ଦାଡ଼ିୟାଃ । ୨୨ ଚାଏ ଆରୁ ଚିନାଃ

☆ ୧୦:୧୭ ୧୦:୧୭ ମାଥ୍‌ଇ ୨୭:୨୭-୨୮; ମାର୍କ ୧୪:୨୨-୨୪; ଲୁକ ୨୨:୧୯,୨୦.

ପ୍ରାଭୁଆଃ ମନରେ ହିସଙ୍ଗା ବିରିଦ୍‌କା ମେନ୍ତେବୁ ସାନାଙ୍ଗତାନା ? ଆବୁ ଚିନାଃ ପ୍ରାଭୁତାଃଏତେ ପୁରାଃ ପେଡେୟାନଗିୟାବୁ ?

୨୩ *ଇନକୁ, ଆବୁକେ ସବେନାଃ କାମି ନାଗେନ୍ତେ ଆବୁକାନା ମେନ୍ତେକ କାଜିତାନା । ସାର୍ତ୍ତି କାଜିତାନାଃ, ମେନ୍ଦ ସବେନାଃ ବୁଗିନାଃ ନାହାଁଲାଃ । ଆବୁ ସବେନାଃ କାମି ଦାଡ଼ିୟାଃବୁ, ମେନ୍ଦ ସବେନାଃ ଦେଙ୍ଗାବୁ ଲେକାନାଃ ନାହାଁଲାଃ । ୨୪ ଜେତାଏ ଆପାନାଃ ବୁଗିନାଃ ନାଗେନ୍ତେ ଏସ୍‌କାର୍ କା ନେଲ୍‌କେଦ୍‌ଡେ, ସବେନକଆଃ ବୁଗିନାଃ ନାଗେନ୍ତେୟ ନେଲ୍ ଲାଗାଡ଼ିଙ୍ଗୟାଃ ।

୨୫ ଆପେୟାଃ ବିବେକ୍‌ରେ ଜେତାନ୍ କୁନୁଲି କା ଦହକେଦ୍‌ଡେ ପିଟ୍‌ରେ ଆଖ୍‌ରିଙ୍ଗୟାଃତାନ୍ ମାସ୍‌କେ ବେଗାର୍ ଆଡ଼ାଃଉଡ଼ୁକେଦ୍‌ଡେ ଜମ୍ ଦାଡ଼ିୟାପେ । ୨୬ ଚିୟାଃଚି ଧାରାମ୍‌ପୁଥ୍‌ରେ ଅଲ୍‌କାନା, “ଅତେ ଆଡ଼ଃ ଏନାରେୟାଃ ସବେନାଃ ପ୍ରାଭୁଆଃ ତାନାଃ ।”

୨୭ କା ବିଶ୍ୱାସ୍‌ତାନ୍ ଜେତା ହଡ୍ ଆପେକେ ଜେଡ୍‌ନାଃଗି ଜମ୍ ନାଗେନ୍ତେ ନେଅଁତାପେରେଦ୍, ଆପେ ଆପେୟାଃ ବିବେକ୍‌ରେ ବେଗାର୍ ଆଡ଼ାଃଉଡ଼ୁକେଦ୍‌ଡେ ଜମେପେ । ୨୮ ଜେତାଏ ମୁରୁଡ଼ତାଃରେ ଦାଣ୍ଠି ରାକାବାକାନ୍ ପାର୍‌ସାଦ୍ ତାନାଃ ମେନ୍ତେ କାଜିପେରେ, ଇନିୟାଃ ବୁଗିନାଃ ନାଗେନ୍ତେ ଆଡ଼ଃ ବିବେକ୍ ହରାତେ ଏନା ଆଲ୍‌ପେ ଜମେୟାଁ । ୨୯ ନେତାଃରେ ଆପେୟାଃ ବିବେକ୍ ନାଗେନ୍ତେ କାଇଙ୍ଗ୍ କାଜି, ମେନ୍ଦ ଏଟାଃନିୟାଃ ବିବେକ୍ ନାଗେନ୍ତେଇଙ୍ଗ୍ କାଜିପେତାନା ।

ହବାସାକାଆଃ, ଆପେ ଆଇଙ୍ଗ୍‌କେ କୁଲି ଦାଡ଼ିୟାଃପେ, “ଆଇଁୟାଃ ରାଡ଼ାକାନ୍‌ତେୟାଃ ଚିନାଃମେନ୍ତେ ଏଟାଃକଆଃ ବିବେକ୍‌ତେ ବିଚାରଃଆ ? ୩୦ ଆଇଙ୍ଗ୍ ପାର୍‌ମେଶ୍ୱାର୍‌କେ ଧାନ୍ୟାବାଦ୍ ଏମ୍‌କେଦ୍‌ଡେ ଜମେୟାଃରେ ହିସା ଇଦିରେ, ଆଇଙ୍ଗ୍‌କେ ଅକଏ ଚିନାଃମେନ୍ତେ ନିନ୍ଦାୟାଏ ?”

୩୧ ଏନାମେନ୍ତେ ଆପେ ଜମେ, ନୁଁଏ ଚାଏ ଜେଡ୍‌ନାଃଗିପେ କାମି, ଏନା ପାର୍‌ମେଶ୍ୱାର୍‌ଆଃ ମାନାରାଙ୍ଗ୍ ନାଗେନ୍ତେ କାମିପେ । ୩୨ ଏଟାଃ ଦିଶୁମ୍‌ରେନ୍ ଯିହୁଦୀ, ସାଅଁସାର୍ ଚାଏ ପାର୍‌ମେଶ୍ୱାର୍‌ଆଃ କାଲିସିୟାକକେ ଆପେ ଆଲ୍‌ପେ ତହଦ୍‌ଇଚିକଆ । ୩୩ ଆପେ ଆଇଁୟାଃ ଚାଇଲ୍ ଚାଲାନ୍ ଲେକା ତାଇନଃପେ । ଆଇଙ୍ଗ୍ ସବେନ୍ ବିଷାଏରେ ସବେନକଆଃ ସୁକୁ ହବାଅଃକା ମେନ୍ତେଇଙ୍ଗ୍ ସାନାଙ୍ଗତାନା । ଆଇଙ୍ଗ୍ ଆଇଁୟାଃ ନାଗେନ୍ତେ କା ଉଡ଼ୁକେଦ୍‌ଡେ, ଏଟାଃକଆଃ ଜୀଉ ବାଞ୍ଚାଅଃକା ମେନ୍ତେ ସବେନକଆଃ ନାଙ୍ଗ୍ ବୁଗିନାଃଇଙ୍ଗ୍ କାମିକାଦା ।

୧୧

୧ *ଆଇଙ୍ଗ୍ ଯୀଶୁ ଖ୍ରୀଷ୍ଟଆଃ ନାମୁନା ଅତଙ୍ଗକାଦ୍ ଲେକା ଆପେୟ ଆଇଁୟାଃ ନାମୁନାକେ ଅତଙ୍ଗୟେପେ ।

ବିକ୍ରିତାନ୍ ଇମ୍‌ତା ବହଃ ଗୁଗ୍‌ଲୁ

୨ ଆଇଙ୍ଗ୍ ଆପେୟାଃ ସାହାରାଅ ତାନାଇଙ୍ଗ୍, ଚିୟାଃଚି ଆପେ ସବେନ୍ ଇମ୍‌ତା ଆଇଙ୍ଗ୍‌କେ ପାହାମିଙ୍ଗ୍‌ତାନାପେ ଆଡ଼ଃ ଆଇଙ୍ଗ୍ ଆପେକେ ଏମାକାଦ୍ ସବେନ୍ ଇନିତୁ ମାନାଡ଼ିଙ୍ଗ୍‌ତାନାପେ । ୩ ମେନ୍ଦ ଖ୍ରୀଷ୍ଟ ସବେନ୍ ହଡ୍‌କଆଃ ବହଃ ଲେକାନିନିଃ ତାନିଃ, ହଡ୍, କୁଡ଼ିରାଃ ବହଃ ଲେକାନିନିଃ ତାନିଃ ଆଡ଼ଃ ପାର୍‌ମେଶ୍ୱାର୍ ଖ୍ରୀଷ୍ଟଆଃ ବହଃ ତାନିଃ, ମେନ୍ତେ ଆପେ ଆବ୍‌କାର୍‌ଉରୁମେପେ ମେନ୍ତେ ଆଇଙ୍ଗ୍ ସାନାଙ୍ଗତାନା । ୪ ଜେତାଏ ହଡ୍ ବହଃ ଗୁଗ୍‌ଲୁକେଦ୍‌ଡେ ବିକ୍ରିୟା ଚାଏ ପାର୍‌ମେଶ୍ୱାର୍‌ଆଃ କାନାଜି ଉଦୁବେତାନ୍‌ରେଦ୍, ଇନିଃ ଆପ୍‌ନାଃ ବହଃ ଅକଏଚି ଖ୍ରୀଷ୍ଟ ତାନିଃ, ଇନିଃକେ କାଏ ମାଇନି ତାନା । ୫ ଆଡ଼ଃ ଜେତାଏ କୁଡ଼ି ଆୟାଃ ବହଃକେ ବେଗାର୍ ଗୁଗ୍‌ଲୁକେଦ୍‌ଡେ ବିକ୍ରିତାନ୍‌ରେଦ୍, ଚାଏ ପାର୍‌ମେଶ୍ୱାର୍‌ଆଃ କାନାଜି ଉଦୁବେତାନ୍‌ରେଦ୍, ଇନିଃ ଆପ୍‌ନାଃ ବହଃ ଅକଏଚି ଆୟାଃ କଡ଼ା ତାନିଃ, ଇନିଃକେ କାଏ ମାଇନି ତାନା । ଏନଲେକାନ୍ କୁଡ଼ି ଆଡ଼ଃ ବହଃରେ ଉବ୍ ବାନଃ କୁଡ଼ି, ନେ ବାରାନ୍‌କିନାଃ ଆଲ୍‌ରେ ଜେତାନ୍ ଏଟାଃ ବାନଃଆ । ୬ ଜେତା କୁଡ଼ି ଆୟାଃ ବହଃକେ ଗୁଗ୍‌ଲୁ କାଏ ସାନାଙ୍ଗ୍‌ରେଦ୍, ଆୟାଃ ବହଃରେୟାଃ ଉବ୍ କାଇଚିୟାକାଏ । ମେନ୍ଦ ଉବ୍ କାଇଚିନ୍ ଚାଏ ଉବ୍ ଠାଟୁନ୍‌ତେୟାଃ କୁଡ଼ି ନାଗେନ୍ତେ ଗିହୁଗାନ୍ ଲେକାନାଃ ତାନାଃରେଦ୍, ଇନିଃ ବହଃ ଗୁଗ୍‌ଲୁନ୍‌କାଏ । ୭ କଡ଼ାକେ ଆୟାଃ ବହଃ ଗୁଗ୍‌ଲୁନ୍ କା ଲାଗାଡ଼ିଙ୍ଗୟାଃ, ଚିୟାଃଚି ପାର୍‌ମେଶ୍ୱାର୍‌ଆଃ ମୁରୁଡ଼୍ ଆଡ଼ଃ ମାନାରାଙ୍ଗ୍ ଇନିଃତାଃରେ ଚାକ୍‌ମାକାଆଃ ତାନା, ଆଡ଼ଃ କୁଡ଼ି, କଡ଼ାରାଃ ମାନାରାଙ୍ଗ୍ ଲେକାନିନିଃ ତାନିଃ । ୮ କଡ଼ାଦ୍, କୁଡ଼ିତାଃଏତେ କାଏ ବାଇୟାକାନା, ମେନ୍ଦ କୁଡ଼ି, କଡ଼ାତାଃଏତେ ବାଇୟାକାନା । ୯ କୁଡ଼ି ନାଗେନ୍ତେ କଡ଼ା କାଏ ବାଇୟାକାନା, ମେନ୍ଦ କଡ଼ା ନାଗେନ୍ତେ କୁଡ଼ି ବାଇୟାକାନା । ୧୦ ଏନାମେନ୍ତେ ଦୁଁଡ୍‌କଆଃ ହରାତେ କୁଡ଼ି ଆୟାଃ କଡ଼ାରାଃ ଆକ୍‌ତେୟାଃରେ ମେନାଇୟା ମେନ୍ତେ ଉଦୁବେନ୍ ନାଗେନ୍ତେ ଇନିଃ ଆୟାଃ ବହଃକେ ଗୁଗ୍‌ଲୁ ଲାଗାଡ଼ିଙ୍ଗୟାଃ । ୧୧ ଏନ୍‌ରେୟ, ପ୍ରାଭୁଆଃ ମେନେସାରେ କଡ଼ା, କୁଡ଼ିତାଃଏତେ କାଏ ରାଡ଼ାକାନା, ଚାଏ କୁଡ଼ି, କଡ଼ାତାଃଏତେ କାଏ ରାଡ଼ାକାନା ।

* ୧୦:୨୩ ୧୦:୨୩ ୧ କବିଚ୍ଛିନ୍ଦ ୬:୧୨. * ୧୧:୧ ୧୧:୧ ୧ କବିଚ୍ଛିନ୍ଦ ୪:୧୬; ଫିଲିପିୟ ୩:୧୭.

୧୨ ଚିନ୍ତାଧର କୁଡ଼ି, କଡ଼ାତାଃଏତେ ବାଲୟାକାନା, ଏନଲେକାଗି କଡ଼ାହଗି କୁଡ଼ିତାଃଏତେ ଜାନାମାକାନା । ମେନ୍ଦ ଦ ପାରମେଶ୍ୱାର ସବେନ୍ଦକଆଃ ବାବାଇନିଃ ତାନିଃ ।

୧୩ ଆପେ ଆପେଗି ବିଚାରେପେ, ବହଃ କା ଗୁଗ୍ଲୁକେଦତେ ପାରମେଶ୍ୱାରଆଃ ଆୟାରରେ ବିକ୍ରିତେୟାଃ କୁଡ଼ି ନାଗେନ୍ତେ ଚିନାଃ ବୁଗିନାଃ ତାନାଃ ? ୧୪ ଜିଲିଙ୍ଗ ଉଦ୍, କଡ଼ା ନାଗେନ୍ତେ ଗିହୁଗଃତେୟାଃ ତାନାଃ, ମେନ୍ତେ ଚିନାଃ ନେ ସଭାଦ୍ ଆପେକେ କାଏ ଇତୁପେ ତାନା ? ୧୫ ମେନ୍ଦ କୁଡ଼ିକେ ଜିଲିଙ୍ଗ ଉଦ୍ ଦହଲେରେ, ଆୟାଃ ନାଗେନ୍ତେ ସୁଗାଡ଼ାନ୍ ବିଷାଏ ତାନାଃ । ଚିନ୍ତାଧର ନେ ଜିଲିଙ୍ଗ ଉଦ୍ ଇନିଃକେ ବହଃ ଗୁଗ୍ଲୁଃ ନାଗେନ୍ତେ ଏମାକାନା । ୧୬ ମେନ୍ଦ ଜେତାଏ ନେ ବିଷାଏରେ କାପ୍ତି ସାନାଙ୍ଗରେଦ୍, ଆବୁଆଃ ଆଲ୍ଲାରେ ଚାଏ ପାରମେଶ୍ୱାରଆଃ କାଲିସିୟାରେ ସେଞ୍ଜାତାନ୍ ଇମତା ନେ ଲେକାନ୍ ରିତିରିଞ୍ଜାଜ୍ ବାଗିକେଦତେ ଆତଃ ଏଗଃ ରିତିରିଞ୍ଜାଜ୍ ବାନଃଆ, ମେନ୍ତେ ଇନିଃ ସାରିକାଏ ।

ପ୍ରାଭୁଭୋଜ୍

(ମାଥୁର ୨୨:୨୨-୨୯; ମାର୍କ ୧୪:୨୨-୨୫; ଲୁକ ୨୨:୧୪-୨୦)

୧୭ ଆପେ ସେଞ୍ଜା ନାଗେନ୍ତେ ମିଦତାଃରେ ହୁଣ୍ଡିନ୍ ଇମତା, ନେଆଁ ଆପେୟାଃ ନାଗେନ୍ତେ ବୁଗିନାଃ କା ହବାକେଦତେ ଏଡକାନାଃ ହବାଅଃତାନା । ଏନାମେନ୍ତେ ଆଇଙ୍ଗ୍ ଆପେକେ କାଇଙ୍ଗ୍ ସାହାରାଅପେ ତାନା । ୧୮ ସବେନାଃଏତେ ସିଦା, ଆପେ କାଲିସିୟାରେ ଗିର୍ଜା ନାଗେନ୍ତେ ମିଦତାଃରେ ହୁଣ୍ଡିନ୍ ଇମତା ଆପେ ଆଲ୍ଲାରେ ବିପିଙ୍ଗାଅ ହବାଅଃତାନା ମେନ୍ତେଇଙ୍ଗ୍ ଆୟୁମକାଦା, ନେଆଁ ସାରତିଗି ତାନାଃ ମେନ୍ତେଇଙ୍ଗ୍ ବିଶ୍ୱାସ୍ ତାନା । ୧୯ ପାରମେଶ୍ୱାରଆଃ ଆୟାରରେ ଅକଏ ମାଇନ୍ ନାମେନିଃ ତାନିଃ, ଏନା ସାରିୟଃ ନାଗେନ୍ତେ ଆପେ ଆଲ୍ଲାରେ ବିପିଙ୍ଗାଅ ହବାଅଃଗି ଲାଗାତିଙ୍ଗ୍ୟାଃ, ଏନାରେ ଜେତାନ୍ ଆଡ଼ାଃଉଡ଼ୁ ବାନଃଆ । ୨୦ ଚିମତା ଆପେ ମିଦ୍ ଝୁଣ୍ଡ ଲେକା ମିଦତାଃରେ ହୁଣ୍ଡିକେଦତେ ଜମତାନ୍ତେୟାଃ ପ୍ରାଭୁଭୋଜ୍ ମେନ୍ତେପେ ଉଡ଼ୁତାନା, ଏନା ପ୍ରାଭୁଭୋଜ୍ ନାହାଁଲାଃ, ୨୧ ଚିନ୍ତାଧର ଆପେ ସବେନ୍ଦକ ଆପେୟାଃ ଜଜମାଃ ଜମତାନ୍ ଇମତା, ମିହୁଡ୍ ରେଙ୍ଗେଃଗି ତାଇନଃତାନ୍ ଇମତା ଏଗଃ ମିହୁଡ୍ ଇଲିଆରୁଶ୍ୱରେ ବୁଲଃତାନା । ୨୨ ଜମ୍ ନୁଁ ନାଗେନ୍ତେ ଆପେୟାଃ ଅଡ଼ାଃ ଚିନାଃ ବାନଃଆ ? ଚାଏ ଆପେ ଚିନାଃ ପାରମେଶ୍ୱାରଆଃ କାଲିସିୟାକେ ହିଲ୍ଲାଙ୍ଗ୍ୟେ ତାନାପେ ? ଆଡ଼ଃ ଅକଏୟାଃ ବାନଃଆ ଏନ୍ ହଡକକେ ଗିହୁଃକ ତାନାପେ ? ଆଇଙ୍ଗ୍ ଆପେକେ ଚିନାଃ ମେତାପେୟାଈଙ୍ଗ୍ ? ଚିନାଃ ଆପେୟାଃ ସାହାରାଅ ରିକାୟାଈଙ୍ଗ୍ ? କାହାଗି, ନେ ବିଷାଏରେ ଆଇଙ୍ଗ୍ ଆପେୟାଃ ସାହାରାଅ କାଇଙ୍ଗ୍ ରିକା ଦାଡିୟା ।

୨୩ ଚିନ୍ତାଧର ନେ ବିଷାଏରେ ଆଇଙ୍ଗ୍ ପ୍ରାଭୁତାଃଏତେ ନାମାକାଦ୍ ଇନିତୁ ଆପେକେଇଙ୍ଗ୍ ଉଦୁବାପେ ତାନା । ପ୍ରାଭୁ ଯାଶୁ ବାଇରିକଆଃ ତିଃଇରେ ଜିମାଅଃ ନିଦାରେ ହଲଙ୍ଗ୍ ଇଦିକେଦତେ, ୨୪ ପାରମେଶ୍ୱାରକେ ଧାନାବାଦ୍ ଏମକିୟାଏ, ଆଡ଼ଃ ଏନା କେତାଃକେଦତେ କାଜିକେଦାଏ, “ନେଆଁ ଆପେୟାଃ ନାଗେନ୍ତେ ଆଇଁୟାଃ ହଡ଼ମ ତାନାଃ, ଆଇଙ୍ଗ୍କେ ପାହାମିଙ୍ଗ୍ ନାଗେନ୍ତେ ନେଆଁ ରିକାଏପେ ।” ୨୫ ଏନଲେକାଗି ଜମକେଦ୍ ତାୟମତେ, ଇନିଃ କାଟୋରା ଇଦିକେଦାଏ ଆଡ଼ଃ କାଜିକେଦାଏ, “ନେ କାଟୋରା ଆଇଁୟାଃ ମାୟୋମତେ ବାଲୟାକାନ୍ ପାରମେଶ୍ୱାରଆଃ ନାଞ୍ଜା ରାଜିନାମା ତାନାଃ । ଆପେ ଚିମତାଙ୍ଗ୍ ନେଆଁ ନୁଁୟାପେ ଇମତାଙ୍ଗ୍ ଆଇଙ୍ଗ୍କେ ପାହାମିଙ୍ଗ୍ ନାଗେନ୍ତେ ନେଆଁ ରିକାଏପେ ।”

୨୬ ନେଆଁତେ ଆଟକାରଃ ତାନା, ଆପେ ଚିମିନ୍ଧାଅଁ ନେ ହଲଙ୍ଗ୍ ଜମେୟାପେ ଆଡ଼ଃ ନେ କାଟୋରାଏତେ ନୁଁୟାପେ, ଇମିନ୍ଧାଅଁ ଆପେ ପ୍ରାଭୁଆଃ ହିନିଜୁଃ ସେଟେର୍ ଜାକେଦ୍ ଆୟାଃ ଗନଏଃରାଃ କାଜିପେ ଉଦୁବେୟା । ୨୭ ଏନାତେ ଜେତାଏ ସଡ଼ରାକେଦତେ ପ୍ରାଭୁଆଃ ନେ ହଲଙ୍ଗ୍କେ ଜମେନିଃ ଚାଏ ନେ କାଟୋରାଏତେ ନୁଁଏନିଃ ପ୍ରାଭୁଆଃ ହଡ଼ମ ଆଡ଼ଃ ମାୟୋମରେୟାଃ ବିରୁଧ୍ରେ ପାପକେଦତେ ଚିଗାଅଃଆ । ୨୮ ଏନାତେ ଆପେ ସବେନ୍ଦକ ଆପାନ୍କେ ବିଡ଼ାଅକେଦ୍ ତାୟମତେ, ନେ ହଲଙ୍ଗ୍କେ ଜମେପେ ଆଡ଼ଃ କାଟୋରାଏତେ ନୁଁଏପେ । ୨୯ ଚିନ୍ତାଧର ଜେତାଏ ହଡ଼ ପ୍ରାଭୁଆଃ ହଡ଼ମରାଃ ସାର୍ତି ମୁଣ୍ଡି କା ଆଟକାର୍ ଉରୁମକେଦତେ, ଜମ୍, ନୁଁଏନିଃ ସାର୍ତିଗି ସାଜାଇ ନାମେୟାଏ । ୩୦ ଏନାମେନ୍ତେ ଆପେକଏତେ ଚିମିନ୍ ହଡକ ପୁରାଃଗି ନାରାଦୁରା, ବେମ୍ରିୟା ଆଡ଼ଃ ପୁରାଃ ହଡକ ଗଜାକାନା । ୩୧ ମେନ୍ଦ ଆବୁ ଆପାନ୍କେ ସିଦାରେଗିବୁ ବିଚାର୍ କାନ୍ରେଦ୍, ଆବୁ ପାରମେଶ୍ୱାରଆଃ ବିଚାରରେ କାବୁ ବିଚାରଃତେୟାଃ । ୩୨ ଅତେଦିଶ୍ୱମରାଃ ଚୁଣ୍ଡୁ ସାଜାକଏତେ ଆବୁକେ ବାଞ୍ଚାଅବୁ ନାଗେନ୍ତେ ପ୍ରାଭୁ ଆବୁକେ ସାଜାଇ ଏମକେଦତେ ସତଃବୁତାନା ।

୩୩ ଏନାତେ ହେ ହାଗା ମିଶିକ, ଆପେ ପ୍ରାଭୁଭୋଜ୍ ନାଗେନ୍ତେ ହୁଣ୍ଡିନ୍ ଇମତା ସବେନ୍ଦକକେ ତାଙ୍ଗିକପେ । ୩୪ ଆପେୟାଃ ହୁଣ୍ଡିନ୍ତେୟାଃ ସାଜାଇ ନାମେ ନାଗେନ୍ତେ ଆଲକା ହବାଅଃକା । ଏନାତେ ଜେତାଏ ରେଙ୍ଗେଜଃ ତାନ୍ରେଦ୍, ଇନିଃ ଅଡ଼ାଃରେ ଜମେକାଏ । ଆଡ଼ଃ ଏଗଃତେୟାଈକ ଆଇଙ୍ଗ୍ ହିଜୁଃରେ ଉଦୁବାପେୟାଈଙ୍ଗ୍ ।

୧୨

ପାବିତାର ଆତ୍ମତାତ୍ପର୍ଯ୍ୟରେ ବାଚନ

୧ ଆଇଁୟାଃ ହାଗା ମିଶିକ ପାବିତାର ଆତ୍ମତାତ୍ପର୍ଯ୍ୟରେ ବାଚନ ବିଷୟରେ ଆଇଁୟା ଆପେକେ ସାର୍ତ୍ତବେଦ୍ୟାଃ ଉଦୁବ୍ ନାଗେନ୍ଦ୍ରେଇଁୟା ସାନାଙ୍ଗତାନା । ୨ ଆପେ ସାର୍ତ୍ତସାରକ ତାଇକେନାପେ ଇମ୍ତା ଜୀଉ ବାନଃ ମୁରୁଡକକେ ସେଞ୍ଜାକେଦ୍ତେ ହରା ଆଦାକାଦ୍ ତାଇକେନାପେ, ଏନାପେ ସାରିତାନା । ୩ ଏନାମେନ୍ଦ୍ରେ ଆପେକେ ସାରି ଲାଗାତିଙ୍ଗୟାଃ, ପାରମେଶ୍ଵାରଆଃ ଆତ୍ମତେ ସେସେନ୍ତାନ ହଡ୍ତ “ୟାଶୁ ସାର୍ପାଅଃକାଏ” ମେନ୍ଦ୍ରେ ଜେତାଏ କାକ କାଜି ଦାଡ଼ିୟା । ଆତଃ ପାବିତାର ଆତ୍ମକେ କା ନାମକେଦ୍ତେ “ୟାଶୁ ପ୍ରାଭୁ” ତାନିଃ ମେନ୍ଦ୍ରେ ଜେତାଏ କାକ କାଜି ଦାଡ଼ିୟା ।

୪ *ପାବିତାର ଆତ୍ମରେୟାଃ ବାଚନ ରାକାମ୍ ରାକାମ୍ ମେନାଃ, ମେନ୍ଦ୍ ଏନ୍ ମିଆଁଦ୍ ପାବିତାର ଆତ୍ମ ଏନ୍ ସବେନାଃ ଏମାଃଏ । ୫ ରାକାମ୍ ରାକାମ୍ ସେଞ୍ଜା ମେନାଃରେୟା ମିଆଁଦ୍ଗି ପ୍ରାଭୁଆଃ ସେଞ୍ଜା ହବାଅଃତାନା । ୬ କାମି ରିକାରେୟାଃ ପେଡେଃ ରାକାମ୍ ରାକାମ୍ ମେନାଃ, ମେନ୍ଦ୍ ମିଆଁଦ୍ଗି ପାରମେଶ୍ଵାର୍ ଏନ୍ ସବେନାଃରେୟାଃ ପେଡେଃ ଏମାଃଏ । ୭ ସବେନ୍ଦକଆଃ ବୁଗିନାଃ ନାଗେନ୍ଦ୍ରେ ମିମିଆଦ୍ ହଡ୍ତକଆଃ ଆଲ୍ଲାରେ ପାବିତାର ଆତ୍ମରେୟାଃ ପେଡେଃ ରାକାମ୍ ରାକାମ୍ ଲେକାତେ ଉଦୁବଃଆ । ୮ ଚିୟାଃଗି ମିହୁଡକେ ପାବିତାର ଆତ୍ମରେୟାଃ ସାୟାଦ୍ତେ ସେଣ୍ଡାନ୍ରାଃ କାଜି ଆତଃ ଏଟାଃ ଆତଃମିହୁଡକେ ଏନ୍ ପାବିତାର ଆତ୍ମରେୟାଃ ଇନିତୁ ଲେକାତେ ବୁଢିରେୟାଃ କାଜି ଏମାଃଏ । ୯ ଏନ୍ ମିଆଁଦ୍ ପାବିତାର ଆତ୍ମଗି ମିହୁଡକେ ବିଶ୍ଵାସ, ଆତଃମିହୁଡକେ ହଡ୍ତକକେ ବୁଗିକ ନାଗେନ୍ଦ୍ରେ ପେଡେଃ ଏମାଃଏ । ୧୦ ଚିମିନ୍ଦକକେ ଆକ୍ଦାଦାଅ କାମି ରିକା ନାଗେନ୍ଦ୍ରେ ପେଡେଃ ଏମାଃଏ, ଚିମିନ୍ଦକକେ ପାରମେଶ୍ଵାରଆଃ ଆୟାରକାଜି କାଜି ନାଗେନ୍ଦ୍ରେ ପେଡେଃ ଏମାଃଏ, ଚିମିନ୍ଦକକେ ପାବିତାର ଆତ୍ମ ଆତଃ ଏଡକାନ୍ ଆତ୍ମକକେ ନେଲ୍ଲଭୁରମ୍ରେୟାଃ ପେଡେଃ ଏମାଃଏ, ଚିମିନ୍ଦକକେ ରାକାମ୍ ରାକାମ୍ ନାଞ୍ଜା ଜାଗାର୍ତେ ଜାଗାର୍ ନାଙ୍ଗ୍ ପେଡେଃ ଏମାଃଏ, ଆତଃ ଚିମିନ୍ଦକକେ ଏନ୍ ଜାଗାର୍ରେୟାଃ ମୁଣ୍ଡି କାଜି ନାଗେନ୍ଦ୍ରେ ପେଡେଃ ଏମାଃଏ । ୧୧ ମେନ୍ଦ୍ ନେ ସବେନାଃ ଏନ୍ ମିଆଁଦ୍ ଆତ୍ମଗି କାମି ରିକାଃଏ । ଇନିଃ ଆୟାଃ ମନେଲେକା ସବେନ୍ ହଡ୍ତକକେ ରାକାମ୍ ରାକାମ୍ ବାଚନ ଏମାକାଦ୍କଆଏ ।

ମିଆଁଦ୍ ହଡ୍ତମ୍ ମେନ୍ଦ୍ ପୁରାଃ ହିସା ମେନାଃ

୧୨ *ମିଆଁଦ୍ଗି ହଡ୍ତମ୍, ଆତଃ ଏନାରେ ପୁରାଃଗି ହିସା ମେନାଃ, ଆତଃ ହଡ୍ତମ୍ ରାକାମ୍ ରାକାମ୍ ହିସାରେ ବାଇୟାକାନରେୟା, ମିଆଁଦ୍ଗି ହଡ୍ତମ୍ ତାନାଃ, ଏନ୍ଲେକାଗି ଯାଶୁ ଖ୍ରୀଷ୍ଟ୍ ମିଆଁଦ୍ ହଡ୍ତମ୍ ଲେକାନିଃ ତାନିଃ । ୧୩ ଏନ୍ଲେକାଗି ଯିହୁଦୀ ହବାଅଃ ଚାଏ ସାର୍ତ୍ତସାର୍, ଦାସି ହବାଅଃ ଚାଏ ରାଡାକାନ୍ ହଡ୍ତ, ଆବୁ ସବେନ୍ଦକଦ୍ ମିଆଁଦ୍ ହଡ୍ତମ୍ ହବାଅଃ ନାଗେନ୍ଦ୍ରେ ମିଆଁଦ୍ ଆତ୍ମତେବୁ ବାପ୍ତିସ୍ମାକାନା, ଆତଃ ଏନ୍ ମିଆଁଦ୍ ହଡ୍ତମ୍ରେ ମେସାକାନାବୁ ଆତଃ ମିଆଁଦ୍ ଆତ୍ମତେ ନୁ ନାଗେନ୍ଦ୍ରେ ସବେନ୍ଦକକେ ଏମାକାନା ।

୧୪ ହଡ୍ତମ୍ ମିଆଁଦ୍ଗି ହିସାରେ କା ବାଇୟାକାନା, ମେନ୍ଦ୍ ପୁରାଃ ହିସାରେ ବାଇୟାକାନା । ୧୫ କାଟା, ଆଇଁୟା ତିଃଇ ନାହାଁଲାଇଁୟା ମେନ୍ଦ୍ରେ କାଜିକେଦ୍ ହରାତେ ଏନା ହଡ୍ତମ୍ରେୟା ହିସା ନାହାଁଲାଃ, ଏନ୍କାଦ୍ କା ହବାଅଃଆ । ନେଆଁରାଃ ମୁଣ୍ଡି ନାହାଁଲାଃ ଜେ, ଏନା ହଡ୍ତମ୍ରେୟାଃ ହିସାରେ ତାଇନ୍ କା ଦାଡ଼ିୟାଃଆ । ୧୬ ଆତଃ ଲୁଡୁର୍, ଆଇଁୟା ମେଦ୍ ନାହାଁଲାଇଁୟା ମେନ୍ଦ୍ରେ କାଜିକେଦ୍ ହରାତେ ଏନା ହଡ୍ତମ୍ରେୟା ହିସା ନାହାଁଲାଃ, ଏନ୍କାଦ୍ କା ହବାଅଃଆ । ନେଆଁରାଃ ମୁଣ୍ଡି ନାହାଁଲାଃ ଯେ, ଏନା ହଡ୍ତମ୍ରେୟାଃ ହିସାରେ ତାଇନ୍ କା ଦାଡ଼ିୟାଃଆ । ୧୭ ଗଟା ହଡ୍ତମ୍, ମେଦ୍ ହବାଅଃରେଦ୍, ଚିଲ୍ଲକାତେ ଆୟୁମ୍ ଦାଡ଼ିୟାଃଆ ? ଆତଃ ଗଟା ହଡ୍ତମ୍, ଲୁଡୁର୍ ହବାଅଃରେଦ୍ ଚିଲ୍ଲକାତେ ସୁଜୁଦ୍ ଦାଡ଼ିୟାଃଆ ? ୧୮ ପାରମେଶ୍ଵାର୍ ହଡ୍ତମ୍ରେୟା ସବେନ୍ ହିସାକେ ମିଆଁଦ୍ ମିଆଁଦ୍ତେ ଆୟାଃ ସାନାଙ୍ଗ୍ ଲେକା ହଡ୍ତମ୍ରେୟା ଖାଞ୍ଜାଅକାଦା । ୧୯ ଏନ୍ ସବେନାଃ ମିଆଁଦ୍ଗି ହିସା ହବାକାନ୍ତେୟାଃ ହଲେ, ଚିଲ୍ଲକାତେ ହଡ୍ତମ୍ ହବାସାକାଅଆ ? ୨୦ ଏନାତେ ହଡ୍ତମ୍ରେୟା ପୁରାଃ ହିସା ତାଇନ୍ରେୟା, ମିଆଁଦ୍ଗି ହଡ୍ତମ୍ ତାନାଃ ।

୨୧ ଏନାତେ, “ଆଇଁୟାକେ ଆମାଃ ଲାଗାତିଙ୍ଗ୍ ବାନଃଆ” ମେନ୍ଦ୍ରେ ମେଦ୍, ତିଃଇକେ କାଜି କାଏ ଦାଡ଼ିୟା, ଚାଏ ବହଃ, କାଟାକେ “ଆମାଃ ଦାରକାର୍ ବାନଃଆ” ମେନ୍ଦ୍ରେ କାଜି କାଏ ଦାଡ଼ିୟା । ୨୨ ମେନ୍ଦ୍ ହଡ୍ତମ୍ରେୟା ଅକନ୍ ହିସା ନାରାଦୁରା ମେନ୍ଦ୍ରେ ଆଟ୍ଟକାରଃତାନରେଦ୍, ଆବୁ ଜେଡ୍ନାଃ କାବୁ ରିକା ଦାଡ଼ିୟା । ୨୩ ଆତଃ ହଡ୍ତମ୍ରେୟାଃ ଅକନ୍ ହିସା ପୁରାଃଗି ଲାଗାତିଙ୍ଗ୍ତେୟାଃ ନାହାଁଲାଃ ମେନ୍ଦ୍ରେ ଆଟ୍ଟକାର୍ଲେରେ, ଆବୁ ଏନ୍ ହିସାକକେ ଜାତାନ୍ ରିକାଃବୁ । ଆତଃ ହଡ୍ତମ୍ରେୟାଃ ଦାନାଙ୍ଗକାନ୍ ହିସାକେ ପୁରାଃଗି ଜାଡ୍ନାଅ ରିକାଃବୁ । ୨୪ ହଡ୍ତମ୍ରେୟାଃ ସୁଗାଡାନ୍ ହିସା ନାଗେନ୍ଦ୍ରେ ଇମ୍ନାଙ୍ଗ୍ ଆବୁ କାବୁ ଉଡ୍ଗୁାଃ । ପାରମେଶ୍ଵାର୍ ଆଇଃକ୍ଗି ହଡ୍ତମ୍ରେୟାକେ ନେଲେକା ସାଜାଅକାଦାଏ ଯେ, ଅକନ୍ ହିସାକେ ଜାତାନ୍ ଇଦି ଲାଗାତିଙ୍ଗ୍ୟାଃ, ଏନା

* ୧୨:୪ ୧୨:୪ ରୋମି ୧୨:୬-୮. * ୧୨:୧୨ ୧୨:୧୨ ରୋମି ୧୨:୪,୫.

ପୁରାଣି ମାଈନଃ ଲେକାନାଃତାନାଃ । ୨୫ ଆତଃ ହୃଦଫରେ ଜେତାନ୍ ବିନ୍‌ଗାଥ କା ହବାଅଥା, ମେନ୍‌ଦ ହୃଦଫରେୟାଃ ମିମିଆଦ୍ ହିସା ମିଆଦ୍ ଆତଃମିଆଦ୍‌ରାଃ ଦେଈା ରିକାଃଏ । ୨୬ ହୃଦଫରେୟାଃ ମିଦ୍ ହିସା ହାସୁରେ, ଏଟାଃ ସବେନ୍ ହିସା ଏନ୍ ହାସୁକ ନାମେୟା । ମିଆଦ୍ ହିସା ମାନାରାଜ୍ ହବାଅଥରେ, ଏଟାଃ ସବେନ୍ ହିସା ଏନ୍ ରାସକାରେ ରାସକାଞ୍ଜାକ ।

୨୭ ଆପେ ଶ୍ରୀଷ୍ଟୁଆଃ ହୃଦଫ ତାନ୍‌ପେ । ଆପେ ସବେନ୍‌କ ଏନ୍ ହୃଦଫରେନ୍ ମିପିଆଦ୍ ହିସା ତାନ୍‌ପେ । ୨୮ *କାଲିସିୟାରେ ପାରମେଶ୍ୱାର୍ ସବେନାଃଏତେ ସିଦାରେ ପ୍ରେରିତକକେ, ଏନ୍ ତାୟମତେ ଆୟାରକାଜିକକେ, ଏନ୍ ତାୟମତେ ଇତୁକକେ, ଏନ୍ତେ ଆକ୍‌ଦାନ୍‌ଆ କାମିକକେ, ଦୁକୁ ବୁଗିତାନ୍‌କକେ, ଦେଈାତାନ୍‌କକେ, ଆକ୍‌ତେୟାର୍ ନାମାକାଦ୍‌କକେ, କା ସାରିକାଦ୍ ଏଟାଃ ଜାଗାର୍‌ତେ ଜାଗାର୍ ଦାଡ୍‌ତାନ୍ ହୃଦକକେ ଆତଃ ରାକାମ୍ ରାକାମ୍ ବାର୍‌ଦାନ୍ ନାମାକାଦ୍ ହୃଦକକେ ସାଲ୍ୟାକେଦ୍‌କଥା । ୨୯ ଇନ୍‌କୁ ସବେନ୍‌କ ପ୍ରେରିତ୍, ଆୟାରକାଜିକ, ଆତଃ ଇତୁତାନ୍‌କ ନାହାଁଲ୍ୟାକ । ଆକ୍‌ଦାନ୍‌ଆ କାମି ରିକାରେୟାଃ ପେଡେଃ ସବେନ୍‌କଆଃ ବାନଃଆ । ୩୦ ସବେନ୍‌କ ଦୁକୁ ବୁଗି କାକ ଦାଡ୍‌ତାୟା, କା ସାରିକାଦ୍ ଏଟାଃ ଜାଗାର୍‌ତେ କାକ ଜାଗାର୍ ଦାଡ୍‌ତାୟା, ଆତଃ କାଜିକାନ୍‌ତେୟାଃରାଃ ମୁଣ୍ଡି ଉଦୁବ୍ ନାଗେନ୍ତେ କାକ ଦାଡ୍‌ତାୟା । ତିଆଃତି ସବେନ୍‌କ ଏଟାଃ ଏଟାଃ ବାର୍‌ଦାନ୍ ନାମାକାଦାକ । ୩୧ ଆପେ ସବେନ୍‌କ ବୁଗିନ୍ ବାର୍‌ଦାନ୍ ନାମେ ନାଗେନ୍ତେ ଚେଷ୍ଟାଏପେ । ଆଇଜ୍ ଆପେକେ ନେଆଁଏତେ ପୁରାଃ ବୁଗିନ୍ ହରାଇଜ୍ ଉଦୁବାପେୟା ।

୧୩

ଦୁଲ୍ଲାଡ୍

୧ ଆଇଜ୍ ହୃଦକଆଃ ଆତଃ ଦୁଡ୍‌କଆଃ ଜାଗାର୍‌ତେ କାଜି ଦାଡ୍‌ତାୟାଇଜ୍, ମେନ୍‌ଦ ଆଇୟାଃ ଦୁଲ୍ଲାଡ୍ କା ତାଇନ୍‌ରେଦ, ଆଇଜ୍ ଠାନ୍ ଠାନ୍ ସାଡ୍‌ତି ଆୟୁମଃତାନ୍ ଘାଣ୍ଡି ଚାଏ ତଃଇତେ ଆପ୍‌ଡ୍‌ତାନ୍ ସାଡ୍‌ତି ଆୟୁମଃତାନ୍ ଲେକାନ୍‌ନିଃ ତାନିଜ୍ । ୨ *ଆତଃ ଆଇଜ୍‌କେ ପାରମେଶ୍ୱାର୍‌ଆଃ କାଜି କାଜିନାଜ୍ ପେଡେଃ ତାଇନ୍ ସାକାଅଥା, ସବେନ୍ ବିଷାଏରେ ସେଣାଁ ତାଇନ୍ ସାକାଅଥା, ସବେନ୍ ଉକ୍ତୁଆକାନ୍‌ତେୟାଃ ଆଟ୍‌କାର୍‌ଉରୁମ୍ ନାଗେନ୍ତେ ପେଡେଃ ତାଇନ୍ ସାକାଅଥା, ବିଶ୍ୱାସରାଃ ପେଡେଃତେ ବୁରୁକେ ନେତାଃଏତେ ହାନ୍ତାଃ ଇଦି ନାଗେନ୍ତେ ପେଡେଃ ତାଇନ୍ ସାକାଅଥା, ମେନ୍‌ଦ ଆଇୟାଃ ଦୁଲ୍ଲାଡ୍ ବାନଃରେଦ, ଆଇଜ୍ ଜେତାନିଃ ନାହାଁଲିଜ୍ । ୩ ଆଇଜ୍, ଆଇୟାଃ ସବେନାଃ ଏମ୍ ଦାଡ୍‌ତାୟାଇଜ୍ ଚାଏ ସେଜ୍‌ଲ୍‌ରେ ଆଇୟାଃ ହୃଦଫକେ ଜୁଲ୍ଲାଃ ନାଗେନ୍ତେ ଏମ୍ ଦାଡ୍‌ତାୟାଇଜ୍, ମେନ୍‌ଦ ଆଇୟାଃ ମନ୍‌ସୁରୁଦ୍‌ରେ ଦୁଲ୍ଲାଡ୍ ବାନଃରେଦ, ଏନ୍ ସବେନାଃ ଆଇୟାଃ ନାଗେନ୍ତେ ବୁଗିନାଃ କା ହବାଅଥା ।

୪ ଦୁଲ୍ଲାଡ୍ ହବାଅଥାନା, ଧିରାଜ୍ ଆତଃ ଲିବୁୟାନ୍ ଜୀଞ୍ଜାନ୍ । ଦୁଲ୍ଲାଡ୍, କାଏ ହିସକ୍ଷାଃ, କାଏ ହାଁକାରାଃ, ଆତଃ ଆପାନ୍‌କେ ମାରାଜ୍‌ୟେନ୍ କାଏ ସାନାଜ୍‌ଆଁଃ; ୫ ଦୁଲ୍ଲାଡ୍, କା ଲାଗାତିଜ୍ ଲେକା କାଏ ବେଭାରାଃ, ଆୟାଃ ନାଗେନ୍ତେ ଏସକାର୍ କାଏ ରିକାଃ, କାଏ ଖସ୍‌ଅଥା, ଏଡ୍‌କାନ୍‌ତେୟାଃ କାଏ ପାହାମାଃ; ୬ ଦୁଲ୍ଲାଡ୍, ଏଡ୍‌କାନ୍‌ତେୟାଃରେ କାଏ ସୁକୁଃଆ, ମେନ୍‌ଦ ସାନାର୍‌ତିରେ ସୁକୁଃଆ । ୭ ଦୁଲ୍ଲାଡ୍, ସବେନାଃଏ ସାହାତିଜ୍‌ୟେଥା, ସବେନାଃଏ ବିଶ୍ୱାସେଥା, ସବେନାଃଏ ଆସ୍ରାଏୟା, ଆତଃ ସବେନ୍ ବିଷାଏରେ ଧିରାଜ୍ ସାକ୍‌କେଦ୍‌ତେ ତାଇନାଃ ।

୮ ଦୁଲ୍ଲାଡ୍, ଜାନାଅ ଜାନାଅଗି ତାଇନଃଆ, ଆୟାରକାଜି ଉଦୁବ୍‌ତେୟାଃ ଜିୟନଃଆ, ଆକ୍‌ଦାନ୍‌ଆ କାଜିତେୟାଃ ଜିୟନଃଆ, ହୃଦକଆଃ ସେଣାଁ ମେନାଃରେଦ, ଏନା ଜିୟନଃଆ । ୯ ଚିୟାଃତି ଆବୁକେ ସେଣାଁରାଃ ବାର୍‌ଦାନ୍ ଏମାକାନ୍‌ତେୟାଃ ଆତଃ ପାରମେଶ୍ୱାର୍‌ତାଃଏତେ କାନାଜି ଉଦୁବ୍‌ତେୟାଃରାଃ ସେଣାଁ ପୁରା ନାହାଁଲ୍ୟାଃ, ୧୦ ମେନ୍‌ଦ ସବେନ୍ ବିଷାଏରେୟାଃ ପୁରାଅତେୟାଃ ହିଜୁଃରେ, ନେ କାଟିକାନ୍‌ତେୟାଃ ସବେନ୍ ଜିୟନଃଆ ।

୧୧ ଆଇଜ୍ ସିଟିଆ ଲେକାଇଜ୍ ତାଇକେନ୍ ଇମତା, ସିଟିଆ ଲେକାଇଜ୍ ଜାଗାର୍ ତାଇକେନା, ସିଟିଆ ଲେକାଇଜ୍ ପାହାମ୍ ତାଇକେନା, ସିଟିଆ ଲେକାଇଜ୍ ଉଡ୍‌ଷୁ ତାଇକେନା, ମେନ୍‌ଦ ସିଟିଆଏତେ ମାରାଜ୍ ହାରାୟାନ୍ତେ ଆତଃ ଆଇଜ୍ ସିଟିଆ ଲେକା କାଇଜ୍ କାଜିତାନା । ୧୨ ନାହାଁଃ ଆବୁ ଅକ୍‌ନାଃ ନେଲ୍‌ତାନ୍‌ତେୟାଃ, ଆଏନାରେ ନେଲେତାନ୍ ନାକାଲ୍ ଲେକାନାଃ ତାନାଃ । ମେନ୍‌ଦ ମୁସିଜ୍ ନେଡା ହିଜୁଃଆ, ଇମତା ଆବୁ ମିହୁଡ୍ ଆତଃମିହୁଡ୍‌କେ ନେପେଲ୍‌ତାନ୍ ଲେକାବୁ ନେପେଲ୍ୟା । ନାହାଁଃ ଆଇଜ୍ ଅକ୍‌ନାଃ ସାରିତାନାଇଜ୍, ଏନା ପୁରା କାଇଜ୍ ସାରିତାନା । ମେନ୍‌ଦ ପାରମେଶ୍ୱାର୍ ଆଇଜ୍‌କେ ପୁରା ସାରିକାଦିଜ୍ ଲେକା ହବାଅଥରେ ଆଇୟାଃ ସେଣାଁହ୍ ପୁରାଅଥା ।

୧୩ ବିଶ୍ୱାସ, ଆସ୍ରା, ଆତଃ ଦୁଲ୍ଲାଡ୍, ନେ ଆପିୟା ତାଇନଃଆ । ମେନ୍‌ଦ ନେ ଆପିୟାଏତେ ଦୁଲ୍ଲାଡ୍ ମାରାଜ୍‌ତାନାଃ ।

* ୧୨:୨୮ ୧୨:୨୮ ଏଡିସିୟ ୪:୧୧. * ୧୩:୨ ୧୩:୨ ମାଥୁଇ ୧୭:୨୦; ୨୧:୨୧; ମାର୍କ ୧୧:୨୩.

୧୪

ଆତ୍ମତାତ୍ପର୍ଯ୍ୟରେ ବାଚନାଦି ବିଷୟରେ ପୁରାଣ କାଳି

୧ ଏନାତେ ଆପେ ଦୁଲ୍ଲଭ ନାଗେନ୍ଦ୍ରେ ତିହୁଚେନ୍ଦ୍ରେ । ଏଟାଃ ଏଟାଃ ଆତ୍ମାରେୟାଃ ବାଚନାଦିକେ ନାମେ ନାଗେନ୍ଦ୍ରେ, ବିଶେଷକେଦତେ ପାରମେଶ୍ଵାର୍ଥାଃ କାନାଜି ଉଦୁବ୍ ନାଗେନ୍ଦ୍ରେ, ଆପେୟାଃ ମନ୍ସୁରୁଦତେ ରିକା ନାଜ୍ଞ ସାନାଜ୍ଞପେ । ୨ ଚିୟାଃତି ଜେତାଏ କା ସାରି ଜାଗାର୍ତ୍ତେ ଜାଗାର୍ତ୍ତାନନିଃ, ହୃଦ୍ଭଲଃ କାଏ ଜାଗାରାଃ ମେନ୍ଦ୍ ପାରମେଶ୍ଵାର୍ତ୍ତଲଃ ଜାଗାରାଃଏ, ଏନାତେ ଜେତାଏ କାକ ବୁଝାଅଃଆ । ଏନ୍ ଆତ୍ମାରାଃ ପେତେଃତେ ଉକ୍ତୁଆକାନ ସାର୍ତ୍ତି ବିଷାଏକ ଜାଗାର୍ତ୍ତାନା । ୩ ମେନ୍ଦ୍ ଜେତାଏ ପାରମେଶ୍ଵାର୍ତ୍ତାଃ କାନାଜି କାଜିତାନନିଃ ହୃଦ୍ଭକଆଃ ବିଶ୍ଵାସକେ କେଟେଜେ ନାଜ୍ଞ କାଜିୟାଃଏ ଆତଃ ଇନ୍ଦ୍ରେକେ ଦେଜ୍ଞା, ରାସ୍ଵକା, ଆତଃ ଜୀଉରାତେଃ ଏମାକଆଏ । ୪ ଜେତାଏ କା ସାରି ଜାଗାର୍ତ୍ତେ ଜାଗାର୍ତ୍ତନିଃ, ଆୟାଃ ନାଗେନ୍ଦ୍ରେ ଏସ୍ଵକାର୍ କାଜିୟାଃଏ, ମେନ୍ଦ୍ ଜେତାଏ ପାରମେଶ୍ଵାର୍ତ୍ତାଃ କାନାଜି ଉଦୁବ୍ନିଃ, ସବେନ୍ କାଲିସିୟାକେ ଦେଜ୍ଞାଃଏ ।

୫ ଆପେ ସବେନ୍ଦ୍ କା ସାରି ଜାଗାର୍ତ୍ତେ ଜାଗାର୍ତ୍ତେ, ଆଇଜ୍ଞ ରାସ୍ଵକାଅଃଇଜ୍ଞ, ମେନ୍ଦ୍ ଆପେ ସବେନ୍ଦ୍ ପାରମେଶ୍ଵାର୍ତ୍ତାଃ କାନାଜି ଉଦୁବେପେ, ମେନ୍ଦ୍ ଆଇୟାଃ ପୁରାଃ ସାନାଜ୍ଞ ତାନାଃ । ଜେତାଏ କା ସାରି ଜାଗାର୍ତ୍ତେ ଜାଗାର୍ତ୍ତେନିଃ, କାଲିସିୟାରାଃ ବୁଗିନାଃ ନାଗେନ୍ଦ୍ରେ କା ସାରି ଜାଗାର୍ତ୍ତରେୟାଃ ମୁଣ୍ଡି ଉଦୁବେରେଦ୍ ବୁଗିନାଃ ହବାଅଃତେୟାଃ, କା'ରେଦ୍ କା ସାରି ଜାଗାର୍ କାଜିଏତେ ପାରମେଶ୍ଵାର୍ତ୍ତାଃ କାନାଜି ଉଦୁବ୍ତେୟାଃ ସବେନାଃଏତେ ବୁଗିନାଃ ତାନାଃ । ୬ ହେ ହାଗା ମିଶିକ, ଆଇଜ୍ଞ ଆପେତାଃତେ ହିନ୍ଦୁଃକେଦତେ ପାରମେଶ୍ଵାର୍ତ୍ତାଃଏତେ ଜେତାନ୍ ଉନ୍ନୁଦୁବ୍ କାଜି, ସେଣ୍ଡାନ୍ କାଜି, ଆୟାର୍କାଜି, ଆତଃ ଇନ୍ଦ୍ରେ କାଜି କା ଉଦୁବ୍କେଦତେ କା ସାରି ଜାଗାର୍ତ୍ତେଇଜ୍ଞ କାଜିୟା, ଆତଃ ଆପେ କାପେ ବୁଝାଅଃରେଦ୍ ଆପେୟାଃ ଚିୟାଃ ବୁଗିନାଃ ହବାଅଃଆ ?

୭ ମୁରଲି ଚାଏ ବାନାମ୍ ଲେକାନ ଜୀଉ ବାନଃ ସାଡ୍ଡିତେୟାଃରେ ବୁଗିନ୍ ଲାବ୍ଜା କା ଅତ୍ତ୍ଵାଃରେଦ୍, ଏନାରେ ଚିନାଃ ସାଡ୍ଡିତାନା ଏନା ଜେତାଏ କାକ ସାରି ଦାଡ୍ଡିୟା ? ୮ ବିଜ୍ଞୁଲ୍ ସାଡ୍ଡିରେୟାଃ ଲାବ୍ଜା ବୁଗିଲେକା କା ଆୟୁମଃରେଦ୍, ଲାଡ୍ଡାଈ ନାଗେନ୍ଦ୍ରେ ଅକଏତାମ୍ ଜାଲ୍ଲଦି ସେକାଡ୍ଡାବେନାଏ ? ୯ ଏନ୍ଲେକାଗି, କା ସାରି ଜାଗାର୍ତ୍ତେ କାଜିରେ, ଅକଏ ବୁଝାଅଃଆଏ ? ନେଆଁ ହୟକେ କାଜିତାନ୍ଲେକା ହବାଅଃଆ । ୧୦ ଅତେଦିଶ୍ଵମ୍ରେ ପୁରାଃଗି ଜାଗାର୍ ମେନାଃ, ମେନ୍ଦ୍ ଏନ୍ ସବେନ୍ ଜାଗାର୍ତ୍ତରେୟାଃ ମୁଣ୍ଡି ମେନାଃ । ୧୧ ଆଇୟାଃଲଃ ଜାଗାର୍ତ୍ତାନ ହୃଦ୍ଭରାଃ ଜାଗାର୍ ଆଇଜ୍ଞ କାଜ୍ଞ ସାରିରେଦ୍, ଏନ୍ ହୃଦ୍ ଆଇୟାଃତାଃରେ ଏଟାଃ ଦିଶ୍ଵମ୍ରେନ୍ ହୃଦ୍ ଲେକାନନିଃ ତାନିଃ । ଆଇଜ୍ଞ ହ୍ ଆୟାଃତାଃରେ ଏଟାଃ ଦିଶ୍ଵମ୍ରେନ୍ ହୃଦ୍ ଲେକାଜ୍ଞ ହବାଅଃଆ । ୧୨ ଆପେୟ ପାବିତାର୍ ଆତ୍ମାରେୟାଃ ବାଚନାଦି ନାମେ ନାଗେନ୍ଦ୍ରେ ପୁରାଃଗିପେ ସାନାଜ୍ଞତାନ୍ ହରାତେ, ଅକ୍ନାଃରେ କାଲିସିୟାରାଃ ବୁଗିନାଃ ହବା ଦାଡ୍ଡିୟାଆ, ଏନ୍ ସବେନାଃ ପୁରାଃଗି ନାମେ ନାଗେନ୍ଦ୍ରେ ପୁରାଃଗି ଚେଷ୍ଟାଏପେ ।

୧୩ ଜେତାଏ କା ସାରି ଜାଗାର୍ତ୍ତେ ଜାଗାର୍ତ୍ତାନରେଦ୍, ଇନିଃ ଏନ୍ କା ସାରି ଜାଗାର୍ତ୍ତେ କାଜିକାଦତେୟାଃରାଃ ମୁଣ୍ଡି ଉଦୁବ୍ ନାଜ୍ଞ ବାଚନାଦି ନାମେ ନାଗେନ୍ଦ୍ରେ ଇନିଃକେ ବିନ୍ଦି ଲାଗାତିଜ୍ଞୟାଃ । ୧୪ ଚିୟାଃତି ଆଇଜ୍ଞ କା ସାରି ଜାଗାର୍ତ୍ତେଇଜ୍ଞ ବିନ୍ଦିରେଦ୍, ଏନା ଆଇୟାଃ ଆତ୍ମା ବିନ୍ଦିୟାଏ, ମେନ୍ଦ୍ ଆଇୟାଃ ମନ୍ଦ୍ ଜେତ୍ତନାଃ କାଏ ସାରିୟା । ୧୫ ଏନାରେ ଆଇଜ୍ଞ ଚିନାଃଇଜ୍ଞ ଚିକାୟା ? ଆଇଜ୍ଞ ଆତ୍ମାତେଇଜ୍ଞ ବିନ୍ଦିୟା, ଏନାଲଃ ଆଇୟାଃ ମନ୍ଦ୍ତେହ୍ ବିନ୍ଦିୟା, ଆଇଜ୍ଞ ଆତ୍ମାତେଇଜ୍ଞ ଦୁରାଜ୍ଞେଆ, ଏନାଲଃ ମନ୍ଦ୍ତେହ୍ ଦୁରାଜ୍ଞେଆ । ୧୬ ଆପେ ପାରମେଶ୍ଵାର୍ତ୍ତକେ ଆତ୍ମାତେ ଏସ୍ଵକାର୍ ଧାନ୍ୟାବାଦ୍ ଏମାଇ ଇମ୍ତା, ଏନ୍ତାଃରେ ତାଇକାନ ହୃଦ୍ ଆପେୟାଃ କାଜି ବେଗାର୍ ବୁଝାଅତେ ଚିଲ୍କାତେ ଆପେଲଃ ଆମେନ୍ ମେନ୍ଦ୍ କାଜିୟା ? ୧୭ ଆପେ ପୁରାଃ ସାର୍ତ୍ତିତେ ପାରମେଶ୍ଵାର୍ତ୍ତକେ ଧାନ୍ୟାବାଦ୍ପେ ଏମାକାୟା, ଏନା ସାର୍ତ୍ତିତାନାଃ, ମେନ୍ଦ୍ ଏଟାଃ ହୃଦ୍ ଜେତାଲେକାତେ ଆଗିଷ୍ଟ୍ କାଏ ନାମେୟା ।

୧୮ ଆଇଜ୍ଞ ଆପେ ସବେନ୍ଦ୍ଏତେ ପୁରାଃଗି କା ସାରି ଜାଗାର୍ତ୍ତେଇଜ୍ଞ ଜାଗାର୍ ଦାଡ୍ଡିୟା ମେନ୍ଦ୍ ପାରମେଶ୍ଵାର୍ତ୍ତକେ ଧାନ୍ୟାବାଦ୍ ଏମାଇତାନାଇଜ୍ଞ । ୧୯ ମେନ୍ଦ୍ ଆଇଜ୍ଞ ଏଟାଃକକେହ୍ ଇତ୍ତୁ ଦାଡ୍ଡିକାଜ୍ଞ ମେନ୍ଦ୍ କାଲିସିୟାରେ କା ସାରି ଜାଗାର୍ତ୍ତେ ହାଜାର୍ ହାଜାର୍ କାଜି କା କାଜିକେଦତେ, ସବେନ୍ଦ୍ ସାରିଲେକା ମଣେୟା କାଜି କାଜିତେୟାଃ ପୁରାଃ ବୁଗିନାଃ ମେନ୍ଦ୍ରେଇଜ୍ଞ ଆବ୍କାର୍କେଦା ।

୨୦ ହେ ହାଗାକ, ଆପେୟାଃ ଉଡ୍ଡୁରେ ସିଟିଆ ଲେକା ଆଲ୍ପେ ହବାଅଃକା, ମେନ୍ଦ୍ ଏଡ୍କାନ ବିଷାଏରେ ସିଟିଆ ଲେକା ହବାଅଃପେ, ଆତଃ ସେଣ୍ଡାନ୍ରେ ଆପେ ପୁରା ହାରା ସେକାଡ୍ଡାକାନ ହୃଦ୍ ଲେକା ହବାଅଃ ଲାଗାତିଜ୍ଞୟାଃ । ୨୧ ଧାରାମ୍ପୁଅରେୟାଃ ଆନ୍ତୁରେ ନେଆଁ ଅଲ୍ଲାନା, “ପ୍ରାଭୁ କାଜିତାନାଏ, କା ସାରି ଜାଗାର୍ତ୍ତେ କାଜିତାନ୍ ଏଟାଃ ଦିଶ୍ଵମ୍ରେନ୍ଦ୍କଆଃ ମଚାତେ,

ଆଇଙ୍ଗ ଆଇଁୟାଃ ହଡକକେଇଙ୍ଗ କାଜିକରେୟ,
ଇନ୍କୁ ଆଇଁୟାଃ କାଜି କାକ ଆୟୁମେୟା ।”

୨୨ ଏନାତେ କା ସାରି ଜାଗାରତେ ଜାଗାରତେୟାଃ ବିଶ୍ୱାସୀ ହଡକଆଃ ନାଗେନ୍ତେ ଜେତାନ୍ ଚିହ୍ନାଁ ନାହାଁଲାଃ, ମେନ୍ଦ କା ବିଶ୍ୱାସତାନ୍କଆଃ ନାଗେନ୍ତେ ଏସକାର୍ ଚିହ୍ନାଁ ଲେକାନାଃ ତାନାଃ । ଏଟାଃ ହରା ନେଲେରେ, ପାରମେଶ୍ୱାରଆଃ କାଜି ଉଦୁବରେୟାଃ ବାରଦାନ୍ କା ବିଶ୍ୱାସତାନ୍କଆଃ ନାଗେନ୍ତେ ନାହାଁଲାଃ, ମେନ୍ଦ ବିଶ୍ୱାସୀକଆଃ ନାଗେନ୍ତେ କା ସାରି ଜାଗାର୍ ଚିହ୍ନାଁ ଲେକାନାଃ ତାନାଃ ।

୨୩ କାଲିସିୟାରେ ହୁଣ୍ଡିକେଦତେ ସବେନ୍ଦକ କା ସାରି ଜାଗାରତେ ଜାଗାର୍ ଏଟେଦଲେରେ, ଏନ୍ତାଃତେ ହିନ୍ଦୁଃକାନ୍ ଦେହାତି ହଡକ ଚାଏ କା ବିଶ୍ୱାସତାନ୍ ହଡକ, କାଲିସିୟାରେନ୍ ସବେନ୍ ହଡକକେ ବାଏହା ମେନ୍ତେ କାକଟି କାଜିକଆ ? ୨୪ ମେନ୍ଦ ଇନ୍କୁ ପାରମେଶ୍ୱାରଆଃ କାନାଜିକେ ଉଦୁବତାନ୍ରେଦ, ଆତଃ ଜେତାଏ ହଡ ଚାଏ କା ବିଶ୍ୱାସତାନ୍ ହଡ ହିନ୍ଦୁଃରେଦ, ଇନିଃ ସବେନ୍କଆଃତେ ଚିଟାକାନା ମେନ୍ତେ ଆଟକାରଥା ଆତଃ ସବେନ୍କଆଃତେ ବିଚାରଥା । ୨୫ ଇନିୟାଃ ମନ୍ସୁରୁଦରେ ଉକୁଆକାନ୍ତେୟାଃ ସବେନାଃ ଉଦୁବଥା । ଏନ୍ତେ ଇନିଃ ମେଦ୍ ମୁହାଡ୍ ଲାତାରକେଦତେ ଉୟୁଗଥା ଆତଃ ପାରମେଶ୍ୱାରକେ ଜହାରତାନ୍ଲଃ କାଜିୟାଏ, “ସାର୍ତ୍ତିଗି ଆପେୟାଃ ଆଲାରେ ପାରମେଶ୍ୱାର୍ ମେନାଇୟା ।”

କାଲିସିୟାରେ ବେଗାର୍ ହାଲାଗୁଲା

୨୬ ହେ ହାଗା ମିଶିକ, ଆଇଙ୍ଗ ଆପେକେ କାଜିରେୟାଃ ମୁଣ୍ଡି ନେୟାତାନାଃ, ସେଝାକାମି ନାଗେନ୍ତେ ହୁଣ୍ଡିନ୍ ଇମତା ଜେତାଏ ମିହୁଡ୍ ଦୁରାଙ୍ଗେକାଏ, ଆତଃମିହୁଡ୍ ଇତୁଇକାଏ, ଆତଃମିହୁଡ୍ ପାରମେଶ୍ୱାରଆଃ ଉଦୁବ୍ ଉଦୁବେକାଏ, ଆତଃମିହୁଡ୍ କା ସାରି ଜାଗାରତେ କାଜିକା, ଆତଃମିହୁଡ୍ କା ସାରି ଜାଗାରରେୟାଃ ମୁଣ୍ଡି କାଜିକାଏ, ନେ ସବେନାଃ କାଲିସିୟାରାଃ ଦେଙ୍ଗା ନାଗେନ୍ତେ ହବାଅଃ ଲାଗାତିଙ୍ଗୟାଃ । ୨୭ ଜେତାଏ କା ସାରି ଜାଗାରତେ କାଜିରେଦ, ବାରହଡ୍ ଚାଏ ଏନାଏତେ ଥୁମ୍ବା ହଡ୍ ହବାଅଃରେ, ଆପିହଡ୍, ମିହୁଡ୍ ମିହୁଡ୍ତେ କାଜିକାକ ଏନ୍ତେ ଆତଃମିହୁଡ୍ ଏନାରେୟାଃ ମୁଣ୍ଡି କାଜିକାଏ । ୨୮ ଏନାରେୟାଃ ମୁଣ୍ଡି କାଜି ହଡ କାକ ତାଇନ୍ରେଦ, ଇନିଃ କାଲିସିୟାରେ ହାପାକାନ୍ଗି ତାଇନ୍କାଏ ଆତଃ ଆଇଃକ୍ଗି ପାରମେଶ୍ୱାରକେ କାଜିକା । ୨୯ ଆତଃ ବାରହଡ୍ ଚାଏ ଆପିହଡ୍ ପାରମେଶ୍ୱାରଆଃ କାଜି ଉଦୁବେକାକ, ଇନ୍କୁ କାଜିତାନ୍ତେୟାଃ ଏଟାଃକ ବିଚାରେକାକ । ୩୦ ମେନ୍ଦ ସେଝାକାମିରେ ଦୁବାକାନ୍କଏତେ ଜେତାଏ ପାରମେଶ୍ୱାରତାଏତେ ଜେତାନ୍ କାଜି ଆୟୁମ୍ଲେରେ, ସିଦାରେନ୍ ହଡ ଆୟାଃ ଉଦୁବତାନ୍ କାଜିକେ ହକାଏକା । ୩୧ ସବେନ୍କଆଃ ଇନିତୁ ଆତଃ ଜୀଉରେ ରାସକା ନାମ୍ ନାଗେନ୍ତେ ସବେନ୍କ ମିହୁଡ୍ ମିହୁଡ୍ତେ ପାରମେଶ୍ୱାରଆଃ କାନାଜି ଉଦୁବେପେ । ୩୨ ପାରମେଶ୍ୱାରଆଃ କାନାଜି ଉଦୁବରେୟାଃ ବାରଦାନ୍ ନାମାକାଦ୍ ନାବୀକଆଃ ଆମ୍ବା ନାବୀକଆଃ ଆବରରେ ତାଇନ୍ ଲାଗାତିଙ୍ଗୟାଃ । ୩୩ ଚିୟାଃତି ପାରମେଶ୍ୱାର୍ ହାଲାଗୁଲା କାଏ ସାନାଙ୍ଗଆଃ, ମେନ୍ଦ ଜୀଉୟୁକୁତେୟାଃ ସାନାଙ୍ଗଆଃଏ ।

ପାରମେଶ୍ୱାରଆଃ ସବେନ୍ କାଲିସିୟାରେନ୍ ହଡକ ଲେକା, ୩୪ ଆପେୟାଃ କାଲିସିୟାରେୟାଃ ଦୁନ୍ଦୁବକରେ କୁଡିକ ହାପାକାନ୍ଗି ତାଇନ୍ ଲାଗାତିଙ୍ଗୟାଃ । ଇନ୍କୁକେ ଏନ୍ତାଃରେ କାଜି ନାଗେନ୍ତେ କା ଆଚୁକାନା । ମେନ୍ଦ ଯିହୁଦୀକଆଃ ଆନ୍ତୁ ଲେକାତେ ଇନ୍କୁ ଆପାନ୍କେ ଆବରକେଦତେ ତାଇନ୍ ଲାଗାତିଙ୍ଗୟାଃ । ୩୫ ଇନ୍କୁ ଜେତନାଃ ସାରି ନାଗେନ୍ତେକ ସାନାଙ୍ଗରେଦ, ଅଡ଼ାଃରେ ଆପ୍ତନାଃ କଡ଼ାକକେ କୁଲିକକାକ, ଚିୟାଃତି କାଲିସିୟାରେୟାଃ ଦୁନ୍ଦୁବରେ କୁଡିକ ଜାଗାରତେୟାଃ ଚିହୁଃରାଃ କାଜିତାନା ।

୩୬ ପାରମେଶ୍ୱାରଆଃ ବାଚାନ୍ ଚିନାଃ ଆପେତାଃଏତେ ହିନ୍ଦୁଆକାନ୍ ତାଇକେନା ? ଚାଏ ଆପେତାଃତେ ଏସକାର୍ ହିନ୍ଦୁଆକାନ୍ ତାଇକେନା ? ୩୭ ଆପେକଏତେ ଜେତାଏ ମିହୁଡ୍, ଆଇଙ୍ଗ ଆୟାରକାଜିନିଃ ଚାଏ ଆମ୍ବରେୟାଃ ବାରଦାନ୍ ନାମକାଦ୍ନିଃ ତାନିଙ୍ଗ୍ ମେନ୍ତେ କାଜିରେଦ, ଇନିଃ ସାରିକାଏ ଯେ, ନେତାଃରେ ଆଇଙ୍ଗ ଅଲ୍ଲକାଦ୍ତେୟାଃ, ପ୍ରାଭୁଆଃ ଆନାଚୁତାନାଃ । ୩୮ ମେନ୍ଦ ଇନିଃ ନେ କାଜିକକେ କା ସାରିଲେକା ମେନାଇରେଦ, ଇନିଃ ଆଇଃକ୍ଗି କା ସାରିଲେକାଏ ହବାଅଥା ।

୩୯ ଏନାତେ ହେ ହାଗା ମିଶିକ, ପାରମେଶ୍ୱାରଆଃ କାନାଜି ଉଦୁବ୍ ନାଗେନ୍ତେ ପୁରାଃଗି ରାସକାଅପେ, ଆତଃ କା ସାରି ଜାଗାରତେ କାଜିତାନ୍କକେ ଆଲ୍ପେ ମାନାକଆ । ୪୦ ସବେନ୍ କାଜି ବୁଗିଲେକାତେ ଆତଃ ବେଗାର୍ ହାଲାଗୁଲାତେ କାମି ରିକା ଲାଗାତିଙ୍ଗୟାଃ ।

୧୫

ୟାଗୁ ଖ୍ରୀଷ୍ଟଆଃ ଜୀଉବିନିରିଦ୍

୧ ହେ ହାଗା ମିଶିକ, ଆଇଙ୍ଗ ଆପେତାଃରେ ଉଦୁବକାଦ୍ ସୁକୁକାଜିକେ ନାମାକାଦାପେ ଆତଃ ଏନାରେ ଆପେୟାଃ ବିଶ୍ୱାସ୍ ତିଙ୍ଗୁକେଟେଦକାନା । ଆଇଙ୍ଗ ଆପେକେ ଏନ୍ ବିଷାଏ ପାହାମ୍ଲଟି ନାଗେନ୍ତେଇଙ୍ଗ୍ ସାନାଙ୍ଗତାନା । ୨ ଆଇଙ୍ଗ ଆପେତାଃରେ ଉଦୁବକାଦ୍ ବୁଗିନ୍ କାଜିଗି ସୁକୁକାଜି ତାନାଃ । ଆପେ ଏନ୍

ସୁକୁକାଜିରେୟାଃ କାଜିରେ ପୁରାଃ ପକ୍ତାକେଦ୍‌ତେପେ ବିଶ୍ୱାସେରେଦ, ଜୀଉବାଞ୍ଚାଅପେ ନାମେୟା । କା'ରେଦ, ଆପେୟାଃ ବିଶ୍ୱାସ୍‌ ସାମାତାନାଃ ।

୩ ଆଇଙ୍ଗ ନାମାକାଦ୍‌ ଇନିତୁ ଆପେକେଇଙ୍ଗ ଉଦୁବ୍‌ପେତାନ୍‌ତେୟାଃ ପୁରାଃ ବୁଗିନାଃ ତାନାଃ । ଏନା ହବାଅଃତାନା, ଧାରାମ୍‌ପୁଅରେ ଅଲ୍‌କାନ୍‌ ଲେକା, ଶ୍ରୀଷ୍ଟ ଆରୁଆଃ ପାପ୍‌ ନାଗେନ୍ତେ ଗଏଃୟାନା, ୪ ଧାରାମ୍‌ପୁଅରେ ଅଲ୍‌କାନ୍‌ ଲେକା, ତପାଗାଡ଼ାରେ ତପାୟାନା ଆତଃ ଆପି ମାହାଁରେ ଜୀଉବିରିଦ୍‌ୟାନା । ୫ ଇନିଃ ପାଡ଼ରାସ୍‌ ଆତଃ ଆୟାଃ ସବେନ୍‌ ଗେଲ୍‌ବାର୍‌ ଚେଲ୍‌କତାଃରେ ତାୟମ୍‌ତେ ଉଦୁବେନ୍‌ୟାନା । ୬ ଏନ୍ତେ ଇନିଃ ଆଇଃକକେ ଅତଙ୍ଗ୍‌ଇତାନ୍‌ ୫୦୦ ହେତେ ଆଦ୍‌କା ହାଗା ମିଶିକତାଃରେ ମିସାତେ ଉଦୁବେନ୍‌ୟାନା । ଇନ୍‌କୁଏତେ ଚିମିନ୍‌ ହଡକ ଗଏଃୟାନା, ମେନ୍‌ଦ ଚିମିନ୍‌ ହଡକ ନାହାଁଃ ଜାକେଦ୍‌ ମେନାକଥା । ୭ ଏନ୍ତେ ଇନିଃ ତାୟମ୍‌ତେ ଯାକୁବ୍‌ ଆତଃ ସବେନ୍‌ ପ୍ରେରିଡକତାଃରେ ଉଦୁବେନ୍‌ୟାନା ।

୮ ଆଇଙ୍ଗ୍‌ କା ହୁୟଃ ନେତାରେ ଜାନାମ୍‌କାନ୍‌ରେୟ, ଚୁଣ୍ଡୁରେ ଇନିଃ ଆଇଁୟାଃତାଃରେ ଉଦ୍‌ବେନ୍‌ୟାନା । ୯ ଆଇଙ୍ଗ୍‌ ପାର୍‌ମେଶ୍ୱାର୍‌ଆଃ କାଲିସିୟାକେ ସିଗିଦ୍‌କାଦ୍‌ ହରାତେ, ଆଇଙ୍ଗ୍‌ ପ୍ରେରିଡ ମେନ୍ତେ ନୁତୁମଃ ଲେକାନ୍‌ନିଃ ନାହାଁଲିଙ୍ଗ୍‌ । ୧୦ ମେନ୍‌ଦ ଆଇଙ୍ଗ୍‌ ନାହାଁଃ ପାର୍‌ମେଶ୍ୱାର୍‌ଆଃ ସାୟାଦ୍‌ ହରାତେ ପ୍ରେରିଡ ମେନ୍ତେଇଙ୍ଗ୍‌ ନୁତୁମାକାନା, ଆତଃ ଇନିଃ ଆଇଙ୍ଗ୍‌କେ ଏମାକାଦିଙ୍ଗ୍‌ ସାୟାଦ୍‌ କା ସାମାଏଶ୍ୱାଃକାନା । ମେନ୍‌ଦ ଆଇଙ୍ଗ୍‌ ଏଟାଃ ସବେନ୍‌ ପ୍ରେରିଡକତାଃଏତେ ପୁରାଃଗି କେଟେଦ୍‌ କାମିଇଙ୍ଗ୍‌ କାମିକାଦ୍‌ରେୟ, ଏନା ଆଇଁୟାଃ ଆପାନାଃ କେଟେଦ୍‌ କାମି ଏସ୍‌କାର୍‌ ନାହାଁଲ୍‌ୟା, ମେନ୍‌ଦ ପାର୍‌ମେଶ୍ୱାର୍‌ଆଃ ସାୟାଦ୍‌ହ୍ ଆଇଁୟାଃଲଃ ମେସାକାନା । ୧୧ ଏନାତେ, ଆଇଙ୍ଗ୍‌ ହବାଅଃ ଚାଏ ଇନ୍‌କୁ, ଆଲେ ସବେନ୍‌କ ଏନ୍‌ ମିଆଁଦ୍‌ଗି କାଜିଲେ ଉଦୁବ୍‌ତାନା ଆତଃ ଆପେ ଏନାରେ ବିଶ୍ୱାସ୍‌ତାନାପେ ।

ଆରୁଆଃ ଜୀଉବିରିଦ୍‌

୧୨ ଶ୍ରୀଷ୍ଟ ଗନଏଃହେତେ ଜୀଉବିରିଦ୍‌କାନାଏ, ନେଆଁଗି ଆଲେ ଉଦୁବେତାନ୍‌ କାଜି ତାନାଃ । ଏନ୍‌ରେୟ ଆପେକଏତେ ଚିମିନ୍‌ ହଡକ ଗନଏଃହେତେ ଜୀଉବିରିଦ୍‌ତେୟାଃ ବାନଃଆ ମେନ୍ତେ ଚିଲ୍‌କାପେ କାଜିତାନା ? ୧୩ ଗନଏଃ ହଡକଆଃ ଜୀଉବିରିଦ୍‌ ବାନଃରେଦ, ଶ୍ରୀଷ୍ଟ୍‌ ଜୀଉ କାଏ ବିରିଦ୍‌କାନା; ୧୪ ଆତଃ ଶ୍ରୀଷ୍ଟ୍‌ଆଃ ଜୀଉବିରିଦ୍‌ କା ହବାକାନ୍‌ରେଦ, ଆଲେୟାଃ ଉନ୍‌ଦୁବ୍‌ ସାମାତାନା ଆତଃ ଆପେୟାଃ ବିଶ୍ୱାସ୍‌ହ୍ ସାମାତାନା । ୧୫ ଏନାତେ ଆରୁ ପାର୍‌ମେଶ୍ୱାର୍‌ଆଃ ବିଷାଏରେ ହସଡ ଗାଞ୍ଜା ଏମ୍‌ତାନ୍‌ ଲେକାବୁ ହବାଅଃଆ, ଚିୟାଃଚି ପାର୍‌ମେଶ୍ୱାର୍‌ ଶ୍ରୀଷ୍ଟ୍‌କେ ଗନଏଃହେତେ ଜୀଉବିରିଦ୍‌କିୟାଏ ମେନ୍ତେ ଗାଞ୍ଜାବୁ ଏମ୍‌ତାନା । ଗନଏଃ ହଡକଆଃ ସାର୍‌ତିଗି ଜୀଉବିରିଦ୍‌ ବାନଃରେଦ, ଶ୍ରୀଷ୍ଟ୍‌କେ ପାର୍‌ମେଶ୍ୱାର୍‌ ଗନଏଃହେତେ କାଏ ବିରିଦ୍‌ । ୧୬ ଆତଃ ଗନଏଃ ହଡକ କାକ ଜୀଉବିରିଦ୍‌ଃରେଦ, ଶ୍ରୀଷ୍ଟ୍‌ହ୍ କାଏ ଜୀଉବିରିଦ୍‌ । ୧୭ ଆତଃ ଶ୍ରୀଷ୍ଟ୍‌ ଗନଏଃହେତେ କାଏ ଜୀଉବିରିଦ୍‌କାନ୍‌ରେଦ, ଆପେୟାଃ ବିଶ୍ୱାସ୍‌ ସାମା ତାନାଃ ଆତଃ ଆପେ ନାହାଁଃ ଜାକେଦ୍‌ ଆପେୟାଃ ପାପ୍‌ରେ ମେନାପେୟା । ୧୮ ଏନ୍‌ରେଦ, ଗଜାକାନ୍‌ ଶ୍ରୀଷ୍ଟ୍‌ ବିଶ୍ୱାସାକହ୍ ଜିୟନ୍‌କାନାକ । ୧୯ ଶ୍ରୀଷ୍ଟ୍‌ରେ ଆରୁଆଃ ଆସ୍ତା ନେ ଜୀଦାନ୍‌ ନାଗେନ୍ତେ ଏସ୍‌କାର୍‌ ତାନାଃରେଦ, ଏଟାଃ ସବେନ୍‌କତାଃଏତେ ଆରୁଆଃ ଦାସା ପୁରାଃ ନାରାଦୁରା ହବାଅଃଆ ।

୨୦ ମେନ୍‌ଦ ସାର୍‌ତିଗି ଶ୍ରୀଷ୍ଟ୍‌ ଗଜାକାନ୍‌ ହଡକଆଃ ଜୀଉବିରିଦ୍‌କେ ସାର୍‌ତି ତାନାଃ ମେନ୍ତେ ଉଦୁବ୍‌ ନାଙ୍ଗ୍‌ ଇନିଃଗି ଇନ୍‌କୁଆଃଏତେ ସିଦାରେ ଜୀଉବିରିଦ୍‌ୟାନାଏ । ୨୧ ଚିୟାଃଚି ମିହୁଡ୍‌ ହରାତେ ଗନଏଃ ଅତେଦିଶ୍ୱମ୍‌ରେ ହିଜୁଃୟାନା । ଏନ୍‌ଲେକାଗି ମିହୁଡ୍‌ ହରାତେ ଗନଏଃ ହଡକଆଃ ଜୀଉବିରିଦ୍‌ ହିଜୁଆକାନା । ୨୨ ଆଦାମ୍‌ଲଃ ମେସାକାନ୍‌ ହରାତେ ସବେନ୍‌ ହଡକଆଃ ଗନଏଃ ମେନାଃ, ଏନ୍‌ଲେକାଗି ଶ୍ରୀଷ୍ଟ୍‌ଲଃ ମେସାକାନ୍‌ ହରାତେ ସବେନ୍‌ ହଡକ ଗନଏଃହେତେ ଜୀଉବିରିଦାଃକ । ୨୩ ମେନ୍‌ଦ ସବେନ୍‌କ ଏନ୍‌ ମିଆଁଦ୍‌ ନେତାରେଗି ଜୀଉବିରିଦାଃକ । ସବେନ୍‌କଆଃଏତେ ସିଦାରେ ଶ୍ରୀଷ୍ଟ୍‌ ଜୀଉବିରିଦ୍‌କାନାଏ, ଏନାତେ ଇନିୟାଃ ଆତଃମିସା ହିନିଜୁଃ ନେତାରେ ଆୟାଃ ହଡକ ସିଦାତେ ଜୀଉବିରିଦାଃକ । ୨୪ ଏନ୍ତେ ଚୁଣ୍ଡୁ ଦିପିଲି ସେଟେରା । ଶ୍ରୀଷ୍ଟ୍‌ ସବେନ୍‌ ଏଡକାନ୍‌ ଆମ୍‌, ଅକଏତାଃରେଚି ସବେନ୍‌ ଆକ୍‌ତେୟାର୍‌, ପେଡେଃ ଆତଃ ପୁରାଃ ପେଡେୟାନ୍‌ତେୟାଃକ ଜିୟନ୍‌କେଦ୍‌ତେ ଆୟାଃ ଆବା ପାର୍‌ମେଶ୍ୱାର୍‌କେ ରାଇଜ୍‌ ଜିମାଲୟାଏ । ୨୫ ଚିୟାଃଚି ପାର୍‌ମେଶ୍ୱାର୍‌ ସବେନ୍‌ ବାଇରିକକେ ହାରାଅକେଦ୍‌ତେ ଶ୍ରୀଷ୍ଟ୍‌ଆଃ କାଟା ଲାତାର୍‌ରେ ଦହକ ଜାକେଦ୍‌ ଶ୍ରୀଷ୍ଟ୍‌ ରାଇଜେୟାଏ । ୨୬ ଚୁଣ୍ଡୁ ବାଇରିଆଃ ହାରାଅଗି ଚୁଣ୍ଡୁରେ ଗନଏଃ ହବାଅଃଆ । ୨୭ ଚିୟାଃଚି ଧାରାମ୍‌ପୁଅରେ ଅଲ୍‌କାନା, “ପାର୍‌ମେଶ୍ୱାର୍‌ ସବେନାଃ ଶ୍ରୀଷ୍ଟ୍‌ଆଃ ଆକ୍‌ତେୟାର୍‌ରେ ଦହେୟା ।” ଏନ୍‌ “ସବେନ୍‌ ବିଷାଏ” ମେନ୍ତେ ଅଲ୍‌କାନା ଏନାରେ ପାର୍‌ମେଶ୍ୱାର୍‌ କାଏ ମେସାକାନା, ମେନ୍‌ଦ ଇନିଃ ସବେନ୍‌ ବିଷାଏକେ ଶ୍ରୀଷ୍ଟ୍‌ଆଃ ଆକ୍‌ତେୟାର୍‌ରେ ଦହେୟା । ୨୮ ଆତଃ

☆ ୧୫:୪ ୧୫:୪ ମାଥୁଉ ୧୨:୪୦; ପ୍ରେରିଡ୍‌ ୨:୨୪-୩୨. ☆ ୧୫:୫ ୧୫:୫ ଲୁକ ୨୪:୩୪; ମାଥୁଉ ୨୮:୧୭,୧୭; ମାର୍କ ୧୭:୧୪; ଲୁକ ୨୪:୩୨; ଯୋହାନ୍‌ ୨୦:୧୯. ☆ ୧୫:୮ ୧୫:୮ ପ୍ରେରିଡ୍‌ ୯:୩-୭. ☆ ୧୫:୯ ୧୫:୯ ପ୍ରେରିଡ୍‌ ୮:୩.

ସବେନାଃ ଶ୍ରୀଷ୍ଠିଆଃ ଆକ୍ତେୟାର୍ରେ ଦହକେଦ୍ ତାୟମ୍ତେ, ଶ୍ରୀଷ୍ଠି ଅକଏଚି ହନ୍ ତାନିଃ, ଇନିଃ ଆଇଃକ୍ଷିଆବା ପାର୍ମେଶ୍ଵାର୍ଆଃ ଆକ୍ତେୟାର୍ରେ ତାଇନା ଆତଃ ସବେନ୍ ବିଷାଏରେୟାଃ ଚେତାନ୍ରେ ପାର୍ମେଶ୍ଵାର୍ଆଃ ରାଇଜ୍ ପୁରାଅଃଆ ।

୨୯ ଗଜାକାନ୍ ହଡକ ନାଗେନ୍ତେ ଅକନ୍କ ବାପ୍ତିସ୍ତା ଇଦିତାନାକ, ଇନ୍କୁଆଃ ବିଷାଏରେ ଚିନାଃରୁ କାଜିୟା ? ଚିନିନ୍ ହଡକଆଃ କାଜିଲେକାତେ, ଗଜାକାନ୍ ହଡକଆଃ ଜୀଉବିନିରିଦ୍ ବାନଃରେଦ, ଇନ୍କୁ ନାଗେନ୍ତେ ଏଟାଃ ହଡକ ଚିନାଃମେନ୍ତେ ବାପ୍ତିସ୍ତା ଇଦିତାନାକ ? ୩୦ ଆତଃ ଆରୁ ଚିନାଃମେନ୍ତେ ସବେନ୍ ଇମ୍ତା ସାଙ୍କାଟ୍ରେରୁ ଉୟୁଗଃତାନା ? ୩୧ ହେ ହାଗା ମିଶିକ, ଆବୁଆଃ ଜୀଦାନ୍, ପ୍ରାଭୁ ଯୀଶୁ ଶ୍ରୀଷ୍ଠିଲଃ ମେସାକାନ୍ ହରାତେ, ଆପେୟାଃ ନାଗେନ୍ତେ ଆଇଙ୍ଗ୍ ବହଃ ରିମ୍କେଦ୍ତେ କାଜିତାନାଇଙ୍ଗ୍, ଆଇଙ୍ଗ୍ ସବେନ୍ ହୁଲାଙ୍ଗ୍ ଗନଏଃ ଗାଡ଼ାରେଇଙ୍ଗ୍ ଉୟୁଗଃତାନା । ୩୨ ଆଇଙ୍ଗ୍, ହଡକଆଃ ସାନାଙ୍ଗ୍ ଲେକାତେ ଏସକାର୍ ଏଫ୍ସୁସ୍ରେ ବିର୍ ଜାତୁକଲଃ ଲାଡ଼ାଇକାନ୍ରେଦ, ଆଇଙ୍ଗ୍ ଚିକାନ୍ ଲାଭ ? ମେନ୍ଦ୍ ଗଜାକାନ୍କଆଃ ଜୀଉବିନିରିଦ୍ କା ହବାଅଃରେଦ, କାଜି ଲେକାତେ, “ଏଲା ହିଜୁଃପେ, ଜମ୍ ନୁଁକେଦ୍ତେ ଜୀଞ୍ଜାନ୍ରୁ ବିତାୟା, ଚିୟାଃଚି ହିଜୁଃ ହୁଲାଙ୍ଗ୍ଦ ଆବୁକେ ଗଜଃ ଲାଗାତିଙ୍ଗ୍ୟାଃ ।”

୩୩ ଆପେ ଆଲ୍ପେ ବେଦାଅଃଆ । “ଏଡକାନ୍ ସାଙ୍ଗାତି ବୁଗିନ୍ ଚାଇଲ୍ ଚାଲାନ୍କେ ଜିୟନେୟା ।” ୩୪ ଏନାତେ ଆପେ ଲାଗାତିଙ୍ଗ୍ଲେକା ଚେତାଅଃପେ, ପାପ୍ କାମି ଆଲ୍ପେୟାଃ । ଆପେକଏତେ ଚିନିନ୍ ହଡକ ପାର୍ମେଶ୍ଵାର୍କେ କାକ ସାରିୟା, ଏନାମେନ୍ତେ ଆଇଙ୍ଗ୍ ଆପେକେ ଗିହୁଃ ଇଚିପେ ନାଗେନ୍ତେ ନେ କାଜିଙ୍ଗ୍ କାଜିତାନା ।

ଜୀଉବିନିରିଦ୍ ହଡ଼ମ୍

୩୫ ଜେତଏ ଆପେକେ କୁଲି ସାକାଅପେୟାକ, “ଗଜାକାନ୍କ ଚିଲ୍କାତେ ଜୀଉବିନିଦାଃକ ? ଆତଃ ଇନ୍କୁ ଚିଲ୍କାନ୍ ହଡ଼ମ୍ତେକ ହିଜୁଃଆ ?” ୩୬ ଆପେ ଚିନିନ୍ ଡଣ୍ଡକ ତାନ୍ପେ ! ହେରାକାନ୍ ହିତା ଆଉରି ଗଜଃ ଜାକେଦ୍ କା ଅମନଃଆ, ନିମନାଙ୍ଗ୍ ହିଁ କାପେ ସାରିୟା ? ୩୭ ଆତଃ ଅକନ୍ ଦାରୁ ହାରାଅଃଆ, ଏନାକେ ଆପେ କାପେ ହେରାକାଦା, ମେନ୍ଦ୍ ଆପେ ହେରାକାଦ୍ତେୟାଃ ହବାସାକାଅଆଃ ଗହମ୍ଜାଙ୍ଗ୍ ଚାଏ ଏଟାଃ ହିତାଜାଙ୍ଗ୍ ତାନାଃ । ୩୮ ମେନ୍ଦ୍ ପାର୍ମେଶ୍ଵାର୍ ଆୟାଃ ମନେଲେକା ଏନାରେୟାଃ ହଡ଼ମ୍ଲଃ ହିତାଜାଙ୍ଗ୍ ଏମାଃଏ, ଆତଃ ସବେନ୍ ହିତାଜାଙ୍ଗ୍କେ ଏନାଲେକାଗି ହଡ଼ମ୍ ଏମାଃଏ ।

୩୯ ସବେନ୍ ଜାନିଦ୍ତାନ୍କଆଃ ହଡ଼ମ୍ ମିଦ୍ଲେକା ବାନଃଆ । ହଡ଼ରାଃ ହଡ଼ମ୍ ଏଟାଃ ରାକାମ୍ ମେନାଃ, ଜାତୁରାଃ ହଡ଼ମ୍ ଏଟାଃ ରାକାମ୍ ମେନାଃ, ଚେଟ୍ଟୋରାଃ ହଡ଼ମ୍ ଏଟାଃ ରାକାମ୍ ମେନାଃ ଆତଃ ହାକୁରାଃ ହଡ଼ମ୍ ଏଟାଃ ରାକାମ୍ ମେନାଃ ।

୪୦ ସିର୍ମାରାଃ ହଡ଼ମ୍ ମେନାଃ ଆତଃ ଅତେରାଃ ହଡ଼ମ୍ ହିଁ ମେନାଃ, ମେନ୍ଦ୍ ଅତେରେୟାଃ ହଡ଼ମ୍ରାଃ ସୁଗାଡ଼ାନ୍ତାଃଏତେ ସିର୍ମାରେୟାଃ ହଡ଼ମ୍ରାଃ ସୁଗାଡ଼ାନ୍ତେୟାଃ ଏଟାଃ ରାକାମ୍ ମେନାଃ । ୪୧ ସିଙ୍ଗିରାଃ ସୁଗାଡ଼ାନ୍ ଏଟାଃ ରାକାମ୍ ମେନାଃ, ଚାଣ୍ଡୁରାଃ ସୁଗାଡ଼ାନ୍ ଏଟାଃ ରାକାମ୍ ମେନାଃ, ଆତଃ ଇପିଲ୍କଆଃ ସୁଗାଡ଼ାନ୍ ଏଟାଃ ରାକାମ୍ ମେନାଃ, ଆତଃ ଇପିଲ୍କ ଆଲାରେୟାଃ ଏଟାଃ ଏଟାଃ ରାକାମ୍ରେୟାଃ ସୁଗାଡ଼ାନ୍ ମେନାଃ ।

୪୨ ଗଜାକାନ୍ ହଡକଆଃ ଜୀଉବିନିରିଦ୍ ଏନ୍ଲେକାଗି ମେନାଃ । ତପାକାନ୍ ହଡ଼ମ୍ ଜିୟନଃଆ ଆତଃ ଜୀଉ ବିରିଦ୍ରେ କା ଜିୟନଃଆ । ୪୩ ତପାଅଃ ଇମ୍ତା ସିଡ୍ରୁ ଆତଃ ନାରାଦୁରାକେଦ୍ତେ ତପାଅଃଆ, ମେନ୍ଦ୍ ଜୀଉବିରିଦ୍ରେ ସୁଗାଡ଼ାନ୍ ଆତଃ ପେଡ୍ରେୟାନ୍ଗି ହବାଅଃଆ । ୪୪ ତପାଅଃ ଇମ୍ତା, ହଡ଼ମ୍ତାୟାଃ ଗଜାକାନ୍ଗି ତାଇନା, ମେନ୍ଦ୍ ଜୀଉବିରିଦ୍ରେ ଆମ୍ବ୍ରେୟାଃ ହଡ଼ମ୍ ହବାଅଃଆ । ସାର୍ତି ହଡ଼ମ୍ ମେନାଃରେଦ, ଆମ୍ବ୍ରେୟାଃ ହଡ଼ମ୍ ହିଁ ମେନାଃ । ୪୫ ଧାରାମ୍ପୁଅ୍ରେ ଅଲ୍ଲକାନା, “ସିଦାରେନ୍ ହଡ଼, ଆଦାମ୍, ଜାନିଦ୍ ହଡ଼ ହବାୟାନାଏ, ମେନ୍ଦ୍ ଟୁଣ୍ଡୁରେନ୍ ଆଦାମ୍ ଜୀଦାନ୍ ଏମାଃ ଆମ୍ବ୍ ହବାୟାନାଏ । ୪୬ ସିଦାତେ ଆମ୍ବ୍ରେୟାଃ ହଡ଼ମ୍ କା ତାଇକେନା, ମେନ୍ଦ୍ ସିଦା ସାର୍ତି ହଡ଼ମ୍ ତାଇକେନା, ଏନ୍ ତାୟମ୍ତେ ଆମ୍ବ୍ରେୟାଃ ହଡ଼ମ୍ ହିଜୁଃୟାନା । ୪୭ ପାହିଲା ହଡ଼ ଆଦାମ୍ ତାଇକେନାଏ, ଇନିଃ ଅତେରେୟାଃ ଧୁଡ୍ଡିତେ ବାଇୟାକାନ୍ ତାଇକେନା, ଏନ୍ତେ ଆତଃମିହୁଡ୍ ଆଦାମ୍ ସିର୍ମାଏତେ ହିଜୁଃୟାନା । ୪୮ ଅତେରେନ୍ ହଡକ, ଏନ୍ ଅତେରେୟାଃ ଧୁଡ୍ଡିତେ ବାଇୟାକାନ୍ ହଡ଼ ଲେକାଃକ, ଆତଃ ସିର୍ମାରେ ମେନାଃକ ହଡକ, ଏନ୍ ସିର୍ମାଏତେ ହିଜୁଆକାନ୍ ହଡ଼ ଲେକାଃକ ।” ୪୯ ଆରୁ ନାହାଃ ଅତେରେୟାଃ ଧୁଡ୍ଡିତେ ବାଇୟାକାନ୍ ଏନ୍ ହଡ଼ ଲେକା ମେନାରୁଆ, ଏନ୍ଲେକାଗି ମୁସିଙ୍ଗ୍ ହୁଲାଙ୍ଗ୍ ଆରୁ ଏନ୍ ସିର୍ମାଏତେ ହିଜୁଆକାନ୍ ହଡ଼ ଲେକାବୁ ହବାଅଃଆ ।

୫୦ ହେ ହାଗା ମିଶିକ, ଆଇଙ୍ଗ୍ କାଜିରେୟାଃ ମୁଣ୍ଡି ହବାଅଃତାନା, ମାୟୋମ୍ମାସ୍ ହଡ଼ମ୍ ସାବ୍କେଦ୍ତେ ଆରୁ ପାର୍ମେଶ୍ଵାର୍ଆଃ ରାଇଜ୍ରେୟାଃ ହିସା କାରୁ ହବାଦାଡ଼ିୟାଆ, ଚାଏ ଜିୟନଃ ହଡ଼ମ୍ କା ଜିୟନଃ ହଡ଼ମ୍କେ କାଏ ଆକ୍ତେୟାର୍ ଦାଡ଼ିୟା ।

୫୧ *ଆଇଙ୍ଗ ଆପେକେ ମିଆଁଦ ଉକୁଆକାନ ସାର୍ତି କାଜିଙ୍ଗ କାଜିପେତାନା, ଆବୁ ସବେନ୍ କାବୁ ଗଜଃଆ । ମେନ୍ଦ ବୁଣ୍ଡୁ ହିଙ୍ଗୁଲ୍‌ବାଜା ସାଡ଼ିୟାନ୍ ଇମ୍‌ତାଲଃଗି ବାଦ୍‌ଲାଝାଃରୁ । ୫୨ ନେଆଁ ଇମ୍‌ତାଗି ମେନ୍ଦ ରାପିଦଃଲେକା ହବାଅଃଆ । ବିଙ୍ଗୁଲ୍ ବାଜା ସାଡ଼ି ଇମ୍‌ତା ଗଜାକାନ ବିଶ୍ୱାସୀକ କା ଜିୟନଃ ନାଗେନ୍ତେକ ବିରିଦା, ଆତଃ ଆବୁ ସବେନ୍‌କ ବାଦ୍‌ଲାଝାଃରୁ । ୫୩ ଚିୟାଃଚି ନେ ଜିୟନଃ ହଡ଼ମ୍‌କେ କା ଜିୟନଃ ଲେକାନ ଲିଜାଃ ତୁସିଙ୍ଗ ଲାଗାତିଙ୍ଗୟାଃ, ଆତଃ ନେ ଅତେରେୟାଃ ଧୁଡ଼ିରାଃ ଗନଏଃ ହଡ଼ମ୍‌କେ ଚିଉଲାଅ କା ଗଜଃ ଲେକାନ ଲିଜାଃ ତୁସିଙ୍ଗ ଲାଗାତିଙ୍ଗୟାଃ । ୫୪ ନେ ଗନଏଃ ହଡ଼ମ୍ ଚିଉଲାଅ କା ଗଜଃ ହଡ଼ମ୍‌ରେ ବାଦ୍‌ଲାଅକେନଃରେଦ, ଧାରାମ୍‌ପୁଅରେ ଅଲକାନ ନେ କାଜି ସାର୍ତି ହବାଅଃଆ : “ଗନଏଃ ଜିୟନ୍‌ୟାନା, ଆତଃ ଜିନିତାଅ ପୁରାୟାନା !”

୫୫ “ଏ ଗନଏଃ, ଆମାଃ ଜିତାଅ କତାଃରେୟା ?
ଏ ଗନଏଃ, ଆମାଃ ଗନଏଃରାଃ ତୁଡ଼ତେୟାଃ କତାଃରେୟା ?”

୫୬ ତୁଡ଼ତେୟାଃରାଃ ପେଡ଼େଃ, ଗନଏଃ ପାପତାଃଏତେ ନାମାଃଏ, ଆତଃ ମୁଣାରାଃ ଆନୁତାଃଏତେ ପାପ ପେଡ଼େଃ ନାମାଃଏ । ୫୭ ମେନ୍ଦ ପାର୍‌ମେଶ୍ୱାର୍ ଆବୁଆଃ ପ୍ରାଭୁ ଯାଶୁ ଶ୍ରୀଷ୍ଟୀଆଃ ହରାତେ ଆବୁକେ ଜିତାଅକାଦ୍‌ରୁଆଏ, ଇନିୟାଃ ଧାନ୍ୟାବାଦ୍ ହବାଅଃକା ।

୫୮ ଏନାମେନ୍ତେ ହେ ଦୁଲାଡ଼ ହାଗା ମିଶିକ, ତିଙ୍ଗୁ କେଟେଦକାନପେ ଆତଃ ଆବରାକାନ ତାଇନ୍‌ପେ । ପ୍ରାଭୁଆଃ କାମିରେ ସବେନ୍ ଇମ୍‌ତା ଚିହୁଲଃପେ । ଚିୟାଃଚି ଆପେ ସାରିତାନାପେ, ପ୍ରାଭୁ ନାଗେନ୍ତେ ଆପେୟାଃ କାମି କା ସାମାଅଃଆ ।

୧୭

ପାର୍‌ମେଶ୍ୱାର୍‌ଆଃ ହଡ଼କ ନାଗେନ୍ତେ ଦେଙ୍ଗାରେୟାଃ ଦାନ

୧ *ଯିହୁଦାରେନ୍ ପାର୍‌ମେଶ୍ୱାର୍‌ଆଃ ହଡ଼କ ନାଗେନ୍ତେ ଦାନ ଏମ୍‌ରେ ଦେଙ୍ଗା ନାଙ୍ଗ ଆଇଁୟାଃ ସାଲ୍‌ହା ନେଆଁ ତାନାଃ, ଆଇଙ୍ଗ ଗାଲାତିୟ ପାର୍‌ଗାନରେ ତାଇନ୍‌ତାନ କାଲିସିୟାକକେ କାମି ନାଙ୍ଗ କାଜିକାଦ୍‌କ ଲେକା ଆପେୟ ଏନ୍‌ଲେକାଗି କାମିପେ । ୨ ଆଇଙ୍ଗ ସେନ୍‌ରେ ଦାନ ହାରମ୍ ନାଗେନ୍ତେ କା ଲାଗାତିୟଃଆ, ଏନାମେନ୍ତେ ସବେନ୍ ହାପ୍ରାରେୟାଃ ପାହିଲା ହୁଲାଙ୍ଗ୍‌ରେଗି ଆପେୟାଃ ନାଲାହେତେ କାଟିଃଲେକା ଟାକା ପାଏସା ଆପାନରେ ଦହେପେ । ୩ ଆତଃ ଆପେ ଅକନକକେ ବୁଗିନ୍ ହଡ଼ ତାନକ ମେନ୍ତେପେ ଆଟ୍‌କାର୍‌ଉରୁମ୍‌କାଦ୍‌କଆ, ଇନ୍‌କୁକେ ଆଇଙ୍ଗ ସେନ୍‌ରେ ଅନଲ୍‌ଚିଠା ଏମ୍‌କେଦ୍‌ତେ ଆପେୟାଃ ଦାନଲଃ ଯାରୁଶାଲେମ୍‌ତେଇଙ୍ଗ କୁଲ୍‌କଆ । ୪ ଆଇଙ୍ଗକେହଁ ସେନ୍ ଲାଗାତିଙ୍ଗ୍‌ରେ, ଇନ୍‌କୁ ଆଇଁୟାଃଲଃକ ସେନ୍ ଦାଡ଼ିୟା ।

ପାଉଲୁସ୍‌ଆଃ କବିହିନ୍ଦ୍ରତେ ସେନ୍‌ରେୟାଃ ଉହାଟ୍

୫ *ଆଇଙ୍ଗ ମାକିଦନିଆତେ ସେନ୍ ତାୟମ୍‌ତେ ଆପେତାଃତେଇଙ୍ଗ ସେନା, ଚିୟାଃଚି ଆଇଙ୍ଗ ମାକିଦନିଆ ହରାତେଇଙ୍ଗ ସେନ୍‌ତାନା । ୬ ହବାସାକାଅଆଃ, ରାବାଙ୍ଗ ସାହା ଆଇଙ୍ଗ ଆପେଲଃ ଚିମିନ୍ ମାହାଁ ତାଇନ୍ ସାକାଅଃଆଇଙ୍ଗ, ଆତଃ ଆଇଙ୍ଗ ଜାହାଜ୍‌ତେଗି ସେନ୍ ନାଗେନ୍ତେ ମନେୟାଇଙ୍ଗ, ଇମ୍‌ତା ଆପେ ଆଇଙ୍ଗକେ ସେନ୍ ନାଗେନ୍ତେ ଦେଙ୍ଗା ଦାଡ଼ିୟାପେ । ୭ ଆଇଙ୍ଗ ସେନ୍ ହରାରେ ଆପେଲଃ କାଟିଃ ଲେକାଗି ନେପେଲ୍ ନାଗେନ୍ତେ କାଇଙ୍ଗ ସାନାଙ୍ଗ୍‌ତାନା । ପ୍ରାଭୁ ଆରୁଇଙ୍ଗ୍‌ରେଦ, ଆଇଙ୍ଗ ଆପେଲଃ ପୁରାଃ ମାହାଁ ତାଇନାଇଙ୍ଗ ମେନ୍ତେ ଆସ୍ତା କାଦାଇଙ୍ଗ ।

୮ *ଆଇଙ୍ଗ ପେଣ୍ଟିକ୍‌ଷ୍ଟ ପାରାବ୍ ହୁଲାଙ୍ଗ୍ ଜାକେଦ୍ ଏନ୍ତାଃରେଗି ଏଫିସୁସ୍‌ରେ ତାଇନାଇଙ୍ଗ । ୯ ନେତାଃରେ ଆଇଁୟାଃ ବିରୁଧ୍‌ରେ ପୁରାଃ ହଡ଼କ ମେନାକରେୟ, ଜ ନାମାଃଲେକା କାମି ନାଗେନ୍ତେ ଆଇଁୟାଃ ନାଙ୍ଗ ଟାକାର୍ ଦୁଆର୍ ନିଜାକାନା ।

୧୦ *ତୀମ୍‌ଅ ଆପେତାଃତେ ହିଜୁଃରେ ଦାରମିପେ, ଚିୟାଃଚି ଇନିଃହ ଆଇଁୟାଃ ଲେକା ପ୍ରାଭୁଆଃ କାମି କାମିତାନା । ୧୧ ଜେତାଏ ଇନିଃକେ ଆଲ୍‌ପେ ନେଲ୍ ବାଗିୟା, ମେନ୍ଦ ଇନିଃ ଆଇଁୟାଃତାଃ ହିଜୁଃ ଦାଡ଼ିକାଏ ମେନ୍ତେ ଇନିଃକେ ସୁକୁଜୀଉରେ ସେନ୍ ହରା ନାଗେନ୍ତେ ଦେଙ୍ଗାକପେ, ଚିୟାଃଚି ଇନିଃ ବିଶ୍ୱାସୀ ହାଗାକଲଃ ହିଜୁଃରୁହାଡ଼ାଏ ମେନ୍ତେଇଙ୍ଗ ନେଲ୍ ହରାକତାନା ।

୧୨ ମେନ୍ଦ ଆବୁଆଃ ହାଗା ଆପୋଲୋ ବିଷାଏରେଇଙ୍ଗ କାଜିତାନା, ଆଇଙ୍ଗ ଇନିଃକେ ଏଟାଃ ହାଗାକଲଃ ଆପେତାଃତେ ସେନ୍ ନାଗେନ୍ତେ ପୁରାଃଗିଇଙ୍ଗ ଆରୁକିୟା, ମେନ୍ଦ ନାହାଁଃ ଇନିଃ ସେନ୍ ନାଗେନ୍ତେ କାଏ ସାନାଙ୍ଗ୍‌ତାନା । ତାୟମ୍‌ତେ ସେନ୍ ନାଗେନ୍ତେ ନେତା ନାମ୍‌ଲେରେ ସେନାଏଁ ।

ବୁଣ୍ଡୁ କାଜି

* ୧୫:୫୧ ୧୫:୫୧ ୧ ଥେସ୍‌ଲନିକା ୪:୧୫-୧୭. * ୧୭:୧ ୧୭:୧ ରୋମି ୧୫:୨୫,୨୬. * ୧୭:୫ ୧୭:୫ ପ୍ରେରିଡ଼ ୧୯:୨୧. * ୧୭:୮ ୧୭:୮ ପ୍ରେରିଡ଼ ୧୯:୮-୧୦. * ୧୭:୧୦ ୧୭:୧୦ ୧ କବିହିନ୍ଦ୍ର ୪:୧୭.

୧୩ ଆପେ ଚିର୍ଗାଳାକାନ୍ ତାଇନକେଦତେ ବିଶ୍ୱାସରେ ତିଜ୍ଞୁକେଟେଦ୍, ଜୀଉରେ କେଟେଦ୍ ଆଡ଼଼
ପେଡ଼େୟାନ୍ ହବାଅଃପେ । ୧୪ ଆପେୟାଃ ସବେନ୍ କାମି ଦୁଲ୍ଲାଡ଼ରେ କାମିପେ ।

୧୫ ☆ଆପେ ସ୍ତ୍ରୀପାନ୍ ଆଡ଼଼ ଆୟାଃ ଅଡ଼଼ାଃରେନକଆଃ ବିଷାଏରେ ସାରିତାନାପେ । ଇନ୍କୁ ଆଖାୟାଃ
ପାହିଲା ଖ୍ରୀଷ୍ଟ ବିଶ୍ୱାସୀତାନ୍କ ଆଡ଼଼ ପାରମେଶ୍ୱାରଆଃ ହଡ଼କକେ ସେଞ୍ଜା ନାଗେନ୍ତେ ଇନ୍କୁ ଆକଗି
ଜିମାକାନାକ । ହେ ହାଗା ମିଶିକ, ଆଇଙ୍ଗ୍ ଆପେକେ ବିନ୍ତିପେ ତାନାଇଙ୍ଗ୍, ୧୬ ଆପେ ନେ ଲେକାନ୍
ହଡ଼କଆଃ ଆଡ଼଼ ନେକାନ୍କଲଃ ସେଞ୍ଜା ଆଡ଼଼ କାମି ତାନ୍କକେ ଅଡ଼ଙ୍ଗକପେ ।

୧୬ ସ୍ତ୍ରୀପାନ୍, ଫର୍ଜୁନାଡ଼, ଆଡ଼଼ ଆଖାୟିକୁସ୍, ନେ ସବେନ୍କ ହିଜୁଃକାନ୍ ହରାତେ ଆଇଙ୍ଗ୍ ପୁରାଃଗି
ରାସ୍କା କାନାଇଙ୍ଗ୍ । ଚିୟାଃଗି ଆପେ ବାଙ୍ଗ୍ପେରେୟ ଇନ୍କୁ ଆପେୟାଃ ଠାୟାଦ୍‌କେକ ପୁରାକାଦା ।
୧୮ ଇନ୍କୁ ଆପେକେ ଆଡ଼଼ ଆଇଙ୍ଗ୍‌କେ ପୁରାଃ ଆମ୍ବାତେ ରାସ୍କାତେ ପେରେଃ କାଦିୟାକ । ଏନାତେ
ଆପେ ଇନ୍କୁକେ ପୁରାଃ ମାଇନ୍‌କପେ ।

୧୯ ☆ଏସିଆ ପାର୍ଗାନ୍‌ରେନ୍ କାଲିସିୟାକ ଆପେକେ ଜହାର୍ ମେନ୍ତେକ କାଜିକୁଲ୍‌କାଦା । ଆକ୍‌ଲି,
ପ୍ରିସକିଲା ଆଡ଼଼ ଇନ୍କୁଆଃ ଅଡ଼଼ାଃରେ ପ୍ରାଭୁକେ ସେଞ୍ଜାତାନ୍ କାଲିସିୟା, ପ୍ରାଭୁଆଃ ନୁଡୁମ୍‌ତେ ଆପେକେ
ପୁରାଃଗି ମନ୍‌ସୁରୁଦ୍‌ହେତେ ଜହାର୍ ମେନ୍ତେକ କାଜିକୁଲ୍‌କାଦା । ୨୦ ନେତାଃରେନ୍ ସବେନ୍ ବିଶ୍ୱାସୀ ହାଗା
ମିଶିକ ଜହାର୍‌କ କାଜିକୁଲ୍‌କାଦା । ଖ୍ରୀଷ୍ଟ ଦୁଲ୍ଲାଡ଼ରେ ମିହୁଡ଼୍ ଆଡ଼଼ମିହୁଡ଼୍‌ଲଃ ଜହାରଃପେ ।

୨୧ ଆଇଙ୍ଗ୍ ପାଉଲୁସ୍, ଆଇଁୟାଃ ଡିଃଇତେଗି ନେ ସବେନ୍ ଜହାର୍‌କାଜି ଅଲାକାଦାଇଙ୍ଗ୍ ।

୨୨ ଜେତାଏ ପ୍ରାଭୁକେ କା ଦୁଲ୍ଲାଡ଼ିଃ, ସାର୍‌ପାଅଃକାଏ ।

ମାରାନାଆ, ମେନ୍‌ଲେରେ, ଆରୁଆଃ ପ୍ରାଭୁ ହିଜୁଃଆଏ ।

୨୩ ପ୍ରାଭୁ ଯୀଶୁଆଃ ସାୟାଦ୍ ଆପେଲଃ ହବାଅଃକା ।

୨୪ ଯୀଶୁ ଖ୍ରୀଷ୍ଟରେ ମେସାକାନ୍ ଆପେ ସବେନ୍‌କଲଃ ଆଇଁୟାଃ ଦୁଲ୍ଲାଡ଼୍ ହବାଅଃକା ।

କରିଷ୍ଣୀୟମାନଙ୍କ ନିକଟକୁ ପାଉଲଙ୍କ ଦ୍ୱିତୀୟ ପତ୍ର କରିଷ୍ଣିୟ ବିଶ୍ୱାସୀକତାଃତେ ପ୍ରେରିତ୍ ପାଉଲୁସ୍‌ଆଃ ଏଟାଃ ଚିଟାଉ ପାରିଟାଏ

ହବାସାକାଅଆଃ, କରୀଷ୍ଣିୟ କାଲିସିୟାତେ ପ୍ରେରିତ୍ ପାଉଲୁସ୍‌ଆଃ ନେ ଏଟାଃ ଚିଟାଉ ଯୀଶୁ ଖ୍ରୀଷ୍ଟୁଆଃ ଜାନାମ୍ ତାୟମ୍ ୫୫-୫୬ ସିର୍ମାକରେ ଅଲ୍ଲାକାନ୍ ତାଇକେନା ୧:୧ । ଅନଲ୍ ହତ୍ତକ ବିଶ୍ୱାସେ ତାନାକ ଯେ, ନେ ଚିଟାଉ ଅନଲ୍ ସିଦାରେ ପ୍ରେରିତ୍ ପାଉଲୁସ୍ କରୀଷ୍ଣିୟ କାଲିସିୟାକେ ପୁରାଃ କେଟେୟାନ୍‌ଗି ଚିଟାଉ ଅଲ୍ଲାକାନ୍ ତାଇକେନାଏ, ଏନା ୨:୩-୪ ରେ ଆଟ୍‌କାରଃତାନା, ଏନାରେୟାଃ ଜେତାନ୍ ଅନଲ୍‌ରେୟାଃ ନାକାଲ୍ ଆବୁତାଃରେ ବାନଃଆ ।

ହବାସାକାଅଆଃ, ପାଉଲୁସ୍ ମାକିଦନିଆରେ ତାଇକେନ୍ ଇମ୍‌ତାଏ ଅଲ୍ଲାକାନ୍ ତାଇକେନା, ୨:୧୩ । ଏଟାଃ କରୀଷ୍ଣିୟ, ଏଟାଃ ନାହାଲ୍ଲାଃ, ଏନ୍ ମିଆଁଦ୍‌ଗି ତାନାଃ । କରୀଷ୍ଣିରେ ତାଇନଃତାନ୍ କାଲିସିୟା ବିଷାଏରେ ତିତସ୍‌ତାଃଏତେ ବୁଗିନ୍ କାଜି ନାମ୍‌କେଦ୍‌ତେ ପାଉଲୁସ୍ ରାସ୍‌କା କାନାଏ । ନେ ଚିଟାଉରେ, ନାଞ୍ଜା ନିୟାମରେ ଦାନ୍ ଏମ୍ ବିଷାଏରେୟାଃ ଇନିତୁ ନାମାଃରୁ । ନେ ହିସାରେ, ପାଉଲୁସ୍ ଯୀରୁଶାଲେମ୍‌ରେନ୍ ବିଶ୍ୱାସୀକକେ ଦେଙ୍ଗାକ ନାଗେନ୍ତେ ଟାକା ପାଏସା ହାରମ୍ ନାଗେନ୍ତେ ଆବୁକାଦା, ୮-୯ । ନେ ଚିଟାଉରାଃ ଚିମିନ୍ ଅନଲ୍‌ରେ ସାରିୟଃତାନା ଯେ, ଏନ୍ କାଲିସିୟାରେୟାଃ ବାହାରିଏତେ ଚିମିନ୍ ହସତ୍ ପ୍ରେରିତ୍‌କ, ଆପ୍‌ନାଃ ମାଇନଃ ହବାଅଃ ନାଗେନ୍ତେ ପାଉଲୁସ୍‌ଆଃ ବିରୁଧ୍‌ରେ କାଲିସିୟାରେନ୍ ଚିମିନ୍ ହତ୍ତକକେ ବତଙ୍ଗ୍‌କେଦ୍‌ତେ ହିସ୍‌କାଈଚିକ ତାନାକ । ଇନ୍‌କୁ ପାଉଲୁସ୍‌ଆଃ ଆକ୍‌ତେୟାର୍‌କେ ଆଡ଼ାଃଉଡ଼ଗୁଃ ତାନାକ ଏନାତେ ନେ ଚିଟାଉରେୟାଃ ଟୁଣ୍ଡୁୟାଃରେ ଇନିଃ ମିଆଁଦ୍ ଯୀଶୁ ଖ୍ରୀଷ୍ଟୁଆଃ ଆକ୍‌ତେୟାର୍‌ତେ କୁଲ୍ଲାକାନ୍‌ନିଃ ତାନିଃ ମେନ୍ତେ ପୁରାଃ ପକ୍‌ତାକେଦ୍‌ତେ ଉଦୁବାକାଦା ।

ପୃଥ୍ ବିଚାରରେ ତାଇକାନ୍ କାଜି

- ୧. ପାଉଲୁସ୍‌ଆଃ ଚିଟାଉରେୟାଃ ଏନେଟେଦ୍‌ରେ ଜହାର୍ ମେନ୍ତେ ଅଲ୍ଲାକାଦା । ୧:୧-୭
- ୨. ପାଉଲୁସ୍ ଆୟାଃ ହରାସେନ୍ ସେକାଡେନ୍‌ରେ ବାଦ୍‌ଲ୍ଲାଅ ଆଡ଼ଃ ଇନ୍‌କୁଆଃ ବିଷାଏରେ ନାମାକାଦ୍ କୁନ୍‌ଲି ଆଡ଼ଃ ଇନ୍‌କୁଆଃ କୁନ୍‌ଲି ବିଷାଏରେ ଇନ୍‌କୁକେ କାଜିରୁହାଡ୍ । ୧:୮-୭:୧୬
- ୩. ପାଉଲୁସ୍ ଯୀରୁଶାଲେମ୍‌ରେନ୍ ବିଶ୍ୱାସୀକ ନାଗେନ୍ତେ ଦାନ୍ ହାରମ୍ ବିଷାଏରେ ଆନାଟୁ । ୮:୧-୯:୧୫
- ୪. ଟୁଣ୍ଡୁରେ ପାଉଲୁସ୍ ଆୟାଃ ପ୍ରେରିତ୍ କାମିକେ ବାଟାଅକେଦା ଆଡ଼ଃ ଆଡ଼ଃମିସା ହରାସେନ୍ ନାଗେନ୍ତେ ସାପ୍‌ଡ଼ାଅନ୍ ତାନା । ୧୦:୧-୧୩:୧୦

୧ *ଆଇଙ୍ଗ୍ ପାଉଲୁସ୍, ପାର୍‌ମେଶ୍ୱାର୍‌ଆଃ ସାନାଙ୍ଗ୍ ଲେକାତେ ଯୀଶୁ ଖ୍ରୀଷ୍ଟୁଆଃ ମିଆଁଦ୍ କୁଲ୍ଲାକାନ୍‌ନିଃ ତାନିଙ୍ଗ୍ । ପାଉଲୁସ୍, ଆଡ଼ଃ ଆବୁଆଃ ହାଗା ତାମଥ୍, କରୀଷ୍ଣିରେ ତାଇନଃତାନ୍ ପାର୍‌ମେଶ୍ୱାର୍‌ଆଃ କାଲିସିୟାରେନ୍ ହତ୍ତକକେ, ଆଡ଼ଃ ଆଖାୟା ପାର୍‌ଗାନ୍‌ରେ ତାଇନଃତାନ୍ ପାର୍‌ମେଶ୍ୱାର୍‌ଆଃ ସବେନ୍ ବିଶ୍ୱାସୀକତାଃତେ ନେ ଚିଟାଉ ଅଲେତାନାଲ୍‌ଙ୍ଗ୍ ।

୨ ଆବୁଆଃ ଆପୁ ପାର୍‌ମେଶ୍ୱାର୍‌ଆଃ ଆଡ଼ଃ ପ୍ରାଭୁ ଯୀଶୁ ଖ୍ରୀଷ୍ଟୁଆଃ ସାୟାଦ୍ ଆଡ଼ଃ ଜୀଉସୁକୁ ଆପେ ନାଗେନ୍ତେ ହବାଅଃକା ।

ପାର୍‌ମେଶ୍ୱାର୍‌କେ ପାଉଲୁସ୍‌ଆଃ ଧାନଧାବାଦ୍

୩ ଦଲ୍ଲାରୁ, ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟୁଆଃ ଆପୁ ପାର୍‌ମେଶ୍ୱାର୍‌କେ ସାହାରାଅରୁ ଏମାଲ୍‌ୟା, ଇନିଃ ଲିନିବୁଲ୍ ଆପୁ ଆଡ଼ଃ ସବେନାଃରେ ଜୀଉରାଡ଼େଃ ଏମତାନ୍ ପାର୍‌ମେଶ୍ୱାର୍‌ ତାନିଃ । ୪ ଇନିଃଦ୍ ଆବୁଆଃ ସବେନ୍ ଦୁକୁହାସୁ ଇମତା ଜୀଉରାଡ଼େଃ ଏମାବୁତାନାଏ, ଏନାମେନ୍ତେ ଆବୁ ପାର୍‌ମେଶ୍ୱାର୍‌ତାଃଏତେ ନାମାକାଦ୍ ଏନ୍ ଜୀଉରାଡ଼େଃରେୟାଃ ହରାତେ, ସବେନ୍ ରାକାମରାଃ ଦୁକୁହାସୁତାନ୍ ହତ୍ତକକେ ଜୀଉରାଡ଼େଃରୁ ଏମ୍ ଦାଡ଼ିୟା । ୫ ଆବୁ ଖ୍ରୀଷ୍ଟୁଆଃ ନାଗେନ୍ତେ ଚିମିନ୍ ଦୁକୁହାସୁରୁ ନାମେୟା, ଇମ୍‌ନାଙ୍ଗ୍ ଖ୍ରୀଷ୍ଟୁଆଃ ହରାତେ ପାର୍‌ମେଶ୍ୱାର୍‌ତାଃଏତେ ଜୀଉରାଡ଼େଃରୁ ନାମେୟା । ୬ ଆଲେ ଦୁକୁହାସୁତାନ୍‌ରେଦ୍ ଏନା ଆପେୟାଃ ଦେଙ୍ଗା ଆଡ଼ଃ ଜୀଉବାଞ୍ଚାଅ ନାଗେନ୍ତେଲେ ରିକାତାନା । ଆଲେ ଜୀଉରାଡ଼େଃଲେ ନାମେରେଦ୍, ଆପେୟ ଏନ୍‌ଲେକାଗି ଦୁକୁହାସୁ ନାମେ ଇମ୍‌ତା ସାହାତିଙ୍ଗ୍ ଆଡ଼ଃ ପେଡ଼େଃପେ ନାମ୍ ଦାଡ଼ିୟା । ୭ ଆପେତାଃରେ ଆଲେୟାଃ ଆସ୍ତା କେଟେଦ୍‌ଗିୟା, ଚିୟାଃଚି ଆପେ ଚିଲ୍‌କା ଦୁକୁହାସୁରେନ୍ ହିସା ହବାକାନାପେ, ଏନ୍‌ଲେକାଗି ଆଲେୟାଃ ଜୀଉରାଡ଼େଃରେନ୍‌ହ ହିସାପେ ହବାଅଃଆ, ଏନାଲେ ସାରିତାନା ।

* ୧:୧ ୧:୧ ପ୍ରେରିତ୍ ୧୮:୧.

୮ *ହେ ହାଗା ମିଶିକ, ଏସିଆ ଦିଶୁମ୍ବରେ ଆଲେୟାଃ ଚେତାନରେ ହବାକାନ୍ ସାସାତି କାଜିକ ଆଲେ ଆପେକେ ଉଦୁବ୍ ନାଗେନ୍ତେଲେ ସାନାଙ୍ଗତାନା, ଚିୟାଃଚି ଏନାଦ ଆଲେୟାଃ ସାହାତିଙ୍ଗିରାଃ ପେଡ଼େଃହେତେ ଆଦକା ହାମ୍ବାଲ୍ ଆତଃ କା ସାହାତିଙ୍ଗିୟ୍ଠିଃ ଲେକା ତାଇକେନା, ଏନାତେ ଜୀଉବାଞ୍ଚାଅଃରାଃ ଆସ୍ତା ହଗି କା ତାଇକେନା । ୯ ଆଲେକେ ଗନଏଃରାଃ ହୁକୁମ୍ ଏମାକାନା ମେନ୍ତେଲେ ଉଡ଼ୁକାଦ୍ ତାଇକେନା, ମେନ୍ଦ ଆଲେ ଆପାନାଃ ଚେତାନରେ କା ଆସ୍ତାକେଦ୍ତେ ଗଏଃକାନକକେ ଜୀଉବିରିଦକାଦ୍ ପାର୍ମେଶ୍ଵାର୍ତାଃରେ ଆସ୍ତା ଦହ ନାଗେନ୍ତେ ନେ ସବେନାଃ ହବାକାନା । ୧୦ ନେ ଲେକାନ୍ ବରଞ୍ଜାନ୍ ଗନଏଃହେତେ ଇନିଃ ଆରୁକେ ବାଞ୍ଚାଅକାଦ୍ବୁଆ ଆତଃ ବାଞ୍ଚାଅକାତେବୁଆଏ । ଇନିଃ ଆତଃଗି ଆରୁକେ ବାଞ୍ଚାଅବୁଆ, ନେ ଆସ୍ତା ଆରୁଆଃ ଇନିଃତାଃରେ ମେନାଃ । ୧୧ ଆତଃ ଆପେ ସବେନ୍ଦକ ଆଲେ ନାଙ୍ଗ ବିନ୍ତ୍ରିକେଦ୍ତେ ଦେଙ୍ଗାଲେପେ । ଏନାରେ ଆଲେ ନାଗେନ୍ତେ ପୁରାଃ ବିନ୍ତ୍ରିୟଃତାନ୍ ବିନ୍ତ୍ରିରାଃ କାଜିରୁହାଡ୍ ନାମଃଆ ଆତଃ ପାର୍ମେଶ୍ଵାର୍ ଆଲେକେ ବାର୍ଦାନ୍ ଏମାଲେୟାଏ । ଆଲେ ନାଗେନ୍ତେ ପୁରାଃ ହଡ଼କ ପାର୍ମେଶ୍ଵାର୍କେ ଧାନ୍ୟାବାଦକ ଏମାଲୟା ।

ପାରଲୁସ୍ତାଃ ଉଡ଼ୁରାଃ ବାଦଲାଅ

୧୨ ନେ ଅତେଦିଶୁମ୍ବରେ ଜୀଦାନ୍ ଆତଃ ବିଶେଷ୍ଟକେଦ୍ତେ ଆପେଲଃ ଆଲେୟାଃ ନାତା ପାର୍ମେଶ୍ଵାର୍ ଏମାକାଦ୍ ପାବିତାର୍ ଆତଃ ପାତିୟାର୍ରେନ୍ ହରାତେ ହବାକାନା ମେନ୍ତେ ଆଲେୟାଃ ବିବେକ୍ ଗାଞ୍ଜା ଏମେତାନାଏ । ଏନାମେନ୍ତେ ଆଲେ ଆପାନକେ ମାରାଙ୍ଗ୍ ମେନ୍ତେଲେ କାଜିନ୍ତାନା । ହଡ଼କଆଃ ସେଣ୍ଡାନ୍ତେଦ କାହା, ମେନ୍ଦ ପାର୍ମେଶ୍ଵାର୍ଆଃ ସାୟାଦ୍ରାଃ ପେଡ଼େଃତେ ନେଆଁଲେ କାମି ଦାଡ଼ିତାନା । ୧୩ ଅକ୍ନାଃ ଆପେ ପାତ୍ତାଅକେଦ୍ତେ ଆଟ୍ଟକାର୍ଉରୁମ୍ ଦାଡ଼ିୟାପେ, ଆଲେ ଇମ୍ନାଙ୍ଗ୍ ଏସ୍କାର୍ ଆପେତାଃତେ ଅଲେତାନାଲେ । ଆଇଙ୍ଗ୍ ଆସ୍ତା ତାନିଙ୍ଗ୍, ୧୪ ନାହ୍ନିଃ ଆପେ ଅକ୍ନାଃ କାଟିଃ ଲେକାଗିପେ ଆଟ୍ଟକାର୍ଉରୁମେ ତାନା, ଏନା ଆରୁଆଃ ପ୍ରାଭୁ ଯୀଶୁଆଃ ହିନିଜୁଃ ଦିପିଲିରେ ପୁରାଃଗିପେ ଆଟ୍ଟକାର୍ଉରୁମେୟାଁ । ଏନାରେଦ, ଆପେ ଆଲେ ନାଗେନ୍ତେ ଆପାନକେ ମାରାଙ୍ଗ୍ ମେନ୍ତେପେ କାଜିନା ଆତଃ ଆଲେୟା ଆପେ ନାଗେନ୍ତେ ଆପାନକେ ମାରାଙ୍ଗ୍ ମେନ୍ତେଲେ କାଜିନା ।

୧୫ ଆଇଙ୍ଗ୍ ନେ ବିଷାଏରେ ସାର୍ତ୍ତିଗି ସାରିତାଇକେନ୍ ହରାତେ ସିଦାତେ ଆପେତାଃତେ ସେନ୍ ନାଗେନ୍ତେଇଙ୍ଗ୍ ମନେ ତାଇକେନା । ଏନାତେ ଆପେ ବାର୍ସାତେ ଆଗିଷ୍ପେ ନାମାକାତେତେୟାଃ । ୧୬ *ଆଇଙ୍ଗ୍ ମାକିଦନିଆ ସେନ୍ ଇମ୍ତା ଆତଃ ଏନ୍ତାଏତେ ରୁହାଡ୍ ଇମ୍ତା ଆପେତାଃରେ ଚିମିନ୍ ମାହ୍ନାଁ ତାଇନଃ ନାଗେନ୍ତେଇଙ୍ଗ୍ ଉଡ଼ୁକାଦ୍ ତାଇକେନା, ଚିୟାଃଚି ଯିହୁଦା ରାଇଜତେ ହରାସେନ୍ ନାଗେନ୍ତେ ଆପେୟାଃ ଦେଙ୍ଗାଲଙ୍ଗ୍ ସାନାଙ୍ଗ୍ ତାଇକେନା । ୧୭ ଆପେ ଚିନାଃପେ ଉଡ଼ୁତାନା ? ଆଇଙ୍ଗ୍ ଚିନାଃ କା ସାରିଲେକା କାମିତାଇୟାଁକ ବାଇୟାକାଦ୍ ତାଇକେନାଇଙ୍ଗ୍ ? ଅକ୍ନକ ମିସାତେ ହ୍, ହ୍ ଆତଃ କାହା, କାହା ମେନ୍ତେକ କାଜିୟାଃ, ଏନ୍ ହଡ଼କ ଲେକା ଚିନାଃ ଆଇଙ୍ଗ୍ ଆପ୍ନାଃ ବୁଗିନାଃ ନାଗେନ୍ତେ ଏସ୍କାର୍ କାମିତାଇୟାଁ ବାଇୟାକାଦାଇଙ୍ଗ୍ ? ୧୮ ସାର୍ତ୍ତିଗି ପାର୍ମେଶ୍ଵାର୍ ପାତିୟାରଃ ଲେକାନ୍ନିଃ ତାନିଃ, ଆଇଙ୍ଗ୍ ଆପେକେ କାଜି ଏମ୍ ଇମ୍ତା ଚିଉଲାଅ ମନ୍ତାୟାଃକେ କାଇଙ୍ଗ୍ ନେତେହେନ୍ତେ । ୧୯ *ପାର୍ମେଶ୍ଵାର୍ଆଃ ହନ୍ ଯୀଶୁ ଖ୍ରୀଷ୍ଟ୍, ଅକ୍ଏକେଚି ଆଇଙ୍ଗ୍, ସିଲାସ୍, ଆତଃ ତୀମଥ୍ ଆପେତାଃରେ ଉଦୁବକାଇ ତାଇକେନାଲେ, ଇନିଃ “ହ୍” ଆତଃ “କାହା” ନାହାଲିଃ, ମେନ୍ଦ ଇନିଃ ପାର୍ମେଶ୍ଵାର୍ଆଃ “ହ୍” ତାନିଃ । ୨୦ ପାର୍ମେଶ୍ଵାର୍ଆଃ ସବେନ୍ ବାନାର୍ସା ନାଗେନ୍ତେ ଯୀଶୁ ଖ୍ରୀଷ୍ଟ୍ “ହ୍” ତାନିଃ । ଏନା ନାଗେନ୍ତେ ଯୀଶୁ ଖ୍ରୀଷ୍ଟ୍ଆଃ ହରାତେ ପାର୍ମେଶ୍ଵାର୍ଆଃ ମାନାରାଙ୍ଗ୍ ନାଙ୍ଗ୍ “ଆମେନ୍” କାଜିୟାଃରୁ । ୨୧ ପାର୍ମେଶ୍ଵାର୍ ଆଇଃକ୍ଗି ଯୀଶୁ ଖ୍ରୀଷ୍ଟ୍ତାଃରେ ଆପେୟାଃ ଆତଃ ଆଲେୟାଃ ଜୀଦାନ୍କେ ମିଦ୍ରେ ମେସାକେଦ୍ତେ, ଆରୁକେ ଆଭିଷେକ୍ କାଦ୍ବୁଆ । ୨୨ ଇନିଃ ଆରୁକେ ଆପାନକାଦ୍ବୁଆ ଆତଃ ଆରୁଆଃ ମନ୍ସୁରୁଦ୍ରେ ଆୟାଃ ପାବିତାର୍ ଆମ୍ବାକେ ଠାହାରାଅକିଃ ହରାତେ ଆରୁଆଃ ଚେତାନରେ ପାର୍ମେଶ୍ଵାର୍ଆଃ ଆକ୍ତେୟାର୍ରେୟାଃ ଚିହ୍ନାଁ ଆତଃ ହିଜୁଃ ଦିପିଲିରେ ଆରୁ ଅକ୍ନାଃ ନାମେୟାଃରୁ ଏନା ସାର୍ତ୍ତିଗି ତାନାଃ ।

୨୩ ପାର୍ମେଶ୍ଵାର୍ ଆଇୟାଃ ଗାଞ୍ଜା ତାନିଃ । ଇନିଃ ଆଇୟାଃ ମନ୍ସୁରୁଦ୍ ସାରିୟାଏ । ଆଇଙ୍ଗ୍ ଆପେକେ ଆତଃ ଦୁକୁ କାଇଙ୍ଗ୍ ଏମାପେୟା, ଏନାମେନ୍ତେ ଆଇଙ୍ଗ୍ କବିଚ୍ଛିନ୍ତେ ସେନ୍ ନାଙ୍ଗ୍ କାଇଙ୍ଗ୍ ସାନାଙ୍ଗ୍କେଦା । ୨୪ ଆପେ ଅକ୍ନ କାଜି ବିଶ୍ଵାସେୟାପେ, ଏନ୍ ବିଷାଏରେ ଆପେ ଚେତାନରେ ଆକ୍ତେୟାର୍ ରିକାଏ ନାଗେନ୍ତେ ଆଲେ କାଲେ ସାନାଙ୍ଗ୍ତାନା, ଚିୟାଃଚି ଆପେ ବିଶ୍ଵାସ୍ରେ ତିଙ୍ଗୁକେଟେଦକାନାପେ । ମେନ୍ଦ ଆପେକେ ସୁକୁଇଚିପେ ନାଗେନ୍ତେ ଏସ୍କାର୍ ଆପେଲଃ ମିସାତେ ଆଲେ କାମିତାନାଲେ ।

* ୧:୮ ୧:୮ ୧ କବିଚ୍ଛିନ୍ଦ ୧୫:୩୨. * ୧:୧୭ ୧:୧୭ ପ୍ରେରିଡ୍ ୧୯:୨୧. * ୧:୧୯ ୧:୧୯ ପ୍ରେରିଡ୍ ୧୮:୫.

୨

୧ ଆଇଁଙ୍କୁ ଆପେତାଃତେ ସେନ୍ତେୟାଃ ଆପେ ନାଗେନ୍ତେ ଦୁକୁରାଃ କାଜିତାନାଃରେଦ, ଆଇଁଙ୍କୁ ଆପେତାଃତେ ଆତଃ ଚିତ୍ତଲୀଅ କାଇଁଙ୍କୁ ସେନା ମେନ୍ତେ ମନ୍ରେଇଁଙ୍କୁ ଉଡ଼ୁକାଦା । ୨ ଆପେକେ ଦୁକୁ ଏମାପେରେ, ଅକଏ ଆଇଁଙ୍କୁକେ ରାସ୍‌କା ଏମାଇୟାଏ ? ଆପେକେ ବାଗିକେଦ୍‌ତେ ଆତଃ ଏନ୍‌ଲେକା ଜେତାଏ ବାଈଁକଆ । ୩ ଏନାମେନ୍ତେ ଆଇଁଙ୍କୁ ଆପେତାଃତେ ଏନ୍ ଚିଟାଉ ଅଲୀକାଦ୍ ତାଇକେନାଇଁଙ୍କୁ, ଆଇଁଙ୍କୁ ଏନ୍ତାଃତେ ସେନ୍‌ରେ, ଅକନ୍ ହଡ଼କଆଃ ନାଗେନ୍ତେ ଆଇଁୟାଃ ସୁକୁହବାୟଃତେୟାଃ, ଇନ୍‌କୁଆଃ ହରାତେ ଆଇଁଙ୍କୁ ଜେ'ଲେକା ଦୁକୁ ଆଲକାଇଁଙ୍କୁ ନାମେକା । ସାର୍‌ତିଗି ଆଇଁୟାଃ ପୁରାଃ ବିଶ୍ୱାୟ୍ ମେନାଃ, ଆଇଁୟାଃ ରାସ୍‌କାରେ ଆପେୟାଃ ରାସ୍‌କା ମେନାଃ । ୪ ପୁରାଃ ଦୁକୁ ଆତଃ ମନ୍‌ସୁରୁଦ୍‌ରାଃ ହାସୁତେ ରାଆଃତାନଲଃ ଆଇଁଙ୍କୁ ଅକ ଚିଠି ଅଲୀକାଦ୍ ତାଇକେନାଇଁଙ୍କୁ, ଏନା ଆପେକେ ଦୁକୁଇଚିପେ ନାଗେନ୍ତେ କାଇଁଙ୍କୁ ଅଲ୍, ମେନ୍‌ଦ ଆପେକେ ଆଇଁଙ୍କୁ ଚିମିନ୍ ଦୁଲୀଡ଼ପେ ତାନାଇଁଙ୍କୁ, ଏନା ଉଦୁବ୍ ନାଗେନ୍ତେଇଁଙ୍କୁ ଅଲୀକାଦ୍ ତାଇକେନା ।

ଏଡ଼କାନ୍ ହଡ଼କକେ ଛାମାକପେ

୫ ଆପେକଏତେ ଜେତାଏ ମିହୁଡ଼କେ ଦୁକୁ ଏମାକାଇରେଦ, ଇନିଃ ଆଇଁୟାଃ ମନ୍‌ରେ ଏସ୍‌କାର୍ ଦୁକୁ କାଏ ଏମ୍, ମେନ୍‌ଦ ହୁଡ଼ିକ୍ ଲେକା ଆପେ ସବେନ୍‌କକେହ୍ ଦୁକୁ ଏମାକାଦ୍‌ପେୟାଏ । ୬ ଆପେକଏତେ ଚିମିନ୍ ହଡ଼କ ଏନ୍ ହଡ଼କେ ସାଜାଇ ଏମ୍‌କିୟାପେ, ଏନା ଇନିୟାଃ ନାଗେନ୍ତେ ପୁରାଃଗିୟା । ୭ ଇନିଃ ପୁରାଃଗି ଆଲକାଏ ଦୁକୁଃକା, ଏନା ନାଗେନ୍ତେ ନାହାଁଃ ଇନିଃକେ ଛାମା ଆତଃ ଜୀଉରାଡ଼େଃ ଆପେକେ ଏମ୍ ଲାଗାତିକ୍‌ୟାଃ । ୮ ଆଇଁଙ୍କୁ ଆପେକେଇଁଙ୍କୁ ବିକ୍ତିପେତାନା, ଆପେ ଇନିଃକେ ସାର୍‌ତିଗି ଦୁଲୀଡ଼ତାନାପେ ମେନ୍ତେ ଇନିଃକେ ଉଦୁବାଇପେ । ୯ ଆପେ ସବେନ୍ କାଜିକ ମାନାତିକ୍ ତାନାପେ ଚି କାହା, ଏନା ସାରି ନାଗେନ୍ତେ ଆଇଁଙ୍କୁ ଏନ୍ ଚିଟାଉ ଅଲୀକାଦ୍ ତାଇକେନାଇଁଙ୍କୁ । ୧୦ ଆପେ ଜେତାଏକକେପେ ଛାମାକରେଦ, ଆଇଁଙ୍କୁହ୍ ଇନ୍‌କୁକେ ଛାମାକଆଇଁଙ୍କୁ । ଆଇଁଙ୍କୁ ଜେତା କାଜି ନାଗେନ୍ତେଇଁଙ୍କୁ ଛାମାକରେଦ, ଏନା ଶ୍ରୀଷ୍ଟିଆଃ ସାମ୍‌ନାକ୍‌ରେ ଆପେୟାଃ ହରାତେ ଛାମାଅଃଆ । ୧୧ ସାଏତାନ୍ ଆରୁଆଃ ବିରୁଧ୍‌ରେ ଜେତାନ୍ କାମିରିକା ନାଗେନ୍ତେ ନେତା ଆଲକାଏ ନାମେକା, ଚିୟାଃଚି ଆରୁ ଇନିୟାଃ ସବେନ୍ କାମିତାୟାଃ ସାରିୟାଃରୁ ।

୧୨ *ଆଇଁଙ୍କୁ ଶ୍ରୀଷ୍ଟିଆଃ ସୁକୁକାଜି ଉଦୁବ୍ ନାଗେନ୍ତେ ତ୍ରେୟାସ୍‌ତେ ସେଟେରୟାନ୍‌ଲଃ, ନେ କାମି କାମି ନାଗେନ୍ତେ ପ୍ରାଭୁ ହରା ନିଜାକାଦାଏ ମେନ୍ତେ ଆଟ୍‌କାରକେଦାଇଁଙ୍କୁ । ୧୩ ମେନ୍‌ଦ ଆରୁଆଃ ହାଗା ତିତସ୍‌କେ ଏନ୍ତାଃରେ କା ନେଲ୍‌କେଦ୍‌ତେ, ଆଇଁଙ୍କୁ ମନ୍‌ରେ କାଇଁଙ୍କୁ ସୁକୁୟାନ୍ । ଏନାତେ ଏନ୍ତାଃରେନ୍ ହଡ଼କତାଃଏତେ ମାକିଦନିଆତେଇଁଙ୍କୁ ସେନଃୟାନ୍ ।

ଶ୍ରୀଷ୍ଟି ହରାତେ ଜିନିତାଅ

୧୪ ପାର୍‌ମେଶ୍ୱାର୍‌ଆଃ ଧାନ୍ୟାବାଦ୍ ହବାଅଃକା । ଚିୟାଃଚି ଇନିଃ ଯୀଶୁ ଶ୍ରୀଷ୍ଟିଲଃ ମେସାକାନ୍ ହରାତେ ସବେନ୍ ଇମ୍‌ତା ଆରୁକେ ଜିନିତାଅ ହରାତେ ସୁତୁଃଇଦିୟାଃ । ଆତଃ ବୁଗିନ୍ ସହାନ୍ ଚାରିୟସାଃତେ ପାସ୍‌ରାଅଃ ଲେକା ଶ୍ରୀଷ୍ଟିଆଃ ସେଣାଁ ଏଟାଃକକେ ଏମ୍ ନାଗେନ୍ତେ ପାର୍‌ମେଶ୍ୱାର୍ ଆରୁକେ ବେଭାର୍‌ବୁ ତାନା । ୧୫ ଚିୟାଃଚି ଆରୁ ଶ୍ରୀଷ୍ଟି ହରାତେ ପାର୍‌ମେଶ୍ୱାର୍‌ଆଃ ନାଗେନ୍ତେ ଚାଡ଼ାଅକାନ୍ ବୁଗିନ୍ ସହାନ୍ ଲେକାନ୍‌କ ତାନ୍‌ବୁ । ଅକ୍‌ନାଃଚି ଅକନ୍‌କ ଜୀଉବାଞ୍ଚାଅକ ନାମେତାନା ଆତଃ ଅକନ୍‌କ ଜିୟନଃ ହରାରେକ ସେନ୍‌ତାନା, ଇନ୍‌କୁଆଃ ଆଲୀରେ ପାସ୍‌ରାଅଃ ତାନା । ୧୬ ଗନ୍‌ଏଃ ହରାତେ ସେନଃତାନ୍ ହଡ଼କତାଃରେ ନେ ବୁଗିନ୍ ସହାନ୍ ଗନ୍‌ଏଃ ଲେକାନାଃ ତାନାଃ, ମେନ୍‌ଦ ଜୀଉବାଞ୍ଚାଅ ନାମାକାଦ୍ ହଡ଼କତାଃରେ ନେ ବୁଗିନ୍ ସହାନ୍ ଜୀଦାନ୍ ଏମାଃଏ । ମେନ୍‌ଦ ନେ କାମି ରିକାଏ ଲେକାନ୍‌ନିଃ ଅକଏ ତାନିଃ ? ୧୭ ପୁରାଃ ହଡ଼କ ଆପାନାଃ ପସାଅଃ ନାଗେନ୍ତେ ପାର୍‌ମେଶ୍ୱାର୍‌ଆଃ ସୁକୁକାଜିକେକ ବେଭାର୍‌ତାନା । ଆଲେ ଇନ୍‌କୁ ଲେକା ନାହାଁଲୀଃଲେ । ଆଲେକେ ପାର୍‌ମେଶ୍ୱାର୍ କୁଲୀକାଦ୍ ହରାତେ ଆଲେ ପାତିୟାରଃ ଲେକା ଆୟାଃ କାଜିଲେ ମାନାତିକ୍‌ତାନା ଆତଃ ପାର୍‌ମେଶ୍ୱାର୍‌ଆଃ ସାମ୍‌ନାକ୍‌ରେ ଶ୍ରୀଷ୍ଟିଆଃ ଦାସି ଲେକାଲେ କାଜିତାନା ।

୩

ନାଞ୍ଜା ନିୟାମ୍‌ରେନ୍ ଦାସିକ

୧ ଆଲେ ଚିୟାଃ ଆପାନ୍‌କେ ମାରାକ୍‌ୟେନ୍‌ତାନ୍ ଲେକାଲେ ଆଟ୍‌କାରତାନା ? ଚାଏ, ଏଟାଃକ ଲେକା ଆଲେ ଚିନାଃ ଆପେତାଃତେ ଚାଏ ଆପେତାଃଏତେ ପାରିଚାଏ ଅନଲ୍ ଚିଠିଲେ ଆସିତାନା ? ୨ ଆପେଗି ଆଲେୟାଃ ପାରିଚାଏ ଅନଲ୍ ଚିଠି ତାନ୍‌ପେ, ଆଲେୟାଃ ମନ୍‌ସୁରୁଦ୍‌ରେ ଅଲୀକାନ୍ ଚିଠି ତାନ୍‌ପେ, ଅକ୍‌ନାଃକେଚି ସବେନ୍ ହଡ଼କ ସାରିତାନା ଆତଃ ପାଡ଼ାଅ ଦାଡ଼ିତାନା । ୩ ନେ ପାରିଚାଏ ଚିଠି

* ୨:୧୨ ୨:୧୨ ପ୍ରେରିଡ଼ ୨୦:୧.

ଶ୍ରୀଷ୍ଟ ଆଇଠକ୍ରି ଅଲ୍ଲାକାଦା ଆତଃ ଆବୁଆଃ ସୁସାର୍ ହରାତେ ଏନା କୁଲଃତାନା । ନେଆଁ ଚାକାର ଦିରିରେ ସିହାଲତେ କା ଅଲ୍ଲକାନା, ମେନ୍ଦ ଜାନିଦ୍ ପାର୍ମେଶ୍ଵାରଆଃ ଆମ୍ବା ହରାତେ ମାନଝାରାଃ ମନ୍ସୁରୁଦ୍ରେ ଅଲ୍ଲକାନା ।

୪ ଶ୍ରୀଷ୍ଟଆଃ ହରାତେ ପାର୍ମେଶ୍ଵାରଆଃ ଚେତାନରେ ଭାର୍ଯ୍ୟାକେଦ୍ରେ ଆଲେ ନେ ସବେନାଃଲେ କାଜିଦାଡ୍ଡିତାନା । ୫ ଆଲେତାଃରେ ନେ ଲେକା କାଜି ଚାଏ କାମି ଦାଡ୍ଡିରେୟାଃ ପେଡ୍ଡେଃ ମେନାଃ ମେନ୍ତେ ଆଲେ ଜେତାଲେକାତେ କାଜି କାଲେ ଦାଡ୍ଡିୟା, ଚିୟାଠି ଆଲେକେ କାଜିରେୟାଃ ପେଡ୍ଡେଃ ପାର୍ମେଶ୍ଵାରତାଃଏତେ ହିଜୁଃଆ । ୬ ନାଝା ରାଜିନାମାକେ ଉଦୁଦ୍ ନାଗେନ୍ତେ ପାର୍ମେଶ୍ଵାର ଆବୁକେ ସୁସାର୍ରେ କାମି ଦାଡ୍ଡିୟାଠକ ଲେକାଏ ହବାକାଦ୍ବୁଆ । ନେ ନିୟାମ୍ ଅନଲ୍ରେୟାଃ ନାହାଁଲ୍ଲାଃ, ମେନ୍ଦ ଆମ୍ବାତେ ବାଲ୍ଲକାନା, ଚିୟାଠି ଅନଲ୍ ନିୟାମ୍ ଗନଏଃ ଆଡ୍ଡେୟାଏ, ମେନ୍ଦ ଆମ୍ବା ଜାଦାନ୍ ଏମାଃଏ ।

୭ ମୁଶା ନାବୀଆଃ ଆନ୍ତୁ ଦିରି ଚେତାନରେ ଖଦାକାନ୍ ତାଇକେନା । ଏନାରେ ପାର୍ମେଶ୍ଵାରଆଃ ସେଝାକାମିରେ ନେ'ଲେକା ମାନାରାଙ୍ଗ୍ ଉଦୁବାକାନ୍ ତାଇକେନା । ଆତଃ ଏନ୍ ମାନାରାଙ୍ଗ୍ରେୟାଃ ମାର୍ଯ୍ୟାଲ୍ଲରାଃ ରାଁପ୍ ତେଜ୍ କା ତାଇକେନ୍ରେୟା, ଇସ୍ରାଏଲ୍ ହଡ୍ଡକ ମାସ୍ଲାଲ୍ସାଃତେ କାକ ନେଲ୍ ଦାଡ୍ଡିକେଦା । ଗନଏଃ ଆଡ୍ଡେତାନ୍ ଆନ୍ତୁ ନେ'ଲେକା ହବାଅଃତାନ୍ରେଦ୍, ଠ ପାବିତାର୍ ଆମ୍ବାରାଃ ସେଝାକାମିକ ଏନାଏତେ ଚିମିନ୍ ପୁରାଃ ଆଦକା ମାନାରାଙ୍ଗ୍ରେ କା ହବାଅଃଆ ? ୯ ସାଜାଇ ନାମଃ ଆନ୍ତୁରାଃ ସେଝାକାମିରେ ନିମିନାଙ୍ଗ୍ ମାନାରାଙ୍ଗ୍ ହବାଅଃତାନ୍ରେଦ୍, ଜୀଉବାସ୍ତାଏ ଏମେତାନ୍ ନିୟାମ୍ ବାଲ୍ଲକାନ୍ତେୟାଃସରାଃ ସେଝାକାମିରେ ଚିମିନ୍ ପୁରାଃ ଆଦକା ମାନାରାଙ୍ଗ୍ କା ହବାଅଃଆ ? ୧୦ ଆବୁ କାଜି ଦାଡ୍ଡିୟାବୁ, ମାସ୍ଲାଲ୍ରେୟାଃ ମିଆଁଦ୍ ମାନାରାଙ୍ଗ୍ ହବାୟାନ୍ ହରାତେ, ସିଦା ଦିପିଲିରେ ତାଇକେନ୍ ମାନାରାଙ୍ଗ୍ ନାହାଁଃ ବାନଃଆ । ୧୧ ଚିୟାଠି ଦାଡ୍ଡିକାଦ୍ରି ତାଇନଃ ବିଷାଏ ନିମିନାଙ୍ଗ୍ ମାନାରାଙ୍ଗ୍ ହବାଅଃତାନ୍ରେଦ୍, କା ଚୁଣ୍ଡୁ ବିଷାଏ ନେଆଁଏତେ ଚିମିନ୍ ପୁରାଃ ଆଦକାତେ ମାନାରାଙ୍ଗ୍ କା ହବାଅଃଆ ?

୧୨ ଆବୁଆଃ ଏନ୍ ଆସ୍ରା ମେନାଃ ଏନାମେନ୍ତେ ଆବୁ ଜୀଉରେ କେଚେଦ୍କେଦ୍ରେ ମେନାବୁଆ । ୧୩ ଆବୁ ମୁଶା ନାବୀ ଲେକା ନାହାଁଲ୍ଲାବୁ । ଏନ୍ ମାସ୍ଲାଲ୍ରେୟାଃ ରାଁପ୍ରେୟାଃ ତେଜ୍ କାମ୍ଡିୟାଃତେୟାଃ ଇସ୍ରାଏଲ୍ ହଡ୍ଡକ ଆଲକାକ ନେଲେକା ମେନ୍ତେ ଇନିଃ ଆୟାଃ ମତା ଦାପାଲ୍ଲକାଦ୍ ତାଇକେନାଏ । ୧୪ ସାର୍ଡି କାଜିଲେରେ, ଇନ୍କୁଆଃ ଆୟୁମ୍ରେୟାଃ ଆତଃ ମନ୍ରେ ଆଚ୍ଚାକ୍ଚୁରୁମ୍ରେୟାଃ ପେଡ୍ଡେଃ କା ତାଇକେନା । ନାହାଁଃହଗି ମାରି ରାଜିନାମା ପାଡ୍ଡାଅ ଇମ୍ତା ଇନ୍କୁଆଃ ମନ୍କ ଦାପାଲ୍ଲକାନା । ଯାଶୁ ଶ୍ରୀଷ୍ଟଲଃ ମେସାନ୍ ହରାତେ ଏସ୍ଚାର୍ ଏନ୍ ଦାପାଲ୍ଲକାନ୍ତେୟାଃ ଆତମଃଆ । ୧୫ ନାହାଁଃହଗି, ଏନ୍ ମୁଶା ନାବୀଆଃ ଆନ୍ତୁକେ ପାଡ୍ଡାଅତାନ୍ ଇମ୍ତା ଇନ୍କୁଆଃ ମନ୍ରେ ନାହାଁଃ ଜାକେଦ୍ ଦାପାଲ୍ଲକାନା । ୧୬ ମେନ୍ଦ ଏନ୍ ଦାପାଲ୍ଲକାନ୍ତେୟାଃ ହଗି ଆତମ୍ ଦାଡ୍ଡିୟାଃଆ । ଚିୟାଠି ଧାରାମ୍ପୁଥିରେ ଅଲ୍ଲକାନା, “ପ୍ରାଭୁସାଃତେ ହେତାରୁହାଡ୍ଡିଲେରେ, ଏନ୍ ଦାପାଲ୍ଲକାନ୍ତେୟାଃ ଆତମଃଆ ।” ୧୭ ନାହାଁଃଦ୍, “ପ୍ରାଭୁ” ଆମ୍ବା ତାନିଃ । ଆତଃ ପ୍ରାଭୁଆଃ ଆମ୍ବା ତାଇନ୍ତାଃରେ, ତନଲ୍ ବାନଆଃ । ୧୮ ଆବୁ ସବେନ୍କଆଃ କା ହାରୁବାକାନ୍ ମେଦ୍ମୁହାଡ୍ଡିରେ ନାହାଁଃ ପ୍ରାଭୁଆଃ ମାନାରାଙ୍ଗ୍ ଚାମ୍କାଅଃତାନା ଆତଃ ଏନ୍ ମାନାରାଙ୍ଗ୍ ପ୍ରାଭୁତାଃଏତେ ହିଜୁଃତାନା, ଆତଃ ଆବୁ ପୁରାଃଗି ମାସ୍ଲାଲ୍ତାନ୍ଲଃ ଆୟାଃ ରୁପ୍ ଲେକାବୁ ବାଦ୍ଲଆଃତାନା । ଚିଆଠି ପ୍ରାଭୁଗି ଆମ୍ବା ତାନିଃ ଆତଃ ଆୟାଃ ହରାତେ ନେ ସବେନାଃ ହବାଅଃତାନା ।

୪

ହାସା ଚାଚୁରେ ସିର୍ମାରେୟାଃ ଖୁଜ୍

୧ ପାର୍ମେଶ୍ଵାର ଆୟାଃ ଦାୟାତେ ଆଲେକେ ନେ ସେଝାକାମି ଏମାକାଦ୍ଲେ ନାଗେନ୍ତେ ଆଲେ କାଲେ ହୁଡ୍ଡିଙ୍ଗ୍ଜୀଉକାନା । ୨ ଆଲେ ଉକୁଆକାନ୍ ଆତଃ ଗିହୁଗାନ୍ କାଜିକାମିକଲେ ବାଗିକେଦା । ଆଲେ କାଲେ ବେଦାତାନା ଚାଏ ପାର୍ମେଶ୍ଵାରଆଃ ବାଚାନ୍କେ ବାଗିକେଦ୍ରେ ଏଟାଃ ଲେକା ମୁଣ୍ଡି କାଲେ କାଜିତାନା । ମେନ୍ଦ ପାର୍ମେଶ୍ଵାରଆଃ ନେପେଲ୍ରେ ଆଲେ ସାନାର୍ଡିରେୟାଃ ପୁରା ମାସ୍ଲାଲ୍ରେଲେ ସେସେନ୍ତାନା, ଆତଃ ହଡ୍ଡକଆଃ ବିବେକ୍ ଆୟାର୍ରେ ଆଲେ ଆପାନ୍କେ ମାଇନ୍ ନାମଃ ନାଗେନ୍ତେଲେ ସାନାଙ୍ଗ୍ତାନା । ୩ ଚିୟାଠି ଆଲେୟାଃ ହରାତେ ଉଦୁବାକାନ୍ ସୁକୁକାଜି ଦାନାଙ୍ଗ୍ଆକାନ୍ରେଦ୍, ଏନା ଜିୟନଃତାନ୍ ହଡ୍ଡକ ନାଗେନ୍ତେ ଏସ୍ଚାର୍ ଦାନାଙ୍ଗ୍ଆକାନା । ୪ ଇନ୍କୁ କାକ ବିଶ୍ଵାସ୍ ତାନା, ଚିୟାଠି ଇନ୍କୁଆଃ ମନ୍କେ ନେ ଅତେଦିଶ୍ଵାମ୍କେ ରାଇଜେତାନ୍ ସାଏତାନ୍ ନୁବାଃକାଦାଏ । ଶ୍ରୀଷ୍ଟ, ଅକଏଚି ପାର୍ମେଶ୍ଵାରଆଃ ମିଦ୍ସାମାନ୍ ରୁପ୍ ତାନିଃ, ଇନିୟାଃ ମାନାରାଙ୍ଗ୍ ବିଷାଏରେ ସୁକୁକାଜିହେତେ ହିଜୁଃତାନ୍ ମାସ୍ଲାଲ୍କେ ଇନ୍କୁ ଆଲକାକ ନେଲେକା ମେନ୍ତେ ସାଏତାନ୍ ନୁବାଃକାଦାଏ । ୫ ଚିୟାଠି ଆଲେ ଆପାନ୍କେଗି କାଲେ ଉଦୁବ୍ତାନା, ମେନ୍ଦ ଶ୍ରୀଷ୍ଟି ପ୍ରାଭୁ ତାନିଃ ମେନ୍ତେ ଆତଃ ଯାଶୁଆଃ ନାଗେନ୍ତେ ଆଲେ ଆପାନ୍କେ ଆପେୟାଃ ଦାସିକତାନ୍ଲେ ମେନ୍ତେଲେ ଉଦୁବ୍ତାନା । ୬ ଚିୟାଠି ଅକନ୍ ପାର୍ମେଶ୍ଵାର୍, “ନୁବାଃଏତେ

ମାର୍ସାଲ୍ ହବାଅଃକା” ମେନ୍ତେ କାଜିକାଦ୍ ତାଇକେନାଏ, ଏନ୍ ପାର୍ମେଶ୍ୱାର୍ଗି, ଶ୍ରୀଷ୍ଟିଆଃ ମେନ୍ଦୁହାଁଡ଼ରେ ମାସ୍ତାଲ୍ୱତାନ୍ ପାର୍ମେଶ୍ୱାର୍ଆଃ ମାନାରାଙ୍ଗ୍ ସେଣ୍ଟାରେୟାଃ ମାର୍ସାଲ୍ ଉଦୁବ୍ ନାଗେନ୍ତେ ଆଲେୟାଃ ମନ୍ସୁରୁଦ୍ରେ ମାସ୍ତାଲ୍କେଦା ।

୭ ମେନ୍ଦ ନେ ପୁରାଃ ମାରାଙ୍ଗ୍ ପେଡ଼େଃ ପାର୍ମେଶ୍ୱାର୍ଆଃ ତାନାଃ, ଆଲେୟାଃ ନାହାଁଲାଃ ନେଆଁ ଉଦୁବ୍ ନାଗେନ୍ତେ ଆଲେ ନେ ହାସାରେୟାଃ ଚାଟୁ ଲେକାନ୍ତ ତାନ୍ଲେ, ଅକ୍ନାଃରେଟି ସିର୍ମାରେୟାଃ ଖୁଜ୍ ମେନାଃ । ୮ ଆଲେ ସବେନ୍ ଲେକାନ୍ ଦୁକୁହାସୁଲେ ନାମାକାଦା, ଏନ୍ରେୟ କାଲେ ଉୟୁଗାକାନା । ମିସାମିସା ଆଡ଼ାଃଉଡ଼ଗୁଃ ତାଇକେନାଲେ, ଏନ୍ରେୟ କାଲେ ହୁଡ଼ିଙ୍ଗ୍ଜାଉକାନା । ୯ ପୁରାଃ ବାଇରିକ ମେନାକଆ, ଏନ୍ରେୟ ଆଲେ ଗାତି ବାଙ୍ଗକ ଲେକା ଚିଉଲାଅ କାଲେ ତାଇକାନା, ଆଡ଼ାଃ ସିଗିଦଃ ତାଇକେନାଲେ, ଏନ୍ରେୟ ଆଲେ କାଲେ ଜିୟନାକାନା । ୧୦ ଯୀଶୁଆଃ ଜୀଦାନ୍ ଜେଲେକା ଆଲେତାଃରେ ଉଦୁବଃଆ, ଏନାମେନ୍ତେ ଆଲେ ସବେନ୍ ଇମ୍ତା ଆଲେୟାଃ ହଡ଼ମକରେ ଯୀଶୁଆଃ ଗନ୍ଏଃକେଲେ ଗଅଃକାଦା । ୧୧ ଯୀଶୁଆଃ ଜୀଦାନ୍ରେ ଆଲେୟାଃ ଗନ୍ଏଃ ହଡ଼ମରେ ନେଲଃକା ମେନ୍ତେ ଆଲେୟାଃ ଜୀନିଦ୍ରେ ଯୀଶୁ ନାଗେନ୍ତେ ବରଞ୍ଜାନ୍ ଗନ୍ଏଃରେ ସବେନ୍ ଇମ୍ତା ମେନାଲେୟା । ୧୨ ନେ ଲେକାତେ ଆଲେତାଃରେ ଗନ୍ଏଃ ଆଡ଼ାଃ ଆପେତାଃରେ ଜୀଦାନ୍ରେୟାଃ କାମି କାମିତାନା ।

୧୩ ଧାରାମ୍ପୁଥ୍ରେ ଅଲ୍ଲାନା, “ଆଇଙ୍ଗ୍ ବିଶ୍ୱାସକାଦାଇଙ୍ଗ୍ ଏନାମେନ୍ତେଇଙ୍ଗ୍ କାଜିକାଦା ।” ଆଲେ ଏନ୍ ବିଶ୍ୱାସରେୟାଃ ଆମ୍ ନାମାକାଦ୍ ହରାତେ, ଆଲେୟ ବିଶ୍ୱାସକାଦାଲେ ଆଡ଼ାଃ କାଜିତାନାଲେ । ୧୪ ଆଲେ ସାରିତାନାଲେ, ପାର୍ମେଶ୍ୱାର୍ ପ୍ରାଭୁ ଯୀଶୁକେ ଗନ୍ଏଃହେତେ ଜୀଉବିରିଦ୍କିୟାଏ, ଏନ୍ ପାର୍ମେଶ୍ୱାର୍ଗି ଯୀଶୁଲଃ ଆଲେକେୟ ଜୀଉବିରିଦ୍ଲେୟାଏ ଆଡ଼ାଃ ଆପେଲଃ ଆଲେକେ ଆୟାଃ ହେପାଦ୍ତେ ଇଦିଲେୟା । ୧୫ ଆପେୟାଃ ବୁଗିନାଃ ନାଗେନ୍ତେ ନେ ସବେନାଃ ହବାଅଃତାନା । ପାର୍ମେଶ୍ୱାର୍ଆଃ ସାୟାଦ୍ ଆଡ଼ାଃ ପୁରାଃତେ ହଡ଼କତାଃତେ ସେଟେରେ, ଆଡ଼ାଃ ପୁରାଃ ହଡ଼କ ପାର୍ମେଶ୍ୱାର୍ଆଃ ମାନାରାଙ୍ଗ୍ ନାଙ୍ଗ୍ ଧାନ୍ୟାବାଦ୍ରେୟାଃ ବିକ୍ରିକ ବିକ୍ରିୟା ।

ବିଶ୍ୱାସତେ ଜାନିଦ୍

୧୬ ଏନାମେନ୍ତେ ଆଲେ ଚିଉଲାଅ କାଲେ ହୁଡ଼ିଙ୍ଗ୍ଜାଉ କାନା । ଆଲେୟାଃ ନେଲଃତାନ୍ ହଡ଼ମ ମାଡ଼ି ମାଡ଼ିତେ ଜିୟନଃ ତାନା, ମେନ୍ଦ ଆଲେୟାଃ ମନ୍ସୁରୁଦ୍ରେୟାଃ ଆମ୍ ଅକ୍ନାଃଟି ପାର୍ମେଶ୍ୱାର୍ତାଃଏତେ ନାମାକାନା ଏନା ମୁସିଙ୍ଗ୍ ମୁସିଙ୍ଗ୍ତେ ନାଞ୍ଜାଇଦିୟଃ ତାନା । ୧୭ ଆଡ଼ାଃ ନେ କାଟିଃ ଲେକାନ୍ ଦୁକୁ ହାସୁଆଲେ ନାଗେନ୍ତେ କା ଜକାଃଅ ଜାନାଅରେୟାଃ ମାନାରାଙ୍ଗ୍ ଆଉଗାଲେ ତାନାଏ । ୧୮ ଚିୟାଃଟି ଆଲେ ନେଲଃତାନ୍ ବିଷାଏକକେ କା ନେଲ୍କେଦ୍ତେ, କା ନେଲଃତାନ୍ ବିଷାଏକକେ ନେଲ୍କତାନାଲେ, ଚିୟାଃଟି ନେଲଃତାନ୍ ବିଷାଏକ ହୁଡ଼ିଙ୍ଗ୍ ଦିପିଲିଗି ତାଇନାଃ, ମେନ୍ଦ କା ନେଲଃତାନ୍ ବିଷାଏକ ଜାନାଅ ଜାନାଅଗି ତାଇନାଃ ।

୫

୧ ମେନ୍ଦ ଆଲେ ସାରିତାନାଲେ, ନେ ଅତେରେ ହଡ଼ମ ଲେକାନ୍ କୁମ୍ପାରେ ଆବୁ ନାହାଁଃ ତାଇନଃତାନାବୁ, ଏନା ଜିୟନଃରେଦ୍, ଆବୁକେ ପାର୍ମେଶ୍ୱାର୍ ସିର୍ମାରେ ମିଆଁଦ୍ ଜାନାଅଗି ତାଇନଃ ନାଗେନ୍ତେ ଅଡ଼ାଃ ଏମାରୁଆଏ । ଏନାଦ୍ ହଡ଼ତେ କା ବାଇକାନା, ମେନ୍ଦ ପାର୍ମେଶ୍ୱାର୍ ଆଇଃକ୍ଗି ଏନାକେ ବାଇୟାକାଦା । ୨ ଆଡ଼ାଃ ନେ ଅତେରେୟାଃ ଅଡ଼ାଃରେ ତାଇନ୍କେଦ୍ତେ ଆବୁ ଏନ୍ ସିର୍ମାରେୟାଃ ଅଡ଼ାଃ ଲେକାନ୍ ଲିଜାଃ ତୁସିଙ୍ଗ୍ଅଃ ନାଗେନ୍ତେ ଆବୁଆଃ ଇଛାସାନାଙ୍ଗ୍ ମେନାଃ । ୩ ମେନ୍ଦ ଏନ୍ ସିର୍ମାରେୟାଃ ଅଡ଼ାଃ ଲେକାନ୍ ଲିଜାଃ ତୁସିଙ୍ଗ୍ଅଁରେଦ୍, ଆବୁ ସାମା ହଡ଼ମଗି କାବୁ ନେଲଆଃ । ୪ ଆବୁ ନେ ସାଂସାର୍ରେୟାଃ କୁମ୍ପାରେ ତାଇନଃତାନ୍ ଇମ୍ତା ଲାଗାଉତାରଃତାନ୍ଲଃ ମନ୍ସୁରୁଦ୍ରେ ରାଆଃ ଗେରାଙ୍ଗ୍ ତାନାବୁ । ଆବୁ ସାଂସାର୍ରେୟାଃ ହଡ଼ମକେ ବାଗି ନାଗେନ୍ତେ ସାନାଙ୍ଗ୍ ତାନାବୁ ଏନାଦ୍ ନାହାଁଲାଃ, ମେନ୍ଦ ସିର୍ମାରେୟାଃ ଲିଜାଃ ତୁସିଙ୍ଗ୍ ହରାତେ ଆବୁଆଃ ନେ ସାଂସାର୍ରେୟାଃ ହଡ଼ମ ଜେଲେକା କା ଗଜଃ ଜୀଦାନ୍ରେ ବାଦ୍ଲାଅଆ, ଏନାଆଲେୟାଃ ସାନାଙ୍ଗ୍ତାନା । ୫ ପାର୍ମେଶ୍ୱାର୍ ଆବୁକେ ନେଲେକା ବାଦ୍ଲାଅ ନାଗେନ୍ତେ ବାଇସେକାଡ଼ା କାଦ୍ବୁଆ । ଆଡ଼ାଃ ଇନିଃ ଆୟାଃ ପାବିତାର୍ ଆମ୍କେ କୁଲ୍କିଃଦ୍ ହରାତେ ଆବୁରେ ତାଇନଃ ନାଙ୍ଗ୍ ଏମ୍କିୟାଏ ।

୬ ଏନାମେନ୍ତେ ଆବୁ ସବେନ୍ ଇମ୍ତା ଜୀଉରେ କେଟେଦ୍କେଦ୍ତେ ମେନାବୁଆ, ଆବୁ ସାରି ତାନାବୁ, ଚିମିନ୍ ଦିନ୍ ଜାକେଦ୍ ନେ ହଡ଼ମରେ ମେନାବୁଆ, ଇମିନ୍ ଦିନ୍ ଜାକେଦ୍ ପ୍ରାଭୁତାଃଏତେ ସାଙ୍ଗିନ୍ରେ ତାଇନ୍କେଦ୍ତେ ଜୀଦାନ୍ବୁ ବିତାଅ ତାନା । ୭ ଆବୁଆଃ ଜୀଦାନ୍ ନେନେଲ୍ତେଦ୍ କା ମେନ୍ଦ ବିଶ୍ୱାସ୍ ଚେତାନ୍ରେ ତିଙ୍ଗୁଆକାନା । ୮ ଏନାମେନ୍ତେ ଆବୁ ଜୀଉରେ କେଟେଦ୍କେଦ୍ତେ, ଆଡ଼ାଃ ନେ ହଡ଼ମକେ ବାଗିକେଦ୍ତେ ପ୍ରାଭୁଲଃ ତାଇନଃ ନାଗେନ୍ତେ ଆବୁ ପୁରାଃଗିବୁ ସାନାଙ୍ଗ୍ତାନା । ୯ ଏନାମେନ୍ତେ ଆବୁ ଆପ୍ନାଃ ଅଡ଼ାଃରେ ତାଇନଃ ଚାଏ ଏଟାଃ ଅଡ଼ାଃରେ ତାଇନଃ, ପାର୍ମେଶ୍ୱାର୍କେ ସୁକୁଇଚିତେୟାଃଗି ଆବୁଆଃ ପୁରାଃ

ସାନାଙ୍ଗତାନା । ୧୦ ଚିନ୍ତାଠି ଆବୁ ସବେନକକେ ଆୟାଃ ହରାତେ ବିଚାର ହବାଅଃ ନାଗେନ୍ତେ ସାରୁତିଗି ଶ୍ରୀଷ୍ଟିଆଃ ବିଚାର ଠାୟାଦରେ ତିଜୁନ୍ ଲାଗାତିୟାଃ । ଇମତା ବୁଗିନାଃ ହବାଅଃ ଚାଏ ଏଡକାନାଃ ହବାଅଃ, ଆବୁ ସବେନ ମିମିଆଦ୍ ହଡକ ସାଂସାରରେୟାଃ ହଡ଼ମରେ କାମିକାଦ୍ ଲେକାଗି ନାଲାବୁ ନାମେୟା ।

ଶ୍ରୀଷ୍ଟିଆଃ ଦେଙ୍ଗାତେ ପାରମେଶ୍ୱାରଲଃ ଗାତି

୧୧ ପ୍ରାଭୁକେ ବର ରେୟାଃ ମୁଣ୍ଡି ଚିନାଃ ତାନାଃ, ଏନା ଆଲେ ସାରି କାଦାଲେ ଆତଃ ଏନା ରିକା ନାଗେନ୍ତେ ଆଲେ ସବେନକକେ ଆରୁପେତାନାଲେ । ପାରମେଶ୍ୱାର ଆବୁ ସବେନକକେ ବୁଗିଲେକାଏ ସାରିୟା । ଆଇଙ୍ଗ ଆସ୍ତା ତାନାଇଙ୍ଗ, ଆପେ ଆଇଙ୍ଗକେ ବୁଗି ଲେକାପେ ସାରିୟା । ୧୨ ଆଲେ ଆତଃମିସା ଆପେୟାଃ ଆୟାରରେ ଆଲେଗି ମାଇନ୍ ନାମେ ନାଗେନ୍ତେ କାଲେ ସାନାଙ୍ଗତାନା, ମେନ୍ଦ ଅକନ୍ଦ ମନ୍ ଭିତାରରେୟାଃ ଚାଇଲ୍ ଚାଲାନ୍ କା ନେଲକେଦ୍ତେ ହଡକଆଃ ବାହାରି ରେୟାଃ ନେପେଲ୍ ନେଲକେଦ୍ତେ ଆପାନକେ ମାରାଙ୍ଗ୍ ମେନ୍ତେକ କାଜିନ୍ତାନା, ଇନ୍ଦକୁକେ ଆପେ କାଜିରୁହାଡ୍ ଦାଡ଼ିୟାପେ । ଏନାମେନ୍ତେ ଆଲେୟାଃ ବିଷାଏରେ ଆପେ ଆପାନକେ ମାରାଙ୍ଗ୍‌ୟେନ୍ ଉଡ଼ଚୁଗ ନାଗେନ୍ତେ ଆପେକେ ନେତାଲେ ଏମାପେତାନା । ୧୩ ଚିନ୍ତାଃ ଆଲେୟାଃ ମନ୍ ବାଲୁଅଃତାନା ? ତାବ୍ଦ ପାରମେଶ୍ୱାର ନାଙ୍ଗ୍ ବାଲୁଅଃତାନା । ଚାଏ ଆଲେୟାଃ ମନ୍ ଆବରରେ ମେନାଃରେଦ୍, ଏନା ଆପେୟାଃ ନାଗେନ୍ତେ ଆବରରେ ମେନାଃ । ୧୪ ଶ୍ରୀଷ୍ଟିଆଃ ଦୁଲାଡ଼ତେ ଆବୁ ରାଇଜଃ ତାନାବୁ । ଏନାତେ ଆବୁ ନେଆଁ ଉହାଟ୍‌ତାନାବୁ ଯେ, ମିହୁଡ୍ ହଡ୍ ସବେନ ହଡକଆଃ ନାଗେନ୍ତେ ଗଜାକାନା, ଏନାତେ ସବେନକ ଏନ୍ ଗନ୍‌ଏଠରେୟାଃ ହିସାବୁ ହବାକାନା । ୧୫ ଇନିଃ ସବେନକ ନାଗେନ୍ତେ ଗଜାକାନ୍ ହରାତେ ଅକନ୍ଦ ଜାନିଦ୍ ମେନାକଆ, ଇନ୍ଦକୁ ଆତଃ ଆପନାଃ ଆପନାଃ ନାଗେନ୍ତେ କା ଜାହୁଦ୍‌କେଦ୍ତେ, ଅକଏତି ଆକଆଃ ନାଗେନ୍ତେ ଗଏଠୟାନା ଆତଃ ଜୀଉବିରିଦ୍‌ୟାନା, ଇନିୟାଃ ନାଗେନ୍ତେକ ଜୀହୁଦଃଆ ।

୧୬ ଏନା ନାଗେନ୍ତେ ଆଲେ ହଡ଼ମ ଲେକାତେ ବିଚାର, ଜେତାଏକେ କାଲେ ବିଚାର ତାନା । ନେତା ତାଇକେନା ଆଲେ ଶ୍ରୀଷ୍ଟିକେ ହଗି ହଡକେ ବିଚାର ତାନ୍ ଲେକାଲେ ବିଚାରି ତାଇକେନା । ମେନ୍ଦ୍ ନାହାଁଃ ଆଲେ ଏନ୍‌ଲେକା କାଲେ ରିକାତାନା । ୧୭ ଜେତାଏ ହଡ୍ ଶ୍ରୀଷ୍ଟିଲଃ ମେସାକାନ୍‌ରେ, ନାଝା ହଡ୍ ହବାଅଃଆଏ । ମାରିତେୟାଃ ଜିୟନ୍‌କେଦ୍ତେ ସବେନ ନାଝା ବିଷାଏ ହବାଅଃଆଃ । ୧୮ ଏନା ସବେନାଃ ପାରମେଶ୍ୱାରଆଃ କାମିତାନା । ସିଦା ଆବୁ ଇନିୟାଃ ବାଇରିବୁ ତାଇକେନା, ନାହାଁଃ ଇନିଃ ଶ୍ରୀଷ୍ଟି ହରାତେ ଆବୁକେ ଆୟାଃଲଃ ମେସାରୁହାଡ୍ କାଦ୍‌ବୁଆ ଆତଃ ଆୟାଃଲଃ ଏଟାଃକକେ ମେସାରୁହାଡ୍ ନାଗେନ୍ତେ ଇନିଃ ଆବୁକେ ବାହାରମ୍ ଏମାକାଦ୍‌ବୁଆଏ । ୧୯ ଏନାତେ ଆବୁଆଃ କାନାଜି ହବାଅଃତାନା, ପାରମେଶ୍ୱାର, ଶ୍ରୀଷ୍ଟିଆଃ ହରାତେ ଅତେଦିଶୁମ୍‌ରେନ୍ ସବେନ ହଡକକେ ଆୟାଃଲଃ ମେସାରୁହାଡ୍ ନାଗେନ୍ତେ ହରା ବାଇୟାକାଦାଏ । ଆୟାଃ ବିରୁଧ୍‌ରେୟାଃ ସବେନ ପାପକ ଇନିଃ ଆୟାଃ ଗିନ୍‌ତିରେ କାଏ ଦହକାଦା । ଆତଃ ଏନ୍ ମେସାରୁହାଡ୍ ରେୟାଃ ସୁକୁକାଜି ଉଦୁବ୍ ନାଗେନ୍ତେ ଆବୁକେ ବାହାରମ୍ ଏମାକାଦ୍‌ବୁଆଏ ।

୨୦ ଏନାତେ, ଆବୁ ଶ୍ରୀଷ୍ଟିସାଃଏତେ ନେଆଁ କାଜିତାନାବୁ, ପାରମେଶ୍ୱାର ଆଇଃକଗି ଆବୁଆଃ ହରାତେ ନେ କେନେତା ଏମାକାଦାଏ ମେନ୍ତେ ଆବ୍‌କାର ଲାଗାତିଙ୍ଗ୍‌ୟାଃ । ଶ୍ରୀଷ୍ଟିସାଃତେ ଆଲେ ବିକ୍ତିପେ ତାନାଲେ, ପାରମେଶ୍ୱାରଲଃ ମେସାରୁହାଡେନ୍‌ପେ, ୨୧ ଚିନ୍ତାଠି ଶ୍ରୀଷ୍ଟି, ବେଗାର୍ ପାପ୍‌ତେ ତାଇକେନ୍‌ରେୟ, ପାରମେଶ୍ୱାର ଇନିଃକେ ଆବୁଆଃ ପାପ୍‌ରେୟାଃ ହିସାଏ ବାଇକିୟା, ଜେ'ଲେକାତି ଆବୁ ଆୟାଃଲଃ ମେସାକେଦ୍ତେ ପାରମେଶ୍ୱାରଆଃ ଧାର୍‌ମାନ୍‌ରେୟାଃ ହିସାବୁ ହବା ଦାଡ଼ିୟାଆ ।



୧ ପାରମେଶ୍ୱାରଆଃ ନାଗେନ୍ତେ ମିସାତେ କାମିତାନ୍ ହରାତେ ଆଲେ ଆପେକେ ବିକ୍ତିପେତାନାଲେ, ଆପେୟାଃ ଜୀଦାନ୍‌ରେ ପାରମେଶ୍ୱାରଆଃ ସାୟାଦ୍‌କେ ଆଲ୍‌ପେ ସାମାଏଶ୍ୱାଃଏୟା । ୨ ଚିନ୍ତାଠି ଇନିଃ କାଜିୟାଃଏ, “ଆପେୟାଃ ନାଗେନ୍ତେ ଦାୟା ଉଦୁବ୍ ନାଙ୍ଗ୍ ଦିପିଲି ହିଜୁଃୟାନ୍ ଇମତା ଆଇଙ୍ଗ୍ ଆପେୟାଃ ବିକ୍ତିଇଙ୍ଗ୍ ଆୟୁମ୍‌କେଦା, ଜୀଉବାଞ୍ଚାଅ ହୁଲାଙ୍ଗ୍‌ରେ ଆଇଙ୍ଗ୍ ଆପେକେଇଙ୍ଗ୍ ଦେଙ୍ଗାକେଦ୍‌ପେୟା ।” ନେଲେପେ ! ନେଆଁ ହବାଅଃତାନା, ପାରମେଶ୍ୱାରଆଃ ଦାୟା ତେଲ୍‌ରେୟାଃ ନେତା । ତିସିଙ୍ଗ୍ ହବାଅଃତାନା ଜୀଉବାଞ୍ଚାଅଃରେୟାଃ ଦିପିଲି ।

୩ ଅକନ୍ ସେଝାକାମି ଆବୁ ନାମାକାଦାବୁ, ଏନାକେ ଜେତାଏ ଆଲକାକ ଚିଟାଏ, ମେନ୍ତେ ଆଲେ ଜେତାଏୟାଃ କାମିରେ କାଜିକଟଙ୍ଗ୍ ହବାଅଃ ନାଗେନ୍ତେ କାଲେ ସାନାଙ୍ଗତାନା । ୪ ମେନ୍ଦ୍ ସବେନ ଲେକାନ୍ ନେତାରେ ଆଲେ ଆପାନକେ ପାରମେଶ୍ୱାରଆଃ ଦାସି ଲେକାଲେ ଉଦୁବେନ୍‌ତାନା, ଆଲେ ସବେନ ଲେକାନ୍ ଦୁକୁ, ହାସୁ, ସାଙ୍ଗାଟ୍‌ରେ ପୁରାଃ ଧୁରାଜ୍‌ରେ ସାହାତିଙ୍ଗ୍ କାଦାଲେ । ୫ ଆଲେ ଦାଲ୍‌ୟାନ୍‌ରେ, ଜେହେଲ୍‌ୟାନ୍‌ରେ, ହାଲାଗୁଲାଅଃତାନ୍‌ରେ, କେଟେଦ୍ କାମିରେ, ବେଗାର୍ ଦୁଡ଼ମୁଡେ,

☆ ୫:୧୦ ୫:୧୦ ରୋମି ୧୪:୧୦. ☆ ୬:୫ ୬:୫ ପ୍ରେରିଡ୍ ୧୭:୨୩.

କାଟାବଡ଼େ, ^୬ ଫାଟିନରେ, ସେଣ୍ଟିନରେ, ଧରାଜଡ଼େ, ଦାୟାଡ଼େ, ଆଲେୟାଃ ସାର୍ତ୍ତି ଦୁଲ୍ଲାଡ଼େ, ପାବିତାର ଆମ୍ବାଡ଼େ, ^୭ ଆଲେୟାଃ ସାର୍ତ୍ତି ସୁକୁକାଜିଡ଼େ, ଆଡ଼ଃ ପାର୍ମେଶ୍ଵାର୍ଆଃ ଯେଡ଼େଃଡ଼େ ଆଲେ ଆପାନକେ ପାର୍ମେଶ୍ଵାର୍ଆଃ ଦାସି ମେନ୍ତେଲେ ଉଦୁବେନ୍ତାନା । ବାଉରକଆଃ ବିରୁଧରେ ଲାଡ଼ାଇ ନାଗେନ୍ତେ ଧାର୍ମାନ୍ ହବାଅଃତାନା ଆଲେୟାଃ ହାଁଡେୟାର୍ । ^୮ ଆଲେ ମାଇନ୍ ନାମେ ଚାଏ ମାଇନ୍ କା ନାମେ, ଲାନ୍ଦାଅଃତାନ୍ ଚାଏ ସାହାରାଅ ନାମେତାନ୍, ଆଲେକେ ହସଡ଼ ମେନ୍ତେ କାଜିଲେ ତାନାକ, ଏନ୍ରେୟ ଆଲେ ସାର୍ତ୍ତି କାଜିତାନାଲେ । ^୯ ଆଲେ ସବେନ୍କଲଃ ନେଲ୍ଡରୁମ୍ କାନ୍ରେୟ, କାଲେ ନେଲ୍ଡରୁମ୍କାନ୍ ଲେକା ମେନାଲେୟା, ଜୀନିଦ୍ ମେନାଲେରେୟ, ଗଜାକାନ୍କ ଲେକା ମେନାଲେୟା । ଆଲେ ସାଜାଇ ନାମେତାନାଲେ, ମେନ୍ଦ କାଲେ ଜିୟନାକାନା । ^{୧୦} ଆଲେ ହୁଡ଼ିଙ୍ଗ୍‌ଜୀଉକାନ୍ରେୟ ସବେନ୍ ଇମ୍ତା ରାସ୍‌କାଗି ମେନାଲେୟା । ଆଲେ ନାରାଦୁରାଗିଲେ ନେଲଃତାନା, ମେନ୍ଦ ପୁରାଃ ହଡ଼କକେଲେ କିସାଣ୍ଡକାଦ୍‌କଆ । ଆଲେୟାଃ ଜେଡ଼ନାଃ ବାନଃଲେକା ଆଟ୍‌କାରଃ ତାନା, ମେନ୍ଦ ସାର୍ତ୍ତିଗି ଆଲେ ସବେନାଃଲେ ଆକ୍‌ଡେୟାର୍‌କାଦା ।

^{୧୧} କବିଚିନ୍ତରେନ୍ ଦୁଲ୍ଲାଡ଼୍ ଗାଡ଼ିକ, ଆଲେ ବେଗାର୍ ବେଦାଡେ ସବେନାଃଲେ କାଜିକାଦ୍‌ପେୟା, ଆଲେ ଆପେକେ ପୁରାଃଗିଲେ ଦୁଲ୍ଲାଡ଼୍‌ପେ ତାନା । ^{୧୨} ଆପେ ନାଗେନ୍ତେ ଆଲେୟାଃ ଦୁଲ୍ଲାଡ଼୍ କା ଲାସୁରକାନା, ମେନ୍ଦ ଆପେୟାଃ ଦୁଲ୍ଲାଡ଼୍ ଲାସୁରକାନା । ^{୧୩} ଆଇଁୟାଃ ହନ୍‌କକେ କାଜିକତାନ୍ ଲେକା ଆଇଙ୍ଗ୍ ଆପେକେଇଙ୍ଗ୍ କାଜିପେତାନା, ଆଲେ ଆପେକେ ଦୁଲ୍ଲାଡ଼୍‌ପେ ତାଇକେନ୍ ଲେକାଗି, ଆପେୟ ଆଲେକେ ଦୁଲ୍ଲାଡ଼୍‌ଲେପେ ।

ସାଅଁସାର୍ ହଡ଼କଲଃ ଆଲ୍‌ପେ ଜକାନାଃ

^{୧୪} ଅକନ୍‌କ ଖ୍ରୀଷ୍ଟକେ କାକ ବିଶ୍ଵାସ୍‌ତାନା, ଇନ୍‌କୁଲଃ ମିଦ୍‌ଜକାଡେ କାମି ନାଗେନ୍ତେ ଆଲ୍‌ପେ ସାନାଙ୍ଗ୍‌ଆଃ । ନେ'ଲେକା ଚିଉଲ୍ଲାଅ କା ହବାଦାଡ଼ିୟଃଆ, ଚିୟାଃଚି ଧାର୍ମାନ୍ ଆଡ଼ଃ କା ଧାର୍ମାନ୍‌କଲଃ ଚିକାନ୍ ସାଙ୍ଗାଡି ? ମାର୍ସାଲ୍ ଆଡ଼ଃ ନୁବାଃ ଚିଲ୍‌କାଡେ ମିଦ୍‌ରେ ତାଇନା ? ^{୧୫} ଖ୍ରୀଷ୍ଟ ଆଡ଼ଃ ସାଏତାନ୍ ଚିଲ୍‌କାଡେ ମିଦେନାକିନ୍ ? କା ବିଶ୍ଵାସ୍ ତାନ୍‌ନିଃଲଃ ବିଶ୍ଵାସ୍‌ତାନ୍‌ନିଃ ଚିକାନ୍ ବିଷାଏରେ ମେସା ଦାଡ଼ିନାଃ ? ^{୧୬} *ସାଅଁସାର୍‌କଆଃ ମୁରୁଡ଼କଲଃ ପାର୍ମେଶ୍ଵାର୍‌ଆଃ ମାନ୍‌ିର୍ ଚିଲ୍‌କାଡେ ମେସାଅଃଆ ? ଆରୁଦ୍ ଜୀନିଦ୍ ପାର୍ମେଶ୍ଵାର୍‌ଆଃ ମାନ୍‌ିର୍ ତାନ୍‌ରୁ, ଚିୟାଃଚି ପାର୍ମେଶ୍ଵାର୍ ଆଇଃକ୍‌ଗି କାଜିକାଦା, “ଆଇଙ୍ଗ୍ ଆଇଁୟାଃ ହଡ଼କଲଃ ତାଇନାଇଙ୍ଗ୍ ଆଡ଼ଃ ଇନ୍‌କୁଆଃ ଆଲ୍‌ାରିଙ୍ଗ୍ ହନ୍‌ର ବାଡ଼ାଏୟା ଆଡ଼ଃ ଆଇଙ୍ଗ୍ ଇନ୍‌କୁଆଃ ପାର୍ମେଶ୍ଵାର୍ ହବାଅଃଆଇଙ୍ଗ୍ ଆଡ଼ଃ ଇନ୍‌କୁ ଆଇଁୟାଃ ଆପ୍‌ନାଃ ହଡ଼କ ହବାଅଃଆକ ।” ^{୧୭} ଏନାଡେ ପ୍ରାଭୁ କାଜିୟାଃଏ, “ଇନ୍‌କୁକେ ବାଗିତାକପେ ଆଡ଼ଃ ଇନ୍‌କୁତାଃଏଡେ ଆଡ଼ମେନ୍‌ପେ । ସଡ଼ରା ବିଷାଏଲଃ ନାତା ଆଲ୍‌ପେ ଦହଏଆ, ଏନାରେ ଆଇଙ୍ଗ୍ ଆପେକେଇଙ୍ଗ୍ ଦାରମ୍‌ପେୟା । ^{୧୮} ଆଇଙ୍ଗ୍ ଆପେୟାଃ ଆପୁ ଆଡ଼ଃ ଆପେ ଆଇଁୟାଃ କଡ଼ାହନ୍‌କ ଆଡ଼ଃ କୁଡ଼ିହନ୍‌କ ହବାଅଃଆପେ, ପେଡ଼େୟାନ୍ ପ୍ରାଭୁ ନେଆଁଏ କାଜିତାନା ।”



^{୧୯} ହେ ଦୁଲ୍ଲାଡ଼୍ ହାଗା ମିଗିକ, ନେ ସବେନ୍ ବାନାର୍‌ସା ଆରୁ ପାର୍ମେଶ୍ଵାର୍‌ତାଃଏଡେ ନାମାକାଦାରୁ । ଏନାଡେ ଏଲା ହିଜୁଃପେ, ହଡ଼ମ୍ ଆଡ଼ଃ ଆମ୍ବାକେ ସଡ଼ରାଏତାନ୍ ସବେନ୍ ବିଷାଏଡେ ଆପାନକେ ଫାଟିନପେ । ଆଡ଼ଃ ପାର୍ମେଶ୍ଵାର୍‌କେ ବରଭାଲ୍‌ଜିତାନ୍‌ଲଃ ପୁରାଗି ପାବିତାର୍‌କେଦ୍‌ଡେ ତାଇନାରୁ ।

ପାଉଲ୍‌ସ୍‌ଆଃ ରାସ୍‌କା

^୨ ଆପେୟାଃ ମନ୍‌ସୁରୁଦ୍‌ରେ ଆଲେକେ ଠାୟାଦ୍ ଏମାଲେପେ । ଆଲେ ଜେତାଏୟାଃ ଏଡ଼କାନ୍ କାଲେ ରିକା, ଜେତାଏୟାଃ କାଲେ ହାନିକାଦା, ଜେତାଏତାଃଏଡେ ଜେଡ଼ନାଃ ନାମେ ନାଗେନ୍ତେ ବେଦାକେଦ୍‌ଡେ କାଲେ ଆଉକାଦା । ^୩ ଆପେକେ ଚିଟାପେ ନାଗେନ୍ତେ ଆଇଙ୍ଗ୍ ନେ କାଜି କାଇଙ୍ଗ୍ କାଜିତାନା । ଆଇଙ୍ଗ୍ ସିଦାରେଇଙ୍ଗ୍ କାଜିକାଦା, ଆପେ ଆଲେୟାଃ ନିମିନାଙ୍ଗ୍ ଦୁଲ୍ଲାଡ଼୍‌କ ତାନ୍‌ପେ ଯେ, ଆରୁ ଜୀନିଦ୍ ତାଇନଃ ଚାଏ ଗଜଃ, ଆରୁ ସବେନ୍ ଇମ୍ତା ମିଦ୍‌ତାଃରେ ମେନାରୁଆ । ^୪ ଆପେତାଃରେ ଆଇଁୟାଃ ପୁରାଃ ବିଶ୍ଵାସ୍‌ମେନା । ଆପେୟାଃ ନାଗେନ୍ତେ ଆଇଙ୍ଗ୍ ଆପାନକେ ମାରାଙ୍ଗ୍‌ୟେନ୍‌ଡେୟାଃ ହଗି ପୁରାଃଗିଆ । ଦୁକୁହାସୁରେ ଆଇଙ୍ଗ୍ ପୁରାଃଗି ଜୀଉରାଡ଼େଃ ନାମ୍‌କେଦ୍‌ଡେ ରାସ୍‌କାଡେଇଙ୍ଗ୍ ପେରେଜାକାନା ।

^୫ *ମାକିଦନିଆଡେ ସେଟେରକେଦ୍‌ଡେହଁ ଆଲେୟାଃ ହଡ଼ମ୍ କା ରୁଡ଼ୟାନା । ହଡ଼କଲଃ ସବେନ୍‌ତାଃରେ କା ବାପାଇ ଆଡ଼ଃ ଏପେଗେର୍ ହବାଅଃ ତାଇକେନା, ଏନାଡେ ଆଲେୟାଃ ମନ୍‌ସୁରୁଦ୍‌ରେ ବର ତାଇକେନା । ^୬ ମେନ୍ଦ ହୁଡ଼ିଙ୍ଗ୍‌ଜୀଉକାନ୍‌କକେ ଜୀଉରାଡ଼େଃ ଏମାକାତାନ୍ ପାର୍ମେଶ୍ଵାର୍ ତିତସ୍‌କେ ଆଲେତାଃଡେ କୁଲ୍‌କେଦ୍‌ଡେ ଜୀଉରାଡ଼େଃ ଏମାକାଦ୍‌ଲେୟାଏ । ^୭ ଇନିୟାଃ ହିନିଜୁଃ ହରାଡେ ଏସ୍‌କାର୍ କାହା, ମେନ୍ଦ ଇନିଃ ଆପେତାଃଡେ ସେନ୍‌କେଦ୍‌ଡେ ଅକନ୍ ଜୀଉରାଡ଼େଃ ନାମାକାଦାଏ, ଏନା ହରାଡେ

* ୭:୧୭ ୭:୧୭ ୧ କବିଚିନ୍ତ ୩:୧୭; ୭:୧୯. * ୭:୫ ୭:୫ ୨ କବିଚିନ୍ତ ୨:୧୩.

ଆଲେ ରାସକାଅଃ ତାନାଲେ । ଆଇଙ୍ଗକେ ନେନେଲ୍ ନାଗେନ୍ତେ ଆପେୟାଃ ଚିମିନ୍ ଇଛାସାନାଙ୍ଗ୍, ଆଇଁୟାଃ ନାଗେନ୍ତେ ଆପେୟାଃ ଚିମିନ୍ ଦୁକୁ, ଆଇଁୟାଃସାଃରେ ଜେଡନାଃ କାଜି ନାଗେନ୍ତେ ଆପେ ଚିମିନ୍ ଚିହ୍ନଲାନଗି ମେନାପେୟା, ନେ ସବେନ୍ ବିଷାଏ ଇନିଃ ଆଇଙ୍ଗକେ ଉଦୁବକାଦିୟାଃ । ଏନାତେ ଆଇଙ୍ଗ ପୁରାଃଗିଇଙ୍ଗ ରାସକା କାନା ।

୮ ଆଇଁୟାଃ ଚିଠି ପାଢାଅକେଦତେ ଆପେ ହୁଡିଙ୍ଗଜୀଉକାନରେୟ, ଏନ୍ ଚିଠି ଅଲୀକାଦ୍ ହରାତେ ଆଇଁୟାଃ ମନ୍ରେ ଜେତାନ୍ ଦୁକୁ ବାନଃଆ । ନେ ଚିଠି ଆପେକେ ଘାଡିକାଦ୍ ନାଙ୍ଗ୍ ହୁଡିଙ୍ଗଜୀଉକାଦ୍ପେ ନାଗେନ୍ତେ ଆଇଙ୍ଗ ଦୁକୁକାନତେୟାଃଇଙ୍ଗ । ୯ ମେନ୍ଦ ଆପେୟାଃ ମନ୍ରେ ଦୁକୁ ଏନାକାଦ୍ପେ ହରାତେ କାହାଗି, ମେନ୍ଦ ନେ ଦୁକୁ ଆପେୟାଃ ଜୀଦାନରେୟାଃ ସେନ୍ହରା ବାଦଲୀଅକାଦ୍ ହରାତେ ନାହାଃ ଆଇଙ୍ଗ ରାସକାଅଃ ତାନାଲେ । ପାରମେଶ୍ଵାରଆଃ ମନେ ଲେକାତେ ଆପେ ନେ ଦୁକୁ ସାହାଡିଙ୍ଗକାଦାପେ । ଏନାତେ ଆଲେୟାଃ ହରାତେ ଆପେ ଜେତାଲେକାତେ କାପେ ହାନିକାନା । ୧୦ ଚିୟାଃଚି ନେ ଲେକାନ ଦୁକୁ ପାରମେଶ୍ଵାରଆଃ ହରାତେ ବେଭାରକେଦତେ ମନ୍ସୁରୁଦ୍ ନେ'ଲେକା ବାଦଲୀଅଃରେଦ ଜୀଉବାଞ୍ଚାଅ ନାମଃଆ । ନେଆଁରେ ହୁଡିଙ୍ଗଜୀଉଃରେୟାଃ ଜେଡନାଃ ବାନଃଆ । ମେନ୍ଦ ସାଂସାରରେୟାଃ ଦୁକୁରେ ଏସକାର୍ ଗନଏଃ ହବାଅଃଆ । ୧୧ ନେଲେପେ, ପାରମେଶ୍ଵାରଆଃ ଇଛାସାନାଙ୍ଗ୍ ଲେକାତେ ଆପେ ଅକନ୍ ଦୁକୁପେ ନାମାକାଦା, ଏନା ଆପେତାଃରେ ଚିମିନ୍ ରାସକା, ଚିମିନ୍ ବର, ଚିମିନ୍ ଚିହ୍ନ, ଆମ୍ବା ସୁଧରାଅ ନାଙ୍ଗ୍ ଚିମିନ୍ ଉନ୍ନୁଦୁଦ୍, ଏଡକାନ୍ ହଡକକେ ସାଜାଇ ଏମ୍ ନାଙ୍ଗ୍ ଚିମିନ୍ ଚିହ୍ନଲାନ କାଜିକ ହବାକାନା । ନେ ସବେନ୍ ବିଷାଏରେ ଆପେ ବେଗାର୍ ଚିଟାକାନ୍ ଲେକାପେ ଉଦୁବାକାନା ।

୧୨ ଆପେକଏତେ ଜେତାଏ ଏଡକାନ୍ କାମିକାଦାଏ ଚାଏ ଏଡକାନ୍ ସାହାଡିଙ୍ଗକାଦାଏ, ଇନିୟାଃ ନାଗେନ୍ତେ ଆଇଙ୍ଗ ଏନ୍ ଚିଠି କାଇଙ୍ଗ ଅଲୀକାଦା । ମେନ୍ଦ ପାରମେଶ୍ଵାରଆଃ ନେପେଲ୍ରେ ଆଲେ ନାଙ୍ଗ୍ ଆପେୟାଃ ଭାଙ୍ଗି ଚିମିନ୍ ଇକିରା ଆତଃ ୧୩ ଏନା ନାଙ୍ଗ୍ ଆଲେ ଚିମିନ୍ ଜୀଉରାଡେଃ ନାମାକାଦାଲେ । ଏନା ଉଦୁବ୍ ନାଗେନ୍ତେ ଆଇଙ୍ଗ ଏନ୍ ଚିଟାଉ ଅଲୀକାଦାଲେ । ଆଲେ ଜୀଉରାଡେଃ ଏସକାର୍ କାଲେ ନାମାକାଦା, ମେନ୍ଦ ଆପେ ତିତସକେ ସବେନ୍ ଲେକାତେ ଦେଙ୍ଗାତାନ୍ଲଃ ଚିଲ୍କା ରାସକା କାଇଜାପେ, ଏନା ଆଲେକେ ପୁରାଃଗି ରାସକାଲେତାନା । ୧୪ ଆୟାଃ ଆୟାର୍ରେ ଆପେ ନାଗେନ୍ତେ ଆଇଙ୍ଗ ଆପାନ୍କେ ମାରାଙ୍ଗ୍ ମେନ୍ତେଇଙ୍ଗ କାଜିତାନା । ଆତଃ ଆପେ ଆଇଙ୍ଗକେ କାପେ ହୁଡିଙ୍ଗଜୀଉକାଦିୟା । ଆଲେ ସବେନ୍ ଇମ୍ତା ଆପେତାଃରେ ସାର୍ଡିଗିଲେ କାଜିକାଦା, ଏନ୍ଲେକାଗି ତିତସଆଃ ସାମନାଙ୍ଗ୍ରେ ଆଲେ ଆପାନ୍କେ ମାରାଙ୍ଗ୍ ମେନ୍ତେ କାଜିନ୍ତେୟାଃ ସାର୍ଡି ତାନାଃ । ୧୫ ଚିଲ୍କା ଆପେ ସବେନ୍କ ଇନିୟାଃ କାଜିକ ମାନାଡିଙ୍ଗ୍ ନାଙ୍ଗ୍ ସେକାଡକାନ୍ ତାଇକେନାପେ ଆତଃ ବରତାନ୍, ଏକଲୀଅଃତାନଲଃ ଇନିଃକେ ଦାରମ୍କିୟାପେ, ନେ କାଜିକ ପାହାମକେଦତେ ଆପେ ନାଗେନ୍ତେ ଆୟାଃ ଦୁଲାଡ୍ ଆତଃଗି ହାରାଇଦିୟାଃତାନା । ୧୬ ଆତଃ ଆଇଙ୍ଗ ସବେନ୍ ବିଷାଏରେ ଆପେତାଃରେ ପୁରାଃଗିଙ୍ଗ ବିଶ୍ଵାସ୍ ଦାଡିୟା, ଏନାମେନ୍ତେଇଙ୍ଗ ରାସକାଅଃତାନା ।

୮

ଶ୍ରୀକ୍ଷିୟାନ୍କଆଃ ଏମଃ

୧ *ହେ ହାଗା ମିଶିକ, ମାକିଦନିଆରେୟାଃ କାଲିସିୟାକରେ ଚିଲ୍କା ପାରମେଶ୍ଵାରଆଃ ସାୟାଦ୍ ନାମାକାଦାକ, ଏନା ଆପେକେ ଉଦୁବ୍ ନାଗେନ୍ତେ ସାନାଙ୍ଗ୍ତାନାଲେ । ୨ ଇନ୍କୁ ପୁରାଃ ଦୁକୁତେ ପୁରାଃଗିକ ବିଡାଅୟାନା । ଇନ୍କୁ ପୁରାଃଗି ନାରାଦୁରାକ ତାଇକେନରେୟ, ଆକଆଃ ଏମଃରେ, ଚିମିୟାଙ୍ଗ୍ ଏମ୍ରେୟାଃ କାଜି ଏନାଏତେ ଆଦକା ସୁକୁମନ୍ତେକ ଏମ୍କେଦା । ୩ ଆଇଙ୍ଗ୍ ସାର୍ଡିଗି ଗାଞ୍ଜା ଏମ୍ତାନାଲେ, ଇନ୍କୁ ଆକଆଃ ଇଛାସାନାଙ୍ଗ୍ ଲେକାତେ ଚିମିନାଙ୍ଗ୍ ଏମ୍ ଦାଡିରେୟାଃ ପେଡେଃ ମେନାଃ ଇମନାଙ୍ଗ୍ ଏମ୍କେଦାକ ଆତଃ ଏନାଏତେ ଆଦକାହ୍ ଏମ୍କେଦାକ । ୪ ଯିହୁଦାରେ ତାଇନତାନ୍ ପାରମେଶ୍ଵାରଆଃ ହଡକକେ ଦେଙ୍ଗାକ ନାଗେନ୍ତେ ଇନ୍କୁକେ ସୁଯୋଗ୍ ନାମଃକା ମେନ୍ତେ ଇନ୍କୁ ଆଲେକେ ବିଡିକାଦ୍ଲେ ତାଇକେନାକ । ୫ ଇନ୍କୁତାଃଏତେ ଆଲେ ଇମ୍ନାଙ୍ଗ୍ କାଲେ ଆସ୍ରାକାଦ୍ ତାଇକେନା । ସିଦାତେ ଇନ୍କୁ ଆପାନ୍ ଆପାନ୍କେ ପ୍ରାଭୁତାଃରେକ ଜିମାକାନ୍ ତାଇକେନା ଆତଃ ତାୟମ୍ତେ ପାରମେଶ୍ଵାରଆଃ ଇଛା ଲେକାତେ ଆପାନ୍ ଆପାନ୍କେ ଆଲେୟାଃ ନାଗେନ୍ତେକ ଜିମାୟାନା । ୬ ତିତସାଃ ଦେଙ୍ଗାତେ ନେ ସାୟାଦ୍ରାଃ କାମି ଏଟେଦକାନ୍ ତାଇକେନା । ନେ କାମି କାମିଇଦିୟାକା ଆତଃ ନେ ଦୁଲାଡ୍ରେୟାଃ ସେଞ୍ଜାକାମିରେ ତିତସ୍ ଆପେକେ ଦେଙ୍ଗାପେକା ମେନ୍ତେ ଆଲେ ତିତସକେ ବିଡିକାକ ତାଇକେନାଲେ । ୭ ମେନ୍ଦ ଆପେ ସବେନ୍ ବିଷାଏରେ କିସାଁକାନାପେ, ବିଶ୍ଵାସ୍ରେ, ଜାଗାର୍ରେ ପକ୍ତା, ସେଣାନ୍ରେ, ଦେଙ୍ଗାରେ ଚିହ୍ନଲାନାପେ, ଆତଃ ଆଲେ ନାଗେନ୍ତେ ଆପେୟାଃ ଦୁଲାଡ୍ ପୁରାଃତେ

* ୮:୧ ଗୋମି ୧୫:୨୭.

ଉଦ୍ଭବକାଦାପେ । ଏନ୍ତେ ନେ ସାୟାଦ୍ରେୟାଃ ସେଞ୍ଜାକାମିରେୟ ଦାନ୍ ଏମ୍‌କେଦ୍‌ତେ ଦୁଲ୍ଲାଡ୍‌ରେୟାଃ ପାରିତାଏ ଏମେପେ, ଏନା ଆଇଁୟାଃ ସାନାଙ୍ଗତାନାଃ ।

୮ ଆଇଙ୍ଗ୍ ଆପେକେ ହୁକୁମ୍ ଏମତାନ୍ ଲେକା କାଇଙ୍ଗ୍ କାଜିତାନା, ମେନ୍‌ଦ ସେଞ୍ଜାକାମିରେ ଏଟାଃକଆଃ ଇଛାସାନାଙ୍ଗ୍‌ରେୟାଃ ନାମୁନା ଏମ୍‌କେଦ୍‌ତେ ଆପେୟାଃ ଦୁଲ୍ଲାଡ୍‌ରେୟାଃ ସାର୍‌ତିତେୟାଃ ଆଟ୍‌କାର୍‌ଉରୁମ୍ ନାଗେନ୍ତେଇଙ୍ଗ୍ ସାନାଙ୍ଗତାନା । ୯ ଆପେ ଆରୁଆଃ ପ୍ରାଭୁ ଯୀଶୁ ଖ୍ରୀଷ୍ଟଆଃ ସାୟାଦ୍‌କେପେ ସାରିତାନା । ଆପେକେ କିସାଁଣ୍ ବାଇପେ ନାଗେନ୍ତେ, ଇନିଃ କିସାଁଣ୍ ତାଇକେନ୍‌ରେୟ, ଆପେୟାଃ ନାଗେନ୍ତେ ଆଇଃକ୍‌ଗି ନାରାଦୁରାୟାନା ।

୧୦ ନେ ବିଷାଏରେ ଆଇଁୟାଃ ବିଚାର୍ ହବାଅଃତାନା, ସେନଃୟାନ୍ ସିମା ଆପେ ଅକ୍‌ନାଃ ଏଟେଦ୍‌କାଦ୍ ତାଇକେନାପେ, ଏନା ନାହାଁଃ ଟୁଣ୍ଡୁ ରିକା ନାଗେନ୍ତେ ଆପେକେ ଲାଗାତିଙ୍ଗ୍‌ୟାଃ । କାମି ରିକାରେ ଏସ୍‌କାର୍ କାହାଗି, ମେନ୍‌ଦ ଏନ୍ କାମି ରିକା ନାଗେନ୍ତେ ସାନାଙ୍ଗ୍‌ତେୟାଃରେ ଆପେ ହବାଅଃତାନାପେ ପାହିଲା । ୧୧ ଏନାତେ କାମି ରିକାଇଦିକାତେପେ ଆତଃ ଆପେୟାଃ ନେତାଲେକା ଏନ୍ କାମିକେ ଚାବାଏପେ । ଉହାଟ୍‌ତାନ୍ ତାଇକେନ୍ ଇମ୍‌ତା ଆପେୟାଃ ଅକନ୍ ଇଛାସାନାଙ୍ଗ୍ ତାଇକେନା, ଏନ୍ ଲେକାଗି କାମି ଚାବାଏ ଜାକେଦ୍ କାମିକାତେପେ । ୧୨ ଏମ୍ ନାଗେନ୍ତେ ଇଛାସାନାଙ୍ଗ୍ ମେନାଃରେଦ୍, ଆପେ ଅକ୍‌ନାଃ ଏମ୍ ନାଗେନ୍ତେ ଦାଡ୍‌ୟାପେ, ଏନାକେ ପାର୍‌ମେଶ୍ୱାର୍ ତେଲାଏୟାଏ । ଆପେତାଃରେ ମେନାତେୟାଃଏତେ ଆଦ୍‌କା ଏମେପେ ମେନ୍ତେ ପାର୍‌ମେଶ୍ୱାର୍ କାଏ ସାନାଙ୍ଗ୍‌ଆଃ ।

୧୩ ଆପେୟାଃ ତେତାନ୍‌ରେ ବାହାରମ୍ ଲାଦିକେଦ୍‌ତେ, ଏଟାଃକ ସୁକୁ ନାମେକାକ ମେନ୍ତେ ଆଇଙ୍ଗ୍ କାଇଙ୍ଗ୍ ସାନାଙ୍ଗ୍‌ତାନା । ୧୪ ମେନ୍‌ଦ ନାହାଁଃ ଆପେୟାଃ ପୁରାଃଗି ମେନାଃ ହରାତେ, ଜାଞ୍ଜିଆକାନ୍ ହଡ୍‌କକେ ଆପେକେ ଦେଙ୍ଗା ଲାଗାତିଙ୍ଗ୍‌ୟାଃ । ନେତା ସେଟେରା, ଆପେ ଜାଞ୍ଜିଆକାନ୍ ତାଇନଃ ଇମ୍‌ତା, ଇନ୍‌କୁତାଃରେ ପୁରାଃଗି ତାଇନଃରେ ଆପେୟାଃ ଲାଗାତିଙ୍ଗ୍‌ତେୟାଃ ପୁରାଏ ନାଗେନ୍ତେକ ଦେଙ୍ଗାପେୟା । ନେ ଲେକାତେ ଆପେ, ଆପେୟାଃ ଆଲାରେ ମିଦ୍‌ଜକାଗି ଦେଙ୍ଗା ହବାଅଃଆ । ୧୫ ଧାରାମ୍‌ପୁଥିରେ ଅଲ୍‌କାନା, “ଜେତାଏ ପୁରାଃଗି ହୁଣ୍ଡିକେଦା, ଇନିୟାଃ କା ବାଚାଅୟାନା, ଆତଃ ଜେତାଏ କାଟିଃଗି ହୁଣ୍ଡିକେଦା, ଇନିୟାଃ କା ଜାଞ୍ଜିୟାନା ।”

ତିତସ୍ ଆତଃ ଆୟାଃ ଗାତିରେ କାମିତାନ୍‌କ

୧୬ ପାର୍‌ମେଶ୍ୱାର୍‌ଆଃ ଧାନଧାବାଦ୍ ହବାଅଃକା, ଚିୟାଃଗି ଆରୁଆଃ ଲେକା ତିତସ୍‌ଆଃ ମନ୍‌ସୁରୁଦ୍‌ରେ ହଗି ଆପେକେ ଦେଙ୍ଗା ନାଗେନ୍ତେ ଇଛାସାନାଙ୍ଗ୍ ହବାକାନା । ୧୭ ଇନିଃ ଆଲେୟାଃ ବିକ୍ରିକେ ଏସ୍‌କାର୍ ଦାରମ୍‌କେଦାଏ ମେନ୍ତେଦ୍ କାହାଗି, ମେନ୍‌ଦ ଆପେକେ ଦେଙ୍ଗାପେ ନାଗେନ୍ତେ ନିମିନାଙ୍ଗ୍ ଇଛାସାନାଙ୍ଗ୍ କେଦାଏ ଯେ, ଇନିଃ ଆଇଃକ୍‌ଗି ଆପେତାଃତେ ସେନ୍ ନାଗେନ୍ତେ ମନେକେଦାଏ । ୧୮ ଆଲେ ଆୟାଃଲଃ ଆତଃମିଆଁଦ୍ ହାଗାକେଲେ କୁଲିତାନା । ଇନିଃ ସୁକୁକାଜି ଉଦ୍‌ଭବ୍‌ରେ ସବେନ୍ କାଲିସିୟାରେ ପୁରାଃଗି ମାଇନ୍ ନାମାକାଦାଏ । ୧୯ ଏନା ଏସ୍‌କାର୍ କାହାଗି, ଇନିଃ ହଗି ଆରୁଆଃ ସୁନ୍‌ସାର୍ ହରାତେ ହବାକାନ୍ ନେ ପ୍ରାଭୁଆଃ ମାନାରାଙ୍ଗ୍ ଆତଃ ଆଲେୟାଃ ଜହାର୍ ଉଦ୍‌ଭବ୍ ନାଗେନ୍ତେ ଅକନ୍ ସାୟାଦ୍‌ରେୟାଃ କାମି ଆଲେ ନାମାକାଦାଲେ, ଏନାରେ ଆଲେଲଃ ହରାସେନ୍ ନାଗେନ୍ତେ କାଲିସିୟା ଇନିଃକେ ସାଲାକାଇଜା ।

୨୦ ଲେବେଃ ମନ୍‌ତେ ଏମାକାନ୍ ନେ ସୁନ୍‌ସାର୍‌ରେୟାଃ ବାର୍‌ଦାନ୍‌କେ ଆଲେ ପୁରାଃ ଚିର୍ଗାଲ୍‌ତେ ବାଉରାଅ ତାନାଲେ, ଜେ'ଲେକାଟି ଜେତାଏ ଆଲେକେ କାକ ଚିଟା ଦାଡ୍‌ୟା । ୨୧ ଚିୟାଃଗି ଆଲେ ପ୍ରାଭୁଆଃ ସାମ୍‌ନାଙ୍ଗ୍‌ରେ ଏସ୍‌କାର୍ କାହାଗି ମେନ୍‌ଦ ହଡ୍‌କଆଃ ସାମ୍‌ନାଙ୍ଗ୍‌ରେହ ବୁଗିନାଃଲେ ଉଡ୍‌ଃତାନା ।

୨୨ ଏନାତେ ଆଲେ ଇନ୍‌କୁଲଃ ଆଲେୟାଃ ହାଗାକେଲେ କୁଲିତାନା । ଆଲେ ଇନିଃକେ ପୁରାଃଗି ବିଡାଅକେଦ୍‌ତେ ଇନିଃକେ ପାତିୟାର୍‌ରଃ ଲେକାଲେ ନାମ୍‌କିୟା । ଆପେୟାଃ ତେତାନ୍‌ରେ ଆୟାଃ ପୁରାଃ ଆସ୍ତା ତାଇନ୍ ହରାତେ, ଇନିଃ ଆପେକେ ଦେଙ୍ଗାପେ ନାଗେନ୍ତେ ପୁରାଃଗି ମନେକାଦା । ୨୩ ତିତସ୍‌ଆଃ ପାରିତାଏ ନେଆଁତାନାଃ, ଇନିଃ ଆଇଁୟାଃ ଗାତିରେ କାମିତାନ୍‌ନିଃ ତାନିଃ ଆତଃ ଆପେକେ ଦେଙ୍ଗାରେ ଆଇଁୟାଃଲଃ ମେସାକାନ୍‌ନିଃ ତାନିଃ । ଆତଃ ଆଇଁୟାଃଲଃ ସେନ୍‌ତାନ୍ ଏଟାଃ ବିଶ୍ୱାସୀ ହାଗାକ ହବାଅଃତାନାକ : କାଲିସିୟା ହରାତେ କୁଲାକାନ୍‌କ ଆତଃ ଖ୍ରୀଷ୍ଟଆଃ ମାନାରାଙ୍ଗ୍ ଆଉଡ୍‌ଃ ଲେକାନ୍‌କ ତାନ୍‌କ । ୨୪ ଏନାମେନ୍ତେ, ଇନ୍‌କୁକେ ଆପେୟାଃ ଦୁଲ୍ଲାଡ୍ ଉଦ୍‌ଭବ୍‌କପେ । ଏନାରେ ସବେନ୍ କାଲିସିୟାକ ନେ ବିଷାଏରେ ଠାଉକା ହବାଅଃଆ ଆତଃ ଆପେ ନାଗେନ୍ତେ ଆଲେ ଆପାନ୍‌କେ ମାରାଙ୍ଗ୍ ମେନ୍ତେ କାଜିନ୍‌ତାନ୍‌ତେୟାଃ ସାର୍‌ତି ମେନ୍ତେକ ଆଟ୍‌କାର୍ ଦାଡ୍‌ୟା ।



ଏଟାଃ କାଲିସିୟାରେନ୍ ବିଶ୍ୱାସୀକ ନାଗେନ୍ତେ ଦେଙ୍ଗା

୧ ଯିହୁଦାରେ ତାଇନତାନ୍ ପାର୍ମେଶ୍ୱାର୍ଆଃ ହୃଦକତାଃତେ ଦେଞ୍ଜା କୁଲେ ନାଗେନ୍ତେ ଆପେକେ ଜେତ୍ନାଃ ଅଲ୍ ନାଜ୍ କା ଲାଗାତିଙ୍ଗ୍ୟାଃ । ୨ ଆଇଙ୍ଗ୍ ଆପେୟାଃ ଚିହୁଲ୍ଲାନ କାମିକ ସାରିତାନାଇଙ୍ଗ୍, ଆପେ ସବେନ୍ ଇମତା ଦେଞ୍ଜା ନାଗେନ୍ତେପେ ସେକାଡାକାନା ଆତଃ ମାକିଦନିଆରେନ୍ ହୃଦକଆଃ ସାମ୍ନାଙ୍ଗ୍ରେ ଆପେୟାଃ ବିଷାଏରେ ଆଇଙ୍ଗ୍ ଆପାନ୍କେ ମାରାଙ୍ଗ୍ ମେନ୍ତେଇଙ୍ଗ୍ କାଜିକାଦା । ଆଇଙ୍ଗ୍ କାଜିକାଦ୍ ତାଇକେନାଇଙ୍ଗ୍, “ଆଖାୟାରେନ୍ ହାଗାକ ଦେଞ୍ଜା ନାଗେନ୍ତେ ସେକାଡାକାନ୍ ମେନାକଆ ।” ଆପେୟାଃ ଚିହୁଲ୍ଲାନ କାମିକ ଇନ୍କୁକଏତେ ପୁରାଃ ହୃଦକକେ ଚେଡ଼ଗାର୍ କାଦକଆ । ୩ ନାହାଁଃ ଆଇଙ୍ଗ୍ ନେ ହାଗା ମିଶିକକେ ଆପେତାଃତେଇଙ୍ଗ୍ କୁଲ୍କତାନା । ଜେ'ଲେକାତି ଆପେୟାଃ ବିଷାଏରେ ଆଲେ ଆପାନ୍କେ ମାରାଙ୍ଗ୍ୟେନ୍ କାଜିନ୍ତାନ୍ତେୟାଃ ଆଲକା ସାମାଏଶ୍ୱାଗଃକା । ଆଇଁୟାଃ କାଜି ଲେକାତେ ଆପେ ଦେଞ୍ଜା ଏମ୍ ନାଗେନ୍ତେ ସେକାଡାକାନ୍ ତାଇନ୍ତେପେ । ୪ ମାକିଦନିଆରେନ୍ ହୃଦକ ଆଇଁୟାଃଲଃ ସେନ୍କେଦ୍ତେ ଆପେକେ କା ସେକାଡାକାନ୍ ନେଲ୍ପେରେଦ୍, ଆପେୟାଃ ଚେଡାନ୍ତେ ଆଲେୟାଃ ପକ୍ତା ଆସ୍ତା ତାଇନ୍ ହରାତେ ଆଲେ ଚିହୁଗଃଆଲେ, ସାର୍ତି କାଜିଲେରେ, ଏନା ଆପେ ନାଗେନ୍ତେୟ ଚିହୁଗଃରାଃ କାଜି ହବାଅଃଆ । ୫ ଆପେ ଦାନ୍ ଏମ୍ ନାଗେନ୍ତେ ସିଦାରେ ବାନାର୍ସା ଏମାକାଦ୍ ତାଇକେନାପେ, ଏନାକେ ହାରମ୍ ନାଗେନ୍ତେ ଆଇଙ୍ଗ୍ ନେ ହାଗା ମିଶିକକେ ସିଦାରେ ଆପେତାଃତେ ସେନ୍ ନାଜ୍, ଆରୁତେୟାଃ ବୁଗିନାଃ ହବାଅଃଆ ମେନ୍ତେଇଙ୍ଗ୍ ଆଟ୍କାର୍କେଦା । ଜେ'ଲେକାତି ଆଇଙ୍ଗ୍ ଆପେତାଃତେ ସେଚେର୍ ଇମତାଲଃ ଏନ୍ ଦାନ୍ ଉଖ୍ରାଅକେଦ୍ତେ ଦହାକାନ୍ଗି ତାଇନା । ନେଆଁ ହରାତେ ଆପେକେ ଏମ୍ ଲାଗାତିଙ୍ଗ୍ୟାଃ ଲେକା କା ଏମ୍କେଦ୍ତେ ଆପ୍ନାଃ ସାନାଙ୍ଗ୍ ଲେକା ଏମ୍ତାନାପେ ମେନ୍ତେ ଉଦୁବଃଆ ।

୬ ପାହାମେପେ, କାଟିଃ ଲେକା ହିତା ହେରେତାନ୍ନିଃ, କାଟିଃ ଲେକାଗି ଇରେୟା, ଆତଃ ପୁରାଃ ହିତା ହେରେତାନ୍ନିଃ ପୁରାଃଗି ଇରେୟା । ୭ ଏନାତେ, ଅକଏ ଚିଲ୍ଲକା ମନ୍ରେ ଉଡ଼ୁକାଦାଏ, ଇନିଃ ଏନ୍ ଲେକାଗି ଏମେକାଏ ଆତଃ ଇନିଃ ଏମେତାନ୍ତେୟାଃ ହୁଡିଙ୍ଗ୍ଜାତେ ଚାଏ ମାମ୍ପରାଙ୍ଗ୍ରେ ଆଲକାଏ ଏମେକା । ଚିୟାଃତି ପାର୍ମେଶ୍ୱାର୍ଦ ରାସ୍କାତେ ଏମଃନିଃକେ ଦୁଲାଡ଼ାଃଏ । ୮ ସବେନ୍ ବିଷାଏ ସବେନ୍ ଇମତା ପୁରାଃତେ ନାମ୍କେଦ୍ତେ, ଆପେ ଜେ'ଲେକା ସବେନ୍ ବୁଗିନ୍ କାମି ନାଗେନ୍ତେ ପୁରାଃ ଆଦକାଗି ଏମ୍ ଦାଡିୟାପେ, ଏନାମେନ୍ତେ ପାର୍ମେଶ୍ୱାର୍ ଆପେକେ ସବେନ୍ ଲେକାନ୍ ସାୟାଦ୍ ପୁରାଃଗି ଏମ୍ ଦାଡିନିଃ ତାନିଃ । ୯ ଧାରାମ୍ ପୁଥ୍ରେ ଅଲକାନ୍ ଲେକା, “ଇନିଃଦ ରେଙ୍ଗେଃକକେ ହାଟିଙ୍ଗ୍ ତାନା, ଇନିୟାଃ ଧାର୍ମାନ୍ତେୟାଃ ଜାନାଅ ଜାନାଅଗି ମେନାଃ ।”

୧୦ ହିତାହେର୍ ହୃଦକକେ ପାର୍ମେଶ୍ୱାର୍ ହେର୍ ନାଗେନ୍ତେ ହିତା ଆତଃ ଜମ୍ ନାଗେନ୍ତେ ହଲଙ୍ଗ୍ ଏମାଃଏ, ଇନିଃ ଆପେୟାଃ ଲାଗାତିଙ୍ଗ୍ ଲେକା ହିତାଏ ଯୋଗାଅପେୟା ଆତଃ ଏନାକେ ହାରାଇତିୟା, ଆତଃ ଆପେୟାଃ ବୁଗିନ୍ ବିଷାଏରେୟାଃ ଜ ପୁରାଃଗି ପସା ଇଦିୟଃଆ । ୧୧ ଆପେ ଜେ'ଲେକା ଲେବେଃମନ୍ତେ ଦାନ୍ ଏମ୍ ଦାଡିୟାପେ, ଏନାମେନ୍ତେ ପାର୍ମେଶ୍ୱାର୍ ଆପେକେ ସବେନ୍ ବିଷାଏରେ କିସାଁଶ୍ପେୟା ଆତଃ ଆଲେୟାଃ ହରାତେ ଆପେ କୁଲକାଦ୍ ଦାନ୍ ନାଗେନ୍ତେ ପୁରାଃ ହୃଦକ ପାର୍ମେଶ୍ୱାର୍କେ ଧାନାବାଦକ ଏମାଇୟା । ୧୨ ଆପେୟାଃ ଏମଃରେୟାଃ ସେଞ୍ଜା ହରାତେ ପାର୍ମେଶ୍ୱାର୍ଆଃ ହୃଦକଆଃ ଜାଞ୍ଜିଅଃତେୟାଃ ସାଜିନଃଆ, ଏନା ଏସ୍କାର୍ କାହାଗି, ମେନ୍ଦ ନେ ଏମଃ ହରାତେ ପୁରାଃ ହୃଦକ ପାର୍ମେଶ୍ୱାର୍କେ ଧାନାବାଦକ ଏମାଇୟା । ୧୩ ନେ ସେଞ୍ଜାକାମି ହରାତେ ଖ୍ରୀଷ୍ଟୁଆଃ ସୁକୁକାଜି ନାଜ୍ ଆପେୟାଃ ପାତିୟାର୍ରେୟାଃ ଆତଃ ସବେନ୍କଲଃ ମେନେସାରେୟାଃ ଲେବେଃମନ୍ ହରାତେ ଇନ୍କୁ ପାର୍ମେଶ୍ୱାର୍ଆଃ ମାନାରାଙ୍ଗ୍ ଉଦୁବେୟା । ୧୪ ଆତଃ ଆପେୟାଃ ନାଗେନ୍ତେ ପାର୍ମେଶ୍ୱାର୍ଆଃ ସାୟାଦ୍ ପୁରାଃଗି ହବାଅଃକା ମେନ୍ତେ ଇନ୍କୁ ପୁରାଃ ଇଛାସାନାଙ୍ଗ୍ଲଃ ପାର୍ମେଶ୍ୱାର୍ତାଃରେ ବିଡ୍ଡିୟାକ । ୧୫ ଦଲାବୁ, ପାର୍ମେଶ୍ୱାର୍ଆଃ ପୁରାଃ ଗନଙ୍ଗ୍ଆନ୍ ଦାନ୍ ନାଗେନ୍ତେ, ଇନିଃକେ ଧାନାବାଦବୁ ଏମାଇୟା ।

୧୦

କା ଲାଗାତିଙ୍ଗ୍ ଉଦୁବୁରେ ପାଉଲୁସ୍ଆଃ କାଜିରୁହାଡ଼୍

୧ ଆଇଙ୍ଗ୍ ପାଉଲୁସ୍, ଆପେକେ ଆଇଁୟାଃ ଆପାନ୍ସାଃଏତେଇଙ୍ଗ୍ ବିନ୍ତିପେତାନା, ତିମିନ୍ ହୃଦକ କାଜିୟାଃକ, “ଆଇଙ୍ଗ୍ ଆପେତାଃରେ ତାଇକେନ୍ ଇମତା ପୁରାଃଗି ଲେବେଃମନ୍ ଆତଃ ହୁଡିଙ୍ଗ୍ମନ୍ ଲେକାନ୍ନିଃ ତାଇକେନାଇଙ୍ଗ୍, ମେନ୍ଦ ଆପେତାଃହେତେ ସାଜିନ୍ତେ ସେନଃୟାନ୍ତେ ପୁରାଃ କେଚେଦ୍ମନ୍ ଲେକାନ୍ନିଃ ତାନିଙ୍ଗ୍ ।” ଖ୍ରୀଷ୍ଟୁଆଃ ଲେବେଃମନ୍ ଆତଃ ଦାୟା ହରାତେ ୨ ଆଇଙ୍ଗ୍ ଆପେକେ ବିନ୍ତିକେଦ୍ତେ କାଜିପେତାନାଇଙ୍ଗ୍, ଆପେଲଃ ନେପେଲ୍ ଇମତା ଆଇଙ୍ଗ୍କେ ଆପେ ଆଲ୍ପେ ଖ୍ୱସ୍ଚିଙ୍ଗ୍, ଚିୟାଃତି ଆଲେ ସାଂସାର୍ରେୟାଃ ରିତିନିତି ଲେକା ସେସେନ୍ତାନାଲେ ମେନ୍ତେ ଅକନ୍ ହୃଦକ କାଜିତାନାକ, ଇନ୍କୁଆଃ ବିରୁଧ୍ରେ ପୁରାଃତେ କାଜିନାଜ୍ ଆଇଙ୍ଗ୍ କାଇଙ୍ଗ୍ ବରତାନା । ୩ ଆବୁ ନେ ଅତେଦିଶ୍ୱମ୍ରେ ତାଇନଃ ତାନାବୁ ଏନା ସାର୍ତିଗି ତାନାଃ, ମେନ୍ଦ ଆବୁ ସାଂସାର୍ରେନ୍ ହୃଦକ ଲାଡ଼ାଇତାନ୍ ଲେକା, କାବୁ ଲାଡ଼ାଇତାନା । ୪ ମେନ୍ଦ ଆବୁ ଲାଡ଼ାଇ ନାଗେନ୍ତେ ନେ ଅତେଦିଶ୍ୱମ୍ରେୟାଃ

ହାଁତେୟାର କାରୁ ବେଭାରୁଆ, ମେନ୍ଦ ପାରମେଶ୍ୱାରୁଆ ପେଡେୟାନ୍ ହାଁତେୟାର ବେଭାରୁକେଦତେ ବାଇରିକଆ କେଟେୟାନ୍ ହରତାନ୍ ଠାୟାଦକେ ଜିୟନ୍ତାନାରୁ । ଆବୁ ହସଡ଼ ଜାଗାରକକେହ ଜିୟନ୍ତାଠାରୁ । ^୫ ପାରମେଶ୍ୱାରୁଆ ସେଣ୍ଡାନ୍ ବିରୁଧରେ ବିରିଦତାନ୍ ସବେନ୍ କାଜିକଟଙ୍ଗଡେୟାଠକେ ଆଲେ ଆତମତାଠଲେ ଆତଃ ହଡକଆ ସବେନ୍ ଉଡ଼ୁ ଆବରରେ ଦହକେଦତେ ଶ୍ରୀଷ୍ଟକେ ମାନାତିଙ୍ଗ ନାଗେନ୍ତେ ବାଇକଆ । ^୬ ଆତଃ ଚିମ୍ତା ଆପେ ପୁରା ଶ୍ରୀଷ୍ଟଆ ମାନାତିଙ୍ଗତାନ୍କ ଲେକାପେ ହବାଅଃ ତାୟମତେ, ଆପେ ଆଲାରେ ଜେତାଏ କା ମାନାତିଙ୍ଗତାନ୍ନିଃ ଲେକାଏ ନେଲଃରେ, ଆଲେ ଇନିଃକେ ସାଜାଇ ଏମ୍ ନାଗେନ୍ତେ ସେକାଡ଼ାକାନାଲେ ।

^୭ ଆପେୟାଃ ଉପୁନ୍ସାଃରେ ଚିନାଃ ହବାଅଃତାନା, ଏନା ନେଲେପେ । ଆପେକଏତେ ଜେତାଏ, ଆପାନ୍କେ ଶ୍ରୀଷ୍ଟଆ ତାନିଙ୍ଗ ମେନ୍ତେ ବିଶ୍ୱାସତାନ୍ନିଃ ମେନାଇୟାଚି ? ମେନାଇରେଦ, ଇନିଃ ଆତଃମିସାଏ ଉଡ଼ୁଇଚା, ଚିୟାଠି ଇନିୟାଃ ଲେକା ଆବୁହ ଶ୍ରୀଷ୍ଟକେ ବିଶ୍ୱାସତାନ୍ ହଡକ ତାନ୍ତୁ । ^୮ ଆପେକେ ଜିୟନ୍ତେ ନାଗେନ୍ତେଦ କାହା, ମେନ୍ଦ ବାଇଇଦିପେ ନାଗେନ୍ତେ ପ୍ରାଭୁ ଆଲେକେ ଅକ ଆକଡେୟାର ଏମାକାଦଲେୟାଏ, ଏନା ନାଗେନ୍ତେ ଆଇଙ୍ଗ ପୁରାଠି ଆପାନ୍କେ ମାରାଙ୍ଗ ମେନ୍ତେଇଙ୍ଗ କାଜିନ୍ରେଦ, ଏନାରେ ଆଇଙ୍ଗ କାଇଙ୍ଗ ଗିହୁଗଠଆ । ^୯ ଆଇୟାଃ ଚିଠି ହରାତେ ଆପେକେ ବଡଙ୍ଗପେ ନାଗେନ୍ତେ ଆଇଙ୍ଗ ସାନାଙ୍ଗତାନା । ^{୧୦} ଚିମିନ୍ ହଡକ କାଜିୟାଃ, “ପାଉଲୁସଆ ଚିଠିକ ପୁରାଃ ହାସୁଆନ୍ନିଆ ଆତଃ କେଟେୟାନ୍ନିୟା, ମେନ୍ଦ ଇନିଃ ଆବୁଲଃ ତାଇକେନ୍ ଇମତା ହଡମରେ କା ପେଡେୟାନ୍ ଆତଃ ଆୟାଃ କାଜିକ ସାମାଗି ଲେକା ଆଟକାରଃ ତାଇକେନା ।” ^{୧୧} ଏନ୍ ହଡକକେ ଆଟକାର ଉରୁମ୍ ଲାଗାତିଙ୍ଗୟାଃ ଯେ, ଆଲେ ଅକନାଃ ସାଜିନ୍ହେତେ ଚିଠିରେ ଅଲେତାନାଲେ, ଏନା ସାମ୍ନାଙ୍ଗରେ ତାଇକେଦତେ କାମି ରିକାତାନ୍ ଲେକାନାଃ ତାନାଃ ।

^{୧୨} ଚିମିନ୍ ହଡକ ଆପାନ୍କେ ମାରାଙ୍ଗ ମେନ୍ତେ କାଜିନ୍ତାନ୍କଲଃ ମେସାନ୍ ଚାଏ ଇନ୍କୁଲଃ ଆଲେ ଆପାନ୍କେ ଜକାଃଥ ନାଗେନ୍ତେ ବରତାନାଲେ । ଇନ୍କୁ ଚିମିନ୍ ତଣ୍ଡକ ତାନ୍କ, ଚିୟାଠି ଇନ୍କୁ ଆକ ଆକଗି ନାପାଅଃଆକ, ଆତଃ ଆକଆଃ ଆପ୍ତନାଃ ଲେକାତେଗି ବିଚାରଃଆକ । ^{୧୩} ମେନ୍ଦ ଆବୁ ଆପାନ୍କେ ମାରାଙ୍ଗ ମେନ୍ତେ କାଜିନ୍ତେୟାଃ ସିମ୍ନାହେତେ ବାହାରିରେ ବାନଃଆ, ପାରମେଶ୍ୱାରୁ ଆବୁ ନାଗେନ୍ତେ ଅକନ୍ କାମି ବାଇୟାକାଦାଏ, ଏନା ସିମ୍ନା ଭିତାରରେଗି ତାଇନା ଆତଃ ଆପେ ଆଲାରେ ମେସାଅଃଆ । ^{୧୪} ଏନା ନାଗେନ୍ତେ ସିଦାତେ ଆଲେ ଶ୍ରୀଷ୍ଟଆ ସୁକୁକାଜି ଆପେତାଃତେ ଇଦି ସେଟେର୍ ଇମତାରେ ସିମ୍ନା ଭିତାରରେ ତାଇକେଦତେ କାଲେ କାମି । ^{୧୫} ପାରମେଶ୍ୱାରୁ ଆବୁଆଃ ନାଗେନ୍ତେ ବାଇୟାକାଦ କାମିରେୟାଃ ସିମ୍ନା ବାହାରିରେ ଏଟାଃକ କାମିରେୟାଃ ସୁଯୋଗ୍ ଇଦିକେଦତେ କାମିକାଦାକ, ଏନାରେ ଆବୁ ଆପାନ୍କେ ମାରାଙ୍ଗ ମେନ୍ତେ କାରୁ କାଜିନା । ମେନ୍ଦ ଆଲେ ଆସ୍ରାକାଦାଲେ ଯେ, ଆପେ ବିଶ୍ୱାସରେ ହାରା ଇଦିୟଃତାନ୍ଲଃ ଆପେ ଆଲାରେ ଆଲେୟାଃ କାମି ଆତଃଗି ପାସରାଅ ଇଦିଅଃଆ । ମେନ୍ଦ ନେଆଁ ପାରମେଶ୍ୱାରୁ ଠାହାରାଅକାଦ୍ ସିମ୍ନା ଭିତାରରେ ହବାଅଃଆ । ^{୧୬} ଏନ୍ରେଦ, ଏଟାଃନିୟାଃ କାମିରେ ହବାକାନ୍ କାମି ନାଗେନ୍ତେ ଆପାନ୍କେ ମାରାଙ୍ଗ ମେନ୍ତେ କା କାଜିକେଦତେ ଆପେୟାଃ ସିମ୍ନା ବାହାରିରେୟାଃ ଏଟାଃ ଦିଶୁମ୍ରେୟାଗି ଆବୁ ସୁକୁକାଜି ଉଦୁବ୍ ଦାଡିୟାରୁ ।

^{୧୭} ମେନ୍ଦ ଧାରାମ୍ପୁଥରେ ଅଲାନା, “ଜେତାଏ ଆପାନ୍କେ ମାରାଙ୍ଗ ମେନ୍ତେ କାଜିନ୍ ସାନାଙ୍ଗନିଃ, ପ୍ରାଭୁ ରିକାକାଦ୍ କାମି ବିଷାଏରେ ଆପାନ୍କେ ମାରାଙ୍ଗ ମେନ୍ତେ କାଜିନ୍ ଲାଗାତିଙ୍ଗୟାଃ ।” ^{୧୮} ଚିୟାଠି ଆପ୍ତନାଃ ସାହାରାଅ ରିକା ହରାତେ, ଇନିଃ ମାଇନ୍ ନାମେନିଃ କାଏ ହବାଅଃଆ, ମେନ୍ଦ ଜେତାଏ ପ୍ରାଭୁଆଃ ନେପେଲ୍ରେ ବୁଗିନାଃ ହବାଅଃଆ, ଇନିଃ ଏସକାର୍ ମାଇନ୍ ନାମେନିଃ ହବାଅଃଆଏ ।

୧୧

ପାଉଲୁସ ଆତଃ ହସଡ଼ ପ୍ରେରିଡ଼

^୧ ଆଇୟାଃ ସାନାଙ୍ଗ ଯେ, ଜେତା ବିଷାଏରେ କାଟିଃଲେକା ତଣ୍ଡ ହବାଅଃରେୟ ଆପେ ଆଇଙ୍ଗକେ ସାହାତିଙ୍ଗପେ । ^୨ ଆଇଙ୍ଗଦ ପାରମେଶ୍ୱାରୁଆ ଚିହ୍ନଲାନ ହରାତେ ଆପେ ନାଙ୍ଗ ଚିହ୍ନଲାନଗି ମେନାଇୟା, ଚିୟାଠି ଫାର୍ଚିୟାକାନ୍ ତିଣ୍ଡା କୁଡି ଲେକା ଶ୍ରୀଷ୍ଟଆ ସାମ୍ନାଙ୍ଗରେ ତିଙ୍ଗୁଦାଡିପେ ମେନ୍ତେ ଆଇଙ୍ଗ ମିଆଁଦଗି କଡାନାଙ୍ଗ ଆପେୟାଃ କାଜିଇଙ୍ଗ ବାଇୟାକାଦା । ^୩ ମେନ୍ଦ ବିଙ୍ଗ ଆୟାଃ ଚାତୁର୍ ହସଡ଼ ହରାତେ ହାଞ୍ଜାକେ ବେଦାକିଃ ଲେକା, ଆପେୟାଗି ଶ୍ରୀଷ୍ଟକେ ପୁରା ବାଗିୟାପେ ଆତଃ ଫାର୍ଚିନ୍ ପାତିୟାରରେନ୍ତାଃଏତେ ବିଗ୍ଡାଅଃଆପେ, ମେନ୍ତେ ଆଇୟାଃ ବର ମେନାଃ । ^୪ ଚିୟାଠି ଜେତାଏ ହିନ୍ତୁଃକେଦତେ ଆଲେ ଉଦୁବାକାଇ ଯାଗୁକେ ବାଗିକେଦତେ ଏଟାଃ ଜେତା ଯାଗୁଆ କାଜିକ ଉଦୁବେୟା ଚାଏ ଆପେ ନାମାକାଦ୍ ଆମ୍ବାକେ ବାଗିକେଦତେ ଏଟାଃ ଜେତା ଆମ୍ବାରାଃ କାଜିକ କାଜିୟା ଚାଏ ଆପେ ତେଲା ଦାରମ୍ବାକାଦ୍ ସୁକୁକାଜି ବାଗିକେଦତେ ଏଟାଃ ଜେତା ସୁକୁକାଜିକ ଉଦୁବେୟା ଆତଃ ଆପେ ଏନାକେ ସୁକୁତେପେ ତେଲା ତାନ୍ରେଦ, ସାମାରେ ଏନାକେପେ ତେଲା ଦାରମ୍ବାକାଦା ।

୫ ଆପେୟାଃ ଏନ୍ ମାପରାଞ୍ଵ ପ୍ରେରିତକତାଃଏତେ ଆଇଞ୍ଵ ଜେତାଲେକାତେ ହୁଡିଞ୍ଵ ମେନ୍ତେ କାଇଞ୍ଵ ଆଟ୍ଟକାରେନ୍ତାନା । ୬ ହବାସାକାଅଆଃ, ଜାଗାରରେ ଆଇଞ୍ଵ ଡଣ୍ଡାଗିୟାଈଞ୍ଵ, ମେନ୍ଦ ସେଣ୍ଡାନ୍ରେ ଡଣ୍ଡ ନାହାଁଲିଞ୍ଵ । ଆପେକେ ନେ କାଜିକ ଆଲେ ସବେନ୍ ଇମ୍ତା ଆଡଃ ସବେନ୍ ଲେକାତେ କାଜି ଆଉପେତାନାଲେ ।

୭ ପାରମେଶ୍ଵାରଆଃ ସୁକୁକାଜି ଉଦ୍ଭବ୍ ଇମ୍ତା ଆଇଞ୍ଵ ଆପେତାଃଏତେ ନେଆଁରାଃ ଗନଞ୍ଵ କାଇଞ୍ଵ ଆସି । ଆଇଞ୍ଵ ଆପେକେ ବିଶେଷ୍ ହଡ଼ ବାଇପେ ନାଗେନ୍ତେ ଆପାନ୍କେଇଞ୍ଵ ହୁଡିଞ୍ଵୟେନ୍ୟାନା । ନେଆଁ ତିନାଃ ଆଇଁୟାଃ ଗୁଞ୍ଵା ତାନାଃ ? ଠ ଆପେୟାଃ ଆଲାରେ କାମିତାନ୍ ଇମ୍ତା ଆଇଞ୍ଵ ଏଟାଃ କାଲିସିୟାକତାଃଏତେ ଏମଃରେ ଦେଞ୍ଵାଇଞ୍ଵ ନାମାକାଦା । କାଜିଲେରେ, ଆପେୟାଃ ଦେଞ୍ଵା ନାଗେନ୍ତେ ଆଇଞ୍ଵ ଇନ୍କୁକେଇଞ୍ଵ ରେଏଃକାଦକଆ । ୯ ଆପେଲଃ ତାଇକେନ୍ ଇମ୍ତା ଆଇଁୟାଃ ଜାଞ୍ଵିଅଃତେୟାଃ ପୁରାଅଃ ନାଗେନ୍ତେ ଆଇଞ୍ଵ ଜେତାଏକେ ଉଡ଼ୁରେ କାଇଞ୍ଵ ଉୟୁଃକାଦକଆ । ଚିୟାଃତି ମାକିଦନିଆଏତେ ହିଜୁଃକାନ୍ ହାଗା ମିଶିକ ଆଇଁୟାଃ ସବେନ୍ ଜାଞ୍ଵିକାନ୍ତେୟାଃ ଏମାଦିୟାକ । ସିଦା ଦିପିଲି ଲେକା ହିଜୁଃ ଦିପିଲିରେୟ ଆଇଞ୍ଵ ଚିଉଲୀଅ ଆପେକେ ବାହାରମ୍ କାଇଞ୍ଵ ଲାଦିପେୟା । ୧୦ ଆଇଞ୍ଵରେ ତାଇକାନ୍ ଶ୍ରୀଷ୍ଟୁଆଃ ସାନାରତି ହରାତେ, ଆଇଞ୍ଵ ବାନାରସା ଏମ୍କେଦତେ କାଜିତାନାଇଞ୍ଵ ଯେ, ଆଇଞ୍ଵ ଆପାନ୍କେ ମାରାଞ୍ଵ ମେନ୍ତେ କାଜିନ୍ତେୟାଃକେ, ଆଖାୟା ଦିଶୁମ୍ରେୟାଃ ଜେତାନ୍ ପାରଗାନ୍ରେ ହାପାକେଦତେ ତାଇନ୍ କା ଦାଡ଼ିୟାଃଆ । ୧୧ ଆଇଞ୍ଵ ତିନାଃ ମେନ୍ତେ ନେଲେକା କାଜିତାନାଇଞ୍ଵ ? ଆଇଞ୍ଵ ତିନାଃ ଆପେକେ କାଇଞ୍ଵ ଦୁଲ୍ଲାଡ଼ପେ ତାନା ? ଆଇଞ୍ଵ ଆପେକେ ଚିମିନ୍ ଦୁଲ୍ଲାଡ଼ପେ ତାନ୍ତେୟାଃ, ପାରମେଶ୍ଵାର ସାରିତାନାଏ ।

୧୨ ମେନ୍ଦ ନାହାଁଃ ଆଇଞ୍ଵ ଅକ୍ନାଃ କାମିତାନ୍ତେୟାଃ, କାମି ଇଦିକାତେୟାଈ । ଏନାରେଦ, ଆଲେ ଲେକା କାମିତାନାକ ମେନ୍ତେ ଅକନ୍ ଏଟାଃ ବିଶେଷ୍ “ପ୍ରେରିତକ” ଆପାନ୍କେ ମାରାଞ୍ଵ ମେନ୍ତେକ କାଜିନ୍ତାନା, ଇନ୍କୁ ଆଡଃ ଏନା କାକ ରିକାଦାଡ଼ିୟା । ୧୩ ଏନ୍ଲେକାନ୍ ହଡ଼କଦ ହସଡ଼ ପ୍ରେରିତକ ତାନ୍କ ଆଡଃ ବେଦା କାମିତାନ୍ ହଡ଼କତାନ୍କ, ଆକଆଃ କାମି ବିଷାଏରେ ବେଦା କାଜି କାଜିୟାଈକ ଆଡଃ ଶ୍ରୀଷ୍ଟୁଆଃ ପ୍ରେରିତକ ଲେକା ନେଲଃ ନାଗେନ୍ତେ ଶ୍ରୀଷ୍ଟୁଆଃ ପ୍ରେରିତକ ଲେକାକ ବାଇୟେନା । ୧୪ ନେଆଁରେ ଆକଦାୟା ହବାଅଃରେୟାଃ ଜେତାନ୍ କାଜି ବାନଃଆ, ଚିୟାଃତି ସାଏତାନ୍ହ ଆଇଃକ୍ଚି ମାୟାଲ୍ରେନ୍ ଦୁଡ଼ ଲେକା ନେଲଃ ନାଗେନ୍ତେ ମାୟାଲ୍ରେନ୍ ଦୁଡ଼ ଲେକାଏ ବାଇୟେନା । ୧୫ ଏନାତେ ଏନ୍ ଭେସ୍ ବାଦଲୀଅ ତାନ୍ନିୟାଈ ଦାସିକ, ଧାରମାନ୍ ଦାସିକ ଲେକା ବାଇୟେନ୍ରେଦ, ଏନାରେ ଆକଦାୟା ହବାଅଃରେୟାଈ ଜେତାନ୍ କାଜି ବାନଃଆ, ମେନ୍ଦ ଇନ୍କୁଆଃ ଚୁଣ୍ଡୁ ଆକଆଃ କାମି ଲେକାଗି ହବାଅଃଆ ।

ପ୍ରେରିତକ ଲେକା ପାଉଲୁସଆଃ ଦୁକୁହାସୁ

୧୬ ଆଇଞ୍ଵ ଆଡଃଗିଈଞ୍ଵ କାଜିତାନା, ଜେତାଏ ଆଇଞ୍ଵକେ ଡଣ୍ଡ ମେନ୍ତେ ଆଲକାଏ ଆଟ୍ଟକାରିଞ୍ଵକା, ମେନ୍ଦ ଆପେ ଏନ୍ଲେକା ଆଟ୍ଟକାରିଞ୍ଵ ରେୟ, ଆଇଞ୍ଵକେ ଡଣ୍ଡ ଲେକା ଦାରମିଞ୍ଵପେ, ଜେଲେକା ଆଇଞ୍ଵ ଆପାନ୍କେ ମାରାଞ୍ଵ ମେନ୍ତେ କାଜି ନାଞ୍ଵ କାଟିଃଲେକା ନେତାଇଞ୍ଵ ନାମେୟା । ୧୭ ସାର୍ଡିଗି, ନାହାଁଃ ଆଇଞ୍ଵ କାଜିତାନ୍ତେୟାଈ, ଏନା ପ୍ରାଭୁଆଈ କାଜି ଲେକାତେ କାଇଞ୍ଵ କାଜିତାନା । ଚିୟାଃତି ଆଇଞ୍ଵ ଆପାନ୍କେ ମାରାଞ୍ଵ ମେନ୍ତେ କାଜିନ୍ ବିଷାଏରେ ଡଣ୍ଡ ଲେକାଈଞ୍ଵ କାଜିତାନା । ୧୮ ମେନ୍ଦ ସାଂସାର ବିଷାଏରେ ପୁରାଃ ହଡ଼କ ଆପାନ୍କେ ମାରାଞ୍ଵ ମେନ୍ତେକ କାଜିନା, ଆଇଞ୍ଵହ୍ ଏନ୍ ଲେକାଗିଈଞ୍ଵ ରିକା ଦାଡ଼ିୟା । ୧୯ ଆପେଦ ସେଣ୍ଡାନ୍ ହବାକାନ୍ରେୟ ରାସ୍କାତେ ଡଣ୍ଡକକେପେ ସାହାଡ଼ିଞ୍ଵକ ତାନା । ୨୦ ଜେତା ହଡ଼ ଆପେକେ ଦାସିଲେକାଏ ଦହପେରେ, ଆପେୟାଈ ଖୁଜ୍ କଏ ନକ୍ସାନେରେ, ଜେତାଏ ଆପେକେ ଫାଦିରେ ଉୟୁଃପେରେ, ହିଲାଞ୍ଵପେରେ, ଆଡଃ ଆପେୟାଈ ଜଆରେ ଚାଟ୍ଟକାନ୍ପେରେୟ ଆପେ ଏନାକେ ସାହାଡ଼ିଞ୍ଵୟେ । ୨୧ ଆଇଞ୍ଵ ଗିହୁଗଃତାନ୍ଲଃ କାଜିତାନାଇଞ୍ଵ ଯେ, ନେ ସବେନ୍ ବିଷାଏରେ ଆଲେଦ ନାରାଦୁରାଗିୟାଲେ । ମେନ୍ଦ ଏଟାଈ ଜାହାନ୍ ବିଷାଏରେ ଜେତାଏ ଆପାନ୍କେ ମାରାଞ୍ଵ ମେନ୍ତେ କାଜି ନାଞ୍ଵ ଜୀଉରେ କେଟେଦଜେ ତାନ୍ରେଦ, ଆଇଞ୍ଵ ଡଣ୍ଡ ଲେକାଈଞ୍ଵ କାଜିତାନା, ଆଇଁୟାଈ ହଗି ଏନ୍ ଲେକା ଜୀଉରେ କେଟେଦ ମେନାଈ । ୨୨ ଇନ୍କୁ ଚିୟାଈ ଏବ୍ରୀ ତାନ୍କ ? ଆଇଞ୍ଵହଗି ଏବ୍ରୀ ହଡ଼ ତାନିଞ୍ଵ । ଇନ୍କୁ ତିନାଈ ଇସ୍ରାଏଲ୍ରେନ୍ ତାନ୍କ ? ଆଇଞ୍ଵହଗି ଇସ୍ରାଏଲ୍ରେନ୍ ତାନିଞ୍ଵ । ଇନ୍କୁ ଚିୟାଈ ଆବ୍ରାହାମଆଈ କିଲିରେନ୍କ ତାନ୍କ ? ଆଇଞ୍ଵହଗି ଆବ୍ରାହାମଆଈ କିଲିରେନ୍ ତାନିଞ୍ଵ । ୨୩ ଇନ୍କୁ ଚିୟାଈ ଶ୍ରୀଷ୍ଟୁଆଈ ଦାସିକ ତାନ୍କ ? ଆଇଞ୍ଵ ବାଏହା ହଡ଼ ଲେକାଈଞ୍ଵ କାଜି ତାନା, ଆଇଞ୍ଵ ଇନ୍କୁତାଈଏତେ ପୁରାଈ ବୁଗିନ୍ ଦାସି ତାନିଞ୍ଵ । ଆଇଞ୍ଵ ଇନ୍କୁତାଈଏତେ ଆଦକା ପୁରାଈ କେଟେଦକାମିଈଞ୍ଵ କାମିକାଦା, ପୁରାଈତେଇଞ୍ଵ ଜେହେଲକାନା, ଆଡଃ ପୁରାଈଗି ଚାବୁକ୍ତେଇଞ୍ଵ ହାଁଶ୍ଵାକାନା ଆଡଃ ଚିମିନ୍ସା ଲେକା ଗଜଃ ଲେକାଈଞ୍ଵ ହବାକାନା । ୨୪ ପାଞ୍ଵ

☆ ୧୧:୯ ୧୧:୯ ଡିଲିପିୟ ୪:୧୫-୧୮. ☆ ୧୧:୨୩ ୧୧:୨୩ ପ୍ରେରିତକ ୧୭:୨୩.

ଧାଅଁ ଯିହୁଦୀକତାଃଏତେ ମିଦ୍‌ହିସି ଗେଲୁଅରେୟା* ଚାବୁକ୍‌ତେଇଙ୍ଗ ହାଁଶସାୟାନା । ୨୫ ☆ଆପିସା ରୋମ୍‌ରେନକତାଃଏତେ ଚାବୁକ୍‌ତେଇଙ୍ଗ ହାଁଶସାୟାନା । ମିସା ଦିରିଲିଃ ଚିଦ୍‌ଗିୟାନାଇଙ୍ଗ ଆତଃ ମିଦ୍ ନିଦାସିଙ୍ଗି ଦାଆଃରେଇଙ୍ଗ ତାଇନ୍‌ୟାନା । ୨୬ ☆ଆଇଁୟାଃ ହରାସେନ୍‌ରେ ଆଇଙ୍ଗ ପୁରାଃସା ଦାଆଃ ଚୁଡାକ୍‌ଏତେ, ରେରେଃକ୍‌କତାଃଏତେ, ଯିହୁଦୀକତାଃଏତେ, ସାଅଁସାର୍ ହଡକତାଃଏତେ, ଜୀଉତାଇଙ୍ଗ ଗଜଃ ଲେକା ହବାୟାନା ଆତଃ ସାହାର୍‌କରେ, ବିର୍‌ରେ, ଦରେୟାରେ, ହସଡ୍ ଗାତିକତାଃଏତେ ଜୀଉତାଇଙ୍ଗ ଗଜଃ ଲେକା ହବାୟାନା । ୨୭ ପୁରାଃଗି କେଟେଦକାମିଙ୍ଗ କାମିକାଦା ଆତଃ ଦୁକୁହାସୁଇଙ୍ଗ ସାହାଡିଙ୍ଗକାଦା, ବେଗାର୍ ଦୁଡ୍‌ୟୁତେ, ରେଜେଃ କାଟାବ୍‌କେଦ୍‌ତେ ପୁରାଃ ମାହାଁ ତାଇକେନାଇଙ୍ଗ, ଲାଗାଡିଙ୍ଗ ଜମେୟାଃ, ଲିଜାଃ ଆତଃ ତାଇନଃ ନାଙ୍ଗ ଠାୟାଦ୍ କା ତାଇକେନ୍ ହାରାତେ ପୁରାଃ ଦୁକୁଇଙ୍ଗ ସାହାଡିଙ୍ଗକାଦା । ୨୮ ନେ ସବେନାଃ ହବାକେଦ୍‌ତେୟ, ସବେନ୍ କାଲିସିୟା ନାଗେନ୍ତେ ଆଇଁୟାଃ ଉଡ୍‌ୟୁ ସବେନ୍ ହୁଲାଇଙ୍ଗ ଆଇଙ୍ଗକେ ଉଡ୍‌ୟୁତେ ଅତାକାଦିୟାଁ । ୨୯ ଜେତାଏ ନାରାଦୁରା ହବାଅଃତାନ୍‌ରେ, ଆଇଙ୍ଗହଁ ଇନିଃଲଃ ନାରାଦୁରା ଆଟ୍‌କାରେୟାଇଙ୍ଗ । ଜେତାଏ ପାପ୍‌କାମି ରିକାଏରେ, ଆଇଙ୍ଗ ମନ୍‌ରେ ପୁରାଃଗିଇଙ୍ଗ ନାରାଜଃଆ ।

୩୦ ଆଇଙ୍ଗ ଆପାନ୍‌କେ ମାରାଙ୍ଗ ମେନ୍ତେ କାଜିନ୍ ହବାଅଃରେ, ଆଇଁୟାଃ ନେ ସବେନ୍ ନାରାଦୁରା ନାଗେନ୍ତେ ଆଇଙ୍ଗ ଆପାନ୍‌କେ ମାରାଙ୍ଗ ମେନ୍ତେ କାଜିନ୍ ହବାଅଃଆ । ୩୧ ଆଇଙ୍ଗ କାଇଙ୍ଗ ବେଦାତାନା, ଏନା ପାର୍‌ମେଶ୍‌ବାର୍ ଆତଃ ଆରୁଆଃ ପ୍ରାଭୁ ଯାଶୁଆଃ ଆପୁ ସାରିତାନାଏ । ଇନିୟାଃ ଜାନାଅ ଜାନାଅଗି ସାହାରାଅ ହବାଅଃକା । ୩୨ ☆ଆଇଙ୍ଗ ଦମାସ୍‌କସ୍‌ରେ ତାଇନ୍‌ତାନ୍ ଇମ୍‌ତା ରାଜା ଆରିସ୍ତାକ୍‌ଆଃ ହାକିମ୍ ଆଇଙ୍ଗକେ ତଲ୍‌ଇଦି ନାଗେନ୍ତେ ନାଗାର୍‌ରେୟାଃ ଚାରିୟାଃରେ ହର ହଡକକେ ଦହକାଦକ ତାଇକେନା । ୩୩ ମେନ୍‌ଦ ଆଇଙ୍ଗକେ ମାରାଙ୍ଗ ଚୁଙ୍ଗିରେ ଦହକେଦ୍‌ତେ ନାଗାର୍‌ରେୟାଃ ପାଟ୍‌ରିରାଃ ଖୁଡ୍‌କି ହରା ବାହାରିତେ ତୁଙ୍ଗା ଆଡ୍‌ଗୁକେଦିୟାଁ, ନେ ଲେକାତେ ଆଇଙ୍ଗ ଇନିଃତାଃଏତେଇଙ୍ଗ ନିର୍‌ୟାନା ।

୧୨

ପାଉଲୁସ୍‌ଆଃ ଦାର୍‌ଶାନ୍ ଉନ୍ନୁଦୁବ୍‌କାଜି

୧ ଜେତାନ୍ ରୁଗିନାଃ କା ହବାଅଃରେୟ, ଆଇଙ୍ଗ ଆପାନ୍‌କେ ମାରାଙ୍ଗ ମେନ୍ତେ କାଜିନ୍ ଲାଗାଡିଙ୍ଗୟାଃ । ମେନ୍‌ଦ ପ୍ରାଭୁ ଆଇଙ୍ଗକେ ଏମାକାଦିଙ୍ଗ ସବେନ୍ ଦାର୍‌ଶାନ୍ ଆତଃ ଉନ୍ନୁଦୁବ୍‌କାଜିକ ନାହାଁଃଇଙ୍ଗ ଉଦୁବେୟା । ୨ ଆଇଙ୍ଗ ଖ୍ରୀଷ୍ଟ୍‌ରେ ଆସ୍ରାଏତାନ୍ ମିଆଁଦ୍ ହଡକେଇଙ୍ଗ ସାରିୟାଃ, ଇନିଃଦ ଗେଲୁଡ୍‌ପୁନ୍ ବାରାଷ୍ ସିଦାରେ ଆପିୟା ସିର୍ମା ଦିଶ୍ଟ୍‌ମ୍‌ତେ ସେନ୍‌କାନ୍ ତାଇକେନା । ଇନିଃ ଆୟାଃ ଗନ୍‌ଏଃ ହଡ୍‌ମ୍‌ତେଗି ସେନ୍‌କେନା ଚି କୁମ୍‌ରେ ନେଲ୍‌କେଦା, ଏନା କାଇଙ୍ଗ ସାରିୟା ? ଏନାଦ ପାର୍‌ମେଶ୍‌ବାର୍ ଏସକାର୍ ସାରିୟାଏ । ୩ ଆତଃଗିଇଙ୍ଗ କାଜିତାନା, ଇନିଃକେ ସିର୍ମାରେୟାଃ ବାଗାନ୍‌ତେ ଇଦିକାନ୍ ତାଇକେନା । ଇନିଃ ଆୟାଃ ସାଂସାର୍ ହଡ୍‌ମ୍‌ତେଗି ସେନ୍‌କେନା ଚି କୁମ୍‌ରେ ନେଲ୍‌କେଦା, ଏନା କାଇଙ୍ଗ ସାରିୟା ? ଏନାଦ ପାର୍‌ମେଶ୍‌ବାର୍ ଏସକାର୍ ସାରିୟାଏ । ୪ ଏନ୍ ପାରାଦେସ୍‌ରେ ଇନିଃ ଜାଗାର୍‌ରେ କା କାଜି ଦାଡ୍‌ୟଃତାନ୍ ଆତଃ ଫୁର୍‌ରାଅକେଦ୍‌ତେ କାଜି କା ଦାଡ୍‌ୟଃତାନ୍ ଜାଗାର୍ ଆୟୁମ୍ ଦାଡ୍‌କେଦାଇଙ୍ଗ । ୫ ନେ ହଡ୍ ନାଗେନ୍ତେ ଆଇଙ୍ଗ ଆପାନ୍‌କେ ମାରାଙ୍ଗ ମେନ୍ତେଇଙ୍ଗ କାଜିନ୍ ତାନା । ମେନ୍‌ଦ ଆଇଁୟାଃ ନାରାଦୁରାକେ ଉଦୁବେତେୟାଃକେ ବାଗିକେଦ୍‌ତେ ଏଟାଃ ଜେତାନ୍ ବିଷାଏରେ ଆଇଙ୍ଗ ଆପାନ୍‌କେ ମାରାଙ୍ଗ ମେନ୍ତେ କାଇଙ୍ଗ କାଜିନା । ୬ ଆପାନ୍‌କେ ମାରାଙ୍ଗ ମେନ୍ତେ କାଜିନ୍ ନାଙ୍ଗ ଆଇଁୟାଃ ନାଗେନ୍ତେ ତଣ୍ଡ କା ହବାଅଃଆ, ଚିୟାଃଡି ଆଇଙ୍ଗଦ୍ ସାର୍‌ତି କାଜି କାଜିତାନାଇଙ୍ଗ । ମେନ୍‌ଦ ଆଇଙ୍ଗ ଆପାନ୍‌କେ ମାରାଙ୍ଗ ମେନ୍ତେ କାଜିନ୍ କାଇଙ୍ଗ ସାନାଙ୍ଗ ତାନା, ହଡକ ଆଇଙ୍ଗକେ ଜେ'ଲେକା କାମି ନାଗେନ୍ତେ ନେଲିୟାଁକ ଆତଃ ଆଇଁୟାଃତାଃଏତେ ଜେ'ଲେକା କାଜି ଆୟୁମେୟାକ, ଏନାଏତେ ଆଇଙ୍ଗକେ ମାରାଙ୍ଗ ମେନ୍ତେ ଆଲ୍‌ପେ ଆଟ୍‌କାରିୟାଁ ।

୭ ମେନ୍‌ଦ ଆଇଙ୍ଗ ପାର୍‌ମେଶ୍‌ବାର୍‌ତାଃଏତେ ଉଦୁବାକାନ୍ ନେ ଲେକାନ୍ ଆକ୍‌ଦାୟାଅ କାମିକଇଙ୍ଗ ନାମାକାଦ୍‌ରେୟ, ଆଇଙ୍ଗ ଆପାନ୍‌କେ ମାରାଙ୍ଗ ମେନ୍ତେ ଆଲକାଇଙ୍ଗ କାଜିନ୍‌କା ମେନ୍ତେ ଆଇଁୟାଃ ହଡ୍‌ମ୍‌ରେ ହାସୁଇଙ୍ଗ ନାଙ୍ଗ ମିଆଁଦ୍ ଜାନୁମ୍ ଲେକା ଏମାକାନା, ନେଆଁ ଆଇଙ୍ଗରେ ସାଏତାନ୍‌ରାଃ କାଜିକୁଲ୍‌ନିଃ ଲେକାଏ କାମିୟା, ଜେ'ଲେକାଚି ଆଇଙ୍ଗ ପୁରାଃଗି ଆପାନ୍‌କେ ମାରାଙ୍ଗ ମେନ୍ତେ କାଜି କାଇଙ୍ଗ ଦାଡ୍‌ୟା । ୮ ନେଆଁକେ ସାଙ୍ଗିନେ ନାଗେନ୍ତେ ଆଇଙ୍ଗ ଆପିସା ପ୍ରାଭୁତାଃରେଇଙ୍ଗ ବିକ୍ତିକେଦା, ୯ ମେନ୍‌ଦ ଇନିଃ ଆଇଙ୍ଗକେ କାଜିକିୟାଁ, “ଆଇଁୟାଃ ସାୟାଦ୍ ଆପେ ନାଗେନ୍ତେ ପୁରାଃଗିୟା, ଆପେ ନାରାଦୁରାଃଆ ଇମ୍‌ତା ଆଇଁୟାଃ ପେଡ଼େଃ ପୁରାଃଗିଆ ।” ଏନାତେ ଖ୍ରୀଷ୍ଟ୍‌ଆଃ ପେଡ଼େଃ ଆଇଙ୍ଗତାଃରେ

* ୧୧:୨୫ ୧୧:୨୫ ଅନାଲସ୍ ☆ ୧୧:୨୫ ୧୧:୨୫ ପ୍ରେରିଡ୍ ୧୭:୨୨; ପ୍ରେରିଡ୍ ୧୪:୧୯. ☆ ୧୧:୨୭ ୧୧:୨୭ ପ୍ରେରିଡ୍ ୯:୨୩; ପ୍ରେରିଡ୍ ୧୪:୫. ☆ ୧୧:୩୨ ୧୧:୩୨ ପ୍ରେରିଡ୍ ୯:୨୩-୨୫.

ତାଙ୍କ ନାମ ଆଇଁୟା ନାରାଦୁରା ନାଗେନ୍ଦ୍ର ପୁରାଣି ଆପାନ୍ଦକେ ମାରାଙ୍ଗ ମେନ୍ଦ୍ର କାଜିନାଇଙ୍ଗ ଆତଃ ରାସକାଅଃଆଇଙ୍ଗ । ୧୦ ଖ୍ରୀଷ୍ଟ ନାଗେନ୍ଦ୍ର ଆଇଙ୍ଗ ସବେନ୍ ଲେକାନ୍ ନାରାଦୁରା, ହିନିସ୍ତା, ସାସାତି, ଆତଃ ସିଗିଦ୍ ହବାଅଃରେୟ ରାସକାଅଃଆଇଙ୍ଗ, ଚିୟାଃତି ଆଇଙ୍ଗ ନାରାଦୁରାଅ ଇମ୍ତା ପେଡେଜଃଆଇଙ୍ଗ ।

କବିଚ୍ଛିନ୍ଦରେନ୍ ହତକଆଃ ନାଗେନ୍ଦ୍ର ପାଉଲୁସଆଃ ଉଡ଼ୁ

୧୧ ଆଇଙ୍ଗ ଡ଼ଣ୍ଡ ଲେକାଇଙ୍ଗ କାମିତାନା । ନେଆଁ କାମି ନାଗେନ୍ଦ୍ର ଆପେ ଆଇଙ୍ଗକେ ଜାବାର୍ଜାସ୍ତି କାଦିୟାପେ, ଚିୟାଃତି ଆଇଁୟାଃ ସାହାରାଅ ରିକା ନାଗେନ୍ଦ୍ର ଆପେୟାଃ ଲାଗାତିଙ୍ଗ ତାଇକେନା । ଆଇଙ୍ଗ ଜେତାନିଃ ନାହାଁଲାଇଙ୍ଗରେୟ ଆପେୟାଃ ଏନ୍ ମାପୁରାଙ୍ଗ ପ୍ରେରିଡକତାଃଏତେ ଜେତାରେୟ ହୁଡିଙ୍ଗ ନାହାଁଲାଇଙ୍ଗ । ୧୨ ପୁରାଃ ଆକଦାନ୍ଦାଅ ଆତଃ ଆକଚାକାଅ କାମିକ ପୁରାଃ ଧୁରାଜ୍ ସାବ୍କେଦ୍ତେ ଆପେ ଆଲାରେଇଙ୍ଗ ରିକାକାଦା, ଏନା ସାରୁଦ୍ ଏମେତାନାଏ ଯେ, ଆଇଙ୍ଗ ପ୍ରେରିଡ ତାନିଙ୍ଗ । ୧୩ ମିଆଁଦ୍ ବିଷାଏରେ ଏସକାର୍ ଆଇଙ୍ଗ ଏଟାଃ ଏଟାଃ କାଲିସିୟାତାଃଏତେ ଆପେଲଃ ଏଟାଃ ଲେକାଇଙ୍ଗ ବେଭାରକାଦା । ଆଇଙ୍ଗ ଆପେୟାଃ ଚେତାନରେ ବାହାରମ୍ ଲେକା କାଇଙ୍ଗ ହବାକାନା । ଏନ୍ ଏଡକାନ୍ଆଃ ନାଗେନ୍ଦ୍ର ଆଇଙ୍ଗକେ ଛାମାଇଙ୍ଗପେ ।

୧୪ ଆଇଙ୍ଗ ଆପିସାତେ ଆପେତାଃତେ ସେନ୍ ନାଗେନ୍ଦ୍ର ସେକାଡେନ୍ ତାନାଇଙ୍ଗ । ଆଇଙ୍ଗ ଆପେତାଃଏତେ ଜେଡନାଃ କାଇଙ୍ଗ ହାଟି । ଆଇଙ୍ଗ ଆପେକେଇଙ୍ଗ ସାନାଙ୍ଗତାନା, ଆପେୟାଃ ଟାକା ପାଏସା କାହାଗି । ଚିୟାଃତି ଏଙ୍ଗାଆପୁକଆଃ ନାଗେନ୍ଦ୍ର ହନ୍କକେ ଜଗାଅ ନାଙ୍ଗ କା ଲାଗାତିଙ୍ଗୟାଃ, ମେନ୍ଦ୍ ହନ୍କଆଃ ନାଗେନ୍ଦ୍ର ଏଙ୍ଗାଆପୁକ ଜଗାଏୟା । ୧୫ ଆଇଙ୍ଗ ଆପେୟାଃ ଜୀଉରେ ଆପେକେ ଦେଙ୍ଗାପେ ନାଗେନ୍ଦ୍ର ଆଇଁୟାଃ ସବେନାଃ ଏମ୍କେଦାଇଙ୍ଗ, ନେ'ଲେକାଟି ଆଇଙ୍ଗ ଆପାନ୍ଦକେ ରାସକାତେ ଏମ୍ ନାଗେନ୍ଦ୍ରଇଙ୍ଗ ସେକାଡାକାନା । ଆଇଙ୍ଗ ଆପେକେ ନିମିନ୍ ପୁରାଃଗିଇଙ୍ଗ ଦୁଲାଡ୍ପେ ତାନା ମେନ୍ଦ୍ର ଚିନାଃ ଆପେ ଆଇଙ୍ଗକେ ନିମିନ୍ କାଟିଃଗି ଦୁଲାଡିୟାପେ ?

୧୬ ଆଇଙ୍ଗ ଆପେୟାଃ ଚେତାନରେ ବାହାରମ୍ ଲାଦିୟାକାନ୍ ଲେକା କାଇଙ୍ଗ ହବାକାନା । ନେ କାଜି ସାର୍ଡିତାନାଃ ମେନ୍ଦ୍ର ମିଦ୍ମନ୍ ହବାଅଃଆପେ । ମେନ୍ଦ୍ ଆପେକଏତେ ଜେତାଏ କାଜିୟାଏ, ଆଇଙ୍ଗ ଚାଲାକତେ ଆପେକେ ହସଡ୍ କାଜିତାନଲଃ ଫାନ୍ଦିରେଇଙ୍ଗ ଉୟୁଃକାଦ୍ପେୟା । ୧୭ ଆପେତାଃତେ ଅକନ୍କକେ କୁଲାକାଦ୍କଆଇଙ୍ଗ, ଇନ୍କୁକଏତେ ଜେତାଏୟାଃ ହରାତେ ଆଇଙ୍ଗ ଚିନାଃ ଆପେତାଃଏତେ ଜେତାନ୍ ସୁୟୋଗ୍ ଇଦିକାଦାଇଙ୍ଗ । ୧୮ ଆଇଙ୍ଗ ତିତସ୍ତକେ ଆପେତାଃତେ ସେନ୍ ନାଗେନ୍ଦ୍ରଇଙ୍ଗ ବିକ୍ତିକିୟା ଆତଃ ଇନିଃଲଃ ଏଟାଃ ହାଗାକେଇଙ୍ଗ କୁଲକିୟା । ତିତସ୍ ଆପେତାଃଏତେ ସୁୟୋଗ୍ ଇଦିକାଦାଏ ମେନ୍ଦ୍ର ଚିୟାଃ ଜେତାଏ କାଜି ଦାଡିୟାପେ ? ଇନିଃ ଆତଃ ଆଇଙ୍ଗ ଚିନାଃ ମିଦ୍ମନ୍ତେ କାଲିଙ୍ଗ ସେସେନ୍କାଦା ? ଆଲିଙ୍ଗୟାଃ ଚାଇଲ୍ ଚାଲାନ ଚିନାଃ ମିଦ୍ଲେକାଗି ବାନଃଆ ?

୧୯ ହବାସାକାଅଆଃ, ଆପେ ନାହାଁଃ ଜାକେଦ୍ପେ ଉଡ଼ୁତାନା ଯେ, ଆଲେ ଆପେୟାଃ ଆୟାର୍ରେ କାଜିକଲେ ବାଇତାନା । ପାର୍ମେଶ୍ୱାର୍ ଆୟାର୍ରେ ଖ୍ରୀଷ୍ଟ ଆଲେକେ କାଜିକାଦ୍ ଲେକା ଆଲେ ଆପେକେ କାଜିପେତାନାଲେ । ହେ ଦୁଲାଡ୍ ଗାଡିକ, ସବେନ୍ ବିଷାଏ ଆପେକେ ଦେଙ୍ଗାପେ ନାଗେନ୍ଦ୍ରଲେ କାମିତାନା । ୨୦ ଚିୟାଃତି ଆଇଁୟାଃ ବର ହବାଅଃତାନା, ଆଇଙ୍ଗ ଆପେତାଃତେ ସେନ୍କେଦ୍ତେ ଆପେକେ ନେଲ୍ ନାଗେନ୍ଦ୍ର ସାନାଙ୍ଗତାନ୍ ଲେକା ନେଲ୍ କାଇଙ୍ଗ ଦାଡିୟା ଆତଃ ଆପେ ଆଇଁୟାଃ ଅକନ୍ ରୁପ୍ ନେଲ୍ ନାଗେନ୍ଦ୍ର କାପେ ସାନାଙ୍ଗତାନା, ହବାସାକାଅଆଃ, ଏନା ନେଲ୍ ନାଗେନ୍ଦ୍ରପେ ନାମେୟା । ଏନ୍ତାଃତେ ସେନ୍କେଦ୍ତେ ଆଇଙ୍ଗ ଚିମିନ୍ ରାକାମ୍ରେୟାଃ ଏପେଗେର୍, ହିସ୍ଜା, ଖୁସ୍, ଆପ୍ନାଃ ନାଗେନ୍ଦ୍ର ଏସକାର୍ ଉଡ଼ୁ ହିନିସ୍ତା, ରୁପୁରାକାଜି, ଆପାନ୍ଦକେ ମାରାଙ୍ଗ ମେନ୍ଦ୍ର କାଜିନ୍, ହାଲାଗୁଲା ନେ ସବେନାଃ ନେଲ୍ ନାଗେନ୍ଦ୍ରଇଙ୍ଗ ନାମେୟା । ୨୧ ଆଇଙ୍ଗ ଆପେତାଃତେ ଆତଃମିସା ସେନ୍ସେଟେର୍ ଇମ୍ତା ଅକଏସାରି ପାର୍ମେଶ୍ୱାର୍ ଆଇଙ୍ଗକେ ଆପେୟାଃ ଆୟାର୍ରେ ହୁଡିଙ୍ଗୟା, ଅକନ୍କ ସିଦାକରେ ପାପ୍ କାମିକାଦାକ, ଆକଆଃ ସଡ଼ରା କାଜିକାମି, ଆପାଙ୍ଗିର୍ କାମି, ଆତଃ ହଡ଼ମ୍ରେୟାଃ ଏଡକାନ୍ ସାନାଙ୍ଗ ନେ ସବେନାଃ ନାଗେନ୍ଦ୍ର ଇନ୍କୁ କାକ ହେୟାଡିଙ୍ଗ ତାନା, ନେ ଲେକାନ୍ ହଡକ ନାଗେନ୍ଦ୍ର ଆଇଙ୍ଗକେ ଏୟମ୍ ରିକା ଲାଗାତିଙ୍ଗୟାଃ ।

୧୩

୧ ନେଆଁଲଃ ଆଇଙ୍ଗ ଆପେତାଃତେ ଆପିସା ସେନ୍ତାନାଇଙ୍ଗ । ଧାରାମ୍ପୁଥ୍ ଲେକାତେ, ବାର୍ହତ୍ ଚାଏ ଆପିହଡ଼ଆଃ ଗାଞ୍ଜାତେ ସବେନ୍ କାଜି ମାନାତିଙ୍ଗ ହବାଅଃଆ । ୨ ସିଦାକରେ ପାପ୍କାଦ୍ ହଡକକେ ଆତଃ ଏଟାଃ ସବେନ୍କକେ, ଆଇଙ୍ଗ ଏନ୍ତାଃତେ ସେନ୍ୟାନ୍ଲଃ ବାର୍ସାତେ କାଜିକାଦ୍କ ତାଇକେନାଇଙ୍ଗ, ଆତଃ ନାହାଁଃ ସାଙ୍ଗିନ୍ରେ ତାଇକେଦ୍ତେୟ କାଜିକତାନାଇଙ୍ଗ, ଆଇଙ୍ଗ ନେସକାନ୍ ସେନ୍ରେ, ଜେତାଏ ସାଜାଏତେ ବାଞ୍ଚାଅ କାକ ନାମେୟା । ୩ ଖ୍ରୀଷ୍ଟ ଆଇଁୟାଃ ହରାତେ କାଜିତାନା, ଏନ୍ ବିଷାଏରେ

ଆପେ ସାନାଙ୍ଗତାନ୍ ସବେନାଃରେୟାଃ ସାବୁଦପେ ନାମେୟା । ଆପେୟାଃ ନାଗେନ୍ତେ ଇନ୍ଦିଃ ଚିତ୍ତଲ୍ୟାଅ
କାଏ ନାରାଦୁରାକାନା । ମେନ୍ଦ ଆପେତାଃରେ ଇନ୍ଦିଃ ଆୟାଃ ପେଡ଼େଃରେୟାଃ ପାରିତାଏ ଏମାକାଦାଏ
। ୪ ଇନ୍ଦିଃ ନାରାଦୁରାକେଦ୍ଦତେ କୁଶରେ ଗଏଃୟାନ୍ରେୟ ପାର୍ମେଶ୍ଵାର୍ଆଃ ପେଡ଼େଃତେ ଜାନିଦ୍
ମେନାୟା । ଆୟାଃଲଃ ମେସାକେଦ୍ଦତେ ଆଲେ ହରି ନାରାଦୁରାକାନାଲେ, ମେନ୍ଦ ଆଲେୟାଃ ନାତା
ଆପେଲଃ ପାର୍ମେଶ୍ଵାର୍ଆଃ ପେଡ଼େଃରେୟାଃ ହିସା ହବାକେଦ୍ଦତେ ଶ୍ରୀଷ୍ଟଲଃ ଆବୁ ଜାନିଦ୍ ହବାଅଃଆବୁ
।

୫ ଆପେ ବିଶ୍ଵାସରେ ମେନାପେୟା ଚି କାହା, ଏନ୍ ବିଷାଏରେ ଆପେ ଆପାନକେ ବିତାଅତାନ୍ଲଃ
ବିତାରେନ୍ଦପେ, ତାଏ ଯୀଶୁ ଶ୍ରୀଷ୍ଟ ଆପେରେ ତାଇନ୍ତାନାଏ, ଏନା କାପେ ଚି ଆଟ୍‌କାର୍‌ଉରୁମ୍ ତାନା ?
ନେଆଁ କା ହବାଅଃତାନ୍ ରେଦ୍, ଆପେ ବିନିତାଅରେ ପୁରାଗି ହାରାଅକାନାପେ । ୬ ମେନ୍ଦ ଆଇୟାଃ
ଭାର୍‌ସା ମେନାଃ, ଆଲେ ବିନିତାଅରେ ଜିତାଅକାନାଲେ, ଏନା ଆପେ ଆଟ୍‌କାର୍ ଦାଡ଼ିୟାପେ । ୭ ମେନ୍ଦ
ଆପେ ଜେତାନ୍ ଏଡ଼କାନ୍ କାମିରେ ଆଲପେ ତାଇନାଃ ମେନ୍ତେ ପାର୍ମେଶ୍ଵାର୍ତାଃରେ ଆଲେ ଆପେ
ନାଗେନ୍ତେଲେ ବିଚ୍ଛିତାନା । ଆଲେ ବିନିତାଅରେ ଜିତାଅକାନାଲେ ଏନା ଉଦୁବେ ନାଗେନ୍ତେ ମେନ୍ତେଦ୍
କାହା, ମେନ୍ଦ ଆଲେ ବିନିତାଅରେ ହାରାଅକାନ୍ ଲେକାଲେ ନେଲଃ ରେୟ, ଆପେ ଜେଲେକା
ବୁଗିନ୍ କାମିପେ କାମିୟା, ଏନାମେନ୍ତେଲେ ବିଚ୍ଛିତାନା । ୮ ସାନାର୍‌ତିରେୟାଃ ବିରୁଧ୍ରେ କାମି ନାଗେନ୍ତେ
ଆଲେୟାଃ ଆକ୍‌ତେୟାର୍ ବାନଃଆ, ଆଲେ ସାନାର୍‌ତିରେୟାଃ ବିଷାଏରେ ଏସକାର୍ କାମି ଦାଡ଼ିୟାଲେ
। ୯ ଆଲେ ନାରାଦୁରା ତାଇକେନ୍ ଇମ୍ତା ଆପେ କେଟେୟାନ୍‌ଗିପେ ତାଇକେନା, ଏନାମେନ୍ତେ ଆଲେ
ରାସକାଅଃ ତାନାଲେ ଆତଃ ଆପେ ପକ୍‌ତାଃଅପେ ମେନ୍ତେଲେ ବିଚ୍ଛିତାନା । ୧୦ ଏନାମେନ୍ତେ ସାଙ୍ଗିନ୍ରେ
ତାଇକେଦ୍ଦତେ ଆଇଙ୍ଗ୍ ଆପେତାଃତେ ଚିଗାଉ ଅଲେତାନାଇଙ୍ଗ୍, ଚିୟାଃଚି ଆପେତାଃରେ ସେଟେୟାନ୍
ଇମ୍ତା ପ୍ରାଭୁ ଆଇଙ୍ଗ୍‌କେ ଏମାକାଦିଙ୍ଗ୍ ଆକ୍‌ତେୟାର୍‌କେ କେଟେଦ୍ ମନ୍ତେ ରିକା ଆଲକା ଲାଗାତିଙ୍ଗ୍‌କା
। ଚିୟାଃଚି ଆପେକେ ହୁଡ଼ିଙ୍ଗ୍ ଜୀଉ ରିକା ନାଗେନ୍ତେଦ୍ କାହା, ମେନ୍ଦ ବାଇ ନାଗେନ୍ତେ ପ୍ରାଭୁ ଆଇଙ୍ଗ୍‌କେ
ଆକ୍‌ତେୟାର୍ ଏମାକାଦିୟାଏ ।

୧୧ ଚୁଣ୍ଡୁରେ ହେ ହାଗା ମିଶିକ, ରାସକାଅଃପେ, ପକ୍‌ତାଃଅପେ, ମିହୁଡ୍ ଆତଃମିହୁଡ୍‌କେ ଜୀଉରେ
ରାସକା ଏପେମପେ, ମିଦ୍ ମନ୍‌ଅଃପେ, ସୁକୁରେ ତାଇନଃପେ । ଦୁଲାଡ୍ ଆତଃ ଜୀଉସୁକୁତେ
ପେରେଜାକାନ୍ ପାର୍ମେଶ୍ଵାର୍ ଆପେଲଃ ତାଇନିକାଏ ।

୧୨ ଶ୍ରୀଷ୍ଟ ଦୁଲାଡ୍‌ତେ ମିହୁଡ୍ ଆତଃମିହୁଡ୍‌ଲଃ ଜହାରଃପେ । ପାର୍ମେଶ୍ଵାର୍‌ଆଃ ସବେନ୍ ହଡକ
ଆପେକେ ଜହାର୍ ମେନ୍ତେକ କାଜିକୁଲ୍‌ତାନା ।

୧୩ ପ୍ରାଭୁ ଯୀଶୁ ଶ୍ରୀଷ୍ଟଆଃ ସାୟାଦ୍, ପାର୍ମେଶ୍ଵାର୍‌ଆଃ ଦୁଲାଡ୍, ଆତଃ ପାବିତାର୍ ଆମ୍‌ରେୟାଃ ସାଙ୍ଗାତି
ଆପେ ସବେନ୍‌କଲଃ ହବାଅଃକା ।

ଗାଳାତୀୟମାନଙ୍କ ନିକଟକୁ ପାଉଲଙ୍କ ପତ୍ର ଗାଳାତିୟ ବିଶ୍ୱାସୀକତାଃତେ ପ୍ରେରିତ୍ ପାଉଲୁସ୍‌ଆଃ ଚିଟାଉ ପାରିଟାଏ

ଗାଳାତିୟ ଚିଟାଉ ପ୍ରେରିତ୍ ପାଉଲୁସ୍‌ଆଃ ହରାତେ ଅଲ୍‌କାନା ୧:୧ । ନେ ଚିଟାଉ ଯାଶୁ ଖ୍ରୀଷ୍ଟୁଆଃ ଜାନାମ୍ ତାୟମ୍ ୪୮-୫୭ କରେ ଗାଳାତିୟରେନ୍ ବିଶ୍ୱାସୀକତାଃତେ ଅଲ୍‌କାନ୍ ତାଲକେନା । ହବାସାକାଅଆଃ ଗାଳାତିୟରେନ୍ ହଡକ ରୋମି ପାର୍‌ଗାନ୍‌ରେୟାଃ ଗାଳାତିୟରେ ତାଇନଡତାନ୍ ତାଇକେନାକ । ପାଉଲୁସ୍ ନେ ଚିଟାଉକେ ଅଲକେଦ୍ ଇମ୍‌ତା କତାଃରେ ତାଇକେନା, ଏନା ବାଇବାଲ୍ ପାଣ୍ଡିତ୍‌କ କାକ ସାରି ଦାଡ଼ିକାନା । ମେନ୍‌ଦ ଚିମିନ୍ ପାଣ୍ଡିତ୍‌କ ଏଫିସିୟ ଚାଏ କରନ୍ତିରେ ଅଲ୍‌କାନା ମେନ୍ତେ କାଜିୟାଃକ ।

ପ୍ରେରିତ୍ ପାଉଲୁସ୍ ଗାଳାତିୟ କାଲିସିୟାରେ ତାଇନଡତାନ୍ ଯିହୁଦୀ ଆତଃ ସାଅଁସାର୍ ହାଗା ମିଶିକତାଃତେ ନେ ଚିଟାଉ ଅଲ୍‌କାଦାଏ । ବିଶେଷକେଦ୍‌ତେ ଇନିଃ ହସଡ ଇନିତୁ ଏମ୍‌ତାନ୍‌କକେ କାଜିକଟଙ୍ଗ୍ ନାଗେନ୍ତେ ଅଲ୍‌କାଦ୍ ତାଇକେନାଏ । ଏନା ଖ୍ରୀଷ୍ଟୁ ବିଶ୍ୱାସୀ ହାଗା ମିଶିକକେ ମାରି ନିୟାମ୍‌ରେୟାଃ ଯିହୁଦୀକଆଃ ଆନୁରୁକେ ମାନାତିଙ୍ଗ୍ ନାଗେନ୍ତେ କାଜିୟାକାନା, ଅକଆଃଚି ଖାଡନାଅରେୟାଃ ବିଷାଏ ତାଇକେନା । ଖ୍ରୀଷ୍ଟୁ ବିଶ୍ୱାସୀ ହାଗା ମିଶିକଆଃ ଝୁଣ୍ଡକଏତେ ଚିମିନ୍ ଝୁଣ୍ଡକ ତାଇକେନା, ଇନ୍‌କୁକେ ଯୁଦାଇଜମ୍, ଯିହୁଦୀ ଧାରାମ୍‌ରେନ୍ ହଡକ ମେନ୍ତେ କାଜିୟାଃ ତାଇକେନା । ଇନ୍‌କୁ ସାଅଁସାର୍ ବିଶ୍ୱାସୀକକେ ଖାଡନାଅରେୟାଃ ରିତିରିଝାଜ୍ ମାନାତିଙ୍ଗ୍ ନାଗେନ୍ତେକ ଆରୁକ ତାଇକେନା । ଇନ୍‌କୁ ପାଉଲୁସ୍‌କେ ପ୍ରେରିତ୍ ହବାକାନ୍ ଆକ୍‌ତେୟାର୍ ବିଷାଏରେ କୁଲି ତାଇକେନାକ ।

ପାଉଲୁସ୍ ଚିମିନ୍ କାଅନି କାଜିକେଦ୍‌ତେ ଆୟାଃ ପ୍ରେରିତ୍ ହବାକାନ୍‌ରେୟାଃ ବିଷାଏରେ ଇନ୍‌କୁକେ କାଜିକଟଙ୍ଗ୍ କାଦକଆ ୧:୧-୨:୧୪ । ଆତଃ ଯାଶୁ ଖ୍ରୀଷ୍ଟୁରେ ବିଶ୍ୱାସକେଦ୍ ହରାତେ ଜୀଉବାଞ୍ଚାଅ ନାମଃଆ, ନେଆଁ ଉଦୁକେଦ୍‌ତେ ସୁକୁକାଜିକେ ବାଞ୍ଚାଅ ଦାଡ଼ିକାନା ୨:୧୭ । ଅକଆଃଚି ପାର୍‌ମେଶ୍ୱାର୍‌ଆଃ ଦାୟାତେ ହବାଦାଡ଼ିୟାଃଆ, ମେନ୍‌ଦ ମାନଝାସାଃତେ କା ହବାଦାଡ଼ିୟାଃଆ ।

ପୁଅ୍ ତିଟାରେ ତାଇକାନ୍ କାଜି

- ୧. ପାଉଲୁସ୍‌ଆଃ ଜହାର୍ । ୧:୧-୫
- ୨. ପାଉଲୁସ୍‌ଆଃ ସିଦା ଜୀଝାନ୍, ଆୟାଃ ଇନିତୁ ଏମ୍‌ରେୟାଃ ଆକ୍‌ତେୟାର୍ ଆତଃ ଆନୁରୁରେୟାଃ କାଜିକାମି । ୧:୬-୨:୨୧
- ୩. ପାର୍‌ମେଶ୍ୱାର୍‌ଆଃ ସାୟାଦ୍‌ତେ ଜୀଉବାଞ୍ଚାଅ ନାମେରେୟାଃ କାଜି । ୩-୪
- ୪. ବୁଗିନ୍ ଖ୍ରୀଷ୍ଟିୟାନ୍ ତାଇଲ୍ ତାଲାନ୍ ନାଗେନ୍ତେ ଆନାରୁ । ୫:୬-୧୦
- ୫. ପାଉଲୁସ୍‌ଆଃ ଚୁଣ୍ଡ ଜହାର୍ ଆତଃ ପାର୍‌ମେଶ୍ୱାର୍‌ଆଃ ହରାତେ ଜୀଝାନ୍ ବାଦ୍‌ଲାଅ । ୬:୧୧-୧୮

ପାଉଲୁସ୍‌ଆଃ ଜହାର୍

୧ ଆଇଙ୍ଗ୍ ପ୍ରେରିତ୍ ପାଉଲୁସ୍ ତାନିଙ୍ଗ୍, ମାନଝାସାଃଏତେ ଚାଏ ମାନଝା ହରାତେ କାଇଙ୍ଗ୍ ହିଜାକାନା, ମେନ୍‌ଦ ଆପୁ ପାର୍‌ମେଶ୍ୱାର୍‌ତାଃଏତେ ଆତଃ ଇନିଃ ଗଜାକାନ୍‌କଏତେ ଜୀଉବିରିଦାକାଇ, ଏନ୍ ଯାଶୁ ଖ୍ରୀଷ୍ଟୁଆଃ ହରାତେ କେନେଡା ନାମାକାଦାଇଙ୍ଗ୍ । ୨ ଆଇୟାଃଲଃ ନେତାଃରେ ତାଇନଡତାନ୍ ସବେନ୍ ବିଶ୍ୱାସୀ ହାଗା ମିଶିକ ଗାଳାତିୟ କାଲିସିୟାରେନ୍ ବିଶ୍ୱାସୀକକେ ଜହାର୍ ମେନ୍ତେକ କାଜିକୁଲେତାନା ।

୩ ଆରୁଆଃ ଆପୁ ପାର୍‌ମେଶ୍ୱାର୍ ଆତଃ ପ୍ରାଭୁ ଯାଶୁ ଖ୍ରୀଷ୍ଟୁ ଆପେକେ ସାୟାଦ୍ ଆତଃ ଜୀଉସୁକୁ ଏମାପେକାଏ ।

୪ ନାହାଃରେୟାଃ ନେ ଏଡକାନ୍ ପାରିୟାଏତେ ଆରୁକେ ବାଞ୍ଚାଅରୁ ନାଗେନ୍ତେ ଆରୁଆଃ ଆପୁ ପାର୍‌ମେଶ୍ୱାର୍‌ଆଃ ଇଛାସାନାଙ୍ଗ୍‌କେ ମାନାତିଙ୍ଗ୍‌ତାନ୍‌ଲଃ, ଖ୍ରୀଷ୍ଟୁ ଆରୁଆଃ ପାପ୍ ନାଗେନ୍ତେ ଆଇଃକ୍‌କେ ଏମ୍‌କିୟା । ୫ ପାର୍‌ମେଶ୍ୱାର୍‌ଆଃ ମାନାରାଙ୍ଗ୍ ଜାନାଅ ଜାନାଅ ଜାକେଦ୍ ହବାଅଃକା । ଆମେନ୍ ।

ମିଆଁଦ୍‌ଗି ସୁକୁକାଜି

୬ ଖ୍ରୀଷ୍ଟୁଆଃ ସାୟାଦ୍ ହରାତେ ଇନିଃ ଆପେକେ କେଡାକାଦ୍‌ପେ ତାଇକେନା, ଇମିନ୍ ଜାଲ୍‌ଦି ଆପେ ଇନିଃକେ ବାଗିକେଦ୍‌ତେ ଏଟାଃ ମିଆଁଦ୍ ସୁକୁକାଜିକେ ବିଶ୍ୱାସେତାନାପେ, ଏନାମେନ୍ତେ ଆଇଙ୍ଗ୍ ପୁରାଃଗିଇଙ୍ଗ୍ ହାଏକାଟଃତାନା । ୭ ସାର୍‌ତି କାଜିଲେରେ, ଏଟାଃ ସୁକୁକାଜି ବାନଃଆ । ମେନ୍‌ଦ ଆଇଙ୍ଗ୍ କାଜିତାନାଇଙ୍ଗ୍, ଚିଆଃଚି ଚିମିନ୍ ହଡକ ଖ୍ରୀଷ୍ଟୁଆଃ ସୁକୁକାଜିକେ ଏଟାଃ ଲେକାତେ ଉଦୁକେଦ୍‌ତେ ଆପେକେ ଆକ୍‌ଦାନ୍‌ଆ ନାଗେନ୍ତେକ ସାନାଙ୍ଗ୍‌ତାନା । ୮ ମେନ୍‌ଦ ଆଲେ ଅକ ସୁକୁକାଜି ଆପେତାଃରେ

ଉଦ୍‌ବଳାକାଦ୍ ତାଇକେନାଲେ, ଏନାକେ ବାଗିକେଦ୍‌ତେ ଏଟାଃ ଲେକା ମିଆଁଦ୍ ସୁକୁକାଜି ଆଲେ ଚାଏ ସିମାରେନ୍ ଦୁଁଡ୍ ଉଦୁବେରେଦ, ଇନିଃ ସାର୍‌ପାଅଃକାଏ । ୯ ଆଲେ ସିଦାରେ କାଜିକାଦ୍ ତାଇକେନ୍ ଲେକାଗି, ନାହାଁଃ ଆଡଃମିସା କାଜିତାନାଇଜ୍, ଆପେ ଅକ ସୁକୁକାଜି ତେଲାଇକାଦାପେ, ଏନାଏତେ ଏଟାଃ ସୁକୁକାଜି ଜେତାଏ ଉଦୁବେରେଦ, ଇନିଃ ସାର୍‌ପାଅଃକାଏ ।

୧୦ ନେଆଁ ଆୟୁମ୍‌କେଦ୍‌ତେ ଚିନାଃ ଆପେ ଆଟ୍‌କାରେତାନାପେ ଯେ, ଆଇଜ୍ ହଡ଼କତାଃଏତେ ସୁକୁଇଚିୟଃ ନାଜ୍ ସାନାଜ୍‌ତାନାଇଜ୍ ? କାହାଗି । ଆଇଜ୍ ପାର୍‌ମେଶ୍‌ବାର୍‌ଆଃ ଏସ୍‌କାର୍ ସୁକୁଇଚିୟଃ ନାଜ୍ ସାନାଜ୍‌ତାନାଇଜ୍ । ଆଇଜ୍ ଚିନାଃ ସବେନ୍ ହଡ଼କତାଃରେ ସାରିୟଃ ନାଜ୍ ସାନାଜ୍‌ତାନାଇଜ୍ ? ଆଇଜ୍ ନାହାଁଃ ଜାକେଦ୍ ସବେନ୍ ହଡ଼କ ସାରିଜ୍‌କାକ ମେନ୍ତେଇଜ୍ ସାନାଜ୍‌ତାନାରେଦ, ଆଇଜ୍ ତିସିଜ୍ ଶ୍ରୀଷ୍ଟିଆଃ ଦାସି କାଇଜ୍ ହବାକାନ୍‌ତେୟାଃ ।

ପାଉଲୁସ୍ ଚିଲ୍‌କାତେ ପ୍ରେରିଡ୍ ହବାୟାନାଏ

୧୧ ହେ ଦୁଲ୍‌ାଡ୍ ହାଗା ମିଗିକ, ଆଇଜ୍ ଆପେକେଇଜ୍ କାଜିପେତାନା, ଆଇଜ୍ ଅକ ସୁକୁକାଜିଇଜ୍ ଉଦୁବପେତାନା, ଏନା ମାନଖାତାଃଏତେ କା ଉଦୁବାକାନା । ୧୨ ଆଇଜ୍ ଜେତା ମାନଖାତାଃଏତେ ଏନା କାଇଜ୍ ନାମାକାଦା, ଚାଏ ଜେତାଏ ଆଇଜ୍‌କେ କାକ ଇଡୁକାଦିୟାଁ । ମେନ୍‌ଦ ଯୀଶୁ ଶ୍ରୀଷ୍ଟି ଆଇଃକ୍‌ଗି ଆଇଜ୍‌ତାଃରେ ଉଦୁବେନ୍‌ୟାନା ।

୧୩ ✽ଯିହୁଦୀ ଧାରାମ୍‌ରେ ପାତିୟାର୍‌ରଃଲେକା ତାଇକେନ୍ ଇମ୍‌ତା, ଆଇଜ୍ ଚିଲ୍‌କା ଜୀଦାନ୍ ବିତାଅ ତାଇକେନାଇଜ୍, ଚିଲ୍‌କା ବେଗାର୍ ଲିନିରୁଇତେ ପାର୍‌ମେଶ୍‌ବାର୍‌ଆଃ କାଲିସିୟାରେନ୍ ହଡ଼କକେ ସାସାତିକ ତାଇକେନାଇଜ୍ ଆଡଃ କାଲିସିୟାକେ ଜିୟନେ ନାଗେନ୍ତେଇଜ୍ ଚେଷ୍ଟା ତାଇକେନା, ଏନ୍ ସବେନ୍ ବିଷାଏରେ ଆପେକେଇଜ୍ ଉଦୁବାକାଦ୍‌ପେୟା । ୧୪ ✽ଆଇଜ୍ ଯିହୁଦୀ ଧାରାମ୍ ମାନାତିଜ୍‌ରେ ଆଇଁୟାଃ ବାୟାସ୍‌ରେନ୍ ଯିହୁଦୀ ହଡ଼କତାଃଏତେ ଆୟାର୍‌ରେଇଜ୍ ତାଇକେନା ଆଡଃ ଆରୁଆଃ ପୁରଖାହାଡାମ୍ ହଡ଼କଆଃ ରିତିରିଖାଜ୍ ମାନାତିଜ୍ ନାଗେନ୍ତେ ପୁରାଃ ଚିହ୍ନାନିଗିଇଜ୍ ତାଇକେନା ।

୧୫ ✽ମେନ୍‌ଦ ପାର୍‌ମେଶ୍‌ବାର୍ ଆୟାଃ ସାୟାଦ୍‌ତେ ଆଇଁୟାଃ ଜାନାମ୍ ହବାଅଃ ସିଦାରେ ଆଇଜ୍‌କେ ସାଲାଇକେଦିୟାଁ ଆଡଃ ଆୟାଃ ସେଖା ନାଗେନ୍ତେ କେଡାକେଦିୟାଁ । ୧୬ ଆଡଃ ସାର୍‌ସାର୍ ହଡ଼କଆଃ ଆଲାଇରେ ସୁକୁକାଜି ଉଦୁବ୍ ନାଗେନ୍ତେ ଚିମ୍‌ତା ପାର୍‌ମେଶ୍‌ବାର୍ ଆୟାଃ ହନ୍‌କେ ଆଇଁୟାଃତାଃରେ ଉଦୁବ୍‌କିୟା, ଇମ୍‌ତା ନେ ବିଷାଏରେ କୁପ୍‌ଲି ନାଗେନ୍ତେ ଆଇଜ୍ ଏଟାଃକତାଃତେ କାଇଜ୍ ସେନାକାନ୍ ତାଇକେନା । ୧୭ ଚାଏ ଆଇଁୟାଃଏତେ ସିଦାରେ ଅକନ୍‌କ ପ୍ରେରିଡ୍ ତାଇକେନାକ, ଇନ୍‌କୁଲଃ ହଗି ନେପେଲ୍ ନାଗେନ୍ତେ ଯୀରୁଶାଲେମ୍‌ତେ କାଇଜ୍ ସେନାକାନ୍ ତାଇକେନା । ମେନ୍‌ଦ ଆଇଜ୍ ଇମ୍‌ତାଃଗି ଆରବ୍ ଦିଶ୍‌ମ୍‌ତେଇଜ୍ ସେନଃୟାନା ଆଡଃ ତାୟମ୍‌ତେ ଦମାସକସ୍‌ତେ ରୁହାଡ଼୍‌ୟାନାଇଜ୍ । ୧୮ ✽ଏନ୍ତେ ଆପି ବାରାଷ୍ ତାୟମ୍‌ତେ ଆଇଜ୍ ପାଡ଼ରାସ୍‌ଲଃ ନେପେଲ୍ ନାଜ୍ ଯୀରୁଶାଲେମ୍‌ତେଇଜ୍ ସେନଃୟାନା ଆଡଃ ଇନିଃଲଃ ଗେଲ୍ ମଶେୟାଁ ମାହାଁ ତାଇକେନାଇଜ୍ । ୧୯ ମେନ୍‌ଦ ପ୍ରାଭୁଆଃ ହାଗା ଯାକୁବ୍‌କେ ବାଗିକେଦ୍‌ତେ ଆଇଜ୍ ଏଟାଃ ଜେତା ପ୍ରେରିଡ଼ଲଃ କାଇଜ୍ ନେପେଲ୍ ।

୨୦ ଆଇଜ୍ ଅଲ୍‌ତାନ୍‌ତେୟାଃ ସାର୍‌ତି ତାନାଃ । ପାର୍‌ମେଶ୍‌ବାର୍ ସାରିତାନାଏ, ଆଇଜ୍ କାଇଜ୍ ବେଦାତାନା !

୨୧ ଏନ୍ ତାୟମ୍‌ତେ ଆଇଜ୍ ସିରିୟା ଆଡଃ କିଲିକିଆ ପାର୍‌ଗାନ୍‌ତେଇଜ୍ ସେନଃୟାନା । ୨୨ ଏନ୍ ଦିପିଲିକରେ ଯିହୁଦୀ ରାଇଜ୍‌ରେ ତାଇନ୍‌ତାନ୍ ଶ୍ରୀଷ୍ଟିଆଃ କାଲିସିୟାରେନ୍ ବିଶ୍ୱାସୀ ହାଗା ମିଗିକ ଆଇଜ୍‌କେ ବେଶ୍‌କେଦ୍‌ତେ କାକ ସାରିକାଇଜ୍ ତାଇକେନା । ୨୩ ଆଇଁୟାଃ ବିଷାଏରେ ଏଟାଃକ ଅକଆଃ କାଜିକାଦ୍ ତାଇକେନାକ, ଇମ୍‌ନାଜ୍ ଏସ୍‌କାର୍ ଇନ୍‌କୁ ସାରିୟାକାଦ୍ ତାଇକେନାକ । ଏଟାଃକତାଃଏତେ ଇନ୍‌କୁ ଆୟୁମାକାଦ୍ ତାଇକେନାକ ଯେ, “ଅକନ୍ ହଡ଼ ଆରୁକେ ସିଦା ସିଗିଦ୍‌ରୁ ତାଇକେନା ଆଡଃ ଆରୁଆଃ ଧାରାମ୍‌କେ ଜିୟନେ ନାଗେନ୍ତେ ସାନାଜ୍ ତାଇକେନା, ନାହାଁଃଦ ଇନିଃ ଆରୁ ବିଶ୍ୱାସକାଦ୍ କାଜିକେ ପାର୍‌ଚାର୍ ତାନା !” ୨୪ ଏନାମେନ୍ତେ ଇନ୍‌କୁ ଆଇଁୟାଃ ନାଗେନ୍ତେ ପାର୍‌ମେଶ୍‌ବାର୍‌କେକ ମାନାରାଇଜ୍ ତାଇକେନା ।

୨

ପାଉଲୁସ୍ ଆଡଃ ଏଟାଃ ପ୍ରେରିଡ଼କ

୧ ✽ଏନ୍ତେ ଗେଲ୍ ଉପୁନିୟା ବାରାଷ୍ ତାୟମ୍‌ତେ ଆଇଜ୍ ଆଡଃମିସା ବର୍ଣ୍ଣବାସ୍‌ଲଃ ଯୀରୁଶାଲେମ୍‌ତେଇଜ୍ ରୁହାଡ଼୍‌ୟାନା, ଇମ୍‌ତା ତିତସ୍‌କେ ହଗି ଆଇଁୟାଃଲଃ ଗାତିରେଇଜ୍ ଇଦିକାଇ

✽ ୧:୧୩ ୧:୧୩ ପ୍ରେରିଡ଼ ୮:୩; ୨୨:୪,୫; ୨୨:୯-୧୧. ✽ ୧:୧୪ ୧:୧୪ ପ୍ରେରିଡ଼ ୨୨:୩. ✽ ୧:୧୫ ୧:୧୫ ପ୍ରେରିଡ଼ ୯:୩-୬; ୨୨:୬-୧୦; ୨୨:୧୩-୧୮. ✽ ୧:୧୮ ୧:୧୮ ପ୍ରେରିଡ଼ ୯:୨୬-୩୦. ✽ ୨:୧ ୨:୧ ପ୍ରେରିଡ଼ ୧୧:୩୦; ୧୫:୨.

ତାଙ୍କେନା । ^୨ ଆଇଙ୍ଗ୍ ଏନ୍ତାଃତେ ସେନକେନାଇଙ୍ଗ୍ ତିଆଃତି ପାର୍ମେଶ୍ଵାର୍ତାଃଏତେ ଉନ୍ନୁଦ୍ଵ ନାମାକାଦ୍ ତାଙ୍କେନାଇଙ୍ଗ୍ । ସାଅଁସାର୍ ହଡ଼କତାଃରେ ଆଇଙ୍ଗ୍ ଅକ ସୁକୁକାଜି ଉଦ୍ଵକାଦାଇଙ୍ଗ୍, ଏନା ଯାରୁଶାଲେମ୍ରେନ୍ ଆଗୁଆଇକକେ ମିଆଁଦ୍ ଅଡ଼ାଃରେ ଦୁନ୍ଦ୍ଵ ଇମ୍ତା ଇନ୍କୁକେ ବୁଗିଲେକାଇଙ୍ଗ୍ ଉଦ୍ଵକାଦକ ତାଙ୍କେନା । ଆଇଁୟାଃ ସିଦାକରାଃ କାମି ଆଡ଼ଃ ନାହାଃରେୟାଃ କାମିକ ଜେ'ଲେକା ସାମାଏଶ୍ଵାଗଃଆ ମେନ୍ତେ ଆଇଙ୍ଗ୍ କାଇଙ୍ଗ୍ ସାନାଙ୍ଗ୍ ତାଙ୍କେନା । ^୩ ଆଇଁୟାଃ ଗାତି ତିତସ୍ ମିଆଁଦ୍ ଗ୍ରୀକ୍ ହଡ଼ ତାଙ୍କେନାଏ, ଏନ୍ରେହ ଇନିଃକେ ଖାଡ଼ନାଅ ରିକାଃଅ ଲାଗାତିୟାଃ ମେନ୍ତେ କା କାଜିକାନ୍ ତାଙ୍କେନା । ^୪ ମେନ୍ଦ୍ ତିମିନ୍ ହଡ଼କ ଇନିଃକେ ଖାଡ଼ନାଅ ରିକାଇ ନାଗେନ୍ତେକ ସାନାଙ୍ଗ୍ ତାଙ୍କେନା । ଇନ୍କୁ ବିଶ୍ଵାସୀ ହାଗା ତାନ୍ଲେ ମେନ୍ତେ ବେଦାକେଦ୍ତେ କୁମ୍ବୁକୁ ଲେକା ଝୁଣ୍ଡରେ ମେସାକାନ୍ ତାଙ୍କେନାକ । ଖ୍ରୀଷ୍ଟ୍ ଯୀଶୁଲଃ ମେସାୟାନ୍ ହରାତେ ଆବୁ ଅକ କିରିଙ୍ଗ୍‌ୟାକାନ୍ ଦାସିଏତେ ରାଡ଼ାକାନାବୁ, ଏନାକେ ଦାଣାଁ ନାମ୍ତେୟାଃ ଇନ୍କୁଆଃ ଉଦ୍ଵେଶ୍ ତାଙ୍କେନା । ଆବୁକେ ଆଡ଼ଃମିସା ଆନ୍ତୁରେୟାଃ କିରିଙ୍ଗ୍‌ୟାକାନ୍ ଦାସି ହବାଃଅ ନାଗେନ୍ତେ ଇନ୍କୁ ସାନାଙ୍ଗ୍ ତାଙ୍କେନାକ । ^୫ ମେନ୍ଦ୍ ଆପେୟାଃ ନାଗେନ୍ତେ ସୁକୁକାଜିରେୟାଃ ସାନାର୍ତି ତାଙ୍କନଃକା ମେନ୍ତେ ଆଲେ ଏନ୍ ବେଦାହଡ଼କକେ କାଟିଃଲେକାହିଁ ଠାୟାଦ୍ କାଲେ ଏମାକାକ ତାଙ୍କେନା ।

^୬ ମେନ୍ଦ୍ ଅକ ହଡ଼କ ଆଗୁଆଇ ମେନ୍ତେ କାଜିୟଃ ତାଙ୍କେନାକ, ଇନ୍କୁ ଜେତା ହଡ଼ ତାଙ୍କନଃରେୟ, ଏନାରେ ଆଇଁୟାଃ ଜେତାନ୍ କାଜି ବାନଃଆ, ତିୟାଃତି ହଡ଼ରାଃ ବାହାରି ନେପେଲ୍ରେ ପାର୍ମେଶ୍ଵାର୍ ଜେତାଏୟାଃ ବିଚାର୍ କାଏ ରିକାଃ, ଏନ୍ ଆଗୁଆଇକ ଆଇଙ୍ଗ୍‌କେ ଜେତାନ୍ ନାଞ୍ଜା କାଜିକ କାକ ଏମାକାଇଙ୍ଗ୍ ତାଙ୍କେନା । ^୭ ଏଟାଃ ହରାତେ, ଇନ୍କୁ ନେଲ୍‌କେଦାକ ଯେ, ପାର୍ମେଶ୍ଵାର୍ ଜେ'ଲେକା ଯିହୁଦୀ ହଡ଼କତାଃରେ ସୁକୁକାଜି ଉଦ୍ଵରେୟାଃ ବାହାରମ୍ ପାଡ଼ରାସ୍‌କେ ଏମାକାନ୍ ତାଙ୍କେନା, ଏନ୍‌ଲେକାଗି କା ଖାଡ଼ନାଅକାନ୍ ହଡ଼କଆଃ ଆୟାରରେ ସୁକୁକାଜି ଉଦ୍ଵରେୟାଃ ବାହାରମ୍ ଆଇଙ୍ଗ୍‌କେ ଏମାକାନା । ^୮ ତିୟାଃତି ପାଡ଼ରାସ୍ ଜେ'ଲେକା ପାର୍ମେଶ୍ଵାର୍‌ଆଃ ପେଡ଼େଃତେ ଯିହୁଦୀ ହଡ଼କ ନାଗେନ୍ତେ ପ୍ରେରିଡ଼ ଲେକାଏ ସାଲାକାନ୍ ତାଙ୍କେନା, ଆଇଙ୍ଗ୍‌ହଗି ଏନ୍‌ଲେକାଗି ପାର୍ମେଶ୍ଵାର୍‌ଆଃ ପେଡ଼େଃତେ ସାଅଁସାର୍ ହଡ଼କ ନାଗେନ୍ତେ ପ୍ରେରିଡ଼ ଲେକାଇଙ୍ଗ୍ ସାଲାକାନା । ^୯ ଆଗୁଆଇ ଲେକା କାଜିୟଃତାନ୍ ଯାକୁବ୍, ପାଡ଼ରାସ୍ ଆଡ଼ଃ ଯୋହାନ୍ ମାନାତିଙ୍ଗ୍‌କେଦାକ ଯେ, ପାର୍ମେଶ୍ଵାର୍ ଆଇଙ୍ଗ୍‌କେ ନେ ସାୟାଦ୍‌ରେୟାଃ ବିଶେଷ୍ କାମି ନାଗେନ୍ତେ ବାହାରମ୍ ଏମାକାଦିୟାଏ । ଏନାମେନ୍ତେ ଇନ୍କୁ ଆଇଙ୍ଗ୍‌କେ ଆଡ଼ଃ ବର୍ଣ୍ଣବାସ୍‌କେ ମିସାତେ କାମିତାନ୍ ହଡ଼କିନ୍ ତାନ୍‌କିନ୍ ମେନ୍ତେ କାଜିକେଦାକ । ବର୍ଣ୍ଣବାସ୍ ଆଡ଼ଃ ଆଇଙ୍ଗ୍ ସାଅଁସାର୍ ହଡ଼କଆଃ ଆଲାରେ ଆଡ଼ଃ ଇନ୍କୁ ଯିହୁଦୀ ହଡ଼କଆଃ ଆଲାରେ କାମିୟାକ ମେନ୍ତେ ମିଦ୍‌ମନ୍‌ୟାନାଲେ । ^{୧୦} ଇନ୍କୁ ନିମିନାଙ୍ଗ୍ ଏସ୍‌କାର୍ ବିକ୍ତିକାଦ୍ ତାଙ୍କେନାକ ଯେ, ଆଲେ ଇନ୍କୁଆଃ ଝୁଣ୍ଡରେ ତାଙ୍କନତାନ୍ ଜାଞ୍ଜିଅଃ ହଡ଼କକେ ପାହାମ୍‌କଆଲେ । ଏନ୍ ବିଷାଏରେଗି ଆଇଁୟାଃ ସାନାଙ୍ଗ୍ ତାଙ୍କେନା ।

ଆନ୍ତିୟୋଖ୍‌ରେ ପାଡ଼ରାସ୍‌କେ ପାଉଲୁସ୍‌ଆଃ କାଜିକଟଙ୍ଗ୍

^{୧୧} ମେନ୍ଦ୍ ପାଡ଼ରାସ୍ ଆନ୍ତିୟୋଖ୍‌ତେ ହିଜୁଃକାନ୍ ଇମ୍ତା ଆଇଙ୍ଗ୍ ହଡ଼କ ଆଲାରେ ଇନିୟାଃ କାଜିକଟଙ୍ଗ୍ ରିକାକାଦ୍ ତାଙ୍କେନାଇଙ୍ଗ୍, ତିଆଃତି ଇନିଃ ଭୁଲ୍ ରିକାକାଦ୍ ତାଙ୍କେନାଏ । ^{୧୨} ଯାକୁବ୍‌ଆଃ ହରାତେ କୁଲ୍‌କାନ୍ ତିମିନ୍ ହଡ଼କ ଏନ୍ତାଃତେ ହିଜୁଃ ସିଦାରେ, ପାଡ଼ରାସ୍ ସାଅଁସାର୍ ହଡ଼କଲଃ ଜମ୍‌ତାନ୍ ତାଙ୍କେନାଏ । ମେନ୍ଦ୍ ଏନ୍ ହଡ଼କ ହିଜୁଃ ତାୟମ୍‌ତେ, ଇନିଃ କାଏ ଜମ୍‌କେଦା, ତିଆଃତି ସାଅଁସାର୍ ହଡ଼କକେ ଖାଡ଼ନାଅ ହବାଃଅ ଲାଗାତିଙ୍ଗ୍‌ୟାଃ ମେନ୍ତେ ଅକ ହଡ଼କ କାଜିତାଙ୍କେନାକ, ଇନ୍କୁକେ ଇନିଃ ବରକ ତାଙ୍କେନାଏ । ^{୧୩} ଏଟାଃ ଯିହୁଦୀ ହାଗା ମିଶିକ ପାଡ଼ରାସ୍‌ଲଃ ମେସାକେଦ୍‌ତେ ହସଡ଼ କାମିକ କାମିକେଦା ଆଡ଼ଃ ଏନ୍‌ଲେକା ବର୍ଣ୍ଣବାସ୍ ହଗି ଇନ୍କୁଆଃ ହସଡ଼ରେ ଉୟୁଃୟାନା । ^{୧୪} ମେନ୍ଦ୍ ତିମ୍‌ତା ଆଇଙ୍ଗ୍ ଇନ୍କୁକେ ସୁକୁକାଜିରାଃ ସାନାର୍ତି ଲେକାତେ ଜୀଞ୍ଜାନ୍ ବିତାଅତେୟାଃ କାଇଙ୍ଗ୍ ନେଲ୍‌କେଦ୍‌କଆ, ଇମ୍ତା ଆଇଙ୍ଗ୍ ପାଡ଼ରାସ୍‌କେ ଇନ୍କୁଆଃ ଆୟାରରେଇଙ୍ଗ୍ କାଜିକିୟା, “ମେନ୍ଦ୍ ଆମ୍ ଯିହୁଦୀ ହଡ଼ ତାଙ୍କନକେଦ୍‌ତେ ସାଅଁସାର୍ ହଡ଼କ ଲେକାମ୍ ସେସେନ୍‌ତାନା, ତାବ୍‌ଦ ଯିହୁଦୀ ହଡ଼କ ଲେକା ଜୀଞ୍ଜାନ୍ ବିତାଅ ନାଗେନ୍ତେ ଆମ୍ ତିଲ୍‌କାତେ ସାଅଁସାର୍ ହଡ଼କକେମ୍ ଆରୁକତାନା ?”

ବିଶ୍ଵାସ୍ ହରାତେ ଜୀଉ ବାଞ୍ଚାଅ

^{୧୫} ସାର୍‌ତିଗି ଆଲେ ଜାନାମ୍‌ଏତେଗି ଯିହୁଦୀ ହଡ଼କତାନ୍‌ଲେ, କାନାଜି ଲେକାତେ, ପାପି ସାଅଁସାର୍ ହଡ଼କ ନାହାଁଲାଃଲେ । ^{୧୬} ଏନ୍‌ରେୟ, ଆଲେ ସାରିତାନାଲେ ଯେ, ଆନ୍ତୁରାଃ କାଜିକ ପୁରାକେଦ୍‌ତେ କାହାଗି, ମେନ୍ଦ୍ ଯୀଶୁ ଖ୍ରୀଷ୍ଟ୍‌ତାଃରେ ବିଶ୍ଵାସ୍‌କେଦ୍ ହରାତେ ଏସ୍‌କାର୍ ମିହୁଡ଼୍ ପାର୍ମେଶ୍ଵାର୍‌ଆଃ ଆୟାରରେ ଧାର୍‌ମାନ୍ ହବାଅଃଆଏ । ପାର୍ମେଶ୍ଵାର୍‌ଆଃ ଆୟାରରେ ଧାର୍‌ମାନ୍ ହବାଅଃ ନାଗେନ୍ତେ

☆ ୨:୧୭ ୨:୧୭ ରୋମି ୩:୨୦; ରୋମି ୩:୨୨.

ଆଲେ ଆନରୁ ଚେତାନରେ କା ଆସ୍ତାକେଦ୍ଦେ ଯୀଶୁ ଖ୍ରୀଷ୍ଟତାଃରେ ବିଶ୍ୱାସ୍ ତାନାଲେ, ଚିୟାଃତି ଆନରୁ ମାନାତିକ୍ଷ୍ଟକେଦ୍ଦେ ଏସ୍କାର୍ ଜେତାଏ ପାର୍ମେଶ୍ୱାର୍ଆଃ ଆୟାର୍ରେ ଧାର୍ମାନ୍ କାଏ ହବାଅଃଆ । ୧୭ ମେନ୍ଦ୍ ଖ୍ରୀଷ୍ଟଲଃ ମେସାକେଦ୍ଦେ ପାର୍ମେଶ୍ୱାର୍ଆଃ ଆୟାର୍ରେ ଧାର୍ମାନ୍ ହବାଅଃ ନାଗେନ୍ତେ ସାନାକ୍ତାନ ଇମ୍ତା ଆରୁ ହଗି ସାଅଁସାର୍ ହଡକ୍ ଲେକା ପାପି ହବାକେଦ୍ଦେ ମେନାବୁରେଦ୍, ଚିନାଃ ଖ୍ରୀଷ୍ଟ୍ ଏନାରେନ୍ ଜିମାଦାର୍ ତାନିଃ ? କାହାଗି ଏନାଦ୍ ଆଲକା ହବାଅଃକା ? ୧୮ ଚିୟାଃତି ଅକ୍ ଆନରୁରାଃ ତନଲ୍ଲକେ ଆଇକ୍ ଟଟାଃକାଦାଇକ୍, ଏନାକେ ଆଡଃମିସା ବାଇରୁହାଡ଼େରେଦ୍ ଆଇକ୍ ଗୁଣ୍ଟା ହବାଅଃଆଇକ୍ । ୧୯ ଆଇକ୍ ଆନରୁ ନାଗେନ୍ତେ କାଇକ୍ ଜୀହୁଦଃତାନାଃ ତିଆଃତି ଆନରୁ ଆଇୟାଃ ଗନଏଃ ଆଡକେଦାଏ, ମେନ୍ଦ୍ ନାହାଁଃ ଆଇକ୍ ପାର୍ମେଶ୍ୱାର୍ ନାଗେନ୍ତେ ଜାନିଦ୍ ମେନାଇୟା । ଖ୍ରୀଷ୍ଟଲଃ ଆୟାଃ କୁଶ୍ ଚେତାନରେ ଆଇକ୍ ହଗି ଗଜାକାନାଇକ୍ । ୨୦ ଏନାମେନ୍ତେ ନାହାଁଃ ଆଇକ୍ ଜାନିଦ୍ ନାହାଁଲିକ୍, ଆଇୟାଃତାଃରେ ଖ୍ରୀଷ୍ଟଗି ଜାନିଦ୍ ମେନାଇୟା । ଆଇକ୍ ହାସା ହଡ଼ମରେ ତାଇକେଦ୍ଦେ ନାହାଁଃ ଅକ୍ ଜୀଝାନ୍ ବିତାଅତାନାଇକ୍, ଏନାଦ୍ ଆଇକ୍ ପାର୍ମେଶ୍ୱାର୍ଆଃ ହନ୍ତାଃରେ ବିଶ୍ୱାସ୍କେଦ୍ ହରାତେ ଏସ୍କାର୍ ହବାଦାଡ଼ିକାନା, ଅକଏଟି ଆଇକ୍କେ ଦୁଲ୍ଲାଡ଼କେଦ୍ଦେ ଆଇୟାଃ ନାଗେନ୍ତେ ଆୟାଃ ଜୀଉକେ ଏମକେଦାଏ । ୨୧ ଏନାମେନ୍ତେ ପାର୍ମେଶ୍ୱାର୍ଆଃ ସାୟାଦ୍କେ ଆଇକ୍ ସାମାତାନାଃ ମେନ୍ତେ କାଇକ୍ କାଜି, ଚିୟାଃତି ଆନରୁ ମାନାତିକ୍ ହରାତେ ଏସ୍କାର୍ ମିହୁଡ୍ ପାର୍ମେଶ୍ୱାର୍ଆଃ ଆୟାର୍ରେ ଧାର୍ମାନ୍ ହବାଅଃରେଦ୍, ଖ୍ରୀଷ୍ଟାଃ ଗନଏଃ ସାମାତାନାଃ ମେନ୍ତେ କାଜିୟାଆ ।

୩

ଆନରୁ ଚାଏ ବିଶ୍ୱାସ୍

୧ ହେ ଗାଳାତିୟରେନ୍ ଡଣ୍ଡକ ! ଅକଏ ଆପେକେ ମୁହିନି କାଦ୍ପେୟା ? କୁଶ୍ ଚେତାନରେ ଯୀଶୁ ଖ୍ରୀଷ୍ଟାଃ ଗନଏଃ କାଜି ବୁଗିଲେକା ଆପେତାଃରେ ଉଦୁବାକାନା । ୨ ଆପେ ଆଇକ୍କେ ମିଆଁଦ୍ କାଜି କାଜିକ୍ପେ, ଆନରୁ ମାନାତିକ୍ ହରାତେ ଆପେ ପାବିତାର୍ ଆମ୍ବାକେପେ ନାମ୍କିୟା ତି ସୁକୁକାଜି ଆୟୁମ୍କେଦ୍ଦେ ଏନାରେ ବିଶ୍ୱାସ୍କେଦ୍ ହରାତେ ? ୩ ଆପେ ଚିନାଃ ନିମିନ୍ ଡଣ୍ଡତାନପେ ? ପାର୍ମେଶ୍ୱାର୍ଆଃ ପାବିତାର୍ ଆମ୍ବାରାଃ ପେଡ଼େଃରେ ଆପେ ଅକ୍ ଜୀଦାନ୍ ଏଟେଦ୍କାଦାପେ, ଏନାକେ ଚିନାଃ ଆପ୍ନାଃ ହାସା ହଡ଼ମରେୟାଃ ପେଡ଼େଃରେ ଚୁଣ୍ଟୁନାଇକ୍ ସାନାକ୍ତାନାପେ ? ୪ ଆପେ ଚିନାଃ ସାମାରେ ନିମିନାଇକ୍ ଦୁକୁହାସୁ ସାହାଡ଼ିକ୍କାଦାପେ ? ଏନାଏତେ ଚିନାଃ ଜେଡନାଃ କାପେ ଇଡୁକାନା ? ୫ ଆପେ ଆନରୁରେ ଏସ୍କାର୍ ବିଶ୍ୱାସ୍କାଦ୍ ହରାତେ ଚିନାଃ ପାର୍ମେଶ୍ୱାର୍ ଆପେକେ ଆୟାଃ ଆମ୍ବା ଏମାକାଦ୍ପେୟାଏ ଆଡଃ ଆପେୟାଃ ଆଲ୍ଲାରେ ଆକ୍ଦାନ୍ଦାଅ କାମିକଏ ରିକାଏତାନା, ତି ଆପେ ସୁକୁକାଜି ଆୟୁମ୍କେଦ୍ଦେ ଏନାରେ ବିଶ୍ୱାସ୍କେଦ୍ ହରାତେ ଇନିଃ ଏନାକ ରିକାଃଏ ?

୬ *ଆବ୍ରାହାମ୍ଆଃ କାଜିକେ ପାହାମେପେ । ଧାରାମ୍ପୁଥ୍ରେ ଅଲ୍ଲାକାନା, “ଇନିଃ ପାର୍ମେଶ୍ୱାର୍ତାଃରେ ବିଶ୍ୱାସ୍କେଦା ଆଡଃ ଆୟାଃ ବିଶ୍ୱାସ୍ ହରାତେ ପାର୍ମେଶ୍ୱାର୍ ଇନିଃକେ ଧାର୍ମାନ୍ ମେନ୍ତେ କାଜିକିୟା ।”

୭ *ବିଶ୍ୱାସ୍ତାନ ହଡକ୍ ଏସ୍କାର୍ ଆବ୍ରାହାମ୍ଆଃ ହନ୍କ୍ ତାନକ୍, ଏନା ଆପେକେ ସାରି ଲାଗାତିକ୍ୟାଃ । ୮ ସିଦାରେଗି ଧାରାମ୍ପୁଥ୍ରେ ଅଲ୍ଲାକାନା, ବିଶ୍ୱାସ୍ ହରାତେ ପାର୍ମେଶ୍ୱାର୍ ସାଅଁସାର୍ ହଡକ୍କେ ହଗି ଧାର୍ମାନ୍ ମେନ୍ତେ କାଜିକଆ, ଆବ୍ରାହାମ୍ତାଃରେ ନେ କାଜି ପାହିଲା ଉଦୁବକାଦ୍ ତାଇକେନା, “ଆମାଃ ହରାତେ ପାର୍ମେଶ୍ୱାର୍ ଅତେଦିଶ୍ୱମରେନ୍ ସବେନ୍ ହଡକ୍କେ ଆଶିଷ୍ଟକଆ ।” ୯ ଆବ୍ରାହାମ୍ ବିଶ୍ୱାସ୍କେଦ୍ଦେ ଆଶିଷ୍ଟ ନାମକେଦାଏ । ଏନାମେନ୍ତେ ଅକନ୍କ ବିଶ୍ୱାସେୟାକ୍, ଏନ୍ ସବେନ୍କ ଆୟାଃ ଲେକାଗି ଆଶିଷ୍ଟକ ନାମେୟା ।

୧୦ ଅକନ୍କ ଆନରୁ ମାନାତିକ୍ ଚେତାନରେ ଆସ୍ତା ଦହୟାକ୍, ଇନ୍କୁ ସାର୍ପାଅରେୟାଃ ବରତେ ଜୀଦାନ୍ ବିତାଅଆଃକ । ଚିୟାଃତି ଧାରାମ୍ପୁଥ୍ରେ ଅଲ୍ଲାକାନା “ମୁଗାରାଃ ଆନରୁ ପୁଥ୍ରେ ଅକ୍ ସବେନାଃ ଅଲ୍ଲାକାନା, ଜେତାଏ ଏନାକେ ପୁରା କାଏ ମାନାତିକ୍ରେଦ୍ ଇନିଃ ପାର୍ମେଶ୍ୱାର୍ଆଃ ସାର୍ପାଅଃନିଃ ତାନିଃ ।” ୧୧ ନେ ହରାତେ ସାରିୟାଃତାନା, ଆନରୁ ହରାତେ ଜେତା ହଡ଼ ପାର୍ମେଶ୍ୱାର୍ଆଃ ଆୟାର୍ରେ ଧାର୍ମାନ୍ କାଏ ହବାଅଃଆ, ଚିୟାଃତି ଧାରାମ୍ପୁଥ୍ରେ ଅଲ୍ଲାକାନା, “ପାର୍ମେଶ୍ୱାର୍ଆଃ ଆୟାର୍ରେ ଧାର୍ମାନ୍ ହଡ଼ ବିଶ୍ୱାସ୍ ହରାତେ ଜୀହିଦଃଆ ।” ୧୨ ମେନ୍ଦ୍ ଆନରୁଲଃ ବିଶ୍ୱାସ୍ତାଃ ଜେତାନ୍ ନାତା ବାନଆଃ । ଧାରାମ୍ପୁଥ୍ରେ ଅଲ୍ଲାକାନା, “ଅକ୍ ହଡ଼ ସବେନ୍ ଆନରୁ ମାନାତିକ୍ ରିକାଃଏ, ଇନିଃ ବାଞ୍ଛାଅଃଆଏ ।”

୧୩ ମେନ୍ଦ୍ ଖ୍ରୀଷ୍ଟ୍ ଆରୁ ନାଗେନ୍ତେ ସାର୍ପାଅ ନାମକେଦ୍ଦେ ଆନରୁରେ ଅଲ୍ଲାକାନ୍ ସାର୍ପାଅଏତେ ଆରୁକେ ରାଡ଼ାକାଦ୍ବୁଆ । ଧାରାମ୍ପୁଥ୍ରେ ଅଲ୍ଲାକାନା, “ଜେତାଏ ଦାରୁରେ ହାକା ଗଜଃଆଏ, ଇନିଃ ପାର୍ମେଶ୍ୱାର୍ଆଃ ହରାତେ ସାର୍ପାଅଃନିଃ ତାନିଃ ।” ୧୪ ପାର୍ମେଶ୍ୱାର୍ ଆବ୍ରାହାମ୍କେ ଅକ୍ ଆଶିଷ୍ଟ

☆ ୩:୭ ୩:୭ ରୋମି ୪:୩. ☆ ୩:୭ ୩:୭ ରୋମି ୪:୧୭.

ନାଗେନ୍ତେ ବାନାର୍‌ସା ଏମାକାଦ୍ ତାଇକେନାଏ, ସାଅଁସାର୍ ହଡ଼କହଗି ଜେ'ଲେକା ଏନ୍ ଆଣିଷ୍ ନାମ୍ ଦାଡ଼ିୟାକ, ଏନାମେନ୍ତେ ଖ୍ରୀଷ୍ଟ ନେ କାମିକେ ପୁରାକେଦା । ଏନାମେନ୍ତେ ବିଶ୍ୱାସ୍ ହରାତେ ଆବୁ ହଗି ପାର୍‌ମେଶ୍ୱାର୍ କାଜିକାଦ୍ ଲେକା ପାବିତାର୍ ଆମ୍ବାରୁ ନାମ୍ ଦାଡ଼ିୟା ।

ଆନ୍‌ରୁ ଆତଃ ବାନାର୍‌ସା

^{୧୫} ହେ ହାଗା ମିଶିକ, ଆଇଙ୍ଗ୍ ମିଆଁଦ୍ ନାମୁନା ଏମାପେତାନାଇଙ୍ଗ୍, ଚିମ୍‌ତା ବାର୍‌ହଡ଼୍ ଜେତାନ୍ ବିଷାଏରେ ମିଆଁଦ୍ ରାଜିନାମା ବାଇୟାକିନ୍ ଇମ୍‌ତା ଏନାକେ ଜେତାଏ କାକ ଟଟାଃଦାଡ଼ିୟା ଚାଏ ଏନାରେ ଜେଡ଼ନାଃ କାକ ମେସା ଦାଡ଼ିୟା । ^{୧୬} ଆବ୍ରାହାମ୍ ଆତଃ ଆୟାଃ କିଲିକତାଃରେ ପାର୍‌ମେଶ୍ୱାର୍ ଆୟାଃ ବାନାର୍‌ସା ଏମାକାଦ୍ ତାଇକେନାଏ । ମେନ୍‌ଦ୍ ନେ ବିଷାଏରେ, “ଆମାଃ କିଲିକ ନାଗେନ୍ତେ,” ମେନ୍‌ଲେରେ ପୁରାଃ ହଡ଼କ ନାଗେନ୍ତେ ମେନ୍ତେ ଧାରାମ୍‌ପୁଥ୍‌ରେ କା ଅଲ୍‌କାନା । “ଆମାଃ କିଲି ନାଗେନ୍ତେ ଏସ୍‌କାର୍” ମେନ୍ତେ ଅଲ୍‌କାନା । ଏନାତେ ଏନ୍ ଧାରାମ୍‌ପୁଥ୍‌ରେ ଅଲ୍‌କାନାଦେୟାଃ, ମିଆଁଦ୍ ହଡ଼ ନାଗେନ୍ତେ ଏସ୍‌କାର୍, ମେନ୍‌ଲେରେ ଖ୍ରୀଷ୍ଟ ନାଗେନ୍ତେ ଏସ୍‌କାର୍ ଅଲ୍‌କାନା । ^{୧୭} ଆଇଁୟାଃ କାଜିରାଃ ମୁଣ୍ଡି ହବାଅଃତାନାଃ, ପାର୍‌ମେଶ୍ୱାର୍ ଆବ୍ରାହାମ୍‌ଲଃ ମିଆଁଦ୍ ରାଜିନାମା ବାଇକାଦ୍ ତାଇକେନାଏ, ଆତଃ ଏନା ବାଆଅ ନାଗେନ୍ତେ ବାନାର୍‌ସା ଏମାକାଦ୍ ତାଇକେନାଏ । ଅକ ଆନ୍‌ରୁ ୪୩୦ ବାରାଷ୍ ତାୟମ୍‌ତେ ଏମ୍‌ୟାନା, ଏନ୍ ଆନ୍‌ରୁ ଏନ୍ ରାଜିନାମାକେ ଟଟାଃକେଦ୍‌ତେ ପାର୍‌ମେଶ୍ୱାର୍ ଏମାକାଦ୍ ବାନାର୍‌ସାକେ କାଏ ହକା ଦାଡ଼ିୟା । ^{୧୮} *ପାର୍‌ମେଶ୍ୱାର୍‌ଆଃ ବାନାର୍‌ସା ହରାତେ ଏମାକାନ୍ ଆଣିଷ୍ ନାମ୍ ନାଗେନ୍ତେ ଆନ୍‌ରୁ ତେତାନ୍‌ରେ ଆସ୍ତାଏ ରେଦ୍, ଏନା ଆୟାଃ ଏମାକାଦ୍ ବାନାର୍‌ସା ହରାତେ ନାମାକାନା ମେନ୍ତେ କା କାଜିୟାଆ । ଏନାତେ ପାର୍‌ମେଶ୍ୱାର୍ ଆୟାଃ ବାନାର୍‌ସା ଲେକାତେ ଏସ୍‌କାର୍ ଏନ୍ ଆଣିଷ୍ ଆବ୍ରାହାମ୍‌କେ ଏମ୍‌କିୟା ।

^{୧୯} ତାଦ୍‌ଦ୍ ଆନ୍‌ରୁ ଚିନାଃମେନ୍ତେ ଏମ୍‌ୟାନା ? ହଡ଼କଆଃ ସବେନ୍ ଏଡ଼କାନ୍ କାମିକକେ ଉଦୁବ୍‌ରେୟାଃ ଉଦେଶ୍‌ରେ ଏନା ଏମାକାନ୍ ତାଇକେନା, ଆତଃ ଆବ୍ରାହାମ୍‌ଆଃ ଅକ କିଲିକେ ନେଲ୍‌କେଦ୍‌ତେ ପାର୍‌ମେଶ୍ୱାର୍ ବାନାର୍‌ସା ଏମାକାଦ୍ ତାଇକେନାଏ, ଏନ୍ ହଡ଼ରାଃ ହିନିଜୁଃ ଜାକେଦ୍ ଆନ୍‌ରୁରାଃ ଲାଗାତିଙ୍ଗ୍ ତାଇକେନା । ପାର୍‌ମେଶ୍ୱାର୍ ଆତଃ ହଡ଼କଆଃ ଆଲ୍‌ରେ କାମିତାନ୍ ମିଆଁଦ୍ ହଡ଼କେ ଦୁଁଡ଼କଆଃ ହରାତେ ଏନ୍ ଆନ୍‌ରୁ ଏମାକାନ୍ ତାଇକେନା । ^{୨୦} ମେନ୍‌ଦ୍ ବାନାର୍‌ସା ଏମାକାନ୍ ଦାନ୍‌ଲଃ ମିହୁଡ଼୍ ଏସ୍‌କାର୍ ମେସାକାନ୍ ତାଇକେନାଏ । ଇନିଃ ପାର୍‌ମେଶ୍ୱାର୍ ତାନିଃ ।

ଆନ୍‌ରୁରେୟାଃ ଉଦେଶ୍

^{୨୧} ଆନ୍‌ରୁ ଚିନାଃ ପାର୍‌ମେଶ୍ୱାର୍ ଏମାକାଦ୍ ବାନାର୍‌ସାକେ ବିରୁଧ୍ ରିକାଃଏ ? କାହାଗି, ଚିତ୍‌ଲ୍‌ଆ କା ହବାଅଃଆ ! ଚିଆଃତି ମାନଃକାକେ ଜୀଦାନ୍ ଏମେ ଲେକା ମିଆଁଦ୍ ଆନ୍‌ରୁ ବାଇୟାକାନ୍ ରେଦ୍, ଏନାକେ ମାନାତିଙ୍ଗ୍ ହରାତେଗି ମାନଃକା ପାର୍‌ମେଶ୍ୱାର୍‌ଆଃ ଆୟାଃରେ ଧାର୍‌ମାନ୍‌ନିଃ ମେନ୍ତେ ଉଦୁବ୍‌କାନ୍‌ତେୟାଃ । ^{୨୨} ମେନ୍‌ଦ୍ ଧାରାମ୍‌ପୁଥ୍‌ରେ ଅଲ୍‌କାନା, ସବେନ୍ ମାନଃକାକ ପାପ୍‌ରେୟାଃ ଆକ୍‌ତେୟାଃରେ ମେନାକଆ, ଏନାମେନ୍ତେ ଯୀଶୁ ଖ୍ରୀଷ୍ଟତାଃରେ ବିଶ୍ୱାସ୍‌କାଦ୍ ହରାତେ ବାନାର୍‌ସା ଏମାକାନ୍ ଆଣିଷ୍ ଖ୍ରୀଷ୍ଟ ବିଶ୍ୱାସୀକକେ ଏମାଃଆ ।

^{୨୩} ବିଶ୍ୱାସ୍‌ରେୟାଃ ଦିପିଲି ହିଜୁଃ ସିଦାରେ ଆତଃ ଏନା ଉନ୍‌ଦୁବ୍ ହବାଅଃ ଜାକେଦ୍ ଆନ୍‌ରୁ ଆବୁ ସବେନ୍‌କକେ ତଲ୍‌କାଦ୍‌ରୁ ତାଇକେନା । ^{୨୪} ଖ୍ରୀଷ୍ଟଆଃ ହିନିଜୁଃ ଜାକେଦ୍ ଆନ୍‌ରୁ ଆବୁଆଃ ଇଡୁନିଃ ଲେକା ତାଇକେନା । ମେନ୍‌ଦ୍ ଏନ୍ ତାୟମ୍‌ତେ ବିଶ୍ୱାସ୍ ହରାତେ ଏସ୍‌କାର୍ ଆବୁ ପାର୍‌ମେଶ୍ୱାର୍‌ଆଃ ଆୟାଃରେ ଧାର୍‌ମାନ୍ ଲେକାରୁ ହବାଅଃଆ । ^{୨୫} ନାହାଁଃ ବିଶ୍ୱାସ୍‌ରେୟାଃ ଦିପିଲି ସେଟେରକାନା, ଆବୁ ଆନ୍‌ରୁରେୟାଃ ଆକ୍‌ତେୟାଃରେ ଆତଃ ବାଙ୍ଗ୍‌ରୁଆ ।

^{୨୬} ବିଶ୍ୱାସ୍ ହରାତେ ଖ୍ରୀଷ୍ଟ ଯୀଶୁଲଃ ମେସାକେଦ୍‌ତେ ଆପେ ପାର୍‌ମେଶ୍ୱାର୍‌ରାଃ ହନ୍‌କପେ ହବାକାନା । ^{୨୭} ଚିଆଃତି ଆପେ ବାପ୍ତିସ୍ମାୟାନ୍ ହରାତେ ଖ୍ରୀଷ୍ଟଲଃ ମିଦ୍‌କାନାପେ ଆତଃ ନାହାଁଃ ଯୀଶୁ ଖ୍ରୀଷ୍ଟଆଃ ଜୀଦାନ୍ ଲେକାନ୍ ଲିଜାଃ ତୁସିଙ୍ଗ୍‌କାନାପେ । ^{୨୮} ଏନାମେନ୍ତେ ଯିହୁଦୀ ଆତଃ ସାଅଁସାର୍ ହଡ଼, କିରିଙ୍ଗ୍‌ୟାକାନ୍ ଦାସି ଆତଃ ରାଡ଼ାକାନ୍ ହଡ଼କ, କଡ଼ା ଆତଃ କୁଡ଼ି ଆଲ୍‌ରେ ଆତଃ ଜେତାନ୍ ଭେଦ୍‌ଭାବ୍ ବାନଃଆ । ଆପେ ସବେନ୍‌କ ଯୀଶୁ ଖ୍ରୀଷ୍ଟଲଃ ମେସାକେଦ୍‌ତେ ମିଦ୍‌କାନାପେ । ^{୨୯} *ଆପେ ଖ୍ରୀଷ୍ଟଆଃ ତାନ୍‌ପେରେଦ୍, ଆପେୟାଗି ଆବ୍ରାହାମ୍‌ଆଃ କିଲିକ ତାନ୍‌ପେ ଆତଃ ପାର୍‌ମେଶ୍ୱାର୍ ଅକଆଃ ବାନାର୍‌ସା ଏମାକାଦାଏ, ଏନା ନାମେୟାଃପେ ।



ହନ୍ ଆତଃ ହାନାଟିଙ୍ଗ୍ ନାମେନିଃ

^୧ ମେନ୍‌ଦ୍ ଆଇଙ୍ଗ୍ ଆପେକେଇଙ୍ଗ୍ କାଜିପେତାନା, ହନ୍ ଆପୁଆଃ ସବେନ୍ ହାନାଟିଙ୍ଗ୍ ନାମେନିଃ ତାନିଃ, ମେନ୍‌ଦ୍ ସବେନ୍ ବିଷାଏରେୟାଃ ହାନାଟିଙ୍ଗ୍ ନାମେନିଃ ତାନିଃରେୟାଗି, ଇନିଃ ସିଟିଆଗି ମେନାଲ୍

* ୩:୧୮ ୩:୧୮ ରୋମି ୪:୧୪. * ୩:୨୯ ୩:୨୯ ରୋମି ୪:୧୩.

ହରାତେ, କିରିଙ୍ଗିୟାକାନ୍ ଦାସି ଲେକାଏ ତାଇନା । ୨ ସିଟିଆ ତାଇକାନ୍ ଦିପିଲିରେ, ଆୟାଃ ଆପୁଆଃ ସାଲାକାନ୍ ନେତା ଜାକେଦ୍ ଇନିଃ ଖାଜାନ୍ତିରାଃ ଆକ୍ତେୟାରରେ ତାଇନାଃ ଆତଃ ସବେନ୍ ବିଷାଏରେ ଇନିଃକେ ଦେଙ୍ଗାୟାକ । ୩ ଏନ୍ଲେକାଗି ଆବୁହ ଆମିକ୍ ଲେକାତେ ସେପେଡେଦ୍ ହବାଅଃ ସିଦାରେ, ଅତେଦିଶୁମ୍ରେ ଆକ୍ତେୟାରେତାନ୍ ପେଡେଃରେୟାଃ ଏନେଟେଦ୍ ବିଷାଏରେୟାଃ କିରିଙ୍ଗିୟାକାନ୍ ଦାସି ତାଇକେନାବୁ । ୪ ମେନ୍ଦ୍ ଚୁଣ୍ଟୁରେ ତିମ୍ତା ଠାଉକା ନେତା ସେଟେର୍ୟାନ୍ ଇମ୍ତା ପାର୍ମେଶ୍ଵାର୍ ଆୟାଃ ହନ୍କେ କୁଲ୍କିୟା, ମିଆଁଦ୍ ତିଶ୍ଟା କୁଡ଼ିଆଃ ହରାତେ ଇନିଃ ଜାନାମ୍ ଇଦିକେଦ୍ତେ ଯିହୁଦୀକଆଃ ଆନୁ ଲେକାତେ ଜୀଦାନ୍ ବିତାଅକେଦାଏ । ୫ ଜେ'ଲେକାଗି ଇନିଃ ଲାଗାତିଙ୍ଗ୍ ଗନଙ୍ଗ୍ ଏମକେଦ୍ତେ ଏନ୍ ଆନୁରେୟାଃ ତନଲ୍ହେତେ ହଡକକେ ରାଡାନାଙ୍ଗ୍ ଆତଃ ଇନ୍କୁକେ ପାର୍ମେଶ୍ଵାର୍ଆଃ ହନ୍ ହବାଅଃନାଙ୍ଗ୍ ସୁଯୋଗ୍ ଏମ୍ରେୟାଃ ଆୟାଃ ଜୀଦାନ୍ରେ ଉକେଶ୍ ତାଇକେନା ।

୬ ଆପେ ପାର୍ମେଶ୍ଵାର୍ଆଃ ହନ୍କ ତାନ୍ପେ, ଏନା ଉଦୁବେ ନାଗେନ୍ତେ ପାର୍ମେଶ୍ଵାର୍ ଆୟାଃ ହନ୍ଆଃ ପାବିତାର୍ ଆମ୍ବୁକେ ଆବୁଆଃ ମନ୍ସୁରୁଦ୍ତେ କୁଲ୍କିୟା, ଏନ୍ ପାବିତାର୍ ଆମ୍ବୁ “ଆବା ! ହେ ଆଇଁୟାଃ ଆବା !” ମେନ୍ତେ କାଉରିତାନଲ୍ଠ କାଜିତାନା । ୭ ଏନାମେନ୍ତେ ଆପେ କିରିଙ୍ଗିୟାକାନ୍ ଦାସି ନାହାଁଲାଃପେ, ହନ୍ ତାନ୍ପେ । ଆପେ ଇନିୟାଃ ହନ୍କ ହବାୟାନ୍ତେ, ପାର୍ମେଶ୍ଵାର୍ ଆୟାଃ ହନ୍କ ନାଗେନ୍ତେ ଅକ ସବେନାଃ ଦହକାଦାଏ, ଏନାକେ ଆପେ ସବେନକକେ ଏମାପେୟା ।

ଗାଳାତିୟ ବିଶ୍ଵାସୀକ ନାଗେନ୍ତେ ପାଉଲୁସ୍ଆଃ ଉଡ଼଼ୁ

୮ ସିଦା ଦିପିଲିରେ ଆପେ ପାର୍ମେଶ୍ଵାର୍କେ କାପେ ସାରିକାଇ ତାଇକେନା, ଏନାମେନ୍ତେ ଅକନ୍କ ସାର୍ତି ପାର୍ମେଶ୍ଵାର୍ ନାହାଁଲାକ, ଏନ୍ଲେକାନ୍ ହସଡ୍ ମାହାପୁରୁକଆଃ ଦାସିପେ ତାଇକେନା । ୯ ମେନ୍ଦ୍ ନାହାଁଆପେ ପାର୍ମେଶ୍ଵାର୍କେ ସାରିକାଇଃପେ, ଏନାତେ ଆଇଙ୍ଗ୍ କାଜିୟାଇଙ୍ଗ୍, ନାହାଁଆ ପାର୍ମେଶ୍ଵାର୍ ଆପେକେ ସାରିକାଦ୍ପେୟା । ତାବ୍ଦ୍ ନେଆଁ ତିଲ୍କା ହବାସାକାଆଃ ଯେ, ଆପେ ଆତଃମିସା ଏନେଟେଦ୍ ବିଷାଏରେୟାଃ କା ପେଡେୟାନ୍, ଗର୍ଗରାଗି ନେଲଃତାନ୍ ମାହାପୁରୁକତାଃତେ ରୁହାଡ୍ ନାଗେନ୍ତେ ସାନାଙ୍ଗ୍ତାନାପେ ? ଆପେ ତିନାଃମେନ୍ତେ ଆତଃମିସା ଇନ୍କୁଆଃ କିରିଙ୍ଗିୟାକାନ୍ ଦାସି ହବାଅଃ ନାଗେନ୍ତେପେ ସାନାଙ୍ଗ୍ତାନା ? ୧୦ ଆପେ ସବେନକ ବିଶେଷ୍ ବିଶେଷ୍ ହୁଲାଙ୍ଗ୍, ମାହଁନା, ପାରାବ୍, ଆତଃ ବାରାଷକକେପେ ମାନାଡିଙ୍ଗ୍ତାନା । ୧୧ ଆଇଙ୍ଗ୍ ଆପେୟାଃ ନାଗେନ୍ତେ ଅକଆଃ କାମିକାଦାଙ୍ଗ୍, ଏନା ସାମା ଏଶ୍ଵାଗଃଆ ମେନ୍ତେ ଆଇଁୟାଃ ବର ମେନାଃ ।

୧୨ ହେ ହାଗା ମିଶିକ, ଆଇଙ୍ଗ୍ ଆପେକେଇଙ୍ଗ୍ ବିକ୍ରିପେତାନା, ଆପେ ସବେନକ ଆଇଁୟାଃ ଲେକା ହବାଅଃପେ । ଆଇଙ୍ଗ୍ ଆପେ ଲେକାଇଙ୍ଗ୍ ହବାକାନା ଆତଃ ଆପେ ଆଇଁୟାଃ ନାଙ୍ଗ୍ ଜେତାନ୍ ଏଡକାନାଃ କାପେ ରିକାକାଦା । ୧୩ ଆଇଙ୍ଗ୍ ବେମାର୍ ତାଇକେନ୍ ଇମ୍ତା ଆପେତାଃରେ ପାହିଲାତେ ସୁକୁକାଜିଇଙ୍ଗ୍ ଉଦୁବାକାଦ୍ ତାଇକେନା, ଏନା ପାହାମେପେ । ୧୪ ମେନ୍ଦ୍ ଆଇଁୟାଃ ବେମାର୍ ଆପେୟାଃ ନାଗେନ୍ତେ ଖୁସରାଃ କାଜି ହବାକାନ୍ରେୟାଗି, ଆପେ ଆଇଙ୍ଗ୍କେ କାପେ ହିଲାଙ୍ଗ୍କେଦିୟାଁ ତାଏ କାପେ ବାଗିକେଦିୟାଁ । ମେନ୍ଦ୍ ଆପେ ଆଇଙ୍ଗ୍କେ ପାର୍ମେଶ୍ଵାର୍ଆଃ ମିଆଁଦ୍ ଦୁଡ୍ ଲେକାପେ ଦାରମ୍କେଦିୟାଁ । ଖ୍ରୀଷ୍ଟ୍ ଯୀଶୁକେ ଆପେ ଜେ'ଲେକା ଦାରମ୍ କାଇତେୟାଃପେ, ଏନ୍ଲେକାଗି ଆଇଙ୍ଗ୍କେୟାଗି ଦାରମ୍କାଇଙ୍ଗ୍ ତାଇକେନାପେ । ୧୫ ଇମ୍ତା ଆପେ ତିମିନ୍ ରାସ୍କାକାନ୍ ତାଇକେନାପେ ! ମେନ୍ଦ୍ ନାହାଁଆ ତିନାଃ ହବାୟାନା ? ଆଇଙ୍ଗ୍ ଆପେୟାଃ ବିଷାଏରେ ଗାଞ୍ଜା ଏମ୍ତାନାଇଙ୍ଗ୍ ତି, ହବାସାକାଆକାନ୍ରେ, ଆପେୟାଃ ସବେନାଃପେ ଗନଙ୍ଗ୍ଆଁନ୍ ବିଷାଏ ଆସିକାପେରେୟାଗି, ଆପେ ଏମାକାଇଙ୍ଗ୍ ତେୟାଃପେ । ୧୬ ମେନ୍ଦ୍ ନାହାଁଆ ଆଇଙ୍ଗ୍ ଆପେକେ ସାର୍ତି କାଜିକାଦ୍ ହରାତେ ତିନାଃ ଆପେୟାଃ ବାଇରି ହବାଅଃତାନାଇଙ୍ଗ୍ ?

୧୭ ଏନ୍ ଏଟାଃ ହଡକ ଆପେୟାଃ ବୁଗିନାଃ ନାଗେନ୍ତେ ପୁରାଃଗି ତିହୁଲାନ୍ ଲେକା ଉଦୁବେନ୍ତାନାକ । ମେନ୍ଦ୍ ନେଆଁରେ ଇନ୍କୁଆଃ ସାର୍ତି ଉକେଶ୍ ବାନଃଆ । ଇନ୍କୁଆଃ ମିଆଁଦ୍ଗି ସାନାଙ୍ଗ୍ତାନାଃ ଯେ, ଆପେ ତିଲ୍କା ଆଇଁୟାଃତାଃପେତେ ରୁହାଡ୍କେଦ୍ତେ ଆକରେ ମନ୍ ଏମେୟାଃପେ । ୧୮ ବୁଗିନ୍ ଉକେଶ୍ ନାଗେନ୍ତେ ତିହୁଲଃତେୟାଃ ଠାଉକାଗିୟା । ଆଇଙ୍ଗ୍ ଆପେଲଃ ତାଇକାନ୍ ଇମ୍ତା ଏସ୍କାର୍ କାହାଗି, ମେନ୍ଦ୍ ସବେନ୍ ଇମ୍ତା ଆପେ ନେ ଠାଉକାନ୍ତେୟାଃ ରିକା ଲାଗାତିଙ୍ଗିୟାଃ । ୧୯ ଏ ଆଇଁୟାଃ ଦୁଲାଡ୍ ହନ୍କ, ଆପେକେ ଖ୍ରୀଷ୍ଟ୍ ଲେକା ବାଇ ନାଗେନ୍ତେ ଆଇଙ୍ଗ୍ ଆତଃମିସା ହନ୍ ଜାନାମଃ ଇମ୍ତାରେୟାଃ ଦୁକୁ ଲେକାଇଙ୍ଗ୍ ଆଟ୍କାରେତାନା । ୨୦ ଆଇଙ୍ଗ୍ ନାହାଁଆ ଆପେତାଃରେଇଙ୍ଗ୍ ତାଇକାନ୍ରେ, ଆପେୟାଃ ବିଷାଏରେ ଆଇଙ୍ଗ୍ ଏଟାଃ ଲେକାଇଙ୍ଗ୍ କାଜି ଦାଡିତେୟାଃ ମେନ୍ତେ ଆଇଁୟାଃ ସାନାଙ୍ଗ୍ । ତିୟାଃତି ଆଇଙ୍ଗ୍ ଆପେ ନାଗେନ୍ତେ ପୁରାଃଗିଇଙ୍ଗ୍ ପାହାମ୍ତାନା ।

ହାଗାର୍ ଆତଃ ସାରାଃ ନାମୁନା

✧ ୪:୫ ୪:୫ ରୋମି ୮:୧୫-୧୭.

୨୧ ଅକନ୍ଦକ ଆନୁଚ୍ଛେଦରେ ଆକ୍ଷେପରେ ତାଙ୍କ ନାମ ସାମାଜ୍ୟାଧିକାରୀ, ଆଇଁ ଇନ୍ଦ୍ରକୁ କୁଲି ନାଗେନ୍ଦ୍ରଙ୍କ ସାମାଜ୍ୟତା, ଆନୁଚ୍ଛେଦରେ ତିନି ଅଲକାନା, ଏନା କାପେଟି ସାରିକାଦା ? ୨୨ ଧାରାମୁଖରେ ଅଲକାନା, ଆହାହାମାଆ ବାରିୟା ହନ୍ ତାଙ୍କେନାକିନ୍, ମିଆଁଦ କାମ୍ପି କୁଡ଼ିରା ହନ୍ ଏନ୍ଦ୍ର ଆଡ଼ମିଆଁଦନିଆ ଆୟା କୁଡ଼ିତେୟା ହନ୍ । ୨୩ କାମ୍ପି କୁଡ଼ିଆ ହନ୍, ହଡ଼ମଲେକାତେ ଜାନାମୟାନା, ମେନ୍ଦ ଆୟାଃଲଃ ଆଣ୍ଡିକାନ୍ କୁଡ଼ିଆ ହନ୍, ପାରମେଶ୍ଵାରୀଆ ବାନାର୍ଯା କାଜି ଲେକାତେ ଜାନାମୟାନା । ୨୪ ନେଆଁ ମିଆଁଦ ଜନ୍ଦକା ଲେକା କାଜିୟାଆ । ନେ ବାରାନ୍ କୁଡ଼ିକିନ୍ ବାରିୟା ରାଜିନାମାକାଦ ଲେକାନ୍ଦକିନ୍ ତାନ୍ଦକିନ୍ । ମିଆଁଦ ରାଜିନାମା ସିନାଇ ବୁରୁତାରେ ହବାକାନ୍ ତାଙ୍କେନା । ନେ ରାଜିନାମା ଉଦେଶରେ ଅକ ହଡ଼କ ଜାନାମାଆକ, ଇନ୍ଦ୍ର କିରିଙ୍ଗାକାନ୍ ଦାସି ଲେକା ତାନ୍ଦକ । ହାଗାର ନେ ରାଜିନାମାରେୟା ଚିହ୍ନା ଲେକାନ୍ଦନିଆ ତାନିଆ । ୨୫ ହାଗାର ମେନ୍ଦଲେରେ ଆରବ ଦିଶ୍ଵମରେ ତାଙ୍କନତାନ୍ ସିନାଇ ବୁରୁକେ କାଜିୟାକ, ଆଡ଼ ଏନା ନାହାଁରେୟା ଯାରୁଶାଲେମ୍ ନାଗାର ଲେକା ତାନା । ହାଗାର ଲେକା ଯାରୁଶାଲେମ୍ ଆଡ଼ ଆୟା ହଡ଼କ ନାହାଁ କିରିଙ୍ଗାକାନ୍ ଦାସିରେୟା ତନଲ୍ରେକ ତଲକାନା । ୨୬ ମେନ୍ଦ ସିମ୍ପାରେୟା ଯାରୁଶାଲେମ୍ ରାଡ଼ାକାନା ଆଡ଼ ଏନା ଆରୁଆ ଏକା ତାନିଆ । ୨୭ ଚିୟାଃତି ଧାରାମୁଖରେ ଅଲକାନା, “ହେ ଚଣ୍ଡି କୁଡ଼ି, ଆମ୍ ରାସକାଆମେ, ହନ୍ ଜାନାମ୍ ହବାଆ ଇମତାରେୟା ଦୁକୁ ଚିତ୍ତଲ୍ୟା କାମ୍ ଆଟକାରକାଦରେହ୍, ପୁରାଃଗି ରାସକାତେ କାଉରିମେ । ଚିୟାଃତି କଡ଼ାଲଃ ତାଙ୍କନତାନ୍ କୁଡ଼ିଏତେ ମିଆଁଦ ସାଜିନାକାନ୍ କୁଡ଼ିରା ହନ୍ଦ ପୁରାଃଗି ହବାଆଆକ ।”

୨୮ ହେ ହାଗା ମିଶିକ, ଆପେ ସବେନ୍ଦକ ଇସାକ ଲେକାଗି ନାହାଁଦ ପାରମେଶ୍ଵାରୀଆ ବାନାର୍ଯା ଏମାକାନ୍ ହନ୍ଦକ ତାନ୍ଦେ । ୨୯ ମୁସିଙ୍ଗ ହଡ଼ମରେୟା ସଭାଦ ଲେକାତେ ଜାନାମାକାନ୍ ହନ୍, ପାରମେଶ୍ଵାରୀଆ ଆମ୍ତେ ଜାନାମାକାନ୍ ହନ୍ଦେ ସାସାତିକିୟାଏ । ଏନ୍ଦଲେକାଗି ନାହାଁହ୍ ହବାଆତାନା । ୩୦ ମେନ୍ଦ ନେ ବିଷାଏରେ ଧାରାମୁଖ ତିନିଆ କାଜିତାନା ? ଏନାରେ ଅଲକାନା, “କାମ୍ପି କୁଡ଼ିକେ ଆଡ଼ ଇନ୍ଦିୟା ହନ୍ଦେ ସାଜିନ୍ଦକିନ୍ଦେ, ଚିୟାଃତି ଆଣ୍ଡିୟାକାନ୍ କୁଡ଼ିରା ହନ୍ଲଃ କାମ୍ପି କୁଡ଼ିରା ହନ୍ ଆପୁଆ ଖୁଜ୍ରେ ଜେତାନ୍ ହିସା କାଏ ନାମେୟା ।” ୩୧ ଏନାମେନ୍ଦ ହେ ହାଗା ମିଶିକ, ଆରୁ କାମ୍ପି କୁଡ଼ିଆ ହନ୍ଦ ନାହାଁଲାରୁ, ମେନ୍ଦ ଆଣ୍ଡିୟାକାନ୍ କୁଡ଼ିରା ହନ୍ଦକ ତାନ୍ଦୁ ।

୫

ଆପେୟା ତନଲ୍ହେତେ ରାଡ଼ାକାନ୍ତେୟାକେ ବାସ୍ତାଏପେ

୧ ଆରୁ ତନଲ୍ହେତେ ରାଡ଼ାକାନାରୁ । ଖ୍ରୀଷ୍ଟ ଆରୁକେ ତନଲ୍ହେତେ ରାଡ଼ାକାଦ୍ବୁଆ । ଏନାମେନ୍ଦ୍ର ଆପେ ତନଲ୍ହେତେ ରାଡ଼ାକାନ୍ତେୟାରେ ସାବ୍ଦକେଟେଦ୍ଦକେଦ୍ଦେ ତାଙ୍କନ୍ଦେ । ଆଡ଼ମିସା କିରିଙ୍ଗାକାନ୍ଦ ଦାସି ଲେକା ଆଡ଼ନାରେ ତଲଃ ନାଗେନ୍ଦ୍ର ଆଲପେ ରୁହାଡ଼ା ।

୨ ଆଇଙ୍ଗ ପାଉଲୁସ, ଅକଆ କାଜିତାନାଲଙ୍ଗ ଏନା ଆୟୁମେପେ, ଆପେ ଖାଡ଼ନାଅ ରିଡ଼ିରିଞ୍ଜାନ୍ ମାନାତିଙ୍ଗତାନ୍ ରେଦ, ଏନାରେୟା ମୁଣ୍ଡି ହବାଆଆ, ଆପେ ନାଗେନ୍ଦ୍ର ଖ୍ରୀଷ୍ଟଆ ଜେତାନ୍ ଲାଗାତିଙ୍ଗ ବାନିଆ । ୩ ଆଇଙ୍ଗ ଖାଡ଼ନାଅ ରିକାଆତାନ୍ ମିପିଆଦ୍ ହଡ଼କେ ଆଡ଼ମିସା ଚେତାଏ ଏମାକ ତାନାଲଙ୍ଗ ଯେ, ମୁଣା ଏମାକାଦ୍ ଆନୁଚ୍ଛେଦେ ପୁରା ମାନାତିଙ୍ଗ ଲାଗାତିଙ୍ଗାୟା । ୪ ଆପେକଏତେ ଅକନ୍ଦ ଆନୁଚ୍ଛେଦେ ମାନାତିଙ୍ଗ ହରାତେ ପାରମେଶ୍ଵାରୀଆ ଆୟାରେ ଧାରମାନ୍ ହବାଆ ନାଗେନ୍ଦ୍ର ସାମାଜ୍ୟତାନା, ଇନ୍ଦ୍ର ଆପାନ୍ଦକେ ଖ୍ରୀଷ୍ଟତାଏତେ ବିନ୍ଦାଅକାନାକ, ଇନ୍ଦ୍ର ପାରମେଶ୍ଵାରୀଆ ସାୟାଦ୍ହେତେ ସାଜିନ୍ଦକାନାକ । ୫ ମେନ୍ଦ ଆରୁ ଆସ୍ତାଏତାନାରୁ ଯେ, ପାରମେଶ୍ଵାରୀ ଆରୁକେ ଆୟା ନେପେଲ୍ରେ ଧାରମାନ୍ ମେନ୍ଦ୍ର ଠାହାରାଅରୁଆ, ଆରୁଆ ବିଶ୍ଵାସରେୟା ଜ ଲେକାତେ ଆରୁଆ ମନ୍ସୁରୁଦ୍ରେ କାମି ରିକାତାନ୍ ପାବିତାର୍ ଆମ୍ପରାଃ ପେଡ଼େ ହରାତେ, ନେ ସବେନା ହବାଆଆ ମେନ୍ଦ୍ରୁ ନେଲ୍ ହରାତାନା । ୬ ଚିୟାଃତି ଯାଶୁ ଖ୍ରୀଷ୍ଟଲଃ ମେସାକେଦ୍ଦେ ଜୀଦାନ୍ ବିତାଅରେଦ, ଖାଡ଼ନାଅ ଚାଏ କା ଖାଡ଼ନାଅରେୟା ଜେତାନ୍ ଫୀରାକ୍ କା ତାଙ୍କନା । ମିଆଁଦଗି ଲାଗାତିଙ୍ଗତେୟା ହବାଆତାନା, ବିଶ୍ଵାସରେ କେଟେଦ୍ ତାଙ୍କନ୍ଦେଦ୍ଦେ ଦୁଲାଡ଼ରେ କାମିକେ ପୁରା ଦାଡ଼ିୟାଆ ।

୭ ଆପେଦ ଆମ୍ପିକ୍ରେ ବୁଗିଲେକାପେ ସେସେନ୍ଦ ତାଙ୍କେନା, ସାର୍ଡ଼ି ହରାରେ ସେସେନ୍ଦ ଇମତା ଅକଏ ଆପେକେ କାଜିକଟଙ୍ଗ କେଦ୍ପେୟା ? 「ଆପେକେ କେଡ଼ାକାଦ୍ପେ ପାରମେଶ୍ଵାରୀଆ ହରାତେ ନେ ଉସ୍ବୁର କା ହବାକାନା । ୮ କାଜିରେ ମେନା, “ସିପୁଦାକାନ୍ ମାଏଦାକେ ମିଏ ନାଗେନ୍ଦ୍ର କାଟିଃ ଲେକାଗି ରାନ୍ ଲାଗାତିଙ୍ଗାୟା ।” ୧୦ ଏନା ଜାହାନାତେ ହବାଆକା, ନାହାଁ ଜାକେଦ୍ ଆପେତାରେ ଆଇୟା ଆସ୍ତା ମେନା, ଚିଆଃତି ଆରୁ ସବେନ୍ଦ ପ୍ରାଭୁଲଃ ମେସାକାନାରୁ, ଆଇୟା ପୁରା କେଟେଦ୍ ବିଶ୍ଵାସ

☆ ୫:୯ ୫:୧୧ କରିଷ୍ଟିୟ ୫:୨.

ମେନାଃ ଯେ, ଆପେ ଜେତାଏ ଆଇଁୟାଃ କାଜିରାଃ ବିରୁଧ୍ କାପେ ରିକାଏୟା । ଆତଃ ଅକ ହଡ଼ ଆପେକେ ବିନ୍‌ଗାଅପେ ତାନା, ଇନିଃ ଜେତାଏ ହବାଅଃରେୟା ପାର୍ମେଶ୍ଵାଃ ଇନିଃକେ ସାଜାଲ ଏମାଲୟାଏ ।

୧୧ ମେନଦ ହେ ହାଗା ମିଶିକ, ଆଇଙ୍ଗ୍ ତିସିଙ୍ଗ୍ ଜାକେଦ୍ ଖାଡ଼ନାଅ ବିଷାଏରେଇଙ୍ଗ୍ ଉଦୁବେତାନରେଦ, ଚିନାଃ ମେନ୍ତେଇଙ୍ଗ୍ ସିଗିଦଃତାନା ? ତାବଦ୍ ଖ୍ରୀଷ୍ଟୁଆଃ କୁଣ୍ଡ ବିଷାଏରେ ଉଦୁବେତୟାଃ ତହଦଃରାଃ କାଜି ନାହାଁଲାଃ । ୧୨ ଆଇଙ୍ଗ୍ ସାନାଙ୍ଗ୍ ତାନାଇଙ୍ଗ୍, ନେ ବିଷାଏରେ ଅକନ୍ଦ୍ ଆପେକେ କାଜିକଟଙ୍ଗ୍‌ପେ ତାନାକ, ଇନକୁ ଆତଃକାଟିଃ ଆୟାରରଃକାକ ଆତଃ କା ଖାଡ଼ନାଅକେଦ୍‌ତେ ପୁରାଗି କା ପେଡ଼େୟାନ୍ ହବାକାନ୍ ରେଦ ବୁଗିନ୍ ହବାକାନ୍‌ତେୟାଃ ।

୧୩ ହେ ହାଗା ମିଶିକ, ଆପେଦ ତନଲ୍‌ହେତେ ରାଡ଼ାଅଃ ନାଗେନ୍ତେ କେଡ଼ାକାନ୍ ତାଇକେନାପେ । ମେନଦ ଚିର୍ଗାଲାକାନ୍‌ପେ, ଆପେୟାଃ ହଡ଼ମରେୟାଃ ସାନାଙ୍ଗ୍‌କେ ଏସକାର୍ ପୁରାଏ ନାଗେନ୍ତେ ଏନ୍ ତନଲ୍ ରାଡ଼ାକାନ୍‌ତେୟାଃକେ ସୁଯୋଗ୍ ଲେକା ଆଲପେ ବେଭାରରେୟା । ମେନଦ ଦୁଲାଡ଼ତେ ସେସେନ୍‌କେଦ୍‌ତେ ଆପେ ମିହୁଡ଼୍ ଆତଃମିହୁଡ଼୍‌ରାଃ ସେଝାଏପେ । ୧୪ ଚିୟାଃଟି ମିଆଁଦ୍‌ଗି ଆନୁତୁରେ ସବେନ୍ ଆନାରୁ ପୁରାଅଃତାନା, “ଆମାଃ ହୋପର୍‌ଜାପାଃନିଃକେ ଆପନାଃ ଲେକା ଦୁଲାଡ଼ିମେ ।” ୧୫ ମେନଦ୍ ଆପେ ଜାଁତୁକ ଲେକା ଚାଇଲ୍ ଚାଇଲ୍ ତାନ୍‌ଲଃ ମିହୁଡ଼୍ ଆତଃମିହୁଡ଼୍‌ଆଃ ହାନି ଆତଃ ନକସାନ୍ କାମିକ ରିକାଏତାନରେଦ, ଚିର୍ଗାଲାକାନ୍ ତାଇନ୍‌ପେ, କା'ରେଦ ହବାସାକାଅଆଃ ଆପେ ମିହୁଡ଼୍ ଆତଃମିହୁଡ଼୍‌ଆଃ ପୁରା ଜିୟନ୍ ରିକାଏଆପେ ।

ପାବିତାର୍ ଆମ୍ବା ଆତଃ ମାନଝାରାଃ ସଭାବ୍

୧୬ ଆଇଙ୍ଗ୍ କାଜିତାନ‌ତେୟାଃ ହବାଅଃତାନା, ପାବିତାର୍ ଆମ୍ବା ଆପେୟାଃ ଜୀଦାନ‌କେ ଆୟାର‌ତେ ଚାଲାଅଇଦିକା । ତାବଦ୍ ଆପେ ହଡ଼ମରେୟାଃ ପାପ୍ ସଭାବ୍‌କେ କାପେ ପୁରାଏୟା । ୧୭ ମାନଝାରାଃ ସଭାବ୍ ପାବିତାର୍ ଆମ୍ବାରାଃ ବିରୁଧ୍ ତାନାଃ, ଏନ୍ ଲେକାଗି ପାବିତାର୍ ଆମ୍ବାରେୟାଃ ଇଛା ମାନଝାରାଃ ବିରୁଧ୍ ତାନାଃ । ନେ ବାରାନ‌କିନ୍ ମିହୁଡ଼୍ ଆତଃମିହୁଡ଼୍‌ରାଃ ବାଇରି ତାନ୍‌କିନ୍ । ଏନାତେ ଆପେ ଅକନାଃ ରିକା ନାଗେନ୍ତେ ସାନାଙ୍ଗ୍‌ତାନାପେ, ଏନା କାପେ ରିକା ଦାଡ଼ିୟା । ୧୮ ପାବିତାର୍ ଆମ୍ବା ଆପେକେ ସୁତୁଃ ଇଦିପେ ତାନରେଦ, ଆପେ ମୁଣା ଏମାକାଦ୍ ଆନୁତୁରାଃ ଆକ୍‌ତେୟାରରେ ବାଙ୍ଗ୍‌ପେୟା ।

୧୯ ମାନଝା ସଭାବ୍‌ରେୟାଃ କାଜିକାମି ସବେନ୍ ହଡ଼କ ସାରିତାନା । ଏନା ହବାଅଃତାନା, ଆପାଙ୍ଗିର୍ କାମି, ସଡ଼ରା କାମି, ଏଡ଼କାନ୍ ରିଜରାଙ୍ଗ୍, ୨୦ ମୁରୁଡ଼୍ ସେଝା, ଦେଅଁଣା କାମି, ବାଇରି ଆତଃ କାପ୍‌ଜି, ହିସଙ୍ଗା, ଖ୍ଵ, ଆପନାଃ ନାଙ୍ଗ୍ ଏସକାର୍ ଉଡ଼୍‌ଝୁ ଝୁଣ୍ଡକକେ ବିନ୍‌ଗାଅ, ୨୧ ଆତଃ ହିସଙ୍ଗା, ଇଲିଆର୍‌ଖୁ ନୁଁ, ରିଜରାଙ୍ଗ୍, ଆତଃ ଏନ୍‌ଲେକା ଏଟାଃ ଏଟାଃ ଏଡ଼କାନ୍ କାମିରେ ତାଇନାଃକ । ଆଇଙ୍ଗ୍ ସିଦା ଲେକା ନାହାଁଃ ହଗି ଆପେକେଇଙ୍ଗ୍ ଚିର୍ଗାଲ୍‌ପେ ତାନା । ଅକନ୍ଦ୍ ନେ'ଲେକା କାମିକ କାମିୟା, ଇନକୁ ପାର୍ମେଶ୍ଵାର୍‌ଆଃ ରାଇଜ୍‌ରେ ଆକ୍‌ତେୟାର୍ କାକ ନାମେୟା ।

୨୨ ମେନଦ୍ ପାବିତାର୍ ଆମ୍ବାରେୟାଃ ବାରଦାନ୍ ହବାଅଃତାନା, ଦୁଲାଡ଼, ରାସକା, ଜୀଉସୁକୁ, ସାହାଡ଼ିଙ୍ଗ୍ ଜୀଝାନ୍, ଦାୟା, ବୁଗିନାଃ, ପାତିୟାରରଃ ଲେକା, ୨୩ ଲେବେଃ ମନ୍, ଆତଃ ଆପାନ୍‌କେ ଆବରରେ ଦହ, ନେ ସବେନାଃରେ ଆନୁତୁରାଃ ଜେତାନ୍ ବିରୁଧ୍ ବାନଆଃ । ୨୪ ଅକନ୍ଦ୍ ଯୀଶୁ ଖ୍ରୀଷ୍ଟୁଆଃ ତାନ୍‌କ, ଇନକୁ ସବେନ୍ ଲାଲାର୍ ଆତଃ ହଡ଼ମରାଃ ଏଡ଼କାନ୍ ସାନାଙ୍ଗ୍ ମାନଝାରାଃ ସଭାବ୍‌କେ କୁଣ୍ଡରେ କିଲାକାଦାକ । ୨୫ ପାବିତାର୍ ଆମ୍ବା ଆବୁକେ ଜୀଦାନ୍ ଏମାକାଦ୍‌ବୁଆଏ, ଇନିଃ ଆବୁଆଃ ଜୀଦାନ୍‌କେ ହଗି ସୁତୁଃଇଦିକାଏ । ୨୬ ଏନାମେନ୍ତେ ଆବୁ ଆପାନ୍‌କେ ମାରାଙ୍ଗ୍ ମେନ୍ତେ କାଜିନ୍ ଚାଏ ଏଟାଃକକେ ଖ୍ଵ ଚାଏ ଏଟାଃକକେ ହିସଙ୍ଗା ଆବୁକେ ରିକା କା ଲାଗାଡ଼ିଙ୍ଗ୍‌ୟାଃ ।



ମିହୁଡ଼୍ ଆତଃମିହୁଡ଼୍‌ରାଃ ବାହାରମ୍ ଗଗେକାବୁ /

୧ ହେ ହାଗା ମିଶିକ, ଜେତାଏ ଜେତାନ୍ ଗୁଣ୍ଡାଁ କାମିରେ ସାବଃରେଦ, ଆପେକଏତେ ଅକନ୍ଦ୍‌କ ଆମ୍ବାରେ ସେସେନ୍ ତାନାକ, ଇନକୁ ଇନିଃକେ ସୁଧରାଅ ଲାଗାଡ଼ିଙ୍ଗ୍‌ୟାଃ, ମେନଦ୍ ଆପେକେ ନେ କାମି ଲାବୁଃକେଦ୍‌ତେ, ଲେବେଃ ମନ୍‌ତେ ରିକା ଲାଗାଡ଼ିଙ୍ଗ୍‌ୟାଃ । ଆତଃ ଚିର୍ଗାଲାକାନ୍‌ପେ, ଅକଏସାରି ଏନ୍ ଲେକା କାମି ରିକା ନାଗେନ୍ତେ ଆପେ ଆପେଗି ବିନିଡ଼ାଅରେ ଉୟୁଃ ସାକାଅଆପେ । ୨ ମିହୁଡ଼୍ ଆତଃମିହୁଡ଼୍‌ରାଃ ବାହାରମ୍ ଗଅଃ ନାଗେନ୍ତେ ଦେଙ୍ଗାଅଃପେ, ଏନ୍‌ଲେକା ରିକା ହରାତେ ଆପେ ସବେନ୍‌କ ଖ୍ରୀଷ୍ଟୁଆଃ ଆନୁତୁକେପେ ମାନାଡ଼ିୟେଆ । ୩ ଜେତାଏ ହଡ଼ ବେଗାର୍ ସାରିକେଦ୍‌ତେ ସାରିକାଦିଙ୍ଗ୍ ମେନ୍ତେ କାଜିନିଃ ଆପାନ୍‌କେଗି ବେଦାନ୍‌ତାନା । ୪ ଆପେ ସବେନ୍‌କ ଆପନାଃ ଆପନାଃ ଚାଇଲ୍ ଚାଇଲ୍‌କେ ବିଚାରକେଦ୍‌ତେ ଆଟ୍‌କାର୍‌ଉରୁମ୍ ଲାଗାଡ଼ିୟାଁ । ଏନା ବୁଗିନାଃତାନାଃ ରେଦ, ଏନା ନାଗେନ୍ତେ ଆପାନ୍‌କେ

☆ ୫:୧୭ ୫:୧୭ ରୋମି ୭:୧୫-୨୩.

ମାରାଜ୍ଞ ମେନ୍ତେ କାଜିନ୍‌କାଏ ଆତଃ ଏଟାଃନିୟାଃ କାମିକେ ଆପାନାଃ କାମିଲଃ ଜକାକେଦ୍‌ତେ ଇନିଃ ଆପାନକେ ମାରାଜ୍ଞ ମେନ୍ତେ ଆଲକାଏ କାଜିନ୍‌କା । * ଚିଆଃଚି ମିମିଆଦ୍ ହଡ଼କେ ଆପ୍‌ନାଃ ଆପ୍‌ନାଃ ବାହାରମ୍ ଗଅଃ ଲାଗାତିଜ୍ଞୟାଃ ।

୭ ଖ୍ରୀଷ୍ଟିଆଃ ସୁକୁକାଜି ଇଡୁତାନ୍ ଇମ୍‌ତା ଇଡୁନିଃକେ ଆପାନାଃ ଲାଗାତିଜ୍ଞ ଲେକାନ୍ ସବେନ୍ ବୁଗିନ୍ ବିଷାଏରେ ଇନିଃକେ ହିସା ଏମ୍ ଲାଗାତିଜ୍ଞୟାଃ ।

୭ ଆପେ ଆପାନକେ ଆଲପେ ବେଦାନାଃ, ପାରମେଶ୍ଵାର୍ ବେଦାଅଃନିଃ ନାହାଲିଃ । ହଡ଼ହନ୍ ଅକଆଃ ହେରେୟାଏ ଏନାଗି ଇରେୟା । ୮ ଅକ ହଡ଼ ଆପାନାଃ ପାପ୍‌ରେୟାଃ ସଭାବ୍‌କେ ସୁକୁକାଜି ନାଗେନ୍ତେ ଲୟଜ୍ଞରେ ହିତାଏ ହେରେୟା, ଇନିଃ ଜିୟନଃରେୟାଃ ହିତାଏ ଇରେୟା । ମେନ୍‌ଦ୍ ଜେତାଏ ପାବିତାର୍ ଆମ୍‌କେ ସୁକୁକାଜି ନାଗେନ୍ତେ ଲୟଜ୍ଞରେ ହିତାଏ ହେରେୟା, ଇନିଃ ଆମ୍‌ତାଃଏତେ ଜାନାଅ ଜୀଦାନରେୟାଃ ହିତାଏ ଇରେୟା । ୯ ଏନାମେନ୍ତେ ବୁଗିନ୍ କାମି ରିକା ନାଗେନ୍ତେ ଆଲକାବୁ ଲାଗାଅଃକା । ଚିୟାଃଚି ଏନାଏତେ କା ଲାଗାନ୍‌ରେ, ଠାଉକାନ୍ ଦିପିଲିରେ ହିତାବୁ ଇର୍ ଦାଡ଼ିୟା । ୧୦ ଏନାମେନ୍ତେ ଆବୁ ଚିମତା ସୁଯୋଗ୍ରୁ ନାମେୟା, ଇମ୍‌ତା ଆବୁକେ ବୁଗିନ୍ କାମି ରିକା ଲାଗାତିଜ୍ଞୟାଃ । ବିଶେଷ୍ଟକେଦ୍‌ତେ ଅକନ୍‌କ ଆବୁଆଃ ବିଶ୍ଵାସୀ ଅଡ଼ାଃରେନ୍ ତାନ୍‌କ, ଇନ୍‌କୁଆଃ ବୁଗିନାଃ ରିକା ଲାଗାତିଜ୍ଞୟାଃ ।

ଚୁଣ୍ଡୁ ଚୁଚନେତାଅ କାଜି ଆତଃ ଜହାର୍

୧୧ ନେଲେପେ, ଆଇଜ୍ଞ ଚିମିନ୍ ମାରାଜ୍ଞ ମାରାଜ୍ଞ ଅନଲ୍‌ରେ ଆପେତାଃତେଇଜ୍ଞ ଅଲ୍‌କାଦା । ୧୨ ଅକନ୍‌କ ହଡ଼ମ୍‌ରେୟାଃ ବାହାରି ବିଷାଏରେ ଉଡୁବେନ୍ ତାନାକ ଆତଃ ଆପ୍‌ନାଃ ମାନାରାଜ୍ଞ ରିକାତାନାକ, ଇନ୍‌କୁଗି ଆପେକେ ଖାଡ଼ନାଅଃପେ ମେନ୍ତେକ ଆରୁପେତାନା । ଇନ୍‌କୁ ଖ୍ରୀଷ୍ଟିଆଃ କୁଗ୍ ନାଗେନ୍ତେ ସାସାତି କା ନାମେ ଉଦେଶ୍‌ରେ ଏନ୍ ଲେକା ରିକାତାନାକ । ୧୩ ଅକନ୍‌କ ଖାଡ଼ନାଅ ରିଚିରିଝାଜ୍‌କେ ମାନାତିଜ୍ଞତାନାକ, ଇନ୍‌କୁଗି ମୁଶାରାଃ ଆନ୍‌ରୁକେ କାକ ମାନାତିଜ୍ଞତାନା । ଆପେ ଖାଡ଼ନାଅଃପେ ମେନ୍ତେ ଇନ୍‌କୁ ସାନାଜ୍‌ତାନାକ । ମେନ୍‌ଦ୍ ନେ ହଡ଼ମ୍‌ରାଃ ରିଚିରିଝାଜ୍‌କେ ମାନାତିଜ୍ଞ ନାଗେନ୍ତେ ଆପେକେ ଆବୁ ଦାଡ଼ିପେରେଦ୍, ଇନ୍‌କୁ ଆପାନକେ ମାରାଜ୍ଞ ମେନ୍ତେକ କାଜିନ୍‌କା । ୧୪ ମେନ୍‌ଦ୍ ଆଇଜ୍ଞ ଏସକାର୍ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟିଆଃ କୁଗ୍ ବିଷାଏରେ ଆପାନକେ ମାରାଜ୍ଞ ମେନ୍ତେଇଜ୍ଞ କାଜିନ୍‌ତାନା; ଚିୟାଃଚି ଇନିୟାଃ କୁଗ୍ ହରାତେ ଅତେଦିଶୁମ୍ ଆଇୟାଃ ନାଗେନ୍ତେ ଗଜାକାନା ଆତଃ ଆଇଜ୍ଞ ଅତେଦିଶୁମ୍ ନାଗେନ୍ତେଇଜ୍ଞ ଗଜାକାନା । ୧୫ ଅକଏ ଖାଡ଼ନାଅକାନ୍ ଚାଏ କା ଖାଡ଼ନାଅକାନ୍, ଏନାରେ ଜେତାନ୍ କାଜି ବାନଃଆ, ମେନ୍‌ଦ୍ ପାରମେଶ୍ଵାର୍ ହରାତେ ନାଝା ବାଇରୁହାଡ଼ଃତେୟାଃ ଏସକାର୍ ବିଶେଷ୍ଟ କାଜିତାନାଃ । ୧୬ ଅକନ୍‌କ ଆପ୍‌ନାଃ ଜୀଝାନରେ ନେ ରିଚିରିଝାଜ୍‌କେ ମାନାତିଜ୍ଞତାନାକ, ଇନ୍‌କୁଆଃ ଚେତାନ୍‌ରେ ଆତଃ ଇସ୍ରାଏଲ୍ ହଡ଼କଆଃ ଚେତାନ୍‌ରେ ପାରମେଶ୍ଵାର୍‌ଆଃ ଜୀଉସୁକୁ ଆତଃ ସାୟାଦ୍ ହବାଅଃକା ।

୧୭ ଚୁଣ୍ଡୁରୁ, ଆଇଜ୍ଞ ନିମିନାଜି କାଜି ସାନାଜ୍‌ତାନାଇଜ୍ଞ, ଜେତାଏ ଆଇଜ୍ଞକେ ଆଲକାଏ ସିଗିଦିଜ୍ଞକା । ଚିୟାଃଚି ଆଇୟାଃ ହଡ଼ମ୍‌ରେ ଅକନ୍ ସାସାତିରାଃ ପାଅକ ମେନାଃ, ଏନାତେ ସାରିୟଃତାନା ଯେ, ଆଇଜ୍ଞ ଯୀଶୁଆଃ କିରିଜ୍ଞୟାକାନ୍ ଦାସି ତାନିଜ୍ଞ ।

୧୮ ହେ ହାଗା ମିଶିକ, ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟିଆଃ ସାୟାଦ୍ ଆପେ ସବେନ୍‌କଲଃ ଆମ୍‌ରେ ତାଇନ୍‌କା । ଆମେନ୍ ।

ଏଫିସିୟମାନଙ୍କ ନିକଟକୁ ପାଉଲଙ୍କ ପତ୍ର ଏଫିସିୟ ବିଶ୍ୱାସୀକତାଃତେ ପ୍ରେରିତ୍ ପାଉଲୁସ୍‌ଆଃ ଚିଟାଉ ପାରିଟାଏ

ଏଫିସୁସ୍ ନାଗାରରେୟାଃ କାଲିସିୟାତାଃତେ ଅଲ୍ଲକାନ୍ ଚିଟାଉ ପାଉଲୁସ୍‌ଆଃ ହରାତେ ଅଲ୍ଲକାନା । ନେଆଁ ଯୀଶୁ ଖ୍ରୀଷ୍ଟୁଆଃ ଜାନାମ୍ ତାୟମ୍ ୬୦ କରେ କଲସିୟ କାଲିସିୟାତାଃତେ ଅଲେତାଇକେନ୍ ଦିପିଲିରେଗି ନେ ଚିଟାଉ ଅଲ୍ଲକାନ୍ ତାଇକେନା । ଅନଲ୍ଲନିଃ ଆଇଃକ୍ତି ପ୍ରେରିତ୍ ପାଉଲୁସ୍ ମେନ୍ତେ ପାରିଟାଏ ଏମାଃଏ, ୧:୧ । କଲସିୟ ପୁଥ୍ରେ ଜହାର୍ ମେନ୍ତେ କାଏ କାଜିକାଦ୍‌ରେୟାଗି ଚିମିନ୍ ବାଇବାଲ୍ ପାଣ୍ଡିତ୍‌କ ଏଫିସୁସ୍ ପୁଥ୍ରେ ପାଉଲୁସ୍ ଅଲ୍ଲକାଦାଏ ମେନ୍ତେକ କାଜିୟାଃ । ନେଆଁ ହରାତେ ହବାସାକାଅଆଃ ସବେନ୍ କାଲିସିୟାକେ ଚିଟାଉ ହାଟିଙ୍ଗ୍‌ରେୟାଃ ଉଦେଶ୍‌ରେ ଅଲ୍ଲସାକାଅଃକା । ପାଉଲୁସ୍ ନେଆଁ ହଗି ଉଦୁବ୍‌କାଦା ଯେ, ନେ ଚିଟାଉ ଅଲ୍ଲଃତାଇକେନ୍ ଇମ୍‌ତା ଆଇଃକ୍ ଜେହେଲ୍ଲକାନ୍ ତାଇକେନାଏ, ୩:୧;୪:୧;୬:୨୦ । ପାଉଲୁସ୍, ତୁଖ୍‌କେ ଏଫିସୁସ୍ କାଲିସିୟାତେ କୁଲ୍‌କିୟା ଆତଃ ଆୟାଃ ତିଃଇରେ ନେ ଚିଟାଉକେ ଏମ୍ କୁଲ୍‌କେଦା ୬:୨୧-୨୨ ।

ଏଫିସୁସ୍, ଏସିଆ ପାର୍ଗାନ୍‌ରେୟାଃ ମିଆଁଦ୍ ମାରାଙ୍ଗ୍ ସାହାର୍ ଆତଃ ମାରାଙ୍ଗ୍ ନାଗାର୍ ତାଇକେନା । ଏଫିସୁସ୍‌ରେନ୍ ଗ୍ରୀକ୍ ମାହାପୁରୁ ଆର୍ଜେମୀରାଃ ସୁନ୍‌ସାର୍ ଆତଃ ଆୟାଃ ମାନ୍ଦିର୍ ନାଗେନ୍ତେ ପୁରାଃ ନୁତୁମଃତାନା, ପ୍ରେରିତ୍ ୯:୨୩-୩୧ । ଏଫିସୁସ୍ କାଲିସିୟା ଏନେଟେଦ୍‌ରେ ଆମ୍‌ତେ କେଟେୟାନ୍‌ଗିକ ତାଇକେନା, ମେନ୍‌ଦ୍ ତାୟମ୍‌ତେ ନେ କାଲିସିୟା ଆମ୍‌ରେ ନାରାଦୁରା ହବାୟାନାକ, ଉନ୍ନୁଦୁବ୍ କାଜି ୨:୧-୭ ।

ପାଉଲୁସ୍ ଆୟାଃ ଅନଲ୍‌ରେୟାଃ ଚିମିନ୍ ହିସାକରେ, ପାର୍‌ମେଶ୍ୱାର୍ ଚିଲ୍‌କା ଆୟାଃ ହତ୍‌କକେ ସାଲ୍ଲାକେଦ୍‌କଆ ଆତଃ ଚିଲ୍‌କା ଯୀଶୁଆଃ ହରାତେ ପାପ୍‌ଏତେ ବାସ୍ତାଅ ନାମାକାଦାକ, ଏନାଏ ଉଦୁବେତାନା । ପାଉଲୁସ୍ କାଲିସିୟାକେ ହତ୍‌ମଲଃ ଜକାକେଦ୍‌ତେ, ଖ୍ରୀଷ୍ଟ୍ ଏନାରେନ୍ ବହଃ ଆତଃ କଟାରେନ୍ ମାରାଙ୍ଗ୍ ଦିରି ତାନିଃ, ଅକ୍‌ନାଃଲଃ ଚି ମେସାକେଦ୍‌ତେ ମିସାତେ ହାରା ଇଦିୟଃତାନା । ପାଉଲୁସ୍‌ଆଃ ଚିଟାଉରେୟାଃ ଆଧା ହିସାରେ ଖ୍ରୀଷ୍ଟିୟାନ୍ ଜୀଝାନ୍ ବିଷାଏରେ ଉଦୁବାକାଦା ।

ପୁଥ୍ ଭିତାରରେ ତାଇକାନ୍ କାଜି

- ୧. ପାଉଲୁସ୍ କାଲିସିୟାକେ ଜହାର୍ ଆତଃ ପାରିଟାଏ ଏମେତାନାଏ । ୧:୧-୨
- ୨. ଖ୍ରୀଷ୍ଟ୍‌ଲଃ କାଲିସିୟାରାଃ ନାତା । ୧:୩-୩:୨୧
- ୩. ଖ୍ରୀଷ୍ଟିୟାନ୍ ଜୀଝାନ୍ ବିତାଅରେୟାଃ ହରା । ୪:୧-୬:୨୦
- ୪. ପାଉଲୁସ୍‌ଆଃ ଚୁଣ୍ଡି ଜହାର୍ । ୬:୨୧-୨୪

୧ *ପାଉଲୁସ୍, ପାର୍‌ମେଶ୍ୱାର୍‌ଆଃ ମନେ ଲେକା ଯୀଶୁ ଖ୍ରୀଷ୍ଟୁଆଃ ମିଆଁଦ୍ କୁଲ୍ଲକାନ୍‌ନିଃ ତାନିଃ, ଇନିଃ ଯୀଶୁ ଖ୍ରୀଷ୍ଟ୍‌ରେ ମେସାକାନ୍ ପାତିୟାର୍‌ତେ ଜୀଝାନ୍ ବିତାଅତାନ୍ ଏଫିସୁସ୍‌ରେନ୍ ପାର୍‌ମେଶ୍ୱାର୍‌ଆଃ ହତ୍‌କତାଃତେ ନେ ଚିଟାଉ ଅଲ୍ଲକାଦାଏ ।

୨ ଆରୁଆଃ ଆପୁ ପାର୍‌ମେଶ୍ୱାର୍ ଆତଃ ପ୍ରାଭୁ ଯୀଶୁ ଖ୍ରୀଷ୍ଟ୍ ଆପେକେ ସାୟାଦ୍ ଆତଃ ଜୀଉସୁକୁ ଏମାପେକାଏ ।

ଆମ୍‌ରେୟାଃ ଆଶିଷ୍

୩ ଆରୁଆଃ ପ୍ରାଭୁ ଯୀଶୁ ଖ୍ରୀଷ୍ଟୁଆଃ ଆପୁ ଆତଃ ପାର୍‌ମେଶ୍ୱାର୍‌ଆଃ ସାହାରାଅ ହବାଅଃକା । ଚିୟାଃଚି ଇନିଃ ଆରୁକେ ଖ୍ରୀଷ୍ଟ୍‌ଲଃ ମେସାକାଦ୍‌ରୁଆ ଆତଃ ସିର୍ମା ଦିଶୁମ୍‌ରେୟାଃ ସବେନ୍ ଲେକାନ୍ ଆମ୍‌ନ୍ ଆଶିଷ୍‌ତେ ଆଶିଷ୍‌କାଦ୍‌ରୁଆ । ୪ ଖ୍ରୀଷ୍ଟ୍‌ତାଃରେ ମେସାକେଦ୍‌ତେ, ଆରୁ ଜେ'ଲେକା ପାର୍‌ମେଶ୍ୱାର୍‌ଆଃ ହବାଅଃଆରୁ, ଏନାମେନ୍ତେ ଅତେଦିଶୁମ୍ ବାଇୟାନ୍ ସିଦାରେ ଇନିଃ ଆରୁକେ ସାଲ୍ଲାକାଦ୍‌ରୁଆ, ନେଆଁ ହରାତେ ଆରୁ ଆୟାଃ ଆୟାଃରେ ପାବିତାର୍ ଆତଃ ବେଗାର୍ ଦାଗିୟାକାନ୍‌ଗିରୁ ତାଇନ୍ ଦାଡ୍‌ିୟା । ଚିୟାଃଚି ଆୟାଃ ଦୁଲ୍ଲାଡ୍‌ତେ ୫ ଆରୁକେ ଯୀଶୁ ଖ୍ରୀଷ୍ଟୁଆଃ ହରାତେ ଆୟାଃ ଆସୁଲ୍ ହନ୍‌କରୁ ହବାଅଃକା ମେନ୍ତେ ଇନିଃ ସିଦାରେଗି ଉହାଟ୍‌କାଦ୍ ତାଇକେନା, ନେଆଁଗି ଆୟାଃ ସୁକୁଆନ୍ ଆତଃ ମନେ ତାଇକେନା । ୬ ପାର୍‌ମେଶ୍ୱାର୍‌ଆଃ ପୁରାଃ ସାୟାଦ୍ ହରାତେ ଆତଃ ଆୟାଃ ଦୁଲ୍ଲାଡ୍ ହନ୍‌କେ ବେଗାର୍ ଗନଙ୍ଗ୍‌ତେ ବାର୍‌ଦାନ୍ ଲେକା ଆରୁକେ ଏମାକାରୁ ନାଗେନ୍ତେ, ଆରୁ ପାର୍‌ମେଶ୍ୱାର୍‌ଆଃ ମାନାରାଙ୍ଗ୍‌ରୁ ରିକାଏୟା ।

୭ *ଖ୍ରୀଷ୍ଟୁଆଃ ମାୟୋମ୍ ହରାତେ ଆରୁ ମୁଲ୍ଲିରୁ ନାମାକାଦା, ଅର୍ଥାତ୍ ଆରୁଆଃ ସବେନ୍ ପାପ୍‌କ ଛାମାକାନା

* ୧:୧ ୧:୧ ପ୍ରେରିତ୍ ୧୮:୧୯-୨୧; ୧୯:୧. * ୧:୭ ୧:୭ କଲସିୟ ୧:୧୪.

। ପାରମେଶ୍ଵରୁଆଃ ସାୟାଦ୍ ପୁରାଃ ମାରାଜିଆ । ୮ ଏନା ସବେନ୍, ଇନିଃ ଆୟାଃ ସେଣ୍ଡାନ୍ତେ ଆତଃ ଆଟ୍‌କାର୍‌ଉରୁମ୍‌ତେ ଆବୁକେ ପୁରାଃଗି ଏମାକାଦ୍‌ବୁଆ । ୯ ପାରମେଶ୍ଵର ସିଦାରେ ଉହାଟ୍‌କାଦ୍ ତାଇକେନ୍‌ତେୟାଃ, ଶ୍ରୀଷ୍ଟଲଃ ପୁରାଏ ନାଗେନ୍ତେ ଅକନ୍ ଉକ୍ତୁଆକାନ୍‌ତେୟାଃ ତାଇକେନା, ଏନାକେ ଇନିଃ ଆୟାଃ ବୁଗିନ୍ ସୁକ୍ତୁଆନ୍ ମନେ ଲେକାତେ ଆବୁକେ ଉଦୁବାକାଦ୍‌ବୁଆ । ୧୦ ନେ ଉହାଟ୍ ଲେକାତେ ସିର୍ମା ଆତଃ ଅତେଦିଶ୍ଵମ୍‌ରେ ସବେନ୍ ବାଇୟାକାନ୍‌ତେୟାଃ ମିଦଃଆ ଆତଃ ଶ୍ରୀଷ୍ଟ ଏନ୍ ସବେନାଃରେନ୍ ବହଃ ଲେକାଏ ତାଇନା । ନେ ଉହାଟ୍ ପାରମେଶ୍ଵର ବୁଗିନ୍ ନେତାରେଗି ପୁରାଏୟା ।

୧୧ ସବେନାଃ ପାରମେଶ୍ଵରୁଆଃ ଉହାଟ୍ ଆତଃ ଇଛାସାନାଜ୍ ଲେକାଗି ହବାଅଃଆ, ମୁନ୍‌ଏତେ ଉହାଟ୍‌କାନ୍ ଲେକାଗି ଆୟାଃ ଇଛାସାନାଜ୍ ପୁରାଅଃ ନାଗେନ୍ତେ, ଶ୍ରୀଷ୍ଟ ହରାତେ ଆୟାଃ ଆପାନାଃ ହଡ୍ ହବାଅଃ ନାଗେନ୍ତେ ପାରମେଶ୍ଵର ଆବୁକେ ସାଲାକାଦ୍‌ବୁଆ । ୧୨ ଦଲ୍ଲାବୁ, ଅକନ୍‌କ ସିଦାରେଗି ଶ୍ରୀଷ୍ଟତାଃରେ ଆସ୍ରାକାଦ୍ ତାଇକେନାବୁ, ଏନ୍ ସବେନ୍‌କ ପାରମେଶ୍ଵରୁଆଃ ମାନାରାଜ୍‌ବୁ ଦୁରାଜେଆ ।

୧୩ ଆପେୟାଗି ଆପେୟାଃ ଜୀଉବାସ୍ତାଏ ଏମେତାନ୍, ନେ ସୁକ୍ତୁକାଜିରେୟାଃ ସାର୍ତି କାଜିପେ ଆୟୁମ୍‌କେଦା ଇମ୍‌ତାଏତେ ପାରମେଶ୍ଵରୁଆଃ ହଡ୍‌ପେ ହବାକାନା । ଆପେ ଶ୍ରୀଷ୍ଟକେ ବିଶ୍ଵାସ୍‌କାଇ ହରାତେ ପାରମେଶ୍ଵରୁ ଆୟାଃ ବାନାର୍‌ସା ଲେକାତେ ପାବିତାର୍ ଆମ୍‌କେ ଏମ୍‌କିୟା, ଆତଃ ଆପେୟାଃ ଚେତାନ୍‌ରେ ଆୟାଃ ମୋହର୍‌କାନ୍ ଚିହ୍ନାଏ ଏମାକାଦ୍‌ପେୟା । ୧୪ ପାରମେଶ୍ଵରୁ ଆୟାଃ ହଡ୍‌କକେ ଆକଆଃ ହାନାଟିଜ୍‌କ ନାମେୟା ମେନ୍ତେ ବାନାର୍‌ସା ଏମାକାଦାଏ, ଏନାରେୟାଃ ଗାଞ୍ଜା ଏମ୍‌ନିଃ, ଆବୁ ନାମାକାଇ ପାବିତାର୍ ଆମ୍‌ ତାନିଃ । ପାରମେଶ୍ଵରୁ ଆୟାଃ ହଡ୍‌କକେ ପୁରାଗି ରାଡ୍‌କଆ, ଏନାମେନ୍ତେ ଆୟାଃ ମାନାରାଜ୍‌ବୁ ଦୁରାଜେଆ ।

ପାଉଲୁସ୍‌ଆଃ ବିକ୍ତି

୧୫ ନେଆଁମେନ୍ତେ ପ୍ରାଭୁ ଯୀଶୁତାଃରେ ଆପେୟାଃ ବିଶ୍ଵାସ୍ ଆତଃ ପାରମେଶ୍ଵରୁଆଃ ହଡ୍‌କତାଃରେ ଆପେୟାଃ ଦୁଲ୍ଲାଡ୍ ମେନାଃ ମେନ୍ତେ ୧୬ ଆଇଜ୍ ଆୟୁମ୍‌କେଦ୍ ଦିପିଲିହେତେ ଆପେୟାଃ ନାଗେନ୍ତେ ପାରମେଶ୍ଵରୁକେ ଧାନ୍ୟାବାଦ୍ ଏମ୍ ନାଗେନ୍ତେ କାଇଜ୍ ବାଗିତାନା, ଆଇଜ୍ ବିକ୍ତିରେ ଆପେକେଇଜ୍ ପାହାମ୍‌ପେତାନା । ୧୭ ଆତଃ ମାନାରାଜ୍‌ରେନ୍ ଆପୁ, ଆବୁଆଃ ପ୍ରାଭୁ ଯୀଶୁ ଶ୍ରୀଷ୍ଟଆଃ ପାରମେଶ୍ଵରୁକେଇଜ୍ ବିକ୍ତିତାନା, ଜେ'ଲେକାଟି ଇନିଃ ଆପେକେ ପାବିତାର୍ ଆମ୍‌କେ ଏମାପେୟା । ଏନ୍ ପାବିତାର୍ ଆମ୍‌ ଆପେକେ ସେଣ୍ଡାଏ ଏମାପେୟା ଆତଃ ପାରମେଶ୍ଵରୁକେ ବୁଗିଲେକାପେ ସାରି ନାଗେନ୍ତେ ଇନିଃକେ ଆପେତାଃରେ ଉଦୁବିୟା । ୧୮ ଇନିୟାଃ ମାର୍ସାଲ୍ ନେଲ୍ ନାଗେନ୍ତେ ଆପେୟାଃ ମନ୍‌ସୁରୁଦ୍‌ରେୟାଃ ମେଦ୍ ରାସ୍‌କାଅଃକା ମେନ୍ତେଇଜ୍ ବିକ୍ତିତାନା, ଜେ'ଲେକାଟି ଇନିଃ ଆପେକେ ଅକନ୍ ଆସ୍ରା ନାଗେନ୍ତେ କେଡାକାଦ୍‌ପେୟା, ଆୟାଃ ପାବିତାର୍ ହଡ୍‌କ ନାଗେନ୍ତେ ଆୟାଃ ବାନାର୍‌ସା ଚିମିନ୍ ମାନାରାଜ୍‌ରେୟାଃ ହାନାଟିଜ୍ ତାନାଃ, ୧୯ ଆତଃ ଆବୁ ଲେକାନ୍ ବିଶ୍ଵାସୀକତାଃରେ କାମିୟଃତାନ୍ ଇନିୟାଃ ପେଡ଼େଃ ଚିମିନ୍ ମାରାଜ୍‌ଗିଆ, ଏନ୍ ପେଡ଼େଃଗି ଆବୁତାଃରେ ପୁରାଃ ପେଡ଼େଃତେ କାମିୟଃତାନା, ଏନା ଆପେ ଆଟ୍‌କାର୍ ଦାଡିୟାପେ । ୨୦ ଏନ୍ ପେଡ଼େଃ ହରାତେଗି ପାରମେଶ୍ଵରୁ ଶ୍ରୀଷ୍ଟକେ ଗନଏଃହେତେ ଜୀଉବିରିଦ୍‌କିୟାଏ ଆତଃ ଇନିଃକେ ସିର୍ମାରେ ଆୟାଃ ଜମ୍‌ସାଃରେ ଦୁବ୍‌କିୟା । ୨୧ ଶ୍ରୀଷ୍ଟ ସିର୍ମାରେନ୍ ସବେନ୍ ରାଇଜ୍‌ତାନ୍‌କଏତେ, ଆକ୍‌ତେୟାର୍ ନାମାକାଦ୍‌କଏତେ, ପେଡ଼େୟାନ୍‌କଏତେ, ଆତଃ ଗମ୍‌କେକଏତେ ଚେତାନ୍ ନୁଡୁମ୍‌ରେ ଦହକିୟା, ନେ ଅତେଦିଶ୍ଵମ୍ ଆତଃ ହିଜ୍‌ଜୁତାନ୍ ଦିପିଲିରେୟାଃ ସବେନ୍ ଆକ୍‌ତେୟାର୍‌ଏତେ ଚେତାନ୍ ଆକ୍‌ତେୟାର୍ ଇନିୟାଃ ତାନାଃ । ୨୨ ପାରମେଶ୍ଵରୁ ସବେନାଃକେ ଶ୍ରୀଷ୍ଟଆଃ କାଟା ଲାଡାର୍‌ରେ ଦହକେଦା ଆତଃ ସବେନ୍ ବିଷାଏରେ ଇନିଃକେ ମାରାଜ୍‌ଉତାର୍ ପ୍ରାଭୁ ଲେକା କାଲିସିୟାକେ ଏମ୍‌କିୟା । ୨୩ କାଲିସିୟା ଶ୍ରୀଷ୍ଟଆଃ ହଡ୍‌ମ୍ ତାନାଃ, କାଲିସିୟା ହରାତେ ଶ୍ରୀଷ୍ଟଆଃ କାମିକ ପୁରାଅଃଆ, ଆତଃ ଶ୍ରୀଷ୍ଟ ସବେନାଃଏ ପୁରାଏଆ ।

୨

ଗନଏଃହେତେ ଜୀଦାନ୍

୧ *ଆପେୟାଃ କା ମାନାଡିଜ୍ ଆତଃ ପାପ୍ ହରାତେ ସିଦା ଦିପିଲିରେ ଆମ୍‌ରେ ଗଜାକାନ୍‌ପେ ତାଇକେନା, ୨ ଇମ୍‌ତାଜ୍ ଆପେ ଅତେଦିଶ୍ଵମ୍‌ରେୟାଃ ଏଡ୍‌କାନ୍ ହରା ଅତଜ୍‌ତାନ୍‌ଲଃ, ଅତେ ଆତଃ ସିର୍ମା ଆଲାରେୟାଃ ହୟରେ ରାଇଜ୍ ତାନ୍‌ନିଃକେପେ ମାନାଡିଜ୍ ତାଇକେନା । ନାହାଁଃ ଏନ୍ ଏଡ୍‌କାନ୍ ଆମ୍‌, ପାରମେଶ୍ଵରୁକେ କା ମାନାଡିଜ୍‌ତାନ୍ ହଡ୍‌କଆଃ ଚେତାନ୍‌ରେ ରାଇଜେତାନା । ୩ ସାର୍ତି କାଜିଲେରେ, ଆବୁ ସବେନ୍‌କ ଇନ୍‌କୁ ଲେକାଗି ଆପ୍‌ନାଃ ହଡ୍‌ମ୍‌ରେୟାଃ ଏଡ୍‌କାନ୍ ସାନାଜ୍ ଆତଃ ମନ୍‌ରେୟାଃ ଏଡ୍‌କାନ୍

☆ ୧:୨୨ ୧:୨୨ କଲସିୟ ୧:୧୮. ☆ ୨:୧ ୨:୧ କଲସିୟ ୨:୧୩.

ଉଡ଼ୁ ଲେକାତେବୁ ସେସେନ୍ତାନ୍ ତାଇକେନା, ଏଟାଃକ ଲେକା ଆବୁହ ପାର୍ମେଶ୍ଵାର୍ଆଃ ଖୁକାନ୍ ହଡ଼କବୁ ତାଇକେନା ।

୪ ମେନ୍ଦ ପାର୍ମେଶ୍ଵାର୍ଆଃ ପୁରାଃ ଲିନିବୁଇ ଆତଃ ଆୟାଃ ପୁରାଃ ଦୁଲାଡ଼୍ ଆବୁନାଈ ନିନିନାଈ ମେନାଃ ଯେ, ୫ ଆବୁଆଃ ପାପ୍ ହରାତେ ଆମ୍ବାରେ ଗଜାକାନ୍ ତାଇକେନ୍ ଇମ୍ତା, ଇନିଃ ଖ୍ରୀଷ୍ଟଲଃ ଆବୁକେ ଜୀଦାନାଏ ଏମାଦ୍ବୁଆ । ନେଆଁ ପାର୍ମେଶ୍ଵାର୍ଆଃ ସାୟାଦ୍ ହରାତେଗି ଆପେ ବାଞ୍ଛାଅକାନାପେ । ୬ ଆବୁ ଯାଶୁ ଖ୍ରୀଷ୍ଟଲଃ ମେସାୟାନ୍ ହରାତେ ଇନିଃଲଃ ସିର୍ମାରେ ରାଇଜେ ନାଗେନ୍ତେ ଇନିଃ ଆବୁକେୟଗି ଜୀଉ ବିରିଦାକାଦ୍ବୁଆ । ୭ ଯାଶୁ ଖ୍ରୀଷ୍ଟରେ ଉଦୁବ୍ବକେଦ୍ ଦୁଲାଡ଼୍ତେ ଆୟାଃ ସାୟାଦ୍ରେୟାଃ କା ଜକାଃଅ ପୁରାଃ ପେଡ଼େଃ ଆତଃ ଦାୟାକେ ସବେନ୍ ଦିପିଲିରେ ଉଦୁବେ ନାଗେନ୍ତେ ପାର୍ମେଶ୍ଵାର୍ ନେ ଲେକାଏ କାମିକେଦା । ୮ ଚିୟାଃଚି ପାର୍ମେଶ୍ଵାର୍ଆଃ ସାୟାଦ୍ ଆତଃ ବିଶ୍ଵାସ୍ ହରାତେ ଆପେ ଜୀଉବାଞ୍ଛାଅପେ ନାମାକାଦା । ନେଆଁ ଆପେୟାଃତେଦ୍ କାହାଗି, ମେନ୍ଦ ପାର୍ମେଶ୍ଵାର୍ଆଃ ଦାନ୍ ତାନାଃ । ୯ ଜେତାଏ ଆପାନ୍କେ ମାରାଈ ମେନ୍ତେ ଆଲକାଏ ଉଡ଼ୁଗେ ମେନ୍ତେ ଆପ୍ନାଃ କାମିତେ କା ହବାକାନା । ୧୦ ଆବୁ ଅକ୍ନାଃ ହବା ଦାଡ଼ିକାନାବୁ, ଏନା ପାର୍ମେଶ୍ଵାର୍ଗି ବାଇୟାକାଦ୍ବୁଆ, ଅକନ୍ ବୁଗିନ୍ କାମି ଆବୁ କାମିୟାବୁ ମେନ୍ତେ ପାର୍ମେଶ୍ଵାର୍ ସିଦାରେଗି ଠାହାରାଅକାଦ୍ ତାଇକେନା, ଆବୁ ଖ୍ରୀଷ୍ଟ ଯାଶୁଲଃ ମେସାୟାନ୍ ହରାତେ ଏନା ହବା ସାକାଅକାନା ।

ଖ୍ରୀଷ୍ଟ ହରାତେ ମିଦଃ

୧୧ ଏନାମେନ୍ତେ ଆପେୟାଃ ସିଦା ଦିପିଲି ପାହାମେପେ, ଜାନାମ୍ରେ ଆପେ ସାଅଁସାର୍ ହଡ଼କ ତାଇକେନାପେ । ଆପାନ୍କେ ଖାଡ଼ନାଅକାନ୍ଦକ ତାନ୍ଲେ ମେନ୍ତେ କାଜିନ୍ତାନ୍ ଯିହୁଦୀକ, ଆପେକେ କା ଖାଡ଼ନାଅକାନ୍ଦକ ମେନ୍ତେ କାଜିତାଇକେନାକ । ନେଆଁ, ହଡ଼କ ଆକଆଃ ହଡ଼ମରେ ଚିନାଃ ରିକାଃକ ଏନା ଏସ୍କାର୍ କାଜିୟାଃଏ । ୧୨ ଇମ୍ତା ଆପେ ଖ୍ରୀଷ୍ଟତାଃଏତେ ସାଜିନ୍ରେ ତାଇକେନାପେ । ଆପେ ଇସ୍ରାଏଲ୍ ଦିଶ୍ଵମ୍ହେତେ ବାହାରିକାନ୍ ତାଇକେନାପେ, ଏଟାଃ ଦିଶ୍ଵମ୍ରେନ୍ ହଡ଼କ ଲେକା ତାଇକେନାପେ ଆତଃ ପାର୍ମେଶ୍ଵାର୍ଆଃ ସାଲାକାନ୍ ହଡ଼କ କାପେ ତାଇକେନା । ପାର୍ମେଶ୍ଵାର୍ ଆୟାଃ ହଡ଼କଆଃ ନାଗେନ୍ତେ ଏମାକାଦ୍ ବାନାର୍ସା ଚେତାନ୍ରେ ଠାହାରାଅକାଦ୍ ରାଜିନାମାରେ ଆପେୟାଃ ଜେତାନ୍ ହିସା କା ତାଇକେନା । ବେଗାର୍ ଆସ୍ରାତେ ଆତଃ ବେଗାର୍ ପାର୍ମେଶ୍ଵାର୍ତେ ଆପେ ନେ ଅତେଦିଶ୍ଵମ୍ରେପେ ତାଇନଃତାନ୍ ତାଇକେନା । ୧୩ ଖ୍ରୀଷ୍ଟ ଯାଶୁରେ ଆପେ ସାଜିନ୍ରେ ତାଇକେନାପେ, ମେନ୍ଦ ନାହାଁଃ ଖ୍ରୀଷ୍ଟଆଃ ମାୟୋମ୍ତେପେ ନାଡ଼େୟାକାନା । ୧୪ ଚିୟାଃଚି ଯିହୁଦୀ ଆତଃ ସାଅଁସାର୍ ହଡ଼କକେ ମିଦ୍ବକେଦ୍ତେ ଖ୍ରୀଷ୍ଟ ଆଇଃକ୍ଗି ଆବୁ ଆଲାରେ ଜୀଉସୁକୁଇ ବାଇକେଦା । ଇନ୍କୁକେ ବିନ୍ଗାଅକେଦ୍ତେ ବାଇରି ଲେକା ଦହକାଦ୍ ପାର୍ରିକେ ଇନିଃ ଆୟାଃ ହଡ଼ମ୍ ହରାତେ ହାଦୁଡ଼କେଦା । ୧୫ ଇନିଃ ଯିହୁଦୀକଆଃ ସବେନ୍ ଆଇନ୍, ଆନ୍ରୁ ଆତଃ ନିୟାମକ୍ ଆତମକେଦ୍ତେ ଯିହୁଦୀ ଆତଃ ସାଅଁସାର୍ ହଡ଼କତାଃଏତେ ଆୟାଃଲଃ ମେନେସାରେ ମିଆଁଦ୍ ନାଞ୍ଜା ହଡ଼ ବାଇକିୟା, ନେ ଲେକାତେ ଜୀଉସୁକୁଇ ବାଇକେଦା । ୧୬ ଇକ୍ରେ ଖ୍ରୀଷ୍ଟଆଃ ଗନଏଃ ହରାତେ ଯିହୁଦୀ ଆତଃ ସାଅଁସାର୍ ହଡ଼କଆଃ ଆଲାରେ ତାଇକାନ୍ ବାଇରିକେ ଜିୟନ୍କେଦା ଆତଃ ମିଦ୍ ହଡ଼ମରେ ମେସାକେଦ୍କଆ, ଏନ୍ତେ ପାର୍ମେଶ୍ଵାର୍ତାଃତେ ଆଉରୁହାଡ଼କେଦ୍କଆ । ୧୭ ଏନାମେନ୍ତେ ଖ୍ରୀଷ୍ଟ ହିଜୁଃକାନ୍ ତାଇକେନାଏ ଆତଃ ପାର୍ମେଶ୍ଵାର୍ତାଃଏତେ ସାଜିନ୍କାନ୍ ସାଅଁସାର୍ ହଡ଼କତାଃରେ ଆତଃ ଆୟାଃ ହେପାଦ୍ରେନ୍ ଯିହୁଦୀ ହଡ଼କତାଃରେ ସୁକୁକାଜି ଉଦୁବ୍ବକେଦା । ୧୮ ଖ୍ରୀଷ୍ଟ ହରାତେଗି ଯିହୁଦୀକ, ସାଅଁସାର୍ ହଡ଼କ ଆତଃ ଆବୁ ସବେନ୍କ ମିଦ୍ ଆମ୍ବାରେ ଆପୁଆଃ ହେପାଦ୍ତେ ହିଜୁଃ ଦାଡ଼ିକାନାବୁ ।

୧୯ ଏନାତେ ହେ ସାଅଁସାର୍ ହଡ଼କ, ଆପେ ଏଟାଃ ଦିଶ୍ଵମ୍ରେନ୍ ଆତଃ କା ଚିହ୍ନାଁର୍ ହଡ଼କ ନାହାଁଃଲାପେ, ନାହାଁଃ ପାର୍ମେଶ୍ଵାର୍ଆଃ ହଡ଼କଲଃ ଆପେୟାଃ ଆୟାଃ ରାଇଜ୍ରେନ୍ ଆତଃ ଅଡ଼ାଃରେନ୍ ହଡ଼କ ତାନ୍ପେ । ୨୦ ଆପେୟାଃ ପ୍ରେରିଡ଼କଆଃ ଆତଃ ନାବୀକଆଃ ହରାତେ ବାଇୟାକାନ୍ ନିହିଁଗାତାରେ ବାଇୟାକାଦ୍ ଅଡ଼ାଃ ଲେକାଃପେ । ଏନ୍ ଅଡ଼ାଃରେୟାଃ କଚା ଦିରି ଖ୍ରୀଷ୍ଟ ଯାଶୁଗି ତାନିଃ । ୨୧ ଇନିଃରେ ବାଇକାନ୍ ମିପିଆଦ୍ ଅଡ଼ାଃ ଚିରିକ୍ବକେଦ୍ତେ ଜଡ଼ାଇକାନା ଆତଃ ପ୍ରାଭୁ ନାଗେନ୍ତେ ରାକାବାକାନ୍ ପାବିତାର୍ ମାନ୍ଦିର୍ ଲେକା ହାରାଇଦିୟଃତାନା । ୨୨ ଆୟାଃଲଃ ମେନେସାରେ ଆପେୟାଃ ଏଟାଃ ସବେନ୍କଲଃ ମିସାତେ ଆମ୍ବା ଲେକାନ୍ ପାର୍ମେଶ୍ଵାର୍ଆଃ ତାଇନଃ ଠାୟାଦ୍ ନାଗେନ୍ତେ ଆପେ ମିଆଁଦ୍ ଅଡ଼ାଃପେ ବାଇୟଃତାନା ।

୩

ସାଅଁସାର୍ ହଡ଼କଆଃ ନାଗେନ୍ତେ ପାଉଲୁସ୍ଆଃ କାମି

☆ ୨:୧୫ ୨:୧୫ କଲସିୟ ୨:୧୪. ☆ ୨:୧୭ ୨:୧୭ କଲସିୟ ୧:୨୦.

୧ ନେଆଁ ନାଗେନ୍ତେ ଆପେ ଲେକାନ ସାଅଁସାର ହଡକ ନାଙ୍ଗ ଯୀଶୁ ଖ୍ରୀଷ୍ଟଆଃ ହରାତେ ଜେହେଲକାନ ଆଇଙ୍ଗ ପାଉଲୁସ, ପାର୍ମେଶ୍ୱାରତାଃରେଇଙ୍ଗ ବିକ୍ରିତାନା । ୨ ଆପେୟାଃ ବୁଗିନାଃ ନାଗେନ୍ତେ ପାର୍ମେଶ୍ୱାର ଆୟାଃ ସାୟାଦତେ ଆଇଙ୍ଗକେ ନେ କାମି କାମି ନାଗେନ୍ତେ ଏମାକାଦିୟାଁ, ନେଆଁ ସାର୍ତିଗି ଆୟୁମକାଦାପେ । ୩ ପାର୍ମେଶ୍ୱାର ଆୟାଃ ଉକୁଆକାନ କାଜିକେ ଉଦୁବକେଦତେ ଆଇଙ୍ଗକେ ଉଦୁବକାଦିୟାଁ, ଏନ୍ ବିଷାଏରେ ଆଇଙ୍ଗ କାଟିଃ ଲେକାଇଙ୍ଗ ଅଲକାଦା । ୪ ଏନା ପାଢାଅଲେରେ, ଖ୍ରୀଷ୍ଟଆଃ ଉକୁଆକାନ ବିଷାଏରେ ଆଇଙ୍ଗ ଆଟ୍‌କାର ଉରୁମକାଦତେୟାଃ, ଆପେ ଆଟ୍‌କାର ଉରୁମ ଦାଡ଼ିୟାପେ । ୫ ସିଦା ଦିପିଲିରେ ମାନଝା ହଡକେ ନେ ଉକୁଆକାନ କାଜି ବିଷାଏରେ କା କାଜିକାନ ତାଇକେନା । ମେନ୍‌ଦ ପାର୍ମେଶ୍ୱାର ନାହାଁଃ ଆୟାଃ ପାବିତାର ପ୍ରେରିଡକ ଆତଃ ନାବୀକକେ ଆମ୍ବା ହରାତେ ନେଆଁଏ ଉଦୁବକାଦା । ୬ ଏନ୍ ଉକୁଆକାନ କାଜି ହବାଃଅତାନା, ସୁକୁକାଜି ହରାତେ ଯିହୁଦୀକଲଃ ସାଅଁସାର ହଡକହଗି ପାର୍ମେଶ୍ୱାରଆଃ ଆଣିଷ ନାମେରେୟାଃ ହିସାକ ନାମାକାଦା । ଇନ୍‌କୁ ଏନ୍ ମିଆଁଦ ହଡମରେନ୍ ହଡକଗି ତାନ୍‌କ ଆତଃ ଯୀଶୁ ଖ୍ରୀଷ୍ଟଆଃ ଦେଙ୍ଗାତେ ପାର୍ମେଶ୍ୱାର ଏମାକାଦ ବାନାରସାରେ ହାନାଟିଙ୍ଗକ ନାମେୟାଁ ।

୭ ପାର୍ମେଶ୍ୱାରଆଃ କାମିଦାଡ଼ିୟାଃ ପେଡେଃ ଲେକାତେ ଆଇଙ୍ଗକେ ଏମାକାନ ଆୟାଃ ସାୟାଦରେୟାଃ ବାରଦାନ ହରାତେ ଆଇଙ୍ଗ ଏନ୍ ସୁକୁକାଜି ଉଦୁବରେୟାଃ ମିହୁଡ୍ ଦାସିଇଙ୍ଗ ହବାକାନା । ୮ ଆଇଙ୍ଗ ପାର୍ମେଶ୍ୱାରଆଃ ହଡକ ଆଲାରେ ସବେନ୍‌କତାଃଏତେ ହୁଡିଙ୍ଗ ତାନିଙ୍ଗ, ଏନ୍‌ରେୟା, ସାଅଁସାର ହଡକତାଃତେ ଖ୍ରୀଷ୍ଟଆଃ କା ଦାଣାଁନାମଃ ଖୁଜ୍ ବିଷାଏରେୟାଃ ସୁକୁକାଜି ଉଦୁବ ନାଗେନ୍ତେ ପାର୍ମେଶ୍ୱାର ଆଇଙ୍ଗକେ ସୁୟୋଗ୍ ଏମାକାଦିୟାଁଏ । ୯ ପାର୍ମେଶ୍ୱାରଆଃ ଏନ୍ ଉକୁଆକାନ କାଜିକ ଚିଲକା କାମିୟାଆ ଆତଃ ସବେନ୍ ହଡକତାଃରେ ନେଲ୍‌ଦାଡ଼ିୟାଆ ଏନା କାଜିରେୟାଃ ସୁୟୋଗ୍ ନାମକାଦାଇଙ୍ଗ । ସବେନାଃରେୟାଃ ବାବାଇନିଃ ପାର୍ମେଶ୍ୱାର ଆୟାଃ ଉକୁଆକାନ କାଜିକେ ନାଙ୍ଗ ପାରିୟାରେଗି ଦାନାଙ୍ଗକେଦତେ ଦହକାଦ୍ ତାଇକେନା । ୧୦ ଜେ'ଲେକାଟି ନେ ଦିପିଲିରେ କାଲିସିୟାରେୟାଃ କାମି ହରାତେ ସିର୍ମାରେ ରାଇଜ୍‌ତାନ୍‌କ ଆତଃ ସିର୍ମାରେ ଆକ୍‌ତେୟାର୍ ନାମାକାଦକ, ପାର୍ମେଶ୍ୱାରଆଃ ଚିମିନ୍ ରାକାମ୍‌ରେୟାଃ ସେଣାଁ ବିଷାଏରେକ ଆଟ୍‌କାର୍‌ଉରୁମ୍ ଦାଡ଼ିୟା । ୧୧ ପାର୍ମେଶ୍ୱାର ଆୟାଃ ଜାନାଅ ଜାନାଅରେୟାଃ ଉଦେଗ୍ ଲେକାତେ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟଆଃ ହରାତେ ନେଆଁଏ ରିକାକାଦା । ୧୨ ଖ୍ରୀଷ୍ଟଲଃ ମେସାକାନ ହରାତେ ଆତଃ ଆୟାଃତାଃରେ ବିଶ୍ୱାସ୍‌ତାନ ହରାତେ ପୁରାଃ ଭାର୍‌ସାକେଦତେ ପାର୍ମେଶ୍ୱାରଆଃ ହେପାଦତେ ସେନ୍ ନାଙ୍ଗ ଆବୁଆଃ ଜୀଉରେ କେଟେଦ୍ ମେନାଃ । ୧୩ ଏନାମେନ୍ତେ ଆଇଙ୍ଗ ବିକ୍ରିତାନା, ଆପେ ନାଗେନ୍ତେଇଙ୍ଗ ଦୁକୁଃତାନା ମେନ୍ତେ ଆପେ ଆଲ୍‌ପେ ନାରାଜଃ, ଚିୟାଃଟି ନେ ସବେନାଃ ଆପେୟାଃ ବୁଗିନାଃ ନାଗେନ୍ତେ ହବାକାନା ।

ଖ୍ରୀଷ୍ଟଆଃ ଦୁଲ୍‌ଡ଼୍

୧୪ ନେଆଁମେନ୍ତେ ଆଇଙ୍ଗ ଆପୁ ପାର୍ମେଶ୍ୱାରଆଃ ସାମ୍‌ନାଙ୍ଗରେ ଇକ୍‌ଡ଼ମ୍‌କେଦତେଇଙ୍ଗ ବିକ୍ରି ତାନା, ୧୫ ଅକଏତାଃଏତେଟି ସିର୍ମା ଆତଃ ଅତେଦିଶୁମ୍‌ରେନ୍ ସବେନ୍ ପାରିବାରକ ଆୟାଃ ସାର୍ତି ନୁଡୁମ୍‌କ ନାମାକାଦା । ୧୬ ଆଇଙ୍ଗ ପାର୍ମେଶ୍ୱାରକେଇଙ୍ଗ ବିକ୍ରିତାନା, ଜେ'ଲେକାଟି ଆୟାଃ ମାନାରାଙ୍ଗରେୟାଃ ଖୁଜ୍ ଲେକାତେ ଆୟାଃ ଆମ୍ବା ହରାତେ ଆପେୟାଃ ମନ୍‌ସୁରୁଦକେ ପୁରାଃ ପେଡେଜେ ନାଗେନ୍ତେ ପେଡେଃ ଏମାପେୟାଏ, ୧୭ ଆତଃ ବିଶ୍ୱାସ୍ ହରାତେ ଖ୍ରୀଷ୍ଟ ଆପେୟାଃ ମନ୍‌ସୁରୁଦରେ ତାଇନା । ଆପେୟାଃ ନିହଁ ଗାତା ଦୁଲ୍‌ଡ଼୍‌ରେ କେଟେଜାକାନ ହବାଅଆ । ୧୮ ଏନାରେ ଖ୍ରୀଷ୍ଟଆଃ ଦୁଲ୍‌ଡ଼୍ ଚିମିନ୍ ଜିଲିଙ୍ଗ ଆତଃ ଚାକାର୍, ଚିମିନ୍ ସାଲାଇଁ ଆତଃ ଇକିର୍ ତାନାଃ, ଏନା ଆପେ ପାର୍ମେଶ୍ୱାରଆଃ ହଡକଲଃ ଆଟ୍‌କାର୍‌ଉରମ୍ ଦାଡ଼ିରେୟାଃ ପେଡେଃପେ ନାମ୍ ଦାଡ଼ିୟା । ୧୯ ହେଗି, ନେଆଁ ଚିଉଲାଅ ପୁରା କା ଆଟ୍‌କାର୍ ଦାଡ଼ିୟାଃରେୟା, ଆପେ ଖ୍ରୀଷ୍ଟଆଃ ଦୁଲ୍‌ଡ଼୍‌ପେ ଆଟ୍‌କାରେକା ମେନ୍ତେ ଆପେ ପାର୍ମେଶ୍ୱାରଆଃ ସଭାବ୍‌ରେ ପୁରାଃତେପେ ପେରେଃ ଦାଡ଼ିୟାକା ।

୨୦ ପାର୍ମେଶ୍ୱାର ଆବୁଆଃ ଆଲାରେ କାମିୟାତାନ ଆୟାଃ ପେଡେଃ ହରାତେ ଆବୁଆଃ ଆନାସିଏତେ ଆଦକା ଚାଏ ଆବୁଆଃ ଉଡ଼ୁଏତେ ଆଦକା ଏମ୍ ଦାଡ଼ିନିଃ ତାନିଃ । ୨୧ କାଲିସିୟା ହରାତେ ଆତଃ ଯୀଶୁ ଖ୍ରୀଷ୍ଟଆଃ ହରାତେ ସବେନ୍ ଇମ୍‌ତା ଜାନାଅ ଜାନାଅ ଜାକେଦ୍ ଏନ୍ ପାର୍ମେଶ୍ୱାରଆଃ ମାଇନାନ୍ ହବାଅଆକା ! ଆମେନ୍ ।



ହଡ଼ମରେ ମିଦେନ୍

✧ ୩:୪ ୩:୪ କଲସିୟ ୧:୨୭,୨୭.

^୧ ପ୍ରାଭୁଆଃ ସୁସାର୍ତ୍ତାନ୍ ହରାତେ ଜେହେଲକାନ୍ ଆଇଙ୍ଗ୍ ପାଉଲୁୟ୍ ଆପେକେଇଙ୍ଗ୍ ବିକ୍ରିତାନା, ପାର୍ମେଶ୍ୱାର୍ ଆପେକେ କେଡ଼ାକାଦ୍‌ପେ ଲେକାଗି ଜୀଞ୍ଜାନ୍ ବିତାଏପେ । ^୨ *ସବେନ୍ ଇମ୍ତା ମନ୍ ହୁଡ଼ଙ୍ଗ୍‌ୟେନ୍, ଲେବେଃ, ଆଡଃ ଧୁରାଜ୍ ଜୀଞ୍ଜାନ୍ ହବାଅଃପେ । ମିହୁଡ଼୍ ଆଡଃମିହୁଡ଼୍‌ଲଃ ସାହାତିଙ୍ଗ୍‌ତାନ୍‌ଲଃ ଦୁଲାଡ଼୍‌ରେ ତାଇନ୍‌ପେ । ^୩ ପାବିତାର୍ ଆମ୍ବାରାଃ ଦେଙ୍ଗାତେ ଜୀଉସୁକୁରେ ତାଇନ୍‌ଃ ନାଗେନ୍ତେ ଆପେ ଆଲାରେ ତାଇନାକାନ୍ ମେନେସାରେୟାଃ ତନଲ୍‌କେ ଜୀଉଜାତାନ୍ ଦହକାପେ । ^୪ ମିଆଁଦ୍‌ଗି ହଡ଼୍‌ମ୍ ଆଡଃ ମିଆଁଦ୍‌ଗି ଆମ୍ବା, ଆଡଃ ମିଆଁଦ୍‌ଗି ଆସ୍ରାତେ ପାର୍ମେଶ୍ୱାର୍ ଆପେକେ କେଡ଼ାକାଦ୍‌ପେୟା । ^୫ ମିଆଁଦ୍‌ଗି ପ୍ରାଭୁ, ମିଆଁଦ୍‌ଗି ବିଶ୍ୱାସ୍ ଆଡଃ ମିଆଁଦ୍‌ଗି ବାପ୍ତିସ୍ମା ମେନାଃ । ^୬ ସବେନ୍ ମାନଞ୍ଜାକଆଃ ପାର୍ମେଶ୍ୱାର୍ ଆଡଃ ଆପୁ ମିଆଁଦ୍‌ଗି ତାନିଃ, ଇନିଃ ସବେନ୍‌କଆଃ ପ୍ରାଭୁ, ସବେନ୍‌କଆଃ ଆଲାରେ ଆଡଃ ସବେନ୍‌କଆଃରେ ମେନାଇୟା ।

^୭ ଖ୍ରୀଷ୍ଟ୍ ଏମାକାଦ୍ ବାର୍ଦାନ୍ ଲେକାତେ ଆରୁ ସବେନ୍ ମିମିଆଦ୍ ହଡ଼କକେ ସାୟାଦ୍‌ରାଃ ବାର୍ଦାନ୍ ନାମାକାନା । ^୮ ଧାରାମ୍‌ପୁଥ୍‌ରେ ନେ ବିଷାଏରେ ଅଲକାନା, “ତିମ୍ତା ଇନିଃ ପୁରାଃ ତେତାନ୍‌ତେ ସେନଃୟାନା, ଇମ୍ତା ଇନିଃ ପୁରାଃ ଜେହେଲକାନ୍‌କକେ ଆୟାଃଲଃ ଇଦିକେଦ୍‌କଆ; ଆଡଃ ମାନଞ୍ଜାକକେ ପୁରାଃଗି ବାର୍ଦାନ୍ ଏମାଦ୍‌କଆଏ ।” ^୯ “ଇନିଃ ପୁରାଃ ତେତାନ୍‌ତେ ସେନଃୟାନା” ନେଆଁରେୟାଃ ମୁଣ୍ଡି ତିନାଃ ତାନାଃ ? ନେଆଁରେୟାଃ ମୁଣ୍ଡି ହବାଅଃତାନା, ସିଦାତେ ଇନିଃ ପୁରାଃ ଲାତାର୍ ଠାୟାଦ୍ ଅତେତେ ଆଡ଼ଗୁୟାନା । ^{୧୦} ଏନାତେ ଆଡ଼ଗୁକାନ୍‌ନିଃ, ପୁରା ଅତେଦିଶ୍ୱମ୍‌କେ ପୁରାଏ ନାଗେନ୍ତେ ଇନିଃ ସିମ୍‌ରେୟାଃ ପୁରାଃ ତେତାନ୍‌ତେ ସେନଃୟାନା । ^{୧୧} ଇନିଃଗି ହଡ଼କକେ ବାର୍ଦାନ୍ ଏମାକାଦ୍‌କଆଏ, ତିମିନ୍‌କକେ ପ୍ରେରିଡ଼୍, ତିମିନ୍‌କକେ ନାବୀ, ତିମିନ୍‌କକେ ସୁକୁକାଜି ଉଦୁବ୍, ତିମିନ୍‌କକେ ପାର୍‌ଚାର୍ ଆଡଃ ତିମିନ୍‌କକେ ଇତୁରେୟାଃ ବାର୍ଦାନ୍ ଏମାଦ୍‌କଆଏ । ^{୧୨} ଖ୍ରୀଷ୍ଟ୍‌ଆଃ ଏନ୍ ହଡ଼୍‌ମ୍ ବାଇୟେ ନାଗେନ୍ତେ, ଖ୍ରୀଷ୍ଟ୍‌ଆଃ ସେଞ୍ଜା କାମି ନାଗେନ୍ତେ ଆଡଃ ପାର୍ମେଶ୍ୱାର୍‌ଆଃ ହଡ଼କକେ ସେକାଡ଼୍‌କ ନାଗେନ୍ତେ ଇନିଃ ନେଆଁଏ କାମିକାଦା । ^{୧୩} ଏନାମେନ୍ତେ ଆରୁ ସବେନ୍‌କ ଆରୁଆଃ ବିଶ୍ୱାସ୍‌ରେ ଆଡଃ ପାର୍ମେଶ୍ୱାର୍‌ଆଃ ହନ୍ ବିଷାଏରେୟାଃ ସେଣ୍‌ରେରୁ ମିଦଃକା, ତାଏ ଖ୍ରୀଷ୍ଟ୍‌ଆଃ ପୁରାକାନ୍ ହଡ଼୍‌ମ୍‌ଲେକାତେ, ଆରୁ ପକ୍‌ତାକାନ୍ ହଡ଼କକୁ ହବାଅଃକା । ^{୧୪} ଆଲ୍‌ପୁଙ୍ଗ୍ ଆଡଃ ହୟତେ ଏକ୍‌ଲାଅଃତାନ୍ ଲେକା ଆଲକାରୁ ହବାଅଃକା, ଆଡଃ ସିଟିଆ ଲେକା ଆରୁ ଆଲକାରୁ ନେତେହାନ୍ତେୟାଃକା । ଏଟାଃକକେ ଏଟାଃ ହରାତେ ଇଦିତାନ୍ ବେଦା ହଡ଼କଆଃ ହସଡ଼ ଇନିତୁରେ ଆରୁ ଆଲକାରୁ ବେଦାଅଃକା । ^{୧୫} ମେନ୍‌ଦ ଦୁଲାଡ଼୍‌ରେ ସାର୍‌ତି କାଜିତାନ୍‌ଲଃ ସବେନ୍ କାଜିକରେ ବହଃ ଲେକାନ୍ ଖ୍ରୀଷ୍ଟ୍ ଲେକାରୁ ହବାଅଃକା । ^{୧୬} *ଇନିଃ ସାଃଏତେ ହଡ଼୍‌ମ୍‌ରେୟାଃ ସବେନ୍ ଏଟାଃ ଏଟାଃ ହିସାକ ମିଦ୍‌ରେ ଜଡେନ୍‌କାନା ଆଡଃ ପୁରା ହଡ଼୍‌ମ୍ ଏଟାଃ ଏଟାଃ ହିସାଏତେ ମିଦ୍‌ରେ ଜଡେନ୍‌କାନ୍‌ଲଃ ଏନାକେ ଦେଙ୍ଗାଏତାନା । ଏନାତେ ମିମିଆଦ୍‌କଆଃ ଏଟାଃ ଏଟାଃ କାମି ତାନାଃରେୟା ଦୁଲାଡ଼୍‌ତେ ପୁରା ହଡ଼୍‌ମ୍ ହାରା ଇଦିୟାତାନା ଆଡଃ ଆଇଃକ୍‌ତେଗି ବାଇୟାତାନା ।

ଖ୍ରୀଷ୍ଟ୍‌ରେ ନାଞ୍ଜା ଜୀଦାନ୍

^{୧୭} ଏନାତେ ପ୍ରାଭୁଆଃ ନୁଡ଼୍‌ମ୍‌ତେ ଆଇଙ୍ଗ୍ ତେତାଅପେ ତାନାଇଙ୍ଗ୍, ସାଅଁସାର୍ ହଡ଼କ ଲେକା ଜୀଦାନ୍ ଆଲ୍‌ପେ ବିତାଏ, ଇନକୁଆଃ ଉଡ଼୍‌ଖୁକ ଜେତାନ୍ କାମିରାଃ ନାହ୍‌ଲିୟାଃ ^{୧୮} ଆଡଃ ଇନକୁଆଃ ମନ୍‌କ ନୁବାର୍‌ଗିଆ । ପାର୍ମେଶ୍ୱାର୍ ଏମାକାଦ୍ ଜୀଦାନ୍‌ରେ ଇନକୁଆଃ ଜେତାନ୍ ହିସା ବାନଃଆ । ଚିୟାଃତି ଇନକୁ ପୁରାଗି ସାରିକେଦ୍‌ତେ କା ସାରି ଲେକା ମନ୍‌ସୁରୁଦ୍‌କେ କେଟେଜେତାନ୍ ହଡ଼କତାନ୍‌କ । ^{୧୯} ଇନକୁ ବେଗାର୍ ଗିହୁଃତେ, ସବେନ୍ ଲେକାନ୍ ସଡ଼୍‌ରା କାମି ଆଡଃ ଆପାଙ୍ଗିର୍ କାମି କାମି ନାଗେନ୍ତେ ଆକ ଆକଗିକ ଜିମାକାନା ।

^{୨୦} ନେ ଲେକାତେ ଆପେ ଖ୍ରୀଷ୍ଟ୍‌କେ ସାରି ନାଙ୍ଗ୍ କାପେ ଇତୁଆକାନା । ^{୨୧} ଆପେ ସାର୍‌ତିଗି ଇନିୟାଃ ବିଷାଏରେ ଆୟୁମ୍‌କାଦାପେ ଆଡଃ ଆଇଃକ୍‌କେ ଅତଙ୍ଗ୍‌ନିଃ ଲେକା ଯୀଶୁଆଃ ସାର୍‌ତି ବିଷାଏରେୟାଃ ଇନିତୁପେ ନାମାକାଦା । ^{୨୨} *ଏନାତେ ଆପେ ଅକନ୍ ମାରି ସଭାବ୍‌ତେ ଜୀଦାନ୍ ବିତାଅ ତାଇକେନାପେ, ଏନାକେ ବାଗିତାପେ, ଚିୟାଃତି ଏନାରେୟାଃ ହସଡ଼ କାମି ହରାତେ ଆପେୟାଃ ଆମ୍ବା ଜିୟନଃ ତାଇକେନା । ^{୨୩} ଆପେୟାଃ ମନ୍‌ସୁରୁଦ୍ ଆଡଃ ମନ୍‌କ ପୁରାଗି ନାଞ୍ଜା ହବାଅଃ ଲାଗାତିଙ୍ଗ୍‌ୟାଃ, ^{୨୪} *ଆଡଃ ପାର୍ମେଶ୍ୱାର୍‌ଆଃ ଲେକାଗି ବାଇୟାକାନ୍ ନାଞ୍ଜା ଆମ୍ବା ନାମେପେ । ଏନା ଆପେୟାଃ ସାର୍‌ତି ଜୀଦାନ୍‌ରେ ପାବିତାର୍ ଆଡଃ ଧାର୍‌ମାନ୍ ଉଦୁବଃକା ।

^{୨୫} ଏନାମେନ୍ତେ ଆଡଃ ଆଲ୍‌ପେ ବେଦାଃ । ଖ୍ରୀଷ୍ଟ୍ ବିଶ୍ୱାସୀକ ମିହୁଡ଼୍ ଆଡଃମିହୁଡ଼୍‌କେ ସାର୍‌ତି କାଜି ଲାଗାତିଙ୍ଗ୍‌ୟାଃ, ଚିୟାଃତି ଆରୁ ସବେନ୍‌କ ଖ୍ରୀଷ୍ଟ୍‌ଆଃ ହଡ଼୍‌ମ୍‌ରେନ୍ ହିସାକ ତାନ୍‌ରୁ । ^{୨୬} ଆପେ ଖ୍‌ସ୍‌ଅଃ ତାନ୍‌ରେଦ୍, ପାପ୍ କାମି ଆଲ୍‌ପେ କାମିୟା । ସିଙ୍ଗି ହାସୁର୍ ସିଦାରେ ଆପେୟାଃ ଖ୍‌ସ୍‌କ ବାଗିତାପେ

* ୪:୨ ୪:୨ କଲସିୟ ୩:୧୨,୧୩. * ୪:୧୭ ୪:୧୭ କଲସିୟ ୨:୧୯. * ୪:୨୨ ୪:୨୨ କଲସିୟ ୩:୯. * ୪:୨୪ ୪:୨୪ କଲସିୟ ୩:୧୦.

। ୨୭ ସାଏତାନ୍‌କେ ଆପେରେ ଠାୟାଦ୍ ଆଲ୍‌ପେ ଏମାଲୟା । ୨୮ କୁମ୍‌ତୁ ଆତଃ ଆଲକାଏ କୁମ୍‌ତୁକ୍‌କା, ମେନ୍‌ଦ ଆପାନାଃ ଜାନିଦ୍ ନାଗେନ୍ତେ ଆତଃ ନାରାଦୁରା ହଡକକେ ଆକଆଃ ଲାଗାତିଙ୍‌ଡେୟାଃ ଏମ୍ ଦାଡି ନାଗେନ୍ତେ ବୁଗିନାଃ କାମିକା । ୨୯ ଆପେୟାଃ ମତାଏତେ କା ଲାଗାତିଙ୍‌ କାଜିକ ଆଲକା ଅତଙ୍‌ଅଃକା, ମେନ୍‌ଦ ଲାଗାତିଙ୍‌ ଇମତାକରେ ପୁରାଃ ବୁଗିନ୍ କାଜି ଅତଙ୍‌ଅଃକା, ଜେ'ଲେକାତି ଆୟୁମ୍‌ତାନ୍ ହଡକଆଃ ନାଗେନ୍ତେ ବୁଗିନାଃ ହବାଅଃଆ । ୩୦ ଆତଃ ପାର୍‌ମେଶ୍‌ବାର୍‌ଆଃ ପାବିତାର୍‌ ଆମ୍‌କେ ଦୁକୁ ଆଲ୍‌ପେ ଏମାଲୟା, ଚିୟାଃତି ପାବିତାର୍‌ ଆମ୍‌ଦ ଆପେୟାଃ ଚେତାନ୍‌ରେ ପାର୍‌ମେଶ୍‌ବାର୍‌ଆଃ ଆପ୍‌ନାଃ ଆକ୍‌ଡେୟାର୍‌ରେୟାଃ ଚିଙ୍‌ଗା ଲେକାନ୍‌ନିଃ ତାନିଃ ଆତଃ ପାର୍‌ମେଶ୍‌ବାର୍‌ ମୁସିଙ୍‌ ଆପେୟାଃ ମୁକ୍ତି କାମି ରିକାୟାଏ, ଏନା ସାର୍‌ତି ତାନାଃ । ୩୧ ସବେନ୍ ଲେକାନ୍ ମେହେର୍ କାଜି, ଆତଃ ଖ୍‌ସ୍, ସାଙ୍‌ନେପେ । ହିସିଙ୍‌ଗା କାଜି ଆତଃ ନିନ୍‌ଦା କାଜିକ ଆଲ୍‌ପେୟାଃ । ଜେତାଏକେ ଆଲ୍‌ପେ ହିଲ୍‌କାକ୍‌ଆ । ୩୨ ଧମେନ୍‌ଦ ମିହୁଡ୍ ଆତଃମିହୁଡ୍‌ଲଃ ଦାୟା ଆତଃ ଲେବେଃ ମନ୍‌ସୁରୁଦ୍ ହବାଅଃପେ ଆତଃ ଖ୍ରୀଷ୍ଟ୍‌ଆଃ ହରାତେ ପାର୍‌ମେଶ୍‌ବାର୍‌ ଆପେକେ ଛାମାକାଦ୍‌ପେ ଲେକାଗି ଆପେ ମିହୁଡ୍ ଆତଃମିହୁଡ୍‌କେ ଛାମାକପେ ।



ମାର୍‌ସାଲ୍‌ରେ ଜାନିଦ୍

୧ ଆପେ ପାର୍‌ମେଶ୍‌ବାର୍‌ଆଃ ଦୁଲ୍‌ଡ୍ ହନ୍‌କ ତାନ୍‌ପେ, ଏନାତେ ଆପେ ଆୟାଃ ଲେକା ହବାଅଃପେ । ୨ ଖ୍ରୀଷ୍ଟ୍ ଆବୁକେ ଦୁଲ୍‌ଡ୍‌କେଦ୍‌ବୁଆ ଆତଃ ପାର୍‌ମେଶ୍‌ବାର୍‌ଆଃ ସୁକୁଆନ୍ ଲେକା ଆବୁଆଃ ନାଗେନ୍ତେ ଆୟାଃ ଜୀବନ୍‌କେ ବୁଗିନ୍ ସହାନ୍ ଲେକା ଦାନ୍ ଆତଃ ଦାଣ୍ଟି ରାକାଦ୍‌ୟାନା, ଆପେୟାଃ ଜୀବନ୍‌ରେୟ ଏନ୍‌ଲେକାଗି ଦୁଲ୍‌ଡ୍‌ରେ ତାଇନ୍‌ପେ ।

୩ ପାର୍‌ମେଶ୍‌ବାର୍‌ଆଃ ହଡକ ହବାୟାନ୍ତେ, ଆପେ ଆଲ୍‌ରେ ଆପାଙ୍‌ଗିର୍ କାମି, ସର୍‌ରା ଚାଏ ଖୁଜ୍ କରେୟାଃ ହାୟା ଆଲକା ହବାଅଃକା । ନେଆଁ ସାଧୁ ହଡକ ନାଗେନ୍ତେୟ ରିକା କା ଲାଗାତିଙ୍‌ୟାଃ । ୪ ଆତଃ ଆପେୟାଃ ଆଲ୍‌ରେ ଗିହୁଃ କାଜିକ, ତଣ୍ଡ କାଜିକ, ଆତଃ ଲାନ୍‌ କାଜିକ ଆଲକା ହବାଅଃକା । ମେନ୍‌ଦ ଆପେକେ ପାର୍‌ମେଶ୍‌ବାର୍‌ଆଃ ଧାନ୍‌ପାଦ୍ ଏମ୍ ଲାଗାତିଙ୍‌ୟାଃ । ୫ ନେଆଁ ସାର୍‌ତି ତାନାଃ ମେନ୍ତେ ଆଟ୍‌କାର୍‌କାପେ, ଜେତାଏ ଆପାଙ୍‌ଗିର୍‌ନିଃ, ସର୍‌ରାନିଃ ଆତଃ ଖୁଜ୍ କରେୟାଃ ହାୟାନିଃ ଚାଏ ମୁରୁଡ୍ ସେଝାନିଃ ଚିତ୍‌ଲାଅ ଖ୍ରୀଷ୍ଟ୍ ଆତଃ ପାର୍‌ମେଶ୍‌ବାର୍‌ଆଃ ରାଜ୍‌ରେୟାଃ ଜେତାନ୍ ହାନାତିଙ୍‌ କାଏ ନାମେୟା ।

୬ ଜେତାଏ ଆପେକେ ସାମାକାଜିକତେ ଆଲକାଏ ବେଦାପେକା, ନେ ସବେନାଃ ନାଗେନ୍ତେ ପାର୍‌ମେଶ୍‌ବାର୍‌ଆଃ ଆନ୍‌ରୁକେ କା ମାନାତିଙ୍‌ତାନ୍ ହଡକଆଃ ଚେତାନ୍‌ରେ ପାର୍‌ମେଶ୍‌ବାର୍‌ଆଃ ଖ୍‌ସ୍ ହିନ୍‌ଡୁଆ । ୭ ଏନାତେ ନେ ଲେକାନ୍ ହଡକଲଃ ଜେତାନ୍ ନାତା ଆଲ୍‌ପେ ଦହଏୟା । ୮ ଚିୟାଃତି ଆପେୟାଗି ମୁସିଙ୍‌ ନୁବାଃରେପେ ତାଇନ୍‌କେନା । ମେନ୍‌ଦ ନାହାଁଃ ଆପେ ପ୍ରାଭୁଆଃ ହଡକ ହବାକାନ୍ ହରାତେ ମାର୍‌ସାଲ୍‌ରେ ମେନାପେୟା । ଏନାତେ ଆପେ ମାର୍‌ସାଲ୍‌ରେନ୍ ହଡକ ଲେକା ସେସେନ୍‌ପେ । ୯ ଚିୟାଃତି ମାର୍‌ସାଲ୍‌ରେଗି ତାଇନଃରେ ସବେନ୍ ଲେକାନ୍ ବୁଗିନାଃ ଧାର୍‌ମାନ୍ ଆତଃ ସାନାର୍‌ତିରେୟାଃ କାମି ହବାଅଃଆ । ୧୦ ପ୍ରାଭୁଆଃ ଚିକ୍‌ନାଃ ସୁକୁଆନ୍‌ଡେୟାଃ ତାନାଃ, ଏନାକେ ଆଟ୍‌କାର୍‌ଉରୁମ୍ ଲାଗାତିଙ୍‌ୟା । ୧୧ ସାମାରେୟାଃ କାମି ନୁବାଃରେ କାମିତାନ୍ ହଡକଲଃ ଆଲ୍‌ପେ ମେସାନା, ମେନ୍‌ଦ ଇନ୍‌କୁଆଃ କାଜିକାମିକ ମାର୍‌ସାଲ୍‌ରେ ଉଦୁବେପେ । ୧୨ ଇନ୍‌କୁ ଉକୁକେଦ୍‌ଡେ କାମିତାନ୍ ବିଷାଏକେ କାଜିତେୟାଃ ପୁରାଃ ଗିହୁଃଗିୟା । ୧୩ ମେନ୍‌ଦ ଚିମ୍‌ତା ଏନ୍ ସବେନାଃ ମାର୍‌ସାଲ୍‌ରେ ଆତଃଆ, ଇମ୍‌ତା ଏନାରେୟାଃ ସାର୍‌ତି ସଭାଦ୍ ପୁରା ଉଦୁବଃଆ, ୧୪ ଚିୟାଃତି ମାର୍‌ସାଲ୍‌ରେ ସବେନାଃ ପୁରା ନେଲଃଆ । ଏନାତେ ନେ'ଲେକା କାଜିକାନା, “ଏ ଦୁଡ୍‌ମ୍‌ତାନ୍‌ନିଃ, ଏୟନଃମେ

ଆତଃ ଗଜାକାନ୍‌କଏତେ ଜୀଉବିରିଦ୍‌ମେ !

ଆତଃ ଖ୍ରୀଷ୍ଟ୍ ଆମ୍‌କେ ମାର୍‌ସାଲ୍ ଏମାମେୟାଏ ।”

୧୫ ଏନାତେ ଆପେ ଚିଲ୍‌କାପେ ସେସେନା ଏନା ଚିର୍‌ଗାଲ୍‌କାନ୍ ତାଇନ୍‌ପେ । କା ସେଣାନ୍ ଲେକା କା ହବାକେଦ୍‌ଡେ ସେଣାନ୍ ଲେକା ହବାଅଃପେ । ୧୬ ଧବେନ୍ ସୁୟୋଗ୍‌କେ ବୁଗିଲେକା ବେଭାରେପେ, ଚିୟାଃତି ଦିପିଲିକଦ ଏଡ୍‌କାନ୍‌ଗିୟା । ୧୭ ତଣ୍ଡକଆଃ ଲେକା ଆଲ୍‌ପେ ହବାଅଃଆ, ମେନ୍‌ଦ ପ୍ରାଭୁଆଃ ଇଛାସାନାଙ୍ ଆଟ୍‌କାର୍‌ଉରୁମେପେ ।

୧୮ ଆପେୟାଃ ଜିୟନ୍ ରିକାଏତାନ୍ ଇଲିଆର୍‌ଖ୍‌ରେ ଆଲ୍‌ପେ ବୁଲଃଆ, ମେନ୍‌ଦ ଆମ୍‌କେ ପେରେଜଃପେ । ୧୯ ଧୁରାଙ୍, ଭାଜାନ୍ ଆତଃ ଆମ୍‌କେ ଦୁରାଙ୍‌ତାନ୍‌ଲଃ ମିହୁଡ୍ ଆତଃମିହୁଡ୍‌କେ ରାସ୍‌କାଲ୍‌ପେ । ମନ୍‌ସୁରୁଦ୍‌ରେୟାଃ ଦୁରାଙ୍‌ଡେ ପ୍ରାଭୁଆଃ ନୁଡ୍‌ମ୍‌ଡେ ଦୁରାଙ୍‌ୟେପେ । ୨୦ ସବେନ୍

✧ ୪:୩୨ ୪:୩୨ କଲସିୟ ୩:୧୩. ✧ ୫:୧୬ ୫:୧୬ କଲସିୟ ୪:୫. ✧ ୫:୧୯ ୫:୧୯ କଲସିୟ ୩:୧୬,୧୭.

ଇମତା ସବେନାଃ ନାଗେନ୍ତେ ପ୍ରାଭୁ ଯୀଶୁ ଖ୍ରୀଷ୍ଟୁଆଃ ନୁତୁମ୍ତେ ଆବା ପାର୍ମେଶ୍ୱାର୍‌କେ ଧାନ୍ୟାବାଦ୍ ଏମାଇପେ ।

କଡ଼ା ଆତଃ କୁଡ଼ି

୨୧ ଆପେ ଖ୍ରୀଷ୍ଟୁକେ ବରଭାକ୍ତିତାନ୍‌ଲଃ ମିହୁଡ୍ ଆତଃମିହୁଡ୍‌ତାଃରେ ଜିମାନ୍‌ପେ । ୨୨ କୁଡ଼ିକ, ଆପେ ପ୍ରାଭୁତାଃରେ ଜିମାନ୍‌ତାନ୍ ଲେକାଗି ଆପାନ୍ କଡ଼ାକତାଃରେ ଜିମାନ୍‌ପେ । ୨୩ କାଲିସିୟା ଚେତାନ୍‌ରେ ଖ୍ରୀଷ୍ଟୁଆଃ ଆକ୍‌ତେୟାର୍ ମେନାଃ ଲେକା କୁଡ଼ି ଚେତାନ୍‌ରେ କଡ଼ାରାଃ ଆକ୍‌ତେୟାର୍ ମେନାଃ, ଆତଃ ଖ୍ରୀଷ୍ଟୁଗି ଆୟାଃ ହଡ଼ମ୍ ଲେକାନ୍ କାଲିସିୟାରେୟାଃ ବାଞ୍ଚାଅନିଃ ତାନିଃ । ୨୪ କାଲିସିୟା ଆଇଃକ୍‌ଗି ଖ୍ରୀଷ୍ଟୁତାଃରେ ଜିମାନ୍‌ତାନ୍ ଲେକାଗି, କୁଡ଼ିକହ ଆକଗି ଆକଆଃ ଆପାନ୍ କଡ଼ାକତାଃରେ ଜିମାନ୍ ଲାଗାତିଙ୍ଗୟାଃ ।

୨୫ କଡ଼ାକ, ଖ୍ରୀଷ୍ଟୁ କାଲିସିୟାକେ ଦୁଲ୍‌ତକେଦ୍‌ତେ, ଏନା ନାଗେନ୍ତେ ଜୀଉ ଏମ୍‌କେଦାଏ ଏନ୍ ଲେକାଗି ଆପେ ଆପେୟାଃ କୁଡ଼ିକକେ ଦୁଲ୍‌ତକପେ । ୨୬ ଖ୍ରୀଷ୍ଟୁ କାଲିସିୟାକେ ଆୟାଃ ବାଚାନ୍ ଆତଃ ଦାଆଃତେ ଫାର୍‌ତିକେଦ୍‌ତେ ନିୟାର୍‌କେଦା ଆତଃ ପାର୍ମେଶ୍ୱାର୍‌ଆଃ ନାଗେନ୍ତେ ପାବିତାର୍ କାମି ନାଙ୍ଗ୍ ଜିମାକେଦାଏ, ୨୭ ଆତଃ କାଲିସିୟାକେ ପାବିତାର୍, ବେଗାର୍ ଚିଟାଃଅ, ବେଗାର୍ ଦାଗିୟଃ ଲେକା ପୁରାଃ ସୁଗାଡାନ୍‌ଗି ବାଇକେଦ୍‌ତେ ଆଇଃକ୍‌ଗି ତେଲ୍‌କେଦା । ୨୮ କଡ଼ାକ ଆପାନ୍ ହଡ଼ମ୍ ଲେକାଗି ଆର୍‌କାର୍‌କେଦ୍‌ତେ ଆପ୍‌ନାଃ କୁଡ଼ିକେ ଦୁଲ୍‌ତ ଲାଗାତିଙ୍ଗୟାଃ । ଜେତାଏ ଆପ୍‌ନାଃ କୁଡ଼ିକେ ଦୁଲ୍‌ତିନିଃ, ଆପାନ୍‌କେଗି ଦୁଲ୍‌ତାଃଏ । ୨୯ ଜେତାଏ ଆପ୍‌ନାଃ ହଡ଼ମ୍‌କେ ଚିତ୍‌ଲ୍‌ଆ କାଏ ହିଲ୍‌ଙ୍ଗ୍‌ଆଁ । ମେନ୍‌ଦ ହଡ଼ମ୍‌ରେୟାଃ ଲାଗାତିଙ୍ଗ୍‌ତେୟାଃକ ଜଗାଅ ପୁରାତାନ୍‌ଲଃ ଏନାକେ ଜାଡ୍‌ନାଅଏୟା, ଜେ'ଲେକାଗି ଖ୍ରୀଷ୍ଟୁ କାଲିସିୟାକେ ଜାଡ୍‌ନାଅଆ, ୩୦ ଚିୟାଃତି ଆବୁ ସବେନ୍‌କ ଆୟାଃ ହଡ଼ମ୍‌ରେନ୍ ହିସା ତାନ୍‌ବୁ । ୩୧ ଧାରାମ୍‌ପୁଅ୍‌ରେ କାଜିକାନା, “ନେଆଁ ନାଗେନ୍ତେ ହଡ଼ ଏଙ୍ଗା ଆତଃ ଆପୁକେ ବାଗିକେଦ୍‌ତେ ଆପ୍‌ନାଃ କୁଡ଼ିଲଃ ମେସାନାଃଏ ଆତଃ ଏନ୍ ବାରାନ୍‌କିନ୍ ମିଆଁଦ୍ ହଡ଼ମ୍‌କିନ୍ ହବାଅଃଆ ।” ୩୨ ନେଆଁରେ ଧାରାମ୍‌ପୁଅ୍‌ରେୟାଃ ମିଆଁଦ୍ ଉକୁଆକାନ୍ ସାର୍‌ତି କାଜି ଉନ୍‌ଦୁବ୍‌କାନା : ଏନା ଖ୍ରୀଷ୍ଟୁ ଆତଃ କାଲିସିୟା ନାଗେନ୍ତେ ଲାଗାତିଙ୍ଗୟାଃ ମେନ୍ତେଇଙ୍ଗ୍ ଆର୍‌କାର୍‌ଉରୁମେ ତାନା । ୩୩ ମେନ୍‌ଦ ନେଆଁ ଆପେ ନାଗେନ୍ତେୟାଗି ଲାଗାତିଙ୍ଗୟାଁ । ମିମିଆଦ୍ କଡ଼ା ଆପ୍‌ନାଃ କୁଡ଼ିକେ ଆପ୍‌ନାଃ ଲେକାଗି ଦୁଲ୍‌ତକିଏ ଆତଃ ମିମିଆଦ୍ କୁଡ଼ି ଆପ୍‌ନାଃ କଡ଼ାକେ ମାଇନ୍ ଲାଗାତିଙ୍ଗୟାଃ ।



ହନ୍‌କ ଆତଃ ଏଙ୍ଗାଆପୁକ

୧ ଏ ହନ୍‌କ, ପ୍ରାଭୁଆଃ ନାଗେନ୍ତେ ଆପେୟାଃ ଏଙ୍ଗାଆପୁକକେ ମାନାତିଙ୍ଗ୍‌କପେ, ଚିୟାଃତି ନେଆଁଗି ଠାଉକାତେୟାଃ ତାନାଃ । ୨ “ଆପେୟାଃ ଏଙ୍ଗାଆପୁକକେ ମାଇନ୍‌କପେ” ନେଆଁ ବାନାର୍‌ସାରେ ମେସାକାନ୍ ମିଆଁଦ୍ ପାହିଲା ଆନ୍‌ରୁ ତାନାଃ । ୩ “ଜେ'ଲେକାଗି ଆପେୟାଃ ବୁଗିନାଃ ହବାଅଃଆ ଆତଃ ଆପେ ନେ ଅତେରେ ପୁରାଃ ସିମାପେ ଜୀହୁଦଃଆ ।”

୪ ହେ ଆପୁକ, ଆପେୟାଃ ହନ୍‌କକେ ଆଲ୍‌ପେ ଖ୍‌ସ୍‌ଇତିକଆ, ମେନ୍‌ଦ ଇନ୍‌କୁକେ ପ୍ରାଭୁଆଃ ଇନ୍‌ତୁ ଆତଃ ଚେନେତାଅତେ ଜାଡ୍‌ନାଅକପେ ।

କିରିଙ୍ଗୟାକାନ୍ ଦାସିକ ଆତଃ ଗୁସିୟାକ

୫ ହେ କିରିଙ୍ଗୟାକାନ୍ ଦାସିକ, ଆପେ ଖ୍ରୀଷ୍ଟୁକେ ମାନାତିଙ୍ଗ୍‌ତାନ୍ ଲେକାଗି, ମନ୍‌ସୁରୁଦ୍‌ରେ ବରତେ ଏକ୍‌ଲାଅଃତାନ୍‌ଲଃ ଅତେରେନ୍ ମାନ‌ଖା ଗୁସିୟାକକେ ମାନାତିଙ୍ଗ୍‌କପେ । ୬ ଗୁସିୟା ଆପେକେ ନେଲ୍‌ପେତାନ୍ ଇମ୍‌ତା ଆଇଃକ୍‌କେ ସୁକୁଇତି ନାଗେନ୍ତେ ଏସ୍‌କାର୍ କା କାମିକେଦ୍‌ତେ, ଖ୍ରୀଷ୍ଟୁଆଃ କିରିଙ୍ଗୟାକାନ୍ ଦାସିଲେକା ଆପେୟାଃ ସବେନ୍ ମନ୍‌ସୁରୁଦ୍‌ଲଃ ପାର୍ମେଶ୍ୱାର୍‌ଆଃ ମନେ ଲେକା କାମିପେ । ୭ ଆପେ ହଡ଼କଆଃ ଏସ୍‌କାର୍ ସୁସାର୍‌ତାନାଲେ ମେନ୍ତେ କା ଉଡ୍‌ଖୁକେଦ୍‌ତେ, ପ୍ରାଭୁଆଃ ସେଞ୍ଜାତାନାଲେ ମେନ୍ତେ ପୁରାଃ ସୁକୁମନ୍‌ତେ ଏନା କାମିପେ । ୮ ପାହାମାକାପେ, କିରିଙ୍ଗୟାକାନ୍ ଦାସି ଚାଏ କା କିରିଙ୍ଗୟାକାନ୍ ଦାସି ସବେନ୍ ମିମିଆଦ୍ ହଡ଼କଆଃ ବୁଗିନ୍ କାମିରେୟାଃ ନାଲା ପ୍ରାଭୁଗି ଏମାକଆ ।

୯ ହେ ଗୁସିୟାକ, ଆପେୟାଃ କିରିଙ୍ଗୟାକାନ୍ ଦାସିକକେୟ ଏନ୍‌ଲେକାଗି ନେଲ୍‌କପେ ଆତଃ ଇନ୍‌କୁକେ ଆଲ୍‌ପେ ବଡ଼ଙ୍ଗ୍‌କଆ । ପାହାମାକାପେ, ଆପେ ଆତଃ ଆପେୟାଃ କିରିଙ୍ଗୟାକାନ୍ ଦାସିକ ସିମାରେନ୍ ପ୍ରାଭୁଆଃ ତାନ୍‌ପେ । ଇନିଃ ସବେନ୍‌କକେ ମିଦ୍‌ଗି ବିଚାର୍‌କଆ ।

☆ ୫:୨୨ ୫:୨୨ କଲସିୟ ୩:୧୮; ୧ ପାଡ଼ରାସ୍ ୩:୧. ☆ ୫:୨୫ ୫:୨୫ କଲସିୟ ୩:୧୯; ୧ ପାଡ଼ରାସ୍ ୩:୭. ☆ ୬:୧ ୬:୧ କଲସିୟ ୩:୨୦. ☆ ୬:୪ ୬:୪ କଲସିୟ ୩:୨୧. ☆ ୬:୫ ୬:୫ କଲସିୟ ୩:୨୨-୨୫. ☆ ୬:୯ ୬:୯ କଲସିୟ ୪:୧; କଲସିୟ ୩:୨୫.

ଆତ୍ମିକରେୟାଃ ଗଟା ହାଁତେୟାର୍

^{୧୦} ଚୁଣ୍ଡିଚୁର, ପ୍ରାଭୁଲଃ ମେସାକେଦ୍‌ତେ ଆୟାଃ ମାରାଙ୍ଗ୍ ପେଡ଼େଃରେ ପୁରାଃଗି ପେଡ଼େଜଃପେ ।
^{୧୧} ପାର୍ମେଶ୍ଵାର୍ ଏମାକାଦ୍ ସବେନ୍ ହାଁତେୟାର୍ ତୁସିୟେନ୍‌ପେ, ଜେ'ଲେକାଟି ଆପେ ସାଏତାନରାଃ
ଏଡକାନ୍ କାମିରେପେ ତିଙ୍ଗୁ ଦାଡ଼ିୟା । ^{୧୨} ଚିୟାଃଗି ଆବୁ ଅତେରେନ୍ ମାନଝାକଆଃ ବିରୁଧ୍‌ରେ କାବୁ
ଲାଡ଼ାଇତାନା ମେନ୍‌ଦ ସିମା ଠାୟାଦକରେନ୍ ଏଡକାନ୍ ଆମ୍ବରେୟାଃ ପେଡ଼େଃ ଆଡ଼ଃ ନେ ନୁବଃ
ଦିପିଲିରେ ରାଇଜ୍‌ତାନକଆଃ, ଆକଡେୟାର୍‌ତାନକଆଃ ବିରୁଧ୍‌ରେ ଲାଡ଼ାଇତାନାବୁ । ^{୧୩} ଏନାତେ
ନାହାଁଃ ପାର୍ମେଶ୍ଵାର୍ ଏମାକାଦ୍ ହାଁତେୟାର୍ ତୁସିଙ୍ଗ୍‌କେଦ୍‌ତେ ଏଡକାନ୍ ଦିପିଲିରେ ଆପେ ବାଇରିକଆଃ
ଲାଡ଼ାଇରେ ତିଙ୍ଗୁ ଦାଡ଼ିୟାପେ, ଆଡ଼ଃ ଚୁଣ୍ଡି କ୍ଳାକେଦ୍ ଲାଡ଼ାଇରେୟ୍ କେଟେଦ୍‌ରେ ତାଇନ୍ ଦାଡ଼ିୟାପେ ।

^{୧୪} ଏନା ନାଗେନ୍ତେ ଆପେୟାଃ ମାୟାଙ୍ଗ୍‌ରେ ସାନାର୍‌ତିରେୟାଃ କାସ୍‌ନାତେ ତଲାକାନ୍ ଆଡ଼ଃ
ଧାରାମ୍‌ରେୟାଃ ବୁକୁପାଟା ତୁସିଙ୍ଗ୍‌କେଦ୍‌ତେ ତିଙ୍ଗୁନ୍‌ପେ, ^{୧୫} କାଟାରେ ଜୀଉସୁକୁରେୟାଃ ସୁକୁକାଜି
ଲେକାନ୍ ଖାର୍‌ପା ତୁସିଙ୍ଗ୍‌କାନ୍‌ଲଃ ସେକାଡ଼କେଦ୍‌ତେ ତିଙ୍ଗୁନ୍‌ପେ । ^{୧୬} ସବେନ୍ ଇମ୍‌ତା, ବିଶ୍ଵାସକେ
ଜାଲ୍ ଲେକା ସାବ୍‌କେଦ୍‌ତେ ସେସେନ୍‌ପେ, ନେଆଁରେୟାଃ ଦେଙ୍ଗାତେ ଏଡକାନ୍ ହରାତେ ହୁରାଙ୍ଗ୍‌ଅଃତାନ୍
ସବେନ୍ ଜୁଲ୍‌ତାନ୍ ସେଙ୍ଗେଲ୍‌ରେୟାଃ ସରକକେ ହକା ଦାଡ଼ିୟାପେ । ^{୧୭} ପାରିତ୍ରାଣ୍‌ରେୟାଃ ଚୁପୁରି
ଆଡ଼ଃ ପାବିତାର୍ ଆମ୍ବା ଏମାକାଦ୍‌ପେ ପାର୍ମେଶ୍ଵାର୍‌ଆଃ ବାଚାନ୍ ଲେକାନ୍ ତାରାଉଡ଼ି ନାମ୍‌ଜମ୍‌ପେ ।
^{୧୮} ପାର୍ମେଶ୍ଵାର୍‌ଆଃ ଦେଙ୍ଗା ଆସିକେଦ୍‌ତେ ବିକ୍ତି ହରାତେ ନେ ସବେନଃ ରିକାଏପେ । ସବେନ୍ ଲେକାତେ
ପାବିତାର୍ ଆମ୍ବରେୟାଃ ହରାତେ ବିକ୍ତିପେ । ଚିର୍ଗାଲାକାନ୍ ତାଇନ୍‌ପେ, ଚିଉଲାଅ ଆଲୁପେ ଲାଗାଃଅଆ,
ପାର୍ମେଶ୍ଵାର୍‌ଆଃ ହଡକ ନାଗେନ୍ତେ ସବେନ୍ ଇମ୍‌ତା ବିକ୍ତିରେ ତାଇନ୍‌ପେ । ^{୧୯} ଆଇୟାଃ ନାଗେନ୍ତେୟ୍
ବିକ୍ତିପେ, ଜେ'ଲେକାଟି ସୁକୁକାଜିରେୟାଃ ଉକୁଆକାନ୍ କାଜିକେ ବେଗାର୍ ବରତେ ଉଦୁବ୍ ନାଙ୍ଗ୍
ପାର୍ମେଶ୍ଵାର୍ ଆଇଙ୍ଗ୍‌କେ ଦେଙ୍ଗାଙ୍ଗ୍‌ୟା । ^{୨୦} ନାହାଁଃ ଆଇଙ୍ଗ୍ ଜେହେଲ୍‌ରେ ସିକିଡ଼ିକାନ୍ ତାଇନ୍‌ରେୟ୍,
ସୁକୁକାଜି ନାଗେନ୍ତେ ଆଇଙ୍ଗ୍ ମିଆଁଦ୍ କାଜି ଇଦିସେଟେର୍ ହଡ ତାନିଙ୍ଗ୍ । ବିକ୍ତିପେ, ଜେ'ଲେକାଟି ଆଇଙ୍ଗ୍
ବେଗାର୍ ବରତେ ସୁକୁକାଜିଇଙ୍ଗ୍ ଉଦୁବ୍ ଦାଡ଼ିୟା ।

ଚୁଣ୍ଡି କୁହାର୍

^{୨୧} ଆଇୟାଃ ବିଷାଏରେ ଆପେ ଜେ'ଲେକା ସାରି ଦାଡ଼ିୟାପେ, ଏନାମେନ୍ତେ ଆଲେୟାଃ ଦୁଲାଡ଼୍‌ହାଗା
ଆଡ଼ଃ ପ୍ରାଭୁଆଃ କାମିତାନ୍ ପାତିୟାରଃ ଲେକାନ୍ ଦାସି ତୁଖ୍‌କ୍, ଆଇୟାଃ ବିଷାଏରେ ଆପେକେ ସବେନ୍
କାଜି କାଜିୟାପେଆ । ^{୨୨} ଆଲେ ସବେନ୍‌କ ଚିଲ୍‌କା ମେନାଲେୟା, ଏନ୍ ବିଷାଏରେ ଉଦୁବ୍‌କେଦ୍‌ତେ
ଆପେୟାଃ ଜୀଉରେ ରାସ୍‌କାପେ ନାଗେନ୍ତେ ଆଇଙ୍ଗ୍ ଇନିଃକେ ଆପେତାଃତେଇଙ୍ଗ୍ କୁଲିତାନା ।

^{୨୩} ଆବା ପାର୍ମେଶ୍ଵାର୍ ଆଡ଼ଃ ପ୍ରାଭୁ ଯୀଶୁ ଖ୍ରୀଷ୍ଟ୍ ବିଶ୍ଵାସୀ ହାଗା ମିଶିକକେ ଜୀଉସୁକୁ, ଦୁଲାଡ଼୍‌ଆଡ଼ଃ
ବିଶ୍ଵାସ୍ ଏମାକକାଏ । ^{୨୪} ଅକନ୍‌କ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟ୍‌କେ କା ଚୁଣ୍ଡି ଦୁଲାଡ଼୍‌ତେ ଦୁଲାଡ଼୍‌ତାନାକ,
ଇନ୍‌କୁଲଃ ପାର୍ମେଶ୍ଵାର୍‌ଆଃ ସାୟାଦ୍ ହବାଅଃକା ।

☆ ୭:୨୧ ୭:୨୧ ପ୍ରେରିଡ୍ ୨୦:୪; ୨ ଡିମଥ୍ ୪:୧୨. ☆ ୭:୨୧ ୭:୨୧ କଲସିୟ ୪:୭,୮.

ଫିଲିପୀୟମାନଙ୍କ ନିକଟକୁ ପାଉଲଙ୍କ ପତ୍ର ଫିଲିପିୟ ବିଶ୍ୱାସୀକତାଃତେ ପ୍ରେରିତ୍ ପାଉଲୁସ୍‌ଆଃ ଚିଟାଉ ପାରିଟାଏ

ୟୀଶୁ ଖ୍ରୀଷ୍ଟ୍‌ଆଃ ଜାନାମ୍‌ରେୟାଃ ୬୧ ବାରାଷ୍ଟ ତାୟମ୍‌ତେ, ପାଉଲୁସ୍ ଫିଲିପି କାଲିସିୟାରେନ୍ ବିଶ୍ୱାସୀ ହାଗା ମିଶିକତାଃତେ ନେ ଚିଟାଉ ଅଲ୍ଲାକାଦ୍ ତାଇକେନାଏ । ହବାସାକାଅଥାଃ ପାଉଲୁସ୍ ରୋମ୍‌ରେ ଜେହେଲ୍ଲାକାନ୍ ତାଇକେନ୍ ଇମ୍‌ତା ନେ ଚିଟାଉ ଅଲ୍ଲାକାଦ୍ ତାଇକେନାଏ ୧:୧୩ ।

ଫିଲିପି ସାହାର୍‌ରେ ବାଇୟାକାନ୍ କାଲିସିୟାକତାଃତେ ନେ ଚିଟାଉ ଅଲ୍ଲାକାନ୍ ତାଇକେନା । ଆବୁ ପ୍ରେରିତ୍ ପୁଅକରେ ହଗି ଫିଲିପି ଚିଟାଉ ବିଷାଏରେ ଚିମିନ୍ କାଜିକ ସାରିନାମ୍ ତାନାବୁ । ଫିଲିପି ମାକିଦନିଆ ପାର୍‌ଗାନ୍‌ରେୟାଃ ମାରାଙ୍ଗ୍ ସାହାର୍ ତାଇକେନା । ନେଆଁ ମାକିଦନିଆରେ ହବାକାନ୍ ପାହିଲା କାଲିସିୟା ତାଇକେନା । ପାଉଲୁସ୍ ଆତଃ ସିଲାସ୍ ବାରାନ୍‌କିନ୍ ମେସାକେଦ୍‌ତେ ନେ କାଲିସିୟା ଏଟେଦ୍‌କାଦ୍ ତାଇକେନାକିନ୍ । ଆତଃ ଇନ୍‌କିନ୍ ଏନ୍ତାଃରେ ତାଇକେନ୍ ଇମ୍‌ତା ମିଦ୍ ନିଦା ନାଙ୍ଗ୍ ଜେହେଲ୍‌ରେ ହାଣ୍ଡେଦାକାନ୍ ତାଇକେନାକିନ୍ ପ୍ରେରିତ୍ ୧୬ ।

ହବାସାକାଅଥାଃ ପାଉଲୁସ୍‌ଆଃ ନେ ଚିଟାଉ ଅନଲ୍‌ରେ ପୁରାଃଗି ଉଦ୍‌ବେଶ୍ ତାଇନ୍‌ସାକାଅଥା । କାଲିସିୟାରେନ୍ ହଡକ ପାଉଲୁସ୍ ଜେହେଲ୍ଲାକାନାଏ ମେନ୍ତେ ଆୟୁମ୍‌କେଦ୍‌ଚି ଦାନ୍ ହାରମ୍‌କେଦ୍‌ତେ, ଆୟାଃତାଃ ଦାନ୍ କୁଲାକାଦ୍ ନାଙ୍ଗ୍ କାଲିସିୟାକେ ଧାନ୍ୟାବାଦ୍ ଏମ୍‌ରାଃ ଉଦ୍‌ବେଶ୍‌ରେ ନେ ଚିଟାଉ ଅଲ୍ଲାକାନା ୪:୧୦-୧୯ । ଇନିଃ ଆୟାଃ ଜେହେଲ୍ଲାକାନ୍ ଇମ୍‌ତାରେୟାଃ କାଜିକ ଉଦ୍‌ବେଦ୍‌ଲଃ କାଲିସିୟାରେନ୍ ତାମଥ୍ ଆତଃ ଏପାପ୍ରାଦିତ୍‌କେ କାମି ନାଙ୍ଗ୍ ସାଲାକାଦ୍‌କିନାଏ, ବିଶ୍ୱାସୀକ ଇନ୍‌କିନ୍‌କେ ଜେ'ଲେକା ମାଇନ୍‌କେଦ୍‌ତେ ଜହାର୍‌କିନାକ ଆତଃ ଆକିନାଃ ଆଗୁଆଇରେ ମାଇନ୍‌କିନାକ ୨:୧୯-୩୦ ।

ପୁଅ ବିତାର୍‌ରେ ତାଇକାନ୍ କାଜି

- ୧. ପାଉଲୁସ୍ ଫିଲିପି କାଲିସିୟାକେ ଜହାର୍ କାଜିତାନାଏ । ୧:୧-୨
- ୨. ପାଉଲୁସ୍‌ଆଃ ଦୁକୁ ନେତା ଆତଃ ଆୟାଃ ଉଡ଼ୁକ । ୧:୩-୨:୩୦
- ୩. ଖ୍ରୀଷ୍ଟ୍ ଲେକା ଜୀଝାନ୍ ବିତାଅ ନାଗେନ୍ତେ ବିଶ୍ୱାସୀ ହାଗା ମିଶିକକେ ପାଉଲୁସ୍‌ଆଃ ଆନ୍‌ରୁ । ୩:୧-୪:୯
- ୪. ପାଉଲୁସ୍ ଫିଲିପି କାଲିସିୟାକେ ଜହାର୍ ଆତଃ ଧାନ୍ୟାବାଦ୍ ଏମ୍‌ତାନାଏ । ୪:୧୦-୨୩

ଜହାର୍ ଆତଃ ପାଉଲୁସ୍‌ଆଃ ବିକ୍ତି

୧ *ଫିଲିପି ସାହାର୍‌ରେନ୍ ଯୀଶୁ ଖ୍ରୀଷ୍ଟ୍‌ଲଃ ମେସାକାନ୍ ପାର୍‌ମେଶ୍ୱାର୍‌ଆଃ ହଡକକେ, ଆତଃ କାଲିସିୟାରେନ୍ ଆଗୁଆଇକକେ, ଆତଃ ତିକାନ୍‌କକେ ଯୀଶୁ ଖ୍ରୀଷ୍ଟ୍‌ଆଃ ଦାସି ପାଉଲୁସ୍ ଆତଃ ତାମଥ୍‌ଆଃ ଚିଟାଉ, ୨ ଆବୁଆଃ ଆପୁ ପାର୍‌ମେଶ୍ୱାର୍ ଆତଃ ପ୍ରାଭୁ ଯୀଶୁ ଖ୍ରୀଷ୍ଟ୍ ଆପେକେ ସାୟାଦ୍ ଆତଃ ଜୀଉସୁକୁ ଏମାପେକାଏ ।

୩ ଆଇଙ୍ଗ୍ ଆପେକେ ଚିମିନ୍‌ସାଇଙ୍ଗ୍ ପାହାମ୍‌ପେତାନା, ଇମିନ୍‌ସା ଆଇଁୟାଃ ପାର୍‌ମେଶ୍ୱାର୍‌କେଇଙ୍ଗ୍ ଜହାରିତାନା । ୪ ଆତଃ ସବେନ୍ ଦିପିଲିରେ ଆଇଙ୍ଗ୍ ଆପେ ସବେନ୍‌କ ନାଗେନ୍ତେ ସୁକୁତେଇଙ୍ଗ୍ ବିକ୍ତିତାନା, ୫ ତିଆଃତି ଆପେ ଆପେୟାଃ ବିଶ୍ୱାସ୍‌ରେୟାଃ ଏନେଟେଦ୍ ହୁଲାଙ୍ଗ୍‌ତାଃଏତେ ନାହାଁଃ ଜାକେଦ୍ ସୁକୁକାଜିରେୟାଃ କାମିରେ ଆଇଙ୍ଗ୍‌କେପେ ଦେଙ୍ଗାକାଦିୟାଁ । ୬ ଆତଃ ଆଇଙ୍ଗ୍ ପୁରାଃ ପକ୍‌ତାକେଦ୍‌ତେ ବିଶ୍ୱାସ୍ ତାନାଇଙ୍ଗ୍, ଅକନ୍ ପାର୍‌ମେଶ୍ୱାର୍ ଆପେରେ ବୁଗିନ୍ କାମି କାମି ଏଟେଦ୍‌କାଦାଏ, ଯୀଶୁ ଖ୍ରୀଷ୍ଟ୍‌ରାଃ ହିଜୁଃଦିପିଲି ହୁଲାଙ୍ଗ୍‌ରେ ନେଆଁ ଚାବାଃଅ ଜାକେଦ୍ ଇନିଃ ଏନାକେ ପୁରାଏୟା । ୭ ଆପେ ସବେନ୍‌କ ସବେନ୍ ଇମ୍‌ତା ଆଇଁୟାଃ ମନ୍‌ସୁରୁଦ୍‌ରେ ମେନାପେୟା, ଏନା ନାଗେନ୍ତେ ଆପେୟାଃ ବିଷାଏରେ ନେ'ଲେକାଇଙ୍ଗ୍ ଉଡ଼ୁକେଦା । ଆଇଙ୍ଗ୍ ତନଲ୍‌ହେତେ ରାଡ଼ାକାନ୍ ଦିପିଲିରେ ଆତଃ ନାହାଁଃ ନେ ଜେହେଲ୍ଲାକାନ୍ ଦିପିଲିରେ, ନେ ବାରାନାଃରେ ସୁକୁକାଜିରେୟାଃ ସାନାର୍‌ତିରେ ତିଙ୍ଗ୍‌କେଟେଦ୍ ଆତଃ ଏଗାଃକକେ ଉଦ୍‌ବେଦ୍‌ରେୟାଃ ଅକ ସୁଯୋଗ୍ ପାର୍‌ମେଶ୍ୱାର୍ ଏମାକାଦିୟାଁଏ, ଏନାରେ ଆପେ ସବେନ୍‌କ ହିସାପେ ନାମାକାଦା । ୮ ତିଆଃତି ଯୀଶୁ ଖ୍ରୀଷ୍ଟ୍‌ଆଃ ଇକିରାନ୍ ଦୁଲାଡ୍ ହରାତେ ଆଇଙ୍ଗ୍ ଆପେ ସବେନ୍‌କ ନାଗେନ୍ତେ ଚିଲ୍‌କାଇଙ୍ଗ୍ ତେତାଙ୍ଗ୍ ତାନା, ଏନ୍ ବିଷାଏରେ ପାର୍‌ମେଶ୍ୱାର୍ ଆଇଁୟାଃ ଗାଝା ତାନିଃ ।

୯ ଆଇଙ୍ଗ୍ ବିକ୍ତିତାନାଇଙ୍ଗ୍, ଆପେୟାଃ ଦୁଲାଡ୍ ସାର୍‌ତି ସେଣ୍‌ଲିଃ ଆତଃ ଆଟ୍‌କାର୍‌ଉରୁମ୍‌ଫାଲଃ ମିସାତେ ପୁରାଃଗି ହାରାଇଦିୟାକା । ୧୦ ଏନାତେ ଆପେ ଅକ୍‌ନାଃ ବୁଗିନାଃ ତାନାଃ ଏନାପେ ଆଟ୍‌କାର୍‌ଉରୁମ୍‌

* ୧:୧ ୧:୧ ପ୍ରେରିତ୍ ୧୭:୧୨.

ଦାଢ଼ିୟା । ଏନ୍ତେ ଆପେ ଖ୍ରୀଷ୍ଟୁଆଃ ହିନିକୁଃ ହୁଲାଙ୍ଗ୍ରେ ସବେନ୍ ଲେକାନ୍ ସତରାଏତେ ଫାଟ୍ଟି ଆଡ଼ଃ କା ଚିଟାକାନ୍ ତାଇନାଃପେ । ୧୧ ପାର୍ମେଶ୍ଵାରୁଆଃ ମାନାରାଙ୍ଗ୍ ଆଡ଼ଃ ସାହାରାଅ ନାଗେନ୍ତେ ଆପେୟାଃ ଜୀଦାନ୍ ଯୀଶୁ ଖ୍ରୀଷ୍ଟୁଆଃ ଏମାକାନ୍ ସବେନ୍ ବୁଗିନ୍ ଗୁନ୍ତେ ପେରେଜଃଆ ।

ବାସ୍ତାଅରେୟାଃ ମୁଣ୍ଡିଦ ଖ୍ରୀଷ୍ଟୁ

୧୨ ହେ ଦୁଲାଡ଼୍ ହାଗା ମିଶିକ, ଆଇଙ୍ଗ୍ ନେଆଁ ସାରିପେ ମେନ୍ତେଇଙ୍ଗ୍ ସାନାଙ୍ଗ୍ତାନା, ଅକନ୍ କାଜିକ ଆଇଁୟାଃରେ ହବାକାନା, ଏନା ସୁକୁକାଜିକେ ଆୟାରୁତେ ଇଦି ନାଗେନ୍ତେ ଦେଙ୍ଗାକାଦା । ୧୩ ଏନାତେ, ମାହାଲକେ ହରତାନ୍ ନେତାଃରେନ୍ ସବେନ୍କ ଆଡ଼ଃ ଏଟାଃ ସବେନ୍କ ସାରିୟାଃକ ଯେ, ଆଇଙ୍ଗ୍ ଖ୍ରୀଷ୍ଟୁଆଃ ଦାସି ହବାକାନ୍ ହରାତେ ନାହାଁଃ ଜେହେଲ୍ଲରାଃ ସିକିଡ଼ିତେଇଙ୍ଗ୍ ତଲାକାନା । ୧୪ ମେନ୍ଦ ଆଇଙ୍ଗ୍ ଜେହେଲ୍ଲରାଃ ସିକିଡ଼ିତେଇଙ୍ଗ୍ ତଲାକାନ୍ ହରାତେ ପୁରାଃ ବିଶ୍ଵାସୀ ହାଗା ମିଶିକଆଃ ବିଶ୍ଵାସ୍ ପ୍ରାଭୁରେ ପୁରାଃଗି ହବାକାନା, ଆଡ଼ଃ ନେ ହରାତେ ବେଗାର୍ ବରତାନ୍ଲଃ ପାର୍ମେଶ୍ଵାରୁଆଃ ବାଚାନ୍ ଉଦୁବ୍ ନାଗେନ୍ତେ ଇନ୍କୁଆଃ ଜୀଉରେ କେଟେଦ୍ ହବାକାନା ।

୧୫ ଇନ୍କୁଏତେ ଚିମିନ୍ ହଡ଼କ ଖ୍ରୀଷ୍ଟୁଆଃ ବିଷାଏରେ ହିସ୍ତଙ୍ଗାତାନ୍ଲଃ ଆଡ଼ଃ ଏପେରାଙ୍ଗ୍ତାନ୍ଲଃ ବାଚାନ୍ ହାଟିଙ୍ଗ୍ତାନାକ, ମେନ୍ଦ ଚିମିନ୍ ହଡ଼କ ଖ୍ରୀଷ୍ଟୁ ବିଷାଏରେ ଫାଟ୍ଟି ମନ୍ତେ କାମିତାନାକ । ୧୬ ଇନ୍କୁ ଦୁଲାଡ଼୍ତାନ୍ ହରାତେ ବାଚାନ୍ ଉଦୁବ୍ତାନାକ । ପାର୍ମେଶ୍ଵାର୍ ଆଇଙ୍ଗ୍ ସୁକୁକାଜି ବାସ୍ତାଅରାଃ କାମି ଏମାକାଦିୟାଁ, ଏନା ସାରିତାନାକ । ୧୭ ଏଟାଃକ ଫାଟ୍ଟିମନ୍ତେ ଖ୍ରୀଷ୍ଟୁଆଃ ବାଚାନ୍ କାକ ଉଦୁବ୍, ମେନ୍ଦ ଆପ୍ତନାଃ ସାନାଙ୍ଗ୍ ପୁରାଏ ନାଗେନ୍ତେକ କାମିକେଦା । ଆଇଙ୍ଗ୍ ଜେହେଲ୍ଲରାଃ ସିକିଡ଼ିତେ ତଲାକାନ୍ ତାଇକେନ୍ ଇମ୍ତା ଆଇଁୟାଃ ମନ୍ତେ ପୁରାଃ ଦୁକୁ ଏମାଇଙ୍ଗ୍ ନାଗେନ୍ତେ ଇନ୍କୁ ଏନ୍ଲେକା କାମି ରିକାତାନାକ ।

୧୮ ଏନାରେ ଜେତାନ୍ କାଜି ବାନଃଆ । ସାର୍ଡି ଉଦେଶ୍ରେ ହବାଃଆ ଚାଏ ଏଡ଼କାନ୍ ଉଦେଶ୍ରେ ହବାଃଆ, ଜେଡନାଃତେ ହବାଃଆ, ଖ୍ରୀଷ୍ଟୁଆଃ ବିଷାଏରେୟାଃ କାଜି ଉଦୁବଃରେ, ଆଇଙ୍ଗ୍ ରାସ୍କାଃଆଇଙ୍ଗ୍ ଆଡ଼ଃ ରାସ୍କା କାତେୟଃଇଙ୍ଗ୍, ୧୯ ଚିଆଃଟି ଆଇଙ୍ଗ୍ ସାରିତାନାଇଙ୍ଗ୍ ଆପେୟାଃ ବିନ୍ତି ଆଡ଼ଃ ଯୀଶୁ ଖ୍ରୀଷ୍ଟୁଆଃ ଆମ୍ବାରେୟାଃ ଦେଙ୍ଗା ହରାତେ ଆଇଙ୍ଗ୍ ତନଲ୍ଲହେତେ ରାଡ଼ାକାନାଇଙ୍ଗ୍ । ୨୦ ଜୀଦାନ୍ରେ ଚାଏ ଗନଏଃରେ ଆଇଙ୍ଗ୍ ଖ୍ରୀଷ୍ଟୁଆଃ କାମି ଚିତଲାଅ କାଇଙ୍ଗ୍ ବାରିୟା । ମେନ୍ଦ ସବେନ୍ ଇମ୍ତା ବିଶେଷ୍ଟକେଦ୍ତେ ନେ ଏଡ଼କାନ୍ ହୁଲାଙ୍ଗ୍ରେ ଜୀଉ କେଟେଦ୍ତାନ୍ଲଃ ପୁରାଗି ଆଇଙ୍ଗ୍ ଆଇଁୟାଃ ହଡ଼ମ୍ରେ ଖ୍ରୀଷ୍ଟୁକେ ମାଇନାନ୍ ରିକାୟାଇଙ୍ଗ୍, ଏନାଗି ଆଇଁୟାଃ ପୁରାଃ ଆସ୍ତା ଆଡ଼ଃ ଭାର୍ସା ତାନାଃ । ୨୧ ଆଇଁୟାଃ ଜୀନିଦ୍ରେ ଖ୍ରୀଷ୍ଟୁଗି ସବେନାଃ ତାନିଃ । ଏନାତେ ଆଇଁୟାଃ ନାଙ୍ଗ୍ ଗନଏଃ ପୁରାଃଗି ବୁଗିନାଃ ହବାଃଆ । ୨୨ ମେନ୍ଦ ଆଇଙ୍ଗ୍ ହାସା ହଡ଼ମ୍ରେ ଜୀନିଦ୍ ତାଇକେଦ୍ତେ ପୁରାଃଗି ଜ'ନାମଃ ଲେକାଇଙ୍ଗ୍ କାମି ଦାଡ଼ିତାନ୍ରେଦ୍, ଜୀଦାନ୍ ଚାଏ ଗନଏଃ ଅକ୍ନାଃକେଇଙ୍ଗ୍ ସାଲାଏୟା ଏନା ଆଇଙ୍ଗ୍ କାଇଙ୍ଗ୍ ସାରିଦାଡ଼ିତାନା । ୨୩ ନେ ବାରାନ୍ କାଜି ଆଇଙ୍ଗ୍ ବାରାନ୍ସାଃତେ ତାହୁଜିଇଙ୍ଗ୍ତାନା । ନେ ଜୀଦାନ୍ ବାଗିକେଦ୍ତେ ଖ୍ରୀଷ୍ଟୁଲଃ ତାଇନଃ ନାଗେନ୍ତେ ଆଇଁୟାଃ ପୁରାଃଗି ସାନାଙ୍ଗ୍ ଆଡ଼ଃ ପୁରାଃଗି ବୁଗିନାଃ ତାନାଃ । ୨୪ ମେନ୍ଦ ଆପେ ନାଗେନ୍ତେ ହାସା ହଡ଼ମ୍ରେ ଜୀନିଦ୍ ତାଇନଃ ଆଇଙ୍ଗ୍ ପୁରାଃଗି ଲାଗାଡିଙ୍ଗ୍ୟାଃ । ୨୫ ନେଆଁ ଆଇଙ୍ଗ୍ ସାର୍ଡିଗିଙ୍ଗ୍ ସାରିତାନା, ଆଇଙ୍ଗ୍ ଆପେ ସବେନ୍କଲଃ ତାଇନାଇଙ୍ଗ୍, ଆଡ଼ଃ ଆପେକେ ବିଶ୍ଵାସ୍ରେଇଙ୍ଗ୍ ହାରାଇଦିପେୟା ଆଡ଼ଃ ଜୀଉରେ ରାସ୍କା ନାମେ ନାଗେନ୍ତେଇଙ୍ଗ୍ ଦେଙ୍ଗାପେୟା । ୨୬ ତାବ୍ଦ୍, ଆଇଙ୍ଗ୍ ଆପେଲଃ ଆଡ଼ଃମିସା ତାଇନ୍ରେ, ଆପେ ଜୀଦାନ୍ରେ ଖ୍ରୀଷ୍ଟୁଲଃ ମେନେସାରେ ତାଇନ୍ ହରାତେ ଆଇଁୟାଃ ନାଙ୍ଗ୍ ପୁରାଃଗି ଆପାନ୍କେ ମାରାଙ୍ଗ୍ ମେନ୍ତେ କାଜିନ୍ ଦାଡ଼ିୟାଃପେ ।

୨୭ ଆଇଙ୍ଗ୍ ଆପେକେ ନେନେଲ୍ ନାଗେନ୍ତେ ସେନ୍ ଦାଡ଼ି ଚାଏ କା ଦାଡ଼ି, ନାହାଁଃ କାଜି ହବାଃଆତାନା, ଆପେ ଖ୍ରୀଷ୍ଟୁଆଃ ସୁକୁକାଜିରେୟାଃ ଲାଗାଡିଙ୍ଗ୍ ଲେକାଗି ଜୀଦାନ୍ ବିତାଏପେ, ଜେ'ଲେକାଟି ଆଇଙ୍ଗ୍ ଆୟୁମେୟାଈଙ୍ଗ୍ ଯେ ଆପେ ମିଆଁଦ୍ ଆମ୍ବାରେ ତିଙ୍ଗୁ କେଟେଦ୍କାନାପେ ଆଡ଼ଃ ମିଆଁଦ୍ଗି ଭାର୍ସାଲଃ ଆପେ ସୁକୁକାଜିରେୟାଃ ବିଶ୍ଵାସ୍ ନାଗେନ୍ତେ ମିସାତେ ଲାଡ଼ାଇତାନାପେ । ୨୮ ଆପେୟାଃ ବାଇରିକକେ ଆଲପେ ବରକଆ, ସବେନ୍ ଇମ୍ତା ଜୀଉ କେଟେଦ୍କେଦ୍ତେ ତାଇନ୍ପେ । ଏନାରେ, ଇନ୍କୁ ସାରି ଦାଡ଼ିୟାକ ଯେ, ଇନ୍କୁଆଃ ହାରାଏ ସାର୍ଡି ତାନାଃ ଆଡ଼ଃ ଆପେ ଜିତାଃଆଃପେ, ଚିଆଃଟି ପାର୍ମେଶ୍ଵାର୍ ଆପେକେ ଜିନିତାଏ ଏମାପେୟାଏ । ୨୯ ଚିଆଃଟି ଖ୍ରୀଷ୍ଟୁତାଃରେ ବିଶ୍ଵାସ୍କେଦ୍ ହରାତେ ଏସ୍କାର୍ କାଗି, ମେନ୍ଦ ଆୟାଃ ନାଗେନ୍ତେ ଦୁକୁ ସାହାଡିଙ୍ଗ୍କେଦ୍ ହରାତେ ଆପେକେ ଖ୍ରୀଷ୍ଟୁକେ ସେଞ୍ଜା ନାଗେନ୍ତେ ସୁୟୋଗ୍ ଏମାକାନା । ୩୦ ଏନାହାଁଃ ନେ ଲାଡ଼ାଇରେ ଆପେ ଆଇଁୟାଈଲଃ ମେସା ଦାଡ଼ିୟାଃଆପେ । ସିଦା ଦିପଲିରେ

☆ ୧:୧୩ ୧:୧୩ ପ୍ରେରିଡ଼ ୨୮:୩୦. ☆ ୧:୩୦ ୧:୩୦ ପ୍ରେରିଡ଼ ୧୭:୧୯-୪୦.

ଆପେ ଆଇଙ୍ଗକେ ଜେ'ଲେକା ଲାଡ଼ାଇତାନ୍ ନେଲକାଦିଙ୍ଗ୍ ତାଇକେନାପେ, ନାହାଁଃ ଜାକେଦ୍ ଆଇଙ୍ଗ୍ ଏନ୍ ଲାଡ଼ାଇରେ ମେନାଇୟାଁ ମେନ୍ତେ ଆପେ ଆୟୁମ୍‌କାଦାପେ ।

୨

ଖ୍ରୀଷ୍ଟୁଆଃ ଲେବେୟେନ୍ ଆଡଃ ମାରାଙ୍ଗ୍‌ୟେନ୍

୧ ଆପେ ଖ୍ରୀଷ୍ଟୁଆଃ ମେନେସା ହରାତେ ଆପେୟାଃ ଜୀଦାନ୍‌ରେ କେଟେଦ୍‌କାନାପେ, ଆଡଃ ଆୟାଃ ଦୁଲାଡ଼୍ ଆପେକେ ଜୀଉରାଡ଼େଃ ଏମାପେତାନାଏ । ଆପେ ପାବିତାର୍ ଆମ୍‌ଲଃ ମେନେସାରେ ମେନାପେୟା ଆଡଃ ଆପେୟାଃ ମିହୁଡ଼୍ ଆଡଃମିହୁଡ଼୍‌ଲଃ ଲିନିବୁଇ ଆଡଃ ଦାୟା ମେନାଃ । ୨ ଏନାତେ ଆଇଙ୍ଗ୍ ଆପେକେ ବିକ୍ରିପେ ତାନାଇଙ୍ଗ୍, ମିଦ୍ ଉଡ଼୍‌ସୁରେ, ମିଦ୍ ଦୁଲାଡ଼୍‌ରେ, ମିଦ୍ ଜୀଉରେ ଆଡଃ ମନ୍‌ରେ ତାଇନ୍‌କେଦ୍‌ତେ ଆପେ ଆଇଙ୍ଗ୍‌କେ ପୁରାଃତେ ସୁକୁଇଙ୍ଗ୍‌ପେ । ୩ ଆପ୍‌ନାଃ ସାନାଙ୍ଗ୍ ପୁରାଆଃ ନାଗେନ୍ତେ ଚାଏ ମାରାଙ୍ଗ୍‌ୟେନ୍ ନାଗେନ୍ତେ ଜେତାନ୍ କାମି ଆଲପେ କାମିୟାଁ । ମେନ୍‌ଦ୍ ଏଟାଃକକେ ଆପାନ୍‌ତାଃଏତେ ମାରାଙ୍ଗ୍ ନେଲ୍‌କେଦ୍‌ତେ, ମିହୁଡ଼୍ ଆଡଃମିହୁଡ଼୍‌ଲଃ ସବେନ୍ ଇମ୍‌ତା ଲେବେଃ ମନ୍‌ରେ ତାଇନ୍‌ପେ । ୪ ଆଡଃ ମିହୁଡ଼୍ ହଡ଼୍ ଆପ୍‌ନାଃ ନାଗେନ୍ତେ ଏସ୍‌କାର୍ କା ଉଡ଼୍‌ସୁକେଦ୍‌ତେ ଏଟାଃକଆଃ ନାଗେନ୍ତେୟ୍ ଉଡ଼୍‌ସୁଗେକାଏ । ୫ ଯୀଶୁ ଖ୍ରୀଷ୍ଟୁଆଃ ମନ୍ ଉଡ଼୍‌ସୁ ଲେକାଗି ଆପେୟାଃ ମନ୍ ଉଡ଼୍‌ସୁକ ହବାଅଃକା । ୬ ଇନିଃ ପାର୍‌ମେଶ୍ୱାର୍ ତାଇନ୍‌ରେୟ୍, ପାର୍‌ମେଶ୍ୱାର୍‌ଲଃ ମିଦ୍ ଜକାଗି ତାଇନଃ ନାଙ୍ଗ୍ କାଏ ମନେକେଦା । ୭ ମେନ୍‌ଦ୍ ଇନିଃ ଆପ୍‌ନାଃ ଇଛାସାନାଙ୍ଗ୍‌ତେ ସବେନାଃ ବାଗିକେଦାଏ, ଆଡଃ ଦାସି ଲେକାଏ ବାଇୟାନା ଏନ୍ତେ ମାନଝା ରୁପ୍‌ରେ ଜାନାମ୍‌ୟାନା । ୮ ଇନିଃ ଆଇଃକ୍‌ଗି ଲେବେଃ ମନ୍‌ତେ ହବାୟାନ୍‌ଲଃ ଆଡଃ ସବେନ୍ ଗନଏଃରେୟାଃ ହରାରେ ଆୟାଃ କୁର୍‌ରାଃ ଗନଏଃ ଜାକେଦ୍ କାଜି ମାନାତିୟେନ୍ ଲେକାଏ ହବାୟାନା । ୯ ଏନାମେନ୍ତେ ପାର୍‌ମେଶ୍ୱାର୍ ଇନିଃକେ ସବେନାଃଏତେ ଚେତାନ୍ ଠାୟାଦ୍‌ତେ ଉଠାଅକିୟା, ଆଡଃ ଏଟାଃ ସବେନ୍ ନୁଡୁମ୍‌ଏତେ ଆୟାଃ ନୁଡୁମ୍ ସବେନାଃଏତେ ଚେତାନ୍‌ରେ ଏମ୍‌କେଦା । ୧୦ ଏନାତେ ଯୀଶୁଆଃ ନୁଡୁମ୍‌ରେୟାଃ ମାଇନାନ୍ ନାଗେନ୍ତେ ସିମା, ଅତେ, ଆଡଃ ଅତେଦିଶୁମ୍‌ରେ ଲାଡ଼ାରେ ତାଇନ୍‌ତାନ୍ ସବେନ୍‌କ ଆୟାଃ ଆୟାଃରେ ଇକ୍‌ଡୁମ୍‌ୟାନ୍ତେ ଉୟୁଗଃଆକ, ୧୧ ଆଡଃ ସବେନ୍ ହଡ଼କ ଯୀଶୁ ଖ୍ରୀଷ୍ଟି ପ୍ରାଭୁ ତାନିଃ ମେନ୍ତେ ଉଦୁବ୍‌ତାନ୍‌ଲଃ ଆବା ପାର୍‌ମେଶ୍ୱାର୍‌ଆଃ ମାନାରାଙ୍ଗ୍ ରିକାୟାକ ।

ଅତେଦିଶୁମ୍‌ରେ ମାସ୍‌ଲ୍ ଲେକା ଦୁଲଃପେ

୧୨ ତାବ୍‌ଦ୍ ହେ ଦୁଲାଡ଼୍ ହାଗା ମିଗିକ, ଆଇଙ୍ଗ୍ ଆପେଲଃ ତାଇନ୍‌ତାନ୍ ଦିପିଲିରେ ଆପେ ଜେ'ଲେକା ସବେନ୍ ଇମ୍‌ତା ମାନାତିଙ୍ଗ୍ ତାଇକେନାପେ, ନାହାଁଃ ଆଇଙ୍ଗ୍ ଆପେତାଃଏତେ ସାଙ୍ଗିନ୍‌ରେ ତାଇନଃତାନ୍ ଦିପିଲିରେୟ୍ ପୁରାଃଗି ବର ଆଡଃ ଏକ୍‌ଲାଅଃତାନ୍‌ଲଃ ଆପେୟାଃ ଜୀଉବାସ୍ତାଏ ପୁରାଏପେ । ୧୩ ଚିଆଃଚି ପାର୍‌ମେଶ୍ୱାର୍ ଆପେ ଆଲାରେ କାମିତାନା । ଇନିଃକେ ସୁକୁଇଚି ଲେକା କାମି ନାଗେନ୍ତେ ଇନିଃ ଆପେକେ ଇଛାସାନାଙ୍ଗ୍ ଏମାଃଏ ଆଡଃ ଏନା ରିକାଏ ନାଗେନ୍ତେ ପେଡ଼େଃହ୍ ଏମାଃଏ ।

୧୪ ବେଗାର୍ କାଜି କେସେଦ୍‌ତେ ଆଡଃ କାପ୍‌ଜିତେ ସବେନ୍ କାମି ରିକାଏପେ । ୧୫ ଏନାରେ, ଆପେ ବେଗାର୍ ଚିଟାକାନ୍ ଆଡଃ ପାର୍‌ମେଶ୍ୱାର୍‌ଆଃ ଫାର୍‌ଚିଆକାନ୍ ହନ୍‌କପେ ହବାଅଃଆ । ମେନ୍‌ଦ୍ ନେ ଅତେଦିଶୁମ୍‌ରେ ଜିୟନଃତାନ୍ ଏଡ଼କାନ୍ ହଡ଼କ ଆଲାରେ ତାଇନଃତାନାପେ, ଏନାତେ ଆପେ ଇନ୍‌କୁକେ ଜୀଦାନ୍ ଏମାଃରେୟାଃ ବାତାନ୍ ଉଦୁବ୍‌କ ଇମ୍‌ତା ରିମିଲ୍‌କେ ମାର୍‌ସାଲେତାନ୍ ଇପିଲ୍‌କ ଲେକା ଇନ୍‌କୁଆଃ ଆୟାଃରେ ଦୁଲଃ ଲାଗାତିଙ୍ଗ୍‌ୟାଃ । ୧୬ ଏଟାଃକତାଃରେ ଜୀଦାନ୍ ଏମାଃ କାନାଜି ଉଦୁବେ ଇମ୍‌ତା, ଆପେ ସିମାକେ ମାର୍‌ସାଲେତାନ୍ ଇପିଲ୍‌କ ଲେକା ହବାଅଃ ଲାଗାତିୟାଁ । ଆପେ ନେ'ଲେକା ହବାଅଃରେଦ୍, ଖ୍ରୀଷ୍ଟୁ ହୁଲାଙ୍ଗ୍‌ରେ ଆପେୟାଃ ବିଷାଏରେ ଆଇଙ୍ଗ୍ ଆପାନ୍‌କେ ମାରାଙ୍ଗ୍ ମେନ୍ତେଇଙ୍ଗ୍ କାଜିନା, ଚିଆଃଚି ନେଆଁଲଃ ଉଦୁବଃଆ ଯେ, ଆଇଁୟାଃ ସବେନ୍ କେଟେଦ୍ କାମି କା ସାମାଏଣ୍ଡାଃ କାନା ।

୧୭ ହବାସାକାଅଆଃ ପାର୍‌ମେଶ୍ୱାର୍‌ଆଃ ଉକେଶ୍‌ରେ ଆପେୟାଃ ବିଶ୍ୱାସ୍ ଲେକାନ୍ ସେଝାରାଃ ଦାଣ୍ଟେରେ ଆଇଁୟାଃ ଜୀଦାନ୍‌ରେୟାଃ ମାୟୋମ୍‌କେ ହ୍ ଆଇଙ୍ଗ୍‌କେ ଏମାଃ ଲାଗାତିଙ୍ଗ୍‌ୟାଃ । ଏନାମେନ୍ତେ ଆଇଙ୍ଗ୍ ରାସ୍‌କାଅଃତାନାଙ୍ଗ୍ ଆଡଃ ଆଇଁୟାଃ ନେ ରାସ୍‌କାରେ ଆପେ ମେସାନ୍‌ପେ ମେନ୍ତେଇଙ୍ଗ୍ ସାନାଙ୍ଗ୍‌ତାନା । ୧୮ ଏନ୍ ଲେକାଗି, ଆପେୟାଃ ରାସ୍‌କାଅଃପେ ଆଡଃ ଆପେୟାଃ ରାସ୍‌କା ଆଇଁୟାଃଲଃ ହାଚିୟେପେ ।

ତୀମଥୁ ଆଡଃ ଏପାପ୍ରାଦିଡ଼୍

୧୯ ପ୍ରାଭୁ ଯୀଶୁଆଃ ସାନାଙ୍ଗ୍ ହବାଅଃରେଦ୍, ଆପେତାଃତେ ତୀମଥୁକେ ଜାଲ୍‌ଦିଗିଇଙ୍ଗ୍ କୁଲିୟା ମେନ୍ତେଇଙ୍ଗ୍ ଆସ୍ତାଏତାନା । ଏନାତେ ଆପେୟାଃ ବିଷାଏରେ କାଜି ଆୟୁମ୍‌କେଦ୍‌ତେ ରାସ୍‌କାଅଃଆଇଙ୍ଗ୍ । ୨୦ ଇନିଃୟାଃ ମନ୍‌ରାଃ ଉଡ଼୍‌ସୁକ ଆଇଁୟାଃ ଲେକା ମେନାଃ ଆଡଃ ସାର୍‌ତିଗି ଇନିଃ ଆପେୟାଃ ବିଷାଏରେ ଉଡ଼୍‌ସୁତାନା । ୨୧ ଏଟାଃ ସବେନ୍‌କ ଯୀଶୁ ଖ୍ରୀଷ୍ଟୁଆଃ ବିଷାଏରେ କା ଉଡ଼୍‌ସୁକେଦ୍‌ତେ ଆକଆଃ ଆପ୍‌ନାଃ

ବିଷାଏରେ ଉଡ଼ୁତାନାକ । ୨୨ ଆପେ ସାରିତାନାପେ ଯେ ତୀମଥ୍ ଚିଲ୍ଲକାନ୍ ହଡ଼ ତାନିଃ । ହନ୍ ଜେ'ଲେକା ଆପୁଆଃ ସୁସାର୍ ରିକାଃଏ, ଏନ୍‌ଲେକାଗି ଇନିଃ ଆଇଁୟାଃଲିଃ ମିସାତେ ସୁକୁକାଜି ଉଦୁବ୍ ଇମ୍‌ତା ଆଇଁୟାଃ ସୁସାର୍ ରିକାକାଦାଏ । ୨୩ ଆଇଁୟାଃ ଚିକ୍‌ନାଃ ହବାଅଃତେ ସେନଃତାନା, ଏନା ସାରିକେଦ୍‌ଚି ଆଇଁୟାଃ ଇନିଃକେ ଆପେତାଃତେ କୁଲିୟାଃଇଁୟାଃ ମେନ୍ତେଇଁୟାଃ ଆସ୍ରାକାଦା । ୨୪ ଆତଃ ଆଇଁୟାଃ ପ୍ରାଭୁତାଃରେ ବିଶ୍ୱାସ୍‌ତାନାଇଁୟାଃ ଯେ, ଆଇଁୟାଃ ଜାଲ୍‌ଦିଗି ଆପେତାଃତେଇଁୟାଃ ହିଜୁଃ ଦାଡ଼ିୟା ।

୨୫ ଆଇଁୟାଃ କାମିରେ, ଆଇଁୟାଃ ଲାଗାତିକ୍‌ତେୟାଃକ ପୁରାଏ ନାକ୍ ଆଇଁୟାଃକେ ଦେକ୍‌କାଈକ୍ ନାଗେନ୍ତେ ଆପେୟାଃ କୁଲ୍‌କାନ୍ ହାଗା ଏପାପ୍ରାଦିଡ଼କେ ଆପେତାଃତେ କୁଲି ନାକ୍ ବୁଗିନାଃ ହବାଅଃଆ ମେନ୍ତେଇଁୟାଃ ଆର୍‌କାରେତାନା । ୨୬ ଇନିଃ ଆପେ ସବେନ୍‌କକେ ନେନେଲ୍ ନାଗେନ୍ତେ ପୁରାଃଗି ସାନାକ୍‌ତାନା ଆତଃ ଆପେ, ଇନିଃ କାଏ ସୁକୁତାନା ମେନ୍ତେ କାଜି ଆୟୁମ୍‌କେଦ୍ ହରାତେ ଇନିଃ ପୁରାଃଗି ମନ୍‌ରେ ଦୁକୁୟାନା । ୨୭ ସାର୍‌ତି କାଜିଲେରେ, ଇନିଃ ବେମାର୍ ତାଇକେଦ୍‌ତେ ଗଜଃଲେକାଏ ହବାକାନ୍ ତାଇକେନା । ମେନ୍‌ଦ ପାର୍‌ମେଶ୍ୱାର୍ ଇନିଃକେ ଦାୟାକିୟା । ଇନିଃକେ ଏସକାର୍ କାହାଗି, ମେନ୍‌ଦ ଆଇଁୟାଃ ତେତାନ୍‌ରେୟାଃ ଆୟାଃ ଦାୟା ତାଇକେନ୍ ହରାତେ ଆଇଁୟାଃକେ ଦୁକୁ ତେତାନ୍ ଦୁକୁ ସାହାତିକ୍ ନାକ୍ କାଏ ଏମାଦିୟା । ୨୮ ଆଇଁୟାଃ ଇନିଃକେ ଆପେତାଃତେ କୁଲି ନାକ୍ ପୁରାଃଗିଇଁୟାଃ ସାନାକ୍ ତାଇକେନା, ଚିଆଃଚି ଆପେ ଇନିଃକେ ଆତଃମିସା ନେଲ୍‌କେଦ୍‌ତେ ପୁରାଃଗିପେ ରାସ୍‌କାନା ଆତଃ ଆଇଁୟାଃ ଦୁକୁହଗି ଅହରାଅକଥା । ୨୯ ଏନାତେ ମିଆଁଦ୍ ପ୍ରାଭୁଆଃ ବିଶ୍ୱାସୀ ହାଗା ଲେକା ଆପେ ଇନିଃକେ ସୁକୁତେ ଦାରମିପେ ଆତଃ ଆୟାଃ ଲେକାନ୍ ସବେନ୍ ହଡ଼କକେ ମାଇନ୍‌କପେ । ୩୦ ଚିଆଃଚି ଆପେ ଆଇଁୟାଃକେ ଅକ ଦେକ୍‌କା କାପେ ଏମ୍ ଦାଡ଼ିୟାନା, ଏନା ପୁରାଏ ନାଗେନ୍ତେ ଇନିଃ ଖ୍ରୀଷ୍ଟ୍‌ଆଃ କାମିରେ ଆପ୍‌ନାଃ ଜୀଉକେ ସାକ୍‌ଟ୍‌ରେ ଉୟାଃକେଦ୍‌ତେ ଗଜଃଲେକାଏ ହବାକାନ୍ ତାଇକେନା ।

୩

ସାର୍‌ତି ଧାର୍‌ମାନ୍

୧ ଚୁଣ୍ଡୁର, ହେ ହାଗା ମିଗିକ, ପ୍ରାଭୁଲଃ ମେସାକାନ୍ ହରାତେ ଆପେ ରାସ୍‌କାଅଃପେ । ଆଇଁୟାଃ ସିଦାରେ ଅଲ୍‌କାଦ୍‌ତେୟାଃ, ଆତଃମିସା କାଜି ନାଗେନ୍ତେ କାଇଁୟାଃ ଲାଗାଅଃଆ, ଚିଆଃଚି ଆପେୟାଃ ବୁଗିନାଃ ନାଗେନ୍ତେ ନେଆଁଏ ଦେକ୍‌କାପେୟା । ୨ ଏଡ଼କାନ୍ କାମିରେ ମେନାକଥା, ଏନ୍ ସେତାକଆଃଏତେ ଆତଃ ବାସ୍ତାଅଃ ନାଗେନ୍ତେ ଅକନ୍‌କ ଲାଗାତାର୍ ଖାଡ଼ନାଅରେୟାଃ କାଜି କାଜିୟାଃକ, ଏନ୍ କା ବିଶ୍ୱାସ୍‌ତାନ୍ ହଡ଼କ ଲେକା କାମିତାନ୍‌କଆଃଏତେ ଚିଗାଲ୍‌କାନ୍ ତାଇନ୍‌ପେ । ୩ ଚିଆଃଚି ଆବୁ ଖାଡ଼ନାଅକାନ୍‌କ ତାନ୍‌ବୁ ମେନ୍‌ଦ ଇନ୍‌କୁ ନାହାଁଲାକ । ଆବୁ ପାବିତାର୍ ଆମ୍‌ରାଃ ଦେକ୍‌କାତେ ପାର୍‌ମେଶ୍ୱାର୍‌କେ ସେଝାତାନାବୁ ଆତଃ ଖ୍ରୀଷ୍ଟ୍ ଯୀଶୁଲଃ ମେସାକେଦ୍‌ତେ ରାସ୍‌କାଅଃ ତାନାବୁ । ହାସା ହଡ଼ମ୍‌ରେୟାଃ ନେପେଲ୍ ରିଡ଼ିରିଝାଦ୍‌ରାଃ ଲାଗାତିକ୍‌ତେୟାଃରେ ଆବୁଆଃ ଆସ୍ରା ବାନଃଆ । ୪ ସାର୍‌ତିଗି ଏନ୍ ସବେନାଃରେ ଆସ୍ରା ଦହ ନାଗେନ୍ତେ ଆଇଁୟାଃ ନାକ୍ ବୁଗିନାଃ ହବାଅଃତେୟାଃ । ଜେତାଏ ହାସା ହଡ଼ମ୍‌ରେୟାଃ ନେପେଲ୍ ରିଡ଼ିରିଝାଦ୍‌ରାଃ ଲାଗାତିକ୍‌ତେୟାଃରେ ଆସ୍ରାଏ ରେଦ, ଏନ୍‌ଲେକା କାମି ନାଗେନ୍ତେ ଆଇଁୟାଃ ପୁରାଃଗି ଆସ୍ରା ମେନାଃ । ୫ *ଆଇଁୟାଃ ଜାନାମ୍‌ରାଃ ଇରିଲ୍‌ମାହାଁରେ* ଆଇଁୟାଃ ଖାଡ଼ନାଅୟାନାଇଁୟାଃ, ଆଇଁୟାଃ ଇସ୍ରାଏଲ୍‌ରେନ୍ ବେଝାମିନ୍ କିଲିରେଇଁୟାଃ ଜାନାମ୍‌ୟାନା, ଆତଃ ସାର୍‌ତି ଏବୁ ତାନିକ୍ । ଯିହୁଦୀକଆଃ ଆନ୍‌ରୁ ମାନାତିକ୍‌ରେ ଆଇଁୟାଃ ମିୟାଦ୍ ଫାରୁଣୀ ହଡ଼ତାନିକ୍ । ୬ *ଆତଃ ଆଇଁୟାଃ ଚିହୁଲ୍‌ଲେନ୍ କାଜି ମେନାଃରେଦ, ଆଇଁୟାଃ ମିହୁଡ୍ କାଲିସିୟାକେ ସିଗିଦି ହଡ଼ ତାଇକେନାଇଁୟାଃ । ଆନ୍‌ରୁ ମାନାତିକ୍‌କେଦ୍ ହରାତେ ମିହୁଡ୍ ହଡ଼ ଧାର୍‌ମାନ୍ ହବାଦାଡ଼ିୟାଃରେଦ ଆଇଁୟାଃ ବେଗାର୍ ଚିଟାଅଃନିଃ ତାଇକେନାଇଁୟାଃ । ୭ ମେନ୍‌ଦ ଅକ ସବେନାଃ ଆଇଁୟାଃ ବୁଗିନାଃ ମେନ୍ତେ ଆର୍‌କାରେ ତାଇକେନାଇଁୟାଃ, ଏନାକେ ନାହାଁଃ ଆଇଁୟାଃ ଖ୍ରୀଷ୍ଟ୍ ନାଗେନ୍ତେ ସାମାକାଜି ଲେକାଈକ୍ ଆର୍‌କାରେତାନା । ୮ ଏନାକ ଏସକାର୍ କାଗି, ଆଇଁୟାଃ ପ୍ରାଭୁ ଯୀଶୁ ଖ୍ରୀଷ୍ଟ୍‌କେ ସାରିକିଃ ହରାତେ ଅକନ୍ ପୁରାଃ ଗନକ୍‌ଆଁନ୍ ସେଣାଁ ନାମାକାଦାଈକ୍, ଏନାଲଃ ଜକାଲେରେ ଏଟାଃ ସବେନାଃକେ ଆଇଁୟାଃ ନାହାଁଃ ସାମାକାଜି ଲେକାଈକ୍ ଆର୍‌କାରେତାନା । ଖ୍ରୀଷ୍ଟ୍‌କେ ନାମି ନାଗେନ୍ତେ ଆଇଁୟାଃ ସବେନାଈକ୍ ବାଗିକାଦା, ୯ ଆତଃ ଇନିଃଲଃ ପୁରାଃତେଇଁୟାଃ ମେସାକାନା । ଜେତା ଧାର୍‌ମାନ୍ ଆନ୍‌ରୁ ମାନାତିକ୍‌କେଦ୍‌ତେ ନାମ୍ ଦାଡ଼ିୟାଆ, ଏନ୍ ଲେକାଦ ଜେତା ଧାର୍‌ମାନ୍ ଆଇଁୟାଃ ବାନଃଆ । ନାହାଁଃଦ ଆଇଁୟାଃ ଅକ ଧାର୍‌ମାନ୍ ମେନାଃ, ଏନା ଖ୍ରୀଷ୍ଟ୍‌କେ ବିଶ୍ୱାସ୍‌କେଦ୍ ହରାତେ ନାମାକାନା, ଏନାଦ ପାର୍‌ମେଶ୍ୱାର୍‌ତାଃଏତେ ହିଜୁଃଆ ଆତଃ ବିଶ୍ୱାସ୍‌ତେ ହବାଅଃଆ । ୧୦ ନାହାଁଃଦ, ନେଆଁଇଁୟାଃ ସାନାକ୍‌ତାନା, ଆଇଁୟାଃ ଖ୍ରୀଷ୍ଟ୍‌କେ ସାରିୟାଈକ୍ ଆତଃ ଆୟାଃ ଜୀଉବିନିରିଦ୍‌ରାଃ ପେଡ଼େଃକେଇଁୟାଃ

☆ ୩:୫ ୩:୫ ରୋମି ୧୧:୧; ପ୍ରେରିଡ଼ ୨୩:୨; ୨୭:୫. * ୩:୫ ୩:୫ ଆର୍ ଦିନ୍‌ରେ ☆ ୩:୬ ୩:୬ ପ୍ରେରିଡ଼ ୮:୩; ୨୨:୪; ୨୭:୯-୧୧.

ଆର୍କାର ଦାଡ଼ିକା, ଆୟାଃ ଦୁକୁହାସୁକେ ଆର୍କାରକେଦତେ ଗନଏଃରେୟ ଆୟାଃ ଲେକାଇଁ ହବାଅଃକା, ୧୧ ଆତଃ ଆଇଁ ଆଇଁତେଗି ଗନଏଃହେତେ ଜୀଉବିନିରିଦରାଃ ଆସ୍ରାଇଁ ନାମେକା ।

ନିର୍ସେଟେରେ ଠାୟାଦତେ ନିରେୟାବୁ

୧୭ ଆଇଁ ଏନ୍ ସବେନାଃ ସିଦାରେଇଁ ନାମ୍ ଚାବାକାଦା ଚାଏ ଆଇଁ ସିଦାରେଇଁ ପକଡ଼ାଚାବାକାନା, ମେନ୍ତେଦ କାଇଁ କାଜିତାନା । ମେନ୍ଦ ଏଆଇଁ ନାଲା ନାମେ ନାଗେନ୍ତେଇଁ ନିରେତାନା, ଆତଃ ଯୀଶୁ ଖ୍ରୀଷ୍ଟ ଆଇଃକ୍ତି ଆଇଁକେ ସିଦାରେ ଜିତାଅକାଦିୟା । ୧୮ ହେ ହାଗା ମିଶିକ, ସାରତିଗି, ଆଇଁ ନିର୍ ସେଟେରେ ଠାୟାଦତେ ନାହାଁଃ ଜାକେଦ୍ ଆଉରିଁ ସେଟେରା । ମେନ୍ଦ ଏଆଇଁ ମିୟାଦ୍ କାମିରେଗି ମେନାଇୟା, ଦୟାସାଃରେ ବାଗିକାଦ୍ ବିଷାଏକେ ରିଡ଼ିକ୍‌କେଦ୍‌ତେ, ଅକ୍‌ନାଃ ଆୟାଃସାଃରେ ମେନାଃ ଏନାକେ ନାମେ ନାଗେନ୍ତେ ପୁରାଃଗିଇଁ ତେଷ୍ଟାତାନା । ୧୯ ଏନାତେ ଯୀଶୁ ଖ୍ରୀଷ୍ଟ ଆଃ ଦେଙ୍ଗାତେ ସିର୍ମାରେୟାଃ ଜୀଦାନ୍ ନାମେ ନାଗେନ୍ତେ ପାର୍‌ମେଶ୍ୱାର୍ ଆଇଁକେ କେଡ଼ାକାଦିୟା, ଏନ୍ ନାଲା ନାମ୍ ନାଗେନ୍ତେ ନିର୍ ସେଟେର୍ ଠାୟାଦତେ ନିରେତାନା ।

୧୮ ଆବୁଆଃ ଆଲାରେ ଅକନ୍‌କ ଆମ୍‌ରେ ପକଡ଼ାକାନାକ, ଇନ୍‌କୁଆଃ ନେ'ଲେକା ମନ୍‌ରେ ଉଡ଼ୁ ଲାଗାଡ଼ିକ୍‌ୟା । ମେନ୍ଦ ଜେତାଏୟାଃ ଏଟାଃ ଲେକାଗି ମନ୍‌ରେ ଉଡ଼ୁ ମେନାଃରେଦ, ପାର୍‌ମେଶ୍ୱାର୍ ଆପେକେ ସବେନ୍ କାଜି ବୁଗିଲେକାଏ ଉଦୁବାପେୟା । ୧୯ ମେନ୍ଦ ଅକନ୍ ସାନାର୍‌ତିକେ ଆବୁ ତିସିକ୍ ଜାକେଦ୍ ମାନାଡ଼ିକ୍ ଆଉ ତାନାବୁ, ନାହାଁଃ ଏନ୍ ସାନାର୍‌ତିରେଗି ଆୟାଃତେ ସେନାବୁ ।

୧୯ *ହେ ହାଗା ମିଶିକ, ଆଇଁକେ ଅତଙ୍ଗାଇଁପେ ଆତଃ ଆଲେ ସେସେନ୍‌ତାନ୍ ନାମୁନା ଲେକା ଅକନ୍‌କ ସେସେନ୍‌ତାନା ଇନ୍‌କୁକେ ନେଲ୍‌କୁପେ । ୧୮ ସିଦାଏତେଗି ଆଇଁ ଆପେକେ ନେ କାଜି ଚିମିନ୍‌ସାଇଁ କାଜିକାଦ୍‌ପେୟା, ଆତଃ ନାହାଁଃହଗି ମେଦ୍ ଦାଆଃ ଲିକ୍‌ତାନଲ୍‌ଃ ଆତଃମିସାଇଁ କାଜିତାନା, ପୁରାଃ ହଡ଼କ୍ ଆକଆଃ ଆପ୍‌ନାଃ ଜୀଦାନ୍‌ରେ ଖ୍ରୀଷ୍ଟ ଆଃ କୁଗ୍ ଗନଏଃରେୟାଃ ବାଇରି ଚାଇଲ୍ ଚାଲାନ୍ ରିକାତାନାକ । ୧୯ ନାରାକ୍‌ରେ ଇନ୍‌କୁଆଃ ଜୀଦାନ୍ ଜିୟନଃତେ ସେନଃତାନା । ଚିଆଃତି ଇନ୍‌କୁଆଃ ହଡ଼ମରାଃ ଇଛାସାନାକ୍‌ଗି ଆକଆଃ ମାହାପୁରୁ ତାନିଃ, ଅକ୍‌ନାଃ ଗିହୁଗାନ୍‌ତେୟାଃ ତାନାଃ, ଏନା ନାଗେନ୍ତେ ଇନ୍‌କୁ ଆପାନ୍‌କେ ମାରାକ୍ ମେନ୍ତେକ କାଜିନ୍‌ତାନା । ଅତେରେୟାଃ ବିଷାଏ ନାଗେନ୍ତେ ଏସକାର୍ ଇନ୍‌କୁ ଉଡ଼ୁଠାଃକ । ୨୦ ଏନା ଜାହାନାଃଗି ହବାଅଃକା, ଆବୁ ସିର୍ମା ଦିଶୁମ୍‌ରେନ୍‌କ ତାନ୍‌ବୁ, ସିର୍ମାଏତେ ଆବୁଆଃ ବାଞ୍ଛାଅନିଃ ପ୍ରାଭୁ ଯୀଶୁ ଖ୍ରୀଷ୍ଟ ଆଃ ହିନିକ୍‌ଃକେ ନେଲ୍ ହରାତାନାବୁ । ୨୧ ଅକନ୍ ପେଡ଼େଃ ହରାତେ ଇନିଃ ସବେନ୍ ବିଷାଏକେ ଆୟାଃ ଆପ୍‌ନାଃ ଆବ୍‌ରେ ଦହ ଦାଡ଼ିୟା । ଏନ୍ ପେଡ଼େଃକେ କାମିରେ ଲାଗାଅକେଦ୍‌ତେ, ଇନିଃ ଆବୁଆଃ ଗନଏଃ ହବାଅଃ ହଡ଼ମକେ ଆୟାଃ ମାନାରାକ୍ ହବାଅଃ ହଡ଼ମ ଲେକାଏ ବାଇୟା ।



ଇନିଦୁଏମାଃ ଆତଃ ଇନିଦୁ

୧ ହେ ଦୁଲାଡ଼୍ ହାଗା ମିଶିକ, ଆପେକେ ନେନେଲ୍ ନାଗେନ୍ତେ ଆଇଁୟାଃ ପୁରାଃଗି ସାନାକ୍ । ଆପେୟାଃ ନାଗେନ୍ତେ ଆଇଁୟାଃ ଚିମିନ୍‌ଗି ରାସକା ଆତଃ ଚିମିନ୍‌ଗି ଆପାନ୍‌କେ ମାରାକ୍ ମେନ୍ତେଇଁ କାଜିନ୍‌ତାନା । ହାଗା ମିଶିକ ଆଇଁୟାଃ ଇନିଦୁ ଲେକାତେ ପ୍ରାଭୁତାଃରେ ତିକ୍‌କେଟେଦ୍‌କେଦ୍‌ତେ ଜୀଦାନ୍ ବିତାଏପେ ।

୨ ଇୟଦିଆ ଆତଃ ସନ୍ତୁଷ୍ଟୀକେ ଆଇଁୟାଃ ବିକ୍ତି, ଇନ୍‌କିନ୍ ପାର୍‌ମେଶ୍ୱାର୍‌ଆଃ ଆୟାଃରେ ମିଶିଲେକା ମିଦ୍‌ମନ୍‌କେଦ୍‌ତେ ତାଇନଃକାକିନ୍ । ୩ ହେ ଆଇଁୟାଃ ପାତିୟାର୍‌ରଃ ଲେକାନ୍ ଗାଡ଼ିରେ କାମିତାନ୍‌ନିଃ । ଆମ୍‌କେୟଗି ଆଇଁୟାଃ ବିକ୍ତି, ନେ ମିଶିକକେ ଦେଙ୍ଗାକମେ, ଚିୟାଃତି ନିକୁ କ୍ଲେମେଷ୍ଟ୍ ଆତଃ ଆଇଁୟାଃଲଃ ଗାଡ଼ିରେ କାମିତାନ୍‌କ, ସୁକୁକାଜି ପାର୍‌ଚାର୍ କାମିରେ ଆଇଁକେ ପୁରାଃଗି ଦେଙ୍ଗାକାଦିୟାକ । ନେ ସବେନ୍‌କଆଃ ନୁଡୁମ୍ ପାର୍‌ମେଶ୍ୱାର୍‌ଆଃ ଜୀଦାନ୍ ପୁଅରେ ଅଲ୍‌କାନା ।

୪ ପ୍ରାଭୁଲଃ ମେସାକାନ୍ ହରାତେ ଆପେ ସବେନ୍ ଇମ୍‌ତାକ୍ ରାସକାଅଃପେ । ଆଇଁ ଆତଃମିସା କାଜିପେତାନାଇଁ ରାସକାଅଃପେ ।

୫ ସବେନ୍‌କଲଃ ଆପେୟାଃ ଲେବେଃମନ୍ ହବାଅଃକା । ପ୍ରାଭୁଆଃ ହିନିକ୍‌ଃ ଦିପିଲି ନାଡ଼େଃକାନା । ୬ ଜେତାନ୍ ବିଷାଏରେ ଆଲ୍‌ପେ ଉଡ଼ୁଠୁଃ, ମେନ୍ଦ ଏଆପେୟାଃ ଲାଗାଡ଼ିକ୍‌ତେୟାଃକ ବିକ୍ତିରେ ପାର୍‌ମେଶ୍ୱାର୍‌କେ ଆସିପେ । ମନ୍‌ସୁରୁଦ୍‌ରେ ଧାନ୍ୟାବାଦ୍ ଏମ୍‌ତାନ୍‌ଲଃ ଆପେୟାଃ ବିକ୍ତି ପାର୍‌ମେଶ୍ୱାର୍‌କେ ଉଦୁବିପେ । ୭ ଆତଃ ମାନଞ୍ଜାରାଃ ଆର୍‌କାର୍‌ଉରୁମ୍‌ଏତେ ତେତାନ୍, ପାର୍‌ମେଶ୍ୱାର୍‌ଆଃ ଜୀଉସୁକୁ ଖ୍ରୀଷ୍ଟ ଯୀଶୁଆଃ ମେନେସାରେ ଆପେୟାଃ ମନ୍‌ସୁରୁଦ୍‌କେ ଆତଃ ମନ୍‌କେ ବାଞ୍ଛାଅୟା ।

* ୩:୧୭ ୩:୧୭ ୧ କରିନ୍ଥୁୟ ୪:୧୭; ୧୧:୧.

୮ ବୁଣ୍ଡୁର, ହେ ଆଇଁୟାଃ ହାଗା ମିଶିକ, ଅକ ସବେନ୍ ବିଷାଏକ ବୁଗିନାଃ ଆଡ଼ଃ ମାଇନଃ ଲେକାନାଃ ତାନାଃ, ଅକଆଃ ସାର୍ତି, ମାଇନାନ୍, ଠାଉକାନ୍, ପୁରାଃ ଫାର୍ତି, ସୁଗାଡାନ୍, ଆଡ଼ଃ ମାଇନଃତେୟାଃ, ଏନ୍ ସବେନାଃ ଆପେୟାଃ ଉଡ଼ୁରାଃ ବିଷାଏ ହବାଃଅକା । ୯ ଆଇଁୟାଃ କାଜି ଆଡ଼ଃ କାମିତେ ଅକଆଃ ଇଡୁକାନାପେ ଆଡ଼ଃ ନାମାକାଦାପେ, ଏନାକେ କାମିରେ ଉଦୁବେପେ । ଏନାରେ, ଜୀଉସୁକୁ ଏମଃ ପାର୍ମେଶ୍ଵାର୍ ଆପେଲଃ ତାଇନାଏ ।

ବାର୍ଦ୍ଦାନ୍ ନାଗେନ୍ତେ ଧାନ୍ୟାବାଦ୍

୧୦ ପ୍ରାଭୁଲଃ ମେନେସାରେ ତାଇନକେଦ୍ତେ ଜୀଦାନ୍ ବିତାଅତାନ୍ ଇମ୍ତା ଆପେ ଆଇଁୟାଃ ନାଗେନ୍ତେ ପାହାମ୍ତାନାପେ ଏନାମେନ୍ତେ ଆଇଙ୍ଗ୍ ପୁରାଃ ରାସ୍ତାଅଃତାନାଇଙ୍ଗ୍ । ସାର୍ତି କାଜିଲେରେ, ଆପେ ଆଇଁୟାଃ ବିଷାଏରେ ପାହାମ୍ ଆଡ଼ଃ ଉଡ଼ୁ ତାଇକେନାପେ, ମେନ୍ଦ୍ ଏନା ଉଦୁବେ ନାଗେନ୍ତେ ସୁୟୋଗ୍ କାପେ ନାମେ ତାଇକେନା । ୧୧ ଆଇଙ୍ଗ୍ ଆପାନ୍କେ ଜାଞ୍ଜିଆକାନ୍ ଲେକା ଆଟ୍‌କାର୍‌କେଦ୍ତେ କାଇଙ୍ଗ୍ କାଜିତାନା, ଚିଆଃତି ଆଇଙ୍ଗ୍ ଆଇଁୟାଃତାଃରେ ଅକଆଃ ମେନାଃ ଇମ୍ନାଙ୍ଗ୍‌ରେଗି ରାସ୍ତାଅଃ ନାଙ୍ଗ୍ ଇଡୁକାନାଇଙ୍ଗ୍ । ୧୨ କାଟିକାନ୍ ହବାଃଅ ଚାଏ ଥ୍ମା ହବାଃଅ, ଏନାରେ ଚିଲ୍‌କା ସାମ୍ନାଙ୍ଗ୍ ହବାଃଅ ଲାଗାତିଙ୍ଗ୍‌ୟାଃ ଏନାଇଙ୍ଗ୍ ସାରିକାଦା । ଏନାତେ ଜେ'ଲେକାନ୍ ଦିପିଲିରେ, ଜେ'ଲେକାନ୍ ପାରିସ୍ଥିତିରେ, ରେଙ୍ଗେଃତାନ୍ ଇମ୍ତା, ବିୟାକାନ୍ ଇମ୍ତା, କାଟିକାନ୍ ହବାଃଅ ଚାଏ ଥ୍ମା ହବାଃଅ ଆଇଙ୍ଗ୍ ସବେନ୍ ଇମ୍ତା ରାସ୍ତାରେ ମେନାଇୟା । ୧୩ ଆଇଙ୍ଗ୍‌କେ ପେଡେଃ ଏମଃନିଃ ଖ୍ରୀଷ୍ଟୁଆଃ ଦେଙ୍ଗାତେ ଆଇଙ୍ଗ୍ ସବେନାଃଇଙ୍ଗ୍ ରିକାଦାଡ଼ିୟା ।

୧୪ ଏନ୍‌ରେୟ ଆଇଁୟାଃ ବୁକୁତାନ୍ ଦିପିଲିରେ ଆଇଙ୍ଗ୍‌କେ ଦେଙ୍ଗାକେଦ୍ତେ ଆପେ ପୁରାଃ ବୁଗିନ୍ କାମିପେ ରିକାକାଦା । ୧୫ ହେ ଫିଲିପିରେନ୍ ହାଗା ମିଶିକ, ଆଇଙ୍ଗ୍ ସୁକୁକାଜି ପାର୍ତାରରେୟାଃ ଏନେଟେଦ୍ ଦିପିଲିରେ, ଆଇଙ୍ଗ୍ ମାକିଦନିଆ ବାଗିକେଦାଇଙ୍ଗ୍ ଇମ୍ତା ଆପେୟାଃ କାଲିସିୟା ଏସକାର୍ ଆଇଙ୍ଗ୍‌କେ ଦେଙ୍ଗାକେଦିୟା, ଆଡ଼ଃ ଆପେ ଏସକାର୍ ଆଇଁୟାଃ ଲାଗାତିଙ୍ଗ୍‌ତେୟାଃରାଃ ଏମଃଦେମଃରେ ହିସାପେ ହବାକାନ୍ ତାଇକେନା । ଏନା ଆପେ ବୁଗିଲେକାପେ ସାରିକାଦା । ୧୬ ଆଇଙ୍ଗ୍ ଥେସଲନିକାରେ ତାଇକେନ୍ ଦିପିଲିରେ, ଆପେ ମିସାଏତେ ଆଦ୍‌କା ଆଇଁୟାଃ ଲାଗାତିଙ୍ଗ୍‌ତେୟାଃକ କୁଲାକାଦ୍ ତାଇକେନାପେ । ୧୭ ମେନ୍ଦ୍ ଆପେତାଃଏତେ ଆଇଙ୍ଗ୍ ଦାନ୍ ଏସକାର୍ ନାମେ ନାଗେନ୍ତେ କାଇଙ୍ଗ୍ ସାନାଙ୍ଗ୍‌ତାନା, ମେନ୍ଦ୍ ଆପେ ଜେ'ଲେକା ପୁରାଃ ଆଦ୍‌କା ନାଲାପେ ନାମେୟା, ମେନ୍ତେ ଆଇଁୟାଃ ସାନାଙ୍ଗ୍ । ୧୮ ଆପେତାଃଏତେ ଆଇଙ୍ଗ୍ ନାମାକାଦ୍ ସବେନ୍ ଦାନ୍ ନାଗେନ୍ତେ ଆଇଁୟାଃ ପୁରାଃଗି ହବାକାନା । ଏନା ଆଇଁୟାଃ ଲାଗାତିଙ୍ଗ୍‌ୟାଃଏତେ ଆଦ୍‌କାଗି ହବାକାନା । ଆପେ ଏପାପ୍ରାଦିଡ଼ୁଆଃ ତିଃରେ କୁଲାକାଦ୍ ଦାନ୍, ଆଇଁୟାଃ ସବେନ୍ ଲାଗାତିଙ୍ଗ୍‌ତେୟାଃକେ ପୁରାକାଦା, ଏନା ପାର୍ମେଶ୍ଵାର୍‌ଆଃ ଉଦ୍‌କେଶ୍ରେ ରାକାବାକାନ୍ ବୁଗିନ୍ ସହାନ୍ ଦାଣ୍ଡେ ଆଡ଼ଃ ଆଇଃକ୍ ତେଲାଏ ଚାଏ ଆଇଃକ୍‌କେ ସୁକୁଆଇ ଦାଣ୍ଡେ ଲେକାନାଃ ତାନାଃ । ୧୯ ଖ୍ରୀଷ୍ଟୁଆଃ ହରାତେ ଆଇଁୟାଃ ପାର୍ମେଶ୍ଵାର୍ ଆୟାଃ ପୁରାଃ ମାନାରାଙ୍ଗ୍‌ତେ ଆପେୟାଃ ସବେନ୍ ଲାଗାତିଙ୍ଗ୍‌ତେୟାଃକ ଏମାପେୟାଏ । ୨୦ ଜାନାଅ ଜାନାଅ ଆପୁ ପାର୍ମେଶ୍ଵାର୍‌ଆଃ ମାନାରାଙ୍ଗ୍ ହବାଅଃକା । ଆମେନ୍ ।

ବୁଣ୍ଡୁ ଜୁହାର୍

୨୧ ଖ୍ରୀଷ୍ଟୁ ଯୀଶୁଆଃ ନୁଡୁମ୍‌ତେ ଏନ୍ତାଃରେ ତାଇନଃତାନ୍ ସବେନ୍ ପାର୍ମେଶ୍ଵାର୍‌ଆଃ ହଡ଼କକେ ଆଇଁୟାଃ ଜହାର୍ କାଜିକତାନାଇଙ୍ଗ୍ । ଆଇଁୟାଃଲଃ ତାଇନତାନ୍ ନେତାଃରେନ୍ ହାଗା ମିଶିକ ଆପେ ସବେନ୍‌କକେ ଜହାର୍ ମେନ୍ତେକ କାଜିକୁଲ୍‌କାଦା । ୨୨ ନେତାଃରେ ତାଇନତାନ୍ ପାର୍ମେଶ୍ଵାର୍‌ଆଃ ହଡ଼କ, ବିଶେଷ୍ଟକେଦ୍ତେ କାଇସାର୍‌ଆଃ ରାଜ୍‌ମାହାଲ୍‌ରେ ତାଇନତାନ୍ ପାର୍ମେଶ୍ଵାର୍‌ଆଃ ହଡ଼କ ଆପେକେ ଜହାର୍ ମେନ୍ତେକ କାଜିକୁଲ୍‌କାଦା ।

୨୩ ପ୍ରାଭୁ ଯୀଶୁ ଖ୍ରୀଷ୍ଟୁଆଃ ସାୟାଦ୍ ଆପେ ସବେନ୍‌କଲଃ ଆମ୍‌ରେ ହବାଅଃକା ।

✧ ୪:୧୭ ୪:୧୭ ପ୍ରେରିଡ଼ ୧୭:୧. ✧ ୪:୧୭ ୪:୧୭ ୨ କରିନ୍ଥ୍ଯ ୧୧:୯.

କଲସୀୟମାନଙ୍କ ନିକଟକୁ ପାଉଲଙ୍କ ପତ୍ର କଲସିୟ ବିଶ୍ୱାସୀକତାଃତେ ପ୍ରେରିତ୍ ପାଉଲୁସ୍‌ଆଃ ଚିଟାଉ ପାରିଟାଏ

କଲସିୟ କାଲିସିୟାତେ ଅଲ୍ଲକାନ୍ ଚିଟାଉ ପାଉଲୁସ୍‌ଆଃ ହରାତେ ଅଲ୍ଲକାନା, ୧:୧ । ହବାସାକାଅଆଃ ପାଉଲୁସ୍, ଯୀଶୁ ଖ୍ରୀଷ୍ଟ୍‌ଆଃ ଜାନାମ୍ ତାୟମ୍ ୭୦ କରେ ରୋମ୍‌ରେ ଜେହେଲ୍ଲକାନ୍ ତାଇକେନ୍ ଇମ୍‌ତା ନେ ଚିଟାଉ ଅଲ୍ଲକାଦାଏ । କଲସିୟ ଚିଟାଉଲଃ ଏଫିସୁସ୍ ଆତଃ ଫିଲିପି ଚିଟାଉକେ ଜେହେଲ୍ଲରେ ଅଲ୍ଲକାନ୍ ଚିଟାଉ ମେନ୍ତେ କାଜିୟାଃକ, ଚିଆଃଚି ପାଉଲୁସ୍ ଜେହେଲ୍ଲକାନ୍ ତାଇକେନ୍ ଇମ୍‌ତା ନେ ଚିଟାଉକେ ଅଲ୍ଲକାଦ୍ ତାଇକେନା । ଇନିଃ କଲସିୟ ସାହାରରେ ତାଇକାନ୍ କାଲିସିୟାତାଃତେ ନେ ଚିଟାଉ ଅଲ୍ଲକାଦ୍ ତାଇକେନାଏ । ପାଉଲୁସ୍ ନେ କାଲିସିୟାକେ କାଏ ଏଟେଦ୍‌କାଦ୍ ତାଇକେନା, ୨:୧ । ମେନ୍‌ଦ ପୁରାଃ ହଡକ ଏନାରେ ଆୟାଃ ବାହାରମ୍ ଲାଦିକାନ୍ ତାଇକେନ୍ କାଜି ଆଟ୍‌କାର୍‌କାଦାକ । ଏପାପୁସ୍ ନେ କାଲିସିୟା ବାଇୟାକାଦ୍ ତାଇକେନାଏ, ଏନାତେ ଇନିଃ କଲସିୟରେନ୍ ହଡ ତାଇକେନାଏ ।

ପାଉଲୁସ୍ କଲସିୟ କାଲିସିୟାରେୟାଃ ଚିମିନ୍ ହସଡ ଇନିତୁ ବିଷାଏରେ ଉଡ଼ୁ ତାଇକେନା । ଇନିଃ ନେ ବିଷାଏରେ ଚିଟାଉ ଅଲେ ନାଗେନ୍ତେ ପୁରାଃ ଦିପିଲି ବିତାଅକାଦା । ନେଆଁରେ ହବାସାକାଅଆଃ ମିଦ୍ ଝୁଣ୍ଟ୍ ଯିହୁଦୀ ଖ୍ରୀଷ୍ଟିୟାନ୍, ଅକନ୍‌କଚି ଏଟାଃ ଖ୍ରୀଷ୍ଟିୟାନ୍‌କକେ ମାରି ନିୟାମ୍‌ରେୟାଃ ଯିହୁଦୀ ଆନ୍‌ତୁ ଆତଃ ଖାଡ୍‌ନାଅରେୟାଃ ରିଡିରିଝାଜ୍‌କେ ମାନାଡିଜ୍ ନାଗେନ୍ତେ ଜାବାର୍‌ଜାସ୍ତି ରିକା ନାଗେନ୍ତେ କାଜିକ ତାଇକେନାକ । ପାଉଲୁସ୍, ନୁତୁମ୍‌ରେନ୍ ଏସକାର୍ ଖ୍ରୀଷ୍ଟିୟାନ୍‌କଆଃ ବିଷାଏରେ ଅଲ୍ଲକାଦା, ମିହୁଡ୍ ଜେତାଏ ତାଇନଃରେୟାଃ ଖ୍ରୀଷ୍ଟ୍ ବେଗାର୍ ପାର୍‌ମେଶ୍ୱାର୍‌ତାଃରେ କାଏ ତେଲ୍‌ଦାରମଃଆ, ୧:୧୫-୨୦ ଆତଃ ମାନଝା ହରାତେ ବାଇୟାକାନ୍ ଇନିତୁ ସାମାତାନାଃ, ୨:୮ ।

ପୁଥ୍ ଭିତାରେ ତାଇକାନ୍ କାଜି

- ୧. କଲସିୟ କାଲିସିୟାକେ ପାଉଲୁସ୍‌ଆଃ ଜହାର୍ । ୧:୧-୨
- ୨. ଖ୍ରୀଷ୍ଟ୍‌ଆଃ ମାନାରାଜ୍ ଆତଃ ହସଡ ଇତୁତାନ୍‌କଆଃ ବିରୁଧ୍‌ରେ ପାଉଲୁସ୍‌ଆଃ କାଜିକଟଜ୍ । ୧:୩-୩:୪
- ୩. ବୁଗିନ୍ ଖ୍ରୀଷ୍ଟିୟାନ୍ ଜାଝାନ୍ ବିତାଅ ନାଗେନ୍ତେ ପାଉଲୁସ୍‌ଆଃ ଆନାତୁ । ୩:୫-୪:୨
- ୪. ପାଉଲୁସ୍ ନେ ଚିଟାଉକେ ଏଟାଃ କାଲିସିୟାରେୟାଃ ପାଦାଅ ନାଜ୍ କାଜିକେଦ୍‌ତେ ଜହାର୍‌ତାନ୍‌ଲଃ ଅଲ୍ ଚାବାକାଦାଏ । ୪:୭-୧୮

ଜହାର୍

୧ ପାର୍‌ମେଶ୍ୱାର୍‌ଆଃ ସାନାଜ୍ ଲେକାତେ ଯୀଶୁ ଖ୍ରୀଷ୍ଟ୍‌ଆଃ ମିୟାଦ୍ କୁଲ୍‌କାନ୍‌ନିଃ ପାଉଲୁସ୍ ଆତଃ ଆବୁଆଃ ହାଗା ତମଥ୍, ୨ କଲସିୟରେ ତାଇନଃତାନ୍ ପାର୍‌ମେଶ୍ୱାର୍‌ଆଃ ପାବିତାର୍ ହଡକକେ ଆତଃ ଖ୍ରୀଷ୍ଟ୍‌ରେ ମେସାକାନ୍ ଆବୁଆଃ ପାତିୟାର୍‌ରଃ ଲେକାନ୍ ହାଗା ମିଶିକତାଃତେ ଆଲିଜ୍ ନେ ଚିଟାଉଲିଜ୍ ଅଲେତାନା ।

ଆବୁଆଃ ଆପୁ ପାର୍‌ମେଶ୍ୱାର୍ ଆପେକେ ସାୟାଦ୍ ଆତଃ ଜୀଉସୁକୁ ଏମାପେକାଏ ।

ଧାନ୍ୟବାଦରଃ ବିକ୍ତି

୩ ଆଲେ ଆପେ ନାଗେନ୍ତେ ବିକ୍ତିତାନ୍ ଇମ୍‌ତା ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ଆପୁ ପାର୍‌ମେଶ୍ୱାର୍‌କେ ସବେନ୍ ଇମ୍‌ତା ଧାନ୍ୟବାଦ୍ ଏମାଃଲେ । ୪ ଚିଆଃଚି ଆଲେ ଖ୍ରୀଷ୍ଟ୍ ଯୀଶୁତାଃରେ ଆପେୟାଃ ବିଶ୍ୱାସ୍ ଆତଃ ପାର୍‌ମେଶ୍ୱାର୍‌ଆଃ ହଡକଆଃ ନାଗେନ୍ତେ ଆପେୟାଃ ଦୁଲ୍‌ାଡ୍ ବିଷାଏରେ ଆୟୁମାକାଦାଲେ । ୫ ଚିମ୍‌ତା ସୁକୁକାଜିରେୟାଃ ସାର୍‌ତିକାଜି ଆପେତାଃଏତେ ପାହିଲା ହିଜୁଃୟାନା, ଆପେ ଏନା ହରାତେ ଏମାକାନ୍ ଆସ୍ତାଏରେୟାଃ କାଜି ଆୟୁମାକାଦ୍ ତାଇକେନାପେ । ଆପେ ଅକ୍‌ନାଃ ଆସ୍ତାଏ ତାନାପେ ଏନା ଆପେ ନାଗେନ୍ତେ ସିର୍ମାରେ ଜାଡ୍‌ନାଅକେଦ୍‌ତେ ଦହାକାନା, ଏନ୍ ଆସ୍ତାରେ ଆପେୟାଃ ବିଶ୍ୱାସ୍ ଆତଃ ଦୁଲ୍‌ାଡ୍ ଠାହାରାଅକାନା । ୬ ଏନ୍ ସୁକୁକାଜି ଉଦ୍‌ବଃ ହରାତେ ଆପେ ପାହିଲା ପାର୍‌ମେଶ୍ୱାର୍‌ଆଃ ସାୟାଦ୍ ବିଷାଏପେ ଆୟୁମ୍‌କେଦା ଆତଃ ଏନାରେୟାଃ ସାନାର୍‌ତିକେପେ ସାରିକେଦା, ଏନ୍ ସୁକୁକାଜି ନାହାଁଃ ଗଟା ଅତେଦିଶ୍ୱମ୍‌ରେ ନିଡିରୁଅଃ ତାନା ଆତଃ ଆଶିଷ୍ ଆଉଝେତାନାଏ । ୭ ଆଲେ ସାଃଏତେ ଖ୍ରୀଷ୍ଟ୍‌ଆଃ ପାତିୟାର୍‌ରଃ ଲେକାନ୍ ଦାସି ଆତଃ ଆବୁଲଃ ମିସାତେ କାମିତାନ୍ ଆବୁଆଃ ଦୁଲ୍‌ାଡ୍ ଗାତିଦାସି

☆ ୧:୭ ୧:୭ କଲସିୟ ୪:୧୨; ଫିଲ୍‌ମନ୍ ୧:୨୩।

ଏପାପ୍ରାତାଃଏତେ ଆପେ ପାର୍ମେଶ୍ଵାର୍ଆଃ ନେ ସାୟାଦ୍ ବିଷାଏରେ ଇତୁଆକାନାପେ । ୮ ପାବିତାର୍ ଆମ୍ବା ଆପେକେ ଏମାକାଦ୍ପେ ଦୁଲାଡ୍ ବିଷାଏରେ ଇନିଃ ଆରୁକେ କାଜିକାଦ୍ବୁଆ ।

୯ ନେଆଁ ନାଗେନ୍ତେ, ଆଲେ ଆପେୟାଃ ବିଷାଏରେ ଆୟୁମ୍ବେଦ୍ ହୁଲାଙ୍ଗ୍ତାଃଏତେ ସବେନ୍ ହୁଲାଙ୍ଗ୍ ଆପେ ନାଗେନ୍ତେଲେ ବିନ୍ତିତାନା । ପାବିତାର୍ ଆମ୍ବା ଏମାକାଦ୍ ସବେନ୍ ସେଣ୍ ଆତଃ ଆଟ୍କାର୍ଡରୁମ୍ ଦାଡ୍ଡିରେୟାଃ ପେଡେଃ ହରାତେ ପାର୍ମେଶ୍ଵାର୍ଆଃ ଇଛାସାନାଙ୍ଗ୍ରେ ଆପେକେ ବୁଦ୍ଧିତେ ପେରେଃପେକା ମେନ୍ତେ ପାର୍ମେଶ୍ଵାର୍କେଲେ ଆସିତାନା । ୧୦ ଏନାତେ ଆପେ ପ୍ରାଭୁଆଃ ଇଛାସାନାଙ୍ଗ୍ ଲେକାତେ ଜୀଦାନ୍ ବିତାଅ ଦାଡ୍ଡିୟାପେ ଆତଃ ଆଇଃକ୍ବେ ସୁକୁଆଇ ଲେକା କାମି ରିକା ଦାଡ୍ଡିୟାପେ । ଆପେ ଜୀଦାନ୍ରେ ସବେନ୍ ଲେକାନ୍ ବୁଗିନ୍ କାମି ରିକା ଦାଡ୍ଡିୟାପେ ଆତଃ ଆପେ ପାର୍ମେଶ୍ଵାର୍ଆଃ ସେଣ୍ରେ ହାରା ଇଦିୟାଆପେ । ୧୧ ଧିରାନ୍ରେ ଆପେ ଜେଲେକା ସବେନ୍ ବିଷାଏ ସାହାଡିଙ୍ଗ୍ ଦାଡ୍ଡିୟାପେ, ଏନାମେନ୍ତେ ଆୟାଃ ମାନାରାଙ୍ଗ୍ରେୟାଃ ପେଡେଃତେ ପେଡେୟାନ୍ ହବାଅପେ । ୧୨ ଆପୁ ପାର୍ମେଶ୍ଵାର୍ ମାର୍ସାଲ୍ ରାଇଜରେ ଆୟାଃ ପାବିତାର୍ ହଡକ ନାଗେନ୍ତେ ଅକନାଃ ବୁଗିନ୍ତେୟାଃ ଦହକାଦାଏ, ଏନାରେୟାଃ ହିସା ହବାଅଃ ନାଗେନ୍ତେ ଇନିଃ ଆପେକେ ଏନା ନାମେ ଲେକାଏ ବାଇୟାକାଦ୍ପେୟା, ଏନାମେନ୍ତେ ରାସ୍କାତେ ଇନିଃକେ ଧାନ୍ୟାବାଦ୍ ଏମାଇପେ । ୧୩ ଇନିଃ ନୁବାରାଃ ପେଡେଃହେତେ ଆରୁକେ ବାଞ୍ଛାଅକାଦ୍ବୁଆ ଆତଃ ବେଗାର୍ ବିପାଦ୍ରେ ଆରୁକେ ଆୟାଃ ଦୁଲାଡ୍ ହନ୍ଆଃ ରାଇଜତେ ଆଉଞ୍ଜାକାଦ୍ବୁଆ । ୧୪ ଏନ୍ ହନ୍ଆଃ ହରାତେ ଆବୁ ରାଡାକାନାବୁ, ଚାଏ ଆବୁଆଃ ପାପ୍ ଛାମା ହବାକାନା ।

ଶ୍ରୀଷ୍ଟ ଆତଃ ଇନିୟାଃ କାମି

୧୫ ନେଲଃତାନ୍ ଶ୍ରୀଷ୍ଟ କା ନେଲଃତାନ୍ ପାର୍ମେଶ୍ଵାର୍ ଲେକାନ୍ନିଃ ତାନିଃ । ଇନିଃ ସବେନ୍ ବାଇୟାକାନ୍ତେୟାଃ ମାରାଙ୍ଗ୍ ଉତାର୍ନିଃ ଆତଃ ମୁଡକ୍ଲ୍ ହନ୍ ତାନିଃ । ୧୬ ଚିଆଃତି ଇନିଃ ହରାତେ ପାର୍ମେଶ୍ଵାର୍ ସିର୍ମାରେ ଆତଃ ଅତେରେ, ସବେନ୍ ନେଲଃତାନ୍ ଆତଃ କା ନେଲଃତାନ୍ତେୟାଃ, ରାଇଗାଦିରେ ଦୁବାକାନ୍କ, ପେଡେଃକ, ରାଇଜେତାନ୍କ, ଆକ୍ତେୟାର୍କାଦ୍କ, ନେ ସବେନାଃ ଆୟାଃ ହରାତେ ଆତଃ ଆୟାଃ ନାଗେନ୍ତେ ବାଇୟାକାନା । ୧୭ ସବେନାଃ ବାଇୟାନ୍ ସିଦାରେ ଶ୍ରୀଷ୍ଟ ତାଇକେନାଏ ଆତଃ ଆୟାଃଲଃ ମେସାୟାନ୍ ହରାତେ ସବେନାଃ ଆପାନାଃ ଆପାନାଃ ଠାୟାଦ୍ରେ ତାଇନ୍ୟାନା । ୧୮ ଇନିଃ ଗନଏଃ ହଡ଼ଏତେ ଜୀଉବିରିଦାକାନ୍ ମୁଡକ୍ଲ୍ ହନ୍ ତାନିଃ ଆତଃ ଆୟାଃ ସେଞ୍ଜାତାନ୍କଆଃ କାଲିସିୟାରାଃ ମାରାଙ୍ଗ୍ ଉତାର୍ନିଃ ତାନିଃ, ଇନିଃ ସବେନ୍ ବିଷାଏରେ ପାହିଲା ଠାୟାଦ୍ ନାମେନିଃ ତାନିଃ । ୧୯ ଚିଆଃତି ପାର୍ମେଶ୍ଵାର୍ ଆୟାଃ ସୁକୁଲେକାତେ ହନ୍ ଆଇଃକ୍ବି ପାର୍ମେଶ୍ଵାର୍ଆଃ ପୁରା ସଭାବ୍ ସାବାକାଦାଏ । ୨୦ ହନ୍ଆଃ ହରାତେ ପାର୍ମେଶ୍ଵାର୍ ସବେନ୍ ଅତେଦିଶ୍ଵମ୍ବେ ଆଉ ରୁହାଡ୍ ନାଗେନ୍ତେ ଉହାଟ୍କେଦା । କୁଗ୍ରେ ଆୟାଃ ହନ୍ଆଃ ଦାଣ୍ ମାୟୋମ୍ ହରାତେ ପାର୍ମେଶ୍ଵାର୍ ଜୀଉସୁକୁଇ ବାଇକେଦା, ଏନାତେ ଅତେ ଆତଃ ସିର୍ମାରେ ତାଇକାନ୍ ସବେନ୍ ବିଷାଏକେ ଆପାନ୍ତାଃତେ ଆଉରୁହାଡ୍କାଦା ।

୨୧ ସିଦାଦ୍, ଆପେ ମନ୍ରେ ଏଡକାନ୍ ଉଡ଼ୁ ଆତଃ ଏଡକାନ୍ କାମିକ ରିକାତାନ୍ ହରାତେ ଆପେ ପାର୍ମେଶ୍ଵାର୍ତାଃଏତେ ସାଜିନ୍ରେ ତାଇକେନାପେ ଆତଃ ଆୟାଃ ବାଇରିକ ତାଇକେନାପେ । ୨୨ ମେନ୍ଦ୍ ନାହ୍ଆଃ ପାର୍ମେଶ୍ଵାର୍ ଆପେକେ ପାବିତାର୍, ଫାଟ୍ଟି, ଆତଃ ବେଗାର୍ ଚିଟାକାନ୍ ଲେକା ଆୟାଃ ହେପାଦ୍ରେ ଆଉପେ ନାଙ୍ଗ୍ ଆୟାଃ ହନ୍ରାଃ ହଡ଼଼ ଗନଏଃ ହରାତେ ଆପେକେ ଆୟାଃଲଃ ଆତଃମିସାଏ ମେସାକାଦ୍ପେୟା । ୨୩ ଆପେ ଆପେୟାଃ ବିଶ୍ଵାସ୍ରେୟାଃ କେଟେଦ୍ ନିହିଁଗାତାରେ ତିଙ୍ଗ୍ବେକେଟେଦ୍କେଦ୍ତେ ତାଇକାନ୍ପେ ଆତଃ ସୁକୁକାଜି ଆୟୁମେ ଇମ୍ତା ଅକ ଆସ୍ତାପେ ନାମାକାଦା, ଏନାଏତେ ଆପେ ନେତେହାନ୍ତେଅଃ ଲେକା ଆଲପେ ହବାଅଆ । ଏନ୍ ସୁକୁକାଜିଗି ଅତେଦିଶ୍ଵମ୍ବେନ୍ ସବେନ୍କତାଃରେ ଉଦୁବଃତାନା ଆତଃ ଆଇଙ୍ଗ୍, ପାଉଲୁସ୍ ଏନାରେନ୍ ମିଆଦ୍ ପାଡିୟାର୍ରେ ଲେକାନ୍ ଦାସି ହବାୟାନାଇଙ୍ଗ୍ ।

କାଲିସିୟାରେ ପାଉଲୁସ୍ଆଃ କାମି

୨୪ ନାହ୍ଆଃଦ୍ ଆପେ ନାଗେନ୍ତେ ଆଇଙ୍ଗ୍ ଅକ ଦୁକୁ ନାମେତାନାଇଙ୍ଗ୍, ଏନାମେନ୍ତେଇଙ୍ଗ୍ ରାସ୍କାଅଃତାନା । ଚିଆଃତି ଆଇଁୟାଃ ହଡ଼଼ମ୍ରେୟାଃ ଦୁକୁ ହରାତେ ଆଇଙ୍ଗ୍ ଶ୍ରୀଷ୍ଟଆଃ ହଡ଼଼ମ୍ ଲେକାନ୍ କାଲିସିୟା ସାଃଏତେ ଶ୍ରୀଷ୍ଟଆଃ ଦୁକୁହାସୁରେ ସାରେୟାକାନ୍ ତେୟାଃକେ ପୁରାଏ ନାଗେନ୍ତେଇଙ୍ଗ୍ ଦେଙ୍ଗାଏତାନା । ୨୫ ଆପେୟାଃ ବୁଗିନାଃ ନାଗେନ୍ତେ ନେ କାମି ରିକା ନାଙ୍ଗ୍ ପାର୍ମେଶ୍ଵାର୍ଆଃ ହରାତେ କାଲିସିୟାରାଃ ମିଆଦ୍ ସୁସାର୍ତାନ୍ନିଃ ଲେକାଲଙ୍ଗ୍ ସାଲାକାନା । ନେ ସୁକୁକାଜିକେ ପୁରାଗି ପ୍ରାଚାର୍ ନାଗେନ୍ତେଇଙ୍ଗ୍ କାମିତାନା । ୨୬ ଏନ୍ ସୁକୁକାଜିକେ ପାର୍ମେଶ୍ଵାର୍ ନାଙ୍ଗ୍ ପାରିୟାହେତେ ସବେନ୍କତାଃଏତେ ଉକୁକେଦ୍ତେ

✧ ୧:୧୪ ୧:୧୪ ଏଡିସିୟ ୧:୭. ✧ ୧:୧୮ ୧:୧୮ ଏଡିସିୟ ୧:୨୨,୨୩. ✧ ୧:୨୦ ୧:୨୦ ଏଡିସିୟ ୨:୧୭.

ଦହକାଦ୍ ତାଇକେନା, ମେନ୍ଦ ନାହାଁଃ ଆୟାଃ ପାବିତାର୍ ହଡକତାଃରେ ଉଦୁବାକାଦା । ୨୭ ଚିଆଃଚି ଆୟାଃ ହଡକକେ ଏନ୍ ଉକ୍ତୁଆକାନତେୟାଃ ଉଦୁବକ ନାଗେନ୍ତେ ପାର୍ମେଶ୍ୱାର୍ ଉହାଟକେଦାଏ, ଆୟାଃ ନେ ପୁରାଃ ଗନଙ୍ଗୁଆନ୍ ଆତଃ ମାନାରାଙ୍ଗତେୟାଃ ସବେନ୍ ହଡକ ନାଗେନ୍ତେ ତାନାଃ । ଏନ୍ ଉକ୍ତୁଆକାନତେୟାଃ ହବାଅଃତାନା, ଖ୍ରୀଷ୍ଟ ଆପେରେ ମେନାଇୟା । ନେଆଁରାଃ ମୁଣ୍ଡି ହବାଅଃତାନା, ଆପେ ପାର୍ମେଶ୍ୱାର୍ ଆଃ ମାନାରାଙ୍ଗରେୟାଃ ଆସ୍ତାରେନ୍ ହିସାତାନ୍ଦେ । ୨୮ ଏନାମେନ୍ତେ ଆବୁ ସବେନ୍କତାଃରେ ଖ୍ରୀଷ୍ଟଆଃ ବିଷାଏରେ ଉଦୁବେତାନାରୁ । ମିମିୟାଦ୍ ସବେନ୍କକେ ଖ୍ରୀଷ୍ଟଲଃ ମେସାକେଦ୍ତେ ମିଆଁଦ୍ ପକ୍ତା ହଡ ଲେକା ପାର୍ମେଶ୍ୱାର୍ ଆୟାର୍ରେ ତିଙ୍ଗୁକ ନାଗେନ୍ତେ ଆବୁଆଃ ସବେନ୍ ଲେକାନ୍ ସେଣ୍ଟେ, ସବେନ୍କକେ ଚିରଗାଲ୍ ଆତଃ ଇଡୁକତାନାରୁ । ୨୯ ନେଆଁକେ ପୁରାଏ ନାଗେନ୍ତେ ଆଇଙ୍ଗତାଃରେ କାମିକାତେୟାଃତାନ୍ ଖ୍ରୀଷ୍ଟ ଆଇଙ୍ଗକେ ଏମାକାଦିଙ୍ଗ୍ ମାରାଙ୍ଗ୍ ପେଡେଃରେ ଆଇଙ୍ଗ୍ ପୁରାଃ କେଟେଦ୍ କାମିତେଇଙ୍ଗ୍ ଲାଗାଉତାର୍କାନା ।

୨

୧ ଆପେ ନାଗେନ୍ତେ, ଲାଉଦିକିଆରେ ତାଇନ୍ତାନ୍ ହଡକ ଆତଃ ଆଇଙ୍ଗକେ ବୁଗିଲେକାତେ କା ସାରିୟାକାଦ୍ ସବେନ୍ ହଡକ ନାଗେନ୍ତେ ଆଇଙ୍ଗ୍ ଚିମିନ୍ କେଟେଦ୍ କାମିକ କାମିତାନା । ଏନା ଆପେ ସାରିପେ ମେନ୍ତେଇଙ୍ଗ୍ ସାନାଙ୍ଗତାନା । ୨ ଇନ୍କୁ ସବେନ୍କ ଚିଲ୍କା ଜୀଉରେ ରାସ୍କାଅଃଆକ, ମିହୁଡ୍ ଆତଃମିହୁଡ୍ଲଃ ଦୁଲ୍ଲାଡ୍ରେ ତାଇନାକ ଆତଃ ସାର୍ତି ସେଣ୍ଟା ନାମ୍କେଦ୍ତେ ଆସ୍ତାଏ ଲେକାନ୍ ଖୁଜ୍ ରେୟାଃ ପୁରା ଆକ୍ତେୟାର୍କ ନାମେକା ମେନ୍ତେଇଙ୍ଗ୍ ସାନାଙ୍ଗତାନା । ନେଆଁ ହରାତେ ଇନ୍କୁ ସବେନ୍କ ସାରିୟାକ ଯେ, ଯୀଶୁ ଖ୍ରୀଷ୍ଟି ପାର୍ମେଶ୍ୱାର୍ ଆଃ ଏନ୍ ଉକ୍ତୁଆକାନନିଃ ତାନିଃ । ୩ ଯୀଶୁ ଖ୍ରୀଷ୍ଟ ହବାଅଃତାନାଏ ଏନ୍ ଚାଉକ୍ତୁଖି, ଅକନାଃଚି ପାର୍ମେଶ୍ୱାର୍ ଆଃ ସେଣ୍ଟା ଆତଃ ବୁଝି ଲେକାନ୍ ସବେନ୍ ଦାନାଙ୍ଗୁଆକାନ୍ ଖୁଜ୍ ରେୟାଃ ଭାଣ୍ଡାର୍ ନିଜଃଆ ।

୪ ଜେତାଏ ଆପେକେ ଏଡକାନ୍ କାପ୍ତିତେ ଆଲକାଏ ବେଦାପେକା, ଏନାମେନ୍ତେଇଙ୍ଗ୍ କାଜିପେତାନା । ୫ ଚିଆଃଚି ଆଇଙ୍ଗ୍ ହଡ଼ମଲେକାତେ କାଲଙ୍ଗ୍ ତାଇନଃରେୟ, ଆମ୍ଲେକାତେ ଆପେଲଃ ମେନାଇୟା । ଆଇଙ୍ଗ୍ ଆପେୟାଃ ବୁଗିନ୍ ଜୀଦାନ୍ ଆତଃ ଖ୍ରୀଷ୍ଟ ଚେତାନ୍ରେ ପୁରାଃ ବିଶ୍ୱାସ୍ ନେଲ୍କେଦ୍ତେ ରାସ୍କାଅଃ ତାନାଇଙ୍ଗ୍ ।

ୟୀଶୁ ଖ୍ରୀଷ୍ଟତାଃରେ ପୁରା ତାଇନ୍ଦେ

୬ ଆପେ ଖ୍ରୀଷ୍ଟ ଯୀଶୁକେ ପ୍ରାଭୁ ମେନ୍ତେପେ ବିଶ୍ୱାସ୍କିଃ ହୁଲ୍ଲାଙ୍ଗତାଃଏତେ, ଆୟାଃଲଃ ମେସାକେଦ୍ତେ ଜୀଦାନ୍ ବିତାଏପେ । ୭ ଆପେୟାଃ ନିହିଁଗାତା ଆୟାଃ ଚେତାନ୍ରେ କେଟେୟାନ୍ଗି ବାଇକେଦ୍ତେ ଜୀଦାନ୍ ବାଇୟେପେ ଆତଃ ଆପେ ନାମାକାଦ୍ ଇନିଡୁ ଲେକାତେ ବିଶ୍ୱାସ୍ରେ ପୁରାଃ କେଟେଜଃପେ । ଆପେୟାଃ ମନ୍ସୁରୁଦ୍ ଧାନ୍ୟାବାଦ୍ତେ ପେରେଜଃକା ।

୮ ଚିଗାଲ୍କାନ୍ଦେ, ଜେତାଏ ଆପେକେ ହଡ଼ରାଃ ହସଡ୍ ସାମାକାଜିରେୟାଃ ସେଣ୍ଟାତେ, ଆୟାଃ ଆକ୍ତେୟାର୍ରେ ଆଲକାଏ ଦହପେକା । ଏନ୍ ସବେନ୍ ସେଣ୍ଟା ଖ୍ରୀଷ୍ଟଆଃ ଇନିଡୁହେତେ କା ହିଜୁଃଆ । ମେନ୍ଦ ଏନା ହଡକଆଃ ସାମାଜ୍ରେୟାଃ ରିଡିରିଝାଜ୍ରେୟାଃ ଇନିଡୁ ଆତଃ ଅତେଦିଶୁମ୍ରେ ରାଇଜ୍ତାନ୍ ପେଡେଃରେୟାଃ ଏଡକାନ୍ ଏନେଟେଦ୍ ଇନିଡୁହେତେ ହିଜୁଃଆ । ୯ ଚିଆଃଚି ଖ୍ରୀଷ୍ଟଆଃ ମାନଝା ରୁପ୍ରେ, ପାର୍ମେଶ୍ୱାର୍ ପୁରା ସଭାଦ୍ ତାଇନଃତାନା । ୧୦ ଆତଃ ଆୟାଃଲଃ ମେସାୟାନ୍ ହରାତେ ଆପେ ପୁରା ଜୀଦାନ୍ଦେ ନାମାକାଦା । ଏଟାଃ ସବେନ୍ ପେଡେଃ ଆତଃ ଆକ୍ତେୟାର୍ ଚେତାନ୍ରେ ଖ୍ରୀଷ୍ଟଆଃ ରାଇଜ୍ଗି ସାଲାଇଁ ଉତାର୍ ତାନାଃ ।

୧୧ ଖ୍ରୀଷ୍ଟଲଃ ମେସାକାନ୍ ଜୀଦାନ୍ଗି ଆପେୟାଃ ଖାଡନାଅ ଲେକାନାଃ ତାନାଃ । ନେ ଖାଡନାଅ ମାନଝା ବାଇତେୟାଃ ନାହାଁଲଃ, ଏନା ଖ୍ରୀଷ୍ଟ ହରାତେ ହବାକାନା । ଏନା ମାନଝାକେ ପାପ୍ତେ ପେରେଜାକାନ୍ ହଡ଼ମରାଃ ତନଲ୍ହେତେ ରାଡାଇୟା । ୧୨ ଚିଆଃଚି ବାପ୍ତିସ୍ମା ଇଦି ହରାତେ ଆପେ ଖ୍ରୀଷ୍ଟଲଃ କାବାର୍ରେ ତପାକାନ୍ ତାଇକେନାପେ ଆତଃ ଯୀଶୁ ଖ୍ରୀଷ୍ଟକେ ଜୀଉବିଦିକାଇ ପାର୍ମେଶ୍ୱାର୍ ଆଃ କାମିୟଃତାନ୍ ପେଡେଃରେ ବିଶ୍ୱାସ୍କେଦ୍ ହରାତେ ଖ୍ରୀଷ୍ଟଲଃ ଆପେୟାଃ ଜୀଉ ବିରିଦ୍କାନାପେ । ୧୩ ଆପେୟାଃ ପାପ୍ ହରାତେ ଆତଃ ଆପେ ସାଅଁସାର୍ ହଡକଆଃ ଆନ୍ତୁ କା ତାଇକେନ୍ ହରାତେ ମିସା ଆପେ ଆମ୍ବିକ୍ ଜୀଦାନ୍ରେ ଗଏଃକାନ୍ ତାଇକେନାପେ, ମେନ୍ଦ ପାର୍ମେଶ୍ୱାର୍ ନାହାଁଃ ଖ୍ରୀଷ୍ଟଲଃ ଆପେକେ ଜୀଦାନ୍ ଏମାକାଦ୍ପେୟାଏ । ପାର୍ମେଶ୍ୱାର୍ ଆବୁଆଃ ସବେନ୍ ପାପକଏ ଛାମାକାଦା । ୧୪ ଆନ୍ତୁକ କା ମାନାଡିଙ୍ଗ୍ ହରାତେ ଆବୁଆଃ ବିରୁଧ୍ରେ ଅଲ୍ଲକାନ୍ ଅନଲ୍ଚିଠାକେ ପାର୍ମେଶ୍ୱାର୍ ସାମାତାନାଃ ମେନ୍ତେ ଉଦୁବକେଦା, ଆତଃ ଆବୁକେ ଛାମାକେଦ୍ବୁଆ । ଆବୁଆଃ ବିରୁଧ୍ରେ ତାଇକାନ୍ ଅନଲ୍ଚିଠାକେ

✧ ୨:୧୨ ୨:୧୨ ରୋମି ୬:୪. ✧ ୨:୧୩ ୨:୧୩ ଏପିସିୟ ୨:୧-୫. ✧ ୨:୧୪ ୨:୧୪ ଏପିସିୟ ୨:୧୫.

ପାର୍ମେଶ୍ୱାର ଇଦିକେଦାଏ ଆତ୍ମ କୁଣ୍ଡ ଚେତାନରେ କିଲାଇକେଦା । ୧୫ ଆତ୍ମ ଏନ୍ କୁଣ୍ଡ ଚେତାନରେ ଶ୍ରୀଷ୍ଟ ସବେନ୍ ଲେକାନ୍ ଆମ୍ବାରୋୟାଃ ପେଡେଃ ଆତ୍ମ ଆକ୍ତେୟାର୍‌ହେତେ ଆପାନ୍‌କେ ରାଡାକେଦ୍‌ତେ ଆତ୍ମ ଇନ୍‌କୁକେ ତଲ୍‌କେଦ୍‌ତେ ଆଇଃକ୍‌ଗି ଜିତାଅୟାନା । ପାର୍ମେଶ୍ୱାର ସାଂସାରରେନ୍ ହଡକକେ ଉଦୁବାଦକଆ ଯେ, ଇନ୍‌କୁ କା ପେଡେୟାନ୍‌କ ତାନକ ।

୧୬ ଏନାତେ ଜେତାଏ ଆପେକେ ଜମ୍, ନୁଁ, ପାବିତାର୍ ବିଷାଏରେ, ଆମାସ୍ ପାରାବ୍, ଆତ୍ମ ରୁଡନ୍ ହୁଲାଙ୍ଗ୍ ବିଷାଏରେ ଆଲକାଏ ବିଚାରପେକା । ୧୭ ଏନ୍ ସବେନାଃ ହିଜୁଃ ଦିପିଲିରେ ହବାଅଃତେ ସେନଃତାନ୍ ବିଷାଏରେୟାଃ ଉମ୍‌ଲୁ ଲେକାନାଃ ତାନାଃ । ନେ ସବେନାଃରେୟାଃ ସାର୍‌ତିତେୟାଃ ଶ୍ରୀଷ୍ଟି ତାନିଃ । ୧୮ ଚିମିନ୍ ହଡକ ଆପାନ୍‌କେ ଲେବେଃୟାନ୍ ମେନ୍‌କେ କାଜିନା, ଦୁଁଡକକେ ସେଝା ରିକାଃକ, ଇନ୍‌କୁ ସବେନ୍ ଇମ୍‌ତା ଦାର୍‌ଶାନ୍ ନେଲାଇକାଦ୍ ବିଷାଏରେ ଜାଗାରାଃକ । ଆପେ ନେ'ଲେକାନ୍ ହଡକକେ, ଦାର୍‌ଶାନ୍ କାପେ ନେଲ୍‌ତାନା, ଦୁଁଡକକେ କାପେ ସେଝାତାନା, ଏନାମେନ୍ତେ ଆପେ ବୁଗିନ୍ ହଡ ନାହାଁଲାପେ ମେନ୍‌କେ କାଜିନାଙ୍ଗ୍, ସୁୟୋଗ୍ ଆଲପେ ଏମାକଆ । ଇନ୍‌କୁ ହଡକଆଃ ବିଚାରରେ ଏସ୍‌କାର୍ ତାଇନ୍ ହରାତେ ଆତ୍ମ ପାର୍ମେଶ୍ୱାର୍‌ଆଃ କାଜି କା ବିଚାରତାନ୍ ହରାତେ ସାମାରେ ଆପାନ୍‌କେ ମାରାଙ୍ଗ୍ ମେନ୍‌କେ କାଜିନ୍‌ତାନା । ୧୯ ଏମେନ୍‌ଦ ଇନ୍‌କୁ ହଡ୍‌ମରେୟାଃ ବହଃ ଲେକାନ୍ ଶ୍ରୀଷ୍ଟତାଃଏତେ ବିନ୍‌ଗାଅକାନାକ । ଶ୍ରୀଷ୍ଟିଆଃ ଆକ୍ତେୟାର୍‌ରେ ଗଟା ହଡ୍‌ମରେୟାଃ ଜଡେନ୍ ଆତ୍ମ ସିହିର୍କ ମିଦ୍‌ରେ ଜଡାଇକାନା ଆତ୍ମ ହଡ୍‌ମ ପାର୍ମେଶ୍ୱାର୍‌ଆଃ ମନେ ଲେକାତେ ହାରାଇଦିୟାଆ ।

ଶ୍ରୀଷ୍ଟିଲଃ ଗନଏଃ ଆତ୍ମ ଜାନିଦ୍

୨୦ ଆପେ ଶ୍ରୀଷ୍ଟିଲଃ ଅତେଦିଶ୍ୱମ୍‌ରେୟାଃ ଏନେଟେଦ୍ ଇନିତୁ ନାଙ୍ଗ୍ ଗଜାକାନାପେ ଆତ୍ମ ନେ ଅତେଦିଶ୍ୱମ୍‌ରେ ରାଇଜେତାନ୍ ଏଡକାନ୍ ପେଡେଃହେତେ ରାଡାକାନାପେ । ତାବ୍‌ଦ ଚିନାଃମେନ୍ତେ ନେ ଅତେଦିଶ୍ୱମ୍‌ରେନ୍ ହଡକ ଲେକା ଜୀଦାନ୍‌ପେ ବିତାଅତାନା ? ଚିନାଃମେନ୍ତେ ନେ ଲେକାନ୍ ନିୟାମ୍‌ପେ ମାନାତିଙ୍ଗ୍ ତାନା ? ୨୧ ଅକ୍‌ନାଃଚି, “ନେଆଁ ଆଲପେ ସାବେଆ, ଏନା ଆଲପେ ଜମେୟାଁ, ଏନା ଆଲପେ ଜୁଚିଦେ,” ୨୨ ନେ ସବେନାଃ କାଟିଃ ଦିପିଲି ନାଙ୍ଗ୍ ତାନାଃ । ନେଆଁ ବାଉରାଅତାନ୍‌ଲଃଗି ସାମାକାଜି ଲେକା ହବାଅଃଆ । ନେ ସବେନାଃ ହଡ୍‌ତେ ବାଇୟାକାନ୍ ନିୟାମ୍‌ ଆତ୍ମ ଇନିତୁ ତାନାଃ । ୨୩ ଇନ୍‌କୁଆଃ ଦୁଁଡକଆଃ ସେଝା, ହଡକଆଃ ବେଦା ଲେବେଃମନ୍ ଆତ୍ମ ଆକଆଃ ହଡ୍‌ମକେ ଦୁକୁହାସୁ ଏମେତେୟାଃ ତାନାଃ । ନେ'ଲେକାନ୍ ନିୟାମ୍‌କ ସେଣ୍‌ନ୍ ଲେକା ଆବ୍‌କାରଃ ତାନା, ମେନ୍‌ଦ ନେ ନିୟାମ୍‌କ ଆପ୍‌ନାଃ ଇଛାସାନାଙ୍ଗ୍ ଲେକା ସେଝାତାନ୍‌ତେୟାଃ ତାନାଃ । ନେଆଁ ଇନ୍‌କୁକେ ଆକଆଃ ପାପ୍ ଉଡ୍‌ଝୁଆତ୍ମ ଏଡକାନ୍ କାମିହେତେ ସାଙ୍ଗିନ୍‌ରେ ତାଇନଃ ନାଙ୍ଗ୍ କାଏ ଦେଙ୍ଗାକଆଃ ।

୩

୧ ଆପେ ଶ୍ରୀଷ୍ଟିଲଃ ଗନଏଃହେତେ ଜୀଉ ବିରିଦାକାନାପେ । ଏନାତେ ସିର୍ମାରେୟାଃ ବିଷାଏକ ନାମେ ନାଗେନ୍ତେ ମନ୍ ଏମେପେ, ଚିଆଃଚି ଶ୍ରୀଷ୍ଟି ସିର୍ମାରେ ଆୟାଃ ରାଜ୍‌ଗାଦିରେ ପାର୍ମେଶ୍ୱାର୍‌ଆଃ ଜମ୍‌ସାଃରେ ଦୁବାକାନା । ୨ ଅତେଦିଶ୍ୱମ୍‌ରେୟାଃ ବିଷାଏରେ ମନ୍ କା ଏମ୍‌କେଦ୍‌ତେ ସିର୍ମାରେୟାଃ ବିଷାଏରେ ମନ୍ ଏମେପେ ଆତ୍ମ ଉଡ୍‌ଝୁ ରିକାଏପେ । ୩ ଚିଆଃଚି ଆପେ ଗଏଃକାନାପେ ଆତ୍ମ ଆପେୟାଃ ଜୀଦାନ୍ ପାର୍ମେଶ୍ୱାର୍‌ତାଃରେ ଶ୍ରୀଷ୍ଟିଲଃ ଉକୁଆକାନା । ୪ ଶ୍ରୀଷ୍ଟି ଆପେୟାଃ ସାର୍‌ତି ଜୀଦାନ୍ ତାନିଃ ଆତ୍ମ ଇନିଃ ଚିମ୍‌ତାଏ ଉଦୁବେନା ଇମ୍‌ତା ଆପେୟାଃ ଆୟାଃ ମାନାରାଙ୍ଗ୍‌ରେୟାଃ ହିସା ହବାକେଦ୍‌ତେ ଉଦୁବଃଆପେ ।

ମାରି ଆତ୍ମ ନାଝା ଜୀଦାନ୍

୫ ଏନା ନାଗେନ୍ତେ ଆପେ ନେ ଅତେରେ ଆପାଙ୍ଗିର୍ କାମି, ସଡ୍‌ରା, ଏଡକାନ୍ ସାନାଙ୍ଗ୍, ଗିହୁଗାନ୍ ସାନାଙ୍ଗ୍, ଆତ୍ମ ଖୁଜ୍‌କରେୟାଃ ହାୟାକ ବାଗିପେ । ଖୁଜ୍‌କରାଃ ହାୟା ହବାଅଃତାନା ମୁରୁଡ୍ ସେଝା । ୬ ଚିଆଃଚି ନେ ସବେନାଃରେ ତାଇନ୍‌କେଦ୍‌ତେ ଅକନ୍‌କ ପାର୍ମେଶ୍ୱାର୍‌କେ କାକ ମାନାତିୟାଃ, ଇନ୍‌କୁଆଃ ଚେତାନ୍‌ରେ ପାର୍ମେଶ୍ୱାର୍‌ଆଃ ଖୁସ୍ ହିଜୁଃଆ । ୭ ମିସା ଆପେ ନେ'ଲେକାନ୍ ଏଡକାନ୍ ସାନାଙ୍ଗ୍‌ରେ ଜୀଦାନ୍ ବିତାଅ ତାଇକେନାପେ ।

୮ ମେନ୍‌ଦ ନାହାଁଃ ଆପେକେ ନେ'ଲେକାନ୍ ଖୁସ୍, ହିସିଙ୍ଗା, ନିୟା କାଜିକ ବାଗି ଲାଗାତିଙ୍ଗ୍‌ୟାଃ । ଆପେ ଏଗାଃକକେ ଲାୟାକ ଲେକାନ୍ କାଜିକ, ଆତ୍ମ ଗିହୁଗାଃ କାଜିକ ଆଲପେ ଜାଗାରେୟା । ୯ ଏଆପେ ଆପେରେ ବେଦା କାଜି ଆଲପେ କାଜିୟା, ଚିଆଃଚି ଆପେ ମାରି ସଭାବ୍ ଚାଏ ଚାଇଲ୍ ଚାଲାନ ବାଗିକାଦାପେ, ୧୦ ଏଆତ୍ମ ନାଝା ସଭାବ୍ ଚାଏ ଚାଇଲ୍ ଚାଲାନ ସାବାକାଦାପେ । ଆପେୟାଃ ନେ ନାଝା ଜୀଦାନ୍ ହରାତେ ଆପେ ଅତେଦିଶ୍ୱମ୍ ବାବାଇନିଃ ଲେକାପେ ହବାକାନା, ଆତ୍ମ ଆପେ ପାର୍ମେଶ୍ୱାର୍‌ଆଃ

☆ ୨:୧୬ ୨:୧୬ ରୋମି ୧୪:୧-୬. ☆ ୨:୧୯ ୨:୧୯ ଏପିସିୟ ୪:୧୭. ☆ ୩:୯ ୩:୯ ଏପିସିୟ ୪:୨୨. ☆ ୩:୧୦ ୩:୧୦ ଏପିସିୟ ୪:୨୪.

ବିଷାଏରେୟାଃ ସାର୍ତ୍ତି ସେଣ୍ଟାପେ ନାମ୍‌ଇଦିତାନା । ୧୧ ଏନାତେ ଯିହୁଦୀ ଆଡ଼ଃ ସାଅଁସାର୍ ହଡ଼କ ଆଲାରେ ଜେତାନ୍ ଭେଦଭାବ୍ ବାନଃଆ, ଖାଡ଼ନାଅ ଚାଏ କା ଖାଡ଼ନାଅ, ଏଟାଃ ଦିଶ୍ଟୁମ୍‌ରେନ୍ ଚାଏ ଆପ୍‌ନାଃ ଦିଶ୍ଟୁମ୍‌ରେନ୍, ସ୍ତ୍ରୀୟା ହଡ଼, କିରିଙ୍ଗ୍‌ୟାକାନ୍ ଦାସି ଚାଏ ତନଲ୍ ରାଡ଼ାକାନ୍ ଦାସି ସବେନ୍‌କ ମିଦ୍ ସାମାନ୍ ତାନ୍‌କ । ମେନ୍‌ଦ ଖ୍ରୀଷ୍ଟ୍ ସବେନ୍‌କଆଃରେ ମେନାଲୟା ଆଡ଼ଃ ଇନିଃ ହବାଅଃତାନାଏ ସବେନ୍‌କଆଃ ।

୧୨ *ଆପେ ପାର୍‌ମେଶ୍ଵାର୍‌ଆଃ ହଡ଼କ ତାନ୍‌ପେ । ଇନିଃ ଆପେକେ ଦୁଲ୍‌ଭକେଦ୍‌ତେ ଆୟାଃ ନାଗେନ୍ତେ ସାଲାକାଦ୍‌ପେୟା । ଏନାତେ ଆପେ ଲିନିବୁଇ, ଦାୟାଲୁ, ଲେବେୟେନ୍, ହୁଡ଼ିଙ୍ଗ୍‌ୟେନ୍ ଆଡ଼ଃ ଧିରାନ୍ ସାବେ ଲେକାନ୍ ଲିଜାଃ ତୁସେୟେନ୍‌ପେ । ୧୩ *ମିହୁଡ୍ ଆଡ଼ଃମିହୁଡ୍‌କେ ସାହାତିଙ୍ଗ୍‌କ ତାନ୍‌ଲେକା ହବାଃଅପେ ଆଡ଼ଃ ଜେତାଏୟାଃ ଏଟାଃନିଆଃ ବିରୁଧ୍‌ରେ କାଜି ମେନାଃରେଦ୍, ମିହୁଡ୍ ଆଡ଼ଃମିହୁଡ୍‌କେ ଛାମାଲପେ । ପ୍ରାଭୁ ଆପେକେ ଛାମାକାଦ୍‌ପେ ଲେକାଗି, ଆପେ ମିହୁଡ୍ ଆଡ଼ଃମିହୁଡ୍‌କେ ଛାମାଲପେ । ୧୪ ଆଡ଼ଃ ନେ ସବେନ୍ ଚାଲଲ୍ ଚାଲାନଲ୍‌ଃ ଦୁଲ୍‌ଭକେ ମେସାଏପେ । ଦୁଲ୍‌ଭକ୍ ସବେନ୍ ବିଷାଏକେ ମିଦ୍‌ତାଃରେ ମେସାଏତାନ୍‌ଲ୍‌ଃ ତଲ୍‌କେଟେଦ୍‌ତାଃଏ । ୧୫ ଖ୍ରୀଷ୍ଟ୍ ଏମାକାଦ୍ ଜୀଉସୁକ୍‌ତେ ଆପେ ଉହାଟ୍‌କାଦ୍ ତେୟାଃକକେ ଆୟୁର୍‌ତେ ଇଦି ନାଲ୍ ଦେଙ୍ଗାପେକାଏ, ଚିଆଃଚି ନେ ଜୀଉସୁକ୍ ନାଗେନ୍ତେ ପାର୍‌ମେଶ୍ଵାର୍ ଆପେକେ ମିଦ୍‌ତେ ମିଆଁଦ୍ ହଡ଼ମ୍ ହବାଅଃ ନାଲ୍ ସାଲାକାଦ୍‌ପେୟାଏ । ସବେନ୍ ଇମ୍‌ତା ଧାନାବାଦ୍ ହବାଅଃକା । ୧୬ *ଖ୍ରୀଷ୍ଟ୍‌ଆଃ ବିଷାଏରେୟାଃ ଇନିତୁ ଆପେୟାଃ ମନ୍‌ସୁରୁଦ୍‌ରେ ପୁରାଃତେ ତାଇନ୍‌କା । ସେଣ୍ଟାନ୍ ଲେକାତେ ମିହୁଡ୍ ଆଡ଼ଃମିହୁଡ୍‌କେ ଇତୁ ଆଡ଼ଃ ଆତୁକପେ । ଦୁରାଙ୍ଗ୍ ଗାମୁତାନ୍‌ଲ୍‌ଃ, ଆଡ଼ଃ ଆମ୍‌ରେୟାଃ ଦୁରାଙ୍ଗ୍‌କ ଦୁରାଙ୍ଗ୍‌ତାନ୍‌ଲ୍‌ଃ ପାର୍‌ମେଶ୍ଵାର୍‌କେ ଆପେୟାଃ ମନ୍‌ସୁରୁଦ୍‌ତେ ଧାନାବାଦ୍ ଏମାଲପେ । ୧୭ ଆପେ କାଜିତେ ଚାଏ କାମିତେ ଜେଡ଼ନାଃଚି ରିକାତାନ୍‌ତେୟାଃ ପ୍ରାଭୁ ଯାଶ୍ଟୁଆଃ ନୁତୁମ୍‌ତେ ରିକାତାନ୍‌ଲ୍‌ଃ ଆପୁ ପାର୍‌ମେଶ୍ଵାର୍‌କେ ଧାନାବାଦ୍ ଏମାଲପେ ।

ନାଞ୍ଜା ଜୀଦାନ୍‌ରେ ଆବୁଆଃ ନାତା

୧୮ *ଏ କୁଡ଼ିକ, ଆପେ ଆପେୟାଃ କଡ଼ାକତାଃରେ ଜିମାନ୍‌ପେ । ପ୍ରାଭୁକେ ଅତଙ୍ଗ୍‌ତାନ୍‌କ ଲେକା ନେଆଁ ରିକା ଲାଗାତିଙ୍ଗ୍‌ୟାଃ ।

୧୯ *ଏ କଡ଼ାକ, ଆପେୟାଃ କୁଡ଼ିକକେ ଦୁଲ୍‌ଭକପେ । ଇନ୍‌କୁକେ ଖ୍‌ସ୍‌ଅଃ ଲେକା ଆଲପେ ବାଇକଆ ।

୨୦ *ଏ ହନ୍‌କ, ଆପେ ସବେନ୍ ଇମ୍‌ତା ଆପେୟାଃ ଏଙ୍ଗାଆପୁକକେ ମାନାତିଙ୍ଗ୍‌କପେ । ନେଆଁ ଖ୍ରୀଷ୍ଟ୍‌କେ ଅତଙ୍ଗ୍‌ତାନ୍‌କକେ ରିକା ଲାଗାତିଙ୍ଗ୍‌ୟାଃ, ଚିଆଃଚି ପାର୍‌ମେଶ୍ଵାର୍ ନେଆଁରେ ସୁକୁଃଆ ।

୨୧ *ଏ ଏଙ୍ଗାଆପୁକ, ଆପେ ହନ୍‌କକେ ଆଲପେ କାଏରାଅକଆ । କା'ରେଦ୍ ଇନ୍‌କୁ ହୁଡ଼ିଙ୍ଗ୍ ଜୀଉକଆଃକ ।

୨୨ *ଏ କିରିଙ୍ଗ୍‌ୟାକାନ୍ ଦାସିକ, ସବେନ୍ ବିଷାଏରେ ଅତେରେନ୍ ଆପେୟାଃ ମାନଞ୍ଜା ଗୁସିୟାକଆଃ କାଜି ଆୟୁମେପେ, ଇନ୍‌କୁ ଆପେକେ ନେଲ୍‌ପେ ଇମ୍‌ତା ଇନ୍‌କୁକେ ସୁକୁଇଚିକ ନାଗେନ୍ତେ ଏସ୍‌କାର୍ କାହାଗି, ମେନ୍‌ଦ ପ୍ରାଭୁଆଃ ନାଗେନ୍ତେ ବରଭାକ୍ତିତାନ୍‌ଲ୍‌ଃ ଆପ୍‌ନାଃ ମନ୍‌ସୁରୁଦ୍‌ରେୟାଃ ସାନାଙ୍ଗ୍ ଲେକାତେ କାମିପେ । ୨୩ ଆପେ କାମିତାନ୍ କାମି, ହଡ଼କଆଃ ନାଗେନ୍ତେ କା କାମିକେଦ୍‌ତେ ପାର୍‌ମେଶ୍ଵାର୍‌ଆଃ ନାଗେନ୍ତେ କାମିତାନାଲେ ମେନ୍ତେ ଉଡ଼ଃତାନ୍‌ଲ୍‌ଃ ଆପେୟାଃ ସବେନ୍ ମନ୍‌ସୁରୁଦ୍‌ଲ୍‌ଃ କାମିପେ । ୨୪ ପାହାମେପେ, ପାର୍‌ମେଶ୍ଵାର୍ ଆୟାଃ ହଡ଼କ ନାଗେନ୍ତେ ଅକ୍‌ନାଃ ଦହକାଦାଏ, ଏନା ଆପେକେ ନାଲା ଲେକାଏ ଏମାପେୟା । ଚିଆଃଚି ଆପେ ସେଞ୍ଜାତାନ୍, ଖ୍ରୀଷ୍ଟି ଆପେୟାଃ ସାର୍ତ୍ତି ଗୁସିୟା ତାନିଃ । ୨୫ *ଆଡ଼ଃ ସବେନ୍ ଏଡ଼କାନ୍ କାମିତାନ୍‌କ ଆକଆଃ ଏଡ଼କାନ୍ କାମି ନାଗେନ୍ତେ ସାଜାଇକ ନାମେୟା, ଚିଆଃଚି ପାର୍‌ମେଶ୍ଵାର୍ ସବେନ୍ ହଡ଼କକେ ଆକଆଃ କାମି ଲେକା ସାମାନ୍‌ଗି ବିଚାର୍‌କଆ ।

୪

୧ *ଏ ଗୁସିୟାକ, ଆପେୟାଃ ଦାସିକଆଃ ଅକ୍‌ନାଃ ବୁଗିନାଃ ଆଡ଼ଃ ଠାଉକାନ୍‌ଗି ହବାଅଃଆ ଏନ୍‌ଲେକାଗି ରିକାକପେ । ସିମ୍‌ାରେ ଆପେୟାଃହଗି ମିଆଁଦ୍ ଗୁସିୟା ମେନାଲୟା ମେନ୍ତେ ପାହାମେପେ ।

ଏଟାଃ ଏଟାଃ ବିଷାଏରେ ଆନାତୁ

୨ ସବେନ୍ ଇମ୍‌ତା ବିକ୍ତିରେ ଜୀଦାନ୍ ବିତାଏପେ ଆଡ଼ଃ ପାର୍‌ମେଶ୍ଵାର୍‌କେ ଧାନାବାଦ୍ ଏମ୍‌କେଦ୍‌ତେ ବିକ୍ତିରେ ଚିହ୍ନଲାଇନ୍ ତାଇନ୍‌ପେ । ୩ ଖ୍ରୀଷ୍ଟ୍‌ଆଃ ବିଷାଏରେ ଉକୁଆକାନ୍ କାଜିକେ ଉଦୁବେ ନାଲ୍ ଦୁଆର୍ ନିଜେକାଏ ମେନ୍ତେ ପାର୍‌ମେଶ୍ଵାର୍ ଆଲେକେ ବୁଗିନ୍ ସୁୟୋଗ୍ ଏମାଲେକାଏ, ଏନାମେନ୍ତେୟା ଆଲେ

* ୩:୧୨ ୩:୧୨ ଏଡ଼ିସିୟ ୪:୨. * ୩:୧୩ ୩:୧୩ ଏଡ଼ିସିୟ ୪:୩୨. * ୩:୧୬ ୩:୧୬ ଏଡ଼ିସିୟ ୫:୧୯,୨୦. * ୩:୧୮ ୩:୧୮ ଏଡ଼ିସିୟ ୫:୨୨; ୧ ପାଡ଼ରାସ୍ ୩:୧. * ୩:୧୯ ୩:୧୯ ଏଡ଼ିସିୟ ୫:୨୫; ୧ ପାଡ଼ରାସ୍ ୩:୭. * ୩:୨୦ ୩:୨୦ ଏଡ଼ିସିୟ ୬:୧. * ୩:୨୧ ୩:୨୧ ଏଡ଼ିସିୟ ୬:୪. * ୩:୨୨ ୩:୨୨ ଏଡ଼ିସିୟ ୬:୫-୮. * ୩:୨୫ ୩:୨୫ ଏଡ଼ିସିୟ ୬:୯. * ୪:୧ ୪:୧ ଏଡ଼ିସିୟ ୬:୯.

ନାଗେନ୍ତେ ବିକ୍ରିପେ । ଚିଆଃତି ଏନା ନାଗେନ୍ତେ ଆଇଙ୍ଗ ନାହିଁଃ ଜେହେଲ୍ରେ ମେନାଇୟା, ଧ ଆଡ଼ଃ ବିକ୍ରିପେ, ଆଇଙ୍ଗ ଜେ'ଲେକା ନେ କାଜିକେ ସାର୍ତି ଆଡ଼ଃ ଆର୍କାର୍ଡରୁମ୍ ଦାଡ଼ିୟଃ ଲେକାଇଙ୍ଗ ଉଦୁବ୍ ଦାଡ଼ିୟା ।

୫ ଧ ଆପେୟାଃ ସବେନ୍ ସୁଯୋଗକେ ବୁଗିଲେକା ବେଭାରକେଦ୍ତେ କା ବିଶ୍ୱାସ୍ତାନ ହଡ଼କତାଃରେ ସେଣାନ୍ ଲେକାତେ ଚାଇଲ୍ ଚାଇଲ୍ ରିକାଏପେ । ୬ ଆପେୟାଃ ଜାଗାରକ ସବେନ୍ ଇମ୍ତା ହେଡ଼େମାନ୍ ଆଡ଼ଃ ସୁକୁଆନ୍ ଲେକା ହବାଅଃକା । ଆଡ଼ଃ ଚିଲ୍କା ଆପେ ସବେନ୍କକେ ଠାଉକାଗି କାଜିରୁହାଡ଼ ଦାଡ଼ିୟାପେ, ଏନା ଆପେକେ ସାରି ଲାଗାଡ଼ିୟା ।

ଚୁଣ୍ଟି ଜୁହାର୍

୭ ଧ ଆବୁଆଃ ଦୁଲାଡ଼୍ ହାଗା ତୁଖ୍କ, ଅକଏଚି ପ୍ରାଭୁଆଃ କାମିରେ ପାତିୟାରରଃ ଲେକାନ୍ ସୁସାର୍ନିଃ ଆଡ଼ଃ ଆଇୟାଃଲଃ ମିସାତେ କାମିତାନ୍ ଗାତିଦାସି ତାନିଃ । ଇନିଃ ଆଇୟାଃ ବିଷାଏରେ ଆପେକେ ସବେନାଃଏ କାଜିୟାପେଆ । ୮ ଆଲେ ଚିଲ୍କା ମେନାଲେୟା, ଏନ୍ ସବେନ୍ ବିଷାଏ କାଜିକେଦ୍ତେ ଆପେକେ ଜୀଉରେ ରାସ୍କା ଏମ୍ ନାଙ୍ଗ୍ ଆଇଙ୍ଗ ଇନିଃକେ ଆପେତାଃତେଇଙ୍ଗ୍ କୁଲିତାନା । ୯ ଧ ଆୟାଃଲଃ ଆପେୟାଃ ଝୁଣ୍ଟିରେନ୍ ଦୁଲାଡ଼୍ ପାତିୟାରରଃ ଲେକାନ୍ ହାଗା ଅନିସିମସ୍ ହେନ୍ତାନାଏ । ଇନକିନ୍ ଆପେକେ ନେତାଃରେ ହବାଅଃତାନ୍ ସବେନ୍ କାଜିକ ଉଦୁବାପେୟାକିନ୍ ।

୧୦ ଧ ଆଇୟାଃଲଃ ଜେହେଲ୍କାନ୍ ଆରିସ୍ତାଃ ଆଡ଼ଃ ଆୟାଃଲଃ ବର୍ଣ୍ଣବାସ୍ତାଃ ଆପ୍ନାଃ ହଡ଼ ମାର୍କହଗି ଆପେକେ ଜହାର୍ ମେନ୍ତେ କାଜିକୁଲେ ତାନା । ମାର୍କ ଆପେତାଃତେ ସେନ୍ରେ ଇନିଃକେ ଦାରମିପେ । ନେ କାଜି ଆପେକେ ସିଦାରେଗି ଆରୁକାନା । ୧୧ ଯୁସ୍ତ ନୁଡୁମ୍ତେ ସାରିୟଃତାନ୍ ଯିହୋଶୁୟହ୍ ଜହାର୍ ମେନ୍ତେ କାଜିକୁଲ୍ ତାନା । ଖ୍ରୀଷ୍ଟକେ ବିଶ୍ୱାସକେଦ୍ତେ ନେ ଆପିହଡ଼୍ ଯିହୁଦୀକ ଏସ୍କାର୍ ପାର୍ମେଶ୍ୱାର୍ଆଃ ରାଇଜ୍ ନାଗେନ୍ତେ ଆଇୟାଃଲଃ ମିସାତେ କାମିକେଦ୍ତେ ଆଇଙ୍ଗକେ ପୁରାଃଗିକ ଦେଙ୍ଗାକାଦିୟା ।

୧୨ ଧ ଏପାପ୍ରା ଆପେକେ ଜହାର୍ ମେନ୍ତେ କାଜିକୁଲ୍ ତାନା । ଇନିଃ ଯୀଶୁ ଖ୍ରୀଷ୍ଟଆଃ ଦାସି ଆଡ଼ଃ ଆପେୟାଃ ଝୁଣ୍ଟିରେନ୍ ହଡ଼ ତାନିଃ । ଆପେ ପାର୍ମେଶ୍ୱାର୍ଆଃ ଇଛାସାନାଙ୍ଗ୍ରେୟାଃ ପୁରା ମାନାତିଙ୍ଗ୍ ତାନ୍କ ହବାକେଦ୍ତେ ପକ୍ତା ଆଡ଼ଃ କେଟେୟାନ୍ ବିଶ୍ୱାସୀ ଲେକା ତିଙ୍ଗୁକେଟେଦ୍ ଦାଡ଼ିୟାପେ, ଏନାମେନ୍ତେ ଇନିଃ ଆପେ ନାଗେନ୍ତେ ପାର୍ମେଶ୍ୱାର୍ତାଃରେ ସବେନ୍ ଇମ୍ତାଏ ବିକ୍ରିତାନା । ୧୩ ଆପେ ନାଗେନ୍ତେ, ଲାଉଦିକିଆ ଆଡ଼ଃ ହିଏରାପଲିରେନ୍ ହଡ଼କଆଃ ନାଗେନ୍ତେ ଇନିଃ ରିକାକାଦ୍ କେଟେଦ୍ କାମି ବିଷାଏରେ ଆଇଙ୍ଗ ଗାଞ୍ଜା ଏମେତାନାଇଙ୍ଗ୍ । ୧୪ ଧ ଆବୁଆଃ ଦୁଲାଡ଼୍ ବାଇଦ୍ ଲୁକ୍ ଆଡ଼ଃ ଦିମା ଆପେକେ ଜହାର୍ ମେନ୍ତେ କାଜିକୁଲ୍ ତାନା ।

୧୫ ଲାଉଦିକିଆରେନ୍ ଖ୍ରୀଷ୍ଟ ବିଶ୍ୱାସୀ ହାଗାକକେ, ମିଗି ନୁମ୍ପା ଆଡ଼ଃ ଆୟାଃ ଅଡ଼ାଃରେ ହୁଣ୍ଟିୟତାନ୍ କାଲିସିୟାରେନ୍ ସବେନ୍କକେ ଆଲେୟାଃ ଜହାର୍ ଉଦୁବାକପେ । ୧୬ ଆପେ ନେ ଚିଟାଉ ପାଡ଼ାଅ ଚାବାକେଦ୍ ତାୟମ୍ତେ, ଲାଉଦିକିଆ କାଲିସିୟାରେନ୍ ହଡ଼କକେ ନେ ଚିଟାଉକେ ପାଡ଼ାଅ ନାଗେନ୍ତେ ଏମାକପେ । ଆଡ଼ଃ ଆଇଙ୍ଗ ଲାଉଦିକିଆକେ ଅକ ଚିଟାଉ ଅଲାଇକାଦାଇଙ୍ଗ୍, ଏନାକେୟଗି ଆପେ ପାଡ଼ାଏପେ । ୧୭ ଧ ଆଡ଼ଃ ଆଖି ପସକେ କାଜିପେ, “ପ୍ରାଭୁଆଃ ସେଞ୍ଜା ନାଗେନ୍ତେ ଆମ୍କେ ଅକ ବାହାରମ୍ ଏମାକାନ୍ ତାଇକେନା, ଏନା ରିକାତେଗି ରିକାଏମେ ।”

୧୮ ଆଇଙ୍ଗ ପାଉଲୁସ୍ ଆଇୟାଃ ଆପ୍ନାଃ ଅନଲ୍ତେଗି ଜହାର୍ ମେନ୍ତେଇଙ୍ଗ୍ କାଜିକୁଲ୍ ତାନା । ଆଇଙ୍ଗ ଜେହେଲ୍ରେ ସିକିଡ଼ିତେ ତଲାଇକାନ୍ତେୟାଃକେ ପାହାମାକାପେ । ପାର୍ମେଶ୍ୱାର୍ଆଃ ସାୟାଦ୍ ଆପେ ସବେନ୍କଲଃ ହବାଅଃକା ।

୪:୫ ୪:୫ ଏପିସିୟ ୫:୧୭. ୪:୬ ୪:୬ ପ୍ରେରିଡ଼ ୨୦:୪; ୨ ତିମଥୁ ୪:୧୨. ୪:୭ ୪:୭ ଏପିସିୟ ୬:୨୧,୨୨. ୪:୯ ୪:୯ ଫିଲମନ୍ ୧:୧୦-୧୨. ୪:୧୦ ୪:୧୦ ପ୍ରେରିଡ଼ ୧୯:୨୯; ୨୭:୨; ଫିଲମନ୍ ୧:୨୪; ପ୍ରେରିଡ଼ ୧୨:୧୨,୨୫; ୧୩:୧୩; ୧୫:୩୭-୩୯. ୪:୧୨ ୪:୧୨ କଲସିୟ ୧:୭; ଫିଲମନ୍ ୧:୨୩. ୪:୧୪ ୪:୧୪ ୨ ତିମଥୁ ୪:୧୧; ଫିଲମନ୍ ୧:୨୪; ୨ ତିମଥୁ ୪:୧୦; ଫିଲମନ୍ ୧:୨୪. ୪:୧୭ ୪:୧୭ ଫିଲମନ୍ ୧:୨.

ଥେସଲନିକୀୟମାନଙ୍କ ନିକଟକୁ ପାଉଲଙ୍କ ପ୍ରଥମ ପତ୍ର **ଥେସଲନିକୀ ବିଶ୍ୱାସୀକତାଃତେ ପ୍ରେରିତ୍ ପାଉଲୁସ୍ଆଃ** **ପାହିଲା ଚିଟାଉ** **ପାରିଟାଏ**

ପ୍ରେରିତ୍ ପାଉଲୁସ୍ ଥେସଲନିକୀ କାଲିସିୟାତେ ନେ ଚିଟାଉ ଅଲ୍ଲକାଦାଏ ୧:୧ । ନେ ଚିଟାଉ ଥେସଲନିକୀ କାଲିସିୟା ନାଜ୍ ପାଉଲୁସ୍ଆଃ ପାହିଲା ଚିଟାଉ ତାନାଃ । ନେଆଁ ଯୀଶୁ ଖ୍ରୀଷ୍ଟ୍ଆଃ ଜାନାମ୍ ତାୟମ୍ ୫୧ କରେ ଅଲ୍ଲକାନା । ପାଉଲୁସ୍ ଚିମ୍ତା କରନ୍ତି କାଲିସିୟାରେ ତାଲକେନାଏ, ଇମ୍ତା ନେ ଚିଟାଉ ଅଲ୍ଲକାଦ୍ ତାଲକେନାଏ । ନେ ଚିଟାଉ ଅକନ୍ କାଲିସିୟାକେ ଅଲ୍ଲକାଦ୍ ତାଲକେନାଏ, ଏନା ଇନିଃ ବାର୍ଯାତେ ମିସ୍ନାରି କାମି ହରାସେନ୍କେନ୍ ଇମ୍ତା ନେ କାଲିସିୟାକେ ବାଲୟାକାଦ୍ ତାଲକେନା ପ୍ରେରିତ୍ ୧୭:୧-୧୦ । ଏନା ଚିମିନ୍ ଯିହୁଦୀକ ଆତଃ ଚିମିନ୍ ସାଅଁସାର୍ ହଡକଆଃ ହରାତେ ହାରାଉଦିକାନା ମେନ୍ତେ ପ୍ରେରିତ୍ ପୁଥ୍ରେ କାଜିକାନା ।

ପାଉଲୁସ୍ କାଲିସିୟା ବାଲକେଦ୍ ତାୟମ୍ତେ ଥ୍ମା ମାହାଁ ଥେସଲନିକାରେ କାଏ ତାଲନ୍ ଦାଡିୟାନା । ଏନାତେ ତୁଣ୍ଡୁରେ ଏନ୍ତାଃରେ ମେନାକ ବିଶ୍ୱାସୀକକେ ଜୀଉରେ କେଟେଦ୍ ଏମାକ ନାଗେନ୍ତେ ନେ ଚିଟାଉ ଅଲ୍ଲକୁଲକେଦାଏ । ମିଆଁଦ୍ ଖ୍ରୀଷ୍ଟିୟାନ୍କେ ଚିଲ୍ଲକା ଜାହିଦ୍ ଲାଗାତିୟାଁ, ନେ ଚିଟାଉରେ ପୁରାଃ ବିଷାଏ ଆତଃ ଏଟାଃ ଏଟାଃ ଚିମିନ୍ ଆନ୍ତୁକ ମେନାଃ ।

ପାଉଲୁସ୍ଆଃ ଆତଃମିସା ହିନିଜୁଃ ବିଷାଏରେ ଅଲ୍ଲକାନା । ହବାସାକାଅଆଃ ଥେସଲନିକୀ କାଲିସିୟାରେନ୍ ବିଶ୍ୱାସୀକ ପୁରାଃତେ ନେ ବିଷାଏରେ ଚିହ୍ଲୁକେଦ୍ତେ ତାଲକେନାକ । ପାଉଲୁସ୍ ଯୀଶୁଆଃ ଆତଃମିସା ହିନିଜୁଃକେ ନେଲକେଦ୍ତେ ପାର୍ମେଶ୍ୱାର୍କେ ସୁକୁଇତି ଲେକା ଜୀଦାନ୍ ବିତାଅ ନାଗେନ୍ତେ ଉଦୁବାଃଏ ୫:୬-୮ ।

ପୁଥ୍ ଭିତାରେ ତାଲକାନ୍ କାଜି

- ୧. ପାଉଲୁସ୍ କାଲିସିୟାକେ ଜହାର୍ ଆତଃ ପାର୍ମେଶ୍ୱାର୍କେ ଧାନ୍ୟାବାଦ୍ ଏମ୍କେଦ୍ତେ ନେ ଚିଟାଉରାଃ ଏନେଟେଦ୍ ହବାକାନା । ୧
- ୨. ତାୟମ୍ତେ ଇନିଃ ତୀମଥ୍ ଆଉଝାକାଦ୍ କାଜି ଆତଃ ଆୟାଃ କାମି ବିଷାଏରେ କାଜିକାଦା । ୨-୩
- ୩. ପାଉଲୁସ୍ ଆତୁକାଦାଏ ଯେ, ଖ୍ରୀଷ୍ଟିୟାନ୍କେ ଚିଲ୍ଲକା ଯୀଶୁ ଖ୍ରୀଷ୍ଟ୍ଆଃ ଆତଃମିସା ହିନିଜୁଃରେୟାଃ ମାର୍ସାଲରେକ ତାଲନା । ୪:୧-୫:୧୫
- ୪. ପାଉଲୁସ୍ ଆତଃମିସା କାଲିସିୟାକେ ଜହାର୍ ଆତଃ ଇନ୍କୁକେ ନେ ଚିଟାଉକେ ପାଢାଅ ଲାଗାତିୟାଁଃ ମେନ୍ତେ କାଜିତୁଣ୍ଡୁକଦା । ୫:୧୬-୨୮

୧* ଆରୁଆଃ ଆପୁ ପାର୍ମେଶ୍ୱାର୍ ଆତଃ ପ୍ରାଭୁ ଯୀଶୁ ଖ୍ରୀଷ୍ଟ୍ରେ ତାଲକାନ୍ ଥେସଲନିକୀ କାଲିସିୟାରେନ୍ ହଡକତାଃତେ ପାଉଲୁସ୍, ସିଲାସ୍ ଆତଃ ତୀମଥ୍ଆଃ ଚିଟାଉ । ସାୟାଦ୍ ଆତଃ ଜୀଉସୁକୁ ଆପେରେ ହବାଅଃକା ।

ଥେସଲନିକାରେନ୍କଆଃ ଜୀଦାନ୍ ଆତଃ ବିଶ୍ୱାସ୍

୨ ଆଲେ ସବେନ୍ ଇମ୍ତା ଆଲେୟାଃ ବିନ୍ତ୍ରିରେ ଆପେକେ ପାହାମ୍ପେତାନ୍ଲଃ ପାର୍ମେଶ୍ୱାର୍କେଲେ ଜହାରିତାନା । ୩ ଚିୟାଃତି ଆଲେ ଆରୁଆଃ ଆପୁ ପାର୍ମେଶ୍ୱାର୍ଆଃ ସାମ୍ନାଜ୍ରେ ଆପେୟାଃ ବିଶ୍ୱାସ୍ରାଃ କାମି ଆତଃ ଆପେୟାଃ ଦୁଲ୍ଲାଡ୍ତେ ଅତଙ୍ଗ୍ଆଃତାନ୍ କେଟେଦ୍କାମି, ଆତଃ ଆରୁଆଃ ପ୍ରାଭୁ ଯୀଶୁ ଖ୍ରୀଷ୍ଟ୍ରେ ଆସ୍ତାଏତାନ୍ ଆପେୟାଃ ସାହାତିଙ୍ ଜୀଦାନ୍କେଲେ ପାହାମାକାଦା । ୪ ହେ ହାଗା ମିଶିକ, ଆଲେ ସାରିତାନାଲେ, ପାର୍ମେଶ୍ୱାର୍ ଆପେକେ ଦୁଲ୍ଲାଡ୍ପେତାନା ଆତଃ ଆୟାଃ ହଡ୍ ହବାଅଃ ନାଗେନ୍ତେ ଆପେକେ ସାଲ୍ଲକାଦ୍ପେୟା । ୫ ଚିୟାଃତି ବାତାନ୍ତେ ଏସକାର୍ କା ମେନ୍ଦ୍ ପାବିତାର୍ ଆମ୍ବାରାଃ ପେଡେଃତେ, ସୁକୁକାଜିରେୟାଃ ସାନାର୍ତି ପୁରା ସେକାଡ୍କେଦ୍ତେ ଆପେତାଃତେ ସେଟେର୍ୟାନା । ଆଲେ ଆପେଲଃ ତାଲନ୍ ଇମ୍ତା ଆପେୟାଃ ବୁଗିନ୍ ନାଗେନ୍ତେ ଚିଲ୍ଲକା ଜୀଦାନ୍ ବିତାଅ ତାଲକେନାଲେ ଏନା ଆପେ ସାରିତାନାପେ । ୬ *ଆତଃ ଆପେ ଆଲେକେ ଆତଃ ପ୍ରାଭୁକେ ଅତଙ୍ଗ୍କାଲ ତାଲକେନାପେ, ଆତଃ ଆପେ ପୁରାଃ ଦୁକୁ ସାହାତିଙ୍ତାନ୍ରେୟା ପାବିତାର୍ ଆମ୍ବାଏତେ ହିଜୁଃତାନ୍ ସୁକୁରାସ୍କାଲଃ ଏନ୍ ସୁକୁକାଜିକେ ସୁକୁରାସ୍କାଲଃ ତେଲ୍ଲକାଦ୍ ତାଲକେନାପେ । ୭ ନେ ଲେକାତେ ଆପେ ମାକିଦନିଆ ଆତଃ

* ୧:୧ ୧:୧ ପ୍ରେରିତ୍ ୧୭:୧. ✨ ୧:୨ ୧:୨ ପ୍ରେରିତ୍ ୧୭:୫-୯.

ଆଖାୟାରେ ତାଙ୍କଦ୍ୱାରା ସବେନ୍ ବିଶ୍ୱାସୀକଥା ନାହିଁ ନାମୁନା ଲେକାପେ ହବାକାନ୍ ତାଙ୍କେନା ।
 ୮ ଆପେତାଃଏତେ ଏସ୍କାର୍ ପ୍ରାଭୁଆଃ ସୁକୁକାଜି ମାଜିଦନିଆ ଆତଃ ଆଖାୟାରେ ଉଦୁବକାନା ଏନା
 କାହାଗି, ମେନ୍ଦ ଆପେ ପାର୍ମେଶ୍ୱାରତାଃରେ ବିଶ୍ୱାସକାଦ୍ କାଜି ସବେନ୍ତାଃରେ ଉଦୁବକାନା, ଏନାତେ
 ନେ ବିଷାଏରେ ଆଲେକେ ଆତଃ ଆଦକା ଜେଡନାଃ କାଜି କା ଲାଗାଡିୟା । ୯ ଆଲେ ଆପେତାଃତେ ସେନ୍
 ଇମ୍ତା ଚିଲ୍‌କା ଆପେ ଆଲେକେ ଦାରମ୍‌କେଦ୍‌ଲେୟାପେ, ଆତଃ ମୁରୁଡ୍ ସେଖାକେ ବାଗିକେଦ୍‌ତେ ଆପେ
 ସାର୍‌ତି ଆତଃ ଜାନିଦ୍ ପାର୍ମେଶ୍ୱାରକେ ସୁସାରି ନାଗେନ୍ତେ ମନ୍‌ପେ ରୁହାଡ୍‌କେଦା, ୧୦ ଆତଃ ଚିଲ୍‌କା
 ପାର୍ମେଶ୍ୱାରଆଃ ଖୁସ୍‌ଏତେ ଆବୁକେ ବାସ୍ତାଅ ନାହିଁ, ଗଜାକାନ୍‌କଏତେ ଜୀଉବିରିଦାକାନ୍ ଆୟାଃ ହନ୍
 ଯାଶୁଆଃ ସିମ୍‌ଏତେ ହିଜୁରୁହାଡ୍‌କେ ନେଲହରା ନାଗେନ୍ତେ ପାର୍ମେଶ୍ୱାରତାଃତେପେ ରୁହାଡ୍‌ୟାନା, ଏନ୍
 ସବେନ୍ ବିଷାଏରେ ଏନ୍ତାଃରେନ୍ ହଡକ ଜାଗାର୍ ତାନା ।

୨

ଥେସ୍‌ଲନିକାରେ ପାଉଲୁସ୍‌ଆଃ କାମି

୧ ହେ ହାଗା ମିଶିକ, ଆଲେ ଆପେତାଃତେ ହିଜୁଃତେୟାଃ କା ସାମାକାନା, ଏନା ଆପେୟପେ ସାରିତାନା
 । ୨ *ଆଲେ ଥେସ୍‌ଲନିକାରେ ଆପେତାଃତେ ହିଜୁଃ ସିଦାରେଗି ଫିଲିପି ନାଗାର୍‌ରେ ଚିଲ୍‌କା ଆଲେ
 ତେତାନରେ ଦୁକୁ ଆତଃ ସାସାତି ହିଜୁଃକାନ୍ ତାଙ୍କେନା, ଏନାପେ ସାରିକାଦା । ପୁରାଃ କାଜିକଟଙ୍ଗ୍
 ହବାୟାନ୍‌ରେୟ ପାର୍ମେଶ୍ୱାରତାଃଏତେ ନାମାକାଦ୍ ସୁକୁକାଜି ଆପେକେ ଉଦୁବ ନାଗେନ୍ତେ ପାର୍ମେଶ୍ୱାର୍
 ଆଲେକେ ପେଡେଃ ଏମାକାଦ୍‌ଲେ ତାଙ୍କେନାଏ । ୩ ଆଲେ ଜେତାନ୍ ଭୁଲ୍ ଚାଏ କା ଫାର୍‌ତି ଲେକାନ୍
 ଉକେଶ୍‌ରେ ଆପେକେ କାଲେ ବିକ୍ରିକାଦ୍‌ପେ ତାଙ୍କେନା, ଚାଏ ଆପେକେ ବେଦାପେ ନାଗେନ୍ତେ କାଲେ
 ସାନାଙ୍ଗ୍ ତାଙ୍କେନା । ୪ ମେନ୍ଦ ଆଲେ ପାର୍ମେଶ୍ୱାରଆଃ ସାନାଙ୍ଗ୍‌ଲେକା ସବେନ୍ ଇମ୍ତା କାଜିୟାଃଲେ,
 ଚିୟାଃଚି ଇନିଃ ସୁକୁକାଜି ଉଦୁବ୍‌ରେୟାଃ ବାହାରମ୍ ଆଲେକେ ଏମାକାଦ୍‌ଲେୟା । ହଡକକେ ସୁକୁକାଜିକ
 ନାଗେନ୍ତେଦ କା ମେନ୍ଦ ଅକନ୍ ପାର୍ମେଶ୍ୱାର୍ ଆବୁଆଃ ମନ୍‌ସୁରୁଦ୍ ବିତାଅକେଦ୍‌ତେ ଆର୍‌କାର୍‌ଉରୁମାଃଏ,
 ଇନିଃକେ ସୁକୁକାଜି ନାଗେନ୍ତେଲେ ସାନାଙ୍ଗ୍‌ତାନା । ୫ ଆପେ ବୁଗିଲେକାପେ ସାରିତାନା, ଆଲେ
 ଆପେତାଃତେ ଚିତଲାହ ହସଡ୍ କାଜିକ କାଜିକେଦ୍‌ତେ କାଲେ ହିଜୁଃକାନ୍ ତାଙ୍କେନା, ଚାଏ ଆଲେ
 ଖୁଜ୍‌ରାଃ ହାୟାତେ ବେଦା କାଜି କାଲେ କାଜିକାଦ୍ ତାଙ୍କେନା, ଏନାରାଃ ଗାଞ୍ଜା ପାର୍ମେଶ୍ୱାର୍ ତାନିଃ ।
 ୬ ଆଲେ ଜେତାଏତାଃଏତେ ମାଜନ୍ ନାମେ ନାଗେନ୍ତେ କାଲେ ସାନାଙ୍ଗ୍‌କାଦ୍ ତାଙ୍କେନା, ଆପେତାଃଏତେ
 ଚାଏ ଏଗାଃକତାଃଏତେହ୍ ମାଜନ୍ ନାମେ ନାଗେନ୍ତେ କାଲେ ସାନାଙ୍ଗ୍‌କାଦ୍ ତାଙ୍କେନରେୟ, ୭ ଆଲେ
 ଯାଶୁ ଖ୍ରୀଷ୍ଟ୍‌ଆଃ ପ୍ରେରିଡକ ହବାୟାନ୍ତେ ଆପେତାଃଏତେ ଏନା ହାଟି ଦାଡିକାଦ୍‌ତେ ତେୟାଃଲେ, ମେନ୍ଦ
 ଏଙ୍ଗା ଆୟାଃ ହନ୍‌କକେ ସାକ୍‌ଲାଅ ଦାଡିଲେକା, ଆଲେ ଆପେତାଃରେ ତାଙ୍କେନ୍ ଇମ୍ତା ଆପେକେୟ
 ଏନ୍‌ଲେକାଗି ଲେବେଃତେ ସାକ୍‌ଲାଅ କାଦ୍‌ପେ ତାଙ୍କେନାଲେ । ୮ ଆଲେୟାଃ ଦୁଲାଡ୍ ଆପେ ନାଗେନ୍ତେ
 ତାଙ୍କନ୍ ହରାତେ ଆଲେ ଆପେକେ ପାର୍ମେଶ୍ୱାରଆଃ ସୁକୁକାଜି ଏସ୍କାର୍ କାହା, ମେନ୍ଦ ଆପେ ନାଗେନ୍ତେ
 ଆଲେୟାଃ ଜୀଦାନ୍‌କେୟ ଏମ୍ ନାହିଁ ସେକାଡାକାନ୍ ତାଙ୍କେନାଲେ, ଚିୟାଃଚି ଆପେ ଆଲେୟାଃ
 ଦୁଲାଡ୍‌କପେ ହବାକାନ୍ ତାଙ୍କେନା । ୯ ହେ ହାଗା ମିଶିକ, ଆପେଦ ଆଲେୟାଃ ହାମ୍‌ଲା କାମି ଆତଃ
 ଦୁକୁପେ ପାହାମେତାନା, ଆପେଏତେ ଜେତାଏରେ ବାହାରମ୍ ଆଲକା ଲାଦିୟାକା ମେନ୍ତେ ଆଲେ ନିଦା
 ସିଙ୍ଗି କାମିକେଦ୍‌ତେ ଆପେ ଆଲାରେ ପାର୍ମେଶ୍ୱାରଆଃ ସୁକୁକାଜିଲେ ଉଦୁବକାଦ୍ ତାଙ୍କେନା ।

୧୦ ଆପେ ବିଶ୍ୱାସୀ ତାନ୍‌ପେ, ଆପେ ଆଲାରେ ଆଲେ ଚିଲ୍‌କା ପାବିତାର୍, ଧାର୍‌ମାନ୍ ଆତଃ କା ଚିଗାଃଅ
 ଲେକାଲେ କାମି ତାଙ୍କେନା, ଏନାରାଃ ଗାଞ୍ଜାକ ଆପେଗି ତାନ୍‌ପେ ଆତଃ ପାର୍ମେଶ୍ୱାର୍ ହଗି ତାନିଃ
 । ୧୧ ଆପେଦପେ ସାରିତାନା, ଆପୁ ଆୟାଃ ହନ୍‌କଲଃ ରିକାଏ ଲେକା, ଆଲେ ଆପେ ସବେନ୍‌କଲଃ
 ଏନ୍‌ଲେକାଗିଲେ ରିକାକାଦ୍ ତାଙ୍କେନା । ୧୨ ଆପେକେ କେଡାକାଦ୍‌ପେ ଏନ୍ ପାର୍ମେଶ୍ୱାରଆଃ ରାଜନ୍
 ଆତଃ ମାନାରାଙ୍ଗ୍‌ରେ ମେସାଃଅ ନାଗେନ୍ତେ ଆପେ ଆଇଃକ୍‌କେ ସୁକୁଆଇ ଲେକାନ୍ ଜୀଦାନ୍ ବିତାଏପେ,
 ମେନ୍ତେ ଆଲେ ଆପେକେ ବିକ୍ରିତାନ୍‌ଲଃ ଜୀଉରାସ୍‌କା ଆତଃ ଜୀଉରେ କେଟେଦ୍‌ଲେ ଏମାକାଦ୍‌ପେ
 ତାଙ୍କେନା ।

୧୩ ଆତଃ ଆଲେ ଆପେତାଃରେ ପାର୍ମେଶ୍ୱାରଆଃ ବାଚାନ୍ ହାଟିଙ୍ଗ୍‌କେଦ୍ ଇମ୍ତା, ଆପେ ଏନାକେ
 ହଡକଆଃ କାଜିତାନାଃ ମେନ୍ତେ କା କାଜିକେଦ୍‌ତେ, ପାର୍ମେଶ୍ୱାରଆଃ ବାଚାନ୍ ଲେକା ଆୟୁମ୍‌ତାନ୍‌ଲଃ
 ତେଲାକାଦ୍ ତାଙ୍କେନାପେ । ଆତଃ ଏନା ସାର୍‌ତିଗି ପାର୍ମେଶ୍ୱାରଆଃ ବାଚାନ୍ ତାନାଃ, ଆତଃ
 ଆପେ ଲେକାନ୍ ବିଶ୍ୱାସୀକଥାଃ ମନ୍‌ସୁରୁଦ୍‌ରେ କାମିୟାତାନା । ଏନାମେନ୍ତେ ଆଲେ ପାର୍ମେଶ୍ୱାରକେ
 ଜାନାଅଗିଲେ ଜହାରିତାନା । ୧୪ *ଚିୟାଃଚି, ହେ ହାଗା ମିଶିକ, ଯିହୁଦା ଦିଶ୍ୱାମ୍‌ରେ ତାଙ୍କନ୍‌ତାନ୍
 ପାର୍ମେଶ୍ୱାରଆଃ କାଲିସିୟାକରେ ଆତଃ ଏନ୍ତାଃରେନ୍ ଖ୍ରୀଷ୍ଟ୍ ବିଶ୍ୱାସୀକରେ ହବାଲେନ୍ ଲେକାଗି

☆ ୨:୨ ୨:୨ ପ୍ରେରିଡ୍ ୧୭:୧୯-୨୪; ପ୍ରେରିଡ୍ ୧୭:୧-୯. ☆ ୨:୧୪ ୨:୧୪ ପ୍ରେରିଡ୍ ୧୭:୫.

ଆପେରେହିଁ ହବାଅଥତାନା । ଇନ୍‌କୁ ଯିହୁଦୀକତାଃଏତେ ସାସାତି ନାମ୍‌କେଦ୍ ଲେକାଗି ଆପେୟ ଆପେୟାଃ ହଡକତାଃଏତେ ସାସାତିପେ ନାମେତାନା । ୧୫ *ଏନ୍ ଯିହୁଦୀକଦ ପ୍ରାଭୁ ଯୀଶୁକେ ଆତଃ ନାବୀକକେୟ ଗଏଃକେଦ୍‌କଆକ ଆତଃ ଆରୁକେ ସାସାତିକେଦ୍‌ରୁଆକ । ଇନ୍‌କୁ ପାର୍‌ମେଶ୍ୱାର୍‌ଆଃ କା ସୁକୁଆନ୍‌କ ତାନ୍‌କ ଆତଃ ସବେନ୍ ହଡକଆଃ ବାଇରିକ ତାନ୍‌କ । ୧୬ ସାଅଁସାର ହଡକଆଃ ଜୀଉବାସ୍ତାଅ ନାମେ ନାଗେନ୍ତେ ଅକନ୍ ସୁକୁକାଜି ଉଦୁବଃତାନା, ଏନାକେୟ ଆଲେକେ ଉଦୁବ୍ ନାଗେନ୍ତେ କାଜିକଟଙ୍ଗ୍ ନାଙ୍ଗ୍ ସାନାଙ୍ଗ୍‌ତାନାକ । ଏନ୍‌ଲେକା ଇନ୍‌କୁ ସବେନ୍ ଇମ୍‌ତା ଆକଆଃ ଆକଆଃ ପାପ୍‌ରେ ପେରେଜାକାନାକ । ଆତଃ ଟୁଣ୍ଡୁରେ ନାହିଁଃ ପାର୍‌ମେଶ୍ୱାର୍‌ଆଃ ଖ୍‌ସ୍ ଇନ୍‌କୁଆଃ ବିରୁଧ୍‌ରେ ସେଟେରାକାନା ।

ପାଉଲୁସ୍ ଆତଃମିସା ଇନ୍‌କୁତାଃତେ ସେନ୍ ନାଗେନ୍ତେ ସାନାଙ୍ଗ୍‌କେଦା

୧୬ ହେ ହାଗା ମିଶିକ, ଆଲେ ଆପେତାଃଏତେ ମନ୍‌ରେଦ୍ କା ମେନ୍‌ଦ୍ ହଡ଼ମରେ ହୁଡିଙ୍ଗ୍ ଦିପିଲି ବିନ୍‌ଗାଅକାନ୍ ନାଗେନ୍ତେ ଆପେକେ ଆତଃମିସା ନେଲ୍ ନାଙ୍ଗ୍ ପୁରାଃଲେ ସାନାଙ୍ଗ୍ ତାଇକେନା । ୧୭ ଏନା ନାଗେନ୍ତେ ଆଲେ ଆପେତାଃତେ ସେନ୍ ନାଗେନ୍ତେଲେ ଉହାଟ୍‌କାଦ୍ ତାଇକେନା, ଆଇଙ୍ଗ୍ ପାଉଲୁସ୍ ମିସା, ବାର୍‌ସାଏତେ ଆଦ୍‌କା ଆପେତାଃତେ ସେନ୍ ନାଙ୍ଗ୍ ମନେକାଦ୍ ତାଇକେନାଇଙ୍ଗ୍, ମେନ୍‌ଦ୍ ସାଏତାନ୍ ଆଲେକେ ଛେକାଦ୍ କେଦ୍‌ଲେୟା । ୧୮ ଚିୟାଃତି ଆରୁଆଃ ପ୍ରାଭୁ ଯୀଶୁଆଃ ହିନିଜୁଃ ଦିପିଲିରେ ଆୟାଃ ସାମ୍‌ନାଙ୍ଗ୍‌ରେ ଏଟାଃକ ଲେକା ଆପେୟ ଆଲେୟାଃ ଆସ୍ତା, ରାସ୍‌କା ଚାଏ ମାନାରାଙ୍ଗ୍‌ରାଃ ମୁକୁଟ୍ ଚିନାଃତାନାଃ ? ଚିୟାଃ ଆପେଗି ନାହିଁଲାପେଟି ? ୧୯ ଆପେଗିଦ୍ ଆଲେୟାଃ ମାନାରାଙ୍ଗ୍ ଆତଃ ରାସ୍‌କା ତାନ୍‌ପେ ।

୩

୧*ଆଲେ ସାହାତିଙ୍ଗ୍ କାଲେ ଦାଡ଼ିୟାନା, ଏନା ନାଗେନ୍ତେ ଏଥେନ୍‌ସ୍‌ରେ ଏସ୍‌କାର୍ ତାଇନ୍ ନାଗେନ୍ତେଲେ ଉହାଟ୍‌କେଦା । ୨ ଆପେକେ ପେଡେଃପେ ନାଗେନ୍ତେ ଆତଃ ବିଶ୍ୱାସ୍‌ରେ ତାଇନ୍ ନାଙ୍ଗ୍ ଜୀଉରେ ରାସ୍‌କା ଏମାପେ ନାଗେନ୍ତେ ଆପେତାଃତେ ଆଲେୟାଃ ହାଗା ତାମଥ୍‌କେଲେ କୁଲିୟା । ଇନିଃ ଖ୍ରୀଷ୍‌ଆଃ ସୁକୁକାଜି ଉଦୁବ୍ ନାଙ୍ଗ୍ ପାର୍‌ମେଶ୍ୱାର୍‌ଆଃ ସେଝା କାମିରେ ଆଲେଲଃ ମିସାତେ କାମିନିଃ ତାନିଃ । ୩ ଜେ'ଲେକାତି ନେ ସବେନ୍ ସାସାତି ହରାତେ ଜେତାଏ ବିଶ୍ୱାସ୍‌ଏତେ ଆଲକାଏ ରୁହାଡ୍‌କା । ଆରୁ ନେ'ଲେକାଗି ସାସାତି ନାମେନାଙ୍ଗ୍‌ରୁ ଦହାକାନା, ଏନା ପାର୍‌ମେଶ୍ୱାର୍‌ଆଃ ସାନାଙ୍ଗ୍‌ତାନାଃ, ଏନାଦପେ ସାରିତାନା । ୪ ଚିୟାଃତି ଆରୁଆଃ ସାସାତି ହବାଅଥାଃ ମେନ୍ତେ ଆଲେ ଆପେଲଃ ତାଇକେନ୍ ଇମ୍‌ତାରେଗି ଆପେକେ ସିଦାରେ କାଜିକାଦ୍‌ପେ ତାଇକେନାଲେ । ଏନା ଏନ୍‌ଲେକାଗି ହବାଅଥତାନା, ଏନାପେ ସାରିତାନା । ୫ ହବାସାକାଅଥାଃ ସାଏତାନ୍ ଆପେକେ ବିଡାଅକାଦ୍‌ପେୟା ଆତଃ ଆଲେୟାଃ କାମିକ ସାମାଏଶ୍ୱାଗଃଆ, ନେଆଁ ଉଡ଼ୁକେଦ୍‌ତେ ଆଇଙ୍ଗ୍ କାଇଙ୍ଗ୍ ସାହାତିଙ୍ଗ୍ ଦାଡ଼ିୟାନା, ଏନା ନାଗେନ୍ତେ ଆଇଙ୍ଗ୍ ଆପେୟାଃ ବିଶ୍ୱାସ୍ ବିଷାଏରେ ସାରିନାଙ୍ଗ୍ ତାମଥ୍‌କେ ଆପେତାଃତେଇଙ୍ଗ୍ କୁଲିକିୟା ।

୬*ମେନ୍‌ଦ୍ ନାହିଁଃ ତାମଥ୍‌ ଆପେତାଃଏତେ ଆଲେତାଃ ହିଜୁଃକାନାଏ ଆତଃ ଆପେୟାଃ ବିଶ୍ୱାସ୍ ଆତଃ ଦୁଲ୍‌ଡ୍ ବିଷାଏରେ ରାସ୍‌କାରାଃ ସୁକୁକାଜି ଆଉକାଦା । ଆମ୍ ଆଲେୟାଃ ନାଙ୍ଗ୍ ବୁଗିନ୍‌ଡେୟାଃ ଉଡ଼ୁଆତଃ ଆଲେ ଆମ୍‌କେ ନେନେଲ୍ ସାନାଙ୍ଗ୍‌ତାନ୍‌ଲେକା ଆମ୍‌ହ୍ ଆଲେକେ ନେନେଲ୍ ସାନାଙ୍ଗ୍‌ତାନାମ୍ ମେନ୍ତେ ଇନିଃ କାଜିକାଦ୍‌ଲେୟାଏ । ୭ ଏନାମେନ୍ତେ ହେ ହାଗା ମିଶିକ, ଆପେୟାଃ ବିଶ୍ୱାସ୍ ନାଙ୍ଗ୍ ଆଲେୟାଃ ସବେନ୍ ଦୁକୁ ଆତଃ ହାସୁ ଇମ୍‌ତା ଆଲେ ଆପେୟାଃ ହରାତେ ଜୀଉରାଡେଃଲେ ନାମାକାଦା । ୮ ନାହିଁଃ ଆପେ ପ୍ରାଭୁରେ ଡିଙ୍ଗ୍‌କେଟେଦ୍ କାନ୍‌ରେଦ୍, ଆରୁ ସାର୍‌ଡିଗି ଜୀହୁଦଃ ତାନାରୁ । ୯ ନାହିଁଃଦ୍ ଆଲେ ଆପେୟାଃ ହରାତେ ପୁରାଃ ରାସ୍‌କାଲେ ନାମାକାଦା, ଏନାମେନ୍ତେ, ଏନାରେୟାଃ ବାଦ୍‌ଲାରେ ନାହିଁଃ ପାର୍‌ମେଶ୍ୱାର୍‌କେ ଧାନ୍ୟାବାଦ୍‌ଲେ ଏମାଇତାନା । ୧୦ ଆପେକେ ଆତଃମିସା ନେନେଲ୍ ନାଙ୍ଗ୍ ଆତଃ ଆପେୟାଃ ବିଶ୍ୱାସ୍‌ରେ ଜାଞ୍ଜିକାନ୍‌ଡେୟାଃ ପୁରାଆଃ ନାଗେନ୍ତେ ନିଦାସିଙ୍ଗି ବିକ୍ରିତାନାଲେ ।

୧୧ ଆପେତାଃତେ ହିଜୁଃ ନାଙ୍ଗ୍ ଆରୁଆଃ ଆପୁ ପାର୍‌ମେଶ୍ୱାର୍ ଆଇଃକ୍‌ଗି ଆତଃ ଆରୁଆଃ ପ୍ରାଭୁ ଯୀଶୁ ଆରୁଆଃ ହରାଏ ବାଇୟେକା । ୧୨ ଆପେୟାଃ ନାଙ୍ଗ୍ ଆଲେୟାଃ ଦୁଲ୍‌ଡ୍ ଜେ'ଲେକା ପୁରାଃଗିଆ, ଏନ୍‌ଲେକାଗି ମିହୁଡ୍ ଆତଃମିହୁଡ୍ ନାଙ୍ଗ୍ ଆତଃ ସବେନ୍‌କ ନାଙ୍ଗ୍ ପ୍ରାଭୁ ଆପେୟାଃ ଦୁଲ୍‌ଡ୍‌କେ ଆତଃଗି ପୁରାଃତେ ହାରାଇଦିକା । ୧୩ ଏନ୍‌ଲେକାଗି ଇନିଃ ଆପେୟାଃ ମନ୍‌କେ ପେଡେଦ୍‌ପେୟା, ଏନାତେ ଆରୁଆଃ ପ୍ରାଭୁ ଯୀଶୁ ଆୟାଃ ପାବିତାର୍ ହଡକଲଃ ହିଜୁଃ ଇମ୍‌ତା ଆରୁଆଃ ଆପୁ ପାର୍‌ମେଶ୍ୱାର୍‌ଆଃ ଆୟାର୍‌ରେ ଆପେ ପକ୍‌ତାକାନ୍ ଆତଃ ପାବିତାର୍‌ରେ ବେଗାର୍ ଚିଟାକାନ୍ ଲେକାପେ ହବାଅଥା ।

୪

ପାର୍‌ମେଶ୍ୱାର୍‌କେ ସୁକୁଆଇଲେକାନ୍ ଜୀଦାନ୍

* ୨:୧୫ ୨:୧୫ ପ୍ରେରିଡ୍ ୯:୨୩,୨୯; ୧୩:୪୫,୫୦; ୧୪:୨,୫,୧୯; ୧୭:୫,୧୩; ୧୮:୧୨. * ୩:୧ ୩:୧ ପ୍ରେରିଡ୍ ୧୭:୧୫. * ୩:୬ ୩:୬ ପ୍ରେରିଡ୍ ୧୮:୫.

^୧ ଚୁଣ୍ଡୁରୁ, ହେ ହାଗା ମିଶିକ, ପାର୍ମେଶ୍ୱାରକେ ସୁକୁଆଇଲେକା ଚିଲ୍‌କା ଜୀଦାନ୍ ବିତାଅ ଲାଗାତିଙ୍ଗ୍‌ୟାଃ, ଏନା ଆଲେତାଃଏତେ ଇତୁକାନାପେ, ଏନ୍‌ଲେକାଗି ଆପେୟାଃ ଜୀଦାନ୍ ବିତାଅତାନାପେ । ମେନ୍‌ଦ ଏନାଏତେ ଆଦ୍‌କା ରିକାନାଙ୍ଗ୍ ଆଲେ ଆପେକେ ପ୍ରାଭୁ ଯୀଶୁଆଃ ନୁତୁମତେ ପୁରାଃଗି ହାରାଇଦିୟାଃପେ ମେନ୍ତେ ବିକ୍ତି ଆତଃ ଉସ୍‌କୁରପେ ତାନାଲେ । ^୨ ଚିୟାଃତି ଆଲେ ପ୍ରାଭୁ ଯୀଶୁଆଃ ଆକ୍‌ତେୟାର୍‌ତେ ଆପେକେ ଏମାକାଦ୍ ଆନାରୁକେ, ଆପେଦ ବୁଗିଲେକାପେ ସାରିଆକାଦା । ^୩ ଆପେ ପାବିତାର୍ ହବାଅଃପେ ଆତଃ ଆପାଙ୍ଗିର୍ କାମିଏତେ ସାଙ୍ଗିନ୍‌ରେ ତାଇନ୍‌ପେ, ନେଆଁ ପାର୍ମେଶ୍ୱାର୍‌ଆଃ ସାନାଙ୍ଗ୍‌ତାନାଃ । ^୪ ଆପେ ସବେନ୍‌କ ଆପେୟାଃ କୁଡ଼ିକଲଃ ପାବିତାର୍‌ତେ ଆତଃ ମାଇନ୍ ନାମେଲେକା ଚିଲ୍‌କା ତାଇନାଃପେ, ଏନା ଆପେକେଗି ସାରି ଲାଗାତିଙ୍ଗ୍‌ୟାଃ, ^୫ ପାର୍ମେଶ୍ୱାରକେ କା ସାରିତାନ୍ ସାଅଁସାର୍ ହଡ଼କଆଃ ଲେକା ହଡ଼କ୍‌ରେୟାଃ ଏଡ଼କାନ୍ ସାନାଙ୍ଗ୍‌ଲେକା ଆଲ୍‌ପେ ହବାଅଃଆ । ^୬ ଆତଃ ଜେତାଏ ହଡ଼ ଖୀଷ୍ଟିୟାନ୍ ହାଗାକେ ଆଲକାଏ ବେଦାଇକା ଆତଃ ଏଡ଼କାନ୍ ଆଲକାଏ ରିକାଇକା । ଏନ୍‌ଲେକାଗି କାମିତାନ୍‌କକେ ପ୍ରାଭୁ ସାଜାଇ ଏମାକଆଏ ମେନ୍ତେ ଆଲେ ଆପେକେ ସିଦାରେଗି କାଜିକେଦ୍‌ତେ ପୁରାଃ କେଟେଦ୍‌ତେ ଚେତାଅକାଦ୍‌ପେୟାଲେ । ^୭ ପାର୍ମେଶ୍ୱାର୍ ଆରୁକେ ସତରାଲେକା ଜୀଦାନ୍ ବିତାଅ ନାଗେନ୍ତେ କାହା ମେନ୍‌ଦ ପାବିତାର୍ ଜୀଦାନ୍ ବିତାଅ ନାଗେନ୍ତେ କେଡ଼ାକାଦ୍‌ବୁଆ । ^୮ ଏନା ନାଗେନ୍ତେ ଜେତାଏ ନେ ଇନିତୁକେ କାଏ ତେଲାଏନିଃ, ହଡ଼କେ କାଏ ହିଲାଙ୍ଗ୍‌ଆଃ, ମେନ୍‌ଦ ପାବିତାର୍ ଆମ୍‌କେ ଏମିତାନ୍ ପାର୍ମେଶ୍ୱାରକେ ହିଲାଙ୍ଗ୍‌ଇତାନା ।

^୯ ଖୀଷ୍ଟିୟାନ୍ ବିଶ୍ୱାସୀ ଦୁଲାଡ଼ ବିଷାଏରେ ଆପେତାଃତେ ଆତଃଗି ଅଲ୍ ନାଙ୍ଗ୍ କା ଲାଗାତିଙ୍ଗ୍‌ୟାଃ, ଚିୟାଃତି ଆପେ ସବେନ୍‌କ ଦୁପୁଲ୍‌ତରେ ତାଇନ୍ ନାଗେନ୍ତେ ପାର୍ମେଶ୍ୱାର୍‌ତାଃଏତେ ଆପେଗିପେ ଇତୁକାନା । ^{୧୦} ଆତଃ ଆପେୟାଃ ଚାଇଲ୍ ଚାଇଲ୍ ମାକିଦନିଆରେନ୍ ସବେନ୍ ଖୀଷ୍ଟିୟାନ୍ ବିଶ୍ୱାସୀକଲଃ ଏନ୍‌ଲେକାଗି ହବାକାନା । ଏନାତେ ହେ ହାଗା ମିଶିକ, ନେଲେକା ଆତଃଗି ପୁରାଃତେ ରିକାଏପେ ମେନ୍ତେଲେ ବିକ୍ତିପେ ତାନା । ^{୧୧} ଆପେକେ ପାହିଲାରେ ଆରୁକାଦ୍‌ପେ ଲେକା, ସୁକୁଜୀଉତେ ଜୀଦାନ୍ ବିତାଅତାନ୍‌ଲଃ ଆପ୍‌ନାଃ ଆପ୍‌ନାଃ କାମି କାମିପେ ଆତଃ ଆପେୟାଃ ଜୀହୁଦଃ ନାଙ୍ଗ୍ ଜଗାଏପେ । ^{୧୨} ଏନ୍‌ଲେକା କାମି ହରାତେ ଆପେ କା ବିଶ୍ୱାସ୍‌ତାନ୍ ହଡ଼କତାଃଏତେ ହଗି ମାଇନ୍‌ପେ ନାମେୟା ଆତଃ ଆପେୟାଃ ଜେଡ଼ନାଃରେ କା ଜାଞ୍ଜିଅଃଆ ।

ପ୍ରାଭୁଆଃ ହିନିଜୁଃ

^{୧୩} ହେ ହାଗା ମିଶିକ, ଗଜାକାନ୍ ହଡ଼କଆଃ ସାର୍‌ତି ବିଷାଏରେ ଆପେ ସାରିପେ ଆତଃ ଆସ୍ତ୍ରା ବାନଃତାନ୍ ଏଟାଃ ହଡ଼କଲେକା ଆପେ ଆଲ୍‌ପେ ଦୁକୁନାଃ, ଏନା ଆଲେୟାଃ ସାନାଙ୍ଗ୍‌ତାନାଃ । ^{୧୪} ଚିୟାଃତି ଆରୁ, ଯୀଶୁ ଗଏଃୟାନାଏ ଆତଃ ଜୀଉବିରିଦ୍‌ୟାନାଏ ମେନ୍ତେବୁ ବିଶ୍ୱାସ୍‌ତାନା । ଏନ୍‌ଲେକାଗି ଯୀଶୁରେ ବିଶ୍ୱାସ୍‌କେଦ୍‌ତେ ଗଜାକାନ୍‌କ, ଯୀଶୁ ଆତଃମିସାଏ ହିଜୁଃ ଇମ୍‌ତା ପାର୍ମେଶ୍ୱାର୍ ଇନ୍‌କୁକେ ଯୀଶୁଲଃ ଆଉତର୍‌ସାକଆ, ଏନାହଗି ଆରୁକେ ବିଶ୍ୱାସ୍ ଲାଗାତିଙ୍ଗ୍‌ୟାଃ ।

^{୧୫} ଆଲେ ନାହାଁଃ ଆପେକେ ଇତୁପେତାନ୍‌ତେୟାଃ ପ୍ରାଭୁଆଃ ଇନିତୁ ତାନାଃ । ଆରୁ ସବେନ୍‌କଏତେ ଅକନ୍‌କ ପ୍ରାଭୁଆଃ ହିନିଜୁଃ ଜାକେଦ୍ ଜୀହିଦ୍‌ଗିକ ତାଇନା, ଇନ୍‌କୁ ସିଦାରେ ଗଜାକାନ୍ ହଡ଼କତାଃଏତେ ଜେତାଲେକାତେ କାକ ଆୟାରଃଆ । ^{୧୬} ଚିୟାଃତି ପ୍ରାଭୁଦ ଆଇଃକ୍‌ଗି ଆରୁକେଦ୍‌ତେ ମାରାଙ୍ଗ୍ ହୁଡ଼କଆଃ ଲାବ୍‌ଜା ଆତଃ ପାର୍ମେଶ୍ୱାର୍‌ଆଃ ବିଙ୍ଗ୍‌ଲ୍ ବାଜା ସାଡ଼ିତାନ୍‌ଲଃ ସିର୍‌ମାଏତେ ଆଡ଼ଗୁନାଃ ଆତଃ ଖୀଷ୍ଟିତାଃରେ ବିଶ୍ୱାସ୍‌କେଦ୍‌ତେ ଗଜାକାନ୍‌କ ସିଦାକ ବିରିଦାଃ । ^{୧୭} ଏନ୍ତେ ଆରୁ ସବେନ୍‌କଏତେ ଅକନ୍‌କ ଜୀହିଦ୍‌ଗିବୁ ତାଇନା, ପ୍ରାଭୁଲଃ ନେପେଲ୍ ନାଗେନ୍ତେ ଆରୁକେ ଇଦିକେଦ୍‌ତେ ଇନ୍‌କୁଲଃ ମିସାତେ ରିମିଲ୍ ହୟରେ ହୁଣ୍ଡିବୁଆ । ଆତଃ ଆରୁ ପ୍ରାଭୁଲଃ ସବେନ୍ ହୁଲାଙ୍ଗ୍‌ବୁ ତାଇନା । ^{୧୮} ଏନାମେନ୍ତେ ଆପେ ନେ ସବେନ୍ କାଜିତେଗି ମିହୁଡ଼୍ ଆତଃମିହୁଡ଼୍‌କେ ଜୀଉରାଡ଼େଃ ଏମାଃପେ ।



ପ୍ରାଭୁଆଃ ହିଜୁଃ ଦିପିଲି ନାଗେନ୍ତେ ସେକାଡ଼ାକାନ୍ ତାଇନ୍‌ପେ

^୧ ମେନ୍‌ଦ ହେ ହାଗା ମିଶିକ, ନେ ସବେନ୍ ବିଷାଏ ଚିଉଲା ହବାଅଃଆ ଆତଃ ଅକ ନେତାରେ ହବାଅଃଆ, ଏନ୍ ବିଷାଏରେ ଆଲେକେ ଆପେତାଃତେ ଜେଡ଼ନାଃ ଅଲ୍ କା ଲାଗାତିଙ୍ଗ୍‌ୟାଃ । ^୨ ଚିୟାଃତି ନୁବାଃରେ କୁମ୍‌ତୁ ହିଜୁଃ ଲେକା ପ୍ରାଭୁ ହିଜୁଃଆଏ, ନେଆଁ ଆପେ ବୁଗିଲେକାପେ ସାରିତାନା । ^୩ ଚିମ୍‌ତା ହଡ଼କ ଜୀଉରେ “ସୁକୁ ଆତଃ ଜେତାନ୍ ବର ବାନଆଃ” ମେନେତାନ୍ ଇମ୍‌ତା, ବାଜି ଆକାନ୍ କୁଡ଼ିତାଃରେ ସେଟେରାକାନ୍ ଦୁକୁ ଲେକା ଇମ୍‌ତାଗି ଇନ୍‌କୁତାଃରେ ଜିୟନଃ ସେଟେରାଃ ଆତଃ ଇନ୍‌କୁ ଜେତାଲେକାତେ

✧ ୪:୧୫ ୪:୧୫ ୧ କରିଷ୍ଟିୟ ୧୫:୫୧,୫୨. ✧ ୫:୨ ୫:୨ ମାଥୁଉ ୨୪:୪୩; ଲୁକ ୧୨:୩୯; ୨ ପାଡ଼ରାସ୍ ୩:୧୦.

କାକ ବାଞ୍ଛାଅଥା । ୪ ଫେନ୍ଦ ହେ ହାଗା ମିଶିକ, ଆପେ ନୁବାଃରେ ବାଙ୍ଗପେୟା, ଏନାତେ ଏନ୍ ହୁଲାଙ୍ଗ ବେଗାର୍ ସାରିତାନଲଃ ଆପେତାଃତେ କୁମ୍ଭୁ ହିଜୁଃତାନ ଲେକା କା ସେଟେରା । ୫ ଆପେ ସବେନ୍କ ମାୟାଲରେନ୍ ଆତଃ ସିଙ୍ଗିରେନ୍ ହଡକ ତାନପେ । ଆରୁ ନିଦା ଚାଏ ନୁବାଃରେନ୍ ହଡକ ନାହାଁଲାରୁ । ୬ ଏନାମେନ୍ତେ ଆରୁ ଏଟାଃକ ଲେକା ଆଲକାରୁ ଦୁଡ଼ମ୍ଭୁକା, ଫେନ୍ଦ ଏୟନାକାନ ଆତଃ ଚିର୍ଗାଲକାନରୁ ତାଇନକା । ୭ ଚିୟାଃଚି ଦୁଡ଼ମ୍ଭୁତାନକ ନିଦାରେକ ଦୁଡ଼ମ୍ଭୁଃ, ଆତଃ ଇଲିଆରୁଖିରେ ବୁଲଃତାନକ ନିଦାରେକ ବୁଲଃଆଃ । ୮ *ଫେନ୍ଦ ଆରୁ ସିଙ୍ଗିରେନ୍ ହଡକ ହବାୟାନ୍ତେ, ମେଡେଦ୍ଵରାଃ ତୁସିଙ୍ଗିତେୟାଃ କୁଡାମ୍ରେ ତୁସିଙ୍ଗିକାନ ଲେକା, ବିଶ୍ଵାସ୍ ଆତଃ ଦୁଲ୍ଲାଡ଼ରେବୁ ତୁସିଙ୍ଗିକାନଃଆ । ଆତଃ ବହଃରେ ଚୁପୁରି ତୁସିଙ୍ଗିକାନ ଲେକା ଜୀଉବାଞ୍ଛାଅରେୟାଃ ଆସ୍ଵାରୁ ତୁସିଙ୍ଗିକାନଃଆ । ଏନ୍ତେ ଆରୁ ଆବରରେବୁ ତାଇନକା । ୯ ଚିୟାଃଚି ପାରମେଶ୍ଵାର୍ ଆରୁକେ ଖ୍ଵ ନାଗେନ୍ତେଦ କା ଫେନ୍ଦ ଆରୁଆଃ ପ୍ରାଭୁ ଯୀଶୁ ଖ୍ରୀଷ୍ଟୁଆଃ ହରାତେ ଜୀଉବାଞ୍ଛାଅ ନାମେ ନାଗେନ୍ତେ ସାଲକାଦରୁଆ । ୧୦ ଆରୁ ନେ ଜୀଦାନରେ ଜୀହିଦକାନ ଚାଏ ଗଜାକାନ ତାଇନରେୟ ଇନିଃଲଃ ମିଦରେବୁ ଜୀହିଦଃକା ମେନ୍ତେ ଇନିଃ ଆରୁନାଙ୍ଗ ଗଏଃୟାନାଏ । ୧୧ ଏନା ନାଗେନ୍ତେ ଆପେ ନାହାଁଃ ରିକାତାନ ଲେକା ମିହୁଡ୍ ଆତଃମିହୁଡ୍କେ ଜୀଉରାଡେଃ ଆତଃ ଦେଙ୍ଗାଇପେ ।

ଚୁଣ୍ଡୁ ଆନାରୁ ଆତଃ ଜହାର୍

୧୨ ଫେନ୍ଦ ହେ ହାଗା ମିଶିକ, ଆଲେ ଆପେକେ ବିନ୍ତ୍ରପେ ତାନାଲେ, ଅକନ୍କ ଆପେ ଆଲାରେ କାମିତାନାକ ଆତଃ ପ୍ରାଭୁଆଃ ସେଞ୍ଜାକାମିରେ ଆପେୟାଃ ଆଗୁଆଇ ଲେକା ସାଲକେଦ୍ତେ ଚେତାଅପେତାନାକ, ଇନ୍କୁକେ ମାଇନକପେ । ୧୩ ଆତଃ ଇନ୍କୁଆଃ କାମି ନାଗେନ୍ତେ ଇନ୍କୁକେ ପୁରାଃ ଦୁଲ୍ଲାଡ଼ତେ ମାଇନକପେ । ଆତଃ ଆପେ ସବେନ୍କଲଃ ସୁକୁରେ ତାଇନପେ ।

୧୪ ଫେନ୍ଦ ହେ ହାଗା ମିଶିକ, ଆପେକେ ବିନ୍ତ୍ରପେତାନାଲେ, ଆଲ୍ଵି ହଡକକେ ଚେତାଅକପେ, ବରତାନ ହଡକକେ ଜୀଉରେ କେଟେଦ୍ ଏମାକପେ, ନାରାଦୁରାକକେ ଦେଙ୍ଗାକପେ, ସବେନ୍କଲଃ ସାହାତିଙ୍ଗି ଜୀଦାନ ବିତାଏପେ । ୧୫ ଜେତାଏ ଏଡକାନାଃରାଃ ବାଦଲ୍ଲାରେ ଏଡକାନାଃ ଆଲକାଏ ରିକାଏକା, ଫେନ୍ଦ ଆପେ ସବେନ୍ ଇମତା ମିହୁଡ୍ ଆତଃମିହୁଡ୍ଆଃ ଆତଃ ସବେନ୍କଆଃ ବୁଗିନାଃ ରିକା ନାଙ୍ଗ ସାନାଙ୍ଗପେ ।

୧୬ ଜାନାଅଗି ରାସ୍‌କାଅଃପେ, ୧୭ ସବେନ୍ ଇମତା ବିନ୍ତ୍ରପେ । ୧୮ ସବେନ୍ ଲେକାନ କାଜିକରେ ଧାନାବାଦ୍ ଏମେପେ । ଆପେ ଯୀଶୁ ଖ୍ରୀଷ୍ଟୁଆଃ ମେନେସାରେ ଜୀଦାନ ବିତାଅକାଦ୍ ହରାତେ, ଆପେ ନାଙ୍ଗ ନେଆଁ ପାରମେଶ୍ଵାର୍ଆଃ ମନେତାନା ।

୧୯ ପାବିତାର୍ ଆମ୍ବାକେ ଦୁକୁ ଆଲ୍ପେ ଏମାଇୟା । ୨୦ ପ୍ରାଭୁଆଃ କାଜିଏମ୍‌କେ ଆଲ୍ପେ ହିଲାଙ୍ଗୟେଁ । ୨୧ ସବେନାଃ ବିତାଅକେଦ୍ତେ, ବୁଗିନ୍ତେୟାଃ ସାବେପେ, ୨୨ ଆତଃ ସବେନ୍ ଲେକାନ ଏଡକାନ୍ତେୟାଃ ସାଙ୍ଗିନେପେ ।

୨୩ ଅକ ପାରମେଶ୍ଵାର୍ ଆରୁକେ ଜୀଉସୁକୁ ଏମାଃଏ, ଇନିଃଗି ଆପେକେ ସବେନ୍ ବିଷାଏରେ ପୁରାଃତେ ପାବିତାର୍ପେକା, ଆତଃ ଆରୁଆଃ ପ୍ରାଭୁ ଯୀଶୁ ଖ୍ରୀଷ୍ଟୁଆଃ ହିନିଜୁଃ ଇମତା ଆପେୟାଃ ସବେନ୍ ଆମ୍ବା, ଜୀଉ, ଆତଃ ହଡ଼ମ୍‌କେ କା ଚିଟାଃଆ ଲେକା ଦହେପେ । ୨୪ ଆପେକେ ହାକାଅନିଃ ସବେନାଃ ରିକାଏ ଗିୟାଏ, ଚିୟାଃଚି ଇନିଃ ପାତିୟାରଃଲେକାନିଃ ତାନିଃ ।

୨୫ ହେ ହାଗା ମିଶିକ, ଆଲେ ନାଗେନ୍ତେ ସବେନ୍କ ବିନ୍ତ୍ରପେ ।

୨୬ ସବେନ୍ ହାଗା ମିଶିକକେ ଖ୍ରୀଷ୍ଟୁ ଦୁଲ୍ଲାଡ଼ତେ ଜହାର୍‌କପେ ।

୨୭ ସବେନ୍ ହାଗା ମିଶିକଆଃ ଆୟାରରେ ନେ ଚିଟାଉ ପାଡ଼ାଅଃକା ମେନ୍ତେ ଆଇଙ୍ଗ ପ୍ରାଭୁଆଃ ନୁଡୁମ୍‌ତେ ଆପେକେଇଙ୍ଗ ବିନ୍ତ୍ରପେତାନା ।

୨୮ ଆରୁଆଃ ପ୍ରାଭୁ ଯୀଶୁ ଖ୍ରୀଷ୍ଟୁଆଃ ସାୟାଦ୍ ଆପେଲଃ ହବାଅଃକା ।

* ୫:୮ ୫:୮ ଏଫିସିୟ ୭:୧୩-୧୭.

ଥେସଲନିକୀୟମାନଙ୍କ ନିକଟକୁ ପାଉଲଙ୍କ ଦ୍ୱିତୀୟ ପତ୍ର ଥେସଲନିକା ବିଶ୍ୱାସୀକତାଃତେ ପ୍ରେରିତ୍ ପାଉଲୁସ୍‌ଆଃ ଏଟାଃ ଚିଟାଉ ପାରିଟାଏ

ପ୍ରେରିତ୍ ପାଉଲୁସ୍, ଥେସଲନିକା କାଲିସିୟାତେ ଆତଃମିଆଁଦ୍ ଚିଟାଉ ଅଲ୍ଲାକାଦାଏ, ୧:୧ । ଥେସଲନିକା କାଲିସିୟାରାଃ ପାହିଲା ଚିଟାଉ ଅନଲ୍‌ରେୟାଃ କାଚିଃ ତାୟମ୍‌ତେ ଖ୍ରୀଷ୍ଟ୍ ଜାନାମ୍ ତାୟମ୍ ୫୧ କରେ ନେ ଚିଟାଉକେ ଅଲ୍ଲାକାଦ୍ ତାଇକେନା । ପାଉଲୁସ୍ ଚିମ୍ତା କରିଛି କାଲିସିୟାରେ ତାଇକେନା ଇମ୍ତା ନେ ଚିଟାଉ ଥେସଲନିକା କାଲିସିୟାତେ ଅଲ୍ଲାକାଦ୍ ତାଇକେନା । ଇନିଃ ବାଚ୍‌ସାତେ ମିସ୍‌ନାରି କାମି ହରାସେନ୍‌କେନ୍ ଇମ୍ତା ଥେସଲନିକା କାଲିସିୟାକେ ବାଇୟାକାଦ୍ ତାଇକେନା, ପ୍ରେରିତ୍ ୧୭:୧-୧୦ ।

ଚିମିନ୍ ଯିହୁଦୀ ଆତଃ ଚିମିନ୍ ସାଅଁସାର୍ ହତ୍‌କଥାଃ ହରାତେ ନେ କାଲିସିୟା ବାଇୟାକାନ୍ ତାଇକେନା । ଥେସଲନିକା କାଲିସିୟାତାଃତେ ଅଲ୍ଲାକାନ୍ ଚିଟାଉରେ ଖ୍ରୀଷ୍ଟ୍‌ଆଃ ଆତଃମିସା ହିନିଦୁଃ ଆତଃ ଚୁଣ୍ଟୁ ଦ୍ୱିପିଲି ବିଷାଏରେ ଅଲ୍ଲାକାନା । ଚିୟାଃଚି ପାଉଲୁସ୍ ଆୟାଃ ବାରାନ୍ ଚିଟାଉରେ ଥେସଲନିକା କାଲିସିୟାତାଃତେ ଅଲ୍ଲାକାଦା । ପାଉଲୁସ୍ ଆଲ୍‌ସି ବିଷାଏରେ ଚେତ୍‌ଗାର୍ ଏମାଃଏ । ମିମିଆଦ୍ ହତ୍ ଆପ୍‌ନାଃ ଜମେୟାଃ ନାଗେନ୍ତେ କାମି ଲାଗାତିଙ୍ଗ୍‌ୟାଃ, ୩:୨-୧୦ ।

ପୁଥ୍ ବିଚାରରେ ତାଇକାନ୍ କାଜି

- ୧. ପାଉଲୁସ୍ ଆୟାଃ ଚିଟାଉରେ ଆୟାଃ ଆପ୍‌ନାଃ ଆତଃ ଗାତିରେ କାମିତାନ୍ ହାଗାକଥାଃ ପାରିଟାଏ ଏମକେଦ୍‌ତେ ଏନେଟେଦ୍ ରିକାକାଦାଏ । ୧:୧-୨
- ୨. ଥେସଲନିକା କାଲିସିୟା ନାଗେନ୍ତେ ପାର୍‌ମେଶ୍ୱାର୍‌କେ ଧାନ୍ୟାବାଦ୍ ଏମାଃଏ ଆତଃ ବିକ୍ତି ରିକାଃଏ । ୧:୩-୧୨
- ୩. ଅତେଦିଶ୍ୱମ୍‌ରେୟାଃ ଚୁଣ୍ଟୁ ଦ୍ୱିପିଲି ବିଷାଏରେ କାଜିୟାଃଏ । ୨
- ୪. ଇନିଃ ଆଲ୍‌ସି ବିରୁଧ୍‌ରେ ଆତଃ କେଟେଦ୍‌କାମି ରିକା ବିଷାଏରେ କାଜିୟାଃଏ । ୩:୧-୧୫
- ୫. ପାଉଲୁସ୍ ଆତଃମିସା କାଲିସିୟାରେନ୍ ହତ୍‌କକେ ଜହାର୍ କାଜିକେଦ୍‌ତେ ଅଲ୍‌ଚୁଣ୍ଟୁକ୍ୱାଦା । ୩:୧୬-୧୮

୧* ଆବୁଆଃ ଆପୁ ପାର୍‌ମେଶ୍ୱାର୍ ଆତଃ ପ୍ରାଭୁ ଯୀଶୁ ଖ୍ରୀଷ୍ଟ୍‌ରେ ତାଇକାନ୍ ଥେସଲନିକା କାଲିସିୟାରେନ୍ ହତ୍‌କତାଃତେ ପାଉଲୁସ୍, ସିଲାସ୍ ଆତଃ ତୀମଥୁଆଃ ଚିଟାଉ ।

୨ ଆବୁଆଃ ଆପୁ ପାର୍‌ମେଶ୍ୱାର୍ ଆତଃ ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ସାଃଏତେ ସାୟାଦ୍ ଆତଃ ଜୀଉସୁକୁ ଆପେୟାଃ ହବାଅଃକା ।

ଖ୍ରୀଷ୍ଟ୍‌ଆଃ ହିଜୁଃ ଦିପିଲିରାଃ ବିଚାର୍

୩ ହେ ହାଗା ମିଶିକ, ଆଲେ ଆପେ ନାଜ୍ ସବେନ୍ ଇମ୍ତା ପାର୍‌ମେଶ୍ୱାର୍‌କେ ଧାନ୍ୟାବାଦ୍ ଏମ୍ ଲାଗାତିଙ୍ଗ୍‌ୟାଃ, ଆତଃ ଏନା ଠାଉକାଗିୟା, ଚିୟାଃଚି ଆପେୟାଃ ବିଶ୍ୱାସ୍ ଆତଃଗି ପସା ଇଦିୟଃତାନା, ଆତଃ ଆପେୟାଃ ଦୁଲ୍ଲାଡ୍ ସବେନ୍‌କଥାଃ ନାଜ୍ ପୁରାଃଗି ହାରା ଇଦିୟଃତାନା । ୪ ନେ ଲେକାତେ ଆପେୟାଃ ସବେନ୍ ସାସାତି ଆତଃ ଦୁକୁ ଇମ୍ତାତାରାଃ ସାହାତିଙ୍ଗ୍ ଜୀଦାନ୍ ଆତଃ ବିଶ୍ୱାସ୍ ନାଗେନ୍ତେ ଆଲେ ପାର୍‌ମେଶ୍ୱାର୍‌ଆଃ କାଲିସିୟାକରେ ଆପେୟାଃ ବିଷାଏଲେ ଉଦୁବ୍‌କେଦା ।

୫ ପାର୍‌ମେଶ୍ୱାର୍‌ଆଃ ବିଚାର୍ ଠାଉକାଗିୟା, ମେନ୍ତେ ନେ ସବେନାଃତେ ସାରିୟଃତାନା ଆତଃ ଏନାତେ ଆପେ ପାର୍‌ମେଶ୍ୱାର୍‌ଆଃ ରାଇଜ୍ ନାମେ ଲେକାନ୍‌କପେ ହବାଅଥାଃ, ଚିୟାଃଚି ଏନ୍ ରାଇଜ୍ ନାମେ ନାଗେନ୍ତେଗି ଆପେ ଦୁକୁପେ ସାହାତିଙ୍ଗ୍‌ତାନା । ୬ ଠାଉକାନ୍‌ତେୟାଃ ପାର୍‌ମେଶ୍ୱାର୍ ରିକାୟାଏ, ନାହାଁଃ ଆପେକେ ଅକନ୍‌କ ଦୁକୁ ଏମାପେତାନାକ, ଇନ୍‌କୁକେ ଇନିଃ ଦୁକୁ ଏମ୍ ରୁହାଡ୍‌କଥାଏ, ୭ ଆତଃ ଆପେୟାଃ ଦୁକୁ ସାଜିନ୍‌କେଦ୍‌ତେ, ଆଲେକେୟ୍ ଜୀଉରାଡ୍‌ତେଃ ଏମାଲେୟାଏ । ନେଆଁ ପ୍ରାଭୁ ଯୀଶୁ, ଆୟାଃ ପୁରାଃ ପେଡ୍‌ୟାନ୍ ଦୁଁଡ୍‌କଲଃ ସିମ୍‌ହେତେ ହିଜୁଃ ଇମ୍ତା ହବାଅଥା । ୮ ପାର୍‌ମେଶ୍ୱାର୍‌କେ କା ସାରିତାନ୍‌କକେ, ଆତଃ ଆବୁଆଃ ପ୍ରାଭୁ ଯୀଶୁଆଃ ସୁକୁକାଜି କା ମାନାତିଙ୍ଗ୍ ତାନ୍‌କକେ ଇନିଃ ସାଜାଇ ଏମାକ ନାଗେନ୍ତେ ସେଙ୍ଗେଲ୍ ଲେକା ଜୁଲ୍‌ତାନ୍ ହୁକା ସାବ୍‌କେଦ୍‌ତେ ହିଜୁଃଆ । ୯ ଏନ୍ ହତ୍‌କ ପ୍ରାଭୁଆଃ ହେପାଦ୍‌ହେତେ ଆତଃ ଆୟାଃ ପେଡ୍‌ୟାନ୍ ମାନାରାଜ୍‌ହେତେ ବିନ୍‌ଗାଅଃତାନ୍‌ଲଃ ଜାନାଅ ଜାନାଅ ନାଗେନ୍ତେକ ଜିୟନଃଆ ।

* ୧:୧ ୧:୧ ପ୍ରେରିତ୍ ୧୭:୧.

୧୦ ମେନଦ ଏନ୍ ହୁଲାଙ୍ଗ୍ ଇନିଃ ଆୟାଃ ପାବିତାର୍ ହତକତାଃଏତେ ଆତଃ ସବେନ୍ ବିଶ୍ଵାସୀକତାଃଏତେ ମାଇନାନ୍ ଆତଃ ମାନାରାଙ୍ଗ୍ ନାମେୟାଏ । ଇନ୍କୁଆଃ ଆଲ୍ଲାରେ ଆପେୟଗି ତାନ୍ଦେ, ଚିୟାଃଚି ଆପେ, ଆଲେ ଉଦୁବ୍‌କେଦ୍ କାଜିରେପେ ବିଶ୍ଵାସକେଦା ।

୧୧ ଏନା ନାଗେନ୍ତେ ଆପେ ପାର୍‌ମେଶ୍ଵାର୍‌ଆଃ କେନେଡ଼ା ଲେକାଗି ଜୀଦାନ୍ ବିତାଏପେ ମେନ୍ତେ ଆଲେ ଆପେ ନାଙ୍ଗ୍ ପାର୍‌ମେଶ୍ଵାର୍‌ତାଃରେ ଜାନାଅଗିଲେ ବିନ୍ତିତାନା । ଆୟାଃ ପେଡେଃରେ ଇନିଃ ଆପେୟାଃ ସବେନ୍ ବୁଗିନାଃ ଆତଃ ଆପେୟାଃ ବିଶ୍ଵାସରାଃ କାମିକେ ପୁରାଏକା । ୧୨ ଏନ୍‌ଲେକାତେ ଆବୁଆଃ ପ୍ରାଭୁ ଯୀଶୁଆଃ ନୁଡୁମ୍ ଆପେରେ ମାନାରାଙ୍ଗ୍ ହବାଅଃକା, ଆତଃ ଆବୁଆଃ ପାର୍‌ମେଶ୍ଵାର୍ ଆତଃ ଯୀଶୁ ଖ୍ରୀଷ୍ଟ୍‌ଆଃ ସାୟାଦ୍ ଲେକାତେ ଆପେ ଇନିଃରେଗି ମାନାରାଙ୍ଗ୍ ହବାଅଃପେ ।

୨

ଏଡକାନ୍ ହଡ

୧ *ହେ ହାଗା ମିଶିକ, ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ହିନିଜୁଃ ଆତଃ ଆବୁ ଆୟାଃତାଃରେ ହୁଣ୍ଡିୟଃ ନାଗେନ୍ତେ ଆଲେ ଆପେକେ ବିନ୍ତିପେ ତାନାଲେ । ୨ ଆପେ ପ୍ରାଭୁଆଃ ହୁଲାଙ୍ଗ୍ ସେଟେରାକାନା ମେନ୍ତେ ଜେତାଏତାଃଏତେ ଆୟୁମ୍‌କେଦ୍‌ତେ, ଆମ୍ବ୍‌ରେ ଆଲ୍ଲପେ ଆକ୍‌ବୀକାଅଃଆ ଚାଏ ବେଦାଅଆଃ । ଆଲେ ବାଚାନ୍ ହାଟିଙ୍ଗ୍ ଇମ୍‌ତା ନେକାନ୍ କାଜିଲେ କାଜିକାଦା ଚାଏ ନେ ବିଷାଏରେ ଚିଟାଉଲେ ଅଲ୍ଲାକାଦା ମେନ୍ତେ ଚିମିନ୍ ହଡକ କାଜିତାନା । ୩ ଜେତାଏ ଆପେକେ ଜେତାଲେକାତେ ଆଲକାକ ବେଦାପେକା, ଚିୟାଃଚି ଚୁଣ୍ଡୁ ମାପାଃତୁପୁଲ୍‌ଙ୍ଗ୍ ହବାଅଃଆ ଆତଃ ଏନ୍ ଏଡକାନ୍ ହଡ ଉନ୍‌ଦୁବଃଆଏ । ଆତଃ ଇନିଃକେ ଜିୟନଃ ନାଙ୍ଗ୍ ନାରାକ୍‌ତେ ଆଉରି ଇଦିୟଃ ଜାକେଦ୍, ଏନ୍ ହୁଲାଙ୍ଗ୍ କା ହିଜୁଃଆ । ୪ ଏନ୍ ଏଡକାନ୍ ହଡ, ବଙ୍ଗାବୁରୁ ସେଝାତାନ୍ ଆତଃ ପାର୍‌ମେଶ୍ଵାର୍‌କେ ସୁସାର୍‌ତାନ୍ ସବେନ୍‌କଆଃ ବିରୁଧ୍‌ରେ ତାଇନା ଆତଃ ଆଇଃକ୍‌ଗି ସବେନ୍‌କଆଃ ଚେତାନ୍‌ରେ ତାଇନା ଆତଃ ପାର୍‌ମେଶ୍ଵାର୍‌ଆଃ ମାନ୍ଦିର୍ ଅଡ଼ାଃରେ ଦୁବ୍‌କେଦ୍‌ତେ ଆଇଙ୍ଗ୍ ପାର୍‌ମେଶ୍ଵାର୍ ତାନିଙ୍ଗ୍ ମେନ୍ତେ କାଜିୟା ।

୫ ଆଇଙ୍ଗ୍ ଆପେଲଃ ତାଇକେନ୍ ଇମ୍‌ତା, ନେ ସବେନ୍ ବିଷାଏରେ ଆପେକେ କାଜିକାଦ୍‌ପେ ତାଇକେନ୍‌ତେୟାଃ କାପେଚି ପାହାମେତାନା ? ୬ ଆତଃ ଇନିଃଏ ଏଡକାନ୍ ହଡ, ଦହାକାନ୍ ଦିପିଲିରେ ଉଦୁବଃ ନାଗେନ୍ତେ ଚିକ୍‌ନାଃ ଆପେକେ ଛେକାଦ୍‌ପେ ତାନା, ଏନାଦପେ ସାରିତାନା । ୭ ଚିୟାଃଚି ଏଡକାନାଃରେ ଉକୁଆକାନ୍ ପେଡେଃ ନାହାଁଃହାଁ କାମିତାନାଏ, କାଜିଛେକାଦ୍‌ତାନ୍ ହଡ ଆଉରି ସାଜିନଃ ଜାକେଦ୍ ଏନାଏଁ କାମିକାତେୟାଃ । ୮ ଏନ୍ତେ ଆନ୍‌ରୁ ବାନଃନିଃ ଉଦୁବଃଆଏ, ଇନିଃକେ ପ୍ରାଭୁ ଯୀଶୁ ଆୟାଃ ମଚାରେୟାଃ ସାହେଦ୍‌ତେ ଗଜିୟା ଆତଃ ଆୟାଃ ହିନିଜୁଃରାଃ ଜୁନ୍‌ଲ୍‌ତେ ଜିୟନିଆ । ୯ ଏନ୍ ଏଡକାନ୍‌ନିଃ ସାଏତାନ୍‌ରାଃ ପେଡେଃଲଃ ହିଜୁଃଆଏ ଆତଃ ସବେନ୍ ଲେକାନ୍ ହସଡରାଃ ପେଡେୟାନ୍‌କାମି, ଚିଙ୍ଗାଁ, ଆତଃ ଆକ୍‌ଦାନ୍‌ଆ କାମିକ ରିକାଏୟାଏ । ୧୦ ଆତଃ ପୁରାଃ ହଡକ ଇନିୟାଃ ଏଡକାନ୍ ବେଦାରେ ଜିୟନଃଆକ । ଅକନ୍ ଦୁଲାଡ୍‌ରେୟାଃ ସାନାର୍‌ତିକେ ତେଲା ଦାରମ୍‌କେଦ୍‌ତେ ଇନ୍କୁ ଜୀଉବାଞ୍ଚାଅ ନାମେତେୟାଃକ, ଏନାକେ କା ତେଲା ଦାରମ୍‌କେଦ୍ ହରାତେ ଇନ୍କୁ ଜିୟନଃଆକ । ୧୧ ଏନାମେନ୍ତେ ଇନ୍କୁ ଜେଲେକା ହସଡ୍‌ରେକ ବିଶ୍ଵାସେୟା, ଏନାମେନ୍ତେ ପାର୍‌ମେଶ୍ଵାର୍ ଇନ୍କୁତାଃତେ ପେଡେୟାନ୍ ହସଡ୍‌କେ କୁଲ୍‌କେଦା । ୧୨ ଏନ୍ତେ ସାନାର୍‌ତିରେ କା ବିଶ୍ଵାସକେଦ୍‌ତେ ପାପ୍ କାମିରେ ସୁକୁନାମେତାନ୍ ସବେନ୍‌କ ସାଜାଇକ ନାମେୟା ।

ଆପେ ଜୀଉବାଞ୍ଚାଅ ନାମେ ନାଗେନ୍ତେପେ ସାଲ୍ଲାକାନା

୧୩ ମେନଦ ହେ ପ୍ରାଭୁଆଃ ଦୁଲାଡ୍ ହାଗାକ, ଆଲେ ଆପେ ନାଗେନ୍ତେ ସବେନ୍ ଇମ୍‌ତା ପାର୍‌ମେଶ୍ଵାର୍‌କେ ଧାନାବାଦ୍ ଏମ୍ ଲାଗାତିଙ୍ଗ୍‌ୟାଃ । ଚିୟାଃଚି ପାବିତାର୍ ଆମ୍ବାରାଃ ପେଡେଃରେ, ଆତଃ ସାନାର୍‌ତିରାଃ ବିଶ୍ଵାସ୍‌ତେ ଜୀଉବାଞ୍ଚାଅ ନାମେ ନାଗେନ୍ତେ ପାର୍‌ମେଶ୍ଵାର୍ ଆପେକେ ମୁନ୍‌ଏତେ ଆୟାଃ ପାବିତାର୍ ହଡ ମେନ୍ତେ ସାଲ୍ଲାକାଦ୍‌ପେୟା । ୧୪ ଆଲେ ଆପେତାଃରେ ଅକନ୍ ସୁକୁକାଜି ଉଦୁବ୍‌କାଦାଲେ, ଏନା ହରାତେ ପାର୍‌ମେଶ୍ଵାର୍ ଆପେକେ ଏନ୍ ସୁକୁକାଜି ନାଗେନ୍ତେ କେଡାକାଦ୍‌ପେୟା । ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ମାନାରାଙ୍ଗ୍‌ରେୟାଃ ହିସା ହବାଅଃ ନାଗେନ୍ତେ ଇନିଃ ଆପେକେ କେଡାକାଦ୍‌ପେୟା । ୧୫ ଏନା ନାଗେନ୍ତେ, ହେ ହାଗା ମିଶିକ, ଆଲେୟାଃ ଇନିତୁ ଆତଃ ଆଲେୟାଃ ଅନଲ୍‌ତେ ଆପେ ଇଡୁକାନ୍‌ତେୟାଃ ତିଙ୍ଗୁ କେଟେଦ୍‌କେଦ୍‌ତେ ସାବାକାପେ ।

୧୬ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟ୍ ଆଇଃକ୍‌ଗି ଆତଃ ଆବୁଆଃ ଆପୁ ପାର୍‌ମେଶ୍ଵାର୍ ଆବୁକେ ଦୁଲାଡ୍‌କେଦ୍‌ତେ ଆୟାଃ ସାୟାଦ୍ ହରାତେ ଆବୁକେ ଜାନାଅଗି ଜୀଉରାଡେଃ ଆତଃ ବୁଗିନ୍ ଆସ୍ତା ଏମାକାଦ୍‌ରୁଆଏ, ୧୭ ଇନିଃ ଆପେକେ ସବେନ୍ ଇମ୍‌ତା ବୁଗିନ୍ କାମି ନାଗେନ୍ତେ ଆତଃ ସାର୍‌ତି କାଜି ନାଙ୍ଗ୍ ପେଡେଃ ଆତଃ ଜୀଉରେ ରାସ୍‌କା ଏମାପେକାଏ ।

* ୨:୧ ୨:୧ ୧ ଥେସ୍‌ଲନିକା ୪:୧୫-୧୭. ✧ ୨:୯ ୨:୯ ମାଥୁ ୨୪:୨୪.

୩

ଆଲେ ନାଗେନ୍ତେ ବିକ୍ରିପେ

^୧ ହେ ହାଗା ମିଶିକ ବୁଣ୍ଡୁରେ ଆଲେ ନାଙ୍ଗ ବିକ୍ରିପେ, ପ୍ରାଭୁଆଃ କାଜି ଆପେତାଃରେ ନିତିରୁୟାନ୍* ଲେକାଗି ଏନା ଚାରିୟସାଃରେ ନିତିରକେଦ୍‌ତେ ମାନାରାଙ୍ଗ ହବାଅଃକା । ^୨ ଆତଃଗି ବିକ୍ରିପେ, ପାର୍‌ମେଶ୍ଵାର ଆଲେକେ ଏଡ଼କାନାଃଏତେ ଆତଃ ଏଡ଼କାନ୍ ହଡ଼କତାଃଏତେ ବାଞ୍ଛାଅଲେକାଏ, ଚିୟାଃଚି ସବେନ୍‌କ ସୁକୁକାଜିରେ ବିଶ୍ଵାସୀ ନାହାଁଲାକ ।

^୩ ମେନ୍‌ଦ ପ୍ରାଭୁ ପାତିୟାରରନିଃ ତାନିଃ, ଆତଃ ଇନିଃ ପେଡ଼େଃ ଏମାପେୟାଏ, ଏନ୍ତେ ଏଡ଼କାନ୍ ହଡ଼ଏତେ ବାଞ୍ଛାଅପେୟା । ^୪ ଆତଃ ଆଲେ ଆପେକେ ଆରୁକାଦ୍‌ପେଡେୟାଃ ସବେନାଃପେ କାମିତାନା ଆତଃ କାମିୟାପେ, ମେନ୍ତେ ଆଲେ ପାର୍‌ମେଶ୍ଵାରତାଃରେ ଆପେୟାଃ ବିଷାଏରେ ପୁରାଃ ବିଶ୍ଵାସ୍ ମେନାଃ ।

^୫ ପ୍ରାଭୁ ଆପେୟାଃ ମନ୍‌ସୁରୁଦ୍‌ରେ ପାର୍‌ମେଶ୍ଵାରଆଃ ଦୁଲ୍ଲାଡ଼୍ ଆତଃ ଖ୍ରୀଷ୍ଟ୍ ଏମାକାଦ୍ ସାହାତିଙ୍ଗ୍‌ୟେଁ ଲେକାନ୍ ହରାରେ ସୁତୁଃ ଇଦିପେକା ।

ସବେନ୍ କାମି ରିକା ଲାଗାତିଙ୍ଗ୍‌ୟାଃ

^୬ ହେ ହାଗା ମିଶିକ, ଆଲେ ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ନୁତୁମ୍‌ତେ ଆରୁପେ ତାନାଲେ, ଜେତାଏ ହାଗା, ଆଲେତାଃଏତେ ନାମାକାଦ୍ ଇନିଦୁଲେକା କା ସେସେନ୍‌କେଦ୍‌ତେ ଆଲ୍‌ସି ଜୀଦାନ୍ ବିତାଅତାନ୍‌ରେଦ୍, ଇନିଃତାଃଏତେ ସାଙ୍ଗିନ୍‌ରେ ତାଇନ୍‌ପେ । ^୭ ଆପେଦ ଚିଲ୍‌କାତେ ଆଲେକେ ଅତଙ୍ଗ୍ ଲାଗାତିଙ୍ଗ୍‌ୟାଃ ଏନା ବୁଗିଲେକାପେ ଇଡୁକାନା, ଆଲେଦ୍‌ ଆପେଲଃ ତାଇକେନ୍ ଇମ୍‌ତା ଆଲ୍‌ସି କାଲେ ତାଇକେନା । ^୮ ଆତଃ ବେଗାର୍ ଗନଙ୍ଗ୍‌ତେ ଜେତାଏତାଃରେ କାଲେ ଜମ୍ ତାଇକେନା, ମେନ୍‌ଦ୍‌ ଆପେତାଃଏତେ ଜେତାଏୟାଃ ବାହାରମ୍ ଲେକା ଆଲକାଲେ ଲାଦିୟାଃ ମେନ୍ତେ ଦୁକୁ ସାହାତିଙ୍ଗ୍‌ତାନ୍‌ଲଃ ନିଦା ସିଙ୍ଗି ପୁରାଃ କେଟେଦ୍ କାମିଲେ କାମି ତାଇକେନା । ^୯ ଆପେତାଃଏତେ ଜେଡ଼ନାଃ ନାମେ ନାଗେନ୍ତେ ଆଲେୟାଃ ଆକ୍‌ତେୟାର୍ ବାନଃଆ ମେନ୍ତେଦ୍ କା, ମେନ୍‌ଦ୍‌ ଆପେ ଆଲେକେ ଅତଙ୍ଗ୍‌ଲେପେ ମେନ୍ତେ, ଆଲେ ଆପେତାଃରେ ନାମୁନା ଲେକା ବାଇୟେନ୍ ନାଗେନ୍ତେଲେ ରିକାକେଦା । ^{୧୦} ଚିୟାଃଚି ଆଲେ ଆପେଲଃ ତାଇକେନ୍ ଇମ୍‌ତାଗି ଆପେକେ ନେଆଁ ଆରୁକାଦ୍‌ପେ ତାଇକେନାଲେ, ଜେତାଏ କା କାମି ସାନାଙ୍ଗ୍‌ତାନ୍‌ନିଃ ଆଲକାଏ ଜମେକା ।

^{୧୧} ଆଲେ ଆପେକେ ନେଆଁ କାଜିପେତାନାଲେ, ଚିୟାଃଚି ଆପେ ଆଲାରେ ଚିମିନ୍ ହଡ଼କ ଆଲ୍‌ସି ଜୀଦାନ୍ ବିତାଅତାନ୍‌ଲଃ ଏଗାଃକଆଃ କାମିରେ ଆଲା ଆଲାଅଃତାନାକ ଆତଃ ଜେଡ଼ନାଃ କାକ କାମିତାନା, ମେନ୍ତେଲେ ଆୟୁମେତାନା । ^{୧୨} ଏନ୍ ଲେକାନ୍ ହଡ଼କକେ ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ନୁତୁମ୍‌ତେ ତେତାଅକେଦ୍‌ତେଲେ ଆରୁକତାନା, ଇନ୍‌କୁ ଆକଆଃ ଜୀଦାନ୍‌ରେ ସୁକୁରେ ତାଇନ୍‌କେଦ୍‌ତେ ଆକଆଃ ଜମେନାଙ୍ଗ୍‌କ କାମିକା ।

^{୧୩} ମେନ୍‌ଦ୍‌ ହେ ହାଗା ମିଶିକ, ବୁଗିନ୍ କାମିରେ ଆଲ୍‌ପେ ଲାଗାଅଃଆ । ^{୧୪} ଆତଃ ଆଲେ କୁଲକାଦ୍ ନେ ଚିଠିରେୟାଃ କାଜି କା ମାନାତିଙ୍ଗ୍‌ତାନ୍‌କକେ ନେଲ୍ ଉରୁମାକାକପେ, ଆତଃ ଇନ୍‌କୁ ଗିହୁଗଃକାକ ମେନ୍ତେ ଆପେ ଇନ୍‌କୁଲଃ ଆଲ୍‌ପେ ମେସାନା । ^{୧୫} ମେନ୍‌ଦ୍‌ ଇନ୍‌କୁକେ ବାଇରି ଲେକା କା ନେଲ୍‌କେଦ୍‌ତେ ଖ୍ରୀଷ୍ଟ୍ ବିଶ୍ଵାସୀ ହାଗାଲେକା ମନେତାନ୍‌ଲଃ ତେତାଅକପେ ।

ଚୁଣ୍ଡୁ କାଜି

^{୧୬} ଅକନ୍ ପ୍ରାଭୁ ଆବୁଆଃ ଜୀଉସୁକୁ ଏମଃନିଃ ତାନିଃ, ଇନିଃ ଆପେକେ ସବେନ୍ ଇମ୍‌ତା ଆତଃ ସବେନ୍ ଲେକାତେ ଜୀଉସୁକୁ ଏମାପେକାଏ । ପ୍ରାଭୁ ଆପେ ସବେନ୍‌କଲଃ ହବାଅଃକା ।

^{୧୭} ଆଇଙ୍ଗ୍ ପାଉଲୁସ୍, ତିଃଇ ତାଇୟାଃତେ ଅଲ୍‌କେଦ୍‌ତେଇଙ୍ଗ୍ ଜହାର୍‌ପେତାନା, ନେ ଲେକାଗି ସବେନ୍ ଚିଠିକରେ ଚିହ୍ନାଁ ଲେକାଇଙ୍ଗ୍ ଅଲେତାନା ।

^{୧୮} ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ସାୟାଦ୍ ଆପେ ସବେନ୍‌କଲଃ ହବାଅଃକା ।

* ୩:୧ ୩:୧ ପାସ୍‌ରାଅ

ତୀନଅଙ୍କ ନିକଟକୁ ପାଉଲଙ୍କ ପ୍ରଥମ ପତ୍ର ତୀନଅଙ୍କାଃତେ ପ୍ରେରିତ୍ ପାଉଲୁଅଃ ପାହିଲା ଚିଟାଉ ପାରିଟାଏ

ପାହିଲା ତୀନଅ ପୁଅ ନିଆଁଦ୍ ଚିଟାଉ ପ୍ରେରିତ୍ ପାଉଲୁଅଃ ହରାତେ ଆୟାଃ ତେଲା ତୀନଅଙ୍କେ ଅଲାକାନା । ପାହିଲା ତୀନଅ ହବାସାକାଅଆଃ ୬୨-୬୪ କରେ ଯାଶୁ ଖ୍ରୀଷ୍ଟୁଆଃ ଜାନାମ୍ ତାୟମ୍ତେ ଅଲାକାନା । ହବା ଦାଡ଼ିୟଃଆ ନେଆଁ ପାଉଲୁଅଃ ଜୀଦାନରେୟାଃ ଚୁଣ୍ଡ ଦୁପିଲି ତାନାଃ । ପାଉଲୁଅଃ ତୀନଅଆଃ ପୁରାଃ ବୁଗିନ୍ ନାତା ତାଇକେନା, ଇନିଃ ପୁରାଃଆଃ ତୀନଅଙ୍କେ ହନ୍ ମେନ୍ତେ କାଜିକାଦା ଫିଲିପିୟ ୨:୨୨;୧ ତିନିଅ ୧:୨-୧୮ । ପାଉଲୁଅଃ ହରାତେ ନିହୁଡ଼କେ ଏସକାର୍ ଅଲାକାନ୍ ଉପୁନିୟା ଚିଟାଉକଏତେ ନେଆଁ ହବାଅଃତାନା ନିଆଁଦ୍ । ଏଗାଃ ଆପିୟା ପୁଅ ହବାଅଃତାନା ୨ ତୀନଅ, ତିତସ୍, ଆତଃ ଫିଲମନ୍ । ପାହିଲା ତୀନଅରେ କାଲିସିୟାରାଃ ସୁନ୍ୟାର୍ ବିଷାଏରେ ମେନାଃ । ୨:୧-୫ ।

ନେଆଁରେ କାଲିସିୟାରେନ୍ ଆଗୁଆଇକଆଃ ଚାଇଲ୍ ଚାଇଲ୍ ବିଷାଏରେ ମେନାଃ ୩:୧-୧୩ଆତଃ ହସଡ଼ ଇଡୁକଆଃ ବିଷାଏରେ ଚେନେତାଅ କାଜି ମେନାଃ ୧:୩-୧୧;୪:୧-୫;୬:୨-୫ । କାଲିସିୟାରେ ତୀନଅ ଚିଲ୍କା ନିଆଁଦ୍ ଆଗୁଆଇ ହବାଅଃ ଲାଗାତିଙ୍ଗ୍ୟାଃ, ଏନ୍ ବିଷାଏରେ ପାଉଲୁଅ ନେ ଚିଟାଉରେ ଉଦୁବକାଦା । ପାହିଲା ତୀନଅରେ ନାହାଁରେୟାଃ ହାତୁ କାଲିସିୟାକରେ କାମି ରିକା ଲାଗାତିଙ୍ଗ୍ ନାଗେନ୍ତେ କାଲିସିୟାରେନ୍ ଆଗୁଆଇକକେ ପୁରାଃଗି ଏନେଟେଦ୍ ଇନିଡୁକ ଏମାକାନା ।

ପୁଅ ବିଚାରରେ ତାଇକାନ୍ କାଜି

- ୧. ପାଉଲୁଅ ତୀନଅଙ୍କେ ଜହାର୍ କାଜିକେଦ୍ତେ ଅନଲ୍ ଏଟେଦ୍ କାଦାଏ । ୧:୧-୨
- ୨. ପାଉଲୁଅ ତୀନଅଙ୍କେ ହସଡ଼ ଇଡୁକଆଃ ବିରୁଧ୍ରେ ଚେନେତାଅ ଉଦୁବକାଦାଏ । ୧:୩-୧୧
- ୩. ଖ୍ରୀଷ୍ଟୁଆଃରେ ପାଉଲୁଅଃ ଧାନଧାବାଦ୍ । ୧:୧୨-୧୯
- ୪. କାଲିସିୟାରେୟାଃ ସେଝା କାମି ଆତଃ ଆଗୁଆଇକଆଃ ବିଷାଏରେ ତୀନଅଙ୍କେ ପାଉଲୁଅଃ ଇନିଡୁ । ୨-୩
- ୫. ତୀନଅଙ୍କେ ପାଉଲୁଅଃ ଚୁଣ୍ଡ ଇନିଡୁ । ୪-୬

୧ ଆଇଙ୍ଗ୍ ପାଉଲୁଅ, ଆଗୁଆଃ ଜୀଉବାସ୍ତାଅ ଏମଃନିଃ ପାର୍ମେଶ୍ୱାର୍ ଆତଃ ଆବୁ ଆସ୍ତାଏତାନ୍ ଯାଶୁ ଖ୍ରୀଷ୍ଟୁଆଃ ଆନାତୁ ଲେକାତେ କୁଲାକାନ୍ନିଃ ତାନିଙ୍ଗ୍,

୨ *ବିଶ୍ୱାସ୍ରେନ୍ ସାର୍ତି ହନ୍ ତୀନଅଙ୍କାଃତେ ଅଲାକାନ୍ ଚିଟାଉ : ଆପୁ ପାର୍ମେଶ୍ୱାର୍ ଆତଃ ଆଗୁଆଃ ପ୍ରାଭୁ ଯାଶୁ ଖ୍ରୀଷ୍ଟୁ ଆପେକେ ସାୟାଦ୍, ଲିନିବୁଇ ଆତଃ ଜୀଉସୁକୁ ଏମାପେକାଏ ।

ହସଡ଼ ଇନିଡୁଏତେ ଚିର୍ଗାଲାକାନ୍ପେ

୩ ଆଇଙ୍ଗ୍ ମାକିଦନିଆତେ ସେନଃତାନ୍ ଇମ୍ତା ଆମ୍ବେ କାଜିକେଦ୍ମେ ଲେକା ଆମ୍ ଏଫିସୁସ୍ ନାଗାର୍ରେୟା ତାଇନମେ ଆତଃ ଚିମିନ୍ ହଡ଼କ ଏନ୍ତାଃରେ ହସଡ଼କାଜିକ ଇଡୁକତାନା, ଇନିକୁକେ ଏନ୍ ହସଡ଼କାଜିକ ଆଲ୍ପେ ଇଡୁକଆ ମେନ୍ତେ ଆଡୁକମେ । ୪ ଆତଃ ହଡ଼ତେ ବାଇୟାକାନ୍ କାଥ୍ନି ଆତଃ ହାଡ଼ାମ୍ହଡ଼କଆଃ ଜିଲିଙ୍ଗ୍ କିଲିକଆଃ ଉଡ଼ୁକ ଆଲ୍ପେ ଆୟୁମାଃ ମେନ୍ତେ ଆଡୁକମେ, ଚିୟାଃତି ନେ ସବେନାଃତେଗି ପାତିୟାର୍ତେ ସାରିୟଃତାନ୍ ପାର୍ମେଶ୍ୱାର୍ଆଃ ସେଝା କାମି କା ହବାକେଦ୍ତେ କାପ୍ତଜିକ ଅଡ଼ଙ୍ଗ୍ଆଃଆ । ୫ ଫାର୍ତି ମନ୍ସୁରୁଦ୍ତେ, ବୁଗିନ୍ ମନ୍ତେ ଆତଃ ସାର୍ତି ବିଶ୍ୱାସ୍ତେ ଅଡ଼ଙ୍ଗ୍ଆଃତାନ୍ ଦୁଲାଡ଼କେ ଚିହୁର୍ ରିକାନାଙ୍ଗ୍ ଆଇଙ୍ଗ୍ ଆମ୍ବେଇଙ୍ଗ୍ ଆରୁମେତାନା । ନେଆଁଗି ଧାର୍ମାନ୍ ଇନିଡୁ ତାନାଃ । ୬ ଚିମିନ୍ ହଡ଼କ ନେ ବିଶେଷ୍ କାଜିକ ବାଗିକେଦ୍ତେ ସାମାକାଜିକରେ ପାତିୟାର୍କେଦ୍ତେ ଆକଆଃ ହରାକ ଆଦାକାଦା । ୭ ଇନିକ୍ ମୁଗା ନାବୀଆଃ ଆନ୍ତୁରାଃ ଆଇନ୍ ଇଡୁକ ହବାଅଃ ନାଙ୍ଗ୍କ ସାନାଙ୍ଗ୍ତାନା, ମେନ୍ଦ୍ ଇନିକ୍ ଆକଗି କାଜିତାନ୍ତେୟାଃ ଆତଃ ଆକଗି ଇଡୁକତାନ୍ ପକ୍ତାନ୍ କାଜିକେ କାକ ଆର୍କାର୍ତୁମେତାନା ।

୮ ଆବୁ ସାରିତାନାବୁ ଯେ, ଜେତାଏ ହଡ଼ ମୁଗାରାଃ ଆନ୍ତୁ ଲେକାଗି ବୁଗିଲେକାଏ କାମିରେଦ୍ ଏନା ବୁଗିନ୍ ତାନାଃ । ୯ ଆତଃ ଧାର୍ମାନ୍ ହଡ଼କ ନାଗେନ୍ତେ ଆନ୍ତୁ କା ଦହାକାନା, ମେନ୍ଦ୍ ଆନ୍ତୁ ବାନଃ ଏଡ଼କାନ୍ ହଡ଼କ ନାଙ୍ଗ୍, ଆପାନ୍ ସାନାଙ୍ଗ୍ତାନ୍ଲେକା କାମିତାନ୍କ ନାଙ୍ଗ୍, ପାର୍ମେଶ୍ୱାର୍କେ କା ବରତାନ୍କ ନାଙ୍ଗ୍, ପାପକାମିରେ ତାଇନତାନ୍କ ନାଙ୍ଗ୍, ସଡ଼ରକାନ୍କ ନାଙ୍ଗ୍, ଆତଃ କା ଧାର୍ମାନ୍ କାମି କାମିତାନ୍କ ନାଙ୍ଗ୍, ଏଙ୍ଗା, ଆପୁକିନ୍କେ ଗଏଃତାନ୍କ ନାଙ୍ଗ୍, ହଡ଼ ଗଗଏଃକ ନାଙ୍ଗ୍, ୧୦ ଆପାଙ୍ଗିର୍ତାନ୍କ ନାଙ୍ଗ୍, କଡ଼ା

* ୧:୨ ୧:୨ ପ୍ରେରିତ୍ ୧୬:୧.

କଡ଼ାକଲଃ ଆପାଙ୍ଗିରତାନକ ନାଙ୍ଗ, ହଡ଼ ଆଖିରଙ୍ଗତାନକ ନାଙ୍ଗ, ବେଦାତାନକ ନାଙ୍ଗ, ହସଡ଼ ଗାଞ୍ଜା ଏମ୍ତାନକ ନାଙ୍ଗ ଆତଃ ସବେନ୍ ବୁଗିନ୍ ଇନିତୁରେ କାଜିକେସେଦ୍ତାନକ ନାଙ୍ଗ ନେ ଆଇନ୍ ବାଲୟାକାନା । ୧୧ ପୁରାଃ ମାନାରାଙ୍ଗ ସୁକୁଆନ୍ ପାର୍ମେଶ୍ଵାର୍ଆଃ ସୁକୁକାଜିରେ ସବେନ୍ ବୁଗିନ୍ ଇନିତୁ ଦହାକାନା । ଏନ୍ ସୁକୁକାଜିକେ ଉଦୁବ୍ ନାଗେନ୍ତେ ଆଇଙ୍ଗକେ ବାହାରମ୍ ଏମାକାନ୍ ତାଇକେନା ।

ପାର୍ମେଶ୍ଵାର୍ଆଃ ଲିନିବୁଇ ନାଗେନ୍ତେ ଧାନ୍ୟାବାଦ୍

୧୨ ଆୟାଃ କାମିରେ ପେଡ଼େଃ ଏମାକାଦିଙ୍ଗ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟକେଇଙ୍ଗ ଜହାରିତାନା । ଇନିଃ ଆଇଙ୍ଗକେ ପାତିୟାରରଃନିଃ ଲେକା ଆବ୍‌କାରକେଦ୍ତେ ଆଇଃକକେ ସେଞ୍ଜା ନାଙ୍ଗ ସାଲ୍ୟାକାଦିୟାଏ । ୧୩ *ଆଇଙ୍ଗଦ୍ ସିଦାକରେ ଯୀଶୁ ଖ୍ରୀଷ୍ଟକେଇଙ୍ଗ ନିନ୍ଦାକିୟା, ସାସାତିକିୟା, ଆତଃ ଲାନ୍ଦାକିୟା, ଏନ୍‌ରେହ ପାର୍ମେଶ୍ଵାର୍ ଆଇଙ୍ଗକେ ଦାୟାକେଦିୟା, ମେନ୍‌ଦ୍ ଆଇଙ୍ଗ ଚିନାଃ କାମି ତାଇନାଇଙ୍ଗ ଏନା କା ବିଶ୍ଵାସତେ ଆତଃ ବେଗାର୍ ସାରିତେଇଙ୍ଗ କାମିକାଦା । ୧୪ ଆତଃ ଆବୁଆଃ ପ୍ରାଭୁଆଃ ସାୟାଦ୍ ପୁରାଃଗି ଆଦ୍‌କାୟାନ୍ ହରାତେ ଆଇଙ୍ଗ ଯୀଶୁ ଖ୍ରୀଷ୍ଟରେ ବିଶ୍ଵାସ୍ ଆତଃ ଦୁଲ୍ଲାଡ଼ରାଃ ମେନେସାରେ ମେନାଇୟା । ୧୫ ପାପି ହଡ଼କକେ ବାଞ୍ଛାଅ ନାଗେନ୍ତେ ଯୀଶୁ ଖ୍ରୀଷ୍ଟ ଅତେଦିଶ୍ଵମ୍ତେ ହିଜୁଃୟାନା, ନେ କାଜି ପାତିୟାରରଃ ଲେକାନ୍ କାଜି ତାନାଃ, ନେଆଁକେ ସବେନ୍‌କ ବିଶ୍ଵାସ୍ ଆତଃ ତେଲ୍‌ଦାରମେ ଲାଗାତିଙ୍ଗୟାଃ । ଆଇଙ୍ଗ ଇନ୍‌କୁଏତେ ପୁରାଃଗି ଏଡ଼କାନ୍‌ନିଃ ତାନିଙ୍ଗ । ୧୬ ଆଇଙ୍ଗ ମାରାଙ୍ଗ୍‌ଉତାର୍ ପାପି ତାନିଙ୍ଗ୍‌ରେୟ ଯୀଶୁ ଖ୍ରୀଷ୍ଟଆଃ ସବେନ୍ ସାହାତିଙ୍ଗ୍ ଜୀଞ୍ଜାନ୍ ଉଦୁବ୍ ନାଗେନ୍ତେ ପାର୍ମେଶ୍ଵାର୍ ଆଇଙ୍ଗକେ ଦାୟାକେଦିୟା । ଏଟାଃକ ଜେ'ଲେକା ଯୀଶୁ ଖ୍ରୀଷ୍ଟତାଃରେ ବିଶ୍ଵାସେୟାକ ଆତଃ ଜାନାଅ ଜୀଦାନ୍‌କ ନାମେୟା । ଏନା ନାଗେନ୍ତେ ଆଇଙ୍ଗ ଇନ୍‌କୁଆଃ ନାଙ୍ଗ ନାମୁନାଇଙ୍ଗ ବାଲୟାକାନା । ୧୭ କା ଜିୟନଃତାନ୍, କା ନେଲଃତାନ୍, ମିଆଁଦ୍‌ଗି ପାର୍ମେଶ୍ଵାର୍ ଜାନାଅ ଜାନାଅରେନ୍ ରାଜା, ଇନିୟାଃ ଏସ୍‌କାର୍ ମାଇନାନ୍ ଆତଃ ମାନାରାଙ୍ଗ୍ ଯୁଗ୍ ଯୁଗ୍ ହବାଃଅକା ! ଆମେନ୍ ।

୧୮ ହେ ଦୁଲ୍ଲାଡ଼୍ ହନ୍ ତୀମଥୁ, ଆମାଃ ନାଙ୍ଗ ସିଦାରେ କାଜିୟାକାନ୍ ଆୟାରକାଜି ଲେକାତେ ଆଇଙ୍ଗ ଆମ୍‌କେ ଆରୁମେତାନାଇଙ୍ଗ, ଏନ୍ ଲେକାଗି ଆମ୍ ସବେନ୍ ଆୟାରକାଜି ହରାତେ ବୁଗିଲେକାମ୍ ଲାଡ଼ାଲ ଦାଡ଼ିୟା । ୧୯ ଆମ୍ ବିଶ୍ଵାସ୍ ଆତଃ ବୁଗିନ୍ ସେଣ୍ଟା ସାବେମେ, ନେଆଁ ବାରିକେଦ୍ ନାଗେନ୍ତେ ଚିମିନ୍ ହଡ଼କ ଆକଆଃ ବିଶ୍ଵାସ୍‌କ ଜିୟନ୍‌କାଦା । ୨୦ ଇନ୍‌କୁଏତେ ହୁମ୍‌ନାୟ ଆତଃ ଆଲେକ୍‌ଜାଣ୍ଡାର୍, ନେ ବାରାନ୍‌କିନ୍ ତାନ୍‌କିନ୍ । ନେ ବାରାନ୍‌କିନ୍‌କେ ଆଇଙ୍ଗ୍ ସାଏତାନ୍‌ଆଃ ତିଃଇରେଇଙ୍ଗ୍ ଜିମାକେଦ୍‌କିନା, ଜେ'ଲେକାତି ଇନ୍‌କିନ୍ ପାର୍ମେଶ୍ଵାର୍‌କେ କା ନିନ୍ଦା ଇନିତୁକିନ୍ ନାମେୟା ।

୨

କାଲିସିୟାରେ ପ୍ରାଭୁକେ ସେଞ୍ଜାଇରାଃ ଇନିତୁ

୧ ଆଇଙ୍ଗ୍ ସିଦାତେ କାଜିଗରଙ୍ଗ୍ ତାନାଇଙ୍ଗ୍, ସେଞ୍ଜାତାନ୍ ଇମ୍‌ତା ସବେନ୍‌କ ନାଗେନ୍ତେ ପାର୍ମେଶ୍ଵାର୍‌ତାଃରେ ବିକ୍ରି, ଏଟାଃକ ନାଙ୍ଗ ବିକ୍ରି, ଆତଃ ଧାନ୍ୟାବାଦ୍ ଏମେପେ । ୨ ନେ'ଲେକାଗି ରାଜାକଆଃ ନାଙ୍ଗ ଆତଃ ଆକ୍‌ଡେୟାର୍ ନାମାକାଦ୍‌କ ନାଙ୍ଗ ବିକ୍ରିପେ, ଜେ'ଲେକା ପାର୍ମେଶ୍ଵାର୍‌କେ ବରଭାକ୍ତିତାନ୍‌ଲଃ ସାଲ୍‌ସାକ୍ତିଗିବୁ ତାଇନା ଆତଃ ଏଟାଃକଲଃ ସୁକୁଜୀଉରେ ଜୀଦାନ୍‌ବୁ ବିତାଅ ଦାଡ଼ିୟା । ୩ ନେ'ଲେକାନ୍ ବିକ୍ରି ଆବୁଆଃ ଜୀଉ ବାଞ୍ଛାଅନିଃ ପାର୍ମେଶ୍ଵାର୍‌ଆଃ ଆୟାରରେ ବୁଗିନ୍ ଆତଃ ସୁକୁଆନ୍‌ଗିୟା । ୪ ସବେନ୍ ହଡ଼କଆଃ ଜୀଉ ବାଞ୍ଛାଅଃକା ଆତଃ ସାର୍‌ତି ବିଷାଏରେ ସେଣ୍ଟାକ ନାମେକା ମେନ୍ତେ ଇନିୟାଃ ସାନାଙ୍ଗ୍‌ତାନାଃ । ୫ ଚିୟାଃଗି ମିଆଁଦ୍‌ଗି ପାର୍ମେଶ୍ଵାର୍ ମେନାଇୟା । ହଡ଼କକେ ପାର୍ମେଶ୍ଵାର୍‌ତାଃରେ ଆଉ ହୁଣ୍ଡିକନାଙ୍ଗ୍ ମିହୁଡ଼ଗି ମେନାଇୟା, ଇନିଃ ହବାଅଃତାନାଏ ମାନଞ୍ଜାହନ୍ ଯୀଶୁ ଖ୍ରୀଷ୍ଟ । ୬ ଇନିଃ ସବେନ୍‌କକେ ପାପ୍‌ହେତେ ରାଡ଼ା ନାଗେନ୍ତେ ଆଇଃକଗି ଦାଣ୍ଟୋରାକାବ୍‌ୟାନାଏ, ନେଆଁତେ ଆବ୍‌କାରୟାନା ଯେ, ପାର୍ମେଶ୍ଵାର୍ ଠାଉକା ନେତାରେ ସବେନ୍ ହଡ଼କକେ ବାଞ୍ଛାଅ ନାଗେନ୍ତେ ସାନାଙ୍ଗ୍‌ତାନା, ଏନାରେୟାଃ ସାରୁଦ୍ ଏମାକାଦାଏ । ୭ *ଏନ୍ ସାର୍‌ତି ଆତଃ ବିଶ୍ଵାସ୍‌ରାଃ କାଜି ସାଅଁସାର୍‌କତାଃରେ ଉଦୁବ୍ ନାଗେନ୍ତେ ଆଇଙ୍ଗ୍ ମିଆଁଦ୍ ଇତୁନିଃ ଆତଃ କୁଲ୍ୟାକାନ୍‌ନିଃ ଲେକାଇଙ୍ଗ୍ ସାଲ୍ୟାକାନା । ଆଇଙ୍ଗ୍ କାଇଙ୍ଗ୍ ବେଦାତାନା, ସାର୍‌ତିଗିଙ୍ଗ୍ କାଜିତାନା ।

୮ ସବେନ୍ କାଲିସିୟାରେୟାଃ ସେଞ୍ଜାକାମିରେ ହଡ଼କ, ପାବିତାର୍ ହଡ଼କ ବେଗାର୍ ଖୁସ୍‌ତେ ଆତଃ ବେଗାର୍ କାପ୍‌ଜିତେ ତିଃଇ ରିମ୍‌କେଦ୍‌ତେ ବିକ୍ରିପେ ମେନ୍ତେ ଆଇଙ୍ଗ୍ ସାନାଙ୍ଗ୍‌ତାନାଇଙ୍ଗ୍ । ୯ *ଏନ୍‌ଲେକାଗି କୁଡ଼ିକହଗି ଆକଆଃ ଲିଜାଃ ତୁସିଙ୍ଗ୍‌ଅଃରେ ବୁଗିଲେକାତେ ତୁସିଙ୍ଗ୍‌ଅଃକାକ, ଉବ୍‌କେ ବାଲ ବାଲତେ କା ଗାଲ୍ୟାଙ୍ଗ୍‌କେଦ୍‌ତେ, ସୋନା ଚାଏ ମତି ଚାଏ ପୁରାଃ ଗନଙ୍ଗ୍‌ରାଃ ଲିଜାଃ ଆଲକାକ ତୁସିଙ୍ଗ୍‌ଅଃକା । ୧୦ ମେନ୍‌ଦ୍ ବୁଗିନ୍ କାମିରେୟାଃ ସିଙ୍ଗାରେ ଆକ ଆକଗି ସିଙ୍ଗାରେକାକ, ଆତଃ ଧାର୍‌ମାନ୍ କୁଡ଼ିକ ମେନ୍ତେକ କାଜିନ୍‌କା

* ୧:୧୩ ୧:୧୩ ପ୍ରେରିଡ଼ ଟ:୩: ୯:୪,୫. * ୨:୭ ୨:୭ ୨ ତିମଥୁ ୧:୧୧. * ୨:୯ ୨:୯ ୧ ପାଡ଼ରାସ୍ ୩:୩.

। ୧୧ କୁଡ଼ିକ ସବେନ୍ କାଜିକରେ ହାପାଅଃ ନାଗେନ୍ତେ ଆଡଃ ଲେବେଃ ମନ୍ରେ ଇତୁନ୍ ନାଗେନ୍ତେ ଲାଗାତିଙ୍ଗିୟାଃ । ୧୨ କୁଡ଼ିକ ଇତୁକକାକ ଚାଏ କଡ଼ାକଆଃ ଚେତାନ୍ରେ ଆକ୍ତେୟାର୍ରେକାକ ମେନ୍ତେ ଆଇଙ୍ଗ୍ କାଇଙ୍ଗ୍ ଆରୁକତାନା, ମେନ୍ଦ ଇନ୍କୁ ହାପାକାନ୍ରି ତାଇନ୍କାକ । ୧୩ ଚିୟାଃତି ପାର୍ମେଶ୍ୱାର୍ ସିଦାତେ ଆଦାମ୍‌କେ ବାଇକିୟା, ଏନ୍ ତାୟମ୍‌ତେ ହାଞ୍ଜାକେ । ୧୪ ଆଡଃ ସିଦାତେ ଆଦାମ୍ କାଏ ବେଦାୟାନା, ମେନ୍ଦ କୁଡ଼ି ବେଦାୟାନାଏ ଆଡଃ ପାର୍ମେଶ୍ୱାର୍‌ଆଃ ଆନ୍‌ତୁକେ ଟଟାଃକେଦା । ୧୫ ମେନ୍ଦ ଇନ୍କୁ ବୁଗିନ୍ ସେଣ୍‌ଲିଃ ବିଶ୍ୱାସ୍, ଦୁଲ୍‌ତ୍ ଆଡଃ ପାବିତାର୍ରେ ଆବର୍‌ଗି ତାଇନଃରେଦ, ଇନ୍କୁ ଏଙ୍ଗା ହବାଅଃ ହରାତେ ପାରିତ୍ରାଣ୍ ନାମ୍ ଦାଡ଼ିୟାକ ।

୩

କାଲିସିୟାରେନ୍ ଆଗୁଆଇକ

୧ ନେ କାଜି ସାର୍‌ତିଗି ତାନାଃ, ଜେତାଏ କାଲିସିୟାରେନ୍ ଆଗୁଆଇ ହବାଅଃନାଙ୍ଗ୍ ସାନାଙ୍ଗ୍ରେଦ, ଇନିଃ ବୁଗିନ୍ କାମି ରିକା ନାଙ୍ଗ୍ ସାନାଙ୍ଗ୍‌ଆଃଏ । ୨ ଚିୟାଃତି କାଲିସିୟାରେନ୍ ଆଗୁଆଇକଦ ବେଗାର୍ ଚିଟାକାନ୍ ଲେକା ତାଇନ୍ ଲାଗାତିଙ୍ଗିୟାଃ, ଇନିୟାଃ ମିଆଁଦ୍‌ଗି କୁଡ଼ି ତାଇନ୍ ଲାଗାତିଙ୍ଗିୟାଃ, ଲେବେଃମନ୍‌ନିଃ, ଆପାନ୍‌କେ ଆବର୍ରେ ଦହନିଃ, ମାଇନ୍ ନାମେତାନ୍‌ନିଃ, ଆପ୍‌ନାଃ ଅଡ଼ାଃତେ ହିଜୁଃନିଃକେ ଦାରମିନିଃ ଆଡଃ ଇନିଃ ଇତୁ ଦାଡ଼ିଲେକାନ୍‌ନିଃ ତାଇନ୍‌କାଏ, ୩ ଇନିଃ ଇଲିଆର୍‌ଶ୍‌ତେ ବୁଲଃମନ୍‌ନିଃ ଚାଏ ଏଡ଼କାନ୍‌ନିଃ ଆଲକାଏ ହବାଅଃକା, ମେନ୍ଦ ଲେବେଃମନ୍‌ନିଃ ଆଡଃ ବାପାଇନିଃ ତାଇନ୍‌କାଏ । ଟାକା ପାଏସା ଦୁଲ୍‌ତ୍‌ନିଃ ଆଲକାଏ ହବାଅଃକା, ୪ ଇନିଃ ଆୟାଃ ଅଡ଼ାଃରେନ୍‌କକେ ବୁଗିଲେକାତେ ଚାଲାଅ ଦାଡ଼ିକ ଲେକା ଆଡଃ ଆୟାଃ ହନ୍‌କ ଆଇଃକକେ ସବେନ୍ ଲେକାନ୍ ମାଇନତେ ମାନାତିଙ୍ଗ୍ ଲେକାଏ ତାଇନ୍‌କା । ୫ ଜେତାଏ ଆୟାଃ ଅଡ଼ାଃରେନ୍‌କକେ ବୁଗିଲେକାତେ ଚାଲାଅ ନାଗେନ୍ତେ କାଏ ଇତୁଆନ୍‌ରେଦ ଇନିଃ ପାର୍ମେଶ୍ୱାର୍‌ଆଃ କାଲିସିୟାକେ ଚିଲକାତେ ଚାଲାଅ ଦାଡ଼ିୟା ? ୬ ଆଡଃ ଇନିଃ ଖ୍ରୀଷ୍ଟ୍ ବିଶ୍ୱାସ୍‌ରେ ପକ୍‌ତାକାନ୍‌ଗି ତାଇନ୍ ଲାଗାତିଙ୍ଗିୟାଃ, କାରେଦ ଇନିଃ ସାମାଗି ଆପାନ୍‌କେ ମାରାଙ୍ଗ୍ ମେନ୍ତେ କାଜିନ୍‌ତାନ୍‌ଲଃ ସାଏତାନ୍ ଲେକା ସାଜାଇରେ ଉୟୁଗଃଆ । ୭ ଇନିଃ ଆଲକାଏ ଗିହୁଗଃକା ଆଡଃ ସାଏତାନ୍‌ରାଃ ଫ୍‌ସ୍‌ରିରେ ଆଲକାଏ ଉୟୁଗଃକା, ଏନାମେନ୍ତେ ଇନିଃକେ ବାହାରି କାଲିସିୟାରେନ୍ ହଡ଼କତାଃଏତେ ହଗି ମାଇନ୍ ନାମେଲେକାନ୍‌ନିଃ ହବାଅଃ ଲାଗାତିଙ୍ଗିୟାଃ ।

କାଲିସିୟାରେ ଦେଙ୍ଗାତାନ୍‌କ

୮ କାଲିସିୟାରେନ୍ ଦିକାନ୍‌କ ବୁଗିନ୍ ଚାଇଲ୍ ଚାଲାନ୍ ଆଡଃ ମାଇନ୍ ନାମେଲେକା ହବାଅଃ ଲାଗାତିଙ୍ଗିୟାଃ । ଇନ୍କୁ ଇଲିଆର୍‌ଶ୍ ଆଲକାକ ନୁଁଏକା ଆଡଃ ଟାକା ପାଏସାରେଆଃ ଲାଲାଡ଼ରେ ଆଲକାକ ତାଇନ୍‌କା । ୯ ଇନ୍କୁ ଆଗୁଆଃ ଧାରାମ୍ ବିଶ୍ୱାସ୍‌ରେୟାଃ ଉନ୍‌ଦୁଦ୍ କାଜିରେୟାଃ ସାର୍‌ତିତେୟାଃକେ ଫାର୍‌ତି ବିବେକ୍‌ତେ ପୁରାଃ କେଟେଦ୍ ବିଶ୍ୱାସ୍‌ରେ ତାଇନ୍‌କାକ । ୧୦ ଇନ୍କୁକେ ହଗି ସିଦାତେ ବିଡ଼ାଅ ଲାଗାତିଙ୍ଗିୟାଃ, ଏନ୍ତେ ବେଗାର୍ ଚିଟାକାନ୍ ଲେକାକ ନେଲଃରେଦ, ଦିକାନ୍ ଲେକା ସୁନ୍‌ସାର୍ କାମିକ କାମିକା । ୧୧ ଏନ୍‌ଲେକାଗି ଆକଆଃ କୁଡ଼ିକଆଃ ଚାଇଲ୍ ଚାଲାନ୍ ବୁଗିନ୍ ହବାଅଃ ଲାଗାତିଙ୍ଗିୟାଃ ଆଡଃ ଏଟାଃନିୟାଃ ବିରୁଧ୍‌ରେ ନିୟା କାଜିକ କା କାଜିକେଦ୍‌ତେ ଲେବେଃମନ୍‌ନିଃ, ଆଡଃ ସବେନ୍ କାଜିକରେ ପାତିୟାର୍‌ରଃ ଲେକା ତାଇନ୍ ଲାଗାତିଙ୍ଗିୟାଃ । ୧୨ କାଲିସିୟାରେନ୍ ଦିକାନ୍‌କଆଃ ମିଆଁଦ୍‌ଗି କୁଡ଼ି ତାଇନ୍ ଲାଗାତିଙ୍ଗିୟାଃ ଆଡଃ ଆକଆଃ ହନ୍‌କ ଆଡଃ ଆକଆଃ ଅଡ଼ାଃରେନ୍‌କକେ ବୁଗିଲେକାତେ ଚାଲାଅକୁକାକ । ୧୩ ବୁଗିଲେକାତେ ସୁସାର୍‌ତାନ୍ ଦିକାନ୍‌କ, କାଲିସିୟାରେ ଇନ୍କୁ ଆକଆଃ ନାଗେନ୍ତେ ମାଇନ୍‌କ ନାମେୟା ଆଡଃ ଯାଗୁ ଖ୍ରୀଷ୍ଟ୍‌ରେ ବିଶ୍ୱାସ୍‌କାଦ୍ କାଜି ପୁରାଃ ସାହାସ୍‌କେଦ୍‌ତେକ କାଜି ଦାଡ଼ିୟା ।

ପାର୍ମେଶ୍ୱାର୍‌ଆଃ ଉକୁଆକାନ୍ କାଜି

୧୪ ଆଇଙ୍ଗ୍ ଜାଲ୍‌ଦିଗି ହିଜୁଃକେଦ୍‌ତେ ଆମ୍‌କେ ନେଲ୍‌ମେରାଃ ଆସ୍ତାରେ, ନେ ଚିଠାଉ ଆମାଃତାଃତେଇଙ୍ଗ୍ ଅଲେତାନା । ୧୫ ମେନ୍ଦ ଆଇଙ୍ଗ୍ ହିଜୁଃ ନାଙ୍ଗ୍ ବିଲାମେରେଦ, ଜାନିଦ୍ ପାର୍ମେଶ୍ୱାର୍‌ଆଃ ଅଡ଼ାଃରେ ଆଗୁଆଃ ଚାଇଲ୍ ଚାଲାନ୍ ଚିଲକା ହବାଅଃ ଲାଗାତିଙ୍ଗିୟାଃ, ଏନା ଆମ୍ ନେ ଚିଟାଉରେମ୍ ସାରି ଦାଡ଼ିୟା । ନେ ଜାନିଦ୍ ପାର୍ମେଶ୍ୱାର୍‌ଆଃ କାଲିସିୟାଗି ସାନାର୍‌ଚ୍‌ତିରାଃ ଖୁଣ୍ଟୁ ଆଡଃ ନିହ୍‌ଗାଡ଼ା ତାନାଃ । ୧୬ ଆଗୁଆଃ ଧାରାମ୍ ବିଶ୍ୱାସ୍‌ରାଃ ନେ ମାରାଙ୍ଗ୍ ଉକୁଆକାନ୍ ବିଷାଏକେ ସବେନ୍‌କ ମାନାତିଙ୍ଗ୍ ଦାଡ଼ିୟାଃତେୟାଃ ତାନାଃ, ଖ୍ରୀଷ୍ଟ୍ ମାନଖା ହଡ଼ମ୍‌ତେ ହିଜୁଃୟାନା, ପାବିତାର୍ ଆମ୍ ଇନିଃକେ ଧାର୍‌ମାନ୍ ହଡ଼ ମେନ୍ତେ ସାରୁଦ୍‌କିୟା, ଦୁଡ଼କତାଃରେ ନେଲ୍‌ରିକାୟାନା, ସବେନ୍ ହଡ଼କତାଃରେ ଇନିୟାଃ

✱ ୩:୨ ୩:୨ ତିତସ୍ ୧:୨-୯.

ବିଷାଏ ଉଦ୍‌ବୁଦ୍ଧାନା, ଅତେଦିଶୁମ୍ରେ ଇନିଃ ପାତିୟାର୍‌ରଃ ଲେକାଏ ହବାୟାନା, ଆଡ଼ଃ ମାନାରାଜ୍‌ରେ ସିର୍ମାତେ ଇଦିୟାନା ।

୪

ହସଡ଼ ଇତୁକ

୧ ପାବିତାର୍ ଆମ୍ ଫାର୍‌ତାଫାର୍‌ଟି କାଜିତାନା, ତାୟମ୍ ଦିପିଲିରେ ତିମିନ୍ ହଡ଼କ ଖ୍ରୀଷ୍ଟ ବିଶ୍ୱାସକେକ ବାଗିୟା ଆଡ଼ଃ ବେଦାତାନ୍ ଆମ୍‌କକେ ମାନାତିଜ୍‌କେଦ୍‌ତେ ବଜ୍ଞକଆଃ ଇନିତୁ ହରାକ ଅତଜ୍‌ୟେଆ । ୨ ଇନକୁ ହସଡ଼ ଇତୁକ ଆଡ଼ଃ ବେଦାତାନ୍ ହଡ଼କ ତାନକ । ଇନକୁଆଃ ବିବେକକ ଗଜାକାନା ଆଡ଼ଃ ଅଣ୍ଡୁରକାନା । ୩ ଏନ୍ ହସଡ଼ ଇତୁତାନକ ଆଣ୍ଡି ନାଗେନ୍ତେ ଆଡ଼ଃ ତିମିନ୍ ଜମେତେୟାଃକ ଜମ୍ ନାଗେନ୍ତେ କା ବୁଗିନାଃ ମେନ୍ତେକ ଇତୁଆଃ । ମେନ୍ଦ୍ ପାର୍‌ମେଶ୍ୱାର୍‌କେ ବିଶ୍ୱାସତାନକ ଆଡ଼ଃ ସାନାର୍‌ଡ଼ିକେ ସାରିତାନ୍ ହଡ଼କ ନାଜ୍ ଧାନ୍ୟାବାଦ୍ ଏମ୍‌ତାନଲଃ ଜମେ ନାଗେନ୍ତେ ପାର୍‌ମେଶ୍ୱାର୍ ନେ ସବେନାଃଏ ବାଇୟାକାଦା । ୪ ଚିୟାଃଟି ପାର୍‌ମେଶ୍ୱାର୍ ବାଇୟାକାଦ୍ ସବେନାଃ ବୁଗିନ୍‌ଗିୟା, ଆଡ଼ଃ ପାର୍‌ମେଶ୍ୱାର୍‌କେ ଧାନ୍ୟାବାଦ୍ ଏମ୍‌କେଦ୍‌ତେ ବିକ୍ରିତାନଲଃ ତେଲାଏରେଦ୍ ଜେଡ଼ନାଃ କା ଗେନାଆତମଃଆ । ୫ ଚିୟାଃଟି ପାର୍‌ମେଶ୍ୱାର୍‌ଆଃ ବାଚାନ୍ ଆଡ଼ଃ ବିକ୍ରି ହରାତେ ଏନା ପାବିତାର୍‌କାନା ।

ୟାଶୁ ଖ୍ରୀଷ୍ଟଆଃ ବୁଗିନ୍ ଦାସି

୬ ହେ ତାମଥ୍, ଆମ୍ ବିଶ୍ୱାସକାଦ୍ ଆଡ଼ଃ ଅତଜ୍‌ଆଡ଼କାଦ୍ ସାର୍‌ତି ଇନିତୁକେ ଆମାଃ ହାଗା ମିଶିକକେମ୍ ଇତୁକରେଦ୍, ଆମ୍ ଯାଶୁ ଖ୍ରୀଷ୍ଟଆଃ ବୁଗିନ୍ ଦାସିମ୍ ହବାଅଃଆ । ୭ ପାର୍‌ମେଶ୍ୱାର୍ କାଏ ସୁକୁଃ ଲେକାନ୍ ସାମାକାଜିକକେ ବାଗିକେଦ୍‌ତେ ଆମାଃ ଧାର୍‌ମାନ୍ ଜୀଦାନ୍‌କେ କେଟେଜେ ନାଗେନ୍ତେ ଇତୁନ୍‌ମେ । ୮ ଚିୟାଃଟି ହଡ଼ମରେୟାଃ କାସ୍‌ରାଡ଼ କାଟିଃଲେକା ବୁଗିନ୍‌ଗିୟାଃ, ମେନ୍ଦ୍ ପାର୍‌ମେଶ୍ୱାର୍‌ଆଃ କାଜିଲେକା ଜୀଦାନ୍ ବିତାଅତେୟାଃ ସବେନ୍ ଲେକାତେ ବୁଗିନାଃ, ଚିୟାଃଟି ନେ ଦିପିଲି ଆଡ଼ଃ ହିଜୁଃ ଦିପିଲି, ନେ ବାରାନ୍ ଦିପିଲିରେୟାଃ ଜୀଦାନ୍ ନାଗେନ୍ତେ ବାନାର୍‌ସା ଏମାକାନା ଆଡ଼ଃ ଏନା ପୁରାଃଟି ବୁଗିନାଃ ତାନାଃ । ୯ ନେଆଁ ସାର୍‌ତି କାଜି ତାନାଃ, ଆଡ଼ଃ ନେଆଁକେ ତେଲାଏ ଲେକାନାଃ ତାନାଃ । ୧୦ ଏନା ନାଗେନ୍ତେଦ୍ ଆବୁ ସବେନ୍‌କ ଲାଗାଉତାରଃଟିବୁ କାମିତାନା, ଚିୟାଃଟି ଆବୁ ଜୀନିଦ୍ ପାର୍‌ମେଶ୍ୱାର୍‌ତାଃରେବୁ ଆସ୍ରାକାଦା, ଇନିଃ ସବେନ୍ ହଡ଼କଆଃ ଆଡ଼ଃ ଆଇଃକକେ ବିଶ୍ୱାସତାନକଆଃ ବାଞ୍ଛାଅନିଃ ତାନିଃ ।

୧୧ ଆମ୍ ଇନକୁକେ ନେ ସବେନ୍ ବିଷାଏକ ଆତୁକମେ ଆଡ଼ଃ ଇତୁକମେ । ୧୨ ଆମାଃ ଜାଞ୍ଜାନ୍ ଦିପିଲି ନାଗେନ୍ତେ ଜେତାଏ ଆମ୍‌କେ ଆଲକାକ ହିଲାଇମ୍‌କେ, ମେନ୍ଦ୍ ଆମାଃ କାଜିରେ, ଚାଲ୍‌ଚାଲ୍‌ନ୍‌ରେ, ଦୁଲ୍‌ଡ଼ରେ, ବିଶ୍ୱାସରେ ଆଡ଼ଃ ଫାର୍‌ଟିରେ, ବିଶ୍ୱାସୀକ ନାଜ୍ ନାମୁନା ହବାଅଃମେ । ୧୩ ଆଇଜ୍‌ ଆମାଃତାଃ ଆଉରି ହିଜୁଃ ଜାକେଦ୍, ଧାରାମ୍‌ପୁଥ୍ ପାଢ଼ାଅରେ, ପାର୍‌ଚାର୍ କାମିରେ, ଆଡ଼ଃ ଇନିତୁରେ ନେଡା ଏମେମେ । ୧୪ କାଲିସିୟାରେନ୍ ପ୍ରାତିନ୍‌କ ଆମ୍‌କେ ପାର୍‌ମେଶ୍ୱାର୍‌ଆଃ କାଜି କାଜିକେଦ୍‌ତେ ଆମାଃ ବହଃ ଚେତାନ୍‌ରେ ତିଃଇ ଦହକେଦ୍ ଇମତା ଆମ୍ ଅକ ଆମ୍‌କ୍ ଦାନ୍‌କ ନାମାକାଦ୍ ତାଇକେନାମ୍, ଏନାକେ ଆଲମ୍ ହେଡ଼ା*ଏୟା । ୧୫ ଏନ୍ ସବେନ୍ କାଜିକାମିକରେ ବୁଗିନ୍ କାମିନିଃ ହବାଅଃମେ ଆଡ଼ଃ ଏନାକରେ ତାଇକାନ୍‌ମେ, ଏନାତେ ଆମାଃ କାଜିକାମି ସବେନ୍‌କତାଃରେ ଆୟୁର୍‌ତେ ବାଢ଼ାଅଇଦିୟାଆ । ୧୬ ଆମାଃ ନାଜ୍ ଆଡ଼ଃ ଆମାଃ ଇନିତୁ ନାଜ୍ ଚିର୍ଗାଲାଇନ୍ ତାଇନ୍‌ମେ, ନେ ସବେନ୍ କାଜିକାମିକରେ ତାଇକାନ୍‌ମେ, ଚିୟାଃଟି ଆମ୍ ନେ କାମିମ୍ ରିକାଏରେଦ୍, ଆମ୍ ଆମାଃ ପାରିତ୍ରାଣ୍ ଆଡ଼ଃ ଆମ୍‌କେ ଆୟୁର୍‌ମେତାନ୍‌କ ବାଞ୍ଛାଅଃଆ ।

୫

ବିଶ୍ୱାସୀକଆଃ କାମିରାଃ ବାହାରମ୍

୧ ହାଡ଼ାମ୍ ହଡ଼କକେ ଆଲମ୍ ମାରାଜ୍‌ମତାକଆ, ମେନ୍ଦ୍ ଆପୁଲେକା ମାଇନ୍‌କମେ ଆଡ଼ଃ ସେପେଡ଼େଦ୍‌କକେ ହାଗାକଲେକା ମାଇନ୍‌କମେ । ୨ ବୁଢ଼ିଆକକେ ଏଜ୍‌ଲେକା ଆଡ଼ଃ ଡ଼ିଣ୍ଡା କୁଡ଼ିକକେ ଫାର୍‌ଟି ମନ୍‌ତେ ମିଶିଲେକା ମାଇନ୍‌କମେ ।

୩ ଏସକାରାକାନ୍ ରାଣ୍ଡିକୁଡ଼ିକକେ ଯାଡ଼ନାଅକମେ । ୪ ମେନ୍ଦ୍ ଜେତା ରାଣ୍ଡିକୁଡ଼ିଆଃ ହନ୍‌ଗାଁଣା ଚାଏ ଆୟାଃ ଜାଲହନ୍‌କ ମେନାକରେଦ୍, ଇନକୁ ସିଦାତେ ଆକଆଃ ଅଡ଼ାଃରେନ୍‌କକେ ଭାଲ୍ଲି ଦେଖାଅ ନାଗେନ୍ତେ ଆଡ଼ଃ ଏଜ୍‌ଆପୁକଆଃ ବୁଗିନାଃ ରିକା ନାଗେନ୍ତେକ ଇତୁନ୍‌କା, ଚିୟାଃଟି ନେଆଁଦ୍ ପାର୍‌ମେଶ୍ୱାର୍‌ଆଃ ନେପେଲ୍‌ରେ ସୁଗାଡ଼ାନ୍‌ଗିଆ । ୫ ସାର୍‌ତିଗି ଏସକାରକାନ୍ ଆଡ଼ଃ ଜେତାଏ କାକ ଜାତାନିତାନ୍ ରାଣ୍ଡିକୁଡ଼ି, ପାର୍‌ମେଶ୍ୱାର୍‌ତାଃରେ ଆସ୍ରା ଦହକେଦ୍‌ତେ ନିଦା ସିଜି ଆୟାଃ ଦେଜ୍‌ନାଜ୍ ବିକ୍ରିତାନଲଃ ତାଇନ୍‌କାଏ । ୬ ମେନ୍ଦ୍ ଜେତାଏ ରାଣ୍ଡିକାନ୍‌ରେୟ ରିଜ୍‌ରାଜ୍‌ରେ ତାଇନ୍‌ତାନ୍‌ନିଃ, ଜୀନିଦ୍ ତାଇନ୍‌ରେୟଗି ଗଜାକାନାଏ

* ୪:୧୪ ୪:୧୪ ଅବହେଲା

୧୭ ଇନ୍କୁ ବେଗାର୍ ତିଟାକାନ୍ ଲେକାକ ହବାଅଥା, ଏନାମେନ୍ତେ ଆମ୍ ନେ ସବେନାଃହରି ଇନ୍କୁକେ ଆଚୁକମେ । ୮ ମେନ୍ଦ ଜେତାଏ ଆୟାଃ କୁଟୁମ୍‌କଆଃ ଆତଃ ଆୟାଃ ଅଡ଼ାଃରେନ୍‌କଆଃ ଯାତାନ୍ ଇଦି କାଏ ଦାଡ଼ିନିଃ ବିଶ୍ୱାସକେ ବାଗିକାଦା ଆତଃ ଇନିଃ କା ବିଶ୍ୱାସତାନ୍‌କଏତେ ପୁରାଃଗି ଏଡ଼କାନଃଆ ।

୧୮ ଜେତା ରାଣ୍ଡିକୁଡ଼ିଆଃ ବାୟାସ ଷାଠିଏତେ ଆଦକା ବାରାଷ୍ ଆଉରି ହବାଅଥା ଜାକେଦ୍ ରାଣ୍ଡିକୁଡ଼ି ମେନ୍ତେ ଆଲକାଏ ହିସାବଃକା, ଇନିଃ ମିସାଗି ଆଣ୍ଡିକାନ୍‌ନିଃ ହବାଅଥାକାଏ । ୧୯ ଆତଃ ଇନିଃ ଆୟାଃ ବୁଗିନ୍ କାମିରେ ନୁଡୁମାକାନ୍‌ନିଃ, ନେ'ଲେକାତି ଆୟାଃ ହନ୍‌କଆଃ ହାରାଆସୁଲ୍‌ନିଃ, କା ଚିହ୍ନା଼ରକଆଃ ସେଞ୍ଜାନିଃ, ପାବିତାର୍ ହଡ଼କଆଃ କାଟା ଆବୁଙ୍‌ନିଃ, ଦୁକୁତାନ୍‌କକେ ଦେଙ୍ଗାନିଃ ଆତଃ ସବେନ୍ ଲେକାନ୍ ବୁଗିନ୍ କାମିକରେ ଚିହ୍ନୁଲ୍‌ନିଃ ତାନିଃରେଦ୍, ଇନିଃ ରାଣ୍ଡିକୁଡ଼ିକଆଃ ନୁଡୁମ୍‌ରେ ହିସାବଃକା ।

୨୦ ମେନ୍ଦ ଧାଙ୍ଗ୍‌ଡ଼ି ରାଣ୍ଡିକୁଡ଼ିକକେ ଆଲମ୍ ମେସାକଆ, ଚିୟାଃତି ଇନ୍କୁ କଡ଼ାକଲଃ ଏଡ଼କାନ୍ ସାନାଙ୍ଗ୍‌ରେ ଉୟୁଃକେଦ୍‌ତେ ଆଣ୍ଡିୟଃ ନାଙ୍ଗ୍‌କ ସାନାଙ୍ଗ୍‌ଆଃ, ଇମ୍‌ତା ଇନ୍କୁ ଯୀଶୁ ଖ୍ରୀଷ୍ଟତାଃଏତେକ ସାଙ୍ଗିନଃଆ । ୨୧ ଆତଃ ଇନ୍କୁ ଆକଆଃ ପାହିଲା ବାନାର୍‌ସାକେ ବାଗିକାଦ୍ ନାଗେନ୍ତେ ଆକଗି ସାଜାକ ଆଉକାଦା । ୨୨ ଇନ୍କୁ ଜେଡ଼ନାଃ କା କାମିକେଦ୍‌ତେ ଅଡ଼ାଃ ଅଡ଼ାଃ ହନ୍‌ରବାଡ଼ାତାନ୍‌ଲଃ ସାମାଏ ବିତାଅ ନାଗେନ୍ତେକ ଇଡୁକାନା, ଏନା ଏସ୍‌କାର୍ କାହାଗି, ମେନ୍ଦ ସାମାକାଜିକ ଆତଃ ଏଟାଃକଆଃ ଚୁପୁରା କାଜିକ କାଜିତାନ୍‌ଲଃ କା ଠାଉକାନ୍ କାଜିକ ଜାଗାର୍‌ରାଃ । ୨୩ ଏନାମେନ୍ତେ ଧାଙ୍ଗ୍‌ଡ଼ି ରାଣ୍ଡିକ ଆଣ୍ଡିକେଦ୍‌ତେ ହନ୍ ଜାନାମ୍‌କକାକ, ଆକଆଃ ଅଡ଼ାଃରେୟାଃ କାମିକ କାମିକା, ମେନ୍ତେଇଙ୍ଗ୍ ସାନାଙ୍ଗ୍‌ତାନା, ନେକା ରିକାଲେରେ ବାଇରିକକେ ଆବୁଆଃ ବିରୁଧ୍‌ରେ ଏଡ଼କାନ୍ କାଜି ନାଗେନ୍ତେ ହରା କାକ ନାମେୟା । ୨୪ ଚିୟାଃତି ନାହା଼ଃହରି ଚିମିନ୍ ଧାଙ୍ଗ୍‌ଡ଼ି ରାଣ୍ଡିକୁଡ଼ିକ ସାଏତାନ୍‌କେ ଅତଙ୍ଗ୍ ନାଗେନ୍ତେ ରୁହାଡ଼୍‌ୟାନ୍‌ଗିଆକ । ୨୫ ଜେତାଏ ବିଶ୍ୱାସୀ କୁଡ଼ିଆଃ ଅଡ଼ାଃରେ ରାଣ୍ଡିକୁଡ଼ିକ ମେନାକରେଦ୍, ଇନିଃ ଇନ୍କୁକେ ଦେଙ୍ଗାକକାଏ । ଏନାତେ କାଲିସିୟା ତେତାନ୍‌ରେ ଇନ୍କୁଆଃ ବାହାରମ୍ ଆଲକା ଲାଦିୟଃକା, ଆତଃ କାଲିସିୟା, ଏସ୍‌କାରାକାନ୍ ରାଣ୍ଡିକୁଡ଼ିକଆଃ ଯାତାନ୍ ଇଦି ନାଗେନ୍ତେ ଦାଡ଼ିୟା ।

୨୬ କାଲିସିୟାରେ ଅକନ୍ ପ୍ରାଚିନ୍‌କ ବୁଗିଲେକାତେ କାମିତାନ୍‌କକେ, ବିଶେଷ୍‌କେଦ୍‌ତେ ଅକନ୍‌କ ବାଚାନ୍ ଉଦୁବ୍‌ରେ ଆତଃ ଇନିଡୁରେ ଲାଗାତାରଃଗି କାମିତାନ୍‌କକେ ବାର୍ ହିସା ଆଦକା ମାଲନ୍ ନାମେଲେକା ବୁଗିନ୍ ନାଲା ଏମାକପେ । ୨୭ ଚିୟାଃତି ଧାରାମ୍‌ପୁଥ୍‌ରେ ଅଲକାନା, “ବାବା ଦାଉଁରିତାନ୍ ଉରିଃକକଆଃ ମଟା ଆଲ୍‌ପେ ତଲେୟା,” ଆତଃ “କାମିତାନ୍‌ନିଃ ଆୟାଃ ନାଲା ନାମେଗିୟାଏ ।” ୨୮ ବାର୍‌ହଡ୍ ଚାଏ ଆପିହଡ୍‌ଏତେ ଆଦକା ଗାଞ୍ଜା ବାଙ୍ଗ୍‌କରେଦ୍, ପ୍ରାଚିନ୍‌କଆଃ ବିରୁଧ୍‌ରେ ତିଟାତାନ୍‌କଆଃ କାଜି ଆଲମ୍ ଆୟୁମାଃ । ୨୯ ଏଟାଃ ହଡ଼କ ବରଏକାକ ମେନ୍ତେ ପାପ୍‌ତାନ୍‌କକେ ସବେନ୍‌କଆଃ ଆୟାର୍‌ରେ ବଡ଼ଙ୍ଗ୍‌କମେ ।

୩୦ ଆଇଙ୍ଗ୍ ଆମ୍‌କେ ପାର୍‌ମେଶ୍ୱାର୍‌ଆଃ, ଯୀଶୁ ଖ୍ରୀଷ୍ଟଆଃ ଆତଃ ସାଲାକାନ୍ ଦୁଡ଼କଆଃ ଆୟାର୍‌ରେଇଙ୍ଗ୍ ଆଚୁମେତାନ୍ ଆନାଚୁକେ ମାନାତିଙ୍ଗ୍‌ମେ । ଜେତାଏୟାଃ ବିରୁଧ୍‌ରେ ମେଦ୍‌ମୁହାଡ଼୍ ନେଲ୍‌କେଦ୍‌ତେ ଆଲମ୍ ବିଚାରେୟା ଚାଏ ଜେଡ଼ନାଃ ଆଲମ୍ ରିକାୟା । ୩୧ ଜେତାଏରେ ଇମ୍‌ତାଗି ତିଃଇ ଦହକେଦ୍‌ତେ ବିକ୍ତିତାନ୍‌ଲଃ ପାର୍‌ମେଶ୍ୱାର୍‌ଆଃ ସେଞ୍ଜା କାମିନାଙ୍ଗ୍ ଆଲମ୍ ସାଲାକଆ । ଏଟାଃକଆଃ ପାପ୍‌ରେ ଆଲମ୍ ମେସାନାଃ, ଆମ୍ ଆମ୍‌ଗି ଫାର୍‌ଚିଆକାନ୍ ତାଇନ୍‌ମେ ।

୩୨ ଦାଆଃ ଏସ୍‌କାର୍ କା ନୁଁକେଦ୍‌ତେ ଆମାଃ ଲାହିଦ୍‌ରାଃ ହାସୁଏତେ ଆତଃ ସବେନ୍ ଇମ୍‌ତା ଆମାଃ ହଡ଼ମ୍ ବେଗ୍ କା ତାଇନ୍‌ତାନ୍ ହରାତେ ଆମ୍ ହୁଡ଼ିଙ୍ଗ୍‌ଲେକା ଦାଖରାସି ନୁଁକମେ ।

୩୩ ଚିମିନ୍ ହଡ଼କଆଃ ପାପ୍‌କ ବିଚାର୍‌ରେୟାଃ ସିଦାରେ ନେଲଃତାନା ମେନ୍ଦ ଚିମିନ୍ ହଡ଼କଆଃ ପାପ୍‌କ, ତାୟମ୍‌ତେ ନେଲଃତାନା । ୩୪ ଏନ୍‌ଲେକାଗି ବୁଗିନ୍ କାମିକ ବୁଗିଲେକା ନେଲଃତାନା ଆତଃ କା ନେଲଃତାନ୍‌ତେୟାଃ ଉକୁକାନ୍‌ଗି କା ତାଇନ୍ ଦାଡ଼ିୟଃଆ ।



୧ ଯୀଶୁ ଖ୍ରୀଷ୍ଟକେ ବିଶ୍ୱାସତାନ୍ କିରିଙ୍ଗ୍‌ୟାକାନ୍ ଦାସି ଲେକା ଆଡ଼୍‌ନାରେୟାଃ ଆକ୍‌ତେୟାର୍‌ରେ ମେନାକ ସବେନ୍ ଦାସିକ ଆପ୍‌ନାଃ ଗୁସିୟାକକେ ସବେନ୍ ଲେକାତେ ମାଲନ୍‌କପେ, ଜେ'ଲେକାତି ଜେତାଏ ପାର୍‌ମେଶ୍ୱାର୍‌ଆଃ ନୁଡୁମ୍ ଆତଃ ଆବୁଆଃ ଇନିଡୁକେ ଏଡ଼କାନାଃ ତାନାଃ ମେନ୍ତେ କାକ କାଜିୟା । ୨ ଆତଃ ଅକନ୍ ଦାସିକଆଃ ଗୁସିୟାକ ବିଶ୍ୱାସୀତାନ୍‌କ, ଇନ୍କୁକେ ଆବୁଆଃ ହାଗାକ ତାନ୍‌କ ମେନ୍ତେ ମାଲନ୍ ଏମ୍ ନାଗେନ୍ତେ ଆଲ୍‌ପେ ହିଡ଼କିଚାଅଥା, ମେନ୍ଦ ପୁରାଃତେ ଇନ୍କୁକେ ସୁସାର୍‌କପେ, ଚିୟାଃତି ଅକନ୍‌କ ଆକଆଃ କାମିତେ ଲାଡ଼କ ନାମେତାନା, ଇନ୍କୁ ହରି ବିଶ୍ୱାସୀ ଆତଃ ପୁରାଃ ଦୁଲାଡ଼୍ ନାମେ ଲେକାନ୍‌କ ତାନ୍‌କ । ନେ ସବେନାଃ ଆମ୍‌କେ ଇଡୁ ଆତଃ ଉଦୁବ୍ ଲାଗାତିଙ୍ଗ୍‌ୟାଃ ।

ହସଡ଼ ଇନିଡୁ ଆତଃ ସାର୍‌ତି ଖୁଜ୍

☆ ୫:୧୮ ୫:୧୮ ମାଥ୍‌ଉ ୧୦:୧୦; ଲୁକ ୧୦:୭.

୩ ଜେତାଏ ଆରୁଆଃ ପ୍ରାଭୁ ଯାଶୁ ଶ୍ରୀଷ୍ଠିଆଃ ସାର୍ତ୍ତି ଇନିତୁ ଲେକା କାଏ ଇତୁତାନା, ଚାଏ ଆୟାଃ ଇନିତୁ କା ମେସାଅଃତାନା ଆତଃ ଧାରାମ୍ ବିଶ୍ଵାସ୍ରେଆଃ ଇନିତୁଏତେ ଏଟାଃଲେକାଏ ଇତୁତାନରେଦ, ୪ ଇନିଃ ଜେତନାଃ କା ସାରିକେଦ୍ତେ ଆପାନକେ ମାରାଜ୍ ମେନ୍ତେ କାଜିନାଃ । ଇନିଃ ଏତକାନ୍ ସାନାଜ୍, ଧାରାମ୍ପୁଅରାଃ ବାଚାନ୍ ବିଷାଏରେ କାପ୍ତି, ହିସ୍ତା, ଏପରାଜ୍, ଏଟାଃକଆଃ ନିନ୍ଦାକାଜି, ଆତଃ ଏତକାନାଃକ ଉତ୍ତରାଃଏ, ୫ ଆତଃ ଅକନ୍ଦ୍ ଧାରାମ୍ ବିଶ୍ଵାସ୍ତ୍ରି କିର୍ସାଣ୍ ହବାଅଃ ନାଗେନ୍ତେ ମିଆଁଦ୍ ହରାତାନାଃ ମେନ୍ତେକ ଉତ୍ତରୁଇୟା, ନେ ଲେକାନ୍ ହତକ ବେଗାର୍ ଉତ୍ତରୁକେଦ୍ତେ ସାମାକାଜିତେକ କାପ୍ତିୟାଃ ଆତଃ ସାନାର୍ତ୍ତି ଇନିତୁତାଃରେ ବାନଃଆ ।

୬ ଧାରମାନ୍ ହତ ସାର୍ତ୍ତିତେ କିର୍ସାଣ୍ ତାନିଃ, ଚିୟାଃଚି ଇନିଃତାଃରେ ଅକ୍ନାଃ ମେନାଃ ଇମ୍ନାଜ୍ରେଚି ଇନିଃ ସୁକୁଃତାନାଏ । ୭ ଚିୟାଃଚି ଆବୁଦ୍ ଅତେଦିଶ୍ଵମ୍ତେ ଜେତନାଃ କାରୁ ଆଉ, ଆତଃ ନେତାଃଏତେ ଜେତନାଃ କାରୁ ଇଦି ଦାଡିୟା । ୮ ମେନ୍ଦ୍ ଆବୁତାଃରେ ଜମେୟାଃ, ଆତଃ ତୁସିଜ୍ ନାଗେନ୍ତେ ଲିଜାଃ ମେନାଃରେଦ, ଆବୁ ନାଜ୍ ଇମ୍ନାଜ୍ଚି ଲାଗାତିଜ୍ୟାଃ । ୯ ଜେତାଏ କିର୍ସାଣ୍ ହବାଅଃ ନାଜ୍ ସାନାଜ୍ତାନରେଦ, ବିତାଅ ଆତଃ ଏତକାନ୍ ଫାଁସ୍ରେକ ଉୟୁଗଃଆ, ଆତଃ ଆକଆଃ ମନ୍ରେ ପୁରାଃ କା ଲାଗାତିଜ୍ ଏତକାନ୍ରାଃ ସାନାଜ୍ରେକ ଉୟୁଗଃଆ, ନେ ସବେନାଃ ଇନିତୁକେ ଜିୟନଃ ନାଗେନ୍ତେ ଆଇଜ୍ ଇଦିକଆ । ୧୦ ଚିୟାଃଚି ଟାକା ପାଏସାରାଃ ଦୁଲ୍ଲାଡ୍ ସବେନ୍ ଲେକାନ୍ ଏତକାନାଃରାଃ ରେହେଦ୍ ତାନାଃ । ଚିମିନ୍ ହତକ ଟାକା ପାଏସା ନାମେ ନାଜ୍ ପୁରାଃ ସାନାଜ୍ତାନ ହରାତେ, ଇନିତୁ ଆକଆଃ ବିଶ୍ଵାସ୍ତ୍ରି ବାରିକେଦ୍ତେ ଏତକାନ୍ ହରାକ ଅତଜ୍କାଦା ଆତଃ ପୁରାଃ ଦୁକୁତେ ଆକଆଃ ମନ୍ସୁରୁଦ୍ଦକ ଦୁକୁଃତାନା ।

ଚୁଣ୍ଡ କ୍ଵାଜି

୧୧ ମେନ୍ଦ୍ ହେ ତୀମଥ୍, ଆମ୍ ମିହୁଡ୍ ପାରମେଶ୍ଵାର୍ଆଃ ହତ ତାନମେ, ଏନାତେ ନେ ସବେନାଃଏତେ ସାଜିନଃମେ ଆତଃ ଧାରମାନ୍, ପାରମେଶ୍ଵାର୍ଆଃ କାଜିଲେକା ସେସେନ୍ମେ, ବିଶ୍ଵାସ୍, ଦୁଲ୍ଲାଡ୍, ସାହାତିଜ୍ ଜୀଞ୍ଜାନ୍ ଆତଃ ଲେବେଃମନ୍ତେ ସେସେନ୍ମେ । ୧୨ ଶ୍ରୀଷ୍ଠି ବିଶ୍ଵାସ୍ତ୍ରି ବୁଗିନ୍ ଲାଡାଈରେ ଲାଡାଈମେ, ଜାନାଅ ଜାନାଅରେୟାଃ ଜୀଦାନ୍ ସାବାକାମେ, ଏନା ନାଗେନ୍ତେ ପାରମେଶ୍ଵାର୍ ଆମ୍କେ ସାଲାକାଦ୍ମେୟା ଆତଃ ପୁରାଃ ଗାଞ୍ଜାକଆଃ ସାମ୍ନାଜ୍ରେ ବୁଗିନ୍ ଗାଞ୍ଜାମ୍ ଏମାକାଦା । ୧୩ ସବେନ୍କକେ ଜୀଦାନ୍ ଏମ୍ତାନ୍ ପାରମେଶ୍ଵାର୍ଆଃ ସାମ୍ନାଜ୍ରେ ଆତଃ ପତ୍ତିୟସ୍ ପିଲାଡୁସ୍ଆଃ ଆୟାର୍ରେ ବୁଗିନ୍ ଗାଞ୍ଜା ଏମ୍ତାନ୍ନିଃ ଯାଶୁ ଶ୍ରୀଷ୍ଠିଆଃ ସାମ୍ନାଜ୍ରେ, ଆଇଜ୍ ଆମ୍କେଇଜ୍ ଆରୁମେତାନା । ୧୪ ଆରୁଆଃ ପ୍ରାଭୁ ଯାଶୁ ଶ୍ରୀଷ୍ଠିଆଃ ଆତଃମିସା ହିନିଜୁଃ ଜାକେଦ୍ ଆମ୍କେ ଏମାକାଦ୍ମେ ଆନାରୁକେ ମାନାତିଜ୍ତାନଲଃ, ବେଗାର୍ ଦାଗିୟଃ ଆତଃ କା ନିନ୍ଦାଅଃ ଲେକା ତାଇନ୍ମେ । ୧୫ ଯାଶୁ ଶ୍ରୀଷ୍ଠିଆଃ ଆତଃମିସା ହିନିଜୁଃ ବିଷାଏରେ ପାରମେଶ୍ଵାର୍ ଆଇଃକ୍ଚି ଦିପିଲି ସାଲାଏୟା, ଇନିଃ ଧାଇନ୍ଗିୟାଏ ଆତଃ ଇନିଃ ଏସ୍କାର୍ ଆକ୍ତେୟାର୍ ନାମାକାଦ୍ନିଃ, ରାଜାକଆଃ ରାଜା ଆତଃ ପ୍ରାଭୁକଆଃ ପ୍ରାଭୁ ତାନିଃ । ୧୬ ଇନିଃ ଏସ୍କାର୍ ଚିତ୍ତଲାଅ କାଏ ଗଜଃଆ, ଆତଃ ଜେତାଏ ଇନିଃକେ କା ତେବାଃ ଦାଡିୟଃଲେକାନ୍ ମାସ୍ଲାଲ୍ରେ ତାଇନଃତାନା । ଇନିଃକେ ଜେତାଏ ହତ ଚିତ୍ତଲାଅ କାକ ନେଲ୍ ଚାଏ କାକ ନେଲ୍ଦାଡିୟା । ଇନିୟାଃ ମାଇନାନ୍ ଆତଃ ପେଡେଃ ଜାନାଅ ଜାନାଅ ହବାଃଅକା ! ଆମେନ୍ ।

୧୭ ନେ ଅତେଦିଶ୍ଵମ୍ରେନ୍ କିର୍ସାଣ୍ ହତକ, ଆପେ ଆପାନକେ ମାରାଜ୍ ମେନ୍ତେ ଆଲପେ କାଜିନ୍ ଆତଃ କା ତାଇନଃ ଜିନିଷ୍ରେ ଆଲପେ ଆସାଏୟା, ମେନ୍ଦ୍ ଆବୁକେ ଆବୁଆଃ ସୁକୁରାସ୍କା ନାଜ୍ ସବେନାଃ ଏମାବୁତାନ୍ ପାରମେଶ୍ଵାର୍ତାଃରେ ଆସାଏପେ ମେନ୍ତେ ଆତୁକମ୍ । ୧୮ ଆତଃ ବୁଗିନାଃ ରିକାକେଦ୍ତେ ବୁଗିନ୍ କାମିକରେ କିର୍ସାଣ୍ତେ, ଆତଃ ଲେବେଃ ମନ୍ତେ ଏଟାଃକଲଃ ହାଚିଜ୍ ନାଜ୍ ସେକାଡାକାନ୍ପେ ମେନ୍ତେ ଆତୁକମେ । ୧୯ ନେ ଲେକାକ ରିକାଏରେଦ, ଇନିତୁ ଆକଆଃ ନାଗେନ୍ତେ ହିଜୁଃ ଦିପିଲିରେ ପୁରାଃ ଖୁଜ୍ ହୁଣ୍ଡିୟାକ । ଏନ୍ ଖୁଜ୍ ହବାଅଃତାନା ନିହିଁଗାଡା, ଅକ୍ନାଃରେଚି ଇନିତୁଆଃ ହିଜୁଃ ଦିପିଲିରାଃ ଜୀଦାନ୍ ତିଜ୍ ଦାଡିୟଃଆ । ଏନ୍ତେ ଚୁଣ୍ଡୁରେ ଇନିତୁ ସାର୍ତ୍ତି ଜୀଦାନ୍କ ନାମେୟା ।

୨୦ ହେ ତୀମଥ୍, ଆମାଃତାଃରେ ଜିମାକାନ୍ ବାହାରମ୍କେ ବୁଗିଲେକା ମାନାତିୟେମେ, ଚିମିନ୍ ହତକ ସାମାକାଜିକେ ଆତଃ ଡଣ୍ଡ କାପ୍ତିକେ ବୁଗିନ୍ ସେଣାଁ ତାନାଃ ମେନ୍ତେକ କାଜିତାନା, ଏନାକଏତେ ଆମ୍ ସାଜିନ୍ରେ ତାଇନ୍ମେ । ୨୧ ଚିମିନ୍ ହତକ ଏନାଗି ସାର୍ତ୍ତି ତାନାଃ ମେନ୍ତେ କାଜିତାନଲଃ, ଇନିତୁ ଆକଆଃ ବିଶ୍ଵାସ୍ତ୍ରି ଆଦାକାଦା । ପାରମେଶ୍ଵାର୍ଆଃ ସାୟାଦ୍ ଆପେ ସବେନ୍କଲଃ ହବାଅଃକା ।

☆ ୨:୧୩ ୨:୧୩ ଯୋହାନ୍ ୧୮:୩୭.

ତୀମଥ୍ୟ ନିକଟକୁ ପାଉଲଙ୍କ ଦ୍ୱିତୀୟ ପତ୍ର ତୀମଥ୍ୟତାଃତେ ପ୍ରେରିତ ପାଉଲ୍ୟୁଥାଃ ଏଗାଃ ଚିଟାଉ ପାରିଟାଏ

ନେ ପୁଅ, ତୀମଥ୍ୟତାଃତେ ଅଲ୍ଲକାନ୍ ପାଉଲ୍ୟୁଥାଃ ଏଗାଃ ଚିଟାଉ ତାନାଃ । ତୀମଥ୍ୟତାଃତେ ଅଲ୍ଲକାନ୍ ଏଗାଃ ଚିଟାଉ ପାଉଲ୍ୟୁଥାଃ ଜୀଦାନ୍ରେୟାଃ ଟୁଣ୍ଡୁ ଦିପିଲିରେ ଅଲ୍ଲକାନ୍ ଚିଟାଉ ତାନାଃ । ନେ ଦିପିଲିରେ ପାଉଲ୍ୟୁ ରୋମ୍ ନାଗାରରେ ଜେହେଲ୍ଲକାନ୍ ତାଇକେନା ୧:୧୭ । ପାଉଲ୍ୟୁଲଃ ତୀମଥ୍ୟାଃ ପୁରାଃ ବୁଗିନ୍ ନାତା ତାଇକେନା ଆତଃ ସବେନ୍ ଇମ୍ତା ଇନିଃକେ ହନ୍ ଲେକାଏ ଉଦୁବକାଇଜା ଫିଲିପିୟ ୨:୨୨;୧ ତିମଥ୍ ୧:୨;୧:୧୮ ।

ପାଉଲ୍ୟୁଥାଃ ହରାତେ ମିହୁଡକେ ଏସ୍କାର୍ ଅଲ୍ଲକାନ୍ ଉପୁନିୟା ଚିଟାଉକଏତେ ନେଆଁ ହବାଅଃତାନା ମିଆଁଦ୍ । ଏଗାଃ ଆପିୟା ପୁଅଁ ହବାଅଃତାନା ୨ ତୀମଥ୍, ତିତସ୍, ଆତଃ ଫିଲ୍ମନ୍ । ତୀମଥ୍ୟତାଃତେ ଏଗାଃ ଚିଟାଉ ଅଲଃତାଇକେନ୍ ଇମ୍ତା ରୋମ୍ ନାଗାରରେ ସାସାତି ହବାଅଃତାଇକେନା । ହବାସାକାଅଥାଃ ନେଆଁ ନାଗେନ୍ତେ ପାଉଲ୍ୟୁ ଜେହେଲ୍ଲକାନ୍ ତାଇକେନାଏ ଆତଃ ତୀମଥ୍ୟକେ ଦୁକୁ ସାହାତିଙ୍ଗ୍ରେୟେଁ ନାଙ୍ଗ୍ କାଜିୟାଇ ତାଇକେନାଏ । ତୀମଥ୍ୟତାଃତେ ଅଲ୍ଲକାନ୍ ପାହିଲା ଚିଟାଉ ଲେକାତେ ପାଉଲ୍ୟୁ ତୀମଥ୍ୟକେ ହସତ୍ ଇଡୁକଥାଃ ବିଷାଏରେ ପୁରାଃ ଚେନେତାଅ କାଜିକ କାଜିକାଦା । ୧ ତିମଥ୍ ୧:୧୭-୧୮ ପାଉଲ୍ୟୁ ତୀମଥ୍ୟକେ କାଜିୟାଃ ଯେ, ହିଜୁଃ ଦିପିଲିରେ ପୁରାଃ ଦୁକୁହାସୁରେୟାଃ ଦିପିଲି ମେନାଃ ୩:୧ ।

ପୁଅଁ ତିଟାରେ ତାଇକାନ୍ କାଜି

- ୧. ପାଉଲ୍ୟୁ ତୀମଥ୍ୟକେ ଜହାର୍ କାଜିତାନ୍ଲଃ ଇନିଃକେ ଜୀଉରେ କେଚେଦ୍ ଏମାଇତାନାଏ । ୧:୧-୧୮
- ୨. ତୀମଥ୍ୟକେ ଧିରାଜରେୟାଃ ସାବୁଦ୍ ଏମ୍କେଦ୍ତେ ଉଦୁବେନ୍ ନାଗେନ୍ତେ ପାଉଲ୍ୟୁ ଜୀଉରେ କେଚେଦ୍ ଏମାଇତାନାଏ । ୨:୧-୧୩
- ୩. ପାଉଲ୍ୟୁ ତୀମଥ୍ୟକେ ହୁପ୍ତିଙ୍ଗ୍ ବିଷାଏରେ ଇନିଡୁ ଏମାଇତାନା । ୨:୧୪-୨୬
- ୪. ହିଜୁଃ ଦିପିଲି ବିଷାଏରେ ଚିର୍ଗାଲକାନ୍ ତାଇନଃ ଆତଃ ସାର୍ତି ହରା ସାଲାଏ ନାଗେନ୍ତେ ଚେନେତାଅ ଏମେତାନାଏ । ୩:୧-୪:୮
- ୫. ପାଉଲ୍ୟୁ ତୀମଥ୍ୟକେ ଆୟାଃ ଏସ୍କାର୍ରେୟାଃ କାଜିକ ଏମ୍କେଦ୍ତେ ଅନଲ୍ ଚାବାକେଦାଏ । ୪:୯-୨୨

୧ ଆଇଙ୍ଗ୍ ପାଉଲ୍ୟୁ, ଯୀଶୁ ଖ୍ରୀଷ୍ଟାଃ କୁଲ୍ଲକାନ୍ନିଃ ତାନିଙ୍ଗ୍ । ଆବୁ ଯୀଶୁ ଖ୍ରୀଷ୍ଟଲଃ ମେସାକାନ୍ ହରାତେ ପାର୍ମେଶ୍ୱାର୍ଆଃ ବାନାର୍ସା ଲେକାତେ ଯୀଶୁ ଖ୍ରୀଷ୍ଟରେ ଜୀଦାନ୍ବୁ ନାମାକାଦା । ଏନା ଉଦୁବ୍ ନାଗେନ୍ତେ ଆଇଙ୍ଗ୍ ପାର୍ମେଶ୍ୱାର୍ଆଃ ମନେଲେକାତେଇଙ୍ଗ୍ କୁଲ୍ଲକାନା ।

୨ *ଆଇଁୟାଃ ଦୁଲାଡ୍ ହନ୍ ତୀମଥ୍ୟତାଃତେ ନେ ଚିଟାଉ ଅଲେତାନାଇଙ୍ଗ୍ ।

ଆପୁ ପାର୍ମେଶ୍ୱାର୍ ଆତଃ ଆବୁଆଃ ଯୀଶୁ ଖ୍ରୀଷ୍ଟାଃଏତେ ସାୟାଦ୍, ଲିବୁଇ ଆତଃ ଜୀଉସୁକୁ ଆମାଃ ହବାଅଃକା ।

ଧାନ୍ୟାବାଦ୍ ଏମଃ ଆତଃ ପାତିୟାରରେନ୍ ହବାଅଃ

୩ ଆଇଁୟାଃ ହାଡାମ୍ହଡକଥାଃ ଲେକା ଆଇଙ୍ଗ୍ ଫାର୍ତି ମନ୍ତେ ସେଝାଇତାନ୍ ପାର୍ମେଶ୍ୱାର୍କେ ନିଦାସିଙ୍ଗ୍ ବିକ୍ରିତାନ୍ ଇମ୍ତା ଆମ୍କେ ପାହାମ୍କେଦ୍ତେ ଆଇଙ୍ଗ୍ ପାର୍ମେଶ୍ୱାର୍କେ ଧାନ୍ୟାବାଦ୍ ଏମାଇତାନିଙ୍ଗ୍ । ୪ ଆଇଙ୍ଗ୍ ରାସ୍କାତେ ପେରେଜଃକାଇଙ୍ଗ୍ ମେନ୍ତେ ଆମାଃ ମେଦ୍ ଦାଆଃ ପାହାମ୍ତାନ୍ଲଃ ଆମ୍କେ ନେଲ୍ ନାଗେନ୍ତେଇଙ୍ଗ୍ ସାନାଙ୍ଗ୍ ତାନା । ୫ *ଆମାଃ ବୁଡିମ୍ପାଁ ଲଇସ୍ ଆତଃ ଆମାଃ ଏଙ୍ଗା ଇଉନିକିତାଃରେ ତାଇକାନ୍ ସାର୍ତି ବିଶ୍ୱାସ୍ ଆମାଃତାଃରେୟାଃ ମେନାଃ ମେନ୍ତେ ଆଇଁୟାଃ ପୁରାଃ ବିଶ୍ୱାସ୍ ମେନାଃ, ଆମାଃ ଏନ୍ ସାର୍ତି ବିଶ୍ୱାସ୍ ବିଷାଏରେ ଆଇଙ୍ଗ୍ ଆୟୁମ୍କାଦା । ୬ ଆଇଙ୍ଗ୍ ଆମାଃ ତେତାନ୍ରେ ତିଃଇ ଦହକେଦ୍ତେ ବିକ୍ରିତାନ୍ ଇମ୍ତା ପାର୍ମେଶ୍ୱାର୍ତାଃଏତେ ଅକ ବାର୍ଦାନ୍ ନାମାକାଦାମ୍ ଏନାକେ ଜୀହିଦ୍ଗି ଦହେମେ, ମେନ୍ତେଇଙ୍ଗ୍ ପାହାମ୍ଇତିମେ ତାନା । ୭ ଚିୟାଃତି ପାର୍ମେଶ୍ୱାର୍ଦ୍ ବରଏଲେକାନ୍ ଆମ୍ ଆବୁକେ କାଏ ଏମ୍, ମେନ୍ଦ୍ ପେଡେଃ, ଦୁଲାଡ୍ ଆତଃ ବୁଗିନ୍ ସେଣ୍ଟାନ୍ରେନ୍ ଆମ୍ ଏମାକାଦ୍ବୁଆଏ ।

୮ ଏନାମେନ୍ତେ ଆବୁଆଃ ପ୍ରାଭୁଆଃ ବିଷାଏରେ ଗାଝା ଏମ୍ ନାଗେନ୍ତେ ତାଏ ଆଇଙ୍ଗ୍ ଇନିୟାଃ ନାଗେନ୍ତେ ଜେହେଲ୍ଲକାନାଇଙ୍ଗ୍ ମେନ୍ତେ ଆଲମ୍ ଗିହୁଗଃଆ, ମେନ୍ଦ୍ ପାର୍ମେଶ୍ୱାର୍ଆଃ ପେଡେଃତେ ସୁକୁକାଜି

* ୧:୨ ୧:୨ ପ୍ରେରିତ୍ ୧୭:୧. * ୧:୫ ୧:୫ ପ୍ରେରିତ୍ ୧୭:୧.

ନାଗେନ୍ତେ ଆଇଁୟାଃଲଃ ଦୁକୁ ସାହାତିଙ୍ଗ୍‌ୟେଁମେ । ୯ ଇନିଃ ଆବୁକେ ବାଞ୍ଛାଅକେଦ୍‌ରୁଆ ଆତଃ ପାବିତାର୍ କେନେଡାତେ କେଡାକେଦ୍‌ରୁଆ, ଆବୁଆଃ ବୁଗିନ୍ କାମିକ ନାଗେନ୍ତେଦ କା ମେନ୍‌ଦ ଆୟାଃ ଉକେଗ୍‌ତେ ଆତଃ ସାୟାଦ୍‌ତେ ରିକାକାଦା, ଏନ୍ ସାୟାଦ୍ ନେତାରେୟାଃ ମୁନ୍ ସିଦାରେ ଖ୍ରୀଷ୍ଟ୍ ଯୀଶୁରେ ଆବୁକେ ଏମାଦ୍‌ରୁଆ । ୧୦ ମେନ୍‌ଦ ନାହାଁଃ ଆବୁଆଃ ଜୀଉ ବାଞ୍ଛାଅନିଃ ଯୀଶୁ ଖ୍ରୀଷ୍ଟ୍‌ଆଃ ହିନିଜୁଃ ହରାତେ ଉନ୍‌ଦୁବ୍‌ୟାନା, ଇନିଃ ଗନଏଃରାଃ ପେଡ଼େଃକେ ଚୁଣ୍ଡୁକଦା ଆତଃ ସୁକୁକାଜି ହରାତେ ଜାନାଅ ଜୀଦାନରାଃ ହରା ଉଦୁବ୍‌ୟାନା ।

୧୧ ☆ଏନ୍ ସୁକୁକାଜି ଉଦୁବ୍‌କେଦ୍‌ତେ ଇତୁନାଙ୍ଗ୍ ପାରମେଶ୍ୱାର୍ ଆଇଙ୍ଗ୍‌କେ ମିଆଁଦ୍ କୁଲାନନ୍ ଚେଲା ଲେକାନିଃ ଆତଃ ଇତୁନିଃଲେକାଏ ସାଲାକାଦିୟାଁ । ୧୨ ଏନା ନାଗେନ୍ତେ ଆଇଙ୍ଗ୍ ଦୁକୁ ସାହାତିଙ୍ଗ୍ ତାନରେୟ କାଇଙ୍ଗ୍ ବରତାନା । ଚିୟାଃତି ଆଇଙ୍ଗ୍ ବିଶ୍ୱାସ୍‌କାଈନିଃକେ ସାରିତାନାଇଙ୍ଗ୍ ଆତଃ ଇନିୟାଃ ଡିଃଇରେଇଙ୍ଗ୍ ଜିମାକାନା । ଆତଃ ଇନିଃ ଏମାକାଦିଙ୍ଗ୍ କାମିରାଃ ବାହାରମ୍‌କେ ରିକାଏ ନାଗେନ୍ତେ ମାରାଙ୍ଗ୍ ବିଚାର୍ ହୁଲାଙ୍ଗ୍ ଜାକେଦ୍ ଆଇଙ୍ଗ୍‌କେ ବାଞ୍ଛାଅ ନାଙ୍ଗ୍ ଇନିଃତାଃରେ ପେଡ଼େଃ ମେନାଃ, ଏନା ଆଇଙ୍ଗ୍ ପୁରା କେଟେଦ୍‌ତେଇଙ୍ଗ୍ ବିଶ୍ୱାସ୍‌ତାନା । ୧୩ ଆଇଙ୍ଗ୍ ଆମ୍‌କେ ଇତୁକାଦ୍‌ମେ ସାର୍‌ତି କାଜିକକେ ଆମ୍ ନାମୁନାମ୍ ହବାଅଃଲେକା ପୁରା କେଟେୟାନଗି ସାବାକାମେ । ଅକ୍‌ନାଃତି ଯୀଶୁ ଖ୍ରୀଷ୍ଟ୍‌ରେ ବିଶ୍ୱାସ୍ ଆତଃ ଦୁଲାଡ଼ତାନାଃ । ୧୪ ଆମ୍‌କେ ଜିମାକାଦ୍‌ମେ ବୁଗିନ୍ ବିଷାଏକେ ଆବୁତାଃରେ ତାଇନ୍‌ତାନ୍ ପାବିତାର୍ ଆମ୍‌ରାଃ ପେଡ଼େଃତେ ଏନାକେ ଯାଡ଼ନାଅ କେଦ୍‌ତେ ଦହେମେ ।

୧୫ ପୁଗେଲ୍ ଆତଃ ହର୍ମିଗିନ୍‌ସ୍ ମେସାକେଦ୍‌ତେ ଏସିଆ ପାରଗାନ୍‌ରେନ୍ ସବେନ୍‌କ ଆଇଙ୍ଗ୍‌କେ ବାଗିକେଦିୟାଁ, ଏନା ଆମ୍ ସାରିତାନା । ୧୬ ଅନିସିଫ୍‌ରୁଆଃ ଅଡ଼ାଃରେନ୍‌କକେ ପ୍ରାଭୁ ଦାୟା ଏମାକକାଏ, ଚିୟାଃତି ଇନିଃ ପୁରାଃତେ ଆଇଙ୍ଗ୍‌କେ ଜୀଉରାଡ଼େଃ ଏମ୍‌ନାଙ୍ଗ୍ ଆତଃ ଜୀଉରେ ରାସ୍‌କା ଏମ୍‌ନାଙ୍ଗ୍ ହିଜୁଃକାନ୍ ତାଇକେନାଏ । ଆଇଙ୍ଗ୍ ଜେହେଲ୍‌କାନ୍‌ରେୟ ଇନିଃକେ କା ଗିହୁଃକିୟା । ୧୭ ରୋମ୍ ନାଗାର୍‌ତେ ସେଟେରୁୟାନ୍‌ତି ଇନିଃ ଆଇଙ୍ଗ୍‌କେ କା ନାମ୍ ଜାକେଦ୍ ଦାଣ୍ଡିକେଦିୟାଁଏ । ୧୮ ମାରାଙ୍ଗ୍ ବିଚାର୍ ହୁଲାଙ୍ଗ୍‌ରେ ପ୍ରାଭୁ ଇନିଃକେ ଦାୟାକକାଏ । ଏଫିସୁସ୍‌ରେ ଇନିଃ ଆଇଙ୍ଗ୍‌କେ ପୁରାଃଗି ସୁସାର୍‌କେଦିୟାଁ, ଏନା ଆମ୍ ବୁଗିଲେକାତେମ୍ ସାରିତାନା ।

୨

ୟୀଶୁ ଖ୍ରୀଷ୍ଟ୍‌ରେ ବିଶ୍ୱାସ୍‌ତାନ୍ ପାଲେଟାନ୍‌କ

୧ ଏନାମେନ୍ତେ, ଏ ଆଇଁୟାଃ ଦୁଲାଡ଼୍ ହନ୍, ଯୀଶୁ ଖ୍ରୀଷ୍ଟ୍‌ରେ ତାଇନ୍‌କେଦ୍‌ତେ ଆୟାଃ ସାୟାଦ୍‌ତେ ନାମଃତାନ୍ ପେଡ଼େଃରେ ପେଡ଼େୟେନ୍‌ମେ । ୨ ଆତଃ ପୁରାଃ ଗାଞ୍ଜାକଆଃ ସାମ୍‌ନାଙ୍ଗ୍‌ରେ ଆଇଙ୍ଗ୍‌ତାଃଏତେ ଆୟୁମାକାଦ୍ କାଜିକ, ଏଟାଃକକେ ଇତୁ ଦାଡ଼ିଲେକାନ୍ ପାଡ଼ିୟାନ୍‌ରେନ୍ ହଡ଼କତାଃରେ ଜିମାଏମେ ।

୩ ଯୀଶୁ ଖ୍ରୀଷ୍ଟ୍‌ଆଃ ମିଆଁଦ୍ ବୁଗିନ୍ ପାଲଟାନ୍‌ଲେକା ଆଇଁୟାଃଲଃ ଦୁକୁ ସାହାତିଙ୍ଗ୍‌ୟେଁମେ । ୪ ଜେତାଏ ପାଲଟାନ୍ କାମିରେ କାମିତାନ୍ ହଡ଼, ପାଲଟାନ୍‌କଆଃ ମାରାଙ୍ଗ୍‌ନିଃକେ ସୁକୁ ଏମ୍ ନାଗେନ୍ତେ ସାନାଙ୍ଗ୍‌ଆଃଏ, ଇନିଃ ଲାଡ଼ାଇ କାମି ବାଗିକେଦ୍‌ତେ ଏଟାଃ କାମିରେ କାଏ ମେସାନା । ୫ ଜେତାଏ ଆଖ୍‌ଡ଼ାରେ ହାରାଜିତା ଏନେଃ ଇମ୍‌ତା ନିୟାମ୍ ଲେକା କାଏ ଏନେଃରେଦ, ଇନିଃ ମୁକୁଟ୍ କାଏ ନାମେୟା । ୬ କେଟେଦ୍ କାମିତାନ୍ ଚାଷିକେ ପାହିଲା ଇରାକାନ୍ ଜ' ନାମଃଗି ଲାଗାଡ଼ିଙ୍ଗ୍‌ୟାଁଃ । ୭ ଆଇଙ୍ଗ୍ କାଜିତାନ୍‌ତେୟାଃ, ବୁଗିଲେକାତେ ଉଡ଼ୁକ୍‌ମେ, ଚିୟାଃତି ପ୍ରାଭୁଦ ନେ ସବେନ୍ କାଜିକ ଆଟ୍‌କାର୍‌ଉରୁମ୍ ନାଗେନ୍ତେ ପେଡ଼େଃ ଏମାମେୟାଏ ।

୮ ଆଇଙ୍ଗ୍ ପ୍ରାଚାର୍‌କାଦ୍ ସୁକୁକାଜି ଲେକାତେ, ଗଜାକାନ୍‌କଏତେ ଜୀଉବିରିଦାକାନ୍ ଯୀଶୁ ଖ୍ରୀଷ୍ଟ୍, ଦାଉଦ୍ ରାଜାରାଃ କିଲି ତାନିଃ, ଇନିଃକେ ପାହାମିମେ । ୯ ନେ ସୁକୁକାଜିକେ ଉଦୁବ୍‌ତାନ୍ ହରାତେ, ଆଇଙ୍ଗ୍ ଗୁଣ୍ଡାକାଦ୍‌ନିଃ ଲେକା ସିକିଡ଼ିତେ ତଲ୍‌ୟାନାଇଙ୍ଗ୍ ଆତଃ ଦୁକୁଇଙ୍ଗ୍ ସାହାତିଙ୍ଗ୍‌ତାନା, ମେନ୍‌ଦ ପାରମେଶ୍ୱାର୍‌ଆଃ କାଜି କା ତଲ୍‌ୟା । ୧୦ ଏନା ନାଗେନ୍ତେ ପାରମେଶ୍ୱାର୍‌ଆଃ ସାଲାକାନ୍ ହଡ଼କହ ଯୀଶୁ ଖ୍ରୀଷ୍ଟ୍‌ତାଃଏତେ ଜୀଉ ବାଞ୍ଛାଅ ଆତଃ ଜାନାଅ ଜାନାଅରେୟାଃ ମାନାରାଙ୍ଗ୍‌କ ନାମେକା, ଏନାମେନ୍ତେ ଆଇଙ୍ଗ୍ ଇନ୍‌କୁ ନାଗେନ୍ତେ ସବେନ୍ ଲେକାନ୍ ଦୁକୁଇଙ୍ଗ୍ ସାହାତିଙ୍ଗ୍‌ତାନା । ୧୧ ନେ କାଜି ପାଡ଼ିୟାନ୍‌ରେ ଲେକାଗିୟା,

“ଆବୁ ଇନିଃଲଃ ଗଜାକାନ୍‌ରେଦ,
ଆବୁହ ଇନିଃଲଃବୁ ଜୀହିଦଃଆ ।
୧୨ ☆ଆବୁ ଇନିଃଲଃ ଦୁକୁ ସାହାତିଙ୍ଗ୍‌ରେଦ,
ଆବୁହ ଇନିଃଲଃବୁ ରାଇଜେୟା,
ଆବୁ ଇନିଃକେ କାଲେ ସାରିୟା ମେନ୍ତେବୁ କାଜିରେଦ,

☆ ୧:୧୧ ୧:୧୧ ୧ ତିମଥ୍ ୨:୭. ☆ ୨:୧୨ ୨:୧୨ ମାଥ୍‌ଉ ୧୦:୩୩; ଲୁକ ୧୨:୯.

ଇନିହ ଆବୁକେ କାଇଙ୍ଗ୍ ସାରିୟା ମେତାବୁଆଏ ।
 ୧୩ ଆବୁ ପାତିୟାରୱଲେକା କା ତାଇନ୍ରେୟ,
 ଇନିହ ପାତିୟାରୱ ଲେକାଗି ତାଇନାଏ,
 ଚିୟାଠି ଇନିହ ଆପାନ୍କେଗି କାଇଙ୍ଗ୍ ସାରିୟା ମେନ୍ତେ କାଜି କାଏ ଦାଡ଼ିୟା ।”

ବିଶ୍ୱାସ୍ତେ କାମିତାନ୍କ

୧୪ ଆମାଃ ସବେନ୍ ବିଶ୍ୱାସୀକକେ ନେ ସବେନ୍ ବିଷାଏ ପାହାମ୍ ଇଚିକମେ ଆତଃ ଧାରାମ୍ ପୁଅରେୟାଃ କାଜି ଇତୁକେଦ୍ତେ କା ବୁଗିନ୍ତେୟାଃକ ଆତଃ ଜିୟନଃ ଲେକ୍ନାଃକ କା ଏପେଗେର ନାଗେନ୍ତେ ଇନ୍କୁକେ ପାର୍ମେଶ୍ୱାର୍ଆଃ ସାମନାଙ୍ଗ୍ରେ କେଚେୟାନ୍ଗି ଆବୁକମେ । ୧୫ ଆମ୍ ଆମ୍କେଗି ପାର୍ମେଶ୍ୱାର୍ଆଃ ଆୟାର୍ରେ ମାଇନ୍ ନାମେନିଃ ଲେକାମ୍ ହବାଅଃ ସାନାଙ୍ଗ୍ରେଦ୍, ଆମ୍ କା ଗିହୁଃକେଦ୍ତେ ପାର୍ମେଶ୍ୱାର୍ଆଃ ସାର୍ତି କାଜିକ ମାଇନ୍ ନାମେନିଃ ଲେକା ଇତୁକମ୍ । ୧୬ ମେନ୍ଦ୍ ସାମାକାଜିକଏତେ ଆତଃ ତଣ୍ଡ କାପ୍ଜିଏତେ ସାଜିନ୍ରେ ତାଇନ୍ମେ, ଚିୟାଠି ଜେତାଏ ଏନାରେ ତାଇନ୍କାନ୍କ ପାର୍ମେଶ୍ୱାର୍ତାଃଏତେ ଆତଃଗି ସାଜିନ୍ ଇଦିୟାଆକ । ୧୭ ଆତଃ ଇନ୍କୁଆଃ ଇନିତୁ ସୟା ଘାଅଲେକା ପାସ୍ରାଅ ଇଦିୟାଆ । ଇନ୍କୁଏତେ ହୁମ୍ନାୟ ଆତଃ ଫିଲିତୁସ୍, ନେ ବାରାନ୍କିନ୍ ତାନ୍କିନ୍ । ୧୮ ଇନ୍କିନ୍ ଜୀଉବିନିରିଦ୍ ହବାୟାନା ମେନ୍ତେ କାଜିକେଦ୍ତେ ସାର୍ତି ହରା ବାଗିକାଦାକିନ୍, ଆତଃ ଚିମିନ୍ ହଡକଆଃ ବିଶ୍ୱାସ୍ ଜିୟନାକାନା । ୧୯ ଏନ୍ରେୟ ପାର୍ମେଶ୍ୱାର୍ଆଃ ମାଜ୍ବୁଦ୍ ନିହଁ ଗାତା ତିଙ୍ଗୁଆକାନା, ଆତଃ ଏନାରେ ନେ କାଜି ଅଲ୍ଲାନା, “ପ୍ରାଭୁ ଆୟାଃ ହଡକକେ ସାରିୟାଏ, ଆତଃ ଜେତାଏ ଆଇଙ୍ଗ୍ ପ୍ରାଭୁଆଃ ହଡ ତାନିଙ୍ଗ୍ ମେନ୍ତେ କାଜିନିଃ ଏଡକାନ୍ କାମିକଏତେ ସାଜିନ୍ରେ ତାଇନଃ ଲାଗାତିଙ୍ଗ୍ୟାଃ ।”

୨୦ ମିଆଁଦ୍ ମାରାଙ୍ଗ୍ ଅଡ଼ାଃରେ ସୋନା ଆତଃ ରୁପାତେ ବାଇୟାକାନ୍ ତୁବ୍ହା ଏସ୍କାର୍ କା ତାଇନା, ମେନ୍ଦ୍ ଦାରୁରାଃ ଆତଃ ହାସାରାଃ ବାଇୟାକାନ୍ ତୁବ୍ହାହଗି ତାଇନାଃ, ଚିମିନ୍ତେୟାଃ ପାରାବ୍ରେ ମାଇନ୍ ଏମ୍ ନାଙ୍ଗ୍ ଆତଃ ଚିମିନ୍ତେୟାଃ ସବେନ୍ ହୁଲାଇଁ ନାଙ୍ଗ୍ ବାଉରାଅ ତାନା । ୨୧ ଜେତାଏ ଏନ୍ ଏଡକାନ୍ କାମିକଏତେ ଆପାନ୍କେ ଫାର୍ତିତାନ୍ ହଡ ପାବିତାର୍କାନାଏ, ଆତଃ ଇନିହ ପାର୍ମେଶ୍ୱାର୍ଆଃ ବିଶେଷ୍ କାମିନାଙ୍ଗ୍ ବେଭାରୱାଏ, ଚିୟାଠି ଇନିହ ଆୟାଃ ଗମ୍କେୟାଃ ବେଭାରୱ ନାଗେନ୍ତେ ଜିମାକାନ୍, ଆତଃ ସବେନ୍ ବୁଗିନ୍ କାମି ନାଙ୍ଗ୍ ସେକାଡ଼ାକାନ୍ଗି ତାଇନାଃ । ୨୨ ମେନ୍ଦ୍ ଆମ୍ ଜାଞ୍ଜାନ୍ ସାମାଏରାଃ ଏଡକାନ୍ ସାନାଙ୍ଗ୍କଏତେ ସାଜିନେନ୍ମେ, ଅକନ୍କ ଫାର୍ତି ମନ୍ତେ ପାର୍ମେଶ୍ୱାର୍ତାଃରେ ବିକ୍ତିତାନ୍କଲଃ ଧାରାମ୍, ବିଶ୍ୱାସ୍, ଦୁଲ୍ଲାଡ୍, ଆତଃ ଜୀଉସୁକୁ ହବାଅଃନାଙ୍ଗ୍ କାମିମେ । ୨୩ ମେନ୍ଦ୍ ତଣ୍ଡ ଆତଃ କା ଲାଗାତିଙ୍ଗ୍ କାପ୍ଜିକଏତେ ସାଜିନ୍ରେ ତାଇନ୍ମେ, ଏନାଏତେଦ୍ ଏପେରାଙ୍ଗ୍ ଅମନଆଃ ଏନାଦ୍ ସାରିତାନାମ୍ । ୨୪ ପ୍ରାଭୁଆଃ ଦାସି ହବାକେଦ୍ତେ ଏପେରାଙ୍ଗ୍ ନାଙ୍ଗ୍ କା ବୁଗିନାଃ, ମେନ୍ଦ୍ ଇନିହ ସବେନ୍କଆଃ ନାଙ୍ଗ୍ ଲେବେଃ ମନ୍ତେ ସାହାତିଙ୍ଗ୍ତାନ୍ଲଃ ବୁଗିଲେକା ଇତୁକକାଏ । ୨୫ ଆତଃ ଆୟାଃ ବିରୁଧ୍ରେ ତାଇନ୍ତାନ୍ ହଡକକେ ଲେବେଃମନ୍ତେ ବୁଝାଅକକାଏ, ଏନାରେଦ୍ ଇଦୁ ପାର୍ମେଶ୍ୱାର୍ ଇନ୍କୁକେ ହେୟାତିଙ୍ଗ୍ ନାଙ୍ଗ୍ ଆତଃ ସାର୍ତି ବିଷାଏ ସାରି ନାଙ୍ଗ୍ ନେତା ଏମାକଆଏ । ୨୬ ଆତଃ ସାଏତାନ୍ ଅକନ୍କକେ ଆୟାଃ ସାନାଙ୍ଗ୍ଲେକା କାମି ନାଗେନ୍ତେ ତଲ୍ଲାକାଦକ ତାଇକେନାଏ, ଇନ୍କୁ ଆକଆଃ ଚେତା ନାମ୍କେଦ୍ତେ ସାଏତାନ୍ଆଃ ଫାସ୍ତେତେକ ରାଡ଼ାଅଆ ।

୩

ଚୁଣ୍ଡ ଦିପିଲି

୧ ମେନ୍ଦ୍ ନେୟାଁ ସାରିମେ, ଚୁଣ୍ଡ ହୁଲାଇଁକରେ ପୁରାଃ ବରଞ୍ଚାନ୍ ଦିପିଲି ହିଙ୍ଗୁଆ । ୨ ଚିୟାଠି ହଡକ ଆପ୍ନାଃ ନାଙ୍ଗ୍ ଏସ୍କାର୍ ଉଡ଼ଗୁଃକ, ଟାକା ପାଏସାରାଃ ହାୟା, ଘାମାଣ୍ଡ, ହାକାର୍, ନିୟା କାଜି, ଏଙ୍ଗା ଆପୁକେ କା ମାନାତିଙ୍ଗ୍, ମାଇନ୍ କା ଏମ୍, ସଡ଼ରାକାନ୍କ, ୩ ଦୁଲ୍ଲାଡ୍ ବାନଃକ, ଦାୟା ବାନଃକ, ଏଟାଃନିୟାଃ ବିରୁଧ୍ରେ ନିୟା କାଜିକ, ଆପାନ୍କେଗି ଆବ୍ରେ କା ଦହ ଦାଡ଼ିକ, ପୁରାଃଗି ଡିଟ୍ଟକ, ଇନ୍କୁ ବୁଗିନାଃତେୟାଃକ ହିଲାଇଁୟେଆ । ୪ ଇନ୍କୁ ବାଏମାନ୍କ, କା ଚେଡ଼ଗାର୍କ ହବାଅଆ ଆତଃ ପାର୍ମେଶ୍ୱାର୍କେ ଦୁଲ୍ଲାଡ୍ ବାଗିକେଦ୍ତେ ରିଜ୍ରାଙ୍ଗ୍ରେକ ତାଇନା । ୫ ଇନ୍କୁ ଧାରାମ୍ରେୟାଃ କାଜିକ ସାବେୟା, ମେନ୍ଦ୍ ଧାରାମ୍ରେୟାଃ ସାର୍ତି ପେଡ଼େକେ କାକ ମାନାତିୟାଃ, ନେ ଲେକାନ୍ ହଡକଏତେ ସାଜିନ୍ରେ ତାଇନ୍ମେ । ୬ ଚିୟାଠି ନିକୁଦ୍ ଚିମିନ୍ ହଡକଆଃ ଅଡ଼ାଃତେ ସେନ୍କେଦ୍ତେ କା ପେଡ଼େୟାନ୍ କୁଡ଼ିକକେ, ଅକନ୍କଚି ଆକଆଃ ପାପ୍ତେ ଲାଦିୟାକାନ୍ ଆତଃ ସବେନ୍ ଲେକାନ୍ ଏଡକାନ୍ ସାନାଙ୍ଗ୍ତେ ପେରେଜାକାନ୍କକେ ଆକଆଃ ଆକ୍ତେୟାର୍ରେକ ଦହକତାନା । ୭ ନେ କୁଡ଼ିକ ସବେନ୍ ଇମ୍ତା ଇତୁନ୍ତାନ୍ରେୟ ସାନାଗ୍ତିରାଃ ସେଣାଁ ଚିଉଲ୍ଲାହ କାକ ସାରି ଦାଡ଼ିୟାଃ । ୮ ଯନ୍ନାସ୍ ଆତଃ ଯନ୍ନାସ୍ ମୁଶାରାଃ ବିରୁଧ୍ରେକିନ୍ ତିଙ୍ଗୁକାନ୍ ତାଇକେନା, ଏନ୍ଲେକାଗି ନେ ହଡକଆଃ ମନ୍ କାମି କାଏ ଏମେୟା,

ଆତ୍ମ ସାମାନ୍ତରାଃ ବିରୁଧରେକ ତିଷ୍ଠନ୍ତାଃ ଆତ୍ମ ଇନ୍ଦ୍ରିୟାଃ ଧାରାମ୍ଭେୟାଃ ବିଶ୍ୱାସ୍ୟ କା ପକ୍ତାକାମା ।
୯ ମେନ୍ଦ ଇନ୍ଦ୍ରିୟ ଥିଲା ସାଜିନ୍ କାକ ସେନ୍ ଦାଡ଼ିୟା, ତିୟାଠି ଏନ୍ ବାରାନ୍କିନ୍ ତିମିନ୍ ଡଣ୍ଡ ତାନ୍କିନ୍,
ଏନା ସବେନ୍ଦକ ସାରିକେଦା, ଏନ୍ ଲେକାଗି ଇନ୍ଦ୍ରିୟାଃହଗି ସବେନ୍ଦକ ସାରିୟା ।

ଚୁଣ୍ଡ କାଜି

୧୦ ମେନ୍ଦ ଆମ୍ ଆଇୟାଃ ଇନ୍ଦ୍ରିୟ, ଚାଇଲ୍ ଚାଇଲ୍, ଆତ୍ମ ଆଇୟାଃ ଜୀଞ୍ଜାନ୍ ହରାକେ ଅତଙ୍ଗକାଦାମ୍ ।
ଆଇୟାଃ ବିଶ୍ୱାସ୍ୟ, ଧୂରାଜ୍, ଦୁଲ୍ଲାଡ଼, ସାହାଡ଼ିଙ୍ଗ୍ ଜୀଞ୍ଜାନ୍, ୧୧ *ଆଇୟାଃ ସାସାଡ଼ି, ଆତ୍ମ ଦୁକୁକେମ୍
ଆଟ୍ଟକାରକାଦା । ଆଇୟାଃ ଚେତାନ୍ରେ ଆଡ଼ିୟୋଷ୍, ଇକନିୟା ଆତ୍ମ ଲୁସ୍ତ୍ରାରେ ହବାଲେନ୍ ବରଞ୍ଜାନ୍
ଦୁକୁ ସାସାଡ଼ିକଇଙ୍ଗ୍ ସାହାଡ଼ିଙ୍ଗ୍କେଦା । ମେନ୍ଦ ଏନ୍ ସବେନାଃଏତେ ପାର୍ମେଶ୍ୱାର୍ ଆଇଙ୍ଗ୍କେ
ବାଞ୍ଚାଅକେଦିୟାଃ । ୧୨ ଯାଶୁ ଶ୍ରୀଷ୍ଟାଃ ମେନେସାରେ ଧାରାମ୍ ଜୀଞ୍ଜାନ୍ ବିତାଅ ନାଙ୍ଗ୍ ସାନାଙ୍ଗ୍ତାନ୍
ସବେନ୍ଦକ ଦୁକୁ ସାସାଡ଼ିକ ନାମେଗିୟା । ୧୩ ମେନ୍ଦ ଏଡ଼କାନ୍ ହଡ଼କ ଆତ୍ମ ବେଦା ହଡ଼କ ପୁରାଃଗି
ଏଡ଼କାନ୍ରେକ ସେନା ଆତ୍ମ ଏଗାଃକକେ ବେଦାତାନ୍ଲଃ ଆକ ଆକଗିକ ବେଦାଅଃଆ । ୧୪ ମେନ୍ଦ
ଆମ୍ ସାରତି ବିଷାଏ ଇଡ଼କାନ୍ତେୟାଃ ପୁରାଃତେ ବିଶ୍ୱାସ୍ତାନାମ୍, ଏନ୍ ସବେନାଃରେ ପକ୍ତାକାନ୍ମେ
। ତିୟାଠି ଆମ୍ କେ ଇଡ଼କାନ୍ତେ ହଡ଼କକେ ଆମ୍ ସାରିତାନାମ୍ । ୧୫ ଆତ୍ମ ଯାଶୁ ଶ୍ରୀଷ୍ଟାଃରେ
ବିଶ୍ୱାସ୍କେଦ୍ ହରାତେ ଜୀଞ୍ଜାନ୍ ବାଞ୍ଚାଅ ନାଙ୍ଗ୍ ଆମ୍ କେ ସେଣାଁ ଏମ୍ ଦାଡ଼ିୟାଏ, ଏନା ଆମ୍ ମିଦ୍ ହୁଡ଼ିଙ୍ଗ୍ଏତେ
ଧାରାମ୍ପୁଥ୍ରେମ୍ ସାରିକାଦା । ୧୬ ଧାରାମ୍ପୁଥ୍ରେ ଅଲ୍ଲକାନ୍ ସବେନାଃ ପାର୍ମେଶ୍ୱାର୍ଆଃ ସାହେଦ୍ତେ
ଏମାକାନା, ସାରତି ଇନ୍ଦ୍ରିୟ ନାଙ୍ଗ୍, ଦୁଲ୍ଲତାନ୍କକେ ଏଗେର୍, କାଜି ବାଇରୁହାଡ଼, ଆତ୍ମ ଧାରାମ୍ ଲେକାତେ
ଜୀହ୍ୱଦଃ ନାଙ୍ଗ୍ ଆରୁଆଃଏ, ୧୭ ଏନାତେ ପାର୍ମେଶ୍ୱାର୍କେ ସେଞ୍ଜାତାନ୍ ହଡ଼କ ପକ୍ତାକେଦ୍ତେ, ସବେନ୍
ଲେକାନ୍ ବୁଗିନ୍ କାମି ନାଗେନ୍ତେ ସେକାଡ଼ାକାନ୍ଗି ତାଇନ୍ ଦାଡ଼ିୟାକ ।

୪

୧ ଆଇଙ୍ଗ୍ ପାର୍ମେଶ୍ୱାର୍ଆଃ ସାମ୍ନାଙ୍ଗ୍ରେ ଆତ୍ମ ସବେନ୍ ଜୀନିଦ୍ ଆତ୍ମ ଗଜାକାନ୍ଦକଆଃ ବିଚାର୍
ନାଗେନ୍ତେ ଆତ୍ମ ରାଇଜ୍ ରିକାଏ ନାଗେନ୍ତେ ହିନ୍ଦୁଃତାନ୍ ଯାଶୁ ଶ୍ରୀଷ୍ଟାଃ ସାମ୍ନାଙ୍ଗ୍ରେ କିରିୟାତାନ୍ଲଃ
ଆମ୍ କେଇଙ୍ଗ୍ ଆରୁମେତାନା । ୨ ନେତାରେ ଚାଏ କା ନେତାରେ ସବେନ୍ ଇମ୍ତା ବାତାନ୍ ଉଦୁବେମେ,
ପୁରାଃ ସାହାଡ଼ିଙ୍ଗ୍ତେ ଇଡ଼କାନ୍ଲଃ ମିସା ମିସା ଏଗେର୍କୁମେ ଆତ୍ମ ମିସା ମିସା ବୁଗିନାଃ କାମିନାଙ୍ଗ୍
ଜୀଞ୍ଜାରେ ରାସ୍କା ଏମାକମେ । ୩ ତିୟାଠି ନେତା ସେଟେରାଃ, ଏନାରେ ହଡ଼କ ବୁଗିନ୍ ଇନ୍ଦ୍ରିୟ କାକ
ଆୟୁମେୟା, ମେନ୍ଦ ଆକଆଃ ସାନାଙ୍ଗ୍ଲେକାକ ସେସେନା ଆତ୍ମ ଆକଆଃ ନାଙ୍ଗ୍ ହସଡ଼ ଇଡ଼କକେ
ହୁଣ୍ଡିକଆକ, ଏନ୍ତେ ଇନ୍ଦ୍ରିୟାଃ ଇନ୍ଦ୍ରିୟ ଆୟୁମେୟା । ୪ ଆତ୍ମ ସାନାନ୍ତ କାଜି କା ଆୟୁମ୍ କେଦ୍ତେ
ହଡ଼କଆଃ କାଥ୍ରି ଆୟୁମ୍ ନାଗେନ୍ତେ ମନ୍ଦକ ଏମେୟା । ୫ ମେନ୍ଦ ଆମ୍ ସବେନ୍ କାଜିକରେ ଚିର୍ଗାଲ୍ଲକାନ୍
ତାଇନ୍ମେ, ଦୁକୁ ସାହାଡ଼ିଙ୍ଗ୍ମେମେ, ସୁକୁକାଜି ଉଦୁବତାନ୍ନିଆଃ କାମି କାମିମେ, ଆତ୍ମ ପାର୍ମେଶ୍ୱାର୍ଆଃ
ଦାସିଲେକା ସେଞ୍ଜାକାମି ପୁରାଏମେ ।

୬ ଆଇଙ୍ଗ୍ ଆଇୟାଃ ଜୀଞ୍ଜାନ୍କେ ଦାଣେଁ ଏମ୍ଭେୟାଃ ନେତା ସେଟେରାକାନା, ଆତ୍ମ ନାହାଁଃଗି
ଆଇୟାଃ ନାଙ୍ଗ୍ ନେ ଜୀଞ୍ଜାକେ ବାଗିରେଆଃ ଦିପିଲି ସେଟେରାକାନା । ୭ ଆଇଙ୍ଗ୍ ଜୀଞ୍ଜାନ୍ରାଃ ଲାଡ଼ାଇରେ
ବୁଗିଲେକାତେଇଙ୍ଗ୍ ଲାଡ଼ାଇକାନା, ଆତ୍ମ ଜୀଞ୍ଜାନ୍ରାଃ ନିର୍ରେ ଚୁଣ୍ଡ ଲୁକେଦ୍ ନିର୍ ସେଟେରାକାନିଙ୍ଗ୍,
ଆଇଙ୍ଗ୍ ବିଶ୍ୱାସ୍ ଦହକାଦାଇଙ୍ଗ୍ । ୮ ଆତ୍ମ ନାହାଁଃ ଆଇୟାଃ ନାଙ୍ଗ୍ ଧାର୍ମାନ୍ ମୁକୁଟ୍ ଦହକାନା, ଏନା ଏନ୍
ମାରାଙ୍ଗ୍ ହୁଲ୍ଲାଙ୍ଗ୍ରେ ଧାରାମ୍ତେ ବିଚାର୍ତାନ୍ ପ୍ରାଭୁ ଆଇଙ୍ଗ୍କେ ଏମାଲୟାଁ ଆତ୍ମ ଆଇଙ୍ଗ୍କେ ଏସ୍କାର୍
କା ମେନ୍ଦ ଆୟାଃ ହିନ୍ଦୁଃକେ ଦୁଲ୍ଲାଡ଼ତେ ତାଙ୍ଗିକାଦ୍ ସବେନ୍ଦକକେ ଏମାକଆ ।

ତାମଥ୍ ନାଗେନ୍ତେ ପାଞ୍ଜିସ୍ଆଃ ଏସ୍କାର୍ କାଜି

୯ ଆଇୟାଃତାଃତେ ଜାଲ୍ଦି ହିନ୍ଦୁ ନାଗେନ୍ତେ ସେକାଡ଼ଃମେ । ୧୦ *ତିୟାଠି ଦିମା ନାହାଁଃରାଃ ନେ
ଅତେଦିଶ୍ୱମ୍ କେ ଦୁଲ୍ଲାଡ଼କେଦ୍ତେ ଆଇଙ୍ଗ୍କେ ବାଗିକେଦିୟାଁ ଆତ୍ମ ଥେସ୍ଲନିକାତେ ସେନଃକାନା ।
କ୍ରେସକେନ୍ସ, ଗାଲ୍ଲାଡ଼ିୟତେ ଆତ୍ମ ତିତସ୍, ତାଲ୍ଲମାଡ଼ିଆତେ ସେନଃୟାନା । ୧୧ *ଲୁକ୍ ଏସ୍କାର୍
ଆଇୟାଃଲଃ ମେନାଲୟା । ମାର୍କକେ ଆମାଃଲଃ ଆଡ଼ିମେ, ତିୟାଠି ଇନ୍ଦ୍ରିୟ ଆଇୟାଃ ସେଞ୍ଜା କାମିରେ
ଦେଙ୍ଗା ଦାଡ଼ିୟା । ୧୨ *ଆଇଙ୍ଗ୍ ଦୁଖ୍ କେ ଏପିସ୍ତୁସ୍ତେଇଙ୍ଗ୍ କୁଲ୍ଲକିୟା । ୧୩ *ତ୍ରୋୟାସ୍ ସାହାର୍ରେ
ଆଇଙ୍ଗ୍ କାରପସ୍ତାଃରେ ବାଗିକାଦ୍ ଲିଜାଃ ଆତ୍ମ ପୁଥ୍ କହଗି ଆତ୍ମତର୍ସାଏମେ, ବିଶେଷ୍ଟକେଦ୍ତେ
ଉହ୍ରେତେ ବାଇୟାକାନ୍ତେୟାଃକେ ଆଡ଼ିମେ ।

* ୩:୧୧ ୩:୧୧ ପ୍ରେରିଡ୍ ୧୩:୧୪-୫୨; ପ୍ରେରିଡ୍ ୧୪:୧-୭; ପ୍ରେରିଡ୍ ୧୪:୮-୨୦. * ୪:୧୦ ୪:୧୦ କଲସିୟ ୪:୧୪; ଫିଲ୍ମନ୍ ୧:୨୪;
୨ କରିନ୍ଥ୍ରିୟ ୮:୨୩; ଗାଲ୍ଲାଡ଼ିୟ ୨:୩; ତିତସ୍ ୧:୪. * ୪:୧୧ ୪:୧୧କଲସିୟ ୪:୧୪; ଫିଲ୍ମନ୍ ୧:୨୪; ପ୍ରେରିଡ୍ ୧୨:୧୨,୨୫; ୧୩:୧୩;
୧୫:୩୭-୩୯; କଲସିୟ ୪:୧୦; ଫିଲ୍ମନ୍ ୧:୨୪. * ୪:୧୨ ୪:୧୨ ପ୍ରେରିଡ୍ ୨୦:୪; ଏପିସ୍ତୁସ୍ ୭:୨୧,୨୨; କଲସିୟ ୪:୭,୮. * ୪:୧୩
୪:୧୩ ପ୍ରେରିଡ୍ ୨୦:୭.

^{୧୪} ✧ ଆଲେକ୍‌ଜାଣ୍ଡାର କାଁସାରି ଆଇଁୟାଃ ପୁରାଃ ଏଡ଼କାନାଃ ରିକାକାଦାଏ, ପ୍ରାଭୁ ଇନିୟାଃ କାମିଲେକା ନାଲା ଏମାଇୟାଏ । ^{୧୫} ଆମ୍‌ହ ଇନିଃତାଃଏତେ ଚିର୍ଗାଲାକାନ୍ ତାଇନ୍‌ମେ, ଚିୟାଃଚି ଇନିଃଦ ଆବୁଆଃ କାଜିକ ପୁରାଃତେ କା ଆୟୁମ୍‌ତାନ୍‌ଲଃ କାଜିଛେକାଦ୍ ତାଇକେନାଏ ।

^{୧୬} ଆଇଁୟାଃ ପାହିଲା ଇଝାର ଇମ୍‌ତା ଜେତାଏ ଆଇଙ୍‌କେ କାକ ଦେଙ୍‌କେଦିୟାଁ, ଆତଃ ସବେନ୍‌କ ବାଗିକେଦିୟାଁ । ପାର୍‌ମେଶ୍‌ବାର ଇନ୍‌କୁଆଃ ନେ ଗୁହ୍‌ନାଁ ଆଲକାଏ ଲେକାଏକା । ^{୧୭} ମେନ୍‌ଦ ପ୍ରାଭୁ ଆଇଁୟାଃସାଃରେ ତିଙ୍‌କେଦ୍‌ତେ ପେଡ଼େଃ ଏମାଦିୟାଁଏ, ଆତଃ ଆଇଙ୍‌ କୁଲାତାଃଏତେ ବାଞ୍ଚାଅୟାନାଇଙ୍‌, ଜେ'ଲେକାଚି ଆଇଁୟାଃ ହରାତେ ସୁକୁକାଜି ପୁରାଃଚି ଉଦୁବ୍ ଦାଡ଼ିୟାଃଆ ଆତଃ ସବେନ୍‌ ସାଅଁସାରକ ଏନା ଆୟୁମ୍‌ ଦାଡ଼ିୟାକ । ^{୧୮} ପ୍ରାଭୁ ଆଇଙ୍‌କେ ସବେନ୍‌ ଏଡ଼କାନ୍ କାମିକଏତେ ବାଞ୍ଚାଅକେଦ୍‌ତେ ଚୁଣ୍ଡୁରେ ଆୟାଃ ସିର୍ମା ରାଇଜ୍‌ତେ ବୁଗିଲେକାତେ ଇଦିୟାଁ । ଇନିୟାଃ ମାନାରାଙ୍‌ ଜାନାଅ ଜାନାଅ ଜାକେଦ୍ ହବାଅଃକା ! ଆମେନ୍ ।

ଚୁଣ୍ଡୁ ଜହାର

^{୧୯} ✧ ପ୍ରିସ୍‌କିଲା, ଆକ୍‌ଲିଆ ଆତଃ ଅନିସିଫର୍‌ଆଃ ଅଡ଼ାଃରେନ୍‌କକେ ଆଇଁୟାଃ ଜହାର ଉଦୁବାକମେ ।

^{୨୦} ✧ ଏରାଷ୍ଟ୍ କରିନ୍ଥ୍‌ୟରେ ତାଇନ୍‌ୟାନାଏ । ମେନ୍‌ଦ ବ୍ରିଫିମ୍‌ରାଃ ହଡ଼ମ୍ ବେଗ୍ କା ତାଇନ୍ ହରାତେ ଆଇଙ୍‌ ଇନିଃକେ ମିଲିତସ୍‌ରେ ବାଗିକେଦ୍‌ତେଇଙ୍‌ ହିଜୁଃୟାନା । ^{୨୧} ରାବାଙ୍‌ ସାହା ସିଦାରେ ହିଜୁଃନାଙ୍‌ ସେକାଡ଼େନ୍‌ମେ ।

ଇଉବୁଲ୍, ପୁଦେନସ୍, ଲାଇନାସ୍, କ୍ଲାଉଦିଆ ଆତଃ ସବେନ୍ ବିଶ୍ୱାସୀ ହାଗା ମିଶିକ ଆମ୍‌କେ ଜହାର ଆତଃ ଇଶୁସାଏ କାଜିକୁଲକାଦାକ ।

^{୨୨} ପ୍ରାଭୁ ଆମାଃ ଆମ୍‌ଲଃ ତାଇନ୍‌କାଏ ।
ଆପେ ସବେନ୍‌କଲଃ ସାୟାଦ୍ ହବାଅଃକା ।

✧ ୪:୧୪ ୪:୧୪ ୧ ତିନିଅ ୧:୨୦; ରୋମି ୨:୭. ✧ ୪:୧୯ ୪:୧୯ ପ୍ରେରିଡ୍ ୧୮:୨; ୨ ତିନିଅ ୧:୧୭, ୧୭. ✧ ୪:୨୦ ୪:୨୦ ପ୍ରେରିଡ୍ ୧୯:୨୨; ରୋମି ୧୭:୨୩; ପ୍ରେରିଡ୍ ୨୦:୪; ୨୧:୨୯.

ତୀତସକ ନିକଟକୁ ପାଉଲକ ପତ୍ର ତିତସ୍ତ୍ୱତାଃତେ ପ୍ରେରିତ୍ ପାଉଲୁସ୍ତାଃ ଚିଟାଉ ପାରିଟାଏ

ପାଉଲୁସ୍ତାଃ ଉପୁନିୟା ପାରଗାର୍ ଚିଟାଉହେତେ ତିତସ୍ତ୍ୱ ହବାଅଃତାନା ମିଆଁଦ୍, ଅକ୍ନାଃଚି କାଲିସିୟାରେୟାଃ ବାଦ୍ଲୀରେ ହଡ଼ରାଃ ପାରିଟାଏ ଏମାକାଦାଏ । ଏଟାଃ ଆପିୟା ଚିଟାଉ ହବାଅଃତାନା, ତାମଥୁତାଃତେ ଅଲୀକାନ୍ ବାରାନ୍ ଚିଟାଉ, ଆତଃ ଫିଲ୍ଲମନ୍ । ତିତସ୍ତ୍ୱ ନେ ଚିଟାଉକେ ସବେନ୍ଦକଥାଃ ସାମ୍ନାକ୍ଷରେ ପୁରାଃ କାଉରିକେଦ୍ତେ ପାଢ଼ାଅ ଲାଗାତିକ୍ଷୟାଃ ମେନ୍ତେ ପାଉଲୁସ୍ ତିତସ୍ତ୍ୱତାଃତେ ନେ ଚିଟାଉକେ ଅଲେତାନା । କୁଲୀକାନ୍ନିଃ ତାନିଃ ଲେକା ଆୟାଃ ଚାଲ୍ଲ ଚାଲାନ୍ ହବାଅଃ ଲାଗାତିକ୍ଷୟାଃ ମେନ୍ତେ କାଜିକାଦା । ନେଆଁକେ ତିତସ୍ତ୍ୱ ସିଦାରେ କାଟିଃ ଲେକାଏ ସାରିକାଦ୍ ତାଇକେନା । ହବାସାକାଅଥାଃ ଶ୍ରୀଷ୍ଟାଃ ଜାନାମ୍ ତାୟମ୍ ୬୩ ହେତେ ୬୫ ଭିତାରକରେ ପାଉଲୁସ୍ ନେ ଚିଟାଉକେ ଅଲୀକାଦା ।

ପାଉଲୁସ୍ କ୍ରିତିରେୟାଃ ଟାପୁରେ ତାଇନକାନ୍ କାଲିସିୟାକକେ ନେଲ୍ ନାଗେନ୍ତେ ତିତସ୍ତ୍ୱକେ ଆରୁକିୟା, ଏନ୍ ମିଦ୍ ଇନିଡୁକେଗି ତାମଥୁକେୟ ଏମାକାଇ ତାଇକେନାଏ । ପାଉଲୁସ୍ ନେ ଚିଟାଉରେ ତିତସ୍ତ୍ୱକେ କାଲିସିୟାରେନ୍ ପ୍ରାଚିନ୍ଦକେ ସାଲାକେଦ୍ତେ ଇଡୁକରେୟାଃ ବିଷାଏରେ ଅଲୀକାଦା । ତିସିକ୍ଷରେୟାଃ କାଲିସିୟା ଆତଃ କାଲିସିୟାରେନ୍ ପ୍ରାଚିନ୍ଦକଥାଃ ଆଗୁଆଇ ନାଗେନ୍ତେ ପାରମେଶ୍ୱାର୍ଥାଃ ମନେ ଲେକାତେ ଚିଲକା ହବାଅଃ ଲାଗାତିକ୍ଷୟାଃ ଏନା ପୁରାଃ ଜାତ୍ନାଅକେଦ୍ତେ ଧ୍ୟାନ୍ ଏମ୍ ଲାଗାତିକ୍ଷୟାଃ, ଏନା ନେ ଚିଟାଉରେ ଅଲୀକାନା ।

ପୁଥ୍ ଭିତାରରେ ତାଇକାନ୍ କାଜି

- ୧. ପାଉଲୁସ୍ ତିତସ୍ତ୍ୱକେ ଧାର୍ମାନ୍ ହଡ଼କକେ ସାଲାକ ନାଗେନ୍ତେ ଆରୁକାଦା । ୧:୧-୧୬
- ୨. ଇନିଃହଗି ହଡ଼କକେ ପାରମେଶ୍ୱାରକେ ସୁକୁଇଚି ଲେକା ଜୀଦାନ୍ ବିତାଅ ନାଗେନ୍ତେ ଇଡୁକ ନାକ୍ ଆରୁକାଦାଏ । ୨:୧-୩:୧୧
- ୩. ପାଉଲୁସ୍ ତୁଣ୍ଡୁକାଜି କାଜିକେଦ୍ତେ କାଜିଚୁଣ୍ଡୁକଦା । ୩:୧୨-୧୫

୧ ଆଇକ୍ ପାଉଲୁସ୍, ପାରମେଶ୍ୱାର୍ଥାଃ ଦାସି ଆତଃ ଯୀଶୁ ଶ୍ରୀଷ୍ଟାଃ କୁଲୀକାନ୍ନିଃ ତାନିକ୍ । ବିଶ୍ୱାସ୍ରେୟାଃ ମେନେସା ଲେକାତେ ସାନାର୍ତ୍ତିରେନ୍ ହନ୍ ତିତସ୍ତ୍ୱତାଃତେ ନେ ଚିଟାଉ ଅଲେତାନାଇକ୍ ।

ପାରମେଶ୍ୱାର୍ଥାଃ ସାଲାକାନ୍ ହଡ଼କଥାଃ ବିଶ୍ୱାସ୍କେ କେଟେଜେ ନାଗେନ୍ତେ ଆତଃ ଆରୁଆଃ ଧାରାମ୍ ବିଶ୍ୱାସ୍ରେୟାଃ ସାନାର୍ତ୍ତି ନାକ୍ ଚେଡ଼ଗାର୍ ନାଗେନ୍ତେ ଆଇକ୍ କୁଲୀକାନାଇକ୍ ।

୨ ଅକ୍ନାଃ ଜାନାଅ ଜୀଦାନ୍ ନାମେରେୟାଃ ଆସ୍ତା ନାଗେନ୍ତେ ଠାହାରାଅକାନା । ପାରମେଶ୍ୱାର୍ ହସଡ଼ ନାହାଁଲିଃ । ଇନିଃ ମୁନୁହେତେ ସିଦାରେ ଆରୁକେ ଜୀଦାନ୍ ଏମ୍ରେୟାଃ ବାନାର୍ସା ଏମାକାଦାଏ ।

୩ ଠାଉକାନ୍ ନେତାରେ ନେ କାଜି ଉଦୁବକାଦା । ଆରୁଆଃ ଜୀଉବାସ୍ତାଏ ଏମ୍ନିଃ ପାରମେଶ୍ୱାର୍ଥାଃ ଆନାରୁତେ ନେଆଁ ଉଦୁବ ନାଗେନ୍ତେ ଆଇକ୍କେ ବାହାରମ୍ ଏମ୍କାନା ।

୪ *ତିତସ୍ତ୍ୱ ଆଇୟାଃ ମିଦ୍ ବିଶ୍ୱାସ୍ରେନ୍ ହନ୍ ତାନିଃ । ଆପୁ ପାରମେଶ୍ୱାର୍ ଆତଃ ଆରୁଆଃ ବାସ୍ତାଅନିଃ ଯୀଶୁ ଶ୍ରୀଷ୍ଟ୍ ଆପେକେ ସାୟାଦ୍ ଜୀଉସୁକୁ ଏମାପେକାଏ ।

କ୍ରିଡ଼ରେ ତିତସ୍ତ୍ୱାଃ କାମି

୫ କା ଚାବାକାନ୍ କାମିକେ ଚାବା ନାଗେନ୍ତେ ଆତଃ ଆଇୟାଃ ଆନାରୁକେ ପାହାମ୍ତାନଲଃ ସବେନ୍ ନାଗାରୁରେ କାଲିସିୟାରେନ୍ ପ୍ରାଚିନ୍ଦକେ ସାଲାକ ନାଗେନ୍ତେ ଆଇକ୍ ଆମ୍କେ କ୍ରିଡ଼ରେ ବାଗିକେଦ୍ମେୟାଈକ୍ । ୬ *ଜେତାଏ କାଲିସିୟାରେନ୍ ପ୍ରାଚିନ୍ଦ ଲେକା ସାଲାଅଃ ହଡ଼, ବେଗାର୍ ଗୁଣ୍ଡାଁ ହବାଅଃ ଲାଗାତିକ୍ଷୟାଃ । ଇନିୟାଃ ମିଆଁଦ୍ଗି କୁଡ଼ି ହବାଅଃ ଲାଗାତିକ୍ଷୟାଃ, ଆୟାଃ ହନ୍ଗାଁଶାକ ବିଶ୍ୱାସୀ ହବାଅଃ ଲାଗାତିକ୍ଷୟାଃ, ଇନିଃ ବେଗାର୍ ଚିଟାକାନ୍ନିଃ ହବାଅଃକାଏ ଆତଃ କା ମାନାତିକ୍ଷିଃ ଆଲକାଏ ହବାଅଃକା । ୭ ଚିୟାଃଚି କାଲିସିୟାରେନ୍ ଆଗୁଆଇ, ପାରମେଶ୍ୱାର୍ଥାଃ ଖୁଜ୍ ଅଡ଼ାଃରେନ୍ ଭାଣ୍ଡାରି ହବାୟାନ୍ତେ ଇନିଃ ବେଗାର୍ ଚିଟାକାନ୍ନିଃ ଲେକା ତାଇନକାଏ । ଇନିଃ ଆୟାଃ ସାନାକ୍ଲେକା କାମିନିଃ, ଜାଲ୍ଦି ଖୁସ୍ନିଃ, ଇଲିଆର୍ଖ୍ ନୁତାନ୍ନିଃ, ଏପେଗେର୍ନିଃ, ଆତଃ ଟାକା ପାଏସା ହାୟାନିଃ ଲେକା ଆଲକାଏ ହବାଅଃକା । ୮ ମେନ୍ଦ୍ ଇନିଃ ସୁସାର୍ନିଃ, ବୁଗିନାଃ ଦୁଲ୍ଲାଡେନିଃ, ଆତଃ ଆୟାଃ ମନ୍ ଆବରୁନିଃ, ଧାର୍ମାନ୍ନିଃ, ପାବିତାର୍ନିଃ, ଆତଃ ନେତେହେନ୍ତେ କା ବାଗାଁଶ୍ନିଃ ଲେକା ହବାଅଃ ଲାଗାତିକ୍ଷୟାଃ ।

* ୧:୫ ୧:୪ ୨ କରିନ୍ଥ୍ଯ ୮:୨୩; ଗାଲାତିୟ ୨:୩; ୨ ତିମଥ୍ ୪:୧୦. * ୧:୬ ୧:୬ ୧ ତିମଥ୍ ୩:୨-୬.

୯ ମେନ୍ଦ ବୁଗିନ୍ ସାର୍ତ୍ତିକାଜିକେ ଏଟାଃକକେ ଇତୁକେଦ୍ଦେ ଜୀଉରେ ରାସ୍ତା ଏମ୍ ଦାଡିନାଙ୍ଗ୍ ଆତଃ ଏନାକେ କାଜି କେସେଦ୍ଦାନକଆଃ ଗାଲ୍ଡି ଉଦୁବ୍ ଦାଡିୟାଏ, ଏନାମେନ୍ତେ ଇନିଃକେ ନେ ଇତୁଆକାନ୍ ପାଡିୟାରରେଲେକାନ୍ କାଜିକେ ବିଶ୍ୱାସ୍ତାନଲ୍ଲଃ ଏନାରେ ପକ୍ତାନ ଲାଗାଡିଙ୍ଗ୍ୟାଃ ।

୧୦ ଚିୟାଃଚି ପୁରାଃ କା ମାନାଡିଙ୍ଗ୍ ହଡକ, ସାମାକାଜିତାନ୍ ହଡକ, ଆତଃ ବେଦା ହଡକ ସବେନାଃଏତେ ଆଦକା ଯିହୁଦୀକଆଃ ଖାଡନାଅକାନ୍କ, ଝୁଣ୍ଡରେ ମେନାକଆ । ୧୧ ଇନ୍କୁକେ ଜେଡନାଃ କାଜି ନାଙ୍ଗ୍ କା ଲାଗାଡିଙ୍ଗ୍ୟାଃ, ଚିୟାଃଚି ଇନ୍କୁଦ ଏଡକାନ୍ଲେକାତେ ଟାକା ପାଏସା ନାମେ ନାଗେନ୍ତେ କା ଲାଗାଡିଙ୍ଗ୍ ଇନିତୁକ ଇତୁକତାନା ଆତଃ ଗଟା ଅଡ଼ାଃରେନକକେ କାକ ବାପାଇକ ତାନା । ୧୨ ଇନ୍କୁଏତେ ଆକଆଃ ମିହୁଡ୍ ନାବୀ କାଜିକାଦାଏ, “କ୍ରିଡ୍ରେନ୍ ହଡକ ସବେନ୍ ଇମ୍ତା ହସଡକ, ଏଡକାନ୍ ବିର୍ ଜାତୁକ ଆତଃ ଆଲ୍ଲସି ପେଟୁକ ତାନ୍କ ।” ୧୩ ନେ ଗାଞ୍ଜା ସାର୍ତ୍ତିଗି ତାନାଃ । ଏନାମେନ୍ତେ ଏନଲେକାନ୍ ହଡକକେ ପୁରାଃ କେଟେୟାନ୍ଗି କାଜିକମେ, ଜେ'ଲେକାଚି ଇନ୍କୁ ବୁଗିନ୍ ବିଶ୍ୱାସୀକ ହବାଅଃଆ । ୧୪ ଇନ୍କୁଦ ସାର୍ତ୍ତିକେ ବାଗିକାଦ୍ ହଡକ ତାନ୍କ, ଇନ୍କୁ ହଡକଆଃ ଆତୁତେ ବାଇୟାକାନ୍ ରିଡିରିଞ୍ଜା ଆତଃ ଯିହୁଦୀକଆଃ କାଅ୍ନି ବାଗିକାକ ମେନ୍ତେ ଇନ୍କୁକେ ଇତୁକମେ । ୧୫ ଫାର୍ଡି ହଡକ ନାଙ୍ଗ୍ ସବେନାଃ ଫାର୍ଡିୟାକାନା । ସଡରାକାନ୍ ଆତଃ କା ବିଶ୍ୱାସ୍ତାନକ ନାଗେନ୍ତେ ଜେତାନ୍ ବିଷାଏ ଫାର୍ଡି ବାନଆଃ ମେନ୍ଦ ଇନ୍କୁଆଃ ମନ୍ ଆତଃ ବିବେକ୍ ବାରାନାଃ ସଡରାକାନା । ୧୬ ଇନ୍କୁଦ ପାର୍ମେଶ୍ୱାର୍ରେକେ ସାରିଆଲେ ମେନ୍ତେକ କାଜିୟା, ମେନ୍ଦ ଆକଆଃ କାମିତେ ଇନିଃକେକ ଦଧାଦିତାନା । ଇନ୍କୁଦ ହିଲାଇଅଃତାନ୍ ଆତଃ କା ମାନାଡିଙ୍ଗ୍ତାନ୍ ହଡକ ତାନ୍କ ଆତଃ ସବେନ୍ ବୁଗିନ୍ କାମିନାଙ୍ଗ୍ କା ଠାଉକାନ୍କ ତାନ୍କ ।

୨

ସାର୍ତ୍ତି ଇନିତୁ

୧ ମେନ୍ଦ ଆମକେ ଏନ୍ ବୁଗିନ୍ ଇନିତୁଲେକା ଇତୁ ଲାଗାଡିଙ୍ଗ୍ୟାଃ । ୨ ହାଡାମ୍ ହଡକକେ ସାଲ୍ସାଡ଼ଃ, ମାଇନ୍ ନାମେ, ମନ୍ ଆବର୍, ବିଶ୍ୱାସ୍ରେ କେଟେୟାଃ, ଦୁଲ୍ଲାଡ୍, ଆତଃ ସାହାଡିଙ୍ଗ୍ରେ ପକ୍ତାଃଅ ନାଗେନ୍ତେ ଇତୁକମେ । ୩ ଏନ୍ଲେକାଗି ବୁଡିଆକକେ ପାବିତାର୍ ଜାଞ୍ଜାନ୍ ବିତାଅ ନାଗେନ୍ତେ ଇତୁକମେ । ଇନ୍କୁ ଏଟାଃନିୟାଃ ବିରୁଧ୍ରେ ନିନ୍ଦା ଆଲକାକ କାଜିକା, ଇଲିଆରଖ୍ରେ ଆଲକାକ ଲିଲ୍କାଅଃକା ଚାଏ ଏନାରେୟାଃ ଦାସି ଆଲକାକ ହବାଅଃକା । ଇନ୍କୁ ଅକ୍ନାଃ ବୁଗିନାଃ ତାନାଃ ଏନା ଇତୁ ଲାଗାଡିଙ୍ଗ୍ୟାଃ । ୪ ଧାଙ୍ଗ୍ଡି କୁଡିକ, ନେ ଲେକା ଇତୁକମେ, ଆକଆଃ କଡକକେ ଆତଃ ହନ୍ଗାଣାକକେ ଦୁଲ୍ଲାଡକକାକ, ୫ ମନ୍କ ଆବର୍ରେ ଦହେକାକ, ଆତଃ ଫାର୍ଡିଗି ତାଇନକାକ, ଆପାନ୍ ଆପାନ୍ ଅଡ଼ାଃରେ ବୁଗିଲେକାତେ କାମିକାକ, ବିଲ୍କାଅଃକାକ, ଆପାନ୍ ଆପାନ୍ କଡକଆଃ ଆବର୍ରେ ତାଇନକାକ, ଏନାତେ ପାର୍ମେଶ୍ୱାର୍ତାଃଏତେ ହିଜୁଃତାନ୍ କାଜିରେ ଜେତାଏ ଏଡକାନାଃ କାକ କାଜି ଦାଡିୟା ।

୬ ଏନ୍ଲେକାଗି ଧାଙ୍ଗ୍ଡା କଡକକେ ଆକଆଃ ମନ୍ ଆବର୍ରେ ଦହ ନାଗେନ୍ତେ ଆତୁକମେ । ୭ ଆତଃ ଆମ୍ଗି ସବେନ୍ ବୁଗିନ୍ କାଜିକାମିକରେ ଇନ୍କୁତାଃରେ ନାମୁନାତେ ଉଦୁବେନ୍ମେ, ଆମାଃ ଇନିତୁରେ ଫାର୍ଡି ମନ୍, ମାଇନଃଲେକାନ୍ ସେସେନ୍, ବୁଗିନ୍ ଆତଃ କା ଚିଟାଅଃଲେକାନ୍ କାଜି ଉଦୁବେମେ । ୮ ଏନାତେ ଆମାଃ କାଜିକେସେଦ୍ ହଡକ, ଆବୁ ଚିଟାଅଃଲେକାନ୍ ଏଡକାନ୍କାଜି କାକ କାଜିଦାଡି ହରାତେ ଗିହୁଗଃଆକ ।

୯ ଦାସିକ, ଆକଆଃ ଗମ୍କେକଆଃ ଆବର୍ରେ ତାଇନକାକ ଆତଃ ସବେନ୍ କାଜିକରେ ସୁକୁଇଡିକକାକ ଆତଃ ଆଲ୍ପେ କାଜିରୁହାଡକଆ, ୧୦ ଆତଃ ଆଲକାକ କୁମୁଡଲୁକା ମେନ୍ଦ ବୁଗିନ୍ ଆତଃ ପାଡିୟାରରେ ଲେକାନ୍ କାଜିକରେ ଉଦୁବେନକାକ, ଏନାତେ ଇନ୍କୁ ସବେନ୍ କାଜିକରେ ଆବୁଆଃ ବାଞ୍ଚାଅନିଃ ପାର୍ମେଶ୍ୱାର୍ଆଃ ବିଷାଏରେ ଆବୁଆଃ ଇନିତୁକେ ମାଇନାନ୍କ ଆଉଇୟା ।

୧୧ ଚିୟାଃଚି ସବେନ୍ ହଡକଆଃ ପାରିଡାଣ୍ ନାଗେନ୍ତେ ପାର୍ମେଶ୍ୱାର୍ଆଃ ସାୟାଦ୍ତେ ଉଦୁବାକାନା । ୧୨ ଆତଃ ଏଡକାନ୍ଲେକାତେ ଜାହୁଦଃ ଆତଃ ଅଡେଦିଶ୍ୱମ୍ପରାଃ ଏଡକାନ୍ ସାନାଙ୍ଗକ ବାଗିକେଦ୍ତେ ଏନ୍ ସାୟାଦ୍ ଇତୁକାଦ୍ବୁ ଲେକା ନେ ପାରିୟାରେ ମନ୍ ଆବର୍, ଧାର୍ମାନ୍, ଆତଃ ଭାଲିଲେକାତେବୁ ଜାହୁଦଃଆ । ୧୩ ଆତଃ ଏନ୍ ସୁକୁରାସ୍କାରାଃ ଆସ୍ତା ଆତଃ ଆବୁଆଃ ମାରାଙ୍ଗ୍ଡତାର୍ ପାର୍ମେଶ୍ୱାର୍ଆଃ ଆତଃ ବାଞ୍ଚାଅନିଃ ଯୀଶୁ ଖ୍ରୀଷ୍ଟ୍ଆଃ ମାନାରାଙ୍ଗ୍ ଉଦୁବଃ ଦିପିଲିକେ ନେଲ୍ହରା ତାନାବୁ । ୧୪ ଏନ୍ ଯୀଶୁ ଖ୍ରୀଷ୍ଟ୍, ଆବୁକେ ସବେନ୍ ଏଡକାନାଃଏତେ ମୁକ୍ତି ଏମାବୁ ନାଙ୍ଗ୍ ଆତଃ ଆୟାଃ ଆପନାଃ ବୁଗିନ୍ କାମିରେ ଚିହୁଲାନ୍ ହଡକକେ ଆୟାଃ ନାଙ୍ଗ୍ ନିୟାଃକ ନାଗେନ୍ତେ ଆବୁଆଃ ନାଙ୍ଗ୍ ଆଇଃକ୍ଗି ଆପାନ୍କେ ଏମ୍ୟାନା ।

୧୫ ନେ ସବେନ୍ କାଜିକ ଆକ୍ତେୟାର୍ତେ କାଜିକମ୍ ଆତଃ ଜୀଉରେ ରାସ୍ତା ଏମ୍କେଦ୍ତେ ତେତାଅକମେ । ଜେତାଏ ଆମ୍କେ ଆଲକାକ ହିଲାଇମେକା ।

☆ ୨:୧୪ ୨:୧୪ ୧ ପାଡରାସ୍ ୨:୯.

୩

ଶ୍ରୀଷ୍ଟିୟାନକଥାଃ ଚାଇଲ୍ ଚାଲାନ

^୧ ହାକିମ୍‌କଥାଃ ଆତଃ ଆକ୍‌ତେୟାର୍ ନାମାକାଦ୍ ହତ୍‌କଥାଃ କାଜି ମାନାତିକ୍ ନାଗେନ୍ତେ ଆତଃ ସବେନ୍ ବୁଗିନ୍ କାମି ନାଗେନ୍ତେ ସେକାଡାକାନପେ, ^୨ ଜେତାଏୟାଃ ଏଡକାନ୍ ଆଲ୍‌ପେ କାଜିୟା, ମେନ୍‌ଦ ସୁକୁଜୀତେ ଆତଃ ଗାତିସାଙ୍ଗାତିତେ ସେସେନ୍ ନାଜ୍ ସବେନ୍ ହତ୍‌କତାଃରେ ଲେବେଃମନ୍‌ତେ ସବେନ୍ ଇମ୍‌ତା ଉଦୁବେନ୍‌ପେ ମେନ୍ତେ ଇନ୍‌କୁକେ ପାହାମାକମେ । ^୩ ଚିୟାଃଚି ସିଦା ଆବୁହଗି ଡଣ୍ଡ, କା ମାନାତିକ୍‌କ, ଆଦାକାନକ, ସବେନ୍ ଲେକାନ୍ ଏଡକାନ୍ ସାନାଜ୍ ଆତଃ ରିଜରାଜ୍‌ରେନ୍ ଦାସିକବୁ ତାଇକେନା । ଆବୁ ଏଡକାନାଃ ଆତଃ ହିସ୍‌ଜାରେ ସେସେନ୍‌ତାନ୍, ହିଲାଜ୍‌ଆଁକାନ୍ ଆତଃ ଏଟାଃକକେ ହିଲାଜ୍‌କ ତାଇକେନାବୁ । ^୪ ମେନ୍‌ଦ ଚିମ୍‌ତା ଆବୁଆଃ ବାଞ୍ଚାଅନିଃ ପାର୍‌ମେଶ୍ୱାର୍‌ଆଃ ଦୁପୁଲ୍‌ଡରାଃ ଦାୟା ଉଦୁବୟାନା, ^୫ ଇମ୍‌ତା ଇନିଃ ଆବୁକେ ବାଞ୍ଚାଅକେଦ୍‌ବୁଆ, ନେଆଁ ଆବୁଆଃ ଧାର୍‌ମାନ୍ କାମିକରେୟାଃ ନାଗେନ୍ତେତେଦ କାହା ମେନ୍‌ଦ ଆୟାଃ ଲିବୁଜ ଆତଃ ପାବିତାର୍ ଆମ୍‌ରାଃ ହରାତେ ଆବୁ ନାଞ୍ଜା ଜାନାମ୍ ଆତଃ ନାଞ୍ଜା ଜୀଞ୍ଜାନ୍‌ବୁ ନାମାକାଦା । ^୬ ଆବୁଆଃ ବାଞ୍ଚାଅନିଃ ଯୀଶୁ ଶ୍ରୀଷ୍ଟିଆଃ ହରାତେ ପାର୍‌ମେଶ୍ୱାର୍ ଆବୁକେ ପୁରାଃତେ ପାବିତାର୍ ଆମ୍‌ ଏମାକାଦ୍‌ବୁଆଏ । ^୭ ଏନାତେ, ଇନିୟାଃ ସାୟାଦ୍‌ତେ ଆବୁ ପାର୍‌ମେଶ୍ୱାର୍‌ଆଃ ଆୟାର୍‌ରେ ଧାର୍‌ମାନ୍ ହତ୍‌ବୁ ବାଇୟାକାନା ଆତଃ ଆବୁଆଃ ଆସ୍ତା ଲେକାତେ ଜାନାଅି ଜୀଦାନ୍‌ରେ ବଲ ନାଗେନ୍ତେ ଆକ୍‌ତେୟାର୍‌ବୁ ନାମାକାଦା । ^୮ ନେ କାଜି ସାର୍‌ତିଗି ତାନାଃ ।

ଆତଃ ପାର୍‌ମେଶ୍ୱାର୍‌କେ ବିଶ୍ୱାସ୍‌ତାନ୍‌କ, ସବେନ୍ ବୁଗିନ୍ କାମି ରିକା ନାଗେନ୍ତେ ସାନାଜ୍‌କାକ, ଏନା ନାଗେନ୍ତେ ଆମ୍ ଇନ୍‌କୁକେ ନେ ସବେନ୍ ବିଷାଏରେ ପୁରାଃ କେଟେଦ୍‌ତେ ଇଡୁକମେ, ନେଆଁଇଜ୍ ମନେତାନା । ନେଆଁଦ୍ ହତ୍‌କ ନାଗେନ୍ତେ ପୁରାଃ ବୁଗିନାଃ । ^୯ ମେନ୍‌ଦ ଡଣ୍ଡ କାଜିକ ଆତଃ ପୁରୁଷା ହାଡାମ୍‌କଥାଃ ନୁଡୁମ୍‌ରାଃ ଜିଲିଜ୍ ତାଲିକା, ଏପ୍‌ରାଜ୍, ଆତଃ ଆଇନ୍‌ରେୟାଃ କାପ୍‌ଜିକଏତେ ଆତମେନ୍‌ମେ, ଚିୟାଃଚି ଏନା ସବେନ୍ ଏଡକାନାଃ ତାନାଃ ଆତଃ ସାମାଗିୟା । ^{୧୦} ବେଦା କାଜିତେ ବିନ୍‌ଗାଅତାନ୍ ହତ୍‌କକେ ମିସା ବାର୍‌ସା ଚେତାଅକେଦ୍‌ତେ ବାଗିତାକମ୍ । ^{୧୧} ନେ ଲେକାନ୍ ହତ୍‌କ ହରାଆଦାକାଦକ ଆତଃ ପାପ୍‌କେଦ୍‌ତେ ଆକଗି ଚିଟାଅଃତାନାକ, ଏନାଦମ୍ ସାରିତାନା ।

ଚୁଣ୍ଡ ଉନ୍‌ଦୁବ୍

^{୧୨} ଚିମ୍‌ତା ଆଇଜ୍ ଆର୍ତ୍ତେମା ଆତଃ ତୁଖ୍‌କକେ ଆମାଃତାଃତେଇଜ୍ କୁଲିରେ, ଆମ୍ ଆଇୟାଃତାଃତେ ନିକପଲି ସାହାର୍‌ତେ ହିଜୁଃମେ, ଚିୟାଃଚି ଆଇଜ୍ ରାବାଜ୍‌ସାହାକେ ଏନ୍ତାଃରେ ବିତାଅନାଜ୍ ଉହାଟ୍‌କାଦାଇଜ୍ । ^{୧୩} ଆଇନ୍ ଇଡୁନିଃ ଜୀନସ୍ ଆତଃ ଆପୋଲୋ, ନେ ବାରାନ୍‌କିନ୍‌ନାଃ ହରାସେନ୍ ନାଜ୍, ଅକ୍‌ନାଃ ଲାଗାତିକ୍‌ତେୟାଃ ସବେନାଃ ଏମ୍‌କେଦ୍‌ତେ ହରାସେନ୍ ଏଟେଦ୍ ନାଗେନ୍ତେ ଦେକ୍‌କିନ୍‌ମେ । ^{୧୪} ଆବୁଆଃ ହତ୍‌କ ଆକଥାଃ ଲାଗାତିକ୍‌ତେୟାଃକ ନାମେ ନାଗେନ୍ତେ ବୁଗିନ୍ କାମି ନାଜ୍ ଇଡୁଃକାକ, ଏନାରେ ଇନ୍‌କୁ ଜେଡନାଃତେ କାକ ଜାଞ୍ଜିଅଃଆ ।

^{୧୫} ଆଇୟାଃଲଃ ତାଇନ୍‌ତାନ୍ ସବେନ୍‌କ ଆମ୍‌କେ ଜହାର୍‌ମେତାନାକ । ବିଶ୍ୱାସ୍‌ରେ ଆଲେକେ ଦୁଲ୍‌ଡଲେତାନ୍ ସବେନ୍‌କକେ ଆଲେୟାଃ ଜହାର୍ ଉଦୁବାକମେ । ପାର୍‌ମେଶ୍ୱାର୍‌ଆଃ ସାୟାଦ୍ ଆପେ ସବେନ୍‌କଲଃ ହବିଅଃକା ।

☆ ୩:୧୨ ୩:୧୨ ପ୍ରେରିତ୍ ୨୦:୪; ଏପିସିୟ ୭:୨୧,୨୨; କଲସିୟ ୪:୭,୮; ୨ ତିମଥ୍ ୪:୧୨. ☆ ୩:୧୩ ୩:୧୩ ପ୍ରେରିତ୍ ୧୮:୨୪; ୧ କରିନ୍ଥ୍‌ୟ ୧୭:୧୨.

ଫିଲ୍ମନଙ୍କ ନିକଟକୁ ପାଉଲଙ୍କ ପତ୍ର ଫିଲ୍ମନତାଃତେ ପ୍ରେରିତ୍ ପାଉଲୁସ୍‌ଆଃ ଚିଟାଉ ପାରିଟାଏ

ଫିଲ୍ମନ ପୁଅକେ ପ୍ରେରିତ୍ ପାଉଲୁସ୍ ଅଲ୍ମାକାଦାଏ ୧:୧ । ଇନିଃ ଜେହେଲ୍ମାକାନ୍ ତାଇକେନ୍ ଇମ୍ତା ନେ ପୁଅକେ ଅଲ୍ମାକାଦ୍ ତାଇକେନା, ହବାସାକାଅଃ ତାନା, ରୋମ୍‌ରେ ତାଇକେନ୍ ଇମ୍ତାଏ ଅଲ୍ମାକାଃ । ଇନିଃ ରୋମ୍‌ରେ ତାଇକେନ୍‌ରେଦ ଖ୍ରୀଷ୍ଟ୍‌ଆଃ ଜାନାମ୍ ତାୟମ୍ ୬୧ କରେ ନେ ଚିଟାଉକେ ଅଲ୍ ସାକାଅଃକା । ଇନିଃ ଏନ୍ ମିଦ୍‌ସାମାନ୍ ଦିପିଲିରେଗି କଲସିୟ କାଲିସିୟାକେ ଅଲ୍ମାକାଃ । ଇନିଃ ନେ ଚିଟାଉ ଫିଲ୍ମନ ନୁତୁମ୍ ମିଆଁଦ୍ ହତତାଃତେ ଅଲ୍‌କେଦା । ଫିଲ୍ମନ କାଲିସିୟାରେନ୍ ମିହୁଡ୍ ପ୍ରାତିନ୍ ତାଇକେନାଏ ଆତଃ ଦାସିକାଆଃ ଗମ୍‌କେ ତାଇକେନା । ଫିଲ୍ମନତାଃତେ କୁମ୍‌ଡୁକେଦ୍‌ତେ ସାଙ୍ଗିନ୍‌ତେ ସେନଃକାନ୍ ଅନିସିମସ୍‌କେ ସାଜାଇ ଆଲମ୍ ଏମାଲୟା, ମେନ୍ତେ ପାଉଲୁସ୍ ନେ ଚିଟାଉରେ ଅଲ୍ମାକାଦା । ରୋମ୍‌ରେୟାଃ ରିଡିରିଝାକ୍ ଲେକାତେ ଫିଲ୍ମନ, ଅନିସିମସ୍‌କେ ଗନ୍‌ଏଃ ସାଜାଇ ଏମ୍‌ରେୟାଃ ଆକ୍‌ତେୟାର୍ ତାଇକେନା ।

ଅନିସିମସ୍‌କେ ଖ୍ରୀଷ୍ଟ୍‌ରେ ହାଗା ଲେକା ମାନାତିଙ୍ଗ୍‌କେଦ୍‌ତେ ତେଲ୍ମାଦାରମିମେ ମେନ୍ତେ ଫିଲ୍ମନକେ ବିକ୍ରିତାନ୍‌ଲଃ ଜୀଉରାଡ୍‌ତେଃ ଏମାଲତାନାଏ । ପାଉଲୁସ୍ ଅନିସିମସ୍‌କେ ଆୟାଃ ଠାୟାଦ୍‌ରେ ସେଝା କାମି ରିକାନାଙ୍ଗ୍ ଆରୁଇମେ ମେନ୍ତେ ଆଚୁକିୟା, ୧:୧୩-୧୪ ।

ପୁଅ ଭିତାରେ ତାଇକାନ୍ କାଜି

- ୧. ପାଉଲୁସ୍ ଫିଲ୍ମନକେ ଜହାର୍ ମେନ୍ତେ ଉଦୁବ୍‌ତାନା । ୧:୧-୩
- ୨. ପାଉଲୁସ୍ ଅନିସିମସ୍‌ଆଃ ହରାତେ ଫିଲ୍ମନକେ ମିଆଁଦ୍ ଖ୍ରୀଷ୍ଟ୍‌ରେ ହାଗା ଲେକା ତେଲ୍ମାଦାରମିମେ ମେନ୍ତେ କାଜିକାଦା । ୧:୪-୨୧
- ୩. ପାଉଲୁସ୍ ଆୟାଃ ହରାସେନ୍ ବିଷାଏରେ ଉଦୁବେତାନା ଆତଃ ଜହାର୍ ମେନ୍ତେ ଉଦୁବେତାନା । ୧:୨୨-୨୫

୧ ଯୀଶୁ ଖ୍ରୀଷ୍ଟ୍‌ଆଃ ନାଗେନ୍ତେ ଜେହେଲ୍ମାକାନ୍ ଆଇଙ୍ଗ୍ ପାଉଲୁସ୍ ଆତଃ ହାଗା ତୀମଥ୍‌ତାଃତେ, ଆବୁଆଃ ଦୁଲ୍ମାଡ୍ ଗାତି ଆତଃ ମିସାତେ କାମିତାନ୍‌ନିଃ ଫିଲ୍ମନ, ୨ *ଆୟାଃ ଅଡ଼ାଃରେ ହୁଣ୍ଡିକେଦ୍‌ତେ ଗିଜାତାନ୍‌କ ନାଗେନ୍ତେ, ଆବୁଆଃ ମିଶି ଆଫ୍‌ପିୟା, ଆତଃ ଧାରାମ୍ କାମିରେ ଆବୁଲଃ ମିସାତେ ଲାଡ଼ାଇତାନ୍ ଆଖି ପସ୍‌ତାଃତେ ନେ ଚିଟାଉ ଅଲେତାନାଲେ ।

୩ ଆବୁଆଃ ଆପୁ ପାର୍‌ମେଶ୍‌ବାର୍ ଆତଃ ପ୍ରାଭୁ ଯୀଶୁ ଖ୍ରୀଷ୍ଟ୍ ଆପେକେ ସାୟାଦ୍ ଆତଃ ଜୀଉସୁକୁ ଏମାପେକାଏ ।

ଫିଲ୍ମନଆଃ ଦୁଲ୍ମାଡ୍‌ଆତଃ ବିଶ୍ୱାସ୍

୪ ହାଗା ଫିଲ୍ମନ, ଆଇଙ୍ଗ୍ ବିକ୍ରିତାନ୍ ଇମ୍ତା ସବେନ୍ ହୁଲ୍ମାଙ୍ଗ୍ ଆମ୍‌କେ ପାହାମ୍‌ତାନ୍‌ଲଃ ପାର୍‌ମେଶ୍‌ବାର୍‌କେ ଧାନାବାଦ୍ ଏମାଲତାନାଲ୍‌କ୍ । * ଚିୟାଃତି ପ୍ରାଭୁ ଯୀଶୁ ଖ୍ରୀଷ୍ଟ୍‌ରେ ଆମାଃ ବିଶ୍ୱାସ୍ ଆତଃ ପାର୍‌ମେଶ୍‌ବାର୍‌ଆଃ ହତକଲଃ ଆମାଃ ଦୁଲ୍ମାଡ୍ ମେନାଃ, ଏନା ଆଇଙ୍ଗ୍ ଆୟୁମ୍‌କାଦା । ୬ ଖ୍ରୀଷ୍ଟ୍‌ଲଃ ଆବୁଆଃ ମେନେସା ହବାୟାନ୍ ହରାତେ ଆବୁଆଃ ଜୀଦାନ୍‌ରେ ଆଶିଷ୍ଟୁ ନାମାକାଦା । ଖ୍ରୀଷ୍ଟ୍‌କେ ବିଶ୍ୱାସ୍‌ତାନ୍ ହରାତେ ଆମାଃଲଃ ଆଲେୟାଃ ମେନେସା, ଏନ୍ ସବେନ୍ ବୁଗିନ୍ ବିଷାଏରେୟାଃ ଇକିରାନ୍‌ତେୟାଃ ଆଟ୍‌କାର୍‌ଉରୁମ୍ ନାଗେନ୍ତେ ଆମ୍‌କେ ଦେଙ୍ଗାମେକାଏ, ଏନା ଆଇୟାଃ ବିକ୍ରି । ୭ ଏ ହାଗା, ଆମାଃ ଦୁଲ୍ମାଡ୍‌ତେଦ୍ ଆଇଙ୍ଗ୍ ପୁରାଃଗିଙ୍ଗ୍ ରାସ୍‌କାୟାନା ଆତଃ ଜୀଉରାଡ୍‌ତେଃ ନାମ୍‌କେଦାଲ୍‌କ୍ । ଚିୟାଃତି ଆମାଃ ହରାତେ, ପାର୍‌ମେଶ୍‌ବାର୍‌ଆଃ ହତକଆଃ ମନ୍‌ସୁରୁଦ୍ ରାସ୍‌କାତେ ପେରେଜାକାନା ।

ଅନିସିମସ୍ ନାଗେନ୍ତେ ପାଉଲୁସ୍‌ଆଃ ବିକ୍ରି

୮ ଏନା ନାଗେନ୍ତେ ଆମ୍ ଖ୍ରୀଷ୍ଟ୍‌ରେ ବିଶ୍ୱାସୀ ହାଗାତାନ୍‌ମେ ମେନ୍ତେ ଆଇଙ୍ଗ୍ ଆମ୍‌କେ କାମିକ ଆଚୁ ନାଙ୍ଗ୍ ଆଇୟାଃ ପୁରାଃଗି ଜୀଉରେ କେଟେଦ୍ ମେନାଃ । ୯ ମେନ୍‌ଦ୍ ଆଇଙ୍ଗ୍ ହାଡ଼ାମଃତାନ୍ ପାଉଲୁସ୍, ଦୁଲ୍ମାଡ୍ ହରାତେ ଆଇଙ୍ଗ୍ ଆମ୍‌କେ ବିକ୍ରିମେ ତାନାଲ୍‌କ୍, ଆତଃ ଯୀଶୁ ଖ୍ରୀଷ୍ଟ୍ ନାଗେନ୍ତେ ଆଇଙ୍ଗ୍ ନାହାଁଃ ଜେହେଲ୍ମା କାନାଲ୍‌କ୍ । ୧୦ *ଆଇଙ୍ଗ୍ ଜେହେଲ୍‌ରେ ସିକିଡିତେ ତଲ୍ମାକାନ୍ ତାଇକେନ୍ ଇମ୍ତା ଅନିସିମସ୍‌କେ ଯୀଶୁ ଖ୍ରୀଷ୍ଟ୍‌ଆଃ ହରାତେ ହନିଙ୍ଗ୍‌କଡ଼ା ଲେକାଲ୍‌କ୍ ନାମ୍‌କିୟା, ଆଇଙ୍ଗ୍ ନାହାଁଃ ଆମ୍‌କ୍ ଆପୁ ଲେକାଲ୍‌କ୍ ହବାକାନା ଆତଃ ଇନିଃ ନାଗେନ୍ତେଇଙ୍ଗ୍ ବିକ୍ରିମେତାନା । ୧୧ ସିଦା ଇନିଃ ଆମାଃ ଜେତାନ୍ କାମି ରିକାଏ

* ୧:୨ ୧:୨ କଲସିୟ ୪:୧୭. * ୧:୧୦ ୧:୧୦ କଲସିୟ ୪:୯.

ଲେକାନ୍ନିଃ କାଏ ତାଇକେନା, ମେନ୍ଦ ଇନିଃ ନାହାଁଃ ଆଇଁୟାଃ ନାଜ୍ ଆତଃ ଆମାଃ ନାଜ୍ ପୁରାଃ କାମି ରିକାଏନିଃ ହବାକାନ୍ନାଏ ।

୧୨ ଆଇଜ୍ ନାହାଁଃ ଇନିଃକେ ଆପେତାଃତେଇଜ୍ କୁଲ୍ ରୁହାଡ଼ିତାନା, ଆତଃ ଆଇଁୟାଃ ମନ୍ସୁରୁଦ୍ ଇନିଃଲଃ ସେନ୍ତାନା । ୧୩ ଆଇଜ୍ ସୁକୁକାଜି ନାଜ୍ ଜେହେଲ୍ରେ ସିକିଡ଼ିତେ ତଲକାନ୍ ତାଇକେନ୍ ଇମ୍ତା ଆମାଃ ବାଦ୍ଲାରେ ଆଇଜ୍କେ ଦେଙ୍ଗାନାଜ୍ ଇନିଃକେ ଆଇଁୟାଃ ହେପାଦ୍ରେ ଦହନାଜ୍ ସାନାଜ୍ ତାଇକେନାଇଜ୍ । ୧୪ ଆମ୍ ଆଇଜ୍କେ ଦେଙ୍ଗାଇଜ୍ମେଗି ମେନ୍ତେ ଆଇଜ୍ କାଇଜ୍ ସାନାଜ୍ତାନା, ମେନ୍ଦ ଆମ୍ ଆମାଃ ବୁଗିନ୍ କାମି ବେଗାର୍ ଇଛାସାନାଜ୍ତେ କା ହବାକେଦ୍ତେ, ଆମାଃ ଇଛାସାନାଜ୍ତେ ହବାଅଃକା, ମେନ୍ତେ ଆଇଜ୍ ଜେଦ୍ନାଃ ରିକାନାଜ୍ କାଇଜ୍ ମନେତାନା ।

୧୫ ହବାସାକାଅଆଃ, ଜାନାଅ ଆମାଃତାଃରେ ତାଇନ୍ ଲାଗାଡ଼ିଜ୍ୟାଃ ମେନ୍ତେ ଅନିସିମସ୍ ତିମିନ୍ ମାହାଁ ଆମାଃତାଃଏତେ ସାଜିନ୍ରେ ତାଇକେନା । ୧୬ ଆତଃ ନାହାଁଃଦ୍ ଇନିଃ କିରିଜ୍ ଦାସି ଲେକା କାହାଗି, ମେନ୍ଦ କିରିଜ୍ଦାସିଏତେ ମାରାଜ୍ ଶ୍ରୀଷ୍ଟିଆଃ ବିଶ୍ୱାସୀ ଲେକାତେ ଇନିଃ ମିଆଁଦ୍ ଦୁଲାଡ୍ ହାଗା ଲେକା ତାନିଃ । ଏନାତେ ଇନିଃ ଆଇଁୟାଃ ଦୁଲାଡ୍ ହାଗା ତାନିଃ । ଇନିଃ ମିଆଁଦ୍ ଦୁଲାଡ୍ ହଡ୍ ଲେକା ଆତଃ ପ୍ରାଭୁରେ ମିଆଁଦ୍ ହାଗା ଲେକା ଆମାଃ ନାଜ୍ ତିମିନ୍ ବୁଗିନାଃ ହବାଅଃଆ ।

୧୭ ଏନାମେନ୍ତେ ଆମ୍ ଆଇଜ୍କେ ମିଆଁଦ୍ ମିସାତେ କାମିନିଃ ମେନ୍ତେମ୍ ଆଟ୍କାରିଜ୍ ତାନ୍ରେଦ୍, ଆଇଜ୍କେ ଦାରମ୍ତାନ୍ଲେକାଗି ଇନିଃକେ ଦାରମିମେ । ୧୮ ଇନିଃ ଜେଦ୍ନାଃ ଆମାଃ ହାନି ରିକାକାଦ୍ରେଦ୍ ଚାଏ ଆମାଃତାଃଏତେ ରିଶୀ ଇଦିକାଦ୍ରେଦ୍, ଏନାକେ ଆମ୍ ଆଇଁୟାଃ ନୁଡୁମ୍ରେ ଅଲ୍ତାମେ । ୧୯ ଆଇଜ୍ ପାତଲ୍ଲସ୍, ତିଃଇ ତାଇୟାଃତେ ଅଲେତାନାଇଜ୍, ଏନାଇଜ୍ ହାଲ୍ଲୁହାଡ଼େଆ । ଆମାଃ ମନ୍ସୁରୁଦ୍ ଆଇଁୟାଃତାଃରେ ରିଶୀ କାନା, ଏନ୍ ବିଷାଏରେ ଆଇଜ୍ କାଜି ନାଜ୍ କାଇଜ୍ ସାନାଜ୍ତାନା । ୨୦ ଏନାତେ ଏ ହାଗା, ପ୍ରାଭୁଆଃ ମେନେସାରେ ଆମାଃ ହରାତେ ଆଇଁୟାଃ ବୁଗିନାଃ ହବାଅଃକା, ଆତଃ ଶ୍ରୀଷ୍ଟିରେ ହାଗାଲେକା ରାସିକାଇଜ୍ମେ ।

୨୧ ଆଇଁୟାଃ ପୁରା ବିଶ୍ୱାସ୍ ମେନାଃ, ଆମ୍ ଆଇଁୟାଃ କାଜି ମାନାଡ଼ିଜ୍ତାନାମ୍ ମେନ୍ତେ ଆଇଜ୍ ଆମାତାଃତେଇଜ୍ ଅଲେତାନା, ଆଇଁୟାଃ କାଜିଏତେ ଆମ୍ ଆଦ୍କାମ୍ ରିକାୟା, ଏନାଇଜ୍ ସାରିତାନା । ୨୨ ଆତଃ ଆଇଁୟାଃ ନାଜ୍ ଏନ୍ତାଃରେ ତେରା ଠାୟାଦ୍ ସେକାଡ଼କେଦ୍ତେ ଦହକାମେ ତିୟାଃତି ଆଇଁୟାଃ ଆସା ମେନାଃ, ପାର୍ମେଶ୍ୱାର୍ ଆପେୟାଃ ବିନ୍ତି ଆୟୁମେୟା ଆତଃ ଆଇଜ୍ ଆପେତାଃତେ ହିନ୍ଦୁଃରୁହାଡ଼ାଇଜ୍ ।

ଚୁଣ୍ଡି ଜୁହାର୍

୨୩ ☆ୟୀଶୁ ଶ୍ରୀଷ୍ଟି ନାଜ୍ ଆଇଁୟାଃଲଃ ଜେହେଲକାନ୍ ଏପାପ୍ଟା, ଆମ୍କେ ଆୟାଃ ଜହାର୍ କାଜିକୁଲେତାନାଏ, ୨୪ ☆ଆତଃ ଆଇଁୟାଃଲଃ ମିସାତେ କାମିତାନ୍ ମାର୍କ, ଆରିସ୍ତାର୍ଶ, ଦିମା, ଲୁକ୍ ଆମ୍କେ ଜହାର୍ ମେନ୍ତେକ କାଜିକୁଲେତାନା ।

୨୫ ପ୍ରାଭୁ ଯୀଶୁ ଶ୍ରୀଷ୍ଟିଆଃ ସାୟାଦ୍ ଆପେ ସବେନ୍କଲଃ ଆମ୍ରେ ହବାଅଃକା ।

☆ ୧:୨୩ ୧:୨୩ କଲସିୟ ୧:୭; ୪:୧୨. ☆ ୧:୨୪ ୧:୨୪ ପ୍ରେରିଡ୍ ୧୨:୧୨,୨୫; ୧୩:୧୩; ୧୫:୩୭-୩୯; କଲସିୟ ୪:୧୦; ପ୍ରେରିଡ୍ ୧୯:୨୯; ୨୭:୨; କଲସିୟ ୪:୧୦; କଲସିୟ ୪:୧୪; ୨ ତିମଥ୍ ୪:୧୦; କଲସିୟ ୪:୧୪; ୨ ତିମଥ୍ ୪:୧୧.

ହିବ୍ରୁମାନଙ୍କୁ ଲିଖିତ ପତ୍ର ଏବଂ ହତକତାଃତେ ଅଲ୍ଲୀକାନ୍ ଚିଟାଉ ପାରିଟାଏ

ଏବଂ ଚିଟାଉ ମିଆଁଦ୍ ଜୀଉରେ ରାସ୍‌କା ଏମଃ ଚିଟାଉ ତାନାଃ । ମାରି ନିୟାମ୍‌ରେୟାଃ ଆୟା଼କାଜି ସବେନାଃ ପୁରାକାନ୍ ବିଷାଏ ନେ ଚିଟାଉରେ ନାମଃଆ । ନେଆଁ ମିଆଁଦ୍ ଇତୁ ଏମଃ ଲେକାନାଃ ତାନାଃ । ନେ ଚିଟାଉରେ ୭୦ ଏଡେ ଆଦକା ମାରି ନିୟାମ୍‌ରାଃ ଅନଲ୍‌ଡେୟାଃ ମେନାଃ । ଯୀଶୁ ଖ୍ରୀଷ୍ଟ୍ ଚିଲ୍‌କା ଆୟା଼କାଜି ଆତଃ ଯିହୁଦୀ ଯାଜାକ୍‌କଥାଃ କାମି ପୁରାକେଦାଏ, ଏନା ନେ ଚିଟାଉରେ ନାମଃଆ । ଏନା ନାଗେନ୍ତେ ନେଆଁ ଯିହୁଦୀ ଖ୍ରୀଷ୍ଟିୟାନ୍‌କକେ ଜୀଉରେ ରାସ୍‌କା ଏମଃ ଚିଟାଉ ତାନାଃ । ଏବଂ ଚିଟାଉରେ ନେଲଃଆ ଯେ, ଯୀଶୁ ଚିଲ୍‌କା ଆନ୍‌ତୁକେ ଚାବାକେଦା, ଅକ୍‌ନାଃ ହରାତେ ଯାଜାକ୍‌କେ ଆତଃମିସା ଚିଉଲ୍‌ହ ଦାଣ୍ଠେ ରାକାବ୍ କା ଲାଗାତିୟଃଆ । ଯୀଶୁ ଖ୍ରୀଷ୍ଟ୍ ହବାଅଃତାନାଏ ସବେନ୍ ପାପ୍‌ରେୟାଃ ଦାଣ୍ଠେ ରାକାବ୍, ନେଆଁ ମିସାତରା ସବେନ୍ ହୁଲ୍‌ଇଂ ନାଗେନ୍ତେ ତାନାଃ । ନାହାଁଃ ପାତିୟା଼ତାନ୍ ଖ୍ରୀଷ୍ଟିୟାନ୍‌କ ନାଗେନ୍ତେ ଏବଂ ଚିଟାଉରେ ଜୀଉରେ ରାସ୍‌କା ନେଲଃଆ । ଖ୍ରୀଷ୍ଟ୍ ଏସ୍‌କାବ୍ ଆବୁକେ ପାର୍‌ମେଶ୍ୱା଼ତାଃରେ ଆସ୍ତା ଦହ ନାଗେନ୍ତେ ରିକା ଦାଡ଼ିୟାବୁଆ, ଆତଃ ଆୟାଃତାଃରେ ଆସ୍ତା ଦହତାନ୍‌ଲଃ ଅତଜ୍‌କେଦ୍‌ଡେ ସେନ୍ ଦାଡ଼ିୟାବୁ ୧୨:୨ ।

ଏବଂ ଚିଟାଉ ଅକଏ ଅଲ୍ଲୀକାଦାଏ ଏନା କା ସାରିୟଃତାନା, ମେନ୍‌ଦ ପାଣ୍ଡିତ୍‌କ କାଜିୟାଃକ, ହବାସାକାଅଆଃ ପ୍ରେରିତ୍ ପାଉଲୁସ୍, ଲୁକ୍, ଚାଏ ବର୍ଣ୍ଣବାସ୍ । ନେଆଁରେୟାଃ ଅନଲ୍‌ରେୟାଃ ଦିପିଲି ହଗି କା ସାରିୟଃତାନା, ମେନ୍‌ଦ ପୁରାଃ ହତକ ବିଶ୍ୱାସାଃକ, ନେଆଁ ଯୀଶୁ ଖ୍ରୀଷ୍ଟ୍‌ଆଃ ଜାନାମ୍ ତାୟମ୍‌ଡେ ୭୦ କରେ ଅଲ୍ଲୀକାନା । ଯୀରୁଶାଲେମ୍ ମାନ୍‌ିର୍ ୭୦ କରେ ଜିୟନ୍‌ୟାନା, ମେନ୍‌ଦ ନେ ଚିଟାଉରେନ୍ ଅନଲ୍‌ନିଃ ନେଆଁ କା ଜିୟନ୍‌କାନ୍ ଲେକା କାଜିୟାଃଏ । ଏବଂ ଚିଟାଉ ହବାସାକାଅଆଃ ରୋମ୍ ନାଗା଼ରେ ଅଲ୍ଲୀକାନ୍ ତାଇକେନା ୧୩:୨୪, ଆତଃ ଏଟାଃ ଏଟାଃ କାଲିସିୟାରେ ହାଟିଜ୍‌କାନ୍ ତାଇକେନା ।

ପୁଥ୍ ଭିତାରେ ଅଲ୍ଲୀକାନ୍ କାଜି

- ୧. ଯୀଶୁ ଖ୍ରୀଷ୍ଟ୍ ନାବୀ ଆତଃ ଦୁଁଡକତାଃଏଡେ ହଗି ମାରାଜ୍ ତାନିଃ । ୧:୧-୪:୧୩
- ୨. ଯୀଶୁ ଖ୍ରୀଷ୍ଟ୍ ମାରାଜ୍ ଯାଜାକ୍ ତାନିଃ । ୪:୧୪-୭:୨୮
- ୩. ଯୀଶୁଆଃ ସେଝା କାମି ମାରାଜ୍ ତାନାଃ । ୮:୧-୧୦:୩୧
- ୪. ଯୀଶୁଗି ସବେନାଃଏଡେ ମାରାଜ୍ ତାନିଃ । ୧୦:୩୨-୧୩:୧୭
- ୫. ଜୀଉରେ ରାସ୍‌କାନ୍ କାଜି ଏମଃ ଆତଃ ଚୁଣ୍ଡ ଜୁହା଼ । ୧୩:୧୮-୨୫

ପାର୍‌ମେଶ୍ୱା଼ ହନ୍ ହରାତେ ପାର୍‌ମେଶ୍ୱା଼ଆଃ ଏମାକାନ୍ ବାଚାନ୍
 ୧ ସିଦା ଦିପିଲିରେ ପାର୍‌ମେଶ୍ୱା଼ ଚିମିନ୍ ମାହାଁ ଆତଃ ସବେନ୍ ଲେକାଡେ ନାବୀକଆଃ ହରାତେ ଆବୁଆଃ ପୁରାଃ ହାଡାମ୍‌କକେ କାଜିକାଦ୍‌କଥା ୨ ମେନ୍‌ଦ ନେ ଚୁଣ୍ଡ ଦିପିଲିରେ ପାର୍‌ମେଶ୍ୱା଼ ଆୟାଃ ହତ୍ତେକଡା ହରାତେ ଆବୁକେ କାଜିକାଦ୍‌କଥା । ଏନ୍ ହତ୍ତେକଡା ହରାତେଗି ପାର୍‌ମେଶ୍ୱା଼ ଅତେଦିଶ୍ୱମ୍‌କେ ବାଇକେଦା, ଏନ୍ତେ ଚୁଣ୍ଡୁରେ ସବେନାଃରେୟାଃ ଆକ୍‌ଡେୟା଼ ହବାଅଃ ନାଗେନ୍ତେ ଇନିଃ ହତ୍ତେକଡାକେ ସାଲ୍‌କିୟା । ୩ ହତ୍ତେକଡାତାଃରେ ପାର୍‌ମେଶ୍ୱା଼ଆଃ ମାନାରାଜ୍‌ରେୟାଃ ଜୁନୁଲ୍ ଝାଲ୍‌ସାଃଆ ତାନା ଆତଃ ପୁରା ପାର୍‌ମେଶ୍ୱା଼ଆଃ ଲେକାଗି ଆୟାଃ ସଭାବ୍ ମେନାଃ । ଇନିଃ ଆୟାଃ କାଜିରେୟାଃ ପେଡ଼େଃଡେ ଗଟା ଅତେଦିଶ୍ୱମ୍‌କେ ଆକ୍‌ଡେୟା଼ରେ ତାନା । ଇନିଃ ସବେନ୍ ମାନ'ଖାକଆଃ ପାପ୍‌କ ଛାମାକେଦ୍‌ଡେ, ସିମାରେ ସାଲ୍‌କି଼ଡତା଼ ପେଡ଼େୟାନ୍ ପାର୍‌ମେଶ୍ୱା଼ଆଃ ଜମ୍‌ସାଃରେ ଦୁବାକାନା ।

ପାର୍‌ମେଶ୍ୱା଼ଆଃ ହନ୍ ମାରାଜ୍ ତାନିଃ

- ୪ ଇନିଃ ସିମାରେନ୍ ଦୁଁଡକଏଡେ ଜେ'ଲେକା ମାରାଜ୍, ଏନ୍‌ଲେକାଗି ଆୟାଃ ନୁଡୁମ୍‌ହଗି ଇନ୍‌କୁଆଃ ନୁଡୁମ୍‌ଏଡେ ପୁରାଃ ମାରାଜ୍‌ଆଁ,
- * ଚିୟାଃଚି ଚିଉଲ୍‌ହଗି ପାର୍‌ମେଶ୍ୱା଼ ଦୁଁଡକକେ କାଏ କାଜି :
 “ଆପେ ଆଇଁୟାଃ ହନ୍,
 ତିସିଜ୍‌ତାଃଏଡେ ଆଇଜ୍ ଆପେୟାଃ ଆପୁ ତାନିଜ୍,” ପାର୍‌ମେଶ୍ୱା଼ ଆତଃଗି କାଜିକେଦା,
 “ଆଇଜ୍ ଇନିୟାଃ ଆପୁ ତାନିଜ୍

ଆତ୍ମ ଜନିତ ଆଇୟା ହନ୍ ତାନିତ ।”
 ୭ ଫେନ୍ଦ ପାର୍ମେଶ୍ଵାର ଆୟା ମୁତ୍ତୁକ୍ତ ହନ୍ଦେ ନେ ଅତେଦିଶ୍ଵମ୍ଭେ କୁଲ୍ଲିୟା ଇମ୍ତା ନେ'ଲେକାଏ କାଜିକାଦ୍ ତାଇକେନା,
 “ପାର୍ମେଶ୍ଵାର ଆୟା ସବେନ୍ ଦୁତ୍ତକ ଜନିତକେକ ଜହାର୍ରିୟା ।” ୭ ଫେନ୍ଦ ସିର୍ମାରେନ୍ ଦୁତ୍ତକ ଆୟା ବିଷାଏରେ ପାର୍ମେଶ୍ଵାର ନେ କାଜି କାଜିକାଦା;
 “ପାର୍ମେଶ୍ଵାର ଆୟା ଦୁତ୍ତକେ ଆମ୍ବା ଲେକା
 ଆତ୍ମ ଆଇୟାକେ ସେଞ୍ଜାତାନ୍ ଦାସିକେକେ ଜୁଲ୍ତାନ୍ ସେଜେଲ୍ ଲେକାଏ ବାଇୟାକାଦ୍ କଥା ।”
 ୮ ଆୟା ହନ୍ଦେକଡ଼ାରା ବିଷାଏରେ କାଜିକେଦା,
 “ହେ ପାର୍ମେଶ୍ଵାର, ଆମାଃ ରାଜଗାଦି ଜାନାଅ ଜାନାଅ ମେନାଃ !
 ଆମ୍ ନ୍ୟାୟ ବିଚାରତେ ଆମାଃ ହତ୍ତକେକେମ୍ ଚାଲାଅକ ତାନା । ୯ ଆମ୍ ଧାର୍ମାନ୍ଦକେ ଦୁଲ୍ଲାତାଃମେ ଆତ୍ମ ଏତ୍ତକାନାଃକେ ହିଲ୍ଲାୟାଃମେ । ଏନାମେନ୍ଦେ ପାର୍ମେଶ୍ଵାର, ଆମାଃ ପାର୍ମେଶ୍ଵାର ଆମ୍ କେ ଆମାଃ ଗାତିକଏତେ ଆଦ୍ କା ପୁରାଃଗି ରାସ୍ କାଅଃ ଲେକା, ଆମ୍ କେ ସୁନ୍ଦମ୍ଭେ ଆଭିଷେକ୍* କାଦ୍ ମେୟା ।”
 ୧୦ ଜନିତ ଆତ୍ମଗି କାଜିକାଦ୍ ମେୟା,
 “ହେ ପ୍ରାଭୁ, ଆମ୍ ଏନେଟେଦ୍ରେ ଅତେରେୟାଃ ନିହିଁ ଗାତାମ୍ ବାଇକେଦା
 ଆତ୍ମ ଆମାଃ ତିଃଜତେଗି ସିର୍ମାମ୍ ବାଇକେଦା ।
 ୧୧ ଏନା ସବେନାଃ ମୁସିଙ୍ଗ୍ ହୁଲ୍ଲାଙ୍ଗ୍ ଜିୟନଃଆ । ଫେନ୍ଦ ଆମ୍ ଜାନାଅଗିମ୍ ତାଇନା,
 ଆତ୍ମ ଏନା ସବେନ୍ ମାରି ଲିଜାଃ ଲେକା ଜିୟନଃଆ ।
 ୧୨ ଲିଜାଃ କୁଡ଼ାତାନ୍ ଲେକା ଆମ୍ ଏନ୍ ସବେନାଃକେମ୍ ସତଃଏୟା
 ଆତ୍ମ ଲିଜାଃ ବାଦ୍ ଲାଅତାନ୍ ଲେକାଗିମ୍ ବାଦ୍ ଲାଅଏୟା ।
 ଫେନ୍ଦ ଆମ୍ ଚିତ୍ତଲାଅ କାମ୍ ବାଦ୍ ଲାଅଆ
 ଆତ୍ମ ଆମାଃ ଜୀଞ୍ଜାନ୍ ଚିତ୍ତଲାଅ କା ଚୁଣ୍ଡୁଆ ।”
 ୧୩ “ଆଇଙ୍ଗ୍ ଆମାଃ ବାଇରିକକେ ପୁରା ଆଭିଷେକ୍ ହାରାଅକ ଜାକେଦ୍ ଆମ୍ ଆଇୟାଃ ଜମ୍ ସାଃରେ ଦୁବାକାନ୍ ମେ” ମେନ୍ଦେ ପାର୍ମେଶ୍ଵାର ଆୟା ଦୁତ୍ତକଏତେ ଜେତାଏକେ ଚିତ୍ତଲାଅ କାଏ କାଜିକାଦ୍ କଥା
 ୧୪ ତାବ୍ଦ, ସିର୍ମାରେନ୍ ଦୁତ୍ତକ ଅକଏତାନ୍ଦକ ? ଇନ୍ଦକୁ ହବାଅଃତାନାକ ପାର୍ମେଶ୍ଵାରକେ ସେଞ୍ଜାତାନ୍ ଆମ୍ କ ଆତ୍ମ ଜୀଉବାଞ୍ଚାଅ ନାମାକାଦ୍ ହତ୍ତକକେ ଦେଙ୍ଗା ନାଗେନ୍ଦେ ପାର୍ମେଶ୍ଵାରତେ କୁଲ୍ଲାକାନ୍ ଆମ୍ କା
 ।

୨

ପୁରାଃ ମାରାଙ୍ଗ୍ ପାରିତ୍ରାଣ୍

୧ ଆରୁ ସାନାର୍ତ୍ତିହେତେ ଆଲକାରୁ ହିଗାଡ଼ଃକା ମେନ୍ଦେ ଆରୁ ଆୟାମାକାଦ୍ ସାନାର୍ତ୍ତି କାଜିରେ ପୁରାଃ ପକ୍ତାକେଦ୍ରେ ତାଇନ୍ ଲାଗାତିଙ୍ଗ୍ ଯାଃ । ୨ ଆରୁଆଃ ପୁରୁଷା ହାଡ଼ାମ୍ କକେ ସିର୍ମାରେନ୍ ଦୁତ୍ତକ ଅକନ୍ କାଜି ଏମାକାଦ୍ କଥାକ, ଏନା ସାର୍ତ୍ତି ମେନ୍ଦେ ଉଦୁବାକାନା, ଅକନ୍ଦ ଏନାକେ କାକ ଅତଙ୍ଗକେଦା ଆତ୍ମ କାକ ମାନାତିଙ୍ଗ୍ କେଦା ଇନ୍ଦକୁ ସବେନ୍ଦକ ସାଜାଇକ ନାମେଗିୟା । ୩ ତାବ୍ଦ, ନେ'ଲେକାନ୍ ପୁରାଃ ମାରାଙ୍ଗ୍ ଜୀଉବାଞ୍ଚାଅକେ ଦୟାକୁଣ୍ଡାମ୍ ଲେରେ ଆରୁ ଚିଲ୍ଲକାତେ ବାଞ୍ଚାଅରୁ ନାମେୟା ? ନେ ଜୀଉବାଞ୍ଚାଅକେ ପ୍ରାଭୁ ଆଇୟାକ୍ ଶିଦାତେ ଉଦୁବକାଦା, ଆତ୍ମ ଜନିତତାଃଏତେ ଆୟାମ୍ କାଦ୍ ହତ୍ତକ ଏନାରେୟାଃ ସାନାର୍ତ୍ତିକେ ଆରୁତାଃରେକ ଉଦୁବକାଦା । ୪ ଆତ୍ମଗି, ପାର୍ମେଶ୍ଵାର ସବେନ୍ ରାକାମ୍ରେୟାଃ ଚିହ୍ନା, ଆକ୍ ଦାଦାଅ କାମି ଆତ୍ମ ପେଡ଼େୟାନ୍ କାମିକ କାମିକାଦ୍ ହରାତେ ଏନ୍ ସବେନ୍ କାଜି ସାର୍ତ୍ତି ତାନାଃ ମେନ୍ଦେ ଗାଞ୍ଜା ଏମାକାଦାଏ ଆତ୍ମ ଆୟା ସାନାଙ୍ଗ୍ ଲେକାତେ ପାବିତାର୍ ଆମ୍ରେୟାଃ ବାର୍ଦାନ୍ ଏମାକାଦାଏ ।

ପାରିତ୍ରାଣ୍ ହରାତେ ଇଦିନିଃ ଶ୍ରୀଷ୍ଟ ତାନିଃ

୫ ପାର୍ମେଶ୍ଵାର ଅକନ୍ ନାଞ୍ଜା ଅତେଦିଶ୍ଵମ୍ ବାଇୟାଏ ଆତ୍ମ ଆଲେ ଅକନ୍ ଅତେଦିଶ୍ଵମ୍ରେୟାଃ କାଜିଲେ କାଜିତାନା, ଏନାକେ ରାଇଜେ ନାଗେନ୍ଦେ ଦୁତ୍ତକକେ କାଏ ସାଲାକାଦ୍ କଥା । ୬ ଫେନ୍ଦ ଧାରାମ୍ ପୁଅରେ ଅଲକାନା,
 “ହେ ପାର୍ମେଶ୍ଵାର, ମାନଞ୍ଜାହନ୍ ଅକଏ ତାନିଃ,
 ଆମ୍ ଇନିୟାଃ ନାଗେନ୍ଦେମ୍ ଉଡ଼ୁତାନା ଆତ୍ମ ଇନିୟାଃ ଜାତାନ୍ ଇଦିତାନାମ୍ ?
 ୭ ଆମ୍ ମାନଞ୍ଜାକେ ଦୁତ୍ତକତାଃଏତେ କାଟିଃଲେକାମ୍ ହୁଡ଼ିଙ୍ଗ୍ କିୟା ।

* ୧:୯ ୧:୯ ବହଃରେ ସୁନ୍ଦମ୍ ଦୁଲ୍ଲକେଦ୍ରେ ସାଲା

ଆମ୍ଭ ଇନିଷକେ ମାଇନ୍ ଆଡ଼ଃ ମାନାରାଙ୍ଗ୍ରେୟାଃ ଚୁପୁରିମ୍ ତୁସିଙ୍ଗ୍କିୟା ।

୮ ଆଡ଼ଃ ସବେନାଃ ରାଇଜେ ନାଗେନ୍ତେ ଆକ୍ତେୟାର୍ ଏମ୍ବିୟାମ୍ ।”

“ସବେନ୍ ବିଷାଏ” ମେନ୍ଲେରେ, ଜେଡ଼ନାଃକେ କା ବାଗିକେଦ୍ତେ ସବେନ୍ ବିଷାଏତେୟାଃରେ ଆକ୍ତେୟାର୍ ଏମାକାଦାଏ । ନେଆଁତେ ପୁରା ଆର୍କାରଃ ତାନା, ସବେନ୍ ବିଷାଏ ଇନିୟାଃ ଆକ୍ତେୟାର୍ରେଗି ମେନାଃ । ଆବୁ ସାର୍ତିଗିବୁ ସାରିତାନା, ନାହାଁଃ ସବେନାଃରେ ମାନଞ୍ଜା କାଏ ରାଇଜେ ତାନା । ୯ ମେନ୍ଦ ଆବୁ ନେଲେତାନାବୁ, ଚିଲ୍କା ଯାଶୁ ଘାଡ଼ିକାଦ୍ ନାଗେନ୍ତେ ସିମ୍ବୀରେନ୍ ଦୁଁଡ଼କତାଏତେ କାଟିଃଲେକାଏ ହୁଡ଼ିଙ୍ଗ୍ୟାକାନ୍ ତାଇକେନା, ଜେଲେକା ପାର୍ମେଶ୍ଵାର୍ଆଃ ସାୟାଦ୍ରେ ମିମିୟାଦ୍ ସବେନ୍ ହଡ଼କ ନାଗେନ୍ତେ ଇନିଃ ଗନଏଃ ଚାଖାଅକାଦାଏ । ଆବୁ ଆୟାଃ ଗନଏଃରେୟାଃ ଦୁକୁ ହରାତେ ମାଇନ୍ ଆଡ଼ଃ ମାନାରାଙ୍ଗ୍ରେୟାଃ ଚୁପୁରି ତୁସିଙ୍ଗ୍କାନ୍ବୁ ନେଲ୍କିୟା । ୧୦ ସବେନ୍କଥାଃ ବାବାଇନିଃ ଆଡ଼ଃ ବାଞ୍ଚାଅନିଃ, ପାର୍ମେଶ୍ଵାର୍ ତାନିଃ । ଇନିଃ ଆୟାଃ ପୁରାଃ ହନ୍କକେ ଯାଶୁଆଃ ମାନାରାଙ୍ଗ୍ରେ ହିସା ଏମାକ ନାଗେନ୍ତେ, ଗନଏଃ ହରାଇଃ ଯାଶୁକେ ପକ୍ତାକେଦ୍ତେ ପୁରାଃ ବୁଗିନ୍ କାମି କାମିକାଦା । ଚିୟାଃଟି ଯାଶୁଗି ଜୀଉବାଞ୍ଚାଅ ହରାତେ ଇନ୍କୁକେ ସୁତୁଃଇଦିକଥା ।

୧୧ ଇନିଃ ହଡ଼କକେ ପାପ୍ତହେତେ ଫାର୍ତିକଥା । ଆଡ଼ଃ ଆୟାଃ ଏନ୍ତେ ଆୟାଃତେ ପାବିତାର୍କାନ୍ ହଡ଼କଥାଃ ଆପୁ ମିଆଁଦ୍ ତାନିଃ । ଏନାମେନ୍ତେ ଯାଶୁ ଇନ୍କୁକେ ହାଗା ମିଗି ମେନ୍ତେ ହାକାଅ ନାଙ୍ଗ୍ କାଏ ଗିହୁଗାଃ । ୧୨ ଇନିଃ ପାର୍ମେଶ୍ଵାର୍କେ କାଜିକିୟା,

“ଆଇଙ୍ଗ୍ ଆମାଃ ନୁତୁମ୍ ଆଡ଼ଃ ସବେନ୍ କାମି ଆଇଁୟାଃ ହାଗା ମିଗିକକେଇଙ୍ଗ୍ ଉଦୁବ୍କଥା ।

ଆଇଙ୍ଗ୍ ଇନ୍କୁ ହୁଣ୍ଡିକାନ୍ ଆଲାରେ ଆମାଃ ମାନାରାଙ୍ଗ୍ ଦୁରାଙ୍ଗ୍ୟେଇଙ୍ଗ୍ ।”

୧୩ ଇନିଃ ନେୟାହଗି କାଜିକାଦାଏ, “ଆଇଙ୍ଗ୍ ପାର୍ମେଶ୍ଵାର୍ତାଃରେ ଆଇଁୟାଃ ବିଶ୍ଵାସାଇଙ୍ଗ୍ ଦହେୟା” ଆଡ଼ଃ “ପାର୍ମେଶ୍ଵାର୍ ଆଇଙ୍ଗ୍କେ ଅକନ୍ ହନ୍କକେ ଏମାକାଦିୟାଁ, ଇନ୍କୁ ଆଇଁୟାଃଲଃ ମେନାକଥା ।”

୧୪ ଇନିଃ ଅକନ୍କକେ ହନ୍କ ମେନ୍ତେ କାଜିତାନା, ଇନ୍କୁ ମାୟୋମ୍ ମାସ୍ ହଡ଼ମ୍ ଲେକାନ୍ ହଡ଼କ ହବାକାନ୍ ହରାତେ ଯାଶୁହ୍ ଆଇଃକଗି ଇନ୍କୁଆଃ ଲେକା ମାନଞ୍ଜା ହଡ଼ମ୍ ଆଡ଼ଃ ସଭାବ୍ରେ ମେସାୟାନା । ଇନିଃ ନେୟାଁ କାଜିକେଦ୍ରେୟାଃ ମୁଣ୍ଡି ହବାଅତାନା, ଇନିଃ ଆୟାଃ ଗନଏଃ ହରାତେ ସାଏତାନ୍କେ ଜିୟନିଆ, ଚିୟାଃଟି ଗନଏଃରେ ସାଏତାନ୍ଆଃ ପେଡ଼େଃ ତାଇକେନା । ୧୫ ନେଆଁ ହରାତେ ଗଟା ଜୀଦାନ୍ ଗନଏଃ ବର ଲେକାନ୍ ଦାସିରେୟାଃ ତନଲ୍ରେ ତାଇନ୍ତାନ୍ ହଡ଼କକେ ଇନିଃ ରାଡ଼ାକାଦ୍କଥାଏ । ୧୬ ନେଆଁତେ ପୁରା ଆର୍କାରଃ ତାନା, ଇନିଃ ସିମ୍ବୀରେନ୍ ଦୁଁଡ଼କକେ କାଏ ଦେଙ୍ଗାଃ, ମେନ୍ଦ ଇନିଃ ଆବ୍ରାହାମ୍ଆଃ କିଲିକକେ ଦେଙ୍ଗାଃଏ । ୧୭ ଏନାମେନ୍ତେ, ସବେନ୍ ବିଷାଏରେ ଆୟାଃ ହାଗା ମିଗିକ ଲେକା ହବାଃଅତେୟାଃ ଆୟାଃ ଲାଗାତିଙ୍ଗ୍ ତାଇକେନା, ଏନା ହରାତେ ଇନିଃ ଇନ୍କୁଆଃ ପାତିୟାରଃ ଲେକାନ୍ ଆଡ଼ଃ ଦାୟା ଏମଃ ମାରାଙ୍ଗ୍ ଯାଜାକ୍ ହବାକେଦ୍ତେ ପାର୍ମେଶ୍ଵାର୍ଆଃ ସେଞ୍ଜା ଚିକା ଦାଡ଼ିୟାଏ ଆଡ଼ଃ ହଡ଼କ ପାପ୍ ଛାମାକ ନାମ୍ ଦାଡ଼ିୟା । ୧୮ ଇନିଃ ଆଇଃକଗି ବିନିଡ଼ାଅରେ ଉୟୁଃକେଦ୍ତେ ଦୁକୁ ନାମ୍କେଦ୍ ହରାତେ, ଇନିଃ ବିନିଡ଼ାଅରେ ଉୟୁଗାକାନ୍ ହଡ଼କକେ ଦେଙ୍ଗା ଦାଡ଼ିୟା ।

୩

ୟାଶୁ ମୁଣାଏତେ ମାରାଙ୍ଗ୍

୧ ହେ ଖ୍ରୀଷ୍ଟ୍ରେ ପାତିୟାର୍ରେଃ ଲେକାନ୍ ପାବିତାର୍ ହାଗା ମିଗିକ, ଆପେୟଗି ପାର୍ମେଶ୍ଵାର୍ତେ କେଡ଼ାକାନ୍କଥାଃ ହିସାରେନ୍ ହଡ଼କ ତାନ୍ପେ ! ଆପେ ଯାଶୁଆଃ ବିଷାଏରେ ଉଡ଼ୁଏପେ, ଇନିଃ ଆବୁଆଃ ଧାରାମ୍ ବିଶ୍ଵାସ୍ରେୟାଃ ମାରାଙ୍ଗ୍ ଯାଜାକ୍ ହବାଃଅ ନାଗେନ୍ତେ ପାର୍ମେଶ୍ଵାର୍ଆଃ ହରାତେ କୁଲ୍ଲାନା । ୨ ମୁଣା ପାର୍ମେଶ୍ଵାର୍ଆଃ ଅଡ଼ାଃରେ ପାତିୟାର୍ରେଃ ଲେକାଏ କାମିକେଦା, ଏନ୍ଲେକାଗି, ପାର୍ମେଶ୍ଵାର୍ଆଃ ସାଲାକାନ୍ ଯାଶୁ ନେ କାମି ନାଗେନ୍ତେ ପାର୍ମେଶ୍ଵାର୍ଆଃ ନାଙ୍ଗ୍ ପାତିୟାର୍ରେଃ ଲେକାଏ କାମିକେଦା । ୩ ଅଡ଼ାଏତେ ଅଡ଼ାଃ ବାବାଇନିଃକେ ପୁରାଃ ମାଇନ୍ ଏମଃଆ । ଏନ୍ଲେକାଗି ମୁଣାଏତେ ଯାଶୁ ପୁରାଃଗି ମାଇନ୍ ନାମେ ଲେକାଏ ହବାକାନା । ୪ ସବେନ୍ ଅଡ଼ାଃକେ ଜେତାଏ ମିହୁଡ଼୍ ବାଇୟାକାଦାଏ, ମେନ୍ଦ ପାର୍ମେଶ୍ଵାର୍ ସବେନାଃରେୟାଃ ବାବାଇନିଃ ତାନିଃ । ୫ ଦାସି ଲେକା ମୁଣା ପାର୍ମେଶ୍ଵାର୍ଆଃ ଅଡ଼ାଃରେ ପାତିୟାର୍ରେଃ ଲେକାଏ କାମିକେଦା ଆଡ଼ଃ ଆୟାଃ କାମି ପାର୍ମେଶ୍ଵାର୍ ହିଜୁଃ ଦିପିଲିରେ ଉଦୁବ୍ ନାଗେନ୍ତେ ମନେକାଦ୍ ତାଇକେନ୍ ବିଷାଏ ନାମୁନା ଲେକା ତାଇକେନା । ୬ ମେନ୍ଦ ପାର୍ମେଶ୍ଵାର୍ଆଃ ଅଡ଼ାଃରେ ଖ୍ରୀଷ୍ଟ୍ ହନ୍ ଲେକା ପାତିୟାର୍ରେଃ ଲେକାନ୍ ଗୁସିୟାଁ ତାନିଃ । ଆବୁ ଜୀଉରେ କେଟେଦ୍କେଦ୍ତେ ଆସ୍ତାକାଦ୍ତେୟାଃ ନାମେୟାଁବୁ ମେନ୍ତେ ପୁରା ପକ୍ତାକେଦ୍ତେବୁ ତାଇନଃରେଦ୍, ଆବୁ ଆୟାଃ ଅଡ଼ାଃ ତାନ୍ବୁ ।

ପାର୍ମେଶ୍ଵାର୍ଆଃ ହଡ଼କ ନାଗେନ୍ତେ ରୁଡ଼ୁ

୭ ଏନାତେ ପାବିତାର ଆମ୍ବା ନେ'ଲେକାଏ କାଜିୟା,
 “ତିସିଙ୍ଗ ଆପେ ପାରମେଶ୍ୱାର୍ ଆଃ କାଜିପେ ଆୟୁମେରେଦ,
 ଠ ଆପେୟାଃ ପୁରୁଖା ହାଡ଼ାମ୍ବକଆଃ ଲେକା ମନ୍ସୁରୁଦକେ ଆଲପେ କେଟେଜେୟା ।
 ଇନ୍କୁ ଏନ୍ ହୁଲାଙ୍ଗ ବିରରେ ପାରମେଶ୍ୱାରକେକ ବିଡ଼ାଅକିୟା
 ଆଡ଼ଃ ଆୟାଃ ବିରୁଧରେ ଏପେରାଙ୍ଗକେନାକ ।

୯ ପାରମେଶ୍ୱାର କାଜିୟାଃଏ, ଏନ୍ ବିରରେ ଆପେୟାଃ ପୁରୁଖା ହାଡ଼ାମ୍ବ ଆଇୟାଃ ପେଡ଼େଃ ଆଡ଼ଃ
 ଧୁରାଜ୍ତାଲୟାଃକେକ ବିଡ଼ାଅକେଦା,
 ଆଡ଼ଃ ବାର ହିସି ବାରାଷ୍ ଜାକେଦ୍ ଆଇଙ୍ଗ କାମିକେଦ୍ତେୟାଃକ ନେଲକେଦା ।

୧୦ ଏନାତେ ଆଇଙ୍ଗ ଇନ୍କୁଆଃ ରେତାନ୍ରେ ଖ୍ୱକେଦ୍ତେ କାଜିକେଦାଇଙ୍ଗ,
 ‘ଇନ୍କୁଆଃ ମନ୍ସୁରୁଦକ ସବେନ୍ ଇମ୍ତା ଏଡ଼କାନ୍ ହରାତେ ସେନଃତାନା, ଆଡ଼ଃ ଆଇୟାଃ ହରା
 କାକ ସାରିୟାଃ,
 ଆଡ଼ଃ ଆଇୟାଃ ଆନାରୁ ମାନାଡ଼ିଙ୍ଗ ନାଗେନ୍ତେ କା ସାନାଙ୍ଗତାନ୍ ହଡ଼କ ତାନ୍କ ।’

୧୧ ଆଇଙ୍ଗ ଖ୍ୱକେତେ କିରିୟାକେଦାଇଙ୍ଗ :
 ଆଇଙ୍ଗ ଇନ୍କୁକେ ଅକନ୍ ଦିଶ୍ୱମ୍ରେ ରୁଡ଼ନ୍ ନାଗେନ୍ତେଇଙ୍ଗ ଏମାକାକତେୟାଃ, ଇନ୍କୁ ଏନ୍
 ଦିଶ୍ୱମ୍ରେ ଜେତାଲେକାତେ କାକ ବଲ ଦାଡ଼ିୟା ।”

୧୨ ହେ ବିଶ୍ୱାସୀ ହାଗା ମିଶିକ, ଚିର୍ଗାଲାନାପେ, ଆପେକଏତେ ଜେତାଏୟାଃ ମନ୍ସୁରୁଦ୍ ପାପରେ
 ଆଡ଼ଃ କା ବିଶ୍ୱାସରେ ପେରେଃକେଦ୍ତେ ଜାନିଦ୍ ପାରମେଶ୍ୱାରତାଃଏତେ ଆଲକା ସାଜିନଃକା ।
 ୧୩ ମେନ୍ଦ, ଆପେକଏତେ ଜେତାଏ ପାପରେ ବେଦାକେଦ୍ତେ କେଟେଦ୍ ମନ୍ସୁରୁଦ୍ ଆଲକାଏ
 ହବାଅଃକା, ଏନାମେନ୍ତେ ମିହୁଡ୍ ଆଡ଼ଃମିହୁଡ୍ତକେ ସବେନ୍ ହୁଲାଙ୍ଗ ଜୀଉରେ ରାସକା ଏମ୍କେଦ୍ତେ
 ଦେଙ୍ଗାଲକାଏ । ଆଡ଼ଃ ଧାରାମ୍ ପୁଅରେ “ତିସିଙ୍ଗ” ମେନ୍ତେ ଅଲାନାନ୍ ଲାବ୍ଜା ଆବୁ ନାଗେନ୍ତେ
 ଲାଗାଡ଼ିଙ୍ଗ ହବାଅଃ ଜାକେଦ୍ ଏନା କାମିକାଦ୍ତେପେ । ୧୪ ଚିୟାଃତି ଆବୁ ଚୁଣ୍ଡୁଜାକେଦ୍ ଆବୁଆଃ
 ଏନେଟେଦ୍ ବିଶ୍ୱାସରେ କେଟେଦ୍କେଦ୍ତେବୁ ତାଇନଃରେଦ, ଆବୁ ସବେନ୍କ ଶ୍ରୀଷ୍ଟିଆଃ ହିସାରେବୁ
 ତାଇନ୍ ଦାଡ଼ିୟାଆ ।

୧୫ ଧାରାମ୍ ପୁଅରେ ଅଲାନାନା,
 “ତିସିଙ୍ଗ ଆପେ ପାରମେଶ୍ୱାର୍ ଆଃ ବାଚାନ୍ପେ ଆୟୁମେରେଦ,
 ଆପେୟାଃ ପୁରୁଖା ହାଡ଼ାମ୍ବକଆଃ ମନ୍ସୁରୁଦ୍ କେଟେଦ୍କେଦ୍ତେ ପାରମେଶ୍ୱାର୍ ଆଃ ବିରୁଧରେ
 ଏପ୍ପରାଙ୍ଗକେନାକ,
 ଏନ୍ଲେକା ଆପେ ଆଲପେ ରିକାୟା ।”

୧୬ ପାରମେଶ୍ୱାର୍ ଆଃ ବାଚାନ୍ ଆୟୁମ୍କେଦ୍ରେୟ ଅକନ୍କ ପାରମେଶ୍ୱାର୍ ଆଃ ବିରୁଧରେ
 ଏପ୍ପରାଙ୍ଗକେନାକ, ଇନ୍କୁ ଅକନ୍କ ତାନ୍କ ? ମୁଣା ନାବୀ ମିସାର୍ ଦିଶ୍ୱମ୍ରେ ସୁତୁଃ ଆଉକାଦ୍କ
 ତାଇକେନାଏ, ଇନ୍କୁ ଚିନାଃ ନାହାଁଲକତି ? ୧୭ ବାର୍ହିସି ବାରାଷ୍ ଜାକେଦ୍ ଅକନ୍ ପାରମେଶ୍ୱାର୍
 ଖ୍ୱକାନ୍ ତାଇକେନାଏ, ଇନ୍କୁ ଅକନ୍କ ତାନ୍କ ? ପାପକାମିକେଦ୍ ହରାତେ ଗଏଃୟାନ୍କ ଆଡ଼ଃ
 ବିରରେ ଉୟୁଗାକାନ୍ ତାଇକେନାକ, ଇନ୍କୁ ଚିନାଃ ନାହାଁଲକତି ? ୧୮ ପାରମେଶ୍ୱାର୍ କିରିୟାକେଦ୍ତେ
 ବାନାର୍ସାକାଦ୍ ତାଇକେନା, ଇନ୍କୁ ଆୟାଃ ବାନାର୍ସା ଏମାକାଦ୍ ରୁଡ଼ନ୍ରେୟାଃ ଦିଶ୍ୱମ୍ରେ ଚିଉଲ୍ଲଅ
 କାକ ବଲଦାଡ଼ିୟା, ଇମ୍ତା ଇନିଃ ଅକନ୍କଆଃ ବିଷାଏରେ କାଜିକାଦ୍ ତାଇକେନା ? ଅକନ୍କ
 ଏପ୍ପରାଙ୍ଗକେନାକ ଇନ୍କୁଆଃ ବିଷାଏରେ ଏନା କାଜିକାଦ୍ ତାଇକେନା । ୧୯ ତାଦ୍, ଆବୁ ନେଲେତାନାରୁ,
 ଇନ୍କୁ ଆକଆଃ କା ବିଶ୍ୱାସ୍ ହରାତେ ପାରମେଶ୍ୱାର୍ ବାନାର୍ସାକାଦ୍ ରୁଡ଼ନ୍ରେୟାଃ ଦିଶ୍ୱମ୍ କିନାନ୍ରେ
 କାକ ବଲ ଦାଡ଼ିୟାନା ।

୪

୧ ଆବୁକେ ଅକନ୍ ରୁଡ଼ନ୍ ଏମଃଆ ମେନ୍ତେ ପାରମେଶ୍ୱାର୍ କାଜିକାଦ୍ ତାଇକେନାଏ, ଏନା ଆବୁ ନାମ୍
 ଦାଡ଼ିୟାରୁ ମେନ୍ତେ ପାରମେଶ୍ୱାର୍ ବାନାର୍ସା ଏମାକାଦାଏ । ଏନ୍ ବାନାର୍ସା ଏମାକାନ୍ ରୁଡ଼ନ୍ଏତେ
 ଜେ'ଲେକା ଜେତାଏ ଆଲକାକ ବାରିୟାକା, ଏନାମେନ୍ତେ ଚିର୍ଗାଲାନାନ୍ ତାଇନ୍ପେ । ୨ ଚିୟାଃତି ଇନ୍କୁଆଃ
 ଲେକା ଆବୁହଗି ସୁକୁକାଜିରୁ ଆୟୁମ୍କାଦା । ଇନ୍କୁ ଏନାକେ ଆୟୁମ୍କେଦ୍ରେୟ ପାଡ଼ିୟାର୍ତେ କାକ
 ତେଲକେଦା । ଏନାମେନ୍ତେ ଇନ୍କୁଆଃ ନାଙ୍ଗ୍ ବୁଗିନାଃ ଲେକା କା ହବାୟାନା । ୩ ମେନ୍ଦ ଆବୁକଏତେ
 ଅକନ୍କ ବିଶ୍ୱାସେୟା, ଇନ୍କୁଗି ପାରମେଶ୍ୱାର୍ ଏମାକାଦ୍ ବାନାର୍ସା ଲେକାତେ ରୁଡ଼ନ୍କ ନାମେୟା,
 ଚିୟାଃତି ପାରମେଶ୍ୱାର୍ କାଜିକାଦାଏ,
 “ଆଇଙ୍ଗ ଖ୍ୱକେଦ୍ତେ କିରିୟାକେଦାଇଙ୍ଗ,

‘ଆଇଙ୍ଗ୍ ରୁଡ଼ନୁ ଏମାକ ଦିଶୁମରେ ଇନ୍କୁ ଚିତ୍ତଲାଅ କାକ ବଲଥା ।’ ”
 ନେ ରୁଡ଼ନୁତେୟାଃ ଅତେଦିଶୁମ୍ରେୟାଃ ମୁନ୍ନୁଏତେ ପାର୍ମେଶ୍ଵାର୍ଥାଃ କାମି ପୁରାକାନ୍ରେୟ ପାର୍ମେଶ୍ଵାର୍
 ନେ କାଜି କାଜିକାଦ୍ ତାଇକେନା । ୪ ଧାରାମ୍ପୁଥ୍ରେ ଅଲ୍ଲାନା, “ଏୟା ହୁଲାଙ୍ଗ୍” ବିଷାଏରେ, ନେ’ଲେକା
 ଅଲ୍ଲାନା, “ପାର୍ମେଶ୍ଵାର୍ ଆୟାଃ ସବେନ୍ କାମି ଚାବାକେଦ୍ତେ ଏୟା ହୁଲାଙ୍ଗ୍ରେ ରୁଡ଼ୟାନା ।”
 ୫ ଆତଃ ନେ ବିଷାଏରେ ଏଟାଃତାଃରେ ଆତଃଗି ଅଲ୍ଲାନା, ପାର୍ମେଶ୍ଵାର୍ କାଜିକେଦାଏ, “ଆଇଙ୍ଗ୍ ରୁଡ଼ନୁ
 ଏମାକ ଦିଶୁମରେ ଇନ୍କୁ ଚିତ୍ତଲାଅ କାକ ବଲ ଦାଡ଼ିୟା । ୬ ଅକନ୍କ ସିଦାତେ ସୁକୁକାଜି ଆୟୁମାକାଦ୍
 ତାଇକେନାକ, ଇନ୍କୁ ଆକଥାଃ କା ପାତିୟାର୍ ହରାତେ ପାର୍ମେଶ୍ଵାର୍ଥାଃ ଏନ୍ ରୁଡ଼ନୁ କାକ ନାମ୍
 ଦାଡ଼ିକେଦା । ନାହାଁଃ ଏଟାଃ ହଡ଼କ ଏନ୍ ରୁଡ଼ନୁ ନାମେ ନାଗେନ୍ତେ ସୁଯୋଗ୍ କ ନାମେତାନା, ୭ ଚିୟାଃଚି
 ଇନ୍କୁଥାଃ ନାଗେନ୍ତେ ପାର୍ମେଶ୍ଵାର୍ ଏଟାଃ ମିଆଁଦ୍ ହୁଲାଙ୍ଗ୍କେ ସାଲ୍ଲକାଦା ଆତଃ ଏନା ହାବାଅଃତାନା
 ‘ତିସିଙ୍ଗ୍’ । ନେଆଁକେ ପୁରାଃ ଦିପିଲି ସିଦାରେ ପାର୍ମେଶ୍ଵାର୍, ଦାଉଦ୍ ରାଜାରାଃ ହରାତେ ନେ ବିଷାଏକ
 କାଜିକାଦା,

‘ତିସିଙ୍ଗ୍ ଆପେ ପାର୍ମେଶ୍ଵାର୍ଥାଃ କାଜିପେ ଆୟୁମେରେଦ,
 ମନ୍ସୁରୁଦ୍ ଆଲ୍ପେ କେଟେକେୟା ।’ ”

୮ ଚିୟାଃଚି ଯିହୋଶୁୟ ହଡ଼କକେ ପାର୍ମେଶ୍ଵାର୍ଥାଃ ବାନାରସାକାଦ୍ ରୁଡ଼ନୁ ଏମାକତେୟାଃଏ ରେଦ,
 ପାର୍ମେଶ୍ଵାର୍ ତାୟମ୍ତେ ଏଟାଃ ମିଆଁଦ୍ ରୁଡ଼ନୁ କାଜି କାଏ କାଜିକାତେତେୟାଃ । ୯ ଏନାତେ, ନେଆଁ
 ଆଟ୍‌କାରତାନା, ଏୟା ହୁଲାଙ୍ଗ୍ରେ ପାର୍ମେଶ୍ଵାର୍ ରୁଡ଼ୟାନାଏ, ଏନ୍‌ଲେକାଗି, ପାର୍ମେଶ୍ଵାର୍ ଆୟାଃ
 ହଡ଼କଥାଃ ନାଗେନ୍ତେ ବିଶେଷ୍ ରୁଡ଼ନୁ ଦହାକାଦାଏ । ୧୦ ପାର୍ମେଶ୍ଵାର୍ ଆୟାଃ କାମିଏତେ ରୁଡ଼ୟାନ୍
 ଲେକାଗି, ଜେତାଏ ଆୟାଃ ଏମାକାଦ୍ ରୁଡ଼ନୁରେ ବଲକାନା, ଇନିଃ ଆପ୍‌ନାଃ କାମିଏତେ ରୁଡ଼ନୁ
 ନାମାକାଦାଏ । ୧୧ ଏନାତେ ଆବୁ ଏନ୍ ରୁଡ଼ନୁରେ ବଲ ନାଗେନ୍ତେ ପୁରାଃ ଚେଷ୍ଟାଏକାରୁ, ଜେ’ଲେକାତି
 ଆବୁଏତେ ଜେତାଏ ହଡ଼, ଏନ୍ କା ପାତିୟାର୍‌କେଦ୍ ହଡ଼କଥାଃ ନାମୁନା ଲେକା ଆଲ୍‌କାଏ ଉୟୁଗଃକା ।

୧୨ ଚିୟାଃଚି ପାର୍ମେଶ୍ଵାର୍ଥାଃ ବାଚାନ୍ ଜାନିଦ୍ ଆତଃ କାମିୟାତେୟାଃ ତାନାଃ ଆତଃ ବାରାନ୍‌ହରା
 ଲେସେରକାନ୍ ତାରାଉଡ଼ିଏତେ ପୁରାଃ ଲେସେରତେୟାଃ ତାନାଃ, ନେ ବାଚାନ୍‌ତେ ଜୀଉ ଆତଃ ଆମ୍ବା
 ମେସାନାଃ, ଜଡ଼େନ୍ ଜାଙ୍ଗ୍ରେ ଭେଦାଅଥାଃ, ଆତଃ ହଡ଼କଥାଃ ମନ୍ସୁରୁଦ୍ରେୟାଃ ଏଡ଼କାନ୍ ସାନାଙ୍ଗ୍
 ଆତଃ ଉଡ଼୍‌ରେୟାଃ ବିଚାର୍ ହବାଅଥା । ୧୩ ପାର୍ମେଶ୍ଵାର୍ତାଃଏତେ ଜେଡ଼ନାଃ କା ଉକୁ ଦାଡ଼ିୟଥା,
 ବାଇୟାକାନ୍‌ତେୟାଃ ସବେନାଃ ଇନିୟାଃ ସାମ୍‌ନାଙ୍ଗ୍ରେ କା ଉକୁଆକାନା ମେନ୍‌ଦ ଇନିୟାଃ ମେଦ୍
 ସାମ୍‌ନାଙ୍ଗ୍ରେ ନେଲଃତାନା । ଆତଃ ଏନ୍ ପାର୍ମେଶ୍ଵାର୍ଥାଃ ସାମ୍‌ନାଙ୍ଗ୍ରେ ଆବୁକେ ହିସାବ୍ ଏମ୍
 ଲାଗାତିଙ୍ଗ୍‌ୟାଃ ।

ୟାଶୁଗି ମାରାଙ୍ଗ୍ ଯାଜାକ୍

୧୪ ଏନାତେ, ସିମାସାଲିମ୍ ହରାତେ ସେନ୍ ସେଟେରକାନ୍ ପାର୍ମେଶ୍ଵାର୍ଥାଃ ହନ୍ ଯାଶୁଗି ଆବୁଥାଃ
 ମାରାଙ୍ଗ୍ ଯାଜାକ୍ ତାନିଃ, ଏନାତେ ଏଲା ହିଜୁଃପେ, ଆବୁ ଆବୁଥାଃ ବିଶ୍ଵାସ୍ରେ ପୁରାଃ କେଟେୟାନ୍‌ଗି
 ତାଇନ୍ ଲାଗାତିଙ୍ଗ୍‌ୟାଃ । ୧୫ ଚିୟାଃଚି ଇନିଃ ଆବୁଥାଃ ନାରାଦୁରା ଇମ୍‌ତା କାଏ ଆଟ୍‌କାରୁରୁମ୍ ଦାଡ଼ିୟା
 ଏନ୍‌ଲେକାନ୍ ମାରାଙ୍ଗ୍ ଯାଜାକ୍ ନାହାଁଲିଃ । ମେନ୍‌ଦ ଚିମିନ୍ ରାକାମ୍‌ରେୟାଃ ବିନିଡ଼ାଅରେ ଉୟୁଃକାନ୍
 ତାଇକେନ୍‌ରେୟ, ଇନିଃ କାଏ ପାପ୍‌କେଦା । ୧୬ ଏନାତେ ଆବୁ ଜୀଉ କେଟେଦ୍‌ତାନୁଲଃ ପାର୍ମେଶ୍ଵାର୍ଥାଃ
 ସାୟାଦ୍‌ରେୟାଃ ରାଜଗାଦି ହେପାଦ୍‌ତେବୁ ସେନା, ଏନ୍ତାରେ ଆବୁ ଆବୁଥାଃ ଦେଙ୍ଗା ନାମେ ନାଗେନ୍ତେ
 ଲାଗାତିଙ୍ଗ୍ ଦିପିଲିରେ ଦାୟା ଆତଃ ସାୟାଦ୍‌ବୁ ନାମେୟା ।



୧୭ ସବେନ୍ ମାରାଙ୍ଗ୍ ଯାଜାକ୍ ଆପାନ୍ ହଡ଼କତାଃଏତେ ସାଲ୍ଲକେଦ୍‌ତେ କାମିୟାଃ । ଇନିଃ
 ଇନ୍କୁଥାଃ ହରାତେ ପାପ୍ ଛାମାରେୟାଃ ଦାଣ୍ଟି ରାକାବେ ନାଗେନ୍ତେ ଆତଃ ଦାନ୍ ରାକାବେ ନାଗେନ୍ତେ
 ପାର୍ମେଶ୍ଵାର୍ଥାଃ ସେଞ୍ଜା କାମିୟାଃଏ । ୧୮ ଇନିଃ ଆଇଃକ୍‌ଗି ଚିମିନ୍ ରାକାମ୍‌ରାଃ ଗୁନ୍ତାଁ, କା ପେଡ଼େତେ
 ପେରେଜାକାନ୍ ହରାତେ, କା ସାରିକେଦ୍‌ତେ ଗୁନ୍ତାଁ କାମିକାଦ୍ ତଣ୍ଡୁ ହଡ଼କଥାଃ ନାଗେନ୍ତେ ଇନିଃ
 ଲିରୁୟାନ୍‌ନିଃ ତାନିଃ । ୧୯ ଆତଃ ଇନିଃ ଏଟାଃକଥାଃ ପାପ୍ ନାଗେନ୍ତେ ଏସ୍‌କାର୍ ଦାଣ୍ଟି ରାକାବାଃଏ ମେନ୍ତେଦ୍
 କାହା ମେନ୍‌ଦ ଆୟାଃ ଆପାନାଃ ପାପ୍ ନାଗେନ୍ତେୟ ଇନିଃକେ ଦାଣ୍ଟିରାକାଦ୍ ଲାଗାତିଙ୍ଗ୍‌ୟାଃ । ୨୦ ଜେତାଏ
 ଆପାନକେଗି ମାରାଙ୍ଗ୍ ଯାଜାକ୍ ସାଲ୍ଲକେଦ୍‌ତେ ଆପାନାଃ ମାଇନ୍ କାଏ ରିକାଦାଡ଼ିୟା । ହାରୁନ୍‌ଥାଃ ଲେକା
 ପାର୍ମେଶ୍ଵାର୍ଥାଃ ହରାତେ କେଡ଼ାକାନ୍‌ନିଃ ଏସ୍‌କାର୍ ମାରାଙ୍ଗ୍ ଯାଜାକ୍ ହବା ଦାଡ଼ିୟଥାଏ ।

୨୧ ଏନ୍‌ଲେକାଗି ମାରାଙ୍ଗ୍ ଯାଜାକ୍‌ରେୟାଃ ମାଇନାନ୍ ନାମେ ନାଗେନ୍ତେ ଶ୍ରୀଷ୍ଟ ଆଇଃକ୍‌ଗି ଆଇଃକ୍‌କେ
 କାଏ ସାଲ୍ଲା । ମେନ୍‌ଦ ପାର୍ମେଶ୍ଵାର୍ ଇନିଃକେ ସାଲ୍ଲକେଦ୍‌ତେ କାଜିକିୟା,

“ଆମ୍ଭ ଆଇଁୟାଃ ହନ୍,

ତିସିଙ୍ଗ୍ ଆଇଙ୍ଗ୍ ଆମାଃ ଆପୁ ହବାୟାନାଇଙ୍ଗ୍ ।”

୨ ଆତଃ ଇନିଃ ନେଆଁହ୍ କାଜିକାଦାଏ, “ଆମ୍ଭ ଯାଜାକ୍ କାମିରେ ମଲ୍ଲକିସେଦକ୍ଆଃ ଆକ୍ତେୟାର୍ନିଃ ଲେକା ଜାନାଅ ଜାନାଅରେନ୍ ଯାଜାକ୍ ତାନମେ ।”

୩ *ଅକନ୍ ପାର୍ମେଶ୍ୱାର୍ ଇନିଃକେ ଗନଏଃଏତେ ବାଞ୍ଛାଅ ଦାଡ଼ିୟାଏ, ଇନିଃତାଃରେ ଯାଶୁ ନେ ଅତେଦିଶୁମ୍ରେୟାଃ ଜାଞ୍ଜନ୍ରେ ପୁରାଃ ରାନାଃତାନଲଃ ମେଦ୍ ଦାଆଃ ଚିପାଃକେଦ୍ତେ ବିନ୍ତିକେଦା । ଇନିଃ ଲେବେଃ ଆତଃ ସାଧୁ ହଡ୍ ହବାକାନ୍ ହରାତେ ପାର୍ମେଶ୍ୱାର୍ ଆୟାଃ ବିନ୍ତି ଆୟୁମ୍କେଦା । ି ଇନିଃ ପାର୍ମେଶ୍ୱାର୍ଆଃ ହନ୍ ତାଇକେନ୍ରେୟ, ଦୁକୁ ସାହାତିଙ୍ଗ୍କେଦ୍ତେ କାଜି ମାନାତିଙ୍ଗ୍ତେୟାଃ ଇତୁୟାନାଏ । ି ନେ'ଲେକା ପାର୍ମେଶ୍ୱାର୍ ଇନିଃକେ ମିଆଁଦ୍ ପକ୍ତାକାନ୍ ମାରାଙ୍ଗ୍ ଯାଜାକ୍ ଲେକା ହବା ଦାଡ଼ିୟାଆଏ ମେନ୍ତେ କାଜିକେଦାଏ, ଆତଃ ଇନିଃ ଆୟାଃ ମାନାତିଙ୍ଗ୍ତାନ୍ ସବେନ୍କଆଃ ନାଗେନ୍ତେ ଜାନାଅ ଜାତ ବାଞ୍ଛାଅରେୟାଃ ଏନେଟେଦ୍ ଠାୟାଦ୍ ହବାୟାନାଏ । ୧୦ ଆତଃ ଇନିଃ ମଲ୍ଲକିସେଦକ୍ଆଃ ଆକ୍ତେୟାର୍ନିଃ ଲେକା ମାରାଙ୍ଗ୍ ଯାଜାକ୍ ହବାୟାନାଏ ମେନ୍ତେ ପାର୍ମେଶ୍ୱାର୍ ଉଦୁବ୍କେଦାଏ ।

ପାତିୟାର୍ ଆଦେରେୟାଃ ଦାସା

୧୧ ନେ ବିଷାଏରେ ଆଲେୟାଃ ପୁରାଃଗି କାଜି ମେନାଃ, ଏନା କାଜି ନାଗେନ୍ତେଲେ ସାନାଙ୍ଗ୍ତାନା । ମେନ୍ଦ୍ ଆପେକେ ଉଦୁବ୍ ନାଗେନ୍ତେ ହାୟାଲ୍ଗିୟା, ଚିଆଃଚି ଆପେୟାଃ ଆମ୍ବିକ୍ ଜାଞ୍ଜନ୍ରେ ଆୟୁମ୍ ଆତଃ ଆଟ୍ଟକାର୍ତ୍ତରୁମ୍ ନାଗେନ୍ତେ କାପେ ଚିହୁଲ୍ଲାନା । ୧୨ *ଆପେ ଏଟାଃକକେ ଇତୁରେୟାଃ ଦିପିଲି ସେଟେରାକାନ୍ରେୟ, ପାର୍ମେଶ୍ୱାର୍ଆଃ ବାଚାନ୍ରେୟାଃ ଏନେଟେଦ୍ ଇନିତୁକେ, ଆପେକେ ଇତୁ ନାଗେନ୍ତେ ଇତୁନିଃ ଲାଗାତିଙ୍ଗ୍ ହବାଅଃତାନା । ଆପେ କେଟେଦ୍ ଜମେୟାଃ ବାଦ୍ଲରେ ନାହାଁଃ ଜାକେଦ୍ ତଆପେ ନୁଁ ତାନା । ୧୩ ଜେତାଏ ତଆ ନୁଁ ତାନିଃ, ସିଟିଆ ହନ୍ ଲେକାନ୍ନିଃ ତାନିଃ । ବୁଗିନାଃ ଆତଃ ଏଡ୍‌କାନାଃ ବିଷାଏରେ ଆୟାଃ ସେଣାଁ ବାନଃଆ । ୧୪ ମେନ୍ଦ୍ କେଟେଦ୍ ଜମେୟାଃ, ହାରା ଦାଡ଼ିକାନ୍ ହଡ୍‌କ ନାଗେନ୍ତେ ତାନାଃ, ଇନ୍‌କୁ ହାରା ଦାଡ଼ିୟାନ୍ ହରାତେ ବୁଗିନାଃ ଆତଃ ଏଡ୍‌କାନାଃ ଆଟ୍ଟକାର୍ ଉରୁମ୍ ଦାଡ଼ିୟାକ ।



୧ ଏନାତେ ଆବୁ ଖୀଷ୍ ଧାରାମ୍ ବିଷାଏରେୟାଃ ଏନେଟେଦ୍ ଇନିତୁ ବାଗିକେଦ୍ତେ ଆମ୍ବାରେ ହାରାଇଦିୟାଃ ଲେକାନ୍ ପକ୍ତାନ୍ ଇନିତୁରେ ଇତୁନ୍ ଲାଗାତିଙ୍ଗ୍ୟାଃ । ଆବୁ ଧାରାମ୍ ବିଶ୍ୱାସ୍ରେୟାଃ ଏନେଟେଦ୍ ଇନିତୁ ଅକ୍ନାଃଚି, ସାମାକାଜି କାମିକଏତେ ରୁହାଡ୍‌ତାନଲଃ ପାର୍ମେଶ୍ୱାର୍ତାଃରେ ବିଶ୍ୱାସ୍, ୨ ବାପ୍ତିସ୍ତା ବିଷାଏରେୟାଃ ଇନିତୁ, ବାରାନ୍ ତିଃଇ ଜିଲିଙ୍ଗ୍, ଗନଏଃ ହଡ୍‌କଆଃ ଜାତବିନିରିଦ୍ ଆତଃ ଜାନାଅ ଜାନାଅରେୟାଃ ସାଜାଇ, ନେ ସବେନାଃରେୟାଃ ଇତୁ ନାଙ୍ଗ୍ ଆତଃମିସା ନିହଁଗାତା ବାଇ କା ଲାଗାତିଙ୍ଗ୍ୟାଃ । ୩ ଆବୁ ଆୟାଃରେ ସେନ୍ ଇଦିନାଃବୁ ! ଆତଃ ପାର୍ମେଶ୍ୱାର୍ ଆବୁକେ ଆବୁବୁରେଦ୍, ଆବୁ ନେଆଁବୁ କାମିୟା ।

୪ ଅକନ୍‌କ ଆକଆଃ ବିଶ୍ୱାସ୍‌କ ଆଦାକାଦା, ଇନ୍‌କୁ ହେୟାତିଙ୍ଗ୍କେଦ୍ତେ ଆତଃମିସାକ ରୁହାଡ୍ ଦାଡ଼ିୟାଚି ? ଇନ୍‌କୁ ମିସା ପାର୍ମେଶ୍ୱାର୍ଆଃ ମାର୍ସାଲ୍ରେ ତାଇନଃ ତାଇକେନାକ, ସିର୍ମାରେୟାଃ ବାର୍ଦାନ୍ ରାଖାଅକାଦାକ ଆତଃ ପାବିତାର୍ ଆମ୍ବାରାଃ ହିସାଦାର୍ ହବାକାନାକ, ୫ ଇନ୍‌କୁ ପାର୍ମେଶ୍ୱାର୍ଆଃ ବୁଗିନ୍ ବାଚାନ୍‌କେ ଆତଃ ହିଜୁଃ ଦିପିଲିରେୟାଃ ପେଡେଃକେ ଆଟ୍ଟକାର୍ ଉରୁମ୍‌କାଦାକ । ୬ ଏନ୍ରେୟ ଇନ୍‌କୁ ଆକଆଃ ବିଶ୍ୱାସ୍‌କେ ଆଦାକାଦାକ । ଏନାତେ ଆତଃମିସା ହେୟାତିଙ୍ଗ୍କେଦ୍ତେ ରୁହାଡ୍‌ତେୟାଃ ଇନ୍‌କୁ ନାଗେନ୍ତେ କା ହବାସାକଆଆଃ, ଚିୟାଃଚି ଇନ୍‌କୁ ଆକଆଃ ଜିୟନଃ ନାଗେନ୍ତେ ପାର୍ମେଶ୍ୱାର୍ଆଃ ହନ୍‌କେ ଆତଃମିସା କୁଗ୍ରେ କିଲ୍ଲାକେଦ୍ତେ ହଡ୍ ଆଲ୍ରେ ଚିହୁଗିତାନାକ ।

୭ ଅକ୍ ଅତେରେ ସବେନ୍ ଇମ୍ତା ଗାମା ଦାଆଃ ଉୟୁଃକେଦ୍ତେ ବେଭାରେ ଲେକାନ୍ ହିତାକଏ ଅମନେଆଁ, ଏନ୍ ଅତେରେ ପାର୍ମେଶ୍ୱାର୍ଆଃ ଆଗିଷ୍ ମେନାଃ । ି ମେନ୍ଦ୍ ଏନ୍ ଅତେ ଜାନୁମ୍ ଦାରୁ ଆତଃ ଚୁଲିତାସାଦ୍ ଅମନେରେଦ୍, ଏନାରେୟାଃ ଜେତାନ୍ ଗନଙ୍ଗ୍ କା ତାଇନାଃ, ଏନା ପାର୍ମେଶ୍ୱାର୍ ସାର୍ପାଅକାଦ୍ ଲେକାନାଃ ହବାଅଃଆ ଆତଃ ସେଙ୍ଗେଲ୍ତେ ଜିୟନଃଆ ।

୮ ହେ ଦୁଲ୍ଲାଡ୍‌କ, ଆଲେ ଆପେକେ ନେ'ଲେକା କାଜିଲେରେୟ, ଆପେ ଆପେୟାଃ ଜାତ ବାଞ୍ଛାଅ ନାମେ ନାଗେନ୍ତେ ଆଗିଷ୍ ନାମେ ଲେକାପେ ହବାକାନା, ମେନ୍ତେ ଆପେୟାଃ ଚେତାନ୍ରେ ଆଲେୟାଃ ବିଶ୍ୱାସ୍ ମେନାଃ । ୧୦ ପାର୍ମେଶ୍ୱାର୍ କା ଧାର୍ମାନ୍ନିଃ ନାହାଁଲିଃ । ଇନିଃ ଆପେୟାଃ କାମିକ, ବିଶେଷ୍‌କେଦ୍ତେ ପାବିତାର୍ ହଡ୍‌କକେ ଦେଙ୍ଗା ଆତଃ ନାହାଁଃ ଜାକେଦ୍ ସୁସାର୍‌କତାନ୍ ହରାତେ ପାର୍ମେଶ୍ୱାର୍ଆଃ ନୁତୁମ୍

☆ ୫:୭ ୫:୭ ମାଥୁର ୨୨:୩୭-୪୨; ମାର୍କ ୧୪:୩୨-୪୨; ଲୁକ ୨୨:୩୯-୪୨. ☆ ୫:୧୨ ୫:୧୨ ୧ କରିନ୍ଥ୍‌ୟ ୩:୨.

ନାଙ୍କୁ ଆପେ ଅକନ୍ ଦୁଲ୍ଲାତ୍ ଉଦ୍ଭବକାଦାପେ, ଏନା ଇନିଃ କାଏ ରିଡ଼ିଙ୍ଗ୍ ଯେଥା । ୧୧ ମେନ୍ଦ ଆଲେୟାଃ ଇଛାସାନାଙ୍କୁ ନେଥାଁ ତାନାଃ, ତୁଣ୍ଡୁ ଦ୍ଵିପିଲି ଜାକେଦ୍ ଏଟାଃକ ନାଗେନ୍ତେ ଆପେୟାଃ ଦୁଲ୍ଲାତ୍ ସବେନ୍ ଇମ୍ତା ତାଇନକା । ଏନାରେ ଆପେୟାଃ ଆସ୍ତ୍ରାକାଦ୍ ସବେନାଃ ପୁରାଅଃଆ । ୧୨ ଆପେ କୁଢ଼ି ହବାଅଃପେ ମେନ୍ତେ ଆଲେ କାଲେ ସାନାଙ୍ଗତାନା, ମେନ୍ଦ ବିଶ୍ଵାସରେ ପକ୍ତକାନକକେ ଆତଃ ଧୂରାନ୍ଦରେ ତାଇନତାନ ହଡ଼କକେ ଅତଙ୍ଗକପେ, ଆତଃ ପାର୍ମେଶ୍ଵାର୍ ବାନାର୍ସା ଏମାକାଦ୍ ସବେନ୍ ବିଷାଏ ନାମେପେ ।

ପାର୍ମେଶ୍ଵାର୍ ଆଃ ବାନାର୍ସା କା ବାଦ୍ଲୀଅଃଆ

୧୩ ପାର୍ମେଶ୍ଵାର୍ ଆବ୍ରାହାମକେ ବାନାର୍ସା ଏମ୍କିଃ ଇମ୍ତା, ପାର୍ମେଶ୍ଵାର୍ ଇନିଃକେ ଏମାକାଇ ବାନାର୍ସାକେ ପୁରାଏୟା ମେନ୍ତେ କିରିୟାକେଦା । ଆୟାଃତାଃଏତେ ଜେତାଏ ମାରାଙ୍ଗ୍ କା ତାଇନ୍ ହରାତେ ଇନିଃ ଆୟାଃ ନୁତୁମ୍ତେ କିରିୟାକେଦା । ୧୪ ଇନିଃ କାଜିକେଦାଏ, “ଆଇଙ୍ଗ୍ ଆମ୍ତେ ଆଶିଷ୍ମେୟାଇଙ୍ଗ୍, ଆମାଃ କିଲିକକେ ପୁରାଃଗିଇଙ୍ଗ୍ ପସାକଆ ।” ୧୫ ଆବ୍ରାହାମ୍ ଧୂରାନ୍ଦ୍ ସାବ୍କେଦ୍ତେ ତାଙ୍ଗିକେଦା । ଏନାତେ ଇନିଃ ପାର୍ମେଶ୍ଵାର୍ ଆଃ ବାନାର୍ସା ବିଷାଏ ସବେନାଃ ନାମ୍ତକେଦାଏ । ୧୬ ହଡ଼କ କିରିୟାଏ ଇମ୍ତା ଆୟାଃତାଃଏତେ ମାରାଙ୍ଗ୍ ହଡ଼ଆଃ ନୁତୁମ୍ତେ କିରିୟା ରିକାଃକ, ନେ'ଲେକା କିରିୟାକେଦ୍ ହରାତେ ସବେନ୍ କାପ୍ତଜିତେୟାଃ ହକାଅଃଆ । ୧୭ ପାର୍ମେଶ୍ଵାର୍ ଅକନ୍କକେ ଏନ୍ ସବେନାଃ ଏମାକଆଇଙ୍ଗ୍ ମେନ୍ତେ ବାନାର୍ସା ଏମାକାଦ୍ କଥାଏ, ଏନ୍ ଏମାକାଦ୍ ବାନାର୍ସାକେ ତିଉଲୀଅ କାଏ ବାଦ୍ଲୀଅ ଦାଡ଼ିୟା ମେନ୍ତେ ଇନ୍କୁକେ ବୁଗିଲେକା ଉଦ୍ଭବ ନାଗେନ୍ତେ ଇନିଃ ଆୟାଃ ବାନାର୍ସାଲଃ କିରିୟାକେହ୍ ମେସାକାଦାଏ । ୧୮ ଆୟାଃ ବାନାର୍ସା ଆତଃ କିରିୟା, ନେ ବାରାନାଃ କା ବାଦ୍ଲୀଅଃଆ, ଏନାକେ ବାଦ୍ଲୀଅକେଦ୍ତେ ପାର୍ମେଶ୍ଵାର୍ ହସଡ଼ କାଏ ହବାଅଃଆ । ଏନାତେ ଆୟାଃତାଃରେ ତାଇନତାନ ଆବୁ ସବେନ୍କ ସାମ୍ନାଙ୍ଗ୍ରେ ଅକନ୍ ଆସ୍ତ୍ରା ମେନାଃ ଏନାକେ ସାବ୍କେଟେଜେ ନାଗେନ୍ତେ ପୁରାଃଗି ଜୀଉରେ ରାସ୍କାବୁ ନାମାକାଦା । ୧୯ ନେ ଆସ୍ତ୍ରା ଆବୁଆଃ ଜୀଦାନରେ ଜାହାଙ୍ଗ୍ ଆଟ୍ କାଏତାନ ହାମ୍ବାଲ୍ ମେଡେଦ୍ ଲେକାନାଃ ତାନାଃ । ନେଥାଁ ଆସ୍ତ୍ରାଏ ଆତଃ ଭାର୍ସାଏ ଲେକନାଃ ତାନାଃ । ଏନା ସିମ୍ବିଦିଶ୍ଵମ୍ ମାନ୍ଦିର୍ ଅତାଃରେୟାଃ ହାନାଟିଙ୍ଗ୍ ଦାନାଙ୍ଗ୍ଲିଜାଃ ପାରମ୍ତକେଦ୍ତେ ମାରାଙ୍ଗ୍ ପାବିତାର୍ ଠାୟାଦ୍ରେ ସେଟେର୍ ଦାଡ଼ିକାନା । ୨୦ ଆବୁଆଃ ନାଗେନ୍ତେ ଯୀଶୁ ସିଦାରେ ଏନ୍ତାଃତେ ସେନ୍ ସେଟେର୍କାନା । ଇନିଃ ମଲ୍କିସେଦକ୍ ଆଃ ଆକ୍ତେୟାର୍ନିଃ ଲେକା ଜାନାଅ ଜାନାଅ ନାଗେନ୍ତେ ମାରାଙ୍ଗ୍ ଯାଜାକ୍ ହବାକାନାଏ ।



ଯାଜାକ୍ ମଲ୍କିସେଦକ୍

୧ ନେ ମଲ୍କିସେଦକ୍ ସାଲେମରାଃ ରାଜା ଆତଃ ସାଲାଙ୍ଗି ଉତାର୍ ପାର୍ମେଶ୍ଵାର୍ ଆଃ ଯାଜାକ୍ ତାଇକେନାଏ । ଆବ୍ରାହାମ୍ ଆୟାଃ ଗାତିକ ଉପୁନିୟା ରାଜାକକେ ଲାଡ଼ାଇରେ ହାରାଅକେଦ୍ତେ ରୁହାଡ଼ ତାଇକେନାକ ଇମ୍ତା, ମଲ୍କିସେଦକ୍ ଇନିଃଲଃ ନେପେଲ୍କେଦ୍ତେ ଇନିଃକେ ଆଶିଷ୍ମାକ ତାଇକେନାଏ । ୨ ଆତଃ ଆବ୍ରାହାମ୍ ଇନିଃକେ ଲାଡ଼ାଇହେତେ ନାମାକାଦ୍ ହିସାଏତେ ଗେଲ୍ ହିସା ଏମାକାଇ ତାଇକେନାଏ । ମଲ୍କିସେଦକ୍ ଆଃ ନୁତୁମ୍ତେୟାଃ ମୁଣ୍ଡି ହବାଅଃତାନା “ଧାରାମ୍ରେନ୍ ରାଜା,” ଇନିଃ ସାଲେମ୍ରେନ୍ ରାଜା ହବାକାନ୍ ହରାତେ ଆୟାଃ ନୁତୁମ୍ତେୟାଃ ଆତଃମିଆଦ୍ ମୁଣ୍ଡି ହବାଅଃତାନା “ଜୀଉସ୍ତୁକ୍ରେନ୍ ରାଜା” । ୩ ମଲ୍କିସେଦକ୍ ଆଃ ଏଙ୍ଗାଆପୁ ଚାଏ ପୁରୁଖା ହାଡ଼ାମ୍ କଥାଃ ଚାଏ ଆୟାଃ ଜାନାମ୍ ଆତଃ ଗନଏଃ ବିଷାଏରେ ଜେଡନାଃ କା ସାରିକାନା । ଇନିଃ ପାର୍ମେଶ୍ଵାର୍ ଆଃ ହନ୍ ଲେକା, ଆୟାଃ ଯାଜାକ୍ କାମି ଜୀଦାନରାଃ କା ତୁଣ୍ଡୁ ଜାକେଦ୍ ଜାନାଅ ଜାନାଅଗି ତାଇନା ।

୪ ଏନାତେ ଉଡ଼ୁଲେପେ, ଇନିଃ ତିମିନ୍ ମାରାଙ୍ଗ୍ ତାନିଃ । ଆବୁଆଃ ସାରିୟାକାନ୍ ପୁରୁଖା ହାଡ଼ାମ୍ ଆବ୍ରାହାମ୍ ଲାଡ଼ାଇହେତେ ଜିତାଅକାନ୍ ଖୁଜ୍ ରାଃ ମିଦ୍ ଗେଲ୍ ହିସା* ଇନିଃକେ ଏମାକାଇ ତାଇକେନା । ୫ ଲେବୀକଥାଃ କିଲିକ ଯାଜାକ୍ କାମିକ କାମିୟାଃ, ଇନ୍କୁ ଆନ୍ତୁରେୟାଃ କାଜିଲେକାତେ ଇସ୍ରାଏଲ୍ ହାଗାକତାଃଏତେ ଗେଲ୍ ହିସାକ ହାରମେୟା ମେନ୍ତେ ଆରୁକାନା । ଏନାତେ ଇସ୍ରାଏଲ୍ ହଡ଼କ ଆବ୍ରାହାମ୍ ଆଃ କିଲିକ ଆତଃ ଲେବୀକଥାଃ ଆପାନାଃ ହଡ଼କ ତାନକରେୟ, ଇନ୍କୁତାଃଏତେ ନେ'ଲେକା ଗେଲ୍ ହିସାକ ହାରମ୍ ତାଇକେନା । ୬ ମଲ୍କିସେଦକ୍ ଲେବୀ କିଲିରେନ୍ କାଏ ତାଇକେନ୍ରେୟ, ଇନିଃ ପାର୍ମେଶ୍ଵାର୍ ଆଃ ବାନାର୍ସା ନାମାକାଦ୍ ଆବ୍ରାହାମତାଃଏତେ ମିଦ୍ ଗେଲ୍ ହିସା ନାମ୍ତକେଦ୍ତେ ଇନିଃକେ ଆଶିଷ୍ମାକିୟା । ୭ ଆଶିଷ୍ ଏମ୍ ହଡ଼, ଆଶିଷ୍ ନାମେ ହଡ଼ତାଃଏତେ ପୁରାଃଗି ମାରାଙ୍ଗ୍ ଆଁ, ନେଥାଁରେ ଜେତାନ୍ ଆତାଃଉଡ଼ୁ ବାନଃଆ । ୮ ମିଦ୍ ଗେଲ୍ ହିସା ନାମେ ଯାଜାକ୍ କ, ମୁସିଙ୍ଗ୍ ହୁଲ୍ଲାଙ୍ଗ୍ ଗଜଃଆକ, ମେନ୍ଦ ମଲ୍କିସେଦକ୍ ଇନ୍କୁତାଃଏତେ ମାରାଙ୍ଗ୍ ତାନିଃ ମେନ୍ତେ ଗାଞ୍ଜା ଏମଃତାନା, ତିଆଟି ଧାରାମ୍ପୁଥୁ ଲେକାତେ ଇନିଃ ନାହାଃ ଜାକେଦ୍ ଜାନିଦ୍ ମେନାଇୟା । ୯ ଏନାତେ ଆବ୍ରାହାମ୍ ମଲ୍କିସେଦକ୍ କେ ଗେଲ୍ ହିସା ଏମ୍କିଃ

* ୭:୪ ୭:୪ ବାଗ୍ ଭାଗ

ଇମତା, ଅକନ୍ ଲେବୀ ନାହାଁଃ ଗେଲ୍‌ହିସା ନାମେତାନାଏ, ଏନ୍ ଲେବୀହଗି ମଲ୍‌କିସେଦକ୍‌କେ ଗେଲ୍‌ହିସା ଏମାକାଇ ତାଇକେନାଏ ମେନ୍ତେ କାଜିୟ୍‌ତାନା । ୧୦ ଇମତା ଲେବୀ କାଏ ଜାନାମକାନ୍ ତାଇକେନା ଏନା ସାର୍‌ତିକାଜି ତାନାଃ, ମେନ୍‌ଦ ଆବ୍ରାହାମ୍ ମଲ୍‌କିସେଦକ୍‌ଲଃ ନେପେଲ୍‌କେନ୍ ଇମତା, ଇନିୟାଃ ହଡ଼ମ୍ ପୁରଃ ହାଡ଼ାମ୍ ଆବ୍ରାହାମ୍‌ଲଃ ତାଇକେନା ମେନ୍ତେ କାଜିଲେରେୟ୍ ବାୟ୍‌ୟା ।

୧୧ ନେ ଲେବୀକଥାଃ ଯାଜାକ୍ ହବାଅଃ ହରାତେ ଇସ୍ରାଏଲ୍ ହଡ଼କକେ ଆନ୍‌ରୁ ଏମାକାନା । ଲେବୀକଥାଃ ଯାଜାକ୍ କାମି ହରାତେ ପକ୍‌ତାକାନ୍ ହବାଅଃତେୟାଃରେଦ, ହାରୁନ୍‌ଆଃ ଆକ୍‌ତେୟାଃରେଦ ନେ ଲେବୀକଥାଃ ଯାଜାକ୍ କାମି ହକାକେଦ୍‌ତେ, ମଲ୍‌କିସେଦକ୍‌ଆଃ ଆକ୍‌ତେୟାଃରେ ଲେକାତେ ଏଟାଃ ଆଡ଼ଃମିଆଁଦ୍ ଯାଜାକ୍‌ଆଃ ଲାଗାତିଙ୍ଗ୍ କା ତାଇକେନା । ୧୨ ଚିୟାଃତି ଯାଜାକ୍ କାମି ବାଦ୍‌ଲ୍ୟାଃତେୟାଃରେଦ, ମୁଶାରାଃ ଆନ୍‌ରୁହଗି ବାଦ୍‌ଲ୍ୟାଃତେୟାଃ । ୧୩ ଅକଏୟାଃ ବିଷାଏରେ ଆଲେ ନେ ସବେନାଃ କାଜିତାନାଲେ, ଇନିଃ ଆବୁଆଃ ପ୍ରାଭୁ ଯିଶୁ ତାନିଃ ଆଡ଼ଃ ଏଟାଃ କିଲିରେନ୍ ତାନିଃ । ଏନ୍ କିଲିରେନ୍ ଜେତାଏ ଚିତ୍‌ଲ୍ୟାଏ ବେଦି ତେତାନରେ ଯାଜାକ୍ କାମି କାକ ରିକା । ୧୪ ନେଆଁତେ ସାରିୟ୍‌ତାନା, ଇନିଃ ଆବୁଆଃ ପ୍ରାଭୁ ଯିହୁଦା କିଲିରେ ଜାନାମକାନ୍ ତାଇକେନା ଆଡ଼ଃ ଯାଜାକ୍ ହବାଅଃ ନାଗେନ୍ତେ ମୁଶା ନାବୀ ନେ କିଲିରେୟାଃ ନୁଡୁମ୍ ଚିତ୍‌ଲ୍ୟାଏ କାଏ କାଜି ।

ମଲ୍‌କିସେଦକ୍‌ଆଃ ଲେକା ଆଡ଼ଃମିଆଁଦ୍ ଯାଜାକ୍

୧୫ ନେଆଁତେ ପୁରାଃଗି ସାରିୟ୍‌ତାନା, ମଲ୍‌କିସେଦକ୍‌ଆଃ ଲେକା ଆଡ଼ଃମିଆଁଦ୍ ଯାଜାକ୍‌ଆଃ ଉନ୍‌ଦୁବ୍ ହବାୟାନା । ୧୬ ଇନିଃ ମାନଃ ବାଇୟାକାଦ୍ ଆନ୍‌ରୁ ଲେକାତେ ଯାଜାକ୍ କାଏ ହବାକାନ୍ ତାଇକେନା, ମେନ୍‌ଦ କା ବୁଣ୍ଡୁ ଜୀଦାନ୍‌ରାଃ ପେଡ଼େଃ ହରାତେ ଯାଜାକ୍ ହବାକାନ୍ ତାଇକେନାଏ । ୧୭ ଚିୟାଃତି ଧାରାମ୍‌ପୁଅରେ ଅଲ୍‌କାନା, “ଆମ୍ ମଲ୍‌କିସେଦକ୍‌ଆଃ ଆକ୍‌ତେୟାଃରେନିଃ ଲେକା ଜାନାଅ ଜାନାଅରେନ୍ ଯାଜାକ୍ ହବାଅଃଆମ୍, ମେନ୍ତେ ଗାଃ ଏମଃତାନା ।” ୧୮ ଏନାତେ ମାରି ଆନ୍‌ରୁଦ ନାରାଦୁରା ଆଡ଼ଃ ଜେତାନ୍ କାମିରେୟାଃ କା ହବାଅଃତାନ୍ ହରାତେ ଏନାକେ ବାଗିୟ୍‌ତାନା । ୧୯ ଚିୟାଃତି ମୁଶା ନାବୀ ଏମାକାଦ୍ ଆନ୍‌ରୁ ହରାତେ ଜେଡ଼ନାଃ ପୁରାଃ ବୁଗିନାଃ ଲେକା ପକ୍‌ତା କା ହବାଦାଡ଼ିୟାନା, ମେନ୍‌ଦ ନାହାଁଃ ଆବୁକେ ପୁରାଃ ବୁଗିନ୍ ଆସ୍ରା ଏମାକାନ୍ ହରାତେ, ଆବୁ ପାର୍‌ମେଶ୍‌ବାର୍‌ଆଃ ହେପାଦ୍‌ତେ ସେନ୍‌ନାଙ୍ଗ୍ ଦାଡ଼ିତାନାବୁ ।

୨୦ ନେଆଁଏତେ ଆଦ୍‌କା, ଆବୁ ନାଗେନ୍ତେ ପାର୍‌ମେଶ୍‌ବାର୍‌ଆଃ କିରିୟାହଗି ମେନାଃ । ହାରୁନ୍‌ଆଃ କିଲିକ ଯାଜାକ୍ କାମିରେ ସାଲ୍‌ୟାନ୍ ଇମତା ନେ'ଲେକା ଜେତାନ୍ କିରିୟା କା ଏମାକାନ୍ ତାଇକେନା । ୨୧ ମେନ୍‌ଦ ଯିଶୁ ଯାଜାକ୍ ହବାୟାନ୍ ଇମତା ପାର୍‌ମେଶ୍‌ବାର୍ କିରିୟାକେଦ୍‌ତେ କାଜିକିୟା,

“ପ୍ରାଭୁ ମିଆଁଦ୍ କିରିୟାକାଦାଏ,

ଇନିଃ ଆୟାଃ କିରିୟା କାଏ ବାଦ୍‌ଲ୍ୟାଏୟା,

ଆମ୍ ଜାନାଅ ଜାନାଅଗି ଯାଜାକ୍ ହବାଅଃଆମ୍ ।”

୨୨ ନେ ରାଜିନାମା ହରାତେ ଯିଶୁ ମିଆଁଦ୍ ପୁରାଃ ବୁଗିନ୍ ରାଜିନାମାରେୟାଃ ଗାଃଏ ହବାକାନା ।

୨୩ ନେଆଁ ବାଗିକେଦ୍‌ତେ ଆଡ଼ଃମିଆଁଦ୍ ଧାରା ମେନାଃ, ଏନା ହବାଅଃତାନା, ଯାଜାକ୍‌କଥାଃ ଗନଏଃ ହବାଅଃରେ, ଏଟାଃ ଯାଜାକ୍‌କ ଯାଜାକ୍ କାମିକ କାମିୟାଃ, ଏନାତେ ଯାଜାକ୍‌କ ପୁରାଃଗି ମେନାକଥା ଆଡ଼ଃ ଇନ୍‌କୁକେ ସବେନ୍ ହୁଲ୍‌ଙ୍ଗ୍ କାଏ କାମିଇଚିକତାନା । ୨୪ ମେନ୍‌ଦ ଯିଶୁ ଜାନାଅ ଜାନାଅ ତାଇନାଏ ଆଡ଼ଃ ଇନିୟାଃ ଯାଜାକ୍ କାମି ହଗି ଜାନାଅ ଜାନାଅ ତାନାଃ । ୨୫ ଆଡ଼ଃ ଇନିୟାଃ ହରାତେ ପାର୍‌ମେଶ୍‌ବାର୍‌ଆଃ ହପରଜାପାଃତେ ହିନ୍‌ଡ଼ତାନ୍‌କକେ ନାହାଁଃ ଆଡ଼ଃ ସବେନ୍ ଇମତା ଇନିଃ ଜୀଉବାସ୍ତାଅ ଦାଡ଼ିନିଃ ତାନିଃ, ଚିୟାଃତି ଇନ୍‌କୁ ନାଗେନ୍ତେ ପାର୍‌ମେଶ୍‌ବାର୍‌ତାଃରେ ବିକ୍ତି ନାଙ୍ଗ୍ ଇନିଃ ଜାନାଅ ଜାନାଅଗି ତାଇନା ।

୨୬ ଆବୁଆଃ ସବେନ୍ ଲାଗାତିଙ୍ଗ୍‌ତେୟାଃକ ଯୋଗାଅନିଃ ଯିଶୁଗି ମାରାଙ୍ଗ୍ ଯାଜାକ୍ ତାନିଃ । ଇନିଃ ପାବିତାର୍, କା ଚିଟାକାନ୍, ପାପିକତାଃଏତେ ସାଜିନାକାନା, ଆଡ଼ଃ ସିର୍ମାରେ ସବେନାଃଏତେ ପୁରାଃ ମାରାଙ୍ଗ୍ ମାଇନାନ୍ ଏମାକାନା । ୨୭ ଇନିଃ ଏଟାଃ ମାରାଙ୍ଗ୍ ଯାଜାକ୍ ଲେକାନ୍‌ନିଃ ନାହାଁଲିଃ, ଇନ୍‌କୁଆଃ ଲେକା ଇନିଃକେ ସିଦାତେ ଆୟାଃ ପାପ୍ ନାଗେନ୍ତେ ଆଡ଼ଃ ତାୟମ୍‌ତେ ଏଟାଃକଥାଃ ପାପ୍ ନାଗେନ୍ତେ ସବେନ୍ ହୁଲ୍‌ଙ୍ଗ୍ ଦାଣ୍ଡିରାକାଦ୍ କା ଲାଗାତିଙ୍ଗ୍‌ୟାଃ । ଇନିଃ ଆଇଃକ୍‌କେଗି ଦାଣ୍ଡି ରାକାବ୍‌କେଦ୍‌ତେ ମିସାତରା ସବେନାଃ ପୁରାଟାବାକାଦା । ୨୮ ମୁଶା ନାବୀଆଃ ଆନ୍‌ରୁ ନାରାଦୁରା ହଡ଼କକେ ମାରାଙ୍ଗ୍ ଯାଜାକ୍‌ରେୟାଃ କାମି ନାଗେନ୍ତେ ସାଲ୍‌କାନା । ମେନ୍‌ଦ ଆନ୍‌ରୁ ହବାୟାନ୍ ତାୟମ୍‌ତେ ପାର୍‌ମେଶ୍‌ବାର୍ ଆୟାଃ ବାନାର୍‌ସା ଆଡ଼ଃ କିରିୟା ଲେକାତେ ଆୟାଃ ହନ୍‌କେ ମାରାଙ୍ଗ୍ ଯାଜାକ୍ ଲେକାଏ ସାଲ୍‌କିୟା, ଇନିଃ ଜାନାଅ ଜାନାଅ ନାଗେନ୍ତେ ପକ୍‌ତାକାନା ।



ୟିଶୁ ଆବୁଆଃ ମାରାଙ୍ଗ୍ ଯାଜାକ୍

୧ ଆଲେ କାଜିତାନ୍ କାଜିରେୟାଃ ମୁଣ୍ଡି ନେଆଁ ତାନାଃ, ଆବୁ ନାମାକାଇ ମାରାଙ୍ଗ ଯାଜାକ୍, ସିର୍ମାରେନ୍ ମାରାଙ୍ଗ ମାନାରାଙ୍ଗିଆଃ ରାଜଗାଦିରାଃ ଜମ୍ବାଃରେ ଦୁବାକାନା । ୨ ଇନିଃ ଅକନ୍ ପୁରାଃ ପାବିତାର୍ ଠାୟାଦ୍‌ରାଃ ସାର୍ତ୍ତି କୁମ୍ବା ଲାତାର୍ରେ ମାରାଙ୍ଗ ଯାଜାକ୍ ଲେକାଏ କାମିତାନା, ଏନା ହଡ଼ତେ କା ବାଇୟାକାନା, ମେନ୍ଦ୍ ପ୍ରାଭୁ ଏନାକେ ବାଇୟାକାଦା ।

୩ ସବେନ୍ ମାରାଙ୍ଗ ଯାଜାକ୍ ପାର୍ମେଶ୍ଵାର୍‌ଆଃ ନୁଡୁମ୍‌ତେ ଦାନ୍ ରାକାବ୍ ଆଡ଼ଃ ଜାଁଡୁକଆଃ ଦାଣ୍ଡେ ରାକାବ୍ ନାଗେନ୍ତେକ ସାଲ୍‌କାନା । ଏନାତେ ଆବୁଆଃ ନେ ମାରାଙ୍ଗ ଯାଜାକ୍‌କେହିଁ ଜେଡ଼ନାଃ ଦାନ୍ ରାକାବେ ନାଗେନ୍ତେ ଲାଗାଡ଼ିଙ୍ଗିୟାଃ । ୪ ଇନିଃ ନେ ଅତେରେ ତାଇନ୍‌ତେୟାଃରେଦ୍, ଯାଜାକ୍‌ହିଁ କାଏ ହବା ସାକାଅକାନ୍‌ତେୟାଃ, ଚିୟାଃତି ଯିହୁଦୀକଆଃ ଆନ୍‌ରୁ ଲେକାତେ ଦାଣ୍ଡେରେୟାଃ ଦାନ୍ ରାକାବ୍ ନାଙ୍ଗ ଯାଜାକ୍ ମେନାକଆ । ୫ ଇନ୍‌କୁ ଯାଜାକ୍ କାମି କାମିତାନ୍‌ତେୟାଃ, ସିର୍ମାରେୟାଃ ନାକାଲ୍ ଆଡ଼ଃ ଉମୁଲ୍ ଲେକନାଃ ଏସ୍‌କାର୍ ତାନାଃ । ମୁଗା ନାବୀଆଃ ଦିପିଲିହେତେ ନେ'ଲେକା ହବା ଆଉଅଃତାନା । ମୁଗା ନାବୀ ପାବିତାର୍ କୁମ୍ବା ବାଇ ନାଗେନ୍ତେ ସେକାଡ଼ଃ ତାଇକେନ୍ ଇମ୍‌ତା, ପାର୍ମେଶ୍ଵାର୍ ଇନିଃକେ କାଜିକାଇ ତାଇକେନା, “ନେଲେମେ, ବୁରୁରେ ଆମ୍‌କେ ଅକନ୍ ନାମୁନା ଉଦୁବ୍‌କାନ୍ ତାଇକେନା, ଏନ୍‌ଲେକାଗି ସବେନାଃ ବାଇୟେମେ ।” ୬ ମେନ୍ଦ୍ ନାହିଁଃ ଯାଶୁକେ ଅକନ୍ ଯାଜାକ୍ କାମି ଏମାକାନା, ଏନା ଏଟାଃକଆଃ ଯାଜାକ୍ କାମିହେତେ ପୁରାଃ ବୁଗିନାଃ ତାନାଃ । ଏନ୍‌ଲେକାଗି ପାର୍ମେଶ୍ଵାର୍ ଆଡ଼ଃ ହଡ଼କଆଃ ଆଲ୍‌ରେ ଇନିଃ ଅକ ରାଜିନାମା ବାଇୟାକାଦାଏ, ଏନା ପୁରାଃ ବୁଗିନାଃ ତାନାଃ, ଚିୟାଃତି ନେ ରାଜିନାମା ପୁରାଃ ବୁଗିନାଃ ହବାଅଃ ନାଗେନ୍ତେ ବାନାର୍‌ସା ଏମାକାନା ।

୭ ସିଦା ନିୟାମ୍‌ରେ ଜେତାନ୍ ଗୁଣ୍ଡାଁ କା ତାଇକାନ୍‌ରେଦ୍, ଆଡ଼ଃମିଆଁଦ୍ ନିୟାମ୍ କା ଲାଗାଡ଼ିଙ୍ଗିୟାଃତେୟାଃ । ୮ ମେନ୍ଦ୍ ପାର୍ମେଶ୍ଵାର୍ ଆୟାଃ ହଡ଼କଆଃ ଗୁଣ୍ଡାଁ ଉଦୁବ୍‌କେଦ୍‌ତେ କାଜିକେଦା, “ପ୍ରାଭୁ କାଜିତାନାଏ, ନେତା ସେଟେରଃତାନା,

ଆଇଙ୍ଗ୍ ଇସ୍ରାଏଲ୍ ହଡ଼ ଆଡ଼ଃ ଯିହୁଦାରେନ୍ ହଡ଼କଲଃ ମିଆଁଦ୍ ନାଝା ରାଜିନାମା ବାଇୟାକାଙ୍ଗ୍ ।

୯ ଆଇଙ୍ଗ୍ ଇନ୍‌କୁଆଃ ପୁରୁଶା ହାଡ଼ାମ୍ ହଡ଼କଆଃ ତିଃଇ ସାବ୍‌କେଦ୍‌ତେ ମିସାର୍ ଦିଶୁମ୍‌ଏତେ ଅଡ଼ଙ୍ଗ୍ ଆଉକେଦ୍‌କ ଇମ୍‌ତା,

ଅକ ରାଜିନାମା ବାଇୟାକାଦ୍ ତାଇକେନାକାଙ୍ଗ୍ ଏନା, ନେ ରାଜିନାମା ଲେକାନାଃ ନାହିଁଲାଃ । ଆଇଙ୍ଗ୍ ଇନ୍‌କୁଲଃ ଅକ ରାଜିନାମା ବାଇୟାକାଦ୍ ତାଇକେନାକାଙ୍ଗ୍,

ଏନାରେ ଇନ୍‌କୁ ପାଡ଼ିୟାର୍‌ରଃ ଲେକା କାକ ହବାୟାନା,

ଏନାତେ ଆଇଙ୍ଗ୍ ଇନ୍‌କୁଆଃ କାଇଙ୍ଗ୍ ଧ୍ୟାନ୍ କେଦା ।” ପ୍ରାଭୁ କାଜିତାନାଏ,

୧୦ “ଆଇଙ୍ଗ୍ ହିଜୁଃ ଦିପିଲିରେ

ଇସ୍ରାଏଲ୍‌ରେନ୍ ହଡ଼କଲଃ ନେ ରାଜିନାମା ବାଇୟାକାଙ୍ଗ୍,

ଆଇଙ୍ଗ୍ ଆଇୟାଃ ଆନ୍‌ରୁକେ ଇନ୍‌କୁଆଃ ମନ୍

ଆଡ଼ଃ ମନ୍‌ସୁରୁଦ୍‌ରେ ଅଲେୟାକାଙ୍ଗ୍,

ଆଡ଼ଃ ଇନ୍‌କୁଆଃ ପାର୍ମେଶ୍ଵାର୍ ହବାଅଃକାଙ୍ଗ୍,

ଆଡ଼ଃ ଇନ୍‌କୁ ଆଇୟାଃ ହଡ଼ ହବାଅଃଆକ ।

୧୧ ଇମ୍‌ତା ଇନ୍‌କୁ ହପର୍‌ଜାପାଃରେନ୍‌କକେ ଚାଏ ହାଗା ମିଶିକକେ ଇନିଡୁ ଏମ୍ କା ଲାଗାଡ଼ିଙ୍ଗିୟାଃ, ଆଡ଼ଃ

‘ପ୍ରାଭୁକେ ଆଟ୍‌କାରିପେ ମେନ୍ତେ ଜେତାଏକେ କାଜି କା ଲାଗାଡ଼ିଙ୍ଗିୟାଃ,’

ଚିୟାଃତି ହୁଡ଼ିଙ୍ଗ୍‌ଏତେ ମାରାଙ୍ଗ୍ ସବେନ୍‌କ ଆଇଙ୍ଗ୍‌କେ ସାରିୟାକ ।

୧୨ ଆଇଙ୍ଗ୍ ଇନ୍‌କୁଆଃ ସବେନ୍ ପାପ୍ ଛାମାକଆଇଙ୍ଗ୍

ଆଡ଼ଃ ଇନ୍‌କୁଆଃ ଜେତାନ୍ ଏଡ଼କାନ୍‌ଆଃ କାଇଙ୍ଗ୍ ପାହାମେୟାଁ ।”

୧୩ ନେଆଁକେ ନାଝା ନିୟାମ୍ ମେନ୍ତେ କାଜିକେଦ୍ ହରାତେ ପାର୍ମେଶ୍ଵାର୍ ସିଦାତେୟାଃକେ ମାରିତେୟାଃ ମେନ୍ତେ କାଜିକେଦା ଆଡ଼ଃ ଅକନାଃ ମାରିତେୟାଃ ତାନାଃ, ଏନା ଜାଲ୍‌ଦିଗି ଜିୟନଃଆ ।



ଅତେଦିଶୁମ୍ ଆଡ଼ଃ ସିର୍ମାରେୟାଃ ସେଝା

୧ ସିଦା ନିୟାମ୍‌ରେୟ ସେଝା ବିଷାଏରେ ଚିମିନ୍ ନିୟାମ୍ କାନୁନ୍‌କ ବାଇୟାକାନ୍ ତାଇକେନା ଆଡ଼ଃ ଅତେରେ ମିଆଁଦ୍ ପାବିତାର୍ ଠାୟାଦ୍ ତାଇକେନା । ୨ ଏନ୍‌ଲେକାଗି ମିଆଁଦ୍ ସେଝାରେୟାଃ କୁମ୍ବା ବାଇୟାକାନ୍ ତାଇକେନା । ଏନାରେ ତାଇକାନ୍ ପାହିଲା ହିସାରେ ଦିଆ ଦହ ଖୁଣ୍ଟୁ, ମିଆଁଦ୍ ଟେବୁଲ୍ ଆଡ଼ଃ ଟେବୁଲ୍ ଟେତାନ୍‌ରେ ପାର୍ମେଶ୍ଵାର୍‌କେ ଏମାକାନ୍ ହଲଙ୍ଗ୍ ତାଇକେନା । ଏନାକେ ପୁରାଃ ପାବିତାର୍ ଠାୟାଦ୍ ମେନ୍ତେ କାଜିୟାଃକ । ୩ କୁମ୍ବାରେୟାଃ ପାବିତାର୍ ଠାୟାଦ୍‌ତାଃରେ ହାନାଟିଙ୍ଗ୍ ଦାନାଙ୍ଗ୍‌ଲିଜାଃରାଃ ତାୟମ୍‌ରେ ଅକନ୍ ଠାୟାଦ୍ ମେନାଃ, ଏନାକେ ପୁରାଃ ପାବିତାର୍ ଠାୟାଦ୍ ମେନ୍ତେକ କାଜିୟାଃ । ୪ ଏନ୍ତାଃରେ

ମିଆଁଦ୍ ବୁଗିନ୍ ସହାନ୍ ନାଙ୍ଗ୍ ଧୁଆନ୍ ଉରୁବେତେୟାଃ ସୋନାରେୟାଃ ଆତଃ ଉପୁନ୍ସାଃରେ ସୋନାତେ ଦାପାଲାକାନ୍ “ରାଜିନାମାରାଃ ବାକ୍ସା” ତାଇକେନା । ଏନ୍ ବାକ୍ସା ଭିତାରରେ “ମାନ୍ନା” ଦହାକାନ୍ ସୋନାରେୟାଃ ମିଆଁଦ୍ ତାସ୍ଜି ତାଇକେନା, ହାରୁନ୍ଆଃ ସୁଡ଼ାକାନ୍* ମିଆଁଦ୍ ସଟା ଆତଃ ପାର୍ମେଶ୍ଵାର୍ଆଃ ଆନ୍ତୁ ଅଲାକାନ୍ ବାରିଆ ଚାକାର୍ ଦିରି ତାଇକେନା । ୫ ବାକ୍ସା ଚେତାନ୍ରେ ପାର୍ମେଶ୍ଵାର୍ ମେନାଇୟା ମେନ୍ତେ ଉଦୁବେତାନ୍ ମାନାରାଙ୍ଗ୍ରେନ୍ ବାରିଆ ଆପ୍ପରବ୍ ତାଇକେନ୍ କିରୁବ୍ଦୁଡ଼କିନ୍ ତାଇକେନା । ଇନ୍କିନ୍ ପାପ୍ ଛାମା ଠାୟାଦ୍ ଚେତାନ୍ରେ ଆପ୍ପରବ୍ ଚାକାର୍କେଦ୍ତେ ତାଇକେନାକିନ୍, ମେନ୍ଦ୍ ନେ ସବେନାଃରାଃ ସାର୍ତିକାଜି ମିମିଆଦ୍ତେ ଉଦୁବ୍ କା ଲାଗାତିଙ୍ଗ୍ୟାଃ ।

୬ ଏନ୍ତାଃରେ ନେ'ଲେକା ବାଇକାନ୍ ତାଇକେନା, ଯାଜାକ୍ ସେଞ୍ଜା ନାଗେନ୍ତେ ସବେନ୍ ହୁଲାଙ୍ଗ୍ କୁମ୍ପାରେୟାଃ ପାହିଲା ହିସାତେ ବଲୟାନ୍ଲଃ ଆକଥାଃ କାମିକ କାମିୟାଃ, ୭ ମେନ୍ଦ୍ କୁମ୍ପାରେୟାଃ ଆତଃମିଆଁଦ୍ ହିସାତେ ମାରାଙ୍ଗ୍ ଯାଜାକ୍ ଏସ୍କାର୍ ବଲ ଦାଡ଼ିୟାଏ । ଇନିଃ ଆୟାଃ ନାଗେନ୍ତେ ଆତଃ ହଡ଼କ ବେଗାର୍ ସାରିତେ ପାପ୍କାଦ୍ ନାଗେନ୍ତେ, ପାର୍ମେଶ୍ଵାର୍ତାଃରେ ଏମାକାଦ୍ ମାୟୋମ୍କେ ସାବ୍କେଦ୍ତେ ମିଦ୍ ବାରାଷ୍ଟରେ ମିସାଗି ଏନ୍ ଠାୟାଦ୍ତେ ବଲଥା । ୮ ପାବିତାର୍ ଆମ୍ବା ନେ ସବେନାଃ ହରାତେ ବୁଗିଲେକାଏ ଇଡୁଆଃ ଯେ, କୁମ୍ପାରେୟାଃ ପାହିଲା ହିସା ତାଇନଃ ଜାକେଦ୍, ପୁରାଃ ପାବିତାର୍ ଠାୟାଦ୍ତେ ବଲ ନାଗେନ୍ତେ ହରା କା ନିଜାକାନା । ୯ କୁମ୍ପାରେୟାଃ ନେ ପାହିଲା ହିସା, ନେ ଦିପିଲି ନାଗେନ୍ତେ ଜନ୍କା ଲେକାନାଃ ତାନାଃ । ନେଆଁରେୟାଃ ମୁଣ୍ଡି ହବାଅଃତାନା, ପାର୍ମେଶ୍ଵାର୍ଆଃ ନାଗେନ୍ତେ ଦାନ୍ ରାକାଦ୍ ଆତଃ ଜାଁତୁକଥାଃ ଦାଣ୍ଡୋରାକାଦ୍ ସେଞ୍ଜାତାନ୍ନିଆଃ ମନ୍ସୁରୁଦ୍କେ କାଏ ପକ୍ତା ଦାଡ଼ିୟା । ୧୦ ଚିୟାଃତି ଏନ୍ ସବେନାଃ ଜମେ, ନୁଁଏତେୟାଃ ଏସ୍କାର୍ ତାନାଃ ଆତଃ ରାକାମ୍ ରାକାମ୍ରେୟାଃ ଆରୁଙ୍ଗ୍ ଫାର୍ତିୟାଃ କାମିକ ଆତଃ ହଡ଼ ନେପେଲ୍ରେ କାମିୟାଃତାନ୍ ଲେକାନାଃ ଏସ୍କାର୍ ତାନାଃ । ପାର୍ମେଶ୍ଵାର୍ଆଃ ନାଞ୍ଜା ନିୟାମ୍ କାନୁନ୍କ ହବାଅଃ ଜାକେଦ୍ ନେ ସବେନାଃରାଃ ଲାଗାତିଙ୍ଗ୍ ତାଇକେନା ।

୧୧ ମେନ୍ଦ୍ ନାହାଁଃ ଅକନ୍ ସବେନ୍ ବୁଗିନ୍ ବିଷାଏ ଆରୁ ନାମାକାଦାରୁ, ଏନ୍ ସବେନାଃରାଃ ମାରାଙ୍ଗ୍ ଯାଜାକ୍ ଲେକା ଖ୍ରୀଷ୍ଟ୍ ହିଡୁଃକାନାଏ । ଅକନ୍ କୁମ୍ପାରେ ଇନିଃ ସେଞ୍ଜା କାମିତାନାଏ, ଏନା ପୁରାଃ ମାରାଙ୍ଗ୍ଆଁ ଆତଃ ସିମାରେ ପୁରାଃ ବୁଗିନାଃ ତାନାଃ । ଏନାଦ୍ ହଡ଼ତେ କା ବାଇୟାକାନା, ଆତଃ ବାଇୟାକାନ୍ ଅତେଦିଶ୍ଵମ୍ରେୟାଃ ହିସା ନାହାଁଲାଃ । ୧୨ ଖ୍ରୀଷ୍ଟ୍ ଏନ୍ କୁମ୍ପା ହରାତେ ମିସାଗି ପୁରାଃ ପାବିତାର୍ ଠାୟାଦ୍ତେ ବଲୟାନ୍ ଇମ୍ତା ଇନିଃ ମେରମ୍ ଚାଏ ବାଛାରାଃ ମାୟୋମ୍କେ ଦାଣ୍ଡୋ ରାକାଦ୍ ନାଙ୍ଗ୍ କା ଇଦିକେଦ୍ତେ ଆୟାଃ ମାୟୋମ୍କେଗି ଇଦିକେଦା ଆତଃ ଆରୁଆଃ ନାଗେନ୍ତେ ଜାନାଅ ଜାନାଅ ଜୀଉ ବାଞ୍ଚାଅରେୟାଃ କାମି କାମିକେଦା । ୧୩ ଅକନ୍ ହଡ଼କ କାଜିକାମି କା ମାନାତିଙ୍ଗ୍ ହରାତେ ସଡ଼ରାଅଃତାନାକ, ଇନ୍କୁ ମେରମ୍କଥାଃ ମାୟୋମ୍ ଚାଏ ସାଁଶ୍କଥାଃ ମାୟୋମ୍ ଆତଃ ଉରୁବାକାନ୍ ଦାମ୍ପୁରହନ୍ଆଃ ତରେକ୍ତେ ହିରୁକେଦ୍ତେ ଆକଥାଃ ସଡ଼ରାଏତେକ ଫାର୍ତିୟାଃତାନା । ୧୪ ନେଆଁ ସାର୍ତି ତାନାଃରେଦ୍, ଅକନ୍ ଖ୍ରୀଷ୍ଟ୍ ଜାନାଅ ଜାନାଅ ଆମ୍ବାରାଃ ହରାତେ ପାର୍ମେଶ୍ଵାର୍ଆଃ ଆୟାର୍ରେ ଆପାନ୍କେ ବେଗାର୍ ଦାଗିୟାକାନ୍ ଦାଣ୍ଡୋରାକାଦ୍ ଲେକାଏ ଦାଣ୍ଡୋୟାନା । ଇନିୟାଃ ମାୟୋମ୍ ଚିମିନାଙ୍ଗ୍ ପୁରାଃ ଆଦ୍କା ଲାଗାତିଙ୍ଗ୍ କା ହବାଅଃଆ ? ଇନିୟାଃ ଏନ୍ ମାୟୋମ୍ ହରାତେ ରିଡିରିଞ୍ଜାଜ୍ରେୟାଃ ସାମାକାଜି କାମିକଏତେ ଆରୁଆଃ ବିବେକ୍ ଫାର୍ତିୟାଃଆ, ଏନାତେ ଆରୁ ଜାନିଦ୍ ପାର୍ମେଶ୍ଵାର୍ଆଃ ସେଞ୍ଜାରୁ ରିକାଦାଡ଼ିୟା ।

୧୫ ନେ ହରାତେ ଖ୍ରୀଷ୍ଟ୍ ନାଞ୍ଜା ରାଜିନାମା ଠାହାରାଅକାଦାଏ, ଏନାତେ ଅକନ୍କ ପାର୍ମେଶ୍ଵାର୍ତେ କେଡ଼ାକାନାକ, ଇନ୍କୁକେ ପାର୍ମେଶ୍ଵାର୍ଆଃ ବାନାର୍ସା ଏମାକାଦ୍ ଜାନାଅ ଆଗିଷ୍ଟକ ନାମେୟାଁ । ସିଦାରାଃ ରାଜିନାମାରେ କାମିୟାଃତାନ୍ ତାଇକେନ୍ ଇମ୍ତା, ହଡ଼କ ଅକନ୍ ପାପ୍କାମିକ କାମିକାଦା, ଏନା ଖ୍ରୀଷ୍ଟ୍ଆଃ ଗନଏଃହେତେ ଏସ୍କାର୍ ରାଡ଼ାଅଃଆ ।

୧୬ ମିଆଁଦ୍ ଏମଃ ଅନଲ୍ଚିଠା ନିୟାମ୍ ଲେକା ହବାକାନ୍ରେ, ଏମଃ ଅନଲ୍ଚିଠା ବାଇୟାକାଦ୍ ହଡ଼ଆଃ ଗନଏଃ ହବାକାନା ମେନ୍ତେ ଉଦୁବ୍ ଲାଗାତିଙ୍ଗ୍ୟାଃ । ୧୭ ଚିୟାଃତି ଏମଃ ଅନଲ୍ଚିଠା ବାଇୟାକାଦ୍ ହଡ଼ ଜାନିଦ୍ ତାଇନ୍ ଜାକେଦ୍ ଅନଲ୍ଚିଠାରାଃ ନିୟାମ୍ ଜେତାନ୍ କାମିରେ ବାନଃଆ, ଇନିୟାଃ ଗନଏଃ ତାୟମ୍ତେ ଏସ୍କାର୍ ଏନାରେୟାଃ କାମି ହବା ଦାଡ଼ିୟାଆ । ୧୮ ଏନାମେନ୍ତେ ସିଦା ରାଜିନାମା† ହଗି ବେଗାର୍ ମାୟୋମ୍ ଲିଙ୍ଗିତେ କା ବାଇୟାକାନା । ୧୯ ସିଦାତେ ମୁଣା ନାବୀ ଆନ୍ତୁରାଃ ଆନାତୁକ ହଡ଼କତାଃରେ ଉଦୁବ୍କେଦା । ଏନ୍ତେ ଇନିଃ ବାଛା ଆତଃ ମେରମ୍କଥାଃ ମାୟୋମ୍ଲଃ ଦାଆଃ ମେସାକେଦ୍ତେ, ଏସୋବ୍ କତ ଆତଃ ବାଇଗିନିଆ ଉନ୍ତେ ଆନ୍ତୁରେୟାଃ ପୁଥ୍ରେ ଆତଃ ସବେନ୍ ହଡ଼କଥାଃ ଚେତାନ୍ରେ ହିରୁକେଦା । ୨୦ ଇନିଃ କାଜିକେଦାଏ, “ପାର୍ମେଶ୍ଵାର୍ ଆପେକେ ଅକନ୍ ରାଜିନାମା ମାନାତିଙ୍ଗ୍ ନାଗେନ୍ତେ ଆରୁକାଦ୍ପେୟା, ନେ ମାୟୋମ୍ ଏନ୍ ରାଜିନାମାକେ ମୋହର୍ କାଦା ।” ୨୧ ଏନ୍ଲେକାଗି ଇନିଃ ପାବିତାର୍ କୁମ୍ପା ଆତଃ ସେଞ୍ଜା କାମିରେ ଅଡ଼ଙ୍ଗ୍ଅଃତାନ୍ ସବେନାଃରେ ମାୟୋମ୍କେ

* ୯:୫ 9:4 ନାଗଜା † ୯:୧୮ 9:18 ଚୁକ୍ତି

ହିରତିକେଦା । ୨୨ ଆତଃ ଆନୁ ଲେକାତେ ସବେନାଃରେ ମାୟୋମ୍ତେ ଫାର୍ତିୟଃଆ, ଆତଃ ବେଗାର୍ ମାୟୋମ୍ ଲିଙ୍ଗିତେ ପାପ ଛାମା କା ହବାଅଃଆ ।

ଶ୍ରୀଷ୍ଟିଆଃ ଦାଣ୍ଡୋରାକାବ୍ ପାପ୍‌କେ ସାଙ୍ଗିନେୟା

୨୩ ଅକନ୍ ବିଷାଏକ ସିର୍ମାରେୟାଃ ନାମ୍ନା ଲେକ୍ନାଃ ତାନାଃ, ଏନ୍ ସବେନାଃ ମାୟୋମ୍ତେ ଫାର୍ତିୟଃ ଲାଗାତିଙ୍ଗ୍ ତାଇକେନା, ମେନ୍ଦ୍ ସିର୍ମାରେୟାଃ ବିଷାଏକ ନାଗେନ୍ତେ ନେ ସବେନାଃଏତେ ପୁରାଃ ମାରାଙ୍ଗ୍ ଦାଣ୍ଡୋ ରାକାବ୍‌କେଦ୍ତେ ଫାର୍ତିୟଃ ଲାଗାତିଙ୍ଗ୍ ମେନାଃ । ୨୪ ଅକ୍ନାଃ ହଡ୍ତେ କା ବାଇୟାକାନା, ଏନ୍‌ଲେକାନ୍ ମିଆଁଦ୍ ପୁରାଃ ପାବିତାର୍ ଠାୟାଦ୍ତେ ଶ୍ରୀଷ୍ଟି ସେନାକାନାଏ । ଏନା ସାର୍ତିତେୟାଃରାଃ ନାକାଲ୍ ତାନାଃ । ଇନିଃ ଆଇଃକ୍ତି ସିର୍ମାତେ ସେନାକାନା, ଏନ୍ତାରେ ଆରୁଆଃ ନାଗେନ୍ତେ ନାହାଃ ପାର୍ମେଶ୍ୱାର୍‌ଆଃ ହେପାଦ୍ତେ ମେନାଲୟା । ୨୫ ଯିହୁଦୀ ମାରାଙ୍ଗ୍ ଯାଜାକ୍ ଜେ'ଲେକା ମିଦ୍ ବାରାଷ୍ଟରେ ମିସା ଜାତୁରାଃ ମାୟୋମ୍ ସାବ୍‌କେଦ୍ତେ ପୁରାଃ ପାବିତାର୍ ଠାୟାଦ୍ତେ ସେନା, ଏନ୍‌ଲେକା ଇନିଃ ଘାଡ଼ିଘାଡ଼ି ଦାଣ୍ଡୋ ରାକାବ୍ ନାଗେନ୍ତେ କାଏ ସେନ୍ । ୨୬ ତାଦ୍ ଇନିଃକେ ଅତେଦିଶ୍ୱମ୍‌ରାଃ ବାଇୟଃ ହୁଲାଙ୍ଗ୍‌ତାଃଏତେ ପୁରାଃଗି ଦୁକୁ ସାହାତିଙ୍ଗ୍ ହବାକାନ୍‌ତେୟାଃ । ମେନ୍ଦ୍ ଚୁଣ୍ଡୁ ଘିପିଲିରେ ଇନିଃ ଆପାନକେ ଦାଣ୍ଡୋ ରାକାବ୍ ହରାତେ ଜାନାଅ ଯୁଗ୍ ନାଙ୍ଗ୍ ପାପ୍‌ରାଃ ପେଡ଼େଃକେ ଜିୟନେ ନାଗେନ୍ତେ ହିଜୁଃକାନ୍ ତାଇକେନାଏ । ୨୭ ସବେନ୍ ହଡ୍‌କଆଃ ମିସାଗି ଗନ୍‌ଏଃ ହବାଅଃଆ ଆତଃ ଏନ୍ ତାୟମ୍‌ତେ ପାର୍ମେଶ୍ୱାର୍‌ଆଃ ବିଚାର୍ ହବାଅଃଆ । ୨୮ ଏନ୍‌ଲେକାଗି ପୁରାଃ ହଡ୍‌କଆଃ ପାପ୍ ସାଙ୍ଗିନେ ନାଗେନ୍ତେ ଶ୍ରୀଷ୍ଟି ମିସାଗି ଦାଣ୍ଡୋୟାନା । ଇନିଃ ଆତଃମିସାଏ ହିଜୁଃଆ, ଇମ୍ତା ପାପ୍ ନାଗେନ୍ତେଦ୍ ବାନଃଗି, ମେନ୍ଦ୍ ଆଇଃକ୍‌କେ ନେଲ୍‌ହରାଇ ତାନକକେ ଜୀଉବାଞ୍ଚାଅ ନାଗେନ୍ତେ ହିଜୁଃଆ ।

୧୦

୧ ଯିହୁଦୀକଆଃ ଆନୁ ହିଜୁଃତାନ୍ ବୁଗିନ୍ ସାର୍ତି ବିଷାଏରେୟାଃ ମିଆଁଦ୍ ଉମ୍‌ଲୁ ଲେକାନାଃ ତାନାଃ । ସବେନ୍ ଇମ୍ତା ବାରାଷ୍ଟକେ ବାରାଷ୍ଟ ଏନ୍ ମିଦ୍ ରାକାମ୍ ଦାଣ୍ଡୋ ରାକାବଃତାନା । ଅକନ୍‌କ ପାର୍ମେଶ୍ୱାର୍‌ଆଃ ହେପାଦ୍ତେ ହିଜୁଃଆକ, ଆଇନ୍‌ରେୟାଃ ଏନ୍ ସବେନ୍ ଦାଣ୍ଡୋ ହରାତେ ଇନ୍‌କୁ ତିନାଃ ପକ୍ତା ଦାଡ଼ିୟଃତାନାକ ? ୨ ନେ'ଲେକାତେ ପାର୍ମେଶ୍ୱାର୍‌ଆଃ ସେଞ୍ଜାତାନ୍‌କ ପାପ୍‌ହେତେ ସାର୍ତି ବିବେକ୍‌ରେ ଫାର୍ତି ଦାଡ଼ିୟଃତେୟାଃକରେଦ୍, ଇନ୍‌କୁ ଆପାନକେ ପାପି ମେନ୍ତେ କାକ ଆଟ୍‌କାରେନ୍ତେୟାଃ ଆତଃ ସବେନ୍ ଦାଣ୍ଡୋ ହକାଅଃତେୟାଃ । ୩ ମେନ୍ଦ୍ ଏନ୍‌ଲେକା କା ହବାକେଦ୍ତେ ବାରାଷ୍ଟକେ ବାରାଷ୍ଟ ଦାଣ୍ଡୋ ରାକାବ୍ ହରାତେ ହଡ୍‌କକେ ଆକଆଃ ପାପ୍‌କେ ପାହାମ୍‌ଇତିକ ତାନା । ୪ ଚିୟାଃତି ସାଣ୍‌କଆଃ ଆତଃ ମେରମ୍‌କଆଃ ମାୟୋମ୍‌ତେ ପାପ୍ କା ସାଙ୍ଗିନ୍ ଦାଡ଼ିୟଃଆ ।

୫ ଏନାମେନ୍ତେ ଶ୍ରୀଷ୍ଟି ଅତେଦିଶ୍ୱମ୍‌ତେ ହିଜୁଃ ସିଦାରେ ପାର୍ମେଶ୍ୱାର୍‌କେ କାଜିକିୟା,
“ଆମ୍ ଦାଣ୍ଡୋ ଆତଃ ଦାନ୍ ଏମ୍‌କରେ କାମ୍ ସୁକୁଃଆ,

ମେନ୍ଦ୍ ଆଇୟାଃ ନାଗେନ୍ତେ ମିଆଁଦ୍ ହଡ୍‌ମ୍ ସେକାଡାକାଦାମ୍ ।

୬ ପାପ୍‌କ ସାଙ୍ଗିନେ ନାଗେନ୍ତେ ଆମ୍ ବେଦି ତେତାନ୍‌ରେ ଉରୁବ୍ ଦାଣ୍ଡୋ ଚାଏ ଜାତୁକଆଃ ଦାଣ୍ଡୋରେ କାମ୍ ସୁକୁଃଆ ।

୭ ଏନାତେ ଆଇଙ୍ଗ୍ କାଜିକିୟାଲଙ୍ଗ୍,
ଆନୁ ପୁଥ୍‌ରେ ଆଇୟାଃ ବିଷାଏ ଅଲ୍‌କାନା,
ହେ ପାର୍ମେଶ୍ୱାର୍, ଆମାଃ ମନେଲେକା କାମି ନାଗେନ୍ତେଇଙ୍ଗ୍ ହିଜୁଆକାନା ।”

୮ ସିଦାତେ ଇନିଃ କାଜିକେଦାଏ, “ଆମ୍ ହଡ୍‌ରାଃ ପାପ୍ ସାଙ୍ଗିନେ ନାଗେନ୍ତେ ଦାଣ୍ଡୋରାକାବ୍ ଚାଏ ଦାନ୍ ଏମ୍ ଆତଃ ବେଦି ତେତାନ୍‌ରେ ଜାତୁକଆଃ ଉରୁବ୍ ଦାଣ୍ଡୋକ୍ କାମ୍ ଆସିୟା, ଏନ୍ ସବେନାଃରେ ଆମାଃ ସୁକୁ ବାନଃଆ ।” ନେ ସବେନ୍ ଦାଣ୍ଡୋ ମୁଣାରାଃ ଆନୁ ଲେକାତେ ହବାଅଃ ତାଇକେନ୍‌ରେୟ, ଇନିଃ ନେ ଲେକାଏ କାଜିକାଦ୍ ତାଇକେନା । ୯ ଏନ୍ତେ ଇନିଃ କାଜିକେଦାଏ, “ହେ ପାର୍ମେଶ୍ୱାର୍, ଆଇଙ୍ଗ୍ ଆମାଃ ମନେଲେକା କାମି ନାଗେନ୍ତେଇଙ୍ଗ୍ ହିଜୁଆକାନା ।” ଏନାତେ ପାର୍ମେଶ୍ୱାର୍ ସିଦା ଦାଣ୍ଡୋରାକାବ୍‌ତେୟାଃକେ ଆତମ୍‌କେଦ୍ତେ, ଏନାରେୟାଃ ବାଦ୍‌ଲାରେ ଶ୍ରୀଷ୍ଟିଆଃ ଦାଣ୍ଡୋକେ ଦହକେଦା । ୧୦ ଚିୟାଃତି ଯୀଶୁ ଶ୍ରୀଷ୍ଟି ମିସାଗି ଆୟାଃ ହଡ୍‌ମ୍‌କେ ସବେନ୍‌କଆଃ ନାଙ୍ଗ୍ ଦାନ୍ ଏମ୍‌କେଦ୍ତେ ପାର୍ମେଶ୍ୱାର୍‌ଆଃ ମନେଲେକାଏ କାମିକେଦା, ଏନାତେ ଆବୁ ସବେନ୍‌କ ପାପ୍‌ହେତେ ଫାର୍ତିୟାକାନାରୁ ।

୧୧ ଯିହୁଦୀ ଯାଜାକ୍‌କ ସବେନ୍ ହୁଲାଙ୍ଗ୍ ଆକଆଃ ସୁସାର୍ କାମି ନାଗେନ୍ତେ ଆତଃ ଘାଡ଼ିଘାଡ଼ି ଏନ୍ ମିଦ୍‌ରାକାମ୍‌ଗି ଦାଣ୍ଡୋରାକାବ୍ ତାନାକ, ମେନ୍ଦ୍ ନେ ସବେନ୍ ଦାଣ୍ଡୋରାକାବ୍ ହରାତେ ଚିଉଲାଅ ପାପ୍ କା ସାଙ୍ଗିନଃଆ । ୧୨ ମେନ୍ଦ୍ ଶ୍ରୀଷ୍ଟି ପାପ୍ ନାଗେନ୍ତେ ମିସାଗି ଦାଣ୍ଡୋୟାନ୍‌ତି ଜାନାଅ ଜାନାଅ ନାଗେନ୍ତେ ପାର୍ମେଶ୍ୱାର୍‌ଆଃ ଜମ୍‌ତିଃସାଃରେ ଦୁବ୍‌ୟାନା । ୧୩ ପାର୍ମେଶ୍ୱାର୍ ଆୟାଃ ବାଇରିକକେ ପୁରା ଆଉରି

ହାରାଅକ ଜାକେଦ୍ ଇନିଃ ଏନ୍ନାଃରେଗି ନେଲ୍ ହରାତାନା । ୧୪ ମିଆଁଦ୍ ଦାଣ୍ଠେରାକାବ୍ ହରାତେ ଅକନ୍ଦ୍ ପାପ୍‌ହେତେ ଫାରିତ୍‌ୟାକାନାକ, ଇନ୍‌କୁକେ ଇନିଃ ଜାନାଅ ଜାନାଅ ନାଗେନ୍ତେ ପକ୍‌ତାକାଦ୍‌କଆ ।

୧୫ ଆତଃ ପାବିତାର୍ ଆମ୍‌ହାରି ଆରୁକେ ଇନିୟାଃ ଗାଞ୍ଜା ଏମ୍‌କେଦ୍‌ତେ କାଜିକାଦା,

୧୬ “ପ୍ରାଭୁ କାଜିୟାଃଏ,

ହିଜୁଃ ଦିପିଲିକରେ ଆଇଙ୍ଗ୍ ଇନ୍‌କୁଲଃ ନେ ନାଞ୍ଜା ରାଜିନାମା ବାଇୟାଇଙ୍ଗ୍,
ଆଇଙ୍ଗ୍ ଆଇଁୟାଃ ଆନ୍‌ରୁକେ ଇନ୍‌କୁଆଃ ମନ୍‌ସୁରୁଦ୍‌ରେଇଙ୍ଗ୍ ଦହୟା

ଆତଃ ଆକଆଃ ମନ୍‌ରେଇଙ୍ଗ୍ ଅଲେୟା ।”

୧୭ ଇନିଃ ଆତଃଗି କାଜିୟାଃ, “ଆଇଙ୍ଗ୍ ଇନ୍‌କୁଆଃ ପାପ୍‌କ ଆତଃ ଏଡ୍‌କାନ୍ କାମିକ କାଇଙ୍ଗ୍ ପାହାମେୟାଁ ।” ୧୮ ଏନାତେ ଇନ୍‌କୁ ଛାମା ନାମାକାଦ୍‌ରେଦ୍, ପାପ୍ ଛାମା ନାଗେନ୍ତେ ଆତଃମିସା ଦାଣ୍ଠେରାକାବ୍ କା ଲାଗାତିଙ୍ଗ୍‌ୟାଃ ।

ପାର୍‌ମେଶ୍‌ବରଆଃ ହେପାଦ୍‌ତେ ହିଜୁଃକାରୁ

୧୯ ଏନାତେ ହେ ହାଗା ମିଶିକ, ଯୀଶୁଆଃ ଗନ୍‌ଏଃ ହରାତେ ଆରୁ ପୁରାଃ ପାବିତାର୍ ଠାୟାଦ୍‌ରେ ବଲ ନାଗେନ୍ତେ ପୁରା ଆକ୍‌ତେୟାରୁ ନାମାକାଦା । ୨୦ ପାବିତାର୍ ଆତଃ ପୁରାଃ ପାବିତାର୍ ଠାୟାଦ୍‌ରେୟାଃ ହାନାଟିଙ୍ଗ୍ ଆଲାରେ ତୁଙ୍ଗାକାନ୍ ଦାନାଙ୍ଗ୍‌ଲିଜାଃ ହରାତେ ବଲ ନାଙ୍ଗ୍ ଯୀଶୁଆଃ ଗନ୍‌ଏଃ ହରାତେ ଆରୁଆଃ ନାଙ୍ଗ୍ ମିଆଁଦ୍ ଜାନିଦ୍‌ରାଃ ନାଞ୍ଜା ହରା ନିଜାକାନା । ୨୧ ପାର୍‌ମେଶ୍‌ବରଆଃ ଅତଃ ନାହାଁଃ ଆରୁଆଃ ମାରାଙ୍ଗ୍ ଯାଜାକ୍‌ଆଃ ଜିମାରେ ମେନାଃ । ୨୨ ଏନାତେ ଆରୁ ଫାରିତ୍ ମନ୍‌ସୁରୁଦ୍‌ତେ ଆତଃ ସାର୍‌ତି ବିଶ୍ୱାସ୍‌ଲଃ ପାର୍‌ମେଶ୍‌ବରଆଃ ହେପାଦ୍‌ତେବୁ ସେନା, ତିଆଃତି ଆରୁ ନାହାଁଃ ତିଟାକାନ୍ ବିବେକ୍‌ହେତେ ଶ୍ରୀଷ୍ଟିଆଃ ମାୟୋମ୍‌ତେ ଫାରିତ୍‌କାନାରୁ ଆତଃ ଆରୁଆଃ ହଡ୍‌ମ ନିରାଲ୍ ଦାଆଃରେ ଆରୁଙ୍ଗ୍‌କାନା । ୨୩ ଆରୁଆଃ ଅକନ୍ ଆସ୍ତା ମେନାଃ ମେନ୍ତେ କାଜିତାନାରୁ, ଏନାରେ ଆରୁ ପୁରାଃ ପକ୍‌ତାକେଦ୍‌ତେ ତାଇନ୍ ଲାଗାତିଙ୍ଗ୍‌ୟାଁଃ, ତିୟାଃତି ଆରୁ ପାର୍‌ମେଶ୍‌ବରଆଃ ବାନାର୍‌ସାରେ ପାତିୟାର୍ ଦାଡ୍‌ୟାରୁ । ୨୪ ଦୁଲାଡ୍ ଆତଃ ବୁଗିନ୍ କାମି ନାଗେନ୍ତେ ମିହୁଡ୍ ଆତଃମିହୁଡ୍‌ଲଃ ଦେଙ୍ଗାଞ୍ଜାଃରୁ । ୨୫ ଅକନ୍‌କ କାଲିସିୟାରେ ହୁଣ୍ଡିୟଃ ନାଗେନ୍ତେ କାକ ସାନାଙ୍ଗ୍‌ତାନା, ଇନ୍‌କୁଆଃ ଲେକା ଆରୁ କାରୁ କାମିୟା । ମେନ୍‌ଦ ପ୍ରାଭୁଆଃ ହିନିଜୁଃ ହୁଲାଙ୍ଗ୍ ନାଡ୍‌ଡେଜଃ ତାନା ମେନ୍ତେ ସାରିକେଦ୍‌ତେ ମିହୁଡ୍ ଆତଃମିହୁଡ୍‌ଆଃ ଜାଉରେ ରାସ୍‌କା ଏମ୍‌ତାନିଲଃ ତାଇନାଃରୁ ।

୨୬ ଆରୁତାଃରେ ସାନାର୍‌ତି ଉଦୁବ୍‌ୟାନ୍ ତାୟମ୍‌ତେ ଆରୁ ସାରି ସାରିଗି ପାପ୍ କାମିରେ ତାଇନାଃରୁରେଦ୍, ଆତଃ ଜେତାନ୍ ଦାଣ୍ଠେ ଆରୁକେ ପାପ୍‌ହେତେ ରାଡ୍‌ କାଏ ଦାଡ୍‌ୟା । ୨୭ ତାବ୍‌ଦ୍, ଆରୁ ହିଜୁଃତାନ୍ ମାରାଙ୍ଗ୍ ବିଚାର୍‌ରେ ପାର୍‌ମେଶ୍‌ବରଆଃ ବିରୁଧ୍‌ରେ କାଜିକଟ୍‌ଙ୍ଗ୍ ହଡ୍‌କ ନାଗେନ୍ତେ ତାଇନ୍‌କାନ୍ ପୁରାଃଗି ସେଙ୍ଗେଲ୍‌ରେ ଜିୟନଃ ଦାସାକେ ବରକେଦ୍‌ତେ ତାଙ୍ଗିତେୟାଃଏତେ ଆରୁଆଃ ଏଟାଃ ଦାସା ବାନଃଆ । ୨୮ ଜେତାଏ ମୁଶା ନାବାଆଃ ଆନ୍‌ରୁ କାଏ ମାନାତିୟେଁଆ ଆତଃ ବାରିଆ ଚାଏ ଏନାଏତେ ଆଦ୍‌କା ଗାଞ୍ଜା ଏମ୍ ହଡ୍‌କଆଃ ଗାଞ୍ଜାତେ ଇନିଃ ଗୁଣ୍ଡାଁ ମେନ୍ତେ କାଜିୟଃଆ, ଆତଃ ଇନିଃକେ କା ଲିନିବୁଇକେଦ୍‌ତେ ଗନ୍‌ଏଃ ସାଜାଇ ଏମାଃଏ । ୨୯ ତାବ୍‌ଦ୍ ଉଡ୍‌ଷୁଲେପେ, ଜେତାଏ ପାର୍‌ମେଶ୍‌ବରଆଃ ହନ୍‌କେ ହିଲାଙ୍ଗ୍‌ଇତାନା ଆତଃ ପାର୍‌ମେଶ୍‌ବରଆଃ ନାଞ୍ଜା ରାଜିନାମାରେୟାଃ ମାୟୋମ୍ ହରାତେ ପାପ୍‌ହେତେ ଫାରିତ୍‌କାନ୍ ତାଇକେନ୍‌ରେୟା, ଇନିଃ ଏନାକେ ହିଲାଙ୍ଗ୍‌ୟେଁତାନା ଆତଃ ସାୟାଦ୍ ଏମ୍‌ନିଃ ପାବିତାର୍ ଆମ୍‌କେ କା ମାନାତିଙ୍ଗ୍‌ରେଦ୍, ଇନିଃ ତିମିନ୍ ପୁରାଃଗି ସାଜାଇ ନାମେ ଲେକାଏ ହବାଅଃଆ ? ୩୦ ତିୟାଃତି “ଆଇଁୟାଃ ବାଦ୍‌ଲା ଇଦିରେୟାଃ ଆକ୍‌ତେୟାର୍ ମେନାଃ, ଆଇଙ୍ଗ୍ ସାଜାଇ ଏମ୍‌ନିଃ ତାନିଙ୍ଗ୍” ନେ କାଜି କାଜିକେଦ୍‌ନିଃକେ ଆରୁ ସାରିତାନାରୁ । ଇନିଃ ଆତଃଗି କାଜିକାଦା, “ପ୍ରାଭୁ ଆୟାଃ ହଡ୍‌କକେ ବିଚାର୍‌କଆ ।” ୩୧ ଜାନିଦ୍ ପାର୍‌ମେଶ୍‌ବରଆଃ ବିଚାର୍‌ରେ ତିଙ୍ଗ୍‌ନ୍‌ତେୟାଃ ତିମିନ୍ ବରଞ୍ଜାନ୍‌ଗିୟା ।

୩୨ ଆପେ ଆପେୟାଃ ସିଦା ଦିପିଲିକେ ପାହାମେପେ, ପାର୍‌ମେଶ୍‌ବରଆଃ ମାର୍‌ସାଲ୍ ନାମକେଦ୍ ତାୟମ୍‌ତେ, ଆପେ ତିମିନ୍ ରାକାମ୍‌ରେୟାଃ ଦୁକୁ ସାସାତିପେ ନାମକେଦା, ଏନ୍‌ରେୟା ଆପେ କାପେ ହାରାଅୟାନା । ୩୩ ମିସା ମିସାଦ୍ ଆପେ ହଡ୍‌କଆଃ ଆୟାର୍‌ରେ ହିଲାଙ୍ଗ୍‌ଆଃ ଲେକା ଆତଃ ଦୁକୁତେ ଲାନ୍‌ଆଃ ଲେକାପେ ହବାୟାନା । ଏନ୍‌ଲେକାତେ ଆପେ ଅକନ୍ ହଡ୍‌କ ନେଲେକା ସାହାତିଙ୍ଗ୍ ତାଇକେନାକ, ଇନ୍‌କୁଲଃ ମେସା ନାଗେନ୍ତେ ସେକାଡ୍‌ୟାନାପେ । ୩୪ ଆପେ ଜେହେଲାକାନ୍‌କଆଃ ଦୁକୁ ହାସୁରେପେ ଦୁକୁୟାନା ଆତଃ ଆପେୟାଃ ଖୁଜ୍ କ ସବେନାଃ ରେଃକ୍‌ଇଦିୟାନା, ଇମ୍‌ତା ଆପେ ରାସ୍‌କାତେ ସାହାତିଙ୍ଗ୍‌କେଦାପେ, ତିୟାଃତି ଆପେୟାଃ ପୁରାଃ ବୁଗିନାଃ ଜାନାଅ ଜାନାଅରେୟାଃ ଖୁଜ୍ ମେନାଃ, ଏନାପେ ସାରିକାଦା । ୩୫ ଏନାମେନ୍ତେ ଆପେ ଜାଉରେ କେଟେଦ୍‌କାଦ୍‌ତେୟାଃ ଆଲ୍‌ପେ ଆଦେୟା, ତିୟାଃତି ଏନାରେ ପୁରାଃଗି ନାଲା ନାମଃଆ । ୩୬ ପାର୍‌ମେଶ୍‌ବରଆଃ ମନେ ପୁରାକେଦ୍‌ତେ, ଇନିଃ ଏମାବୁଆଏ ମେନ୍ତେ ବାନାର୍‌ସା ଏମାକାଦାଏ, ଏନାକେ ନାମେ ନାଙ୍ଗ୍ ଧିରାଜ୍ ସାବ୍‌କେଦ୍‌ତେ ତାଇନ୍‌ପେ । ୩୭ ତିୟାଃତି ଧାରାମ୍ ପୁଥ୍‌ରେ ଅଲ୍‌କାନା,

“ଆତ୍ମା କାଟିଃ ଘାଡ଼ିକାଦ୍ ତାଞ୍ଜିପେ,
ଅକ୍ଷୟାଃ ହିନିଜୁଃରାଃ ମେନାଃ,
ଇନିଃ ହିଜୁଃଆଏ, କାଏ ବିଲାମେୟା,

୩୮ ଆଇଁୟାଃ ଧାର୍ମାନ୍ ହଡ଼ ବିଶ୍ୱାସ୍ ହରାତେ ବାଞ୍ଚାଅଃଆ,
ମେନ୍ଦ୍ ଜେତାଏ ତାୟମ୍ତେ ରୁହାଡ଼ିନିଃକେ
ଆଇଁୟା କାଞ୍ଜିୟା ସୁକୁଃଆ ।”

୩୯ ଆଲେ ଦୟା ରୁହାଡ଼ିକେଦ୍ତେ ଜିୟନଃ ଲେକାନ୍ ହଡ଼କ ନାହାଁଲାଲେ, ମେନ୍ଦ୍ ପୁରାଃ ବିଶ୍ୱାସକାଦ୍
ଆତ୍ମା ଜୀଉ ବାଞ୍ଚାଅ ନାମାକାଦ୍ ହଡ଼କ ତାନଲେ ।

୧୧

ବିଶ୍ୱାସରେୟାଃ ନାମୁନା

୧ ଆରୁ ଆସ୍ତ୍ରାକାଦ୍ତେୟାଃ ନାମୁୟାନା ମେନ୍ତେ ସାରିତେୟାଃ ଆତ୍ମା କା ନେଲଃତାନ୍ତେୟାଃରାଃ ସାର୍ତି
ସେଣାଗି ବିଶ୍ୱାସ୍ ତାନାଃ । ୨ ସିଦା ଦିପିଲିରେନ୍ ପ୍ରାଚିନ୍ଦ୍ ଆକଥାଃ ବିଶ୍ୱାସ୍ ହରାତେ ପାର୍ମେଶ୍ୱାର୍ଆଃ
ମାଞ୍ଜନ୍ ନାମେ ଲେକାକ ହବାୟାନା ।

୩ *ପାର୍ମେଶ୍ୱାର୍ଆଃ ଆନାରୁତେ ନେ ଅତେଦିଶ୍ୱମ୍ ବାଞ୍ଜୟାନା ଆତ୍ମା କା ନେଲଃତେୟାଃଏତେ
ନେଲଃତେୟାଃ ବାଞ୍ଜୟାନା, ନେ କାଜି ବିଶ୍ୱାସ୍ତେ ଏସକାର୍ ଆରୁ ସାରିତାନାରୁ ।

୪ ବିଶ୍ୱାସ୍ ହରାତେ ହାବିଲ୍ ପାର୍ମେଶ୍ୱାର୍ଆଃ ଆୟାରରେ କୟିନ୍ଏତେ ପୁରାଃ ବୁଗିନ୍ ଦାଣେଁ
ରାକାଦ୍କେଦା । ଆୟାଃ ବିଶ୍ୱାସ୍ ହରାତେ ଇନିଃ ଧାର୍ମାନ୍ ମେନ୍ତେ ଉଦୁବେନ୍ୟାନା, ପାର୍ମେଶ୍ୱାର୍
ଆଇଃକ୍ରି ଆୟାଃ ଦାନ୍ ବିଷାଏରେ ଗାଞ୍ଜା ଏମ୍କେଦାଏ, ଆତ୍ମା ଇନିଃ ଗଏଃକାନ୍ରେୟା ବିଶ୍ୱାସ୍ ହରାତେ
ତିସିଙ୍ଗ୍ ଜାକେଦ୍ ବାଞ୍ଜାଣ୍ଡତାନାଏ ।

୫ ବିଶ୍ୱାସ୍ ହରାତେ ହନୋକ୍ ବେଗାର୍ ଗନ୍ଏଃତେ ପାର୍ମେଶ୍ୱାର୍ଆଃ ଜାପାଃତେ ସେନଃୟାନା ଆତ୍ମା
ଜେତାଏ ଇନିଃକେ କାକ ନେଲ୍ ଦାଡ଼ିକେନା । ଧାରାମ୍ ପୁଅରେ ଅଲ୍ଲାନା, ହନୋକ୍ ପାର୍ମେଶ୍ୱାର୍ଆଃ
ହେପାଦ୍ତେ ସେନଃ ସିଦାରେ ଆୟାଃ ସୁକୁଆନ୍ ଲେକାଗି ହବାୟାନା । ୬ ବିଶ୍ୱାସ୍ ବେଗାର୍ ଜେତାଏ
ପାର୍ମେଶ୍ୱାର୍କେ ସୁକୁ କାଏ ଦାଡ଼ିୟା, ଚିୟାଃତି ଜେତାଏ ପାର୍ମେଶ୍ୱାର୍ଆଃ ହେପାଦ୍ତେ ହିଜୁଃଆ ଇନିଃକେ
ପାର୍ମେଶ୍ୱାର୍ ମେନାଞ୍ଜୟା ମେନ୍ତେ ବିଶ୍ୱାସ୍ ରିକା ଲାଗାଡ଼ିଙ୍ଗ୍ୟାଃ, ପାର୍ମେଶ୍ୱାର୍କେ ଦାଣାଁତାନ୍ ହଡ଼କଆଃ
ଆସ୍ତ୍ରା ପୁରାଏୟାଏ ମେନ୍ତେହ୍ ବିଶ୍ୱାସ୍ ରିକା ଲାଗାଡ଼ିଙ୍ଗ୍ୟାଃ ।

୭ ବିଶ୍ୱାସ୍ ହରାତେ ନୁହ୍ ହିଜୁଃ ଦିପିଲିରେୟାଃ କା ନେଲଃତାନ୍ ବିଷାଏରେ ପାର୍ମେଶ୍ୱାର୍ଆଃ
ଚେନେତାଅ କାଜି ଆୟୁମ୍ ଦାଡ଼ିକେନା । ଇନିଃ ପାର୍ମେଶ୍ୱାର୍ଆଃ ଆନାରୁ ମାନାଡ଼ିଙ୍ଗ୍କେଦ୍ତେ ମିଆଁଦ୍
ଜାହାଜ୍ ବାଞ୍ଜକେଦାଏ । ଏନାରେ ଆଇଃକ୍ ଆତ୍ମା ଆୟାଃ ଅଡ଼ାଃରେନ୍ଦ୍ ବାଞ୍ଚାଅ ଦାଡ଼ିୟାନା । ଆତ୍ମା
ଅତେଦିଶ୍ୱମ୍ରେନ୍ ହଡ଼କ ସାଜାଞ୍ଜକ ନାମ୍କେଦା, ମେନ୍ଦ୍ ନୁହ୍ ଆୟାଃ ବିଶ୍ୱାସ୍ ହରାତେ ଧାର୍ମାନ୍ରେୟାଃ
ନାଲ୍ଲାଏ ନାମ୍କେଦା ।

୮ ପାର୍ମେଶ୍ୱାର୍ ଆବ୍ରାହାମ୍କେ ଅକନ୍ ଦିଶ୍ୱମ୍ ଏମାମେୟାଞ୍ଜି ମେନ୍ତେ ବାନାର୍ସା ଏମାକାଞ୍ଜ
ତାଞ୍ଜକେନାଏ, ଏନ୍ ଦିଶ୍ୱମ୍ତେ ସେନଃ ନାଗେନ୍ତେ ପାର୍ମେଶ୍ୱାର୍ କେଡ଼ାକିଃ ଇମ୍ତା ଆବ୍ରାହାମ୍ ବିଶ୍ୱାସ୍ତେ
ପାର୍ମେଶ୍ୱାର୍ଆଃ ଆନାରୁ ଆୟୁମ୍କେଦାଏ, ଆତ୍ମା ଆଇଃକ୍କେ କତାଃତେ ସେନ୍ ଲାଗାଡ଼ିଙ୍ଗ୍ୟାଃ
ଏନାହ ବେଗାର୍ ସାରିତେ ଇନିଃ ଆୟାଃ ଦିଶ୍ୱମ୍କେ ବାଗିକେଦ୍ତେ ଅଡ଼ଙ୍ଗ୍ୟାନା । ୯ ଇନିଃ ବିଶ୍ୱାସ୍
ହରାତେ ପାର୍ମେଶ୍ୱାର୍ ବାନାର୍ସା ଏମାକାଦ୍ ଦିଶ୍ୱମ୍ରେ ଏଟାଃ ଦିଶ୍ୱମ୍ରେନ୍ ଲେକାଏ ତାଞ୍ଜନ୍ୟାନା ।
ଇନିଃ କୁମ୍ପାରେ ତାଞ୍ଜନ୍ୟାନା ଆତ୍ମା ଆୟାଃ ଲେକା ପାର୍ମେଶ୍ୱାର୍ତେ ବାନାର୍ସା ଏମାକାନ୍ ଇସାକ୍
ଆତ୍ମା ଯାକୁବ୍ହଗି ଏନ୍ଲେକା କୁମ୍ପାରେ ତାଞ୍ଜକାନ୍ ତାଞ୍ଜକେନାକିନ୍ । ୧୦ ଚିୟାଃତି ଅକନ୍ ନାଗାର୍
ଜାନାଅରେୟାଃ ନିହିଁ ଗାଡ଼ା ତାନାଃ, ଏନାକେ ନାକ୍ସା ଏମ୍ନିଃ ଆତ୍ମା ବାବାଞ୍ଜିଃ ପାର୍ମେଶ୍ୱାର୍ଗି ତାନିଃ
। ଆବ୍ରାହାମ୍ ଏନ୍ ନାଗାର୍କେ ନେଲ୍ହରା ତାଞ୍ଜକେନା ।

୧୧ ସାରା ପୁରାଃଗି ବୁଡ଼ିଆକାନ୍ ହରାତେ ଆୟାଃ ହନ୍ଗାଁଣା ହବାଅଃରେୟାଃ ପେଡ଼େଃ କା
ତାଞ୍ଜକେନ୍ରେୟା, ବିଶ୍ୱାସ୍ ହରାତେ ଆବ୍ରାହାମ୍ ହାଡ଼ାମ୍ ଦିପିଲିରେ ଆପୁ ହବା ଦାଡ଼ିୟାନାଏ ।
ପାର୍ମେଶ୍ୱାର୍ ଆୟାଃ ବାନାର୍ସାକେ ପୁରାଏୟା ମେନ୍ତେ ଆବ୍ରାହାମ୍ ବିଶ୍ୱାସକାଦ୍ ତାଞ୍ଜକେନାଏ ।
୧୨ ଆବ୍ରାହାମ୍ ଗଜଃଲେକାଏ ତାଞ୍ଜକେନ୍ରେୟା, ଆୟାଃତାଃଏତେ ସିମ୍ପାରେ ମେନାକ ଇପିଲ୍ ଆତ୍ମା
ଦରେୟା ଗେନାରେୟାଃ କା ଲେକାଅଃ ଗିଡ଼ିଲ୍ ଇମ୍ନାଙ୍ଗ୍ ହନ୍ଗାଁଣାକ ହବାୟାନା ।

୧୩ ଏନ୍ ସବେନ୍ଦ୍ ବିଶ୍ୱାସ୍ରେକ ଗଏଃୟାନା । ପାର୍ମେଶ୍ୱାର୍ ଇନ୍ଦ୍କୁକେ ବାନାର୍ସା ଏମାକାଦ୍କ
ତାଞ୍ଜକେନ୍ତେୟାଃ ଇନ୍ଦ୍କୁ କାକ ନାମ୍ ଦାଡ଼ିକେଦା, ମେନ୍ଦ୍ ସାଞ୍ଜିନେତେ ଏନାକେ ନେଲ୍କେଦ୍ତେକ

* ୧୧:୩ ୧୧:୩ ଯୋହାନ୍ ୧:୩.

ଦାରମକେଦା, ଆତଃ ଇନ୍ଦ୍ରୁ ଆପାନ୍ଦକେ ଏତାଃ ଦିଶ୍ଵମରେନ୍ ତାନବୁ ମେନ୍ଦ ନେ ଅତେଦିଶ୍ଵମରେ ତାଇନ୍ତାନାବୁ ମେନ୍ଦେକ ମାନାତିଙ୍ଗକେଦା । ୧୪ ନେଲେକା କାଜିତାନ୍ଦକଦ, ଆଲେ ନାଗେନ୍ଦେ ଆଲେୟାଃ ଦିଶ୍ଵମଲେ ଦାଣ୍ଡୀତାନା ମେନ୍ଦେକ ଉଦୁବେନ୍ଦତାନା । ୧୫ ଇନ୍ଦ୍ରୁ ବାଗିକାଦ୍ ଦିଶ୍ଵମକେ ଆତଃ କାକ ଉଡ଼ିଷ୍ଠୁ ତାଇକେନା, ଇନ୍ଦ୍ରୁ ଉଡ଼ିଷ୍ଠୁକାତେ ତେୟାଃକରେଦ, ଏନ୍ତାଃତେ ରୁହାଡ଼୍ ନାଗେନ୍ଦେ ହରାକ ନାମାକାତେତେୟାଃ । ୧୬ ମେନ୍ଦ ଇନ୍ଦ୍ରୁ ପୁରାଃ ବୁଗିନ୍ ଦିଶ୍ଵମ, ତାଏ ସିମା ଦିଶ୍ଵମତେ ସେନଃ ନାଗେନ୍ଦେକ ତେତାଙ୍ଗତାନା । ଏନା ନାଗେନ୍ଦେ ଆଇଙ୍ଗ ଇନ୍ଦ୍ରୁଆଃ ପାରମେଶ୍ଵାରାଇଙ୍ଗ କାଜିୟଃଆ ମେନ୍ଦେ ପାରମେଶ୍ଵାର୍ କାଏ ଗିହୁଃକାନ୍ ତାଇକେନା, ଚିୟାଃଚି ଇନିଃ ଇନ୍ଦ୍ରୁ ନାଗେନ୍ଦେ ମିଆଁଦ୍ ନାଗାର୍ ବାଇସେକାଡ଼ାକାଦାଏ ।

୧୭ ପାରମେଶ୍ଵାର୍ ଆବ୍ରାହାମ୍‌କେ ବିଡ଼ାଅକିଃ ଇମ୍‌ତା, ବିଶ୍ଵାସ୍‌ତେ ଆବ୍ରାହାମ୍ ଆୟାଃ ହନ୍‌କଡ଼ା ଇସାକ୍‌କେ ଦାଣ୍ଡି ରାକାଦ୍ ନାଙ୍ଗ୍ ସେକାଡ଼ୟାନାଏ । ପାରମେଶ୍ଵାର୍ ଆବ୍ରାହାମ୍‌କେଗି ଆୟାଃ ବାନାର୍‌ସା କାଜି ଏମାକାଇ ତାଇକେନାଏ, ଏନ୍‌ରେୟ ଆବ୍ରାହାମ୍ ଆୟାଃ ମିଆଁଦ୍‌ଗି ହନ୍‌କଡ଼ାକେ ଦାଣ୍ଡି ରାକାଦ୍ ନାଗେନ୍ଦେ ସେକାଡ଼ୟାନା । ୧୮ ପାରମେଶ୍ଵାର୍ ଇନିଃକେ କାଜିକିୟା, “ଆଇଙ୍ଗ୍ ଆମ୍‌କେ ଅକନ୍ କିଲି ଏମାମେୟାଁଇଙ୍ଗ୍ ମେନ୍ଦେ ବାନାର୍‌ସା ଏମାକାଦ୍‌ମେୟାଁ, ଏନା ଇସାକ୍ ହରାତେଗିମ୍ ନାମେୟା ।” ୧୯ ପାରମେଶ୍ଵାର୍ ଇସାକ୍‌କେ ଗନଏଃହେତେୟ ଜାଉବିରିଦ୍ ଦାଡ଼ିୟାଏ, ନେ ବିଶ୍ଵାସ୍ ଆବ୍ରାହାମ୍‌ଆଃ ତାଇକେନା । ଆତଃ ସାର୍‌ତି କାଜିଲେରେ, ଆବ୍ରାହାମ୍ ଜନ୍‌କା ଲେକା ଇସାକ୍‌କେ ଗନଏଃହେତେ ନାମ୍ ରୁହାଡ଼କିୟା ।

୨୦ ଇସାକ୍ ଆୟାଃ ବିଶ୍ଵାସ୍ ହରାତେ ଯାକ୍‌ଦ୍ ଆତଃ ଏଷୌକେ ହିଜୁଃ ଦିପିଲି ନାଙ୍ଗ୍ ଆଗିଷ୍‌ବେନାଇଙ୍ଗ୍ ମେନ୍ଦେ ବାନାର୍‌ସାଏ ଏମାଦ୍‌କିନା ।

୨୧ ବିଶ୍ଵାସ୍ ହରାତେଗି ଯାକ୍‌ଦ୍ ଗନଏଃ ସିଦାରେ ଯୋଷେଫ୍ ଆୟାଃ ବାରାନ୍ ହନ୍‌କିନ୍‌କେ ଆଗିଷ୍‌କେଦ୍‌କିନା । ଇନିଃ ଆୟାଃ ସେସେନ୍ ସଗାରେୟାଃ ରୁଚିରେ ଅଧ୍‌ଲାଇକେଦ୍‌ତେ ପାରମେଶ୍ଵାର୍‌କେ ଜହାର୍‌କିୟା ।

୨୨ ଯୋଷେଫ୍ ଆୟାଃ ଗନଏଃ ଇମ୍‌ତାରେ ବିଶ୍ଵାସ୍ ହରାତେ ଇସ୍ରାଏଲ୍ ହଡ଼କଆଃ ମିସାର୍ ଦିଶ୍ଵମ୍‌ଏତେ ସେନଃ ବିଷାଏରେ ସିଦାରେ କାଜିକାଦ୍ ତାଇକେନା, ଆତଃ ଆୟାଃ ଗନଏଃ ହଡ଼ମ୍ ଚିକ୍‌ନାଃ ଚିକାଅଃଆ ଏନ୍ ବିଷାଏରେ ଆରୁକାଦ୍ ତାଇକେନା ।

୨୩ ବିଶ୍ଵାସ୍ ହରାତେ ମୁଶା ନାବୀଆଃ ଏଙ୍ଗାଆପୁକିନ୍ ଆୟାଃ ଜାନାମ୍ ଦିପିଲିରେ ଇନିଃକେ ମିଆଁଦ୍ ସୁଗାଡ଼ାନ୍ ହନ୍ ମେନ୍ଦେ ନେଲ୍‌କେଦ୍‌ତେ ରାଜା ହୁକୁମାକାଦ୍ ଆନାରୁକେହ୍ କା ମାନାତିଙ୍ଗ୍ ନାଗେନ୍ଦେ କାକିନ୍ ବରକେଦା, ଆତଃ ଆପି ଚାଣ୍ଡୁ* ଜାକେଦ୍ ଇନିଃକେକିନ୍ ଉକ୍‌କିୟା ।

୨୪ ମୁଶା ନାବୀ ହାରା ଦାଡ଼ିୟାନ୍ ତାୟମ୍‌ତେ ବିଶ୍ଵାସ୍ ହରାତେ ଫାରୋ ରାଜାରାଃ ହନ୍ଦେକୁଡ଼ିରାଃ ହନ୍ ନାହାଁଲିଙ୍ଗ୍ ମେନ୍ଦେ କାଜିକେଦା ୨୫ ପାପ୍‌ରେ ତାଇକେଦ୍‌ତେ କାଚିଃ ଲେକା ସୁକୁ ନାମେତେୟାଃଏତେଦ୍ ପାରମେଶ୍ଵାର୍‌ଆଃ ହଡ଼କଲଃ ଦୁକୁ ସାହାତିଙ୍ଗ୍‌ତେୟାଃ ବୁଗିନାଃ ତାନାଃ ମେନ୍ଦେ ଇନିଃକେ ସୁକୁକିୟା । ୨୬ ଇନିଃକେ ମିସାର୍ ଦିଶ୍ଵମ୍‌ରେୟାଃ ସବେନ୍ ଖୁଜ୍ କଏତେ ମାସି ନାଗେନ୍ଦେ ନିନ୍‌ଦାଅଃତେୟାଃ ପୁରାଃ ବୁଗିନାଃ ତାନାଃ ମେନ୍ଦେ ଆର୍‌କାର୍‌କେଦା, ଚିୟାଃଚି ହିଜୁଃ ଦିପିଲିରେୟାଃ ନାଲାଇକେ ହେତାକାଦ୍ ତାଇକେନା ।

୨୭ ମୁଶା ନାବୀ ଆୟାଃ ବିଶ୍ଵାସ୍ ହରାତେ ରାଜାରାଃ ଖ୍‌ସ୍‌କେ କା ବରକେଦ୍‌ତେ ମିସାର୍ ଦିଶ୍ଵମ୍‌କେ ବାଗିକେଦା, ଆତଃ ଇନିଃ କା ନେଲ୍‌ଃ ପାରମେଶ୍ଵାର୍‌କେ ନେଲାଇକାଈ ଲେକାଗି ଆର୍‌କାର୍‌କେଦ୍‌ତେ ହିଜୁଃ ରୁହାଡ଼୍ ନାଗେନ୍ଦେ କାଏ ସାନାଙ୍ଗ୍‌କେଦା । ୨୮ ଇସ୍ରାଏଲ୍‌ରେନ୍ ମୁଡ଼କୁଲ୍ ହନ୍‌କକେ ଗନଏଃରେନ୍ ଦୁଡ଼ ଆଲକାଏ ଗଏଃକକା ମେନ୍ଦେ ଇନିଃ ବିଶ୍ଵାସ୍ ହରାତେ ପାସ୍‌କା ପାରାବ୍‌କେ ମାନାତିଙ୍ଗ୍ ନାଗେନ୍ଦେ ଆତଃ ଦୁଆରେ ମାୟୋମ୍ ହିର୍‌ଚି ନାଗେନ୍ଦେ ଆରୁକେଦା ।

୨୯ ବିଶ୍ଵାସ୍ ହରାତେ ଇସ୍ରାଏଲ୍ ହଡ଼କ ରହଡ଼୍ ଅତେରେ ସେସେନ୍‌ତାନ୍ ଲେକା ଆରାଃ ଦରେୟାକେକ ସେନ୍ ପାରମ୍‌କେଦା, ମେନ୍ଦ୍ ମିସାର୍‌ରେନ୍ ହଡ଼କ ସେନ୍ ପାରମାଃ ତାଇକେନ୍‌ରେ, ଏନାରେ ତୁବିଃଗ୍ ଗଏଃୟାନାକ ।

୩୦ ବିଶ୍ଵାସ୍ ହରାତେ ଇସ୍ରାଏଲ୍‌ରେନ୍ ହଡ଼କ ଯିରିହୋ ନାଗାର୍‌ରେୟାଃ ଭିଡ଼୍‌ରାଃ ଚାରିୟାଃରେ ସାଡ଼୍ ଦିନ୍ ହନ୍‌ର ବିୟୁର୍‌କେଦ୍ ତାୟମ୍‌ତେ ଏନାରେୟାଃ ଭିଡ଼୍ ଉୟୁଃୟାନା । ୩୧ ବିଶ୍ଵାସ୍ ହରାତେ ବେଶ୍‌ କୁଡ଼ି ରାହାବ୍, ଇସ୍ରାଏଲ୍‌ରେନ୍ ହଡ଼କକେ ଅକନ୍‌କଚି ଉକ୍‌କେଦ୍‌ତେ ସେନାକାନ୍ ତାଇକେନାକ, ଇନ୍‌କୁକେ ଦାରମକେଦ୍‌କ ହରାତେ ପାରମେଶ୍ଵାର୍‌କେ କା ମାନାତିଙ୍ଗ୍‌ତାନ୍ ହଡ଼କଲଃ କା ଗଏଃକେଦ୍‌ତେ ବାଞ୍ଚାଅ ନାମ୍‌କେଦାଏ ।

୩୨ ଆତଃ ଆଦ୍‌କା ଚିନାଃ କାଜିୟାଈଙ୍ଗ୍ ? ଗିଦିୟନ୍, ବାରାକ୍, ସାମ୍‌ସନ୍, ଯିପ୍ରାହ୍, ଦାଉଦ୍, ଶାମୁଏଲ୍ ଆତଃ ଆୟାର୍‌କାଜିକଆଃ ବିଷାଏରେ କାଜିଲେରେ, ନେତା କା ହବାଅଃଆ । ୩୩ ବିଶ୍ଵାସ୍ ହରାତେ

* ୧୧:୨୩ ୧୧:୨୩ ମାହୁଁନା † ୧୧:୩୦ ୧୧:୩୦ ପାଡ଼ି

ଇନ୍କୁ ଲାଡ଼ାଇକେଦତେ ରାଇଜକ ଆମ୍ଲାଅକେଦା । ଇନ୍କୁ ପୁରାଃ ବୁଗିନାଃ କାମିକ କାମିକେଦା ଆଡ଼ଃ ପାର୍ମେଶ୍ଵାର୍ ଏମାକାଦ୍ ବାନାର୍‌ସାକ ନାମ୍‌କେଦା । ଇନ୍କୁ କୁଲାଇଆଃ ମଚାକ ତେପେଦକେଦା, ୩୪ ସେଙ୍ଗେଲ୍‌ରେୟାଃ ପୁରାଃ ଏଲାଇକ୍ ହକାକେଦା ଆଡ଼ଃ ଲେସେର୍ ତାରାଡ଼ିଏତେକ ବାଞ୍ଛାଅୟାନା । ଇନ୍କୁ କା ପେଡ଼େୟାନ୍‌ଗିକ ତାଇକେନା, ମେନ୍‌ଦ ପୁରାଃ ପେଡ଼େୟାନ୍‌କ ହବାୟାନା, ଲାଡ଼ାଇରେ ଜିତାଅୟାନାକ ଆଡ଼ଃ ଏଟାଃ ଦିଶ୍ଵମ୍‌ରେନ୍ ପାଲ୍‌ଗାନ୍‌କଆଃ ଗାଡ଼କ୍‌କେ ଧାସୁଡ଼କେଦାକ । ୩୫ ବିଶ୍ଵାସ୍ ହରାତେ କୁଡ଼ିକ ଆକଆଃ ଗଜାକାନ୍ କୁଚୁମ୍‌କେ ଜୀଉବିରିଦାକାନ୍ ନାମ୍‌ରୁହାଡ଼୍ କେଦକଆକ । ଏଟାଃକ ପୁରାଃ ବୁଗିନ୍ ଜୀଉବିରିଦ୍ ନାମ୍‌ରେୟାଃ ଆସ୍ତାରେ, ରାଡ଼ାନ୍ କା ସାନାଇକେଦତେ ପୁରାଃ ସାସାଡ଼ିକ ନାମ୍‌କେଦା ।

୩୬ ଚିମିନ୍ ହଡ଼କକେ ଲାନ୍‌କେଦକଆକ, ଆଡ଼ଃ ଚିମିନ୍‌କକେ ଚାବୁକ୍‌ତେକ ହାଁଣସାକେଦକଆ, ଆଡ଼ଃକକେ ସିକିଡ଼ିତେ ତଲ୍‌କେଦତେ ଜେହେଲ୍‌ତେକ ଇଦିକେଦକଆ । ୩୭ ଆଡ଼ଃ ଚିମିନ୍ ହଡ଼କକେ ଦିରିତେକ ଚିଦ୍‌ଗି ଗଏଃକେଦକଆ ଆଡ଼ଃ କାରାଡ଼ତେକ ବାର୍ ହିସାକେଦକଆ, ଆଡ଼ଃ ତାରାଡ଼ିତେକ ଗଏଃକେଦକଆ, ଆଡ଼ଃ ଅକଏ ଅକଏଦ ମିଣ୍ଡି ଆଡ଼ଃ ମେରମକଆଃ ଉହୁର୍ ତୁସିଙ୍ଗକେଦତେ ନାରାଦୁରାଗି, ସାସାଡ଼ି ଆଡ଼ଃ ସିଗିଦ୍‌ୟାନ୍‌ଲଃ ନେତେ ହାନ୍ତେକ ହନର୍‌ବାଡ଼ା ତାଇକେନା । ୩୮ ନେ ଲେକାନ୍ ହଡ଼କ ନାଗେନ୍ତେ ଅତେଦିଶ୍ଵମ୍‌ରେ ବୁଗିନ୍ ଠାୟାଦ୍ କା ତାଇକେନା । ଇନ୍କୁ କା ଚିହ୍ନାଁର୍ ହଡ଼ ଲେକା ହନର୍‌ତାନ୍‌ଲଃ ବିର୍ରେ, ବୁରୁରେ, ଆଡ଼ଃ ଅତେରେୟାଃ ଲାପାଙ୍ଗା ଆଡ଼ଃ ସୁରୁଙ୍ଗରେ ତାଇନଃ ତାଇକେନାକ ।

୩୯ ନେ ସବେନ୍ ହଡ଼କ ଆକଆଃ ବିଶ୍ଵାସ୍ ହରାତେ ମାଇନ୍ ନାମ୍‌ଲେକାକ ହବାକାନା । ଏନ୍‌ରେୟ ଇନ୍କୁ ପାର୍ମେଶ୍ଵାର୍ ଏମାକାଦ୍ ବାନାର୍‌ସାକେ କାକ ନାମ୍‌କେଦା, ୪୦ ଚିୟାଃଚି ପାର୍ମେଶ୍ଵାର୍ ଆବୁ ନାଗେନ୍ତେ ମିଆଁଦ୍ ପୁରାଃ ବୁଗିନାଃଏ ଉହାଟ୍‌କାଦ୍ ତାଇକେନା । ଇନ୍କୁ ଆବୁଲଃ ଏସ୍‌କାର୍ ପକ୍‌ତାଃଅକାକ ମେନ୍ତେ ଆୟାଃ ଇଛାସାନାଙ୍ଗ୍ ତାଇକେନା ।

୧୨

ପାର୍ମେଶ୍ଵାର୍ ଆବୁଆଃ ଆପୁ

୧ ନେ'ଲେକା ଗାଞ୍ଜାତେ ପେରେଜାକାନ୍ ଗାଦେଲ୍ ହଡ଼କ ଆବୁଆଃ ଚାରିୟସାଃରେ ମେନାକଆ, ଏନାମେନ୍ତେ ମାର୍ ହିଜୁଃପେ, ଆବୁ ନିରେତାନ୍ ଇମ୍‌ତା ଅକ୍‌ନାଃ ଆବୁକେ ଛେକାଦ୍‌ବୁତାନା ଆଡ଼ଃ କେଟେୟାନ୍‌ଗି ସାବ୍‌ବୁତାନ୍ ପାପକେ ବାଗିତାନ୍‌ଲଃ, ଦଲାରୁ, ଏନ୍ତାଃତେ ନିର୍ ସେଟେରେ ନାଙ୍ଗ୍ ଧୁରାଜ୍ ସାବ୍‌କେଦତେ ଆବୁଆଃ ଆୟାର୍‌ରେୟାଃ ନିର୍ରେ ହରାରେବୁ ନିର୍ରେୟା । ୨ ଅକନ୍ ଯୀଶୁକେ ଆବୁ ମୁନ୍‌ଏତେ ତୁଣ୍ଡୁ ଜ୍ଞାକେଦ୍ ବିଶ୍ଵାସ୍‌କାଇଜାରୁ, ଇନିୟାଃ ଚେତାନ୍‌ରେଗି ଆବୁଆଃ ମେଦ୍ ଦହକାନ୍‌କା । ଇନିଃ କୁଶ୍‌ରାଃ ବରତେ ଆୟାଃ କାମିହେତେ କାଏ ରୁହାଡ଼ାକାନ୍ ତାଇକେନା, ମେନ୍‌ଦ ହିଜୁଃ ଦିପିଲିରେ ଆୟାଃ ନାଙ୍ଗ୍ ଅକନ୍ ରାସ୍‌କା ମେନାଃ, ଏନା ନାଗେନ୍ତେ କୁଶ୍‌ରେୟାଃ ଗନଏଃକେ ଇନିଃ ବାନଃ ମେନ୍ତେ କାଏ କାଜିକେଦା, ଆଡ଼ଃ ନାହାଁଃ ଇନିଃ ପାର୍ମେଶ୍ଵାର୍‌ଆଃ ରାଜଗାଦିରେୟାଃ ଜମ୍‌ସାଃରେ ଦୁବାକାନା ।

୩ ଇନିଃ ପାପିକତାଃଏତେ ଚିମିନ୍ ପୁରାଃଗି ହିଲାଇୟାନା ଆଡ଼ଃ ଚିମିନ୍‌ଗି ଦୁକୁ ସାହାଡ଼ିଙ୍ଗକେଦା, ଏନା ଉଡ଼ୁଲେପେ ! ଏନାତେ ଆପେ ଆପେୟାଃ ମନ୍‌ରେ ଆଲ୍‌ପେ ହୁଡ଼ିଙ୍ଗଜୀଉଃଆ ଆଡ଼ଃ ଆଲ୍‌ପେ ଲାଗାଉତାରଃଆ । ୪ ଚିୟାଃଚି ଆପେକେ ପାପ୍ ବିରୁଧ୍‌ରେ ଲାଡ଼ାଇକେଦତେ ନାହାଁଃ ଜାକେଦ୍ ମାୟୋମ୍ ଲିଙ୍ଗିୟଃ ଲେକା ଆଉରିପେ ହବାଅଃଆ । ୫ ପାର୍ମେଶ୍ଵାର୍ ଆୟାଃ ହନ୍‌କ ଲେକା ଆପେକେ ଅକ ଜୀଉରାଡ଼େଃରାଃ କାଜି ଉଦୁବାପେ ତାନା, ଏନା ଚିନାଃ ଆପେ ରିଡ଼ିୟାଁକାଦାପେ ?

“ଏ ଆଇୟାଃ ହନ୍, ପ୍ରାଭୁଆଃ ଚେନେତାଅ କାଜିକେ ରାଞ୍ଜାଲାନ୍ କାଜିଲେକା ଆଲମ୍ ଆଟ୍‌କାରେୟା, ଚାଏ ଇନିଃ ଆମ୍‌କେ ଏଗେର୍‌ମେ ଇମ୍‌ତା ଆଲମ୍ ହୁଡ଼ିଙ୍ଗଜୀଉଃଆ ।

୬ ଚିୟାଃଚି ପ୍ରାଭୁ ଜେତାଏକେ ଦୁଲ୍‌ତାଃଏ, ଇନିଃକେ ଚେତାଅଆଃ, ଆଡ଼ଃ ଜେତାଏକେ ଆୟାଃ ହନ୍ ଲେକାଏ ନେଲିଆ, ଇନିଃକେ ସାଜାଇ ଏମାଃଏ ।”

୭ ଆପେୟାଃ ଦୁକୁହାସୁକେ ପାର୍ମେଶ୍ଵାର୍‌ଆଃ ସାଜାଇତାନାଃ ମେନ୍ତେ ଆଟ୍‌କାର୍‌କେଦତେ ସାହାଡ଼ିଙ୍ଗେୟେ, ନେ ହରାତେ ଇନିଃ ଆପେକେ ହନ୍ ଲେକାଏ ରିକାପେତାନା ମେନ୍ତେ ଆପେୟାଃ ଦୁକୁହାସୁଗି ଉଦୁବେତାନା । ଆପୁତାଃଏତେ ଚିଉଲ୍‌ଆ ସାଜାଇ କା ନାମାକାଦ୍ ଜେତା ହନ୍ ମେନାଇୟା ଚି ? ୮ ମେନ୍‌ଦ ଆପେ ସବେନ୍‌କ ଆୟାଃ ହନ୍‌କ ଲେକା ସାଜାଇ କାପେ ନାମାକାଦ୍‌ରେଦ, ଆପେ ସାର୍‌ତି ହନ୍ ନାହାଁଲାପେ, ମେନ୍‌ଦ ଲାମ୍‌ସି* ହନ୍‌ତାନ୍‌ପେ । ୯ ଅତେଦିଶ୍ଵମ୍‌ରେନ୍ ଆବୁଆଃ ଆପୁକ ଆବୁକେ ସାଜାଇ ଏମାବୁତାନ୍‌ରେୟ, ଆବୁ ଇନ୍‌କୁକେ ମାଇନ୍‌କ ତାନାରୁ, ତାବ୍‌ଦ ଆବୁଆଃ ଆମ୍‌କ୍ ଆପୁଆଃ ଚେନେତାଅରେ ଜାନିଦ୍ ତାଇନଃ ନାଙ୍ଗ୍ ଚିମିନ୍ ଆଦକା ବୁଗିନ୍ ତାଇନ୍ ଲାଗାଡ଼ିଙ୍ଗୟାଃ ! ୧୦ ଅତେଦିଶ୍ଵମ୍‌ରେନ୍ ଆବୁଆଃ ଆପୁକଆଃ ନେପେଲ୍‌ରେ ଅକ୍‌ନାଃ ଠାଉକାଗିୟା, ଏନ୍‌ଲେକାଗି ଆବୁକେ କାଟିଃ ଘାଡ଼ିକାଦ୍ ନାଙ୍ଗ୍ ସାଜାଇ

* ୧୨:୮ ୧୨:୮ ବେଗାର୍ ଆପୁରେନ୍ ହନ୍

ଏମାଦବୁତାନାକ, ମେନ୍ଦ ଆବୁ ପାରମେଶ୍ୱାର୍ଥୀୟ ପାବିତାରରେୟାଃ ହାନାଟିଙ୍ଗୁ ନାମେକା ମେନ୍ତେ
ଇନିଃ ଆବୁଆଃ ବୁଗିନାଃ ନାଗେନ୍ତେ ଆବୁକେ ସାଜାଇ ଏମାଃଏ । ୧୧ ସାଜାଇ ନାମେ ଇମତା ଆବୁକେ
ଦୁକୁ ଆଟ୍‌କାରାଃ, ସୁକୁ କା ଆଟ୍‌କାରାଃ । ମେନ୍ଦ ସାଜାଇ ନାମକେଦତେ ଅକନ୍‌କ ଆକଆଃ ଜୀଦାନ୍
ବାଇୟାକାଦାକ, ଇନ୍‌କୁ ତାୟମ୍‌ତେ ଜୀତସୁକୁରେୟାଃ ଧାର୍‌ମାନ୍ ଜୀଦାନ୍ ଲେକାନ୍ ନାଲକ ନାମେୟା ।

ଇନିତୁ ଆତଃ ଚେନେତାଅ

୧୨ ଏନାତେ ଆପେୟାଃ କା ପେଡେୟାନ୍ ତିଃଇକେ ଆତଃ ଏକ୍‌ଲାଅଃତାନ୍ ମୁକ୍‌ଡିକେ କେଟେଜେପେ
। ୧୩ କା ସେସେନ୍ ଦାଡିତାନ୍ କାଟା ଆଲକା ଆଡ଼ମଃକା ମେନ୍ଦ ବୁଗିୟଃକା ମେନ୍ତେ ସିଧା ହରାରେ
ସେନ୍‌କାତେକାଏ ।

୧୪ ସବେନ୍‌କଲଃ ସୁକୁଜୀଉରେ ତାଇନଃ ନାଗେନ୍ତେ ଆତଃ ପାବିତାର ଜୀଞ୍ଜାନ୍ ବିତାଅ ନାଗେନ୍ତେ
ଚିହ୍‌ଲେନ୍‌ପେ, ଚିୟାଃଚି ନେଆଁ ବେଗାର୍ ଜେତାଏ ପ୍ରାଭୁକେ ନେଲ୍ କାଏ ଦାଡିୟା । ୧୫ ଜେତାଏ
ପାରମେଶ୍ୱାର୍ଥୀୟ ସାୟାଦହେତେ ଆଲକାଏ ରୁହାଡ଼କା, ଏନାମେନ୍ତେ ଚିର୍ଗାଲକାନ୍ ତାଇନ୍‌ପେ ।
ଜେତାଏ ମେହେର୍ ଦାରୁ ଲେକା ଆଲକାଏ ହବାଅଃକା, ଏନାରେୟାଃ ବୁଟା ହାରାକରେ, ଏନାରେୟାଃ
ମାହୁଁରାତେ ପୁରାଃ ହଡ଼କଆଃ ଜିୟନ୍ ହବାଅଃଆ । ୧୬ ଜେତାଏ ଆପାଙ୍ଗିର୍ କାମିନିଃ ଚାଏ ମିସାଗି ଜମେ
ନାଗେନ୍ତେ ଆପନାଃ ମୁଡ଼କୁଲ୍‌ରେୟାଃ ଆକ୍‌ତେୟାର୍‌କେ ଆଖିରଙ୍ଗକେଦ୍ ଏଷାଁ ଲେକା କା ଧାର୍‌ମାନ୍
ଆଲକାଏ ହବାଅଃକା । ୧୭ ତାୟମ୍‌ତେ ଇନିଃ ଆପୁତେୟାଃ ଆଶିଷ୍‌ରେୟାଃ ଆକ୍‌ତେୟାର୍ ନାମେ
ନାଗେନ୍ତେ ସାନାଙ୍ଗକେଦ୍‌ରେୟା, ଇନିଃ ଗେନା ଆତମ୍‌ୟାନାଏ, ପୁରାଃଚି ରାଆଃକେଦ୍ ରେୟା ଆଇଃକ୍
କାମିକାଦ୍‌ତେୟାଃ କାଏ ବାଦ୍‌ଲାଅ ଦାଡିୟା ।

୧୮ ଇସ୍‌ସାଏଲ୍ ହଡ଼କ ଲେକା ସିନାଇ ବୁରୁରେ ଜୁଲଃତାନ୍ ସେଙ୍ଗେଲ୍, କୁଲ୍‌କୁଲ୍ ନୁବାଃ, ହୁର୍‌ଲାସି
ହୟ, ୧୯ ବିଙ୍ଗୁଲ୍ ବାଜା ସାଡ଼ି, କାଜିରେୟାଃ ସାଡ଼ି ଆପେ କାପେ ଆୟୁମ୍ । ଇସ୍‌ସାଏଲ୍ ହଡ଼କ ଏନ୍ ସାଡ଼ି
ଆୟୁମ୍‌କେଦ୍‌ତେ, ଆତଃ କାଲେ ଆୟୁମାଃ ମେନ୍ତେ ବିକ୍ତିକିୟାକ, ୨୦ ଚିୟାଃଚି “ଜେତା ଜାଁତୁହଗି ଏନ୍
ବୁରୁକେ ଜୁଟିଦ୍‌ତାରେ, ଇନିଃକେ ଦିରିତେ ଚିଦ୍‌ଗି ଗଏଃ ଲାଗାଡିଙ୍ଗ୍‌ୟାଃ” ମେନ୍ତେ ଆବୁକାନ୍ ତାଇକେନା,
ଏନାକେ ଇନ୍‌କୁ କାକ ସାହାଡିଙ୍ଗ୍ ଦାଡିକେନା । ୨୧ ଏନା ନେଲଃରେ ପୁରାଃ ବରଞ୍ଜାନ୍‌ଗି ତାଇକେନା ଯେ,
ମୁଶା ନାବୀ କାଜିକେଦା, “ଆଇଙ୍ଗ୍ ପୁରାଃଚିଇଙ୍ଗ୍ ବରତାନା ଆତଃ ଏକ୍‌ଲାଅଃତାନା ।”

୨୨ ମେନ୍ଦ ଆପେ ସିନାଇ ବୁରୁତେ, ଜୀନିଦ୍ ପାରମେଶ୍ୱାର୍ଥୀୟ ନାଗାର୍ ସିର୍ମାରେୟାଃ
ୟାରୁଶାଲେମ୍‌ତେପେ ହିଜୁଃକାନା, ଅକ୍‌ତାଃରେଚି କା ଲେକାଦାଡିୟଃ ସିର୍ମା ଦୁଁଡ଼କ ହୁଣ୍ଡିୟଃତାନା
। ୨୩ ପାରମେଶ୍ୱାର୍ଥୀୟ ଅକନ୍ ମୁଡ଼କୁଲ୍ ହନ୍‌କଆଃ ନୁଡୁମ୍ ସିର୍ମାରେ ଅଲକାନା, ଆପେ ଇନ୍‌କୁଆଃ
ରାସ୍‌କାରେ ହୁଣ୍ଡିନ୍ ନାଗେନ୍ତେପେ ହିଜୁଃକାନା । ପାରମେଶ୍ୱାର୍ ସବେନ୍‌କଆଃ ବିଚାର୍‌ନିଃ ତାନିଃ, ଆପେ
ଇନିଃତାଃତେ ଆତଃ ପକ୍‌ତାକାନ୍ ଧାର୍‌ମାନ୍ ହଡ଼କଆଃ ଆମ୍‌କତାଃତେପେ ହିଜୁଃକାନା । ୨୪ ନାଞ୍ଜା
ରାଜିନାମାକେ ଠାହାରାଅକାଦ୍ ଯୀଶୁତାଃତେ ଆତଃ ନେ ହିର୍‌ଚିୟାକାନ୍ ମାୟୋମ୍ ହେପାଦ୍‌ତେପେ
ହିଜୁଃକାନା । ଏନ୍ ହିର୍‌ଚିୟାକାନ୍ ମାୟୋମ୍ ହାବିଲ୍‌ଆଃ ମାୟୋମ୍‌ଏତେ ପୁରାଃଚି ବୁଗିନାଃ ତାନାଃ ।

୨୫ ଏନାତେ ଚିର୍ଗାଲକାନ୍ ତାଇନ୍‌ପେ, ଇନିୟାଃ କାଜିକେ ଆୟୁମ୍ ନାଗେନ୍ତେ ଆଲ୍‌ପେ ହିଡ଼କିତାଅଃଆ,
ଚିୟାଃଚି ସିର୍ମାରେୟାଃ କାଜି ଅତେଦିଶୁମ୍‌ରେ ଉଦୁବ୍‌କେଦ୍‌ନିଃକେ ଅକନ୍‌କ କାକ ଆୟୁମ୍‌କିୟା, ଇନ୍‌କୁ
ଜେତାଏ କାକ ବାଟାଅୟାନା । ଏନ୍‌ରେଦ, ନାହାଁଃ ଅକଏଚି ସିର୍ମାରେ ତାଇନ୍‌କେଦ୍‌ତେ କାଜିତାନାଏ,
ଇନିଃକେ ଆବୁ କାରୁ ମାନାଡିଙ୍ଗ୍‌ରେଦ ଚିନାଃ ଆବୁ ବାଞ୍ଜାଞ୍ଜେନ୍ ଦାଡିୟାବୁ ? ୨୬ ଏନ୍ ଦିପିଲିରେ ଇନିୟାଃ
ଲାବ୍‌ଜା ଅତେକେ ଏକ୍‌ଲାଅକେଦାଏ, ମେନ୍ଦ ନାହାଁଃ ଇନିଃ ବାନାର୍‌ସା ଏମାକାଦାଏ, “ଆଇଙ୍ଗ୍ ଆତଃମିସା
ଅତେକେ ଏସକାର୍ କାହା, ମେନ୍ଦ ସିର୍ମାକେହ୍ ଏକ୍‌ଲାଅୟାଇଙ୍ଗ୍ ।” ୨୭ “ଆତଃମିସା” ମେନ୍ତେ କାଜିକେଦ୍
ହରାତେ ଆଟ୍‌କାରଃତାନା ଯେ, ବାଇୟାକାନ୍‌ତେୟାଃ ସବେନାଃ ଏକ୍‌ଲାଅଃଆ ଆତଃ ଆତମଃଆ ଆତଃ
ଅକ୍‌ନାଃ କା ଏକ୍‌ଲାଅଃଆ ଏନା ତାଇନଃଆ ।

୨୮ ଏନାତେ ଆବୁ କା ଏକ୍‌ଲାଅଃ ରାଇକ୍‌କେବୁ ନାମେତାନ୍ ନାଗେନ୍ତେ ଏଲା ହିଜୁଃପେ, ଆବୁ
ପାରମେଶ୍ୱାର୍‌କେବୁ ଜହାରିୟା ଆତଃ ବରଭାକ୍ତିତାନ୍‌ଲଃ ଆୟାଃ ସୁକୁଆନ୍ ହବାଅଃ ଲେକାବୁ ସୁସାରିୟା
। ୨୯ ଚିୟାଃଚି ଆବୁଆଃ ପାରମେଶ୍ୱାର୍ ଜିୟନେତାନ୍ ସେଙ୍ଗେଲ୍ ତାନିଃ ।

୧୩

ପାରମେଶ୍ୱାର୍‌କେ ସୁକୁଇଚି

୧ ଖ୍ରୀଷ୍ଟିୟାନ୍ ହାଗା ମିଶିକ ମିହୁଡ୍ ଆତଃମିହୁଡ଼କେ ଦୁଲ୍‌ଡ଼କାତେକ୍‌ପେ । ୨ ଆପେୟାଃ ଅଡ଼ାଃତେ
ହିଜୁଃତାନ୍ ହଡ଼କକେ ଦାରମ୍‌କ ନାଗେନ୍ତେ ଆଲ୍‌ପେ ରିଡ଼ିଙ୍ଗ୍‌ୟେଆ । ଚିମିନ୍ ହଡ଼କ ନେ'ଲେକା
କାମିତାନ୍ ହରାତେ ବେଗାର୍ ସାରିତେ ସିର୍ମାରେନ୍ ଦୁଁଡ଼କକେ ଦାରମ୍‌କେଦ୍‌କଆକ । ୩ ଜେହେଲକାନ୍

ହତକଲଃ ଆପେୟାଗି ଇନ୍ଦ୍ରୁଲଃ ଜେହେଲାନାନ୍ ଲେକା ଉଡ଼ୁକେଦ୍‌ତେ ଇନ୍ଦ୍ରୁକେ ପାହାମ୍‌କୁପେ । ଆପେୟାଗି ହାସା ହଡ଼ଫରେନ୍ ହଡ଼କତାନ୍‌ପେ ମେନ୍ତେ ଆଚ୍‌କାରତାନ୍‌ଲଃ ଦୁକୁହାସୁ ନାମେତାନ୍ ହଡ଼କକେ ପାହାମ୍‌କୁପେ ।

୪ ଆଣ୍‌ଦିୟଃତେୟାଃ ସବେନ୍‌କ ନାଗେନ୍ତେ ମାଇନାନ୍ ହବାଅଃକା, ଆତଃ କଡ଼ା କୁଡ଼ି ବାରାନ୍‌କିନ୍‌ଗି ପାତିୟାନ୍‌ରଃ ଲେକାକିନ୍ ହବାଅଃକା । ପାର୍‌ମେଶ୍ୱାର୍ ହଡ଼ଫରଃ ଏଡ଼କାନ୍ ସାନାଙ୍ କାମିତାନ୍ ଆତଃ ଆପାଙ୍‌ର୍ କାମିତାନ୍‌କକେ ବିଚାରକଥା ।

୫ ଆପେୟାଃ ଜୀଦାନ୍‌ରେ ଟାକା ପାଏସାରଃ ହାୟାହେତେ ସାଙ୍‌ନିରେ ତାଇନ୍‌ପେ, ଆତଃ ଆପେତାଃରେ ଅକନଃ ମେନଃ ଇମ୍‌ନାଙ୍‌ରେଗି ସୁକୁକେଦ୍ ତାଇନ୍‌ପେ । ତିୟାଃତି ପାର୍‌ମେଶ୍ୱାର୍ କାଜିକେଦାଏ, “ଆଇଙ୍ ଆମ୍‌କେ ଚିତ୍‌ଲାଅ କାଇଙ୍ ଆଡ଼ଃମେୟା, ଚି ଚିତ୍‌ଲା କାଇଙ୍ ବାଗିମେୟା ।” ୬ ଏନାତେ ଆବୁ ଜୀଉରେ କେଚେଦ୍‌କେଦ୍‌ତେ କାଜି ଦାଡ଼ିୟାବୁ,

“ପ୍ରାଭୁ ଆଇଁୟାଃ ଦେଙ୍‌ମାନିଃ ତାନିଃ,
ଆଇଙ୍ କାଇଙ୍ ବରଏୟା ।

ହଡ଼ ଆଇଁୟାଃ ଚିନଃ ରିକା ଦାଡ଼ିୟାଏ ?”

୭ ଆପେୟାଃ ସିଦାରେନ୍ ଆଗୁଆଇକ ଆପେକେ ପାର୍‌ମେଶ୍ୱାର୍‌ଆଃ କାଜିକ କାଜିକେଦ୍‌ପେୟା ଏନା ପାହାମେପେ । ଇନ୍‌କୁଆଃ ଜୀଦାନ୍ ଆତଃ ଗନ୍‌ଏଃ ଚିଲ୍‌କା ହବାଲେନା ଏନା ପାହାମ୍ ରୁହାଡ଼େପେ ଆତଃ ଇନ୍‌କୁଆଃ ବିଶ୍ୱାସକେ ଆପେୟାଃ ଜୀଦାନ୍‌ରେ ଅତଙ୍‌ମେୟେ । ୮ ଯୀଶୁ ଶ୍ରୀଷ୍ଟ ହଲା, ତିସିଙ୍, ଆତଃ ଜାନାଅ ଜାନାଅ ଜାକେଦ୍ ମିଦ୍‌ଗି ତାଇନା । ୯ ରାକାମ୍ ରାକାମ୍ ଏଟାଃ ଇନିତୁତେ ଆପେୟାଃ ବୁଗିନ୍ ହରା ଆଲକା ଆଦଃକା । ତିୟାଃତି ଜମ୍ ନୁଁରେୟାଃ ନିୟାମ୍ ମାନାତିଙ୍‌କେଦ୍‌ତେଦ କାହାଗି, ମେନ୍‌ଦ ପାର୍‌ମେଶ୍ୱାର୍‌ଆଃ ସାୟାଦ୍‌ତେ ମନ୍‌ସୁରୁଦ୍‌ରେୟାଃ ପେଡ଼େଃ ନାମେତେୟାଃ ବୁଗିନଃ ତାନଃ । ଅକନ୍‌କ ଜମ୍ ନୁଁରେୟାଃ ନିୟାମ୍ ମାନାତିଙ୍ ତାନାକ, ଇନ୍‌କୁଆଃ ଜେଡ଼ନଃ ବୁଗିନଃ କା ହବାକାନା ।

୧୦ ଆବୁଆଃ ମିଆଁଦ୍ ଦାଣେଁ ରାକାବ୍‌ରେୟାଃ ବେଦି ମେନଃ, ଏନାରେ ତାଇନାକାନ୍ ଜମେୟାଃ ଜମ୍ ନାଗେନ୍ତେ ଯିହୁଦୀକଆଃ କୁମ୍‌ପାରେ ସୁସାର୍‌ତାନ୍ ଯାଜାକ୍‌କଆଃ ଆକ୍‌ତେୟାର୍ ବାନଃଆ । ୧୧ ଯିହୁଦୀ ମାରାଙ୍ ଯାଜାକ୍ ଜାତୁରଃ ମାୟୋମ୍‌କେ ପାପ୍‌ରେୟାଃ ଦାଣେଁ ରାକାବ୍ ନାଗେନ୍ତେ ପୁରଃ ପାବିତାର୍ ଠାୟାଦ୍‌ତେ ଆଉଇୟା, ମେନ୍‌ଦ ଏନ୍ ଜାତୁରଃ ହଡ଼ଫକେ କୁମ୍‌ପାରେୟାଃ ବାହାରି ଇଦିକେଦ୍‌ତେ ସେଙ୍‌ଲେରେ ଉରୁବଃଆ । ୧୨ ଏନ୍‌ଲେକାଗି ଯୀଶୁହ୍ ଆୟାଃ ମାୟୋମ୍‌ତେ ହଡ଼କକେ ପାପ୍‌ହେତେ ପାର୍‌ଚିକ ନାଗେନ୍ତେ ନାଗାର୍‌ରେୟାଃ ବାହାରିରେ ଗଏଃୟାନା । ୧୩ ଏନାତେ ଦଲାରୁ, ଆବୁହ ଆୟାଃ ଲେକାଗି ଆବୁକେ ଲାନ୍‌ରୁତେୟାଃକ ସାହାତିଙ୍‌କେଦ୍‌ତେ ନାଗାର୍‌ରେୟାଃ ବାହାରି କୁମ୍‌ପାତେ ଆୟାଃ ହେପାଦ୍‌ତେବୁ ସେନା । ୧୪ ତିୟାଃତି ନେ ଅତେଦିଶ୍ୱମ୍‌ରେ ଆବୁ ନାଗେନ୍ତେ ସବେନ୍ ହୁଲାଙ୍ ନାଙ୍ ଜେତା ନାଗାର୍ ବାନଃଆ, ମେନ୍‌ଦ ଆବୁ ନାଙ୍ ଅକ ନାଗାର୍ ହିଜୁଃ ଦିପିଲିକରେ ବାୟୁଃଆ, ଏନ୍ ନାଗାର୍‌କେବୁ ନେଲ୍‌ହରାତାନା । ୧୫ ଏନାତେ ହିଜୁଃପେ, ଆବୁ ଯୀଶୁଆଃ ହରାତେ ପାର୍‌ମେଶ୍ୱାର୍‌ଆଃ ନୁତୁମ୍‌ରେ ଆବୁଆଃ ସାହାରାଅ ଦାଣେଁବୁ ରାକାବେୟା । ନେ ଦାଣେଁ ଆବୁଆଃ ଲାଚଡ଼ାତେ ଯୀଶୁକେ “ପ୍ରାଭୁ” ମେନ୍ତେ ମାରାଙ୍‌ଇତାନା । ୧୬ ଏଟାଃକଆଃ ବୁଗିନଃ କାମି ନାଗେନ୍ତେ ଆତଃ ଇନ୍‌କୁକେ ଦେଙ୍‌ମାକ ନାଗେନ୍ତେ ଆଲ୍‌ପେ ରିଡ଼ିଙ୍‌ମେୟା, ତିୟାଃତି ନେ ସବେନଃଗି ପାର୍‌ମେଶ୍ୱାର୍‌ଆଃ ସୁକୁଆନ୍ ଦାଣେଁ ତାନଃ ।

୧୭ ଆପେୟାଃ ଆଗୁଆଇକଆଃ କାଜି ମାନାତିଙ୍‌ପେ ଆତଃ ଆକଆଃ କାଜି ଆୟୁମେପେ । ଇନ୍‌କୁ ହର ହଡ଼ଲେକା ବେଗାର୍ ରୁଡ଼କେଦ୍‌ତେ ଆପେୟାଃ ଜୀଉକ ହରତାନା, ତିୟାଃତି ଇନ୍‌କୁକେ ପାର୍‌ମେଶ୍ୱାର୍‌ତାଃରେ ଆକଆଃ କାମିରେୟାଃ ହିସାବ୍ ଏମ୍ ଲାଗାତିଙ୍‌ୟାଃ । ଆପେ ଇନ୍‌କୁକେ ମାନାତିଙ୍‌କରେଦ, ଇନ୍‌କୁ ସୁକୁମ୍‌ତେ ଆକଆଃ କାମିକ କାମିୟା, ମେନ୍‌ଦ ଆପେ କାପେୟାଃରେଦ, ଇନ୍‌କୁ ଦୁକୁ ମନ୍‌ତେକ କାମିୟା, ଆତଃ ଏନାରେ ଆପେୟାଃ ନାଙ୍ ଜେତାନ୍ ବୁଗିନଃ କା ହବାଅଃଆ ।

୧୮ ଆଲେ ନାଗେନ୍ତେ ବିକ୍ତିକାତେପେ । ଆଲେୟାଃ ବିବେକ୍ ନିରାଲ୍‌ଗିୟା, ଏନା ସାର୍‌ତି ତାନଃ, ତିୟାଃତି ଆଲେ ସବେନ୍ ଇମ୍‌ତା ବୁଗିନ୍ ଚାଇଲ୍ ଚାଲାନ୍ ରିକା ନାଗେନ୍ତେଲେ ସାନାଙ୍ ତାନା । ୧୯ ଆତଃ ପାର୍‌ମେଶ୍ୱାର୍ ଆଇଙ୍‌କେ ଆପେତାଃତେ ଜାଲ୍‌ଦିଗି କୁଲ୍‌ତାଇଙ୍‌କା ମେନ୍ତେ ବିକ୍ତିପେ । ଆଇଙ୍ ନେଆଁ ଆପେତାଃରେ ଆଇଁୟାଃ ମନ୍‌ସୁରୁଦ୍‌ତେଇଙ୍ ବିକ୍ତିତାନା ।

ଚୁଶୁ ବିକ୍ତି

୨୦ ଅକଏଚି ଆୟାଃ ଗନ୍‌ଏଃ ହରାତେ ମିଶ୍ୱିକଆଃ ମାରାଙ୍ ମିଶ୍ୱିଗୁପିନିଃ ହବାକାନାଏ, ଆବୁଆଃ ଜୀଉସୁକୁ ଏମଃନିଃ ପାର୍‌ମେଶ୍ୱାର୍ ଏନ୍ ପ୍ରାଭୁ ଯୀଶୁକେ ଗନ୍‌ଏଃହେତେ ଜୀଉବିରିଦ୍‌କିୟାଏ । ଏନ୍ ଯୀଶୁଆଃ ଗନ୍‌ଏଃରେୟାଃ ମାୟୋମ୍‌ତେ ମିଆଁଦ୍ ଜାନାଅ ଜାନାଅ ତାଇନଃ ରାଜିନାମାରଃ ମୋହର୍ ଏମାକାନା ।

୨୧ ଜୀଉସୁକୁ ଏମଃନିଃ ପାର୍‌ମେଶ୍ୱାର୍, ଆୟାଃ ସାନାଙ୍ ଲେକା କାମି ନାଗେନ୍ତେ ଆପେକେ ଆପେୟାଃ

ଲୀଗାତିଙ୍ଗ ଲେକା ସବେନ୍ ବୁଗିନାଃତେୟାଃକଏ ଏମାପେକା, ଆତଃ ଯାଶୁ ଶ୍ରୀଷ୍ଟିଆଃ ହରାତେ ଆରୁଆଃ ଜୀଦାନରେ ଇନିୟାଃ ସୁକୁଆନ୍ କାମିକ ହବାଅଃକା । ଆତଃ ଜାନାଅ ଜାନାଅ ଶ୍ରୀଷ୍ଟିଆଃ ମାନାରାଙ୍ଗ ହବାଅଃକା ! ଆମେନ୍ ।

ଚୁଣ୍ଡ କ୍ଳାଜି

^{୨୨} ହେ ହାଗା ମିଶିକ, ଆଇଙ୍ଗ ବିନ୍ଦିପେ ତାନାଇଙ୍ଗ, ଆଇଁୟାଃ ନେ ହୁଡିଙ୍ଗ ଲେକାନ୍ ଅନଲ୍ କାଜିକେ ଧ୍ୟାନ୍ ଏମ୍‌କେଦ୍‌ତେ ଆୟୁମେପେ । ଆଇଙ୍ଗ ଆପେକେ ଜୀଉରେ ରାସ୍‌କାପେ ନାଗେନ୍ତେ ନେଆଁଇଙ୍ଗ ଅଲାଇଦା । ^{୨୩} ଆପେ ସାରିପେ ମେନ୍ତେଇଙ୍ଗ ସାନାଙ୍ଗତାନା ଯେ, ଆରୁଆଃ ହାଗା ତୀମଥ୍ ଜେହେଲ୍‌ହେତେ ଅତଙ୍ଗଆଁକାନା, ଇନିଃ ଜାଲ୍‌ଦି ହିଜୁଃରେଦ, ଆଇଙ୍ଗ ଆୟାଃଲଃ ମିସାତେ ଆପେତାଃତେ ନେପେଲ୍ ନାଗେନ୍ତେଇଙ୍ଗ ହିଜୁଃଆ ।

^{୨୪} ଆପେୟାଃ ସବେନ୍ ଆରୁଆଇକକେ ଆତଃ ପାର୍‌ମେଶ୍‌ୱାର୍‌ଆଃ ହଡକକେ ଆଲେୟାଃ ଜହାର୍ ଉଦୁବାକପେ । ଇଟାଲି ଦିଶୁମ୍‌ହେତେ ହିଜୁଃକାନ୍ ହାଗାକ ଆପେକେହଗି ଜହାର୍ ମେନ୍ତେକ କାଜିକୁଲେତାନା ।

^{୨୫} ପାର୍‌ମେଶ୍‌ୱାର୍‌ଆଃ ସାୟାଦ୍ ଆପେ ସବେନ୍‌କଲଃ ହବାଅଃକା ।

ଯାକୁବକ ଲିଖିତ ପତ୍ର ଯାକୁବ୍ ଅଲ୍ଲାକାଦ୍ ଚିଟାଉ ପାରିଟାଏ

ଯାକୁବ୍ ପୁଅ ଯାକୁବ୍ ନୁହୁମ୍ତେ ସାରିୟାତାନ୍ ମିଆଁଦ୍ ହଡ଼ ଅଲ୍ଲାକାଦାଏ । ହବାସାକାଅଆଃ ନେ ଯାକୁବ୍ ଯୀଶୁ ଖ୍ରୀଷ୍ଟୁଆଃ ହାଗାତେ ତାଇକେନା, ଅକଏତି ଏନେଟେଦ୍ କାଲିସିୟାରେନ୍ ମିଆଁଦ୍ ଆଗୁଆଇ ଆତଃ ଯୀରୁଶାଲେମ୍ ପାଞ୍ଚେଟ୍ରେନ୍ ହଡ଼ ତାଇକେନାଏ ପ୍ରେରିଡ଼ ୧୫:୧୩ । ପ୍ରେରିଡ଼ ପାଉଲୁସ୍‌ହଗି ଯାକୁବ୍‌କେ କାଲିସିୟାରେନ୍ ଖୁଣ୍ଟୁ ମେନ୍ତେ କାଜିୟା ଗାଲାତିୟ ୨:୯ ।

ଯାକୁବ୍ ପୁଅ ଯୀଶୁ ଖ୍ରୀଷ୍ଟୁଆଃ ଜାନାମ୍‌ରେୟାଃ ୫୦ ବାରାଷ୍ଟ ତାୟମ୍‌ତେ ଅଲ୍ଲାକାନା ମେନ୍ତେ ବାଇବାଲ୍ ପାଣ୍ଡିତକ ବିଶ୍ୱାସ୍ ରିକାଃକ । ଯାକୁବ୍ ଯୀରୁଶାଲେମ୍‌ରେନ୍ ଆଗୁଆଇ ତାଇକେନାଏ, ଏନାତେ ହବାସାକାଅଆଃ ଇନିଃ ଏନ୍ତାଃରେ ତାଇନତାନ୍ ଇମତା ଇନିଃ ନେ ପୁଅ ଅଲ୍ଲାକାଦ୍ ତାଇକେନାଏ ।

ଯାକୁବ୍ ଅତେଦିଶୁମ୍‌ରେ ଛିତିବିତିକାନ୍ ଗେଲ୍‌ବାର୍ କିଲିକଆଃ ବିଷାଏରେ ଆୟାଃ ପୁଅରେ ଉଦୁବାକାଦା ଯାକୁବ୍ ୧:୧ । ଯାକୁବ୍ ପୁଅରେୟାଃ ଇନିତୁ ସବେନ୍ ଖ୍ରୀଷ୍ଟିୟାନକଆଃ ନାଗେନ୍ତେ ଲାଗାତିକ୍ ତାନା । ମେନ୍ଦ୍ “ଗେଲ୍‌ବାର୍ କିଲିକ” ମେନ୍ତେ କାଜିକାନ୍ କାଜି, ହବାସାକାଅଆଃ ଯାକୁବ୍ ଯିହୁଦୀ ଖ୍ରୀଷ୍ଟିୟାନକକେ ଅଲ୍ଲାକାଦକଆ । ତିଆଃତି ନେ ପୁଅ ପୁରାଃ ପାଢ଼ାଅଃତାନ୍ ହଡ଼କତାଃତେ ସେଟେରେ ନାଗେନ୍ତେ ତାଇକେନା, ନେଆଁରେ ପୁରାଃ ବିଷାଏକ ଅଲ୍ଲାକାନା । ଯାକୁବ୍ ବିଶ୍ୱାସ୍ ଆତଃ କାମିରେୟାଃ ଚେତାନ୍‌ରେ କାଜିକାଦା ଯେ, ସାର୍ତ୍ତି ବିଶ୍ୱାସ୍ କାମିରେ ଉଦୁବଃଆ ୨:୧୭ । ଇନିଃ କିସାଁନ୍ ହଡ଼କକେ ଏସ୍‌କାର୍ ମାଇନ୍ ଏମାକ ବିଷାଏରେ ଚେତାଅ କାଜି କାଜିକାଦା ୨:୧-୪ । ଆତଃ ଆବୁକେ ଉଦୁବ୍‌ରୁ ତାନା ଯେ, ଆବୁ ଜାଗାର୍‌ତାନ୍ ବିଷାଏରେ ଚିର୍ଗାଲ୍‌କାନ୍‌ରୁ ତାଇନା ୩:୧-୧୨ ।

ପୁଅ ବିତାରେ ଅଲ୍ଲାକାନ୍ କାଜି

- ୧. ଯାକୁବ୍ ଆୟାଃ ପାଢ଼ାଅତାନ୍‌କକେ ଜହାର୍ ମେନ୍ତେ କାଜିକତାନାଏ । ୧:୧
- ୨. ଇନିଃ ଖ୍ରୀଷ୍ଟିୟାନକକେ ଦୁକୁ ଇମ୍‌ତା ଧିରାଜ୍ ସାବ୍‌କେଦ୍‌ତେ ତାଇନ୍ ନାଗେନ୍ତେ ଜୀଉରେ କେଟେଦ୍ ଏମାକତାନାଏ । ୧:୨-୨୭
- ୩. କାମି ହରାତେ ଚିଲ୍‌କା ବିଶ୍ୱାସ୍‌କେ ଉଦୁବ୍ ଲାଗାତିକ୍‌ୟାଃ ଏନ୍ ବିଷାଏରେ କାଜିକାଦା । ୨:୧-୨୭
- ୪. ବାଚାନ୍ ଚିଲ୍‌କା ପେଡ଼େୟାନ୍ ହବାଅଃଆ ଏନା ଇନିଃ କାଜିକାଦାଏ । ୩:୧-୧୨
- ୫. ଯାକୁବ୍ ଅତେଦିଶୁମ୍‌ରେୟାଃ ସେଣାଁ ପାର୍‌ମେଶ୍ୱାର୍‌ଆଃ ସେଣାଁ ଲେକା ନାହାଁଲ୍‌ଆଃ ମେନ୍ତେ କାଜିକାଦା । ୩:୧୩-୪:୧୦
- ୬. ପାଢ଼ାଅତାନ୍ ହଡ଼କକେ ଆପାନ୍‌କେ ମାରାଜ୍ ମେନ୍ତେ ଆଲପେ କାଜିନ୍ ମେନ୍ତେ ଚେତାଅକ ତାନା । ୪:୧୧-୫:୬
- ୭. ଚୁଣ୍ଡୁରେ ଯାକୁବ୍ ଚିମିନ୍ ହୁପ୍‌ଡିକ୍ ଇନିତୁକ ଏମ୍‌କେଦ୍‌ତେ ଆୟାଃ ଅନଲ୍ ଚାବାକେଦାଏ । ୫:୭-୨୦

ଜହାର୍

୧* ଆଇକ୍ ଯାକୁବ୍ ପାର୍‌ମେଶ୍ୱାର୍‌ଆଃ ଆତଃ ପ୍ରାଭୁ ଯୀଶୁ ଖ୍ରୀଷ୍ଟୁଆଃ ଦାସି ତାନିକ୍, ଗଟା ଅତେଦିଶୁମ୍‌ରେ ଛିତିବିତିକାନ୍ ପାର୍‌ମେଶ୍ୱାର୍‌ଆଃ ହଡ଼କକେ ଜହାର୍ କାଜିତାନ୍‌ଲଃ ନେ ଚିଟାଉ ଅଲେତାନାଇକ୍ ।

ବିଶ୍ୱାସ୍ ଆତଃ ସେଣାଁ

୨ ହେ ଆଇୟାଃ ହାଗା ମିଶିକ, ଜୀଦାନ୍‌ରେୟାଃ ସେସେନ୍ ହରାରେ ଚିମିନ୍ ରାକାମ୍‌ରେୟାଃ ବିନିଡ଼ାଅ ହିଜୁଃରେଦ୍, ଏନାକେ ରାସ୍‌କାରେୟାଃ ବିଷାଏ ତାନାଃ ମେନ୍ତେ ଆବ୍‌କାରେପେ । ୩ ଚିୟାଃତି ଆପେ ସାରିତାନାପେ, ନେ'ଲେକାନ୍ ବିନିଡ଼ାଅ ହିଜୁଃତାନ୍ ଇମ୍‌ତା ବିଶ୍ୱାସ୍‌ରେ କେଟେଦ୍ ତାଇନଃରେ, ଆପେୟାଃ ସାହାତିକ୍‌ରେୟାଃ ପେଡ଼େଃ ହାରାଇଦିୟାଆ । ୪ ଆପେ ଚୁଣ୍ଡୁ ଜାକେଦ୍ ସାହାତିକ୍‌କେଦ୍‌ତେପେ ତାଇନଃରେଦ୍, ଜେତାନ୍ ବିଷାଏରେ କା ଜାଞ୍ଜିକେଦ୍‌ତେ ପକ୍‌ତା ଆତଃ ପୁରାକେଦ୍‌ତେପେ ତାଇନାଃ । ୫ ମେନ୍ଦ୍ ଆପେକଏତେ ଜେତାଏ ସେଣାଁରେ ଜାଞ୍ଜିକାନ୍‌ରେଦ୍, ଇନିଃ ପାର୍‌ମେଶ୍ୱାର୍‌ତାଃରେ ବିକ୍ତିକା, ଏନାରେ ପାର୍‌ମେଶ୍ୱାର୍ ଇନିଃକେ ସେଣାଁଏ ଏମାଲୟା, ଚିୟାଃତି ପାର୍‌ମେଶ୍ୱାର୍‌ଦ୍ ବେଗାର୍ ହିଚ୍‌କିତାଅକେଦ୍‌ତେ ଆତଃ ଲେବେଃ ମନ୍‌ତେ ସବେନ୍‌କକେ ଏମାଃଏ । ୬ ମେନ୍ଦ୍ ଆପେ ବିକ୍ତି ଇମ୍‌ତା, ବେଗାର୍ ଆଡ଼ାଃଉଡ଼ୁକେଦ୍‌ତେ ବିଶ୍ୱାସ୍‌ତାନ୍‌ଲଃ ବିକ୍ତିପେ । ଆଡ଼ାଃଉଡ଼ୁକେଦ୍‌ତେ ବିକ୍ତିତାନ୍‌ନିଃ, ହୟତେ କା ଆବ୍‌ରୁଅଃ ଦରେୟାରେୟାଃ ଆଲ୍‌ପୁକ୍ ଲେକାଃଏ । ୭ ଏନ୍‌ଲେକାନ୍ ହଡ଼ଦ୍, ପ୍ରାଭୁତାଃଏତେ ଜେତ୍‌ନାଃ

* ୧:୧ ୧:୧ ମାଥୁଉ ୧୩:୫୫; ମାର୍କ ୬:୩; ପ୍ରେରିଡ଼ ୧୫:୧୩; ଗାଲାତିୟ ୧:୧୯.

ନାମେୟାଏ ଫେନ୍ତେ ଆଲକାଏ ଉଡ଼ୁଗକା, ଠ ଚିୟାଠି ଇନିଃଦ ବାରିଆ ମନ୍ରେନ୍ ହଡ଼ତାନିଃ, ଏନାତେ ଇନିଃ ଆୟାଃ ଉହାଟକାଦ୍ତେୟାଃ କାଏ ରିକା ଦାଡ଼ିୟା ।

କିସାଣ୍ ଆତଃ ଗାରିବ୍

୯ ଗାରିବ୍ ଖ୍ରୀଷ୍ଟ ବିଶ୍ୱାସୀ ହାଗାକକେ ପାର୍ମେଶ୍ୱାର୍ ଇନ୍କୁଆଃ ଜୀଦାନ୍ରେ ହାରାଇଦିକ ଇମ୍ତା ଇନ୍କୁ ରାସ୍କାଅଃକାକ, ୧୦ ଆତଃ କିସାଣ୍ ଖ୍ରୀଷ୍ଟ ବିଶ୍ୱାସୀକକେ ପାର୍ମେଶ୍ୱାର୍ ଲାତାରରେ ଉୟୁଃକ ଇମ୍ତା ଇନ୍କୁ ରାସ୍କାଅଃକାକ । ଚିଆଠି ଇନ୍କୁଆଃ କିସାଣ୍ତେୟାଃ ତାସାଦ୍ ବାହା ଲେକା ନୁରକେନଃଆ । ୧୧ ସିଙ୍ଗି ରାଠ୍ରେୟାଃ ଲଲ ହୟତେ ତାସାଦ୍ ରହଡ଼କଆଃ, ଆତଃ ଏନାରେୟାଃ ବାହା ନୁରକଆଃ ଏନ୍ତେ ଏନାରେୟାଃ ସୁଗାଡାନ୍ତେୟାଃ ଜିୟନ୍କଆଃ । ଏନ୍ଲେକାଗି, କିସାଣ୍ ହଡ଼ହ୍ ଆୟାଃ ସବେନ୍ କାଜିକାମିରେୟାଃ ଭିଡ଼ରେ ମୁସିଙ୍ଗ୍ ହୁଲାଙ୍ଗ୍ ଜିୟନ୍କଆଏ ।

ବିନିଡ଼ାଅ ଆତଃ ଲାଲାର୍

୧୨ ବିନିଡ଼ାଅରେ ସାହାଡ଼ିଙ୍ଗ୍ତାନ୍ ହଡ଼କ ସୁକୁତାନ୍ରିୟାକ, ଚିୟାଠି ନେ ଲେକାନ୍ ବିନିଡ଼ାଅରେ ଜିତାଅଃରେଦ, ପାର୍ମେଶ୍ୱାର୍ ଅକ ଜୀଦାନ୍ ଏମ୍ ନାଗେନ୍ତେ ଆଇଃକକେ ଦୁଲାଡ଼ିତାନ୍ ହଡ଼କକେ ବାନାର୍ସା ଏମାକାଦକଆଏ, ଇନ୍କୁ ଏନାକେ ମୁକୁର୍ ଲେକାକ ନାମେୟାଃ । ୧୩ ଜେତା ହଡ଼ ବିଡ଼ାଅରେ ଉୟୁଗଃରେ, “ଆଇଁୟାଃ ନେ ବିଡ଼ାଅ ପାର୍ମେଶ୍ୱାର୍ ସାଃଏତେ ହିଜୁଆକାନା” ଫେନ୍ତେ ଆଲକାଏ କାଜିକା, ଚିୟାଠି ପାର୍ମେଶ୍ୱାର୍ ଏଡ଼କାନାଃତେ କାଏ ବିଡ଼ାଅ ଦାଡ଼ିୟାଆଃ, ଆତଃ ଇନିଃ ଜେତାଏକେ କାଏ ବିଡ଼ାଅକଆ । ୧୪ ମେନ୍ଦ୍ ଜେତା ହଡ଼ ଆୟାଃ ଏଡ଼କାନ୍ ସାନାଙ୍ଗ୍ରେ ତାଇନ୍କେଦ୍ତେ ବିଡ଼ାଅରେ ଉୟୁଗଃଆ । ୧୫ ଏଡ଼କାନ୍ ସାନାଙ୍ଗ୍ରେୟାଃ ହାମ୍ପାଲ୍ରେୟାଃଏତେ ପାପ୍ ସିରଜାଅଃଆ ଆତଃ ଏନ୍ ପାପ୍ ପୁରା ହାରାଇଦିକେନଃରେ ଗନଏଃ ହବାଅଃଆ ।

୧୬ ହେ ଦୁଲାଡ଼୍ ହାଗା ମିଶିକ, ଆଲପେ ବେଦାଅଃଆ । ୧୭ ସବେନ୍ ବୁଗିନ୍ ବାର୍ଦାନ୍ ଆତଃ ସବେନାଃଏତେ ପୁରାଃ ବୁଗିନ୍ ଦାନ୍ ସିର୍ମାରେନ୍ ଆପୁ ପାର୍ମେଶ୍ୱାର୍ତାଃଏତେଗି ହିଜୁଆ । ଇନିଃ ସିର୍ମାରେ ମାର୍ସାଲେତାନ୍ ସିଙ୍ଗି, ଚାଣ୍ଡୁ ଇପିଲକକେ ବାବାଇନିଃ ତାନିଃ । ଇନିଃ ଉମ୍ଲୁ ଲେକା ବାଦ୍ଲାଅଃନିଃ ନାହାଁଲିଃ । ୧୮ ଗଟା ଅତେଦିଶ୍ୱମ୍ରେ ଆଇଃକ୍ ବାଇୟାକାଦ୍ ଜାଡ଼ୁକଆଃ ଆଲାରେ ଆବୁ ଜେଲେକା ପାହିଲା ଠାୟାଦ୍ରେବୁ ତାଇନା, ଏନାମେନ୍ତେ ଇନିଃ ଆୟାଃ ଇଛାସାନାଙ୍ଗ୍ରେ ସାର୍ତି କାଜିତେ ଆବୁକେ ବାଇୟାକାଦ୍ବୁଆ ।

ଆୟୁମ୍ ଆତଃ କାମିରିକା

୧୯ ଆଇଁୟାଃ ଦୁଲାଡ଼୍ ହାଗା ମିଶିକ, ନେଆଁ ପାହାମେପେ, ଆପେ ସବେନ୍କ ଆୟୁମ୍ ନାଗେନ୍ତେ ଏୟନାକାନ୍ପେ, ମେନ୍ଦ୍ ସୁଆଏତେ ଜାଗାର୍ ନାଙ୍ଗ୍ ଆତଃ ସୁଆଏତେ ଖୁସୁଆ ନାଗେନ୍ତେ ହବାଅଃପେ । ୨୦ ଚିୟାଠି ହଡ଼ଆଃ ଖୁସୁ ହରାତେ ପାର୍ମେଶ୍ୱାର୍ଆଃ ଇଛା ଧାର୍ମାନ୍ କାଏ ରିକାଦାଡ଼ିୟା । ୨୧ ଏନାମେନ୍ତେ ସବେନ୍ ଲେକାନ୍ ଏଡ଼କାନ୍ ଗିନିକାନ୍ତେୟାଃକ ଆତଃ ଏଡ଼କାନ୍ ଚାଇଲ୍ ଚାଲାନ୍ କାମିକ ବାଗିପେ । ଆପାନ୍କେ ପାର୍ମେଶ୍ୱାର୍ତାଃରେ ଜିମାକେଦ୍ତେ, ଆପେୟାଃ ମନ୍ସୁରୁଦ୍ରେ ଇନିଃ ଅକ ବାଚାନ୍ ହେରାକାଦାଏ, ଏନାକେ ତେଲାଏପେ । ଏନା ଆପେକେ ବାଞ୍ଛାଅ ଦାଡ଼ିୟାପେୟା ।

୨୨ ଆପେ ଆପାନ୍କେ ଆଲପେ ବେଦାନାଃ । ଇନିୟାଃ ବାଚାନ୍ ଏସକାର୍ ଆୟୁମ୍ଲେରେ କା ହବାଅଃଆ ମେନ୍ଦ୍ ଏନ୍ ବାଚାନ୍ ଲେକାତେ କାମି ରିକା ଲାଗାଡ଼ିଙ୍ଗ୍ୟାଃ । ୨୩ ଅକ ହଡ଼ ପାର୍ମେଶ୍ୱାର୍ଆଃ କାଜି ଏସକାର୍ ଆୟୁମାଃଏ, ଚାଏ ଆୟୁମ୍କେଦ୍ତେ କାଏ କାମିୟାଃ, ଇନିଃ ଆଏନାରେ ଆୟାଃ ମେଦ୍ମୁହାଡ଼୍ ନେଲେତାନ୍ ହଡ଼ ଲେକାଃଏ । ୨୪ ଇନିଃଦ ବୁଗିଲେକା ଆୟାଃ ମେଦ୍ମୁହାଡ଼୍କେ ଆଏନାରେ ନେଲେନା, ମେନ୍ଦ୍ ଇନିଃ ଏନ୍ତାଃଏତେ ଅତଙ୍ଗ୍ୟାନ୍ତେ ଆୟାଃ ଆପ୍ନାଃ ମେଦ୍ମୁହାଡ଼୍କେ ଇମ୍ତାଗି ରିଡ଼ିଙ୍ଗ୍ତାଃ । ୨୫ ମେନ୍ଦ୍ ହଡ଼ରାଃ ଜୀଉବାଞ୍ଛାଅ ନାଗେନ୍ତେ ମିଆଁଦ୍ ପୁରା ପକ୍ତାକାନ୍ ଆନ୍ତୁ ମେନାଃ । ଜେତାଏ ଏନା ଆୟୁମ୍କେଦ୍ତେ କାଏ ରିଡ଼ିଙ୍ଗ୍ୟାଆ ଆତଃ ଆୟାଃ ନାଗେନ୍ତେ ପୁରା ମନ୍ସୁରୁଦ୍ରେ ମିଦ୍ମନ୍ତେ ଏନାକେ ମାନାଡ଼ିୟାରେଦ, ପାର୍ମେଶ୍ୱାର୍ ଇନିୟାଃ ସବେନ୍ କାମିରେ ଆଗିଷ୍ ଏମାଇୟାଃ ।

୨୬ ଜେତାଏ ଚିନାଃ ଆପାନ୍କେ ଧାର୍ମାନ୍ ମେନ୍ତେ ଆବ୍କାରେନ୍ ତାନା ? ଇନିଃ ଆୟାଃ ଆଲାଙ୍ଗ୍କେ ଆବ୍ରେ କାଏ ଦହ ଦାଡ଼ିତାନ୍ରେଦ, ଇନିୟାଃ ଧାରାମ୍ କାମିକ ସବେନାଃ ସାମାତାନାଃ ଆତଃ ଇନିଃ ଆପ୍ନାଃ ମନ୍କେ ବେଦାତାନା । ୨୭ ଚୁଆର୍ ହନ୍କଆଃ ଆତଃ ରାଣ୍ଡିକଆଃ ନାରାଦୁରା ଇମ୍ତାଙ୍ଗ୍ ଯାଡ଼ନାଅ ଇଦିକେଦ୍ତେ, ଅତେଦିଶ୍ୱମ୍ରେୟାଃ ଏଡ଼କାନାଃଏତେ ଆପାନ୍କେ ବେଗାର୍ ଦାଗିକେଦ୍ତେ ଦହତେୟାଃଗି, ଆବୁଆଃ ଆପୁ ପାର୍ମେଶ୍ୱାର୍ଆଃ ଆୟାଃରେ ପୁରାଃ ଫାର୍ଚିୟାନ୍ ଆତଃ ସୁଗାଡାନ୍ ଧାର୍ମାନ୍ କାମି ତାନାଃ ।

୨

ମେଦମୁହାଁଡ଼ ନେଲରେୟାଃ କାଜି

୧ ହେ ଆଇଁୟାଃ ହାଗା ମିଶିକ, ଆବୁଆଃ ମାନାରାଙ୍ଗ ପ୍ରାଭୁ ଯାଶୁ ଶ୍ରୀଷ୍ଟତାରେ ବିଶ୍ୱାସକାଦ୍ ହରାତେ, ଆପେ ହଡକଆଃ ମେଦମୁହାଁଡ଼ ନେଲକେଦତେ ଆଲପେ ସୁସାରକଆ । ୨ ହବାସାକାଆଆଃ, ଆପେୟାଃ ସାମାଜ ଅଡ଼ାଃତେ ଜେତାଏ ମିହୁଡ଼ ସୋନାରେୟାଃ ମୁଦାମ୍ ଆତଃ ଗନଙ୍ଗଆଁନ୍ ଲିଜାଃ ତୁସିଙ୍ଗକେଦତେ ହିଜୁଃରେ ଆତଃ ଏଟାଃ ମିହୁଡ଼ ହୁମୁ ଲିଜାଃ ଆତଃ ଚେଟାଃ ଲିଜାଃ ତୁସିଙ୍ଗକେଦତେ ହିଜୁଃ ଇମ୍ତା, ୩ ଆପେ ଗନଙ୍ଗଆଁନ୍ ଲିଜାଃ ତୁସିଙ୍ଗକେଦତେ ହଡକେ ପୁରାଃଗି ମାଇନକେଦତେ “ନେତାଃ ଦେଲା ନେ ବୁଗିନ୍ ଠାୟାଦରେ ଦୁବ୍‌ମେଁ ମେନ୍ତେପେ କାଜିୟା,” ମେନ୍ଦ ମିଆଁଦ୍ ଗାରିବ୍ ହଡକେ, “ଜୁ ଏନ୍ତାଃରେ ତିଙ୍ଗୁନେମ୍, ଚାଏ ଏନ୍ ଅତେ ଲାତାରରେ ଦୁବ୍‌ମେଁ” ମେନ୍ତେପେ କାଜିୟା, ୪ ଏନ୍‌ରେଦ ଆପେ ଆପେୟାଃ ଆଲାରେ ମାରାଙ୍ଗ ହୁଡିଙ୍ଗରେୟାଃ ଭେଦଭାବ୍ ରିକାଏତାନାପେ ଆତଃ ଏଡକାନ୍ ଉଡ଼ୁତାନ୍‌ଲଃ ମେଦମୁହାଁଡ଼ ନେଲକେଦତେପେ ବିଚାରତାନା ।

୫ ହେ ଆଇଁୟାଃ ଦୁଲାଡ଼ ହାଗା ମିଶିକ ଆୟୁମେପେ, ପାର୍‌ମେଶ୍ୱାର୍ ଚିନାଃ ନେ ଅତେଦିଶୁମ୍‌ରେନ୍ ନାରାଦୁରା ହଡକକେ ବିଶ୍ୱାସରେୟାଃ ଖୁଜ୍‌ରେ କିସାଣାଃ ନାଗେନ୍ତେ ଆତଃ ଆଇଃକକେ ଦୁଲାଡ଼ିତାନ୍ ହଡକକେ ଅକ ରାଇଜ୍ ଏମାକ ନାଗେନ୍ତେ ବାନାରସାଏ ଏମାକାଦକଆ, ଏନାରେୟାଃ ଆକ୍‌ତେୟାର୍ ନାମେ ନାଗେନ୍ତେ କାଏତି ସାଲାକାଦକଆ ? ୬ ମେନ୍ଦ, ଆପେ ଗାରିବ୍ ହଡକକେ କାପେ ମାଇନକତାନା । ଅକନ୍ ହଡକ ଆପେକେ ସିଗିଦ୍‌ପେତାନାକ ଆତଃ କାତାଇରିତେ ଆଇଜ୍ ଇଦିପେତାନାକ, ଇନ୍‌କୁ ଅକଏ ତାନ୍‌କୁ ? ଇନ୍‌କୁତି ଏନ୍ କିସାଣା ହଡକ ତାନ୍‌କୁ । ୭ ଅକ ଯାଶୁ ଶ୍ରୀଷ୍ଟଆଃ ନୁତୁମ୍ ଆପେକେ ଏମାକାନା, ଇନ୍‌କୁ ଏନ୍ ବୁଗିନ୍ ନୁତୁମ୍‌ରେୟାଃ ଏଡକାନ୍ କାଜିକ କାଜିୟା ।

୮ “ଆମାଃ ହପରଜାପାଃ ନିଃକେ ଆମାଃ ଲେକାଗି ଦୁଲାଡ଼ିମେ,” ଧାରାମ୍‌ପୁଅରେ ଅଲାକାନ୍ ପାର୍‌ମେଶ୍ୱାର୍‌ଆଃ ରାଇଜ୍‌ରାଃ ନେ ଆନ୍‌ରୁକେପେ ମାନାତିଙ୍ଗତାନ୍ ରେଦ, ଆପେ ଠାଉକାନ୍ କାମିପେ କାମିତାନା । ୯ ମେନ୍ଦ ଆପେ ହଡରାଃ ଏୟରଃତୁସିଙ୍ଗଆଁଃ ନେଲକେଦତେ ହଡକକେପେ ମାଇନକ ତାନ୍‌ରେଦ, ଆପେ ପାପ୍ କାମିତାନାପେ ଆତଃ ଆନ୍‌ରୁ ଲେକାତେ ଆପେ ମିହୁଡ଼ ଆନ୍‌ରୁକେ କା ମାନାତିଙ୍ଗତାନ୍ ହଡ ଲେକାନ୍‌କ ତାନ୍‌ପେ । ୧୦ ଜେତାଏ ସବେନ୍ ଆନ୍‌ରୁକେ ମାନାତିଙ୍ଗ ତାନାଏ, ମେନ୍ଦ ମିଆଁଦ୍ ଆନ୍‌ରୁ ଏସକାର୍ କାଏ ମାନାତିଙ୍ଗ ତାନା, ଇନିଃ ସବେନ୍ ଆନ୍‌ରୁକେ କା ମାନାତିଙ୍ଗତାନ୍‌ନିଃ ତାନିଃ । ୧୧ ଚିୟାଃତି, ପାର୍‌ମେଶ୍ୱାର୍ କାଜିକାଦାଏ, “ଆପାଙ୍ଗିର୍ କାମି ଆଲମାଃ,” ଏନ୍ ପାର୍‌ମେଶ୍ୱାର୍‌ଗି ଆତଃମିଆଁଦ୍ କାଜିକାଦାଏ, “ହଡ ଗଗଏଃ ଆଲମାଃ ।” ଏନାତେ, ଆମ୍ କାମ୍ ଆପାଙ୍ଗିର୍ ତାନ୍‌ରେୟାଗି, ହଡ ଗଗଏଃ ତାନ୍‌ରେଦମ୍, ଆମ୍ ମିହୁଡ଼ ଆନ୍‌ରୁ କା ମାନାତିଙ୍ଗନିଃ ତାନ୍‌ମେ । ୧୨ ରାଡ଼ାଆଃରେୟାଃ କାମି ଏମ୍ ଦାଡିତାନ୍ ମୁଗାରାଃ ଆନ୍‌ରୁ ହରାତେ ଆମାଃ ବିଚାର୍ ହବାଅଆ, ଏନା ଆମାଃ ଜାଗାର୍‌ତେ ଆତଃ କାମିତେ ଉଦୁବେମେ । ୧୩ ଚିୟାଃତି ଜେତାଏ ଏଟାଃନିଃକେ କାଏ ଦାୟାଈୟା, ପାର୍‌ମେଶ୍ୱାର୍ ଇନିଃକେ କାଏ ଦାୟାଈୟା, ମେନ୍ଦ ଅକନ୍‌କ ଏଟାଃକକେ ଦାୟାକାଦକଆକ, ଇନ୍‌କୁକେ ପାର୍‌ମେଶ୍ୱାର୍ ବିଚାର୍ ନେତାରେ ଦାୟାକଆ ।

କାମି ବେଗାର୍ ବିଶ୍ୱାସ ଗନଏଃ

୧୪ ହେ ହାଗା ମିଶିକ, ଜେତାଏ ଆଇଁୟାଃ ବିଶ୍ୱାସ ମେନାଃ ମେନ୍ତେ କାଜିତାନା, ମେନ୍ଦ କାମିରେ କାଏ ଉଦୁବେତାନ୍ ରେଦ, ଇନିୟାଃ କାଜିରେ ଜେତାନ୍ ଲାଭ୍ ବାନଃଆ । ଚିନାଃ ଏନ୍ ଲେକାନ୍ ବିଶ୍ୱାସ ଜେତାଏକେ ବାଆଅ ଦାଡିୟାଃଏତି ? ୧୫ ମେନ୍ଦ ଜେତାଏ ହାଗା ଚାଏ ମିଶିଆଃ ଲିଜାଃ ଆତଃ ଜଜମାଃ ବାନଃରେଦ, ୧୬ ଆତଃ ଆପେ ଇନିୟାଃ ଲାଗାତିଙ୍ଗତେୟାଃକେ କା ଏମ୍‌କେଦତେ କାଜିୟାପେ, “ପାର୍‌ମେଶ୍ୱାର୍ ଆମ୍‌କେ ଆଶିଷ୍‌ମେକା, ଜମ୍ ନୁଁକେଦତେ ଜାଉସୁକୁରେ ତାଇନମେଁ ।” ୧୭ ବିଶ୍ୱାସହଗି ଠିକ୍ । ଏନ୍‌ଲେକାଗି ବେଗାର୍ କାମିତେ ବିଶ୍ୱାସ ଗଜାକାନା ।

୧୮ ମେନ୍ଦ ଜେତାଏ କାଜି ଦାଡିୟାଏ, “ମିହୁଡ଼ରାଃ ବିଶ୍ୱାସ ମେନାଃ, ଏଟାଃ ମିହୁଡ଼ରାଃ କାମି ମେନାଃ ।” ମେନ୍ଦ ଆଇଙ୍ଗ କାଜିୟାଈଙ୍ଗ, “କାମି ବେଗାର୍ ଆପେୟାଃ ବିଶ୍ୱାସ ଆଇଙ୍ଗକେ ଉଦୁବାଈଙ୍ଗପେ ଆତଃ ଆଇଙ୍ଗ କାମି ହରାତେ ଆପେକେ ଆଇଁୟାଃ ବିଶ୍ୱାସ ଉଦୁବାପେୟାଈଙ୍ଗ ।” ୧୯ ପାର୍‌ମେଶ୍ୱାର୍ ମିହୁଡ଼ଗିୟାଏ ଏନା ଆପେ ବିଶ୍ୱାସତାନାପେ ବୁଗିନ୍ କାଜିତାନାଃ । ବଙ୍ଗାକହଗି ବିଶ୍ୱାସକେଦତେ ବରତେ ଆରୁଆରାଝାଃକ । ୨୦ ହେ ତଣ୍ଡକ, କାମି ବେଗାର୍ ବିଶ୍ୱାସ ସାମାତାନାଃ, ନେଆଁ ଚିନାଃ କାପେ ସାରିତାନା ? ୨୧ ଆବୁଆଃ ପୁରୁଶା ହାଡ଼ାମ୍ ଆବ୍ରାହାମ୍, ପାର୍‌ମେଶ୍ୱାର୍‌ଆଃ ନେପେଲ୍‌ରେ ଚିଲ୍‌କା ଧାର୍‌ମାନ୍ ହବାୟାନାଏ ? ଇନିଃ ଆୟାଃ ହନ୍ ଇସାକ୍‌କେ ବେଦି ଚେତାନ୍‌ରେ ଦାଣେଁ ରାକାବ୍‌କିୟାଏ ଇମ୍‌ତାଙ୍ଗ୍ ଆୟାଃ କାମି ହରାତେ ଧାର୍‌ମାନ୍ ମେନ୍ତେ କାଜିୟାନା । ୨୨ ଆପେ ଚିନାଃ କାପେ ଆବ୍‌କାର୍‌ଉରୁମ୍ ଦାଡିତାନା ? ଆବ୍ରାହାମ୍‌ଆଃ ବିଶ୍ୱାସ, କାମିତେ ଉଦୁବ୍‌ୟାନା, କାମି ହରାତେ ଇନିୟାଃ ବିଶ୍ୱାସ ପକ୍‌ତାୟାନା । ୨୩ ନେଆଁ ହରାତେ

ଧାରାମ୍ପୁଅରେୟାଃ କାଜି ପୁରାୟାନା : “ଆତ୍ମାହାମ୍ ପାରମେଶ୍ଵାରକେ ବିଶ୍ଵାସକିୟା ଆତଃ ଜନିୟାଃ ବିଶ୍ଵାସ ହରାତେ ପାରମେଶ୍ଵାରଆଃ ନେପେଲରେ ଜନିଃ ଧାରମାନ୍ ମେନ୍ତେ ଲେକାୟାନା ।” ଆତଃ ଆତ୍ମାହାମ୍ ପାରମେଶ୍ଵାରଆଃ ଗାତି ମେନ୍ତେ କାଜିୟାନା । ୨୪ ଏନାତେ, ଆପେ ଆତ୍ମକାର୍ତ୍ତରୁମ୍ ଦାଡ଼ିୟାପେ ଯେ, ହତହନ୍ ବିଶ୍ଵାସ ହରାତେ ଏସ୍କାର୍ କା ମେନ୍ଦ କାମି ହରାତେ ଧାରମାନ୍ ମେନ୍ତେ କାଜିୟାଆ ।

୨୫ ଏନ୍ଲେକାଗି ହତ୍ତମରେୟାଃ ଏଡକାନ୍ କାମିରେ ତାଇନ୍ତାନ୍ କୁଡ଼ି ରାହାବ୍ ହଗି ଆୟାଃ ବୁଗିନ୍ କାମି ହରାତେ ଧାରମାନ୍ ମେନ୍ତେ କାଜିୟାନା । ଇସ୍ରାଏଲରେନ୍ ଅକନ୍ ହତକକେ ଉକ୍ତକେଦ୍ତେ କୁଲକାନ୍ ତାଇକେନା, ଇନ୍କୁକେ ଜନିଃ ଉକ୍ତ ନାଗେନ୍ତେ ଆତଃ ଏଟାଃ ହରାରେ ସେନଃ ନାଜ୍ ଦେଙ୍ଗାକାଦକ ତାଇକେନାଏ, ଏନା ପାରମେଶ୍ଵାରଆଃ ଆୟାରରେ ଠାଉକାନ୍ କାମି ତାଇକେନା ।

୨୬ ଏନାତେ, ଆମ୍ ବେଗାର୍ ହତ୍ତମ ଜେଲେକା ଗଜାକାନା, ଏନ୍ଲେକାଗି କାମି ବେଗାର୍ ବିଶ୍ଵାସହଗି ଗଜାକାନା ।

୩

ଆଲାଙ୍ଗରେୟାଃ ଜନ୍କା

୧ ହେ ହାଗା ମିଶିକ, ଆପେକଏତେ ପୁରାଃ ଜନିତୁକ ଆଲପେ ହବାଅଃଆ । ଚିୟାଃଟି ଆପେ ସାରିତାନାପେ ଯେ, ଆଲେ ଲେକାନ୍ ଜନିତୁକ ଏଟାଃକଆଃ ତାଃଏତେ ପୁରାଃଟି ସାଜାଇକ ନାମେୟା । ୨ ଆବୁ ସବେନ୍କଦ ଚିମିନ୍ସା ଭୁଲ୍ ରିକାଃରୁ । ଜେତଏ ଆୟାଃ ଜାଗାର୍ତାନ୍ ଇମ୍ତା କାଏ ଭୁଲ୍ଲେତାନ୍ ରେଦ, ଜନିଃ ପକ୍ତକାନ୍ ଆତଃ ଆପ୍ନାଃ ହତ୍ତମକେ ପୁରା ଆବରକେଦ୍ତେ ଦହ ଦାଡ଼ିତାନ୍ ହତ୍ତ ତାନିଃ । ୩ ସାଦମଆଃ ହତ୍ତମକେ ଆବରରେ ଦହ ନାଗେନ୍ତେ ଆବୁ ଆୟାଃ ମତାରେ ଲାଗମ୍ ତଲାରୁ ଆତଃ ଆବୁ ଜନିଃକେ ଆବୁଆଃ ଇଛାସାନାଜ୍ ଲେକାତେ ଇଦି ଦାଡ଼ିୟାରୁ । ୪ ମିଆଁଦ୍ ମାରାଜ୍ ଦାଆଃ ଜାହାଜ୍ ବିଷାଏରେ ଉଡ଼ୁଇପେ, ଦାଆଃ ଜାହାଜ୍କେ ଚାଲାଅତାନ୍ନିଃ ପୁରାଃ ହୟ ହିଜୁଃତାନ୍ରେୟା ମିଆଁଦ୍ ହୁଡ଼ିଜ୍ ପାତଃଝାରେୟାଃ ଦେଙ୍ଗାତେ ଏନାକେ ଆବରରେ ଦହକେଦ୍ତେ ଆପ୍ନାଃ ଇଛାସାନାଜ୍ ଲେକାତେ ଚାଲାଅ ଇଦିୟାଏ । ୫ ଏନ୍ଲେକାଗି ନେ ଆଲାଙ୍ଗ୍ ହୁଡ଼ିଜିଆ, ଏନ୍ରେୟା ମାପ୍ପରାଜ୍ କାଜି କାଜିକେଦ୍ତେ ଆପାନ୍କେ ମାରାଜ୍ ମେନ୍ତେ କାଜିନାଃ ।

ଉଡ଼ୁ ଲେକାପେ ଚିଲକା ସେଙ୍ଗେଲ୍ ଆଙ୍ଗରା ହୁଡ଼ିଜ୍ରେୟାଗି ମାରାଜ୍ ବିରକେ ଅଣ୍ଡୁରତାଃଏ । ୬ ମତାରେୟାଃ ଆଲାଙ୍ଗ୍ ସେଙ୍ଗେଲ୍ ଲେକ୍ନାଃ ତାନାଃ, ଆବୁଆଃ ହତ୍ତମରେୟାଃ ହିସାରେ ଅତେଦିଶ୍ଵମ୍ରେୟାଃ ସବେନ୍ ଏଡକାନ୍ରେୟାଃ ଏନେଟେଦ୍ ଲେକ୍ନାଃ ତାନାଃ । ଏନା ଆବୁଆଃ ହତ୍ତମରେ ତାଇନ୍ତାନ୍ ହରାତେ ହସତ୍ତ କାଜିକ ନିତିର୍ୟାନ୍ଲଃ ଆବୁଆଃ ପୁରା ହତ୍ତମକେ ସତ୍ତରାକାଦା । ଆଲାଙ୍ଗରେୟାଃ ନାରାକ୍ ସେଙ୍ଗେଲ୍ରେ ଆବୁଆଃ ଗଟା ଜୀଦାନ୍କେ ଅଣ୍ଡୁରତାଃଏ । ୭ ମାନଝା ସବେନ୍ ବିର୍ ଜାଁତୁକକେ, ଚେଣ୍ଟେ, ରେଙ୍ଗାଅଜାଁତୁ ଆତଃ ଦାଆଃରେ ତାଇନ୍ତାନ୍ ଜାଁତୁକକେ ଆପ୍ନାଃ ଆକ୍ତେୟାରରେ ଦହକାଦକଆ । ୮ ମେନ୍ଦ ଜେତଏ ଚିଉଲହ ଆଲାଙ୍ଗ୍କେ ଆବରରେ ଦହ କାକ ଦାଡ଼ିୟା । ଏନା ହସତ୍ତେ ଆତଃ ଗନଏଃରାଃ ମାହୁଁରାତେ ପେରେଜାକାନା । ୯ ଆବୁ ଆଲାଙ୍ଗ୍ ହରାତେ ପ୍ରାଭୁ ଆତଃ ଆପୁ ପାରମେଶ୍ଵାରକେ ଧାନ୍ୟାବାଦ୍ ଏମାଃରୁ । ଆତଃ ଏନ୍ ଆଲାଙ୍ଗ୍ ହରାତେ ପାରମେଶ୍ଵାରଆଃ ସଭାବ୍ ଲେକାଗି ବାଇୟାକାନ୍ ହତକକେ ସାର୍ପାଅକ ତାନାରୁ । ୧୦ ଏନ୍ ମତା ହରାତେଗି ଧାନ୍ୟାବାଦ୍ ଆତଃ ସାର୍ପାଅ ଅତଜ୍ଞାଅତାନା । ହେ ହାଗା ମିଶିକ, ଏନ୍ଲେକା ଆଲକା ହବାଅଃକା । ୧୧ ମିଆଁଦ୍ ସେତେଜ୍ଞଏତେ ହେଡ୍ଡେମ୍ ଆତଃ ମେହେର୍ ଦାଆଃ ଲିଜି ଦାଡ଼ିୟାଆଟି ? ୧୨ ହାଗା ମିଶିକ, ଲଆଦାରୁଏତେ ଚିନାଃ ଜାଇତୁନ୍ ଜ ଜ'ଆ ? ଚାଏ ଦାଖ୍ନାଡ଼ିଏତେ ଚିନାଃ ଲଆ ଜ ଜ'ଆ ? ଏନ୍ଲେକାଗି ବୁଲୁଜ୍ ଦାଆଃ ଲିଜିୟତାନ୍ ସେତେଜ୍ଞଏତେ ହେଡ୍ଡେମ୍ ଦାଆଃ କା ଲିଜିୟାଆ ।

ସିର୍ମାଏତେ ହିଜୁଃତାନ୍ ସେଣ୍ଟା

୧୩ ଆପେକଏତେ ସେଣ୍ଟାନ୍ନିଃ ଚାଏ ଆତ୍ମକାର୍ତ୍ତରୁମ୍ନିଃ ଅକଏ ମେନାଇୟା ? ଜନିଃ ସେଣ୍ଟାନ୍ତେ ଆତଃ ଲେବେଃତେ ବୁଗିନ୍ କାମି ରିକାକେଦ୍ତେ ଆୟାଃ ଜୀଦାନ୍ରେ ଉଦୁବେକାଏ । ୧୪ ମେନ୍ଦ ଆପେୟାଃ ମନ୍ସୁରୁଦ୍ରେ ହିସ୍ଜା, ମେହେର୍ ଆତଃ ଆପ୍ନାଃ ନାଜ୍ ଏସକାର୍ ଉଡ଼ୁତେ ପେରେଜାକାନ୍ ରେଦ, ଆପ୍ନାଃ ସେଣ୍ଟାନ୍ ହରାତେ ସାନାର୍ତ୍ତରାଃ ବିରୁଧ୍ରେ ଆପାନ୍କେ ମାରାଜ୍ ମେନ୍ତେ ଆଲପେ କାଜିନ୍ ଆତଃ ହସତ୍ତ କାଜି ଆଲପେ କାଜିୟା । ୧୫ ନେଲେକାନ୍ ସେଣ୍ଟା ପାରମେଶ୍ଵାରତାଃଏତେ କା ହିଜୁଃଆ, ମେନ୍ଦ ନେ ସେଣ୍ଟା ଅତେଦିଶ୍ଵମ୍ରେୟାଃ ହିଜୁଃଆ । ନେଆଁ ଆମାଏତେ କାହା ମେନ୍ଦ ସାଏତାନ୍ତାଃଏତେ ହିଜୁଃଆ । ୧୬ ଚିୟାଃଟି ଅକ୍ତାଃରେ ହିସ୍ଜା, ଆପ୍ନାଃ ନାଜ୍ ଏସକାର୍ ଉଡ଼ୁ ମେନାଃ, ଏନ୍ତାଃରେ ବିନ୍ଗାଅ, ଆତଃ ସବେନ୍ ଲେକାନ୍ ଏଡକାନ୍ କାଜିକ ତାଇନାଃ । ୧୭ ମେନ୍ଦ ସିର୍ମାଏତେ ଆଡ଼ଗୁଃତାନ୍ ସେଣ୍ଟା ସବେନାଃଏତେ ସିଦାତେଦ ଫାଟ୍ଟି, ସୁକୁ ଏମାଃ, ଲେବେଃମନ୍, ଆତଃ ଗାତିସାଜାତି ତାନାଃ,

ଏନା ଦାୟାତେ ପେରେଜାକାନା ଆତଃ ପୁରାଃଗି ବୁଗିନ୍ କାମିରେୟାଃ ଜ'ତେ ପେରେଜାକାନା । ନେଆଁ ସାର୍ତ୍ତିତେ ଆତଃ ବେଗାର୍ ଆତଃଉଡ଼ଃତେ ହବାଅଃତାନା । ୧୮ ଜୀଉସୁକୁ ବାବାଇ ହଡ଼କ ହରାତେ ହେରାକାନ ହିତାଏତେ ଧାର୍ମାନରେୟାଃ ଜ' ଏମାଃଏ ।

୪

ଅତେଦିଶୁମ୍ଲଃ ଗାତିସାଙ୍ଗାତି

୧ ଆପେ ଆଲ୍ଲାରେ ଲାଡ଼ାଇ ଆତଃ ଏପେଗେର୍ ତିନାଃମେନ୍ତେ ହବାଅଃତାନା ? ଆପେରେ ତାଇନ୍ତାନ ରିଜରାଙ୍ଗରେୟାଃ ସାନାଙ୍ଗାତି ଏନ୍ ଲେକାଏ ରିକାଏତାନା । ୨ ତିୟାଃତି ଆପେ ଅକଆଃ ନାମ୍ ନାଗେନ୍ତେପେ ସାନାଙ୍ଗାତାନା, ଏନା କାପେ ନାମେରେ ମାଆଃ ଗଗଏଃ ନାଗେନ୍ତେପେ ସେକାଡେନ୍ ତାନା । ଅକନାଃ ନାମେ ନାଗେନ୍ତେ ଆପେୟାଃ ପୁରାଃଗି ସାନାଙ୍ଗ ହବାଅଃଆ, ଏନା କାପେ ନାମ୍ଲେରେ ଏପେଗେର୍ ଆତଃ ଲାଡ଼ାଇୟାଃପେ । ତିୟାଃତି ଆପେ ପାର୍ମେଶ୍ୱାର୍ କେ ଆପେୟାଃ ଲାଗାତିଙ୍ଗ୍ତେୟାଃକ କାପେ ଆସିୟାଃ, ଏନାମେନ୍ତେ ଆପେ ଏନ୍ ସବେନାଃ କାପେ ନାମାଃ । ୩ ଆତଃ ଆପେ ଆସିରେୟା କାପେ ନାମେରେୟାଃ ବିଷାଏ ହବାଅଃତାନା, ଆପେୟାଃ ଆସିରେୟାଃ ଉଦେଶ୍ ଏଡ଼କାନାଃ ତାନାଃ । ଆପେ ଆପେୟାଃ ରିଜରାଙ୍ଗ ନାଗେନ୍ତେ ଆସିୟାଃପେ । ୪ ଏ ଆପାଙ୍ଗିର୍ କାମିତାନ୍ କୁଡ଼ି ଲେକାନ୍ ହଡ଼କ, ଅତେଦିଶୁମ୍ଲଃ ଗାତିସାଙ୍ଗାତି ପାର୍ମେଶ୍ୱାର୍ ଆଃ ବାଇରି ତାନାଃ, ଏନା ତିନାଃ ଆପେ କାପେ ସାରିତାନା ? ଜେତାଏ ନେ ଅତେଦିଶୁମ୍ଲଃ ଗାତିସାଙ୍ଗାତି ରିକାଃଏ ଇନିଃ ପାର୍ମେଶ୍ୱାର୍ ଆଃ ବାଇରି ତାନିଃ । ୫ ଆପେ ତିନାଃ ଧାରାମ୍ପୁଅରେୟାଃ ନେ କାଜିରେ ସାର୍ତ୍ତି ବାନଃଆ ମେନ୍ତେପେ ଆର୍କାରେତାନା, “ପାର୍ମେଶ୍ୱାର୍ ଆବୁତାଃରେ ଅକ ଆମ୍ଲକେ ତାଇନଃ ନାଗେନ୍ତେ ଏମ୍ଲିୟା, ଇନିଃ ଆବୁକେ ପୁରା ଆକ୍ତେୟାର୍ ବୁ ନାଗେନ୍ତେ ପୁରାଃଗି ସାନାଙ୍ଗାତାନା ?” ୬ ମେନ୍ଦ୍ ପାର୍ମେଶ୍ୱାର୍ ଅକ ସାୟାଦ୍ ଏମାଃ, ଏନା ପୁରାଃଗି ପେଡେୟାନ୍ଗିୟା । ଧାରାମ୍ପୁଅରେ ଅଲ୍ଲାକାନା, “ପାର୍ମେଶ୍ୱାର୍ ହିସିଙ୍ଗାତାନ୍କଆଃ କାଜିକଟଙ୍ଗ୍ ରିକାଃଏ ମେନ୍ଦ୍ ଲେବେସମନ୍ ହଡ଼କକେ ସାୟାଦ୍ ଏମାଃଏ ।”

୭ ଏନାତେ, ଆପେ ପାର୍ମେଶ୍ୱାର୍ତାଃରେ ଆପାନ୍କେ ଜିମାନ୍ପେ । ସାଏତାନ୍କେ କାଜିକଟଙ୍ଗ୍ ରିକାଃପେ । ଏନ୍ରେଦ ଇନିଃ ଆପେତାଃଏତେ ନିରାଃଏ । ୮ ପାର୍ମେଶ୍ୱାର୍ ଆଃ ହେପାଦ୍ତେ ହିଜୁଃପେ, ଏନାରେ ଇନିଃ ଆପେୟାଃ ହେପାଦ୍ତେ ହିଜୁଃଆ । ଏ ପାପି ହଡ଼କ, ଆପେୟାଃ ତିଃଇକେ ଆବୁଙ୍ଗ୍ମେଁପେ ଆତଃଏ ବାରିୟା ମନ୍ରେନ୍ ହଡ଼କ, ଆପେୟାଃ ମନ୍ସୁରୁଦ୍ କେ ପାର୍ତିପେ । ୯ ଏୟମ୍ତାନ୍, ଦୁକୁଃତାନ୍ଲଃ ରାଆଃଏପେ, ଆପେୟାଃ ଲାକା ରାନାଃରେ ଆତଃ ଆପେୟାଃ ରାସ୍ କା ଦୁକୁରେ ବାଦ୍ଲିଆଃକା । ୧୦ ପ୍ରାଭୁଆଃ ଆୟାର୍ରେ ଆପେ ଆପାନ୍କେ ଲେବେୟେନ୍ପେ, ଏନାରେ ଇନିଃ ଆପେକେ ମାରାଙ୍ଗ୍ପେୟା ।

ମିହୁଡ଼୍ ଆତଃମିହୁଡ଼୍ କେ ଆଲପେ ବିଚାରାଃ

୧୧ ହେ ଦୁଲ୍ଲାଡ଼୍ ହାଗା ମିଶିକ, ମିହୁଡ଼୍ ଆତଃମିହୁଡ଼୍ ଆଃ ବିରୁଧ୍ରେ ଏଡ଼କାନ୍ କାଜି ଆଲପେୟାଃ । ଜେତାଏ ବିଶ୍ୱାସୀ ହାଗାରାଃ ବିଚାର୍ କେଦ୍ତେ ଇନିୟାଃ ବିରୁଧ୍ରେ ଏଡ଼କାନ୍ କାଜି କାଜିରେଦ୍, ଇନିଃ ଆନ୍ତୁରେୟାଃ ବିଚାର୍ ଆତଃ ଏନାରେୟାଃ ବିରୁଧ୍ରେ ଏଡ଼କାନ୍ କାଜି କାଜିୟା । ଆପେ ଆନ୍ତୁରେୟାଃ ବିଚାର୍ ରିକାଏରେଦ୍, ଆପେ ଏନା କାପେ ମାନାତିଙ୍ଗ୍ତାନା, ମେନ୍ଦ୍ ଏନାରେୟାଃ ବିଚାର୍ନିଃପେ ହବାକାନା । ୧୨ ପାର୍ମେଶ୍ୱାର୍ ଏସ୍ କାର୍ ଆନ୍ତୁ ଏମାଃନିଃ ଆତଃ ବିଚାର୍ନିଃ ତାନିଃ । ଇନିଃ ଏସ୍ କାର୍ ବାସ୍ତାଆ ଆତଃ ଜିୟନ୍ ଦାଡ଼ିନିଃ ତାନିଃ । ଏନାମେନ୍ତେ ହପର୍ଜାପାଃରେନ୍କଆଃ ଗୁଣ୍ଟାଁ ବିଚାର୍ ନାଗେନ୍ତେ ଆପେ ଅକଏ ତାନ୍ପେ ?

ଆପାନ୍କେ ମାରାଙ୍ଗ୍ ମେନ୍ତେ କାଜିନ୍ ବିଷାଏରେ ତେତାଆ

୧୩ ନାହାଁଃଦ୍ ଆୟୁମେପେ, ଆପେକଏତେ ତିମିନ୍ ହଡ଼କ କାଜିୟାଃପେ, “ଆଲେ ତିସିଙ୍ଗ୍ ଚାଏ ଗାପା ଏନ୍ ନାଗାର୍ତେ ସେନାଲେ, ଆତଃ ଏନ୍ତାଃରେ ମିଦ୍ ବାରାଷ୍ ତାଇନାଲେ ଏନ୍ତେ କାମିତାମ୍ କେଦ୍ତେ ପୁରାଃଗି ଟାକା ପାଏସାଲେ ନାମେଁୟା ।” ୧୪ ମେନ୍ଦ୍ ଗାପା ଆପେୟାଃ ଜୀଦାନ୍ରେ ତିନାଃ ହବାଅଃଆ, ଏନାଦ୍ ଆପେ କାପେ ସାରିୟା ! ଆପେୟାଃ ଜୀଦାନ୍ଦ୍ କୁଡ଼ି ଲେକା, ଘାଡ଼ିକାଦ୍ଗି ନେଲଃଆ ଏନ୍ତେ ଆତଃକାଟିଃ ଘାଡ଼ିକାଦ୍ରେ କା ନେଲଃଆ । ୧୫ ଏନାମେନ୍ତେ ଆପେକେ ନେ'ଲେକା କାଜି ଲାଗାତିଙ୍ଗ୍ମାଃ, “ପ୍ରାଭୁଆଃ ସାନାଙ୍ଗ୍ ହବାଅଃରେଦ୍, ଆଲେ ଜୀନିଦ୍ ତାଇନ୍କେଦ୍ତେ ନେଆଁଲେ ରିକାୟା ଚାଏ ଏନାଲେ ରିକାୟା ।” ୧୬ ମେନ୍ଦ୍ ନାହାଁଃ ଆପେ ଆପ୍ନାଃ ମାନାରାଙ୍ଗ୍ ରିକାକେଦ୍ତେ ଆପାନ୍କେ ମାରାଙ୍ଗ୍ ମେନ୍ତେପେ କାଜିନ୍ତାନା; ନେ'ଲେକାନ୍ ମାରାଙ୍ଗ୍ମେଁନ୍ତେୟାଃ ଏଡ଼କାନାଃ ତାନାଃ ।

୧୭ ଏନାମେନ୍ତେ, ଜେତା ହଡ଼ ବୁଗିନ୍ କାମି ରିକା ଲାଗାତିଙ୍ଗ୍ମାଃ ମେନ୍ତେ ସାରିକାଦ୍ରେୟା ଏନା କାଏ ରିକାଏ ରେଦ୍, ଇନିଃ ପାପ୍ କାମିତାନାଏ ।



କିର୍ସାଣ ହଡ଼କ ନାଗେନ୍ତେ ଚେତାଅରେୟାଃ କାଜି

୧ ହେ କିର୍ସାଣ ହଡ଼କ ଆଇଁୟାଃ କାଜି ଆୟୁମେପେ, ଆପେୟାଃ ନାଗେନ୍ତେ ହିଜୁଃତାନ୍ ବରଝାନ୍ ଦୁକୁ ହବାଅଃତେ ସେନ୍ତାନା, ଏନାମେନ୍ତେ ରାଆଃଏପେ ଆଡଃ ଏୟମେପେ । ୨ *ଆପେୟାଃ ଖୁର୍ଚ୍ଚା କ ଜିୟନଃଆ ଆଡଃ ଲିଜାଃକକେ ନିଦିରକ ଜମେୟା । ୩ ଆପେୟାଃ ସୋନା ରୁପାକରେ ମୁର୍ଚ୍ଚା ସାବ୍କେଦାକ, ଆଡଃ ଏନ୍ ମୁର୍ଚ୍ଚା ଆପେୟାଃ ବିରୁଧରେ ଗାଝାଏ ଏମେୟା ଆଡଃ ଆପେୟାଃ ହଡ଼କେ ସେକ୍ତେଲ୍ ଲେକା ଜୁଲ୍ ଅଣ୍ଡରେଆଏ । ନେ ରୁଣ୍ଡୁ ଦିପିଲିରେ ଆପେ ଖୁର୍ଚ୍ଚା କପେ ହୁଣ୍ଡିଆକାଦା । ୪ ଆପେୟାଃ ପିଡ଼ିରେ କାମିତାନ୍କକେ ନାଲା କାପେ ଏମାକାଦକଆ । ଇନ୍କୁଆଃ କାଜିଗହାର୍ ଆୟୁମେପେ । ବାବା ଇରଃକଆଃ ରାନାଃ ସବେନାଃଏତେ ପେଡ଼େୟାନ୍ ପ୍ରାଭୁ ପାରମେଶ୍ୱାର୍ ଆୟୁମାକାଦାଏ । ୫ ନେ ଅତେଦିଶ୍ୱମରେ ଆପେୟାଃ ଜୀଦାନ୍ ରିଜରାଜ୍ରେ ପେରେଜାକାନା । ଗନଏଃରେୟାଃ ହୁଲାଜ୍ ନାଗେନ୍ତେ ଆପେ ଆପେୟାଃ ମନ୍ସୁରୁଦକେ ମଟାକାଦାପେ । ୬ ଆପେ ଧାର୍ମାନ୍ ହଡ଼କକେ ଚିଟାକେଦ୍ତେ ମାଆଃଗଏଃ କାଦକଆପେ; ଇନ୍କୁ ଆପେୟାଃ କାଜିକଟ୍ଟ କାକ ରିକା ଦାଡ଼ିୟା ।

ଧିରାଜ୍ ସାବ୍କେଦ୍ତେ ବିକ୍ତିପେ

୭ ହେ ହାଗା ମିଶିକ, ପ୍ରାଭୁଆଃ ଆଡଃମିସା ହିଜୁଃ ଜାକେଦ୍ ଧିରାଜ୍ ସାବ୍କେଦ୍ତେ ତାଇନ୍ଦେ । ନେଲେପେ, ଚାଷିହଡ଼ ଚିଲ୍କା ଆୟାଃ ଅତେରେ ପୁରାଃ ଗନଜ୍ଆନ୍ ଜ ନାମେ ନାଜ୍ ଧିରାଜ୍ ସାବ୍କେଦ୍ତେ ଗାମାଦାଆଃକେକ ତାଜିଆ । ୮ ଏନ୍ଲେକାଗି ଆପେୟା ଧିରାଜ୍ ସାବ୍କେଦ୍ତେ ଆପେୟାଃ ମନ୍ସୁରୁଦକେ ସାଲ୍ସାନ୍ତୁ ରିକାଏପେ । ଆପେୟାଃ ଆସ୍ରା କେଟେଦ୍ଗି ତାଇନ୍କା, ଚିଆଃଚି ପ୍ରାଭୁଆଃ ହିନିଜୁଃ ହୁଲାଜ୍ ନାଡ଼େଜାକାନା ।

୯ ହେ ହାଗା ମିଶିକ, ମିହୁଡ଼ ଆଡଃମିହୁଡ଼ନିୟାଃ ବିରୁଧରେ ଆଲପେ କାଜିୟା, ଏନାରେ ପାରମେଶ୍ୱାର୍ ଆପେୟାଃ ବିଚାର୍ କାଏ ରିକାଏୟା । ନେଲେପେ, ମାରାଜ୍ ବିଚାର୍ନିଃ ଦୁଆର୍ ହେପାଦ୍ରେ ତିଜ୍ଞୁଆକାନା । ୧୦ ହେ ହାଗା ମିଶିକ, ଅକ ନାବୀକ ପ୍ରାଭୁଆଃ ନୁଡୁମ୍ତେ କାଜିକାଦ୍ ତାଇକେନାକ, ଇନ୍କୁକେ ଧିରାଜ୍ ଆଡଃ ସାସାତି ନାମେକେଦ୍ରେୟାଃ ନାମୁନା ଲେକା ତେଲକପେ । ୧୧ ଇନ୍କୁଆଃ ସାହାତିଜ୍ ଜୀଝାନ୍ ହରାତେ ଆବୁ ଇନ୍କୁକେ ଧାଇନ୍ ମେନ୍ତେବୁ କାଜିତାନା । ଆପେ ଆୟୁବରାଃ ସାହାତିଜ୍ ଜୀଝାନ୍ ବିଷାଏରେ ଆୟୁମାକାଦାପେ ଆଡଃ ରୁଣ୍ଡୁରେ ପ୍ରାଭୁ ଚିଲ୍କା ଇନିଃକେ ଆଶିଷ୍ ଏମ୍କିୟାଏ, ଏନା ସାରିତାନାପେ । ଚିୟାଃଚି ପ୍ରାଭୁଦ ପୁରା ଲିବୁଇତେ ଆଡଃ ଦାୟାତେ ପେରେଜାକାନ୍ନିଃ ତାନିଃ ।

୧୨ *ହେ ହାଗା ମିଶିକ, କିରିୟାଏ ଇମ୍ତା ସିର୍ମା ଦିଶ୍ୱମରେୟାଃ ଚାଏ ଅତେରେୟାଃ ଚାଏ ଏଟାଃ ଜେତାନ୍ ବିଷାଏରେ କିରିୟା ଆଲପେ ରିକାଏ । ଆପେୟାଃ “ହୁ” ମେନ୍ତେୟାଃ ହୁ ତାଇନ୍କା ଆଡଃ “ବାନଃ” ମେନ୍ତେୟାଃ ବାନଃ ତାଇନ୍କା । ଏନ୍ରେଦ ପାରମେଶ୍ୱାର୍ଆଃ ବିଚାର୍ରେ ସାଜାଇ କାପେ ନାମେୟା ।

୧୩ ଆପେକଏତେ ଜେତାଏ ଚିନାଃ ନାରାଦୁରାଗିୟାଏ ? ଇନିଃ ବିକ୍ତିକାଏ । ଜେତାଏ ଚିନାଃ ରାସ୍କାଗିୟାଏ ? ଇନିଃ ମାନାରାଜ୍ରେୟାଃ ଦୁରାଜ୍ଞେକାଏ । ୧୪ *ଆପେକଏତେ ଜେତାଏ ଚିନାଃ ଦୁକୁତାନାଏ ? ଇନିଃ କାଲିସିୟାରେନ୍ ପ୍ରାଚିନ୍କକେ କେଡାକକାଏ; ଇନ୍କୁ ପ୍ରାଭୁଆଃ ନୁଡୁମ୍ତେ ସୁନ୍ମ୍ ଗସଃକେଦ୍ତେ ଆୟାଃ ନାଗେନ୍ତେ ବିକ୍ତିକାକ । ୧୫ ନେଲେକାନ୍ ବିଶ୍ୱାସରେୟାଃ ବିକ୍ତି ଦୁକୁତାନ୍ନିଃକେ ବୁଗିୟା । ପ୍ରାଭୁ ଇନିଃକେ ବୁଗିୟାଏ ଆଡଃ ଇନିଃ ପାପ୍ କାମିକାଦ୍ରେଦ, ଇନିଃକେ ଛାମା ଏମାଇୟାଏ । ୧୬ ମିହୁଡ଼ ଆଡଃମିହୁଡ଼ନିୟାଃ ଆୟାରରେ ପାପ୍କାଦାଇଜ୍ ମେନ୍ତେ ମାନାତିଜ୍ପେ ଆଡଃ ମିହୁଡ଼ ଆଡଃମିହୁଡ଼ଆଃ ବୁଗିୟାଃ ନାଗେନ୍ତେ ବିକ୍ତିପେ । ଧାର୍ମାନ୍ ହଡ଼କଆଃ ବିକ୍ତିରେ ପୁରାଃ ପେଡ଼େମେନା ଆଡଃ କାମି ରିକା ଦାଡ଼ିୟାଃତେୟାଃ ତାନାଃ । ୧୭ ଏଲିୟା ଆବୁଲେକା ହଡ଼ ତାଇକେନାଏ । ଇନିଃ ଦାଆଃ ଆଲକାଏ ଗାମାଏକା ମେନ୍ତେ ମିଦ୍ମନ୍ତେ ବିକ୍ତିକାଦ୍ ତାଇକେନା, ଆପିୟା ଆଡଃ ଆଧା ବାରାଷ୍ ଅତେଦିଶ୍ୱମରେ ଦାଆଃ କାଏ ଗାମାକେଦା । ୧୮ ଇନିଃ ଆଡଃମିସା ବିକ୍ତିକେଦାଏ, ଆଡଃ ସିର୍ମାଏତେ ଦାଆଃ ଗାମାକେଦାଏ, ଆଡଃ ଅତେରେ ହିତା ଜ ଅମନ୍ୟାନା ।

୧୯ ହେ ଆଇଁୟାଃ ହାଗା ମିଶିକ, ଆପେକଏତେ ଜେତାଏ ହରା ଆଦେରେଦ, ଏଟାଃନିଃ ଇନିଃକେ ସାର୍ତି ହରାତେ ରୁହାଡ଼ ଆଉଇୟାଏ । ୨୦ *ତାବ୍ଦ ପାହାମେପେ, ଜେତାଏ ଆଦାକାନ୍ ହରାଏତେ ପାପି ହଡ଼କେ ରୁହାଡ଼ ଆଉଇୟାଏ, ଇନିଃ ଏନ୍ ପାପି ହଡ଼ରାଃ ଆମ୍ବାକେ ଗନଏଃହେତେ ବାସ୍ତାଅୟା ଆଡଃ ପୁରାଃ ପାପ୍କ ଛାମା ହବାଅଃଆ ।

* ୫:୨ ୫:୨ ମାଥୁଉ ୨:୧୯. * ୫:୧୨ ୫:୧୨ ମାଥୁଉ ୫:୩୪-୩୭. * ୫:୧୪ ୫:୧୪ ମାର୍କ ୭:୧୩. * ୫:୨୦ ୫:୨୦ ୧ ପାଡ଼ରାସ୍ ୪:୮.

ପିତରଙ୍କ ଲିଖିତ ପ୍ରଥମ ପତ୍ର ପାଢ଼ରାସ୍ ଅଲ୍ମାକାଦ୍ ପାହିଲିଆ ଚିଟାଉ ପାରିତାଏ

ପାଢ଼ରାସ୍ ଆଠ ପାହିଲିଆ ଚିଟାଉ ପ୍ରେରିତ୍ ପାଢ଼ରାସ୍ ହରାତେ ଅଲ୍ମାକାନା । ପାଢ଼ରାସ୍ ଅକଏ ତାନିଃ ଆତଃ ନେ ଚିଟାଉ ଅକଏତାଃ ଅଲ୍ମାକାଦାଏ, ନେ ବିଷାଏରେ କାଜିକେଦ୍ତେ ଚିଟାଉ ଅଲ୍ ଏଚେଦ୍ କାଦାଏ । ଇନିଃ ନେ ଚିଟାଉରେ ବେଗାର୍ ଚିହ୍ନାର୍ ଶ୍ରୀଷ୍ଟିୟାନ୍ ହଡକକେ ଅଲ୍ମାକାଦକଆ ୧:୧; ୧:୧୭; ୨:୧୧ । ଇନ୍କୁ ଅତେଦିଶ୍ଟୁମ୍ରେ ଛିତିବିତିକାନ୍ ହରାତେ ଇନିଃ ଆୟାଃ ପାଢ଼ାଅତାନ୍ ହଡକକେ ପୁରାଃସାଃ ନେ'ଲେକାଏ କାଜିକାଦକଆ । ଚିଆଃଚି ନେ ଚିଟାଉ ଏଫିସୁସ୍ କାଲିସିୟାତେ ଅଲ୍ମାକାଦ୍ ପାଢ଼ଲୁସଆଃ ଚିଟାଉ ଲେକା ତାନାଃ । ପୁରାଃ ହଡକ ବିଶ୍ୱାସାଃକ ଯେ, ପାହିଲିଆ ପାଢ଼ରାସ୍ ଯୀଶୁ ଶ୍ରୀଷ୍ଟିଆଃ ଜାନାମ୍ରେୟାଃ ୬୫ ବାରାଷ୍ ତାୟମତେ ଅଲ୍ମାକାନ୍ ତାଇକେନା । ପାଢ଼ରାସ୍ ନେ ଚିଟାଉ ରୋମ୍ ନାଗାର୍ହେତେ ଅଲ୍ମାକାଦା, ଅକ୍ନାଃକେଚି ବାବିଲୋନ୍ ମେନ୍ତେ ଇନିଃ କାଜିୟାଃଏ ୫:୧୩ ।

ପାଢ଼ରାସ୍ ନେ ଚିଟାଉରେ କାଜିୟାଃଏ ଯେ, ନେ ଚିଟାଉରେୟାଃ ଉଦେଶ୍ ଆପେକେ ଜୀଉରେ ରାସ୍କା ଏମ୍ ନାଗେନ୍ତେ ଆତଃ ପାର୍ମେଶ୍ୱାର୍ଆଃ ସାତ୍ତି ସାୟାଦ୍ରେୟାଃ ଗାଞ୍ଜା ଏମ୍ ନାଗେନ୍ତେ ତାନାଃ ୫:୧୨; ୧ ପାଢ଼ରାସ୍ ୨:୧୧-୩:୭; ଏଫିସିୟ ୫:୧୮-୬:୯, ଆତଃ କଲସିୟ ୩:୧୮-୪:୭ ନେଆଁରେ ମିଦ୍ଜକାଗି ମେନାଃ । ନେ ଆପିୟା ଚିଟାଉରେୟାଃ ସବେନ୍ ଆଧ୍ୟାୟରେ କୁଟୁମ୍ କୁପୁଲ୍କଆଃ ନାତା ବିଷାଏରେ ଆତଃ ଆକ୍ତେୟାର୍ ନାମାକାଦକକେ ମାନାତିକ୍ ବିଷାଏରେ ଇନିତୁ ଏମାଃଏ । ତୁଶୁ ଦ୍ରିପିଲି ନାଡେଜଃତାନ୍ ହରାତେ ଇନିଃ ଦୁକୁ ଇମ୍ତାହଗି ସାହାତିକ୍କେଦ୍ତେ ତାଇନିଃ ନାଗେନ୍ତେ ଶ୍ରୀଷ୍ଟିୟାନ୍ ହଡକକେ ଜୀଉରେ ରାସ୍କା ଏମାଃଏ ୪:୧ ।

ପୁଅ୍ ବିତାରେ ତାଇକାନ୍ କାଜି

୧. ପାଢ଼ରାସ୍ ଆୟାଃ ପାଢ଼ାଅତାନ୍ ହଡକକେ ଆୟାଃ ବିଷାଏରେ ପାରିତାଏ ଆତଃ ଆୟାଃ ଆପୁଆଃ ଅଡ଼ାଃ ଠାୟାଦ୍ ଏମାଃଏ । ୧:୧-୨
୨. ପାଢ଼ରାସ୍ ପାର୍ମେଶ୍ୱାର୍କେ ଧାନାବାଦ୍ ଏମାଃଏ ଯେ, ସବେନ୍କ ପାର୍ମେଶ୍ୱାର୍ଆଃ ପାରିତାଣରେୟାଃ ହିସା ହବାଅଃଆକ, ଅକ୍ନାଃ ଆକଆଃ ଜୀଦାନ୍ରେୟାଃ ଉଦେଶ୍ ତାନାଃ । ୧:୩-୨:୧୦
୩. ଅତେଦିଶ୍ଟୁମ୍ରେ ଚିଲ୍କା ବୁଗିଲେକା ଜୀଦାନ୍ ବିତାଅ ହବାଅଃ ଲାଗାତିକ୍ୟାଃ ଆତଃ କଡ଼ା କୁଡ଼ି, ଗୁସିୟା ଆତଃ ଦାସି ଆଲ୍ମାରେ ଚିଲ୍କା ନାତା ଦହ ଲାଗାତିକ୍ୟାଃ ଏନାରେୟାଃ ଇନିତୁ ଏମାଃଏ । ୨:୧୧-୪:୧୧
୪. ଦୁକୁ ଇମ୍ତାକରେ ସାହାତିକ୍କେଦ୍ତେ ତାଇନିଃ ନାଗେନ୍ତେ ପାଢ଼ରାସ୍ ଇନ୍କୁକେ ଜୀଉରେ ରାସ୍କା ଏମାଃଏ । ୪:୧୨-୫:୧୧
୫. ଏନ୍ତେ ଇନିଃ ଆୟାଃ ଚିଟାଉ ଅଲ୍କେଦ୍ତେ ଚାବାକେଦା । ୫:୧୨-୧୪

^୧ ଆଇକ୍ ପାଢ଼ରାସ୍ ଯୀଶୁ ଶ୍ରୀଷ୍ଟିଆଃ ମିଆଁଦ୍ କୁଲ୍ମାକାନ୍ନିଃ ତାନିକ୍, ପତ୍ରସ୍, ଗାଲ୍ମାତିୟ, କାପାଦକିଆ, ଏସିଆ, ବେଥ୍ଲିଆ, ରାଇଜ୍କରେ ଛିତିବିତିକେଦ୍ତେ ତାଇନିଃତାନ୍ ପାର୍ମେଶ୍ୱାର୍ଆଃ ସାଲ୍ମାକାନ୍ ହଡକକେ ନେ ଚିଟାଉ ଅଲେତାନାଇକ୍ ।

^୨ ଆପୁ ପାର୍ମେଶ୍ୱାର୍ ସିଦାରେ ଉହାଟ୍କାଦ୍ ସେଣ୍ଟାଁ ଲେକାତେ ଆପେ ସାଲ୍ମାକାନାପେ ଆତଃ ଯୀଶୁ ଶ୍ରୀଷ୍ଟିଆଃ କାଜି ମାନାତିକ୍କେଦ୍ତେ ଆୟାଃ ମାୟୋମ୍ରେ ଫାର୍ତିୟାଃ ନାଗେନ୍ତେ ଆପେ ପାବିତାର୍ ଆମ୍ତେ ପାବିତାର୍ ହଡପେ ବାଇୟାକାନା । ପାର୍ମେଶ୍ୱାର୍ଆଃ ସାୟାଦ୍ ଆତଃ ଜୀଉସୁକୁ ଆପେୟାଃ ପୁରାଃତେ ହବାଅଃକା ।

ମିଆଁଦ୍ ଜୀନିଦ୍ରାଃ ଆସ୍ତା

^୩ ଆବୁଆଃ ପ୍ରାତୁ ଯୀଶୁ ଶ୍ରୀଷ୍ଟି, ଆପୁ ପାର୍ମେଶ୍ୱାର୍ଆଃ ସାହାରାଅ ହବାଅଃକା, ଚିୟାଃଚି ଆୟାଃ ମାରାକ୍ ଦାୟାତେ ଯୀଶୁ ଶ୍ରୀଷ୍ଟିକେ ଗନଏଃହେତେ ଜୀଉବିରିଦ୍କିୟାଏ, ଆତଃ ଆବୁକେ ନାଞ୍ଜା ଜୀଞ୍ଜାନ୍ ଏମାକାଦ୍ବୁଆଏ । ନେଆଁ ଆବୁକେ ଜୀନିଦ୍ ଆସ୍ତାରେ ପେରେଜାକାଦ୍ବୁଆ । ^୪ ଏନାମେନ୍ତେ ପାର୍ମେଶ୍ୱାର୍ ଆୟାଃ ହଡକ ନାକ୍ ମାରାକ୍ ଆଶିଷ୍ ଦହାକାଦାଏ, ଏନାକେ ନାମେ ନାଗେନ୍ତେ ଆବୁ ସବେନ୍କ ତାଜିତାନାବୁ । ଇନିଃ ଏନାକେ ଆପେ ନାଗେନ୍ତେ ସିର୍ମାରେ ଦହାକାଦା । ଏନ୍ତାଃରେ ଏନା କା ସୟାଃଞ୍ଜା, କା ଜିୟନିଃଆ, ଆତଃ କା ଗସଃଆ । ^୫ ତୁଶୁ ଦ୍ରିପିଲିରେ ଅକ୍ ଜୀଉବାସ୍ତାଉ ଉଦୁବଃ ନାଗେନ୍ତେ ସେକାଡ଼ାକାନା, ଏନାକେ ନାମେ ନାକ୍ ଆପେୟାଃ ବିଶ୍ୱାସ୍ ହରାତେ ପାର୍ମେଶ୍ୱାର୍ଆଃ ପେଡ଼େଃତେ ଜାଡନାଅ କାନାପେ ।

୭ ଏନାତେ ଆପେ ରାସ୍କାଅଃପେ । ହବାସାକାଅଆଃ ଚିମିନ୍ ରାକାମ୍ରେୟାଃ ଦୁକୁହାସୁ ହରାତେ ଆପେକେ ନାହାଁଃ କାଟିଃ ଘାଡ଼ିକାଦ୍ ନାଙ୍ଗ୍ ଦୁକୁ ହବାଅଃ ଲାଗାଡ଼ିଙ୍ଗ୍ୟାଃ । ୭ ଆପେୟାଃ ବିଶ୍ୱାସ୍ ସାର୍ଡ଼ିତାନାଃଟି ନାହାଁଲାଃ ଏନା ବିଡ଼ାଅ ନାଗେନ୍ତେ ନେ ସବେନାଃରାଃ ଉଦେଶ୍ ତାନାଃ । ସୋନାକେ ସେଙ୍ଗେଲ୍ରେ ବିଡ଼ାଅକେଦ୍ତେ ବୁଗିନାଃ ତାନାଃଟି ନାହାଁଲାଃ ଏନା ସାରିୟଃଆ, ମେନ୍ଦ୍ ଏନା ଜିୟନଃତେୟାଃ ତାନାଃ । ଆପେୟାଃ ବିଶ୍ୱାସ୍ ସୋନାଏତେୟାଃ ପୁରାଃ ଗନଙ୍ଗ୍ଆଁନ୍ ତାନାଃ ଏନା ନାଗେନ୍ତେ ବିନିଡ଼ାଅ ହରାତେ ଏନାକେ ପକ୍ତାଏ ଲାଗାଡ଼ିଙ୍ଗ୍ୟାଃ । ଏନା ହବା ଦାଡ଼ିୟଃରେ, ଯାଶୁ ଶ୍ରୀଷ୍ଟିଆଃ ଉନ୍ଦୁଦ୍ ଦିପିଲିରେ ଆପେ ମାଇନାନ୍, ମାନାରାଙ୍ଗ୍, ଆତଃ ସାହାରାଅପେ ନାମେୟା । ୮ ଆପେ ଇନିଃକେ କାପେ ନେଲ୍କାଇରେୟା ଦୁଲ୍ଲାଡ଼ିତାନାପେ ଆତଃ ନାହାଁଃ ହ୍ କାପେ ନେଲିତାନ୍ରେୟା ଇନିଃତାଃରେ ବିଶ୍ୱାସ୍କେଦ୍ତେ କା କାଜି ଦାଡ଼ିୟଃ ଲେକା ମାନାରାଙ୍ଗ୍ ରାସ୍କାତେପେ ରାସ୍କାଅଃତାନା, ୯ ଚିଆଃଟି ଆପେୟାଃ ବିଶ୍ୱାସ୍ରେଆଃ ନାଲା ଆପେୟାଃ ଆମ୍ବାରାଃ ଜୀଉବାଞ୍ଚାଅ ତାନା, ଏନାପେ ନାମାକାଦା ।

୧୦ ନେ ଜୀଉବାଞ୍ଚାଅ ବିଷାଏରେ ନାବାକ ପୁରାଃ ବୁଗିଲେକା ଦାଣାଁ ନାମ୍କେଦ୍ତେ ଇନ୍କୁ ପାର୍ମେଶ୍ୱାର୍ଆଃ ନେ ସାୟାଦ୍ରେୟାଃ ବାର୍ଦାନ ବିଷାଏରେକ କାଜିଆୟାର୍କେଦା । ୧୧ ଏନ୍ ବାର୍ଦାନକେ ଆପେ ଚିତ୍ତଲା ଆତଃ ଚିଲ୍ଲକାତେପେ ନାମେୟା, ଏନା ସାରିନାମ୍ ନାଗେନ୍ତେ ଇନ୍କୁ ଚେଷ୍ଟା ତାଇକେନାକ । ଏନ୍ ବିଷାଏରେ ପାବିତାର୍ ଆମ୍ବାରାଃ ଦେଙ୍ଗାତେ ଇନ୍କୁ ଶ୍ରୀଷ୍ଟିଆଃ ଦୁକୁ ଆତଃ ତାୟମ୍ତେରାଃ ମାନାରାଙ୍ଗ୍ ବିଷାଏରେ ଆୟାର୍କାଜି କାଜିକାଦ୍ ତାଇକେନାକ । ୧୨ ନେ ସବେନ୍ ବିଷାଏରେ ଇନ୍କୁ ଆକଆଃ ଆପ୍ତନାଃ ସୁନ୍ସାର୍ କା ରିକାକେଦ୍ତେ ଆପେୟାଃ ସୁନ୍ସାର୍ ରିକା ତାଇକେନାକ, ମେନ୍ଦ୍ ଇନ୍କୁ ଆକଆଃ ବୁଗିନ୍ ନାଗେନ୍ତେ ଜେଡନାଃ କାକ କାମିକେଦା । ଇନ୍କୁ କାଜି ତାଇକେନ୍ତେୟାଃ ଆପେ ନାଗେନ୍ତେ ଉଦ୍ବକାନ୍ ତାଇକେନା । ଏନା ସିର୍ମାଏତେ କୁଲ୍ଲକାନ୍ ପାବିତାର୍ ଆମ୍ବାରାଃ ପେଡେଃତେ ନାହାଁଃ କାଜି ଏମ୍ତାନ୍କଆଃ ହରାତେ ଆପେତାଃତେ ସୁକୁକାଜି ଉଦ୍ବକାନା, ଏନ୍ ସବେନ୍ ବିଷାଏ ଦୁଡ଼କହ ନେଲ୍ ନାଗେନ୍ତେକ ସାନାଙ୍ଗ୍ତାନା ।

ପାବିତାର୍ ଜୀଞ୍ଜାନ୍ ବିତାଅ ନାଗେନ୍ତେ କେନେଡ଼ା

୧୩ ଏନାମେନ୍ତେ, କାମି ନାଙ୍ଗ୍ ଆପେୟାଃ ମନ୍ରେ ସେକାଡ଼ାକାନ୍ ତାଇନ୍ଦେ । ଚିର୍ଗାଲାକାନ୍ପେ, ଯାଶୁ ଶ୍ରୀଷ୍ଟି ଉଦ୍ବଦଃ ଇମ୍ତାରେ ଆପେକେ ଅକ ସାୟାଦ୍ରେୟାଃ ଜୀଉବାଞ୍ଚାଅ ଏମଃଆ ଏନାରେ ପୁରାଃତେ ଆସ୍ତା ଦହେପେ । ୧୪ ପାର୍ମେଶ୍ୱାର୍ଆଃ କାଜି ମାନାଡ଼ିଙ୍ଗ୍ପେ, ଆତଃ ଆପେ ବେଗାର୍ ସାରିତେ ଏଡ଼କାନ୍ ସାନାଙ୍ଗ୍ରେପେ ଜୀହୁଦଃ ତାଇକେନ୍ ଲେକା ଆଲ୍ପେ ସେସେନା । ୧୫ ମେନ୍ଦ୍ ଆପେକେ କେଡାକେନ୍ନିଃ ପାବିତାର୍ ମେନାଇ ଲେକାଗି ଆପେୟା ସବେନ୍ ଚାଇଲ୍ ଚାଇଲ୍ରେ ପାବିତାରଃପେ । ୧୬ ଧାରାମ୍ପୁଅରେ ଅଲ୍ଲକାନା, “ଆପେ ପାବିତାରଃପେ ଚିୟାଃଟି ଆଇଙ୍ଗ୍ ପାବିତାର୍ ତାନିଙ୍ଗ୍ ।”

୧୭ ପାର୍ମେଶ୍ୱାର୍ ଜେତାଏୟାଃ ମେଦ୍ମୁହାଁଡ଼୍ କା ନେଲ୍କେଦ୍ତେ ଆକଆଃ କାମି ଲେକାତେ ବିଚାର୍କଆ । ଆପେ ଇନିଃତାଃରେ ବିକ୍ତି ଇମ୍ତା ଇନିଃକେ ଆପୁ ମେନ୍ତେପେ ମାଇନିତାନ୍ରେଦ, ନେ ଅତେରେ ଆପେୟାଃ ଜୀଞ୍ଜାନ୍ ବାଚାଅକାନ୍ ନେତାରେ ଇନିଃକେ ବରଭାକ୍ତିତାନ୍ଲଃ ଜୀଞ୍ଜାନ୍ ବିତାଏପେ । ୧୮ ଆପେଦ୍ ସାରିତାନାପେ, ଆପେୟାଃ ପୁରଂଗା ହଡ଼କତାଃଏତେ ହିଜୁଃକାନ୍ ରିଡିରିଞ୍ଜାଜ୍ ଆତଃ ସାମାରେୟାଃ ଜୀଞ୍ଜାନ୍ଏତେ ଆପେକେ ମୁକ୍ତି ଏମ୍ ନାଙ୍ଗ୍ ପାର୍ମେଶ୍ୱାର୍କେ ଗନଙ୍ଗ୍ ଏମ୍ ଲାଗାଡ଼ିଙ୍ଗ୍ ତାଇକେନା । ଏନା ରୁପା ଚାଏ ସୋନା ଲେକାନ୍ ଜିୟନଃ ଜିନିଷ୍ କା ତାଇକେନା, ୧୯ ମେନ୍ଦ୍ ବେଗାର୍ ଦାଗିକାନ୍ ଆତଃ କା ଚିଟାକାନ୍ ମିଶ୍ଟିହନ୍ ଲେକା ଯାଶୁ ଶ୍ରୀଷ୍ଟିଆଃ ପୁରାଃ ଗନଙ୍ଗ୍ଆଁନ୍ ମାୟୋମ୍ତେ ରାଡ଼ାକାନାପେ । ୨୦ ଇନିଃଦ୍ ଅତେଦିଶ୍ୱମ୍ରେୟାଃ ବାଇୟଃ ସିଦାରେ ପାର୍ମେଶ୍ୱାର୍ତେ ସାଲାକାନ୍ ତାଇକେନାଏ ଆତଃ ଆପେ ନାଗେନ୍ତେ ନେ ଚୁଶ୍ଟି ଦିପିଲିରେ ଉଦ୍ବକାନା । ୨୧ ପାର୍ମେଶ୍ୱାର୍ ଇନିଃକେ ଗଜାକାନ୍କଏତେ ଜୀଉବିରିଦ୍କିୟା ଆତଃ ମାନାରାଙ୍ଗ୍ ଏମ୍କିୟାଏ । ଇନିୟାଃ ହରାତେ ଆପେ ପାର୍ମେଶ୍ୱାର୍କେପେ ବିଶ୍ୱାସୀ ତାନା, ଏନାତେ ପାର୍ମେଶ୍ୱାର୍ତାଃରେ ଆପେୟାଃ ବିଶ୍ୱାସ୍ ଆତଃ ଆସ୍ତା କେଚେୟାଃ ତାନା ।

୨୨ ନାହାଁଃ ଆପେ ସାର୍ଡ଼ି ମାନାଡ଼ିଙ୍ଗ୍ତାନ୍ ହରାତେ ଆପେ ଆପେଗି ଫାର୍ଡିଆକାନାପେ ଆତଃ ବିଶ୍ୱାସ୍ତାନ୍ ହାଗାକକେ ଆପେୟାଃ ସବେନ୍ ମନ୍ସୁରୁଦ୍ତେ ଦୁଲ୍ଲାଡ଼କପେ, ଆତଃ ସବେନ୍କଲଃ ଦୁପୁଲ୍ଲାଡ଼ରେ ତାଇନ୍ଦେ । ୨୩ ଚିୟାଃଟି ପାର୍ମେଶ୍ୱାର୍ଆଃ ଜୀନିଦ୍ ଆତଃ କା ଜିୟନଃ ବାଚାନ୍ତେ ଚାଏ ଆପେଦ୍ ଗନଏଃରେନ୍ ଆପୁଆଃ ହନ୍ ଲେକା କାହାଗି ମେନ୍ଦ୍ କା ଗନଏଃ ଆପୁଆଃ ହନ୍ ଲେକାପେ ଜାନାମ୍ବୁହାଡ଼କାନା । ୨୪ ଧାରାମ୍ପୁଅରେ ଅଲ୍ଲକାନା, “ସବେନ୍ ହଡ଼କ ତାସାଦ୍ ଲେକାଃକ,

ଆତଃ ଇନ୍କୁଆଃ ସବେନ୍ ସୁଗାଡାନ୍ତେୟାଃ ବିର୍ ବାହା ଲେକାଃ ।
ତାସାଦ୍ ରହଡ଼କଆଃ ଆତଃ ବାହା ଗାସାର୍କଆଃ,

୨୫ ମେନ୍ଦ୍ ପାର୍ମେଶ୍ୱାର୍ଆଃ ବାଚାନ୍ ଜାନାଅ ଜାନାଅ ଜାକେଦ୍ ତାଇନାଃ ।”

ନେଆଁ ଏନ୍ ସୁକୁକାଜି ଅକ୍ନାଃ ଆପେତାଃରେ ଉଦୁବାକାନା ।

୨

ଜାନିଦ୍ ଦିରି ଆତଃ ପାବିତାର୍ ହତକ

୧ ଆପେ ସବେନ୍ ଲେକାନ୍ ଏଡକାନାଃଏତେ ସାଞ୍ଜିନେନ୍ଦେ । ସବେନ୍ ଏଡକାନ୍ କାଜି ଚାଏ ହସଡ୍ କାଜି ଚାଏ ହିସଙ୍ଗା କାଜି ଚାଏ ରୁପ୍ତରା କାଜିକ ବାଗିପେ । ୨ ନାଞ୍ଜାଜାନାମ୍ ହନ୍ଲେକା ହବାଅଃପେ । ସବେନ୍ ଇମତା ଫାରିତି ଆମ୍ବିକ୍ ତଥା ନୁଁ ନାଗେନ୍ତେ ତେତାଙ୍ଗାଅଃପେ, ଜେ'ଲେକାତି ଆପେ ନୁଁକେଦ୍ତେ ହାରା ଦାଡ଼ିୟଃଆପେ ଆତଃ ବାଞ୍ଚାଅପେ ନାମେୟା । ୩ ଧାରାମ୍ପୁଥ୍ରେ ଅଲ୍ଲକାନା, “ପ୍ରାଭୁ ଚିମିନ୍ ଦାୟାଲୁ ତାନିଃ, ଏନା ଆପେ ଆଡ଼କାର୍ତ୍ତରୁମ୍ କାଦାପେ ।”

୪ ଜାନିଦ୍ ଦିରି ଲେକାନ୍ନିଃଗି ଏନ୍ ପ୍ରାଭୁ ତାନିଃ, ହତକ ଇନିଃକେ କା ଗନଙ୍ଗାଆଁନ୍ ଲେକା ଗେନା ଆତମ୍ବକିୟାକ, ଇନିଃତାଃତେ ହିନ୍ତୁଃପେ, ଚିୟାଃଚି ପାର୍ମେଶ୍ଵାର୍ତାଃରେ ଇନିଃ ପୁରାଃ ଗନଙ୍ଗାଆଁନ୍ ହବାକେଦ୍ତେ ସାଲ୍ଲାୟାନାଏ । ୫ ଆପେ ମିଆଁଦ୍ ଆମ୍ବିକ୍ ମାନ୍ଦିର୍ ବାଲ୍ଲୟେନ୍ ନାଙ୍ଗ୍ ଜାନିଦ୍ ଦିରି ଲେକା ବାଉରାଅଃ ନାଗେନ୍ତେ ହିନ୍ତୁଃପେ । ଏନ୍ ମାନ୍ଦିର୍ ଅତାଃରେ ଆପେ ଯାଶୁ ଶ୍ରୀଷ୍ଟାଃ ହରାତେ ପାର୍ମେଶ୍ଵାର୍ ସୁକ୍ଷ୍ମାଏ ଲେକା ଆମ୍ବିକ୍ ଦାଣ୍ଡେଁ ରାକାବ୍ ନାଗେନ୍ତେ ପାବିତାର୍ ଯାଜାକ୍ କାମି କାମିୟାପେ । ୬ ଚିୟାଃଚି ଧାରାମ୍ପୁଥ୍ରେ ଅଲ୍ଲକାନା,

“ଆଲେ ମିଆଁଦ୍ ପୁରାଃ ଗନଙ୍ଗାଆଁନ୍ ଦିରି ସାଲ୍ଲକାଦାଲେ,
ଏନାକେ ଆଲେ ସିୟୋନ୍ରେୟାଃ କଚା ଦିରି ଲେକାଲେ ମାଣ୍ଡାଅକାଦା ।
ଜେତାଏ ଇନିଃରେ ବିଶ୍ଵାସେନିଃ, ଚିଉଲ୍ଲାଅ କାଏ ଗିହୁଗଃଆ ।”

୭ ଆପେ ବିଶ୍ଵାସତାନ୍ ହରାତେ ନେ ଦିରି ଆପେୟାଃ ନାଙ୍ଗ୍ ପୁରାଃଗି ଗନଙ୍ଗାଆଁନ୍ ତାନାଃ । ମେନ୍ଦ୍ କା ବିଶ୍ଵାସତାନ୍କଥାଃ ନାଙ୍ଗ୍,

“ଅତାଃ ବାବାଇକ ଅକନ୍ ଦିରିକେ ଗେନା ଆତମ୍ବକେଦାକ,
ଏନା ନାହାଁଃ ସବେନାଃରାଃ କଚା ଦିରି ହବାୟାନା ।”

୮ ଧାରାମ୍ପୁଥ୍ରେ ଆତଃଗି ଅଲ୍ଲକାନା,
“ନେ ସେରେଙ୍ଗ୍ ଦିରି ଚେତାନ୍ରେ ପୁରାଃ ହତକ ତହଦଃଆକ,
ନେ ସେରେଙ୍ଗ୍ ହରାତେ ଇନ୍ଦ୍କୁଆଃ ଜିୟନ୍ ହବାଅଥା ।” ଇନ୍ଦ୍କୁ ପାର୍ମେଶ୍ଵାର୍ତାଃ ବାତାନ୍କେ କାକ ମାନାତିଙ୍ଗକେଦା, ଏନାତେ ଇନ୍ଦ୍କୁ ତହଦ୍ୟାନାକ । ନେଆଁ ଇନ୍ଦ୍କୁଆଃ ନାଗେନ୍ତେ ପାର୍ମେଶ୍ଵାର୍ତାଃ ସାନାଙ୍ଗ୍ ତାଇକେନା ।

୯ *ମେନ୍ଦ୍ ପାର୍ମେଶ୍ଵାର୍ ଆପେକେ ନୁବାଃହେତେ ଆୟାଃ ଆକ୍ଦାନ୍ଦାଅ ମାସ୍ତାଲ୍ତେ କେଡାକାଦ୍ପେୟା, ଜେ'ଲେକାତି ଆପେ ପାର୍ମେଶ୍ଵାର୍ତାଃ ଆକ୍ତାକାଅ କାମିକପେ ଉଦୁବେଆ, ଏନାମେନ୍ତେ ଆପେ ମିପିହୁଡ୍ ସାଲ୍ଲକାନ୍ ହତକ ତାନ୍ଦେ, ରାଜା ଲେକାନ୍ ଯାଜାକ୍ କିଲିକ, ପାବିତାର୍ ହତକ, ଆତଃ ପାର୍ମେଶ୍ଵାର୍ତାଃ ଆୟାଃ ହତକପେ ହବାକାନା । ୧୦ ସିଦା ଆପେ ପାର୍ମେଶ୍ଵାର୍ତାଃ ହତକ କାପେ ତାଇକେନା, ମେନ୍ଦ୍ ନାହାଁଃ ଆୟାଃ ହତକ ତାନ୍ଦେ । ସିଦା ପାର୍ମେଶ୍ଵାର୍ତାଃ ଦାୟା କାପେ ସାରିକାଦ୍ ତାଇକେନା, ମେନ୍ଦ୍ ନାହାଁଃ ଆପେ ଇନିୟାଃ ଦାୟା ନାମାକାଦାପେ ।

ପାର୍ମେଶ୍ଵାର୍ତାଃ ଦାସି

୧୧ ହେ ଦୁଲ୍ଲାଡ୍ ହାଗା ମିଶିକ, ଆପେ ନେ ଅତେଦିଶ୍ଵମ୍ରେନ୍ଦ୍ ନାହାଁଲ୍ଲାପେ ଆତଃ କା ଚିହ୍ନାଁର୍ ଲେକାନ୍ଦ୍ ତାନ୍ଦେ, ଏନାମେନ୍ତେ ଆଇଙ୍ଗ୍ ଆପେକେ ବିକ୍ରିପେ ତାନାଇଙ୍ଗ୍, ଆପେ ହତ୍ତମ୍ରେୟାଃ ଏଡକାନ୍ ସାନାଙ୍ଗ୍ଏତେ ସାଞ୍ଜିନେନ୍ଦେ, ଏନାକଦ୍ ଆମ୍ବାରେୟାଃ ବିରୁଧ୍ରେ ଲାଡ଼ାଇୟାଃ । ୧୨ ସାଅଁସାର୍ ହତକଥାଃ ଆଲ୍ଲାରେ ଆପେୟାଃ ଚାଇଲ୍ ଚାଲ୍ଲାନ୍ ବୁଗିଲେକା ହବାଅଃ ଲାଗାତିୟାଁ, ଚିମତା ଇନ୍ଦ୍କୁ ଆପେକେ ଏଡକାନ୍ କାମିହତ୍ତ ମେନ୍ତେକ ହିଲ୍ଲାଙ୍ଗ୍ପେରେ, ଆପେୟାଃ ବୁଗିନ୍ କାମି ନେଲ୍ଲକେଦ୍ତେ ଯାଶୁ ଶ୍ରୀଷ୍ଟାଃ ହିନିନ୍ତୁଃ ହୁଲ୍ଲାଙ୍ଗ୍ରେ ପାର୍ମେଶ୍ଵାର୍ତକେକ ମାଇନିୟା ।

୧୩ ପ୍ରାଭୁଆଃ ନୁଡୁମ୍ତେଇଙ୍ଗ୍ ବିକ୍ରିପେ ତାନା, ସବେନ୍ ଆକ୍ତେୟାର୍ ନାମାକାଦ୍ ହତକଥାଃ ଆବ୍ରେରେ ତାଇନ୍ଦେ । ରାଜା ତାଇନଃ ଚାଏ, ଲାଡ଼ସାହେବ୍, ଆତଃ ଏତାଃ ହାକିମ୍କେକେ ମାନାତିଙ୍ଗକପେ । ୧୪ ହାକିମ୍କ, ଏଡକାନ୍ ହତକକେ ସାଜାଇ ଏମ୍ ନାଗେନ୍ତେ ଆତଃ ବୁଗିନ୍ କାମି କାମିକାଦ୍ ହତକକେ ସାହାରାଅକ ନାଗେନ୍ତେ ଇନିଃ ଇନ୍ଦ୍କୁକେ ସାଲ୍ଲକାଦ୍କଥା । ୧୫ ଆପେ ବୁଗିନ୍ କାମିତେ କା ସେଣାଁନ୍ ତଣ୍ଡୁ ହତକକେ ହାପାଉତାରିକପେ, ଏନା ପାର୍ମେଶ୍ଵାର୍ତାଃ ସାନାଙ୍ଗ୍ ତାନାଃ । ୧୬ ରାଡ଼ାକାନ୍ ହତକ ଲେକା ଜୀହୁଦଃପେ, ମେନ୍ଦ୍ ଆପେ ରାଡ଼ାକାନାଲେ ମେନ୍ତେ ଏଡକାନ୍ କାମିରେଲେ ତାଇନା ମେନ୍ତେ କା

* ୨:୯ ୨:୯ ଚିତସ୍ ୨:୧୪.

ଉତ୍ତରରେକେଦେ, ପାରମେଶ୍ୱରୀଆଃ କିରିଙ୍ଗାୟାକାନ୍ ଦାସି ଲେକା ଜୀଞ୍ଜାନ୍ ବିତାଏପେ । ୧୭ ସବେନକକେ ମାଇନକପେ, ଏଟାଃ ବିଶ୍ୱାସୀ ହାଗା ମିଶିକକେ ଦୁଲ୍ଲାଡକପେ, ପାରମେଶ୍ୱରୀକେ ବରଥାଇପେ, ଆତଃ ରାଜାକେ ମାଇନିପେ ।

ୟୀଶୁ ଖ୍ରୀଷ୍ଟିଆଃ ଦୁକୁରେୟାଃ ନାମୁନା

୧୮ ହେ ଦାସିକ, ଆପେ ବରତାନଲଃ ଆପେୟାଃ ଗମକେକକେ ମାଇନକପେ, ବୁଗିନ୍ ଆତଃ ଲେବେଃମନରେନ୍ ହଡକକେ ଏସକାର କାହା, ମେନ୍ଦ ଦ କା ଲେବେଃମନରେନ୍ ହଡକକେହ ମାଇନକପେ । ୧୯ ଆପେ ପାରମେଶ୍ୱରୀଆଃ ଇଛା ସାରିକାଦ୍ ହରାତେ ବେଗାର୍ ଗୁହ୍ନାରେ ସାସାତି ନାମେତାନଲଃ ଦୁକୁପେ ସାହାତିଙ୍ଗ୍ ତାନରେଦ, ପାରମେଶ୍ୱରୀ ଆପେକେ ଆଶିଷପେୟା । ୨୦ ଆପେ ଗୁହ୍ନାକେଦତେ ସାଜାଇପେ ନାମେରେଦ, ଏନାରେ ଚିକାନ୍ ମାରାଙ୍ଗ୍ ତାନାଃ ? ମେନ୍ଦ ଆପେ ବୁଗିନ୍ କାମିକେଦତେ ଦୁକୁପେ ସାହାତିଙ୍ଗ୍ ତାନରେଦ, ଏନାରେ ପାରମେଶ୍ୱରୀ ଆପେକେ ଆଶିଷପେୟା । ୨୧ ପାରମେଶ୍ୱରୀ ନେଆଁ ନାଗେନ୍ତେ ଆପେକେ କେଡକାଦପେୟା । ୟୀଶୁ ଖ୍ରୀଷ୍ଟି ଆଇଃକ୍ରି ଆପେ ନାଗେନ୍ତେ ଦୁକୁ ସାହାତିଙ୍ଗ୍କେଦତେ ନାମୁନା ଉଦୁବକାଦା, ଜେ'ଲେକାଚି ଆପେ ଆୟାଃ ଉଦୁବକାଦ୍ ହରାକେପେ ଅତଙ୍ଗ୍ ଦାଡିୟା । ୨୨ ଇନିଃ ଜେଡନାଃ କାଏ ପାପକାଦା, ଆତଃ ଆୟାଃ ମଚାଏତେ ବେଦା କାଜି ଅତଙ୍ଗ୍ଅଃତେୟାଃ ଜେତାଏ ଚିତ୍ତଲୀଅ କାକ ଆୟୁମକାଦା । ୨୩ ଇନିଃକେ ଲାନ୍ଦାକିୟାକ ଇମ୍ତା ଇନିଃ ଇନକୁକେ କାଏ ଲାନ୍ଦାରୁହାଡକେଦକଆ, ଦୁକୁ ନାମକେଦ୍ ଇମ୍ତା ଇନକୁଆଃ ବାଦଲ୍ଲା ଇଦିନାଙ୍ଗ୍ କାଏ ବତଙ୍ଗ୍କେଦକଆ, ମେନ୍ଦ ନ୍ୟାୟ ବିଚାରନିଃ ପାରମେଶ୍ୱରୀତାଃରେ ପୁରାଃଗି ଆସ୍ରାକାଦ୍ ତାଇକେନାଏ । ୨୪ ଆରୁ ଜେ'ଲେକା ପାପ୍ ନାଙ୍ଗ୍ ଗଏଃକେଦତେ, ଧାରମାନ୍ ନାଗେନ୍ତେରୁ ଜୀହୁଦଃକା, ଏନାମେନ୍ତେ ୟୀଶୁ ଖ୍ରୀଷ୍ଟି ଆଇଃକ୍ରି କୁଗ୍ ଚେତାନରେ ଆୟାଃ ହଡମରେ ଆରୁଆଃ ପାପକଏ ଗଅଃକେଦା । ଆରୁ ଆୟାଃ ହଡମରେ ହାଁଶ୍ୱାକାନ୍ ଘାଅ ହରାତେ ବୁଗିକାନାରୁ । ୨୫ ଆପେଦ ଆଦାକାନ୍ ମିଶ୍ରିକ ଲେକାପେ ତାଇକେନା, ମେନ୍ଦ ନାହାଁଃ ଆପେୟାଃ ଆମ୍ରେନ୍ ମିଶ୍ରିଗୁପିନିଃ ଆତଃ ଆଗୁଆଇନିଃକେ ଅତଙ୍ଗ୍ ଲାଗେନ୍ତେପେ ଆଉରୁହାଡକାନା ।

୩

ଆଣ୍ଡି କଡ଼ା କୁଡିକ ନାଙ୍ଗ୍ ଇନିଦୁ

୧ *ହେ ଆଣ୍ଡି କୁଡିକ, ଏନ୍ଲେକାଗି ଆପେ ଆପାନ୍ ଆପାନ୍ କଡ଼ାକଆଃ ଆବରରେ ତାଇନପେ । ଏନାତେ ଜେତା କଡ଼ା ପାରମେଶ୍ୱରୀଆଃ ବାଚାନ୍ କାଏ ମାନାତିଙ୍ଗ୍ରେଦ, ଆୟାଃ କୁଡିଆଃ ବୁଗିନ୍ ଚାଇଲ୍ ଚାଲାନ୍ ହରାତେ ଇନିଃ ବିଶ୍ୱାସେ ନାଙ୍ଗ୍ ଜିତାଅଇୟାଏ । ଆପେକେ ମିଦପଦହ୍ କାଜି କା ଲାଗାତିଙ୍ଗ୍ୟାଃ, ୨ ଚିୟାଃଚି ଇନକୁ ଆପେୟାଃ ବୁଗିନ୍ ଫାର୍ଚିତେୟାଃ ଆତଃ ବରଭାକ୍ତିକ ନେଲେୟା । ୩ *ଆପେୟାଃ ସିଙ୍ଗାରେନ୍, ଉଦ୍ ଗାଲାଙ୍ଗ୍ୟେନ୍, ସୋନା ଦୁସିୟେନ୍, ଚାଏ ଲିଜାଃ ଦୁସିୟେନ୍, ନେ ସବେନାଃ, ନେପେଲ୍ ସିଙ୍ଗାର୍ ଏସକାର୍ ଆଲକା ହବାଅଃକା, ୪ ମେନ୍ଦ ଆପେୟାଃ ମନ୍ସୁରୁଦ୍ରେୟାଃ ସିଙ୍ଗାରେନ୍ ହବାଅଃତାନା, ଲେବେଃମନ ଆତଃ ବୁଗିନ୍ ସଭାଦ୍, ଏନା ପାରମେଶ୍ୱରୀଆଃ ନେପେଲ୍ରେ ସବେନାଃଏତେ ଗନଙ୍ଗ୍ଆଁନ୍ ଆତଃ କା ଜିୟନଃତେୟାଃ ତାନାଃ । ୫ ଚିୟାଃଚି ପାରମେଶ୍ୱରୀତାଃରେ ଆସ୍ରାକାଦ୍ ସିଦା ଦିପିଲିରେନ୍ ପାବିତାର୍ କୁଡିକ ଆକଆଃ କଡ଼ାକଆଃ ଆବରରେ ତାଇନତାନ୍ ହରାତେ ଆକ ଆକଗି ସିଙ୍ଗାରଃ ତାଇକେନାକ । ୬ ଏନ୍ଲେକାଗି ସାରା ଆଗ୍ରାହାମଆଃ କାଜି ମାନାତିଙ୍ଗ୍କେଦତେ ଇନିଃକେ ଆୟାଃ ଗମକେ ମେନ୍ତେ କାଜି ତାଇକେନା । ନାହାଁଃ ଆପେୟାଃ ଇନିୟାଃ କୁଡିହନ୍ଦକ ତାନପେ, ଆତଃ ଆପେ ବୁଗିନ୍ କାମିପେ ରିକାଏରେଦ, ଜେତାନ୍ ବିଷାଏରେ କାପେ ବରଏୟା ।

୭ *ଏନ୍ଲେକାଗି ଏ କଡ଼ାକ, ଆପେୟାଃ କୁଡିକ, ଆପେଏତେ ପୁରାଃଗି ନାରାଦୁରା ମେନ୍ତେ ସାରିତାନଲଃ ଇନକୁଲଃ ସାହାତିଙ୍ଗ୍ୟେ ଲେକା ଜୀଦାନ୍ ବିତାଏପେ । ଇନକୁକେ ମାଇନକପେ, ଇନକୁହ ପାରମେଶ୍ୱରୀଆଃ ସାୟାଦତେ ଆପେଲଃ ଜାନିଦ୍ରେୟାଃ ନାଲକ ନାମେୟା ଆପେ ଇନକୁକେ ବୁଗିଲେକାପେ ମାଇନକରେଦ, ଆପେୟାଃ ବିକ୍ତିରେ କାଜିକଟଙ୍ଗ୍ କାପେ ନାମେୟା ।

ବୁଗିନ୍ କାମି ନାଗେନ୍ତେ ଦୁକୁ

୮ ଟୁଣ୍ଡୁର, ଆପେ ସବେନକ ମିଦ୍ ମନରେ ତାଇନକେଦତେ ମିହୁଡ୍ ଆତଃମିହୁଡ୍ଲଃ ହାଗା ମିଶିଲେକା ଦୁପୁଲ୍ଲାଡଃପେ ଆତଃ ମିହୁଡ୍ ଆତଃମିହୁଡ୍କେ ଦାୟାତାନଲଃ ଲେବେଃମନ ଲେକା ହବାଅଃପେ । ୯ ଏଡକାନାଃ ନାଗେନ୍ତେ ଏଡକାନାଃ, ଚାଏ ସାରପାଅ ନାଗେନ୍ତେ ସାରପାଅ ଆଲ୍ପେ ଏମ୍ରୁହାଡକଆ, ମେନ୍ଦ ଆଶିଷକପେ, ଚିୟାଃଚି ଆପେ ପାରମେଶ୍ୱରୀତାଃଏତେ ଆଶିଷ ନାମେ ନାଗେନ୍ତେପେ କେଡକାନା । ୧୦ ଧାରାମ୍ପୁଥ୍ରେ ଅଲ୍ଲାନା,

* ୩:୧ ୩:୧ ଏଡିସିୟ ୫:୨୨; କଲସିୟ ୩:୧୮. * ୩:୩ ୩:୩ ୧ ତିମଥ ୨:୯. * ୩:୭ ୩:୭ ଏଡିସିୟ ୫:୨୫; କଲସିୟ ୩:୧୯.

“ଜେତାଏ ଜୀବାନରେ ସୁକୁ ନାମେ ନାଗେନ୍ତେ
 ଆତଃ ସୁକୁରାଃ ଦିନ୍ ନେଲ୍ ନାଗେନ୍ତେ ସାନାଙ୍ଗତାନରେଦ,
 ଇନିଃ ଏଡକାନାଃ ଆଲକାଏ କାଜିକା
 ଆତଃ ହସଡ ଆଲକାଏ କାଜିକା ।
 ୧୧ ଇନିଃ ଏଡକାନାଃଏତେ ସାଙ୍ଗିନକେଦତେ ବୁଗିନାଃଏ କାମିକା,
 ଆତଃ ଜୀଉସୁକୁ ଦାଣ୍ଟାକେଦତେ ଅତଙ୍ଗୟେକା ।
 ୧୨ ପ୍ରାଭୁଆଃ ନେପେଲ୍ରେ ଧାର୍ମାନ୍ ହଡକସାଃରେ ମେନାଃ,
 ଆତଃ ଇନକୁଆଃ ବିନ୍ତି ଆୟୁମାଃଏ,
 ମେନ୍ଦ ଏଡକାନ୍ କାମିତାନ୍କଆଃ ବିନ୍ତି କାଏ ଆୟୁମାଃ ।”

୧୩ ଆତଃ ଆପେ ବୁଗିନାଃତେୟାଃରେ ତିହୁଲାନଗିପେ ହବାଅଃରେଦ, ଅକଏ ଆପେୟାଃ ଏଡକାନ୍ ରିକାୟାଏ ? ୧୪ *ମେନ୍ଦ ଧାର୍ମାନ୍ ନାଗେନ୍ତେ ଆପେକେ ଦୁକୁ ସାହାତିଙ୍ଗ ହବାଅଃରେୟ, ଆପେ ସୁକୁତାନଗିଆ । ଇନକୁ ଆପେକେ ବଡଙ୍ଗପେରେ ଆଲପେ ବରଏୟା, ଆତଃ ଆଲପେ ଆକ୍‌ବାକାଅଃଆ । ୧୫ ମେନ୍ଦ ଯୀଶୁ ଖ୍ରୀଷ୍ଟକେ ପ୍ରାଭୁ ମେନ୍ତେ ଆପେୟାଃ ମନ୍‌ସୁରୁଦ୍‌ରେ ମାଇନିପେ । ଆପେତାଃରେ ତାଇନଃତାନ୍ ଆସ୍ରା ବିଷାଏରେ ଜେତାଏ ଆପେକେ କୁଲିପେରେ, ଇନିଃକେ କାଜିରୁହାଡ୍ ନାଙ୍ଗ ସବେନ୍ ଇମ୍‌ତା ସେକାଡକାନ୍ ତାଇନପେ, ୧୬ ମେନ୍ଦ ଲେବେଃମନ୍‌ତେ ଆତଃ ବୁଗିନ୍ ମାଇନତେ କାଜିରୁହାଡକପେ । ଆପେୟାଃ ବିବେକ୍ ନିରାଲ୍ ଦହେପେ, ଏନ୍ତେ ଆପେ ଯୀଶୁ ଖ୍ରୀଷ୍ଟକେ ଅତଙ୍ଗ ନାଙ୍ଗ ବୁଗିନ୍ ଚାଇଲ୍ ଚାଇଲ୍‌ରେ ତାଇନ୍ ଇମ୍‌ତା ଆପେୟାଃ ବିଷାଏରେ ଏଡକାନ୍ କାଜି କାଜିତାନ୍‌କ ଗିହୁଗଃଆକ ୧୭ ଏଡକାନ୍ କାମି କାମିକେଦତେ ଦୁକୁ ନାମହେତେ, ପାର୍‌ମେଶ୍‌ବରଆଃ ମନେଲେକା ବୁଗିନ୍ କାମି କାମିକେଦତେ ଦୁକୁ ନାମେତେୟାଃ ବୁଗିନାଃ ତାନାଃ । ୧୮ ଆପେକେ ପାର୍‌ମେଶ୍‌ବରତାଃତେ ସୁତୁଃଆତପେ ନାଗେନ୍ତେ ଯୀଶୁ ଖ୍ରୀଷ୍ଟ ଆଇଃକଗି ଧାର୍ମାନ୍ ତାଇକେନ୍‌ରେୟ କା ଧାର୍ମାନ୍ ହଡକଆଃ ପାପ୍ ନାଗେନ୍ତେ ମିସାଗି ଗଏଃୟାନା । ଇନିଃ ହଡ଼ମ୍ ଲେକାତେ ଗଏଃୟାନା ମେନ୍ଦ ଆମ୍‌ ଲେକାତେ ଜୀହୁଦ୍‌ୟାନା, ୧୯ ଏନ୍ତେ ଆମ୍‌ତେ ଇନିଃ ତଲକାନ୍ ଆମ୍‌କତାଃ ସେନ୍‌କେଦତେ ପ୍ରାଚାରକେଦା । ୨୦ ନୁହୁଁ ଲାଉକା ବାଇତାନ୍ ଇମ୍‌ତା ପାର୍‌ମେଶ୍‌ବର ଧୁରାଜ୍ ସାବକେଦତେ ତାଙ୍ଗିତାନ୍ ତାଇକେନାଏ, ଇମ୍‌ତା ଅକନ୍ ହଡକ ପାର୍‌ମେଶ୍‌ବରକେ କାକ ମାନାତିଙ୍ଗ ତାଇକେନା, ଇନକୁ ଏନ୍ ଆମ୍‌କ ତାନ୍‌କ । ଏନ୍ ଦାଆଃ ଜାହାଜ୍‌ରେ ବଲକେଦତେ କାମ୍‌ତିଗି ହଡ୍, ଚାଏ ସବେନ୍ ମେସାକେଦତେ ଇରାଲିୟା* ଝାନ୍‌ଗି ଟୁଡା ଦାଆଃହେତେ ବାସ୍ତାୟାନାକ । ୨୧ ଏନାଦ ଆପେୟାଃ ଜୀଉବାସ୍ତାୟ ହବାଅଃତାନ୍ ବାପ୍ତିସ୍ମାରେୟାଃ ଜନ୍‌କା ତାନାଃ । ନେ ବାପ୍ତିସ୍ମା ଆପେୟାଃ ହଡ଼ମ୍‌ରେୟାଃ ହୁମ୍ କାଏ ସାଙ୍ଗିନେଆଁ, ମେନ୍ଦ ପାର୍‌ମେଶ୍‌ବରତାଃରେ ବୁଗିନ୍ ବିବେକ୍ ନାମେ ନାଗେନ୍ତେ ବିନ୍ତି, ଆତଃ ଯୀଶୁ ଖ୍ରୀଷ୍ଟଆଃ ଜୀଉବିନିରିଦ୍ ହରାତେ ଆପେୟାଃ ଜୀଉବାସ୍ତାୟ ହବାଅଃତାନା ୨୨ ଏନ୍ ଯୀଶୁ ଖ୍ରୀଷ୍ଟ ସିର୍ମାତେ ରାକାବ୍‌ୟାନା ଆତଃ ପାର୍‌ମେଶ୍‌ବରଆଃ ଜମ୍‌ତିସାଃରେ ଦୁବାକାନା, ଆତଃ ସିର୍ମାରେନ୍ ଦୁଡକ, ଆକ୍‌ତେୟାର୍ ନାମାକାଦକ, ପେଡେଃ ନାମାକାଦକ ଇନିୟାଃ ଆବର୍‌ରେ ମେନାକଆ ।

୪

ମନ୍ ବାଦ୍‌ଲୀଅକାନ୍ ଜୀଞ୍ଜାନ୍

୧ ଯୀଶୁ ଖ୍ରୀଷ୍ଟ ହଡ଼ମ୍‌ରେ ଦୁକୁ ନାମାକାଦ୍ ହରାତେ, ଆପେୟ ଇନିୟାଃ ଲେକାଗି ମନ୍ ବାଇକେଦତେ ଆପେଗି ପେଡେୟେନ୍‌ପେ, ତିୟାଃତି ଜେତାଏ ଖ୍ରୀଷ୍ଟଆଃ ନାଗେନ୍ତେ ହଡ଼ମ୍‌ରେ ଦୁକୁ ନାମାକାଦ୍‌ନିଃ ପାପ୍‌ରେ ଆତଃ କାଏ ତାଇନାଃ । ୨ ନାହାଁଃଏତେ ଆପେୟାଃ ଅତେଦିଶ୍‌ମ୍‌ରେ ବାରାଅକାନ୍ ଜୀଞ୍ଜାନ୍‌କେ ହଡକଆଃ ଏଡକାନ୍ ସାନାଙ୍ଗ ଲେକାତେ କା ସେସେନ୍‌କେଦତେ ପାର୍‌ମେଶ୍‌ବରଆଃ ମନେଲେକାତେ ସେସେନ୍ ଲାଗାତିଙ୍ଗୟାଃ । ୩ ସେନଃୟାନ୍ ଦିପିଲିକରେ ଆପେ ସାଅଁସାର୍ ହଡକଲେକା ପୁରାଃଗି ଜୀଞ୍ଜାନ୍ ବିତାଅକାଦାପେ । ଆପେୟାଃ ଜୀଞ୍ଜାନ୍ ଏଡକାନ୍ ସାନାଙ୍ଗ, ଇଲିଆର୍‌ଖ୍ ନୁଁରେ ବୁଲଃ, ରିଜ୍‌ରାଙ୍ଗ, ଆତଃ ମୁରୁଡ୍ ସେଞ୍ଜା ତାଇକେନାପେ । ୪ ନାହାଁଃ ଆପେ ସାଅଁସାର୍ ହଡକ ଲେକା କା ଫୀରତି କାମିରେ ରାସକାନ୍ ନାଙ୍ଗ କାପେ ମେସାନ୍‌ତାନା, ଏନାତେ ଇନକୁ ଆକ୍‌ଦାନ୍‌ଅକେଦତେ ଆପେକେ ଲାନ୍‌ପାପେ ତାନାକ । ୫ ମେନ୍ଦ ଅକ ପାର୍‌ମେଶ୍‌ବର ଜୀନିଦ୍ ଆତଃ ଗଜାକାନ୍‌କଆଃ ବିଚାର୍ ରିକାଃଏ, ଇନିଃତାଃରେ ଇନକୁକେ ହିସାବ୍ ଏମ୍ ଲାଗାତିଙ୍ଗୟାଃ । ୬ ଏନାମେନ୍ତେ ଗଜାକାନ୍‌କତାଃରେ ସୁକୁକାଜି ଉଦୁବ୍‌ୟାନା, ଜେ'ଲେକାତି ଇନକୁ ହଡକଆଃ ଲେକା ହଡ଼ମ୍‌ରେ ବିଚାର୍ ହବାନ୍‌ୟାନ୍‌ରେୟ, ପାର୍‌ମେଶ୍‌ବରଆଃ ଲେକା ଆମ୍‌ରେ ଜୀହୁଦ୍‌ଃଆକ ।

* ୩:୧୪ ୩:୧୪ ମାଥୁର ୫:୧୦. * ୩:୨୦ ୩:୨୦ ଆଠ

ପାର୍ମେଶ୍ଵରୀୟ ଖୁସିରାସ ବୁଗିନ୍ ଭାଣ୍ଡାରି

୭ ସବେନାଃରେୟାଃ ଟୁଣ୍ଡୁ ସେଟେରାକାନା । ଏନାମେନ୍ତେ ଆପେୟାଃ ମନ୍ ଆବରରେ ଦହକେଦ୍ତେ, ବିକ୍ତି ନାଜ୍ ଚିର୍ଗାଲାନାନ୍ ତାଇନ୍ଦେ । ୮ ସବେନାଃଏତେ ଆଦକା ପୁରାଃତେ ଦୁପୁଲ୍ଲାଡ଼ରେ ତାଇନ୍ଦେ, ଚିୟାଃଚି ଦୁଲ୍ଲାଡ଼ଦ ପୁରାଃ ପାପକଏ ଦାଲବେଆ । ୯ ବେଗାର ନଗମ୍ ତଗମ୍ତେ ମିହୁଡ଼୍ ଆଡ଼ଃମିହୁଡ଼କେ ପେଡ଼ାକପେ । ୧୦ ଆପେ ସବେନ୍ଦକ ଜେ'ଲେକା ସାୟାଦ୍ରେୟାଃ ବାର୍ଦଦାନ୍ ନାମାକାଦାପେ, ଏନ୍ଲେକାଗି ପାର୍ମେଶ୍ଵରୀୟାଃ ସାୟାଦ୍ରେୟାଃ ବୁଗିନ୍ ଭାଣ୍ଡାରି ଲେକା ମିହୁଡ଼୍ ଆଡ଼ଃମିହୁଡ଼ରାଃ ସୁସାର ରିକାଏପେ । ୧୧ ଜେତାଏ ପାରଚାର ରିକାଏରେଦ, ଇନିଃ ପାର୍ମେଶ୍ଵରୀୟାଃ କାଜି ପାରଚାରତାନ୍ ଲେକା ପାରଚାରେକାଏ । ଜେତାଏ ସୁସାରତାନ୍ରେଦ ଇନିଃ ପାର୍ମେଶ୍ଵରୀୟାଃଏତେ ପେଡ଼େଃ ନାମାକାଦ୍ ହଡ଼ଲେକା ସୁସାରେକାଏ । ଏନାତେ ଯାଶୁ ଖ୍ରୀଷ୍ଟୀୟାଃ ହରାତେ ପାର୍ମେଶ୍ଵରୀୟାଃ ମାଇନାନ୍ ହବାଅଥାଃ । ଇନିୟାଃ ମାନାରାଜ୍ ଆଡ଼ଃ ପେଡ଼େଃ ଜାନାଅ ଜାନାଅ ହବାଅଥାଃ । ଆମେନ୍ ।

ଖ୍ରୀଷ୍ଟିୟାନ୍ ନାଗେନ୍ତେ ଦୁକୁ

୧୨ ହେ ଦୁଲ୍ଲାଡ଼୍ ହାଗା ମିଶିକ, ଅକନ୍ ସେଜେଲ୍ ବିନିଡ଼ାଅରେ ଆପେ ଦୁକୁଃତାନା, ଏନା ମିଆଁଦ୍ ଆକଦାଦାଅନ୍ କାଜି ହବାଅଥାତାନା ମେନ୍ତେ ଆଲ୍ପେ ଆକତାକାଅଥା । ୧୩ ମେନ୍ଦ ରାସକାଅଥପେ, ଚିୟାଃଚି ଆପେ ଯାଶୁ ଖ୍ରୀଷ୍ଟୀୟାଃ ଦୁକୁରେୟାଃ ହାନାଟିଜ୍ପେ ନାମାକାଦ୍ ହରାତେ ଆୟାଃ ମାନାରାଜ୍ ହବାଅଥ ଇମ୍ତା ଆପେ ପୁରାଃ ରାସକାରେପେ ରାସକାଅଥା । ୧୪ ଆପେ ଯାଶୁ ଖ୍ରୀଷ୍ଟୀୟାଃ ନୁଡୁମ୍ ନାଗେନ୍ତେପେ ହିଲାଇଅଥରେଦ, ଆପେ ସୁକୁତାନ୍ଗିଆ, ଚିୟାଃଚି ପାର୍ମେଶ୍ଵରୀୟାଃ ମାନାରାଜ୍ରେନ୍ ଆମ୍ ଆପେରେ ମେନାଇୟା । ୧୫ ଏନାତେ ଆପେଏତେ ଜେତାଏ ହଡ଼ ଗଗଏଃନିଃ ଚାଏ କୁମ୍ପୁଡୁ ଚାଏ ଏଡ଼କାନାଃ କାମିନିଃ ଚାଏ ଏଗାଃନିଆଃ କାମିରେ ଆଲାଆଲାନିନିଃ ହବାକେଦ୍ତେ ଦୁକୁ ଆଲକାଏ ସାହାତିଜ୍ପେୟା । ୧୬ ଜେତାଏ ଖ୍ରୀଷ୍ଟିୟାନ୍ ତାନିଃ ମେନ୍ତେ ଦୁକୁ ସାହାତିଜ୍ ତାନ୍ରେଦ ଆଲକାଏ ଗିହୁଗଃକା, ମେନ୍ଦ ଯାଶୁ ଖ୍ରୀଷ୍ଟୀୟାଃ ନୁଡୁମ୍ ନାମାକାଦ୍ ନାଗେନ୍ତେ ପାର୍ମେଶ୍ଵରୀୟାଃ ଧାନାବାଦ୍ ଏମାଇକାଏ ।

୧୭ ପାର୍ମେଶ୍ଵରୀୟାଃ ଅଡ଼ଃତାଃଏତେ ଏଟେଦକେଦ୍ତେ ବିଚାର ଦିପିଲିରେୟାଃ ନେଡ଼ା ସେଟେରାକାନା, ଆଡ଼ଃ ପାହିଲା ପାର୍ମେଶ୍ଵରୀୟାଃ ହଡ଼କଆଃ ବିଚାର ହବାଅଥା । ଆବୁତାଃଏତେ ଏନେଟେଦ୍ ହବାଅଥାତାନ୍ରେଦ, ଅକନ୍ଦକ ପାର୍ମେଶ୍ଵରୀୟାଃ ସୁକୁକାଜିରେ କାକ ବିଶ୍ଵାସତାନା, ଇନ୍କୁଆଃ ଟୁଣ୍ଡୁ ଦିପିଲି ଚିଲକାଅଥା ? ୧୮ ଧାରାମ୍ପୁଅରେ ଅଲାନା,

“ଧାର୍ମାନ୍ ହଡ଼କଆଃ ଜୀଉବାଞ୍ଚାଅ ନାମେତେୟାଃ ନିମିନ୍ କେଟେଦ୍ତାନ୍ରେଦ,
କା ଧାର୍ମାନ୍ ହଡ଼ ଆଡ଼ଃ ପାପି ହଡ଼କଆଃ ଚିନାଃ ହବାଅଥା ?”

୧୯ ଏନାତେ, ଅକନ୍ଦକ ପାର୍ମେଶ୍ଵରୀୟାଃ ମନେଲେକା ଦୁକୁ ସାହାତିଜ୍ତାନାକ, ଇନ୍କୁ ଆକଆଃ ଆମ୍ କେ ଜିମାକେଦ୍ତେ ବୁଗିନ୍ କାମିରେ ତାଇନ୍ଦକାକ । ବାବାଇନିଃ ସାର୍ତି ପାର୍ମେଶ୍ଵରୀୟାଃ ଇନ୍କୁଆଃ ନାଜ୍ ଏମାକାଦ୍ ଆୟାଃ ବାନାର୍ସାକେ ପୁରାଏ ନାଗେନ୍ତେ କାଏ ରିଡ଼ିଜ୍ପେୟା ।



ପାର୍ମେଶ୍ଵରୀୟାଃ ମିଶ୍ଟିଗୋର୍

୧ ଆଇଜ୍ ମିହୁଡ଼୍ ପ୍ରାଚିନ୍ ଆଗୁଆଇ ଲେକା ଆପେୟାଃ କାଲିସିୟାରେନ୍ ପ୍ରାଚିନ୍ ଆଗୁଆଇକକେ ବିକ୍ତିତାନ୍ଲଃ କାଜିକତାନାଇଜ୍ । ଆଇଜ୍ ଯାଶୁ ଖ୍ରୀଷ୍ଟୀୟାଃ ଦୁକୁରେୟାଃ ଗାଞ୍ଜା ତାନିଜ୍, ଆଡ଼ଃ ଇନିୟାଃ ମାନାରାଜ୍ ଉଦୁବଃ ଇମ୍ତାରେ ଆଇଜ୍ ହିଏଲଜ୍ ହବାଅଥା । ୨ *ପାର୍ମେଶ୍ଵରୀୟାଃ ଆପେକେ ଏମାକାଦ୍ପେ ମିଶ୍ଟିଗୋର୍କକେ ଯାତନାଅକପେ, କା ସାନାଜ୍ତାନ୍ ଲେକା କାହାଗି, ମେନ୍ଦ ପାର୍ମେଶ୍ଵରୀୟାଃ ସାନାଜ୍ଲେକା ସୁକୁ ମନ୍ତେ ଯାତନାଅକପେ । ଟାକା ପାଏସା ନାମେ ନାଗେନ୍ତେଦ କାହାଗି, ମେନ୍ଦ ରାସକା ମନ୍ତେ ସୁସାରକପେ । ୩ ଆପେକେ ଅକନ୍ଦକଆଃ ଯାତନାଅ ନାଗେନ୍ତେ ଏମାକାନା, ଇନ୍କୁଆଃ ଚେତାନ୍ରେ କା ରାଇଜ୍କେଦ୍ତେ ଗୋର୍କଆଃ ନାମୁନା ହବାଅଥପେ । ୪ ଆଡ଼ଃ ମାରାଜ୍ ଗୁପିନିଃ ହିଜୁଃ ଇମ୍ତା, ଆପେ ମାନାରାଜ୍ରେୟାଃ ଟୁପୁରିପେ ନାମେୟା । ଅକନାଃଚି ଚିଉଲାଅ କା ମୁର୍ଚ୍ଚାଅଥା ।

୫ ଏନ୍ଲେକାଗି, ଏ ସେପେଡ଼େଦ୍, ଆପେ ପ୍ରାଚିନ୍ଦକଆଃ ଆକ୍ତେୟାରରେ ତାଇନ୍ଦେ । ଆପେ ସବେନ୍ଦକ ମିହୁଡ଼୍ ଆଡ଼ଃମିହୁଡ଼କେ ସୁସାରି ନାଗେନ୍ତେ ଲେବେଃମନ୍ ଲେକାନ୍ ଲିଜାଃ ତୁସିୟେନ୍ଦେ । ଚିୟାଃଚି ଧାରାମ୍ପୁଅରେ ଅଲାନା, “ପାର୍ମେଶ୍ଵରୀୟାଃ ଆପାନ୍କେ ମାରାଜ୍ ମେନ୍ତେ କାଜିନ୍ ହଡ଼କଆଃ ସାୟାଦ୍ ହକାଏୟାଏ, ମେନ୍ଦ ଲେବେଃମନ୍ ହଡ଼କକେ ସାୟାଦ୍ ଏମାକଆଏ ।” ୬ *ଏନାନାଗେନ୍ତେ ପାର୍ମେଶ୍ଵରୀୟାଃ ପେଡ଼େୟାନ୍ ତିଃଇ ଲାତାରରେ ଲେବେୟେନ୍ଦେ, ଇନିଃ ଆୟାଃ ନେଡ଼ାରେ ଆପେକେ

* ୫:୭ ୫:୭ ଯୋହାନ୍ ୨୧:୧୫-୧୭. * ୫:୭ ୫:୭ ମାଥୁଉ ୨୩:୧୨; ଲୁକ ୧୪:୧୧; ୧୮:୧୪.

ମାରାଜ୍ଞପେୟା ।^୭ ଆପେୟାଃ ସବେନ୍ ଉଡ଼୍ଠୁରେୟାଃ ବାହାରମ୍ ପାରମେଶ୍ଵାରତାଃରେ ଏମେପେ, ଚିୟାଃଚି ଇନିଃ ଆପେ ନାଗେନ୍ତେ ଉଡ଼୍ଠୁତାନା ।

୮ ଆପେ ଚିର୍ଗାଲ୍ଲକାନ ଆତଃ ଏୟନାକାନ ତାଇନ୍‌ପେ । ଆପେୟାଃ ବାଇରି, ସାଏତାନ୍, କୁଲା ଲେକାଏ ହୁଁକ୍‌ରାଅ ତାନା । ଅକଏକେ ଜିୟନିଆ ଏନାଏ ଦାଣ୍ଠାବାଡ଼ା ତାନା ।^୯ ଆପେ ବିଶ୍ଵାସ୍‌ରେ କେଟେୟେନ୍‌ପେ ଆତଃ ସାଏତାନ୍‌କେ ହକାଇପେ, ଚିୟାଃଚି ଆପେ ସାରିତାନାପେ, ନେ ଅତେଦିଶ୍ଵମ୍‌ରେ ଆପେୟାଃ ଏଟାଃ ବିଶ୍ଵାସୀ ହାଗା ମିଶିକରେ ନେ ଲେକାନ ଦୁକୁକ ହବାଅଃତାନା ।^{୧୦} ଆତଃ ଯୀଶୁ ଖ୍ରୀଷ୍ଟଲଃ ମେସାକେଦ୍‌ତେ ଆୟାଃ ଜାନାଅ ଜାନାଅ ମାନାରାଜ୍ଞରେ ହିସାଦାର୍ ହବାଅଃ ନାଗେନ୍ତେ ସବେନ୍ ସାୟାଦ୍‌ରେନ୍ ପାରମେଶ୍ଵାର ଆପେକେ କେଡ଼ାକାଦ୍‌ପେୟା । ଆପେୟାଃ ଘାଡ଼ିକାଦ୍‌ରେୟାଃ ଦୁକୁ ସାହାଡ଼ିକ୍‌କେଦ୍ ତାୟମ୍‌ତେ, ଇନିଃ ଆଇଃକ୍‌ଗି ଆପେକେ ପକ୍‌ତାପେୟା, ସାଲ୍‌ସାନ୍ତପେୟା, କେଟେଦ୍‌ପେୟା, ଆତଃ ବାଇରୁହାଡ଼୍‌ପେୟା ।^{୧୧} ଇନିୟାଃ ପେଡ଼େଃ ଜାନାଅ ଜାନାଅଗି ହବାଅଃକା । ଆମେନ୍ ।

ଚୁଣ୍ଡୁ ଜୁହାର୍

^{୧୨} ✧ଆଇଜ୍ଞ ସିଲାସ୍‌କେ ପାତିୟାର୍‌ରେନ୍ ଖ୍ରୀଷ୍ଟ ହାଗା ଲେକାଇଜ୍ଞ ମାଇନିତାନା ଆତଃ ଆୟାଃ ଦେଙ୍ଗାତେ ଆଇଜ୍ଞ ନେ ହୁଡ଼ିଜ୍ଞ ଚିଟାଉ ଅଲ୍ଲକାଦାଇଜ୍ଞ । ଆଇଜ୍ଞ ପାରମେଶ୍ଵାରଆଃ ସାର୍‌ତି ସାୟାଦ୍ ବିଷାଏରେ ଗାଞ୍ଜା ଏମ୍‌କେଦ୍‌ତେ ଆପେକେ ଜୀଉରେ ରାସ୍‌କା ଏମ୍ ନାଗେନ୍ତେଇଜ୍ଞ ସାନାଜ୍ଞତାନା । ଆପେ ଏନ୍ ସାୟାଦ୍‌ରେ ତିଜ୍ଞକେଟେୟାକାନ ତାଇନ୍‌ପେ ।

^{୧୩} ✧ପାରମେଶ୍ଵାରତେ ସାଲ୍ଲକାନ ବାବିଲୋନ୍‌ରେୟାଃ କାଲିସିୟା ଆତଃ ଆଇୟାଃ ଧାରାମ୍‌ହନ୍ ମାର୍କ୍‌ହ୍ ଆପେକେ ଜହାର୍ କାଜିକୁଲ୍‌କାଦା ।^{୧୪} ଖ୍ରୀଷ୍ଟିୟାନ୍ ଦୁଲ୍ଲାଡ଼୍‌ତେ ମିହୁଡ୍ ଆତଃମିହୁଡ଼କେ ପାବିତାର୍ ଜହାର୍‌ତେ ଜହାରଃପେ । ଯୀଶୁ ଖ୍ରୀଷ୍ଟତାଃରେ ମେନାପେ ସବେନ୍‌କଆଃ ଜୀଉସୁକୁ ହବାଅଃକା ।

✧ ୫:୧୨ ୫:୧୨ ପ୍ରେରିଡ୍ ୧୫:୨୨,୪୦. ✧ ୫:୧୩ ୫:୧୩ ପ୍ରେରିଡ୍ ୧୨:୧୨,୨୫; ୧୩:୧୩; ୧୫:୩୭-୩୯; କଲସିୟ ୪:୧୦; ଫିଲ୍‌ମନ୍ ୧:୨୪.

ପିତରଙ୍କ ଲିଖିତ ଦ୍ୱିତୀୟ ପତ୍ର ପାଠ୍ୟପୁସ୍ତକ ଅଲୀକାଦ୍ ଏଟାଃ ଚିଟାଉ ପାରିତାଏ

ପାଠ୍ୟପୁସ୍ତକ ଏଟାଃ ଚିଟାଉ କାଜିୟାଃଏ ଯେ, ନେ ଚିଟାଉ ପ୍ରେରିତ୍ ପାଠ୍ୟପୁସ୍ତକ ହରାତେ ଅଲୀକାନା । ମେନ୍ଦ ନାହାଃ ପୁରାଃ ପାଣ୍ଡିତ୍ କ ନେଆଁ ସାର୍ତି ନାହାଁଲୀଃ ମେନ୍ଦେ କାଜିୟାଃକ । ହବାସାକାଅଥାଃ ନେଆଁ ପାଠ୍ୟପୁସ୍ତକ ବାଦ୍ଲୀରେ ଏଟାଃ ମିହୁଡ୍ ଅଲୀକାଦାଏ ମେନ୍ଦେକ କାଜିୟାଃ । ଅନଲ୍ନିଃ କାଜିୟାଃଏ ଯେ, ଇନିଃ ଯୀଶୁ ଖ୍ରୀଷ୍ଟକେ ମେନ୍ଦେତେ ନେଲୀକାଈ ହଡ୍ ତାନିଃ । ବିଶେଷକେଦ୍ତେ ଯୀଶୁଆଃ ରୁପ୍ ବାଦ୍ଲୀଅ ବିଷାଏରେ କାଜିୟାଃକ ୧:୧୭-୧୮ । ପାଠ୍ୟପୁ ନେ ଚିଟାଉ ଅଲୀକାଦ୍ରେଦ୍, ହବାସାକାଅଥାଃ ରୋମ୍ରେ ଖ୍ରୀଷ୍ଟଆଃ ଜାନାମ୍ ତାୟମ୍ତେ ୫୭-୬୯ କରେ, ଆୟାଃ ଗନ୍ଏଃ ସିଦାରେ ନେ ଚିଟାଉ ଅଲୀକାଦାଏ । ପାଠ୍ୟପୁ ହଗି ନେଆଁ ଆୟାଃ ଏଟାଃ ଚିଟାଉ ମେନ୍ଦେ କାଜିୟାଃ ୩:୧ । ପାଠ୍ୟପୁ ଆୟାଃ ପାହିଲା ଚିଟାଉ ଅଲ୍ଲକେଦ୍ ତାୟମ୍ତେ, ଏନ୍ ଅନଲ୍ ଦିପିଲିରାଃ ଠାୟାଦ୍ ଏମ୍କେଦ୍ ହରାତେ ନେଆଁକେ ଏଟାଃ ଚିଟାଉ ମେନ୍ଦେ କାଜିୟାଃକ । ଇନିଃ ସବେନ୍ ଖ୍ରୀଷ୍ଟିୟାନ୍ ହଡ୍କକେ ନେ ଚିଟାଉ ଉଦୁକାଦାକଥାଏ ।

ପାଠ୍ୟପୁ ବିଶ୍ୱାସୀକକେ ଜୀଉରେ ରାସ୍କା ଏମ୍ ନାଜ୍, ବୁଗିନ୍ ଜୀଦାନ୍ ବିତାଅ ନାଜ୍, ହସଡ୍ ଇନିଡୁକକେ କା ଅତଜ୍ଜକ ନାଜ୍ ଆତଃ ତେତାଅକ ନାଜ୍ ନେ ଚିଟାଉ ୨ ଆଧ୍ୟାୟରେ ଅଲୀକାଦାଏ । ଯୀଶୁ ହିଜୁଃ ନାଗେନ୍ଦେ ପୁରାଃ ବିଲୀମେ ତାନାଏ ମେନ୍ଦେ କାଜିତାନ୍ ହଡ୍କକେ ଇନିଃ ଆଲପେ କାଜିୟା ମେନ୍ଦେ ଜୀଉରେ ରାସ୍କାଏ ଏମାକତାନା । ପାର୍ମେଶ୍ୱାର୍ ବିଲୀମେନିଃ ନାହାଁଲିଃ ମେନ୍ଦ୍ ସବେନ୍କ ଜୀଉବାସ୍ତାଅକ ନାମେକା ମେନ୍ଦେ ଇନିୟାଃ ସାନାଜ୍ ତାନା ୩:୮-୯ । ନେଆଁ ମିଆଁଦ୍ ବୁଗିନ୍ ଜୀଦାନ୍ରେୟାଃ ବିଷାଏ ତାନାଃ ୩:୧୪ ।

ପୁଅ ଭିତରରେ ତାଲକାନ୍ କାଜି

- ୧. ପାଠ୍ୟପୁ ଆୟାଃ ପାରିତାଏ ଉଦୁବାଃଏ ଆତଃ ଆୟାଃ ପାଦ୍ୱାଅତାନ୍ ହଡ୍କକେ ଆୟାଃ ଅଡ଼ାଃରେୟାଃ ଠାୟାଦ୍ ଉଦୁବାଃଏ । ୧:୧-୨
- ୨. ଏନ୍ଦେ ବିଶ୍ୱାସୀକକେ ବୁଗିନ୍ ଜୀଦାନ୍ ବିତାଅ ନାଗେନ୍ଦେ ପାହାମ୍ଭତିକ ତାନା, ଚିଆଃଚି ପାର୍ମେଶ୍ୱାର୍ ଆବୁକେ ପେଡେଃ ଏମାଃଏ । ୧:୩-୨୧
- ୩. ଇନିଃ ହସଡ୍ ଇଡୁକକେ ତେତାଅକେଦ୍ତେ ଟୁଣ୍ଡୁ ଦିପିଲିରେ ଇନ୍କୁଆଃ ଚିନାଃ ହବାଅଥା ଏନାଏ କାଜିକାଦା । ୨:୧-୨୨
- ୪. ପାଠ୍ୟପୁ ଯୀଶୁ ଖ୍ରୀଷ୍ଟଆଃ ଆତଃମିସା ହିଜୁଃ ନାଜ୍ ସେକାଡ଼ାକାନ୍ଲଃ ତାଲକେଦ୍ତେ ବୁଗିନ୍ ଜୀଦାନ୍ ବିତାଅ ନାଜ୍ ଜୀଉରେ ରାସ୍କା ଏମାଃଏ । ୩:୧-୧୮

୧ ଯୀଶୁ ଖ୍ରୀଷ୍ଟଆଃ ଦାସି, କୁଲୀକାନ୍ ଶିମୋନ୍ ପାଠ୍ୟପୁ ଆବୁଆଃ ପାର୍ମେଶ୍ୱାର୍ ଆତଃ ଜୀଉବାସ୍ତାଅନିଃ ଯୀଶୁ ଖ୍ରୀଷ୍ଟଆଃ ଧାର୍ମାନ୍ କାମି ହରାତେ ବିଶ୍ୱାସ୍ ଲେକାନ୍ ପୁରାଃ ଗନଜ୍ଆଁନ୍ ଦାନ୍କ ନାମାକାଦା, ଇନ୍କୁଡ଼ାଃତେ ଆଇଜ୍ ନେ ଚିଟାଉ ଅଲେତାନାଇଜ୍ ।

୨ ପାର୍ମେଶ୍ୱାର୍ ଆତଃ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟଆଃ ସେଣାଁ ହରାତେ ଆପେୟାଃ ପୁରା ସାୟାଦ୍ ଆତଃ ଜୀଉସୁକୁ ହବାଅଃକା ।

ପାର୍ମେଶ୍ୱାର୍ଆଃ କେନେଡ଼ା ଆତଃ ସାଲା

୩ ଧାର୍ମାନ୍ ଜୀଦାନ୍ ବିତାଅ ନାଗେନ୍ଦେ ଆବୁକେ ଲାଗାଡିଜ୍ତେୟାଃ ପାର୍ମେଶ୍ୱାର୍ ଆୟାଃ ମାରାଜ୍ ପେଡେଃ ଏମାକାଦ୍ବୁଆଏ । ଆୟାଃ ମାନାରାଜ୍ ଆତଃ ଧାର୍ମାନ୍ କାମିରେ ହିସାଦାର୍ ହବାଅଥା ନାଗେନ୍ଦେ କେଡ଼ାକେଦ୍ବୁଆ । ଇନିଃକେ ସାରିକିଃ ହରାତେ ଆବୁ ନେ ସବେନ୍ ବାଦ୍ଦାନ୍ବୁ ନାମାକାଦା । ୪ ନେ'ଲେକା ଇନିଃ ଆବୁକେ ଆୟାଃ ବାନାର୍ସା ଲେକାତେ ପୁରାଃ ଗନଜ୍ଆଁନ୍ ଆତଃ ମାରାଜ୍ ବାଦ୍ଦାନ୍ ଏମାକାଦ୍ବୁଆଏ, ଏନ୍ ସବେନ୍ ବାଦ୍ଦାନ୍ ହରାତେ ଆପେ ନେ ଜିୟନିଃ ଅତେଦିଶୁମ୍ରେ ତାଲନିଃତାନ୍ ଏଡ୍କାନ୍ ସାନାଜ୍ଏତେ ବାସ୍ତାଅପେ ନାମେୟା, ଆତଃ ପାର୍ମେଶ୍ୱାର୍ଆଃ ଲେକାନ୍ ସଭାବ୍ରେ ହିସାଦାର୍ ହବା ଦାଡ଼ିୟାଆପେ । ୫ ଏନା ନାଗେନ୍ଦେ, ଆପେ ପୁରାଃ ବୁଗିଲେକାତେ ଆପେୟାଃ ବିଶ୍ୱାସଲଃ ବୁଗିନାଃ ମେସାଏପେ, ବୁଗିନାଃଲଃ ସେଣାଁକେ ମେସାଏପେ, ୬ ସେଣାଁଲଃ ଆପାନ୍କେ ଆବର୍ ଦହନାଜ୍ ମେସାଏପେ, ଆପାନ୍କେ ଆବର୍ରେ ଦହଲଃ ସାହାଡିଜ୍ ଜୀଞ୍ଜାନ୍ ମେସାଏପେ, ସାହାଡିଜ୍ ଜୀଞ୍ଜାନ୍ଲଃ ପାର୍ମେଶ୍ୱାର୍କେ ବରଭାକ୍ତି ମେସାଏପେ, ୭ ପାର୍ମେଶ୍ୱାର୍କେ ବରଭାକ୍ତିଲଃ ଖ୍ରୀଷ୍ଟ ହାଗା ଦୁଲୀଡ୍ ମେସାଏପେ, ଆତଃ ଖ୍ରୀଷ୍ଟ ହାଗା ଦୁଲୀଡ୍ଲଃ ଦୁଲୀଡ୍ ମେସାଏପେ । ୮ ନେ ସବେନ୍ ବୁଗିନାଃ ଆପେତାଃରେ

ହାରାଇଦିୟଃରେ, ଆପେ ନାମାକାଦ୍ ପ୍ରାଭୁ ଯୀଶୁ ଖ୍ରୀଷ୍ଟୁଆଃ ସେଣ୍ଟି ଆପେକେ କାମି ଇତିପେୟା ଆତଃ ଜ ବାନଃଲେକା କାଏ ବାଇପେୟା । ୯୧ ମେନ୍ଦ୍ ଜେତାଏତାଃରେ ନେ ସବେନାଃ ବାନଃରେଦ୍, ଇନିଃ ସାଜିନ୍ଦେତେ କା ନେଲ୍ ଦାଡିତାନ୍ ଆକ୍ଷା ତାନିଃ ଆତଃ ଆୟାଃ ସିଦା କାମିକାଦ୍ ପାପକଏତେ ଫାରିଆକାନା ଏନାଏ ରିଡିଙ୍ଗକାଦା ।

୯୦ ଏନାମେନ୍ତେ, ହେ ହାଗା ମିଶିକ, ପାରମେଶ୍ୱାର୍ ଆପେକେ ସାଲାକେଦ୍ତେ କେଡାକାଦ୍ପେୟା, ଏନାକେ ଜାନାଅଗି ଦହ ନାଗେନ୍ତେ ପୁରାଃ ଜାଡନାଅଃପେ । ନେ'ଲେକା କାମିଲେରେ ଆପେ ବିଶ୍ୱାସ୍ତେ ଚିତ୍ତଲଅ କାପେ ତହଦଃଆ । ୯୧ ନେ ଲେକାତେ ଆବୁଆଃ ପ୍ରାଭୁ ଆତଃ ଜୀଉବାସ୍ତାଅନିଃ ଯୀଶୁ ଖ୍ରୀଷ୍ଟୁଆଃ ଜାନାଅ ରାଇନ୍ଦରେ ବଲ ନାଗେନ୍ତେ ଆପେ ପୁରା ଆକ୍ତେୟାର୍ପେ ନାମେୟା ।

୯୨ ଆପେ ନେ ସବେନାଃ ସାରିତାନାପେ ଆତଃ ନାମାକାଦ୍ ସାନାର୍ତ୍ତିରେପେ କେଟେୟାକାନା, ନେ ସବେନ୍ କାଜି ଆଇଙ୍ଗ୍ ଆପେକେ ସବେନ୍ ଇମ୍ତା ପାହାମଇଚି ନାଗେନ୍ତେଇଙ୍ଗ୍ ସାନାଙ୍ଗତାନା । ୯୩ ଆଇଙ୍ଗ୍ ନେ କୁମ୍ବା ଲେକାନ୍ ଗନଏଃ ହଡ଼ମରେ ଜାନିଦ୍ ତାଇନଃ ଜାକେଦ୍, ନେ ସବେନ୍ ବିଷାଏରେ ଆପେ ପାହାମକାତେପେ ନେଆଁ ଠାଉକାଗି ତାନାଃ ମେନ୍ତେଇଙ୍ଗ୍ ଉଡ଼ୁତାନା । ୯୪ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟୁ ଆଇଙ୍ଗ୍କେ ଉଦୁବାକାଦିଙ୍ଗ୍ ଲେକା ଜାଲ୍ଦିଗି ନେ କୁମ୍ବା ଲେକାନ୍ ଗନଏଃ ହଡ଼ମକେ ବାଗି ଲାଗାତିୟାଁ ମେନ୍ତେଇଙ୍ଗ୍ ସାରିତାନା । ୯୫ ଆଇଁୟାଃ ଗନଏଃ ତାୟମ୍ତେୟ ଆପେ ନେ ସବେନାଃ ସବେନ୍ ଦିପିଲିରେପେ ପାହାମେୟା, ଏନାମେନ୍ତେଇଙ୍ଗ୍ ସାନାଙ୍ଗତାନା ।

ଖ୍ରୀଷ୍ଟୁଆଃ ମାନାରାଙ୍ଗକେ ମେଦ୍ତେ ନେଲ୍ଲକାଦ୍ ଗାଞ୍ଜା

୯୬ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟୁଆଃ ପେଡ଼େଃ ଆତଃ ହିନିଜୁଃରେଆଃ କାଜି, ଆଲେ ଆପେକେ ଉଦୁବାଦ୍ପେତେୟାଃ ହଡ଼ ବାଇକାଦ୍ କାଅନି ଲେକା କାଲେ ଉଦୁବ୍, ମେନ୍ଦ୍ ଇନିୟାଃ ମାନାରାଙ୍ଗ୍ ବିଷାଏରେ ମେଦ୍ତେ ନେଲ୍ଲକାଦ୍ ଗାଞ୍ଜାଲେ ଏମ୍କେଦା । ୯୭ ଆପୁ ପାରମେଶ୍ୱାର୍ତେ ମାଇନ୍ ଆତଃ ମାନାରାଙ୍ଗ୍ ତାଇକେନ୍ ଇମ୍ତାଆଲେୟ ଏନ୍ତାଃରେ ତାଇକେନାଲେ । ମାରାଙ୍ଗ୍ତାର୍ ମାଇନାନ୍ତାଃଏତେ ଇନିୟାଃ ବିଷାଏରେ ମିଆଁଦ୍ ସାଡି ଆୟୁମୟାନା, “ନିଃ ଆଇଁୟାଃ ଦୁଲାଡ୍ ହନ୍, ନିଃକେ ଆଇଙ୍ଗ୍ ପୁରାଃଗିଇଙ୍ଗ୍ ସୁକୁଃଆ ।” ୯୮ ଆଲେ ଇନିଃଲଃ ଏନ୍ ପାବିତାର୍ ବୁରୁରେଲେ ତାଇକେନ୍ ଇମ୍ତା, ଆଲେଗି ସିମାଏତେ ଉଦୁବଃତାନ୍ ନେ କାଜିଲେ ଆୟୁମ୍କେଦା ।

୯୯ ଏନାତେ ନାବୀକଆଃ ଆୟାର୍କାଜିରେ ଆଲେୟାଃ ବିଶ୍ୱାସ୍ ପୁରାଃଗି କେଟେଦକାନା । ଏନାମେନ୍ତେ ଆପେକେୟ ଏନାରେ ଧ୍ୟାନ୍ ଏମ୍ ଲାଗାତିଙ୍ଗ୍ୟାଃ, ଚିୟାଃଚି ଏନା ନୁବାଃରେ ଦିମି ଲେକା ମାୟାଲେ ଲେକାନାଃ ତାନାଃ ଆତଃ ଆଙ୍ଗ୍ଆଃ ଇପିଲ୍ ଆପେୟାଃ ମନ୍ସୁରୁଦ୍ରେ ଆଉରି ତୁରଃ ଜାକେଦ୍ ଏନା ଜୁଲ୍କାତେୟଃଆ । ୧୦୦ ଆପେ ନିମିନାଙ୍ଗ୍ ସାରିପେ, ଧାରାମ୍ପୁଅ୍ରେ ଅଲ୍ଲକାନ୍ ଆୟାର୍କାଜିକେ, ଜେତା ହଡ଼ ଆପାନ୍ ସେଣ୍ଟିତେ କାଏ ଆଟ୍କାର୍ଉରୁମ୍ ଦାଡିୟା । ୧୦୧ ଆୟାର୍କାଜି ହଡ଼କଆଃ ସାନାଙ୍ଗ୍ ଲେକାତେ ଚିତ୍ତଲଅ କା ହିଜୁଆକାନା, ମେନ୍ଦ୍ ପାରମେଶ୍ୱାର୍ତେ କୁଲ୍ଲକାନ୍ ହଡ଼କ ପାବିତାର୍ ଆମ୍ବା ହରାତେ ପାରମେଶ୍ୱାର୍ତାଃଏତେ ହିଜୁଆକାନ୍ କାଜିକ ଉଦୁବ୍କାଦ୍ ତାଇକେନା ।

୨

ହସଡ଼ ଇନିତୁକ

୧ ସିଦା ଦିପିଲିରେ ଜେ'ଲେକା ହଡ଼କ ଆଲାରେ ହସଡ଼ ନାବୀକ ତାଇକେନା, ଏନ୍ଲେକାଗି ଆପେ ଆଲାରେୟ ହସଡ଼ ଇନିତୁକ ଅତଙ୍ଗ୍ଆଃଆ । ଇନ୍କୁ ଜିୟନଃ ଏଡକାନ୍ ଇନିତୁକେ ଉକୁଉକୁତେକ ଉଦୁବେଆ ଆତଃ ଆବୁକେ କିରିଙ୍ଗକାଦ୍ବୁ ପ୍ରାଭୁକେ କାଲେ ସାରିୟା ମେନ୍ତେକ କାଜିୟା, ଏନାତେ କା ସାରିଲେକା ଇନ୍କୁଆଃ ଚେତାନ୍ରେ ଜିୟନଃ ହିଜୁଃଆ । ୨ ଆତଃ ପୁରାଃ ହଡ଼କ ଇନ୍କୁଆଃ ଏଡକାନ୍ କାମିକ ଅତଙ୍ଗ୍ୟେଆ । ଏଟାଃ ହଡ଼କ ଇନ୍କୁଆଃ ଚାଇଲ୍ ଚାଲାନ୍ ନେଲ୍କେଦ୍ତେ ସାନାର୍ତ୍ତିରେୟାଃ ବିରୁଧ୍ରେ ଏଡକାନାଃକ କାଜିୟା । ୩ ଇନ୍କୁ ଟାକା ପାଏସାରେୟାଃ ହାୟାତେ ବେଦାତାନ୍ଲଃ ଆପେତାଃଏତେ ଖୁଜ୍ ନାମେ ନାଗେନ୍ତେକ ସାନାଙ୍ଗ୍ଆଃ, ମେନ୍ଦ୍ ସିଦାଏତେଗି ପାରମେଶ୍ୱାର୍ ଇନ୍କୁଆଃ ବିଚାରକାଦାଏ ଆତଃ ଇନ୍କୁଆଃ ଗନଏଃରେୟାଃ ନେତା ନାଡ଼େଃତେ ସେଟେରାକାନା ।

୪ ପାରମେଶ୍ୱାର୍ ପାପକେଦ୍ ଦୁଡ଼କକେ କା ଛାମାକେଦ୍ତେ ନାରାକ୍ରେ ହୁରାଙ୍ଗ୍କେଦ୍କଆ ଆତଃ ମାରାଙ୍ଗ୍ ବିଚାର୍ ହୁଲ୍ଲାଙ୍ଗ୍ ଜାକେଦ୍ ନୁବାଃ ଗାଡାରେ ଦହକାଦ୍କଆ । ୫ ପାରମେଶ୍ୱାର୍ ସିଦା ପାରିୟାରେନ୍ ଅତେଦିଶ୍ୱମ୍କେହଁ ସାଜାଇ ଏମ୍ ନାଗେନ୍ତେ କାଏ ବାଗିକେଦା, ଏଡକାନ୍ତେ ପେରେଜାକାନ୍ ଅତେଦିଶ୍ୱମ୍ରେନ୍ ହଡ଼କକେ ଦାଆଃତେ ତୁବାକେଦ୍କଆ । ଧାରାମ୍ ପାର୍ଚାର୍କେଦ୍ ନୁହଁ ଆତଃ ଏଟାଃ ଏୟା* ଝାନ୍ ହଡ଼କକେ ଏସ୍କାର୍ ବାଚାଅକେଦ୍କଆ । ୬ ତାୟମ୍ତେ ପାରମେଶ୍ୱାର୍ ସୋଦମ୍

* ୧:୧୭ ୧:୧୭ ମାଅଉ ୧୭:୧-୫; ମାର୍କ ୯:୨-୭; ଲୁକ ୯:୨୮-୩୫. * ୨:୫ ୨:୫ ସାଡ଼

ଆତ୍ମ ଗମ୍ଭୀର ନାଗାର୍ ବାରାଣାସକେ ସାଜାଇ ଏମକେଦତେ ସେକ୍ଷେଲ୍‌କେ ଜିୟନ୍‌କେଦା ଆତ୍ମ କା ଧାର୍ମାନ୍‌କଆ ଚିନାଃ ହବାଅଥା, ଏନା ନେ ବାରାନ୍ ନାଗାର୍‌ଗି ଏନାରେୟା ନାମ୍ନା ଲେକା ହବାକାନା ।^{୭୬} ଏତ୍‌କାନ୍‌କଆ କା ଧାର୍ମାନ୍ ଚାଇଲ୍ ଚାଇଲ୍ ହରାତେ ଲାଗାକାନ୍ ଧାର୍ମାନ୍ ଲୁଚ୍‌କେ ପାର୍ମେଶ୍ଵାର୍ ବାଞ୍ଛାଅକିୟାଏ ।^{୭୭} ଏନ୍ତେ ଏନ୍ ଧାର୍ମାନ୍ ହତ୍ ଇନ୍‌କୁଲଃ ତାଇକେନ୍ ଇମ୍‌ତା ଇନ୍‌କୁଆ କା ଠାଉକାନ୍ କାମିକ ନେଲ୍‌କେଦତେ ଆତ୍ମ ଆୟୁମ୍‌କେଦତେ ସବେନ୍ ହୁଲାଙ୍ଗ୍ ଆୟାଃ ମନ୍‌ରେ ପୁରାଃଗି ଦୁକୁ ଆଚ୍‌କାରେ ତାଇକେନାଏ ।^{୭୮} ଆତ୍ମ ଧାର୍ମାନ୍ ହତ୍‌କକେ ଆକଆ ବିତ୍‌ଅହେତେ ଚିଲ୍‌କା ବାଞ୍ଛାଅ ଲାଗାତିଙ୍ଗ୍‌ୟାଃ, ଆତ୍ମ ଏତ୍‌କାନ୍‌କକେ ବିଚାର୍ ହୁଲାଙ୍ଗ୍‌ରେ ସାଜାଇ ଏମ୍ ନାଗେନ୍ତେ ଚିଲ୍‌କା ଦହାକାନାକ, ଏନା ପ୍ରାଭୁ ସାରିୟାଏ ।^{୭୯} ବିଶେଷ୍ଟକେଦତେ ଅକନ୍‌କ ପାର୍ମେଶ୍ଵାର୍‌ଆ ଆକ୍‌ତେୟାରକେ କା ମାନାତିଙ୍ଗ୍‌କେଦତେ ଆକଆ ହତ୍‌ମରେୟାଃ ଏତ୍‌କାନ୍ ସାନାଙ୍ଗ୍‌କେକ ଅତଙ୍ଗ୍‌ତାନା । ନେ ହସତ୍ ଇତ୍‌କ ଜୀଉରେ କେଟେଦକେଦତେ, ଆପ୍‌ନାଃ ହତ୍‌ମରାଃ ଇଛା ସାନାଙ୍ଗ୍ ଲେକା କାମିତାନାକ । ଇନ୍‌କୁ ମାନାରାଙ୍ଗ୍‌ରେୟାଃ ପେଡେଃକକେ ନିନ୍‌ଦା ରିକା ନାଗେନ୍ତେ କାକ ବରତାନା ।^{୮୦} ନେ ହସତ୍ ଇତ୍‌କଏତେ ଦୁତ୍‌କଦ ପୁରାଃ କେଟେୟାନ୍ ଆତ୍ମ ପେଡେୟାନ୍‌କ ତାନ୍‌କରେୟ ପାର୍ମେଶ୍ଵାର୍‌ଆ ସାମ୍‌ନାଙ୍ଗ୍‌ରେ ନିନ୍‌ଦାକେଦତେ ଇନ୍‌କୁଆ ବିଚାର୍ କାକ ରିକା ତାନା ।^{୮୧} ମେନ୍‌ଦ ନେ ହତ୍‌କଆ କାମି ବିର୍ ଜାତୁକ ଲେକା ଆକ୍‌ତେୟାରରେ ଆତ୍ମ ଗଗ୍‌ଏଃତେୟାଃ ତାନା, ଅକ୍‌ନାଃ କାକ ଆଚ୍‌କାର୍‌ଉରୁମ୍ ଦାଡିୟା, ଏନାକେ ଇନ୍‌କୁ ହିଲାଙ୍ଗ୍‌ୟେତାନ୍‌ଲଃକ କାଜିୟା, ଆତ୍ମ ଇନ୍‌କୁ ବିର୍ ଜାତୁ ଲେକାକ ଜିୟନ୍‌ଅଥା,^{୮୨} ଆତ୍ମ ଇନ୍‌କୁ ଏଟାଃକଆ ହାନି ରିକାକାଦ୍ ଲେକାଗି ଆକଆ ହାନି ହବାଅଥା । ଅକ୍‌ନାଃରେ ଇନ୍‌କୁଆ ହତ୍‌ମରେୟାଃ ରିଜ୍‌ରାଙ୍ଗ୍ ବିୟଃଅଥା, ଏନାକେ ଇନ୍‌କୁ ସିଙ୍ଗିରେ ରିକାକେଦତେ ରାସ୍‌କାଃଅ ନାଗେନ୍ତେକ ସୁକୁଃଅଥା, ଆତ୍ମ ଅକନ୍‌କ ଆକଆ ହସତ୍‌ତେ ପେରେଜାକାନ୍ କାମିରେ ରାସ୍‌କାଃଅତାନ୍‌ଲଃ ଆପେଲଃ ମିସାତେ ଜମାଃକ ।^{୮୩} ଇନ୍‌କୁଆ ମେଦ୍ ଆପାଙ୍ଗ୍‌ରେତେ ପେରେଜାକାନା ଆତ୍ମ ପାପ୍‌କାମି ଚିତ୍‌ଲା କାକ ବାଗିୟା । ଇନ୍‌କୁ ନାରାଦୁରା ମନ୍‌ରେନ୍ ହତ୍‌କକେ ବେଦା ଇଦିକଆକ, ଆତ୍ମ ଇନ୍‌କୁଆ ମନ୍‌ସୁରୁଦ୍ ଟାକା ପାଏସାରେଆ ହାୟାରେ ପେରେଜାକାନା । ଇନ୍‌କୁ ପାର୍ମେଶ୍ଵାର୍‌ତାଃଏତେ ସାର୍‌ପାଅ ନାମେଗିୟାକ ।^{୮୪} ଇନ୍‌କୁ ସିଧା ହରା ବାଗିକେଦତେ ଆକଆ ହରାକ ଆଦାକାଦା, ଆତ୍ମ ଇନ୍‌କୁ ବିୟୋରରାଃ ହନ୍ତେକଡା ବାଲାମ୍‌ଆ ହରାକ ଅତଙ୍ଗ୍‌କାଦା । ଇନ୍‌ଃ ଟାକା ପାଏସାରାଃ ଦୁଲାଡ୍‌ତେ ଏତ୍‌କାନ୍ କାମି କାମିକେଦାଏ,^{୮୫} ଆତ୍ମ ଆୟାଃ ଏନ୍ ପାପ୍ ନାଗେନ୍ତେ ହିଲାଙ୍ଗ୍‌ୟାନା । ଆୟାଃ ଗାଧା ହତ୍‌କଆ ଲାବ୍‌ଜାତେ କାଜିକେଦା, ଆତ୍ମ ନାବାଆ ବାଉଡା[†] କାମିହେତେ ହକାକିୟା ।

^{୮୬} ନେ ହସତ୍ ଇନ୍‌କୁକ ରହତ୍ ସେତେଙ୍ଗ୍ ଲେକା ଆତ୍ମ ଦୁଦ୍‌ଗାର୍ ହୟତେ ଅଟାଙ୍ଗ୍‌ଅଃତାନ୍ ରିମିଲ୍ ଲେକାନ୍‌କ ତାନ୍‌କ । ପାର୍ମେଶ୍ଵାର୍ ଇନ୍‌କୁ ନାଗେନ୍ତେ ପୁରାଃ ନୁବାଃ ହୁଆଙ୍ଗ୍‌ଗାଡା ଦହକାଦାଏ ।^{୮୭} ଇନ୍‌କୁ ଆପାନ୍‌କେ ମାରାଙ୍ଗ୍ ମେନ୍ତେକ କାଜିନ୍‌ତାନା ଆତ୍ମ ସାମାକାଜିକ କାଜିତାନା, ଏତ୍‌କାନାଃରେ ସେସେନ୍‌ତାନ୍ ହତ୍‌କତାଃଏତେ ବାଟାଅ ନାମ୍‌କେଦତେ ହିଜୁଃ ରୁହାଡାକାନ୍ ହତ୍‌କକେ ହତ୍‌ମରାଃ ଏତ୍‌କାନ୍ ସାନାଙ୍ଗ୍‌ରେୟାଃ ରିଜ୍‌ରାଙ୍ଗ୍ ଦେଖାଅତାନ୍‌ଲଃ ବେଦାକତାନାକ ।^{୮୮} ଏନ୍ ହସତ୍ ଇନ୍‌କୁକ ଇନ୍‌କୁକେ ତନଲ୍‌ହେତେ ରାଡାଅଃରେୟାଃ ବାନାର୍‌ସାକ ଏମାକଆ, ମେନ୍‌ଦ ଇନ୍‌କୁ ଆକଗି ଜିୟନ୍‌ରେୟାଃ ଦାସିତାନ୍‌କ, ଚିୟାଃଗି ଜେତାଏ ଅକ୍‌ନାଃତେ ହାରାଅକାନା, ଇନ୍‌ଃ ଏନାରେୟାଃ ଦାସି ତାନିଃ ।^{୮୯} ଆବୁଆ ପ୍ରାଭୁ ଆତ୍ମ ଜୀଉବାଞ୍ଛାଅନିଃ ଯାଶ୍ ଖ୍ରୀଷ୍ଟତାଃଏତେ ସେଣାଁ ନାମ୍‌କେଦତେ ଅକନ୍‌କ ଅତେଦିଶ୍ଵମ୍‌ରେୟାଃ ଏତ୍‌କାନାଃଏତେ ବାଞ୍ଛାଅ ନାମାକାଦାକ, ଇନ୍‌କୁ ଆତ୍ମମିସା ଏନ୍ ଏତ୍‌କାନାଃରେୟାଃ ତନଲ୍‌ରେ ତଲ୍‌କେଦତେ ହାରାଅ କାନ୍‌ରେଦ, ଇନ୍‌କୁଆ ଚୁଣ୍ଡୁଦାସା, ପାହିଲା ଦାସାଏତେ ପୁରାଃଗି ଆଦକା ହବାଅଥା ।^{୯୦} ଧାର୍ମାନ୍ ହରା ସାରିକେଦତେ, ଏନାରେ ଏମାକାନ୍ ପାବିତାର୍ ଆନ୍‌ଚୁ ବାଗିତେୟାଃଏତେ, ଏନ୍ ହରା କାକ ସାରିକାରେ ଇନ୍‌କୁଆ ନାଗେନ୍ତେ ପୁରାଃ ବୁଗିନାଃ ହବାକାନ୍‌ତେୟାଃ ।^{୯୧} ଇନ୍‌କୁ ନାଗେନ୍ତେ ଅକ୍‌ନାଃ ହବାକାନା, ଏନାଏତେ ନେ କାଜିୟାକାନ୍ କାଜି ସାର୍‌ତି ହବାଅତାନା, “ସେତା ଅକ୍‌ନାଃ ଉସାଡ୍‌କାଦାଏ, ଏନାକେ ଆତ୍ମମିସା ଜମ୍ ରୁହାଡେଆଏ,” ସୁକୁରିକେ ଆବୁଙ୍ଗ୍‌କେଦ୍ ତାୟମ୍‌ତେ ଆତ୍ମମିସା ଲସଦ୍‌ରେ ବାଟିନ୍ ନାଗେନ୍ତେ ସେନା ।”

୩

ପ୍ରାଭୁଆଃ ହିନ୍‌ଜୁଃ

^୧ ହେ ଦୁଲାଡ୍ ହାଗା ମିଶିକ, ଆଇଙ୍ଗ୍ ଆପେତାଃତେ ଆତ୍ମମିଆଁଦ୍ ଚିଟାଉ ଅଲେତାନାଇଙ୍ଗ୍ । ନେ ବାରାନ୍ ଚିଟାଉରେ ଆଇଙ୍ଗ୍ ଆପେକେ ନେ ସବେନ୍ ବିଷାଏରେ ପାହାମ୍ ଇତିକେଦତେ ଆପେୟାଃ ମନ୍‌ରେ ଫାର୍‌ତି ଉଡ଼ୁ ନାଙ୍ଗ୍ ଚିହୁଟଃପେ ମେନ୍ତେଇଙ୍ଗ୍ ସାନାଙ୍ଗ୍‌ତାନା ।^୨ ଆପେ ପାବିତାର୍ ନାବାକଆ ହରାତେ ସିଦାରେ ଉଦୁବାକାନ୍ କାଜିକ ଆତ୍ମ ଜୀଉ ବାଞ୍ଛାଅନିଃ ପ୍ରାଭୁଆଃ ଆନ୍‌ଚୁକେ କୁଲାକାନ୍ ପେରିଡ୍‌କ

† ୨:୧୭ ୨:୧୭ ବାଏହା ‡ ୨:୧୭ ୨:୧୭ ଝାରେନ୍

ଆପେକେ ଏମାକାଦପେୟାକ, ଏନା ଆଇଙ୍ଗ୍ ଆପେକେ ପାହାମ୍‌ଇତି ନାଗେନ୍ତେଇଙ୍ଗ୍ ସାନାଙ୍ଗ୍‌ତାନା । ୩୩ *ସବେନାଃଏତେ ସିଦା ଆପେକେ ସାରି ଲାଗାତିଙ୍ଗ୍‌ୟାଃ, ନେ ଟୁଣ୍ଡୁ ଦିପିଲିକରେ ଚିମିନ୍ ହଡକ ସାର୍ତିକେ ଲାନ୍ଦାକେଦ୍‌ତେ ଆକଆଃ ଏଡକାନ୍ ସାନାଙ୍ଗ୍‌ତେ ଏସକାରକ ସେସେନା, ୪ ଆଡଃ ଇନ୍‌କୁ ଆପେକେ ଲାନ୍ଦାକେଦ୍‌ତେ କାଜିୟାକ, “ୟାଣୁଆଃ ହିନିଦୁଃରାଃ ବାନାରସା କାଜି କତାଃରେୟା ? ଆବୁଆଃ ପୁରୁଣା ହାଡ଼ାମ୍‌କ ଗଏଃ ଚାବାୟାନ୍‌ଗିୟାକ, ମେନ୍‌ଦ ଏନେଟେଦ୍‌ରେ ଅତେଦିଶୁମ୍ ଚିଲ୍‌କା ବାଇକାନ୍ ତାଇକେନା ଏନ୍‌ଲେକାଗି ନାହାଁଃ ଜାକେଦ୍ ମେନାଃ ।” ୫ ଇନ୍‌କୁ ସାରିସାରିତେଗି ରିଡିଙ୍ଗ୍‌ତାଃକ ଯେ, ସିଦା ଦିପିଲିକରେ ପାର୍‌ମେଶ୍‌ବରଆଃ ହୁକୁମ୍‌ତେ ଅତେ ଆଡଃ ସିମା ବାଇୟାନା । ନେ ଅତେଦିଶୁମ୍ ଦାଆଃଏତେ ଆଡଃ ଦାଆଃତେ ବାଇୟାକାନା । ୬ ଆଡଃ ଏନ୍ ମାରି ଅତେଦିଶୁମ୍ ଇନିୟାଃ ହରାତେ ମୁସିଙ୍ଗ୍ ଦାଆଃ ଟୁଡାକେଦ୍‌ତେ ଜିୟନ୍‌ୟାନା । ୭ ମେନ୍‌ଦ ନାହାଁଃ ଅକନ୍ ଅତେଦିଶୁମ୍ ଆଡଃ ସିମା ମେନାଃ, ଏନା ପାର୍‌ମେଶ୍‌ବରଆଃ ଏନ୍ ସାମାନ୍ ହୁକୁମ୍‌ତେଗି ସେଙ୍ଗେଲ୍‌ରେ ଜିୟନଃ ନାଗେନ୍ତେ ଦହାକାନା । ଅକ ହୁଲାଙ୍ଗ୍‌ରେ କା ଧାର୍‌ମାନ୍ ହଡକ ବିଚାରଃଆକ, ଏନ୍ ହୁଲାଙ୍ଗ୍ ଜାକେଦ୍ ଏନାକେ ଦହାକାନା ।

୮ ମେନ୍‌ଦ ହେ ଦୁଲାଡ୍ ହାଗା ମିଶିକ, ମିଆଁଦ୍ କାଜି ଆଲ୍‌ପେ ରିଡିଙ୍ଗ୍‌ୟେଆ, ପାର୍‌ମେଶ୍‌ବରଆଃ ଆୟାର୍‌ରେ ମୁସିଙ୍ଗ୍‌କେ, ମିଦ୍ ହାଜାର୍ ବାରାଷ ମେନ୍ତେ ହିସାବଃଆ ଆଡଃ ମିଦ୍ ହାଜାର୍ ବାରାଷକେ, ମୁସିଙ୍ଗ୍ ମେନ୍ତେ ହିସାବଃଆ । ନେ ବାରାନାଃ ସାମାନ୍ ତାନାଃ । ୯ ଚିମିନ୍ ହଡକ ବିଲ୍‌ମାଃ ତାନାଃ ମେନ୍ତେକ ଉଡ଼ୁତାନ୍ ଲେକା, ପ୍ରାଭୁ ଆୟାଃ ବାନାରସା କାଜିକେ ପୁରାଏ ନାଗେନ୍ତେ କାଏ ବିଲ୍‌ମାମେ ତାନା, ମେନ୍‌ଦ ଜେତା ହଡ ଆଲକାକ ଜିୟନଃକା ଆଡଃ ପାପ୍‌ହେତେ ମନ୍ ରୁହାଡ଼େକାକ ମେନ୍ତେ ଇନିୟାଃ ସାନାଙ୍ଗ୍ ।

୧୦ *ମେନ୍‌ଦ ପ୍ରାଭୁଆଃ ହିନିଦୁଃ ହୁଲାଙ୍ଗ୍ କୁମୁଡ଼ୁଲେକା ହିନ୍ତୁଃଆ । ଏନ୍ ହୁଲାଙ୍ଗ୍ ସିମାକ ପୁରାଃ ସାଡିତେ ଜିୟନଃଆ, ଆଡଃ ନେ ଅତେଦିଶୁମ୍ ଅକନାଃତେ ବାଇକାନା, ଏନ୍ ଏନେଟେଦ୍ ବିଷାଏକ ସବେନ୍ ସେଙ୍ଗେଲ୍‌ତେ ସେରଃଆ, ଅତେରେ ବାଇୟାକାନ୍ ସବେନାଃ ଜିୟନଃଆ । ୧୧ ନେ ସବେନାଃ ନେ'ଲେକା ଜିୟନଃରେଦ, ଆପେୟାଃ ଚିଲ୍‌କାନ୍ ଜୀଞ୍ଜାନ୍ ହବାଅଃ ଲାଗାତିଙ୍ଗ୍‌ୟାଃ, ଏନା କାଟିଃ ଉଡ଼ୁଲେପେ । ଆପେକେ ପାବିତାର୍ ଆଡଃ ପାର୍‌ମେଶ୍‌ବରତାଃରେ ଜିମାକାନ୍ ଜୀଞ୍ଜାନ୍ ଲେକା ହବାଅଃ ଲାଗାତିଙ୍ଗ୍‌ୟାଃ । ୧୨ ଆପେ ପାର୍‌ମେଶ୍‌ବରଆଃ ହିନିଦୁଃ ହୁଲାଙ୍ଗ୍‌କେ ନେଲ୍ ହରାତାନ୍‌ରେଦ, ଏନା ଜାଲ୍‌ଦି ହିନ୍ତୁଃ ନାଗେନ୍ତେ ସେକାଡ଼ାକାନ୍‌ପେ । ଏନ୍ ହୁଲାଙ୍ଗ୍ ସିମାରେୟାଃ ଏନେଟେଦ୍ ବିଷାଏ ସବେନ୍ ଦୁଲ୍‌କେଦ୍‌ତେ ଜିୟନଃଆ ଆଡଃ ସିମାରେନ୍ ଇପିଲ୍ ଚାଣ୍ଡୁ ପୁରାଃ ଜୁନ୍‌ଲୁରାଃ ଏଲାଙ୍ଗ୍‌ତେ ଲେୟାଙ୍ଗ୍‌ଅଃଆ । ୧୩ *ମେନ୍‌ଦ ପାର୍‌ମେଶ୍‌ବର ଆବୁକେ ଏମାକାଦ୍‌ରୁ ବାନାରସା କାଜିଲେକାତେ, ମିଆଁଦ୍ ନାଞ୍ଜା ସିମା ଆଡଃ ନାଞ୍ଜା ଅତେରୁ ନେଲ୍‌ହରାତାନା, ଅକନାଃଚି ଧାର୍‌ମାନ୍‌କଆଃ ତାଇନଃ ଠାୟାଦ୍ ହବାଅଃଆ ।

୧୪ ଏନାତେ ହେ ଦୁଲାଡ୍ ହାଗା ମିଶିକ, ଆପେ ନେ ସବେନାଃକେ ନେଲ୍‌ହରାତାନ୍ ନାଗେନ୍ତେ ପାର୍‌ମେଶ୍‌ବରଆଃ ନେପେଲ୍‌ରେ ପାବିତାର୍ ଆଡଃ ବେଗାର୍ ଦାଗିକାନ୍ ଲେକା ସୁକୁଜୀଉତେ ତାଇନଃ ନାଗେନ୍ତେ ବୁଗିଲେକା ଚେଷ୍ଟାଏପେ । ୧୫ ଆବୁଆଃ ପ୍ରାଭୁ ଚିମିନ୍ ସାହାତିଙ୍ଗ୍‌ନିଃ ତାନିଃ । ଆପେୟାଃ ଜୀଉବାଞ୍ଚାଅ ନାମ୍ ନାଗେନ୍ତେ ଇନିଃ ଚିମିନ୍ ନେତା ଏମାକାଦାଏ, ଏନା ଆବୁଆଃ ଦୁଲାଡ୍ ହାଗା, ପାଉଲୁସ୍ ପାର୍‌ମେଶ୍‌ବରତାଃଏତେ ସେଣାଁ ନାମ୍‌କେଦ୍‌ତେ ଆପେତାଃତେ ନେ ଚିଟାଉ ଅଲ୍‌କାଦାଏ । ୧୬ ଇନିଃ ଆୟାଃ ସବେନ୍ ଚିଟାଉରେ, ନେ ସବେନ୍ ବିଷାଏ ଉଦୁବ୍‌କେଦ୍‌ତେ କାଜିକାଦାଏ, ଏନ୍ ସବେନାଃରେ ନେ'ଲେକା ଚିମିନ୍ ହାମ୍‌ଲ୍ କାଜିକ ମେନାଃ, ଅକନାଃକଚି ଆବ୍‌କାର୍‌ଉରୁମ୍ ନାଗେନ୍ତେ ପୁରାଃଗି ହାମ୍‌ଲାଃ । ଆବ୍‌ରେ କା ତାଇନଃ ବେଗାର୍ ସେଣାଁନ୍ ହଡକ ଏଟାଃ ସବେନ୍ ଧାରାମ୍‌ପୁଥ୍ ଲେକାଗି ପାଉଲୁସ୍‌ଆଃ ଚିଟାଉକରେୟ ଏନ୍‌ଲେକାଗି ମୁଣ୍ଡିକ ଉଦୁବାଃ । ନେଆଁତେ ଇନ୍‌କୁ ଆକଆଃ ଜିୟନଃକ ଆଉତାନା ।

୧୭ ମେନ୍‌ଦ ହେ ଦୁଲାଡ୍ ହାଗା ମିଶିକ, ଆପେ ନେ ସବେନାଃ ସିଦାରେ ସାରିକାଦାପେ । ଏନାତେ ଚିଗାଲ୍‌କାନ୍ ତାଇନ୍‌ପେ, ଜେ'ଲେକା ଏଡକାନ୍ ହଡକଆଃ ହସଡ଼ ଇନିତୁରେ ଉୟୁଃକେଦ୍‌ତେ ଆପେୟାଃ କେଟେଦ୍ ବିଶ୍ୱାସ୍‌ଏତେ ଆଲ୍‌ପେ ସାଜିନଃଆ । ୧୮ ମେନ୍‌ଦ ଆବୁଆଃ ପ୍ରାଭୁ ଆଡଃ ଜୀଉବାଞ୍ଚାଅ ଯାଣୁ ଶ୍ରୀଷ୍ଟିଆଃ ସାୟାଦ୍ ଆଡଃ ସେଣାଁତେ ହାରାଈଦିଅଃପେ । ନାହାଁଃ ଆଡଃ ଜାନାଅ ଜାନାଅ ଜାକେଦ୍ ଇନିୟାଃ ମାନାରାଙ୍ଗ୍ ହବାଅଃକା, ଆମେନ୍ ।

* ୩:୩ ୩:୩ ଯିହୁଦା ୧:୧୮. * ୩:୧୦ ୩:୧୦ ମାଥୁଜ ୨୪:୪୩; ଲୁକ ୧୨:୩୯; ୧ ଥେସଲନିକା ୫:୨; ଉଦୁବ୍ କାଜି ୧୨:୧୫. * ୩:୧୩ ୩:୧୩ ଉଦୁବ୍ କାଜି ୨୧:୧.

ଯୋହାନ୍‌ଙ୍କ ଲିଖିତ ପ୍ରଥମ ପତ୍ର ଯୋହାନ୍ ଅଲ୍ଲାକାଦ୍ ପାହିଲା ଚିଟାଉ ପାରିତାଏ

ଯୋହାନ୍‌ଆଃ ପାହିଲା ଚିଟାଉ ଯାହା ଖ୍ରୀଷ୍ଟିଆଃ ଜାନାମ୍ ତାୟମ୍‌ତେ ୫୦ – ୧୦୦ କରେ ପ୍ରେରିତ୍ ଯୋହାନ୍‌ଆଃ ହରାତେ ଅଲ୍ଲାକାନା । ଯୋହାନ୍ ଆଇଃକ୍‌କେ ଅନଲ୍‌ନିଃ ଲେକା ପାରିତାଏ କାଏ ଏମ୍, ମେନ୍‌ଦ ପାହିଲା ଆଧ୍ୟାୟରେ ଇନିଃ ଯାହା ଖ୍ରୀଷ୍ଟିଆଃ ଜୀବନ୍ ଆତଃ ଜୀଉବିନିରିଦ୍‌କେ ମେଦ୍‌ତେ ନେଲ୍‌କାଦ୍‌ନିଃ ତାନିଃ ମେନ୍ତେ ସାରିୟଃତାନା ୧:୧-୩ । ପାହିଲା ଯୋହାନ୍‌ରେୟାଃ ଅନଲ୍ ତାରିକା, ଯୋହାନ୍ ଅଲ୍ଲାକାଦ୍ ସୁକୁକାଜିରେୟାଃ ଅନଲ୍ ତାରିକାଲଃ ମିଦ୍‌ଜକା ଲେକାଗି ନେଲଃଆ । ନେଆଁ ବିଶ୍ୱାସଃ ତାନା ଯେ, ଇନିଃ ଏଫିସୁସ୍‌ରେ ତାଇକେନା ଇମ୍‌ତା ଯୋହାନ୍ ଅଲ୍ଲାକାଦ୍ ସୁକୁକାଜି ଆତଃ ଯୋହାନ୍‌ଆଃ ଆପିୟା ଚିଟାଉ ଅଲ୍ଲାକାଦାଏ, ଏନା ହବାଅଃତାନା, ୧ ଯୋହାନ୍, ୨ ଯୋହାନ୍, ୩ ଯୋହାନ୍ ।

ସେଣାନ୍‌କ ମେନ୍ତେ କାଜିୟଃତାନ୍ ଝୁଣ୍ଡରେନ୍ ହଡକ ହରାତେ କାଲିସିୟା ସାଙ୍କାଟ୍‌ରେ ତାଇନଃ ତାଇକେନ୍ ଦିପିଲିରେ ଯୋହାନ୍ ସବେନ୍ ଖ୍ରୀଷ୍ଟିୟାନ୍ ହଡକକେ ନେ ଚିଟାଉ ଅଲ୍ଲାକାଦ୍‌କ ତାଇକେନାଏ । ଇନକୁ ବିଶ୍ୱାସଃକ ଯେ, ଯାହା ସାର୍‌ତିଗି ପୁରା ପାର୍‌ମେଶ୍ୱାର୍ ତାନିଃ, ମେନ୍‌ଦ ଅତେଦିଶୁମ୍‌ରେ ତାଇକେନ୍ ଦିପିଲିରେ ଇନିଃ ମାୟୋମ୍, ମାସ୍ ହଡ଼ମ୍‌ରେନ୍ ସାର୍‌ତି ମାନଃ ହଡ ନାହାଁଲିଃ । ଯୋହାନ୍ ଯାହା ଖ୍ରୀଷ୍ଟିକେ ମେଦ୍‌ତେ ନେଲ୍‌କାଇନିଃ ତାନିଃ ଆତଃ ଆୟାଃ ତିଃଇ ଯାହାକେ ଜୁଟିଦ୍‌କାଇ ହରାତେ, ଇନିଃ ନେଆଁ ଅଲ୍ଲାକାଦାଏ ୧:୧-୩ । ଯୋହାନ୍ ଆୟାଃ ରାସ୍‌କାକେ ପୁରାଏତେୟାଃଗି ନେ ଚିଟାଉ ଅନଲ୍‌ରେୟାଃ ଉକେଶ୍‌ ତାନାଃ ୧ ଯୋହାନ୍ ୧:୪, ଆତଃ ବିଶ୍ୱାସୀକକେ ପାପ୍ କାମିହେତେ ହକାକ ନାଗେନ୍ତେ, ୧ ଯୋହାନ୍ ୨:୧ ଆତଃ ହସଡ ଇନିଃତୁହେତେ ବିଶ୍ୱାସୀକକେ ବାଞ୍ଛାଅକ ନାଗେନ୍ତେ ୧ ଯୋହାନ୍ ୨:୨୨ ଆତଃ ଏନ୍ ବିଶ୍ୱାସୀକ ବାଞ୍ଛାଅକାନାକ ଏନା ସାର୍‌ତି ତାନାଃ ମେନ୍ତେ କାଜିକନାଜ୍ ୫:୧୩ ।

ପୃଥ୍ ବିତାରେ ତାଇକାନ୍ କାଜି

- ୧. ଯୋହାନ୍ ଆୟାଃ ଚିଟାଉରେ ପାରିତାଏ ଉଦୁବ୍‌କେଦ୍‌ତେ ଅନଲ୍‌ରାଃ ଉକେଶ୍ ଅଲ୍ଲାକାଦାଏ । ୧:୧-୪
- ୨. ପାର୍‌ମେଶ୍ୱାର୍ ମାର୍‌ସାଲ୍ ତାନିଃ ଏନା କାଜିକେଦ୍‌ତେ ଯାହା ଖ୍ରୀଷ୍ଟିଆଃ ଲେକା ଜୀବନ୍ ବିତାଅ ନାଗେନ୍ତେ କାଜିୟାଃ । ୧:୫-୩:୧୦
- ୩. ମିହୁଡ୍ ଆତଃମିହୁଡ୍‌କେ ଦୁଲ୍‌ାଡ୍ ବିଷାଏରେ ଆବୁକେ ପାହାମ୍‌ଇଟିବୁ ତାନା । ୩:୧୧-୫:୧୨
- ୪. ଯୋହାନ୍ ଆୟାଃ ଅନଲ୍ ଅଲ୍ ଚାବାକେଦାଏ । ୫:୧୩-୨୧

ଜୀନିଦ୍‌ରାଃ ବାଚାନ୍

୧ *ଆଲେ ଅତେଦିଶୁମ୍‌ରାଃ ଏନେଟେଦ୍ ସିଦାରେ ତାଇକାନ୍ ଏନ୍ ଜୀବନ୍ ବାଚାନ୍ ବିଷାଏରେ ଉଦୁବ୍‌ତାନା, ଅକ୍‌ନାଃକେଟି, ଆଲେ ଆୟୁମାକାଦା, ନେଲ୍‌କାଦା, ନେଲ୍‌ବାଇକାଦା, ଆତଃ ତିଃଇତେଲେ ଜୁଟିଦାକାଦା । ୨ *ଏନ୍ ଜୀବନ୍ ବାଚାନ୍ ଉଦୁବେନ୍‌ୟାନା, ଆତଃ ଆଲେ ଏନା ନେଲ୍‌କେଦ୍‌ତେ ଗାଞ୍ଜା ଏମ୍‌ତାନ୍‌ଲଃ କାଜିତାନାଲେ, ଅକନ୍ ଜାନାଅ ଜୀବନ୍ ଆପୁ ପାର୍‌ମେଶ୍ୱାର୍‌ଲଃ ତାଇକେନା ଆତଃ ଆଲେତାଃରେ ଉଦୁବେନ୍‌ୟାନା, ଏନ୍ ବିଷାଏରେ ଆପେକେଲେ ଉଦୁବ୍‌ତାନା । ୩ ଆଲେ ଅକ୍‌ନାଃ ନେଲ୍‌କାଦ୍‌ତେୟାଃ ଆତଃ ଆୟୁମାକାଦ୍‌ତେୟାଃ ଆପେକେୟ ଉଦୁବ୍‌ପେତାନାଲେ, ଜେ'ଲେକାଟି ଆପେୟ ଆଲେୟାଃ ମେନେସାରେ ମେସାଦାଡିୟାଆପେ, ଆତଃ ଆଲେୟାଃ ମେନେସା ଆପୁ ପାର୍‌ମେଶ୍ୱାର୍ ଆତଃ ଆୟାଃ ହନ୍ ଯାହା ଖ୍ରୀଷ୍ଟିୟାଃ ମେନାଃ । ୪ ଆବୁଆଃ ସୁକୁରାସ୍‌କା ପୁରାଅଃକା ମେନ୍ତେ ଆଲେ ନେ ସବେନାଃ ଅଲେତାନାଲେ ।

ପାର୍‌ମେଶ୍ୱାର୍ ମାର୍‌ସାଲ୍ ତାନିଃ

୫ ଆଲେ ପାର୍‌ମେଶ୍ୱାର୍‌ଆଃ ହନ୍‌ତାଃଏତେ ଆୟୁମାକାଦ୍ କାଜିକେ ଆପେକେ ଉଦୁବ୍‌ପେତାନାଲେ, ଏନା ନେଆଁ ତାନାଃ, ପାର୍‌ମେଶ୍ୱାର୍ ମାର୍‌ସାଲ୍ ତାନିଃ ଆତଃ ଇନିଃରେ ଜେତାନ୍ ନୁବାଃ ବାନଆଃ । ୬ ଇନିଃଲଃ ଆବୁଆଃ ମେନେସା ମେନାଃ ମେନ୍ତେ କାଜିକେଦ୍‌ତେ ନୁବାଃରେବୁ ତାଇନଃତାନ୍ ରେଦ୍ ଆବୁ ହସଡ୍ ତାନ୍‌ବୁ, ଆତଃ ଆବୁଆଃ ଜାଗାର୍‌ରେ ଆତଃ କାମିରେ ସାନାର୍‌ତି ବାନଆଃ । ୭ ମେନ୍‌ଦ ପାର୍‌ମେଶ୍ୱାର୍ ମାୟାଲ୍‌ରେ ମେନାଈ ଲେକା ଆବୁହ୍ ମାୟାଲ୍‌ରେ ମେନାବୁରେଦ୍ ଆବୁଆଃ ମେନେସା ମିହୁଡ୍ ଆତଃମିହୁଡ୍‌ଲଃ ମେନାଃ ଆତଃ ଇନିଃୟାଃ ହନ୍ ଯାହା ଖ୍ରୀଷ୍ଟିଆଃ ମାୟୋମ୍ ସବେନ୍ ପାପ୍‌ହେତେ ଆବୁକେ ଫାର୍‌ତିବୁଆ ।

* ୧:୧ ୧:୧ ଯୋହାନ୍ ୧:୧. * ୧:୨ ୧:୨ ଯୋହାନ୍ ୧:୧୪.

୮ ଆରୁରେ ପାପ୍ ବାନଆଃ ମେନ୍ତେରୁ କାଜିରେଦ, ଆରୁ ଆରୁଗି ବେଦାନତାନାରୁ, ଆତଃ ଆରୁତାଃରେ ସାର୍ତି ବାନଆଃ । ୯ ମେନ୍ଦ ପାର୍ମେଶ୍ୱାର୍ତାଃରେ ଆରୁ ପାପ୍କାଦାରୁ ମେନ୍ତେ ମାନାତିଙ୍ଗ୍ଲେରେ, ଇନିଃ ଆରୁଆଃ ପାପ୍ କ୍ଷାମା ଏମ୍ ନାଗେନ୍ତେ ଆତଃ ସବେନ୍ ଏଡ୍‌କାନ୍‌ଆଃଏତେ ଫାର୍ତିରୁ ନାଗେନ୍ତେ ପାତିୟାର୍‌ରଃ ଲେକାନ୍‌ନିଃ ତାନିଃ ଆତଃ ଠାଡ୍‌କାନ୍‌ତେୟାଃଗି ରିକାଏୟା । ୧୦ ଆରୁ କାରୁ ପାପ୍‌କାଦା ମେନେରେଦ, ଆରୁ ପାର୍ମେଶ୍ୱାର୍‌କେ ହସଡ୍‌ନିଃ ମେନ୍ତେରୁ ମେତାଲତାନା, ଆତଃ ଇନିୟାଃ କାଜି ଆରୁରେ ବାନଆଃ ।

୨

ୟାଶୁ ଖ୍ରୀଷ୍ଟୁ ଆରୁଆଃ ଦେଙ୍ଗାନିଃ

୧ ହେ ଦୁଲ୍ଲାଡ୍ ହନ୍‌କ, ଆପେ ପାପ୍ କାମି ଆଲପେ ରିକାଏ ମେନ୍ତେ ଆଇଙ୍ଗ୍ ନେ କାଜିକ ଆପେତାଃତେଇଙ୍ଗ୍ ଅଲେତାନା । ମେନ୍ଦ ଜେତାଏ ପାପ୍ କାମି ରିକାଏରେଦ, ଆରୁ ନାଗେନ୍ତେ ଆପୁ ପାର୍ମେଶ୍ୱାର୍‌ତାଃରେ ବିକ୍ତି ନାଙ୍ଗ୍ ମିଆଁଦ୍ ଦେଙ୍ଗାନିଃ ମେନାଇୟା, ଇନିଃ ଧାର୍‌ମାନ୍ ଯାଶୁ ଖ୍ରୀଷ୍ଟୁ ତାନିଃ । ୨ ଆତଃ ଯାଶୁ ଖ୍ରୀଷ୍ଟୁ ଆଇଃକ୍‌ଗି ଆରୁଆଃ ପାପ୍ କ୍ଷାମା ନାଗେନ୍ତେ ଏସ୍‌କାର୍ କାହା, ମେନ୍ଦ ଗଟା ଅତେଦିଶୁମ୍‌ରେନ୍ ହଡ୍‌କଆଃ ପାପ୍ କ୍ଷାମା ନାଗେନ୍ତେ ଦାଣ୍ଟେ ରାକାବ୍‌ୟାନା ।

୩ ଆରୁ ପାର୍ମେଶ୍ୱାର୍‌ଆଃ ହୁକୁମ୍‌କେ ମାନାତିଙ୍ଗ୍‌ରେଦ, ଇନିଃକେରୁ ସାରିୟା । ୪ ଆତଃ ଇନିୟାଃ ହୁକୁମ୍‌କା ମାନାତିଙ୍ଗ୍‌କେଦ୍‌ତେ, ଇନିଃକେଇଙ୍ଗ୍ ସାରିୟା ମେନ୍ତେ କାଜିନିଃ ହସଡ୍ ତାନିଃ ଆତଃ ଇନିଃରେ ସାର୍ତି ବାନଃଆ । ୫ ମେନ୍ଦ ଜେତାଏ ଇନିୟାଃ ବାଚାନ୍‌କେ ମାନାତିଙ୍ଗ୍‌ରେ, ଇନିଃତାଃରେ ପାର୍ମେଶ୍ୱାର୍‌ଆଃ ଦୁଲ୍ଲାଡ୍ ସାର୍ତିଗି ପୁରାକାନା । ନେ'ଲେକାତେ ଆରୁ ଇନିଃରେ ମେନାରୁଆ ମେନ୍ତେରୁ ସାରିତାନା । ୬ ଜେତାଏ ପାର୍ମେଶ୍ୱାର୍‌ଲଃ ତାଇନ୍ ତାନାଇଙ୍ଗ୍ ମେନ୍ତେ କାଜିନିଃ, ଯାଶୁ ଖ୍ରୀଷ୍ଟୁ ଲେକା ଜୀଞ୍ଜାନ୍ ବିତାଅ ଲାଗାତିଙ୍ଗ୍‌ୟାଃ ।

ନାଞ୍ଜା ଆନାରୁ

୭ *ହେ ଦୁଲ୍ଲାଡ୍ ହାଗା ମିଶିକ, ଆଇଙ୍ଗ୍ ଆପେତାଃତେ ନାଞ୍ଜା ଆନ୍‌ରୁଦ୍ କା ମେନ୍ଦ ମୁନୁଏତେ ଆପେତାଃରେ ତାଇକେନ୍ ମାରି ଆନ୍‌ରୁକେଗିଇଙ୍ଗ୍ ଅଲେତାନା, ଆପେ ଆୟୁମାକାଦ୍ କାଜି, ଏନ୍ ମାରି ଆନ୍‌ରୁଗି ତାନାଃ । ୮ ଏନ୍‌ରେୟ, ଆଇଙ୍ଗ୍ ଏନାକେ ନାଞ୍ଜା ଆନ୍‌ରୁ ଲେକାଇଙ୍ଗ୍ ଅଲେତାନା, ଏନାରେୟାଃ ସାର୍ତି, ଯାଶୁ ଖ୍ରୀଷ୍ଟୁରେ ଆତଃ ଆପେରେହ୍ ନେଲଃଆ, ଚିୟାଃଚି ନୁବାଃ ସେନଃତାନା ଆତଃ ସାର୍ତି ମାର୍ସାଲ୍ ଚାମ୍‌କାଅଃ ତାନା ।

୯ ଜେତାଏ ମାୟାଲ୍‌ରେନ୍ ତାନିଙ୍ଗ୍ ମେନ୍ତେ କାଜିକେଦ୍‌ତେ, ଆପ୍‌ନାଃ ହାଗା ମିଶିକକେ ହିଲାଙ୍ଗ୍‌କ ତାନରେଦ ଇନିଃ ନାହ୍‌ୟାଃ ଜାକେଦ୍ ନୁବାଃରେ ମେନାଇୟା । ୧୦ ଜେତାଏ ଆପ୍‌ନାଃ ହାଗା ମିଶିକକେ ଦୁଲ୍ଲାଡ୍‌କ ତାନରେଦ, ଇନିଃ ମାୟାଲ୍‌ରେନ୍ ତାନିଃ ଆତଃ ଇନିଃ ଜେତାଲେକାତେ କାଏ ତହଦଃଆ । ୧୧ ମେନ୍ଦ ଜେତାଏ ଆପ୍‌ନାଃ ହାଗା ମିଶିକକେ ହିଲାଙ୍ଗ୍‌କରେଦ, ଇନିଃ ନୁବାଃରେ ମେନାଇୟା, ଆତଃ ନୁବାଃରେ ସେନେତାନା ଆତଃ କତେ ସେନଃତାନା ଏନା କାଏ ସାରିୟା ଚିୟାଃଚି ନୁବାଃ ଇନିୟାଃ ମେଦ୍‌କେ ନୁବାଃକାଦା ।

୧୨ ଏ ହନ୍‌କ, ଆଇଙ୍ଗ୍ ଆପେତାଃତେଇଙ୍ଗ୍ ଅଲେତାନା, ଚିୟାଃଚି ଆପେୟାଃ ପାପ୍‌କଦ୍ ଯାଶୁ ଖ୍ରୀଷ୍ଟୁଆଃ ନୁହୁମ୍‌ତେ କ୍ଷାମାକାନା । ୧୩ ହେ ଆପୁକ, ଆଇଙ୍ଗ୍ ଆପେତାଃତେଇଙ୍ଗ୍ ଅଲେତାନା, ଚିୟାଃଚି ଆପେଦ୍ ଅତେଦିଶୁମ୍‌ରାଃ ଏନେଟେଦ୍ ସିଦାରେ ତାଇକେନ୍‌ନିଃକେପେ ଇତୁଆନା । ଏ ସେପେଡେଦ୍‌କ, ଆଇଙ୍ଗ୍ ଆପେତାଃତେଇଙ୍ଗ୍ ଅଲେତାନା, ଚିୟାଃଚି ଆପେଦ୍ ଏନ୍ ଏଡ୍‌କାନ୍‌ନିଃକେପେ ହାରାଅକିୟା ।

୧୪ ଏ ହନ୍‌କ, ଆଇଙ୍ଗ୍ ଆପେତାଃତେଇଙ୍ଗ୍ ଅଲ୍‌କାଦା, ଚିୟାଃଚି ଆପେଦ୍ ଆପୁକେପେ ସାରିୟା । ହେ ଆପୁକ, ଆଇଙ୍ଗ୍ ଆପେତାଃତେଇଙ୍ଗ୍ ଅଲ୍‌କାଦା, ଚିୟାଃଚି ଆପେଦ୍ ଅତେଦିଶୁମ୍‌ରାଃ ଏନେଟେଦ୍ ସିଦାରେ ମେନାଇ ଖ୍ରୀଷ୍ଟୁକେପେ ସାରିୟା । ଏ ସେପେଡେଦ୍‌କ, ଆଇଙ୍ଗ୍ ଆପେତାଃତେଇଙ୍ଗ୍ ଅଲ୍‌କାଦା, ଚିୟାଃଚି ଆପେଦ୍ ପେଡେୟାନ୍‌କ ତାନପେ, ଆପେରେ ପାର୍ମେଶ୍ୱାର୍‌ଆଃ ବାଚାନ୍ ମେନାଃ ଆତଃ ଏଡ୍‌କାନ୍‌ନିଃକେପେ ହାରାଅକିୟା ।

ଅତେଦିଶୁମ୍‌କେ ଆଲପେ ଦୁଲ୍ଲାଡ଼ାଃ

୧୫ ଆପେ ନେ ଅତେଦିଶୁମ୍ ଆତଃ ଅତେଦିଶୁମ୍‌ରାଃ ଜେଡ୍‌ନାଃ ଆଲପେ ଦୁଲ୍ଲାଡେୟା । ଆପେ ନେ ଅତେଦିଶୁମ୍‌କେ ଦୁଲ୍ଲାଡେତାନରେଦ, ଆପୁ ପାର୍ମେଶ୍ୱାର୍‌ଆଃ ଦୁଲ୍ଲାଡ୍ ଆପେରେ ବାନଃଆ । ୧୬ ଚିୟାଃଚି ହଡ୍‌ମ୍‌ରେୟାଃ ଏଡ୍‌କାନ୍ ସାନାଙ୍ଗ୍, ମେଦ୍‌ରେୟାଃ ଏଡ୍‌କାନ୍ ସାନାଙ୍ଗ୍, ଆତଃ ଆକଆଃ ମେନାଃତେୟାଃ ନାଙ୍ଗ୍ ଆପାନ୍‌କେ ମାରାଙ୍ଗ୍ ମେନ୍ତେ କାଜିନ୍‌ତେୟାଃ, ନେ ଅତେଦିଶୁମ୍‌ରେ ତାଇନଃତାନ୍ ବିଷାଏ ତାନାଃ, ନେ

☆ ୨:୭ ୨:୭ ଯୋହାନ୍ ୧୩:୩୪.

ସବେନାଃ ଆପୁସାଃଏତେଦ କାହା, ମେନ୍ଦ ଅତେଦିଶ୍ୱମସାଃଏତେ ହିଜୁଃତାନା । ୧୭ ଅତେଦିଶ୍ୱମ୍ ଆତଃ ଏନାରେୟାଃ ସବେନ୍ ଏଡକାନ୍ ସୁକୁରାସକା ଜିୟନଃଆ, ମେନ୍ଦ ଜେତାଏ ପାର୍ମେଶ୍ୱାର୍ଆଃ ସାନାଙ୍ଘ୍ ଲେକା କାମିନିଃ ଜାନାଅ ଜାନାଅ ଜାକେଦ୍ ତାଇନାଏ ।

ୟାଶୁ ଖ୍ରୀଷ୍ଟଆଃ ବାଇରି

୧୮ ହେ ଦୁଲାଡ୍ ହନ୍କ, ଚୁଣ୍ଡ ଦିପିଲି ନାଡେଃକାନା, ଆତଃ ଖ୍ରୀଷ୍ଟଆଃ ବାଇରି ହିଜୁଃଆଏ ମେନ୍ତେପେ ଆୟୁମକେଦ୍ଲେକା ନାହାଁଃହ ଯାଶୁ ଖ୍ରୀଷ୍ଟଆଃ ବାଇରିକ ପୁରାଃଗି ମେନାକଆ, ଏନାତେ ଚୁଣ୍ଡ ଦିପିଲି ନାଡେଃକାନା ମେନ୍ତେପୁ ଆଟକାରେତାନା । ୧୯ ଇନ୍କୁ ଆବୁତାଃଏତେକ ଅତଙ୍ଘ୍ୟାନା ମେନ୍ଦ ଇନ୍କୁ ସାର୍ତିଗି ଆବୁଆଃ ମେନେସାରେ କାକ ତାଇକେନା, ଚିୟାଃଟି ଇନ୍କୁ ଆବୁଆଃ ମେନେସାରେ ତାଇକାନ୍ରେଦ୍ ଆବୁଲଃକ ତାଇକାନ୍ତେୟାଃ ହନାଙ୍ଘ୍ଆଃ । ମେନ୍ଦ ଇନ୍କୁ ଯେ, ଆବୁଆଃ ଝୁଣ୍ଡରେନ୍ ନାହାଁଲକ, ଏନା ଜେଲେକା ଉଦୁବଃଆ, ଏନାମେନ୍ତେ ଇନ୍କୁ ଆବୁଆଃ ଝୁଣ୍ଡଏତେ ଅତଙ୍ଘ୍ୟାନାକ ।

୨୦ ମେନ୍ଦ ଯାଶୁ ଖ୍ରୀଷ୍ଟଆଃ ସାୟାଦ୍ତେ ପାବିତାର୍ ଆମ୍ନା ଆପେକେ ଆଭିଷେକ୍ କାଦ୍ପେୟା, ଆତଃ ଆପେ ସବେନ୍କ ସାର୍ତିପେ ସାରିକାଦା । ୨୧ ଆପେ ସାର୍ତି କାପେ ସାରିକାଦା ମେନ୍ତେଦ କାହା, ମେନ୍ଦ ଆପେ ସାର୍ତିକେପେ ସାରିତାନା, ଆତଃ ସାର୍ତିଏତେ ଜେତାନ୍ ହସଡ୍ କାଜି କା ଅତଙ୍ଘ୍ଆଃଆ ମେନ୍ତେ ସାରିତାନ୍ ହରାତେ ଆଇଙ୍ଘ୍ ଆପେତାଃତେଇଙ୍ଘ୍ ଅଲ୍କେଦା ।

୨୨ ଅକଏ ହସଡ୍ ତାନିଃ ? ଅକଏ ଯାଶୁକେ ଜୀଉବାଞ୍ଚାଅନିଃ ଖ୍ରୀଷ୍ଟ ନାହାଁଲିଃ ମେନ୍ତେ କାଜିନିଃ ହସଡ୍ ତାନିଃ । ନେ ଲେକାନ୍ ହଡ୍ ଯାଶୁ ଖ୍ରୀଷ୍ଟଆଃ ବାଇରି ତାନିଃ ଆତଃ ଇନିଃ ହନ୍ ଆତଃ ଆପୁ ବାରାନ୍କିନ୍କେ କାଏ ମାନାତିଙ୍ଘ୍କିନା । ୨୩ ଜେତାଏ ହନ୍କେ କାଏ ମାନାତିଙ୍ଘ୍ନିଃ ଆପୁକେହ କାଏ ମାନାତିୟାଃ, ଜେତାଏ ହନ୍କେ ମାନାତିୟାଃ ଆପୁକେହ ମାନାତିୟାଃ ।

୨୪ ଆପେ ମୁନ୍ଦ୍ୱଏତେ ଆୟୁମାକାଦ୍ କାଜି, ଆପେତାଃରେଗି ତାଇନ୍କା । ଆପେ ମୁନ୍ଦ୍ୱଏତେ ଆୟୁମାକାଦ୍ କାଜି, ଆପେତାଃରେଗି ତାଇନ୍ରେଦ୍, ଆପେୟ ହନ୍ ଆତଃ ଆପୁତାଃରେ ସବେନ୍ ଇମ୍ତାପେ ତାଇନା । ୨୫ ଆତଃ ଯାଶୁ ଖ୍ରୀଷ୍ଟ ଏମାକାଦ୍ ବାନାର୍ସା କାଜିଗି ଜାନାଅ ଜୀଦାନ୍ ତାନାଃ ।

୨୬ ଆପେକେ ବେଦାପେ ନାଗେନ୍ତେ ସାନାଙ୍ଘ୍ତାନ୍ ହଡକଆଃ ବିଷାଏରେ ଆଇଙ୍ଘ୍ ଆପେତାଃତେ ନେଆଁଇଙ୍ଘ୍ ଅଲେତାନା । ୨୭ ମେନ୍ଦ ଆପେକେ ଯାଶୁ ଖ୍ରୀଷ୍ଟ ଆୟାଃ ପାବିତାର୍ ଆମ୍ନାତେ ଆଭିଷେକ୍ କାଦ୍ପେୟା । ନେ ପାବିତାର୍ ଆମ୍ନା ଆପେରେ ତାଇନ୍ ଜାକେଦ୍ ଏଟାଃକତାଃଏତେ ଆପେକେ ଇନିତୁ କା ଲାଗାତିଙ୍ଘ୍ୟାଃ । ଚିୟାଃଟି ପାବିତାର୍ ଆମ୍ନା ସବେନ୍ ବିଷାଏରେ ଆପେକେ ଇଡ୍ପେୟା ଆତଃ ଆୟାଃ ଇନିତୁ ସାର୍ତି ତାନାଃ ଏନା ହସଡ୍ ନାହାଁଲିଃ । ପାବିତାର୍ ଆମ୍ନାରାଃ ଏନ୍ ଇନିତୁକେ ମାନାତିଙ୍ଘ୍କେଦ୍ତେ ଯାଶୁ ଖ୍ରୀଷ୍ଟଲଃ ମେନେସାରେ ତାଇନ୍ପେ ।

୨୮ ଏନାତେ ଏ ହନ୍କ, ଯାଶୁ ଖ୍ରୀଷ୍ଟରେ ମେସାକେଦ୍ତେ ତାଇନ୍ପେ, ଏନ୍ରେଦ୍ ଆୟାଃ ହିନିଜୁଃ ନେତାରେ ଜୀଉ କେଟେଦ୍କେଦ୍ତେଦ୍ ଦାରମିୟାଁ ଆତଃ ଆବୁ ସବେନ୍କ ଆୟାଃ ଆୟାରରେ କାବୁ ଗିହୁଗଃଆ । ୨୯ ଆବୁ ସାରିୟାଃରୁ ଯେ, ଯାଶୁ ଖ୍ରୀଷ୍ଟ ଧାର୍ମାନ୍ନିଃ ତାନିଃ, ନେଆଁହଁ ସାରିୟାଃରୁ ଯେ, ଜେତାଏ ଧାର୍ମାନ୍ କାମି କାମିନିଃ ପାର୍ମେଶ୍ୱାର୍ଆଃ ହନ୍ ତାନିଃ ।

୩

ପାର୍ମେଶ୍ୱାର୍ଆଃ ହନ୍କ

୧ ✠ପାର୍ମେଶ୍ୱାର୍ ଆବୁକେ ଆୟାଃ ଦୁଲାଡ୍ତେ ଚିମିନାଙ୍ଘ୍ ଦୁଲାଡ୍କେଦ୍ବୁଆଏ, ଏନା କାଟିଃ ଉଡ୍ଡୁଲେପେ । ଆବୁ ପାର୍ମେଶ୍ୱାର୍ଆଃ ହନ୍କବୁ ନୁଡୁମାକାନା । ଆତଃ ଆବୁ ଆୟାଃ ହନ୍କଗି ତାନ୍ବୁ । ଅତେଦିଶ୍ୱମ୍ ପାର୍ମେଶ୍ୱାର୍କେ କାଏ ସାରିୟା, ଏନାମେନ୍ତେ ଅତେଦିଶ୍ୱମ୍ ଆବୁକେ କାଏ ସାରିୟା । ୨ ହେ ଦୁଲାଡ୍ ହାଗା ମିଶିକ, ନାହାଁଃ ଆବୁ ପାର୍ମେଶ୍ୱାର୍ଆଃ ହନ୍କ ତାନ୍ବୁ, ମେନ୍ଦ ହିଜୁଃତାନ୍ ଦିପିଲିରେ ଚିନାଃରୁ ହବାଅଃଆ ଏନା କା ସାରିୟାତାନା । ମେନ୍ଦ ଯାଶୁ ଖ୍ରୀଷ୍ଟ ଆତଃମିସା ହିଜୁଃରେ ଆବୁହ ଆୟାଃ ଲେକାଗିବୁ ହବାଅଃଆ, ଚିୟାଃଟି ଇନିଃକେ ଆଇଃକ୍ଗି ତାନିଃ ଲେକାବୁ ନେଲିୟା । ୩ ଆତଃ ଇନିଃରେ ଆସ୍ତା ଦହକାଦ୍କ, ଇନିଃ ଫାର୍ତିଗି ମେନାଇଲେକା, ଇନ୍କୁ ଫାର୍ତିଗିକ ତାଇନ୍କା ।

୪ ଜେତାଏ ପାପ୍ ରିକାଏତାନ୍ନିଃ, ପାର୍ମେଶ୍ୱାର୍ଆଃ ଆନ୍ତୁକେ କାଏ ମାନାତିଙ୍ଘ୍ ତାନା, ଚିୟାଃଟି ଆନ୍ତୁ କା ମାନାତିଙ୍ଘ୍ତେୟାଃଗି ପାପ୍ ତାନାଃ । ୫ ✠ଆପେ ସାରିତାନାପେ ଯେ, ଯାଶୁ ଖ୍ରୀଷ୍ଟ ଆବୁଆଃ ପାପ୍କ ଗଅଃଇଦି ନାଙ୍ଘ୍ ହିଜୁଃୟାନାଏ ଆତଃ ଇନିଃରେ ଜେତାନ୍ ପାପ୍ ବାନଃଆ । ୬ ଜେତାଏ ଇନିଃରେ ତାଇନ୍ତାନ୍ନିଃ ପାପ୍ କାମି କାଏ ରିକାୟା, ଆତଃ ଜେତାଏ ପାପ୍ କାମିତାନ୍ନିଃ ଇନିଃକେ ଚିତ୍ତଲାଅ କାଏ ନେଲାକାଇୟା ଚାଏ କାଏ ସାରିକାଇୟା ।

✠ ୩:୧ ୩:୧ ଯୋହାନ୍ ୧:୧୭. ✠ ୩:୫ ୩:୫ ଯୋହାନ୍ ୧:୨୯.

୭ ହେ ଦୁଲ୍ଲାଡ଼୍ ହନ୍କ, ଜେତାଏ ଆପେକେ ଆଲକାକ ବେଦାପେକା, ଜେତାଏ ବୁଗିନ୍ କାମି କାମିୟାଏ, ଇନିଃ ଏସକାର୍ ଯୀଶୁ ଖ୍ରୀଷ୍ଟ୍ ଲେକା ଧାର୍ମାନ୍ନିଃ ତାନିଃ । ୮ ଆତଃ ଜେତାଏ ପାପ୍ କାମି ରିକାତାନ୍ନିଃ, ସାଏତାନ୍ରେନ୍ ତାନିଃ, ଚିୟାଃଚି ସାଏତାନ୍ ମୁନ୍ନୁଏତେ ପାପ୍ କାମି ରିକାଆଡତାନାଏ । ଏନ୍ ସାଏତାନ୍ରାଃ କାମିକେ ଜିୟନେ ନାଗେନ୍ତେ ପାର୍ମେଶ୍ଵାର୍ଆଃ ହନ୍ ହିଜୁଃୟାନାଏ ।

୯ ଅକନ୍କ ପାର୍ମେଶ୍ଵାର୍ଆଃ ହନ୍ ତାନ୍କ, ଇନ୍କୁ ପାପ୍ କାମିରେ କାକ ତାଇନା, ଚିୟାଃଚି ପାର୍ମେଶ୍ଵାର୍ଆଃ ସଭାବ୍ ଇନ୍କୁରେ ମେନାଃ, ଆତଃ ପାର୍ମେଶ୍ଵାର୍ ଇନ୍କୁଆଃ ଆପୁ ତାନିଃ, ଏନାତେ ଇନ୍କୁ ପାପ୍ରେ କାକ ତାଇନ୍ ଦାଡିୟା । ୧୦ ପାର୍ମେଶ୍ଵାର୍ଆଃ ହନ୍କ ଆତଃ ସାଏତାନ୍ଆଃ ହନ୍କ ଅକନ୍କ ତାନ୍କ, ଏନା ନେ'ଲେକାତେକ ସାରିୟାଆ, ଜେତାଏ ଧାର୍ମାନ୍ କାମି କାଏ କାମିନିଃ, ଚାଏ ବିଶ୍ଵାସୀ ହାଗା ମିଶିକେ କାଏ ଦୁଲ୍ଲାଡ଼ିନିଃ ପାର୍ମେଶ୍ଵାର୍ଆଃ ହନ୍ ନାହାଁଲିଃ ।

ମିହୁଡ଼୍ ଆତଃମିହୁଡ଼କେ ଦୁଲ୍ଲାଡ଼ିପେ

୧୧ ✨ଆବୁକେ ଦୁଲ୍ଲାଡ଼୍ରେ ତାଇନଃ ଲାଗାତିଙ୍ଗ୍ୟାଃ, ନେଆଁଦ ଆପେ ମୁନ୍ନୁଏତେ ଆୟୁମ୍କାଦ୍ କାଜି ତାନାଃ । ୧୨ ଆବୁ କୟିନ୍ ଲେକା କାବୁ ହବାଅଃଆ, ଇନିଃରେ ଏଡକାନ୍ ଏସେରୁୟାନା ଆତଃ ହାଗାତେ ହାବିଲ୍ଲକେ ଗଏଃକିୟା । କୟିନ୍ ହାଗାତେକେ ଚିନାଃ ନାଗେନ୍ତେ ଗଏଃକିୟା ? ଚିୟାଃଚି କୟିନ୍ଆଃ କାମି ଏଡକାନାଃ ଆତଃ ହାଗାତେୟାଃ କାମି ଠାଡକାତେୟାଃ ତାଇକେନା ।

୧୩ ଏନାତେ ହେ ହାଗା ମିଶିକ, ନେ ଅତେଦିଶ୍ଵମ୍ରେନ୍ ହଡକ ଆପେକେ ହିଲାଙ୍ଗ୍ପେରେ ଆଲ୍ପେ ହାଏକାଟଃଆ । ୧୪ ✨ଆବୁ ଖ୍ରୀଷ୍ଟ୍ ହାଗା ମିଶିକକେବୁ ଦୁଲ୍ଲାଡ଼କ ତାନ୍ରେଦ, ଆବୁ ଗନଏଃକେ ପାରମ୍କେଦ୍ତେ ଜୀଦାନ୍ରେବୁ ବଲକାନା ଏନାବୁ ସାରିତାନା । ଜେତାଏ କାଏ ଦୁଲ୍ଲାଡ଼ତାନ୍ନିଃ ନାହାଁଃ ଜାକେଦ୍ ଗନଏଃରେୟାଃ ଆକ୍ତେୟାର୍ରେ ମେନାଲୟା । ୧୫ ଜେତାଏ ଖ୍ରୀଷ୍ଟ୍ ହାଗା ମିଶିକେ ହିଲାଙ୍ଗ୍ନିଃ, ହଡ ଗଗଏଃନିଃ ତାନିଃ । ଆତଃ ହଡ ଗଗଏଃନିୟାଃ ଜାନାଅ ଜୀଦାନ୍ ବାନଃଆ ମେନ୍ତେ ଆପେ ସାରିତାନା । ୧୬ ଯୀଶୁ ଖ୍ରୀଷ୍ଟ୍ ଆବୁ ନାଙ୍ଗ୍ ଆୟାଃ ଜୀଉ ଏମ୍କେଦାଏ ଏନାତେ ଆବୁ ଦୁଲ୍ଲାଡ଼୍ ଚିନାଃ ତାନା ଏନାବୁ ସାରିତାନା । ଆତଃ ଆବୁକେୟ ଖ୍ରୀଷ୍ଟ୍ ହାଗା ମିଶିକ ନାଗେନ୍ତେ ଆବୁଆଃ ଜୀଉ ଏମ୍ ଲାଗାତିଙ୍ଗ୍ୟାଃ । ୧୭ ଜେତା ହଡ ଅତେଦିଶ୍ଵମ୍ ଲେକା ଆୟାଃ ମେନାଃତେୟାଃ ପୁରାଃଚି ତାଇକେଦ୍ତେ ଖ୍ରୀଷ୍ଟ୍ ହାଗା ମିଶି ଜାଞ୍ଜିୟତାନ୍ ନେଲ୍ରେୟ ଇନିଃ ନାଗେନ୍ତେ ଆୟାଃ ମନ୍ସୁରୁଦ୍ କେଟେଜେରେଦ, ଇନିଃ ଚିଲ୍କାତେ ଆଇଙ୍ଗ୍ ପାର୍ମେଶ୍ଵାର୍କେ ଦୁଲ୍ଲାଡ଼୍ ତାନାଲ୍ଙ୍ ମେନ୍ତେ କାଜିୟାଏ ? ୧୮ ଏ ହନ୍କ, ଆବୁଆଃ ଦୁଲ୍ଲାଡ଼୍, କାଜିତେ ଚାଏ ଜାଗାର୍ରେତେ ଏସକାର୍ ଆଲକା ହବାଅଃକା, ମେନ୍ଦ୍ ସାର୍ଡିତେ ଆତଃ କାମିତେ ଉଦୁବ୍ ଲାଗାତିଙ୍ଗ୍ୟାଃ ।

୧୯ ଆବୁଆଃ କାଜିକାମି ହରାତେ ଆବୁ ସାନାର୍ଡିରେନ୍ ହନ୍କ ତାନ୍ବୁ ମେନ୍ତେ ମନ୍ରେ ଆଟ୍କାର୍ ଦାଡିୟାବୁ । ୨୦ ଆବୁଆଃ ମନ୍ସୁରୁଦ୍ ଆବୁକେ ଚିଟାବୁରେଦ, ପାର୍ମେଶ୍ଵାର୍ ଆବୁଆଃ ମନ୍ସୁରୁଦ୍ହେତେ ପୁରାଃ ମାରାଙ୍ଗ୍ ତାନିଃ, ଇନିଃ ସବେନାଃ ସାରିୟାଏ । ୨୧ ଏନାତେ ହେ ଦୁଲ୍ଲାଡ଼୍ ହାଗା ମିଶିକ, ଆବୁଆଃ ମନ୍ସୁରୁଦ୍ କାଏ ଚିଟାବୁରେଦ, ଆବୁ ପାର୍ମେଶ୍ଵାର୍ଆଃ ସାମ୍ନାଙ୍ଗ୍ରେ ବେଗାର୍ ବରତେ ଡିଙ୍ଗ୍ନୁ ଦାଡିୟା । ୨୨ ଆତଃ ଆବୁ ଆସିତେୟାଃ ସବେନାଃ, ଇନିଃ ଆବୁକେ ଏମାବୁଆ, ଚିୟାଃଚି ଆବୁ ଆୟାଃ ଆନାଟୁକବୁ ମାନାତିଙ୍ଗ୍ ତାନା ଆତଃ ଆୟାଃ ସୁକୁଆନ୍ ଲେକାବୁ କାମିତାନା । ୨୩ ✨ଆବୁ ଆୟାଃ ହନ୍ ଯୀଶୁ ଖ୍ରୀଷ୍ଟ୍ଆଃ ନୁଡୁମ୍ରେବୁ ବିଶ୍ଵାସେକା ଆତଃ ଯୀଶୁ ଖ୍ରୀଷ୍ଟ୍ ଏମାକାଦ୍ ଆନାଟୁ ଲେକା ମିହୁଡ଼୍ ଆତଃମିହୁଡ଼ଲ୍ଠ ଦୁଲ୍ଲାଡ଼୍ରେବୁ ତାଇନକା । ୨୪ ଜେତାଏ ପାର୍ମେଶ୍ଵାର୍ଆଃ ଆନାଟୁ ମାନାତିଙ୍ଗ୍ନିଃ ପାର୍ମେଶ୍ଵାର୍ରେ ତାଇନା, ଆତଃ ପାର୍ମେଶ୍ଵାର୍ ଇନିଃରେ ତାଇନା । ନେଆଁ ପାର୍ମେଶ୍ଵାର୍ ଆବୁକେ ଏମାକାଦ୍ବୁ ପାବିତାର୍ ଆମ୍ବା ହରାତେ ପାର୍ମେଶ୍ଵାର୍ ଆବୁରେ ମେନାଲୟା ମେନ୍ତେବୁ ସାରିୟା ।



ପାର୍ମେଶ୍ଵାର୍ଆଃ ଆମ୍ବା ଆତଃ ହସଡ଼୍ ଆମ୍ବା

୧ ହେ ଦୁଲ୍ଲାଡ଼୍ ହାଗା ମିଶିକ, ପାର୍ମେଶ୍ଵାର୍ତାଃଏତେ ଆମ୍ବା ନାମାକାଦାଲେ ମେନ୍ତେ କାଜିତାନ୍ ସବେନକକେ ଆଲ୍ପେ ବିଶ୍ଵାସକଆ, ଇନ୍କୁ ନାମାକାଦ୍ ଆମ୍ବା ପାର୍ମେଶ୍ଵାର୍ତାଃଏତେ ହିଜୁଃକାନାଚି କାହା ଏନା ବିଡାଅକୁପେ, ଚିୟାଃଚି ପୁରାଃ ହସଡ଼୍ ନାବୀକ ଅତେଦିଶ୍ଵମ୍ରେକ ଅଡଙ୍ଗକାନା । ୨ ନେ'ଲେକାତେ ଆପେ ପାର୍ମେଶ୍ଵାର୍ଆଃ ଆମ୍ବାକେପେ ନେଲ୍ଡରୁମିଆ, ଯୀଶୁ ଖ୍ରୀଷ୍ଟ୍ ମାନଃଞ୍ ରୁପ୍ରେ ହିଜୁଃକାନା ମେନ୍ତେ ମାନାତିଙ୍ଗ୍ତାନ୍ ସବେନ୍ ଆମ୍ବାକ ପାର୍ମେଶ୍ଵାର୍ତାଃଏତେ ହିଜୁଃକାନା । ୩ ମେନ୍ଦ୍ ଜେତାଏ ଯୀଶୁ ଖ୍ରୀଷ୍ଟ୍ଆଃ ବିଷାଏରେ ନେ କାଜି କା ମାନାତିଙ୍ଗ୍ତାନ୍ନିଃ ପାର୍ମେଶ୍ଵାର୍ଆଃ ଆମ୍ବା କାଏ ନାମ୍ । ଇନିଃଦ

✨ ୩:୧୧ ୩:୧୧ ଯୋହାନ୍ ୧୩:୩୪. ✨ ୩:୧୪ ୩:୧୪ ଯୋହାନ୍ ୪:୨୪. ✨ ୩:୨୩ ୩:୨୩ ଯୋହାନ୍ ୧୩:୩୪; ୧୪:୧୨,୧୭.

ଖ୍ରୀଷ୍ଟୁଆଃ ବାଇରିତାଃଏତେ ହିନ୍ଦୁଃକାନ୍ ଆମ୍ଭାକେ ନାମକାଦା । ଇନିଃ ହିନ୍ଦୁଃଆଏ ମେନ୍ତେପେ ଆୟୁମାକାଦ୍ ତାଇକେନିଃ ନାହାଁଃଗି ଅତେଦିଶ୍ୱମ୍ରେ ମେନାଇୟା ।

୪ ହେ ଦୁଲାଡ୍ ହନକ, ଆପେଦ ପାରମେଶ୍ୱାରୁଆଃ ତାନ୍ପେ ଆତଃ ଏନ୍ ହସଡ୍ ନାବୀକକେ ହାରାଅକାଦକଆପେ, ଚିୟାଃଚି ଆପେୟାଃ ମନ୍ସୁରୁଦ୍ରେ ତାଇନ୍ତାନ୍ ପାରମେଶ୍ୱାରୁଆଃ ଆମ୍ଭା ନେ ଅତେଦିଶ୍ୱମ୍ରେନ୍ ହଡକତାଃରେ ତାଇନ୍ତାନ୍ ଆମ୍ଭାଏତେ ପୁରାଃ ପେଡେୟାନ୍ଗିୟାଏ । ୫ ହସଡ୍ ନାବୀକ ଅତେଦିଶ୍ୱମ୍ରେନ୍ ତାନ୍କ, ଇନ୍କୁ ନେ ଅତେଦିଶ୍ୱମ୍ରେୟାଃ କାଜିକ କାଜିତାନା ଆତଃ ଅତେଦିଶ୍ୱମ୍ରେନ୍ ହଡକ ଇନ୍କୁଆଃ କାଜିକ ଆୟୁମାଃ । ୬ ମେନ୍ଦ ଆବୁ ପାରମେଶ୍ୱାରୁଆଃ ତାନ୍ବୁ । ଜେତାଏ ପାରମେଶ୍ୱାରକେ ସାରିନିଃ, ଆବୁଆଃ କାଜି ଆୟୁମାଃଏ । ଜେତାଏ ପାରମେଶ୍ୱାରକେ କାଏ ସାରିନିଃ, ଆବୁଆଃ କାଜି କାଏ ଆୟୁମାଃ । ନେ'ଲେକାତେ ଆବୁ ସାନାରୁତିରେନ୍ ଆମ୍ଭା ଆତଃ ହସଡ୍ରେନ୍ ଆମ୍ଭାକେବୁ ନେଲ୍ଡରୁମ୍ ଦାଡିୟା ।

ମିହୁଡ୍ ଆତଃମିହୁଡ୍ଲଃ ଦୁପୁଲାଡ୍ପେ

୭ ହେ ଦୁଲାଡ୍ ହାଗା ମିଶିକ, ଦୁପୁଲାଡ୍ରେବୁ ତାଇନା, ଚିୟାଃଚି ଦୁଲାଡ୍ ପାରମେଶ୍ୱାରୁତାଃଏତେ ହିନ୍ଦୁଃଆ । ଜେତାଏ ଦୁଲାଡ୍ନିଃ ପାରମେଶ୍ୱାରୁଆଃ ହନ୍ ତାନିଃ, ଆତଃ ପାରମେଶ୍ୱାରକେ ସାରିତାନା । ୮ ଜେତାଏ କାଏ ଦୁଲାଡ୍ନିଃ ପାରମେଶ୍ୱାରକେ କାଏ ସାରିୟା, ଚିୟାଃଚି ପାରମେଶ୍ୱାର ଦୁଲାଡ୍ନିଃ ତାନିଃ । ୯ ଆବୁ ଯୀଶୁ ଖ୍ରୀଷ୍ଟୁଆଃ ହରାତେ ଜାନାଅ ଜୀଦାନ୍ ନାମେ ନାଗେନ୍ତେ ପାରମେଶ୍ୱାର ଆୟାଃ ମିଆଁଦ୍ଗି ହନ୍ ଯୀଶୁ ଖ୍ରୀଷ୍ଟୁକେ ଅତେଦିଶ୍ୱମ୍ରେ କୁଲ୍କିୟା, ନେଆଁତେ ପାରମେଶ୍ୱାରୁଆଃ ଦୁଲାଡ୍ ଆବୁ ନାଜ୍ ଉଦୁବ୍ୟାନା । ୧୦ ନେଆଁଗି ସାର୍ତି ଦୁଲାଡ୍ ତାନାଃ, ଆବୁ ପାରମେଶ୍ୱାରକେବୁ ଦୁଲାଡ୍କିୟା ଏନାତେଦ କାହା, ମେନ୍ଦ ଇନିଃ ଆବୁକେ ଦୁଲାଡ୍କେଦ୍ବୁଆ ଆତଃ ଆବୁଆଃ ପାପ୍ ଛାମା ନାଗେନ୍ତେ ଆୟାଃ ହନ୍କେ କୁଲ୍କିୟା ।

୧୧ ହେ ଦୁଲାଡ୍ ହାଗା ମିଶିକ, ପାରମେଶ୍ୱାରୁ ଆବୁକେ ନେ'ଲେକା ଦୁଲାଡ୍ବୁତାନ୍ରେଦ, ଆବୁକେୟ ଏନ୍ ଲେକା ଦୁପୁଲାଡ୍ରେ ତାଇନ୍ ଲାଗାଡିକ୍ୟାଃ । ୧୨ ପାରମେଶ୍ୱାରକେ ଜେତାଏ ଚିଉଲାହ କାଏ ନେଲ୍, ମେନ୍ଦ ଆବୁ ଦୁପୁଲାଡ୍ରେ ତାଇନ୍ରେଦ ପାରମେଶ୍ୱାରୁ ଆବୁଲଃ ମେନାଇୟା, ଆତଃ ଆୟାଃ ଦୁଲାଡ୍ ଆବୁତାଃରେ ପକ୍ତାକାନା ।

୧୩ ଆବୁ ପାରମେଶ୍ୱାରୁଲଃ ତାଇନ୍ତାନାବୁ ଆତଃ ଇନିଃ ଆବୁଲଃ ତାଇନ୍ତାନାଏ, ଏନାବୁ ସାରିତାନା, ଚିୟାଃଚି ଇନିଃ ଆବୁକେ ଆୟାଃ ଆମ୍ଭାରାଃ ମେନେସା ଏମାକାଦ୍ବୁଆଏ । ୧୪ ଅତେଦିଶ୍ୱମ୍ରେୟାଃ ବାଞ୍ଛାଅନିଃ ହବାଅଃ ନାଗେନ୍ତେ ଆପୁ ପାରମେଶ୍ୱାରୁ ଆୟାଃ ହନ୍କେ କୁଲ୍କିୟା । ଆବୁ ଇନିଃକେ ନେଲ୍କେଦ୍ତେ ଇନିୟାଃ ବିଷାଏରେ ଏଟାଃକକେବୁ ଉଦୁବ୍କତାନା । ୧୫ ଜେତାଏ ଯୀଶୁ ଖ୍ରୀଷ୍ଟୁକେ ପାରମେଶ୍ୱାରୁଆଃ ହନ୍ ତାନିଃ ମେନ୍ତେ ମାନାଡିକ୍ତାନ୍ରେଦ, ପାରମେଶ୍ୱାରୁ ଇନିଃରେ ତାଇନ୍ତାନା ଆତଃ ଇନିଃ ପାରମେଶ୍ୱାରୁତାଃରେ ତାଇନ୍ତାନା । ୧୬ ଆତଃ ପାରମେଶ୍ୱାରୁ ଆବୁକେ ଦୁଲାଡ୍ବୁ ତାନ୍ତେୟାଃ ସାରିତାନାବୁ ଆତଃ ଏନାରେ ଆବୁଆଃ ପୁରାଃ ବିଶ୍ୱାସ୍ ମେନାଃ । ପାରମେଶ୍ୱାରୁ ଦୁଲାଡ୍ ତାନିଃ, ଜେତାଏ ଦୁଲାଡ୍ରେ ତାଇନ୍ନିଃ ପାରମେଶ୍ୱାରୁରେ ତାଇନା ଆତଃ ପାରମେଶ୍ୱାରୁ ଇନିଃରେ ତାଇନା । ୧୭ ଆବୁଆଃ ଜୀଦାନ୍ରେ ନେ ଦୁଲାଡ୍ ପକ୍ତାକାନ୍ଗି ତାଇନଃରେଦ, ଆବୁ ବେଗାରୁ ବରକେଦ୍ତେ ବିତାରୁ ହୁଲାଙ୍ଗ୍ରେୟାଃ ଆୟାଃରେ ଡିକ୍ଟୁନ୍ବୁ ଦାଡିୟା, ଚିୟାଃଚି ନେ ଅତେଦିଶ୍ୱମ୍ରେ ତାଇନ୍କେଦ୍ତେ ଆବୁହ ଯୀଶୁ ଖ୍ରୀଷ୍ଟୁ ଲେକା ଜୀଞ୍ଜାନ୍ ବିତାଅ ତାନାବୁ । ୧୮ ଦୁଲାଡ୍ରେ ବର ବାନଃଆ, ମେନ୍ଦ ପକ୍ତାକାନ୍ ଦୁଲାଡ୍ ସବେନ୍ ବରକେ ସାଜିନେଆଁ । ଜେତାଏ ବରତାନ୍ନିଃ ଦୁଲାଡ୍ରେ କାଏ ପକ୍ତାକାନା, ଚିୟାଃଚି ସାଜାଇ ନାମେରେୟାଃ ବର ଇନିଃରେ ମେନାଃ ।

୧୯ ପାରମେଶ୍ୱାରୁ ଆବୁକେ ପାହିଲା ଦୁଲାଡ୍କେଦ୍ବୁ ହରାତେ ଆବୁ ଦୁଲାଡ୍ ତାନାବୁ । ୨୦ ଜେତାଏ ପାରମେଶ୍ୱାରକେ ଦୁଲାଡ୍ ତାନିଙ୍ ମେନ୍ତେ କାଜିକେଦ୍ତେ ଖ୍ରୀଷ୍ଟୁ ହାଗା ତାଏ ମିଶିକେ ହିଲାଙ୍ଗ୍ରେଦ, ଇନିଃ ହସଡ୍ ତାନିଃ । ନେଲାକାଇ ହାଗା ତାଏ ମିଶିକେ କାଏ ଦୁଲାଡ୍ରେଦ, କା ନେଲାକାଇ ପାରମେଶ୍ୱାରକେ ଚିଉଲାଅ କାଏ ଦୁଲାଡ୍ ଦାଡିୟା । ୨୧ ଜେତାଏ ପାରମେଶ୍ୱାରକେ ଦୁଲାଡ୍ତାନ୍ନିଃ ଖ୍ରୀଷ୍ଟୁ ହାଗା ତାଏ ମିଶିକେହ୍ ଦୁଲାଡ୍କାଏ, ନେ ଆନାବୁ ଆବୁ ଯୀଶୁ ଖ୍ରୀଷ୍ଟୁତାଃଏତେ ନାମାକାଦାବୁ ।



ଅତେଦିଶ୍ୱମ୍ରେ ଜିତାଅ

୧ ଜେତାଏ ଯୀଶୁକେ ଖ୍ରୀଷ୍ଟୁ ତାନିଃ ମେନ୍ତେ ବିଶ୍ୱାସ୍ତାନ୍ନିଃ ପାରମେଶ୍ୱାରୁଆଃ ହନ୍ ତାନିଃ, ଆତଃ ଜେତାଏ ଆପୁକେ ଦୁଲାଡ୍ନିଃ, ଏନ୍ ଆପୁତେୟାଃ ହନ୍କେହ୍ ଦୁଲାଡ୍ନିୟାଏ । ୨ ଆବୁ ପାରମେଶ୍ୱାରକେ ଦୁଲାଡ୍କେଦ୍ତେ ଆୟାଃ ଆନାବୁକବୁ ମାନାଡିକ୍ତାନ୍ରେଦ, ନେଆଁତେବୁ ସାରିତାନା ଯେ, ଆବୁ

୪:୧୨ ୪:୧୨ ଯୋହାନ୍ ୧:୧୮.

ପାର୍ମେଶ୍ୱାରୀଆ ହନକରୁ ଦୁଲ୍ଲାଡ଼କ ତାନା । ୩ ☆ପାର୍ମେଶ୍ୱାରୀଆ ଆନାରୁକ ମାନାତିଙ୍ଗ୍‌ତେୟାଠି ପାର୍ମେଶ୍ୱାରୀକେ ଦୁଲ୍ଲାଡ଼ତେୟାଠ ତାନାଃ । ଆତଃ ଆୟାଃ ଆନାରୁକ ମାନାତିଙ୍ଗ୍ ନାଙ୍ଗ୍ କା ହାମ୍ପାଲାଃ । ୪ ଚିୟାଠି ପାର୍ମେଶ୍ୱାରୀଆ ସବେନ୍ ହନକ ନେ ଅତେଦିଶ୍ୱମ୍‌କେ ହାରାଅ ନାଗେନ୍ତେ ପେଡ଼େଃକ ନାମାକାଦା । ଆରୁ ବିଶ୍ୱାସ୍‌ତେ ନେ ଅତେଦିଶ୍ୱମ୍‌କେ ଜିତାଅ ଦାଡ଼ିୟାବୁ । ୫ ଯୀଶୁକେ ପାର୍ମେଶ୍ୱାରୀଆ ହନ୍ ତାନିଃ ମେନ୍ତେ ବିଶ୍ୱାସ୍‌ତାନିଃ ଏସ୍‌କାର୍ ଅତେଦିଶ୍ୱମ୍‌କେ ଜିତାଅ ଦାଡ଼ିୟାଏ ।

ୟୀଶୁ ଖ୍ରୀଷ୍ଟୁଆଃ ବିଷାଏରେ ଗାଞ୍ଜା

୬ ଏନ୍ ଯୀଶୁ ଖ୍ରୀଷ୍ଟୁ ଦାଆଃରେ ବାପ୍ତିସ୍ମା ଇଦିକେଦ୍‌ତେ ଆୟାଃ କାମି ଏଟେଦ୍‌କାଦ୍ ତାଇକେନା, ଆତଃ ଆୟାଃ ମାୟୋମ୍ ଲିଙ୍ଗିକେଦ୍‌ତେ ମାନଖାରାଃ ଜୀଉବାସ୍ତାଅ ରିକା ଦାଡ଼ିକେଦାଏ । ଦାଆଃତେ ଏସ୍‌କାର୍ କାହାଗି ମେନ୍‌ଦ ବାରାନାଃ ଦାଆଃ ଆତଃ ମାୟୋମ୍ ହରାତେ ହିଜୁଃୟାନା । ନେଆଁ ସାର୍‌ତି ତାନାଃ ମେନ୍ତେ ପାବିତାର୍ ଆମ୍ବା ଆଇଃକ୍‌ଗି ଗାଞ୍ଜା ଏମେତାନା, ଚିୟାଠି ପାବିତାର୍ ଆମ୍ବା ସାର୍‌ତି ତାନିଃ । ୭ ଆତଃ ନେ ଆପିୟା ଗାଞ୍ଜା ମେନାଃ : 「ଆମ୍ବା, ଦାଆଃ, ଆତଃ ମାୟୋମ୍, ନେ ଆପିୟା ଗାଞ୍ଜା ମିଦ୍‌ଗିୟା । ୮ ଆରୁ ହଡ଼କଆଃ ଗାଞ୍ଜାରୁ ମାନାତିଙ୍ଗ୍‌ତାନ୍‌ରେଦ୍, ପାର୍ମେଶ୍ୱାରୀଆ ଗାଞ୍ଜାଦ ଏନାଏତେ ମାରାଙ୍ଗ୍‌ଆଃ, ଆତଃ ପାର୍ମେଶ୍ୱାରୀଆ ଗାଞ୍ଜା ନେଆଁ ତାନାଃ ଯେ, ପାର୍ମେଶ୍ୱାର୍ ଆଇଃକ୍‌ଗି ଆୟାଃ ହନ୍ ବିଷାଏରେ ଗାଞ୍ଜା ଏମାକାଦାଏ । ୯ ଜେତାଏ ପାର୍ମେଶ୍ୱାରୀଆ ହନ୍‌ତାଃରେ ବିଶ୍ୱାସ୍‌ନିଃ, ଆୟାଃ ମନ୍‌ସୁରୁଦ୍‌ରେ ଗାଞ୍ଜା ନାମାକାଦାଏ, ମେନ୍‌ଦ ଜେତାଏ ପାର୍ମେଶ୍ୱାରୀତାଃରେ କା ବିଶ୍ୱାସ୍‌ନିଃ ହସଡ଼ ବାଇୟାକାନାଏ, ଚିୟାଠି ପାର୍ମେଶ୍ୱାର୍ ଆୟାଃ ଆପ୍‌ନାଃ ହନ୍ ବିଷାଏରେ କାଜିକାଦ୍‌ତେୟାଃ ଇନିଃ କାଏ ବିଶ୍ୱାସ୍‌କେଦା । ୧୧ ଏନ୍ ଗାଞ୍ଜା ନେଆଁ ତାନାଃ, ପାର୍ମେଶ୍ୱାର୍ ଆରୁକେ ଜାନାଅ ଜୀଦାନ୍ ଏମାକାଦ୍‌ରୁଆଏ, ଆତଃ ଏନ୍ ଜୀଦାନ୍ ଆୟାଃ ହନ୍‌ତାଃରେ ମେନାଃ । ୧୨ ଜେତାଏତାଃରେ ପାର୍ମେଶ୍ୱାରୀଆ ହନ୍ ମେନାଈୟା, ଇନିଃ ଜୀଦାନ୍ ନାମାକାଦାଏ, ଆତଃ ଜେତାଏତାଃରେ ପାର୍ମେଶ୍ୱାରୀଆ ହନ୍ ବାଙ୍ଗାଈୟା, ଇନିଃ ଜୀଦାନ୍‌ଗି କାଏ ନାମ୍ ।

ଜାନାଅ ଜୀଦାନ୍

୧୩ ଆପେରେ ଜାନାଅ ଜୀଦାନ୍‌ରେୟାଃ ଜୀଦାନ୍ ମେନାଃ ଏନାପେ ଆଟ୍‌କାରେକା ମେନ୍ତେ ଆପେ ପାର୍ମେଶ୍ୱାରୀଆ ହନ୍‌ଆଃ ନୁତୁମ୍‌ରେ ବିଶ୍ୱାସ୍‌ତାନାପେ, ଏନାମେନ୍ତେ ଆଇଙ୍ଗ୍ ଆପେତାଃ ନେ ସବେନାଈଇଙ୍ଗ୍ ଅଲେତାନା । ୧୪ ଆରୁ ବେଗାର୍ ବରତେ ପାର୍ମେଶ୍ୱାରୀଆ ଆୟାଃରେ ହିଜୁଃବୁ ଦାଡ଼ିୟା, ଚିୟାଠି ଆରୁ ଜେଡ଼ନାଃ ଆୟାଃ ଇଛା ଲେକାରୁ ଆସିରେଦ୍, ଇନିଃ ଆରୁଆଃ ବିକ୍ତି ଆୟୁମେୟାଏ । ୧୫ ଆତଃ ଆରୁ ଆୟାଃତାଃରେ ବିକ୍ତିକେଦ୍‌ତେ ଜେଡ଼ନାଃ ଆସିତେୟାଃ ଏନା ଆୟୁମାଃଏ, ଏନା ସାର୍‌ତି ତାନାଃ ମେନ୍ତେବୁ ସାରିତାନା । ଏନାତେ ଆରୁ ଆୟାଃତାଃରେ ବିକ୍ତିକେଦ୍‌ତେ ଆସିକାଦ୍‌ତେୟାଃ ନାମାକାଦାରୁ ଏନାହଗି ସାରିତାନାରୁ ।

୧୬ ଜେତାଏ ଆପେୟାଃ ଖ୍ରୀଷ୍ଟୁ ହାଗା ଚାଏ ମିଗିକେ ପାପ୍ କାମିତାନ୍ ନେଲିରେ ଆତଃ ଏନ୍ ପାପ୍ ଗଜଃ ଲେକାନାଃ କା ତାଇନ୍‌ରେ, ଇନିଃ ନାଗେନ୍ତେ ପାର୍ମେଶ୍ୱାରୀତାଃରେ ବିକ୍ତିପେ, ଆତଃ ପାର୍ମେଶ୍ୱାର୍ କା ଗଜଃଲେକାନ୍ ପାପ୍ କାମିକାଦ୍ ହଡ଼କକେ ଜୀଦାନ୍ ଏମାକତାନ୍‌ଲେକା, ଇନିଃକେହ୍ ଜୀଦାନ୍ ଏମ୍‌ଦାଡ଼ିୟାଏ । ଚିମିନ୍ ପାପ୍‌କ ମେନାଃ ଅକ୍‌ନାଠି ଗନଏଃତେ ଇଦିୟାଏ, ଏନ୍ ବିଷାଏରେ ପାର୍ମେଶ୍ୱାରୀତାଃରେ ବିକ୍ତିପେ ମେନ୍ତେ ଆଇଙ୍ଗ୍ କାଇଙ୍ଗ୍ କାଜିତାନା । ୧୭ ସବେନ୍ ଏଡ଼କାନ୍ କାମିଗି ପାପ୍ ତାନାଃ, ମେନ୍‌ଦ ସବେନ୍ ପାପ୍ ଗଜଃଲେକାନାଃ ନାହାଁଲାଃ ।

୧୮ ପାର୍ମେଶ୍ୱାରୀରେ ମେନାଈନିଃ ପାପ୍‌ରେ କାଏ ତାଇନ୍ ଦାଡ଼ିୟା ମେନ୍ତେ ଆରୁ ସାରିତାନା, ଚିୟାଠି ପାର୍ମେଶ୍ୱାରୀଆ ହନ୍ ଇନିଃକେ ବାସ୍ତାଅଇୟା, ଆତଃ ସାଏତାନ୍ ଇନିୟାଃ ଜେଡ଼ନାଃ ଏଡ଼କାନ୍ ରିକା କାଏ ଦାଡ଼ିୟା ।

୧୯ ଆରୁ ସାରିତାନାରୁ, ଗଟା ଅତେଦିଶ୍ୱମ୍ ଏଡ଼କାନ୍‌ନିଆଃ ଆବର୍‌ରେ ମେନାଈରେୟ, ଆରୁ ପାର୍ମେଶ୍ୱାରୀଆ ତାନ୍‌ରୁ ।

୨୦ ଆତଃ ପାର୍ମେଶ୍ୱାରୀଆ ହନ୍ ହିଜୁଃକେଦ୍‌ତେ ସାର୍‌ତି ପାର୍ମେଶ୍ୱାରୀକେ ଆଟ୍‌କାର୍‌ଉରୁମ୍ ନାଗେନ୍ତେ ଆରୁକେ ସେଣାଁ ଏମାକାଦ୍‌ରୁଆଏ । ଆରୁ ସାର୍‌ତି ପାର୍ମେଶ୍ୱାରୀରେ ଆତଃ ଆୟାଃ ହନ୍ ଯୀଶୁ ଖ୍ରୀଷ୍ଟୁରେ ମେନାବୁଆ । ଇନିଃଗି ସାର୍‌ତି ପାର୍ମେଶ୍ୱାର୍ ଆତଃ ଜାନାଅ ଜୀଦାନ୍ ତାନିଃ ।

୨୧ ହେ ଦୁଲ୍ଲାଡ଼୍ ହନକ, ମୁରୁଡ଼ ବଙ୍ଗାକତାଃଏତେ ସାଙ୍ଗିନ୍‌ରେ ତାଇନ୍‌ପେ ।

☆ ୫:୩ ୫:୩ ଯୋହାନ୍ ୧୪:୧୫. ☆ ୫:୧୧ ୫:୧୧ ଯୋହାନ୍ ୩:୩୭.

ଯୋହାନ୍‌ଙ୍କ ଲିଖିତ ଦ୍ୱିତୀୟ ପତ୍ର ଯୋହାନ୍‌ ଅଲ୍‌ମାକାଦ୍ ଏଟାଃ ଚିଟାଉ ପାରିତାଏ

ଯୋହାନ୍‌ ଅଲ୍‌ମାକାଦ୍ ଏଟାଃ ଚିଟାଉ ଯୀଶୁ ଖ୍ରୀଷ୍ଟଆଃ ଜାନାମ୍‌ରେୟାଃ ୫୦-୧୦୦ କରେ ପ୍ରେରିତ୍‌ ଯୋହାନ୍‌ ହରାତେ ଅଲ୍‌ମାକାନ୍‌ ତାଇକେନା । ଯୋହାନ୍‌ ଆପାନ୍‌କେ ଅନଲ୍‌ନିଃ ଲେକା ପାରିତାଏ କାଏ ଏମାଃ, ଏନାରେୟାଃ ବାଦ୍‌ଲାରେ ଇନିଃ ଆପାନ୍‌କେ ପ୍ରାଚିନ୍‌ ମେନ୍ତେ ପାରିତାଏ ଏମାଃଏ । ଯୋହାନ୍‌ଆଃ ଏଟାଃ ଚିଟାଉରେୟାଃ ଅନଲ୍‌ ବିଷାଏକ ଯୋହାନ୍‌ ଅଲ୍‌ମାକାଦ୍ ସୁକୁକାଜିଲ୍‌ଃ ମିଦ୍‌ସାମାନ୍‌ଗିଆ । ନେଆଁ ବିଶେଷ୍ଟକେଦ୍‌ତେ ଯୀଶୁକେ ଅକଲେକା, ଇନିଃ ମିହୁଡ୍‌ ଆତଃମିହୁଡ୍‌କେ ଦୁଲାଡ୍‌ ବିଷାଏରେ ଯୀଶୁଆଃ ଆନାଚୁକେ ଲାଗାତିଙ୍ଗ୍‌ ତାନାଃ ମେନ୍ତେ କାଜିୟାଃ, ଏନ୍‌ ଲେକାଗି ଯୀଶୁଆଃ ଆନାଚୁ ମାନାତିଙ୍ଗ୍‌ତେୟାଃ ହବାଃଅ ତାନାଃ, ଆଇଃକ୍‌କେ ଦୁଲାଡ୍‌ତେୟାଃ ୨ ଯୋହାନ୍‌ ୧:୫-୬; ଯୋହାନ୍‌ ୧୫:୯-୧୦ । ନେଆଁ ବିଶ୍ୱାସୀ ତାନା ଯେ, ଯୋହାନ୍‌ ଏଫିସୁସ୍‌ରେ ତାଇନ୍‌ତାନ୍‌ ଇମ୍‌ତା, ଯୋହାନ୍‌ ସୁକୁକାଜିଲ୍‌ଃ ଯୋହାନ୍‌ଆଃ ଆପିୟା ଚିଟାଉ ହଗି ଅଲ୍‌ମାକାନ୍‌ ତାଇକେନା, ଏନା ହବାଃଅତାନା, ୧ ଯୋହାନ୍‌, ୨ ଯୋହାନ୍‌, ୩ ଯୋହାନ୍‌ ।

ଯୋହାନ୍‌ ନେ ଚିଟାଉରେ ସାଲ୍‌କାନ୍‌ କୁଡି ଆତଃ ଆୟାଃ ହନ୍‌କ ବିଷାଏରେ ପାରିତାଏ ଏମାକାଦାଏ, ଇନିଃ ଏନା କାଲିସିୟାକେ କାଜିକାଦା । ଯୋହାନ୍‌ଆଃ ନେ ଚିଟାଉ ଅନଲ୍‌ରେୟାଃ ଉଦେଶ୍‌ ତାନାଃ, ବିଶ୍ୱାସୀକେ ଜୀଉରେ ରାସ୍‌କା ଏମ୍‌ ଆତଃ ହସଡ୍‌ ଇତୁକତାଃଏତେ ଚିର୍ଗାଲ୍‌କେଦ୍‌ତେ ତାଇନଃତେୟାଃ ତାନାଃ ।

ପୁଅ ଭିତରରେ ଅଲ୍‌ମାକାନ୍‌ କାଜି

- ୧. ଯୋହାନ୍‌ ନେ ଚିଟାଉରେ ଅକଏୟାଃ ନାଗେନ୍ତେ ଅଲେତାନା, ନେଆଁ କାଜିକେଦ୍‌ତେ ଆୟାଃ ତେଲାଦାରମ୍‌କକେ ଜହାର୍‌ କାଜିୟାଏ । ୧:୧-୩
- ୨. ଯୋହାନ୍‌ କାଲିସିୟାକେ ଜୀଉରେ ରାସ୍‌କା ଏମ୍‌କେଦ୍‌ତେ ମାରାଙ୍ଗ୍‌ ଆନ୍‌ଚୁ ବିଷାଏରେ ପାହାମ୍‌ଇତିକ ତାନା । ୧:୪-୬
- ୩. ଯୋହାନ୍‌ ହସଡ୍‌ ଇତୁକଆଃ ବିଷାଏରେ ଚେତାଅକତାନା । ୧:୭-୧୧
- ୪. ଯୋହାନ୍‌ ଅକ୍‌ତାଃରେ ତାଇନଃତାନା ଏନ୍ତାଃରେନ୍‌ ବିଶ୍ୱାସୀକେ ଜହାର୍‌ କାଜିକେଦ୍‌ତେ ଅନଲ୍‌ ଅଲ୍‌ ଚାବାଏତାନାଏ । ୧:୧୨-୧୩

୧ ପ୍ରାଚିନ୍‌ ଯୋହାନ୍‌ ଆଇଙ୍ଗ୍‌ ତାନିଙ୍ଗ୍‌, ମିଆଁଦ୍‌ ସାଲ୍‌କାନ୍‌ ଆଣ୍ଡି କୁଡି ଆତଃ ଆୟାଃ ହନ୍‌କ*ତାଃତେ ନେ ଚିଟାଉ ଅଲେତାନାଇଙ୍ଗ୍‌ । ଇନ୍‌କୁକେ ଆଇଙ୍ଗ୍‌ ସାର୍‌ତିଗିଙ୍ଗ୍‌ ଦୁଲାଡ୍‌କ ତାନା, ଆତଃ ଆଇଙ୍ଗ୍‌ ଏସକାର୍‌ କା, ମେନ୍‌ଦ ସାର୍‌ତି ସାରିକାଦ୍‌ ସବେନ୍‌କହ୍‌ ଦୁଲାଡାଃକ । ୨ ଚିୟାଃତି ଏନ୍‌ ସାର୍‌ତି ଆବୁରେ ତାଇନଃତାନା ଆତଃ ଜାନାଅ ଜାକେଦ୍‌ ଆବୁଲ୍‌ଃ ତାଇନାଃ ।

୩ ଆପୁ ପାର୍‌ମେଶ୍ୱାର୍‌ ଆତଃ ଏନ୍‌ ଆପୁଆଃ ହନ୍‌ ଯୀଶୁ ଖ୍ରୀଷ୍ଟତାଃଏତେ ସାୟାଦ୍‌, ଲିରୁଇ ଆତଃ ଜୀଉସୁକୁ ଆବୁଲ୍‌ଃ ସାର୍‌ତି ଆତଃ ଦୁଲାଡ୍‌ରେ ତାଇନ୍‌କା ।

ସାନାର୍‌ତି ଆତଃ ଦୁଲାଡ୍‌

୪ ଆପୁ ପାର୍‌ମେଶ୍ୱାର୍‌ଆଃ ଆନାଚୁ ଲେକା ଆମାଃ ଚିମିନ୍‌ ହନ୍‌କ ସାନାର୍‌ତିରେ ସେସେନ୍‌ତାନ୍‌ ନେଲ୍‌କେଦ୍‌ତେ ଆଇଙ୍ଗ୍‌ ପୁରାଃଗିଇଙ୍ଗ୍‌ ସୁକୁୟାନା । * ହେ ଦୁଲାଡ୍‌ ମାଲ୍‌, ନାହାଁଃ ଆଇଙ୍ଗ୍‌ ନାଞ୍ଜା ଆନ୍‌ଚୁ ଅଲେତାନ୍‌ ଲେକାଦ୍‌ କାହା ମେନ୍‌ଦ ମୁନ୍‌ଏତେ ଆବୁତାଃରେ ତାଇକେନ୍‌ ଆନ୍‌ଚୁକେଗି ଅଲ୍‌ତାନଲ୍‌ଃ ବିକ୍ରିପେତାନାଇଙ୍ଗ୍‌ ଯେ, ଆବୁ ସବେନ୍‌କ ଦୁପୁଲାଡ୍‌ରେଗିବୁ ତାଇନ୍‌କା । ୬ ଆତଃ ଆବୁ ପାର୍‌ମେଶ୍ୱାର୍‌ଆଃ ଆନ୍‌ଚୁଲେକାବୁ ସେସେନ୍‌ତାନା, ନେଆଁଗି ସାର୍‌ତି ଦୁଲାଡ୍‌ ତାନାଃ । ଆତଃ ଆପେ ମୁନ୍‌ଏତେ ଆୟୁମାକାଦ୍‌ ଲେକାଗି ସେସେନ୍‌ପେ, ନେଆଁଗି ଏନ୍‌ ଆନାଚୁ ତାନାଃ ।

୭ ଆଇଙ୍ଗ୍‌ ନେଆଁ କାଜିତାନାଇଙ୍ଗ୍‌ ଚିଆଃତି ପୁରାଃ ବେଦାହଡ୍‌କ ଅତେଦିଶ୍ୱମ୍‌ରେକ ଅତଙ୍ଗ୍‌କାନା । ଜେତାଏ ଯୀଶୁ ଖ୍ରୀଷ୍ଟକେ ମାନଞ୍ଜା ହଡ୍‌ମ୍‌ରେ ହିଜୁଃୟାନା ମେନ୍ତେ କା ମାନାତିଙ୍ଗ୍‌ନିଃଗି ବେଦାହଡ୍‌ ଆତଃ ଯୀଶୁ ଖ୍ରୀଷ୍ଟଆଃ ବାଇରି ତାନିଃ । ୮ ଆଲେ ଆପେ ନାଗେନ୍ତେ କାମିକାଦ୍‌ତେୟାଃ ଆଲକାପେ ଆଦେ ଆତଃ ପୁରା ନାଲା ନାମେ ନାଗେନ୍ତେ ଚିର୍ଗାଲ୍‌କାନ୍‌ପେ ।

* ୧:୧ 1:1 ଆଣ୍ଡି କୁଡି ଆତଃ ଆୟାଃ ହନ୍‌କ, ମେନ୍ତେ କାଜିଲେରେ ହବାସାକାଅଆଃ କାଲିସିୟା ଆତଃ କାଲିସିୟାରେନ୍‌ ହଡ୍‌କକେ କାଜିୟାକାନା ✱ ୧:୫ ୧:୫ ଯୋହାନ୍‌ ୧୩:୩୪; ୧୫:୧୨, ୧୭.

^୯ ଜେତାଏ ଯୀଶୁ ଖ୍ରୀଷ୍ଟୁଆଃ ଇନିତୁରେ କାଏ ତାଇନ୍ତାନା, ଏନ୍ ହଡତାଃରେ ପାର୍ମେଶ୍ୱାର୍ ବାଙ୍ଗାୟା । ଆତଃ ଜେତାଏ ଯୀଶୁ ଖ୍ରୀଷ୍ଟୁଆଃ ଇନିତୁରେ ତାଇନ୍ତାନା, ଏନ୍ ହଡତାଃରେ ପାର୍ମେଶ୍ୱାର୍ ଆତଃ ଆୟାଃ ହନ୍, ନେ ବାରାନ୍କିନ୍ ମେନାକିନା । ^{୧୦} ଜେତାଏ ଆପେତାଃତେ ହିଜୁଃକେଦ୍ତେ ନେ ଇନିତୁ କାଏ ଇତୁପେରେଦ୍, ଇନିଃକେ ଆପେୟାଃ ଅଡ଼ାଃତେ ଆଲ୍ପେ ଦାରମ୍ମିୟା ଆତଃ “ଆମାଃ ଜୀଉସୁକୁ ହବାଅଃକା” ମେନ୍ତେ ଆଲ୍ପେ କାଜିୟା । ^{୧୧} ଜେତାଏ ଇନିଃକେ ଜହାରିନିଃ, ଇନିୟାଃ ଏଡକାନ୍ କାମିକରାଃ ହାନାଟିଙ୍ଗ୍ ନାମେୟାଏ ।

ତୁଣ୍ଡୁ କୁଜି

^{୧୨} ଆପେତାଃତେ ପୁରାଃ ଅଲ୍ ନାଗେନ୍ତେ ମେନାଃ, ମେନ୍ଦ୍ କାଗାଜ୍ ଆତଃ ସିହାଇତେ ଅଲ୍ ନାଙ୍ଗ୍ କାଇଙ୍ଗ୍ ସାନାଙ୍ଗ୍ତାନା । ଆପେତାଃତେ ହିଜୁଃକେଦ୍ତେ ନେପେଲ୍ରେଇଙ୍ଗ୍ ଜାଗାରେୟା ମେନ୍ତେଇଙ୍ଗ୍ ଆସ୍ତାଏ ତାନା, ଜେଲେକାଟି ଆବୁଆଃ ସୁକୁରାସ୍ତା ପୁରାଅଃଆ ।

^{୧୩} ପାର୍ମେଶ୍ୱାର୍ଆଃ ସାଲାକାନ୍ ଆମାଃ ମିଶିଂକଆଃ ହନ୍କ ଆମ୍ବେ ଜହାର୍ କାଜିକୁଲ୍କାଦାକ ।

† **୧:୧୩** 1:13 ନେତାଃରେ ମିଶି, ମେନ୍ଲେରେ ହବାସାକାଅଆଃ କାଲିସିୟାକେ କାଜିୟାକାନା

ଯୋହାନ୍‌ଙ୍କ ଲିଖିତ ତୃତୀୟ ପତ୍ର ଯୋହାନ୍ ଅଲ୍‌କାଦ୍ ଆପିୟା ଚିଟାଉ ପାରିଟାଏ

ଯୋହାନ୍‌ଆଃ ଆପିୟା ଚିଟାଉ ଯୋହାନ୍‌ଆଃ ହରାତେ ୫୦-୧୦୦ କରେ ଯୀଶୁ ଖ୍ରୀଷ୍ଟୁଆଃ ଜାନାମ୍ ତାୟମ୍‌ତେ ଅଲ୍‌କାଦ୍ ତାଇକେନା । ଯୋହାନ୍ ଆଇଃକ୍‌କେ ଅନଲ୍‌ନିଃ ଲେକା ପାରିଟାଏ କା ଏମ୍‌କେଦ୍‌ତେ ଆପାନ୍‌କେ ପ୍ରାତିନ୍ ଲେକା ପାରିଟାଏ ଏମାକାଦାଏ, ଏନ୍‌ଲେକାଗି ଯୋହାନ୍ ଆୟାଃ ଏଟାଃ ଚିଟାଉରେ ପାରିଟାଏ ଏମାକାଦାଏ ୧:୧; ୨ ଯୋହାନ୍ ୧:୧ । ନେଆଁ ବିଶ୍ୱାସ୍ୟ ତାନା ଯେ, ଇନିଃ ଏଫିସୁସ୍‌ରେ ତାଇକେନ୍ ଇମ୍‌ତା ଯୋହାନ୍ ଅଲ୍‌କାଦ୍ ସୁକୁକାଜିଲିଃ ଆପିୟା ଚିଟାଉକହଗି ଅଲ୍‌କାଦ୍ ତାଇକେନାଏ, ଏନା ହବାଅଃତାନା, ୧ ଯୋହାନ୍, ୨ ଯୋହାନ୍, ୩ ଯୋହାନ୍ ।

ଯୋହାନ୍ ଗାୟସ୍ ନୁତୁମ୍ ମିଆଁଦ୍ ବିଶ୍ୱାସୀକେ ନେ ଚିଟାଉରେ ଉଦୁବିତାନା । ଇନିଃ ଗାୟସ୍‌କେ ମିଆଁଦ୍ ଗାତି ଲେକା କାଜିକେଦ୍‌ତେ ଏନ୍ ପାର୍‌ଗାନ୍‌ରେ ହରାସେନ୍‌ତାନ୍ ଖ୍ରୀଷ୍ଟିୟାନ୍ ହାଗାକକେ ପେଡାକ ନାଙ୍ଗ୍ କାଜିକାଇ ତାଇକେନାଏ ।

ପୁଅ ଭିତରରେ ଅଲ୍‌କାଦ୍ କାଜି

- ୧. ଯୋହାନ୍ ଆୟାଃ ପାରିଟାଏ ଏମାଃଏ । ୧:୧
- ୨. ଯୋହାନ୍ ଗାୟସ୍‌କେ ଜୀଉରେ କେଟେଦ୍‌କେଦ୍‌ତେ ହରାସେନ୍‌ତାନ୍‌କକେ ପେଡାକ ନାଙ୍ଗ୍ ଇନିତୁ ଏମାଃଏ । ୧:୨-୮
- ୩. ଯୋହାନ୍, ଦିୟତ୍ରୀପା ଆତଃ ଦିମିତ୍ରୀୟ, ନେ ବାରହଡ଼କିନାଃ ବିଷାଏରେ କାଜିୟାଃ । ୧:୯-୧୨
- ୪. ତୁଣ୍ଡୁରେ ଆୟାଃ ଅନଲ୍ ଅଲ୍ ଚାବାକେଦାଏ । ୧:୧୩-୧୪

^୧ ପ୍ରାତିନ୍ ଯୋହାନ୍ ଆଇଙ୍ଗ୍ ତାନିଙ୍ଗ୍, ଆଇଁୟାଃ ଦୁଲ୍‌ତ୍ ଗାୟସ୍‌ତାଃତେ ନେ ଚିଟାଉ ଅଲେତାନାଇଙ୍ଗ୍ । ଇନିଃକେ ଆଇଙ୍ଗ୍ ସାର୍‌ତିଗିଙ୍ଗ୍ ଦୁଲ୍‌ତ୍‌ତାନା ।

^୨ ହେ ଦୁଲ୍‌ତ୍ ଗାତି, ଆମାଃ ମନ୍‌ସୁରୁଦ୍ ସୁକୁରେ ମେନାଃଲେକା, ଆମାଃ ସବେନ୍ କାଜିକାମିକରେ ସୁକୁ ହବାଅଃକା ଆତଃ ଆମ୍ ଜୀଉସୁକୁରେ ତାଇନ୍‌ମେ ମେନ୍ତେ ଆଇଙ୍ଗ୍ ବିନ୍ତିତାନା । ^୩ ଆମ୍ ସାନାର୍‌ତିରେ ପାତିୟାର୍‌ରଃ ଲେକା ମେନାମେୟା ଆତଃ ସବେନ୍ ଇମ୍‌ତା ସାନାର୍‌ତିରେମ୍ ସେସେନ୍‌ତାନା ମେନ୍ତେ ଚିମିନ୍ ବିଶ୍ୱାସୀ ହାଗାକତାଃଏତେ ଗାଞ୍ଜାକ ଆୟୁମ୍‌କେଦ୍‌ତେଇଙ୍ଗ୍ ସୁକୁୟାନା । ^୪ ଆଇଁୟାଃ ହନ୍‌କ ସାନାର୍‌ତିରେ ସେସେନ୍‌ତାନାକ ମେନ୍ତେ ଆୟୁମ୍‌ତେୟାଃଏତେ ପୁରାଃ ରାସ୍‌କା ବାନଃଆ ।

ଗାୟସ୍‌ଆଃ ବୁଗିନ୍ କାମିରେୟାଃ ମାନାରାଙ୍ଗ୍

^୫ ହେ ଦୁଲ୍‌ତ୍ ଗାତି, ଖ୍ରୀଷ୍ଟ ବିଶ୍ୱାସୀ ହାଗା ମିଗିକ ନାଗେନ୍ତେ ନେ'ଲେକାଗି ଇନ୍‌କୁକେ କା ନେଲ୍ ଉରୁମ୍‌କାକରେୟ, ଆପେ ଇନ୍‌କୁକେ ପାତିୟାର୍‌ରଃ ଲେକା ମାଇନ୍‌କତାନାପେ । ^୬ ଇନ୍‌କୁ କାଲିସିୟା ସାମ୍‌ନାଙ୍ଗ୍‌ରେ ଆମାଃ ଦୁଲ୍‌ତ୍ ବିଷାଏରେ ଗାଞ୍ଜାକ ଏମେତାନା । ଆମ୍ ପାର୍‌ମେଶ୍ୱାର୍‌ଆଃ ମନେଲେକା ଇନ୍‌କୁକେ ଦେଙ୍ଗାକେଦ୍‌ତେମ୍ କୁଲ୍‌କରେଦ୍ ଆମ୍ ବୁଗିନ୍ କାମିମ୍ କାମିୟା । ^୭ ଚିୟାଃତି ଇନ୍‌କୁ ସାଅଁସାର୍ ହଡ଼କତାଃଏତେ ଜେତାନ୍ ଦେଙ୍ଗା କା ଇଦିକେଦ୍‌ତେ ଯୀଶୁ ଖ୍ରୀଷ୍ଟୁଆଃ ନୁତୁମ୍‌ତେ ସେଞ୍ଜା ନାଗେନ୍ତେକ ଅତଙ୍ଗ୍‌କାନା । ^୮ ଏନା ନାଗେନ୍ତେ ଆବୁ ଖ୍ରୀଷ୍ଟିୟାନ୍‌କ ଇନ୍‌କୁକେ ଦେଙ୍ଗାକେଦ୍‌ତେ ସାନାର୍‌ତି ଉଦୁବ୍ ନାଙ୍ଗ୍ ଇନ୍‌କୁଆଃ କାମିରେ ମେସାନ୍ ଲାଗାତିଙ୍ଗ୍‌ୟାଃ ।

ଦିୟତ୍ରୀପା ଆତଃ ଦିମିତ୍ରୀୟ

^୯ ଆଇଙ୍ଗ୍ ଆପେୟାଃ କାଲିସିୟାତେ ହୁଡ଼ିଙ୍ଗ୍‌ଲେକାଇଙ୍ଗ୍ ଅଲ୍‌କୁଲ୍‌କେଦା, ମେନ୍‌ଦ କାଲିସିୟାରାଃ ଆଗୁଆଇ ହବାଅଃ ନାଙ୍ଗ୍ ସାନାଙ୍ଗ୍‌ତାନ୍ ଦିୟତ୍ରୀପା ଆଇଁୟାଃ କାଜିକେ କାଏ ଆୟୁମ୍‌କେଦା । ^{୧୦} ଆଇଙ୍ଗ୍ ଏନ୍ତାଃତେ ହିନ୍ତୁଃରେ, ଇନିଃ କାମିକାଦ୍ ଏଡ଼କାନ୍ କାମିକ ସବେନାଃଇଙ୍ଗ୍ ଉଦୁବେୟା । ଇନିଃ ଆବୁଆଃ ବିରୁଧ୍‌ରେ ଏଡ଼କାନ୍ କାଜି କାଜିକେଦ୍‌ତେ ଆବୁକେ ହିଲାଙ୍ଗ୍‌ରୁ ତାନାଏ, ଏନ୍‌ରେୟ କାଏ ଆବର୍‌ୟାନା । ଆତଃ ଇନିଃ ଆଇଃକ୍‌ଗି ଖ୍ରୀଷ୍ଟିୟାନ୍ ହାଗାକକେ କାଏ ଦାରମ୍‌କ ତାନା ଚି ଜେତାଏକେ କାଏ ଦାରମ୍‌କିକ ତାନା । ଆତଃ ଦାରମ୍‌ନାଙ୍ଗ୍ ସାନାଙ୍ଗ୍‌ତାନ୍‌କକେ କାଲିସିୟାଏତେ ଅତଙ୍ଗ୍‌କତାନା ।

^{୧୧} ହେ ଦୁଲ୍‌ତ୍ ଗାତି, ଏଡ଼କାନ୍‌ତେୟାଃକ ଆଲମ୍ ଅତଙ୍ଗ୍‌ଆଁଃ, ମେନ୍‌ଦ ବୁଗିନ୍‌ତେୟାଃକ ଅତଙ୍ଗ୍‌ୟେମେ । ଜେତାଏ ବୁଗିନ୍ କାମିନିଃ ପାର୍‌ମେଶ୍ୱାର୍‌ଆଃ ହଡ଼ ତାନିଃ, ଆତଃ ଜେତାଏ ଏଡ଼କାନ୍‌ତେୟାଃ କାମିନିଃ ପାର୍‌ମେଶ୍ୱାର୍‌କେ କାଏ ସାରିୟା ।

* ୧:୧ ୧:୧ ପ୍ରେରିତ୍ ୧୯:୨୯; ରୋମି ୧୭:୨୩; ୧ କରିନ୍ଥିୟ ୧:୧୪.

^{୧୭} ଦିନିତ୍ରୀୟଆଃ ବିଷାଏରେ ବୁଗିନ୍ କାଜିତାନ୍ ସବେନ୍କ ଆଡଃ ସାନାର୍ତ୍ତିୟଗି ଇନିୟାଃ ବୁଗିନ୍ ବିଷାଏ କାଜିତାନା । ଆଲେୟଗି ଇନିୟାଃ ଗାଞ୍ଜାଲେ ଏମ୍ତାନା ଆଡଃ ଆପେ, ଆଲେୟାଃ ଗାଞ୍ଜା ସାର୍ତ୍ତିଗିଆ ମେନ୍ତେପେ ସାରିତାନା ।

ଚୁଣ୍ଡ ଜହାର୍

^{୧୭} ଆଇଙ୍ଗ୍ ଆମ୍ବକେ ପୁରାଃ କାଜି କାଜିରାଃ ମେନାଃ, ମେନ୍ଦ ଏନ୍ ସବେନାଃ ସିହାଇ ଆଡଃ କାଲାମ୍ତେ ଅଲ୍ ନାଙ୍ଗ୍ କାଇଙ୍ଗ୍ ସାନାଙ୍ଗ୍ତାନା । ^{୧୪} ଆଇଙ୍ଗ୍ ଆମାଃଲଃ ଜାଲ୍ଦିଗିଇଙ୍ଗ୍ ନେପେଲା ମେନ୍ତେଇଙ୍ଗ୍ ଆସ୍ରାକାଦା, ଇମ୍ତା ଆଲାଙ୍ଗ୍ ବାରାନ୍କିନ୍ ନେପେଲ୍ରେଲାଙ୍ଗ୍ ଜାଗାରେୟା ମେନ୍ତେଇଙ୍ଗ୍ ସାନାଙ୍ଗ୍ତାନା ।

^{୧୫} ଆମାଃ ଜୀଉସୁକୁ ହବାଃଅକା । ଆମାଃ ସବେନ୍ ଗାତିକ ଆମ୍ବକେ ଜହାର୍ ମେନ୍ତେକ କାଜିକୁଲ୍କାଦା । ଆଡଃ ଆଲେୟାଃ ଜହାର୍ ଆମାଃ ସବେନ୍ ଗାତିକଆଃ ନୁତୁମ୍ ସାବ୍କେଦ୍ତେ ଜହାର୍ ଉଦୁବାକମେ ।

ଯିହୁଦାକ ଲିଖିତ ପତ୍ର ଯିହୁଦା ଅଲ୍ଲାକାଦ୍ ଚିଟାଉ ପାରିଚାଏ

ନେ ଚିଟାଉ ଅଲ୍ଲାକାଦ୍‌ନିଆଁଠ ନୁତୁମ୍ ଲେକାରି ନେ ପୁଅରେୟାଃ ନୁତୁମ୍ ଏମାକାନା । ଯିହୁଦା ଆପାନ୍‌କେ ଯାକୁବ୍, ଯୀଶୁଆଃ ହାଗା ମେନ୍ତେ ଉଦୁବେନ୍ ତାନା । ଏନାତେ ଇନିଃକେ ଯୀଶୁଆଃ ହାଗାକଏତେ ମିହୁଡ୍ ତାନିଃ ମେନ୍ତେ କାଜିୟାଃକ, ଆଧ୍ୟାୟ ୧ । ମାରି ନିୟାମ୍‌ରେୟାଃ ଅନଲ୍‌ତେୟାଃକ ନେ ଚିଟାଉରେ ଅଲ୍ଲାକାନ୍ ହରାତେ, ନେଆଁ ମିଆଁଦ୍ କାଲିସିୟାକେ ଅଲ୍ଲାକାନ୍ ଲେକା ଆଟ୍‌କାରଃଆ । ଯିହୁଦା ଚିଟାଉକେ ପାଢ଼ାଅତାନ୍ ହଡ଼କ, ଯିହୁଦା ହଡ଼ ମେନ୍ତେକ ଉଦୁବେନ୍ ତାନା, ଅକନ୍‌କଚି ଆପୁ ପାର୍‌ମେଶ୍ୱାର୍‌ଆଃ ଦୁଲାଡ଼ରେ ଖ୍ରୀଷ୍ଟିଆଃ ନାଗେନ୍ତେ ଦହାକାନାକ, ଆଧ୍ୟାୟ ୧ । ଯିହୁଦା ସବେନ୍ କେଡ଼ାକାନ୍ ହଡ଼କକେ ପାରିଚାଏ ଏମାକାଦ୍‌କଆଏ । ନେ ଚିଟାଉ ହବାସାକାଅଆଃ ଯୀଶୁ ଖ୍ରୀଷ୍ଟିଆଃ ଜାନାମ୍ ତାୟମ୍ ୬୦ କରେ ଅଲ୍ଲାକାନା ।

ନେ ଚିଟାଉ ବିଷେଶ୍‌କେଦ୍‌ତେ ଅକନ୍ ହଡ଼କ ହସଡ଼ଖ୍ରୀଷ୍ଟିକେକ ଅତଙ୍ଗ୍‌କ୍ ତାଇକେନା, ଏନ୍ ସବେନ୍ ଖ୍ରୀଷ୍ଟିୟାନ୍ ହଡ଼କକେ ଚେତାଅକ ନାଗେନ୍ତେ ଅଲ୍ଲାକାନ୍ ତାଇକେନା । ଇନିଃ ଆୟାଃ କାପ୍‌ଜିକେ ପକ୍‌ତାଏ ନାଗେନ୍ତେ ମାରି ନିୟାମ୍‌ରେୟାଃ ଅନଲ୍ ଆତଃ ହବାକାନ୍‌ତେୟାଃ ଅଲ୍‌ମେସାକାଦାଏ । ନେ ଚିଟାଉରେ ହସଡ଼ ଇଡୁକଆଃ ବିରୁଧ୍‌ରେ ପାଡ଼ରାସ୍‌ଆଃ ଏଟାଃ ଚିଟାଉରେ ଅଲ୍ଲାକାନ୍‌ତେୟାଃକ ଜକାଃଅତାନା । ନେଆଁରେ ଦୁଁଡ଼କ ଆତଃ ସଦୋମ୍ ଗମ୍‌ରା ବିଷାଏରେହଗି ଅଲ୍ଲାକାନା ଯିହୁଦା ୧:୪ ପାଦ୍ ଆତଃ ୨ ପାଡ଼ରାସ୍ ୨:୧ ।

ପୁଅ ବିଚାରରେ ତାଇକାନ୍ କାଜି

- ୧. ଯିହୁଦା ସିଦାତେ ଆୟାଃ ପାଢ଼ାଅନିକୁକେ ପାରିଚାଏ ଏମାଃଏ । ୧:୧-୨
- ୨. ହସଡ଼ ଇଡୁକଆଃ ବିରୁଧ୍‌ରେ ଚେତାଅକ ତାନା । ୧:୩-୪
- ୩. ଇନିଃ ମାରି ନିୟାମ୍‌ରେନ୍ ହଡ଼କକେ ଆତଃ ହବାକାନ୍‌ତେୟାଃ ଇଦିକେଦ୍‌ତେ ନାମୁନା ଏମାଃଏ । ୧:୫-୧୬
- ୪. ଯାକୁବ୍‌ଆଃ ଚେନେତାଅ କାଜିରେ ଇନ୍‌କୁଆଃ କାମି ଚିନାଃ ହବାଅଃଆ ଏନ୍ ବିଷାଏରେ କାଜିକାଦା । ୧:୧୭-୨୩
- ୫. ତୁଣ୍ଡୁରେ ପାର୍‌ମେଶ୍ୱାର୍‌କେ ମାଇନାନ୍ ଏମ୍‌କେଦ୍‌ତେ ଚିଟାଉକେ ଅଲ୍ ଚାବାକେଦା । ୧:୨୪-୨୫

୧* ଆଇଙ୍ଗ୍ ଯିହୁଦା, ଯୀଶୁ ଖ୍ରୀଷ୍ଟିଆଃ ମିଆଁଦ୍ ଦାସି, ଆତଃ ଯାକୁବ୍‌ଆଃ ହାଗାତେ ତାନିଙ୍ଗ୍ । ପାର୍‌ମେଶ୍ୱାର୍ ଅକନ୍‌କକେ କେଡ଼ାକାଦ୍‌କଆ, ଆପୁ ପାର୍‌ମେଶ୍ୱାର୍ ଅକନ୍‌କକେ ଦୁଲାଡ଼କାଦ୍‌କଆ, ଆତଃ ଯୀଶୁ ଖ୍ରୀଷ୍ଟି ନାଗେନ୍ତେ ଅକନ୍‌କ ଜାଡ଼ନାଅକେଦ୍‌ତେ ମାଣ୍ଡାଅକାନାକ, ଇନ୍‌କୁତାଃତେ ନେ ଚିଟାଉ ଅଲେତାନାଇଙ୍ଗ୍ ।

୨ ପାର୍‌ମେଶ୍ୱାର୍‌ଆଃ ଲିନିରୁଇ, ଜୀଉସୁକୁ, ଆତଃ ଦୁଲାଡ଼୍ ପୁରାଃଗି ଆପେଲଃ ହବାଃଆକା ।

ହସଡ଼ ଇନିଡୁକ

୩ ହେ ଦୁଲାଡ଼୍ ହାଗା ମିଗିକ, ଆଇଙ୍ଗ୍ ଆରୁ ସବେନ୍‌କଆଃ ଏନ୍ ମିଆଁଦ୍ ଜୀଉବାଞ୍ଚାଅ ବିଷାଏରେ ପୁରାଃ ଚିହୁଲ୍‌ତାନ୍‌ଲଃ ଆପେତାଃତେ ଅଲ୍ ନାଙ୍ଗ୍ ସାନାଙ୍ଗ୍ ତାଇକେନାଇଙ୍ଗ୍ । ମେନ୍‌ଦ ପାର୍‌ମେଶ୍ୱାର୍ ଆୟାଃ ପାରିଚାର୍ ହଡ଼କକେ ମିସାଗି ଏମାକାଦ୍‌କ ବିଶ୍ୱାସ୍ ନାଗେନ୍ତେ ଲାଡ଼ାଇ ଆତଃ ଆପେକେ ଜୀଉରେ ରାସ୍‌କା ଏମ୍ ନାଗେନ୍ତେ ଅଲ୍ ନାଙ୍ଗ୍ ଲାଗାଡ଼ିଙ୍ଗ୍‌ୟାଃ ମେନ୍ତେକେକ୍ ମନେକେଦା । ୪ ଚିମିନ୍ ହଡ଼କଦ ଉକୁଡ଼କୁଡେକ ବଲିଆକାନା, ଇନ୍‌କୁ ନାଗେନ୍ତେ ନାଙ୍ଗ୍ ପାରିୟାଏତେ ନେ ସାଜାଇରେୟାଃ ବିଚାର୍ କାଜିଆୟାକାନା । ଇନ୍‌କୁ ଏଡ଼କାନ୍‌କତାନ୍‌କ ଆତଃ ଆରୁଆଃ ପାର୍‌ମେଶ୍ୱାର୍‌ଆଃ ସାୟାଦ୍ ବିଷାଏରେୟାଃ କାଜିକେ ବାଦ୍‌ଲାଏତାନାକ । ଆତଃ ଆରୁଆଃ ମିଆଁଦ୍‌ଗି ଗମ୍‌କେ ଆତଃ ପ୍ରାଡୁ ଯୀଶୁ ଖ୍ରୀଷ୍ଟିକେ କାକ ମାନାଡ଼ିଙ୍ଗ୍ ତାନା ।

୫ ପ୍ରାଡୁ ମିସାର୍ ଦିଶୁମ୍‌ଏତେ ଇସାଏଲ୍ ହଡ଼କକେ ବାଞ୍ଚାଅକେଦ୍‌କଆ, ଆତଃ କା ବିଶ୍ୱାସ୍‌ତାନ୍‌କକେ ଜିୟନ୍‌କେଦ୍‌କଆ ନେ ସବେନାଃ ଆପେ ସାରିତାନ୍‌ରେୟ, ଆଇଙ୍ଗ୍ ଆପେକେ ପାହାମ୍‌ଇଚି ନାଙ୍ଗ୍ ମନେକେଦାଇଙ୍ଗ୍ । ୬ ଦୁଁଡ଼କ ଆକଆଃ ମାରାଙ୍ଗ୍ ଠାୟାଦ୍ କା ଦହକେଦ୍‌ତେ ଆକଆଃ ତାଇନଃ ଠାୟାଦ୍ ବାଗିକେଦାକ । ପାର୍‌ମେଶ୍ୱାର୍ ଇନ୍‌କୁକେ ଏନ୍ ମାରାଙ୍ଗ୍ ସାଜାଇହୁଲାଇଙ୍ଗ୍ ଜାକେଦ୍ ଜାନାଅ ଜାନାଅରେୟାଃ ସିକ୍ତି ତନଲ୍‌ରେ ତଲ୍‌କେଦ୍‌ତେ ନୁବାଗାକାନ୍ ଠାୟାଦ୍‌ରେ ଦହକାଦ୍‌କଆ, ଏନା ପାହାମେପେ । ୭ ସୋଦମ୍ ଆତଃ ଗମ୍‌ରା, ଆତଃ ହପ୍‌ରଜାପାଃକରାଃ ନାଗାର୍‌ରେନ୍ ହଡ଼କକେ ପାହାମ୍‌କପେ । ଇନ୍‌କୁ

* ୧:୧ ୧:୧ ମାଥୁଉ ୧୩:୫୫; ମାର୍କ ୬:୩.

ଆପାଞ୍ଚିରକାମି ଆଡ଼ଃ କା ବାୟୁଃଲେକାନ୍ ଏଡ଼କାନ୍କାମିକରେକ ବାଲୁୟାନା । ଏଟାଃ ସବେନ୍କକେ ଚେତାଅ ନାଗେନ୍ତେ ଇନ୍କୁ ଜାନାଅ ସେଙ୍ଗେଲ୍ରେ ସାଜାଇକ ନାମେତାନା ।

୮ ଏନ୍ଲେକାଗି, କୁମୁନେଲ୍ତାନ୍ ନେ ସବେନ୍କହଗି ଆକଆଃ ହଡ଼ଫକ ସଡ଼ରାଏତାନା, ଆଡ଼ଃ ପାର୍ମେଶ୍ୱାର୍ଆଃ ଆକ୍ତେୟାର୍ କାକ ମାନାତିଙ୍ଗ ତାନା ଆଡ଼ଃ ମାନାରାଙ୍ଗ୍ରେୟାଃ ପେଡ଼େଃକେକ ହିଲାଙ୍ଗ୍ ତାନା । ୯୮ *ମେନ୍ଦ୍ ମୁଲ୍ ସିର୍ମାଦୁଡ଼୍ ମିଖେଲ୍ହ ନେ'ଲେକା କାମି କାଏ କାମିକାଦ୍ ତାଇକେନା । ମୁଗା ନାବୀରାଃ ଗଏଃ ହଡ଼ଫ ଇଦିକେଦ୍ତେ ସାଏତାନ୍ଲଃ କାପ୍ତିତାଇକେନ୍ ଇମ୍ତା ମିଖେଲ୍ ନିନ୍ଦାକେଦ୍ତେ ସାଏତାନ୍କେ କାଏ ବିଚାରକାଇ ତାଇକେନା । ପ୍ରାଭୁ ଆମ୍ବେ ଏଗେର୍ମେକାଏ ମେନ୍ତେ ଇନିଃ କାଜିକାଦ୍ ତାଇକେନାଏ । ୯୯ ମେନ୍ଦ୍ ନେ ହଡ଼କ ଅକ୍ନାଃ କାକ ଆଟ୍କାର୍ତ୍ତରୁମେୟା ଏନ୍ ବିଷାଏରେ ଏଡ଼କାନ୍ କାଜିକ କାଜିୟା, ଆଡ଼ଃ ଜାଁତୁ ଲେକା ଆକଆଃ ସଭାବ୍ଲଃ ଆଟ୍କାର୍ତ୍ତରୁମାଃଆକ, ଆଡ଼ଃ ଏନ୍ ସବେନାଃ ନାଗେନ୍ତେ ଜିୟନଃଆ । ୧୦୦ ହାଏ, ଇନ୍କୁ ନାଗେନ୍ତେ ନେଆଁ ପୁରାଃ ବରଝାନ୍ଗିୟା, ଚିୟାଃଟି ଇନ୍କୁଦ କୟିନ୍ଆଃ ଏଡ଼କାନ୍ ହରାକ ଅଡ଼ଙ୍ଗକାଦା । ବାଲାମ୍ ଟାକା ପାଏସାରାଃ ହାୟାତେ ଭୁଲ୍ କାମିକେଦାଏ । ଏନ୍ଲେକାଗି ଇନ୍କୁ ବେଦାକାନାକ ଆଡ଼ଃ କୋରହ ଲେକା ହାଲାଗୁଲ୍ରେକ ଜିୟନଃତାନା । ୧୦୧ ଇନ୍କୁ ବେଗାର୍ ଗିହୁଃତେ ଆପେଲଃ ଜମ୍ ନୁଁ କେଦ୍ତେ ଆପେୟାଃ ଦୁପୁଲ୍ଲାଡ଼୍ ମେନେସା ଜମେୟାଃରେ ମାଇଲ୍ଲାନାନ୍ ଦାଗ୍ଲେକାନ୍କ ତାନ୍କ । ଇନ୍କୁ ଆକଆଃନାଙ୍ଗ୍ ଏସକାର୍ ଜାତାନ୍ଇଦିୟାକ, ଇନ୍କୁ ହୟତେ ଅଟାଙ୍ଗ୍ଆଃତାନ୍ ଦାଆଃ ବାନଃ ରିମିଲ୍ ଲେକାନ୍କ ତାନ୍କ । ଇନ୍କୁ ରାବାଙ୍ଗ୍ ସାହାରେ ଜି ବାନଃ ଦାରୁ ଲେକାନ୍କ ତାନ୍କ, ଆଡ଼ଃ ରେହେଦ୍ସାମେଦ୍ ତୁଦ୍କେଦ୍ତେ ଗଜାକାନ୍ ଲେକାନ୍କ ତାନ୍କ । ୧୦୨ ଇନ୍କୁ ଦରେୟାରାଃ ବରଝାନ୍ ଆଲ୍ପୁଙ୍ଗ୍ ଲେକାନ୍କ ତାନ୍କ, ଆକଆଃ ଗିହୁଗଃ ଲେକାନ୍ କାମିକ ପୁଡ଼ରିଦ୍ ଲେକା ଚେତାନ୍ରେ ନେଲଃତାନା । ଇନ୍କୁ ହନରବାଡ଼ାତାନ୍ ଇପିଲ୍ଲକ ଲେକାନ୍କ ତାନ୍କ, ପାର୍ମେଶ୍ୱାର୍ ଇନ୍କୁନାଙ୍ଗ୍ କୁଲ୍କୁଲ୍ ନୁବାଃରେୟାଃ ଗାଡ଼ା ଜାନାଅ ଜାନାଅ ନାଙ୍ଗ୍ ଦହାକାଦାଏ ।

୧୦୩ ଆଦାମ୍ତାଃଏତେ ସାଡ଼ୁ କିଲିରେନ୍ ହନୋକ୍ ନୁତୁମ୍ ହଡ଼ ସିଦା ଦିପିଲିଏତେ ନେ ବିଷାଏରେ ଆୟାର୍କାଜି କାଜିକାଦ୍ ତାଇକେନା : “ପ୍ରାଭୁ ଆୟାଃ ହାଜାର୍ ହାଜାର୍ ପାବିତାର୍ ଦୁଡ଼କଲଃ ୧୦୪ ସବେନ୍କଆଃ ବିଚାର୍ ନାଗେନ୍ତେ ହିଜୁଃଆ । କା ଧାର୍ମାନ୍ ହଡ଼କ ଏଡ଼କାନ୍ କାମିକାଦ୍ ନାଗେନ୍ତେ ଆଡ଼ଃ ପ୍ରାଭୁଆଃ ବିରୁଧ୍ରେ ଏଡ଼କାନ୍ କାଜି କାଜିକାଦ୍ ନାଗେନ୍ତେ ଜୀଉରେ ସାଜାଇ ଏମାକଆଏ ।”

୧୦୫ ନେ ହଡ଼କ ସବେନ୍ ଇମ୍ତା କା ସୁକୁଆନ୍ କାଜିକ କାଜିତାନା ଆଡ଼ଃ ଏଟାଃକକେ ଚିଟାକ ତାନା । ଇନ୍କୁ ଆକଆଃ ଏଡ଼କାନ୍ ସାନାଙ୍ଗ୍ଲେକାକ ସେସେନ୍ତାନା, ଆକଆଃ ମଚାଏତେ ମାପ୍ପରାଙ୍ଗ୍ କାଜିକ ଅଡ଼ଙ୍ଗ୍ଆଃତାନା ଆଡ଼ଃ ଇନ୍କୁ ଆକଆଃ ବୁଗିନାଃ ନାଗେନ୍ତେ ଏଟାଃକଆଃ ମାଇନାନ୍ କାଜିକ କାଜିୟାଃ ।

ଚେତାଝାନ୍ କାଜି ଆଡ଼ଃ ଇତୁଆନ୍ କାଜି

୧୦୬ ହେ ଦୁଲ୍ଲାଡ଼୍ ହାଗା ମିଗିକ, ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟିଆଃ ପ୍ରେରିଡ଼କ ସିଦା ଦିପିଲିରେ କାଜିକାଦ୍ତେୟାଃ ପାହାମେପେ, ୧୦୭ *ଇନ୍କୁ ଆପେକେ କାଜିକାଦ୍ପେୟାକ, “ତୁଣ୍ଡୁ ଦିପିଲି ହିଜୁଃରେ, ଆକଆଃ ଏଡ଼କାନ୍ ସାନାଙ୍ଗ୍ରେ ସେସେନ୍ତାନ୍ ହଡ଼କ ହିଜୁଃଆ ଆଡ଼ଃ ଆପେକେ ଲାନ୍ଦାପେୟାକ ।” ୧୦୮ ଏନ୍ ହଡ଼କଗି ବିନ୍ଗାଅଡେୟାଃ ଏଚେଦାଃକ । ଇନ୍କୁ ଆକଆଃ ହଡ଼ଫରାଃ ଏଡ଼କାନ୍ ସାନାଙ୍ଗ୍ତେ ସେସେନାଃକ ଆଡ଼ଃ ଇନ୍କୁରେ ପାର୍ମେଶ୍ୱାର୍ଆଃ ଆମ୍ବା ବାନଃଆ । ୧୦୯ ମେନ୍ଦ୍ ହେ ଦୁଲ୍ଲାଡ଼୍, ଆପେ ପାବିତାର୍ ଧାରାମ୍ ବିଶ୍ୱାସ୍ରେ ଆପେୟାଃ ଜୀଝାନ୍କେ ବାଇକାତେପେ, ଆଡ଼ଃ ପାବିତାର୍ ଆମ୍ବାରାଃ ପେଡ଼େଃତେ ବିକ୍ତିପେ । ୧୧୦ ଆଡ଼ଃ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟିଆଃ ଲିବୁଇତେ ଜାନାଅ ଜୀଦାନ୍ ନାମେ ନାଙ୍ଗ୍ ତାଙ୍ଗିତାନ୍ଲଃ ପାର୍ମେଶ୍ୱାର୍ଆଃ ଦୁଲ୍ଲାଡ଼୍ରେ ତାଇକାନ୍ଦେ ।

୧୧୧ ଆଡ଼ଃଉଡ଼ଃଗଃ ତାନ୍ ହଡ଼କଆଃ ମନ୍ରେ ଲିନିବୁଇ ଉଦୁବ୍କପେ; ୧୧୨ ଏଟାଃକକେ ସେଙ୍ଗେଲ୍ହେତେ ଆଇଜ୍ ଅଡ଼ଙ୍ଗକତାନ୍ ଲେକା ବାଞ୍ଚାଅକପେ, ଆଡ଼ଃ ଚିମିନ୍ ହଡ଼କଆଃ ପାପ୍ତେ ହୁମୁଆକାନ୍ ତୁସିଙ୍ଗ୍ ଲିଜାଃକେହ ହିଲାଙ୍ଗ୍ୟେପେ, ମେନ୍ଦ୍ ବରତାନ୍ଲଃ ଇନ୍କୁକେ ଲିବୁଇକପେ ।

ଧାନ୍ୟାବାଦରାଃ ବିକ୍ତି

୧୧୩ ଅକଏଚି ଆପେକେ ଗୁଞ୍ଜାଏତେ ବାଚାଅ ଦାଡ଼ିୟାଏ, ଆଡ଼ଃ ଆୟାଃ ମାନାରାଙ୍ଗ୍ରେୟାଃ ଆୟାର୍ରେ ବେଗାର୍ ଚିଟାକାନ୍ ଆଡ଼ଃ ପୁରାଃ ରାସକାତେ ଆଉ ଦାଡ଼ିୟାଏ, ୧୧୪ ଏନ୍ ପ୍ରାଭୁ ଯୀଶୁ ଖ୍ରୀଷ୍ଟିଆଃ ହରାତେ ଆବୁଆଃ ମିଆଁଦ୍ଗି ଜୀଉବାଞ୍ଚାଅନିଃ ପାର୍ମେଶ୍ୱାର୍ଆଃ ମାନାରାଙ୍ଗ୍, ମାଇନାନ୍, ପୁରାଃ ପେଡ଼େଃ, ଆଡ଼ଃ ଆକ୍ତେୟାର୍, ସବେନ୍ ଯୁଗ୍ହେତେ ସିଦା, ନାହାଃ ଆଡ଼ଃ ଜାନାଅ ଜାନାଅଗି ଆୟାଃ ହବାଅଃକା ! ଆମେନ୍ ।

* ୧:୯ ୧:୯ ଉନ୍ନୁଦୁବ୍ କାଜି ୧୨:୭. * ୧:୧୮ ୧:୧୮ ୨ ପାଡ଼ରାସ୍ ୩:୩।

ଯୋହନକ ପ୍ରତି ପ୍ରକାଶିତ ବାକ୍ୟ ଯୋହାନୁଆଃ ନାଗେନ୍ତେ ଉତ୍କଳୁକ କାଜି ପାରିଚାଏ

ଯୋହାନୁଆଃ ଉତ୍କଳୁକ କାଜି ନାମ୍ନା ନିୟାମରେୟାଃ ଚୁଣ୍ଡୁପୁଅ ତାନାଃ । ନେ ପୁଅ ଯୀଶୁଆଃ ଜାନାମରେୟାଃ ୯୫ ଦିପିଲିକରେ ଯୋହାନୁଆଃ ହରାତେ ଅଲକାନ୍ ତାଇକେନା, ୧:୧ । ଇନିଃ ଯୋହାନୁ ସୁକୁକାଜିଲଃ ଆତଃ ଆପିୟା ଚିଟାଉ ହରି ଅଲକାଦାଏ, ଏନା ହବାଅଃତାନା, ୧ ଯୋହାନୁ, ୨ ଯୋହାନୁ ଆତଃ ୩ ଯୋହାନୁ । ନେ ଯୋହାନୁକେ ଯୀଶୁ ପୁରାଃଗି ଦୁଲ୍ଲାତ୍ ତାଇକେନା ମେନ୍ତେ ସାରିୟାଃ ତାଇକେନା, ଯୋହାନୁ ୧୩:୨୩ । ଯୋହାନୁ ଆଇସଲ୍ୟାଣ୍ଟରେୟାଃ ପାତ୍ତମସ୍ ଟାପୁରେ ତାଇକେନ୍ ଇମ୍ତା, ନେ ଉତ୍କଳୁକ କାଜିକେ ଅଲକାଦ୍ ତାଇକେନା । ଚିୟାଃତି ଯୀଶୁ ଖ୍ରୀଷ୍ଟୁଆଃ ସୁକୁକାଜି ଉତ୍କଳୁ ନାଗେନ୍ତେ ଏନ୍ତାଃତେ ଇନିଃକେ କୁଲକାନ୍ ତାଇକେନା, ୧:୯ ।

ଯୀଶୁଆଃ ହିନିଜୁଃ ଦିପିଲି ସେଟେର୍ ତାଇକେନ୍ ହରାତେ, ଯୀଶୁ ଖ୍ରୀଷ୍ଟୁତାଃରେ ପାତିୟାର୍ତ୍ତ ଲେକା ତାଇନଃ ନାଗେନ୍ତେ ନେ ପୁଅକେ ପାତ୍ତାଏ ହତକକେ ଜୀଉରେ କେଟେଦ୍ ଆତଃ ଆସ୍ତା ଏମ୍ ନାଗେନ୍ତେ ଯୋହାନୁ ନେ ଚିଟାଉ ଅଲକାଦାଏ, ୧:୩;୨୨:୭ । ଇନିଃ ସବେନ୍ ବିଶ୍ୱାସୀକକେ ଆତଃ ବିଶେଷକେଦ୍ତେ ଏୟା କାଲିସିୟାକକେ ନେ ଚିଟାଉ ଅଲକାଦାଏ, ୨-୩ । ଯୋହାନୁ ଆୟାଃ ଅନଲ୍ରେ ଆୟାର୍କାଜି ୧:୩ ଆତଃ ଆଇଃକ୍ ନେଲକାଦ୍ ରାକାମ୍ ରାକାମ୍ ମୁରୁଦ୍ ବିଷାଏରେ ଅଲକାଦା । ନେ ପୁଅରେୟାଃ ଚିମିନ୍ ଅନଲ୍ତେୟାଃ ମାରି ନିୟାମରେୟାଃ ଅନଲ୍ଲଃ ମିଦ୍ରିୟା, ବିଶେଷକେଦ୍ତେ ଜାଖ୍ରିୟା ୬:୧-୮ ରେ ନାମେ ତାନାବୁ ।

ଏନା ହବାଅଃତାନା ଏୟା ବିଜୁଲବାଜା ଆତଃ ଏୟା ତୁଭାରେୟାଃ ବିଷାଏରେ ଅକଆଃତି ପାର୍ମେଶ୍ୱାର୍ ମିସାର୍ରେନ୍ ହତକକେ ସାସାତି ଏମ୍ ନାଗେନ୍ତେ ଦୁକୁହାସୁ କୁଲକେଦା ହରାସେନ୍ପୁଅ ୭-୯ । ଉତ୍କଳୁକରେୟାଃ ପୁଅ ଚୁଣ୍ଡୁଦିପିଲିକେ ଉଦୁବେ ତାନା । ଯୀଶୁ ଚୁଣ୍ଡୁରେ ଜିତାଅଃଖା ଆତଃ ଅକ ହତକ ଆୟାଃତାଃରେ ଆସ୍ତା ଦହେୟାକ, ଇନ୍କୁ ଜାନାଅ ଜାନାଅଗି ଆୟାଃଲଃ ତାଇନାଃକ । ନେ ପୁଅ ଆପାନ୍କେ ଚେତାଅ ଆତଃ ଆସ୍ତା ଏମ୍ ତାନାଏ ଯେ, ଯୀଶୁ ଜାଲ୍ଦିଗି ହିଜୁଃତାନା ।

ପୁଅ ଜିତାରେ ତାଇକାନ୍ କାଜି

- ୧. ଯୋହାନୁଆଃ ପାରିଚାଏ ଆତଃ ଆଇଃକ୍ ନେଲକାଦ୍ ଆୟାର୍କାଜିରେୟାଃ ଦାର୍ଶାନ । ୧:୧-୨୦
- ୨. ଯୀଶୁ ଖ୍ରୀଷ୍ଟୁଆଃଏତେ ଏୟା କାଲିସିୟା ନାଗେନ୍ତେ ଯୋହାନୁଆଃ କାନାଜି । ୧:୧-୩:୨୨
- ୩. ଏୟା ମୋହର୍ । ୪:୧-୮:୫
- ୪. ଏୟା ବିଜୁଲବାଜା । ୮:୬-୧୧:୧୯
- ୫. ସାଏତାନଲଃ ହନକଆଃ ଲାଡାଇ । ୧୨:୧-୧୪:୨୦
- ୬. ଖ୍ୱରେୟାଃ ଏୟା ତୁଭା । ୧୫:୧-୧୬:୧-୧୮
- ୭. ପାର୍ମେଶ୍ୱାର୍ ସିମା ଦିଶ୍ୱମ୍ରେ ଆୟାଃ ବାଇରି ସାଏତାନ୍କେ ହାରାଅଇୟା । ୧୭:୧-୨୦:୧୫
- ୮. ନାମ୍ନା ସିମା ଦିଶ୍ୱମ୍ ଆତଃ ନାମ୍ନା ଅତେଦିଶ୍ୱମ୍ । ୨୧:୧-୨୨:୨୧

୧ ପାର୍ମେଶ୍ୱାର୍, ଯୀଶୁ ଖ୍ରୀଷ୍ଟୁତାଃରେ ଉଦୁବାକାଦ୍ କାଜିକ ନେ ପୁଅରେ ଅଲକାନା, ଅକଆଃତି ହୁଡିଙ୍ଗ୍ ଦିପିଲିରେଗି ହବାଅଃ ଲାଗାତିଙ୍ଗ୍ୟାଃ । ଏନ୍ ସବେନାଃ ଆୟାଃ ଦାସିକକେ ଉଦ୍ବାକ ନାଙ୍ ଖ୍ରୀଷ୍ଟୁ ଆୟାଃ ଦାସି ଯୋହାନୁକେ ନେ ସବେନାଃ ସାରିକାଏ ମେନ୍ତେ ମିଆଁଦ୍ ଦୁଡ୍ତକେ ଇନିଃତାଃତେ କୁଲକିୟା । ୨ ଆତଃ ଯୋହାନୁ ଆଇଃକ୍ଗି ନେଲକାଦ୍ତେୟାଃ ସବେନାଃଏ ଉଦୁବକେଦା । ନେ ଅନଲ୍ରେ ପାର୍ମେଶ୍ୱାର୍ଆଃ କାନାଜି ଆତଃ ଯୀଶୁ ଖ୍ରୀଷ୍ଟୁଆଃ ହରାତେ ସାର୍ତି କାଜିକ ଉଦୁବାକାନା । ୩ ଜେତାଏ ନେ ଚିଟାଉରେ ଅଲକାନ୍ କାଜିକ ପାତ୍ତାୟାଏ ଆତଃ ଅକନ୍କ ଏନାରେ ଅଲକାନ୍ ଆୟାର୍କାଜିକେ ଆୟୁକେଦ୍ତେକ ମାନାତିୟେଆ, ଇନ୍କୁ ସୁକୁତାନ୍ରିୟା, ଚିଆଃତି ଏନ୍ ସବେନାଃ ହବାଅଃରେୟାଃ ନେତା ନାଡ଼େଃଗିୟା ।

ଏୟା କାଲିସିୟାକକେ ଜହାର୍

୪ *ଯୋହାନୁ ଏସିଆ ପାର୍ଗାନ୍ରେ ତାଇନ୍ତାନ୍ ଏୟା କାଲିସିୟାକକେ ଆଇଁୟାଃ ଜହାର୍ । ପାର୍ମେଶ୍ୱାର୍ତାଃଏତେ ଆପେୟାଃ ସାୟାଦ୍ ଆତଃ ଜୀଉସୁକୁ ହବାଅଃକା, ଅକ୍ନିଃଚି ମେନାଇନିଃ, ତାଇକେନ୍ନିଃ, ହିଜୁଃନିଃ, ଆତଃ ଆୟାଃ ରାଜ୍ଗାଦି ସାମ୍ନାଙ୍ଗ୍ରେ ତାଇକାନ୍ ଏୟା ଆମ୍ନାତାଃଏତେ, ୫ ଆତଃ ଗନଏଃକଏତେ ପାହିଲା ଜୀଉ ବିରିଦାକାନ୍ନିଃ, ପାତିୟାର୍ତ୍ତ ଲେକାନ୍ ଗାଞ୍ଜା ଆତଃ

* ୧:୪ ୧:୪ ଉତ୍କଳୁକ କାଜି ୪:୫.

ଅତେଦିଶୁମ୍ବରେନ୍ ରାଜାକଥାଃ ରାଜା ଯଶୁ ଶ୍ରୀଷ୍ଠିଆଃ ସାୟାଦ୍ ଆତଃ ଜୀଉସୁକୁ ଆପେୟାଃ ହବାଅଃକା । ଇନିଃ ଆବୁକେ ଦୁଲ୍ଲାଡ୍ ରିକାଃଏ ଆତଃ ଆୟାଃ ଦାଣ୍ଠି ରାକାଦ୍ ଗନଏଃ ହରାତେ ଆବୁକେ ପାପ୍ତହେତେ ରାଡାକାଦ୍ବୁଆ । ୭ *ଆତଃ ଆୟାଃ ଆପୁ ପାର୍ମେଶ୍ଵାର୍ଆଃ ସେଞ୍ଜା ନାଗେନ୍ତେ ଇନିଃ ଆବୁକେ ରାଜ୍ଜ ରିକାଏ ଲେକା ରାଜାଉଡ଼ି କିଲି ଆତଃ ମିଆଁଦ୍ ଯାଜାକ୍ ଲେକାଏ ବାଇୟାକାଦ୍ବୁଆ । ସବେନ୍ ମାନାରାଜ୍ ଆତଃ ପେଡ଼େଃ ଜାନାଅ ଜାନାଅ ଜାକେଦ୍ ଯଶୁ ଶ୍ରୀଷ୍ଠିଆଃ ହବାଅଃକା ! ଆମେନ୍ ।

୭ *ନେଲେପେ, ଇନିଃ ରିମିଲ୍ରେ ହିଜୁଃତାନା, ଅତେଦିଶୁମ୍ବରେନ୍ ସବେନ୍ ହଡ଼କ ଇନିଃକେ ନେଲିୟାକ, ଆତଃ ଅକନ୍କ ଆଇଃକକେ କିଲାକାଇ ତାଇକେନାକ ଇନ୍କୁ ହରି ଇନିଃକେ ନେଲ୍କେଦ୍ତେ ବରଞ୍ଜାଇତାନଲଃ ଏୟମେୟାକ । ନେ ସବେନାଃ ସାର୍ତ୍ତିଗି ହବାଅଆଃ ! ଆମେନ୍ ।

୮ *ପେଡ଼େୟାନ୍ ପ୍ରାଭୁ ପାର୍ମେଶ୍ଵାର୍ କାଜିତାନାଏ, “ଆଇଙ୍ଗ୍ଗି ଏନେଟେଦ୍ ଆତଃ ଚୁଣ୍ଡୁତାନିଙ୍ଗ୍,” ସିଦାରେ ତାଇକେନାଇଙ୍ଗ୍, ନାହାଃ ମେନାଇୟା ଆତଃ ହିଜୁଃ ଦିପିଲିରେଇଙ୍ଗ୍ ହିଜୁଃଆ ।

ୟଶୁ ଶ୍ରୀଷ୍ଠିଆଃ ଉଦୁବେନ୍

୯ ଆଇଙ୍ଗ୍ ଯୋହାନ୍, ଆପେୟାଃ ହାଗା, ଆତଃ ଯଶୁଆଃ ଅତଙ୍ଗିନିଃ ହବାୟାନ୍ତେ ଆୟାଃ ରାଜ୍ଜରେୟାଃ ହଡ଼କ ଚେତାନରେ ହବାଅଃତାନ ଦୁକୁହାସୁକେ ଧିରାଜ୍ ସାବ୍କେଦ୍ତେ ସାହାଡ଼ିଙ୍ଗ୍ ନାଗେନ୍ତେ ଆଇଙ୍ଗ୍ ଆପେୟାଃ ମିଆଁଦ୍ ହିସାଦାର୍ ତାନିଙ୍ଗ୍ । ଯଶୁ ଉଦୁବ୍କାଦ୍ ସାନାର୍ତ୍ତି ଆତଃ ପାର୍ମେଶ୍ଵାର୍ଆଃ ବାତାନ୍ ଉଦୁବ୍କେଦ୍ ହରାତେ ଆଇଙ୍ଗ୍ ପାଡ଼ମ୍ବ ଟାପୁଡେଇଙ୍ଗ୍ କୁଲ୍ଲାନାନ୍ ତାଇକେନା । ୧୦ ପ୍ରାଭୁଆଃ ହୁଲ୍ଲାଇଙ୍ଗ୍ରେ ପାବିତାର୍ ଆମ୍ବା ଆଇଙ୍ଗ୍କେ ଆବ୍ରାଅକେଦିୟା, ଆତଃ ଆଇୟାଃ ତାୟମ୍ସାଃରେ ବିଙ୍ଗୁଲ୍ ବାଜା ସାଡ଼ିଲେକା ମିଆଁଦ୍ ପୁରାଃଗି ସାଡ଼ିଇଙ୍ଗ୍ ଆୟୁମ୍କେଦା । ୧୧ ଜେତାଏ ମିହୁଡ୍ ଆଇଙ୍ଗ୍କେ କାଜିକେଦିୟା, “ଆମ୍ ନେଲ୍ତାନ୍ତେୟାଃ ମିଆଁଦ୍ ପୁଥ୍ରେ ଅଲ୍କେଦ୍ତେ ଦହେମେ ଆତଃ ଏଫିସୁସ୍, ସ୍ପର୍ଣ୍ଣା, ପାର୍ଗାମ୍, ଥୁୟତିରା, ସାଦ୍ ସ୍, ଫିଲ୍ଲାଦେଲ୍ଫିୟା, ଆତଃ ଲାଉଦକିଆ, ନେ ଏୟା କାଲିସିୟାତାଃତେ ନେ ପୁଥ୍ରେ କୁଲ୍ଲତାମେ ।”

୧୨ ଅକଏ ଆଇୟାଃଲଃ ଜାଗାର୍ତାନାଏ, ନେଆଁ ନେଲ୍ ନାଗେନ୍ତେଇଙ୍ଗ୍ ହେତାରୁହାଡ଼କେଦା ଆତଃ ଏୟା ସୋନାରାଃ ଦିଆ ମାଣ୍ଡାଅତେୟାଃ, ୧୩ ଆତଃ ଏନ୍ ଦିଆ ମାଣ୍ଡାଅତେୟାଃରାଃ ଆଲ୍ଲାରେ ମାନଞ୍ଜାହନ୍ଲେକା ମିହୁଡ଼କେଇଙ୍ଗ୍ ନେଲ୍କିୟା । ଆୟାଃ କାଟା ଜାକେଦ୍ ଜିଲିଙ୍ଗ୍ ଲିଜାଃ ତୁସିଙ୍ଗ୍ୟାକାନ୍ ଆତଃ ଆୟାଃ କୁଡ଼ାମ୍ରେ ସୋନାରାଃ କାସନାତେ ତଲ୍ବିହୁରାକାନ୍ ତାଇକେନା । ୧୪ ଇନିୟାଃ ବହଃରାଃ ଉଦ୍, କପା ଟାଏ ବାରାଦ୍ ଲେକା ପୁଣ୍ଡିଗି ତାଇକେନା ଆତଃ ଆୟାଃ ମେଦ୍ ସେଙ୍ଗେଲ୍ ଲେକା ଜୁଲଃତାଇକେନା । ୧୫ ଇନିୟାଃ କାଟା ସେଙ୍ଗେଲ୍ ଭାଗିରେ ଫାର୍ଡିକେଦ୍ତେ ଚାମ୍କାଅଃତାନ୍ ପିତାଲ୍ ଲେକା ଝାଲ୍ସାଃଅ ତାଇକେନା ଆତଃ ଆୟାଃ ସାଡ଼ି ଲିଙ୍ଗିୟାତାନ୍ ଦାଆଃରାଃ ସାଡ଼ି ଲେକା ଆୟୁମ୍ ତାଇକେନା । ୧୬ ଇନିଃ ଆୟାଃ ଜମ୍ଡିସାଃରେ ଏୟା ଇପିଲ୍କକେ ସାବାକାଦ୍କ ତାଇକେନାଏ, ଆତଃ ଆୟାଃ ମଟାଏତେ ବାରାନ୍ସାଃ ଲେସେରାକାନ୍ ତାରାଉଡ଼ି ଅତଙ୍ଗିଆଃ ତାଇକେନା, ଆତଃ ଆୟାଃ ମେଦ୍ମୁହାଁଡ଼ ତିକିନ୍ ସିଙ୍ଗି ଲେକା ଜୁଲଃ ତାଇକେନା । ୧୭ *ଆଇଙ୍ଗ୍ ଇନିଃକେ ନେଲ୍ଲଃଗି ଇନିୟାଃ କାଟା ସୁବାରେ ଗଜାକାନ୍ନିଃ ଲେକାଇଙ୍ଗ୍ ଉୟୁୟାନ୍ । ଇନିଃ ଆଇୟାଃ ଚେତାନରେ ଆୟାଃ ଜମ୍ଡିଃଇ ଦହକେଦ୍ତେ କାଜିକେଦା, “ଆଲ୍ମ୍ ବରଏୟା ! ଆଇଙ୍ଗ୍ଦ ଏନେଟେଦ୍ ଆତଃ ଚୁଣ୍ଡୁତାନିଙ୍ଗ୍ । ୧୮ ଆଇଙ୍ଗ୍ଗି ଜାନିଦ୍ନିଃ ତାନିଙ୍ଗ୍, ଆଇଙ୍ଗ୍ ଗଜାକାନ୍ ତାଇକେନାଇଙ୍ଗ୍, ମେନ୍ଦ୍ ନାହାଃ ଆଇଙ୍ଗ୍ ଜାନାଅ ଜାନାଅ ଜାନିଦ୍ଗି ତାଇନାଇଙ୍ଗ୍ । ଗନଏଃ ଆତଃ ହୁଆଙ୍ଗ୍ଗାଡ଼ା ଚେତାନରେ ଆଇୟାଃ ଆକ୍ତେୟାର୍ ମେନାଃ । ୧୯ ଏନାମେନ୍ତେ, ଆମ୍ ନେଲ୍ଲାକାଦ୍ତେୟାଃ, ନାହାଃ ହବାଅଃତାନ୍ତେୟାଃ, ଆତଃ ତାୟମ୍ତେ ହବାଅଃତେୟାଃ ଅଲ୍କେଦ୍ତେ ଦହେମେ । ୨୦ ଆଇୟାଃ ଜମ୍ଡିଃଇରେ ମେନାକ ଏୟା ଇପିଲ୍କ ଆତଃ ଏୟା ସୋନାରାଃ ଦିଆ ମାଣ୍ଡାଅତେୟାଃରାଃ ମୁଣ୍ଡି ହବାଅଃ ତାନା, ଏନ୍ ଏୟା ଇପିଲ୍କ ମେନ୍ଲେରେ ଏୟା କାଲିସିୟାରେନ୍ ଦୁଡ଼କ ତାନକ ଆତଃ ଏୟା ଦିଆ ମେନ୍ଲେରେ ଏୟା କାଲିସିୟା ତାନାଃ ।

୨

ଏଫିସୁସ୍ କାଲିସିୟା ନାଗେନ୍ତେ କାନାଜି

୧ “ଏଫିସୁସ୍ କାଲିସିୟାରେନ୍ ଦୁଡ଼ତାଃତେ ଅଲେମେ, ଜେତାଏ ଆୟାଃ ଜମ୍ ତିଃଇରେ ଏୟା ଇପିଲ୍ ଆତଃ ଏୟା ସୋନାରେୟାଃ ଦିଆ ଆଲ୍ଲାରେ ହିଜୁଃସେନଃ ରିକାଃଏ, ଇନିଃ ନେଆଁ କାଜିତାନାଏ, ୨ ଆଇଙ୍ଗ୍ ଆମାଃ କାଜିକାମିକ, କେଟେଦ୍ କାମିକ, ଆତଃ ଧିରାଜ୍କେଇଙ୍ଗ୍ ସାରିତାନା । ଆମ୍ ଏଡ଼କାନ୍ କାମିତାନକକେ କାମ୍ ସାହାଡ଼ିଙ୍ଗ୍ ଦାଡ଼ିୟା, ଏନାହ ଆଇଙ୍ଗ୍ ସାରିତାନାଇଙ୍ଗ୍ । ଅକ ହଡ଼କ,

* ୧:୭ ୧:୭ ଉତ୍କଳ କାଜି ୫:୧୦. * ୧:୭ ୧:୭ ମାଥୁର ୨୪:୩୦; ମାର୍କ ୧୩:୨୭; ଲୁକ ୨୧:୨୭; ୧ ଥେସଲନିକା ୪:୧୭; ଯୋହାନ୍ ୧୯:୩୪,୩୭; ମାଥୁର ୨୪:୩୦. * ୧:୮ ୧:୮ ଉତ୍କଳ କାଜି ୨୨:୧୩. * ୧:୧୭ ୧:୧୭ ଉତ୍କଳ କାଜି ୨:୮; ୨୨:୧୩.

ଆପାନକେ ପ୍ରେରିତ୍ ଫେନ୍ତେକ କାଜିନ୍ତାନା, ମେନ୍ଦ ସାର୍ତ୍ତିରେ ଇନ୍କୁ ପ୍ରେରିତ୍ ନାହାଁଲକ, ଇନ୍କୁକେ ବିଡାଅକେଦ୍ତେ ହସଡତାନକ ମେନ୍ତେମ୍ ଆର୍କାରକାଦକଆ । ୩ ଆମ୍ ଧରାଜ୍ ସାବାକାଦ୍ ହଡ୍ ତାନମେ । ଆଇଁୟାଃ ନୁଡୁମ୍ ନାଗେନ୍ତେ ଆମ୍ ଦୁକୁ ସାହାତିକ୍ତକେଦ୍ରେୟ କାମ୍ ଲାଗାୟାନା । ୪ ଏନ୍ରେୟ ଆମାଃ ବିରୁଧ୍ରେ ଆଇଁୟାଃ କାଜି ମେନାଃ, ଆମ୍ ସିଦାରେ ଚିଲକା ଦୁଲାଡ୍ ତାଇକେନାମ୍, ଏନ୍ଲେକା ଆମ୍ ନାହାଁଃ କାମ୍ ଦୁଲାଡ୍ ତାନା । ୫ ଆମ୍ ଅକ୍ତାଃଏତେମ୍ ଉୟୁଗାକାନା, ଏନା ପାହାମେମେ, ଆମାଃ ପାପ୍ତହେତେ ମନ୍ରୁହାଡ୍ତେମେ ଆତଃ ସିଦା ଲେକା ବୁଗିନ୍ କାମିକ କାମିମେ । ପାପ୍ତହେତେ ମନ୍ କାମ୍ ରୁହାଡ୍ତେରେଦ୍, ଆଇକ୍ ଆମାଃତାଃତେ ହିଜୁଃକେଦ୍ତେ ଆମାଃ ଦିଆ ଦହତେୟାଃକେଇକ୍ ଆତମେୟା । ୬ ମେନ୍ଦ୍ ମିଆଁଦ୍ ବୁଗିନ୍ କାଜି ଆମାଃତାଃତେ ମେନାଃ, ଏନା ହବାଅଃତାନା, ଆଇକ୍ ନିକଲୀତୀୟକଆଃ ସବେନ୍ କାଜିକାମିକଇକ୍ ହିଲାଇଁୟେତାନ୍ ଲେକା ଆମ୍ ହଗିମ୍ ହିଲାଇଁୟେତାନା ।

୭ * “ପାବିତାର୍ ଆମ୍ କାଲିସିୟାକକେ ଚିନାଃଏ କାଜିତାନା, ଏନା ଆୟୁମେ ନାଗେନ୍ତେ ଜେତାଏୟାଃ ଲୁଡୁର୍ ମେନାଃନିଃ ଆୟୁମେକାଏ । ଅକ୍ ହଡକ ଜିତାଅଃଃକ, ଆଇକ୍ ଇନ୍କୁକେ ପାରମେଶ୍ୱାର୍ଆଃ ପାରାଦେସ୍ରେୟାଃ ବାଗାଇତାରେ ଜ'ଅଃତାନ୍ ଜୀଦାନ୍ ଦାରୁରାଃ ଜ ଜମେନାକ୍ ଆକ୍ତେୟାର୍ ଏମାଇୟାକ୍ ।

ସ୍ପର୍ଶା କାଲିସିୟା ନାଗେନ୍ତେ କାନାଜି

୮ * “ସ୍ପର୍ଶା କାଲିସିୟାରେନ୍ ଦୁଡ୍ତାଃତେ ଅଲେମେ, ଅକ୍ଏ ପାହିଲା ଆତଃ ଚୁଣ୍ଡ ତାନିଃ, ଗଏଃକେଦ୍ତେ ଆତଃନିସା ଜୀଉବିରିଦ୍ୟାନାଏ, ଇନିଃ ନେଆଁ କାଜିତାନାଏ, ୯ ଆଇକ୍ ଆମାଃ ସବେନ୍ ନାରାଦୁରା ଆତଃ ଗାରିଦ୍ତେୟାଃକଇକ୍ ସାରିତାନା, ମେନ୍ଦ ସାର୍ତ୍ତି କାଜିଲେରେ ଆମ୍ କିସାଁଣ୍ ତାନମେ । ଅକ୍ ହଡକ ଆପାନକେ ଯିହୁଦୀ ମେନ୍ତେକ କାଜିନ୍ତାନା, ଇନ୍କୁ ଯିହୁଦୀ ନାହାଁଲକ ମେନ୍ଦ ସାଏତାନରାଃ ଝୁଣ୍ଡରେନ୍ ତାନକ, ଇନ୍କୁଆଃ ନିୟା କାଜିକଇକ୍ ସାରିତାନା । ୧୦ ଆମ୍ ଅକ୍ ଦୁକୁହାସୁ ନାମେ ନାଗେନ୍ତେମ୍ ସେନ୍ତାନା, ଏନା ନାଗେନ୍ତେ ଆଲମ୍ ବରଏୟା । ଆୟୁମେମେ, ସାଏତାନ୍ ଆମାଃଏତେ ଚିମିନ୍ ହଡକକେ ଜେହେଲ୍ ଇଦିକେଦ୍ତେ ବିଡାଅକଆ । ମେନ୍ଦ ଆମାଃ ନେ ନାରାଦୁରା ଗେଲେୟା ହୁଲାଇଁ ଜାକେଦ୍ ହବାଅଃଆ । ନେଆଁରେ ଗନ୍ଏଃରାଃ ବର ତାଇନ୍ରେୟ ଆମ୍ ଆଇଁୟାଃ ନାକ୍ ପାତିୟାର୍ରେଃ ଲେକାମ୍ ତାଇନଃ ରେଦ୍, ଆଇକ୍ ଆମକେ ଜୀଦାନ୍ରେୟାଃ ମୁକୁର୍ ଏମାମେୟାକ୍ ।

୧୧ * “ପାବିତାର୍ ଆମ୍ କାଲିସିୟାକକେ ଚିନାଃଏ କାଜିତାନା, ଏନା ଆୟୁମେ ନାଗେନ୍ତେ ଜେତାଏୟାଃ ଲୁଡୁର୍ ମେନାଃନିଃ ଆୟୁମେକାଏ । ଅକନ୍କ ଜିତାଅଃଃକ, ଇନ୍କୁଆଃ ବାର୍ସା ଗନ୍ଏଃ ହବାଅଃରେୟ ଜେଡ୍ନାଃ କା ହାନିୟଃଆ ।

ପାର୍ଗାମ୍ କାଲିସିୟା ନାଗେନ୍ତେ କାନାଜି

୧୨ “ପାର୍ଗାମ୍ କାଲିସିୟାରେନ୍ ଦୁଡ୍ତାଃତେ ଅଲେମେ, ଅକ୍ଏତାଃରେ ବାରାନ୍ସାଃ ଲେସେରାକାନ୍ ତାରାଡ୍ଡି ମେନାଃ, ଇନିଃ ନେଆଁ କାଜିତାନାଏ, ୧୩ ଆଇକ୍ ସାରିତାନାଇକ୍, ଆମ୍ ସାଏତାନରାଃ ରାଜ୍ଗାଦି ଆୟାର୍ରେମ୍ ତାଇନଃତାନା । ଏନ୍ରେୟ ଆମ୍ ଆଇଁୟାଃ ନୁଡୁମ୍କେ କେତେୟାନ୍ଗି ସାବାକାଦାମ୍, ଆତଃ ଆମ୍ ଆଇଁୟାଃ ନାଗେନ୍ତେ ପାତିୟାର୍ରେଃ ଲେକାନ୍ନିଃ ତାନମେ । ଆତଃ ଚିମ୍ତା ସାଏତାନରାଃ ତାଇନଃ ଠାୟାଦ୍ତାଃରେ ଆଇଁୟାଃ ମିଆଁଦ୍ ପାତିୟାର୍ରେଃ ଲେକାନ୍ ଗାଃ ଏମ୍ନିଃ ଆକ୍ତିପାକେ ଗଏଃକିୟାକ, ଇମ୍ତାହଗି ଆମ୍ ଆମାଃ ବିଶ୍ୱାସ୍ କାମ୍ ବାଗିକେଦା । ୧୪ ମେନ୍ଦ୍ ଆଇଁୟାଃ, ଆମାଃ ବିରୁଧ୍ରେ ଚିମିନ୍ କାଜିକ ମେନାଃ । ଏନ୍ତାଃରେ ଆମାଃଲଃ ତାଇନ୍ତାନ୍ ଚିମିନ୍ ହଡକ ବାଲୀମ୍ଆଃ ଇନିଡୁକେ ଅତକ୍ତାନାକ । ମୁରୁଡ୍ତାଃରେ ଦାନ୍ ରାକାବାକାନ୍ ଜମେୟାଃକେ ଜମ୍ନାକ୍ ଆତଃ ଆପାଜିର୍ କାମିକ ରିକା ନାଗେନ୍ତେ ଇସାଏଲ୍ ହଡକକେ ଆତୁକ ନାକ୍, ବାଲୀମ୍, ବାଲୀକ୍କେ ଇଡୁକାଇ ତାଇକେନା । ୧୫ ଏନ୍ଲେକାଗି ନିକଲୀତୀୟ ହଡକଆଃ ଇନିଡୁକେ ଅତକ୍ତାନ୍ ଚିମିନ୍ ହଡକ ଆମାଃ ଆଲାରେ ମେନାକଆ । ୧୬ ଏନାତେ ଆମ୍ ପାପ୍ତହେତେ ମନ୍ରୁହାଡ୍ତେମେ, କା'ରେଦ୍ ଆଇକ୍ ଜାଲ୍ଦିଗି ଆମାଃତାଃତେ ହିଜୁଃକେଦ୍ତେ ଆଇଁୟାଃ ମତାଏତେ ଅତକ୍ତାଃତାନ୍ ତାରାଡ୍ଡିଲଃ ଇନ୍କୁଆଃ ବିରୁଧ୍ରେଇକ୍ ଲାଡାୟା ।

୧୭ * “ପାବିତାର୍ ଆମ୍ କାଲିସିୟାକକେ ଚିନାଃଏ କାଜିତାନା, ଏନା ଆୟୁମେ ନାଗେନ୍ତେ ଜେତାଏୟାଃ ଲୁଡୁର୍ ମେନାଃନିଃ ଆୟୁମେକାଏ । ଅକ୍ ହଡକ ଜିତାଅଃଃକ, ଆଇକ୍ ଇନ୍କୁକେ ଉକୁଆକାନ୍ ମାନ୍ନା ଏମାକଆଇକ୍, ଇନ୍କୁଏତେ ମିପିଆଦ୍ ହଡକକେ ନାଃ ନୁଡୁମ୍ ଅଲୀକାନ୍ ମିଆଁଦ୍ ପୁଣ୍ଡି ଦିରି ଏମାକଆଇକ୍ । ଏନ୍ ନାଃ ନୁଡୁମ୍ ଚିନାଃ ତାନାଃ, ଏନା ଏନ୍ ଦିରିକେ ନାମେ ହଡ୍ ବାଗିକେଦ୍ତେ ଏଟାଃ ଜେତା ହଡ୍ କାକ ସାରି ଦାଡ୍ଡିୟା ।

* ୨:୭ ୨:୭ ଉତ୍କଳ କାଜି ୨୨:୨. * ୨:୮ ୨:୮ ଉତ୍କଳ କାଜି ୧:୧୭; ୨୨:୧୩. * ୨:୧୧ ୨:୧୧ ଉତ୍କଳ କାଜି ୨୦:୧୪; ୨୧:୮. * ୨:୧୭ ୨:୧୭ ଯୋହାନ୍ ୬:୪୮-୫୦.

ଧୂୟତିରା କାଲିସିୟା ନାଗେନ୍ତେ କାନାଜି

୧୮ “ଧୂୟତିରା କାଲିସିୟାରେନ୍ ଦୁର୍ଦ୍ଦତାଃତେ ଅଲେମେ, ଅକଏୟାଃ ମେଦ୍ ଜୁଲଃତାନ୍ ସେଙ୍ଗେଲ୍ ଲେକା ଆତଃ ଆୟାଃ ବାରାନ୍ କାଟା ଚାମକାଅଃତାନ୍ ପିତାଲ୍ ଲେକା ନେଲଃତାନା, ଏନ୍ ପାର୍ମେଶ୍ୱାର୍ଆଃ ହନ୍, ନେଆଁଏ କାଜିତାନା, ୧୯ ଆଇଙ୍ଗ୍ ଆମାଃ କାଜିକାମିକଇଙ୍ଗ୍ ସାରିତାନା । ଆମାଃ ଦୁଲାଡ୍, ବିଶ୍ୱାସ୍, ସୁସାର୍, ଆତଃ ଧୂରାଜ୍ ଜୀଝାନ୍ ସାରିତାନାଇଙ୍ଗ୍ । ନାହାଁଃ ଆମ୍ କାମିତାନ୍ତେୟାଃ, ସିଦାମ୍ କାମି ତାଇକେନ୍ତାଃଏତେ ଆଦକାମ୍ କାମିତାନା । ୨୦ ମେନ୍ଦ୍ ଆମାଃ ବିରୁଧ୍ରେ ଆଇଁୟାଃ ମିଆଁଦ୍ କାଜି ମେନାଃ, ଏନା ହବାଅଃତାନା, କୁଡିନାବୀ ତାନିଙ୍ଗ୍ ମେନ୍ତେ ଆପାନ୍ତେ କାଜିନ୍ତାନ୍ ଯିଜେବଲ୍ ନୁତୁମ୍ କୁଡିକେ ଆମ୍ ଆସ୍ତା ଏମାକାଇଜାମ୍ । ଇନିଃ ଆଇଁୟାଃ ଦାସିକକେ ଆପାଙ୍ଗିର୍ କାମିକ ରିକା ନାଗେନ୍ତେ ଆତଃ ମୁରୁଡକତାଃରେ ଦାନ୍ ରାକାବାକାନ୍ ଜଜମାଃକ ଜମେ ନାଗେନ୍ତେ ଇନ୍କୁକେ ଇତୁତାନ୍ଲଃ ଏଟାଃ ହରାତେ ସୁତୁଃଇଦିକତାନା । ୨୧ ଏନାମେନ୍ତେ ଇନିଃକେ ପାପ୍ତହେତେ ମନ୍ରୁହାଡ୍ ନାଙ୍ଗ୍ ନେତା ଏମାକାନା, ମେନ୍ଦ୍ ଇନିଃ ଆୟାଃ ଆପାଙ୍ଗିର୍ କାମିକେ ବାଗି ନାଗେନ୍ତେ କାଏ ସାନାଙ୍ଗ୍ତାନା । ୨୨ ଏନାତେ ଆଇଙ୍ଗ୍ ଇନିଃକେ ଆତଃ ଇନିଃଲଃ ଆପାଙ୍ଗିର୍ କାମିତାନ୍ ସବେନ୍ଦକ ଆକଆଃ ଏଡକାନ୍ କାମିଏତେ କାକ ମନ୍ରୁହାଡେରେ, ପୁରାଃଗି ବରଝାନ୍ ଦୁକୁରେଇଙ୍ଗ୍ ଉୟାଃକଆ । ୨୩ ଆୟାଃ ହନ୍କକେ ହଗି ଗଏଃକଆଇଙ୍ଗ୍ । ଏନାରେ ସବେନ୍ କାଲିସିୟାକ ସାରିୟାକ ଯେ, ଆଇଙ୍ଗ୍ ମନ୍ସୁରୁଦ୍ ସାରିନିଃ, ମାନଝାରାଃ ସବେନ୍ ଉଡ଼ୁଆତଃ ଇଛାସାନାଙ୍ଗ୍ ସାରିନିଃ ତାନିଙ୍ଗ୍ । ଆପେ ମିପିହୁଡ୍ ରିକାକାଦ୍ କାମି ଲେକାଗି ଆଇଙ୍ଗ୍ ଏମ୍ ରୁହାଡପେୟାଇଙ୍ଗ୍ ।

୨୪ “ମେନ୍ଦ୍ ଧୂୟତିରାରେ ଆପେକଏତେ ଅକନ୍ ହଡକ ନେ ହସଡ ଇନିତୁ କାପେ ଅତଙ୍ଗକାଦା ଆତଃ ଅକନାଃକେ ସାଏତାନ୍ରାଃ ଇକିର୍ ଇନିତୁ ମେନ୍ତେ କାଜିୟାଃକ, ଏନାକେ କାପେ ଇତୁକାନା, ଇନ୍କୁକେ ଆଇଙ୍ଗ୍ କାଜିକତାନାଇଙ୍ଗ୍, ଆଇଙ୍ଗ୍ ଆପେ ଚେତାନ୍ରେ ଆତଃ ଜେତାନ୍ ବାହାରମ୍ କାଇଙ୍ଗ୍ ଲାଦିପେୟା । ୨୫ ଆପେତାଃରେ ଅକନାଃ ମେନାଃ, ଏନା ଏସକାର୍ ଆଇଁୟାଃ ହିଜୁଃ ଜାକେଦ୍ ପୁରାଃ କେଚେଦ୍ୟାନ୍ଗି ସାବକେଦ୍ତେ ଦହକାପେ । ୨୬ ଅକ ହଡକ ଜିତାଅଝାଃକ, ଆତଃ ଟୁଣ୍ଡୁ ଜ୍ୱାକେଦ୍ ଆଇଁୟାଃ ଇଛାସାନାଙ୍ଗ୍ ଲେକାତେ କାମିୟାକ, ଆଇଙ୍ଗ୍ ଆପୁତାଃଏତେ ଅକ ଆକ୍ତେୟାର୍ ନାମାକାଦାଇଙ୍ଗ୍, ଏନା ଇନ୍କୁକେଇଙ୍ଗ୍ ଏମାକଆ । ୨୭ ଅତେଦିଶ୍ୱମରେୟାଃ ଏଟାଃ ଏଟାଃ କିଲିରେନ୍ ହଡକକେ ମେଡେଦ୍ ସଟାତେ ସାଜାଇ ଏମାକ ନାଗେନ୍ତେ ଆତଃ ହାସାରାଃ ଚାଟୁ ଲେକା ମିଦ୍ ବାର୍ ହିସା ରାପୁଦଃ ନାଙ୍ଗ୍, ଆଇଙ୍ଗ୍ ଇନ୍କୁକେ ଆକ୍ତେୟାର୍ ଏମାକଆଇଙ୍ଗ୍ । ୨୮ ଆଇଙ୍ଗ୍ ଇନ୍କୁକେ ଆଙ୍ଗ୍ଅଃ ଇପିଲ୍ ହଗି ଏମାକଆଇଙ୍ଗ୍ ।

୨୯ “ପାବିତାର୍ ଆମ୍ କାଲିସିୟାକକେ ଚିନାଃଏ କାଜିତାନା, ଏନା ଆୟୁମେ ନାଗେନ୍ତେ ଜେତାଏୟାଃ ଲୁତୁର୍ ମେନାଃନିଃ ଆୟୁମେକାଏ ।

୩

ସାଦର୍ ସ୍ କାଲିସିୟା ନାଗେନ୍ତେ କାନାଜି

୧ “ସାଦର୍ ସ୍ କାଲିସିୟାରେନ୍ ଦୁର୍ଦ୍ଦତାଃତେ ଅଲେମେ, ପାର୍ମେଶ୍ୱାର୍ଆଃ ଏୟା ଆମ୍ ଆତଃ ଏୟା ଇପିଲ୍ ସାବାକାଦନିଃତାଃଏତେ ନେ କାନାଜି । ଆଇଙ୍ଗ୍ ଆମାଃ କାମିକଇଙ୍ଗ୍ ସାରିତାନା, ଆମ୍ ନୁତୁମ୍ତେ ଏସକାର୍ ଜାନିଦ୍ ମେନାମେୟା, ମେନ୍ଦ୍ ସାର୍ତି କାଜିଲେରେ ଗଜାକାନାମ୍ । ୨ ଏନାମେନ୍ତେ ଏୟନଃମେ ଆତଃ ଆମାଃତାଃରେ ଅକଆଃ ମେନାଃ, ଏନା ପୁରାଃଗି ଜିୟନଃ ସିଦାରେ ଏନାକେ ପକ୍ତାଏମେ । ଚିୟାଃଗି ଆଇଙ୍ଗ୍ ସାରିତାନାଇଙ୍ଗ୍, ଆମାଃ କାମିକ ପାର୍ମେଶ୍ୱାର୍ଆଃ ଆୟାର୍ରେ ନାହାଁଃ ଜାକେଦ୍ କା ପକ୍ତାକାନା । ୩ ଆମ୍ କେ ଅକଆଃ ଇତୁଆକାନ୍ ତାଇକେନା ଆତଃ ଆମ୍ ଅକଆଃ ଆୟୁମାକାଦ୍ ତାଇକେନାମ୍, ଏନାକେ ପାହାମ୍କେଦ୍ତେ ମାନାତିୟେମେ ଆତଃ ଆମାଃ ପାପ୍ତହେତେ ମନ୍ରୁହାଡ୍ମେ । ଆମ୍ କାମ୍ ଏୟନଃରେଦ୍, ଆଇଙ୍ଗ୍ ଆମାଃତାଃତେ କୁମ୍ତୁକୁ ଲେକାଇଙ୍ଗ୍ ହିଜୁଃଆ । ଅକ ଦିପିଲିରେଇଙ୍ଗ୍ ହିଜୁଃଆ, ଏନା ଆମ୍ କାମ୍ ସାରିଦାଡିୟା । ୪ ମେନ୍ଦ୍ ସାଦର୍ ସ୍ରେ ଆପେକଏତେ ଚିମିନ୍ ହଡକ ଏସକାର୍ ଆକଆଃ ଲିଜାଃ ନିରାଲ୍ଗି ଦହକାଦାକ । ଇନ୍କୁ ପୁଣ୍ଡି ଲିଜାଃ ତୁସିଙ୍ଗ୍କେଦ୍ତେ ଆଇଁୟାଃଲଃ ହିଜୁଃସେନଃ ରିକାଏୟାକ, ଚିଆଃଗି ଇନ୍କୁ ନେଆଁ ରିକା ଦାଡିକାଦାକ । ୫ ଅକ ହଡକ ଜିତାଅଝାଃକ, ଇନ୍କୁ ନେଲେକା ପୁଣ୍ଡି ଲିଜାଃ ତୁସିଙ୍ଗ୍ଅଃଆକ । ଜୀଦାନ୍ରେୟାଃ ପୁଥ୍ୱକଏତେ ଇନ୍କୁଆଃ ନୁତୁମ୍ ଚିତ୍ତଲାହ କା ଜିୟନଃଆ । ଆଇଁୟାଃ ଆପୁ ଆତଃ ଆୟାଃ ଦୁର୍ଦ୍ଦକଆଃ ଆୟାର୍ରେ ଇନ୍କୁକେ ଆଇଙ୍ଗ୍, ଆଇଙ୍ଗ୍କେ ଅତଙ୍ଗ୍ତାନ୍ ହଡକତାନ୍କ ମେନ୍ତେଇଙ୍ଗ୍ କାଜିୟା ।

୬ “ପାବିତାର୍ ଆମ୍ କାଲିସିୟାକକେ ଚିନାଃଏ କାଜିତାନା, ଏନା ଆୟୁମେ ନାଗେନ୍ତେ ଜେତାଏୟାଃ ଲୁତୁର୍ ମେନାଃନିଃ ଆୟୁମେକାଏ ।

୧୩:୩ ୩:୩ ମାଥୁଡ ୨୪:୪୩,୪୪; ଲୁକ ୧୨:୩୯,୪୦; ଉତ୍କଳ କାଜି ୧୭:୧୫. ୧୩:୫ ୩:୫ ଉତ୍କଳ କାଜି ୨୦:୧୨; ମାଥୁଡ ୧୦:୩୨; ଲୁକ ୧୨:୮.

ଫିଲୋସୋଫିକାଲ କାଲିସିୟା ନାଗେନ୍ଦ୍ର କାନାଜି

୭ “ଫିଲୋସୋଫିକାଲ କାଲିସିୟାରେନ୍ ଦୁର୍ଭାଷଣେ ଅଲେମେ, ଜେତାଏ ପାବିତାର୍ ଆତଃ ସାର୍ବତନିଃ ତାନିଃ, ଇନିଃତାଃଏତେ ନେ କାନାଜି ଆୟୁମେପେ, ଇନିଃତାଃରେ ଦାଉଦଆଃ ଚାଭି ମେନାଃ, ଇନିଃ ଅକ ଦୁଆର୍ ନିଜାଃଏ, ଏନାକେ ଜେତାଏ କାକ ହାଣ୍ଡେଦ୍ ଦାଡ଼ିୟା ଆତଃ ଇନିଃ ଅକ୍ନାଃ ହାଣ୍ଡେଦାଃଏ, ଏନାକେ ଜେତାଏ କାକ ନିଜ୍ ଦାଡ଼ିୟା । ୮ ଆଇଙ୍ଗ୍ ଆମାଃ କାଜି କାମିକଇଙ୍ଗ୍ ସାରିତାନା, ନାହାଁଃ ଜାକେଦ୍ ଆମାଃ କାଟିଃଲେକା ପେଡ଼େଃ ମେନାଃ, ନେଆଁହଗି ସାରିତାନାଇଙ୍ଗ୍ । ଆମ୍ ଆଇଁୟାଃ ଇନିତୁକମ୍ ମାନାତିଙ୍ଗ୍କାଦା ଆତଃ ଆଇଁୟାଃ ନୁତୁମ୍ କାମ୍ ବାଗିୟାକାଦା । ଏନାତେ ଆଇଙ୍ଗ୍ ଆମାଃ ଆୟାଃରେ ମିଆଁଦ୍ ଦୁଆର୍ ନିଜାକାଦାଇଙ୍ଗ୍, ଏନାକେ ଜେତାଏ କାକ ହାଣ୍ଡେଦ୍ ଦାଡ଼ିୟା । ୯ ଆୟୁମେମେ, ଅକ ହଡ଼କ ଯିହୁଦୀ ନାହାଁଲାଃକ, ମେନ୍ଦ୍ ବେଦାତେ ଆପାନ୍କେ ଯିହୁଦୀ ମେନ୍ଦ୍ରକ କାଜିନ୍ତାନା, ନେଲେକାନ୍ ସାଏତାନ୍ରାଃ ଝୁଣ୍ଡରେନ୍ ହଡ଼କକେ ଆଇଙ୍ଗ୍ ଆମାଃ କାଟା ଲାତାଃରେଇଙ୍ଗ୍ ଜହାଃରଇଚିକଆ । ଆତଃ ଆଇଙ୍ଗ୍ ଆମ୍କେ ଦୁଲ୍ଲାଡ଼ତାନାଇଙ୍ଗ୍ ମେନ୍ଦ୍ର ଇନ୍କୁ ସାରିୟାକ । ୧୦ ଚିୟାଃଟି ଆମ୍ ଆଇଁୟାଃ କାନାଜି ଧୂରାଜ୍ ସାବ୍କେଦ୍ତେମ୍ ମାନାତିଙ୍ଗ୍କାଦା । ଏନାତେ ଅତେଦିଶ୍ଟମ୍ରେନ୍ ହଡ଼କକେ ବିଡ଼ାଅକ ନାଗେନ୍ଦ୍ର ଗଟା ଅତେଦିଶ୍ଟମ୍ରେ ସାସାତିରାଃ ବିନିଡ଼ାଅ ହିଜୁଃଆ ଇମତା ଆଇଙ୍ଗ୍ ଆମ୍କେ ଏନାଏତେ ବାଞ୍ଛାଅମେୟାଈଇଙ୍ଗ୍ । ୧୧ ଆଇଙ୍ଗ୍ ଜାଲ୍ଦିଗିଇଙ୍ଗ୍ ହିଜୁଃଆ, ଆମାଃତାଃରେ ଅକଆଃ ମେନାଃ, ଏନାକେ ବାଞ୍ଛାଅକେଦ୍ତେ ଦହକାମେ, ଜେଲେକାଟି ଆମାଃତାଃଏତେ ଆମାଃ ଜିନିଡ଼ାଅ ମୁକ୍ତକେ ଜେତାଏ ଆଲକାକ କୁମ୍ବୁତୁକା । ୧୨ ଛିଡ଼ାଅକାନ୍ନିଃକେ, ଆଇଙ୍ଗ୍ ଆଇଁୟାଃ ପାର୍ମେଶ୍ଵାର୍ଆଃ ମାନ୍ଦିରେ ଖୁଣ୍ଟ ଲେକାଇଙ୍ଗ୍ ବାଇୟା ଆତଃ ଇନିଃ ଚିତ୍ତାଅ ଏନ୍ତାଃଏତେ କାଏ ସେନଃଆ । ଆଇଙ୍ଗ୍ ଆୟାଃ ଚେତାନ୍ରେ ପାର୍ମେଶ୍ଵାର୍ଆଃ ନୁତୁମ୍ ଅଲେୟାଈଇଙ୍ଗ୍ । ସିମା ଦିଶ୍ଟମ୍ରେନ୍ ଆଇଁୟାଃ ପାର୍ମେଶ୍ଵାର୍ତାଃଏତେ ହିଜୁଃତାନ୍ ପାର୍ମେଶ୍ଵାର୍ଆଃ ନାଗାର୍ରେୟାଃ ନୁତୁମ୍ ହଗି ଆୟାଃ ଚେତାନ୍ରେ ଅଲେୟାଈଇଙ୍ଗ୍ । ଏନ୍ ନାଗାର୍ରେୟାଃ ନୁତୁମ୍ ନାଞ୍ଜା ଯାରୁଶାଲେମ୍ । ଆଇଙ୍ଗ୍ ଆଇଁୟାଃ ନାଞ୍ଜା ନୁତୁମ୍ ହଗି ଆୟାଃ ଚେତାନ୍ରେ ଅଲେୟାଈଇଙ୍ଗ୍ ।

୧୩ “ପାବିତାର୍ ଆମ୍ କାଲିସିୟାକକେ ଚିନାଃଏ କାଜିତାନା, ଏନା ଆୟୁମେ ନାଗେନ୍ଦ୍ର ଜେତାଏୟାଃ ଲୁତୁର୍ ମେନାଃନିଃ ଆୟୁମେକାଏ ।

ଲାଉଦିକିଆ କାଲିସିୟା ନାଗେନ୍ଦ୍ର କାନାଜି

୧୪ “ଲାଉଦିକିଆ କାଲିସିୟାରେନ୍ ଦୁର୍ଭାଷଣେ ଅଲେମେ, ଅକଏ ନେ ସବେନ୍ ଆମ୍କେ କାଜିତାନାଏ, ଇନିଃ ଆମେନ୍, ପାତିୟାଃରେ ଲେକାନ୍ନିଃ ଆତଃ ସାର୍ବତ ଗାଞ୍ଜା ତାନିଃ । ପାର୍ମେଶ୍ଵାର୍ ବାଇୟାକାଦ୍ ସବେନ୍ ବିଷାଏରେୟାଃ ଏନେଟେଦ୍ନିଃ, ନେଆଁଏ କାଜିତାନା, ୧୫ ଆଇଙ୍ଗ୍ ଆମାଃ କାଜି କାମିକଇଙ୍ଗ୍ ସାରିତାନା, ଆମ୍ ରେହାଡ଼୍ ବାଙ୍ଗ୍ମେୟାଁ ଚାଏ ଲଲ ବାଙ୍ଗ୍ମେୟାଁ, ନେଆଁ ଆଇଙ୍ଗ୍ ସାରିତାନାଇଙ୍ଗ୍ । ଆମ୍ ରେହାଡ଼୍ ଚାଏ ଲଲ ଡାକ୍ତାରେଦ୍, ବୁଗିନାଃ ହବାଅଃତେୟାଃ । ୧୬ ମେନ୍ଦ୍ ଆମ୍ ରେହାଡ଼୍ ଚାଏ ଲଲ କା ହବାକେଦ୍ତେ ଉର୍ଗୁମ୍ଗି ମେନାମେ ହରାତେ, ଆଇଙ୍ଗ୍ ଆମ୍କେ ଆଇଁୟାଃ ମତାଏତେଇଙ୍ଗ୍ ବେଏକ୍ ଅଡ଼ଙ୍ଗ୍ମେୟାଁ । ୧୭ ଆମ୍ କାଜିତାନାମ୍, ‘ଆଇଙ୍ଗ୍ କିସାଁଶିଗିୟାଈଇଙ୍ଗ୍ ଆତଃ ପୁରାଃଟି ଖୁଜ୍ କ ମେନାଃ, ଆଇଁୟାଃ ଲାଗାତିଙ୍ଗ୍ତେୟାଈକ ସବେନାଃ ମେନାଃ ।’ ଏନ୍ରେୟ ଆମ୍ ସାର୍ବତଗି ଚିମିନ୍ ନାରାଦୁରା ଆତଃ ଲିନିବୁଇ ନାମେ ଲେକାନିଃ ତାନ୍ମେ, ନେଆଁ କାମ୍ସାରିତାନା । ଆମ୍ ଗାରିବ୍, ସାମାହଡ଼ମ୍, ମେଦ୍ କା ନେଲ୍ ଦାଡ଼ିନିଃ ତାନ୍ମେ । ୧୮ ଏନାମେନ୍ଦ୍ର ଆଇଙ୍ଗ୍ ଆମ୍କେଇଙ୍ଗ୍ ଆତୁମେତାନା, କିସାଁଶା ନାଗେନ୍ଦ୍ର ଆଇଙ୍ଗ୍ତାଃଏତେ ଫାର୍ତି ସୋନା କିରିଙ୍ଗ୍ମେୟାଁମେ, ଆତଃ ପୁଣ୍ଡି ଲିଜାଃ ହଗି କିରିଙ୍ଗ୍ମେୟାଁମେ, ଏନାରେ ଆମ୍ ଆମାଃ ଗିହୁଗାନ୍ ସାମାହଡ଼ମ୍କେ ଦାନାଙ୍ଗ୍ ଦାଡ଼ିୟାମେ । ନେଲ୍ ଦାଡ଼ି ନାଗେନ୍ଦ୍ର ମେଦ୍ରେ ଗସଃ ନାଙ୍ଗ୍ ଆଇଙ୍ଗ୍ତାଃଏତେ କାଜାଲ୍ କିରିଙ୍ଗ୍ମେୟାଁମେ । ୧୯ ଆଇଙ୍ଗ୍ ଅକ ହଡ଼କକେ ଦୁଲ୍ଲାଡ଼ାଈଇଙ୍ଗ୍, ଇନ୍କୁକେ ସୁଧରାଅ ନାଙ୍ଗ୍ ସାଜାଇ ଏମାଈଇଙ୍ଗ୍ । ଏନାମେନ୍ଦ୍ର ଆମାଃ ମନ୍ସୁରୁଦ୍ଲଃ ପାପ୍ ହରାଏତେ ମନ୍ରୁହାଡ଼େମେ । ୨୦ ନେଲେମେ, ଆଇଙ୍ଗ୍ ଦୁଆର୍ତାଃରେ ଡିଙ୍ଗ୍କେଦ୍ତେ ଦୁଆର୍ ଠକ୍ ଠକାଅ ତାନାଇଙ୍ଗ୍, ଜେତାଏ ଆଇଁୟାଃ ଲାବ୍ଜା ଆୟୁମ୍କେଦ୍ତେ ଦୁଆର୍ ନିଜେୟାଏ, ଆଇଙ୍ଗ୍ ଆୟାଃ ଅଡ଼ାଃ ଭିତାଃରେ ହିଜୁଃକେଦ୍ତେ ଆୟାଈଜ ଜମେୟାଈଇଙ୍ଗ୍ ଆତଃ ଇନିଃ ଆଇଁୟାଈଜ ଜମେୟାଏ । ୨୧ ଆଇଙ୍ଗ୍ ଜେଲେକା ଜିତାଅକେଦ୍ତେ, ଆଇଁୟାଈ ଆପୁଲଃ ଆୟାଈ ରାଜଗାଦିରେ ଦୁବାକାନାଇଙ୍ଗ୍, ଏନ୍ ଲେକାଗି ଅକ ହଡ଼କ ଜିତାଅଞ୍ଜାକ, ଆଇଙ୍ଗ୍ ଇନ୍କୁକେ ଆଇଁୟାଈଜ ଆଇଁୟାଈ ରାଜଗାଦିରେ ଦୁବ୍ ନାଗେନ୍ଦ୍ରଇଙ୍ଗ୍ ଏମାକଆ ।

୨୨ “ପାବିତାର୍ ଆମ୍ କାଲିସିୟାକକେ ଚିନାଃଏ କାଜିତାନା, ଏନା ଆୟୁମେ ନାଗେନ୍ଦ୍ର ଜେତାଏୟାଃ ଲୁତୁର୍ ମେନାଃନିଃ ଆୟୁମେକାଏ ।”

☆ ଶ୍ଵ:୧୨ ଶ୍ଵ:୧୨ ଉତ୍କଳବିଦ୍ୟାଳୟ ୨୧:୨. ☆ ଶ୍ଵ:୧୯ ଶ୍ଵ:୧୯ ଏବ୍ରା ୧୨:୨.

୪

ସିର୍ମାରେ ପାରମେଶ୍ୱରଆଃ ସୁନୁସାର୍

^୧ ନେ ନେତାରେଗି ଆଇଙ୍ଗ ଆଡ଼ଃମିଆଁଦ୍ ଦାର୍ଶାନ୍ ନେଲ୍ଲକେଦାଇଙ୍ଗ । ସିର୍ମା ଦିଶୁମ୍ରେ ଦୁଆର୍ ନିଜାକାନ୍ ତାଇକେନା ଆଡ଼ଃ ବିଙ୍ଗୁଲ୍ ବାଜା ସାଡ଼ି ଲେକା ମିଆଁଦ୍ ଲାବ୍ଜା ଆଇଙ୍ଗକେ କାଜିତାନ୍ ଆୟ୍ମକେଦାଇଙ୍ଗ, “ନେତାଃତେ ହିଜୁଃମେ, ଆଡ଼ଃ ତାୟମ୍ତେ ଅକ୍ନାଃ ହବାଅଃଆ ଏନା ଆଇଙ୍ଗ ଆମ୍ବକେଇଙ୍ଗ ଉଦୁବାମେୟା ।” ^୨ ଆଇଙ୍ଗ ଇମତାଗି ପାବିତାର୍ ଆମ୍ବାତେଇଙ୍ଗ ପେରେଃୟାନା ଆଡ଼ଃ ନେଲ୍ଲକେଦାଇଙ୍ଗ, ସିର୍ମା ଦିଶୁମ୍ରେୟାଃ ମିଆଁଦ୍ ରାଜ୍ଗାଦିରେ ଜେତାଏ ମିହୁଡ୍ ଦୁବାକାନାଏ । ^୩ ଆୟାଃ ମେଦ୍ମୁହାଁଡ୍ ହିରା ଆଡ଼ଃ ମଡି ଲେକା ଝାଲ୍ଲସାଃଅ ତାଇକେନା, ଆଡ଼ଃ ରାଜ୍ଗାଦିରେୟାଃ ଚାରିୟସାଃରେ ଗନଙ୍ଗାଆଁନ୍ ଦିରି ଲେକା ମିଆଁଦ୍ ଲୁରବିଙ୍ଗ* ତାଇକେନା । ^୪ ଆଡ଼ଃ ଏନ୍ ରାଜ୍ଗାଦିରାଃ ଚାରିୟସାଃରେ ବାର୍ହିସି ଉପୁନିୟା ଏଟାଃ ରାଜ୍ଗାଦି ତାଇକେନା । ଏନ୍ ବାର୍ହିସି ଉପୁନିୟା ରାଜ୍ଗାଦିରେ ବାର୍ହିସି ଉପୁନିୟା ପ୍ରାଚିନ୍ଦକ ଦୁବାକାନ୍ ତାଇକେନା । ଇନ୍କୁ ପୁଣ୍ଡି ଲିଜାଃ ଆଡ଼ଃ ଆକଆଃ ବହଃରେ ସୋନାରେୟାଃ ମୁକୁଟ୍ ତୁସିଙ୍ଗକାନ୍ ତାଇକେନାକ । ^୫ ଏନ୍ ରାଜ୍ଗାଦିଏତେ ହିଚିରରାଃ ମାର୍ସାଲ୍ ଆଡ଼ଃ ରିମିଲ୍ରାଃ ସାଡ଼ି ଆୟ୍ମମଃ ତାଇକେନା । ରାଜ୍ଗାଦି ହେପାଦ୍ରେ ଏୟା ଜୁଲ୍ତାନ୍ ଦିଆ ତାଇକେନା । ନେ ଦିଆ ପାରମେଶ୍ୱରଆଃ ଏୟା ଆମ୍ବା ତାନାଃ । ^୬ ଆଡ଼ଃ ରାଜ୍ଗାଦି ଆୟାଃରେ କାଁଦ୍ ଲେକା ନିରାଲ୍ ଦରେୟା ନେଲ୍ଲ ତାଇକେନା । ଏନ୍ ରାଜ୍ଗାଦିରାଃ ଚାରିୟସାଃରେ ଉପୁନିୟା ଜାନିଦ୍ ଜାଁତୁ ତାଇକେନାକ । ଏନ୍ ଜାନିଦ୍ ଜାଁତୁକଆଃ ଆୟ୍ମର୍ ତାୟମ୍ ବାରାନ୍ସାଃରେ ମେଦ୍ତେ ପେରେଜାକାନ୍ ତାଇକେନା । ^୭ ପାହିଲା ଜାଁତୁ କୁଲା ଲେକାଏ ନେଲ୍ଲ ତାଇକେନା, ଏଟାଃନିଃ ବାଛା ଲେକାଏ ନେଲ୍ଲ ତାଇକେନା । ଆପିୟାନିୟାଃ ମେଦ୍ମୁହାଁଡ୍ ହଡ଼ରାଃ ମେଦ୍ମୁହାଁଡ୍ ଲେକା ତାଇକେନା ଆଡ଼ଃ ଉପୁନିୟାନିଃ ଆପିରତାନ୍ ବାଜ୍ ଲେକାଏ ନେଲ୍ଲ ତାଇକେନା । ^୮ ନେ ଉପୁନିୟା ଜାଁତୁକଆଃ ତୁରିୟା ଆପ୍ରେଦ୍ ତାଇକେନା । ନେ ଜାଁତୁକଆଃ ଭିତାର୍ ଆଡ଼ଃ ବାହାରି ଚାରିୟସାଃରେ ମେଦ୍ତେ ପେରେଜାକାନ୍ ତାଇକେନା । ଇନ୍କୁ ନିଦାସିଙ୍ଗି ବେଗାର୍ ରୁଡ଼ୁତ କାଜିତାଇକେନାକ,

“ସବେନ୍ ପେଡ଼େୟାନ୍ ପ୍ରାଭୁ ପାରମେଶ୍ୱର ପାବିତାର୍, ପାବିତାର୍, ପାବିତାର୍ ।

ଇନିଃ ସିଦା ତାଇକେନ୍ନିଃ, ନାହାଁଃ ମେନାଇନିଃ ଆଡ଼ଃ ହିଜୁଃ ଦିପିଲିରେ ତାଇନଃନିଃ ।”

^୯ ଏନ୍ ଉପୁନ୍ ଜାନିଦ୍ ଜାଁତୁକ ରାଜ୍ଗାଦିରେ ଦୁବାକାନ୍ ଜାନାଅ ଜାନାଅ ଜାକେଦ୍ ତାଇନଃନିଃକେ ମାନାରାଙ୍ଗ୍, ମାଇନାନ୍ ଆଡ଼ଃ ଧାନାବାଦ୍ ଏମ୍ବକେଦ୍ତେ ଆୟାଃ ଦୁରାଙ୍ଗ୍ତାନ୍ ତାଇକେନ୍ ଇମତା, ^{୧୦} ସିଦାରେନ୍ ଏନ୍ ବାର୍ହିସି ଉପୁନ୍ ପ୍ରାଚିନ୍ଦକ ଜାନାଅ ଜାନାଅ ଜାନିଦ୍ ତାଇନଃନିଃତାଃରେ ଅମ୍ବାଃକେଦ୍ତେ ଜହାତାନ୍ଲଃ ଆୟାଃ ସୁନୁସାର୍ ରିକାକେଦାକ । ଆଡ଼ଃ ରାଜ୍ଗାଦି ଲାତାର୍ରେ ଆକଆଃ ଆପ୍ନାଃ ମୁକୁଟ୍ ଦହକେଦ୍ତେ କାଜିକେଦାକ,

^{୧୧} “ହେ ପ୍ରାଭୁ ଆଲେୟାଃ ପାରମେଶ୍ୱର,

ଆମ୍ଗି ମାନାରାଙ୍ଗ୍, ମାଇନାନ୍ ଆଡ଼ଃ ପେଡ଼େଃ ନାମେ ଲେକାନ୍ନିଃ ତାନ୍ମେ,

ଚିଆଃଚି ଆମ୍ଗି ନେ ସବେନାଃମ୍ ବାଇୟାକାଦା,

ଆଡ଼ଃ ଆମାଃ ଇଛାସାନାଙ୍ଗ୍ ଲେକାତେ ଏନାକ ତାଇନ୍ୟାନା ଆଡ଼ଃ ଜାନିଦ୍ ହବାୟାନା ।”

୫

ପୁଥ୍ ଆଡ଼ଃ ମିଣ୍ଡିହନ୍

^୧ ଆଇଙ୍ଗ ରାଜ୍ଗାଦିରେ ଦୁବାକାନ୍ନିୟାଃ ଜମ୍ ତିଃଇରେ ମିଆଁଦ୍ ମାରି ପୁଥ୍ ନେଲ୍ଲକେଦାଇଙ୍ଗ, ଏନାରେୟାଃ ବାରାନ୍ସାଃରେ ଅଲ୍ଲକାନ୍ ତାଇକେନା ଆଡ଼ଃ ଏନାରେ ଏୟା ମୋହ୍ରେରାଃ ଚିହ୍ନାଁ ତାଇକେନା । ^୨ ଆଡ଼ଃ ଆଇଙ୍ଗ ମିଆଁଦ୍ ପୁରାଃ ପେଡ଼େୟାନ୍ ଦୁଁଡ଼କେଇଙ୍ଗ ନେଲ୍ଲକିୟା, ଇନିଃ ପୁରାଃ କାଉରିତାନ୍ଲଃ କାଜିକେଦାଏ, “ମୋହ୍ରେକେ ରାଡ଼ାକେଦ୍ତେ, ନେ ମାରି ପୁଥ୍କେ ଜେତାଏ ଅଟାଃ ଦାଡ଼ି ଲେକାନ୍ନିଃ ମେନାଇରେଦ୍ ଅଡ଼ଙ୍ଗାଃକାଏ ।” ^୩ ମେନ୍ଦ୍ ଏନ୍ ମାରି ପୁଥ୍ ଅଟାଃକେଦ୍ତେ ଏନାରେ ଅଲ୍ଲକାନ୍ତେୟାଃ ପାଡ଼ାଅ ନାଗେନ୍ତେ ସିର୍ମାରେ, ଅତେରେ ଚାଏ ହୁଆଙ୍ଗାଡ଼ାରେ ଜେତାଏ କାକ ଅଡ଼ଙ୍ଗାୟାନା । ^୪ ଏନ୍ ମାରି ପୁଥ୍କେ ଅଟାଃକେଦ୍ତେ ଏନାରେ ଚିନାଃ ଅଲ୍ଲକାନା, ଏନା ପାଡ଼ାଅ ନାଗେନ୍ତେ ଜେତାଏ ମିହୁଡ୍ ହଗି ପାଡ଼ାଏ ଲେକାନ୍ ହଡ଼କ କାକ ନାମ୍ୟାନ୍ ହରାତେ ଆଇଙ୍ଗ ପୁରାଃଗିଇଙ୍ଗ ରାଆଃକେଦା । ^୫ ଏନ୍ତେ ପ୍ରାଚିନ୍ଦକଏତେ ମିହୁଡ୍ ଆଇଙ୍ଗକେ କାଜିକେଦିୟା, “ଆଲ୍ମ୍ ରାଆଃଏୟା, ନେଲେମେ ! ଦାଉଦ୍ଆଃ ମାରାଙ୍ଗ୍ କିଲି, ଯିହୁଦା

* ୪:୩ 4:3 ଇହ୍ଧନ୍ ✱ ୪:୫ ୪:୫ ଉତ୍କଳ କାଜି ୮:୫; ୧୧:୧୯; ୧୭:୧୮; ଉତ୍କଳ କାଜି ୧:୪.

କିଲିରେନ୍ କୁଳା ଜିତାଅକେଦତେ ହିଜୁଟାନା, ଇନିଃ ନେ ଏୟା ମୋହର୍ ରାଡାକେଦତେ ମାରି ପୁଅ ଅଟାଃ ନାଗେନ୍ତେ ଦାଡ଼ିୟା ।”

୨ ଏନ୍ତେ ରାଜଗାଦିରେୟାଃ ଆଲାମାଲ୍ଲାରେ ସିଦାରେନ୍ ଉପୁନିୟା ଜାଁତୁ ଆତଃ ପ୍ରାଚିନ୍ଦକଆଃ ଆଲାରେ ମିଆଁଦ୍ ମିଣ୍ଡିହନ୍ଦକେ ତିଜ୍ଜୁଆକାନ୍ ନେଲ୍ଲକିୟାଲ୍ଲଙ୍ଗ୍ । ମିଣ୍ଡିହନ୍ଦ ଦାଣ୍ଡୋରାକାବ୍କାନ୍ ଲେକାଏ ଆଟ୍ଟକାରଃ ତାଇକେନା । ଆୟାଃ ଏୟା ଦିରିଜ୍ ଆତଃ ଏୟା ମେଦ୍ ତାଇକେନା । ଏନ୍ ମେଦ୍କ ସବେନ୍ ଅତେଦିଶ୍ଟୁମ୍ତେ କୁଳାକାନ୍ ପାର୍ମେଶ୍ଟାର୍ଆଃ ଏୟା ଆମ୍ବା ତାନାଃ । ୨ ଏନ୍ ମିଣ୍ଡିହନ୍ଦ ରାଜଗାଦିରେ ଦୁବାକାନ୍ନିଃତାଃତେ ସେନ୍ଦକେଦତେ, ଇନିୟାଃ ଜମ୍ ତିଃଇଏତେ ମାରି ପୁଅକେ ଇଦିକେଦା । ୮ ଆତଃ ଇନିଃ ମାରି ପୁଅ ତେଲାକେଦ୍ ଇମ୍ତାଗି, ଉପୁନିୟା ଜାଁତୁ ଆତଃ ମିଦ୍ହିସି ଉପୁନ୍ ପ୍ରାଚିନ୍ଦ ମିଣ୍ଡିହନ୍ଦଆଃ ଆୟାରରେ ଅମ୍ବାୟାନାକ । ଇନ୍କୁ ସବେନ୍ଦକ ମିପିଆଦ୍ ବାନାମ୍, ଆତଃ ବୁଗିନ୍ ସହାନ୍ ଧୁଆନ୍ଦତେ ପେରେଜାକାନ୍ ସୋନାରେୟାଃ ତୁଭା ସାବାକାଦ୍ ତାଇକେନାକ । ଏନ୍ ବୁଗିନ୍ ସହାନ୍ ଧୁଆନ୍ଦରାଃ ତୁଭାକ ହବାଅଟାନା, ପାର୍ମେଶ୍ଟାର୍ଆଃ ହଡକଆଃ ବିନ୍ତି । ୯ ଇନ୍କୁ ମିଆଁଦ୍ ନାଞ୍ଜା ଦୁରାଙ୍ଗକ ଦୁରାଙ୍ଗକେଦା, “ମାରି ପୁଅ ତେଲାକେଦତେ

ଏନାରେୟାଃ ମୋହର୍ ରାଡା ନାଙ୍ଗ୍ ଆମ୍ ଏସ୍କାର୍ ଦାଡ଼ିୟାମେ ।
ତିୟାଃତି ଆମ୍ ଦାଣ୍ଡୋକାନ୍ ତାଇକେନାମ୍, ଆମ୍କେ ଦାଣ୍ଡୋ ଗନ୍ଏଃ ହବାୟାନ୍ ହରାତେ
ସବେନ୍ କିଲି, ଏଟାଃ ଏଟାଃ ଜାଗାର୍ତାନକ୍, ଦିଶ୍ଟୁମ୍ ଆତଃ ଜାତିକଏତେ ପାର୍ମେଶ୍ଟାର୍ଆଃ ନାଙ୍ଗ୍
ହଡକକେମ୍ କିରିଙ୍ଗକାଦକଆ ।

୧୦ *ଆତଃ ପାର୍ମେଶ୍ଟାର୍ଆଃ ସେଞ୍ଜା ରିକା ନାଗେନ୍ତେ ଇନ୍କୁକେ ମିଆଁଦ୍ ରାଜାଉଡ଼ି ଆତଃ ଯାଜାକ୍ କିଲିରେମ୍ ବାଇକେଦକଆ
ଆତଃ ଇନ୍କୁ ଅତେରେକ ରାଇଜେୟା ।”

୧୧ ଆଇଙ୍ଗ୍ ଆତଃଗିଇଙ୍ଗ୍ ନେଲ୍ଲକେଦା, କାକ ଲେକା ଦାଡ଼ିୟାଃ ଦୁଁଡକ ରାଜଗାଦିକେ, ଉପୁନିୟା ଜାଁତୁ ଆତଃ ପ୍ରାଚିନ୍ଦକଆଃ ଚାରିୟସାଃରେ ତିଜ୍ଜୁଆକାନାକ । ୧୨ କାଉରିକେଦତେ ଦୁରାଙ୍ଗତାନ୍ଲଃ କାଜିକେଦାକ, “ଦାଣ୍ଡୋ ରାକାବାକାନ୍ ଏନ୍ ମିଣ୍ଡିହନ୍ଦ ପେଡେଃ, କିସାଣି, ସେଣାଁ, ଆକ୍ତେୟାର୍, ମାନାରାଙ୍ଗ୍, ମାଇନାନ୍ ଆତଃ ସାହାରାଅ ନାମେ ଲେକାନ୍ନିଃ ତାନିଃ ।”

୧୩ ଆତଃ ଆଇଙ୍ଗ୍ ସିମା ଦିଶ୍ଟୁମ୍, ଅତେ, ହୁଆଙ୍ଗାଡା ଆତଃ ଦରେୟାରେନ୍ ସବେନ୍ ଜାନିଦ୍ ଜାଁତୁକ ଆତଃ ଅତେଦିଶ୍ଟୁମ୍ରେନ୍ ସବେନ୍ ଜାଁତୁକକେ ଦୁରାଙ୍ଗତାନ୍ ଆୟୁମ୍କେଦକଆଇଙ୍ଗ୍ । ଇନ୍କୁ “ରାଜଗାଦିରେ ଦୁବାକାନ୍ନିୟାଃ ଆତଃ ଆୟାଃ ମିଣ୍ଡିହନ୍ଦଆଃ ସାହାରାଅ, ମାନାରାଙ୍ଗ୍, ମାଇନାନ୍ ଆତଃ ପେଡେଃ ଜାନାଅ ଜାନାଅ ତାଇନାଃ !” ମେନ୍ତେକ ଦୁରାଙ୍ଗ୍ ତାଇକେନା ।

୧୪ ଏନ୍ ଉପୁନିୟା ଜାଁତୁକ କାଜିରୁହାଡ୍ ତାଇକେନାକ, “ଆମେନ୍ !” ଆତଃ ପ୍ରାଚିନ୍ଦ ଅମ୍ବାଃକେଦତେ ଇନିଃକେ ଜହାର୍କିୟାକ ।



ମୋହର୍ ଏମାକାନ୍ କାଜିରାଃ ମୁଣ୍ଡି

୧ ଏନ୍ତେ ଆଇଙ୍ଗ୍ ନେଲ୍ଲକିୟାଲ୍ଲଙ୍ଗ୍, ଏନ୍ ମିଣ୍ଡିହନ୍ଦ ଏୟା ମୋହର୍ଏତେ ପାହିଲା ମୋହର୍କେ ରାଡାକେଦା, ଆତଃ ଉପୁନିୟା ଜାଁତୁକଏତେ ମିଆଁଦ୍ନିଃ ଆଇଙ୍ଗ୍କେ ହିଚିର୍ ସାଡ଼ି ଲେକାଏ କାଜିକେଦିୟାଁ, “ହିଜୁଃମେ !” ୨ ଆଇଙ୍ଗ୍ ଆରିଦ୍ ରାକାବ୍କେଦତେ ମିଆଁଦ୍ ପୁଣ୍ଡି ରାଙ୍ଗ୍ରେନ୍ ସାଦମ୍ ଆତଃ ସାଦମ୍ ଚେତାନ୍ରେ ଦୁବାକାନ୍ନିଃକେ ଧାନ୍ ସାବାକାଦ୍ତେୟାଃ ନେଲ୍ଲକିୟାଲ୍ଲଙ୍ଗ୍ । ଇନିଃକେ ମିଆଁଦ୍ ମୁକୁଟ୍ ଏମ୍ୟାନା ଆତଃ ଜିତାଅଃ ନାଗେନ୍ତେ ଅତଙ୍ଗ୍ୟାନା ।

୩ ଏନ୍ତେ ମିଣ୍ଡିହନ୍ଦ ଏଟାଃ ଆତଃମିଆଁଦ୍ ମୋହର୍ ରାଡାକେଦାଏ ଆତଃ ଏଟାଃ ଆତଃମିଆଁଦ୍ ଜାଁତୁ ଆଇଙ୍ଗ୍କେ କାଜିକେଦିୟାଁ, “ହିଜୁଃମେ !” ୪ ଆଇଙ୍ଗ୍ ଆରାଃ ରାଙ୍ଗ୍ରେନ୍ ଆତଃମିଆଁଦ୍ ସାଦମ୍କେ ନେଲ୍ଲକିୟାଲ୍ଲଙ୍ଗ୍, ଏନ୍ ସାଦମ୍ ଚେତାନ୍ରେ ଦୁବାକାନ୍ନିଃକେ ଅତେଦିଶ୍ଟୁମ୍ଏତେ ଜାଉସୁକୁ ସାଙ୍ଗିନେ ନାଗେନ୍ତେ ଆକ୍ତେୟାର୍ ଏମ୍ୟାନା । ହଡକ ଲାପ୍ଡାଇକେଦତେ ମିହୁଡ୍ ଆତଃମିହୁଡ୍କେ ଗଏଃ ନାଙ୍ଗ୍, ଆୟାଃ ତିଃଇରେ ମିଆଁଦ୍ ମାରାଙ୍ଗ୍ ତାରାଉଡ଼ି ଏମ୍ୟାନା ।

୫ ଏନ୍ତେ ମିଣ୍ଡିହନ୍ଦ ଆପିୟା ମୋହର୍ ରାଡାକେଦାଏ ଆତଃ ଆପିୟା ଜାଁତୁ ଆଇଙ୍ଗ୍କେ କାଜିକେଦିୟାଁ, “ହିଜୁଃକେଦତେ ନେଲେମେ !” ଏନ୍ତେ ଆଇଙ୍ଗ୍ ମିଆଁଦ୍ ହେନ୍ଦେ ରାଙ୍ଗ୍ରେନ୍ ସାଦମ୍ ଚେତାନ୍ରେ ଦୁବାକାନ୍ନିଃକେ ନେଲ୍ଲକିୟାଲ୍ଲଙ୍ଗ୍, ଆୟାଃ ତିଃଇରେ ମିଆଁଦ୍ ତାରାଜୁ ତାଇକେନା । ୬ ଏନ୍ତେ ଆଇଙ୍ଗ୍ ଉପୁନିୟା ଜାଁତୁକ ମିଦ୍ ଲାବ୍ଜାତେ କାଜିତାନ୍ ଲେକା ଆୟୁମ୍କେଦାଲ୍ଲଙ୍ଗ୍, “ମୁସିଙ୍ଗ୍ରାଃ ନାଲା ସିକାତେ

* ୫:୧୦ ୫:୧୦ ଉତ୍କଳ କାଳି ୧:୨.

ମିଦ୍ ତାମ୍ବି ଗହମ୍ ଚାଏ ଆପି ତାମ୍ବି କଦେ ନାମଃଆ । ମେନ୍ଦ୍ ଜାଲ୍ପାଇ ସୁନ୍ଦମ୍ ଆତଃ ଦାଖ୍ରାସିକେ ଆଲପେ ନକ୍ସାନେୟା ।”

୭ ଏନ୍ତେ ମିଣ୍ଡିହନ୍ ଉପୁନିୟା ମୋହର୍ ରାଡ଼ାକେଦାଏ, ଆତଃ ଉପୁନିୟା ଜାଁତୁ ଆଇଙ୍ଗକେ କାଜିକେଦିୟାଏ, “ହିଜୁଃମେ !” ୮ ଏନାରେ ଆଇଙ୍ଗ ମିଆଁଦ୍ ମାଟିୟା ରାଙ୍ଗରେନ୍ ସାଦମ୍ ନେଲ୍କିୟାଇଙ୍ଗ । ଏନ୍ ସାଦମ୍ରେ ଦୁବାକାନିୟାଃ ନୁତୁମ୍ ଗନଏଃ, ହୁଆଙ୍ଗାଡ଼ା ଆଇଃକକେ ଅତଙ୍ଗ୍ ତାଇକେନା । ମାପାଃତୁପୁଇଙ୍ଗ୍ ରିଙ୍ଗା, ବେମାର୍, ଆତଃ ବିର୍ ଜାଁତୁକଆଃ ହରାତେ ଜିୟନ୍ ରିକା ନାଙ୍ଗ୍ ଅତେଦିଶୁମ୍ରେୟାଃ ଉପୁନିୟା ଚେତାନରେ ଇନ୍କୁକେ ଆକ୍ତେୟାର୍ ଏମ୍ୟାନା ।

୯ ଏନ୍ତେ ମିଣ୍ଡିହନ୍ ମଣେୟା ମୋହର୍ ରାଡ଼ାକେଦାଏ ଇମ୍ତା, ଆଇଙ୍ଗ ମିଆଁଦ୍ ବେଦି ନେଲ୍କେଦାଇଙ୍ଗ । ପାର୍ମେଶ୍ୱାର୍ଆଃ ବାଚାନ୍ ଉଦୁବକେଦ୍ତେ ଗାଞ୍ଜା ଏମ୍ରେ ପାତିୟାର୍ରେଃ ଲେକା ତାଇକାନ୍ ହରାତେ ଗନଏଃ ନାମାକାଦ୍ ହଡ଼କଆଃ ଆମ୍ବାକ, ଏନ୍ ବେଦି ଲାତାର୍ରେ ଜାତ୍ନାଅକେଦ୍ତେ ତାଇକେନା । ୧୦ ଇନ୍କୁ କାଉରିକେଦ୍ତେ କାଜିତାଇକେନାକ, “ହେ ପାବିତାର୍, ସାର୍ତି ଆତଃ ପୁରାଃ ପେଡେୟାନ୍ ପ୍ରାଭୁ ! ଅତେରେ ଅକନକ ଆଲେକେ ଗଏଃକାଲେ ତାଇକେନାକ, ଇନ୍କୁକେ ବିଚାର୍କେଦ୍ତେ ସାଜାଇ ଏମାକ ନାଗେନ୍ତେ ଆତଃଚିମିନ୍ ମାହାଁ ବିଲ୍ମାମଃଆ ?” ୧୧ ଏନ୍ ଆମ୍ବାକଏତେ ମିପିୟାଦ୍କକେ ପୁଣ୍ଡି ଲିଜାଃ ଏମ୍ୟାନା । ଇନ୍କୁଆଃ ଗାତିଦାସିକେ ଆତଃ ହାଗା ମିଶିକକେ ଇନ୍କୁଆଃ ଲେକାଗି ଗନଏଃ ସାଜାଇ ନାମଃଆ, ଇନ୍କୁଆଃ ଗନଏଃ ଆଉରି ପୁରାଃଆ ଜାକେଦ୍ ଆତଃକାଟିଃ ଘାଡ଼ିକାଦ୍ ରୁଡ଼ନ୍ ନାଙ୍ଗ୍ ଇନ୍କୁକେ କାଜିୟାନା ।

୧୨ ଏନ୍ତେ ଆଇଙ୍ଗ୍ ଏନ୍ ମିଣ୍ଡିହନ୍କେ ତୁରିୟା ମୋହର୍ ରାଡ଼ାତାନ୍ ନେଲ୍କିୟାଇଙ୍ଗ ଇମ୍ତା, ପୁରାଃଗି ଅତେ ଏକ୍ଲାଅୟାନା । ସିଙ୍ଗି, ଉନ୍ତେ ବାଇୟାକାନ୍ କାମ୍ବାଲ୍ ଲେକା ହେନ୍ଦେ ରାଙ୍ଗ୍ ଆତଃ ଗାଣ୍ଡୁ ମାୟୋମ୍ ଲେକା ପୁରା ଆରାଃ ରାଙ୍ଗ୍ୟାନା । ୧୩ ପୁରାଃଗି ହୟକେଦ୍ ହରାତେ ଲିଆଦାରୁରାଃ ବେରେଲ୍ ଲିଆ ଉୟୁଗଃ ଲେକା, ସିର୍ମାଏତେ ଇପିଲ୍କ ଅତେରେକ ଉୟୁୟାନା । ୧୪ ଉତ୍ତୁରରାଃ ପୁଅ କୁଡ଼ାଏ ଲେକା ସିର୍ମା କୁଡ଼ାୟାନା ଆତଃ କା ନେଲ୍ଃୟାନା । ରୁରୁ ଆତଃ ଟାପୁକ ମିଦ୍ତାଃଏତେ ଆତଃମିଦ୍ତାଃ ଆତମ୍ୟାନା । ୧୫ ଏନ୍ ଦିପିଲିରେ ଅତେଦିଶୁମ୍ରେନ୍ ସବେନ୍ ରାଜା, ରାଇଜ୍ ଚାଲାଅକ, ପାଲ୍ଟାନ୍କଆଃ ମାରାଙ୍ଗ୍ନିଃ, କିସାଁଣ, ପେଡେୟାନ୍କ, ଏଟାଃ ସବେନ୍ ହଡ଼କ, ଆଖରିଙ୍ଗ୍ ଦାସିକ, ତନଲ୍ହେତେ ରାଡ଼ାକାନ୍କ, ରୁରୁରେୟାଃ ସବେନ୍ ଖଡ଼ପଃ ଆତଃ ସେରେଙ୍ଗ୍ ଲାତାର୍ ଲାପାଙ୍ଗାତେ ସେନଃୟାନାକ ଆତଃ ଉକୁୟାନାକ । ୧୬ ଇନ୍କୁ ରୁରୁ ଆତଃ ସେରେଙ୍ଗ୍କକେ ହାକାଅକେଦ୍ତେ କାଜିତାଇକେନାକ, “ଆଲେୟାଃ ଚେତାନରେ ଉୟୁଗଃପେ, ରାଜଗାଦିରେ ଦୁବାକାନ୍ ହଡ଼ତାଃଏତେ ଆତଃ ମିଣ୍ଡିହନ୍ଆଃ ଖ୍ୱଏତେ ଆଲେକେ ଉକୁଲେପେ । ୧୭ ଇନ୍କିନାଃ ଖ୍ୱରାଃ ବରଞ୍ଜାନ୍ ହୁଲାଙ୍ଗ୍ ସେଚେରାକାନା ଆତଃ ଅକଏ ଏନାରେୟାଃ ବିରୁଧ୍ରେ ତିଙ୍ଗୁ ଦାଡ଼ିୟା ?”



୧୪୪,୦୦୦ ଇସ୍ରାଏଲ୍ ହଡ଼କ

୧ ନେଆଁ ଚାୟମ୍ତେ ଆଇଙ୍ଗ୍ ଅତେରେୟାଃ ଉପୁନ୍ କଚାରେ ଉପୁନିୟା ଦୁଁଡ଼କକେ ତିଙ୍ଗୁଆକାନ୍ ନେଲ୍କେଦ୍କଆଇଙ୍ଗ । ଇନ୍କୁ ଅତେରେୟାଃ ଉପୁନ୍ସାଃରେ ହୟକେ କେସେଦ୍କେଦ୍ତେ ତାଇକେନାକ । ଏନାତେ ଅତେଦିଶୁମ୍, ଦରେୟା ଚାଏ ଜେତା ଦାରୁରେ କାଟିଃଲେକାହ୍ ହୟ କା ହିଜୁଃତାଇକେନା । ୨ ଆତଃ ଆଇଙ୍ଗ୍ ଏଟାଃ ଆତଃମିଆଁଦ୍ ଦୁଁଡ଼କେ ଜାନିଦ୍ ପାର୍ମେଶ୍ୱାର୍ଆଃ ମୋହର୍ ସାବ୍କେଦ୍ତେ ସିଙ୍ଗିତୁରସାଃଏତେ ହିଜୁଃତାନ୍ ନେଲ୍କିୟାଇଙ୍ଗ । ନେ ଦୁଁଡ଼ ଅତେଦିଶୁମ୍ ଆତଃ ଦରେୟାକେ ଜିୟନେ ନାଗେନ୍ତେ ପାର୍ମେଶ୍ୱାର୍ ଅକ ଉପୁନିୟା ଦୁଁଡ଼କକେ ଆକ୍ତେୟାର୍ ଏମାକାଦ୍କ ତାଇକେନାଏ, ଇନ୍କୁକେ କାଉରିକେଦ୍ତେ କାଜିକେଦ୍କଆ, ୩ “ଆଲେ ଆବୁଆଃ ପାର୍ମେଶ୍ୱାର୍ଆଃ ଦାସିକଆଃ ମଲ୍ଙ୍ଗ୍ରେ ମୋହର୍ରାଃ ଚିହ୍ନାଁ ଆଉରି ଏମାକ ଜାକେଦ୍ ଅତେଦିଶୁମ୍, ଦରେୟା ଚାଏ ଦାରୁକରାଃ ଜେଡ଼ନାଃ ଆଲପେ ନକ୍ସାନେୟା ।” ୪ ଅକ ହଡ଼କଆଃ ମଲ୍ଙ୍ଗ୍ରେ ପାର୍ମେଶ୍ୱାର୍ଆଃ ମୋହର୍ରାଃ ଚିହ୍ନାଁ ଏମ୍ୟାନା, ଇନ୍କୁ ୧୪୪,୦୦୦ ହଡ଼କ ମେନାକଆ ମେନ୍ତେଇଙ୍ଗ୍ ଆୟୁମ୍କେଦା । ଇନ୍କୁ ଇସ୍ରାଏଲ୍ରେନ୍ ଗେଲ୍ବାର୍ କିଲିକଆଃ ହଡ଼କତାନ୍କ । ୫ ଯିହୁଦା କିଲିକଏତେ ୧୨,୦୦୦, ରୁବେନ୍ କିଲିକଏତେ ୧୨,୦୦୦, ଗାଦ୍ କିଲିକଏତେ ୧୨,୦୦୦, ୬ ଆସେର୍ କିଲିକଏତେ ୧୨,୦୦୦, ନପ୍ତାଲି କିଲିକଏତେ ୧୨,୦୦୦, ମନାସି କିଲିକଏତେ ୧୨,୦୦୦, ୭ ଶିମିୟନ୍ କିଲିକଏତେ ୧୨,୦୦୦, ଲେବୀ କିଲିକଏତେ ୧୨,୦୦୦, ଇସାଖର୍ କିଲିକଏତେ ୧୨,୦୦୦, ୮ ସବ୍ଲୁନ୍ କିଲିକଏତେ ୧୨,୦୦୦, ଯୋଷେଫ୍ କିଲିକଏତେ ୧୨,୦୦୦, ଆତଃ ବେଞ୍ଜାମିନ୍ କିଲିକଏତେ ୧୨,୦୦୦ ।

☆ ୬:୧୨ ୬:୧୨ ଉତ୍କଳ କାଜି ୧୧:୧୩; ୧୬:୧୮; ମାଥୁଇ ୨୪:୨୯; ମାର୍କ ୧୩:୨୪,୨୫; ଲୁକ ୨୧:୨୫. ☆ ୬:୧୪ ୬:୧୪ ଉତ୍କଳ କାଜି ୧୬:୨୦. ☆ ୬:୧୬ ୬:୧୬ ଲୁକ ୨୩:୩୦.

ପୁରାଣ ଗାଦେଲ୍ ହତ୍

୯ ଏନ୍ତେ ଆଇଙ୍ଗ୍ ପୁରାଣ ଗାଦେଲ୍ ହତ୍‌କକେଇଙ୍ଗ୍ ନେଲ୍‌କେଦ୍‌କଥା, ଇନ୍‌କୁକେ ଲେକାଲେକରେ କାକ ଲେକା ଦାଡ଼ିୟାଆ । ଇନ୍‌କୁ ମିପିୟାଦ୍ ଜାତିରେନ୍, କିଲିରେନ୍, ଦିଶ୍‌ମ୍‌ରେନ୍, ଆତଃ ଏଟାଃ ଏଟାଃ ଜାଗାର୍‌ତାନ୍ ହତ୍‌କଏତେ ହିଜାକାନ୍ ତାଇକେନାକ । ଇନ୍‌କୁ ପୁଣି ଲିଜାଃ ତୁସିଙ୍ଗ୍‌କେଦ୍‌ତେ ଆତଃ ତିଃଇରେ କିତା ଜାଉଡ଼ା ସାବ୍‌କେଦ୍‌ତେ, ରାଜ୍‌ଗାଦି ଆତଃ ମିଣ୍ଡିହନ୍‌ଆଃ ଆୟାର୍‌ରେ ତିଙ୍ଗୁଆକାନ୍ ତାଇକେନାକ । ୧୦ ଇନ୍‌କୁ ପୁରାଣ କାଉରିକେଦ୍‌ତେ କାଜିତାଇକେନାକ, “ରାଜ୍‌ଗାଦିରେ ଦୁବାକାନ୍ ପାର୍‌ମେଶ୍‌ବାର୍ ଆତଃ ମିଣ୍ଡିହନ୍ ଏସ୍‌କାର୍ ଆରୁଆଃ ଜୀଉବାସ୍ତାଅନିଃ ତାନିଃ ।” ୧୧ ସବେନ୍ ଦୁଡ୍‌କ ରାଜ୍‌ଗାଦି, ପ୍ରାଚିନ୍‌କଥାଃ, ଆତଃ ଉପୁନିୟା ଜାତୁକଥାଃ ଚାରିୟସାଃରେ ତିଙ୍ଗୁଆକାନ୍ ତାଇକେନାକ । ଇନ୍‌କୁ ରାଜ୍‌ଗାଦି ଆୟାର୍‌ରେ ଅମ୍ବାଃକେଦ୍‌ତେ ପାର୍‌ମେଶ୍‌ବାର୍‌କେ ଜହାର୍‌ତାନ୍‌ଲଃ ଆତଃ ସୁନ୍‌ସାର୍ ରିକାତାନ୍‌ଲଃ ୧୨ କାଜିକେଦାକ, “ଆମେନ୍ ! ସାହାରାଅ, ମାନାରାଙ୍ଗ୍, ସେଣ୍ଡା, ଧାନ୍ୟାବାଦ୍, ମାଇନାନ୍, ପେଡ଼େଃ ଆତଃ ଆୟାଃ ଆକ୍‌ତେୟାର୍ ଜାନାଅ ଜାନାଅ ଆରୁଆଃ ପାର୍‌ମେଶ୍‌ବାର୍‌ଆଃ ହବାଅଃକା ଆମେନ୍ !”

୧୩ ଏନ୍ ପ୍ରାଚିନ୍‌କଏତେ ମିହୁଡ଼ନିଃ ଆଇଙ୍ଗ୍‌କେ କୁଲିକେଦିୟା, “ପୁଣି ଲିଜାଃ ତୁସିଙ୍ଗ୍‌ୟାକାନ୍ ଏନ୍ ହତ୍‌କ ଅକଏତାନ୍‌କ ? ଆତଃ ଇନ୍‌କୁ କତାଃଏତେ ହିଜୁଃକାନାକ ?”

୧୪ *ଆଇଙ୍ଗ୍ କାଜିରୁହାଡ଼କେଦାକ୍, “ହେ ମାଇନାନ୍, ଆଇଙ୍ଗ୍ କାକ୍‌କ୍ ସାରି, ଆବେନ୍ ସାରିକାଃବେନ୍ ।” ଇନିଃ ଆଇଙ୍ଗ୍‌କେ କାଜିକେଦିୟା, “ନେ ହତ୍‌କ ବରଝାନ୍‌ଗି ସାସାତି ନାମ୍‌କେଦ୍‌ତେ ହିଜୁଃକାନାକ । ଇନ୍‌କୁ ମିଣ୍ଡିହନ୍‌ଆଃ ମାୟୋମ୍‌ତେ ଆକଥାଃ ଲିଜାଃ ଚାପିକେଦ୍‌ତେ ପୁଣିକାଦାକ । ୧୫ ଏନାମେନ୍ତେ ଇନ୍‌କୁ ପାର୍‌ମେଶ୍‌ବାର୍‌ଆଃ ରାଜ୍‌ଗାଦି ଆୟାର୍‌ରେ ତେରାକେଦ୍‌ତେ ନିଦାସିଙ୍ଗ୍ ଆୟାଃ ମାନ୍‌ଦି ଅଡ଼ାଃରେ ଆୟାଃ ସୁନ୍‌ସାର୍ ରିକାତାନାକ । ଆତଃ ରାଜ୍‌ଗାଦିରେ ଦୁବାକାନ୍ ହତ୍ ଇନ୍‌କୁକେ ବାସ୍ତାଅକଥା । ୧୬ ଇନ୍‌କୁ ଚିଉଲ୍‌ହ କାକ ରେଙ୍ଗେଜଥାଃ ଚାଏ କାକ ତେତାଙ୍ଗ୍‌ଅଃଆ, ସିଙ୍ଗିରାଃ ରାପ୍ ଚାଏ ଏଟାଃ ଜେତାନ୍ ରାପ୍ ଇନ୍‌କୁକେ କାଏ ଜୁଲ୍ ଦାଡ଼ିୟା । ୧୭ ଚିୟାଃଚି ରାଜ୍‌ଗାଦି ଆଲାମାଲ୍‌ରେ ଦୁବାକାନ୍ ମିଣ୍ଡିହନ୍ ଇନ୍‌କୁଆଃ ଗୁପିନିଃ ହବାଅଃଆଏ । ଇନିଃ ଜୀଦାନ୍‌ରେୟାଃ ସେତେଙ୍ଗ୍ ଦାଆଃ ହେପାଦ୍‌ତେ ଇନ୍‌କୁକେ ସୁତୁଃଇଦିକଥା ଆତଃ ପାର୍‌ମେଶ୍‌ବାର୍ ଇନ୍‌କୁଆଃ ମେଦ୍‌ଦାଆଃ ସବେନାଃଏ ଜଦ୍‌କଥା ।”

୮

ଏୟା ମୋହର୍

୧ ମିଣ୍ଡିହନ୍ ଏୟା ମୋହର୍ ରାଡ଼ାକେଦ୍‌ଚି, ସିର୍ମା ଦିଶ୍‌ମ୍‌ରେ ଆଧା ଘାଣ୍ଟା ଜାକେଦ୍ ସିଃସଏଃୟାନା । ୨ ଏନ୍ତେ ଆଇଙ୍ଗ୍ ପାର୍‌ମେଶ୍‌ବାର୍‌ଆଃ ଆୟାର୍‌ରେ ତିଙ୍ଗୁଆକାନ୍ ଏୟା ଦୁଡ୍‌କକେଇଙ୍ଗ୍ ନେଲ୍‌କେଦ୍‌କଥା ଆତଃ ଇନ୍‌କୁକେ ଏୟା ବିଙ୍ଗୁଲ୍‌ବାଜା ଏମ୍‌ୟାନା ।

୩ ଏଟାଃ ଆତଃମିଆଁଦ୍ ଦୁଡ୍ ମିଆଁଦ୍ ସୋନାରେୟାଃ ଧୁଆନ୍ ଉରୁବ୍‌ତେୟାଃ ସାବ୍‌କେଦ୍‌ତେ ବେଦି ଜାପାଃରେ ତିଙ୍ଗୁୟାନା । ରାଜ୍‌ଗାଦି ହେପାଦ୍‌ରେ ତାଇନଃତାନ୍ ସୋନାରେୟାଃ ବେଦି ଚେତାନ୍‌ରେ ପାର୍‌ମେଶ୍‌ବାର୍‌ଆଃ ହତ୍‌କଥାଃ ବିକ୍ତିଲଃ ମେସାକେଦ୍‌ତେ ଦାନ୍ ରାକାବେ ନାଙ୍ଗ୍ ଇନିଃକେ ପୁରାଃଗି ଧୁଆନ୍ ଏମ୍‌ୟାନା । ୪ ଏନ୍ ଦୁଡ୍‌ଆଃ ତିଃଇରେ ଜୁଲ୍‌ତାନ୍ ଧୁଆନ୍‌ରାଃ ସୁକୁଲ୍‌ଲଃ ପାର୍‌ମେଶ୍‌ବାର୍‌ଆଃ ହତ୍‌କଥାଃ ବିକ୍ତି ମେସାକେଦ୍‌ତେ ଚେତାନ୍‌ତେ ରାକାବ୍‌ୟାନା । ୫ *ଏନ୍ତେ ଦୁଡ୍ ଧୁଆନ୍ ଉରୁବ୍‌ତେୟାଃରେ ବେଦିରେୟାଃ ସେଙ୍ଗେଲ୍ ପେରେଃକେଦାଏ ଆତଃ ଏନାକେ ଅତେରେ ହୁରାଙ୍ଗ୍‌କେଦା । ନେଆଁ ହରାତେ ରିମିଲ୍ ସାଡ଼ିୟାନା, ହିଚିରକେଦାଏ ଆତଃ ଅତେ ଏକ୍‌ଲାଅୟାନା ।

ଏୟା ବିଙ୍ଗୁଲ୍‌ବାଜା

୬ ଏନ୍ତେ ଏୟା ଦୁଡ୍‌କ ଏୟା ବିଙ୍ଗୁଲ୍‌ବାଜା ସାଡ଼ି ନାଙ୍ଗ୍ ସେକାଡ଼୍‌ୟାନାକ । ୭ ପାହିଲା ଦୁଡ୍ ବିଙ୍ଗୁଲ୍‌ବାଜା ସାଡ଼ିକେଦ୍‌ଚି ଆରିଲ୍, ସେଙ୍ଗେଲ୍ ଆତଃ ମାୟୋମ୍ ଅତେ ଚେତାନ୍‌ରେ ଦୁଲ୍‌ୟାନା । ଏନାତେ ସବେନ୍ ଦାରୁ, ହାରିୟାର୍ ତାସାଦ୍ ଆତଃ ଅତେରେୟାଃ ଆପିହିସା ଜୁଲ୍‌ୟାନା ।

୮ ଏନ୍ତେ ଏଟାଃ ଆତଃମିଆଁଦ୍ ଦୁଡ୍ ଆୟାଃ ବିଙ୍ଗୁଲ୍‌ବାଜା ସାଡ଼ିକେଦ୍‌ଚି ସେଙ୍ଗେଲ୍ ଜୁଲ୍‌ତାନ୍ ଲେକା ମିଆଁଦ୍ ମାରାଙ୍ଗ୍ ଦରେୟାରେ ହୁରାଙ୍ଗ୍‌ୟାନା । ଏନାତେ ଦରେୟାରେୟାଃ ଆପିହିସା ଦାଆଃ, ମାୟୋମ୍ ବାଇୟାନା । ୯ ଦରେୟାରେନ୍ ଜାନିଦ୍ ଜାତୁକଏତେ ଆପିହିସା ଗଏଃୟାନାକ, ଆତଃ ଦରେୟାରେୟାଃ ଦାଆଃ ଜାହାଜ୍‌କ ଆପିହିସା ନକ୍‌ସାନ୍‌ୟାନା ।

୧୦ ଏନ୍ତେ ଆପିୟା ଦୁଡ୍ ଆୟାଃ ବିଙ୍ଗୁଲ୍‌ବାଜା ସାଡ଼ିକେଦ୍‌ଚି ସିର୍ମାଏତେ ସେଙ୍ଗେଲ୍ ଲୁଠି ଲେକା ଜୁଲ୍‌ତାନ୍ ମିଆଁଦ୍ ମାରାଙ୍ଗ୍ ଇପିଲ୍ ସବେନ୍ ଗାଡ଼ାରେୟାଃ ଆପିହିସା ଆତଃ ସେତେଙ୍ଗ୍ ଚେତାନ୍‌ରେ ଉୟାୟାନା ।

* ୭:୧୪ ୭:୧୪ ମାଥୁଉ ୨୪:୨୧; ମାର୍କ୍ ୧୩:୧୯. ✨ ୮:୫ ୮:୫ ଉତ୍କଳ କାଜି ୧୧:୧୯; ୧୭:୧୮.

୧୧ ଏବଂ ଇପିଲିଭାସ ନୁହେଁ “ମେହେର ।” ଏନାରେ ଦାଆଃରେୟାଃ ଆପିହିସା ମେହେରୟାନା, ଆତଃ ଏବଂ ଦାଆଃ ନୁଁକେଦତେ ପୁରାଃ ହତକଥାଃ ଗନଏଃ ହବାୟାନା ।

୧୨ ଏନ୍ତେ ଉପୁନିୟା ଦୁଁତ ଆୟାଃ ବିଜ୍ଞୁଲ୍‌ବାଜା ସାଡ଼ିକେଦତି ସିଜ୍ଞିରାଃ ଆପିହିସା, ଚାଣ୍ଡୁରାଃ ଆପିହିସା, ଆତଃ ଇପିଲ୍‌କଥାଃ ଆପିହିସା ଜିୟନ୍‌ୟାନା । ଏନାତେ ମାସ୍ମାଲ୍‌ରେୟାଃ ଆପିହିସା ନୁବାଃୟାନା । ସିଜ୍ଞିରେୟାଃ ଆପିହିସା ଆତଃ ନୁବାଃରେୟାଃ ଆପିହିସା କା ମାସ୍ମାଲ୍‌ୟାନା ।

୧୩ ଏନ୍ତେ ଆଇଙ୍ଗ୍ ଆରିଦ୍ ରାକାବ୍‌କେଦାଇଙ୍ଗ୍, ଆଲା ସିର୍ମାରେ ମିଆଁଦ୍ ବାଜ୍ ଅଡ଼େ ଆଫିରତାନ୍‌ଲଃ କାଉରିକେଦତେ କାଜିତାନା, “ହାଏ, ଚିମିନ୍ ବରଝାନ୍‌ଗିୟା ! ଏଟାଃ ଆପିୟା ଦୁଁତକ ଆକଥାଃ ବିଜ୍ଞୁଲ୍‌ବାଜା ସାଡ଼ି ଇମତା, ଅତେଦିଶ୍ମୁମ୍‌ରେନ୍ ହତକଥାଃ ଦୁରଦାସା ଚିମିନ୍ ବରଝାନ୍‌ଗି ହବାଅଥା ।”

C

୧ ଏନ୍ତେ ମଣେୟାଁ ଦୁଁତ ବିଜ୍ଞୁଲ୍‌ବାଜା ସାଡ଼ିକେଦତି, ଆଇଙ୍ଗ୍ ସିର୍ମାଏତେ ମିଆଁଦ୍ ଇପିଲ୍ ଅତେରେ ଉୟୁଗଃତାନ୍ ନେଲ୍‌କିୟାଈଙ୍ଗ୍, ଇନିଃକେ ହୁଆଙ୍ଗ୍‌ଗାଡ଼ାରେୟାଃ ଚାଢି ଏମାକାନ୍ ତାଇକେନା । ୨ ଇନିଃ ହିଜୁଃକେଦତେ ହୁଆଙ୍ଗ୍‌ଗାଡ଼ାରେୟାଃ ଦୁଆର୍ ନିଜ୍‌କେଦତି, ମିଆଁଦ୍ ମାରାଙ୍ଗ୍ ଭାଟିଏତେ ଅତଙ୍ଗ୍‌ଅଃତାନ୍ ସୁକୁଲ୍ ଲେକା ହୁଆଙ୍ଗ୍‌ଗାଡ଼ାଏତେ ସୁକୁଲ୍ ଅତଙ୍ଗ୍‌ୟାନା, ଆତଃ ଏବଂ ସୁକୁଲ୍ ହରାତେ ସିଜ୍ଞି ଆତଃ ସିର୍ମା ଲାଡାର୍ ନୁବାଃୟାନା । ୩ ଆତଃ ଏବଂ ସୁକୁଲ୍‌ଏତେ ସନ୍‌ସରେଦକ ଅତଙ୍ଗ୍‌କେଦତେ ଅତେରେକ ପାସ୍‌ରାଅୟାନା । ଇନ୍‌କୁକେ ମାର୍‌ମାର୍ ଲେକା ତୁଡ୍ ଦାଡ଼ିରେୟାଃ ପେଡ଼େଃ ଏମ୍‌ୟାନା । ୪ ଅତେରେୟାଃ ତାସାଦ୍, ଆଡ଼ାଃ ଚାଏ ଜେତାନ୍ ଦାରୁକେ ଆଲପେ ନକ୍‌ସାନେୟା, ମେନ୍‌ଦ ଅକନ୍‌କଥାଃ ମଲ୍‌ଙ୍ଗ୍‌ରେ ପାର୍‌ମେଶ୍ୱାର୍‌ଆଃ ଚିହ୍ନାଁ କା ତାଇକେନା, ଇନ୍‌କୁଆଃ ଏସକାର୍ ନକ୍‌ସାନ୍ ରିକା ନାଗେନ୍ତେ ଏବଂ ସନ୍‌ସରେଦକକେ କାଜିକାନ୍ ତାଇକେନା । ୫ ଆତଃ ଏବଂ ହତକକେ ଆଲପେ ଗଏଃକଥା, ମେନ୍‌ଦ ମଣେୟାଁ ମାହିଁନା ଜାକେଦ୍ ଦୁକୁ ଏମାକପେ ମେନ୍ତେ ଏବଂ ସନ୍‌ସରେଦକକେ ଆତୁକାନ୍ ତାଇକେନା । ଏବଂ ଦୁକୁହାସୁ, ମାର୍‌ମାର୍‌କଥାଃ ତୁଡ୍ ଲେକା ହାସୁ ତାଇକେନା । ୬ ଏବଂ ମଣେୟାଁ ମାହିଁନା ଭିତାରରେ ଦୁକୁହାସୁତାନ୍ ହତକ ଗନଏଃ ଦାଣ୍ଡାୟାକ, ମେନ୍‌ଦ ଗନଏଃ କାକ ନାମେୟା । ଇନ୍‌କୁ ଗଜଃ ସାନାଙ୍ଗ୍‌ଆଃକ, ମେନ୍‌ଦ ଗନଏଃ ଇନ୍‌କୁତାଃଏତେ ନିରାଃ ।

୭ ଏବଂ ସନ୍‌ସରେଦକ ଲାଡ଼ାଇ ନାଗେନ୍ତେ ସେକାଡ଼ାକାନ୍ ସାଦମ୍ ଲେକାକ ନେଲଃ ତାଇକେନା । ଇନ୍‌କୁଆଃ ବହଃରେ ସୋନାରେୟାଃ ମୁକୁଟ୍ ଲେକା, ମେଦ୍‌ମୁହାଁଡ୍ ହତକଥାଃ ମେଦ୍‌ମୁହାଁଡ୍ ଲେକା, ୮ ଉବ୍ କୁଡ଼ିକଥାଃ ଉବ୍ ଲେକା ଆତଃ ତାଟା କୁଲାକଥାଃ ତାଟା ଲେକା ତାଇକେନା । ୯ ଇନ୍‌କୁଆଃ କୁଡ଼ାମକେ ମେଡ଼େଦତେ ବାଇୟାକାନ୍ ତୁସିୟେନ୍‌ତେୟାଃ ଲେକ୍‌ନାଃଲଃ ପଟମାକାନ୍ ତାଇକେନା ଆତଃ ସାଦମ୍ ଗାଡ଼ିତେ ଲାଡ଼ାଇପିଡ଼ି ନିରେତାନ୍ ପୁରାଃଗି ସାଦମ୍‌କଥାଃ ଲାବ୍‌ଜା ଲେକା, ଇନ୍‌କୁଆଃ ଆପ୍‌ରବ୍‌ରାଃ ଲାବ୍‌ଜା ଅତଙ୍ଗ୍‌ଅଃ ତାଇକେନା । ୧୦ ଇନ୍‌କୁଆଃ ଚାଆଃଲମ୍ ଆତଃ ତୁଡ଼େୟାଃ, ମାର୍‌ମାର୍‌କଥାଃ ଚାଆଃଲମ୍ ଆତଃ ତୁଡ଼େୟାଃ ଲେକା ତାଇକେନା । ଏବଂ ଚାଆଃଲମ୍‌ତେ ମଣେୟାଁ ମାହିଁନା ଜାକେଦ୍ ହତକଥାଃ ନକ୍‌ସାନ୍ ରିକା ନାଗେନ୍ତେ ଇନ୍‌କୁକେ ଆକ୍‌ତେୟାର୍ ଏମାକାନ୍ ତାଇକେନା । ୧୧ ଇନ୍‌କୁଆଃ ଚେତାନ୍‌ରେ ମିଆଁଦ୍ ରାଜା ରାଇଜେ ତାଇନାଏ । ଇନିଃ ହୁଆଙ୍ଗ୍‌ଗାଡ଼ାରେନ୍ ମାରାଙ୍ଗ୍ ଦୁଁତ ତାନିଃ । ଏବଂ ଜାଗାର୍‌ତେ ଆୟାଃ ନୁହେଁ ଆବଦୋନ୍ ଆତଃ ଗ୍ରୀକ୍ ଜାଗାର୍‌ରେ ଏବଂ ନୁହେଁ ହବାଅଥାତାନା ଆପୋଲିୟୋନ୍, ଏନାରେୟାଃ ମୁଣ୍ଡି ଜିୟନେନିଃ ।

୧୨ ପାହିଲା ଦୁକୁହାସୁ ଚାବାୟାନା, ଏଟାଃ ଆତଃମିଆଁଦ୍ ଦୁକୁହାସୁ ହିଜୁଃତାନା ।

୧୩ ଏନ୍ତେ ତୁରିୟା ଦୁଁତ ଆୟାଃ ବିଜ୍ଞୁଲ୍‌ବାଜା ସାଡ଼ିକେଦତି, ପାର୍‌ମେଶ୍ୱାର୍‌ଆଃ ଆୟାର୍‌ରେ ଦହାକାନ୍ ସୋନା ବେଦିରେୟାଃ ଉପୁନିୟା ଦିରିଙ୍ଗ୍‌ହେତେ ମିଆଁଦ୍ ଲାବ୍‌ଜା ଆୟୁମ୍‌କେଦାଇଙ୍ଗ୍ । ୧୪ ଏବଂ ଲାବ୍‌ଜା ବିଜ୍ଞୁଲ୍‌ବାଜା ସାବାକାଦ୍ ତୁରିୟା ଦୁଁତକେ କାଜିକିୟା, “ଇଉଫ୍ରାଟିସ୍ ନୁହେଁମାତାନ୍ ମାରାଙ୍ଗ୍ ଗାଡ଼ା ହେପାଦ୍‌ରେ ତଲାକାନ୍ ଉପୁନିୟା ଦୁଁତକେ ରାଡ଼ାତାକମେ ।” ୧୫ ଏନାମେନ୍ତେ ନେ ସାଲାକାନ୍ ବାରାଷ୍ଟ, ମାହିଁନା, ଦିନ୍ ଆତଃ ଘାଡ଼ିରେ, ସବେନ୍ ହତକଥାଃ ଆପିହିସା ହତକକେ ଗଗଏଃ ନାଗେନ୍ତେ ସେକାଡ଼ାକାନ୍ ଏବଂ ଉପୁନିୟା ଦୁଁତକେ ରାଡ଼ାୟାନା । ୧୬ ଏନ୍ତେ ଆଇଙ୍ଗ୍ ସାଦମ୍ ଚେତାନ୍‌ରେ ଦୁବ୍‌କେଦତେ ଲାଡ଼ାଇତାନ୍ ସିପାଇକ ୨୦୦,୦୦୦,୦୦୦ ତାଇକେନାକ ମେନ୍ତେଇଙ୍ଗ୍ ଆୟୁମ୍‌କେଦା । ୧୭ ଆତଃ ଆଇଙ୍ଗ୍ ଦାର୍‌ଶାନ୍‌ରେ ନେ'ଲେକାଈଙ୍ଗ୍ ନେଲ୍‌କେଦା, ଇନ୍‌କୁଆଃ କୁଡ଼ାମ୍‌ରେ ମେଡ଼େଦତେ ବାଇୟାକାନ୍ ତୁସିୟେନ୍‌ତେୟାଃ, ସେଙ୍ଗେଲ୍ ଲେକା ଆରାଃ, ନିଲିୟା ରାଙ୍ଗ୍, ଆତଃ ସାସାଙ୍ଗ୍ ରାଙ୍ଗ୍ ତାଇକେନା । ସାଦମ୍‌କଥାଃ କୁଲା ଲେକା ବହଃ ତାଇକେନା ଆତଃ ଇନ୍‌କୁଆଃ ମଚାଏତେ ସେଙ୍ଗେଲ୍, ସୁକୁଲ୍ ଆତଃ ଗାନ୍ଧାକ୍ ଅତଙ୍ଗ୍‌ଅଃ ତାଇକେନା । ୧୮ ଆତଃ ଇନ୍‌କୁଆଃ ମଚାଏତେ ଅତଙ୍ଗ୍‌ଅଃତାନ୍ ସେଙ୍ଗେଲ୍, ସୁକୁଲ୍ ଆତଃ ଗାନ୍ଧାକ୍ ଲେକାନ୍ ନେ ଆପିୟା ଦୁକୁହାସୁତେ ହତକଥାଃ ଆପିହିସା ଗନଏଃ ହବାୟାନା । ୧୯ ସାଦମ୍‌କଥାଃ ପେଡ଼େଃ, ଇନ୍‌କୁଆଃ ମେଦ୍‌ମୁହାଁଡ୍ ଆତଃ ଚାଆଃଲମ୍‌ରେ ତାଇକେନା ।

ଇନ୍ଦ୍ରକୁଆଃ ଚାଆଃଲମ୍ ବିଜ୍ଞକଆଃ ବହଃ ଲେକା ତାଇକେନା ଆତଃ ଏନାତେ ଇନ୍ଦ୍ରକୁ ହତକକେ ନକ୍ସାନ୍କ ତାଇକେନାକ ।

^{୨୦} ଦୁକୁହାସୁକରେ କା ଜିୟନ୍କେଦ୍ଦତେ ସାରେଜାକାନ୍ ହତକ ଆକଆଃ ଏତକାନ୍ କାଜି କାମିକଏତେ କାକ ହେୟାତିକ୍କେଦା । ଇନ୍ଦ୍ରକୁ ବଜା ସେଞ୍ଜା, ତିଃଇତେ ବାଇୟାକାନ୍ ସୋନା, ରୁପା, ପିତାଲ୍, ଦିରି ଆତଃ ଦାରୁରେୟାଃ ମୁରୁଡକକେ, ଅକନକଚି କାକ ନେଲ୍ ଦାଡିୟା, କାକ ଆୟୁମ୍ ଦାଡିୟା ଆତଃ କାକ ସେସେନ୍ ଦାଡିୟା ଇନ୍ଦ୍ରକୁକେ ସେଞ୍ଜା ନାଜ୍ କାକ ବାଗିକେଦା । ^{୨୧} ଇନ୍ଦ୍ରକୁ କା ହେୟାତିକ୍କେଦ୍ଦତେ ହତ ଗଗଏଃ, ଦେଅଁଣା କାମି, ଆପାଜିର୍ କାମି, ଆତଃ କୁମ୍ପୁଡୁ କୁମି କାକ ବାଗିକେଦା ।

୧୦

ଦୁଁଡ୍ ଆତଃ ହୁଡିଜ୍ ମାରି ପୁଥ୍

^୧ ଏନ୍ତେ ଆଇଜ୍ ଆତଃମିଆଁଦ୍ ପେଡେୟାନ୍ ଦୁଁଡ୍କେ ସିର୍ମାଏତେ ଆଡୁଗୁଃତାନ୍ ନେଲ୍କିୟାଇଜ୍ । ଇନିଃ ରିମିଲ୍ରେ ଦାନାଜାକାନ୍ ତାଇକେନା ଆତଃ ଲୁରବିଜ୍* ଆୟାଃ ବହଃରେ ବିୟୁରାକାନ୍ ତାଇକେନା । ଇନିୟାଃ ମେଦ୍ମୁହାଁଡ୍ ସିଜିଲେକା ଆତଃ ଆୟାଃ ବାରାନ୍ କାଟା ସେଜେଲ୍ରାଃ ଖୁଣ୍ଟୁ ଲେକା ନେଲଃ ତାଇକେନା । ^୨ ଇନିୟାଃ ତିଃଇରେ ମିଆଁଦ୍ ହୁଡିଜ୍ ମାରି ପୁଥ୍ ଅଟାଃକାନ୍ ତାଇକେନା । ଇନିଃ ଆୟାଃ ଜମ୍ କାଟାକେ ଦରେୟା ଚେତାନ୍ରେ ଆତଃ ଲେଜା କାଟାକେ ଅତେ ଚେତାନ୍ରେ ଦହକାଦ୍ ତାଇକେନା । ^୩ କୁଲାରାଃ ହୁଁକରାଅ ଲେକା ଇନିଃ କାଉରିକେଦ୍ଦତେ କେଡାକେଦା, ଏନ୍ ଲେକାଗି ହୁଁକରାଅକେଦ୍ଦତେ ଏୟା ରିମିଲ୍ସାଡିକ ଇନିୟାଃ କେନେଡାରାଃ କାଜିରୁହାଡ୍କେଦାକ । ^୪ ଇନ୍ଦ୍ରକୁ ଜାଗାର୍କେନ୍ତେୟାଃ, ଏନାକେ ଆଇଜ୍ ଅଲେ ନାଗେନ୍ତେଇଜ୍ ସେକାଡଃ ତାଇକେନା, ମେନ୍ଦ୍ ସିର୍ମାଏତେ ମିଆଁଦ୍ ଲାବ୍ଜା ଆୟୁମ୍କେଦାଜ୍ । ଏନ୍ ଲାବ୍ଜା ଆଇଜ୍କେ କାଜିକେଦିୟା, “ରିମିଲ୍ସାଡିରେ ଅକଆଃ ଆୟୁମ୍କେଦାମ୍, ଏନାକେ ଉକୁକେଦ୍ଦତେ ଦହେମେ, ଆଲ୍ମେ ଅଲେୟା ।”

^୫ ଏନ୍ତେ ଆଇଜ୍ ଅକ ଦୁଁଡ୍କେ ଦରେୟା ଆତଃ ଅତେ ଚେତାନ୍ରେ ତିଜ୍ଞୁଆକାନ୍ ନେଲ୍କାଇ ତାଇକେନାଇଜ୍, ଇନିଃ ଆୟାଃ ଜମ୍ ତିଃଇକେ ସିର୍ମାସାଃତେ ଉଠାଅକେଦା, ^୬ ଆତଃ ଇନିଃ ସିର୍ମା, ଅତେ, ଦରେୟା, ଆତଃ ଏନାରେୟାଃ ସବେନ୍ ବିଷାଏକେ ବାଇୟାକାଦ୍ନିଃ ଜାନାଅ ଜାନାଅ ଜାନିଦ୍ ପାର୍ମେଶ୍ୱାର୍ଆଃ ନୁଡୁମ୍ତେ କିରିୟାକେଦ୍ଦତେ କାଜିକେଦା, “ଆତଃ ଦିପିଲି କା ବିଲାମଃଆ ! ^୭ ଏୟା ଦୁଁଡ୍ ବିଜ୍ଞୁଲ୍ବାଜା ସାଡିୟାଏ ଇମ୍ତା, ପାର୍ମେଶ୍ୱାର୍ ଆୟାଃ ଦାସିକଆଃ ଆତଃ ନାବୀକଆଃ ଆୟାର୍ରେ, ଅକ ସୁକୁକାଜି ଉଦୁବକାଦ୍ ତାଇକେନାଏ, ଏନାକେ ପୁରାଏୟାଏ ।”

^୮ ଏନ୍ତେ ସିର୍ମାରେୟାଃ ଏନ୍ ଲାବ୍ଜା ଆଇଜ୍କେ ଆତଃମିସା କାଜିକେଦିୟା, “ଜୁ, ଦରେୟା ଆତଃ ଅତେ ଚେତାନ୍ରେ ତିଜ୍ଞୁଆକାନ୍ ଦୁଁଡ୍ଆଃ ତିଃଇଏତେ ଅଟାଃକାନ୍ ମାରି ପୁଥ୍ ଇଦିମେ ।”

^୯ ଆଇଜ୍ ଦୁଁଡ୍ତାଃ ସେନ୍କେଦ୍ଦତେ ଏନ୍ ହୁଡିଜ୍ ମାରି ପୁଥ୍କେଇଜ୍ ଆସିକିୟା । ଇନିଃ ଆଇଜ୍କେ କାଜିକେଦିୟା, “ନେଆଁ ଇଦିକେଦ୍ଦତେ ଜମେମେ । ଆମାଃ ଲାହିଦ୍ ନାଗେନ୍ତେ ନେଆଁ ମେହେର୍ରିୟା, ମେନ୍ଦ୍ ଆମାଃ ମଚାରେ ନେଆଁ ହୁରୁମ୍ସୁକୁ ରାସି ଲେକା ହେଡେମ୍ରିୟା ।”

^{୧୦} ଆଇଜ୍ ଏନ୍ ହୁଡିଜ୍ ମାରି ପୁଥ୍କେ, ଏନ୍ ଦୁଁଡ୍ଆଃ ତିଃଇଏତେ ଇଦିକେଦ୍ଦତେ ଜମ୍କେଦାଜ୍ । ଏନା ଆଇୟାଃ ମଚାରେ ହୁରୁମ୍ସୁକୁ ରାସି ଲେକା ହେଡେମ୍କେନା, ମେନ୍ଦ୍ ଉଦ୍କେଦ୍ ତାୟମ୍ତେ ଲାହିଦ୍ ଭିତାର୍ରେ ମେହେର୍ରିୟାନା । ^{୧୧} ଏନ୍ତେ ଜେତାଏ ମିହୁଡ୍ ଆଇଜ୍କେ କାଜିକେଦିୟା, “ପୁରାଃ ଦିଶ୍ୱମ୍, ଜାତି, ରାକାମ୍ ରାକାମ୍ ଜାଗାର୍ତାନ୍ ହତ୍ ଆତଃ ରାଜାକଆଃ ବିଷାଏରେ ପାର୍ମେଶ୍ୱାର୍ଆଃ କାନାଜି, ଆମ୍ ଆତଃମିସା ସେନ୍କେଦ୍ଦତେ ଉଦୁବେମେ ।”

୧୧

ବାରିୟା ଗାଞ୍ଜକିନ୍

^୧ ଏନ୍ତେ ଜେତାଏ ମିହୁଡ୍ ଆଇଜ୍କେ ସଜ୍ସଗା ଲେକା ମିଆଁଦ୍ ସଗା ଏମ୍କେଦ୍ଦତେ କାଜିକେଦିୟା, “ଜୁ, ପାର୍ମେଶ୍ୱାର୍ଆଃ ମାଦିର୍ ଆତଃ ବେଦି ସଜ୍କେଦ୍ଦତେ, ମାଦିର୍ରେ ସେଞ୍ଜାତାନ୍ ହତକକେ ଲେକାକମେ । ^୨ *ମେନ୍ଦ୍ ମାଦିର୍ ଅଡ଼ାଃରାଚାକେ ଆଲମ୍ ସଜେୟା । ଚିୟାଃତି ଏନାଦ୍ ସାଅଁସାର୍ ହତକକେ ଏମାକାନା ଆତଃ ଇନ୍ଦ୍ରକୁ ବାର୍ହିସି ବାର୍ ମାହ୍ ନା ଜାକେଦ୍ ନେ ପାବିତାର୍ ନାଗାର୍କେ ଆକଆଃ କାଟାଲଃ ତିକାଏୟାକ । ^୩ ବାସ୍ତା ଲିଜାଃ ତୁସିଜ୍ୟାକାନ୍ ଆଇୟାଃ ବାର୍ହିଡ୍ ଗାଞ୍ଜକିନ୍କେଇଜ୍ କୁଲ୍କେଦ୍କିନା । ଇନ୍ଦ୍ରିନ୍ ୧,୨୬୦ ମାହାଁ ଜାକେଦ୍ ପାର୍ମେଶ୍ୱାର୍ଆଃ କାନାଜିକେ ଉଦୁବେୟାକିନ୍ ।”

* ୧୦:୧ 10:1 ଇହ୍ୱଧନ୍ ✱ ୧୧:୨ ୧୧:୨ ଲୁକ ୨୧:୨୪.

୪ ଏନ୍ ବାରାନ୍ ଗାଞ୍ଜା ହବାଅଃତାନାକିନ୍, ଅତେରେ ପାର୍ମେଶ୍ଵାର୍ଆଃ ଆୟାରରେ ତିଜ୍ଞୁଆକାନ୍ ବାରିୟା ଜାଇତୁନ୍ ଦାରୁ ଆତଃ ବାରିୟା ଦିଆ ଦହ ଖୁଣ୍ଟୁ ତାନ୍କିନ୍ । ୫ ଜେତାଏ ଇନ୍କିନାଃ ନକ୍ସାନ୍ ରିକା ନାଙ୍ଘ ସାନାଙ୍ଘରେଦ, ଇନ୍କିନାଃ ମତାଏତେ ସେଙ୍ଗେଲ୍ ଅତଙ୍ଘକେଦ୍ତେ ବାଇରିକ ଜିୟନଃଆ । ନେ'ଲେକା ଜେତାଏ ଇନ୍କିନାଃ ନକ୍ସାନ୍ ରିକା ନାଗେନ୍ତେକ ଅତଙ୍ଘଅଃଆ, ଇନ୍କୁ ଜିୟନଃଆକ । ୬ ପାର୍ମେଶ୍ଵାର୍ଆଃ କାନାଜି ଉଦ୍ଦୁବ୍ ଇମ୍ତା ସିର୍ମାଏତେ ଦାଆଃ ଆଲକାଏ ଗାମାଏ ମେନ୍ତେ, ସିର୍ମାରେୟାଃ ରିମିଲ୍କେ ହକା ନାଗେନ୍ତେ, ସେତେଙ୍ଘ ଦାଆଃ, ମାୟୋମ୍ ହବାଅଃ ନାଗେନ୍ତେ ଆତଃ ଆପାନାଃ ଇଛାସାନାଙ୍ଘ୍ ଲେକା ଅତେରେ ମଣ୍ଠେସା ଦୁକୁହାସୁ ହବାଅଃ ନାଗେନ୍ତେ ଇନ୍କିନ୍କେ ଆକ୍ତେୟାର୍ ଏମାକାନା ।

୭ ✧ ଇନ୍କିନ୍ କାନାଜି ଉଦ୍ଦୁବ୍ ଚାବାକେଦ୍ ତାୟମ୍ତେ, ହୁଆଙ୍ଗାଡାଏତେ ମିଆଁଦ୍ ଜାଁତୁ ହିଜ୍ଞୁକେଦ୍ତେ, ଇନ୍କିନ୍ଲଃ ଲାପ୍ତାଈ ରିକାଏୟାଏ । ଇନିଃ ଇନ୍କିନ୍କେ ହାରାଅକେଦ୍ତେ ଗଏଃକିନା । ୮ ଅକ ମାରାଙ୍ଘ୍ ନାଗାରରେୟାଃ ହରାରେ ପ୍ରାଭୁ କୁଶ୍ରେ କିଲକାନ୍ ତାଇକେନା, ଏନ୍ତାଃରେ ଇନ୍କିନାଃ ଗନଏଃ ହଡ଼ମ୍ ଉୟୁଗାକାନ୍ ତାଇନା । ଏନ୍ ମାରାଙ୍ଘ୍ ନାଗାରକେ ଆମ୍ବିକ୍ ଲେକାତେ ସୋଦମ୍ ତାଏ ମିସାର୍ ମେନ୍ତେ କାଜିୟାଃକ । ୯ ସବେନ୍ ଦିଶ୍ଵମ୍ରେନ୍ ହଡ଼କ, କିଲିକ, ଏଟାଃ ଏଟାଃ ଜାଗାରତାନ୍କ, ଆତଃ ଜାତିରେନ୍ ହଡ଼କ ଆପିୟା ଆତଃ ଆଧା ମାହାଁ ଜାକେଦ୍ ଇନ୍କିନାଃ ଗନଏଃ ହଡ଼ମ୍ ନେଲେୟା ଆତଃ ଇନ୍କିନ୍କେ ତପାଗାଡାରେ ଜେତାଏ କାକ ତପାକିନା । ୧୦ ନେ ବାରାନ୍କିନାଃ ଗନଏଃ ହରାତେ ଅତେଦିଶ୍ଵମ୍ରେନ୍ ହଡ଼କ ରାସ୍ତକାନାଃକ, ରିଜରାଙ୍ଘକେଦ୍ତେ ମିହୁଡ଼୍ ଆତଃମିହୁଡ଼ତାଃତେ ଦାନ୍କ କୁଲେୟା । ତିଆଃତି ଏନ୍ ନାବାକିନାଃ ହରାତେ ଅତେଦିଶ୍ଵମ୍ରେନ୍ ହଡ଼କ ପୁରାଃଗି ଦୁକୁକ ନାମେ ତାଇକେନା । ୧୧ ମେନ୍ଦ ଆପିୟା ଆତଃ ଆଧା ମାହାଁ ତାୟମ୍ତେ ପାର୍ମେଶ୍ଵାର୍ତାଃଏତେ ଜୀଦାନ୍ ଏମଃରେୟାଃ ହୟ ହିଜ୍ଞୁକେଦ୍ତେ ଇନ୍କିନାଃ ହଡ଼ମ୍ରେ ବଲୟାନା ଆତଃ ଇନ୍କିନ୍ ବିରିଦ୍କେଦ୍ତେ ତିଜ୍ଞୁୟାନାକିନ୍ । ଅକନ୍କ ନେଆଁ ନେଲ୍କେଦାକ, ଇନ୍କୁ ପୁରାଃଗି ବରକେଦାକ । ୧୨ ଆତଃ ଏନ୍ ବାରାନ୍ ନାବାକିନ୍ ମିଆଁଦ୍ ଲାବ୍ଜା ସିର୍ମାଏତେ କାଜିତାନ୍ ଆୟୁମ୍କେଦାକିନ୍, “ନେତାଃତେ ହିଜ୍ଞୁସବେନ୍ !” ଇନ୍କିନାଃ ବାଇରିକ ନେଲ୍ ତାଇକେନ୍ ଇମ୍ତାଗି ଇନ୍କିନ୍ ରିମିଲ୍ରେ ସିର୍ମାତେକିନ୍ ରାକାବ୍ୟାନା । ୧୩ ✧ ଏନ୍ ଦିପିଲିରେ ପୁରାଃଗି ଅତେ ଏକ୍ଲାଅୟାନା, ନାଗାରରେୟାଃ ଗେଲ୍ହିସା ଜିୟନ୍ୟାନା ଆତଃ ଅତେ ଏକ୍ଲାଅୟାନ୍ ହରାତେ ୭,୦୦୦ ହାଜାର୍ ହଡ଼କ ଗଏଃୟାନାକ । ଜୀନିଦ୍ ତାଇକାନ୍ ହଡ଼କ ବରତେ ସିର୍ମାରେନ୍ ପାର୍ମେଶ୍ଵାର୍ଆଃ ମାନାରାଙ୍ଘ୍ ରିକାକେଦାକ ।

୧୪ ବାରିୟା ସାଙ୍ଗାଟ୍ ଚାବାୟାନା, ମେନ୍ଦ ଆପିୟା ସାଙ୍ଗାଟ୍ ଜାଲ୍ଦି ହିଜ୍ଞୁତାନା ।

ଏୟା ବିଜ୍ଞୁଲ୍

୧୫ ଏନ୍ତେ ଏୟା ଦୁଁଡ୍ ଆୟାଃ ବିଜ୍ଞୁଲ୍ ସାଡ଼ିକେଦାଏ, ଆତଃ ସିର୍ମାରେ କାଉରିକେଦ୍ତେ କାଜିତାନ୍ ମିଆଁଦ୍ ଲାବ୍ଜା ଆୟୁମ୍ୟାନା, “ଆରୁଆଃ ପ୍ରାଭୁ ଆତଃ ଆୟାଃ ଖ୍ରୀଷ୍ଟ୍ ଅତେଦିଶ୍ଵମ୍ରେ ରାଇଜେରେୟାଃ ଆକ୍ତେୟାର୍ ନାହାଁଃଦ ଆୟାଃ ଆପ୍ନାଃ ତିଃଇରେ ମେନାଃ, ଆତଃ ଇନିଃ ଜାନାଅ ଜାନାଅ ରାଇଜେୟାଏ । ୧୬ ଏନ୍ତେ ପାର୍ମେଶ୍ଵାର୍ଆଃ ଆୟାରରେ ଆକଆଃ ଆପ୍ନାଃ ଆପ୍ନାଃ ରାଜ୍ଗାଦିରେ ଦୁବ୍ତାନ୍ ବାର୍ହିସି ଉପ୍ପିୟା ପ୍ରାଚିନ୍କ ବହଃ ତିରୁବ୍କେଦ୍ତେ ପାର୍ମେଶ୍ଵାର୍କେ ଜହାରକିୟାକ ଆତଃ ଆୟାଃ ସୁନୁସାର୍ ରିକାତାନ୍ଲଃ, ୧୭ କାଜିକେଦାକ,

“ହେ ପ୍ରାଭୁ, ସବେନ୍ ପେଡେୟାନ୍ ପାର୍ମେଶ୍ଵାର୍, ଆମ୍ ତାଇକେନ୍ନିଃ ଆତଃ ମେନାମେନିଃ ତାନ୍ମେ, ଆଲେ ଆମ୍କେ ଧାନ୍ୟାବାଦ୍ ଏମାମେତାନାଲେ, ତିଆଃତି ଆମ୍ ପୁରାଃ ପେଡେଃତେ ରାଇଜେ ନାଗେନ୍ତେମ୍ ଏଟେଦ୍କାଦା ।

୧୮ ସାଅଁସାର୍ ହଡ଼କ ଖ୍ଵସ୍ତେ ପେରେୟାନାକ,
ତିୟାଃତି ଆମାଃ ଖ୍ଵସ୍ତାଃ ଦିପିଲି ହିଜ୍ଞୁକାନା,
ଗଜାକାନ୍କ ବିଚାରଃଆକ ।

ଆମାଃ ଦାସିକକେ, ନାବାକକେ, ପାବିତାର୍ ହଡ଼କକେ ଆତଃ ଅକନ୍କ ଆମ୍କେ ବରମେତାନ୍ ହୁଡ଼ିଙ୍ଘ୍ ଆତଃ ମାରାଙ୍ଘ୍ ସବେନ୍କକେ ନାଲା ଏମ୍ରେୟାଃ ଆତଃ ଅକନ୍କ ଅତେଦିଶ୍ଵମ୍କେ ଜିୟନେୟାକ, ଇନ୍କୁକେ ହଗି ଜିୟନଃରେୟାଃ ନେତା ସେଟେରାକାନା ।”

୧୯ ✧ ସିର୍ମାରେ ତାଇନଃତାନ୍ ପାର୍ମେଶ୍ଵାର୍ଆଃ ମାନ୍ଦିର୍ ନିଜ୍ଞୟାନା ଆତଃ ମାନ୍ଦିର୍ ଭିତାର୍ରେ ରାଜିନାମାରେୟାଃ ବାକ୍ସା ନେଲଃୟାନା । ଏନ୍ତେ ରିମିଲ୍ ହିଚିରକେଦାଏ, ଠେରକେଦାଏ, ଅତେ ଏକ୍ଲାଅୟାନା ଆତଃ ପୁରାଃଗି ଆରିଲ୍ ଉୟୁଃୟାନା ।

✧ ୧୧:୭ ୧୧:୭ ଉତ୍କଳ କାଜି ୧୩:୫-୭; ୧୭:୮. ✧ ୧୧:୧୩ ୧୧:୧୩ ଉତ୍କଳ କାଜି ୭:୧୨; ୧୭:୧୮. ✧ ୧୧:୧୯ ୧୧:୧୯ ଉତ୍କଳ କାଜି ୮:୫; ୧୭:୧୮; ଉତ୍କଳ କାଜି ୧୭:୨୧.

୧୨

ମିଆଁଦ କୁଡ଼ି ଆତଃ ମାରାଙ୍ଗ ବିଙ୍ଗ

୧ ଏନ୍ତେ ସିର୍ମାରେୟାଃ ରିମିଲରେ ମିଆଁଦ ଆକଦାନ୍ଦାଅ ଚିହ୍ନାଁ ନେଲଃୟାନା, ଏନ୍ତାଃରେ ମିଆଁଦ କୁଡ଼ି ସିଙ୍ଗିରାଃ ରାଁପ ଲେକା ତୁସିଙ୍ଗିୟାକାନ୍ ତାଇକେନାଏ । ଆୟାଃ କାଟା ଲାତାରରେ ଚାଣ୍ଡୁ ଆତଃ ବହଃରେ ଗେଲ୍‌ବାର ଇପିଲ୍‌ରାଃ ମୁକୁଟ୍ ତାଇକେନା । ୨ ଏନ୍ କୁଡ଼ି ହାମ୍‌ଲାରୋଝାକାନ୍ ତାଇକେନାଏ ଆତଃ ହନ୍ ଜାନାମଃରେୟାଃ ଦୁକୁରେ ହାସୁଇ ନାମେ ତାଇକେନା ।

୩ ସିର୍ମାରେୟାଃ ରିମିଲରେ ଆତଃମିଆଁଦ ଚିହ୍ନାଁ ନେଲଃୟାନା । ଏନ୍ତାଃରେ ଆଇଙ୍ଗ ଆରାଃ ରାଙ୍ଗରେନ୍ ମିଆଁଦ ମାରାଙ୍ଗ ବିଙ୍ଗ ନେଲ୍‌କିୟାଇଙ୍ଗ, ଇନିୟାଃ ଏୟା ବହଃ, ଗେଲ୍ ଦିରିଙ୍ଗ ଆତଃ ମିପିଆଦ୍ ବହଃରେ ମିପିଆଦ୍ ମୁକୁଟ୍ ତାଇକେନା । ୪ ଇନିଃ ଆୟାଃ ଚାଆଃଲମ୍‌ତେ ସିର୍ମାରେନ୍ ଆପି ହିସା ଇପିଲ୍‌କକେ ଅତେରେ ହୁରାଙ୍ଗକେଦକଆ । ଏନ୍ କୁଡ଼ିରାଃ ହନ୍ ଜାନାମ୍‌ୟାନ୍‌ତି, ଇନିଃକେ ଉଦି ନାଗେନ୍ତେ ମାରାଙ୍ଗ ବିଙ୍ଗ ଏନ୍ କୁଡ଼ିଆଃ ଆୟାରରେ ତିଙ୍ଗିୟାନା । ୫ ଏନ୍ତେ ଏନ୍ କୁଡ଼ି, କଡ଼ାହନ୍ ଜାନାମ୍‌କିୟାଏ, ଇନିଃ ସବେନ୍ ଦିଶୁମ୍‌କେ ମିଆଁଦ ମେଡେଦ୍ ସଟାତେ ରାଇକେୟା । ମେନ୍‌ଦ ଏନ୍ ହନ୍‌କେ ଛଡ଼ାଅ ଇଦିକେଦ୍‌ତେ ପାରମେଶ୍ଵାର୍‌ଆଃ ରାଜ୍‌ଗାଦି ଆୟାରରେ ଇଦିୟାନା । ୬ ଆତଃ ଏନ୍ କୁଡ଼ି ବିରତେ ନିରୟାନା । ଏନ୍ତାଃରେ ୧,୨୭୦ ମାହାଁ ଜାକେଦ୍ ଆୟାଃ ତାଇନଃ ନାଗେନ୍ତେ ପାରମେଶ୍ଵାର୍ ଠାୟାଦ୍ ବାଇକେଦାଏ ।

୭ ଏନ୍ତେ ସିର୍ମାରେ ମାପାଃତୁପୁଇଙ୍ଗ ଏନେଟେଦୟାନା । ମିଖେଲ୍ ଆତଃ ଆୟାଃ ଦୁଁଡକ, ଏନ୍ ମାରାଙ୍ଗ ବିଙ୍ଗ ଆତଃ ଆଇଃକକେ ଅତଙ୍ଗତାନ୍ ଦୁଁଡକଲଃ ଲାପାଡ଼ାଇୟାନାକ । ୮ ମେନ୍‌ଦ ଲାପାଡ଼ାଇରେ ମାରାଙ୍ଗ ବିଙ୍ଗ ଆତଃ ଆଇଃକକେ ଅତଙ୍ଗତାନ୍ ଦୁଁଡକ କାକ ଜିତାଅ ଦାଡ଼ିୟାନା ଆତଃ ଇନ୍‌କୁ ସିର୍ମାରେ ଠାୟାଦ୍ କାକ ନାମ୍‌କେଦା । ୯ ଏନ୍ ମାରାଙ୍ଗ ବିଙ୍ଗ ହବାଅଃତାନାଏ, ସବେନ୍ ଅତେଦିଶୁମ୍‌କେ ବେଦାକାଦ୍ ମାରି ମାରାଙ୍ଗ ବିଙ୍ଗ, ସାଏତାନ୍; ଆୟାଃ ଦୁଁଡ ଆତଃ ପେଡେୟାନ୍ ଝୁଣ୍‌ଲଃ ଅତେଦିଶୁମ୍‌ରେ ହୁରାଙ୍ଗୟାନା ।

୧୦ ଏନ୍ତେ ଆଇଙ୍ଗ ସିର୍ମାରେ ପୁରାଃ କାଉରିକେଦ୍‌ତେ ମିଆଁଦ ଲାବ୍‌ଜା ଆୟୁମ୍‌କେଦାଇଙ୍ଗ, “ନାହାଁଃଦ ପାରମେଶ୍ଵାର୍‌ଆଃ ଜୀଉବାଞ୍ଚାଅ ସେଟେରାକାନା । ଆୟାଃ ପୁରାଃ ପେଡେଃ, ରାଇଜ୍ ଆତଃ ଆୟାଃ ମାସିଆଃ ଆକ୍‌ତେୟାର୍ ଉଦୁବାକାନା । ଅକ ପ୍ୟାସ୍‌ରିରେ ଉୟୁଃ ନାଙ୍ଗ ନିଦାସିଙ୍ଗି ପାରମେଶ୍ଵାର୍‌ଆଃ ଆୟାରରେ ତିଙ୍ଗିକେଦ୍‌ତେ, ଆବୁଆଃ ହାଗା ମିଶିକଆଃ ବିରୁଧ୍‌ରେ ହସଡ଼ କାଜିନିଃ ତିସିଙ୍ଗି ସିର୍ମାଏତେ ହୁରାଙ୍ଗ ଏଣ୍ଡାଃକାନା । ୧୧ ମିଶ୍ଟିହନ୍‌ଆଃ ମାୟୋମ୍‌ରାଃ ପେଡେଃତେ ଆତଃ ଆକଆଃ ଗାଝାରେୟାଃ କାଜି ଉଦୁବ୍ ହରାତେ ଆବୁଆଃ ହାଗା ମିଶିକ ଜିତାଅକାନାକ, ଆତଃ ଗନ୍‌ଏଃ ଜାକେଦ୍ ଇନ୍‌କୁ ଆକଆଃ ଆପ୍‌ନାଃ ଜୀଉକେ କା ଦୁଲ୍‌ଡକେଦ୍‌ତେ ଜୀଉ ଏମ୍ ନାଗେନ୍ତେ ସେକାଡ଼ାକାନ୍ ତାଇକେନାକ । ୧୨ ଏନାତେ ସିର୍ମା ଆତଃ ସିର୍ମାରେ ତାଇନ୍‌ତାନ୍ ସବେନ୍‌କ ରାସ୍‌କାଅଃପେ । ମେନ୍‌ଦ ହାଏ, ଅତେ ଆତଃ ଦରେୟାରେନ୍ ସବେନ୍‌କ, ଆପେୟାଃ ଦୁରଦାସା ଚିମିନ୍ ବରଝାନ୍‌ଗିଆ ! ନାହାଁଃ ସାଏତାନ୍ ଆପେତାଃରେ ପୁରାଃଗି ଖ୍ଵକାନା, ଚିଆଃଚି ଇନିଃ ସାରିତାନାଏ ଆୟାଃ ନେତା ପୁରାୟାନ୍‌ଗିଆ ।”

୧୩ ଏନ୍ ମାରାଙ୍ଗ ବିଙ୍ଗ ଆପାନ୍‌କେ ଅତେରେ ହୁରାଙ୍ଗକାନ୍ ନେଲ୍‌କେଦ୍‌ତେ ଏନ୍ ହନ୍ ଜାନାମାକାଇ କୁଡ଼ିଆଃ ଦୟା ଦୟା କୁଦାଅକିୟାଏ । ୧୪ ଏନ୍ ବିଙ୍ଗତାଃଏତେ ବାଞ୍ଚାଅଃ ନାଗେନ୍ତେ, ଏନ୍ କୁଡ଼ିକେ ବାଜ୍ ଅଡେରାଃ ବାରିୟା ମାପ୍‌ରାଙ୍ଗ୍ ଆପ୍‌ରବ୍ ଏମ୍‌ୟାନା । ଏନାଃଲଃ ଇନିଃ ବିରତେ ଆଫିରୟାନା ଆତଃ ଏନ୍ତାଃରେ ଆପିୟା ଆତଃ ଆଧା ବାରାଷ୍ ଜାକେଦ୍ ବୁଗିଲେକା ତାଇନ୍‌କେଦ୍‌ତେ ଆସୁଲ୍‌ୟାନା । ୧୫ ଏନ୍ତେ ଏନ୍ କୁଡ଼ି ଗାଡ଼ାରେୟାଃ ଦାଆଃରେ ଆଡ଼ଃକାଏ ମେନ୍ତେ ମାରାଙ୍ଗ ବିଙ୍ଗ ଆୟାଃ ମଟାଏତେ ଚୁଡ଼ା ଦାଆଃ ପୁରକାଅ ଅତଙ୍ଗକେଦାଏ । ୧୬ ମେନ୍‌ଦ ଏନ୍ କୁଡ଼ିକେ ବାଞ୍ଚାଅ ନାଗେନ୍ତେ ଅତେ ଆୟାଃ ମଟା ଅଟାଃକେଦ୍‌ତେ, ମାରାଙ୍ଗ ବିଙ୍ଗରାଃ ମଟାଏତେ ଅତଙ୍ଗଅଃତାନ୍ ସବେନ୍ ଚୁଡ଼ା ଦାଆଃ ନୁଁ ଆଞ୍ଜେଦ୍ କେଦାଏ । ୧୭ ଏନାରେ ମାରାଙ୍ଗ ବିଙ୍ଗ ଏନ୍ କୁଡ଼ି ଚେତାନ୍‌ରେ ପୁରାଃଗି ଖ୍ଵୟାନା ଆତଃ ଆୟାଃ କିଲିରେନ୍ ସାରେଜାକାନ୍ ହନ୍‌କଲଃ ଲାପଡ଼ାଇ ନାଗେନ୍ତେ ଅତଙ୍ଗୟାନା । ଅକନ୍‌କ ପାରମେଶ୍ଵାର୍‌ଆଃ ଆନ୍‌ଚୁକ ମାନାତିଙ୍ଗ୍ ତାନା ଆତଃ ଯୀଶୁଆଃ ବିଷାଏରେ ଗାଝା ଏମାଃକ, ଇନ୍‌କୁ ଆୟାଃ ହନ୍‌କ ତାନ୍‌କ । ୧୮ ଆତଃ ଏନ୍ ମାରାଙ୍ଗ ବିଙ୍ଗ ଦରେୟା ଗେନାରେ ତିଙ୍ଗିୟାନା ।

୧୩

ବାରିୟା ଜାଁତୁ

୧ ଏନ୍ତେ ଆଇଙ୍ଗ ଦରେୟାଏତେ ମିଆଁଦ ଜାଁତୁକେ ରାକାବ୍‌ତେୟାଃ ନେଲ୍‌କିୟାଇଙ୍ଗ । ଇନିୟାଃ ଗେଲ୍ ଦିରିଙ୍ଗ ଆତଃ ଏୟା ବହଃ ତାଇକେନା । ମିପିଆଦ୍ ଦିରିଙ୍ଗକରେ ମିପିଆଦ୍ ମୁକୁଟ୍ ଆତଃ ମିପିଆଦ୍

☆ ୧୨:୭ ୧୨:୭ ଯିହୁଦା ୧:୯. ☆ ୧୨:୯ ୧୨:୯ ଲୁକ ୧୦:୧୮. ☆ ୧୩:୧ ୧୩:୧ ଉତ୍କଳ କାଜି ୧୭:୩,୭-୧୨.

ବହୁକରେ ପାର୍ମେଶ୍ଵାରକେ ନିନ୍ଦାକ୍ଷିପିତାନ୍ ନୁତୁମ୍ ଅଲ୍ଲକାନ୍ ତାଇକେନା ।^୨ ଆଇଙ୍ଗ ନେଲ୍ଲକାଲ୍ ଜାତୁ କୁଲ୍ଲା ଲେକାଏ ତାଇକେନା, ଇନିୟାଃ କାଟା ଭାଲ୍ଲୁରାଃ କାଟା ଲେକା ଆତଃ ଇନିୟାଃ ମତା ସିଂହରାଃ ମତା ଲେକା ତାଇକେନା । ଏନ୍ ମାରାଙ୍ଗ ବିଙ୍ଗ ଦରେୟା ଗେନାରେ ତାଇକେଦ୍ଦତେ, ଆୟାଃ ସବେନ୍ ପେଡେଃ ରାଜଗାଦି ଆତଃ ମାରାଙ୍ଗ ଆକ୍ତେୟାର୍ ଆଇଃକକେ ଏମ୍‌ୟାନା ।^୩ ଜାତୁରାଃ ମିଆଁଦ୍ ବହଃ ଅମ୍ପାଗି ଠଗାକାନ୍ ଲେକା ଆଟ୍‌କାରଃ ତାଇକେନା । ମେନ୍ଦ ଦାଅକାନ୍‌ତାଃ ବୁଗିକାନ୍ ତାଇକେନା ଆତଃ ଗଟା ଅତେଦିଶ୍ଵମ୍‌ରେ ସବେନ୍ଦ ଆକ୍‌ଦାନ୍‌ଅକେଦ୍ଦତେ ଜାତୁକେ ଅତଙ୍ଗକିୟାକ ।^୪ ଆତଃ ସବେନ୍ଦ ଏନ୍ ମାରାଙ୍ଗ ବିଙ୍ଗକେ ସୁନ୍‌ସାରକିୟାକ, ତିଆଃତି ଇନିଃ ଆୟାଃ ପେଡେଃ ଏନ୍ ଜାତୁକେ ଏମ୍‌କିୟା । ଇନ୍‌କୁ ଜାତୁକେହଗି ସୁନ୍‌ସାରକେଦ୍ଦତେ କାଜିକେଦାକ, “ଅକଏ ନେ ଜାତୁ ଲେକାଏ ହବାଦାଡ଼ିୟାଆ ? ଅକଏ ଆୟାଃଲଃ ଲାଡ଼ାଇ ଦାଡ଼ିୟାଏ ?”

^୫ ଏନ୍ ଜାତୁକେ ପାର୍ମେଶ୍ଵାରଆଃ ବିରୁଧ୍‌ରେ ହିଲ୍ଲଙ୍ଗ କାଜି ଆତଃ ନିନ୍ଦାକ୍ଷି କାଜି ନାଗେନ୍ତେ ଆରୁକାନା, ଆତଃ ବାରୁହିସି ବାର ମାହିନା ଜାକେଦ୍ ଆକ୍ତେୟାର୍‌ରେ ନାଗେନ୍ତେ ଇନିଃକେ ଆରୁକାନ୍ ତାଇକେନା ।^୬ ଏନ୍ ଜାତୁ ପାର୍ମେଶ୍ଵାରଆଃ ବିରୁଧ୍‌ରେ କାଜି ଏଟେଦ୍‌କେଦ୍ଦତେ, ଆୟାଃ ନୁତୁମ୍, ଆୟାଃ ତାଇନଃ ଠାୟାଦ୍, ଆତଃ ସିମ୍‌ାରେ ତାଇନତାନ୍ ସବେନ୍‌କକେ ନିନ୍ଦାକେଦ୍‌କଥା ।^୭ ପାର୍ମେଶ୍ଵାରଆଃ ହଡକଆଃ ବିରୁଧ୍‌ରେ ଲାଡ଼ାଇକେଦ୍‌କେ ଇନ୍‌କୁକେ ହାରାଅ ନାଗେନ୍ତେ ଇନିଃକେ ଆକ୍ତେୟାର୍ ନାମ୍‌ୟାନା ଆତଃ ମିପିଆଦ୍ କିଲି, ଦିଶ୍ଵମ୍, ଏଟାଃ ଏଟାଃ ଜାଗାର୍‌ତାନ୍ ଆତଃ ଜାତିକଆଃ ଚେତାନ୍‌ରେ ଇନିଃକେ ଆକ୍ତେୟାର୍ ଏମ୍‌ୟାନା ।^୮ ଅତେଦିଶ୍ଵମ୍‌ରାଃ ଏନେଟେଦ୍ ସିଦାରେ ଅକନ୍ ହଡକଆଃ ନୁତୁମ୍ ଦାଣ୍ଠି ରାକାବଃତାନ୍ ମିଶ୍ଵିହନ୍‌ଆଃ ଜାଦାନ୍ ପୁଅରେ ଅଲ୍ଲକାନ୍ ତାଇକେନା, ଇନ୍‌କୁକେ ବାଗିକେଦ୍‌କେ ଅତେଦିଶ୍ଵମ୍‌ରେନ୍ ଏଟାଃ ସବେନ୍ଦ ଏନ୍ ଜାତୁରାଃ ସୁନ୍‌ସାର ରିକାଏୟାକ ।

^୯ ଆୟାମ୍ ନାଗେନ୍ତେ ଲୁତୁର୍ ମେନାଃନିଃ ଆୟାମେକାଏ ।^{୧୦} ପାର୍ମେଶ୍ଵାରଆଃ ସାନାଙ୍ଗ ଲେକାତେ, ଜେତାଏ ତଲ୍ ଇଦିୟାଃନିଃ ସାର୍‌ତିଗି ତଲ୍ ଇଦିୟାଃଆ । ଜେତାଏ ଏଟାଃନିଃକେ ତାରାଡ଼ିତେ ମାଆଃ ଗଜିନିଃ, ଆଇଃକଗି ତାରାଡ଼ିତେ ମାଆଃ ଗଜଃଆ । ନେ ଦିପିଲିରେ ପାର୍ମେଶ୍ଵାରଆଃ ହଡକ ନାଗେନ୍ତେ ଧୁରାଜ୍ ଆତଃ ବିଶ୍ଵାସ୍ ତାଇନଃଗି ଲାଗାଡ଼ିଙ୍ଗ୍‌ୟାଃ ।

^{୧୧} ଏନ୍ତେ ଆଇଙ୍ଗ୍ ଆତଃମିଆଁଦ୍ ଜାତୁକେ ଅତେହେତେ ଚେତାନ୍‌ତେ ବିରିଦ୍ ରାକାବ୍‌ତେୟାଃ ନେଲ୍‌କିୟାଲ୍ଲଙ୍ଗ । ମିଶ୍ଵିହନ୍‌ଆଃ ଦିରିଙ୍ଗ ଲେକାଗି ଇନିୟାଃ ବାରିୟା ଦିରିଙ୍ଗ ତାଇକେନା ଆତଃ ଇନିଃ ମାରାଙ୍ଗ ବିଙ୍ଗ ଲେକାଏ ଜାଗାର୍‌ତାନ୍ ତାଇକେନା ।^{୧୨} ଏନ୍ ଏଟାଃ ଜାତୁ ପାହିଲ୍ଲା ଜାତୁରାଃ ନେପେଲ୍‌ରେ ଆୟାଃ ପେଡେଃକେ ଉଦ୍‌ବକେଦା । ଆତଃ ଏନ୍ ପାହିଲ୍ଲା ଜାତୁ, ଅକଏୟାଃତି ଘାଅ ବୁଗିୟାକାନ୍ ତାଇକେନା, ଇନିୟାଃ ସୁନ୍‌ସାର ରିକା ନାଗେନ୍ତେ ଅତେଦିଶ୍ଵମ୍‌ରେନ୍ ସବେନ୍‌କକେ ଜାବାର୍‌ଜାସ୍ତିକେଦ୍‌କଥା ।^{୧୩} ଏଟାଃ ଜାତୁ ପୁରାଃ ଆକ୍‌ଦାନ୍‌ଅ କାମିକଏ କାମିକେଦା । ସବେନ୍‌କଆଃ ଆୟାଃରେ ସିମ୍‌ାଏତେ ଅତେରେ ସେଙ୍ଗେଲ୍‌ଗାମା ଗାମାଇଚିକେଦାଏ ।^{୧୪} ଆତଃ ପାହିଲ୍ଲା ଜାତୁରାଃ ତାଇନଃ ଦିପିଲିରେଗି, ନେ'ଲେକା ପୁରାଃଗି ଆକ୍‌ଦାନ୍‌ଅ କାମିକ ରିକାକେଦ୍‌କେ ଅତେଦିଶ୍ଵମ୍‌ରେନ୍ ସବେନ୍‌କକେ ବେଦାକେଦ୍‌କଥା । ତାରାଡ଼ିତେ ମାଆଃକାନ୍‌ରେୟ, ବାଞ୍ଚାଅକାନ୍ ପାହିଲ୍ଲା ଜାତୁରାଃ ମାଇନଃ ନାଙ୍ଗ୍ ଆୟାଃ ମିଆଁଦ୍ ମୁରୁଡ୍ ବାଇ ନାଗେନ୍ତେ ଏଟାଃ ଆତଃମିଆଁଦ୍ ଜାତୁ ହଡକକେ ଆରୁକେଦ୍‌କଥା ।^{୧୫} ପାହିଲ୍ଲା ଜାତୁରାଃ ମୁରୁଡ୍ ଜେ'ଲେକା ଜାଗାର୍ ଦାଡ଼ିୟାଏ ଆତଃ ଏନ୍ ମୁରୁଡ୍‌କେ କାକ ସୁନ୍‌ସାର୍‌ତାନ୍ ହଡକକେ ଜେ'ଲେକା ଗନ୍‌ଏଃ ସାଜାଇ ଏମ୍‌ଆ, ଏନାମେନ୍ତେ ଏଟାଃ ଆତଃମିଆଁଦ୍ ଜାତୁକେ ଏନ୍ ମୁରୁଡ୍‌ରେ ଜୀଉ ଏମ୍‌ରେୟାଃ ଆକ୍ତେୟାର୍ ଏମ୍‌ୟାନା ।^{୧୬} ହୁଡିଙ୍ଗ୍ ଆତଃ ମାରାଙ୍ଗ୍, ଗାରିବ୍ ଆତଃ କିସାଣ୍ଡ, ଦାସିକାନ୍ ଆତଃ କା ଦାସିକାନ୍, ସବେନ୍‌କକେ ଇନ୍‌କୁଆଃ ଜମ୍‌ଡିଃଇରେ ଚାଏ ମଲ୍‌ଙ୍ଗ୍‌ରେ ମିଆଁଦ୍ ଖଦାକାନ୍ ଚିହ୍ନାଁ ଦହ ନାଗେନ୍ତେ ଇନିଃ ଜାବାର୍‌ଜାସ୍ତି କେଦ୍‌କଥାଏ ।^{୧୭} ଅକ ହଡ ଏନ୍ ଜାତୁରାଃ ନୁତୁମ୍ ଚାଏ ଆୟାଃ ନୁତୁମ୍‌ରାଃ ନାମ୍ପାର୍ କାଏ ଖଦାକାନ୍‌ଗିୟା, ଇନିଃ ଜେଡ୍‌ନାଃ କିରିଙ୍ଗ୍ ଚାଏ ଆଖ୍‌ରିଙ୍ଗ୍ କାଏ ଦାଡ଼ିୟା ।

^{୧୮} ନେତାଃରେ ସେଣାଁ ତାଇନଃ ଲାଗାଡ଼ିଙ୍ଗ୍‌ୟାଃ । ଏନ୍ ଜାତୁରାଃ ନାମ୍ପାର୍ ସେଣାଁନ୍ ହଡ ଏସ୍‌କାର୍ ସାରି ଦାଡ଼ିୟାକ । ତିଆଃତି ନେ ନାମ୍ପାର୍ ମିଆଁଦ୍ ହଡରାଃ ନାମ୍ପାର୍ ତାନାଃ, ଏନା ହବାଅଃତାନା ୭୬୭ ।

୧୪

ମିଶ୍ଵିହନ୍ ଆତଃ ଆଇଃକକେ ଅତଙ୍ଗ୍‌ଇତାନ୍‌କ

^୧ ଏନ୍ତେ ଆଇଙ୍ଗ୍ ଏନ୍ ମିଶ୍ଵିହନ୍‌କେ ସିନାଇ ବୁରୁରେ ତିଙ୍ଗୁଆକାନ୍ ନେଲ୍‌କିୟାଲ୍ଲଙ୍ଗ୍ ଆତଃ ଇନିଃଲଃ ୧୪୪,୦୦୦ ହଡକ ତାଇକେନାକ । ଇନ୍‌କୁଆଃ ମଲ୍‌ଙ୍ଗ୍‌ରେ ମିଶ୍ଵିହନ୍ ଆତଃ ଆୟାଃ ଆପୁଆଃ ନୁତୁମ୍

☆ ୧୪:୧ ୧୪:୧ ଉତ୍କଳ କାଜି ୭:୩.

ଅଲକାନ୍ ତାଇକେନା । ^୨ ଏନ୍ତେ ଆଇଙ୍ଗ ପୁରାଣି ଲିଙ୍ଗିୟତାନ୍ ସେତେଙ୍ଗ ଦାଆଠରାଠ ସାଡ଼ି ଆଡ଼ଠ ରିମିଲ୍ ସାଡ଼ି ଲେକା ମିଆଁଦ୍ ସାଡ଼ି ସିର୍ମାଏତେଇଙ୍ଗ ଆୟୁମ୍‌କେଦା । ବାନାମ୍ ସାଡ଼ିତାନ୍‌କଆଠ ବାନାମ୍ ସାଡ଼ି ଲେକା ଆୟୁମ୍‌ଠ ତାଇକେନା । ^୩ ଅତେଦିଶୁମ୍‌ରେ ମୁକ୍ତି ନାମାକାଦ୍ ଏନ୍ ୧୪୪,୦୦୦ ହଡ଼କ, ସିର୍ମାରେୟାଠ ରାଜଗାଦି, ଉପୁନିୟା ଜାଁଡ଼କଆଠ ଆଡ଼ଠ କାଲିସିୟାରେନ୍ ପ୍ରାଚିନ୍‌କଆଠ ଆୟାଠରେ ତିଙ୍ଗୁୟାନାକ । ଇନ୍‌କୁ ନାଞ୍ଜାଦୁରାଙ୍ଗ ଦୁରାଙ୍ଗ ତାଇକେନାକ । ଇନ୍‌କୁକେ ବାଗିକେଦ୍‌ତେ ଆଡ଼ଠଜେତାଏ କାକ ଦୁରାଙ୍ଗ ଦାଡ଼ିତାଇକେନା । ସବେନ୍ ମାନଞ୍ଜାକଏତେ ଇନ୍‌କୁ ଏସକାର୍ ଜୀଉବାଞ୍ଚାଅ ନାମାକାଦ୍ ତାଇକେନାକ । ^୪ ଇନ୍‌କୁ କୁଡ଼ିକଲଠ ହଡ଼ମରେୟାଠ ଏଡ଼କାନ୍ କାମି ଚିତଲାଅ କା ରିକାକେଦ୍‌ତେ କା ସଡ଼ରାକାନ୍ ତିଶ୍ଟାଗିକ ତାଇକେନା, ଆଡ଼ଠ ସବେନ୍ ଇମ୍‌ତା ମିଶ୍ଟିହନ୍‌କେ ଅତଙ୍ଗତାନ୍ ହଡ଼କ ତାଇକେନା । ଇନ୍‌କୁ ମାନଞ୍ଜାକ ଆଲାଏତେ ମୁକ୍ତି ନାମ୍‌କେଦ୍‌ତେ ପାରମେଶ୍ଵାର୍ ଆଡ଼ଠ ମିଶ୍ଟିହନ୍‌ତାଠରେ ଦାନ୍ ରାକାବାକାନାକ । ^୫ ଇନ୍‌କୁ ଚିତଲାଅ ହସଡ଼କାଜି କାକ କାଜି, ଆଡ଼ଠ ପୁରାଗି ବେଗାର୍ ଚିଟାକାନ୍ ହଡ଼କ ତାନ୍‌କ ।

ଆପିୟା ଦୁଁଡ଼

^୬ ଏନ୍ତେ ଆଇଙ୍ଗ ଏଟାଠ ମିଆଁଦ୍ ଦୁଁଡ଼କେ ଥାଲା ସିର୍ମାରେ ଆଫିରତାନ୍ ନେଲ୍‌କିୟାଇଙ୍ଗ । ଅତେରେନ୍ ସବେନ୍ ହଡ଼, କିଲି, ଏଟାଠ ଏଟାଠ ଜାଗାରତାନ୍‌କ ଆଡ଼ଠ ଦିଶୁମ୍‌ରେନ୍ ହଡ଼କଆଠ ଆୟାଠରେ ପାରମେଶ୍ଵାର୍‌ଆଠ ଏନ୍ ଜାନାଅ ଜାନାଅରେୟାଠ ସୁକୁକାଜି ଉଦୁବତାନାକ । ^୭ ଇନିଠ କାଉରିକେଦ୍‌ତେ କାଜିତାଇକେନା, “ପାରମେଶ୍ଵାର୍‌କେ ବରଇପେ, ଆୟାଠ ମାନାରାଙ୍ଗ୍ ରିକାଏପେ, ଚିଆଠଟି ମାନଞ୍ଜାଠାଠ ବିଚାର୍ ନେଡ଼ା ସେଟେରାକାନା । ସିର୍ମା, ଅତେ, ଦରେୟା ଆଡ଼ଠ ସେତେଙ୍ଗ ବାବାଇନିୟାଠ ସୁନୁସାର୍ ରିକାଏପେ ।”

^୮ ଏନ୍ ପାହିଲା ଦୁଁଡ଼ଆଠ ତାୟମ୍‌ତେ ଏଟାଠ ଦୁଁଡ଼ କାଜିକେଦାଏ, “ଅକ ମାରାଙ୍ଗ୍ ନାଗାର୍ ବାବିଲୋନ୍, ସବେନ୍ ହଡ଼କକେ ଆୟାଠ ଆପାଙ୍ଗିର୍ କାମି ଲେକାନ୍ ଇଲିଆର୍‌ଖ୍ ଆନୁକାଦ୍‌କଆଏ, ଇନିୟାଠ ଜିୟନ୍ ହବାକାନା !”

^୯ ଏନ୍ତେ ନେ ବାରିୟା ଦୁଁଡ଼କିନାଠ ତାୟମ୍‌ତେ, ଆଡ଼ଠମିଆଁଦ୍ ଦୁଁଡ଼ କାଉରିକେଦ୍‌ତେ କାଜିକେଦା, “ଜେତାଏ ଜାଁଡ଼ୁ ଆଡ଼ଠ ଆୟାଠ ମୁରୁଡ଼କେ ସୁନୁସାର୍ ରିକାଏୟା ଆଡ଼ଠ ଆପ୍‌ନାଠ ମଲଙ୍ଗ୍‌ରେ ଚାଏ ଡିଠଇରେ ଆୟାଠ ଚିହ୍ନାଁ ଖଦାକାନରେଦ, ^{୧୦} ଇନିଠ ପାରମେଶ୍ଵାର୍‌ଆଠ ଖସ୍‌ଆଠ ଲେକାନ୍ କାଟୋରାରେ ଦୁଲାକାନ୍ ଆୟାଠ ପୁରାଠ ଖସ୍‌ରେୟାଠ ଇଲିଆର୍‌ଖ୍ ନୁଁଇଆ । ଅକ ହଡ଼କ ନେ କାମିକ ରିକାଏୟା, ଇନ୍‌କୁ ସବେନ୍‌କ ମିଶ୍ଟିହନ୍ ଆଡ଼ଠ ପାବିତାର୍ ଦୁଁଡ଼କଆଠ ସାମନାଙ୍ଗ୍‌ରେ ସେଙ୍ଗେଲ୍ ଆଡ଼ଠ ଗାନ୍ଧାକରେ ଦୁକୁକ ନାମେୟା । ^{୧୧} ଏନ୍ ଦୁକୁରେୟାଠ ସୁକୁଲ୍ ଜାନାଅ ଜାନାଅ ସୁକୁଲଠଆ । ଅକ ହଡ଼କ ଜାଁଡ଼ୁ ଆଡ଼ଠ ଆୟାଠ ମୁରୁଡ଼କେ ସୁନୁସାର୍ ରିକାଏୟାକ, ଚାଏ ଆୟାଠ ଚିହ୍ନାଁ ଖଦାନାଠକ, ଇନ୍‌କୁ ନିଦାସିଙ୍ଗି ସବେନ୍ ଇମ୍‌ତା କା ରୁଡ଼ୁନୁ ଦୁକୁକ ନାମେୟା ।”

^{୧୨} ଅକ ପାବିତାର୍ ହଡ଼କ ପାରମେଶ୍ଵାର୍‌ଆଠ ହୁକୁମ୍‌କ ମାନାତିୟାଠ ଆଡ଼ଠ ଯାଶୁକେ ବିଶ୍ଵାସାଠକ, ଇନ୍‌କୁ ମାନାତିଙ୍ଗ୍‌ରେ ଆଡ଼ଠ ବିଶ୍ଵାସ୍‌ରେ ପାତିୟାର୍‌ରଠ ଲେକା ତାଇନ୍ ଲାଗାତିଙ୍ଗ୍‌ୟାଠ ।

^{୧୩} ଏନ୍ତେ ଆଇଙ୍ଗ ସିର୍ମାଏତେ ମିଆଁଦ୍ ଲାଦ୍‌ଜା ଆୟୁମ୍‌କେଦାଇଙ୍ଗ, “ନେ କାଜି ଅଲେମେ, ନାହାଁଠଏତେ ପ୍ରାଡ଼ୁତାଠରେ ବିଶ୍ଵାସ୍‌କେଦ୍‌ତେ ଅକ ହଡ଼କଆଠ ଗନ୍‌ଏଠ ହବାଅଆ, ଇନ୍‌କୁ ସୁକୁତାନ୍‌ଗିୟାକ ।” ଆଡ଼ଠଠିଇଙ୍ଗ ଆୟୁମ୍‌କେଦା, ପାବିତାର୍ ଆମ୍‌ କାଜିତାନାଏ, ନେଆଁ ସାର୍‌ତିଗି ହବାଅଆ । “ଏନ୍ ହଡ଼କ ଆକଆଠ କେଟେଦ୍ କାମିଏତେ ରୁଡ଼ୁକ ନାମେୟା, ଚିଆଠଟି ଇନ୍‌କୁ କାମିକାଦ୍ କାମି ଆକଲଠ ମିସାତେ ସେନା ।”

ଅତେରେ ଇରଠ ଦିପିଲି

^{୧୪} ଏନ୍ତେ ଆଇଙ୍ଗ ମିଆଁଦ୍ ପୁଣ୍ଡି ରିମିଲ୍ ଆଡ଼ଠ ଏନ୍ ରିମିଲ୍‌ରେ ମାନଞ୍ଜାହନ୍ ଲେକା ମିହୁଡ଼କେ ଦୁବାକାନ୍ ନେଲ୍‌କିୟାଇଙ୍ଗ । ଇନିୟାଠ ବହଠରେ ସୋନାରେୟାଠ ମୁକୁର୍ ଆଡ଼ଠ ଇନିୟାଠ ଡିଠଇରେ ମିଆଁଦ୍ ଲେସେର୍ ଦାଡ଼ରମ୍ ତାଇକେନା । ^{୧୫} ଏନ୍ତେ ମିଆଁଦ୍ ଦୁଁଡ଼ ମାହିର୍‌ହେତେ ଅତଙ୍ଗ୍‌ୟାନଲଠ, ଏନ୍ ରିମିଲ୍‌ରେ ଦୁବାକାନ୍‌ନିଠକେ କାଉରିକେଦ୍‌ତେ କାଜିକିୟା, “ଆମାଠ ଦାଡ଼ରମ୍ ସାବ୍‌କେଦ୍‌ତେ ମାତାକାନ୍ ବାବା ଇରେମେ । ଅତେରେୟାଠ ବାବା ଇରେ ନାଗେନ୍ତେ ଦିପିଲି ସେଟେରାକାନା ।” ^{୧୬} ନେଆଁ ଆୟୁମ୍‌କେଦ୍‌ତେ ରିମିଲ୍‌ରେ ଦୁବାକାନ୍‌ନିଠ ଦାଡ଼ରମ୍‌ଲଠ ମାତାବାବା ଇର୍ ଏଟେଦ୍‌କେଦାଏ ଆଡ଼ଠ ଅତେରେୟାଠ ସବେନ୍ ବାବା ହୁଣ୍ଡିକେଦାଏ ।

^{୧୭} ଏନ୍ତେ ଏଟାଠ ଆଡ଼ଠମିଆଁଦ୍ ଦୁଁଡ଼ ସିର୍ମାରେୟାଠ ମାହିର୍‌ହେତେ ହିଜୁଠତାନ୍ ନେଲ୍‌କିୟାଇଙ୍ଗ, ଇନିୟାଠ ଡିଠଇରେୟ ମିଆଁଦ୍ ଲେସେର୍ ଦାଡ଼ରମ୍ ତାଇକେନା ।

☆ ୧୪:୮ ୧୪:୮ ଉତ୍କଳ କାଜି ୧୮:୨.

୧୮ ଏନ୍ତେ ଆତଃମିଆଁଦ ଦୁଁଡ଼ ବେଦିହେତେ ହିନ୍ଦୁଃୟାନା । ଇନିୟାଃ ସେଙ୍ଗେଲ୍ ଚେତାନରେ ଆକ୍ତେୟାର୍ ତାଇକେନା । ଇନିଃ ଲେସେର୍ ଦାଡ଼ରମ୍ ସାବାକାଦ୍ ଦୁଁଡ଼କେ କାଉରିକେଦ୍ତେ କାଜିକିୟା, “ଅତେରେୟାଃ ଦାଖ୍ନାଡ଼ିରେ ଜ'କାନ୍ ଅଙ୍ଗୁର୍ ଝୁପାକକେ ଦାଡ଼ରମ୍ଲଃ ଇରେମେ । ଚିଆଃଚି ଅଙ୍ଗୁର୍ ମାତାୟାନ୍‌ଗିୟା ।” ୧୯ ଏନ୍ତେ ଏନ୍ ଦୁଁଡ଼ ଅତେଦିଶୁମ୍ରେୟାଃ ଦାଖ୍ନାଡ଼ିରାଃ ଅଙ୍ଗୁର୍କ ଦାଡ଼ରମ୍ଲଃ ଇରକେଦାଏ । ଆତଃ ଏନ୍ ସବେନାଃ ପାର୍ମେଶ୍ୱାର୍ଆଃ ପୁରାଃ ଖ୍ୱରେୟାଃ ଦାଖ୍ନାସି ଘାନାରେ ହୁରାଙ୍ଗକେଦା । ୨୦*ନାଗାର୍ ବାହାରିରେ ତାଇକାନ୍ ଏନ୍ ଦାଖ୍ନାସି ଘାନାରେ ହୁରାଙ୍ଗୟାନା ଆତଃ ଏନ୍ ଘାନାରେ ଦାଖ୍ନାସି ପେସାଅୟାନା । ଏନାଏତେ ୩୦୦ କିଲୋମିଟର୍ ଜିଲିଙ୍ଗ୍ ଆତଃ ସାଦମ୍‌ରାଃ ମଚାରେୟାଃ ଲାଗମ୍ ଜାକେଦ୍ ମେନ୍‌ଲେରେ, ବାର୍ ମିଟର୍ ଲେକା ସାଲାଇ ମାୟୋମ୍ରେୟାଃ ଗାଡ଼ା ଲିଙ୍ଗିୟାନା ।

୧୫

ଚୁଣ୍ଡ ଦୁକୁହାସୁ

୧ ଏନ୍ତେ ସିର୍ମାରେ ଆଇଙ୍ଗ୍ ଆତଃମିଆଁଦ୍ ହାଏକାର୍ ଆତଃ ଆକ୍‌ଦାନ୍‌ଅ ଚିହ୍ନା ନେଲ୍‌କେଦାଇଙ୍ଗ୍ । ଏନ୍ତାଃରେ ଏୟା ଝାନ୍ ଦୁଁଡ଼କ ମିପିଆଦ୍ ଚୁଣ୍ଡ ଦୁକୁହାସୁ ସାବ୍‌କେଦ୍ତେ ଆଡ଼ଗୁୟାନାକ । ନେଆଁ ହବାଅଃ ତାୟମତେ, ପାର୍ମେଶ୍ୱାର୍ଆଃ ଖ୍ୱରାଃ ଚୁଣ୍ଡ ହୁବାଅଃଆ ।

୨ ଏନ୍ତେ ଆଇଙ୍ଗ୍ ସେଙ୍ଗେଲ୍‌ଲଃ ମେସାକାନ୍ କାଁର୍ ଲେକା ମିଆଁଦ୍ ଦରେୟା ନେଲ୍‌କେଦାଇଙ୍ଗ୍ । ଅକ ହଡ଼କ ଏନ୍ ଜାଁଡୁ, ଆୟାଃ ମୁରୁଡ଼ ଆତଃ ଆୟାଃ ନୁଡୁମ୍‌ରାଃ ନାମ୍ବାର୍ ଚେତାନରେ ଜିତାଅକାନ୍ ତାଇକେନାକ, ଇନ୍‌କୁକେ ଏନ୍ ଦରେୟା ଗେନାରେ ତିଙ୍ଗୁଆକାନ୍ ନେଲ୍‌କେଦ୍‌ଆଇଙ୍ଗ୍ । ଇନ୍‌କୁଆଃ ତିଃଇରେ ପାର୍ମେଶ୍ୱାର୍ ଏମାକାଦ୍ ବାନାମ୍ ତାଇକେନା । ୩ ଇନ୍‌କୁ ପାର୍ମେଶ୍ୱାର୍ଆଃ ଦାସି ମୁଣାରାଃ ଆତଃ ମିଣ୍ଡିହନ୍‌ଆଃ ଦୁରାଙ୍ଗକ ଦୁରାଙ୍ଗତାଇକେନା । “ହେ ସବେନ୍ ପେଡ଼େୟାନ୍‌ନିଃ ପ୍ରାଭୁ ପାର୍ମେଶ୍ୱାର୍, ଆମାଃ କାମିକ ପୁରାଃ ମାରାଙ୍ଗ୍ ଆତଃ ଆକ୍‌ଦାନ୍‌ଅଗିୟା ! ସବେନ୍ ହଡ଼କଆଃ ରାଜା, ଆମାଃ ହରାକ ଠାଉକାଗିୟା ଆତଃ ସାର୍‌ତି ତାନାଃ ! ୪ ହେ ପ୍ରାଭୁ, ଅକଏ ଆମ୍‌କେ କାଏ ବରମେୟା ? ଆମାଃ ନୁଡୁମ୍‌ରାଃ ମାନାରାଙ୍ଗକେ ଅକଏ କାଏ ଉଦୁବେୟା ? ଆମ୍ ଏସକାର୍ ପାବିତାର୍ ତାନ୍‌ମେ, ସବେନ୍ ହଡ଼କ ହିନ୍ଦୁଃକେଦ୍ତେ ଆମାଃ ସୁନ୍‌ସାର୍‌କ ରିକାଏୟା । ଚିଆଃଚି ଆମାଃ ଧାର୍‌ମାନ୍ କାମିକ ସବେନ୍ ହଡ଼କ ନେଲାଇଦାକ ।”

୫ ଏନ୍ ତାୟମତେ ଆଇଙ୍ଗ୍ ସିର୍ମା ଦିଶୁମ୍ରେ ମାହିର୍ ଅଡ଼ାଃରାଃ ଦୁଆର୍ ନିଜାକାନ୍ ନେଲ୍‌କେଦାଇଙ୍ଗ୍ । ଏନାରେ ସାରୁଦ୍ ଲେକା ପାର୍ମେଶ୍ୱାର୍ଆଃ ତାଇନଃ ପାବିତାର୍ ଠାୟାଦ୍ କୁମ୍ବା ତାଇକେନା । ୬ ଏୟା ଦୁକୁହାସୁ ସାବାକାଦ୍ ଏୟା ଦୁଁଡ଼, ସିର୍ମାରେୟାଃ ମାହିର୍ ଭିତାର୍‌ଏତେକ ଅତଙ୍ଗୟାନା, ଇନ୍‌କୁ କା ଦାଗିୟାକାନ୍ ନିରାଲ୍‌ଲିଜାଃ ତୁସିଙ୍ଗ୍‌ୟାକାନ୍ ତାଇକେନାକ ଆତଃ କୁଡ଼ାମ୍‌ରେ ସୋନାରେୟାଃ କାସ୍‌ନା ତଲ୍‌ବିହୁରକାନ୍ ତାଇକେନାକ । ୭ ଏନ୍ତେ ଉପୁନିୟା ଜାଁଡୁକଏତେ ମିଆଁଦ୍‌ନିଃ ଜାନାଅ ଜାନାଅ ଜାନିଦ୍‌ଗି ତାଇନଃ ପାର୍ମେଶ୍ୱାର୍ଆଃ ଖ୍ୱତେ ପେରେଜାକାନ୍, ଏୟା ସୋନାରେୟାଃ ତୁଭା, ଏନ୍ ଏୟା ଦୁଁଡ଼କକେ ଏମାଦକଆ । ୮ ପାର୍ମେଶ୍ୱାର୍ଆଃ ମାନାରାଙ୍ଗ୍ ଆତଃ ପେଡ଼େଃରେୟାଃ ସୁକୁଲ୍‌ତେ ମାହିର୍ ଅଡ଼ାଃ ପେରେଃୟାନା, ଏୟା ଦୁଁଡ଼ ଆଉଝାକାଦ୍ ଏୟା ଦୁକୁହାସୁରେୟାଃ ଚୁଣ୍ଡୁ ଆଉରି ହବାଅଃ ଜାକେଦ୍, ନେ ମାହିର୍ ଅଡ଼ାଃରେ ଆତଃଜେତାଏ କାକ ବଲଦାଡ଼ିୟାନା ।

୧୬

ପାର୍ମେଶ୍ୱାର୍ଆଃ ଖ୍ୱତେ ପେରେଜାକାନ୍ ଏୟା ତୁଭା

୧ ଏନ୍ତେ ଆଇଙ୍ଗ୍ ଆୟୁମ୍‌କେଦାଇଙ୍ଗ୍, ମାହିର୍ ଅଡ଼ାଃଏତେ ଜେତାଏ ମିହୁଡ଼୍ କାଉରିକେଦ୍ତେ, ଏନ୍ ଏୟା ଦୁଁଡ଼କକେ କାଜିୟାକତାନା, “ତୁ ସେନଃପେ, ଏୟା ତୁଭାରେ ତାଇକାନ୍ ପାର୍ମେଶ୍ୱାର୍ଆଃ ଖ୍ୱକେ ଅତେ ଚେତାନରେ ଦୁଲ୍‌ତାପେ ।”

୨ ନେଆଁ ଆୟୁମ୍‌କେଦ୍ତେ, ପାହିଲା ଦୁଁଡ଼ ସେନଃୟାନାଏ ଆତଃ ଆୟାଃ ତୁଭାରେ ତାଇକେନ୍ ସବେନାଃ ଅତେ ଚେତାନରେ ଦୁଲ୍‌କେଦା । ଇମ୍‌ତାଗି ଅକନ୍‌କ ଜାଁଡୁରାଃ ଚିହ୍ନା ଖଦାକାନ୍ ତାଇକେନାକ ଆତଃ ଆୟାଃ ଲେକାନ୍ ମୁରୁଡ଼କେ ସେଝା ତାଇକେନାକ, ଇନ୍‌କୁଆଃ ହଡ଼ମ୍‌ରେ ପୁରାଃଗି ହାସୁ ଲେକାନ୍ ଘାଅ ଅତଙ୍ଗୟାନା ।

୩ ଏନ୍ତେ ଏଟାଃ ଦୁଁଡ଼ ଆୟାଃ ତୁଭାରାଃ ଖ୍ୱକେ ଦରେୟାରେ ଦୁଲ୍‌କେଦା । ଦରେୟାଃ ଦାଆଃ ଗଜାକାନ୍ ହଡ଼ରାଃ ମାୟୋମ୍ ଲେକା ହବାୟାନା ଆତଃ ଦରେୟାରେ ତାଇନ୍‌ତାନ୍ ସବେନ୍ ଜାଉଜାଁଡୁକ ଗଏଃୟାନା ।

୪ ଏନ୍ତେ ଆପିୟା ଦୁଁଡ଼, ଆୟାଃ ତୁଭାରେ ତାଇକେନ୍ ସବେନାଃ ନାହିଁ ଆତଃ ସେତେଙ୍ଗ୍ ଚେତାନରେ ଦୁଲ୍‌କେଦା । ଏନାରେ ସବେନ୍ ଦାଆଃ ମାୟୋମ୍‌ୟାନା । ୫ ଇମ୍‌ତା ଆଇଙ୍ଗ୍ ଆୟୁମ୍‌କେଦାଇଙ୍ଗ୍,

* ୧୪:୨୦ ୧୪:୨୦ ଉତ୍କଳ କାଳି ୧୯:୧୫.

ଦାଆଃରେୟାଃ ଆକତେୟାର ନାମାକାଦ ଦୁଢ଼ କାଜିତାନାଏ, “ଆମ୍ ପାବିତାର, ଆମ୍ ନାହାଁଃ ମେନାମେନିଃ ଆତଃ ସିଦାରେ ତାଇକେନ୍ନିଃ ତାନମେ, ଆମ୍ ଠାଉକାଗିମ୍ ବିଚାରକାଦା ।^୬ ଇନ୍କୁ ପାରମେଶ୍ଵାରଆଃ ପାବିତାର ହଡ଼କଆଃ ଆତଃ ନାବୀକଆଃ, ଅକ ମାୟୋମ୍ ଲିଙ୍ଗିକାଦାକ, ଏନା ଆମ୍ ଇନ୍କୁକେମ୍ ଆନୁକାଦକଆ । ଇନ୍କୁ ଆକଆଃ ନାଲା ନାମାକାଦାକ ।”^୭ ଏନ୍ତେ ଆଇଙ୍ଗ୍ ବେଦିହେତେ ମିଆଁଦ୍ ଲାବ୍ଜା ଆୟୁମ୍‌କେଦାଇଙ୍ଗ୍, “ପ୍ରାଭୁ ପାରମେଶ୍ଵାର ସବେନ୍ ପେଡେୟାନ୍ନିଃ ତାନିଃ ! ଆମାଃ ବିଚାରକ ସାର୍ତିଗିୟା ଆତଃ ଠାଉକାଗିୟା ।”

୮ ଏନ୍ତେ ଉପୁନିୟା ଦୁଢ଼, ଆୟାଃ ତୁଭାରେ ତାଇକେନ୍ ସବେନାଃ ସିଙ୍ଗି ଚେତାନରେ ଦୁଲ୍‌କେଦା । ଏନାରେ ସିଙ୍ଗିକେ ସେଙ୍ଗେଲ୍‌ତେ ହଡ଼କକେ ଅଶ୍ଵର ନାଙ୍ଗ୍ ଆକ୍‌ତେୟାର୍ ଏମ୍‌ୟାନା ।^୯ ଇମ୍‌ତା ହଡ଼କ ସିଙ୍ଗି ରାଁପରାଃ ଏଲାଙ୍ଗ୍‌ତେ ଅଶ୍ଵରୟାନାକ ଆତଃ ଅକ ପାରମେଶ୍ଵାରଆଃ ନେ ସବେନ୍ ହାସୁରାଃ ସାସାତି ଚେତାନରେ ଆକ୍‌ତେୟାର୍ ମେନାଃ, ଏନ୍ ପାରମେଶ୍ଵାରଆଃ ନୁତୁମ୍‌କେ ସାର୍‌ପାଅକେଦାକ । ଆତଃ ଆୟାଃ ମାନାରାଙ୍ଗ୍ ରିକା ନାଗେନ୍ତେ କାକ ହେୟାତିଙ୍ଗ୍‌କେଦା ।

୧୦ ଏନ୍ତେ ମଣେୟା ଦୁଢ଼ ଆୟାଃ ତୁଭାକେ ଜାଁତୁରାଃ ରାଜ୍‌ଗାଦି ଚେତାନରେ ଦୁଲ୍‌କେଦା । ଜାଁତୁରାଃ ରାଇଜ୍ ଚେତାନରେ କୁଲ୍‌କୁଲ୍ ନୁବାଃୟାନା ଆତଃ ହଡ଼କ ପୁରାଃ ହାସୁତେ ଆକଆଃ ଆଲାଙ୍ଗ୍‌କେ ହାବ୍‌କେଦାକ ।^{୧୧} ଆତଃ ଇନ୍କୁ ଆକଆଃ ହାନାସୁ ଆତଃ ହଡ଼ମରାଃ ଘାଅ ନାଗେନ୍ତେ ସିମ୍‌ରେନ୍ ପାରମେଶ୍ଵାରକେ ସାର୍‌ପାଅକିୟାକ । ମେନ୍‌ଦ ଆକଆଃ ଏଡ଼କାନ୍ କାମିକଏତେ କାକ ହେୟାତିଙ୍ଗ୍‌କେଦା ।

୧୨ ଏନ୍ତେ ତୁରିୟା ଦୁଢ଼ ଇଉପ୍ରାଟିସ୍ ନୁତୁମ୍ ମାରାଙ୍ଗ୍ ଗାଡ଼ାରେ ଆୟାଃ ତୁଭାକେ ଦୁଲ୍‌କେଦା । ଇମ୍‌ତାଗି ଏନ୍ ଗାଡ଼ାରାଃ ଦାଆଃ ଆଞ୍ଜେଦ୍‌ୟାନା ଆତଃ ସିଙ୍ଗି ତୁରସାଃଏତେ ବାଇରି ରାଜାକଆଃ ନାଗେନ୍ତେ ହରା ନିଜ୍‌ୟାନା ।^{୧୩} ଏନ୍ତେ ଆଇଙ୍ଗ୍ ଆପିୟା ସଡ଼ରାକାନ୍ ଆମ୍‌କାକେଇଙ୍ଗ୍ ନେଲ୍‌କେଦକଆ । ଇନ୍କୁ ଚକେ ଲେକା ନେଲଃ ତାଇକେନାକ । ଇନ୍କୁ ଏନ୍ ମାରାଙ୍ଗ୍ ବିଙ୍ଗ୍ ମତାଏତେ, ଜାଁତୁ ମତାଏତେ ଆତଃ ହସଡ଼ ନାବୀଆଃ ମତାଏତେ ଅଡ଼ଙ୍ଗ୍‌ୟାନାକ ।^{୧୪} ଏନ୍ ବଙ୍ଗାକଆଃ ଆମ୍‌କ ଆକ୍‌ଦାୟାଅ କାମିକ ରିକାଦାଡ଼ିୟା । ଆତଃ ଇନ୍କୁ ପେଡେୟାନ୍ ପାରମେଶ୍ଵାରଆଃ ହୁଲାଙ୍ଗ୍‌ରେ ଲାଡ଼ାଇ ନାଗେନ୍ତେ ଅଡେଦିଶୁମ୍‌ରେନ୍ ରାଜାକକେ ମିଦ୍‌ତାଃରେ ହୁଣ୍ଡି ନାଗେନ୍ତେ ଅଡ଼ଙ୍ଗ୍‌ୟାନାକ ।

୧୫ *ଆୟୁମେପେ, ଆଇଙ୍ଗ୍ କୁମ୍‌ତୁ ଲେକାଇଙ୍ଗ୍ ହିଜୁଃଆ । ଅକ ହଡ଼ ଏୟନାକାନ୍ ତାଇକେଦ୍‌ତେ ଆୟାଃ ଲିଜାଃ ସେକାଡ଼କେଦ୍‌ତେ ଦହକାଃ, ଏନ୍ ହଡ଼ ସୁକୁତାନଗିୟାଏ । ଇନିଃକେ ସାମା ହଡ଼ମଗି ସେନ୍ ନାଗେନ୍ତେ କା ଲାଗାତିଙ୍ଗ୍‌ୟାଃ ଆତଃ ହଡ଼କ ଆୟାଃ ଗିହୁଃ କାକ ନେଲେୟା ।”

୧୬ ସଡ଼ରାକାନ୍ ଆମ୍‌କ ରାଜାକକେ ଏତ୍ରୀ ଜାଗାର୍‌ତେ କାଜିୟଃତାନ୍ ଆମ୍‌ଗେଦୋନ୍ ନୁତୁମ୍ ଠାୟାଦ୍‌ରେ ହୁଣ୍ଡିକେଦକଆକ ।

୧୭ ଏନ୍ତେ ଏୟା ଦୁଢ଼ ଆୟାଃ ତୁଭାକେ ହୟରେ ଦୁଲ୍‌କେଦା ଆତଃ ମାନ୍ଦିରରେ ତାଇକେନ୍ ରାଜ୍‌ଗାଦିଏତେ କାଉରିକେଦ୍‌ତେ ମିଆଁଦ୍ ଲାବ୍‌ଜା ଆୟୁମ୍‌ୟାନା, “କାମି ପୁରାୟାନା ।”^{୧୮} *ଇମ୍‌ତାଗି ହିଚିରକେଦାଏ, ରିମିଲ୍ ସାଡ଼ିୟାନା ଆତଃ ଅତେ ପୁରାଃଗି ଏକ୍‌ଲାଅୟାନା । ନେ'ଲେକା ବରଞ୍ଚାନ୍ ଅତେ ଏକ୍‌ଲାଅଃତେୟାଃ ମାନଞ୍ଚାରାଃ ମୁନୁହେତେ ଚିଉଲାଅ କା ହବାକାନ୍ ତାଇକେନା ।^{୧୯} ମାରାଙ୍ଗ୍ ନାଗାର୍ ଆପି ହିସାରେ ହାଟିଙ୍ଗ୍‌ୟାନା, ଆତଃ ଦିଶୁମ୍‌ରେୟାଃ ସବେନ୍ ନାଗାର୍‌କ ଜିୟନ୍‌ୟାନା । ପାରମେଶ୍ଵାର ମାରାଙ୍ଗ୍ ନାଗାର୍ ବାବିଲୋନ୍‌କେ କାଏ ରିଡ଼ିଙ୍ଗ୍‌କାଦ୍ ତାଇକେନା । ଇନିଃ ଆୟାଃ ନୁଁଏ କାଟୋରାଏତେ ଆୟାଃ ପୁରାଃ ଖସ୍‌ରାଃ ଇଲିଆରଖ୍ ଆନୁକିୟା ।^{୨୦} *ସବେନ୍ ଟାପୁକ କା ନେଲଃୟାନା ଆତଃ ବୁରୁ ବେଡ଼ାକ କା ତାଇନ୍‌ୟାନା ।^{୨୧} *ସିମ୍‌ଏତେ ହଡ଼କଆଃ ଚେତାନରେ ପୁରାଃ ମାପ୍‌ରାଙ୍ଗ୍ ଆରିଲ୍‌କ ଉୟୁଃୟାନା । ମିପିଆଦ୍ ଆରିଲ୍‌ରାଃ ହାମ୍‌ଲ୍ ୫୦ କେ.ଜି ଲେକା ତାଇକେନା । ହଡ଼କ ନେ ବରଞ୍ଚାନ୍ ଆରିଲ୍ ନାଗେନ୍ତେ ପାରମେଶ୍ଵାରକେ ସାର୍‌ପାଅକିୟାକ ।

୧୭

ସବେନ୍‌କ ସାରିକାଇ ବେଶ୍ୟା କୁଡ଼ି

୧ ଏନ୍ତେ ଏୟା ତୁଭା ସାବାକାଦ୍ ଏୟା ଦୁଢ଼କଏତେ ମିହୁଡ଼୍ ଆଇଙ୍ଗ୍‌ତାଃତେ ହିଜୁଃୟାନ୍‌ଲଃ କାଜିକେଦିୟାଏ, “ହିଜୁଃମେ, ଆଇଙ୍ଗ୍ ମିଆଁଦ୍‌ହେତେ ଆଦକା ଗାଡ଼ା ଜାପାଃରେ ବାଇୟାକାନ୍ ବେଶ୍ୟା ଲେକାନ୍ ଏନ୍ ମାରାଙ୍ଗ୍ ନାଗାର୍ ଚିଲ୍‌କା ସାଜାଇ ନାମେୟାଏ, ଏନାଇଙ୍ଗ୍ ଉଦୁବାମେୟା ।^୨ ଅତେରେନ୍ ରାଜାକ ଏନ୍ ବେଶ୍ୟାଲଃ ଆପାଙ୍ଗିର୍ କାମିକ କାମିକାଦା, ଆତଃ ଅଡେଦିଶୁମ୍‌ରେନ୍ ହଡ଼କ ଇନିୟାଃ ଆପାଙ୍ଗିର୍ କାମି ଲେକାନ୍ ଇଲିଆରଖ୍ ନୁଁକେଦ୍‌ତେ ବୁଲାକାନାକ ।”

* ୧୭:୧୫ ୧୭:୧୫ ମାଥୁଇ ୨୪:୪୩,୪୪; ଲୁକ ୧୨:୩୯,୪୦; ଉତ୍କଳ କାଜି ୩:୩. * ୧୭:୧୮ ୧୭:୧୮ ଉତ୍କଳ କାଜି ୮:୫; ୧୧:୧୩,୧୯.
* ୧୭:୨୦ ୧୭:୨୦ ଉତ୍କଳ କାଜି ୬:୧୪. * ୧୭:୨୧ ୧୭:୨୧ ଉତ୍କଳ କାଜି ୧୧:୧୯.

୩ ☆ଏନ୍ତେ ଦୁଁଡ଼ ଆଇଙ୍ଗକେ ଆମ୍ବା ହରାତେ ବିରତେ ଇଦିକିୟା । ଏନ୍ତାରେ ମିଆଁଦ୍ କୁଡ଼ିକେ ବାଇଗିନିଆ ରାଙ୍ଗରେନ୍ ଜାଁତୁ ଚେତାନରେ ଦୁବାକାନ୍ ନେଲକିୟାଇଙ୍ଗ । ଏନ୍ ଜାଁତୁରାଃ ସବେନ୍ସାଃରେ ପାର୍ମେଶ୍ଵାର୍ ଆଃ ବିରୁଧରେ ନିନ୍ଦା ନୁତୁମକ ଅଲ୍ଲାକାନ୍ ତାଇକେନା । ଏନ୍ ଜାଁତୁରାଃ ଏୟା ବହଃ ଆତଃ ଗେଲ୍ ଦିରିଙ୍ଗ୍ ତାଇକେନା । ୪ ଏନ୍ କୁଡ଼ି ବାଇଗିନିଆ ଆତଃ ଆରାଆଃ ଲିଜାଃ ତୁସିଙ୍ଗ୍‌ୟାକାନ୍ ତାଇକେନାଏ ଆତଃ ସୋନା, ପୁରାଃ ଗନଙ୍ଗ୍‌ଆଁନ୍ ମଣି, ଆତଃ ମତିତେ ସିଙ୍ଗାରାକାନ୍ ତାଇକେନା । ଆୟାଃ ତିଃଇରେ ମିଆଁଦ୍ ସୋନାରେୟାଃ କାଚୋରା ତାଇକେନା । ଏନାରେ ହିଲାଙ୍ଗ୍‌ଆଃ ବିଷାଏ ଆତଃ ଇନିୟାଃ ଆପାଙ୍ଗ୍‌ର୍ କାମି ଲେକାନ୍ ସତ୍‌ରା କାମିକ ପେରେଜାକାନ୍ ତାଇକେନା । ୫ ଇନିୟାଃ ମଲଙ୍ଗ୍‌ରେ ମିଆଁଦ୍ ଉକୁଆକାନ୍ ନୁତୁମ୍ ଅଲ୍ଲାକାନ୍ ତାଇକେନା, ଏନାରାଃ ମୁଣ୍ଡି, “ମାରାଙ୍ଗ୍ ବାବିଲୋନ୍, ବେଶ୍ୟାକଆଃ ଆତଃ ଅତେଦିଶୁମ୍‌ରେନ୍ ସବେନ୍ ଲେକାନ୍ ହିଲାଙ୍ଗ୍‌ଆଃ ବିଷାଏରେନ୍ ଏଙ୍ଗା ।” ୬ ଆଇଙ୍ଗ୍ ଆତଃଗିଇଙ୍ଗ୍ ନେଲକେଦା, ଏନ୍ କୁଡ଼ି ପାର୍ମେଶ୍ଵାର୍ ଆଃ ହଡକଆଃ ଆତଃ ଯୀଶୁଆଃ ନାଗେନ୍ତେ ଗାଞ୍ଜା ଏମାକାଦ୍ ହଡକଆଃ ମାୟୋମ୍ ନୁଁକେଦ୍‌ତେ ବୁଲ୍ଲାକାନ୍ ତାଇକେନା । ଇନିଃକେ ନେଲକେଦ୍‌ତେ ଆଇଙ୍ଗ୍ ଆକ୍‌ତାକାଅୟାନାଇଙ୍ଗ୍ । ୭ ଦୁଁଡ଼ ଆଇଙ୍ଗ୍‌କେ କାଜିକେଦିୟା, “ଚିନାଃ ମେନ୍ତେମ୍ ଆକ୍‌ଦାନ୍‌ଆଃତାନା ? ଆଇଙ୍ଗ୍ ଆମକେ ଏନ୍ କୁଡ଼ି, ଆତଃ ଆଇଃକକେ ଗଅଃ ଇଦିତାନ୍ ଜାଁତୁ, ଅକଏୟାଃତି ଏୟା ବହଃ, ଗେଲ୍ ଦିରିଙ୍ଗ୍ ମେନାଃ, ଇନିୟାଃ ବିଷାଏରେ ଉକୁଆକାନ୍ କାଜିଇଙ୍ଗ୍ ଉଦୁବାମେୟା । ୮ ☆ଆମ୍ ଅକ ଜାଁତୁକେ ନେଲକାଇ ତାଇକେନାମ୍, ଇନିଃ ଜାନିଦ୍ ତାଇକେନାଏ ଆତଃ ନାହାଁଃ ବାଙ୍ଗାୟା । ମେନ୍‌ଦ ଇନିଃ ହୁଆଙ୍ଗ୍‌ଗାଡାଏତେ ହିଜୁଆ ଆତଃ ଜିୟନଃଆଏ । ଏନାରେ ଅତେଦିଶୁମ୍‌ରାଃ ମୁନୁଏତେ ଅକ ହଡକଆଃ ନୁତୁମ୍ ଜୀଦାନ୍ ପୁଥ୍‌ରେ କା ଅଲ୍ଲାକାନା, ଏନ୍ ହଡକ ଇନିଃକେ ନେଲକେଦ୍‌ତେ ଆକ୍‌ଦାନ୍‌ଆଃଆକ । ଚିଆଃତି ଇନିଃ ଜାନିଦ୍ ତାଇକେନାଏ, ନାହାଁଃ ବାଙ୍ଗାୟା ଆତଃ ତାୟମ୍‌ତେ ହିଜୁଆ ।

୯ “ନେ ସବେନାଃ ଆଟ୍‌କାର୍‌ଉରୁମ୍ ନାଗେନ୍ତେ ସେଣାଁ ଲାଗାତିଙ୍ଗ୍‌ୟାଃ । ନେ ଜାଁତୁରାଃ ଏୟା ବହଃ ହବାଅଃତାନା ଏୟା ବୁରୁ । ଅକ ଚେତାନରେତି ଏନ୍ କୁଡ଼ି ଦୁବାକାନା । ଏନା ଏୟା ରାଜାକକେ ହଗି କାଜିୟଃତାନା । ୧୦ ଇନ୍‌କୁଏତେ ମଣେୟାଁ ରାଜା ଗଏଃୟାନାକ । ମିଆଁଦ୍‌ନିଃ ରାଇଜେତାନାଏ, ଆତଃ ଏଟାଃନିଃ ନାହାଁଃ ଜାକେଦ୍ ଆଉରି ହିଜୁଆଏ । ଇନିଃ ହିଜୁଃରେ, ଘାଡ଼ିକାଦ୍‌ଗି ରାଇଜେୟା । ୧୧ ଅକ ଜାଁତୁ ଜାନିଦ୍ ତାଇକେନାଏ, ନାହାଁଃଦ ଇନିଃ ବାଙ୍ଗାୟା, ଇନିଃ ହବାଅଃତାନାଏ ଇରାଲିୟା ରାଜା । ଇନିଃ ଏନ୍ ଏୟା ରାଜାକଏତେ ମିଆଁଦ୍‌ନିଃ ତାନିଃ ଆତଃ ଇନିଃ ହଗି ଜିୟନଃଆ ।

୧୨ “ଆମ୍ ନେଲକାଦ୍ ଗେଲ୍ ଦିରିଙ୍ଗ୍ ମେନ୍‌ଲେରେ ଗେଲ୍ ରାଜାକ ତାନ୍‌କ । ଇନ୍‌କୁ ନାହାଁଃ ଜାକେଦ୍ ଆଉରି ରାଇଜେୟାକ । ମେନ୍‌ଦ ଇନ୍‌କୁକେ ଏନ୍ ଜାଁତୁଲଃ ମିଦ୍ ଘାଡ଼ିଗି ରାଇଜେ ନାଗେନ୍ତେ ଆକ୍‌ତେୟାର୍ ଏମଃଆ । ୧୩ ନେ ଗେଲ୍ ରାଜାକଆଃ ଉଦେଶ୍ ମିଦ୍‌ଗିୟା । ଇନ୍‌କୁ ଆକଆଃ ଆପ୍‌ନାଃ ସବେନ୍ ପେଡେଃ ଆତଃ ଆକ୍‌ତେୟାର୍ ଜାଁତୁକେ ଜିମାୟାକ । ୧୪ ଇନ୍‌କୁ ମିଣ୍ଡିହନ୍‌ଆଃ ବିରୁଧରେ ଲାପାଡାୟାଃକ, ଆତଃ ମିଣ୍ଡିହନ୍ ଇନ୍‌କୁକେ ହାରାଅକଆ, ଚିୟାଃତି ଇନିଃ ପ୍ରାଭୁକଆଃ ପ୍ରାଭୁ ଆତଃ ରାଜାକଆଃ ରାଜା ତାନିଃ । ଆତଃ ଅକନ୍‌କ ଆୟାଃଲଃ ମେନାକଆ, ଏନ୍ କେଡାକାନ୍‌କ, ସାଲ୍ଲାକାନ୍‌କ, ଆଇଃକକେ ଅତଙ୍ଗ୍‌ତାନ୍‌କ ଆତଃ ପାତିୟାର୍‌ରଃ ଲେକାନ୍ ହଡକ ହଗି ଜିତାଅଃଆକ ।”

୧୫ ଦୁଁଡ଼ ଆଇଙ୍ଗ୍‌କେ ଆତଃଗି କାଜିକେଦିୟା, “ଆମ୍ ଅକ ଦାଆଃ ଚେତାନରେ ବେଶ୍ୟାକେ ଦୁବାକାନାମ୍ ନେଲକିୟା, ଏନ୍ ଦାଆଃ, ଦିଶୁମ୍‌ରେନ୍ ସବେନ୍ ହଡକ ଆତଃ ଏଟାଃ ଏଟାଃ ଜାଗାର୍‌ତାନ୍ ହଡକକେ କାଜିୟଃତାନା । ୧୬ ଆମ୍ ନେଲକାଦ୍ ଗେଲ୍ ଦିରିଙ୍ଗ୍ ଆତଃ ଏନ୍ ଜାଁତୁ, ବେଶ୍ୟାକେ ହିଲାଙ୍ଗ୍‌ଆଃକ, ଇନ୍‌କୁ ଇନିଃତାଃଏତେ, ଆୟାଃ ସବେନାଃ ରେଃଇଦିୟାକ ଆତଃ ଇନିଃକେ ସାମା ହଡ଼ମକେଦ୍‌ତେ ବାଗିତାଇୟାକ । ଇନ୍‌କୁ ଆୟାଃ ଜିଲ୍ଲୁ ଜମ୍‌କେଦ୍‌ତେ, ଇନିଃକେ ସେଙ୍ଗେଲ୍‌ରେ ହୁରାଙ୍ଗ୍‌କେଦ୍‌ତେ ଜିୟନ୍‌ତାଇୟାକ । ୧୭ ଚିୟାଃତି ପାର୍ମେଶ୍ଵାର୍ ଆୟାଃ ଇଛା ସାନାଙ୍ଗ୍‌କେ ପୁରାଏ ନାଗେନ୍ତେ ନେ'ଲେକା ଇନ୍‌କୁକେ କାଜିକାଦ୍‌କଆ । ଇନ୍‌କୁ ମିଦ୍ ମନ୍‌ତେକ କାମିୟା ଆତଃ ପାର୍ମେଶ୍ଵାର୍‌ଆଃ କାଜି ସାର୍‌ତିଗି ଆଉରି ହବାଅଃ ଜାକେଦ୍, ରାଇଜକେ ଚାଲାଅରେୟାଃ ବାହାରମ୍, ଏନ୍ ଜାଁତୁଆଃ ତିଃଇରେ ବାଗିତାଃକ ।

୧୮ “ଆମ୍ ଅକ କୁଡ଼ିକେମ୍ ନେଲକିୟା, ଇନିଃ ହବାଅଃତାନାଏ, ଅତେଦିଶୁମ୍‌ରେନ୍ ରାଜାକଆଃ ଚେତାନରେ ରାଇଜେତାନ୍, ଏନ୍ ମାରାଙ୍ଗ୍ ନାଗାର୍ ।”

୧୮

ବାବିଲରାଃ ଜିୟନଃ

୧ ଏନ୍ ତାୟମ୍‌ତେ ଆଇଙ୍ଗ୍ ଏଟାଃ ମିଆଁଦ୍ ଦୁଁଡ଼କେ ସିର୍ମାଏତେ ଆଡ଼ଗୁଃତାନ୍ ନେଲକିୟାଇଙ୍ଗ୍ । ଇନିଃ ପୁରାଃଗି ଆକ୍‌ତେୟାର୍ ନାମାକାଦ୍‌ନିଃ ତାଇକେନାଏ ଆତଃ ଇନିୟାଃ ମାନାରାଙ୍ଗ୍ ଗଟା ଅତେଦିଶୁମ୍‌କେ

☆ ୧୭:୩ ୧୭:୩ ଉତ୍କଳ କାଜି ୧୩:୧. ☆ ୧୭:୮ ୧୭:୮ ଉତ୍କଳ କାଜି ୧୧:୭.

ମାର୍ଯ୍ୟାକାଦ୍ ତାଇକେନା । ୨ *ଇନିଃ କାଉରିକେଦ୍ତେ କାଜିକେଦା, “ଇନିୟାଃ ଜିୟନ୍ ହବାକାନା । ଏନ୍ ମାରାଙ୍ଗ୍ ବାବିଲୋନ୍ ହାଦୁଡ଼ାକାନା । ଏନା ନାହାଁଃଦ୍ ବଙ୍ଗା ଆତଃ ସତ୍ତ୍ଵା ଆମ୍ବାକଆଃ ତାଇନଃ ଠାୟାଦ୍ ହବାକାନା । ସବେନ୍ ରାକାମରେନ୍ ସତ୍ତ୍ଵା ଜାଁତୁ ଆତଃ ହିଲାଙ୍ଗ୍ ଚେଣ୍ଟେକଆଃ ତାଇନଃ ଠାୟାଦ୍ ବାଇୟାକାନା । ୩ ଚିୟାଃଚି ଇନିଃ ସବେନ୍ କିଲିରେନ୍ ହଡ଼କକେ ଆୟାଃ ଆପାଙ୍ଗିର୍ କାମି ଲେକାନ୍ ଇଲିଆର୍ଖୁ ଆନୁକାଦ୍‌କଆ । ଅତେରେନ୍ ରାଜାକକେ ଆୟାଃଲଃ ଆପାଙ୍ଗିର୍ କାମିରେ ମେସାକାଦ୍‌କଆ । ଅତେଦିଶୁମରେନ୍ କିରିଙ୍ଗ୍ ଆଖ୍‌ରିଙ୍ଗ୍‌ତାନ୍‌କ ଆୟାଃ ଏଡ଼କାନ୍ ରିଜ୍‌ରାଙ୍ଗ୍ ହରାତେ କିସାଁଣ୍ଟାକାନାକ ।”

୪ ଏତ୍ତେ ଆଇଙ୍ଗ୍ ସିର୍ମାଏତେ ମିଆଁଦ୍ ଲାବ୍‌ଜା ଆୟୁମ୍‌କେଦାଇଙ୍ଗ୍, “ଆଇଁୟାଃ ସବେନ୍ ହଡ଼କ ଅଡ଼ଙ୍ଗ୍‌ଅଃପେ ! ଇନିଃତାଃଏତେ ଅଡ଼ଙ୍ଗ୍‌ଅଃପେ ! ଆପେ ଇନିୟାଃ ପାପ୍‌ରେ ଆତଃ ଆଲପେ ତାଇନଃଆ । ଇନିଃ ଅକ ସାସାତି ନାମେୟାଏ, ଏନାରେୟାଃ ହିସା ଆଲପେ ହବାଅଃଆ । ୫ ଇନିୟାଃ ପାପ୍‌କଦ୍ ସିର୍ମା ଜାକେଦ୍ ସେଟେରାକାନା । ପାର୍‌ମେଶ୍ଵାର୍ ଇନିୟାଃ ଏଡ଼କାନ୍ କାମିକଏ ପାହାମାକାଦା । ୬ ଇନିଃ ଜେ'ଲେକା ଆପେଲଃ ବେଭାରକାଦା, ଆପେ ଏନ୍‌ଲେକାଗି ଆୟାଃଲଃ ବେଭାରେପେ, ଇନିଃ ଅକନାଃ ରିକାକାଦାଏ, ଏନାଏତେ ବାର୍‌ଗୁନା ଏମ୍ ରୁହାଡ଼ାଇପେ । ଆପେକେ ନୁଁ ନାଗେତ୍ତେ ଇନିଃ ଅକ ନୁଁଏତେୟାଃ ବାଇୟାକାଦ୍ ତାଇକେନାଏ, ଏନାଏତେ ବାର୍‌ଗୁନା ବାଇରୁହାଡ଼ାଇପେ । ୭ ଇନିଃ ଆପାନାଃ ଚିମିନ୍ ମାନାରାଙ୍ଗ୍ ରିକାଏ ତାଇକେନାଏ ଆତଃ ଏଡ଼କାନ୍ ରିଜ୍‌ରାଙ୍ଗ୍‌ରେ ତୁବିଃଗ୍‌କାନ୍ ତାଇକେନା, ଏନ୍ ଇମ୍‌ନାଙ୍ଗ୍‌ରେଗି ଇନିଃକେ ଦୁକୁହାସୁ ଏମାଇପେ । ଚିଆଃଚି ଇନିଃ ଆୟାଃ ମନ୍‌ରେ ଆପାନ୍‌କେ ମାରାଙ୍ଗ୍ ମେତ୍ତେ କାଜିନ୍‌ତାନ୍‌ଲଃ କାଜିତାନାଏ, ‘ଆଇଙ୍ଗ୍ ନେତାଃରେ ରାନୀ ଲେକା ଦୁବାକାନାଇଙ୍ଗ୍, ଆଇଙ୍ଗ୍ ଟଣିର୍ ନାହାଁଲିଙ୍ଗ୍, ଆଇଁୟାଃ ଚିଭଲାଅଗି ଏୟମ୍ କା ହବାଅଃଆ ।’ ୮ ଇନିୟାଃ ନେ ସବେନ୍ ପାପ୍‌କ ନାଗେତ୍ତେ ବେମାର୍, ଦୁକୁରେୟାଃ ରାନାଃ, ଆତଃ ରିଙ୍ଗା ମୁସିଙ୍ଗ୍ ଇନିଃକେ ମିସାତେ ସାବିଆ । ଆତଃ ଇନିଃ ସେଙ୍ଗେଲରେ ପୁରା ଜିୟନଃଆଏ । ଚିୟାଃଚି ଇନିୟାଃ ଅକଏ ବିଚାର୍ ତାନାଏ, ଏନ୍ ପ୍ରାଭୁ ପାର୍‌ମେଶ୍ଵାର୍ ପୁରାଃ ପେଡ଼େୟାନ୍‌ନିଃ ତାନିଃ ।”

୯ ଅତେରେନ୍ ଅକ ରାଜାକ ଇନିଃଲଃ ଆପାଙ୍ଗିର୍ ଆତଃ ପାପ୍ କାମିକ ରିକାକାଦ୍ ତାଇକେନା, ଇନକୁ ଇନିୟାଃ ହଡ଼ମ୍ ସେଙ୍ଗେଲ୍ ଜୁନୁଲ୍‌ତେ ଜିୟନଃତାନ୍ ସୁକୁଲ୍ ନେଲ୍‌କେଦ୍‌ତେ ରାଆଃଏୟାକ । ୧୦ ଇନିୟାଃ ଦୁକୁହାସୁରେ ହିସା ହବାଃଅ ନାଙ୍ଗ୍ ବରକେଦ୍‌ତେ ଇନକୁ ଇନିଃତାଃଏତେ ପୁରାଃ ସାଙ୍ଗିନ୍‌ରେ ତିଙ୍ଗ୍‌କେଦ୍‌ତେକ ତାଇନା, ଆତଃ କାଜିୟାକ, “ହାଏରେ ଚିମିନ୍ ବରଞ୍ଜାନ୍ ଆତଃ ଆକ୍‌ଦାନ୍‌ଆ ବିଷାଏ ତାନାଃ ! ଆମ୍ ଚିନାଃ ଏନ୍ ପୁରାଃ ପେଡ଼େୟାନ୍ ବାବିଲୋନ୍ ନାଗାର୍ ତାନ୍‌ମେ ! ମେନ୍‌ଦ୍ ମିଦ୍ ଘାଡ଼ିରେଗି ନେ'ଲେକା ସାଜାଇ ନାମ୍‌କେଦାମ୍ ।”

୧୧ ଅତେରେନ୍ କିରିଙ୍ଗ୍ ଆଖ୍‌ରିଙ୍ଗ୍‌ତାନ୍‌କ ଇନିଃ ନାଗେତ୍ତେକ ଏୟମ୍‌ମେୟା, ଚିୟାଃଚି ଜେତାଏ ଇନକୁଆଃ ଜିନିଷକକେ କାକ କିରିଙ୍ଗ୍‌ୟେଆ । ୧୨ ଇନକୁଆଃ ସୋନା, ରୁପା, ମଣି, ମତି, ଉନ୍‌ରାଃ ଲିଜାଃ, ବାଇଗିନିଆ ଲିଜାଃ, ସିନ୍ଦୁର୍ ରାଙ୍ଗ୍‌ରାଃ ଲିଜାଃ, ସବେନ୍ ଲେକାନ୍ ଗନଙ୍ଗ୍‌ଆଁନ୍ ଚନ୍‌ନ୍ ସାହାନ୍, ହାଁତି ଡାଟାତେ ବାଇୟାକାନ୍ ସବେନ୍ ଲେକାନ୍ ଜିନିଷକ, ପୁରାଃ ଗନଙ୍ଗ୍‌ଆଁନ୍ ଦାରୁ, ପିତାଲ୍, ମେଡ଼େଦ୍, ମାର୍‌ବଲ୍‌ରେ ବାଇୟାକାନ୍ ସବେନ୍ ଲେକାନ୍ ଜିନିଷ, ୧୩ ଆତଃ ଦାଲ୍‌ଚିନି, ଏଟାଃ ଏଟାଃ ମାସ୍‌ଲାକ, ଧୁଆନ୍, ବୁଗିନ୍ ସହାନ୍ ସୁନୁମ୍, ବୁଗିନ୍ ସହାନ୍ ମାଲାମ୍, ଦାଖ୍‌ରାସି, ଅଲିଭ୍ ସୁନୁମ୍, ମାଏଦା, ଗହମ୍, ଉରିଃକ୍, ମିଣ୍ଡି, ସାଦମ୍, ସାଦମ୍ ଗାଡ଼ି, କିରିଙ୍ଗ୍‌ଦାସି ଆତଃ ଜୀଉ ତାଇନଃ ମାନଞ୍ଜାକକେ ହଗି କିରିଙ୍ଗ୍ ନାଗେତ୍ତେ ଜେତାଏ ହଡ଼ କାକ ଅଡ଼ଙ୍ଗ୍‌ଅଃଆ । ୧୪ କିରିଙ୍ଗ୍ ଆଖ୍‌ରିଙ୍ଗ୍‌ତାନ୍ ହଡ଼କ ଇନିଃକେକ କାଜିକିୟା, “ଆମାଃ ଜୀଦାନ୍‌ରେୟାଃ ରିଜ୍‌ରାଙ୍ଗ୍ ସବେନ୍ ବୁଗିନ୍ ବିଷାଏକ ଆମାଃତାଃଏତେ ସାଙ୍ଗିନ୍‌ୟାନା । ଆତଃ ଆମାଃ ଖୁଜ୍‌ରେୟାଃ ସୁଗାଡାନ୍‌ତେୟାଃକ ଆମାଃତାଃଏତେ ଆତମ୍‌ୟାନା, ଆମ୍ ଏନ୍ ସବେନାଃକେ ଆତଃ ଚିଭଲାଅ କାମ୍ ନାମ୍‌ରୁହାଡ଼େୟା ।” ୧୫ ଅକନ୍ କିରିଙ୍ଗ୍ ଆଖ୍‌ରିଙ୍ଗ୍‌ତାନ୍ ହଡ଼କ ଏନ୍ ନାଗାର୍‌ରେ ଆଖ୍‌ରିଙ୍ଗ୍‌କେଦ୍‌ତେ କିସାଁଣ୍ଟାକାନ୍ ତାଇକେନାକ, ଇନକୁ ଇନିୟାଃ ଦୁକୁହାସୁରେ ହିସା ହବାଃଅ ନାଗେତ୍ତେ ବରକେଦ୍‌ତେ ପୁରାଃ ସାଙ୍ଗିନ୍‌ରେକ ତିଙ୍ଗୁନା । ୧୬ ଇନକୁ ରାଆଃ ଆତଃ ଏୟମ୍‌ତାନ୍‌ଲଃ କାଜିୟାକ, “ହାଏରେ, ଏନ୍ ମାରାଙ୍ଗ୍ ନାଗାର୍‌ରେୟାଃ ଦୁକୁ, ଚିମିନ୍ ବରଞ୍ଜାନ୍‌ଗିୟା ! ଚିମିୟାଙ୍ଗ୍ କା ସାହାତିଙ୍ଗ୍‌ୟାଃ ଲେକା ମେନାଃ ! ଅକ ମାରାଙ୍ଗ୍ ନାଗାର୍ ଉନ୍‌ରାଃ ଲିଜାଃ, ବାଇଗିନିଆ ଲିଜାଃ ଆତଃ ସିନ୍ଦୁର୍ ରାଙ୍ଗ୍‌ରେୟାଃ ଲିଜାଃ ତୁସିଙ୍ଗ୍‌ୟାକାନ୍ ତାଇକେନାଏ, ଆତଃ ସୋନା, ମଣି, ମତିତେ ସିଙ୍ଗ୍‌ରାଅକାନ୍ ତାଇକେନା । ୧୭ ମେନ୍‌ଦ୍ ମିଦ୍ ଘାଡ଼ିରେଗି ନେ ସବେନ୍ ଖୁଜ୍‌କଏ ଆଦ୍‌କେଦା !” ଦାଆଃ ଜାହାଜ୍ ଚାଲାଅତାନ୍‌କଆଃ ଆଗୁଆଇ ଆତଃ ଏନାରେ ଦୁବାକାନ୍‌କ, ଦାଆଃ ଜାହାଜ୍ ଚାଲାଅତାନ୍‌କ, ଆତଃ ଦରେୟାରେ କିରିଙ୍ଗ୍ ଆଖ୍‌ରିଙ୍ଗ୍‌ତାନ୍ ହଡ଼କ ସାଙ୍ଗିନ୍‌ରେ ତିଙ୍ଗୁୟାନାକ । ୧୮ ଆତଃ ଜିୟନଃତାନ୍ ନାଗାର୍‌ରେୟାଃ ସୁକୁଲ୍ ନେଲ୍‌କେଦ୍‌ତେ, କାଉରିତାନ୍‌ଲଃ କାଜିକେଦାକ, “ନେ ମାରାଙ୍ଗ୍ ନାଗାର୍ ଲେକା ଆତଃ ଜେତା ନାଗାର୍

* ୧୮:୨ ୧୮:୨ ଉତ୍କଳ କାଜି ୧୪:୮.

କା ତାଲକେନା ।” ୧୯ ଇନ୍ଦ୍ରକୁ ଆକଥାଏ ବହୁରେ ଧୂଡ଼ିକ ହେଉକେଦତେ ଏୟମତାନଲଃ କାଜିକେଦାକ, “ତିମିନ୍ ବରଞ୍ଜାନଗିୟା, ନାଗାରରେୟାଃ ଦୁର୍ଦାସା କା ସାହାତିଙ୍ଗୟଃ ଲେକା ହବାକାନା ! ଦରେୟାରେ ସେନ୍ତାନ ଦାଆଃ ଜାହାଜକ ଆୟାଃ ଶୁଜ ଡେଗି କିସାଣକାନ ତାଲକେନା ! ମେନ୍ଦ ମିଦ ଘାଡ଼ିରେଗି ସବେନାଃ ଜିୟନ୍ୟାନା !”

୨୦ ହେ ସିମୀରେନ୍ ହଡ଼କ, ଇନିଃ ଜିୟନ୍କାନ ହରାତେ ରାସକାଅଃପେ । ହେ ପାରମେଶ୍ଵାରଥାଃ ହଡ଼କ, ପ୍ରେରିଡ଼କ ଆତଃ ନାବୀକ ରାସକାଅଃପେ ! ତିଆଃତି ଆପେ ନାଗେନ୍ତେ ଅକ୍ନାଃ ରିକାକାଦ୍ ତାଲକେନାଏ, ଏନାମେନ୍ତେ ପାରମେଶ୍ଵାର ଇନିଃକେ ସାଜାଇ ଏମାକାଇଜାଏ ।

୨୧ ଏନ୍ତେ ମିଆଁଦ୍ ପୁରାଃ ପେଡ଼େୟାନ୍ ଦୁଁଡ଼, ଜାନ୍ତାଦିରି ଲେକା ମିଆଁଦ୍ ଦିରି ଇଦିକେଦତେ ଦରେୟାରେ ହୁରାଙ୍ଗକେଦତେ କାଜିକେଦା, “ମାରାଙ୍ଗ ନାଗାର ବାବିଲୋନ୍, ନେଲେକା ହୁରାଙ୍ଗଅଥାଏ ଯେ, ଇନିଃକେ ଆତଃମିସା ଜେତାଏ କାକ ନେଲ୍ ଦାଡ଼ିୟା । ୨୨ ବାନାମ୍ ସାଡ଼ିତାନକଥାଃ ସାଡ଼ି, ମାନଞ୍ଜାକଥାଃ ଲାବ୍ଜା ଦୁରାଙ୍ଗ, ମୁରଲି ସାଡ଼ି, ବିଙ୍ଗୁଲ୍ ସାଡ଼ି ଚିତ୍ତଲାଅ ଆମାଃତାଃରେ ଆତଃ କା ଆୟୁମଃଥା । ଜେଡ଼ନାଃଗି ବାବାଇ ହଡ଼କ ଆମାଃତାଃରେ ଆତଃ ଚିତ୍ତଲାଅ କାକ ନେଲଃଥା, ଚାଏ ଜାନ୍ତାଦିରିରେ ରିଦେତାନ୍ ଲାବ୍ଜା କା ଆୟୁମଃଥା । ୨୩ ଆମାଃତାଃରେ ଆତଃ ଚିତ୍ତଲାଅ ଦିମି କା ଜୁଲଃଥା, ଚାଏ ନାଞ୍ଜା କଡ଼ାକୁଡ଼ିକିନାଃ ଲାବ୍ଜା କା ଆୟୁମଃଥା । ତିଆଃତି ଆମାଃତାଃରେ କିରିଙ୍ଗ୍ ଆଖିରିଙ୍ଗ୍ତାନ ହଡ଼କ ଅତେଦିଶୁମ୍ରେ ପୁରାଃଗି ପେଡ଼େୟାନ୍ଗିକ ତାଲକେନା, ଆମାଃ ଯାଦୁଟାଣାତେ ଆମ୍ ସବେନ୍ ହଡ଼କକେ ବେଦାକେଦତେ ଦହକାଦକ ତାଲକେନାମ୍ ।”

୨୪ ଆତଃ ନେ ବାବିଲୋନ୍ ନାଗାରରେ ଅତେଦିଶୁମ୍ରେନ୍ ପୁରାଃ ନାବୀକ ଆତଃ ପାରମେଶ୍ଵାରଥାଃ ହଡ଼କଥାଃ ମାୟୋମ୍ ଲିଙ୍ଗିକାନ୍ ତାଲକେନା । ନେ ସବେନ୍ ପାପ୍ ନାଗେନ୍ତେ ଇନିଃ ସାଜାଇ ନାମାକାଦାଏ ।

୧୯

ସିମୀରେ ରାସକାରେୟାଃ ଦୁରାଙ୍ଗ

୧ ଏନ୍ ତାୟମତେ ଆଇଙ୍ଗ୍ ସିମୀରେ ପୁରାଃ ଗାଦେଲ୍ ହଡ଼କକେ କାଉରିକେଦତେ ଜାଗାରତେୟାଃ ଆୟୁମକେଦକଆଇଙ୍ଗ୍ । ଇନ୍ଦ୍ରକୁ କାଜିତାଲକେନାକ, “ପାରମେଶ୍ଵାରଥାଃ ସାହାରାଅ ରିକାଏପେ । ଜୀଉବାଞ୍ଚାଅ, ମାନାରାଙ୍ଗ ଆତଃ ପେଡ଼େଃ ଆବୁଆଃ ପାରମେଶ୍ଵାରଥାଃ ତାନାଃ । ୨ ପାରମେଶ୍ଵାରଥାଃ ବିଚାର ସାର୍ତି ଆତଃ ନ୍ୟାୟ ତାନାଃ । ଆପାଙ୍ଗିର୍ କାମି ହରାତେ ଅତେଦିଶୁମ୍ରେ ସଡ଼ରାକାଦ୍ ବେଶ୍ୟା କୁଡ଼ି ନାଗେନ୍ତେ ଠାଉକାଗି ସାଜାଇ ଏମାକାନା । ପାରମେଶ୍ଵାରଥାଃ ଦାସିକଥାଃ ମାୟୋମ୍ ଲିଙ୍ଗିକାଦ୍ ହରାତେ, ଇନିଃକେ ପାରମେଶ୍ଵାର ସାଜାଇ ଏମାକାଇଜାଏ ।” ୩ ଆଇଙ୍ଗ୍ ଇନ୍ଦ୍ରକୁକେ ଆତଃମିସା କାଉରିକେଦତେ କାଜିତାନ୍ ଆୟୁମକେଦକଆଇଙ୍ଗ୍, “ପାରମେଶ୍ଵାରଥାଃ ସାହାରାଅ ରିକାଏପେ । ଏନ୍ ମାରାଙ୍ଗ ନାଗାରକେ ଜିୟନେତାନ୍ ସେଙ୍ଗେଲ୍ରେୟାଃ ସୁକୁଲ୍ ଜାନାଅ ଜାନାଅଗି ଚେତାନ୍ତେ ସୁକୁଲଃଥା ।” ୪ ରାଜଗାଦିରେ ଦୁବାକାନ୍ ପାରମେଶ୍ଵାରଥାଃ ଆୟାରରେ ବାହ୍ସି ଉପୁନିୟା ପ୍ରାଚିନ୍ଦକ ଆତଃ ଉପୁନିୟା ଜାତୁକ ଅମ୍ପାଃୟାନ୍ଲଃ ଜହାରକେଦତେ କାଜିକେଦାକ, “ଆମେନ୍ ! ପାରମେଶ୍ଵାରଥାଃ ସାହାରାଅ ହବାଅଃକା ।”

ମିଶ୍ରିହନ୍ଥାଃ ଆଶ୍ଵଦି ଭୋଜି

୫ ଏନ୍ତେ ରାଜଗାଦିଏତେ ମିଆଁଦ୍ ଲାବ୍ଜା ଆୟୁମୟାନା, “ପାରମେଶ୍ଵାରଥାଃ ଦାସିକ ଆତଃ ଆଇଃକକେ ବରଭାକ୍ତିତାନ୍ ହୁଡ଼ିଙ୍ଗ୍, ମାରାଙ୍ଗ୍ ସବେନ୍ ହଡ଼କ ଇନିୟାଃ ସାହାରାଅ ରିକାଏପେ ।” ୬ ଆଇଙ୍ଗ୍ ଆତଃଗି ଗାଦେଲ୍ ହଡ଼କଥାଃ ଲାବ୍ଜା ଲେକା, ଦରେୟାରେୟାଃ ଆଲ୍ପୁଙ୍ଗ୍ ସାଡ଼ିତାନ୍ ଲେକା, ରିମିଲ୍ ସାଡ଼ିତାନ୍ ଲେକା ଆତଃ ଠେଡ଼ାନ୍ରେୟାଃ ସାଡ଼ି ଲେକା ମିଆଁଦ୍ ସାଡ଼ିଇଙ୍ଗ୍ ଆୟୁମକେଦା, “ପାରମେଶ୍ଵାରଥାଃ ସାହାରାଅ ହବାଅଃକା, ତିଆଃତି ଆବୁଆଃ ପ୍ରାଭୁ ପୁରାଃ ପେଡ଼େୟାନ୍ ପାରମେଶ୍ଵାର ତାନିଃ, ଇନିଃ ଏସକାର୍ ଆବୁଆଃ ରାଜା ତାନିଃ ! ୭ ଲାନ୍ଦା ରାସକାତାନ୍ଲଃ ଏଲା ହିଜୁଃପେ, ଇନିୟାଃ ମାଲନାନ୍ବୁ ରିକାଏୟା, ମିଶ୍ରିହନ୍ଥାଃ ଆଶ୍ଵଦିରେୟାଃ ଦିପିଲି ସେଚେରାକାନା, ଏନାମେନ୍ତେ ଆୟାଃ ନାଞ୍ଜା କୁଡ଼ି ଆପାନ୍କେ ସେକାଡେନ୍ତାନା । ୮ ଆୟାଃ ତୁସିୟେନ୍ ନାଗେନ୍ତେ ଫାଋତି ଆତଃ ପୁରାଃ ପୁଣ୍ଡି ଝାକ୍ମାକ୍ ଉନ୍ରାଃ ଲିଜାଃ ନାମାକାଦାଏ ।” ପାରମେଶ୍ଵାରଥାଃ ହଡ଼କଥାଃ ଧାରମାନ୍ କାମି ହବାଅଃତାନା ଏନ୍ ନାରାମ୍ ଲିଜାଃ ।

୯ ଏନ୍ତେ ଦୁଁଡ଼ ଆଇଙ୍ଗ୍କେ କାଜିକେଦିୟା, “ଅଲ୍ଲକେଦତେ ଦହେମେ, ଅକନ୍ଦକ ମିଶ୍ରିହନ୍ଥାଃ ଆଶ୍ଵଦି ଭୋଜିରେ କେଡ଼ାକାନାକ ଇନ୍ଦ୍ରକୁ ଧାଇନ୍ଗିୟାକ ।” ଇନିଃ ଆତଃଗି କାଜିକେଦାଏ, “ନେଆଁ ପାରମେଶ୍ଵାରଥାଃ ସାର୍ତି ବାଚାନ୍ ତାନାଃ ।”

☆ ୧୯:୯ ୧୯:୯ ମାଥୁଉ ୨୨:୨,୩.

୧୦ ଆଇଙ୍ଗ ଏନ୍ ଦୁଁଡ଼କେ ସୁନ୍ନସାର ରିକା ନାଗେନ୍ତେ ଆୟାଃ କାଟା ସୁବାରେଇଙ୍ଗ ଉୟୁୟାନା । ମେନ୍ଦ ଇନିଃ ଆଇଙ୍ଗକେ କାଜିକେଦିୟା, “ଏନ୍ ଲେକା ଆଲମ୍ ରିକାଏୟା । ଆଇଙ୍ଗ ଆମାଃ ଗାତିଦାସି ତାନିଙ୍ଗ ଆତଃ ଆମାଃ ହାଗା ମିଶିକ ଲେକାଗି ଆଇଙ୍ଗ ଯୀଶୁଆଃ ଗାଞ୍ଜା ଏମନିଃ ତାନିଙ୍ଗ । ଆପେ ଲେକା ଆଇଙ୍ଗ ହଗି ଯୀଶୁ ଉଦୁବାକାଦ୍ ସାନାରତିକେଇଙ୍ଗ ତେଲକାଦା । ପାରମେଶ୍ୱାରକେ ଏସକାର୍ ସୁସାରିମେ ।” ଚିଆଃଚି ଯୀଶୁ ନାଗେନ୍ତେ ଗାଞ୍ଜା ହବାଅଃତାନା, ଆୟାରକାଜିରାଃ ଏନେଟେଦ୍ ଆମ୍ନା ଲେକ୍ନାଃ ।

ପୁଣ୍ଡି ସାଦମ୍ରେ ଦୁବାକାନିଃ

୧୧ ଏନ୍ତେ ଆଇଙ୍ଗ ସିର୍ମା ନିଜାକାନ୍ ନେଲ୍ଲକେଦାଇଙ୍ଗ । ଏନ୍ତାଃରେ ପୁଣ୍ଡି ସାଦମ୍ରେ ଦୁବାକାନିଃକେ ନେଲ୍ଲକିଜାଇଙ୍ଗ । ଏନ୍ ସାଦମ୍ରେ ଦୁବାକାନିୟାଃ ନୁତୁମ୍ ପାତିୟାରରନିଃ ଆତଃ ସାର୍ତି । ଇନିଃ ନ୍ୟାୟ ଲେକାତେ ବିଚାର ରିକାଃଏ ଲାଡ଼ାଇ ରିକାଃଏ । ୧୨ ଇନିୟାଃ ମେଦ୍ ଜୁଲ୍ଲତାନ୍ ସେଙ୍ଗେଲ୍ ଲେକା ଆତଃ ଇନିୟାଃ ବହଃରେ ପୁରାଃଗି ମୁକୁର୍ ତାଇକେନା । ଇନିୟାଃ ଚେତାନ୍ରେ ମିଆଁଦ୍ ନୁତୁମ୍ ଅଲ୍ଲକାନ୍ ତାଇକେନା, ମେନ୍ଦ ଏନା ଚିନାଃ ତାନାଃ, ଏନା ଆଇଃକ୍ତେ ବାଗିକେଦ୍ତେ ଜେତାଏ କାକ ସାରିୟା । ୧୩ ଇନିଃ ତୁସିଙ୍ଗକାନ୍ ଲିଜାଃ ମାୟୋମ୍କାନ୍ ତାଇକେନା । ଇନିୟାଃ ନୁତୁମ୍ “ପାରମେଶ୍ୱାରଆଃ ବାଚାନ୍ ମେନ୍ତେ ସାରିୟଃ ତାଇକେନା ।” ୧୪ ସିର୍ମାରେନ୍ ଫାଉଦକ, ନିରାଲ୍, ପୁରାଃ ପୁଣ୍ଡି ଫାର୍ତି ଆତଃ ଝାକ୍ମାକ୍ ଉନ୍ରାଃ ଲିଜାଃ ତୁସିଙ୍ଗୟାନ୍ଲଃ, ପୁଣ୍ଡି ସାଦମ୍ ଚେତାନ୍ରେ ଦୁବ୍କେଦ୍ତେ ଇନିଃକେକ ଅତଙ୍ଗ୍ ତାଇକେନା । ୧୫ *ଇନିୟାଃ ମଚାଏତେ ମିଆଁଦ୍ ଲେସେରକାନ୍ ତାରାଉଡ଼ି ଅତଙ୍ଗ୍ଅଃଆ । ଏନାଲଃ ଅତେରେନ୍ ସବେନ୍ ହଡ଼କକେ ହାରାଅକଥା । ଆତଃ ଇନିଃ ଇନ୍କୁକେ ମେଡେଦ୍ରାଃ ସଚାତେ ହୁମାଃକଥା ଆତଃ ପେଡେୟାନ୍ ପାରମେଶ୍ୱାରଆଃ ପୁରାଃ ଖ୍ସ ଲେକାନ୍ ଦାଖ୍ନାଡ଼ିକେ ଘାନାରେ ଆଇଃକ୍ତେ ପେରାଅକେଦ୍ତେ ଏନାଏତେ ଦାଖ୍ନାସି ଅତଙ୍ଗ୍ୟେଆ । ୧୬ ଇନିୟାଃ ଲିଜାଃ ଚେତାନ୍ରେ ଆତଃ ବୁଲ୍ଲୁରେ ନେ ନୁତୁମ୍ ଅଲ୍ଲକାନ୍ ତାଇକେନା, “ରାଜାକଆଃ ରାଜା ଆତଃ ପ୍ରାଭୁକଆଃ ପ୍ରାଭୁ ।”

୧୭ ଏନ୍ତେ ଆଇଙ୍ଗ ମିଆଁଦ୍ ଦୁଁଡ଼କେ ସିଙ୍ଗି ଚେତାନ୍ରେ ତିଙ୍ଗୁଆକାନ୍ ନେଲ୍ଲକିୟାଇଙ୍ଗ । ଆଲା ସିର୍ମାରେ ଆଫିର୍ତାନ୍ ସବେନ୍ ଚେଟେକକେ କାଉରିକେଦ୍ତେ କାଜିକେଦ୍କଥା, “ଏଲା, ପାରମେଶ୍ୱାରଆଃ ମାରାଙ୍ଗ ଭୋଜିରେ ମେସାନ୍ ନାଗେନ୍ତେ ହୁଣ୍ଡିନ୍ପେ ! ୧୮ ରାଜା, ପାଲ୍ଟାନ୍, ସିପାଇ, ସାଦମ୍, ସାଦମ୍ରେ ଦୁବାକାନ୍, କିରିଙ୍ଗୟାକାନ୍ ଦାସି, ପେଡେୟାନ୍ ହଡ଼, କା ପେଡେୟାନ୍ ହଡ଼, ନେ ସବେନ୍କଆଃ ଜିଲ୍ଲୁକେ ହିଜୁଃକେଦ୍ତେ ଜମେପେ ।”

୧୯ ଏନ୍ତେ ଆଇଙ୍ଗ ନେଲ୍ଲକେଦାଇଙ୍ଗ, ଏନ୍ ସାଦମ୍ରେ ଦୁବାକାନିଃ ଆତଃ ଆୟାଃ ପାଲ୍ଟାନ୍କଆଃ ବିରୁଧ୍ରେ ଲାଡ଼ାଇ ନାଗେନ୍ତେ ଏନ୍ ଜାଁତୁ ଆତଃ ଅତେଦିଶୁମ୍ରେନ୍ ସବେନ୍ ରାଜା ଆତଃ ଇନ୍କୁଆଃ ସବେନ୍ ପାଲ୍ଟାନ୍କ ମିଦ୍ତାଃରେ ହୁଣ୍ଡିୟାନାକ । ୨୦ *ଏନ୍ ମାପାଃତୁପୁଇଙ୍ଗରେ ଜାଁତୁ ଆତଃ ଇନିୟାଃ ଆୟାରରେ ଆକ୍ଦାନ୍ଦାଅ କାମିକ ରିକାତାନ୍, ଏନ୍ ହସଡ଼ ନାବୀ ସାନାବ୍ୟାନ୍ଲଃ ତନଲ୍ରେ ଦହୟାନା । ଅକନ୍କଆଃରେ ଜାଁତୁରାଃ ଚିଙ୍ଗାଁ ତାଇକେନା ଆତଃ ଅକନ୍କ ଆୟାଃ ମୁରୁଡ଼କେକ ସେଞ୍ଜା ତାଇକେନା, ଇନ୍କୁକେ ଏନ୍ ଜାଁତୁ ଆୟାଃ ଆକ୍ଦାନ୍ଦାଅ କାମିତେ ବେଦାକ ତାଇକେନା । ଜାଁତୁ ଆତଃ ଏନ୍ ହସଡ଼ ନାବୀ ହୁଆଙ୍ଗାଡ଼ାରେ ଜାନିଦ୍ଗି ହୁରାଙ୍ଗୟାନାକିନ୍ । ୨୧ ଆତଃ ଇନିକିନାଃ ପାଲ୍ଟାନ୍କ ଆତଃ ସାଦମ୍ରେ ଦୁବାକାନ୍କ, ମଚାଏତେ ଅତଙ୍ଗ୍ଅଃତାନ୍ ତାରାଉଡ଼ିଲଃ ମାଆୟାନାକ, ଆତଃ ସବେନ୍ ଚେଟେକ ଆକଆଃ ଇଛାସାନାଙ୍ଗ ଲେକା ଇନ୍କୁଆଃ ଜିଲ୍ଲୁ ଜମ୍କେଦାକ ।

୨୦

ମିଦ୍ ହାଜାର୍ ବାରାଷ୍ଟରେୟାଃ ରାଇଙ୍ଗ୍

୧ ଏନ୍ତେ ଆଇଙ୍ଗ ଆତଃମିଆଁଦ୍ ଦୁଁଡ଼କେ ସିର୍ମାଏତେ ଆଡ଼ଗୁନ୍ତାନ୍ ନେଲ୍ଲକିୟାଇଙ୍ଗ । ଇନିୟାଃ ତିଃଇରେ ହୁଆଙ୍ଗାଡ଼ାରେୟାଃ ଚାଭି ଆତଃ ମିଆଁଦ୍ ହାମ୍ନାଲ୍ ସିକ୍ତି ତାଇକେନା । ୨ ଇନିଃ ଏନ୍ ମାରାଙ୍ଗ୍ ବିଙ୍ଗ୍, ଚାଏ ସାଏତାନ୍କେ ସାବ୍କେଦ୍ତେ ମିଦ୍ ହାଜାର୍ ବାରାଷ୍ଟ ଜାକେଦ୍ ସିକ୍ତିତେ ତଲ୍ଲକିୟାଏ, ୩ ଆତଃ ହୁଆଙ୍ଗାଡ଼ାରେ ହୁରାଙ୍ଗ୍କେଦ୍ତେ ଏନାରେୟାଃ ଦୁଆର୍ ହାଣ୍ଡେଦ୍କେଦାଏ ଆତଃ ଏନ୍ ଚେତାନ୍ରେ ମୋହର୍ ଏମ୍କେଦାଏ । ମିଦ୍ ହାଜାର୍ ବାରାଷ୍ଟ ଆଉରି ପୁରାଃଅ ଜାକେଦ୍ ଇନିଃ ଆତଃ ଜେତାନ୍ ଦିଶୁମ୍ରେନ୍ ହଡ଼କକେ ବେଦା କାଏ ଦାଡ଼ିୟା । ନେଆଁ ତାୟମ୍ତେ ଘାଡ଼ିକାଦ୍ ନାଙ୍ଗ୍ ଇନିଃକେ ଆତଃମିସା ରାଡ଼ାଅଃଆ ।

୪ ଏନ୍ତେ ଆଇଙ୍ଗ ନେଲ୍ଲକେଦାଇଙ୍ଗ, ଚିମିନ୍ ରାଜ୍ଗାଦିକ ଆତଃ ଏନାକରେ ଦୁବାକାନ୍ ହଡ଼କକେ ବିଚାର ନାଗେନ୍ତେ ଆକ୍ତେୟାର୍ ଏମାକାନା । ଆତଃଗି ଚିମିନ୍ ଗଜାକାନ୍ ହଡ଼କଆଃ ଆମ୍ନାକକେଇଙ୍ଗ ନେଲ୍ଲକେଦ୍କଥା, ଇନ୍କୁ ଯୀଶୁ ଉଦୁବାକାଦ୍ ସାନାରତି ଆତଃ ପାରମେଶ୍ୱାରଆଃ ବାଚାନ୍କେ ଉଦୁବ୍କେଦ୍

* ୧୯:୧୫ ୧୯:୧୫ ଉତ୍କଳ କାଳି ୧୪:୨୦. * ୧୯:୨୦ ୧୯:୨୦ ଉତ୍କଳ କାଳି ୧୩:୧-୧୮.

ହରାତେ ଏନ୍ ହଡକ ଗନଏଃ ସାଜାଇ ନାମାକାଦ୍ ତାଇକେନାକ । ଇନ୍କୁ ଜାଁତୁ ଚାଏ ମୁରୁଡକକେ କାକ ଜହାରକାଦ୍ ତାଇକେନା, ଚାଏ ମଲଙ୍ଗ୍ ଆତଃ ତିଃଇରେ ଜାଁତୁରାଃ ଚିହ୍ନାଁ କାକ ଖଦାକାନ୍ ତାଇକେନା । ଇନ୍କୁ ଖ୍ରୀଷ୍ଟଲଃ ମିଦ୍ ହାଜାର୍ ବାରାଷ୍ଟ ରାଇଜେ ନାଗେନ୍ତେ ଜୀଉବିରିଦାକାନ୍ ତାଇକେନାକ । ^୫ ଏନ୍ ମିଦ୍ ହାଜାର୍ ବାରାଷ୍ଟ ଆଉରି ପୁରାଃଅ ଜାକେଦ୍ ଏଟାଃ ଜେତାନ୍ ଗଜାକାନ୍ ହଡକଆଃ ଜୀଉବିରିଦିଦ୍ କା ହବାକାନ୍ ତାଇକେନା । ନେଆଁଦ୍ ପାହିଲା ଜୀଉବିରିଦିଦ୍ ତାନାଃ । ^୬ ଗଜାକାନ୍ ହଡକଆଃ ନେ ପାହିଲା ଜୀଉବିରିଦିଦ୍ରେ ଅକନ୍କ ହିସାକ ନାମାକାଦା, ଇନ୍କୁ ଚିମିନ୍ ଧାଇନ୍ ଆତଃ ପାବିତାର୍ଗିୟାଃକ ! ଇନ୍କୁଆଃ ବାର୍ସା ଗନଏଃ କା ହବାଅଃଆ । ଇନ୍କୁ ପାର୍ମେଶ୍ୱାର୍ଆଃ ଆତଃ ଖ୍ରୀଷ୍ଟଆଃ ଯାଜାକ୍ ହବାକେଦ୍ତେ ଖ୍ରୀଷ୍ଟଲଃ ମିଦ୍ ହାଜାର୍ ବାରାଷ୍ଟ ଜାକେଦ୍ ରାଇଜେୟାକ ।

ସାଏତାନ୍ରାଃ ଚୁଣ୍ଟ ହୁରାଅ

^୭ ମିଦ୍ ହାଜାର୍ ବାରାଷ୍ଟ ପୁରାୟାନ୍ ତାୟମ୍ତେ ସାଏତାନ୍କେ ତଲାକାନ୍ହେତେ ରାଡ଼ାଅଃଆ, ଠାଗୋ ଆତଃ ମାଗୋଗ୍ ଲେକା ଅତେରେୟାଃ ଚାରିୟାଃରେ ଦରେୟାରେନ୍ ଗିତିଲ୍ ଲେକା ଛିତିବିତିକାନ୍ କିଲିକଆଃ କା ଲେକା ଦାଡ଼ିୟଃ ହଡକକେ ସାଏତାନ୍ ବେଦାକେଦ୍ତେ ଲାଡ଼ାଇ ନାଗେନ୍ତେ ମିଦ୍ରେ ହୁଣ୍ଟିକଆ । ^୮ ଇନ୍କୁ ଅତେରେୟାଃ ଚାରିୟାଃ ସେନ୍କେଦ୍ତେ ପାର୍ମେଶ୍ୱାର୍ଆଃ ହଡକଆଃ ତାଇନଃ ଠାୟାଦ୍ କୁମ୍ପାକକେ ଆତଃ ପାର୍ମେଶ୍ୱାର୍ଆଃ ଦୁଲ୍ଲାଡ଼୍ ନାଗାର୍କେ କେସେଦ୍ ବିୟୁରେୟାକ । ମେନ୍ଦ୍ ସିର୍ମାଏତେ ସେଙ୍ଗେଲ୍ ଉୟୁଃକେଦ୍ତେ ଇନ୍କୁକେ ଜିୟନ୍ତାକଆ, ^୯ ଆତଃ ଅକ ଜୁଲଃତାନ୍ ହୁଆଙ୍ଗାଡ଼ାରେ ଜାଁତୁ ଆତଃ ହସଡ଼ ନାବୀ ହୁରାଙ୍ଗାକାନ୍ ତାଇକେନାକ, ହସଡ଼ନିଃ ସାଏତାନ୍ ହଗି ଏନାରେ ହୁରାଙ୍ଗାଅଃଆ । ଏତାଃରେ ଇନ୍କୁ ନିଦାସିଙ୍ଗି ଜାନାଅ ଜାନାଅ ଦୁକୁକ ନାମେୟା ।

ଚୁଣ୍ଟ ବିଚାର

^{୧୦} ଏନ୍ତେ ଆଇଙ୍ଗ୍ ମିଆଁଦ୍ ମାରାଙ୍ଗ୍ ପୁଣ୍ଡି ରାଜଗାଦି ଆତଃ ଏନାରେ ମିହୁଡ଼ ଦୁବାକାନ୍ନିଃକେଇଙ୍ଗ୍ ନେଲକିୟା । ଇନିୟାଃ ହେପାଦ୍ହେତେ ଅତେ ଆତଃ ସିର୍ମା ନିର୍ୟାନା ଆତଃ ଇନକିନାଃ ନାଗେନ୍ତେ ଉକ୍ତଃ ନାଙ୍ଗ୍ ଠାୟାଦ୍ କା ନାମୟାନା । ^{୧୧} ଏନ୍ତେ ଆଇଙ୍ଗ୍ ଗଜାକାନ୍କକେ, ମାପୁରାଙ୍ଗକକେ ଆତଃ ହୁପଡ଼ିଙ୍ଗକକେ ପାର୍ମେଶ୍ୱାର୍ଆଃ ରାଜଗାଦି ଆୟାର୍ରେ ତିଙ୍ଗୁଆକାନାଇଙ୍ଗ୍ ନେଲକେଦ୍କଆ । ଆତଃ ପୁଥୁକ ଅଟାଃୟାନା, ଏନ୍ ପୁଥୁକଏତେ ଜୀଦାନ୍ ପୁଥୁ ନୁଡୁମ୍ ମିଆଁଦ୍ ପୁଥୁ ତାଇକେନା । ଏନ୍ ଜୀଦାନ୍ ପୁଥୁରେ ହଡକଆଃ କାମିଉଦାମ୍ ବିଷାଏରେ ଅକ୍ନାଃ ଅଲାଇକାନ୍ ତାଇକେନା, ଏନ୍ ଲେକାତେ ଇନ୍କୁଆଃ ବିଚାର୍ ହବାୟାନା । ^{୧୨} ଏନ୍ତେ ଦରେୟା ଭିତାର୍ରେ ଗଜାକାନ୍ ହଡକ ବିରିଦ୍ୟାନାକ । ଗନଏଃଗାଡ଼ାରେ ଗଜାକାନ୍ ହଡକ ହଗି ବିରିଦ୍ୟାନାକ । ଇନ୍କୁ ସବେନ୍କ ଆକଆଃ ଆକଆଃ କାମିଉଦାମ୍ ଲେକାତେ ବିଚାର୍ୟାନାକ । ^{୧୩} ଏନ୍ତେ ଗନଏଃ ଆତଃ ଗନଏଃ ଗାଡାକେ, ଏନ୍ ହୁଆଙ୍ଗାଡ଼ାରେ ହୁରାଙ୍ଗ୍ ଏଣ୍ଡାୟାନା । ନେ ହୁଆଙ୍ଗାଡ଼ା ହବାଅଃତାନା ବାର୍ସା ଗନଏଃ । ^{୧୪} ଅକନ୍ ହଡକଆଃ ନୁଡୁମ୍ ଜୀଦାନ୍ ପୁଥୁରେ କା ଅଲାଇକାନ୍ ତାଇକେନା, ଇନ୍କୁ ହଗି ସବେନ୍କ ହୁଆଙ୍ଗାଡ଼ାରେ ହୁରାଙ୍ଗାୟାନାକ ।

୨୧

ନାଞ୍ଜା ସିର୍ମା ଆତଃ ନାଞ୍ଜା ଅତେ

^୧ ଏନ୍ତେ ଚୁଣ୍ଟୁରେ ଆଇଙ୍ଗ୍ ନାଞ୍ଜା ସିର୍ମା ଆତଃ ନାଞ୍ଜା ଅତେ ନେଲକେଦାଇଙ୍ଗ୍ । ପାହିଲାରେୟାଃ ଅତେ, ସିର୍ମା ଆତଃ ଦରେୟା କା ନେଲଃୟାନା । ^୨ ଏନ୍ତେ ଆଇଙ୍ଗ୍ ସିର୍ମାରେନ୍ ପାର୍ମେଶ୍ୱାର୍ତାଃଏତେ ପାବିତାର୍ ନାଗାର୍ ଲାଡ଼ାର୍ତେ ଆଡ଼ଗୁଃତାନ୍ ନେଲକେଦାଇଙ୍ଗ୍ । ନେ ପାବିତାର୍ ନାଗାର୍ଗି ନାଞ୍ଜା ଯୀରୁଗାଲେମ୍ ତାନାଃ । କଡ଼ା ନାଗେନ୍ତେ କୁଡ଼ି ଜେ'ଲେକା ସିଙ୍ଗାଅକାନ୍ଗି ତାଇନାଃ, ଏନ୍ଲେକାଗି ନେଆଁ ସାପଡ଼ାଅକାନ୍ ତାଇକେନା । ^୩ ଆତଃ ସିର୍ମାରେୟାଃ ରାଜଗାଦିଏତେ ମିଆଁଦ୍ ଲାବ୍ଜା ଆୟୁମ୍କେଦାଇଙ୍ଗ୍, “ନାହାଁଃଦ୍ ପାର୍ମେଶ୍ୱାର୍ଆଃ ତାଇନଃ ଠାୟାଦ୍ ହଡକ ଆଲାଇରେ ମେନାଃ, ଇନିଃ ଇନ୍କୁଆଃ ଆଲାଇରେ ତାଇନା ଆତଃ ଇନ୍କୁ ଆୟାଃ ହଡକ ହବାଅଃଆକ । ପାର୍ମେଶ୍ୱାର୍ ଇନ୍କୁଲଃ ତାଇନାଏ ଆତଃ ଇନ୍କୁଆଃ ପାର୍ମେଶ୍ୱାର୍ ହବାଅଃଆଏ । ^୪ ଇନିଃ ଇନ୍କୁଆଃ ମେଦ୍ ଦାଆଃ ଜଦେୟାଏ । ଗନଏଃ, ଏୟମ୍, ରାନାଃ, ଆତଃ ହାସୁ ଜେଡ଼ନାଃ କା ହବାଅଃଆ । ସବେନ୍ ମାରିତେୟାଃକ କା ନେଲଃତାନା ।”

^୫ ରାଜଗାଦିରେ ଦୁବାକାନ୍ ହଡ କାଜିକେଦାଏ, “ହେଗି, ଆଇଙ୍ଗ୍ ସବେନାଃକେଇଙ୍ଗ୍ ନାଞ୍ଜାକାଦା ।” ଆତଃ ଇନିଃ ଆଇଙ୍ଗ୍କେ କାଜିକେଦିୟା, “ନେ ସବେନ୍ କାଜି ଅଲ୍କେଦ୍ତେ ଦହେମେ, ଚିଆଃଗି ନେଆଁ ସାର୍ତି ଆତଃ ପାତିୟାର୍ରେୟାଃ ତାନାଃ ।” ^୬ ଆତଃଗି ଇନିଃ କାଜିକେଦିୟାଏ, “କାମି ଚାବାକାନା । ଆଇଙ୍ଗ୍ ସୁରୁଇନିଃ ଆତଃ ଚାବାଏନିଃ, ମୁନୁ ଆତଃ ଚୁଣ୍ଟୁ ଡାନିଙ୍ଗ୍ । ତେତାଙ୍ଗାତାନ୍ନିଃକେ ଜୀଦାନ୍ରେୟାଃ

☆ ୨୧:୧ ୨୧:୧ ୨ ପାଡ଼ରାସ୍ ୩:୧୩. ☆ ୨୧:୭ ୨୧:୭ ଉତ୍କଳ କାଜି ୩:୧୨.

ସେତେଜ୍ଞ ଦାଆଃ ବେଗାର୍ ଗନଜ୍ଞତେ ନୁଁଏ ନାଜ୍ଞ ଏମାଈୟାଈଜ୍ଞ । ୭ ଅକନକ ଜିତାଅଃଆକ, ଆଈଜ୍ଞ ଇନକୁକେ ନେ ନାଲା ଏମାକଆଈଜ୍ଞ, ଆଈଜ୍ଞ ଇନକୁଆଃ ପାର୍ମେଶ୍ଵାର୍ ହବାଅଃଆଈଜ୍ଞ ଆତଃ ଇନକୁ ଆଈୟାଃ ହନକ ହବାଅଃଆକ । ୮ ମେନ୍ଦ ବରଏତାନକ, କା ବିଶ୍ଵାସ୍ତାନକ, ଏତକାନ୍ ଚାଈଲ୍ ଚାଈଲାନକ, ହତ ଗଗଏଃକ, ଆପାଈର୍ କାମିତାନକ, ଦେଅଁଣାତାନକ, ମୁରୁତ୍ ସୁନୁସାରକ, ଆତଃ ହସତ୍ କାଜିତାନକ, ନେ'ଲେକାନ୍ ସବେନ୍ ହତକଆଃ ଠାୟାଦ୍ ହବାଅଃତାନା ଜୁଲିଃତାନ ହୁଆଜ୍ଞାତା । ନେଆଁଗି ଇନକୁଆଃ ବାର୍ସା ଗଗଏଃ ତାନାଃ ।”

ନାଝା ଯାରୁଶାଲେମ୍

୯ ଏୟା ରୁଣ୍ଡୁ ଦୁକୁହାସୁତେ ପେରେଜାକାନ୍ ଏୟା ତୁଭା ସାବାକାଦ୍ ଏୟା ଦୁଁତକଏତେ ମିହୁତ୍ ଆଈଜ୍ଞତାଃତେ ହିଜୁଃକେଦ୍ତେ କାଜିକେଦିୟା, “ହିଜୁଃମେ, ଆଈଜ୍ଞ ନାଝା ଆଣ୍ଡିକାନ୍ କୁଡିକେଈଜ୍ଞ ଉଦୁବାମେୟା, ଇନିଃ ମିଣ୍ଡିହନ୍ଆଃ କୁଡି ତାନିଃ ।” ୧୦ ଏନ୍ତେ ପାବିତାର୍ ଆମ୍ନା ଆଈଜ୍ଞକେ ଆକ୍ତେୟାରକିଦିୟା ଆତଃ ଦୁଁତ୍ ଆଈଜ୍ଞକେ ମିଆଁଦ୍ ମାରାଜ୍ଞ ସାଲାଜ୍ଞି ରୁରୁ ରୁଟିତେ ଇଦିକିଦିୟା, ଇନିଃ ଆଈଜ୍ଞକେ ପାବିତାର୍ ନାଗାର୍ ଯାରୁଶାଲେମ୍କେ ଉଦୁବାଦିୟା । ଆଈଜ୍ଞ ଏନ୍ ନାଗାର୍କେ ପାର୍ମେଶ୍ଵାର୍ତାଃଏତେ ସିର୍ମାଏତେ ଆଡ଼ଗୁଃତାନ୍ ନେଲ୍କେଦାଈଜ୍ଞ । ୧୧ ଏନ୍ ନାଗାର୍ ପାର୍ମେଶ୍ଵାର୍ଆଃ ମାନାରାଜ୍ଞରେ ଚାମକାଅଃ ତାଈକେନା, ଏନାରେୟାଃ ମାର୍ସାଲ୍ ପୁରାଃ ଗନଜ୍ଞଆଁନ୍ ମତି ଆତଃ ସିର୍ମାଃ ନିରାଲ୍ ଆଏନା ଲେକା ଝାଲ୍ସାଃଅ ତାଈକେନା । ୧୨ ଏନାରେ ମିଆଁଦ୍ ମାରାଜ୍ଞ ସାଲାଜ୍ଞି ପାବ୍ରି ତାଈକେନା । ଏନାରେ ଗେଲ୍ବାର୍ ଦୁଆର୍ ତାଈକେନା, ଏନାକେ ଗେଲ୍ବାର୍ ଦୁଁତକ ହରତାଈକେନାକ ଆତଃ ଏନ୍ ଦୁଆର୍ ଚେତାନରେ ଇସ୍ରାଏଲ୍ ହତକଆଃ ଗେଲ୍ବାର୍ କିଲିକଆଃ ନୁତୁମ୍ ଅଲାକାନ୍ ତାଈକେନା । ୧୩ ଆତଃ ଏନ୍ ପାବ୍ରିରେୟାଃ ଉପୁନ୍ସାଃରେ ଆପିୟା ଦୁଆର୍ ତାଈକେନା, ପୁରାବ୍ସାଃରେ ଆପିୟା ଦୁଆର୍, ଉଭାର୍ସାଃରେ ଆପିୟା ଦୁଆର୍, ଦାକ୍ଷିଣ୍ଡାଃରେ ଆପିୟା ଦୁଆର୍, ପାଶ୍ଚିମ୍ସାଃରେ ଆପିୟା ଦୁଆର୍ ତାଈକେନା । ୧୪ ନାଗାର୍ରେୟାଃ ନେ ପାବ୍ରି ଗେଲ୍ବାର୍ ଦିରିତେ ବାଈୟାକାନ୍ ନିହଁଗାଡ଼ା ତାଈକେନା ଆତଃ ଏନ୍ ନିହଁଗାଡ଼ା ଚେତାନରେ ମିଣ୍ଡିହନ୍ଆଃ ଗେଲ୍ବାର୍ ପ୍ରେରିତକଆଃ ନୁତୁମ୍ ଅଲାକାନ୍ ତାଈକେନା । ୧୫ ଆଈୟାଃଲଃ ଜାଗାର୍ତାନ୍ ଦୁଁତଆଃ ଡିଃଇରେ ନାଗାର୍, ପାବ୍ରି ଆତଃ ଦୁଆରକକେ ସଜ୍ଞଏ ନାଗେନ୍ତେ ମିଆଁଦ୍ ସୋନାରାଃ ସଜ୍ଞଏ ସଟା ତାଈକେନା । ୧୬ ଏନ୍ ନାଗାର୍ରେୟାଃ ଚାରିୟସାଃ ମିଦ୍ଗି ତାଈକେନା, ଏନାରାଃ ଚାକାର୍ ଆତଃ ଜିଲିଜ୍ଞ ମିଦ୍ଗି ତାଈକେନା । ଦୁଁତ୍ ଆୟାଃ ସଜ୍ଞଏ ସଟାତେ ନାଗାର୍କେ ସଜ୍ଞକେଦା । ଏନାରେୟାଃ ଚାକାର୍ ୨,୪୦୦ କିଲୋମିଟର୍ ତାଈକେନା । ଏନାରେୟାଃ ଜିଲିଜ୍ଞ ଆତଃ ସାଲାଜ୍ଞି ଚାକାର୍ଲଃ ମିଦ୍ଗି ତାଈକେନା । ୧୭ ଦୁଁତ୍ ଏନ୍ ପାବ୍ରିରେୟାଃ ସାଲାଜ୍ଞି ହଗି ସଜ୍ଞକେଦାଏ, ଏନା ୬୦ ମିଟର୍ ତାଈକେନା । ୧୮ ଏନ୍ ପାବ୍ରି ପୁରାଃ ଗନଜ୍ଞଆଁନ୍ ଝାକ୍ମାକ୍ ଦିରିତେ ବାଈୟାକାନ୍ ତାଈକେନା, ଏନ୍ତେ ଏନ୍ ନାଗାର୍ ଫାବ୍ରି ସୋନା ଆତଃ କାଁତେ ବାଈୟାକାନ୍ ତାଈକେନା । ୧୯ ନାଗାର୍ରେୟାଃ ଚାରିୟସାଃରେ ତାଈକାନ୍ ପାବ୍ରିରେୟାଃ ନିହଁଗାଡ଼ାରେ ସବେନ୍ ଲେକାନ୍ ଗନଜ୍ଞଆଁନ୍ ଦିରିତେ ସିର୍ମାଅକାନ୍ ତାଈକେନା । ପାହିଲା ନିହଁଗାଡ଼ା ହିରାତେ, ଏଗାଃ ନିହଁଗାଡ଼ା ମଣିତେ, ଆପିୟାତେୟାଃ ରାଜ୍ଞବିରାଜ୍ଞ ଗନଜ୍ଞଆଁନ୍ ଦିରିତେ, ଉପୁନ୍ସାତେୟାଃ ଝାଲ୍କାଅଃତାନ୍ ହାରିୟାର୍ ଦିରିତେ ବାଈୟାକାନ୍ ତାଈକେନା । ୨୦ ମଣେୟାତେୟାଃ ପୁଲକ୍ ମଣିତେ, ତୁରିୟାତେୟାଃ ମାଣିକ୍ୟ ମଣିତେ, ଏୟାତେୟାଃ ପୁଷ୍ପରାଗ୍ ମଣିତେ, ଇରାଲିୟାତେୟାଃ ଫିରୋଜ୍ ମଣିତେ, ଅରେୟାତେୟାଃ ଗୋମେଦକ୍ ମଣିତେ, ଗେଲେୟାତେୟାଃ ଲଶୁନୀୟ ମଣିତେ, ଗେଲ୍ମିଆଁଦ୍ ଇନ୍ଦୁନିଲ୍ ମଣିତେ ଆତଃ ଗେଲ୍ବାର୍ତେୟାଃ ବୁଗିନ୍ସହାନ୍ ମଣିତେ ବାଈୟାକାନ୍ ତାଈକେନା । ୨୧ ଗେଲ୍ବାର୍ ଦୁଆର୍ ତାଈକେନା ଆତଃ ଗେଲ୍ବାର୍ ମୋଡି ତାଈକେନା । ମିମିଆଦ୍ ଦୁଆର୍, ମିମିଆଦ୍ ମୋଡିତେ ବାଈୟାକାନ୍ ତାଈକେନା, ନାଗାର୍ରେୟାଃ ହରା ଫାବ୍ରି ସୋନା ଆତଃ କାଁତ୍ ଲେକା ସୁଗାଡ଼ାନ୍ଗି ବାଈୟାକାନ୍ ତାଈକେନା ।

୨୨ ଆଈଜ୍ଞ ନାଗାର୍ରେ ଜେତାନ୍ ମାହିର୍ କାଈଜ୍ଞ ନେଲ୍କେଦା, ଚିୟାଃଟି ପୁରାଃ ପେଡ଼େୟାନ୍ ପ୍ରାଭୁ ପାର୍ମେଶ୍ଵାର୍ ଆତଃ ମିଣ୍ଡିହନ୍ ଏନାରେନ୍ ମାହିର୍ ତାନ୍କିନ୍ । ୨୩ ଏନ୍ ନାଗାର୍କେ ମାର୍ସାଲେ ନାଗେନ୍ତେ ଏନ୍ତାଃରେ ସିଜ୍ଞି ଚାଏ ଚାଣ୍ଡୁ କା ଲାଗାଡିଜ୍ଞୟାଃ, ଚିୟାଃଟି ପାର୍ମେଶ୍ଵାର୍ଆଃ ମାନାରାଜ୍ଞରେ ଏନା ମାର୍ସାଲ୍ତାନା ଆତଃ ମିଣ୍ଡିହନ୍ ଏନାରେୟାଃ ଦିମି ତାନିଃ । ୨୪ ଅତେରେନ୍ ସବେନ୍ ହତକ ଇନିୟାଃ ମାର୍ସାଲ୍ରେ ହିଜୁଃସେନଃ ରିକାଏୟାକ । ଅତେଦିଶ୍ଵମ୍ରେନ୍ ରାଜାକ ଆକଆଃ ମାନାରାଜ୍ଞକେ ପାର୍ମେଶ୍ଵାର୍ତାଃକ ଆଉଈୟା । ୨୫ ନାଗାର୍ରେୟାଃ ସବେନ୍ ଦୁଆରକ ସବେନ୍ ଇମ୍ତା ନିଜାକାନ୍ଗି ତାଈନା । ଏନା ଚିଉଲାଅ କା ହାଣ୍ଡେଦଃଆ, ଚିଆଃଟି ଏନ୍ତାଃରେ ଚିଉଲାଅ କା ନୁବାଗଃଆ । ୨୬ ସବେନ୍ ଦିଶ୍ଵମ୍ରେନ୍ ମାନାରାଜ୍ଞ ଆତଃ ମାଈନାନ୍ ନେ ନାଗାର୍ରେ ହିଜୁଃକେଦ୍ତେ ମିଦ୍ତାଃରେ ହୁଣ୍ଡିୟଃଆ ।

୨୭ ଜେତାନ୍ ସତ୍ରାକାନ୍ତେୟାଃକ ନେ ନାଗାର୍ତ୍ତେ କା ଆଉଅଥା । ହିଲାଙ୍ଗାଥ ଲେକା କାଜିକାମିତାନ୍କ ଆତଃ ହସତ୍ କାଜିତାନ୍କ, ଜେତାଏ ନେ ନାଗାର୍ କାକ ବଲ ଦାଡ଼ିୟା । ଅକନ୍କଆଃ ନୁତୁମ୍ ମିଶ୍ରିହନ୍ଥାଃ ଜୀଦାନ୍ ପୁଥ୍ରେ ଅଲ୍ଲାନା, ଇନ୍କୁ ଏସକାର୍ ନେ ନାଗାର୍ତ୍ତେ ବଲ ଦାଡ଼ିୟାକ ।

୨୨

୧ ଏନ୍ତେ ଏନ୍ ଦୁଡ୍, ନାଞ୍ଜା ଅତେଦିଶ୍ୱମ୍ରେ ଜୀଦାନ୍ ଦାଆଃରାଃ ଗାଡ଼ାଏ ଉଦୁବାଦିୟା, ଏନା ଫାର୍ତି ଆତଃ ନିରାଲ୍ଗି ତାଇକେନା । ନେ ଗାଡ଼ା ପାର୍ମେଶ୍ୱାର୍ଆଃ ଆତଃ ମିଶ୍ରି ହନ୍ଥାଃ ରାଜଗାଦିହେତେ ଅତଙ୍ଗକେଦ୍ତେ, ୨ ନାଗାର୍ତ୍ତେୟାଃ ଆଲ୍ଲା ମାଲ୍ଲା ହରାରେ ଲିଙ୍ଗିୟଃତାନା । ଗାଡ଼ାରେୟାଃ ବାରାନ୍ ସାଃରେ ଜୀଦାନ୍ରେୟାଃ ଦାରୁକ ତାଇକେନା, ଏନା ବାରାଷ୍ରେୟାଃ ମିପିଆଦ୍ ମାହୁଁନାରେ ଚାଏ ମିଦ୍ ବାରାଷ୍ରେ ଗେଲ୍ବାର୍ସାଃ ଜ'ଜଅଥା, ଆତଃ ଏନାରେୟାଃ ସାକାମ୍ତେ ହାସୁ ଦୁକୁଃତାନ୍ ହତକ ବୁଗିୟଃଥା । ୩ ପାର୍ମେଶ୍ୱାର୍ଆଃ ହରାତେ ସାର୍ପାଅକାନ୍ ଜେତାନ୍ ବିଷାଏ ଏନ୍ ନାଗାର୍ତ୍ତେ କା ନେଲଃଥା । ପାର୍ମେଶ୍ୱାର୍ ଆତଃ ମିଶ୍ରି ହନ୍ଥାଃ ରାଜଗାଦି, ଏନ୍ ନାଗାର୍ତ୍ତେ ତାଇନାଃ ଆତଃ ଏନ୍ତାଃରେ ଆୟାଃ ଦାସିକ ଇନିୟାଃ ସୁନୁସାର୍ ରିକାୟା । ୪ ଇନ୍କୁ ଇନିୟାଃ ମେଦ୍ମୁହାଡ୍ ନେଲେୟା ଆତଃ ଇନ୍କୁଆଃ ମଲ୍ଲଙ୍ଗରେ ଇନିୟାଃ ନୁତୁମ୍ ଅଲ୍ଲଥା । ୫ ଏନ୍ତାଃରେ କା ନୁବାଗଥା ଆତଃ ଦିମି ଚାଏ ସିଙ୍ଗିରାଃ ମାର୍ସାଲ୍ଲ ଇନ୍କୁଆଃ ଲାଗାଡିଙ୍ଗ କା ହବାଅଥା, ଚିୟାଃଚି ପ୍ରାଭୁ ପାର୍ମେଶ୍ୱାର୍ ଇନ୍କୁଆଃ ମାର୍ସାଲ୍ଲ ହବାଅଥାଏ ଆତଃ ଇନ୍କୁ ଜାନାଅ ଜାନାଅ ରାଜା ଲେକାକ ରାଇଜେୟା ।

ୟାଶୁଆଃ ହିନିକୁଃ ରୁହାଡ୍

୬ ଦୁଡ୍ ଆଇଙ୍ଗକେ କାଜିକେଦିୟା, “ନେ ସବେନ୍ କାଜିକ ସାର୍ତି ଆତଃ ପାଡିୟାର୍ତ୍ତେ ଲେକାନାଃ ତାନାଃ । ଅକ୍ନାଃକ ଜାଲ୍ଦିଗି ହବାଅଥା, ଏନା ଆୟାଃ ଦାସିକକେ ଉଦୁବ୍କ ନାଗେନ୍ତେ ନାବୀକକେ ଆମିକ୍ ସେଣାଁ ଏମାକତାନ୍ ପ୍ରାଭୁ ପାର୍ମେଶ୍ୱାର୍ ଆୟାଃ ଦୁଡ୍କେ କୁଲ୍ଲାଇଜା ।”

୭ ଯାଶୁ କାଜିତାନାଏ ଆୟୁମେପେ, “ଆଇଙ୍ଗ ଜାଲ୍ଦିଗିଇଙ୍ଗ ହିଜୁଃତାନା, ଅକନ୍କ ନେ ପୁଥ୍ରେ ଉଦୁବ୍କାନ୍ ଆୟାର୍କାଜିକେ ମାନାଡିୟାଃକ, ଇନ୍କୁ ସୁକୁତାନ୍ରିୟାକ ।”

୮ ଆଇଙ୍ଗ ଯୋହାନ୍, ନେ ସବେନାଃ ଆଇଙ୍ଗି ଆୟୁମାକାଦାଇଙ୍ଗ ଆତଃ ନେଲ୍ଲାଇଦାଇଙ୍ଗ । ଆଇଙ୍ଗ ଆୟୁମକେଦ୍ତେ ନେଲ୍ଲକେଦ୍ ତାୟମ୍ତେ, ଅକ ଦୁଡ୍ ଆଇଙ୍ଗତାଃରେ ଏନାଏ ଉଦୁବ୍କେଦା, ଆଇଙ୍ଗ ଇନିୟାଃ କାଟାସୁବାରେ ଅମ୍ବାଃକେଦ୍ତେ ସୁନୁସାର୍ ନାଙ୍ଗ୍ ସେନ୍ ତାଇକେନାଇଙ୍ଗ । ୯ ମେନ୍ଦ୍ ଇନିଃ କାଜିକିୟାଏ, “ଏନ୍ଲେକା ଆଲ୍ମ୍ ରିକାଏୟା ଚିଆଃଚି ଆଇଙ୍ଗ୍ ଆମାଃ ଲେକା ମିହୁଡ୍ ତାନିଙ୍ଗ । ଆମାଃ ଅକ ହାଗାକ, ନାବୀତାନ୍କ ଆତଃ ଅକ ସବେନ୍କ, ନେ ପୁଥ୍ରେୟାଃ କାଜି ଲେକା ମାନାଡିଙ୍ଗ ତାନ୍କଆଃ ଗାଡିଦାସି ତାନିଙ୍ଗ । ପାର୍ମେଶ୍ୱାର୍ଆଃ ସୁନୁସାର୍ ରିକାଇପେ ।” ୧୦ ଇନିଃ ଆଇଙ୍ଗକେ ଆତଃଚି କାଜିକେଦିୟା, “ନେ ପୁଥ୍ରେୟାଃ ଆୟାର୍କାଜିକକେ ଆଲ୍ମ୍ ଉକୁଇୟା, ଚିୟାଃଚି ନେ ସବେନାଃ ହବାଅଃରେୟାଃ ନେତା ନାଡେଃୟାନ୍ରିୟା । ୧୧ ଏନାମେନ୍ତେ ନେ କାଜି ସାରିକେଦ୍ତେ, ଅକଏକେ ଚିଲ୍ଲକା ସାନାଙ୍ଗ୍ ଏନ୍ଲେକାଗି ରିକାଏକା । ଏଡକାନ୍ କାମିତାନ୍ ହତ୍ ଆତଃଚି ଏଡକାନ୍ କାମିକାଏ, ସତ୍ରାକାନ୍ ହତ୍ ସତ୍ରାକାନ୍ଗି ତାଇନକା, ଧାର୍ମାନ୍ ହତ୍ ଆତଃଚି ଧାରାମ୍ କାମି କାମିକାଏ, ପାବିତାର୍ ହତ୍ ଆତଃଚି ପାବିତାର୍ତ୍ତେକା ।”

୧୨ ଯାଶୁ କାଜିତାନାଏ, “ଆୟୁମେପେ, ଆଇଙ୍ଗ ମିପିଆଦ୍ ହତକକେ ଆକଞ୍ଜା କାମିରେୟାଃ ଗନଙ୍ଗ୍ ଏମାକ ନାଗେନ୍ତେ ନାଲ୍ଲା ସାବ୍କେଦ୍ତେ ଜାଲ୍ଦିଗିଇଙ୍ଗ ହିଜୁଃତାନା । ୧୩ ଆଇଙ୍ଗ୍ ସୁରୁଇନିଃ ଆତଃ ଚାବାଏନିଃ, ମୁନୁ ଆତଃ ଚୁଣ୍ଡ ତାନିଙ୍ଗ ।”

୧୪ ଅକନ୍କ ଆକଆଃ ଆପନାଃ ଲିଜାଃ ସାଫାକାଦାକ, ଇନ୍କୁ ସୁକୁତାନ୍ରିୟାକ । ଜୀଦାନ୍ ଦାରୁରେୟାଃ ଜ ଜମେ ନାଗେନ୍ତେ ଆତଃ ଦୁଆର୍ ହରାତେ ବଲ ନାଙ୍ଗ୍ ଇନ୍କୁଆଃ ଆକ୍ତେୟାର୍ ମେନାଃ । ୧୫ ମେନ୍ଦ୍ ଏଡକାନ୍ ଚାଲ୍ଲ ଚାଲ୍ଲାନକ, ଦେଅଁଣାତାନ୍କ, ହତ୍ ଗଗଏଃକ, ମୁରୁଡ୍ ସେଞ୍ଜାତାନ୍କ, ହସତ୍ ହତକ, ବେଦାତାନ୍କ, ଆତଃ ନେ ସବେନାଃ ଦୁଲ୍ଲାଡ୍ତାନ୍ ସବେନ୍ ହତକ ନାଗାର୍ତ୍ତେୟାଃ ବାହାରିରେ ତାଇନାକ ।

୧୬ “ଆଇଙ୍ଗ୍ ଯାଶୁ, କାଲିସିୟାକରେ ଆପେୟାଃ ବୁଗିନାଃ ନାଗେନ୍ତେ ନେ ସବେନ୍ ବିଷାଏକ ଉଦୁବେ ନାଙ୍ଗ୍ ଆଇଁୟାଃ ଦୁଡ୍କେ କୁଲ୍ଲାଇଜାଇଙ୍ଗ । ଆଇଙ୍ଗ୍ ଦାଉଦ୍ଆଃ କିଲିରେନ୍, ଆତଃ ଏନ୍ ଜୁଲ୍ଲତାନ୍ ଜନଃଇପିଲ୍ ତାନିଙ୍ଗ ।”

୧୭ ପାବିତାର୍ ଆମ୍ ଆତଃ ଏନ୍ ନାଞ୍ଜା ଆଶ୍ୱଦିକାନ୍ କୁଡି କାଜିତାନାକିନ୍, “ହିଜୁଃମେ,” ନେ କାଜି ଆୟୁମତାନ୍ ସବେନ୍କ କାଜିୟାକ, “ହିଜୁଃମେ,” ଜେତାଏ ତେତାଙ୍ଗ୍ତାନ୍ନିଃ ହିଜୁଃକାଏ । ଜୀଦାନ୍ରେୟାଃ ଦାଆଃ ନୁଏ ନାଗେନ୍ତେ ଅକଏ ସାନାଙ୍ଗ୍ତାନ୍ନିଃ ହିଜୁଃକେଦ୍ତେ ବେଗାର୍ ଗନଙ୍ଗ୍ତେ ନୁଏକା ।

☆ ୨୨:୧୩ ୨୨:୧୩ ଉତ୍କଳ କାଜି ୧:୮; ଉତ୍କଳ କାଜି ୧:୧୭; ୨:୮.

ଚୁଣ୍ଡ କ୍ଳାଜି

^{୧୮} ଆଇଁଠା ଯୋହାନ, ନେ ପୁଅରେ ଅଲକାନ୍ ସବେନ୍ ଆୟାରକାଜି କାଜିକାନ୍ତେୟାଃକେ ଅକନ୍କ ଆୟୁମେୟାକ, ଇନ୍କୁକେ ଆଇଁଠା ତେତାଅକ ତାନାଇଁଠା, ଜେତାଏ ନେ ପୁଅରେୟାଃ ଅନଲ୍ରେ ଜେତ୍ନାଃ ମେସାଏ ରେଦ, ପାରମେଶ୍ୱାର ନେ ପୁଅରେ ଅଲକାନ୍ ଦୁକୁହାସୁକଏ ଏମାକଆ, ମେନ୍ତେ ସାରୁଦ୍ ଏମେତାନାଇଁଠା । ^{୧୯} ଆତଃ ନେ ପୁଅରେ ଅଲକାନ୍ ଆୟାରକାଜିକଏତେ ଜେତାଏ ଜେତ୍ନାଃ ଆତ୍ମେରେଦ, ପାରମେଶ୍ୱାର ଇନିଃକେ ନେ ପୁଅରେ ଅଲକାନ୍ ଜୀଦାନ୍ ଦାରୁରେୟାଃ ଜ'ହେତେ ଆତଃ ପାବିତାର ନାଗାରହେତେ ହିଗାଡ଼ିୟା ।

^{୨୦} ନେ ସବେନ୍ ବିଷାଏରେୟାଃ ଗାଞ୍ଜା ଏମ୍ତାନନିଃ କାଜିତାନାଏ, “ନେଆଁ ସାର୍ତ୍ତିଗି ହବାଅଃଗିୟା । ଆଇଁଠା ସାର୍ତ୍ତିଗି ଜାଲ୍ଦିଗିଇଁଠା ହିଜୁଃଆ ।” ଏନାଗି ହବାଅଃକା । ହେ ପ୍ରାଭୁ ଯାଶୁ, ହିଜୁଃମେ । ^{୨୧} ପ୍ରାଭୁ ଯାଶୁଆଃ ସାୟାଦ୍ ମିମିଆଦ୍ ସବେନ୍କ ଆଟ୍‌କାରେପେ । ଆମେନ୍ ।